


ପୁସ୍ତକି ମଢ଼େରା



The New Testament in the Kuvi language of India: ପୁସ୍ତକି ମଢ଼େରା

(Bible)

ପୁସ୍ତକ ଶିକ୍ଷା

The New Testament in the Kuvi language of India: ପୁସ୍ତକ ଶିକ୍ଷା (Bible)

copyright © 2020 The Word for the World International

Language: କୁବି (Kuvi)

Contributor: The Word for the World International

ପୁସ୍ତକ ଶିକ୍ଷା, କୁବି ପୁସ୍ତକ ଶିକ୍ଷା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

PDF generated using Haiola and XeLaTeX on 13 Jul 2024 from source files dated 13 Apr 2023
081337bf-dba3-542b-bc85-280acfb14d33

Contents

ମାତିତ୍ୱ	1
ମାର୍କ	54
ଲୁକ	87
ଜହନ	140
କାମା	180
ରମିତ୍ୱ	228
ଝକରନ୍ତ	250
ଞକରନ୍ତ	270
ଗାଲାତିୟ	283
ଏପିସ୍ତ	291
ପିଲିପି	298
କଲସିୟ	304
୨ତେସଲନିକ	309
୧ତିମତି	312
୨ତିମତି	318
ତିତସ	323
ପିଲିମନ	326
ଏବ୍ରୁ	328
ଜାକୁବ	344
୧ପିତର	350
୨ପିତର	357
୧ଜହନ	361
୨ଜହନ	367
୩ଜହନ	369
ଜୀହୁଦା	371
ଝେକ୍ସି ରଲୁ	373

ମାଥୁତ ଲିଖିତ ସୁସମାଚାର ମାତିୟୁ ରାଜାମାନି ନେହଁ କାବୁ ମୂଲୁ ହାଡ଼ା

ପୁଃନି ମୋରାତି ସାରିଗଗା ନେହଁ କାବୁ ପତିୟାଁ ବିତାଟି ମାତିୟୁ ରାଜାମାନି ନେହଁ କାବୁ ଜୀସୁ କ୍ରୀସ୍ତ ଜାହୁତି କାତା ରାସ୍ତି ଆହାମାନେ । ଇ ସାରିଗଗା ପତିୟାଁଇ ନେହଁ କାବୁ ଇନେରି । ଏ ପତିୟାଁ ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଜାମାନେରି । ମାତିୟୁ ରାଚିତି ନେହଁ କାବୁ ଏଚେଲା ରାସ୍ତି ଆହାମାନେ ଇଞ୍ଜିଁ ବୁଦିଗାଗାରି ପୁଞ୍ଜାହିଲାଆତି ଜିକେଏ, ଇଦି ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ସା ତାୟୁ ରାସ୍ତି ଆହାମାନେ, ଅଡ଼େ ଆମିନି ଚାୟୁତା ରାସ୍ତି ଆହାମାନେ, ଆମ୍ବାଆରି ପୁଞ୍ଜାହିଲଅରି, ଇ ନେହଁ କାବୁତି ପତି, ପାଲେସ୍ତାୟିନି ଦେସାତି ଜିରୁସାଲମ ଗାଡ଼ାତା ରାସ୍ତି ଆହାମାନେ ।

ଜୀସୁ ମାତିୟୁଇଁ ତାନି ସୀସୁ ଆହାଲି ହାଡ଼ିତି ନଚେଏ ମାତିୟୁ ର ସିସୁ ରୁହନାସି ମାଚେସି, ଇଞ୍ଜାଁ ତାନି ଅଡ଼େ ର ଦରୁ ଲେବି ମାଚେ, ଏଞ୍ଜାସି ବାଉଜାଣା ବିତାଟି ରଅସି ମାଚେସି, ଏଞ୍ଜାସି ଜୀହୁଦି ଲକୁଡାକି ଇ କାବୁ ରାଜାମାନେସି । ଜୀହୁଦିୟାଁ ଜୀସୁଇଁ, ଇ ରାଜିତା ସାଲଞ୍ଜି କିନି ରାଜା ଇଞ୍ଜିଁ ଅଣ୍ଡିମାଚେରି, ସାମା ମାତିୟୁ ଏ ନାମୁତି ବାଦଲି କିହାନା ରାଜାମାନେସି; ଜୀସୁ ଦାଉଡିତି ରାଜି ଆଏ, ସାମା ଲାକପୁରୁ ଜୀହୁତି ରାଜି କାତା ଝେସିହଁ ଜାଗ୍ରାତା କିହାଁ ଝେସାମାନେସି, ମାହାପୁରୁ ଆଡ଼ିତି ଗେଲପିକିନି ରାଜା, ଆମିନି ଗାଟାଣି ତାକି ପୁଃଈ ମୋରାତି ଦାମ୍ବୁ ପତିତା ମାହାପୁରୁ ବଲୁ ଝେହନାରି ଝେସାମାନେରି, ଇଞ୍ଜିହଁ ପୁଣ୍ଡି କିହାଲି ଅଣ୍ଡିମାଚେସି, ଇ ଆକୁତା ମାହାପୁରୁ ରାଜିତି କାତା ହାଡ଼େକା ଝେସିମାନେସି ।

ମାତିୟୁ ରାଚିତି ନେହଁ କାବୁ ପୁଃନି ମୋରାତି ମୂଲୁ ପତି ଇଞ୍ଜିଁ ତଞ୍ଜା ଆହାମାନେ, ଇତିହଁ ପୁଃଈ ମୋରାତି ମାହାପୁରୁ ବଲୁ ହାଡ଼େକା ରାସ୍ତି ଆହାମାନେ, ଇ ପତି ପୁଃଈ ମୋରା ପୁଃନି ମୋରା ତଲେ ଆଣ୍ଡାମାନେ, ଝେଡ଼ା ହପୁଞ୍ଜାକିତି ସପୁରୁନାରି ଝେସିମାନେରି, ମାତିୟୁ ତାନି ଆକୁତା ମସାତି ମୋରା ପାରିନାୟି । ହରୁଲେକ ଜୀସୁ ଜାପୁନାୟି ମାତି ୫:୬, ମାହାପୁରୁ ମସାକି ହରୁଲେକ ମୋରା ହାନାୟି ଝେ ମୋରା ୧୯:୩; ୨୩-୩୩ ।

ପତିବା ମାନାୟି

- ୧. ଜୀସୁ କ୍ରୀସ୍ତ ଜାର୍ନା ଅଡ଼େ ତାନି ସେବା କାମା । ୧:୧-୪:୨୫
- ୨. ଜୀସୁ କ୍ରୀସ୍ତ ସେବା ଅଡ଼େ ତାନି ଜାପୁନାୟି । ୫:୧-୨୫:୪୭
- ୩. ଜୀସୁ କ୍ରୀସ୍ତ ହାନାୟି ଅଡ଼େ ଝେଣ୍ଡେ ନିଜିନାୟି । ୨୬:୧-୨୮:୨୦

ଜୀସୁ କ୍ରୀସ୍ତ ଆକୁ ଆବାୟାଁ
(ଲୁକ ୩:୨୩-୩୮)

- ୧ ଅବ୍ରାହାମ ମୀରୁସସି ଅଡ଼େ ଦାହୁଦତି ମୀରୁସସି ଜୀସୁ କ୍ରୀସ୍ତ କୃତା ।
- ୨ ଅବ୍ରାହାମ ମୀରୁସସି ଇସାହାକ, ଇସାହାକ ମୀରୁସସି ଜାକୁବ, ଜାକୁବ ମୀରୁସସି ଜୀହୁଦା ଇଞ୍ଜାଁ ତାନି ତାୟିୟାଁ, ୩ ଜୀହୁଦା ଅଡ଼େ ତାନାର ମୀରୁସସି ପେରସ ଅଡ଼େ ଜେରହ, ପେରସ ମୀରୁସସି ହେସ୍ରାଶ, ହେସ୍ରାଶ ମୀରୁସସି ଅରାମ, ୪ ଅରାମ ମୀରୁସସି ଅମିନାଦାବ, ଅମିନାଦାବ ମୀରୁସସି ନହସନ, ନହସନ ମୀରୁସସି ସଲମନ, ୫ ସଲମନ ଅଡ଼େ ରାହାବ ମୀରୁସସି ବୟାଜ, ବୟାଜ ଅଡ଼େ ରୁତ ମୀରୁସସି ଅବେଦ, ଅବେଦ ମୀରୁସସି ଜସି ।
- ୬ ଜସି ମୀରୁସସି ଦାହୁଦ ରାଜା, ଦାହୁଦ ଅଡ଼େ ଉରିୟ ଡକ୍ରିନି ତାଣାଟି ସଲମନ ଜାର୍ନା ଆଡେସି,
- ୭ ସଲମନ ମୀରୁସସି ରିହବୟାମ, ରିହବୟାମ ମୀରୁସସି ଅବିୟ, ଅବିୟ ମୀରୁସସି ଅସା, ୮ ଅସା ମୀରୁସସି ଜିହସାପାଟ୍, ଜିହସାପାଟ୍ ମୀରୁସସି ଜରାମ, ଜରାମ ମୀରୁସସି ଉଜିୟ, ୯ ଉଜିୟ ମୀରୁସସି ଜତମ୍, ଜତମ୍ ମୀରୁସସି ଆହାଜ, ଆହାଜ ମୀରୁସସି ହିଜକିୟ, ୧୦ ହିଜକିୟ ମୀରୁସସି ମନସି, ମନସି ମୀରୁସସି ଆମନ, ଆମନ ମୀରୁସସି ଜସିୟ, ୧୧ ଇସ୍ରାୟେଲଇଁ ବାବିଲନ ଦେସାତା ଦସାନା ଅନି ବେଲାତା ଜସିୟ ମୀରୁକା ଜିକନିୟ ଇଞ୍ଜାଁ ତାନି ତାୟିୟାଁ ଜାର୍ନା ଆଡେରି ।
- ୧୨ ବାବିଲନତା ଅଞ୍ଜିଆଡ଼ି କେତ ଜିକନିୟ ସଲ୍ଡିୟେଲଇଁ ଜାନି କିତେସି, ସଲ୍ଡିୟେଲ ମୀରୁସସି ଜିରୁବାବେଲ, ୧୩ ଜିରୁବାବେଲ ମୀରୁସସି ଅବିହୁଦ, ଅବିହୁଦ ମୀରୁସସି ଏଲିୟାକିମ, ଏଲିୟାକିମ

ମାର୍ବସି ଅସର, ୧୪ ଅସର, ମାର୍ବସି ସାଦକ, ସାଦକ ମାର୍ବସି ଆକିମ, ଆକିମ ମାର୍ବସି ଏଲିହୁଦ, ୧୫ ଏଲିହୁଦ ମାର୍ବସି ଏଲିୟାଜର, ଏଲିୟାଜର ମାର୍ବସି ମତାନ, ମତାନ ମାର୍ବସି ଜାକୁବ, ୧୬ ଜାକୁବ ମାର୍ବସି ମରିୟମନି ତକ୍ତା ଜସେପ, ଇ ମରିୟମନି ବାଣ୍ଟିଟି ଜୀସୁ ଜାର୍ନା ଆଡେସି, ଏଞ୍ଜାଣାଲ୍ କ୍ରୀସୁ ଇଣ୍ଡି ଆହୁମାନେ ।

୧୭ ଇଲେଆହୁଁ ଅବ୍ରାହାମ ତାଣ୍ଟାଟିଏ ଦାଫୁଦ ପାତେକା ସଦ ଜାଣା ଆକୁୟାଁ, ଅଡେ ଦାଫୁଦ ତାଣ୍ଟାଟିଏ ବାବିଲନ ଅଢିଆଡି ପାତେକା ସଦ ମାଣ୍ଡି, ଇଞ୍ଜା ବାବିଲନ ଅଢିଆଡି ତାଣ୍ଟାଟିଏ ଜୀସୁ କ୍ରୀସୁଟି ଜାର୍ନା ପାତେକା ସଦ ମାଣ୍ଡି ।

ଜୀସୁ କ୍ରୀସୁଟି ଜାର୍ନା ଆନାୟି
(ଲୁକ ୧:୨୭-୩୮; ୨:୧-୭)

୧୮ *ଜୀସୁ କ୍ରୀସୁଟି ଜାର୍ନା ଇଲେକଁ ଆଡେ । ତାମି ଇୟା ମରିୟମ ଅଡେ ଜସେପ ତଲେ ବୀହା ଆହାଲି ରାସ୍ପି ଆହାମାଟି ଜେଟ, ଏଢି କାଲୁଢି ଆଆ ନକେଏ, ଏଦି ସୁଦୁଜୀସୁ ତଲେ ପୁରାମାସା ଆହାମାନେ ଇଞ୍ଜୁଁ ପୁଣ୍ଡି ଆଡେ । ୧୯ ଏଚେଟିଏ ତାନି ତକ୍ତା ଜସେପ ର ଦାମ୍ବୁ ଲକ୍ଷୁ ମାଟାକି, ଇଞ୍ଜା ଏଦାଣି ଲକ୍ଷୁ ନକିତା ଦହ ଗାଟାୟି ଇଞ୍ଜୁଁ ତହୁଆପେଏଁ ଇଞ୍ଜୁଁ ଏଦାନି ତୁକୁହାନା ପିସାଲି ତୀରି କିଡେସି । ୨୦ ସାମା ଏଞ୍ଜାସି ଏଲେଇଞ୍ଜି ତୀରିକିତି ତାୟୁ, ମେହୁଦୁ, ମାହାପୁରୁତି ର ଦୁତୁ ଏଞ୍ଜାଣାଲ୍ ହାପାନାତା ଏଲେଇଚେସି, “ଆଡେ ଦାଫୁଦ କୃତାତି ଜସେପ, ମରିୟମନି ତକ୍ତା କିହାଲିତାକି ଆଜାଆନି, ଏନାଆଁତାକି ଇଚିହୁଁ ମାହାପୁରୁତି ସୁଦୁଜୀସୁ ତଲେ ପୁରାମାସା ଆହାମାନେ । ୨୧ *ଏଦି ର କକାଣାଲ୍ ଜାନଁ କିନେ, ଅଡେ ମୀରୁ ଏଞ୍ଜାଣି ଦରୁ ଜୀସୁ ଇଞ୍ଜୁଁ ଇଗାଦୁ, ଇଚିହୁଁ ଏଞ୍ଜାସି ତାମି ଲକ୍ଷୁକ୍ ତାମି ବାରେ ପାପୁଟି ଗେଲୁପିନେସି ।”

୨୨ ମାହାପୁରୁ ଅଣ୍ଡପୁଟି ବଲୁ ଝେହନାରି ତାଣ୍ଟାଟି ପ୍ରବୁତି ଇ କାତା ଏନିକଁ ପୁରା ଆନେ, ଇଦାଆଁତାକି ଇ ବାରେ ଆଡେ, ୨୩ “ମେହୁଦୁ ର ଡାଆ ମାକ୍ତା ପୁରାମାସା ଆହାନା ର କକାଣାଲ୍ ଜାନଁ କିନେ, ଅଡେ ଲକ୍ଷୁ ଏଞ୍ଜାଣି ଦରୁ ‘ଇମାନୁୟେଲ’ ଇଚିନେରି ।” ଇ ଦରୁତି ଅଡେ “ମାହାପୁରୁ ମା ତଲେ ମାନେସି ।”

୨୪ ଏମାଟିଏ ଜସେପ ଇଦାଟି ନିଜିତି ତାୟୁ ପ୍ରବୁତି ଦୁତୁ ଏନିକଁ ହୁକୁମି ହାହାମାଚେସି, ଏଲେକିହୁଁ ଏ କିଡେସି, ଏଞ୍ଜାସି ମରିୟମଲ୍ ବୀହା ଆଡେସି; ୨୫ *ସାମା ଏଦି କକାଣାଲ୍ ଜାନଁ କିଆ ପାତେକା ଏଦାଣି ତଲେ କୃତାଆଡେସି, ଅଡେ ଏ କକାଣି ଦରୁ ଜୀସୁ ଇଚିଡେରି ।

୨

ଝେଡା ହପୁଞ୍ଜାକିତି ସଗୁପୁନାରି

୧ ହେରଦ ରାଜା ବେଲାତା ଜୀହୁଦା ଦେସାତି ବେତଲିହିମ ଗାଡାତା ଜୀସୁ ଜାର୍ନାଆଡି ତାୟୁ, ମେହୁଦୁ, ଝେଡା ହପୁ ଞ୍ଜାକିତି ଏଚରଜାଣା ସଗୁପୁନାରି ଜିରୁସାଲମତା ଞ୍ଜାହାନା ଝେଚେରି, ୨ “ଆମିନି କକାସି ଜୀହୁଦିକ୍ତା ରାଜା ଆହାଲି ଜାର୍ନା ଆହାମାନାସି, ଏଞ୍ଜାସି ଆମ୍ବିୟା ? ମାମୁ ଝେଡା ହପୁ ଞ୍ଜାକିତି ତାନି ହୁକା ମେସାନା ଏଞ୍ଜାଣାଲ୍ ଇହରା କିହାଲି ଞ୍ଜାହାମାନମି ।”

୩ ଇ କାତା ଝେଞ୍ଜାନା ହେରଦ ରାଜା ଅଡେ ତାନିତଲେ ଜିରୁସାଲମତି ବାରେ ଲକ୍ଷୁ କାବାଆହାନା ଆଜିଡେରି । ୪ ଅଡେ ଏଞ୍ଜାସି ଲକ୍ଷୁକି କାଜା ପୁଜେରାଞ୍ଜା ଇଞ୍ଜା ମୋରା ପୁନରାଲ୍ କୃଡି କିହାନା, କ୍ରୀସୁ ଏମ୍ବିୟା ଜାର୍ନା ଆନେସି, ଏଦାଆଁ ଏଞ୍ଜାରି ତାଣ୍ଟାଟି ପୁଞ୍ଜାଲି ଅଣ୍ଡପିଡେସି ।

୫ ଏଞ୍ଜାରି ଏଞ୍ଜାଣାଲ୍ ଏଲେଇଚେରି, ଜୀହୁଦା ଦେସାତି ବେତଲିହିମ ଗାଡାତା ମାହାପୁରୁ ଅଣ୍ଡପୁଟି ବଲୁ ଝେହନାରି ତାଣ୍ଟାଟି ଇଲେଇଞ୍ଜୁଁ ରାସ୍ପି ଆହାମାନେ;

୬ “ଏ ଜୀହୁଦା ଦେସାତି ବେତଲିହିମ,
ଜୀହୁଦାତି କାଜା ନାସ୍ପାକା ବିତ୍ରାଟି ନୀନୁ ଉଣା ଆଏ;
ଇଚିହୁଁ ଆମ୍ବାଆସି ନା ଇସ୍ରାୟେଲ ଲକ୍ଷୁଟି ପହି କିନେସି,
ଏଲେତି ର ସାଲୁଢି କିନାସି ନୀ ତାଣ୍ଟାଟି ଞ୍ଜାନେସି ।”

୭ ତାୟୁ ହେରଦ ସଗୁ ପୁନରାଲ୍ ମୋଣେଏ ହାଟାନା, ଏ ହୁକା ଏଚେଲା ତଞ୍ଜାଆଡେ ଏ କାତା ଏଞ୍ଜାରି ତାଣ୍ଟାଟି ନେହୁଁକଁ ଝେଚେସି । ୮ ଇଞ୍ଜା ଏଞ୍ଜାସି ଏଞ୍ଜାଣାଲ୍ ବେତଲିହିମତା ପାଣ୍ଡାମା ଏଲେଇଚେସି,

* ୧:୧୮ ୧:୧୮ ଲୁକ ୧:୨୭ ✨ ୧:୨୧ ୧:୨୧ ଲୁକ ୧:୩୧ ✨ ୧:୨୫ ୧:୨୫ ଲୁକ ୨:୨୧

“ମୀରୁ ହାଜାନା ଏ କକାଣି କାତା ନେହୁଁ କୁଁ ସିନିକିହାନା ନାଙ୍ଗେ ଜିକେଏ ଖେସ୍ତାଦୁ, ଇଚିହୁଁ ନାନୁ ଜିକେଏ ହାଜାନା ଜହରା କିକାଇଁ ।”

୯ ଏଚେଟିଏ ଏଞ୍ଜାରି ରାଜା କାତା ଖେଞ୍ଜାନା ହାଚେରି; ଅଡ଼େ ମେହଦୁ, ଏଞ୍ଜାରି ଖେଡ଼ା ହପୁଞ୍ଜାକି ଆମିନି ହୁକା ମେସାମାଚେରି, ଏଦି ଏଞ୍ଜାରି ନକି ନକିତା ହାଜାନା, ଏମିୟା କକାସି ମାଚେସି ଏ ଲାକ ହାଜାନା ନିଚେ । ୧୦ ଏ ହୁକା ମେସାନା ଏଞ୍ଜାରି ହାଚେରିକା ରାହାଁତଲେ ରାହାଁ ଆଚେରି । ୧୧ ଏଞ୍ଜାରି ଇଲୁ ବିଡ଼ା ହଡ଼ାନା ତାମି ଇୟା ମରିୟମ ଇଞ୍ଜାଁ କକାଣି ତାଲୁଇଁ ମେସାନା, ଏଞ୍ଜାଣାଇଁ ମେଣ୍ଡାକୁତାନା ଜହରା କିଚେରି, ଇଞ୍ଜାଁ ତାମୁଁ ତାଚାମାଟି ପେଡ଼ାୟାଟି ବାଂଗାରା, ଦୁପା ଦୁପଣି ଅଡ଼େ ଗାନ୍ଦା ନିୟୁଁ ବେଟୁ ହାଚେରି ।

୧୨ ତାମୁଁ ହେରଦ ରାଜା ତାଣା ଖେଣ୍ଡା ହାଲାଇପେରିଞ୍ଜା ଇଞ୍ଜୁଁ ମାହାପୁରୁ ଏଞ୍ଜାରାଇଁ ହାପାନାତା ହୁକୁମି ହାହାଲିଏ, ଏଞ୍ଜାରି ଅର ଜିରୁଟି ତାମି ଦେସାତା ଖେଣ୍ଡାହାଚେରି ।

ମିସର ଦେସାତା ହାନାୟି

୧୩ ଏଞ୍ଜାରି ହାଟି ତାମୁଁ, ମେହଦୁ, ମାହାପୁରୁତି ଦୁତୁ ଜସେପଇଁ ହାପାନାତା ଏଲେଇଚେସି, “ନିଙ୍ଗାମୁ କକାଣି ତାଲୁଇଁ ଅଡ଼େ ତାମି ଇୟାନି ଅହୁଁ ମିସରତା ହାଲାଇମୁ, ନାନୁ ମିଙ୍ଗେ ଖେସ୍ତାଆ ପାଚେକା ଏମ୍ପାଆଁ ମାଞ୍ଜୁ, ଇଚିହୁଁ କକାଣି ତାଲୁଇଁ ପାୟାଲି ହେରଦ ଅଣପିମାନେସି ।”

୧୪ ଜସେପ ନିଙ୍ଗାନା କକାଣି ତାଲୁ ଇଞ୍ଜାଁ ତାମି ଇୟାନି ଆସାନା ଲାଆଁ ଲାଆଁୟାଁ ମିସର ଦେସାତା ଅହୁଁ ହାଚେସି, ୧୫ ହେରଦ ହାନି ପାଚେକା ଏମ୍ପାଆଁ ଏଞ୍ଜାରି ଡ଼ୟିଚେରି, ଇ ବାରେ ଗଟଞ୍ଜି ଆନାଣି ମାହାପୁରୁ ଅଣପୁତି ବଲୁ ଖେହନାରି ତାଣାଟି ଇ ମାହାପୁରୁ ଅଣପୁତି ବଲୁ ପୁରା ଆନେ, “ନା ମୀରୁଏଣାଇଁ ନାନୁ ମିସର ଦେସାଟି ହାଡ଼ା ତାଚେସି ।”

କକାରି ତାଲୁକାଣି ପାୟିନାୟି

୧୬ ଖେଡ଼ା ହପୁ ଦେସାଟି ଖାହାମାଟି ସଗୁପୁନାରି ଏଞ୍ଜାଣାଇଁ ନାଡ଼ିକିହାନା ହାଜାମାନେରି ଇଞ୍ଜୁଁ ପୁଞ୍ଜାନା, ହେରଦ ହାଚେରିକା କପା ଆଚେସି, ହୁକାଟି ଉଜେଡ଼ି ଆମିନି ବେଲାତା ତଞ୍ଜାଆହାମାଚେ ସଗୁପୁନାରି ତାଣାଟି ନେହୁଁ କୁଁ ପୁଞ୍ଜାମାଚେସି, ଏଦାଆଁ ପୁଞ୍ଜାନା ବେଚଲିହିମ ଅଡ଼େ ତାମି ତାଗେ ମାଟି ନାସ୍କାଟି ରା ବାର୍ସାଟିଏ ଉଣା କକାରାଇଁ ପାୟାଲି ତାକି ହୁକୁମି ହାଚେସି ।

୧୭ ଏଚିବେଲା ମାହାପୁରୁ ଅଣପୁତି ବଲୁ ଖେହନି ଜିରିମିୟ ଖେସ୍ତି ଇ ବଲୁ ସାତା ଆଡ଼େ,

୧୮ “ରମାତା ହାଡ଼ା ଖେଜିମାନେ,

ଡ଼ାକି ଅଡ଼େ ହାଚେରିକା ଦୁକୁତି ଗିୟାଁ

ରାହେଲ ତାନି ମୀରୁକା ତାକି ଡ଼ାହିମାଚେ;

ଅଡ଼େ ଏଞ୍ଜାରି ବାରେ ହାହାହାଚେରି ଇଞ୍ଜୁଁ,

ଏଦି ଦୁକୁ ଡ଼କହାଲି ମନ କିହି ହିଲାଇଆଚେ ।”

ମିସରଟି ଖେଣ୍ଡାଞ୍ଜାନାୟି

୧୯ ହେରଦ ହାଡ଼ି ତାମୁଁ, ମେହଦୁ, ପୁବୁତି ର ଦୁତୁ ମିସରତା ଜସେପଇଁ ହାପାନାତା ତଞ୍ଜାଆହାନା ଏଲେଇଚେସି, ୨୦ “ନିଙ୍ଗାମୁ, କକାଣାଇଁ ଅଡ଼େ ତାମି ଇୟାନି ତଲେ ଇସ୍ରାୟେଲ ଦେସାତା ହାଲାଇମୁ, ଇଚିହୁଁ ଆମ୍ପାଆରି କକାଣି ଜୀଞ୍ଜୁ ଅହାଲି ତାକି ଅଣପିମାଚେରି ଏଞ୍ଜାରି ହାହାମାନେରି ।” ୨୧ ଏଚେଟିଏ ଜସେପ ନିଙ୍ଗାନା କକାଣାଇଁ ଇଞ୍ଜାଁ ତାମି ଇୟାନି ଆସାନା ଇସ୍ରାୟେଲ ଦେସାତା ଖାଚେସି ।

୨୨ ସାମା ହେରଦ ଚାୟୁତା ତାନି ମୀରୁଏସି ଆକିଲାଇଁ ଜୀହୁଦାଟି ରାଜା ଆହାମାନେସି ଇଞ୍ଜୁଁ ଖେଞ୍ଜାନା ଏଞ୍ଜାସି ଏମ୍ପାଆଁ ହାଜାଲି ଆଜିଚେସି; ସାମା ହାପାନାତା ହୁକୁମି ବେଟାଆହାନା ଏଞ୍ଜାସି ଗାଲିଲି ରାଜି ଖାକି ହାଚେସି, ୨୩ ଇଞ୍ଜାଁ ନାଜରିତତି ଗାଡ଼ାତା ହାଜାନା ଡ଼ୟିଚେରି, ଏନିକିହୁଁ ମାହାପୁରୁ ଅଣପୁତି ବଲୁ ଖେହନାରି ରାଡ଼ିଟି କାତା ସାତା ଆନେ, “ଏଞ୍ଜାସି ନାଜରିତତାସି ଇଞ୍ଜୁଁ ଖେଜିନେସି ।”



ବାପ୍ତିସ୍ତା* ହାନି ଜହନତି ଖେକନାୟି
(ମାଟି ୧:୧-୮; ଲୁକ ୩:୧-୧୮; ଜହ ୧:୧୯-୨୮)

* ୨:୨୩ ୨:୨୩ ମାର୍ଚ୍ଚ ୧:୨୪; ଲୁକ ୨:୩୯; ଜହ ୧:୪୫ * ୩: ୩:୧ ମୁଞ୍ଜିନାୟି

୧ ଏ ବେଳାତା ବାପ୍ତିସ୍ତା^୧ ହାନି ଜହନ ଜୀହୁଦୀ ଦେସାତି ବାଞ୍ଚିଲି ବାଟାଟି ଖାହାନା ବଲୁ ଖେକହାଲି ମାଟ୍‌ହେସି । ୨^୨ “ପାପୁ ପିସାନା ମନ ଖେବହା କତାବୁ, ଇଚିହିଁ ଲାକପୁରୁ ରାଜି ଏଗାଝାହିମାନେ ।”^୩ ମାହାପୁରୁ ଅଣପୁତି ବଲୁ ଖେହନ ଜିସାୟ ତାଣାଟି ଛ ହାଡ଼ା ଖେସପି ଆହାମାଟେ, ଏଝାସିଏ ଇଝାସି; “ରଅଣି ହାଡ଼ା ଲକ୍ଷୁ ହିଲିଆ ଚାୟୁତା ଖେଜିମାନେ, ପୁରୁ ତାକି ଜିରୁ ତିୟି କିଦୁ ।”

୪ ଜହନ ଉରୁ ବାଣାୟାଁ ତଲେ କେପିତି ହିମ୍ବରିକା ତୁବହିମାଟେସି, ଇଞ୍ଜିଁ ତାନି ଚେତେଲିତା ର ତଲୁତି ବୁଡ଼ପା ମାଡ଼ା ଦସା କଡ଼ଝିତେସି, ଗପଏରିକା ଅଡ଼େ ଜାଡ଼ାତି କ୍ରିୟାଁ ଏଝାଣି କାଡ଼ି ମାଟେ । ୫ ଏଚିବେଳାତା ଜିରୁସାଲମ ଗାଡ଼ା ଇଞ୍ଜିଁ ବାରେ ଜୀହୁଦୀ ଦେସା ଅଡ଼େ ଜର୍ଦନ ଦାରିତି ନାସକାତି ବାରେ ଲକ୍ଷୁ ତାନି ତାଣା ଖାହାଲି ମାଟ୍‌ହେରି, ୬ ଏଝାରି ଜାହାରା ପାପୁ ଖେସାନା ଜହନ ତାଣାଟି ଜର୍ଦନ କାତାତା ବାପ୍ତିସ୍ତା^୪ ଅଡ଼େରି ।

୭ ଏସାମା ହାରେକା ପାରୁସିୟାଁ ଅଡ଼େ ସାଦୁକିୟାଁ ବାପ୍ତିସ୍ତା^୫ ଅହାଲି ଖାହିମାନାଣି ମେସାନା ଏଝାରାଇଁ ଏଲେଇଚେସି, “ଅଡ଼େ ରାସ୍ତା କୁଡ଼ାତାତେରି ମାହାପୁରୁ ତାଣାଟି ଖାହିମାନି କପାଟି ପିସପି କିହାକତାଲି ଆମ୍ବାଆସି ମିଜେ ସେବନା ହିୟାତେସି । ଛଦାଆଁତାକି ମନ ଖେବହାମାନାଣି ନେହିଁ କାମାତା ତହୁଦୁ, ୮ ଅଡ଼େ ଅଗ୍ରାହାମ ମା ଆବା ଇଞ୍ଜିଁ ମା ମନ ବିତ୍ରା ଅଣପାଆଦୁ, ଏନାଆଁତାକି ଇଚିହିଁ ନାନୁ ମିଜେ ଖେସିମାଞ୍ଜାଇଁ, ମାହାପୁରୁ ଇ ଖାଲକାଟି ଜିକେଏ ଅଗ୍ରାହାମତି ମୀରକାଣି ଗାଡ଼ି କିହାଲି ଆଡ଼ିମାନେସି । ୧୦ ଅଡ଼େ ନୀର୍ଦ୍ଦି ଜିକେଏ ମାରୁନୁ ତାକିତା କାଠଆଲି ଆଗମାନେ, ଆମିନି ମାରୁନୁ ନେହିଁ ପାଡ଼େସି ଆଡ଼େସି, ଏଦାନି ଚୂଣ୍ଡାହାନା ହିତୁତା ମେଡ଼ପି ଆନେ । ୧୧ ନାନୁସାଁ ମିଜେ ପାପୁତି ପିସପି କିହାଲି ଇଞ୍ଜିଁ ମନ ଖେବପି କିହାଲି ଏୟୁତଲେ ବାପ୍ତିସ୍ତା^୬ ହାହିମାଞ୍ଜାଇଁ, ସାମା ନା ଡାୟୁ ରଅସି ଖାହିମାନେସି ଏଝାସି ନା କିହାଁ ହାରେକା ବାଡ଼ୁରୁ ଗାଟାସି, ଏଝାଣି ସେପୁୟାଁ ହୁକହାଲି ଜିକେଏ ନାନୁ ପାଡ଼ାଆଅଁ; ଏଝାସି ମିଜେ ସୁଦୁଜୀସୁ ଇଞ୍ଜିଁ ହିତୁତଲେ ବାପ୍ତିସ୍ତା^୭ ହିୟାନେସି । ୧୨ ଏଝାସି ତାନି କ୍ଳାନୁତି ନେହିଁ କିଁ ତାସାହାଁ, ତାନି ଆନାତି କୁସାହାଁ ଗାଦେୟିତା ଇଗାଲି ଏଝାଣି କେୟୁତା ହେଚି ମାନେ, ସାମା ଗଟା ପଡ଼ୁଚି ଏଚେଲା ତୁମ୍ବାଆଗାଟି ହିତୁତା ହୁଡ଼ା ତୁହନେସି ।”

ଜୀସୁ ଏୟୁତା ବାପ୍ତିସ୍ତା^୮ ଅନାୟି
(ମାର୍କ ୧:୯-୧୧; ଲୁକ ୩:୨୧-୨୨)

୧୩ ଏଚିବେଳା ଜୀସୁ ଗାଲିଲିଟି ଖାହାନା ବାପ୍ତିସ୍ତା^୯ ଅହାଲି ତାକି ଜର୍ଦନ କାତାତା ଜହନ ତାଣା ଖାଟେସି । ୧୪ ସାମା ଜହନ ଜୀସୁଇଁ କାହି କିହାଲି ଅଣ୍ଠପାନା ଏଲେଇଚେସି, “ନା ତାଣାଟି ନାନୁ ବାପ୍ତିସ୍ତା^{୧୦} ଅନାୟି ନା ଲଡ଼ାମାନେ, ଇଞ୍ଜିଁ ନାନୁ ନା ତାଣା ଖାହାମାଞ୍ଜି ?”

୧୫ ସାମା ଜୀସୁ ଏଝାଣାଇଁ ଏଲେଇଚେସି, “ନା ହାଡ଼ା ଆହମ୍ବୁ, ଏନାଆଁତାକି ଇଚିହିଁ ଇଲେ ତଲେ ମାହାପୁରୁ ଦାମ୍ବୁତି କାମା କିନାୟିମାନେ ।” ଏଚେଟିଏ ଜହନ ମାନଝି ଆଟେସି ।

୧୬ ଜୀସୁ ବାପ୍ତିସ୍ତା^{୧୧} ଅଡ଼ି ଦେବୁଣିଏ ଏୟୁତି ନିଜା ଖାଟେସି । ଏଚେଟିଏ ହାଗୁ ଦେପିଆଡ଼େ, ଇଞ୍ଜିଁ ମାହାପୁରୁତି ସୁଦୁଜୀସୁ ଦାରଝା ପଗାଲେହେ ଜୀସୁ ଲାକି ଚେଟା ଖାହିମାଟାଣି ଜହନ ମେସେସି । ୧୭ ଅଡ଼େ ମେହଦୁ, ହାଗୁଟି ଛ ହାଡ଼ା ଆଡେ, “ଇଝାସି ନା ଜୀସୁତି ମୀରଏସି ଇଝାଣି ତାଣା ନା ହାରେକା ରାହାଁ ମାନେ ।”

୪

ଜୀସୁଇଁ ତାୟିପାରି କିନାୟି
(ମାର୍କ ୧:୧୨-୧୩; ଲୁକ ୪:୧-୧୩)

୧୮ ଏଚିବେଳା ଜୀସୁ ସୟତାନ ତାଣାଟି ତାୟିପାରି କିଞ୍ଚି ଆହାଲି ସୁଦୁଜୀସୁ ଲକ୍ଷୁ ହିଲିଆ ଚାୟୁତା ଅଡ଼େ । ୧୯ ଜୀସୁ ରୀ କଡ଼ି ଦିନା ଲାଆୟାଁ ମାଦେନା ଏନାଆଁ ତିନାଆନା ଉପାସା କିହାଁ ହାକି ଆଟେସି । ୨୦ ଏଚିବେଳା ସୟତାନ ତାନି ଦାରିତା ଖାହାନା ଏଲେଇଚେ, “ନାନୁ ମାହାପୁରୁ ମୀରଏଣାଟି ଇଚିସାରେ ଇ ଖାଲକାଣି ରୁଚି ଆହାଲି ହୁକୁମି ହୀମୁ ।”

† ୩:୧ ୩:୧୨ ଲୁକ୍‌ନାୟି ✱ ୩:୨ ୩:୨ ମାତି ୪:୧୨; ମାର୍କ ୧:୧୫ ‡ ୩:୬ ୩:୬ ଲୁକ୍‌ନାୟି ✱ ୩:୭ ୩:୭ ମାତି ୧୨:୩୫; ୨୩:୩୩
 § ୩:୮ ୩:୮ ଲୁକ୍‌ନାୟି ✱ ୩:୯ ୩:୯ ଜହ ୮:୩୩ ✱ ୩:୧୦ ୩:୧୦ ମାତି ୭:୧୯ * ୩:୧୧ ୩:୧୧ ଲୁକ୍‌ନାୟି † ୩:୧୧ ୩:୧୧ ଲୁକ୍‌ନାୟି ‡ ୩:୧୨ ୩:୧୨ ଲୁକ୍‌ନାୟି § ୩:୧୩ ୩:୧୩ ଲୁକ୍‌ନାୟି * ୩:୧୪ ୩:୧୪ ଲୁକ୍‌ନାୟି † ୩:୧୬ ୩:୧୬ ଲୁକ୍‌ନାୟି
 ✱ ୩:୧୭ ୩:୧୭ ମାତି ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫ ✱ ୪:୧ ୪:୧ ଏବି ୨:୧୮; ୪:୧୫

୪ ଯାମା ଜୀସୁ ଏଲେଇରେସି, “ଦୀର୍ଘ ସାପ୍ତେରିତା ରାସ୍ତକି ଆହାମାନେ ମାଣସି ଖାରଇ ରୁଚି ତିଜ୍ଞାନା ନୀତଅସି, ଯାମା ମାହାପୁରୁ ଗୁଡିଚି ହରିମାନି ବଲୁ ତଲେ ନୀତିନେସି ।”

୫ ତାୟୁ ସୟତାନ ଜୀସୁଇଁ ସୁଦୁ ଗାଡ଼ା ଜିରୁସାଲମତା ଅହାନା, ମାହାପୁରୁ ଇଲୁ ତୁଡିୟା ଲାକ ନିପହାନା,

୬ ଏଲେଇରେ, “ନୀନୁ ମାହାପୁରୁ ମୀରୁଏଣାତି ଇଚିହୁଁ ଇମ୍ବୀଟି ତୁଇକା ଗେମ୍ବୀନୁ.” ଦୀର୍ଘ ସାପ୍ତେରିତା ରାସ୍ତକି ଆହାମାନେ,

ନିଙ୍ଗ ଜାତନ୍ଦୁ କିହାଲିତାକି ମାହାପୁରୁ ତାନି ଦୁତୁୟାଁଇଁ ହୁକୁମି ହୀନେସି;

“ନୀ କତାୟାଁ ଏନିକିଁ ଖାଲକାଣା ଆଡ଼ାତ ଇଞ୍ଜାଁ

ଦୁତୁୟାଁ ନିଙ୍ଗ କେସ୍ତାତଲେ ପେରୁହା ଆସ୍ତାନୁ ।”

୭ ଜୀସୁ ଏଦାନି ଏଲେଇରେସି, “ଦୀର୍ଘ ସାପ୍ତେରିତା ରାସ୍ତକି ଆହାମାନେ, ନୀନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି ।”

୮ ଅଡ଼େ ଖେଣ୍ଡେ ସୟତାନ ଜୀସୁଇଁ କାଜା ହରୁ ଲାକ ଅହାନା ଦୀରୁଡିଚି ବାରେ ରାଜି ଅଡ଼େ ଏମ୍ବୀତି ବାରେ ଅଜୁ ଅଡ଼େ ଜୁପକା ତସାନା ଏଲେଇରେ, ୯ “ନୀନୁ ନାଙ୍ଗେ ମେଣ୍ଡାକୁତାନା ଜହରା କିୟାଦି ଇଚିହୁଁ ନୀନୁ ଇ ବାରେ ନିଙ୍ଗ ହିୟାଇଁ ।”

୧୦ ଏମ୍ବୀଟିଏ ଜୀସୁ ଏଲେଇରେସି, “ଏ ସୟତାନ ନା ତାଣାଟି ହେକ ହାଲାମୁ! ଦୀର୍ଘ ସାପ୍ତେରିତା ରାସ୍ତକି ଆହାମାନେ, ‘ଖାରଇ ନୀ ପ୍ରବୁ ମାହାପୁରୁଇଁ ଜହରା କିଦି ଅଡ଼େ ଖାରଇ ତାଙ୍ଗେଏ ସେବା କିଦି ।”

୧୧ ଏ ଦେବୁଣିଏ ସୟତାନ ଜୀସୁଇଁ ପିସାନା ହାଜାତୁସ୍ତେ; ଅଡ଼େ ଦୁତୁୟାଁ ଖାହାନା ଏଞ୍ଜାଣି ସେବା କିତୁ ।

ଜୀସୁ ଗାଲିଲିତା ତାନି କାମା ମାଟ୍‌ନାୟି

(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ *ଜହନଇଁ କାୟିଦି ଇଲୁତା ଇଚିଚେରି ଇଞ୍ଜାଁ ଏଞ୍ଜାଣା ଜୀସୁ ଏମ୍ବୀଟିଏ ଗୁଡା ଆହାନା ଗାଲିଲିତା ଖାଚେସି; ୧୩ *ଏଞ୍ଜାସି ନାଜିରିତତା ତୁୟାଆଚେସି, ଯାମା କପରନାହୁମତା ତୁୟାଲି, ସୁବୁଲୁନ୍ ଅଡ଼େ ନପ୍ରାଲିତା ମାନି ର ଗାଲିଲି ସାମ୍ବୁରି ଗାରୁତା ମାନି ଗାଡ଼ାତା ହାଚେସି । ୧୪ ଏନିକିହୁଁ ମାହାପୁରୁ ଅଣପୁତି ବଲୁ ଖେହ୍ନି ଜିସାୟତି ହାଡ଼ା ସାତା ଆନେ, ଏଞ୍ଜାସି ଏଲେଇଞ୍ଜାମାଚେସି;

୧୫ “ସୁବୁଲୁନ୍ ଦେସା ଅଡ଼େ ନପ୍ରାଲି ଦେସା

ସାମ୍ବୁରି ତାଚେ ଇଞ୍ଜାଁ ଜର୍ଦନ କାତା ଆତାଲାଖକିଚି, ଜୀହୁଦିଆଆତି ଗାଲିଲି !

୧୬ ଆଦେରିତା ବାସା କିହିମାନି ଲକୁ କାଜା ଉଜେଡ଼ି ମେସ୍ତେରି

ହାକିଚି ନାସ୍ତକା ଅଡ଼େ ସାହଡ଼ାତା ମାନି ଲକୁତାକି

ଉଜେଡ଼ି ତଞ୍ଜାଆନେ ।”

୧୭ *ଏ ବେଲୀଟିଏ ଜୀସୁ ତାନି କାତା ଖେକହାଲି ମାଟ୍‌ହେସି, “ମୀ ପାପୁ ପିସାନା ମନ ଖେଟ୍‌ହା କତାପୁ, ଏନାଆଁତାକି ଇଚିହୁଁ ଲାକପୁରୁ ରାଜି ଏଗାଞ୍ଜାହିମାନେ ।”

ସାରି ଜାଣା ମାଣକା ଆହନାରାଇଁ ଜୀସୁ ହାଟ୍‌ନାୟି

(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଜୀସୁ ଗାଲିଲି ସାମ୍ବୁରି ଗାରୁଟି ହାଜିମାଗାଟି ସିମନ ଇନି ପିତର ଅଡ଼େ ତାନି ତାୟି ଆୟିୟ, ଇ ତାୟି ରିଆରି ସାମ୍ବୁରିତା ଜାଲା ମେଡ଼ହି ମାଗାଣି ମେସ୍ତେସି, ଏନାଆଁତାକି ଇଚିହୁଁ ଏଞ୍ଜାରି ମାଣକା ଆହନାରି ମାଚେରି । ୧୯ ଜୀସୁ ଏଞ୍ଜାରାଇଁ ଏଲେଇରେସି, “ନୀ ଜେତ ଖାପୁ, ନୀନୁ ମିଙ୍ଗ ଲକୁଣି ଆହନାଣି ଜାପୁହାଇଁ ।” ୨୦ ଏଚେଟିଏ ଏଞ୍ଜାରି ଦେବୁଣିଏ ଜାଲା ପିସାନା ଏଞ୍ଜାଣି ଜେତ ହାଚେସି ।

୨୧ ଏମ୍ବୀଟିଏ ଜୀସୁ ନକିତା ହାଜାନା ଜେବଦି ମୀରକା ଜାକୁବ ଅଡ଼େ ଏଞ୍ଜାଣି ତାୟି ଜହନ ଦରୁଗାଟାସି ଇଞ୍ଜାଁ ଅଡ଼େ ରିଆରି ତାୟିୟାଁ ତାନି ଆଡ଼ା ଜେବଦି ତଲେ ତଂଗତା ଜାଲା ମୁଦା କିହିମାଗାଣି ମେସାନା ଏଞ୍ଜାରାଇଁ ଜିକେଏ ହାଟିଚେସି । ୨୨ ଏଚେଟିଏ ଏଞ୍ଜାରି ଏ ଦେବୁଣିଏ ତଂଗ ଅଡ଼େ ତାନି ଆଡ଼ାଇଁ ପିସାନା ଜୀସୁ ଜେତ ହାଚେରି ।

ଜୀସୁ ସେବା କାମା ମାଟ୍‌ନାୟି

(ଲୁକ ୬:୧୭-୧୯)

୨୩ *ତାୟୁ ଜୀସୁ ଗାଲିଲି ଦେସାତା ରେଜି ରେଜିହୁଁ ଜୀହୁଦି ଲକୁତି କୁଟମି ଇଲକାଣା ଜାପୁହିହୁଁ ,

☆ ୪:୧୨ ୪:୧୨ ମାତୃ ୧୪:୩; ମାର୍କ ୬:୭; ଲୁକ ୩:୧,୨୦ ☆ ୪:୧୩ ୪:୧୩ ଜହ ୨:୧୨ ☆ ୪:୧୭ ୪:୧୭ ମାତୃ ୩:୨ ☆ ୪:୨୩ ୪:୨୩ ମାତୃ ୯:୩୫; ମାର୍କ ୧:୩୯

ମାହାପୁରୁ ରାଜିତ ନେହଁ କାରୁ ଝେସିହଁ ରଗଗାଟି ଲକ୍ଷ୍ମଣି ନେହଁ କିହାଲି ମାଟୁହେସି, ୨୪ ଅଡ଼େ ଏଝାଣି କାତା ଦେସାତି ସାରିଝାକି ଇଞ୍ଜାଁ ସିରିୟା ଦେସାତା ଜିକେଏ ଝେଙ୍ଗାହାଟେ, ଇଞ୍ଜାଁ ଲକ୍ଷ୍ମ ବୁହୁୟା ଆଲୁଗା ମାଟାରାଇଁ, କାଟିଝେଡ଼ାରାଇଁ, ଇଞ୍ଜାଁ ଟଟ ଝାୟିତାରାଇଁ; ଇଲେତି ହାରେକା ରଗଟି କସ୍ତୁ ଆହୁମାନାରାଇଁ ଜୀସୁ ନକିତା ତାଡେରି, ଇଞ୍ଜାଁ ଏଝାସି ଏଝାରାଇଁ ନେହଁ କିଡେସି । ୨୫ ଅଡ଼େ ଗାଲିଲି, ଦସଗଟା ନାସ୍ତକା, * ଜିରୁସାଲମ, ଜୀହୁଦା ଅଡ଼େ ଜର୍ଦନତି ଏ ଗାବୁତା ମାନି ନାସ୍ତକାଟି ହାରେକା ଲକ୍ଷ୍ମ ଜୀସୁ ଜେଟ ହାଟେରି ।

୫

ହରୁ ଲାକ ଜାପୁନାସି

୧ ଜୀସୁ ହାରେକା ଲକ୍ଷ୍ମଇଁ ମେସାନା ର ହରୁ ଲାକ ହାଜାନା କୁରିଡେସି, ଇଞ୍ଜାଁ ସୀସୁୟାଁ ଏଝାଣି ତାଗେ ଝାଡ଼େରି । ୨ ଏମ୍ବାଟିଏ ଏଝାସି ଗୁତି ଏକ୍‌ହାନା ଜାପୁହାଲି ମାଟୁହେସି ।

**ଆମ୍ବାଆରି ନେହଁରି
(ଲୁକ ୭:୨୦-୨୩)**

- ୩ ଆମ୍ବାଆରି ଜୀସୁତା ଏନାଆଁ ହିଲାଆ ଗାଟାରାକି ନେହେଁ, ଏନିଇତିହଁ ଲାକପୁରୁ ରାଜି ଏଝାରି ଝାଉଁ ।
- ୪ ଆମ୍ବାଆରି ଦୁକୁତା ଡାହିମାନି ଲକ୍ଷ୍ମତାକି ନେହେଁ, ଏନାଆଁତାକି ଇତିହଁ ମାହାପୁରୁ ଏଝାରି ଦୁକୁ ଡୁକ୍‌ନେସି ।
- ୫ କପା ହିଲାଆ ଗାଟାରି ନେହେଁ, ଏନାଆଁତାକି ଇତିହଁ ଦାର୍ଡିତା ଏଝାରି ଅଦିକାରା ଆନେରି ।
- ୬ ମାହାପୁରୁ ଦାମ୍ପତି କାମା କିହାଲି ହାକି ଏସ୍ତକି ଗାଟାରି ଏଝାରାକି ନେହେଁ, ଏନାଆଁତାକି ଇତିହଁ ମାହାପୁରୁ ଏଝାରାକି ଲଡ଼ାମାନାଣି ବାରେ ହାନେସି ।
- ୭ ଏଟକା ଲକ୍ଷ୍ମଣି କାର୍ମା ମେହ୍‌ନେରି, ଏଝାରାକି ନେହେଁ, ଏନିଇତିହଁ ମାହାପୁରୁ ଏଝାରାଇଁ କାର୍ମା ମେହ୍‌ନେସି,
- ୮ ଆମ୍ବାଆରି ସୁଦୁ ହିୟାଁ ଗାଟାରି ଏଝାରାକି ନେହେଁ, ଏନିଇତିହଁ ଏଝାରି ମାହାପୁରୁଇଁ ମେହ୍‌ନେରି ।
- ୯ ହିଡ଼ଡ଼ି ଗାଟି ଲକ୍ଷ୍ମ ନେହେଁ, ଏନିଇତିହଁ ଏଝାରି ମାହାପୁରୁତି ମୀରକା ଇଞ୍ଜାଁ ଝେଙ୍ଗିନେରି ।
- ୧୦ *ମାହାପୁରୁ ଦାମ୍ପ କାତାତାକି ଦୁକୁ ବେଟାଆନାରି ଏଝାରାକି ନେହେଁ, ଏନିଇତିହଁ ଲାକପୁରୁ ରାଜି ଏଝାରିଝାୟି ।

୧୧ *ଏଟିବେଲ୍ଲା ଲକ୍ଷ୍ମ ମିଙ୍ଗ ନା ତାକି ନିନ୍ଦା କି ଲାଜା କିୟାନେରି, ଅଡ଼େ ନା ତାକି ଉଜେ ଉଜେଏ ମୀ କପାଟି ମିଟି କାତା ଜଲାନେରି, ଆତିହଁ ମିଙ୍ଗେ ତାକି ନେହେଁ । ୧୨ *ରାହାଁ ଆହାନା ଏନ୍ଦାଦୁ, ଏନାଆଁତାକି ଇତିହଁ ଲାକପୁରୁତା ମୀ ତାକି ହାରେକା ଦାନା ମାନେ; ଏଲେକିହଁ ଏ, ମୀ ନକିତି ମାହାପୁରୁ ଅଣ୍ଡପୁତି ବଲୁ ଝେହ୍‌ନାରାଇଁ ଜିକେଏ ଇଲେକିହଁ ନିନ୍ଦା କିହାମାଟେରି ।

ହାରୁ ଅଡ଼େ ଉଜେଡ଼ି

(ମାର୍କ ୯:୫୦; ଲୁକ ୧୩:୪-୩୫)

୩୩ *ମୀରୁ ବାରେ ଦାରଡିତି ହାରୁ ଲେହେଁ, ସାମା ହାରୁ ମୁଆତିହଁ, ଅଡ଼େ ଏଦାଆଁ ଏମ୍ବିୟା ଜିକେଏ ଲେମ୍ବାଲି ଆଏ, ଇଞ୍ଜାଁ ଏଡ଼ି ଏନି କାମାତା ପାଡ଼ା ଆଏ, ଲକ୍ଷ୍ମ ଏଦାଆଁ କର୍ଡାଁ ଡୁକ୍ ଝିସା ହାନେରି ।

୧୪ *ମୀରୁ ଦାରଡିତି ଉଜେଡ଼ି ଡେରି, ଆମିନି ଗାଡ଼ା ହରୁ ଲାକ କେପି ଆହାମାନେ, ଏଡ଼ି ଏବେଲ୍ଲା ଡୁଗ୍‌ନା ଡୁୟାଲି ଆଡେଏ । ୧୫ *ଅଡ଼େ ଦୀଝିଁ ଡାସାନା ଆମ୍ବାଆରି ମାଣା ପ୍ଲିକ୍‌ହାନା ଇଟଅରି, ସାମା ଏଦାନି ଦୀଝିଁ ସଡ଼ାତା ଇତିନେରି, ଆତିହଁ ଇଲୁତା ଝାନ୍ନି ବାରେ ଲକ୍ଷ୍ମ ଉଜେଡ଼ି ମେହ୍‌ନେରି । ୧୬ *ଏଲେକିହଁ ଏ

* ୪:୨୫ ୪:୨୫ ଦେକାପଲି ✨ ୫:୧୦ ୫:୧୦ ଯିତ ୩:୧୪ ✨ ୫:୧୧ ୫:୧୧ ଯିତ ୪:୧୪ ✨ ୫:୧୨ ୫:୧୨ କାମା ୭:୫୨
 ✨ ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪,୩୫ ✨ ୫:୧୪ ୫:୧୪ ଜହ ୮:୧୨; ୯:୫ ✨ ୫:୧୫ ୫:୧୫ ମାର୍କ ୪:୧୧; ଲୁକ ୮:୧୭; ୧୧:୩୩
 ✨ ୫:୧୬ ୫:୧୬ ଯିତ ୨:୧୨

ମୀ ଉଜେଡ଼ି ଲକ୍ଷ୍ମ ନକିତା ନେହଁ କିଁ ତଞ୍ଜାଆପେ, ଏନିକିଁ ଏଞ୍ଜାରି ମୀ ନେହଁ କାମା ମେସାନା ଲାକପୁରୁତି ଆବାତି ଗାଞ୍ଜୁରମି କିନେରି ।

ମେରାତି କାତା ଜାପୁନାୟି

୧୭ ନାଜେ ମସାତି ମେରା ଅଡ଼େ ମାହାପୁରୁ ଅଣପୁତି ବଲୁ ଝେହନାରି ମେରାତି ମେଞ୍ଜହାଲି ଝାହାମାନେସି ଇଞ୍ଜିଁ ଅଣପାଆଦୁ; ନାନୁ ମେଞ୍ଜହାଲି ଝାହାଲିଅଁ ସାମା ଈ ବାରେ ପୂରା କିହାଲି ଝାହାମାଇଁ । ୧୮ ଏନାଆଁତାକି ଇଚିହଁ ନାନୁ ମିଜେ ସାତା ଝେସିମାଞ୍ଜାଇଁ, ହାଗୁପାକା ଅଡ଼େ ଦାରତି ମେଶଙ୍ଗାଆ ପାତେକା ଇଞ୍ଜା ଈ ବାରେ ଆଆପାତେକା ମସା ମେରାତି ଇରାୟି ସିନା ଜିକେଏ ମେଶଙ୍ଗେଏ । ୧୯ ଏନାଆଁତାକି ଇଚିହଁ ଆମ୍ବାଆସି ଈ ହୁକୁମିଟି ର ଉଣା ହୁକୁମି ମାନୁଝି ଆଅସି ଅଡ଼େ ଲକ୍ଷ୍ମଇଁ ଏଲେକିହଁ ଏ ଜାପୁନେସି, ଏଞ୍ଜାସି ଲାକପୁରୁ ରାଜିତା ଉଣା ଇଞ୍ଜିଁ ଝେଙ୍ଗିନେସି; ସାମା ଆମ୍ବାଆସି ମାନୁଝି ଆନେସି ଅଡ଼େ ଜାପୁନେସି ଏଞ୍ଜାସି ଲାକପୁରୁ କାଜାସି ଇଞ୍ଜିଁ ଝେଙ୍ଗିନେସି । ୨୦ ଏନାଆଁତାକି ଇଚିହଁ ନାନୁ ମିଜେ ଝେସିମାଞ୍ଜାଇଁ, ମୀ ଦାମ୍ବୁ ମେରା ପୁନାରି ଅଡ଼େ ପାରୁସିୟାଁ ଦାମ୍ବୁ କିହାଁ ମୀ ନାମୁ ହାଡ଼େକା ଆଆତିହଁ, ମୀରୁ ଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅଡ଼େରି ।

କପା ଗାଟାଣି କାପୁନାୟି

୨୧ “ମୀରୁ ଝେଞ୍ଜାମାଞ୍ଜେରି, ତଲିକାଲାତି ଲକ୍ଷ୍ମଇଁ ଝେସପିଆହାମାରେ, ‘ଲକ୍ଷ୍ମଇଁ ପାୟାଆଦୁ, ଆମ୍ବାଆରି ଲକ୍ଷ୍ମଇଁ ପାୟିନେରି, ଏଞ୍ଜାସି ନୀହାଁୟି ପାଙ୍ଗାତା ତଣ୍ଡ ବେଟା ଆନେସି ।” ୨୨ ସାମା ନାନୁ ମିଜେ ଝେସିମାଞ୍ଜାଇଁ, ଆମ୍ବାଆସି ତାମି ତାୟି ଲାକ କପାଆନେସି, ଏଞ୍ଜାସି ନୀହାଁୟି ପିଣ୍ଡାତା ତଣ୍ଡ ବେଟା ଆନେସି, ଇଞ୍ଜା ଆମ୍ବାଆସି ତାମି ତାୟି କାରବିଗାଟାତି ଇଞ୍ଜିଁ ଇନେସି, ଏଞ୍ଜାସି ବେରଣିମାଣ୍ଡାତା ତଣ୍ଡ ବେଟା ଆନେସି; ଅଡ଼େ ଆମ୍ବାଆସି ପଲୁଆଗାଟାତି ଇଞ୍ଜିଁ ଇନେସି, ଏଞ୍ଜାସି ହିରୁ ଗାଡ଼ୁରୁତା ମେଡ଼ପି ଆନେସି । ୨୩ ଅଡ଼େ ମାହାପୁରୁତି ପୂଜା ପିଣ୍ଡାତା ଦାନା ତାଟିମାନାଟି ମୀ ତାୟି କପାଟି ଏନି ହାଡ଼ା ମାନେ ଇଞ୍ଜିଁ ଏମ୍ବାଆଁ ଅଣପୁ ଝାନେ, ୨୪ ଆତିହଁ ଏନିଏମ୍ବାଆଁ ପୂଜା ପିଣ୍ଡାତା ମୀ ଦାନା ପିସାନା ହାଜୁ, ଇଞ୍ଜା ମୀ ତାୟିତଲେ ଆଣ୍ଡିତି କେତ ଝେଣ୍ଡା ଝାହାନା ମାହାପୁରୁ ନକିତା ଏ ଦାନା ହେରପାଦୁ ।

୨୫ ନାନୁ ଗଡ଼ହା ଆଡ଼ାଣି ତଲେ ନୀହାଁୟି କିନାଣି ତାଣା ହାନିବେଲାତା ଜିରୁତେଏ କାଲୁଝି ଆୟାଲି ଅଣପାମ୍, ଆଆଡ଼ିଁ ଏଞ୍ଜାସି ମିଜେ ନୀହାଁୟି କିନାଣି ତାଣା ହେରପାନେସି, ଅଡ଼େ ନୀହାଁୟି କିନାସି ମିଜେ ଜାମାନାଙ୍ଗା କେୟୁତା ହେରପାନେସି, ଅଡ଼େ ଏଞ୍ଜାରି କାୟିଦି ଇଲୁତା ସୁଣ୍ଡାନେରି । ୨୬ ନାନୁ ମିଜେ ସାତା ଝେସିମାଞ୍ଜାଇଁ ମୀ ତାକି କିଝିଆହାମାନି ର କାନି ଜିକେଏ ହାଆପାତାକା ଏମ୍ବାଟି ଏନିଜିକେଏ ହଡ଼ାଝାହାଲି ଆଡ଼ଅଡ଼େରି ।

ଦାରିକାମା କିଆଦୁ ଇଞ୍ଜିଁ ଜାପୁନାୟି

୨୭ ମୀରୁ ଝେଞ୍ଜାମାଞ୍ଜେରି, ଇଲେଇଞ୍ଜିଁ ରାସ୍ତିକି ଆହାମାନେ, ଦାରିକାମା କିଆଦୁ । ୨୮ ସାମା ନାନୁ ମିଜେ ଝେସିମାଞ୍ଜାଇଁ, ଆମ୍ବାଆସି ର ଇୟାନି ଲାଗେଏତି ଅଣପୁ ତଲେ ସିନିକିନେସି, ଇଞ୍ଜା ଏଞ୍ଜାସି ଏଦାନିତଲେ ମନ ମନତା ଦାରିକାମା କିତେସିଏ । ୨୯ ଅଡ଼େ ମୀ ଚିଝନି କାନୁ ମିଜେ ପାପୁ କିଝିକିୟାନେ ଇଚିହଁ ଏ କାନୁ ଡ଼େଝା କୁଡାଦୁ, ଇଚିହଁ ମୀ ବାରେ ଆଙ୍ଗା ନକିତା ରିନି କିହାଁ, ଆଙ୍ଗାତି ର ବାଟା ହିଲାଆଗାଟାକ ନେହେଁ । ୩୦ ଇଞ୍ଜା ମୀ ଚିଝନି କେୟୁ ମିଜେ ପାପୁ କିଝିକିୟାନେ ଇଚିହଁ ଏଦାଆଁ ଜାଟାନା କୁଡାଦୁ, ଇଚିହଁ ମୀ ବାରେ ଆଙ୍ଗା ନକିତା ରିନିବାଟା ଆଙ୍ଗାତି ର କେୟୁ ହିଲାଆଗାଟାୟି ନେହେଁ ।

ଡକ୍ଜିନି ପିହ୍ନି କାତା

(ମାତି ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ ଅଡ଼େ ରାସ୍ତିକି ଆହାମାନେ, ଆମ୍ବାଆସି ତାନି ଡକ୍ଜିନି ପିହ୍ନେସି, ଇଚିହଁ ଏଞ୍ଜାସି ଏଦାନାକି ପିହ୍ନି ଆକୁ ରାଟାନା ହାପେସି । ୩୨ ସାମା ନାନୁ ମିଜେ ଝେସିମାଞ୍ଜାଇଁ, ଆମ୍ବାଆସି ତାନି ଡକ୍ଜିନି ଦାରି କାମାତି ଦହ ହିଲାଆନା ଡକ୍ଜିନି ପିହ୍ନେସି, ଏଞ୍ଜାସି ଏଦାନି ଦାରେଣି କିନେସି; ଅଡ଼େ ଆମ୍ବାଆସି ପିସି ଇୟାନି ବାହା ଆନେସି, ଏଞ୍ଜାସି ଜିକେଏ ଦାରେଲା ଆନେସି ।

ପାର୍ମାଣା

୫:୧୮ ୫:୧୮ ଲୁକ ୧୭:୧୭ ୫:୨୯ ୫:୨୯ ମାତି ୧୮:୯; ମାର୍କ ୯:୪୭ ୫:୩୦ ୫:୩୦ ମାତି ୧୮:୮; ମାର୍କ ୯:୪୩ ୫:୩୧ ୫:୩୧ ମାତି ୧୯:୭; ମାର୍କ ୧୦:୪
୫:୩୧ ମାତି ୧୯:୭; ମାର୍କ ୧୦:୪ ୫:୩୨ ୫:୩୨ ମାତି ୧୯:୯; ମାର୍କ ୧୦:୧୧, ୧୨; ଲୁକ ୧୭:୧୮; ୧କର ୭:୧୦, ୧୧

୩୩ ଅତେ ମୀରୁ ଖେଞ୍ଜାମାଞ୍ଜେରି, ତଲିକାଲୀତି ଲକ୍ଷ୍ମଣି ଖେସପି ଆହିମାଗେ, ମୀରୁ ମିଚି ପାର୍ମାଣା କିଆଦୁ, ସାମା ପାର୍ମାଣା କିହାମାନାଣି ତିକଆନି, ମାହାପୁରୁ ନକିତା ପୁରା କିଦୁ । ୩୪ *ସାମା ନାନୁ ମିଙ୍ଗେ ଖେସିମାଞ୍ଜାଇଁ ପାର୍ମାଣା କିଞ୍ଜୁଏ କିଆଦୁ; ପାର୍ମାଣା କିନି ବେଲା ଲାକପୁରୁତି ଦରୁତଲେ ପାର୍ମାଣା କିଆଦୁ, ଏନାଆଁତାକି ଇଚିହିଁ ଏଦି ମାହାପୁରୁତି ସିଂଗାସାଣି; ୩୫ ଅତେ ଦାରୁତିଚି ଦରୁତଲେ ପାର୍ମାଣା କିଆଦୁ, ଏନାଆଁତାକି ଇଚିହିଁ ଏଦି ମାହାପୁରୁତି କତାୟାଁ ଇଚିନି ଚାୟା; ଜିରୁସାଲମ ଦରୁତଲେ ପାର୍ମାଣା କିଆଦୁ, ଏଦି ଆହିମାନେ କାଜା ରାଜାତି ଗାଡ଼ା; ୩୬ ଇଞ୍ଜାଁ ମୀ ତାୟାଁ ତୁ ପାର୍ମାଣା କିଆଦୁ, ଇଚିହିଁ ମୀ ତାୟାଁ ତୁ ର ବାଣା କାଡ଼ିୟା ଆଆତୁଁ ଦବଲା କିହାଲିତାକି ମୀ ବାଡ଼ୁୟା ହିଲେଏ, ୩୭ ସାମା ମାଦି ହାଅ ଇନି କାତା ହାଅ ଆପେ, ଇଞ୍ଜାଁ ଆଏ ଇନି କାତା ଆଏ ଆପେ; ଇଦାଆଁ ପିସପେ ଏନାଆଁ ଇଚାଣି ଆଗାଡ଼ା କାଲିହିଁ ଏଦି ଲାଗେଏ ତାଣାଟି ଖାନ୍ଦେ ।

ରାକି ଆହ୍ନାୟି
(ଲୁକ ୭:୨୯-୩୦)

୩୮ ମୀରୁ ଇ କାତା ଖେଞ୍ଜାମାଞ୍ଜେରି, ରାସକି ଆହ୍ନାମାନେ, କାନୁତି ବାଦୁଲି କାନୁ, ପାଲୁତି ବାଦୁଲି ପାଲୁ । ୩୯ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ମିଙ୍ଗେ ଲାଗେଏ କିୟାନାଣାଇଁ ବାଦୁଲି ଅଥାଦୁ, ସାମା ଆମ୍ବାଆସି ନୀ ଚିଃନି ଗେଏଲତା ସାପୁଡ଼ା ଖେତାନେସି, ଏଞ୍ଜାଣାକି ଅର ଗେଏଲା ଜିକେଏ ତହୁଦୁ । ୪୦ ଇଞ୍ଜାଁ ଆମ୍ବାଆସି ନୀହିଁୟି ପାଙ୍ଗାତା ମୀ ସକା ଅହାଲି ମନ୍ କିଚିହିଁ ଏଞ୍ଜାଣାକି ମୀ ହିମ୍ବୁରି ଜିକେଏ ହୀଦୁ । ୪୧ ଆମିନି ଦେସା ସାଲୁଡ଼ି କିନାସି ମିଙ୍ଗେ ବହୁ ତେକାନା ତାନିତଲେ ର କିଲମିଟର ହାଜାଲିତାକି ଏଲେଇଞ୍ଜାନ୍ଦେସି, ଏଞ୍ଜାଣିତଲେ ରୀ କିଲମିଟର ହାଜୁ । ୪୨ ଆମ୍ବାଆସି ମିଙ୍ଗେ ରାସ୍ତାନେସି, ଏଞ୍ଜାଣାକି ହୀଦୁ, ଅତେ ଆମ୍ବାଆସି ମୀ ତାଣାଟି ରାଣା ଅହାଲି ମନ୍ କିନେସି ଏଞ୍ଜାଣାଇଁ ଆଏ ଇନାଆଦୁ ।

ସାତୁୟାଁଇଁ ଜୀଞ୍ଜୁନଦୁ
(ଲୁକ ୭:୨୭-୩୬)

୪୩ ମୀରୁ ଖେଞ୍ଜାମାଞ୍ଜେରି, ରାସକି ଆହ୍ନାମାନେ, ମୀ ପାଡ଼ିତାଣାଇଁ ଜୀଞ୍ଜୁନଦୁ ଇଞ୍ଜାଁ ସାତୁୟାଁଣି ଅପାଆଦୁ । ୪୪ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ମୀ ସାତୁୟାଁଇଁ ଜୀଞ୍ଜୁନଦୁ, ଇଞ୍ଜାଁ ଆମ୍ବାଆରି ମିଙ୍ଗେ ନିନ୍ଦା କିୟାନେରି, ଏଞ୍ଜାରି ତାକି ପ୍ରାତାନା କିଦୁ । ୪୫ ଏନିକିଁ ମୀରୁ ମୀ ଲାକପୁରୁ ଆବାତି ମୀରକା ଆଦେରି; ସାମା ମାହାପୁରୁ ନେହାଁରି ଅତେ ଲାଗେଏ ପଲେଏତି ବାରେ ଲକ୍ଷ୍ମଣାକି ଖେଡ଼ା ଉଜେଡ଼ି ହୀନାସି ଅତେ ଦାମ୍ବୁଗାଟାରି ଅତେ ଦାମ୍ବୁ ହିଲଆ ଗାଟାରାକି ଜିକେଏ ପିୟୁ ହୀନେସି । ୪୬ ଇଞ୍ଜାଁ ଆମ୍ବାଆରି ମିଙ୍ଗେ ଜୀଞ୍ଜୁ ନୟାଁନେରି ଏ ଲକ୍ଷ୍ମଣାଇଁ ଜୀଞ୍ଜୁ ନଚିହିଁ ଏନାୟି ମୋଡ଼ାଆୟାନେ ? ସିସୁ ରାହ୍ନାରି ଜିକେଏ ଏଦାଆଁ କିଅରିକି ? ୪୭ ଅତେ ମୀରୁ ମୀ ତାୟାଁୟାଁଇଁ ଜହରା କିଦେରି, ଏମ୍ବାଟିଏ ଅତେ ଏନି କାମା କିଦେରି ? ଜୀହୁଦିଆଆତାରି ଜିକେଏ ଏଦାଆଁ କିଅରିକି ? ୪୮ ଏଦାଆଁତାକି ମୀ ଲାକପୁରୁତି ଆବା ଏନିକିଁ ବାରେକିହିଁ ନେହାଁସି ମୀରୁ ଜିକେଏ ଏଲେକିଁ ନେହିଁ ଆଦୁ ।



ଦାନା ହୀନାଣି ଜାପ୍ନାୟି

୧ *ଲକ୍ଷ୍ମଣେ ମୋସ୍ତାପେରିଞ୍ଜା ଇଞ୍ଜାଁ ଲକ୍ଷ୍ମଣ ନକିତା ଦାମ୍ବୁତି କାମା କିଆଦୁ, ଏଦାଆଁତାକି ମୀରୁ ଜାଗ୍ରାତା ଆଦୁ, ଆଆତିହିଁ ମୀ ଲାକପୁରୁତି ଆବା ନକିତା ମିଙ୍ଗେ ଦାନା ହିଲେଏ । ୨ ଏଦାଆଁତାକି ଦାନା ହୀନାଟି କୁଟୁ ଗାଟାରିଲେହେଁ ଜାହାରି ନକିତା ତୀତ୍ରି ଉକାଆଦୁ; ଏଞ୍ଜାରି ଲକ୍ଷ୍ମଣ ତାଣାଟି ମାନି ବେଟାଆହାଲି ଜୀହୁଦି ଲକ୍ଷ୍ମଣ କୁଟମି ଇଲୁତା* ଅତେ ମାଦି ଆଂଗେଣିତା ଏଲେକିନେରି, ନାନୁ ମିଙ୍ଗେ ସାତା ଖେସିମାଞ୍ଜାଇଁ ଏଞ୍ଜାରି ତାନି ଦାନା ବେଟାଆହାମାନେରି । ୩ ସାମା ମୀରୁ ଦାନା ହୀନାଟି ମୀ ଚିଃନି କେୟୁ ଏନାଆଁ କିହିମାନେ ମୀ ଚେଡ଼ି କେୟୁ ପୁନାଆପେ, ୪ ଏନିକିଁ ମୀ ଦାନା ହୀନାଟି ପୁନାଆରେଟୁ ଆନେ, ମୀ ଲାକପୁରୁତି ଆବା ଜିକେଏ ପୁନାଆରେଟୁ ମୋହ୍ନାସି, ଏଞ୍ଜାସି ମିଙ୍ଗେ ଦାନା ହିୟାନେସି ।

ପ୍ରାତାନା
(ଲୁକ ୧୧:୨-୪)

* ୫:୩୪ ୫:୩୪ ଜାକ୍ସ ୫:୧୨; ମାତି ୨୩:୨୨ * ୭:୧ ୭:୧ ମାତି ୨୩:୫ * ୭:୨ ୭:୨ ସିନଗରୁ

୫ *ପ୍ରାଚୀନା କିନାଟି କୁଟୁ ଗାଟାରିଲେହେଁ ଆଆଦୁ, ଏନାଆଁତାକି ଇଚିହଁ ଏଝାରି ଲକ୍ଷଣି ତସାଲି ତାକି, ଜାହୁଦି ଲକ୍ଷଣି କୁଟୁମି ଇଲୁତାଂ ଅଡ଼େ ଡେଡ଼ା ଜିରୁତି କନତା ନିଗନା ପ୍ରାଚୀନା କିହାଲି ରାହଁ ଆନେରି; ନାନୁ ମିଙ୍ଗେ ସାତା ଝେସିମାଞ୍ଜାଇ, ଏଝାରି ତାମି ଦାନା ବେଟାଆହାମାନେରି । ୬ ସାମା ମାରୁ ପ୍ରାଚୀନା କିନାଟି ମୀ ଇଲୁ ବିଦ୍ରା ହାକ୍ତ, ଇଞ୍ଜା ଦାରା ସୁଣ୍ଠା କତାଦୁ ଅଡ଼େ ତଞ୍ଜା ଆଆଗାଟି ମୀ ଆବା ମାହାପୁରୁ ତାଣା ପ୍ରାଚୀନା କିଦୁ; ଅଡ଼େ ମୀ ଆବା ଆମ୍ବାଆସି ତରୁନା ମେସ୍ତାନେସି ଏଝାସି ମିଙ୍ଗେ ଦାନା ହିୟାନେସି ।

୭ ମାରୁ ପ୍ରାଚୀନା କିନାଟି ଜାହୁଦିଆଆତାରି ଲେହେଁ ଉଜେ ଉଜେଏ ପେଟେପେଟେ ଜଲ୍ଲାଆଦୁ, ଏନାଆଁତାକି ଇଚିହଁ ଏଝାରି ଅଣ୍ଠିନେରି, ହାବେରକା ପ୍ରାଚୀନା କିତିସାରେ ମା ପ୍ରାଚୀନା ମାହାପୁରୁ ଝେଞ୍ଜାନେସି । ୮ ଏନାଆଁତାକି ଏଝାରିଲେହେଁ ଆଆଦୁ, ଏନାଆଁତାକି ଇଚିହଁ ମିଙ୍ଗେ ଏନାୟି ଲଡ଼ାମାନେ, ରାହୁଆ ନଡ଼କଏ ଏନାଆଁ ମୀ ଆବା ମାହାପୁରୁ ବାରେ ପୁଞ୍ଜାମାନେସି । ୯ ଅଡ଼େ ମାରୁ ଇଲେକିହଁ ପ୍ରାଚୀନା କିଦୁ;

ଏ ମା ଲାକପୁରୁତି ଆବା,

ନୀ ଦରୁ ନେହାୟି ଇଞ୍ଜିଁ ମାନୁଞ୍ଜି ଆଡ଼େ;

୧୦ ନୀ ରାଜ୍ଜି ଝାଡ଼େ;

ଲାକପୁରୁତି ଲେହେଁ ଦାରୁତିତା ଜିକେଏ ନୀ କାତେଏ ଆଡ଼େ,

୧୧ ନୀଞ୍ଜୁ ମାଙ୍ଗେ ଲଡ଼ା ଆନି ରାନ୍ଦା ହିୟାମୁ,

୧୨ ମା କପାତଲେ ଦହ କିହାମାନି ଲକ୍ଷଣି ମାମ୍ବୁ ଏନିକିହଁ ଦହ ଆହଅମି,

ଏଲେକିହଁ ମା ଦହ ବାରେ ମ୍ଲେକ୍ତହାମୁ ।

୧୩ ମାଙ୍ଗେ ପାନ୍ଦାତା ମେଡ଼ହାଆନି ଲାଗେଏ ପଲେଏ ତାଣାଟି ପିସପି କିୟାମୁ,

ଏନିଇଚିହଁ ରାଜ୍ଜି ବାଡ଼ୁଲୁ କାଜାପାଣା କାଲା କାଲାତାକି ନୀଦିଏ ଆପେ । ଆମେନ ।

୧୪ *ଇଚିହଁ ମାରୁ ଏବକା ଲକ୍ଷଣି ପାପୁ ବାରେ ମ୍ଲେକ୍ତହାସାରେ, ମୀ ଲାକପୁରୁତି ଆବା ମାହାପୁରୁ ଜିକେଏ ମୀ ପାପୁ ମ୍ଲେକ୍ତହାନେସି; ୧୫ ସାମା ମାରୁ ଲକ୍ଷଣି ପାପୁ ମ୍ଲେକ୍ତଆସାରେ, ମୀ ଆବା ଜିକେଏ ମୀ ପାପୁ ମ୍ଲେକ୍ତହଅସି ।

ଉପାସା କିନାଣି ଜାପ୍ତନାୟି

୧୬ ଉପାସା କିନାଟି କୁଟୁ ଗାଟାରିଲେହେଁ ମୀ ମୁମ୍ବୁଡ଼ି ଝାଡ଼ି କିଆଦୁ, ଏନାଆଁତାକି ଇଚିହଁ ଏଝାରି ଉପାସା କିହିମାନେରି ଇଞ୍ଜିଁ ଲକ୍ଷଣି ତସାଲି ତାମି ମୁମ୍ବୁଡ଼ି କିନେରି; ନାନୁ ମିଙ୍ଗେ ସାତା ଝେସିମାଞ୍ଜାଇ ଏଝାରି ତାମି ଦାନା ବେଟାଆହାମାନେରି । ୧୭ ସାମା ମାରୁ ଉପାସା କିନାଟି, ମୀ ତାୟଁ ତୁ ନିୟଁ ଉହୁଦୁ ଅଡ଼େ ମୁମ୍ବୁ ନୁରହା କତାଦୁ । ୧୮ ଏନିକିଁ ମାରୁ ଉପାସା କିହିମାନେରି ଇଞ୍ଜିଁ ଲକ୍ଷଣି ନକିତା ତଞ୍ଜା ଆଆନା, ପୁନାଆରେଟୁ ମାନି ମୀ ଲାକପୁରୁତି ଆବା ନକିତା ତଞ୍ଜା ଆଡ଼େରି; ଅଡ଼େ ମୀ ଆବା ପୁନାଆରେଟୁ ମେସାନା ମିଙ୍ଗେ ଦାନା ହିୟାନେସି ।

**ଲାକପୁରୁତି ଦନ
(ଲୁକ ୧୨:୩୩-୩୪)**

୧୯ “ଏମିୟା ସୀରନେ ଇଞ୍ଜା ଲୀମ୍ବୁ ତ୍ରିନେ ଅଡ଼େ ସରୁକା କାତି ତୁକ୍ତହାନା ସରୁ କିହା ଅନେରି, ଇଲେତି ଦାରୁତିତା ମିଙ୍ଗେତାକି ଦନ କୁଡ଼ିକିହଁ ଇଟାଆଦୁ । ୨୦ ସାମା ଆମିୟା ସୀରଏ ଇଞ୍ଜା ଲୀମ୍ବୁ ତ୍ରିନେଏ ଅଡ଼େ ସରୁକା କାତି ତୁକ୍ତହାନା ମାଣ୍ଡାତ ଅଅରି ଇଲେତି ଲାକପୁରୁ ମିଙ୍ଗେତାକି ଦନ କୁଡ଼ି କିଦୁ, ୨୧ ଇଚିହଁ ଆମିୟା ମୀ ଦନ ଏମ୍ବେଏ ମୀ ମନ ଜିକେଏ ମାନେ ।”

**ଆଜ୍ଞାତି ଉଜେଡ଼ି
(ଲୁକ ୧୧:୩୪-୩୬)**

୨୨ କାନୁ ଆଜ୍ଞାତି ଦୀଞ୍ଜିଁ ଲେହେଁ, ଇଚିହଁ ମୀ କାନୁ ନେହଁ ମାନେ, ଆତିହଁ ମୀ ବାରେ ଆଜ୍ଞା ଉଜେଡ଼ି ଆନେ । ୨୩ ସାମା ମୀ କାନୁ ଲାଗେଏ ମାନେ, ଆତିହଁ ମୀ ବାରେ ଆଜ୍ଞା ଜିକେଏ ଆନ୍ଦେରି ଆନେ । ଏନାଆଁତାକି ଇଚିହଁ ମୀ ଆଜ୍ଞାତି ଉଜେଡ଼ି ଆନ୍ଦେରି ଆତିହଁ ଏ ଆନ୍ଦେରି ଏଚେକା ଆଜିନାୟି ଆନେ ।

ମାହାପୁରୁ ଅଡ଼େ ଦନ
(ଲୁକ ୧୭:୧୩; ୧୭:୨୨-୩୧)

୨୪ ଆମ୍ଭାଆସି ଜିକେଏ ରୀ ସାସ୍ତ୍ରକାରି ତାଣ୍ଡା ହଟ୍ଟଲେଏସି ଆହାଲି ଆଡ଼ଅସି; ଏନାଆଁତାକି ଇଚିହଁ ଏଝାସି ରଅଣାଲ୍ ଜୀସ୍ତୁ ନନେସି, ଅଡ଼େ ରଅଣାଲ୍ ଅପଅସି, ରଅଣାଲ୍ ମାନୁ କିନେସି ଅଡ଼େ ରଅଣାଲ୍ ମାନୁଝି ଆଅସି, ମାରୁ ମାହାପୁରୁ ଅଡ଼େ ଦନତି ହଲ୍ଲିୟାଙ୍ଗା ଆହାଲି ଆଡ଼ଅଡ଼େରି ।

୨୫ ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଇଁ, ଏନାଆଁ ତିନାୟି ଏନାଆଁ ଗହନାୟି, ଏଲେକିଁ ମୀ ଜୀସ୍ତୁତାକି, ଏନାଆଁ ତୁରନାୟି ଇଲେକିଁ ମୀ ଆଙ୍ଗା ତାକି ଅଣପାଆଦୁ, ରାନ୍ଦାକିହା ଜୀସ୍ତୁ, ହିମ୍ବୁରିକା କିହାଁ ଆଙ୍ଗା କାଜାୟି ଆଏକି ? ୨୬ ପଟାୟାଁଣି ସିନିକିଦୁ, ଏଝି ମାଗାଉ କି ଦାରୁ କି ଗାଦେୟିତା କୁଡ଼ିକିହାଁ ଇଗାଉ, ଏଲେଆଡ଼ିଝା ଲାକପୁରୁତି ଆବା ଏଝାସିକାକି ତାମି ରାନ୍ଦା ହାହିମାନେସି, ଏଝାସିକା କିହାଁ ମାରୁ କାଜାଡ଼େରି ଆଏକି ? ୨୭ ଅଡ଼େ ମୀ ବିତ୍ରାଟି ଆମ୍ଭାଆସି ତାନି ଗାତି ଅଣପୁ ତଲେ ତାନି ଜୀସ୍ତୁତି ଆଗାଡ଼ା ପାତିକିହାଲି ଆଡ଼ିମାନେସି ?

୨୮ ହିମ୍ବୁରିକା ତାକି ଏନାଆଁତାକି ଅଣପିମାଞ୍ଜେରି ? ଜାଡ଼ାତି ପୁଞ୍ଜାଣି ସିନିକିହାଁ ଅଣପାନା ଜାପାଦୁ, ଏଝି ଏନିକିଁ ପାତାଆନୁ; ଏଝି କସ୍ତ କିଉ କି ଲୁଲୁ ଦାରୁ, ୨୯ ଆଡ଼ିଜିକେଏ ନାନୁ ମିଙ୍ଗେ ଝେସିମାଞ୍ଜାଇଁ, ରାଜା ସଲମନ ଗାତି ଦାରାତି ହିମ୍ବୁରିକା ହୁଟିମାଟିହଁ ଜିକେଏ ଏ ପୁଞ୍ଜା ବିତ୍ରାଟି ର ପୁରୁ ଲେହେଁ ଅଜା ହିଲ୍ଲାଆଡେସି । ୩୦ ସାମା ଗୁଡ଼ିୟାତା ତୁୟିନି ଗାକିଁ ଜାଡ଼ା ନୀଞ୍ଜୁ ମାନେ ଝିଏ ହଲ୍ଲୁତା ହୁଡ଼କିଆନେ, ଏଦାନାକି ମାହାପୁରୁ ଇଚେକା ନେହଁ ଅଜୁ ହାତିହଁ, ଏ ନାନୁ ହିଲ୍ଲାଆଗାଗାଡ଼େରି ମିଙ୍ଗେ ହାଚେକା ଗାତି ହିମ୍ବୁରିକା ହିୟଅସିକି ?

୩୧ ଏଦାଆଁତାକି ଏନାଆଁ ତିନି, ଏନାଆଁ ଗହନି, ଏନାଆଁ ପରନି ଏଲେକିହଁ ଅଣପାଆଦୁ । ୩୨ ଇଚିହଁ ଜୀହୁଦିଆଆତି ଲକ୍ଷୁ ଈ ବାରେ ପାରିନେରି, ଅଡ଼େ ଈ ବାରେ ମିଙ୍ଗେ ଲଡ଼ାମାନେ ଇଞ୍ଜିଁ ମୀ ଲାକପୁରୁତି ଆବା ପୁଞ୍ଜାମାନେସି । ୩୩ ସାମା ମାରୁ ନକେଏ ମାହାପୁରୁତି ରାଜି ଅଡ଼େ ଦାମ୍ବୁତି ପାରାଦୁ, ଆତିହଁ ମୀ ଲଡ଼ାମାନି ବାରେ ହାପକିଆନେ । ୩୪ ଇଚିହଁ ଝିଏତାକି ଅଣପାଆଦୁ, ଏନାଆଁତାକି ଇଚିହଁ ଝିଏତି ଅଣପୁ ଝିଏ ମାରୁ ମିଙ୍ଗେତାକି ଅଣପିଦେରି, ଇଚିହଁ ନୀଞ୍ଜୁତି କସ୍ତ ନୀଞ୍ଜୁତାକି ସାରି ।



ଏଟକା ତାରାଇଁ ନୀହାଁୟି କିନାୟି
(ଲୁକ ୬:୩୭-୩୮; ୪:୧-୪୨)

୧ ମାରୁ ଏନିକିଁ ନୀହାଁୟି କିଝି ଆଅଡ଼େରି, ଏଦାଆଁତାକି ମାରୁ ଆମ୍ଭାଆରାଇଁ ନୀହାଁୟି କିଆଦୁ । ୨ ଇଚିହଁ ମାରୁ ଏନିକିଁ ଲକ୍ଷୁଣି ନୀହାଁୟି କିଦେରି, ଏଲେକିହଁଏ ମାରୁ ଜିକେଏ ନୀହାଁୟି କିଝିଆଦେରି; ଅଡ଼େ ଆମିନି ମାଣ୍ଡାତଲେ ଲାଡ଼ିଦେରି ଏ ମାଣ୍ଡା ତଲେ ମିଙ୍ଗେ ଲାଡ଼ା ହିୟାନେରି । ୩ ଅଡ଼େ ଏନାଆଁତାକି ମୀ ତାୟି କାନୁତି ଲାଗା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଗା ମାନେ, ଏଦାଆଁ ଅଣପି ହିଲଅତି କି ? ୪ ଅଡ଼େ ନାନୁ ଏନିକିଁ ମୀ ତାୟିଲ୍ ଏଲେଇଞ୍ଜି ଝାମ୍ବୁ, ନୀ କାନୁତି ଲାଗା ଡ଼େଝାଇଁ, ଅଡ଼େ ମେହମୁ ନୀ କାନୁଡେଏ କାଜା ଲାଗା ମାନେ ! ୫ ଅଡ଼େ କୁଟୁ ଗାଟାତି ତଲିଏ ନୀ କାନୁତି ଲାଗା ଡ଼େଝା କଡାମ୍ବୁ, ଆତିହଁ ମୀ ତାୟି କାନୁତି ଲାଗା ଡ଼େଝାଲି ନେହଁକିଁ ମେସାଲି ଆଡ଼ିଦି ।

୬ ନେହଁ ଆସ୍ତିତି ନେସ୍ତକାକି ହାଆଦୁ, ଏଝି ଝେଶ୍ଟେ ତିରୁଝାହାଁ କାରାଦୁ ଇଞ୍ଜା ବାଗାରା କିହାଁ ଆଗାଡ଼ା ଦାରାଗାତି ହାଙ୍ଗା ପାଜିୟାଁ ନକିତା ମେଡ଼ୁଆଦୁ, ଏଝି ଏଦାନି କାଦତା ତୁଡ଼ବିନୁ ।”

ରାହ୍ନୁ, ପାରାଦୁ ଅଡ଼େ ଦୁଝେରିତା ଝେଦୁ
(ଲୁକ ୧୧:୯-୧୩)

୭ ରାହ୍ନୁ ଆତିହଁ ମିଙ୍ଗେ ହାପକିଆନେ; ପାରାଦୁ ଆତିହଁ ମିଙ୍ଗେ ମେଡ଼ାଆୟାନେ; ଦୁଝେରିତା ଝେଦୁ, ଏଚେଟିଏ ମିଙ୍ଗେତାକି ଦୁଝେରି ଦେପିଆନେ । ୮ ଇଚିହଁ ଆମ୍ଭାଆସି ରାହ୍ନୁନେସି, ଏଝାସି ବେଗାଆନେସି; ଆମ୍ଭାଆସି ପାରିନେସି, ଏଝାସି ମେଡ଼ାଆନେସି; ଅଡ଼େ ଆମ୍ଭାଆସି ଦୁଝେରିତା ଝେନେସି ଏଝାଣାକି ଦାରା ଦେପିଆନେ । ୯ ଇଚିହଁ ମୀ ବିତ୍ରା ଆମ୍ଭାଆସି ଇଲେତି ମାଣସି ମାନେସି, ତାନି ମୀରୁଏସି ରୁଟି ରାସ୍ତିସାରେ ଏଝାଣାକି ଝାଲ୍ଲକା ହାନେସି, ୧୦ ଅଡ଼େ ମୀନୁ ରାସ୍ତିସାରେ ଏଝାଣାକି ରାଟୁ ହାନେସି ? ୧୧ ଏଦାଆଁତାକି ମାରୁ ଲାଗେଏ ପଲେଏତି ଲକ୍ଷୁ ଆଡ଼ିଜିକେଏ ମୀ ମୀରୁକା ମାପ୍ତକାକି ନେହାଁଣି

☆ ୭:୨ ୭:୨ ମାର୍କ ୪:୨୪

ହାହିମାଞ୍ଜେରି, ଆତିହ୍ମଂ ମୀ ଲାକପୁରୁତି ଆଡ଼ା ନକିତା ରାହ୍ନି ଲକୁକି ଏଚେକା ନେହା ନେହାଁଣି ହାଅଧି !”

୧୭ *ଏଦାଆଁତାକି ଲକୁ ମିଙ୍ଗେ ତାକି ଏନିକ୍ ଲେମ୍ବାପେରି ଇଞ୍ଚ୍ ମୀରୁ ଅଣପିମାଞ୍ଜେରି, ମୀରୁ ଜିକେଏ ଏଞ୍ଜରାଇଁ ଏଲେକିହ୍ କିସୁ, ଏନାଆଁତାକି ଇତିହ୍ ଇଦିଏ ମସାତି ମୋରା ଅଡ଼େ ମାହାପୁରୁ ଅଣପୁତି ବଲ୍ଲୁ ଖେହ୍ନି ଦାମ୍ବୁ ପତିତି କାତା ।”

ଜାକ୍ଣି ଦୁଝେରି
(ଲୁକ ୧୩:୨)

୧୫ ଜାକ୍ଣି ଦୁଝେରିତି ହାକୁ, ଏନାଆଁତାକି ଇତିହ୍ ନକିତା ହାନି ଜିରୁ ଅସାରା ଅଡ଼େ ଉସାସା, ଏ ଜିରୁ ନାସା ଆନିଞ୍ଜକି ଅନାୟି, ଏ ଜିରୁତି ହାଡ଼େକା ଲକୁ ହାନେରି । ୧୪ ଅଡ଼େ ଜାସ୍ତୁତା ଅନି ଦୁଝେରି ଜାକ୍ଣି ଇଞ୍ଜା ଏମ୍ବାଆଁ ହାନି ଜିରୁ କସ୍ତଗାଟାୟି ଏ ଜିରୁତି ହାନି ଲକୁ ହାଡ଼େକା ଉଣା ।

ମାରୁନୁ ଅଡ଼େ ତାନି ପାଡ଼େୟି
(ଲୁକ ୬:୪୩-୪୪)

୧୫ “ମାହାପୁରୁ ବଲ୍ଲୁ ଖେହ୍ନାତମି ଇଞ୍ଚ୍ ସେସାନା ମିତି କାତା ଖେହ୍ନାରି ତାଣାଟି ଜାଗ୍ରାତା; ଏଞ୍ଜାରି ମୋସ୍ତାୟି ଖାଣା ଆସାନା ମୀ ତାଣା ଖାନେରି, ସାମା ଏଞ୍ଜାରି ହିୟାତା କାରୁରି ଆଡ଼ି କ୍ଳାଠିନି ! ୧୬ ଏଞ୍ଜାରି କାମା ମୋସାନା ମୀରୁ ଏଞ୍ଜରାଇଁ ପୁଞ୍ଜାଲି ଆଡ଼ିଦେରି, ଲକୁ ହାପୁକା ମାରୁନୁତା ଅଙ୍ଗୁରି ପାଡ଼େୟି ଆଆତିହ୍ ଅଣଙ୍ଗ ମାରୁନୁତା ତୟା ପାଡ଼େୟି ଏହ୍ନେରି ? ୧୭ ଏଲେକିହ୍ ଏ ନେହ୍ ମାରୁନୁତା ବାରେ ନେହ୍ ପାଡ଼େୟି ଅଡ଼େ ଲାଗେଏତି ମାରୁନୁତା ବାରେ ଲାଗେଏତି ପାଡ଼େୟି ଆୟିନେ । ୧୮ ନେହ୍ ମାରୁନୁ ଲାଗେଏତି ପାଡ଼େୟି ଆୟାଲି ଆଡ଼େଏ, ଅଡ଼େ ଲାଗେଏତି ମାରୁନୁ ନେହ୍ ପାଡ଼େୟି ଆୟାଲି ଆଡ଼େଏ । ୧୯ *ଆମିନି ମାରୁନୁ ନେହ୍ ପାଡ଼େୟି ଆୟେଏ, ଏଦାନି ଚୁଣି ଆହାନା ହିତୁତା ମେଡ଼ପି ଆନେ । ୨୦ ଏଲେକିହ୍ ଏ ମିତି ମାହାପୁରୁ ବଲ୍ଲୁ ଖେହ୍ନାରିଆଁ ତାମା କାମା ତଲେ ପୁଞ୍ଜାଲି ଆଡ଼ିନାୟି ।”

ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜୁଅଁ
(ଲୁକ ୧୩:୨୫-୨୬)

୨୧ “ନାଙ୍ଗେ ‘ପ୍ରୁ, ପ୍ରୁ’ ଇଞ୍ଚ୍ ହାଟାନେରି, ଏଲେତି ବାରେଜାଣା ଲାକପୁରୁ ରାଜିତା ହାଲଅରି, ସାମା ଆମ୍ବାଆରି ନା ଲାକପୁରୁତି ଆଡ଼ା ଖେସ୍ତି କାତା ମାନୁଞ୍ଜି ଆନେରି, ଏଞ୍ଜାରି ହାଜାଲି ଆଡ଼ିନେରି । ୨୨ ଏ ଦିନା ହାଡ଼େକା ନାଙ୍ଗେ ଏଲେଇଞ୍ଜାନେରି, ଏ ପ୍ରୁ ଏ ପ୍ରୁ ମାମ୍ବୁ ନୁୀ ଦରୁତଲେ ମାହାପୁରୁ ଅଣପୁତି ବଲ୍ଲୁ ଖେହ୍ଆତମି କି ? ଅଡ଼େ ନୀ ଦରୁତଲେ ବୁରୁୟାଲି ପିସ୍ପି କିଆତମି କି ? ଅଡ଼େ ନୀ ଦରୁତଲେ ହାଡ଼େକା କାବାଆନି କାମା କିଆତମି କି ? ୨୩ ଏଚିବେଲ୍ଲା ନାନୁ ଏଞ୍ଜରାଇଁ ତୀରେତଲେ ଏଲେଇଁ ଏ ଲାଗେଏ ପଲେଏ ଗାଟାଡେରି, ନା ତାଣାଟି ହେକ ଆପୁ, ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜୁଅଁ ।”

ରୀ ଇଲ୍ଲକା କେପିନାରି
(ଲୁକ ୬:୪୭-୪୯)

୨୪ “ଇଞ୍ଚ୍ ଆମ୍ବାଆସି ଇ ନା ହାଡ଼ା ଖେନେସି ଅଡ଼େ ମାନୁଞ୍ଜି ଆନେସି, ଏଞ୍ଜାସି ପାକା ଖାଲି ଲାକ ଇଲ୍ଲୁ କିନି ର ବୁଦିଗାଟି ଲକୁ ଲେହେତାସି । ୨୫ ଗାଡ଼ି ପିୟୁ ରୀତେ ଖାରୁ ଖାଡ଼େ ଅଡ଼େ ଗାଲି ଆଡ଼େ, ଏ ଇଲ୍ଲୁତି ଗୁପିଡେ, ସାମା ଏ ଇଲ୍ଲୁ ରିଆଡେ, ଇତିହ୍ ଏଡ଼ି ପାକାତା କାଦା କାରୁହାନା ପୁନାଦି ଦସାମାଟାୟି ।”

୨୬ “ଅଡ଼େ ଆମ୍ବାଆସି ଇ ନା ହାଡ଼ା ଖେଞ୍ଜାନା ମାନୁଞ୍ଜି ଆସିଏ ଏଞ୍ଜାସି ବାଠଲି ଲାକ ଇଲ୍ଲୁ କେଦା ତୁୟିନି ବୁଦି ହିଲ୍ଲାଆଗାଟି ଲକୁ ଲେହେତାସି । ୨୭ ଗାଡ଼ି ପିୟୁ ରୀତେ, ଖାରୁ ଖାଡ଼େ ଅଡ଼େ ଗାଲି ଆଡ଼େ, ଏ ଇଲ୍ଲୁତି ଗୁପିଡେ ଏମ୍ବାଟିଏ ଇଲ୍ଲୁ ତରଗାହାଜା ବୁନିତା ଆଣ୍ଡିଡେ ।”

ଜାସ୍ତୁତି କାଜାପାଣା

୨୮ *ଜାସ୍ତୁ ଇ ବାରେ କାତା ରାପୁହି ଜେଡ ତାନି କାତା ଖେଗାରି କାବା ଆଡ଼େରି । ୨୯ ଇତିହ୍ ଏଞ୍ଜାସି ତାନି ବୁଦି ଗାଟାରିଲେହେଁ ଜାପୁଆନା ଅଦିକାରା ବେଗାଆହାମାନି ମାଣସିଲେହେଁ ଜାପୁହି ମାଚେସି ।

* ୭:୧୨ ୭:୧୨ ଲୁକ ୬:୩୧ * ୭:୧୯ ୭:୧୯ ମାତୃ ୩:୧୦; ଲୁକ ୩:୯ * ୭:୨୦ ୭:୨୦ ମାତୃ ୧୨:୩୩ * ୭:୨୮ ୭:୨୮ ମାତୃ ୧:୨୨; ଲୁକ ୪:୩୨



ଜୀସୁ କାଜା ରତ୍ନ ଗାଟାଣାଇଁ ନେହଁ କିନାୟି

(ମାର୍କ ୧:୪୦-୪୫; ଲୁକ ୫:୧୨-୧୬)

^୧ ଜୀସୁ ହରୁ ଲାକଟି ରୋଟା ଖାଡ଼ି ତାୟୁ ମାୟା ଲକ୍ଷ୍ମୀ ତାନି ଜେତ ହାଚେରି । ^୨ ଏଚିବେଲା ର କାଜା ରତ୍ନ ଗାଟାଣି ତାନି ନକିତା ଖାହାଁ ମେଣ୍ଡାକୁତାନା ଜହରା କିହାଁ ଏଲେଇଚେସି, “ପ୍ରଭୁ ନୀନୁ ମନ କିତେହଁ ନାଜେ ନେହଁ କିହାଲି ଆଡାଦି ।”

^୩ ଏଚେଟିଏ ଜୀସୁ କେୟୁ ଦାସାହାଁ ତାଜା ତୀଗାନା ଏଲେଇଚେସି, “ନୀନୁ ମନ କିହିମାଇଁ ନୀନୁ ନେହଁ ଆମ୍ବୁ ।” ଏ ଦେବୁଣିଏ କାଜା ରତ୍ନ ଗାଟାଣି ନେହଁ ଆଡେତସି । ^୪ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା ଆମ୍ବାଆରାଇଁ ଖେହ୍‌ଆନି, ସାମା ନୀନୁ କାଜା ପୂଜେରା ତାଣା ହାଜାନା ନିଜା ତସାକତାମ୍ବୁ, ଅଡେ ମସା ଆମିନି ମେରା ହାହାମାନେସି ଏଦାଆଁ ଲକ୍ଷ୍ମୀ ନକିତା ସାକି ହାନିଲେହେଁ ହେରପାମ୍ବୁ ।”

ଜୀସୁ ର ରମିୟ କସକା ହଲେଏଣାଇଁ ନେହଁ କିନାୟି

(ଲୁକ ୭:୧-୧୦)

^୫ ଜୀସୁ କପରନାହୁମ ଗାଡାତା ହାଜାଲିଏ ର ରମିୟ ପାସାକଡ଼ି କସକା ମୁହେଁ କାଜାସି ଏଞ୍ଜାଣି ତାଣା ଖାହାମା ବାଡ଼ିମାଲିହଁ ଏଲେଇଚେସି, ^୬ “ଏ ପ୍ରଭୁ, ନା ହଲେଏସି ଟଟଞ୍ଜାୟାନା ହାରେକା କସ ଆହଁ ଇଜ କାଚେଲିତା ତୁରାମାନେସି ।”

^୭ ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁ ଖାହାମା ଏଞ୍ଜାଣାଇଁ ନେହଁ କିଇଁ ।”

୮ ସାମା ପାସାକଡ଼ି କସକା ମୁହେଁ କାଜାସି ଏଲେଇଚେସି, “ଆଏ, ପ୍ରଭୁ ନୀନୁ ନା ଇଜ ପାଞ୍ଜୁଲି ଇଚିଦି, ଏଲେତି ଜମେ ଆଏ; ସାମା ନୀନୁ ର ପଦୁ ଖେସା ପାଣ୍ଡାମ୍ବୁ, ନା ହଲେଏସି ନେହଁ ଆନେସି । ^୯ ଇଚିହଁ ନୀନୁ ରଅଣି ତାଣା କାମା କିନି ମାଣସି ଆଡ଼ିହଁ ଜିକେଏ ନା ଅଦିକାରାତା ଅଡେ କସକା ମାନେରି; ନୀନୁ ରଅଣାଇଁ ହାଲାମ୍ବୁ ଇଚିହଁ ଏଞ୍ଜାସି ହାନେସି; ଅଡେ ରଅଣାଇଁ ଖାମ୍ବୁ ଇଚିହଁ ଖାନେସି; ଅଡେ ନା ହଲେଏଣାଇଁ ଇଦାଆଁ କିମ୍ବୁ ଇଚିହଁ ଏଦାଆଁ କିନେସି ।”

^{୧୦} ଜୀସୁ ଇ ବାରେ କାତା ଖେଞ୍ଜାନା କାବା ଆଡେସି, ଅଡେ ତାନି ଜେତ ଖାହିମାଟି ଲକ୍ଷ୍ମୀ ଏଲେଇଚେସି, ନୀନୁ ମିଜେ ସାତା ଖେସିମାଞ୍ଜାଇଁ, ଇସ୍ତାୟେଲ ବିତ୍ରା ଆମ୍ବାଆରି ତାଣା ଇଚେକା କାଜା ନାମ୍ବୁ ମେସାହିଲଅଁ । ^{୧୧} *ସାମା ନୀନୁ ମିଜା ଖେସିମାଞ୍ଜାଇଁ, ହାରେକା ଲକ୍ଷ୍ମୀ ଖେଡ଼ା ହପୁ ଖାକିଟି ଅଡେ ଖେଡ଼ା କୁଡ଼ନି ଖାକିଟି ଖାହାମା ଅଗ୍ରାହାମ, ଇସାହାକ ଅଡେ ଜାକୁବ ତଲେ ଲାକପୁରୁ ରାଜିତା ତିଞ୍ଜାଲି କୁନିନେରି । ^{୧୨} *ସାମା ରାକ୍ତିତି ମୀରକାଣି ପାଜାତି ଆନ୍ଦେରିତା ମେଡ଼ପି ଆନେ ଏମ୍ବାଆଁ ଏଞ୍ଜାରି ପାଲୁକା ଟୀଟି କିହଁ ତୀନେରି । ^{୧୩} ଅଡେ ଜୀସୁ ଏ କାଜାଣାଇଁ ଏଲେଇଚେସି, ଇଜ ହାଲାମ୍ବୁ, ଏନିକିହଁ ନାମାମାଞ୍ଜି ନିଜେତାକି ଏଲେକିହଁ ଆଡେ । ଏ ଦେବୁଣିଏ ଏ ହଲେଏସି ନେହଁ ଆଡେସି ।

ଜୀସୁ ହାରେକା ଲକ୍ଷ୍ମୀ ନେହଁ କିନାୟି

(ମାର୍କ ୧:୨୯-୩୪; ଲୁକ ୪:୩୮-୪୧)

^{୧୪} ତାୟୁ ଜୀସୁ ପିତର ଇଜ ଖାହାମା ପିତରତି ପୟା ନମେରି ତାକି କାଚେଲିତା ତୁରାମାନାଣି ମେସ୍ତେସି । ^{୧୫} ଏଚେଟିଏ ଜୀସୁ ତାନି କେୟୁ ତୀଗାଲିଏ ନମେରି ପିସ୍ତେ, ଅଡେ ନିଜାମା ଏଞ୍ଜାଣି ସେବା କିହାଲି ମାଡ଼ହେ ।

^{୧୬} ମିଡ଼ଅଲ୍ଲା ଆହାଲିଏ ଲକ୍ଷ୍ମୀ ହାରେକା ବୁଡୁ ଆଲ୍‌ଗାମାଟି ଲକ୍ଷ୍ମୀ ଜୀସୁ ତାଣା ତାଚେରି, ଏଚେଟିଏ ଜୀସୁଟି ର ବଲୁ ତାକି ବୁଡୁୟାଁ ଏଞ୍ଜାରି ତାଣାଟି ହଟାହାଟୁ, ଅଡେ ହାରେକା ନମେରି ଗାଟାଣାଇଁ ନେହଁ କିଚେସି । ^{୧୭} ଏନିକିହଁ ମାହାପୁରୁ ଅଣ୍ଡପୁତି ବଲୁ ଖେହ୍‌ନି ଜିସାୟତି କାତା ସାତା ଆନେ, “ଏଞ୍ଜାସି ତାନ୍ସୁଏ ମା ନମେରି ଦୁକା ଅଡେସି ଅଡେ ମା ରଗତି ଡେକିଚେସି ।”

ଜୀସୁ ସାମୁୟାଁ ଆହାଲି ମନ କିନାୟି

(ଲୁକ ୯:୫୭-୬୨)

* ୮:୧୧ ୮:୧୧ ଲୁକ ୧୩:୨୯ * ୮:୧୨ ୮:୧୨ ମାତି ୨୨:୧୩; ୨୫:୩୦; ଲୁକ ୧୩:୨୮

୧୮ ଜୀସୁ ତାନି ସାରିଖାକି ଲକ୍ଷ୍ମଣି ମେସାନା, ସୀସୁୟାଁଇଁ ସାମ୍ବୁରୁରି ଆତାଲା ହାଜାଲି ହୁକୁମି ହୀତେସି । ୧୯ ର ମେରା ଜାପ୍‌ନାସି ଖାହାନା ଜୀସୁଇଁ ଏଲେଇଚେସି, “ଗୁରୁ, ନୀନୁ ଆମ୍ବିୟା ହାଜି, ନୀନୁ ଜିକେଏ ନୀ ତଲେ ଖାଉଁ ।”

୨୦ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନୀକାୟାଁକି ତୁୟିନି ପାଞ୍ଜୁୟାଁ ମାନୁ, ହାଗୁ ଲାକ ଉମ୍ବିନି ପଟାୟାଁକି ବାସାଟାୟାଁ ମାନେ, ସାମା ମାଣସି ମୀରୁଏଣାକି ତାୟାଁ ନେଟୁହାଲି ବାସାଟାୟାଁ ହିଲେଏ ।”

୨୧ ଇଞ୍ଜା ସୀସୁୟାଁ ବିତ୍ରାତି ଅଡେ ରଅସି ଜୀସୁଇଁ ଏଲେଇଚେସି “ପ୍ରବୁ, ନକେଏ ହାଜାନା ନା ଆବାଇଁ ମାହୁଣିଣା ମୁସାଲି ହେଲ ହିୟାମୁ ।”

୨୨ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ନା ଜେଟ ଖାପୁ, ହାଡାରାଇଁ ତାନି ହାଡି ଲକ୍ଷ୍ମଣି ମୁସାଲି ପିହୁଡୁ ।”

ଜୀସୁ ଗାଲି ପିୟୁ ସାପି କିନାୟି
(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଜୀସୁ ତଂଗତା ହଟାଲିଏ ସୀସୁୟାଁ ତାନି ଜେଟ ହାଚେରି । ୨୪ ଅଡେ ମେହୁଦୁ ଦେବୁଣିଏ ସାମ୍ବୁରୁରିତା କାଜା ଗାଲି ଆଡେ, ଇଞ୍ଜା ତଂଗ ପୁଞ୍ଜାଲି ମାଟୁହେ, ସାମା ଜୀସୁ ତଂଗତା ତୁରାମାଚେସି । ୨୫ ଏମ୍ବାଟିଏ ଏଞ୍ଜାରି ତାଗେ ଖାହାଁ ନିକହାନା ଏଲେଇଚେରି, “ପ୍ରବୁ, ମାଜା ଗେଲପାମୁ, ଆଆଡୁ ମାମୁ ହୁଞ୍ଜିମାନମି ।”

୨୬ ଜୀସୁ ଏଞ୍ଜାରିଆଁ ଏଲେଇଚେସି, “ଏ ଉଣା ନାମୁ ଗାଟାଚେରି, ଏନାଆଁତାକି ଇଚେକା ଆଜିମାଞ୍ଜେରି?” ଏମ୍ବାଟିଏ ଜୀସୁ ନିଜାମା ଗାଲି ଅଡେ ଖାଡିମାଟି ସାମ୍ବୁରୁରିତି ଦାକା ହୀତେସି, ଇଞ୍ଜା ଦେବୁଣିଏ ସାପିଆଡେ ।

୨୭ ଏମ୍ବାଟିଏ ଏଞ୍ଜାରି କାବା ଆହାଁ ଏଲେଇଚେରି, “ଇଞ୍ଜାସି ଏନିଲେହେଁଟି ମାଣସି ? ଗାଲି ଅଡେ ସାମ୍ବୁରୁରି ଜିକେଏ ଇଞ୍ଜାଣି ହାଡା ମାନୁଞ୍ଜି ଆହିମାନେ ।”

ବୃତୁ ଆଲୁଗାମାଟି ରିଆରାଇଁ ଜୀସୁ ନେହୁଁ କିନାୟି
(ମାର୍କ ୫:୧-୨୦; ଲୁକ ୮:୨୬-୩୯)

୨୮ ତାୟାଁ ଜୀସୁ ସାମ୍ବୁରୁରି ଆତାଲାଖାକିତି ଗଦରିୟ ନାସୁକାଣାଁ ଏଗାହାଜାଲିଏ ରୀ ବୃତୁୟାଁ ଆଲୁଗା ମାଟାରି ମାଡୁହା ମୁହନି ଟାୟାଁ ଖାହାନା ଜୀସୁ ବେଟାଆଡେରି, ଏଞ୍ଜାରି ଇଲେଟି ଆଜିହୁପେଟି ଲକ୍ଷ୍ମଣି ମାଚେରି, ଏ ଜିରୁଟି ଲକ୍ଷ୍ମଣି ରେଜାଲି ଆଡିହିଲାଆଡେରି । ୨୯ ଇଞ୍ଜା ମେହୁଦୁ ଏଞ୍ଜାରି କିବଡିହୁଁ ଏଲେଇଚେରି, “ଏ ମାହାପୁରୁ ମୀରୁଏଣାଟି ! ନୀ ତଲେ ନାଜେ ଏନାୟି ମାନେ ? ମା ବେଲା ଖାଆନେଏ ମାଜେ କସୁ ହିୟାଲି ଇମ୍ବାଆଁ ଖାଡିକି ?”

୩୦ ଇଞ୍ଜା ଏଞ୍ଜାରି ତାଣାଟି ହେକ ର ମାନ୍ଦା ପାଜିୟାଁ ମେୟାଁମାତୁ । ୩୧ ଏ ଲକ୍ଷ୍ମଣି ବିତ୍ରାତି ବୃତୁୟାଁ ଜୀସୁଇଁ ବାଡିମାଲିହୁଁ ଏଲେଇଚୁ, “ମାଜେ ପେରୁହାପି ଇଚିହୁଁ, ଏ ପାଜିୟାଁ ମାନ୍ଦା ବିତ୍ରା ପାଣ୍ଡାମୁ ।”

୩୨ ଜୀସୁ ଏଞ୍ଜାସିକାଣି ଏଲେଇଚେସି, “ହାଜୁ ।” ବୃତୁୟାଁ ଏ ଦେବୁଣିଏ ଲକ୍ଷ୍ମଣି ପିସାନା ପାଜିୟାଁ ମାନ୍ଦା ବିତ୍ରା ହୁଡୁ; ଏ ପାଜିୟାଁ ହରୁ କାଡୁଦିତି ଦାବଡି ହଟାନା ଦାରିତି ସାମ୍ବୁରୁରିତା ମେଦାନା ହାହାହାଚୁ ।

୩୩ ପାଜିୟାଁ ମେଟିମାଟି ଗଡ଼କା ହଚିହୁଁ ହାଜାନା ଗାଡାତା ବାରେ କାଚୁ ଇଞ୍ଜା ବୃତୁୟାଁ ଆଲୁଗା ମାଟାରି ଏନି ଆଡେରି ଏ ବାରେ ହାଡା ଖେସୁେରି । ୩୪ ଅଡେ ନାସୁକାଟି ବାରେ ଲକ୍ଷ୍ମଣି ଜୀସୁଇଁ ମେସାଲି ଖାଡେରି, ଇଞ୍ଜା ଜୀସୁଇଁ ମେସାନା ତାନି ହାଦିଟି ହାଜାଲି ବାଡିମାଲିଚେରି ।



ଜୀସୁ ର ଟଟଞ୍ଜାୟିତି ଲକ୍ଷ୍ମଣି ନେହୁଁ କିନାୟି
(ମାର୍କ ୨:୧-୧୨; ଲୁକ ୫:୧୭-୨୬)

୧ ଏମ୍ବାଟିଏ ଜୀସୁ ତଂଗତା ହଟାନା ସାମ୍ବୁରୁରି ଗାଣ୍ଡାହାଁ ତାନୁ ବାସାଆହାମାନି ଗାଡାତା ଖାଡେସି । ୨ ଅଡେ ମେହୁଦୁ କାଚେଲିତା ତୁରାମାଟି ର ଟଟଞ୍ଜାୟିତି ଲକ୍ଷ୍ମଣି ଡେକାନା ତାନି ତାଣା ତାଚେରି, ଇଞ୍ଜା ଏଞ୍ଜାରି ନାମୁ ମେସାନା ଜୀସୁ ଏ ଟଟ ଞ୍ଜାୟିତାଣାଇଁ ଏଲେଇଚେସି, “ଏ ମୀରୁଏଣା, ସାସା ଆହୁମୁ ନୀ ପାପୁ ବାରେ ମେଣିଜାହାଚେ ।”

୩ ଏଚେକା ମେରା ଜାପ୍‌ନାରି ଇ ହାଡା ଖେଞ୍ଜାନା ଏଞ୍ଜାରି ଖେସପି ଆଡେରି, “ଇ ମାଣସି ମାହାପୁରୁଇଁ ନିନ୍ଦା କିହିମାନେସି ।”

୪ ଜୀସୁ ଏଞ୍ଜାରି ମନତି ହାଡା ପୁଞ୍ଜାନା ଏଲେଇଚେସି, “ମୀରୁ ମୀ ମନତା ଏନାଆଁତାକି ଇଚେକା ଲାଗେଏତି ଅଣ୍ଡପୁ ଅଣ୍ଡପିମାଞ୍ଜେରି ? ୫ ଇଚିହୁଁ ଏନାଆଁ ଇନାୟି ଉସାସା, ନୀ ପାପୁ ମେଣିଜାହାଚେ,

ଆଥାତ୍ ନିଜ୍ଞାନା ତାକାମ୍ ? ୭ ଯାମା ଦାଋତ୍ତିତ ପାପୁ ମ୍ଲେକ୍‌ହାଲି ତାକି ମାଣସି ମୀତ୍‌ଏଣାକି ଅଦିକାରା ମାନେ, ଇଦାଆଁ ଏନିକି ପୁଞ୍ଜାଲି ଆଡ଼ିନେରି, ” ଏଦାଆଁତାକି ଜୀସୁ ଚଟ ଖାୟିତାଣାଇଁ ଏଲେଇଚେସି, “ନିଜ୍ଞାମ୍‌ନୀ କାଚେଲି ଡେକାନା ଇଜ ହାଲାମ୍ ।”

୯ ଏମ୍‌ଗାଟିଏ ଏଞ୍ଜାସି ନିଜ୍ଞାନା ତାମି ଇଜ ହାଚେସି । ୮ ଇଦାଆଁ ମେସାନା ଲକୁ ଆଜିତେରି, ଅଡ଼େ ଆମିନି ମାହାପୁରୁ ମାଣସିୟାକି ଇଲେତି ଅଦିକାରା ହାହାମାନେସି ଇଞ୍ଜିହ୍ମ ଏ ମାହାପୁରୁତି ଗାଞ୍ଜୁରିମି କିତେରି ।

ଜୀସୁ ମାତୃତ୍ଵୁଇଁ ହାଡ଼ିନାୟି

(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜୀସୁ ଏମ୍‌ଗାଟି ହାଜି ହାଜିହ୍ମ ମାତୃତ୍ଵୁ ଦରୁଗାଟି ର ସିସୁ ରାହ୍‌ନାସି ତାନି ସିସୁ ରାହ୍‌ନି ଚାମୁତା କୁଗାମାନାଣି ମେସାନା ହାଡ଼ାନା ଏଲେଇଚେସି, “ନା ଜେଟ ଖାମ୍ ।”

ଏମ୍‌ଗାଟିଏ ମାତୃତ୍ଵୁ ନିଜ୍ଞାନା ତାନି ଜେଟ ହାଚେସି ।

୧୦ *ଇଞ୍ଜା ଜୀସୁ ମାତୃତ୍ଵୁ ଇଜ ତାନି ବେଲା ଏଚେକା ସିସୁ ରାହ୍‌ନାରି ଅଡ଼େ ପାପୁଗାଟି ଲକୁ ତାନି ସାସୁୟାଁ ତଲେ ତିଞ୍ଜାଲି କୁରିତେରି । ୧୧ ପାରୁସିୟାଁ ଇଦାଆଁ ମେସାନା ସାସୁୟାଁଇଁ ଏଲେଇଚେରି, “ମା ଗୁରୁ ଏନାଆଁତାକି ସିସୁ ରାହ୍‌ନାରି ଅଡ଼େ ପାପୁ ଗାଟାରି ତଲେ ତିଞ୍ଜା ମାନେସି ।”

୧୨ ଯାମା ଜୀସୁ ଏଞ୍ଜାରି ହାଡ଼ା ଖେଞ୍ଜାନା ଏଲେଇଚେସି, “ନେହ୍ମ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଡ଼ା ଗାଟାରାକି ଲଡ଼ାମାନେ । ୧୩ *ଇଦାଆଁତାକି ମୀରୁ ହାଜାନା ଇଦାନି କାତା ଜାପାପୁ, ସାମା ପୂଜା ହାନାୟି ଲଡ଼ାଆଏ, ସାମା ଲକୁଣି କାର୍‌ମାମେହ୍‌ନାୟି ନେହ୍‌ହେଁ; ଇଚିହ୍ମ ନାନୁ ଦାମ୍‌ ଗାଟାରାଇଁ ଆଏ ସାମା ପାପୁ ଗାଟାରାଇଁ ହାଟାଲି ଖାହାମାଇଁ ।”

ଉପାସା କିନାଣି ଖେନାୟି

(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏଚିବେଲାତା ବାପ୍ତିସ୍ମ* ହାନି ଜହନତି ସାସୁୟାଁ ଜୀସୁଇଁ ଖାହାନା ଖେଚେରି, “ମାମ୍‌ ଅଡ଼େ ପାରୁସିୟାଁ ଉପାସା କିହିମାନମି, ସାମା ମା ସାସୁୟାଁ ଏନାଆଁତାକି ଉପାସା କିଅରି ?”

୧୫ ଜୀସୁ ଏଞ୍ଜାରାଇଁ ଏଲେଇଚେସି, “ବାହା ହନେଏସି ଡ଼ୟିନି ପାତେକା ବାହା ଲକୁ ଦୁକୁ ଆଅରି, ସାମା ଦିନା ଖାନ୍ଦେ, ଏଚିବେଲା ବାହା ହନେଣାଇଁ ଅନ୍ଦେରି, ଏଚିବେଲା ଏଞ୍ଜାରି ଉପାସା କିନେରି ।”

୧୬ “ଆମ୍‌ଗାଆସି ପୁଞ୍ଜା ହିମ୍‌ଗିତା ପୁଞ୍ଜିନି ପାସକି ତାଟଅସି, ଏନାଆଁତାକି ଇଚିହ୍ମ ଏ ପାସକି ପୁଞ୍ଜା ହିମ୍‌ଗିତି ଗେସାଅନ୍ଦେ, ଇଞ୍ଜା ଏଡ଼ି ହାଚେକା କାଜାୟି ଆହ୍ମ ଗେଞ୍ଜିନେ । ୧୭ ଅଡ଼େ ଲକୁ ପୁଞ୍ଜିନି ଅଞ୍ଜୁରି ରାସା ପୁଞ୍ଜା ଡ଼କାତାଁ ଇଚିଅରି; ଇଚିହ୍ମ ଏ ଡ଼କା ଡ଼ାୟାହାନେ ଅଞ୍ଜୁରି ରାସା ବହାହାନେ, ସାମା ପୁଞ୍ଜିନି ଅଞ୍ଜୁରି ରାସା ପୁଞ୍ଜିନି ଡ଼କାତା ଇଚିନେରି, ଆଡ଼ିହ୍ମ ଅଞ୍ଜୁରି ରାସା ଅଡ଼େ ଡ଼କା ନେହ୍ମ ଡ଼ୟିନେ ।”

ର କାଜାଣି ମାଜ୍ଞା ଅଡ଼େ ର ଇୟା ଜୀସୁ ହିମ୍‌ଗିତ କୁଜୁ ଡ଼ାଗାନା ନେହ୍ମ ଆନାୟି

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଏଚିବେଲା ଇ ବାରେ କାତା ଜୀସୁ ଏଞ୍ଜାରାଇଁ ଖେସିମାଟି ବେଲାତା ର ଜୀହୁଦି କାଜାପାଣା ଗାଟାସି ତାଗେ ଖାହାନା ମେଣ୍ଡାକୁତାନା ଜହରା କିହ୍ନାଁ ଏଲେଇଚେସି, “ନା ମାଜ୍ଞା ନୀର୍‌ସ ହାହାହାଚେ, ସାମା ନାନୁ ଖାହାନା ତାନି ଲାକ କେମ୍‌ ଇଚିତିହ୍ମ ଏଡ଼ି ନାଡ଼ିନେ ।”

୧୯ ଏମ୍‌ଗାଟିଏ ଜୀସୁ ନିଜ୍ଞାନା ତାନି ସାସୁୟାଁ ତଲେ ଏଞ୍ଜାଣି ଜେଟ ହାଚେରି ।

୨୦ ଅଡ଼େ ମେହ୍‌ଦୁ ବାର ବାର୍‌ସା ପାତେକା ନେତେରି ଖାଜିନି ରଗାଟାରି ର ଇୟା ଡ଼ାୟାଖାକିଟି ଖାହାନା ଜୀସୁତି ହିମ୍‌ଗିତ କୁଜୁ ଡ଼ାଗିତେ । ୨୧ ଇଚିହ୍ମ ଏ ଇୟା ମନ୍‌ଡ଼ା ଅଣ୍‌ପିମାଚେ, “ଞ୍ଜାରଇ ତାନି ହିମ୍‌ଗିତ ଡ଼ାଗିତିହ୍ମ ନାନୁ ନେହ୍ମ ଆଇଁ ।”

୨୨ ସାମା ଜୀସୁ ଖେଣ୍ଡେ ଡ଼ାୟାଖାକି ସିନିକିହାନା ଏଲେଇଚେସି, “ମାଜ୍ଞା ସାସା ଆହ୍‌ମ୍, ନୀ ନାମ୍‌ ନିଜେ ନେହ୍ମ କିହାମାଞ୍ଜାନେ” ଏ ଦେବୁଣିଏ ଏ ଇୟା ନେହ୍ମ ଆଡ଼େ ।

୨୩ ଡ଼ାୟା ଜୀସୁ ଏ କାଜାପାଣା ଗାଟାରି ଇଜ ହାଚେସି, ଏମ୍‌ଗାଆଁ ପୀରୁଡ଼ି ଉକିନାରାଇଁ ଅଡ଼େ ଡ଼ାହ୍ମ କାଲୁଞ୍ଜି ଆହ୍‌ମାଟି ଲକୁଣି ମେସାନା ଏଲେଇଚେସି, ୨୪ ବାରେ ଇମ୍‌ଗାଟି ପାଞ୍ଜାତା ହାଜୁ, ପଡ଼ା ହାହାହିଲେଏ, ସାମା ଡ଼ୋମାନେ, ଏଚେଟିଏ ତାନି ହାଡ଼ା ଖେଞ୍ଜାନା ଏଞ୍ଜାରି କାକ୍‌ହେରି । ୨୫ ସାମା ବାରେ ଲକୁ ପାଞ୍ଜାତା

* ୯:୧୦ ୯:୧୦ ଲୁକ ୧୫:୧୨ * ୯:୧୩ ୯:୧୩ ମାତୃ ୧୨:୭ * ୯:୧୪ ୯:୧୪ ମୁଞ୍ଜିନାୟି † ୯:୧୭ ୯:୧୭ ତଲୁ ତଲେ କେପିତି ଅଞ୍ଜୁରି ରାସା ଇଚିନି ବାସା ଦୁକୁ

ହାଜାଲିଏ, ଜୀସୁ ଇଜ ବିତ୍ତା ହାଜାନା ପଦାନି କେନ୍ଦୁ ଆସାନା ନିକହେସି ଅଡ଼େ ଏ ଦେବୁଣିଏ ନିଜିତେ ।
୨୭ ଇଞ୍ଜା ଇ କାବୁ ଏ ଦେସାତି ସାରିଝାକି ଝେଜିତେ ।

ଜୀସୁ ରିଆରି କାଣାୟାଁଇଁ ନେହଁ କିନାୟି

୨୭ ଜୀସୁ ଏମ୍ବାଟି ହାଜିମାଟି ବେଲ୍ଲାତା ରିଆରି କାଣାୟାଁ କାଜା ଗିୟାଁତଲେ ହାଟିହଁ ଏଲେଇଚେରି, “ଏ ଦାଝୁଦ ମୀର୍ଏଣାତି ମାଜ୍ଜ କାର୍ମା ମେସ୍ତାମୁ ।”

୨୮ ଇଞ୍ଜା ଜୀସୁ ଇଲ୍ଲୁ ବିତ୍ତା ହଡ଼ାଲିଏ ଏ କାଣାୟାଁ ଜିକେଏ ଏଝାଣି ତାଗେ ଝାଡ଼େରି, ଇଞ୍ଜା ଜୀସୁ ଏଝାରାଇଁ ଏଲେଇଚେସି, ମାଜ୍ଜେ ନେହଁ କିହାଲି ଆଡ଼ାନେସି ଇଞ୍ଜା ମୀରୁ ନାମିମାଞ୍ଜେରି ?

ଏଝାରି ଏଲେଇଚେରି “ହାଅ ପ୍ରବୁ ।”

୨୯ ଏଚେଟିଏ ଜୀସୁ ଏଝାରି କାଣିକା ତୀଗାନା ଏଲେଇଚେସି, “ମୀ ନାମିନି ଲେହେଁ ମିଜେତାକି ଆଡ଼େ ।”

୩୦ ଏଚେଟିଏ ଏଝାରି ମେସାଲି ଆଡ଼ିଚେରି, ଅଡ଼େ ଜୀସୁ ଏଝାରାଇଁ ଜାଣେ ହୁକୁମି ହାହାନା ଏଲେଇଚେସି, “ହେଶ୍ଚ ଇ ହାଡ଼ା ଆମ୍ବାଆରି ଜିକେଏ ପୁନଅରି ।”

୩୧ ସାମା ଏଝାରି ପାଜ୍ଜାତା ହାଜାନା ଜୀସୁତି ହାଡ଼ା ଦେସାତି ସାରିଝାକି ଝେସେରି ।

ଜୀସୁ ର ଗୁଲାଇଁ ଜଲି କିଚେସି

୩୨ ଏଝାରି ହଡ଼ା ହାଜିମାଟାରି ଲକ୍ତୁ ର ଜଲ୍ଲାଲି ଆଡ଼ାଆଗାଟି ବୁଡୁ ଆଲ୍ଲଗା ମାତାଣାଇଁ ଜୀସୁ ନକିତା ତାଚେରି । ୩୩ ଜୀସୁ ବୁଡୁଇଁ ପେଡ଼ହା ପାଣ୍ଡିତି ଦେବୁଣିଏ ଏଝାସି ଜଲ୍ଲାଲି ଆଡ଼ିଚେସି, ଏଚେଟିଏ ଲକ୍ତୁ କାବାଆହାନା ଏଲେଇଚେରି, “ଇସାୟେଲ ଦେସାତା ମାମୁ ଇଲେତି କାବାଆନି କାମା ଏଚେଲ ମେସାହିଲାଆତମି ।”

୩୪ ଏଚିବେଲ୍ଲା ପାରୁସିୟାଁ ଝେଚେରି. ଏଝାରି ଏଲେଇଚେରି, “ଇଝାସି ବୁଡୁୟାଁ ପିସପି କିହିମନେସି” ଏନାଆଁତାକି ଇଚିହଁ ଏଝାସିକାଣି ସାଲ୍ଲୁଝି କିହିମାନି ବାଲ୍ଲପେନୁ ଏଝାଣାକି ବାଡ଼ୁୟାଁ ହାହିମାନେ ଲାକା ଆଡ଼ିମାନେସି । ୩୫ ଏମ୍ବାଟିଏ ଜୀସୁ ଏଝାରି ଜୀହୁଦି ଲକ୍ତୁତି କୁଟମି ଇଲକାଣାଃ ଜାପୁହିହଁ ମାହାପୁରୁ ରାଜିତି ନେହଁ କାବୁ ଝେସିହଁ ବାରେଲେହେତି ରଗ ନମେରି ଦୁକାଟି ନେହଁ କିହିହଁ, ବାରେ ଗାଡ଼ାୟାଁ ଇଞ୍ଜା ନାସକାଣାଁ ରେଜାଲି ମାଡ଼ହେସି ।

ଲକ୍ତୁତାକି ଜୀସୁତି କାର୍ମା

୩୬ ଏଡ଼େ ବାରେ ଲକ୍ତୁଣି ମେସାନା ଏଝାସି କାର୍ମା ଆଡ଼େସି, ଇଚିହଁ ଏଝାରି ଗଡ଼ ହିଲ୍ଲାଆ ମେଶ୍ଚାୟାଁ ଲେହେଁ କାକୁଲିଟି ଇତାଲା ଆତାଲା ଆହିମାଚେରି । ୩୭ ଏଚିବେଲ୍ଲା ଜୀସୁ ତାନି ସୀସୁୟାଁଇଁ ଏଲେଇଚେସି, “ପାଟି ହାରେକା ସାମା ଦାଝୁଆନାରି ଉଣା ଜାଣା । ୩୮ ଏଦାଆଁତାକି ପାଟି ଜାଡ଼ାଲି, ଲକ୍ତୁଣି ପାଣ୍ଡାଲିତାକି ଗୁଡ଼ିୟାତି ସାଝୁକାରିଇଁ ବାତିମାଲ୍ଲାଦୁ ।”

୧୦

ବାରଜାଣା ସୀସୁୟାଁ

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଏମ୍ବାଟିଏ ଜୀସୁ ତାନି ବାରଜାଣା ସୀସୁୟାଁଇଁ ତାଗେ ହାଡ଼ାନା ବୁଡୁୟାଁ ପିସପି କିହାଲି, ଇଞ୍ଜା ବାରେ ରଗ କସୁଟି ନେହଁ କିହାଲି ଏଝାରାକି ଅଦିକାରା ହୀଚେସି । ୨ ବାରଜାଣା ପାଣ୍ଡୁଆଡ଼ି ସୀସୁୟାଁ ଦରକା ଆଡୁ. ସିମନ, ଆମ୍ବାଆରାଇଁ ପିତର ଇନେରି, ଅଡ଼େ ତାନି ତାୟି ଆହିୟି, ଜେବଦି ମୀର୍ଏସି ଜାକୁବ ଅଡ଼େ ତାନି ତାୟି ଜହନ, ୩ ପିଲିପ ଅଡ଼େ ବାର୍ତ୍ତଲମି, ତମା ଅଡ଼େ ସିସୁ ରୀହନି ମାତିୟୁ, ଆଲେପି ମୀର୍ଏସି ଜାକୁବ ଅଡ଼େ ତଦିୟି, ୪ ଦେସାତି ଜୀସୁ ନନି ସିମନ ଅଡ଼େ ଇସ୍ତାରିୟିଜ ଜୀହୁଦା ଆମ୍ବାଆସି ଜୀସୁଇଁ ସାଡୁ କେନ୍ଦୁତା ହେଡ଼ପିଚେସି ।

ବାରଜାଣା ସୀସୁୟାଁଇଁ ପାଣ୍ଡିନାୟି

(ମାର୍କ ୬:୭-୧୩; ଲୁକ ୯:୧-୬)

୧:୩୪ ୯:୩୪ ମାଟି ୧୦:୨୫; ୧୨:୨୪; ମାର୍କ ୯:୨୨; ଲୁକ ୧୧:୧୫ ୫:୩୫ ୯:୩୫ ମାଟି ୪:୨୩; ମାର୍କ ୧:୩୯; ଲୁକ ୪:୪୪ † ୯:୩୫ ୯:୩୫ ସିନଗ୍ଗ ୫:୩୬ ୯:୩୬ ମାର୍କ ୬:୩୪ ୫:୩୭ ୯:୩୭ ଲୁକ ୧୦:୨

୫ ଜୀବୁ ଇ ବାରଜାଣାତି ପାଣ୍ଡାମା ହୁକୁମି ହୀହାଁ ଏଲେଇଚେସି, ମୀରୁ ଜୀହୁଦିଆଆତି ଲକୁତାଣା ହାଲୁଆଦୁ, ଅଡ଼େ ଆମିନି ସମିରଣି ନାସ୍ତକାଣାଁ ହଡ଼ୁଆଦୁ, ୬ ସାମା ଜାଜ୍ଜାମାନି ମେଣ୍ଡାୟାଁ ଇଚିହିଁ ଇସାୟେଲ ଲକୁତାଣା ହାଲୁ । ୭ ଏଞ୍ଜାରିତାଣା ହାଲୁ ଅଡ଼େ ଝେକଦୁ ଲାକପୁରୁ ରାଜି ଏଗାଞ୍ଜାହିମାନେ । ୮ ଅଡ଼େ ନମେରି ଗାଟାରାଇଁ ନେହିଁ କିଦୁ, ହାଡ଼ାରାଇଁ ନିକଦୁ, କାଜା ରଡ଼ା ଗାଟାରାଇଁ ନେହିଁ କିଦୁ, ବୁଡୁୟାଁଇଁ ପେରଦୁ । ମୀରୁ ଉଜେଏ ବେଟା ଆହାମାଞ୍ଜେରି ଏଡ଼ାଆଁ ଉଜେଏ ହୀଦୁ । ୯ ମୀ ତଲେ ବାଂଗାରା ଝେଣ୍ଡି କି ଅଟଡ଼ିତା ଟାକାୟାଁ ଅଥାଦୁ, ୧୦ ଅଡ଼େ ହାନାଟି ଲେଟା କଡ଼ିନି ମଣା, ରା ଜଡ଼ୁ ସୁକାୟାଁ କି ସେପୁୟାଁ କି କୁତା ବାଡ଼ଗା ଜିକେଏ ପାରାଆଦୁ, କାମାକିନାସି ତାନି ରାନ୍ଦା ବେଟା ଆନେସି ।

୧୧ ଅଡ଼େ ମୀରୁ ଆମିନି ନାୟୁଁତା କି ଗାଡ଼ାତା ହାଜେରି ଏମ୍ପାଆଁ ନେହାଁଣାଇଁ ପାରାଦୁ, ଅଡ଼େ ଏମ୍ପାଟି ଝେଣ୍ଡାହାନି ପାତେକା ଏଞ୍ଜାଣି ଇଜ ଡ଼ୟାଦୁ । ୧୨ ଅଡ଼େ ଇଜ ହଡ଼ନାଟି ଏଞ୍ଜାରିତାଁ ହିଡ଼ଡ଼ି ଜୀସୁ ମିଜେ ଆୟାପେ ଇଞ୍ଜୁ; ୧୩ ଏଞ୍ଜାରି ଇଜତାରି ନେହାଁରି ଇଚିହିଁ ଏଞ୍ଜାରିତଲେ ମୀ ହିଡ଼ଡ଼ି ଡ଼ୟାପେ, ସାମା ଏଞ୍ଜାରି ନେହାଁରି ଆଆତ ୯୩ ହିଡ଼ଡ଼ି ମିଜେ ଝେଣ୍ଡା ଝାପେ । ୧୪ ଅଡ଼େ ଆମିନି ଇଲୁତାକି ନାସ୍ତକାଣାଁ ମିଜା ଲକୁ ଅପଅରି, ମୀ କାତାଟି ଝେନଅରି, ଏ ଇଲୁଟି କି ଏ ଗାଡ଼ାଟି ହଡ଼ାଞ୍ଜାନାଟି ମୀ ଜତାଟି ଦୂଡ଼ି ହାଣ୍ଡା କଡ଼ାନା ଏ ଗାୟୁ ପିହୁଦୁ । ୧୫ ନାନୁ ମିଜେ ସାତା ଝେସିମାଞ୍ଜାଇଁ, ମାହାପୁରୁଟି ନାହାଁୟି ଦିନାତା ଏ ଗାଡ଼ାଟି ତଣ୍ଡ କିହାଁ ସଦମ ଅଡ଼େ ଗମରା ଦେସାତି ତଣ୍ଡ ଉଣା କିଞ୍ଜିଆନେ ।

ଞ୍ଜାହିମାନି କସ୍ତ ଅଡ଼େ ନିୟା
(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୬ ହେଣ୍ଡୁ ମେଣ୍ଡାୟାଁଠାଁ କ୍ଷାନ୍ଧନିୟାଁ ବିତ୍ତା ପାଣ୍ଡିନିଲେହେଁ ନାନୁ ମିଜେ ପାଣ୍ଡିମାଞ୍ଜାଇଁ, ଏଡ଼ାଆଁତାକି ମୀରୁ ରାଡ଼ୁ ଲେହେଁ ବୁଦି ଗାଟାତେରି, ଅଡ଼େ ପାରୁଞ୍ଜା ପଟାଲେହେଁ କପା ହିଲୁଆ ଗାଟାତେରି ଆଦୁ । ୧୭ ସାମା ମାଣ୍ଡିୟାଁ ତାଣ୍ଡାଟି ଜାଗ୍ରାତା ଆହାନା ଡ଼ୟାଦୁ, ଏଡ଼ାଆଁତାକି ଇଚିହିଁ ଏଞ୍ଜାରି ମିଜେ ଆସାନା ନାହାଁୟି କିନି ତାଣା ହେରପାନେରି, ଇଞ୍ଜା ଜୀହୁଦି ଲକୁଟି କୁଟମି ଇଲୁକାଣା* ଏଞ୍ଜାରି ମିଜେ ସାବୁଣି ତଲେ ଝେଟାନେରି, ୧୮ ଅଡ଼େ ମୀରୁ ନା ତାକି ରାଜା ଅଡ଼େ ସାଲୁଞ୍ଜି କିନି ଲକୁତାଣା ଅହାନା ନାହାଁୟି କିଞ୍ଜିଆଦେରି; ଏଡ଼ି ଏଞ୍ଜାରିକି ଅଡ଼େ ଜୀହୁଦିଆଆତି ଲକୁକି ମାହାପୁରୁଟି ନେହିଁ କାବୁ ଝେସାଲି ସାକି ଆନେ । ୧୯ ସାମା ଏଚିବେଲ୍ଲା ଏଞ୍ଜାରି ମିଜେ ହେରପାନେରି, ମୀରୁ ନାହାଁୟି ଆନିବେଲ୍ଲା ଏଡ଼ାଆଁ ଜଲିଦେରି ଅଡ଼େ ଏନିକ ୯୮ ଜଲିଦେରି, ଏ କାତା ଅଣପାଆଦୁ, ଇଚିହିଁ ମୀରୁ ଏଡ଼ାଆଁ ଜଲିଦେରି ଏ ବେଲ୍ଲାତେଏ ମିଜେ ଝେସ୍ତାନେସି । ୨୦ । ଇଚିହିଁ ମୀରୁ ଜଲିନାତେରି ଆଏ, ଆବା ମାହାପୁରୁଟି ସୁଦୁଜାସୁ ମୀ ଗୁଡ଼ି ହୀହାନା ହାଡ଼ା ଜଲିନେ, ଏଡ଼ି ଜଲିନାୟି ।

୨୧ ଡ଼ାୟି ତାୟିଇଁ ଆବା ମୀରୁଏଣାଇଁ ପାୟାଲି ହେରପାନେସି, ମାସ୍କା, ମୀରୁକା ଏଞ୍ଜାରି ତାନି ଇୟା ଆବା କପାଟି ହଡ଼ାନା, ଏଞ୍ଜାରିଇଁ ପାୟିନେରି । ୨୨ ଅଡ଼େ ନା ଦରୁ ତାକି ମୀରୁ ବାରେତାଣା ଅପାଆ ଗାଟାତେରି ଆଦେରି, ସାମା ଆମ୍ପାଆସି ରାଜି ପାତେକା ସାସା ତଲେ ମାନେସି ଏଞ୍ଜାସି ବେଲ୍ଲସି ଆନେସି । ୨୩ ସାମା ଏଞ୍ଜାରି ଏଚିବେଲ୍ଲା ଏ ଗାଡ଼ାତା ମିଜେ ନିୟା କିୟାନେରି, ଏଚିବେଲ୍ଲା ଏଟକା ଗାଡ଼ାତା ହାଲୁ, ଇଚିହିଁ ନାନୁ ମିଜେ ସାତା ଝେସିମାଞ୍ଜାଇଁ, ମୀରୁ ଇସାୟେଲଟି ବାରେ ଗାଡ଼ାୟାଁତା କାମା ରାପୁଆ ନକେଏ ମାଣ୍ଡିସି ମୀରୁଏସି ଝାନେସି ।

୨୪ ସାସୁ ତାନି ଗୁରୁ କିହାଁ ହଲେଏସି ସାସୁକାରି କିହାଁ କାଜାସି ଆଏ । ୨୫ ସାସୁ ତାନି ଗୁରୁ ଅଡ଼େ ହଲେଏସି ତାନି ସାସୁକାରି ଲେହେଁ ଆତିହିଁ ଏଞ୍ଜାରିକି ସମାନା ଆନେ, ଏଞ୍ଜାରି ଇଲୁଟି ସାସୁକାରିଇଁ ବାଲ୍ଜିବୁଲ୍ଜ ଇନେରି ଇଚିହିଁ ଏଞ୍ଜାଣି ଇଲୁଟି ଲକୁବକାଆଁ ହାରେକା ପଲ୍ଲଆ କାତା ଜଲିନେରି !”

ଆମ୍ପାଆରାଇଁ ଆଜିନାୟି ?
(ଲୁକ ୧୨:୨-୭)

୨୬ ଏଡ଼ାଆଁତାକି ଲକୁଇଁ ଆଜାଆଦୁ; ଇଚିହିଁ ତୁଗୁମାନାୟି ଏନାୟିଞ୍ଜା ର ଦିନା ତଞ୍ଜାଆନେ, ଏଲେକ ୯୬ ତଞ୍ଜାଆଆନା ତୁଗୁମାନାୟି ଏନାୟିଞ୍ଜା ହିଲେଏ, ଇଞ୍ଜା ପୁଣ୍ଡି କିଞ୍ଜିଆଆଗାଟାୟି ଇଲେକ ୯୬

* ୧୦:୧୦ ୧୦:୧୦ ୧୧କ ୧:୧୪; ୧୧ମି ୫:୧୮ * ୧୦:୧୪ ୧୦:୧୪ କାମା ୧୩:୫୧ * ୧୦:୧୫ ୧୦:୧୫ ମାତି ୧୧:୨୪ * ୧୦:୧୫ ୧୦:୧୫ ଲୁକ ୧୦:୪-୧୨ * ୧୦:୧୬ ୧୦:୧୬ ଲୁକ ୧୦:୩ * ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫ * ୧୦:୧୭ ୧୦:୧୭ସିନଗରା * ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭ * ୧୦:୨୨ ୧୦:୨୨ ମାତି ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତି ୨୪:୧୩; ମାର୍କ ୧୩:୧୩ * ୧୦:୨୪ ୧୦:୨୪ ଲୁକ ୬:୪୦; ଜହ ୧୩:୧୨; ୧୫:୨୦ * ୧୦:୨୫ ୧୦:୨୫ ମାତି ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫ * ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭

ଏନାୟି ତୁଣ୍ଡା ହିଲେଏ । ୨୭ ନାନୁ ମିଙ୍ଗ ଏନାଆଁ ଆନ୍ଦେରିତା ଝେସ୍ତାଇଁ ଏଦାଆଁ ଉଜେଡ଼ିତା ଝେହ୍ନୁ, ଅଡ଼େ ଏନାଆଁ ତୁନାନା ଝେଞ୍ଜେରି ଏଦାଆଁ ଇଲୁ ତୁଡ଼ିୟା ଲାକ ହତାନା ଝେହ୍ନୁ । ୨୮ ଅଡ଼େ ଆମ୍ବାଆରି ଝାରୁଇ ଆଙ୍ଗାତି ପାୟିନେରି, ସାମା ଜୀଝୁତି ପାୟାଲି ଆଡ଼ଅରି, ଏଝାରାଇଁ ଆଜାଆଦୁ: ସାମା ଆମ୍ବାଆସି ମୀ ଜୀଝୁ ଅଡ଼େ ଆଙ୍ଗା ବାରେତି ନକର୍ତା ନାସା କିହାଲି ଆଡ଼ିମାନେସି ଏଝାଣାଇଁ ଆଜାଦୁ । ୨୯ ରୀ ଜେତା ପଗାୟାଁ ର କାନ୍ତି ତାକି ପାରପି ଆଡ଼ କି ? ଅଡ଼େ ମୀ ଲାକପୁରୁତି ଆବା ହେଲ ହାଆତି ଏଝାସିକା ବିତ୍ରାଟି ରଣ୍ଡି ଜିକେଏ ତୁଇ ତରୁଗେଏ । ୩୦ ସାମା ମୀ ତାୟାଁ ତୁ ବାରେ ବାଣାୟାଁ ଜିକେଏ ଏଜିକିଝି ଆହାମାନୁ । ୩୧ ଏଦାଆଁତାକି ଆଜାଆଦୁ, ମୀରୁ ହାରେକା ଜେତା ପଗାୟାଁ ତାଣାଟି ମୀ ଦାରା ହାରେକା ।”

ଲକୁ ନକିତା ଜୀସୁଇଁ ଝେକ୍ନାୟି
(ଲୁକ ୧୨:୫୧-୫୩; ୧୪:୨୬-୨୭)

୩୨ “ଅଡ଼େ ଆମ୍ବାଆସି ଲକୁ ନକିତା ନାଜେ ଆବାନେସି, ଇଞ୍ଜାଁ ନାନୁ ଜିକେଏ ନା ଲାକପୁରୁତି ଆବା ନକିତା ଆବିଇଁ । ୩୩ ✽ସାମା ଆମ୍ବାଆସି ଲକୁ ନକିତା ନାଜେ ଆବଅସି, ନାନୁ ଜିକେଏ ନା ଲାକପୁରୁତି ଆବା ନକିତା ଆବଅଁ ।”

ହିଡ଼ଡ଼ି ପିସପେ କାଣ୍ଡା
(ଲୁକ ୧୨:୫୧-୫୩; ୧୪:୨୬-୨୭)

୩୪ “ନାନୁ ଦାରୁତିତା ହିଡ଼ଡ଼ି ହାହାଲି ଝାହାମାଇଁ ଇଞ୍ଜାଁ ମନ କିଆଦୁ; ହିଡ଼ଡ଼ି ହାହାଲି ଝାଆନା, କାଣ୍ଡା ହାହାଲି ଝାହାମାଇଁ । ୩୫ ଇତିହଁ ନାନୁ ଆବା କପାଟି ମୀରୁଏଣାଇଁ, ଅଡ଼େ ଇୟାନି କପାଟି ମାଙ୍ଗା ଇଞ୍ଜାଁ ପୟାନି କପାଟି କୁଡ଼ିୟାନି ଗଡ଼ହା କିହାଲି ଝାହାମାଇଁ । ୩୬ ଅଡ଼େ ମାଣ୍ଡସିତି ତାନି ଇଲୁତି ଲକୁଏ ବାରେଜାଣା ତାନି ସାତୁ ଆନେରି ।”

୩୭ “ଆମ୍ବାଆସି ଆବା କି ଇୟାନି ନା କିହାଁ ହାରେକା ଜୀଝୁ ନନେସି, ଏଝାସି ନା ସୀସୁ ଆୟାଲି ପାଡ଼ାଆଅସି, ଅଡ଼େ ଆମ୍ବାଆସି ନିଜେତି ମାଙ୍ଗା କି ମୀରୁଏଣାଇଁ ହାରେକା ଜୀଝୁ ନନେସି ଏଝାସି ନା ସୀସୁ ଆୟାଲି ପାଡ଼ାଆଅସି । ୩୮ ✽ଆମ୍ବାଆସି ନିଜେତି କୁସ ତେକାନା ନା ଜେତ ଝାଅସି, ଏଝାସି ନା ସୀସୁ ଆୟାଲି ପାଡ଼ାଆଅସି । ୩୯ ✽ଆମ୍ବାଆସି ନିଜେତି ଜୀଝୁ ନୀଡ଼ହା କତିନେସି ଏଝାସି ହାନେସି, ଅଡ଼େ ଆମ୍ବାଆସି ନା ତାକି ନିଜେତି ଜୀଝୁ ହାନେସି, ଏଝାସି ନୀତିନେସି ।”

ଦାନା ପାଣନାୟି
(ମାର୍କ ୯:୪୧)

୪୦ ✽“ଆମ୍ବାଆସି ମିଜେ ଆବାନେସି, ଏଝାସି ନାଜେ ଆବାନେସି; ଆମ୍ବାଆସି ନାଜେ ଆବାନେସି, ଏଝାସି ନାଜେ ପାଣ୍ଡାତାଣାଇଁ ଆବିନେସି । ୪୧ ଆମ୍ବାଆସି ମାହାପୁରୁ ଅଣପୁତି ବଲୁ ଝେହ୍ନନାରାଇଁ, ମାହାପୁରୁ ବଲୁ ଝେହ୍ନନାରି ଇଞ୍ଜାଁ ଆବିନେସି, ଏଝାସି ଏ ବଲୁ ଝେହ୍ନନାରି ଦାନା ବେଟା ଆନେସି, ଅଡ଼େ ଆମ୍ବାଆସି କି ତାରିଗାଟାରାଇଁ, ତାରିଗାଟାସି ଇଞ୍ଜାଁ ଆବିନେସି ଏଝାସି ତାରିଗାଟାରି ଦାନା ବେଟା ଆନେସି । ୪୨ ଅଡ଼େ ଆମ୍ବାଆସି ନା ସୀସୁୟାଁ ବିତ୍ରାଟି ରଅଣାଇଁ ନା ସୀସୁ ଇଞ୍ଜାଁ ଗିନାଟା ଏୟୁ ଗସାଲି ହୀନେସି, ନାନୁ ମିଜେ ସାତା ଝେସିମାଞ୍ଜାଇଁ, ଏଝାସି ତାନି ଦାନାତି ଜାକ୍ଅସି ।”

୧୧

ଜହନତି କାରୁ ହାନାରି
(ଲୁକ ୭:୧୮-୩୫)

୧ ଜୀସୁ ତାନି ବାରଜାଣା ସୀସୁୟାଁଇଁ ଈ ବାରେ ହେଲ ହୀତି ତାୟୁ ଗାଲିଲି ଦାରିତା ମାନି ନାସ୍‌କାଣାଁ ହାଜାନା ମାହାପୁରୁତି ହାଡ଼ା ଜାପୁହିହଁ ଝେସିହଁ ଏ ଚାୟୁତି ହାଚେସି । ୨ ଏରିବେଲ୍‌ବା ବାପ୍ତିସ୍ତା* ହୀନି ଜହନ କାୟିଦିତା ମାଞ୍ଜାନା କ୍ରୀସ୍ତତି କାମା କିହିମାନାଣି ଝେଞ୍ଜାନା ଏ ବାରେ ପୁଞ୍ଜାଲି ତାନି ସୀସୁୟାଁଣି ଜୀସୁ ତାଣା ପାଣ୍ଡିଚେସି । ୩ ଏଝାରି ହାଜାନା ଜୀସୁଇଁ ଝେଚେରି, “ଆମିନି ଲକୁ ଝାନେସି ଇଞ୍ଜାଁ ଜହନ ଝେସାମାଚେସି, ନାନୁ କି ଏଝାତି ? କି ଅଡ଼େ, ଆମ୍ବାଆରି ତାକି କାରାନା ତୁୟିନମି ?”

✽ ୧୦:୩୩ ୧୦:୩୩ ୨ତିମ ୨:୧୨ ✽ ୧୦:୩୮ ୧୦:୩୮ ମାତି ୧୭:୨୪; ମାର୍କ ୮:୩୪; ଲୁକ ୯:୨୩ ✽ ୧୦:୩୯ ୧୦:୩୯ ମାତି ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ଜହ ୧୨:୨୫ ✽ ୧୦:୪୦ ୧୦:୪୦ ଲୁକ ୧୦:୧୭; ଜହ ୧୩:୨୦; ମାର୍କ ୯:୩୭; ଲୁକ ୯:୪୮ * ୧୧:୨ ୧୧:୨ ପୁଞ୍ଜନାୟି

୪ ଜୀସୁ ଏଞ୍ଜରାଲ୍ ଏଲେଇରେସି, “ମୀରୁ ୱେଣ୍ଡା ହାଜାନା ଏନାଆଁ ୱେଞ୍ଜାମାଞ୍ଜେରି ଅଡ଼େ ମେସିମାଞ୍ଜେରି, ଜହନଇଁ ୱେହ୍‌ଦୁ । ୫ କାଣ୍ଡାୟାଁ ମେସିମାନେରି, ସତାୟାଁ ତାକି ମାନେରି, କାଜା ରଗ୍‌ ଗାଟାରି ନେହ୍ ଆହ୍‌ମାନେରି, ବେରାୟାଁ ୱେଞ୍ଜିମାନେରି, ହାଡ଼ାରି ନିଜିମାନେରି ଅଡ଼େ କାଞ୍ଜାଲା ଗାଟାରି ନେହ୍ କାବୁ ୱେଞ୍ଜିମାନେରି; ୬ ନା ତାଣ୍ଡା ଆମ୍ବାଆରି ଆନାମାନା ଆଅରି ଏଞ୍ଜାରି ନେହ୍ ।”

୭ ଜହନତି ସୀୟୁୟାଁ ୱେଣ୍ଡାହାଜିମାଟି ବେଲା ଜୀସୁ ଲକୁଇଁ ଜହନତି କାତା ଏଲେଇରେସି, “ମୀରୁ ଲକୁ ହିଲାଆ ରାଜିତା ଏନାଆଁ ମେସାଲି ହାଜାମାନେରି ? ଗାଲିତା ଦାଜିନି ତାଣ୍ଡି ଆକୁ ? ୮ ଏନାଆଁ ଆଆଡିହ୍ ଏନାଆଁ ମେସାଲି ହାଜାମାନେରି ? ନେହ୍ ଅଜିତି ପାଡ଼ାଡ଼ା ହିମ୍ବିର ହୁତାମାନି ର ଲକୁଇଁ ? ମେହ୍‌ଦୁ ଅଜିତି ହିମ୍ବିର ହୁଚିତି ଲକୁ ରାଜା ଗାଡ଼ାତା ତୁୟିନେରି । ୯ ଏନାଆଁ ଆଆଡିହ୍ ଏନାଆଁ ମେସାଲି ହାଜାମାନେରି ? ଏନାଆଁ ର ମାହାପୁରୁ ଅଣପୁତି ବଲୁ ୱେହ୍‌ନାଣାଲ୍ ? ନାନୁ ମିଙ୍ଗେ ସାତା ୱେସିମାଞ୍ଜାଲ୍, ମାହାପୁରୁ ଅଣପୁତି ବଲୁ ୱେହ୍‌ନାରି କିହାଁ ହାରେକା କାଜାଣାଲ୍; ୧୦ ଇଚିହ୍ ଏ ଜହନତି କାତା ରାସ୍‌କି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା ତାକି ଜିରୁ କେପାଲି ନାନୁ ନକେଏ ନା ଦୁଡୁଇଁ ପାଣ୍ଡାଲ୍, ଏଞ୍ଜାସିଏ ଇ ମାଣସି । ୧୧ ନାନୁ ମିଙ୍ଗେ ସାତା ୱେସିମାଞ୍ଜାଲ୍, ନୀଞ୍ଜୁ ପାତେକା ଇ ଦାର୍‌ତିତା ଏତେକା ଜାନ୍‌ ଆହାମାନେରି, ଏ ବାରେକାଣା କିହାଁ ବାପ୍‌ସ୍ତୁଁ ହାନି ଜହନ କାଜାସି; ଆଡ଼ିଜିକେଏ ଲାକପୁରୁ ରାଜିତା ଆମ୍ବାଆସି ବାରେକିହାଁ ଉଣା, ଏଞ୍ଜାସି ଜହନ କିହାଁ କାଜାସି । ୧୨ ବାପ୍‌ସ୍ତୁଁ ହାନି ଜହନତି କାତା ୱେହ୍‌ନି ଦିନାଟିଏ ନୀଞ୍ଜୁପାତେକା ଲାକପୁରୁ ରାଜି ବାଡ଼ୁୟି ତଲେ ପାତାଆହ୍‌ମାନେ; ଇଞ୍ଜା ବାଡ଼ୁୟି ଆସାମାନାରି ଏନାଆଁ ବେଟାଆହାଲି ଅଣପିମାନେରି । ୧୩ ଇଚିହ୍ ବାରେ ମସାତି ମୋରାତା ଅଡ଼େ ମାହାପୁରୁ ଅଣପୁତି ବଲୁ ୱେହ୍‌ନାରି ତାଣ୍ଡା ଜହନତି ୱାନ୍‌ ଦିନା ପାତେକା ୱେସପି ଆହାମାନେ । ୧୪ ଅଡ଼େ ମୀରୁ ଏଞ୍ଜାରି କାତା ଆସାଲି ମୀ ମନ୍‌ ମାଟିହ୍ ଆମିନି ଏଲିୟ ଖାନାୟି ମାତେ ଜହନଏ ଏଞ୍ଜାସି । ୧୫ ଆମ୍ବାଆରି କୀର୍କାଁ ମାନୁ ଏଞ୍ଜାସି ୱେଣ୍ଡାସି ।”

୧୬ “ସାମା ନାନୁ ଆମ୍ବାରିତଲେ ଇ ଜୁଗୁତି ଲକୁଣି ତୁକଇଁ, ଆମିନି ହାଡ଼ା ମାଦି କୁଗାନା କାହି ତୁୟିନି କକାରି ଲେହ୍, ର ଗଟିତି କକାରି ଅର ଗଟିତି ଏଲେଇନେରି, ୧୭ ମାମ୍ବୁ ମୀ ନକିତା ପୀରୁଡ଼ି ଉକିତମି, ସାମା ମୀରୁ ଏନାଆଡେରି; ମାମ୍ବୁ ଦୁକୁତି ପାଚୁ ପାଡ଼ିତମି ସାମା ମୀରୁ ତାଆଡେରି, ନୀସ୍‌ତି ଲକୁ ଏଲେତାରି । ୧୮ ଇଚିହ୍ ଜହନ ୱାହାନା ରାନ୍‌ ତିନାଆଡେସି ଅଡ଼େ ଲକୁ ଏଞ୍ଜାଣାଲ୍ ଏଲେଇରେସି ବୁଡୁ ଆଲ୍‌ଗାମାନାସି । ୧୯ ସାମା ମାଣସି ମାର୍‌ସସି ୱାହାନା ରାନ୍‌ ତିତେସି ଉଚେସି, ଇଞ୍ଜା ଲକୁ ବାରେକାଣା ଏଲେଇରେସି, ଇଞ୍ଜାସି ଚିଣ୍ଡିକାସ୍ତୁ, କାଡ଼ବୁଡୁ, ଏଞ୍ଜାସି ସିସୁ ରୁହାନାରି ଅଡ଼େ ପାପୁ ଗାଟାରି ତଣ୍ଡେସି; ସାମା ମାହାପୁରୁତି ବୁଦି ଏଞ୍ଜାଣି କାମାଟି ସାତା ଇଞ୍ଜା ୱେଞ୍ଜିନେ ।”

ନାମାଆଗାଟି ଗାଡ଼ାୟାଁ
(ଲୁକ ୧୦:୧୩-୧୫)

୨୦ ଏତିବେଲା ଆମିନି ଗାଡ଼ାତା ହାରେକା କାବାଆନି କାମା କିଞ୍ଚି ଆହାମାନେ, ଏ ଗାଡ଼ାଟି ଲକୁ, ତାମି ପାପୁଟି ତାମା ମନ୍‌ ୱେହ୍‌ହା ହିଲାଆଡେରି, ଇଞ୍ଜା ଜୀସୁ ଏ ଗାଡ଼ାୟାଁତି ଲକୁଇଁ ଦାକା ହୀହାନା ଏଲେଇରେସି, ୨୧ ଆୟତା ତଣ୍ଡ ପାଣ୍ଡିନି କରାଜିନି ଅଡ଼େ ବେଡ଼ସାୟିଦା, ଏନାଆଁତାକି ଇଚିହ୍ ମୀ ତାଣ୍ଡା ଆମିନି ବାଡ଼ୁୟି କାମା କିଞ୍ଚିଆହାମାନେ, ଏ ବାରେ ସର ଅଡ଼େ ସିଦନତା କିଞ୍ଚି ଆହାମାଟିହ୍ ମା; ଏମ୍ବାତି ଲକୁ ଆଞ୍ଜାତା ବାସ୍ତାୟାଁ ପର୍‌ହାନା ଦାର୍‌ମ୍ବୁ କୁଗାନା ମନ୍‌ ୱେହ୍‌ହାଲି ଅଣପିତେରିମା ୨୨ ଆଡ଼ିଜିକେଏ ନାନୁ ମିଙ୍ଗେ ୱେସିମାଞ୍ଜାଲ୍, ମାହାପୁରୁତି ନୀହାୟି ଦିନାତା ମୀ ତଣ୍ଡ କିହାଁ ସର ଅଡ଼େ ସିଦନତି ତଣ୍ଡ ଅର୍‌ହାନାୟି ଆନେ । ୨୩ ଏ କପରନାହୁମ, ନାନୁ ଏନାଆଁ ଲାକପୁରୁ ପାତେକା ପାତାଆଡ଼ି ? ନାନୁ ହାଡ଼ାରି ମାନି ରାଜିତା ଅଞ୍ଜିଆଡ଼ି, ନୀ ତାଣ୍ଡା ଆମିନି ବାଡ଼ୁୟି କାମା କିଞ୍ଚିଆହାମାନେ, ଏନାଆଁ ସଦନତା କିଞ୍ଚିଆଡ଼ିହ୍ ମା, ଏ ଗାଡ଼ା ନୀଞ୍ଜୁପାତେକା ତୁୟିତେମା । ୨୪ ଅଡ଼ିଜିକେଏ ନାନୁ ମିଙ୍ଗେ ୱେସିମାଞ୍ଜାଲ୍ “ମାହାପୁରୁତି ନୀହାୟି ଦିନାତା ମୀ ତଣ୍ଡ କିହାଁ ସଦନ ଦେସାତି ତଣ୍ଡ ଅର୍‌ହାନାୟି ଆନେ ।”

ନା ତାଣ୍ଡା ୱାହାନା ଜମାଦୁ
(ଲୁକ ୧୦:୨୧-୨୨)

୨୫ ଏ ବେଲାତା ଜୀସୁ ପ୍ରାଡ଼ାନା କିହ୍ ଏଲେଇରେସି: “ଏ ଆଡ଼ା, ଲାକପୁରୁ ଅଡ଼େ ଦାର୍‌ତିତି ପ୍ରବୁ, ଇ ବାରେ ହାଡ଼ା ନାନୁ ବୁଦି ଅଡ଼େ ପୁନି ଲକୁତାଣାଟି ତୁଲୁହା ଇଗାନା, ଇ ବାରେ କାତା ପୁନାଆଗାଟି ଲକୁତାଣା

† ୧୧:୧୧ ୧୧:୧୧ ମୁଞ୍ଜିନାୟି ☆ ୧୧:୧୨ ୧୧:୧୨ ଲୁକ ୧୭:୧୭ ‡ ୧୧:୧୨ ୧୧:୧୨ ମୁଞ୍ଜିନାୟି ☆ ୧୧:୧୪ ୧୧:୧୪ ମାଟି ୧୭:୧୦-୧୩; ମାର୍କ ୯:୧୧-୧୩ ☆ ୧୧:୨୪ ୧୧:୨୪ ମାଟି ୧୦:୧୫; ଲୁକ ୧୦:୧୨

ତସିମାନାକି ନାନୁ ନିଜା ଜହରା କିହିମାଞ୍ଜାଇଁ । ୨୭ ହାଥ ଆବା, ଇଦି ନୀ ନକିତା ରାହୁଁତି କାତା ଆହିମାନେ ।”

୨୭ * “ନା ଆବା ନାଜେ ବାରେ ହୀହାମାଞ୍ଜାନେସି, ଆବା ପିସ୍ତେ ଆମ୍ବାଆରି ମୀର୍ବଣାକ୍ ପୁନଅରି ଅଡେ ମୀର୍ବଣା ପିସ୍ତେ ଆମ୍ବାଆରି ଆବାକ୍ ପୁନଅରି, ମୀର୍ବଣସି ଆମ୍ବାଆରି ତାଣା ତହ୍ନେସି ଏଞ୍ଜାସି ପୁନେସି ।”

୨୮ “ଏ ଖାହୁ ରାତା ଗାତି ଲକୁ, ବାରେ ନା ତାଣା ଖାହୁ, ନାନୁ ମିଜେ ଜମିକିୟାକ୍ । ୨୯ ନା ଜୁଝେଡି ମୀ ବମିତା ଡେକାନା ନା ତାଣାଟି ଜାପାଦୁ, ଇତିହୁଁ ନାନୁ କପା କାର୍ବି ହିଲାଆନା ସୁଦୁ ହିୟାଁ ଗାଟାବେଥ୍, ଇଞ୍ଜା ମୀରୁ ନା ତାଣାଟି ମୀ ଜାଝୁତା ଜମିଦେରି; ୩୦ ଇତିହୁଁ ନା ଜୁଝେଡି ଉସାସା ଅଡେ ବଜୁ ଉଣା ମାନେ ।”

୧୨

ଜମିନି ଦିନାତି ମାନି

(ମାର୍କ ୨:୨୩-୨୮; ଲୁକ ୬:୧-୫)

୧ ଏବରଦିନା ତାୟୁ ର ଜମିନି ଦିନାତା ଜୀସୁ ଗହଁ ଗୁଡିୟାତି ହାଜିମାରେସି, ଇଞ୍ଜା ତାନି ସୀସୁୟାଁ ହାକି ଆହାମାତାକି ଗହଁ ଜେକା ତାପହାନା ତିଞ୍ଜାଲି ମାଟୁହେରି । ୨ ସାମା ପାରୁସିୟାଁ ଏଦାଆଁ ମେସାନା ଜୀସୁକ୍ ଏଲେଇଚେରି, “ମେହମ୍ବୁ ଜମିନି ଦିନାତା ଏଦାଆଁ କିନି ମେରା ହିଲେଏ, ଏଦାଆଁ ମୀ ସୀସୁୟାଁ କିହିମାନେରି ।”

୩ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ର ଦିନା ଦାଝୁଦ ଅଡେ ତାନି ତଡେସିଜା ହାକି ଆହାଲିଏ ଏଦାଆଁ କିହିମାରେରି, ମୀରୁ ସାଡେସିରତା ପଡ଼଼ି ଆହାହିଲଅଡେରି ?” ୪ ଏଞ୍ଜାସି ଏନିକ୍ ମାହାପୁରୁ ଇଲୁତା ହଡ଼ାନା ଆମିନି ମାହାପୁରୁକି ହେବପାମାନି ରୁଟି ପୂଜେରାଜା ପିସ୍ତେ ଆମ୍ବାଆରି ତିନାଆଗାଟି ମେରା ମାରେ, ସାମା ଦାଝୁଦ ଅଡେ ତାନି ତଡେସିଜା ତିନାଆଗାଟାୟି ମାରେ, ଏଦାଆଁ ଏଞ୍ଜାରି ତିଚେରି । ୫ ଅଡେ ଜମିନି ଦିନାତା ମାହାପୁରୁ ଇଲୁ ବିତ୍ତା ପୂଜେରାଜା ମେରା ଉରିତି ଜିକେଏ ଦହଗାଟାରି ଆଧିରି, ମୀରୁ ଏନି ଏଦାଆଁ ପଡ଼଼ି ଆହାହିଲଅଡେରି କି ? ୬ ସାମା ନାନୁ ମିଜେ ସାତା ଝେସିମାଞ୍ଜାଇଁ, ଇ ଟାୟୁତା ମାହାପୁରୁ ଇଲୁ କିହାଁ ହାଡେରକା କାଜାୟି ଇମ୍ବାଆଁ ମାନେ । ୭ * “ସାଡେସି ଝେସିମାନେ, ସାମା ପୂଜା ହୀନାୟି ଲଡ଼ାଆଏ, ସାମା ଲକୁଣି କାର୍ମାମେହନାୟି ନେହେଁ, ଇଦାଣି କାତା ମୀରୁ ପୁଞ୍ଜାମାଟିହୁଁ ମା ଇ ଦହ ହିଲାଆ ଗାଟାଣାଇଁ ଦହ କିଆଡେରିମା, ୮ ଇତିହୁଁ ମାଣସି ମୀର୍ବଣସି ଜମିନି ଦିନାତି ପ୍ରବୁ ଆଡେସି ।”

ଝାୟିତି କେୟୁଗାଟାସି ନେହୁଁ ଆଦାୟି

(ମାର୍କ ୩:୧-୬; ଲୁକ ୬:୬-୧୧)

୯ ଜୀସୁ ଏମ୍ବାତି ହାଜାନା ଜାହୁଦି ଲକୁଡି କୁଟମି ଇଲୁତା* ହାଚେସି । ୧୦ ଅଡେ ମେହମ୍ବୁ ଏମ୍ବାଆଁ ରଅସି ମାଚେସି, ଏଞ୍ଜାଣି ର କେୟୁ ଝାୟାହାଜାମାରେ, ଜୀସୁକ୍ ଦହ ଆସାଲି ଏଚେକା ଲକୁ ଏମ୍ବାଆଁ କାଟାମାଚେରି, ଏଞ୍ଜାରି ଜୀସୁକ୍ ଝେଚେରି, “ଜମିନି ଦିନାତା ନେହୁଁ କିନାୟି ମେରା ମାନେକି ?”

୧୧ * ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀ ବିତ୍ତା ରଅଣାକି ର ମେଣ୍ଡା ମାନେ, ଏମ୍ବାଟିଏ ଜମିନି ଦିନାତା ଏ ମେଣ୍ଡା ଗାଡ଼ୟୁତା ତରୁନିନେ, ଇଞ୍ଜା ଆମ୍ବାଆସି ଏଦାନି ନିକଅସି, ଇଲେତି ଲକୁ ଆମ୍ବାଆସି ମୀ ବିତ୍ତା ମାନେସି ? ୧୨ ଆତିହୁଁ ର ମେଣ୍ଡାତି ଦାରା କିହାଁ ମାଣସିତି ଦାରା ହାଡେରକା । ଏଦାଆଁତାକି ଜମିନି ଦିନାତା ନେହୁଁ କାମା କିନାୟି ମେରାତି କାମା ।” ୧୩ ଏତିଚେଲା ଏଞ୍ଜାସି କେୟୁ ଝାୟିତାଣାଇଁ ଏଲେଇଚେସି, “କେୟୁ ଦାହୁମ୍ବୁ ।”

ଇଞ୍ଜା ଏଞ୍ଜାସି ଏ କେୟୁ ଦାହୁସି ଏମ୍ବାଟିଏ ଏ କେୟୁ ଅର କେୟୁଲେହେଁ ନେହୁଁ ଆଡେ । ୧୪ ସାମା ପାରୁସିୟାଁ ପାଞ୍ଜାତା ହାଜାନା ଜୀସୁକ୍ ପାୟାଲି ଏଞ୍ଜାଣି କପାଟି ପାରୁ ପାରାଡେରି ।

ମାହାପୁରୁ ଆଗାମାନି ହଲେଏସି

୧୫ ଜୀସୁ ଏଦାଆଁ ପୁଞ୍ଜାନା ଏମ୍ବାତି ଏଟକା ଆହାନା ହଚାହାଚେସି, ଇଞ୍ଜା ହାଡେରକା ଲକୁ ତାନି ଜେତ ହାଚେରି, ଅଡେ ଏଞ୍ଜାସି ବାରେଜାଣାତି ରଗଟି ନେହୁଁ କିଡେସି । ୧୬ ଇଞ୍ଜା ତାଜେ ଲକୁକ୍ ଝେକଆଦୁ ଇଞ୍ଜୁଁ ହୁକୁମି ହୀଡେସି । ୧୭ ଏନିକିହୁଁ ମାହାପୁରୁ ଅଣପୁଡି ବଲୁ ଝେହୁନି ଜିସାୟିତି କାତା ସାତା ଆଡେ, ୧୮ “ମେହମ୍ବୁ ନା ହଲେଏସି, ଆମ୍ବାଆରାଇଁ ନାନୁ ଆଟାମାଇଁ;

ଏଞ୍ଜାସି ନା ଜୀଝୁତି ମୀର୍ବଣସି, ଆମ୍ବାଆରିତାଣା ନା ହାଡେରକା ରାହୁଁ ମାନେ;

* ୧୧:୨୭ ୧୧:୨୭ ଜହ ୩:୩୫; ଜହ ୧:୧୮; ୧୦:୧୫ ✦ ୧୨:୬ ୧୨:୬ ମାତି ୯:୧୩ * ୧୨:୯ ୧୨:୯ ସିନଗର ✧ ୧୨:୧୧ ୧୨:୧୧ ଲୁକ ୧୪:୫

ନାନୁ ଏଝାଣିଲାକ ନା ସୁଦୁଜୀଝୁ ହାଈ,
ଅଡ଼େ ଏଝାସି ଜୀହୁଦିଆଆତି ଲକୁଡାଣା ନୀହାଁୟିତି କାତା ଝେକନେସି ।

୧୯ ଏଝାସି ଗଡ଼ହା କିଅସିକି କାଲୁଝି ଆଅସି,
ଇଞ୍ଜା ଆଂଗେଣିତା ଏଝାଣି ହାଡ଼ା ଆମ୍ବାଆରି ଝେନଅରି ।

୨୦ ନୀହାଁୟିତା ଜୀଣା ଆଆପାତେକା,
ଏଝାସି ଝାୟିତି ତାଣ୍ଡିତି ତିକଅସି
ବୟ ଆହୁଁ ଡ଼ାଞ୍ଜିମାନି ଦୀଝିତି ତୁପଅସି ।

୨୧ ଅଡ଼େ ଏଝାଣି ଦରୁତା ଜୀହୁଦିଆଆତି ଲକୁ ବାସୁଁ ଇତିନେରି ।”

ଜୀସୁ ଅଡ଼େ ବାଲୁଜିବୁଲୁ ବୁଡୁ
(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ର ଦିନା ଲକୁ ବୁଡୁ ଆଲୁଗାମାଟି ର କାଣାଇଁ ତାତେରି ଏଝାଣାଇଁ ବୁଡୁ ଆଲୁଗା ମାତାକି ଗୁଲା ଆହାମାଚେସି । ଜୀସୁ ଏଝାଣାଇଁ ନେହୁଁ କିତେସି; ଇଞ୍ଜା ଏଝାସି ମେସାଲି ଅଡ଼େ ଜଲୁଲି ଆଡ଼ିତେସି ।
୨୩ ଇଞ୍ଜା ଲକୁ ବାରେ କାବାଆହାନା ଏଲେଇଚେରି, “ଇଝାସି ଏନାଆଁ ଏ ଦାଝୁଦ କୁଡ଼ାତାସି ଆସୁକି ?”

୨୪ *ପାରୁସିୟାଁ ଇ କାତା ଝେଞ୍ଜାନା ଏଲେଇଚେରି, ଇ ମାଣସି ବୁଡୁୟାଁ କିହାଁ କାନା ବାଲୁଜିବୁଲୁ ବୁଡୁ ହିଲାଆନା ବୁଡୁୟାଁ ପେରଅସି ।

୨୫ ସାମା ଜୀସୁ ପାରୁସିୟାଁ ମନତି ଅଣପୁ ପୁଞ୍ଜାନା ଏଝାଣାଇଁ ଏଲେଇଚେସି, “ର ରାଜି ତାନୁ ତାନୁଏ ଆସୁଦି ଆହାନା ରୀ ବାଗା ତାନି ବାଗା ଆଡ଼ିସାରେ ଏ ରାଜି ଅଡ଼େ ତୀରିତଲେ ମାଞ୍ଜାଲି ଆଡ଼େଏ, ଇଞ୍ଜା ର ଗାଡ଼ା କି ର ଇଲୁ କୁଟମି ତାମୁ ଡ଼ାମୁସୁ ଆସୁଦି ଆହାନା ବାଗା ଆଡ଼ିସାରେ ତୀରିତଲେ ମାଞ୍ଜାଲି ଆଡ଼େଏ ।

୨୬ ଇଞ୍ଜା ସୟତାନ ସୟତାନଇ ପିସିକିନେ ଆଡ଼ିହୁଁ ଏଡ଼ି ବାଗା ଆହାନା ତାନି କପାଟି ନିଜିତେୟିଏ, ଆଡ଼ିହୁଁ ଏଦାନି ରାଜି ଏନକିଁ ତୀରିଆହାଁ ତୁୟିନେ ? ୨୭ ମୀରୁ ଏଲେଇଞ୍ଜିମାଞ୍ଜେରି, ନାନୁ ପଲୁଆ ବୁଡୁୟାଁ ବାଲୁଜିବୁଲୁ ତଲେ ବୁଡୁୟାଁ ପିସିକି ହିମାଲୁ, ଆଡ଼ିହୁଁ ମୀ ମୀରୁକା ଆମ୍ବାଆରି ବାଡ଼ୁୟାଁ ତଲେ ବୁଡୁୟାଁ ପେରନେରି । ଇଦାଆଁତାକି ଏଝାରିଏ ମୀ ନୀହାଁୟି କିୟାନାରି ଆନେରି । ୨୮ ସାମା ନାନୁ ମାହାପୁରୁ ଜୀଝୁତି ବାଡ଼ୁୟାଁ ତଲେ ବୁଡୁୟାଁ ପେରହି ମାଲୁ, ଆଡ଼ିହୁଁ ମାହାପୁରୁତି ରାଜି ମୀ ତାଣା ଏଦାତେୟିଏ ।”

୨୯ “ଇଞ୍ଜା ଆମ୍ବାଆସି ର ବାଡ଼ୁୟାଁଗାଟି ଲକୁଇଁ ତଲିଏ ଦହୁଆନା, ଏନିକିହୁଁ ଏଝାଣି ଇଜ ହତାନା ତାନି ଇଲୁ କାଣ୍ଡା ବାରେ ସରୁ ଅୟାଲି ଆଡ଼ିନେସି ? ଏଝାଣାଇଁ ତଲିଏ ଦସିହୁଁ ଦେ ଏଝାଣି ଇଲୁ କାଣ୍ଡା ସରୁ ଆହାଲି ଆଡ଼ିନେସି ।”

୩୦ *ଆମ୍ବାଆସି ନା ଝାକିତି ଆଆଗାଚାସି, ଏଝାସି ନା ସାତୁ, ଇଞ୍ଜା ଆମ୍ବାଆସି ନା ତଲେ କୁଡ଼ି କିଅସି ଏଝାସି ଆଲାଗା କିନେସି । ୩୧ ଇଦାଆଁତାକି ନାନୁ ମିଙ୍ଗେ ଝେସିମାଞ୍ଜାଇଁ, ମାଣସି ଲକୁତି ବାରେ ପାପୁ ଅଡ଼େ ଲାଗେଏ ପଲେଏଟି ଲକୁଟି ନିନ୍ଦା କାତା ଜଲୁମାନାଣି ମ୍ଲେକହା ତୁସୁପିଆନେ, ସାମା ମାହାପୁରୁତି ସୁଦୁଜୀଝୁ ଦରୁତଲେ ଜଲିନାଣା ପାପୁ ମେଣ୍ଡାକି କିଝିଆଏ । ୩୨ *ଅଡ଼େ ଆମ୍ବାଆସି ମାଣସି ମୀରୁଏଣା କପାଟି ଜଲିନେସି, ଏଝାଣି ପାପୁ ମେଣ୍ଡାକି କିଝିଆନେ, ସାମା ଆମ୍ବାଆସି ମାହାପୁରୁତି ସୁଦୁଜୀଝୁତି କପାଟି ଜଲିନେସି, ଇ କାଲୁତା କି ତାୟା କାଲୁତା ଜିକେଏ ଏଝାଣି ପାପୁ ମେଣ୍ଡାକି କିଝିଆଏ ।”

ମାରୁନୁ ଅଡ଼େ ତାନି ପାଡ଼େୟି
(ଲୁକ ୬:୪୩-୪୫)

୩୩ *ମାରୁନୁତି ନେହାୟି ଇଞ୍ଜୁ ଅଡ଼େ ତାନି ପାଡ଼େୟିତି ନେହାୟି ଇଞ୍ଜୁ, ଆଆତୁଁ ମାରୁନୁତି ଲାଗେଏତାୟି ଇଞ୍ଜୁ ଅଡ଼େ ତାନି ପାଡ଼େୟିତି ଲାଗେଏତାୟି ଇଞ୍ଜୁ, ଇତିହୁଁ ପାଡ଼େୟି ତଲେ ମାରୁନୁତି ପୁଣ୍ଡାକି ଆନେ । ୩୪ *ଆଡ଼େ ରାସୁକା କୁଡ଼ାତେରି, ମୀରୁ ପଲୁଆ ଗାଟାତେରି ଆହାଁ ଏନିକିଁ ମୀରୁ ନେହୁଁ ହାଡ଼ା ଝେସାଲି ଆଡ଼ିଦେରି ? ଇତିହୁଁ ହିୟାତା ମାନି କାତା ଗୁଡ଼ି ଜଲିମାନେ । ୩୫ ନେହୁଁ ଲକୁ ନେହୁଁ ମନ ବିତ୍ରାଟି ନେହୁଁ କାତା ହପୁନେସି, ଇଞ୍ଜା ପଲୁଆ ଗାଟାସି ପଲୁଆ ମନ ବିତ୍ରାଟି ପଲୁଆ କାତା ହପୁନେସି ।”

* ୧୨:୨୪ ୧୨:୨୪ ମାଟି ୯:୩୪; ୧୦:୨୫ * ୧୨:୩୦ ୧୨:୩୦ ମାର୍କ ୯:୪୦ * ୧୨:୩୨ ୧୨:୩୨ ଲୁକ ୧୨:୧୦ * ୧୨:୩୩ ୧୨:୩୩ ମାଟି ୭:୨୦; ଲୁକ ୬:୪୪ * ୧୨:୩୪ ୧୨:୩୪ ମାଟି ୩:୭; ୨୩:୩୩; ଲୁକ ୩:୭; ମାଟି ୧୫:୧୮; ଲୁକ ୬:୪୫

୩୭ “ସାମା ନାନୁ ମିଜେ ସାତା ୱେସିମାଞ୍ଜାଇଁ, ବାରେଜାଣା ତାମ୍ମୁ ୱେସାମାନି ଉଜେଏତି କାତାତାକି ବିଚାରା କିନି ଦିନାତା ଏମ୍ବାତି କାତା ଜଲିନେରି; ୩୭ ଇଦାଆଁତାକି ମୀ ଗୁତିତି ହାଡ଼ାତଲେ ନୀହାୟି ଦିନାତା ମୀରୁ ଦହ୍ ଗାଟାତେରି ଅଡ଼େ ଦହ୍ ହିଲାଆଗାଟାତେରି ଆଦେରି ।”

ସିନା ପାରିନାୟି

(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ *ଏତିବେଲା ମେରା ପୁନାରି ଅଡ଼େ ପାରୁସିୟାଁ ବିତ୍ତାଟି ଏଚରଜାଣା ଜୀସୁଇଁ ଏଲେଇଚେରି, “ଗୁରୁ, ମୀମୁ ନୁୀ ତାଣାଟି ର କାବାଆନି ସିନା ମେସାଲି ଅଣ୍ଡପିମାନମି ।”

୩୯ *ସାମା ଜୀସୁ ଏଞ୍ଜାରାଇଁ ଏଲେଇଚେରି, “ପଲ୍ଲୁଆ ଗାଟାରି ଅଡ଼େ ମାହାପୁରୁଇଁ ନାମାଆ ଗାଟାରିଦେହେଁ ସିନାୟାଁ ପାରିନେରି, ସାମା ମାହାପୁରୁ ଅଣ୍ଡପୁତି ବଲ୍ଲୁ ୱେହ୍ନି ଜୁନସତି ସିନା ପିସପେ ଏଞ୍ଜାରାକି ଏନି ସିନା ହାପକି ଆଏ । ୪୦ ଇଚିହ୍ ଜୁନସ ଏନିକ୍ ତାନିଦିନା ତାନି ଲାଆଁୟାଁ କାଜା ମୀରୁ ବାଣ୍ଡି ବିତ୍ତା ମାଚେସି, ଏଲେକ୍ ମାଣସି ମୀରୁଏସି ଜିକେଏ ବୁମି ବିତ୍ତା ତାନିଦିନା ତାନି ଲାଆଁୟାଁ ତୁସିନେସି । ୪୧ ନାହାୟି ଦିନାତା ନିନିବିତି ଲକୁ ଇ କାଲ୍ଲାତି ଲକୁ ନକିତା ନିଗାନା ଏଞ୍ଜାରାଇଁ ଦହ୍ କିନେରି, ଇଚିହ୍ ଏଞ୍ଜାରି ଜୁନସ ୱେସି କାତା ଆସାନା ପାପୁତି ମନ୍ ୱେବହା ମାଚେରି, ଅଡ଼େ ମେହ୍ଦୁ ଜୁନସକିହାଁ କାଜାସି ଇମ୍ବାଆଁ ମାନେସି । ୪୨ ନାହାୟି ଦିନାତା ସିବା ଦେସାତି ରାଣି ଇ କାଲ୍ଲାତି ଲକୁ ନକିତା ନିଗାନା ଏଞ୍ଜାରାଇଁ ଦହ୍ କିନେ, ଇଚିହ୍ ସଲମନତି ବୁଦିତିକାତା ୱେଞ୍ଜାଲି ଦାର୍ତତି ହେକ ଦେସାତି ୱାହାମାଚେ, ଇଞ୍ଜା ମେହ୍ଦୁ ସଲମନକିହାଁ କାଜା କାତା ଇମ୍ବାଆଁ ମାନେ ।”

ଲାଗେଏ ପଲେଏତି ବୁଡୁ ୱେଣ୍ଡାଞ୍ଜାନାୟି

(ଲୁକ ୧୧:୨୪-୨୬)

୪୩ “ର ପଲ୍ଲୁଆ ବୁଡୁ ର ମାଣସି ତାଣାଟି ହଡ଼ା ହାଜାନା ଏୟୁ ହିଲାଆ ଚାୟୁ ବାରେ ରେଜିହ୍ ଜମାଲି ଚାୟୁ ପାରୀଚେ, ଇଞ୍ଜା ଏଦାଆଁ ପୁଞ୍ଜାଆଚେ, ୪୪ ଏଚେଟିଏ ଏଦି ଏଲେଇଚେନେ, ନାନୁ ଆନିନି ଇଲୁଟି ହଡ଼ା ୱାହାମାଇଁ, ନା ଏ ଇଲୁତା ୱେଣ୍ଡେ ହାଇଁ; ଇଞ୍ଜା ୱେଣ୍ଡା ୱାହାନା ୱାବୁଆଣି ଇଞ୍ଜା ଅଜିତାଣି ମେହ୍ନେ । ୪୫ ଏତିବେଲା ଏଦି ହାଜାନା ତାନିକିହାଁ ଆଗାଡ଼ା ପଲ୍ଲୁଆଗାଟି ସାଡ଼ାଗଟା ଜୀସୁୟାଁ ଆସାନା ୱାବେନ, ଇଞ୍ଜା ଏଞ୍ଜି ବାରେ ଏମ୍ବାଆଁ ହଡ଼ାନା ବାସା କିନୁ, ଅଡ଼େ ଏ ଲକୁତି ତଲିତି କସ୍ତ କିହାଁ ତାୟୁତି କସ୍ତ ହାଚେରକା ଆବେନ, ଇ କାଲ୍ଲାତି ପଲ୍ଲୁଆ ଗାଟାଟାକି ଜିକେଏ ଏଲେଆହ୍ ଏ ଆବେନ ।”

ଜୀସୁତି ଇୟା ଅଡ଼େ ତାୟିୟାଁ

(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜୀସୁ ବାରେ ଲକୁଇଁ ହଡ଼ା ଆହ୍ମାଗାଟି ତାନି ଇୟା ଅଡ଼େ ତାୟିୟାଁ ପାଙ୍ଗାତା ନିଗାନା ହାଡ଼ା ଆହ୍ମାଲି ମନ୍ କିହିମାଚୁ । ୪୭ ଏଚେଟିଏ ରଅସି ୱାହାନା ଜୀସୁଇଁ ଏଲେଇଚେସି, “ମେହ୍ଦୁ, ମୀ ଇୟା ଅଡ଼େ ନୀ ତାୟିୟାଁ ପାଙ୍ଗାତା ନିଗାନା ହାଡ଼ା ଆହ୍ମାଲି ମନ୍ କିହିମାନେରି ।”

୪୮ ସାମା ଇ କାତା ୱେସାଣାଇଁ ଜୀସୁ ଏଲେଇଚେସି, “ଆମ୍ବାଆୟି ମା ଇୟା ଇଞ୍ଜା ଆମ୍ବାଆରି ନା ତାୟିୟାଁ ?” ୪୯ ଅଡ଼େ ସୀସୁୟାଁ ୱାକି କେୟୁ ଦାସାନା ଏଲେଇଚେସି, “ମେହ୍ଦୁ ମାୟା ଇଞ୍ଜା ମା ତାୟିୟାଁ, ୫୦ ଇଚିହ୍ ଆମ୍ବାଆୟି ଜିକେଏ ନା ଲାକପୁରୁତି ଆବା କାତା ଆହ୍ନେସି ଏଞ୍ଜାସି ନା ତାୟି ଏଦି ନା ତାଜି ଅଡ଼େ ମା ଇୟା ।”

୧୩

ବିଚା ମାଟିନାଣି ପୁଣ୍ଡିକିନି କାତା

(ମାର୍କ ୪:୧-୯; ଲୁକ ୮:୪-୮)

୧ ଏ ଦିନା ଜୀସୁ ଇଲୁଟି ହଡ଼ା ହାଜାନା ସାମ୍ବୁରି ତାକିତା ଲକୁଇଁ ଜାପୁହାଲି କୁଗିତେସି । ୨ *ଏଚେଟିଏ ହାଚେରକା ଲକୁ କୁଡ଼ା ଆହ୍ମାଲିଏ, ଏଞ୍ଜାସି ହାଜାନା ର ତଂଗତା କୁଗିତେସି, ଇଞ୍ଜା ଲକୁ ବାରେ ସାମ୍ବୁରି ଗାରୁତା ନିଗାମାଚେରି । ୩ ଅଡ଼େ ଜୀସୁ ପୁଣ୍ଡିକିନି କାତା ହାଚେରକା ୱେସିୟେସି, ଏଞ୍ଜାସି ଏଲେଇଚେସି । “ମେହ୍ଦୁ ର ବିଚା ମାଟିନାସି ମାଗାଲି ହଡ଼େସି । ୪ ଏଞ୍ଜାସି ବିଚା ମାଟିନି ବେଲା କଚେକା ବିଚା ଜିରୁତା ରୀଚେ ଇଞ୍ଜା ପଗାୟାଁ ୱାହାନା ଏ ପାଡ଼େୟି ପେବହା ତିରୁ । ୫ ଅଡ଼େ କଚେକା ବିଚା ୱାଲ୍ଲାତି ପାଡ଼ାଡ଼ା ବୁମିତା

* ୧୨:୩୮ ୧୨:୩୮ ମାତି ୧୭:୧; ମାର୍କ ୮:୧୧; ଲୁକ ୧୧:୧୭ * ୧୨:୩୯ ୧୨:୩୯ ମାତି ୧୭:୪; ମାର୍କ ୮:୧୨ * ୧୩:୨ ୧୩:୨ ଲୁକ ୫:୧-୩

ରୀତେ, ଇଞ୍ଜାଁ ଇଦୁଆ ଗାଡ଼ି ହିଲ୍ଲାଆତାକି ପାଡ଼େୟି ତବେ ଗଜା ଆଡ଼େ । ୬ ଯାମା ଖେଡ଼ା ହୁଡ଼ାଲିଏ, ଗଜା ଆହାମାଗାୟି ଖେହା ହାଚେ, ଇଞ୍ଜାଁ ତାନି ହୀରୁ ଗାଡ଼ି ଡ଼ଇକା ହାଲ୍ଲାଆତାକି ଖାୟାହାଚେ । ୭ ଅଡ଼େ କଚେକା ବିଚା ହାପୁକା ବୁଟା ଡ଼ଇ ରୀତେ, ଇଞ୍ଜାଁ ହାପୁକା ବୁଟାୟାଁ ବାରେ ପାଡ଼ାଆହାନା ଆନାଁ ଡାକିତି ପୁକହାହୁସ୍ତେ । ୮ ଅଡ଼େ କଚେକା ବିଚା ନେହୁଁ ବୁମିତା ରୀତେ, ଇଞ୍ଜାଁ କାମ୍ବାନା ର ପାଡ଼େୟିତିଏ ପାୟାକଡ଼ି, ତାନିକଡ଼ି ଇଞ୍ଜାଁ କଡ଼େଦସ ପାଡ଼େୟିକା କାମ୍ବୁତୁ ।”

୯ “ଆମ୍ବାଆରାକି କୀକାଁ ମାନୁ ଏଝାସି ଖେଣ୍ଡାମାସି ।”

ପୁସପନି ପୁଣ୍ଡିକିନାୟି

(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏମ୍ବାଟିଏ ସାମୁୟାଁ ଜୀମ୍ବୁ ତାଣା ଖାହାନା ଖେଚେରି, “ଲକୁଣି ଜାପୁନାଟି ନୀନୁ ଏନାଆଁତାକି ପୁଣ୍ଡିକିନି କାତାୟାଁ ଖେସିହୁଁ ଜାପୁହିମାଞ୍ଜୁ ?”

୧୧ ଜୀମ୍ବୁ ଏଲେଇଚେସି, “ଏନାଆଁତାକି ଇଚିହୁଁ ଲାକପୁରୁ ରାଜିତି ବାରେ ଡ଼ଗ୍ଲାମାନି ହାଡ଼ା ପୁଞ୍ଜାଲି ମିଙ୍ଗେ ବାଡ଼ୁରୁ ହାପୁକି ଆହାମାଞ୍ଜାନେ, ସାମା ଏଝାରାକି ହାପୁକି ଆହା ହିଲେଏ । ୧୨ ଇଞ୍ଜାଁ ଏମ୍ବାଆରାକି ମାନେ, ଏଝାରାକି ହାପୁକିଆନେ ଅଡ଼େ ଏଝାଣାକି ଗାଡ଼ିଆନେ; ସାମା ଆମ୍ବାଆରାକି ହିଲେଏ ତାନିତାଣା ଏନାୟି ମାନେ, ଏଦାଆଁ ଜିକେଏ ଅଢ଼ିଆନେ ।” ୧୩ ଏଝାରି ମେସି ମେସିହୁଁ ମେସାଲି ଆଡ଼ଅରି, ଅଡ଼େ ଖେଞ୍ଜିଖେଞ୍ଜି ଖେନଅରି କି ପୁନଅରି; ଏଦାଆଁତାକି ନାନୁ ଏଝାରାକି ପୁଣ୍ଡିକିନି କାତାତଲେ ଖେସିମାଇଁ । ୧୪ ଅଡ଼େ ମାହାପୁରୁ ବଲୁ ଖେହୁନି ଜିସାୟିତି ଇ କାତା ଏଝାରାକି ସାତା ଆନେ ।

ଇ ଲକୁ ଖେଞ୍ଜିଖେଞ୍ଜିହୁଁ ଖେନେରି, ଏନାଆଁ ତେଲୁହଅରି,
ମେସି ମେସିହୁଁ ମେହୁନେରି ସାମା ଏନାଆଁ ପୁନଅରି;

୧୫ ଇଚିହୁଁ ଇ ଲକୁତି ହିୟାଁ ଅଣପାଲି ଆଡ଼ାଆ ଗାଗାୟି,

ଏଝାରି କସ୍ତୁଟି କୀକାଁ ତଲେ ଖେଚେରି,

ଇଞ୍ଜାଁ ତାନି କାଣ୍ଡକା ପଚିତେରି,

ଏନିକିଁ ଏଝାରି କାଣ୍ଡକା ତଲେ ମେହୁଅରି,

ଅଡ଼େ କୀକାଁ ତଲେ ଖେନଅରି,

ଅଡ଼େ ହିୟାଁ ତଲେ ତେଲୁହଅରି

ଇଞ୍ଜାଁ ଏଝାରି ନା ତାଣା ଖେଣ୍ଡା ଖାଅରି,

ଅଡ଼େ ନାନୁ ଏଝାରାଇଁ ନେହୁଁ କିଅଁ ।

୧୬ * “ସାମା ନେହେଁ ମୀ କାଣ୍ଡକା ଇଚିହୁଁ ଏଢ଼ି ମେସି ମାନୁ, ନେହେଁ ମୀ କୀକାଁ ଇଚିହୁଁ ଏଢ଼ି ଖେଞ୍ଜିମାନୁ । ୧୭ ଇଚିହୁଁ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି, ଏ ବାରେ ହାଡ଼େକା ମାହାପୁରୁ ଅଣ୍ଟପୁତି ବଲୁ ଖେହୁନାରି ଇଞ୍ଜାଁ ତାରିଗାଟାରି ମେସାଲି ମନ କିତେରି, ସାମା ମେସାଲି ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ ଖେଞ୍ଜିମାଞ୍ଜେରି, ଏ ବାରେ ଏଝାରି ଖେଞ୍ଜାଲି ମନ କିତେରି, ସାମା ଖେଞ୍ଜାଲି ଆଡ଼ାଆତେରି ।”

ଜୀମ୍ବୁ ବିଚା ମାଟିନି କାତା ପୁଣ୍ଡିକିନାୟି

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ ଆଚିହୁଁ ମୀରୁ ବିଚା ମାଟିନି ପୁଣ୍ଡିକିନି କାତା ଖେଞ୍ଜୁ । ୧୯ ଆମ୍ବାଆସି ମାହାପୁରୁ ରାଜିତି କାତା ଖେଞ୍ଜାନା ପୁନାଆ ଗାଗାସି, ଏଝାଣି ହିୟାଁତା ଖେସାମାନି ମାହାପୁରୁ ବଲୁ ସୟତାନ ଖାହାନା ମାଞ୍ଜା ଅନେସି, ଏଝାସି ଜିରୁ ଦାରି ମାଟାମାନି ବିଚା ଲେହେଁତାସି । ୨୦ ଅଡ଼େ ଆମ୍ବାଆସି ଖାଲୁକା ବୁମିତା ମାଟିତି ବିଚା ଏଝାସି ଇଲେତାସି, ଆମ୍ବାଆସି ମାହାପୁରୁତି କାତା ଖେଞ୍ଜାନା ରାହାଁତଲେ ନାମିନେସି, ୨୧ ସାମା ଏଝାଣି ତାଣା ହୀରୁ ଜୀଆତାକି ଗାଡ଼େକେଏ ତାରିଆହାନା ମାନେସି, ତାୟୁ ମାହାପୁରୁ କାତାତାକି ବାଡ଼ା ଅଡ଼େ ନିନ୍ଦା ବେଟାଆଡ଼ିସାରେ ଏ ବାରେ ପିସାଡ଼ୁହନେସି, ଏଝାସି ଖାଲୁକା ବୁମିତା ରିତି ବିଚା ଲେହେଁତାସି । ୨୨ ଆମ୍ବାଆସି ମାହାପୁରୁତି କାତା ଖେନେସି, ଇଞ୍ଜାଁ ଦାରତିତି ଅଣ୍ଟପୁ ଦନତି ଜୁପୁକା ଏଝାସି ଖେଞ୍ଜାମାନି କାତାତି ପୁକହା ତୁସାଲିଏ, ତାନି ଜୀଝୁତା ପାଡ଼େୟି କାମ୍ବାଆତେ, ଏଝାସି ହାପୁକା ବୁଟା ଡ଼ଇ ରିତି ବିଚା ଲେହେଁତାସି । ୨୩ ସାମା ଆମିନିଗାଟାସି କାତାତି ଖେନେସି ଇଞ୍ଜାଁ ନେହୁଁକିଁ ପୁନେସି, ଅଡ଼େ ନେହୁଁ

* ୧୩:୧୨ ୧୩:୧୨ ମାତି ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭ * ୧୩:୧୬ ୧୩:୧୬ ଲୁକ ୧୦:୨୩,୨୪

ପାଢ଼େଇ କାନ୍ଦିନେସି, ଆତ୍ମାଆସି ପାସାକଡ଼ି, ଆତ୍ମାଆସି ତାନିକଡ଼ି, ଆତ୍ମାଆସି କଡ଼େଦସ ପାଢ଼େଇକା, ଏଝାସି ନେହଁ ବୁମିତା ରିତି ବିଚା ଲେହେତାସି ।

ଚଲି ଜାତାତି ପୁଣ୍ୟକିନି କାତା

୨୪ ଜୀସୁ ଏଝାରାଇଁ ଅଡ଼େ ର ପୁଣ୍ୟକିନି କାତା ଖେସେସି, ଲାକପୁରୁ ରାଜି ରଅସି ତାନି ଗୁଡ଼ିୟାତା ନେହଁ ବିଚା ମାଟାମାନି ମାଣସିଲେହେ; ୨୫ ଯାମା ଲକ୍ଷୁ ତୁରାମାନାଟି ତାନି ସାତୁ ଝାହାନା ଏ ଗହଁୟାଁ ବିତ୍ରା ଚଲି ଜାତାତି ବିଚା ମାଟାନା ହାଚେସି । ୨୬ ଏତିବେଲା ଗହଁୟାଁ ପାତାଆହାନା ଜେକା ଆନିବେଲା ଚଲି ଜାତା ଜିକେଏ ତଞ୍ଜାଆଡେ । ୨୭ ଏଚେଟିଏ ସାଞ୍ଜୁକାରିତି ହଲିୟାଜା ତାନି ତାଣା ଝାହାନା ଏଲେଇଚେରି, ବାବୁ, ନୀନୁ ଏନାଆଁ ନୀ ଗୁଡ଼ିୟାତା ନେହଁ ବିଚା ମାଟା ହିଲାଆତି ? ଯାମା ଇ ଚଲି ଜାତା ବାରେ ଏମିତି ଝାଡେ ? ୨୮ ଏଝାସି ଏଝାରାଇଁ ଏଲେଇଚେସି, ର ସାତୁ ଇଦାଆଁ କିହାମାନେସି । ଅଡ଼େ ହଲିୟାଜା ଏଝାଣାଇଁ ଏଲେଇଚେରି, ନୀ ମନ ଏନାସି, ମାମୁ ହାଜାନା ଚଲି ରେଜାନା କୁଡ଼ି କିନିମି, ୨୯ ଯାମା ଏଝାସି ଏଲେଇଚେସି, ଆଏ ଏଡ଼େତା ମୀରୁ ଚଲି ଜାତା ଚେଜି ଚେଜିହଁ ଗହଁୟାଁ ଜିକେଏ ରେଜେରି । ୩୦ ଗହଁ ଦାଝିନି ପାଡେକା ଗହଁ ଅଡ଼େ ଚଲି ଜାତା ରହେଏ ପାତାଆପୁ, ଅଡ଼େ ଆନାଁ ଦାଝିନି ବେଲାତା ଦାଝିଆନାରାଇଁ ନାନୁ ଏଲେଇଇଁ, ତଲିଏ ଚଲି ଜାତା ଦାଟାନା ହୁଡାଲିତାକି ପେଣ୍ଡାୟାଁ ଏଟକା କିପୁ, ଯାମା ଗହଁୟାଁ କୁଡ଼ି କିହାନା ନା ଗାଡ଼େଇତା ଇଚାଦୁ ।

ହାସୁ ପାଢ଼େଇତି ପୁଣ୍ୟକିନାସି

(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜୀସୁ ଏଝାରାଇଁ ଅଡ଼େ ର ପୁଣ୍ୟକିନି କାତା ଖେସେସି, ଲାକପୁରୁ ରାଜି ର ହାସୁ ପାଢ଼େଇ ଲେହେତାସି, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି । ୩୨ ଏ ପାଢ଼େଇ ବାରେ ପାଢ଼େଇକା କିହାଁ ଉଣା, ଯାମା ଏଦି ପାତା ଆଡ଼ିସାରେ ବାରେ କୁଟା କିହାଁ କାଜାସି ଆହାଁ ଇଲେତି ମାରୁନୁ ଆନେ, ଇଞ୍ଜାଁ ହାଗୁତା ଉମିମାନି ପଗାୟାଁ ଝାହାନା ଏଦାନି କମାତା ବଣ କିହାନା ବାସା କିନୁ ।

ପୁଲା ଏୟୁତି ପୁଣ୍ୟକିନାସି

(ମାର୍କ ୧୩:୨୦-୨୧)

୩୩ ଜୀସୁ ଏଝାରାଇଁ ଅଡ଼େ ର ପୁଣ୍ୟକିନି କାତା ଖେସେସି, ଲାକପୁରୁ ରାଜି ର ପୁଲା ଏୟୁଲେହେତାସି; ର ଇୟା ଗହଁୟାଁ ଗୁଣ୍ଡାତା ପୁଲାଏୟୁ କାଲହାନା ଇଚିତେ, ଏଚେଟିଏ ଏ ଗୁଣ୍ଡା ପଞ୍ଚାମା ବାରେ ପୁଲା ଆଡେ ।

ଜୀସୁ ପୁଣ୍ୟକିନି କାତାତି ଅର୍ତ୍ତ ଖେହନାସି

(ମାର୍କ ୪:୩୩-୩୪)

୩୪ ଇ ବାରେ ପୁଣ୍ୟକିନି କାତାତଲେ ଜୀସୁ ଲକ୍ଷୁଣି ଖେସେସି, ଇଞ୍ଜାଁ ପୁଣ୍ୟକିନି କାତା ଆଟ୍‌ଆନା ଏନାଆଁଝା ଲକ୍ଷୁଣି ଖେସି ହିଲାଆତେସି, ୩୫ ଏନିକିଁ ମାହାପୁରୁ ଅଣପୁତି ବଲୁ ଖେହନାଣି ତାଣାଟି ଇ କାତା ସାତା ଆନେ, "ନାନୁ ନା ଗୁଡ଼ି ଏକ୍‌ହାନା ପୁଣ୍ୟକିନି କାତାତଲେ ଖେହଇଁ; ଦାରୁତି ଗାଡ଼ି ଆଡ଼ି ଦିନାଟିଏ ତୁରାମାନି କାତା ବାରେ ଖେହଇଁ ।"

ଜୀସୁ ଚଲି ଜାତାତି ପୁଣ୍ୟକିନି କାତାତି ଅର୍ତ୍ତ ଖେହନାସି

୩୬ ତାୟୁ ଜୀସୁ ମାୟା ଲକ୍ଷୁଣି ପିସାନା ଲକ୍ଷୁ ବିତ୍ରା ହାଚେସି, ଇଞ୍ଜାଁ ତାମି ସୀସୁୟାଁ ତାଗେ ଝାହାନା ଏଲେଇଚେରି, "ଗୁଡ଼ିୟାତି ଚଲି ଜାତାତି ପୁଣ୍ୟକିନି କାତା ମାଙ୍ଗେ ନେହଁ କିଁ ଖେସ୍ତାମୁ ।" ୩୭ ଜୀସୁ ଏଲେଇଚେସି, "ନେହଁ ବିଚା ମାଟିନାସି ଏଝାସି ମାଣସି ମୀରୁଏସି; ୩୮ ଇ ଦାରୁତି ଆହିମାନେ ଗୁଡ଼ିୟା, ନେହଁ ବିଚା ମାହାପୁରୁ ରାଜିତି ମୀରୁକା ମାସ୍କା; ଚଲି ଜାତା ସୟତାନତି ମୀରୁକା ମାସ୍କା; ୩୯ ଆମିନି ସାତୁ ଏଦାଆଁ ମାଟିତେସି ଏଝାସି ସୟତାନ; ଆନାଁ ଦାଝିନି ଦିନା ଇଚିହଁ ଜୁଗୁ ରାନ୍ନି ଦିନା, ଇଞ୍ଜାଁ ଆନାଁ ଦାଝିଆନାରି ମାହାପୁରୁତି ଦୁତୁୟାଁ । ୪୦ ଇଚିହଁ ଚଲି ଜାତାତି ଏନିକିଁ ର ତାଣା କୁଡ଼ି କିହାନା ହିଚୁତା ହୁଡ଼ିନାସି, ଜୁଗୁ ରାନ୍ନି ଦିନାତା ଜିକେଏ ଏଲେକିହଁ ଆନେ । ୪୧ ମାଣସି ମୀରୁଏସି ତାନି ଦୁତୁୟାଁଣି ପାଣ୍ଡିନେସି, ଇଞ୍ଜାଁ ଏଝାରି ତାନି ରାଜିତି ବାରେ ଲାଗେଏ ପଲେଏତାରାଇଁ ଅଡ଼େ ପାପୁ ଗାଟାରାଇଁ ରୁଣ୍ଡା କିନେରି । ୪୨ ଅଡ଼େ ଏଝାରାଇଁ ହିଚୁ ଗାଡ଼ୁୟୁତା ମେଡ଼ନେରି, ଏଦାଆଁ ଏଝାରି ତାହଁ ପାଲକା ଟାଟି କିନେରି

। ୪୩ ଏତିବେଲା ତାରିଗାଟାରି ତାମି ଆବା ରାଜିତା ଖେଡ଼ାଲେହେଁ ଡ଼ାଞ୍ଜିହଁ ଡ଼ଞ୍ଜାଆନେରି । ଆମ୍ବାଆରାକି କାର୍କା ମାନୁ ଏଞ୍ଜାରି ଖେଣମ୍ବାରି ।”

ଡ଼ଗୁମାନି ଦନ ପୁଣମ୍ବିକିନି କାତା

୪୪ “ଲାକପୁରୁ ରାଜି ଗୁଡ଼ିୟାତା ଡ଼ଗୁମାନି ଦନ ଲେହେଁତାୟି, ରଅସି ଏଦାଆଁ ମେସାନା ଡ଼କୁହା ଇଟିତେସି, ଅଡ଼େ ରାହୁଁଟି ହାଜାନା ତାନି ଇସିତସି ଆସ୍ତି ପାର୍ଚ୍ଚାନା ଖେଣ୍ଡେ ହାଜାନା ଏ ଗୁଡ଼ିୟାତି କଡ଼ିତେସି ।”

ଦାରାଗାଟି ଅପ୍ପନି ଖାଲିତି ପୁଣମ୍ବିକିନି କାତା

୪୫ “ଅଡ଼େ ଲାକପୁରୁ ରାଜି ନେହଁ ଅପ୍ପନି ଖାଲି ପାରିମାନି ର ବେବାରା କିନାଣିଲେହେଁ । ୪୬ ର ଦାରାଗାଟି ଅପ୍ପନି ଖାଲି ମେସାନା ଏଞ୍ଜାସି ହାଜାନା ତାନି ଇସିତସି ଆସ୍ତି ପାର୍ଚ୍ଚାନା ଏ ଅପ୍ପନି ଖାଲିତି କଡ଼ିତେସି ।”

ମୀଣକା ଆହୁନି ଜାଲାତି ପୁଣମ୍ବିକିନି କାତା

୪୭ “ଅଡ଼େ ଜିକେଏ ଲାକପୁରୁ ରାଜି ସାମ୍ପୁରିତା ବାରେ କୁଡ଼ାତି ମୀଣକା ଆସାଲି ମେଡ଼ନି ଜାଲା ଲେହେଁତାୟି । ୪୮ ଏ ଜାଲା ନେଞ୍ଜାଲିଏ ମୀଣକା ଆହୁନାରି ଏଦାଆଁ ସାମ୍ପୁରି ଗାଟୁତା ରେଜା ତାନେରି, ଇଞ୍ଜା କୁଗାନା ନେହଁଆଁ ବାରେ ରୁଣ୍ଡା କିହାନା ତିରିତା ଇଟିନେରି, ସାମା ଲାଗେଏ ପଲେଏ ଗାଟାଆଁ ବାରେ କୁତା ତୁହନେରି । ୪୯ ଜୁଗୁ ରାଜି ଦିନାତା ଏଲେକିହଁ ଆନେ; ଦୁଡୁୟାଁ ହଡ଼ାଞ୍ଜାହାନା ତାରିଗାଟାରି ତାଣ୍ଡାଟିଏ ଲାଗେଏ ପଲେଏତାରାଇଁ ଏଟକା କିନେରି । ୫୦ ଅଡ଼େ ଏଞ୍ଜାରାଇଁ ହିତୁ ଗାଡୁହୁତା ମେଡ଼ହା ତୁହନେରି, ଏମ୍ବାଆଁ ଡ଼ାନାୟି ଅଡ଼େ ପାଲକା ଟାଟି କିନାୟି ଆନେ ।”

ପୁଃଆଣି ଅଡ଼େ ପୁଃନାଣି ଜାପ୍ପନାୟି

୫୧ ଜାପ୍ପୁ ସାପ୍ପୁୟାଁଇଁ ଖେତେସି, “ମୀରୁ ଇ ବାରେ କାତା ପୁଚେରି ?”

ଏଞ୍ଜାରି ଏଲେଇଚେରି, “ହାଅ ପ୍ରୁ ।”

୫୨ ଏଚେଟିଏ ଜାପ୍ପୁ ଏଞ୍ଜାରାଇଁ ଏଲେଇଚେସି, “ଆତିହଁ ଆମିନି ଇଲୁଗାଟାସି ତାନି ଇଲୁଟି ପୁଃନାଣି ପୁଃଆଣି ହପ୍ପନେସି, ଲାକପୁରୁ ରାଜିତି ସାପ୍ପୁ ଆହାମାନି ବାରେ ମେରା ପୁନାରି ଏଞ୍ଜାଣି ଲେହେଁତାରି ।”

ଜାପ୍ପୁଇଁ ନାଜ୍ଜିଚିତା ଅପାଆଗାଟାୟି

(ମାର୍କ ୬:୧-୬; ଲୁକ ୪:୧୬-୩୦)

୫୩ ଜାପ୍ପୁ ଇ ବାରେ ପୁଣମ୍ବିକିନି କାତା ଖେସାଲି ଆଡ଼ାଲିଏ, ତାୟୁ ଏମ୍ବାଟିଏ ହାଚେସି । ୫୪ ଇଞ୍ଜା ଏଞ୍ଜାସି ତାନୁ ପାତାଆଡ଼ି ନାୟୁତା ଖାହାନା ଲକୁଣି ତାମି ଜୀହୁଦି ଲକୁତି କୁଟମି ଇଲୁତା* ଇଲେକିହଁ ଜାପ୍ପୁହେସି, ଇଞ୍ଜା ଏଞ୍ଜାରି କାବାଆହାନା ଏଲେଇଚେରି, “ଇଞ୍ଜାଣାକି ଇଲେତି ବୁଦି ଇଞ୍ଜା ଇଲେତି କାବାଆନି କାମା କିହାଲି ଆମ୍ବିଟି ବାଡ଼ୁୟୁ ବେଟାଆଡ଼େସି ? ୫୫ ଇଞ୍ଜାସି ଏ ବାଡ଼ିୟାତି ମୀରୁଏସି ଆଏକି ? ଇଞ୍ଜାଣି ଇୟା ମରିୟମ ଆଏ ? ଅଡ଼େ ଇଞ୍ଜାଣି ତାୟିୟାଁ ଦରୁକା ଜାକୁବ, ଜସେପ, ସିମନ ଇଞ୍ଜା ଜାହୁଦା ଆଏ ? ୫୬ ଅଡ଼େ ଇଞ୍ଜାଣି ତାଜିମ୍ପା ମା ତଲେ ହିଲାରି ? ଇଞ୍ଜାହାଁ ଇଞ୍ଜାସି ଏ ବାରେ ଆମ୍ବିଟି ମେଡ଼ାଆଡ଼େସି ?” ୫୭ ଇଞ୍ଜା ଏଞ୍ଜାରି ଜାପ୍ପୁଇଁ ଅପାଆଡେରି । ସାମା ଜାପ୍ପୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଅଣପୁତି ବଲୁ ଖେହନାରି ନିଜେତି ନାୟୁତା ଇଞ୍ଜା ନିଜେତି ଇଲୁ କୁଟମିତା ମାନି ପୁଃଆରି ।” ୫୮ ଅଡ଼େ ଏଞ୍ଜାରି ନାମାଆଡାକି ଏଞ୍ଜାସି ଏମ୍ବାଆଁ ହାଚେକା କାବାଆନି କାମା କିଆଡେସି ।

୧୪

ବାପ୍ପିସ୍ତୁ* ହାନି ଜହନ ହାନାୟି

(ମାର୍କ ୬:୧୪-୨୯; ଲୁକ ୯:୬-୯)

୧ ଏତିବେଲାତା ଗାଲିଲିତି ସାଲୁଡ଼ି କିନି ରାଜା ହେରଦ ଜାପ୍ପୁତି କାବୁ ଖେତେସି, ୨ ଅଡ଼େ ତାନି ହଲିୟାଫାଣି ଏଲେଇଚେସି, “ଇଞ୍ଜାସି ବାପ୍ପିସ୍ତୁ† ହାନି ଜହନ ଏଞ୍ଜାସି ହାଡ଼ାରି ତାଣ୍ଡାଟି ନିଜାମାନେସି, ଏଦାଆଁତାକି ଇ ବାରେ ବାଡ଼ୁୟୁ ଏଞ୍ଜାଣି ତାଣ୍ଡା କାମା କିହିମାନେ ।”

* ୧୩:୫୪ ୧୩:୫୪ ସିନଗର † ୧୩:୫୭ ୧୩:୫୭ ଜହ ୪:୪୪ * ୧୪: ୧୪:୧ ମୁଞ୍ଜିନାୟି † ୧୪:୨ ୧୪:୨ ମୁଞ୍ଜିନାୟି

୩ ଧୃତିହୀନ ତଳି ହେଉଦ ତାମି ତାୟି ପିଲିପ ତକ୍ତି ହେଉଦିୟାନି ତାକି ଜହନଇଁ ଦସ୍ୟା ତାଚାନା କାୟିଦି ଇଲୁତା ଇତାମାରେସି । ୪ ଇତିହୀନ ଜହନ ତାଜା ଏଲେଇଞ୍ଜିମାରେସି, ହେଉଦିୟାନି ଇତିନାୟି ନୀ ମେରା ହିଲେଏ । ୫ ଅଡ଼େ ହେଉଦ ଏଞ୍ଜାଣାଇଁ ପାୟାଲି ମନ କିତି ଜିକେଏ ଲକ୍ଷ୍ମଣୀ ଆଜିମାରେସି, ଏନାଆଁତାକି ଇତିହୀନ ଏଞ୍ଜାଣାଇଁ ର ମାହାପୁରୁ ଅଣ୍ଟପୁତି ବଲୁ ଖେହ୍ନାସି ଇଞ୍ଜିମାନ୍ତି କିହମାରେରି ।

୬ ସାମା ହେଉଦତି ଜାନ୍ନା ଦିନା ଖାହାଲିଏ, ହେଉଦିୟାତି ମାଜା ରୁଣ୍ଡା ଆହାମାତି ଲକ୍ଷ୍ମଣୀ ନକିତା ଏନାନା ହେଉଦଇଁ ରାହାଁ କିଞ୍ଜିକିତେ । ୭ ଏଚେଟିଏ ଏଞ୍ଜାସି ପାରମାଣା କିହାନା ଆଞ୍ଜିତେସି, ନୀନୁ ନାଜେ ଏନାଆଁ ରାସ୍ତାତିହୀନ ଏଡ଼ି ନିଜା ହାପକିଆନେ ।

୮ ଇଞ୍ଜା ଏଡ଼ି ତାମି ଇୟାନି କାତା ଆସାହାଁ ଏଲେଇଚେ, “ବାପ୍ତିସ୍ତାଃ ହୀନି ଜହନତି ତାୟି” ନୁୀଏଁ ଇମ୍ପାଆଁ ର ସାଡ଼ଞ୍ଜାତା ନାଜେ ହିୟାମୁ ।”

୯ ଇଦାଆଁ ଖେଞ୍ଜାନା ରାଜା ଦୁକୁ ଆଡ଼ିହୀନ ଜିକେଏ ତାନୁ ପାରମାଣା କିହାଁ ଆଞ୍ଜାମାତାକି ଅଡ଼େ ତାନିତଲେ ବକିତା କୁଗାମାଚାରି ନକିତା ଆଞ୍ଜାମାତାକି ଏଦାନି ମନଲେହେଁ ହାହାଲି ହୁକୁମି ହୀତେସି ।

୧୦ ଇଞ୍ଜା ଲକ୍ଷ୍ମଣୀ ପାଣ୍ଡାନା କାୟିଦି ଇଲୁତା ଜହନତି ତାୟି” ନୁାପିକିତେସି, ୧୧ ଅଡ଼େ ଏଞ୍ଜାଣୀ ତାୟି” ନୁା ସାଡ଼ଞ୍ଜାତା ତାଚାନା ଏ ପଦାକି ହାତେରି, ଇଞ୍ଜା ଏଡ଼ି ଅହାନା ତାମି ଇୟାନି ତାଣା ଅଡ଼େ । ୧୨ ଏଚେଟିଏ ଜହନତି ସାସୁୟାଁ ଖାହାନା ମାଡ଼ହା ଅହାନା ମୁସ୍ତେରି, ଅଡ଼େ ହାଜାନା ଜାସୁଇଁ ଖେସ୍ତେରି ।

ଜୀସୁ ପାସାମାଣା ଲକ୍ଷ୍ମଣୀ ତିଞ୍ଜାଲି ହୀନାୟି
(ମାର୍କ ୬:୩୦-୪୪; ଲୁକ ୯:୧୦-୧୭)

୧୩ ଜହନ ହାଡ଼ି କାଡ଼ୁ ଖେଞ୍ଜାନା, ଜୀସୁ ର ତଂଗତା କୁଗାନା ଲକ୍ଷ୍ମଣୀ ହିଲାଆ ଗାୟତା ହାଚେସି, ଲକ୍ଷ୍ମଣୀ କାତା ଖେଞ୍ଜାନା ଗାଡ଼ାୟିତି ଖାହାନା ତାକି ତାକିହୀନ ଏଞ୍ଜାଣୀ ଜ୍ଞେତ ହାଚେରି; ୧୪ ଅଡ଼େ ଏଞ୍ଜାସି ତଂଗତି ରେତାନା ମାନ୍ଦା ଲକ୍ଷ୍ମଣୀ ମେସାନା କାର୍ମା ଆହାନା ଏଞ୍ଜାରି ରତ୍ତା ଗାଟାରାଇଁ ନେହୀ କିତେସି ।

୧୫ ଖେଡ଼ା ହାଜାଲିଏ ତାନି ସାସୁୟାଁ ତାନି ତାଣା ଖାହାନା ଏଲେଇଚେରି, “ଇ ଗାୟୁ ଲକ୍ଷ୍ମଣୀ ହିଲାଆ ଗାୟୁ ଇଞ୍ଜା ଆନ୍ଦେରି ଜିକେଏ ଆହିମାନେ; ଏଦାଆଁତାକି ବାରେ ଲକ୍ଷ୍ମଣୀ ଏନିକି” ନାୟକାଣାଁ ହାଜାନା ତାମିଜେ ତାକି ଲହଡ଼ି ପାରିନେରି, ଏଦାଆଁତାକି ଏଞ୍ଜାଣାଇଁ ହାଜାଲି ହେଲ ହାମୁ ।”

୧୬ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ଏଞ୍ଜାରି ହାନି ଲଡ଼ା ଆଏ, ମୀରୁ ଏଞ୍ଜାଣାକି ତିଞ୍ଜାଲି ହୀଦୁ ।”

୧୭ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ମାଜେ ଇମ୍ପାଆଁ ପାସାଗଟା ରୁଟି ଇଞ୍ଜା ରୀ ମୀଣକା ମାନ୍ଦୁ ।”

୧୮ ଜୀସୁ ଏଞ୍ଜାଣାଇଁ ଏଲେଇଚେସି, “ଏଞ୍ଜାଆଁ ଇମ୍ପାଆଁ ନା ତାଣା ତାନ୍ଦୁ ।” ୧୯ ଅଡ଼େ ଏଞ୍ଜାସି ଲକ୍ଷ୍ମଣୀ ଗାକି ଡାଡ଼ା ଲାକ କୁଗାଲି ହୁକୁମି ହୀତେସି, ଅଡ଼େ ଏ ପାସାଗଟା ରୁଟି ଇଞ୍ଜା ରୀ ମୀଣକାଣୀ ଅହାନା ଲାକପୁରୁ ଖାକି ସିନିକିହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ଡ଼ିକିହାନା ତାମି ସାସୁୟାଁକି ହୀତେସି, ଏଚେଟିଏ ସାସୁୟାଁ ବାରେ ଲକ୍ଷ୍ମଣୀ ହୀତେରି । ୨୦ ଏଚେଟିଏ ବାରେଜାଣା ତିଞ୍ଜାନା ପାଞ୍ଜିତେରି, ଇଞ୍ଜା ସାସୁୟାଁ ହାତାମାଚି ରୁଟି ଗାଣ୍ଡାୟାଁ କୁଡ଼ି କିହାନା ବାଚଗଟା ତାଲିତା ନେଞ୍ଜିକିତେରି । ୨୧ ରାନ୍ଦା ତିତି ଲକ୍ଷ୍ମଣୀ ଇୟାସିକା ଇଞ୍ଜାଁ କକାରି ପଦାଁଣି ପିସାନା ବାରେ ପାସାମାଣା ଆବାୟାଁ ମାଚେରି ।

ଜୀସୁ ଏୟୁ ଲାକ ତାକିନାୟି
(ମାର୍କ ୬:୪୫-୫୨; ଜହ ୬:୧୫-୨୧)

୨୨ ଏ ଦେବୁଣିଏ ଜୀସୁ ତାନି ସାସୁୟାଁଣି ତଂଗତା ଏକହାନା ସାମଦୁରି ଆତାଲାଖାକି ତାନି ନକିତା ହାଜାଲି ଏଲେଇଚେସି, ଏଚେଟିଏ ବାରେ ଲକ୍ଷ୍ମଣୀ ହାଜାଲି ହେଲ ହୀତେସି । ୨୩ ଜୀସୁ ଲକ୍ଷ୍ମଣୀ ହେଲ ହୀତି ତାୟୁ ପ୍ରାଡ଼ାନା କିହାଲି ହରୁ ଲାକ ହାଚେସି, ଇଞ୍ଜା ମିଡ଼ଅଲା ଆହାଲିଏ ଏଞ୍ଜାସି ଏମ୍ପାଆଁ ରଅସିଏ ମାଚେସି । ୨୪ ସାମା ଏଚିବେଲା ତଂଗ ସାମଦୁରି ଗାୟୁଟିଏ ହାଚେକା ହେକ ମାଚେ, ଇଞ୍ଜା ସାମଦୁରିତା ଗାଲି ଖେଚାଲିଏ ଏ ତଂଗ ଖାଡ଼ିମାଚେ ।

୨୫ ସାମା ଖେୟା ନେକେରି ଜୀସୁ ଏୟୁ ଲାକ ତାକି ତାକିହୀନ ସାସୁୟାଁ ତାଗେ ହାଚେସି । ୨୬ ଅଡ଼େ ସାସୁୟାଁ ଏଞ୍ଜାଣାଇଁ ଏୟୁ ଲାକ ତାକି ମାନାଣି ମେସାନା ଆଜାହାଚେରି, ଇଞ୍ଜା ଏଲେଇଚେରି, “ଇଦି ର ବୁଡୁ !” ଇଞ୍ଜିଆଜିତାକି କିଚ୍ଚିତେରି ।

୨୭ ସାମା ଜୀସୁ ଦେବୁଣିଏ ଏଞ୍ଜାଣାଇଁ ଏଲେଇଚେସି, “ସାସା ଆହଦୁ ଆଜାଆଦୁ ନାନ୍ଦୁ ଜୀସୁତେସି !”

୫ ୧୪:୩ ୧୪:୩ ଲୁକ ୩:୧୯,୨୦ † ୧୪:୮ ୧୪:୮ ମୁଞ୍ଜିନାୟି

୨୮ ଏଚେଟିଏ ପିତର ଏଲେଇଚେସି, “ଏ ପ୍ରବୁ ସାତେଏ ନୀନୁ ଇତିହ^{୯୯} ଏୟୁଲାଇଟି ତାକ୍ତିହ^{୯୯} ନୀପ ଖାହାଲି ହୁକୁମି ହିୟାମୁ ।”

୨୯ ଜୀସୁ ଏଲେଇଚେସି “ଖାମୁ !” ଏଚେଟିଏ ପିତର ତଂଗଟି ରେଚାନା ଜୀସୁ ତାଣା ଏୟୁଲାଇଟି ତାକ୍ତିହ^{୯୯} ହାଚେସି । ୩୦ ସାମା ଗାଲି ମେସାନା ଆଜିତେସି, ଇଞ୍ଜା ଏୟୁଣା ମୁଞ୍ଜିହ^{୯୯} ଏଲେଇଚେସି, “ଏ ପ୍ରବୁ ନାଜେ ଗେଲ୍‌ପାମୁ ।”

୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରଇ ଆସାନା ଏଲେଇଚେସି, “ଏ ଉଣା ନାମୁ ଗାଟାତି ! ଏନାଆଁ ତାକି ଆନାମାନା ଆତି ?”

୩୨ ଅଡେ ଏଞ୍ଜାରି ତଂଗତା ହତାଲିଏ ଗାଲି ତୁଜିତେ । ୩୩ ଏଚେଟିଏ ତଂଗତା ମାଟି ସୀସୁୟାଁ ଜୀସୁଇଁ ଜହରା କିହାନା ଏଲେଇଚେରି, “ନୀନୁ ସାତେଏ ମାହାପୁରୁ ମୀରୁଏଣାତି ।”

ଗେନେସର ରାଜିତା ଜୀସୁ ରଟା ଗାଟାରାଇଁ ନେହ^{୯୯} କିନାୟି

(ମାର୍କ ୭:୫୩-୫୬)

୩୪ ଏଞ୍ଜାରି ସାମୁରି ଗାଣାଚାନା ଗେନେସର ରାଜିତା ଏତେରି । ୩୫ ଅଡେ ଏମାଟି ଲକୁ ଜୀସୁଇଁ ପୁଞ୍ଜାନା ସାରିଞ୍ଜାକି ମାନି ବାରେ ରାଜିତା କାବୁ ପାଣ୍ଡିତେରି, ଇଞ୍ଜା ଲକୁ ବାରେ ରଟା ଗାଟାରାଇଁ ଜୀସୁ ତାଣା ତାତେରି;

୩୬ ଅଡେ ରଟା ଗାଟାରି ଜୀସୁତି ହିମୁରି କୁକୁ ଡାଗିନେରି, ଏଦାଆଁତାକି ଜୀସୁଇଁ ବାତିମାଲିତେରି, ଇଞ୍ଜା ଏଚେକା ଲକୁ ଡାଗିତେରି ବାରେ ନେହ^{୯୯} ଆଚେରି ।

୧୫

ଆକୁ ଆବାୟାଁ ମେରା ଜାପୁନାୟି

(ମାର୍କ ୭:୧-୧୩)

୧ ଏତିବେଲାତା ଜିରୁସାଲମଟି ପାରୁସିୟାଁ ଇଞ୍ଜା ମେରାପୁନାରି ଜୀସୁ ତାଣା ଖାହାନା ଏଲେଇଚେରି, ୨ “ନୀ ସୀସୁୟାଁ ଏନାଆଁତାକି ତଲିତି ଆକୁ ଆବାୟାଁ ଜାପୁହି ମେରା ମାନି କିହିହିଲଅରି ? ଇତିହ^{୯୯} ରାଦା ତିନାଟି କେସ୍ତା ନରଅରି ।”

୩ ଜୀସୁ ଏଞ୍ଜାରାଇଁ ଏଲେଇଚେସି, “ଏନାଆଁତାକି ମୀରୁ ଜିକେଏ ମୀ ପାଣାପାଟୁ ମେରାତାକି ମାହାପୁରୁତି ହୁକୁମି ମାନୁଞ୍ଜି ଆହି ହିଲଅଚେରି ?” ୪ ମାହାପୁରୁ ଏଲେଇଞ୍ଜା ମାନେସି ଇୟା ଆବାଇଁ ମାନି କିଦୁ, ଇଞ୍ଜା ଆମାଆସି ଇୟା କି ଆବାଇଁ ବାକା ଇତିନେସି ଏଞ୍ଜାସି ହାନି ତଣ୍ଡ ବେଟା ଆନେସି । ୫ ସାମା ମୀରୁ ଏଲେଇଞ୍ଜିମାଞ୍ଜେରି, ଆମାଆସି ଆଡେସି ତାମି ଇୟା କି ଆବାଇଁ ଏଲେଇନେସି, ନା ତାଣାଟି ମିଜେ ଏନାଆଁ ହିୟାତିହ^{୯୯} ନେହେଁ ଆଡେମା, ଏ ବାରେ ମାହାପୁରୁକି ହେରୁପି ଆହାମାନେ, ୬ ଏଞ୍ଜାସି ସାତେଏ ତାମି ଇୟା ଆବାଇଁ ମାନି କିଅସି । ଇଲେକିହ^{୯୯} ମୀରୁ ମୀ ପାଣାପାଟୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି । ୭ ଆଡେ କୁଟୁ ଗାଟାଚେରି, ମାହାପୁରୁ ଅଣପୁତି ବକୁ ଖେହନି ଜିସାୟ ମିଜେତାକି ନେହ^{୯୯} କ^{୯୯} ଇ କାତା ଖେସାମାନେସି ।

୮ ଇ କୁଡାତାରି ଖାବୁଇ ଗୁତି ତଲେ ସେବା କିୟାନେରି, ସାମା ଏଞ୍ଜାରି ହିୟାଁ ନା ତାଣାଟି ହେକ ତୁୟିନେ ।

୯ ଏଞ୍ଜାରି ମାଣସି କେପିତି ପାଣା ପାଟୁତି ଦାମୁତି ନେହ^{୯୯} କାତା ଇଞ୍ଜ^{୯୯} ଜାପୁହାନା, ଉଜେଏ ନାଜେ ସେବା କିହିମାଞ୍ଜାନେରି ।

ମାଣସିଇଁ ଲାଗେଏ କିନାୟି

(ମାର୍କ ୭:୧୪-୨୩)

୧୦ ଅଡେ ଜୀସୁ ଲକୁଣି ତାଗେ ହାଟାନା ଏଞ୍ଜାରାଇଁ ଏଲେଇଚେସି, “ଖେଞ୍ଜୁ ଇଞ୍ଜା ପୁଞ୍ଜୁ ।” ୧୧ ମାଣସି ଗୁତି ବିତ୍ରା ଏନାୟି ହଡୁନେ ଏଡି ଏଞ୍ଜାଣାଇଁ ଲାଗେଏ କିଏ, ସାମା ଗୁତି ବିତ୍ରାଟି ଏନାୟି ହନେ ଏଡି ମାଣସିଇଁ ଲାଗେଏ କିନେ ।

୧୨ ଏତିବେଲା ସୀସୁୟାଁ ଜୀସୁ ତାଣା ଖାହାନା ଏଲେଇଚେରି, ପାରୁସିୟାଁ ଇ କାତା ଖେଞ୍ଜାନା କସ୍ତ ବେଟାଆହି ମାନେରି ଇଦାଆଁ ନୀନୁ ପୁଞ୍ଜା ମାଞ୍ଜିକି ?

୧୩ ସାମା ଜୀସୁ ଏଲେଇଚେସି, “ନା ଲାକପୁରୁତି ଆବା ଆମିନି ମାରୁନୁ ଉହା ହିଲଅସି ଏ ବାରେ ରେଡ୍ରି ଆନୁ ।” ୧୪ *ପାରୁସିୟାଁ କାତା ଖେନାଆଦୁ, ଏଝାରି କାଣାୟାଁ ଆହାନା କାଣାୟାଁଙ୍କୁ ଜିରୁ ତହୁନେରି, ଇଞ୍ଜା କାଣା ଅର କାଣାଙ୍କୁ ଜିରୁ ତସ୍ତୁହୁଁ ରିଆରି ଜିକେଏ ଗାଡ଼ୁୟୁତା ତରୁନେରି ।

୧୫ ପିତର ଏଲେଇଚେସି, “ଏ ପୁଣ୍ଡିକିନି କାତା ମାଙ୍ଗେ ଖେସ୍ତାମୁ ।”

୧୬ ଜୀସୁ ଏଲେଇଚେସି, “ମୀରୁ ଜିକେଏ ନୀର୍ବି ପାତେକା ପୁନାଆ ଗାଟାତେରି ?” ୧୭ ଏନ୍ଦାୟି ଗୁତିଚି ହଡ଼ନେ ଏଡ଼ି ବାଣ୍ଡିତା ହାଜାନା ଏଡ଼ି ବାଣ୍ଡିହାନିଲେହେଁ ହଡ଼ା ହାନେ, ଇଦାଆଁ ପୁଞ୍ଜି ହିଲଅତେରି ? ୧୮ *ସାମା ଗୁତିଚି ଏନ୍ଦାୟି ହଡ଼ିମାନେ ଏଡ଼ି ହିୟାଁଚି ହଡ଼ିମାନେ ଏଡ଼ିଏ ମାଣସିଙ୍କୁ ଲାଗେଏ କିହିମାନେ । ୧୯ ଇଚିହୁଁ ହିୟାଁଚି ଲାଗେଏତି ଅଣପୁ ହନେ, ଇଚିହୁଁ ଲକ୍ଷୁଣି ପାୟିନାୟି, ଦାରି କାମା କିୟାଲି, ଲାଗେଏ ପଲେଏ କାମା କିହାଲି, ସରୁ କାମା କିହାଲି, ମିଚି ସାକି ହାହାଲି ଇଞ୍ଜା ନିଦା କାତା ଜଲ୍ଲାଲି; ୨୦ ଇ ବାରେ କାମା ମାଣସିଙ୍କୁ ଲାଗେଏ କିନେ, ସାମା କେୟୁ ନରୁଆନା ତିନାୟି ମାଣସିଙ୍କୁ ଲାଗେଏ କିଏ ।

ର ଇୟାନି ନାମୁ

(ମାର୍କ ୭:୨୪-୩୦)

୨୪ ଜୀସୁ ଏ ଚାୟୁ ପିସାନା ସର ଅଡ଼େ ସିଦନ ରାଜିତା ହାଚେସି । ୨୫ ଅଡ଼େ ମେହଦୁ ଏ ହାନ୍ଦିଚି କିଶାନ ଦେସାତି ର ଇୟା ଖାହାନା କାଜା ଗିୟାଁତଲେ ଏଲେଇଚେ, “ଏ ପ୍ରବୁ ଦାଖୁଦ ମୀରୁଏଣାତି ନାଙ୍ଗେ କାର୍ମା ମେସ୍ତାମୁ ଇଚିହୁଁ ନା ମାଙ୍ଗାନି ହାରେକା ଆଜିହପେତି ବୁଡୁ ଆସାନା କସ୍ତୁ ଆହିମାନେ ।”

୨୬ ସାମା ଜୀସୁ ଏଦାନି ର ପଦୁ ଜିକେଏ ଜଲ୍ଲାଆଚେସି । ଇଞ୍ଜା ତାନି ସୀସୁୟାଁ ଖାହାନା ଏଝାଣାଙ୍କୁ ଏଲେଇଚେରି, “ଇଦାନି ହେଲ ହାହାନା ପାଣ୍ଡାତୁହୁମୁ, ଏନ୍ଦାଆଁତାକି ଇଚିହୁଁ ଇଦି ମା ଢେଡ କାଲୁଡ୍ରି ଆହିମାନେ !”

୨୭ ସାମା ଜୀସୁ ଏଲେଇଚେସି, “ନାନୁ ଇସାୟେଲ କୃତାତା ଜାଙ୍ଗାମାନି ମେଣ୍ଡାୟାଁ ପିସପେ ଅଡ଼େ ଆମାଆରି ତାଣା ପାଣ୍ଡୁଡ୍ରି ଆହାହିଲଅଁ ।”

୨୮ ଏ ଇୟା ଖାହାନା ଜହରା କିହାନା ଏଲେଇଚେ, “ଏ ପ୍ରବୁ ନାଙ୍ଗେ କାର୍ମା ମେସ୍ତାମୁ ।”

୨୯ ସାମା ଜୀସୁ ଏଲେଇଚେସି, “ମୀରୁକା ମାସ୍କା କାଡ଼ି ଅହାନା ନେସ୍କା ତାଗେ ମେଡନାୟି ନେହେଁ ଆଏ ।”

୩୦ ଏ ଇୟା ଏଲେଇଚେ, “ହାଅ ପ୍ରବୁ ଇଚିହୁଁ ନେସ୍କା ତାନି ସାଖୁକାରିୟାଁ ତାଣାଚି ତରୁଗାମାନି ଜୁଟା ରାନ୍ଦା ପେରହା ତିନୁ ।”

୩୧ ଏଚେଟିଏ ଜୀସୁ ଏ ଇୟାନି ଏଲେଇଚେସି, “ଏ ଇୟା ନୀଦି ହାରେକା କାଜା ନାମୁ ନୀ ମନ ଲେହେଁଏ ନିଙ୍ଗ ଆୟାପେ ।” ଏ ଦେବୁଣିଏ ତାନି ମାଙ୍ଗା ନେହେଁ ଆଡେ ।

ଜୀସୁ ହାରେକା ଲକ୍ଷୁଣି ନେହୁଁକିନାୟି

୩୨ ଜୀସୁ ଏମାଟିଏ ହାଜାନା ଗାଲିଲି ସାମୁଦୁରି ତାଗେ ଖାଡେସି, ଅଡ଼େ ହରୁ ଲାକ ହାଜାନା କୁରିଚେସି ।

୩୩ ଅଡ଼େ ହାରେକା ଲକ୍ଷୁ ସଟାୟାଁ, ଚୁଡୁଖାୟାଁ, କାଣାୟାଁ, ଗୁଲ୍ଲାୟାଁ, ହାରେକା ଲକ୍ଷୁଙ୍କୁ ତାନିତଲେ ତାଟାନା ଜୀସୁ କତାଁ ଡ଼ଳ ଇଚିଚେରି, ଅଡ଼େ ଏଝାସି ଏଝାରାଙ୍କୁ ନେହୁଁ କିଚେସି । ୩୪ ଇଲେକିହୁଁ ବେଦ୍ଦାୟାଁ ଜଲ୍ଲିମାନେରି, ଚୁଡୁଖାୟାଁ ନେହୁଁ ଆହିମାନେରି, ସଟାୟାଁ ତାକି ମାନେରି ଅଡ଼େ କାଣାୟାଁ ମେସିମାନେରି; ଇ ବାରେ ମେସାନା ଲକ୍ଷୁ କାବା ଆଡେରି, ଇଞ୍ଜା ଇସାୟେଲତି ମାହାପୁରୁଙ୍କୁ ଜହରା କିଚେରି ।

ଜୀସୁ ସାରି ମାଣା ଲକ୍ଷୁଣି ତୀସେସି

(ମାର୍କ ୮:୧-୧୦)

୩୫ ଅଡ଼େ ଜୀସୁ ତାନି ସୀସୁୟାଁଙ୍କୁ ତାଗେ ହାଟାନା ଏଲେଇଚେସି, “ଇ ବାରେ ଲକ୍ଷୁତାକି ନାଙ୍ଗେ କାର୍ମା ହଡ଼ିମାଞ୍ଜାନେ, ଏନ୍ଦାଆଁତାକି ଇଚିହୁଁ ଇଝାରି ତାନିଦିନା ଆଡେରିଏ ନା ତଲେ ମାଞ୍ଜାମାନେରି, ଅଡ଼େ ଇଝାରି ତାଣା ଏନ୍ଦାୟିଖା ତିଞ୍ଜାଲି ହିଲେଏ; ଇଝାରି ହାନାଚି ଜାଖୁ ହଡ଼ା ହାଡ଼ିଲେହେଁ ଜିରୁତା ତରୁନେରି, ଏନ୍ଦାଆଁତାକି ହାକିଚି ପାଣ୍ଡାଲି ନା ମନ ହିଲେଏ ।”

୩୬ ସୀସୁୟାଁ ଏଝାଣାଙ୍କୁ ଏଲେଇଚେରି, “ଇଚେକା ଲକ୍ଷୁତାକି ବାଣ୍ଡି ପାଞ୍ଜିକିହାଲି ଇ ଏନ୍ଦାଆଁ ହିଲ୍ଲାଆ ଚାୟୁତା ଏମିଚି ରୁଚି ପାଣ୍ଡାନାୟି ।”

୩୭ ଜୀସୁ ଏଝାରାଙ୍କୁ ଖେଚେସି, “ମୀ ତାଣା ଏଚରଗଟା ରୁଚି ମାନୁ ?”

ଏଞ୍ଜେଲ ଏଲେଇଜେରି, “ସାତାଗଟା ଇଞ୍ଜି ଏଚରଗଟା ଉଣା ମାଣକା ମାମୁ ।”

୩୫ ଏଚେଟିଏ ଜାସୁ ଲକ୍ଷ୍ମଣ ବୃମିତା କୁଗାଲି ହୁକୁମି ହାତେସି, ୩୬ ଅଡ଼େ ଜାସୁ ଏ ସାତାଗଟା ରୁଟି ଇଞ୍ଜି ମାଣକାଣି ମାହାପୁରୁ ତାଣା ଜହରା କିହାନା ସାସୁୟାକି ହାତେସି; ଏଞ୍ଜେଲ ଲକ୍ଷ୍ମଣକି ହାତେରି । ୩୭ ଅଡ଼େ ଲକ୍ଷ୍ମଣ ତିଜ୍ଞାନା ପାଞ୍ଜିତି ତାମୁ, ତାଗିତି ରୁଟି ସାତା ତାଲି ହାରିତାଣି କୃଡ଼ି କିତେରି । ୩୮ ରୁଟି ତିଟି ଲକ୍ଷ୍ମଣ ଇୟାସିକା ଅଡ଼େ ଉଣା କକାରି ପଦାଣି ପିସାନା ସାରି ମାଣା ଆବାୟା ମାତେରି ।

୩୯ ଏଚେଟିଏ ଏଞ୍ଜେଲ ଲକ୍ଷ୍ମଣି ହେଲ ହାହାନା ତଂଗତା ହତାନା ମଗଦାନ ହାନ୍ଦିତା ଖାଡ଼େସି ।

୧୭

କାବାଆନି କାମା ତସାଲି ଏଲେଇନାୟି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ଏଚେଟା ପାରୁସି ଅଡ଼େ ସାଦୁକିୟା ଜାସୁ ତାଣା ଖାହାନା ତାୟିପାରି କିହାଲି, ମାଜେ ହାଗୁ ଲାକଟି ର ସିନା ତସାମୁ ଇଞ୍ଜି ବାଟିମାଲିତେରି । ୨ ସାମା ଜାସୁ ଏଞ୍ଜେରାଇ ଏଲେଇଜେସି, “ମିଡ଼ଅଲା ବେଲା ଏଲେଇଜେରି, ଖିଏ କାବା ଆନେ, ଇଚିହ ହାଗୁ ଗାଦଗା ଆହାମାନେ ।” ୩ ଅଡ଼େ ଲାକ୍ଷ୍ମଣ ବେଲା ଏଲେଇଜେରି, ନୀଞ୍ଜି ପିୟୁ ଆନେ, ଇଚିହ ହାଗୁ ଗାଦଗା ଅଡ଼େ ଦୁୟା ମୁତାମାନେ । ମୀରୁ ହାଗୁତି ପାଗା ମେସାନା ନକିତି କାତା ପୁଞ୍ଜାଲି ଆଡ଼ି ମାଜେରି, ସାମା ନୀର୍ବିତି କାତା ଅଡ଼େ ସିନାୟା ପୁଞ୍ଜି ହିଲଅତେରି । ୪ ପଲ୍ଲଆ ଗାଟାରି ଇଞ୍ଜି ମାହାପୁରୁଇ ଅଣ୍ଡାଆଗାଟି କୃତାତାରି ସିନାୟା ପାରିନେରି, ସାମା ଜୁନସତି ସିନା ପିସପେ ଅଡ଼େ ଏଟକାତି ସିନା ଏଞ୍ଜେରାଇ ହାପୁକି ଆଏ, ଇଞ୍ଜି ଏଞ୍ଜେସି ଏଞ୍ଜେରାଇ ପିସାନା ହାତେସି ।

ପାରୁସିୟା ଅଡ଼େ ସାଦୁକିୟା ତାଣାଟି ଜାଗାତା

(ମାର୍କ ୮:୧୪-୨୧)

୫ ସାସୁୟା ସାମୁଦୁରି ଆତାଲା ହାଜାନା ସିନକିତେରି, ଏଞ୍ଜେରି ରୁଟି ଅହାଲି ବାଣା ଆହା ହାଜାମାନେରି । ୬ ଜାସୁ ଏଞ୍ଜେରାଇ ଏଲେଇଜେସି, “ଜାଗାତା ଆଦୁ, ପାରୁସିୟା ଅଡ଼େ ସାଦୁକିୟା ପୁଲା ଏୟୁଟି ଜାଗାତା ଆହା ମାଞ୍ଜୁ ।”

୭ ଏସାଟିଏ ଏଞ୍ଜେରି ତାମୁ ତାମୁସୁ ଜଲ୍ଲକି ଆହାଲି ମାଟୁହେରି, “ମାରୁ ରୁଟି ତାତା ହିଲାଆୟି ଇଞ୍ଜି ଏଞ୍ଜେସି ଏଲେଇଜେମାଞ୍ଜାନେସି ।”

୮ ସାମା ଜାସୁ ଏଦାଆ ପୁଞ୍ଜାଲି ଏଲେଇଜେସି, “ଆଡ଼େ ଉଣା ନାମୁ ଗାଟାତେରି, ମୀ ବିତ୍ରା ରୁଟି ହିଲେଏ ଇଞ୍ଜି ଏନାଆତାକି ଖେସ୍ତି ଆହିମାଜେରି ? ୯ ମୀରୁ ନୀର୍ବିତି ପାତେକା ପୁଞ୍ଜି ହିଲଅତେରି ? ଏ ପାସାମାଣା ଲକ୍ଷ୍ମଣ ପାସାଗଟା ରୁଟି ଡିକହାନା ହାହା ମାଚେର୍ସ, ଇଞ୍ଜି ମୀରୁ ଏଚର ତାଲି ହାରିତାଣି କୃଡ଼ି କିତେରି, ୧୦ ଇଞ୍ଜି ଏ ସାରି ମାଣା ଲକ୍ଷ୍ମଣ ସାତା ଗଟା ରୁଟି, ଇଞ୍ଜି ଏଚର ତାଲି ହାରିତାଣି କୃଡ଼ି କିତେରି, ଏ ବାରେ ମିଜେ ଅଣ୍ଡାପୁ ହିଲେଏ ? ୧୧ ନାମୁ ମିଜେ ରୁଟି କାତା ଖେସାମାଞ୍ଜାଆତେର୍ସ, ଇଦାଆ ଏନିକ ପୁଞ୍ଜି ହିଲଅତେରି ? ସାମା ପାରୁସିୟା ଅଡ଼େ ସାଦୁକିୟା ପୁଲା ଏୟୁଟି ଜାଗାତା ଆହାନା ମାଞ୍ଜୁ ।”

୧୨ ଏଞ୍ଜେସି ରୁଟି ତାକି ଲଡ଼ାମାନି ପୁଲା ଏୟୁଟାକି ଜାଗାତା ଆହାନା ମାଞ୍ଜାଲି ଖେହ୍‌ଆନା, ପାରୁସିୟା ଅଡ଼େ ସାଦୁକିୟା ଜାପୁନି ତାଣାଟି ଜାଗାତା ଆହା ମାଞ୍ଜାଲି ଏଞ୍ଜେରାଇ ଖେସାମାଚେସି, ଏଦାଆ ଏଞ୍ଜେରି ଏଟିବେଲା ପୁଚେରି ।

ଜାସୁଇଁ ପିତର ସାତା ଇଞ୍ଜି ଖେହ୍‌ନାୟି

(ମାର୍କ ୮:୨୭-୩୦; ଲୁକ ୯:୧୮-୨୧)

୩୩ ତାମୁ ଜାସୁ କାୟିସିରିୟା ପିଲିପି ରାକିତା ଖାହାନା ତାନି ସାସୁୟାଇଁ ଖେଚେସି, “ମାଣ୍ଡସି ମାଟୁଏସି ଆମ୍ବାଆସି ଇଞ୍ଜି ଲକ୍ଷ୍ମଣ ଖେସିମାନେରି ?”

୩୪ ଏଚେଟିଏ ଏଞ୍ଜେରି ଏଲେଇଜେରି, “ଆମ୍ବା ଆମ୍ବାଆରି ବାପ୍ତିସ୍ତ* ହାନି ଜହନ, ଆମ୍ବା ଆମ୍ବାଆରି ଏଲିୟ, ଅଡ଼େ ଆମ୍ବା ଆମ୍ବାଆରି ଜିରିମିୟ ଆଆତ ମାହାପୁରୁ ଅଣ୍ଡାପୁତି ବଲୁ ଖେହ୍‌ନାରି ତାଣାଟି ରଅସି ।”

୩୫ ଜାସୁ ଏଞ୍ଜେରାଇ ଖେଚେସି, “ସାମା ନାମୁ ଆମ୍ବାଆତେର୍ସ ଇଞ୍ଜି ମୀରୁ ଖେସିମାଜେରି ?”

୩୬ ଏସିମନ ପିତର ଏଲେଇଜେସି, “ନୀମୁ କ୍ରୀସ୍ତ, ଜୀଞ୍ଜୁଗାଟି ମାହାପୁରୁ ମୀରୁଏଣାଟି ।”

* ୧୭:୧ ୧୭:୧ ମାଟି ୧୨:୩୮; ଲୁକ ୧୧:୧୭ * ୧୭:୪ ୧୭:୪ ମାଟି ୧୨:୩୯; ଲୁକ ୧୧:୨୯ * ୧୭:୬ ୧୭:୬ ଲୁକ ୧୨:୧ * ୧୭:୯ ୧୭:୯ ମାଟି ୧୪:୨୭-୨୧ * ୧୭:୧୦ ୧୭:୧୦ ମାଟି ୧୫:୩୪-୩୮ * ୧୭:୧୪ ୧୭:୧୪ ମାଟି ୧୪:୧୨; ମାର୍କ ୬:୧୪,୧୫; ଲୁକ ୯:୭,୮
* ୧୭:୧୪ ୧୭:୧୪ ମୁଞ୍ଜାୟି * ୧୭:୧୭ ୧୭:୧୭ ଜହ ୬:୬୮,୬୯

୧୭ ଏତେଟିଏ ଜୀମୁ ଏଝାଣାଇଁ ଏଲେଇଚେସି, “ଏ ଜୁନସ ମୀରୁଏଣାତି ସିମନ, ନୀନୁ ନେହେଁ, ଇଚିହେଁ ମାଣସି ନୀ ତାଣାଟି ଇଦାଆଁ ଝେକହାମାଞ୍ଜାଅସି, ସାମା ନା ଲାକପୁରୁତି ଆବା ଝେକହାମାଞ୍ଜାନେସି । ୧୮ ଅଡେ ନାନୁ ଜିକେଏ ନିଜେ ଝେସିମାଞ୍ଜାଇଁ, ନୀନୁ ପିତରତି†, ଇଞ୍ଜା ଇ ଖାଲି ଲାକ ନାନୁ ନା କୁଲମିତି କେପିଇଁ, ଅଡେ ହାକିତି ବାଡୁୟୁ ଏଦାଆଁ ମ୍ଲେକହାଲି ଆଡେଏ । ୧୯ *ନାନୁ ନିଜା ଲାକପୁରୁତି କୁଟିକାଡ଼ି ହିୟାଲି, ଅଡେ ନୀନୁ ଦାରତିତା ଏନାଆଁ ସୁଣ୍ଡି, ଏଡ଼ି ଲାକପୁରୁ ରାଜି ଜିକେଏ ସୁଣ୍ଡି ଆନେ, ଅଡେ ଦାରତିତା ଏନାଆଁ ଦେଏଦି ଏଡ଼ି ଲାକପୁରୁ ଜିକେଏ ଦେପି ଆନେ ।”

୨୦ ଏତିବେଲା ଏଝାସିଏ କ୍ରୀସ ଇଞ୍ଜେ ଆମ୍ବାଆରାଇଁ ଝେହୁଆଦୁ ଇଞ୍ଜେ ଏଝାସି ତାମି ସୀସୁୟାଣି ଜାଣେ କିହେଁ ହୁକୁମି ହୀତେସି ।

ଜୀମୁ ତାନି ଦୁକୁ ବେଟାଆନାଣି ଅଡେ ହାନାଣି ଝେହୁନାୟି
(ମାର୍କ ୮:୩୧; ୯:୧; ଲୁକ ୯:୨୨-୨୭)

୨୧ ଏତିବେଲାଟିଏ ଜୀମୁ ତାନି ସୀସୁୟାଣି ଝେସାଲି ମାଟ୍‌ହେସି, ନାନୁ ଜିରୁସାଲମତା ହାନାୟିମାନେ, ଇଞ୍ଜା ପ୍ରାତିନାଜା, କାଜା ପୁଜେରାଜା ଅଡେ ମେରାପୁନାରି ତାଣାଟି ହାରେକା ଦୁକୁ ବେଟାଆହାନା ହାନାୟି ମାନେ, ଇଞ୍ଜା ତାନି ଦିନାଟିଏ ଝେଣେ ନିଜିନାୟି ମାନେ ।

୨୨ ଏତେଟିଏ ପିତର ଏଝାଣାଇଁ ଅରଞ୍ଜାକି ଅହାନା ଲାଗାନା ଏଲେଇଚେସି, “ଏ ପୁରୁ, ମାହାପୁରୁ ନିଜ କାର୍ମା ଆୟାପେସି, ଇଲେତାୟି ନିଜେ ଏଚେଲାଝା ଆୟାଆପେ ।”

୨୩ ସାମା ଜୀମୁ ତାୟୁଝାକି ସିନିକିହାନା ପିତରଇଁ ଏଲେଇଚେସି, “ଏ ସୟତାନ ନା ତାଣାଟି ହେକ ଆମ୍ବୁ, ନୀନୁ ନା ସାତୁ ଲେହେଁ, ଇଚିହେଁ ନୀନୁ ମାହାପୁରୁ କାତା ଅଣ୍ଡିପାଆନା ମାଣସିତି କାତା ଅଣ୍ଡିପାଞ୍ଜି ।”

୨୪ *ଏତିବେଲା ଜୀମୁ ତାନି ସୀସୁୟାଣି ଏଲେଇଚେସି, “ଆମ୍ବାଆସି ନା ଜେତ ତାକାଲି ମନ କିଚିହେଁ, ଏଝାସି ତାନୁଏ ତାଜେ ଅପାକତାଆନା ତାନି କୁସ ଡେକାନାହାଁ ନା ଜେତ ତାକାପେସି । ୨୫ *ଇଚିହେଁ ଆମ୍ବାଆସି ତାନି ଜୀଝୁ ନୀଟହା କତାଲି ମନ କିନେସି, ଏଝାସି ହାଝି କିନେସି; ସାମା ଆମ୍ବାଆସି ନା ତାକି ତାନି ଜୀଝୁ ହାନେସି ଏଝାସି ନୀଟହା କିଚିନେସି । ୨୬ ଅଡେ ମାଣସି ଇ ଦାରତିତା ମାନାଣି ବାରେ ମେଡ଼ି କିହାନା ତାନି ଜୀଝୁତି ହାଝି କିନେସି, ଆଚିହେଁ ଏଝାଣାକି ଏଡ଼ି ଲାଦା, ଇଞ୍ଜା ମାଣସି ତାନି ଜୀଝୁତି ବାଦୁଲି ଏନାଆଁ ହାନେସି ? ୨୭ *ଇଞ୍ଜା ମାଣସି ମୀରୁଏସି ତାନି ଆବାତି ଗାଝୁରମିଟି ତାନି ଦୁହୁୟାଁ ତଲେ ଝାନେସି, ଏତିବେଲା ଏଝାସି ବାରେ ଲକୁକି ତାନି କାମାତି ଲେକା ତଲେ ପାଡେୟି ହାନେସି । ୨୮ ନାନୁ ମିଜେ ସାତା ଝେସିମାଞ୍ଜାଇଁ, ମାଣସି ମୀରୁଏସି ତାନି ରାଜିତା ରାଜାଆହାଁ ଝାନାଣି ମେହୁଆ ପାତେକା ଇମ୍ବାଆଁ ମାନି ଲକୁ ବିତାଟି ଏଚରଜାଣା ହାଅରି ।”



ଜୀମୁ ଅର ଝାଣା ଆନାୟି
(ମାର୍କ ୯:୨-୧୩; ଲୁକ ୯:୨୮-୩୬)

୧ ଜୀମୁ ସ. ଦିନା ତାୟୁ ପିତର, ଜାକୁବ, ଅଡେ ତାନି ତାୟି ଜହନଇଁ ଏଟକା କିହାନା ଏଝାରାଇଁ ର ପାତାଆଡ଼ି ହରୁ ଲାକ ଅଡେସି । ୨ ଅଡେ ଏଝାସି ଏଝାରି ନକିତା ତାନି ଝାଣା ବାଦଲଝି ଆହାନା ତାନି ମୁମ୍ବୁହୁଡ଼ାଲେହେଁ ଉଜେଡ଼ି ଇଞ୍ଜା ତାନି ହିମ୍ବୁରି ଉଜେଡ଼ି ଲେହେଁ ଦବଲା ଆଡେ । ୩ ଇଞ୍ଜା ମେହୁଦୁ ମସା ଅଡେ ଏଲିୟ ଜୀମୁତଲେ କାତା ଆହିମାଗାଣି ମେସୁରି । ୪ ଏମ୍ବାଟିଏ ପିତର ଜୀମୁଇଁ ଏଲେଇଚେସି, “ଏ ପୁରୁ ମୀରୁ ଇ ଗାୟୁତା ମାନାୟି ନେହେଁ; ନୀ ମନ ଆଚିହେଁ ନାନୁ ଇମ୍ବାଆଁ ତାନିଗଟା ଗୁଡ଼ାୟାଁ କେପିଇଁ, ନିଜେତାକି ରଣାଆଁ ମସାକି ରଣାଆଁ ଇଞ୍ଜା ଏଲିୟକି ରଣାଆଁ ।”

୫**ଇ କାତା ଝେସପନିଏ ମେହୁଦୁ ଇଚାୟି ହାଗୁ ଝାହାନା ଏଝାରାଇଁ ଦୁକହେ, ଇଞ୍ଜା ଏ ହାଗୁଟି ଇ ହାତା ଝେଜାଡେ, “ଇଝାସି ନା ଜୀଝୁତି ମୀରୁଏସି ଇଝାଣି ତାଣେଏ ନା ରାହାଁ ମାନେ, ଇଝାଣି ବଲୁ ଝେଞ୍ଜୁ ।”

୬ ଇ ହାତା ଝେଞ୍ଜାହାଁ ସୀସୁୟାଁ ମୁନୁ କୁଚିହେଁ ରାତେରି ଇଞ୍ଜା ହାରେକା ଆଜିତେରି । ୭ ଏମ୍ବାଟିଏ ଜୀମୁ ଝାହାନା ଏଝାରାଇଁ ତୀଗାନା ଏଲେଇଚେସି, “ନିଜାଦୁ ମୀରୁ ଆଜାଆଦୁ ।” ୮ ଇଞ୍ଜା ଏଝାରି ଲାକ ସିନିକିହାଲିଏ ଜୀମୁ ପିସପେ ଆମ୍ବାଆରାଇଁ ମେହୁଆଡେରି ।

† ୧୭:୧୮ ୧୭:୧୮ ପିତର ଇଚିହେଁ ଖାଲି * ୧୭:୧୯ ୧୭:୧୯ ମାତି ୧୮:୧୮; ଜହ ୨୦:୨୩ * ୧୭:୨୪ ୧୭:୨୪ ମାତି ୧୯:୩୮; ଲୁକ ୧୪:୨୭ * ୧୭:୨୫ ୧୭:୨୫ ମାତି ୧୦:୩୯; ଲୁକ ୧୭:୩୩; ଜହ ୧୭:୨୫ * ୧୭:୨୭ ୧୭:୨୭ ମାତି ୨୫:୩୧; ରମି ୨:୬ * ୧୭:୫ ୧୭:୫ ମାତି ୩:୧୭; ୧୭:୧୮; ମାର୍କ ୧:୧୧; ଲୁକ ୩:୨୨ * ୧୭:୫ ୧୭:୫ ୨ପିତ ୧:୧୭, ୧୮

୯ ଏଞ୍ଜର ହରୁ ଲାକଟି ରେତା ଖାହିମାଗାଟି ଜୀସୁ ଏଞ୍ଜରାଇଁ ହୁକୁମି ହୀହାନା ଏଲେଇଚେସି, “ମାଣ୍ଡସି ମୀରୁଏସି ହାଡ଼ାରି ତାଣାଟି ନିଜାଆ ପାତେକା ଇ ମେସାମାନି କାତା ଆମ୍ବାଆରାଇଁ ଖେହୁଅତେରି ।”

୧୦ ଏଦାଆଁତାକି ସୀସୁୟାଁ ଏଞ୍ଜାଣାଇଁ ଖେଚେରି, “ଆତିହୁଁ ନକେଏ ଏଲିୟ ଖାନାୟି ମାନେ ଇଞ୍ଜୁଁ ମେରାପୁନାରି ଏଦାଆଁତାକି ଖେସିମାନେରି ?”

୧୧ ଏଞ୍ଜସି ଏଲେଇଚେସି, “ଏଲିୟ ଖାହାନା ବାରେ ଅଡେ ଖେଣ୍ଡେ ଇଚିନାୟି ସାତା” ୧୨ ସାମା ନାନୁ ମିଜେ ଖେସିମାଞ୍ଜାଇଁ, “ଏଲିୟ ଖାହା ରାଡେସିଏ, ସାମା ଲକୁ ଏଞ୍ଜାଣାଇଁ ପୁନାଆନା ଏନିକିହାଲି ମନୁ ଏଲେକିଡେରି । ଏଲେକିହୁଁ ଏ ମାଣ୍ଡସି ମୀରୁଏସି ଜିକେଏ ଏଞ୍ଜାରି କେୟୁତା ଦୁକୁ ବେଗାଆହାଲି ହାଜିମାନେସି ।”

୧୩ ଏଚିବେଲା ଏଞ୍ଜରାଇଁ ବାପ୍ତିସ୍ତା* ହାନି ଜହନତି କାତା ଖେସିମାନେସି, ଏଚିବେଲା ସୀସୁୟାଁ ପୁଚେରି ।

ଜୀସୁ ବୃତ୍ତ ଆଲଗାମାଟି କକାଣାଇଁ ନେହୁଁ କିନାୟି

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ଲକୁତାଣା ଖାହାଲିଏ, ରଅସି ଜୀସୁ ତାଣା ଖାହାଁ ମେଣ୍ଡାକୁତାନା ଏଲେଇଚେସି, ୧୫ “ପ୍ରବୁ ନା କକାଣାଇଁ କାର୍ମା ମେହୁମ୍, ଇଚିହୁଁ ଏଞ୍ଜସି କାଚିଖେନି ନମେରି ତାକି ହାରେକା କସୁ ଆହିମାନେସି, ଏଞ୍ଜସି ଏଚର ପାଲି ହିରୁତା ଅଡେ ଏୟୁଣାଁ ତରୁଗା ହାଜିମାନେସି । ୧୬ ନାନୁ ମୀ ସୀସୁୟାଁ ତାଣା ଏଞ୍ଜାଣାଇଁ ତାଗାମାଚେର୍ସ, ସାମା ଏଞ୍ଜାରି ଏଞ୍ଜାଣାଇଁ ନେହୁଁ କିହାଲି ଆଡାଆତେରି ।”

୧୭ ଜୀସୁ ଏଲେଇଚେସି, “ଆଡେ ନାମାଆଗାଟି ଲାଗେଏ ପଲେଏ କାମା କିନି କୁଡାତାତେରି, ଏଚର କାଲା ପାତେକା ନାନୁ ମୀ ତଲେ ଡୟିଇଁ ? ଏଚର କାଲା ମୀ ଲେୟାନାଣି ଅରୁହିଇଁ ? କକାଣାଇଁ ଇୟାଆଁ ନା ତାଣା ତାଦୁ ।”

୧୮ ଅଡେ ଜୀସୁ ବୃତ୍ତଇଁ ଦାକା ହୀହାଲିଏ, ବୃତ୍ତ ଏଞ୍ଜାଣାଇଁ ପିସା ହାଡୁସେ, ଏ ଦେବୁଣିଏ କକାସି ନେହୁଁ ଆଡେସି ।

୧୯ ଏଚେଟିଏ ସୀସୁୟାଁ ମେଣେଏ ଜୀସୁ ତାଣା ଖାହାନା ଏଲେଇଚେରି, “ମାମ୍ବୁ ଏନାଆଁତାକି ଏ ବୃତ୍ତ ପିସପି କିହାଲି ଆଡାଆତମି ?”

୨୦ ଏଞ୍ଜସି ଏଞ୍ଜରାଇଁ ଏଲେଇଚେସି, “ମୀ ଉଣା ନାମ୍ବୁ ତାକି, ଇଚିହୁଁ ନାନୁ ମିଜେ ସାତା ଖେସିମାଞ୍ଜାଇଁ, ର ହାସୁଁ ପାଡେୟି ସମାନା ମୀ ନାମ୍ବୁ ମାଟିହୁଁ, ଇ ହରୁତି ଇମ୍ବାଟି ଏମ୍ବାଆଁ ଗୁତାଆମ୍ବୁ ଇଚିହୁଁ, ଏନି ଗୁତାଆନେ, ଅଡେ ଏନାୟି ଜିକେଏ ଆଆଗାଗାୟି ହିଲେଏ । ୨୧ ସାମା ପ୍ରାଡାନା ଅଡେ ଉପାସା ପିସପେ ଅଡେ ଏନି ଉପେୟିଚି ଇଲେଚି ବୃତ୍ତ ହଡା ହାଲେଏ ।”

ଜୀସୁ ତାନି ହାନି କାତାଟି ଅଡେ ଖେଣ୍ଡେ ଖେହୁନାୟି

(ମାର୍କ ୯:୩୦-୩୧; ଲୁକ ୯:୪୩-୪୫)

୨୨ ଅଡେ ଏଞ୍ଜାରି ଗାଲିଲିତା ରୁଣ୍ଡା ଆଡି ବେଲାତା ଜୀସୁ ଏଞ୍ଜରାଇଁ ଖେସୁସି, “ମାଣ୍ଡସି ମୀରୁଏସି ମାଣ୍ଡସିୟାଁ କେୟୁତା ହେରୁପି ଆହାଲି ହାଜିମାନେସି, ୨୩ ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ପାୟିନେରି; ଅଡେ ତାନି ଦିନାଟିଏ ଏଞ୍ଜସି ଖେଣ୍ଡେ ନିଜିନେସି ।”

ଏଚେଟିଏ ଏଞ୍ଜାରି ହାଚେରକା ଦୁକୁ ଆଡେଚି ।

ମାହାପୁରୁ ଇଲୁତାକି ସିସୁ ହୁାନାୟି

୨୪ ଏମ୍ବାଟିଏ ଏଞ୍ଜାରି କପରୁନାହୁମତା ଖାହାଲିଏ ମାହାପୁରୁ ଇଲୁଚି ସିସୁ ରୁାହୁନାରି ପିତରଇଁ ଖାହାନା ଖେଚେରି, “ମୀ ଗୁରୁ ମାହାପୁରୁ ଇଲୁତାକି ସିସୁ ହୁଅସିକି ?” ୨୫ ପିତର ଏଲେଇଚେସି, “ହାଅ ହୀନେସି ।”

ଅଡେ ଏଞ୍ଜସି ଇଜ ଖାହାଲିଏ ଜୀସୁ ନକେଏ ଏଞ୍ଜାଣାଇଁ ଏଲେଇଚେସି, “ସିମନ ନୀ ଅଣ୍ଡପୁ ଏନାୟି, ଦାରୁଚିତି ରାଜାୟାଁ ଆମ୍ବାଆରି ତାଣାଟି ସିସୁ ରୁାହୁନେରି, ଏଞ୍ଜାରି ମୀରୁକା ତାଣାଟି କି ଏବ୍‌କା ଦେସାଟି ଲକୁ ତାଣାଟି ?” ୨୬ ଏଞ୍ଜସି ଏବ୍‌କା ଦେସାଟି ଲକୁ ତାଣାଟି ଏଲେଇଞ୍ଜାଲିଏ, ଜୀସୁ ଏଞ୍ଜାଣାଇଁ ଏଲେଇଚେସି, “ଆତିହୁଁ ମୀରୁକା ହିୟାଲି ଲଡାଆଏ ।” ୨୭ ସାମା ମାରୁ ଏନିକି ଏଞ୍ଜରାକି ବାଦା ହୀନାତାୟି ଆଆୟି, ଏଦାଆଁତାକି ସାମଦୁରିତା ହାଜାନା କାତା ମେଡମ୍, ଇଞ୍ଜାଁ ତଲିଏ ଆମିନି ମୀନୁ ଆହୁଦି, ଏଦାଣି ଆସାନା ତାନି ଗୁଚି ଏକହିସାରେ ର ଖେଣ୍ଡି ଟାକା ବେଗାଆଡି; ଏଦାଆଁ ଅହାନା ନାଜେ ଅଡେ ନିଜେତାକି ଏଞ୍ଜରାକି ହୀମ୍ବୁ ।

* ୧୭:୧୨ ୧୭:୧୨ ମାଟି ୧୧:୧୪ * ୧୭:୧୩ ୧୭:୧୩ ମୁଞ୍ଜିନାୟି * ୧୭:୨୦ ୧୭:୨୦ ମାଟି ୨୧:୨୧; ମାର୍କ ୧୧:୨୩; ୧କର ୧୩:୨

୧୮

ଲାକପୁରୁ ରାଜିତା ଆମ୍ବାଆସି କାଜାସି

(ମାର୍କ ୯:୩୩-୩୭; ଲୁକ ୯:୪୭-୪୮)

୧ *ଏବିବେଲା ସୀସୁୟାଁ ଜୀସୁ ତାଣା ଖାହାନା ଝେତେରି, “ଆତିହୁଁ ଲାକପୁରୁ ରାଜିତା ଆମ୍ବାଆସି କାଜାସି ?”

୨ ଏଝାସି ର ଉଣା କକାଣାଲ୍ ତାଗେ ହାଟାହାଁ ନିପୁହାନା ଏଲେଇଚେସି, ୩ *ନାନୁ ମିଜେ ସାତା ଝେସିମାଞ୍ଜାଲ୍, ମୀରୁ ଝେଣ୍ଡେ ର ଉଣା କକାଣି ଲେହେଁ ଆଆତିହୁଁ, ଏନିଜିକେଏ ଲାକପୁରୁ ରାଜିତା ହଡାଲି ଆଡୁଅତେରି । ୪ ଛଦାଆଁତାକି ଆମ୍ବାଆସି ଛ ଉଣା କକାଣି ଲେହେଁ ତାଜେତାକି ଉଣା କିହାକତିନେସି, ଏଝାସି ଲାକପୁରୁ ରାଜିତା କାଜାସି । ୫ ଅଡେ ଆମ୍ବାଆସି ଜିକେଏ ନା ଦରୁତି ଛ ଉଣା କକାଣାଲ୍ ଆବିନେସି, ଏଝାସି ନାଜେ ଆବାନେସି ।”

ପାପୁ କିହାଲି ତାୟିପାରି କିନାୟି

(ମାର୍କ ୯:୪୭-୪୮; ଲୁକ ୧୭:୧-୨)

୬ “ସାମା ଆମ୍ବାଆସି ଜିକେଏ ନା ତାଣା ନାମାମାନି ଛ ଉଣାୟାଁ ବିତ୍ରାଟି ରଅଣାଲ୍ ତାୟିପାରି କିହାଲି ପାପୁ କିଝି କିନେସି, ଏଝାଣି ହେରକିତା ର କାଜା ଜେତାଝାଲି ଦସାନା ସାମ୍ବୁରୁତି କୁଡୁନି ଏୟୁଣାଁ ମେଡହୁଁ ଏଝାଣାକି ନେହେଁ ଆଡେମା । ୭ ଆୟଡା, ଦାରୁତିତି ଲାଗେଏ କିନାକି ତଣ୍ଡ ବେଟା ଆନାତେରି; ଲାଗେଏ ଆନାୟି ସାତେଏ ଆନେ, ଆୟଡା ଆମିନି ଲକୁ ତାଣାଟି ଲାଗେଏ ଆନେ ଏଝାସି ତଣ୍ଡ ବେଟା ଆନେସି ।”

୮ *ମୀ କେୟୁ କି କତା ମିଜେ ପାପୁ କିଝିକିୟାନେ, ଇତିହୁଁ ଏଦାଆଁ ରାଡହାନା କୁତାପୁ, ରୀ କେସ୍ତା ଅଡେ ରୀ କତାୟାଁ ଆସାନା କାଲ୍ଲକାଲ୍ଲା ଡ଼ାଞ୍ଜିମାନି ହିରୁତା ହଡୁନି କିହାଁ କଲ୍ଲା ଅଡେ ସଟା ଆହାନା କାଲେଏତି ଜୀସୁ ବେଟାଆହାନା ମାହାପୁରୁ ରାଜିତା ହାନାୟି ମିଜେତାକି ନେହେଁ । ୯ *ଅଡେ ମୀ କାନୁ ମିଜେ ଲାଗେଏ କିଝିକିୟାତିହୁଁ, ଏଦାଆଁ ଡେଝା କୁତାପୁ; ରୀ କାଣକା ଆସାନା କାଲେଏ ଡ଼ାଞ୍ଜିମାନି ହିରୁ ଗାଡୁୟୁତା ମେଦିନି କିହାଁ ର କାନୁ ତଲେ କାଲେଏତି ଜୀସୁ ବେଟାଆହାନା ମାହାପୁରୁ ରାଜିତା ହାନାୟି ମିଜେତାକି ନେହେଁ ।”

ଜାଜିତି ମେଣ୍ଡାତି ପୁଣ୍ଡିକିନାୟି

(ଲୁକ ୧୫:୩-୭)

୧୦ *ହେଣ୍ଡୁ ଛ ଉଣା କକାରି ବିତ୍ରାଟି ରଅଣାଲ୍ ଜିକେଏ ହାଣି ମେହଆପୁ, ଇତିହୁଁ ନାନୁ ମିଜେ ସାତା ଝେସିମାଞ୍ଜାଲ୍, ଲାକପୁରୁ ମାନି ଏଝାରି ଦୁଡୁୟାଁ ବାରେଦିନା ଲାକପୁରୁତି ମା ଆବାତି ମୁଣ୍ଡୁ ମେସେ ମାନୁ । ୧୧ ଇତିହୁଁ ଏନାୟି ଜାଜାମାନେ ଏଦାଆଁ ପାରାନା ଗେଲ୍ପାଲି ମାଣ୍ଡିସି ମୀରୁଏସି ଝାହାମାନେସି ।”

୧୨ “ମୀରୁ ଏନାଆଁ ଅଣ୍ଡିପିମାଞ୍ଜେରି ? ରଅଣାକି ପାସାକଡ଼ି ମେଣ୍ଡାୟାଁ ମାଟିହୁଁ, ଏଝାସିକା ବିତ୍ରାଟି ରଣ୍ଡି ଜାଜାହାନେ, ଇଞ୍ଜା ରଣ୍ଡି ଉଣା ପାସାକଡ଼ି ମେଣ୍ଡାୟାଁ ହରୁତା ପିସାନା ଏଝାସି ହାଜାନା ଏ ଜାଜାମାନି ମେଣ୍ଡାତି ପାରଅସି ? ୧୩ ଅଡେ ଏଝାସି ଏଦାଆଁ ବେଟା ଆନେସି, ଇଞ୍ଜା ନାନୁ ମିଜେ ସାତା ଝେସିମାଞ୍ଜାଲ୍, ଜାଜା ହିଲାଆଗାଟି ରଣ୍ଡି ଉଣା ପାସାକଡ଼ି ମେଣ୍ଡାୟାଁ କିହାଁ ଜାଜାମାଟି ର ମେଣ୍ଡା ତାକି ହାଡେକା ରାହାଁ କିନେସି । ୧୪ ଏଲେକିହୁଁ ଏ ଛ ଉଣାୟାଁ ବିତ୍ରାଟି ରଣ୍ଡି ଜିକେଏ ନସୁ ଆଆପେ ଇଞ୍ଜୁଁ ମୀ ଲାକପୁରୁତି ଆବାତି ମନ ।”

ପାପୁ କିତି ର ତାୟି

୧୫ *ନୀ ତାୟି ପାପୁ କିତିହୁଁ, ନାନୁ ଏଝାଣାଲ୍ ମେଣ୍ଡେଏ ଏଲେକିଆନି ଇଞ୍ଜୁଁ ଝେସାନା ତାନି ପାପୁ ତହ୍ମୁ; ଏଝାସି ନୀ କାତା ଆସିହୁଁ ନାନୁ ଏଝାଣାଲ୍ ନୀ ତାୟିଲେହେଁ ଝେଣ୍ଡେ ବେଟାଆଡ଼ି । ୧୬ ସାମା ଏଝାସି ନୀ କାତା ଝେନାଆତିହୁଁ, ନୀ ତଲେ ରଅଣାଲ୍ କି ରିଆରାଲ୍ ଅହିହୁଁ ହାଲ୍ଲାମ୍, ଏନିକିହୁଁ ରିଆରି କି ତାନି ଜାଣା ସାକିୟାଁ ନକିତା ବାରେ କାତା ତାରି ଆନେ । ୧୭ ଏଝାସି ଏଝାରି କାତା ଜିକେଏ ଆହୁଆତିହୁଁ କୁଲମିତି ଝେହ୍ମୁ, ଅଡେ ଜିକେଏ କୁଲମି କାତା ଝେନଅସି, ଆତିହୁଁ ଏଝାସି ମୀ କାନୁତା ଜୀହୁଦିଆଆତାରି କି ସିସୁ ରୁଆହନାରି ଲେହେଁ ଆଡେସି ।”

ଅଦିକାରା ହାନାୟି

* ୧୮:୧ ୧୮:୧ ଲୁକ ୨୨:୨୪ * ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭ * ୧୮:୮ ୧୮:୮ ମାଟି ୫:୩୦ * ୧୮:୯ ୧୮:୯ ମାଟି ୫:୨୯ * ୧୮:୧୦ ୧୮:୧୦ ଲୁକ ୧୯:୧୦ * ୧୮:୧୫ ୧୮:୧୫ ଲୁକ ୧୭:୩

୧୮ *“ନାନୁ ନିଜେ ସାତା ଝେସିମାଞ୍ଜାଇଁ, ମୀରୁ ଦାରୁତିତା ଏନାଆଁ ସୁଣ୍ଠିଦେରି, ଲାକପୁରୁ ଜିକେଏ ସୁଣ୍ଠିକିଆନେ, ଅଡ଼େ ଦାରୁତିତା ଏନାଆଁ ହେଲ ହୀଦେରି, ଲାକପୁରୁ ଜିକେଏ ହେଲ ହୀପକି ଆନେ ।”

୧୯ “ଅଡ଼େ ନିଜେ ସାତା ଝେସିମାଞ୍ଜାଇଁ, ଦାରୁତିତା ମୀ ବିଭାଟି ରିଆରି ରଣ୍ଠିଏ ମନୁ ଆହାନା ଏନାଆଁ ଜିକେଏ ରାସ୍ତିହୁଁ ଏଡ଼ି ଲାକପୁରୁତି ଆବା ତାଣାଟି ଏଞ୍ଜାରାକି ହୀପକିଆନେ । ୧୦ ଇଟିହୁଁ ଏମ୍ବୟା ରିଆରି କି ତାନି ଜାଣା ନା ଦରୁତଲେ ରୁଣ୍ଠା ଆନେରି ଏମ୍ବାଆଁ ନାନୁ ଏଞ୍ଜାରିତଲେ ମାଇଁ ।”

କାର୍ମା ମେହୁଆ ହଲେଏଣି କାତା ପୁଣ୍ଠିକିନାୟି

୨୧ *ଏଟିବେଲା ପିତର ଜୀସୁ ତାଗେ ଝାହାନା ଝେରେସି, “ଏ ପ୍ରବୁ ନା ତାୟି ଏତର ପାଲି ନା କପାଟି ପାପୁ କିତିସାରେ ନାନୁ ଏଞ୍ଜାଣି ପାପୁ ମ୍ବେକ୍‌ଇଁ ?”

୨୨ ସାତା ଦେବା ପାତେକା କି ? ଜୀସୁ ଏଞ୍ଜାଣାଇଁ ଏଲେଇରେସି, ଝାରୁଇ ସାତା ଦେବା ପାତେକା ଆଏ, ସାତା ଗୁଣ୍ଠା ତାନିକଡ଼ି ଦସ ଦେବା ପାତେକା ମ୍ବେକ୍‌ନାୟି ମାନେ । ୨୩ ଇଟିହୁଁ ଲାକପୁରୁ ରାକ୍ତି ତାନି ହଲ୍ଲିୟାଙ୍ଗା ତଲେ ରୀଣା ଲେକା କିନି ର ରାଜା ଲେହେଁତାୟି । ୨୪ ଏଞ୍ଜାସି ଲେକା କିହାଲି ମାଡ଼ହାଲିଏ, ତାନି ଗାରୁହା ଦସ ମାଣା ଟାକାୟି ରୀଣା ଆହାମାନି ର ହଲେଏଣାଇଁ ଏଞ୍ଜାଣାଇଁ ତାଣା ତାତେରି । ୨୫ ସାମା ଏ ବାରେ ଡିକହାଲି ଏଞ୍ଜାଣି ତାଣା ଏନାୟି ହିଲାଆତାକି ଏ ସାଞ୍ଜୁକାରି ଏଞ୍ଜାଣାଇଁ ଅଡ଼େ ତାନି ତକ୍ତିନି ଇଞ୍ଜା ତାନି କକାରି ପଦାଁଣି ଇଞ୍ଜା ତାନି ଇଲୁତି ଆସ୍ତି ପାରୁତାନା ରୀଣା ଡିକହାଲି ହୁକୁନି ହୀତେସି । ୨୬ ଏଚେଟିଏ ଏ ହଲେଏସି ମେଣ୍ଠାକୁତାନା ଜହରା କିହାନା ଏଲେଇରେସି, ନୀନୁ କାର୍ମାମେସାନା କାତାମ୍, ନାନୁ ନିଜେ ବାରେ ଡିକହା ତୁସ୍ତାଇଁ । ୨୭ ଏଚେଟିଏ ସାଞ୍ଜୁକାରି ଏ ହଲେଏଣାଇଁ କାର୍ମାମେସାନା ତାନି ରୀଣା ପିସ୍ପି କିଞ୍ଜିଆଡେ ଇଞ୍ଜା ତାନି ରୀଣା ମେଣ୍ଠାହାଚେ ।

୨୮ ସାମା ଏ ହଲେଏସି ଏମ୍ବାଟି ପାଞ୍ଜାତା ହାଜାନା ତାନିତାଣାଟି ରୀ କଡ଼ି ଦସଗାକା ରୀଣା ଅହାମାନି ତାନି ତଲେତି ର ହଲେଏଣାଇଁ ମେସାନା ଏଞ୍ଜାଣି ହେରକିତା ଆସାନା ଏଲେଇରେସି, ନୀନୁ ଅହାମାନି ରୀଣା ଡିକହା ତୁସ୍ତାମ୍ । ୨୯ ଏଚେଟିଏ ତାନି ତଲେତି ହଲେଏସି ମେଣ୍ଠାକୁତାନା ଜହରା କିହୁଁ ଏଲେଇରେସି, ନୀନୁ ନାଜେ କାର୍ମାମେସାନା କାତାମ୍ ନାନୁ ନିଜେ ବାରେ ଡିକହାଇଁ ୩୦ ସାମା ଏଞ୍ଜାସି ରାକ୍ତି ଆଆଡେସି, ଇଞ୍ଜା ରୀଣା ଡିକଆ ପାତେକା ଏଞ୍ଜାଣାଇଁ କାୟିଦି ଇଲୁତା ସୁଣ୍ଠିତେସି । ୩୧ ଇଞ୍ଜା ତାନି ତଲେତି ହଲ୍ଲିୟାଙ୍ଗା ଏଦାଆଁ ମେସାନା ହାରେକା ଦୁକୁ କିତେରି ଅଡ଼େ ହାଜାନା ସାଞ୍ଜୁକାରିଇଁ ବାରେ କାତା ଝେସ୍ତେରି । ୩୨ ଏମ୍ବାଟିଏ ସାଞ୍ଜୁକାରି ଏଞ୍ଜାଣାଇଁ ତାଗେ ହାଚାନା ଏଲେଇରେସି, ଆଡ଼େ କାମାତା ଝାଆଗାଟି ହଲେଏଣାଟି ନୀନୁ ନାଜେ ବାଡ଼ିମାଲ୍ଲିଏ ନାନୁ ନୀ ବାରେ ରୀଣା ପିସ୍ତାତେସି; ୩୩ ନାନୁ ଏନିକିଁ ନିଜେ କାର୍ମା ଆୟାତେସି, ଏଲେକିହୁଁ ଏ ନୀନୁ ଜିକେଏ ନୀ ତଲେତି ହଲେଏଣାଇଁ କାର୍ମାମେହୁନାୟି ମାଚେ । ୩୪ ଅଡ଼େ ତାନି ପ୍ରବୁ ହାରେକା କପା ଆହାନା ବାରେ ରୀଣା ଡିକଆ ପାତେକା ଏ ହଲେଏଣାଇଁ କସ୍ତ ହାନି ଲକୁ କେୟୁତା ହେରପିତେସି ।

୩୫ ମୀରୁ ବାରେତେରି ମୀ ବାରେ ହିୟାଟି ମୀ ତାୟିଇଁ ତାନି ପାପୁ ମ୍ବେକ୍‌ଆତିହୁଁ ଲାକପୁରୁତି ମୀ ଆବା ଜିକେଏ ନିଜେ ଏଲେ କିୟାନେସି ।

୧୯

ଜୀସୁ ତକ୍ତିନି ପିହନାଣି ଜାପ୍‌ନାୟି

(ମାର୍କ ୧୦:୧-୧୨)

୧ ଜୀସୁ ଇ ବାରେ କାତା ଝେସାଲି ରାପୁହି ତାୟୁ ଗାଲିଲି ରାକ୍ତି ପିସାନା ଜର୍ଦନ କାତା ଆତାଲାଟି ଜୀହୁଦା ରାକ୍ତିତି ହାନ୍ଦିତା ଏତେସି । ୨ ଇଞ୍ଜା ହାରେକା ଲକୁ ତାନି ଜେତ ହାଚେରି, ଅଡ଼େ ଏଞ୍ଜାସି ଏମ୍ବାଆଁ ଏଞ୍ଜାରି ରଗାଟି ନେହୁଁ କିତେସି ।

୩ ଏମ୍ବାଟିଏ ପାରୁସିୟାଁ ଏଞ୍ଜାଣି ତାଣା ଝାହାନା ଏଞ୍ଜାଣାଇଁ ତାୟିପାରିକିହୁଁ ଝେରେରି, “ରଅସି ଜାହାରା ତକ୍ତିନି ଏନି କାତାତାକି ଜିକେଏ ପିସାଲି ମେରା ମାନେକି ?”

୪ ଜୀସୁ ଏଲେଇରେସି, “ମୀରୁ ପଡ଼ୁଞ୍ଜି ଆହାହିଲଅତେରି ? ଗାଡ଼ି କିନାସି ନଡ଼କଏଟିଏ ଏଞ୍ଜାରାଇଁ ଇୟା ଅଡ଼େ ଆବା କିହୁଁ ଗାଡ଼ିକିତେସି, ୫ ଅଡ଼େ ଏଦାଆଁତାକି ତକ୍ତା ତାଲି ତାଞ୍ଜିଇଁ ପିସାନା ତାନି ତକ୍ତି ତଲେ ଆଣ୍ଠିନେସି, ଅଡ଼େ ଏଞ୍ଜାରି ରଣ୍ଠିଏ ଆଜ୍ଞା ଆନେରି, ୬ ଏଦାଆଁତାକି ଏଞ୍ଜାରି ରିଆରି ଆଏ, ସାମା ରଣ୍ଠିଏ ଆଜ୍ଞା ଆନେରି । ଇଞ୍ଜା ମାହାପୁରୁ ଏନାଆଁ ଆଣ୍ଠି କିହାମାନେସି, ମାଣସି ଏଦାଆଁ ଏଟ୍‌କା କିଆପେସି ।”

* er:er ୧୮:୧୮ ମାଟି ୧୭:୧୯; ଜହ ୨୦:୨୩ * er:୨୧ ୧୮:୨୧ ଲୁକ ୧୭:୩,୪

୭ *ସାରୁସିୟା ଏଞ୍ଜାଣାଇଁ ଖେଚେରି, “ଆତିହିଁ ମସା ଏନାଆଁତାକି ପିହ୍ନି ଆକୁ ରାଚାନା ତକ୍ତ୍ଵିନି ପିସାଲି ହେଲ ହାହାମାନେସି ?”

୮ ଜୀସୁ ଏଞ୍ଜାଣାଇଁ ଏଲେଇଚେସି, “ଇତିହିଁ ମୀ ଆଡ଼଼ା ହିୟାଁତି ମେସାନା ମସା ମିଜେ ମୀ ତକ୍ତ୍ଵିକାଣି ପିସାଲି ହେଲ ହିୟାଚେସି, ସାମା ଗାଡ଼ିକିତି ଦିନାଟିଏ ଏଲେକିହିଁ ହିଲିଆଚେ । ୯ *ସାମା ନାନୁ ମିଜେ ଖେସିମାଞ୍ଜାଇଁ, ଆମ୍ବାଆସି ତାନି ତକ୍ତ୍ଵିନି ଦାରି ଦହ ହିଲିଆନା ଏନି କାତାତାକି ପିସାନା ଅର ତକ୍ତ୍ଵିନି ତାତିହିଁ, ଏଞ୍ଜାସି ଦାରିକାମା କିନେସି ।”

୧୦ ସାମୁୟାଁ ଏଞ୍ଜାଣାଇଁ ଏଲେଇଚେରି, “ତକ୍ତ୍ଵିନି ତଲେ ମାଣ୍ଠିସିକି ଇଲେତାୟି ମାଟିହିଁ, ଏଞ୍ଜାସି ବୀହା ଆଆତିହିଁ ନେହେଁ ଆଚେମା ।”

୧୧ ଜୀସୁ ଏଞ୍ଜାଣାଇଁ ଏଲେଇଚେସି, “ବାରେଜାଣା ଇ କାତାତି ଆସାଲି ଆଡ଼଼ଅରି, ଇତିହିଁ ଆମ୍ବାଆରାକି ମାହାପୁରୁ ବାଡ଼ୁୟୁ ହାହାମାନେସି, ଖାରଇ ଏଞ୍ଜାରିଦେହେଁ ଆସାଲି ଆଡ଼ିନେରି । ୧୨ ଇତିହିଁ ଆମ୍ବା ଆମ୍ବାଆରି ଇୟାନି ବାଣ୍ଟିଟିଏ ବୀହା ଆହାଲି ଆଡ଼ାଆରେତୁ ଜାଣି ଆହାମାନେରି; ଇଞ୍ଜା ଆମ୍ବା ଆମ୍ବାଆରି ଲକୁ ତାଣାଟି ଏଲେକିଞ୍ଜି ଆହାମାନେରି, ଅଡ଼େ ଆମ୍ବା ଆମ୍ବାଆରି ଲାକପୁରୁ ରାକ୍ତିତାକି ତାମ୍ବୁତାମ୍ବୁ ଏଲେ ଆହାମାନେରି, ଆମ୍ବାଆସି ଏ କାତାତି ଆସାଲି ଆଡ଼ିନାସି ଆସସାସି ।”

ଜୀସୁ କକାରି ପଦାଁକି ବରୁ ହୀନାୟି

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏଟିବେଲା ଜୀସୁ କକାରି ପଦାୟାଁ ମୁହେଁ କେୟୁ ଇଚାନା ପ୍ରାତାନା କିନେସି, ଏଦାଆଁତାକି ଲକୁ ଏଞ୍ଜାଣାଇଁ ତାନି ତାଣା ତାଚେରି, ସାମା ସାମୁୟାଁ ତାଟିମାଟି ଲକୁଣି ଦାକା ହାଚେରି । ୧୪ ସାମା ଜୀସୁ ଏଲେଇଚେସି, “କକାରି ପଦାଁଣି ନା ତାଣା ଖାହାଲି ହୀସୁ, ଏଞ୍ଜାଣାଇଁ ଆଂଗାଆସୁ, ଏନାଆଁତାକି ଇତିହିଁ ଲାକପୁରୁ ରାକ୍ତି ଏଲେତାରିଖାୟି ।”

୧୫ ଅଡ଼େ ଏଞ୍ଜାସି ଏଞ୍ଜାରି ଲାକ କେୟୁ ଇଚାନା ଏମ୍ବାଟି ହାଚେସି ।

ର ଦନଗାଟି ଦାଂଗଣେସି

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଅଡ଼େ ମେହ୍‌ଦୁ ରଅସି ଜୀସୁ ତାଣା ଖାହାନା ଖେଚେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଆମିନି ନେହିଁ କାମା କିଲି ?”

୧୭ ଜୀସୁ ଏଞ୍ଜାଣାଇଁ ଏଲେଇଚେସି, “ନେହାୟି ଇନି କାତାତି ନାଜେ ଏନାଆଁତାକି ଖେଞ୍ଜିମାଞ୍ଜାଦି ? ଖାରଇ ରଅସିଏ ନେହାସି; ସାମା ନାନୁ ଜୀସୁ ବେଟାଆହାଲି ମନ କିତିହିଁ, ବାରେ ହୁକୁମି ମାନୁଞ୍ଜି ଆମ୍ବା ।”

୧୮ ଏଞ୍ଜାସି ଜୀସୁଇଁ ଏଲେଇଚେସି, “ଏନିଲେହେଁଟି ହୁକୁମି ?”

ଜୀସୁ ଏଲେଇଚେସି, “ଲକୁଣି ପାୟାଆନି, ଦାରିକାମା କିଆନି, ସରୁ କିଆନି, ମିଟି ସାକି ହୀଆନି, ୧୯ ତାଲି ତାଞ୍ଜି କାତା ଆହମ୍ବୁ, ନୀ ପାଡ଼ିତି ଲକୁଣି ନୀ ଜୀସୁ ଲେହେଁ ଜୀସୁ ନମ୍ବୁ ।”

୨୦ ଏ ଦାଂଗଣେସିଏ ଜୀସୁଇଁ ଏଲେଇଚେସି, “ନାନୁ ଇ ବାରେ ମାନୁଞ୍ଜି ଆହାମାଜାଇଁ, ନାଜେ ଅଡ଼େ ଏନଞ୍ଜା ଉଣା ମାନେ ?” ୨୧ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ନେହାଁତି ଆହାଲି ମନ କିତିହିଁ, ହାଜାନାହାଁ ନୀ ବାରେ ଦନ ପାର୍‌ଚାନାହାଁ ହିଲିଆ ଗାଟାରାକି ଦାନା ହୀସୁ, ଇଞ୍ଜା ନା ଜେଟ ଖାମ୍ବୁ, ଏଚେଟିଏ ଲାକପୁରୁ ନାନୁ ଦନ ବେଟାଆଡ଼ି ।”

୨୨ ଇ କାତା ଖେଞ୍ଜାନା ଦାଂଗଣେସି ଦୁକୁ ଆହାନା ହାଚେସି, ଇତିହିଁ ଏଞ୍ଜାଣାକି ହାଚେକା ଦନ ମାଚେ ।

୨୩ ଏଚେଟିଏ ଜୀସୁ ତାନି ସାମୁୟାଁଇଁ ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ଦନ ଗାଟାରି ଲାକପୁରୁ ରାକ୍ତିତା ହଡ଼ାଲି ହାଚେକା କସୁ ଆଚେ । ୨୪ ଅଡ଼େ ଖେଣ୍ଡେ ନାନୁ ମିଜେ ଖେସିମାଞ୍ଜାଇଁ, ମାହାପୁରୁଟି ରାକ୍ତିତା ଦନଗାଟାରି ହାନି କିହାଁ ଉଟୁ ସୁଜା କାଣିଟି ହଡ଼ା ହାନାୟି ଉସାସା ଆଚେ ।”

୨୫ ସାମୁୟାଁ ଇ କାତା ଖେଞ୍ଜାନା କାବାଆହାନା ଏଲେଇଚେରି, “ଆତିହିଁ ଆମ୍ବାଆସି ଗେଲ୍‌ପି ଆହାଲି ଆଡ଼ିନେସି ?”

୨୬ ଜୀସୁ ଏଞ୍ଜାଣାଇଁ ସିନିକିହାନା ଏଲେଇଚେସି, “ଇଦି ମାଣ୍ଠିତାକି ଆଆଗାଗାୟି, ସାମା ମାହାପୁରୁ ତାକି ବାରେ ଆଚେ ।”

୨୭ ଏଚେଟିଏ ପିତର ଏଲେଇଚେସି, “ମୋହୁକୁ ମାମୁ ରୁରେ ପିସାନା ନୀ କେଟ ଖାହାମାନନି; ଆତିହୁ~ ମାମୁ ଏନାଆଁ ବେଟାଆନନି ?”

୨୮ *ଜୀସୁ ଏଝାରାଇଁ ଏଲେଇଚେସି, ନାନୁ ମିଜେ ସାତା ଝେସିମାଞ୍ଜାଇଁ, ପୁଣି ଜୁଗୁ ଆନାଟି ଏଚେଟା ମାଣସି ମୀରୁଏସି ତାନି ଗାଝୁରମିତି କାଜାପାଣା ତଲେ ସିଂଗାସାଣିତା କୁଗିନି ଦିନା ନା କେଟ ଖାହାମାନାତେରି ମୀରୁ, ମୀରୁ ଜିକେଏ ବାର ଗଟା ସିଂଗାସାଣିତା କୁଗାନା, ଇସ୍ରାୟେଲତି ବାର କୁଡ଼ାତି ସାଲୁଡ଼ି କିଦେରି । ୨୯ ଇଞ୍ଜି ଆମ୍ବାଆସି ନା ଦରୁ ତାକି ଇଲୁ କାଣ୍ଡା, କି ତାୟି ତାଜିସ୍ତା, ତାଲି ତାଞ୍ଜି, କକାରି ପଦାୟି, ଇଞ୍ଜି ବୁମି ବାଡ଼ା ପିସାମାନେସି, ଏଝାସି ଏ ବାରେକିହାଁ ହାରେକା ଗାତି ବେଟା ଆନେସି, ଇଞ୍ଜି କାଲ୍ଲକାଲ୍ଲାତି ଜାଝୁତି ବେଟା ଆନେସି । ୩୦ *ସାମା ନକିତା ମାନି ହାରେକା ଲକୁ ତାୟୁ ଆନେରି, ଇଞ୍ଜି ତାୟୁତା ମାନି ହାରେକା ଲକୁ ନକିତା ଆନେରି ।

୨୦

ଅଜୁରି ବାଡ଼ାତା କାମାକିନାରି

୧ ଇଚିହୁ~ ଲାକପୁରୁ ରାଜି ଇଲେତି ର ସାଝୁକାରି ଲେହେଁତାୟି, ଲାଲୁ ଝେୟାଲିଏ ତାନି ଅଜୁରି ବାଡ଼ାତା କୁଲି କାମା କିଝିକିହାଲି ହାଚେସି । ୨ ଅଡ଼େ ଏଝାସି କୁଲି ଗାଟାରାଇଁ ଦିନାତାକି ର ଝେଣ୍ଡି ଟାକା ହିୟାଇଁ ଇଞ୍ଜି~ ଏଝାରାଇଁ ତାନି ଅଜୁରି ବାଡ଼ାତା ପାଣ୍ଡିଚେସି । ୩ ଅଡ଼େ ନ ଗଂଟା ବେଲତା ଏଝାସି ପାଜାତା ହାଜାନା ଏଟକାତାରି କାମା ପୁଞ୍ଚିଆନା ନିଚାମାଗାଣି ମେସାନା ଏଝାରାଇଁ ଜିକେଏ ଏଲେଇଚେସି, ୪ ମୀରୁ ଜିକେଏ ଅଜୁରି ବାଡ଼ାତା ହାଜାନା କାମା କିଦୁ, ଇଞ୍ଜି ଏନିକି~ ତାରି ଆହାମାନେ, ଏଲେକିହୁ~ ମିଜେ ହିୟାଇଁ; ଇଞ୍ଜି ଏଝାରି ହାଚେରି । ୫ ଅଡ଼େ ମାଦେନା ବାର ଗଂଟା ଇଞ୍ଜି ତାନି ଗଂଟା ବେଲତା ପାଜାତା ହାଜାନା ଏଲେକିଚେସି । ୬ ଇଞ୍ଜି ମିଡ଼ିଆଲ୍ଲା ପାସା ଗଂଟା ବେଲତା ପାଜାତା ହାଜାନା ଏଚରଜାଣା ନିଚାମାନାଣି ମେସାନା ଝେଚେସି, ମୀରୁ ଏନାଆଁତାକି ମାଦେନା ଝେଡ଼ାତୁମ୍ବେ କାମା କିଆନା ଉଜେଏ ନିଚାମାଞ୍ଜେରି ? ୭ ଏଝାରି ଏଝାଣାଇଁ ଏଲେଇଚେରି, ଆମ୍ବାଆରି ମାଜେ କାମା ହେରପା ମାଞ୍ଜଅରି । ଏଝାସି ଏଝାରାଇଁ ଏଲେଇଚେସି ମୀରୁ ଜିକେଏ ଅଜୁରି ବାଡ଼ାତା ହାକୁ ।

୮ ତାୟୁ ମିଡ଼ିଆଲ୍ଲା ଆହାଲିଏ, ଅଜୁରି ବାଡ଼ାତି ସାଝୁକାରି ତାନି ଗୁମୁସାଇଁ ଏଲେଇଚେସି, କୁଲି ଗାଟାରାଇଁ ହାଟାନା ତାୟୁ ଝାଡ଼ି ଲକୁ ତାଣାଟିଏ ମାଟୁହାନା ନକିତା ଝାଡ଼ି ଲକୁ ପାତେକା କୁଲି ହୀମୁ । ୯ ଏଚେଟିଏ ଆମିନି ଗାଟାରି ପାସା ଗଂଟା ବେଲତା କାମାତା ପାଣ୍ଡି ଆହାମାଚେରି, ଏଝାରି ଝାହାନା ର ଝେଣ୍ଡି ଟାକା ଲାକା ବେଟାଆଚେରି । ୧୦ ଇଞ୍ଜି ନକେଏ କାମାତା ପାଣ୍ଡି ଆହାମାନାରି ଝାହାନା ଗାତି ବେଟାଆନେରି ଇଞ୍ଜି~ ଅଣପିଚେରି; ସାମା ଏଝାରି ଜିକେଏ ଏ ର ଝେଣ୍ଡି ଟାକା ଲାକା ବେଟାଆଚେରି । ୧୧ ସାମା ଏଲେକି~ ବେଟାଆହାନା ଏଝାରି ସାଝୁକାରିକି କପା ଆହାନା ଲାଗିଚେରି । ୧୨ ଇ ତାୟୁତି ଲକୁ ଝାରିକ ର ଗଂଟା କାମା କିଚେରି, ଇଞ୍ଜି ମାମୁ ଝୁଝୁଡ଼ା ତୁମ୍ବେ ଝାହୁ ଆହୁ~ କାରା ଝେହୁ~ କାମା କିତିହୁ~ ଜିକେଏ ନୀନୁ ଏଝାରାକି ମା ସମାନା କିତି । ୧୩ ଏଝାରି ବିତ୍ରାଟି ରଅଣାଇଁ ସାଝୁକାରି ଏଲେଇଚେସି ଏ ତଟେ, ଝେନାମୁ, ନାନୁ ନିଜେ ନାଡ଼ି କିହିମାଞ୍ଜି; ନୀନୁ ନା ତଲେ ର ଝେଣ୍ଡି ଟାକା ତାକି ରାଜି ଆହାହିଲ୍ଲାଆତି କି ? ୧୪ ନୀନୁ ଏଚେକା ପାଣ୍ଡାନାୟି ମାନେ ଏଚେକା ଆସାନା ହାଜାତୁହମୁ, ସାମା ଇ ତାୟୁତି ଲକୁକି ଜିକେଏ ନୀ ଲେହେକି ହିୟାଲି ନା ମନ । ୧୫ ନା ଦନତି ନା ମନ ଲେହେଁ ଲେୟାଲି ନା ଅଦିକାରା ହିଲେଏ କି ? ନାନୁ କାର୍ମାନେସାନା ହିୟାଲିଏ ନୀନୁ ଏନାଆଁତାକି ତାହାରା ଆହିମାଞ୍ଜାଦି ।

୧୬ *ଏଲେକିହୁ~ ଏ ତାୟୁ ମାନି ଲକୁ ନକିତା ଆନେରି, ଇଞ୍ଜି ନକିତା ମାନି ଲକୁ ତାୟୁ ଆନେରି ।

ତାନି ହାକିତି କାତା ଜାସୁ ତାନି ପାଲି ଝେହନାୟି

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୨୭ ଜୀସୁ ଜିରୁସାଲମତା ହାଜିମାଗାଟି ବାରଜାଣାତି ସାୟୁୟାଇଁ ଏଟକା କିହାନା, ଜିରୁତା ଏଝାରାଇଁ ଏଲେଇଚେସି, ୨୮ ମୋହୁକୁ ମାରୁ ଜିରୁସାଲମତା ହାଜିମାନାୟି, ମାଣସି ମୀରୁଏସି କାଜା ପୂଜେରାକା ଅଡ଼େ ମୋରାପୁନାରି କେୟୁତା ହେରପିଆନେସି, ୨୯ ଅଡ଼େ ଏଝାରି ଏଝାଣାଇଁ ହାନ୍ତି ତଣ୍ଡ ହୀହାନା ଏଟକା କୁଡ଼ାତାରି କେୟୁତା ହେରପିନେରି, ଏଚେଟିଏ ଏଝାରି ଏଝାଣାଇଁ କିଜଝି କିନେରି, ସାଟ୍ଟାଣି ତୁରିତଲେ ଝେନେରି, ଅଡ଼େ ପାସି ମୁଣ୍ଡାତା ଏକହାନା ପାୟିନେରି, ଇଞ୍ଜି ତାନି ଦିନାଟିଏ ହାକିତି ଝେଣ୍ଡେ ନିଜିନେସି ।

* ୧୯:୨୮ ୧୯:୨୮ ମାତି ୨୫:୩୧; ଲୁକ ୨୨:୩୦ * ୧୯:୩୦ ୧୯:୩୦ ମାତି ୨୦:୧୭; ଲୁକ ୧୩:୩୦ * ୨୦:୧୭ ୨୦:୧୭ ମାତି ୧୯:୩୦; ମାର୍କ ୧୦:୩୧; ଲୁକ ୧୩:୩୦

ର ଇୟାନି ବାତିମାଲିନାୟି

(ମାର୍କ ୧୦:୩୫-୪୫)

୨୦ ଏଚିବେଲା ଜେବଦି ତକ୍ତି ତାନି ରୀ ମୀରୁକା ତଲେ ଜୀସୁ ତାଣା ଖାହାନା ଜହରା କିହାନା ଏଞ୍ଜାଣି ତାଣା ବାତିମାଲିହୁ ଏଲେଇଚେ ।

୨୧ ଏଚେଟିଏ ଜୀସୁ ଏଦାନି ଖେଚେସି, “ନୀନୁ ଏନାଆଁ ମନ କିହିମାଞ୍ଜି ?”

ଏଦି ଏଲେଇଚେ, “ନୀ ରାଜିତା ନା ରୀ ମୀରୁକା ବିତ୍ତାଟି ରଅସି ନୀ ଚିଣିଞ୍ଜାକି ଅଡେ ରଅସି ନୀ ଚେବୁଞ୍ଜାକି କୁଗିନେରି ଇଞ୍ଜି ହୁକୁମି ହୀମୁ ।”

୨୨ ସାମା ଜୀସୁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜିହିଲଅଡେରି । ନାନୁ ଆମିନି ସଲ୍ଲାତା ଗସାଲି ହାଜିମାଲ୍, ଏଦାଆଁ ମୀରୁ ଗସାଲି ଆଡିଦେରି ?”

ଏଞ୍ଜାରି ଏଞ୍ଜାଣାଇ ଏଲେଇଚେରି, “ଆଡିନମି ।”

୨୩ ଜୀସୁ ଏଞ୍ଜାଣାଇ ଏଲେଇଚେସି, “ମୀରୁ ନା ସଲ୍ଲାତା ଗହ୍‌ଦେରି ସାତା, ସାମା ନା ଚିଠିନି କି ଚେବୁଞ୍ଜାକି କୁଗାଲି ହୀନି ନା ଅଦିକାରାତି କାତା ଆଏ, ଇଚିହୁ ଆମିନି ଗାଗରାକି ନା ଆବା ତାଣାଟି ଚାୟୁ କିଞ୍ଜିଆହାମାନେ ଏଞ୍ଜାରି କୁଗିନେରି ।”

୨୪ ଏଚକାତି ଦସ ଜାଣା ଇ କାତା ଖେଞ୍ଜାନା ଏ ତାୟି ରିଆରାଇ କପା ଆଡେରି । ୨୫ ସାମା ଜୀସୁ ଏଞ୍ଜାଣାଇ ତାଗେ ହାଚାନା ଏଲେଇଚେସି, “ଏଚକା କୁଡାତାରି ସାଲ୍‌ଞ୍ଜି କିନାରି କାଜା ବାଡୁହୁ ତଲେ ତାମି କାଜାପାଣା ତହ୍‌ନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି । ୨୬ ସାମା ବିତ୍ତା ଏଲେକିହୁ ଆଏ, ସାମା ମୀ ବିତ୍ତା ଆମ୍ବାଆସି କାଜାସି ଆହାଲି ଅଣ୍ଡିନେସି, ଏଞ୍ଜାସି ମୀ ସେବା କିନାସି ଆପେସି; ୨୭ ଅଡେ ଆମ୍ବାଆସି କାଜାପାଣା ବେଟାଆହାଲି ମନ କିନାସି ଏଞ୍ଜାସି ମୀ ହଲେଏସି ଆପେସି, ୨୮ ଏନିକି ମାଣସି ମୀରୁଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଅଡେ ହାଚେରକା ଲକୁଣି ଗେଲ୍‌ପାଲି ଜୀସୁ ହାହାଲି ଖାହାମାନେସି ।”

ରୀ କାଣାୟିଣି ମେସାଲି ହୀନାୟି

(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଜୀସୁ ଅଡେ ତାନି ସାୟୁୟି ଜିରିହଟି ହାଜିମାଟାଟି ହାଚେରକା ମାଦା ଲକୁ ତାନି ଜେତ ହାଚେରି । ୩୦ ଅଡେ ଜିରୁ ଦାରିତା ରିଆରି କାଣାୟି ଜୀସୁ ଏ ଜିରୁଟି ହାଜିମାନେସି ଇଞ୍ଜି ଖେଞ୍ଜାନା, କାଜା ଗିୟାତଲେ ଏଲେଇଚେରି, “ଏ ପ୍ରବୁ ଦାସ୍ତୁଦ ମୀରୁଏଣାତି ! ମାଜେ କାର୍ମା ମେସ୍ତାମୁ !”

୩୧ ସାମା ଲକୁ ଏଞ୍ଜାଣାଇ ପାଲେଏ ଆହାଲି ଦାକା ହୀଚେରି, ସାମା ଏଞ୍ଜାରି ଅଡେ କାଜା ଗିୟାତଲେ ଏଲେଇଚେରି, “ଏ ପ୍ରବୁ ଦାସ୍ତୁଦ ମୀରୁଏଣାତି ! ମାଜେ କାର୍ମା ମେସ୍ତାମୁ !”

୩୨ ଏମ୍ବାଟିଏ ଜୀସୁ ନିଚାନା ଏଞ୍ଜାଣାଇ ହାଚାନା ଖେଚେସି, “ନାନୁ ମିଜେତାକି ଏନାଆଁ କିଇଁ ଇଞ୍ଜି ମୀରୁ ଅଣ୍ଡିମାଞ୍ଜେରି ?”

୩୩ ଏଞ୍ଜାରି ଏଞ୍ଜାଣାଇ ଏଲେଇଚେରି, “ଏ ପ୍ରବୁ ଏନିକି ମା କାଣ୍‌କା ଦେପି ଆନୁ ।”

୩୪ ଅଡେ ଜୀସୁ କାର୍ମା ଆହାନା ଏଞ୍ଜାରି କାଣ୍‌କା ତାରିଚେସି, ଇଞ୍ଜା ଏ ଦେବୁଣିଏ ଏଞ୍ଜାରି ମେସ୍ତେରି ଇଞ୍ଜା ଏଞ୍ଜାଣି ଜେତ ହାଚେରି ।

୨୧

ଜିରୁସାଲମତା ଜୀସୁ ରାହାଟି ହଡୁନାୟି

(ମାର୍କ ୧୧:୧-୧୧; ଲୁକ ୧୯:୨୮-୪୦)

୧ ଏଚିବେଲା ଜୀସୁ ଅଡେ ତାନି ସାୟୁୟି ଜିରୁସାଲମ ତାଗେ ଆହାନା ଜୀତ ଇନି ହରୁ ଦାରିତି ବେଡ୍‌ପାରି ଏକାଲିଏ ଏଚିବେଲା ଜୀସୁ ତାନି ରୀ ସାୟୁୟିଣି ଏଲେଇଞ୍ଜା ପାଣ୍ଡିଚେସି । ୨ “ମୀରୁ ନକିତା ମାନି ନାୟୁତା ହାକୁ, ଇଞ୍ଜା ହାଲ୍‌ଞ୍ଜିନିଏ ଦସାମାନି ର ଗାଡୁଦେ ଇଞ୍ଜା ତାଲୁ ମେହ୍‌ଦେରି; ଏଞ୍ଜାଆଁ ହୁକହାନା ନା ତାଣା ତାଦୁ । ୩ ଅଡେ ଆମ୍ବାଆସି ଏନାଆଁ ଇଞ୍ଜାଟିହୁ, ଖେହ୍‌ଦୁ, ଇଞ୍ଜାସିକା ତାଣା ମା ପ୍ରବୁକି ଲଡାମାନେ, ଏ ଦେବୁଣିଏ ଏଞ୍ଜାସିକାଣି ପାଣ୍ଡାନେସି ।”

୪ ମାହାପୁରୁ ଅଣ୍ଡିପୁଟି ବଲୁ ଖେହ୍‌ନାରି କାତା ଏନିକି ସାତା ଆନେ, ଏଦାଆଁତାକି ଇ ବାରେ ଆଡେ;

୫ “ସିୟନତି ଗାଡାଇଁ ଖେହ୍‌ଦୁ

ମେହମୁ ନୀ ରାଜା ନୀ ତାଣା ଖାହିମାନେସି !

ଏଝାସି ସୁଦୁଗାଟାସି ଇଞ୍ଜା ଗାଡ଼ଦେ ଲାକ କୁଗାମାନେସି

ଇଚିହୁଁ ଗାଡ଼ଦେ ତାଲୁ ଲାକ କୁଗାମାନେସି ।”

୨ ଏମ୍ବାଟିଏ ସାସୁୟାଁ ହାଜାନା ଜୀସୁ ଖେସ୍ତଲେହେଁ କାମା କିତେରି, ୨ ଅଡ଼େ ଗାଡ଼ଦେ ଇଞ୍ଜା ତାଲୁତି ତାତାନା ଏଝାସିକା ଲାକ ହିମ୍ବରିକା ପାଠେସ୍ତରି, ଇଞ୍ଜା ଜୀସୁଇଁ କୁରିକିତେରି । ୮ ଅଡ଼େ ହାରେକା ଲକୁ ତାମି ହିମ୍ବରିକା ଜିରୁତା ପାଠେସ୍ତରି, ଅଡ଼େ ଏଚେକା ଲକୁ ମାରୁକାତି ଗଟାୟାଁ ତାତାନା ଜିରୁତା ପାଠେସ୍ତରି । ୯ ଅଡ଼େ ଜୀସୁତି ତାଲୁତା ନକିତା ହାଜିମାଟି ଲକୁ ବାରେ କାଜା ଗିୟାଁତଲେ ଏଲେଇଚେରି, “ହସାନା ଦାଝୁଦ ମୀରୁଏସି ! ମାହାପୁରୁ ଦରୁଟି ଖାହିମାନେସି ନେହାଁସି ! ମାହାପୁରୁ ଏଝାଣାଇଁ ବର ହାପାସି, ଲାକପୁରୁ ହସାନା !”

୧୦ ଅଡ଼େ ଏଝାସି ଜିରୁସାଲମତା ହଡ଼ାଲିଏ, ଗାଡ଼ାତାରି ବାରେଜାଣା “ଇଝାସି ଆମ୍ବାଆସି ?” ଇଞ୍ଜୁଁ କାବାଆହାନା ଏଲେଇଚେରି ।

୧୧ ଏଚେଟିଏ ବାରେ ଲକୁ ଏଲେଇଚେରି, “ଇଝାସି ଗାଲିଲି ଦେସାତା ମାନି ନାଜରିତତି ମାହାପୁରୁ ଅଣ୍ଡପୁତି ବଲୁ ଖେହ୍ନି ଜୀସୁ ।”

ମାହାପୁରୁ ଇଲୁତା ଜୀସୁ ହାନାସି

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହ ୨:୧୩-୨୨)

୧୨ ତାଲୁ ଜୀସୁ ମାହାପୁରୁ ଇଲୁତା ହଡ଼ାନା ଏ ଗାଲୁତା ଏମ୍ବାଆଁ ଆସି ମାସ୍କି ମାଗରାଇଁ ବାରେତି ପାଙ୍ଗାତା ପେରୁହା ପାଣ୍ଡିତେସି, ଇଞ୍ଜା ଗାକାୟାଁ ବେବାରା ଗାଟାରି କୁଚିୟାଁ ଅଡ଼େ ପାରୁଝା ପଟାୟାଁ ଦେବାରା ଗାଟାରି ଜମ୍ବାୟାଁ ଚିରିମ୍ବୁପହେସି, ୧୩ ଅଡ଼େ ଏଝାସି ଏଝାରାଇଁ ଏଲେଇଚେସି, ମାହାପୁରୁ ଦାମ୍ବୁପତିତା ରାସ୍କି ଆହାମାନେ, “ନା ଇଲୁ ପ୍ରାତାନା ଇଲୁ ଇଞ୍ଜୁଁ ଖେଜିନେ, ସାମା ମୀରୁ ଏଦାଆଁ ତଂଗାୟାଁ ପାଝୁ ମ୍ବୁପହା ମାଞ୍ଜେରି ।”

୧୪ ଇଞ୍ଜା ମାହାପୁରୁ ଇଲୁତା କାଣାୟାଁ, ସଟାୟାଁ ତାନି ତାଣା ଖାଡ଼େରି ଇଞ୍ଜା ଏଝାରାଇଁ ନେହୁଁ କିତେସି । ୧୫ ସାମା କାଜା ପୁଜେରାଙ୍ଗା ଅଡ଼େ ମେରାପୁନାରି ତାନୁ କିହିମାନି କାବାଆନି କାମା ମେସାନା ଅଡ଼େ “ମାହାପୁରୁ ଇଲୁତା ହସାନା ଦାଝୁଦ ମୀରୁଏସି” ଇଞ୍ଜୁଁ କାଜା ଗିୟାଁତଲେ କକାରି ଜଲିମାନାଣି ଖେଞ୍ଜାନା କପା ଆଡ଼େରି । ୧୬ ଏଝାରି ଜୀସୁଇଁ ଖେଚେରି, “ଇଝାରି ଏନାଆଁ ଇଞ୍ଜୁଁ ମାନେରି, ନୀନୁ ଏଦାଆଁ ଖେଞ୍ଜିମାଞ୍ଜି ?”

ଜୀସୁ ଏଝାରାଇଁ ଏଲେଇଚେସି, “ହାଅ, ଖେଞ୍ଜିମାଇଁ, ମୀରୁ କକାରି ଇଞ୍ଜା ପାଲୁ ଗହନରାଇଁ ନିଙ୍ଗ ଜହରା ପାରୁ ପାଡ଼ାଲି ଜାପୁହାମାଞ୍ଜି, ଦାମ୍ବୁ ପତିତି ଇ କାତାତି ମୀରୁ ଏଚେଲା ପଡ଼ଝି ଆହାହିଲଅଚେରି ?”

୧୭ ଅଡ଼େ ଏଝାସି ଏଝାରାଇଁ ପିସାନା ଗାଡ଼ାତି ହଡ଼ାନା ବେତନିୟାଁତା ହାଜାନା ଏମ୍ବାଆଁ ଲାଆଁୟାଁ ଡ଼ୟିତେସି ।

ଜୀସୁ ତୟା ମାରୁନୁଇଁ ବାକା ଇଚିନାସି

(ମାର୍କ ୧୧:୧୨-୧୪, ୨୦-୨୪)

୧୮ ଜୀସୁ ଗାଡ଼ାତା ଖେଣ୍ଡା ହାଜିମାଟାଟି ହାକି ଆଡ଼େସି, ୧୯ ଅଡ଼େ ଜିରୁ ଦାରିତା ର ତୟା ମାରୁନୁ ମେସାନା ଦାରିତା ହାଚେସି, ଇଞ୍ଜା ଖାଡ଼ଇ ଆକା ପିସପେ ଏମ୍ବାଆଁ ଏନାଆଁ ମେହୁଆଡେସି ଇଞ୍ଜା ଏଦାନି ବାକା ଇଟାନା ଏଲେଇଚେସି, “ନୀ ତାଣା ଏଚେଲା ପାଡ଼େୟି ଆୟାଆପେ” ଇଞ୍ଜା ଏ ଦେବୁଣିଏ ଏ ତୟା ମାରୁନୁ ଖାୟାହାଚେ ।

୨୦ ସାସୁୟାଁ ଏଦାଆଁ ମେସାନା କାବାଆହାନା ଏଲେଇଚେରି, “ତୟା ମାରୁନୁ ଏନିକିଁ ଏ ଦେବୁଣିଏ ଖାୟା ହାଚେ ।”

୨୧ ଜୀସୁ ଏଝାରାଇଁ ଏଲେଇଚେସି, “ନୀନୁ ମିଙ୍ଗେ ସାତା ଖେସିମାଞ୍ଜାଇଁ, ମୀ ନାମ୍ବୁ ମାଟିହୁଁ, ଅଡ଼େ ମୀରୁ ଆନାମାନା ଆଆନା, ଇ ତୟା ମାରୁନୁତି ଏନି କିଞ୍ଜିଆହାମାନେ, ଏଲେକିହୁଁ ଏ କିଦେରି ଏଦି ଆଏ, ‘ସାମା ଇ ହରୁତି ଜିକେଏ ନୀନୁ ନିଙ୍ଗନା ସାମ୍ବୁରିତା ତରୁଗାମ୍ବୁ’ ଇଞ୍ଜେରି, ଆତିହୁଁ ଏଦି ଆନେ । ୨୨ ଇଞ୍ଜା ନାମ୍ବୁତଲେ ପ୍ରାତାନାତା ଏନାଆଁ ରାହଦେରି ଏ ବାରେ ମିଙ୍ଗେ ମେଡ଼ାଆୟାନେ ।”

ଜୀସୁତି ଅଦିକାରା

(ମାର୍କ ୧୧:୨୭-୩୩; ଲୁକ ୨୦:୧-୮)

* ୨୧:୨୧ ୨୧:୨୧ ମାଟି ୧୭:୨୦; ୧କର ୧୩:୨

୨୩ ତାହୁଁ ଜୀବୁ ମାହାପୁରୁ ଇଚ୍ଛୁତା ହତାନା ଜାପୁହି ମାଚାଟି, କାଜା ପୁଜେରାଜା ଅଡ଼େ ଲକ୍ଷ୍ମି କାଜାରି ଏଞ୍ଜାଣି ତାଣା ଖାହାନା ଖେଚେରି, “ନାନୁ ଆମିନି ଅଦିକାରା ତଲେ ଛ ବାରେ କାମା କିହିମାଞ୍ଜି ? ନିଜେ ଏ ଅଦିକାରା ଆମ୍ବାଆସି ହିୟାତେସି ?”

୨୪ ଜୀବୁ ଏଞ୍ଜାରାଇଁ ଏଲେଇଚେସି, “ନାନୁ ଜିକେଏ ମିଜେ ର କାତା ଖେଞ୍ଜାଇଁ, ମୀରୁ ଏଦାଆଁ ଖେଣ୍ଡେ ଖେସ୍ତାତହଁ, ନାନୁ ଆମିନି ଅଦିକାରା ତଲେ ଛ ବାରେ କାମା କିହିମାଇଁ, ନାନୁ ଜିକେଏ ମିଜେ ଖେସ୍ତାଇଁ ।

୨୫ ଜହନ ବାପ୍ତିସ୍ତାଁ ହାହାଲି ଆମ୍ବାଆରି ତାଣାଟି ବେଟା ଆହାମାଚେସି, ଲାକପୁରୁଟି କି ଲକୁ ତାଣାଟି ?”

ଏଚେଟିଏ ଏଞ୍ଜାରି ତାମ୍ବୁ ତ୍ରାମ୍ବୁ ଜଲ୍ଲକି ଆଚେରି, “ମାହାପୁରୁ ତାଣାଟି ଇଞ୍ଜି ଖେସ୍ତୁହଁ, ଏଞ୍ଜାସି ମାଜେ ଏଲେଇଞ୍ଜାଚେସି, ମୀରୁ ଏଦାଆଁତାକି ଏଞ୍ଜାଣାଇଁ ନାମାଆଚେରି ?” ୨୬ ସାମା ମାଣସିୟାଁ ତାଣାଟି ଇନାସି, ଲକ୍ଷ୍ମିତାକି ଆଜି, ଇଚିହଁ ବାରେ ଲକୁ ଜହନଇଁ ମାହାପୁରୁ ଅଣପୁତି ବଲୁ ଖେହନାସି ଇଞ୍ଜିହଁ ମାନୁଞ୍ଜି ଆହିମାନେରି ।” ୨୭ ଏଦାଆଁତାକି ଏଞ୍ଜାରି ଜୀବୁଇଁ ଏଲେଇଚେରି, “ମାମ୍ବୁ ପୁଞ୍ଜାହିଲଅମି ।”

ଏଞ୍ଜାସି ଜିକେଏ ଏଞ୍ଜାରାଇଁ ଏଲେଇଚେସି, “ଆତିହଁ ନାନୁ ଜିକେଏ ଆମିନି ଅଦିକାରା ତଲେ ଛ ବାରେ କିହିମାଇଁ, ଏଦାଆଁ ନାନୁ ଜିକେଏ ମିଜେ ଖେସ୍ତୁଆଁ ।”

ରୀ ମୀରୁକାଟି ପୁଣ୍ଡମିକିନି କାତା

୨୮ ମୀରୁ ଏଦାଆଁ ଅଣପିମାଞ୍ଜେରି ? ରଅଣାକି ରୀ ମୀରୁକା ମାଚେରି, ଏଞ୍ଜାସି କାଜା ମୀରୁଏଣି ତାଣା ଖାହାନା ଏଲେଇଚେସି, “ମୀରୁଏଣା ନୀଞ୍ଜୁ ଅଜୁରି ବାଡ଼ାତା ହାଜାନା କାମା କିମ୍ପୁ ।” ୨୯ ଏଞ୍ଜାସି ଏଲେଇଚେସି, “ନାଜେ କାମା କିହାଲି ମନୁ ହିଲେଏ” ସାମା ତାହୁଁ ଏଞ୍ଜାସି ଅଣପାମା କାମା କିହାଲି ହାଚେସି । ୩୦ ଇଞ୍ଜା ଉଣା ମୀରୁଏଣା ତାଣା ଖାହାନା ଏଲେଇଞ୍ଜି ଖେସ୍ତେସି, ଏଞ୍ଜାସି ଏଲେଇଚେସି, “ହାଅ ଆବା ନାନୁ ହାଜିମାଇଁ, ସାମା ଏଞ୍ଜାସି ହାଲାଆଚେସି । ୩୧ ଇ ରିଆରି ବିତ୍ରାଟି ଆମ୍ବାଆସି ଆବା ମନୁ ଲେହେଁ କିଚେସି ?” ଏଞ୍ଜାରି ଏଲେଇଚେରି “କାଜାସି ।”

ଜୀବୁ ଏଞ୍ଜାରାଇଁ ଏଲେଇଚେସି, ନାନୁ ମିଜେ ସାତା ଖେସିମାଞ୍ଜାଇଁ, ସିସୁ ରୁୀହନାରି ଇଞ୍ଜା ଦାଠେଣିସିକା ମୀ ନକେଏ ମାହାପୁରୁ ରାଜିତା ହତୁନୁ । ୩୨ *ବାପ୍ତିସ୍ତାଁ ହାଜି ଜହନ ଖାହାନା ମୀ ତାଣା ଦାମ୍ପୁତି ଜିରୁ ତସ୍ତାଚେସି, ଅଡ଼େ ମୀରୁ ଏଞ୍ଜାଣାଇଁ ନାମାଆଚେରି, ସାମା ସିସୁ ରୁୀହନାରି ଇଞ୍ଜା ଦାଠେଣିସିକା ଏଞ୍ଜାଣାଇଁ ନାମିତୁ, ସାମା ମୀରୁ ଏଜିକଁ ନାମିଦେରି, ଏଦାଆଁତାକି ଏଦାଆଁ ମେସାନା ଜିକେଏ ହିୟାଁ ବାଦଲି କିଆଚେରି ।

ଅଜୁରି ବାଡ଼ାତା କାମାକିନାରି ପୁଣ୍ଡମିକିନି କାତା

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ ଅଡ଼େ ର ପୁଣ୍ଡମିକିନି କାତା ଖେଞ୍ଜୁ, ର ବୁମି ଗାଟାସି ମାଚେସି, ଏଞ୍ଜାସି ର ଅଜୁରି ବାଡ଼ା କିହାନା ସାରିଞ୍ଜାକି ବେୟଁ ଗୁରୁଚେସି, ଇଞ୍ଜା ଅଜୁରି ପାଡ଼େୟି ପୀତାଲି ର ଗାଡ଼ୁୟୁ କାରୁହାନା ର ଗାଣା ହଲୁଲେହେଁ କିଚେସି, ଇଞ୍ଜା କାଞ୍ଜିଆନି ଇଲୁ କେପାନା କାମା କିନାରାକି ଏ ବାଡ଼ାତି ବାଡ଼ା ହାହାନା ହେକ ଦେସାତା ହାଚେସି । ୩୪ ତାହୁଁ ପାଡ଼େୟି କାମ୍ପି ବେଲା ଆୟାଲିଏ, ଏଞ୍ଜାସି ତାନି ପାଡ଼େୟି ବାଡ଼ା ବେଟାଆହାଲି, ବାଡ଼ାତା କାମାକିନାରି ତାଣା, ତାନି ହଲ୍ଲିୟାଜାଣି ପାଣ୍ଡିଚେସି । ୩୫ ସାମା କାମାକିନାରି ତାନି ହଲ୍ଲିୟାଜାଣି ଆସାନା ରଅଣାଇଁ ଖେଚେରି ଇଞ୍ଜା ଅର ରଅଣାଇଁ ପାୟିଚେରି, ଅଡ଼େ ରଅଣାଇଁ ଖାଲକା ଖେଚାନା ପାୟାଁ କୁତାତୁସ୍ତେରି । ୩୬ ଅଡ଼େ ଏଞ୍ଜାସି ତଲିତି କିହାଁ ହାଠେରକା ଜାଣା ହଲ୍ଲିୟାଜାଣି ପାଣ୍ଡିଚେସି, ଅଡ଼େ ଏଞ୍ଜାରି ଏଞ୍ଜାରାଇଁ ଜିକେଏ ଏଲେକିଚେରି । ୩୭ ସାମା ନା ମୀରୁଏଣାଇଁ ଏଞ୍ଜାରି ମାନି କିନେରି ଇଞ୍ଜି ଅଣପାମା, ଏଞ୍ଜାସି ତାହୁଁ ତାନି ମୀରୁଏଣାଇଁ ଏଞ୍ଜାରିତାଣା ପାଣ୍ଡିଚେସି । ୩୮ ସାମା ଏ କାମାକିନାରି ମୀରୁଏଣାଇଁ ମେସାନା ତାମ୍ବୁ ତ୍ରାମ୍ବୁ ଖେସ୍ତପି ଆଚେରି, ଇଞ୍ଜାସିତି ବାଡ଼ାତି ଅଦିକାରା ଗାଟାସି; ଖାତୁ ଇଞ୍ଜାଣାଇଁ ପାୟାନା ଅଜୁରି ବାଡ଼ାତି ଅଦିକାରା କିହାକତିନ । ୩୯ ଇଞ୍ଜା ଏଞ୍ଜାରି ଏଞ୍ଜାଣାଇଁ ଅଜୁରି ବାଡ଼ା ଆତାଲା ମେଡ଼ହାନା ପାୟିଚେରି ।

୪୦ ଜୀବୁ ଏଞ୍ଜାରାଇଁ ଖେଚେସି, “ଇଚିହଁ ଏଚିବେଲା ଏ ଅଜୁରି ବାଡ଼ାତି ସାଞ୍ଜୁକାରି ଖାଚେସି, ଏଚିବେଲା ଏ କାମା କିନାରାଇଁ ଏଦାଆଁ କିନେସି ।”

୪୧ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଏ ଲାଗେଏ ପଲେଏତି କାମା କିନାରାଇଁ କସ୍ତ ହାହଁ ପାୟିଚେସି, ଇଞ୍ଜା ଏଞ୍ଜାଣାକି କାମ୍ପିନିସାରି ବାଡ଼ା ହାଜି ଏଚକାଟି କାମା କିନାରାକି ଅଜୁରି ବାଡ଼ାତି ହେରପିନେସି ।”

* ୨୧:୨୫ ୨୧:୨୫ ମୁଞ୍ଜିନାସି ☆ ୨୧:୩୨ ୨୧:୩୨ ଲୁକ ୩:୧୨; ୭:୨୯, ୩୦ † ୨୧:୩୨ ୨୧:୩୨ ମୁଞ୍ଜିନାସି

୪୭ ଜୀବୁ ଏଝାରାଇଁ ଏଲେଇରେସି, “ମୀରୁ ଦାମ୍ଭୁ ପଡ଼ିତି ଈ କାତା ଏରେଲାଝା ପଡ଼ୁଝି ଆହାହିଲଅଡେରି କି ?”

ଇଲୁ ଦହନାରି ଆମିନି ଝାଲିତି ମିଶ୍ୱ ଇଞ୍ଜୁ କୂଡେରି,

ଏଡିଏ ଇଲୁ କନତି ମୂଲୁ ଝାଲି ଆଡେ;

ମାହାପୁରୁ ତାଣାଟି ଇଦି ଆଡେ,

ଇଞ୍ଜୁ ଏଡି ମା କାନୁତାକି କାବା ଆନାୟି ।

୪୮ “ଏଦାଆଁତାକି ନାନୁ ମିଜେ ଝେସିମାଞ୍ଜାଇଁ, ମାହାପୁରୁତି ରାଜି ମୀ ତାଣାଟି ମୀଞ୍ଜା ଅଝିଆନେ, ଇଞ୍ଜୁ ଆମିନି ଜାଡିତି ଲକୁ ନେହୁଁ ପାଡେଡିୟି କାମ୍ବି କିନେରି ଏଝାରାକି ହୀନେସି । ୪୪ ଅଡେ ଆମ୍ବାଆସି ଇ ଝାଲି ଲାକ ରିନେସି ଏଝାସି କାଣ୍ଡାମୁକା ଆନେସି, ଇଞ୍ଜୁ ଇ ଝାଲି ଆମ୍ବାଆରି ଲାକ ରିନେ ଏଡି ଏଝାଣାଇଁ ନାସାକିନେ ।”

୪୫ କାଜା ପୂଜେରାଞ୍ଜା ଅଡେ ପାରୁସିୟାଁ ଇଝାଣି ଇ ବାରେ ପୁଣ୍ଡାମ୍ବିକିନି କାତା ଝେଞ୍ଜାନା, ଏଝାସି ଏଝାରି କାତା ଝେସିମାନେସି ଇଞ୍ଜୁ ପୁଡେରି, ୪୬ ଇଞ୍ଜୁ ଏଝାରି ଏଝାଣାଇଁ ଆସାଲି ଅଣପିମାରେରି, ସାମା ଲକୁଇଁ ଆଜିଡେରି, ଏନାଆଁତାକି ଇଡିହୁଁ ଏଝାଣାଇଁ ର.ମାହାପୁରୁ ଅଣପୁଡି ବଲୁ ଝେହ୍ନାସି ଇଞ୍ଜୁ ମାନ୍ଦି କିହମାରେରି ।

୨୨

ବୀହା ବଜିତି ପୁଣ୍ଡାମ୍ବିକିନି କାତା (ଲୁକ ୧୪:୧୫-୨୪)

୧ ଅଡେ ଝେଣ୍ଡେ ଜୀସୁ ପୁଣ୍ଡାମ୍ବିକିନି କାତାତଲେ ଏଲେଇରେସି, ୨ ଲାକପୁରୁତି ରାଜି ଇଲେତାୟି, ର ରାଜା ଲେହେଁ, ଏଝାସି ତାନି ମୀରୁଏଣା ବୀହା ବଜି କିଡେସି, ୩ ଇଞ୍ଜୁ ଏ ବୀହା ବଜିତା ହାଡାମାନି ଲକୁଣି ବଜିତା ଝାଡେପରିଝା ଇଞ୍ଜୁ ତାନି ହଲିୟାଞ୍ଜାଣି ପାଣ୍ଡିଡେସି, ସାମା ଏଝାରି ଝାହାଲି ମନ କିଆଡେରି । ୪ ଅଡେ ଝେଣ୍ଡେ ଏଡକାତି ହଲିୟାଞ୍ଜାଣି ପାଣ୍ଡାମା ଏଲେଇରେସି, ହାଡି କିହାମାନି ଲକୁଣି ଝେହ୍ନୁ, ମେହ୍ନୁ ନାନୁ ନା ବଜି ଝାଜା ମାଇଁ, ଆଞ୍ଜା ଆଡି କଡିୟାଁ ପାୟୁଡି ଆହାମାନୁ, ବାରେ ରାଜା ଆଡେଡିଏ, ମୀରୁ ବୀହା ବଜିତା ଝାଡୁ । ୫ ସାମା ଏଝାରି ଏଦାଆଁ ଅଣପାଆନା ଆମ୍ବାଆରି ତାନି ତାସା କାମାତା ହାରେରି, ଇଞ୍ଜୁ ଆମ୍ବା ଆମ୍ବାଆରି ତାନି ବେବାରା କିୟାଲି ହାରେରି, ୬ ଅଡେ ଏରରଜାଣା ଲକୁ ତାନି ହଲିୟାଞ୍ଜାଣି ଆସାନା ପାୟିଡେରି । ୭ ସାମା ରାଜା କପା ଆହାନା ତାନି କସକାଣି ପାଣ୍ଡାମା ଏ ପାୟିତାରାଇଁ ପାୟି କିଡେସି ଇଞ୍ଜୁ ଏଝାରି ନାସକା ମ୍ବେକହା ତୁସ୍ତେରି । ୮ ଏମ୍ବାଟିଏ ଏଝାସି ତାନି ହଲିୟାଞ୍ଜାଣି ଏଲେଇରେସି, ବୀହା ବଜି ଆହାମାନେ, ସାମା ହାଡକି ଆହାମାନି ଲକୁ ପାଡା ଆଆଡାରି, ୯ ଏଦାଆଁତାକି ନୀର୍ଏ ମୀରୁ ଗାଡାତି କାଜା ତାଣ୍ଡେଣାଁ ହାଜାନା, ଏରରଜାଣାଟି ମେହ୍ନେରି, ଏଝାରାଇଁ ବୀହା ବଜିତା ହାଡା ତାଡୁ । ୧୦ ଏମ୍ବାଟିଏ ଏ ହଲିୟାଞ୍ଜା କାଜା ତାଣ୍ଡେଣାଁ ହାଜାନା ଲାଗେଏ ପଡେଲଏତାରାଇଁ ଇଞ୍ଜୁ ଏରେକା ନେହାଁରାଇଁ ମେସ୍ତେରି, ଏ ବାରେଡି ରୁଣ୍ଡି କିହାନା ବୀହା ଇଲୁତା ତାଡେରି, ଇଞ୍ଜୁ ଝାହାମାନି ଲକୁ ବୀହା ଇଲୁତା ନେଞ୍ଜିଡେରି ।

୧୧ ସାମା ରାଜା ବୀହା ବଜିତା ଝାହାମାନି ଲକୁଣି ସିନିକିହାଲି ବିତ୍ରା ଝାହାନା ଏମ୍ବାଆଁ ବୀହା ହିମ୍ବିରି ହୁରାଆନା କୁଗାମାନି ରଅଣାଇଁ ମେସାନା ଏଝାଣାଇଁ ଏଲେଇରେସି, ୧୨ ଏ ତଡେ, ନୀନୁ ବୀହା ହିମ୍ବିରି ହୁରାଆନା ଏନିକିଁ ଇମ୍ବାଆଁ ଝାଡି ? ସାମା ଏଝାସି ଏନି ହାଡା ଆଆନା ତୁୟିଡେସି । ୧୩ ଏଏମ୍ବାଟିଏ ରାଜା ଏମ୍ବାଆଁ ହଲିୟାଞ୍ଜାଣି ଏଲେଇରେସି, ଇଝାଣି କେସ୍ତା କତାୟାଁ ଦସାନା ପାଞ୍ଜାତି ଆଦେରିତା ମେଡହା ତୁହ୍ନୁ, ଏମ୍ବାଆଁ ତାହୁଁ ପାଲୁକା ଟୀଟି କିନେସି ।

୧୪ ଇଡିହୁଁ ହାଡକି ଆଡି ଲକୁ ହାରେକା ଜାଣା ସାମା ଆଡିତି ଲକୁ ହାରେକା ଡଣା ଜାଣା ।

ସିସୁ ହୁନାଣି ଝେନାୟି (ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏରିବେଲା ପାରୁସିୟାଁ ହାଜାନା ଜୀସୁଇଁ ତାନି ଝେସ୍ତ୍ରି କାତାଟି ଦହ ଦସାଲି ପାରୁ ପାରାଡେରି । ୧୬ ଇଞ୍ଜୁ ଏଝାରି ହେରଦ ଗତି ବିତ୍ରାଟି ଏରେକା ଲକୁଡଲେ ତାନି ସୀସୁୟାଁଇଁ ଜୀସୁ ତାଣା ଝେସା ପାଣ୍ଡିଡେରି, “ଏ ଗୁରୁ ମାମ୍ବୁ ଗୁଞ୍ଜାମାନି ନୀନୁ ସାତା ଝେହ୍ନାଟି ଇଞ୍ଜୁ ସାତା କିହୁଁ ମାହାପୁରୁତି ଜିରୁ ଜାପ୍ନାତି, ଇଞ୍ଜୁ

☆ ୨୨:୧୩ ୨୨:୧୩ ମାଜି ୮:୧୨; ୨୫:୩୦; ଲୁକ ୧୩:୨୮

ନାନୁ ନୀ ସାତୁୟାଣି ନୀ କତାୟାଁ ତୁଲ ଇଟାଆ ପାତେକ
ନା ଚିନ୍ତନି ଚଟତା କୁଗାମାନାମୁ ।

୪୫ ଇତିହଂ ଦାଫୁଦ ତାନୁଏ ଏଞ୍ଜାଣାଇ ପ୍ରବୁ ଇତିହଂ, କ୍ରୀସ୍ତ ଏନିକଂ ଦାଫୁଦ ମୀରୁଏସି ଆନେସି ?”

୪୬ ଏମ୍ବାଟି ଆମ୍ବାଆସି ଜିକେଏ ଏଞ୍ଜାଣାଇ ଖେଣ୍ଡେ ଖେସାଲି ଆଡାଆତେସି, ଅଡେ ଏ ନେତୁଟିଏ ଆମ୍ବାଆସି ଜିକେଏ ଜୀସୁଇଁ ଏନି କାତା ଖେଞ୍ଜାଲି ସାସା କିଆତେରି ।

୨୩

ମେରାପୁନାରି ଇଞ୍ଜା ପାରୁସିୟାଁ ତାଣାଟି ଜାଗ୍ରାତା ଆନାୟି

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ଏଟିବେଲାତା ଜୀସୁ ବାରେ ଲକୁଇଁ ଇଞ୍ଜା ତାନି ସୀସୁୟାଁଇଁ ଏଲେଇତେସି, ୨ ମେରାପୁନାରି ଅଡେ ପାରୁସିୟାଁ ମସାତି ମେରା ଜାପୁହାଲି ପାଣା ବେଟାଆହାମାନେରି । ୩ ଏଦାଆଁତାକି ଏଞ୍ଜାରି ମିଙ୍ଗେ ଏନାଆଁ ଖେସାତିହଂ ଏଦାଆଁ ମାନଞ୍ଜି ଆଦୁ, ଅଡେ ଏଞ୍ଜାରି ଖେସିଲେହେଁ କିଦୁ, ସାମା ଏଞ୍ଜାରି କାମା କିନିଲେହେଁ କାମା କିଆଦୁ, ଇତିହଂ ଏଞ୍ଜାରି ଏନାଆଁ କିନାୟିମାନେ ଇଞ୍ଜାଁ ଖେହନେରି ସାମା ଏଞ୍ଜାରି କିଅରି । ୪ ଏଞ୍ଜାରି ବଜୁଗାଟି କାସକା ଦସାନା ଲକୁ ବନିତା ଏକନେରି ସାମା ତାମୁତ୍ରାମି ର ଖାଞ୍ଜୁ ତଲେ ଜିକେଏ ପେରହାଲି ମନ କିଅରି । ୫ *ଏଞ୍ଜାରି ଲକୁଣି ତସାଲି ତାନି କିନି କାମା ବାରେ କିନେରି, ଇତିହଂ ଏଞ୍ଜାରି ପାଟାୟାଁଣା ଦାମ୍ବୁ ପତିତି କାତା ରାଟାନା ମପା ଅଡେ ମୁଞ୍ଜୁତା ଦସା କଡିନେରି, ଇଞ୍ଜାଁ ତାନି ହିମ୍ବିକାଟି ପୁରଡେୟାଁ କାଜା କାଜାଆଁ କିନେରି, ୬ ଅଡେ ବଜିତା ନେହଂ ଚାମୁ ଇଞ୍ଜାଁ ଜୀହୁଦି ଲକୁଟି କୁଟି ଇଲୁତା* ନେହଂ କାଜା ଚାମୁ ପାରିନେରି, ୭ ଇଞ୍ଜାଁ ହାଟା ବାଜାରାତା ଜହରା ବେଟାଆହାଲି ଅଡେ ଲକୁ ତାଣାଟି ଗୁରୁ ଇଞ୍ଜାଁ ମାନି ବେଟାଆହାଲି ନେହାୟି ଇଞ୍ଜାଁ ଅଣ୍ଡାପିନେରି । ୮ ସାମା ମୀରୁ ଗୁରୁ ଇଞ୍ଜାଁ ମାନି ବେଟାଆହାଲି ଅଣ୍ଡାପାଆଦୁ, ଇତିହଂ ମୀ ଗୁରୁ ରଅସି ମାନେସି, ଇଞ୍ଜାଁ ମୀରୁ ବାରେତାୟି ତାୟିୟାଁତେରି । ୯ ଅଡେ ଦାରୁଡିତା ଆମ୍ବାଆରାଇଁ ଜିକେଏ ଆଡା ଇଞ୍ଜାଁ ମାନି କିଆଦୁ, ଇତିହଂ ମୀ ଆଡା ରଅସିଏ ଲାକପୁରୁ ମାନେସି । ୧୦ ଅଡେ ମୀରୁ ସାଲଞ୍ଜି କିନାତମି ଇଞ୍ଜାଁ ମାନି ପୁଞ୍ଜାଆଦୁ, ଇତିହଂ ମିଙ୍ଗେ ସାଲଞ୍ଜି କିୟାନାସି ରଅସିଏ ଏଞ୍ଜାସି କ୍ରୀସ୍ତ । ୧୧ *ସାମା ମୀ ବିଡା ଆମ୍ବାଆସି କାଜାସି ଏଞ୍ଜାସି ମୀ ସେବା କିନାସି ଆନେସି । ୧୨ *ଅଡେ ଆମ୍ବାଆସି ତାଙ୍ଗେ କାଜାତେଏଁ ଇଞ୍ଜାଁ ଇଞ୍ଜାଁ କଡିନେସି, ଏଞ୍ଜାଣାଇଁ ଉଣା କିଞ୍ଜିଆନେ, ଇଞ୍ଜାଁ ଆମ୍ବାଆସି ତାଙ୍ଗେ ଉଣା କିହାକଡିନେସି, ଏଞ୍ଜାଣାଇଁ କାଜାସି କିଞ୍ଜିଆନେ ।

ପାରୁସିୟାଁ ଅଡେ ମେରା ପୁନାରାଇଁ ଦହ ଦହନାୟି

(ମାର୍କ ୧୨:୪୦; ଲୁକ ୧୧:୩୯-୪୨, ୪୫, ୫୨; ୨୦:୪୬)

୧୩ ଆୟଡା ତଣ୍ଡ ପାଣିନି କୁଟୁଗାଟି ପାରୁସିୟାଁ ଅଡେ ମେରା ପୁନାତେରି, ଇତିହଂ ମୀରୁ ଲକୁତାକି ଲାକପୁରୁ ରାଜିତି ଦାରା ସୁଣ୍ଡିଦେରି; ମୀରୁ ମୀରୁଏ ଏମ୍ବାଆଁ ହଡି ହିଲଅତେରି, ଇଞ୍ଜାଁ ହଡାଲି ମନ ଗାଟି ଲକୁଣି ଜିକେଏ ହଡାଲି ହାହି ହିଲଅତେରି । ୧୪ ଆୟଡା ତଣ୍ଡ ପାଣିନି କୁଟୁଗାଟି ମେରା ପୁନାତେରି ଅଡେ ପାରୁସିୟାଁତେରି, ଇତିହଂ ମୀରୁ ଉଜେ ଉଜେଏ ଲାମ୍ବା ପ୍ରାଟାନା କିହାନା ରାଡେଣ୍ଡିଶିଏକା ଇଲୁକା ସେନିନାତେରି; ଏଦାଆଁତାକି ମୀରୁ ହାଡେକା ତଣ୍ଡ ବେଟାଆଡେଦରି ।

୧୫ ଆୟଡା ତଣ୍ଡ ପାଣିନି କୁଟୁଗାଟି ପାରୁସିୟାଁ ଅଡେ ମେରା ପୁନାତେରି, ଇତିହଂ ମୀରୁ ରଅଣାଇଁ ଜୀହୁଦି ଦାମ୍ବୁତା ଆଡୁହାଲି ସାମଦୁରି ଆତାଲା ଗାଣ୍ଡତାନା ଦେସା ରେଜେରି, ଇଞ୍ଜାଁ ଏଟିବେଲା ଏଞ୍ଜାସି ଆଣ୍ଡାନେସି, ଏଟିବେଲାତା ମୀରୁ ଏଞ୍ଜାଣାଇଁ ମୀ କିହାଁ ହାଡେକା ଆଗାଡା ନକଡା ମେଡପି ଆନାସି କିହାନା ଲାଣ୍ଡେଏ କିଦେରି ।

୧୬ ଆୟଡା ତଣ୍ଡ ବେଟା ଆନାତେରି କାଣାୟାଁଇଁ ଜିରୁ ତହନାତେରି, ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁତି ପାର୍ମାଣା କିତିହଂ ଏନାୟି ହିଲେଏ, ସାମା ଆମ୍ବାଆସି ଇଲୁତି ବାଂଗାରାତି ପାର୍ମାଣା କିତିହଂ ଏଞ୍ଜାସି ପାର୍ମାଣା କିତିଲେହେଁ ତାପାଆନା କାମା କିନାୟିମାନେ । ୧୭ ଆଡେ କାଣାୟାଁ ଅଡେ ବୁଦି ହିଲଆଗାଟାତେରି ବାଂଗାରା କି ଏ ବାଂଗାରାତି ସୁଦୁ କିହାନା କି ଦେଫୁଡି, ଇ ରା ବିଡାଟି ଆମିନାୟି କାଜାୟି ? ୧୮ ଅଡେ ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁ ପିଣ୍ଡାତି ପାର୍ମାଣା କିତିହଂ ଏନାୟି ଆଏ, ସାମା ଆମ୍ବାଆସି ପୂଜାପିଣ୍ଡା ଲାକ ମାନି ଦାନାତି ପାର୍ମାଣା କିତିହଂ,

* ୨୩:୫ ୨୩:୫ ମାତୃ ୬:୧ * ୨୩:୬ ୨୩:୬ ସିନଗଗ * ୨୩:୧୧ ୨୩:୧୧ ମାତୃ ୨୦:୨୬, ୨୭; ମାର୍କ ୯:୩୫; ୧୦:୪୩, ୪୫; ଲୁକ ୨୨:୨୨
* ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪

ପାରମାଣା କିତଲେହେଁ ତାପାଆନା କାମା କିନାୟିମାନେ । ୧୯ ଆଡ଼େ କାଣାୟାଁତେରି, ଦାନା କି ଏ ଦାନାତି ସୁଦ୍ଧୁ କିହିମାନି ମାହାପୁରୁ ଇଲୁତି ପୂଜାପିଣ୍ଡା, ଈ ରୀ ବିଦ୍ରାତି ଆମିନାୟି କାଜାୟି ? ୨୦ ଏଦାଆଁତାକି ଆମ୍ବାଆସି ଦାନାହାନି ପିଣ୍ଡାତି ପାରମାଣା କିନେସି, ଏଞ୍ଜାସି ଏ ପିଣ୍ଡା ଅଡ଼େ ପିଣ୍ଡାତା ମାନି ଦାନାତି ପାରମାଣା କିହିମାନେସି; ୨୧ ଅଡ଼େ ଆମ୍ବାଆସି ମାହାପୁରୁ ଇଲୁତି ପାରମାଣା କିନେସି, ଏଞ୍ଜାସି ମାହାପୁରୁ ଇଲୁ ଇଞ୍ଜା ଏଦାଆଁ ବାସାଆହାମାନି ମାହାପୁରୁଇଁ ପାରମାଣା କିନେସି; ୨୨ ଅଡ଼େ ଆମ୍ବାଆସି ଲାକପୁରୁତି ପାରମାଣା କିନେସି, ଏଞ୍ଜାସି ମାହାପୁରୁତି ସିଂଗାସାଣି ଇଞ୍ଜା ଏଦାଆଁ କୁଗାମାନି ମାହାପୁରୁଇଁ ପାରମାଣା କିନେସି ।

୨୩ ଆୟଡ଼ା ତଣ୍ଡ ପାଣ୍ଡିନି କୁଟୁଗାଟି ମେରା ପୁନାତେରି ଇଞ୍ଜା ପାରୁସିୟାଁ, ଇତିହଁ ମୀରୁ କୁମ୍ବୁ କୁଟା, ରାୟି, ଜିରା ଇନି ଉଣା ତାସା ବିଦ୍ରାତି ଜିକେଏ ଦସ ବାଗାଟି ର ବାଗା ହାହିମାଞ୍ଜେରି, ଅଡ଼େ ମସା ମେରାତି କାଜା କାତାୟାଁ ଇତିହଁ ସାତା ନୀହାୟି କିନାୟି, କାମା ତହୁନାୟି, ଇଞ୍ଜା ନାମ୍, ଈ ବାରେ ପିସାମାଞ୍ଜେରି; ସାମା ଈ ବାରେ ମାନୁଞ୍ଜି ଆହାନା ଅଡ଼େ ଏ ବାରେ ପିହୁଆୟି ମାନେ । ୨୪ ଆଡ଼େ କାଣାୟାଁ ଜିରୁ ତହୁନାତେରି, ମୀରୁ ଖାହାଁତି ହାଣି କିଦେରି ସାମା ଉଟୁଇଁ ଗୁହୁଦେରି ।

୨୫ ଆୟଡ଼ା ତଣ୍ଡ ପାଣ୍ଡିନି କୁଟୁଗାଟି ମେରା ପୁନାତେରି ଇଞ୍ଜା ପାରୁସିୟାଁତେରି, ଇତିହଁ ମୀରୁ ଗିନା ଅଡ଼େ ସାଡ଼ଞ୍ଜାତି ପାଞ୍ଜାତା ନରୁହି ମାଞ୍ଜେରି, ସାମା ଏ ବିଦ୍ରା କୁପକା ଆହାଁ ସରୁ କିତି ଆସ୍ତି ବାରେ ନେଞ୍ଜି କିହାମାଞ୍ଜେରି । ୨୬ ଆଡ଼େ କାଣାକା ମେହୁଆଗାଟି ପାରୁସିୟାଁ, ନଡ଼କଏ ଗିନାତି ବିଦ୍ରାତାଣି ନରୁଦୁ, ଏନିକଁ ପାଞ୍ଜାତା ଜିକେଏ ନରୁଞ୍ଜି ଆନେ ।”

୨୭ ଅୟଡ଼ା ତଣ୍ଡ ପାଣ୍ଡିନି କୁଟୁଗାଟି ମେରା ପୁନାତେରି ଇଞ୍ଜା ପାରୁସିୟାଁ, ଏଦାଆଁତାକି ଇତିହଁ ମୀରୁ ହୁନୁ ଉସପିତି ମାଡ଼ହା ମୁହନି ଚାୟୁଲେହେଁ ତାତେରି । ଏଦି ପାଞ୍ଜାତା ଅଜିକଁ ତଞ୍ଜାଆନେ, ସାମା ବିଦ୍ରା ହାଡ଼ାରି ପେଣକା ଇଞ୍ଜା ସାରୁତାୟି ନେଞ୍ଜାମାନେ; ୨୮ ଏଲେକିହଁ ଏ ମୀରୁ ଜିକେଏ ପାଞ୍ଜାତି ଲକୁ ନକିତା ଦାମ୍ବୁଗାଟାତେରି ଲେହେଁ ତଞ୍ଜା ଆନେରି, ସାମା ମୀ ହିୟାଁ ବିଦ୍ରା କୁଟୁ ଅଡ଼େ ପାପୁ ନେଞ୍ଜାମାନେ ।

ଜାସୁ ଏଞ୍ଜାରାଇଁ ତଣ୍ଡ ପାଣ୍ଡିନି କାତା ଝେହୁନାୟି
(ଲୁକ ୧୧:୪୭-୫୧)

୨୯ ଆୟଡ଼ା ତଣ୍ଡ ପାଣ୍ଡିନି କୁଟୁଗାଟି ମେରା ପୁନାତେରି ଇଞ୍ଜା ପାରୁସିୟାଁ, ଇତିହଁ ମୀରୁ ମାହାପୁରୁ ଅଣପୁତି ବଲୁ ଝେହୁନାରି ମାଡ଼ହା ମୁହନି ଚାୟୁ କେପାନା, ଦାମ୍ବୁଗାଟାରି ମାଡ଼ହା ମୁହନି ଚାୟୁତି ମୁଣ୍ଡା ଅଜିକଁ କିହାନା ଏଲେଇଞ୍ଜାମାଞ୍ଜେରି; ୩୦ ମାମ୍ବୁ ମା ଆକୁ ଆବାୟାଁ ବେଲାତା ମାଟିହଁ ମା, ମାହାପୁରୁ ଅଣପୁତି ବଲୁ ଝେହୁନାରାଇଁ ପାୟାଲି ଆଣ୍ଡାଆତମିମା । ୩୧ ଏଦାଆଁତାକି ମୀରୁଏ ମାହାପୁରୁ ଅଣପୁତି ବଲୁ ଝେହୁନାରାଇଁ ପାୟାମାନି ଲକୁତି ମୀରୁକାତେରି, ଏ କାତାତାକି ମୀରୁଏ ମିଜେ ସାକି ହାହା କତିମାଞ୍ଜେରି । ୩୨ ମୀରୁ ହାଜାନା ମୀ ଆକୁ ଆବାୟାଁ କିତି କାମା ରାପୁଦୁ । ୩୩ ଅଡ଼େ ରାସ୍ତାକାତେରି, ଇଞ୍ଜା ବୀସା ଗାଟି ରାସ୍ତାକା କୁଡ଼ାତି ମୀରୁକାତେରି, ମୀରୁ ବିଚାରା ଦିନାତା ଏନିକଁ ହିରୁ ଗୁଡ଼ଞ୍ଜାତି ତଣ୍ଡଟି ପିସପି ଆନେରି ? ୩୪ ଏଦାଆଁତାକି ମେହୁମ୍ ନାମ୍ ମୀ ତାଣା ମାହାପୁରୁ ଅଣପୁତି ବଲୁ ଝେହୁନାରାଇଁ, ବୁଦି ଗାଟାରାଇଁ, ଇଞ୍ଜା ଜାପୁନି ଗୁରକାଇଁ ପାଣ୍ଡିମାଞ୍ଜାଇଁ; ଏଞ୍ଜାରି ବିଦ୍ରାତି ଆମ୍ବା ଆମ୍ବାଆରାଇଁ ପାୟିଦେରି, ପାସି ମୁଣ୍ଡାତା ଏକହାନା ପାୟିଦେରି, ଅଡ଼େ ଆମ୍ବା ଆମ୍ବାଆରାଇଁ ଜାହୁଦି ଲକୁତି କୁଟମି ଇଲୁତା† ବାଡ଼ି ଡ଼ରିତଲେ ଝେହେରି, ଇଞ୍ଜା ଗାଡ଼ାତାକି ଗାଡ଼ା ଗଡ଼ହା ନିମା କିଦେରି । ୩୫ ଏନିକଁ ଦାମ୍ବୁଗାଟି ହେବଲଇଁ ପାୟିତି ଦିନାଟିଏ, ମାହାପୁରୁ ଇଲୁ ପିଣ୍ଡା ଦାରିତା ବେରିକୟ ମୀରୁଏସି ଜିକରିୟଇଁ ପାୟିତି ପାତେକା, ଦାବୁତିତା ଏଚେକା ନେହାଁରାଇଁ ପାୟାମାଞ୍ଜେରି, ଏ ବାରେ କାମାତି ତଣ୍ଡ ମୀ ମୁହେଁ ଖାନେ । ୩୬ ନାମ୍ ମିଜେ ସାତା ଝେସିମାଞ୍ଜାଇଁ, ଈ କାଲ୍ଲାତି ଲକୁ ମୁହେଁ ଈ ବାରେ ତଣ୍ଡ ରିନେ ।

ଜିରୁସାଲମତି ଜାସୁ ଜାସୁନନାୟି
(ଲୁକ ୧୩:୩୪-୩୫)

୩୭ ଏ ଜିରୁସାଲମ, ଏ ଜିରୁସାଲମ ! ମାହାପୁରୁ ଅଣପୁତି ବଲୁ ଝେହୁନାରାଇଁ ପାୟିନାତି ନୀ ତାଣା ପାଣ୍ଡି ଆଡ଼ାରାଇଁ ଖାଲକାତଲେ ଝେନାତି, କୟୁ ଏନିକଁ ତାନି ହାପାୟାଁଣି କୁଡ଼ି କିହାନା ମାରାୟାଁ ତୁଇ ପୁକିହାନା ଜଜିନେ, ନାମ୍ ନୀ ଲକୁଇଁ ଏଚର ପାଲି ଏଲେକଁ କୁଡ଼ିକିହାଲି ମନ କିତେଏଁ, ସାମା ଏଞ୍ଜାରି ମନ ହାଆତେରି । ୩୮ ଅଡ଼େ ମେହୁଦୁ ମୀ ମାହାପୁରୁ ଇଲୁ ମୀ କେୟୁତା ହାପକି ଆହାମାଞ୍ଜାନେ । ୩୯ ଇତିହଁ

☆ ୨୩:୨୨ ୨୩:୨୨ ମାତୃ ୫:୩୪ ☆ ୨୩:୨୭ ୨୩:୨୭ କାମା ୨୩:୩ ☆ ୨୩:୩୩ ୨୩:୩୩ ମାତୃ ୩:୭; ୧୨:୩୪; ଲୁକ ୩:୭ † ୨୩:୩୪ ୨୩:୩୪ ସିନଗର୍

ନାନୁ ମିଙ୍ଗେ ୱେସିମାଞ୍ଜାଇଁ, ମାହାପୁରୁ ଦରୁଚି ଆମ୍ବାଆସି ୱାହିମାନେସି, ଏଞ୍ଜାସି ନେହାଁସି, ମୀରୁ ଏ କାତା ଜଲ୍ଲାଆ ପାତେକା ନାଞ୍ଜୁଚିଏ ନାଙ୍ଗେ ଅଡ଼େ ମେସୁଅତେରି ।

୨୪

ମାହାପୁରୁ ଇଲୁ ନସୁ ଆନି କାତା

(ମାର୍କ ୧୩:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଚି ହଡ଼ା ହାଜିମାଟାଟି ତାନି ସୀସୁୟାଁ ମାହାପୁରୁ ଇଲୁଚି ବାରେ ଇଲୁକାଣି ତସାଲି ତାନି ତାଣା ୱାଡ଼େଚରି, ୨ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଛ ବାରେ ମେସି ହିଲଅତେରି ? ନାନୁ ମିଙ୍ଗେ ସାତା ୱେସିମାଞ୍ଜାଇଁ, ଇମ୍ବାଆଁ ମାନି ର ୱାଲି ଅର ୱାଲି ଲାକ ଡ଼ୟେଏ, ଛ ବାରେଏ ମେଣ୍ଟାହାନ୍ତୁ ।”

କସୁ ଅଡ଼େ ନିନ୍ଦା ୱାନ୍ତି କାତା

(ମାର୍କ ୧୩:୩-୧୩; ଲୁକ ୨୧:୭-୧୯)

୩ ତାୟୁ ଜୀସୁ ଜୀତ ହରୁ ଲାକ କୁଗାଲିଏ, ତାନି ସୀସୁୟାଁ ମେଣେଏ ୱାହାନା ୱେଚେରି, “ଛ ବାରେ ଏଚେଲା ଆଚେ, ଅଡ଼େ ନୀନୁ ୱାହାନା ଇଞ୍ଜା ଜୁଗୁ ରାନି ଦିନାତି ସିନା ଏନାୟି ଏଦାଆଁ ମାଙ୍ଗେ ୱେସୁମୁ ।”

୪ ଏମ୍ବାଚିଏ ଜୀସୁ ଏଞ୍ଜାରାଇଁ ଏଲେଇଚେସି, “ଜାଗ୍ରାତା ଏନିକ୍ ଆମ୍ବାଆରି ମିଙ୍ଗେ ନାଡ଼ି କିୟଅରି । ୫ ଇଚିହଁ ହାରେକା ନା ଦରୁଚି ୱାହାନା ନାନୁ କ୍ରୀସୁତେଏଁ ଇଞ୍ଜାଁ ୱେସିଆନା ହାରେକା ଲକୁଇଁ ନାଡ଼ି କିନେରି । ୬ ଅଡ଼େ ଦେସା ଜୁକୁଚି କାତା ଇଞ୍ଜାଁ ଜୁକୁଚା କାଲୁଞ୍ଚି ଆହିମାନି ଲକୁଚି ହଡ଼ା ୱେଞ୍ଜେରି; ଜାଗ୍ରାତା କିଲିବିଲି ଆହାଦୁ । ଏନାଆଁତାକି ଇଚିହଁ ଛ ବାରେ ଆନାୟି ମାନେ, ସାମା ଏ କାଲୁ ଜୁଗୁ ରାନାୟି ଆଏ । ୭ ଇଚିହଁ ଦେସା କପାଟି ଦେସା, ଅଡ଼େ ରାଡ଼ି କପାଟି ରାଡ଼ି ଗଡ଼ହା ନିଜିନେ, ଇଞ୍ଜାଁ ଆମ୍ବି ଆମ୍ବିୟା କାରୁସୁ ଆନେ, ଅଡ଼େ ବୁମି ୱାଡ଼ିନେ । ୮ ସାମା ଛ ବାରେ କକାରି ପଦାୟାଁ ବେଗାଆନାଟି ତଲିଏ ଲୁଞ୍ଜିନି ବୀସାଲେହେତାୟି ।”

୯ *ଏଚିବେଲାତା ଲକୁ ମିଙ୍ଗେ କସୁ ହିୟାଲି ହେରୁପାନେରି, ଇଞ୍ଜାଁ ମିଙ୍ଗେ ପାୟାନେରି, ଇଞ୍ଜାଁ ନା ଦରୁ ତାକି ମୀରୁ ବାରେ କୁଡ଼ାତି ଲକୁ ତାଣା ଅପାଆ ଗାଟାତେରି ଆଦେରି । ୧୦ ଏଚିବେଲା ହାରେକା ଲକୁ ତାମି ନାମୁଚି ପିହନେରି, ଅଡ଼େ ରଅସି ରଅଣାଇଁ ଆସପି କିଞ୍ଚି କିନେରି, ଅଡ଼େ ରଅସି ରଅଣାଇଁ ଅପୁଞ୍ଚି ଆଅରି, ୧୧ ଅଡ଼େ ହାରେକା ମାହାପୁରୁଚି ମିଚି ବଲୁ ୱେହନାରି ନିଜ୍ଜାନା ହାରେକା ଲକୁଇଁ ନାଡ଼ି କିନେରି, ୧୨ ଅଡ଼େ ଲାଗେଏ ପଲେଏ କାମା ଗାତି ଆଡ଼ିସାରେ, ହାରେକା ଲକୁଚି ତାନି ଜୀସୁନନାୟି ଉଣା ଆନେ । ୧୩ *ସାମା ଆମ୍ବାଆସି ରାନି ପାତେକା ସାସା ଆସାନା ଡ଼ୟିନେସି ଏଞ୍ଜାସି ଗେଲୁପି ଆନେସି । ୧୪ ଅଡ଼େ ବାରେ ଲକୁ ନକିତା ସାକି ଆହାଲିତାକି, ମାହାପୁରୁ ରାଡ଼ିତ ଛ ନେହଁ କାବୁ ବାରେ ଦାରୁଚିତା ୱେପୁଚିଆନେ, ତାୟୁ ଜୁଗୁ ରାନେ ।”

ନାସାକିନି ଅପାଆଗାଟି କାତା

(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଏଦାଆଁତାକି ମୀରୁ ଏଚିବେଲା ମାହାପୁରୁ ଅଣୁପୁଚି ବଲୁ ୱେହନି ଦାନିୟେଲ ୱେସୁ କାତାଲେହେଁ ନାସାକିନି ଅପାଆଗାଟି ଆସ୍ତିଚି ସୁଦୁ ଟାୟୁତା ଇଟାମାନାଣି ମେହଦେରି” ପଡ଼ୁଞ୍ଚି ଆନାସି ଜାଗ୍ରାତା ଆହାନା ପୁଣ୍ଡମେସି ୧୬ ଏଚିବେଲା ଆମ୍ବାଆରି ଜୀହୁଦା ରାଡ଼ିତା ମାନେରି, ଏଞ୍ଜାରି ହରୁକା ଲାକ ହଣ୍ଡାପାରି; ୧୭ *ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ତାନି ଇଲୁ ବିତ୍ରା ଆସ୍ତି ତାକାହାଜାଲି ରେଟା ୱାଆପେସି; ୧୮ ଅଡ଼େ ଆମ୍ବାଆସି ଗୁଡ଼ିୟାତା ମାନେସି, ଏଞ୍ଜାସି ତାନି ହିମ୍ବୁରି ଅହାଲି ୱେଣ୍ଡେ ହାଲାଆପେସି । ୧୯ ଏଚିବେଲାତା ପୁରାମାସା ଆହାମାନାଇଁ ଇଞ୍ଜାଁ ପାଲୁ ଉଚ୍ଚିମାନାଇଁ ଆୟତା ଏଞ୍ଚି ଉଣେଏ କସୁ ପାଣ୍ଡୁନୁ, ୨୦ ସାମା ମୀ ହଣ୍ଡାନାୟି ପେନି ବେଲାତା କି ଜମିନି ଦିନାତା ଆଆପେ, ଏଦାଆଁତାକି ପ୍ରାତାନା କିଦୁ । ୨୧ *ଇଚିହଁ ଏଚିବେଲାତା ଇଲେଚି କସୁ ଆନେ, ମାହାପୁରୁ ଦାରୁଚିତା ଗାଡ଼ିକିଚି ଦିନାଟିଏ ନାଞ୍ଜୁପାତେକା ଏଲେକ୍ ଆହା ହିଲେଏ, ଇଞ୍ଜାଁ ଏଲେକ୍ ଏଚେଲାଞ୍ଜା ଆଏ । ୨୨ ଅଡ଼େ ମାହାପୁରୁ ଏ ବେଲାଚି ଉଣା କିହା ହିଲାଆଡିହଁ ମା; ଦାରୁଚିତା ଆମ୍ବାଆସି ଜିକେଏ ଗେଲୁପି ଆଆଡେସିମା, ସାମା ତାନି ଆଡ଼ିଚି ଲକୁତାକି ଏ କସୁ ଉଣା କିନେସି ।

* ୨୪:୯ ୨୪:୯ ମାଟି ୧୦:୨୨ * ୨୪:୧୩ ୨୪:୧୩ ମାଟି ୧୦:୨୨ * ୨୪:୧୭ ୨୪:୧୭ ଲୁକ ୧୭:୩୧ * ୨୪:୨୧ ୨୪:୨୧ ୱେ ବଲୁ ୭:୧୪

୨୩ “ଏଚିବେଲା, ‘ମେହ୍‌ଦୁ କ୍ରୀସ୍ତ ଇମ୍‌ପାଆଁ ମାନେସି ଆଆଡ଼ି’ ଏମ୍‌ପାଆଁ ମାନେସି’ ଇଞ୍ଜିଁ ଆମ୍‌ପାଆସି ମିଜେ ଏଲେକିହ୍ ଖେସ୍ତାନେସି ଇଚିହ୍ ଏଦାଆଁ ନାମାଆଦୁ । ୨୪ ଇଚିହ୍ ନାଡ଼ିକିନି କ୍ରୀସ୍ତୟାଁ ଅଡ଼େ ମାହାପୁରୁ ବଲ୍ଲୁ ମିଚି ଖେହ୍‌ନାରି ନିଜ୍ଞାନା ହାରେକା କାଜା ସିନା ଅଡ଼େ କାବାଆନି କାମାୟାଁ ତହ୍‌ନେରି, ଆଡ଼ିତିହ୍ ଆଡ଼ିଞ୍ଜିଆଡ଼ି ଲକ୍ଷ୍ମଣି ଜିକେଏ ନାଡ଼ି କିନେରି । ୨୫ ମେହ୍‌ଦୁ ନାନୁ ମିଜେ ତଲିଏ ଖେସ୍ତାମାଞ୍ଜାଇଁ ।”

୨୬ “ଇଦାଆଁତାକି ‘ମେହ୍‌ଦୁ ଏଞ୍ଜିସି ବାଟାତା ମାନେସି’ ଇଞ୍ଜିଁ ଲକ୍ଷ୍ମଣି ଖେସ୍ତାତିହ୍ ହାଲାଆଦୁ; ‘ମେହ୍‌ଦୁ ବିତ୍ତା ବାକ୍ରାତା ମାନେସି’ ଇଞ୍ଜିଁ ଖେସ୍ତାତିହ୍ ଏଦାଆଁ ନାମାଆଦୁ । ୨୭ ଇଚିହ୍ ହାଗୁ ମିହ୍‌ନି ବେଲାତି ଉଜେଡ଼ି ଏନିକ୍ ଖେଡ଼ା ହପୁ ଖାକିଚି ହଡ଼ାନା ଖେଡ଼ା କୃଡ଼ନି ପାଡେକା ତଞ୍ଜାଆନେ, ଏଲେଆହ୍ ଏ ମାଣସି ମୀରୁଏସି ଖାନ୍‌ନେସି ।”

୨୮ *ଏମ୍‌ପାଆଁ ମାତୃହା ରିହାମାନେ ଏମ୍‌ପାଆଁ ରାମ୍‌ଣାୟାଁ ରୁଣ୍ଡା ଆନୁ ।

ମାଣସି ମୀରୁଏସି ଖାନ୍‌ନାୟି

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ *ସାମା ଏଚିବେଲାତି କସ୍ତୁ ତାୟୁ ଦେବୁଣିଏ ଖେଡ଼ା ଆନ୍ଦେରି ଆନେ, ଅଡ଼େ ଲେଞ୍ଜୁ ଉଜେଡ଼ି ହାଏ, ଅଡ଼େ ହାଗୁତି ହୁକାୟାଁ ତରୁଗିନୁ, ଇଞ୍ଜିଁ ହାଗୁ ଲାକତି ବାଡ଼ୟୁ ବାରେ ଖାତିନେ । ୩୦ *ଏଚିବେଲା ହାଗୁ ଲାକତି ମାଣସି ମୀରୁଏସି ସିନା ତଞ୍ଜାଆନେ, ଇଞ୍ଜିଁ ମାଣସି ମୀରୁଏଣାଇଁ କାଜା ବାଡ଼ୟୁ ଅଡ଼େ ଗାଝୁରମିଗାତି ଉଜେଡ଼ି ତଲେ ହାଗୁତି ଦୁହାଟି ଖାନ୍‌ନାୟି ମେସାନା ଦାନ୍‌ତିତି ବାରେ କୁଡ଼ାତି ଲକ୍ଷ୍ମଣି ହାରେକା ଦୁକୁ ତଲେ ଡ଼ାନେରି । ୩୧ ଅଡ଼େ ଏଞ୍ଜିସି ତାଡ଼ି ମହ୍‌ରି ହାଡ଼ାତଲେ ତାନି ଦୁଡ଼ୟାଁଣି ପାଣିନେସି ଇଞ୍ଜିଁ ଏଞ୍ଜିସି ଦାନ୍‌ତି ମୁଟପେତି ହାନ୍‌ତିଏ ହାଗୁଲାକତି ମୁଟପେ ହାନ୍‌ତି ପାଡେକା ସାରିଖାକିତି ତାନି ଆତାମାନି ଲକ୍ଷ୍ମଣି ରୁଣ୍ଡା କିନେରି ।”

ତୟା ମୀରୁତି କାତା

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତୟା ମୀରୁତି ପୁଣ୍ଡାୟି କିନି କାତାତି ଜାପାଦୁ; ଏଚିବେଲା କମାତା ଆକା ଗାଲ୍‌ନାଣି ମେସିହ୍ କାରାୟାଁ ଖେଡ଼ା ଖାଡେ ଇଞ୍ଜିଁ ପୁଞ୍ଜେରି । ୩୩ ଏଲେକିହ୍ ଏ ମୀରୁ ଜିକେଏ ଇ ବାରେ ମେସିସାରେ ଏଞ୍ଜିସି ଦୁଖେରି ତାଗେ ମାନେସି ଇଞ୍ଜିଁ ପୁଞ୍ଜେରି । ୩୪ ନାନୁ ମିଜେ ସାତା ଖେସିମାଞ୍ଜାଇଁ, ଇ ବାରେ ଗଟଞ୍ଜି ଆଆପାଡେକା ଇ କାଲ୍‌କତି ଲକ୍ଷ୍ମଣି ଏନିଜିକେଏ ମେଣ୍‌ଜାଅରି । ୩୫ ହାଗୁପାକା ଦାନ୍‌ତି ବାରେ ମେଣ୍‌ଜାନ୍‌ନେ, ସାମା ନା ବଲ୍ଲୁ ଏବେଲାଖା ମେଣ୍‌ଜାନ୍‌ନେ ।”

ଖାନ୍‌ ଦିନା ଅଡ଼େ ତଣ୍ଡିତି ଆମ୍‌ପାଆସି ପୁନଅସି

(ମାର୍କ ୧୩:୩୨-୩୩; ଲୁକ ୧୭:୨୭-୩୦, ୩୪-୩୬)

୩୬ ସାମା ଏ ଦିନା ତଣ୍ଡିତି କାତା ଆମ୍‌ପାଆସି ପୁନଅସି, ଲାକପୁରୁତି ଦୁଡ଼ୟାଁ କି ମୀରୁଏସି ଜିକେଏ ପୁନଅସି, ଖାନ୍‌ଜ ଥାନ୍‌ଦେ ପୁନେସି । ୩୭ ଅଡ଼େ ନହ୍ ବେଲାତା ଏନିକ୍ ଆହାମାରେ, ମାଣସି ମୀରୁଏସି ଖାନ୍‌ ବେଲାତା ଏଲେକ୍ ଆନେ । ୩୮ ଇଚିହ୍ ଖାନ୍‌ କୁପନି ନବେଏ, ନହ୍ ତଂଗତା ହଡ଼ନି ଦିନା ପାଡେକା ଲକ୍ଷ୍ମଣି ଏନିକ୍ ତିଞ୍ଜି ଉଣ୍ଡିହ୍, ବାହା କିୟାଲି ବାହା ହିୟାଲି ହେରାମାରେରି, ୩୯ ଇଞ୍ଜିଁ କାଜା ପିୟୁତଲେ ଖାନ୍‌ ଖାହାନା କୁପହା ଅନି ପାଡେକା ଏନିକ୍ ଏଞ୍ଜିସି ପୁଞ୍ଜାହିଲାଆଡେରି, ମାଣସି ମୀରୁଏଣା ଖାନ୍‌ନାୟି ଜିକେଏ ଏଲେଆହ୍ ଏ ଆନେ । ୪୦ ଏଚିବେଲାତା ରିଆରି ଗୁଡିୟାତା ମାନେରି, ରଅସି ଅଞ୍ଜିଆନେସି ରଅସି ଏମ୍‌ପାଆଁ ଡ଼ୟିନେସି । ୪୧ ରା ଇୟାସିକା ଜେତାତା ନୁୟାଁମାନୁ ରଣ୍ଡି ଅଞ୍ଜିଆନେ ଅଡ଼େ ରଣ୍ଡି ଏମ୍‌ପାଆଁ ଡ଼ୟିନେ । ୪୨ ଇଦାଆଁତାକି ଜାଗ୍ରାତା ଆହାନା ମାଞ୍ଜୁ, ଏଦାଆଁତାକି ଇଚିହ୍ ମୀ ପ୍ରବୁ ଆନିନି ଦିନା ଖାନ୍‌ନେସି, ଏଦାଆଁ ମୀରୁ ପୁଞ୍ଜାହିଲଅଡେରି । ୪୩ *ସାମା ଇଦାଆଁ ପୁଞ୍ଜାମାଞ୍ଜୁ, ଆନିନି ନେକେରିତା ସରୁ ଖାନ୍‌ନେସି, ଏଦାଆଁ ସାଞ୍ଜକାରି ପୁଞ୍ଜାମାନ୍‌ହିଁମା, ଜାଗ୍ରାତା ଆହାନା ତାନି ଲକ୍ଷ୍ମଣି କାଚି ତୁଡ଼ହାଲି ହାଆଡେସିମା । ୪୪ ଏଦାଆଁତାକି ମୀରୁ ଜିକେଏ କାଡ଼ାନା ମାଞ୍ଜୁ, ଇଚିହ୍ ଆନିନି ବେଲାତା ମୀରୁ ଅଣ୍ଡା ହିଲଅଡେରି, ଏ ବେଲାତା ମାଣସି ମୀରୁଏସି ଖାନ୍‌ନେସି ।

ତିକାଣା ଗାଟାସି ଅଡ଼େ ତିକାଣା ହିଲାଆଗାତି ହଲେଏସି
(ଲୁକ ୧୨:୪୧-୪୮)

* ୨୪:୨୭ ୨୪:୨୭ ଲୁକ ୧୭:୨୩,୨୪ * ୨୪:୨୮ ୨୪:୨୮ ଲୁକ ୧୭:୩୭ * ୨୪:୨୯ ୨୪:୨୯ ଶ୍ରେ ବଲ୍ଲୁ ୬:୧୨; ଶ୍ରେ ବଲ୍ଲୁ ୬:୧୩
* ୨୪:୩୦ ୨୪:୩୦ ଶ୍ରେ ବଲ୍ଲୁ ୧:୭ * ୨୪:୪୩ ୨୪:୪୩ ଲୁକ ୧୨:୩୯,୪୦

୪୫ ସାଧୁକାରି, ତାନି ଇଲୁଚି ଲକ୍ଷ୍ମୀକାକି, ରାନ୍ଦା କାଟୁତା ରାନ୍ଦା ହାହାଲି, ତାନି ଗୁମୁସ୍ତା ପାଣା ଆମ୍ବାଆରାକି ହାହାମାନେସି, ଇଲେଚି ନାମୁ ଅଡେ ବୁଦିଗାଚି ଗୁମୁସ୍ତା ଆମ୍ବାଆସି, ୪୬ ପ୍ରବୁ ଖାହାନା ତାନି ଆମିନି ହଡେଲଏଣାଇଁ ଏଲେକିହେଁ ମାନାଣାଇଁ ମେହନେସି, ଏଝାସି ନେହାଁସି ! ୪୭ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଝାସି ଏଝାଣାଇଁ ତାନି ବାରେ ଦନଡି ମୁହେଁ ଗୁମୁସ୍ତା କିନେସି । ୪୮ ସାମା ଏ ହଡେଲଏସି ଲାଗେଏ ପଡେଲଏତାସି ଆହାନା, ନା ସାଧୁକାରି ଖାନାୟି ମାନେୟିଏ ଇଞ୍ଜେଁ ତାନି ମନଡା ଅଣପାନା, ୪୯ ଏଝାସି ତାନି ତଲେଚି ହଲିୟାଙ୍ଗାଣି ଝେଚିହେଁ, କାଡ଼ ଗୁହନାରି ତଲେ ତିଞ୍ଜିହେଁ ଗସିହେଁ ମାନେସି, ୫୦ ଆଚିହେଁ ଆମିନି ନେଚୁ ହଡେଲଏସି କାଚାହିଲଅସି ଅଡେ ଏମିନି ବେଲା ପୁଞ୍ଜାହିଲଅସି ଏ ଦିନା ଏ ବେଲାତା ତାନି ପ୍ରବୁ ଖାନେସି । ୫୧ ଇଞ୍ଜା ଏଝାଣାଇଁ ରା ବାଗା କିହେଁ ଦାଚାନା କୁଚୁ ଗାଚାରି ତଲେ ତାନି ବାଗା କିନେସି; ଏମ୍ବାଆଁ ଡାନାୟି ଅଡେ ପାଲକା ଟାଚି କିନାୟିମାନେ ।

୨୫

ଦସ ଜାଣା ଡାଆ ପଦାୟାତି ପୁଣ୍ଡିକିନି କାତା

୧୬ ଏଚିବେଲା ଲାକପୁରୁଚି ରାଜି ଦସ ଜାଣା ଡାଆ ପଦାୟାଁ ଲେହେଁ ଆନେ; ଏଝି ତାନି ଦୀର୍ଘୟାଁ ଆସାନା ବାହା ହନେଏଣାଇଁ ବେଟାଆହାଲି ହାଚୁ । ୧୭ ଏଝାସିକା ବିତ୍ତା ପାସା ଜାଣା ବୁଦି ହିଲାଆଗାଟାଇ ଇଞ୍ଜା ପାସା ଜାଣା ବୁଦି ଗାଟାଇ ମାଚୁ । ୧୮ ବୁଦି ହିଲାଆଗାଟାଇ ତାନି ଦୀର୍ଘୟାଁ ଅଚୁ ସାମା ଏଚକା ନିହୁଁ ଅଆଚୁ, ୧୯ ସାମା ବୁଦି ଗାଟାଇ ତାନି ଦୀର୍ଘୟାଁ ତଲେ ଗାଜୁତା ନିହୁଁ ଅହେଁ ହାଚୁ । ୨୦ ବାହା ହନେଏସି ଖାନାୟି ଝେଡ଼ା ଆୟାଲିଏ, ବାରେଜାଣା କଟଣି ହଚିହେଁ ତୁରାଡୁସୁ ।

୨୧ ସାମା ମାଦି ଲାଆଁୟାଁ ମେହଦୁ ବାହା ଦାଂଗଣେଏସି ଖାହିମାନେସି, ବେଟାଆହାଲି ଖାଚୁ ଇଞ୍ଜେଁ ର କାଜା ହାଡା ଆଡେ ! ୨୨ ଏମ୍ବାଟିଏ ଡାଆସିକା ନିଙ୍ଗାନା ତାନି ଦୀର୍ଘୟାଁ ପ୍ରଡୁଚୁ । ୨୩ ସାମା ବୁଦି ହିଲାଆଗାଟାଇ ବୁଦିଗାଚି ଡାଆସିକାଣି ଏଲେଇଚୁ, ମୀ ନିହୁଁ ଇଚାଣି ଲାକା ମାଙ୍ଗେ ହିୟାଚୁ, ଇଚିହେଁ ମା ଦୀର୍ଘୟାଁ ତୁମ୍ବାହାଜିମାନୁ । ୨୪ ସାମା ବୁଦିଗାଟାୟି ଏଲେଇଚୁ, ଆଏ ମିଙ୍ଗେ ଅଡେ ମାଙ୍ଗେତାକି ନିହୁଁ ଏଦେଏ, ବାଜାରାତା ହାଜାନା ମିଙ୍ଗେତାକି ନିହୁଁ କଡା ତାଚୁ । ୨୫ ସାମା ଏଝି ନିହୁଁ କଡାଲି ହାଜିମାଟାଚି ହନେଏସି ଖାଚେସି; ଇଞ୍ଜା ଆମିନି ଗାଟାଇ ତିୟାରେ ଆହାନା କାଚାମାଚୁ, ଏଝି ହନେଏଣି ତଲେ ବାହା ବକି ଇଲୁଚା ହଚୁ, ଅଡେ ଦାଚା ସୁଣିଚେରି ।

୨୬ ଏଚେଟିଏ ଡାୟୁ ଅର ଡାଆ ପଦାୟାଁ ଜିକେଏ ଖାହାନା ଏଲେଇଚୁ, ଏ ପ୍ରବୁ ଏ ପ୍ରବୁ ମାଙ୍ଗେତାକି ଦାଚା ଦେତାମୁ ଇଞ୍ଜେଁ ହାଚିଚୁ । ୨୭ ଏଚେଟିଏ ବାହା ହନେଏସି ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ନାନୁ ମିଙ୍ଗେ ପୁଞ୍ଜାମାଞ୍ଜାଅଁ ।”

୨୮ ଇଦାଆତାକି ଜାଗାତା ମାଞ୍ଜୁ ଏ ଦିନା କି ଏ ତଣ୍ଡ ଆମ୍ବାଆରି ପୁନଅରି ।

ତାନି ଜାଣା ହଲିୟାଙ୍ଗାଚି ପୁଣ୍ଡିକିନି କାତା (ଲୁକ ୧୯:୧୧-୨୭)

୨୯ ଲାକପୁରୁ ରାଜି ଇଲେତାୟି, ଇଚିହେଁ ହେକ ରାଜି ହାଜିମାନି ର ମାଣସି, ଏଝାସି ତାନି ହଲିୟାଙ୍ଗାଣି ହାଚାନା ତାନି ଦନଡି ହେରପିତେସି । ୩୦ ଏଝାସି ରଅଣାକି ପାସାମାଣା, ଅଡେ ରଅଣାକି ରୀ ମାଣା, ଇଞ୍ଜା ଅଡେ ରଅଣାକି ର ମାଣା ଇଲେକିହେଁ ବାରେତାକି ତାନି ଆଡିନି ବାଡ଼ୁୟୁ ତଲେ ହାହାନା ହେକ ରାଜିତା ହଚେସି । ୩୧ ଆମିନିଗାଟାସି ପାସାମାଣା ବେଟା ଆହାମାଚେସି, ଏଝାସି ଏଝାଆଁ ଅହାନା ବେବରା କିହାନା ଅଡେ ପାସାମାଣା ଲାବା କିଚେସି । ୩୨ ଏଲେକିହେଁ ଏ ଆମିନିଗାଟାସି ରୀ ମାଣା ବେଟା ଆହାମାଚାସି ଏଝାସି ଜିକେଏ, ଅଡେ ରୀ ମାଣା ଲାବା କିଚେସି । ୩୩ ସାମା ଆମିନିଗାଟାସି ର ମାଣା ବେଟା ଆହାମାଚେସି, ଏଝାସି ହାଜାନା ବୁଦି କାରହାନା ତାନି ସାଧୁକାରି ଟାକାୟାଁଣି ମୁସାନା ଡୁକୁହା ଇଚିଚେସି ।

୩୪ ହାରେକା ଦିନା ହାଚି ତାୟୁ ଏ ହଲିୟାଙ୍ଗାଚି ସାଧୁକାରି ଖାହାନା, ଏଝାରିତଲେ ଲେକା କିଚେସି । ୩୫ ଅଡେ ଆମିନିଗାଟାସି ପାସାମାଣା ବେଟା ଆହାମାଚେସି, ଏଝାସି ଅଡେ ପାସାମାଣା ତାଚାନା ଏଲେଇଚେସି, ପ୍ରବୁ ନୀନୁ ନାଙ୍ଗେ ପାସାମାଣା ହାହାମାଞ୍ଜାଚି; ମେହଦୁ ନାନୁ ଅଡେ ପାସାମାଣା ଲାବା କିହାମାଇଁ । ୩୬ ତାନି ସାଧୁକାରି ତାଙ୍ଗେ ଏଲେଇଚେସି, ଆୟାଲେତା ନେହେଁ ଟିକାଣାଗାଚି ହଡେଲଏଣାଚି, ନାନୁ ଉଣା କାମାତା ନାନୁ ଗାଟାଚି ଆହାମାଞ୍ଜି, ନାନୁ ମିଙ୍ଗେ ହାରେକା କାଜା କାମାତା ହେଡ଼ପାଇଁ, ନୀନୁ ନା ତଲେ ରାହାଁ କିହାଲି ଖାଚୁ । ୩୭ ଅଡେ ଆମିନିଗାଟାସି ରୀ ମାଣା ବେଟା ଆହାମାଚେସି, ଏଝାସି ଜିକେଏ

☆ ୨୫:୧ ୨୫:୧ ଲୁକ ୧୭:୨୫ ☆ ୨୫:୧୧ ୨୫:୧୧ ଲୁକ ୧୩:୨୫ ☆ ୨୫:୧୪ ୨୫:୧୪ ଲୁକ ୧୯:୧୧-୨୭

ଖାହାନା ଏଲେଇଚେସି, ଏ ପୁତ୍ର ନାନୁ ନାଜେ ରା ମାଣା ହାହାମାଞ୍ଜାତି; ମେହ୍ମୁ ନାନୁ ଅଡ଼େ ରା ମାଣା ଲାବା କିହାମାଇଁ । ୨୩ ତାନି ସାସୁକାରି ଏଞ୍ଜାଣାଇଁ ଜିକେଏ ଏଲେଇଚେସି, ଆୟିଲେତା ନେହଁ ଇଞ୍ଜା ଟିକାଣାଗାଟି ହଲେଏଣାତି, ନାନୁ ଉଣା କାମାତା ନାମୁ ଗାଟାତି ଆହାମାଞ୍ଜି, ନାନୁ ନିଜ ହାରେକା କାଜା କାମାତା ହେରପାଇଁ, ନାନୁ ନା ତଲେ ରାହାଁ କିହାଲି ଖାମୁ । ୨୪ ତାମୁ ର ମାଣା ଚାକାୟି ଅହାମାଟି ହଲେଏସି ଏଲେଇଚେସି, ସାସୁକାରି, ନାନୁ ପୁଞ୍ଜାମାଇଁ, ନାନୁ ର ଆବୁଞ୍ଜା ହିୟି ଗାଟାତି । ମାଟାଆତି ବୃମିତା ନାନୁ ଦାଃଆନାତି । ବିଚା ମାଟାଆନା ଆନି କୃତି କିନାତି । ୨୫ ଏଦାଆଁତାକି ଆଜାହାଁ ନାନୁ ନା ଚାକାୟି ବୃମିତା ମୁସାନା ତୁକୁହା ଇଚିତେସି; ମେହ୍ମୁ ନୀ ଦନ ନାନୁ ବେଟାଆତି । ୨୬ ସାମା ତାନି ସାସୁକାରି ଏଞ୍ଜାଣାଇଁ ଏଲେଇଚେସି, ଆଡ଼େ ଲାଗେଏ ଅଡ଼େ ନିସୁଗାଟି ହଲେଏଣାତି, ନାନୁ ଆମ୍ବିୟା ମାଟା ହିଲଅଁ ଏମାଆଁ ଦାଃଆନାତେସି, ଇଞ୍ଜା ଆମ୍ବିୟା ଆନି ଉପହା ହିଲଅଁ ଏମାଆଁ କୃତି କିନାତେସି, ଇଦାଆଁ ନାନୁ ପୁଞ୍ଜାମାଟି ? ୨୭ ଆତିହଁ ବେବାରା କିନାରି ତାଣା ନା ଚାକାୟି ନାନୁ ଇଚିନାୟି ମାଟେ; ଆତିହଁ ନାନୁ ଖାହାନା ଅତିତଲେ ନା ଦନ ନାନୁ ବେଟାଆଡ଼େସିମା । ୨୮ ଇଦାଆଁତାକି ଇଞ୍ଜାଣି ତାଣାଟି ଇ ଚାକାୟି ଅହାନା ଆମିନି ଗାଟାଣାକି ଦସ ମାଣା ମାନୁ ଏଞ୍ଜାଣାକି ହୀଦୁ । ୨୯ ଇଚିହଁ ଆମାଆରାକି ମାନୁ, ଏଞ୍ଜାଣାକି ହୀପକିଆନେ, ଇଞ୍ଜା ଏଞ୍ଜାଣିଞ୍ଜାୟି ହାରେକା ଗାତିଆନେ; ସାମା ଆମାଆରି ତାଣା ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି ଅଞ୍ଜିଆନେ । ୩୦ ଅଡ଼େ ମାନୁ ଇ କାମା କିଆଗାଟି ହଲେଏଣାଇଁ ପାଞ୍ଜାତି ଆନେରିତା ମେଡ଼ହା ତୁହ୍ମୁ, ଏମାଆଁ ତାହଁ ପାଲକା ଟାଟି କିନେସି ।

ରାନ୍ଦି ବେଲାତି ନୀହାୟି

୩୧ ଏମାଣସି ମାନୁଏସି ଏଚିବେଲା ବାରେ ଦୁତୁୟି ତଲେ ତାନି କାଜାପାଣାଟି ଖାନେସି, ଏଚିବେଲା ଏଞ୍ଜାସି ତାନି ଗାସୁରମିଗାଟି ସିଂଗାସାଣିତା କୁଚିନେସି, ୩୨ ଇଞ୍ଜା ତାନି ନକିତା ବାରେ କୁଡ଼ାତି ଲକୁଣି କୃତି କିଞ୍ଜିଆନେ, ଇଞ୍ଜା ମେଣ୍ଡାୟି ଗଡୁ ଏନିକିଁ ଗରିୟି ତାଣାଟି ମେଣ୍ଡାୟିଏ ଏଚକା କିନେସି, ଏଲେକିହଁ ଏଞ୍ଜାସି ଏଞ୍ଜାରାଇଁ ଏଚକା କିହାନା, ୩୩ ମେଣ୍ଡାୟିଣି ତାନି ଚିଃନି ଚଟତା ଇଞ୍ଜା ଗରିୟିଣି ତାନି ଚେବୁ ଚଟତା ଇଚିନେସି । ୩୪ ଏଚିବେଲା ରାଜା ତାନି ଚିଃନି ଚଟତ ଲକୁଣି ଏଲେଇଚେସି, ଖାଦୁ ନା ଆବାତି ବର ବେଟା ଆନାତେରି, ମିଜେଟାକି ଦାରୁତି ଗାଡ଼ି ଆଡ଼ି ଦିନାଟିଏ ଆମିନି ରାକି ଗାଡ଼ି କିଞ୍ଜିଆହାମାନେ ଏମାତି ଅଦିକାରା ଆଦୁ । ୩୫ ଇଚିହଁ ନାନୁ ହାକିଟି ମାଟେସି, ମାନୁ ନାଜେ ତିଞ୍ଜାଲି ହିୟାତେରି; ଏସ୍କିଟି ମାଟେସି, ନାଜେ ଗସାଲି ଏୟୁ ହିୟାତେରି; ଏଚକା ମାଟେସି ନାଜେ ଆବୁହାତେରି; ୩୬ ନାଗୁଡ଼ାଟି ମାଟେସି ନାଜେ ହିମ୍ବୁରି ହୁଟି କିୟାତେରି; ନମେରି ମାଟେସି ନାଜେ କେରହାତେରି; କାୟିଦିତା ମାଟେସି ନାଜେ ବେଟି ଖାଡ଼େରି ।

୩୭ ଏମାଟିଏ ଦାମ୍ବିଗାଟାରି ଏଞ୍ଜାଣାଇଁ ଏଲେଇଚେସି, ଏ ପୁତ୍ର ଏଚେଲା ହାକିଟି ମାନାଣି ମେସାନା ନିଜେ ତିଞ୍ଜାଲି ହିୟାଆତମି ? ଏଚେଲା ଏସ୍କି ଆଡ଼ାଣି ମେସାନା ଏୟୁ ହିୟାଆତମି ? ୩୮ ଅଡ଼େ ଏଚେଲା ଏଚକା ମାଟାଣି ମେସାନା ଆବୁହାତମି ? ଏଚେଲା ନାଗୁଡ଼ା ମେସାନା ହିମ୍ବୁରି ହୁଟି କିୟାଆତମି ? ୩୯ ଅଡ଼େ ଏଚେଲା ନମେରିତା ଇଞ୍ଜା କାୟିଦି ମାନାଣି ମେସାନା ନୀ ତାଣା ଖାଡ଼ମି ? ୪୦ ଇଞ୍ଜା ରାଜା ଏଞ୍ଜାରାଇଁ ଏଲେଇଚେସି, ନାନୁ ମିଜେ ସାତା ଖେସିମାଞ୍ଜାଇଁ, ମାନୁ ନା ଇ ଉଣା ତାୟିୟାଇଁ ରଅଣାଇଁ ଏନାଆଁ କିହାମାଞ୍ଜେରି ଏ ବାରେ ନାଜେଟାକି କିହାମାଞ୍ଜାଦେରି ।

୪୧ ଏମାଟିଏ ତାନି ଚେବୁ ଦାରିତି ଲକୁଣି ଜିକେଏ ଏଲେଇଚେସି, ଆଡ଼େ ମାହାପୁରୁ ତାଣାଟି ବାକା ବେଟା ଆନାତେରି, ନା ନକିଟି ହେକ ଆହାନା ସୟତାନ ଇଞ୍ଜା ତାନି ଦୁତୁୟି କିହାମାନି କାଲ୍ଲାକାଲ୍ଲା ଡ଼ାଞ୍ଜିମାନି ହିତୁ ଗାଡ଼ୁତା ହାଦୁ । ୪୨ ଇଚିହଁ ନାନୁ ହାକିଟି ମାଟେସି ନାଜେ ତିଞ୍ଜାଲି ହିୟାଆତେରି; ଏସ୍କିଟି ମାଟେସି ନାଜେ ଗସାଲି ଏୟୁ ହିୟାଆତେରି; ୪୩ ଏଚକା ମାଟାଟି ନାଜେ ଆବୁହାଆତେରି; ନାଗୁଡ଼ା ମାଟାଟି ନାଜେ ହିମ୍ବୁରି ହୁଟି କିୟାଆତେରି; ନମେରି ଇଞ୍ଜା କାୟିଦିତା ମାଟାଟି ନାଜେ କେରହାଆତେରି । ୪୪ ଏମାଟିଏ ଏଞ୍ଜାରି ଜିକେଏ ଏଲେଇଚେସି, ଏ ପୁତ୍ର ଏଚେଲା ମାମୁ ନିଜେ ହାକି କି ଏସ୍କି, ଏଚକା କି ନାଗୁଡ଼ା, ନମେରି କି କାୟିଦିତା ମାନାଣି ମେସାନା ନିଜେ ସେବା କିୟାଆତମି ? ୪୫ ଏଚେଟିଏ ରାଜା ଏଞ୍ଜାରାଇଁ ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ନା ଇ ଉଣା ଲକୁ ବିଡ଼ାଟି ରଅଣାଇଁ କିହାହିଲାଆକି ନାଜେ କିହାମାଞ୍ଜଅଚେରି । ୪୬ ଅଡ଼େ ଇଞ୍ଜାରି କାଲ୍ଲାକାଲ୍ଲାଟି ସାସି ବେଟାଆନେରି, ସାମା ତାରିଗାଟାରି କାଲ୍ଲାକାଲ୍ଲାଟି ଜୀସୁ ବେଟାଆନେରି ।”

୨୬

ଜୀସୁ କପାଟି ପାରୁ ପାରିନାହି

(ମାର୍କ ୧୪:୧-୨; ଲୁକ ୨୨:୧-୨; ଜହ ୧୧:୪୫-୫୩)

୧ ଜୀସୁ ଛ ବାରେ କାତା ରାଘୁହାନା ତାନି ସୀସୁୟାଁଇଁ ଏଲେଇଚେସି, ୨ “ରୀଇନି ଜେତ ପିସପିଆନ୍ତି ପାରୁ ଆନେ, ଛଦାଆଁ ମୀରୁ ପୁଞ୍ଜାମାଞ୍ଜେରି, ଇଞ୍ଜା ମାଣସି ମୀରୁଏସି ପାସି ମୁଣ୍ଡାତା ହାୟାଲି ହେରପିଆନେସି ।”

୩ ଏରିବେଲାତା କାଜା ପୁଜେରାଙ୍ଗା ଅଡେ ଲକୁତି କାଜାରି କୟାପା ଦରୁଗାଟି କାଜା ପୁଜେରା ଆଂଗେଣିତା ରୁଣ୍ଡା ଆଡେରି, ୪ ଅଡେ ଜୀସୁଇଁ ଆସାନା ପାୟାଲି ପାରୁ ପାରିତେରି; ୫ ସାମା ଏଞ୍ଜାରି ଏଲେଇଚେରି, “ପାରୁ ବେଲାତା ଆଏ ଇଚିହଁ ଏଡେତା ଲକୁ ଗଡ଼ହା କିନେରି ।”

ବେତନିୟାତା ଜୀସୁ ତାୟଁତୁ ନିୟୁଁ ଖାକ୍ନାହି

(ମାର୍କ ୧୪:୩-୯; ଜହ ୧୨:୧୮)

୬ ଜୀସୁ ବେତନିୟାତା କାଜା ରଗାଗାଟି ସିମନ ଇଜ ତିଞ୍ଜାଲି କୁଗାମାଗାଟି, ୭ *ର ଇୟା ର ଗାକୁତା ହାରେକା ଦାରାଗାଟି ଗାନ୍ଦା ନିୟୁଁ ତାଚାନା ଜୀସୁ ତାୟଁତୁ ଖାକ୍ନେ । ୮ ସାମା ଏଦାଆଁ ମେସାନା ସୀସୁୟାଁ କପା ଆହାନା ଏଲେଇଚେରି, “ଇଚେକା ଉଜେଏ ଏନାଆଁତାକି କାରୁ ? ୯ ଛଦାଆଁ ହାରେକା ଟାକାୟାଁତାକି ପାରୁପି ଆହାନା କାକୁଲି ଗାଟାରାକି ହିୟାଲି ଆଡେମା ।”

୧୦ ଜୀସୁ ଏଦାଆଁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ଇ ଇୟାନି ଏନାଆଁତାକି କସୁ ହାହିମାଞ୍ଜେରି ? ଏଡି ନାଞ୍ଜେତାକି ହାରେକା ନେହଁ କାମା କିହାମାନେ । ୧୧ କାକୁଲି ଗାଟାରି କାଚେଲଏ ମୀ ତାଣା ମାନେରି, ସାମା ନାନୁ କାଚେଲଏ ମୀ ତାଣା ମାନଅଁ । ୧୨ ଇଞ୍ଜା ଏଡି ନା ଆଙ୍ଗାତା ନଚେଏ ନିୟୁଁ ଖାକ୍ନାନା ମୁସାଲି ତାକି ନଚେଏ ତିୟାରା କିହିମାନେ । ୧୩ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ବାରେ ଦାରୁତିତା ଆମିନି ଟାୟୁତା ଛ ନେହଁ କାରୁ ଝେପୁକି ଆନେ, ଏମ୍ପାଆଁ ଏ ଇୟାନି ଅଣ୍ଡପାଲି ଏଦାନି ଛ କାମା ଜିକେଏ ଝେସପି ଆନେ ।”

ଜୀହୁଦା ଜୀସୁଇଁ ଆସପି କିହାଲି ରାକି ଆନାହି

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏରିବେଲା ବାରୁଜାଣା ବିଦ୍ରାଟି ଇସାରିୟତ ଜୀହୁଦା ଦରୁଗାଟାସି କାଜା ପୁଜେରାଙ୍ଗା ତାଣା ହାଜାନା ଏଲେଇଚେସି, ୧୫ “ନାଞ୍ଜେ ଏନାଆଁ ହିୟାଦେରି ଝେସ୍ତାବୁ ? ନାନୁ ଜୀସୁଇଁ ଆସପି କିୟାଇଁ ।” ଏମ୍ପାଟିଏ ଏଞ୍ଜାରି ଏଞ୍ଜାଣାକି କଡେଦସ ଗଟା ଝେଣ୍ଡି ଟାକାୟାଁ ଏଜିକିହାନା ହାଡେରି । ୧୬ ଅଡେ ଏ ଦିନାଟିଏ ଏଞ୍ଜାସି ଜୀସୁଇଁ ଏଞ୍ଜାରିତାଣା ହେରପାଲି ତାକି ପାରୁ ପାରିଲି ମାଟୁହେସି ।

ଜୀସୁ ଅଡେ ସୀସୁୟାଁ ପିସପିଆନ୍ତି ପାରୁ କିନାହି

୧୭ ତାୟୁ ପୁଲ୍ୟାଏୟୁ ଆଣ୍ଡାଆତି ରୁଟି ତିନି ପାରୁତି ତଲିତି ଦିନାତା ସୀସୁୟାଁ ଜୀସୁ ତାଣା ଖାହାନା ଝେଚେରି, “ମାମୁ ଆମିନି ଟାୟୁତା ନିଙ୍ଗେତାକି ପିସପିଆନ୍ତି ପାରୁତି ବକ୍ତି କିନମି ଇଞ୍ଜା ନାନୁ ଅଣ୍ଡପିମାଞ୍ଜି ?”

୧୮ ଜୀସୁ ଏଲେଇଚେସି, “ମୀରୁ ଗାଡାତା ପାଲାଣା ଗାଟାଣି ତାଣା ହାଜାନା ଏଲେଇଞ୍ଜୁ, ମା ଗୁରୁ ଏଲେଇଞ୍ଜି ଝେସା ପାଣ୍ଡାତେସି, ନା କାରୁ ଏଦାତେୟିଏ, ନାନୁ ନା ସୀସୁୟାଁ ତଲେ ମୀ ଇଜ ପିସପିଆନ୍ତି ପାରୁତି ବକ୍ତି କିନମି ।”

୧୯ ଏମ୍ପାଟିଏ ସୀସୁୟାଁ ଜୀସୁତି ହୁକୁମି ତଲେ କାମା କିହାନା ପିସପିଆନ୍ତି ପାରୁତି ବକ୍ତି କିଚେରି ।

୨୦ ତାୟୁ ମିଡ଼ଅଲା ଆୟାଲିଏ ଜୀସୁ ବାରୁଜାଣା ସୀସୁୟାଁ ତଲେ ବକ୍ତିତା କୁଚିତେସି । ୨୧ ଏଞ୍ଜାରି ତିଞ୍ଜାମାଟି ବେଲାତା ଜୀସୁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀ ବିଦ୍ରାଟି ରଅସି ନାଞ୍ଜେ ସାତୁୟାଁ କେୟୁତା ହେରପାନେସି ।”

୨୨ ଏମ୍ପାଟିଏ ଏଞ୍ଜାରି ହାରେକା ଦୁକୁ ଆହାନା ରଅ ରଅସି ଜୀସୁଇଁ ଝେଚେରି, “ଏ ପ୍ରବୁ ଏଞ୍ଜାତେଏଁ ନାନୁ କି ?”

୨୩ ଜୀସୁ ଏଲେଇଚେସି, “ନା ତଲେ ଆମ୍ପାଆସି ସାଡ଼ଞ୍ଜାତା କେୟୁ ପାରୁକି ମାନେସି, ଏଞ୍ଜାସି ନାଞ୍ଜେ ସାତୁୟାଁ କେୟୁତା ହେରପାନେସି । ୨୪ ମାଣସି ମୀରୁଏଣି କାତା ଏନିକଁ ରାସ୍ତିକି ଆହାମାନେ ଏଲେକଁ କିହିମାନେସି ସାତା; ସାମା ଆମିନି ଲକୁ ଡାଣାଟି ସାତୁ କେୟୁତା ହେରପି ଆହିମାନେସି, ଆୟତା ଏଚେକା ତଣ୍ଡ ବେଟା ଆନେସି; ଏଞ୍ଜାସି ଜାନ୍ନା ଆହାହିଲାଆତିହଁ ଏଞ୍ଜାଣାକି ନେହେଁ ଆଡେମା ।”

* ୨୬:୭ ୨୬:୭ ଲୁକ ୭:୩୭,୩୮

୨୫ ଏଚେଟିଏ ଆମିନି ଜୀହୁଦା, ସାତୁୟାଁ କେୟୁଡା ହେରପିତେସି, ଏଞ୍ଜାସି ଏଲେଇଞ୍ଜି ଇଚେସି, “ଏ ଗୁରୁ ଏଞ୍ଜାତେସିଁ ନାନୁ କି ?”

ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁତ ଏଲେ ଇଞ୍ଜିମାଞ୍ଜି ।”

ପ୍ରବୁତି ବକ୍ତି

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧କର ୧୧:୨୩-୨୫)

୨୬ ଅଡେ ଏଞ୍ଜାରି ତିଞ୍ଜିମାଚି ବେଲ୍ଲାତା, ଜୀସୁ ରୁଟି ଅହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ତିକହାନା ସୀସୁୟାଁକି ହୀହାନା ଏଲେଇଚେସି, “ଇଦାଆଁ ଅଧୁ ଇଞ୍ଜା ତିଞ୍ଜି ଇଦି ନା ଆଙ୍ଗା ।”

୨୭ ଅଡେ ଏଞ୍ଜାସି ଗହ୍ନି ସଲ୍ଲା ଆସାନା ମାହାପୁରୁଇଁ ଜହରା କିତେସି ଇଞ୍ଜା ସୀସୁୟାଁକି ହୀହାନା ଏଲେଇଚେସି; “ଇଦାଆଁ ବାରେତେରି ଗହ୍ନୁ” ୨୮ “ଇଚିହ୍ ଅମିନି ନେତେରିତି ରାଜିମାନା ହାଚେକା ଲକ୍ଷୁତାକି ପାପୁତି ମେକହାଲି ଖାକହାମାନି ଇଦି ଏ ନା ନେତେରି । ୨୯ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମିନି ଦିନା ନା ଆବାଚି ରାଜିତା ମା ତଲେ ପୁଃନି ଅଞ୍ଜୁରି ରାସା ଗହ୍ନା ପାତେକା ନୀଞ୍ଜୁଟିଏ ଏଚେଲ୍ଲାଖା ଅଞ୍ଜୁରି ରାସା ଗହ୍ନାଁ ।”

୩୦ ଅଡେ ଏଞ୍ଜାରି ଜହରା ପାରୁ ପାଚିତି ତାୟୁ ଜାତ ହରୁତା ହଡା ହାଚେରି ।

ପିତର ଜୀସୁଇଁ ପୁଞ୍ଜାହିଲଅଁ ଇନି କାତା ତଲିଏ ଖେହନାୟି

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହ ୧୩:୩୬-୩୮)

୩୧ ଏଚିବେଲ୍ଲା ଜୀସୁ ଏଞ୍ଜାରାଇଁ ଏଲେଇଚେସି, “ନୀଞ୍ଜୁ ଲାଆଁୟାଁ ମୀରୁ ବାରେତେରି ନାଙ୍ଗେ ପିସାନା ହାଜାଦେରି, ଇଚିହ୍ ରାସ୍ତିକି ଆହାମାନେ, ନାନୁ ମେଣ୍ଡାୟାଁ ଗଡୁକୁଁ ଖେଇଁ ଅଡେ ମାନ୍ଦାତି ମେଣ୍ଡାୟାଁ ଆଲାରା ଆହାହାନୁ । ୩୨ *ସାମା ନାନୁ ହାହାନା ନିଞ୍ଜିତି ତାୟୁ ମୀ ନକିତା ଗାଲିଲିତା ହାଇଁ ।”

୩୩ ସାମା ପିତର ଜୀସୁଇଁ ଏଲେଇଚେସି, “ବାରେଜାଣା ନିଙ୍ଗେ ପିସାତିହ୍ ଜିକେଏ, ନାନୁ କଡେ ନିଙ୍ଗେ ଏଚେଲ୍ଲାଖା ପିସଅଁ ।”

୩୪ ଜୀସୁ ପିତରଇଁ ଏଲେଇଚେସି, “ନାନୁ ନିଙ୍ଗେ ସାତା ଖେସିମାଞ୍ଜାଇଁ, ନୀଞ୍ଜୁ ଲାଆଁୟାଁ କୟୁ କେଣିଆ ନକେଏ ନାନୁ ନାଙ୍ଗେ ତାନିପାଲି ନାନୁ ପୁଞ୍ଜାହିଲଅଁ ଇଞ୍ଜାଁ ଖେହ୍ ଦି”

୩୫ ପିତର ଏଞ୍ଜାଣାଇଁ ଏଲେଇଚେସି, “ନାନୁ ନୀ ତଲେ ହାହାଲି ଆଡି ଜିକେଏ ନାନୁ ନିଙ୍ଗେ ଏଚେଲ୍ଲା ପୁଞ୍ଜାହିଲଅଁ ଇଞ୍ଜାଁ ଇନଅଁ !” ଇଞ୍ଜା ବାରେ ସୀସୁୟାଁ ଜିକେଏ ଏଲେଇଚେରି ।

ଗେଡ଼ସିମନିତା ଜୀସୁତି ପ୍ରାତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏଚେଟିଏ ଜୀସୁ ତାନି ସୀସୁୟାଁ ତଲେ ଗେଡ଼ସିମନି ଇନି ର ଗାୟୁତା ହାଜାନା ଏଞ୍ଜାରାଇଁ ଏଲେଇଚେସି, “ନାନୁ ଏମ୍ପାଆଁ ହାଜାନା ପ୍ରାତାନା କିନି ପାତେକା ମୀରୁ ଇମ୍ପାଆଁ କୁଗା ମାଞ୍ଜୁ ।” ୩୭ ଅଡେ ଏଞ୍ଜାସି ପିତର ଇଞ୍ଜା ଜେବଦିତି ରୀ ମୀରୁକାଣି ଅହାନା ହିୟାତା କିଲିବିଲି ଆଡେସି, ୩୮ ଇଞ୍ଜା ଏଚିବେଲ୍ଲା ଏଞ୍ଜାରାଇଁ ଏଲେଇଚେସି, “ନା ଜୀସୁ ହାନିଲେହେଁ ହାଚେକା କିଲିବିଲି ହଡି ମାଞ୍ଜାନେ, ମୀରୁ ଇମ୍ପାଆଁ ତୟାନା ନା ତଲେ କାଚିହ୍ ମାଞ୍ଜୁ ।”

୩୯ ଇଞ୍ଜା ଏଞ୍ଜାସି ହିଚେ ହେକ ହାଜାନା ମୁନୁ କୁତାନା ପ୍ରାତାନା କିହିହ୍ ଏଲେଇଚେସି, “ଏ ନା ଆବା ଆତିହ୍ ଇ ନା ଦୁକୁ କସୁଗାଚି ସଲ୍ଲାତି ହେକ କିମ୍ପୁ; ସାମା ନା ମନ କଡେ ଆଏ ନୀ କାତେଏ ଆପେ ।”

୪୦ ଅଡେ ଏଞ୍ଜାସି ସୀସୁୟାଁତାଣା ଖାହାନା ଏଞ୍ଜାରାଇଁ ଇଦା କିତାଣି ମେସ୍ତେସି ଇଞ୍ଜା ପିତରଇଁ ଏଲେଇଚେସି, “ମୀରୁ ନା ତଲେ ଗାଡେକା ଜିକେଏ କାତାଲି ଆଡାଆତେରି ? ୪୧ ପାଦାତା ଏନିକିଁ ହେରଅତେରି, ଏଦାଆଁତାକି କାତାହାଁ ପ୍ରାତାନା କିହେମାଞ୍ଜୁ; ଇଚିହ୍ ମନ ମାନେ ସାମା ଆଙ୍ଗାତା ବାଡୁୟୁ ହିଲେଏ ।”

୪୨ ଅଡେ ର ପାଲି ହାଜାନା ପ୍ରାତାନା କିହିହ୍ ଏଲେଇଚେସି, “ଏ ନା ଆବା ଇ ନା ଦୁକୁ କସୁଗାଚି ସଲ୍ଲା ନା ତାଣାଚି ହେକ ଆହାଲି ଆଡାଆତି, ନାନୁ ଏଦାଆଁ ଗହ୍ନଇଁ ନା ମନ କଡେ ଆଏ ନୀ କାତେଏ ଆପେ ।”

୪୩ ଅଡେ ଏଞ୍ଜାସି ଖାହାନା ଏଞ୍ଜାରାଇଁ ଇଦା କିହାମାନାଣି ମେସ୍ତେସି; ଇଚିହ୍ ଏଞ୍ଜାରି କଚଣି ହଡି ମାଚେରି ।

* ୨୨:୩୨ ୨୬:୩୨ ମାଚି ୨୮:୧୭

୪୪ ଏମାଟିଏ ଏଞ୍ଜେଲି ଏଞ୍ଜେରାଲ୍ ପିସାନା ଅଡେ ଝେଣ୍ଡେ ହାଜାନା ଅଡେ ଏ ପ୍ରାଡାନା ତାନିପାଲି ତାକି କିତେସି । ୪୫ ତାୟୁ ସାୟୁୟାଁ ତାଣା ଖାହାନା ଏଲେଇତେସି, “ଗାଡେକା ତୁରାନା ଜମାଦୁ, ଇଚିହୁଁ ମାଣସି ମୀରୁଏସି ପାପୁ ଗାଟାରି ତାଣା ହେରୁପି ଆନିବେଲା ଏଦାତେୟିଏ । ୪୬ ନିଜାଦୁ ମାରୁ ହାନ, ଇଞ୍ଜାଁ ମେହୁଦୁ ଆମ୍ବାଆସି ନାଜେ ସାତୁୟାଁ କେୟୁତା ହେରୁପାନେସି, ଏଞ୍ଜେଲି ତାଗେ ଖାଡେସିଏ !”

ଜାୟୁଇଁ ସାତୁୟାଁ କେୟୁତା ହେରୁପିନାୟି

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହ ୧୮:୩-୧୨)

୪୭ ଜାୟୁ ଇ କାତା ଝେସିମାଟି ବେଲାତା, ମେହୁଦୁ, ବାରଜାଣା ସାୟୁୟାଁ ବିତ୍ତାଟି ଜାୟୁଦା ଦରୁଗାଟାସି ରଅସି ଇଞ୍ଜାଁ ଏଞ୍ଜେଲିତଲେ କାଜା ପୁଜେରାଜା ଅଡେ ଲକ୍ଷୁତି କାଜାରି ତାଣାଟି ପାଣ୍ଡୁଆହାମାନି ହାରେକା ଲକ୍ଷୁ କାଣ୍ଡାୟାଁ ଅଡେ ବାଡୁଗାୟାଁ ଆସାନା ଖାଡେଟରି । ୪୮ ଜାୟୁଇଁ ସାତୁୟାଁ କେୟୁତା ହେରୁପିନାସି ଏଞ୍ଜେରାଲ୍ ଇ ସିନା ଝେସାମାଟେସି, “ନାନୁ ଆମ୍ବାଆରାଲ୍ ନଶ୍ଚିଇଁ ଏଞ୍ଜେଲିଏ ଏଞ୍ଜେଲି, ଏଞ୍ଜେରାଲ୍ ଆହୁଦେରି ।”

୪୯ ଇଞ୍ଜାଁ ଏଞ୍ଜେଲି ଏ ଦେବୁଣିଏ ଜାୟୁ ତାଣା ଖାହାନା, “ଏ ଗୁରୁ ଜହରା ଇଚେସି” ଅଡେ ଏଞ୍ଜେରାଲ୍ ହାରେକା ନଶ୍ଚିତେସି ।

୫୦ ସାମା ଜାୟୁ ଏଞ୍ଜେରାଲ୍ ଏଲେଇଚେସି, “ଏ ତଡେଣ ଏନାଆଁ କିହାଲି ଖାହାମାଞ୍ଜି ଏଦାଆଁ କିମ୍ପୁ ।”

ଏମାଟିଏ ଏଞ୍ଜେଲି ତାଗେ ଖାହାନା ଜାୟୁଇଁ ଆସ୍ତେରି । ୫୧ ଅଡେ ମେହୁଦୁ, ଜାୟୁତଲେ ମାଟାରି ବିତ୍ତାଟି ରଅସି କାଣ୍ଡା ହୁପୁହେସି ଇଞ୍ଜାଁ କାଜା ପୁଜେରା ହଲଏଣାଲ୍ କିୟୁଁ ରାଡୁହେସି । ୫୨ ଏମାଟିଏ ଜାୟୁ ଏଞ୍ଜେରାଲ୍ ଏଲେଇଚେସି, “ନୀ କାଣ୍ଡା ଝେଣ୍ଡେ ନୀ ପାଡୁକାତା ଇଟାମ୍ପୁ, ଇଚିହୁଁ ଆମ୍ବାଆରି କାଣ୍ଡା ଆହୁନେରି ଏଞ୍ଜେଲି କାଣ୍ଡା ତଲେଏ ହାନେରି । ୫୩ ନାନୁ ଏନାଆଁ ଅଣପିମାଞ୍ଜି, ନାନୁ ନା ଆବାଲ୍ ବାଟିମାଲିତିହୁଁ ଇ ଦେବୁଣିଏ ବାର ଗଟି ରିଜାରି କୟ୍‌କା କିହାଁ ହାରେକା ଦୁତୁୟାଁ ପାଣ୍ଡୁଆସି ?” ୫୪ ଇଚିହୁଁ ଇଲେକ୍ ସାତେଏ ଆନେ ଇଞ୍ଜାଁମାନି ଦାମ୍ପୁ ପତିତି କାତା ଏନିକ୍ ସାତା ଆନେ ?

୫୫ ଏଚେଟିଏ ଜାୟୁ ମାୟା ଲକ୍ଷୁଣି ଏଲେଇଚେସି, ତଂଗା ଗାଟାରାଲ୍ ଆହୁନିଲେହେଁ କାଣ୍ଡାୟାଁ ଅଡେ ଟେଜାୟାଁ ଆସାନା ମୀରୁ ନାଜେ ଆସାଲି ଖାହାମାଞ୍ଜେରି ? ନାନୁ ବାରେଦିନା ମାହାପୁରୁ ଇଲୁତା କୁଗାନା ଜାପୁହି ମାଟେଏ, ସାମା ମୀରୁ ନାଜେ ଆସାଆତେରି ! ୫୬ ସାମା ମାହାପୁରୁ ଅଣପୁତି ବଲ୍ଲୁ ଝେହ୍‌ନାରି ରାଟିତି ସାପ୍ତେସି କାତା ଏନିକ୍ ସାତା ଆନେ, ଏଦାଆଁତାକି ଇ ବାରେ ଆହୁମାନେ । ଏଟିବେଲା ବାରେଜାଣା ସାୟୁୟାଁ ଏଞ୍ଜେରାଲ୍ ପିସାନା ହଟାଡୁସ୍ତେରି ।

ବେରଣିମାଣ୍ଡାତା ଜାୟୁତି ନାହାଁୟି

(ମାର୍କ ୧୪:୫୩-୬୫; ଲୁକ ୨୨:୫୪, ୫୫, ୬୩-୭୧; ଜହ ୧୮:୧୩-୧୪, ୧୯-୨୪)

୫୭ ତାୟୁ ଏମିନିଗାଟାରି ଜାୟୁଇଁ ଆସାମାଟେରି, ଏଞ୍ଜେଲି ଜାୟୁଇଁ କୟାପା ଇନି କାଜା ପୁଜେରା ନକିତା ଅଡେଟି; ଏ ଗାୟୁତା ମେରାପୁନାରି ଅଡେ ଲକ୍ଷୁତି କାଜାରି ରୁଣ୍ଡା ଆହାମାଟେରି । ୫୮ ସାମା ପିତର ହେକ ତୁୟାନା କାଜା ପୁଜେରା ଆଂଗେଣି ପାତେକା ଏଞ୍ଜେଲି ଜେତ ହାଚେସି, ଇଞ୍ଜାଁ ତାୟୁ ଏନି ଆନେ, ଏଦାଆଁ ସିନିକିହାଲି ଏଞ୍ଜେଲି ବିତ୍ତା ହାଜାନା ଜାମାନାଜା ତଲେ କୁଗାମାଟେସି । ୫୯ ଏମାଟିଏ କାଜା ପୁଜେରାଜା ଅଡେ ବାରେ ବେରଣି ମାଣ୍ଡାତାରି ଜାୟୁଇଁ ପାୟାଲି ଏଞ୍ଜେଲି କପାଟି ମିଟି ସାକିୟାଁ ପାରାତେରି, ୬୦ ଇଞ୍ଜାଁ ହାରେକା ସାକିୟାଁ ଝେସ୍ତି ଜିକେଏ, ଏଞ୍ଜେଲି ଏନି ଦହ ପୁଞ୍ଜାଆତେରି । ଇଞ୍ଜାଁ ତାୟୁ ରିଆରି ନିଚାନା ଝେସ୍ତେରି, ୬୧ ଏଞ୍ଜେଲିଏ ଏଲେଇଞ୍ଜାମାଟେସି, “ନାନୁ ମାହାପୁରୁତି ଇଲ୍ଲୁ ଡିକହାନା ତାନି ଦିନାଟିଏ କେପାଲି ଆଡିଲ୍ ।”

୬୨ ଏମାଟିଏ କାଜା ପୁଜେରା ନିଜାମା ଏଲେଇଚେସି, “ନୀ କପାଟି ଜଲିମାନାରାକି ଝେଣ୍ଡେ ଝେସାଲି ନୀ ଏନି କାତା ହିଲେଏ କି ?” ୬୩ ସାମା ଜାୟୁ ପାଲେଏ ଆହାନା ତୁୟିତେସି । ଏମାଟିଏ କାଜା ପୁଜେରା ଜାୟୁଇଁ ଏଲେଇଚେସି, “ନାନୁ ଜାୟୁତି ମାହାପୁରୁ ଦରୁତଲେ ପାରମାଣା କିଞ୍ଜି କିହାନା ଝେଞ୍ଜିମାଞ୍ଜାଇଁ, ନାଜେ ଝେସ୍ତାମ୍ପୁ, ନାନୁ ସାତେଏ ମାହାପୁରୁ ମୀରୁଏଣାଟି କ୍ରୀୟୁତିକି ?”

୬୪ ଜାୟୁ ଏଞ୍ଜେରାଲ୍ ଏଲେଇଚେସି, “ନାନୁତ ଝେସିମାଞ୍ଜି; ଅଡେ ନାନୁ ନିଜେ ଝେସିମାଞ୍ଜାଇଁ, ନାୟୁଟିଏ ମୀରୁ ମାଣସି ମୀରୁଏଣାଲ୍ ବାଡୁୟୁଗାଟି ମାହାପୁରୁ ଚିଃନିଞ୍ଜାକି ନିଚାମାନାଣି ଅଡେ ହାଗୁ ଦୁହାଟି ଖାନାଣି ମେହୁଦେରି !”

୬୫ ଏମାଟିଏ କାଜା ପୁଜେରା ତାନି ହିମ୍ପୁରି ଗେସାନା ଏଲେଇଚେସି, “ଇଞ୍ଜେଲି ମାହାପୁରୁ ନିନ୍ଦା କିହିମାନେସି, ଇଞ୍ଜାଁ ମାଜେ ଅଡେ ଏନି ସାକିୟାଁ ଲଡାମାନେ ? ମେହୁଦୁ ନାଏଁ ଜିକେଏ ମାହାପୁରୁ ନିନ୍ଦା

କିତାଣି ଖେତେରି, ୭୬ ମା ଅଣ୍ଟପୁତା ଏନାୟି ମାନେ ?” ଏମ୍ବାଟିଏ ଏଞ୍ଜାରି ଏଲେଇଚେରି ଏଞ୍ଜାସି ହାନ୍ତି ଡ଼ଣ୍ଡ ପାଣ୍ଡନାୟି ମାନେ !

୭୭ ଏଚିବେଲା ଏଞ୍ଜାରି ଏଞ୍ଜାଣି ମୁମ୍ବୁଟୁ ହୁପିତେରି, ବିଦା ଖେତେରି; ଇଞ୍ଜା ଆମ୍ବା ଆମ୍ବାଆରି ସାପୁତା ଖେତାନା ଏଲେଇଚେରି, ୭୮ “ଏ କ୍ରୀସ୍ତ ନୀନୁସିଁ ମାହାପୁରୁ ଅଣ୍ଟପୁତି ବଲୁ ଖେହ୍ନାତି, ମାଜେ ଖେସ୍ତାମୁ ନିଙ୍ଗ ଆମ୍ବାଆସି ଖେତାତେସି ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜାଁ ଇନାୟି

(ମାର୍କ ୧୪:୨୭-୨୭; ଲୁକ ୨୨:୫୭-୨୨; ଜହ ୧୮:୧୫-୧୮, ୨୫-୨୭)

୭୯ ଏମ୍ବାଟିଏ ପିତର ପାଙ୍ଗାତି ଆଂଗେଣିତା କୁଗାମାଚେସି, ଇଞ୍ଜାଁ ର ହେଲେଣି ପିତର ତାଗେ ଖାହାନା ଏଲେଇଚେ, “ନୀନୁ ଜିକେଏ ଗାଲିଲିତି ଜୀସୁତଲେ ମାଟି ।”

୮୦ ସାମା ଏଞ୍ଜାସି ବାରେତି ନକିତା “ନୀନୁ ଏଞ୍ଜାଣାଇଁ ପୁଞ୍ଜାହିଲଅଁ ନୀନୁ ଏନାଆଁ ଖେସିମାଞ୍ଜି ନୀନୁ ପୁଞ୍ଜାହିଲଅଁ ।” ୮୧ ଅଡେ ପିତର ଆଂଗେଣି ଦୁଖେରିତା ହାଜାଲିଏ ଅଡେ ର ହେଲେଣି ଏଞ୍ଜାଣାଇଁ ମେସାନା ଏ ଟାୟୁତି ଲକୁଣି ଏଲେଇଚେ, “ଇଞ୍ଜାସି ନାଜିରିତ ଜୀସୁତଲେ ମାଚେସି ।”

୮୨ ପିତର ପାରମାଣା କିହାନା ଅଡେ ଏଲେଇଚେସି, “ନୀନୁ ଏଞ୍ଜାଣାଇଁ ପୁଞ୍ଜାହିଲଅଁ ।”

୮୩ ଅଡେ ର ଗାଡେକା ହାଜାଲିଏ ଦାରିତା ନିତାମାଚାରି ପିତର ତାଗେ ଖାହାନା ଏଞ୍ଜାଣାଇଁ ଏଲେଇଚେରି, “ନୀନୁ ଜିକେଏ ସାତେଏ ଏଞ୍ଜାରି ବିତ୍ରାଟି ରଅତି, ଇଚିହୁଁ ନୀ ହାଡାଟି ପୁଣ୍ଡି ଆହିମାନେ ।”

୮୪ ଏମ୍ବାଟିଏ ପିତର ପାରମାଣା ଅଡେ ବାକା ଇଚିହୁଁ ଏଲେଇଚେସି, “ନୀନୁ ଏଞ୍ଜାଣାଇଁ ପୁଞ୍ଜାହିଲଅଁ ।” ଏ ଦେବୁଣିଏ କୟୁ କେଣିତେ । ୮୫ ଏଚେଟିଏ “କୟୁ କେଣିଆ ନକେଏ ନାଜେ ତାନି ପାଲି ପୁଞ୍ଜାହିଲଅଁ ଇଞ୍ଜାଦି” ଇଞ୍ଜାଁ ଜୀସୁ ଖେସି ଇ କାତା ପିତର ଅଣ୍ଟପୁତା ଖାଡେ, ଇଞ୍ଜାଁ ଏଞ୍ଜାସି ପାଙ୍ଗାତା ହାଜାନା ହାଡେକା କିଲିବିଲି ଦୁକୁଆହୁଁ ଡାଟେସି ।

୨୨

ପିଲାତ ନକିତା ଜୀସୁ

(ମାର୍କ ୧୫:୧; ଲୁକ ୨୩:୧-୨; ଜହ ୧୮:୨୮-୩୨)

୧ ଲାଜୁ ଖେୟାଲିଏ ବାରେ କାଜା ପୁଜେରାଙ୍ଗା, ଇଞ୍ଜାଁ ଲକୁତି କାଜାରି ଜୀସୁଇଁ ପାୟାଲି ଏଞ୍ଜାଣି କପାଟି କାତା ଆଡେରି, ୨ ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ଦସା ଅହାନା ପିଲାତ ଇନି ସାଲୁଞ୍ଜି କିନାଣି ତାଣା ହେରପିତେରି ।

ଇସ୍ତାରିୟତ ଜୀହୁଦା ହାନାୟି

(କାମା ୧:୧୮-୧୯)

୩ ଏଚିବେଲା ଜୀସୁଇଁ ସାଡୁ କେୟୁତା ହେରପିତି ଜୀହୁଦା, ଜୀସୁ ହାନ୍ତି ଡ଼ଣ୍ଡ ବେଟା ଆହାମାନେସି ଇଞ୍ଜାଁ ପୁଞ୍ଜାନା, ଜୀସୁତା ଅଣ୍ଟପାନା କାଜା ପୁଜେରାଙ୍ଗା ଅଡେ ଲକୁତି କାଜାରି ତାଣା ଏ କଡେଦସ ଟାକା ଖେଣ୍ଡେ ତାଚାନା ଏଲେଇଚେସି, ୪ “ନୀନୁ ଦହ ହିଲାଆଗାଟାଣି ନେତେରି ହେରପାନା ପାପୁ କିହାମାଇଁ ।”

ସାମା ଏଞ୍ଜାରି ଏଲେଇଚେରି, “ମାଦି ଏମ୍ବାଆଁ ଏନାୟି ମାନେ ? ଏନାଆଁ ନୀନୁ ଅଣ୍ଟପାମୁ ।”

୫ ଏମ୍ବାଟିଏ ଏଞ୍ଜାସି ଟାକାୟାଣି ମାହାପୁରୁ ଇଲୁ ବିତ୍ରା କୁତାତୁସାନା ହାଚେସି, ଇଞ୍ଜାଁ ହାଜାନା ହେରକି ଲେଜା ହାଡେସି ।

୬ ସାମା କାଜା ପୁଜେରାଙ୍ଗା ଏ ଟାକାୟାଁ ଅହାନା ଏଲେଇଚେରି, “ଇଞ୍ଜାଆଁ ମାହାପୁରୁ ଇଲୁତି ଦନ ତଲେ ଇଚିନାୟି ମୋରା ହିଲେଏ, ଇଚିହୁଁ ଇଞ୍ଜି ନେତେରିତି ଟାକାୟାଁ ।” ୭ ଇଞ୍ଜାଁ ଏଞ୍ଜାରି କାତା ଆହାନା ଏଟକା ଦେସାତି ଲକୁତି ମାଡୁହା ମୁହନି ଟାୟୁ ତାକି ଏ ଟାକାୟାଁ ହୀହାନା ର କୁମ୍ବେ-ଏଣା ବୁନି କଡିତେରି । ୮ ଏନାଆଁତାକି ନୀଞ୍ଜୁପାତେକା ଏଦାନି “ନେତେରି ବୁନି” ଇଞ୍ଜାଁ ଇନେରି ।

୯ ଏମ୍ବାଟିଏ ମାହାପୁରୁ ଅଣ୍ଟପୁତି ବଲୁ ଖେହ୍ନି ଜିରିମିୟ ତାଣାଟି ରାଡିତି ଇ କାତା ସାତା ଆଡେ, ଇସ୍ତାୟେଲ ମୀରକା ଆମ୍ବାଆରି ତାକି ଏଚେକା ଲେକା ହୀନାୟି ମାନେ, ଏଞ୍ଜାଣି ଲେକାତଲେ ଏ କଡେଦସ ଟାକା ଅହାନା, ୧୦ ନା ତାକି ମାହାପୁରୁତି ହୁକୁମି ଲେହେଁ କୁମ୍ବେ-ଏଣା ବୁନି ତାକି ହାଡେରି ।

ପିଲାତ ଜୀସୁଇଁ ଖେନାୟି

(ମାର୍କ ୧୫:୨-୫; ଲୁକ ୨୩:୩-୫; ଜହ ୧୮:୩୩-୩୮)

୬ ୨୨:୩ ୨୭:୩ କାମା ୧:୧୮,୧୯

୧୧ ଏମାଟିଏ ସାଲୁଣି କିନାଣି ନକିତା ଜୀମୁଇଁ ନିପୁହେରି, ଇଞ୍ଜା ସାଲୁଣି କିନାସି ଏଞ୍ଜାଣାଇଁ ଖେଚେସି, “ନାନୁ ଜୀହୁଦି ଲକ୍ଷୁତି ରାଜାତି ?”

ଜୀସୁ ଏଲେଇଚେସି, “ନାନୁତ ଏଲେ ଇଞ୍ଜିମାଞ୍ଜି ।” ୧୨ ସାମା କାଜା ପୂଜେରାଜା ଇଞ୍ଜା ଲକ୍ଷୁତି କାଜାରି ଏଞ୍ଜାଣି କପାଟି ଖେସାଲିଏ, ଜୀସୁ ଏନାଆଁ ଇନାଆତେସି ।

୧୩ ଏଚେଟିଏ ପିଲାତ ଏଞ୍ଜାଣାଇଁ ଏଲେଇଚେସି, “ଈଞ୍ଜାରି ନୀ କପାଟି ହାରେକା କାତା ଖେସିମାନେରି, ଏନାଆଁ ଖେଞ୍ଜି ହିଲଅତି କି ?”

୧୪ ସାମା ଏଞ୍ଜାସି ର କାତା ଜିକେଏ ଏଞ୍ଜାଣାଇଁ ଜଲ୍ଲାଆତେସି, ଏମାଟିଏ ସାଲୁଣି କିନାସି ହାରେକା କାବା ଆତେସି ।

ଜୀସୁତି ହାନି ତଣ୍ଡ

(ମାର୍କ ୧୫:୬-୧୫; ଲୁକ ୨୩:୧୩-୨୫; ଜହ ୧୮:୩୯; ୧୯:୧୬)

୧୫ ପିସିପିଆନି ପାରୁଁ ବେଲାତା ଲକ୍ଷୁ, ଆମିନି କାୟିଦିତା ଇଟାମାନାରାଇଁ ରାସିମାଚେରି ଏଞ୍ଜାଣାଇଁ ପିସାଲି ସାଲୁଣି କିନାଣି ମେରା ମାଚେ । ୧୬ ଏଚିବେଲା ଏଞ୍ଜାରି ଜୀସୁ-ବାରବା ଦରୁଗାଟି ର କାଜା ଖେଜିତି କାୟିଦି ଗାଟାସି ମାଚେସି । ୧୭ ଏନାଆଁତାକି ଏଞ୍ଜାରି ରୁଣ୍ଡା ଆହାମାନି ବେଲାତା ପିଲାତ ଏଞ୍ଜାଣାଇଁ ଖେଚେସି, ନାନୁ ମିଜେତାକି ଆମ୍ବାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି ? ବାରବାଇଁ କି ଆମ୍ବାଆରାଇଁ କ୍ରୀସୁ ଇଞ୍ଜି ମାଞ୍ଜେରି ଏ ଜୀମୁଇଁ ? ୧୮ ଇଚିହଁ ଏଞ୍ଜାରି ଏଞ୍ଜାଣାଇଁ କପାଟି ହେର୍ପା ମାନେରି ଇଞ୍ଜି ପିଲାତ ପୁଞ୍ଜାମାଚେସି ।

୧୯ ଇଞ୍ଜା ପିଲାତ ନୀହାୟି କିନି ଟାମୁତା କୁଗାମାଚାଟି ତାନି ତକ୍ତି ତାନି ତାଣା ଖେସା ପାଣ୍ଡିଚେ, “ଏ ଦାମ୍ବୁଗାଟି ମାଣସିଇଁ ଏନାଆଁ କିଆନି, ଇଚିହଁ ଏଞ୍ଜାଣି ତାକି ନୀଞ୍ଜୁ ଲାଆଁୟାଁ ହାପାନାତା ହାରେକା କସୁ ଆହାମାଇଁ ।”

୨୦ ସାମା କାଜା ପୂଜେରାଜା ଅଡେ ଲକ୍ଷୁତି କାଜାରି, ବାରବାଇଁ ରାସାଲି ଇଞ୍ଜା ଜୀମୁଇଁ ନାସା କିହାଲି ଲକ୍ଷୁଣି ଜୀପୁହେରି । ୨୧ ସାମା ପିଲାତ ଏଞ୍ଜାଣାଇଁ ଏଲେଇଚେସି, “ନାନୁ ଈ ରିଆରି ବିତ୍ରାଟି ଆମ୍ବାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି ?”

ଏଞ୍ଜାରି ଏଲେଇଚେରି, “ବାରବାଇଁ ।”

୨୨ ପିଲାତ ଏଞ୍ଜାଣାଇଁ ଖେଚେସି, ଆଚିହଁ ଆମ୍ବାଆରାଇଁ କ୍ରୀସୁ ଇନେରି ଏ ଜୀମୁଇଁ ନାନୁ ଏନାଆଁ କିଇଁ ?

ଏଞ୍ଜାରି ବାରେଜାଣା ଏଲେଇଚେରି, “ଏଞ୍ଜାଣାଇଁ ପାସି ମୁଣ୍ଡାତା ଏକଦୁ ।”

୨୩ ସାମା ପିଲାତ ଖେଚେସି, “ଏନାଆଁତାକି, ଏଞ୍ଜାସି ଏନି ଦହ କିହାମାନେସି ?”

ସାମା ଏଞ୍ଜାରି ହାରେକା କାଲୁଣି ଆହଁ ଏଲେଇଚେରି, “ଏଞ୍ଜାଣାଇଁ ପାସି ମୁଣ୍ଡାତା ଏକଦୁ ।”

୨୪ ଏଚିବେଲା ପିଲାତ ଏନାଆଁ କିହାଲି ଆଡ଼ିହିଲଅସି, ଇଞ୍ଜା ହାରେକା ଗଡ଼ହା ଆହିମାନାଣି ମେସାନା, ଏଚିବେଲା ଲକ୍ଷୁ ନକିତା ଏରୁ ଅହାନା କେସ୍ତା ନରୁହାଁ ଏଲେଇଚେସି, “ଈଞ୍ଜାଣି ପାୟିନି ତାଣା ନା ଦହ ହିଲେଏ, ମୀରୁ ଏନାଆଁ ପୁଞ୍ଜୁ ।”

୨୫ ଏମାଟିଏ ବାରେ ଲକ୍ଷୁ ଏଲେଇଚେରି, “ଏଞ୍ଜାଣି ନେତେରିତି ତଣ୍ଡ ମା ଲାକ ଇଞ୍ଜା ମା ମୀରକା ମୁହେଁ ଖାପେ ।”

୨୬ ଏମାଟିଏ ପିଲାତ ଏଞ୍ଜାଣାଇଁ ବାରବାଇଁ ପିସା ହାତେସି, ଇଞ୍ଜା ଜୀମୁଇଁ ସାଟୁଣି ଖେଚାନା ପାସି ମୁଣ୍ଡାତା ଏକହାଲି ହେର୍ପିଚେସି ।

କସ୍କା ଜୀମୁଇଁ ନିୟାକିହଁ କାକନାୟି

(ମାର୍କ ୧୫:୧୬-୨୦; ଜହ ୧୯:୨-୩)

୨୭ ଏମାଟିଏ ସାଲୁଣି କିନାଣି କସ୍କା ଜୀମୁଇଁ ମେଡ଼ା ଇଲୁ ବିତ୍ରା ଅହାନା ବାରେ କସ୍କା ଏଞ୍ଜାଣି ନକିତା କୃତା ଆତେରି । ୨୮ ଇଞ୍ଜା ଏଞ୍ଜାରି ଏଞ୍ଜାଣି ହିମ୍ବରି ହୁକହାନା ଏଞ୍ଜାଣାଇଁ ହେୟାଁ ଖାଣାଗାଟି ହିମ୍ବରି ହୁଚିକିଚେରି, ୨୯ ଇଞ୍ଜା ହାପକା ଚଡ଼ପରି ଆଲାନା ଏଞ୍ଜାଣି ତାୟଁ ତୁ ଇଚିଚେରି ଅଡେ ଏଞ୍ଜାଣି ଚିଫନି କେୟୁତା ର ବାଡ଼ତା ଆସିପି କିଚେରି, ଇଞ୍ଜା ଏଞ୍ଜାଣି ନକିତା ମେଣ୍ଡା କୁଚିହଁ “ଏ ଜୀହୁଦି ଲକ୍ଷୁତି ରାଜା ଜହରା” ଇଞ୍ଜି ଲାଜାକିହଁ କାକହେରି । ୩୦ ଅଡେ ଏଞ୍ଜାଣିଲାକ ହୁପିଚେରି, ଅଡେ ଏ ବାଡ଼ତା ଆସାନା ଏଞ୍ଜାଣି ତାୟଁ ତୁ ଖେଚେରି । ୩୧ ଅଡେ ଏଞ୍ଜାରି ଏଞ୍ଜାଣାଇଁ ଲାଜାକିହଁ କାକହି ତାୟଁ, ଏ ହିମ୍ବରି ହୁକହା ଅହାନା ତାନି ହିମ୍ବରି ହୁଚିକିଚେରି, ଇଞ୍ଜା ଏଞ୍ଜାଣାଇଁ ପାସି ମୁଣ୍ଡାତା ଏକହାଲି ଅଡେରି ।

ଜୀବୁ ପାସି ମୁଣ୍ଡାତା

(ମାର୍କ ୧୫:୨୧-୩୨; ଲୁକ ୨୩:୨୬-୪୩; ଜହ ୧୯:୧୭-୨୭)

୩୨ ଏଞ୍ଜାରି ହାଜିମାଗାଟି ସିମନ ଦରୁଗାଟି ର କୁରିଣି ଦେସାତି ଲକ୍ଷ୍ମୀ ମେସାନା ଜୀବୁତି ପାସିମୁଣ୍ଡା ତେକାଲି ଏଞ୍ଜାଣାଇଁ ବାଲାମାତମି କିତେରି । ୩୩ ଇଞ୍ଜା ଏଞ୍ଜାରି ଗଲଗତା ଇନି ଟାୟୁତା ଇତିହୁଁ ଏମିନାଣି ଡାୟୁଁ ରୁଁପା ଇନେରି ଏମ୍ପାଆଁ ଅଡେରି । ୩୪ ଏମ୍ପାଆଁ ଏଞ୍ଜାରି ଏଞ୍ଜାଣାକି କାମେଲି ଏୟୁ ଆବୁହି ଅକ୍ସୁରି ରାସା ଗସାଲି ହାତେରି, ସାମା ଏଞ୍ଜାସି ଏଞ୍ଜାଆଁ ଖାଣ୍ଡାନା ଗସାଲି ମନ କିଆତେସି ।

୩୫ ଡାୟୁ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା ଏକହାନା ତାନି ହିମ୍ବୁରିକା ପାଦି କିହାନା ତାନି ବିତ୍ତା ବାଟି କିହା ଅଡେରି, ୩୬ ଇଞ୍ଜା ଏମ୍ପାଆଁ କୁଗାନା ଏଞ୍ଜାଣାଇଁ କାଟିମାତେରି । ୩୭ ଇଞ୍ଜା ଏଞ୍ଜାରି ଏଞ୍ଜାଣି ଡାୟୁଁ ଲାକଟି ଇଲେଇଞ୍ଜୁଁ ରାଟାନା ଲେତେରି, “ଇଞ୍ଜାସି ଜୀହୁଦି ଲକ୍ଷ୍ମୀତି ରାଜା ଜୀବୁ ।” ୩୮ ଏତିବେଲା ତାନି ଚିନ୍ତନିଞ୍ଜାକି ରଅସି ଇଞ୍ଜା ତାନି ଚେଟ୍ଟିଞ୍ଜାକି ରଅସି ଇଲେକିହୁଁ ରା ସରକାଣି ତାନିତଲେ ପାସି ମୁଣ୍ଡାତା ଏକହେରି ।

୩୯ ଇଞ୍ଜା ଏ ଜିରୁଟି ହାଜିମାନି ଲକ୍ଷ୍ମୀ ତାନି ଡାକ୍ତା ଗୁଟକିକିହୁଁ ଏଞ୍ଜାଣାଇଁ ନିହାକିହୁଁ ଏଲେଇତେରି, ୪୦ “ଆଡେ ମାହାପୁରୁ ଇଲୁ ଡିକନାତି ଇଞ୍ଜା ତାନି ଦିନାଟିଏ ଏଦାଆଁ ଖେଣ୍ଡେ କେପିନାତି, ନୀନୁ ମାହାପୁରୁ ମାର୍‌ଏଣାତି ଇତିହୁଁ, ନୀନୁ ନିଜେ ଗେଲ୍‌ପା କତାନା ପାସି ମୁଣ୍ଡାଟି ରେଟା ଖାମୁ ।”

୪୧ କାଜା ପୁଜେରାଜା ଜିକେଏ ଏଲେକିହୁଁ ଏ ମେରାପୁନାରି ଇଞ୍ଜା ଲକ୍ଷ୍ମୀତି କାଜାରି ତଲେ କିଜଞ୍ଜିକିହୁଁ କାକିହୁଁ ଏଲେଇତେରି, ୪୨ “ଏଞ୍ଜାସି ଏଟକା ଲକ୍ଷ୍ମୀ ପିସି କିତେସି ତାଜେ ଗେଲ୍‌ପାଲି ଆଡିହିଲଅସି । ଏଞ୍ଜାସିତ ଇସାୟେଲତି ରାଜା, ଏଞ୍ଜାସି ଦେବୁଣିଏ ପାସି ମୁଣ୍ଡାଟି ରେଟା ଖାଡେପସି, ଆଡିହିଲୁଁ ମାର ଏଞ୍ଜାଣି ତାଣା ନାନିନ । ୪୩ ଏଞ୍ଜାସି ମାହାପୁରୁ ତାଣା ନାମା ମାନେସି; ମାହାପୁରୁ ଏଞ୍ଜାଣାଇଁ ଜୀବୁ ନହାଁ ମାନେସି, ଆଡିହିଲୁଁ ଏ ଦେବୁଣିଏ ଏଞ୍ଜାଣାଇଁ ଗେଲ୍‌ପାପେସି, ଏଞ୍ଜାସି ଖେସାମାତେସି ନୀନୁ ମାହାପୁରୁ ମାର୍‌ଏଣାତେସି ।”

୪୪ ଇଞ୍ଜା ଆମିନି ସରକା ତାନିତଲେ ପାସି ମୁଣ୍ଡାତା ଏକହା ମାତେରି, ଏଞ୍ଜାରି ଜିକେଏ ଏଲେକି ନିହା କିହାଲି ମାଟୁହେରି ।

ଜୀବୁତି ହାନାସି

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହ ୧୯:୨୮-୩୦)

୪୫ ଡାୟୁ ବାର ଗଟାଟିଏ ତାନି ଗଟା ପାତେକା ଦେସା ବାରେ ଆଦେରି ଆହାହାତେ । ୪୬ ମିଡୁଅଲା ତାନି ଗଟା ବେଲାତା ଜୀବୁ କାଜା ଗିୟାତଲେ ହାଟାନା ଏଲେଇତେସି, “ଏଲି, ଏଲି, ଲାମା ସାବକ୍‌ତାନି ?” ଇତିହୁଁ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଜେ ଏନାଆଁତାକି ପିସାଡି ?”

୪୭ ଇ ହାଡା ଖେଞ୍ଜାନା ଦାରିତା ନିଟାମାଟି ଲକ୍ଷ୍ମୀ ଏଲେଇତେରି, “ଇଞ୍ଜାସି ଏଲିୟଇଁ ହାଟି ମାନେସି ।” ୪୮ ଅଡେ ଏ ଦେବୁଣିଏ ରଅସି ଏଞ୍ଜାରି ବିତ୍ତାଟି ହଟିହୁଁ ହାଜାନା ର ତ୍ରାଃଆଲି ପୁଲା ଅକ୍ସୁରି ରାସାତା ମୁସାନା ଏଦାଆଁ ର ବାଡ଼ଗାତା ଦସାନା ଜୀବୁକି ଗସାଲି ହାତେସି ।

୪୯ ସାମା ଏଟେକା ଲକ୍ଷ୍ମୀ ଏଲେଇତେରି, “ହେଣ୍ଡୁ, ଏଲିୟ ଇଞ୍ଜାଣାଇଁ ଗେଲ୍‌ପାଲି ଖାଡିମାନେସି କି ଆଏ ସିନିକିନ ।”

୫୦ ସାମା ଜୀବୁ ଅଡେ ଖେଣ୍ଡେ କାଜା ଗିୟାତଲେ ହାଟାନା ହାତେସି ।

୫୧ ଇଞ୍ଜା ମେହୁଦୁ ମାହାପୁରୁ ଇଲୁତା ଲେଟାମାନି ହିମ୍ବୁରି ଲାକଟିଏ ଡୁଇ ପାତେକା ଗେଞ୍ଜାନା ରା ବାଟା ଆଡେ, ଇଞ୍ଜା ବୁମି ବାରେ ଖାଡିତେ ଅଡେ ଖାଲ୍‌କା ଅୟାହାତୁ, ୫୨ ଇଞ୍ଜା ମାଡୁହା ମୁହନି ଟାୟା ବାରେ ଦେପିଆତୁ, ଅଡେ ହାହାମାଟି ହାରେକା ସୁଦୁ ଲକ୍ଷ୍ମୀତି ଆଜା ମାଡୁହା ମୁହନି ଟାୟାଟି ନିଜାମା ଖାଡେରି, ୫୩ ଇଞ୍ଜା ଜୀବୁ ଖେଣ୍ଡେ ନିଜିତି ଡାୟୁ ଏଞ୍ଜାରି ମାଡୁହା ମୁହନି ଟାୟାଟି ହଟାନା ସୁଦୁ ଗାଡ଼ାତା ହାଜାନା ହାରେକା ଜାଣାତି ତଞ୍ଜାଆଡେରି ।

୫୪ ପାସାକଡି କସକା ମୁହେଁ କାଜାସି ଇଞ୍ଜା ତାନିତଲେ ଜୀବୁଇଁ କାଟାମାଗାରି, ଏଞ୍ଜାରି ବୁମି ଖାଡିତାଣି ଅଡେ ଏମ୍ପାଆଁ ଗଟିଞ୍ଜି ଆଡାଣି ମେସାନା ହାରେକା ଆଜାନା ଏଲେଇତେରି, “ସାତେଏ ଇଞ୍ଜାସି ମାହାପୁରୁ ମାର୍‌ଏସି ମାତେସି !”

୫୫ ଅଡେ ହାରେକା ଇୟାସିକା ଜିକେଏ ଏମ୍ପାଆଁ ମାଞ୍ଜାନା ହେକଟି ସିନିକିହିମାତୁ; ଏଞ୍ଜି ଜୀବୁତି ସେବା କିହୁଁ ଗାଲିଲିଟି ଏଞ୍ଜାଣିତଲେ ଖାହାମାତୁ; ୫୬ ଏଞ୍ଜାସିକା ବିତ୍ତାଟି ମଗଦଲିନି ମରିୟମ, ଜାକ୍ସୁବ ଅଡେ ଜସେପ ତାନି ଇୟା ମରିୟମ, ଅଡେ ଜେବଦି ତାନି ଇୟା ମାତୁ ।

☆ ୨୭:୪୦ ୨୭:୪୦ ମାତୃ ୨୭:୨୧; ଜହ ୨:୧୯

ଜୀସୁଇଁ ମୁହନାୟି

(ମାର୍କ ୧୫:୩୩-୪୧; ଲୁକ ୨୩:୫୦-୫୬; ଜହ ୧୯:୨୮-୪୨)

୫୭ ଖେଡ଼ା ହାଜିମାଗାଟି ହାରାମାତିୟା ଜସେପ ଦରୁଗାଟି ହାରାମାତିୟାତି ର ଦନ ଗାଗାସି ଖାଡ଼ତେସି, ଏଝାସି ଜିକେଏ ଜୀସୁତି ର ସୀସୁ ଆହାମାରେସି । ୫୮ ଏଝାସି ପିଲାତ ତାଣା ହାଜାନା ଜୀସୁତି ଆଜା ରୀସ୍ତେସି, ପିଲାତ ଜୀସୁତି ମାଡ଼ହା ଏଝାଣାକି ହେରପାଲି ହୁକୁମି ହୀତେସି । ୫୯ ଜସେପ ମାଡ଼ହା ଆଜାତି ଅହାନା ନେହଁ ପୁଃନି ପାଡ଼ାଡ଼ା ଦବଲା ହିମ୍ବୁରି ରୁପିତେସି, ୬୦ ଇଞ୍ଜା ତାନୁ ତାଜେତାକି ହରୁତା କାରୁଝି କିହାମାନି ମାଡ଼ହା ମୁହନି ପୁଃନି ଚାୟୁତା ମାଡ଼ହାତି ଇତିତେସି, ଇଞ୍ଜା ମାଡ଼ହାତି ମୁହନି ଚାୟୁତି ଦୁଝେରିତା ର କାଜା ଖାଲି ପୁକହାନା ହାଜାଡ଼ୁସ୍ତେସି । ୬୧ ମଗଦଲିନି ମରିୟମ ଅଡ଼େ ଏଟକାତି ମରିୟମ ଏ ମାଡ଼ହା ମୁହନି ଚାୟୁତା କୁଗା ତ୍ୱୟିତୁ ।

ମାହଣି ମାଣ୍ଡାତା କସ୍ତକା

୬୭ ତାନି ଅର ଦିନା, ଇତିହଁ ତିୟାରା ଆନି ଦିନାତି ତାୟୁତି ଦିନା କାଜା ପୂଜେରାଜା ଅଡ଼େ ପାରୁସିୟାଁ ପିଲାତ ତାଣା ରୁଣ୍ଡା ଆହାନା ଏଲେଇଚେରି, ୬୮ ବାବୁ, ଏ ନାଡ଼ି କିନାସି ଜୀସୁତା ମାଗାଟି, ‘ନାନୁ ତାନି ଦିନାଟିଏ ଝେଣ୍ଡେ ନିଜିଇଁ ଇଞ୍ଜାଁ ଝେସାମାଗାଣି ନୀର୍ଏ ମାମୁ ଅଣ୍ଡପିମାନମି । ୬୯ ଏଦାଆଁତାକି ତାନିଦିନା ପାତେକା ଏ ମାଡ଼ହା ମୁହନି ଚାୟୁତା କାଚାଲି ତାକି ହୁକୁମି ହୀମ୍ବୁ, ଆଆତଁ ତାନି ସୀସୁୟାଁ ଖାହାନା ମାଡ଼ହାତି ତଂଗା ଆହାଁ ଏଝାସି ହାକିଟି ନିଜାମାନେସି ଇଞ୍ଜାଁ ଲକୁଣି ଝେହନେରି; ଆତିହଁ ତଲି ନାଡ଼ି କିତାଣି କିହାଁ ତାୟୁତି ନାଡ଼ିକିନାୟି ହାରେକା ଆଗାଡ଼ା ଆନେ ।”

୬୫ ପିଲାତ ଏଝାରାଇଁ ଏଲେଇଚେସି, “ମୀ କାଃଆନାରି ମାନେରି, ମୀରୁ ହାଜାନା ଆଡ଼ିନି ପାତେକା କାଃଆଦୁ ।”

୬୬ ଏଦାଆଁତାକି ଏଝାରି ହାଜାନା କାଃଆନାରି ତଲେ ଏ ଝାଲି ଗୁତା ଆଆପେଝା ଇଞ୍ଜାଁ ଝାଲିତି ଜାଣି କିହଁ ସୀଲି ଝେଚାନା ମାଡ଼ହା ମୁହନି ଚାୟୁତା କାଃନାରାଇଁ କାପି କିତେରି ।

୨୮

ଜୀସୁ ଝେଣ୍ଡେ ନିଜିନାୟି

(ମାର୍କ ୧୬:୧-୧୦; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାଡ଼ି ତାୟୁ ଖାରାଡ଼ି ତଲିତି ଦିନାତା ଲାଜ ଲାଜସିଏ ମଗଦଲିନି ମରିୟମ ଅଡ଼େ ଏଟକାତି ମରିୟମ ମାଡ଼ହା ମୁହନି ଚାୟୁତି ସିନିକିହାଲି ହାରୁ । ୨ ଅଡ଼େ ମେହଦୁ ଏ ଦେବୁଣିଏ ରୁମି ଖାଡ଼ିତେ, ଇତିହଁ ମାହାପୁରୁତି ର ଦୁତୁ ଲାକପୁରୁତି ରେଚାଝାହାନା ଏ ଝାଲିତି ଗୁଟି କିହାନା ଏଦାଣି ଲାକ କୁଗିତେସି । ୩ ତାନି ଖାଣା ମିଶସିମାନି ହାଗୁଲେହେଁ ମାତେ ଅଡ଼େ ତାନି ହିମ୍ବୁରି ପେଣ୍ଡିଲେହେଁ ଦବଲା ମାତେ । ୪ ଇଞ୍ଜାଁ କାଃଆନାରି ଆଜିତାକି ତୀରୁଗିହଁ ହାଡ଼ିଲେହେଁ ଆଡ଼େରି ।

୫ ସାମା ଦୁତୁ ଇୟାସିକାଣି ଏଲେଇଚେସି, “ମୀରୁ ଆଜାଆଦୁ, ଇତିହଁ ମୀରୁ ପାସି ମୁଣ୍ଡାତା ହାଡ଼ି ଜୀସୁଇଁ ପାରିମାଞ୍ଜେରି, ଏଦାଆଁ ନାନୁ ପୁଞ୍ଜିମାଇଁ ।” ୬ ଏଝାସି ଇମ୍ବାଆଁ ହିଲଅସି; ଇତିହଁ ଏଝାସି ଏନିକଁ ଝେସାମାରେସି, ଏଲେଇହଁ ଏ ନିଜାମାନେସି, ଖାଦୁ ଏଝାସି ଆମିନି ଚାୟୁତା ତୁରାମାରେସି ଏ ଚାୟୁତି ସିନିକିଦୁ । ୭ ଅଡ଼େ ମୀରୁ ତବେ ହାଜାନା ତାନି ସୀସୁୟାଁଣି ଝେହଦୁ, ଏଝାସି ହାଡ଼ାରି ତାଣାଟି ନିଜାମାନେସି, ଅଡ଼େ ମେହଦୁ ଏଝାସି ମୀ ନକି ନକିତା ଗାଲିଲିତା ହାଜିମାନେସି, ଏମ୍ବାଆଁ ମୀରୁ ଏଝାଣାଇଁ ମେହଦେରି; ନାନୁ ଝେସ୍ତାତାଣି ଅଣ୍ଡପାଦୁ ।

୮ ଏମ୍ବାଟିଏ ଆଜି ଅଡ଼େ ରାହାଁଟି ମାହଣି ମାଣ୍ଡାଟି ତବେ ହାଜାନା ତାନି ସୀସୁୟାଁଣି ଝେସାଲି ଦାବଡ଼ି ହରୁ ।

୯ ଅଡ଼େ ମେହଦୁ ଜୀସୁ ଏଝାସିକାଣି ବେଟାଆହାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ” ଏମ୍ବାଟିଏ ଏଡ଼ି ତାଗେ ଖାହାନା ଏଝାଣି କତାୟାଁ ଆସାନା ଏଝାଣାଇଁ ଜହରା କିତୁ । ୧୦ ଏଚେଟିଏ ଜୀସୁ ଏଝାସିକାଣି ଏଲେଇଚେସି, “ଆଜାଆଦୁ, ମୀରୁ ହାଜାନା ନା ତାୟିୟାଁଇଁ ଝେହଦୁ, ଏଝାରି ଗାଲିଲିତା ହାଲାପେରି; ଏମ୍ବାଆଁ ଏଝାରି ନାଜେ ମେସ୍ତାନେରି ।”

ମାହଣି ମାଣ୍ଡା କାଃଆନାରି

୫୭:୨୩ ୨୭:୨୩ ମାତି ୧୭:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

^{୧୧} ଆୟାସିକା ହାଜିମାଚାଟି, କାପୁ କାଚାମାଟି କସ୍କା ବିଭ୍ରାଟି ଏରରଜାଣା ଗାଡ଼ାତା ହାଜାନା ଏ ବାରେ ଗଟ୍ଟି ଆଡ଼ାଣି କାଜା ପୂଜେରାଜାଣି ଖେସ୍ତେରି । ^{୧୨} ଏଞ୍ଜରି ଲକ୍ଷ୍ମି କାଜାରି ତଲେ ରୁଣ୍ଡା ଆହାନା ଅଶ୍ପିହିଁ କାତା ଚାରିକିତି ତାମୁ, ଏ କସ୍କାକି ହାରେକା ଟାକାୟାଁ ହାହାନା ଏଲେଇଚେରି, ^{୧୩} “ମୀରୁ ଏଲେଇଞ୍ଜୁ, ମାମୁ ତୁରାମାଟି ବେଲତା ତାମି ସୀସୁୟାଁ ଲାଆଁୟାଁ ଖାହାନା ଏଞ୍ଜାଣାଇଁ ସରୁ ଆହାନା ଅଡେରି । ^{୧୪} ଅଡେ ଇ କାତା ସାଲଞ୍ଜି କିନାଣି କିୟୁଁ ତୁ ହାଟିହିଁ, ମାମୁ ଏଞ୍ଜାଣାଇଁ ନେହିଁ କିଁ ଖେସାନା ମୀ ଅଶ୍ପୁଟି ପିସ୍ପି କିୟାନମି ।”

^{୧୫} ଏଞ୍ଜରି ଟାକାୟାଁ ଅହାନା ଏନିକିଁ ହୁକୁମି ବେଟାଆହା ମାଚେରି, ଏଲେକିହିଁ କିଚେରି । ଏଦାଆଁତାକି ଇ କାତା ଜୀହୁଦି ଲକ୍ଷ୍ମିତାଣା ଖେଜା ହାଜାନା ନୀର୍ବ ପାତେକା ମାନେ ।

ଜୀସୁ ତାନି ସୀସୁୟାଁଇଁ ତଞ୍ଜା ଆନାୟି

(ମାର୍କ ୧୪:୩-୯; ଜହ ୧୨:୧-୮)

^{୧୬} ଯାମା ଏଗାର ଜାଣା ସୀସୁୟାଁ ଗାଲିଲିତା ହାଜାନା, ଜୀସୁ ଆମିନି ହରୁ କାତା ଏଞ୍ଜରାଇଁ ଖେସାମାଚେସି, ଏ ହରୁତା ହାଚେରି । ^{୧୭} ଅଡେ ଏଞ୍ଜରି ଏଞ୍ଜାଣାଇଁ ମେସାନା ଜହରା କିଚେରି, ସାମା ଆମ୍ବା ଆମ୍ବାଆରି ନାମାଆଚେରି । ^{୧୮} ଇଞ୍ଜା ଜୀସୁ ଏଞ୍ଜରି ତାଗେ ଖାହାନା ଏଲେଇଚେସି, “ଲକପୂରୁ ଅଡେ ଦାଟ୍ଟିତି ଅଦିକାରା ନାଜେ ମେଡ଼ା ଆହାମାଞ୍ଜାନେ । ^{୧୯} ଏଦାଆଁତାକି ମୀରୁ ହାଜାନା ବାରେ କୃତାତି ଲକ୍ଷ୍ମି ଆଦା, ମୀରୁଏସି ଅଡେ ସୁଦୁଜୀସୁ ଦରୁଟି ବାପ୍ତିସ୍ମ* ହାହାନା, ^{୨୦} ନାନୁ ମିଜେ ହାହାମାଞ୍ଜାନି ହୁକୁମି ବାରେ ମାନଞ୍ଜି ଆହାଲି ଜାପୁହାନା ଏଞ୍ଜରାଇଁ ନା ସୀସୁୟାଁ କିଦୁ; ମେହୁଦୁ ଜୁଗୁ ରାଦି ପାତେକା ନାନୁ ବାରେବେଲା ମୀ ତଲେ ମାଞ୍ଜେ ମାଞ୍ଜାଇଁ ।”

ମାର୍ଚ୍ଚ ଲିଖିତ ସୁସମାଚାର ମାର୍ଚ୍ଚ ରାଚାମାନି ନେହଁ କାବୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀଝୁ ଅଡ଼େ ଈ ଦାବୁଡିତା ମାତି ତାନି କାତା ମାର୍ଚ୍ଚ ରାଚାମାନି ନେହଁ କାବୁ: ପୁଃନି ଫେରାତି ସାରିଗଟା ନେହଁ କାବୁ ପତିୟାଁ ବିତ୍ରାତି ଈଦି ଆହ୍ମିମାନେ ର ପତି । ଏ ବାରେ ନେହଁ କାବୁ ଇନେରି । ଏ ପତିୟାଁ ଜୀସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍ଚ୍ଚ, ଲୁକ ଅଡ଼େ ଜହନ ରାଚାମାଚେରି । ମାର୍ଚ୍ଚ ରାଚାମାନି ନେହଁ କାବୁ ସାରିଗଟା ନେହଁ କାବୁ ବିତ୍ରାତି ବାରେଡି କିହାଁ ସଚୁ କାବୁ । ଈ ନେହଁ କାବୁ ବାରେ କିହାଁ ନଚେଏ ଇତିହଁ ଜୀସୁ ଜାର୍ନାଆଡ଼ି ତାୟୁ ୬୫-୭୦ ବାର୍ଯା ବିତ୍ରା ରାସ୍ତି ଆହ୍ମାମାନେ ଇଞ୍ଜି ବାଇବଲ ପୁତି ବୁଦିଗାଟାରି ଏଲେଇଞ୍ଜିମାନେରି । ରମ୍ ଗାଡ଼ାତା ମାତି କ୍ରୀସ୍ତାନା ଲକୁଣି ରାହାଁ କିହାଲିତାକି ଈ ପତି ରମ୍ ଗାଡ଼ାତା ରାଚାମାଚେସି ।

ମାର୍ଚ୍ଚ ଅର ଦରୁ ଜହନ ମାର୍ଚ୍ଚ, ଏଞ୍ଜାସି ପାଝୁଲ ଅଡ଼େ ବର୍ନବା ତଟେ ମାଚେସି । ସାମା ଏଞ୍ଜାସି ସେବା କାମାତାକି ହାଲାଆଲିଏ ଏଞ୍ଜାଣି ମନ ଉଣା ଆହ୍ମାମାଚେ କାମା ୧୩:୧୩ । ମାର୍ଚ୍ଚ ଅଡ଼େ ଝେଣ୍ଡେ ବର୍ନବା ତଲେ ସେବା କାମାତା ହାଚେସି କାମା ୧୫:୩୭-୩୯ । ମାର୍ଚ୍ଚ ପିତରତି ନେହଁ କାବୁ ମାଚେସି ୧ପିତ ୫:୧୩ । ମାର୍ଚ୍ଚ ଜୀସୁ କ୍ରୀସ୍ତତି ଜୀଝୁତି କାତା କି ସେବା କାମାତି ମେସା ହିଲାଆଚେସି, ବୁଦିଗାଟାରି ନାମିମାନେରି ମାର୍ଚ୍ଚ ରାଚାମାନି ନେହଁ କାବୁତା ପିତରତି କାତା ହାଚେକା ରାଚାମାନେସି । ମାର୍ଚ୍ଚ ସାୟୁୟାତି କାମା ଇଞ୍ଜା ଜୀସୁ ରାନ୍ତି ଦିନାତି କାତା ଜାପୁନାଣି ରାଚାମାନେସି ।

ପତିତା ମାନାସି

- ୧. ମାର୍ଚ୍ଚ ପତିତି ମୂଲୁ ହାଡ଼ା । ୧:୧-୧୩
- ୨. ଗାଲିଲିତା ଜୀସୁ କ୍ରୀସ୍ତତି ସେବା କାମା । ୧:୧୪-୮:୨୧
- ୩. ଜୀସୁ କ୍ରୀସ୍ତ ଜିରୁସାଲମାତା ହାନାସି । ୮:୨୨-୧୦:୫୨
- ୪. ଜିରୁସାଲମାତି କାତା, ଜୀସୁ କ୍ରୀସ୍ତ ହାଡ଼ି କାତା ଅଡ଼େ ଝେଣ୍ଡେ ନିଜିନି କାତା ରାଚାନା ରାପୁନାସି । ୧୧:୧-୧୬:୨୦

ବାପ୍ତିସ୍ମା* ହାନି ଜହନ ଝେକ୍ନାସି
(ମାତି ୩:୧-୧୨; ଲୁକ ୩:୧-୧୮; ଜହ ୧:୧୯-୨୮)

୧ ମାହାପୁରୁ ମୀର୍ଏସି ଜୀସୁ କ୍ରୀସ୍ତତି ନେହଁ କାବୁ ଇଲେକଁ ଆଡେ, ୨ ମାହାପୁରୁ ଅଣ୍ଡପୁତି ବଲୁ ଝେହ୍ନି ଜିସାୟ ସାପ୍ତେରିତା ଏନିକଁ ରାସ୍ତିକି ଆହ୍ମାମାନେ:

“ମାହାପୁରୁ ଏଲେଇଞ୍ଜି ମାନେସି, ମେହ୍ମୁ ନାନୁ ନା କାବୁ ଝେହ୍ନନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଞ୍ଜାସି ନିଜେତାକି ଜିରୁ ତିୟାରା କିନେସି;

୩ ଲକୁ ହିଲାଆ ଗାୟୁତା ରଅଣି ହାଡ଼ା ଝେକ୍ନିମାନେ,
ପ୍ରବୁତି ଜିରୁ ତିୟାରା କିଦୁ,
ଏଞ୍ଜାସି ତାକାଲି ତାକି ଜିରୁ ତିୟି କିଦୁ ।”

୪ ଏମ୍ବାଟିଏ ବାପ୍ତିସ୍ମା† ହାନି ଜହନ ଲକୁ ହିଲାଆ ଗାୟୁତା ଝାହାନା ବଲୁ ଝେକ୍ହେସି, ଅଡ଼େ ବାପ୍ତିସ୍ମା‡ ହାହାନା ଏଲେଇଚେସି, “ଜାହାଗା ପାପୁଡ଼ି ପିସ୍ପି ଆୟାଲିତାକି ମନ ଝେହ୍ନାନା ବାପ୍ତିସ୍ମା§ ଅଦୁ, ଆତିହଁ ମାହାପୁରୁ ମୀ ପାପୁ ମ୍ଲେକ୍ହାନେସି ।” * ଏମ୍ବାଟିଏ ଜୀହୁଦା ଦେସା ଇଞ୍ଜା ଜିରୁସାଲମା ଗାଡ଼ାତି ବାରେ ଲକୁ ତାନି ତାଣା ଝାହାଲି ମାଟ୍ହେରି, ଇଞ୍ଜା ତାମ୍ ତାନି କିତି ପାପୁତି ଝେସାନା ଏଞ୍ଜାଣି ତାଣାଟି ଜର୍ଦନ କାତାତା ବାପ୍ତିସ୍ମା* ଅଡେରି ।

୬ ଜହନ ଉଚୁ ବାଣାୟାଁ ତଲେ କେପିତି ହିମ୍ବିକା ତୁରୁହିମାଚେସି, ଅଡ଼େ ଚେତେଲିତା ର ତଲୁଡ଼ି ବୁଡ଼ପା ମାଡ଼ା କିହାଁ ଦସା କଡ଼ିଚେସି, ଗପ୍ଏରିକା ଅଡ଼େ ଜାଡ଼ାତି କ୍ରିୟାଁ ଏଞ୍ଜାଣି କାଡ଼ି ମାଚେ । ୭ ଜହନ ଏଲେଇଞ୍ଜି

* ୧: ୧:୧ ମୁଞ୍ଜିନାସି † ୧:୪ ୧:୪ ମୁଞ୍ଜିନାସି ‡ ୧:୪ ୧:୪ ମୁଞ୍ଜିନାସି § ୧:୪ ୧:୪ ମୁଞ୍ଜିନାସି * ୧:୫ ୧:୫ ମୁଞ୍ଜିନାସି

ଝେକହାଲି ମାଟୁହେସି, “ଆମ୍ବାଆସି ନା କିହାଁ ହାରେକା ବାଡ଼ୁୟୁ ଗାଗସି ଏଝାସି ନା ତାୟୁ ଖାହିମାନେସି; ନାନୁ ମେଣ୍ଡାକୂତାନା ଏଝାଣି ସେପୁୟାଁତି ଡ଼କା ଜିକେଏ ହୁକହାଲି ପାଡ଼ାଆଅଁ । ୮ ନାନୁ ମିଜେ ଏୟୁତଲେ ବାପ୍ପିସ୍ତାଁ ହାହିମାଞ୍ଜାଇଁ, ସାମା ଏଝାସି ମିଜେ ସୁଦୁଜାସୁ ତଲେ ବାପ୍ପିସ୍ତାଁ ହିୟାନେସି ।”

ଜୀସୁ ବାପ୍ପିସ୍ତାଁ ଅନାୟି ଇଞ୍ଜା ତାୟିପାରି କିଞ୍ଚି ଆନାୟି
(ମାତି ୩:୧୩; ୪:୧-୧୧; ଲୁକ ୩:୨୧-୨୨; ୪:୧-୧୩)

୯ ଏରିବେଲାତା ଜୀସୁ ଗାଲିଲିତି ନାଜରିତତି ଖାହାନା ଜର୍ଦନ କାତାତା ଜହନ ତାଣାଟି ବାପ୍ପିସ୍ତାଁ ଅଡ଼େସି । ୧୦ ଜୀସୁ ଏୟୁତି ନିଜା ଖାହିମାଗାଟି ଦେବୁଣିଏ ଲାକପୁରୁ ଦେପି ଆଡ଼େ ଇଞ୍ଜା ସୁଦୁଜାସୁ ପାର୍ଝା ପଗାଲେହେ ତାନି ଲାକ ରେଚା ଖାହିମାଗାଣି ମେସ୍ତେସି । ୧୧ *ଅଡ଼େ ଲାକପୁରୁତି ଇ ହାଡ଼ା ଆଡ଼େ, “ନାନୁ ନା ଜୀସୁତି ମାର୍‌ଏଣାତି, ନୀ ତାଡ଼େଏ ନା ହାରେକା ରାହାଁ ମାନେ ।” ୧୨ ଏ ଦେବୁଣିଏ ସୁଦୁଜାସୁ ଏଝାଣାଇଁ ଲକୁ ହିଲାଆ ଚାୟୁତା ଅଡ଼େ, ୧୩ ଜୀସୁ ଲକୁ ହିଲାଆ ଚାୟୁତା ରୀ କଡ଼ି ଦିନା ପାତେକା ଡ଼ୟାନା ସୟତାନ ତାଣାଟି ତାୟିପାରି କିଞ୍ଚିଆଡ଼େସି; ଏଝାସି ଜାଡ଼ାତି ଜନ୍ତ ତଲେ ଡ଼ୟିତେସି, ଇଞ୍ଜା ଲାକପୁରୁତି ଦୁଡ଼ୟାଁ ଖାହାନା ଏଝାଣି ସେବା କିହିମାଟୁ ।

ଜୀସୁ ସାରି ଜାଣା ମୀଣକା ଆହନାରାଇଁ ହାଟିନାୟି
(ମାତି ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନଇଁ କାୟିଦି ଇଲୁତା ଇଗାଲିଏ ଜୀସୁ ଗାଲିଲିତା ଖାଡ଼େସି ଇଞ୍ଜା ମାହାପୁରୁତି ନେହଁ କାବୁ ଝେକହେସି । ୧୫ *କାଲା ଏଜିମାଞ୍ଜାନେ, ଲାକପୁରୁ ରାଜି ଏଗାଝାହିମାନେ, ପାପୁତି ପିସାନା ମନ ଝେଟଦୁ ଇଞ୍ଜା ମାହାପୁରୁତି ନେହଁ କାବୁତି ନାମାଦୁ ।”

୧୬ ଜୀସୁ ଗାଲିଲି ସାମଦୁରି ଗାଟୁଟି ହାଜିମାଗାଟି ସିମନ ଅଡ଼େ ତାନି ତାୟି ଆନ୍ଦିୟଇଁ ସାମଦୁରିତା ମୀଣକା ଜାଲା ମେଡ଼ହ ମାଗାଣି ମେସ୍ତେସି, ଇତିହଁ ଏଝାରି ମୀଣକା ଆହନାରି ମାଚେରି । ୧୭ ଜୀସୁ ଏଝାରାଇଁ ହାଟାନା ଏଲେଇଚେସି, “ନା ଜେଟ ଖାଦୁ ନାନୁ ମିଜେ ଲକୁଣି ଆହନାଣି ଜାପୁହାଇଁ ।” ୧୮ ଏଝାରି ଦେବୁଣିଏ ଜାଲାୟାଁ ପିସାନା ଜୀସୁତି ଜେଟ ହାଚେରି ।

୧୯ ଏଚେଟିଏ ଜୀସୁ ହିରେ ହେକ ହାଜାଲିଏ ଜେବଦି ମୀରକା ଜାକୁବ ଇଞ୍ଜା ତାନି ତାୟି ଜହନଇଁ ଡ଼ଗତା ଜାଲା ମୁଦା କିହିମାଗାଣି ମେସ୍ତେସି । ୨୦ ମେସ୍‌ପନିଏ ଜୀସୁ ଏଝାରାଇଁ ହାଟିତେସି, ଇଞ୍ଜା ଏଝାରି ତାନି ଆଡ଼ା ଜେବଦିଇଁ ହଲିୟାଜା ତଲେ ଡ଼ଗତା ପିସାନା ଜୀସୁ ଜେଟ ହାଚେରି ।

ବୁଡୁ ଆଲଗା ମାଗାସି
(ଲୁକ ୪:୩୧-୩୭)

୨୧ ଜୀସୁ ଅଡ଼େ ତାନି ସାସୁୟାଁ କପରନାହୁମ ଗାଡ଼ାତା ଖାଡ଼େସି, ଇଞ୍ଜା ଅର ନେଟୁ ଜମିନି ଦିନା ମାଗାକି ଜୀସୁ ଜୀହୁଦି ଲକୁତି କୁଟମି ଇଲୁତାଁ ହାଜାନା ଜାପୁହାଲି ମାଟୁହେସି । ୨୨ *ଲକୁ ତାନି ଜାପୁନାଣି ଝେଞ୍ଜାନା କାବା ଆହାହାଚେରି; ଇତିହଁ ଏଝାସି ସାସ୍ତେରି ଝେହନାରି ଲେହେଁ ଜାପୁଆନା ଅଦିକାରା ବେଟାଆହାମାନି ଲେହେଁ ଜାପୁହି ମାଚେସି ।

୨୩ ଜୀସୁ ଜାପୁହି ମାଟିବେଲାତା ଜୀହୁଦି ଲକୁତି କୁଟମି ଇଲୁଟିଃ ର ବୁଡୁ ଆଲଗା ମାଗାସି କାଲଞ୍ଚି ଆହଁ ଏଲେଇଚେସି, ୨୪ “ଏ ନାଜରିତତି ଜୀସୁ ନୀ ତଲେ ମାଜେ ଏନି କାମା ମାନେ, ନାନୁ କି ମାଜେ ନାସା କିହାଲି ଇମ୍ପାଆଁ ଖାହାମାଞ୍ଜି ? ନାନୁ ଆମ୍ବାଆତି ନାନୁ ପୁଞ୍ଜାମାଇଁ; ନାନୁ ମାହାପୁରୁ ତାଣାଟି ଖାହାମାନି ଏ ସୁଦୁ ମାଣ୍ଡିତି ।”

୨୫ ଜୀସୁ ଏଦାନି ଦାକା ହାହାନା ଏଲେଇଚେସି, “ପାଲେଏ ଆମୁ ଇଞ୍ଜା ଇଝାଣି ତାଣାଟି ହଡ଼ାହାଲାମୁ ।”

୨୬ ଏଚେଟିଏ ଏ ପଲ୍ଲଆ ବୁଡୁ ଏଝାଣାଇଁ ମୁଡ଼ମୁଡ଼ା କିହାନା, କାଜା ଗିୟାତଲେ କିରଡ଼ିହଁ ଏଝାଣି ତାଣାଟି ହଡ଼ାହାଚେ । ୨୭ ଏମ୍ବାଟିଏ ବାରେଜାଣା ହାରେକା କାବା ଆଡ଼େରି, ଇଞ୍ଜା ଇଲେକଁ ଜଲୁକି ଆଡ଼େରି, “ଇଦି ଏନିଲେହେଁତାୟି ? ଇଦି ଅଦିକାରା ବେଟାଆହାମାନି ଲେହେଁତି ପୁଞ୍ଜି ଜାପୁନାୟି, ଏଝାସି ପଲ୍ଲଆ ବୁଡୁୟାଁଇଁ ଜିକେଏ ହୁକୁମି ହାହିମାନେସି, ଅଡ଼େ ଏଞ୍ଚି ଏଝାଣି କାତା ଆସିମାଦୁ ।”

† ୧:୮ ୧:୮ ମୁଞ୍ଜିନାୟି ‡ ୧:୮ ୧:୮ ମୁଞ୍ଜିନାୟି S ୧:୮ ୧:୯ ମୁଞ୍ଜିନାୟି * ୧:୯ ୧:୯ ମୁଞ୍ଜିନାୟି ☆ ୧:୧୧ ୧:୧୧ ମାତି
୩:୧୭; ୧୨:୧୮; ପାର୍ଶ୍ଵ ୯:୭; ଲୁକ ୩:୨୨ ☆ ୧:୧୫ ୧:୧୫ ମାତି ୩:୨ † ୧:୨୧ ୧:୨୧ ସିନଗର୍ ☆ ୧:୨୨ ୧:୨୨ ମାତି ୭:୨୮, ୨୯
‡ ୧:୨୩ ୧:୨୩ ସିନଗର୍

୨୮ ଏମ୍ବ୍ରାଟିଏ ଏଝାସି କିତି କାମାତି କାବୁ ଏ ରେଟୁଏ ଗାଲିଲି ରାଜିତି ସାରିଖାକିତି ନାୟକାଣାଁ ଝେଙ୍ଗାହାଚେ

ଜୀସୁ ହାଚେରକା ଲକ୍ଷୁଣି ନେହୁଁକିନାୟି
(ମାତି ୮:୧୪-୧୭; ଲୁକ ୪:୩୮-୪୧)

୨୯ ଏମ୍ବ୍ରାଟିଏ ଏଝାରି ଜୀହୁଦି ଲକ୍ଷୁଣି କୁଟମି ଇଲୁଟିଠି ହରାନା ଜାକୁବ ଅଡେ ଜହନ ତଲେ ଏ ଦେବୁଣିଏ ସିମନ ଇଞ୍ଜା ଆନ୍ଦ୍ରିୟ ଇଜ ହାଚେରି । ୩୦ ସିମନ ପୟା ନଡେରି ତାକି ତୁରାମାଚେ, ଅଡେ ଏଝାରି ଏଦାଣି କାତା ରେଟୁଏ ଜୀସୁଇଁ ଝେସ୍ତେରି । ୩୧ ଏମ୍ବ୍ରାଟିଏ ଏଝାସି ତାଗେ ହାଜାନା ତାନି କେୟୁ ଆସାନା ଏଦାନି ନିକହେସି, ଅଡେ ଏଦାନି ନଡେରି ପିସ୍ତେ, ଇଞ୍ଜା ଏଦି ଏଝାରି ସେବା କିତେ ।

୩୨ ନିଡ଼ଅଲ୍ଲା ବେଲ୍ଲା ଝେଡ଼ା କୁଡ଼ହାଲିଏ ଲକ୍ଷୁ ରଗ ଗାଟାରାଇଁ ଇଞ୍ଜା ବୁଡୁୟାଁ ଆଲ୍ଲଗା ମାଚାରାଇଁ ଜୀସୁ ତାଣା ତାଚେରି, ୩୩ ଇଞ୍ଜା ଗାଡ଼ାତାରି ବାରେ ଜୀସୁ ମାତି ଇଲୁ ଦୁଝେରିତା ରୁଣ୍ଡା ଆଡେରି । ୩୪ ଏମ୍ବ୍ରାଟିଏ ଜୀସୁ ବାରେଲେହେତି ରଗ ଗାଟାରାଇଁ ନେହୁଁ କିତେସି, ଇଞ୍ଜା ହାଚେରକା ବୁଡୁଣି ପିସ୍ତପି କିତେସି, ଇଞ୍ଜା ଏଝାସି ବୁଡୁୟାଁଣି ଜଲ୍ଲାଲି ହାଆଚେସି, ଇତିହୁଁ ଏଝି ଏଝାଣାଇଁ ପୁଞ୍ଜିମାଚୁ ।

ଜୀସୁ ଗାଲିଲିତା ମାହାପୁରୁ କାତା ଝେକ୍ନାୟି
(ଲୁକ ୪:୪୨-୪୪)

୩୫ ଝେୟାଆ ମାଚାଟିଏ ଆନ୍ଦେରି ମାଞ୍ଜା ମାଞ୍ଜାନା ଏଝାସି ନିଜା ହଚା ହାଜାନା ର ଲକ୍ଷୁ ହିଲ୍ଲାଆ ଟାୟୁତା ହାଜାନା ପ୍ରାଚୀନା କିହିମାଚେସି । ୩୬ ସିମନ ଇଞ୍ଜା ତାନି ଆଟ୍ଠହାଚାରି ଏଝାଣାଇଁ ପାରାଲି ମାଟ୍ଠହେରି, ୩୭ ଏଝାଣାଇଁ ବେଟାଆହାନା ଏଲେଇଚେରି, “ବାରେଜାଣା ନିଜେ ପାରିମାଞ୍ଜାନେରି ।”

୩୮ ଏମ୍ବ୍ରାଟିଏ ଜୀସୁ ଏଝାରାଇଁ ଏଲେଇଚେସି, “ଝାଦୁ ମାରୁ ଏଟ୍ଠକା ଗାଡ଼ାତା, ଇତିହୁଁ ଦାରିମାରି ନାୟକାଣାଁ ହାନ; ଏମ୍ବ୍ରାଆଁ ଜିକେଏ ନାନୁ ମାହାପୁରୁତି ବଲୁ ଝେକ୍ନଇଁ, ଇତିହୁଁ ଏଦାଆଁତାକି ନାନୁ ଝାହାମାଇଁ ।”

୩୯ ଇଞ୍ଜା ଜୀସୁ ବାରେ ଗାଲିଲି ନାୟକାଣାଁ ରେଜି ରେଜିହୁଁ ଏଝାରି ବାରେ ଜୀହୁଦି ଲକ୍ଷୁଣି କୁଟମି ଇଲ୍ଲକାଣାଁ ମାହାପୁରୁ ବଲୁ ଝେକ୍ନହେସି ଇଞ୍ଜା ବୁଡୁୟାଁଣି ପିସ୍ତପି କିତେସି ।

କାଜା ରଗ ଗାଟାଣାଇଁ ଜୀସୁ ନେହୁଁକିନାୟି
(ମାତି ୮:୧-୪; ଲୁକ ୫:୧୨-୧୬)

୪୦ ଏମ୍ବ୍ରାଟିଏ ର କାଜା ରଗ ଗାଟାସି ଜୀସୁ ତାଣା ଝାହାନା ମେଣ୍ଡାକୁତାନା ବାତିମାଲିହୁଁ ଜୀସୁଇଁ ଏଲେଇଚେସି, “ନାନୁ ମନ କିତିହୁଁ ନାଜେ ନେହୁଁ କିହାଲି ଆଡ଼ାଦି ।”

୪୧ ଏମ୍ବ୍ରାଟିଏ ଜୀସୁ ଏଝାଣାଇଁ କାର୍ମା ମେସ୍ତେସି, ଇଞ୍ଜା କେୟୁ ଦାସାନା ଏଝାଣାଇଁ ତୀଗାନା ଏଲେଇଚେସି, “ନାନୁ ମନ କିହିମାଇଁ ନାନୁ ନେହୁଁ ଆମ୍ବୁ ।” ୪୨ ଏ ଦେବୁଣିଏ ଏଝାଣି ତାଣାଟି କାଜା ରଗ ଗୁଚାଆଡେ, ଇଞ୍ଜା ଏଝାସି ନେହୁଁ ଆଡେସି । ୪୩ ଇଞ୍ଜା ଏଝାସି ଏଝାଣାଇଁ ଜାଣେ ବୁକୁମି ହାହାନା ଝେସା ପାଣ୍ଡିତେସି,

୪୪ “ଜାଗ୍ରାତା ଆମ୍ବାଆରାଇଁ ଏନାଆଁ ଝେହୁଆନି, ସାମା ହାଲ୍ଲମ୍ବୁ ଇଞ୍ଜା ପୁଜେରା ତାଣା ହାଜାନା ନିଜ ତସାକତାମ୍ବୁ, ଇଞ୍ଜା ମସା ଆମିନି ମେରା ହାହାମାନେସି ଏଦାଆଁ ଲକ୍ଷୁ ନକିତା ନେହୁଁ ଆଡ଼ାକି ସାକି ହାମିଲେହେଁ ହେଡ଼ପାମ୍ବୁ ।”

୪୫ ସାମା ଏଝାସି ପାଜାତା ହାଜାନା ତାନୁ ନେହୁଁ ଆଡି କାତାତି ସାରିଖାକି ଝେକ୍ନହାଲି ମାଟ୍ଠହେସି, ଇଞ୍ଜା ଜୀସୁ ଆମିନି ଗାଡ଼ାତା ପୁଣ୍ଡେ ହଡ଼ାଲି ଆଡ଼ାଆଡେସି, ସାମା ପାଜାତା ଲକ୍ଷୁ ହିଲ୍ଲାଆ ଟାୟାଣା ଡ଼ୟିତେସି; ଅଡେ ସାରି ଝାକିତି ଲକ୍ଷୁ ଜୀସୁ ତାଣା ଝାହାଲି ମାଟ୍ଠହେରି ।

9

ଜୀସୁ ଟଟ ଝାୟିତାଣାଇଁ ନେହୁଁକିନାୟି
(ମାତି ୯:୧-୮; ଲୁକ ୫:୧୭-୨୬)

୧ ଏତରଦିନା ଆୟାଲିଏ ଜୀସୁ କପରନାହୁମତା ଝେଣ୍ଡେ ହାଚେସି, ଇଞ୍ଜା ଏଝାସି ଇଜ ମାନେସି ଇଞ୍ଜୁଁ ସାରିଖାକି ଝେଙ୍ଗାହାଚେ । ୨ ଏମ୍ବ୍ରାଆଁ ଇଚେକା ଲକ୍ଷୁ ରୁଣ୍ଡା ଆଡେରି ଇଞ୍ଜା ଦୁଝେରିତା ଜିକେଏ ଟାୟୁ ହିଲ୍ଲାଆଡେ, ଇଞ୍ଜା ଏଝାସି ଏଝାରାଇଁ ମାହାପୁରୁ କାତା ଝେକ୍ନହେସି । ୩ ଏମ୍ବ୍ରାଟିଏ ସାରି ଜାଣା ର ଟଟ ଝାୟିତାଣାଇଁ କାଟେଲିତା ଜୀସୁ ତାଣା ଡେକା ତାଚେରି । ୪ ସାମା ହାଚେରକା ଲକ୍ଷୁ ମାଚାକି ଏଝାଣି ତାଣା

§ ୧:୨୯ ୧:୨୯ ସିନଗଗ ☆ ୧:୩୯ ୧:୩୯ ମାତି ୪:୨୩; ୯:୩୫ * ୧:୩୯ ୧:୩୯ ସିନଗଗ

ତାଗାଲି ଆଡ଼ାଆଡ଼େରି, ଇଞ୍ଜା ଆମିନି ଚାନ୍ଦୁତା ଜୀସୁ ମାରେସି, ଏମ୍ବାଆଁ ଇଲୁତି ଡେପରି ରିକହେରି, ଇଞ୍ଜା ଏ ଟଟ ଖାନ୍ତିତାଣାଇଁ କାଟେଲି ଖେଣ୍ଡେ ଇଲୁ ବିତ୍ତା ରେପହେରି ।* ଜୀସୁ ଏଞ୍ଜାରି ନାମୁ ମେସାନା, ଏ ଟଟ ଖାନ୍ତିତାଣାଇଁ ଏଲେଇରେସି, “ଏ ମୀରୁଏଣା ନୀ ପାପୁ ବାରେ ମେଣ୍ଡକହାଟେ ।”

୨ ସାମା ଏମ୍ବାଆଁ ମାଟି ଏଚେକା ମେରା ଜାପୁନାରି କୁଗାନା ତାମି ମନ୍ତତା ଅଣ୍ଡପିହ~ କାତାବାର୍ତ୍ତା ଆହିମାରେରି, ୨ “ଇଞ୍ଜାସି ଏନାଆଁତାକି ଏଲେଇଞ୍ଜି ମାନେସି ? ଇଞ୍ଜାସି ମାହାପୁରୁଇଁ ନିନ୍ଦା କିହିମାନେସି; ମାହାପୁରୁ ପିସପେ ଆମ୍ବାଆସି ପାପୁ ମ୍ଲେକହାଲି ଆଡ଼ିନେସି ?”

୮ ଏଞ୍ଜାରି ମନ୍ତତା ଇଲେକ~ ଅଣ୍ଡପିମାନାଣି ଜୀସୁ ଦେବୁଣିଏ ଜୀଞ୍ଜୁତା ପୁଞ୍ଜାନା ଏଞ୍ଜାରାଇଁ ଏଲେଇରେସି, “ମୀରୁ ମା ମନ୍ତ ବିତ୍ତା ଏନାଆଁତାକି ଇଲେକ~ ଅଣ୍ଡପିମାଞ୍ଜେରି ? ୯ ଏନାଆଁ ଇନାୟି ଉସାସା ? ଏ କାଜା ରଗ ଗାଟାଣାଇଁ ନୀ ପାପୁ ମେଣ୍ଡକିତେ ଇନାୟି କି ନିଜାମୁ ନୀ କାଟେଲି ଡେକାନା ତାକ୍ତାମୁ ଇନାୟି ଉସାସା ?” ୧୦ ସାମା ଦାବ୍ତିତା ପାପୁ ମ୍ଲେକହାଲି ମାଣ୍ଡସି ମୀରୁଏଣା ଅଦିକାରା ମାନେ, ଏଦାଆଁ ନୀଏଁ ମୀରୁ ପୁଞ୍ଜାଲି ଆଡ଼ିଦେରି ।” ଏଦାଆଁତାକି ଏ ଟଟ ଖାନ୍ତିତାଣାଇଁ ଏଲେଇରେସି, ୧୧ “ନାନ୍ତୁ ନିଜେ ଖେସିମାଞ୍ଜାଇଁ ନିଜାମା ନୀ କାଟେଲି ଡେକାନା ନୀ ଇଜ ହାଲାମୁ ।”

୧୨ ଏଚେଟିଏ ଏଞ୍ଜାସି ଦେବୁଣିଏ ନିଜାମା କାଟେଲି ଡେକାନା ବାରେଜାଣା ନକ୍ତିଟି ହଟାହାରେସି; ଏଚେଟିଏ ବାରେଜାଣା କାବାଆହାନା ମାହାପୁରୁତି ଜହରା କିହ~ ଏଲେଇରେରି, “ମାମୁ ଇଲେକି କାବାଆନି କାମା ଏଚେଲା ଜିକେଏ ମେସାହିଲାଆଡମି ।”

ଜୀସୁ ଲେବିଇଁ (ମାତିୟୁ) ହାଟିନାୟି
(ମାତି ୯:୯-୧୩; ଲୁକ ୫:୨୭-୩୨)

୧୩ ଜୀସୁ ଅଡେ ଖେଣ୍ଡେ ସାମୁଦ୍ରି ଗାଟୁତା ହାରେସି, ଇଞ୍ଜା ଲକୁ ଏଞ୍ଜାଣି ତାଣା ଖାହାଲିଏ, ଏଞ୍ଜାରାଇଁ ଜାପୁହାଲି ମାଟହେସି । ୧୪ ଅଡେ ଜିରୁଟି ହାଜି ହାଜିହ~ ଜୀସୁ ଆଲେପି ମୀରୁଏଣି ଲେବିଇଁଁ ସିସୁ ରୁାହନି ତାଣା କୁଗାମାନାଣି ମେସୁସି, ଇଞ୍ଜା ଏଞ୍ଜାଣାଇଁ ଏଲେଇରେସି, “ନା ଡେଟ ଖାମୁ” ଏଚେଟିଏ ଲେବି ନିଜାମା ଏଞ୍ଜାଣି ଡେଟ ହାରେସି ।

୧୫ ଅଡେ ଜୀସୁ ଲେବି ଇଜ ରାନ୍ଦା ତିଞ୍ଜାଲି କୁଗାମାଟାଟି ହାଡେକା ସିସୁ ରୁାହନାରି ଇଞ୍ଜା ପାପୁ ଗାଟାରି ତାମି ସୀସୁୟାଁ ତଲେ କୁଗିତେରି; ଇଟିହ~ ଏଞ୍ଜାରି ହାଡେକା ମାରେରି ଇଞ୍ଜା ଏଞ୍ଜାଣି ଡେଟ ହାଜିମାରେରି । ୧୬ ଜୀସୁ ପାପୁ ଗାଟାରି ଇଞ୍ଜାଁ ସିସୁ ରୁାହନାରି ତଲେ ତିଞ୍ଜି ମାନେସି, ଇଦାଆଁ ମେସାନା ପାରୁସି ଗଟିତି ମୋରାପୁନାରି ତାମି ସୀସୁୟାଁଣି ଏଲେଇରେରି, “ଏଞ୍ଜାସି ଏନାଆଁତାକି ପାପୁ ଗାଟାରି ଅଡେ ସିସୁ ରୁାହନାରି ତଲେ ରାନ୍ଦା ତିଞ୍ଜି ମାନେସି ?”

୧୭ ଜୀସୁ ଇ କାତା ଖେଞ୍ଜାନା ଏଞ୍ଜାରାଇଁ ଏଲେଇରେସି, “ନେହ~ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରାକି ଲଡ଼ାମାନେ; ନାନ୍ତୁ ଦାମ୍ବୁ ଲକୁତାକି ଖାହାହିଲଅଁ ସାମା ପାପୁ ଗାଟାରାକି ଖାହାମାଇଁ ।”

ଉପାସା କିନାଣି ଖେହ୍ନାୟି
(ମାତି ୯:୧୪-୧୭; ଲୁକ ୫:୩୩-୩୯)

୧୮ ଜହନତି ସୀସୁୟାଁ ଇଞ୍ଜା ପାରୁସିୟାଁ ଉପାସା କିହିମାଟାଟି, ଏଚେକା ଲକୁ ଜୀସୁ ତାଣା ଖାହାନା ଏଲେଇରେରି, “ଜହନତି ସୀସୁୟାଁ ଇଞ୍ଜା ପାରୁସିୟାଁତି ସୀସୁୟାଁ ଉପାସା କିନେରି, ସାମା ନୀ ସୀସୁୟାଁ ଏନାଆଁତାକି ଉପାସା କିଅରି ?”

୧୯ ଜୀସୁ ଏଞ୍ଜାରାଇଁ ଏଲେଇରେସି, “ବୀହା ଲକୁତଲେ ବୀହା ହନେଏସି ମାନି ପାଡେକା ବୀହା ଲକୁ ହାକିଟି ମାଞ୍ଜାଲି ଆଡ଼ିନେରିକି ? ବୀହା ହନେଏସି ଏଞ୍ଜାରିତଲେ ମାନି ପାଡେକା ଏଞ୍ଜାରି ଉପାସା କିଅରି । ୨୦ ସାମା ଦିନା ଖାନେ ଏରିବେଲା ଏଞ୍ଜାରି ତାଣାଟି ବୀହା ହନେଏଣାଇଁ ହପୁହା ଅଡିସାରେ ଏରିବେଲା ଏଞ୍ଜାରି ଉପାସା କିନେରି ।”

୨୧ “ଆମ୍ବାଆସି ପୁଞ୍ଜଇ ହିମ୍ବିରତା ପୁଞ୍ଜି ପାସକି ତାଟଅସି; ତାଟିସାରେ ପୁଞ୍ଜଇ ହିମ୍ବିରତି ପୁଞ୍ଜି ପାସକି ମୁଦା ଆହାଁ ଗାତି ଗେଞ୍ଜିକିନେ ।” ୨୨ ଆମ୍ବାଆସି ପୁଞ୍ଜି ଅଜୁରି ରାସା ପୁଞ୍ଜଇ ଡକାତା† ଇଟଅସି; ଇଟିସାରେ ଡକା ଡାୟାହାନେ, ଇଞ୍ଜା ଅଜୁରି ରାସା ଅଡେ ଡକା ରିଣ୍ଡିଖା ନସୁ ଆନ୍ତୁ, ଏଦାଆଁତାକି ପୁଞ୍ଜି ଅଜୁରି ରାସା ପୁଞ୍ଜି ଡକାତା ଇଟିନାୟି ମାନେ ।”

* ୨:୧୪ ୨:୧୪ ମାତିୟୁ † ୨:୨୨ ୨:୨୨ ତଲୁ ତଲେ କେପିତି ଅଜୁରି ରାସା ଇଟିନି ବାସା ଚୁପୁ

ଜମିନି ଦିନାତି କାତା ଝେହ୍ନାୟି
(ମାତି ୧୨:୧-୮; ଲୁକ ୬:୧-୫)

୨୩ ର ପାଲି ଜାସୁ ଜମିନି ଦିନା ତାନି ସାସୁୟାଁ ତଲେ ଗହଁ ଗୁଡିୟାତି ହାଜିମାଚେସି, ତାନି ସାସୁୟାଁ ହାଜି ହାଜିହଁ ଗହଁୟାଁ ଜେକା ତାପହାଲି ମାଟୁହେରି । ୨୪ ଏମ୍ବାଟିଏ ପାରୁସିୟାଁ ଜାସୁଇଁ ଏଲେଇଚେରି, “ମେହମ୍ବୁ ଜମିନି ଦିନାତା ଏନାଆଁ କିନାୟି ମେରା ହିଲେଏ, ନୀ ସାସୁୟାଁ ଏନାଆଁତାକି କିହମାନେରି ?”

୨୫ ଜାସୁ ଏଝାରାଇଁ ଏଲେଇଚେସି, “ଦାଝୁଦ ଅଡେ ତାନି ତଢେସିଜା ହାକି ଆହାମାଗାଟି ଏଝାରି ଏନାଆଁ କିହାମାଚେରି, ଏଦାଆଁ ମାରୁ ଏଚେଲା ପଡ଼ଝି ଆହାହିଲଅଚେରି, ୨୬ ଅବିୟତର କାଜା ପୁଜେରା ମାତିବେଲାତା ଏଝାସି ଏନିକିଁ ମାହାପୁରୁ ଇଲୁଡା ହଡାନା ଆମିନି ମାହାପୁରୁକି ହେରପିତି ରୁଟି କାଜା ପୁଜେରାଜା ପିସପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଏଦାଆଁ ଦାଝୁଦ ତିଝା ମାଚେସି ଇଞ୍ଜାଁ ତାନି ଆଟୁହ ତାରାକି ଜିକେଏ ତିଝାଲି ହାହାମାଚେସି ।”

୨୭ ତାୟୁ ଜାସୁ ଏଝାରାଇଁ ଏଲେଇଚେସି, “ଜମିନି ଦିନା ମାଣସିତାକି ଆହାମାନେ; ସାମା ମାଣସି ଜମିନି ଦିନାତାକି ଆହାହିଲଅସି ।” ୨୮ ଏଦାଆଁତାକି ମାଣସି ମାଟୁଏସି ଜମିନି ଦିନାତି ପ୍ରବୁ ଆନେସି ।



ଝାୟିତି କେୟୁଗାଟାସି ନେହଁ ଆନାୟି
(ମାତି ୧୨:୯-୧୪; ଲୁକ ୬:୬-୧୧)

୧ ଜାସୁ ଅଡେ ଝେଣ୍ଡେ ଜାହୁଦି ଲକ୍ଷୁତି କୁଟମି ଇଲୁଡା* ହାଚେସି, ଏମ୍ବାଆଁ ରଅସି ମାଚେସି, ଏଝାଣି ର କେୟୁ ଝାୟାହାଜାମାଚେ । ୨ ଜାସୁ ଏଝାଣାଇଁ ଜମିନି ଦିନାତା ନେହଁ କିନେସିକି ଆଏ, ଏଝାଣି କପାଟି ଦହ ଦସାଲିତାକି ଗୁରି କିହାନା ସିନକିହିମାଚେରି । ୩ ଏମ୍ବାଟିଏ ଜାସୁ ଆମିନି ଲକ୍ଷୁତି କେୟୁ ଝାୟାହାଜାମାଚେ, ଏଝାଣାଇଁ ଜାସୁ ଏଲେଇଚେସି, “ଝାମୁ ମାଦି ନିମୁ ।” ୪ ଇଞ୍ଜାଁ ଜାସୁ ଏଝାରାଇଁ ଏଲେଇଚେସି, “ଜମିନି ଦିନାତା ଏନାଆଁ କିନାୟି ମେରା ମାନେ ? ନେହଁ କିନାୟି କି ଲାଗେଏ କିନାୟି ? ଜାଝୁତି ଗେଲପିନାୟି କି ନାସା କିନାୟି ?” ସାମା ଏଝାରି ଝେଣ୍ଡେ ହାଡ଼ା ଆୟାଲି ଆଡ଼ାଆଚେରି ।

୫ ଏମ୍ବାଟିଏ ଜାସୁ ଏଝାରି ଆଟୁଝା ହିୟାତି ମେସାନା ଦୁକୁ ଆଚେସି, ଇଞ୍ଜାଁ କପାଟି ସାରିଝାକି ଏଝାରାଇଁ ସିନକିହାନା ଏଲେଇଚେସି, “କେୟୁ ଲାକ ଦାହମ୍ବୁ” ଏଝାସି ତାନି କେୟୁ ଦାସପନିଏ ଏଦି ନେହଁ ଆହାହାଚେ । ୬ ଏଚେଟିଏ ପାରୁସିୟାଁ ହଡ଼ା ହାଜାନା ଜାସୁଇଁ ପାୟାଲି ତାକି ହେରଦ ଗଟିଟି ଲକ୍ଷୁତଲେ କାଲହାନା କାତା ଆଟେଚି ।

ସାମଦୁରି ଗାଟୁତା ମାନ୍ଦା ଲକୁ
(ମାତି ୪:୨୫; ମାର୍କ ୪:୧; ଲୁକ ୫:୧-୩)

୭ ଜାସୁ ଅଡେ ତାନି ସାସୁୟାଁ ଗାଲିଲି ସାମଦୁରି ଗାଟୁତା ହାଚେରି, ଇଞ୍ଜାଁ ହାଚେରକା ଲକୁ ଏଝାଣି ଜେଚ ହାଚେରି; ଏଝାରି ଜାହୁଦା, ୮ ଗାଲିଲି, ଜିରୁସାଲମ, ଇଦମ, ଜର୍ଦନ ଅରଝାକି, ସର ଅଡେ ସିଦନ ଗାଡ଼ା ଝାକିତି ଲକୁ ତାନି ବାରେ କିତି କାମାତି କାତା ଝେଞ୍ଜାନା ତାନି ତାଣା ଝାଚେଚି । ୯ ଏମ୍ବାଆଁ ଇଚେକା ମାନ୍ଦା ଲକୁ ଆଚେଚି ଏ ମାନ୍ଦା ଏନିକିଁ ଏଝାଣିଲାକ ଝିହଅରି, ଏଦାଆଁତାକି ଏଝାସି ତାନି ସାସୁୟାଁଣି ତାଜେତାକି ର ଉଣା ତଂଗ ପରା ଇଚାଲି ଝେସ୍ତେସି; ୧୦ ଏଝାସି ହାଚେରକା ଲକୁଣି ନେହଁ କିହାମାଚାକି ରଗ ଗାଟାରି ବାରେ ଏଝାଣାଇଁ ତାଗାଲି ଏଝାଣି ମୁହେଁ ମୁହେଁ ଆହିମାଚେରି । ୧୧ ଇଞ୍ଜାଁ ପଲୁଆ ବୁଡୁୟାଁ ଆସାମାନାରି ଏଝାଣାଇଁ ମେସପନିଏ, ଏଝାଣି ନକିତା ରିହାନା କାଲଝି ଆହଁ ଏଲେଇଞ୍ଜି ମାରୁ, “ନୀନୁଏ ମାହାପୁରୁ ମାରୁଏଶାତି ।”

୧୨ ଏଝାସି ଆମ୍ବାଆସି ଇ କାତା ଆମ୍ବାଆରାଇଁ ଝେହ୍ନାଆଦୁ ଇଞ୍ଜାଁ ଜାସୁ ପଲୁଆ ବୁଡୁୟାଁଇଁ ଦାକା ହାହାନା ହୁକୁମି ହାଚେସି ।

ଜାସୁ ବାରଜାଣା ସାସୁୟାଁଣି ଆଡିନାୟି
(ମାତି ୧୦:୧-୪; ଲୁକ ୬:୧୨-୧୬)

୧୩ ଜାସୁ ହରୁ ଲାକ ହାଜାନା ଆମିନି ଗାଟାରାଇଁ ମନ କିତେସି ଏଝାରାଇଁ ତାଗେ ହାଡିତେସି, ଇଞ୍ଜାଁ ଏଝାରି ତାଗେ ଝାଚେଚି । ୧୪ ଇଞ୍ଜାଁ ଏଝାସି ବାରଜାଣାଟି ଆଡାନା ପାଣ୍ଡି ଆଡାରି ଇଞ୍ଜାନା, ଏଝାରାଇଁ

* ୩:୧ ୩:୧ ସିନଗର ☆ ୩:୯ ୩:୯ ମାର୍କ ୪:୧; ଲୁକ ୫:୧-୩

ଏଲେଇଚେସି, “ନା ତଲେ ଡ଼ୟାଲି ନାନୁ ମିଙ୍ଗେ ଆଡ଼ାମାଞ୍ଜାଇଁ, ଇଞ୍ଜା ୱେକ୍‌ହାଲି ପାଣ୍ଡାଇଁ । ୧୫ ଇଞ୍ଜା ମୀରୁ ବୁଡୁୟାଁ ପେରହାଲି ଜିକେଏ ଅଦିକାରା ବେଟାଆଡ଼େରି ।”

୧୬ ଜୀସୁ ଇ ବାରଜାଣାତି ଆଡ଼ିଚେସି, ଏଞ୍ଜାରି ଆଡ଼େରି ସିମନ ଆମ୍ବାଆରାଇଁ ଜୀସୁ ପିତର ଇଞ୍ଜାଁ ଇଚିଚେସି; ୧୭ ଜେବଦି ରୀ ମୀରୁକା ଜାକୁବ ଅଡ଼େ ତାନି ତାୟି ଜହନ ଆମ୍ବାଆରାଇଁ ବିନେରିଗସ୍ ଇଚିହଁ ଗୁଣ୍ଡିମାନି ହାଗୁତି ମୀରୁକା ଇଞ୍ଜିହଁ ଦରୁ ଇଚିଚେସି; ୧୮ ଆନ୍ଦ୍ରିୟ, ପିଲିପ, ବାର୍ତଲମି, ମାତିୟୁ, ତମା, ଆଲେପି ମୀରୁଏସି ଜାକୁବ, ତଦିୟ, ଦେସାତି ଜୀସୁ ନନ୍ଦି ସିମନ, ୧୯ ଅଡ଼େ ଇୟାରିୟତ ଜୀହୁଦା, ଆମ୍ବାଆସି ଜୀସୁଇଁ ସାଡୁୟାଁ କେୟୁତା ହେରପିଚେସି ।

ଜୀସୁ ଅଡ଼େ ବାଲ୍‌ଜିବୁଲ୍
(ମାତି ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ତାୟୁ ଜୀସୁ ଇଜ ୱାଡ଼େସି; ଅଡ଼େ ୱେଣ୍ଡେ ଇଚେକା ଲକୁ ରୁଣ୍ଡା ଆଡ଼େରି ଜୀସୁ ଇଞ୍ଜାଁ ତାନି ସାସୁୟାଁକି ତିଞ୍ଜାଲି ଜିକେଏ ଆଆତେ । ୨୧ “ଜୀସୁ ବାୟା ଆଡ଼େସି” ଇଞ୍ଜାଁ ଲକୁ ଏଲେଇନାଣି ୱେଞ୍ଜାନା ତାନି କୁଚିମି ଜୀସୁଇଁ ଅହାଲି ୱାଡ଼େରି । ୨୨ ଅଡ଼େ ଜିରୁସାଲମତି ୱାହାମାନି ମେରାପୁନାରି ଏଲେଇଚେରି, “ଇଞ୍ଜାଣାଇଁ ବାଲ୍‌ଜିବୁଲ୍ ବୁଡୁ ଆଲ୍‌ଗାମାନେ, ଲାକା ଇଞ୍ଜାସି ବୁଡୁୟାଁଣି ପିସପି କିହିମାନେସି ।”

୨୩ ଏମ୍ବାଟିଏ ଜୀସୁ ଏଞ୍ଜାରାଇଁ ତାଗେ ହାଡ଼ାନା ପୁଣ୍ଡିକିନି କାତାତଲେ ୱେସ୍‌ସେସି, “ସୟତାନ ଏନ୍ନିକଁ ସୟତାନଇଁ ପେରହାଲି ଆଡ଼ିନେ ? ୨୪ ର ରାଜ୍‌ ବାଗା ଆହାନା ତାନି କପାଟି ନିଙ୍ଗନେ, ଇଚିହଁ ଏ ରାଜ୍‌ ଅଡ଼େ ତାରିତଲେ ଡ଼ୟାଲି ଆଡ଼େଏ । ୨୫ ଇଞ୍ଜାଁ ର ଇଲୁ କୁଚିମିତାରି ବାଗା ଆହାନା ତାମ୍ବୁତାନି କପାଟି ନିଙ୍ଗନେରି ଇଚିହଁ ଏ ଇଲୁତାରି ତାରିତଲେ ଡ଼ୟାଲି ଆଡ଼ଅରି । ୨୬ ଏଲେକିହଁ ଏ ସୟତାନ ବାଗା ଆହାନା ତାନି କପାଟି ନିଙ୍ଗାମାନେ, ଆତିହଁ ଏଦି ଅଡ଼େ ତାରିତଲେ ଡ଼ୟାଲି ଆଡ଼େଏ, ସାମା ଏଡାନି ବାରେ ନାସା ଆହିମାନେ ।”

୨୭ “ସାମା ଆମ୍ବାଆସି ନକେଏ ବାଡୁୟୁ ଗାଗାଣାଇଁ ଦହଆତିହଁ ତାନି ଇଜ ହଡାନା ତାନି ଇଜତି ଆସ୍ତି ସରୁ କିହାଲି ଆଡ଼ଅସି; ଏଞ୍ଜାଣାଇଁ ତଲିଏ ଦସ୍ତିହଁ ଦେ ଏଞ୍ଜାସି ଏଞ୍ଜାଣି ଇଜତାଣି ସରୁ କିନେସି ।”

୨୮ “ନାନୁ ମିଙ୍ଗ ସାତା ୱେସିମାଞ୍ଜାଇଁ, ଲକୁଚି ବାରେ ପାପୁ ଇଞ୍ଜାଁ ଏଞ୍ଜାରି ଏଚେକା ନିୟା କାତାତଲେ ମାହାପୁରୁ ନିୟା କିନେରି ଏ ବାରେ ପାପୁ ମେଣ୍ଡିଙ୍ଗିନେ । ୨୯ ଏସାମା ଆମ୍ବାଆସି ସୁଡୁଜୀସୁ କପାଟି ନିୟା କାତା ଜଲିନେସି, ଏଞ୍ଜାଣି ଆମିନି କାଲ୍‌ଗା ଜିକେଏ ଦହ ମେଣ୍ଡିଙ୍ଗେଏ, ସାମା ଏଞ୍ଜାସି କାଲ୍‌କାଲ୍‌ଗାତି ପାପୁଚି ଦହଗାଟାସି ଆନେସି ।” ୩୦ ଜୀସୁଇଁ ବୁଡୁ ଆଲ୍‌ଗାମାନେ ଇଞ୍ଜାଁ ଏଚେକା ଲକୁ ଏଲେଇଞ୍ଜାଲିଏ ଜୀସୁ ଇ କାତା ୱେସ୍‌ସେସି ।

ଜୀସୁତି ଇୟା ଅଡ଼େ ତାୟିୟାଁ
(ମାତି ୧୨:୪୭-୫୦; ଲୁକ ୮:୧୯-୨୧)

୩୧ ଏଚିବେଲା ଜୀସୁତି ଇୟା ଅଡ଼େ ତାୟିୟାଁ ୱାହାନା ଇଲୁ ପାଙ୍ଗାତା ନିଗାନା ଜୀସୁଇଁ ହାଟି କିଚେରି । ୩୨ ଏମ୍ବାଟିଏ ସାରିଞ୍ଜାକି କୁଗାମାତି ଲକୁ ଏଲେଇଚେରି, “ମେହ୍‌ମ୍‌ ମୀ ଇୟା, ତାୟିୟାଁ ଅଡ଼େ ତାଜିୟା ପାଙ୍ଗାତା ନିଗାନା ନିଙ୍ଗେ ପାରିମାଞ୍ଜାନେରି ।”

୩୩ ଜୀସୁ ଏଞ୍ଜାରାଇଁ ଏଲେଇଚେସି, “ନା ଇୟା ଇଞ୍ଜାଁ ନା ତାୟି ତାଜିୟା ଆମ୍ବାଆସି ?” ୩୪ ଇଞ୍ଜାଁ ଏଞ୍ଜାସି ତାନି ସାରିଞ୍ଜାକି କୁଗାମାନି ଲକୁଣି ସିନିକିହାନା ଏଲେଇଚେସି, “ମେହ୍‌ମ୍‌ ନା ଇୟା ଅଡ଼େ ନା ତାୟି ତାଜିୟା । ୩୫ ଆମ୍ବାଆସି ମାହାପୁରୁଚି କାତା ଆହନେସି ଏଞ୍ଜାସିଦେଁ ନା ତାୟି, ତାଜି ଅଡ଼େ ନା ଇୟା ।”



ବିଚା ମାଟିନାଣି ପୁଣ୍ଡିକିନି କାତା
(ମାତି ୧୩:୧-୯; ଲୁକ ୮:୪-୮)

୧ ଜୀସୁ ଗାଲିଲି ସାମ୍ବୁଦ୍ରି ଗାରୁତା ଅଡ଼େ ୱେଣ୍ଡେ ଜୀସୁହାଲି ମାଟୁହେସି, ଅଡ଼େ ହାଚେକା ଲକୁ ଏଞ୍ଜାଣି ତାଣ୍ଡା ରୁଣ୍ଡା ଆଡ଼େରି ଇଞ୍ଜାଁ ଜୀସୁ ସାମ୍ବୁଦ୍ରିତା ମାନି ର ଡ଼ଗତା ହାଜାନା କୁଚିଚେସି ଇଞ୍ଜାଁ ଲକୁ ସାମ୍ବୁଦ୍ରି ଗାରୁତା ନିଗାମାଚେରି । ୨ ଏମ୍ବାଟିଏ ଜୀସୁ ଏଞ୍ଜାରାଇଁ ହାଚେକା ପୁଣ୍ଡିକିନି କାତା ଜୀସୁହିହଁ ଏଲେଇଚେସି ।

☆ ୩:୨୯ ୩:୨୯ ଲୁକ ୧୨:୧୦ ☆ ୪:୧ ୪:୧ ଲୁକ ୫:୧୩

୩ “ଝେଞ୍ଜୁ, ମୋହୁଁ ର ବିଚା ମାଟିନାସି ବିଚା ମାଟାଲି ହଢ଼େସି । ୪ ଇଞ୍ଜା ଏଝାସି ମାଟିମାଟାଟି କଚେକା ବିଚା ଜିରୁତା ରୀତେ, ଇଞ୍ଜା ପଟାୟାଁ ଝାହାନା ଏ ପାଢ଼େୟି ପେରୁହା ତିରୁ । ୫ ଅଢ଼େ କଚେକା ବିଚା ଇଚାୟି ଇଚୁଆ ମାନି ଝାଲୁକା ଲାକ ରୀତେ, ଇଞ୍ଜା ଉଣା ଇଚୁଆ ମାଟାକି ଗାଢ଼େକେଏ ନେୟି ତେ, ୬ ସାମା ଝେଡ଼ା ଆଡ଼ାଲିଏ ନେୟାଁ ମାଟାୟି ଝେହା ହାଚେ ଇଞ୍ଜା ହୀରୁ ଜୀଆଡାକି ଝାୟାନା ହାହାହାଚେ । ୭ ଅଢ଼େ କଚେକା ବିଚା ହାପୁକା ବୁଟାତା ରୀତେ, ଇଞ୍ଜା ହାପୁକା ବୁଟା ପାତାଆହାନା ଆନାଁ ତାକିତି ପୁକହାତୁସ୍ତେ ଇଞ୍ଜା ପାଢ଼େୟି ଆୟାଆଚେ । ୮ ଅଢ଼େ କଚେକା ବିଚା ନେହଁ ବୁମିତା ରୀତେ, ଏଡ଼ି ନେୟାହାଁ ପାତାଆହାନା, କଢ଼େଦସ, ତାନିକଡ଼ି, ପାସାକଡ଼ି ପାଢ଼େୟି କାମିଚେ ।”

୯ ଅଢ଼େ ଏଝାସି ଏଲେଇଚେସି, “ଝେଞ୍ଜାଲି ଆମ୍ବାଆରାକି କୀକୀ ମାନୁ ଏଝାସି ଝେଣ୍ଡାମ୍ବାସି ।”

ପୁଣ୍ଡିକିନି କାତାଟି ଝେହନାୟି
(ମାତି ୧୩:୧୦-୧୭; ଲୁକ ୮:୯-୧୦)

୧୦ ଜୀମୁ ରଅସିଏ ମାଟାଟି ତାନି ତଲେତି ଏଚରଜାଣା ଇଞ୍ଜା ବାରଜାଣା ସୀସୁୟାଁ ତଲେ ଏ ପୁଣ୍ଡିକିନି କାତା ଏନାୟି ଇଞ୍ଜାଁ ଝେଚେରି । ୧୧ ଏମ୍ବାଟିଏ ଏଝାସି ଏଝାରାଇଁ ଏଲେଇଚେସି, ମାହାପୁରୁ ରାକ୍ତିତି ଡୁଗ୍ଗାମାନାଣି ପୁଞ୍ଜାଲି ମିଙ୍ଗେ ବାଡ଼ୁଲୁ ହାପୁକି ଆହାମାନେ, ସାମା ପାଞ୍ଜାତି ବାରେ ଲକୁତାକି ଇ ପୁଣ୍ଡିକିନି କାତାତଲେ ଝେସପି ଆହିମାନେ, ୧୨ ଏନିକଁ ,
“ଏଝାରି ମେସି ମେସିହଁ ,
ମେହୁଅରି;
ଇଞ୍ଜାଁ ଝେଞ୍ଜୁଝେଞ୍ଜୁହଁ ,
ତେଲୁହଅରି,
ଏଝାରି ମାହାପୁରୁ ତାଣା ଝେଣ୍ଡା ଝାଡ଼ିହଁ ମା,
ପାପୁଟି ପିସପି ଆଡେଚିମା ।”

ବିଚା ମାଟିନି କାତା ପୁଣ୍ଡିକିନାୟି
(ମାତି ୧୩:୧୮-୨୩; ଲୁକ ୮:୧୧-୧୫)

୧୩ ଜୀମୁ ଅଢ଼େ ଝେଣ୍ଡେ ଏଝାରାଇଁ ଏଲେଇଚେସି, “ମୀରୁ ଇ ପୁଣ୍ଡି କିନାଣି ପୁଞ୍ଜି ହିଲଅତେରି ? ଆତିହଁ ନା ପୁଣ୍ଡିକିନି କାତା ଏନିକଁ ପୁଞ୍ଜେରି ? ୧୪ ଆମ୍ବାଆସି ମାହାପୁରୁ ବଲୁ ଝେହନାସି ଏଝାସି ବିଚା ମାଟିନାସି । ୧୫ ଆମିନି ଗାଟାରି ଝେନେରି, ଇଞ୍ଜାଁ ଝେଟି ଦେବୁଣିଏ ସୟତାନ ଝାହାନା ଏଝାରିତାଣା ଝେଣ୍ଡାମ୍ବା ଆହାମାନି ବଲୁ ମାଞ୍ଜାଅନେ, ଏଝାରି ଜିରୁ ଦାରିତା ରିତି ବିଚାଲେହେତାରି । ୧୬ ଏଲେକିହଁ ଏ ଝାଲି ଲାକ ରିହାମାନି ବିଚାଲେହେତାରି, ଏ ବଲୁ ଝେଣ୍ଡାମ୍ବାନିଏ ରାହାଟି ନାମିନେରି, ୧୭ ସାମା ଏଝାରିତାଣା ହୀରୁ ଜୀଆଡାକି ଗାଢ଼େକା ତାକି ତୀରି ମାନେରି, ତାୟୁ ମାହାପୁରୁ ବଲୁ ତାକି କସ୍ତ ବାଡ଼ା ଝାଡ଼ିସାରେ ଦେବୁଣିଏ ପିହନେରି, ଏଝାରି ଉଣା ଇଚୁଆ ମାନି ଝାଲୁକା ଲାକତି ବିଚାଲେହେତାରି । ୧୮ ହାପୁକା ବୁଟାତା ମାଟିତି ବିଚା ଏଝାରି, ଆମ୍ବାଆରି ବଲୁତି ଝେନେରି, ୧୯ ଦାଋତିତି ଅଣପୁ ଦନତି ବାରେ ଜୁପକା ହଡ଼ାନା ଏଝାରାଇଁ ପୁକହାତୁହନେ, ଇଞ୍ଜାଁ ଏଡ଼ି ପାଢ଼େୟି ଆୟାଲି ଆଡେଏ । ୨୦ ଅଢ଼େ ଆମିନି ଗାଟାରି କାତା ଝେନେରି, ଇଞ୍ଜାଁ ନାମିନେରି, ଅଢ଼େ କଢ଼େଦସ, ତାନିକଡ଼ି, ଇଞ୍ଜାଁ ପାସାକଡ଼ି ପାଢ଼େୟି କାମିନେରି, ଏଝାରି ନେହଁ ବୁମିତା ମାଟିତି ବିଚାଲେହେତାରି ।”

ମାଣା ପୁକ୍ତୁହି ଦୀଞ୍
(ଲୁକ ୮:୧୬-୧୮)

୨୧ ଜୀମୁ ଅଢ଼େ ଝେଣ୍ଡେ ଏଝାରାଇଁ ଏଲେଇଚେସି, “ଆମ୍ବାଆସି ଦୀଞ୍ ଡ଼ାସାନା ମାଣା ପୁକ୍ତୁହାନା କି କାଚେଲି ଡ଼କ ଇଚିନେସି ? ଏଦାଆଁ ଏନାଆଁ ଦୀଞ୍ ସଡ଼ାତା ଇଚଅସି ? ୨୨ ଇଚିହଁ ତଞ୍ଜା ଆଆଗାଟାୟି ଏନାୟି ଜିକେଏ ଡ଼ଗ୍ଗାନା ଡ଼ୟେଏ; ଏନାୟି ଡ଼ଗ୍ଗାନା ଆହାମାନେ, ଏଡ଼ି ତଞ୍ଜାଆହାଲି ଡ଼ଗ୍ଗାମାନେ । ୨୩ ଇଚିହଁ ଆମ୍ବାଆରାକି ଝେଞ୍ଜାଲି କୀକୀ ମାନୁ ଏଝାସି ଝେଣ୍ଡାମ୍ବାସି ।”

୨୪ ଜୀମୁ ଅଢ଼େ ଏଲେଇଚେସି, “ଏନାଆଁ ଝେଞ୍ଜି ମାଞ୍ଜେରି ଏ କାତାତା ଜାଗ୍ରାତା, ଆମିନି ମାଣା ତଲେ ଲାଡ଼ିଦେରି, ଏ ମାଣା ତଲେ ମିଙ୍ଗେ ଲାଡ଼ା ହିୟାନେରି, ଅଢ଼େ ମୀରୁ ହାଚେକା ବେଟାଆଦେରି ।

✧ ୪:୨୧ ୪:୨୧ ମାତି ୫:୫; ଲୁକ ୧୧:୩୩ ✧ ୪:୨୨ ୪:୨୨ ମାତି ୧୦:୨୬; ଲୁକ ୧୨:୨ ✧ ୪:୨୪ ୪:୨୪ ମାତି ୭:୨; ଲୁକ ୭:୩୮

୨୫ ଧରିହୁଁ ଆତ୍ମାଆରାଜି ମାନେ ଏଞ୍ଜେଲିକି ହୀଠକି ଆନେ; ଅଡ଼େ ଆତ୍ମାଆରାଜି ହିଲେଏ, ଏଞ୍ଜେଲି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜେଲି ତାଣାଟି ଅଞ୍ଜିଆନେ ।”

ପାତାଆନ୍ତି ବିଚାଡି ପୁଣ୍ଡିକିନାୟି

୨୬ ଜୀସୁ ଅଡ଼େ ଏଲେଇଚେସି, “ମାହାପୁରୁ ରାଜି ଇଲେତାୟି, ଏନିକଁ ର ମାଣସି ବୁଢିତା ବିଚା ମାଟିନେସି; ୨୭ ଇଞ୍ଜା ଲାଆଁୟାଁ ଇଦା କିନେସି ଅଡ଼େ ମାଦେନା ତେଝଏଲିନେସି, ଅଡ଼େ ବିଚା ଏନିଆହୁଁ ଗଜା ଆହାଁ ପାତାଆନେ ଏଦାଆଁ ଏଞ୍ଜେସି ପୁନଅସି । ୨୮ ଗହଁ ବୁଢିଟି ତାନୁଏ ନେୟଁନେ, ତଲିଏ ଆକୁ ଆନେ ତାୟୁ କେଜୁ ଅଡ଼େ ତାୟୁ କେଜୁଟି ପାଡ଼େୟି ଆନେ । ୨୯ ସାମା ଆନାଁ କାମ୍ବିସାରେ ମାଟିତାସି ଏ ଆନାଟି କଟାତଞ୍ଜେଲି ତଲେ ଦାଃଆନେସି ।”

ରାୟି ପାଡ଼େୟି କାତା
(ମାଟି ୧୩:୩୧-୩୨; ଲୁକ ୧୩:୧୮-୧୯)

୩୦ ଅଡ଼େ ଜୀସୁ ଏଲେଇଚେସି, “ମାର ମାହାପୁରୁ ରାଜି ଏନାଆଁତଲେ ତୁକନାୟି ? ଇଞ୍ଜା ଏନିଲେହେଁଟି ପୁଣ୍ଡିକିନି କାତାତଲେ ଝେହନାୟି ? ୩୧ ଏଦି ର ହାସୁଁ ପାଡ଼େୟି ଲେହେଁ; ବୁଢିତା ମାଟିନି ବେଲାତା ଏଦି ଦାରତଡି ବାରେ ପାଡ଼େୟି କିହାଁ ଉଣା, ୩୨ ସାମା ମାଟିଟି କେତ ପାତାଆହାନା ବାରେ କୁଟା କିହାଁ କାଜାୟି ଆନେ, ଇଞ୍ଜା ଏଦାନି କମାୟାଁ ଇଲେକଁ କାଜାଇ ଆନୁ, ଇଞ୍ଜା ହାଗୁ ଲାକ ଉଦ୍ଦିନି ପଟାୟାଁ ଖାହାନା ଏଦାନି କମାଣାଁ ବଣ ଦସାଁ ବାସାଆନୁ ।”

୩୩ ଜୀସୁ ଇଲେକିହଁ ହାରେକା ପୁଣ୍ଡିକିନି କାତା ଝେସିହଁ ଏଞ୍ଜେସି ପୁନିଲେହେକଁ ମାହାପୁରୁ କାତା ଝେସିମାଚେସି, ୩୪ ଅଡ଼େ ପୁଣ୍ଡିକିନି କାତା ଆଟ୍‌ଆନା ଜୀସୁ ଏନାଆଁଞ୍ଜା ଝେସି ହିଲାଆତେସି, ସାମା ଲକୁ ହିଲାଆ ବେଲାତା ତାନି ସାୟୁୟାଁଣି ବାରେ ପୁଣ୍ଡି କିହିମାଚେସି ।

ଜୀସୁ କାଜା ଗାଲିତି ସାପି କିନାୟି
(ମାଟି ୮:୨୩-୨୬; ଲୁକ ୮:୨୨-୨୫)

୩୫ ଏ ଦିନା ମିଡ଼ଅଲ ବେଲା ଜୀସୁ ତାନି ସାୟୁୟାଁଇଁ ଏଲେଇଚେସି, “ଝାଦୁ ମାର ସାମ୍ବୁରି ଆତାଲା ହାନ ।” ୩୬ ଏମାଟିଏ ଏଞ୍ଜେସି ଲକୁଣି ପିସାନା ଏଞ୍ଜେସି ଏନିକଁ ତଂଗତା ମାଚେସି ଏଲେକିହଁ ଏ ଅଡେରି, ଇଞ୍ଜା ଏମାଆଁ ଏଚରଗଟା ତଂଗାୟାଁ ଜିକେଏ ମାତୁ । ୩୭ ଇଞ୍ଜା ଦେବୁଣିଏ ହାରେକା କାଜା ଗାଲି ଆଡେ, ଇଞ୍ଜା ତଂଗ ସାମ୍ବୁରିଟି ଗାଲିତାକି ମୁଞ୍ଜାଲି ମାଡ଼ହେ । ୩୮ ଏଟିବେଲା ଜୀସୁ ତଂଗତି ତାୟୁଞ୍ଜାକି ର ମୂଲାତା ତାରପୁ ଆଂଗାନା ଇଦା କିହାମାଚେସି; ଇଞ୍ଜା ସାୟୁୟାଁ ଏଞ୍ଜେଲାଇଁ ନିକହାନା ଏଲେଇଚେରି, “ଏ ଗୁରୁ ମାର ହାନାୟିଦେଁ ନିଜେ ଅଣପୁ ହିଲେଏ କି ?”

୩୯ ଏମାଟିଏ ଜୀସୁ ନିଜାନା ଗାଲିତି ଦାକା ହାହାନା ଏଲେଇଚେସି, “ତୁଜାମୁଁ ଇଞ୍ଜା ସାମ୍ବୁରିଟି ଏଲେଇଚେସି, “ସାପି ଆମୁ” ଏମାଟିଏ ଗାଲି ପାଲେଏ ଆଡେ ଇଞ୍ଜା ବାରେ ସୁସି ଆଡେ । ୪୦ ଇଞ୍ଜା ଜୀସୁ ଏଞ୍ଜେରାଇଁ ଏଲେଇଚେସି, “ମାରୁ ଏନାଆଁତାକି ଇଚେକା ଆଜିମାଞ୍ଜେରି ? ମୀ ନାମୁ ହିଲେଏ କି ?”

୪୧ ଏମାଟିଏ ଏଞ୍ଜେସି ହାରେକା ଆଜାନା ତାମୁ ତାମୁସୁ କାତା ଆଡେରି, “ଇଞ୍ଜେସି ଆତ୍ମାଆସି ? ଗାଲି ଅଡେ ସାମ୍ବୁରି ଜିକେଏ ଇଞ୍ଜେସି ହାଡ଼ା ମାନଞ୍ଜି ଆହିମାନୁ ।”



ଜୀସୁ ବୁଡୁୟାଁ ଆଲ୍‌ଗିତାଣାଇଁ ନେହଁ କିନାୟି
(ମାଟି ୮:୨୮-୩୪; ଲୁକ ୮:୨୬-୩୯)

୧ ତାୟୁ ଜୀସୁ ଅଡ଼େ ସାୟୁୟାଁ ଗାଲିଲି ଆତାଲାଟି ଗରାସିୟ* ରାଜିତା ଏଗାହାଚେରି । ୨ ଜୀସୁ ତଂଗଟି ରେପନିଏ ର ବୁଡୁ ଆଲ୍‌ଗା ମାଚାସି ମାଡ଼ହା ମୁହନି ଟାୟୁଟି ହଟାଞ୍ଜାହାନା ଜୀସୁଇଁ ବେଟାଆଡେସି । ୩ ଏଞ୍ଜେସି ମାଡ଼ହା ମୁହନି ଟାୟୁତା ବାସା କିହିମାଚେସି, ଇଞ୍ଜା ଆତ୍ମାଆସି ଜିକେଏ ଏଞ୍ଜେଲାଇଁ ହିକଣିୟାଁ ତଲେ ଦସାଲି ଆଡିହିଲାଆଡେରି; ୪ ଧରିହୁଁ ଏଞ୍ଜେଲାଇଁ ହାରେକା ଦେବା ହିକଣିୟାଁ ତଲେ ଦସାମାଚେରି, ସାମା ଏ ହିକଣିୟାଁ ତାପହାନା କୁଟୁକୁଟା କିଚେସି, ଇଞ୍ଜା ଏଞ୍ଜେଲାଇଁ ଦସା ଇଗାଲି ଆତ୍ମାଆରାଜି ଜିକେଏ ବାଡ଼ୁୟୁ ହିଲାଆଡେ । ୫ ଏଞ୍ଜେସି ଲାଆଁୟାଁ ମାଦେନା ବାରେବେଲା ମାଡ଼ହା ମୁହନି ଟାୟୁତା ଅଡ଼େ ହରୁତା ତୁୟାନା କିଚଡି ମାଚେସି, ଇଞ୍ଜା ଖାଲ୍‌କାତଲେ କଡ଼ହା କଡ଼ିହଁ ରାଣାରାକା କିହା କଡିମାଚେସି ।

* ୪:୨୫ ୪:୨୫ ମାଟି ୧୩:୧୨; ୨୫:୨୫; ଲୁକ ୧୩:୨୭ * ୫:୧ ୫:୧ ଚେକା ସାପ୍ତେରିତା ଗବରିୟ ରାସ୍ତି ଆହାମାନେ

^୭ ଏଞ୍ଜେଲ୍ ହେକଟିଏ ଜୀମୁଇଁ ମେସାନା ହଟି ହଟିହିଁ ଖାହାନା ଏଞ୍ଜେଲ୍ କତାଣା ରିହାଁ ଜହରା କିତେସି, ^୮ ଅଡ଼େ କାଜା ଗିୟାଁତଲେ କିରୁଡ଼ିହିଁ ଏଲେଇଚେସି, “ଏ ବାଡ଼ୁୟାଗାଟି ମାହାପୁରୁ ମୀରୁଏଣାଟି ଜୀମୁ, ନୀ ତଲେ ନାଜେ ଏନାୟି ମାଚେ ? ନିଜେ ମାହାପୁରୁ ଦରୁତଲେ ପାରମାଣା କିହିମାଞ୍ଜାଇଁ, ନାଜେ କସ୍ତୁ ହିୟାଆନି ।” ^୯ ଏନାଆଁତାକି ଇଚିହିଁ ଜୀମୁ ଏଞ୍ଜେଲ୍ ଏନାଆଁ ଇଞ୍ଜାଲି ହାଜିମାଚେସି, “ଏ ପଲୁଆ ବୁଡୁତି ଇଞ୍ଜାଣି ତାଣାଟି ହଡ଼ାହାଲାନୁ ।”

^{୧୦} ଜୀମୁ ଏଞ୍ଜେଲ୍ ଖେଚେସି, “ନୀ ଦରୁ ଏନାୟି ?” ଏଞ୍ଜେଲ୍ ଏଲେଇଚେସି, “ନା ଦରୁ ‘ମାନ୍ଦା’ ଇଚିହିଁ ମାମୁ ହାରେକା ଜାଣାତନି ।” ^{୧୧} ଇଞ୍ଜା ଜୀମୁ ଏନିକିଁ ଏ ପଲୁଆ ବୁଡୁୟାଣି ଏ ରାଜିଟି ଅର ରାଜିତା ପାଣ୍ଡାସି, ଏଦାଆଁତାକି ଏଞ୍ଜେଲ୍ ହାରେକା ବାତିମାଲିଚୁ ।

^{୧୨} ଏନାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟିଁ ମାଚୁ । ^{୧୩} ଅଡ଼େ ଏ ବୁଡୁୟାଁ ବାତିମାଲିହିଁ ଏଲେଇଚୁ, “ମାଜେ ଏ ପାଜିୟାଁ ମାନ୍ଦାତା ହଡ଼ାଲି ପାଣ୍ଡାମୁ ।” ^{୧୪} ଏଞ୍ଜେଲ୍ ଏଞ୍ଜେଲ୍ ହୁକୁମି ହାହାଲିଏ, ଏ ପଲୁଆ ବୁଡୁୟାଁ ଏଞ୍ଜେଲ୍ ତାଣାଟି ହଡ଼ାନା ପାଜିୟାଁ ମାନ୍ଦା ବିତ୍ରା ହଡ଼ୁ; ଏମ୍ବାଟିଏ ମାନ୍ଦା ପାଜିୟାଁ ତବେ ହଡ଼ାନା ତାଚେ ମାଟି ସାମୁଦ୍ରିତା ମେନାମା ହାହାହାଚୁ, ବାରେ ରୀ ମାଣା ପାଜିୟାଁ ମାଚୁ ।

^{୧୫} ଏ ପାଜିୟାଁ ମେଟିମାଟି ଗଡ଼କା ଗାଡ଼ାତା ଅଡ଼େ ନାମ୍ବାକାଣୀ ଏ କାତା ଖେସକା ହାଚେରି; ଏମ୍ବାଟିଏ ଲକୁ ଏନାଆଁ ଆହାମାନେ ଇଞ୍ଜେଁ ସିନିକିହାଲି ଖାଚେରି । ^{୧୬} ଅଡ଼େ ଏଞ୍ଜେଲ୍ ଜୀମୁ ତାଚେ ଖାହାନା, ଏ ବୁଡୁ ଆଲୁଗା ମାଚାଣାଇଁ ଇଚିହିଁ ଆମ୍ବାଆରାକି ନକେଏ ମାନ୍ଦା ବୁଡୁୟାଁ ଆସାମାଚୁ, ଏଞ୍ଜେଲ୍ ହିମ୍ବରି ହୁଡ଼ାନା ନେହିଁ ମନତଲେ କୁଗାମାଚାଣି ମେସାନା ଆଜିଚେରି । ^{୧୭} ଆମ୍ବାଆରି ମେସାମାଚେରି, ବୁଡୁ ଆଲୁଗା ମାଚାସି ଏନିକିଁ ନେହିଁ ଆଚେସି, ଅଡ଼େ ପାଜିୟାଁ ଏନିକିଁ ନାମ୍ବା ଆଚୁ ଏ ବାରେ ଖେସ୍ତେରି ।

^{୧୮} ଏମ୍ବାଟିଏ ଏଞ୍ଜେଲ୍ ଜୀମୁଇଁ ତାନି ହାନ୍ଦିଟି ହାଜାଲି ବାତିମାଲିଚେରି ।

^{୧୯} ତାମୁ ଜୀମୁ ତଂଗତା ହଡ଼ିମାଚାଟି ଆମିନି ଗାଟାଣାକି ବୁଡୁ ଆଲୁଗାମାଚେ, ଏଞ୍ଜେଲ୍ ତାନିତଲେ ତୁୟାଲି ତାକି ବାତିମାଲିଚେସି ।

^{୨୦} ସାମା ଜୀମୁ ହେଲ ହାଆନା ଏଞ୍ଜେଲ୍ ଏଲେଇଚେସି, “ନୀ ଇଜ ନୀ ଲକୁତାଣା ହାଲାନୁ, ଇଞ୍ଜା ପ୍ରବୁ ନିଜେତାକି ଏନି କାମା ଅଡ଼େ ନିଜେତାକି ଏମିନି କାର୍ମା କିହାମାଞ୍ଜାନେସି, ଏ ବାରେ ଏଞ୍ଜେଲ୍ ଖେସ୍ତେମୁ ।”

^{୨୧} ଏମ୍ବାଟିଏ ଏଞ୍ଜେଲ୍ ହାଜାନା, ଜୀମୁ ଏଞ୍ଜେଲ୍ ଏନି କାମା କିହାମାଚେସି, ଏଞ୍ଜେଲ୍ ଦେକାପଲିତାଂ ଖେକହାଲି ମାଚୁହେସି; ଏମ୍ବାଟିଏ ବାରେଜାଣା କାବା ଆଚେରି ।

ଜାୟିରସ ମାଜାନି ନାଞ୍ଜୁ ଇଞ୍ଜା ନେଚେରି ଖାଜିମାଟି ଇୟା ନେହିଁ ଆନାୟି
(ମାଟି ୯:୧୮-୨୭; ଲୁକ ୮:୪୦-୫୭)

^{୨୨} ଜୀମୁ ତଂଗାଟି ଗାଣାଚାନା ଅରଞ୍ଜାକି ଖେଣ୍ଡେ ଖାଚେସି, ମାନ୍ଦା ଲକୁ ଏଞ୍ଜେଲ୍ ତାଣା ରୁଣ୍ଡା ଆଚେରି; ଇଞ୍ଜା ଏଞ୍ଜେଲ୍ ସାମୁଦ୍ରି ଗାଡ଼ୁତା ତୁୟିଚେସି । ^{୨୩} ଏଚିବେଲ୍ ଜୀମୁଦି ଲକୁତି କୁଟମି ଲକୁତିଂ କାଜାରି ବିତ୍ରାଟି ଜାୟିରସ ଦରୁଗାଚାସି ରଅସି ଜୀମୁଇଁ ମେସାନା ଏଞ୍ଜେଲ୍ କତାଣା ରାଚେସି, ^{୨୪} ଇଞ୍ଜା ହାରେକା ବାତିମାଲିହିଁ ଏଲେଇଚେସି, “ନା ମାଜା ହାନ୍ଦିହିଁଗେ ଆହାମାନେ; ଏଦି ଏନିକିଁ ନେହିଁ ଆହାନା ନୀତିନେ, ଏଦାଆଁତାକି ନୀନୁ ଖାହାନା ଏଦାନି ଲାକି କେନ୍ଦୁ ଇଚାମୁ ।”

^{୨୫} ଏମ୍ବାଟିଏ ଜୀମୁ ଏଞ୍ଜେଲ୍ ତଲେ ହାଚେସି, ଇଞ୍ଜା ହାରେକା ଲକୁ ଏଞ୍ଜେଲ୍ ତଲେ ହାଜାଲି ମାଚୁହେରି, ଇଞ୍ଜା ଏଞ୍ଜେଲ୍ ମୁହେଁ ମୁହେଁ ଖେସି ଆହିମାଚେରି ।

^{୨୬} ଏଚିବେଲ୍ ଗାଟା ର ଇୟା ବାଚ ବାସା ପାଚେକା ନେଚେରି ଖାଜିନି ରଗତା ନେଚେରି ତୁଜାଆନା ନେହିଁ ଆହି ହିଲାଆଚେ, ^{୨୭} ଇଞ୍ଜା ଅସଗୁରୁ ତାଣା ହାଜାନା ଜିକେଏ ହାରେକା ଟାକାୟା କାରୁ କିହାମାଚେ, ଅଡ଼େ ଜିକେଏ ନେହିଁ ଆହିହିଲାଆଚେ, ସାମା ହାରେକା କସ୍ତ ବେଟାଆହି ମାଚେ । ^{୨୮} ଏଦି ଜୀମୁତି କାତା ଖେଜାନା ଲକୁ ମାନ୍ଦାତା ଖାହାନା ତାମୁ ଖାଜିଟି ଏଞ୍ଜେଲ୍ ହିମ୍ବରି ତାଗିଚେ; ^{୨୯} ଇଚିହିଁ ଏଦି ଏଲେ ଇଞ୍ଜେମାଚେ, “ଏଞ୍ଜେଲ୍ ହିମ୍ବରି ତାଗିଚିହିଁ ନେହିଁ ଆଜୁ ।”

^{୩୦} ଏ ଦେବୁଣିଏ ଏଦାଣି ନେଚେରି ବନାୟି ତୁଜିଚେ, ଇଞ୍ଜା ଏଦି ରଗଟି ନେହିଁ ଆହାମାନେ ଏଦାଆଁ ତାନି ଆଜାମା ପୁଞ୍ଜା କଡିଚେ । ^{୩୧} ଦେବୁଣିଏ ଜୀମୁ ତାନି ଆଜାମାଟି ବାଡ଼ୁୟା ହାଚାଣି ହିୟାଁତା ପୁଞ୍ଜାନା, ଲକୁ ମାନ୍ଦାତା ଖେଣ୍ଡେ ସିନିକିହାନା ଏଲେଇଚେସି, “ଏମ୍ବାଆୟି ନା ହିମ୍ବରି ତାଗାଚେ ?”

^{୩୨} ଏମ୍ବାଟିଏ ତାନି ସାମୁୟାଁ ଏଲେଇଚେରି, “ନୀନୁଚେ ମେସାମାଞ୍ଜି ଲକୁ ଏନିକିଁ ନୀ ମୁହେଁ ଆହିମାନେରି, ଅଡ଼େ ଏଲେ ଇଞ୍ଜେମାଞ୍ଜି ଆମ୍ବାଆୟି ନାଜେ ତାଗାଚେ ?”

୩୨ ଯାମା ଏମ୍ବାଆୟି ତାଙ୍ଗେ ତୀରିତେ ଏଦାଆଁ ମେସାଲି ଜୀସୁ ସାରିସୁରୁ ସିନିକିତେସି । ୩୩ ଏମ୍ବାଟିଏ ଏ ଇୟା ଖାହାନା ତାଙ୍ଗେତାକି ଏନାୟି ଆହାମାନେ ଏଦାଆଁ ପୁଞ୍ଜା ଆଜିତାକି ତୀରୁରିହୁଁ ଖାହୁଁ ତାନି କତାଣା ରିହାନା ବାରେ ସାତା କାତା ଏଞ୍ଜାଣାଇଁ ଖେସ୍ତେ । ୩୪ ଏମ୍ବାଟିଏ ଜୀସୁ ଏ ଇୟାନି ଏଲେଇରେସି, “ଆଲ ମାଙ୍ଗା ନୀ ନାମୁ ନିଙ୍ଗେ ନେହୁଁ କିହାମାଞ୍ଜାନେ; ହିଡ଼ଡ଼ି ତଲେ ହାଲାନୁ ଇଞ୍ଜାଁ ନୀ ରଗ୍ଗିଟି ନେହୁଁ ଆମୁ ।”

୩୫ ଜୀସୁ ଇ କାତା ଖେସିମାଚାଟି, ଜୀହୁଦି ଲକ୍ଷୁତି କୁଟମି ଇଲୁତି କାଜାଣା ଇଜଟି ରଅସି ଖାହାନା ଏଲେଇରେସି, “ନୀ ମାଙ୍ଗା ହାଡେୟିଏ ଗୁରୁଇଁ ଅଡେ ଏନାଆଁତାକି କସୁ ହାହିମାଞ୍ଜି ?”

୩୬ ଯାମା ଜୀସୁ ଏ କାତା ଖେଞ୍ଜାନା ଖେନାଆତିଲେହେଁ ଆହାନା ଜାୟିରସଇଁ ଏଲେଇରେସି, “ଆଜାଆନି ସାମା ନାମାମୁ ।” ୩୭ ଅଡେ ଏଞ୍ଜାସି ପିତର, ଜାକୁବ, ଅଡେ ତାନି ତାୟି ଜହନ ପିସପେ ଆମ୍ବାଆରାଇଁ ତାନିତଲେ ଅଥାଡେସି । ୩୮ ଏଞ୍ଜାରି ଜାୟିରସ ଇଜ ଏଜାଲିଏ, ଏମ୍ବାଆଁ ହାଡେକା କାଲୁଞ୍ଜି ଆହୁଁ ଡାହିମାନାଣି ମେସ୍ତେସି, ୩୯ ଇଞ୍ଜାଁ ବିତ୍ରା ହାଜାନା ଏଞ୍ଜାସିକାଣି ଏଲେଇରେସି, “ଏନାଆଁତାକି କାଲୁଞ୍ଜି ଆହୁଁ ଡାହି ମାଞ୍ଜେରି, ଇ ପଦା ହାହାହିଲେଏ ସାମା ଇଦା କିହାମାନେ” ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ କାକହେରି ।

୪୦ ଏଞ୍ଜାରି ଏଞ୍ଜାଣାଇଁ ଲାଜା କିହାନା କାକହେରି, ସାମା ଏଞ୍ଜାସି ବାରେଡି ପାଙ୍ଗାତା ପାଣ୍ଡାନା ପଦାନି ଇୟା ଆବା ଅଡେ ତାନି ତାନି ଜାଣା ସାମୁୟାଁ ତଲେ ଏ ପଦା ମାଟି ତାଣା ହାରେରି, ୪୧ ଇଞ୍ଜାଁ ଏ ପଦାନି କେୟୁ ଆସାନା ଏଦାନି ଏଲେଇରେସି, “ଚଲିତା କୁମ୍” ଇଟିହୁଁ “ଆଲ ମାଙ୍ଗା ନାମୁ ନିଙ୍ଗେ ଖେସିମାଞ୍ଜାଇଁ ନିଙ୍ଗାମୁ ।”

୪୨ ଏ ଦେବୁଣିଏ ପଦା ନିଙ୍ଗାନା ତାକିତେ (ଇଟିହୁଁ ଏଦି ବାରୁ ବାସା ଆହାମାରେ) ଏମ୍ବାଟିଏ ଏଞ୍ଜାରି ହାଡେକା କାବା ଆଡେରି । ୪୩ ଇଞ୍ଜାଁ ଇ କାତା ଏନିକିଁ ଆମ୍ବାଆରି ପୁନଅରି, ଏଦାଆଁତାକି ଏଞ୍ଜାସି ଏଞ୍ଜାରାଇଁ ଜାଣେ ହୁକୁନି ହୀତେସି, ଇଞ୍ଜାଁ “ପଦାନାକି ଏନାଆଁ ତିଞ୍ଜାଲି ହୀଦୁ” ଇରେସି ।



ଜୀସୁଇଁ ନାଜୁରିତତା ଅପାଆଗାଗାୟି
(ମାଟି ୧୩:୫୩-୫୮; ଲୁକ ୪:୧୬-୩୦)

୧ ଜୀସୁ ଏ ଟାୟୁ ପିସାନା ତାନୁ ପାତାଆଡ଼ି ନାୟୁତା ହାରେସି ଇଞ୍ଜାଁ ତାନି ସାମୁୟାଁ ତାନି ଜେଡ ହାରେରି । ୨ ଜମିନି ଦିନା ଖାହାଲିଏ, ଏଞ୍ଜାସି ଜୀହୁଦି ଲକ୍ଷୁତି କୁଟମି ଇଲୁତା* ଜାପୁହାଲି ମାଟୁହେସି; ଇଞ୍ଜାଁ ହାଡେକା ତାନି କାତା ଖେଞ୍ଜାନା କାବା ଆହୁଁ ଏଲେଇରେସି, “ଇଞ୍ଜାଣାକି ଇ ବାରେ ଏମ୍ବିଟି ଆଡେ ? ଇଞ୍ଜାସି ଇଲେଡି ବୁଦି ଏନିକିଁ ପୁରେସି ? ଇଞ୍ଜାଁ ଇଲେଡି କାବାଆନି କାମା ଏନି ବାଡୁୟୁ ତଲେ କିହାମାନେସି ?” ୩ ଇଞ୍ଜାସି ଏ ବାଡିୟାଡି ମୀରୁଏସି ଆଏକି ? ଇଞ୍ଜାସି ମିରିୟମିନି ମୀରୁଏସି ଇଞ୍ଜାଁ ଜାକୁବ, ଜସି, ଜୀହୁଦା ଇଞ୍ଜାଁ ସିମନତି ତାୟି ଆଏକି ? ଇଞ୍ଜାଁ ତାନି ତାଙ୍ଗିସ୍ତା ଇମ୍ବାଆଁ ମା ତଲେ ହିଲାର କି ? ଅଡେ ଏଞ୍ଜାରି ଏଞ୍ଜାଣାଇଁ ଅପାଆଡେରି ।

୪*ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇରେସି, “ମାହାପୁରୁ ଅଣପୁଡି ବଲୁ ଖେହନାରି ଏବୁକା ଲକ୍ଷୁ ତାଣାଟି ମାନି ବେଟାଆନେରି ସାମା ତାନି ନାୟୁଡି ଲକ୍ଷୁ ଇଞ୍ଜାଁ ତାନି ଇଲୁ କୁଟମିତି ଲକ୍ଷୁ ଏଞ୍ଜାଣାଇଁ ମାନି କିଅରି ।”

୫ ଇଞ୍ଜାଁ ଏଚରଜାଣା ରଗ ଗାଟାରାଇଁ କେୟୁ ଇଟାନା ନେହୁଁ କିନାଣି ପିସପେ ଏ ଟାୟୁତା ଏନି ବାଡୁୟୁଡି କାମା କିହାଲି ଆଡାଆଡେସି । ୬ ଇଞ୍ଜାଁ ଏଞ୍ଜାରି ନାମାଆତାକି ଜୀସୁ ହାଡେକା କାବା ଆଡେସି ଏମ୍ବାଟି ବାରେ ନାସକାଣାଁ ହାଜାନା ଜାପୁହେସି ।

ଜୀସୁ ବାରଜାଣା ସାମୁୟାଁଣି ପାଣ୍ଡିନାୟି
(ମାଟି ୧୦:୫-୧୫; ଲୁକ ୯:୧-୬)

୭ ତାୟୁ ଏଞ୍ଜାସି ନାସକା ନାସକାଣାଁ ରେଜି ରେଜିହୁଁ ଜାପୁହାଲି ମାଟୁହେସି, ଏମ୍ବାଟିଏ ବାରଜାଣାଟି ତାରେ ହାଟାନା ଏଞ୍ଜାରାଇଁ ରିଆରି ଲାକା କିହାନା ପାଣ୍ଡାଲି ମାଟୁହେସି ଇଞ୍ଜାଁ ଲାଗେଏ ପଲେଏତି ଜୀସୁୟାଁ ଲାକ ଏଞ୍ଜାରାକି ଅଦିକାରା ହୀତେସି, ୮ ଅଡେ ହାଜାଲିତାକି ବାଡ଼ଗା ପିସପେ, ଲହଡ଼ି କି ମଣା କି ଅଚଡ଼ିତା ଟାକାୟାଁ ଅଥାଦୁ ଇଞ୍ଜୁଁ ହୁକୁନି ହୀତେସି; ୯ ସାମା ଏଞ୍ଜାରାଇଁ କତାତା ସେପୁୟାଁ ତୁରହାଲି ଏଲେଇରେସି, ଇଞ୍ଜାଁ ରୀ ସକାୟାଁ ତୁରହାଲି କାହି କିତେସି । ୧୦ ଇଞ୍ଜାଁ ଜୀସୁ ଏଞ୍ଜାରାଇଁ ଏଲେଇରେସି, “ମିଙ୍ଗ ଆନିନି ଇଲୁତା ହାଟାନେରି, ଏମ୍ବାଟି ଖେଣ୍ଡା ଖାଆ ପାଡେକା ଏମ୍ବାଆଁ ତୁୟାଦୁ । ୧୧ **ସାମା ଆନିନି ଟାୟୁଡି ଲକ୍ଷୁ

* ୨:୨ ୬:୨ ସିନଗର ✪ ୨:୪ ୬:୪ ଜହ ୪:୪୪ ✪ ୨:୧୧ ୬:୧୧ କାମା ୧୩:୫୧ ✪ ୨:୧୧ ୬:୧୧ ଲୁକ ୧୦:୪-୧୧

ମିଙ୍ଗ ଆବଅରି, କି ମୀ କାତା ୱେନଅରି, ଏମ୍ବାଟି ୱେଣ୍ଡା ୱାନ୍ତାଟି ଏଞ୍ଜାରି ନକିତା ସାକି ହାହାଲି ତାକି ମୀ କତାତି ଦୁଡ଼ି ହାଣ୍ଡୁ ।”

୧୭ ଏମ୍ବାଟିଏ ଏଞ୍ଜାରି ରେଜି ରେଜିହୁଁ ପାପୁ ପିସାନା ମନ ୱେଟ୍ଟିନି କାତା ୱେକ୍‌ହେରି, ୧୩ ଇଞ୍ଜା ହାରେକା ବୁଡୁଣି ପିସପି କିତେରି, ଇଞ୍ଜା ହାରେକା ରତା ଗାଟାରାଇଁ ନିୟୁଁ ରୁବାନା ନେହୁଁ କିତେରି ।

ବାପ୍ତିସ୍ତାଁ ହାନି ଜହନତି ହାନାୟି
(ମାତି ୧୪:୧-୧୨; ଲୁକ ୯:୭-୯)

୧୪ ଏମ୍ବାଟିଏ ଜୀସୁ ଦରୁ ସାରି ୱାକି ୱେଙ୍ଗା ହାଜାଲିଏ ହେରଦ ରାଜା ଏଞ୍ଜାଣି କାତା ୱେରେସି, ଇଞ୍ଜା ଲକୁ ଏଲେଇଞ୍ଜିମାରେରି, “ବାପ୍ତିସ୍ତାଁ ହାନି ଜହନ ହାଡ଼ାରି ତାଣ୍ଡାଟି ନିଙ୍ଗାମାନେସି, ଏଦାଆଁତାକି ଇ ବାରେ କାବାଆନି ବାଡ଼ୁୟୁତି କାମା ଏଞ୍ଜାଣି ତାଣ୍ଡା ଆହୁମାନେ ।”

୧୫ ସାମା ଏଟ୍‌କାତାରି ଏଲେଇଞ୍ଜିମାରେରି, “ଇଞ୍ଜାସି ଏଲିୟୁ ।”

ଇଞ୍ଜା ଅଡ଼େ ଏଚରଇଜାଣା ଏଲେଇଞ୍ଜିମାରେରି, “ମାହାପୁରୁ ଅଣ୍ଡପୁତି ବଲୁ ୱେହ୍‌ନାରି ଲେହେଁ ଇଞ୍ଜାସି ଜିକେଏ ମାହାପୁରୁ ଅଣ୍ଡପୁତି ବଲୁ ୱେହ୍‌ନାସି ।”

୧୬ ସାମା ହେରଦ ଇଦାଆଁ ୱେଞ୍ଜାନା ଏଲେଇଚେସି, “ଆମିନି ଜହନତି ତାୟୁଁ ନାନୁ ଦାପି କିହାମାଇଁ, ଏଞ୍ଜାସି ନିଙ୍ଗାମାନେସି !” ୧୭ ଇଚିହୁଁ ହେରଦ ତାନି ତାୟି ପିଲିପ ତକ୍ତି ହେରଦିୟାନି ବାହା ଆହାମାଚାକି, ଏଦାନି ତାକି ତାନୁ ଲକୁଣି ପାଣ୍ଡାନା ଜହନଇଁ ଦସପା ତାଚାନା କାୟିଦିତା ଇଟାମାରେସି ।

୧୮ ଇଚିହୁଁ ଜହନ ହେରଦଇଁ ଏଲେଇଞ୍ଜାମାରେସି, “ନୀ ତାୟି ତକ୍ତିନି ଇଚିନାୟି ନୀ ମେରା ହିଲ୍ଲାଆତେ ।” ୧୯ ଏମ୍ବାଟିଏ ହେରଦିୟା କାରବି ଆହାନା ଜହନଇଁ ପାୟାଲି ମନ କିହିମାଚେ ସାମା ଏଦି ଏନାଆଁ କିହାଲି ଆଡ଼ିହିଲ୍ଲାଆତେ । ୨୦ ଇଚିହୁଁ ହେରଦ ଜହନଇଁ ର ଦାମ୍ବୁଗାଟାସି ଅଡ଼େ ସୁଦୁଗାଟାସି ଇଞ୍ଜା ଆଜିମାରେସି, ଇଞ୍ଜା ଏଞ୍ଜାଣାଇଁ ଗେଲ୍‌ପାଲି ଅଣ୍ଡପିମାରେସି, ଏଞ୍ଜାଣି କାତା ୱେଞ୍ଜାନା ଆଜିତିହୁଁ ଜିକେଏ ଏଞ୍ଜାଣି କାତା ୱେଞ୍ଜାଲି ମନ କିହିମାରେସି ।

୨୧ ତାୟୁ ହେରଦିୟାକି ର ପାରୁ ମେଡ଼ାଆଡ଼େ, ହେରଦ ତାନି ଜାନ୍‌ନା ଦିନାତା କାଜା କାଜା ମନ୍ତ୍ରିୟାଣି ଇଞ୍ଜା ଗାଲିଲିତି କାଜା କାଜାରାଇଁ ଲାଆଁ ବେଲାତା ର ବକ୍ତିତା ହାଡ଼ିତେସି; ୨୨ ଇଞ୍ଜା ହେରଦିୟାନି ମାଙ୍ଗା ବିତ୍ରା ହାଜାନା ଏନାହାଁ ହେରଦ ଇଞ୍ଜା ତାନିତଲେ ବକ୍ତିତା କୁଗାମାଟି ଲକୁଣି ରାହାଁ କିଞ୍ଜିକିଚେ, ଏମ୍ବାଟିଏ ରାଜା ଏ ପଦାନି ଏଲେଇଚେସି, “ଏନାଆଁ ମନ କିହିମାଞ୍ଜି ରାସ୍ତାମୁ ନାନୁ ଏଦାଆଁ ନିଙ୍ଗେ ହିୟାଇଁ ।” ୨୩ ଇଞ୍ଜା ଏଞ୍ଜାସି ପଦା ନକିତା ପାରମାଣା କିଚେସି, “ନାନୁ ନାଙ୍ଗେ ଏନାଆଁ ରାସ୍ତାଦି, ରାକ୍ତିତି ଆଦା ଜିକେଏ ନାନୁ ନିଙ୍ଗେ ହିୟାଇଁ !”

୨୪ ଏମ୍ବାଟିଏ ଏ ପଦା ହାଜାନା ତାନି ଇୟାନି ୱେଚେ, “ନାନୁ ଏନାଆଁ ରାହୁଇଁ ?”

ଏମ୍ବାଟିଏ ଏଦି ଏଲେଇଚେ, “ବାପ୍ତିସ୍ତାଁ ହାନି ଜହନତି ତାୟୁଁ ।”

୨୫ ଏ ଦେବୁଣିଏ ରାଜା ତାଣ୍ଡା ତବେ ୱାହାନା ଏଲେଇଞ୍ଜି ରାସ୍ତେ, “ନାଙ୍ଗେ ନାନୁ ବାପ୍ତିସ୍ତାଁ* ହାନି ଜହନତି ତାୟୁଁ ରୁ ସାଡ଼ଞ୍ଜାତ ନାଏଁ ନାଙ୍ଗେ ହିୟାମୁ ।”

୨୬ ଏମ୍ବାଟିଏ ରାଜା ହାରେକା ଦୁକୁ ଆଡ଼ିହୁଁ ଜିକେଏ, ତାନୁ କିତି ପାରମାଣା ଅଡ଼େ ବକ୍ତିତା କୁଗାମାଚାରି ତାକି ଆଏ ଇଞ୍ଜାଲି ଆଡ଼ାଆତେସି । ୨୭ ଏଦାଆଁତାକି ରାଜା ଦେବୁଣିଏ ର କହୁଏଁଶାଇଁ ପାଣ୍ଡାନା ତାନି ତାୟୁଁ ତାଚାଲି ହୁକୁମି ହାଡ଼େସି, ଏମ୍ବାଟିଏ ଏଞ୍ଜାସି ହାଜାନା କାୟିଦି ଇଲୁତା ତାନି ତାୟୁଁ ଦୁାଡ଼େସି; ୨୮ ଅଡ଼େ ଏଦାଆଁ ର ସାଡ଼ଞ୍ଜାତ ତାଚାନା ପଦାନାକି ହାଡ଼େସି, ଇଞ୍ଜା ପଦା ଏଦାଆଁ ଅହାନା ତାନି ଇୟାନାକି ହାଡ଼େ । ୨୯ ଇଞ୍ଜା ଜହନତି ସାୟୁୟାଁ ଏ କାତା ୱେଞ୍ଜାନା ୱାଡ଼େରି, ଇଞ୍ଜା ତାନି ମାଡ଼ହାଡ଼ି ଅହାନା ମାଡ଼ହା ଇଚିନି ଗାୟୁତା ଇଚିତେରି ।

ଜାସୁ ପାସାମାଣା ଲକୁତାକି ତାହ୍‌ନାୟି
(ମାତି ୧୪:୧୩-୨୧; ଲୁକ ୯:୧୦-୧୭; ଜହ ୭:୧-୧୪)

୩୦ ତାୟୁ ପାଣ୍ଡି ଆହାମାଚାରି ଜାସୁ ତାଣ୍ଡା ୱାଡ଼େରି, ଇଞ୍ଜା ଏଞ୍ଜାରି ଏନା ଏନାଆଁ କିହାମାରେରି, ଇଞ୍ଜା ଏନା ଏନାଆଁ ଜାପୁହା ମାରେରି, ଏ ବାରେ ଏଞ୍ଜାଣାଇଁ ୱେସ୍ତେରି । ୩୧ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ମାର ଇମ୍ବାଟି ଲକୁ ହିଲ୍ଲାଆ ଟାୟୁତା ହାନ, ଏମ୍ବାଆଁ ମାରୁ ଗାଡ଼େକା ଜମାଦୁ ।” ଇଚିହୁଁ

* ୭:୧୩ ୧:୩୩ କାକବ ୫:୧୪ † ୭:୧୩ ୭:୧୪ ମୁଞ୍ଜିନାୟି * ୭:୧୪ ୭:୧୪ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ ‡ ୭:୧୪ ୭:୧୪ ମୁଞ୍ଜିନାୟି * ୭:୧୭ ୭:୧୭ ଲୁକ ୩:୧୯,୨୦ § ୭:୨୪ ୭:୨୪ ମୁଞ୍ଜିନାୟି * ୭:୨୫ ୭:୨୫ ମୁଞ୍ଜିନାୟି

ହାରେକା ଲକ୍ଷ୍ମୀ ହାଜି ଖାହି ଆହିମାଚାକି ଏଞ୍ଜାରାକି ତିଞ୍ଜାଲି ଜିକେଏ ମ୍ପୁଆତେ । ୩୨ ଏମ୍ପାଟିଏ ଏଞ୍ଜାରି ଏବ୍‌କା ଆହାନା ର ଡ଼ଗତା ହଚାନା ଲକ୍ଷ୍ମୀ ହିଲାଆ ଚାମୁତା ହାଚେରି ।

୩୩ ସାମା ହାରେକା ଲକ୍ଷ୍ମୀ ଏଞ୍ଜାରି ହଚା ହାଚାଣି ମେସ୍ତେରି ଅଡ଼େ ପୁଚେରି, ଇଞ୍ଜା ଲକ୍ଷ୍ମୀ ବାରେ ଗାଡ଼ାୟିତି ତାକିହୁଁ ହାଜାନା ଏଞ୍ଜାରି ନକିତା ଏଗାହାଚେରି । ୩୪ ଏଞ୍ଜାସି ତଂଗଟି ରେଚାନା ହାରେକା ଲକ୍ଷ୍ମୀ ମେସାନା ଏଞ୍ଜାରାଇଁ କାର୍ମା ଆଡେସି, ଇଚିହୁଁ ଏଞ୍ଜାରି ଗଡ଼ୁ ହିଲାଆ ମେଶ୍ଟାୟି ଲେହେଁ ମାଚେରି; ଇଞ୍ଜା ଏଞ୍ଜାସି ଏଞ୍ଜାରାଇଁ ହାରେକା କାତା ଜାପୁହେସି । ୩୫ ଗାଡ଼ି ଖେଡ଼ାଆୟାଲିଏ ତାନି ସାମୁୟି ତାନି ତାଣା ଖାହାନା ଏଲେଇଚେରି, “ଇ ଚାମୁ ଲକ୍ଷ୍ମୀ ହିଲାଆ ଚାମୁ ଇଞ୍ଜା ଆନ୍ଦେରି ଜିକେଏ ଆହିମାନେ; ୩୬ ଲକ୍ଷ୍ମୀ ଏନିକ” ସାରିଞ୍ଜାକି ମାନି ଖାଲିହାଞ୍ଜାଡ଼ି ଅଡ଼େ ଗାଡ଼ାତା ହାଜାନା ତାମ୍‌ଜେ ତାକି ତିଞ୍ଜାଲି ରାନ୍ଦା କତାପେରିଖା, ଏଦାଆଁତାକି ଏଞ୍ଜାରାଇଁ ହେଲ ହାହାନା ପାଶ୍ଟାମ୍ ।”

୩୭ ସାମା ଜାମୁ ତାନି ସାମୁୟିଇଁ ଏଲେଇଚେସି, “ମାରୁ ଏଞ୍ଜାରାକି ତିଞ୍ଜାଲି ହାପୁ ।”

ଏଞ୍ଜାରି ଏଲେଇଚେରି, “ମାର ରା ଖାଞ୍ଜା ଖେଣ୍ଡି ଚାକାୟିତି” ରୁଚି ତାଚାନା ଇଞ୍ଜାରିକି ତିଞ୍ଜାଲି ହାନାୟି କି ?”

୩୮ ଜାମୁ ଏଞ୍ଜାରାଇଁ ଏଲେଇଚେସି, “ମୀ ତାଣା ଏଚରଗଟା ରୁଚି ମାନୁ ? ହାଜାନା ସିନିକିଦୁ ।”

ଏଞ୍ଜାରି ଖେଞ୍ଜା ଖାହାନା ଜାମୁଇଁ ଏଲେଇଚେରି, “ପାସାଗଟା ରୁଚି ଇଞ୍ଜା ରୀ ମୀଶକା ମାନୁ ।”

୩୯ ଇଞ୍ଜା ଜାମୁ ତାନି ସାମୁୟିଇଁ ଏଲେଇଚେସି, ବାରେ ଲକ୍ଷ୍ମୀଇଁ ଗଚି ଗଚି କିହୁଁ କୁଗି ଜାଡ଼ା ଲାକ କୁଗିକିହାଲି ଖେସ୍ତେସି । ୪୦ ଏଚେଟିଏ ଏଞ୍ଜାରି ପାସାକଡ଼ି ଜାଣା ରୀ କଡ଼ି ଦସ ଜାଣା ଲାକା ମାନ୍ଦା ମାନ୍ଦା ଆହୁଁ କୁଗିଚେରି । ୪୧ ତାମୁ ଜାମୁ ଏ ପାସାଗଟା ରୁଚି ଇଞ୍ଜା ରୀ ମୀଶକା ଅହାନା ଲାକପୁରୁ ଖାକି ସିନିକିହାଁ ମାହାପୁରୁଇଁ ଜହରା କିଚେସି, ଅଡ଼େ ରୁଚି ଡ଼ିକିହାନା ଲକ୍ଷ୍ମୀକି ବାଟି କିହା ହାହାଲି ତାନି ସାମୁୟିକି ହାଚେସି, ଇଞ୍ଜା ରୀ ମୀଶକା ଜିକେଏ ଏଲେକିହୁଁ ଏ ବାଗା କିହାନା ହାଚେସି । ୪୨ ଏମ୍ପାଆଁ ବାରେଜାଣା ତିଞ୍ଜାନା ପାଞ୍ଜିଚେରି, ୪୩ ଇଞ୍ଜା ଏଞ୍ଜାରି ହାଚାମାଟି ରୁଚି ଅଡ଼େ ମୀଶକା କୁଡ଼ି କିହାନା ବାଚରଗଟା ତାଲିତା ନେଞ୍ଜିକିଚେରି । ୪୪ ରୁଚି ଚିଚି ଲକ୍ଷ୍ମୀ ପାସାମାଣା ଖାଚରଇ ଆବାୟି ମାଚେରି ।

ଜାମୁ ଏମୁ ଲାକ ତାକିନାୟି

(ମାଡି ୧୪:୨୨-୩୩; ଜହ ୭:୧୫-୨୧)

୪୫ ଏ ଦେବୁଣିଏ ଏଞ୍ଜାସି ତାନି ସାମୁୟିକି ତଂଗତା ହଚାନା ଆତାଲାଞ୍ଜାକି ମାନି ବେଡ଼ସାୟିଦା ଗାଡ଼ାତା ହାଜାଲି ତାନି ନକେଏ ପାଣ୍ଡିଚେସି, ଏମ୍ପାଟିଏ ବାରେ ଲକ୍ଷ୍ମୀ ହାଜାଲିତାକି ହେଲ ହାହାଁ ପାଣ୍ଡିଚେସି । ୪୬ ଏଞ୍ଜାରି ତାଣାଟି ହେଲ ଅଡ଼ି ତାମୁ ଏଞ୍ଜାସି ପ୍ରାତାନା କିହାଲି ହରୁତା ହାଚେସି । ୪୭ ମିଡ଼ୁଆଁ ଆହାଲିଏ ତଂଗ ସାମଦୁରି ମାଦିଏ ମାଚେ, ଇଞ୍ଜା ଜାମୁ ସାମଦୁରି ଗାଡ଼ୁତା ରଅସିଏ ମାଚେସି । ୪୮ ଏମ୍ପାଟିଏ ହାରେକା ଗାଲି ଏଞ୍ଜାରି ଖାକି ଖେଚିମାଚାକି ତଂଗ ତାକି କିହାଲି କସୁ ଆହିମାଚାଣି ମେସାନା ଏଞ୍ଜାସି ଖେୟା ନେକେରି ସାମଦୁରି ଏମୁ ଲାକ ତାକିହୁଁ ଏଞ୍ଜାରି ତାଗେ ଖାଚେସି, ଇଞ୍ଜା ଏଞ୍ଜାରି ତାଗେଟି ଆଗାଡ଼ା ହାଜାଲି ଅଣ୍ଡାପାମାଚେସି, ୪୯ ସାମା ଏଞ୍ଜାରି ଏଞ୍ଜାଣାଇଁ ସାମଦୁରି ଲାକ ତାକି ମାନାଣି ମେସାନା ବୁଡୁ ଇଞ୍ଜା ଅଣ୍ଡାପାନା କାଲୁଡ଼ି ଆଚେରି । ୫୦ ଇଚିହୁଁ ବାରେଜାଣା ଏଞ୍ଜାଣାଇଁ ମେସାନା ଆଜାହାଜା ମାଚେରି ।

ସାମା ଜାମୁ ଦେବୁଣିଏ ଏଞ୍ଜାରିତଲେ କାତା ଆହାନା ଏଞ୍ଜାରାଇଁ ଏଲେଇଚେସି, “ସାସା ଆହୁଦୁ ନାନୁଏ ଏଞ୍ଜାଚେସି, ଆଜାଆଦୁ ।” ୫୧ ଇଞ୍ଜା ଏଞ୍ଜାସି ଏଞ୍ଜାରିତାଣା ହାଜାନା ତଂଗତା କୁଗିଚେସି, ଇଞ୍ଜା ଗାଲି ଡ଼ୁକିଚେ, ଏମ୍ପାଟିଏ ଏଞ୍ଜାରି ମନ ମନତା ହାରେକା କାବା ଆଚେରି । ୫୨ ଇଚିହୁଁ ଏଞ୍ଜାରି ରୁଚିୟାଁ କାତା ପୁଣ୍ଡାସୁ ପୁଞ୍ଜାହିଲାଆଚେରି, ଏନାଆଁତାକି ଇଚିହୁଁ ଏଞ୍ଜାରି ହିୟାଁ ଆଡ଼ଞ୍ଜା ଆହାମାଚେ ।

ଗେନେସର ରଗ ଗାଟାରାଇଁ ନେହୁଁକିନାୟି

(ମାଡି ୧୪:୩୪-୩୬)

୬୩ ଏଞ୍ଜାରି ସାମଦୁରି ଗାଣ୍ଡାଚାନା ଗେନେସର ରାଜିତା ଏଜାନା କାତା ଗାଡ଼ୁତା ତଂଗଟି ଦସ୍ତେରି । ୬୪ ଅଡ଼େ ଏଞ୍ଜାରି ତଂଗଟି ରେଚାଲିଏ, ଦେବୁଣିଏ ଲକ୍ଷ୍ମୀ ଏଞ୍ଜାଣାଇଁ ପୁଞ୍ଜାନା, ୬୫ ଏ ରାଜିତି ସାରିଞ୍ଜାକି ହାଚେରି, ଏଞ୍ଜାରି ଆମିନି ଚାମୁତା ମାନେରି ଇଞ୍ଜା ଖେଚେରି, ଅଡ଼େ ଜାମୁ ମାନି ଚାମୁତା ରଗ ଗାଟାରାଇଁ କାଚେଲିତା ଡ଼େକା ତାଚାଲି ମାଚୁହେରି । ୬୬ ଇଞ୍ଜା ଏଞ୍ଜାସି ଆମିନି ନାସକା, ଅଡ଼େ ଗାଡ଼ାତା ହାଚେସି, ଲକ୍ଷ୍ମୀ ଏ ବାରେ ଚାମୁଡ଼ି ହାଚା ବାଜାରାଟି ରଗ ଗାଟାରାଇଁ ଏଞ୍ଜାଣି ନକିତା ଏଞ୍ଜାରାଇଁ ଇଚିଚେରି, ଏଞ୍ଜାରି ଏନିକ” ଏଞ୍ଜାଣି ହିମ୍ପୁରି

* ୭:୩୪ ୭:୩୫ ମାଡି ୯:୩୬ † ୭:୩୬ ୭:୩୭ ର ଦିନାଟି କୁଚି ର ଖେଣ୍ଡି ଚାକା

କୁକୁ ଡାଗିନେରି, ଏଦାଆଁତାକି ଏଝାଣାଈ ବାତିମାଲିତେରି; ଇଞ୍ଜା ଏଚେକା ଲକୁ ଏଝାଣାଈ ଡାଗିତେରି ଏଝାରି ବାରେ ନେହୁ ଆଡେତରି ।



ଆକୁ ଆବାୟାତି ପାଣାପାଟୁ

(ମାତି ୧୫:୧-୯)

୧ ତାୟୁ ପାୟୁୟିୟା ଅଡେ ଜିରୁୟାଲମତି ଝାହାମାନି ଏଚରଜାଣା ମେରାପୁନାରି ଜୀସୁ ତାଣା ରୁଣ୍ଡା ଆଡେତରି । ୨ ଏଝାରି ସୀସୁୟା ବିତ୍ରାତି ଏଚରଜାଣାତି କେସ୍ତା ନରୁଆନା ତିଞ୍ଜି ମାତାଣି ମେସ୍ତେରି । ୩ ପାୟୁୟିୟା ଅଡେ ବାରେ ଜୀହୁଦି ଲକୁ ଆକୁ ଆବାୟାତି ମେରାତି ମାନୁଝି ଆହାନା ନେହୁକ କେୟୁ ନରୁଆସାରେ ତିଞ୍ଜି ହିଲୀଆଡେତରି, ୪ ଇଞ୍ଜା ହାଟା ବାଜାରାତି ଝାହାନା ତାମି ଲାକ ଏୟୁ ତାଞ୍ଜା କତାଆନା ତିଞ୍ଜି ହିଲୀଆଡେତରି; ଅଡେ ଗିନା ମୁତା ଇଞ୍ଜା ପିତାଡା ଡକାୟା, ପାୟୁପି ନରୁନାୟି, ଇଲେତି ହାରେକା ମେରା ମାନୁଝି ଆହାଲି ହୁକୁମି ବେଟା ଆହାମାନେରି ।

୫ ଏଦାଆଁତାକି ପାୟୁୟିୟା ଅଡେ ମେରାପୁନାରି ଜୀସୁଈ ଝେଚେରି, “ନୀ ସୀସୁୟା ତଲିତି ଆକୁ ଆବାୟାତି ମେରା ତଲେ ତାକାଆନା ଏନାଆଁତାକି କେସ୍ତା ନରୁଆନା ତିନେରି ?”

୬ ଜୀସୁ ଏଝାରାଇଁ ଏଲେଇଚେସି, “ଆଡେ କୁଟୁ ଗାଟାଡେରି, ମାହାପୁରୁ ଅଣପୁତି ବଲୁ ଝେହୁନି ଜିସାୟ ନେହୁକ ଇ କାତା ଝେସାମାନେସି, ଏନିକ ରାସୁକି ଆହାମାନେ; ଇ କୃତାତାରି ଝାରଇ ଗୁତି ତଲେ ନାଜେ ସେବା କିୟାନେରି,

ସାମା ଏଝାରି ହିୟା ନା ତାଣାଟିଏ ହାରେକା ହେକ ଡୁୟିନେ ।

୭ ଏଝାରି ମାଣସିୟା କେପିତି ମେରାତି ଦାମୁତି ନେହୁ କାତା ଇଞ୍ଜା ଜାପୁହାନା, ଉଜେଏ ନା ସେବା କିୟାନେରି ।

୮ ମୀରୁ ମାହାପୁରୁତି ହୁକୁମି ପିସାନା ମାଣସିୟା ମେରାତି ଆସାମାଞ୍ଜେରି ।”

୯ ଅଡେ ଜୀସୁ ଏଝାରାଇଁ ଏଲେଇଚେସି, “ମାହାପୁରୁତି ହୁକୁମି ପିସାନା ମୀ ଜାପୁହାମାଞ୍ଜନାଣି ଆସାଲି ତାକି ମୀରୁ ହୁକୁମି ମାନି କିହିହିଲଅଡେରି । ୧୦ ଇତିହୁ ମସା ଏଲେଇଞ୍ଜା ମାନେସି, ‘ତାଲି ତାଞ୍ଜିଈ ଜୀଝୁନପୁ, ଇଞ୍ଜା ଆମ୍ବାଆସି ତାଲି କି ତାଞ୍ଜିଈ ବାକା ଇଚିନେସି, ଏଝାସି ହାନ୍ତି ଡଣ୍ଡ ବେଟା ଆନେସି ।’

୧୧ ମୀରୁ ଜାପୁହି ମାଞ୍ଜେରି, ‘ଆମ୍ବାଆସି ତାଲି କି ତାଞ୍ଜିଈ ଏଲେଇନେସି, ନା ତାଣାଟି ଏନାଆଁ ହିୟାତିହୁ ନିଜେ ନେହେ ଆଡେମା, ଏଦି କର୍ବାନ ଇତିହୁ ମାହାପୁରୁ ତାକି ହେରୁପି ଆହାମାନାୟି । ୧୨ ଇଞ୍ଜା ମୀରୁ ଏଲେକିହୁ ତାମି ଇୟା କି ଆବାଈ ଏନି ସାୟେମି କିହାଲି ହାହି ହିଲଅଡେରି; ୧୩ ଏଲେକିହୁ ଏ ମୀରୁ ମୀ ତାଣା ମାନି ମେରା ତଲେ ମାହାପୁରୁତି ବଲୁ ଉଜେଏ କିହିମାଞ୍ଜେରି, ଇଞ୍ଜା ଏଲେକିହୁ ହାରେକା କାମା କିହିମାଞ୍ଜେରି ।”

ମାଣସିଈ ଲାଗେଏ କିନାୟି

(ମାତି ୧୫:୧୦-୨୦)

୧୪ ଜୀସୁ ଅଡେ ଝେଣ୍ଡେ ଲକୁଣି ତାଗେ ହାଟାନା ଏଝାରାଇଁ ଏଲେଇଚେସି, “ମୀରୁ ବାରେ ନା କାତା ଝେଞ୍ଜୁ ଅଡେ ତେଲହାଦୁ । ୧୫ ମାଣସିତି ପାଞ୍ଜାତା ଇଲେତି ଏନାୟି ହିଲେଏ, ଏଦି ମାଣସି ବିତ୍ରା ହଡାନା ଏଝାଣାଈ ଲାଗେଏ କିହାଲି ଆଡିନେ, ସାମା ଏନା ଏନାୟି ମାଣସି ତାଣାଟି ହଡିମାନେ, ଏ ବାରେ ଏଝାଣାଈ ଲାଗେଏ କିହିମାନେ ।”* ୧୬ ଝେଞ୍ଜାଲି କୀକୀ ମାନାସି ଝେଞ୍ଜାମ୍ବାସି ।

୧୭ ଅଡେ ଏଝାସି ଲକୁ ତାଣାଟି ଇଲୁ ବିତ୍ରା ଝାହାଲିଏ ତାନି ସୀସୁୟା ଏଝାଣାଈ ପୁଣ୍ଡିକିନି କାତାତି ଅର୍ତ ଝେଚେରି । ୧୮ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ମୀରୁ ଜିକେଏ ଏଲେକିହୁ ଏ ପୁନାଆ ଗାଟାଡେରି ? ଏନାୟି ପାଞ୍ଜାଟି ମାଣସି ବିତ୍ରା ହଡିହୁ ଏଦି ଏଝାଣାଈ ଲାଗେଏ କିହାଲି ଆଡେଏ, ୧୯ ଇତିହୁ ଏଦି ଏଝାଣି ହିୟାତା ହଡୁଆନା ବାଣ୍ଡିତା ହଡୁନେ ଇଞ୍ଜା ବାଣ୍ଡିହାନିଲେହେ ହଡାହାନେ ଇଲେଆହୁ ବାରେ ରାନ୍ଦା ଅଡେ ଆହିମାନେ, ଇଦାଆଁ ପୁଞ୍ଜି ହିଲଅଡେରି ?”

୨୦ ଅଡେ ଏଝାସି ଏଲେଇଚେସି, “ଏନାୟି ମାଣସି ତାଣାଟି ହଡିମାନେ ଏଦି ଏଝାଣାଈ ଲାଗେଏ କିହିମାନେ । ୨୧ ଇତିହୁ ମାଣସି ହିୟା ବିତ୍ରାଟି ଲାଗେଏତି ଅଣପୁ ହନେ, ଦାରି କିୟାଲି, ସରୁ କିୟାଲି, ଲକୁଣି ପାୟିନାୟି, ୨୨ ଜୁପକା, ଲାଗେଏ ପଲେଏ କାମା, ନାଡିକିନାୟି, ତାହାରା, ନିନ୍ଦା କିନାୟି, ତାହାରା

* ୨:୧୫ ୭:୧୫ ଏଚେକା ସାପ୍ତରିତା ୧୫ ପଦ କ୍ରେତ ଡକକା ମାନି ବଲୁତି ୧୭ ପଦୁତା ରାସୁକି ଆହାମାନେ;

ଆନାୟି, କାର୍ବି ଆନାୟି; ୨୩ ଏଲେତି ଲାଗେଏତାୟି ବିତ୍ତାଟି ହଡ଼ାଝାହାନା ମାଣସିଇଁ ଲାଗେଏ କିହିମାନେ ।”

ର ଇୟାନି ନାମ୍ବୁ
(ମାତି ୧୫:୨୧-୨୮)

୨୪ ଏମ୍ବାଟିଏ ଜାମ୍ବୁ ଏ ଟାୟୁ ପିସାନା ସରତି ହାଦି ଖାକି ହାଚେସି, ଇଞ୍ଜା ର ଇଲୁତା ହଡ଼ାନା ଏନିକ୍ ଆମ୍ବାଆରି ପୁନଅରି ଇଞ୍ଜା ଅଣପିମାଚେସି, ସାମା ଏଝାସି ତୁଗ୍ଗାନା ତୁୟାଲି ଆଡ଼ାଆଚେସି । ୨୫ ଏ ଦେବୁଣିଏ ର ଇୟା, ଆମ୍ବାଆରି ମାଞ୍ଜାନି ବୃତୁ ଆଲୁଗାମାଚେ, ଏଦି ଜାମ୍ବୁ କାତା ଝେଞ୍ଜାନା ଝାଞ୍ଜା ଏଝାଣି କଡ଼ାଣା ରୀଚେ । ୨୬ ଏ ଇୟା ସୁରପୟନିକି ଜାଡ଼ିତି ର ଗ୍ରିକ୍ ଇୟା ମାଚେ, ତାନି ମାଞ୍ଜାନି ତାଣାଟି ବୃତୁ ପିସପି କିହାଲି ଏଦି ଜାମ୍ବୁଇଁ ବାଡ଼ିମାଲିଚେ । ୨୭ ଏମ୍ବାଟିଏ ଜାମ୍ବୁ ଏଦାନି ଏଲେଇଚେସି, “ତଲିଏ କକାରି ପଦାୟି ପାଞ୍ଜି କିତୁ, ଇଚିହୁଁ କକାରି ପଦାୟି ରାନ୍ଦା ଅହାନା ନେସକା ନକିତା ମେଡ଼ନାୟି ନେହେଁ ଆଏ ।”

୨୮ ସାମା ଏଦି ଏଝାଣାଇଁ ଏଲେଇଚେ, “ହାଅ ପ୍ରବୁ ନେସକା ଜିକେଏ କକାରି ପଦାୟି ତ୍ରକହାମାନି ଲିତାତି ପେରହା ତିନୁ ।”

୨୯ ଏମ୍ବାଟିଏ ଜାମ୍ବୁ ଏଲେଇଚେସି, “ଇ କାତାତାକି ନୀ ମାଞ୍ଜାନି ତାଣାଟି ବୃତୁ ହଡ଼ା ହାଚେୟିଏ, ହାଲମ୍ବୁ ।”

୩୦ ଇଞ୍ଜା ଏଦି ଇଜ ହାଜାନା ତାନି ମାଞ୍ଜା ପାସ୍ପନିତା ହୁଞ୍ଜାମାନାଣି ଇଞ୍ଜା ବୃତୁ ହଡ଼ା ହାଜା ମାନାଣି ମେସ୍ତେ ।

ର ବେରା ଅଡ଼େ ଗୁଲାଇଁ ଜାମ୍ବୁ ନେହୁଁ କିନାୟି

୩୧ ଅଡ଼େ ଝେଣ୍ଡେ ଏଝାସି ସର ହାଦିଟି ହାଜାନା ସିଦନ ଅଡ଼େ ଦସଗଟା ନାସ୍କା† ହାଦି ହୀହାନା ଗାଲିଲି ସାମ୍ବୁରୁ ତାଗେ ଝାଡ଼େସି । ୩୨ ଇଞ୍ଜା ଲକୁ ର ବେରା ଅଡ଼େ ଗୁଲାଇଁ ଏଝାଣି ନକିତା ତାତାନା ଏଝାଣିଲାକ କେୟୁ ଇଟାଲି ବାଡ଼ିମାଲିଚେରି । ୩୩ ଜାମ୍ବୁ ଲକୁ ତାଣାଟି ରଅଣାଇଁଏ ଏଟକା କିହା ଅହାନା ଏଝାଣି ରୀ କାକାଣା ତାନି ଝାସକା ଇଚିଚେସି ଅଡ଼େ ହୁପାନା ଏଝାଣି ଝେନ୍ଦରି ତାଗିଚେସି, ୩୪ ଅଡ଼େ ଲାକପୁରୁ ଝାକି ସିନିକିହାନା ଗାଡ଼ିକିହୁଁ ନେଞ୍ଜାନା ଏଝାଣାଇଁ ଏଲେଇଚେସି, “ଇପ୍ପତ” ଇଚିହୁଁ “ଦେପି ଆମ୍ବୁ ।”

୩୫ ଏମ୍ବାଟିଏ ଏଝାଣି କାକା ଦେପିଆଡୁ, ଇଞ୍ଜା ଝେନ୍ଦରିତି ଜାଲ୍ଲା ଏ ଦେବୁଣିଏ ଗୁଡ଼ାଆଡ଼େ, ଇଞ୍ଜା ଏଝାସି ନେହୁଁକ୍ ଜଲ୍ଲାଲି ଆଡ଼ିଚେସି । ୩୬ ଇଞ୍ଜା ଏ କାତା ଆମ୍ବାଆରାଇଁ ଝେହୁଆଡୁ ଇଞ୍ଜା ଏଝାରାଇଁ ଗାଡ଼ିକିହୁଁ ହୁକୁମି ହାଚେସି; ସାମା ଏଝାସି ଏଝାରାଇଁ ଏଚେକା କାହୁଁ କିଚେସି, ଏଝାରି ଏଚେକା ଗାଡ଼ି ଝେକହେରି । ୩୭ ଅଡ଼େ ଲକୁ କାବାଆହାନା ଏଲେଇଚେରି, “ଏଝାସି ବାରେ କାମା ନେହୁଁକ୍ କିହିମାନେସି; ଏଝାସି ବେରାୟାଇଁ ଝେଞ୍ଜାଲି ଗୁଲାୟାଇଁ ଜଲିନି ବାଡ଼ୁୟୁ ଜିକେଏ ହାହିମାନେସି ।”



ଜାମ୍ବୁ ସାରି ମାଣା ଲକୁକି ତିଞ୍ଜାଲି ହୀନାୟି

(ମାତି ୧୫:୩୨-୩୯)

୧ ଏରିବେଲା ହାଚେରକା ମାୟା ଲକୁ ରୁଣ୍ଡା ଆଚେରି, ଅଡ଼େ ଏଝାରିତାଣା ତିନାୟି ଉନାୟି ଏନାୟି ହିଲାଆତାକି ଜାମ୍ବୁ ସାମ୍ବୁୟାଣି ତାଗେ ହାଡ଼ାନା ଏଝାରାଇଁ ଏଲେଇଚେସି, ୨ “ଲକୁତାକି ନାଙ୍ଗେ କାର୍ମା ହଡ଼ିମାଞ୍ଜାନେ, ଇଚିହୁଁ ଇଝାରି ତାନିଦିନା ଆଚେରିଏ ନା, ତଲେ ମାଞ୍ଜାମାନେରି, ଅଡ଼େ ଇଝାରି ତାଣା ଏନାୟି ତିନାୟି ହିଲେଏ । ୩ ଏଝାରାଇଁ ତାହୁଆନା ପାଣ୍ଡିସାରେ, ଝେଣ୍ଡାହାନାଟି ଏଝାରି ହାହା ଜିକେଏ ହାନେରି । ଏଝାରି ବିତ୍ତାଟି ଏଚରଜାଣା ହେକଟି ଝାହାମାନେରି ।”

୪ ସାମ୍ବୁୟା ଏଝାଣାଇଁ ଏଲେଇଚେରି, “ଇମ୍ବାଆଁ ଇ ଲକୁ ହିଲାଆ ଟାୟୁତା ଆମ୍ବାଆସି ଆମ୍ବିଟି ରୁଟି ତାତାନା ଇଝାରାଇଁ ପାଞ୍ଜି କିନେସି ?”

୫ ଜାମ୍ବୁ ଏଝାରାଇଁ ଝେଚେସି, “ମୀ ତାଣା ଏଚରଗଟା ରୁଟି ମାନ୍ତୁ ?”

ଏଝାରି ଏଲେଇଚେରି, “ସାଡ଼ାଗଟା ।”

୬ ଏମ୍ବାଟିଏ ଜାମ୍ବୁ ଲକୁଣି ବୁନିତା କୁଗାଲି ହୁକୁମି ହାଚେସି; ଅଡ଼େ ଏଝାସି ସାଡ଼ାଗାଟା ରୁଟି ଅହାନା ଜହରା କିହାନା ଏ ବାରେ ଡ଼ିକହାନା ବାଡ଼ି କିହାଲି ତାନି ସାମ୍ବୁୟାକି ହାଚେସି, ଅଡ଼େ ଏଝାରି ଲକୁତାକି ବାଡ଼ି କିହା ହାଚେରି । ୭ ଇଞ୍ଜା ଏଝାରିତାଣା ଏଚରଗଟା ଉଣା ମାଣକା ମାଡୁ; ଏ ବାରେତି ଜିକେଏ ଜାମ୍ବୁ ମାହାପୁରୁ ତାଣା ଜହରା କିହାନା ବାଡ଼ି କିହା ହାହାଲି ସାମ୍ବୁୟାକି ଏଲେଇଚେସି । ୮ ଏମ୍ବାଟିଏ ଏଝାରି

ତିଜ୍ଞାନା ପାଞ୍ଜିତେର ଇଞ୍ଜା ହାରିତାଣି ସାତା ତାଲି କୁଡ଼ି କିତେରି ।^{୯୮} ଏଝାରି ବାରେ ସାରି ମାଣା ଲକୁ ମାଚେରି । ଏଚେଟିଏ ତାୟୁ ଏଝାରାଇଁ ହେଲ ହାତେସି, ^{୯୯} ଇଞ୍ଜା ଦେବୁଣିଏ ତାନି ସାୟୁୟାଁ ତଲେ ତଂଗତା ହଦାନା ଦଲମନ୍ନୁ ଗାଡ଼ାତା ହାଚେରି ।

ପାରୁସିୟାଁ ସିନା ରାହନାୟି
(ମାତି ୧୬:୧-୪)

^{୧୦} *ତାୟୁ ପାରୁସିୟାଁ ଖାହାନା ଜାମୁତଲେ ବାଦିବାଦା କିହାଲି ମାଟୁହେରି ଇଞ୍ଜା ଏଝାଣାଇଁ ତାୟିପାରି କିହାଲିତାକି ହାଗୁ ଲାକଟି ର ସିନା ରାସ୍ତେରି । ^{୧୧} *ଜାୟୁ ଜାୟୁତା କିଲିବିଲି ଆହାନା ଗାଡ଼ି ନେଞ୍ଜାନା ଝେସ୍ତେସି, “ଇ ଜୁଗୁଡ଼ି ଲକୁ ଏନାଆଁତାକି ସିନା ପାରିମାନେରି ? ନାନୁ ମିଜେ ସାତା ଝେସିମାଞ୍ଜାଇଁ, ନୀର୍ବତି ମାଣସିକ ଏନି ସିନା ହାପୁକି ଆଏ ।”

^{୧୩} ଅଡ଼େ ଏଝାସି ଏଝାରାଇଁ ପିସାନା ଅଡ଼େ ଝେଣ୍ଡେ ତଂଗତା ହଦାନା ଆତାଲାଝାକି ହାଚେସି ।

ହେରଦ ଅଡ଼େ ପାରୁସିୟାଁ ପୁଲାଗୁଣ୍ଡା
(ମାତି ୧୬:୫-୧୨)

^{୧୪} ଏଚିବେଲାତା ସାୟୁୟାଁ ରୁଟି ଅହାଲି ବାଣାଆଡ଼େରି; ତଂଗତା ଏଝାରିତାଣା ରଣ୍ଡିଏ ରୁଟି ମାଚେ । ^{୧୫} *ତାୟୁ ଜାୟୁ ଏଝାରାଇଁ ଜାଣ୍ଡେ ହୁକୁମି ହାତେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ହେରଦତି ପୁଲାଗୁଣ୍ଡାଟି ଜାଗ୍ରାତା ଆହାନା ମାଞ୍ଜୁ ।”

^{୧୬} ଏଚେଟିଏ ଏଝାରି ତାୟୁ ତାୟୁସୁ ଝେସପିଆହୁଁ ଏଲେଇଞ୍ଜାଲି ମାଟୁହେରି, “ମା ତାଣା ରୁଟି ହିଲେଏ ଇଞ୍ଜୁଁ ଏଝାସି ମାଜେ ଏଲେଇଞ୍ଜିମାଞ୍ଜାନେସି ।”

^{୧୭} ଜାୟୁ ଏଦାଆଁ ପୁଞ୍ଜାନା ଏଝାରାଇଁ ଏଲେଇଚେସି, “ମୀ ତାଣା ରୁଟି ହିଲେଏ ଇଞ୍ଜୁଁ ଏନାଆଁତାକି ମୀରୁ ମୀରୁ ଝେସପି ଆହିମାଞ୍ଜେରି ? ମୀରୁ ନୀର୍ବ ପାତେକା ପୁଞ୍ଜି ହିଲଅତେରି କି ତେଲୁହି ହିଲଅତେରି ?

^{୧୮} *କାଣକା ମାଞ୍ଜାନା ମେସି ହିଲଅତେରି ? ଅଡ଼େ, କୀକା ମାଞ୍ଜାନା ଝେଞ୍ଜି ହିଲଅତେରି ? ମୀରୁ ଇଦାଣି ଅଣ୍ଡିପି ହିଲଅତେରି ? ^{୧୯} ଏ ପାସାମାଣା ଲକୁ ବିତ୍ରା ନାନୁ ଏଚିବେଲା ପାସାଗଟା ରୁଟି ଡ଼ିକହା ମାଚେସି, ଏଚିବେଲା ମୀରୁ ଏଚର ତାଲି ହାରିତାଣି କୁଡ଼ି କିତେରି, ଏଦି ମୀ ଅଣ୍ଡିପି ହିଲେଏ କି ?” ଏଝାରି ଏଝାଣାଇଁ ଏଲେଇଚେରି, “ବାର ତାଲି ।”

^{୨୦} “ଅଡ଼େ ଏ ସାରି ମାଣା ଲକୁ ବିତ୍ରା ନାନୁ ଏଚିବେଲା ସାତାଗଟା ରୁଟି ଡ଼ିକହା ମାଚେସି, ଏଚିବେଲା ମୀରୁ ଏଚର ତାଲି କୁଡ଼ି କିହାମାଚେରି ?” ଏଝାରି ଏଲେଇଚେରି, “ସାତା ତାଲି ।”

^{୨୧} ଏଚିବେଲା ଜାୟୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ନୀର୍ବ ପାତେକା ତେଲୁହାଲି ଆଡ଼ିହିଲଅତେରି ?”

ବେଡ଼ସାୟିଦାତା ର କାଣାଇଁ ମେସପିକିନାୟି

^{୨୨} ତାୟୁ ଏଝାରି ବେଡ଼ସାୟିଦାତା ଝାଡ଼େରି, ଅଡ଼େ, ଲକୁ ର କାଣାଇଁ ଏଝାଣି ତାଣା ତାଚାନା ଏଝାଣାଇଁ ତୀଗାଲି ତାକି ଜାୟୁକି ବାଡ଼ିମାଲିତେରି । ^{୨୩} ଏଦାଆଁତାକି ଜାୟୁ କାଣାଡ଼ି କେୟୁ ଆସାନା ଏଝାଣାଇଁ ନାୟୁ ପାଜାତା ଅଡ଼େସି, ଇଞ୍ଜା ଏଝାଣି କାଣକାଣା ହୁପୁକା ରୁବାନା ଅଡ଼େ ଏଝାଣିଲାକ କେୟୁ ଇଚାନା ଏଝାଣାଇଁ ଝେଚେସି, “ନାନୁ ଏନାଆଁ ମେସାଲି ଆଡ଼ିମାଞ୍ଜି କି ?”

^{୨୪} ଏଝାସି ସିନିକିହାନା ଏଲେଇଚେସି, “ନାନୁ ମାଣସିୟାଁକି ମେସିମାଜ୍, ଇତିହୁଁ ନାନୁ ମାରୁକା ଲେହେଁ ଏନାକ ତାକି ମାନାଣି ମେସିମାଜ୍ ।”

^{୨୫} ତାୟୁ ଜାୟୁ ଅଡ଼େ ଝେଣ୍ଡେ ଏଝାଣି କାଣକାଣା କେୟୁ ଇଚିତେସି; ଏମାଟିଏ ଏଝାସି ନେହୁଁକି ମେସାଲି ଆଡ଼ିତେସି, ନେହୁଁ ଆହାନା ବାରେ ତୀରିତଲେ ସିନିକିହାଲି ମାଟୁହେସି । ^{୨୬} ତାୟୁ ଜାୟୁ ଏଝାଣାଇଁ ତାନି ଇଜ ପାଣ୍ଡାନା ଏଲେଇଚେସି, “ଏ ନାୟୁଁ ବିତ୍ରା ଜିକେଏ ଝେଣ୍ଡେ ହାଲାଆନି ।”

ପିତର ଜାୟୁକି କ୍ରାସୁ ଇଞ୍ଜୁଁ ଝେକନାୟି
(ମାତି ୧୬:୧୩-୨୦; ଲୁକ ୯:୧୮-୨୧)

^{୨୭} ଏଚେଟିଏ ଜାୟୁ ଅଡ଼େ ତାନି ସାୟୁୟାଁ କାୟିସରିୟା ପିଲିପି ରାକ୍ରିଡ଼ି ନାୟୁକାଝାକି ହାଚେରି, ଅଡ଼େ ଜିରୁତା ଏଝାସି ତାନି ସାୟୁୟାଁକି ଝେଚେସି, “ନାନୁ ଆମ୍ବାଆତେସି ଇଞ୍ଜୁଁ ଲକୁ ଏଲେଇଞ୍ଜି ମାଞ୍ଜାନେରି ?”

* ୮:୧୧ ୮:୧୧ ମାତି ୧୬:୩୮; ଲୁକ ୧୧:୧୭ * ୮:୧୨ ୮:୧୨ ମାତି ୧୬:୩୯; ଲୁକ ୧୧:୨୯ * ୮:୧୫ ୮:୧୫ ଲୁକ ୧୨:୧ * ୮:୧୮ ୮:୧୮ ମାତି ୪:୧୨

୨୮ ✨ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ବାପ୍ତିସ୍ମ* ହାନି ଜହନ, ଅଡ଼େ ଆମ୍ବା ଆମ୍ବାଆରି ଏଲିୟ, ସାମା ଆମ୍ବା ଆମ୍ବାଆରି ଏଲେଇଞ୍ଜି ମାଞ୍ଜାନେରି ମାହାପୁରୁ ଅଣ୍ଟପୁତି ବଲୁ ଝେହ୍ନାରି ବିତ୍ରାଟି ରଅସି ।”

୨୯ ✨ଏଞ୍ଜାସି ଏଞ୍ଜାରାଇଁ ଝେଚେସି, “ସାମା ନାନୁ ଆମ୍ବାଆତେଏଁ ଇଞ୍ଜି~ ମୀରୁ ଏଲେଇଞ୍ଜି ମାଞ୍ଜାଦେରି ?” ପିତର ଏଞ୍ଜାଣାଇଁ ଏଲେଇଚେସି, “ନୀନୁ କ୍ରୀସ୍ତୁତି ।”

୩୦ ✨ଏମ୍ବାଟିଏ ଜୀସୁ ଏଞ୍ଜାରାଇଁ ତାନି କାତାତି ଆମ୍ବାଆରାଇଁ ଏନାଆଁ ଝେହ୍ନାଆଦୁ ଇଞ୍ଜି~ ଜାଣ୍ଡେ କିହ୍~ ହୁକୁମି ହୀଡେସି ।

ଜୀସୁ ତାନି ଦୁକୁ ଇଞ୍ଜା ତଣ୍ଡ ପାଣ୍ଡିନି କାତା ଝେହ୍ନାୟି
(ମାତି ୧୭:୨୧-୨୮; ଲୁକ ୯:୨୨-୨୭)

୩୧ ଅଡ଼େ, ଜୀସୁ ଏଞ୍ଜାରାଇଁ ଜାପୁହାଲି ମାଟୁହେସି, “ଇତିହ~ ମାଣ୍ଡସି ମୀରୁଏସି ହାରେକା ଦୁକୁ କସୁ ବେଟାଆନାୟି ମାନେ ଇଞ୍ଜା ପ୍ରାତିନାଜା, କାଜା ପୁଜେରାଜା, ଇଞ୍ଜା ମେରାପୁନାରି ତାଣ୍ଡାଟି ଅପାଆଗାଟାସି ଆହାନା ପାୟୁଝି ଆନାୟି ମାନେ, ଅଡ଼େ ତାନିଦିନା ଜେଚ ଝେଣ୍ଡେ ନିଜିନାୟି ମାନେ ।” ୩୨ ଇ କାତା ଏଞ୍ଜାସି ତାରପୁତଲେ ଝେସ୍ତେସି । ଏମ୍ବାଟିଏ ପିତର ଏଞ୍ଜାଣାଇଁ ଅରଞ୍ଜାକି ଅହାନା ଦାକା ହାହାନା ଲାଗାଲି ମାଟୁହେସି । ୩୩ ସାମା ଏଞ୍ଜାସି ତାୟୁଝାକି ତିରଞ୍ଜାହାଁ ତାନି ସାପୁୟାଁଣି ସିନିକିହାନା ପିତରଇଁ ଦାକା ହାହାନା ଏଲେଇଚେସି, “ସୟତାନ, ନା ନକିତି ହେକ ହାଲାମୁ, ଇତିହ~ ନୀନୁ ମାହାପୁରୁ କାତା ଅଣ୍ଟାଆନା ମାଣ୍ଡସିୟାଁ କାତା ଅଣ୍ଟାପାଞ୍ଜି ।”

୩୪ ✨ଏମ୍ବାଟିଏ ଜୀସୁ ତାନି ସାପୁୟାଁ ତଲେ ଲକୁଣି ହାଟାନା ଏଲେଇଚେସି, “ଆମ୍ବାଆସି ନା ଜେଚ ଝାହାଲି ମନ କିନେସି, ଆତିହ~ ଏଞ୍ଜାସି ଜାହାରାଇଁ ପିସ୍ତେସି, ଇଞ୍ଜା ଏଞ୍ଜାସି ତାନି କୁସ ଡେକାନା ନା ଜେଚ ଝାଟେସି । ୩୫ ✨ଇତିହ~ ଆମ୍ବାଆସି ତାନି ଜୀସୁ ଗେଲପାଲି ମନ କିନେସି, ଏଞ୍ଜାସି ଏଦାଆଁ ହାଝି କିନେସି; ସାମା ଆମ୍ବାଆସି ନା ତାକି ଇଞ୍ଜା ନେହ~ କାଟୁତାକି ତାନି ଜୀସୁ ହୀନେସି, ଏଞ୍ଜାସି ଏଦାଆଁ ନୀଟୁନେସି । ୩୬ ଅଡ଼େ, ମାଣ୍ଡସି ଇ ଦାଟିତା ମାନାଣି ବାରେ ମେଡି କିହାନା ତାନି ଜୀସୁତି ହାଝି କିନେସି, ଆତିହ~ ଏଞ୍ଜାଣାକି ଏନି ଲାଟା ? ୩୭ ଅଡ଼େ, ମାଣ୍ଡସି ତାନି ଜୀସୁତି ବାଦୁଲି ଏନାଆଁ ହାହାଲି ଆଡିନେସି ? ୩୮ ଏଦାଆଁତାକି ଆମ୍ବାଆସି ଇ କାଲାତି ଦାରି କିନାରି ଅଡ଼େ ପାପୁଗାତି ଲକୁ ବିତ୍ରା ନାଜେ ଅଡ଼େ ନା ବଲୁ ତାକି ଲାଜା ଆନେସି, ମାଣ୍ଡସି ମୀରୁଏସି ଏଚିବେଲା ସୁଦୁ ଦୁଟୁୟାଁ ତଲେ ତାନି ଆବାତି ଗାଝୁରମି ତଲେ ଝାଟେସି, ଏଚିବେଲା ଏଞ୍ଜାସି ଜିକେଏ ଏଞ୍ଜାଣି କାତାତାକି ଲାଜା ଆନେସି ।”

୯

୧ ଅଡ଼େ ଜୀସୁ ତାନି ସାପୁଣି ଏଲେଇଚେସି, “ନୀନୁ ମିଜେ ସାତା ଝେସିମାଞ୍ଜାଇଁ, ଇମ୍ବାଆଁ ଏଚରଜାଣା ମାନେରି ମାହାପୁରୁତି ରାଜି ବାଡ଼ୁୟୁ ତଲେ ଝାନାଣି ମେହ୍ଆ ପାତେକା ହାଅରି ।”

ଜୀସୁ ଅର ଝାଣା ଆନାୟି
(ମାତି ୧୭:୧-୧୩; ଲୁକ ୯:୨୮-୩୬)

୨ ✨ସ ଦିନା ତାୟୁ ଜୀସୁ ଝାରୁଇ ପିତର, ଜାକୁବ ଅଡ଼େ ଜହନଇଁ ତାନିତଲେ ଏଟକା କିହାନା ଏଞ୍ଜାରାଇଁ ର ପାତାଆଡି ହରୁତା ଅଡେସି । ୩ ଅଡ଼େ ଏଞ୍ଜାସି ଏଞ୍ଜାରି ନକିତା ଅର ଝାଣା ଆଡେସି, ଏଞ୍ଜାଣି ହିମ୍ବୁରି ଇଲେକ ✨ ଉଜେଡ଼ି ଆହାନା ହାରେକା ଦବ୍ଲା ଆଡେ, ଇ ଦାଟିତା ଆମ୍ବାଆସି ଏଲେତି ଦବ୍ଲା କିହାଲି ଆଡ଼ଅସି । ୪ ମସା ଅଡ଼େ ଏଲିୟ ଜୀସୁତଲେ ହାଡାକାତା ଆହିମାଟାଣି ତାନି ଜାଣା ସାପୁୟାଁ ମେସ୍ତେରି । ୫ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ଗୁରୁ ମାର ଇ ଟାୟୁତା ମାନାରି ହାରେକା ନେହାୟି; ମାର ତାନିଗଟା ଗୁଡାୟାଁ ଜେପିନ, ନିଜେତାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟକି ରଣ୍ଡାଆଁ ।” ୬ ପିତର ଏନାଆଁ ଜଲାଇଁ ଆନେ ଇଞ୍ଜି~ ପୁଞ୍ଜା ହିଲାଆଡେସି, ଏନାଆଁତାକି ଇତିହ~ ଏଞ୍ଜାରି ହାରେକା ଆଜାମାଚେରି ।

୭ ✨ଇଞ୍ଜା, ଇଟାୟି ଦୁୟା ଝାହାନା ଏଞ୍ଜାରାଇଁ ପୁକହେ, ଅଡ଼େ ଏ ଦୁୟାଟି ଇ ହାଡା ଝାଡେ, “ଇଞ୍ଜାସି ନା ଜୀସୁତି ମୀରୁଏସି, ଇଞ୍ଜାଣି ବଲୁ ଝେଞ୍ଜୁ ।” ୮ ଦେବୁଣିଏ ଏଞ୍ଜାରି ସାରିଝାକି ସିନିକିଚେରି, ତାନିତଲେ ଜୀସୁଇଁ ପିସ୍ତେ ଆମ୍ବାଆରାଇଁ ମେହ୍ଆଡେରି ।

✨ ୮:୨୮ ୮:୨୮ ମାର୍କ ୭:୧୪,୧୫; ଲୁକ ୯:୭୮ * ୮:୨୮ ୮:୨୮ ମୁଞ୍ଜିନାୟି ✨ ୮:୨୯ ୮:୨୯ ଜହ ୭:୨୮,୨୯ ✨ ୮:୩୪ ୮:୩୪ ମାତି ୧୦:୩୮; ଲୁକ ୧୪:୨୭ ✨ ୮:୩୫ ୮:୩୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ ✨ ୯:୨ ୯:୨ ୨ପିତ ୧:୧୭,୧୮ ✨ ୯:୨ ୯:୨ ମାତି ୩:୧୭; ମାର୍କ ୧:୧୧; ଲୁକ ୩:୨୨

୯ ଏଞ୍ଜାରି ହୁରୁତି ରେଚା ଖାହି ମାଚାଟି ଜୀସୁ ଏଞ୍ଜାରାଇଁ ଜାଣେ ହୁକୁମି ହାହାନା ଏଲେଇଚେସି, “ମୀରୁ ଏନାଆଁ ମେସାମାଞ୍ଜେରି, ଏ ବାରେ ହାଡ଼ାରି ବିତ୍ରାଟି ମାଣସି ମୀରୁଏସି ଖେଣ୍ଡେ ନିଜାଆ ପାଚେକା ଆମ୍ବାଆରାଇଁ ଖେହୁଆରୁ ।”

୧୦ ଏମ୍ବାଟିଏ ଏଞ୍ଜାରି ଏ କାତା ଆସାନା “ହାଡ଼ାରି ବିତ୍ରାଟି ଖେଣ୍ଡେ ନିଜାମାୟି ଏନାୟି ?” ଏ କାତାଟି ତାମି ବିତ୍ରା ଖେସିସି ଆଡେରି । ୧୧ ଅଡ଼େ ଏଞ୍ଜାରି ଜୀସୁଇଁ ଖେଚେରି, “ନକେଏ ଏଲିୟ ଖାନାୟି ଆନେ, ମେରାପୁନାରି ଏନିକିଁ ଇ କାତା ଖେହୁନେରି ?”

୧୨ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏଲିୟ ନକେଏ ଖାହାନା ବାରେ ମେରା ଅଡ଼େ ଖେଣ୍ଡେ ଇଚିନାୟି ସାତା, ସାମା ମାଣସି ମୀରୁଏସି ହାରେକା ଦୁକୁ ବେଗାଆହାନା ଅପାଆଗାଗାସି ଆନେସି, ଇଦି ଏନିକିଁ ଏଞ୍ଜାଣି କାତା ରାସୁକି ଆହାମାନେ ? ୧୩ ସାମା ନାନୁ ମିଜେ ଖେସିମାଞ୍ଜାଇଁ, ଏଲିୟ ଖାଚେସିଏ, ଅଡ଼େ ଏଞ୍ଜାଣି କାତା ଏନିକିଁ ରାସୁକି ଆହାମାନେ, ଏଲେକିହୁଁ ଏଞ୍ଜାରି ଏଞ୍ଜାଣାଇଁ ଜିକେଏ ଏନାଆଁ ମନ ଏଦାଆଁ କିହାମାନେରି ।”

ବୃତ୍ତ ଆଲ୍‌ଗାମାଟି କକାଣାଇଁ ନେହୁଁକିନାୟି
(ମାଟି ୧୭:୧୪-୨୧; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ସାୟୁୟାଁ ତାଣା ଖାହାନା ମେସ୍ତେରି, ଏଞ୍ଜାରି ସାରିଖକି ହାରେକା ମାଦା ଲକୁ ଅଡ଼େ ମେରାପୁନାରି ଏଞ୍ଜାରିତଲେ ବାଦିବାଦା ଆହିମାନେରି । ୧୫ ଲକୁ ବାରେ ଏଞ୍ଜାଣାଇଁ ମେସ୍ତପନିଏ ହାରେକା କାବାଆହାନା ଅଡ଼େ ଦାବଡ଼ି ଖାହାନା ଜହରା କିଚେରି । ୧୬ ଏମ୍ବାଟିଏ ଜୀସୁ ଏଞ୍ଜାରାଇଁ ଖେଚେସି, “ମୀରୁ ଏଞ୍ଜାରିତଲେ ଏନାଆଁତାକି ବାଦିବାଦା ଆହିମାଞ୍ଜେରି ?”

୧୭ ଲକୁ ବିତ୍ରାଟି ରଅସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ, ନାନୁ ନା ମୀରୁଏଣାଇଁ ନୀ ତାଣା ତାଚାମାଚେର୍ସି; ଏଞ୍ଜାଣାଇଁ ର ଗୁଲୁ ବୃତ୍ତ ଆଲ୍‌ଗାମାନେ । ୧୮ ଏମିନି ଚାୟୁତା ଏଦି ଏଞ୍ଜାଣାଇଁ ଆହୁନେ, ଏଞ୍ଜାଣାଇଁ ତୁଇ ତୁକ୍‌ନେ, ଇଞ୍ଜାଁ ଏଞ୍ଜାଣି ଗୁଡିଟି ପମ୍ବଲି ହନେ, ଅଡ଼େ ଏଦି ପାଲକା ଚାଟି କିନେ, ଇଞ୍ଜାଁ ଏଞ୍ଜାରି ଖାୟାହାଜି ମାନେସି; ଏଞ୍ଜାଣାଇଁ ପିସ୍‌ପି କିହାଲି ନାନୁ ନୀ ସାୟୁୟାଁଇଁ ଏଲେଇଚେସି, ସାମା ଏଞ୍ଜାରି ଆଡ଼ାଆଚେରି ।” ୧୯ ଜୀସୁ ଏଞ୍ଜାରାଇଁ ଏଲେଇଚେସି, “ଆଡ଼େ ନାମାଆଗାଟି କୃତାତାଚେରି, ଏଚରଦିନା ନାନୁ ମୀ ତଲେ ତୁୟିଇଁ ? ଏଚରଦିନା ମୀ ଲେମ୍‌ମାନାଣି ଅରୁହିଇଁ ? କକାଣାଇଁ ନା ତାଣା ତାକୁ ।” ୨୦ ଏମ୍ବାଟିଏ ଏଞ୍ଜାଣାଇଁ ଜୀସୁ ତାଣା ତାଚେରି । ଅଡ଼େ, ଜୀସୁଇଁ ମେସ୍ତପନିଏ ଏ ବୃତ୍ତ ଏଞ୍ଜାଣାଇଁ ହାରେକା ତିରୁଞ୍ଜି କିଚେ ଇଞ୍ଜାଁ ବୁମିତା ତରଗାନା ଗୁଡିଟି ପମ୍ବଲି ହପୁହାନା ଉସାଲି ମାଟୁହେସି । ୨୧ ଏଚିବେଲ୍‌ମା ଜୀସୁ ତାନି ଆବାଇଁ ଖେଚେସି, “ଏଚରଦିନା ଆଡେ ଇଞ୍ଜାଣାଇଁ ଇଲେ କିହିମାନେ ?” ଏଞ୍ଜାସି ଏଲେଇଚେସି, “ଊଣା ଖେଡ଼ାଟିଏ ୨୨ ଏଦି ଏଞ୍ଜାଣାଇଁ ହାଡ଼ି କିହାଲି ଏଚେ ଏଚେତା ହିରୁତା ଅଡ଼େ ଏୟୁଣାଁ ମେଡ଼ହାମାନେ; ସାମା ନାନୁ ଏନାଆଁ କିହାଲି ଆଡ଼ିତୁଁ, ମାଜେ କାର୍‌ମା ଆହାନା ମା ସାୟେମି ଆୟାମୁ ।”

୨୩ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଏନାଆଁ ଇଚି ? ଇଚିହୁଁ କିହାଲି ଆଡ଼ିତୁଁ ! ଆମ୍ବାଆସି ନାମିନେସି ଏଞ୍ଜାଣାକି ବାରେଏ ଆନେ ।”

୨୪ ଏ ଦେବୁଣିଏ କକାଣି ତାମି ଆଦା କାଜା ଗିୟାତଲେ ଏଲେଇଚେସି, “ନାନୁ ନାମିମାଇଁ ନା ନାମାଆଗାଗାଣି ଗୁଡି କିହାଲି ସାୟେମି କିୟାମୁ ।”

୨୫ ତାୟୁ ମାଦା ଲକୁ ରହେଏ ହଚିହୁଁ ଖାହି ମାଚାଣି ମେସାନା, ଜୀସୁ ଏ ପଲ୍‌ଆ ବୃତ୍ତୁଡି ଦାକା ହାହାନା ଏଲେଇଚେସି, “ଆଡେ ଗୁଲୁ ଅଡ଼େ ବେରା ବୃତ୍ତୁଡି, ନାନୁ ନିଜେ ହୁକୁମି ହାହିମାଞ୍ଜାଇଁ, ଇଞ୍ଜାଣି ତାଣାଟି ହଚାହାଲାମୁ, ଇଞ୍ଜାଁ ଏଚେଲ୍‌ମା ଜିକେଏ ଇଞ୍ଜାଣି ତାଣା ହଡ଼ୁଆନି ।”

୨୬ ଏମ୍ବାଟିଏ ଏଦି ହାରେକା କିରୁଡ଼ିହୁଁ କକାଣାଇଁ ତିରୁଞ୍ଜି କିହାନା ବୁମିତା ତୁକ୍‌ହାନା ହଚାହାଚେ, ଅଡ଼େ କକାସି ହାଡ଼ିଲେହେଁ ଆଡେସି, ଇଲେକିହୁଁ ହାରେକା ଲକୁ ଏଲେଇଞ୍ଜିମାଚେରି, “କକାସି ହାଡ଼େସି ।” ୨୭ ସାମା ଜୀସୁ ଏଞ୍ଜାଣି କେୟୁ ଆସାନା ନିକହେସି, ଇଞ୍ଜାଁ ଏଞ୍ଜାସି ନିଚେସି ।

୨୮ ଇଞ୍ଜାଁ ଜୀସୁ ଇଜ କିହାଲିଏ ତାନି ସାୟୁୟାଁ ମେଣେଏ ଖେଚେରି, “ମାୟୁ ଏନାଆଁତାକି ଏଞ୍ଜାଣାଇଁ ପିସ୍‌ପି କିହାଲି ଆଡ଼ାଆତନି ?”

୨୯ ଜୀସୁ ଏଞ୍ଜାରାଇଁ ଏଲେଇଚେସି, “ପ୍ରାତାନା* କିଆନା ଅଡ଼େ ଏନିକିଁ ଜିକେଏ ଇଲେଚି ବୃତ୍ତ ପେଡ଼ହାଲି ଆଡ଼ାଆୟି ।”

* ୯:୧୧ ୯:୧୧ ମାଟି ୧୧:୧୪ * ୯:୨୯ ୯:୨୯ ଏଚେକା ସାପ୍ତେରିତା ପ୍ରାଚୀନା ଇଞ୍ଜାଁ ଉପାସା ରାସୁକି ଆହାମାନେ ।

ତାନି ହାକିତି କାତୁ ଅଡ଼େ ଝେଣ୍ଠେ ଝେହୁନାୟି

(ମାତି ୧୭:୨୨-୨୩; ଲୁକ ୯:୪୩-୪୫)

୩୦ ଏଞ୍ଜାରି ଏ ଟାୟୁଟି ହାଜାନା ଗାଲିଲି ମାଦିଟି ହାଚେରି, ଇଞ୍ଜା ଆମ୍ବାଆସି ପୁନାଆପେସି ଇଞ୍ଜି ଏଞ୍ଜାଣି ମନ ହିଲାଆତେ; ୩୧ ଇଚିହ ଏ ଜୀସୁ ତାନି ସୀୟୁୟାଣି ଇ କାତା ଝେସିହ ଏ ଜାପୁହି ମାଚେସି, “ମାଣସି ମୀରୁଏସି ମାଣସିୟା କେୟୁତା ହେରୁପିଆନେସି, ଅଡ଼େ ଏଞ୍ଜାରି ଏଞ୍ଜାଣାଇଁ ପାୟିନେସି, ଇଞ୍ଜା ଏଞ୍ଜାସି ହାଡ଼ି ତାୟୁ ତାନିଦିନା ଜେଚ ଝେଣ୍ଠେ ନିଜ୍ଜାନେସି ।”

୩୨ ସାମା ଏଞ୍ଜାରି ଏ କାତାଟି ତେଲହାଆଚେରି, ସାମା ଏଞ୍ଜାଣାଇଁ ଝେଞ୍ଜାଲି ଆଜିମାଚେରି ।

ଆମ୍ବାଆସି କାଜାସି

(ମାତି ୧୮:୧-୫; ଲୁକ ୯:୪୬-୪୮)

୩୩ ତାୟୁ ଏଞ୍ଜାରି କପରନାହୁମତା ଝାଡ଼େଚି । ଜୀସୁ ଇଜ ଏଜାନା ସୀୟୁୟାଣି ଝେଚେସି, “ମୀରୁ ଜିରୁତା ଏନାଆଁ କାତା ଆହିମାଚେରି ?”

୩୪ ସାମା ଏଞ୍ଜାରି ହାଡ଼ା ଆଆନା ପାଲେଏ ତୁୟିଚେରି, ଇଚିହ ଏ ଆମ୍ବାଆସି କାଜାସି ଇ କାତା ଆସାନା ଜିରୁତା କାତା ଆହିମାଚେରି । ୩୫ ଏମ୍ବାଟିଏ ଜୀସୁ କୁଗାନା ବାର ଜାଣାଇଁ ହାଡ଼ିଚେସି ଇଞ୍ଜା ଏଞ୍ଜାରାଇଁ ଏଲେଇଚେସି, “ଇଚିହ ଏ ଆମ୍ବାଆସି କାଜାସି ଆହାଲି ମନ କିନେସି, ଆତିହ ଏଞ୍ଜାସି ବାରେତି କିହାଁ ଉଣା ଅଡ଼େ ବାରେତି ସେବା କିନାସି ଆପେସି ।” ୩୬ ଅଡ଼େ ଏଞ୍ଜାସି ର ଉଣା କକାଣାଇଁ ଅହାନା ଏଞ୍ଜାରି ମାଦି ନିପୁହେସି ଇଞ୍ଜା ଏଞ୍ଜାଣାଇଁ ପମାନା ଏଞ୍ଜାରାଇଁ ଏଲେଇଚେସି, ୩୭ ଏ ଆମ୍ବାଆସି ନା ଦରୁ ତାକି ଇଲେତି ଉଣା କକାରି ବିତ୍ରାଟି ରଅଣାଇଁ ଆବିନେସି, ଏଞ୍ଜାସି ନାଜେ ଆବାନେସି; ଅଡ଼େ ଆମ୍ବାଆସି ନାଜେ ଆବାନେସି, ଏଞ୍ଜାସି ଝାରଇ ନାଜେ ଆବଅସି, ସାମା ନାଜେ ପାଣ୍ଡାତାଣାଇଁ ଜିକେଏ ଆବିନେସି ।”

ମା କପାଟି ନିଜାଆ ଗାଟାସି ମା ତଲେତାସି

(ଲୁକ ୯:୪୯-୫୦)

୩୮ ଜହନ ଏଞ୍ଜାଣାଇଁ ଏଲେଇଚେସି, “ଏ ଗୁରୁ ମା ଗତିତା ହିଲାଆଗାଟାସି ରଅସି ନୀ ଦରୁତଲେ ବୁଡୁଣି ପେରୁହି ମାଟାଣି ମେସୁମି, ଇଞ୍ଜା ଏଞ୍ଜାସି ମା ଗତିତା ହିଲାଆତାକି ଏଞ୍ଜାଣାଇଁ କାହିକିତମି ।”

୩୯ ସାମା ଜୀସୁ ଏଲେଇଚେସି, “ଏଞ୍ଜାଣାଇଁ କାହିକିଆଦୁ; ଇଚିହ ନା ଦରୁତଲେ କାବାଆନି କାମା କିହାନା ଝେଣ୍ଠେ ନାଜେ ନିନ୍ଦା କିୟାନେସି, ଇଲେତି ଲକୁ ଆମ୍ବାଆସି ହିଲଅସି; ୪୦ ଇଚିହ ଏ ଆମ୍ବାଆସି ମା କପାଟି ନିଜାଆ ଗାଟାସି ଏଞ୍ଜାସି ମା ତଲେତାସି । ୪୧ ନାନୁ ମିଜେ ସାତା ଝେସିମାଞ୍ଜାଇଁ, ମୀରୁ କ୍ରୀସ୍ତତି ଲକୁ ଇଞ୍ଜି ଏ ଆମ୍ବାଆସି ଜିକେଏ ମିଜେ ଜାଚେକା ଏୟୁ ଗସାଲି ହିୟାନେସି, ଏଞ୍ଜାସି ଏନିଜିକେଏ ତାନି ଦାନାତି ଜାକ୍‌ଅସି ।”

ନାମୁତା ପାପୁ କିଞ୍ଜି କିନାଣି ତଣ୍ଡ

(ମାତି ୧୮:୨-୯; ଲୁକ ୧୭:୧-୨)

୪୨ ଅଡ଼େ ଆମ୍ବାଆସି ନାମାମାନି ଇ ଉଣାୟାଁ ବିତ୍ରାଟି ରଅଣାଇଁ ପାପୁ କିଞ୍ଜି କିନେସି, ଏଞ୍ଜାଣି ହେରୁକିତା କାଜା ଜେତାଞ୍ଜାଲି ଦସାନା ଏଞ୍ଜାଣାଇଁ ସାମଦୁରିତା ମେଡ଼ିହି ଏ ନେହେ ଆଡ଼େତମା । ୪୩ ମୀ କେୟୁ ମିଜେ ପାପୁ କିଞ୍ଜିକିୟାନେ, ଇଚିହ ଏଦାଆଁ ଜାଟାନା କୁତାଦୁ; ରୀ କେୟା ମାଞ୍ଜାନା ନର୍କ ଇଚିହ ଏ ତୁମ୍ବାଆଗାଟି ହିରୁ ଗାଡ଼ୁୟୁତା ମେଡ଼ିପି ଆନି ବାଟା କଲା ଆହାନା ଜୀଞ୍ଜୁତା ହଡ଼ନାୟି ମିଜେ ତାକି ନେହେ । ୪୪ ଇଚିହ ଏ ନର୍କତା ଏମ୍ବାଟି ପିଡ଼କା ଏଚେଲା ହାଡ଼, ଅଡ଼େ ହିରୁ ଏଚେଲା ତୁମ୍ବେଏ । ୪୫ ଅଡ଼େ ମୀ କତା ମିଜେ ପାପୁ କିଞ୍ଜିକିୟାନେ, ଏଦାଣି ରାଡ଼ହା କୁତାଦୁ, ରୀ କତାୟାଁ ନେହେ ମାଞ୍ଜାନା ନର୍କତା ମେଡ଼ିପି ଆନି ବାଟା ସଟା ଆହାନା ଜୀଞ୍ଜୁତା ହଡ଼ନାୟି ମିଜେ ତାକି ନେହେ । ୪୬ ଇଚିହ ଏ ନର୍କତା ଏମ୍ବାଟି ପିଡ଼କା ଏଚେଲା ହାଡ଼, ଅଡ଼େ ହିରୁ ଏଚେଲା ତୁମ୍ବେଏ । ୪୭ ଇଞ୍ଜା ମୀ କାନୁ ମିଜେ ପାପୁ କିଞ୍ଜିକିୟାନେ ଇଚିହ ଏଦାନି ଡେଞ୍ଜା କୁତାଦୁ, ରୀ କାଣକା ନେହେ ମାଞ୍ଜାନା ନର୍କତା ମେଡ଼ିପି ଆନି କିହାଁ ର କାନୁ ତଲେ ମାହାପୁରୁ ରାଜିତା ହଡ଼ନାୟି ମିଜେ ତାକି ନେହେ । ୪୮ ଇଚିହ ଏ ନର୍କତା ଏମ୍ବାଟି ପିଡ଼କା ଏଚେଲା ହାଡ଼, ଅଡ଼େ ହିରୁ ଏଚେଲା ତୁମ୍ବେଏ ।

୧:୩୪ ୯:୩୪ ଲୁକ ୨୨:୨୪ ୧:୩୫ ୯:୩୫ ମାତି ୨୦:୨୬,୨୭; ୨୩:୧୧; ମାର୍ଚ୍ଚ ୧୦:୪୩,୪୪; ଲୁକ ୨୨:୨୭ ୧:୩୬ ୯:୩୬ ମାତି ୧୦:୪୦; ଲୁକ ୧୦:୧୬; ଜହ ୧୩:୨୦ ୧:୪୦ ୯:୪୦ ମାତି ୧୨:୩୦; ଲୁକ ୧୧:୨୩ ୧:୪୧ ୯:୪୧ ମାତି ୧୦:୪୨ ୧:୪୩ ୯:୪୩ ମାତି ୯:୩୦ ୧:୪୪ ୯:୪୪ କଚେକା ସାପ୍ତେରିତା ଇ କାତା ରାସ୍ତି ଆହାହିଲେଏ । ୧:୪୬ ୯:୪୬ କଚେକା ସାପ୍ତେରିତା ଇ କାତା ରାସ୍ତି ଆହାହିଲେଏ । ୧:୪୭ ୯:୪୭ ମାତି ୫:୨୯

୪୯ “ହାରୁ ତଲେ ଏନିକି ପୂଜା ହାନାୟି ସୁଦୁ ଆନେ, ଏଲେକିହି ଏ ହିରୁତଲେ ବାରେ ସୁଦୁ କିଞ୍ଚିଆନେ ।”

୫୦* “ହାରୁ ନେହାୟି, ଯାମା ହାରୁ ମୁଆସାରେ ଆତିହି ଏନିକି ମୁପି କିନାୟି ଆନେ ? ମୀରୁ ମୀ ତାଣା ହାରୁ ଲେହେ ଆଦୁ, ଅଡ଼େ ରଅଡ଼େରି ରଅଣାକି ହିଡ଼ଡ଼ି ଜୀଝୁତଲେ ନେହି ଆହି ଡ଼ୟାଦୁ ।”

୧୦

ତକ୍ତ ତକ୍ତା ପିସପିଆନି କାତା ଜୀସୁ ଜାପୁନାୟି (ମାତି ୧୯:୧-୧୨; ଲୁକ ୧୭:୧୮)

୧ ଏ ଚାମୁଟି ଜୀସୁ ହାଜାନା ଜୀହୁଦା ରାଜିତି ହାନ୍ଦି ଅଡ଼େ ଜର୍ଦନ କାତା ଆତାଲାଝାକି ଖାଡ଼େସି; ଇଞ୍ଜିା ଲକ୍ଷୁ ଅଡ଼େ ଝେଣ୍ଡେ ଏଝାଣି ତାଣା ରୁଣ୍ଡା ଆହାଲିଏ, ଏଝାସି ତାନି ମେରା ଲେହେ ଏଝାରାଇଁ ଅଡ଼େ ଜାପୁହାଲି ମାରୁହେସି ।

୨ ଏମ୍ବାଟିଏ ପାରୁସିୟାଁ ଏଝାଣି ତାଣା ଝାହାନା ଏଝାଣାଇଁ ତାୟିପାରିକିହିଁ ଝେଚେରି, “ଜାହାରା ତକ୍ତନି ପିସାଲି ଆବାୟିକି ମେରା କି ?”

୩ ଜୀସୁ ଏଝାରାଇଁ ଏଲେଇଚେସି, “ମସା ମିଜେ ଏନି ହୁକୁମି ହାହାମାଞ୍ଜାନେସି ?”

୪* ଏଝାରି ଏଲେଇଚେରି, “ପିହ୍ନି ଆକୁ ରାତାନା ତକ୍ତନି ପିସାଲି ମସା ହେଲ ହାହାମାଞ୍ଜାନେସି ।”

୫ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ମୀ ଆଡ଼ଝା ହିୟାତି ମେସାନା ଏଝାସି ମିଜେତାକି ଇ ହୁକୁମି ରାତାମାନେସି । ୬ ଯାମା ମାଣସି ଗାଡ଼ି ଆଡ଼ି ବେଲାଟିଏ ଏଝାସି ଏଝାରାଇଁ ଇୟା ଅଡ଼େ ଆବା କିହିଁ ମାହାପୁରୁ ଗାଡ଼ିକିଡେସି । ୭ ଏଦାଆଁତାକି ଆବା ତାଲି ତାଞ୍ଜିଇଁ ପିହ୍ନେସି, ଇଞ୍ଜିା ତାନି ତକ୍ତ ତଲେ ଆଣ୍ଡିନେସି, ୮ ଇଞ୍ଜିା ଏଝାରି ରିଆରି ଆଏ, ଯାମା ରଣ୍ଡିଏ ଆଜା ଆନେରି । ୯ ଇଞ୍ଜିା ମାହାପୁରୁ ଏନାଆଁ ଆଣ୍ଡି କିହାମାନେସି, ମାଣସି ଏଦାଆଁ ଏଟକା କିଆପେସି ।”

୧୦ ତାୟୁ ସାସୁୟାଁ ଇଜ ଇ କାତାତି ଜୀସୁଇଁ ଅଡ଼େ ଝେଣ୍ଡେ ଝେଚେରି । ୧୧* ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ଆମ୍ବାଆସି ତାନି ତକ୍ତନି ପିସାନା ଏଟକାତାଣି ବାହା ଆନେସି, ଏଝାସି ତଲିତି ତକ୍ତନି କପାଟି ଦାରିକାମା କିନେସି । ୧୨ ଅଡ଼େ ତକ୍ତ ତାନି ତକ୍ତାଇଁ ପିସାନା ଏଟକାତାଣାଇଁ ବାହା ଆନେ, ଆତିହିଁ ଏଡ଼ି ଦାରିକାମା କିନେ ।”

କକାରି ପଦାଁଣି ଜୀସୁ ବର ହାନାୟି (ମାତି ୧୯:୧୩-୧୫; ଲୁକ ୧୮:୧୫-୧୭)

୧୩ ଏଝାସି ଏନିକି କକାରି ପଦାଁଣି ତାରିନେସି, ଏଦାଆଁତାକି ଲକ୍ଷୁ ଏଝାରାଇଁ ଜୀସୁ ତାଣା ତାତାଲି ମାରୁହେରି; ଯାମା ସାସୁୟାଁ ଏଝାରାଇଁ ଦାକା ହାତେରି । ୧୪ ଜୀସୁ ଏଦାଆଁ ମେୟାଁ କାରୁରି ଆହାନା ଏଝାରାଇଁ ଏଲେଇଚେସି, “କକାରି ପଦାଁଣି ନା ତାଣା ଝାହାଲି ହାଦୁ, ଏଝାରାଇଁ ଆଂଗାଆଦୁ; ଇତିହିଁ ମାହାପୁରୁତି ରାଜି ଇଲେତି ଲକ୍ଷୁତାୟି । ୧୫* ନାନୁ ମିଜା ସାତା ଝେସିମାଞ୍ଜାଇଁ, ଆମ୍ବାଆସି କକାରି ପଦାୟାଁ ଲେହେ ମାହାପୁରୁତି ରାଜି ଆବଅସି, ଏଝାସି ଏନିଜିକେଏ ଏମ୍ବାଆଁ ହଡ଼ାଲି ଆଡ଼ଅସି ।” ୧୬ ଇଞ୍ଜିା ଏଝାସି ଏଝାରାଇଁ କତାଣା ଜଜ୍ଜାନା ଏଝାରି ଲାକ କେୟୁ ଇଚାନା ବର ହାତେସି ।

ର ଦନ ଗାଟି ଦାଂଗଣେସି (ମାତି ୧୯:୧୬-୩୦; ଲୁକ ୧୮:୧୮-୩୦)

୧୭ ଜୀସୁ ଅଡ଼େ ଝେଣ୍ଡେ ହାଜିମାଚାଟି ରଅସି ଦାବଡ଼ି ଝାହାନା ଏଝାଣି ନକିତା ମେଣ୍ଡାକୁତାନା ଏଝାଣାଇଁ ଝେଚେସି, “ଏ ନେହିଁ ଗୁରୁ କାଲାକାଲାତି ଜୀଝୁ ବେଟାଆହାଲି ନାନୁ ଏନାଆଁ କିଇଁ ?”

୧୮ ଏମ୍ବାଟିଏ ଜୀସୁ ଏଝାଣାଇଁ ଏଲେଇଚେସି, “ନାଜେ ନେହାଁତି ଇଞ୍ଜିାଁ ଏନାଆଁତାକି ଏଲେଇଞ୍ଜି ମାଞ୍ଜାଦି ? ରଅଣି ପିସପେ ଇତିହିଁ ମାହାପୁରୁ ପିସପେ ଅଡ଼େ ଆମ୍ବାଆସି ନେହାଁସି ହିଲଅସି । ୧୯ ନାନୁ ସାସ୍ତେରିତି ବାରେ ହୁକୁମିକା ପୁଞ୍ଜାମାଞ୍ଜି, ଲକ୍ଷୁଣି ପାୟାଆଦୁ, ଦାରିକାମା କିଆଦୁ, ସରୁ କିଆଦୁ, ମିଟି ସାକି ଜଲାଆଦୁ, ଲକ୍ଷୁଣି ନାଡ଼ି କିଆଦୁ, ଇଞ୍ଜିା ତାଲି ତାଞ୍ଜିଇଁ ଜୀଝୁନଦୁ ।”

୨୦ ଏଝାସି ଏଝାଣାଇଁ ଏଲେଇଚେସି, “ଏ ଗୁରୁ ଇ ବାରେ ନାନୁ ଉଣା ଝେଡ଼ାଟିଏ ମାନୁଞ୍ଜି ଆହିମାଇଁ ।”

* ୯:୫୦ ୯:୫୦ ମାତି ୫:୧୩; ଲୁକ ୧୪:୩୪,୩୫ * ୧୦:୪ ୧୦:୪ ମାତି ୫:୩୧ * ୧୦:୧୧ ୧୦:୧୧ ମାତି ୫:୩୨; ୧କର ୭:୧୦,୧୧
* ୧୦:୧୫ ୧୦:୧୫ ମାତି ୧୮:୩

୨୧ ଜୀସୁ ଏଝାଣାଇଁ ତୀରେ ସିନକିହାଁ ଜୀସୁ ନଢେତସି ଇଞ୍ଜା ଏଲେଇଚେସି, “ନୀନୁ ର କାମାତା ଉଣା ମାଞ୍ଜି, ନୀନୁ ହାଜାନା ନୀ ଦନ ବାରେ ପାର୍ଚରାନାହାଁ ହିଲୀଆ ଗାଟାରକି ଦାନା ହୀମ୍, ଅଡେ ନା ଜେଡ ଝାମ୍, ଇଞ୍ଜା ନୀନୁ ଲାକପୁରୁ ଦନ ବେଟାଆଡି ।” ୨୨ ସାମା ଈ କାତାତା ଏଝାଣି ମମ୍ ହାପଲି ଆହାହାଚେ, ଇଞ୍ଜା ଏଝାସି ଦୁକୁ ଆହାନା ହାଚେସି, ଇଚିହଁ ଏଝାଣାକି ହାରେକା ଦନ ମାଚେ ।

୨୩ ଏମ୍ବାଟିଏ ଜୀସୁ ସାରିଝାକି ସିନକିହାନା ତାନି ସୀସୁୟାଣି ଏଲେଇଚେସି, “ଦନ ଗାଟାରି ହାରେକା କସ୍ତଲେ ମାହାପୁରୁ ରାଜିତା ହଡ଼ନେରି ।”

୨୪ ଏଝାଣି କାତା ଝେଞ୍ଜାନା ସୀସୁୟାଁ କାବା ଆଡେଚରି, ସାମା ଜୀସୁ ଅଡେ ଝେଣ୍ଡେ ଏଝାରାଇଁ ଏଲେଇଚେସି, “ଆଡେ କକାଚେଚି ମାହାପୁରୁ ରାଜିତା ହଡ଼ନାୟି ହାରେକା କସ୍ତ । ୨୫ ମାହାପୁରୁଚି ରାଜିତା ଦନ ଗାଟାରି ହଡ଼ନି କିହାଁ ସୁଜା କାଣିଚି ଉଚୁ ହଡ଼ନାୟି ଉସାସା ।”

୨୬ ଏମ୍ବାଟିଏ ଏଝାରି ହାରେକା କାବାଆହାନା ତାମ୍ ଚାମ୍ବୁ କାତା ଆଡେଚରି, “ଆଡିହଁ ଆମ୍ବାଆସି ଗେଲପି ଆହାଲି ଆଡିନେସି ?”

୨୭ ଜୀସୁ ଏଝାରାଇଁ ତୀରିତଲେ ସିନକିହାନା ଏଲେଇଚେସି, “ଇଦି ମାଣସିକି ଆଡାଆଗାଟାୟି, ସାମା ମାହାପୁରୁକି ଆସ; ଇଚିହଁ ମାହାପୁରୁ ବାରେ କିହାଲି ଆଡିନେସି ।”

୨୮ ପିତର ଏଝାଣାଇଁ ଏଲେଇଚେସି, “ମେହମ୍ ମାମ୍ ରୁରେ ପିସାନା ନୀ ଜେଡ ଝାହାମାନନି ।”

୨୯ ଜୀସୁ ଏଲେଇଚେସି, “ନୀନୁ ମିଜେ ସାତା ଝେସିମାଞ୍ଜାଇଁ, ଆମିନି ଲକୁ ନା ନେହଁ କାଚୁତାକି ଇଲୁ କି ତାୟିକି ତାଞ୍ଜି କି ତାଲି, ତାଞ୍ଜି, କକାରି ପଦାଣି କି ବୁମି ବାଡା ପିସାମାନେରି, ୩୦ ଅଡେ ଈ କାଲ୍ଲାତା କସ୍ତ ବେଟାଆହଁ, ଝାଞ୍ଜା ଗୁଣ୍ଡିଚି ଇଲ୍ଲାକା, ତାୟି, ତାଞ୍ଜି, ତାଲି ତାଞ୍ଜି, କକାରି ପଦାୟାଁ ଅଡେ ବୁମି ବାଡା, ଇଞ୍ଜା ଝାନି ଜୁଗୁତା କାଲ୍ଲାକାଲ୍ଲାତି ଜୀସୁ ବେଟାଆଅସି, ଇଲେଚି ଲକୁ ଆମ୍ବାଆସି ହିଲଅସି । ୩୧ ଯାମା ନକିତା ମାନି ହାରେକା ଲକୁ ତାୟୁ ଆନେରି, ଇଞ୍ଜା ତାୟୁ ମାନି ହାରେକା ଲକୁ ନକିନେରି ।”

ଜୀସୁ ତାନି ପାଲି ତାନି ହାନି କାତା ଝେହ୍ନାୟି

(ମାତି ୨୦:୧୭-୧୯; ଲୁକ ୧୮:୩୧-୩୪)

୩୨ ଏଝାରି ଜିରୁସାଲମତା ହାଜିମାଟାଚି ଜିରୁତା ମାଚେରି ଇଞ୍ଜା ଜୀସୁ ଏଝାରି ନକି ନକିତା ହାଜିମାଚେସି, ଅଡେ ଏଝାରି କାବାଆହାନା ତାୟୁ ଝାହ୍ମାନି ଲକୁ ଆଜାମାଚେଚି, ଇଞ୍ଜା ଏଝାସି ଝେଣ୍ଡେ ବାରଜାଣାତି ଏଟକା କିହାନା ତାଜେତାକି ଏନା ଏନାୟି ଆହାଲି ହାଜିମାନେ, ଏ ବାରେ ଏଝାରାଇଁ ଝେସାଲି ମାଟୁହେସି । ୩୩ ଜୀସୁ ଏଲେଇଚେସି, “ମେହମ୍ ମାର୍ ଜିରୁସାଲମତା ହାଜିମାନାୟି; ମାଣସି ମାର୍ଏସି କାଜା ପୂଜେରାଞ୍ଜା ଅଡେ ମେରାପୁନାରି କେୟୁତା ହେଚପିଆନେସି, ଅଡେ ଏଝାରି ଏଝାଣାଇଁ ହାନି ତଣ୍ଡ ହୀହାନା ଏଟକା କୁଡାତାରି କେୟୁତା ହେଚପିନେରି, ୩୪ ଇଞ୍ଜା ଏଝାରି ଏଝାଣାଇଁ କିଜ଼ି କିନେରି, ଏଝାଣିଲାକ ହୁପିନେରି, ଏଝାଣାଇଁ ସାଟୁଣି ତଲେ ଝେନେରି, ଇଞ୍ଜା ପାୟିନେରି, ଅଡେ ତାନି ଦିନାଟିଏ ଝେଣ୍ଡେ ନିଜିନେସି ।”

ଜାକୁବ ଅଡେ ଜହନ ବାଟିମାଲିନାୟି

(ମାତି ୨୦:୨୦-୨୮)

୩୫ ତାୟୁ ଜେବଦି ମୀରୁକା ଜାକୁବ ଅଡେ ଜହନ ଜୀସୁ ତାଣା ଝାହାନା ଏଲେଇଚେଚି, “ଏ ଗୁରୁ ମା ଅଣ୍ଡୁ ମାମ୍ ନୁୀ ତାଣାଟି ଏନାଆଁ ରୀହନମି ଏଦାଆଁ ମା ତାକି ନୀନୁ କିମ୍ ।”

୩୬ ଇଞ୍ଜା ଜୀସୁ ଏଝାରାଇଁ ଝେଚେସି, “ନୀନୁ ମା ତାକି ଏନାଆଁ କିଇଁ ଇଞ୍ଜା ମୀରୁ ଅଣ୍ଡପିମାଞ୍ଜେରି ?”

୩୭ ଏଝାରି ଏଝାଣାଇଁ ଏଲେଇଚେଚି, “ନୀନୁ ଗାଞ୍ଜୁରିମାଟା ରାଜିତା କୁଟିସାରେ ଏନିକଁ ମା ବିତ୍ରାଟି ରଅଡିନି ନୀ ଟିଝନି ଟଟ ଅଡେ ରଅଡିନି ନୀ ଟେବୁ ଟଟ କୁଗିନମି ଈ ବର୍ ମାଜେ ହିୟାମ୍ ।”

୩୮ ଯାମା ଜୀସୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜାହିଲଅଚେଚି । ନୀନୁ ଆମିନି ସଲ୍ଲାତା ଗସିମାଲ୍, ଏମ୍ବାଆଁ ମୀରୁ ଗସାଲି ଆଡିଦେରି ? ଇଞ୍ଜା ନୀନୁ ଆମିନି ବାପ୍ତିସ୍ମତା* ବାପ୍ତିସ୍ମ* ଅହିମାଲ୍ ଏମ୍ବାଆଁ ମୀରୁ ବାପ୍ତିସ୍ମ* ଆହାଲି ଆଡିଦେରି ?”

୩୯ ଏଝାରି ଏଲେଇଚେଚି, “ଆଡିନମି ।”

ଜୀସୁ ଏଝାରାଇଁ ଏଲେଇଚେସି, “ନୀନୁ ଆମିନି ସଲ୍ଲାତା ଗସିମାଲ୍ ଏମ୍ବାଆଁ ଗସାଲି ଆଡିଦେରି, ଇଞ୍ଜା ନୀନୁ ଆମିନି ବାପ୍ତିସ୍ମତା* ବାପ୍ତିସ୍ମ* ଅହିମାଲ୍ ମୀରୁ ଏମ୍ବାଆଁ ବାପ୍ତିସ୍ମ* ଆଦେରି; ୪୦ ସାମା ନା ଟିଝନି ଅଡେ

☆ ୧୦:୩୧ ୧୦:୩୧ ମାତି ୨୦:୧୭; ଲୁକ ୧୩:୩୦ ☆ ୧୦:୩୮ ୧୦:୩୮ ଲୁକ ୧୨:୫୦ * ୧୦:୩୮ ୧୦:୩୮ ମୁଞ୍ଜିନାୟି † ୧୦:୩୮ ୧୦:୩୮ ମୁଞ୍ଜିନାୟି ‡ ୧୦:୩୮ ୧୦:୩୮ ମୁଞ୍ଜିନାୟି § ୧୦:୩୯ ୧୦:୩୯ ମୁଞ୍ଜିନାୟି * ୧୦:୩୯ ୧୦:୩୯ ମୁଞ୍ଜିନାୟି † ୧୦:୩୯ ୧୦:୩୯ ମୁଞ୍ଜିନାୟି

ଚେତୁଃସ୍ରୁତ କୁଗାଲି ହାହାଲି ନା ଅଦିକାରତ କାତା ଆଏ, ଆଦ୍ୟାଆରକି ମାହାପୁରୁ ଚାୟୁ କେପାମାନେସି ଏଞ୍ଜାରି କୁଗିନେରି ।”

୪୧ ଏଚକାତି ଦସ ଜାଣା ଛଦାଆଁ ଖେଞ୍ଜାନା ଜାକୁବ ଅଡେ ଜହନଇଁ କାର୍ବି ଆହାଲି ମାଟୁହେରି ।
୪୨ ଏଦ୍ଵାଟିଏ ଜୀସୁ ଏଞ୍ଜାରାଇଁ ତାଗେ ହାଟାନା ଏଲେଇଚେସି, “ଆମିନି ଗାଟାରି ଏଚକା କୁଡାତି ସାଲୁଞ୍ଜି କିନାରି ଲେହେ ଆହାମାନେରି, ଏଞ୍ଜାରି ଲାକ ସାଲୁଞ୍ଜି କିନେରି, ଅଡେ ଏଞ୍ଜାରି କାଜାପାଣା ଗାଟାରି ଏଞ୍ଜାରି ମୁହେଁ ସାଲୁଞ୍ଜି କିନେରି, ଛଦାଆଁ ମୀରୁ ପୁଞ୍ଜୁ । ୪୩ ଏସାମା ମୀ ବିଡ୍ରା ଏଲେକିହଁ ଆଏ; ସାମା ମୀ ବିଡ୍ରା ଆଦ୍ୟାଆସି କାଜାସି ଆହାଲି ମନ କିନେସି, ଏଞ୍ଜାସି ମୀ ସେବା କିପେସି, ୪୪ ଅଡେ ମୀ ବିଡ୍ରା ଆଦ୍ୟାଆସି କାଜାସି ଆହାଲି ମନ କିନେସି, ଏଞ୍ଜାସି ବାରେତି ହଚେଲଏସି ଆଡେପସି । ୪୫ ଇଚିହଁ ମାଣସି ମୀରୁଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଇଞ୍ଜାଁ ହାରେକା ଲକୁଣି ପାପୁଟି ପିସପି କିହାଲିତାକି ତାନି ଜୀସୁ ହାହାଲି ଖାହାମାନେସି ।”

ଜୀସୁ ବାଟିମୟ କାଣାଇଁ ନେହଁ କିନାସି
(ମାତି ୨୦:୨୯-୩୪; ଲୁକ ୧୮:୩୫-୪୩)

୪୬ ତାୟୁ ଏଞ୍ଜାରି ଜିରିହତା ଏଗାଡେରି, ଅଡେ ଏଞ୍ଜାସି ତାନି ସୀସୁୟାଁ ଇଞ୍ଜାଁ ମାନ୍ଦା ଲକୁଡଲେ ଜିରିହତି ହାଜିମାନି ବେଲାତା ଟିମାୟ ମୀରୁଏସି ବାଟିମୟ ଦରୁଗାଟି ର କାଣା, ରୀସପାଲି ଜିରୁ ଦାରିତା କୁଗାମାନେସି । ୪୭ ଏଞ୍ଜାସି ନାଜରିତତି ଜୀସୁ, ଇମ୍ଫାଟି ହାଜିମାନେସି ଇଞ୍ଜାଁ ଖେଞ୍ଜାନା ଏଞ୍ଜାସି କାଜା ଗିୟାଁତଲେ ଏଲେଇଚେସି, “ଏ ଦାଞ୍ଜୁଦ ମୀରୁଏଶାତି ଜୀସୁ ନାଜେ କାର୍ମା ମେସ୍ତାମୁ ।”

୪୮ ଏଦ୍ଵାଟିଏ ହାରେକା ଲକୁ ଏଞ୍ଜାଣାଇଁ ପାଲେଏ ଆହାଲି ଦାକା ହାଡେରି, ସାମା ଏଞ୍ଜାସି ଅଡେ କାଜା ହାଡାତଲେ ଏଲେଇଚେସି, “ଏ ଦାଞ୍ଜୁଦ ମୀରୁଏଶାତି ଜୀସୁ ନାଜେ କାର୍ମା ମେସ୍ତାମୁ ।”

୪୯ ଏଦ୍ଵାଟିଏ ଜୀସୁ ନିଚାନା ଏଲେଇଚେସି, “ଏଞ୍ଜାଣାଇଁ ହାଟାନ୍ତୁ ।” ଏଞ୍ଜାରି ଏ କାଣାଇଁ ହାଟାନା ଏଲେଇଚେରି, “ସାସା ଆହାନା ନିଜାମୁ, ଏଞ୍ଜାସି ନିଜେ ହାଟିମାଞ୍ଜାନେସି ।”

୫୦ ଏଦ୍ଵାଟିଏ ଏଞ୍ଜାସି ନିଜାନା ତାନି ହିମ୍ଫରି କୁତାନା ଜୀସୁ ତାଣା ଖାଡେସି ।

୫୧ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ନିଜେତାକି ଏନାଆଁ କିଇଁ ଇଞ୍ଜାଁ ନାନୁ ଅଣପିମାଞ୍ଜି ?” ଏ କାଣା ଏଞ୍ଜାଣାଇଁ ଏଲେଇଚେସି, “ଏ ଗୁରୁ ନାନୁ ଏନିକଁ ମେସାଲି ଆଡିଇଁ ।”

୫୨ ଜୀସୁ ଏଞ୍ଜାଣାଇଁ ଏଲେଇଚେସି, “ହାଲୀମୁ ନୀ ନୀମୁ ନିଜେ ନେହଁ କିୟାତେ ।” ଏ ଦେବୁଣିଏ ଏଞ୍ଜାସି ମେସାଲି ଆଡିଚେସି, ଇଞ୍ଜାଁ ଏଞ୍ଜାରି ଜେଚ ଜେଚ ହାଚେସି ।

୧୧

ଜୀସୁ ଜିରୁସାଲମତା ହଡନାସି
(ମାତି ୨୧:୧-୧୧; ଲୁକ ୧୯:୨୮-୪୦; ଜହ ୧୨:୧୨-୧୯)

୧ ଏଚିବେଲା ଏଞ୍ଜାରି ଜିରୁସାଲମ ତାଗେ ଆହାନା ଜୀତ ହରୁ ତାଗେ ବେଡ଼ପାରି ଇଞ୍ଜାଁ ବେତନିୟାଁ ତାଗେ ଖାଡେରି, ଏଚିବେଲା ଏଞ୍ଜାସି ତାନି ସୀସୁୟାଁ ବିଡ୍ରାଟି ରିଆରାଇଁ ଛ କାତା ଖେସା ପାଣ୍ଡିଚେସି, ୨ “ମୀ ନକ୍ତିତା ମାନି ଏ ନାୟୁତା ହାକୁ; ଏ ନାୟୁତା ହଡ଼ଞ୍ଜିଏ ଆମିନି ଲାକ ଆଦ୍ୟାଆରି ଏରେଲା ହଟା ହିଲଅରି ଇଲେତି ର ଗାଡ଼ଦେ ତାଲୁତି ଦସାମାନାଣି ମେହଦେରି; ଏଦାନି ହୁକହାନା ତାତୁ । ୩ ଅଡେ ଆଦ୍ୟାଆସି ଏନାଆଁ କିହିମାଞ୍ଜେରି ଇଞ୍ଜାଁ ମିଜେ ଖେଞ୍ଜାନେସି, ଆଚିହଁ ଏଲେଇଞ୍ଜୁ, ଇଦାଣି ତାଣା ମା ପ୍ରବୁକି ଲଡାମାନେ, ଅଡେ ଖେଶ୍ଵେ ଇଦାଣି ଖେଡାକିଆନା ପାଣ୍ଡାନେସି ।”

୪ ଏଞ୍ଜାରି ହାଜାନା ଦୁଞ୍ଜେରିଦାରି ଆଂଗେଣିତା ର ଗାଡ଼ଦେ ତାଲୁତି ଦସାମାନାଣି ମେସାମା ଏଦାଣି ହୁକହେରି, ୫ ଏଦ୍ଵାଟିଏ ଏଦ୍ଵାଆଁ ନିଚାମାଟି ଲକୁ ବିଡ୍ରାଟି ଏଚରଜାଣା ଖେଚେରି, “ଗାଡ଼ଦେ ତାଲୁତି ପିସାନା ଏନାଆଁ କିହିମାଞ୍ଜେରି ?”

୬ ଜୀସୁ ଏନିକଁ ଖେସାମାନେସି, ଏଞ୍ଜାରି ଏଲେକଁ ଏଞ୍ଜାରାଇଁ ଏଲେଇଚେରି; ଏଦ୍ଵାଟିଏ ଏଞ୍ଜାରି ଏଞ୍ଜାରାଇଁ ହେଲ ହାଡେରି । ୭ ଜୀସୁ ନକ୍ତିତା ଗାଡ଼ଦେ ତାଲୁତି ତାଚାନା ଏଞ୍ଜାରି ଏଦାଣି ଲାକ ତାନି ହିମ୍ଫରିକା ପାଡେସି, ଅଡେ ଜୀସୁ ଏଦାନିଲେକ କୁଗିଚେସି । ୮ ଅଡେ ହାରେକା ଜିରୁତା ତାନି ହିମ୍ଫରିକା ପାଡେସି ଅଡେ ଏଚକାତାରି ଜାଡାତି ଗରାୟାଁ ଚୂଣା ତାଚାନା ପାଡେସି । ୯ ଇଞ୍ଜାଁ ନକ୍ତିତା ତାୟୁଞ୍ଜାକି ହାଜିମାନି ଲକୁ କାଜା

୫ ୧୦:୪୨ ୧୦:୪୨ ଲୁକ ୨୨:୨୫,୨୬ ୬ ୧୦:୪୩ ୧୦:୪୩ ମାତି ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୭

ହାତୀତଳେ ଏଲେଇଚେରି, “ହସାନା ମାହାପୁରୁ ଦରୁତି ଆମ୍ବାଆସି ଖାହିମାନେସି, ଏଝାସି ନେହାସି । ୧୦ ମା, ଆକୁ ଦାସୁଦତି ଆମିନି ରାଜି ଖାହିମାନେ, ଏଦି ଜହରା, ଲାକପୁରୁତି ହସାନା ।”

୧୧ ତାମ୍ଭୁ ଜୀସୁ ଜିରୁସାଲମତା ଖାହାନା ମାହାପୁରୁ ଇଲୁତା ହାଚେସି, ଇଞ୍ଜି ସାରିଖାକି ମାନାଣି ବାରେ ସିନକିହାନା ମିଡ଼ଅଲ୍ଲା ଆହାଲିଏ ବାରଜାଣା ସୀସୁୟା ତଳେ ବେତନିୟାତା ହାଚେସି ।

ଜୀସୁ ତୟା ମାରୁନୁତି ବାକା ଇତିନାୟି
(ମାତି ୨୧:୧୮-୧୯)

୧୨ ତାନି ଅର ଦିନା ବେତନିୟାତି ଖାହିମାଚାଟି ଜୀସୁ ହାକି ଆଚେସି; ୧୩ ଇଞ୍ଜି ହେକଟି ଆକା ମାନି ର ତୟା ମାରୁନୁତି ଆକା ମେସାନା ଏମ୍ବାଆଁ ପାଡ଼େୟି ବେଟାଆନି ଆସା ତଳେ ତାଗେ ହାଚେସି । ସାମା ତାଗେ ଖାହାନା ଏଝାସି ଆକା ପିସପେ ଅଡ଼େ ଏନାଆଁ ପୁଃଆଚେସି, ଇତିହ ଏଦି ତୟା ଆୟିନି ଖେଡ଼ା ହିଲାଆଚେ । ୧୪ ଏମ୍ବାଟିଏ ଜୀସୁ ଏଦାଣି ଏଲେଇଚେସି, “ନୀ ପାଡ଼େୟି ଲକୁ ଏଚେଲା ତିନାଆପେରି ।” ଏଝାଣି କାତା ତାନି ସୀସୁୟା ଖେଞ୍ଜାମାଚେରି ।

ଜୀସୁ ମାହାପୁରୁ ଇଲୁତା ହାନାୟି
(ମାତି ୨୧:୧୨-୧୭; ଲୁକ ୧୯:୪୫-୪୮; ଜହ ୨:୧୩-୨୨)

୧୫ ତାମ୍ଭୁ ଏଝାରି ଜିରୁସାଲମତା ଖାଚେରି, ଅଡ଼େ ଜୀସୁ ମାହାପୁରୁ ଇଲୁତା ହତାନା ଏ ଗାମୁତା ବେବାରା କିହିମାଟି ଲକୁଣି ପାଙ୍ଗାତା ପେରହାଲି ମାଟ୍‌ହେସି, ଇଞ୍ଜି ଟାକାୟା ବେବାରା ଗାଟାରି କୁଟିୟା ଅଡ଼େ ପଗାୟା ବେବାରା କୁଟିୟା ତିରିମ୍ବିପ୍‌ହେସି । ୧୬ ଇଞ୍ଜି ପ୍ରାତାନା ଇଲୁ ବିଡ଼ାଟି ଆମ୍ବାଆରାକି ଏନାଆଁ ଅହାଲି ତାଚାଲି ହେଲ ହାଆଚେସି, ୧୭ ତାମ୍ଭୁ ଜୀସୁ ଏଝାରାଇଁ ଜାପ୍‌ହେ ଏଲେଇଚେସି, “ଦାମ୍ଭୁ ପତିତା ରାସ୍‌କି ଆହାମାନେ, ନା ଇଲୁ ବାରେ କୁଡ଼ାଟି ଲକୁତାକି ପ୍ରାତାନା ଇଲୁ ଇଞ୍ଜି ଖେଜିନେ ? ସାମା ମୀରୁ ଏଦାଆଁ ତଂଗାୟା ପାସୁ କିହାମାଞ୍ଜେରି ।”

୧୮ ଇ କାତା ଖେଞ୍ଜାନା କାଜା ପୂଜେରାଙ୍ଗା ଅଡ଼େ ମେରାପୁନାରି ଏଝାଣାଇଁ ଏନିକି ନାସା କିହାଲି ଆଡ଼ିନେରି, ଏଦାଆଁ ପାରୁ ପାରାଲି ମାଟ୍‌ହେରି; ଇତିହ ଲକୁ ଏଝାଣି ଜାପ୍‌ନି ତାଣା କାବା ଆହିମାଚାକି ଏଝାରି ଏଝାଣାଇଁ ଆଜିମାଚେରି ।

୧୯ ଏ ଦିନା ମିଡ଼ଅଲ୍ଲା ବେଲା ଜୀସୁ ଅଡ଼େ ସୀସୁୟା ଗାଡ଼ାଟି ହାଚେରି ।

ଝାୟିତି ତୟା ମାରୁନୁତି ଜାପିନାୟି
(ମାତି ୨୧:୨୦-୨୨)

୨୦ ଅର ଦିନା ଲାଈଏ ଏ ଜିରୁତି ହାଜିମାଚାଟି ଏଝାରି ତୟା ମାରୁନୁ ତାକିଟିଏ ଝାୟିତାଣି ମେସ୍ତେରି । ୨୧ ଏମ୍ବାଟିଏ ପିତର ତଲିତି କାତା ଅଣପାନା ଏଲେଇଚେସି, “ଏ ଗୁରୁ ମେହ୍‌ମ୍ ନୀନୁ ଆମିନି ତୟା ମାରୁନୁତି ବାକା ହାହାମାଟି ଏଦି ଝାୟାହାଚେସିଏ ।”

୨୨ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ତାଣା ନାମାଦୁ । ୨୩ ନୀନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ଇ ହରୁତି ନୀନୁ ନିଙ୍ଗାନା ସାମ୍‌ଦୁରିତା ତରଗାମୁ ଇନେସି, ଇଞ୍ଜି ତାନି ହିୟାତା ଆନାମାନା ଆଆନା, ଏନାଆଁ ଜଲିମାଇଁ ଏଦି ଆନେ ଇଞ୍ଜି ନାମିନେସି, ଏଝାଣାକି ଏଦି ଆନେ । ୨୪ ଏଦାଆଁତାକି ନୀନୁ ମିଙ୍ଗେ ଖେସିମାଞ୍ଜାଇଁ, ମୀରୁ ଏନାଆଁ ପ୍ରାତାନା କିଦେରି ଅଡ଼େ ରାହ୍‌ଦେରି, ଏ ବାରେ ମିଙ୍ଗେ ମେଡ଼ା ଆୟାଚେ ଇଞ୍ଜି ନାମାଦୁ, ଏଚେଟିଏ ଏ ବାରେ ଇଞ୍ଜି ବେଟାଆଦେରି । ୨୫ ଇଞ୍ଜି ମୀରୁ ଆମିନି ବେଲାତା ପ୍ରାତାନା କିହାଲି ନିଦେରି, ଇଞ୍ଜି ଆମ୍ବାଆରି କପାଟି ଏନି କାତା ମାଟିହ, ଏଝାଣି ପାପୁ ମ୍ଲେକ୍‌ଦୁ, ଏନିକି ମୀ ଲାକପୁରୁତି ଆବା ଜିକେଏ ମୀ ପାପୁତି ମ୍ଲେକ୍‌ହାନେସି । ୨୬ ସାମା ମୀରୁ ଏଝାଣି ପାପୁ ମ୍ଲେକ୍‌ଅଚେରି, ଆତିହ ମୀ ଲାକପୁରୁତି ଆବା ଜିକେଏ ମୀ ବାରେ ପାପୁତି ମ୍ଲେକ୍‌ହଅସି ।”*

ଜୀସୁତି ଅଦିକାରା
(ମାତି ୨୧:୨୩-୨୭; ଲୁକ ୨୦:୧-୮)

୨୭ ତାମ୍ଭୁ ଏଝାରି ଅଡ଼େ ଖେଣ୍ଡେ ଜିରୁସାଲମତା ଖାଚେରି; ଇଞ୍ଜି ଏଝାସି ପ୍ରାତାନା ଇଲୁତା ହଡ଼ିମାଟି ବେଲାତା କାଜା ପୂଜେରାଙ୍ଗା ମେରାପୁନାରି ଇଞ୍ଜି ପ୍ରାତିନାଙ୍ଗା ଏଝାଣି ତାଣା ଖାହାନା ଖେଚେରି, ୨୮ “ନୀନୁ

* ୧୧:୨୩ ୧୧:୨୩ ମାତି ୧୭:୨୦; ୧କର ୧୩:୨ * ୧୧:୨୫ ୧୧:୨୫ ମାତି ୨:୧୪,୧୫ * ୧୧:୨୬ ୧୧:୨୬ କଚେକା ସାସ୍ତେରିତା ଇ କାତା ରାସ୍‌କି ଆହାହିଲେଏ ।

ଆମିନି ଅଦିକାରୀ ତଳେ ଈ ବାରେ କିହିମାଞ୍ଜି ? ଇଞ୍ଜା ଈ ବାରେ କିହାଲି ଆମ୍ବାଆସି ଈ ଅଦିକାରୀ ହିୟାତେସି ?”

୨୯ ଯାମା ଜୀସୁ ଏଞ୍ଜାରାଇଁ ଏଲେଇତେସି, “ନାନୁ ମିଙ୍ଗେ ର କାତା ଝେଞ୍ଜାଇଁ, ନାଙ୍ଗେ ଝେସ୍ତାଦୁ, ଆତିହୁଁ ନାନୁ ଆମିନି ଅଦିକାରୀ ତଳେ କିହିମାଙ୍ଗ, ଏଦାଆଁ ମିଙ୍ଗେ ଝେସ୍ତାଇଁ । ୩୦ ଜହନତି ବାପୁସ୍ତୁଁ ଲାକପୁରୁଟି କି ମାଣସିୟାଁ ତାଣାଟି ଆହାମାଚେ ? ଏଦାଆଁ ନାଙ୍ଗେ ଝେସ୍ତାଦୁ ।”

୩୧ ଏଚେଟିଏ ଏଞ୍ଜାରି ତାମ୍ବୁ ତୁମ୍ବୁସୁଁ କାତା ଆହାଲି ମାଟ୍‌ହେରି, “ଲାକପୁରୁଟି ଇନାୟି, ଆତିହୁଁ ଏଞ୍ଜାସି ଏଲେଇଞ୍ଜାନେସି ମୀରୁ ଏନାଆଁତାକି ଏଞ୍ଜାଣାଇଁ ନାମାଆଚେରି ? ୩୨ ଅଡେ ମାଣସି ତାଣାଟି ଇନାୟି, ଏଞ୍ଜାରି ଲକ୍ଷ୍ମଣି ଆଜିମାଚେରି; ଇତିହୁଁ ବାରେଜାଣା ଜହନ ସାତା ମାହାପୁରୁ ଅଣପୁତି ବଲ୍ଲୁ ଝେହନାସି ଇଞ୍ଜୁଁ ମାନୁଞ୍ଜି ଆହୁମାଚେରି ।” ୩୩ ଏଦାଆଁତାକି ଜୀସୁଇଁ ଏଞ୍ଜାରି ଏଲେଇଚେରି, “ମାମ୍ବୁ ପୁଞ୍ଜାହିଲଅମି ।” ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଆମିନି ଅଦିକାରୀ ତଳେ କିହିମାଙ୍ଗ ଏଦାଆଁ ନାନୁ ଜିକେଏ ମିଙ୍ଗେ ଝେସ୍ତାସି ।”

୧୨

ଅଙ୍ଗୁରି ବାଡ଼ାତା ଲାଗେଏତି ବାଗା କାମାକିନାରି (ମାତି ୨୧:୩୩-୪୬; ଲୁକ ୨୦:୯-୧୯)

୧ ଏମ୍ବାଟିଏ ଏଞ୍ଜାସି ଏଞ୍ଜାରାଇଁ ପୁଣ୍ଡିକିନି କାତାତଳେ ଝେସାଲି ମାଟ୍‌ହେସି, “ରଅସି ର ଅଙ୍ଗୁରି ବାଡ଼ା କିହାନା ବାଡ଼ା ସାରିଞ୍ଜାକି ବେୟଁଁ ଗୁରତେସି, ଇଞ୍ଜା ଅଙ୍ଗୁରି ପାଡେୟି ପୀରାଲି ର ଗାଡ଼ୁୟୁ କାରୁହାନା ଏମ୍ବାଆଁ କାଠିଆନାରାକି କାଠିଆନି ଇଲୁ କେପିତେସି, ଇଞ୍ଜା କାମା କିନାରାକି ଏ ବାଡ଼ା ବାଗା ହାହାନା ହେକ ରାଜି ହାଚେସି । ୨ ତାମ୍ବୁ କାମାକିନାରି ତାଣାଟି ଅଙ୍ଗୁରି ବାଡ଼ାତି ପାଡେୟି ବାଗା ବେଟାଆହାଲି ଏଞ୍ଜାସି ର ହଲେଏଣାଇଁ ପାଡେୟି କାମ୍ବିନିଞ୍ଜେଡା ଏଞ୍ଜାରିତାଣା ପାଣ୍ଡିତେସି । ୩ ଯାମା ଏଞ୍ଜାରି ଏଞ୍ଜାଣାଇଁ ଆସାନା ଝେତେରି ଇଞ୍ଜା ଖାବୁଇ କେୟୁଟି ପାଣ୍ଡିତେରି । ୪ ଏଞ୍ଜାସି ଅଡେ ଏଞ୍ଜାରିତାଣା ଅଡେ ର ହଲେଏଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ତାୟଁଁ ତୁତାୟେ ଝେଚାନା ହାଣି କିତେରି । ୫ ଏଞ୍ଜାସି ଅଡେ ରଅଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ପାୟିତେରି, ଏମ୍ବାଟିଏ ଏଞ୍ଜାସି ଅଡେ ହାରେକା ଜାଣାତି ପାଣ୍ଡିତେସି; ଏଞ୍ଜାରି ବିତ୍ତାଟି ଏଚେରଜାଣାତି ଝେତେରି ଇଞ୍ଜା ଏଚେରଜାଣାତି ପାୟିତେରି । ୬ ତାନି ତାଣା ରଅସିଏ ଡୟିତେସି, ଏଞ୍ଜାସି ତାନି ଜୀସୁତି ମୀରୁଏସି, ତାମ୍ବୁ ଅଣପିତେସି ଏଞ୍ଜାରି ନା ମୀରୁଏଣାଇଁ ମାନି କିନେରି’ ଇଞ୍ଜୁଁ ଏଞ୍ଜାସି ଏଞ୍ଜାଣାଇଁ ପାଣ୍ଡିତେସି । ୭ ଯାମା ଏ କାମାକିନାରି ତାମ୍ବୁ ତାମ୍ବୁ କାତା ଆଚେରି, ‘ଇଞ୍ଜାସିତ ଅଦିକାରୀ ଗାଟାସି, ଖାଦୁ ଇଞ୍ଜାଣାଇଁ ପାୟିନ; ଆତିହୁଁ ବାଡ଼ାତି ଅଦିକାରୀ ମାଡି ଆନେ ।’ ୮ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଆସାନା ପାୟିତେରି ଇଞ୍ଜା ଅଙ୍ଗୁରି ବାଡ଼ାତି ପାଙ୍ଗାତା ମେଡହାଡୁସ୍ତେରି ।”

୯ ଜୀସୁ ଏଞ୍ଜାରାଇଁ ଝେତେସି, “ଝେସ୍ତାଦୁ, ଇଦାଆଁ ତାମ୍ବୁ ଏ ଅଙ୍ଗୁରି ବାଡ଼ାତି ସାଞ୍ଜୁକାରି ଏନାଆଁ କିନେସି ? ଏଞ୍ଜାସି ଖାହାନା କାମା କିନାରାଇଁ ନାସା କିନେସି ଇଞ୍ଜା ଏଚକାତି କାମା କିନାରାକି ଏ ଅଙ୍ଗୁରି ବାଡ଼ା ହୀନେସି । ୧୦ ମୀରୁ ଦାମ୍ବୁ ପତିତା ଈ କାତା ପଡ଼ୁଞ୍ଜି ଆହାହିଲଅଚେରି ?

ଇଲୁ କେପିନାରି ଆମିନି ଖାଲିତି ମିଣଏ ଇଞ୍ଜୁଁ ଅପାଆଚେରି, ଏଦିଏ ଇଲୁତି ମୁଲୁ ଖାଲି ଆଡେ ।

୧୧ ମାହାପୁରୁ ତାଣାଟି ଇଦି ଆଡେ, ଇଞ୍ଜା ଏଦି ମା କାନୁତାକି ର କାବା ଆନାୟି ।”

୧୨ ଏଚେଟିଏ ଜୀହୁଦି ଲକ୍ଷ୍ମଣି କାଜାରି ଏଞ୍ଜାଣାଇଁ ଆସାଲି ଅଣପିମାଚେରି, ଯାମା ଏଞ୍ଜାରି ଲକ୍ଷ୍ମଣି ଆଜିତେରି; ଇତିହୁଁ ଏ ପୁଣ୍ଡିକିନି କାତା ଏଞ୍ଜାରାଇଁ ସିନିକିହାନା ଝେସିମାଚେସି ଇଞ୍ଜୁଁ ପୁଚେରି, ଇଞ୍ଜା ଏଞ୍ଜାରି ଏଞ୍ଜାଣାଇଁ ପିସାନା ହାଜାଡୁସ୍ତେରି ।

ସିସୁ ହୁାନାଣି ଝେନାୟି (ମାତି ୨୨:୧୫-୨୨; ଲୁକ ୨୦:୨୦-୨୬)

୧୩ ତାମ୍ବୁ ଜୀସୁ କାତାତି ଦହୁ ଆସାଲି ତାକି ଏଞ୍ଜାରି ପାରୁସି ଅଡେ ହେରଦ ଗତିତି ଏଚେକା ଲକ୍ଷ୍ମଣି ଏଞ୍ଜାଣି ତାଣା ପାଣ୍ଡିତେରି । ୧୪ ଏଞ୍ଜାରି ଖାହାନା ଏଞ୍ଜାଣାଇଁ ଏଲେଇଚେରି, “ଏ ଗୁରୁ ମାମ୍ବୁ ପୁଞ୍ଜାମାନମି, ନାନୁ ସାତା କାତା ଝେହନାତି ଅଡେ ଆମ୍ବାଆରାଇଁ ଆଜାଆ ଗାଟାତି; ଇତିହୁଁ ନାନୁ ମାଣସିତି ମୁମ୍ବୁ ଚୁମସାନା ଜଲ୍‌ଆ

† ୧୧:୩୦ ୧୧:୩୦ ମୁଞ୍ଜିନାୟି

ଗାଗାତି ଇଞ୍ଜାଁ ଯାତା ତଲେ ମାହାପୁରୁତି ଜିରୁ ଜାପୁନାତି, କାୟସରକି ସିସୁ ହୁନାୟି ମେରା କି ଆଏ, ମାମ୍ବୁ ହାନମି କି ଆଏ ?”

୧୫ ଯାମା ଏଞ୍ଜାସି ଏଞ୍ଜାରି କାବୁବିତି ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ଏନାଆଁତାକି ନାଜେ ତାୟିପାରି କିହିମାଞ୍ଜାଦେରି ? ର ଖେଣ୍ଡି ଟାକା ନା ତାଣା ତାଦୁ ନାନୁ ଏଦାଆଁ ସିନକିଇଁ ।”

୧୬ ଏଚେଟିଏ ଏଞ୍ଜାରି ଏଦାଆଁ ତାଚେରି, ଏଞ୍ଜାସି ଏଞ୍ଜାରାଇଁ ଖେଚେସି, “ଇ ବମା ଅଡେ ବରୁ ଆମ୍ବାଆରାଞ୍ଜାୟି ?” ଏଞ୍ଜାରି ଏଞ୍ଜାଣାଇଁ ଏଲେଇଚେରି, “କାୟିସରଖାୟି ।”

୧୭ ଏମ୍ବାଟିଏ ଜାସୁ ଏଞ୍ଜାରାଇଁ ଏଲେଇଚେସି, “କାୟିସରଖାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜାଁ ମାହାପୁରୁଖାୟି ଏନାୟି ଏଦାଆଁ ମାହାପୁରୁକି ହୀଦୁ ।” ଏଚେଟିଏ ଏଞ୍ଜାରି ଏଞ୍ଜାଣି କାତାତାକି କାବା ଆଡେରି ।

ସାଦୁକିୟାଁ ହାକିଟି ଖେଣ୍ଡେ ନିଜିନି କାତା ଖେନାୟି

(ମାତି ୨୨:୨୩-୩୩; ଲୁକ ୨୦:୨୭-୪୦)

୧୮*ଏମ୍ବାଟିଏ ହାକିଟି ଖେଣ୍ଡେ ନିଜିନାୟି ହିଲେଏ ଇଞ୍ଜିମାନି ସାଦୁକି ଲକୁ ଜାସୁ ତାଣା ଖାହାନା ଖେଚେରି, ୧୯ “ଏ ଗୁରୁ ମସା ମାଜେତାକି ରାଡ଼ାମାନେସି, ଇଚିହଁ ଆମ୍ବାଆରି ତାୟି ହାନେସି ଇଞ୍ଜାଁ ତାନି ତକ୍ତି ନାତାମାନେ ଇଞ୍ଜାଁ ଏଦାନି ଏନି କକାରି ପଦାୟାଁ ହିଲାର ଆତିହଁ ତାନି ତାୟି ତାନି ତକ୍ତିନି ଇଗାନା ତାନି ତାୟିକି କୁଡ଼ା ଏପାକିନେସି । ୨୦ ମେହମ୍ବୁ ସାଡ଼ା ଜାଣା ତାୟିୟାଁ ମାଚେରି; କାଜାସି ର ଆୟାନି ବାହା ଆନିସି, ଇଞ୍ଜାଁ କକାରି ପଦାଁ ଆଆନା ହାଡେସି; ୨୧ ଏଞ୍ଜାଣି ଜେଡତାସି ଏ ଇୟାନି ଇଚିତେସି ଇଞ୍ଜାଁ କକାରି ପଦାଁ ଆଆନା ହାଡେସି; ଅଡେ ଜେଡତାସି ଏଲେକିତେସି, ୨୨ ଇଞ୍ଜାଁ ସାଡ଼ା ଜାଣା ଜିକେଏ କକାରି ପଦାଁ ଆଆନା ହାଡେସି; ବାଚେଟି ତାୟି ଏ ଇୟା ଜିକେଏ ହାଡେ । ୨୩ ଖେଣ୍ଡେ ନିଜିନି ବେଲ୍ଲାତା ଏଚିବେଲ୍ଲା ଏଞ୍ଜାରି ନିଜିନେରି, ଏଚିବେଲ୍ଲା ଏଞ୍ଜାରି ବିତ୍ରାଟି ଆମ୍ବାଆରି ତକ୍ତି ଆନେ ? ସାଡ଼ା ଜାଣା ଜିକେଏ ଇଗାମାଚେରି ।”

୨୪ ଜାସୁ ଏଞ୍ଜାରାଇଁ ଏଲେଇଚେସି, “ମିଜେ ହାରେକା ନାଡ଼ିକିନି ଅଣପୁ ମାନେ । ଦାମ୍ବୁ ସାସ୍ତେରି, ଇଞ୍ଜାଁ ମାହାପୁରୁତି ବାଡ଼ୁୟିତି କାତା ପୁଞ୍ଜାହିଲଅଚେରି । ୨୫ ଏନାଆଁତାକି ଇଚିହଁ ହାଡ଼ାରି ନିଜିତି ତାୟି ଲକୁ ବାହା ଆଆରି କି ବାହା ହାଆରି, ସାମା ଲାକପୁରୁତି ଦୁଡ଼ୁୟାଲେହେଁ ତୁୟିନେରି । ୨୬ ଇଞ୍ଜାଁ ହାଡ଼ାରି ନିଜିନେରି ଏ କାତାତି ମୀରୁ ମସା ରାଚିତି ପତିତା ଖେହିମାନି ବୁଗାତି କାରୁ ପଡ଼ୁଞ୍ଜା ଆହାହିଲଅଚେରି କି ? ମାହାପୁରୁ ଏନିକି ଏଲେଇଞ୍ଜା ମାନେସି, ‘ନାନୁ ଅଗ୍ରାହାମତି ମାହାପୁରୁ, ଇସାହାକତି ମାହାପୁରୁ, ଅଡେ ଜାକୁବତି ମାହାପୁରୁଚେସି ।’ ୨୭ ଏଞ୍ଜାସି ହାଡ଼ାରି ମାହାପୁରୁ ଆଏ, ସାମା ଜାଞ୍ଜୁଗାଚାରି ମାହାପୁରୁ ମୀରୁ ହାରେକା ନାଡ଼ିକିଞ୍ଜା ଆହାମାଞ୍ଜିରି ।”

କାଜା ହୁକୁମି

(ମାତି ୨୨:୩୪-୪୦; ଲୁକ ୧୦:୨୫-୨୮)

୨୮ ଏଚିବେଲ୍ଲା ର ମେରା ଜାପୁନାସି ତାଗେ ଖାହାନା ଏଞ୍ଜାରି ବାଦିବାଦା ଆହିମାଗାଣି ଖେଞ୍ଜାନା ଅଡେ ଜାସୁ ସାଦୁକି ଲକୁଇଁ ସମାନା କାତା ଖେଣ୍ଡେ ଖେସିମାଗାଣି ଖେଞ୍ଜାନା ଜାସୁଇଁ ଖେଚେସି, “ଆମିନି ହୁକୁମି ଦାମ୍ବୁପତିତା ବାଚେକିହାଁ କାଜାୟି ?”

୨୯ ଜାସୁ ଏଲେଇଚେସି, “କାଜା ହୁକୁମି ଇଦି ଏ ଇସାୟେଲ ଖେଞ୍ଜା; ପ୍ରବୁ ମା ମାହାପୁରୁ ରଣ୍ଡିଏ ପ୍ରବୁ ମାନେସି; ୩୦ ଅଡେ ନାନୁ ନୀ ବାରେ ହିୟାଁ ବାରେ ଜାଞ୍ଜୁ ମନ ହାହାନା ଅଡେ ବାରେ ବାଡ଼ୁୟି ତଲେ ପ୍ରବୁ ନୀ ମାହାପୁରୁଇଁ ଜାଞ୍ଜୁ ନମ୍ବୁ ।” ୩୧ ଅଡେ ରଣ୍ଡି ଇଦି ନାନୁ ନୀ ପାଡ଼ିତାଣାଇଁ ନୀ ଜାହାରାଲେହେଁ ଜାଞ୍ଜୁ ନମ୍ବୁ । ଇ ହୁକୁମିକା ପିସପେ ଅଡେ ଆମିନି କାଜା ହୁକୁମି ହିଲେଏ ।

୩୨ ଏମ୍ବାଟିଏ ଏ ମେରା ପୁନାସି ଜାସୁଇଁ ଏଲେଇଚେସି, “ଏ ଗୁରୁ ଏଦି ସାଡ଼ା ମାହାପୁରୁ ରଅସିଏ ଇଞ୍ଜାଁ ଏଞ୍ଜାଣି ପିସପେ ଅଡେ ଆମ୍ବାଆସି ହିଲଅସି, ଏଦାଆଁ ନାନୁ ନେହଁ କିଁ ଖେସ୍ତାତି; ୩୩ ଇଞ୍ଜାଁ ବାରେ ହିୟାଁ, ବାରେ ବୁଦି, ବାରେ ବାଡ଼ୁୟି ହାହାନା ଏଞ୍ଜାଣାଇଁ ଜାଞ୍ଜୁନନାୟି ଇଞ୍ଜାଁ ପାଡ଼ିତାଣାଇଁ ମା ଜାହାରାଲେହେଁ ଜାଞ୍ଜୁନନାୟି ବାରେ ଜଡ଼ିତି ପୂଜା ହାନି* କିହାଁ କାଜାୟି ।”

୩୪*ଏଞ୍ଜାସି ବୁଦିତଲେ ଜଲ୍ଲାମାଞ୍ଜାନେସି ଇଞ୍ଜାଁ ମେସାନା ଜାସୁ ଏଞ୍ଜାଣାଇଁ ଏଲେଇଚେସି, “ମାହାପୁରୁତି ରାଜିଟି ନାନୁ ହେକ ହିଲଅତି । ଏଚେଟିଏ ଆମ୍ବାଆସି ଜାସୁଇଁ ଏନାଆଁ ଖେଞ୍ଜାଲି ସାସା କିଆଚେସି ।”

* ୧୨:୧୮ ୧୨:୧୮ କାମା ୨୩:୮ * ୧୨:୩୩ ୧୨:୩୩ ହେବୁଦିନାୟି * ୧୨:୩୪ ୧୨:୩୪ ଲୁକ ୧୦:୨୫-୨୮

ଜୀସୁ ଆମ୍ଭାଆରି ମୀରୁଏସି
(ମାତି ୨୨:୪୧-୪୬; ଲୁକ ୨୦:୪୧-୪୪)

୩୫ ସାମା ଜୀସୁ ପ୍ରାଡ଼ାନା ଇଲୁତା ଜାପୁହି ମାଟିବେଲାତା ଏଲେଇଚେସି, “ଜୀସୁ ଦାସୁଦ ମୀରୁଏସି, ଇଦାଆଁ ଫେରାପୁନାରି ଏନିକି ଏଲେଇନେରି? ୩୬ ତାନୁଏ ଦାସୁଦ ମାହାପୁରୁତି ସୁଦୁଜୀସୁ ବେଟାଆହାନା ଖେସାମାଚେସି,

‘ପ୍ରବୁ ନା ପ୍ରବୁଇ ଏଲେଇଚେସି,

ନାନୁ ଏଚେ ପାଚେକା ନୀ ସାତୁୟାଁଇ ନୀ କଡ଼ା ତୁଇ କିହାହିଲଅଁ,

ଏଚେ ପାଚେକା ନା ଚିଃନିଝାକି କୁଗାମାନାମୁ ।’

୩୭ ଦାସୁଦ ତାନୁଏ ଏଞ୍ଜାଣାଇଁ ପ୍ରବୁ ଇଞ୍ଜିମାନେସି; ଆତିହ ଏଞ୍ଜାସି ଏନିକି ଦାସୁଦ ମୀରୁଏସି ।”

ଫେରାପୁନାରି ତାଣାଟି ଜାଗ୍ରାତା କିନାୟି
(ମାତି ୨୩:୧-୩୬; ଲୁକ ୨୦:୪୫-୪୭)

୩୮ ମାୟା ଲକୁ ରାହୁଟି ତାନି କାତା ଖେଞ୍ଜିମାଚେରି, ଅଡ଼େ ଖେଣ୍ଡେ ଏଞ୍ଜାସି ତାନି ଜାପୁହି ମାଟି କାତାତା ଏଲେଇଚେସି, “ଫେରାପୁନାରି ତାଣାଟି ଜାଗ୍ରାତା, ଏଞ୍ଜାରି ଲାମ୍ବା ହିମ୍ବରିକା ହୁଚାନା ରେଜାଲି ଇଞ୍ଜା ହାଟା ବାଜାରାତା ଜହରା ବେଟାଆହାନା ରାହୁଁ ଆନେରି, ୩୯ ଜୀହୁଦି ଲକୁତି କୁଟମି ଇଲୁତାଁ କାଜା କୁଟ, ବଜିତା ନେହଁ ଟାୟୁଡା କୁଗାଲି ପାରିନେରି; ୪୦ ଏଞ୍ଜାରି ରାଘେଣ୍ଡିସିକା ଇଲୁକା ସେନିନେରି, ଲକୁଣି ତସାଲି ଲାମ୍ବା ପ୍ରାଡ଼ାନା କିନେରି; ଏଞ୍ଜାରି ହାଡ଼େକା ତଣ୍ଡ ବେଟାଆନେରି ।”

ରାଘେଣ୍ଡି ଇୟାନି ଦାନା
(ଲୁକ ୨୧:୧-୪)

୪୧ ତାୟୁ ଜୀସୁ ମାହାପୁରୁ ଇଲୁତି ଦାନା ପେଡ଼ା ତାଗେ କୁଗାନା ଲକୁ ଏମ୍ବାଆଁ ଏନିକି ଦାନା ହାହିମାନେରି, ଏଦାଆଁ ସିନିକିହିମାଚେସି । ଏଟିବେଲାତା ହାଡ଼େକା ଦନ ଗାଟାରି ଗାଡ଼ି ମେଡ଼ହେରି; ୪୨ ଅଡ଼େ ର ହାକି କାକୁଲିଗାଟି ରାଘେଣ୍ଡି ଇୟା ଖାହାନା ରୀ ଉଣା ତାମ୍ବାତି ଆଦଲିଃ ଏ ପେଡ଼ାତା ମେଡ଼ହେ । ୪୩ ଏଚେଟିଏ ଜୀସୁ ତାନି ସୀସୁଣି ତାଗେ ହାଟାନା ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଦାନା ପେଡ଼ାତା ଟାକାୟାଁ ମେଡ଼ହିମାନି ବାରେ ଲକୁ କିହାଁ ଇ ହାକି କାକୁଲିଗାଟି ରାଘେଣ୍ଡି ଇୟା ଗାଡ଼ି ମେଡ଼ହାମାନେ; ୪୪ ଇତିହଁ ବାରେଜାଣା ତାନି ହାଡ଼େକା ଦନଟି ଇଚାଣି ମେଡ଼ହା ମାନେରି, ସାମା ଇଦି ତାନି ହିଲଆବେଲାତା ତାଙ୍ଗେ ନୀଡାଲି ତାଙ୍ଗେ ଏନାୟି ମାଚେ, ଏ ବାରେ ମେଡ଼ହାମାନେ ।”

୧୩

ପ୍ରାଡ଼ାନା ଇଲୁ ନସୁ ଆନାଣି ଜୀସୁ ଖେହନାୟି
(ମାତି ୨୪:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହାଜିମାଚାଟି ତାନି ସୀସୁୟାଁ ବିତ୍ରାଟି ରଅସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ ମେହମୁ ଏନିଲେହେଟି ଅଜିତି ଖାଲକା ଅଡ଼େ ଏନିଲେହେଟି ଅଜିତି ମେଡ଼ା ଇଲୁକା !”

୨ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଏଦାଆଁ ଇ କାଜା ମେଡ଼ା ମେସିମାଞ୍ଜି ? ର ଖାଲି ଅର୍ ଖାଲି ଲାକ ତୁୟେଏ, ବାରେ ମେଣ୍ଡାହାନୁ ।”

କସୁ ଅଡ଼େ ସାସି କାତା ଖେହନାୟି
(ମାତି ୨୪:୩-୧୪; ଲୁକ ୨୧:୭-୧୯)

୩ ତାୟୁ ପ୍ରାଡ଼ାନା ଇଲୁ ନକିତା ମାନି ଜୀତ ହରୁ ଲାକ କୁଗାଲିଏ ପିତର, ଜାକୁବ, ଜହନ, ଅଡ଼େ ଆନ୍ଦ୍ରିୟ ତାନି ତାଣା ମେଣ୍ଡେଏ ଖାହାନା ଖେଚେରି, “ଇ ବାରେ ଏଚେଲା ଆନେ, ୪ ଅଡ଼େ ଆମିନି ବେଲାତା ଇ ବାରେ ଗଟି ଆନେ ଏ ବେଲାତି ସିନା ଏନାୟି, ଏଦାଆଁ ମାଙ୍ଗେ ଖେସ୍ତାମୁ ।”

୫ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା, ଆମ୍ବାଆସି ଏନିକି ମିଙ୍ଗେ ନାଡ଼ି କିୟସି । ୬ ହାଡ଼େକା ନା ଦରୁତଲେ ଖାହାନା, ନାନୁ ଏଞ୍ଜାଚେସିଁ ଇଞ୍ଜି ହାଡ଼େକା ଲକୁଣି ନାଡ଼ି କିନେରି । ୭ ସାମା ମୀରୁ ଏଟିବେଲା ଲୁକୁତି କାତା ଅଡ଼େ ଗଡ଼ହାତି ହାଡ଼ା ଖେଞ୍ଜେରି, ଏଟିବେଲା କିଲିବିଲି ଆଆଦୁ; ଏ ବାରେ ଆନାୟି ମାନେ, ସାମା ଏ କାଲ୍ୟା ଜିକେଏ ଜୁଗୁ ରାନାୟି ଆଏ । ୮ ଇତିହଁ ଦେସା କପାଟି ଦେସା, ରାଜି

† ୧୨:୩୯ ୧୨:୩୯ ସିନଗର ‡ ୧୨:୪୨ ୧୨:୪୨ ରା ଉଣା ତାମ୍ବାତି ଆଦଲି, ରା ଆଡ଼ାଅଣା ର ଟାକାଟି କାଜା ଆଦଲି ସମାନ, ଏଟି ଗ୍ରିକ ତଲେ ଉଣା ଆଦଲିଟି “ଲେପଟସ୍” କାଜା ଆଦଲିଟି “କଡ଼ାନ୍‌ଟସ୍” ଇନେରି ।

କପାଟି ରାଜି ନିଜିନେ, ବାରେଖାକି ବୁଦି ଖାଡିନେ ଅଡ଼େ କାଡ଼ାରା ଆଡ଼େ; ଛ ବାରେ କକାରି ପଦାୟାଁ ଆନାଟି ଲୁଞ୍ଜିନି ବସା ଲେହେଁ ।”

୯୪ *ସାମା ମାରୁ ମିଙ୍ଗେ ତାକି ଜାଗ୍ରତା ଆହାମାଞ୍ଜୁ; ଲକୁ ମିଙ୍ଗେ ନୀହାଁୟି କିନି ତାଣା ଦସାନା ଅୟାନେରି, ଅଡ଼େ ମିଙ୍ଗେ ଜୀହୁଦି ଲକୁଡି କୁଟମି ଇଲକାଣା* ଝେତାନେରି, ଇଞ୍ଜାଁ ନା .ତାକି ସାଲୁଝି କିନାରି ତାଣା ରାଜାୟାଁ ନକିତା ନିଦେରି, ଏଝାରି ନକିତା ସାକି ଆଡ଼େରି । ୯୦ ଇଞ୍ଜାଁ ବାରେ କୁଡ଼ା ନକିତା ନେହୁଁ କାରୁ ନକେଏ ଝେସପି ଆଡ଼େ । ୯୧ ଇଞ୍ଜାଁ ଏଟିବେଲା ଲକୁ ମିଙ୍ଗେ ଅହାନା ହେରପାନେରି, ଏଟିବେଲା ମାରୁ ଏନାଆଁ ଜଲିଦେରି, ଏ କାତା ନକେଏ ଅଣପାଆଦୁ, ସାମା ଏ .ବେଲାତା ମିଙ୍ଗେ ଏନାଆଁ ଜଲଲି ହାପକିଆଡ଼େ ଏନାଆଁ ଝେହୁଦୁ; ଇତିହୁଁ ମାରୁ ଜଲିନାତେରି ଆଏ ସାମା ସୁଦୁଜୀଝୁ ଜଲିନାୟି । ୯୨ ତାୟି ତାୟିଇଁ ଅଡ଼େ ତାଞ୍ଜି ମାରୁଏଣାଇଁ ହାହାଲି ତାକି ହେରପାନେରି; ଇଞ୍ଜାଁ ମାରୁକା ତାଲି ତାଞ୍ଜି କପାଟି ନିଜାନା ଏଝାରାଇଁ ପାୟିନେରି; ୯୩ *ଅଡ଼େ ନାଙ୍ଗେତାକି ବାରେ ଲକୁ ମିଙ୍ଗେ ଅପଅରି; ସାମା ଆମ୍ବାଆସି ରାଜି ପାତେକା ସାସା ଆସାନା ଡ଼ୟିନେସି ଏଝାସି ଗେଲପି ଆଡ଼ନସି ।

ନାସା ଆନି କାଲମି
(ମାତି ୨୪:୧୫-୨୮; ଲୁକ ୨୧:୨୦-୨୪)

୯୪ ମାରୁ ଏଟିବେଲା ଏ ନାସାକିନି ଅପାଆଗାଟି ଆସି ଆମିନି ତାଣା ଡ଼ୟିନି କାତା ହିଲେଏ, ଏମ୍ବାଆଁ ଡ଼ୟାମାନାଣି ମେହୁଦେରି (ପଡ଼ୁଝି ଆନାରି ତେଲହାପେରି) ଏଟିବେଲା ଆମ୍ବାଆରି ଜୀହୁଦା ଦେସାତା ମାନେରି, ଏଝାରି ହରକାଣା ହଣପେରି; ୧୫ *ଆମ୍ବାଆସି ଇଲୁ ଲାକ ମାନେସି, ଏଝାସି ଇଲୁ ବିତ୍ରା ଝାହାନା ଏନି ଦିଣସୁ ଅହାଲି ରେଟା ଝାଆପେସି କି ବିତ୍ରା ହାଲାଆପେସି; ୧୬ ଇଞ୍ଜାଁ ଆମ୍ବାଆସି ବାଡ଼ାତା ମାନେସି, ଏଝାସି ତାନି ହିମ୍ବୁରି ଅହାଲି ଝେଣ୍ଡେ ଝାଆପେସି । ୧୭ ଏ ବେଲାତା ଆମିନି ଗାଟାଇ ପୁରାମାସା ଆହାମାନୁ ଇଞ୍ଜାଁ ପାଲୁ ଉଡ଼ହମାନୁ, ଏ ଦିନା ଆୟତା ଏଝି ଏଟେକା କସ୍ର ବେଟାଆନୁ । ୧୮ ସାମା ଏନି ଏନିକିଁ ପେନି ବେଲାତା ଆଏ ଏନାଆଁତାକି ପ୍ରାଡ଼ାନା କିଦୁ । ୧୯ *ଇତିହୁଁ ଏ କାଲାତା ଇଲେଟି କସ୍ର ଝାଡ଼େନ, ମାହାପୁରୁ ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକିଁ ଆହା ହିଲେଏ, ଇଞ୍ଜାଁ ଏଲେକିଁ ଏଟେଲାଝା ଆଏ । ୨୦ ସାମା ପ୍ରଭୁ ଏ ଲାଗେଏତି କାଲାଇଁ ଉଣା କିହାମାନେସି । ଏଲେ କିହାହିଲାଆତୁଁ ମା, ଏନି ଏମ୍ବାଟି ଆମ୍ବାଆରି ଗେଲପି ଆଆତେରିମା । ତାନି ଆଡ଼ୁଝିଆଡ଼ି ଲକୁତାକି ଏ କାଲା ଉଣା କିହାମାନେସି ।

୨୧ “ଏଟିବେଲା ‘ମେହୁଦୁ କ୍ରୀସ୍ର ଇମ୍ବାଆଁ ଅଡ଼େ ‘ଏମ୍ବାଆଁ ଇଞ୍ଜୁଁ ଲକୁ ମିଙ୍ଗେ ଝେସ୍ତାନେରି, ଆତିହୁଁ ମାରୁ ଏନାଆଁ ନାମାଆଦୁ । ୨୨ ନାଡ଼ିକିନି କ୍ରୀସ୍ର ଅଡ଼େ ମାହାପୁରୁ ବଲୁ ମିତି ଝେହୁନାରି ନିଜାନା ଇଲେଟି ସିନା ଅଡ଼େ କାବାଆନି କାମାୟାଁ ତହୁନେରି, ଆଡ଼ିତିହୁଁ, ଆଡ଼ୁଝିଆଡ଼ି ଲକୁଣି ଜିକେଏ ନାଡ଼ି କିନେରି । ୨୩ ସାମା ମାରୁ ଜାଗ୍ରତା ଆହାମାଞ୍ଜୁ; ନାନୁ ମିଙ୍ଗେ ତଲିଏ ବାରେ ଝେସିମାଞ୍ଜାଇଁ ।

ମାଣସି ମାରୁଏସି ଝେଣ୍ଡେ ଝାନାୟି
(ମାତି ୨୪:୨୯-୩୧; ଲୁକ ୨୧:୨୫-୨୮)

୨୪ *ସାମା ଏ ବେଲାତି ଏ କସ୍ର ତାୟୁ ଝେଡ଼ା ଆନ୍ଦେରି ଆଡ଼େ ଅଡ଼େ ଲେଞ୍ଜୁ ଉଜେଡ଼ି ହୀଏ, ୨୫ *ହୁକାୟାଁ ହାଗୁଟି ତରଗାଲି ମାରୁନୁ ଅଡ଼େ ହାଗୁ ଲାକିତି ବାଡ଼ୁୟୁ ବାରେ କିଲିବିଲି ଆଡ଼େ । ୨୬ *ଏଟିବେଲା ଲକୁ ମାଣସି ମାରୁଏଣାଇଁ କାଜା ବାଡ଼ୁୟୁଟି କାଜାପାଣା ତଲେ ହାଗୁ ଲାକିତି ଝାନାଣି ମେହୁନେରି । ୨୭ ଏଟିବେଲା ଏଝାସି ଦୁଡ଼ୁୟାଁଣି ପାଣ୍ଡାନା ଦାରୁଡ଼ି ମୁଟପେତି ସାରିଝାକିଟି ତାନି ଆଡ଼ାମାନି ଲକୁଣି ରୁଣ୍ଡା କିନେସି ।

ତୟା ମାରୁନୁଟି ଜାପିନାୟି
(ମାତି ୨୪:୩୨-୩୫; ଲୁକ ୨୧:୨୯-୩୩)

୨୮ ତୟା ମାରୁନୁ ପୁଣ୍ଡାସି କିନି କାତାଟି ଜାପାଦୁ । ଏଟିବେଲାତା ଏ ମାରୁନୁତା କଡ଼ୁଗି କମାୟାଁ ଅଡ଼େ ଗଝେଡ଼ି ଗାଲୁନୁ, କାରା କାଲମି ଝାଡ଼େ ଇଞ୍ଜୁଁ ପୁଞ୍ଜେରି । ୨୯ ଏଲେକିହୁଁ ଏ ମାରୁ ଜିକେଏ ଛ ବାରେ ମେସିସାରେ ଏଝାସି ଦୁଝେରି ତାଗେ ମାନେସି ଇଞ୍ଜୁଁ ପୁଞ୍ଜେରି । ୩୦ ନାନୁ ମିଙ୍ଗେ ସାତା ଝେସିମାଞ୍ଜାଇଁ ଛ ବାରେ ଆଆପାତେକା ଛ କାଲାତି ଲକୁ ଏନିଜିକେଏ ମେଣ୍ଡାକିଅରି । ୩୧ ହାଗୁପାକା ଦାରୁଡ଼ି ବାରେ ମେଣ୍ଡାକିନେ, ସାମା ନା ବଲୁ ଏଟେଲାଝା ମେଣ୍ଡାକିଏ ।”

* ୧୩:୯ ୧୩:୯ ମାତି ୧୦:୧୭-୨୦; ଲୁକ ୧୧:୧୧,୧୨ * ୧୩:୯ ୧୩:୯ ସିନଗର * ୧୩:୧୩ ୧୩:୧୩ ମାତି ୧୦:୨୨ * ୧୩:୧୫ ୧୩:୧୫ ଲୁକ ୧୭:୩୧ * ୧୩:୧୯ ୧୩:୧୯ ଝେ ବଲୁ ୭:୧୪ * ୧୩:୨୪ ୧୩:୨୪ ଝେ ବଲୁ ୭:୧୨ * ୧୩:୨୫ ୧୩:୨୫ ଝେ ବଲୁ ୭:୧୩ * ୧୩:୨୭ ୧୩:୨୭ ଝେ ବଲୁ ୧:୭

ଆତ୍ମାଆସି ଇ ଦିନା ଅଡ଼େ ବେଲାତି ପୁନଅସି

(ମାତି ୨୪:୩୭-୪୪)

୩୭ *ସାମା ଏ ଦିନା କି କାଲାତି କାତା ଆତ୍ମାଆସି ପୁନଅସି, ଲାକପୁରୁତି ଦୁତୁୟାଁ କି ମୀରୁଏସି ଜିକେଏ ପୁନଅସି, ୱାଡ଼ଇ ଆଡାବେଁ ପୁନେସି । ୩୮ ମୀରୁ ଜାଗ୍ରାତା ଆହାନା ମାଞ୍ଜୁ, କାଚାନା ମାଞ୍ଜୁ; ଇଚିହଁ ଏ ବେଲା ଏଚେଲା ଆନେ ଏଦାଆଁ ମୀରୁ ପୁନଅଚେରି । ୩୯ ଏଦି ଇଲେକିହଁ, ର ମାଣସି ତାନି ଇଲୁ ପିସାନା ହେକ ରାଜିତା ହାନେସି, ଅଡ଼େ ତାନି ହଲିୟାଙ୍ଗାଣି ବାରେ କାମାତି ଅଦିକାରା ହାତେସି ଇଞ୍ଜା ଦୁଝେରିତା କାଚାଲି ଜିକେଏ ହୁକୁମି ହାତେସି । ୪୦ ଏଦାଆଁତାକି କାଚାନା ତୁୟାମୁ; ଇଚିହଁ ନୀନୁ ପୁଞ୍ଜାହିଲଅତି ଇଲୁତି ସାଞ୍ଜୁକାରି ଏଚେଲା ୱାନେସି, ମିଡ଼ଅଲା କି ମାଦି ଲାଆଁୟାଁ, ୱେୟାଆ ନଚେଏ କି ୱେଡ଼ା ହନି ବେଲାତା ଏଞ୍ଜାସି ୱାନେସି । ୪୧ ଏଞ୍ଜାସି ଦେବୁଣିଏ ୱାଡ଼ିସାରେ ମୀରୁ ହୁଞ୍ଜାମାନାଣି ମେସାଆପେସି । ୪୨ ନାନୁ ମିଙ୍ଗେ ଏନାଆଁ ୱେସିମାଞ୍ଜାଇଁ, ଏଦାଆଁ ବାରେତି ୱେସିମାଞ୍ଜାଇଁ, ଜାଗ୍ରାତା ମାଞ୍ଜୁ ।

୧୪

ଜୀସୁଇଁ ଆସାଲି ପାରୁ ପାରିନାୟି

(ମାତି ୨୭:୨-୫; ଲୁକ ୨୨:୧-୨; ଜହ ୧୧:୪୫-୫୩)

୧ ପିସିଆନି ପାରୁଁ ଇଞ୍ଜା ପୁଲାଏୟୁ ଆଣ୍ଡାଆତି ରୁଚି ତିନି ପାରୁଁ ଆହାଲି ରୀ ଦିନା ମାଚେ । ଏଚିବେଲାତା କାଜା ପୁଜେରାଙ୍ଗା ଇଞ୍ଜା ମୋରା ପୁନାରି ଏନିକଁ ଏଞ୍ଜାଣାଇଁ ନାଡ଼ିକିହଁ ଆସାନା ପାୟିନେରି ଏଦାଆଁତାକି ପାରୁ ପାରିମାଚେରି । ୨ ଇଚିହଁ ଏଞ୍ଜାରି ଏଲେଇଚେରି, “ପାରୁଁ ବେଲାତା ଆଏ ଏଚେତା ଲକୁ ଗଡ଼ହା କିନେରି ।”

ବେତନିୟାଁତା ଜୀସୁ ତାୟୁଁ ତୁ ନିୟୁଁ ୱାକ୍ନାୟି

(ମାତି ୨୭:୬-୧୩; ଜହ ୧୨:୧-୮)

୩ ଜୀସୁ ବେତନିୟାଁତା କାଜା ରଗାଗାଟି ସିମନ ଇଜ ତିଞ୍ଜାଲି କୁଗାମାଚାଟି ର ଇୟା ର ଗାଲୁତା ହାଚେରକା ଦାରାତି ଗାୟା ନିୟୁଁ ତାଚାନା ଗାଲୁତି ଦେଚାନା ଜୀସୁ ତାୟୁଁ ତୁ ୱାକ୍ନାଲି ମାଚୁହେ । ୪ ସାମା ଏଚେକା ଲକୁ କାର୍ବି ଆହାନା, ତାମୁ ତୁତାମୁଏ ୱେସିପି ଆଚେରି, “ନିୟୁଁ ଏନାଆଁତାକି ନସୁ ଆଚେ ? ୫ ଇ ନିୟୁଁ ସାଡ଼ାକଡ଼ି ଦସଚାକା କିହଁ ଆଗାଡ଼ା ପାର୍ବି ଆହାନା ହାକି ଗାଗରାକି ହାପିକି ଆହାଲି ଆଡ଼ିଚେମା” ଏଦାଆଁତାକି ଏଞ୍ଜାରି ଏ ଇୟାନି ଲାଗାଲି ମାଚୁହେରି ।

୬ ସାମା ଜୀସୁ ଏଲେଇଚେସି, “ଏଦାନି ପିହୁଦୁ; ଏନାଆଁତାକି କସୁ ହାସିମାଞ୍ଜେରି ? ଏଦି ନାଙ୍ଗେତାକି ନେହଁ କିହାମାନେ । ୭ ଇଚିହଁ ହାକି ଗାଗାରି କାଲେଏ ମୀ ତାଣା ମାନେରି, ଅଡ଼େ ମିଙ୍ଗେ ଏଚେତା ମନୁ ଏଚେତା ଏଞ୍ଜାରି ସାଚେମି କିହାଲି ଆଡ଼ିଦେରି; ସାମା ନାନୁ କାଲେଏ ମୀ ତାଣା ତୁୟଅଁ । ୮ ଏଦି ଏନାଆଁ ଆଡ଼ିନାୟି ମାନେ ଏଦାଆଁ କିହାମାନେ; ଏଦି ନା ଆଙ୍ଗାତି ମୁସାଲି ତାକି ତଲିଏ ନିୟୁଁ ୱାକ୍ନାହାନା ତିୟାରା କିହାମାନେ । ୯ ନାନୁ ମିଙ୍ଗେ ସାତା ୱେସିମାଞ୍ଜାଇଁ, ବାରେ ଦାର୍ଡିତା ଆମ୍ବିୟା ଜିକେଏ ନେହଁ କାତୁ ୱେକନେରି, ଏ ଟାୟୁତା ଇ ଇୟାନି ଅଣପାଲିତାକି ଏଦାନି ଇ କାମାତି କାତା ଜିକେଏ ୱେସିପି ଆନେ ।”

ଜୀହୁଦା ଜୀସୁ ଆସିପି କିହାଲି ରାଜି ଆନାୟି

(ମାତି ୨୭:୧୪-୧୬; ଲୁକ ୨୨:୩-୬)

୧୦ ଏମାଟିଏ ବାରଜାଣା ବିଡ଼ାଟି ଇୟାରିୟତ ଜୀହୁଦା ଦରୁଗାଗାସି ରଅସି ଜୀସୁଇଁ କାଜା ପୁଜେରାଙ୍ଗା କେୟୁତା ହେରପାଲି ଏଞ୍ଜାରିତାଣା ହାଚେସି । ୧୧ ଏଞ୍ଜାରି ଏଦାଆଁ ୱେଞ୍ଜାନା ରାହଁ ଆଚେରି, ଇଞ୍ଜା ଏଞ୍ଜାଣାକି ଗାକାୟାଁ ହାହାଲି ଆଞ୍ଜିଚେରି, ଏମାଟିଏ ଏଞ୍ଜାସି ଏଞ୍ଜାଣାଇଁ ଆସିପି କିହାଲି ନେହଁ ପାରୁ ପାରିଚେସି ।

ତାନି ସୀସୁୟାଁ ତଲେ ପିସିଆନି ପାରୁତି ବକ୍ତି

(ମାତି ୨୭:୧୭-୨୫; ଲୁକ ୨୨:୭-୧୪, ୨୧-୨୩; ଜହ ୧୩:୨୧-୩୦)

୧୨ ତାୟୁ ପୁଲାଗୁଣ୍ଡା ଆଣ୍ଡାଆତି ରୁଚି ତିନି ପାରୁତି ମୁଲୁ ଦିନାତା ଆମିନି ନେଡୁ ପିସିଆନି ପାରୁତି ମୋଣ୍ଡା ତାଲୁତି ହେରପିଆନେ, ଏ ଦିନା ତାନି ସୀସୁୟାଁ ଏଞ୍ଜାଣାଇଁ ୱେଚେରି, “ମାମୁ ହାଜାନା ଆମିନି ଟାୟୁତା ନିଙ୍ଗେତାକି ପିସିଆନି ପାରୁତି ବକ୍ତି କନମି ଇଞ୍ଜାଁ ନାନୁ ଅଣପିମାଞ୍ଜି ?”

* ୧୩:୩୨ ୧୩:୩୨ ମାତି ୨୪:୩୭ * ୧୩:୩୪ ୧୩:୩୪ ଲୁକ ୧୨:୩୭-୩୮

୧୩ ଏମ୍ବ୍ରାଟିଏ ଏଝାସି ତାନି ସାୟୁୟାଁ ବିଭ୍ରାଟି ରିଆରାଇଁ ଏଲେଇଞ୍ଜା ପାଣ୍ଡିତେସି, “ମୀରୁ ଗାଡ଼ାତା ହାକୁ ଇଞ୍ଜାଁ ଏୟୁ ତୁକା ଅହିମାନି ରଅସି ମିଙ୍ଗେ ବେଟାଆୟାନେସି; ଏଝାଣି ଜେଟ ଜେଟ ହାକୁ; ୧୪ ଏଝାସି ଆମିନି ଇଜ ହଡ଼ନେସି, ଏ ଇଲୁ ଗାଗାଣାଇଁ ଖେଞ୍ଜୁ, ‘ଗୁରୁ ଖେଞ୍ଜିମାଞ୍ଜାନେସି, ନାନୁ ନା ସାୟୁୟାଁ ତଲେ ଆମିନି ଟାୟୁତା ପିସ୍ପିଆନି ପାରୁତି ବଜି କିହାଲି ଆନେ ଏ ବାକ୍ତା ଆମିନାୟି ?’ ୧୫ ଏଚେଟିଏ ଏଝାସି ମିଙ୍ଗେ ନେହୁଁକିଁ ତିୟାରା ଆହାମାନି ଲାକନି ପାରୁତି ର କାଜା ବାକ୍ତା ତସ୍ତାନେସି; ଏମ୍ବ୍ରାଆଁ ମାଙ୍ଗେତାକି ରାନ୍ଦା ଖାଜାକୁ ।”

୧୬ ଏମ୍ବ୍ରାଟିଏ ସାୟୁୟାଁ ହାଜାନା ଗାଡ଼ାତା ହେଚେରି, ଇଞ୍ଜାଁ ଏଝାସି ଏଝାରାଇଁ ଏନିକିଁ ଖେସାମାଚେସି, ଏଲେକିଁ ମେସାନା ପିସ୍ପିଆନି ପାରୁତି ବଜି ଖାଜିତେରି ।

୧୭ ମିଡ଼ଅଲ୍ଲା ଆହାଲିଏ ଜାସୁ ବାରଜାଣା ସାୟୁୟାଁ ତଲେ ଖାଚେସି । ୧୮ ଏଝାରି କୁଗାନା ରାନ୍ଦା ତିଞ୍ଜି ମାଗାଟି ଜାସୁ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀ ବିଭ୍ରାଟି ରଅତେରି ନାଙ୍ଗେ ସାତୁ କେୟୁତା ହେଚପାଦେରି ।”

୧୯ ଏମ୍ବ୍ରାଟିଏ ଏଝାରି ଦୁକୁ ଆହାନା ରଅ ରଅରି ଏଝାଣାଇଁ ଖେଞ୍ଜାଲି ମାଚୁହେରି, “ନାନୁ ଏଝାଚେସି କି ?”

୨୦ ଜାସୁ ଏଝାରାଇଁ ଏଲେଇଚେସି, “ବାରଜାଣା ବିଭ୍ରାଟି ରଅସି, ଆମ୍ବାଆସି ନା ତଲେ ସାଡ଼ୁଝାତା କେୟୁ ମେଡ଼ିହି ମାନେସି । ୨୧ ମାଣସି ମାଚୁଏଣା କାତା ଏନିକିଁ ରାସ୍ତିକିଁ ଆହାମାନେ, ଏଲେକିହଁ ଏ ହାନେସି ସାତା, ସାମା ଆମିନି ଲକୁ ଚାଣାଟି ମାଣସି ମାଚୁଏସି ସାତୁ କେୟୁତା ହେଚପିଆନେସି, ଆୟତା ଏଝାଣି ଡ଼ଣ୍ଡ ! ଏ ଲକୁତି ଜାର୍ନା ଆହାହିଲ୍ଲାଆତିହଁ ଏଝାଣାକି ନେହେଁ ଆଚେମା ।”

ପ୍ରବୁତି ବଜି

(ମାତି ୨୭:୨୭-୩୦; ଲୁକ ୨୨:୧୪-୨୦; ୧କର ୧୧:୨୩-୨୫)

୨୨ ଏଝାରି ତିଞ୍ଜି ମାଗାଟି ଜାସୁ ରୁଟି ଅହାନା ମାହାପୁରୁଇଁ ଜହରା କିହାନା ଏଦାଆଁ ଡ଼ିକହା ହାହାନା ଏଲେଇଚେସି, “ଅଦୁ ତିଞ୍ଜୁ, ଇଦି ନା ଆଙ୍ଗା ।”

୨୩ ଇଞ୍ଜାଁ ଏଝାସି ଗହନି ସଲ୍ଲା ଆସାନା ମାହାପୁରୁଇଁ ଜହରା କିହାଁ ଏଝାରାକି ହାଚେସି, ଇଞ୍ଜାଁ ବାରେଜାଣା ଏଦାଆଁ ଗସ୍ତେରି । ୨୪ ଇଞ୍ଜାଁ ଜାସୁ ଏଝାରାଇଁ ଏଲେଇଚେସି, “ଆମିନି ରାଜିମାନା ନେଚେରି ହାଚେକା ଲକୁତାକି ଖାଙ୍ଗାମାନେ, ଇଦି ଏ ନା ନେଚେରି । ୨୫ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମିନି ଦିନା ମାହାପୁରୁଟି ରାଜିତା ପୁଠନି କିହଁ ଅଞ୍ଜୁରି ପାଚେଡ଼ିୟିତି ରାସା ଗହଇଁ ଏ ଦିନା ପାଚେକା ଇଦାଆଁ ଅଡ଼େ ନାନୁ ଏଚେଲା ଗହଅଁ ।”

୨୬ ଇଞ୍ଜାଁ ଏଝାରି ଜହରା ପାରୁ ପାଚିତି ତାୟୁ ଜାତ ହରୁତା ହଡ଼ା ହାଚେରି ।

ପିତର ଜାସୁଇଁ ପୁଞ୍ଜାହିଲଅଁ ଇନି କାତା

(ମାତି ୨୭:୩୧-୩୫; ଲୁକ ୨୨:୩୧-୩୪; ଜହ ୧୩:୩୬-୩୮)

୨୭ ଏଚିଚେଲା ଜାସୁ ଏଝାରାଇଁ ଏଲେଇଚେସି, “ମୀରୁ ବାରେ ପିସା ହାଜାଦେରି, ଇଚିହଁ ରାସ୍ତିକିଁ ଆହାମାନେ, ନାନୁ ମେଣ୍ଡା ଗଡ଼ୁଇଁ ପାୟିଇଁ ଇଞ୍ଜାଁ ମେଣ୍ଡାୟାଁ ଆଲାରା ଆହାହାନୁ । ୨୮ ୟାମା ନାନୁ ହାହାନା ଖେଣ୍ଡେ ନିଙ୍ଗିତି ତାୟୁ ମୀ ନକିତା ଗାଲିଲିତା ହାଇଁ ।”

୨୯ ଏମ୍ବ୍ରାଟିଏ ପିତର ଏଲେଇଚେସି, “ବାରେଜାଣା ପିସା ହାଜାନେରି ନାନୁ କଡ଼େ ନିଙ୍ଗେ ଏଚେଲା ପିସ୍ପିଆଁ ।”

୩୦ ଜାସୁ ପିତରଇଁ ଏଲେଇଚେସି, “ନାନୁ ନିଙ୍ଗେ ସାତା ଖେସିମାଞ୍ଜାଇଁ, ନାଞ୍ଜୁ ଇ ଲାଆଁୟାଁ କୟୁ ରୀ ଦେବା କେଣ୍ଡାଆ ମାନାଟିଏ, ନାନୁ ଏଝାଣାଇଁ ପୁଞ୍ଜାହିଲଅଁ ଇଞ୍ଜାଁ ତାନିପାଲି ଏଲେଇଞ୍ଜି ।”

୩୧ ସାମା ପିତର ଆଚୁଝା ତଲେ ଏଲେଇଚେସି, “ନାଙ୍ଗେ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଙ୍ଗେ ଏଚେଲା ପୁଞ୍ଜାହିଲଅଁ ଇଞ୍ଜାଁ ।” ଇଞ୍ଜାଁ ବାରେଜାଣା ଜିକେଏ ଏଲେଇଚେରି ।

ଜାସୁ ଗେଡ଼ସିମନିତା ପ୍ରାଡ଼ାନା କିନାୟି

(ମାତି ୨୭:୩୬-୪୭; ଲୁକ ୨୨:୩୯-୪୭)

୩୨ ତାୟୁ ଏଝାରି ଗେଡ଼ସିମନି ଇନି ର ଟାୟୁତା ଖାଚେରି, ଇଞ୍ଜାଁ ଜାସୁ ତାନି ସାୟୁୟାଁଇଁ ଏଲେଇଚେସି, “ନାନୁ ପ୍ରାଡ଼ାନା କିହମାନି ପାଚେକା ଇମ୍ବ୍ରାଆଁ କୁଗାନା ମାଞ୍ଜୁ ।” ୩୩ ଇଞ୍ଜାଁ ଏଝାସି ପିତର, ଜାକୁବ ଅଡ଼େ ଜହନଇଁ ତାନିତଲେ ଅଡ଼େସି । ଏଝାସି ହାଚେକା ଦୁକୁତି କସ୍ତ ତାକି କିଲିବିଲି ଆଡ଼େସି । ୩୪ ଏଚେଟିଏ

☆ ୧୪:୨୮ ୧୪:୨୮ ମାତି ୨୮:୧୭

ଜୀବୁ ଏଝାରାଇଁ ଏଲେଇଚେସି, “ନା ଜୀବୁ ହାନିଲେହେଁ ହାରେକା କିଲିବିଲି ହଡ଼ିମାଞ୍ଜାନେ; ମୀରୁ ଇମ୍ବାଆଁ ତେଝିଏଲାନା କାଡ଼ାମାଞ୍ଜୁ ।”

୩୫ ଜୀବୁ ନକିତା ହାଜାନା ବୁମିତା ମୁନୁ କୁତିଚେସି, ଅଡ଼େ ଆହାଲି ଆଡ଼ିତିହଁ, ଏ ଦୁକୁ ଏଝାଣି ତାଣାଟି ଏନିକଁ ହେକ ଆନେ, ଏଦାଆଁତାକି ପ୍ରାଡ଼ାନା କିଚେସି । ୩୬ ଇଞ୍ଜା ଜୀବୁ ଏଲେଇଚେସି, “ଆଡ଼ା, ନାନୁ ବାରେଏ କିହାଲି ଆଡ଼ିଦି; ଈ କସୁ ବାଦା ନା ତାଣାଟି ହେକ କିମ୍ବୁ; ଆଡ଼ିଜିକେଏ ନା କାତା ଆଏ ନୀ କାତେଏ ଆପେ ।”

୩୬ ଇଞ୍ଜା ଏଝାସି ଖାହାନା ସୀସୁୟାଁ ଇଦା କିତାଣି ମେସ୍ତେସି, ଇଞ୍ଜା ପିତରଇଁ ଏଲେଇଚେସି, “ସିମନ ନାନୁ ତୁରିତିକି ? ଗାଡ଼େକା ଜିକେଏ କାଡ଼ାଲି ଆଡ଼ାଆତେରି ? ୩୭ ଏଦାଆଁତାକି କାଡ଼ାନା ପ୍ରାଡ଼ାନା କିମ୍ବୁ; ଏନିକଁ ମୀରୁ ପାନ୍ଦାତା ହେରଅତେରି, ମନ୍ ମାନେ ସାତା, ଆଙ୍ଗାତା ବାଡ଼ୁୟୁ ହିଲେଏ ।”

୩୭ ଏଝାସି ଅଡ଼େ ଖେଣ୍ଡେ ହାଜାନା ତଲିତିଲେହେଁ ପ୍ରାଡ଼ାନା କିଚେସି । ୪୦ ଅଡ଼େ ଖେଣ୍ଡେ ଖାହାନା ଏଝାସି ଏଝାରାଇଁ ଇଦା କିହାମାନାଣି ମେସ୍ତେସି, ଇଚିହଁ ଏଝାରି କାଣକା ପଜୁଝି ଆହିମାତୁ, ଇଞ୍ଜା ଏଝାରି ଏଝାଣାଇଁ ଏନାଆଁ ଜଲିନେରି ପୁଞ୍ଜାଲି ଆଡ଼ାଆତେରି ।

୪୦ ଜୀବୁ ତାନି ଦେବା ଖାହାନା ସୀସୁୟାଁ ଇଦା ଏଲେଇଚେସି, “ମୀରୁ ଗାଡ଼େକା ତୁରାନା ଜମାଦୁ; ହାରେକା ବେଲା ଆଡ଼େୟିଏ, ଏ ବେଲା ଏଗାଝାହିମାନେ; ମେହଦୁ ମାଣସି ମୀରଏସି ସାତୁୟାଁ କେୟୁତା ହେରପି ଆହିମାନେସି । ୪୧ ନିଜାଦୁ, ମାର ହାନ, ମେହଦୁ ଆମ୍ବାଆସି ନାଜେ ସାତୁୟାଁ କେୟୁତା ହେରପାନେସି ଏଝାସି ଏଗାଝାଡ଼େସିଏ ।”

ଜୀବୁ ସାତୁ କେୟୁତା ହେରପି ଆନାୟି
(ମାତି ୨୭:୪୭-୫୬; ଲୁକ ୨୨:୪୭-୫୩; ଜହ ୧୮:୩-୧୨)

୪୩ ଏ ଦେବୁଣିଏ ଜୀବୁ ଖେସିମାଟି ବେଲାତା, ବାରଜାଣା ବିତ୍ରାଟି ଜୀବୁଦା ଦରୁଗାଗାସି ରଅସି ଇଞ୍ଜା ତାନିତଲେ କାଜା ପୁଜେରାଙ୍ଗା, ମେରା ପୁନାରି ଇଞ୍ଜା ଲକୁତି କାଜାରି ତାଣାଟି କାଣ୍ଡା ଟେଙ୍ଗା ଆସାନା ଖାଡ଼େରି । ୪୪ ଜୀବୁଇଁ ସାତୁୟାଁ କେୟୁତା ହେରପିନାସି ଏଝାରାଇଁ ଈ ସିନା ଖେସାମାଚେସି, “ନାନୁ ଆମ୍ବାଆରାଇଁ ନଣ୍ଡିଇଁ ଏଝାସିଏ ଏଝାସି । ଏଝାଣାଇଁ ଦସାନା ଜାଗ୍ରାତା ତଲେ ଅଦୁ ।”

୪୪ ଇଞ୍ଜା ଏଝାସି ଏ ଦେବୁଣିଏ ଏଝାଣି ତାଗେ ହାଜାନା, “ଏ ଗୁରୁ” ଇଞ୍ଜାନା ଏଝାଣାଇଁ ନଣ୍ଡିଚେସି । ୪୬ ଏମ୍ବାଟିଏ ଏଝାରି ଏଝାଣାଇଁ ଆସାନା ଦସା ଅଡ଼େରି । ୪୭ ସାମା ତାଗେ ନିଚାମାଟି ଲକୁ ବିତ୍ରାଟି ରଅସି କାଣ୍ଡା ହପୁହେସି ଇଞ୍ଜା କାଜା ପୁଜେରା ହଲେଏଣା କିୟଁ ଦୁାଡ଼େସି । ୪୮ ଜୀବୁ ଏଝାରାଇଁ ଏଲେଇଚେସି, “ସରୁଇଁ ଆସାଲି ହାନିଲେହେଁ କାଣ୍ଡା ଅଡ଼େ ଟେଙ୍ଗା ଆସାନା ମୀରୁ ନାଜେ ଆସାଲି ଖାଡ଼େରି ? ୪୯ ନାନୁ ବାରେଦିନା ମୀ ତଲେ ପ୍ରାଡ଼ାନା ଇଲୁତା ମାଞ୍ଜାନା ଜାପୁହି ମାଞ୍ଜାତେଏଁ, ସାମା ମୀରୁ ନାଜେ ଆସାଆତେରି; ସାମା ଦାମ୍ବୁ ପିତିତି ରାସୁକି ଆଡ଼ି ବଲୁ ଏନିକଁ ସାତା ଆନେ, ଏଦାଆଁତାକି ଈ ବାରେ ଆହିମାନେ ।”

୫୦ ଏଚିବେଲା ବାରେଜାଣା ସୀସୁୟାଁ ଏଝାଣାଇଁ ପିସାନା ହାଚେରି ।

୫୧ ର ଦାଂଗଣା କକାସି ର ହିମ୍ବିରି ପିଡ଼ାଗାହାଁ ଜୀବୁ ଜେଟ ଜେଟ ହାଜିମାଚେସି; ଏଝାରି ଏଝାଣାଇଁ ଆସାଲି ହାଜାଲିଏ, ୫୨ ଏଝାସି ଏ ପାଡ଼ାଡ଼ା ହିମ୍ବିରି ପିସାନା ଖାରୁଇ ଆଙ୍ଗାଟି ହଗାତୁସ୍ତେସି ।

ଜୀବୁଇଁ ବେରଣିମାଣ୍ଡାତା ନାହାଁୟି କିନାୟି
(ମାତି ୨୭:୫୭-୬୮; ଲୁକ ୨୨:୫୪-୫୫, ୬୩-୭୧; ଜହ ୧୮:୧୩-୧୪, ୧୯-୨୪)

୫୩ ତାୟୁ ଏଝାରି ଜୀବୁଇଁ କାଜା ପୁଜେରା ନକିତା ଅଡ଼େରି, ଇଞ୍ଜା କାଜା ପୁଜେରା, ଲକୁତି କାଜାରି ଅଡ଼େ ମେରା ପୁନାରି ବାରେ ଖାହାନା ରୁଣ୍ଡା ଆଡ଼େରି । ୫୪ ପିତର ହେକ ମାଞ୍ଜାନା ଏଝାଣି ଜେଟ ଜେଟ କାଜା ପୁଜେରା ଆଂଗେଣି ବିତ୍ରା ହାଚେସି ଇଞ୍ଜା ଜାମାନାଙ୍ଗା ତଲେ କୁଗାନା ହିରୁ କେରୁଞ୍ଜି ମାଚେସି । ୫୫ ଏମ୍ବାଟିଏ କାଜା ପୁଜେରାଙ୍ଗା ଇଞ୍ଜା ବେରଣି ମାଣ୍ଡାଟି ବାରେଜାଣା ଜୀବୁଇଁ ପାୟାଲି ଏଝାଣି କପାଟି ସାକିୟାଁ ପାରିଚେରି, ସାମା ଏନି ଦହ ବେଟାଆଆତେରି; ୫୬ ଇଚିହଁ ହାରେକା ଏଝାଣି କପାଟି ମିଚି ସାକିୟାଁ ହାଟି ଜିକେଏ ଏଝାରି ହାଟି ସାକି ଆଣ୍ଡାଆତେ ।

୫୬ ତାୟୁ ଏଚରଜାଣା ହଡ଼ାନା ଏଝାଣି କପାଟି ମିଚି ସାକି ହାହାନା ଏଲେଇଚେରି, ୫୮ “ମାମ୍ବୁ ଛୁଝାଣାଇଁ ଈ କାତା ଖେସିମାଚାଣି ଖେଞ୍ଜାମାନମି, ନାନୁ ଈ କେୟୁତି କେପିତି ପ୍ରାଡ଼ାନା ଲକୁତି ଡିକ୍‌ହାନା ତାନିଦିନା ବିତ୍ରା ଅଡ଼େ ମାଣସି କେପାଆତି ପ୍ରାଡ଼ାନା ଇଲୁ କେପିଇଁ । ୫୯ ସାମା ଏମ୍ବାଆଁ ଜିକେଏ ସାକି ଆଣ୍ଡାଆତେ ।”

☆ ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭

୭୦ ଏତେଟିଏ କାଜା ପୂଜେରା ମାଦିଏ ନିଚାନା ଜୀସୁଙ୍କୁ ଝେରେସି, “ନୀ କପାଟି ଇଝାରି ଆମିନି ସାକ୍ତି ହାହିମାନେରି, ଝେଣ୍ଡେ ଜଲ୍ଲାଇ ଏନି କାତା ହିଲେଏ କି ?”

୭୧ ସାମା ଏଝାସି ପାଲେଏ ଆହାନା ଏନି କାତା ଜଲ୍ଲାଆତେସି, କାଜା ପୂଜେରା ଅଡ଼େ ଝେଣ୍ଡେ ଏଝାଣାଇଁ ଝେରେସି, “ନୀନୁ କି ମାନିଗାଟି ମାହାପୁରୁ ମୀରୁଏଣାତି କ୍ରୀସ ?”

୭୨ ଜୀସୁ ଏଲେଇରେସି, “ନୀନୁ ଏଝାତେସି, ମୀରୁ ମାଣସି ମୀରୁଏଣାଇଁ ବାଡ଼ୁୟୁଗାଟି ଚିଝନିଝାକି କୁଗାମାନାଣି ମେହ୍‌ଦେରି ଇଞ୍ଜାଁ ହାକୁ ଦୁହାଟି ଝେଣ୍ଡେ ଝାନାଣି ମେହ୍‌ଦେରି ।”

୭୩ ଏତେଟିଏ କାଜା ପୂଜେରା ତାନି ହିମ୍‌ଗିରି ଗେସାନା ଏଲେଇରେସି, “ମାଙ୍ଗେ ଅଡ଼େ ଏନି ସାକ୍ତିୟାଁ ଲଡ଼ା ହିଲେଏ । ୭୪ ମୀରୁ ମାହାପୁରୁ ନିନ୍ଦା ଝେରେରି: ମୀ ଅଣପୁ ଏନାୟି ?”

ଏମ୍‌ଗାଟିଏ ବାରେଜାଣା ଏଝାସି ହାନି ତଣ୍ଡ ବେଟାଆପେସି ଇଞ୍ଜାଁ ଏଲେଇରେରି ।

୭୫ ଇଞ୍ଜାଁ ଆମ୍ବା ଆମ୍ବାଆରି ଏଝାଣିଲାକ ହୁପିତେରି ଇଞ୍ଜାଁ ଏଝାଣି କାଣକା ପଜାନା ଏଝାଣାଇଁ ଝେଟାନା ଝେରେରି, “ମାହାପୁରୁ ଅଣପୁଟି ବଲୁ ଝେହ୍‌ନାତି ଆମ୍ବାଆସି ନିଙ୍ଗେ ଝେତାତେସି, ଝେସ୍‌ୟାମୁ !” ଜାମାନାଙ୍ଗା ଜିକେଏ ଆସାନା ସାପଡ଼ା ଝେଟିହୁଁ ଅଡ଼େରି ।

ପିତର ଜୀସୁଙ୍କୁ ପୁଞ୍ଜାହିଲଅଁ ଇନାୟି

(ମାତି ୨୬:୨୯-୭୫; ଲୁକ ୨୨:୫୭-୭୨; ଜହ ୧୮:୧୫-୧୮, ୨୫-୨୭)

୭୬ ଏମ୍‌ଗାଟିଏ ପିତର ଆଂଗେଣିତା ମାଟିବେଲାତା କାଜା ପୂଜେରା ହଚ୍‌ଲେଣି ଝାହାନା ପିତର ହିରୁ କେରୁଞ୍ଜି ମାଟାଣି ମେସ୍ତେ, ୭୭ ଇଞ୍ଜାଁ ପିତରଇଁ ସିନିକିହାନା ଏଲେଇରେ, “ନୀନୁ ଜିକେଏ ନାଜୁରିତ ଜୀସୁତଲେ ମାଟି ।”

୭୮ ସାମା ଏଝାସି, ନୀନୁ ଏଝାଣାଇଁ ପୁଞ୍ଜାହିଲଅଁ, ନୀନୁ ଏନାଆଁ ଝେସିମାଞ୍ଜି ନୀନୁ ପୁଞ୍ଜିହିଲଅଁ, ତାୟୁ ଏଝାସି ଆଂଗେଣି ଦୁଝେରିତା ହାରେସି, ରେଟୁଏ କୟୁ କେଣ୍ଡେ ।

୭୯ ଇଞ୍ଜାଁ ଏ ହଚ୍‌ଲେଣି ଏଝାଣାଇଁ ମେସାନା ଦାରିତା ନିଚାମାନି ଲକୁଣି ଅଡ଼େ ଝେଣ୍ଡେ ଝେସାଲି ମାଟ୍‌ହେ, “ଇଝାସି ଏଝାରି ବିତ୍ତାଟି ରଅସି ।”

୮୦ ସାମା ଏଝାସି ଅଡ଼େ ଝେଣ୍ଡେ ପୁଞ୍ଜାହିଲଅଁ ଇରେସି, ଅଡ଼େ ଗାଡ଼େକା ଆହାଲିଏ ଦାରିତା ମାଟି ଲକୁ ପିତରଇଁ ଏଲେଇରେରି, “ନୀନୁ ସାତେଏ ଏଝାରି ବିତ୍ତାଟି ରଅତି, ଇଟିହୁଁ ନୀନୁ ର ଗାଲିଲି ଲକୁଟି ।”

୮୧ ସାମା ଏଝାସି ପାର୍‌ମାଣା ଇଞ୍ଜାଁ ବାକା ଇଟାନା ଏଲେଇରେସି, ମୀରୁ ଆମିନି ଲକୁଟି କାତା ଝେସିମାଞ୍ଜେରି, ନୀନୁ ଏଝାଣାଇଁ ପୁଞ୍ଜାହିଲଅଁ ।

୮୨ ଏ ଦେବୁଣିଏ କୟୁ ରୀ ଦେବା କେଣ୍ଡେ । ଏମ୍‌ଗାଟିଏ କୟୁ ରୀ ଦେବା କେଣ୍ଡେଆ ନଚ୍‌କେଏ ନୀନୁ ନାଙ୍ଗେ ତାନି ଦେବା ନୀନୁ ପୁଞ୍ଜାହିଲଅଁ ଇଞ୍ଜାଦି, ଆମିନି କାତା ଜୀସୁ ପିତରଇଁ ଏଲେଇଞ୍ଜାମାରେସି, ଏଦି ଏଝାଣି ମନତା ଝାଡ଼େ, ଇଞ୍ଜାଁ ଏଝାସି ଏ କାତା ଅଣପିହୁଁ ହାରେକା ଡ଼ାହାଲି ମାଟ୍‌ହେସି ।

୧୫

ପିଲାତ ନକିତା ଜୀସୁ

(ମାତି ୨୭:୧-୨, ୧୧-୧୪; ଲୁକ ୨୩:୧-୫; ଜହ ୧୮:୨୮-୩୮)

୧ ଲାଜୁ ଝେୟାଲିଏ ବେରଣି ମାଣ୍ଡାତାରି, ଇଟିହୁଁ ଲକୁଟି କାଜାରି ଇଞ୍ଜାଁ ମେରା ପୁନାରି ତଲେ କାଜା ପୂଜେରାଙ୍ଗା ବେରଣି କିହାନା କାତା ଆଡ଼େରି । ଜୀସୁଙ୍କୁ ଦସ୍‌ପା ଅହାନା ପିଲାତ କେୟୁତା ହେରୁପିତେରି । ୨ ପିଲାତ ଏଝାଣାଇଁ ଝେରେସି, “ନୀନୁ କି ଜୀହୁଦି ଲକୁଟି ରାଜା ?”

ଜୀସୁ ଏଝାଣାଇଁ ଏଲେଇରେସି, “ନୀନୁଏ ଏଲେ ଇଞ୍ଜିମାଞ୍ଜି ।”

୩ ଇଞ୍ଜାଁ କାଜା ପୂଜେରାଙ୍ଗା ଜୀସୁ କପାଟି ହାରେକା କାତାୟାଁ ଝେସ୍ତେରି । ୪ ଏମ୍‌ଗାଟିଏ ପିଲାତ ଅଡ଼େ ଝେଣ୍ଡେ ଏଝାଣାଇଁ ଝେରେସି, “ନୀନୁ ଏନାଆଁତାକି ଝେସିମାଞ୍ଜଅତି ? ମେହ୍‌ମୁ ଇଝାରି ନୀ କପାଟି ହାରେକା କାତା ଜଲ୍ଲିମାନେରି ।”

୫ ସାମା ଜୀସୁ ଏନି ହାଡ଼ା ଜଲ୍ଲାଆତେସି, ଏତେଟିଏ ପିଲାତ କାବା ଆଡ଼େସି ।

ଜୀସୁ ହାନି ତଣ୍ଡ

(ମାତି ୨୭:୧୫-୨୬; ଲୁକ ୨୩:୧୩-୨୫; ଜହ ୧୮:୩୯; ୧୯:୧୭)

୬ ସାମା ପାର୍‌ ବେଲାତା ଲକୁ ଆମିନି କାୟିଦିତା ମାଟାଣାଇଁ ରାସିମାରେରି, ଏଝାଣାଇଁ ପିଲାତ ଏଝାରି ତାକି ପିସିମାରେସି । ୭ ଆମିନି ଗଡ଼ହା ଗାଟାରି ଗଡ଼ହା ବେଲାତା ଲକୁଣି ପାୟାମାରେରି, ଏଝାରିତଲେ

ବାରବା ଦରୁଗାଟାସି କାନ୍ଦିଦିତା ମାରେସି । ୮ ଏଦାଆଁତାକି ତାନି ମେରା ଲେହେଁ କିହାଲି ପିଲାତଇଁ ବାଡ଼ିମାଲିତେରି । ୯ ଏମାଟିଏ ପିଲାତ ଏଝାରାଇଁ ଏଲେଇଚେସି, “ମୀରୁ ଏନାଆଁ ଅଣପିମାଞ୍ଜେରି ? ନାନୁ ମିଙ୍ଗେତାକି ଜାହୁଦି ଲକ୍ଷୁତି ରାଜାଇଁ ପିସାହିୟାଇଁ ?” ୧୦ ଇଚିହେଁ କାଜା ପୂଜେରାଞ୍ଜା ଏଝାଣାଇଁ ତାହାରା ତଲେ ହେରପାମାଚେରି, ଏଦାଆଁ ଏଝାସି ପୁଚେସି ।

୧୧ ସାମା ଏଝାସି ଏନିକେଁ ଏଝାରି ତାକି ବାରବାଇଁ ପିହନେସି, ଏଦାଆଁତାକି କାଜା ପୂଜେରାଞ୍ଜା ଲକ୍ଷୁଣି ଖେସ୍ତେରି । ୧୨ ସାମା ପିଲାତ ଖେଣ୍ଡେ ଏଝାରାଇଁ ଏଲେଇଚେସି, “ଆତିହେଁ ଆମ୍ବାଆରାଇଁ ଜାହୁଦି ଲକ୍ଷୁତି ରାଜା ଇଞ୍ଜେଁ ମାଞ୍ଜେରି, ଜାସୁଇଁ ନାନୁ ଏନାଆଁ କିଇଁ ?”

୧୩ ଲକ୍ଷୁ ବାରେ କାଲୁଝି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ ।”

୧୪ ଏମାଟିଏ ପିଲାତ ଏଝାରାଇଁ ଖେଚେସି, “ଏନାଆଁତାକି ଏଝାସି ଏନି ଦହ କିହାମାନେସି ?”

ସାମା ଏଝାରି ଗାଡ଼ି କାଲୁଝି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ ।”

୧୫ ଏଚେଟିଏ ପିଲାତ ଲକ୍ଷୁଣି ରାହାଁ କିହାଲି ମନ କିହାନା ଏଝାରି ତାକି ବାରବାଇଁ ପିସ୍ତେସି, ଇଞ୍ଜା ଜାସୁଇଁ ସାଟୁଣି ତଲେ ଖେପି କିହାନା ପାସି ମୁଣ୍ଡାତା ଏକହାଲି ହେରପିତେସି ।

କସ୍କା ଜାସୁଇଁ ନିନ୍ଦାକିହେଁ କାକନାୟି

(ମାତି ୨୭:୨୭-୩୧; ଜହ ୧୯:୨-୩)

୧୬ ଏମାଟିଏ କସ୍କା ଜାସୁଇଁ ଆଂଗେଣିଟି ମେଡ଼ା ଇଲୁ ବିତ୍ରା ଅହାନା ବାରେ କସ୍କାଣି ହାଗାନା ରୁଣ୍ଡା କିତେରି । ୧୭ ଏଝାରି ଏଝାଣାଇଁ ହେୟାଁ ଝାଣା ହିମ୍ବୁରି ହୁଟିକିତେରି ଇଞ୍ଜା ହାପୁକା ଚଟପରି ଆଲାନା ଏଝାଣି ତାୟଁ ତୁା ତୁରଝି କିତେରି; ୧୮ ଅଡ଼େ “ଏ ଜାହୁଦି ଲକ୍ଷୁତି ରାଜା ଜହରା” ଇଞ୍ଜେଁ ଏଝାଣାଇଁ ନିନ୍ଦାକିତେରି । ୧୯ ଇଞ୍ଜା ଏଝାରି ର ବାଡ଼ଗା ଆସାନା ଏଝାଣି ତାୟଁ ତୁା ଖେତେରି ଇଞ୍ଜା ମେଣ୍ଡାକୃତାନା ଜହରା କିତେରି । ୨୦ ଏଝାରି ଏଝାଣାଇଁ ଲାଜାକିହେଁ କାକହି ତାୟୁ, ଏ ହେୟାଁ ଝାଣାଗାଟି ହିମ୍ବୁରି ହୁକହା ଅହାନା ତାନି ହିମ୍ବୁରି ହୁଟିକିତେରି । ଇଞ୍ଜା ଏଝାରି ଏଝାଣାଇଁ ପାସି ମୁଣ୍ଡାତା ଏକହାଲି ପାଞ୍ଜାତା ଅଡ଼େରି ।

ଜାସୁଇଁ ପାସି ଏକନାୟି

(ମାତି ୨୭:୩୨-୪୪; ଲୁକ ୨୩:୨୭-୪୩; ଜହ ୧୯:୧୭-୨୭)

୨୧ ☆ଏଚିବେଲ୍ ଆଲେକଜାଣ୍ଡର ଇଞ୍ଜା ରୁପତାମି ଆବା ସିମାନ ଦରୁଗାଟି ର କୁରିଣିୟ ଲକ୍ଷୁ ନାୟୁଁଟି ଝାହାନା ଏ ଜିରୁଟି ହାଜିମାନେସି; ଏଝାରି ଏଝାଣାଇଁ ଜାସୁତି ପାସିମୁଣ୍ଡା ଡେକାଲି ବାଲମାତାମି କିତେରି । ୨୨ ଇଞ୍ଜା ଏଝାରି ଏଝାଣାଇଁ ଗଲଗତା ଇଚିହେଁ “ତାୟଁ ରୁପା” ଇନି ଗାୟୁତା ତାତେରି । ୨୩ ଇଞ୍ଜା ଏଝାରି ଏଝାଣାଇଁ ପୁଲ୍ଲା ଆଣ୍ଡିତି ଅଞ୍ଜୁରି ରାସା ଗସାଲି ହାତେରି, ସାମା ଏଝାସି ଏଝାଆଁ ଗହଆତେସି । ୨୪ ଏଚେଟିଏ ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି, ଇଞ୍ଜା ଆମ୍ବାଆସି ଏନାଆଁ ବେଟା ଆନେସି, ଏଦାଆଁ ପାଦି କିହାନା ତାନି ହିମ୍ବୁରିକା ତାମ୍ବୁ ତାମ୍ବୁ ବାଟି କିହାନା ଅଡ଼େରି । ୨୫ ଦିନା ନ ଗଂଟା ବେଲ୍ଲାତା ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି । ୨୬ ଇଞ୍ଜା ଏଝାଣିଲାଇଁ ଇଲେଇଞ୍ଜେଁ ରାସ୍କି ଆହାମାତେ, “ଇଝାସି ଜାହୁଦି ଲକ୍ଷୁତି ରାଜା ।” ୨୭ ଇଞ୍ଜା ଏଝାଣି ଚିଠିନିଝାକି ରଅଣାଇଁ ଅଡ଼େ ଚେଟ୍ଟିଝାକି ରଅଣାଇଁ, ଇଲେକିହେଁ ରା ସରକାଣି ଏଝାରି ଏଝାଣିତଲେ ପାସି ମୁଣ୍ଡାତା ଏକହେରି । ୨୮ ଏଚେଟିଏ ଦାମ୍ବୁ ପଡ଼ିତି କାତା ସାତା ଆଡ଼େ, ଏଝାସି ପାପୁ ଗାଟାରି ତଲେ ଲେକା କିଝିଆଡ଼େସି ।*

୨୯ ☆ଏ ଜିରୁଟି ହାଜିମାନି ଲକ୍ଷୁ ତାନି ଡାକ୍ତା ଗୁଟକିକିହେଁ ଏଝାଣାଇଁ ନିନ୍ଦାକିହେଁ ଏଲେଇଚେରି, “ଆବା, ମାହାପୁରୁ ଇଲୁଟି ଡିକନାଡି ଇଞ୍ଜା ତାନି ଦିନାଟିଏ ଏଦାଆଁ କେପିନାଡି, ୩୦ ପାସି ମୁଣ୍ଡାଟି ରେଚାଝାହାନା ନିଙ୍ଗେ ଗେଲ୍ପା କତାମ୍ବୁ ।”

୩୧ କାଜା ପୂଜେରାଞ୍ଜା ଜିକେଏ ଏଲେକେଁ ମେରାପୁନାରି ତଲେ ତାମ୍ବୁ ତାମ୍ବୁ ଏଝାଣାଇଁ ନିନ୍ଦାକିହେଁ ଏଲେଇଚେରି, “ଏଝାସି ଅର ଲକ୍ଷୁଇଁ ଗେଲ୍ପିତେସି, ସାମା ତାଙ୍ଗେ ଗେଲ୍ପାଲି ଆଡ଼ିହିଲଅସି । ୩୨ ଇସ୍ରାୟେଲତି ରାଜା କ୍ରାସୁତି ଇଚିହେଁ ଦେବୁଣିଏ ପାସି ମୁଣ୍ଡାଟି ରେଚା ଝାମ୍ବୁ, ଏନିକେଁ ମାମ୍ବୁ ଏଦାଆଁ ମେସାନା ନାମାନମି ।”

ଇଞ୍ଜା ଆମିନି ଗାଟାଗାଇଁ ଜାସୁତଲେ ପାସି ମୁଣ୍ଡାତା ଏକହା ମାଚେରି, ଏଝାରି ଜିକେଏ ଏଝାଣାଇଁ ନିନ୍ଦାକିତେରି ।

☆ ୧୫:୨୧ ୧୫:୨୧ ରମି ୧୭:୧୩ * ୧୫:୨୮ ୧୫:୨୮ ଜିସାୟ ୫୩:୧୨ କଚେକା ସାଡ଼େପୁରିତା ଇ କାତା ରାସ୍କି ଆହାହିଲେଏ ।
☆ ୧୫:୨୯ ୧୫:୨୯ ମାର୍କି ୧୪:୫୮; ଜହ ୨:୧୯

ଜୀସୁ ହାନାୟି

(ମାତି ୨୭:୪୫-୫୬; ଲୁକ ୨୩:୪୪-୪୯; ଜହ ୧୯:୨୮-୩୦)

୩୩ ବାର ଗଂଟା ବେଲା ଏ ଦେସା ଆନ୍ଦେରି ଆହାନା ତାନି ଗଂଟା ପାତେକା ଡ଼ୟିତେ । ୩୪ ତାନି ଗଂଟା ବେଲାତା ଜୀସୁ କାଜା ହାଡ଼ାତଲେ ହାଟାନା ଏଲେଇଚେସି, “ଏଲହି ଏଲହି ଲାମା ସାବକ୍ତାନି ?” ଇଚିହୁଁ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଜେ ଏନାଆଁତାକି ପିସ୍ତାତି ?”

୩୫ ଈ ହାଡ଼ା ଖେଞ୍ଜାନା ଦାରିତା ନିଚାମାନି ଲକୁ ଆମ୍ବା ଆମ୍ବାଆରି ଏଲେଇଚେରି, “ମେହୁଦୁ ଏଝାସି ଏଲିୟଇଁ ହାଡ଼ି ମାନେସି ।” ୩୬ ଇଞ୍ଜା ରଅସି ହଚିହୁଁ ହାଜାନା ର ଡ୍ରାଃଆଲି ପୁଲ୍ଲା ଅଜୁରି ରାସାତା ମେଡ଼ହାନା ଏଦାଆଁ ର ବାଡ଼ଗାତା ରୁପାନା ଏଝାଣାକି ଗସାଲି ହାହାନା ଏଲେଇଚେସି, “ହେଶୁ ଏଲିୟ ଇଝାଣାଇଁ ରେଲ୍ପାଲି ଖାହିମାନେସି କି ଆଏ ସିନିକିନି ।”

୩୭ ସାମା ଜୀସୁ କାଜା ଗିୟାଁତଲେ ଜଳାନା ହାଡ଼େସି ।

୩୮ ଇଞ୍ଜା ମାହାପୁରୁ ଇଲୁତା ଲେତାମାନି ହିମ୍ବୁରି ଲାକଟିଏ ଡ଼ଇ ପାତେକା ଗେଞ୍ଜାନା ରୀ ବାଗା ଆଡେ । ୩୯ ଏଝାଣି ନକିତା ନିଚାମାନି ପାସାକଡ଼ି କସ୍କା ମୁହେଁ କାଜାସି ଏଝାଣି ଇଲେଚି ହାଡ଼ାଣି ମେସାନା ଏଲେଇଚେସି, “ସାଡେଏ, ଇଝାସି ମାହାପୁରୁତି ମୀରୁଏସି ମାଡେସି ।”

୪୦ ଏଚେକା ଇୟାସିକା ଜିକେଏ ହେକଟି ସିନିକିହିମାରୁ; ଏଝାସିକା ବିତ୍ରାଟି ମଗଦଲିନି ମରିୟମ, ଉଣା ଜାକୁବ ଇଞ୍ଜା ଜସିତି ଇୟା ମରିୟମ, ଅଡେ ସାଲମି ମାରୁ; ୪୧ ଏଝାସି ଗାଲିଲିତା ମାଗାଟି ଏଝି ଏଝାଣି ଜେତ ହାଜାନା ଏଝାଣି ସେବା କିହିମାରୁ; ଏଝାସିକା ତଲେ ଜିରୁସାଲମତା ଖାହାମାନି ହାରେକା ଇୟାସିକା ସିନିକିହିମାରୁ ।

ଜୀସୁଇଁ ମାହଣି ମାଣ୍ଡାତା ମୁହନାୟି

(ମାତି ୨୭:୫୭-୬୧; ଲୁକ ୨୩:୫୦-୫୬; ଜହ ୧୯:୩୮-୪୨)

୪୨ ଖେଡ଼ା ହାଜିମାଗାଟି, ଏ ଦିନା ତିୟାରା ଆନ୍ଦି ଦିନା ଇଚିହୁଁ ଜମିନି ଦିନାତି ନକିତି ଦିନା ମାତାକି, ୪୩ ହାରାମାତିୟାତି ଜସେପ ଦରୁଗାଟି କାଜା ବେରଣିମାଣ୍ଡାତି ମାନ୍ଦି ଗାଟାସି ମାଡେସି, ଇଞ୍ଜା ଆନିନିଗାଟାସି ତାନୁଏ ମାହାପୁରୁତି ରାଜି କାଟିମାଡେସି, ଏଝାସି ସାସାତଲେ ପିଲାତ ତାଣା ହାଜାନା ଜୀସୁତି ଆଜ୍ଞା ରାସ୍ତେସି । ୪୪ ସାମା ଏଝାସି ହାଡ଼େସିଏ ଈ କାତା ପିଲାତ ଖେଞ୍ଜାନା କାବା ଆଡେସି, ଇଞ୍ଜା ପାସାକଡ଼ି କସ୍କା ମୁହେଁ କାଜାଣାଇଁ ତାଗେ ହାଟାନା ଖେଡେସି, “ଏଝାସି ହାହାନା ହାରେକା ବେଲା ଆଡେୟିଏ ?”

୪୫ ପାସାକଡ଼ି କସ୍କା ମୁହେଁ କାଜାଣି ତାଣାଟି ଏ କାତା ପୁଞ୍ଜାନା ଆଜ୍ଞାତି ଅହାଲି ଜସେପଇଁ ହେଲ ହାଡେସି । ୪୬ ଏଝାସି ର ପାଡ଼ାଡ଼ା ହିମ୍ବୁରି କଡାନା ଏଝାଣାଇଁ ରେପହା ତାଗାନା ଏ ହିମ୍ବୁରି ରୁପିତେସି ଇଞ୍ଜା ହରୁତା କାରହାମାନି ମାଡ଼ହା ମୁହନି ଚାୟୁତା ଏଝାଣାଇଁ ଇଟାନା ଦୁଝେରିତା ର କାଜା ଖାଲି ଉସି କିଚେରି ।

୪୭ ଏଝାଣାଇଁ ଆମିନି ଚାୟୁତା ଇଡ଼କି ଆହାମାନେ, ଏଦାଆଁ ମଗଦଲିନି ମରିୟମ ଇଞ୍ଜା ଜସି ତାନି ଇୟା ମରିୟମ ମେସାମାରୁ ।



ଜୀସୁ ଖେଣ୍ଡେ ନିଜନାୟି

(ମାତି ୨୮:୧-୮; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାୟାଲିଏ ମଗଦଲିନି ମରିୟମ, ଜାକୁବ ତାନି ଇୟା ମରିୟମ, ଇଞ୍ଜା ସାଲମି ଗାନ୍ଦାଗାଟି ନିହୁଁ କଡ଼ିତୁ, ଏନିକିଁ ଏଝି ହାଜାନା ଜୀସୁ ଆଜ୍ଞାତା ରୁବାଲି ଆଡ଼ିନୁ । ୨ ଏଝି ଖାଗାଟି ମୁଲୁ ଦିନା ଲାଈ ଖେଡ଼ା ହନ୍ଦି ବେଲାତା ମାହଣି ମାଣ୍ଡାତା ହାରୁ । ୩ ଏଝି ତାମ୍ବୁ ତାମ୍ବୁ ଟୁଝେସି ଆହିମାରୁ, “ଆମ୍ବାଆସି ମାଜେତାକି ମାହଣି ମାଣ୍ଡା ଦୁଝେରିତି ଖାଲି ଉସିକିହା ହିୟାନେସି ?” ଏନାଆଁତାକି ଇଚିହୁଁ ଏ ଖାଲି ହାରେକା କାଜାୟି ମାଡେ । ୪ ସାମା ଏଝି ଏମ୍ବାଆଁ ସିନିକିନି ବେଲାତା, ଖାଲି ଉସିକିଝି ଆହାମାଡେ । ୫ ଏଝି ମାହଣି ମାଣ୍ଡାତା ହଡ଼ାନା ଦବଲା ହିମ୍ବୁରି ହୁଟାମାନି ର ଦାଂଗଣେଏଣାଇଁ ଟିଠନିଖାକି କୁଗାମାନାଣି ମେସାନା ହାରେକା କାବାଆଡୁ ।

୬ ଏମ୍ବାଟିଏ ଏଝାସି ଏଝାସିକାଣି ଏଲେଇଚେସି, “ଆଜାଆଦୁ; ମୀରୁ ପାସି ମୁଣ୍ଡାତା ହାହାମାନି ନାକଡ଼ିତ ଜୀସୁଇଁ ପାରିମାଞ୍ଜେରି; ଏଝାସି ନିଜାମାନେସି, ଏଝାସି ଇମ୍ବାଆଁ ହିଲଅସି, ସିନିକିଦୁ ଇମ୍ବାଆଁ ଏଝାଣାଇଁ ଇଟାମାଡେରି । ୭ ସାମା ମୀରୁ ହାଜାନା ତାନି ସାସୁୟାଁ ଇଞ୍ଜା ପିତରଇଁ ଖେହୁଦୁ, ଏଝାସି ମୀ ନକି ନକିତା

☆ ୧୫:୪୦ ୧୫:୪୦ ଲୁକ ୮:୨୩ ☆ ୧୭:୭ ୧୭:୭ ମାତି ୨୭:୩୨; ମାର୍ଚ୍ଚ ୧୪:୬୮

ଗାଲିଲିତା ହାଜିମାନେସି; ଏଝାସି ମିଙ୍ଗେ ଏନିକ୍ ଝେସାମାଞ୍ଜାତେସି, ଏଲେକିହି ଏ ମୀରୁ ଏଝାଣାଲ୍ ଏମ୍ବାଆଁ ମେହ୍‌ଦେରି ।^୮

୮ ଏମ୍ବାଟିଏ ଏଝି ମାହ୍‌ଣି ମାଣ୍ଡାଟି ହରୁ, ଇଚିହି ଏଝି କାବା ଆହାନା ଆଜିତାକି ତୀରରିମାରୁ, ଇଞ୍ଜା ଆମ୍ବାଆରାଲ୍ ଏନାଆଁ ଝେହ୍‌ଆଡୁ* ।

ଜୀସୁ ମଗ୍‌ଦଲିନି ମରିୟମଲ୍ ତଞ୍ଜା ଆନାୟି

(ମାତି ୨୮:୯-୧୦; ଜହ ୨୦:୧୧-୧୮)

୯ ଝାରାତି ମୂଲୁତି ଦିନା ଲାଈସିଏ ଏଝାସି ଝେଣ୍ଡେ ନିଙ୍ଗାନା, ଆମିନିଗାଟାଣି ସାଡାଗଟା ବୁଡୁୟାଁ ପିସ୍‌ପି କିହାମାଚେସି, ଏ ମଗ୍‌ଦଲିନି ମରିୟମନି ତଲିଏ ତଞ୍ଜାଆଡେସି ।^{୧୦} ଏଡି ହାଜାନା ଆମିନି ଗାଟାରି ତାମିତଲେ ମାଚେରି, ଏଝାରାଲ୍ ଝେସ୍ତେ; ଇଚିହି ଏଝାରି ଦୁକୁଟି ଡାହି ମାଚେରି ।^{୧୧} ଜୀସୁ ନୀତାମାନେସି, ଇଞ୍ଜା ଏଡାନି ତଞ୍ଜା ଆହାମାନେସି, ଇଦାଆଁ ଝେଞ୍ଜାନା ଏଝାରି ନାମାଆତେରି ।

ଜୀସୁ ରୀ ସୀସୁୟାଁଣି ତଞ୍ଜା ଆନାୟି

(ଲୁକ ୨୪:୧୩-୩୫)

୧୨ ଏଚେଟିଏ ଇ ବାରେ ଆଡି ତାୟୁ ଏଝାରି ବିତ୍ରାଟି ରୀ ସୀସୁୟାଁ ର ନାୟୁଡା ହାଜିମାଚାଟି ଏଝାସି ଅରୁ ଝାଣା ତଲେ ଏଝାରାଲ୍ ତଞ୍ଜାଆଡେସି, ୧୩ ଇଞ୍ଜା ଏଝାରି ହାଜାନା ଏଡକା ତାରାଲ୍ ଝେସ୍ତେରି; ସାମା ଏଝାରି କାତା ଜିକେଏ ଏଝାରି ନାମାଆତେରି ।

ଜୀସୁ ଏଗାର ଜାଣା ସୀସୁୟାଁଲ୍ ତଞ୍ଜା ଆନାୟି

(ମାତି ୨୮:୧୭-୨୦; ଲୁକ ୨୪:୩୬-୪୯; ଜହ ୨୦:୧୯-୨୩; କାମା ୧:୬-୮)

୧୪ ଏମ୍ବାଟିଏ ଏଗାର ଜାଣା ସୀସୁୟାଁ ତିଞ୍ଜାଲି କୁଗାମାଚାଟି ଜୀସୁ ଏଝାରାଲ୍ ତଞ୍ଜାଆଡେସି ଇଞ୍ଜା ଏଝାରି ନାମିହିଲାଆତାକି ଇଞ୍ଜା ହିୟାତି ଆଡ଼ଝାତାକି ଏଝାରାଲ୍ ଦାକା ହାଡେସି, ଇଚିହି ଆମିନି ଗାଟାରି ଏଝାଣି ଝେଣ୍ଡେ ନିଙ୍ଗିତାଣି ମେସାମାଚେରି, ଏଝାରି କାତା ଏଝାରି ନାମା ହିଲାଆତେରି ।^{୧୫} ଇଞ୍ଜା ଜୀସୁ ଏଝାରାଲ୍ ଏଲେଇଚେସି, “ମୀରୁ ବାରେ ଦାର୍‌ଡିତା ହାଜାନା ବାରେ କୁଡାଟି ଲକୁଡାଣା ନେହି କାରୁ ଝେହ୍‌ଦୁ ।^{୧୬} ଆମ୍ବାଆସି ନାମାନା ବାପ୍ତିସ୍ମା^{୧୬} ଅନେସି ଏଝାସି ଗେଲ୍‌ପି ଆନେସି; ସାମା ଆମ୍ବାଆସି ନାମଅସି ଏଝାସି ତଣ୍ଡ ବେଟାଆନେସି ।^{୧୭} ଇଞ୍ଜା ନାମିନାରାକି ଇ ସିନାୟାଁ ଆନୁ, ଏଝାରି ନା ଦରୁତଲେ ବୁଡୁୟାଁ ପିସ୍‌ପି କିନେରି, ପୁଝିନି ପୁଝିନି ହାଡାତଲେ ଜଲିନେରି,^{୧୮} କେସ୍‌ସାତଲେ ରାସ୍‌କା ଆହନେରି, ଇଞ୍ଜା ହାନ୍ତି ଅସ ଗସ୍ତିହି ଜିକେଏ ଏଝାରି ଏନାଆଁ ଆଅରି; ଏଝାରି ନଫେରି ଦୁକା ଗାଟାରି ଲାକ କେୟୁ ଇଚିତିହି ଏଝାରି ନେହି ଆନେରି ।”

ଜୀସୁ ଲାକପୁରୁ ଅଝିଆନାୟି

(ଲୁକ ୨୪:୫୦-୫୩; କାମା ୧:୯-୧୧)

୧୯ ଇଲେକିହି ଏଝାରାଲ୍ ବାରେ କାତା ଝେସ୍ତି ତାୟୁ ଜୀସୁ ଲାକପୁରୁ ଅଝିଆହାନା ମାହାପୁରୁତି ଚିଝିନିଝାକି କୁରିତେସି ।^{୨୦} ସାମା ଏଝାରି ହାଜାନା ବାରେଝାକି କାରୁ ଝେସ୍ତେରି, ଇଞ୍ଜା ପ୍ରବୁ ଜୀସୁ ଏଝାରିତଲେ କାମା କିହାନା ତାନି ବାରେ ସିନାୟାଁ ତଲେ ଏଝାରି ଝେକ୍‌ହାମାନାଣି ସାତା ଇଞ୍ଜା ତସ୍ତେସି ।

* ୧୭:୮ ୧୭:୮ ଏଝି ପିଚର ତଲେ ମାତି ବାରେ ଲକୁଡାଣା ଏ କାତା ଝେସ୍ତି ୧୭:୨୦ ଇଦାଆଁ ତାୟୁ, ଜୀସୁ ତାନ୍‌ଏ ଜିକେଏ ଏଝାସିକା ତଲେ ସୁଦୁ ଅଡେ କାଲ୍‌କାଲ୍‌ଗି ଗେଲ୍‌ପି ଆନାଣି ଝେକ୍‌ହାଲି ତାକି ଝେଡା ହସ୍ତୁ ଝାକିଟି ଝେଡା ହାନ୍ତି ଝାକି ପାଣିତେସି । † ୧୭:୧୭ ୧୭:୧୭ ମୁଞ୍ଜିନାୟି ☆ ୧୭:୧୯ ୧୭:୧୯ କାମା ୧:୯-୧୧

ଲୁକ ଲିଖିତ ସୁସମାଚାର ଲୁକ ରାଜାମାନି ନେହଁ କାବୁ ମୁଲୁ ହାଡ଼ା

ଲୁକ ରାଜାମାନି ନେହଁ କାବୁତା ଜୀସୁ କ୍ରୀସ୍ତ ଜୀବୁତି କାତା ରାସ୍ତି ଆହାମାନେ । ପୁଃନି ମେରାତି ସାରିଗଟା ନେହଁ କାବୁ ପତିୟା ବିଦ୍ରାଟି ଇଦି ରଣି “ନେହଁ କାବୁ” ଇନେରି । ଇ ବାରେ ପ୍ରବୁ ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡେ ଜହନ ରାଜାମାନେରି । ଲୁକ ଜୀସୁ ମାହାପୁରୁଖାଣି ଏନାଆଁ ଗଟାଞ୍ଜି ଆହାମାନେ ଅଡେ ଜୀସୁ ହାହାନା ଖେଣ୍ଡେ ନିଜିତି ତାୟୁ ଲାକପୁରୁ ହାଚାଣି ଇଞ୍ଜା ତାମି ସୀୟୁୟାଁ ଏନିକଁ କାମା କିତେରି ଏ ବାରେ ରାଜାମାନେସି । ଏ ପତିଇଁ “ପାଣ୍ଡୁଞ୍ଜି ଆହାମାନାରି କାମା” ଇଞ୍ଜା ଇନେରି । ଇ ପତି ଏଡେତା ରାସ୍ତି ଆହାମାନେ, ଅଡେ ଆନିନି ଚାୟୁତା ରାସ୍ତି ଆହାମାନେ, ଏ କାତା ଆମ୍ବାଆସି ନେହଁକଁ ପୁଞ୍ଜାହିଲଅସି, ଇ ପତି ଜୀସୁ କ୍ରୀସ୍ତ ଜାର୍ନା ଆଡ଼ି ୭୨ ବାର୍ଯା ତାୟୁ ରାସ୍ତି ଆହାମାନେ ।

ଇ ପତିତା ଜୀସୁ ଇସ୍ରାୟେଲତି ଗେଲ୍ପିନାସି ଅଡେ ବାରେ କୁଡାତି ଲକୁଣି ଗେଲ୍ପିନାସି ଇଞ୍ଜା ଲୁକ ତାନି ନେହଁ କାବୁତା ରାଜାନା ତସାମାନେସି । ହିଲାଆ ଗାଟାରି ତାଣା ନେହଁ କାବୁ ଝେକହାଲି, ମାହାପୁରୁତି ସୁଡୁଜୀସୁ ଜୀସୁଇଁ ଆଚାମାନେ, ଇଞ୍ଜା ଜୀସୁ ଏନିକଁ ହାରେକା ଦେବା ଦୁକୁ କସ୍ତ ଗାଟାରାଇଁ ଅଡେ ହିଲାଆଗାଟାରାଇଁ ସାୟେମି କିହାମାନେସି ଲୁକ ରାଜାମାନେସି ।

ଜୀସୁ ଜାର୍ନାଆଡ଼ି ବେଲାତା ଦୁଡୁୟାଁ ପାଚୁ ପାଟିନାସି ଅଡେ ମେଣ୍ଡା ଗଡ଼କା ଜୀସୁଇଁ ବେଟି ହାନାସି, ଜୀସୁ ବାବୁ ବାର୍ଯା ଆହାମାଚାଟି ମାହାପୁରୁ ଇଲୁତା ହାନାସି, ଇଞ୍ଜା ନେହଁ ସମିରଣି ଅଡେ ଜାଜିତି ମୀରୁଏଣି ପୁଣ୍ଡିକିନି କାତା ଇ ବାରେ ସାରିଗଟା ନେହଁ କାବୁ ରାଜାମାନାରି ବିଦ୍ରା ଲୁକ ନେହଁକଁ ରାଜାନା ତସାମାନେସି । ଅଡେ ମାହାପୁରୁ ତାଣା ପ୍ରାଚାନା କିନାଣି ଜିକେଏ ଲୁକ ହାରେକା ରାଜାନା ତସାମାନେସି ୩:୨୧; ୬:୧୬; ୬:୧୨; ୧୧:୧-୧୨ । ସୁଡୁଜୀସୁ ବେଟାଆନି କାତା, ଜୀସୁଇଁ ସେବାକିନି ଇୟାସିକା କାତା ଇଞ୍ଜା ମାହାପୁରୁ ଲକୁଇଁ ତାମି ପାପୁ ମେକ୍ସିନି କାତା ଇ ବାରେ କାତା ଲୁକ ହାରେଏ ନେହଁକଁ ରାଜାନା ଝେସାମାନେସି ୩:୩; ୧୧:୪; ୧୭:୩-୪; ୨୩:୩୪; ୨୪:୪୭ ।

ପତିତା ମାନାସି

- ୧. ଲୁକ ଝେକ୍ସନାସି ଅଡେ ଏନାଆଁତାକି ରାଜାମାନାଣି ଝେହନାସି । ୧:୧-୪
- ୨. ଜୀସୁ କ୍ରୀସ୍ତ ଜାର୍ନା ଅଡେ ସେବା କାମା ମାଟ୍ଟନାସି । ୧:୫-୪:୧୩
- ୩. ଜୀସୁ କ୍ରୀସ୍ତତି କାବାଆନି କାମାୟାଁ ଅଡେ ଜାପ୍ଟନାସି । ୪:୧୪-୨୧:୩୮
- ୪. ଜୀସୁ କ୍ରୀସ୍ତ ହାନାସି, ମାହାଣିଣା ମୁହନାସି ଅଡେ ଝେଣ୍ଡେ ନିଜିନାସି । ୨୨:୧-୨୪

ମାଟ୍ଟନି କାତା

^୧ ମୁଲୁଟିଏ ଆମ୍ବାଆରି ତୀରେ ମେସାରି ଇଞ୍ଜା ବଲୁ ଝେକ୍ସନାରି, ଏଞ୍ଜାରି ମାଜେ ହେରପା ମାଞ୍ଜାନି ଲେହେଁ, ^୨ ମା ବିଦ୍ରା ଆହାମାନି କାମା ବାରେ ହାରେକା ନେହଁକଁ ରାଚାଲି ଜାଗାତା ଆହାମାନେରି । ^୩ ଜୀବୁତି ତିୟପିଲ, ମୁଲୁଟିଏ ବାରେ କାତା ନେହଁକଁ ସିନିକିହାନା ଏମ୍ବାଆଁ ଏନାସି ମାନେ ଏନାଆଁ ନିଜେତାକି ରାଚାଲି ନାନୁ ଜିକେଏ ନେହେଁ ଇଞ୍ଜା ଅଣପିତେଏଁ । ^୪ ଏନିକଁ ନାନୁ ଏ ବାରେ କାତା ଜାପାମାଞ୍ଜି, ଏଦି ସାତା ଇଞ୍ଜା ପୁଞ୍ଜାଲି ଆଡ଼ିଦି ।

ବାପ୍ତିସ୍ତା* ହାନି ଜହନତି ଜାର୍ନାତି କାବୁ

^{*} ଜୀହୁଦା ଦେସାତି ରାଜା ହେରଦ ବେଲାତା ଅବିୟ କୁଡାତି ଜିକରିୟ ଦରୁଗାଟି ର ପୁଜେରା ମାରେସି; ତାନି ତକ୍ତି ହାରଣ କୁଡାତି ମାଜା, ଏନାନି ଦରୁ ଏଲିସାବେତ । ^୧ ଜିକରିୟ ଅଡେ ଏଲିସାବେତ ମାହାପୁରୁତି ହୁକୁମି ଇଞ୍ଜା ମେରା ତଲେ ଦହ ହିଲାଆଗାଟାଞ୍ଜି ଆହାନା ମାହାପୁରୁ ନକିତା ଦାମ୍ବୁ ଗାଟାଇ ମାଚୁ । ^୨ ସାମା ଏଞ୍ଜାରାକି କକାରି ପଦାୟାଁ ହିଲାଆଡୁ, ଇତିହଁ ଏଲିସାବେତ ବାଝେଣି ମାଚେ, ଅଡେ ତକ୍ତି ତକ୍ତା ରିଆରି ଜିକେଏ ଗାଡ଼ି ବୁଡ଼ହି ବୁଡ଼ହା ଆହାମାନେରି ।

* ୧:୪ ୧:୫ ମୁଞ୍ଜନାସି

୮ ର ଦିନା ଜିକରିୟ ତାମି ଗଚିତି ପାଲି ଏଜାଲିଏ ମାହାପୁରୁ ନକିତା ପୂଜେରା କାମା କିନି ବେଲାତା, ୯ ପୂଜେରା କାମାତି ମେରା ତଲେ ଆଡ଼ି ଆହାନା ଏଝାଣାକି ମାହାପୁରୁ ଇଲୁତା ହତାନା ଦୁପ୍ପଣି ହାହାଲି ଆଡେ, ୧୦ ଇଞ୍ଜା ଦୁପ୍ପଣି ହାନି ବେଲାତା ବାରେ ଲକୁ ପାଙ୍ଗାମା ପ୍ରାଡାନା କିହିମାଚେରି ।

୧୧ ଏଚିବେଲା ମାହାପୁରୁତି ର ଦୁତୁ ଦୁପ୍ପଣି ପିଣ୍ଡା ଚିଝନିଝାକି ନିତାନା ଏଝାଣାଇଁ ତଞ୍ଜାଆଡେ । ୧୨ ଜିକରିୟ ଏଡାଣି ମେସାନା କାବାଆହାନା ଆଜିତେସି । ୧୩ ସାମା ଦୁତୁ ଏଝାଣାଇଁ ଏଲେଇଚେ, “ଜିକରିୟ, ଆଜାଆନି, ଇଚିହୁଁ ମୀ ଗହାରା ଝେଣ୍ଡି ଆହାମାନେ, ଇଞ୍ଜା ନୀ ତକ୍ତି ଏଲିସାବେତ ନିଙ୍ଗେତାକି ର କକାଣାଇଁ ଜାନି କିନେ, ଇଞ୍ଜା ଏଝାଣି ଦରୁ ଜହନ ଇଞ୍ଜୁଁ ହାଦେରି । ୧୪ ଇଚିହୁଁ ଏଝାସି ମୀ ରାହୁଁତି ରାହୁଁ ଆନେସି, ଇଞ୍ଜା ହାରେକା ଏଝାଣି ଜାନିତା ରାହୁଁ କିନେରି । ୧୫ ଇଞ୍ଜା ଏଝାସି ମାହାପୁରୁ ନକିତା କାଜାସି ଆନେସି; ଏଝାସି ଅଙ୍ଗୁରି ରାସା କି କାଡୁ ଏଚେଲାଝା ଗହସିସି, ଇଞ୍ଜା ତାଲିନି ବାଣ୍ଡିଚିଏ ସୁଦୁଜାସୁତା ବେଗାଆନେସି, ୧୬ ଏଝାସି ଇସ୍ରାୟେଲ ମୀରୁକା ବିଡ୍ରାତି ହାରେକା ଲକୁଇଁ ମାହାପୁରୁ ଝାକି ଝେଡ଼ହା ତାନେସି । ୧୭ ତାଞ୍ଜାୟି ହିୟାଁ ମୀରୁକା ଝାକି ଇଞ୍ଜା କାତା ମାନୁଝି ଆପାଗାଗାରାଇଁ ତାରିଗାଟି ବୁଦିତା ତାକାଲି ଝେଡ଼ହା ତାଗାଲି ଇଞ୍ଜା ମାହାପୁରୁ ତାକି ତିୟାରା ଆହାମାନି ର ଲକୁତି କୁଲମି ଜାଗ୍ରାତା କିହାଲି ବାପ୍ପିସ୍ତାଁ ହାନି ଜହନ ଏଲିୟତି ଜାସୁ ଅଡେ ବାଡ଼ୁୟୁ ତଲେ ପ୍ରବୁତି ନକିତା ତାକିନେସି ।”

୧୮ ଏଚେଟିଏ ଜିକରିୟ ଦୁତୁଇଁ ଏଲେଇଚେସି, “ନାନୁ ଆମିନି ସିନା ତଲେ ପୁଇଁ ? ଇଚିହୁଁ ନାନୁ ବୁଡ଼ହାଚେସି, ଇଞ୍ଜା ନା ତକ୍ତିନି ବାସା ଗାତି ଆଡେସିଏ ।”

୧୯ ଦୁତୁ ଏଝାଣାଇଁ ଏଲେଇଚେ, “ନାନୁ ଗାବ୍ରିୟେଲ, ନାନୁ ମାହାପୁରୁ ନକିତା ନିତା ଡ଼ୟିନାଚେସି, ଇଞ୍ଜା ନିଙ୍ଗେ ଝେସାଲି ଅଡେ ଇ ନେହୁଁ କାଡୁ ପୁଣ୍ଡି କିହାଲି ନାନୁ ପାଣ୍ଡୁଝି ଆହାମାଇଁ । ୨୦ ମେହମୁ ଇ ବାରେ ଆଆପାଚେକା ନାନୁ ବେବଡ଼ା ଆହାନା ଡ଼ୟିଦି, ଇଚିହୁଁ ନା ଆମିନି କାତା ସାତା ଆନେ ଏ ବାରେ ନାନୁ ନାମାଆତି ।”

୨୧ ଏମ୍ବାଟିଏ ଲକୁ ଜିକରିୟଇଁ କାଟିମାଚେରି, ଇଞ୍ଜା ମାହାପୁରୁ ଇଲୁତା ଇଚେକା ଝେଡ଼ା ଆଡ଼ାକି କାବା ଆହିମାଚେରି । ୨୨ ସାମା ଏଝାସି ପାଙ୍ଗାତା ଝାହାନା ଏଝାଣାଇଁ କାତା ଆହାଲି ଆଡ଼ାଆଚେସି; ଏମ୍ବାଟିଏ ଏଝାସି ମାହାପୁରୁ ଇଲୁତା ଏଦାଆଁ ମେସାମାନେସି ଇଞ୍ଜୁଁ ଏଝାରି ପୁଚେରି, ଇଞ୍ଜା ଏଝାସି ଏଝାଣାଇଁ କେୟୁ ହୁଟିହୁଁ ତସାଲି ମାଡ଼ହେସି ଇଞ୍ଜା ବେବଡ଼ା ଆହାନା ଡ଼ୟିଚେସି ।

୨୩ ତାୟୁ ମାହାପୁରୁ ଇଲୁତି ସେବା କାମା ରାୟାଲିଏ, ଏଝାସି ତାମି ଇଜ ହାଚେସି । ୨୪ ଏଚରଦିନା ହାଚି ତାୟୁ ତାନି ତକ୍ତି ଏଲିସାବେତ ପୁରାମାସା ଆଡେ ଅଡେ ଏଦି ପାସା ଲେଞ୍ଜୁ ପାଚେକା ଲକୁଣି ତଞ୍ଜା ଆଆଡେ । ୨୫ ଏଦି ଏଲେଇଚେ, “ନାସି ନାଙ୍ଗେ ପ୍ରବୁ କାମାମେସାନା ଲକୁ ନାଙ୍ଗେ ଲାଜା କିହିମାଞ୍ଜାତାଣି ପିସପି କିହାଲି ନାଙ୍ଗେ ଇଲେକିଁ କିହାମାଞ୍ଜାନେସି !”

ଜାସୁ ଜାନିତି କାଡୁ

୨୬ ଏଲିସାବେତ ପୁରାମାସା ଆହାନା ସ ଲେଞ୍ଜୁ ଆହାଲିଏ ଗାବ୍ରିୟେଲ ଦୁତୁ ମାହାପୁରୁ ତାଣ୍ଡାଟି ଗାଲିଲିତି ନାଜ୍ଜରିତ ଗାଡ଼ାତି ର ଡ଼ାଆ ପଦାନି ତାଣ୍ଡା ପାଣ୍ଡୁଝିଆଡେ; ୨୭ ଏ ଡ଼ାଆ ପଦାନି ଦାସୁଦ କୁଡ଼ାତି ଜସେପ ଇନାଣାକି ରାସା ମାଚେସି; ଏ ଡ଼ାଆ ପଦା ଦରୁ ମରିୟମ । ୨୮ ଦୁତୁ ପଦା ତାଣ୍ଡା ଝାହାନା ଏଲେଇଚେ, “ଆଲ ମାହାପୁରୁତି କାମା ମେହନାତି ନିଙ୍ଗେ ହିଡ଼ଡ଼ି ଆୟାପେ !”

୨୯ ମରିୟମ ଏ ହାଡ଼ା ଝେଞ୍ଜାନା ଇଦି ଏନିଲେହେଟି କାତା ଇଞ୍ଜୁଁ ଆଜାନା ମନତା ଅଣ୍ଡିପେ । ୩୦ ଏମ୍ବାଟିଏ ଦୁତୁ ଏଲେଇଚେ, “ଆଲ ମରିୟମ ଆଜାଆନି; ନିଙ୍ଗେ ମାହାପୁରୁ କାମା ମେସାମାଞ୍ଜାନେସି । ୩୧ ନାନୁ ପୁରାମାସା ଆହାନା ର ମୀରୁଏଣାଇଁ ବେଗାଆଦି ଏଝାଣି ଦରୁ ଜାସୁ ଇଞ୍ଜୁଁ ଇଚିଦେରି । ୩୨ ଏଝାସି କାଜାସି ଆନେସି ଇଞ୍ଜା ମାହାପୁରୁ ମୀରୁଏସି ଇଞ୍ଜୁଁ ଝେଞ୍ଜାନେସି; ପ୍ରବୁ ମାହାପୁରୁ ଏଝାଣାକି ତାମି ଆକୁ ଦାସୁଦତି ସିଂଗାସାଣି ହାନେସି, ୩୩ ଏଝାସି ଜାକୁବ କୁଡ଼ାତା ଜୁଗୁ ଜୁଗୁତାକି ରାଜି କିନେସି, ଇଞ୍ଜା ଏଝାଣି ରାଜି ଏଚେଲାଝା ରାଏ !”

୩୪ ସାମା ମରିୟମ ଦୁତୁଇଁ ଏଲେଇଚେ, “ଇଦି ଏନିକିଁ ଆନେ ? ନାନୁ ତକ୍ତାଇଁ ଜିକେଏ ପୁଞ୍ଜାହିଲଅଁ !”

୩୫ ଦୁତୁ ଏଲେଇଚେ, “ସୁଦୁଜାସୁ ନୀ ଲାକ ରେଚାଝାଡେନ ଅଡେ ମାହାପୁରୁତି ବାଡ଼ୁୟୁ ଝାଡେନ, ଏଦାଆଁତାକି ନୀ ତାଣ୍ଡାଟି ଜାନି ଆନେସି, ଏଝାସି ମାହାପୁରୁତି ମୀରୁଏସି ଇଞ୍ଜୁଁ ଝେଞ୍ଜାନେସି । ୩୬ ଅଡେ ମେହମୁ ନୀ କୁଡ଼ାତି ଏଲିସାବେତ ଜିକେଏ ବୁଡ଼ହି ବେଲାତା ପୁରାମାସା ଆହାମାନେ । ଆମିନି ଇୟା ବାଝେଣି ଇଞ୍ଜୁଁ

† ୧:୧୭ ୧:୧୭ ମୁଞ୍ଜିନାୟି ☆ ୧:୨୭ ୧:୨୭ ମାଟି ୧:୧୮ ✨ ୧:୩୧ ୧:୩୧ ମାଟି ୧:୨୧

ଝେଙ୍ଗାମାନେ, ଏହି ନୀର୍ଯ୍ୟ ସ ଲେଖୁ ଆହ୍ୱାନାମାନେ; ୩୭ ଇତିହାସ ମାହାପୁରୁତ ବଲୁ ବାଡ଼ୁଛୁ ହିଲାଆଗାଟାୟି ଆଏ ।”

୩୮ ଏମ୍ବାଟିଏ ମରିୟମ ଏଲେଇରେ, “ନାନୁତ ପ୍ରବୁତି ହଲେଣିତେଏ; ନୀ କାତେଏ ନାଜେତାକି ଆୟାପେ ।” ଏମ୍ବାଟିଏ ଦୂତୁ ଏଦାନି ତାଣାଟିଏ ହାଚେ ।

ମରିୟମ ଏଲିସାବେତ ଇଜ ହାନାୟି

୩୯ ଏମ୍ବାଟିଏ ମରିୟମ ନିଙ୍ଗାନା ଜୀହୁଦା ଦେସାତି ହରକା ରାଜିତି ର ଗାଡ଼ାତା ତବେ ହାଚେ, ୪୦ ଅଡେ ଜିକରିୟ ଇଜ ହାଜାନା ଏଲିସାବେତନି ଜହରା କିଚେ । ୪୧ ଅଡେ ଏଲିସାବେତ ମରିୟମନି ଜହରା ଝେଣମ୍ବନିଏ ତାନି ବାଣ୍ଡିତି ମୀଲା ଖାତିଚେ, ଇଞ୍ଜା ଏଲିସାବେତ ସୁଦୁନୀସ୍ତୁଟି, ୪୨ କାଜା ଗିୟାତଲେ ଏଲେଇଚେ, “ଇୟାସିକା ବିତ୍ରାଟି ନୀନୁ ହାରେକା ନେହାତି, ଇଞ୍ଜା ନୀ ବାଣ୍ଡିତି ମୀଲା ଜିକେଏ ନେହାୟି ! ୪୩ ଅଡେ ନା ପ୍ରବୁତି ଇୟା ନା ତାଣା ଖାନ୍ନେ ଇ କାର୍ମା ନାଜେ ଏମ୍ବିଟି ଖାଡେ ? ୪୪ ଇତିହାସ ନୀ ଜହରା ହାଡ଼ା ନା କିୟା ଝେଣମ୍ବନିଏ ନା ବାଣ୍ଡିତି ମୀଲା ରାହାଟି ଖାତିଚେ ୪୫ ଆନିନି ଗାଟାୟି ନାନିଚେ ଏଦାନାକି ନେହେ, ଇତିହାସ ପ୍ରବୁ ତାଣାଟି ଏଦାନାକି ଏନାଆଁ ଝେସ୍ପି ଆହ୍ୱାନାମାନେ ଏ ବାରେ ପୂରା ଆନ୍ନେ !”

ମରିୟମତି ଜହରା ପାରୁ

୪୬ ଏଚେଟିଏ ମରିୟମ ଏଲେଇଚେ, “ନା ଜୀହୁ ପ୍ରବୁତି ଜହରା କିହମାନେ;

୪୭ ଅଡେ ନା ଜୀହୁ ନାଜେ ଗେଲପାନି ମାହାପୁରୁ ତାଣା ରାହାଁ ଆହିମାନେ,

୪୮ ଇତିହାସ ଏଝାସି ତାନି ହଲେଣିନି କାର୍ମା କାକୁଲି ମେସାମାନେସି ।

ଏନିଇତିହାସ ନୀସ୍ତୁଟିଏ ବାରେ ଲକୁ ନାଜେ ନେହାୟି ଇଞ୍ଜା ଜଲାନେସି,

୪୯ ଇତିହାସ ଆମ୍ବାଆସି ବାରେକିହାଁ ବାଡ଼ୁଛୁଗାଟି ମାହାପୁରୁ ଏଝାସି ନା ତାକି କାଜା କାମା କିହାମାନେସି,

ଏଝାଣି ଦରୁ ସୁଦୁ;

୫୦ ଇଞ୍ଜା ତାଜେ ଆଜିନାରାକି ପାରୁ ପାରୁ ତାକି ତାନି କାର୍ମାମେହନାୟି ତୁୟିନେ ।

୫୧ ଏଝାସି ତାନି ବାଡ଼ୁଛୁଗାଟି କେୟୁଟି କାଜା କାମା କିହାମାନେସି,

ତାହାରା ଗାଟାରାଇଁ ଏଝାରି ହିୟାତି ଅଣପୁତା ମାନାଣି ଗୁଟି କିହାମାନେସି;

୫୨ ଏଝାସି ସାଲୁଝି କିନାରାଇଁ ତାନି ରାଜା ଗାଦି ପିସ୍ପି କିହାମାନେସି,

କାକୁଲି ଗାଟାରାଇଁ ନିକହାମାନେସି,

୫୩ ଏଝାସି ହାକି ଗାଟାରାଇଁ ନେହାସି ଆସ୍ତୁ ହାହାନା ପାଞ୍ଜି କିହାମାନେସି,

ଇଞ୍ଜା ଦନ ଗାଟାରାଇଁ ଖାନ୍ନେ କେୟୁଟି ପାଣ୍ଡାମାନେସି ।

୫୪ କାଲାକାଲା ତାକି ଅଣ୍ଡାପାଲି ତାନି ହଲେଏସି ଇସ୍ତାୟେଲତି କାର୍ମା ଆହ୍ୱାନାମାନେସି ।

୫୫ କାଲାକାଲା ତାକି ଅତ୍ରାହାମ ଅଡେ ତାନି ବାରେ କୁଡ଼ାତାରାଇଁ କାର୍ମାମେହନାଣି ବାଣା ଆହାହିଲଅସି ।”

୫୬ ଅଡେ ମରିୟମ ତାନି ଲେଖୁ ଏଲିସାବେତ ତଲେ ତୁୟାନା ତାନି ଇଜ ଖାଡେ ।

ବାପ୍ତିସ୍ତାଁ ହାନି ଜହନତି ଜାର୍ନା

୫୭ ତାୟୁ ଏଲିସାବେତ ପୁରାମାସା ଏଜାଲିଏ ର କକାସି ଜାର୍ନା ଆଡେସି, ୫୮ ଅଡେ ମାହାପୁରୁ ଏଦାନି ହାରେକା କାର୍ମା ମେସାମାନାଣି ଝେଞ୍ଜାନା ତାନି କୁଡ଼ାତାରି ଇଞ୍ଜା ଅଡେ ଆର୍ହିତାରି ଏଦାନିତଲେ ହାରେକା ରାହାଁ କିଚେରି ।

୫୯ କକାସି ଖାରେକା ଆହାଲିଏ, ଏଝାରି ତଲୁ ଦାତାଲି ଖାହାନା ତାନି ଆଡ଼ା ଦରୁଲେହେଁ ତାନି ଦରୁ ଜିକରିୟ ଇଟାଲି ମନ କିଚେରି । ୬୦ ସାମା ତାନି ଇୟା ଏଲେଇଚେ, “ଆଏ ! ଏଝାଣି ଦରୁ ଜହନ ଆନ୍ନେ ।”

୬୧ ଏଝାରି ଏଲେଇଚେରି, “ମୀ କୁଡ଼ାତା ଆମ୍ବାଆରାକି ଏଲେତି ଦରୁ ହିଲେଏ !” ୬୨ ଏମ୍ବାଟିଏ ଏଝାରି ତାଞ୍ଜିଗାଟାଣାଇଁ କେୟୁ ହୁଟାନା କକାଣାଇଁ ଏନି ଦରୁ ଇଟିନାୟି ଇଞ୍ଜା ଝେଚେରି ।

୬୩ ଜିକରିୟ ର ରାଟିନି ପାଡ଼ା ରାସାନା ଏଝାଣି ଦରୁ ଜହନ ଇଞ୍ଜା ରାଟିଚେସି, ଏଦାଆଁ ମେସାନା ବାରେଜାଣା କାବା ଆଡେରି ! ୬୪ ଅଡେ ଏ ଦେବୁଣିଏ ଏଝାଣି ଗୁଟି ଅଡେ ଝେନ୍ଦରି ପିସ୍ପି ଆଡେ ଅଡେ ଏଝାସି ଜଲିହାଁ ମାହାପୁରୁତି ଜହରା କିଚେସି । ୬୫ ଏମ୍ବାଟିଏ ତାନି ଲକୁ ବାରେ ଆଜାହାଚେରି, ଅଡେ ଇ

କାତା ଜୀହ୍ୱଦା ଦେସାତି ହରୁକା ରାଜିତା ବାରେଖାକି ଝେଜ୍ଜିତେ, ୨୭ ଇର୍ଜ୍ଜା ଝେନି ବାରେ ଲକ୍ଷୁ ଏ କାତା ତାମି ମନତା ଇଟାନା ଏଲେଇଚେରି, “ଆତିହ୍ ଇ କକାସି ଏନିଲେହେତାସି ଆନେସି ?” ଏନିଇଚିହ୍ ପ୍ରବୁ ଇଖାଣି ତଲେ ମାନେସି ଇର୍ଜ୍ଜା ପୁଚେରି ।

ଜିକରିୟତି ତାମ୍ଭୁ ଆନି କାତା ଝେକନାସି

- ୨୭ ଅଡେ ଜିକରିୟ ସୁଦୁଜୀସୁ ତଲେ ଇ ତାମ୍ଭୁ ଆନି କାତା ଏଲେଇଚେସି,
- ୨୮ ଇସ୍ରାୟେଲତି ମାହାପୁରୁ ଜହରା !
ଏନିଇଚିହ୍ ଏଝାସି ତାନି ଲକ୍ଷୁଣି କାର୍ମାମେସାନା ଗେଲ୍ପି କିହାମାନେସି;
- ୨୯ ଏଝାସି ତାନି ହଲେଏସି ଦାସୁଦ କୁଡାଟି ମା ତାକି ର ଗେଲ୍ପିନାଣାଇଁ ହାହାମାଞ୍ଜାନେସି ।
- ୩୦ ତଲି କାଲ୍ଲାରିଏ ତାନି ନେହ୍ ମାହାପୁରୁ ଅଣ୍ପୁତି ବଲୁ ଝେହ୍ନାରି ଗୁତି ତଲେ ଏନିକ୍ ଜଲ୍ଲା ମାଚେରି,
୩୧ ଏଲେକିହ୍ ଏ ମାଜେ ମା ସାତୁୟାଁ ତାଣାଟି ଅଡେ ମାଜେ ଅପାଆଗାଟାରି ତାଣାଟି ଗେଲ୍ପି କିହାମାଞ୍ଜାନେସି,
- ୩୨ ଏଝାସି ଏଲେ ଇଞ୍ଜାମାନେସି, ଏଝାସି ମା ଆକୁୟାଁଣି କାର୍ମା ମେସାମାଇଁ ଅଡେ ତାନି ସୁଦୁଗାଟି ରାଜିମାନତି ଅଣ୍ପିନେସି । ୩୩ ମା ଆତା ଅତ୍ରାହାମ ତାଣା ଏନିମି ପାର୍ମାଣା କିହାଁ ଆଞ୍ଜାମାନାଣି ଅଣ୍ପିପାନା ପୁରା କିହାମାନେସି, ୩୪ ଅଡେ ମା ସାତୁୟାଁ ତାଣାଟି ଗେଲ୍ପି ଆହାନା, ଆଜାଆନା କାଟ୍ଲେଏ ତାଜେ ସେବା କିହାଲି ଆଡିନାସି,
- ୩୫ ତାନି ନକିତା ମାର ନୀତାମାନି ପାତେକା ସୁଦୁ ଅଡେ ଦାର୍ମୁ ଗାତାତାସି ଆହାନା ତୁୟିନାସି ।
- ୩୬ ଏ ନା ମାରଏଣାତି ନୀନୁ ବାରେତି କିହାଁ ବାଡୁୟୁଗାଟି ମାହାପୁରୁ ଅଣ୍ପୁତି ବଲୁ ଝେହ୍ନାଟି ଇର୍ଜ୍ଜା ଝେଜ୍ଜିଦି;
- ୩୭ ପାପୁ ମେପ୍ପି ଆହାନା ଏଝାରି ଗେଲ୍ପି ଆନାଣି ବେଗାଆନେରି, ଏ କାତା ପୁଣ୍ଡସି କିହାଲି ତାକି ତାନି ଲକ୍ଷୁତାଣା ହାଜି । ୩୮ ଇର୍ଜ୍ଜା ମାଜେ ହିଡଡି ଜିରୁତା ତାଚାଲି ମା ମାହାପୁରୁତି ଜୀସୁନନି କାର୍ମାତଲେ ଲାକପୁରୁଟି ମାଜେତାକି ଝେଡା ହଡିମାନି ଲେହେଁ ଆନେ,
- ୩୯ ଆମ୍ବାଆରି ହାନିଲେହେତି ତାଣା ବାସା କନେରି, ହିଡଡି ଜିରୁତା ଅହାଲି ତାକି ଏଝାସି ବାରେତି ଲାକ ଲାକପୁରୁଟି ଉଜେଡି ହାନେସି । ୪୦ ଇର୍ଜ୍ଜା ଏ କକାସି ଆଜ୍ଞାତା ଜୀସୁତା ପାତାଆହାନା ଇସ୍ରାୟେଲ ଲକ୍ଷୁତାଣା ଝେଜ୍ଜାଆ ପାତେକା ଲକ୍ଷୁ ହିଲ୍ଲାଆ ଟାୟୁତା ତୁୟିତେସି ।



ଜୀସୁତି ଜାର୍ନା

(ମାତି ୧:୧୮-୨୫)

- ୧ ଏତିବେଲାତା ରମ୍ପ ଦେସାତି ବାରେ ଲକ୍ଷୁ ଦରୁ ରାଟି କିହାଲି କାୟିସର ଅଗସ୍ତସ ତାଣାଟି ହୁକୁମି ଆଡେ ।
- ୨ ସିରିୟାତି ସାଲ୍ଫି କିନାସି କୁରିଣିୟ ବେଲ୍ଲାତା ତଲି ମୂଲୁ ଦରୁ ରାସ୍ପି ଆହାମାଚେ ।
- ୩ ଏଦାଆଁତାକି ବାରେଜାଣା ଦରୁ ରାଟି କିହାଲି ନାୟୁଁଟିଏ ଜାହାରା ଗାଡାତା ହାଚେରି ।
- ୪ ଜସେପ ଜିକେଏ ଦରୁ ରାଟି କିହାଲି ମରିୟମନି ତଲେ ଗାଲିଲିତି ନାଜରିତ ଗାଡାଟି ଜୀହ୍ୱଦା ରାଜିତି ବେତଲିହିମ ଇନି ଦାସୁଦ ଗାଡାତା ହାଚେସି, ଇଚିହ୍ ଏଝାସି ଦାସୁଦ କୁଡା ଇଞ୍ଜାହାଁ ଏ ଗରିତାସି ମାଚେସି;
- ୫ ଏଝାସି ଦରୁ ରାଟି କିୟାଲି ମରିୟମନି ତଲେ ହାଚେସି, ଏଦି ଏଝାଣାକି ବୀହା ଆହାଲି ରାସ୍ପି ଆହାମାଚେ ଅଡେ ଏଦି ପୁରାମାସା ଆହାମାଚେ । ୬ ଅଡେ ଏ ଲକ୍ଷୁ ବେତଲିହିମତା ମାନିବେଲା, ଏଦାନାକି ଜାନ କିନି କାଟୁ ଏଗାଝାଡେ, ୭ ଇର୍ଜ୍ଜା ଏଦି ତାନି ପାଣ୍ଡା ମାରଏଣାଜ୍ଜି ଜାନ କିଚେ ଇର୍ଜ୍ଜା ହିମ୍ପୁରି ପୁକ୍ହାନା କଡିୟାଁ ଗହନି ତଂଗତା ତ୍ରିପ୍ତହେ, ଇଚିହ୍ ଏ ଲକ୍ଷୁତାକି ବାସାଟାୟୁ ହିଲ୍ଲାଆଚେ ।

ମେଣ୍ଡା ଗଡୁକା ଅଡେ ଦୁଡୁୟାଁ

୮ ଏ ଦାରିମାରି ନାସ୍ପକାଣାଁ ମେଣ୍ଡା ଗଡୁକା ଲାଆଁୟାଁ ପାଜ୍ଞାତା ତୁୟାନା ମେଣ୍ଡାୟାଁ କାଟିମାଚେରି । ୯ ପ୍ରବୁତି ର ଦୁଡୁ ଏଝାରିତାଣା ଝାଡେ ଇର୍ଜ୍ଜା ପ୍ରବୁତି ଗାସୁରମିତି ଉଜେଡି ଏଝାରି ସାରିଖାକି ତଞ୍ଜାଆଡେ, ଅଡେ ଏଝାରି ହାଡେକା ଆଜିତେରି । ୧୦ ଏମ୍ବାଟିଏ ଦୁଡୁ ଏଝାରାଇଁ ଏଲେଇଚେ, “ମୀରୁ ଆଜାଆଦୁ ! ନାନୁ ମୀ ବାରେ ଲକ୍ଷୁତାକି ହାଡେକା ରାହାଁତି କାଟୁ ମିଜେ ଝେପିମାଞ୍ଜାଇଁ, ୧୧ ଇଚିହ୍ ନୀଞ୍ଜୁ ଦାସୁଦ ଗାଡାତା ମିଜେ

ଗେଲ୍‌ପାନାସି ଜାର୍ନା ଆହାମାନେସି, ଏଞ୍ଜାସି ଜ୍ରୀସ୍ତ ପୁତ୍ର । ୧୨ ଅତେ ଇଦି ମିଙ୍ଗେତାକି ସିନାଲେହେଁ ଆନେ, ମାରୁ ର କକାଣାଇଁ ହିମ୍ବର ପ୍ଲୁକ୍‌ହାନା କଡ଼ିୟାଁ ଗହ୍ନି ତଂଗତା ତୁରାମାନାଣି ମେହ୍‌ଦେରି ।”

୧୩ ଦେବୁଣିଏ ଏ ଦୁତୁ ତଲେ ଲାକପୁରୁତି ହାରେକା ଦୁତୁୟାଁ ଖାହାନା ମାହାପୁରୁଇଁ ଜହରା ପାରୁ ପାଡ଼ିତୁ,

୧୪ “ଲାକପୁରୁ ମାହାପୁରୁତି ଗାଞ୍ଜୁରମି, ଅତେ ଦାରତିତା ଏଞ୍ଜାଣି ରାହାଁ ଇଞ୍ଜା ମାଣସିୟାଁ ବିତ୍ତା ହିଡ଼ଡ଼ି ।”

୧୫ ଦୁତୁୟାଁ ଏମ୍ବାଟି ଲାକପୁରୁ ହାଜାଲିଏ ମେଣ୍ଡା ଗଡ଼କା ତାମ୍ବୁ ତାମ୍ବୁ କ୍ଲାତା ଆଡେରି, “ମାରୁ ବେତଲିହିମ ପାଡେକା ହାଜାନା ପୁତ୍ର ମାଙ୍ଗେ ଆମିନି କାତା ଝେସାମାଞ୍ଜାନେସି ଏଦାଆଁ ସିନି କିକାନ ।”

୧୬ ଏମ୍ବାଟିଏ ତବେ ହାଜାନା ପାରାନା ମରିୟମ ଅତେ ଜସେପ ଇଞ୍ଜା କଡ଼ିୟାଁ ଗହ୍ନି ତଂଗତା ପୁଃନି ଜାର୍ନାଆଡ଼ି କକାଣାଇଁ ତୁରାମାନାଣି ମେସ୍ତେରି । ୧୭ ଏଞ୍ଜାରି ଈ ବାରେ ମେସାନା ଏ କକାଣି କାତା ଏନାଆଁ ଇଣ୍ଡି ଆହାମାତେ ଏଦାଆଁ ଝେକହେରି । ୧୮ ଅତେ ଏରେକା ଲକୁ ମେଣ୍ଡା ଗଡ଼କା ତାଣାଟି ଏ ବାରେ କାତା ଝେରେରି, ଏଞ୍ଜାରି ବାରେ ଏ କାତାତାକି କାବା ଆଡେରି । ୧୯ ସାମା ମରିୟମ ଈ ବାରେ କାତା ହିୟାଁତା ଇଗାନା ହାରେକା ଅଣ୍ଡାପାଲି ମାଟହେ । ୨୦ ଅତେ ମେଣ୍ଡା ଗଡ଼କାକି ଏନିକ୍ ସେସ୍‌ପି ଆହାମାତେ, ଏଲେକିହିଁଏ ଏଞ୍ଜାରି ଏନା ଏନାଆଁ ଝେରେରି ଇଞ୍ଜା ମେସ୍ତେରି ଏ ବାରେତାକି ମାହାପୁରୁତି ଗାଞ୍ଜୁରମି ଅତେ ଜହରା କିହିଁ ଝେଣ୍ଡା ହାରେରି ।

ଜୀସୁଇଁ ଦରୁ ଇଟିନାୟି

୨୧ ଏଞ୍ଜାଣାକି ଆଟାଦିନା ଆତେ ଅତେ ତଲୁ ଦାଃନି ଦିନା ଖାତେ ଇଞ୍ଜା ଏଞ୍ଜାଣି ଦରୁ ଜୀସୁ ଇଞ୍ଜା ଇଟିତେରି; ଈ ଦରୁ ତାନି ପୁରାମାସା ଆନି ନଡେକଏ ଦୁତୁ ତାଣାଟି ଝେସ୍‌ପି ଆହାମାତେ ।

ମାହାପୁରୁ ଇଲୁତା ଜୀସୁ

୨୨ ଅତେ ଏତେତା ମସାତି ମେରା ତଲେ ଏଞ୍ଜାରି ଅତହା କଡ଼ିନି ଦିନା ଏଗାଞ୍ଜାତେ, ଏରେଟିଏ ଜସେପ ଅତେ ମରିୟମ ଜୀସୁଇଁ ମାହାପୁରୁ ନକିତା ଜିରୁସାଲମତା ଅହିଁ ହାରେରି । ୨୩ ଏନିକ୍ ମାହାପୁରୁତି ସାସ୍ତେରିତା ରାସ୍‌କି ଆହାମାନେ, “ବାରେ ପାଣ୍ଡା ମାନ୍‌କା ପୁତ୍ର ତାକି ସୁଦୁଗାଟାରି ଇଞ୍ଜାଁ ଝେଜିନେରି ।”

୨୪ ଅତେ ମେରାତା ରାସ୍‌କି ଆହାମାନି ଈ ମେରା ତଲେ ରୀ କୁଗୁରି ପଗାୟାଁ ଆଆତେଁଁ ରୀ ପାରୁଞ୍ଜା ପଗାୟାଁ ମାହାପୁରୁ ନକିତା ପୁଜା କିହାଲି ଏଞ୍ଜାଣାଇଁ ଜିରୁସାଲମତା ଅତେରି ।

୨୫ ଏଟିବେଲ୍‌ଜା ଜିରୁସାଲମତା ସିମିୟନ ଦରୁଗାଟି ର ମାଣସି ମାରେସି; ଏଞ୍ଜାସି ର ଦାମ୍‌ଗାଟାସି ଅତେ ମାହାପୁରୁଇଁ ଆଜିନାସି ମାରେସି, ଅତେ ଇସ୍ରାୟେଲ ଲକୁ ବାର୍ସା ବେଟାଆନାଣି କାଟିମାରେସି, ଇଞ୍ଜା ସୁଦୁଜୀସୁ ଏଞ୍ଜାଣି ତାଣା ମାତେ । ୨୬ ମାହାପୁରୁ ପାଣ୍ଡାନି ଜ୍ରୀସୁଇଁ ମେହ୍‌ଆ ପାଡେକା ଏଞ୍ଜାସି ହାଅସି ଇଞ୍ଜାଁ ସୁଦୁଜୀସୁ ତଲିଏ ଝେସାମାତେ । ୨୭ ସିମିୟନ ସୁଦୁଜୀସୁଟି ମାହାପୁରୁ ଇଲୁତା ଖାତେସି; ଅତେ ତାଲି ତାଞ୍ଜି ମସାତି ମେରାଲେହେଁ କିହାଲି ଜୀସୁଇଁ ବିତ୍ତା ତାତୁ, ୨୮ ଏଟିବେଲ୍‌ଜା ସିମିୟନ କକାଣାଇଁ ପମାନା ମାହାପୁରୁଇଁ ଜହରା କିତେସି;

୨୯ “ଏ ପୁତ୍ର ନୀର୍ବ ନୀନ୍ତୁ ଝେସ୍‌ଲେହେଁଁ

ନୀ ହଲେଏଣା ଜୀସୁ ହିଡ଼ଡ଼ିତଲେ ଅମ୍ପୁ;

୩୦ ନା କାନୁ ନୀ ଗେଲ୍‌ପିନାଣାଇଁ ମେସାମାନେ ।

୩୧ ଏନିକ୍‌କିହିଁଁ ବାରେ ଲକୁତାକି କେପାମାନି

୩୨ ଜୀହୁଦିଆଆତାରାକି ସାତା ତହ୍‌ନି ର ଉଜେଡ଼ି ଆନେସି, ଅତେ ନୀ ଇସ୍ରାୟେଲ ଲକୁତି ଗାଞ୍ଜୁରମି ଲେହେଁଁ କିହାମାଞ୍ଜି ।”

୩୩ ଇଞ୍ଜା ତାନି ଇୟା ଅତେ ଆବା ଏଞ୍ଜାଣି ତାକି ଝେସ୍‌ପି ଆହିମାନି ବାରେ କାତାତାକି କାବା ଆହିମାତେରି । ୩୪ ଏରେଟିଏ ସିମିୟନ କକାଣାଇଁ ବରୁ ହୀହାନା ତାନି ଇୟା ମରିୟମିନି ଏଲେଇରେସି, “ମେହ୍‌କୁ ଇଞ୍ଜାସି ଇସ୍ରାୟେଲତି ହାରେକା ଲକୁଣି ନାସା କିହାଲି ଅତେ ଗେଲ୍‌ପାଲି ଆଡ଼ି ଆହାମାନେସି, ଆମ୍ବାଆରି କପାଟି ହାରେକା ଜଲିନେରି । ଏଞ୍ଜାସି ମାହାପୁରୁ ତାଣାଟି ର ସିନାଲେହେଁଁ ଆନେସି । ୩୫ ଆଆତେଁଁ ନୀ ଜୀସୁତା ଜିକେଏ କାଣ୍ଡାତଲେ ଗୁକ୍‌ହିସାରେ ହତାହାନି ଲେହେଁ, ଏ କସ୍‌ ନୀ ହିୟାଁତା ଆୟାନେ ।”

୩୬ ଅତେ ହାନା ଦରୁଗାଟି ର ମାହାପୁରୁ ଅଣ୍ଡାପୁତି ବଲୁ ଝେହ୍‌କାୟି ମାତେ; ଏଦି ଆସେକ୍ କୁଡ଼ାତି ପନୁଏଲ ମାଜା । ଏଦାନାକି ହାରେକା ବାର୍ସା ଆହାମାତେ; ଏଦି ତାଆ ଆଡ଼ି ଜେତ ସାତା ବାର୍ସା ତକ୍ରାତଲେ ବାସା କିହାମାତେ, ଅତେ ସାରିକଡ଼ି ସାରି ବାର୍ସା ରାଣ୍ଡେଣି ଆହାନା ନୀତାମାତେ । ୩୭ ଏଦି ମାହାପୁରୁ ଇଲୁ ପିହିଆନା ବାଟିମାଲିହିଁଁ ଲାଆଁ ମାଦେନା ରାନ୍‌ଦା ତିନାଆନା ପ୍ରାତାନା କିହିମାତେ । ୩୮ ଏ ଦେବୁଣିଏ

୨:୨୧ ୨:୨୧ ଲୁକ ୧:୩୧

ଏହି ଖାହାନା ମାହାପୁରୁତି ଜହରା କିହିଁ ଜିରୁସାଲମତି ଗେଲ୍‌ପିନାଣାଇଁ କାଡ଼ି ମାନାରାଇଁ ଏଞ୍ଜାଣି କାତା ଖେସାଲି ମାଟ୍‌ହେ ।

ନାଜରିତତା ଖେଣ୍ଡା ଖାନାୟି

^{୩୯} ଠାମୁ ଜସେପ ଅଡ଼େ ମରିୟମ ମାହାପୁରୁତି ମୋରା ତଲେ ବାରେ କାମା ରାପୁହାନା ଗାଲିଲିତି ତାମି ଗାଡ଼ା ନାଜରିତତା ଖେଣ୍ଡା ଖାଡ଼େରି ^{୪୦} ଅଡ଼େ ଜୀସୁ ଆଜ୍ଞାତା ବୁଦିତା ଅଡ଼େ ବାଡ଼ୁୟୁତା ପାତା ଆଡ଼େସି, ଅଡ଼େ ମାହାପୁରୁତି କାର୍ମା ଏଞ୍ଜାଣିଲାକ ମାତେ ।

ଜୀସୁ ମାହାପୁରୁ ଇଲୁତା

^{୪୧} ତାମି ଇୟା ଆବା ବାରେ ବାର୍ଯା ପିସପିଆନି ପାର୍ବୁତାକି ଜିରୁସାଲମତା ହାଜିମାତେରି । ^{୪୨} ଜୀସୁ ବାଡ଼ ବାର୍ଯା ଆହାଲିଏ ଏଞ୍ଜାରି ପାର୍ବୁତି ମୋରାଲେହେଁ ଜିରୁସାଲମତା ହାତେରି । ^{୪୩} ଅଡ଼େ ପାର୍ବୁତି ଦିନା ରାପୁହାନା ଏଡ଼େତା ଏଞ୍ଜାରି ଖେଣ୍ଡା ଖାଡ଼ିମାତେରି, ଏତିବେଲାତା ଉଣା କକାସି ଜୀସୁ ଜିରୁସାଲମତା ଡ଼ୟାହାଡ଼େସି, ସାମା ତାମି ଇୟା ଆବା ପୁଞ୍ଜାହିଲାଆତେରି; ^{୪୪} ସାମା ଏଞ୍ଜାରି ତାମିତଲେ ଖାହାମାତି ଲକ୍ଷ୍ମତଲେ ମାନେସି ଇଞ୍ଜୁଁ ଅଣପାନା ର ଦିନାତି ଜିରୁ ହାତେରି, ଅଡ଼େ ତାମି ଲକ୍ଷ୍ମ ଇଞ୍ଜୁଁ ପୁତି ଲକ୍ଷ୍ମତାଣା ପାରାଲି ମାଟ୍‌ହେରି, ^{୪୫} ଇଞ୍ଜୁଁ ଏଞ୍ଜାଣାଇଁ ମେଡ଼ା ଆଆନା ପାରି ପାରି ଜିରୁସାଲମତା ଖେଣ୍ଡା ହାତେରି । ^{୪୬} ତାନିଦିନା ଡ଼ାମୁ ଏଞ୍ଜାରି ଏଞ୍ଜାଣାଇଁ ମାହାପୁରୁ ଇଲୁତା ବେଟାଆଡ଼େରି; ଏଞ୍ଜାସି ମୋରାପୁନାରି କାତା ଖେଞ୍ଜିହିଁ ଏଞ୍ଜାରାଇଁ ଖେଣ୍ଡେ କାତା ଖେଞ୍ଜିମାତେରି, ^{୪୭} ଅଡ଼େ ଏତେକା ଲକ୍ଷ୍ମ ଏଞ୍ଜାଣି କାତା ଖେଞ୍ଜିମାତେରି, ବାରେଜାଣା ଏଞ୍ଜାଣି ବୁଦିତା ଅଡ଼େ ଖେହ୍ନି କାତାତା କାବା ଆହିମାତେରି । ^{୪୮} ଏତିବେଲା ତାମି ଇୟା ଆବା କକାଣାଇଁ ମେସାନା କାବାଆଡ଼ୁ ଇଞ୍ଜୁଁ ତାମି ଇୟା ଏଞ୍ଜାଣାଇଁ ଏଲେଇଚେ, “ମୀରୁଏଣା ମାଜେ ଏନାଆଁତାକି ଇଚେକା ଦୁକୁ ହିୟାତି ? ମେହ୍‌ମୁ ନାନୁ ଅଡ଼େ ମୀ ଆବା ଏଚେକା ଦୁକୁଆହିଁ ନିଜେ ପାରିମାଞ୍ଜାନମି ।”

^{୪୯} ଏମ୍ବାଟିଏ ଜୀସୁ ଏଲେଇଚେସି, “ମୀରୁ ନାଜେ ଏନାଆଁତାକି ପାରିମାଞ୍ଜାଦେରି ? ନା ଆବା ଇଜ ନାନୁ ମାନାଣି ମୀରୁ ପୁଞ୍ଜାହିଲଅତେରି ?” ^{୫୦} ସାମା ଏଞ୍ଜାସି ଆମିନି କାତା ଜଲିତେସି, ତାମି ଇୟା ଆବା ପୁଞ୍ଜାଲି ଆଡ଼ାଆତେରି ।

^{୫୧} ଡ଼ାମୁ ଜୀସୁ ତାମି ଇୟା ଆବା ତଲେ ଖେଣ୍ଡେ ନାଜରିତତା ଖାଡ଼େସି, ଇଞ୍ଜୁଁ ଏଞ୍ଜାରି କାତା ମାନଞ୍ଜି ଆହାନା ଡ଼ୟିତେସି, ଅଡ଼େ ତାମି ଇୟା ଇ ବାରେ କାତା ଜାଗାତା ତଲେ ମନତା ଇଟାମାତେ । ^{୫୨} ଅଡ଼େ ଜୀସୁ ଆଜ୍ଞାତା, ବୁଦିତା ଇଞ୍ଜୁଁ ମାହାପୁରୁ ଅଡ଼େ ମାଣ୍‌ସିୟାଁ କାର୍ମାଟି ପାତା ଆଡ଼େସି ।

୩

ବାପ୍ତିସ୍ମା* ହାନି ଜହନ ଖେକ୍‌ନାୟି

(ମାତି ୩:୧-୧୨; ମାର୍କ ୧:୧-୮; ଜହ ୧:୧୯-୨୮)

^୧ ଡିବିରିୟା କାୟିସରତି ସାଲ୍‌ଞ୍ଜି କିନି ପନ୍‌ର ବାର୍ଯା ଆୟାଲିଏ, ଏତିବେଲା ପତ୍ରିୟ ପିଲାତ ଜୀହୁଦା ରାଜିତି ସାଲ୍‌ଞ୍ଜି କିନାସି ଅଡ଼େ ହେରପ ଗାଲିଲି ରାଜିତି ରାଜା ମାତେସି, ଅଡ଼େ ତାମି ତାୟି ପିଲପ ଇଡୁରିୟା ଅଡ଼େ ଡ୍ରାକନିତି ରାଜି ଅଡ଼େ ଲୁସାନିୟା ଅବିଲିନିତି ରାଜା ମାତେସି । ^୨ ହାନାନ ଅଡ଼େ କୟାପା କାଜା ପୂଜେରା ମାତେରି, ଏତିବେଲାତା ମାହାପୁରୁତି ବଲୁ ଲକ୍ଷ୍ମ ହିଲାଆ ଗାୟୁତା ଜିକରିୟ ମାଟ୍‌ସିସି ଜହନ ତାଣା ଖାଡ଼େ । ^୩ ଏମ୍ବାଟିଏ ବାପ୍ତିସ୍ମା* ହାନି ଜହନ ଜଦନ ଦାରିତି ବାରେ ନାସ୍କାଞ୍ଜାକି ହାଜାନା ପାପୁ ମ୍ପେପକି ଆହାଲି ମନ ଖେଡ଼ହାନା ବାପ୍ତିସ୍ମା* ଅନି କାତା ଖେକ୍‌ହାଲି ମାଟ୍‌ହେସି,

^୪ ଏନିଇତିହିଁ ମାହାପୁରୁ ଅଣ୍‌ପୁତି ବଲୁ ଖେହ୍ନି ଜିସାୟ ପତିତା ରାସ୍କି ଆହାମାନେ,

“ଲକ୍ଷ୍ମ ହିଲାଆ ଗାୟୁତା ରଅଣି ହାଡ଼ା ଖେଜିମାନେ;

ପ୍ରବୁତି ଜିରୁ ନେହିଁ କେପାଡୁ;

ଅଡ଼େ ଏଞ୍ଜାଣି କାଜା ଆଂଗେଣି ତିୟି କିଦୁ !

^୫ ବାରେ ଗାଡ଼ୁଜା ନେଞ୍ଜି କିଞ୍ଜିଆନୁ,

ବାରେ ହରକା ମୋଟାୟାଁ ଉଣା କିଞ୍ଜିଆନୁ,

ତଂଗିତି ଜିରୁ ତିୟି କିଞ୍ଜିଆନେ,

କାଡ଼ୁଦି ତେପା ବୁମିତି ବାରେ ସମାନା କିଞ୍ଜିଆନେ ।

* ୨:୩୯ ୨:୩୯ ମାତି ୨:୨୩ * ୩: ୩:୧ ମୁଞ୍ଜିନାୟି † ୩:୩ ୩:୩ ମୁଞ୍ଜିନାୟି ‡ ୩:୩ ୩:୩ ମୁଞ୍ଜିନାୟି

୨ ବାରେ ଦାରୁଡ଼ିତି ଲକ୍ଷ୍ମୀ ମାହାପୁରୁଷ ଗେଲ୍‌ପିନାଣି ମେହ୍‌ନେରି ।”

୩ ଏଲେକିହିଁ, ଜହନ ତାଣାଟି ବାପ୍ତିସ୍ମ ଅହାଲି ଖାହାନି ଲକ୍ଷ୍ମଣି ମେସାନା ଏଞ୍ଜାରାଇଁ ଏଲେକରେସି, “ଆଡେ ରାସ୍‌କା କୁଡ଼ାତାତେରି ମାହାପୁରୁ ପାଣ୍ଡାମାଞ୍ଜାନି କପାଟି ପିସ୍‌ପି ଆହାଲି ମାଜେ ଆମ୍ବାଆସି ସେଡ଼ନା ହିୟାତେସି ? ” ଏଦାଆଁତାକି ମନ ଖେଟ୍‌ହାକଡ଼ିତି ନେହିଁ କାମା ତହ୍‌ଦୁ; ଅଡେ ଅବ୍ରାହାମ ମା ଆବା ଇଞ୍ଜିହିଁ ଅଣ୍ଡାଆଦୁ. ନାନୁ ମିଜ୍ ଖେସିମାଞ୍ଜାଇଁ, ମାହାପୁରୁ ଇ ଖାଲ୍‌କାଟି ଜିକେଏ ଅବ୍ରାହାମତି ମାର୍କାଣି ଗାଡ଼ି କିହାଲି ଆଡ଼ିମାନେସି ! ଏ ଅଡେ ନୀର୍ଦ୍ଦି ଜିକେଏ ମାରୁନୁ ତାକିତା କାଃଆଲି ଆଟାମାନେ; ଆମିନି ମାରୁନୁ ନେହିଁ ପାଡେୟି ଆୟେଏ ଏଦାନି ଟୁଣହାନା ହିରୁତା ମେଡ଼ପି ଆନେ ।”

୧୦ ଏଦାରିଏ ଲକ୍ଷ୍ମୀ ଏଞ୍ଜାଣାଇଁ ଖେରେରି, “ଆଡିହିଁ ମାମ୍ବୁଏନାଆଁ କିନମି ?”

୧୧ ଏଞ୍ଜାସି ଏଲେକରେସି, “ଆମ୍ବାଆରାକି ଜଡେତକା ସକାୟାଁ ମାମ୍ବୁ, ଏଞ୍ଜାସି ଆମ୍ବାଆରାକି ହିଲାର ଏଞ୍ଜାଣାକି ରଣ୍ଡାଆଁ ହାପେସି; ଇଞ୍ଜା ଆମ୍ବାଆରାକି କାଦି ମାନେ ଏଞ୍ଜାସି ଜିକେଏ ଏଲେକିପାସି ।”

୧୨ ଏସିସ୍ ରାହାନାରି ଜିକେଏ ବାପ୍ତିସ୍ମ* ଅହାଲି ଖାହାନା ଏଲେକରେରି, “ଏ ଗୁରୁ ମାମ୍ବୁଏନାଆଁ କିନମି ?”

୧୩ ଏଞ୍ଜାସି ଏଞ୍ଜାରାଇଁ ଏଲେକରେସି, “ମିଜେତାକି ଏରେକା ଡେରା ମାନେ ଏରେକାଟିଏ ଆଗାଡ଼ା ରାହ୍‌ଆଦୁ ।”

୧୪ ଏରେକାଣା ରିଜାରି କସ୍‌କା ଖାହାନା ଏଲେକରେରି, “ମାମ୍ବୁଏନାଆଁ କିନମି ?”

ଏଞ୍ଜାସି ଏଞ୍ଜାରାଇଁ ଏଲେକରେସି, “ବାଡ଼ୟୁଟି କି ନାଡ଼ିକିହାନା ଆମ୍ବାଆରି ଦନ ମାଞ୍ଜା ଅଥାଦୁ, ଅଡେ ମାରୁ ଏରେକା ବେଟାଆଡେରି ଏରେକା ତଲେଏ ନୀଡ଼ାଦୁ ।”

୧୫ ଲକ୍ଷ୍ମୀ ମସିହାଲ୍ କାଟିମାରେରି, ଇଞ୍ଜା ଜହନଏ କ୍ରୀସ୍ତ ହାବୁଲା ଇଞ୍ଜିଁ ଅଣ୍ଡାପାନା ବାରେକାଣା ତାମି ମନତା କାତା ଆହିମାଟାକି, ୧୬ ଜହନ ଏଞ୍ଜାରାଇଁ ଏଲେକରେସି, “ନାନୁଆଁ ଏୟୁତଲେ ବାପ୍ତିସ୍ମ* ହାହିମାଞ୍ଜାଇଁ, ସାମା ନା କିହାଁ ଆମ୍ବାଆସି ବାଡ଼ୟୁ ଗାଟାସି ଏଞ୍ଜାସି ଖାହିମାନେସି, ଏଞ୍ଜାଣି ସେପୁୟାଁତି ଡ଼କାଁ ଜିକେଏ ହୁକିହାଲି ନାନୁ ପାଡ଼ାଆଥାଁ; ଏଞ୍ଜାସି ମିଜେ ସୁଦୁଜୀଞ୍ଜୁ ଅଡେ ହିରୁତଲେ ବାପ୍ତିସ୍ମ* ହିୟାନେସି । ୧୭ ତାନି କ୍ଷାନ୍ତୁତି ତାସାଲି ଅଡେ ତାନି ଆନାତି କ୍ଷାନ୍ତୁ କୁଡ଼ି କିହାନା ଗାଡେୟିତା ଇଟାଲି ଏଞ୍ଜାଣି କେୟୁତା ହେତି ମାନେ, ଇଞ୍ଜା ଟାଟା ପଡ଼ୁତୁ ଏରେକା ତୁମ୍ବାଆଗାଟି ହିରୁତା ହୁତା ତୁହନେସି ।”

୧୮ ଏଞ୍ଜାସି ଇଲେକି ହାରେକା କାତା ଖେସିହିଁ ଅଡେ ରାହାଁତି କାତା ଜଲିହିଁ ଲକ୍ଷ୍ମୀତାଣା ନେହିଁ କାବୁ ଖେକିହିଁ ମାରେସି; ୧୯ ଏସାମା ରାଜା ହେରଦ ତାମି ତାୟି ତକ୍ତି ହେରଦିୟାନି କାତା ଅଡେ ତାନୁ କିହାମାନି ବାରେ ଲାଗେଏତି କାମାତାକି ଜହନ ତାଣାଟି ଲାଗି ବେଟା ଆହାମାଟାକି, ୨୦ ହେରଦ ଜହନଲ୍ ଦସ୍‌ପାନା କାୟିଦିତା ଇଟାନା ହାରେକା ଲାଗେଏତି କାମା କିତେସି ।

ଜାସୁତି ବାପ୍ତିସ୍ମ

(ମାତି ୩:୧୩-୧୭; ମାର୍କ ୧:୯-୧୧)

୨୧ ବାରେ ଲକ୍ଷ୍ମୀ ବାପ୍ତିସ୍ମ* ଅଡି ତାୟୁ ଜିକେଏ ବାପ୍ତିସ୍ମ* ଅହାନା ପ୍ରାତାନା କିହିମାଟାଟି ହାଗୁ ଦେପିଆଡେ, ୨୨ ଅଡେ ସୁଦୁଜୀଞ୍ଜୁ ପାରୁଖା ପଟାଲେହେଁ ଏଞ୍ଜାଣିଲାକି ରେଟାଖାଡେ; ଇଞ୍ଜା ହାଗୁଟି ଇ ହାଡ଼ା ଆଡେ, “ନାନୁ ନା ଜାସୁତି ମାରୁଏଣାଟି ନୀ ତାଣା ନା ରାହାଁ ମାନେ ।”

ଜାସୁତି ଆକୁ ଆବାୟାଁ

(ମାତି ୧:୧-୧୭)

୨୩ ଜାସୁ ସେବା କାମା ମାବୁହି ବେଲାତା ଏଞ୍ଜାଣାକି କଡେଦସ ବାସା ଆହାମାଟେ; ଲକ୍ଷ୍ମୀ କାତାତଲେ ଏଞ୍ଜାସି ଜସେପ ମାରୁଏସି; ଜସେପ ଏଲି ମାରୁଏସି, ୨୪ ଏଲି ମତାତ ମାରୁଏସି, ମତାତ ଲେବି ମାରୁଏସି, ଲେବି ମଲ୍‌କି ମାରୁଏସି, ମଲ୍‌କି ଜନୟ ମାରୁଏସି, ଜନୟ ଜସେପ ମାରୁଏସି, ୨୫ ଜସେପ ମତିତିୟା ମାରୁଏସି, ମତିତିୟା ଆମସ ମାରୁଏସି, ଆମସ ନାହୁମ ମାରୁଏସି, ନାହୁମ ହେସଲି ମାରୁଏସି, ହେସଲି ନଗୟ ମାରୁଏସି, ୨୬ ନଗୟ ମହତ ମାରୁଏସି, ମହତ ମତିତିୟସ ମାରୁଏସି, ମତିତିୟସ ସିମିୟି ମାରୁଏସି, ସିମିୟି ଜସେକ ମାରୁଏସି, ଜସେକ ଜଦା ମାରୁଏସି, ୨୭ ଜଦା ଜହନ ମାରୁଏସି, ଜହନ ରେସା ମାରୁଏସି,

* ୩:୨ ୩:୭ ମାତି ୧୭:୩୪; ୨୩:୩୩ S ୩:୨ ୩:୭ ମୁଞ୍ଜିନାୟି, * ୩:୮ ୩:୮ ଜହ ୮:୩୩ * ୩:୯ ୩:୯ ମାତି ୭:୧୯ * ୩:୧୨ ୩:୧୨ ଲୁକ ୭:୨୯ * ୩:୧୨ ୩:୧୨ ମୁଞ୍ଜିନାୟି, † ୩:୧୭ ୩:୧୭ ମୁଞ୍ଜିନାୟି, ‡ ୩:୧୭ ୩:୧୭ ମୁଞ୍ଜିନାୟି, * ୩:୧୯ ୩:୧୯ ମାତି ୧୪:୩:୪; ମାର୍କ ୭:୧୭,୧୮ S ୩:୨୦ ୩:୨୧ ମୁଞ୍ଜିନାୟି * ୩:୨୧ ୩:୨୧ ମୁଞ୍ଜିନାୟି, † ୩:୨୧ ୩:୨୧ ମୁଞ୍ଜିନାୟି, * ୩:୨୨ ୩:୨୨ ମାତି ୧୫:୧୧; ଲୁକ ୯:୩୫

ରେସା ଜିରୁବାବେଲ ମୀରୁଏସି, ଜିରୁବାବିଲ ସଲ୍ଲଟିୟେଲ୍ ମୀରୁଏସି, ସଲ୍ଲଟିୟେଲ୍ ନେରି ମୀରୁଏସି, ୨୮ ନେରି ମଲ୍ଲକି ମୀରୁଏସି, ମଲ୍ଲକି ଅଦଦି ମୀରୁଏସି, ଅଦଦି କସାମ ମୀରୁଏସି, କସାମ ଏଲ୍ଲାଦାନ ମୀରୁଏସି, ଏଲ୍ଲାଦାନ ଏର ମୀରୁଏସି, ୨୯ ଏର ଜିହସୁୟ୍ ମୀରୁଏସି, ଜିହସୁୟ୍ ଏଲ୍ଲିୟାଜର ମୀରୁଏସି, ଏଲ୍ଲିୟାଜର ଜରିମ ମୀରୁଏସି, ଜରିମ ମତାତ ମୀରୁଏସି, ମତାତ ଲେବି ମୀରୁଏସି, ୩୦ ଲେବି ସିମିୟନ ମୀରୁଏସି, ସିମିୟନ ଜାହୁଦା ମୀରୁଏସି, ଜାହୁଦା ଜସେପ ମୀରୁଏସି, ଜସେପ ଜନାମ ମୀରୁଏସି, ଜନାମ ଏଲ୍ଲିୟାକିମ ମୀରୁଏସି, ୩୧ ଏଲ୍ଲିୟାକିମ ମଲ୍ଲାହ ମୀରୁଏସି, ମଲ୍ଲାହ ମନ୍ନା ମୀରୁଏସି, ମନ୍ନା ମତତା ମୀରୁଏସି, ମତତା ନାତନ ମୀରୁଏସି, ନାତନ ଦାସୁଦ ମୀରୁଏସି, ୩୨ ଦାସୁଦ ଜିସି ମୀରୁଏସି, ଜିସି ଅବେଦ ମୀରୁଏସି, ଅବେଦ ବୟାଜ ମୀରୁଏସି, ବୟାଜ ସେଲହ ମୀରୁଏସି, ସେଲହ ନହସନ ମୀରୁଏସି, ୩୩ ନହସନ ଅମିନାଦାବ ମୀରୁଏସି, ଅମିନାଦାବ ଅଦନିନି ମୀରୁଏସି, ଅଦନିନି ଅରନି ମୀରୁଏସି, ଅରନି ହେସୁଣ ମୀରୁଏସି, ହେସୁଣ ପେରସ ମୀରୁଏସି, ପେରସ ଜାହୁଦା ମୀରୁଏସି, ୩୪ ଜାହୁଦା ଜାକୁବ ମୀରୁଏସି, ଜାକୁବ ଇସାହାକ ମୀରୁଏସି, ଇସାହାକ ଅବ୍ରାହାମ ମୀରୁଏସି, ଅବ୍ରାହାମ ତେରହ ମୀରୁଏସି, ତେରହ ନାହରୁ ମୀରୁଏସି, ୩୫ ନାହରୁ ସରୁଗ ମୀରୁଏସି, ସରୁଗ ରଗୁ ମୀରୁଏସି, ରଗୁ ପେଲଗ ମୀରୁଏସି, ପେଲଗ ଏବର ମୀରୁଏସି, ଏବର ସେଲହ ମୀରୁଏସି, ୩୬ ସେଲହ କେନାନ ମୀରୁଏସି, କେନାନ ଅର୍ପକ୍ୟଦ ମୀରୁଏସି, ଅର୍ପକ୍ୟଦ ସେମ ମୀରୁଏସି, ସେମ ନହ୍ ମୀରୁଏସି, ନହ୍ ଲେମକ ମୀରୁଏସି, ୩୭ ଲେମକ ମତୁସେଲହ ମୀରୁଏସି, ମତୁସେଲହ ହନକ ମୀରୁଏସି, ହନକ ଜେରଦ ମୀରୁଏସି, ଜେରଦ ମହଲଲେଲ ମୀରୁଏସି, ମହଲଲେଲ କେନାନ ମୀରୁଏସି, ୩୮ କେନାନ ଏନସ ମୀରୁଏସି, ଏନସ ସେତ ମୀରୁଏସି, ସେତ ଆଦମ ମୀରୁଏସି, ଆଦମ ମାହାପୁରୁ ମୀରୁଏସି ।

୪

ଜାସୁଇଁ ତାୟିପାରି କିନାୟି
 (ମାତି ୪:୧-୧୧; ମାର୍କ ୧:୧୨-୧୩)

୧ ଜାସୁ ସୁଦୁଜାସୁ ବେଟାଆହାନା ଜର୍ଦନ କାତାଟି ଖେଣ୍ଡାଖାଡେସି ଇଞ୍ଜା ରୀ କଡ଼ି ଦିନା ପାତେକା ସୁଦୁଜାସୁ ତଲେ ଲକୁ ହିଲାଆ ଗାୟୁତା ହାରେସି । ୨ ଏମ୍ବାଆଁ ଏଞ୍ଜାସି ସୟତାନ ତାଣାଟି ତାୟିପାରି କିଞ୍ଜିଆଡେସି । ଇ ରୀ କଡ଼ି ଦିନା ଏଞ୍ଜାସି ଏନାଆଁ ତିନାଆଡେସି, ଅଡେ ଏ ରୀ କଡ଼ି ଦିନା ରାହାଲିଏ ଏଞ୍ଜାସି ହାକି ଆଡେସି ।

୩ ଏମ୍ବାଟିଏ ସୟତାନ ଏଞ୍ଜାଣାଇଁ ଏଲେଇରେ, “ନୀନୁ ମାହାପୁରୁ ମୀରୁଏଶାଟି ଇତିହଁ ଇ ଖାଲକାଣି ରୁଟି ଆହାଲି ହୁକୁମି ହାମୁ ।”

୪ ସାମା ଜାସୁ ଏଲେଇରେସି, “ଦାମ୍ବୁ ସାସ୍ତେରିତା ରାସ୍ବକି ଆହାମାନେ, ମାଣସି ଖାରଇ ରୁଟି ତିଞ୍ଜାନା ନୀତଅସି ।”

୫ ଅଡେ ସୟତାନ କାଜା ହରୁ ଲାକ ଅହାନା ଗାଡେକା ତାକି ଦାରୁତି ବାରେ ରାଜି ଏଞ୍ଜାଣାଇଁ ତସ୍ତେ ।

୬ ଇଞ୍ଜା ସୟତାନ ଏଞ୍ଜାଣାଇଁ ଏଲେଇରେ, “ନୀନୁ ନିଜେ ଇ ବାରେ ଦନ୍ଦତି ଅଦିକାରା କିୟାଇଁ, ଏନାଆଁତାକି ଇତିହଁ ବାରେ ନାଜେ ହେରୁଦି ଆହାମାଞ୍ଜାନେ, ଅଡେ ନାନୁ ଆମ୍ବାଆରାକି ମନ ଏଞ୍ଜାଣାକି ହାଇଁ ।

୭ ଇଦାଆଁତାକି ନୀନୁ ନା ନକିତା ମେଣ୍ଡାକୁତାନା ଜହରା କିୟାଦି, ଇତିହଁ ଇ ବାରେ ନାଦି ଆନେ ।”

୮ ଜାସୁ ଏଲେଇରେସି, “ରାସ୍ବକି ଆହାମାନେ, ‘ନୀନୁ ନୀ ମାହାପୁରୁଇଁ ଜହରା କିଦି, ଅଡେ ଖାରଇ ଏଞ୍ଜାଣି ସେବା କିଦି ।”

୯ ଅଡେ ସୟତାନ ଏଞ୍ଜାଣାଇଁ ଜିରୁସାଲମତା ଅହାନା ମାହାପୁରୁ ଇଲ୍ଲୁ ତୁଡିୟା ଲାକ ନିପ୍ତହାନା ଏଲେଇରେ, “ନୀନୁ ମାହାପୁରୁଟି ମୀରୁଏଶାଟି ଇତିହଁ ଇମ୍ବାଟି ତୁଇକା ଚୋମ୍ବାମ୍ବା: ୧୦ ଇତିହଁ ରାସ୍ବକି ଆହାମାନେ, ‘ନିଜେ ଗେଲ୍ପାଲିତାକି ମାହାପୁରୁ ତାନି ଦୂତୁୟାଁଇଁ ହୁକୁମି ହାଣେସି ।’ ୧୧ ଅଡେ ରାସ୍ବକି ଆହାମାନେ, ‘ନୀ କତାୟାଁ ଏନିକିଁ ଖାଲକାଣା ଆଡାଉ ଏଦାଆଁତାକି ଏଞ୍ଜି ନିଜେ କେସ୍ତାତଲେ ପେରହା ଆସ୍ତାନୁ ।”

୧୨ ସାମା ଜାସୁ ଏଦାନି ଏଲେଇରେସି, “ଦାମ୍ବୁ ସାସ୍ତେରିତା ରାସ୍ବକି ଆହାମାନେ, ନୀନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି ।”

୧୩ ସୟତାନ ଜାସୁଇଁ ବାରେ ତାୟିପାରି କିନାୟି ରାପ୍ତହାନା ଗାଡେକା ତାକି ଏଞ୍ଜାଣାଇଁ ପିସାନା ହାରେ ।

ଜାସୁ ଗାଲିଲିତା ସେବା କାମା ମାଟ୍ଟନାୟି
 (ମାତି ୪:୧୨-୧୭; ମାର୍କ ୧:୧୪-୧୫)

^{୧୪} ଏ ତାହୁଁ ଜୀସୁ ସ୍ୱପ୍ନଜୀବିତ ବାଡ଼ୁଲୁ ତଲେ ଗାଲିଲିତା ଝାଡ଼େସି, ଅଡ଼େ ସାରିଝାକି ଏଝାଣି କାତା ଝେଜିତେ । ^{୧୫} ଅଡ଼େ ଏଝାସି ଏଝାରି ଜୀହୁଦି ଲକୁତି କୁଟମି ଇଲୁକାଣା* ଜାପୁହିହି ବାରେ ଲକୁ ତାଣାଟି ଗାଝୁରମି ବେଟାଆଡ଼େସି ।

ଜୀସୁଇଁ ନାଜରିତତା ଅପାଆଡ଼େରି

(ମାତି ୧୩:୫୩-୫୮; ମାର୍କ ୬:୧-୬)

^{୧୬} ଅଡ଼େ ଏଝାସି ଆମିନି ନାଜରିତତା ପହିପାତି ଆହାମାରେସି, ଏଡ଼େତା ଏ ଟାହୁତା ହାରେସି ଅଡ଼େ ତାମି ମୋରାଲେହେଁ ଜମିନି ଦିନାତା ଜୀହୁଦି ଲକୁତି କୁଟମି ଇଲୁତା† ହାରେସି ଇଞ୍ଜା ପଡ଼ଝି ଆହାଲି ନିଡ଼େସି, ^{୧୭} ଏମ୍ପାଟିଏ ମାହାପୁରୁ ଅଣପୁତି ବଲୁ ଝେହ୍ନି ଜିସାୟତି ପତି ହାଡ଼େରି, ଜୀସୁ ଏଦାଆଁ ଏକହାନା ଏମିନିତାଣା ଇ କାତା ରାସୁକି ଆହାମାନେ ଏ କାତା ବେଟାଆଡ଼େସି;

^{୧୮} “ପ୍ରବୁତି ଜୀଝୁ ନା ତାଣା ମାନେ,

ଏନିଇତିହିଁ ହିଲୀଆ ଗାଟାରି ତାଣା ନେହିଁ କାବୁ ଝେକହାଲି ଏଝାସି ନାଜେ ଆଟାମାଞ୍ଜାନେସି; କାୟିଦିତା ମାନାରାଇଁ ପିସପି ଆନାଣି ଝେକହାଲି,

କାଣକା ମେହ୍‌ଆଗାଟାରାଇଁ ମେସପି କିହାଲି,

ଦୁକୁ ବେଟାଆହିଁ ମାନାରାଇଁ ଗେଲପାଲି,

^{୧୯} ଇଞ୍ଜା ମାହାପୁରୁ କାର୍ମା ମେସ୍ତାନି ବେଲାତି କାତା ଝେକହାଲି

ପ୍ରବୁ ନାଜେ ପାଣ୍ଡାମାଞ୍ଜାନେସି ।”

^{୨୦} ଏମ୍ପାଟିଏ ଜୀସୁ ପତିତି ମୁଦା କିହାନା ସେବା କିନାଣି କେୟୁତା ହୀହାନା କୁରିତେସି । ଅଡ଼େ ଜୀହୁଦି ଲକୁତି କୁଟମି ଇଲୁତା‡ କୁଗାମାନି ବାରେ ଲକୁ ଜୀସୁ ଝାକି ସିନିକିତେରି । ^{୨୧} ଇଞ୍ଜା ଜୀସୁ ଏଝାରାଇଁ ଏଲେଇତେସି, “ନୀଞ୍ଜୁଟିଏ ଦାମ୍ବୁ ପତିତି ଇ କାତା ମୀରୁ ଝେଣ୍ଡମିନିଏ ପୂରା ଆଡ଼େ ।”

^{୨୨} ଅଡ଼େ ବାରେଜାଣା ତାନି କାତାତାକି ସାକି ହୀଡ଼େରି, ଅଡ଼େ ତାନି ଗୁଡିଟି ହଡ଼ିମାନି କାର୍ମାତି ବଲୁତା କାବା ଆଡ଼େରି ଇଞ୍ଜା ଏଲେଇତେରି, “ଇଝାସି ଏନାଆଁ ଜସେପ ମାବୁସି ଆଏକି ?”

^{୨୩} ଏମ୍ପାଟିଏ ଏଝାସି ଏଝାରାଇଁ ଏଲେଇତେସି, “ମୀରୁ ସାଡ଼େଏ ନାଜେ ଏଲେ ଇଞ୍ଜାଦେରି, ଏ ଅସଗୁରୁ ନୀନୁଏ ନିଜେ ନେହିଁ କିହାକତାମ୍; କପରନାହୁମତା ଏନା ଏନାଆଁ କିହାମାଞ୍ଜ ଇଞ୍ଜା ମାମ୍ପୁ ଝୁଝାମାମାନି ଏଲେକିଁ ମୀ ଆକୁ ଆବାୟାଁ ନାୟୁତା ଜିକେଏ କିମ୍ ।” ^{୨୪} ଅଡ଼େ ଏଝାସି ଏଲେଇତେସି, “ନାନୁ ମିଜେ ସାତା ଝେସିମାଞ୍ଜାଇଁ, ମାହାପୁରୁ ଅଣପୁତି ବଲୁ ଝେହ୍ନାରି ତାମ୍ ପାତାଆତି ନାୟୁତି ଲକୁ ଅପଅରି ।

^{୨୫} ସାମା ନାନୁ ମିଜେ ସାତା ଝେସିମାଞ୍ଜାଇଁ, ଏଲିୟ ବେଲାତା ଏନିକିଁ ତାନି ବାର୍ଯା ସ ଲେଞ୍ଜୁ ପାତେକା ହାଗୁଟି ପିୟୁ ରିଆତାକି ବାରେ ଦେସା କାର୍‌ଝୁ ଆହାମାରେ, ଏରିବେଲାତା ଇସ୍ତାୟେଲତା ହାଡ଼େରି ରାଣ୍ଡେଣିସିକା ମାଟିହିଁ ଜିକେଏ; ^{୨୬} ଏଲିୟ ଏଝାସିକା ତାଣା ପାଣ୍ଡୁଝି ଆଆନା ସିଦନ ଦେସାତି ସାରିପତ ନାୟୁତି ର ରାଣ୍ଡେଣିନି ତାଣା ପାଣ୍ଡୁଝି ଆଡ଼େସି । ^{୨୭} ଅଡ଼େ ମାହାପୁରୁ ଅଣପୁତି ବଲୁ ଝେହ୍ନି ଏଲିସାୟ ମାଟାଟି ଇସ୍ତାୟେଲ ବିତ୍ତା ହାଡ଼େରିକା କାଜା ରଗା ଗାଟାରି ମାରେରି; ଆଡ଼ିଜିକେଏ ଏଝାରି ବିତ୍ତାଟି ରଅସି ଜିକେଏ ନେହିଁ ଆଆଡ଼େସି, ସାମା ସିରିୟା ଦେସାତି ନାମାନ ନେହିଁ କିଝିଆଡ଼େସି ।”

^{୨୮} ଜୀହୁଦି ଲକୁତି କୁଟମି ଇଲୁତା§ ଇ ବାରେ କାତା ଝେଞ୍ଜାନା ବାରେଜାଣା କାର୍‌ବି ଆଡ଼େରି, ^{୨୯} ଅଡ଼େ ଏଝାରି ନିଜାମା ଏଝାଣାଇଁ ଗାଡ଼ାଟି ପାଞ୍ଜାତା ପେର୍‌ହେରି ଇଞ୍ଜା ଏଝାରି ଏମିନି ଗାଡ଼ା ହରୁଲେକ ଦସାମାରେରି ଏ ହରୁ ଲାକଟି ଡ଼ଇକା ମେଡ଼ହାଲି ଏଝାଣାଇଁ ଅଡ଼େରି; ^{୩୦} ସାମା ଏଝାସି ଏଝାରି ମାଦିଟି ହଡ଼ାହାଡ଼େସି ।

ଜୀସୁ ବୁଡୁ ଆଲଗା ମାତାଣାଇଁ ନେହିଁ କିନାୟି

(ମାର୍କ ୧:୨୧-୨୮)

^{୩୧} ଜୀସୁ କପରନାହୁମ ଦରୁଗାଟି ଗାଲିଲିତି ର ଗାଡ଼ାତା ଝାଡ଼େସି, ଇଞ୍ଜା ଜମିନି ଦିନା ଲକୁଣି ଜାପୁହି ମାରେସି, ^{୩୨} ଅଡ଼େ ଏଝାରି ଏଝାଣି ଜାପୁନି ତାଣା କାବା ଆଡ଼େରି, ଏନାଆଁତାକି ଇତିହିଁ ଏଝାଣି ଜଲିନାୟି ଅଦିକାରା ଗାଟାୟି ଲେହେଁ ମାରେ । ^{୩୩} ର ଦିନା ଜୀହୁଦି ଲକୁତି କୁଟମି ଇଲୁତା* ର ପଲ୍‌ଆ ବୁଡୁ ଆଲଗାମାଟି ଲକୁ ମାରେସି; ଏଝାସି କିରଡ଼ିହିଁ ଏଲେଇତେସି, ^{୩୪} “ଏ ନାଜରିତତ ଜୀସୁ ନୀ ତଲେ ମାଜେ

* ୪:୧୫ ୪:୧୫ ସିନଗର୍ † ୪:୧୬ ୪:୧୭ ସିନଗର୍ ‡ ୪:୨୦ ୪:୨୦ ସିନଗର୍ § ୪:୨୪ ୪:୨୪ ଜହ ୪:୪୪ § ୪:୨୮ ୪:୨୮ ସିନଗର୍ ☆ ୪:୩୨ ୪:୩୨ ମାତି ୭:୨୮, ୨୯ * ୪:୩୩ ୪:୩୩ ସିନଗର୍

ଏନାୟି ମାନେ ? ନୀନୁ ମାଜେ ନାୟା କିହାଲି ଖାହାମାଞ୍ଜି କି ? ନୀନୁ ଆମ୍ବାଆତି ନୀନୁ ପୁଞ୍ଜାମାଞ୍ଜି; ନୀନୁ ମାହାପୁରୁତି ସୁତୁ ମାଣସିତି ।”

୩୫ ଜୀସୁ ଏଦାନି ଦାକା ହାହାନା ଏଲେଇଚେସି, “ପାଲେଏ ଆମୁ ଇଞ୍ଜା ଇଞ୍ଜାଣି ତାଣାଟି ହଚାହାଲାନୁ ।” ଏମ୍ବାଟିଏ ଏ ବୁତୁ ଏଞ୍ଜାଣାଞ୍ଜି ମାଦିଏ ବୁକହାନା ଏଞ୍ଜାଣାଞ୍ଜି ଏନାଆଁ କିଆନା ହଚାହାଚେ ।

୩୬ ଏମ୍ବାଟିଏ ବାରେଜାଣା କାବାଆହାନା ଏଲେଇଶ୍ଚି ଆଚେରି, “ଇଦି ଏନିଲେହେଟି କାତା ? ଏଞ୍ଜାସି ବୁତୁୟାଁ ଅଦିକାରା ଅଚେ ବାତୁୟୁଟି ହୁକୁମି ହାହିମାନେସି ଇଞ୍ଜା ଏଞ୍ଜି ହଚା ହାଜିମାନୁ !” ୩୭ ଏମ୍ବାଟିଏ ଏଞ୍ଜାଣି ହାଡାତି କାବୁ ଦେସାତି ସାରିଞ୍ଜାକି ଝେଙ୍ଗାହାଚେ ।

ଜୀସୁ ହାଚେରକା ଲକୁଇଁ ନେହଁ କିନାୟି
(ମାତି ୮:୧୪-୧୭; ମାର୍କ ୧:୧୯-୩୪)

୩୮ ଏମ୍ବାଟିଏ ଜୀସୁ ଜୀହୁଦି ଲକୁତି କୁଟମି ଇଲୁଟି[†] ହଚାନା ସିମନ ଇଜ ହାଚେସି । ସିମନ ପୟା ଗାତି ନଟେରି ଆହାମାଚେ, ଅଚେ ଏଞ୍ଜାରି ଇ କାତା ଜୀସୁଞ୍ଜି ଏଲେଇଚେରି । ୩୯ ଏମ୍ବାଟିଏ ଏଞ୍ଜାସି ଏଦାନି ତାଗେ ନିଚାନା ନଟେରିତି ଦାକା ହାଚେସି, ଇଞ୍ଜା ଏଦାନାକି ନଟେରି ପିସ୍ତେ, ଏଦି ଏ ଦେବୁଣିଏ ନିଜ୍ଜାନା ଏଞ୍ଜାରି ସେବା କିଚେ ।

୪୦ ଝେଡା କୁଡୁହି ମାଗାଟି ଆମ୍ବାଆରି ତାଣା ଏନିଲେହେଟି ରଚା ମାଚେ, ଏଲେତି ରଚା ଲକୁଣି ଜୀସୁ ତାଣା ତାଚେରି, ଇଞ୍ଜା ତାମି ତାକାଣା କେୟୁ ଇଚାନା ବାରେତି ନେହଁ କିଚେସି । ୪୧ ଅଚେ ବୁତୁୟାଁ ଜିକେଏ କିରୁଡୁହି[‡] ହାଚେରକା ଲକୁ ତାଣାଟି ଏଲେଇଞ୍ଜି ହଚାହାହୁ, “ନୀନୁ ମାହାପୁରୁ ମାଟୁଏଶାତି ।”

ଅଚେ ଜୀସୁ ଏ ବାରେତି କାତା ଆହାଲି ହାଆନା ଦାକା ହାଚେସି, ଇଚିହଁ ଏଞ୍ଜାସି କ୍ରୀସୁ ଇଦାଆଁ ଏଞ୍ଜି ପୁଞ୍ଜାମାନୁ ।

ଜୀସୁ ଜୀହୁଦି ଲକୁତି କୁଟମି ଇଲୁତା ଝେକ୍ନାୟି
(ମାର୍କ ୧:୩୫-୩୯)

୪୨ ଲାଜୁ ଝେୟାଲିଏ ଏଞ୍ଜାସି ହଚାନା ଲକୁ ହିଲାଆ ଗାୟୁତା ହାଚେସି; ଅଚେ ଲକୁ ଏଞ୍ଜାଣାଞ୍ଜି ପାରି ପାରିହଁ ଏଞ୍ଜାଣି ତାଣା ଖାଚେରି, ଅଚେ ଏଞ୍ଜାସି ଏନିକଁ ଏଞ୍ଜାରି ତାଣାଟି ହାଲଅସି, ଏଦାଆଁତାକି ଏଞ୍ଜାଣାଞ୍ଜି ମାଞ୍ଜାଲି ବାଡିମାଲିଚେରି । ୪୩ ସାମା ଏଞ୍ଜାସି ଏଞ୍ଜାବାଞ୍ଜି ଏଲେଇଚେସି, “ଏଟକା ଗାଡାତା ଜିକେଏ ନୀନୁ ମାହାପୁରୁ ରାଜିତି ନେହଁ କାବୁ ଝେକ୍ନାୟି ମାନେ, ଇଚିହଁ ଏଦାଆଁତାକି ନୀନୁ ପାଣ୍ଡୁଞ୍ଜି ଆହାମାଞ୍ଜି ।”

୪୪ ଇଞ୍ଜା ଏଞ୍ଜାସି ଜୀହୁଦା ଦେସାତି ଜୀହୁଦି ଲକୁତି କୁଟମି ଇଲୁକାଣା[‡] ହାଜାନା ନେହଁ କାବୁ ଝେକ୍ନହେସି ।

୫

ଜୀସୁ ମୀଶକା ଆହନାବାଞ୍ଜି ହାଚିନାୟି
(ମାତି ୪:୧୮-୨୨; ମାର୍କ ୧:୧୭-୨୦)

୧[†] ର ଦିନା ଜୀସୁ ଗେନେସର ବାନ୍ଦା ଗାଟୁତା ନିଚାମାଗାଟି ହାଚେରକା ଲକୁ ମାହାପୁରୁତି କାତା ଝେଞ୍ଜାଲି ଏଞ୍ଜାଣି ସାରିସୁତୁ ରୁଞ୍ଜା ଆଚେରି । ୨ ଇଞ୍ଜା ଏଞ୍ଜାସି ବାନ୍ଦା ଗାଟୁତା ରୀ ତଂଗାୟାଁ ମାନାଣି ମେସ୍ତେସି; ଏମ୍ବାଟି ମୀଶକା ଆହନାରି ଏମ୍ବାଟି ରେଚାନା ତାମି ଜାଲ୍ଲାୟାଁ ନଚୁହି ମାଚେରି । ୩ ଏ ତଂଗ ବିତ୍ତାଟି ଏନିନାୟି ସିମନଖାୟି ମାଚେ, ଏ ତଂଗତା କୁଗାନା ଗାଟୁଟିଏ ହିରେ ହେକ ହାଜାଲି ବାଡିମାଲିଚେସି; ଇଞ୍ଜା ଏଞ୍ଜାସି କୁଗାନା ଲକୁଣି ଜାପୁହେସି ।

୪ ଏଞ୍ଜାସି ତାନି କାତା ରାପୁହାଲିଏ ସିମନଞ୍ଜି ଏଲେଇଚେସି, “ମୀଶକା ଆସାଲି କୁଡୁନି ଏୟୁଞ୍ଜାକି ହାଜାନା ମୀ ଜାଲ୍ଲାୟାଁ ମେଡୁଦୁ ।”

୫ ଏମ୍ବାଟିଏ ସିମନ ଏଲେଇଚେସି, “ଏ ଗୁରୁ ମାମ୍ବୁଲ୍ଲାଆଁ ଝେୟେ କସ୍ତ କିଡିଞ୍ଜା ର ମୀନୁ ଜିକେଏ ବେଗାଆଆଡମି; ସାମା ନୀ କାତା ଆସାନା ଜାଲ୍ଲା ମେଡୁଇଁ ।” ୬ ଇଞ୍ଜା ଏଞ୍ଜାରି ଜାଲ୍ଲା ମେଡୁହାଲିଏ ଏମ୍ବାଆଁ ଜାଲ୍ଲା ନେଞ୍ଜେ ମୀଶକା ହୁଟୁ, ଇଞ୍ଜା ଏଞ୍ଜାରି ଜାଲ୍ଲା ତାମ୍ବାଲି ମାଟୁହେ । ୭ ଏମ୍ବାଟିଏ ଏଞ୍ଜାରି ଆମିନି ତଡୁଗାଗାରି ଅର ତଂଗତା ମାଚେରି, ଏଞ୍ଜାରି ଏନିକଁ ଖାହାନା ସାୟେମି କିନେରି, ଏଦାଆଁତାକି ଏଞ୍ଜାରି

† ୪:୩୮ ୪:୩୮ ସିନଗଗ ‡ ୪:୪୪ ୪:୪୪ ସିନଗଗ * ୫:୧ ୫:୧ ମାତି ୧୩:୧,୨; ମାର୍କ ୩:୯,୧୦; ୪:୧ * ୫:୫ ୫:୫ ଜହ ୨୧:୩ * ୫:୭ ୫:୭ ଜହ ୨୧:୭

ଏଞ୍ଜେଲ୍ କେନ୍ଦ୍ର ଜାଞ୍ଜିତେରି, ଏମ୍ବାଟିଏ ଏଞ୍ଜେରି ଖାହାନା ରୀ ତଂଗାଁଣା ମୀଶକା ନେଞ୍ଜି କିୟାଲିଏ ଏ ତଂଗାଁୟାଁ ମୁଞ୍ଜିମାତୁ । ୮ ଯାମା ସିମନ ପିତର ଏଦାଆଁ ମେସାନା ଜୀସୁ କତାଣା ରିହାନା ଏଲେଇଚେସି, “ଏ ପ୍ରବୁ ନା ତାଣାଟି ହାଜାତୁହ୍ମୁ ଏନାଆଁତାକି ଇଚିହଁ ନାନୁ ପାପୁଗାଟି ମାଣସିତେସି!”

୯ ଇଚିହଁ ଏଞ୍ଜେରି ହାରେକା ମୀଶକା ଆସାମାତାକି ତାନୁ ଅଡେ ତାନିତଲେ ମାତାରି କାବା ଆହାହାଚେରି; ୧୦ ଜେବଦିତି ରୀ ମୀର୍କା ଜାକୁବ ଅଡେ ଜହନ, ଆମ୍ବାଆରି ସିମନ ଆଟ୍‌ହିତାରି ମାଚେରି, ଏଞ୍ଜେରି ଜିକେଏ କାବା ଆହାହାଚେରି । ଅଡେ ଜୀସୁ ସିମନଇଁ ଏଲେଇଚେସି, “ଆଜାଆନି ନୀଞ୍ଜୁଟିଏ ନୀନୁ ଲକ୍ଷ୍ମି ଆହ୍‌ଦି ।” ୧୧ ଏଚେଟିଏ ଏଞ୍ଜେରି ତଂଗାଁୟାଁ ଗାଟୁତା ତାଚାନା ଏମ୍ବାଆଁ ବାରେ ପିସାନା ଜୀସୁ ଜେଚ ହାଚେରି ।

କାଜା ରଗ ଗାଟାଣାଇଁ ନେହଁ କିନାୟି
(ମାତି ୮:୧-୪; ମାର୍କ ୧:୪୦-୪୫)

୧୨ ଜୀସୁ ର ଗାଟାତା ମାଚାଟି ମେହ୍‌ଦୁ ଏମ୍ବାଆଁ ଗୁଡା ଆଜା କାଜା ରଗ ଗାଟାସି ମାଚେସି; ଏଞ୍ଜେରି ଜୀସୁଇଁ ମେସାନା ମୁନୁ କୁତାନା ଏଞ୍ଜେଣାଇଁ ଏଲେଇଚେସି, “ଏ ପ୍ରବୁ ନୀନୁ ମନ କିତିହଁ ନାଜେ ନେହଁ କିହାଲି ଆଡାଦି ।”

୧୩ ଏଚେଟିଏ ଏଞ୍ଜେରି କେନ୍ଦ୍ର ଦେସାହାଁ ତାଗାନା ଏଲେଇଚେସି, “ନୀନୁ ମନ କିହିମାଇଁ ନୀନୁ ନେହଁ ଆପୁ ।” ଏ ଦେବୁଣିଏ କାଜା ରଗଟି ଏଞ୍ଜେରି ନେହଁ ଆଚେସି । ୧୪ ଜୀସୁ ଏଞ୍ଜେଣାଇଁ ହୁକୁମି ହାହାନା ଏଲେଇଚେସି, “ଆମ୍ବାଆରାଇଁ ଖେହ୍‌ଆନି, ସାମା ହାଜାନା ପୁଜେରାଜାଣି ତହ୍‌ମୁ, ଅଡେ ମସାତି ମେରାଲେହେଁ ନୀନୁ ନେହଁ ଆଡାଣି ସାକି ହାହାଲି ପୁଜା ହାମୁ ।”

୧୫ ସାମା ଏଞ୍ଜେଣି କାତା ହାରେକା ଖେଜାହାଚେ, ଅଡେ ହାରେକା ଲକ୍ଷ୍ମି ଖେଞ୍ଜାଲିତାକି ଅଡେ ରଗଟି ନେହଁ ଆହାଲିତାକି ରୁଣ୍ଡା ଆଚେରି । ୧୬ ସାମା ଜୀସୁ ଲକ୍ଷ୍ମି ହିଲାଆ ଟାୟୁତା ହାଜାନା ପ୍ରାତାନା କିହିମାଚେସି ।

ଜୀସୁ ର ଟଟ ଖାୟିତାଣାଇଁ ନେହଁ କିନାୟି
(ମାତି ୯:୧-୮; ମାର୍କ ୨:୧-୧୨)

୧୭ ର ଦିନା ଜୀସୁସି ମାଚାଟି, ଗାଲିଲି ଦେସାଟି ବାରେ ନାସ୍‌କାଟି, ଜୀହୁଦା ଦେସା ଇଞ୍ଜା ଜିରୁସାଲମଟି ଖାହାମାନି ପାରୁସିୟାଁ ଅଡେ ମେରାପୁନାରି ଜୀସୁ ତାଣା କୁଗାମାଚେରି, ଇଞ୍ଜା ଏଞ୍ଜେରି ଏନିକିଁ ନେହଁ କିନେସି ଇଦାଆଁତାକି ପ୍ରବୁତି ନେହଁ କିନି ବାଡୁହୁଁ ଜୀସୁ ତାଣା ମାଚେ । ୧୮ ଏଚରଜାଣା ଲକ୍ଷ୍ମି ର ଟଟ ଖାୟିତାଣାଇଁ କାଚେଲିତା ଡେକା ତାଚାନା ଜୀସୁ ନକିତା ବିତ୍ରା ଅହାଲି ଅଣପିତେରି । ୧୯ ସାମା ଏମ୍ବାଆଁ ହାରେକା ଲକ୍ଷ୍ମି ମାଚାକି ଜିରୁ ବେଟାଆଆଚେରି, ଇଞ୍ଜା ଏଞ୍ଜେରି ଇଲୁ ଡେପରିତା ଡେକା ଅହାନା ତୁଡିୟାତି ଟାୟିଲି ହୁକୁହାନା କାଚେଲି ତଲେ ଜୀସୁ ନକିତା ରେପ୍‌ହେରି । ୨୦ ଜୀସୁ ଏଞ୍ଜେରି ନାମୁ ମେସାନା ଟଟ ଖାୟିତାଣାଇଁ ଏଲେଇଚେସି, “ତଣେ ନୀ ପାପୁ ବାରେ ମେଣ୍‌ଜାମାନେ ।”

୨୧ ଏଚେଟିଏ ମେରା ଜୀସୁନାରି ଅଡେ ପାରୁସିୟାଁ କାତା ଆହଁ ଏଲେଇଶ୍‌ମି ଆଚେରି, “ଇଞ୍ଜେରି ମାହାପୁରୁ ନିନ୍ଦା କିହିମାନେସି, ଇଞ୍ଜେରି ଆମ୍ବାଆସି ! ମାହାପୁରୁ ପିସ୍‌ପେ ଅଡେ ଆମ୍ବାଆସି ପାପୁ ମେକ୍‌ହାଲି ଆଡ଼ିମାନେସି !”

୨୨ ସାମା ଜୀସୁ ଏଞ୍ଜେରି କାତାବାର୍ତା ଆହିମାନାଣି ପୁଞ୍ଜାନା ଏଞ୍ଜେରାଇଁ ଏଲେଇଚେସି, “ମୀରୁ ମୀ ମନତା ଏନାଆଁତାକି ଏଲେକିଁ ଅଣପିମାଞ୍ଜେରି ? ୨୩ ଏନାଆଁ ଇନାୟି ଉସାସା ‘ନୀ ପାପୁ ବାରେ ମେଣ୍‌ଜାଟେ ଇନାୟି କି ନିଜ୍ଞାନା ତାକାମୁ ଇନାୟି ?’ ୨୪ ଦାଉଡିତା ପାପୁ ମେକ୍‌ହାଲି ମାଣସି ମୀରୁଏଣାକି ଅଦିକାରା ମାନେ, ଇଦାଆଁ ମୀରୁ ଏନିକିଁ ପୁଞ୍ଜାଲି ଆଡ଼ିଦେରି” ଇଦାଆଁତାକି ଟଟ ଖାୟିତାଣାଇଁ ଏଲେଇଚେସି, “ନୀନୁ ନିଜେ ଖେସିମାଞ୍ଜାଇଁ, ନିଜ୍ଞାନା ନୀ କାଚେଲି ଡେକାନା ନୀ ଇଜ ହାଲାମୁ !”

୨୫ ଏଚେଟିଏ ଏଞ୍ଜେରି ଏ ଦେବୁଣିଏ ଏଞ୍ଜେରି ନକିତା ନିଜ୍ଞାନା ଆମିନି କାଚେଲିତା ତୁରାମାଚେସି, ଏଦାଆଁ ଡେକାନା ମାହାପୁରୁଇଁ ଜହରା କିହଁ ତାମି ଇଜ ହାଚେସି । ୨୬ ଏଚେଟିଏ ବାରେଜାଣା କାବାଆହାନା ମାହାପୁରୁଇଁ ଜହରା କିଚେରି, ଅଡେ ଆଜିତଲେ ଏଲେଇଚେରି, “ନୀଞ୍ଜୁ ମାମୁ କାବାଆନି କାମା ମେସ୍‌ମି ।”

ଜୀସୁ ଲେବିଇଁ ହାଡ଼ିନାୟି
(ମାତି ୯:୯-୧୩; ମାର୍କ ୨:୧୩-୧୭)

୨୭ ଏମ୍ବାଟିଏ ଜୀସୁ ପାଙ୍ଗାତା ହାଜାନା ଲେବି* ଦରୁଗାଟି ର ସିସୁ ରାହନାସି ସିସୁ ରାହନି ଚାନ୍ଦୁତା କୁଗାମାନାଣି ମେସାନା ଏଝାଣାଲ୍ ଏଲେଇଚେସି, “ନା ଜ୍ଞେଚ ଝାମୁ ।” ୨୮ ଏମ୍ବାଟିଏ ଏଝାସି ବାରେ ପିସାନା ନିଙ୍ଗାନା ଏଝାଣି ଜ୍ଞେଚ ହାଚେସି ।

୨୯ ଅଡ୍ଡେ ଲେବି ତାନି ଇଜ ର ଜାଜା ବଜ୍ଜି କିଚେସି, ଇଞ୍ଜା ହାଚେକା ସିସୁ ରାହନାସି ଅଡ୍ଡେ ଏଚ୍‌କାଟି ଲକୁ ବାରେ ଏଝାରିତଲେ ତିଞ୍ଜାଲି କୁଚିଚେରି । ୩୦ ଏଚେଟିଏ ପାରୁସିୟାଁ ଅଡ୍ଡେ ଏଝାରି ଗଟିତ ମେରାପୁନାରି ତାନି ସୀସୁୟାଁଲ୍ ଏଲେଇଚେରି, “ମୀରୁ ଏନାଆଁତାକି ସିସୁ ରାହନାସି ଅଡ୍ଡେ ପାପୁ ଗାଟାରି ତଲେ ତିଞ୍ଜି ଉଣ୍ଠି ମାଞ୍ଜେରି ?”

୩୧ ଜୀସୁ ଏଝାରାଲ୍ ଏଲେଇଚେସି, “ନେହ୍ ମାନାରାକି ଅସଗରୁ ଲଡ଼ା ହିଲେଏ, ସାମା ରଡ଼ା ଗାଟାରାକି ଲଡ଼ାମାନେ । ୩୨ ନାନୁ ତାରିଗାଟାରାଲ୍ ହାଟାଲି ଝାହାହିଲଅଁ, ସାମା ମନ ଝେଚ୍‌ପି କହାଲି ପାପୁ ଗାଟାରାଲ୍ ହାଟାଲି ଝାହାମାଲ୍ ।”

ଉପାସା କିନି କାତା ଝେନାସି
(ମାତି ୯:୧୪-୧୭; ମାର୍କ ୨:୧୮-୨୨)

୩୩ ଏଚେକା ଲକୁ ଜୀସୁଲ୍ ଝେଚେରି, “ଜହନତି ସୀସୁୟାଁ ଅଡ୍ଡେ ପାରୁସିୟାଁତି ସୀସୁୟାଁ ଅଲେ ଅଲେ ଉପାସା ଅଡ୍ଡେ ପ୍ରାଡ଼ାନା କିହିମାନେରି, ସାମା ନୀ ସୀସୁୟାଁ ତିଞ୍ଜି ଉଣ୍ଠି ମାନେରି ।”

୩୪ ଏମ୍ବାଟିଏ ଜୀସୁ ଏଝାରାଲ୍ ଏଲେଇଚେସି, “ବୀହା ଲକୁତଲେ ହନେଏସି ମାନି ପାଚେକା ବୀହା ଲକୁ ଉପାସା ମାଞ୍ଜାଲି ଆଡିନେରି ? ୩୫ ସାମା ର ଦିନା ଝାନ୍ନେ; ଏଝାରି ତାଣାଟି ହନେଏସି ହାନେସି, ଏଚେଟିଏ ଏଝାରି ଉପାସା କିନେରି ।”

୩୬ ଇଞ୍ଜା ଏଝାସି ର ପୁଣ୍ଡିକିନି କାତା ଜିକେଏ ଝେସେସି, “ଆମ୍ବାଆସି ପୁଞ୍ଜଲ ହିମ୍ବିରତା ପୁଞ୍ଜି ପାସକି ତାଟଅସି; ତାଟିତିଝା ଏ ପୁଞ୍ଜି ପାସକି ଗେହନେ ଇଞ୍ଜା ପୁଞ୍ଜି ପାସକି ପୁଞ୍ଜଲ ପାସକି ତଲେ ଆଣ୍ଡେଏ ।

୩୭ ଅଡ୍ଡେ ଆମ୍ବାଆସି ପୁଞ୍ଜି ଅଙ୍ଗୁରି ରାସା ପୁଞ୍ଜଲ ଡ଼କାତା^୧ ଇଟଅସି; ଇରିତିହ୍ ଅଙ୍ଗୁରି ରାସା ଡ଼କାତି ଅସି କିହାନା ବହାହାନେ ଅଡ୍ଡେ ଡ଼କା ଜିକେଏ ନସ୍ତ ଆନେ, ୩୮ ସାମା ପୁଞ୍ଜି ଅଙ୍ଗୁରି ରାସା ପୁଞ୍ଜି ଡ଼କାତା ଇଚିନାସି ମାନେ ।

୩୯ ଆମ୍ବାଆସି ପୁଞ୍ଜଲ ଅଙ୍ଗୁରି ରାସା ଗସି ତାୟୁ ପୁଞ୍ଜି ଅଙ୍ଗୁରି ରାସା ଗହ୍‌ଅଚେରି । ପୁଞ୍ଜିଆସି ନେହେଁ ଇଞ୍ଜେରି ।”



ଜମ୍ବିନି ଦିନାତି ପ୍ରବୁ
(ମାତି ୧୨:୧-୮; ମାର୍କ ୨:୨୩-୨୮)

୧ ର ଜମ୍ବିନି ଦିନା ଜୀସୁ ତାନି ସୀସୁୟାଁ ତଲେ ଗହ୍ ଗୁଡିୟାଟି ହାଜିମାଗାଟି ସୀସୁୟାଁ ଗହ୍ ଜ୍ଞେକା ତାପୁହାନା କେନ୍ଦୁତଲେ ରାକ୍‌ହା ତିଞ୍ଜିମାଚେରି । ୨ ସାମା ପାରୁସିୟାଁ ବିଭ୍ରାଟି ଏଚରଜାଣା ଏଲେଇଚେରି, “ଜମ୍ବିନି ଦିନାତା ଏନାଆଁ କିନାସି ମେରା ହିଲେଏ ମୀରୁ ଏନାଆଁତାକି କିହିମାଞ୍ଜେରି ।”

୩ ଜୀସୁ ଏଝାରାଲ୍ ଏଲେଇଚେସି, “ଦାସୁଦ ଅଡ୍ଡେ ତାନି ତଝେସିଞ୍ଜା ହାକି ମାଗାଟି ଏନାଆଁ କିହିମାଚେରି, ଏଦାଆଁ ମୀରୁ ଏଚେଲା ପଡ଼଼ି ଆହାହିଲଅଚେରି ?

୪ ଏଝାସି ମାହାପୁରୁ ଇଲୁତା ହଡ଼ାନା ଆମିନି ହେରପିଆହାମାନି ରୁଚି ପୂଜେରାଞ୍ଜା ପିସ୍‌ପେ ଆମ୍ବାଆରି ତିନି ମେରା ହିଲଆଡେ ଏଦାଆଁ ତିଚେସି ଇଞ୍ଜା ତାନି ତଝେସିଞ୍ଜାକି ଜିକେଏ ହୀଚେସି ।”

୫ ଅଡ୍ଡେ ଏଝାସି ଏଝାରାଲ୍ ଏଲେଇଚେସି, “ମାଣସି ମୀରୁଏସି ଜମ୍ବିନି ଦିନାତି ପ୍ରବୁ ଆନେସି ।”

ଝାୟିତି କେନ୍ଦୁ ଗାଟାଣାଲ୍ ନେହ୍ କିନାସି
(ମାତି ୧୨:୯-୧୪; ମାର୍କ ୩:୧-୬)

୬ ଏଝାସି ର ଜମ୍ବିନି ଦିନାତା ଜୀସୁଦି ଲକୁଡି କୁଚମି ଇଲୁତା* ହାଜାନା ଜାପୁହି ମାଚେସି; ଏଦାଆଁ ରଅସି ମାଚେସି ଏଝାଣି ଚିଠନି କେନ୍ଦୁ ଝାୟାହାଜାମାଚେ । ୭ ଅଡ୍ଡେ ଏଝାସି ଜମ୍ବିନି ଦିନାତା ନେହ୍ କିନେସିକି ଆଏ ଏଦାଆଁ ସିନିକିହାଲି ମେରାପୁନାରି ଅଡ୍ଡେ ପାରୁସିୟାଁ କୁଗାନା ସିନିକିହିମାଚେରି, ଏନିକ୍ ଏଝାଣାଲ୍ ଦହ୍ ଆସାଲି ପାରୁ ବେଟାଆନେରି । ୮ ସାମା ଏଝାସି ଏଝାରି ହିୟାଁତି ଅଣ୍ଡପୁ ପୁଞ୍ଜାନା ଆମିନି ଲକୁଡି କେନ୍ଦୁ ଝାୟାହାଜାମାଚେ ଏଝାଣାଲ୍ ଏଲେଇଚେସି, “ନିଙ୍ଗାମୁ ମାଦି ନିମୁ ।” ଏଚେଟିଏ ଏଝାସି ନିଚେସି

* ୫:୨୭ ୫:୨୭ ମାତିୟୁ ☆ ୫:୩୦ ୫:୩୦ ଲୁକ ୧୫:୧,୨ † ୫:୩୭ ୫:୩୭ ତଲୁ ତଲେ କେପିତି ଅଙ୍ଗୁରି ରାସା ଇଚିନି ବାସା ଚୁପୁ
* ୬:୬ ୬:୬ ସିନଗଗ

। ୯ ଏମ୍ବାଟିଏ ଜୀସୁ ଏଞ୍ଜରାଲ୍ ଏଲେଇରେସି, “ନାନୁ ମିଙ୍ଗେ ଖେଞ୍ଜିମାଞ୍ଜାଇଁ ଜମିନି ଦିନାତା ଏନାଆଁ କିନାୟି ମେରା ମାନେ ? ନେହୁଁ କିନାୟି କି ଲାଗେଏ କିନାୟି ? ଜୀସୁତି ଗେଲ୍ପିନାୟି କି ନାୟା କିନାୟି ?”
 ୧୦ ଅଡେ ଏଞ୍ଜାସି ସାରିଞ୍ଜାକି ଲକୁଣି ସିନିକିହାନା ଏଞ୍ଜାଣାଇଁ ଏଲେଇରେସି, “ନୀ କେୟୁ ଦାହୁମ୍ବୁ ।” ଏମ୍ବାଟିଏ ଦାହୁସିସି, ଇଞ୍ଜା ଏଞ୍ଜାଣି କେୟୁ ନେହୁଁ ଆହାହାରେ । ୧୧ ଏନାଆଁ ମେସାନା ଏଞ୍ଜାରି କାରୁବି ଆହାହାରେରି ଅଡେ ଜୀସୁଇଁ ଏନିକିହାଲି ଆନେ ଇଞ୍ଜୁଁ ତାମ୍ବୁ ତାମ୍ବୁସୁ କାତା ଆଡେରି ।

ଜୀସୁ ବାରଜାଣା ସୀସୁୟାଁଇଁ ଆଡିନାୟି
 (ମାତି ୧୦:୧-୪; ମାକ ୩:୧୩-୧୯)

୧୨ ଏଟିବେଲାତା ଏ ଦିନା ପ୍ରାଡାନା କିହାଲି ହରୁ ଲାକ ହାରେସି ଇଞ୍ଜା ଲାଆଁ ଖେୟେ ମାହାପୁରୁ ତାଣା ପ୍ରାଡାନା କିତେସି । ୧୩ ଲାକ୍ ଖେୟାଲିଏ ଏଞ୍ଜାସି ତାନି ସୀସୁୟାଁ ତାଗେ ହାଡାନା ଏଞ୍ଜାରି ବିଡ୍ରାଟି ବାରଜାଣାତି ଆଡିତେସି; ଇଞ୍ଜା ଏଞ୍ଜରାଲ୍ ପାଣ୍ଡି ଆଡାରି ଇଞ୍ଜୁଁ ଦରୁ ଇଟିତେସି, ୧୪ ଏଞ୍ଜାରି ଆଡେରି ସିମନ ଆମ୍ବାଆରାଇଁ ଏଞ୍ଜାସି ପିତର ଦରୁ ହାତେସି, ଅଡେ ତାନି ତାୟି ଆନ୍ଦିସି, ଜାକୁବ ଅଡେ ଜହନ, ପିଲିପ, ବାର୍ତଲମି, ୧୫ ମାତିୟୁ ଅଡେ ତମା, ଆଲେପି ମୀରୁଏସି ଜାକୁବ ଅଡେ ସିମନ, ଆମିନି ଗାଗାଣାଇଁ ତାନି ଦେସାତି ଜୀସୁ ନନାସି ଇନେରି, ୧୬ ଜାକୁବ ମୀରୁଏସି ଜୀହୁଦା ଅଡେ ଇସ୍ସାରିୟତ ଜୀହୁଦା, ଆମ୍ବାଆସି ଜୀସୁଇଁ ସାଡୁ କେୟୁତା ହେରୁପିତେସି ।

ଜୀସୁତି ଜାପ୍ନାୟି ଅଡେ ରଗାଟି ନେହୁଁ କିନାୟି
 (ମାତି ୪:୨୩-୨୫)

୧୭ ଅଡେ ଏଞ୍ଜାସି ଏଞ୍ଜାରିତଲେ ରେତାଞ୍ଜାହାନା ନିମା ଗାଟି ଟାୟୁତା ନିତେସି, ଇଞ୍ଜା ତାନି ହାରେକା ସୀସୁୟାଁ ଅଡେ ବାରେ ଜୀହୁଦା ଦେସା ଜିରୁସାଲମ ଇଞ୍ଜା ସର ଅଡେ ସିଦନ ଦାରିଟି ହାରେକା ଖାଡେରି । ୧୮ ଏଞ୍ଜାରି ଜୀସୁତି କାତା ଖେଞ୍ଜାଲି ଅଡେ ତାନି ରଗାଟି ନେହୁଁ ଆହାଲି ଖାହାମାରେରି, ଅଡେ ଆମିନି ଗାଗାରି ବୁଡୁୟାଁ ତାଣାଟି କସୁ ବେଗାଆହି ମାରେରି, ଏଞ୍ଜାରି ଜିକେଏ ନେହୁଁ ଆଡେରି; ୧୯ ବାରେଜାଣା ଏଞ୍ଜାଣାଇଁ ତୀଗାଲି ମନ କିହିମାରେରି, ଇଟିହୁଁ ଏଞ୍ଜାଣି ତାଣାଟି ବାଡୁୟୁ ହଡାନା ବାରେଜାଣାଟି ନେହୁଁ କିହିମାରେ ।

ଆମ୍ବାଆରି ନେହେଁ
 (ମାତି ୫:୧-୧୨)

୨୦ ଏଟିବେଲାତା ଜୀସୁ ତାନି ସୀସୁୟାଣି ସିନିକିହାନା ଏଲେଇରେସି,
 “ହିଲଆଗାଟାରେରି ମୀରୁ; ମିଙ୍ଗେ ନେହେଁ,
 ଇଟିହୁଁ ମାହାପୁରୁ ରାଜି ମାଦିଏ ।
 ୨୧ ନୀଏଁ ହାକି ଗାଗାଟେରି ମୀରୁ; ମିଙ୍ଗେ ନେହେଁ,
 ଇଟିହୁଁ ମୀରୁ ତାୟୁ ପାଞ୍ଜିଦେରି ।
 ନୀଏଁ ଡାହିମାନାଟେରି ମୀରୁ; ମିଙ୍ଗେ ନେହେଁ,
 ଇଟିହୁଁ ମୀରୁ ତାୟୁ କାକ୍ଦେରି ।”

୨୨ ଏବେତା ଲକୁ ମିଙ୍ଗେ ଅପଅରି ଅଡେ ମାଣସି ମୀରୁଏଣା ତାକି ଏବକା କିୟାନେରି, ଅଡେ ନିନ୍ଦା କିୟାନେରି ଇଞ୍ଜା ମୀ ଦରୁତି ଲାଗେଏତାୟି ଇଞ୍ଜୁଁ ଅପଅରି, ଆଡିହୁଁ ମୀରୁ ନେହେଁ । ୨୩ ଏବେଲାତା ରାହାଁତଲେ ଏନ୍ଦାସୁ; ଏନିଇଟିହୁଁ ଲାକପୁରୁ ମିଙ୍ଗେତାକି ହାରେକା ଦାନା ମାନେ; ଅଡେ ଏଲେକିହିଁଏ ଏଞ୍ଜାରି ଆକୁ ଆବାୟାଁ ମାହାପୁରୁ ଅଣ୍ଡୁତି ବଲୁ ଖେହନାରାଇଁ କିହିମାରେରି ।”

୨୪ “ସାମା ଆୟଡା ତଣ୍ଡ ବେଗାଆନି ଦନ ଗାଗାଟେରି ମୀରୁ;
 ମୀରୁ ମୀ ଅଣ୍ଡପିମାଟି ସୁକୁ ବେଗା ଆହାମାଞ୍ଜେରି !

୨୫ ଆୟଡା ତଣ୍ଡ ବେଗାଆନାଟେରି ନୀଏଁ ପାଞ୍ଜାମାନାଟେରି ମୀରୁ;
 ଇଟିହୁଁ ତାୟୁ ମୀରୁ ହାକି ଆଡେରି ।

ଆୟଡା ନୀଏଁ କାକ୍ହି ମାନାଟେରି ମୀରୁ;
 ଇଟିହୁଁ ତାୟୁ ମୀରୁ ଦୁକୁ ଆହାନା ଡୀଦେରି ।”

୨୬ “ଏଚିବେଲା ବାରେ ଲକୁ ମିଙ୍ଗେ ନେହାଁତେରି ଇଞ୍ଜାନେରି, ଏଚିବେଲା ଆୟଡ଼ା ଡଣ୍ଡ ବେଟା ଆନାତେରି; ଏଲେକିହୁଁ ଏ ଏଞ୍ଜାରି ଆକୁ ଆବାୟାଁ ମିଚି ବଲୁ ଝେହୁନାରାଇଁ କିହିମାଚେରି ।”

ସାତୁୟାଁଇଁ ଜୀଞ୍ଜନନାୟି
(ମାତି ୫:୩୮-୪୮; ୭:୧୨)

୨୭ ସାମା ମାରୁ ଝେଞ୍ଜମାଞ୍ଜେରି, ନାନୁ ମିଙ୍ଗେ ଝେସିମାଞ୍ଜାଇଁ, ମୀ ସାତୁୟାଁଇଁ ଜୀଞ୍ଜନନୁ; ଆମ୍ବାଆରି ମିଙ୍ଗ ଅପଅରି ଏଞ୍ଜାରି ନେହୁଁ କିଦୁ; ୨୮ ଆମ୍ବାଆରି ମିଙ୍ଗ ବାକା ଇଟାନେରି, ଏଞ୍ଜାରାଇଁ ବର ହୀଦୁ; ଆମ୍ବାଆରି ମିଙ୍ଗେ ଲାଗେଏ କିହୁଁ ଲେମ୍ବାନେରି ଏଞ୍ଜାରି କସମି ପ୍ରାଡ଼ାନା କିଦୁ । ୨୯ ଆମ୍ବାଆସି ମିଙ୍ଗେ ର ଗେଏଲାଡ଼ା ସାପୁଡ଼ା ଝେଡ଼ାନେସି, ଏଞ୍ଜାଣାକି ଅର ଗେଏଲା ଜିକେଏ ଅଗାହୀଦୁ; ଇଞ୍ଜାଁ ଆମ୍ବାଆସି ମୀ ହିମ୍ବି ଅନେସି ଏଞ୍ଜାଣାଇଁ ମୀ ସକା ଜିକେଏ ଅହାଲି କାହିକିଆଦୁ । ୩୦ ଆମ୍ବାଆସି ମିଙ୍ଗେ ରାସ୍ତାନେସି, ଏଞ୍ଜାଣାକି ହୀଦୁ; ଇଞ୍ଜାଁ ଆମ୍ବାଆସି ଦନ ଅନେସି, ଏଞ୍ଜାଣାଇଁ ଝେଣ୍ଡେ ରାହୁଆଦୁ । ୩୧ ଲକୁ ମିଙ୍ଗେ ଏନିକିଁ ଲେମ୍ବାପେରି ଇଞ୍ଜୁଁ ଅଣପିମାଞ୍ଜେରି, ମୀରୁ ଜିକେଏ ଏଞ୍ଜାରାଇଁ ଏଲେକିହୁଁ ଲେମ୍ବାଦୁ ।

୩୨ ଇଞ୍ଜାଁ ଆମ୍ବାଆରି ମିଙ୍ଗେ ଜୀଞ୍ଜ ନୟାଁନେରି, ଏଞ୍ଜାରାଇଁ ଜୀଞ୍ଜ ନଡ଼ିହୁଁ ଏନି ବର ବେଟାଆଡ଼େରି ? ଇଚିହୁଁ ପାପୁ ଗାଟାରି ଜିକେଏ ତାମ୍ବେ ଜୀଞ୍ଜ ନନାରାଇଁ ଜୀଞ୍ଜ ନନେରି । ୩୩ ଅଡ଼େ ଆମ୍ବାଆରି ମିଙ୍ଗେତାକି ନେହୁଁ କିୟାନେରି, ମୀରୁ ଏଞ୍ଜାରି ନେହୁଁ କିଦେରି, ଆତିହୁଁ ମୀରୁ ଏନି ବର ବେଟାଆଡ଼େରି ? ଇଚିହୁଁ ପାପୁ ଗାଟାରି ଜିକେଏ ଏଲେକିନେରି । ୩୪ ଇଞ୍ଜାଁ ଆମ୍ବାଆରି ତାଣାଚି ବେଟାଆହାଲି ଆସା ମାନେ, ଏଞ୍ଜାରାକି ରୀଣା ହୀତିସାରେ ମୀରୁ ଏନି ବର ବେଟାଆଡ଼େରି ? ପାପୁ ଗାଟାରି ଜିକେଏ ସମାନା ଲେକାତଲେ ବେଟାଆହାଲି ପାପୁ ଗାଟାରାକି ରୀଣା ହୀନେରି । ୩୫ ସାମା ମୀ ସାତୁୟାଁଣି ଜୀଞ୍ଜନନୁ ଇଞ୍ଜାଁ ଏଞ୍ଜାରି ନେହୁଁ କିଦୁ, ଝେଣ୍ଡେ ବେଟାଆହାଲି ଆସା କିଆନା ଉଦାରା ହୀଦୁ; ଆତିହୁଁ ମିଙ୍ଗେତାକି କାଜା ଦାନା ମାନେ, ଇଞ୍ଜାଁ ମୀରୁ କାଜା ମାହାପୁରୁତି ମୀରକା ଆଡ଼େରି, ଇଚିହୁଁ ଏଞ୍ଜାସି ଜୀଞ୍ଜ ନଆଗାଟାରାଇଁ ଅଡ଼େ ପାପୁ ଗାଟାରାଇଁ ଜିକେଏ ଜୀଞ୍ଜ ନନାସି । ୩୬ ମୀ ଲାକପୁରୁତି ଆବା ଏନିକିଁ କାର୍ମୀ ମେହନାସି ମୀରୁ ଜିକେଏ ଏଲେକିହୁଁ ଏ କାର୍ମୀ ମେହନାତେରି ଆଦୁ ।

ଏଚକା ତାରାଇଁ ନୀହାଁୟି କିଆଦୁ
(ମାତି ୭:୧-୫)

୩୭ “ଅଡ଼େ ନୀହାଁୟି କିଆଦୁ, ଆତିହୁଁ ମୀରୁ ମାହାପୁରୁ ତାଣା ନୀହାଁୟି କିଞ୍ଚି ଆଥଡେରି; ଦହ ଦହଆଦୁ, ଆତିହୁଁ ମୀରୁ ମାହାପୁରୁ ତାଣା ଦହ ଗାଟାତେରି ଆଥଡେରି; ଦହ ମ୍ବେକ୍ବୁ, ଆତିହୁଁ ମାହାପୁରୁ ମୀ ଦହ ଜିକେଏ ମ୍ବେକ୍ବୁହାନେସି; ୩୮ ହୀଦୁ ଆତିହୁଁ ମିଙ୍ଗେ ଜିକେଏ ହୀପକିଆନେ; ଲକୁ ମାଣାଚି ନେଞ୍ଜିକିହାନା ଏଦାରି ନାବଗାନା ଦାକ୍ବହାନା ଡେଲି କିହାନା ମୀ ଅଚଡ଼ିତା ହିୟାନେରି; ଇଚିହୁଁ ଆମିନି ମାଣାତଲେ ଲାଡ଼ିଦେରି, ମିଙ୍ଗେ ଜିକେଏ ଏ ମାଣା ତଲେଏ ଲାଡ଼ା ହିୟାନେରି ।”

୩୯ “ଏଞ୍ଜାସି ଏଞ୍ଜାରାଇଁ ର ପୁଣ୍ଡିକିନି କାତା ଜିକେଏ ଏଲେକିତେରି, “ର କାଣା ଅର କାଣାଇଁ ଜିରୁ ତସାଲି ଆଡ଼ିନେସିକି ? ଏଞ୍ଜାରି ରିଆରି ଜିକେଏ ରହେଏ ଗାଡ଼ୁୟୁତା ତରଗଅରି କି ? ୪୦ “ସୀସୁ ତାନି ଗୁରୁ କିହାଁ କାଜାସି ଆଏ; ସାମା ବାରେଜାଣା ସୀସୁୟାଁ ନେହୁଁ କିଁ ଜାପାଲି ଆଡ଼ିସାରେ ତାନି ଗୁରୁ ସମାନା ଆନେରି ।”

୪୧ ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନାଣି ଏନାଆଁତାକି ଅଣପି ହିଲଅତି ? ୪୨ ନୀନୁ ନୀ କାନୁତା ମାନି କାଜା ଲାଟାଚି ଅଣପାଆନା, ଏନିକିଁ ନୀ ତାୟିଇଁ ଏଲେକିଞ୍ଜାଲି ଆଡ଼ିଦି, ତାୟି ଝାମ୍ବୁ ନୀ କାନୁତା ମାନି ଲାଟା ଡେଞ୍ଜାଇଁ, ଆଡ଼େ କୁଟୁ ଗାଟାଚି ତଲିଏ ନୀ କାନୁତି କାଜା ଲାଟା ଡେଞ୍ଜା କଡ଼ାମ୍ବୁ, ତାୟି ମୀ ତାୟି କାନୁତି ଲାଟା ନେହୁଁ କିଁ ମେସାଲି ଆଡ଼ିଦି ।

ମାରୁନୁ ଅଡ଼େ ତାନି ପାଡ଼େୟି
(ମାତି ୭:୧୭-୨୦; ୧୨:୩୩-୩୫)

୪୩ “ଇଚିହୁଁ ଇଲେଚି ଏନି ର ନେହୁଁ ମାରୁନୁ ହିଲେଏ, ଏମିନାୟି ଲାଗେଏତି ପାଡ଼େୟି ଆୟିନେ, ଅରୁଞ୍ଜାକି ଇଲେଚି ଏନି ମାରୁନୁ ହିଲେଏ ଏମିନାୟି ନେହୁଁ ପାଡ଼େୟି ଆୟିନେ । ୪୪ ଇଚିହୁଁ ବାରେ

☆ ୭:୩୯ ୭:୩୯ ମାତି ୭:୧୨ ☆ ୭:୩୯ ୭:୩୯ ମାତି ୧୫:୧୪ ☆ ୭:୪୦ ୭:୪୦ ମାତି ୧୦:୨୪,୨୫; ଜହ ୧୩:୧୭; ୧୫:୨୦ ☆ ୭:୪୪ ୭:୪୪ ମାତି ୧୨:୩୩

ମାରକାଣି ତାନି ପାଡ଼େଇ ତଲେ ପୁନାୟି; ହାପକା ମାରୁଚି ଲକୁ ତୟା ପାଡ଼େଇ ଏହୁଅରି, ଇଞ୍ଜା ହାପକା ବୁଟାଟି ଅଙ୍ଗୁରି ପାଡ଼େଇ ଏହୁଅରି ।

୪୫ *ନେହୁ ଲକୁ ନେହୁ ମନ ବିତ୍ରାଟି ନେହୁ କାତା ହପ୍ନେସି, ଇଞ୍ଜା ପଲୁଆ ଗାଟାସି ପଲୁଆ ମନ ବିତ୍ରାଟି ପଲୁଆ କାତା ହପ୍ନେସି; ଇଚିହୁ ହୁୟା ବିତ୍ରା ମାନାଣି ଗୁଚିଟି ଜଲୁନେସି ।

ରୀ ଇଲୁକା କ୍ରେପିନାରି
(ମାତି ୭:୨୪-୨୭)

୪୬ ଅଡ଼େ ମାରୁ ଏନାଆଁତାକି ନାଙ୍ଗେ ପ୍ରବୁ ପ୍ରବୁ ଇଞ୍ଜୁ ମାଞ୍ଜାଦେରି, ସାମା ନା କାତା ମାନୁଞ୍ଜି ଆହି ହିଲଅତେରି ? ୪୭ ଆମ୍ବାଆସି ନା ତାଣା ଖାହାନା ନା କାତା ଖେଞ୍ଜାନା ବାରେ ମାନୁଞ୍ଜି ଆନେସି, ଏଞ୍ଜାସି ଏନିଲେହେତାସି, ନାନୁ ମିଙ୍ଗେ ଖେପୁଇ । ୪୮ ଏଞ୍ଜାସି ଇଲେଚି ର ଇଲୁ ଦହନିଲେହେତି ଲକୁ, ଏନିନିଗାଟାସି ଗାତି ଗାଡ଼ୁୟୁ କାରୁହାନା ପୁନାଦି ଖାଲକାତଲେ କାତି ନିପ୍ନେସି; କାଜା କାତା ଖାହାନା ଏ ଇଲୁଚି ଗୁପିତେ, ଖାଲକାତଲେ ଇଲୁ ଦସାମାଟାକି କାତା ଇଲୁଚି ଦାକ୍‌ହାଲି ଆଡ଼ାଆତେ । ୪୯ ସାମା ଆମ୍ବାଆସି ଖେଞ୍ଜାନା ମାନୁଞ୍ଜି ଆଅସି ଏଞ୍ଜାସି ଗାଡ଼ୁୟୁଟିଏ ପୁନାଦି କିଆନା ଲାକ ଲାକ ଇଡ଼ା ଲାକ ଇଲୁ କିହାମାନି ଲକୁ ଲେହେତାସି; କାଜା କାତା ଖାହାନା ଇଲୁଚି ଗୁପାଲିଏ ଦେବୁଣିଏ ଇଲୁ ରିହା ହାଚେ ଇଞ୍ଜା କୁଡ଼ପୁନାସା ଆହାହାଚେ ।”



ଜୀସୁ ର ରମିୟ ହଲେଏଣାଇଁ ନେହୁ କିନାୟି
(ମାତି ୮:୫-୧୩)

୧ ଜୀସୁ ଲକୁ ନକିତା ବାରେ କାତା ଖେସାଲି ରାପୁହାଲିଏ କପରୁନାହୁମ ଗାଡ଼ାତା ହାଚେସି । ୨ ଏଚିବେଲ୍ଲାତା ରଅସି ପାସାକଡ଼ି କସ୍‌କା ମୁହେଁ କାଜାଣା ହଲେଏସି ହାନିଲେହେଁ ନଟେରି ଆହାମାଚେସି; ଏ ହଲେଏଣାଇଁ ଏଞ୍ଜାସି ହାଚେକା ଜୀସୁ ନହୁଁ ମାଚେସି । ୩ ଏଞ୍ଜାସି ଜୀସୁ କାତା ଖେଞ୍ଜାନା, ଏଞ୍ଜାସି ଏନିକି ଖାହାନା ତାନି ହଲେଏଣାଇଁ ନେହୁ କିନେସି, ଇଦାଆଁତାକି ଜୀହୁଦି ଲକୁଚି କାଜାରି ବିତ୍ରାଟି ଏଚରଜାଣାଟି ଏଞ୍ଜାଣି ତାଣା ପାଣ୍ଡାନା ବାଟିମାଲିଚେସି । ୪ ଏଞ୍ଜାରି ଜୀସୁ ତାଣା ଖାହାନା ହାଚେକା ବାଟିମାଲିହୁଁ ଖେସୁେରି, “ଏଞ୍ଜାସି ନୀ ତାଣାଟି ହାଚେକା ସାଢ଼େମି ବେଟାଆହାଲି ପାଡ଼ା ଆନାସି; ୫ ଇଚିହୁଁ ଏଞ୍ଜାସି ମା ଜୀହୁଦି ଲକୁଣି ଜୀସୁ ନଚେସି ଅଡ଼େ ତାନୁଏ ମାଙ୍ଗେତାକି ଜୀହୁଦି ଲକୁଚି କୁଟମି ଇଲୁ* କିହାମନେସି ।”

୬ ଏମ୍ବାଟିଏ ଜୀସୁ ଏଞ୍ଜାରିତଲେ ହାଚେସି, ଏଞ୍ଜାସି କାଜାଣି ଇଲୁଚିଏ ହିରେ ହେକ ମାଟାଟିଏ ତାନି ତଣେସିଙ୍ଗାଣି ଖେସା ପାଣ୍ଡିଚେସି, “ଏ ପ୍ରବୁ ନାନୁ ଅଡ଼େ କସ୍ ପୁଃଆନିଦେ; ଇଚିହୁଁ ନାନୁ ନା ଇଜ ପାଞ୍ଜୁଲି ଇଚିଦି ଇଲେକଁ ପାଡ଼ାଆଆତାଚେଏ; ୭ ଇଦାଆଁତାକି ନାନୁ ନୀ ତାଣା ଖାହାଲି ପାଡ଼ାଆଆଁ ଇଞ୍ଜୁ ଅଣ୍ଡିପତେଏ; ସାମା ନାନୁ ର ପଦୁ ଖେସା ପାଣ୍ଡାମୁ ନା ହଲେଏସି ନେହୁ ଆନେସି । ୮ ଇଚିହୁଁ ନାନୁ ରଅଣି ତାଣା କାମା କିନି ମାଣ୍ଡି ଆଡ଼ିହୁଁ ଜିକେଏ ନା ଅଦିକାରାତା ଅଡ଼େ କସ୍‌କା ମାନେରି; ଅଡ଼େ ନାନୁ ରଅଣାଇଁ ହାଲାମୁ ଇଚିହୁଁ ହାଚେସି; ରଅଣାଇଁ ଖାମୁ ଇଚିହୁଁ ଖାଚେସି; ଇଞ୍ଜା ନା ହଲେଏଣାଇଁ ଇଦାଆଁ କିମୁ ଇଚିହୁଁ ଏଞ୍ଜାସି କିନେସି ।”

୯ ଜୀସୁ ଇ ବାରେ କାତା ଖେଞ୍ଜାନା କାବା ଆଚେସି, ଅଡ଼େ ଜ୍ଞେଚ ଖାହିମାନି ଲକୁଞ୍ଜାକି ସିନିକିହାନା ଏଲେଇଚେସି, “ନାନୁ ମିଙ୍ଗେ ଖେସିମାଞ୍ଜାଇଁ ଇସାୟେଲ ଲକୁ ବିତ୍ରା ଜିକେଏ ନାନୁ ଇଲେଚି ନାମୁ ମେସାହିଲଅଁ ।”

୧୦ ଅଡ଼େ ପାଣ୍ଡୁଞ୍ଜି ଆହାମାଟି ଲକୁ ଇଜ ଖାହାନା ହଲେଏସି ନେହୁ ଆହାମାନାଣି ମେସୁେରି ।

ରାଗ୍ରେଣି ଇୟାନି ମାରୁଏଣାଇଁ ଜୀସୁ ହାନାୟି

୧୧ ଏମ୍ବାଟିଏ ନାଜନ ଦରୁଗାଟି ଗାଡ଼ାତା ହାଚେସି, ତାନି ସୀସୁୟାଁ ଇଞ୍ଜା ହାଚେକା ଲକୁ ଏଞ୍ଜାଣିତଲେ ହାଜିମାଚେରି । ୧୨ ଏଞ୍ଜାସି ଗାଡ଼ାଟି ଗଲିମୁଟାତା ଏଜାଲିଏ ଲକୁ ର ମାଡ଼ହାଟି ପାଙ୍ଗାତା ଡେକା ତାଟି ମାଚେରି, ଏଞ୍ଜାସି ତାନି ଇୟାନି ରଣ୍ଡିଏ ମାରୁଏସି ମାଚେସି, ଇଞ୍ଜା ଏ ଇୟା ରାଗ୍ରେଣି ମାଚେ; ଅଡ଼େ ଗାଡ଼ାଟି ହାଚେକା ଲକୁ ଏଦାନିତଲେ ମାଚେରି । ୧୩ ଏଦାନି ମେସାନା ଜୀସୁ ହାଚେକା କାର୍ମା ଅଣ୍ଡପାନା ଏଦାନି ଏଲେଇଚେସି, “ଡ଼ାଆନି ।” ୧୪ ଅଡ଼େ ଏଞ୍ଜାସି ତାଗେ ହାଜାନା ଡେକାମାଟି ଚେଚେଣିଟି ତାଗିଚେସି, ଇଞ୍ଜା ଡେକା ଅହିମାଟି ଲକୁ ନିଚାଲିଏ ଜୀସୁ ଏଲେଇଚେସି, “ଆଡ଼େ ଦାଂଗଣେଣାଟି ! ନାନୁ ଏଲେଇଞ୍ଜିମାଞ୍ଜାଇଁ

* ୭:୪୫ ୭:୪୫ ମାତି ୧୨:୩୪ * ୭:୫ ୭:୫ ସିନଗର

ନିଜ୍ଞାମ୍ନ ।” ୧୫ ଏଚେଟିଏ ହାହାମାଚି ଦାଂଗ୍‌ଶେଏସି ନିଜ୍ଞାନା କୁଚିତେସି ଇଞ୍ଜା ଲୁକିତେସି, ଇଞ୍ଜା ଏଝାସି ତାମି ଇୟାନି କେୟୁତା ହେବ୍‌ପିତେସି ।

୧୬ ଏଚେଟିଏ ବାରେଜାଣା ଆଜିତାକି ମାହାପୁରୁଇଁ ଜହରା କିହଁ ଏଲେଇଚେରି; “ମା, ବିତ୍ତା ର, ମାହାପୁରୁ ଅଣ୍ଠପୁତି ବଲୁ ଖେହ୍‌ନାସି ହତାମାନେସି, ଇଚିହଁ ମାହାପୁରୁ ତାନି ଲକୁଣି କାର୍ମା ମେସାମାନେସି !”

୧୭ ଇଞ୍ଜା ଜୀସୁ କିତି ଇ କାତା ବାରେ ଜୀହୁଦା ଦେସାତା ଅଡେ ସାରିସୁଟୁ ମାନି ରାଜିତା ଖେଜାହାଚେ ।

ବାପ୍ତିସ୍ମା* ହାନି ଜହନତି କାରୁ ଖେହ୍‌ନାରି
(ମାତି ୧୧:୨-୧୯)

୧୮ ତାୟୁ ବାପ୍ତିସ୍ମା* ହାନି ଜହନତି ସାୟୁୟା ଇ ବାରେ କାତା ଏଝାଣାଇଁ ଖେସ୍ତେରି । ୧୯ ଏଚେଟିଏ ଜହନ ତାନି ରୀ ସାୟୁୟାଁ ତାଗେ ହାତାନା ପ୍ରବୁ ତାଣା ଏଲେଇଞ୍ଜା ପାଣ୍ଡିତେସି, “ଆମ୍ବାଆସି ଖାନାୟି ମାଚେ, ନାନୁଏ ଏଝାତିକି, ଆଆତଁ ମାମ୍ବୁ ଅୁର ରଅଣାଇଁ କାଃଆନମି ?”

୨୦ ଏଝାରି ଜୀସୁ ତାଣା ଖାହାନା ଏଲେଇଚେରି, “ବାପ୍ତିସ୍ମା* ହାନି ଜହନ ମାଜେ ଏଲେଇଞ୍ଜା ପାଣ୍ଡିତେସି, ଆମ୍ବାଆସି ଖାନାୟି ମାଚେ ଏଝାତି ନାନୁଏ କି ଆଆତଁ ମାମ୍ବୁ ଅୁର ରଅଣାଇଁ କାଃଆନମି ?”

୨୧ ଏଚିବେଲା ଏଝାସି ହାରେକା ରଡ଼ା, କସୁ ଅଡେ ପଲୁଆ ବୁଡୁୟାଁ ତାଣାଟି ହାରେକା ଲକୁଣି ନେହଁ କିତେସି, ଇଞ୍ଜା ହାରେକା କାଣକା ମେହ୍‌ଆଗାଟାରାଇଁ ମେହ୍‌ନି ବାଡୁୟୁ ହାଚେସି । ୨୨ ଏଝାସି ଏଝାରାଇଁ ଏଲେଇଚେସି, “ମୀରୁ ହାଜାନା ଏନା ଏନାଆଁ ମେସାମାଜେରି ଅଡେ ଖେଜାମାଜେରି, ଏ ବାରେ ଜହନଇଁ ଖେହ୍‌ଦୁ; କାଣକା ମେହ୍‌ଆଗାଟାରି ମେସାଲି ଆଡ଼ିମାନେରି, ସତାୟାଁ ତାକାଲି ଆଡ଼ିମାନେରି, କାଜା ରଡ଼ା ଗାଟାରି ନେହଁ ଆଡ଼ିମାନେରି, ବେରାୟାଁ ଖେଜାମାନେରି, ହାଡ଼ାରି ନୀଡ଼ିମାନେରି, ଅଡେ ହିଲାଆ ଗାଟାରି ନେହଁ କାରୁ ଖେଜାମାନେରି, ୨୩ ନା ତାଣା ଆମ୍ବାଆସି ଆନାମାନା ଆଆନା ନାମାନେରି, ତାମ୍‌ଜେଏ ନେହେଁ ।”

୨୪ ଜହନ ସାୟୁୟାଁ ହାଜାଲିଏ, ଜୀସୁ ଲକୁଣି ଜହନତି କାତା ଏଲେଇଚେସି, “ଏଚିବେଲା ବାଃଲି ବାଟାତା ମୀରୁ ହାଜାମାଚେରି, ଏମ୍ବାଆଁ ଏନାଆଁ ମେସାଲି କାଟାମାଚେରି ? ଏନାଆଁ ଗାଲି ତଲେ ଖାଲିମାନି ତାଣ୍ଡିତି ? ୨୫ ଏନାଆଁ ଆଆତିହଁ ଏନାଆଁ ମେସାଲି ହାଜାମାଚେରି ? ନେହଁ ଅକିତି ପାଡ଼ାଡ଼ା ହିମ୍ବୁରି ହୁଚାମାନି ର ମାଣସିଇଁ ? ମେହ୍‌ଦୁ ଆମ୍ବାଆସି ନେହଁ ନେହଁ ହିମ୍ବୁରିକା ହୁଚାନା ସୁକୁ ତଲେ ତୁୟିନାରି ଏଝାରି ରାଜା ଗାଡ଼ାତା ତୁୟିନେରି ! ୨୬ ଏନାଆଁ ଆଆତଁ ଏନାଆଁ ମେସାଲି ହାଜାମାଚେରି ? ଏନାଆଁ ର, ମାହାପୁରୁ ଅଣ୍ଠପୁତି ବଲୁ ଖେହ୍‌ନାଣାଇଁ ? ନାନୁ ମିଜେ ସାତା ଖେସିମାଞ୍ଜାଇଁ, ମାହାପୁରୁ ବଲୁ ଖେହ୍‌ନାରି କିହଁ କାଜାଣାଇଁ । ୨୭ ଆମ୍ବାଆସି କାତା ରାସ୍‌କି ଆହାମାନେ, ‘ହେୟୁ ନାନୁ ନା, କାରୁ ଖେହ୍‌ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଝାସି ନୀ ନକିତା ଜିରୁ ତିୟାରା କିନେସି, ଏଝାସି ଏ ମାଣସି ।’ ୨୮ ନାନୁ ମିଜେ ସାତା ଖେସିମାଞ୍ଜାଇଁ ଇୟାନି ବାଣ୍ଡିତି ଜାର୍ନା ଆହାମାନାରି ବିତ୍ତା ଜହନ ବାରେକିହଁ କାଜାସି; ଆଡ଼ିକିକେଏ ମାହାପୁରୁ ରାଜିତା ଆମ୍ବାଆସି ଉଣା ଏଝାସି ଏଝାଣି କିହଁ କାଜାସି ।”

୨୯ ☆ବାରେଜାଣା ଇ କାତା ଖେଜାନା, ସିସୁ ରାହ୍‌ନାରି ଜିକେଏ ଜହନ ତାଣାଟି ବାପ୍ତିସ୍ମା* ଅହାମାଚାକି ମାହାପୁରୁଇଁ ସାତା ଇଞ୍ଜା ଇଚେରି; ୩୦ ସାମା ପାରୁସିୟାଁ ଅଡେ ମେରାପୁନାରି ଏଝାଣି ତାଣାଟି ବାପ୍ତିସ୍ମା* ପୁଞ୍ଜାନାହାଁ ତାମ୍‌ଜେ ତାକି ମାହାପୁରୁ ଅଣ୍ଠପୁତିମାଗାଣି କୁଚେରି ।

୩୧ “ଇ କାଲାତି ଲକୁଣି ଆମ୍ବାଆସି ତଲେ ତୁକଇଁ, ଇଞ୍ଜା ଏଝାରି ଆମ୍ବାଆସି ଲେହେଁ ? ୩୨ ଏମିନି କକାରି ହାଟା ବାଜାରାତା କୁଗାନା ତାମ୍ବୁ ଏଲେଇଶ୍‌ସି ଆନେରି, ‘ମାମ୍ବୁ ମିଜାତାକି ପୀରୁଡ଼ି ଉକିତମି, ମୀରୁ ଏନାଆଚେରି; ମାମ୍ବୁ ବୁକୁ ତଲେ ଡ଼ାତମି ମୀରୁ ଡ଼ାଆଚେରି!’ ଏଝାରି ଇଲେତାରି ଇଞ୍ଜା ଜୀସୁ ଖେସ୍ତେସି । ୩୩ ଇଚିହଁ ବାପ୍ତିସ୍ମା* ହାନି ଜହନ ଖାହାନା ରାନ୍ଦା ତିନାଆଚେସି କି ଅଜ୍ଞୁରି ରାସା ଗହ୍‌ଆଚେସି, ଅଡେ ମୀରୁ ଏଲେଇଚେରି, ‘ଏଝାଣାଇଁ ବୁଡୁ ଆଲ୍‌ଗାମାଚେ ।’ ୩୪ ମାଣସି ମୀରୁଏସି ଖାହାନା ରାନ୍ଦା ତିଚେସି ଉଚେସି, ଅଡେ ମୀରୁ ଏଲେ ଇଞ୍ଜାମାଜେରି, ‘ମେହ୍‌ଦୁ ଇଝାସି ଚିଣ୍ଡିକାସୁ, କାଡ଼ବୁଡୁ, ସିସୁ ରାହ୍‌ନାରି ଅଡେ ପାପୁ ଗାଟାରି ତଡ଼ଣସି ।’ ୩୫ ମାହାପୁରୁଟି ବୁଦି ତାନି ବାରେ ମୀରୁକା ତାଣାଟି ସାତା ଇଞ୍ଜା ତଞ୍ଜାଆନେ ।”

ପାରୁସି ସିମନ ଇଜ ଜୀସୁ ହାନାୟି

† ୭:୧୭ ୭:୧୮ ମୁଞ୍ଜିନାୟି ‡ ୭:୧୮ ୭:୧୮ ମୁଞ୍ଜିନାୟି § ୭:୨୦ ୭:୨୦ ମୁଞ୍ଜିନାୟି ☆ ୭:୨୯ ୭:୨୯ ମାତି ୨୧:୩୨; ଲୁକ ୩:୧୨
* ୭:୨୯ ୭:୨୯ ମୁଞ୍ଜିନାୟି † ୭:୩୦ ୭:୩୦ ମୁଞ୍ଜିନାୟି ‡ ୭:୩୩ ୭:୩୩ ମୁଞ୍ଜିନାୟି

୩୭ ଅତ୍ତେ ପାରୁସିୟାଁ ବିତ୍ରାଟି ରଅସି ଜୀସୁଇଁ ତାନି ଇଜ ତିଞ୍ଜାଲି ଏଲେଇଚେସି, ଏମ୍ବାଟିଏ ଜୀସୁ ଏ ପାରୁସି ଇଜ ହଡ଼ାନା ରାନ୍ନା ତିଞ୍ଜାଲି କୁଗିଚେସି । ୩୭ *ମେହ୍‌ଦୁ ଏ ଗାଡ଼ାତା ପାପୁଗାଟି ର ଇୟା ମାଚେ; ଜୀସୁ ପାରୁସିୟାଁ ଇଜ ତିଞ୍ଜାଲି କୁଗାମାନେସି ଇଞ୍ଜି ପୁଞ୍ଜାନା ଏଦି ର ଗାନ୍ତୁତା ଗାନ୍ନାଗାଟି ନିହୁଁ ତାଚାନା, ୩୮ ତାମୁଞ୍ଜାକି ଜୀସୁ କତାୟାଦାରି ନିଚାନା ତାହି ତାହି କାଣ୍ଡୁ ବକ୍‌ହାନା ଏଞ୍ଜାଣି ପାଃଆନାୟା ଉଦି କିହାନା ତାନି ତାୟୁଁ ବାଣାୟାଁ ତଲେ ଜୀସୁ ପାଃଆନାୟାଁ ଦ୍ଵେଜିହୁଁ ଏଞ୍ଜାଣି ପାଃଆନାୟାଁ ନଶ୍ଵିଚେ ଅତ୍ତେ ଗାନ୍ନା ନିହୁଁ ରୁବଚେ । ୩୯ ଏଦାଆଁ ମେସାନା ଆମିନି ପାରୁସି ହାଟାମାଚେସି, ଏଞ୍ଜାସି ମନ ମନତା ଅଣ୍‌ପିଚେସି, “ଇଞ୍ଜାସି ମାହାପୁରୁ ଅଣ୍‌ପୁତା ବଲୁ ଖେହ୍‌ନାସି ଆହାମାଚିହୁଁ ମା, ତାଙ୍ଗେ ତାଗିମାନି ଇୟାଟି ଏନିଲେହେଁତାୟି ପୁଚେସିମା, ଇଚିହୁଁ ଏଦି ପାପୁ ଗାଟାୟି ।”

୪୦ ଜୀସୁ ଏଞ୍ଜାଣାଇଁ ଏଲେଇଚେସି, “ଆତ୍ତେ ସିମନ ନାନୁ ନିଙ୍ଗେ ର କାତା ଖେସ୍ତାନାୟିମାନେ ।” ଏଞ୍ଜାସି ଏଲେଇଚେସି, “ହାଅ ପୁରୁ ଖେସ୍ତାମୁ ।”

୪୧ “ର ସାପୁକାରି ତାଣା ରିଆରି ରାଣାଗାଟାରି ମାଚେରି; ରଅସି ପାସାଞ୍ଜା ଅତ୍ତେ ରଅସି ରା କଡ଼ି ଦସଟାକା ରାଣା ଗାଟାସି । ୪୨ ଏଞ୍ଜାରି ରାଣା ଡିକ୍‌ହାଲି ଆଡ଼ାଆଲିଏ, ଏଞ୍ଜାରି ସାପୁକାରି ରିଆରି ରାଣାଟି ଜିକେଏ ପିସାତୁସ୍ତେସି । ଇଞ୍ଜା ଏଞ୍ଜାରି ବିତ୍ରାଟି ଆମ୍ବାଆସି ଏଞ୍ଜାଣାଇଁ ହାଚେରକା ଜୀସୁ ନଚେସି ?”

୪୩ ସିମନ ଏଲେଇଚେସି, “ନା ଅଣ୍‌ପୁତା ଆମ୍ବାଆରାକି ଗାଡ଼ି ରାଣା ପିସ୍‌ପିଆଡେ ଏଞ୍ଜାସି ।”

ଜୀସୁ ଏଲେଇଚେସି, “ନାନୁ ନେହୁଁ ଅଣ୍‌ପାମାଞ୍ଜି ।” ୪୪ ଅତ୍ତେ ଏଞ୍ଜାସି ଏ ଇୟାନିଞ୍ଜାକି ସିନିକିହାନା ସିମନଇଁ ଏଲେଇଚେସି, “ଇ ଇୟାନି ମେସିମାଞ୍ଜି ? ନାନୁ ମା ଇଜ ଖାଚେତଏଁ, ନା କତାୟାଁ ତାକି ଏୟୁ ହିୟାଆତି, ସାମା କାଣ୍ଡୁ ତୁଲେ ନା ପାଃଆନାୟାଁ ଉଦି କିହାନା ତାନି ତାୟୁଁ ବାଣାୟାଁ ତଲେ ଦ୍ଵେଜାଚେ । ୪୫ ନାନୁ ନାଙ୍ଗେ ନଶ୍ଵାଆତି ? ସାମା ନାନୁ ବିତ୍ରା ଖାଞ୍ଜିଏ ନା ପାଃଆନାୟାଁ ନଶ୍ଵାଲି ପିସିମାଞ୍ଜେଏ । ୪୬ ନାନୁ ନା ତାୟୁଁ ତୁ ନିହୁଁ ରୁବଆତି ? ସାମା ଇଦି ନା ପାଃଆନାଣାଁ ଗାନ୍ନା ନିହୁଁ ରୁବଚେ । ୪୭ ଇଦାଆଁତାକି ନାନୁ ନିଙ୍ଗେ ଖେସିମାଞ୍ଜାଇଁ, ଇଦାନି ହାଚେରକା ପାପୁ ମେଣ୍‌ଜାମାନେ ଏଦାଣିତାକି ଏଦି ହାଚେରକା ଜୀସୁନହୁଁ ମାଞ୍ଜାନେ; ସାମା ଆମ୍ବାଆରାକି ଉଣା ପାପୁ ମେଣ୍‌ଜିନେ ଏଞ୍ଜାସି ଉଣା ଜୀସୁ ନଚେସି ।” ୪୮ ଅତ୍ତେ ଜୀସୁ ଏ ଇୟାନି ଏଲେଇଚେସି, “ନା ପାପୁ ବାରେ ମେଣ୍‌ଜାମାନେ ।” ୪୯ ଏମ୍ବାଟିଏ ଏଞ୍ଜାଣିତଲେ ତିଞ୍ଜାଲି କୁଗାମାଚାରି ମନ ମନତା ଏଲେଇଚେସି, “ପାପୁ ଜିକେଏ ମେଣ୍‌ଜି କିହିମାନେସି ଇଞ୍ଜାସି ଆମ୍ବାଆସି ?”

୫୦ ସାମା ଜୀସୁ ଏ ଇୟାନି ଏଲେଇଚେସି, “ନା ନାମୁ ନିଙ୍ଗେ ଗେଲ୍‌ପାମାଞ୍ଜାନେ; ହିଡ଼ି ତଲେ ହାଲ୍‌ମୁ ।”

୮

ଜୀସୁତଲେ ଡ଼ୟିନି ଇୟାସିକା

୧ ଏଚରଦିନା ତାୟୁ ଜୀସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହୁଁ ମାହାପୁରୁ ରାଜିତି ନେହୁଁ କାରୁ ଖେକ୍‌ହେସି, ଅତ୍ତେ ବାରଜାଣା ସୀସୁୟାଁ ଏଞ୍ଜାଣିତଲେ ମାଚେରି, ୨ ଅତ୍ତେ ଏମିନିଗାଟି ଇୟାସିକା ପଲ୍‌ଆ ବୁଡୁୟାଁ ତାଣାଟି ରଗଟି ନେହୁଁ କିଞ୍ଜି ଆହାମାଚୁ, ଇଚିହୁଁ ମଗଦଲିନି ମରିୟମ, ଆମ୍ବାଆରି ତାଣାଟି ସାଡ଼ାଗାଟା ବୁଡୁୟାଁ ହଟାହାଜାମାଚୁ, ୩ ହେରଦ ଇଜତି ଗୁମୁସ୍ତା କୁଜା ଅତ୍ତେ ତାନି ଡ଼କ୍‌ଜି ଜହାନା, ସସାନା ଅତ୍ତେ ହାଚେରକା ଇୟାସିକା ଏଞ୍ଜାଣିତଲେ ମାଞ୍ଜାନା ତାନି ଦନ ହାହାନା ଏଞ୍ଜାରି ସେବା କିହିମାଚୁ ।

ବିଚା ମାଟିନି ପୁଣ୍ଡିକିନି କାତା

(ମାତି ୧୩:୧-୧୯; ମାର୍କ ୪:୧-୯)

୪ ଲକ୍ଷୁ ବାରେ ଗାଡ଼ାୟାଁଟି ଖାହିମାଟାକି ହାଚେରକା ଲକ୍ଷୁ ଏଞ୍ଜାଣି ତାଣା ରୁଣ୍ଡା ଆଡେରି ଇଞ୍ଜା ଏଞ୍ଜାସି ଏଞ୍ଜାରିଇଁ ପୁଣ୍ଡିକିନି କାତାତଲେ ଖେସ୍ତେସି ।

୫ “ରଅସି ବିଚା ମାଟିନାସି ବିଚା ମାଟାଲି ହଚେସି । ଏଞ୍ଜାସି ମାଟି ମାଟିହୁଁ କଚେକା ବିଚା ଜିରୁତା ରୀଚେ ଏଦାଆଁ ଲକ୍ଷୁ ଖିସାତୁସ୍ତେରି, ଅତ୍ତେ ହାଗୁ ଲାକ ଉମ୍ବିନି ପଟା କାଟି ପେରହା ତିରୁ । ୬ ଅତ୍ତେ କଚେକା ଖାଲକା ଲାକ ରୀଚେ, ଇଞ୍ଜା ନେୟାଁନା ବୁଚି ଅଲୁ ହିଲ୍‌ଆତାକି ଖାୟାହାଚେ । ୭ ଅତ୍ତେ କଚେକା ହାପୁକା ବୁଚାତା ରୀଚେ, ଇଞ୍ଜା ହାପୁକା ବୁଚା ପାତାଆହାନା ଆନାଁ ତାକିତି ସ୍ଵିକ୍‌ହାତୁସ୍ତେ । ୮ ଅତ୍ତେ କଚେକା ବିଚା ନେହୁଁ ବୁଚିତା ରୀଚେ, ଇଞ୍ଜା ପାତାଆହାନା ପାସାକଡ଼ି ପାଡ଼େୟି ଆୟିଚେ ।” ଏଚେଟିଏ ଜୀସୁ କାଜା ଗିୟାଁତଲେ ଏଲେଇଚେସି, “ଆମ୍ବାଆରାକି ଖେଞ୍ଜାଲି କାକା ମାନୁ ଏଞ୍ଜାରି ଖେଣ୍‌ମାଟି ।”

* ୭:୩୭ ୭:୩୭ ମାତି ୨୭:୭; ମାର୍କ ୧୪:୩; ଜହ ୧୨:୩

ପୁଣ୍ୟକିନି କାତାଡି ଅଣ୍ଟା

(ମାତି ୧୩:୧୦-୧୭; ମାର୍କ ୪:୧୦-୧୨)

୯ ତାମି ସାମୁୟାଁ ଇ ପୁଣ୍ୟକିନି କାତାଡି ଅର୍ଡ ଏନାୟି ଇଞ୍ଜିଁ ୱେରେରି, ୧୦ ଏଞ୍ଜାସି ଏଲେଇରେସି, “ମାହାପୁରୁ ରାଜିତି କାତା ପୁଞ୍ଜାଲି ମିଙ୍ଗେ ବାଡୁୟୁ ହାପକି ଆହାମାନେ, ସାମା ଏବ୍ବାକା ତାରାଇଁ ପୁଣ୍ୟକିନି କାତାତଲେ ୱେସ୍ପିଆନେ, ଇତିହ୍ ଏଞ୍ଜାରି ମେସି ମେସିହ୍ ମେହ୍ଅରି ଅଡେ ୱେଞ୍ଜିଞ୍ଜେଞ୍ଜି ତେଲ୍ଲହଅରି ।”

ଜାସୁ ବିତା ମାଟିନି କାତାଡି ପୁଣ୍ୟକିନାୟି

(ମାତି ୧୩:୧୮-୨୩; ମାର୍କ ୪:୧୩-୨୦)

୧୧ ପୁଣ୍ୟକିନି କାତା ଅର୍ଡ ଇଦି, ବିତା ମାହାପୁରୁ ବଲ୍ଲୁ, ୧୨ ଜିରୁ ଦାରିତି ପାଡେୟି ଇଲେତାରି, ଏଞ୍ଜାରି ମାହାପୁରୁ କାତା ୱେନେରି; ତାୟୁ ସୟତାନା ୱାହାନା ଏଞ୍ଜାରି ଏନିକ୍ ନାମାଆପେରିଞ୍ଜା ଅଡେ ଗେଲ୍ଲପି ଆଆପେରିଞ୍ଜା ଇଞ୍ଜିଁ ଏଞ୍ଜାରି ହିୟାତା ୱେଞ୍ଜାମାନାଣି ମାଞ୍ଜାଅନେ । ୧୩ ୱାଲ୍ଲକା ବୁମିତା ରିତି ଲକୁ ଇଲେତାରି, ଏଞ୍ଜାରି କାତା ୱେଞ୍ଜାନା ରାହୁତି ଆହ୍ନେରି; ଏଞ୍ଜାରିତାଣା ହାଉ ଜାଆତାକି ଗାଡେକା ତାକି ନାମିନେରି, ଅଡେ ତାୟିପାରି କିନାୟି ୱାଡିସାରେ ମାହାପୁରୁକ୍ ପିସା ତୁହ୍ନେରି । ୧୪ ଅଡେ ହାପକା ବୁଗାତା ରିତି ଲକୁ ଇଲେତାରି ଆମିନି ଗାଟାରି ମାହାପୁରୁ କାତା ୱେଞ୍ଜାନା ଦାରୁତିତି ଦୁକୁ କାକୁଲି, ଦନତି ଜୁପକା ଅଡେ ଦାରୁତିତି ରାହୁଁ ଏଞ୍ଜାରାଇଁ ପୁକ୍‌ହାତୁସାମାନାକି ନେହ୍ କିଁ କାମ୍ବାଲି ଆଡଅରି । ୧୫ ନେହ୍ ବୁମିତା ରିତି ପାଡେୟି ଇଲେତାରି, ଏମିନିଗାଟାରି ନେହ୍ ସୁଦୁଜାଞ୍ଜୁ ହିୟାତି କାତା ୱେଞ୍ଜାନା ଆହ୍ନେରି, ଅଡେ ବାରେ ଅରହାନା କାମା କିହାନା ପାଡେୟି ଆୟିନେରି ।

ମାଣା ପୁକ୍‌ହି ଦୀଞ୍

(ମାର୍କ ୪:୨୧-୨୫)

୧୬ *ଦୀଞ୍ ତୃସାମା ଆମ୍ବାଆରି ମାଣା ପୁକ୍‌ହାନା କି କାଟେଲି ତୁଇକା ଇଟଅରି, ସାମା ଦୀଞ୍ ସତାତା ଇରିନେରି, ଏନିକ୍ ଇଜଞ୍ଜାରି ଲକୁ ଉଜେଡି ମେହ୍ନେରି ।

୧୭ *ତୁଗ୍ଗାମାନାୟି ଏନାୟିଞ୍ଜା ହିଲେଏ, ଏନାୟି ତଞ୍ଜା ଆଏ ଇଲେକ୍ ଏନାୟି ଜିକେଏ ହିଲେଏ, ୱେସ୍ପି ଆହାନା ତଞ୍ଜା ଆଏ ଇଲେତି ତୁଗ୍ଗାମାନାୟି ଏନାୟି ହିଲେଏ ।

୧୮ ଏନିକ୍ ୱେଞ୍ଜାମାଞ୍ଜେରି ଏଦାଆଁତାକି ଜାଗ୍ରାତା; ଇତିହ୍ ଆମ୍ବାଆରାଞ୍ଜାୟି ମାନେ ଏଞ୍ଜାଣାକି ହାପକିଆନେ, ଅଡେ ଆମ୍ବାଆରାଞ୍ଜାୟି ହିଲେଏ ଏଞ୍ଜାସି ନାଦି ମାନେ ଇଞ୍ଜିଁ ଅଣ୍ଟିମାନେସି, ଏଦାଆଁ ଜିକେଏ ଅଞ୍ଜିଆନେ ।

ଜାସୁତି ଇୟା ଅଡେ ତାୟିୟାଁ

(ମାତି ୧୨:୪୬-୫୦; ମାର୍କ ୩:୩୧-୩୫)

୧୯ ଜାସୁତି ଇୟା ଅଡେ ତାମି ତାୟିୟାଁ ଏଞ୍ଜାଣି ତାଣା ୱାଡେତରି, ସାମା ଲକୁ ମାନ୍ଦା ମାଟାକି ଏଞ୍ଜାଣି ତାଣା ହାଜାଲି ଆଡାଆଡେରି । ୨୦ ଏମ୍ବାଟିଏ ଜାସୁକ୍ ୱେସ୍ପେରି, “ମା ଇୟା ଅଡେ ମା ତାୟିୟାଁ ନିଙ୍ଗେ ମେସାଲି ପାଙ୍ଗାତା ନିଟାମାନେରି ।”

୨୧ ସାମା ଏଞ୍ଜାସି ବାରେତି ଏଲେଇରେସି, “ମାୟା ଅଡେ ମା ତାୟିୟାଁ ଏଞ୍ଜାରି, ଆମ୍ବାଆରି ମାହାପୁରୁତି କାତା ୱେନେରି ଅଡେ ମାନ୍‌ଞ୍ଜି ଆନେରି ।”

ଜାସୁ କାଜା ଗାଲିତି ସାପି କିନାୟି

(ମାତି ୮:୨୩-୨୭; ମାର୍କ ୪:୩୫-୪୧)

୨୨ ର ଦିନା ଜାସୁ ଅଡେ ତାମି ସାମୁୟାଁ ତଂଗତା କୁଗିତେରି, ଇଞ୍ଜାଁ ଜାସୁ ଏଞ୍ଜାରାଇଁ ଏଲେଇରେସି, “ଞ୍ଜାଦୁ ମାର ସାମଦୁରି ଆତାଲା ହାନ ।” ଏମ୍ବାଟିଏ ଏଞ୍ଜାରି ତଂଗତି ହାଡେରି । ୨୩ ସାମା ଏଞ୍ଜାରି ତଂଗତା ହାଜିମାନି ବେଲାତା ଜାସୁ ତୁରାତେସି । ଏତିବେଲା ସାମଦୁରିତା କାଜା ଗାଲି ଆଡେ, ଅଡେ ଏୟୁ ତଂଗତା ହଡିମାଟାକି ଏଞ୍ଜାରି ହାଡେରକା କସ୍ପ ଆଡେତରି ଇଞ୍ଜାଁ ଆଜିତେରି । ୨୪ ଏବେଟିଏ ସାମୁୟାଁ ତାଗେ ୱାହାନା ନିକହାଁ ଏଲେଇରେରି, “ଏ ଗୁରୁ ଏ ଗୁରୁ ମାର ହାହିମାନାୟି !”

ଏମ୍ବାଟିଏ ଏଞ୍ଜାସି ନିଙ୍ଗାମା କାଜା ଗାଲିତି ଦାକା ହାଡେସି, ଇଞ୍ଜାଁ ଏ ବାରେ ସାପି ଆହାନା ସୁସ୍ତି ଆଡେ । ୨୫ ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏଲେଇରେସି, “ମା ନାମୁ ଆମ୍ବିୟା ?” ସାମା ଏଞ୍ଜାରି ଆଜି ଅଡେ କାବାଆହାନା

* ୮:୧୨ ୮:୧୭ ମାତି ୫:୧୫; ଲୁକ ୧୧:୩୩ * ୮:୧୨ ୮:୧୭ ମାତି ୧୦:୨୨; ଲୁକ ୧୨:୨

ତାମ୍ଭ ଏଲେଇଶାସ୍ତି ଆଡେରି, “ଇସ୍ରାଏଲି ଏନିଲେହେତାସି ଇଚିହୁଁ ଗାଲି ଅଡେ ଝାଡ଼ିମାନି ଏୟୁଣି ଜିକେଏ ହୁକୁମି ହାହିମାନେସି ।”

ବୃତ୍ତୟାଁ ଆଲ୍‌ଗା ମାଗାଣାଇଁ ଜୀସୁ ନେହୁଁ କିନାୟି
(ମାତି ୮:୨୮-୩୪; ମାର୍କ ୫:୧-୨୦)

୨୭ ତାୟୁ ଏଝାରି ଗାଲିଲି ନକିତି ଆତାଲାଝାକି ଗରାସିୟୁ ଦେସାତା ଏଡେରି । ୨୮ ଜୀସୁ ତଂଗଟି ରେଚାନା ଗାଟୁତା ଝାହାଲିଏ, ଏ ଗାଡ଼ାତି ର ବୃତ୍ତ ଆଲ୍‌ଗା ମାଗାସି ଝାହାନା ଏଝାଣାଇଁ ବେଟାଆଡେସି; ଏଝାସି ଗାଟୁ ଦିନାଟିଏ ହିମ୍ବରିକା ହୁରାଆନା ଅଡେ ଇଜ ମାନାଆନା ମାଡ଼ହା ମୁହନି ଗାୟୁତା ଡ଼ୟିମାରେସି । ୨୯ ଏଝାସି କିରୁଡ଼ିହୁଁ ଜୀସୁ କତାଣା ରିହାନା କାଜା ଗିୟାତଲେ ଏଲେଇରେସି, “ଏ ବାଡ଼ୟୁଗାଟି ମାହାପୁରୁ ମୀରୁଏଣାତି ଜୀସୁ ନୀ ତଲେ ନାଜେ ଏନାୟି ମାନେ ? ନାନୁ ବାତିମାଲିମାଝାଇଁ ନାଜେ ଅଡେ କସ୍ତୁ ହିୟାଆନି ।” ୨୯ ଇଚିହୁଁ ଜୀସୁ ଏ ପଲ୍‌ଆ ବୃତ୍ତତି ଏ ମାଣସି ତାଣାଟି ହଡ଼ା ହାଜାଲି ହୁକୁମି ହାହାଲି ହାଜିମାରେସି । ଏ ପଲ୍‌ଆ ବୃତ୍ତ ହାରେକା ପାଲି ଏଝାଣାଇଁ ଆଲ୍‌ଗାମାରେ, ଇଞ୍ଜାଁ ଲକୁ ଏଝାଣାଇଁ କେସ୍ତା କତାଣା ହିକଣିୟାଁ ତଲେ ଦସ୍‌ପା ଇଚିମାରେରି, ସାମା ଏ ଦସ୍‌ପା ମାଗାଣି ତାପ୍‌ହାନା ବୃତ୍ତ ତଲେ ବାୟା ଆହାନା ଲକୁ ହିଲ୍‌ଆ ଗାୟୁତା ହଟିମାରେସି ।

୩୦ ଜୀସୁ ଏଝାଣାଇଁ ଏଲେଇରେସି, “ନୀ ଦରୁ ଏନାୟି ?”

“ନୀ ଦରୁ ମାନ୍ଦା” ଇଞ୍ଜୁଁ ଇରେସି, ଏନାଆଁତାକି ଇଚିହୁଁ ହାରେକା ବୃତ୍ତୟାଁ ଆଲ୍‌ଗାମାରୁ । ୩୧ ଇଞ୍ଜାଁ ଜୀସୁ ଏଝାସିକାଣି ତାଡ଼େପୁରୁ ପାଣ୍ଡାଲି ହୁକୁମି ହାଅସି, ଇଦାଆଁତାକି ଏଝାଣାଇଁ ବାତିମାଲିତୁ ।

୩୨ ଏଦାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟୁଁ ମାରୁ, ଇଞ୍ଜାଁ ଜୀସୁଇଁ ଏ ବୃତ୍ତୟାଁ ପାଜିୟାଁ ମାନ୍ଦା ବିତ୍ତା ହାଜାଲି ହେଲ ରାସ୍ତା ୩୩ ଏଝାସି ହେଲ ହାହାଲିଏ, ବୃତ୍ତୟାଁ ଏ ମାଣସି ତାଣାଟି ହଡ଼ା ହାଜାନା ପାଜିୟାଁ ବିତ୍ତା ହୁମ୍; ଏରେଟିଏ ଏ ପାଜିୟାଁ ଏ ହରୁଟି ଦାବଡ଼ି ହାଜାନା ଦାରିତା ମାତି ସାମ୍‌ଦୁରିତା ମେଦା ହାହାହାରୁ ।

୩୪ ଏ ପାଜିୟାଁ ମାନ୍ଦା ମେଟିମାଟି ଗଡ଼କା ଏଦାଆଁ ମେସାନା ହଚେରି ଇଞ୍ଜାଁ ଗାଡ଼ା ଅଡେ ନାସ୍‌କାଣାଁ ଏ କାତା ଝେସ୍ତେରି । ୩୫ ଏନାୟି ଆହାମାନେ ଏଦାଆଁ ମେସାଲି ଲକୁ ହଡ଼ାଝାଡେରି; ଇଞ୍ଜାଁ ଏଝାରି ଜୀସୁ ତାଗେ ଝାହାନା, ଆମିନି ମାଣସି ତାଣାଟି ବୃତ୍ତୟାଁ ହଡ଼ା ହାଜାମାରୁ, ଏଝାଣାଇଁ ନେହୁଁ ହିମ୍ବରିକା ହୁଚାନା ନେହୁଁ ମନଡଲେ ଜୀସୁ କତାଁ ଡ଼ଇ କୁଗାମାଗାଣି ମେସାନା ଆଜିଡେରି । ୩୬ ଅଡେ ଆମିନି ଗାଟାରି ମେସାମାରେରି ଏଝାରି ଏ ବୃତ୍ତ ଆଲ୍‌ଗା ମାଗାସି ଏନିକୁଁ ନେହୁଁ ଆଡେସି, ଏଦାଆଁ ଏଝାଣାଇଁ ଝେସ୍ତେରି । ୩୭ ଏମ୍ବାଟିଏ ଗରାସିୟୁ ବାରେ ନାସ୍‌କାତି ସାରିଝାକି ବାରେ ଲକୁ ଜୀସୁଇଁ ତାମି ଦେସାଟି ହାଜାଲି ବାତିମାଲିଡେରି, ଇଚିହୁଁ ଏଝାରି ହାରେକା ଆଜିମାରେରି । ଇଞ୍ଜାଁ ଏଝାସି ର ତଂଗତା ହଡ଼ାନା ଝେଣ୍ଡାହାରେସି । ୩୮ ସାମା ଏମିନିଗାଗାଣି ତାଣାଟି ବୃତ୍ତୟାଁ ହଡ଼ା ହାଜାମାରୁ, “ନାଜେ ନୀ ତଲେ ହାଜଲି ହେଲ ହିୟାମୁଁ” ଇଞ୍ଜୁଁ ବାତିମାଲିଡେସି; ୩୯ ସାମା ଜୀସୁ ଏଝାଣାଇଁ ହେଲ ହାହାନା, “ମୀ ଇଜ ଝେଣ୍ଡା ହାଲ୍‌ମୁ, ଇଞ୍ଜାଁ ମାହାପୁରୁ ନିଜେତାକି ଆମିନି କାମା କିହାମାଝାନେସି ଏ କାତା ଝେକମୁ ।” ଏରେଟିଏ ଏଝାସି ହାଜାନା ଜୀସୁ ତାଜେତାକି ଆମିନି କାମା କିହାମାରେସି, ଏ ବାରେ ଗାଡ଼ାତା ଝେକହେସି ।

ଜାୟିରସତି ମାଜା ଅଡେ ଜୀସୁତି ହିମ୍ବରି କୁକୁ ଡାଗିତି ଇୟା
(ମାତି ୯:୧୮-୨୬; ମାର୍କ ୫:୨୧-୪୩)

୪୦ ଜୀସୁ ଝେଣ୍ଡା ଝାହାଲିଏ ମାନ୍ଦା ଲକୁ ଏଝାଣାଇଁ ରାହାଁତଲେ ବେଟାଆଡେରି, ଇଚିହୁଁ ଏଝାରି ବାରେଜାଣା ଏଝାଣାଇଁ କାଡ଼ିମାରେରି । ୪୧ ଏମ୍ବାଟିଏ ଜାୟିରସ ଦରୁଗାଟାସି ଝାଡେସି; ଏଝାସି ଜୀସୁଦି ଲକୁଡି କୁଚମି ଇକୁଡି* କାଜାସି ମାରେସି । ଏଝାସି ଜୀସୁ କତାଣା ରିହାନା ତାମି ଇଜ ହାଜାଲି ବାତିମାଲିଡେସି, ୪୨ ଇଚିହୁଁ ଏଝାଣାଇଁ ବାର ବାସାତି ରଣ୍ଡିଏ ମାଜା ମାରେ, ଏଡ଼ି ହାନ୍ଦିଲେହେଁ ନମେରି ଆହାମାରେ ।

ସାମା ଏଝାସି ହାଜିମାଗାଟି ଲକୁ ଏଝାଣି ମୁହେଁ ମୁହେଁ ଆହିମାରେରି । ୪୩ ଏଚିବେଲାତା ବାର ବାସାଁ ପାଡେକା ନେଡେରି ଝାଜ୍ଜିନି ରଗଗାଟି ର ଇୟା, ଏମିନି ଗାଟାସି ଆମ୍ବାଆରି ତାଣାଟି ଜିକେଏ ନେହୁଁ ଆହାଲି ଆଡ଼ିହିଲାଆଡେ, ୪୪ ଏଡ଼ି ତାୟୁ ଝାକିଟି ଝାହାନା ଜୀସୁତି ହିମ୍ବରି କୁକୁ ଡାଗିଡେ, ଏ ଦେବୁଣିଏ ଏଦାନି ନେଡେରି ବନାୟି ପିସ୍ତେ । ୪୫ ଏମ୍ବାଟିଏ “ନାଜେ ଆମ୍ବାଆୟି ଡାଗାଡେ” ଇଞ୍ଜୁଁ ଜୀସୁ ଝେରେସି ?

* ୮:୪୧ ୮:୪୧ ପିକଗର

ସାମା ବାରେଜାଣା ଆଏ ଇଞ୍ଜାଲିଏ, ପିତର ଏଲେଇଚେସି, “ଏ ଗୁରୁ ଲକୁ ବାରେ ମୁହେଁ ମୁହେଁ ଆହିମାନେରି ।”

୪୭ ସାମା ଜୀସୁ ଏଲେଇଚେସି, “ନାଜେ ଆମ୍ବାଆୟିମା ତୀଗାତେ, ଇଚିହଁ ନା ତାଣାଟି ର ବାଡ଼ୁୟୁ ହଡ଼ାକି ନାନୁ ପୁଚେଏ ।” ୪୮ ଏମ୍ବାଟିଏ ଏ ଇୟା ଖାହାନା ଅଣ୍ପିତେ ନାନୁ ଅଡ଼େ ତୁଗ୍ଗାନା ମାଞ୍ଜାଲି ଆଡ଼ଅଁ ଇଞ୍ଜି ଅଣ୍ପିପାନା ଆଜିତାକି ତାରା ତାରା ଆହଁ ଜୀସୁ କଡ଼ାଣା ରିହାନା, ଏନାଆଁତାକି ତାରିତେ ଇଞ୍ଜା ଦେବୁଣିଏ ଏନିକଁ ନେହଁ ଆଡ଼େ, ବାରେ ଲକୁ ନକିଡ଼ା ଖେସ୍ତେ । ୪୯ ଏମ୍ବାଟିଏ ଜୀସୁ ଏଦାନି ଏଲେଇଚେସି, “ନାଫା ନୀ ନାମ୍ବୁ ନିଜେ ନେହଁ କିହାମାଞ୍ଜାନେ, ହିଡ଼ୁଡ଼ିଟି ହାଲମ୍ବୁ ।”

୫୦ ଜୀସୁ ଇ କାତା ଖେସିମାଟି ବେଲତା ଜୀହୁଦି ଲକୁଡି କୁଟି ଲକୁଡି କାଜାଣା ଇଜଟି ରଅସି ଖାହାନା ଜାୟିରସଇ ଏଲେଇଚେସି, “ନୀ ନାଫା ହାହାହାଚେୟିଏ ଗୁରୁଇଁ ଅଡ଼େ କସୁ ହାଆନିଦେହେଁ ।”

୫୧ ସାମା ଜୀସୁ ଏ କାତା ଖେଞ୍ଜାନା ଏଞ୍ଜାଣାଇଁ ଏଲେଇଚେସି, “ଆଜାଆନି ନାମାମୁ ଏଦି ନୀଡିନେ ।”

୫୨ ଅଡ଼େ ଜୀସୁ ଇଜ ଖାହାନା ପିତର, ଜହନ ଅଡ଼େ ଜାକୁବ ଇଞ୍ଜା ପଦାନି ତାନି ଆବା ଇୟାନି ପିସପେ ଆମ୍ବାଆରାଇଁ ବିତ୍ରା ହାଜାଲି ହାଆଡେସି । ୫୩ ସାମା ବାରେଜାଣା ଡାହି ଡାହି ବକତା ଖେଟା କଡ଼ିମାତୁ । ଏମ୍ବାଟିଏ ଜୀସୁ ଏଲେଇଚେସି, “ଡାଆଦୁ; ଏଦି ହାହାହିଲେଏ, ସାମା ତୁରାମାନେ ।”

୫୪ ସାମା ପଦା ହାହାମାନାଣି ପୁଞ୍ଜାନା ଏଞ୍ଜି ଏଞ୍ଜାଣାଇଁ କାକହୁ । ୫୫ ସାମା ଜୀସୁ ପଦାନି କେୟୁ ଆସାନା ହାଟାହାଁ ଏଲେଇଚେସି, “ଆକେ ପଦା, ନିଜାମ୍ବୁ ।” ୫୬ ଏମ୍ବାଟିଏ ପଦାନି ଜୀସୁ ଖେଣ୍ଡା ଖାଡେ ଅଡ଼େ ଏ ଦେବୁଣିଏ ନିଜିତେ, ଇଞ୍ଜା ଇଚାଣି ତିଞ୍ଜାଲି ହୀଦୁ ଇଚେସି । ୫୭ ଏମ୍ବାଟିଏ ତାନି ତାଲି ତାଞ୍ଜି କାବାଆଦୁ; ସାମା ଇ ପଦା ନେହଁ ଆଡ଼ାଣି ଆମ୍ବାଆରାଇଁ ଖେହ୍‌ଆଦୁ ଇଞ୍ଜି ଏଞ୍ଜାସିକାଣି ହୁକୁମି ହୀଡେସି ।



ଜୀସୁ ବାରେଜାଣା ସାମୁୟାଁଇଁ ପାଣ୍ଡିନାୟି

(ମାତି ୧୦:୫-୧୫; ମାର୍କ ୬:୭-୧୩)

୧ ଏଚେଟିଏ ଜୀସୁ ବାରେଜାଣାଟି ହାଟାନା ରୁଣ୍ଡା କିହାନା ଏଞ୍ଜାଣାଇଁ ବାରେ ବୁଡ଼ୁୟାଁ ଲାକ ଅଡ଼େ ରଗଟି ନେହଁ କିହାଲି ବାଡ଼ୁୟୁ ଅଡ଼େ ଅଦିକାରା ହୀଡେସି । ୨ ଅଡ଼େ ଏଞ୍ଜାସି ଏଞ୍ଜାଣାଇଁ ମାହାପୁରୁଟି ରାଜିତି କାତା ଖେକହାଲି ଅଡ଼େ ରଗ ଗାଟାରାଇଁ ନେହଁ କିହାଲି ପାଣ୍ଡିତେସି ୩ ଇଞ୍ଜା ଏଞ୍ଜାଣାଇଁ ଏଲେଇଚେସି, “ମାରୁ ହାଜାଲିତାକି କୁତା ବାଡ଼ୁବା କି ମଣା କି ରୁଟି କି ଏନି ଟାକାୟାଁ ଜିକେଏ ଅଆଦୁ, ଅଡ଼େ ଜଡ଼େକା ସକାୟାଁ ଜିକେଏ ଅଆଦୁ । ୪ ଅଡ଼େ ମାରୁ ଆମିନି ଇଜ ହାଜେରି, ଏମ୍ବାଟି ଖେଣ୍ଡାହାନି ପାଡେକା ଏମ୍ବାଆଁ ତୁୟାଦୁ; ୫ ଅଡ଼େ ଏଚେକା ଲକୁ ମିଜେ ଆବଅରି ଏଞ୍ଜାରି କପାଟି ସାକି ହାହାଲି ଏ ଗାଡ଼ାଟି ହଡ଼ା ଖାଡ଼ାଟି ମୀ କଡ଼ାଟି ଦୁଡ଼ି ହାଣ୍ଡାହାଁନା ଖାଦୁ ।”

୬ ଏମ୍ବାଟିଏ ଏଞ୍ଜାରି ହାଜାନା ସାରିଞ୍ଜାକି ନେହଁ କାବୁ ଖେକହିହଁ ରଗ ଗାଟାରାଇଁ ନେହଁ କିହିହଁ ନାୟୁଁ ନାୟୁଁତା ଚେଚେରି ।

ହେରଦ ରାଜା ବିଲ୍‌କି ଆନାୟି

(ମାତି ୧୪:୧-୧୨; ମାର୍କ ୬:୧୪-୨୯)

୭ ଏମ୍ବାଟିଏ ଏ ଦେସାଟି ରାଜା ହେରଦ ଇ ବାରେ କାତା ଖେଞ୍ଜାନା କାବା ଆଡେସି, ଇଚିହଁ ବାପ୍ତିସ୍ତା* ହାନି ଜହନ ହାଡ଼ାରି ତାଣାଟି ନିଜାମାନେସି ଇଞ୍ଜି ଆମ୍ବା ଆମ୍ବାଆରି ଏଲେଇଞ୍ଜିମାଚେରି; † ଅଡ଼େ ଆମ୍ବା ଆମ୍ବାଆରି ଏଲିୟ ତଞ୍ଜା ଆହାମାନେସି ଇଞ୍ଜା ଏଚକାତାରି ତଲିକାଲାଇଁ ମାହାପୁରୁ ଅଣ୍ପିପୁଟି ବଲୁ ଖେହ୍‌ନାରି ବିତ୍ରାଟି ରଅସି ନିଜାମାନେସି ଇଞ୍ଜି ଖେସିମାନେରି । ୯ ସାମା ହେରଦ ଏଲେଇଚେସି, “ଜହନତି ତାୟୁଁ ମାରୁତ ଦାଟା ମାନାୟି, ସାମା ଆମ୍ବାଆରି କାତା ମାରୁ ଖେଞ୍ଜିମାନାୟି ଏଞ୍ଜାସି ଆମ୍ବାଆସି ?” ଅଡ଼େ ଏଞ୍ଜାସି ଏଞ୍ଜାଣାଇଁ ମେସାଲି ମନ୍ କିହିମାଚେସି ।

ଜୀସୁ ପାସାମାଣା ଲକୁଣି ତାହ୍‌ନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଜହ ୬:୧-୧୪)

୧୦ ତାୟୁ ପାଣ୍ଡି ଆହାମାଚାରି ଖାହାନା ଏନା ଏନାଆଁ କିହାମାଚେରି, ଏ ବାରେ ଏଞ୍ଜାଣାଇଁ ଖେସ୍ତେରି । ଅଡ଼େ ଏଞ୍ଜାସି ଏଞ୍ଜାରିତଲେ ଏଚକା ଆହାନା ବେଡ଼ସାୟିଦା ଦରୁଗାଟି ଗାଡ଼ାତା ହାଚେରି । ୧୧ ସାମା ଲକୁ

† ୮:୪୯ ୮:୪୯ ସିନଗଗ * ୯:୫ ୯:୫ କାମା ୧୩:୫୧ * ୯:୫ ୯:୫ ଲୁକ ୧୦:୪-୧୧ * ୯:୭ ୯:୭ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ * ୯:୭ ୯:୭ ମୁଞ୍ଜିନାୟି

ଏଦାଆଁ ପୁଞ୍ଜାନା ଏଞ୍ଜାଣି ଜେଟ ଜେଟ ହାଚେରି; ଇଞ୍ଜାଁ ଏଞ୍ଜାସି ଏଞ୍ଜାରାଇଁ କାର୍ମା ଆହାଁ ଆବାନା ମାହାପୁରୁ ରାଜିତି କାତା ଖେସ୍ତେସି, ଅଡ଼େ ଏମିନଗାଟାରି ରଗଟି ନେହୁଁ ଆନାୟି ମାଚେ, ଏଞ୍ଜାରାଇଁ ନେହୁଁ କିତେସି ।

୧୨ ଏଚେତା ମିଡ଼ଅଲ୍ଲା ଆହାଲି ମାଟ୍ଟହେ; ଏଚେଟିଏ ବାରଜାଣା ସାମୁୟାଁ ତାନି ତାଣା ଖାହାନା ଏଲେଇଚେରି, “ଲକୁ ଏନିକଁ ନାୟିକା ଅଡ଼େ ଗାଡ଼ାତା ହାଜାନା ବାସାଟାୟୁ ଅଡ଼େ ତିଞ୍ଜାଲି କାଡ଼ି ପାରିନେରି, ଏଦାଆଁତାକି ଏଞ୍ଜାରାଇଁ ହେଲ ହାମୁ ଇଚିହୁଁ ମାରୁ ଲକୁ ହିଲୀଆ ଟାୟୁତା ମାନାୟି ।”

୩୩ ଯାମା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମାରୁ ଏଞ୍ଜାରାକି ତିଞ୍ଜାଲି ହୀଦୁ ।”

ଏଞ୍ଜାରି ଏଲେଇଚେରି, “ମା ତାଣା ପାସାଗଟା ରୁଚି ଇଞ୍ଜାଁ ରୀ ମୀଣକା ପିସ୍ତେ ଆଗାଡ଼ା ହିଲୀତ; ଏନାଆଁ ମାରୁ ହାଜାନା ଇ ବାରେତାକି କାଡ଼ି କତିନାୟି ?” ୧୪ ଇଚିହୁଁ ଏଞ୍ଜାରି ପାସାମାଣା ଆବାର୍ଯ୍ୟା ମାଚେରି ।

ଇଞ୍ଜାଁ ଏଞ୍ଜାସି ତାନି ସାମୁୟାଁ ଏଲେଇଚେସି, “କଡ଼େଦସ ଜାଣା ଲାକା କୁଗିକିଦୁ ।”

୧୫ ଏଚେଟିଏ ଏଞ୍ଜାରି ଏଲେକିହୁଁଏ ବାରେତି କୁଗିକିତେରି । ୧୬ ଅଡ଼େ ଏଞ୍ଜାସି ପାସାଗଟା ରୁଚି ଅଡ଼େ ରୀ ମୀଣକାଣି ଆସାନା ଲାକପୁରୁ ଖାକି ସିନିକିହାନା ବରୁ ହୀତେସି, ଇଞ୍ଜାଁ ରୁଚି ଡ଼ିକିହାନା ଲକୁକି ହାସ୍ତପାଲି ସାମୁୟାଁକି ହୀତେସି । ୧୭ ଏଚେଟିଏ ବାରେଜାଣା ତିଞ୍ଜା ପାଞ୍ଜିତେରି, ଅଡ଼େ ହାରିତାଣି ବାରୁ ତାଲି ରୁଚି କୁଡ଼ି କିତେରି ।

ଜାମୁଇଁ ପିତର କ୍ରୀସ୍ତ ଇଞ୍ଜୁଁ ଖେକନାୟି

(ମାତି ୧୭:୧୩-୧୯; ମାର୍କ ୮:୨୭-୨୯)

୧୮ ର ଦିନା ଜାମୁ ରଅସିଏ ପ୍ରାଡ଼ାନା କିନି ବେଲୀତା ସାମୁୟାଁ ଏଞ୍ଜାରିତଲେ ମାଚେରି, ଅଡ଼େ ଏଞ୍ଜାସି ଏଞ୍ଜାରାଇଁ ଖେଚେସି, “ନାନୁ ଆମ୍ବାଆଚେସିଁ ଇଞ୍ଜୁଁ ଲକୁ ଏଲେଇଞ୍ଜିମାନେରି ?”

୧୯ ଏଚେଟିଏ ଏଞ୍ଜାରି ଏଲେଇଚେରି, “ଆମ୍ବାଆରି ବାପ୍ତିସ୍ତାଁ ହାନି ଜହନ, ଆମ୍ବାଆରି ଏଲିୟ, ଅଡ଼େ ଆମ୍ବାଆରି ତଲିକାଲୀତି ମାହାପୁରୁ ଅଣପୁତି ବଲୁ ଖେହନାରି ବିଡ଼ାଟି ରଅସି ନିଜାମାନେସି ।”

୨୦ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ଆମ୍ବାଆଚେସିଁ ମାରୁ ଏଦାଆଁ ଇଞ୍ଜୁଁ ମାଞ୍ଜେରି ?”

ପିତର ଏଲେଇଚେସି, “ନାନୁ ମାହାପୁରୁଚି କ୍ରୀସ୍ତ ।”

ଜାମୁ ତାନି ଦୁକୁ ଅଡ଼େ ହାକିତି କାତା ଖେହନାୟି

(ମାତି ୧୭:୨୦-୨୮; ମାର୍କ ୮:୩୦-୯:୧)

୨୧ ଏଚେଟିଏ ଏଞ୍ଜାସି ଏଞ୍ଜାରାଇଁ ଆମ୍ବାଆରାଇଁ ଖେହୁଆଦୁ ଇଞ୍ଜୁଁ ଜାଣେ କିହୁଁ ହୁକୁମି ହୀତେସି, ୨୨ “ମାଣସି ମାରୁଏସି ହାରେକା ଦୁକୁ ପାଣ୍ଡନାୟି ମାନେ ଇଞ୍ଜାଁ ଲକୁତି କାଜାରି, କାଜା ପୁଜେରାଞ୍ଜା ଇଞ୍ଜାଁ ମୋରାପୁନାରି ତାଣାଟି ଅପାଆନା ଏଞ୍ଜାଣାଇଁ ପାୟିନେରି, ଇଞ୍ଜାଁ ତାନି ଦିନାଟିଏ ନିଜିନେସି ।”

୨୩ ଏଚେଟିଏ ଏଞ୍ଜାସି ବାରେତି ଏଲେଇଚେସି, “ଆମ୍ବାଆସି ନା ଜେଟ ତାକାଲି ମନ କିନେସି, ଏଞ୍ଜାସି ତାଜେ ଅପାଆନା ବାରେଦିନା ତାନି କୁସ ଡ଼େକାନାହାଁ ନା ଜେଟ ତାକାପେସି । ୨୪ ଇଚିହୁଁ ଆମ୍ବାଆସି ଜାହାରା ଜୀସୁ ଗେଲପାଲି ମନ କିନେସି ଏଞ୍ଜାସି ନାସା କିନେସି; ଯାମା ଆମ୍ବାଆସି ନା ତାକି ନିଜେତି ଜୀସୁ ନାସା କିନେସି ଏଞ୍ଜାସି ଗେଲପି କିହାକତିନେସି । ୨୫ ଅଡ଼େ ମାଣସି ଇ ଦାରୁଡ଼ିତା ମାନାଣି ବାରେ ମେଡ଼ି କିହାନା ତାନି ଜୀସୁତି ନାସା କିନେସି, ଇଚିହୁଁ ଏଞ୍ଜାଣାକି ଏନି ଲାବୀ ? ୨୬ ଇଚିହୁଁ ଆମ୍ବାଆସି ନାଜେତାକି ଅଡ଼େ ନା କାତାତାକି ଲାଜା ଆନେସି, ମାଣସି ମାରୁଏସି ତାନି କାଜାପାଣା ତଲେ ଇଞ୍ଜାହାଁ ମାହାପୁରୁ ଆବା ଅଡ଼େ ତାନି ସୁଦୁଗାଟି ଦୁହୁୟାଁ ତଲେ କାଜାପାଣାଟି ଖାନେସି ଏଚିବେଲା ଏଞ୍ଜାସି ଜିକେଏ ଏଞ୍ଜାଣି ତାକି ଲାଜା ଆନେସି । ୨୭ ଯାମା ନାନୁ ମିଜେ ସାତା ଖେସିମାଞ୍ଜାଇଁ, ମାହାପୁରୁଚି ରାଜି ମେହୁଆ ପାତେକା ଇମ୍ବାଆଁ ନିତାମାନାରି ଏଚରଜାଣା ହାଅରି ।”

ଜାମୁ ଅର ଖାଣା ଆନାୟି

(ମାତି ୧୭:୧-୮; ମାର୍କ ୯:୨-୮)

୨୮ ଇ କାତା ଖେସାନା ଆଟାଦିନା ହାଜାଲିଏ ପିତର, ଜହନ ଅଡ଼େ ଜାକୁବଇଁ ଅହୁଁ ହାଜାନା ପ୍ରାଡ଼ାନା କିହାଲି ହରୁତା ହାଚେସି । ୨୯ ଅଡ଼େ ଏଞ୍ଜାସି ପ୍ରାଡ଼ାନା କିହମାଟାଟି ତାନି ମୁମ୍ବୁଡ଼ି ଖାଣା ତିରିମୁହେ ଇଞ୍ଜାଁ ତାନି ହିମ୍ବୁରି ଦବଲ୍ଲା ଆହାନା ହାରେକା ଉଜେଡ଼ି ଆଡେ । ୩୦ ମସା ଅଡ଼େ ଏଲିୟ ଏଞ୍ଜାଣିତଲେ କାତା ଆହିମାଚେରି; ୩୧ ଏଞ୍ଜାରି ଗାଧୁରମିଟି ତଞ୍ଜାଆହାନା ଜାମୁ ଜିରୁସାଲମତା ହାନିକାତା ଜଲୁକି ଆହିମାଚେରି

☆ ୯:୧୯ ୯:୧୯ ମାତି ୧୪:୧-୨; ମାର୍କ ୭:୧୪, ୧୫; ଲୁକ ୯:୭, ୮ † ୯:୧୯ ୯:୧୯ ମୁଞ୍ଜନାୟି ☆ ୯:୨୦ ୯:୨୦ ଜହ ୭:୨୮, ୨୯ ☆ ୯:୨୩ ୯:୨୩ ମାତି ୧୦:୩୮; ଲୁକ ୧୪:୨୭ ☆ ୯:୨୪ ୯:୨୪ ମାତି ୧୦:୩୯; ଲୁକ ୧୭:୩୩; ଜହ ୧୨:୫୫

। ୩୨ ଏବେଲେ ପିତର ଅଡ଼େ ତାନି ତଣେସିଙ୍ଗାକି ଗାଡ଼ି ଇଦାକାଣକା ହଡ଼ିମାଡ଼ୁ; ସାମା ଏଝାରି ଇଦାବି ନିଙ୍ଗାଲିଏ ତାନି ଗାଝୁରମି ଇଞ୍ଜା ଏଝାଣିତଲେ ରିଆରି ନିଚାମାନାଣି ମେସ୍ତେରି । ୩୩ ଇଞ୍ଜା ଏଝାରି ତାଣାଟି ହାଜିମାଟାଟି ପିତର ଜୀମୁଇଁ ଏଲେଇତେସି, “ଗୁରୁ ମାମ୍ବୁ ଇମ୍ବାଆଁ ମାନାୟି ନେହେଁ; ମାମ୍ବୁ ଇମ୍ବାଆଁ ତାନିଗଟା ଗୁଡ଼ାୟାଁ କେପିନମି, ନିଜେଟାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟକି ରଣ୍ଡାଆଁ ।” ସାମା ତାନୁ ଏନାଆଁ ଇଞ୍ଜିମାତେସି ତାନୁଏ ପୁଞ୍ଜି ହିଲାଇତେସି ।

୩୪ ଏଝାସି ଏଲେଇଞ୍ଜି ମାଟାଟି ଇଦାୟି ହାଗୁ ଦୁହା ଝାହାନା ଏଝାରାଇଁ ପୁକ୍ତହେ, ଇଞ୍ଜା ଏଝାରି ଦୁହାତା ହଡ଼ି ମାଟାଟି ଆଜିତେରି । ୩୫ ଇଞ୍ଜା ଏ ଦୁହାଟି ଇ ହାଡ଼ା ଝାଡ଼େ, “ଇଝାସି ନା ମାମ୍ବୁଏସି, ନାନୁ ଆଡ଼ିତାସି, ଇଝାଣି ବଲୁ ଝେଞ୍ଜୁ ।”

୩୬ ଏଲେଇଞ୍ଜି ଝେସ୍ତି ତାମ୍ବୁ ଜୀମୁ ରଅସିଏ ତଞ୍ଜାଆଡ଼େସି । ଏଝାରି ଇ କାତାତାକି ପାଲେଏ ମାଞ୍ଜାନା, ଏନା ଏନାଆଁ ମେସାମାତେରି ଏ ବେଲାତା ଆମ୍ବାଆରାଇଁ ଜିକେଏ ଝେହୁଆଡ଼େରି ।

ଜୀମୁ ବୁଡୁ ଆଲଗାମାଟି କକାଣାଇଁ ନେହୁଁ କିନାୟି

(ମାତି ୧୭:୧୪-୧୮; ମାର୍କ ୯:୧୪-୨୭)

୩୭ ଅଡ଼େ ର ନେରୁ ହରୁଟି ରେଟା ଝାହାଲିଏ ହାରେକା ଲକୁ ଏଝାଣାଇଁ ବେଟା ଆୟାଲି ଝାଡ଼େରି । ୩୮ ଅଡ଼େ ଏ ମାନ୍ଦା ଲକୁ ବିତ୍ରାଟି କାଜା ଗିୟାତଲେ ହାଟାନା ଏଲେଇତେସି, “ଏ ଗୁରୁ ନାନୁ ବାଡ଼ିମାଲିମାଞ୍ଜାଇଁ ନା ମାମ୍ବୁଏଣାଇଁ କାର୍ମା ଆମ୍ବୁ, ଇଚିହୁଁ ଏଝାସି ନା ରଣ୍ଡିଏ ମାମ୍ବୁଏସି; ୩୯ ଏଝାଣାଇଁ ର ବୁଡୁ ଆଲଗାମାନେ, ଇଞ୍ଜା ଏଝାସି ପେଦରାହାଁ ଦେବୁଣିଏ କିଡ଼ଡ଼ି ମାନେସି, ଇଞ୍ଜା ଏଝାଣାଇଁ ଇଲେକି ବୁମିତା ତ୍ରକହାନା ଗୁଡ଼ିଟି ପମ୍ବୁଲି ହପୁହି ମାନେ, ଇଞ୍ଜା ଏଝାଣାଇଁ ଗାଡ଼ି ବାଦା କିହାନା ଏଝାଣି ତାଣାଟି କହୁଲିଟି ହଟାହାନେ । ୪୦ ନାନୁ ବୁଡୁଟି ପିସ୍ପି କିହାଲି ନୀ ସୀସୁୟାଁ ବାଡ଼ିମାଲିତେଏ, ସାମା ଏଝାରି ପିସ୍ପି କିହାଲି ଆଡ଼ାଆଡ଼େରି ।”

୪୧ ଜୀମୁ ଏଲେଇତେସି, “ଆଡ଼େ ନାମାଆଗାଟି ଏଟୁକା ଜିରୁ ଆହନି କୂଡ଼ା, ନାନୁ ଅଡ଼େ ଏତେକା ମା ତଲେ ମାଞ୍ଜାନା ମୀ କାତା ଅରହାଇଁ? ନୀ ମାମ୍ବୁଏଣାଇଁ ଇମ୍ବାଆଁ ତାମ୍ବୁ ।”

୪୨ ବୁଡୁ ଆଲଗାମାଟି କକାସି ଝାହୁମାଟାଟି ବୁଡୁ ଏ କକାଣାଇଁ ବୁମିତା ତାଡ଼ି କିହାନା ତ୍ରେପହାତୁସ୍ତେ, ସାମା ଜୀମୁ ଏ ପଲୁଆ ବୁଡୁଟି ଦାକା ହାତେସି ଇଞ୍ଜା କକାଣାଇଁ ନେହୁଁ କିହାନା ତାନି ଆବା କେୟୁତା ହେରପିତେସି । ୪୩ ଏତେଟିଏ ବାରେ ଲକୁ ମାହାପୁରୁଟି ବାଡ଼ୁମ୍ବୁ ମେସାନା ଜାଗଲା ଆଡ଼େରି । ସାମା ଏଝାସି କିହାମାନି ବାରେ କାମାତାକି ଜାଗଲା ଆହୁମାଟାକି ଜୀମୁ ତାନି ସୀସୁୟାଁ ଏଲେଇତେସି ।

ଜୀମୁ ତାନି ହାକିତି କାତା ଅଡ଼େ ଝେଣ୍ଡେ ଝେହୁନାୟି

(ମାତି ୧୭:୨୨, ୨୩; ମାର୍କ ୯:୩୦-୩୨)

୪୪ “ଇ ବାରେ କାତା ମୀ କାର୍ମା ଅତାନା ଝେଞ୍ଜୁ; ଇଚିହୁଁ ମାଣସି ମାମ୍ବୁଏସି ସାତୁୟାଁ କେୟୁତା ହେରପିଆନେସି ।” ୪୫ ସାମା ଏଝାରି ଏ କାତା ତେଲହାଆଡ଼େରି, ଏଝାରି ତେଲହାଲି ଆଡ଼ାଆରେଟୁ ଏଝାରି ତାଣାଟି ତଗୁମାଟେ, ଇଞ୍ଜା ଏଝାରି ଏ କାତା ଜିକେଏ ଜୀମୁଇଁ ଝେଞ୍ଜାଲି ଆଜିମାତେରି ।

ବାରେକିହାଁ କାଜାସି ଆମ୍ବାଆସି

(ମାତି ୧୮:୧-୫; ମାର୍କ ୯:୩୩-୩୭)

୪୬ ଏଝାରି ବିତ୍ରାଟି ଆମ୍ବାଆସି କାଜାସି, ଇ କାତାତାକି ଏଝାରି ବିତ୍ରା ବାଦିବାଦା ଆଡ଼େରି । ୪୭ ସାମା ଜୀମୁ ଏଝାରି ବିତ୍ରା ବାଦିବାଦା ଆହୁମାନାଣି ପୁଞ୍ଜାନା, ର ଉଣା କକାଣାଇଁ ତାନି ନକିତା ନିପହାନା ଏଝାରାଇଁ ଏଲେଇତେସି, ୪୮ “ଆମ୍ବାଆସି ନା ଦରୁଟି ଇ ଉଣା କକାଣାଇଁ ଆବିନେସି, ଏଝାସି ନାଜେ ଆବାନେସି, ଅଡ଼େ ଏଝାସି ନାଜେ ପାଣ୍ଡାତାଣାଇଁ ଆବିନେସି; ଇଚିହୁଁ ମୀ ବିତ୍ରାଟି ଆମ୍ବାଆସି ବାରେକିହାଁ ଉଣା ଏଝାସି କାଜାସି ।”

ମୀ କପାଟି ନିଙ୍ଗାଆ ଗାଟାସି ମୀ ତଲେତାସି

(ମାର୍କ ୯:୩୮-୪୦)

୪୯ ଏତେଟିଏ ଜହନ ଏଲେଇତେସି, “ଗୁରୁ, ମାମ୍ବୁ ନୀ ଦରୁଟି ବୁଡୁୟାଁ ପେରୁହି ମାଟାଣି ମେସ୍ତମି ଇଞ୍ଜା ଏଝାସି ମା ତଲେ ନୀ କ୍ରେଟ ଝାଆଲିଏ କାହିକିତମି ।”

☆ ୯:୩୫ ୯:୩୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୯:୨୨ ☆ ୯:୩୫ ୯:୩୫ ୨ପିତ ୧:୧୭,୧୮ ☆ ୯:୪୭ ୯:୪୭ ଲୁକ ୨୨:୨୪ ☆ ୯:୪୮ ୯:୪୮ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦

୫୦ ଯାମା ଜୀସୁ ଏଝାରାଇଁ ଏଲେଇଚେସି, “କାହିଁକିଆତୁ, ଇତିହଂ ଆମ୍ବାଆସି ମୀ କପାଟି ନିଜା ହିଲଅସି ଏଝାସି ମୀ ତଲେତାସି ।”

ସମିରଣି ନାସକାଣାଁ ଜୀସୁଇଁ ଆବାଆତାୟି

୫୧ ଏତିବେଲା ଜୀସୁ ଲାକପୁରୁ ହାନି ବେଲା ଏଗାଝାହିମାତାକି ଏତିବେଲା ଜୀସୁ ଜିରୁସାଲମତା ହାଜାଲି ମନତି ତାରି କିତେସି ।

୫୨ ଅଡେ ତାନି ନଚେଏ କସକାଣି ପାଣ୍ଡିତେସି, ଏଝାରି ହାଜାନା ର ସମିରଣ ନାୟୁଁତା ଜୀସୁ ଝାନ୍ନେସି ଇଞ୍ଜିଁ ଜାଗ୍ରାତା କିହାନା କାଡେତରି; ୫୩ ଯାମା ଏଝାସି ଜିରୁସାଲମତା ହାଜାଲି ମନ କିହାମାନେସି ଇଞ୍ଜିଁ ପୁଞ୍ଜାନା ଏଝାଣାଇଁ ଆବାଆତେରି । ୫୪ ଇଦାଆଁ ମେସାନା ଜାକୁବ ଅଡେ ଜହନ ଇ ରୀ ସାୟୁୟାଁ ଏଲେଇଚେରି, “ଏ ପ୍ରବୁ ଏଲିୟ ଏନିକଂ ଏଲେଇଞ୍ଜାମାଚେସି, ଏଲେକିହଂ ଏ ହାଗୁଲାକତି ହିତୁ ରିହାନା ଏଝାରାଇଁ ନାସା କିପେ, ଏଲେଇଞ୍ଜାଲି ନୀ ମନ ମାନେକି ?”

୫୫ ଯାମା ଏଝାସି ଝେଣ୍ଡେ ସିନିକିହାନା ଏଝାରାଇଁ ଲାଡାନା ଏଲେଇଚେସି, “ମୀରୁ ଏନିଲେହେଁତି ଜୀସୁ ଗାଟାଚେରି, ମୀରୁ ପୁଞ୍ଜାହିଲଅଚେରି ମାଣସି ମୀରୁଏସି ମାଣସିୟାଁତି ଜୀସୁ ନାସା କିହାଲି ଝାଆନା ଗେଲପାଲି ଝାହାମାନେସି । ୫୬ ଏଚେଟିଏ ଏଝାରି ଅର୍ ନାୟୁଁତା ହାଚେରି ।”

ଜୀସୁତି ସାସୁ ଆହାଲି ପାଡ଼ା ଆନାୟି

(ମାତି ୭:୧୯-୨୨)

୫୭ ଏଝାରି ଜିରୁତା ହାଜିମାତାଟି ରଅସି ଝାହାନା ଜୀସୁଇଁ ଏଲେଇଚେସି, “ନୀନୁ ଆସିୟା ହାଜି, ନାନୁ ଜିକେଏ ନୀ ତଲେ ଝାଉଁ ।”

୫୮ ଜୀସୁ ଏଝାଣାଇଁ ଏଲେଇଚେସି, “ନାକାର୍ଯ୍ୟାକି ତୁୟିନି ପାଝୁୟାଁ ମାନୁ, ହାଗୁ ଲାକ ଉମ୍ବିନି ପଗାୟାକି ବାସାଗାୟୁ ମାନେ, ସାମା ମାଣସି ମୀରୁଏଶାକି ତାୟୁଁ ୟୁନବହାଲି ଚାୟୁଁ ହିଲେଏ ।”

୫୯ ଇଞ୍ଜିଁ ଏଝାସି ଅଡେ ରଅଣାଇଁ ଏଲେଇଚେସି, “ନା ଜେଚ ଝାମୁ ।” ଯାମା ଏଝାସି ଏଲେଇଚେସି, “ପ୍ରବୁ ନଚେଏ ହାଜାନା ନା ଆବାଇଁ ମାହ୍‌ଶିଣା ମୁସାଲି ହେଲ ହିୟାମୁ ।”

୬୦ ଜୀସୁ ଏଲେଇଚେସି, “ହାଡ଼ାରାଇଁ ତାମି ହାଡ଼ି ଲକୁଣି ମୁସାଲି ପିହ୍‌ଦୁ, ସାମା ମୀରୁ ହାଜାନା ମାହାପୁରୁ ରାଜିତି କାତା ଝେହ୍‌ଦୁ ।”

୬୧ ଅଡେ ରଅସି ଝାହାନା ଏଲେଇଚେସି, “ପ୍ରବୁ ନାନୁ ଜେଚ ଝାଉଁ ସାମା ନଚେଏ ଇଜୁତି ଲକୁ ତାଣାଟି ହେଲ ଅହାଲି ହିୟାମୁ ।”

୬୨ ଯାମା ଜୀସୁ ଏଝାଣାଇଁ ଏଲେଇଚେସି, “ଆମ୍ବାଆସି ନାଡେଲି କେୟୁତା ଆସାନା ତାୟୁଝାକି ସିନିକିନେସି ଏଝାସି ମାହାପୁରୁ ରାଜିତା ପାଡ଼ା ଆଅସି ।”

୧୦

ଜୀସୁ ତାନିକଡ଼ି ବାରଜାଣାତି ପାଣ୍ଡିନାୟି

୧ ଏମ୍ବାଟିଏ ପ୍ରବୁ ଅଡେ ତାନିକଡ଼ି ବାରଜାଣାତି ଆଡାନା ତାନୁ ଆମିନି ଗାଡ଼ା ଅଡେ ନାସକାଣାଁ ହାଜାଲି ମନ କିହାମାଚେସି, ଏ ନାସକା ଅଡେ ଗାଡ଼ାୟାଣା ରିଆରି ଲାକା କିହାଁ ପାଣ୍ଡିତେସି । ୨ ଇଞ୍ଜିଁ ଏଝାସି ଏଝାରାଇଁ ଏଲେଇଚେସି, “ପାଟି ହାଚେରକା ସାମା ଦାଃଆନାରି ଉଣା ଜାଣା; ଇଦାଆଁତାକି ଗୁଡ଼ିୟାତା କାମା କିନାରାଇଁ ପାଣ୍ଡାଲିତାକି ଗୁଡ଼ିୟାତି ସାସୁକାରିଇଁ ବାଡିମାଲାଦୁ । ୩ ଏମୀରୁ ହାଜୁ; ନାନୁ ମିଜେ କ୍ଷାଃନିୟାଁ ବିତ୍ରା ମେଣ୍ଡା ତାଲୁକା ଲେହେଁ ମିଜେ ପାଣ୍ଡିମାଞ୍ଜାଇଁ । ୪ ତାୟୁୟାଁ, ମଣା କି ସେପୁୟାଁ ଜିକେଏ ଅଥାଦୁ, ଅଡେ ଜିରୁତା ଆମ୍ବାଆରାଇଁ ଜହରା କିଆଦୁ । ୫ ଅଡେ ମୀରୁ ଆମିନି ଇଲୁତା ହଡ଼ଦେରି ନଚେଏ ଇ ଇଲୁତାକି ହିଡ଼ଡ଼ି ଆପେ ଇଞ୍ଜି । ୬ ଅଡେ ଏ ଇଜ ହିଡ଼ଡ଼ିତି ମାଣସି ରଅସି ମାଚିହଂ ମୀ ହିଡ଼ଡ଼ି ଏଝାଣାକି ଆପେ; ଅଡେ ହିଲାଆତିହଂ ମୀ ହିଡ଼ଡ଼ି ମିଜେ ଝେଣ୍ଡେ ଝାନ୍ନେ । ୭ ଇଞ୍ଜିଁ ଏଝାରିତାଣା ଏନାୟି ମାନେ ଏଦାଆଁ ତିଞ୍ଜା ଉଣ୍ଡାନା ଏ ଇଜ ମାଞ୍ଜୁ, ଇତିହଂ କାମାକିନାସି ତାନି କାମାତି ବୁଡି ମେଡ଼ା ଆନାୟି ମାନେ । ଏ ଇଜ ପିସାନା ଅର୍ ଇଜ ହାଲାଆଦୁ । ୮ ଅଡେ ଆମିନି ଗାଡ଼ାତା ହାଜେରି ଅଡେ ଲକୁ ମିଜେ ଅପାନେରି ଅଡେ ଏମ୍ବାଆଁ ଏଦାଆଁ ତିଞ୍ଜାଲି ହିୟାନେରି ଏଦାଆଁ ତିଞ୍ଜି । ୯ ଏମ୍ବାଆଁ ମାନି ରଗ ଗାଟାରାଇଁ ନେହଂ କିଦୁ, ଅଡେ ଏଝାରାଇଁ ଏଲେଇଞ୍ଜୁ ମାହାପୁରୁତି ରାଜି ମୀ ତାଣା ଏଦାଚେୟିଏ । ୧୦ ଏସାମା ମୀରୁ ଆମିନି ଗାଡ଼ାତା ହାଜେରି ଇଞ୍ଜିଁ

୨ ୧୦:୨ ୧୦:୨ ମାତି ୯:୩୭,୩୮ ୩ ୧୦:୩ ୧୦:୩ ମାତି ୧୦:୧୭ ୫ ୧୦:୬ ୧୦:୬ ବେର ୯:୧୪; ୧୧:୮ ୫:୧୮ ୬ ୧୦:୧୦ ୧୦:୧୦ କାମା ୧୩:୫୧

ଲକ୍ଷ୍ମୀ ମିଳେ ଅପଅରି, ଏମାତ୍ରି ଆଂଗେଣିକାଟି ପାଙ୍ଗାତା ହାଜାନା ଏଲେଇଜୁ, ୧୧ *ମୀ ଗାଡ଼ାତି ଆମିନି ଦୁଡ଼ି ମା କଥାୟାଣା ଆଗାମାରେ, ଏଦାଆଁ ଜିକେଏ ମିଳେ ତାକି ହାଣ୍ଡି ମାନମି; ସାମା ମାହାପୁରୁତି ରାଜି ଏଗାଝାହିମାନେ ଛଦାଆଁ ପୁଷ୍ଟି । ୧୨ *ନାନୁ ମିଳେ ଝେସିମାଞ୍ଜାଲ୍, ନାହାଁୟି ଦିନାତା ଏ ଗାଡ଼ାତି ତଣ୍ଡି କିହାଁ ସଦମତି ଗାଡ଼ାତି ତଣ୍ଡି ଉଣା କିଝିଆଡ଼େ ।

**ନାମାଆଗାଟି ନାସ୍ତକ
(ମାତି ୧୧:୨୦-୨୪)**

୧୩ ଆୟତା ତଣ୍ଡି ପାଣ୍ଡିନି କରାଜିନ୍ ଅଡ଼େ ବେଦ୍‌ସାୟିଦା ଇଚିହଁ ମୀ ତାଣା ଆମି ଆମିନି କାବାଆନି କାମାୟା କିଝିଆହାମାନୁ, ଏ ବାରେ ସର ଅଡ଼େ ସିଦନତା କିଝି ଆହାମାଟିହଁ ମା, ଏଝାରି ହାରେକା ଦିନା ନକେଏ ବାସାୟା ପରହାଁ ଦାର୍‌ମୁଡ଼ା କୁଗାନା ମନ ଝେଡ଼ହେରିମା । ୧୪ ଆଡ଼ିଜିକେଏ ନାହାଁୟି ଦିନାତା ସର ଅଡ଼େ ସିଦନତି ତଣ୍ଡି ଉଣା କିଝିଆଡ଼େ । ୧୫ ଏ କପରନାହୁମ ନୀନୁ ଲାକପୁରୁ ପାତେକା ପାତାଆଡ଼ି ? ହାଡ଼ାରି ମାନି ରାଜିତା ମେଦ୍‌ସି ଆଡ଼ି ।”

୧୬ *ଜୀସୁ ଏଲେଇଚେସି “ଆମ୍ବାଆସି ମୀ କାତା ଝେନେସି, ଏଝାସି ନା କାତା ଝେନେସି, ଇଞ୍ଜା ଆମ୍ବାଆସି ମିଳେ ଅପଅସି ଏଝାସି ନାଜେ ଅପଅସି, ଅଡ଼େ ଆମ୍ବାଆସି ନାଜେ ଅପଅସି ଏଝାସି ନାଜେ ପାଣ୍ଡାତାଣାଲ୍ ଅପଅସି ।”

ତାନିକଡ଼ି ବାରଜାଣା ଝେଣ୍ଡା ଝାନ୍ଦାୟି

୧୭ ଏମାଟିଏ ତାନିକଡ଼ି ବାରଜାଣା ଝେଣ୍ଡା ଝାନ୍ଦାନା ରାହାଁଟି ଏଲେଇଚେରି, “ପୁରୁ ବୁଡୁୟାଁ ଜିକେଏ ନୀ ଦରୁଟି ମା ତୁଇକା ହେରପି ଆହିମାନୁ ।”

୧୮ ସାମା ଜୀସୁ ଏଝାରାଲ୍ ଏଲେଇଚେସି, “ହାଗୁ ମିହ୍‌ନିଲେହେଁ ଲାକଟି ସୟତାନ ରିହିମାନାଣି ମେସ୍‌ସେଁ । ୧୯ ମେହଦୁ ନାନୁ ମିଳେ ରାସ୍‌କା, କାତାକୁପିୟା ମୁହେଁ ତାକାଲି ଅଡ଼େ ସାଡୁତି ବାରେ ବାଡୁରୁ ମୁହେଁ ଜିକେଏ ଅଦିକାରା ହାହିମାଞ୍ଜାଲ୍, ଅଡ଼େ ଏନାୟି ଜିକେଏ ମିଳେ ନସ୍ତ କିହାଲି ଆଡ଼େଏ । ୨୦ ସାମା ପଲୁଆ ବୁଡୁୟାଁ ବାଡୁରୁ ମୀ ତୁଇକା ମାନେ ଇଞ୍ଜାଁ ରାହାଁ ଆଆଦୁ, ସାମା ମୀ ଦରୁ ଲାକପୁରୁ ରାସ୍‌କି ଆହାମାନେ ଏଦାଆଁତାକି ରାହାଁ କିଦୁ ।”

ଜୀସୁତି ରାହାଁ

(ମାତି ୧୧:୨୫-୨୭; ୧୩:୧୬, ୧୭)

୨୧ ଏଚିବେଲା ଜୀସୁ ସୁଦୁଜୀଝୁ ତଲେ ରାହାଁ ଆହାନା ଏଲେଇଚେସି, “ଆବା ଲାକପୁରୁ ଅଡ଼େ ଦାରୁତିତି ପୁରୁ, ନୀନୁ ବୁଦିଗାଟି ଲକ୍ଷ୍ମୀତାଣା ଇ ବାରେ କାତା ତୁକୁହାନା ଉଣା କକାରି ତାଣା ତସାମାଞ୍ଜି, ଛଦାଆଁତାକି ନିଜେ ଜହରା କିହିମାଞ୍ଜାଲ୍; ଏ ଆବା ଇଦିଏ ନୀ ନକିତା ନେହାୟି ଆଡ଼େ ।”

୨୨ *ନା ଆବାତି ବାରେ ଅଦିକାରା ନାଜେ ହେରପି ଆହାମାନେ; ଅଡ଼େ ମୀରୁଏସି ଆମ୍ବାଆସି, ଛଦାଆଁ ଆବା ପିସପେ ଆମ୍ବାଆସି ପୁନଅସି, ଅଡ଼େ ଆବା ଆମ୍ବାଆସି ଛଦାଆଁ ମୀରୁଏଣା ପିସପେ ଆମ୍ବାଆସି ପୁନଅସି, ଇଞ୍ଜା ମୀରୁଏସି ଆମ୍ବାଆରି ତାଣା ଏଝାଣାଲ୍ ତସାଲି ମନ କିନେସି, ଏଝାସିଦେଁ ପୁନେସି ।”

୨୩ ଅଡ଼େ ଜୀସୁ ତାୟି ସିନିକିହାନା ତାମି ସୀସୁୟାଲ୍ ଏଟ୍‌କେଏ ଏଲେଇଚେସି, “ହାରେକା ନେହେଁ ଏ କାଣକା ଏମିନିଗାଟାଣି ମେସିମାନୁ, ଏନାଆଁ ମୀରୁ ମେସିମାଞ୍ଜେରି । ୨୪ ଇଚିହଁ ନାନୁ ମିଳେ ଝେସିମାଞ୍ଜାଲ୍, ମୀରୁ ଏନା ଏନାଆଁ ମେସିମାଞ୍ଜେରି ଏ ବାରେ ହାରେକା ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି ଅଡ଼େ ରାଜାୟା ମେସାଲି ମନ କିହାମାତେରି, ସାମା ମେସାଲି ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ ଝେଞ୍ଜିମାଞ୍ଜେରି, ଏ ବାରେ ଏଝାରି ଝେଞ୍ଜାଲି ମନ କିତେରି ସାମା ଝେଞ୍ଜାଲି ଆଡ଼ାଆତେରି ।”

ନେହଁ ସମିରଣାତି ପୁଣ୍ଡିକିନି କାତା

୨୫ *ମେହଦୁ ର ମସାତି ମେରା ଜାପୁନାସି ଝାନ୍ଦାନା ଜୀସୁଲ୍ ତାୟିପାରିକିହଁ ଝେଚେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ ?”

୨୬ ଏଚେଟିଏ ଜୀସୁ ଏଲେଇଚେସି, “ମସାତି ମେରାତା ଏନାଆଁ ରାସ୍‌କି ଆହାମାନେ, ନୀନୁ ଏନିକିଁ ପଡ଼ୁଝି ଆହିମାଞ୍ଜି ?”

* ୧୦:୧୧ ୧୦:୧୧ ମାତି ୧୦:୭-୧୪; ମାର୍କ ୬:୮-୧୧; ଲୁକ ୯:୩-୫ * ୧୦:୧୨ ୧୦:୧୨ ମାତି ୧୧:୨୪ମାତି ୧୦:୧୫ * ୧୦:୧୬ ୧୦:୧୬ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ଜହ ୧୩:୨୦ * ୧୦:୨୨ ୧୦:୨୨ ଜହ ୩:୩୫; ଜହ ୧୦:୧୫ * ୧୦:୨୫ ୧୦:୨୫ ମାତି ୨୨:୩୫-୪୦; ମାର୍କ ୧୨:୨୮-୩୪

୨୭ ଏଝାସି ଏଲେଇରେସି, “ନୀନୁ ନୀ ବାରେ ହିୟାଁ, ବାରେ ଜୀଝୁ, ବାରେ ବାଡ଼ୁୟୁ ଅଡ଼େ ବାରେ ମନ ହାହାନା ପ୍ରବୁ ନୀ ମାହାପୁରୁଇଁ ଜୀଝୁନମ୍; ଅଡ଼େ ପାଡ଼ିତି ଲକୁଣି ନୀ ଜୀଝୁ ଲେହେଁ ଜୀଝୁ ନମ୍ ।”

୨୮ ଏରେଟିଏ ଜୀସୁ ଏଝାଣାଇଁ ଏଲେଇରେସି, “ନୀନୁ ନେହଁ କଁ ଝେସାମାଞ୍ଜି; ଏଲେଏ କିମ୍ ଆତିହଁ ଏ ଜୀଝୁ ମେଡ଼ା ଆଡ଼ି ।”

୨୯ ସାମା ଏଝାସି ତାଙ୍ଗେ ତାରିତାସି କିହାକତାଲି ମନ କିହାନା ଜୀସୁଇଁ ଝେରେସି, “ଆତିହଁ ନା ପାଡ଼ିତାସି ଆମ୍ବାଆରି ?”

୩୦ ଜୀସୁ ଏ କାତା ଆସାନା ଏଲେଇରେସି, “ର ଲକୁ ଜିରୁସାଲମଟିଏ ଜିରିହତା ହାଜିମାଟାଟି ସରକା ତାଣା ହେରହେସି । ଏଝାରି ଏଝାଣି ହିମ୍ପୁରିପୁକି ମୀଞ୍ଜାନା ହାଜିଲେହେଁ ମାଡ଼ା ଝେଚାନା ପିସା ହାଚେରି ।

୩୧ ଏଚିରେଲ୍ଲାତା ର ପୁଜେରା ଏ ଜିରୁଟି ହାଜିମାରେସି, ଇଞ୍ଜାଁ ଏଝାସି ଏଝାଣାଇଁ ମେସାନା ଜିରୁ ପିସାନା ଅର ଜିରୁଟି ହାଚେସି । ୩୨ ଏଲେକିହଁ ଏ ର ଲେବି କୁଡ଼ାତାସି ଜିକେଏ ଏ ଜିରୁଟି ଝାହାନା ଏଝାଣାଇଁ ମେସାନା ଅର ଜିରୁ ହାହାନା ହାଚେସି । ୩୩ ସାମା ର ସମିରଣ ଲକୁ ଏ ଜିରୁଟି ହାଜିମାରେସି, ଇଞ୍ଜାଁ ଏଝାଣାଇଁ ମେସାନା ହାଚେରକା କାର୍ମା ଆଡ଼େସି, ୩୪ ଅଡ଼େ ତାଗେ ହାଜାନା ଏଝାଣି ଗାହାଁୟାଁ ବାରେ ନିୟୁଁ ଅଡ଼େ ଅଙ୍ଗୁରି ରାସା ରୁବାନା ଗାହାଁୟାଁଣା ଦସପାନା ଏଝାଣାଇଁ ର ଗାଡ଼ଦେ ଲାକ ଗାଟିକିହାନା ର ସେବାକିନି ଇଲୁତା ଅହାନା ଏଝାଣି ସେବା କିଚେସି । ୩୫ ଅର ଦିନା ସେବାକିନି ଇଲୁ ଗାଟାଣାକି ରୀ କାନି ହାହାନା ଏଲେଇରେସି, ‘ଇଝାଣି ସେବା କିମ୍, ଅଡ଼େ ଏଚେକା ଗାଡ଼ି କାର୍ତୁ ଆନୁ, ଝେଶ୍ଟା ଝାନାଟି ବାରେ ହିୟାଁଇଁ ।’”

୩୬ ଜୀସୁ ଏଲେଇରେସି, “ଇ ତାନି ଜାଣାଟି ବିତ୍ରା ଆମ୍ବାଆସି ସରକାତାଣା ହେରହା ମାଟାଣି ପାଡ଼ିତାସି ଇଞ୍ଜାଁ ଅଣ୍ପିମାଞ୍ଜେରି ?”

୩୭ ଏ ମେରା ଜାପୁନାସି ଏଲେଇରେସି, “ଆମ୍ବାଆସି ଏଝାଣାଇଁ କାର୍ମା ଆଡ଼େସି ଏଝାସି ।”

ଜୀସୁ ଏଲେଇରେସି, “ହାଲାମୁ ନୀନୁ ଜିକେଏ ଏଲେଏ କିମ୍ ।”

ଜୀସୁ ମାର୍ତୀ ଅଡ଼େ ମରିୟମି ଇଜ

୩୮ ଏଝାରି ହାଜିମାନି ବେଲ୍ଲାତା ର ନାୟୁତା ହାଚେରି, ଇଞ୍ଜାଁ ମାର୍ତୀ ଦରୁଗାଟି ର ଇୟା ଜୀସୁଇଁ ତାନି ଇଜ ହାଡ଼ିଚେ । ୩୯ ଏଦାନାକି ର ତାଙ୍ଗି ମାଟେ ଏଦାନି ଦରୁ ମରିୟମି, ଏଡ଼ି ପ୍ରବୁତି କର୍ତ୍ତା ଡ଼ଇ କୁଗାନା ଏଝାଣି କାତା ଝେଞ୍ଜିମାଟେ । ୪୦ ସାମା ମାର୍ତୀ ରାନ୍ଧା ଝାଜାଲି ହାଚେକା କିଲିବିଲି ଆହିମାଟେ; ଇଦାଆଁତାକି ଜୀସୁ ତାଣା ଝାହାନା ଏଲେଇଚେ, “ଏ ପ୍ରବୁ ନା ତାଙ୍ଗି ଝାଜିନି କାମା ବାରେ ନା ଲାକ ହେରପା ମାଞ୍ଜାନେ ଇଦାଆଁ ଅଣ୍ପି ହିଲଅତି କି ? ଇଦାଆଁତାକି ନାଙ୍ଗେ ସାୟେମି କିହାଲି ଏଲେଇନାମୁ ।”

୪୧ ସାମା ପ୍ରବୁ ଏଲେଇରେସି, “ମାର୍ତୀ, ମାର୍ତୀ ନୀନୁ ହାଚେକା କାମାତା ଅଣ୍ପିହଁ କିଲିବିଲି ଆହିମାଞ୍ଜି, ୪୨ ସାମା ଝାଉଇ ର କାତା ଲଡ଼ାମାନେ । ମରିୟମି ଏ ନେହଁ କାତା ବାଟି କିହାମାନେ; ଏଦାଆଁ ଏଦାନି ତାଣାଟି ଅଢ଼ି ଆଏ ।”



ଜୀସୁ ଜାପୁହାମାନି ପ୍ରାତାନା

(ମାତି ୭:୯-୧୩; ମାତି ୭:୭-୧୧)

୧ ର ଦିନା ଜୀସୁ ର ଟାୟୁତା ପ୍ରାତାନା କିହିମାରେସି; ଏଝାସି ପ୍ରାତାନା କିହାଲି ରାପୁହାଲିଏ, ତାନି ସାସୁୟାଁ ବିତ୍ରାଟି ରଅସି ଏଲେଇରେସି, “ଏ ପ୍ରବୁ, ଜହନ ଏନିକଁ ତାନି ସାସୁୟାଁଇଁ ପ୍ରାତାନା କିହାଲି ଜାପୁହି ମାରେସି, ନୀନୁ ଜିକେଏ ମାଙ୍ଗେ ଏଲେକିହଁ ଏ ପ୍ରାତାନା କିହାଲି ଜାପୁହାମୁ ।”

୨ ଏରେଟିଏ ଜୀସୁ ଏଝାଣାଇଁ ଏଲେଇରେସି, “ଏଚିରେଲ୍ଲା ମୀରୁ ଏଲେଇଞ୍ଜି ପ୍ରାତାନା କିଦୁ; ଏ ଆବା

ନୀ ଦରୁ ନେହାୟି ଇଞ୍ଜାଁ ମାନୁଞ୍ଜି ଆପେ;

ନୀ ରାଜି ଝାପେ ।

୩ ବାରେଦିନା ମାଙ୍ଗେ ଲଡ଼ା ଆନି ରାନ୍ଧା ହିୟାମୁ ।

୪ ମା ଦହୁ ବାରେ ମେକହାମୁ,

ଇଚିହଁ ମାମୁ ଜିକେଏ ମା ଦହୁ କିତାରାଇଁ ମେକନମି ।

ମାଙ୍ଗେ ପାନ୍ଧାତା ମେଡ଼ହାଆନି ।”

୫ ଅତ୍ତେ ଏଝାସି ଏଝାରାଇଁ ଏଲେଇଚେସି, “ମୀ ତାଣା ଆମ୍ବାଆସି ଇଲେତି ତଢେଏସି ମାନେସି, ଆମ୍ବାଆରି ତାଣା ମାଦି ଲାଆଁୟାଁ ହାଜାନା ଏଲେଇନେସି, ଏ ତଢେ ନାଜେ ତାନିଗଟା ରୁତି ହିୟାମୁ, ୬ ଇଚିହଁ ନା ଗତାଗାଟି ତଢେଏସି ନା ତାଣା ଖାହାମାନେସି, ଏଝାଣାକି ତିଞ୍ଜାଲି ହାହାଲି ନା ତାଣା ଏନାୟିଝା ହିଲେଏ !” ୭ ଅତ୍ତେ ବିତ୍ତାଟି ଏଲେଇନେସି, ‘ନାଜେ କସ୍ତ ହିୟାଆନି; ଦାରା ସୁଣୁକି ଆତେୟିଏ, ଇଞ୍ଜାଁ ନା ମୀରକା ନା ତଲେ ତୁରା ମାନେରି; ନାନୁ ନିଜ୍ଜାମା ହାହାଲି ଆଡ଼ଅଁ !’ ୮ ନାନୁ ମିଜେ ଝେସିମାଞ୍ଜାଇଁ, ଏଝାସି ତାନି ତଢେଏସି ଆହାମାନାକି ଲାଜା ପିସାନା ଅଲେ ଅଲେ ରାସ୍ତାକି ଏଝାସି ନିଜ୍ଜାମା ଏଝାଣି ଲଡ଼ାମାନି ପାତେକା ଏଝାସି ଏଝାଣାକି ହାନେସି ।”

୯ ନାନୁ ଜିକେଏ ମିଜେ ଝେସିମାଞ୍ଜାଇଁ, ରାହ୍‌ଦୁ ଆତିହଁ ମିଜେ ହୀପକିଆନେ; ପାରାଦୁ ଆତିହଁ ମେଡ଼ା ଆଦେରି; ଦୁଝେରିତା ଝେଦୁ ଆତିହଁ ମିଜେତାକି ଦାରା ଦେପି ଆନେ । ୧୦ ଇଚିହଁ ଆମ୍ବାଆସି ରାହ୍‌ନେସି ଏଝାସି ବେତାଆନେସି; ଆମ୍ବାଆସି ପାରିନେସି ଏଝାସି ମେଡ଼ାଆନେସି; ଅତ୍ତେ ଆମ୍ବାଆସି ଦୁଝେରିତା ଝେନେସି ଏଝାଣି ତାକି ଦାରା ଦେପିଆନେ ।

୧୧ “ଅତ୍ତେ ମୀ ତାଣା ଇଲେତି ଆମିନି ଆବା ମାନେସି, ତାନି ମୀରଏସି ମୀନୁ ରାସ୍ତାସାରେ ଏଝାସି ମୀନୁତି ବାଦୁଲି ରାଦୁ ହାନେସି ? ୧୨ ଅତ୍ତେ ଗୁଡୁ ରାସ୍ତାସାରେ ଏଝାଣାକି କାଚାକପି ହାନେସି ? ୧୩ ଇଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରକା ମାସ୍‌କାକି ନେହାଁଣି ହାହିମାଞ୍ଜେରି, ଆତିହଁ ଆମିନି ଆବା ଲାକପୁରୁଟି ହାହିମାଞ୍ଜାନେସି, ଏଝାସି ତାନି ତାଣା ରାହ୍‌ନି ଲକୁକି ଏତେ ହାରେକା ସୁଦୁଜାସୁ ହାଅସି !”

ଜାସୁ ଅତ୍ତେ ପଲୁଆ ବୁଡୁ
(ମାତି ୧୨:୨୨-୩୦; ମାର୍କି ୩:୨୦-୨୭)

୧୪ ଜାସୁ ର ପାଲି ବୁଡୁ ପେର୍‌ହି ମାଚେସି ଏ ବୁଡୁ ଗୁଲା । ବୁଡୁ ଏଝାଣି ତାଣାଟି ହରା ହାଜାଲିଏ ଏ ଗୁଲା ଜଲିଚେସି; ଏମ୍ବାଟିଏ ଲକୁ ବାରେ କାବା ଆଡ଼େରି । ୧୫ ଯାମା ଏଝାରି ବିତ୍ତାଟି ଆମ୍ବା ଆମ୍ବାଆରି ଏଲେଇଚେରି, “ଏଝାସି ପଲୁଆ ବୁଡୁୟାଁ କାଜା ପେନୁ ବାଲ୍‌ଜିବୁଲ୍ ବୁଡୁ ତଲେ ବୁଡୁୟାଁ ପିସ୍‌ପି କିହିମାନେସି ।”

୧୬ ଇଞ୍ଜାଁ ଏଟକାତାରି ଏଝାଣାଇଁ ତାୟିପାରି କିହାଲିତାକି ଏଝାଣି ତାଣାଟି ହାଗୁଟି ର ସିନା ରାସ୍ତେରି । ୧୭ ଯାମା ଏଝାସି ଏଝାରି ମନତି ଅଣ୍ଡୁ ପୁଞ୍ଜାନା ଏଝାରାଇଁ ଏଲେଇଚେସି, ଆମିନି ରାଜି ବାଗା ଆହାନା ତାନି କପାଟି ନିଜ୍ଜିନେ ଏଦି ନାସା ଆହାହାନେ ଇଞ୍ଜାଁ ଇଲୁ ଲାକ ବାରେ ରିହାହାନେ । ୧୮ ଇଞ୍ଜାଁ ସୟତାନ ବାଗା ଆହାନା ଜାହାରା କପାଟି ନିଜ୍ଜିନେ, ଇଚିହଁ ତାନି ରାଜି ଏନିକଁ ତାରିଆହାନା ତୁୟିନେ ? ନାନୁ ପଲୁଆ ବୁଡୁୟାଁ ବାଲ୍‌ଜିବୁଲ୍ ତଲେ ବୁଡୁୟାଁ ପିସ୍‌ପି କିହିମାଇଁ ଇଞ୍ଜିମାଞ୍ଜେରି । ୧୯ ଯାମା ନାନୁ ପଲୁଆ ବୁଡୁୟାଁ ବାଲ୍‌ଜିବୁଲ୍ ତଲେ ବୁଡୁୟାଁ ପିସ୍‌ପି କିହିମାଇଁ, ଆତିହଁ ମୀ ମୀରକା ଆମ୍ବାଆରି ବାଡୁସୁ ତଲେ ପିସ୍‌ପି କିନେରି ? ଇଞ୍ଜାଁ ଏଝିଏ ମିଜେ ନାହାଁୟି କିୟାନୁ । ୨୦ ଯାମା ନାନୁ ମାହାପୁରୁ ବାଡୁସୁ ତଲେ ବୁଡୁୟାଁ ପିସ୍‌ପି କିହିମାଇଁ ଇଚିହଁ ମାହାପୁରୁଟି ରାଜି ମୀ ତାଣା ଏଗାଝାଡ଼େୟିଏ ।

୨୧ ବାଡୁସୁଗାଟି ଲକୁ ଏଟେପାତେକା ଆସ୍ତି ଆସାନା ତାନି ଗାଡ଼ାତି ଗେଲ୍‌ପିନେସି, ଏଚିବେଲା ପାତେକା ତାନି ଦନ ଗେଲ୍‌ପିଆହାନା ତୁୟିନେ; ୨୨ ଯାମା ଏଚିବେଲା ଏଝାଣି କିହାଁ ହାରେକା ବାଡୁସୁଗାଟି ଲକୁ ଏଝାଣିତଲେ ଜୁକୁ କିହାନା ଜାଣା ଆନେସି, ଏଚିବେଲା ଏଝାସି ଆମିନି ଆସ୍ତିତ ବାସୁଁ କିହାମାଚେସି, ଏ ବାରେ ଏଝାସି ମାଞ୍ଜା ଅନେସି, ଇଞ୍ଜାଁ ମାଞ୍ଜା ଅହାମାନି ଦନ ବାଟିକିହା ଅନେରି ।

୨୩ ଆମ୍ବାଆସି ନା ଝାକିଟି ଆଆଗାଗାସି ଏଝାସି ନା ସାଡୁ; ଇଞ୍ଜାଁ ଆମ୍ବାଆସି ନା ତଲେ କୁଡ଼ି କିଅସି ଏଝାସି ଆଲାରା କିନାସି ।

ପଲୁଆ ବୁଡୁ ଝେଣ୍ଡା ଝାନାୟି
(ମାତି ୧୨:୪୩-୪୫)

୨୪ “ର ପଲୁଆ ବୁଡୁ ର ମାଣସି ତାଣାଟି ହରା ହାଜାନା ଏମୁ ହିଲାଆ ଝାୟିତି ଗାୟୁତା ଜମାଲି ପାରିନେ, ଇଞ୍ଜାଁ ମେଡ଼ି କିଆନା ଏଲେଇନେ, ‘ନାନୁ ଆମିନି ଇଲୁଟି ହରା ଝାହାମାଚେଏଁ, ଏ ଇଲୁତା ଝେଣ୍ଡା ହାଇଁ ।’ ୨୫ ଇଞ୍ଜାଁ ଏଦି ଝେଣ୍ଡା ଝାହାନା ଏଦାଆଁ ଅକ୍ତିହଁ ନେହଁ ଆହାମାନାଣି ମେହ୍‌ନେ । ୨୬ ଏଚିବେଲା ଏଦି ହାଜାନା ତାନିକିହାଁ ହାରେକା ପଲୁଆଗାଟି ସାଡ଼ାଗଟା ବୁଡୁୟାଁ ଆସାନା ଝାନେ, ଅତ୍ତେ ବାରେକାଣା ଏମ୍ବାଆଁ ହତାନା ବାସା କିନୁ, ଇଞ୍ଜାଁ ଏ ମାଣସିତ ତଲିତି କସ୍ତ କିହାଁ ତାୟୁତି କସ୍ତ ହାରେକା ଆନେ ।”

୫ ୧୧:୧୫ ୧୧:୧୫ ମାତି ୯:୩୫; ୧୦:୨୫ ୬ ୧୧:୧୨ ୧୧:୧୨ ମାତି ୧୨:୩୮; ୧୨:୧; ମାର୍କି ୮:୧୧ ୭ ୧୧:୨୩ ୧୧:୨୩ ମାର୍କି ୯:୪୦

ଆତ୍ମାଲି ରାହାଁ

୨୭ ଜୀସୁ ଈ ବାରେ କାତା ୱେସିମାଗାଟି ଲକ୍ଷୁ ମାନ୍ଦା ବିତ୍ରାଟି ର ଇୟା କାଜା ଗିୟାଁତଲେ ଏଲେଇଚେ, “ଆମିନିଗାଟି ଇୟା ନିଜେ ଜାନ କିହାନା ପାଲୁ ଉଚ୍ଚହାତେ ଏ ଇୟା ହାରେକା ନେହେଁ ।”

୨୮ ସାମା ଜୀସୁ ଏଲେଇଚେସି, “ଆତ୍ମାଆରି ମାହାପୁରୁତି ବଲୁ ୱେନେରି ଅଡେ ମାନୁଁ ଆନେରି ଏଞ୍ଜାରାକିଦେହେଁ ନେହେଁ ।”

**ସିନା ପାରିନାୟି
(ମାତି ୧୨:୩୮-୪୨)**

୨୯ *ଲକ୍ଷୁ ମାନ୍ଦା ମାନ୍ଦା ଆହ୍ନାନା ଏଞ୍ଜାଣି ତାଣା ରୁଣ୍ଡା ଆହ୍ନାଲିଏ ଜୀସୁ ଏଞ୍ଜାରାକିଁ ୱେସ୍ତେସି, “ଇ କାଲ୍ଲାତି ଲକ୍ଷୁ ହାରେକା ଲାଗେଏତାରି; ଇଞ୍ଜାରି ବାରେ ସିନାୟି ପାରିନେରି, ସାମା ଏଞ୍ଜାରାକି ଜୁନସତି ସିନା ପିସ୍ପେ ଏନି ସିନା ହାପକିଆଏ । ୩୦ ଇଚିହଁ ଜୁନସ ଏନିକଁ ନିନବି ଲକ୍ଷୁତାକି ର ସିନାଲେହେଁ, ମାଣ୍ଡସି ମୀରୁଏସି ଜିକେଏ ଏଲେକିହଁ ଏ ଇ ଜୁଗୁତି ଲକ୍ଷୁତାକି ଆନେ । ୩୧ ନୀହାୟି ଦିନାତା ସିବା ଦେସାତି ରାଣି ଈ କାଲ୍ଲାତି ଲକ୍ଷୁ ନକିତା ନିତାନା ଏଞ୍ଜାରି କପାଟି ସାକିହାନେ, ଇଚିହଁ ଏଦି ସଲମନତି ବୁଦିତିକାତା ୱେଞ୍ଜାଲି ଦାରୁତିତି ହେକ ଦେସାତି ୱାହାମାଚେ; ମେହ୍ବୁ ସଲମନକିହାଁ କାଜାସି ଇୟାଆଁ ମାନେସି । ୩୨ ନୀହାୟି ଦିନାତା ନିନବି ଗାଡାତି ଲକ୍ଷୁ ନିତାନା ଏଞ୍ଜାରି କପାଟି ସାକି ହାନେରି, ଇଚିହଁ ଏଞ୍ଜାରି ଜୁନସ ୱେସ୍ତେ କାତା ୱେଞ୍ଜାନା ଅଣ୍ଡା କତାନା ମନ ୱେଡ଼ହେରି; ମେହ୍ବୁ ଜୁନସକିହାଁ ହାରେକା କାଜାସି ଇୟାଆଁ ମାନେସି ।”

**ଆଜ୍ଞାତି ଉଜେଡ଼ି
(ମାତି ୫:୧୫; ୬:୨୨,୨୩)**

୩୩ *ଆତ୍ମାଆସି ଦୀଞ୍଱ି ତ୍ପାସାନା ତୁକୁନି ଗାୟୁତା କି ମାଣା ପୁକିହାନା ଇଚଅରି, ସାମା ଦୀଞ୍଱ି ସତ୍ତାତା ଇଚିନେରି, ଏନିକଁ ଇଲୁ ବିତ୍ରା ୱାନି ଲକ୍ଷୁ ଉଜେଡ଼ି ମେହ୍ନେରି । ୩୪ ମୀ କାଣକା ଆଜ୍ଞାତି ଦୀଞ୍଱ି ଏଚେତା ମୀ କାଣକା ନେହଁ ମାନୁ ଏଚିଚେଲ୍ଲା ପାଚେକା ମୀ ଆଜ୍ଞା ବାରେ ଉଜେଡ଼ି ଆନେ; ସାମା ଏଚେତା ନୀ କାଣକା ନେହଁ ହିଲ୍ଲାତ ଇଚିହଁ ଏଚେତା ମୀ ଗୁଡା ଆଜ୍ଞା ଜିକେଏ ଆନେରି ଆନେ । ୩୫ ଇଦାଆଁତାକି ଜାଗ୍ରାତା ଏନିକଁ ମୀ ହିୟାତା ମାନି ଉଜେଡ଼ି ଆନେରି ଆଏ । ୩୬ ଏନାଆଁତାକି ଇଚିହଁ ମୀ ଗୁଡା ଆଜ୍ଞା ବାରେ ଉଜେଡ଼ି ଆନେ ଇଞ୍ଜାଁ ଏୟାଆଁ ଏନି ଆନେରି ତୁୟେଏ, ଆତିହଁ ଦୀଞ୍଱ି ଏନିକଁ ମିଜେ ତାହାଣା ଉଜେଡ଼ିତା ଉଜେଡ଼ି କିୟାନେ, ଏଲେକିହଁ ଏ ମୀ ଗୁଡା ଆଜ୍ଞା ଉଜେଡ଼ି ଆନେ ।”

**ଜୀସୁ ପାରୁସି ଅଡେ ମୋରା ଜାପ୍ନାରାକିଁ ଦହ୍ ଦହ୍ନାୟି
(ମାତି ୧୩:୧-୩୬; ମାର୍କ ୧୨:୩୮-୪୦)**

୩୭ ଜୀସୁ ଈ କାତା ୱେସ୍ତେ ତାୟୁ ର ପାରୁସି ଏଞ୍ଜାଣାକିଁ ତାନି ଇଜ ତିଞ୍ଜାଲି ଏଲେଇଚେସି; ଇଞ୍ଜାଁ ଏଞ୍ଜାସି ଇଜ ହାଜାନା ତିଞ୍ଜାଲି କୁଗିଚେସି । ୩୮ ସାମା ତିଞ୍ଜାଲି କୁଗିନି ନକେଏ ଏଞ୍ଜାସି କେସ୍ତା କତାୟାଁ ନଚ୍ଚା ହିଲ୍ଲାଆଚେସି, ଇଦାଆଁ ମେସାନା ଏ ପାରୁସି କାବା ଆଚେସି । ୩୯ ଏଚେଟିଏ ପ୍ରବୁ ଏଞ୍ଜାଣାକିଁ ଏଲେଇଚେସି, “ମୀ ପାରୁସିୟାତେରି ଗିନାୟାଁ ଅଡେ ସାଡ଼ଞ୍ଜାୟାଁ ପାଜ୍ଞାତା ନଚ୍ଚା ମାଞ୍ଜେରି, ସାମା ମୀ ବିତ୍ରା ଜୁପକା ଅଡେ ଲାଗେଏତାୟି ନେଞ୍ଜାମାନେ । ୪୦ ଆଡେ ବୁଦି ହିଲ୍ଲାଆଗାଟାଚେରି, ଆତ୍ମାଆସି ପାଜ୍ଞାତାଣି ଗାଡ଼ିକଚେସି, ଏଞ୍ଜାସି ବିତ୍ରାତାଣି ଜିକେଏ ଗାଡ଼ି କିହାହଲଅସି କି ? ୪୧ ସାମା ମୀ ସାଡ଼ଞ୍ଜାୟାଁ ଅଡେ ଗିନାୟାଁଣା ମାନାଣି ହିଲ୍ଲାଆ ଗାଗାରାକି ହାଚିହଁ ମିଜେତାକି ବାରେଏ ଅଚ୍ଚହାୟି ଆନେ ।”

୪୨ ସାମା ଆୟଡା ତଣ୍ଡ ପାଣ୍ଡନି ପାରୁସିୟାତେରି, ଇଚିହଁ ମୀରୁ ହାୟୁଁ, ରାୟି ଇଞ୍ଜାଁ ବାରେ କୁଚାତି ଦସ ବାଗାଟି ର ବାଗା ହାହିମାଞ୍ଜେରି, ସାମା ନୀହାୟିତା ଅଡେ ମାହାପୁରୁତି ଜୀସୁ ନି ତାଣା ଅଣ୍ଡି ହିଲଅଚେରି; ସାମା ଈ ବାରେ ମାନୁଁ ଆହ୍ନାନା ଏଚ୍ଚକାତାଣି ହେଲ୍ଲା ଆନାୟି ହିଲେଏ ।

୪୩ *ଆୟଡା ତଣ୍ଡ ପାଣ୍ଡନି ପାରୁସିୟାତେରି, ଇଚିହଁ ମୀରୁ ମାହାପୁରୁ ଇଲ୍ଲତା କାଜା ଗାୟୁ ଇଞ୍ଜାଁ ହାଡା ବାଜାରାତା ଜହରା ବେଗାଆହ୍ନାଲି ନେହେଁ ଅଣ୍ଡିଦେରି । ୪୪ ଆୟଡା ମୀରୁ ତଣ୍ଡ ବେଗା ଆନାତେରି, ଇଚିହଁ ମୀରୁ ତଞ୍ଜା ଆଆଗାଟି ମାଡ଼ହା ମୁହ୍ନି ଗାୟୁଲେହେଁ ତାଚେରି; ଇଚିହଁ ପୁନାଆନା ଲକ୍ଷୁ ଲାକ ତାକି ମାନେରି ।”

୪୫ ଏଚେଟିଏ ମସାତି ମୋରାପୁନାରି ବିତ୍ରାଟି ରଅସି ଏଲେଇଚେସି, “ଏ ଗୁରୁ ନୀନୁ ଏଲେଇଞ୍ଜି ମାଜେ ଲାଜା କିହିମାଞ୍ଜାଦି ।”

* ୧୧:୨୯ ୧୧:୨୯ ମାତି ୧୨:୪; ମାର୍କ ୮:୧୨ * ୧୧:୩୩ ୧୧:୩୩ ମାତି ୫:୧୫; ମାର୍କ ୪:୨୧; ଲୁକ ୮:୧୬

୪୭ ଜୀସୁ ଏଲେଇରେସି, ଆୟତ୍ତା ମସାତି ମୋର ପୁନାତେରି ମୀରୁ, ମୀରୁ ଜିକେଏ ଡଣ୍ଡ ବେଟାଆଦେରି, ଇଚିହୁଁ ମୀରୁ ମାଣସିୟାଁ ଲାକ ବଜୁଗାଚି କାସ୍ତକା ଏକହି ମାଞ୍ଜେରି ଅଡେ ଏ ବଜୁତି ମୀରୁ ର ୱାଞ୍ଜୁ ଡଲେ ଜିକେଏ ଡାଗଅତେରି । ୪୮ ଆୟତ୍ତା ଡଣ୍ଡ ବେଟା ଆନାତେରି ମୀରୁ ମାହାପୁରୁ ଅଣପୁତି ବଜୁ ଝେହ୍ନାରାଇଁ ପାୟାନା ଏଞ୍ଜାରି ମାଡହା ମୁହ୍ନି ଚାୟୁ ତିୟାରା କିହିମାଞ୍ଜେରି । ୪୯ ଇଚିହୁଁ ମୀରୁ ମୀ ଆକୁ ଆବାୟାଁ କାମାତା ସାକି ତସି ମାଞ୍ଜେରି ଇଞ୍ଜାଁ ଏଞ୍ଜାରିଲେହେଁ ଆହିମାଞ୍ଜେରି; ଇଚିହୁଁ ଏଞ୍ଜାରିସାଁ ଏଞ୍ଜାରାଇଁ ପାୟାମାତେରି, ସାମା ମୀରୁ ଏଞ୍ଜାରି ମୁହ୍ନି ଚାୟୁତି କାତିୟାଁ ନିପୁହି ମାଞ୍ଜେରି । ୫୦ ଇଦାଆଁତାକି ମାହାପୁରୁ ଜିକେଏ ତାନି ବୁଦିତଲେ ଏଲେଇଞ୍ଜା ମାନେସି, ନାନୁ ଏଞ୍ଜାରି ନକିତା ମାହାପୁରୁ ଅଣପୁତି ବଜୁ ଝେହ୍ନାରାଇଁ ଅଡେ ପାଣ୍ଡି ଆହାମାନାରାଇଁ ପାଣ୍ଡିଇଁ; ଏଞ୍ଜାରି ବିତ୍ରାତି ଆମ୍ବା ଆମ୍ବାଆରାଇଁ ପାୟିନେରି ଇଞ୍ଜାଁ ନିନ୍ଦା କିନେରି, ୫୧ ଇ ଜୁଗୁତି ଲକୁ ଦାରୁତି ଗାଡ଼ି ଆଡ଼ି ନକେଏଟିଏ ବାରେ ମାହାପୁରୁ ଅଣପୁତି ବଜୁ ଝେହ୍ନାରି ପାୟିତାକି ଡଣ୍ଡ ବେଟାଆନେରି, ୫୨ ଏନିକିଁ ହେବଲାଇଁ ପାୟିତି ଦିନାଟିଏ ଜିକରିୟ ପାତେକା ଆମ୍ବାଆରାଇଁ ମାହାପୁରୁ ଇଲୁତି ଡାକିନି ପିଣ୍ଡା ଅଡେ ସୁଦୁ ବାକ୍ତା ମାଦିଏ ପାୟିତି ଆହାମାତେ । ହାଅ, ନାନୁ ମିଜେ ସାତା ଝେସିମାଞ୍ଜାଇଁ, ଏଦାନି ବାଦୁଲି ଇ ଜୁଗୁତି ଲକୁ ଏ ବାରେତାକି ଡଣ୍ଡ ବେଟାଆନେରି ।

୫୨ ଆୟତ୍ତା ଡଣ୍ଡ ପାଣ୍ଡିନି ମୋର ପୁନାତେରି ମୀରୁ, ଇଚିହୁଁ ବୁଦି ଦେନି କୁଚିତି ଅହାମାଞ୍ଜେରି; ମୀରୁତ ହଡ଼ି ହିଲଅତେରି ସାମା ହଡ଼ାଲି ଅଣପି ମାନାରାଇଁ ଆରିମାଞ୍ଜେରି ।

୫୩ ଜୀସୁ ଏ ଇଚିତି ହାଜାଲିଏ ପାରୁସିୟାଁ ଅଡେ ମୋରାପୁନାରି ହାରେକା ଡାହାରା ଆହାନା ।

୫୪ ଏଞ୍ଜାଣି ଜଲିନି ହାଡ଼ାତା ଦହ ଆସାଲି ଏଞ୍ଜାଣାଇଁ ହାରେକା କାତା ଝେତେରି ।

୧୨

କୁଚୁ ଗାଗାରି ତାଣାଚି ଜାଗ୍ରାତା (ମାତି ୧୦:୨୬, ୨୭)

୧ ଏଚିବେଲତା ମାଣା ମାଣା ଲକୁ ରୁଣ୍ଡା ଆହାନା ଝିସପି ଆହିମାତେରି; ଏଚିବେଲା ଏଞ୍ଜାସି ନକେଏ ତାନି ସାପୁୟାଁଇଁ ଏଲେଇରେସି, ପାରୁସିୟାଁ ଲାଗେଏଚି କୁଚୁଗାଚି ତାଣାଚି ଜାଗ୍ରାତା ଆହାନା ମାଞ୍ଜୁ । ୨ ଏସାମା ଏନାୟି ଡଞ୍ଜା ଆଏ, ଇଲେକିଁ ପୁିପକି ଆହା ହିଲେଏ, ଅଡେ ଏନାୟି ପୁନାଆରେଚୁ ଇଲେକିଁ ଡଗୁମାନାୟି ଏନାୟି ହିଲେଏ । ୩ ଇଚିହୁଁ ମୀରୁ ଏନା ଏନାଆଁ ଆଦେରିତା ଝେସାମାଞ୍ଜେରି, ଏ ବାରେ ଉଜେଡ଼ିତା ଝେଶମ୍ପିଆନେ, ଏନା ଏନାଆଁ ପୁନାଆ ରେଚୁ ଇଲୁ ବିତ୍ରା ଡଗୁମାନା ଝେସାମାଞ୍ଜେରି, ଏନାଆଁ ଇଲୁ ଡୁଡ଼ିୟାତା ଝେପକି ଆନେ ।

ଆମ୍ବାଆରାଇଁ ଆଜିନାୟି (ମାତି ୧୦:୨୮-୩୧)

୪ ଇଚିହୁଁ ନା ତଣେସିଜାତେରି ମୀରୁ, ନାନୁ ମିଜେ ଝେସିମାଞ୍ଜାଇଁ, “ଆମ୍ବାଆରି ଆଜାତି ପାୟିନେରି ସାମା ତାୟୁ ଏନାଆଁ କିହାଲି ଆଡ଼ଅରି, ଏଞ୍ଜାରାଇଁ ଆଜାଆଦୁ । ୫ ସାମା ଆମ୍ବାଆରାଇଁ ଆଜିଦେରି ଏନାଆଁ ମିଜେ ଝେସାଜାଇଁ; ପାୟିତି ଜେତ ହିଚୁ ଗାଡ଼ୁରୁତା ମେଡ଼ହାଲି ଆମ୍ବାଆରି ଅଦିକାରା ମାନେ, ଏଞ୍ଜାଣାଇଁ ଆଜାଆଦୁ; ହାଅ ନାନୁ ମିଜେ ସାତା ଝେସିମାଞ୍ଜାଇଁ, ଏଞ୍ଜାଣାଇଁ ଆଜାଆଦୁ ।”

୬ ପାସାଗଟା ଜେତା ପଟାୟାଁ ରୀ କାନି ତାକି ପାରୁପି ଆଡ଼ କି ? ଆଡ଼ିଜିକେଏ ଏଞ୍ଜାସିକା ବିତ୍ରାତି ରଣ୍ଡାଣି ଜିକେଏ ମାହାପୁରୁ ବାଣା ଆଅସି । ୭ ସାମା ମୀ ତାୟୁଁଚୁ ବାରେ ବାଣାୟାଁ ଜିକେଏ ଏଜିକିଞ୍ଜି ଆହାମାନୁ । ଆଜା ଆଦୁ; ଏନାଆଁତାକି ଇଚିହୁଁ ମୀରୁ ଜେତା ପଟାୟାଁ କିହାଁ ହାରେକା ଦାରା ଗାଗାତେରି ।

ଲକୁ ନକିତା ଜୀସୁଇଁ ଝେକ୍‌ନାୟି (ମାତି ୧୦:୩୨, ୩୩; ୧୨:୩୨; ୧୦:୧୯-୨୦)

୮ “ଅଡେ, ନାନୁ ମିଜେ ଝେସିମାଞ୍ଜାଇଁ, ଆମ୍ବାଆସି ଲକୁ ନକିତା ନାଜେ ଝେକ୍‌ହାନେସି, ମାଣସି ମୀରୁଏସି ଜିକେଏ ମାହାପୁରୁତି ଦୁଚୁୟାଁ ନକିତା ଝେକ୍‌ନେସି । ୯ ସାମା ଆମ୍ବାଆସି ଲକୁ ନକିତା ନାଜେ ଝେକ୍‌ହଅସି, ଏଞ୍ଜାଣାଇଁ ଜିକେଏ ମାହାପୁରୁ ଦୁଚୁୟାଁ ନକିତା ଝେକ୍‌ଅସି ।

୧୦ ଇଞ୍ଜାଁ ଆମ୍ବାଆସି ମାଣସି ମୀରୁଏଶା କପାଟି ଜଲିନେସି, ଏଞ୍ଜାଣି ପାପୁ ମେଣଜିନେ; ସାମା ଆମ୍ବାଆସି ସୁଦୁଜାଖୁ କପାଟି ନିନ୍ଦା କାତା ଜଲିନେସି, ଏଞ୍ଜାଣି ପାପୁ ମେଣଜେଏ ।

☆ ୧୨:୧ ୧୨:୧ ମାତି ୧୭:୬; ମାର୍କ ୮:୧୫ ☆ ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭ ☆ ୧୨:୧୦ ୧୨:୧୦ ମାତି ୧୨:୩୨; ମାର୍କ ୩:୨୯

୧୧ *ଏତିବେଳା ଏଞ୍ଜାରି ମିଙ୍ଗେ ଜୀହୁଦି ଲକ୍ଷ୍ମି କ୍ରୁମି ଇଲ୍ଲକାଣା*, ସାଲ୍ଲଖି କିନାରି ତାଣା ଇଞ୍ଜା ଅଦିକାରା ବେଟା ଆହାମାନାରି ତାଣା ଅହାନା ନିପୁହାନେରି ଏତିବେଳା ନା ଖାକିଟି ଆହାନା ଏନା ଏନାଆଁ ଜଲିନମି ଇଞ୍ଜା ଅଣ୍ଡାଆଦୁ; ୧୨ ଇତିହ ଏନାଆଁ ଜଲିନାୟି ମାନେ, ଏଦାଣି ଏତିବେଳାତେଏ ସୁଦୁଜୀପୁ ମିଙ୍ଗେ ଜାପୁହାନେସି ।”

ବୁଦି ହିଲାଆ ଦନ ଗାଟାସି

୧୩ ଲକ୍ଷ୍ମି ମାନ୍ଦା ବିଦ୍ରାତି ରଅସି ଜୀସୁଇଁ ଏଲେଇଚେସି, ଏ ଗୁରୁ ନା ତାୟିଇଁ ମା ଆବାତି ଦନ ବାଟି କିହାଲି ଏଲେଇଞ୍ଜା ହିୟାମୁ ।

୧୪ ସାମା ଜୀସୁ ଏଲେଇଚେସି, ଏ ତାୟି ଆମ୍ବାଆସି ନାଙ୍ଗେ ମୀ ମୁହେଁ ନୀହାୟି କିହାଲି ମାଦି କିହାନା ଆଚାମାଞ୍ଜାନେସି ? ୧୫ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, ଜାଗାତା, ବାରେଖାକିତି ଜୁପକାଟି ମିଙ୍ଗେ ଗେଲ୍ଲପିକିହା କତାଦୁ, ଇତିହ ର ମାଣସିତି ଜୀସୁ ତାନି ଦନତି ବାସୁ କିନେ ।

୧୬ ଜୀସୁ ଏଞ୍ଜାରାଇଁ ଇ ପୁଣ୍ଡିକିନି କାତା ଖେପ୍ରେସି, “ର ସାସୁକାରିକି ବୁମିତା ଗାତି ତାସା କାମ୍ବିତେ । ୧୭ ଏମାଟିଏ ଏଞ୍ଜାସି ମନ ମନତା ଅଣ୍ଡାମାନା ଏଲେଇଚେସି, ‘ନାନୁ ନୀଏଁ ଏନାଆଁ କିଇଁ ? ନା ଆର୍ନା କୁଡ଼ି କିହାନା ଇଗାଲି ଗାୟି ହିଲେଏ ।’ ୧୮ ଅଡ଼େ ଏଲେଇଚେସି: ‘ନୀଏଁ ଇଲେ କିଇଁ ମାନି ଗାଡ଼େୟିକା ରିକ୍‌ହାନା କାଜାଆଁ କିହାନା ଏମାଆଁ ଗହାୟି ଇଞ୍ଜା ଏନି ଏନି ଆର୍ନା କୁଡ଼ି କିହାନା ଇତିଇଁ, ୧୯ ଅଡ଼େ ନା ଜୀସୁତି ଏଲେଇଇଁ, ଏ ଜୀସୁ, ହାରେକା ବାସା ତାକି ନିଙ୍ଗେ ତାକି ଗାତି ଆର୍ନା କୁଡ଼ି କିଞ୍ଜିଆହାମାନେ, ନୀଏତି ଜମାନା ମନକିତି ଲେହେଁ ତିଞ୍ଜା ଉଣ୍ଡାନା ରାହାଁ କିମୁ ।’ ୨୦ ସାମା ମାହାପୁରୁ ଏଞ୍ଜାଣାଇଁ ଏଲେଇଚେସି, ଆଡ଼େ ବୁଦି ହିଲାଆଗାଟାଟି, ନୀଞ୍ଜୁ ଲାଆୟି ନୀ ଜୀସୁ ନୀ ତାଣାଟି ଅଞ୍ଜିଆନେ; ଏଚେଟିଏ ନାନୁ କୁଡ଼ିକିହା ଇଚାମାନି ବାରେ ଦନ ଆମ୍ବାଆରାଖାୟି ଆନେ ।”

୨୧ ଜୀସୁ ଏଲେଇଚେସି, “ଆମ୍ବାଆସି ତାଙ୍ଗେତାକି ଦନ କୁଡ଼ି କିନେସି, ସାମା ମାହାପୁରୁ ତାଣା ଦନଗାଟାସି ଆଅସି, ଏଞ୍ଜାସି ଇଞ୍ଜାଣି ଲେହେଁତାସି ।”

**ଅଣ୍ଡାଆଦୁ
(ମାତି ୭:୨୫-୩୪)**

୨୨ ଜୀସୁ ତାନି ସାୟୁୟାଣି ଏଲେଇଚେସି, ଇଦାଆଁତାକି ମିଙ୍ଗେ ଖେସିମାଞ୍ଜାଇଁ, ଏନାଆଁ ତିନାୟି, ଇଲେକି ମୀ ଜୀସୁତାକି, ଏନାଆଁ ତୁର୍ନାୟି ଇଲେକି ମୀ ଆଞ୍ଜା ତାକି ଜିକେଏ ମୀରୁ ଅଣ୍ଡାଆଦୁ । ୨୩ ଇତିହ ରାନ୍ଦା କିହାଁ ଜୀସୁ କାଜାୟି ଅଡ଼େ ହିମ୍ବୁରିକା କିହାଁ ଆଞ୍ଜା କାଜାୟି । ୨୪ ପଗାୟିଣି ସିନିକିଦୁ, ଏଞ୍ଜି ମାଗାଉ କି ଦାଉ, ଇଞ୍ଜା ଏଞ୍ଜାସିକା ଗାଡ଼େୟିକା ହିଲାଉ, ଅଡ଼େ ମାହାପୁରୁ ଏଞ୍ଜାସିକାକି ତିନି କାଦି ହାନେସି; ମୀରୁ ପଗାୟି କିହାଁ ଏଚେକା କାଜାତେରି ! ୨୫ ଅଡ଼େ ମୀ ବିଦ୍ରାତି ଆମ୍ବାଆତେରି ଅଣ୍ଡାସି ଅଣ୍ଡାସିହଁ ମୀ ଜୀସୁତି ଆଗାଡ଼ା ପାତିକିହାଲି ଆଡ଼ିଦେରି ? ୨୬ ମୀରୁ ର ଉଣା କାମାତି କିହାଲି ଆଡ଼ିହିଲଅତେରି, ଆତିହଁ ଏଡ଼କାତି କାତା ଏନାଆଁତାକି ଗାତି ଅଣ୍ଡାମାଞ୍ଜେରି ? ୨୭ ଜାଡ଼ାତି ପୁଞ୍ଜାଣି ସିନିକିହାଁ ଅଣ୍ଡାପାଦୁ, ଏଞ୍ଜି ଏନି କାମା କିଡ଼; ଆଡ଼ିଜିକେଏ ନାନୁ ମିଙ୍ଗେ ଖେସିମାଞ୍ଜାଇଁ, ସଲମନକି ବାରେ ଅଡ଼ିତାୟି ମାତିହଁ ଜିକେଏ ଏଞ୍ଜାଣାକି ଇ ପୁଞ୍ଜା ଏଚେକା ଅଡ଼ିତି ହିମ୍ବୁରିକା ହିଲାଆଡ଼ୁ । ୨୮ ଆମିନି ଜାଡ଼ା ନୀଞ୍ଜୁ ମାନେ, ଡିଏ ଖାୟା ହାନେ ଅଡ଼େ ହଲ୍ଲୁତା ହୁଡ଼କିଆନେ, ମାହାପୁରୁ ଏ ଜାଡ଼ାତି ଇଲେତି ଖାଣା ହାନେସି, ଏନାଆଁ ଏଞ୍ଜାସି ମିଙ୍ଗେ ହିମ୍ବୁରିକା ପରୁଞ୍ଜି କିୟଅସି ? ମୀ ନାମୁ ଏଚେକା ଉଣା !

୨୯ ଏଦାଆଁତାକି ଏନାଆଁ ତିନାୟି ଏନାଆଁ ଗହନାୟି, ଏଦାଆଁ ମୀରୁ ପାରିହଁ ରେଆଦୁ କି ଅଣ୍ଡାଆଦୁ, ୩୦ ଇତିହ ଦାଉଡ଼ିତି ଜୀହୁଦିଆଆତାରି ଏ ବାରେ ପାରିହଁ ରେନେରି; ସାମା ଇ ବାରେ ମୀ ଲଡ଼ାମାନେ ଏଦାଆଁ ମୀ ଲାକପୁରୁତି ଆବା ପୁଞ୍ଜାମାନେସି । ୩୧ ମୀରୁ ମାହାପୁରୁତି ରାଜି ପାରାଦୁ, ଆତିହଁ ଇ ବାରେ ମିଙ୍ଗେ ହାପକିଆନେ ।

**ଲାକପୁରୁତି ଦନ
(ମାତି ୭:୧୯-୨୧)**

୩୨ ଏ ଉଣା ମୋଣ୍ଡା ମାନ୍ଦାତେରି ଆଜାଆଦୁ, ଇତିହଁ ମିଙ୍ଗେ ଏ ରାଜିତି ହୀହାଲି ମୀ ଲାକପୁରୁତି ଆବାକି ଏଚେକା ରାହାଁ । ୩୩ ମୀରୁ ମୀ ଦନତି ପାରଗାନା ହିଲାଆ ଗାଗାରାକି ହୀଦୁ; ମୀରୁ ମିଙ୍ଗେତାକି ଇଲେତି

* ୧୨:୧୧ ୧୨:୧୧ ମାତି ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫ * ୧୨:୧୧ ୧୨:୧୧ ସିନଗୁ

ବର୍ଷାକେ ପୋତୁ: ଇତିହାସ ଆମ୍ଭେ ଯଦୁ ଖାସ୍ତା ଅଡ଼େ ଲୀମ୍ବୁ ତ୍ରିନେଏ ଇଲେତି ଲାକପୁରୁ ଦନ କୁଡ଼ି କିପୁ,
୩୫ ଇତିହାସ ଆମ୍ଭେ ଦନ ଏମ୍ବେଏ ଜିକେଏ ମୀ ମନ ମାଞ୍ଜେମାନେ ।

ଜାଗ୍ରତା ହରେଲଏସି

୩୫ *“ମୀ ଚେତେଲି ଦସା କତାନା ମାଞ୍ଜୁ ଅଡ଼େ ମୀ ଦୀଝୁୟାଁ ତୁଞ୍ଜିହୁଁ ମାଣ୍ଡମ୍ବୁ; ୩୬ *ଅଡ଼େ ପ୍ରବୁ
ବୀହା ଇଜ ହାଜାନା ଝେଣ୍ଡା ଖାନାଟି ଏଝାଣାଇଁ ଦାରା ଦେନମିଝା ଇଞ୍ଜୁଁ କାରାମାନାରି, ମୀରୁ ଜିକେଏ
ଏଝାରିଲେହେଁ କାରାହାଁ ମାଞ୍ଜୁ । ୩୭ ପ୍ରବୁ ଖାହାନା ଆମିନି ହଲ୍ଲିୟାଙ୍ଗାଣି ଜାଗ୍ରତା ମାନାଣି ମେହ୍ନେସି,
ଏଝାରି ନେହେଁ; ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଝାସି ତାନି ଚେତେଲି ରୁପାନା ଏଝାରାଇଁ ତିଞ୍ଜାଲି
କୁଗି କିହାଁ ତାଗେ ହାଜାନା ସେବା କିନେସି । ୩୮ ଅଡ଼େ ଏଝାସି ମାଦି ଲାଆଁୟାଁ କି ଝେୟା ନେକେରିତା
ଜିକେଏ ଖାହାନା ଏଝାରାଇଁ ଏଲେକ୍ତୁଁ କାରାମାନାଣି ମେହ୍ନେସି ଏ ହଲ୍ଲିୟାଙ୍ଗା ନେହେଁ । ୩୯ *ସାମା
ଇଦାଆଁ ପୁଞ୍ଜାମାଞ୍ଜୁ, ଆମିନି ବେଲାତା ସରୁ ଖାନେସି, ଇଦାଆଁ ଇଲୁଗାଟାସି ପୁଚିହୁଁ ଏଝାସି ତାନି କୁଡ଼ୁ
ତୁଡ଼ହାଲି ହାଆଡେସିମା । ୪୦ ମୀରୁ ଜିକେଏ ଜାଗ୍ରତା ଆହାନା ମାଞ୍ଜୁ, ଇତିହାସ ମୀରୁ ଆମିନି ବେଲାତା
ଅଣାଦା ହିଲଅଡେରି, ଏରିବେଲାତା ମାଣ୍ଡସି ମୀରୁଏସି ଖାନେସି ।”

ଟିକାଣା ହିଲାଆଗାଟି ହରେଲଏସି

(ମାତି ୨୪:୪୫-୫୧)

୪୧ ଏବେଟିଏ ପିତର ଏଲେଇଚେସି, “ଏ ପ୍ରବୁ ନାନୁ ପୁଣ୍ଡିକିନି କାତା ମାଙ୍ଗେ କି ବାରେତାକି ଝେସିମାଞ୍ଜୁ
?”

୪୨ ପ୍ରବୁ ଏଲେଇଚେସି, “ସାଝୁକାରି ତାନି ଇଲୁତି ଲକ୍ତତାକି ତାନି ରାନ୍ଦା କାଟୁତା ରାନ୍ଦା ହାହାଲି ତାନି
ଗୁମ୍ବୁସା ପାଣା ହେରୁପିନେସି, ଇଲେତି ଟିକାଣାଗାଟି ଅଡ଼େ ବୁଦିଗାଟି ହରେଲଏସି ଆମ୍ବାଆସି ?” ୪୩ ପ୍ରବୁ
ଖାହାନା ତାନି ଆମିନି ହରେଲଏଶାଇଁ ଏଲେ କିହିମାନାଣି ମେହ୍ନେସି ଏଝାସି ନେହେଁ । ୪୪ ନାନୁ ମିଙ୍ଗେ
ସାତା ଝେସିମାଞ୍ଜାଇଁ, ଏଝାସି ଏଝାଣାଇଁ ତାନି ବାରେ ଦନୁତି ମୁହେଁ ଗୁମ୍ବୁସା କିହା ଇତିନେସି । ୪୫ ସାମା
ଏ ହରେଲଏସି ନା ସାଝୁକାରି ଖାନାୟି ମାନେୟିଏ ଇଞ୍ଜୁଁ ମନତା ଅଣପାନା ହଲ୍ଲିୟାଙ୍ଗା ହରେଲିସିକାଣି
ଝେଟାଲି ଇଞ୍ଜାଁ ତିଞ୍ଜି ଉଣ୍ଡିହୁଁ କାଡ଼ ହୁଡ଼ାଲି ମାଟ୍ଟନେସି, ୪୬ ଆଡିହୁଁ ଏମିନି ଦିନା ହରେଲଏସି କାଡ଼ାହିଲଅସି
ଇଞ୍ଜାଁ ଏମିନି ବେଲା ଏଝାସି ପୁଞ୍ଜାହିଲଅସି, ଏ ଦିନା ଏ ବେଲାତା ତାନି ପ୍ରବୁ ଖାନେସି, ଇଞ୍ଜାଁ ଏଝାସି
ଏଝାଣାଇଁ ରା ବାଗା କିହାନା ନାନୁ ହିଲାଆଗାଟାରି ତଲେ ଏଝାଣାଇଁ କାଲ୍ଲନେସି ।

୪୭ ଅଡ଼େ ଆମିନି ହରେଲଏସି ତାନି ସାଝୁକାରିତି ମନ ଅଣପାନା ଜାଗ୍ରତା ଆଅସି କି ଏଝାଣି ମନତଲେ
କାମା କିଅସି, ଏଝାସି ଗାଡ଼ି ମାଡ଼ା ବେଟା ଆନେସି; ୪୮ ସାମା ଆମ୍ବାଆସି ପୁନାଆନା ମାଡ଼ା ପାଣ୍ଡି କାମା
କିନେସି, ଏଝାସି ଉଣା ମାଡ଼ା ବେଟା ଆନେସି । ଆମ୍ବାଆରାକି ଗାଡ଼ି ହାପୁକି ଆହାମାନେ, ଏଝାଣି ତାଣାଟି
ହାରେକା ରାହନାୟି ମାନେ; ଇଞ୍ଜାଁ ଲକ୍ତୁ ଆମ୍ବାଆରାକି ଗାଡ଼ି ହାହାମାନେରି ଏଝାଣି ତାଣାଟି ହାରେକା
ଆଗାଡ଼ା ରାହନେରି ।

ଜୀସୁ ଲକ୍ତୁଣି ବାଗା କିଞ୍ଚିକନାୟି

(ମାତି ୧୦:୩୪-୩୬)

୪୯ “ନାନୁ ଇ ଦାଡ଼ିତା ହିଡ଼ୁ ପ୍ରଡ଼ହାଲି ଖାହାମାଇଁ, ଇଦି ନୀଏଁ ଗୁଡୁ ଗୁଡୁ ଆହିମାନେ ଆଡିହୁଁ ନାଙ୍ଗେ
ଏନି ଅଣପୁ ? ୫୦ *ସାମା ନାନୁ ର ବାପୁସ୍ତାଁ ପାଣନାୟି ମାନେ, ଅଡ଼େ ଏଦି ରାଆ ପାଡେକା ନାଙ୍ଗେ ଏବେକା
କସ୍ତ ହଡ଼ି ମାଞ୍ଜାନେ । ୫୧ ନାନୁ ଦାଡ଼ିତା ହିଡ଼ୁ ହାହାଲି ଖାହାମାଇଁ ଇଞ୍ଜୁଁ ମୀରୁ ଅଣପିମାଞ୍ଜେରି ? ନାନୁ
ମିଙ୍ଗେ ଝେସିମାଞ୍ଜାଇଁ, ଆଏ, ବାଗା କିହାଲି ଖାହାମାଇଁ । ୫୨ ଇତିହାସ ର ଇଜ ପାସାଜାଣା ମାନେରି, ରିଆରି
କପାଟି ତାନିଜାଣା ଅଡ଼େ ତାନିଜାଣା କପାଟି ରିଆରି ଏଟକା ଆନେରି । ୫୩ ମୀରୁଏଶା କପାଟି ତାଞ୍ଜି, ତାଞ୍ଜି
କପାଟି ମୀରୁଏସି, ମାଙ୍ଗା କପାଟି ତାଲି, ତାଲି କପାଟି ମାଙ୍ଗା, କୁଡ଼ିୟାନି କପାଟି ପୟା, ଅଡ଼େ ପୟା କପାଟି
କୁଡ଼ିୟା ଏଟକା ଆନୁ ।”

କାଲାତି ପୁନାୟି

(ମାତି ୧୭:୨, ୩)

୫୪ ଇଞ୍ଜାଁ ଏଝାସି ଲକ୍ତୁଣି ଜିକେଏ ଏଲେଇଚେସି, “ଝେଡ଼ା କୁଡ଼ନିଝାକି ହାଗୁ ନିଙ୍ଗି ମାନାଣି ମେସିସାରେ
ଦେବୁଣିଏ ଏଲେଇଞ୍ଜେରି ପିୟୁ ଖାନେ, ଅଡ଼େ ଏଲେକିହୁଁ ଏ ଆନେ; ୫୫ ଅଡ଼େ ଚିଣି ଖାକିଟି ଗାଲି

* ୧୨:୩୫ ୧୨:୩୫ ମାତି ୨୫:୧-୧୩ * ୧୨:୩୬ ୧୨:୩୬ ମାତି ୧୩:୩୪-୩୬ * ୧୨:୩୯ ୧୨:୩୯ ମାତି ୨୪:୪୩, ୪୪ * ୧୨:୫୦
୧୨:୫୦ ମାତି ୧୦:୩୮ † ୧୨:୫୦ ୧୨:୫୦ ମୁଞ୍ଜିନାୟି

ଝେନାଣି ମେସ୍ସିଆସେ ମୀରୁ ଏଲେଇଝେରି, ଗାତି କାରା ଆନେ, ଅଡ଼େ ଏଲେଏ ଆନେ । ୫୭ ଆଡ଼େ କୁଚୁ ଗାଗାତେରି, ମୀରୁ ଦାରୁତି ଅଡ଼େ ହାଗୁତି ସିନାୟାଁ ପୁଞ୍ଜିମାଞ୍ଜେରି, ସାମା ଈ କାଲ୍ଲାତି ସିନାୟାଁ ଏନିଲେହେଁତାଇ ପୁଞ୍ଜି ହିଲଅତେରି ?”

ଗଡ଼ହା ଆଡ଼ାଣି ତଲେ ଆଣ୍ଡିନାୟି
(ମାତି ୫:୨୫, ୨୬)

୫୭ ଏନାଆଁ କିନାୟିମାନେ ଇଞ୍ଜିଁ ମୀରୁ ଏନାଆଁତାକି ମୀ ବିତ୍ତା ନୀହାୟି କିହିଲଅତେରି ? ୫୮ ଇତିହିଁ ମୀ ଗଡ଼ହା ଆଡ଼ାଣି ତଲେ ନୀହାୟି କିନାଣି ତାଣା ହାନିବେଲ୍ଲାତା ଜିରୁତେଏ କାଲ୍ଲୁଞ୍ଜିଆନି ଉପେୟି ଅଣ୍ଡିମାପୁ, ଏଲ୍ଲାଆଆତିହିଁ ଏଞ୍ଜାସି ନିଜେ ଅଡ଼େ ଝେଣ୍ଡେ ନୀହାୟି କିନାଣି ତାଣା ରେଜା ଅୟାନେସି, ଅଡ଼େ ନୀହାୟି କିନାସି କସ୍ତାକା କେୟୁତା ହେରୁପାନେସି, ଅଡ଼େ କସ୍ତାକା ନିଜେ କାୟିଦି ଇଲୁତା ଇଗାନେରି । ୫୯ ନାନୁ ମିଜେ ଝେସିମାଞ୍ଜାଇ, “ମୀରୁ ର କାନି ଜିକେଏ ପିସ୍‌ଆନାହା ହାତିହିଁ ଦେଁ ଏମ୍ବାଟି ହଡ଼ା ଖାହାଲି ଆଡ଼ିଦେରି ।”

୧୩

ମନୁ ଝେଟ୍‌ଆତିହିଁ ନାସା ଆନାୟି

୯ ଏତିବେଲ୍ଲାତା ଏତେକା ଲକୁ ଖାହାନା, ପିଲ୍ଲାତ ଏମିନି ଗାଲିଲି ଲକୁତି ନେତେରି ଏଞ୍ଜାରି ପୁଜା ତଲେ ଆବ୍‌ହାମାରେସି, ଏ କାତା ଜୀସୁଇଁ ଝେସ୍ତେରି । ୨ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏ ଗାଲିଲିତାରି ତଣ୍ଡେ ବେଟାଆହାଲିଏ ଏଞ୍ଜାରି ଅର ଗାଲିଲିତାରି କିହାଁ ହାରେକା ପାପୁ ଗାଗାରି ଇଞ୍ଜିଁ ମୀରୁ ଅଣ୍ଡିମାଞ୍ଜେରି ? ୩ ନାନୁ ମିଜେ ଝେସିମାଞ୍ଜାଇ, ଏଲେକିଁ ଆଏ, ସାମା ମୀରୁ ମନୁ ଝେଟ୍‌ଆତିହିଁ ବାରେଜାଣା ତେରି ଏଞ୍ଜାରିଲେହେଁ ହାଡ଼େରି । ୪ ସିଲହଡ଼ା ଆମିନି ଅଟର ଜାଣାତି ଲାକ ପାତାଆଡ଼ି କଡ଼ା ଇଲୁ ରିହାନା ହାଡ଼େରି, ଏଞ୍ଜାରି ବାରେଜାଣା ଜିରୁସାଲମତି ଲକୁ କିହାଁ ହାରେକା ପାପୁ ଗାଗାରି ଇଞ୍ଜିଁ ମୀରୁ ଅଣ୍ଡିମାଞ୍ଜେରି ? ୫ ନାନୁ ମିଜେ ଝେସିମାଞ୍ଜାଇ, ଏଲେକିଁ ଆଏ, ମୀରୁ ମନୁ ଝେଟ୍‌ଆତିହିଁ ବାରେଜାଣା ତେରି ଏଲେକିହିଁ ଏ ନାସା ଆଡ଼େରି ।”

ପାଡ଼େୟି ଆୟାଆଗାଟି ତୟା ମାରୁନୁ

୬ ଜୀସୁ ଈ ପୁଣ୍ଡିକିନି କାତା ଝେସ୍ତେସି, ରଅଣି ଅଲୁରି ବାଡ଼ାତା ର ତୟା ମାରୁନୁ ଉହି ଆହାମାତେ । ଏଞ୍ଜାସି ଖାହାନା ପାଡ଼େୟି ପାରାତେସି ସାମା ମେଡ଼ାଆଆତେସି । ୭ ଇଞ୍ଜାଁ ଏଞ୍ଜାସି କାମା କିନାଣାଇଁ ଏଲେଇଚେସି, “ମେହ୍‌ମୁ ନାନୁ ତାନି ବାର୍ଯ୍ୟା ଆଡ଼େୟିଏ ଈ ତୟା ମାରୁନୁତା ଖାହାନା ପାଡ଼େୟି ପାରିମାଇଁ, ସାମା ମେଡ଼ା ଆହି ହିଲଅଁ; ଏଦାଣି ଚୁଣ୍ଡା ତୁହ୍‌ମୁ, ଇଦି ଏନାଆଁତାକି ବୁମିତି ପାଡ଼ିୟା କିନେ ?” ୮ ସାମା କାମାକିନାସି ଏଲେଇଚେସି, “ପ୍ରବୁ ଇଦି ଇୟନା ତାକି ମାଣ୍ଡେ, ନାନୁ ଇଦାଣି ସାରିସୁଚୁ କାରୁହାନା ଗାତା ହାଇଁ, ୯ ଅଡ଼େ ତୟା ପାଡ଼େୟି ଆୟିତିହିଁ ନେହେଁ ଆୟାଆତିହିଁ ଏଦାଣି ଚୁଣ୍ଡା ତୁହ୍‌ମୁ ।”

ଜୀସୁ ଜମିନି ଦିନା ର ବୁଡ଼ୁଖା ଇୟାନି ନେହିଁ କିନାୟି

୧୦ ର ଦିନା ଜୀସୁ ଜମିନି ଦିନା ର ଜୀହୁଦି ଲକୁତି କୁଟମି ଇଲୁତା* ଜାପୁହି ମାଚେସି । ୧୧ ଏମ୍ବାଆଁ ର ଇୟା ମାଚେ, ଏଦି ଅଟର ବାର୍ଯ୍ୟା ପାଡେକା ପଲ୍ଲୁଆ ବୁଡୁ ତଲେ କସ୍ତା ଆହିମାଚେ, ଏଦି ବୁଡୁଖା ଆହାନା ସଲ୍ଲକେ ଆହିଁ ତାକାଲି ଆଡ଼ିହିଲ୍ଲାଆତେ । ୧୨ ଜୀସୁ ଏଦାନି ମେସାନା ତାଗେ ହାଟାନା ଏଲେଇଚେସି, “ଏ ଇୟା ନାନୁ ନୀ ଆଡ଼ାଆ କସ୍ତୁଟି ନେହିଁ ଆଡ଼ି ।” ୧୩ ଅଡ଼େ ଏଞ୍ଜାସି ଏଦାନିଲେକ କେୟୁ ଇତିଚେସି, ଏମ୍ବାଟିଏ ଏଦି ଏ ଦେବୁଣିଏ ସଲ୍ଲକେ ଆହାନା ମାହାପୁରୁତି ଜହରା କିଚେ ।

୧୪ ସାମା ଜୀସୁ ଜମିନି ଦିନାତା ନେହିଁ କିହିମାତାକି ଜୀହୁଦି ଲକୁତି କୁଟମି ଇଲୁତାଁ କାଜାସି କାରୁବି ଆହାନା ଲକୁଣି ଏଲେଇଚେସି, “କାମା କିହାଲି ସ ଦିନା ମିଜେ ମାନେ; ଏଦାଣିତାକି ସ ଦିନା ନେହିଁ ଆହାଲି ଖାଦୁ, ଜମିନି ଦିନାତା ଖାଆଦୁ ।”

୧୫ ସାମା ପ୍ରବୁ ଏଞ୍ଜାଣାଇଁ ଏଲେଇଚେସି, “ଆଡ଼େ କୁଚୁ ଗାଗାତେରି, ମୀରୁ ବାରେଜାଣା ତେରି ଜମିନି ଦିନାତା ମୀ କଡ଼ି କି ଗାଡ଼ଦେତି ହାଃଅଲ୍ଲାଟି ଅହାନା ଏୟୁ ଉବ୍‌ହି ହିଲଅତେରି କି ? ୧୬ ଅଟର ବାର୍ଯ୍ୟା ପାଡେକା ସୟତାନ ତାଣାଟି ଦସ୍‌ପି ଆହାମାନି ଅବ୍ରାହାମ କୁଡ଼ାତି ଈ ଇୟାନି ଜମିନି ଦିନାତା

* ୧୩:୧୦ ୧୩:୧୦ ସିନଗ୍ଗୁ † ୧୩:୧୩ ୧୩:୧୪ ସିନଗ୍ଗୁ

ନେହଁ କିନାୟି ହିଲୀଆତେ କି ?” ୧୭ ଏଝାସି ଇ ବାରେ କାତା ଝେସାଲିଏ, ତାନି ସାତୁୟାଁ ବାରେ ଲାଜା ବେଟାଆଡେରି, ସାମା ଜାସୁ କିହାମାନି କାମା ମେସାନା ଲକୁ ରାହାଁ ଆଡେରି ।

ହାସୁଁ ପାଡ଼େୟି

(ମାତି ୧୩:୩୧,୩୨; ମାର୍କ ୪:୩୦-୩୨)

୧୮ ଜାସୁ ଏଲେଇଚେସି, “ମାହାପୁରୁ ରାଜି ଏନିଲେହେଁତାୟି ? ଆମ୍ବାରିତଲେ ଏଦାନି ତୁକଇଁ ? ୧୯ ଏଦି ଇଲେତି ର ହାସୁଁ ପାଡ଼େୟି ଲେହେଁ, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି, ଅଡ଼େ ଏଦି ପାଡ଼ାଆହାନା ର ମାଡ଼ୁ ଆଡେ, ଅଡ଼େ ହାଗୁ ଲାକ ଉସିନି ପଟାୟାଁ ଝାହାନା ଏ କମାତା ବାସା କିତୁ ।”

ପୁଲୀଏରୁ

(ମାତି ୧୩:୩୩)

୨୦ ଜାସୁ ଅଡ଼େ ଏଲେଇଚେସି, “ନାନୁ ଆମ୍ବାରିତଲେ ମାହାପୁରୁତି ରାଜି ତୁକଇଁ ? ୨୧ ଏଦି ପୁଲୀ ଏୟୁଲେହେଁତାୟି, ର ଇୟା ତାନିମାଣା ଗୁଣ୍ଡାତା କାଲହା ଇଚିତେ, ତାୟୁ ବାରେ ଗୁଣ୍ଡା ପୁଲୀ ଆଡେ ।”

ଜାକଣି ଦୁଝେରି

(ମାତି ୭:୧୩,୧୪,୨୧-୨୩)

୨୨ ତାୟୁ ଜାସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହଁ ଜାପୁହିହଁ ଜିରୁସାଲମ ଝାକି ହାଜିମାଚେସି । ୨୩ ରଅସି ଏଝାଣାଇଁ ଝେଚେସି, “ପ୍ରବୁ ଗେଲପି ଆନାରି ଝାରଇ ଇଚରା ଜାଣାକି ?”

ଜାସୁ ଏଝାରାଇଁ ଏଲେଇଚେସି, ୨୪ “ଜାସୁ ତୁସାନା ଜାକଣି ଦୁଝେରିଟି ହାଜୁ; ଇଚିହଁ ନାନୁ ମିଜେ ଝେସିମାଞ୍ଜାଇଁ, ହାଚେକା ହଡ଼ାଲି ଅଣପିନେରି, ସାମା ହଡ଼ାଲି ଆଡ଼ଅରି । ୨୫ ଇଲୁଗାଗାସି ନିଜାନା ଦାରା ସୁଣ୍ଡିତ ତାୟୁ ଏଚେତା ମାରୁ ପାଜାତା ନିଚାନା ଦାରା ତୀ ତୀ ଝେଚିହଁ ଏ ପ୍ରବୁ ମାଜେତାକି ଦାରା ଦେତାମୁଁ ଇଞ୍ଜଁ ହାଚିଦେରି, ଏଚେତା ଏଝାସି ମିଜେ ଏଲେଇଞ୍ଜାନେସି, ‘ମାରୁ ଏସିତାତେରି ନାନୁ ପୁଞ୍ଜାମାଞ୍ଜଅଁ ।’ ୨୬ ଏଚିବେଲା ମାରୁ ଏଲେଇଞ୍ଜେରି, ‘ଏ ପ୍ରବୁ ମାମୁଁ ନୀ ତଲେ ଡିଚା ଉଚାତମି, ଅଡ଼େ ନାନୁ ମା ଆଂଗେଣିକାଣା ଜାପୁହିମାଞ୍ଜାତି ।’ ୨୭ ଅଡ଼େ ଏଝାସି ମିଜେ ଏଲେଇଞ୍ଜାନେସି, ‘ମାରୁ ଆମିନି ଚାୟୁତି ଲକୁଚେରି ନାନୁ ପୁଞ୍ଜାମାଞ୍ଜଅଁ; ଏ ଲାଗେଏ ପଲେଏ ତାଚେରି ନା ତାଣାଟି ହେକ ଆଦୁ ।’ ୨୮ ଏଚିବେଲା ମାରୁ ଅବାହାମ, ଇସାହାକ, ଜାକବ ଇଞ୍ଜାଁ ବାରେ ମାହାପୁରୁ ଅଣପୁତି ବଲୁ ଝେହନାରାଇଁ ମାହାପୁରୁ ରାଜିତା ମାନାଣି ଅଡ଼େ ମିଜେ ପାଜାତା କୁତା ମାଞ୍ଜାନାଣି ଅଣପାନା ପାଲକା ଟୀଟି କିହଁ ତାଦେରି । ୨୯ ଅଡ଼େ ହାଚେକା ଲକୁ ଝେଡ଼ା ହପୁ ଝାକିଟି ଅଡ଼େ ଝେଡ଼ା କୁଡ଼ନି ଝାକିଟି, ଟିଝନି ଝାକିଟି ଚେବୁଁ ଝାକିଟି ଝାହାନା ମାହାପୁରୁତି ରାଜିତି ବଜିତା କୁରିନେରି । ୩୦ ଏଡ଼େ ମେହଦୁ ତାୟୁତା ମାନି କଚେକା ନକିତା ଆନେରି ଅଡ଼େ ନକିତା ମାନି କଚେକା ତାୟୁତା ଆନେରି ।”

ଜାସୁ ଜିରୁସାଲମତି ଜାସୁନନାୟି

(ମାତି ୨୩:୩୭-୩୯)

୩୧ ଏଚିବେଲାତେଏ ଏଚରଜାଣା ପାରୁସିୟାଁ ଝାହାନା ଜାସୁଇଁ ଝେସୁେରି, “ନାନୁ ଇ ଚାୟୁ ପିସାନା ହାଜାତୁହମୁ ଏନାଆଁତାକି ଇଚିହଁ ହେରଦ ନିଜେ ପାୟାଲି ଅଣପିମାନେସି ।”

୩୨ ଜାସୁ ଏଝାରାଇଁ ଏଲେଇଚେସି, “ମାରୁ ହାଜାନା ଏ ନାକାଇଁ ଝେହଦୁ, ‘ମେହଦୁ ନାନୁ ନୀଞ୍ଜୁ ଅଡ଼େ ଝିଏ ବୁଡୁୟାଁ ପିସପି କିହିମାଇଁ ଅଡ଼େ ନେହଁ କିହିମାଇଁ ଇଞ୍ଜାଁ ତାନି ଦିନାଟିଏ ନା କାମା ରାପୁଇଁ ।’

୩୩ ଏନିଜିକେଏ ନୀଞ୍ଜୁ ଝିଏ ଅଡ଼େ ମାସଁ ନାଜେ ତାକିହଁ ହାଜାଲି ଆନେ, ଇଚିହଁ ମାହାପୁରୁ ଅଣପୁତି ବଲୁ ଝେହନାସି ଜିରୁସାଲମ ପିସପେ ପାଜାତା ହାନାୟି ନେହେଁ ଆଏ ।”

୩୪ “ଏ ଜିରୁସାଲମ, ଏ ଜିରୁସାଲମ ମାହାପୁରୁ ଅଣପୁତି ବଲୁ ଝେହନାରାଇଁ ପାୟିନାତି ଅଡ଼େ ନୀ ତାଣା ପାଣ୍ଡୁଝି ଆହାମାନାରାଇଁ ଝାଲକାତଲେ ଝେନାତି, ତାଲି କୟୁ ଏନିକଁ ତାନି ହାପାୟାଣି ତାନି ମାରାୟାଁ ଡ଼ଇ ଜଜିମେ, ଏଲେକଁ ଏଚର ଦେବା ନୀ ପଡ଼ି ପଡ଼ାତି ପୁକହାନା ଇଚିଇଁ ଇଞ୍ଜଁ ଅଣପିମାଚେସଁ ସାମା ମାରୁ ଏଲେକିହାଲି ହିୟାଆତେରି । ୩୫ ମେହଦୁ ମା ଇଲୁ ମା କେୟୁତା ହାପୁକି ଆହିମାଞ୍ଜାନେ; ଅଡ଼େ ନାନୁ ମିଜେ ଏଲେଇଞ୍ଜିମାଞ୍ଜାଇଁ ମାହାପୁରୁ ଦରୁଚି ଆମ୍ବାଆସି ଝାହିମାନେସି ଏଝାସି ନେହାଁସି ଇଞ୍ଜଁ ଏମିନି ନେଡୁ ଇ କାତା ଏଲେଇଞ୍ଜେରି ଏ ଦିନା ଝାଆ ପାଚେକା ମାରୁ ଅଡ଼େ ନାଜେ ମେସୁଅତେରି ।”

☆ ୧୩:୨୮ ୧୩:୨୮ ମାତି ୨୨:୧୩; ୨୫:୩୦ ☆ ୧୩:୨୮ ୧୩:୨୮ ମାତି ୮:୧୧,୧୨ ☆ ୧୩:୩୦ ୧୩:୩୦ ମାତି ୧୯:୩୦; ୨୦:୧୭; ମାର୍କ ୧୦:୩୧

୧୪

ଜୀସୁ ରତ୍ନ ଗାଗାଣାଙ୍କ ନେହୁଁକିନାୟି

୧ ଜୀସୁ ର ଜମିନି ଦିନା ରାନ୍ଦା ତିଞ୍ଜାଲି ପାରୁସିୟାଁ ବିଦ୍ରାଟି ର କାଜାଣି ଇଜ ହଡାଲିଏ ଏଞ୍ଜାରି ଏଞ୍ଜାଣାଙ୍କ ଦହ ଦସାଲି ପରୁହି ମାରେରି । ୨ ଅଡ଼େ ମେହୁଦୁ ଏଞ୍ଜାଣି ନକିତା କେସ୍ୱା କଡାୟାଁ ପଂଗିତାସି ରଅସି ମାରେସି । ୩ ଏମ୍ବାଟିଏ ଜୀସୁ ମସାତି ମୋରାପୁନାରି ଅଡ଼େ ପାରୁସିୟାଁଙ୍କ ଏଲେଇରେସି, “ଜମିନି ଦିନାତା ରଅଣାଙ୍କ ନେହୁଁକିନି ମୋରା ମାନେକି ଆଏ ?”

୪ ଏମ୍ବାଟିଏ ବାରେଜାଣା ପାଲେଏ ଆଡ଼େରି । ଇଞ୍ଜାଁ ଜୀସୁ ଏଞ୍ଜାଣାଙ୍କ ତୀଗାହାଁ ନେହୁଁ କିହାନା ମୀ ଇଜ ହାଲାମୁ ଇଞ୍ଜୁଁ ହେଲ ହୀଡେସି । ୫ ଇଞ୍ଜାଁ ଏଞ୍ଜାସି ଏଞ୍ଜାରାଙ୍କ ଏଲେଇରେସି, “ମୀ ବିଦ୍ରାଟି ଆମ୍ବାଆସି ମୀରୁଏସି କି କଡ଼ି ଜମିନି ଦିନାତା କୁହିତା ରିଡହୁଁ ଏ ଦେବୁଣିଏ ଡେଞ୍ଜା କଡଅସି କି ?”

୬ ଅଡ଼େ ଏଞ୍ଜାରି ଇ ବାରେ କାତା ଖେଞ୍ଜାନା ଏନାଆଁ ଜଲ୍ଲାଲି ଆଡାଆଡେରି ।

ସେବା କିନାୟି ଅଡ଼େ ତାମ୍ବେ ଉଣା କିହା କଡିନାୟି

୭ ବଜିତା ହାଟୁକି ଆହାମାଟାରି ନେହୁଁ ନେହୁଁ ଟାୟୁତା କୁଗାଲି ବାଟି କିହିମାଟାଣି ମେସାନା, ଏଞ୍ଜାରାଙ୍କ ର ପୁଣ୍ଡାମିକିନି କାତା ଖେସ୍ତେସି, ୮ “ଏଟିବେଲା ରଅସି ମିଙ୍ଗେ ବାହା ବଜିତା ହାଟୁନେସି, ଏମ୍ବାଆଁ ନେହୁଁ ଟାୟୁତା କୁଗାଆଦୁ, ଇଡିହୁଁ ଏମ୍ବାଆଁ ନୀ କିହାଁ କାଜାସି ଜିକେଏ ହାଟୁକି ଆହାଡ଼ୟିନେସି, ୯ ଏଡେତା ନିଙ୍ଗେ ଅଡ଼େ ଏଞ୍ଜାଣାଙ୍କ ହାଟା ମାନାସି, ଏଞ୍ଜାସି ଖାହାନା ଇଞ୍ଜାଣାକି ଇ ଟାୟୁ ପିସାହୀମୁ ଇଞ୍ଜାନେସି, ଏଡେତା ନୀମୁ ଲାଜାତଲେ ଉଣା ଟାୟୁତା କୁଗିଦି । ୧୦ ସାମା ଏଟିବେଲା ନୀମୁ ହାଟୁକି ଆହାମାନି ତାଣା ହାଜାନା ଡ଼ଇତି ଟାୟୁତା କୁଗାମୁ, ଏରେଟିଏ ନିଙ୍ଗେ ହାଟୁ କିହାମାଞ୍ଜାନାସି, ଏ ତଡେ ନୀମୁ ଇ ନେହୁଁ ଟାୟୁତା କୁଗାମୁ ଇଞ୍ଜୁଁ ହାଟାସାରେ ଏଟିବେଲା କୁଡ଼ା ଆହାମାନି ଲକୁ ନକିତା ଗାଡି ମାନି ବେଟାଆଡି । ୧୧ ଇଡିହୁଁ ଆମ୍ବାଆସି ନୀମୁ କାଜାଡେଏଁ ଇଞ୍ଜୁଁ ଇଞ୍ଜାଁ କଡିନାଣାଙ୍କ ଉଣା କିଞ୍ଜିଆନେ, ଅଡ଼େ ଆମ୍ବାଆସି ତାଙ୍ଗେ ଉଣା କିହାକଡିନେସି ଏଞ୍ଜାଣାଙ୍କ କାଜାସି କିଞ୍ଜିଆନେ ।”

୧୨ ଇଞ୍ଜାଁ ଜୀସୁ ତାଙ୍ଗେ ହାଟି କିହା ମାଟାଣାଙ୍କ ଜିକେଏ ଏଲେଇରେସି, “ନୀମୁ ବଜି ହୀନାଟି ନୀ ତଡେସିଙ୍ଗାଣି, ତାୟିୟାଁ, ସାମାଦିୟାଁ କି ନୀ ନାୟୁତା ମାନି ଦନ ଗାଟାରେଙ୍କ ହାଟାଆନି, ଇଡିହୁଁ ଏଞ୍ଜାରି ଜିକେଏ ନିଙ୍ଗେ ହାଟାଲି ଆଡାନେରି ଅଡ଼େ ନୀମୁ ଖେଣ୍ଡେ ବେଟାଆଡି । ୧୩ ସାମା ବଜି କିଡିସାରେ ହିଲାଆ ଗାଟାରି, କଲାୟାଁ, ସଟାୟାଁ, କାଣାୟାଁଣି ହାଟାମୁ: ଆଡିହୁଁ ନୀମୁ ନେହୁଁଡି ଆଡି, ୧୪ ଆଡିହୁଁ ନିଙ୍ଗେତାକି ନେହେଁ, ଇଡିହୁଁ ନିଙ୍ଗେ ଖେଣ୍ଡେ ହାହାଲି ଏଞ୍ଜାରିତାଣା ଏନାୟି ହିଲେଏ; ଇଞ୍ଜାଁ ତୀରିଗାଟାରି ଖେଣ୍ଡେ ନିଙ୍ଗାଟା ମାହାପୁରୁ ନିଙ୍ଗେ ଖେଣ୍ଡେ ହିୟାନେସି ।”

କାଜା ବଜିତି ପୁଣ୍ଡାମିକିନାୟି

(ମାତି ୨୨:୧-୧୦)

୧୫ ଇ କାତା ଖେଞ୍ଜାନା ଏଞ୍ଜାଣିତଲେ ତିଞ୍ଜାଲି କୁଗାମାଟାରି ବିଦ୍ରାଟି ରଅସି ଜୀସୁଙ୍କ ଏଲେଇରେସି, “ଆମିନିଗାଟାସି ମାହାପୁରୁ ରାଜିତା ବଜି ତିନାସି ଏଞ୍ଜାସି ନେହୁଁସି ।”

୧୬ ସାମା ଜୀସୁ ଏଞ୍ଜାଣାଙ୍କ ଏଲେଇରେସି, “ରଅସି ର କାଜା ବଜି ଲକୁକି ହୀଇଁ ଇଞ୍ଜୁଁ ଅଣ୍ଡପାନା ହାରେକା ଲକୁକି ହାଟିଡେସି; ୧୭ ଅଡ଼େ ତିନି କାଟୁ ଆୟାଲିଏ, ଏଞ୍ଜାସି ହାଟାମାନି ଲକୁତାଣା ତାନି ହଲେଏଣାଙ୍କ ପାଣ୍ଡାନା ଏଲେଇରେସି, ‘ବାରେ ଆଡେଡିଏ ନୀଏଟି ମୀରୁ ତିଞ୍ଜାଲି ଖାଦୁ ।’ ୧୮ ସାମା ବାରେଜାଣା ଏଞ୍ଜାଣାଙ୍କ ରଣ୍ଡିଏ କାତା ଏଲେଇରେରି, ରଅସି ଖେସ୍ତେସି, ‘ନୀମୁ ଇଟାଣି ବୁମି କଡାମାଙ୍କ ଏନାଆଁ ସିନିକିହାଲି ହାନାୟିମାନେ; ଏନାଆଁତାକି ନାଙ୍ଗେ କାର୍ମା ଅଣ୍ଡପାମୁ ନୀମୁ ଖାହାଲି ଆଡୁଅଁ ।’ ୧୯ ଅଡ଼େ ରଅସି ଏଲେଇରେସି, ‘ନୀମୁ ପାସା ହେରୁ କଡ଼ିୟାଁ କଡାମାଙ୍କ, ନୀମୁ ଏଞ୍ଜାସିକାଣି ମାଡୁନାୟି ମାନେ ଏନାଣିତାକି ନାଙ୍ଗେ କାର୍ମା ଅଣ୍ଡପାମୁ ନୀମୁ ଖାହାଲି ଆଡୁଅଁ ।’ ୨୦ ଅଡ଼େ ରଅସି ଏଲେଇରେସି, ‘ନୀମୁ ନୀଞ୍ଜୁ ବାହା ଆହାମାଙ୍କ ଏନାଆଁତାକି ନୀମୁ ଖାହାଲି ଆଡୁଅଁ ।’ ୨୧ ଇଞ୍ଜାଁ ଏ ହଲେଏସି ଖାହାନା ବାରେ ତାନି ସାଞ୍ଜୁକାରିକି ଖେସ୍ତେସି । ଏରେଟିଏ ଏ କାତା ଖେଞ୍ଜାନା ଏଞ୍ଜାସି କାଡ଼ି ଆହାନା ତାନି ହଲେଏଣାଙ୍କ ଏଲେଇରେସି, ନୀମୁ ତବେ ଗାଡ଼ାଡି ସାହୁଡାୟାଁ ଅଡ଼େ ତାଣ୍ଡେଣାଁ ହାଜାନା ହିଲାଆଗାଟାରେଙ୍କ, କଲାୟାଁଙ୍କ, ସଟାୟାଁଙ୍କ ଇଞ୍ଜାଁ କାଣାୟାଁଙ୍କ ଇମ୍ବାଆଁ ହାଟାତାମୁ । ୨୨ ତାୟୁ ଏ ହଲେଏସି ଏଲେଇରେସି, ‘ଏ ପ୍ରବୁ ନୀ କାତାତଲେ ବାରେ କିଡିନି ସାମା ଇଲୁ ନେଞ୍ଜା ହିଲେଏ ।’ ୨୩ ଏମ୍ବାଟିଏ ସାଞ୍ଜୁକାରି ହଲେଏଣାଙ୍କ ଟାଣ୍ଡିଡେସି,

* ୧୪:୫ ୧୪:୫ ମାତି ୧୨:୧୧ * ୧୪:୧୧ ୧୪:୧୧ ମାତି ୨୩:୧୨; ଲୁକ ୧୮:୧୪

‘କାଜା ଆଂଗେଣି ଅଡ଼େ ମାର୍‌ନୁ ଡ଼ଲ ହାଜାନା ନା ଇଲୁ ଏନିକ୍ ନେଞ୍ଜିନେ ଏଦାଆଁତାକି ଲକୁଣି ୱାହାଲି ଏଲେଇନାମୁ । ୨୪ ନାନୁ ୱେସିମାଞ୍ଜାଇଁ ତଲି ହାଟାମାଚାରି ବିତ୍ରାଟି ରଅସି ଜିକେଏ ନା ବଢ଼ି ୱାଣ୍ଡାଲି ବେଟାଆଅସି ।’”

ଏନିଲେହେଁତାସି ଜୀସୁଡ଼ି ସାସୁ ଆନେସି
(ମାତି ୧୦:୩୭,୩୮)

୨୫ ମାନ୍ଦା ଲକୁ ଜୀସୁଡ଼େଲେ ହାଜିମାଚେରି, ଏଝାସି ତାମୁଝାକି ସିନିକିହାନା ଏଝାରାଇଁ ଏଲେଇଚେସି, ୨୬ “ଆମ୍ବାଆସି ନା ଡାଣା ୱାହାନା ତାନି ତାଲି, ତାଞ୍ଜି, ତକ୍ତି, ମୀରକା, ମାସ୍କା, ତାୟି ତାଜିସ୍ବାଣି ଅଡ଼େ ତାନି ଜୀସୁଡ଼ି ଜିକେଏ ଅପଅସି ଏଝାସି ନା ସାସୁ ଆୟାଲି ଆଡ଼ଅସି । ୨୭ “ଆମ୍ବାଆସି ତାନି କୁସ ଡ଼େକାନା ନା ଜେଡ ଜେଡ ୱାସି, ଏଝାସି ନା ସାସୁ ଆୟାଲି ଆଡ଼ଅସି । ୨୮ ମୀ ବିତ୍ରାଟି ଆମ୍ବାଆସି ପାତିକିହିଁ କଟା ଇଲୁ ଦସାଲି ଅଣପିନେସି, ଦହନି କାମା ରାପୁହାଲି ଟାକାୟି ଏନୁ କି ଏଡ଼ ଇଞ୍ଜିହିଁ ଏମ୍ବାଡ଼ି ଲେକା କିଅସିକି ? ୨୯ ଏଚେତା ଏଝାସି ପୁନାଦି ନିପହାନା ରାପୁହାଲି ଆଡ଼ାଆସାରେ, ଏଚେକା ଲକୁ ଏଦାଆଁ ମେହନେରି, ବାରେଜାଣା ଏଝାଣାଇଁ କାକନେରି, ୩୦ ଲକୁ ଏଝାଣାଇଁ ଲାଜାକିହିଁ ଏଲେଇନେରି, ଇଝାସି ଇଲୁ ଦସାଲି ମାଟୁହେସି ରାପୁହାଲି ଆଡ଼ାଆଚେସି । ୩୧ ର ରାଜା ଅର୍ ରାଜା କପାଟି ଲୁକୁ କିହାଲି ହାଜିମାନାଟି ଦସ ମାଣା କସ୍କା ଏଝାଣି କଡ଼େ ମାଣା କସ୍କା କପାଟି ଲୁକୁ କିହାଲି ଆଡ଼ିନେରିକି ଆଏ ଇଞ୍ଜି ଅଣପଅସିକି ? ୩୨ ଆଡ଼ାଆଲେହେଁ ଇଚିହିଁ ଏ ରାଜା ହେକ ମାନାଟିଏ ଏଝାସି ରାଜିମାନା ଆୟାଲି କସ୍କାଣି ହିଡ଼ଡ଼ି ତାକି ଏଲେଇଞ୍ଜା ପାଣ୍ଡିନେସି । ୩୩ ଏଲେକିହିଁ ଏ ମୀ ବିତ୍ରାଟି ଜିକେଏ ଆମ୍ବାଆସି ତାନି ବାରେ ପିହଆତିହିଁ ଏଝାସି ନା ସାସୁ ଆୟାଲି ଆଡ଼ଅସି ।”

ମୁଆ ହାରୁ
(ମାତି ୫:୧୩; ମାର୍କ ୯:୫୦)

୩୪ “ହାରୁଡ଼ ନେହାୟି; ସାମା ହାରୁ ମୁଆସାରେ ଏଦାଆଁ ଏନିକ୍ ଅଡ଼େ ଏନାଆଁତଲେ ହାରୁ ଲେହେଁ ମୁପି କିନାୟି ? ୩୫ ଏଦି ବୁମିତା କି ଗାଟା କଟୁଟା କୁଟୁସାଲି ଜିକେଏ ଜଗେ ଆଏ । ଲକୁ ଏଦାନି ପାଙ୍ଗାତା କୁଟା ତୁହନେରି । ଆମ୍ବାଆରି ୱେଞ୍ଜାଲି କୀକା ମାଚିହିଁ, ୱେଞ୍ଜୁ ।”

୧୫

ଜାକ୍ତିତ ମେଣ୍ଡା
(ମାତି ୧୮:୧୨-୧୪)

୧ “ର ଦିନା ସିସୁ ରାହନାରି ଅଡ଼େ ପାପୁ ଗାଟାରି ବାରେଜାଣା ତାନି କାତା ୱେଞ୍ଜାଲି ୱାହିମାଚେରି । ୨ ଏଚେଟିଏ ପାରୁସିୟାଁ ଅଡ଼େ ମେରାପୁନାରି ଜୀସୁଇଁ ଗୁରୁମୁରୁ ଆହିଁ ଏଲେଇଚେରି, “ଇଝାସି ପାପୁ ଗାଟାରାଇଁ ଆବିମାନେସି, ଇଞ୍ଜା ଏଝାରିତଲେ ତିଞ୍ଜି ଉଣ୍ଡି ମାନେସି !” ୩ ଏମ୍ବାଟିଏ ଜୀସୁ ଏଝାରାଇଁ ଇ ପୁଣ୍ଡିକିନି କାତା ୱେସ୍ତେସି ।

୪ “ମୀ ବିତ୍ରାଟି ଆମ୍ବାଆଚେରି ଇଲେଟି ଲକୁ ମାଞ୍ଜେରି, ଏଝାଣାକି ପାସାକଡ଼ି ମେଣ୍ଡାୟାଁ ମାଚିହିଁ, ଏଝାସିକା ବିତ୍ରାଟି ରଣ୍ଡି ଜାକ୍ତିତିହିଁ ଏଝାସି ଏନାଆଁ କିନେସି, ରଣ୍ଡି ଉଣା ପାସାକଡ଼ି ମେଣ୍ଡାୟାଁ ବାଟାତା ପିସାନା ଜାଙ୍ଗାମାନି ମେଣ୍ଡା ପାଣ୍ଡିନି ପାଚେକା ପାରଅସି କି ? ୫ ଇଞ୍ଜା ବେଟାଆଡ଼ିସାରେ ରାହାଁତଲେ ଡ଼େକାନା ଇଜ ତାନେସି, ୬ ଇଞ୍ଜା ତାନି ତଣ୍ଡେସିଜାଣି ଅଡ଼େ ନାୟାଁତାରାଇଁ ହାଟାନା ଏଲେଇନେସି, ମୀରୁ ନା ତଲେ ରାହାଁ କିପୁ, ଏନାଆଁତାକି ଇଚିହିଁ ଜାଙ୍ଗାମାଟି ନା ମେଣ୍ଡା ବେଟାଆଡ଼େସି । ୭ ନାନୁ ମିଞ୍ଜେ ୱେସିମାଞ୍ଜାଇଁ ଏଲେକିହିଁ ଏ ମନ ୱେଟହାଲି ଲଡ଼ା ଆଆଗାଟି ରଅସି ଉଣା ପାସାକଡ଼ି ତାରିଗାଟାରି କିହାଁ ପାପୁ ଗାଟାସି ରଅସି ତାନି ମନ ୱେଟହା କଡ଼ିତିହିଁ, ଏଝାଣି କସିମି ଲାକପୁରୁ ହାରେକା ରାହାଁ ଆନେ ।”

ଜାକ୍ତିତ ଟାକା

୮ “ଅଡ଼େ ଇଲେଟି ଆମିନି ଇୟା ମାନେ, ଏ ଇୟାନାକି ଦସଗଟା ୱେଣ୍ଡି ଟାକା ମାଚିହିଁ ରଣ୍ଡାଆଁ ଜାକ୍ତିତିହିଁ ଏଦି ଏନାଆଁ କିନେ, ଦୀଝି ଡ଼ସାନା ଇଲୁ ହେପାନା ଏ ଜାକ୍ତିତି ଟାକା ପାଣ୍ଡିନି ପାଚେକା ଜାଡ଼ୁନୁ ତଲେ ପାରେଏକି ? ୯ ଇଞ୍ଜାହାଁ ଏ ଟାକା ବେଟାଆଡ଼ିସାରେ ଏଦି ତାନି ତଡ଼ ଲକୁଣି ଇଞ୍ଜା ନାସ୍କାକି ଲକୁଣି ରୁଣ୍ଡି କିହାନା ଏଲେଇନେ ନା ତଲେ ରାହାଁ କିପୁ, ଏନାଆଁତାକି ଇଚିହିଁ ଜାକ୍ତିତିମାଟି ଟାକା ବେଟାଆଡ଼େସି”

☆ ୧୪:୨୨ ୧୪:୨୭ ମାତି ୧୦:୩୭ ☆ ୧୪:୨୭ ୧୪:୨୭ ମାତି ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩ ☆ ୧୫:୧ ୧୫:୧ ଲୁକ ୫:୨୯,୩୦

। ୧୦ ନାନୁ ମିଜା ଝେସିମାଞ୍ଜାଇଁ, ଏଲେକିହୁଁ ଆମ୍ବାଆସି ମନ ଝେଟ୍ଟନେସି, ଇଲେତି ପାପୁ ଗାଗାରାକି ମାହାପୁରୁତି ଦୁତୁୟାଁ ନକିତା ରାହାଁ ଆନେ ।”

ଜାଜିତି ମୀରୁଏସି

୧୧ ଜାସୁ ଅଡେ ଏଲେଇରେସି, ରଥାକି ରିଆରି ମୀରୁକା ମାରେରି । ୧୨ ଏଞ୍ଜାରି ବିଡ୍ରାତି ଉଣା ମୀରୁଏସି ଆବାଇଁ ଏଲେଇରେସି, ଆବା ଇଲୁତି ଦନ ବାଟି କିହାନା ନାଜେ ଆୟାରି ବାଗା ହିୟାମ୍ । ଏରେଟିଏ ତାନି ଆବା ତାନି ଦନ ବାଟି କିହାନା ରୀ ମୀରୁକାକି ହୀଡେସି । ୧୩ ଏମ୍ବାଟିଏ ଏରରଦିନା ହାଜାଲିଏ ଇତି ମୀରୁଏସି ଇଲୁ ବାଗା ହୀହାମାଗାଣି ପାରୁହାଁ ଗାକାୟାଁ ଆସାହାଁ ହେକରାଜି ହାଜାତୁସ୍ତେସି, ଇଞ୍ଜା ଲେନିପନିଏ ତାୟୁ ଏସ୍ତକି ଅଣପାଆନା ଲାଗେଏତି କାମାତା ତାନି ଦନ ରାପୁହେସି । ୧୪ ସାମା ବାରେ ଦନ ରାପୁହି କ୍ଳେଟ ଏ ଦେସାତା କାରୁସ୍ତୁ କାଡାରେ ଆହାଲିଏ ଏଞ୍ଜାସି କାକୁଲି ଆଡେସି । ୧୫ ଏରେଟିଏ ଏଞ୍ଜାସି ହାଜାନା ଏ ଦେସାତି ର ସାଧୁକାରି ତାଣା ଗତି ହୁୟିଡେସି, ଏଞ୍ଜାସି ଏଞ୍ଜାଣାକି ପାଜିୟାଁ ମେଚାଲି ଗୁଡିୟାତା ପାଣ୍ଡିଡେସି; ୧୬ ଇଞ୍ଜା ପାଜିୟାଁ ଆନିନି କାଜା ସାଲିୟାଁ ତିଞ୍ଜି ମାୟୁ, ଏଞ୍ଜାଆଁ ତିଞ୍ଜାଲି ମନ କିଡେସି, ସାମା ଆମ୍ବାଆରି ଏଞ୍ଜାଣାକି ତିଞ୍ଜାଲି ହୀହି ହିଲାଆଡେରି । ୧୭ ର ଦିନା ତୀରୁପୁ ଆହାନା ଅଣପିଡେସି, ମା ଆବା ତାଣାତି ଗତି ବୁଡି ତିନି ରାନ୍ଦେଏ ହାରା ହାଜିମାନେ, ସାମା ନାନୁ ଇମ୍ବାଆଁ ହାକି ତାକି ହାହିମାଇଁ । ୧୮ ନାନୁ ନିଜାନା ମା ଆବା ତାଣା ହାଇଁ ଇଞ୍ଜା ଏଞ୍ଜାଣାଇଁ ଝେହୁଇଁ, “ଲାକପୁରୁତି ଆବା କପାଟି ଅଡେ ନୀ ନକିତା ନାନୁ ପାପୁ କିଡେସି; ୧୯ ନୀ ମୀରୁଏସାଡେସି ଇଞ୍ଜୁଁ ନାନୁ ଅଡେ ପାଡା ଆଅଁ; ନାଜେ ର ହଲେଏଣା ଲେହେଁ ଇଗାମ୍ ।” ଏମ୍ବାଟିଏ ଏଞ୍ଜାସି ନିଜାନା ତାନି ଆବା ଝାକି ହାଡେସି ।

୨୦ ସାମା ଆବା ତାନି ମୀରୁଏଣା ଝାହିମାନାଣି ହେକଟିଏ ମେସାନା କାର୍ମା ଆହାନା ହଟି ହଟିହୁଁ ହାଜାନା ପମାହାଁ ନଣ୍ଡିଡେସି । ୨୧ ଏମ୍ବାଟିଏ ମୀରୁଏ ଗାଗାସି ଏଲେଇରେସି, “ଲାକପୁରୁ ଆବା କପାଟି ଅଡେ ନୀ ନକିତା ନାନୁ ପାପୁ କିଡେସି, ନୀ ମୀରୁଏଣାଡେସି ଆୟାଲି ପାଡା ଆଅଁ ।” ୨୨ ସାମା ଆବା ତାନି ହଲିୟାଜାଣି ଏଲେଇରେସି, “ଅଜିତି ହିମ୍ବୁରି ତବେ ତାଗାନା ଇଞ୍ଜାଣାଇଁ ହୁଡି କିପୁ, ଇଞ୍ଜାଣି କେୟୁତା ମୁଦି ଅଡେ କତାୟାଣା ସେପୁୟାଁ ତୁରୁଞ୍ଜି କିପୁ, ୨୩ ଇଞ୍ଜାହାଁ ଆଜା ଆଡି କଡି ତାଲୁ ତାକା ହାଜାନା ପାୟାୟୁ; ମାରୁ ତିଞ୍ଜା ଉଣ୍ଡାନା ରାହାଁ କିନ, ୨୪ ଇଡିହୁଁ ନା ମୀରୁଏସି ହାହା ହାଜାମାରେସି, ଝେଣ୍ଡେ ନୀତାମାନେସି; ଜାଜା ହାଜାମାରେସି ଅଡେ ମେଡା ଆୟାଡେସି ।” ଏମ୍ବାଟିଏ ଏଞ୍ଜାରି ରାହାଁ କିହିମାରେରି ।

୨୫ ଏତିବେଲାତା କାଜା ମୀରୁଏସି ଗୁଡିୟାତା ମାରେସି, ଏଞ୍ଜାସି କାମା କିହାଁ ଇଲୁ ତାଗେ ଝାୟାଲିଏ, ତାନି ଇଜ ବାଜାଗାଜା ଅଡେ ରାହାଁ କିହିମାନି ହାଲି ଝେଞ୍ଜାନା, ୨୬ ର ହଲେଏଣାଇଁ ହାଟାନା ଝେରେସି, “ମାଜ ଏନାଆଁ କିହିମାନେରି ।” ୨୭ ଏଞ୍ଜାସି ଏଞ୍ଜାଣାଇଁ ଏଲେଇରେସି, “ନୀ ଉଣା ତାୟି ଝେଣ୍ଡା ଝାହାମାନେସି, ଅଡେ ଏଞ୍ଜାସି ନେହୁଁ ଆଜା ତଲେ ଝେଣ୍ଡା ଝାଟାଣି ମେସାନା ମୀ ଆବା ଆଜା ଆଡି କଡି ପାୟାମାନେସି ।”

୨୮ ଏମ୍ବାଟିଏ କାଜା ତାୟି କାରବି ଆହାନା ଇଜ ହାଲାଆଡେସି; ସାମା ତାନି ଆବା ପାଜାତା ଝାହାନା ଏଞ୍ଜାଣାଇଁ କାହିବା କପା ଆଆନି ଇଜ ଝାୟୁ ଇଞ୍ଜୁଁ ବାତିମାଲିଡେସି । ୨୯ ଇଞ୍ଜା ଏଞ୍ଜାସି ତାନି ଆବାଇଁ ଏଲେଇରେସି, “ମେହୁମ୍ ନାନୁ ଇଚର ବାସା ଆଡେ ନୀ ହଲେଏଣା ଲେହେଁ କାମା କିହିମାଇଁ, ଏରେଲା ଜିକେଏ ନୀ ହୁକୁମି ଉରାହିଲଅଁ, ଆଡିଜିକେଏ ନା ତଡେସିଜା ତଲେ ବଜି କିହାଲି ନାନୁ ନାଜେ ର ଗରି ତାଲୁ ଜିକେଏ ହୀହାମାଞ୍ଜଅତି; ୩୦ ସାମା ଇ ନୀ ମୀରୁଏସି ଇଲୁତି ବାରେ ଦନ ଅହାନା ସାନେଣିସ୍ତାତଲେ ମାଞ୍ଜାନା ବାରେ ରାପୁହେସି, ଏରେତା ଇଞ୍ଜାସି ଝେଣ୍ଡାଞ୍ଜାଡେସି, ଏରେତା ଏଞ୍ଜାଣାକି ଆଜା ଆଡି କଡି ପାୟାମାଞ୍ଜି ।” ୩୧ ଏରେଟିଏ ତାଞ୍ଜି ଗାଗାସି ଏଲେଇରେସି, “ମୀରୁଏଣା ନୀନୁତ କାଲେଏ ନା ତଲେ ମାଞ୍ଜାମାଞ୍ଜି, ଅଡେ ଏନା ଏନାୟି ନାଡି ଏ ବାରେତ ନୀଦି; ୩୨ ସାମା ଇ ନୀ ତାୟି ହାହା ହାଜାମାରେସି, ଝେଣ୍ଡେ ନୀତାମାନେସି, ଜାଜା ହାଜାମାରେସି, ମେଡା ଆୟାଡେସି, ଏଦାଆଁତାକି ରାହାଁ କିନାୟି ମାଡେ ।”



ଲାଗେଏତି ଗୁମ୍ବୁସା

୧ ଜାସୁ ତାନି ସୀମୁୟାଁଇଁ ଏଲେଇରେସି, “ର ଦନଗାଗାସି ମାରେସି; ଏଞ୍ଜାଣାକି ର ଗୁମ୍ବୁସା ମାରେସି, ଏଞ୍ଜାସି ତାନି ଦନତି ଆଲାରେ କିହାମାନାଣି ପୁଞ୍ଜାନା, ୨ ଏଞ୍ଜାସି ଏଞ୍ଜାଣାଇଁ ହାଟାନା ଏଲେଇରେସି, ‘ନାନୁ ନୀ କାତା ଝେରେସି ନୀନୁ ନୀ ଗୁମ୍ବୁସା କାମା ଏନି କିହିମାଞ୍ଜି ଲେକା ତସ୍ତାମ୍, ଇଡିହୁଁ ନୀନୁ ଅଡେ ଗୁମ୍ବୁସା ଆହା ମାଞ୍ଜାଲି ଆଡଅତି ।’ ୩ ଏମ୍ବାଟିଏ ଏ ଗୁମ୍ବୁସା ଅଣପା କଡିଡେସି, ‘ନା ସାଧୁକାରି ନା ଗୁମ୍ବୁସା କାମା ପିସ୍ତପି କିହିମାଞ୍ଜାନେସି, ନାନୁ ଏନାଆଁ କିଇଁ ? ଇରୁଆ କାରୁହାଲି ନାଜେ ବପୁ ହିଲେଏ, ଅଡେ ରାସ୍ତପା ତିଞ୍ଜାଲି ଲାଜା ହଡି ମାଞ୍ଜାନେ ।’ ୪ ନୀସି ପୁଡେସି, ନାଜେ ଗୁମ୍ବୁସା ପାଣାଟି ପିସ୍ତପି କିୟାତି ତାୟୁ ଲକୁ ନାଜେ

ତାମି ଇଲୁକାଣା ଆବାନିଲେହେଁ କିଇଁ ।^୫ ଇଞ୍ଜା ଏଝାସି ତାମି ସାଞ୍ଜୁକାରି ତାଣାଟି ରୀଣା ଅହାମାଚାରାଇଁ ହାଡ଼ାନାହାଁ ତଲିତାଣାଇଁ ଝେରେସି, ‘ନା ସାଞ୍ଜୁକାରି ତାଣା ନୀ ରୀଣା ଏରେକା ମାନେ ?’^୬ ଏଝାସି ଏଲେଇରେସି, ‘ପାସାକଡ଼ି ତାବା ନିହୁଁ ଗୁମୁସ୍ତା ଏଝାଣାଇଁ ଏଲେଇରେସି, ‘ନୀନୁ ତବେ ଇମ୍ପାଆଁ କୁଗାନା ରୀ କଡ଼ି ଦସ ଇଞ୍ଜୁଁ ରାଡ଼ାମୁ ।’^୭ ତାହୁଁ ଅଡ଼େ ରଅଣାଇଁ ଝେରେସି, ‘ନୀନୁ ଏରେକା ରୀଣା ଅହାମାଞ୍ଜି ?’ ଏଝାସି ଏଲେଇରେସି, ‘ର ମାଣା ବାସ୍ତା ଗହୁଁୟାଁ ଗୁମୁସ୍ତା ଏଝାଣାଇଁ ଏଲେଇରେସି, ‘ନୀନୁ ତବେ ଇମ୍ପାଆଁ କୁଗାନା ଆଡ଼ା ଝାଞ୍ଜା ଇଞ୍ଜୁଁ ରାଡ଼ାମୁ ।’^୮ ଏ ଲାଗେଏତି ଗୁମୁସ୍ତା ବୁଦିତଲେ କାମା କିହାମାନାକି ସାଞ୍ଜୁକାରି ଏଝାଣାଇଁ ନୀନୁ ନେହୁଁ କାମା କିହାମାଞ୍ଜି ଇରେସି; ଏନାଆଁତାକି ଇଚିହୁଁ ଉଜେଡ଼ିତି ମୀରୁକା କିହାଁ ଇ ଦାରୁଡ଼ିତାରି ତାମି କାମାତା ହାରେକା ବୁଦିଗାଟାରି ।”

^୯ ନୀନୁ ଜିକେଏ ମିଙ୍ଗେ ଝେସିମାଞ୍ଜାଇଁ, “ମୀରୁ ଦାରୁଡ଼ିତି ଲାଗେଏତି ଦନ ତଲେ ତଣେ ଦହୁଦୁ, ଏଡ଼ି ରାଡ଼ିସାରେ ମିଙ୍ଗେ କାଲ୍ଲକାଲ୍ଲାତି ବାସା ଟାହୁଡ଼ା ମିଙ୍ଗେ ଆବାନେରି ।^{୧୦} ଆମ୍ପାଆସି ଉଣା କାମାତା ନାମୁଗାଟାସି ଆନେସି ଏଝାସି କାଜା କାମାତା ଜିକେଏ ନାମୁଗାଟାସି ଆନେସି, ଇଞ୍ଜା ଆମ୍ପାଆସି ଉଣା କାମାତା ନାମୁଗାଟାସି ଆଆସାରେ ଏଝାସି କାଜା କାମାତା ଜିକେଏ ନାମୁଗାଟାସି ଆସି ।^{୧୧} ଲାଗେଏତି ଦନତା ନାମୁ ଗାଟାତେରି ଆହାହିଲଅତେରି, ଆଡ଼ିହୁଁ ଆମ୍ପାଆସି ମିଙ୍ଗେ ନାମାହାଁ ସାତା ଦନ ମୀ କେହୁଡ଼ା ହେରପାନେସି ?^{୧୨} ମୀରୁ ଏଟକାତାଣା ଦନତି ନାମୁତଲେ କ୍ଲେମ୍ପା ହିଲଆସାରେ ମିଙ୍ଗେ ମୀ ଲଡ଼ାମାନାଣି ଆମ୍ପାଆସି ହିୟାନେସି ?”

^{୧୩} * “ର ହଲେଏସି ରୀ ସାଞ୍ଜୁକାରି ତାଣା ହଲେଏସି ଆହାଲି ଆଡ଼ଅସି; ଇଚିହୁଁ ରଅଣାଇଁ ଜୀଞ୍ଜୁ ନନେସି ରଅଣାଇଁ ଜୀଞ୍ଜୁ ନନେସି, ଆଆତୁଁ ରଅଣାଇଁ ମାନୁଞ୍ଜି ଆନେସି ରଅଣାଇଁ ଅପଅସି । ମୀରୁ ମାହାପୁରୁ ଅଡ଼େ ଦନତି ହଲିୟାଞ୍ଜା ଆହାଲି ଆଡ଼ଅତେରି ।”

ଜୀସୁ ଝେସ୍ତି କାତାୟାଁ

(ମାତି ୧୧:୧୨, ୧୩; ୫:୩୧, ୩୨; ମାର୍କ ୧୦:୧୧, ୧୨)

^{୧୪} ଇ ବାରେ କାତା ଝେଞ୍ଜାନା ଦନ ଜୁଦୁକା ପାହୁସିୟାଁ ଜୀସୁଇଁ କାକହେରି ।^{୧୫} ଏରେଟିଏ ଜୀସୁ ଏଝାରାଇଁ ଏଲେଇରେସି, “ଆମ୍ପାଆରି ମାଣସି ନକିତା ତୀରିଗାଟାରି ଇଞ୍ଜୁଁ ତସା କଡ଼ିମାନେରି, ମୀରୁ ଏଲେତି ଲକୁ, ସାମା ମାହାପୁରୁ ମୀ ହିୟାତି ପୁନାସି ଇଚିହୁଁ ଏନାୟି ମାଣସି ଅଣ୍ଟପୁତା କାଜାୟି ଲେହେଁ ତଞ୍ଜା ଆନେ, ଏଡ଼ି ମାହାପୁରୁ ନକିତା ଅପାଆଗାଟାୟି ।”

^{୧୬} * “ମସାତି ମେଦା ଅଡ଼େ ମାହାପୁରୁ ଅଣ୍ଟପୁତି ବଲୁ ଝେହନାରି ରାଚିତି ପତି ଜହନ ପାତେକା ସାଲ୍ଲଞ୍ଜି ଆହିମାହୁ; ଏଚିବେଲାଟିଏ ମାହାପୁରୁ ରାଜିତି ନେହୁଁ କାହୁଁ ଝେକହି ମାନେରି ଇଞ୍ଜା ବାରେଜାଣା ତାମି ବାଡ଼ହୁଁ ତଲେ ମାହାପୁରୁ ରାଜିତା ହଡ଼ିମାନେରି ।^{୧୭} * ହାଗୁପାକା ଅଡ଼େ ଦାରୁଡ଼ି ବାରେ ମେଣ୍ଟିନେ ସାମା ମେମାତି ଇଚାୟି ସିନା ଜିକେଏ ମେଣ୍ଟିନେଏ ।”

^{୧୮} * “ଆମ୍ପାଆସି ତାନି ତକ୍ତିନି ପିସାନା ଏଟକାତାଣି ବୀହା ଆନେସି, ଏଝାସି ଦାରି କିନେସି; ଇଞ୍ଜା ଆମ୍ପାଆସି ପିସି ତକ୍ତିନି ବୀହା ଆନେସି, ଏଝାସି ଦାରେଲା ଆନେସି ।”

ଦନ ଗାଟାସି ଅଡ଼େ ଲାଜର

^{୧୯} “ର ଦନ ଗାଟାସି ମାରେସି, ଏଝାସି ହାରେକା ଅଜିତି ହିମ୍ପାରିଦୁକି ହୁଟାନା ନେହୁଁ ରାନ୍ଦା ତିଞ୍ଜିହୁଁ ହାରେକା ରାହାଁତଲେ ଡ଼ୟିମାରେସି ।^{୨୦} ସାମା ଏଝାଣି ଦୁଝେରି ଦାରିତା ଲାଜର ଦରୁଗାଟି ରାସପା ତିନାସି ଡ଼ୟାମାରେସି,^{୨୧} ଗୁଡ଼ା ଆଞ୍ଜା ଗାହାଁୟାଁ ଆହାମାରେସି; ଏ ଦନ ଗାଟାଣି ଜୁଟା ଲିତା ତିଞ୍ଜାନା ତାନି ବାଣ୍ଡି ପାଞ୍ଜିକିହାଲି ଆସା କିହାମାରେସି; ଇଞ୍ଜା ନେସକା ଝାହି ତାନି ଗାହାଁୟାଁ ନାକିମାହୁ ।^{୨୨} ର ଦିନା କାର୍ମାଗାଟି ଲାଜର ହାହାହାରେସି ଇଞ୍ଜା ଲାକପୁରୁତି ଦୁହୁୟାଁ ତଲେ ଅଗ୍ରାହାମ ମାରିତାଣା ଅଞ୍ଜିଆଡ଼େସି; ତାହୁଁ ଏ ଦନ ଗାଟାସି ଜିକେଏ ହାହାହାରେସି ଇଞ୍ଜା ମାହାଣି ମାଣ୍ଡାତା ମୁସ୍ତି ଆଡ଼େସି,^{୨୩} ଅଡ଼େ ଏଝାସି ହାଡ଼ାରି ମାନି ରାଜିତି କସ୍ତତଲେ କିଲିବିଲି ଆହୁଁ ଲାକ ସିନିକିହାଲିଏ ହେକଟି ଅଗ୍ରାହାମ ଅଡ଼େ ତାନିତଲେ ଲାଜରଇଁ ମେସ୍ତେସି ।^{୨୪} ଏରେଟିଏ ଏଝାସି ହାଡ଼ିତେସି, ‘ଏ ଆବା ଅଗ୍ରାହାମ, ନାଙ୍ଗେ କାର୍ମା ଅଣ୍ଟପାନା ଲାଜରଇଁ ନା ତାଣା ପାଣ୍ଡାମୁ, ଏଝାସି ତାନି ଝାଞ୍ଜୁତା ଏହୁଁ ବନ୍ଦା ତାଚାନା ନା ଝେନ୍ଦରିତି ହିଡ଼ି କିୟାପେସି, ଇଚିହୁଁ ନୀନୁ ଇ ହିଡ଼ୁତା କିଲିବିଲି ଆହିମାଇଁ ।’^{୨୫} ସାମା ଅଗ୍ରାହାମ ଏଲେଇରେସି, ‘ମୀରୁଏଣା ନୀନୁ ନୀତାମାଟି ବେଲାତା ନୀ ନେହାଁଣି ବେଟାଆଡ଼ି, ଇଞ୍ଜା ଲାଜର ଏଲେକିହୁଁ ଏ ପଲ୍ଲଆ ଗାଟାଣି ବେଟାଆଡ଼େସି, ଇଦାଆଁ

* ୧୬:୧୩ ୧୬:୧୩ ମାତି ୬:୨୪ * ୧୬:୧୬ ୧୬:୧୭ ମାତି ୧୧:୧୨, ୧୩ * ୧୬:୧୭ ୧୬:୧୭ ମାତି ୫:୧୮ * ୧୬:୧୮ ୧୬:୧୮ ମାତି ୫:୩୨; ୧କର ୭:୧୦, ୧୧

ଅଣପାମ୍ବୁ: ସାମା ନୀର୍ବ୍ୟ ଏଝାସି ଇମ୍ବାଆଁ ସୁକୁ ବେଟାଆହି ମାନେସି, ଅଡ଼େ ନୀନୁ କିଲିବିଲି ଆହିମାଞ୍ଜି ।^{୨୭} ଅଡ଼େ ର କାତା ମୀ ମାଦି ମା ମାଦି ର କାଜା ଗାଡ଼ୁୟୁ ମାନେ, ଆମ୍ବାଆରି ଈ ଚାୟୁଟି ମୀ ତାଣା ହାଜାଲି ମନ କିନେରି, ଏଝାରି ହାଜାଲି ଆଡ଼ଅରି ଆଆଡ଼ ଏ ଚାୟୁଟି ଈ ଚାୟୁତା ଗାଣ୍ଡାଚାନା ଝାୟାଲି ଆଡ଼ଅରି ।^{୨୮} ଏମ୍ବାଟିଏ ଦନ ଗାଟାସି ଏଲେଇଚେସି, ଏ ଆବା, ଆତିହ୍ ନାନୁ ନିଜେ ବାଟିମାଲିମାଞ୍ଜାଇ, ଲାଜରଇଁ ମା ଆବା ଇଜ ପାଣ୍ଡାମ୍ବୁ,^{୨୯} ଇତିହ୍ ନା ପାସାଜାଣା ତାୟିୟା ମାନେରି; ଏଝାରି ଜିକେଏ ଏନିକ୍ ଈ କସ୍ତାଗାଟି ଚାୟୁତା ଝାଅରି, ଏଦାଆଁତାକି ଏଝାସି ଏଝାରିତାଣା ସାକି ହାନେସି ।^{୩୦} ସାମା ଅଗ୍ରାହାମ ଏଲେଇଚେସି, ଏଝାରିତାଣା ମସା ଅଡ଼େ ମାହାପୁରୁ ଅଣପୁତି ବଲୁ ଝେହ୍ନନାରି ପତିୟାଁ ମାନୁ, ଏଝାରି ଏ କାତାଟି ଝେଣ୍ଡାମ୍ବୁରି ।^{୩୧} ଏମ୍ବାଟିଏ ଦନ ଗାଟାସି ଏଲେଇଚେସି, ଏ ଆବା ଅଗ୍ରାହାମ, ଏଚେକେଏ ସାରି ଆଏ, ସାମା ହାଡ଼ାରି ବିତ୍ରାଟି ରଅସି ଏଝାରିତାଣା ହାନେସି ଆତିହ୍ ଏଝାରି ମନ ଝେଟ୍ଟନେରି ।^{୩୨} ସାମା ଅଗ୍ରାହାମ ଏଲେଇଚେସି, ଏଝାରି ମସା ଅଡ଼େ ମାହାପୁରୁ ଅଣପୁତି ବଲୁ ଝେହ୍ନନାରି କାତା ଝେନଅରି, ଆତିହ୍ ହାଡ଼ାରି ବିତ୍ରାଟି ଝେଣ୍ଡେ ନିଜିତ୍ ଜିକେଏ ଏଝାଣି କାତା ନାମଅରି ।”

୧୭

ପାପୁ

(ମାତି ୧୮:୭,୭,୨୧,୨୨; ମାର୍କ ୯:୪୭)

^୧ ଜୀସୁ ତାନି ସୀସୁୟାଈ ଏଲେଇଚେସି, “ଏମିନି ତାୟିପାରି କିନି ତାଣାଟି ଲକୁ ପାପୁତା ହେଟ୍ଟନେରି, ଏ ବାରେ ପିଟିଆଏ, ସାମା ତାୟିପାରି କିଞ୍ଜି କିନାସି ଆୟୁତା ଏଝାସି ଗାତି ତଣ୍ଡେ ବେଟାଆଡ଼ନେସି; ^୨ ଉଣା କକାରି ବିତ୍ରାଟି ରଅଣାଇଁ ତାୟିପାରି କିନିବାଟା ତାନି ହେଟ୍ଟକିତା କାଜା ଜେତାଝାଲି ଦସାନା ସାମଦୁରିତା ମେଡ଼ହିହ୍ ଏଝାଣାକି ନେହେଁ ଆଡ଼େମା ।

^୩ ନୀନୁ ମୀ ତାକି ଜାଗ୍ରାତା ଆହାମାଞ୍ଜି ।” “ନୀ ତାୟି ପାପୁ କିନେସି, ଆତିହ୍ ଏଝାଣାଇଁ ଲାଗାମ୍ବୁ; ଏଝାସି ନାନୁ ପାପୁ କିଚେଏ ଇଞ୍ଜି ମନ ଝେଟ୍ଟହିହ୍, ଏଝାଣି ପାପୁ ମ୍ଲେକହା ତୁହ୍ମୁ । ^୪ ଅଡ଼େ ଏଝାସି ସାତା ପାଲି ନୀ କପାଟି ପାପୁ କିନେସି ଅଡ଼େ ସାତା ପାଲି ନୀ ତାଣା ଝେଣ୍ଡା ଝାହାନା ନାନୁ ମନ ଝେଟ୍ଟହିମାଈ ଇଞ୍ଜି ଇଞ୍ଜାନେସି ଆତିହ୍ ଏଝାଣି ପାପୁ ମ୍ଲେକହା ତୁହ୍ମୁ ।”

ନାମ୍ବୁ

^୫ ଏଚେଟିଏ ପାଣ୍ଡୁଞ୍ଜି ଆହାମାନାରି ପ୍ରବୁଇଁ ଏଲେଇଚେରି, “ମା ନାମୁତି ପାତି କିୟାମ୍ବୁ ।”

^୬ ପ୍ରବୁ ଏଲେଇଚେସି, “ର ହାସ୍ତୁ ପାଡ଼େୟି ଏଚେକା ମୀ ନାମ୍ବୁ ମାଟିହ୍ ମା, ଈ ତୁତୁକଲି ମାରୁନୁତି ହାତୁତଲେ ମେଗାହାଜାନା ସାମଦୁରିତା ଉହି ଆମ୍ବୁ ଇତିହ୍ ଏଦି ମୀ କାତା ମାନୁଞ୍ଜି ଆନେ ।”

ର ହଲେଏସି କିନି କାମା

^୭ “ସାମା ମୀ ବିତ୍ରାଟି ଇଲେତାସି ଆମ୍ବାଆସି ମାନେସି, ତାନି ହଲେଏସି ହେରୁ ତହ୍ନାନା କି କଡ଼ିୟାଁ ମେଚାନା ଝାଡ଼ିସାରେ ଏଝାସି ଏଝାଣାଇଁ ଜୁରୁୟାଁ ଗହ୍ମୁଦେଁ ଇନେସି ? ^୮ ନାଜେ ତିଞ୍ଜାଲି ହିୟାମ୍ବୁ, ନାନୁ ତିଞ୍ଜାଲି ଆଡ଼ାଆ ପାଚେକା ଚେତେଲି ହିମ୍ବୁରି ରୁପାନା ନା ସେବା କିୟାମ୍ବୁ, ଇଞ୍ଜି ତାୟୁ ନୀନୁ ତିନାମ୍ବୁ ଇଞ୍ଜି ଏଝାଣାଇଁ ଏଲେଇନଅସି ? ^୯ ର ହଲେଏସି ସାଞ୍ଜୁକାରି କାତା ମାନୁଞ୍ଜି ଆହାନା କାମା କିନାକି ଏଝାଣାଇଁ ଜହରା କିନେସିକି ? ^{୧୦} ଏଲେକିହ୍ ଏ ମୀରୁ ଜିକେଏ ହୁକୁମି ତଲେ କାମା କିତି ତାୟୁ ମାମ୍ବୁ ପାତା ଆଆ ହଲିୟାଜାତମି; ଏନାୟି ମାମ୍ବୁ ଜିନାୟି ମାଚେ ଏଦାଆଁ କିହାମାନମି ଇଞ୍ଜେରି ।”

ଜୀସୁ ଦସଜାଣା କାଜା ରଗ ଗାଟାରାଇଁ ନେହ୍ କିନାୟି

^{୧୧} ଜୀସୁ ଜିରୁସାଲମତା ହାଜିମାଟାଟି ଗାଲିଲି ଅଡ଼େ ସମିରଣି ଡେସା ମାଦିଟି ହାଜିମାଚେସି ।

^{୧୨} ଏମ୍ବାଟିଏ ଏଝାସି ର ନାୟୁତା ଏଗାହାଜାଲିଏ ଦସଜାଣା କାଜା ରଗ ଗାଟାରି ଏଝାଣାଇଁ ବେଟାଆଡ଼େରି;

^{୧୩} ଏଝାରି ହେକ ନିଚାନା କାଜା ଗିୟାଁତଲେ ଏଲେଇଚେରି, “ଏ ଜୀସୁ ଗୁରୁ ମାଜେ କାର୍ମା ମେସ୍ତାମ୍ବୁ !”

^{୧୪} ଜୀସୁ ଏଝାରାଇଁ ମେସାନା ଏଲେଇଚେସି, “ମୀରୁ ହାଜାନା ପୁଡ଼େରାଜା ତାଣା ତଞ୍ଜା ଆକାଦୁ ।” ଅଡ଼େ ଏଝାରି ହାଜି ହାଜିହ୍ ନେହ୍ ଆଡ଼େରି । ^{୧୫} ସାମା ଏଝାରି ବିତ୍ରାଟି ରଅସି ତାନୁ ନେହ୍ ଆଡ଼ାଣି ମେସାନା କାଜା ଗିୟାଁତଲେ ମାହାପୁରୁତି ଜହରା କିହ୍ କିହ୍ ଝେଣ୍ଡା ଝାହାନା, ^{୧୬} ଜୀସୁତି କତାୟାଁ ତୁଇ ମୁକୁ କୁତାନା ଜହରା କିଚେସି; ଏଝାସି ସମିରଣି ଲକୁ ମାଚେସି । ^{୧୭} ଏଚେଟିଏ ଜୀସୁ ଏଲେଇଚେସି,

* ୧୭:୩ ୧୭:୩ ମାତି ୧୮:୧୫

“ଦୟାକାଣୀ ନେହୁଁ ଆପାତେରିକି ? ଅତେ ନ ଜାଣା ଏମ୍ବିୟା ମାନେରି ? ୧୮ ମାହାପୁରୁଇଁ ଜହରା କିହାଲି
ଇ ଜାହୁଦିଆଆତି ଲକୁ ପିସ୍ତପେ ଆମ୍ବାଆସି ଖେଣ୍ଡା ଖାଆତେସି ?” ୧୯ ଇଞ୍ଜା ଜୀସୁ ଏଝାଣାଇଁ ଏଲେଇଚେସି,
“ନିଜ୍ଞାନା ହାଲାମୁ ନୀ ନାମୁ ନିଜେ ନେହୁଁ କିହାମାଞ୍ଜାନେ ।”

ମାହାପୁରୁ ରାଜି ଖାନାୟି
(ମାତି ୨୪:୨୩-୨୮, ୩୭-୪୧)

୨୦ ମାହାପୁରୁତି ରାଜି ଏରେଲା ଖାହିମାନେ, ଇ କାତା ପାରୁସିୟାଁ ଖେଞ୍ଜାଲିଏ ଏଝାସି ଏଝାରାଇଁ
ଏଲେଇଚେସି, “ମାହାପୁରୁତି ରାଜି ତଞ୍ଜା ଆହୁଁ ଖାଏ; ୨୧ ଇମ୍ବାଆଁ ମାନେକି ଏମ୍ବାଆଁ ମାନେ ଇଞ୍ଜୁଁ ଲକୁ
ଝେସ୍ତଅରି; ଇତିହୁଁ ମାହାପୁରୁତି ରାଜି ମୀ ବିତ୍ତେଏ ମାନେ ।”

୨୨ ଇଞ୍ଜା ଜୀସୁ ତାନି ସୀସୁୟାଁଇଁ ଏଲେଇଚେସି, “ଇଲେତି ବେଲା ଖାନ୍ତେ, ଏତିବେଲା ମାଣସି
ମୀରୁଏଣାତି ର ଦିନା ମେସାଲି ମନ କିତିହୁଁ ଜିକେଏ ମେହୁଅତେରି । ୨୩ ଏତିବେଲା ଲକୁ ମିଜେ
ଝେସ୍ତାନେରି, ଏଝାସି ଇମ୍ବାଆଁ ମାନେସି ଏମ୍ବାଆଁ ମାନେସି: ସାମା ଏଝାରି କାତା ଆହୁଆଦୁ କି ଏଝାରିତଲେ
ତାକାଆଦୁ । ୨୪ ଏନିଇତିହୁଁ ହାଗୁ ମୁହ୍ନାଟି ର କନତି ଅର କନଝାକି ଉଜେଡ଼ି ଆନେ, ଏଲେକିହୁଁ ଏ
ମାଣସି ମୀରୁଏଣା ଦିନାତା ଆନେ । ୨୫ ସାମା ଏଝାସି ଗାତି କସ୍ତ ପାଣ୍ଡନାୟି ମାନେ, ଇଞ୍ଜା ଇ କାଲାତି
ଲକୁ ଏଝାଣାଇଁ ଅପଅରି । ୨୬ ଅତେ ନହୁ ବେଲାତା ଏନିକିଁ ଆହାମାତେ, ମାଣସି ମୀରୁଏସି ଖାନ୍ତି ଦିନାତା
ଜିକେଏ ଏଲେକିହୁଁ ଏ ଆନେ; ୨୭ ନହୁ ଜାଜାତା ହତୁନି ଦିନା ପାତେକା ଲକୁ ତିଞ୍ଜି ଉଣ୍ଡିହୁଁ ବାହା କିୟାଲି
ବାହା ହିୟାଲି ହେରାମାତେରି, ଏତିବେଲା କାଜା ପିୟୁ ଖାତେ ଇଞ୍ଜା ବାରେତି କୁପହାତୁସ୍ତେ । ୨୮ ଲଟ
ବେଲାତା ଜିକେଏ ଏଲେଏ ଆତେ, ଲକୁ ତିଞ୍ଜି ଉଣ୍ଡି ମାତେରି, କତି ମାତେରି, ପାରୁତି ମାତେରି, ମାରୁକା
ଉହ ମାତେରି ଅତେ ଇଲକା କିହାଲି ହେରାମାତେରି, ୨୯ ସାମା ଲଟ ସଦମ ଗାଡ଼ାଟି ହଡ଼ା ହାଲୁଞ୍ଜିନିଏ,
ଲାକପୁରୁଟି ହିତୁ ଅତେ ଗାନ୍ଧାଗୁଣ୍ଡା ଖାହାନା ବାରେତି ନାସା କିତେ । ୩୦ ମାଣସି ମୀରୁଏସି ଖାନ୍ତି ଦିନାତା
ଜିକେଏ ଏଲେଆହୁଁ ଏ ଆନେ ।”

୩୧ *ଏ ଦିନା ଆମ୍ବାଆସି ଇଲୁ ଲାକ ମାନେସି, ଏଝାସି ଇଲୁ ବିତ୍ତାମାନି ତାନି ଆସି ଅହାଲି ରେତା
ଖାଆପେସି; ଏଲେକିହୁଁ ଏ ଆମ୍ବାଆସି ନେଝଏଲାତା ମାନାସି ଇଜ ଖେଣ୍ଡା ଖାଆପେସି । ୩୨ ଲଟ ତକ୍ରିନି
କାତା ଅଣପାଦୁ ! ୩୩ *ଆମ୍ବାଆସି ତାନି ଜୀଝୁତି ନୀଟହାଲି ମନ କିନାସି, ଏଝାସି ନାସା ଆନେସି, ଅତେ
ଆମ୍ବାଆସି ତାନି ଜୀଝୁତି ଆସା କିଆଗାଟାସି ଏଝାସି ନୀତିନେସି । ୩୪ ନାନୁ ମିଜେ ଝେସିମାଞ୍ଜାଇଁ, ଏ ଲାଆୟାଁ
ରିଆରି କାଟେଲିତା ତୁରା ତୁୟିନେରି, ରଅସି ଅଝିଆନେସି ଅତେ ରଅସି ଏମ୍ବାଆଁ ତୁୟିନେସି । ୩୫ ରା
ଇୟାସିକା ରଣିଏ ତାଣା ନୁୟୁଁ ମାନୁ, ରଣି ଅଝିଆନେ ରଣି ଏମ୍ବାଆଁ ତୁୟିନେ । ୩୬ ରିଆରି ନେଝଏଲାତା
ମାନେରି, ରଅସି ଅଝିଆନେସି, ରଅସି ଏମ୍ବାଆଁ ତୁୟିନେସି ।”

୩୭ ଏଚେଟିଏ ସୀସୁୟାଁ ଏଲେଇଚେରି, “ଏ ପ୍ରବୁ ଏମ୍ବିୟା ?” ଜୀସୁ ଏଲେଇଚେସି, “ମାଡ଼ହା ଏମ୍ବିୟାମାନେ
ଏମ୍ବାଆଁ ରାମ୍ବାଣାୟାଁ ରୁଣ୍ଡା ଆନୁ ।”

୧୮

ରାଣ୍ଡେଣି ଇୟାନି ନାହାୟି

୧ ଖାହାଆନା ଅଲେ ଅଲେ ପ୍ରାତାନା କିନାୟିମାନେ, ଇ କାତାତି ଜୀସୁ ସୀସୁୟାଁଇଁ ପୁଣ୍ଡିକିନି କାତାତଲେ
ଝେସ୍ତେସି ୨ “ର ଗାଡ଼ାତା ର ନାହାୟି କିନାସି ମାତେସି, ଏଝାସି ମାହାପୁରୁଇଁ ଆଜି ହିଲାଆତେସି କି
ମାଣସିୟାଁଇଁ ଜିକେଏ ଅଣପି ହିଲାଆତେସି । ୩ ଏ ଗାଡ଼ାତା ର ରାଣ୍ଡେଣି ମାତେ, ଏଡି ନାହାୟି କିନାସି ତାଣା
ଅଲେ ଅଲେ ହାଜିହୁଁ ନାନୁ ନେହୁଁ ନାହାୟି କିହୁଁ ନା କପାଟି ନିଜ୍ଞମାଞ୍ଜାନାଣା ତାଣାଟି ଗେଲୁପାମୁ
ଇଞ୍ଜୁଁ ବାତିମାଲିମାତେ । ୪ ଅତେ ଏଝାସି ଏଦାନି କାତା ଖେଞ୍ଜି ହିଲାଆତେସି; ତାୟୁ ଏଝାସି ମନ ମନତା
ଅଣପିତେସି, ନାନୁ ମାହାପୁରୁଇଁ ଆଜିହିଲଅଁ କି ମାଣସିଇଁ ଅଣପି ହିଲଅଁ, ୫ ଆଡ଼ିଜିକେଏ ଇ ରାଣ୍ଡେଣି
ନାଜେ କସ୍ତ ହାହିମାଞ୍ଜାନାକି ନାନୁ ତାନି କପାଟି ନିଜ୍ଞମାନି ନାହାୟି ଡିକହାତୁହୁଇଁ, ଆଆତୁଁ ଏଡି ନାଜେ
ବାରେବେଲା ଗିଜିଗିଜା କିହେମାଞ୍ଜାନେ ।”

୬ ଏମ୍ବାଟିଏ ପ୍ରବୁ ଏଲେଇଚେସି, “ଇ ଲାଗେଏତି ନାହାୟି କିନାସି କାତା ଅଣପାଦୁ । ୭ ଆତିହୁଁ
ମାହାପୁରୁ ଆଡ଼ିତି ଲକୁ ଲାଆଁ ମାଦେନା ଏଝାଣାଇଁ ହାଟିହୁଁ ତୁୟିନେରି, ଏଝାସି କି ଏଝାରି ନାହାୟି
କିଅସି ? ଆଡ଼ିଜିକେଏ ଏଝାସି ଏଝାରି ସାତୁୟାଁକି ହାରେକା ଅରହିନାସି ଆନେସି କି ? ୮ ନାନୁ ମିଜେ

* ୧୭:୩୧ ୧୭:୩୧ ମାତି ୨୪:୧୭,୧୮; ମାର୍କି ୧୩:୧୫,୧୭ * ୧୭:୩୩ ୧୭:୩୩ ମାତି ୧୦:୩୯; ୧୭:୨୫; ମାର୍କି ୮:୩୫; ଲୁକ ୯:୨୪; ଜହ
୧୭:୨୫

ଝେସିମାଞ୍ଜାଇଁ, ଏଝାସି ତବେ ଏଝାରି ତାକି କିଝି ଆହାମାନି ପଲୁଆ କାମାତି ନୀହାଁୟି କିନେସି, ଆଡ଼ିକିକେଏ ମାଣସି ମାର୍ତ୍ତସି ଦାତ୍ତତା ଝାହାନା ନାମୁତି ମେହନେସିକି ?”

ପାରୁସି ଅଡ଼େ ସିସ୍ତୁ ରୁାହନାଣି ପୁଣ୍ଠିକିନି କାତା

୯ ତାମ୍ବେ ତାରିଗାଟାତମି ଇଞ୍ଜି ଅଣ୍ଟାପାନା ଏଟକା ତାରାଇଁ ହାଣି କିନି ଲକୁଣି ଜୀସୁ ଇ ପୁଣ୍ଠିକିନି କାତା ଝେସ୍ତସି, ୧୦ ରିଆରି ପ୍ରାଡାନା କିହାଲି ର ପ୍ରାଡାନା ଇଲୁତା ହାରେରି, ରଅସି ପାରୁସି ଅଡ଼େ ରଅସି ସିସ୍ତୁ ରୁାହନାସି । ୧୧ ପାରୁସି ନିଚାନା ଇଲେକିହଁ ପ୍ରାଡାନା କିତେସି, “ଏ ମାହାପୁରୁ ନାନୁ ନିଙ୍ଗେ ଜହରା କିହିମାଞ୍ଜାଇଁ, ନାନୁ ଏଟକା ଲକୁ ଲେହେଁ ଦାମ୍ବୁ ହିଲୁଆ ଗାଟାତେସି ଆଏ, ସରୁ, ଦାରି ଗାଟାତେସି ଆଏ କି ଇ ସିସ୍ତୁ ରୁାହନାଣି ଲେହେଁ ଜିକେଏ ଆଏ; ୧୨ ନାନୁ ଝାଡ଼ା ତାକି ରୀ ଦେବା ଉପାସା କିହିମାଇଁ, ଅଡ଼େ ନାନୁ ବେଟାଆହି ମାନାଣି ବାରେ ଦସ ବାଗାଟି ର ବାଗା ହାହିମାଇଁ ।” ୧୩ ସାମା ସିସ୍ତୁ ରୁାହନାସି ହେକ ନିଚାନା ତାନି କାନୁ ଲାକପୁରୁ ଝାକି ଜିକେଏ ପେରୁହାଁ ସିନିକିହାଲି ସାସା କିଆତେସି, ସାମା ତାନି ବକତା ଝେଟା କତାନା ଏଲେଇରେସି, “ଏ ମାହାପୁରୁ ନାନୁ ପାପୁ ଗାଟାତେସି ନାଙ୍ଗେ କାର୍ମା ମେସ୍ତାମୁ ।” ୧୪* “ନାନୁ ନିଙ୍ଗେ ଝେସିମାଞ୍ଜାଇଁ, ଏଝାସି ଆଏ ସାମା ସିସ୍ତୁ ରୁାହନାସି ତାରିଗାଟାସି ଆହାନା ତାନି ଇଜ ହାରେସି; ଏନିଈଚିହଁ ଆମ୍ବାଆସି ନାନୁ କାଜାତେସି ଇଞ୍ଜା କତିନେସି, ଏଝାଣାଇଁ ଉଣା କିଝିଆନେ, ସାମା ଆମ୍ବାଆସି ନାନୁ ଉଣାତେସି ଇନେସି, ଏଝାଣାଇଁ କାଜାସି କିଝିଆନେ ।”

ଜୀସୁ ଉଣା ପଦି ପଦାୟାଣି ବର ହାନାୟି

(ମାତି ୧୯:୧୩-୧୫; ମାର୍କ ୧୦:୧୩-୧୬)

୧୫ ଏଝାସି ଏନିକି କକାରି ପଦାଁଣି ତାରିନେସି, ଏଦାଆଁତାକି ଲକୁ ଏଝାଣାଇଁ ଜୀସୁ ତାଣା ତାଗାଲି ମାଟ୍ତହେରି; ସାମା ସୀସୁୟାଁ ଏଦାଆଁ ମେସାନା ଏଝାଣାଇଁ ଦାକା ହାତେରି । ୧୬ ସାମା ଜୀସୁ କକାରି ପଦାଁଣି ତାଗେ ହାଟାନା ଏଲେଇରେସି, “କକାରି ପଦାଁଣି ନା ତାଗେ ଝାହାଲି ହୀଦୁ, ଏଝାଣାଇଁ କାହିକିଆଦୁ; ଏନିଈଚିହଁ ମାହାପୁରୁତି ରାଜି ଇଲେତାରାଝାୟି । ୧୭ ନାନୁ ନିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ଉଣା କକାରି ପଦାୟାଁ ଲେହେଁ ମାହାପୁରୁ ରାଜି ଆହସି ଏଝାସି ଏନିକି କିକେଏ ଏଦାଆଁ ହଡ଼ାଲି ଆଡ଼ଅସି ।”

ର ଦନ ଗାଟାସି

(ମାତି ୧୯:୧୬-୩୦; ମାର୍କ ୧୦:୧୭-୩୧)

୧୮ ଜୀହୁଦି ଲକୁ ବିତ୍ରାଟି କାଜାସି ଜୀସୁଇଁ ଝେରେସି, “ଏ ନେହଁ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ ?”

୧୯ ଜୀସୁ ଏଝାଣାଇଁ ଏଲେଇରେସି, “ନାଙ୍ଗେ ନେହାଁତି ଇଞ୍ଜି ଏନାଆଁତାକି ଏଲେଇଞ୍ଜିମାଞ୍ଜି ? ଇଚିହଁ ମାହାପୁରୁ ରଅସିଏ ନେହାଁସି ମାନେସି ଏଝାଣି ପିସପେ ଆମ୍ବାଆସି ନେହାଁସି ହିଲଅସି । ୨୦ ହୁକୁମିକା ପୁଞ୍ଜାମାଞ୍ଜି, ‘ଦାରି କିଆନି, ଲକୁଣି ପାୟାଆନି, ସରୁ କିଆନି, ମିଚିସାକି ହୀଆନି, ତାଲି ତାଞ୍ଜି କାତା ମାନି କିମୁ ।”

୨୧ ଦନଗାଟାସି ଏଲେଇରେସି, “ନାନୁ ଇ ବାରେ ଉଣାଝେଡ଼ାଟିଏ କିହିମାଇଁ ।”

୨୨ ଜୀସୁ ଇ କାତା ଝେଞ୍ଜାନା ଏଝାଣାଇଁ ଏଲେଇରେସି, “ନାନୁ ର କାମା କିନାୟିମାନେ; ନୀନୁ ନୀ ତାଣା ମାନି ବାରେ ଦନବିତି ପାରୁଚାନାହାଁ ହିଲୁଆ ଗାଟାଟାକି ଦାନା ହୀମୁ, ଇଞ୍ଜା ତାହୁ ନୀନୁ ଲାକପୁରୁତା ଦନ ବେଟାଆଦି; ଏଚେଟିଏ ନା ଜ୍ଞେଟ ଜ୍ଞେଟ ଝାମୁ ।” ୨୩ ସାମା ଏଝାସି ଇ ବାରେ କାତା ଝେଞ୍ଜାନା ହାରେକା ଦୁକୁ ଆଡ଼େସି, ଇଚିହଁ ଏଝାସି ବାଡ଼କୁ ଗାଟାସି ମାରେସି ।

୨୪ ଏଚେଟିଏ ଜୀସୁ ଏଝାଣାଇଁ ମେସାନା ଏଲେଇରେସି, “ଆମ୍ବାଆରି ଦନ ମାନେ, ଏଝାରି ହାଡ଼େକା କସ୍ତଳେ ମାହାପୁରୁତି ରାଜିତା ହଡ଼ନେରି ! ୨୫ ଇଚିହଁ ମାହାପୁରୁତି ରାଜିତା ଦନଗାଟାସି ହଡ଼ନି କିହାଁ ଉଡ଼ୁ ସୁଜା କାଣିଟି ହଡ଼ହାନାୟି ଉସାସା ।”

୨୬ ଏ କାତା ଝେଞ୍ଜିମାଟାରି ଏଲେଇରେରି, “ଆତିହଁ ଆମ୍ବାଆସି ଗେଲ୍ପି ଆହାଲି ଆଡ଼ିନେସି ?”

୨୭ ଜୀସୁ ଏଲେଇରେସି, “ଏନାଆଁ ଲକୁ କିୟାଲି ଆଡ଼ାଆଗାଟାଣି ମାହାପୁରୁ କିହାଲି ଆଡ଼ିମାନେସି ।”

୨୮ ଏଡ଼େତା ପିତର ଜୀସୁଇଁ ଝେରେସି, “ମେହମୁ ମାମୁ ବାରେ ପିସାନା ନୀ ଜ୍ଞେଟ ଝାହିମାନି ।”

* ୧୮:୧୪ ୧୮:୧୫ ମାତି ୨୩:୧୨; ଲୁକ ୧୪:୧୧

୨୯ ଜୀସୁ ଏଝାରାଇଁ ଖେସ୍ତେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମିନି ଗାଟାରି ମାହାପୁରୁ ରାଜିତାକି ଇଲୁକାଣ୍ଡା, ତକ୍ରିନି, ତାୟି, ତାଲି ତାଞ୍ଜି, ଅଡ଼େ ମୀରକା ମାୟକାଣି ପିସାମାନେରି, ୩୦ ଏଝାରି ଇ ଜୁଗୁତା ହାରେକା ଆଗାଡ଼ା ବେଟାଆହାନା, ଝାନ୍ତି ଜୁଗୁତା କାଲାକାଲାତି ଜୀସୁ ବେଟା ଆନେସି ।”

ଜୀସୁ ତାନି ଦେବା ତାନି ହାକିତି ଝେହ୍ନାୟି

(ମାତି ୨୦:୧୭-୧୯; ମାର୍କ ୧୦:୩୨-୩୪)

୩୯ ଜୀସୁ ତାନି ବାରଜାଣା ସୀୟୁୟାଁଇଁ ହାଟାନା ଝେସ୍ତେସି, “ମେହ୍ନୁ ମାରୁ ଜିରୁସାଲମତା ହାଜିମାନାୟି, ଏମ୍ବାଆଁ ମାଣସି ମୀରଏଣି ତାକି ମାହାପୁରୁ ଅଣପୁତି ବଲୁ ଝେହ୍ନାରି ଏନା ଏନାଆଁ ରାଟାମାନେରି, ଏ ବାରେ ମାଣସି ମୀରଏଣା ତାଣା ସାତା ଆନେ; ୩୨ ଇତିହୁଁ ଏଝାଣାଇଁ ଏଟକା କୁଡ଼ାତାରି କେନ୍ଦୁତା ହେର୍ପିଆନେସି, ଇଞ୍ଜାଁ ଏଝାରି ଏଝାଣାଇଁ କାକନେରି, ଏଝାଣାଇଁ ହାଣି କିହାନା ହୁପିନେରି, ୩୩ ଏଝାଣାଇଁ ସାଟୁଣି ଡିରିତଲେ ଝେଟାନା ପାୟିନେରି, ଇଞ୍ଜାଁ ତାନି ଦିନାଟିଏ ନିଙ୍ଗିନେସି ।”

୩୪ ସାମା ସୀୟୁୟାଁ ଇ ବାରେ କାତା ପୁଞ୍ଜାଲି ଆଡ଼ାଆତେରି; ଇ କାତା ଏଝାରିତାଣା ଡ଼ଗୁନା ମାଟେ, ଏନାଆଁ ଝେସ୍ତେସି ଆହିମାଟେ ଏ ବାରେ ପୁଞ୍ଜିହିଲାଆତେରି ।

ରାସପାତିନି କାଣାଇଁ ଜୀସୁ ନେହୁଁକିନାୟି

(ମାତି ୨୦:୨୪-୩୪; ମାର୍କ ୧୦:୪୭-୫୨)

୩୫ ଜୀସୁ ଜିରିହ ଗାଡ଼ାତା ଏଜିମାଟାଟି ର କାଣା ଜିରୁତା କୁଗାନା ରାସପିମାଟେସି । ୩୬ ଏଝାସି ଲକ୍ଷ୍ମି ହାଜିମାନି ହାଡ଼ା ଝେଞ୍ଜାନା, “ଇଦି ଏନାୟି ଆହିମାନେ ଇଞ୍ଜାଁ ଝେଟେସି ।” ୩୭ “ନାଜିରିତତି ଜୀସୁ ଇମ୍ବାଟି ହାଜିମାନେସି” ଇଞ୍ଜାଁ ଝେସ୍ତେରି ।

୩୮ ଏଟେଟିଏ କାଣା କାଜା ଗିୟାଁତଲେ ଏଲେଇଞ୍ଜି ଇଟେସି, “ଏ ଜୀସୁ ଦାସୁଦ ମୀରଏଣାତି ନାଙ୍ଗେ କାର୍ମା ମେସ୍ତାମୁ ।”

୩୯ ସାମା ନକିତା ହାଜିମାଟାରି ଏଝାଣାଇଁ ପାଲେଏ ମାଞ୍ଜାଲି ଦାକା ହୀଟେରି, ସାମା ଏଝାସି ଅଡ଼େ କାଜା ଗିୟାଁତଲେ ଏଲେଇଟେସି, “ଏ ଜୀସୁ ଦାସୁଦ ମୀରଏଣାତି ନାଙ୍ଗେ କାର୍ମା ମେସ୍ତାମୁ ।”

୪୦ ଏଟେଟିଏ ଜୀସୁ ଏମ୍ବାଆଁ ନିଗାନା କାଣାଇଁ ତାନି ଦାରିତା ତାଗାଲି ଟାଣ୍ଡିତେସି; ଏଟେଟା କାଣା ତାଗେ ଝାଟେସି ଇଞ୍ଜାଁ ଜୀସୁ ଏଝାଣାଇଁ ଝେଟେସି, ୪୧ “ନାନୁ ନିଙ୍ଗେତାକି ଏନାଆଁ କିଇଁ ଇଞ୍ଜାଁ ମନ କିହିମାଞ୍ଜି ?”

କାଣା ଏଲେଇଟେସି, “ଏ ପ୍ରବୁ ନାନୁ ଏନିକୁଁ ମେସାଲି ଆଡ଼ିଇଁ ।”

୪୨ ଜୀସୁ ଝେସ୍ତେସି, “ନାନୁ ମେହ୍ନୁ, ନୀ ନାମୁ ନିଙ୍ଗେ ନେହୁଁ କିୟାଟେ ।”

୪୩ ଏ ଦେବୁଣିଏ ଏଝାସି ମେସାଲି ଆଡ଼ିତେସି ଇଞ୍ଜାଁ ମାହାପୁରୁଟି ଜହରା କିହୁଁ କିହୁଁ ଜୀସୁ ଜେଟ ହାଟେସି, ଅଡ଼େ ଲକ୍ଷ୍ମି ଏଡ଼ାଆଁ ମେସାନା ମାହାପୁରୁଇଁ ଜହରା କିଟେରି ।

୧୯

ଜୀସୁ ଅଡ଼େ ଜକିୟ

୧ ଜୀସୁ ଜିରିହତା ହଡ଼ାନା ଗାଡ଼ା ମାଦିତି ହାଜିମାଟେସି । ୨ ଏମ୍ବାଆଁ ଜକିୟ ଦରୁଗାଟାସି ରଅସି ମାଟେସି, ଏଝାସି ସିପୁ ରାହ୍ନାରି ବିଡ଼ାଟି କାଜାସି ଅଡ଼େ ଏଝାଣାକି ହାରେକା ଦନ ମାଟେ । ୩ ଜୀସୁ ଏନିଲେହେଟାସି ଇଞ୍ଜାଁ ଏଝାଣାଇଁ ମେସାଲି ହାରେକା ମନ ମାଟେ, ସାମା ହାରେକା ଲକ୍ଷ୍ମି ମାଟାକି ମେସାଲି ଆଡ଼ିହିଲାଆତେସି, ଏନାଆଁତାକି ଇତିହୁଁ ଏଝାସି କୁଜା ମାଟେସି । ୪ ଏମ୍ବାଟିଏ ଏଝାସି ନକିତା ହଟି ହଟି ହାଜାନା ଜୀସୁ ହାନି ଜିରୁତା ଏଝାଣାଇଁ ମେସାଲି ର ତୟା ମାରୁନୁତା ହଟେସି, ଇତିହୁଁ ଜୀସୁ ଏ ଜିରୁଟି ହାନାୟି ମାଟେ । ୫ ଜୀସୁ ଏମ୍ବାଆଁ ଏଜାନା ଲାକ ସିନିକିହାନା ହାଟିତେସି, “ଆଡ଼େ ଜକିୟ ତବେ ରେଟାଝାମୁ ଇତିହୁଁ ନୀଞ୍ଜୁ ନାନୁ ମୀ ଇଜ ଗତା ଝାନାୟି ମାନେ ।”

୬ ଏଝାସି ତବେ ରେଟାଝାହାନା ଏଝାଣାଇଁ ରାହୁଁଟି ତାମି ଇଜ ହାଟିତେସି । ୭ ଇଦାଆଁ ମେସାନା ବାରେ ଲକ୍ଷ୍ମି ମୁରୁ ମୁରୁ ଆହୁଁ କାତା ଆଟେରି, “ଇଝାସି ର ପାପୁ ଗାଟାରି ଇଜ ଗତା ହାଜିମାନେସି ।”

୮ ସାମା ଜକିୟ ନିଗାନା ପ୍ରବୁଇଁ ଏଲେଇଟେସି, “ଏ ପ୍ରବୁ ନାନୁ ନା ଦନତି ର ବାଗା ହିଲାଆ ଗାଟାରାକି ହାଇଁ, ଅଡ଼େ ନାନୁ ଆମ୍ବାଆରି ତାଣାଟି ଏନାଆଁ ତାଗାମାଟିହୁଁ ସାରି ବାଗା ଆଗାଡ଼ା ଝେଟୁଇଁ ।”

୯ ଏମାତ୍ରିଏ ଜୀମ୍ବୁ ଏଲେଇଚେସି, “ନୀଞ୍ଜୁ ଈ ଇଜତି ଲକୁଡାକି ଗେଲ୍‌ପିନାୟି ଝାହାମାନେ, ଇଚିହ୍ଁ ଈଝାସି ଜିକେଏ ଅହାହାମତି କୁଡ଼ାତାସି । ୧୦ *ଇଚିହ୍ଁ ଏନାୟି ଜାକ୍ମା ହାଜାମାନେ ଏଦାଆଁ ପାରାନା ଗେଲ୍‌ପାଲି ମାଣସି ମୀରୁଏସି ଝାହାମାନେସି ।”

ବାଂଗାରା ଟାକା
(ମାତି ୨୫:୧୪-୩୦)

୧୧ ଲକୁ ଈ କାତା ୱେଞ୍ଜି ମାଚାଟି ଏଝାସି ଅଡ଼େ ର ପୁଣ୍ଠିକିନି କାତା ୱେସ୍ତେସି, ଇଚିହ୍ଁ ଏଝାସି ଜିରୁସାଲମ ତାଗେ ଆହାମାଚେସି, ଇଚିହ୍ଁ ମାହାପୁରୁ ରାଜି ତବେ ତଞ୍ଜାଆନେ ଇଞ୍ଜୁ ଅଣପିମାଚେରି । ୧୨ ଏଝାସି ଏଲେଇଚେସି, “ର କାଜା କୁଡ଼ାତାସି ରାଜା ପାଣା ବେଟାଆହାଁ ୱେଣ୍ଡା ଝାଲ୍‌ଝା ଇଞ୍ଜୁ ର ହେକ ରାଜି ହାଚେସି । ୧୩ ଏଝାସି ତାନି ଦସଟାଣା ହଲିୟାକ୍ମାଣି ହାଟାନା ଏଝାରାକି ଦସଟାଟା ୱେଣ୍ଡି ଟାକା ଲାକା ହାହାନା ଏଲେଇଚେସି, ‘ନାନୁ ୱେଣ୍ଡା ୱାନ୍ତି ପାଚେକା ମୀରୁ ଈ ଟାକା ତଲେ ବେବାରା କିମ୍ବୁ ।’ ୧୪ ସାମା ତାନି ଦେସାତାରି ଏଝାଣାଇଁ ଅପିହିଲଆଚେରି, ‘ଇଝାସି ମାଙ୍ଗେତାକି ରାଜା ଆୟାଆପେସି’ ଇଞ୍ଜୁ ତାନି ଜେଟଏ କସକାଣି କାବୁ ୱେସା ପାଣ୍ଡିଚେରି ।”

୧୫ ତାୟୁ ଏଝାସି ରାଜା ପାଣା ବେଟାଆହାନା ତାନି ରାଜିତା ୱେଣ୍ଡାଝାଚେସି, ଇଞ୍ଜୁ ତାନୁ ଟାକାୟାଁ ହାହାମାଚି ହଲିୟାକ୍ମା ବେବାରା କିହାଁ ଏଚେକା ଲାବା କିହାମାନେରି ଏଦାଆଁ ପୁଞ୍ଜାଲି ଏଝାରାଇଁ ହାଟିକିଚେସି, ଇଞ୍ଜୁ ୱେଚେସି । ୧୬ ତଲିତାସି ଝାହାନା ଏଲେଇଚେସି, “ବାବୁ ନୀନୁ ହାହାମାଞ୍ଜାତି ର ଟାକା ତଲେ ବେବାରା କିହାନା ଦସଟାକା ଲାବା କିହାମାଇଁ ।” ୧୭ ଏଝାସି ଏଝାଣାଇଁ ଏଲେଇଚେସି, “ନେହ୍ଁ ଟିକାଣାଗାଟି ନାମୁଚି ହଲେଏଣାତି, ନାନୁ ଉଣା କାମାତାକି ନେହ୍ଁ କାମା କିହାମାନାକି ନାନୁ ନିଜେ ଦସଟାଟା ଗାଡ଼ାୟାଁ ସାଲ୍‌ଝି କିନି ଅଦିକାରା କିମ୍ବୁ ।” ୧୮ ଅଡ଼େ ରଅସି ଝାହାନା ଏଲେଇଚେସି, “ବାବୁ ନୀନୁ ହାହାମାଞ୍ଜାତି ଟାକା ତଲେ ପାସାଗଟା ଲାବା କିହାମାଇଁ ।” ୧୯ ଏଝାସି ଏଝାଣାଇଁ ଜିକେଏ ଏଲେଇଚେସି, “ନୀନୁ ଜିକେଏ ପାସାଗଟା ଗାଡ଼ାୟାଁ ମୁହେଁ ଅଦିକାରା ଆମ୍ବୁ ।” ୨୦ ଅଡ଼େ ରଅସି ଝାହାନା ଏଲେଇଚେସି, “ପ୍ରବୁ ମେହ୍‌ମୁ ଇଦି ନୀନୁ ହାହାମାଞ୍ଜାତି ଟାକା; ଇଦାଆଁ ନାନୁ ତ୍ରାଝଆଲିତା ରୁପାନା ଇଟାମାଚେସି । ୨୧ ଇଚିହ୍ଁ ନାନୁ ନିଜେ ଆଜାଚେସି, ନୀନୁ ର ଗିରିଗିରା ଗାଟାଟି, ଇଟା ହିଲଆଗାଟାଣି ପାରିନାଟି, ମାଟା ହିଲଆତାଣା ଦାଝଆନାଟି ।” ୨୨ ଏଝାସି ଏଝାଣାଇଁ ଏଲେଇଚେସି, ଆଡ଼େ ପଲ୍‌ଆଗାଟି ହଲେଏଣାଟି, ନୀ ଗୁଚିତ ହାଡ଼ାତଲେ ନୀ ନାହାୟି କିୟାଇଁ, ନାନୁ ଗିରିଗିରା ଗାଟାଚେସି, ଇଟାହିଲଆ ତାଣା ପାରିନାଚେସି ମାଟାଆତି ତାଣା ଦାଝଆନାଚେସି ଇଦାଆଁ ପୁଞ୍ଜାମାଚି ? ୨୩ ଆତିହ୍ଁ ଏନାଆଁତାକି ନା ଟାକାଟି ରୀଣା ଅନାରାକି ହାଆତି, ନାନୁ ଝାହାନା ଅତିତଲେ ବେଟାଆଡ଼େସିମା । ୨୪ ଇଞ୍ଜୁ ଦାରିତା ନିଟାମାଗାରାଇଁ ୱେସ୍ତେସି, “ଇଝାଣି ତାଣାଟି ଏ ଟାକା ମୀଞ୍ଜା ଅହାନା ଆମ୍ବାଆରିକି ଦସଟାକା ମାନୁ ଏଝାଣାକି ହୀବୁ ।” ୨୫ ଏଚେଟିଏ ଏଝାରି ୱେସ୍ତେରି, “ପ୍ରବୁ ଏଝାଣାକି ଦସଟାକା ମାନୁ ।” ୨୬ *ନାନୁ ମିଜେ ୱେସିମାଞ୍ଜାଇଁ, “ଆନିଗାଗାଣାକି ମାନେ, ଏଝାଣାକି ଗାତି ହାପୁକିଆନେ । ସାମା ଆମ୍ବାଆରାଝାୟି ହିଲେଏ ଏଝାଣି ତାଣା ଏନାୟି ମାନେ ଏଦାଆଁ ଜିକେଏ ଏଝାଣି ତାଣାଟି ଅଝିଆନେ । ୨୭ *ସାମା ନାଙ୍ଗେ ତାନି ରାଜା ଆହାଲି କୁହାମାଞ୍ଜାନି ସାଡ଼ୁୟାଁ ଇଦାଆଁ ତାକା ହାଜାନା ଏଝାରାଇଁ ନା ନିକିତା ଚୁଣ୍ଡାହାଡ଼ୁହୁଡ଼ୁ ।”

ଜୀମ୍ବୁ ଜିରୁସାଲମତା ରାହାଁଟି ହାନାୟି
(ମାତି ୨୧:୧-୧୧; ମାର୍କ ୧୧:୧-୧୧; ଜହ ୧୨:୧୨-୧୯)

୨୮ ଈ ବାରେ କାତା ୱେସି ତାୟୁ ଜୀମ୍ବୁ ଜିରୁସାଲମ ୱାକି ହାଚେସି । ୨୯ ଏଝାସି ଜୀତ ହୁରୁ ଦାରିତା ମାନି ବେତନିୟାଁ ଅଡ଼େ ବେଡ଼ପାରି ନାୟକାଣାଁ ଏଜାନା ତାନି ସାମୁୟାଁ ବିତ୍ରାଟି ରିଆରାଇଁ ଈ କାତା ୱେସା ପାଣ୍ଡିଚେସି । ୩୦ *ମୀରୁ ହାଜାନା ମୀ ନକିତି ନାୟୁତା ହଡ଼ୁଡୁ ଇଞ୍ଜୁ ଲକୁ ଏଚେଲା ହଟା ହିଲଅରି; ଇଲେଚି ର ଗାଡ଼ଦେ ତାଲୁଚି ଦସାମାନାଣି ମେହ୍‌ଦେରି; ଏଦାଆଁ ଦାଝାଁ ହୁକହା ନା ତାଣା ତାଟିହ୍ଁ ୱାବୁ । ୩୧ ଆମ୍ବାଆସି ଏନାଆଁତାକି ହୁକହାମାଞ୍ଜେରି ଇଞ୍ଜୁ ୱେଞ୍ଜାତିହ୍ଁ, ଇଦାନି ମା ପ୍ରବୁକି ଲଡ଼ାମାନେ ଇଞ୍ଜୁ ୱେହ୍‌ବୁ ।”

୩୨ ଏମାତ୍ରି ଜୀମ୍ବୁ ପାଣ୍ଡାମାଚାରି ଏଝାସି ଏନିକିଁ ୱେସାମାଚେସି, ଏଲେହେଁ ମେସ୍ତେରି । ୩୩ ଇଞ୍ଜୁ ଏଝାରି ଗାଡ଼ଦେ ତାଲୁଚି ଦାଝାଁ ହୁକହାମାଚାଟି ଗାଡ଼ଦେ ସାଝୁକାରିୟାଁ “ଏନାଆଁତାକି ହୁକହାମାଞ୍ଜେରି ଇଞ୍ଜୁ ୱେଚେରେ ?”

* ୧୯:୧୦ ୧୯:୧୦ ମାତି ୧୮:୧୧ * ୧୯:୨୬ ୧୯:୨୬ ମାତି ୧୩:୧୨; ମାର୍କ ୪:୨୫; ଲୁକ ୮:୧୮ * ୧୯:୨୭ ୧୯:୨୭ ମାତି ୨୫:୧୪-୩୦

୩୪ ଏଞ୍ଜାରି ଏଲେଇଚେରି, “ଇଦାନି ମା ପ୍ରବୁକି ଲଡ଼ାମାନେ ।” ୩୫ ଏମ୍ବାଟିଏ ଗାଡ଼ଦେ ଜୀସୁ ତାଣା ତାତାନା ଏଦାନିଲେକ ହିମ୍ବରିକା ପାସାନା ଜୀସୁଇଁ ଲାକ କୁରିକିତେରି । ୩୬ ଅଡ଼େ ଏଞ୍ଜାସି ନକିତା ହାଜିମାଗାଟି ଲକୁ ଜିରୁତା ତାମି ହିମ୍ବରିକା ପାଡ଼େପୁରି ।

୩୭ ଇଞ୍ଜା ଏଞ୍ଜାସି ଜିରୁସାଲମ ତାଗେ ମାନି ଜୀତ ହରୁଟି ଖିନି ବେଲ୍ଲାତା ଏଞ୍ଜାସି ଇଞ୍ଜା ତାମି ସୀସୁୟାଁ ଜୀସୁ କିତି ବାଡ଼ହୁଡ଼ି କାମାତାକି ମାହାପୁରୁଇଁ ଜହରା କିହିହୁଁ ରାହାଁଟି ପାରୁ ପାଡ଼ିତେରି । ୩୮ “ପ୍ରବୁତି ଦରୁତି ଆମିନି ରାଜା ଖାହିମାନେସି ଏଞ୍ଜାଣାକି ନେହେଁ । ଲାକପୁରୁ ହିଡ଼ଡ଼ି ଅଡ଼େ ଲାକପୁରୁତି ମାହାପୁରୁଇଁ ଗାଞ୍ଜୁରମି ଆପେ ।”

୩୯ ଏଚେଟିଏ ଲକୁ ମାନ୍ଦାଟି ଏଚରଜାଣା ପାରୁସିୟାଁ ଜୀସୁଇଁ ଏଲେଇଚେରି, “ଏ ଗୁରୁ ନୀ ସୀସୁୟାଁଇଁ ଲାଗାମୁ ।”

୪୦ ନାନୁ ମିଜେ ଖେସିମାଞ୍ଜାଇଁ, “ଇଞ୍ଜାରି ପାଲେଏ ଆଡ଼ିସାରେ, ଖାଲକା ହାଲେହେଁ କାଜା ଗିୟାଁତଲେ ଜଲିତୁମା ।”

ଜୀସୁ ଜିରୁସାଲମ ତାକି ଡ଼ାନାୟି

୪୧ ଅଡ଼େ ଏଡେତା ଗାଡ଼ା ତାଗେ ଖାଡେସି, ଏରିବେଲ୍ଲା ଗାଡ଼ାତି ମେସାନା ଡ଼ାହିହୁଁ ଏଲେଇଚେସି, ୪୨ “ନାନୁ ହାଅ, ନାନୁ ନୀଞ୍ଜୁ ହିଡ଼ଡ଼ି ଜିରୁ ପୁଡ଼ିହୁଁ ଅଜିତେମା ! ସାମା ଏଡ଼ି ନୀ ତାଣାଟି ତୁଗ୍ଗାମାନେ ! ୪୩ ଏରିବେଲ୍ଲା ମାହାପୁରୁ ନିଜେ ଗେଲ୍ପାଲି ଅଣ୍ଡପାମାଞ୍ଜାତେସି ଏଦାଆଁ ପୁନାଆତାକି ଏରିବେଲ୍ଲାତା ନୀ ସାଡ଼ୁୟାଁ ନୀ ସାରିସୁଡ଼ କାଜା କଟା ଦସାନା ମୁଚାନେରି, ୪୪ ଇଞ୍ଜା ନିଜେ ଅଡ଼େ ନୀ ତାଣା ମାନି ନୀ ମୀରକାଣି କୁଡ଼ପୁନାସା କିୟାନେରି, ଅଡ଼େ ର ଖାଲିତି ଅର ଖାଲି ଲାକ ତୀରି ଆହାଲି ହିୟଅରି, ଇଲେତି ଦିନା ଖାହିମାନେ ।”

ମାହାପୁରୁ ଇଲୁତା ଜୀସୁ ହଡ଼ନାୟି

(ମାତି ୨୧:୧୨-୧୭; ମାର୍କ ୧୧:୧୫-୧୯; ଜହ ୨:୧୩-୨୨)

୪୫ ଏମ୍ବାଟିଏ ଜୀସୁ ମାହାପୁରୁ ଇଲୁତା ହଡ଼ନାହାଁ ବେବାରା କିନାରାଇଁ ଏମ୍ବାଟି ହାସା ପେରହାଡ଼ୁସେସି, ୪୬ ଦାମ୍ପୁପତିତା ରାସ୍‌କି ଆହାମାନେ, “ନା ଇଲୁ ପ୍ରାଡ଼ାନା ଇଲୁ ଆନେ, ସାମା ମୀରୁ ଏଦାଆଁ ଡ଼ଗାଁୟାଁ ପାଞ୍ଜୁ ମୁପହାଡ଼ୁସେରି ।”

୪୭ ଅଡ଼େ ଜୀସୁ ଦିନାତାକି ଦିନା ପ୍ରାଡ଼ାନା ଇଲୁତା ଜାପୁହି ମାଚେସି, ସାମା କାଜା ପୁଜେରାଜ୍ଞା ଅଡ଼େ ମେରାପୁନାରି ଲକୁତି କାଜାରି ତଲେ ଜୀସୁଇଁ ପାୟାଲି ଅଣ୍ଡପିମାଚେରି, ୪୮ ସାମା ଲକୁ ରାହାଁଟି ଏଞ୍ଜାଣି ଜାପୁନାଣି ଖେଞ୍ଜିମାଗାଟାକି ଏଞ୍ଜାରି ଏନିକିହାଲି ଆନେ ପାରୁ ବେଟାଆହି ହିଲ୍ଲାଆଚେରି ।

୨୦

ଜୀସୁତି ଅଦିକାରା

୧ ର ଦିନା ଜୀସୁ ମାହାପୁରୁ ଇଲୁତା ଲକୁଣି ଜାପୁହି ମାଚେସି, ଅଡ଼େ ନେହୁଁ କାବୁ ଖେକହି ମାଚେସି, ଏରିବେଲ୍ଲା କାଜା ପୁଜେରାଜ୍ଞା ଅଡ଼େ ମେରାପୁନାରି ପ୍ରାଡ଼ିନାଜ୍ଞା ତଲେ ଖାହାନା ଖେଚେରି, ୨ “ନାନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି, ଏଲେକିହାଲି ଆମ୍ବାଆସି ଅଦିକାରା ହାହାମାଞ୍ଜାନେସି, ମାଜେ ଖେସ୍ତାମୁ ।”

୩ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଜିକେଏ ର କାତା ଖେଞ୍ଜାଇଁ, ନାଜେ ଖେସ୍ତାବୁ ୪ ଜହନଇଁ ବାପ୍ତିସ୍ତାଁ ହାମୁ ଇଞ୍ଜୁଁ ଆମ୍ବାଆସି ଚାଣ୍ଡିତେସି, ଲାକପୁରୁଟି କି ମାଣ୍ଡସି ତାଣାଟି ?”

୫ ଏଚେଟିଏ ଏଞ୍ଜାରି ତାମ୍ନୁ ତାମ୍ନୁ ଜଲ୍ଲକି ଆଡ଼େରି, “ଲାକପୁରୁଟି ଇନାୟି, ଆତିହୁଁ ଏଞ୍ଜାସି ଏଲେଇଞ୍ଜାନେସି ଏନାଆଁତାକି ଏଞ୍ଜାଣାଇଁ ନାମାଆଚେରି ? ୬ ସାମା ମାଣ୍ଡସି ତାଣାଟି ଇନାୟି, ଇଞ୍ଜା ଲକୁ ମାଜେ ଖାଲକାତଲେ ପାୟାନେରି, ଇତିହୁଁ ଜହନଇଁ ମାହାପୁରୁ ଅଣ୍ଡପୁଡ଼ି ବଲୁ ଖେହନାରି ତାଣାଟି ରଅସି ଇଞ୍ଜୁଁ ହାଡ଼େକା ନାମାମାନେରି ।” ୭ ଏଞ୍ଜାରି ଏଲେଇଚେରି, “ମାମୁ ପୁଞ୍ଜାହିଲଅମି ଏଡ଼ି ଏମ୍ବିଟି ଆହାମାନେ ।”

୮ ଜୀସୁ ଏଞ୍ଜାରାଇଁ ଏଲେଇଚେସି, “ଆତିହୁଁ ନାନୁ ଆମିନି ଅଦିକାରା ତଲେ କିହିମାଇଁ ନାନୁ ଜିକେଏ ଖେସ୍ତାଅଁ ।”

* ୧୯:୪୭ ୧୯:୪୭ ଲୁକ ୨୧:୩୭ * ୨୦:୪ ୨୦:୪ ମୁଞ୍ଜିନାୟି

ଅଙ୍ଗୁରି ବାଡ଼ାତା ବାଗା କାମାକିନାରି ପୁଣ୍ୟକିନି କାତା

(ମାତି ୨୧:୩୩-୪୭; ମାର୍କ ୧୨:୧-୧୨)

୯ ଏମ୍ବାଟିଏ ଜୀସୁ ଇ ପୁଣ୍ୟକିନି କାତା ଝେସ୍ତେସି, “ରଥସି ର ଅଙ୍ଗୁରି ବାଡ଼ା କିହାନା କାମା କିନାରାକି ବାଗା ହାହାନା ହାରେକା ଦିନାତାକି ଅର ଦେସାତା ହାରେସି । ୧୦ ଅଙ୍ଗୁରି ପାଡ଼େୟି କାମ୍ବି ବେଲା ଏଝାସି ତାନି ବାଗା ବେଟାଆହାଲି ର ହଲେଏଣାଲ୍ ପାଣ୍ଡିତେସି, ସାମା ଅଙ୍ଗୁରି ବାଡ଼ାତା କାମାକିନାରି ଏଝାଣାଲ୍ ମାଡ଼ା ଝେଟାନା ଝାରଇ କେୟୁଟି ପେରହାତୁସ୍ତେରି । ୧୧ ଏଝାସି ଅଡ଼େ ର ହଲେଏଣାଲ୍ ପାଣ୍ଡିତେସି; ଏଝାରି ଏଝାଣାଲ୍ ଜିକେଏ ଝେଟାନା ନିନ୍ଦା କିହାଁ ଝାରଇ କେୟୁଟି ପେରହା ପାଣ୍ଡିତେରି; ୧୨ ତାୟୁ ଅଡ଼େ ରଅଣାଲ୍ ପାଣ୍ଡିତେସି, ସାମା ଏଝାଣାଲ୍ ଜିକେଏ ରାଣାରାକା କିହାନା ବାଡ଼ାତି ପାଙ୍ଗାତା ମେଡ଼ହାତୁସ୍ତେରି । ୧୩ ଏମ୍ବାଟିଏ ଅଙ୍ଗୁରି ବାଡ଼ାତି ସାଝୁକାରି ନୀଏଟି ଏନାଆଁ କିଲ୍ ଇଞ୍ଜି ଅଣପାନା, ନା ଜୀଝୁତି ମୀରଏଣାଲ୍ ପାଣ୍ଡିଲ୍ ଆତିହ୍ ଏଝାଣାଲ୍ ମାନ୍ କିନେରି । ୧୪ ସାମା କାମାକିନାରି ଏଝାଣାଲ୍ ମେସାନା ତାମ୍ବୁତାମ୍ବୁ ଏଲେଇଶମ୍ବି ଆଡେରି ଇଝାସି ଅଦିକାରା ଗାଟାସି, ଇଝାଣାଲ୍ ପାୟାତୁହ୍ନ, ଆତିହ୍ ଇ ଅଙ୍ଗୁରି ବାଡ଼ା ମାଙ୍ଗେ ଆୟାନେ । ୧୫ ଅଡ଼େ ଏଝାଣାଲ୍ ଅଙ୍ଗୁରି ବାଡ଼ା ପାଙ୍ଗାତା ମେଡ଼ହାନା ପାୟିତେରି ।”

“ଆତିହ୍ ଅଙ୍ଗୁରି ବାଡ଼ାତି ସାଝୁକାରି ଏଝାରାଲ୍ ଏନାଆଁ କିନେସି ? ୧୬ ଏଝାସି ଝାହାନା ଇ କାମା କିନାରାଲ୍ ପାୟାତୁହ୍ନେସି, ଅଡ଼େ ଏଡ଼କାତାରାକି ଏ ଅଙ୍ଗୁରି ବାଡ଼ା ହାନେସି ।”

ଲୁକ ଇ କାତା ଝେଞ୍ଜାନା ଏଲେଇଡେରି, “ଏଲେକିହ୍ ଆଝୁଏ ଆଆପେ ।”

୧୭ ସାମା ଜୀସୁ ଏଝାରାଲ୍ ଝେସ୍ତେସି, “ଆତିହ୍ ରାଟାମାନି ଇ ବଲୁ ଏନାୟି ?

ଇଲୁ କେପିନାରି ଆମିନି ଝାଲିତି କୁଡେରି,

ଏଦି ଇଲୁ କନତି ମ୍ବୁଲୁ ଝାଲି ଆଡେ ।

୧୮ ଆମ୍ବାଆସି ଏ ଝାଲି ଲାକ ତରୁଗିନେସି, ଏଝାସି କାଣ୍ଡାମୁକା ଆନେସି; ଇଞ୍ଜା ଏ ଝାଲି ଆମ୍ବାଆରି ମୁହେଁ ତରୁଗିନେ ଏଝାଣାଲ୍ ଗୁଣ୍ଡୁଗୁଣ୍ଡା କିନେ ।”

ସିସୁ ହୁାନି କାତା

(ମାତି ୨୨:୧୫-୨୨; ମାର୍କ ୧୨:୧୩-୧୭)

୧୯ ଏଡେଟିଏ ମେରାପୁନାରି ଅଡ଼େ କାଳା ପୂଜେରାଙ୍ଗା ଦେବୁଣିଏ ଜୀସୁଲ୍ ଆସାଲି ଅଣପିତେରି, ସାମା ଲକୁ ମାନ୍ଦାତି ଆଜିତେରି, ଇତିହ୍ ଏଝାସି ଏ ପୁଣ୍ୟକିନି କାତା ଏଝାରାଲ୍ ସିନିକିହାନା ଝେସାମାତେସି ଇଞ୍ଜି ଏଝାରି ପୁଡେରି । ୨୦ ଏମ୍ବାଟିଏ ଏଝାରି ଜୀସୁଲ୍ ପାଣା ଅଡ଼େ ବାଡ଼ୁୟୁଗାଟି ସାଲୁଝି କିନାରି କେୟୁଡା ଏଝାଣାଲ୍ ହେରପାଲି ପାରୁ ପାରାତେରି, ଇଞ୍ଜା ଏଡରଜାଣା ତାମ୍ବୁତାମ୍ବୁଜେ ଦାମ୍ବୁଗାଟାରି ଇଞ୍ଜି ତସା କଡିନି ନାଡ଼ିକିନାରି ଜୀସୁଲ୍ ତାନି ଝେହ୍ନି କାତାତା ଦହ୍ ଦସାଲି ଏଝାଣି ତାଣା ପାଣ୍ଡିତେରି । ୨୧ ଏଝାରି ଜୀସୁଲ୍ ଝେଡେରି, “ଗୁରୁ, ମାମ୍ବୁ ପୁଞ୍ଜାମାନି, ନୀନୁ ଏନାଆଁ ଝେସାମାଞ୍ଜି ଅଡ଼େ ଜାପୁହାମାଞ୍ଜି ଏଦି ସାତା, ଅଡ଼େ ଆମ୍ବାଆରାଲ୍ ପାରୁଡା ବାଟି କିଅତି, ସାମା ସାତା ମାହାପୁରୁତି ଜିରୁତି କାତା ଜାପୁଦି । ୨୨ ଆତିହ୍ କାୟିସରକି ସିସୁ ହୁାନାୟି ମେରା ମାନେକି ଆଏ ।”

୨୩ ସାମା ଜୀସୁ ଏଝାରି ନାଡ଼ିକିନି ଅଣପୁଟି ପୁଞ୍ଜାନା ଏଝାରାଲ୍ ଝେସ୍ତେସି, “ନାଙ୍ଗେ ର ଝେଣ୍ଡି ଟାକା ହିୟାଦୁ ।” ୨୪ ଏ ଝେଣ୍ଡି ଟାକାତା ଆମ୍ବାଆରି ବମା ଅଡ଼େ ଦରୁ ମାନେ, ଏଝାରି ଝେସ୍ତେରି, “କାୟିସରଝାୟି ।”

୨୫ ଏଡେଟିଏ ଜୀସୁ ଏଝାରାଲ୍ ଝେସ୍ତେସି, “ଆତିହ୍ କାୟିସରଝାୟି ଏନାୟି ଏଦାଆଁ କାୟିସରକି ହାଦୁ; ଇଞ୍ଜା ମାହାପୁରୁଝାୟି ଏନାୟି ଏଦାଆଁ ମାହାପୁରୁକି ହାଦୁ ।” ୨୬ ଏଡେଟିଏ ଏଝାରି ଲକୁ ନକିତା ଏଝାଣାଲ୍ ଏଦି ଦହ୍ ଦସାଲି ଆଡାଆଡେରି, ଇଞ୍ଜା ଏଝାରି ଜୀସୁ ଝେସ୍ତେ କାତାତାକି ଆଡାଜାକା ଆହାନା ପାଲେଏ ମାଡେରି ।

ହାଡ଼ାରି ଝେଣ୍ଡେ ନିଜିନି କାତା

(ମାତି ୨୨:୨୩-୩୩; ମାର୍କ ୧୨:୧୮-୨୭)

୨୭ ଏମ୍ବାଟିଏ ହାଡ଼ାରି ଝେଣ୍ଡେ ନିଜିନାଣି ନାମିହିଲାଆଗାଟି ଏଡରଜାଣା ସାଦୁକିୟାଁ ଜୀସୁତାଣା ଝାହାନା ଝେଡେରି, ୨୮ “ଏ ଗୁରୁ ମସା ମାଙ୍ଗେତାକି ରାଟାମାନେସି, ରଥସି ବୀହା ଆହାଁ କକାରି ପଦାଁ ଆଆନା ହାଡ଼ିହ୍, ଏଝାଣି ତାୟି ତାନି ତକ୍ରିନି ଇଟାନା ଏଝାଣି କୁଡ଼ା ଏପିକିୟାଲି ଆଡେ । ୨୯ ସାତା ଜାଣା ତାୟିୟା ମାଡେରି; କାଜାସି ବୀହା ଆହାନା କକାରି ପଦାଁ ଆଆନା ହାଡ଼େସି; ୩୦ ତାୟୁ ଏଝାଣି ଜେଡତାସି ଇଡିତେସି,

☆ ୨୦:୨୨ ୨୦:୨୭ କାମା ୨୩:୮

ଅଡ଼େ ଏଞ୍ଜାଣି ଜେଟତାସି ଇଚିତେସି; ୩୧ ଏଲେକିହିଁଏ ସାତା ଜାଣା ଜିକେଏ କକାରି ପଦ୍ମା ଆଆନା ହାଡେଚି । ୩୨ ତାୟୁ ଏ ଇୟା ଜିକେଏ ହାଡେ । ୩୩ ଆତିହିଁ ଖେଣ୍ଡେ ନିଜିନି ଦିନା ଏଞ୍ଜାରି ବିତ୍ରାଟି ଏ ଇୟା ଆମ୍ବାଆରି ତକ୍ତି ଆନେ ? ଇଚିହିଁ ସାତା ଜାଣା ଜିକେଏ ଏଦାନି ଇଟାମାଚେରି ।”

୩୪ ଜୀସୁ ଏଞ୍ଜାରାଇଁ ଏଲେକଚେସି, “ଇ ଦାବୁତିତି ଲକୁ ବାହା କିନେରି ଅଡ଼େ ଆନେରି, ୩୫ ସାମା ଖାନ୍ତି ଜୁଗୁତାକି ଇଞ୍ଜାଁ ହାକିଟି ନିଜାଲିତାକି ପାତ୍ରା ଆନାରି ବାହା ଆଅରି କି ବାହା ହାଅରି; ୩୬ ଇଚିହିଁ ଏଞ୍ଜାରି ଦୂତୁୟାଲେହେଁ ଆହାନା ଏଚେଲାଞ୍ଜା ହାଅରି, ଇଞ୍ଜାଁ ହାକିଟି ନିଜାମାନାକି ଏଞ୍ଜାରି ମାହାପୁରୁତି ମୀରକା ଆନେରି । ୩୭ ସାମା ହାଡାରି ସାଡେଏ ନିଜାନେରି ଇଞ୍ଜାଁ ମସାଇଁ ଜିକେଏ ଖେହିମାନି ବୁଗାତି କାବୁତଲେ ନେହିଁ କିଁ ତସାମାଚେସି, ଇଚିହିଁ ଏଞ୍ଜାସି ପ୍ରବୁଇଁ ଅଗାହାମତି ମାହାପୁରୁ, ଇସାହାକତି ମାହାପୁରୁ ଅଡ଼େ ଜାକୁବତି ମାହାପୁରୁ ଇଞ୍ଜାମାଚେସି । ୩୮ ଏଞ୍ଜାସି ହାଡାରି ମାହାପୁରୁ ଆଏ ସାମା ଜୀସୁଗାଟାରି ମାହାପୁରୁ; ଇଚିହିଁ ମାହାପୁରୁ ନକିତା ବାରେଜାଣା ନୀତାମାନେରି ।”

୩୯ ଏମ୍ବାଟିଏ ମେରାପୁନାରି ବିତ୍ରାଟି ଏଚରଜାଣା ଏଲେକଚେସି, “ହାଅ, ଗୁରୁ ନୀନୁ ଅଜେ ଖେସ୍ତାତି ।” ୪୦ ଇଚିହିଁ ଏଞ୍ଜାଣାଇଁ ଅଡ଼େ ଏନାଆଁ ଖେଞ୍ଜାଲି ଏଞ୍ଜାରାକି ସାସା ହିଲାଆଡେ ।

କ୍ରୀସୁ ଆମ୍ବାଆସି

(ମାତି ୨୨:୪୧-୪୬; ମାର୍କ ୧୨:୩୫-୩୭)

୪୧ ଏମ୍ବାଟିଏ ଜୀସୁ ଏଞ୍ଜାରାଇଁ ଖେଚେସି, କ୍ରୀସୁ ଦାସୁଦ ମୀରଏସି, ଲକୁ ଏନିକିଁ ଏଲେକନେରି ? ୪୨ ଇଚିହିଁ ଦାସୁଦ ତାନୁଏ ପାରୁ ପତିତା ଏଲେକଞ୍ଜା ମାନେସି, ପ୍ରବୁ ନା ପ୍ରବୁଇଁ ଖେସ୍ତେସି,

୪୩ ନାନୁ ନୀ ସାବୁୟାଣି ନୀ କତାୟାଁ ତୁଇ ଇଟାଆ ପାଡେକା,

ନୀନୁ ନା ଚିଃନିଞ୍ଜାକି କୁଗାମାନାମୁ ।

୪୪ ଦାସୁଦ ତାନୁଏ ଏଞ୍ଜାଣାଇଁ ପ୍ରବୁ ଇଞ୍ଜାଁ ମାନେସି; ଆତିହିଁ କ୍ରୀସୁ ଏନିକିଁ ଏଞ୍ଜାଣି ମୀରଏସି ?

ମେରାପୁନାରି ତାଣାଟି ଜାଗ୍ରାତା

(ମାତି ୨୩:୧-୩୬; ମାର୍କ ୧୨:୩୮-୪୦)

୪୫ ତାୟୁ ବାରେ ଲକୁ ନକିତା ସାସୁୟାଁଇଁ ଖେସ୍ତେସି, ୪୬ “ମେରା ଜାପୁନାରି ତାଣାଟି ଜାଗ୍ରାତା ! ଇଚିହିଁ ଏଞ୍ଜାରି ଲାମ୍ବା ଲାମ୍ବା ହିମ୍ବରକା ହୁଚାନା ତିରୁଞ୍ଜିହିଁ ରେଜାଲି, ଅଡ଼େ ହାଡା ବାଜାରାତା ଜହରା ବେଟାଆହାଲି, ପ୍ରାଡାନା ଇଲକାଣା ନେହିଁ ନେହିଁ କୁଚିୟାଁ ଅଡ଼େ ବଜିତା ନେହିଁ ଟାୟୁ ବେଟାଆହାଲି ଅଣ୍ଡପନେରି, ୪୭ ଏଞ୍ଜାରି ରାଣ୍ଡେଣିସିକା ଇଲୁ ସେହିନେରି ଅଡ଼େ ଉଜେ ଉଜେଏ ଲାମ୍ବା ଲାମ୍ବା ପ୍ରାଡାନା କିନେରି; ଏଞ୍ଜାରି ହାରେକା ତଣ୍ଡ ବେଟାଆନେରି ।”

୨୧

ରାଣ୍ଡେଣିନି ଦାନ

(ମାତି ୧୨:୪୧-୪୪)

୧ ଏଚିବେଲକ ଦନଗାଟାରି ଦାନା ପେଡାତା ତାମି ଦାନା ମେଡୁହି ମାଟାଣି ଜୀସୁ ସିନିକିହିମାଚେସି, ୨ ଅଡ଼େ ର କାର୍ମାଗାଟି ରାଣ୍ଡେଣି ଖାହାନା ଏମ୍ବାଆଁ ରୀ ଉଣା ତାମ୍ବାତି ଆଦୁଲି ମେଡୁହାଣି ମେସାନା ଏଲେକଚେସି, ୩ “ନାନୁ ମିଜ ସାତା ଖେସିମାଞ୍ଜାଇଁ ଇ କାର୍ମାଗାଟି ରାଣ୍ଡେଣି ଗାତି ଦାନା ହାହାମାନେ, ୪ ଇଚିହିଁ ଦନ ଗାଟାରି ତାମି ଗାତି ଦନଟି ଇଟାଣି ତାଚାନା ବେବୁ ହାହାମାନେରି, ସାମା କାର୍ମାଗାଟି ରାଣ୍ଡେଣି ତାନି ହିଲାଆବେଲାତା ତାଜେ ନୀତାଲିତାକି ଏନାୟି ମାଚେ ଏ ବାରେ ହାହାମାନେ ।”

ମାହାପୁରୁ ଇଲୁ ନସୁ ଆନି କାତା

(ମାତି ୧୪:୩-୧୪; ମାର୍କ ୧୩:୩-୧୩)

୫ ଅଡ଼େ ଆମ୍ବା ଆମ୍ବାଆରି ମାହାପୁରୁ ଇଲୁ ଅଜି ଅଜିତି ଖାଲକା ଅଡ଼େ ଦାନା ହାନାଣି ତଲେ ଅଜିକିଁ ଆଜାମାନେ ଇଞ୍ଜାଁ ଇଞ୍ଜାଲିଏ ଜୀସୁ ଏଲେକଚେସି, ୬ “ମୀରୁ ନୀଏଁ ଏନା ଏନାଆଁ ମେସିମାଞ୍ଜେରି, ଦିନା ଖାନେ, ଏଚିବେଲକ ର ଖାଲି ଅର ଖାଲି ଲାକ ତୁୟେଏ, ଇ ବାରେ ମେଣ୍ଡାହାହାନେ ।”

କସୁ ଅଡ଼େ ନିୟା ଖାନ୍ତି କାତା

(ମାତି ୨୪:୩-୧୪; ମାର୍କ ୧୩:୩-୧୩)

୭ ଏଚିବେଲା ଏଞ୍ଜାରି ଏଞ୍ଜାଣାଇଁ ଝେଚେରି, “ଏ ଗୁରୁ ଆତିହ” ଈ ବାରେ ଏଚେଲା ଆନେ ? ଇଞ୍ଜା ଈ ବାରେ ଆନିନି ବେଲାତା ଆନେ, ଏ ବେଲାତି ସିନା ଏନାୟି ?”

୮ ଜୀସୁ ଏଲେଇଚେସି, “ଜାଗ୍ରାତା ମୀରୁ ଏନିକ” ଆନା ଆଅଡେରେ; ଇଚିହ” ହାରେକା ନା ଦରୁଚି ଝାହାନା ନାନୁ ଏଞ୍ଜାଚେଏ ଅଡେ ଏ ଦିନା ଏଦାଚେୟିଏ ଇଞ୍ଜ” ଇଞ୍ଜାନେରି; ଏଞ୍ଜାରି ଜେଚ ହାଲାଆଦୁ । ୯ ଇଞ୍ଜା ମୀରୁ ଏଚେତା ଜୁକୁ ଇଞ୍ଜା ଫେଲି ଆହିମାନାଣି ଝେଚିସାରେ ଆଜାଆଦୁ; ଏନିଇଚିହ” ଈ ବାରେ ନଚକଏ ଆୟାଲି ଆନେ, ଆଡିଜିକେଏ ଏଚିବେଲା ଜୁଗୁ ରାଏ ।”

୧୦ ତାୟୁ ଏଞ୍ଜାରାଇଁ ଏଲେଇଚେସି, “ଦେସା କପାଟି ଦେସା, ରାଜି କପାଟି ରାଜି ଫେଲି ନିଜିନେ, ୧୧ ଇଞ୍ଜା ଇମ୍ପାଆଁ ଏମ୍ପାଆଁ ବୁଦି ଝାତିନେ, ହାରେକା ଚାୟୁତା ମରୁଡି ଇଞ୍ଜା କାରୁଝୁ ଝାନେ, ଅଡେ ହାଗୁ ପାକାତା ଆଜିହପେତି ସିନାୟି ତଞ୍ଜା ଆନୁ । ୧୨ ସାମା ଈ ବାରେ ଆଆ ନଚକଏ ଲକୁ ମିଜେ ଆସାନା ନା ଦରୁ ତାକି ନିନା କିହାନା ଜୀହୁଦି ଲକୁଚି କୁଚିମି ଇଲୁକାଣା*, କାୟିଦି ଇଲୁକାଣା, ରାଜା ଇଞ୍ଜା ନୀହାୟି କିନାରି ତାଣା ହେରୁପାନେରି; ୧୩ ଇଦି ମିଜେତାକି ସାକି ଆନେ । ୧୪ *ଇଞ୍ଜା ଏନାଆଁ ଜଲିଇଁ ଏନାଆଁ ଝେହୁଇଁ ଇଞ୍ଜ” ତଲିଏ ମନତା ଅଣପାଆଦୁ; ୧୫ ଏନାଆଁତାକି ଇଚିହ” ମୀ ସାୟୁୟା ମିଜେ ଝେଶେ ଜଲାଇଲି କି ଝେସାଲି ଆଡାଆପେରିଝା ଇଞ୍ଜ” ନାନୁ ମିଜେ ଏଚିବେଲାତା ନେହ” ବୁଦି ଅଡେ ସୁଝା ହିୟାଇଁ । ୧୬ ସାମା ମୀ ତାଲି ତଞ୍ଜା ତାୟିୟା ସାମାୟିୟା ଇଞ୍ଜା ମୀ ତଝେସିଜା ଜିକେଏ ମିଜେ ହେରୁପାନେରି, ଅଡେ ମୀ ବିତ୍ରାଟି ଆମ୍ପା ଆମ୍ପାଆରାଇଁ ଇହହାନା ପାୟିନେରି, ୧୭ ଇଞ୍ଜା ନା ଦରୁ ତାକି ବାରେ ଲକୁତାଣା ଲାଜା ବେଟାଆଡେରି ଅଡେ ଅପଅରି । ୧୮ ସାମା ମୀ ତାୟୁ” ତୁ ର ବାଣା ଜିକେଏ ନସ୍ର ଆଏ; ୧୯ ଅରୁହିନି ତାଣାଟି ମୀରୁ ମୀ ଜୀହୁଚି ଗେଲପିକିହା କଡିଦେରି ।”

ଜିରୁସାଲମ ନାସା ଆନି କାତା
(ମାତି ୨୪:୧୫-୨୧; ମାର୍କି ୧୩:୧୪-୧୯)

୨୦ “ସାମା ମୀରୁ ଏଚିବେଲା ସାୟୁୟା ଜିରୁସାଲମ ଗାଡାତା ମୁଚାମାନାଣି ମେହୁଦେରି, ଏଚିବେଲା ଏଦି ନାସା ଆନି କାଲା ଏଦାଚେ ଇଞ୍ଜ” ପୁଞ୍ଜୁ । ୨୧ ଏଚିବେଲା ଏନିନିଗାଟାରି ଜୀହୁଦା ଦେସାତା ମାନେରି, ଏଞ୍ଜାରି ହରକାଣା ହଣପାରି; ଇଞ୍ଜା ଏନିନିଗାଟାରି ଗାଡା ବିତ୍ରା ମାନେରି, ଏଞ୍ଜାରି ହଡା ହାଲବେରି; ଏନିନିଗାଟାରି ନାସକାଣା ମାନେରି, ଏଞ୍ଜାରି ଗାଡାତା ହଡୁଆପେରି; ୨୨ ଏନିଇଚିହ” ମାହାପୁରୁ ପତିତା ରାସକି ଆହାମାନି ବାରେ କାତାଲେହେଁ ଆୟାଲିତାକି ଏଦି ତଣ୍ଡ ହାନି କାଲା । ୨୩ ଆୟୁଡା ଏଚିବେଲା ପୁରାମାସା ଆହାମାନୁ କି ପାଲୁ ଉବୁହିମାନୁ ଏଞ୍ଜି ଉଣେଏ କସ୍ର ପାଣ୍ଡନୁକି ! ଏନିଇଚିହ” ଏଚିବେଲା ଈ ଦାରୁଡିତା କାଜା ତଣ୍ଡ ଅଡେ ଈ ଲକୁତାକି ମାହାପୁରୁଚି କପା ଆନେ, ୨୪ ଏଚରଜାଣା କାଣ୍ଡାତଲେ ଚୁଣ୍ଡି ଆନେରି, ଇଞ୍ଜା ଏଚର ଜାଣାଇଁ ଦସ୍ପିଦି କିହାଁ ଏଚକା କୁଡାଟି ଲକୁତାଣା ଅନେରି, ଇଞ୍ଜା ଏଚକା ଜାଡିଚି ଲକୁଚି କଲା ଏଆ ପାଚେକା ଏଞ୍ଜାରି କତାୟି ତୁଇ ଜିରୁସାଲମ ଗାଡା ଝିସପିଆହୁ” ତୁୟିନେ ।”

ମାଣସି ମୀରୁଏସି ଝେଞ୍ଜା ଝାନାୟି
(ମାତି ୨୪:୨୯-୩୧; ମାର୍କି ୧୩:୨୪-୨୭)

୨୫ *ଏମ୍ପାଟିଏ ଝେଡା ଲେଞ୍ଜୁ ଅଡେ ହୁକାୟି ବିତ୍ରାଟି ଏନି ଏନି ସିନାୟି ତଞ୍ଜାଆନେ, ସାମାଦୁରି ଗାଜ” ନାଣି ଇଞ୍ଜା ଏୟୁ ନିଜିନାଣି ମେସାନା ଦାରୁଡିତା ବାରେ ଦେସାତି ଲକୁ ଆଡାଜାକା ଆନେରି, ୨୬ ଇଞ୍ଜା ଦାରୁଡିତା ଏନା ଏନାୟି ଗଚଝି ଆହିମାନେ ଇଞ୍ଜ” କାଟାନା ଲକୁ ଆଜିତାକି ଜୀହୁ ପିସିଲେହେଁ ଆନେରି, ଏନିଇଚିହ” ହାଗୁ ପାକାଟି ବାଡୁୟୁ ବାରେ ଝାତିନେ । ୨୭ *ଏଚିବେଲା ମାଣସି ମୀରୁଏସି କାଜା ବାଡୁୟୁ ଅଡେ ଗାଝୁରମି ତଲେ ହାଗୁ ଲାକଡି ଦୁନ୍ଦାଟି ଝାନାଣି ମେହୁଦେରି । ୨୮ ସାମା ଈ ବାରେ ଗଚଝି ଆୟାଲି ମାଟୁହିସାରେ ମୀରୁ ଲାକ ସିନକିଦୁ ଏନିଇଚିହ” ମିଜେ ଗେଲପିନି କାତା ଏଜିମାଞ୍ଜାନେ ।”

ତୟା ମାରୁଚି ଜାପିନାୟି
(ମାତି ୨୪:୩୨-୩୫; ମାର୍କି ୧୩:୨୮-୩୧)

୨୯ ଅଡେ ଜୀସୁ ଏଞ୍ଜାରାଇଁ ର ପୁଣ୍ଡିକିନି କାତା ଝେସେସି, “ତୟା ମାରୁଚି ଅଡେ ବାରେ ମାରୁକାଣି ସିନକିଦୁ; ୩୦ ଏଚିବେଲା ଏଞ୍ଜି ଗଝେଡି ଗାଲୁନୁ, ଏ ଗଝେଡି ଗାଲୁନାଣି ମେସାନା କାରା ଝେଡା ଝାଡେ ଇଞ୍ଜ”

* ୨୧:୧୨ ୨୧:୧୨ ସିନଗଗ * ୨୧:୧୪ ୨୧:୧୪ ଲୁକ ୧୨:୧୧,୧୨ * ୨୧:୨୫ ୨୧:୨୫ ଝେ ବଲୁ ୭:୧୨,୧୩ * ୨୧:୨୭ ୨୧:୨୭ ଝେ ବଲୁ ୧:୭

ମୀରୁ ପୁଞ୍ଜେରି: ୩୧ ଏଲେକିହିଁଏ ମୀରୁ ଈ ବାରେ ମେସାନା ମାହାପୁରୁତି ରାଜି ଏଜିମାଞ୍ଜାନେ ଇଞ୍ଜିଁ ପୁଞ୍ଜେରି ।”

୩୨ “ନାନୁ ମିଙ୍ଗ ଯାତା ଝେସିମାଞ୍ଜାଲ୍, ଈ ବାରେ ଆଆପାତେକା ଈ କାଳାତି ଲକୁ ଏନିଜିକେଏ ମେଣ୍ଡିଙ୍ଗାଅରି । ୩୩ ହାଗୁପାକା ଦାରତି ବାରେ ମେଣ୍ଡିଙ୍ଗାନେ, ସାମା ନା ବକୁ ଏଚେଲାଞ୍ଜା ମେଣ୍ଡିଙ୍ଗାଅରି ।”

କାଟିହିଁ ମାନାୟି
(ମାତି ୨୪:୩୬-୪୪; ମାର୍କ ୧୩:୩୨-୩୭)

୩୪ “ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ, ଆଆତିହିଁ ତିନାଣି ଉନାଣି ଅଡେ ବାଡକିନି ଅଣପୁ ମୀ ହିୟାତା ନେଞ୍ଜିନେ ଅଡେ ଏ ଦିନା ଦେବୁଣିଏ ପାନ୍ଦାଲେହେଁ ମୀ ମୁହେଁ ଖାନେ; ୩୫ ଏନିଜିକିହିଁ ଏଦି ପାନ୍ଦା ଲେହେଁ ଦାରତିତି ବାରେ ଜାଡିତି ଲକୁ ମୁହେଁ ଖାନେ । ୩୬ ସାମା ମୀରୁ ଏନିକିଁ ଈ ବାରେ ଖାହିମାନି ତଣ୍ଡିଟି ଗେଲ୍ପି ଆହାଲି ଅଡେ ମାଣ୍ଡିଏ ମୀରୁଏଣି ନକିତା ନିତାଲି ଆଡିଦେରି, ଏଦାଆଁତାକି ବାରେବେଲା କାତାନା ପ୍ରାଡାନା କିହେମାଞ୍ଜୁ ।”

୩୭ ଧଜୀପୁ ଏରିବେଲା ପ୍ରାଡାନା ଇଲୁତା ଜାପୁହି ମାଚେସି, ଇଞ୍ଜାଁ ଲାଆଁୟାଁ ଗାଡ଼ାଟି ହଡ଼ା ହାଜାନା ଜାତ ଇନି ହରୁତା ମାଣ୍ଡିତେସି । ୩୮ ଅଡେ ବାରେ ଲକୁ ପ୍ରାଡାନା ଇଲୁତା ଜୀସୁ କାତା ଖେଞ୍ଜାଲି ଲାଲ ଲାଇସିଏ ରୁଣ୍ଡା ଆହିମାଚେରି ।

୨୨

ଜୀସୁଇଁ ପାୟାଲି ପାରୁ ପାରିନାୟି
(ମାତି ୨୪:୧-୫; ମାର୍କ ୧୪:୧,୨; ଜହ ୧୧:୪୫-୫୩)

୧ ପିସ୍ପିଆନି ପାର୍ବୁ ଦରୁଗାଟି ପୁଲାଏରୁ ଆଣ୍ଡାଆତି ରୁଟି ତିନି ପାର୍ବୁ ତାଗେ ଆହିମାଚେ । ୨ ଇଞ୍ଜାଁ କାଜା ପୁଜେରା ଅଡେ ମେରାପୁନାରି, ଜୀସୁଇଁ ଏନିକିଁ ପାୟାଲି ଆଡିନେରି, ଏଦାଆଁତାକି ପାରୁ ପାରିମାଚେରି, ସାମା ଏଞ୍ଜାରି ଲକୁଣି ଆଜିମାଚେରି ।

ଜୀହୁଦା ଜୀସୁଇଁ ଆସ୍ପି କିହାଲି ରାଜି ଆନାୟି
(ମାତି ୨୬:୧୨-୨୬; ମାର୍କ ୧୪:୧୦,୧୧)

୩ ଏରିବେଲା ବାରଜାଣା ସୀସୁୟାଁ ବିତ୍ରାମାନି ଇସ୍ପାରିୟତ ଦରୁଗାଟି ଜୀହୁଦା ହିୟାତା ସୟତାନ ହଚେ; ୪ ଅଡେ ଜୀହୁଦା ହାଜାନା ଏନିକିଁ କାଜା ପୁଜେରାଞ୍ଜା ଅଡେ ମାହାପୁରୁ ଇଲୁ କାପୁଗାଟି କାଜାରି କେୟୁତା ଆସ୍ପି କିନେସି, ଏଦାଆଁତାକି ଏଞ୍ଜାରିତଲେ କାତାବାର୍ତା ଆଡେସି । ୫ ଏମ୍ପାଟିଏ ଏଞ୍ଜାରି ରାହାଁ ଆହାନା ଏଞ୍ଜାଣାକି ଚାକାୟାଁ ହାହାଲି ଆଞ୍ଜିତେରି । ୬ ଅଡେ ଜୀହୁଦା ରାଜି ଆହାନା ଲକୁ ହିଲାଆବେଲାତା ଜୀସୁଇଁ ଏଞ୍ଜାରି କେୟୁତା ହେରପାଲି ପାରୁ ପାରିତେସି ।

ପିସ୍ପିଆନି ପାର୍ବୁତି ବକି ତିୟାରା କିନାୟି
(ମାତି ୨୬:୧୭-୨୫; ମାର୍କ ୧୪:୧୨-୨୧; ଜହ ୧୩:୨୧-୩୦)

୭ ତାୟୁ ଆନିନି ଦିନା ପୁଲାଏରୁ ଆଣ୍ଡାଆତି ରୁଟି ତିନି ପିସ୍ପିଆନି ପାର୍ବୁତାକି ମେଣ୍ଡା ତାଲୁକାଣି ପୁଜା କିନି ଦିନା ଏଚେ; ୮ ଏଚେଟିଏ ଜୀସୁ ପିତର ଅଡେ ଜହନଇଁ ଈ କାତା ଝେସା ପାଣ୍ଡିତେସି, “ମୀରୁ ହାଜାନା ମାଙ୍ଗେତାକି ପିସ୍ପିଆନି ପାର୍ବୁତାକି ରାନ୍ଦା ଖାଜାଦୁ ମାରୁ ତିନଖା ।”

୯ ଏମ୍ପାଟିଏ ଏଞ୍ଜାରି ଜୀସୁଇଁ ଝେଚେରି, “ମାମ୍ପୁ ଆୟିୟା ହାଜାନା ରାନ୍ଦା ଖାଜିହାଲାପାରି ଇଞ୍ଜିଁ ନୀନୁ ଅଣ୍ଡାପିମାଞ୍ଜି ?”

୧୦ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ଗାଡ଼ା ହଟିସାରେ ତୁକାତା ଏରୁ ଅହିମାନାଣାଇଁ ମେହ୍ଦେରି; ଏଞ୍ଜାଣି ଜେଚ ଜେଚ ହାଜାନା ଏଞ୍ଜାସି ଆନିନି ଇଜ ହଡୁନେସି ଇଲୁ ଗାଟାଣାଇଁ ଝେହ୍ଦୁ, ୧୧ ଗୁରୁ ନିଙ୍ଗ ଇଲେଇଞ୍ଜିଁ ଝେସା ପାଣ୍ଡାମାଞ୍ଜାନେସି, ନାନୁ ନା ସୀସୁୟାଁ ତଲେ ପିସ୍ପିଆନି ପାର୍ବୁତି ବକି ଏନିନି ଇଲୁତା ତିଇଁ ଏ ବାକ୍ରା ଆନିନାୟି ତସ୍ପାପୁ ? ୧୨ ଏମ୍ପାଟିଏ ଏଞ୍ଜାସି ନେହିଁ ତିୟାରା ଆହାମାନି ଲାକିନି ପାରୁତି ର କାଜା ବାକ୍ରା ତସ୍ପାନେସି; ଏମ୍ପାଆଁ ମାଙ୍ଗେତାକି ରାନ୍ଦା ଖାଜାଦୁ ।”

୧୩ ଏଞ୍ଜାସି ହାଜାନା ଜୀସୁ ଏଞ୍ଜାରାଇଁ ଏନିକିଁ ଝେସାମାଚେସି, ଏଲେକିଁ ମେସାନା ପିସ୍ପିଆନି ପାର୍ବୁତି ରାନ୍ଦା ଖାଜିତେରି ।

୨୧:୩୭ ୨୧:୩୭ ଲୁକ ୧୯:୪୭

ପ୍ରବୃତ୍ତି ବଢ଼ି

(ମାତି ୨୭:୨୭-୩୦; ମାର୍କ ୧୪:୨୨-୨୬; ଲକର ୧୧:୨୩-୨୫)

୧୪ ପିସ୍‌ପିଆନ୍ନି ପାର୍ବୁତି ବେଲା ଆୟାଲିଏ, ଜୀସୁ ଅଡ଼େ ତାନି ପାଣ୍ଡୁଡ଼ି ଆଡ଼ି ସୀସୁୟାଁ ତଲେ ତିଞ୍ଜାଲି କୁଗିତେରି । ୧୫ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ବୁକୁ କସ୍ତ ପୁଞ୍ଜିଆ ନକେଏ ମୀ ତଲେ ଇ ପିସ୍‌ପିଆନ୍ନି ପାର୍ବୁତି ବଢ଼ି ତିଞ୍ଜାଲି ହାରେକା ଅଣପାମାଚେଏ ! ୧୬ ଏନ୍ନିଇଚିହଁ ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁ ରାଜିତା ଇ କାତା ବାରେ ପୁରା ଆଆପାତେକା ନାନୁ ଅଡ଼େ ଏଚେଲାଞ୍ଜା ଏଦାଆଁ ତିନଅଁ ।”

୧୭ ଇଞ୍ଜା ଏଞ୍ଜାସି ର ସଲ୍ଲା ଆସାନା ମାହାପୁରୁଇଁ ଜହରା କିହାନା ଏଲେଇଚେସି, “ମୀରୁ ଇଦାଆଁ ଅହାନା ମୀ ବିତ୍ରା ବାରିକିଦୁ । ୧୮ ଇଚିହଁ ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁ ରାଜି ଖାଆ ପାତେକା ନାନୁ ନାଞ୍ଜୁଟିଏ ଅଙ୍ଗୁଟି ରାସା ଏଚେଲାଞ୍ଜା ଗହଁଅଁ ।”

୧୯ ଅଡ଼େ ଏଞ୍ଜାସି ରୁଟି ଅହାନା ମାହାପୁରୁଇଁ ଜହରା କିହାଁ ଡ଼ିକ୍‌ହାନା ହାହାଁ ଏଲେଇଚେସି, “ମିଙ୍ଗେତାକି ହାପୁକି ଆହାମାନି ନା ଆଞ୍ଜା ଇଦି; ନାଙ୍ଗେ ଅଣପାଲି ଇଦାଆଁ କିଦୁ ।” ୨୦ ଏଲେକିହଁଏ ତିଚି ତାନ୍ନୁ ଏଞ୍ଜାସି ଗହଁନି ସଲ୍ଲା ଆସାନା ଏଲେଇଚେସି, “ଇ ସଲ୍ଲାତା ମିଙ୍ଗେତାକି ଖାକ୍‌ହିମାନି ନା ନେଚେଚିଚି ପୁଞ୍ଜି ରାଜିମାନା ।”

୨୧ “ସାମା ମେହଦୁ ଆମ୍ବାଆସି ନାଙ୍ଗେ ସାତୁ କେୟୁତା ହେରପିମାଞ୍ଜାନେସି, ଏଞ୍ଜାସି ନା ତଲେ ବଢ଼ିତା କୁଗାମାନେସି । ୨୨ ଏନ୍ନିଇଚିହଁ ମାହାପୁରୁ ତାରି କିହାମାଚି ଲେହେଁ ମାଣସି ମୀରୁଏସି ହାନ୍ଦେସି, ସାମା ଏଞ୍ଜାଣାଇଁ ସାତୁ ତାଣା ହେରପିନେସି ଆୟତା ଏଞ୍ଜାସି ଉଣେଏ ତଣ୍ଡ ବେଗା ଆନେସି ।”

୨୩ ଏମ୍ବାଟିଏ ଏଞ୍ଜାରି ମା ବିତ୍ରାଟି ଆମ୍ବାଆସି ଇଲେଚି କାମା କିନେସି ଇଞ୍ଜାଁ ତାମ୍ବୁ ତାମ୍ବୁସୁ ଜଲ୍ଲକି ଆଡ଼େଚିରି ।

ଆମ୍ବାଆସି କାଜାସି ଇଞ୍ଜାଁ ବାଦିବାଦା

୨୪ *ଇଞ୍ଜାଁ ଏଞ୍ଜାରି ବିତ୍ରାଟି ଆମ୍ବାଆସି କାଜାସି ଆନ୍ଦେସି ଇଞ୍ଜାଁ ସୀସୁୟାଁ ବିତ୍ରା ଆସପି ଆଡ଼େଚିରି । ୨୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏବକା କୁଡ଼ାତି ରାଜାୟାଁ ଏଞ୍ଜାରି ମୁହେଁ ସାଲୁଡ଼ି କିନେରି, ଅଡ଼େ ଆମିନି ଗାଗାରି ଏଞ୍ଜାରାଇଁ ସାଲୁଡ଼ି କିନେରି, ଏଞ୍ଜାରି ଲକୁଡ଼ାଣା ନେହାରି ଇଞ୍ଜାଁ ଝେଙ୍ଗାଲି ଅଣପିନେରି । ୨୬ **ସାମା ମୀ ବିତ୍ରା ଏଲେଆଆଦୁ ଇଚିହଁ ମୀ ବିତ୍ରା ଆମ୍ବାଆସି କାଜାସି ଏଞ୍ଜାସି ଉଣା ଆଡ଼େସି, ଇଞ୍ଜାଁ ଆମ୍ବାଆସି ସାଲୁଡ଼ି କିନାସି ଏଞ୍ଜାସି ସେବା କିନାସି ଆଡ଼େସି । ୨୭ *ଆମ୍ବାଆସି କାଜାସି ? ତିଞ୍ଜାଲି କୁଗିନାସି କାଜାସି କି ସେବା କିନାସି କାଜାସି ? ତିଞ୍ଜାଲି କୁଗିନାସି କାଜାସି ଆଏକି ? ସାମା ନାନୁ ମୀ ବିତ୍ରା ସେବା କିନାଡେଏଲେହେଁ ଆହାମାଇଁ ।”

୨୮ “ସାମା ମୀରୁ ନା ବାରେ କସ୍ତତା ନା ତଲେ ମାଞ୍ଜାମାଞ୍ଜେରି; ୨୯ ଇଞ୍ଜାଁ ନା ଆବା ଏନ୍ନିକଁ ନାଙ୍ଗେ ସାଲୁଡ଼ି କିହାଲି ପାଣା ହାହାମାଞ୍ଜାନେସି, ନାନୁ ଜିକେଏ ଏଲେକିହଁଏ ମିଙ୍ଗେ ହିୟାଇଁ, ୩୦*ଏନ୍ନିକଁ ମୀରୁ ନା ରାଜିତା ନା ତଲେ କୁଗାନା ତିଞ୍ଜେଚି, ଇଞ୍ଜାଁ ସିଂଗାସାଣିତା କୁଗାନା ଇସାୟେଲତି ବାଡ଼ କୁଡ଼ାତି ସାଲୁଡ଼ି କିଦେରି ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜାଁ ଝେହ୍ନି କାତା

(ମାତି ୨୬:୩୧-୩୫; ମାର୍କ ୧୪:୨୭-୩୧; ଜହ ୧୩:୩୭-୩୮)

୩୧ “ସିମନ, ସିମନ ମେହଦୁ ସୟତାନ ଗହଁ ହାଣିକିନିଲେହେଁ ସୟତାନ ମାହାପୁରୁ ତାଣାଟି ହେଲ ବେତାଆହାମାନେ; ୩୨ ସାମା ନୀ ନାମୁ ଏନ୍ନିକଁ ମେଣ୍ଡେକେଏ, ଇଦାଆଁତାକି ନାନୁ ନୀ ତାକି ପ୍ରାତାନା କିଡେଏ; ଇଞ୍ଜାଁ ନାନୁ ନେହଁ ଆହାନା ଝେଣ୍ଡାସାରେ ନୀ ତାୟିୟାଣି ତୀରପୁକିମୁ ।”

୩୩ ସାମା ପିତର ଏଲେଇଚେସି, “ଏ ପ୍ରବୁ ନାନୁ ନୀ ତଲେ କାୟିଦିତା ହାଜାଲି ଅଡ଼େ ହାହାଲି ଜିକେଏ ଆଣ୍ଡାଇଁ ।”

୩୪ ସାମା ଜୀସୁ ଏଲେଇଚେସି, “ଏ ପିତର ନାନୁ ଏଲେଇଞ୍ଜିମାଞ୍ଜାଇଁ, ନୀଞ୍ଜୁ କୟୁ କେଣ୍ଡା ନକେଏ ନୀନୁ ନାଙ୍ଗେ ତାନିପାଲି ପୁଞ୍ଜାହିଲଅଁ ଇଞ୍ଜାଁ ଝେହ୍ନି ।”

ଗାକାୟାଁ ମଣା ଅଡ଼େ କାଣ୍ଡା

* ୨୨:୨୪ ୨୨:୨୪ ମାତି ୧୮:୧; ମାର୍କ ୯:୩୪; ଲୁକ ୯:୪୭ * ୨୨:୨୬ ୨୨:୨୬ ମାତି ୨୩:୧୧; ମାର୍କ ୯:୩୫ * ୨୨:୨୭ ୨୨:୨୭ ମାତି ୨୦:୨୫-୨୬; ମାର୍କ ୧୦:୪୨-୪୪ * ୨୨:୨୭ ୨୨:୨୭ ଜହ ୧୩:୧୨-୧୫ * ୨୨:୩୦ ୨୨:୩୦ ମାତି ୧୯:୨୮

୩୫ *ଜୀସୁ ଏଝାରାଇଁ ଏଲେଇରେସି, “ଏରିବେଲା ନାନୁ ମିଙ୍ଗେ ତାରୁୟାଁ ମଣା ଇଞ୍ଜା ସେପୁୟାଁ ଅଥାନା ହାନ୍ତୁ ଇଞ୍ଜା ପାଣ୍ଡା ମାଞ୍ଜାତେଏଁ ଏ ବେଲା ମିଙ୍ଗେ ଏନାୟି ଉଣା ଆୟାତେକି ?” ଏଝାରି ଏଲେଇରେରି, “ଏନାୟି ଆଏ ।”

୩୬ ଏମ୍ବାଟିଏ ଜୀସୁ ଏଲେଇରେସି, “ସାମା ନୀଏଁ ଆମ୍ବାଆରାକି ତାରୁୟାଁ ମାନୁ ଏଝାସି ଏଝାଆଁ ଅଢେସି, ଏଲେକିହଁ ଏ ମଣା ଜିକେଏ ଅଢେସି, ଅଢେ ଆମ୍ବାଆରାକି କାଣ୍ଡା ହିଲେଏ ଏଝାସି ତାନି ହିମ୍ବରି ପାଢ଼ତାନା କଡାପେସି । ୩୭ ଇରିହଁ ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁ ପଡତା ରାସ୍ତିକି ଆହାମାନାୟି ସାତେଏ ନାଙ୍ଗେତାକି ଆନାୟି ମାନେ, ଏଝାସି ପାପୁ ଗାଟାରି ତଲେ ଲେକା ଆନେସି, ଏଲେଆହଁ ଏ ଏ ବାରେ ନାଙ୍ଗେ ଏଜାତାରିମାନେ ।”

୩୮ ଏମ୍ବାଟିଏ ଏଝାରି ଏଲେଇରେରି, “ଏ ପ୍ରବୁ ଇମ୍ବାଆଁ ରୀ କାଣ୍ଡା ମାନୁ ।” ଇଞ୍ଜା ଏଝାସି ଏଲେଇରେସି, “ହାଅ, ଏଝିଏ ସାରି ଆନୁ ଇରେସି ।”

ଜୀସୁ ଜୀତ ହରୁତା ପ୍ରାଡାନା କିନାୟି
(ମାତି ୨୬:୩୬-୪୬; ମାର୍କ ୧୪:୩୨-୪୨)

୩୯ ଏଝାସି ଗାଡ଼ାଟି ହଡ଼ା ହାଜାନା ତାନୁ ହାଲ୍‌ଝିତିଲେହେଁ ଜୀତ ହରୁତା ହାରେସି, ଅଢେ ସାପୁୟାଁ ଜିକେଏ ଏଝାଣି ଜେତ ହାରେରି । ୪୦ ଏମ୍ବାଆଁ ଏଜାନା ଏଝାସି ତାନି ସାପୁୟାଁଇଁ ଝେସେସି, “ମୀରୁ ଏନିକଁ” ପାନ୍ଦାତା ହେରୁଝି ଆଅତେରି, ଇଦାଆଁତାକି ପ୍ରାଡାନା କିଦୁ ।”

୪୧ ଅଢେ ଏଝାସି ଏଝାରି ତାଣ୍ଡାଟି ହିରେ ହେକ ହାଜାନା ମେଣ୍ଡାକୁତାନା ପ୍ରାଡାନା କିହଁ ଝେସେସି, ୪୨ “ଏ ଆବା ନୀନୁ ମନ କିତିହଁ ଇ ଦୁକୁ କସ୍ତ ନା ତାଣ୍ଡାଟି ଗୁଟି କିମ୍ବ; ସାମା ନା ମନ କଡେ ଆଏ ନୀ କାତେଏ ଆପେ ।” ୪୩ ଅଢେ ଲାକପୁରୁଟି ର ଦୁତୁ ତଞ୍ଜାଆହାନା ଏଝାଣାକି ବାଡ଼ୁ ହାତେ । ୪୪ ଏରେଟିଏ ଏଝାସି ହାରେକା ଦୁକୁ ତଲେ ଅଢେ ଗାତିକିହଁ ପ୍ରାଡାନା କିତେସି, ଇଞ୍ଜା ଏଝାଣି ଗାମା ନେତେରିଲେହେଁ ବୁମିତା ତରୁମିମାତେ ।

୪୫ ଅଢେ ଏଝାସି ପ୍ରାଡାନାଟି ନିଜା ଖାହାନା ତାନି ସାପୁୟାଁଣି ଦୁକୁ ତଲେ ଇଦା କିତାଣି ମେସେସି; ୪୬ ଇଞ୍ଜା ଏଝାସି ଏଝାରାଇଁ ଏଲେଇରେସି, “ଏନାଆଁତାକି ତୁରାମାଞ୍ଜେରି ? ପାନ୍ଦାତା ଏନିକଁ ହେରୁଝିଅତେରି ଏଦାଆଁତାକି ନିଜାନା ପ୍ରାଡାନା କିଦୁ ।”

ଜୀସୁଇଁ ଦହନି କାତା
(ମାତି ୨୬:୪୬-୫୬; ମାର୍କ ୧୪:୪୩-୫୦; ଜହ ୧୮:୩-୧୧)

୪୭ ଏଝାସି ଜଲିମାଟାରି ର ମାନ୍ଦା ଲକୁ ଏମ୍ବାଆଁ ଏଗା ଖାତେରି, ଅଢେ ବାରଜାଣା ସାପୁୟାଁ ବିତ୍ତାଟି ଜୀହୁଦା ଦରୁଗାଟାସି ଏଝାରି ନକିତା ଖାହାନା ଜୀସୁଇଁ ନଶ୍ୱାଲି ତାନି ତାଣ୍ଡା ହାରେସି । ୪୮ ସାମା ଜୀସୁ ଏଝାଣାଇଁ ଏଲେଇରେସି, “ଏ ଜୀହୁଦା ନଶ୍ୱାନା ମାଣ୍ଡାସି ମାନ୍‌ଏଣାଇଁ ସାତୁୟାଁ କେରୁତା ହେରୁପିମାଞ୍ଜି ?”

୪୯ ଏମ୍ବାଟିଏ ଜୀସୁତଲେ ମାଟାରି ଇଦି ଏନାୟି ଇଞ୍ଜା ପୁଞ୍ଜାନା ଜୀସୁଇଁ ଏଲେଇରେରି, “ଏ ପ୍ରବୁ ମାମ୍ବୁ ଇଝାରାଇଁ କାଣ୍ଡାତଲେ ପାୟିନମି କି ?” ୫୦ ଅଢେ ଏଝାରି ରଅସି କାଜା ପୁଜେରା ହଲେଏଣାଇଁ ଇରହାନା ତାନି ଟିନି କିୟଁଁ ଦ୍ୱାଡାତୁସେସି ।

୫୧ ସାମା ଜୀସୁ ଏଲେଇରେସି, “ଇରେକେଏ ଆଡେ” ଇଞ୍ଜାନା ଏଝାଣି କିୟଁଁ ତୁୀଗାନା ନେହଁ କିତେସି ।

୫୨ ଅଢେ ଜୀସୁ ତାଙ୍ଗେ ଆସାଲି ଖାହାମାଟି କାଜା ପୁଜେରା, ମାହାପୁରୁ ଇଲୁତି କାପୁଗାଟାରି ଅଢେ ଲକୁତି କାଜାରାଇଁ ଏଲେଇରେସି, “ମୀରୁ ସରୁଇଁ ଆହନିଲେହେଁ ଇଟା କାଣ୍ଡା ଅଢେ ଟେଙ୍ଗାୟାଁ ଆସାନା ଖାହାମାଞ୍ଜେରି ? ୫୩ *ନାନୁ କାରେଲଏ ମୀ ତଲେ ମାହାପୁରୁ ଇଲୁତା ମାରେଏଁ, ଏରିବେଲା ମୀରୁ ନାଙ୍ଗେ ଆସ୍ତାଆତେରି; ସାମା ଇ ଦିନା ମୀଦିଏ ଅଢେ ଆନେରିତି ବାଡ଼ୁ ରାକିକିନି ଦିନା ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜା ଇନାୟି
(ମାତି ୨୬:୫୬, ୫୮, ୬୯-୭୫; ମାର୍କ ୧୪:୫୩, ୫୪, ୬୬-୭୨; ଜହ ୧୮:୧୨-୧୮, ୨୫-୨୭)

୫୪ ତାୟୁ ଏଝାରି ଏଝାଣାଇଁ ଅହାନା କାଜା ପୁଜେରା ଇଜ ତାତେରି; ସାମା ପିତର ହେକ ମାଞ୍ଜାନା ଜେତ ଜେତ ହାରେସି । ୫୫ ଅଢେ ଏଝାରି ଆଁଗେଣିତା ହିରୁ ତାସାନା ହିରୁ ସାରିସୁଟୁ କୁରିତେରି, ଇଞ୍ଜା ପିତର

* ୨୨:୩୫ ୨୨:୩୫ ମାତି ୧୦:୯,୧୦; ମାର୍କ ୭:୮,୯; ଲୁକ ୯:୩; ୧୦:୪ * ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭

ଜିକେଏ ଏଝାରିତଲେ କୁରିତେସି । ୫୭ ଏମ୍ବାଟିଏ ର ହଚେଲଣି ପିତର ହିରୁ ମାଣ୍ଡାତା କୁଗାମାନାଣି ମେସାନା, ଏଝାଣାଇଁ ସିନିକିହାନା ଏଲେଇଚେସି, “ଇଝାସି ଜିକେଏ ଏଝାଣିତଲେ ମାରାସି ।”

୫୭ ସାମା ପିତର ଏଲେଇଚେସି, “ଆଏକା ନାନୁ କଡେ ଏଝାଣାଇଁ ପୁଣ୍ଡମ୍ବୁ ପୁଞ୍ଜାହିଲଅଁ ।”

୫୮ ଅଡେ ଗାଡ଼କା ହାଜାଲିଏ ଅଡେ ରଅସି ଏଲେଇଚେସି, “ନାନୁ ଜିକେଏ ଏଝାରି ବିଡ଼ାଟି ରଅତି ।” ସାମା ପିତର ଏଲେଇଚେସି, “ଆଏ ତାସି ନାନୁ କଡେ ଆଏ ।”

୫୯ ଅଡେ ର ଗଂଟା ହାଜାଲିଏ ଅଡେ ରଅସି ଏଲେଇଚେସି, “ସାତେଏ ଇଝାସି ଏଝାରିତଲେ ମାରାସି, ଏନିଇଚିହଁ ଇଝାସି ଗାଲିଲି ଦେସାତାସି ।”

୬୦ ସାମା ପିତର ଏଲେଇଚେସି, “ନାନୁ ଏନାଆଁ ଇଞ୍ଜିମାଞ୍ଜି ତାସି ନାନୁ ଏନାଆଁ ପୁଞ୍ଜାହିଲଅଁ ।”

ଏ ଦେବୁଣିଏ କୟୁ କେଣ୍ଡତେ; ୬୧ ଏମ୍ବାଟିଏ ପ୍ରବୁ ମ୍ବୁ ହୁପେରହାନା ପିତରଇଁ ସିନିକିତେସି; ଏମ୍ବାଟିଏ ନୀଞ୍ଜୁ କୟୁ କେଣ୍ଡଆ ନଚେକା ନାନୁ ପୁଞ୍ଜାହିଲଅଁ ଇଞ୍ଜାଦି, ପ୍ରବୁ ଖେସ୍ତି ଇ କାତା ତାନି ମନତା ଖାଚେ, ୬୨ ଇଞ୍ଜା ଏଝାସି ପାଞ୍ଜାତା ହାଜାନା ଗାତି ଦୁକୁ ଆହାନା ଡ଼ାତେସି ।

ଜୀସୁଇଁ ନିନ୍ଦାକିହଁ କାକନାସି ଅଡେ ଖେନାସି

(ମାତି ୨୭:୨୭,୨୮; ମାର୍କ ୧୪:୨୫)

୬୩ ଅଡେ ଆମିନିଗାଟାରି ଜୀସୁଇଁ ଆସା ଇଟାମାଚେରି, ଏଝାରି ଏଝାଣାଇଁ ଖେଚି ଖେଚିହଁ କାକହେରି, ୬୪ ଅଡେ ଏଝାଣି ମ୍ବୁମ୍ବୁ ହିମ୍ବୁରି ପୁକ୍‌ହାନା ଖେଚେରି, “ନାନୁସାଁ ମାହାପୁରୁ ଅଣ୍ଡପୁତି ବଲୁ ଖେହ୍ନାତି ! ଖେସ୍ତାମ୍ବୁ ନିଜେ ଆମ୍ବାଆସି ଖେତାତେସି ?” ୬୫ ଅଡେ ଏଝାରି ହାଚେରକା କାତା ଏଝାଣି କପାଟି ଜଲାନା ଏଝାଣି ନିନ୍ଦାକିତେରି ।

ବେରଣିମାଣ୍ଡା ନକିତା ଜୀସୁ

(ମାତି ୨୭:୫୯-୬୬; ମାର୍କ ୧୪:୫୫-୬୪; ଜହ ୧୮:୧୯-୨୪)

୬୬ ଲାକ୍ ଖେୟାଲିଏ ଲକୁତି କାଜାରି, କାଜା ପୁଜେରାଜୀ ଅଡେ ମେରାପୁନାରି ରୁଣ୍ଡା ଆହାନା ତାନି ବେରଣିମାଣ୍ଡାତା ଜୀସୁଇଁ ଅହାନା ଖେଚେରି, ୬୭ “ନାନୁ କ୍ରୀସ୍ତତିକି ମାଜେ ଖେସ୍ତାମ୍ବୁ ।” ସାମା ଏଝାସି ଏଝାରାଇଁ ଏଲେଇଚେସି, “ନାନୁ ମିଜେ ଖେସ୍ତାସାରେ ମୀରୁ ନାମଅତେରି; ୬୮ ଅଡେ ନାନୁ ଖେଞ୍ଜାତିହଁ ମୀରୁ ଖେସାଲି ଆଡ଼ଅତେରି । ୬୯ ସାମା ନୀଏଟିଏ ମାଣ୍ଡସି ମୀରୁଏସି ବାଡ଼ୁରୁଗାଟି ମାହାପୁରୁ ଚିଃନି ଚଟତା କୁରିନେସି ।”

୭୦ ଏମ୍ବାଟିଏ ବାରେଜାଣା ଖେଚେରି, “ଆତିହଁ ନାନୁ ମାହାପୁରୁ ମୀରୁଏଣାତିକି ?”

ଏଝାସି ଏଝାରାଇଁ ଏଲେଇଚେସି, “ମୀରୁତ ଖେସିମାଞ୍ଜାଦେରି, ନାନୁ ଏଝାତେଏଁ ।”

୭୧ ଏଚେଟିଏ ଏଝାରି ଏଲେଇଚେରି, “ମାଜେ ଅଡେ ଏନି ସାକି ଲଡ଼ା, ମୀରୁତ ଇ କାତା ତାନି ଗୁଟିଟିଏ ଖେଚାସି ।”

୨୩

ପିଲାତ ନକିତା ଜୀସୁ

(ମାତି ୨୭:୧,୨; ୨୭:୧୧-୧୪; ମାର୍କ ୧୫:୧-୫; ଜହ ୧୮:୨୮-୩୮)

୧ ଏଚେଟିଏ ତାୟୁ ବାରେଜାଣା ନିଜାମା ଜୀସୁଇଁ ପିଲାତ ନକିତା ଅତେରି । ୨ ଇଞ୍ଜା ଏଝାରି ଜୀସୁ କପାଟି ଦହ ଦସାନା ଏଲେଇଚେରି, “ମାମ୍ବୁ ପୁଟମି ଇଝାସି ମା କୁଡ଼ାତି ଲକୁଣି ପଲ୍‌ଆ ଜାପୁହିମାନେସି, ଇଚିହଁ ଇଝାସି କାସିସରକି ସିସୁ ହୁଆପୁ, ତାନ୍ତୁ ନାନୁଏ କ୍ରୀସ୍ତ ଅଡେ ରାଜାତେଏଁ ଇଞ୍ଜା ଖେସା କଡିମାନେସି ।”

୩ ଏଚେଟିଏ ପିଲାତ ଜୀସୁଇଁ ଖେଚେସି, “ନାନୁ କି ଜୀହୁଦି ଲକୁତି ରାଜାତି ?”

ଜୀସୁ ଖେସ୍ତେସି, “ନାନୁତ ଖେସିମାଞ୍ଜି ।”

୪ ଏଚେଟିଏ ପିଲାତ କାଜା ପୁଜେରା ଅଡେ ବାରେ ଲକୁଣି ଏଲେଇଚେସି, “ନାନୁ ଇଝାଣି ତାଣା ଏନି ଦହ ପୁଞ୍ଜାତେଏଁ ।”

୫ ସାମା ଏଝାରି ଗାତିକିହଁ ଜଲିତେରି, “ଇଝାସି ଗାଲିଲିତାସିକି ?” ୬ ଇଞ୍ଜା ଏଝାସି ହେରଦ ରାଜା ରାଜି ତାସି ଇଞ୍ଜା ପୁଞ୍ଜାନା ଏଝାଣାଇଁ ହେରଦ ତାଣା ପାଣ୍ଡିତେସି, ଏନିଇଚିହଁ ଏଚିବେଲ

ହେରଦ ନକିତା ଜୀସୁ

୭ ସାମା ପିଲାତ ଇ କାତା ଖେଞ୍ଜାନା ଖେଚେସି, “ଇଝାସି ଗାଲିଲିତାସିକି ?” ୮ ଇଞ୍ଜା ଏଝାସି ହେରଦ ରାଜା ରାଜି ତାସି ଇଞ୍ଜା ପୁଞ୍ଜାନା ଏଝାଣାଇଁ ହେରଦ ତାଣା ପାଣ୍ଡିତେସି, ଏନିଇଚିହଁ ଏଚିବେଲ

ହେଉଥିଲା ଲୁକା ଯିବା ପରେ । ୮ ହେଉଥିଲା ଲୁକା ଯିବା ପରେ । ରାହା ଆଡ଼େଇ, ଏହିଭଳିହିଁ ଏହାରି ଏହାଣି କାତା ଖେଞ୍ଜା ମାତାକି ଏହାଣିକା ହାରେକା ଦିନାଟିଏ ମେସାଲି ମନ କିହିମାରେଇ, ଇଞ୍ଜି ଏହାଣି ତାଣାଟି ଏହି କାବାଆନି କାମାକିନାଣି ମେହୁଇଁ ଇଞ୍ଜି ଆସା କିହିମାରେଇ । ୯ ହେଉଥିଲା ଲୁକା ଏହି ଏହି କାତାୟି ଖେରେଇ, ସାମା ଲୁକା ଏହାଣିକା ଏହି କାତାଖା ଖେରେ ଖେହୁଆରେଇ । ୧୦ ସାମା କାଜା ପୂଜେରାଈ ଅଡ଼େ ମେରାପୁନାରି ନିତାନା ଏହାଣି କପାଟି ଆଜିହପେଟି କାତାୟି ଜଳିମାରେଇ । ୧୧ ଏତେଟିଏ ହେଉଥିଲା ତାନି କସକା ତଲେ ଏହାଣିକା କାକହି କାକହିହିଁ ନିହାକିତେରି ଏତେଟିଏ ର ପାଦୁ ହିମୁରି ଏହାଣିକା ହୁଟି କିହାନା ପିଲାତ ତାଣା ଖେରେ ପାଣିତେରି । ୧୨ ଏ ଦିନାଟିଏ ପିଲାତ ଅଡ଼େ ହେଉଥିଲା ତଣେ ଆଡ଼େରି; ଏହାରି ନକେଏ ସାହୁୟିଲେହେଁ ମେସପି ଆଡ଼ିତେରି ।

ଲୁକା ହାନି ତଣ୍ଡ

(ମାତି ୨୭:୧୫-୨୬; ମାର୍କ ୧୫:୨-୧୫; ଲୁକ ୧୮:୩୯; ୧୯:୧୭)

୧୩ ଏମାଟିଏ ପିଲାତ କାଜା ପୂଜେରା ଲୁକା ହୁଦି ଲକ୍ଷ୍ମି କାଜାରି ଅଡ଼େ ବାରେ ଲକ୍ଷ୍ମି ହାଟି କିହାନା ଏହାଣିକା ଏଲେଇରେଇ, ୧୪ “ଇହାପି ଲକ୍ଷ୍ମି ପଲୁଆ ଲୁକାହିମାରେଇ ଇଞ୍ଜି ମୀରୁ ନା ତାଣା ତାତେରି; ସାମା ନାମୁ ଏହାଣିକା ମୀ ନକିତା ତାୟିପାରି କିତେଏଁ ଇଞ୍ଜି ମୀରୁ ଖେସାମାଞ୍ଜାଟି ଏହି ଦହୁ ଏହାଣି ତାଣା ପୁଞ୍ଜାରେଇ, ଇଞ୍ଜି ହେଉଥିଲା ଜିକେଏ ପୁଞ୍ଜାରେଇ, ୧୫ ଏହିଭଳିହିଁ ହେଉଥିଲା ଅଡ଼େ ଖେରେ ନା ତାଣା ପାଣ୍ଡାରେଇ; ଇଞ୍ଜି ମେହୁଦୁ ଇହାପି ହାନି ତଣ୍ଡ ପାଣ୍ଡିନି ଏହି ଦହୁ କିହାହିଲଅପି; ୧୬ ଏଦାଆଁତାକି ନାମୁ ଇହାଣିକା ସାତୁଣି ତଲେ ଖେରାନା ପିହୁଇଁ ।” ୧୭ ପିସପିଆନି ପାରୁ ବେଲା କାୟିଦି ମାନାରି ବିତ୍ରାଟି ରଅଣାକି ଏହାଣିକା ପିସାଲି ମେରା ମାତେ ।

୧୮ ସାମା ଏହାରି ରହେଏ ଗାଡ଼ିକିହିଁ ଏଲେଇରେଇ, “ଇହାଣିକା ପାୟାଦୁ ବାରବାଇଁ ମାଜେ ପିସାହିୟାମୁ !” ୧୯ ଇ ବାରବାଇଁ ଗାଡ଼ାଟି ଗଡ଼ହା ତାକି ଇଞ୍ଜି ରଅଣାକି ପାୟାମାତାକି କାୟିଦି ଇଟାମାତେରି ।

୨୦ ସାମା ପିଲାତ ଲୁକା ପିସାଲି ଅଣ୍ଡାପାନା ଲକ୍ଷ୍ମି ମାନ୍ଦାଟି ଅଡ଼େ ପୁଣି କିହାଲି ଖେସେଇ । ୨୧ ସାମା ଏହାରି କାଜା ହାଡ଼ାତଲେ ଏଲେଇରେଇ, “ଏହାଣିକା ପାସି ମୁଣ୍ଡାତା ଏକଦୁ ପାସି ମୁଣ୍ଡାତା ଏକଦୁ ଇଞ୍ଜି ଇତେରି ।”

୨୨ ଇଞ୍ଜି ଏହାପି ଅଡ଼େ ତାନି ପାଲି ଖେସେଇ, “ଏଦାଆଁତାକି, ଏହାପି ଏହି ଦହୁ କିହାମାରେଇ ? ନାମୁ ଏହାଣି ତାଣା ଏହି ହାନିହରେଇ ଦହୁ ପୁଞ୍ଜାରେଇ; ଏଦାଆଁତାକି ନାମୁ ଏହାଣିକା ପାସି ହାହାନା ପିହୁଇଁ ।”

୨୩ ସାମା ଏହାରି କାଜା ଗିୟାତଲେ ଏହାଣିକା ପାସି ମୁଣ୍ଡାତା ଏକହାଲି ଖେସେଇ, ତାୟି ଏହାରି ଖେସାୟିଏ ଆଡ଼େ । ୨୪ ଇଞ୍ଜି ଏହାରି ଖେସିଲେହେଁଏ କିୟାଲି ପିଲାତ ହୁକୁମି ହାଡ଼େଇ; ୨୫ ସାମା ଆନିନିଗାଟାପି ଗଡ଼ହା ଅଡ଼େ ଲକ୍ଷ୍ମି ପାୟାଲିଏ କାୟିଦିତା ଇଟାମାତାଣାକି ରାସା ମାତେରି ପିସେଇ, ଅଡ଼େ ଲୁକା ଏହାପି ଏହାରି ଅଣ୍ଡାପିତ ଲେହେଁ କିୟାଲି ଏହାରିତାଣା ହେଉପିତେଇ ।

ଲୁକା ପାସି ଏକନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଲୁକ ୧୯:୧୭-୨୭)

୨୬ ଏହାରି ଲୁକା ଅହିମାଟାଟି ସିମନ ଦରୁଗାଟି କୁରିଣି ଦେସାଟି ର ନାୟୁଟି ଖାହିମାରେଇ, ଏହାରି ଏହାଣିକା ପାସିମୁଣ୍ଡା ଡେକି କିହାନା ଲୁକା ଡେକ ଡେକ ଅଡ଼େରି ।

୨୭ ମାନ୍ଦା ଲକ୍ଷ୍ମି ଲୁକା ଡେକ ହାଜିମାରେଇ ଅଡ଼େ ତାନି ତାକି ବକତା ଖେରା କିତହିଁ ତାହି ତାହିଁ ଏରରଜାଣା ଇୟାସିକା ଜିକେଏ ଏହାଣି ଡେକ ହାଜିମାତୁ । ୨୮ ସାମା ଲୁକା ଏହାପିକାଞ୍ଜାକି ସିନିକିହାନା ଏଲେଇରେଇ, “ଆଲ, ଜିରୁସାଲମଟି ମାସକାତେରି ନା ତାକି ତାଆଦୁ ସାମା ମୀ ତାକି ଅଡ଼େ ମୀ କକାରି ପଦାଁ ତାକି ତାଦୁ; ୨୯ ହେଣ୍ଡ ଇଲେଟି ଦିନା ଖାହିମାନେ, ଆମ୍ବାଆୟି ବାଞ୍ଜେଣିସିକା, ଆମ୍ବାଆୟି ଏତେଲା ପୁରାମାସା ଆହାହିଲାତ ଅଡ଼େ ପାଲୁ ଉଡ଼ହା ହିଲାତ ଲକ୍ଷ୍ମି ଏହାପିକାଣି ମିଜେଏ ନେହେଁ ଇଞ୍ଜାନେରି । ୩୦ ଏତିବେଲା ଲକ୍ଷ୍ମି ହରକାଣି ଏଲେଇନେରି ମା ଲାକ ତରୁଗାଦୁ ଅଡ଼େ ଉଣା ହରକାଣି ଏଲେଇନେରି ମାଜେ ପିକିହାନା ତୁକୁହାଦୁ । ୩୧ ଏହିଭଳିହିଁ ଲକ୍ଷ୍ମି ହିଲଲି ମାରୁଦୁଟି ଏଲେକିତହିଁ, ଏଦି ଖାୟିସାରେ ଏଦାଆଁ କିହାଁ ଆଗାଡ଼ା କିଅରିକି ?”

୩୨ ଦହୁଗାଟାରି ରିଆରି ଜିକେଏ ପାସି ଏକହାଲି ଲୁକାତଲେ ଅଡ଼ିଆଡ଼େରି । ୩୩ ଏମାଟିଏ ଏହାରି ତାୟି ରୁପା ଇନି ଗାୟିତା ଏଜାନା ଏମାଆଁ ଲୁକା ପାସି ମୁଣ୍ଡାତା ଏକହାନା ଏ ରା ଦହୁଗାଟାରି ବିତ୍ରାଟି

୨୩:୩୦ ୨୩:୩୦ ଖେ ବଲୁ ୭:୧୭

ରଥଣାଙ୍କ ଏଝାଣି ଚିଃନିଝାକି ଅଡ଼େ ରଥଣାଙ୍କ ଏଝାଣି ଚେତୁଝାକି ପାସି ଏକହେରି । ୩୪ ଏରିବେଲା ଜୀସୁ ଏଲେଇରେସି, “ଏ ଆଡ଼ା ଏଝାରି ଦହ ଆହୁଆନି, ଇଚିହୁ” ଏଝାରି ଏନାଆଁ କିହିମାନେରି ଏଦାଆଁ ପୁଞ୍ଜାହିଲଅରି ।”

ଅଡ଼େ ଏଝାରି ଏଝାଣି ହିମ୍ବରି ବାଟିକିହାଲି ପାଦି କିତେରି । ୩୫ ଇଞ୍ଜାଁ ଲକୁ ବାରେ ନିଚାନା ସିନିକିହିମାରେରି, ଏଝାରି ବିତ୍ରାଟି କାଜାରି ଜିକେଏ ନିନ୍ଦାକିହୁ” ଏଲେଇରେରି, “ଏଝାସି ଏଟକା ଲକୁଣି ଗେଲୁପିତେସି; ଏଝାସି ମାହାପୁରୁ ଆଚିତି କ୍ରୀସୁ ଇଚିହୁ” ତାନୁଏ ତାଙ୍ଗେ ଗେଲୁପିକିହା କଡାପେସି ।”

୩୬ କସକା ଜିକେଏ ଏଝାଣି ତାଗେ ହାଜାନା ପୁଲାଏୟୁ ଗସାଲି ହୀହାଁ ଏଝାଣାଙ୍କ କାକିହିହୁ” ଏଲେଇରେରି, ୩୭ “ନୀନୁ ଜୀହୁଦି ଲକୁଚି ରାଜାତି ଇଚିହୁ” ନୀନୁଏ ନିଙ୍ଗେ ପିସପି କିହାକଡାମୁ ।”

୩୮ ଇଞ୍ଜାଁ ଏଝାଣି ପାସିମୁଣ୍ଡା ଲାକ ଇଲେଇଞ୍ଜୁ” ରାସକି ଆହାମାଗେ, “ଇଝାସି ଜୀହୁଦି ଲକୁଚି ରାଜା ।”

୩୯ ଅଡ଼େ ପାସି ମୁଣ୍ଡାତା ପାସି ଏକହାମାଟି ଦହଗାଟାରି ବିତ୍ରାଟି ଜିକେଏ ରଥସି ଏଝାଣାଙ୍କ ନିନ୍ଦାକିହୁ” ଏଲେଇରେସି, “ନୀନୁ କ୍ରୀସୁତି ଆଏକି ? ନିଙ୍ଗେ ଅଡ଼େ ମାଙ୍ଗେ ପିସପି କିୟାମୁ ।”

୪୦ ସାମା ଅଡ଼େ ରଥସି ଏଝାଣାଙ୍କ ଦାକା ହୀହାନା ଏଲେଇରେସି, “ନୀନୁ ଏଝାଣିଲେହେଁ ତଣ୍ଡ ବେଟାଆହୁ” ଜିକେଏ ନିଙ୍ଗେ ମାହାପୁରୁଙ୍କ ଆଜି ହିଲେଏ ? ୪୧ ଅଡ଼େ ମାରସା ନୀହାଁୟି ତଲେ ତଣ୍ଡ ବେଟାଆହି ମାନାୟି, ଇଚିହୁ” ମା କିତି କାମାତି ପାଡ଼େୟି ବେଟାଆହି ମାନାୟି; ସାମା ଇଝାସି ଏନି ଦହ କିହାହିଲଅସି ।” ୪୨ ଇଞ୍ଜାଁ ଏଝାସି ଜୀସୁଙ୍କ ଏଲେଇରେସି, “ଏ ଜୀସୁ ନୀନୁ ନୀ ରାଜିତା ହାଟିସାରେ ନାଙ୍ଗେ ଅଣପାମୁ ।”

୪୩ ଏମାଟିଏ ଜୀସୁ ଏଝାଣାଙ୍କ ଏଲେଇରେସି, “ନୀନୁ ନିଙ୍ଗ ସାତା ଝେସିମାଞ୍ଜାଙ୍କ, ନୀଞ୍ଜୁ ନୀନୁ ଲାକପୁରୁତା ନା ତଲେ ମାଞ୍ଜି ।”

ଜୀସୁତି ହାକି

(ମାତି ୨୭:୪୫-୪୬; ମାର୍କ ୧୫:୩୩-୪୧; ଜହ ୧୯:୨୮-୩୦)

୪୪ ଏରିବେଲା ସମାନା ବାରଗଟା ଆହାମାଗେ, ଅଡ଼େ ଝେଡ଼ା ଉଜେଡି ହୀଆତାକି ତାନି ଗଟା ପାତେକା ଦେସା ବାରେ ଆନ୍ଦେରି ଆହାମାଗେ, ୪୫ ଇଞ୍ଜାଁ ମାହାପୁରୁ ଇଲୁତା ଲେଟାମାନି ହିମ୍ବରି ରୀ ବାଟା ଆହୁ” ଗୋଞ୍ଜା ହାଚେ । ୪୬ ଅଡ଼େ ଜୀସୁ କାଜା ଗିୟାତଲେ ହାଟିହୁ” ଏଲେଇରେସି, “ଏ ଆଡ଼ା ନୀ କେୟୁତା ନା ଜୀସୁତି ହେରୁପିମାଞ୍ଜାଙ୍କ !” ଏଲେଇଞ୍ଜି ଜଲାନା ତାନି ଜୀସୁ ହାଚେ ।

୪୭ ଏଦାଆଁ ମେସାନା ପାସାକଡ଼ି କସକା ମୁହେଁ କାଜାସି ମାହାପୁରୁଙ୍କ ଜହରା କିହୁ” ଏଲେଇରେସି, “ଇଝାସି ସାତେଏ ତାରିଗାଟାସି ମାଚେସି ।”

୪୮ ଇଞ୍ଜାଁ ଏଝାଣାଙ୍କ ମେସାଲି ରୁଣ୍ଡା ଆହାମାଟି ବାରେ ଲକୁ ଇ ବାରେ ମେସାନା ବକତା ଝେଡ଼ା କଡିହୁ” ଝେଡ଼ା ହାଚେରି । ୪୯ ସାମା ଜୀସୁଙ୍କ ପୁଞ୍ଜାମାଟି ବାରେ ଲକୁ ଇଞ୍ଜାଁ ଗାଲିଲିଚି ରହେଏ ଆଣ୍ଡାନା ତାନି ଜେତ ଜେତ ଝାହାମାଟି ଇୟାସିକା ହେକ ନିଚାନା ଏ ବାରେ ସିନିକିହିମାଚୁ ।

ଜୀସୁଙ୍କ ମୁହନାସି

(ମାତି ୨୭:୫୭-୬୧; ମାର୍କ ୧୫:୪୨-୪୬; ଜହ ୧୯:୩୮-୪୨)

୫୦ ଇଞ୍ଜାଁ ଜୀହୁଦି ଦେସାତି ହାରାମାଟିୟା ଇନି ଗାଡ଼ାତି ଜସେପ ଇନାସି ଜୀହୁଦି ଲକୁଚି କାଜା କୁଲମିଚି ରଥସି ମାଚେସି; ଏଝାସି ନେହାଁସି ଇଞ୍ଜାଁ ତାରିଗାଟାସି ମାଚେସି । ୫୧ ଜୀହୁଦାତି ହାରାମାଟିୟା ଇନି ନାୟୁତି ଜସେପ ଇନାସି ର ମାଣ୍ଡସି ମାଚେସି । ଏଝାସି ଦାମୁଗାଟାସି ଇଞ୍ଜାଁ ମାନି ଗାଟାସି ମାଚେସି ଅଡ଼େ ମାହାପୁରୁଚି ରାଜି ଝାନାଣି କାଟିମାଚେସି । କାଜା ବେରଣିତି ମାଣ୍ଡସି ମାଚିହୁ” ଜିକେଏ, ଏଝାସି ଏଝାରି କାତା ଅଡ଼େ କାମାଟା ଆଣ୍ଡିହିଲଆତେସି । ୫୨ ଏଝାସି ପିଲାତ ତାଣା ହାଜାନା ଜୀସୁ ମାଡ଼ହାଟି ରୀସେସି, ୫୩ ଇଞ୍ଜାଁ ମାଡ଼ହାଟି ରେପହାନା ନେହୁ” ପାଡ଼ାଡ଼ା ହିମ୍ବରି ରୁପାନା ଏମାଆଁ ହରୁତା କାରୁହାମାଟି ଏବେଲା ଆମ୍ବାଆରି ମୁସାହିଲଆଆ ମାଡ଼ହା ମୁହନି ଚାୟୁତା ଏଝାଣାଙ୍କ ମୁସେରି । ୫୪ ଏ ଦିନା ତିୟାରା ଆନି ଦିନା ମାଚେ ଅଡ଼େ ଜମିନି ଦିନା ଏଗା ଝାହିମାଚେ ।

୫୫ ଅଡ଼େ ଗାଲିଲିଚି ଝାହାମାନି ଇୟାସିକା ଜେତ ଜେତ ହାଜାନା ମାହଣି ମାଣ୍ଡା ଅଡ଼େ ତାନି ମାଡ଼ହା ଏନିକି ମୁସାମାଟାଣି ମେସୁ ୫୬ ଇଞ୍ଜାଁ ଏଝି ଝେଣ୍ଡା ହାଜାନା ଗାନ୍ଦା ନିୟୁଁ ଇଞ୍ଜାଁ ଗାନ୍ଦାଗାଟି ଆସି ତିୟାରା କିଚୁ । ଇଞ୍ଜାଁ ଜମିନି ଦିନାତା ତାନି ମେରାଲେହେଁ ଜମିଚୁ ।

୨୪

ଜୀସୁ ହାହାନା ଖେଣ୍ଡେ ନିଜିନାୟି

(ମାତି ୨୮:୧-୧୦; ମାର୍କ ୧୬:୧-୮; ଜହ ୨୦:୧-୧୦)

୧ ଅଡେ ଜମିନ ଦିନାତି ମେରା ତଲେ ଜମିତୁ, ସାମା ଖାରାତି ତଲିତି ଦିନତା ଜୁଲୁପୁଲୁ ଖେୟାଲିଏ ଏଞ୍ଜି ତାମ୍ନୁ କ୍ରିହାମାଟି ଗାନ୍ଦାନିୟୁଁ ଆସାଦା ମାହଣି ମାଣ୍ଡାତା ହାତୁ । ୨ ଇଞ୍ଜା ମାହଣି ମାଣ୍ଡାତା ସ୍ଥିକହାମାଟି ଖାଲି ଗୁଚା ଆହାମାନାଣି ମେସ୍ତୁ ୩ ସାମା ଏଞ୍ଜି ବିତ୍ରା ହାଜାନା ପ୍ରତୁ ଜୀସୁତି ମାଡୁହା ଏମ୍ପାଆଁ ମେହଆତୁ । ୪ ଏଞ୍ଜି ଏଦାଆଁତାକି ବିଲୁକି ଆହିମାଟି ଦେବୁଣିଏ ମୁହନି ହିମ୍ବରି ହୁଚାମାଟି ରିଆରି ଏଞ୍ଜାସିକା ନକିତା ନିତାମାନେରି । ୫ ଏମ୍ପାଟିଏ ଏଞ୍ଜି ଆତାଜାକା ଆହାନା ବୁମିତା ତାକ୍ତା ଲେସ୍ତୁ ଇଞ୍ଜା ଏଞ୍ଜାରି ଏଞ୍ଜାସିକାଣି ଏଲେଇଚେରି, “ମୀରୁ ଏନାଆଁତାକି ହାଡାରି ବିତ୍ରାଟି ନୀତାମାନାରାଇଁ ପାରିମାଞ୍ଜେରି ?” ୬ ଏଞ୍ଜାସି ଇମ୍ପାଆଁ ହିଲଅସି, ଏଞ୍ଜାସି ନିଜାମାନେସି, ଏଞ୍ଜାସି ଗାଲିଲିତା ମାଗାଟି ଖେସାମାଞ୍ଜାତାଣି ଅଣ୍ପାପୁ । ୭ ମାଣସି ମୀରୁଏସି ପାସି ମୁଣ୍ଡାତା ହାୟାଲି ପାପୁ ଗାଗାରି ତାଣା ହେରପି ଆନାୟି ମାନେ ଇଞ୍ଜା ତାନି ଦିନାଟିଏ ହାକ୍ତିଟି ଖେଣ୍ଡେ ନିଜିନେସି ।”

୮ ଏମ୍ପାଟିଏ ଏଞ୍ଜି ଏଞ୍ଜାଣି ଖେସ୍ତି କାତା ଅଣ୍ପପିତୁ, ୯ ଇଞ୍ଜା ଏଞ୍ଜି ମାହଣି ମାଣ୍ଡାଟି ଖେଣ୍ଡା ହାଜାନା ଏଗାର ଜାଣା ସୀସୁୟାଁ ଅଡେ ଏଟକା ତାରାଇଁ ଈ ବାରେ କାତା ଖେସ୍ତୁ । ୧୦ ଏଞ୍ଜି ମଗଦଲିନି ମରିୟମ, ଜହନା, ଜାକୁବ ତାନି ଇୟା ମରିୟମ ଅଡେ ଏଞ୍ଜାସିକାତଲେ ମାତି ଏଟକାଟି ଇୟାସିକା; ଇଞ୍ଜି ପାଣ୍ଡାଞ୍ଜି ଆହାମାନାରାଇଁ ଈ ବାରେ କାତା ଖେସ୍ତୁ । ୧୧ ସାମା ଈ ବାରେ କାତା ଏଞ୍ଜାରି ନକିତା ମନତା ଗାଡ଼ିକିତି ର ପୁସ୍ତପନି ଲେହେଁ ଆଡେ, ଅଡେ ଏଞ୍ଜାରି ଏଞ୍ଜାସିକାଣି ନାମାଆଡେରି । ୧୨ ସାମା ପିତର ନିଜାମା ମାଡୁହା ମୁହନି ଟାୟୁତା ହଟି ହଟିହଁ ହାଚେସି, ଇଞ୍ଜା କାପାନା ସିନିକିତେସି ଏମ୍ପାଆଁ ପାଡାଡା ହିମ୍ବରିକା ମେସ୍ତେସି, ଇଞ୍ଜା ଇଦି ଏନି ଆଡେ ଇଞ୍ଜା କାବାଆହାନା ତାନି ଇଜ ହାଚେସି ।

ଇମାୟୁତା ହାନାୟି

(ମାତି ୧୬:୧୨, ୧୩)

୧୩ ଏନେତୁ ଏଞ୍ଜାରି ବିତ୍ରାଟି ରିଆରି ଜିରୁସାଲମଟିଏ ଏଗାର କିଲମିଟରଲେହେଁ ହେକ ମାତି ଇମାୟୁ ଇନି ନାୟୁଁତା ହାଜିମାଚେରି । ୧୪ ଅଡେ ହାଜି ହାଜିହଁ ଈ ବାରେ କାତା ଜଲୁକି ଆହିମାଚେରି । ୧୫ ଏଲେକଁ ହେସ୍ପି ଆହଁ ତାମ୍ନୁ ତାମ୍ନୁ ଜଲୁକି ଆହିମାଚାଟି ଜୀସୁ ତାମ୍ନୁ ଏଞ୍ଜାରିତାଣା ଖାହାନା ଏଞ୍ଜାରିତଲେ ହାଚେସି; ୧୬ ସାମା ଏଞ୍ଜାରି ଏଞ୍ଜାଣାଇଁ ମେସ୍ତି ଜିକେଏ ପୁଞ୍ଜାଲି ଆଡାଆଡେରି । ୧୭ ଜୀସୁ ଏଞ୍ଜାରାଇଁ ଖେଚେସି, “ମୀରୁ ହାଜି ହାଜିହଁ ଏନା ଏନାଆଁ ଜଲୁକି ଆହିମାଞ୍ଜେରି ?” ଏମ୍ପାଟିଏ ଏଞ୍ଜାରି ମୁମ୍ପୁଡ଼ି କିହନା ନିତେରି । ୧୮ ଅଡେ ଏଞ୍ଜାରି ବିତ୍ରାଟି ଲେୟାପା ଇନାସି ରଅସି ଏଞ୍ଜାଣାଇଁ ଖେସ୍ତେସି, “ଈ ଖାଡା ବିତ୍ରା ଜିରୁସାଲମତା ଏନା ଏନାୟି ଆଡେ ଏମ୍ପାଆଁ ମାନାରି ବିତ୍ରାଟି ନୀନୁ ରଅତିଏ ପୁଞ୍ଜାହିଲଅତିକି ?”

୧୯ ଏଞ୍ଜାସି ଏଞ୍ଜାରାଇଁ ଖେଚେସି, “ଏନା ଏନାୟି ଆଡେ ?”

ଏଞ୍ଜାରି ଏଞ୍ଜାଣାଇଁ ଖେସ୍ତେରି, “ନାଜରିତ ଜୀସୁତି କାତା; ମାହାପୁରୁ ନକିତା ଅଡେ ବାରେ ଲକ୍ଷୁ ନକିତା ଏ ଜୀସୁ କାମାତା ଅଡେ କାତାତା ର ବାଡ଼ୟୁଗାଟି ମାହାପୁରୁ ଅଣ୍ପପୁତି ବଲୁ ଖେହନାସି ମାଚେସି, ୨୦ ଅଡେ ମା କାଜା ପୁଜେରାଞ୍ଜା ଅଡେ ସାଲୁଞ୍ଜି କିନାରି ଏଞ୍ଜାଣାଇଁ ହାକି ତଣ୍ଡ ହାହାଲି ହେରପାନା ଏଞ୍ଜାଣାଇଁ ପାସି ମୁଣ୍ଡାତା ଏକହାନା ପାୟିତି କାତା । ୨୧ ସାମା ଏଞ୍ଜାସି ଇସାୟେଲ ଲକ୍ଷୁଣି ପିସ୍ପି କିନାସି ଇଞ୍ଜା ମାମ୍ନୁ ଆସା କିହାମାଟି; ସାମା ଈ ବାରେ ଆହାନା ନୀଞ୍ଜୁଟିଏ ତାନିଦିନା ଆହିମାନେ । ୨୨ ଅଡେ ଜିକେଏ ମା ବିତ୍ରାଟି ଏଚରଜାଣା ଇୟାସିକା ମାଞ୍ଜେ ଆତାଜାକା କିହାମାଞ୍ଜାନ୍; ଏଞ୍ଜି ଲାଇସିଏ ମାଡୁହା ମୁହନି ଟାୟୁତା ହାଜାମାଡୁ, ୨୩ ଏମ୍ପାଆଁ ଏଞ୍ଜି ଏଞ୍ଜାଣି ମାଡୁହା ମେହଆନା ଖାହାନା ଖେସ୍ତାଡୁ, ଇଞ୍ଜା ଦୁତୁୟାଁ ତଞ୍ଜାଆହାନା ଖେସ୍ତାଡେରି, ଏଞ୍ଜାସି ନୀତାମାନେସି । ୨୪ ଅଡେ ମା ବିତ୍ରାଟି ଏଚରଜାଣା ମାଡୁହା ମୁହନି ଟାୟୁତା ହାଜାନା ଇୟାସିକା ଖେସ୍ତିଲେହେଁଏ ମେସ୍ତେରି ସାମା ଏଞ୍ଜାଣାଇଁ ମେହଆଡେରି ।”

୨୫ ଏମ୍ପାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆଡେ ବୁଦି ହିଲାଆଗାଟାଚେରି, ଅଡେ ମାହାପୁରୁ ଅଣ୍ପପୁତି ବଲୁ ଖେହନାରି ବାରେ କାତାଟି ନାମାଲି ଆଡାଆଲେହେଁଟି ହିୟାଁ ଗାଟାଚେରି, ୨୬ କ୍ରୀସ୍ତ ଈ ବାରେ କସ୍ତ ବେଟାଆହାନା ତାନି ଗାଧୁରିମିତା ହଡନାୟି ହିଲାଆଡେ କି ?” ୨୭ ମସା ଇଞ୍ଜା ବାରେଜାଣା ମାହାପୁରୁ ଅଣ୍ପପୁତି ବଲୁ ଖେହନାରି ତାଣାଟି ମାଡୁହାନା ଦାମ୍ନୁ ସାସ୍ତେରିତା ତାନି ତାକି ରାସ୍ତକି ଆହାମାନି ବାରେ କାତା ଏଞ୍ଜାସି ଏଞ୍ଜାରାଇଁ ପୁଣ୍ଡାଟି କିଚେସି ।

* ୨୪:୨ ୨୪:୬ ମାତି ୧୬:୨୧; ୧୭:୨୨, ୨୩; ୨୦:୧୮, ୧୯; ମାର୍କ ୮:୩୧; ୯:୩୧; ୧୦:୩୩, ୩୪; ଲୁକ ୯:୨୨; ୧୮:୩୧-୩୩

୨୮ ଏଞ୍ଜରୀ ହାଜିମାଟି ନାହିଁ ତାଗେ ଏଜାଲିଏ ଜୀସୁ ଅଡେ ନକିତା ହାନି ଅଣ୍ଟାପୁ ତପ୍ପେସି । ୨୯ ସାମା ଏଞ୍ଜରୀ ଏଞ୍ଜାଣାଇ ଆଂଗିହ ଏଲେଇଚେରି, “ମା ତଲେ ଡୟାହାଲାମୁ ଏନିଇଚିହ ଆନ୍ଦେରି ଆହିମାନେ, ଷ୍ଟେଡାହାଚେୟିଏ ।” ଏମ୍ବାଟିଏ ଏଞ୍ଜାସି ଏଞ୍ଜାରିତଲେ ଡୟାଲି ଇଲୁ ବିଡ୍ରା ହାଚେସି । ୩୦ ଅଡେ ଏଞ୍ଜାରିତଲେ ରାନ୍ଦା ତିଞ୍ଜାଲି କୁଗିଚି ତାମୁ ଏଞ୍ଜାସି ରୁଚି ଆର୍ସା ମାହାପୁରୁଇଁ ଜହରା କିତେସି, ଇଞ୍ଜା ଡିକହାନା ଏଞ୍ଜାରାକି ହାଚେସି । ୩୧ ଏମ୍ବାଟିଏ ଏଞ୍ଜାରି କାଣକା ଦେପିଆଡୁ ଇଞ୍ଜା ଏଞ୍ଜାରି ଏଞ୍ଜାଣାଇ ପୁଚେରି; ଅଡେ ଏ ଦେବୁଣିଏ ଏଞ୍ଜାସି ଏଞ୍ଜାରି କାଣକାତା ତଞ୍ଜା ଆଆଡେସି । ୩୨ ଏଚେଟିଏ ଏଞ୍ଜାରି ତାମୁ ତାମ୍ବୁ ଏଲେଇଚେରି, “ଏଚିବେଲା ଜିରୁତା ଏଞ୍ଜାସି ମାଙ୍ଗେ ଜିରୁତା କାତାବାର୍ତା ଆହିମାଚେସି ଅଡେ ମାଙ୍ଗେ ଦାମୁ ସାପ୍ପେରି ତେଲ୍‌ହି କିହିମାଞ୍ଜାଚେସି, ଏଚିବେଲା ମା ହିୟା କାଡି ମାଞ୍ଜାଆଚେ କି ?”

୩୩ ଅଡେ ଏଞ୍ଜାରି ଦେବୁଣିଏ ନିଜାମା ଜିରୁସାଲମତା ଷ୍ଟେଣ୍ଡା ହାଜାନା କୁଡା ଆହାମାଇଁ ଏଗାର ଜାଣା ସାମୁୟାଁ ଅଡେ ଏଞ୍ଜାରି ଆଟୁହିତାରାଇଁ ମେସ୍ପେରି; ୩୪ ଏଞ୍ଜାରି ଏଲେଇଞ୍ଜାମାଚେରି, “ପୁବୁ ସାଚେଏ ନିଜାମାନେସି ଅଡେ ସିମନଇଁ ତଞ୍ଜାଆଡେସି ।”

୩୫ ଅଡେ ଏଞ୍ଜାରି ଜିକେଏ ଜିରୁତି ବାରେ କାତା ଅଡେ ରୁଚି ଡିକହାଟିଏ ଏଞ୍ଜାରି ପୁଞ୍ଜାଲି ଆଡିତମି ଇଞ୍ଜା ଏଞ୍ଜାରି ଷ୍ଟେସ୍ପେରି ।

ଜୀସୁ ତାନି ସାମୁୟାଁଇଁ ତଞ୍ଜା ଆନାୟି

(ମାଟି ୨୮:୧୭-୨୦; ମାର୍କ ୧୬:୧୪-୧୮; ଜହ ୨୦:୧୯-୨୩; କାମା ୧:୬-୮)

୩୬ ସାମା ଏଞ୍ଜାରି ଇ ବାରେ କାତା ଜଲୁକି ଆହିମାଚାଟି ଜୀସୁ ଏଞ୍ଜାରି ମାଦି ନିଚାନା ଏଲେଇଚେସି, “ନିଙ୍ଗେ ହିଡଡି ଆୟାପେ ।”

୩୭ ଏମ୍ବାଟିଏ ଏଞ୍ଜାରି ବୁଡୁ ମେସ୍ପମି ଇଞ୍ଜା ଅଣ୍ଟାପାନା ଆଡାଜାକା ଆଡେଚି । ୩୮ ଏଚେଟିଏ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମା ହିୟାତା ଏନାଆଁତାକି ଆଜିମାଞ୍ଜେରି, ଇଞ୍ଜା ମା ହିୟାଁ ଏନାଆଁତାକି ଆନାମାନା ଆହିମାନେ ? ୩୯ ନାନୁଏ ଏଞ୍ଜାଚେଏଁ ନା କେସ୍ମା କତାୟାଁ ମେହ୍‌ଦୁ, ନାଙ୍ଗେ ତୀଗାଦୁ ମୀରୁ ନାଙ୍ଗେ ଡଙ୍ଗା ପେଣକା ମାନାଣି ମେସ୍ପିଲେହେଁ ବୁଡୁକି ହିଲାଉ ।”

୪୦ ଅଡେ ଏଞ୍ଜାସି ଏଲେଇଞ୍ଜାନା ଏଞ୍ଜାରାଇଁ ତାନି କେସ୍ମା କତାୟାଁ ତପ୍ପେସି । ୪୧ ଏଲେଜିକେଏ ଏଞ୍ଜାରି ରାହାଁତାକି ନାମାଲି ଆଡାଆନା ଆନାମାନା ଆହାଁ କାବା ଆହିମାଚାକି ଜୀସୁ ଏଲେଇଚେସି, “ନିଙ୍ଗେ ଇମ୍ବାଆଁ ଏନି ରାନ୍ଦା ମାନେକି ?” ୪୨ ଏମ୍ବାଟିଏ ଏଞ୍ଜାରି ଏଞ୍ଜାଣାଇ ର ଝାସି ମୀରୁ ହାଚେଚି, ୪୩ ଅଡେ ଏଞ୍ଜାସି ଏଦାଆଁ ଆସାନା ଏଞ୍ଜାରି ନକିତା ଡିଚେସି ।

୪୪ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମସାଡି ମେରା ପଡିତା ଇଞ୍ଜା ମାହାପୁରୁ ଅଣ୍ଟାପୁଟି ବଲୁ ଷ୍ଟେହନାରି ପଡିତା ଅଡେ ପାରୁ ପଡିତା ନାଙ୍ଗେତାକି ଏନାୟି ରାସ୍‌କି ଆହାମାନେ, ଏ ବାରେ ସାତା ଆନାୟି ମାନେ, ନାନୁ ମା ତଲେ ମାଚାଟି ଇ ବାରେ ଷ୍ଟେସାମାଞ୍ଜାଚେଏଁ ।”

୪୫ ଏଚେଟିଏ ଏଞ୍ଜାରି ଏନିକ ଦାମୁ ସାପ୍ପେରି ତେଲ୍‌ହାଲି ଆଡିନେରି, ଏଦାଆଁତାକି ଏଞ୍ଜାରି ହିୟାତି ଦାବା ଦେଚେସି; ୪୬ ଅଡେ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏଲେଆହ୍ ରାସ୍‌କି ଆହାମାନେ, କ୍ରୀସ ଦୁକୁ କସ୍ ବେଟା ଆନେସି ଅଡେ ତାନି ଦିନାଟିଏ ହାଡାରି ତାଣାଟି ଷ୍ଟେଣ୍ଡେ ନିଜାମେସି, ୪୭ ଇଞ୍ଜା ଜିରୁସାଲମଟିଏ ମାଟହାନା ବାରେ କୁଡା ତାଣା ଏଞ୍ଜାଣି ଦରୁଚି ପାପୁ ମ୍ପେପକି ଆୟାଲି ମନ୍ ଷ୍ଟେବ୍‌ନି କାତା ଷ୍ଟେକନାୟି ମାନେ । ୪୮ ମୀରୁ ଇ ବାରେତାକି ସାକି ଆଦେରି । ୪୯ ଅଡେ ହେଣ୍ଡୁ ଆବା ଏନାଆଁ ଆଞ୍ଜାମାନେସି ଏଦାଆଁ ନାନୁ ମା ତାଣା ପାଣ୍ଡିମାଞ୍ଜାଇଁ, ସାମା ଲାକପୁରୁଚି ବାଡୁମୁ ପୁଞ୍ଜାଆ ପାଚେକା ମୀରୁ ଇ ଗାଡାଚେଏ ମାଞ୍ଜୁ ।”

ଜୀସୁ ଲାକପୁରୁ ଅଞ୍ଜିଆନାୟି

(ମାର୍କ ୧୬:୧୯,୨୦; କାମା ୧:୯-୧୧)

୫୦ ଏମ୍ବାଟିଏ ଜୀସୁ ଏଞ୍ଜାରାଇଁ ବେତନିୟାଁ ପାଚେକା ଅଡେସି ଇଞ୍ଜା ତାନି କେସ୍ମା ପେବହାନା ଏଞ୍ଜାରାଇଁ ବର ହାଚେସି । ୫୧ ଇଞ୍ଜା ଏଞ୍ଜାରାଇଁ ବର ହାହି ହାହି ଏଞ୍ଜାସି ଏଞ୍ଜାରି ତାଣାଟି ଏଟୁକା ଆହାନା ଲାକପୁରୁ ଅଞ୍ଜିଆଡେସି । ୫୨ ଏଚେଟିଏ ଏଞ୍ଜାରି ଏଞ୍ଜାରାଇଁ ଜହରା କିହାନା ହାରେକା ରାହାଁତଲେ ଜିରୁସାଲମତା ଷ୍ଟେଣ୍ଡା ହାଚେଚି, ୫୩ ଇଞ୍ଜା ଏ ଦିନାଟିଏ କାଲେଏ ମାହାପୁରୁ ଇଲୁତା ମାଞ୍ଜାନା ମାହାପୁରୁଇଁ ଜହରା କିହେମାଚେରି ।

ଯୋହନ ଲିଖିତ ସୁସମାଚାର ଜହନ ରାତାମାନି ନେହଁ କାବୁ ମୂଲୁ ହାଡ଼ା

ଜୀସୁ ଜୀସୁତି ଜୀସୁ ଅଡେ ଇ ଦାରୁତିତା ମାଟି କାତା ଜହନ ରାତାମାନି ନେହଁ କାବୁ; ପୁଣି ମୋରାତି ସାରିଗଟା ନେହଁ କାବୁ ପତିୟାଁ ବିଦ୍ରାଟି ଇଦି ଆହିମାନେ ର ପତି । ଏ ବାରେ ପତିୟାଁଇ ନେହଁ କାବୁ ଇନେରି । ଏ ପତିୟାଁ ଜୀସୁ ଜୀସୁ ହାଡ଼ି ତାମୁ ମାତିମୁ, ମାର୍କ, ଲୁକ ଅଡେ ଜହନ ରାତାମାଚେରି । ପାଣ୍ଡୁଆଡ଼ି ଜହନ ଜୀସୁ ଜୀସୁ ଜୀନାଆଡ଼ି ୯୦ ବାର୍ଯା ତାମୁ ଜହନ ରାତାମାନି ନେହଁ କାବୁ ରାତାମାଚେରି । ଇ ପତିତା ଜହନ ରାଡ଼ିତି କାତା ଖେସା ହିଲାଆତି ଜିକେଏ; ୧ଜହ୨ଜହ ଇଞ୍ଜା ଶଜହ ଆକୁ ସମାନା ମାନୁ । ଜହନ ଏପିସିୟ ଗାଡ଼ାତା ମାଚାକି ଇ ପତି ଏପିସତା ରାସ୍ତିକି ଆହାମାନେ ଇଞ୍ଜିହଁ ଇନେରି ।

ଜୀସୁଇଁ ଜୀସୁ ଜୀସୁତି ମାହାପୁରୁ ମାର୍ବସି ଇଞ୍ଜିହଁ ଲକୁ ଏନିକଁ ନାମିନେରି, ଏଦାଆଁତାକି ଜହନ ଇ ପତି ରାତାମାଚେରି ୨୦:୩୧ । ଇଦାଆଁ ନାମାହାଁ ଏଞ୍ଜାଣି ଦରୁତଲେ ମାର ଜୀସୁ ବେଟାଆନାହି । ଇ ପତି ଜୀସୁତି ଅଡେ ଜୀସୁତିଆଆତି ଲକୁତାକି ରାସ୍ତିକି ଆହାମାଚେ । ଜହନ ରାତାମାନି ନେହଁ କାବୁ ଏ ତାନିଗଟା ନେହଁ କାବୁ କିହାଁ ରଲେ ମାନେ । ଜହନ ଜୀସୁ କିତି କାବାଆନି କାମାୟାଁ ହାରେକା ରାତାମାନେସି ସାମା ପୁଣ୍ଡିକିନି ପୁସପନିକା ହାରେକା ରାତାହିଲଅସି । ଏଟକା ପତିୟାଁଣା ଜୀସୁ ବାପ୍ତିସୁ ଅନାଣି ଅଡେ ଲକୁ ହିଲାଆ ଗାମୁଡା ତାୟିପାରି ଆଡ଼ାଣି ରାସ୍ତିକି ଆହାମାନେ ଏଦାଆଁ ଇ ପତିତା ରାସ୍ତିକି ଆହା ହିଲେଏ ।

ପତିତା ମାନାୟି;

- ୧. ତଲିତି ହାଡ଼ା । ୧:୧-୧୮
- ୨. ବାପ୍ତିସୁ ହାନି ଜହନ ଅଡେ ଜୀସୁତି ମୂଲୁ ସୀସୁୟାଁ । ୧:୧୯-୫୧
- ୩. ଜୀସୁ ସେବା କାମା ମାର୍ଟନାୟି । ୨:୧-୧୨:୫୦
- ୪. ଜିରୁସାଲମ ଅଡେ ଦାରିମାରି ଜୀସୁତି କାମା । ୧୩:୧-୧୯:୪୨
- ୫. ଜୀସୁ ହାକିଟି ଖେଶ୍ଟେ ନିଜିନାୟି ଅଡେ ସୀସୁୟାଁଇଁ ତଞ୍ଜା ଆନାୟି । ୨୦:୧-୩୧
- ୬. ଗାଲିଲିତା ଖେଶ୍ଟେ ତଞ୍ଜା ଆନାୟି । ୨୧:୧-୨୫

ଜୀସୁତି ବଲୁ

୧ ମୂଲୁଏ ବଲୁ ମାଚେ, ବଲୁ ମାହାପୁରୁ ତଲେ ମାଚେ, ଏ ବଲୁଏ ମାହାପୁରୁ ମାଚେସି । ୨ ମୂଲୁଏ ଏ ବଲୁ ମାହାପୁରୁ ତଲେ ମାଚେ । ୩ ଏ ବଲୁ ତଲେ ମାହାପୁରୁ ବାରେ ଗାଡ଼ିକିତେସି; ଅଡେ ଏନାୟି ବାରେ ଗାଡ଼ି ଆହାମାନେ, ଏ ବିଦ୍ରାଟି ରଣ୍ଡି ଜିକେଏ ଏ ବଲୁ ପିସପେ ରାଡ଼ି ଆହା ହିଲେଏ । ୪ ଏ ବଲୁତା ଜୀସୁ ମାଚେ ଅଡେ ଏ ଜୀସୁ ମାଣସିୟାଁତି ଉଜେଡ଼ି । ୫ ଏ ଉଜେଡ଼ି ଆନେରିତା ଡ଼ାଞ୍ଜିହଁ ଖାହିମାନେ, ଇଞ୍ଜା ଆନେରି ଏଦାଆଁ ଏଚେଲା ଜିକେଏ ଅପାହିଲେଏ ।

୬ ମାହାପୁରୁ ତାଣାଟି ତାନି କାବୁ ଖେହନାଶାଈଁ ପାଣ୍ଡାତେସି; ଏଞ୍ଜାଣି ଦରୁ ଜହନ । ୭ ଏଞ୍ଜାସି ଉଜେଡ଼ିତି କାତା ଲକୁଇଁ ଖେସାଲି ଖାଡେସି, ଅଡେ ଏନିକିହଁ ବାରେଜାଣା ଏଞ୍ଜାଣି ତାଣାଟି ନାମିନେରି, ଏଦାଆଁତାକି ଏଞ୍ଜାସି ସାକି ହାହାଲି ଖାଡେସି । ୮ ଏଞ୍ଜାସିଏ ତାନୁଏ ଉଜେଡ଼ି ହିଲାଆତେସି; ସାମା ଏଞ୍ଜାସି ଏ ଉଜେଡ଼ିତି କାତା ଖେସାଲି ଖାଡେସି । ୯ ଏନିନି ସାତା ଉଜେଡ଼ି ବାରେ ଲକୁକି ଉଜେଡ଼ି ହାନେ, ଏଞ୍ଜାସି ଦାରୁତିତା ଖାଡେସି ।

୧୦ ଏଞ୍ଜାସି ଦାରୁତିତା ମାଚେସି ଅଡେ ଏଞ୍ଜାଣି ତାଣାଟି ଦାରୁତି ବାରେ ରାଡ଼ି ଆଡେ, ଆଡ଼ିଜିକେଏ ଇ ଦାରୁତି ଏଞ୍ଜାଣାଇଁ ପୁଞ୍ଜାଲି ଆଡ଼ାଆଡେ । ୧୧ ଏଞ୍ଜାସି ତାନି ରାଡ଼ିତା ଖାଡେସି, ଆଡ଼ିଜିକେଏ ତାନି ଜାହାରା ଲକୁ ଏଞ୍ଜାଣାଇଁ ଆବାଆଡେରି । ୧୨ ଆମ୍ବାଆରି ଏଞ୍ଜାଣାଇଁ ଆବିତେରି ଇଞ୍ଜା ଏଞ୍ଜାଣି ତାଣା ନାମିତେରି; ଏଞ୍ଜାସି ଏଞ୍ଜାଣାଇଁ ମାହାପୁରୁତି ମାର୍କା ମାସ୍କା ଆହାଲି ଅଦିକାରା ହାଡେସି । ୧୩ ମାଣସିତି ତାଞ୍ଜିୟାଁ ତାଣାଟି ଜୀନାଁ ଆଡ଼ାକି ଏଞ୍ଜାରି ମାହାପୁରୁତି ମାର୍କା ଆହାହିଲଅରି, ମାହାପୁରୁ ତାନୁଏ ଏଞ୍ଜାରି ତାଞ୍ଜି ଆଡେସି ।

* ୧:୨ ୧:୬ ମାତି ୩:୧; ମାର୍କ ୧:୪; ଲୁକ ୩:୧,୨

୧୪ ଅଡ଼େ, ଏ ବଲ୍ଲୁ ମାଣସି ଖାଣା ଆଡେ, ମାହାପୁରୁତି କାର୍ମା ଇଞ୍ଜାଁ ସାତା ତଲେ ମା ତାଣା ବାସା କିତେସି, ଅଡ଼େ ଆଡା ତାଣାଟି ଖାହାମାନି ରଣ୍ଡିଏ ମୀରୁଏଣାଟି ଗାଝୁରମି ଲେହେଁ ମାରୁ ଏଝାଣି ଗାଝୁରମି ମେସାୟି ।

୧୫ ଜହନ ଏଝାଣି କାତାତି ସାକି ହାହାନା କାଜା ଗିୟାତଲେ ଏଲେଇରେସି, “ଆମ୍ବାଆସି ନା ତାୟୁ ଖାହିମାନେସି, ଏଝାସି ନା କିହାଁ କାଜାସି, ଏନାଆଁତାକି ଇତିହ~ ଏଝାସି ନାନୁ ଜାର୍ନାଆଡ଼ି ନକେଏ ମାରେସି, ଇଞ୍ଜ~ ଏଝାଣି କାତା ନାନୁ ତଲିଏ ଏଲେଇଞ୍ଜି ଝେସାମାଞ୍ଜାତେଏ, ଏଝାସିଏ ଇଝାସି ।”

୧୬ ଏନାଆଁତାକି ତାନୁ ପୁରା କିନି ତାଣାଟି ମାରୁ ବାରେ ଜାଣାତାୟି ବାରେ ବେଟାଆହାନ, କାର୍ମା ମୁହେଁ କାର୍ମାମେହନାଣି ବେଟାଆହାମାନାୟି । ୧୭ ମାହାପୁରୁ ମସା ତାଣାଟି ମେରା ହିୟାତେସି, ସାମା ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡ଼େ ସାତା ଖାଡେ । ୧୮ ଆମ୍ବାଆସି ଏରେଲା ମାହାପୁରୁଇଁ ମେସାହିଲଅସି, ତାନିତଲେ ମାନି ରଣ୍ଡିଏ ମୀରୁଏସି ଏଝାସି ମାହାପୁରୁ ଆବାଇଁ ପୁଣ୍ଡି କିହାମାଞ୍ଜାନେସି ।

ବାପ୍ତିସ୍ତା* ହାନି ଜହନତି କାରୁ
(ମାତି ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ନାନୁ ଆମ୍ବାଆତି ଇଞ୍ଜ~ ଜହନଇଁ ଝେଞ୍ଜାଲି ଜୀହୁଦିୟାଁ ଏରିବେଲା ଜିରୁୟାଲମଟି କାଜା ପୂଜେରାଞ୍ଜା ଇଞ୍ଜାଁ ଲେବିୟଜାଣି ଜହନ ତାଣା ପାଣ୍ଡିତେରି, ଏଝାସି ଇ କାତା ଝେସ୍ତେସି ।

୨୦ ଜହନ ସାତା କାତା ଝେସ୍ତେସି, ଆଏ ଇଞ୍ଜ~ ଇନାଆଡେସି, ତୀରୁପୁତଲେ ଝେସ୍ତେସି, “ନାନୁ ମସିହା ଆଏ ।”

୨୧ ଏଝାରି ଏଝାଣାଇଁ ଝେରେସି, ଆତିହ~ “ନାନୁ ଆମ୍ବାଆତି ? ନାନୁ ଏନାଆଁ ଏଲିୟତି କି ?”

ଜହନ ଏଲେଇରେସି, “ନାନୁ ଏଲିୟତେଏଁ ଆଏ ।”

ଏଝାରି ଝେରେସି, “ନାନୁ ଏନାଆଁ ମାହାପୁରୁ ଅଣ୍ଡପୁତି ବଲ୍ଲୁ ଝେହନାତି କି ?” ଏଝାସି ଏଲେଇରେସି, “ନାନୁ ଆଏ ।”

୨୨ ଏମ୍ବାଟିଏ ଏଝାରି ଏଝାଣାଇଁ ଏଲେଇରେସି, “ମାଜେ ଝେସ୍ତାମୁ, ମାମୁ ମୁଜେ ପାଣ୍ଡା ମାଞ୍ଜାନାରାଇଁ ଏନି କାତା ଝେହନମି । ନାନୁ ଆମ୍ବାଆତେଏଁ ଇଞ୍ଜ~ ଝେସାକତିମାଞ୍ଜି ?”

୨୩ ଜହନ ଏଲେଇରେସି, “ମାହାପୁରୁ ଅଣ୍ଡପୁତି ବଲ୍ଲୁ ଝେହନି ଜିସାୟ ଏନିକ~ ଜଲ୍ଲାମାରେସି, ‘ନାନୁ ଲକୁ ହିଲାଆ ଗାୟୁତା କାଜା ଗିୟାତଲେ କାଲିଝି ଆହିମାନି ରଅଣି ହାଡାଲେହେଁ ତାତେଏ, ପୁରୁତି ଜିରୁ ସଲକେ କିରୁ ।’”

୨୪ ଅଡ଼େ, ପାରୁସିୟାଁ ବିତ୍ରାଟି ଏଚରଜାଣା ପାଣ୍ଡି ଆହାମାରେରି, ୨୫ ଏଝାରି ଜହନଇଁ ଝେରେସି, “ନାନୁ କ୍ରୀସ୍ତ କି ଏଲିୟ କି ମାହାପୁରୁ ଅଣ୍ଡପୁତି ବଲ୍ଲୁ ଝେହନାତି ଆଏ, ଆତିହ~ ନାନୁ ଏନାଆଁତାକି ବାପ୍ତିସ୍ତାଁ ହାହିମାଞ୍ଜି ?”

୨୬ ଜହନ ଏଝାରାଇଁ ଏଲେଇରେସି, “ନାନୁ ଏୟୁତା ବାପ୍ତିସ୍ତାଁ ହାହିମାଇଁ; ଆମ୍ବାଆରାଇଁ ମୀରୁ ପୁଞ୍ଜାହିଲଅଡେରି, ଏଝାସି ମୀ ବିତ୍ରା ମାନେସି । ୨୭ ଏଝାସି ନା ତାୟୁ ଖାହିମାନେସି, ନାନୁ ଏଝାଣି ସେପୁୟାତି ଡକାଁ ଜିକେଏ ହୁକହାଲି ଜଗେ ଆଏ ।”

୨୮ ଏମିନି ଜର୍ଦନ କାତାତି ଝେଡା ହପୁଝାକିତି ବେତନିୟାଁତା ଜହନ ବାପ୍ତିସ୍ତାଁ ହାହିମାରେସି, ଏ ଗାୟୁତା ଇ ବାରେ ଆହାମାଡେ ।

ମାହାପୁରୁତି ମେଣ୍ଡା ତାଲୁ

୨୯ ଏ ଅର ନେରୁ ଜହନ ଜୀସୁଇଁ ତାନି ଝାକି ଖାହିମାନାଣି ମେସାନା ଏଲେଇରେସି, “ସିନିକିରୁ ମାହାପୁରୁତି ମେଣ୍ଡା ତାଲୁ, ଆମିନିଗାଗାସି ଇ ଦାରୁତିତି ପାପୁ ବାରେ ଡେକା ଅନେସି । ୩୦ ଇଝାସିଏ ଏଝାସି, ଆମ୍ବାଆରି କାତା ନାନୁ ଝେସାମାଞ୍ଜାତେଏ, ‘ର ମାଣସି ନା ତାୟୁ ଖାହିମାନେସି, ସାମା ଏଝାସି ନା କିହାଁ କାଜାସି, ଇଞ୍ଜାଁ ଏଝାସି ନାନୁ ଜାର୍ନାଆଡ଼ି ନକେଏ ମାରେସି ।’ ୩୧ ନାନୁ ଜିକେଏ ଏଝାଣାଇଁ ପୁଞ୍ଜା ହିଲାଆତେଏ, ସାମା ଏଝାସି ଏନିକିହ~ ଇସ୍ରାୟେଲ ଲକୁ ନକିତା ତଞ୍ଜାଆନେସି, ଇଦାଆଁତାକି ନାନୁ ଏୟୁତା ବାପ୍ତିସ୍ତା* ହାହାଲି ଖାହାମାଇଁ ।”

୩୨ ଅଡ଼େ ଜହନ ସାକି ହାହାନା ଝେସ୍ତେସି, “ନାନୁ ସୁଦୁଜୀଝୁ ପାରୁଝା ପଗାଲେହେଁ ଲାକପୁରୁତି ରେରା ଖାହିମାନାଣି ମେସ୍ତେଏ, ଇଞ୍ଜାଁ ଏନି ଏଝାଣିଲାକ କୁରିତେ । ୩୩ ନାନୁ ଜିକେଏ ଏଝାଣାଇଁ ପୁଞ୍ଜା ହିଲାଆତେଏ, ସାମା ଆମ୍ବାଆସି ନାଜେ ଏୟୁତା ବାପ୍ତିସ୍ତାଁ ହାହାଲି ପାଣ୍ଡାମାଞ୍ଜାନେସି, ଏଝାସି ନାଜେ

* ୧:୧୮ ୧:୧୯ ମୁଞ୍ଜିନାୟି † ୧:୨୫ ୧:୨୫ ମୁଞ୍ଜିନାୟି ‡ ୧:୨୭ ୧:୨୭ ମୁଞ୍ଜିନାୟି § ୧:୨୮ ୧:୨୮ ମୁଞ୍ଜିନାୟି * ୧:୩୧ ୧:୩୧ ମୁଞ୍ଜିନାୟି † ୧:୩୩ ୧:୩୩ ମୁଞ୍ଜିନାୟି

ଝେସ୍ତାତେସି, ‘ଆମିନିଗାଗାଣି ଲାକ ସୁଦୁଜାଝୁ ରେଚା ଝାନାଣି ଅଡ଼େ କୁଗିନାଣି ମେହ୍ଦି, ଆମ୍ବାଆସି ସୁଦୁଜାଝୁ ତଲେ ବାପ୍ପିସ୍ତଃ ହାନେସି, ଏଝାସି ଏ ମାଣସି ।’” ୩୪ ଜହନ ଏଲେଇଚେସି, “ନାନୁ ଏନାଆଁ ମେସାମାଜ୍, ଏନାଆଁତାକି ନାନୁ ମିଜା ଝେସିମାଞ୍ଜାଜ୍, ଏଝାସି ମାହାପୁରୁ ମାର୍ବସି ।”

ଜୀସୁତି ମୂଲୁ ସୀସୁ

୩୫ ତାନି ଅର ନେଚୁ ଜହନ ତାନି ରୀ ସୀସୁୟାଁ ତଲେ ନିଚାମାଚେସି; ୩୬ ଏଝାସି ଜୀସୁଜ୍ ଏ ଜିରୁଚି ହାଜିମାନାଣି ମେସାନା ଏଲେଇଚେସି, “ସିନିକିଦୁ ମାହାପୁରୁଚି ମେଣ୍ଡା ତାଲୁ !”

୩୭ ଏ ରୀ ସୀସୁୟାଁ ଏଝାଣି ହାଡ଼ା ଝେଞ୍ଜାନା ଜୀସୁ ଜେଚ ଜେଚ ହାଚେରି । ୩୮ ଜୀସୁ ଝେଣ୍ଡେ ତିରୁଞ୍ଜାନା ଏଝାରାଜ୍ ତାନି ଜେଚ ଜେଚ ହାଜିମାନାଣି ମେସାନା ଝେଚେସି, “ମୀରୁ ଏନାଆଁ ପାରିମାଞ୍ଜେରି ?” ଏଝାରି ଝେଚେରି, “ରାବିର୍ଷି ନୀନୁ ଆମ୍ବିୟା ତୁୟିମାଞ୍ଜି ?”

୩୯ ଜୀସୁ ଏଝାରାଜ୍ ଏଲେଇଚେସି, ଝାଦୁ, ମେହ୍ଦେଦି । ଏମ୍ବାଟିଏ ଏଝାରି ହାଜାନା ତାନି ତୁୟିନି ଟାୟୁ ମେସ୍ତେରି, ଇଞ୍ଜାଁ, ଏ ଦିନା ଏଝାଣିତଲେ ତୁୟିଚେରି; ଏନାଆଁତାକି ଇଚିହ୍ ଏଚିବେଲା ଲାକ୍ଚି ଦସ ଚାଟା ଆହାମାଚେ ।

୪୦ ଜହନତି କାତା ଝେଞ୍ଜାନା ଆମିନି ରିଆରି ଜୀସୁ ଜେଚ ଜେଚ ହାଜାମାଚେରି, ଏଝାରି ବିତ୍ତା ରଅସି ସିମନ ପିତରତି ତାୟି ଆନ୍ଦ୍ରିୟ ମାଚେସି । ୪୧ ଏଝାସି ତଲିଏ ତାନି ତାୟି ସିମନଜ୍ ମେସାନା ଏଲେଇଚେସି, “ମାମ୍ବୁ ମୁସିହାଜ୍* ମେସ୍ତମି ।” ୪୨ ଆନ୍ଦ୍ରିୟ ସିମନଜ୍ ଜୀସୁ ତାଣା ତାଚେସି । ଜୀସୁ ଏଝାଣାଜ୍ ଆଚେ ସିନିକିହାନା ଏଲେଇଚେସି, “ନୀନୁ ଜହନ ମାର୍ବଏଣା ସିମନତି । ନୀନୁ କେପା† ଦରୁଚି ଝେଜ୍ଜିଦି ।”

ଜୀସୁ ପିଲିପ ଅଡ଼େ ନିତନିୟେଲଜ୍ ହାଟିନାୟି

୪୩ ଅର ନେଚୁ ଜୀସୁ ଗାଲିଲିତା ହାଜାଲି ଅଣ୍ଡିଚେସି, ଏଝାସି ପିଲିପଜ୍ ମେସାନା ଏଲେଇଚେସି, “ନା ଜେଚ ଝାମ୍ବୁ !” ୪୪ ପିଲିପ ବେଡ଼ସାୟିଦା ଗାଡ଼ାତାସି ମାଚେସି, ଏଦି ଆନ୍ଦ୍ରିୟ ଇଞ୍ଜାଁ ପିତରତି ଗାଡ଼ା ମାଚେ । ୪୫ ପିଲିପ ନିତନିୟେଲଜ୍ ମେସାନା ଏଝାଣାଜ୍ ଏଲେଇଚେସି, “ଆମ୍ବାଆରି କାତା ମସ୍ତାତି ମେରାତା ରାଚାମାନେରି, ଅଡ଼େ, ମାହାପୁରୁ ଅଣ୍ଡପ୍ତି ବଲୁ ଝେହ୍ନାରି ଜିକେଏ ରାଚାମାନେରି, ମାମ୍ବୁ ଏଝାଣାଜ୍ ବେଗାଆହାମାନମି । ଏଝାସି ଜସେପ ମାର୍ବସି ନାଜ୍ଚିରତି ଜୀସୁ ।”

୪୬ ନିତନିୟେଲ ଏଝାଣାଜ୍ ଝେଚେସି, “ନାଜ୍ଚିରତିତା କି ଏନି ନେହ୍ କାମା ଆହିମାଚେ ?”

ପିଲିପ ଏଲେଇଚେସି, “ଝାହାନା ସିନିକମ୍ବୁ ।”

୪୭ ଜୀସୁ ନିତନିୟେଲଜ୍ ତାନି ତାଣା ଝାହିମାନାଣି ମେସାନା ଜୀସୁ ଏଝାଣି କାତା ଝେସ୍ତେସି, “ମେହ୍ଦୁ ଇଝାସି ସୀତା ତଲେ ଇସ୍ତାୟେଲତି ଲକ୍ତ; ଇଝାଣି ତାଣା ଏନାୟି ନାଡ଼ିକିନି ରୁଦି ହିଲେଏ !”

୪୮ ନିତନିୟେଲ ଜୀସୁଜ୍ ଝେଚେସି, “ନୀନୁ ନାଜେ ଏନିକିହ୍ ପୁଞ୍ଜାତି ?”

ଜୀସୁ ଏଲେଇଚେସି, “ପିଲିପ ନିଜେ ହାଟାତି ନକେଏ ନୀନୁ ତୟା ମାରୁନୁ ତୁଇ ମାଚି, ଏଚେତା ନାନୁ ନିଜା ମେସାମାଞ୍ଜାଚେଏ ।”

୪୯ ନିତନିୟେଲ ଏଲେଇଚେସି, “ଏ ଗୁରୁ ନୀନୁ ମାହାପୁରୁ ମାର୍ବଏଣାତି ! ନୀନୁଏ ଇସ୍ତାୟେଲ ରାଜାତି ।”

୫୦ ଜୀସୁ ଏଲେଇଚେସି, “ନାନୁ ନିଜେ ତୟା ମାରୁନୁ ତୁଇ ମେସ୍ତାଚେଏଁ ଇଞ୍ଜାଁ ଝେସାଲିଏ ନୀନୁ ନାମିମାଞ୍ଜି ?” ନୀନୁ ଇଦାଆଁ କିହାଁ ହାଚେକା କାଜା କାମାୟାଁ ମେହ୍ଦି । ୫୧ ଜୀସୁ ନିତନିୟେଲଜ୍ ଏଲେଇଚେସି, “ନାନୁ ନିଜେ ସୀତା ଝେସିମାଞ୍ଜାଜ୍ ନୀନୁ ଲାକପୁରୁ ଦେପିଆହାମାନାଣି ଇଞ୍ଜାଁ ମାଣସି ମାର୍ବଏଣା ତାଣା ମାହାପୁରୁଚି ଦୁରୁୟାଁ ଲାକ ହାଜିମାନାଣି ଅଡ଼େ ତୁଇ ଝାହିମାନାଣି ମେହ୍ଦି ।”

9

କାନା ଗାଡ଼ାତି ବୀହା ବଜିତା ଜୀସୁ

୧ ତାନି ଦିନା ଜେଚ ଗାଲିଲିତି କାନା ଗାଡ଼ାତା ର ବୀହା ମାଚେ, ଜୀସୁ ତାନି ଇୟା ମରିୟମ ଜିକେଏ ଏମ୍ବାଆଁ ମାଚେ; ୨ ଜୀସୁ ଜିକେଏ ତାନି ସୀସୁୟାଁ ତଲେ ବୀହାତା ହାଜାଲି ହାଟ୍ଚି ଆହାମାଚେସି । ୩ ଏଚିବେଲା ଅଜ୍ଜୁରି ରାସା ରାହାହାଚୁ, ଜୀସୁଜ୍ ତାନି ଇୟା ଏଲେଇଚେ, “ଏଝାରି ଅଜ୍ଜୁରି ରାସା ରାହାହାଚୁ ।”

‡ ୧:୩୩ ୧:୩୩ ମୁଞ୍ଜିନାୟି § ୧:୩୮ ୧:୩୮ ଗୁରୁ * ୧:୪୧ ୧:୪୧ ମସିହାତି ଇଚିହ୍ କ୍ରୀସୁ † ୧:୪୨ ୧:୪୨ କେପା ଇଚିହ୍ ପିଚର

୪ ଏମ୍ବାଟିଏ ଜୀସୁ ତାମି ଇୟାନି ଏଲେଇରେସି, “ଇୟା, ନୀନୁ ନାଜେ ଏନାଆଁ କିନାୟିମାନେ ଏନାଆଁକି ଖେସିମାଞ୍ଜାଦି ? ନା କାଲ୍ଲା ନୀଏଁ ପାତେକା ଖାହାହିଲେଏ ।”

୫ ଜୀସୁ ତାମି ଇୟା କାମା କିନାରାଇଁ ଏଲେଇରେ, “ଏଝାସି ମିଜେ ଏନାଆଁ ଖେସ୍ତାନେସି ଏଲେକିହିଁଏ କିଦୁ ।”

୬ ଅଡେ, ଏମ୍ବାଆଁ ଜୀହୁଦିୟାଁ ସୁଦୁ କିହାଲି ନରୁନି ମେରାତାକି ସ ଗଟା କାଜା ଖାଲକାତି ଏନୁ ଗୁନାୟାଁ ମାରୁ । ୭ ଜୀସୁ ହଲିୟାଙ୍ଗାଣି ଏଲେଇରେସି, “ଇ ଗୁନାୟାଁଣା ଏନୁ ନେଞ୍ଜିକିଦୁ ।” ଏଝାରି ଏମ୍ବାଆଁ ନେଞ୍ଜିକିତେରି । ୮ ଜୀସୁ ଏଝାରାଇଁ ଏଲେଇରେସି, “ଇମ୍ବାଟି ଇଚରା ଅହାନା ବକ୍ତିତ ଗୁମ୍ବୁସ୍ତାକି ହୀଦୁ ।” ଏମ୍ବାଟିଏ ଏଝାରି ଅଡେରି । ୯ ବକ୍ତିତ ଗୁମ୍ବୁସ୍ତା ଅଙ୍ଗୁରି ରାସା ଆହାମାନି ଏ ଏନୁତି ଖାଣ୍ଡାହାଁ ଏଝି ଏମ୍ବିଟି ତାପିଆଡୁ, ପୁଞ୍ଜା ହିଲ୍ଲାଆତେସି । ସାମା ଏ ହଲିୟାଙ୍ଗା ଏନୁ ଖାକହା ମାଟାରି ପୁଞ୍ଜାମାତେରି ଏଦାଆଁତାକି ହନେଏଣାଇଁ ହାଟାହାଁ ଏଲେଇରେସି । ୧୦ ବାରେଜାଣା ତଲିଏ ନେହିଁ ଅଙ୍ଗୁରି ରାସା ହୀନେରି ଅଡେ ଏମ୍ବାଆଁ ଖାହାଡୁୟିନି ଲକୁ ହଠିସାରେ ତାୟୁ ଲାଗେଏତି ଅଙ୍ଗୁରି ରାସା ହୀନେରି; ସାମା ମୀରୁ ବାରେ ନେହିଁ ଅଙ୍ଗୁରି ରାସା ନୀଏଁ ପାତେକା ଇଟାମାଞ୍ଜେରି ।

୧୧ ଜୀସୁ ଇଲେକିଁ ଗାଲିଲିତି କାନା ଗାଡ଼ାତା କାବାଆନି କାମା ମାଟୁହାନା ତାନି ଗାଝୁରମି ତସ୍ତେସି, ଅଡେ ସୀସୁୟାଁ ଏଝାଣି ତାଣା ନାମିତେରି ।

୧୨ ଏଦାଆଁ ତାୟୁ ଜୀସୁ ତାମି ଇୟା, ତାୟିୟାଁ ଅଡେ ସୀସୁୟାଁ ତଲେ କପରନାହୁମତା ହାଚେରି; ଇଞ୍ଜା ଏମ୍ବାଆଁ ହାରେକା ଦିନା ତୁୟାଆତେରି ।

ଜୀସୁ ଜିରୁସାଲମତା ହାନାୟି

(ମାତି ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ଏତିବେଲ୍ଲାତା ଜୀହୁଦିଙ୍ଗା ପିସିଆନି ପାରୁ ତାଗେ ଆହାମାତେ, ଅଡେ ଜୀସୁ ଜିରୁସାଲମତା ହାଚେସି । ୧୪ ଏମ୍ବାଆଁ ଜୀସୁ ମେସ୍ତେସି, ମାହାପୁରୁ ଇଲୁ ବିତ୍ତା ଲକୁ କଡ଼ିୟାଁ ମେଣ୍ଡାୟାଁ ଅଡେ ପଟାୟାଁ ବେବାରା କିନାରି ଅଡେ ତାବୁୟାଁ ବେବାରା କିନାରି କୁଗାମାତେରି; ୧୫ ଏମ୍ବାଟିଏ ଜୀସୁ ତୁରିତି ସାଟୁଣି କେପାନା କଡ଼ିୟାଁ, ମେଣ୍ଡାୟାଁ ମାହାପୁରୁ ଇଲୁଟି ପାଙ୍ଗାତା ପେରୁହା ପାଣ୍ଡାନା ଟାକାୟାଁ ବେବାରା ଗାଟାରି କୁଚିୟାଁ ତିରିମ୍ବୁପହାନା ଟାକାୟାଁ ବାରେ ତାଞ୍ଜିତେସି । ୧୬ ପଟାୟାଁ ବେବାରା ଗାଟାରାଇଁ ଏଲେଇରେସି, “ଇ ବାରେତି ଇମ୍ବାଟି ଅହାଡୁହୁଦୁ, ନା ଆବା ଇଲୁଟି ବେବାରା ଇଲୁ କିଆଦୁ ।” ୧୭ ଇଦାଆଁ ମେସାନା ସାସ୍ତେରିତା ରାସ୍ତକି ଆହାମାନି ର କାତା ସୀସୁୟାଁ ମନତା ଖାଡେ, “ନୀ ଇଲୁତାକି ନା ରାହାଁ ନାଜେ ହାରେକା ନାସା କିୟାନେ ।”

୧୮ ଜୀହୁଦିୟାଁ ଜୀସୁଇଁ ଖେଚେରି, “ନୀନୁ ଇ ବାରେ କାମା କିହାଲିତାକି ଅଦିକାରା ବେଟାଆହାମାଞ୍ଜି, ଏମ୍ବାଟି ସିନା ମାଜେ ଏନାଆଁ ତସିମାଞ୍ଜାଦି ?”

୧୯ ଏଜୀସୁ ଏଲେଇରେସି, “ଇ ଦେଝୁଡ଼ିତି ନାସା କିଦୁ, ଅଡେ ତାନି ଦିନାଟିଏ ନାନୁ ଏଦାଆଁ ଖେଣ୍ଡେ କେପିଇଁ ।”

୨୦ ଏଚେଟିଏ ଜୀହୁଦି ଲକୁ ଏଲେଇରେରି, “ଏନାଆଁ ତାନିଦିନା ବିତ୍ତା ନୀନୁ ଇଦାଆଁ କେପାଲି ଆଡ଼ିଦି ? ଇ ଦେଝୁଡ଼ି କିହାଲିତାକି ରା କଡ଼ି ସ ରାସାଁ ଆହାମାନେ ।”

୨୧ ସାମା ଜୀସୁ ଜାହାରା ଆଙ୍ଗା ଲେହେତି ଦେଝୁଡ଼ିତି ତସାନା ଇଦାଆଁ ଖେସାମାଚେସି । ୨୨ ଇଦାଆଁତାକି ଜୀସୁ ହାହାନା ନିଙ୍ଗାଲିଏ ତାନି ସୀସୁୟାଁ ଜୀସୁ ଇ କାତା ଖେସାମାଚେସି ଇଞ୍ଜି ଅଣପିତେରି; ଅଡେ ଦାମ୍ବୁ ସାସ୍ତେରି ଅଡେ ଜୀସୁ ଖେସାମାଟି କାତାକି ନାମିତେରି ।

ଜୀସୁ ଲକୁତି ଗୁଣ୍ଡୁ ପୁନାସି

୨୩ ପିସିଆନି ପାରୁ ଆହିମାଟି ବେଲ୍ଲାତା ଜିରୁସାଲମତା ଜୀସୁ ମାଟାଟି ହାରେକା ତାନି କାବାଆନି କାମା ମେସାନା ତାନି ଦରୁତା ହାରେକା ଜାଣା ନାମିତେରି । ୨୪ ସାମା ଜୀସୁ ଏ ଲକୁଣି ନାମାଆନା ଏଝାରି ତାଣାଟି ଏଟକା ତୁୟିତେସି, ଏନାଆଁତାକି ଇଚିହିଁ ଏଝାରାଇଁ ନେହିଁକିଁ ପୁଞ୍ଜାମାଚେସି । ୨୫ ଅଡେ ଆମ୍ବାଆସି ମାଣସି କାତା ସାକି ହୀନେସି, ଇଦି ଏଝାଣାକି ଲଡ଼ା ହିଲ୍ଲାଆତେ, ଇଚିହିଁ ମାଣସି ବିତ୍ତା ଏନାୟି ମାନେ ଏଝାସି ତାନୁଏ ପୁଞ୍ଜାଲି ଆଡ଼ିମାଚେସି ।

* ୨:୧୨ ୨:୧୨ ମାତି ୪:୧୩ * ୨:୧୯ ୨:୧୯ ମାତି ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯

୩

ଜୀସୁ ଅଡ଼େ ନିକଦିମ

୧ ପାରୁସିୟା ଗଚିଟି ନିକଦିମ ଇଞ୍ଜିଁ ର ମାଣସି ମାରେସି, ଏଝାସି ଜୀହୁଦି ଲକ୍ଷୁଣି ସାଲୁଞ୍ଜି କିନାସି ମାରେସି । ୨ ଏଝାସି ଲାଆଁ ବେଲାତା ଜୀସୁ ତାଣା ଖାହାନା ଏଲେଇଚେସି, “ଏ ରାବି, * ମାମ୍ବୁ ପୁଞ୍ଜାମାନମି ନୀନୁ ମାହାପୁରୁ ପାଣ୍ଡାମାଞ୍ଜାନି ଗୁରୁ । ନୀନୁ ଆମିନି ବାରେ କାବାଆନି କାମା କିହିମାଞ୍ଜି, ମାହାପୁରୁ ସାୟେମି ହିଲାଆସାରେ ଏଦାଆଁ ଆମ୍ବାଆରି କିହାଲି ଆଡ଼ଅରି ।”

୩ ଜୀସୁ ଏଝାଣାଇଁ ଏଲେଇଚେସି, ସାତା ସାତା ନାନୁ ନିଙ୍ଗ ଝେସିମାଞ୍ଜାଇଁ, ଅଡ଼େ ଝେଣ୍ଡେ ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜି ମେସାଲି ଆଡ଼ଅସି ।

୪ ନିକଦିମ ଏଝାଣାଇଁ ଝେଚେସି, “ବୁଡ଼ହା ଆଡ଼ିସାରେ ମାଣସି ଅଡ଼େ ଝେଣ୍ଡେ ଏନିକିଁ ଜାର୍ନା ଆହାଲି ଆଡ଼ିନେସି ? ତାଲିନି ବାଣ୍ଡିତା ହଡ଼ାନା ଏଝାସି ଝେଣ୍ଡେ ଜାର୍ନା ଆହାଲି ଆଡ଼ିନେସି ?”

୫ ଜୀସୁ ଏଲେଇଚେସି; “ସାତା ସାତା ନାନୁ ନିଙ୍ଗ ଝେସିମାଞ୍ଜାଇଁ” ଏୟୁ ଅଡ଼େ ସୁଦୁଜୀଝୁଟି ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜିତା ହଡ଼ାଲି ଆଡ଼ଅସି । ୬ ଆଜ୍ଞାଟି ଏନାୟି ଜାର୍ନା, ଏଡ଼ି ଆଜ୍ଞା; ଅଡ଼େ ସୁଦୁଜୀଝୁଟି ଏନାୟି ଜାର୍ନା ଆନେ, ଏଡ଼ି ସୁଦୁଜୀଝୁ । ୭ ନିଙ୍ଗେ ଝେଣ୍ଡେ ଜାର୍ନା ଆନାୟି ଲଡ଼ାମାନେ ଇଞ୍ଜିଁ ନାନୁ ନିଙ୍ଗ ଝେସାଡ଼େସି, ଏଦାଆଁତାକି କାବା ଆଆନି । ୮ ଗାଲି ଆମ୍ବିୟାଞ୍ଜାକି ମନ କିନେ, ଏତାଲା ଞ୍ଜାକି ହନେ, ଅଡ଼େ ନାନୁ ଞ୍ଜାବର ଏଦାନି ହାଡ଼ା ଝେଞ୍ଜାଲି ଆଡ଼ିଦି, ସାମା ଏଡ଼ି ଏମିନି ତାଣାଟି ଞ୍ଜାନେ ଅଡ଼େ, ଏମ୍ବିୟା ହାନେ, ଏଦାଆଁ ପୁନଅଡ଼ି; ସୁଦୁଜୀଝୁଟି ଜାର୍ନା ଆହାମାନି ବାରେଜାଣା ଏଲେକିହିଁ ଏ ।

୯ ନିକଦିମ ଏଝାଣାଇଁ ଏଲେଇଚେସି, “ଏଡ଼ି ଏନିକିଁ ଆହାଲି ଆଡ଼ିନେ ?”

୧୦ ଜୀସୁ ଏଝାଣାଇଁ ଏଲେଇଚେସି; “ନୀନୁ ଇସ୍ରାୟେଲତି ଗୁରୁ ଆହାନା ଜିକେଏ, ଇ ବାରେ ତେଲୁହି ହିଲଅଡ଼ି କି ? ୧୧ ନାନୁ ନିଙ୍ଗ ସାତା ଝେସିମାଞ୍ଜାଇଁ, ନାନୁ ଏନାଆଁ ପୁଞ୍ଜାମାଇଁ, ଏଦାନି କାତା ଝେସିମାଞ୍ଜାଇଁ, ଏନାଆଁ ମେସାମାଇଁ, ଅଡ଼େ ନାନୁ ନା କାତା ନାମିହିଲଅଡ଼ି । ୧୨ ନାନୁ ଦାରୁଡ଼ି କାତାଟି ଝେସାସାରେ ନାନୁ ନାମଅଡ଼ି, ଆଡ଼ିହିଁ ଲାକପୁରୁଟି ହାଡ଼ା ଝେସାସାରେ ଏନିକିଁ ନାମିଦି ? ୧୩ ଆମିନି ମାଣସି ମୀରୁଏସି ଲାକପୁରୁଟି ରେତା ଞ୍ଜାଡ଼େସି, ଏଝାଣି ପିସପେ ଅଡ଼େ ଆମ୍ବାଆସି ଲାକପୁରୁ ହାଜାହିଲଅସି ।”

୧୪ ଅଡ଼େ, ମସା ଏନିକିଁ ଲକ୍ଷୁ ହିଲାଆ ଟାମୁଡ଼ା ପିତାଡ଼ା ରାବୁଡ଼ି ଲାକ ପେରୁହା ମାରେସି, ମାଣସି ମୀରୁଏସି ଜିକେଏ ଏଲେକିହିଁ ଏ ଲାକ ପେରୁଞ୍ଜି ଆନେସି । ୧୫ ଏନିକିହିଁ ଆମ୍ବାଆସି ତାନି ତାଣା ନାମିନେସି, ଏଝାସି କାଲାକାଲାଟି ଜୀଝୁ ବେଗା ଆନେସି । ୧୬ ଇଡ଼ିହିଁ ମାହାପୁରୁ ଦାରୁଡ଼ିଟି ଏଚେକା ଜୀଝୁ ନଡ଼େସି, ଏଝାସି ତାନି ରଣ୍ଡିଏ ମୀରୁଏଣାଇଁ ଦାନା ହାଡ଼େସି, ଏନିକିହିଁ ଏଝାଣି ତାଣା ନାମିନାସି ନାସା ଆଆନା କାଲାକାଲାଟି ଜୀଝୁ ବେଗା ଆନେସି । ୧୭ ଇଡ଼ିହିଁ ଦାରୁଡ଼ିତା ନୀହାୟି କିହାଲିତାକି ମାହାପୁରୁ ତାନି ମୀରୁଏଣାଇଁ ଦାରୁଡ଼ିତା ପାଣ୍ଡାଆନା, ଦାରୁଡ଼ି ଏନିକିଁ ତାନିତାଣାଟି ଗେଲପିଆନେ, ଏଦାଆଁତାକି ତାନି ମୀରୁଏଣାଇଁ ପାଣ୍ଡାଚେସି ।

୧୮ ଆମ୍ବାଆସି ତାନି ତାଣା ନାମିନେସି, ଏଝାସି ନୀହାୟି କିଞ୍ଜି ଆଅସି ଆମ୍ବାଆସି ନାମଅସି, ଏଝାସି ନୀହାୟି କିଞ୍ଜି ଆଡ଼େସିଏ, ଏନାଆଁତାକି ଇଡ଼ିହିଁ ମାହାପୁରୁଟି ରଣ୍ଡିଏ ମୀରୁଏଣା ଦରୁଡ଼ି ନାମାହିଲଅସି । ୧୯ ଅଡ଼େ ଏ ନୀହାୟି ଇଦି, ଇ ଦାରୁଡ଼ିତା ଉଜେଡ଼ି ତଞ୍ଜା ଆହାମାନେ, ଅଡ଼େ ଲକ୍ଷୁ ଉଜେଡ଼ି ପିସାମା ଆନ୍ଦେରିଡ଼ି ଜୀଝୁ ନଡ଼େସି, ଏଦାଆଁତାକି ଏଝାରି ବାରେ କାମା ଲାଗେଏତାୟି । ୨୦ ଇଡ଼ିହିଁ ଆମ୍ବାଆରି ଲାଗେଏଡ଼ି କାମାକିନାରି, ଉଜେଡ଼ିଟି ଅପଅରି, ଅଡ଼େ ଏଚେଡ଼ା ତାନି ପାପୁ କାମା ତଞ୍ଜାଆନେ, ଏଦାଆଁତାକି ଉଜେଡ଼ିତା ଞ୍ଜାଅରି । ୨୧ ସାମା ଆମ୍ବାଆରି ସାତା କାମା କିନେରି, ଏଝାରି ଉଜେଡ଼ିତା ଞ୍ଜାନେରି, ଏନିକିଁ ତାନି କାମା ବାରେ ମାହାପୁରୁ ତାଣାଟି ତାନି ଆଡ଼ାୟି ଇଞ୍ଜିଁ ତଞ୍ଜାଆନେ ।

ଜୀସୁ ଅଡ଼େ ଜହନ

୨୨ ଇଦାଆଁ ତାମୁ ଜୀସୁ ଅଡ଼େ ତାନି ସାପୁୟାଁ ଜୀହୁଦା ରାଜିତା ହାଚେରି, ଅଡ଼େ ଏଝାସି ଏ ଟାମୁଡ଼ା ଡ଼ୟାନା ବାପ୍ତିସ୍ମା ହାହାଲି ମାଡ଼ହେସି । ୨୩ ଜହନ ଜିକେଏ ସାଲମତି ତାଗେ ଏନନ୍ତା ବାପ୍ତିସ୍ମା ହାହିମାଚେସି, ଇଡ଼ିହିଁ ଏମ୍ବାଆଁ ଗାଡ଼ି ଏୟୁ ମାଡ଼ୁ, ଅଡ଼େ ଲକ୍ଷୁ ଞ୍ଜାହାନା ବାପ୍ତିସ୍ମା ଅହିମାଚେରି । ୨୪ ଏଚିବେଲା ପାତେକା ଜହନ କାୟିଦିତା ହାଜାହିଲାଆଚେସି ।

* ୩:୨ ୩:୨ ଗୁରୁ † ୩:୨୨ ୩:୨୨ ମୁଞ୍ଜିନାୟି ‡ ୩:୨୩ ୩:୨୩ ମୁଞ୍ଜିନାୟି

୨୫ ଏମ୍ବାଟିଏ ଜହନତି ଏଚରଜାଣା ସାମୁୟାଁ ର ଜୀହୁଦି ତଲେ ମୋରାତାକି ନରୁନି କାତାତାକି ବାଦିବାଦା ଆଡେଚରି । ୨୬ ଏଝାରି ଜହନଇଁ ଏଲେଇଚେରି, “ଗୁରୁ ଆମ୍ବାଆସି ଜର୍ଦନ କାତାତି ଅରଝାକି ନୀ ତଲେ ମାଚେସି, ଆମ୍ବାଆରି କାତା ନୀନୁ ସାକି ହାହାମାଞ୍ଜାତି, ମେହ୍ମୁ ଏଝାସି ବାପ୍ତିସ୍ମାଁ ହାହିମାନେସି ଅଡେ ବାରେଜାଣା ଏଝାଣି ତାଣା ହାଜିମାନେରି ।”

୨୭ ଜହନ ଏଲେଇଚେସି, “ଲାକପୁରୁଟି ମାହାପୁରୁ ହାଆସାରେ ମାଣସି ଏନାଆଁ ମେଡାଆହାଲି ଆଡୁଅସି । ୨୮ ନାନୁ କ୍ରୀସ୍ତୁଚେସି ଆଏ, ସାମା ଏଝାଣି ନକିତା ପାଣ୍ଡୁଝି ଆହାମାଇଁ, ଈ କାତା ନାନୁ ମିଜେ ଝେସାମାଞ୍ଜାଚେସି ଇଞ୍ଜି ମୀରୁ ନା ସାକି । ୨୯ ମାଜ୍ଜାନି ଅନାସି, ଏଝାସି ହନେଏସି, ସାମା ହନେଏଣି ଏମିନି ତଡୁ ନିଚାନା ତାନି ହାଡା ଝେନେସି, ଏଝାସି ହନେଏଣି ହାଡା ଝେଞ୍ଜାନା ହାଡେରକା ରାହାଁ ଆନେସି । ଏଲେକିହଁ ଏ ନା ରାହାଁ ଜିକେଏ ପୁରା ଆଡେ । ୩୦ ସାଚେଏ ଏଝାସି କାଜାସି ଆନାୟି ମାନେ, ଅଡେ ନାଜେ ଉଶା ଆନାୟି ମାନେ ।”

ଲାକପୁରୁଟି ଖାନସି

୩୧ ଆମ୍ବାଆସି ଲାକପୁରୁଟି ଖାନେସି, ଏଝାସି ବାରେକିହାଁ କାଜାସି, ଆମ୍ବାଆସି ଦାରୁତି ଜାର୍ନା ଆନେସି, ଏଝାସି ଦାରୁତି କାତା ଝେହ୍ନେସି; ଆମ୍ବାଆସି ଲାକପୁରୁଟି ଖାନେସି ଏଝାସି ବାରେଜାଣା କିହାଁ କାଜାସି । ୩୨ ଏଝାସି ଏନାଆଁ ମେସାମାନେସି ଅଡେ ଏନାଆଁ ଝେଞ୍ଜାମାନେସି, ଏନାଆଁ ଏଝାସି ସାକି ହାହିମାନେସି, ସାମା ଆମ୍ବାଆସି ତାନି ହାଡାତି ଅପଅସି । ୩୩ ଇଞ୍ଜା ଆମ୍ବାଆସି ତାନି କାତାତି ଅପିନେସି, ଏଝାସି ମାହାପୁରୁ ସାତା ଇଞ୍ଜି ଏ କାତାତି ଆବା ମାନେସି । ୩୪ ସାମା ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାଚେସି, ଏଝାସି ମାହାପୁରୁ ବଲୁ ଝେହ୍ନେସି, ଏଝାଣାକି ମାହାପୁରୁ ସୁଦୁଜୀଝୁ ହାନେସି । ୩୫ ଆବା ମୀରୁଏଣାଇଁ ଜୀଝୁ ନନେସି, ଅଡେ ବାରେ ତାନି କେୟୁତା ହେରପା ମାନେସି । ୩୬ ଆମ୍ବାଆସି ମୀରୁଏଣାଇଁ ନାମିନେସି, ଏଝାସି କାଲାକାଲାତି ଜୀଝୁ ବେଟାଆହାମାନେସି, ସାମା ଆମ୍ବାଆସି ମୀରୁଏଣାଇଁ ଅପଅସି, ଏଝାସି ଜୀଝୁ ଜିକେଏ ମେହଅସି, ସାମା ଏଝାସି ମାହାପୁରୁଟି ତଣ୍ଡା ତୟିନେସି ।



ଜୀସୁ ଅଡେ ସମିରଣ ଇୟା

୧ ପାରୁସିୟାଁ ଝେଚେରି, ଜୀସୁ ଜହନ କିହାଁ ଗାତି ସାମୁୟାଁ କିହିମାନେସି ଅଡେ ବାପ୍ତିସ୍ମାଁ ହାହିମାନେସି । ୨ ଜୀସୁ ତାନୁ ବାପ୍ତିସ୍ମାଁ ହାହିଲିଆଚେସି, ସାମା ତାନି ସାମୁୟାଁ ବାପ୍ତିସ୍ମାଁ ହାହିମାନେଚେରି, ଈ କାତା ପାରୁସିୟାଁ ଝେଞ୍ଜାମାନେରି ଇଞ୍ଜି ପୁରୁ ଏଚେଡା ପୁଚେସି । ୩ ଏଚେଡା ଜୀହୁଦା ଦେସା ପିସାମା ଅଡେ ଝେଣ୍ଡେ ଗାଲିଲିତା ହାଚେରି । ୪ ସାମା ତାଜେ ସମିରଣ ଜିରୁଟି ହାଜାଲି ଲାଗିଚେ ।

୫ ଅଡେ ଏଝାସି ହାଜାନା ଜାକୁବ ତାନି ମୀରୁଏସି ଜସେପକି ଏମିନି ବୁମି ହାହାମାନେସି ଏ ତାଗେ ସମିରଣତି ସୁକାର ଦରୁଗାଟି ର ନାୟୁତା ଏଗାହାଚେସି । ୬ ଏ ଟାୟୁତା ଜାକୁବତି କୁହି ମାଚେ, ଇଞ୍ଜା ଜୀସୁ ଝାହାହାଜାମାଚାକି ଏ କୁହି ତାଗେ କୁରିଚେସି । ଏଚେଡା ମାଦେନା ଆହାମାଚେ ।

୭ ଅଡେ ର ସମିରଣ ଇୟା ଏୟୁ ଅହାଲି ଝାଡେ । ଜୀସୁ ଏଦାନି ଏଲେଇଚେସି “ନାଜେ ଏୟୁ ଗସାଲି ହିୟାମୁ ।” ୮ ତାନି ସାମୁୟାଁ କାଦି କଡାଲି ଗାଡାତା ହାଜାମାଚେରି ।

୯ ଏମ୍ବାଟିଏ ସମିରଣ ଇୟା ଜୀସୁଇଁ ଏଲେଇଚେ, “ନାନୁ ର ଜୀହୁଦି ଲକୁ ଆହାଁ, ନାନୁ ସମିରଣ ଆୟାଚେସି, ଏନିକଁ ନା କେୟୁଟି ଏୟୁ ଗସାଲି ରାସି ମାଞ୍ଜାଦି ?” ଏନିକିଚିହଁ ଜୀହୁଦିୟାଁ ତଲେ ସମିରଣ ଲକୁଟି ଲେସିନାୟି ହିଲେଏ ।

୧୦ ଜୀସୁ ଏଦାନି ଏଲେଇଚେସି, “ମାହାପୁରୁଟି ଦାନା ଅଡେ ନାଜେ ଗସାଲି ହିୟାମୁ ଇଞ୍ଜି ଆମ୍ବାଆସି ନିଜେ ଏଲେଇଞ୍ଜିମାଞ୍ଜାଚେସି, ଏଝାସି ଆମ୍ବାଆସି, ଇଦାଆଁ ନାନୁ ପୁଚିହଁମା, ନାନୁ ଏଝାଣାଇଁ ରାସିମା, ଅଡେ ଏଝାସି ନିଜେ ଜୀଝୁଟି ଏୟୁ ହିୟାଚେସିମା ।”

୧୧ ଏ ଆୟାଟି ଏଲେଇଚେ, “ଗୁରୁ ନୀ ତାଣା ଏୟୁ କଡାଲି ତାକି ନକି ହିଲେଏ, ଅଡେ ଈ କୁହି କୁଡ଼ହାମାନେ; ଆତିହଁ ନାନୁ ଏମିଟି ଏ ଜୀଝୁଗାଟି ଏୟୁ ବେଟାଆହାମାଞ୍ଜି ? ୧୨ ମା ଆକୁୟାଁତି ଆବା ଜାକୁବ ଈ କୁହି ମାଜେ ହାହାମାଞ୍ଜାଚେସି, ଅଡେ, ତାନି ମୀରୁକା ଅଡେ ତାନି କଡି ଗରି ଇମ୍ବାତି ଏୟୁ ଗସିମାଡୁ, ଏଝାଣି କିହାଁ ନାନୁ କି କାଜାତି ?”

§ ୩:୨୬ ୩:୨୭ ମୁଞ୍ଜିନାୟି ☆ ୩:୨୮ ୩:୨୮ ଜହ ୧:୨୦ * ୪:୧ ୪:୧ ମୁଞ୍ଜିନାୟି † ୪:୨ ୪:୨ ମୁଞ୍ଜିନାୟି ‡ ୪:୨ ୪:୨ ମୁଞ୍ଜିନାୟି

୧୩ ଜୀସୁ ଏଲେଇରେସି, “ଆତ୍ମାଆସି ଈ ଏମ୍ମୁ ଗହନେସି, ଅଡ଼େ ଝେଣ୍ଡେ ଏସ୍‌କି ଆନେସି; ୧୪ ସାମା ନାନୁ ଏମିନି ଏମ୍ମୁ ହିୟାଜ୍, ଏଝାଆଁ ଆତ୍ମାଆସି ଗହନେସି, ଏଝାସି ଏରେଲାଝା ଏସ୍‌କି ଆଅସି, ଇଚିହଁ ନାନୁ ଏମିନି ଏମ୍ମୁ ହାଇଜ୍, ଏଦି କାଲ୍‌କାଲ୍‌କାଲ୍‌କା ଜୀସୁତି ଉସା ଲେହେଁ ଏଝାଣି ତାଣାଟି ଡେଲାବୟା ହାନୁ ।”

୧୫ ଆୟାଟି ଏଲେଇରେ, “ଗୁରୁ, ନାଜେ ଏନିକଁ ଏସ୍‌କି ଆୟେଏ, ଅଡ଼େ ଏମ୍ମୁତାକି ଇଚେକା ହେକ ଇ କୁହିତା ଝାୟାଲି ଆଏ, ଏଦାଆଁତାକି ଏ ଏମ୍ମୁ ନାଜେ ହିୟାମୁ ।”

୧୬ ଜୀସୁ ଏଦାନି ଏଲେଇରେସି, “ହାଲାମୁ, ନୀ ତକ୍ରାଜ୍ ହାଟାତାମୁ ।”

୧୭ ଏ ଆୟାଟି ଏଲେଇରେ, “ନା ତକ୍ରା ହିଲଅସି ।” ଜୀସୁ ଏଦାନି ଏଲେଇରେସି “ନୀ ତକ୍ରା ହିଲଅସି ଇଞ୍ଜଁ ସାତା ଝେସାମାଞ୍ଜି । ୧୮ ନିଜେ ପାସାଜାଣା ତକ୍ରାୟା ମାଚେରି, ଅଡ଼େ ନୀଏଁ ନୀ ତଲେ ଆତ୍ମାଆସି ମାନେସି ଏଝାସି ନୀ ତକ୍ରା ଆଏ ଇଦାଆଁ ସାତା ଝେସାମାଞ୍ଜି ।”

୧୯ ଆୟାଟି ଏଲେଇରେ, “ଗୁରୁ, ନାନୁ ପୁଞ୍ଜିମାଜ୍ ନାନୁ ର ମାହାପୁରୁ ଅଣ୍‌ପୁତି ବଲୁ ଝେହନାଟି, ଇଦାଆଁ ନାନୁ ପୁଞ୍ଜିମାଜ୍ । ୨୦ ମା ଆକୁ ଆବାୟା ଇ ହରୁ ଲାକ ପ୍ରାଡାନା କିହିମାଚେରି; ଅଡ଼େ ମୀ ଜାହୁଦି ଲକୁ ଏଲେଇନେରି, ପ୍ରାଡାନା କିନି ଟାୟା ଆହିମାନେ ଜିରୁସାଲମ ।”

୨୧ ଜୀସୁ ଏଦାନି ଏଲେଇରେସି, “ଇୟା ନା ହାଡାତି ନାମାମୁ, ଏମିନି ବେଲାତା ମୀରୁ ଇ ହରୁତା କି ଜିରୁସାଲମତା ଆବା ତାଣା ପ୍ରାଡାନା କିଅତେରି ଇଲେତି କାଲ୍‌ମି ଝାନ୍ନେ । ୨୨ ଆତ୍ମାଆରାଜ୍ ମୀରୁ ପୁଞ୍ଜାହିଲଅତେରି, ଏଝାଣାଜ୍ ପ୍ରାଡାନା କିହିମାଞ୍ଜେରି; ଆତ୍ମାଆରାଜ୍ ମୀରୁ ପୁଞ୍ଜାମାନାୟି, ଏଝାଣାଜ୍ ପ୍ରାଡାନା କିହିମାନାୟି, ଇଚିହଁ ଗେଲ୍‌ପିନାୟି ଜୀହୁଦି ଲକୁ ତାଣାଟି ଝାନ୍ନେ । ୨୩ ସାମା ଏମିନି କାଲ୍‌ମିତା ସାତା ତଲେ ପ୍ରାଡାନା କିନି ଲକୁ ଜୀସୁତଲେ ଅଡ଼େ ସାତା ତଲେ ଆବାଜ୍ ପ୍ରାଡାନା କିନେରି, ଇଲେତି କାଲ୍‌ମି ଝାହିମାନେ; ଅଡ଼େ, ନୀଏଁ ଜିକେଏ ମାନେ; ଇଚିହଁ ଆବା ଇଲେତି ପ୍ରାଡାନା କିନାରାଜ୍ ପାରିମାନେସି । ୨୪ ମାହାପୁରୁ ସୁଦୁଜୀସୁ ଗାଟାସି, ଅଡ଼େ ଆତ୍ମାଆସି ତାନି ପ୍ରାଡାନା କିନେରି, ଏଝାରି ଜୀସୁ ଇଞ୍ଜାଁ ସାତା ତଲେ ତାନି ପ୍ରାଡାନା କିନାୟିମାନେ ।”

୨୫ ଏ ଆୟାଟି ଜୀସୁଜ୍ ଏଲେଇରେ, “ନାନୁ ପୁଞ୍ଜାମାଜ୍, ମସିହା, ଆତ୍ମାଆରାଜ୍ କ୍ରୀସ୍ତ ଇନେରି, ଏଝାସି ଝାନ୍ନେସି; ଏଚେତା ଏଝାସି ଝାନ୍ନେସି ମାଜେ ବାରେ କାତା ପୁଣ୍ଡାସି କିୟାନେସି ।”

୨୬ ଜୀସୁ ଏଦାନି ଏଲେଇରେସି, “ନୀଏଁ ନୀ ତଲେ ହାଡା ଆହିମାନାତେଏଁ ନାନୁ, ନାନୁ ଏଝାତେଏଁ ।”

୨୭ ଏଚିବେଲାତା ତାନି ସାସୁୟାଁ ଝାହାନା ତାନୁ ର ଆୟାଟି ତଲେ ହାଡା ଆହିମାନାଣି ମେସାନା କାବା ଆଡେରି, ଆଡ଼ିଜିକେଏ ନାନୁ ଏନାଆଁ ମନ କିହିମାଞ୍ଜି, ଆଆତଁ ଏନାଆଁତାକି ଏଦାନିତଲେ ହାଡା ଆହିମାଞ୍ଜି ଇଞ୍ଜଁ? ଆତ୍ମାଆସି ଝେନାଆତେରି ।

୨୮ ଏମ୍ମାଟିଏ ଆୟାଟି ଏମ୍ମାଆଁ ତାନି ଏମ୍ମୁ ଡକା ପିସାନା ଗାଡାତା ହାଜାନା ଲକୁଣି ଝେସେ, “ଝାଦୁ, ରଅଣାଜ୍ ମେହଦେରି, ୨୯ ନାନୁ ଏନା ଏନାଆଁ ନା ଜୀସୁତା କିହାମାଜ୍, ଏଝାସି ନାଜେ ବାରେ ଝେସ୍ତାତେସି; ଏଝାସି ମସିହା ଆହାଡ଼ୟିନେସି?” ୩୦ ଏମ୍ମାଟିଏ ଏମ୍ମାଟି ଲକୁ ଗାଡାଟି ହଡାନା ଜୀସୁ ତାଣା ହାଚେରି ।

୩୧ ଏଚିବେଲାତା ସାସୁୟାଁ ବାତିମାଲିହଁ ଏଲେଇରେ, “ଏ ଗୁରୁ, ତିନାମୁ ।”

୩୨ ସାମା ଜୀସୁ ଏଝାରାଜ୍ ଏଲେଇରେସି, “ତିଞ୍ଜାଲି ତାକି ଏମିନି କାଦି ନା ତାଣା ମାନେ, ମୀରୁ ଏ କାଦିତି କାତା ପୁଞ୍ଜାହିଲଅତେରି ।”

୩୩ ସାସୁୟାଁ ତାମୁ ତୁମୁ ହୁଡାକାତା ଆଡେରି, “ଆତ୍ମାଆୟି ତାଜେତାକି କାଦି ତାଚା ହାହାମାନେ ହାବୁଲ୍‌କା ?”

୩୪ ଜୀସୁ ଏଝାରାଜ୍ ଏଲେଇରେସି, “ନାଜେ ପାଣ୍ଡାମାଞ୍ଜାନାଣା ଅଣ୍‌ପୁ ଅଡ଼େ ତାନି କାମା ରାପ୍‌ନାୟି ଏଦିଏ ନା କାଦି । ୩୫ ଆନା ଦାଡାଲି ଅଡ଼େ ସାରି ଲେଞ୍ଜୁ ମାନେ, ଇ କାତା ମୀରୁ ଝେସିହିଲଅତେରି ସାମା ନାନୁ ନିଜେ ଝେସିମାଞ୍ଜାଜ୍, ଗୁଡିୟାକା ବାରେ ସିନିକିଦୁ ଏ ବାରେ ଦାଡାଲି ତାକି କାମ୍‌ହାତେୟିଏ । ୩୬ ନୀଏଁ ଜିକେଏ ଦାଃଆନାରାକି କୁଲି ହାପକି ଆହିମାନେ ଅଡ଼େ କାଲ୍‌କାଲ୍‌କାଲ୍‌କା ଜୀସୁତାକି ପାଡ଼େୟି କୁଡ଼ି କିହିମାନେରି, ଏନିକିହଁ ଦାଃଆନାସି ଅଡ଼େ କୁଡ଼ିକିନାସି ରହେଏ ରାହାଁ କିନେରି । ୩୭ ଏନାଆଁତାକି ଇଚିହଁ ରଅସି ମାଟିନେସି ଅଡ଼େ ଅର ରଅସି ଦାଃଆନେସି ଇ କାତା ସାତା । ୩୮ ମୀରୁ ଏନାଆଁତାକି କାମା କିହାହିଲଅତେରି, ଏଦାଆଁ ଦାଡାଲି ତାକି ନାନୁ ପାଣ୍ଡାତେଏଁ; ଏବ୍‌କାତାରି କାମା କିହାମାନେରି, ଅଡ଼େ ମୀରୁ ଏଝାରି କାମାତି ଲାବା ବେଟାଆହିମାଞ୍ଜେରି ।”

୩୯ “ନାନୁ ଏନା ଏନାଆଁ କିହାମାଜ୍, ଏ କାତା ଏଝାସି ନାଜେ ବାରେ ଝେସ୍ତାତେସି” ଇଞ୍ଜଁ ଏମିନି ଆୟାଟି ସାକି ହାହାମାଚେ, ଏଦାନି କାତାତାକି ଏ ଗାଡାତି ସିନିରଣ ଲକୁ ବିଡାଡି ହାରେକା ଜୀସୁଜ୍ ନାମିତେରି ।

୪୦ ଅଡ଼େ ସମିରଣ ଲକ୍ଷ ଜୀସୁ ତାଣା ଖାହାନା ତାମିତଲେ ଡ଼ୟାଲି ତାକି ତାଙ୍ଗେ ବାତିମାଲିତେରି ଜୀସୁ ଏଞ୍ଜାରିତଲେ ଅଡ଼େ ରୀ ଦିନା ଡ଼ୟିତେସି ।

୪୧ ଜୀସୁତି ବଲ୍ଲୁ ଖେଞ୍ଜାନା ହାରେକା ଲକ୍ଷ ନାମିତେରି । ୪୨ ଏଞ୍ଜାରି ଏ ଆୟାରିଙ୍ଗି ଏଲେଇଚେରି, “ଝାବୁଲ ନାନୁ ଏଲେଇଞ୍ଜାତାକି ମାମ୍ବୁ ନାମାହିଲଅମି, ସାମା ମାମ୍ବୁ ଖେଞ୍ଜାମାନମି, ଅଡ଼େ, ଇଞ୍ଜାସି ସାତେଏ ଦାବୁତିଚି ଗେଲ୍ପିନାସି, ଇଦାଆଁ ମାମ୍ବୁ ପୁଞ୍ଜାମାନମି ।”

ଜୀସୁ ସାଲୁଞ୍ଜି କିନାଣି ମୀରୁଏଣାଇଁ ନେହୁଁ କିନାୟି

୪୩ ରୀ ଦିନା ତାୟୁ ଜୀସୁ ଏମ୍ବାରି ହତାନା ଗାଲିଲିତା ହାଚେସି । ୪୪ ଚିତ୍ତିହୁଁ ଜୀସୁ ତାଙ୍ଗେତାକି ସାକି ହାହୁଁ ଏଲେଇଚେସି, “ମାହାପୁରୁ ଅଣପୁତି ବଲ୍ଲୁ ଖେହୁନାରି ଜାହାରା ଦେସାତା ମାନି ବେଟାଆଅରି ।”

୪୫ ଅଡ଼େ ଏଞ୍ଜାସି ଗାଲିଲିତା ଏଜାଲିଏ ଏ ଗାଲିଲିତାରି ଏଞ୍ଜାଣାଇଁ ଆବିତେରି, ଇଚିହୁଁ ପିସ୍ପିଆନି ପାର୍ବୁ ବେଲାତା ଜୀସୁ ଜିରୁସାଲମତା ଏନା ଏନାଆଁ କିହାମାଚେସି ବାରେ ମେସାମାଚେରି ଏଞ୍ଜାରି ଜିକେଏ ପାର୍ବୁତା ହାଜାମାଚେରି ।

୪୬ ଏମ୍ବାଟିଏ ଜୀସୁ ଗାଲିଲିତି କାନା ଗାଡ଼ାତା ଖେଣ୍ଡେ ହାଚେସି, ଏମ୍ବିୟା ଜୀସୁ ଏୟୁଣି ଅଙ୍ଗୁରି ରାସା କିହାମାଚେସି, ଏମ୍ବାଆଁ ପାସାକଡ଼ି କସ୍ତାକା ମୁହେଁ କାଜାସି ରଅସି ମାଚେସି, ତାନି ମୀରୁଏସି କପରନାହୁମତା ଆଡ଼ିହିଲାଆଚେସି । ୪୭ ଜୀସୁ ଜୀହୁଦା ଗାଡ଼ାଟି ଗାଲିଲିତା ଖାହାମାନେସି ଇଞ୍ଜୁଁ ଖେଞ୍ଜାନା, ତାନି ତାଣା ହାଜାନା ଏଞ୍ଜାସି ଖାହାନା ଏନିକିଁ ତାନି ମୀରୁଏଣାଇଁ ନେହୁଁ କିନେସି ଏଦାଆଁତାକି ବାତିମାଲିଚେସି, ଇଚିହୁଁ ଏଞ୍ଜାସି ହାନିହଗେ ଆହାମାଚେସି ୪୮ ଜୀସୁ ଏଞ୍ଜାଣାଇଁ ଏଲେଇଚେସି, “ସିନା ଅଡ଼େ କାବାଆନି କାମାୟାଁ ମେହୁଆତିହୁଁ ମୀରୁ ଏନିଜିକେଏ ନାମଅଚେରି ।”

୪୯ ଏ ସାଲୁଞ୍ଜି କିନାସି ଏଲେଇଚେସି, “ଏ ପ୍ରବୁ, ନା ମୀରୁଏସି ହାନି ନକେଏ ନା ତଲେ ଖାମୁ ।”

୫୦ ଜୀସୁ ଏଞ୍ଜାଣାଇଁ ଏଲେଇଚେସି, “ହାଲାମ୍ବୁ, ନୀ ମୀରୁଏସି ନୀତିନେସି ।” ଏ ମାଣସିଙ୍ଗି ଜୀସୁ ଏମିନି ହାଡ଼ା ଖେସ୍ତେସି, ଏଞ୍ଜାସି ଏଦାଆଁ ନାମାନା ହାଚେସି । ୫୧ ଅଡ଼େ, ଏଞ୍ଜାସି ହାଲୁଞ୍ଜିଏ ତାନି ହଲିୟାଙ୍ଗା ଜିରୁତେଏ ନୀ ମୀରୁଏସି ନୀତିତେସି ଇଞ୍ଜୁଁ ଖେସ୍ତେରି ।

୫୨ ଏଚିବେଲାତା କକାସି ନେହୁଁ ଆଡ଼େସି, ଏଦାଆଁ ଏଞ୍ଜାସି ଖେଚେସି । ଏମ୍ବାଟିଏ ଏଞ୍ଜାରି ଏଲେଇଚେରି, “ରେ୪ଏନି ସାଡ଼ା ଗଂଟା ବେଲାତା ନଚେମି ପିସ୍ତେ ।” ୫୩ ଏମ୍ବାଟି ତାନି ଆଡ଼ା ପୁଚେସି ଜୀସୁ ଆମିନି ବେଲାତା “ନୀ ମୀରୁଏସି ନୀତିତେସି” ଇଞ୍ଜୁଁ ଖେସାମାଚେସି, ଏଚିବେଲାତେଏ ଏଡ଼ି ଗଟି ଆଡ଼େ । ଏମ୍ବାଟିଏ, ଏଞ୍ଜାସି ଅଡ଼େ ତାମି ଇଜତି ବାରେ ଇଲୁ କୁଟମି ଜୀସୁ ତାଣା ନାମିତେରି ।

୫୪ ଜୀହୁଦାଟିଏ ଗାଲିଲିତା ଖେଣ୍ଡା ଖାହାଁ, ଜୀସୁ ରୀ ପାଲି ତାକି ଇ କାବାଆନି କାମା କିଚେସି ।



ଜୀସୁ କଡ଼େ ଅଟର ବାର୍ସା ତାଣାଇଁ ନେହୁଁ କିନାୟି

୧ ଇଦାଣି ତାୟୁ ଜୀହୁଦି ଲକ୍ଷୁଚି ର ପାର୍ବୁ ଆଡ଼େ, ଅଡ଼େ ଜୀସୁ ଜିରୁସାଲମତା ହାଚେସି । ୨ ଜିରୁସାଲମତି ମେଣ୍ଡାୟାଁ ଦୁଖେରି ତାଗେ ର ବାନ୍ଦା ମାନେ; ଏବୁଁ ହାଡ଼ାତଲେ ବେଡ଼ୟାୟିଦା ଇନେରି, ଏ ବାନ୍ଦାତା ପାସାଗଟା ପିଣ୍ଡାୟାଁ ମାନୁ । ୩ ଏମ୍ବାଆଁ କାଣାୟାଁ, ସଟାୟାଁ ଅଡ଼େ ଆଙ୍ଗା ଖାୟିତି ରଗ ଗାଟାରି ହାରେକା ଜାଣା ନେହୁଁ ଆୟାଲି କାଟାହାଁ ମାଣ୍ଡିଚେରି; ୪ ଇଚିହୁଁ ଏଚିବେଲାତା ପ୍ରବୁଚି ର ଦୁଡ଼ୁ ବାନ୍ଦାତା ଚେଟାନା ଏୟୁ ଖାଟୁହିସାରେ, ଅଡ଼େ ଏୟୁ ଖାଡ଼ିତି ତାୟୁ ଆମ୍ବାଆସି ତଲିଏ ହଡ଼ନେସି, ଏଞ୍ଜାଣାକି ଏଡ଼ି ରଗ ଆହାମାତି ଜିକେଏ ନେହୁଁ ଆହିମାଚେସି* । ୫ କଡ଼େ ଅଟର ବାର୍ସା ପାଚେକା ରଗ ଗାଟାସି ରଅସି ଏମ୍ବାଆଁ ମାଚେସି । ୬ ଜୀସୁ ଏଞ୍ଜାଣାଇଁ ଡ଼ୟାମାନାଣି ମେସାନା ଗାଡ଼ୁ ଦିନାତି ରଗ ଗାଟାସି ଇଞ୍ଜୁଁ ପୁଞ୍ଜାହାଁ ଏଞ୍ଜାଣାଇଁ ଖେଚେସି, “ନୀନୁ ଏନାଆଁ ନେହୁଁ ଆହାଲି ମନ କିହିମାଞ୍ଜି ?”

୭ ରଗ ଗାଟାସି ଏଞ୍ଜାଣାଇଁ ଏଲେଇଚେସି, “ବାବୁ, ଏୟୁ ଖାଡ଼ିନାଟି ନାଙ୍ଗେ ବାନ୍ଦାତା ଅହାଲି ତାକି ଆମ୍ବାଆସି ହିଲଅସି; ଅଡ଼େ, ନାନୁ ହାନିବେଲାତା ଅଡ଼େ ରଅସି ନା ନକେଏ ହଡ଼ାହାନେସି ।”

୮ ଜୀସୁ ଏଞ୍ଜାଣାଇଁ ଏଲେଇଚେସି, “ନିଙ୍ଗାମ୍ବୁ, ନୀ ପାସ୍ପନି ଡ଼େକାହାଁ ତାକାମ୍ବୁ ।” ୯ ଏ ଦେବୁଣିଏ ଏଞ୍ଜାସି ନେହୁଁ ଆଡ଼େସି ଅଡ଼େ ତାନି ପାସ୍ପନି ଡ଼େକାନା ତାକାଲି ମାଟୁହେସି ।

* ୪:୪୪ ୪:୪୪ ମାତି ୧୩:୫୭; ମାର୍କ ୭:୪; ଲୁକ ୪:୨୪ ✦ ୪:୪୫ ୪:୪୫ ଜହ ୨:୨୩ ✧ ୪:୪୭ ୪:୪୭ ଜହ ୨:୧-୧୧ * ୫:୪ ୫:୪ ଇ କାତା ପୁଞ୍ଜ ପତିତା ହିଲେଏ ।

ଏ ଦିନା ଜମିନି ଦିନା ମାଚେ । ୧୦ ଇଦାଆଁତାକି, ଜୀହୁଦିୟା ନେହୁ ଆହାମାନି ମାଣସିକ୍ ଏଲେଇଚେରି, “ନୀଷ୍ଟୁ ଜମିନି ଦିନା, ପାୟପନି ଡେକା ଅହାଲି ନିଜେତାକି ମେରା ଆଏ ।”

୧୧ ସାମା, ଏଝାସି ଏଝାରାଇଁ ଏଲେଇଚେସି, “ଆମ୍ବାଆସି ନାଜେ ନେହୁ କିୟାତେସି, ଏଝାସି ନାଜେ ଏଲେଇଞ୍ଜାତେସି, ନୀ ପାୟପନି ଡେକାନା ତାକାମୁ ।”

୧୨ ଏଝାରି ଏଝାଣାଇଁ ଝେଚେରି, “ନୀ ପାୟପନି ଡେକାନା ତାକାମୁ ଇଞ୍ଜୁ ଏଲେଇଞ୍ଜାତାସି, ଏଝାସି ଆମ୍ବାଆସି ?”

୧୩ ସାମା ଏଝାସି ଆମ୍ବାଆସି, ଏ ନେହୁ ଆତାସି ପୁଞ୍ଜା ହିଲାଆତେସି, ଇଚିହୁ ଏମ୍ବାଆଁ ଲକୁ ମାନ୍ଦା ମାତାକି ଜୀସୁ ମେହୁଆରେଚୁ ହାଜାମାଚେସି ।

୧୪ ଇଦାଆଁ ତାୟୁ ଜୀସୁ ମାହାପୁରୁ ଇଲୁତା ଏଝାଣାଇଁ ମେସାନା ଏଲେଇଚେସି, “ମେହୁମୁ, ନୀନୁ ନେହୁ ଆହାମାଞ୍ଜି, ଅଡେ ପାପୁ କିଆନି, ଏନିକି ନିଜେତାକି ଗାତି କସୁ ଝାଏ ।”

୧୫ ଏ ମାଣସି ଝେଣ୍ଡା ହାଜାନା, ଆମ୍ବାଆସି ତାଜେ ନେହୁ କିହାମାଚେସି, ଏଝାସି ଜୀସୁ ଇଞ୍ଜୁ ଜୀହୁଦିଙ୍ଗାଣି ଝେସେସି । ୧୬ ଇଦାଆଁତାକି ଜୀସୁ ଜମିନି ଦିନାତା ଇଦାଆଁ କିହିମାତାକି ଜୀହୁଦିଙ୍ଗା ଏଝାଣାଇଁ ନିନ୍ଦା କିହାଲି ମାଟୁହେରି । ୧୭ ସାମା ଜୀସୁ ଏଝାରାଇଁ ଏଲେଇଚେସି, “ନା ଆବା ନୀର୍ଏ ପାତେକା କାମା କିହିମାନେସି, ଅଡେ ନାନୁ ଜିକେଏ କାମା କିହିମାଇଁ ।”

୧୮ ଇ ହାଡା ତାକି ଜୀହୁଦିଙ୍ଗା ଜୀସୁଇଁ ପାୟାଲି ତାକି ଅଡେ ଗାତି ଅଣପିଚେରି, ଏଝାସି ଜମିନି ଦିନାତି ମେରାତି ଉରିଚେସି ଝାରଇ ଏଡି ଆଏ, ସାମା ମାହାପୁରୁଇଁ ନା ଆବା ଇଞ୍ଜୁ ଝେସାନା ତାଜେ ମାହାପୁରୁ ତଲେ ସମାନା କିହିମାଚେସି ।

ମାର୍‌ଏଣି ଅଦିକାରା

୧୯ ଜୀସୁ ଏଝାରାଇଁ ଏଲେଇଚେସି, “ସାତା ସାତା ନାନୁ ମିଜେ ଝେସିମାଞ୍ଜାଇଁ, ମାର୍‌ଏସି ଆବାଇଁ ଏନାଆଁ କିହିମାନାଣି ମେହୁନେସି, ଏଦାଆଁ ପିସପେ ଏଝାସି ତାନୁଏ ଏନାଆଁ କିହାଲି ଆଡୁଅସି । ଇଚିହୁ ଆବା ଏନା ଏନାଆଁ କିନେସି, ମାର୍‌ଏସି ଜିକେଏ ଏଦାଆଁ ବାରେ ଏଲେକିହୁ ଏ କିନେସି । ୨୦ ଇଚିହୁ ଆବା ମାର୍‌ଏଣାଇଁ ଜୀସୁ ନନେସି, ଅଡେ ଏଝାସି ତାନୁ ଏନା ଏନାଆଁ କିନେସି, ଏଦାଆଁ ବାରେ ମାର୍‌ଏଣାଇଁ ତହୁନେସି, ଅଡେ ମୀରୁ ଏନିକି କାବା ଆଡେରି, ଏଦାଆଁତାକି ଏଝାସି ଏଝାଣି ତାଣାଟି ଇଦାନି କିହାଁ ଆଡେ କାଜା କାଜା କାମା ତହୁନେସି । ୨୧ ଆବା ଏନିକି ହାଡି ଲକୁଣି ନିକହାନା ଜୀସୁ ହାନେସି, ଏଲେକିହୁ ଏ ମାର୍‌ଏସି ଜିକେଏ ଆମ୍ବା ଆମ୍ବାଆରାଇଁ ମନ କିନେସି ଏଝାରାଇଁ ଜୀସୁ ହାନେସି । ୨୨ ଆବା ତାନୁଏ ଆମ୍ବାଆରାଇଁ ନୀହାଁୟି କିଅସି, ସାମା ବାରେଜାଣା ଏନିକି ଆବାଇଁ ମାନି କିହିମାନେରି, ଏଲେକିହୁ ଏ ମାର୍‌ଏଣାଇଁ ଜିକେଏ ମାନି କିନେରି, ଏଦାଆଁତାକି ମାର୍‌ଏଣାଇଁ ବାରେ ନୀହାଁୟି କିହାଲି ଅଦିକାରା ହାହାମାନେସି । ୨୩ ଆମ୍ବାଆସି ମାର୍‌ଏଣାଇଁ ମାନି କିଅସି, ଏଝାସି ତାଜେ ପାଣ୍ଡାଟି ଆବାଇଁ ଜିକେଏ ମାନି କିଅସି ।”

୨୪ “ନାନୁ ମିଜେ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁ ଝେଞ୍ଜାନା ନାଜେ ପାଣ୍ଡାତାଣାଇଁ ନାମିନାସି, ଏଝାସି କାଲାକାଲାତି ଜୀସୁ ବେଟା ଆହାମାନେସି, ଅଡେ, ଏଝାସି ନୀହାଁୟି କିଞ୍ଚିଆଆନା ହାକିତି ଜୀଣାଆହାନା ରାଆଗାଟି ଜୀସୁତା ହଡାମାନେସି । ୨୫ ନାନୁ ମିଜେ ସାତା ଝେସିମାଞ୍ଜାଇଁ, ର ଦିନା ଝାଡେ ନୀର୍ଏ ଜିକେଏ ଏଦାଚେୟିଏ, ଏନିନି ଦିନାତା ହାଡାରି ମାହାପୁରୁ ମାର୍‌ଏଣି ହାଡାଟି ଝେନେରି ଅଡେ ଆମ୍ବାଆରି ଝେନାରି ଏଝାରି ନାତିନେରି । ୨୬ ଇଚିହୁ ଆବା ଏନିକି ତାନୁଏ ଜୀସୁ ଗାଟାସି, ଏଲେକିହୁ ଏ ଏଝାସି ମାର୍‌ଏଣାଇଁ ଜିକେଏ ଜୀସୁ ଗାଟାସି ଆହାଲି ହାହାମାନେସି । ୨୭ ଅଡେ, ଏଝାସି ମାଣସି ମାର୍‌ଏସି ଆହାମାନାକି ଏଝାସି ଏଝାଣାକି ନୀହାଁୟି କିନି ଅଦିକାରା ହାଚେସି । ୨୮ ଇଦାଆଁତାକି କାବା ଆଆଡୁ, ଇଚିହୁ ଏରିବେଲା ହାଡି ଲକୁ ମାହାଣି ମାଣ୍ଡାଟି ତାନି ଗିୟାଁ ଝେନେରି ଅଡେ ଆମ୍ବାଆରି ସାତା କାମା କିହାମାନେରି, ୨୯ ଏଝାରି ଜୀସୁତା ଝେଣ୍ଡେ ନୀତାଲିତାକି ଅଡେ ଆମ୍ବାଆରି ଲାଗେଏତି କାମା କିହାମାନେରି, ଏଝାରି ନୀହାଁୟିତି ତଣ୍ଡୁ ତାକି ଝେଣ୍ଡେ ନିଜା ଝାଡେରି, ଇଲେଚି ଦିନା ଝାହିମାନେ ।”

ଜୀସୁ ଝାକିତି ସାକି

୩୦ “ନାନୁ ନା ତାଣାଟି ଏନାଆଁ କିହାଲି ଆଡୁଆଁ; ନାନୁ ଏନିକି ଝେଇଁ, ଏଲେକିହୁ ଏ ନୀହାଁୟି କିଇଁ, ଅଡେ ନା ନୀହାଁୟି ଟିକଣାତାସି, ଇଚିହୁ ନାନୁ ନା ମନତଲେ କିହାଲି ଅଣ୍ପାଆନା, ନାଜେ ପାଣ୍ଡାତାଣା ମନ ଲେହେଁ କିହାଲି ଅଣ୍ପିମାଇଁ ।”

୩୯ “ନାନୁ ନାଲୋତାକି ସାକି ହାଈଁ, ଆଡ଼ିଜିକେଏ ନା ସାକି ସାତା ଥାଏ । ୩୯ ନା କାତାତି ଆମ୍ବାଆସି ସାକି ହାନେସି, ଏଝାସି ଅର ରଅସି; ଅଡ଼େ, ନା କାତାତାକି ଏଝାଣି ସାକି ସାତା, ଏଦାଆଁ ନାନୁ ପୁଞ୍ଜାମାଈଁ । ୩୯ ନାନୁ ଜହନ ତାଣା ଲକ୍ଷୁଣି ପାଣ୍ଡାମାଞ୍ଜେରି ଅଡ଼େ ଏଝାସି ସାତା ତାକି ସାକି ହାହାମାନେସି । ୩୯ ସାମା ନାଲୋ ମାଣସି ତାଣାଟି ସାକି ଲଡ଼ା ଥାଏ, ସାମା ମାନୁ ଏନିକେ ଗେଲୁପି ଆଡ଼େରି, ଏଦାଆଁତାକି ଈ ବାରେ ଖେସିମାଞ୍ଜାଈଁ । ୩୯ ଜହନ ତାଞ୍ଜିତି ମିଣ୍ଡିମାନି ଦାଏଁ ମାରେସି, ଇଞ୍ଜା ମାନୁ ଏଝାଣି ଉଜେଡ଼ିତା ଗାଡ଼େକା ତାକିଏ ରାହାଁ ଆହାଁ ମାଞ୍ଜାଲି ମନ କିହାମାରେରି । ୩୯ ସାମା ଜହନତି ସାକି କିହାଁ ନା ତାଣା ହାରେକା କାଜା ସାକି ମାନେ, ଏଦାଆଁତାକି ଇତିହେଁ ଆବା ନାଲୋ ଏନି ଏନି କାମା ରାପୁହାଲି ହାହାମାଞ୍ଜାନେସି, ନାନୁ ଏନିନି କାମା କିହିମାଈଁ, ଆବା ନାଲୋ ପାଣ୍ଡାମାଞ୍ଜାନେସି ଇଞ୍ଜା ଏ ବାରେ ନା ଖାକିଟି ସାକି ହାହିମାନେସି । ୩୯ ଅଡ଼େ ଏନିନି ଆବା ନାଲୋ ପାଣ୍ଡାଞ୍ଜେସି, ଏଝାସି ନା ତାକି ସାକି ହାହିମାନେସି । ମାନୁ ଏଚେଲା ଏଝାଣି ହାଡ଼ା ଖେଞ୍ଜା ହିଲଅତେରି କି ତାନି ମୁମୁମେସା ହିଲଅତେରି । ୩୯ ଅଡ଼େ ଏଝାଣି ବଲୁ ମୀ ହିୟାତା ଇଟାହିଲଅତେରି, ଇତିହେଁ ଏଝାସି ଆମ୍ବାଆରାଇଁ ପାଣ୍ଡାଞ୍ଜେସି ମାନୁ ଏଝାଣାଇଁ ନାମିହିଲଅତେରି । ୩୯ ମାନୁ ଦାମୁ ପତିତି କାତା ପାରିମାଞ୍ଜେରି, ଇତିହେଁ ଏମ୍ବାଆଁ କାଲାକାଲାତି ଜୀଝୁ ବେଟାଆହାମାନି ଇଞ୍ଜା ଅଣପିମାଞ୍ଜେରି ଅଡ଼େ ଏ ଦାମୁ ପତି ନା ଖାକିଟି ସାକି ହାହିମାନେ । ୪୦ ସାମା ମାନୁ ଜୀଝୁ ବେଟାଆହାଲି ତାକି ନା ତାଣା ଖାହାଲି ମନ କିହିହିଲଅତେରି ।”

୪୧ “ନାନୁ ମାଣସିୟାଁ ତାଣାଟି ଗାଝୁରମି ପାରିହିଲଅଁ । ୪୨ ସାମା ନାନୁ ମିଙ୍ଗେ ପୁଞ୍ଜାମାଞ୍ଜାଇଁ, ମୀ ହିୟାତା ମାହାପୁରୁତି ଜୀଝୁନନାୟି ହିଲେଏ । ୪୩ ନାନୁ ନା ଆବା ଦରୁଟି ଖାହାମାଈଁ, ଅଡ଼େ ମାନୁ ନାଲୋ ଅପିମାଞ୍ଜଅତେରି; ଅର ରଅସି ତାନି ଦରୁଟି ଖାଡ଼ିହେଁ, ମାନୁ ଏଝାଣାଇଁ ଅପିଦେରି । ୪୪ ମାନୁ ଏନିକେ ନାମିମାଞ୍ଜେରି ? ମାନୁ ମୀ ତାଣାଟି ଗାଝୁରମି ବେଟାଆହି ମାଞ୍ଜେରି, ଅଡ଼େ ଏନିନି ରଣ୍ଡିଏ ମାହାପୁରୁ ତାଣାଟି ଗାଝୁରମି ଏଦାଆଁ ବେଟାଆହାଲି ମନ କିହିହିଲଅତେରି ୪୫ ନାନୁ ଆବା ନକିତା ମୀ କପାଟି ଦହ ଦସାଈଁ, ଏଲେଇଞ୍ଜି ଅଣପାଆଦୁ; ଆମିନି ମସା ତାଣା ମାନୁ ବାସୁ ଇଟାମାଞ୍ଜେରି, ଏଝାସିଏ ମୀ କପାଟି ଦହ ଦସି ମାଞ୍ଜାନେସି । ୪୬ ଇତିହେଁ ମାନୁ ମସାଇଁ ନାମା ମାତିହେଁ, ନାଲୋ ଜିକେଏ ନାମାତେରିମା, ଇତିହେଁ ଏଝାସି ନା କାତେଏ ରାଟାମାନେସି । ୪୭ ସାମା ମାନୁ ଏଝାଣି ରାଟାମାନି କାତା ନାମା ହିଲଅତେରି, ଆତିହେଁ ନା କାତା ଏନିକେ ନାମିଦେରି ?”



ଜୀସୁ ପାସାମାଣା ଲକ୍ଷୁଣି ତୀହନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୬)

୧ ଇଦାଆଁ ତାମୁ ଜୀସୁ ଗାଲିଲି ସାମଦୁରି, ଇତିହେଁ ତିବିରିୟା ସାମଦୁରି ଆତାଲାଖାକି ହାଚେସି । ୨ ଅଡ଼େ ଏଝାସି ରଗ ଗାଟାରାଇଁ ଏନି ଏନି କାବାଆନି କାମା କିହାମାଚେସି, ଏ ବାରେ ମେସାନା ହାରେକା ଲକ୍ଷୁ ଏଝାଣି ଢେଟ ଢେଟ ହାଚେରି । ୩ ଏମ୍ବାଟିଏ ଜୀସୁ ସାମୁୟାଁ ତଲେ ର ହରୁ ଲାକ ହାଜାନା କୁଟିଚେସି । ୪ ଏଚିବେଲା ଜୀହୁଦି ଲକ୍ଷୁତି ପିସପିଆନି ପାରୁ ତାଗେ ଆହାମାଚେ । ୫ ହାରେକା ଲକ୍ଷୁ ତାନି ତାଣା ଖାହିମାନାଣି ମେସାନା, ଜୀସୁ ପିଲିପଇଁ ଏଲେଇଚେସି, “ଇଝାରାକି ତିଞ୍ଜାଲି ମାରୁ ଆମ୍ବିଟି ରାନ୍ଦା କତିନାୟି ?” ୬ ସାମା ଏଝାସି ପିଲିପଇଁ ତାୟିପାରି କିୟାଲି ଏଲେଇଚେସି, ଇତିହେଁ ଏଝାସି ଏନାଆଁ କିନାୟିମାନେ, ଏଦାଆଁ ତାନୁଏ ପୁଞ୍ଜାମାଚେସି ।

୭ ପିଲିପ ଏଝାଣାଇଁ ଏଲେଇଚେସି, “ବାରେ ଲକ୍ଷୁତାକି ଇଟା ଇଟାଣି ତିଞ୍ଜାଲି ରୀ ଖାଞ୍ଜାଟିଏ ଆଗାଡ଼ା ଖେଣ୍ଡି ଟାକାୟାଁତି* ରୁଟି ଜିକେଏ ହାଲାରି ।”

୮ ତାନି ସାମୁୟାଁ ବିଡ଼ାଟି, ସିମନ ପିତର ତାୟି ଆନ୍ଦ୍ରିୟ ଦରୁଗାଟାସି ଜୀସୁଇଁ ଏଲେଇଚେସି, ୯ “ଇମ୍ବାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜା ଖାଜିତି ମୀଣ୍ଡକା ରିଣ୍ଡି ମାନୁ, ସାମା ଇଚେକା ଲକ୍ଷୁତାକି ଏଝି ହାଲିନୁ କି ?”

୧୦ ଜୀସୁ ଏଲେଇଚେସି, “ଲକ୍ଷୁଣି କୁପକି କିମୁ ।” ଏ ଟାମୁତା ହାରେକା ଗାକି ଜାଡ଼ା ମାଚେ । ଏମ୍ବାଆଁ ପାସାମାଣା ଆବାୟାଁ କୁଟିଚେରି । ୧୧ ଏମ୍ବାଟିଏ ଜୀସୁ ରୁଟି ଆସାନା ମାହାପୁରୁଇଁ ଜହରା ହାହାନା ଏମ୍ବାଆଁ କୁଗାମାନାରାକି ଏଦାଆଁ ବାଟିକିହାଁ ହାଚେରି, ମୀଣ୍ଡକା ଜିକେଏ ଏଲେକିହେଁ ଏ ବାଟିକିଚେରି, ଏଚେକା ମନ କିଚେରି ଏଝାରାକି ଏଚେକା ହାଚେରି । ୧୨ ଅଡ଼େ ଏଝାରି ବାରେ ପାଞ୍ଜିତି ତାମୁ, ଜୀସୁ ତାନି ସାମୁୟାଁଇଁ

* ୫:୩୩ ୫:୩୩ ଜହ ୧:୧୯-୨୬; ୩:୨୬-୩୦ * ୬:୭ ଖେଣ୍ଡି ଟାକା ର ରୁପାଟାକା ର ଦିନାଟି କୁଲି ମାତି ୨୦:୨

ଏଲେଇରେସି, “ଏବେକା ହାରାମାନେ, ଏଦାଆଁ ବାରେ କୁଡ଼ି କିଦୁ ଏନିକିଁ ଇଚାୟି ଜିକେଏ ନସୁ ଆଏ ।”
୧୩ ଏବେଟିଏ ଲକ୍ଷୁ ତିଟି ତାୟୁ ପାସାଗଟା ରୁଟି ବିଦ୍ରାଟି ହାରାମାଟି ମୁକାୟାଁ ବାର ତାଲି କୁଡ଼ି କିତେରି ।

୧୪ ଜୀସୁଟି ଛ କାବାଆନି କାମା ମେସାନା ଲକ୍ଷୁ ଏଲେଇରେସି, “ଆମିନି ମାହାପୁରୁ ଅଣପୁତି ବଲ୍ଲୁ
ଝେକନାସି ଦାରୁତିତା ଖାନାୟି ମାତେ, ଏଝାସି ସାତେଏ ଛଝାସି ।” ୧୫ ଏଦାଆଁତାକି ଏଝାରି ଖାହାନା ରାଜା
କିୟାଲି ବାଲ୍ଲୁମିଟି ଆସା ଅୟାନେରି ଇଞ୍ଜିଁ ପୁଞ୍ଜାନା ଜୀସୁ ଏଟ୍ଟା ଆହାନା ରଅସିଏ ଦାରିତା ମାଟି ହୁରୁ
ଲାକ ହଟାହାରେସି ।

ଜୀସୁ ଏୟୁ ଲାକ ତାକିନାୟି
(ମାଟି ୧୪:୨୨-୩୩; ମାର୍କ ୬:୪୫-୫୨)

୧୬ ମିଡ଼ଅଲ୍ଲା ଆହାଲିଏ ତାନି ସୀସୁୟାଁ ସାମ୍ବୁରି ଗାରୁତା ହାଚେରି । ୧୭ ଅଡ଼େ ସାମ୍ବୁରି ଆତାଲା ମାନି
କପରନାହୁମ ଖାକି ହାଜାଲି ତଂଗତା ହଟେରି । ଆନ୍ଦେରି ଆହାହାଚେ, ଅଡ଼େ, ଜୀସୁ ଏଟିବେଲା ପାତେକା
ଏଝାରିତାଣା ଖାହା ହିଲାଆତେସି । ୧୮ ଇଞ୍ଜିଁ କାଜା ଗାଲି ଝେଟିମାଟାକି ସାମ୍ବୁରିତା ଆଜିହଟପତି ଏୟୁ
ଉଣ୍ଡାୟାଁ ନିଜ୍ଜିମାଟୁ । ୧୯ ଏଟିବେଲା ଏଝାରି ସ କିଲମିଟର ହେକ ହାଜାଲିଏ ଜୀସୁ ସାମ୍ବୁରିତା ତାକିହ
ତଂଗ ଖାକି ଖାହୁମାନାଣି ମେସାନା ଆଜିତେରି । ୨୦ ସାମା ଜୀସୁ ଏଝାରାଇଁ ଏଲେଇରେସି, “ଆଜାଆଦୁ
ଈଝାତେଏଁ ନାନୁ ।” ୨୧ ଏମାଟିଏ ଏଝାରି ଏଝାଣାଇଁ ତଂଗତା ଅହାଲି ମନ କିତେରି, ଅଡ଼େ, ଏମିନି ସାମ୍ବୁରି
ଗାରୁତା ହାଜିମାଚେରି, ଦେବୁଣିଏ ଏ ଟାୟୁତା ତଂଗ ଏତେ ।

ଜୀସୁଇଁ ଲକ୍ଷୁ ପାରିନାୟି

୨୨ ଏ ଟାୟୁତା ର ତଂଗ ପିସପେ ଏଟ୍ଟକାଟି ତଂଗୟାଁ ହିଲାଆତୁ, ଅଡ଼େ ଏମାଆଁ ଜୀସୁ ତାନି ସୀସୁୟାଁ
ତଲେ ହାଜାହିଲାଆତେସି, ସାମା ଖାରୁଇ ସୀସୁୟାଁ ହାଜାମାଚେରି, ଈଦାଆଁ ଆମିନି ଲକ୍ଷୁ ତାନି ଅର ନେରୁ
ସାମ୍ବୁରି ଆତାଲା ନିଟାମାଚେରି ଏଝାରି ମେସାମାଚେରି । ୨୩ ଆମିନି ତାଣା ଜୀସୁ ଜହରା କିହାନା ଲକ୍ଷୁଣି
ରୁଟି ତିଞ୍ଜାଲି ହାହାମାଚେସି, ତିବିରିୟାଟି ଅଡ଼େ ଏଟରଗଟା ତଂଗୟାଁ ଏ ଟାୟୁତା ଖାତୁ । ୨୪ ଇଞ୍ଜିଁ ଜୀସୁ
ତାନି ସୀସୁୟାଁ ଏମାଆଁ ହିଲାଆତେରି, ଈଦାଆଁ ମେସାନା ବାରେ ଲକ୍ଷୁ ଈ ତଂଗତା ହଟାନା ଜୀସୁଇଁ ପାରି
ପାରିହଁ କପରନାହୁମତା ଖାଚେରି ।

ଜୀସୁ ଜୀସୁଟି ରାନ୍ଦା

୨୫ ଏଝାରି ସାମ୍ବୁରି ଆତାଲା ଜୀସୁଇଁ ବେଟାଆହାନା ଝେଚେରି, ଏ “ଗୁରୁ, ନୀନୁ ଏଟିବେଲା ଇମାଆଁ
ଝାଡ଼ି ?”

୨୬ ଜୀସୁ ଏଝାରାଇଁ ଏଲେଇରେସି, “ନାନୁ ମିଜ୍ଜେ ସାତା ଝେସିମାଞ୍ଜାଇଁ, ନା କାବାଆନି କାମା ମେସାକି
ନାଜ୍ଜେ ପାରିମାଞ୍ଜାଦେରି ଏଦି ଆଏ, ସାମା ରୁଟି ତିଞ୍ଜା ପାଞ୍ଜିତାକି ମୀରୁ ନାଜ୍ଜେ ପାରିମାଞ୍ଜାଦେରି ।
୨୭ ସୀସୁଟି ରାନ୍ଦା ତାକି କାମା କିଆନା, କାଲ୍ଲାକାଲ୍ଲାଟି ଜୀସୁତାକି ତୁୟିନି ରାନ୍ଦା ତାକି କାମା କିଦୁ, ଏ ରାନ୍ଦା
ମାଣସି ମାନ୍-ଏସି ମିଜ୍ଜେ ହିୟାନେସି, ଇଚିହଁ ତାନି ଆବା ମାହାପୁରୁ ଏଝାଣାକି ଅଦିକାରା ହାହାମାନେସି
।”

୨୮ ଏମାଟିଏ ଏଝାରି ଏଝାଣାଇଁ ଝେଚେରି, “ମାହାପୁରୁଟି ବାରେ କାମା କିହାଲିତାକି ମାଜ୍ଜେ ଏଦାଆଁ
କିହାଲି ଆନେ ?”

୨୯ ଜୀସୁ ଏଝାରାଇଁ ଏଲେଇରେସି, “ମାହାପୁରୁ ଆମାଆରାଇଁ ପାଣ୍ଡାମାଞ୍ଜାନେସି, ଏଝାଣି ତାଣା ନାମିନାୟି
ମାହାପୁରୁଟି କାମା ।”

୩୦ ଏବେଟିଏ ଏଝାରି ଏଝାଣାଇଁ ଝେଚେରି, “ଆତିହଁ ନୀନୁ ସିନାଲେହେଁ ଏନାଆଁ କିହିମାଞ୍ଜି, ଏଦାଆଁ
ମେସାନା ମାୟୁ ନିଜ୍ଜେ ନାମାନି ? ୩୧ ମା ଆକୁ ଆବାୟାଁ ଲକ୍ଷୁ ତୁୟାଆ ଟାୟୁତା ‘ମାନା’* ତିଞ୍ଜା ମାଚେରି,
ଦାମ୍ବୁପତିତା ରାସ୍‌କି ଆହାମାନେ, ତିଞ୍ଜାଲି ଏଝାସି ଏଝାରାକି ଲାକପୁରୁଟି ରାନ୍ଦା ହାତେସି ।”

୩୨ ଏବେଟିଏ ଜୀସୁ ଏଝାରାଇଁ ଏଲେଇରେସି, “ସାତା ସାତା ନାନୁ ମିଜ୍ଜେ ଝେସିମାଞ୍ଜାଇଁ, ମସା ମିଜ୍ଜେ
ଲାକପୁରୁଟି ରାନ୍ଦା ହାହାମାଞ୍ଜାସି, ସାମା ନା ଆବା ମିଜ୍ଜେ ଲାକପୁରୁଟି ସାତା ରାନ୍ଦା ହିୟାନେସି;
୩୩ ଇଚିହଁ ଆମିନି ରାନ୍ଦା ଲାକପୁରୁଟି ଖାହାନା ଦାରୁତିଟି ଲକ୍ଷୁଣି ଜୀସୁ ହୀନେ, ଏଦି ମାହାପୁରୁ ହିୟାଟି
ରାନ୍ଦା ।”

୩୪ ଏଝାରି ଜୀସୁଇଁ ଏଲେଇରେସି, “ପ୍ରବୁ, ମାଜ୍ଜେ ବାରେଦିନା ଏ ରାନ୍ଦା ହିୟାମୁ ।”

† ୬:୩୧ ୬:୩୧ ମାନା ଇଚିସାରେ ଇସ୍ରାୟେଲ ଲକ୍ଷୁକି ମାହାପୁରୁ ହାହାମାଟି କାଡ଼ିତି ଦରୁ

୩୫ ଏମାତ୍ରିଏ ଜୀବୁ ଏଝାରାଇଁ ଏଲେଇଚେସି, “ନାନୁଏ ଜୀବୁତି ରାନ୍ଦାତେଏ; ଆମ୍ବାଆସି ନା ତାଣା ଖାନେସି, ଏଝାସି ଏଚେଲା ହାକି ଆଅସି, ଅଡ଼େ ନା ତାଣା ନାମିନାସି, ଏଚେଲା ଏସକି ଆଅସି । ୩୬ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ମୀରୁ ନାଙ୍ଗେ ମେସ୍ତାତି ଜିକେଏ ନାମିମାଞ୍ଜଅଚେରି । ୩୭ ଆବା ନାଙ୍ଗେ ଆମ୍ବାଆରାଇଁ ହିୟାନେସି, ଏଝାରି ବାରେଜାଣା ନା ତାଣା ଖାନେରି; ଅଡ଼େ ନା ତାଣା ଖାନାଣାଇଁ, ନାନୁ ଏଚେଲାଝା ପାଙ୍ଗାତା ପିହୁଅଁ । ୩୮ ଇତିହୁଁ ନାନୁ ଅଣ୍ଡିପିନି ଲେହେଁ କିହାଲି ଖାହାହିଲଅଁ, ସାମା ନାଙ୍ଗେ ପାଣ୍ଡାତାଣା ଅଣ୍ଡୁ ଚଲେ କିହାଲି ଲାକପୁରୁତି ଖାହାମାଇଁ । ୩୯ ଅଡ଼େ ନାଙ୍ଗେ ପାଣ୍ଡାମାଞ୍ଜାନାସି ଆମିନି ଗାଟାରାଇଁ ନାଙ୍ଗେ ହିୟାନେସି, ଏଝାରି ବିତ୍ରାଟି ଆମ୍ବାଆରାଇଁ ଜିକେଏ ଏନିକଁଁ ନାନୁ ଜାକଅଁ, ସାମା ରାନ୍ତି ଦିନାତା ଏଝାରାଇଁ ହାତାରି ତାଣାଟି ନିକଇଁ, ଇଦି ଏଝାଣି ଅଣ୍ଡୁ । ୪୦ ଇତିହୁଁ ଆମ୍ବାଆସି ମୀରୁଏଣାଇଁ ମେସାନା ଏଝାଣି ତାଣା ନାମିନେସି, ଏଝାସି ଏନିକଁଁ କାଲାକାଲାତି ଜୀବୁ ବେଟା ଆନେସି, ଇଦି ନା ଆବାତି ଅଣ୍ଡୁ, ଅଡ଼େ ନାନୁ ଏଝାଣାଇଁ ରାନ୍ତି ଦିନାତା ହାତାରି ତାଣାଟି ନିକଇଁ ।”

୪୧ ନାନୁ ଲାକପୁରୁତି ରେଟା ଖାହାମାନି ରାନ୍ଦାତେଏଁ ଇଞ୍ଜୁଁ ଏଝାସି ଏଲେଇଞ୍ଜାଲିଏ ଜୀହୁଦିୟାଁ ଏଝାଣି କପାଟି ଏଲେଇଞ୍ଜି ଜଲୁକି ଆଡ଼େରି । ୪୨ “ଇଝାସି ଜସେପ ମୀରୁଏସି ଜୀବୁ ଆଏକି, ଅଡ଼େ ମୀରୁ ଇଝାଣି ଇୟା ଆବାତି ପୁଞ୍ଜାହିଲାଆସି କି ? ଆତିହୁଁ ନାନୁ ଲାକପୁରୁତି ରେଟା ଖାହାମାଇଁ ଇଞ୍ଜୁଁ ଏଝାସି ନୀଏଁ ଏନିକଁଁ ଝେସିମାନେସି ?”

୪୩ ଜୀବୁ ଏଝାରାଇଁ ଏଲେଇଚେସି, “ମୀରୁ ମୀରୁ ମୁରୁମୁରୁ ଜଲୁକି ଆଆରୁ ।” ୪୪ ନାଙ୍ଗେ ପାଣ୍ଡାମାଞ୍ଜାନି ଆବା ଆମ୍ବାଆରାଇଁ ରେଜା କତିନେସି, ଏଝାସିଦେଁ ନା ତାଣା ଖାହାଲି ଆଡ଼ିନେସି, ଅଡ଼େ ନାନୁ ରାନ୍ତି ଦିନାତା ଏଝାଣାଇଁ ହାତାରି ତାଣାଟି ନିକଇଁ । ୪୫ ମାହାପୁରୁ ଅଣ୍ଡୁଚି ବଲୁ ଝେହନାରି ବାମୁପତିତା ରାସକି ଆହାମାନେ, “ବାରେଜାଣା ମାହାପୁରୁ ତାଣାଟି ଜାପିନେରି । ଆମ୍ବାଆସି ଆବାତି କାତା ଝେଞ୍ଜାନା ଜାପାମାନେସି, ଏଝାସି ନା ତାଣା ଖାନେସି । ୪୬ ଆମ୍ବାଆସି ଆବାଇଁ ମେସାହିଲଅସି, ଆମ୍ବାଆସି ମାହାପୁରୁ ତାଣାଟି ଖାହାମାନାସି, ଖାରଇ ଏଝାସି ମେସାମାନେସି । ୪୭ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ନାମିନେସି, ଏଝାସି କାଲାକାଲାତି ଜୀବୁ ବେଟା ଆହାମାନେସି । ୪୮ ନାନୁ ଜୀବୁତି ରାନ୍ଦାତେଏଁ । ୪୯ ମୀ ଆକୁ ଆବାୟାଁ ଲକୁ ଡୟାଆ ଟାୟାତା ମାନା ତିଞ୍ଜାନା, ହାଡ଼େରି । ୫୦ ଆମ୍ବାଆସି ଏନିକଁଁ ରାନ୍ଦା ତିଞ୍ଜାନା ହାଅରି, ଏଦାଆଁତାକି ଲାକପୁରୁତି ଖାନ୍ତି ରାନ୍ଦା ଇଦି ।

୫୧ ନାନୁ ଲାକପୁରୁତି ଖାହାମାନି ଏ ଜୀବୁଗାଟି ରାନ୍ଦାତେଏଁ; ଆମ୍ବାଆସି ଏ ରାନ୍ଦା ତିନେସି, କାଲାକାଲା ତାକି ନାତିନେସି; ହାଅ, ନାନୁ ଏମିନି ରାନ୍ଦା ହାଇଁ, ଏଝି ନା ଉଙ୍ଗା, ନାନୁ ଏଝାଆଁ ଦାରୁତିତି ଜୀବୁତାକି ହାଇଁ ।”

୫୨ ଇ ହାତା ଝେଞ୍ଜାନା ଜୀହୁଦିୟାଁ କାରୁଟି ଆହାନା ଏଲେଇଣ୍ଡି ଆଡ଼େରି, “ଇଝାସି ଏନିକଁଁ ମାଙ୍ଗେ ତାନି ଉଙ୍ଗା ତିଞ୍ଜାଲି ହିୟାଲି ଆଡାନେସି ?”

୫୩ ଜୀବୁ ଏଝାରାଇଁ ଏଲେଇଚେସି, “ନାନୁ ସାତା ଝେସିମାଞ୍ଜାଇଁ, ମାଣସି ମୀରୁଏଣି ଉଙ୍ଗା ତିନାଆସାରେ ଅଡ଼େ ତାନି ନେତେରି ଗହୁଆସାରେ, ମୀ ତାଣା ଜୀବୁ ହିଲେଏ । ୫୪ ଆମ୍ବାଆସି ନା ଉଙ୍ଗା ତିନେସି ଅଡ଼େ ନା ନେତେରି ଗହୁନେସି, କାଲାକାଲାତି ଜୀବୁ ବେଟା ଆନେସି, ଅଡ଼େ ନାନୁ ଏଝାଣାଇଁ ରାନ୍ତି ଦିନାତା ହାତାରି ତାଣାଟି ନିକଇଁ । ୫୫ ଇତିହୁଁ ନା ଉଙ୍ଗା ସାତା ରାନ୍ଦା ଅଡ଼େ ନା ନେତେରି ସାତା ଗହୁନାସି । ୫୬ ଆମ୍ବାଆସି ନା ଉଙ୍ଗା ତିନେସି ଅଡ଼େ ନା ନେତେରି ଗହୁନେସି, ଏଝାସି ନା ତାଣା ଡୟିନେସି ଅଡ଼େ ନାନୁ ଏଝାଣି ତାଣା ଡୟିଇଁ । ୫୭ ଜୀବୁତି ଆବା ନାଙ୍ଗେ ଏନିକଁଁ ପାଣ୍ଡାମାଞ୍ଜାନେସି ଅଡ଼େ ନାନୁ ତାନିତାଣାଟି ନୀତାମାଇଁ, ଏଲେକିହୁଁ ଏ ଆମ୍ବାଆସି ନାଙ୍ଗେ ତିଞ୍ଜାନେସି, ଏଝାସି ଜିକେଏ ନା ତାଣାଟି ନାତିନେସି । ୫୮ ଆମିନି ରାନ୍ଦା ଲାକପୁରୁତି ଖାହାମାନେ, ଏଦି ଇଦି; ମୀ ଆକୁ ଆବାୟାଁ ଏନିକଁଁ ତିଞ୍ଜାନା ହାଡ଼େରି, ଇଦି ଏଲେତାୟି ଆଏ, ଆମ୍ବାଆସି ଇ ରାନ୍ଦା ତିନାସି ଏଝାସି କାଲାକାଲା ତାକି ଜୀବୁତଲେ ଡୟିନେସି ।”

୫୯ ଜୀବୁ କପରୁନାହୁମତି ର ଜୀହୁଦି ଲକୁତି କୁଟମି ଇଲୁତାଃ ମାହାପୁରୁ ବଲୁ ଝେସିମାଗାଟି ଇ ବାରେ କାତା ଝେସେସି ।

କାଲାକାଲା ଜୀବୁତି ବଲୁ

୬୦ ଜୀବୁତି ସୀୟୁୟାଁ ବିତ୍ରାଟି ହାଡ଼େରକ ଇ ବାରେ କାତା ଝେଞ୍ଜାନା ଏଲେଇଚେରି, “ଇଦି ଅପାଆଗାଟି କାତା, ଆମ୍ବାଆସି ଇଦାଆଁ ଝେଞ୍ଜାଲି ଆଡ଼ିନେସି ?”

‡ ୨:୫୯ ୨:୫୯ ସିନଗ୍ଗ

୨୧ ଏଞ୍ଜର ଛ କାତାତାକି ଝେସ୍ପି ଆହିମାନେରି ଇଞ୍ଜିଁ ଜୀସୁ ପୁଞ୍ଜାନା ସାସୁୟାଁଇଁ ଏଲେଇଚେସି, “ଇ କାତା ମିଙ୍ଗେ ଅପାଆଗାଗାୟି ଆହିମାନେ କି ? ୨୨ ଆତିହୁଁ ମାଣସି ମାର୍ବସସି ତଲିଏ ମାଟି ଗାୟିତା, ଝେଣ୍ଡେ ହାନାଣି ମେସିହୁଁ, ଏନାଆଁ ଇଞ୍ଜେରି ? ୨୩ ମାହାପୁରୁତି ଜୀସୁ ନାତାଲି ହାନାୟି; ମାଣସିତି ଆଙ୍ଗା ଏନାଆଁ କିୟାଲି ଆଡେଏ; ନାନୁ ମିଙ୍ଗେ ଝେସ୍ପାତି ବଲୁ ବାରେ, ସୁଦୁଜୀସୁ ଅଡେ ନାତିନି ବଲୁ । ୨୪ ସାମା ମୀ ବିତ୍ରାଟି ଏଚରଜାଣା ନାମିହିଲଅରି” ଇତିହୁଁ ଆମ୍ବାଆରି ନାମି ହିଲାଆତେରି ଅଡେ ଆମ୍ବାଆସି ଏଞ୍ଜାଣାଁ ସାତୁ କେୟୁତା ହେରପିନେସି ଏଦାଆଁ ଜୀସୁ ତଲିଏ ପୁଞ୍ଜାମାଚେସି । ୨୫ ଅଡେ ଏଞ୍ଜସି ଏଲେଇଚେସି, “ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଁ, ଆବା ହେଲ ହାଆତିହୁଁ ଆମ୍ବାଆସି ନା ଚାଣା ଖାୟାଲି ଆଡଅସି ।”

୨୬ ଏ ଦିନାଟିଏ ତାନି ସାସୁୟାଁ ବିତ୍ରାଟି ହାଚେକା ଜାଣା ଅପାଆନାହାଁ ହାଜାତୁସ୍ତେରି, ଇଞ୍ଜା, ଏଞ୍ଜାଣିତଲେ ଅଡେ ହାଲାଆତେରି । ୨୭ ଏମ୍ବାଟିଏ ଜୀସୁ ବାରଜାଣା ସାସୁୟାଁଣି ଝେଚେସି, “ମୀରୁ ଜିକେଏ ହାଜାଲି ମନ୍ କିହିମାଞ୍ଜେରି କି ?”

୨୮ ଯସିମନ ପିତର ଏଞ୍ଜାଣାଁ ଏଲେଇଚେସି, “ପ୍ରବୁ ଆମ୍ବାଆରି ତାଣା ହାନମି ? କାଲାକାଲାତି ଜୀସୁତି ବଲୁ ନୀ ତାଣା ମାନେ । ୨୯ ନାନୁ, ମାହାପୁରୁ ତାଣାଟି ଖାହାମାନି ଏ ସୁଦୁ ମାଣସିତି ଇଦାଆଁ ମାମ୍ ନୁମା ମାନମି ଅଡେ ପୁଞ୍ଜାମାନମି ।”

୩୦ ଜୀସୁ ଏଞ୍ଜାରାଁ ଏଲେଇଚେସି, “ନାନୁ ଏନାଆଁ ମୀ ବାରଜାଣାଚେରି ମିଙ୍ଗେ ଆଚାମାଞ୍ଜଅଁ କି ? ଅଡେ ମୀ ବିତ୍ରାଟି ରଅସି ସୟତାନ । ୩୧ ଏଞ୍ଜସି ଇସ୍ତାରିୟତ ସିମନ ମୀରୁଏସି ଜୀହୁଦାଁ ସିନିକିହାନା ଏଲେଇଚେସି, ଇତିହୁଁ ଏଞ୍ଜସି ବାରଜାଣା ସାସୁୟାଁ ବିତ୍ରାଟି ରଅସି, ଅଡେ ଏଞ୍ଜସି ଜୀସୁଁ ସାତୁ କେୟୁତା ହେରପାଲି ହାଜିମାଚେସି ।



ଜୀସୁ ଅଡେ ତାନି ତାୟିୟାଁ

୧ ଇଦାଆଁ ତାୟୁ ଜୀସୁ ଗାଲିଲିତା ରେଜିମାଚେସି, ଇତିହୁଁ ଜୀହୁଦିୟାଁ ଏଞ୍ଜାଣାଁ ପାୟାଲି ଅଣପି ମାଚାକି ଏଞ୍ଜସି ଜୀହୁଦା ରାଜିତା ରେଜାଲି ମନ୍ କିହି ହିଲାଆଚେସି । ୨ ସାମା ଜୀହୁଦି ଲକୁତି “ଗଚାୟାଁ ଗୁଡାତା ବାସାଆନି” ପାରୁଁ ତାଗେ ଖାହିମାଚାକି । ୩ ଜୀସୁତି ତାୟିୟାଁ ଏଞ୍ଜାଣାଁ ଏଲେଇଚେରି, “ନାନୁ କିହିମାନି କାମାୟାଁ, ନୀ ସାସୁୟାଁ ଜିକେଏ ମେହ୍ନେରି ଇଦାଆଁତାକି ନାନୁ ଇମ୍ବାଟି ହଚା ହାଜାନା ଜୀହୁଦା ରାଜିତା ହାଲାମ୍ । ୪ ଇତିହୁଁ ଲକୁତାଣା ଝେଙ୍ଗାଲି ମନ୍ କିନାସି ତାନି କାମା ତୁଗୁଆଁ କିଅସି । ନାନୁ ଇ ବାରେ କାମା କିହିମାଞ୍ଜି, ଆତିହୁଁ ନାନୁ ଦାରତି ନକିତା ତସାକତାମ୍ ।” ୫ ଇତିହୁଁ ତାନି ତାୟିୟାଁ ଜିକେଏ ତାଙ୍ଗେ ନାମି ହିଲାଆଚେରି ।

୬ ଏମ୍ବାଟିଏ ଜୀସୁ ଏଞ୍ଜାରାଁ ଏଲେଇଚେସି, “ନୀଏଁ ପାତେକା ନା ଦିନା ଏଜାମାଞ୍ଜେଏ, ସାମା ମୀ ଦିନା କାଲେଏ ମାନେ ।”

୭ ଦାରତିତାରି ମିଙ୍ଗେ ଅପାନେରି ସାମା ନାଙ୍ଗେ ଅପଅରି ଏନାଆଁତାକି ଇତିହୁଁ ତାନି କାମା ବାରେ ଲାଗେଏତାୟି ଇଞ୍ଜିଁ ନାନୁ ସାକି ହାହାନା ତସିମାଁ । ୮ ମୀରୁ ଇ ପାରୁତା ହାଜୁ, ନାନୁ ନୀଏଁ ଇ ପାରୁତା ହାଜିହିଲଅଁ, ଇତିହୁଁ ନା ଦିନା ଖାହାହିଲେଏ । ୯ ଏଞ୍ଜସି ଏଞ୍ଜାରାଁ ଇ ବାରେ କାତା ଝେସାନା ଗାଲିଲିତା ଡୟିଚେସି ।

ଗଚାୟାଁ ଗୁଡାତା ବାସାଆନି ପାରୁତା ଜୀସୁ

୧୦ ଜୀସୁତି ତାୟିୟାଁ ଏ ପାରୁତା ହାଟି ତାୟୁ, ଜୀସୁ ଜିକେଏ ହାଚେସି ସାମା ଲକୁ ମେହ୍ନାରେରୁ ମେଣେଏ ହାଚେସି । ୧୧ ପାରୁଁ ବେଲାତା ଜୀହୁଦି ଲକୁ ଏଞ୍ଜାଣାଁ ପାରି ପାରିହୁଁ, “ଏଞ୍ଜସି ଏମ୍ବିୟା ମାନେସି ଇଞ୍ଜିଁ ଝେଚେରି ?”

୧୨ ବାରେ ଲକୁ ଏଞ୍ଜାଣି ତାକି କିଲିବିଲି ଆହିମାଚେରି, ଏଚରଜାଣା “ଏଞ୍ଜସି ନେହୁଁ ମାଣସି” ଇଚେରି; ଅଡେ ଏଚରଜାଣା “ଆଏ, ଏଞ୍ଜସି ଲକୁଣି ନାଡ଼ି କିହିମାନେସି” ଇଞ୍ଜିଁ ଇଚେରି । ୧୩ ସାମା ଜୀହୁଦିୟାଁ ଆଜିତାକି ଆମ୍ବାଆରି ତାନି କାତା ପାଙ୍ଗାଝେଙ୍ଗେ ଝେସି ହିଲାଆଚେରି ।

୧୪ ସାମା ପାରୁତି ମାଦି ପାତେକା ରାହାଲିଏ, ଜୀସୁ ମାହାପୁରୁ ଇଲୁତା ହାଜାନା ଜାପୁହାଲି ମାଟୁହେସି । ୧୫ ଏମ୍ବାଟିଏ ଜୀହୁଦିୟାଁ କାବାଆହାନା ଏଲେଇଚେରି, “ଇଞ୍ଜସି ପାଟା ଜାପାଆନାହାଁ ଏନିକିଁ ଇଚେକା ବୁଦି ପୁଚେସି ?”

☆ ୨:୨୮ ୨:୨୮ ମାଟି ୧୭:୧୭; ମାର୍କ ୮:୨୯; ଲୁକ ୯:୨୦

୧୭ ଜୀସୁ ଏଞ୍ଜରାଜ୍ ଏଲେଇଚେସି, “ନାନୁ ଜାପୁହିମାନାୟି ନା, ତାଣାଟି ଆଏ, ସାମା ନାଜେ ପାଣ୍ଡାତାଣାଞ୍ଜାୟି । ୧୭ ଆମ୍ବାଆସି ତାନି ଅଣ୍ଡପୁ ତଲେ କିହାଲି ଅଣ୍ଡପିନେସି, ଆଡ଼ିସାରେ ଈ ଜାପୁନାୟି ମାହାପୁରୁ ତାଣାଟି ଖାହାମାନେ, କି, ନା, ତାଣାଟି ଖେସିମାଲ୍, ଏଦାଣି ଏଞ୍ଜାସି ପୁନେସି । ୧୮ ଆମ୍ବାଆସି ନାଦିଏ ଇନେସି, ଏଞ୍ଜାସି ତାନି ଗାଧୁରମି ପାରିନେସି, ସାମା ଆମ୍ବାଆସି ତାଜେ ପାଣ୍ଡାମାଞ୍ଜାନାଣା ଗାଧୁରମି ପାରିନେସି, ଏଞ୍ଜାସି ସାତା, ଅଡ଼େ ଏଞ୍ଜାଣି ତାଣା ଏନାୟି ଲାଗେଏ କିନାୟି ହିଲେଏ । ୧୯ ମସା ନିଜେ ମେରା ହାହାମାଞ୍ଜାଅସି କି ? ଆଡ଼ିଜିକେଏ ମା ବିତ୍ତାଟି ଆମ୍ବାଆତେରି ମେରାଟି ମାନୁଞ୍ଜି ଆହି ହିଲଅତେରି, ମୀରୁ ଏନାଆଁତାକି ନାଜେ ପାୟାଲି ଅଣ୍ଡପିମାଞ୍ଜାଦେରି ?”

୨୦ ଲକୁ ବାରେ ଏଲେଇଚେରି, “ନିଜେ ବୁଡୁ ଆଲ୍‌ଗାମାଞ୍ଜାନେ, ନିଜେ ଆମ୍ବାଆସି ପାୟାଲି ଅଣ୍ଡପି ମାଞ୍ଜାନେସି ?”

୨୧ ଜୀସୁ ଏଞ୍ଜରାଜ୍ ଏଲେଇଚେସି, “ନାନୁ ର କାବାଆନ୍ତି କାମା କିତେଏ, ଅଡ଼େ ମୀରୁ ବାରେ କାବା ଆଡ଼େରି । ୨୨ ଇଦାଆଁତାକି ମସା ନିଜେ ତଲୁ ଦାପି କିନି ମେରା ହାହାମାଞ୍ଜାନେସି, ଈ ମେରା ମସା ତାଣାଟି ଆହାମାନେ, ଏଦି ଆଏ, ସାମା ଆକୁ ଆବାୟାଁ ତାଣାଟି, ଇଞ୍ଜା ମୀରୁ ଜମିନି ଦିନାତା ଜିକେଏ କକାରି ତଲୁ ଦାପି କିହିମାଞ୍ଜେରି ? ୨୩ ଜମିନି ଦିନାତା ର କକାଣି ତଲୁ ଦାପି କିନାଣିତାକି ମସାଟି ମେରା ଉରିହିଲଅତେରି, ଆଡିହୁଁ ନାନୁ ଜମିନି ଦିନାତା ର ମାଣସିତି ଗୁଡ଼ା ଆଙ୍ଗ ନେହୁଁ କିୟାଲିଏ ମୀରୁ ନାଜେ ଏନାଆଁତାକି କପା ଆହିମାଞ୍ଜାଦେରି ? ୨୪ ଖରଇ ଲାକ ଲାକ କାତା ମେସାନା ନୀହାୟି କିଆଡୁ ସାତା ତଲେ ନୀହାୟି କିଦୁ ।”

ଇଞ୍ଜାସି ଏନାଆଁ ମସିହା ?

୨୫ ଏଚେଟିଏ ଜିରୁସାଲମତା ମାନାରି ବିତ୍ତାଟି ଏଚରଜାଣା ଖେସପି ଆଡ଼େରି, “ଆମ୍ବାଆରାଜ୍ ଇଞ୍ଜାରି ପାୟାଲି ଅଣ୍ଡପିମାନେରି ଇଞ୍ଜାସି ଏଞ୍ଜାସି ଆଏକି ? ୨୬ ଅଡ଼େ ମେହଦୁ, ଏଞ୍ଜାସି ଲକୁ ପୁଣ୍ଡମ୍ବେ କାତା ଖେସିମାନେସି, ଇଞ୍ଜା ଏଞ୍ଜାଣାଲ୍ ସାଲୁଞ୍ଜି କିନାରି ଏନାଆଁ କିହିହିଲଅରି । ଏଞ୍ଜାସି କ୍ରୀସୁ ଇଞ୍ଜୁଁ ଏଞ୍ଜାରି ଏନାଆଁ ସାତା ତଲେ ପୁଚେରି କି ? ୨୭ ଆଡିହୁଁ ଏଞ୍ଜାସି, ଆମ୍ବିଟି ଖାହାମାନେସି, ଇଦାଆଁ ମୀରୁ ପୁଞ୍ଜାମାନାୟି, ସାମା କ୍ରୀସୁ ଏଚିବେଲା ଖାହେସି, ଏଚିବେଲାତା ଆମ୍ବାଆସି ପୁନଅସି, ଇଡିହୁଁ ଏଞ୍ଜାସି ଆମ୍ବିଟି ଖାହାମାନେସି ।”

୨୮ ଜୀସୁ ମାହାପୁରୁ ଇଲୁତା ମାହାପୁରୁ କାତା ଖେସି ଖେସିହୁଁ କାଜା ଗିୟାଁତଲେ ଏଲେଇଚେସି, “ମୀରୁ ସାତେଏ ନାଜେ ପୁଞ୍ଜାମାଞ୍ଜାଦେରି ଅଡ଼େ ନାନୁ ଏମ୍ବିଟି ଖାହାମାଲ୍ ଏଦାଆଁ ସାତେଏ ପୁଞ୍ଜାମାଞ୍ଜେରି; ନାନୁ ନା, ଅଣ୍ଡପୁ ତଲେ ଖାହାହିଲଅଁ, ସାମା ନାଜେ ପାଣ୍ଡାତାସି ଏଞ୍ଜାସି ସାତା, ମୀରୁ ଏଞ୍ଜାଣାଲ୍ ପୁଞ୍ଜାହିଲଅତେରି । ୨୯ ନାନୁ ଏଞ୍ଜାଣାଲ୍ ପୁଞ୍ଜାମାଲ୍, ଇଡିହୁଁ ନାନୁ ଏଞ୍ଜାଣି ତାଣାଟି ଖାହାମାଲ୍, ଅଡ଼େ ଏଞ୍ଜାସି ନାଜେ ପାଣ୍ଡାତେସି ।”

୩୦ ଏମ୍ବାଟିଏ ଜୀସୁଲ୍ ଆସାଲି ତାକି ଅଣ୍ଡପିତେରି; ସାମା ଆମ୍ବାଆରି କେୟୁ ଏଞ୍ଜାଣି ମୁହେଁ ଏଆତେ, ଇଡିହୁଁ ଏଞ୍ଜାଣାଲ୍ ଆହନି କାରୁ ଏଚେତା ଏଜାହିଲାଆତେ । ୩୧ ସାମା ଲକୁ ବିତ୍ତାଟି ହାଚେକା ଏଞ୍ଜାଣି ତାଣା ନାମାନା ଏଲେଇଚେରି, “ଇଞ୍ଜାସି ଏଦି ଏଦି କାବାଆନ୍ତି କାମା ବାରେ କିହିମାନେସି, କ୍ରୀସୁ ଖାହାନା ଇଞ୍ଜାଣି କିହାଁ ଏନାଆଁ ଆଗାଡ଼ା କିନେସି ?”

ଜୀସୁଲ୍ ଦସାଲି କସକାଣି ପାଣ୍ଡିନାୟି

୩୨ ଲକୁ ଜୀସୁ କାତା ତାନି ବିତ୍ତା ଖେସପି ଆହିମାତାଣି ପାରୁସିୟାଁ ଖେଚେରି ଅଡ଼େ ପାରୁସିୟାଁ ଅଡ଼େ କାଜା ପୁଜେରାଜା ଜୀସୁଲ୍ ଦସାଲି ଜାମାନାଙ୍ଗାଣି ପାଣ୍ଡିତେରି । ୩୩ ଏମ୍ବାଟିଏ ଜୀସୁ ଏଲେଇଚେସି, “ନାନୁ ମା ତଲେ ଗାଡ଼େକା ତାକି ଡ଼ୟାହାଁ ନାଜେ ପାଣ୍ଡାତାଣା ତାଣା ହାଲ୍ । ୩୪ ମୀରୁ ନାଜେ ପାରାଦେରି, ସାମା ମେଡାଆୟଅତେରି; ଅଡ଼େ, ନାନୁ ଏମ୍ବିୟା ମାଲ୍, ମୀରୁ ଏମ୍ବାଆଁ ଖାହାଲି ଆଡ଼ଅତେରି ।”

୩୫ ଜୀହୁଦିୟାଁ ତାମ୍ବୁ, ତାମ୍ବୁସୁ ଖେସପି ଆତେରି, “ଇଞ୍ଜାସି ଆମ୍ବିୟା ହାଜିମାନେସି, ମୀରୁ ଏଞ୍ଜାଣାଲ୍ ବେଟାଆହାଲି ଆଡାଆୟି ଏନାଆଁ ଇଞ୍ଜାସି ଇତାଲା ଆତାଲା ଜାଙ୍ଗାହାଜାମାନି ଗ୍ରିକ ଲକୁଲ୍ ଜାପୁହାଲି ହାଜିମାନେସି କି ?” ୩୬ “ମୀରୁ ନାଜେ ପାରାଦେରି, ସାମା ବେଟାଆୟଅତେରି, ଅଡ଼େ ନାନୁ ଏମ୍ବିୟା ମାଲ୍, ମୀରୁ ଏମ୍ବାଆଁ ଖାହାଲି ଆଡ଼ଅତେରି, ଇଞ୍ଜୁଁ ଏଞ୍ଜାସି ଖେସପୁଟି ଈ କାତା ଏନାୟି ଇଞ୍ଜୁଁ ଖେସପି ଆଡ଼େରି ?”

ଜୀସୁହାନି ଜାଡ଼ା ଏୟୁ

☆ ୭:୨୩ ୭:୨୩ ଜହ ୫:୯

୩୭ ରାଜି ଦିନା, ଇତିସାରେ ପାର୍ଶୁଟି କାଜା ଦିନା, ଜୀସୁ ନିଚାନା କାଜା ଗିୟାଁତଲେ ଏଲେଇଚେସି, ଆମ୍ବାଆସି ଏସ୍‌କି ଆଡ଼ିହୁଁ, ଏଝାସି ନା ତାଗେ ଖାହାନା ଗସ୍‌ପେସି । ୩୮ ଅଡ଼େ ଆମ୍ବାଆସି ନା ତାଣା ନାମିନେସି, “ଦାମ୍ବୁ ପତିତା ରାସ୍‌କି ଆହାମାନି ଲେହେଁ, ଏଝାଣି ହିୟାଁଟି ଜୀସୁଟି ଜାରଣା ଏୟୁ ହନୁ* ।” ୩୯ ଜୀସୁ ସୁଦୁଜୀସୁଟି କାତା ଝେସିମାଚେସି, ଆମିନି ଗାଟାରି ଜୀସୁ ତାଣା ନାମି ମାଚେରି, ଏଝାରି ସୁଦୁଜୀସୁ ବେଟାଆନାୟି ମାଚେ, ଜୀସୁ ଗାସୁରମି ବେଟାଆହା ହିଲାଆତାକି ଏଝାରାକି ଏଡ଼େତା ସୁଦୁଜୀସୁ ହୀପ୍‌କି ଆହାହିଲାଆଡେ ।

ଲକୁ ବିତ୍ତା ବାଗା ଆନାୟି

୪୦ ଏଡ଼େତା, ଲକୁ ଏ କାତା ଝେଚେରି, ଏଝାରି ବିତ୍ତାଟି ଏଚରଜାଣା ଏଲେଇଚେରି, “ଇଝାସି ସାଡେଏ ମାହାପୁରୁ ଅଣ୍‌ପୁଟି ବଲୁ ଝେହ୍‌ନାୟି ।”

୪୧ ଏଡ଼କାତାରି ଏଲେଇଚେରି, “ଏଝାସି ମସିହା !”† ସାମା ଆମ୍ବା ଆମ୍ବାଆରି ଏଲେଇଚେରି, “ମସିହା !‡ ଏନାଆଁ ଗାଲିଲିଟି ଖାନେସି କି ? ୪୨ ଦାମ୍ବୁ ସାସ୍‌ପେରିତା ରାସ୍‌କି ଆହାମାନେ, କ୍ରୀସୁ ଦାସୁଦ ରାଜା କୁଡ଼ାଟି ଇଞ୍ଜା ଦାସୁଦ ଏମିନି ଚାୟୁତା ବାସା ଆହାମାଚେସି, ଏ ବେତଲିହିମ ନାୟୁଁଟି ଖାନେସି ।” ୪୩ ଇଦାଆଁତାକି ଲକୁ ତାମି ବିତ୍ତାଟି ଏଝାଣି ତାକି ବାଗା ଆଡ଼େରି; ୪୪ ଅଡ଼େ, ତାମି ବିତ୍ତାଟି ଆମ୍ବା ଆମ୍ବାଆରି ଏଝାଣାଇଁ ଆସାଲି ଅଣ୍‌ପି ମାଚେରି, ସାମା ଆମ୍ବା ଆମ୍ବାଆରି ତାମି ଲାକ କେୟୁ ଇଚାଲି ଆଡ଼ାଆଡେରି ।

ସାଲ୍‌ଝି କିନି ଜୀହୁଦିୟାଁ ନାମାଆ ଗାଟାୟି

୪୫ ଏଚେରିଏ ଜାମାନାଜା କାଜା ପୁଜେରା ଅଡ଼େ ପାରୁସିୟାଁ ତାଣା ଝେଣ୍ଡା ହାଚେରି, ଅଡ଼େ ଏଝାରି ଏଝାରାଇଁ ଝେଚେରି, “ଏଝାଣାଇଁ ଏନାଆଁତାକି ଆସା ତାଆଡେରି?”

୪୬ ଜାମାନାଜା ଏଝାରାଇଁ ଏଲେଇଚେରି, “ଇ ମାଣ୍‌ସି ଏନିକିଁ ହାଡ଼ା ଝେହ୍‌ନାୟି, ଏଲେକିହୁଁ ଏମିନି ମାଣ୍‌ସି ଏଚେଲା ଝେସାହିଲଅସି ।”

୪୭ ପାରୁସିୟାଁ ଏଝାରାଇଁ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଝି ଆଡ଼େରି ? ୪୮ ପାରୁସିୟାଁ ବିତ୍ତାଟି କି ସାଲ୍‌ଝି କିନାରି ବିତ୍ତାଟି ଆମ୍ବାଆରି ଏଝାଣି ତାଣା ନାମାମାନେରି କି ? ୪୯ ସାମା ଇ ଏମିନି ଲକୁ ମସାତି ଫେରା ପୁଞ୍ଜାହିଲଅସି, ଏଦାଆଁତାକି ଇଝାରି ବାକା ଗାଟି ଲକୁ ।”

୫୦ *ଏମିନି ନିକଦିମ ଇଦାଆଁ ନକେଏ ଜୀସୁଇଁ ମେସାଲି ତାକି ଖାହାମାଚେସି ଇଞ୍ଜା ଏଝାସି ଏଝାରି ବିତ୍ତାଟି ପାରୁସି ମାଚେସି, ଏଝାସି ଏଝାରାଇଁ ଝେଚେସି, ୫୧ “ରଅଣି ତାଣାଟି ନକେଏ ଝେନାଆନା ଇଞ୍ଜା ତାମି ମାଣ୍‌କି ପୁନାଆନା ମା ମସାତି ଫେରା ଏନାଆଁ ଏଝାଣାଇଁ ଦହ୍ କିନେ ?”

୫୨ ଏଝାରି ଏଝାଣାଇଁ ଏଲେଇଚେରି, “ନୀନୁ ଜିକେଏ ଏନାଆଁ ଗାଲିଲି ଲକୁ କି ? ଗାଲିଲିଟି ଏନି ମାହାପୁରୁ ଅଣ୍‌ପୁଟି ବଲୁ ଝେହ୍‌ନାରି ଏଚେଲା ଖାହାଲି ଆଡ଼ଅରି, ଇଦାଆଁ ସାସ୍‌ପେରିତା ସିନିକିମୁ ।” ୫୩ ଅଡ଼େ ଏଝାରି ବାରେଜାଣା ଜାହାରା ଇଜ ହାଚେରି ।



ଦାଢ଼େଣି ଆୟାତି

୧ ସାମା ଜୀସୁ ଜୀତ ହରୁତା ହାଚେସି । ୨ ଅର ଦିନା ଲାକ ଏଝାସି ମାହାପୁରୁ ଲକୁତା ଝେଣ୍ଡା ଖାଡେସି, ଅଡ଼େ, ବାରେ ଲକୁ ଏଝାଣି ତାଣା ଖାହାଲିଏ, ଏଝାସି କୁଗାନା ଜାପୁହାଲି ମାଟ୍‌ହେସି । ୩ ଫେରା ଜାପୁନାରି ଅଡ଼େ ପାରୁସିୟାଁ ଦାରି କାମାତା ଆସ୍‌ପି ଆହାମାନି ର ଇୟାନି ତାଡେରି, ବାରେଜାଣା ନକିତା ନିପୁହାନା ଜୀସୁଇଁ ଏଲେଇଚେରି । ୪ “ଗୁରୁ, ଇ ଇୟା ଦାରିକାମା କିହିମାଚାଟି ଆସ୍‌ପି ଆଡେ । ୫ ଇଲେଟି ଇୟାସିକାଣି ଖାଲକା କୁତାନା ଝେଚାଲିତାକି ମସା ମା ଫେରାତା ହୁକୁମି ହାହାମାଞ୍ଜାନେସି; ଆତିହୁଁ ନୀନୁ ଏନାଆଁ ଝେସିମାଞ୍ଜାଦି ?” ୬ ଏଝାରି ଜୀସୁଇଁ ଏନିକିଁ ପାନ୍ଦାତା ମେଡ଼ହାଲି ଆଡ଼ିନେରି, ଇଦାଆଁତାକି ଏଝାରି ଏଝାଣାଇଁ ତାୟିପାରି କିହାଲି ଝେଚେରି, ସାମା ଜୀସୁ ମୁନୁକାପାନା ଖାଞ୍ଜୁ ତଲେ ବୁମିତା ରାଚାଲି ମାଟ୍‌ହେସି ।

୭ ଏଝାରି ଏନାଆଁ ନିଚାନା ଝେଣ୍ଡେ ଝେଞ୍ଜାଲିଏ, ଜୀସୁ ତାୟୁଁ ଚୁପରହାନା ଏଝାରାଇଁ ଏଲେଇଚେସି, “ମୀ ବିତ୍ତାଟି ଆମ୍ବାଆସି ଏଚେଲା ଏନି ପାପୁ କିହାହିଲଅସି, ଏଝାସି ମୁଲୁ ଖାଲି କୁତାପେସି ।” ୮ ଅଡ଼େ ଝେଣ୍ଡେ ଜୀସୁ ମୁନୁକାପାନା ବୁମିତା ରାଚାଲି ମାଟ୍‌ହେସି । ୯ ଜୀସୁଟି ହାଡ଼ା ଝେଞ୍ଜାନା ଏଝାରି କାଜାରିଟିଏ ମାଟ୍‌ହାଁ ରଅଣି ଜେଚ ରଅସି ହାଜାଲି ମାଟ୍‌ହେରି, ଏନାଆଁ ଖାଞ୍ଜୁ ଇଜ ଅଡ଼େ ମାଦି ମାନି ଏ ଇୟା ଡ଼ୟିଡେ ।

* ୭:୩୮ ୭:୩୮ ଇ କାତା ପୁଞ୍ଜ ପତିତା ହିଲେଏ † ୭:୪୧ ୭:୪୧ କ୍ରୀସୁ ‡ ୭:୪୧ ୭:୪୧ କ୍ରୀସୁ ☆ ୭:୫୦ ୭:୫୦ ଜହ ୩:୧,୨

୧୦ ଜୀବୁ ତାୟ୍ ଫୁପରହାନା ଏଦାନି ଏଲେଇଚେସି, “ଏ ଇୟା ଏଞ୍ଜାରି ଏମ୍ବିୟା ? ଆମ୍ବାଆରି ନିଜେ ତଣ୍ଡ ହୀହାଲି ହିଲଅରି କି ?”

୧୧ ଏଦି ଏଲେଇଚେ, “ଆଏ, ପୁରୁ, ଆମ୍ବାଆରି ହିଲଅରି ।”

ଏମ୍ବାଟିଏ ଜୀବୁ ଏଦାନି ଏଲେଇଚେସି; “ନାନୁ ଜିକେଏ ନିଜେ ତଣ୍ଡ ହିୟଅଁ; ହାଲାମୁ, ସାମା ଅଡେ ପାପୁ କିଆନି* ।”

ଜୀବୁ ଦାରୁତିତି ଉଜେଡ଼ି

୧୨ ଜୀବୁ ଝେଣ୍ଡେ ପାରୁସିୟାଁଇଁ ଏଲେଇଚେସି, “ନାନୁ ଦାରୁତିତି ଉଜେଡ଼ି, ଆମ୍ବାଆସି ନା ଚେଚ ଝାନେସି, ଏଞ୍ଜାସି ଜୀଝୁତି ଉଜେଡ଼ି ବେଟା ଆନେସି ଅଡେ ଏଚେଲା ଜିକେଏ ଆନେରିତା ତାକଅସି ।”

୧୩ ପାରୁସିୟାଁ ଏଞ୍ଜାଣାଇଁ ଏଲେଇଚେରି, “ନାଏଁ ନାନୁ ନିଜେତାକି ସାକି ହୀହିଫାଞ୍ଜି, ନାନୁ ଏନାଆଁ ଏଲେ ଇଞ୍ଜିଫାଞ୍ଜି ଏଦି ସାତା ପାରୁମାଣା ହିଲାଆଗାଗାୟି ।”

୧୪ ଜୀବୁ ଏଞ୍ଜାରାଇଁ ଏଲେଇଚେସି, “ଆଏ ନାନୁ ନା, ତାକି ସାକି ହୀତି ଜିକେଏ, ନାନୁ ଏନାଆଁ ଝେସିମାଞ୍ଜାଇଁ ଏଦି ସାତା, ଇଚିହଁ ନାନୁ ଆମ୍ବିଚି ଝାହାମାଇଁ ଅଡେ ଏମ୍ବିୟା ହାଜିମାଇଁ ଏଦାଆଁ ପୁଞ୍ଜାମାଇଁ, ମୀରୁ ପୁଞ୍ଜାହିଲଅଚେରି ଏମ୍ବାଟି ଝାଇଁ ଅଡେ ଏମ୍ବିୟା ହାଇଁ । ୧୫ ମୀରୁ ଝାରୁଇ ମାଣ୍ଡସିୟାଁ ଲେହେଁ ବିଚାରା କିହିମାଞ୍ଜେରି, ନାନୁ ଆମ୍ବାଆରି ବିଚାରା କିଅଁ । ୧୬ ସାମା ନାନୁ ବିଚାରା କିଇଁ, ଆଡ଼ିଜିକେଏ ନା ବିଚାରା ସାତା; ଇଚିହଁ ନାନୁ ରଅଚେଏଁ ଆଏ ସାମା ଏମିନି ଆବା ନାଜେ ପାଣ୍ଡାମାଞ୍ଜାନାସି ନା ତଲେ ମାନେସି । ୧୭ ମୀ ମସାତି ମେରାତା ରାସ୍ତାକି ଆହାମାନେ, ରିଆରି ସାକି ହାଡ଼ା ରଲେଏ ଆଡ଼ିସାରେ, ଏଞ୍ଜାରି ଏନାଆଁ ଇନେରି ଏଦି ସାତା । ୧୮ ନାନୁ ନାଜେତାକି ସାକି ହୀହିମାଇଁ, ଅଡେ, ନାଜେ ପାଣ୍ଡାମାଞ୍ଜାନି ଆବା ଜିକେଏ ନା ଝାକିଚି ସାକି ହୀହିମାନେସି ।”

୧୯ ଏଞ୍ଜାଣାଇଁ ଏଞ୍ଜାରି ଝେଚେରି, “ନୀ ଆବା ଏମ୍ବିୟା ?” ଜୀବୁ ଏଲେଇଚେସି, “ନାଜେ କି ନା ଆବାଇଁ ମୀରୁ ପୁଞ୍ଜାହିଲଅଚେରି; ନାଜେ ପୁଞ୍ଜାତିହଁ ମା, ନା ଆବାଇଁ ଜିକେଏ ପୁଚେରିମା ।”

୨୦ ମାହାପୁରୁ ଇଲୁଚି ଦାନା ଇଚିନି ବାକ୍ତାତା ଜୀବୁ ଏ ବାରେ କାତା ଜାପୁହିମାଚେସି, ସାମା ଆମ୍ବାଆରି ଜିକେଏ ଏଞ୍ଜାଣାଇଁ ଆହୁଆଚେରି ଏନାଆଁତାକି ଇଚିହଁ ତାନି ବେଲା ଝାହା ହିଲାଆତେ ।

ନାନୁ ହାନି ତାଣା ମୀରୁ ହାଜାଲି ଆଡ଼ଅଚେରି

୨୧ ଜୀବୁ ଅଡେ ଝେଣ୍ଡେ ଏଞ୍ଜାରାଇଁ ଏଲେଇଚେସି, “ନାନୁ ହାଜିମାଇଁ, ମୀରୁ ନାଜେ ପାରାଦେରି, ଅଡେ ମୀରୁ ମୀ ପାପୁତା ହାଡେରି । ନାନୁ ଏମ୍ବିୟା ହାଜିମାଇଁ, ଏମ୍ବାଆଁ ମୀରୁ ହାଜାଲି ଆଡ଼ଅଚେରି ।”

୨୨ ଇଞ୍ଜା ଜୀହୁଦିୟାଁ ଏଲେଇଚେରି, “ଇଝାସି ଏନାଆଁ ହାହାଲି ଏଲେଇଞ୍ଜି ମାନେସି, ନାନୁ ଏମ୍ବିୟା ହାଇଁ ମୀରୁ ଏମ୍ବାଆଁ ହାଜାଲି ଆଡ଼ଅଚେରି ?”

୨୩ ଜୀବୁ ଏଞ୍ଜାରାଇଁ ଏଲେଇଚେସି, “ମୀରୁ ଇ ଡ଼ଇପୁଚୁଚି ଜାର୍ନା ଆହାମାଞ୍ଜେରି, ସାମା ନାନୁ ଲାକଚି ଝାହାମାଇଁ । ମୀରୁ ଇ ଦାରୁତିତି, ନାନୁ ଇ ଦାରୁତିତି ଆଏ । ୨୪ ଏଦାଆଁତାକି ନାନୁ ଝେସିମାଞ୍ଜାଇଁ, ମୀରୁ ମୀ ପାପୁ ତଲେ ହାଡେରି । ନାନୁ ଏଞ୍ଜାଚେଏଁ ଇଞ୍ଜୁଁ ଝେସାସାରେ ମୀରୁ ନାମାଆସାରେ, ମୀ ପାପୁତା ହାଡେରି ।”

୨୫ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଝେଚେରି, “ନାନୁ ଆମ୍ବାଆତି ?”

ଜୀବୁ ଏଞ୍ଜାରାଇଁ ଏଲେଇଚେସି, “ଇ ହାଡ଼ା ନାନୁ ମୂଲୁଚିଏ ଝେସାମାଞ୍ଜାଇଁ । ୨୬ ମିଜେତାକି କାତା ଜଲ୍ଲାଲି ଅଡେ ବିଚାରା କିହାଲି ନା ତାଣା ହାରେକା କାତା ମାନେ; ସାମା ନାଜେ ପାଣ୍ଡାମାଞ୍ଜାନାସି, ଏଞ୍ଜାସି ସାତା, ଅଡେ ନାନୁ ଏନାଆଁ ଝେଞ୍ଜାମାଇଁ; ଏ ବାରେ ଦାରୁତିତି ଝେସିମାଇଁ ।”

୨୭ ଏଞ୍ଜାସି ମାହାପୁରୁ ଆବା କାତା ଝେସିମାଚେସି, ଏଞ୍ଜାରି ତେଲହାଲି ଆଡ଼ାଆଚେରି । ୨୮ ଏଦାଆଁତାକି ଜୀବୁ ଏଲେଇଚେସି; “ଏଚେତା ମୀରୁ ମାଣ୍ଡସି ମୀରୁଏଣାଇଁ ଗାଝୁରିନି ହୀଦେରି, ଏଚେତା ନାନୁ ଏ ମାଣ୍ଡସିଚେଏଁ ଅଡେ ନାନୁ ଜାହାରାଝାଣି ଏନାଆଁ କିଆନା, ଆବା ନାଜେ ଏନିକିଁ ଜାପୁହା ମାଞ୍ଜାନେସି, ଏଲେକିଁ ଇ ବାରେ କାତା ଝେସିମାଞ୍ଜାଇଁ ଇଦାଆଁ ମୀରୁ ପୁଞ୍ଜାଲି ଆଡ଼ିଦେରି । ୨୯ ଆମ୍ବାଆସି ନାଜେ ପାଣ୍ଡାମାଞ୍ଜାନାସି ଏଞ୍ଜାସି ନା ତଲେ ମାନେସି, ଏଞ୍ଜାସି ନାଜେ ରଅଚେଏଁ କିହଁ ପିସାମାଞ୍ଜଅସି, ଇଚିହଁ ନାନୁ ତାନି ରାହାଁ ଆନି କାମା କିଇଁ ।”

୩୦ ଜୀବୁ ଇ ବାରେ ହାଡ଼ା ଝେଞ୍ଜାନା ହାରେକା ଜାଣା ତାନି ତାଣା ନାମିଚେରି ।

* ୮:୧୧ ୮:୧୧ ଇ ବାରେ କାତା ବାରେ ପଚିଣାଁ ହିଲେଏ ✪ ୮:୧୨ ୮:୧୨ ମାତି ୫:୧୪; ଜହ ୯:୫ ✪ ୮:୧୩ ୮:୧୩ ଜହ ୫:୩୧

ପିସ୍‌ପିଆଡ଼ି ଲଜ୍ ଅଡ଼େ କଡ଼ି ହଲିୟାଜା

୩୧ ଏମ୍ବାଟିଏ ଜୀସୁ ତାନି ତାଣା ନାମିତି ଜୀହୁଦିଜାଣି ଏଲେଇଚେସି, “ନା ବଲୁତା ତାରିଆହ୍ନି ଡ଼ୟିଦେରି, ଆଡ଼ିହ୍ନି ଫୀରୁ ସାତେଏ ନା ସାସୁୟିତେରି । ୩୨ ଫୀରୁ ସାତାତି ପୁଞ୍ଜେରି ଅଡ଼େ ଏ ସାତା ମିଙ୍ଗେ ଗେଲ୍‌ପାଦେନ ।”

୩୩ ଏଞ୍ଜାରି ଏଞ୍ଜାଣାକ୍ ଏଲେଇଚେରି, “ମାମ୍ ଅବ୍ରାହାମତି କୃତାତମି, ଅଡ଼େ ଏଚେଲା ଆମ୍ବାଆରି ହଲିୟା ଆହାହିଲଅମି, ଆଡ଼ିହ୍ନି ଫୀରୁ ମୁକ୍‌ଲଞ୍ଜି ଆଦେରି ଇଞ୍ଜି ଏନିକି ଝେସିମାଞ୍ଜାଦି ?”

୩୪ ଜୀସୁ ଏଞ୍ଜାରାକ୍ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାକ୍, ଆମିନିଗାଗସି ପାପୁ କିନେସି, ଏଞ୍ଜାସି ପାପୁତି ହଚେଲଏ । ୩୫ ହଚେଲଏସି କାଚେଲଏ ତାକି ଇଲୁ କୁଟମିତା ଡ଼ୟିଅସି, ମୀରଏସି ଇଲୁ କୁଟମିତା କାଚେଲଏ ତାକି ଡ଼ୟିନେସି । ୩୬ ମୀରଏସି ମିଙ୍ଗେ ମୁକ୍‌ଲଞ୍ଜି କିୟାକିନେସି, ମୀରୁ ସାତେଏ ମୁକ୍‌ଲଞ୍ଜି ଆଦେରି । ୩୭ ମୀରୁ ଅବ୍ରାହାମତି କୃତାତାତେରି ନାନୁ ପୁଞ୍ଜାମାକ୍; ସାମା ନା ବଲୁ ମୀ ହିୟିତି ଚାୟୁତା ହିଲାଆକି ମୀରୁ ନାଙ୍ଗେ ପାୟାଲି ଅଣପିମାଞ୍ଜେରି । ୩୮ ନା ଆବା ତାଣା ନାନୁ ଏନାଆଁ ମେସାମାକ୍, ଏ ବାରେ ନାନୁ ଝେସିମାଞ୍ଜାକ୍ । ଏନାଆଁତାକି ମୀରୁ ଜିକେଏ ମୀ ଆବା ତାଣାଟି ଏନାଆଁ ଝେଞ୍ଜାମାଞ୍ଜେରି ଏ ବାରେ କିଦୁ ।”

୩୯ ଏଞ୍ଜାରି ଏଞ୍ଜାଣାକ୍ ଏଲେଇଚେରି, “ଅବ୍ରାହାମ ମା ଆବା ।” ଜୀସୁ ଏଞ୍ଜାରାକ୍ ଏଲେଇଚେସି, “ମୀରୁ ଅବ୍ରାହାମତି ମୀରକା ମାସ୍‌କାତେରି, ଆଡ଼ିହ୍ନି ଅବ୍ରାହାମ କିହାମାଟି କାମା କିଦୁ; ୪୦ ମାହାପୁରୁ ତାଣାଟି ଝେଞ୍ଜାମାନି ସାତାତି ମିଙ୍ଗେ ଝେସିମାଞ୍ଜାକ୍, ନାନୁ ଇଲେତି ଲଜ୍, ମୀରୁ ନାଙ୍ଗେ ପାୟାଲି ତାକି ଅଣପିମାଞ୍ଜାଦେରି; ଅବ୍ରାହାମ ଇଲେତି କାମା କିଆତେସି । ୪୧ ମୀରୁ ମୀ ଆବାତି ବାରେ କାମା କିହିମାଞ୍ଜେରି ।”

ଏଞ୍ଜାରି ଜୀସୁକ୍ ଏଲେଇଚେରି; “ମାମ୍ ଦୁରିକାମାଟି ଜାନ୍ନି ଆହାହିଲଅମି; ମା ରଣ୍ଡିଏ ଆବା, ଏଞ୍ଜାସି ମାହାପୁରୁ ।”

୪୨ ଜୀସୁ ଏଞ୍ଜାରାକ୍ ଏଲେଇଚେସି, “ମାହାପୁରୁ ସାତେଏ ମୀ ଆବା ଆଡ଼ିହ୍ନି ମା, ମୀରୁ ନାଙ୍ଗେ ଜୀହୁ ନୟାତେରିମା, ଇଡ଼ିହ୍ନି ନାନୁ ମାହାପୁରୁ ତାଣାଟି ଝାହାମାକ୍; ନାନୁ ନା ତାଣାଟି ଝାହାହିଲଅଁ, ସାମା ଏଞ୍ଜାସି ନାଙ୍ଗେ ପାଣ୍ଡାତେସି । ୪୩ ନାନୁ ଏନାଆଁ ଝେସିମାଞ୍ଜାକ୍, ମୀରୁ ଏନାଆଁତାକି ନା ହାଡ଼ାତି ତେଲହାଲି ଆଡ଼ିହିଲଅତେରି ? ଇଦାନି କାତା ଆହିମାନେ ମୀରୁ ନା ବଲୁତି ଝେଞ୍ଜାଲି ଆଡ଼ିହିଲଅତେରି । ୪୪ ମୀରୁ ମୀ ଆବା ସୟତାନତି ମୀରକା ମାସ୍‌କାତେରି, ଅଡ଼େ ମୀରୁ ମୀ ଆବାତି କାମା କିହାଲି ମୀ ଅଣପୁ । ଏଞ୍ଜାସି ମୁଲୁଟିଏ ଲକୁଣି ପାୟିନାସି, ଅଡ଼େ ଏଞ୍ଜାସି ସାତାତା ଡ଼ୟିଅସି, ଇଡ଼ିହ୍ନି ଏଞ୍ଜାଣି ତାଣା ସାତା ହିଲେଏ । ଏଡ଼ିଚେଲା ଏଞ୍ଜାସି ମିତି ଜଲିନେସି, ଏଡ଼େତା ତାନିତାଣାଟି ଜଲିନେସି; ଇଡ଼ିହ୍ନି ଏଞ୍ଜାସି ମିତି ଗାଗି ଇଞ୍ଜା ମିଡ଼ିତି ତାଞ୍ଜି । ୪୫ ସାମା ନାନୁ ସାତା ଜଲିମାନାକି, ମୀରୁ ନାଙ୍ଗେ ନାମିମାଞ୍ଜାଅତେରି । ୪୬ ନାନୁ ପାପୁ ଗାଗାତେଏଁ ଇଞ୍ଜି ମୀ ବିତ୍ରାଟି ଆମ୍ବାଆତେରି ପାର୍‌ମାଣା କିହାଲି ଆଡ଼ିଦେରି ? ନାନୁ ସାତା ଝେସାସାରେ, ନାଙ୍ଗେ ମୀରୁ ଏନାଆଁତାକି ନାମିମାଞ୍ଜାଅତେରି ? ୪୭ ଆମ୍ବାଆସି ମାହାପୁରୁ ତାଣାଟି ଝାହାମାନେସି, ଏଞ୍ଜାସି ମାହାପୁରୁତି ବଲୁ ଝେନେସି; ମୀରୁ ମାହାପୁରୁ ତାଣାଟି ଝାହାହିଲଅତେରି, ଏନାଆଁତାକି ଇ ବଲୁ ଝେଞ୍ଜିହିଲଅତେରି ।”

ଜୀସୁ ଅଡ଼େ ଅବ୍ରାହାମ

୪୮ ଜୀହୁଦିୟାଁ ଜୀସୁକ୍ ଏଲେଇଚେରି, “ନାନୁ ସମିରଣତି ଇଞ୍ଜା ନିଙ୍ଗେ ବୁଡୁ ଆଲ୍‌ଗାମାଞ୍ଜାନେ, ଏନାଆଁ ମାମ୍ ସାତା ଝେସି ହିଲଅମି କି ?”

୪୯ ଜୀସୁ ଏଞ୍ଜାରାକ୍ ଏଲେଇଚେସି, “ନାଙ୍ଗେ ବୁଡୁ ଆଲ୍‌ଗା ମାଞ୍ଜେଏ, ନାନୁ ନା ଆବାକ୍ ମାନି କିହିମାକ୍, ସାମା ମୀରୁ ନାଙ୍ଗେ ଲାଜା କିହିମାଞ୍ଜାଦେରି । ୫୦ ନାନୁ ନା ଗାସ୍ତୁରିମି କିହାଲି ଅଣପି ହିଲଅଁ; ରଅସି ଅଣପିମାନେସି ଏଞ୍ଜାସି ନା ଝାକିଟି ବିଚାରା କିନେସି । ୫୧ ନାନୁ ସାତା ଝେସିମାଞ୍ଜାକ୍, ଆମ୍ବାଆସି ନା ବଲୁତି ମାନୁଞ୍ଜି ଆନେସି, ଏଞ୍ଜାସି ଏଚେଲା ହାଅସି ।”

୫୨ ଜୀହୁଦିୟାଁ ଏଞ୍ଜାଣାକ୍ ଏଲେଇଚେରି, “ନୀଏଁ ମାମ୍ ସୁଚମି, ନିଙ୍ଗେ ବୁଡୁ ଆଲ୍‌ଗାମାଞ୍ଜାନେ, ଅବ୍ରାହାମ ଅଡ଼େ ମାହାପୁରୁ ଅଣପୁତି ବଲୁ ଝେହ୍‌ନାରି ବାରେଜାଣା ହାଡ଼େରି, ଅଡ଼େ ନୀନୁ ଝେସିମାଞ୍ଜି, ଆମ୍ବାଆସି ନା ବଲୁ ମାନୁଞ୍ଜି ଆନେସି, ଏଞ୍ଜାସି ଏଚେଲା ଜିକେଏ ହାଅସି । ୫୩ ମା ଆକୁ ଅବ୍ରାହାମ ହାଡ଼େସି, ନୀନୁ ଏନାଆଁ ଅବ୍ରାହାମ କିହାଁ କାଜାତି ଇଞ୍ଜି ଅଣପିମାଞ୍ଜି ? ମାହାପୁରୁ ଅଣପୁତି ବଲୁ ଝେହ୍‌ନାରି ଜିକେଏ ହାଡ଼େରି; ନୀନୁ ଆମ୍ବାଆତି ଇଞ୍ଜି ଝେସିମାଞ୍ଜି ?”

୮:୩୩ ୮:୩୩ ମାଟି ୩:୯; ଲୁକ ୩:୮

୫୪ ଜୀସୁ ଏଲେଇରେସି, “ନାନୁ ନା ଗାଝୁରମି କିହିମାଇଁ, ଆଡିହିଁ ନା ଗାଝୁରମି ଏନାୟି ଆଏ; ଆମ୍ବାଆସି ନାଜେ ଗାଝୁରମି କିୟାନେସି ଏଝାସି ନା ଆବା ଆମ୍ବାଆରାଇଁ ମୀରୁ ମୀ ମାହାପୁରୁ ଇଞ୍ଜିଁ ଏଲେ ଇଞ୍ଜିମାଞ୍ଜେରି; ୫୫ ମୀରୁ ଏଝାଣାଇଁ ଏରେଲା ପୁଞ୍ଜାହିଲଅତେରି, ସାମା ନାନୁ ଏଝାଣାଇଁ ପୁଞ୍ଜାମାଇଁ । ଏଝାଣାଇଁ ପୁଞ୍ଜାହିଲଅଁ ଇଞ୍ଜିଁ ନାନୁ ଝେସୁହିଁ, ମୀ ଲେହେଁ ନାନୁ ଜିକେଏ ମିଡି ଗାଗାତେଏଁ ଆଇଁ, ସାମା ନାନୁ ଏଝାଣାଇଁ ପୁଞ୍ଜାମାଇଁ ଅଡେ ତାନି ବଲୁଡି ମାନଝି ଆଇଁ । ୫୬ ମୀ ଆବା ଅବ୍ରାହାମ ନା ଦିନା ମେସାଲି ତାକି ଆସା କିହାନା ରାହାଁ କିତେସି, ଅଡେ ଏଦାଆଁ ମେସାନା ଏଝାସି ରାହାଁ ଆଡେସି ।”

୫୭ ଜୀହୁଦିୟାଁ ଏଝାଣାଇଁ ଏଲେଇରେସି, “ନିଜେ ରୀ କଡ଼ି ଦସ ବାସା ଆହାମାଞ୍ଜେଏ, ନୀନୁ ଏନାଆଁ ଅବ୍ରାହାମାଇଁ ମେସାମାଞ୍ଜି ?”

୫୮ ଜୀସୁ ଏଝାଣାଇଁ ଏଲେଇରେସି, “ନାନୁ ମିଜେ ସାତା ଝେସିମାଞ୍ଜାଇଁ, ଅବ୍ରାହାମଡି ଜାର୍ନା ନକେଏ ନାନୁ ମାଇଁ ।”

୫୯ ଏଝାସି ଏଝାଣାଇଁ ଝେପାଲିତାକି ଝାଲୁକା ପେଡ଼ହା କଡିତେରି, ସାମା ଜୀସୁ ମାହାପୁରୁ ଇଲୁଡି ମେହ୍‌ଆରେଟୁ ହଡ଼ାହାତେସି ।



ଜୀସୁ ଜାର୍ନାଟିଏ କାଣାଇଁ ନେହଁକିନାୟି

୧ ଜୀସୁ ହାଜିମାଗାଟି ର ଜାର୍ନାଟିଏ କାଣାଇଁ ବେଗାଆଡେସି । ୨ ତାନି ସୀସୁୟାଁ ଝେରେରି, “ଗୁରୁ, ଆମ୍ବାଆସି ପାପୁ କିହାଲିଏ ଇଝାସି କାଣା ଆହାନା ଜାର୍ନା ଆଡେସି, ତାନୁ କି ତାନି ଇୟା ଆବା ପାପୁ କିତାକି ?”

୩ ଜୀସୁ ଏଲେଇରେସି, “ଇଝାସି କି ତାନି ଇୟା ଆବା ପାପୁ କିତାକି ଆଏ, ସାମା ମାହାପୁରୁଡି କାମା ଏନିକଁ ଇଝାଣି ତାଣାଟି ତସ୍‌ପିଆନେ, ଏଦାଆଁତାକି ଇଦି ଆହାମାନେ । ୪ ଦିନା ମାଞ୍ଜା ମାଞ୍ଜାନା, ନାଜେ ପାଣ୍ଡାମାଞ୍ଜାନାଣି କାମା କିନାୟିମାନେ; ଏମିନି ବେଲାତା ଆମ୍ବାଆସି କାମା କିହାଲି ଆଡ଼ଅସି, ଇଲେଡି ଲାଆଁ ଝାହିମାନେ । ୫ ମାନୁ ଏଡେପାଡେକା ଦାରୁଡିତା ମାଇଁ, ଏଡେପାଡେକା ନାନୁ ଦାରୁଡିତ ଉଜେଡ଼ିତେଏଁ ।”

୬ ଇ କାତା ଏଲେଇଞ୍ଜାନା, ଜୀସୁ ଇରୁଆତା ହୁପାନା ହୁପକା ତଲେ କାଦ କିତେସି; ଅଡେ ତାନି ରୀ କାଣକାଣାଁ ରୁବାତେସି ଅଡେ ଏଝାଣାଇଁ ଏଲେଇରେସି, ୭ ହାଲାମୁ “ସିଲହ” ବାଦାତା ମୁମୁ ନୁରହା ଝାମୁ ।” ଏମ୍ବାଟିଏ ଏଝାସି ହାଜାନା ନରହା କତାନା ଝେଣ୍ଡା ଝାହିମାଗାଟି ମେସାଲି ଆଡ଼ିତେସି ।

୮ ତାନି ପାଡ଼ିତାରି, ଅଡେ ଏମିନିଗାଗାଟି ଏଝାଣାଇଁ ନକେଏ ରାସ୍‌ପି ମାଗାଣି ମେସାମାରେରି, ଏଝାସି ଝେରେରି, “ଇଝାସି ଏନାଆଁ କୁଗାନା ରାସ୍‌ପି ମାରେସି ଏଝାସି ଆଏକି ?”

୯ ଏଚରଜାଣା ଏଲେଇରେସି, “ଇଝାସିଏ ଏଝାସି;” ଅଡେ ଏଚରଜାଣା ଏଲେଇରେସି, “ଆଏ, ଏଝାଣିଲେହେଁ ତାସି ।” ଏଝାସି ଏଲେଇରେସି, “ନାନୁଏ ଏଝାତେଏଁ ।”

୧୦ ଲକୁ ଏଝାଣାଇଁ ଝେରେରି, “ଆଡିହିଁ, ନାନୁ ନୀଏଁ ଏନିକଁ ମେସାଲି ଆଡ଼ିମାଞ୍ଜି ?”

୧୧ ଏଝାସି ଏଲେଇରେସି, “ଆମ୍ବାଆରାଇଁ ଜୀସୁ ଇନେରି, ଏଝାସି ଇରୁଆଡି କାଦ କିହାନା ନା କାଣକାଣାଁ ରୁବାତେସି ଅଡେ ସିଲହତା ହାଜାହାଁ ମୁମୁ ନୁରହା କତାମୁ ଏଲେଇଞ୍ଜାତେସି; ଏଚେଟିଏ ନାନୁ ହାଜାନା ମୁମୁ ନୁରହାଲିଏ ମେସାଲି ଆଡ଼ିତେଏଁ ।”

୧୨ “ଏଝାସି ଆମ୍ବିୟା ?” ଇଞ୍ଜିଁ ଏଝାଣାଇଁ ଝେରେରି, ଏଝାସି ଏଲେଇରେସି, “ନାନୁ, ପୁଞ୍ଜାହିଲଅଁ ।”

ପାରୁସିୟାଁ ଇ କାମାଟି ତାୟିପାରି କିନାୟି

୧୩ ଆମ୍ବାଆସି ନକେଏ କାଣା ମାରେସି, ଏଝାଣାଇଁ ପାରୁସିୟାଁ ତାଣା ତାତେରି । ୧୪ ଜୀସୁ ଏମିନି ଦିନା କାଦ କିହାନା ତାନି କାଣକା ନେହଁ କିହାମାରେସି, ଏ ଦିନା ଜମିନି ଦିନା ମାତେ । ୧୫ ପାରୁସିୟାଁ ଏଝାଣାଇଁ ଝେରେରି, ଏନିକଁ ଏଝାସି ମେସାଲି ଆଡ଼ିତେସି ? ଏଝାସି ଏଲେଇରେସି, “ନା କାଣକାଣାଁ ଏଝାସି ଇଚାଣି କାଦ ରୁବାତେସି, ନାନୁ ହାଜାନା ମୁମୁ ନୁରହାନା ଝାଡେଏଁ ଅଡେ ମେସାଲି ଆଡ଼ିମାଇଁ ।”

୧୬ ପାରୁସିୟାଁ ତାନି ବିତ୍ତାଟି ଏଚରଜାଣା ଏଲେଇରେସି, “ଏଝାସି ମାହାପୁରୁ ତାଣାଟି ଝାହାହିଲଅସି, ଇଡିହିଁ ଏଝାସି ଜମିନି ଦିନାଟି ମାନଝି ଆହିହିଲଅସି ।” ଅଡେ ଏଚରଜାଣା ଏଲେଇରେସି, “ପାପୁ ଲକୁ ଆହାନା ଇଲେଡି କାବାଆନି କାମା ଏନିକଁ କିହାଲି ଆଡ଼ିନେସି ?” ଇଲେଆହିଁ ଏଝାସି ତାନି ବିତ୍ତା ବାଗା ଆଡେ ?

* ୯:୫ ମାଡି ୫:୧୪; ଜହ ୮:୧୨ * ୯:୭ ସିଲହ ଇଡିସାରେ ପାଣ୍ଡି ଆହାମାନାୟି

୧୭ ପାରୁସିୟାଁ ଅଡ଼େ ଖେଣ୍ଡେ ଏ କାଣ୍ଡାଲ୍ ଖେଚେରି, “ଏଝାସି ନୀ କାଣ୍ଡକା ନେହଁ କିୟାତେସି, ଏଝାଣି କାତା ନାନୁ ଏନାଆଁ ଇଞ୍ଜିମାଞ୍ଜି ?” ଏଝାସି ଏଲେଇଚେସି “ଏଝାସି ର ମାହାପୁରୁ ଅଣ୍ଟପୁତି ବଲୁ ଖେହ୍ନାସି ।”

୧୮ ଏଝାସି ଜାର୍ନାଟିଏ କାଣ୍ଡା ମାଚେସି ଅଡ଼େ ନୀଏଁ, ଛ ହାଡ଼ା ତାନି ଇୟା ଆବାତି ଖେନାଆ ପାଚେକା, ଜୀହୁଦିୟାଁ ନାମାଆଚେରି । ୧୯ ଏଝାରି ତାନି ଇୟା ଆବାତି ଖେଚେରି, “ମୀ ଆନିନି ମୀରୁଏସି କାଣ୍ଡା ଆହାନା ଜାର୍ନା ଆହାମାଚେସି ଇଞ୍ଜିଁ ଏଲେଇଶ୍ୱିତେରି ଇଝାସି ଏନାଆଁ ଏ ମୀ ମୀରୁଏସି ? ଆତିହଁ ଏଝାସି ନୀଏଁ ଏନିକଁ ମେସାଲି ଆଡ଼ିମାନେସି ?”

୨୦ ଏଝାଟିଏ ତାନି ଇୟା ଆବା ଏଲେଇଚୁ, “ହାଅ, ଏଝାସି ମା ମୀରୁଏସି, ଏଝାସି କାଣ୍ଡା ଆହାନା ଜାର୍ନା ଆହାମାଚେସି ଏନାଆଁ ମାମ୍ନୁ ପୁଞ୍ଜାମାନନି; ୨୧ ସାମା ଏଝାସି ନୀଏଁ ଏନିକଁ ମେସାଲି ଆଡ଼ିମାନେସି, ଏନାଆଁ ମାମ୍ନୁ ପୁଞ୍ଜାହିଲଅନି, ଅଡ଼େ ଆମ୍ନାଆସି ଏଝାଣାଲ୍ ମେସପି କିହାମାନେସି, ମାମ୍ନୁ ଏନାଆଁ ଜିକେଏ ପୁଞ୍ଜାହିଲଅନି; ଏଝାଣାଲ୍ ଖେଞ୍ଜୁ, ଏଝାସି କାଜାସି ଆଚେସିଏ, ଏଝାସି ତାନି କାତା ତାନୁଏ ଖେସାଲି ଆଡ଼ିନେସି ।” ୨୨ ଏଝାଣି ତାନି ଇୟା ଆବା ଜୀହୁଦି ଲକୁତି କାଜାରାଲ୍ ଆଜିମାଚାକି ଛ ବାରେ କାତା ଖେସୁ, ଏନାଆଁତାକି ଚିତ୍ରିହଁ ଆମ୍ନାଆସି ଜୀସୁଇଁ କ୍ରୀସୁ ଇଞ୍ଜିଁ ଇନେସି, ଏଝାଣାଲ୍ ଜୀହୁଦି ଲକୁତି କୁଚନି ଇଲୁଟିଂ ପେରୁଝି ଆନେ ଇଞ୍ଜିଁ ଜୀହୁଦି ଲକୁ ଏ ନକେଏ କାତା ଆହାମାଚେରି । ୨୩ ଏନାଆଁତାକି ତାନି ଇୟା ଆବା ଏଲେଇଚୁ, “ଏଝାସି କାଜାସି ଆଚେସିଏ, ଏଝାଣାଲ୍ ଖେଞ୍ଜୁ ।”

୨୪ ପାରୁସିୟାଁ ଏ ଜାର୍ନାଟିଏ କାଣ୍ଡାଲ୍ ଅଡ଼େ ଖେଣ୍ଡେ ହାଡ଼ାନା ଏଲେଇଚେରି, “ମାହାପୁରୁଇଁ ଗାଞ୍ଜୁରନି କିହାନା ଏଲେଇନାମ୍ନୁ, ଆମ୍ନାଆସି ନିଙ୍ଗେ ନେହଁ କିହାମାଞ୍ଜାନେସି, ଏଝାସି ର ପାପୁ ଗାଟାସି ଛ କାତା ମାମ୍ନୁ ପୁଞ୍ଜାମାନନି ।”

୨୫ ଏଝାସି ଏଲେଇଚେସି, “ଏଝାସି ପାପୁ ଗାଟାସି କି ଆଏ, ନାନୁ ପୁଞ୍ଜାହିଲଅଁ; ନାନୁ ର କାତା ପୁଞ୍ଜାମାଲ୍; ନାନୁ କାଣ୍ଡା ମାଚେସି, ନୀଏଁ ମେସାଲି ଆଡ଼ିମାଲ୍ ।”

୨୬ ଏଝାରି ଏଝାଣାଲ୍ ଏଲେଇଚେରି, “ଏଝାସି ନିଙ୍ଗେ ଏନାଆଁ କିୟାତେସି ? ଏନିକଁ ଏଝାସି ନୀ କାଣ୍ଡକା ଦେପି କିୟାତେସି ?”

୨୭ ଏଝାସି ଏଲେଇଚେସି, “ନକେଏ ଖେସା ରାହାମାଞ୍ଜାଲ୍, ଅଡ଼େ ମୀରୁ ଖେନାଆଚେରି; ଅଡ଼େ ଖେଣ୍ଡେ ଏନାଆଁତାକି ଖେଞ୍ଜାଲି ଅଣ୍ଟପିମାଞ୍ଜେରି ? ମୀରୁ ଜିକେଏ ଏନାଆଁ ତାନି ସାସୁ ଆହାଲି ଅଣ୍ଟପିମାଞ୍ଜେରି ।”

୨୮ ଏଝାରି ଏଝାଣାଲ୍ ଲାଡ଼ାନା ଏଲେଇଚେରି, “ନାନୁ ତାନି ସୀସୁତି, ସାମା ମାମ୍ନୁ ମସାତି ସୀସୁୟାଁତନି । ୨୯ ମାମ୍ନୁ ପୁଞ୍ଜାମାନନି, ମାହାପୁରୁ ମସାଲ୍ କାତା ଆହାମାଚେସି, ସାମା ଛ ମାଣ୍ଡିସି ଆମ୍ବିଟି ଖାହାମାନେସି, ଏନାଆଁ ମାମ୍ନୁ ପୁଞ୍ଜାହିଲଅନି ।”

୩୦ ଏଝାସି ଏଝାରାଲ୍ ଏଲେଇଚେସି, “ଇଦି ରଣ୍ଡି କାବାଆନି କାତା ଏଝାସି ଏମ୍ବିଟି ଖାହାମାନେସି, ମୀରୁ ପୁଞ୍ଜାହିଲଅଚେରି, ସାମା ଏଝାସି ନାଙ୍ଗେ କାଣ୍ଡକା ଦେପି କିୟାତେସି । ୩୧ ମାମ୍ନୁ ପୁଞ୍ଜାମାନନି, ମାହାପୁରୁ ପାପୁଗାଟି ଲକୁତି ହାଡ଼ା ଖେନଅସି, ଆନିନି ଗାଟାରି ମାହାପୁରୁଇଁ ମାନି କିନେରି ଅଡ଼େ ତାନି ଅଣ୍ଟପୁ ତଲେ କାମା କିନେରି, ଏଝାରି ହାଡ଼ାତି ଏଝାସି ଖେନେସି । ୩୨ ତଲି କାଲ୍ମାଟିଏ ଆମ୍ନାଆସି ଜାର୍ନା କାଣ୍ଡାଲ୍ ମେସପିକିତି କାତା ଏଚେଲା ଖେଶ୍ୱିଆହାହିଲାଆତେ । ୩୩ ଇଝାସି ମାହାପୁରୁ ତାଣ୍ଡାଟି ଖାହା ହିଲାଆଚେ, ଏନାଆଁ କିହାଲି ଆଡ଼ାଆଚେସିମା ।”

୩୪ ଏଝାରି ଏଝାଣାଲ୍ ଏଲେଇଚେରି, “ପାପୁ ତଲେ ନାନୁ ଜାର୍ନା ଆହାନା ପାପୁ ତଲେ ପାତାଆଡ଼ି, ନାନୁ ମାଙ୍ଗେ ଜାପୁହି ମାଞ୍ଜାଦି ?” ଏନାଆଁତାକି ଏଝାରି ଏଝାଣାଲ୍ ଜୀହୁଦି ଲକୁତି କୁଚନି ଇଲୁଟିଂ ପେରୁହାଡୁସ୍ତେରି ।

ସୁଦୁଗାଟି ମାଣ୍ଡକି ମେହ୍ନା ଗାଟାସି

୩୫ ଏଝାରି ଏଝାଣାଲ୍ ପେରୁହା ମାନେରି, ଇଞ୍ଜିଁ ଜୀସୁ ଛ କାତା ଖେଞ୍ଜାନା, ଏଝାଣାଲ୍ ମେସାନା ଏଲେଇଚେସି, “ନାନୁ ଏନାଆଁ ମାଣ୍ଡିସି ମୀରୁଏଣି ତାଣ୍ଡା ନାନିମାଞ୍ଜି ?”

୩୬ ଏଝାସି ଏଝାଣାଲ୍ ଏଲେଇଚେସି, “ପ୍ରବୁ, ଖେସ୍ତାମ୍ନୁ ଏଝାସି ଆମ୍ନାଆସି, ଆତିହଁ ନାନୁ ଏଝାଣାଲ୍ ନାନିଲ୍ ।”

୩୭ ଜୀସୁ ଏଝାଣାଲ୍ ଏଲେଇଚେସି, “ନାନୁ ଏଝାଣାଲ୍ ମେସାମାଞ୍ଜି, ନୀ ତଲେ ଆମ୍ନାଆସି ନୀଏଁ କାତା ଆହାମାନେସି, ଏଝାସିଏ ।”

୩୮ ଏମ୍ବାଟିଏ ଏଞ୍ଜେଲ୍‌ସ୍ ଏଲେଇରେସି, “ନାନୁ ନାମିମାଲ୍, ପ୍ରବୁ !” ଇଞ୍ଜାଁ ଜୀସୁ ନକିତା ମେଣ୍ଟାକୁତାନା ଜହରା କିତେସି ।

୩୯ ଜୀସୁ ଏଲେଇରେସି, “ମେହ୍‌ଆଗାଟି ଲକୁ ଏନିକ୍ ମେହ୍‌ନେରି ଇଞ୍ଜାଁ ମେହ୍‌ନି ଲକୁ ଏନିକ୍ କାଣା ଆନେରି, ଇ ବିଚାରା କିହାଲି ନାନୁ ଦାର୍‌ଡିତା ଖାହାମାଲ୍ ।”

୪୦ ଏମ୍ବାଆଁ ମାଟି ଏଚରଜାଣା ପାରୁସିୟାଁ ଇ କାତା ଖେଞ୍ଜାନା, ଏଞ୍ଜାଣାଲ୍ ଏଲେଇରେସି, “ମାମ୍ବୁ ଜୁକେଏ ଏନାଆଁ କାଣାୟାଁତମି ?”

୪୧ ଜୀସୁ ଏଞ୍ଜାଣାଲ୍ ଏଲେଇରେସି, “କାଣାୟାଁ ଆହାମାଟିହ୍ ମୀରୁ ଦହ୍ ହିଲାଆଗାଟାତେରି ଆଡେରିମା, ସାମା ମେସାଲି ଆଡ଼ିମାନମି ଇଞ୍ଜିମାନାକି ମୀରୁ ହାରେକା ପାପୁତା ମାଞ୍ଜେରି ।”

୧୦

ମେଣ୍ଟାୟାଁ ଅଡେ ଗଡୁ

୧ ଜୀସୁ ଏଲେଇରେସି, “ନାନୁ ମିଜେ ସାତା ଖେସିମାଞ୍ଜାଲ୍, ଆମ୍ବାଆସି ଦାରା ଖାକିଟି ମେଣ୍ଟାୟାଁ ମାନ୍ଦାତା ହଡୁଅସି, ସାମା ଅର୍ ଖାକିଟି ଡେଞ୍ଜାନା ହଡୁନେସି, ଏଞ୍ଜାସି ସରୁ ଇଞ୍ଜାଁ ତଂଗେଏସି; ୨ ସାମା ଆମ୍ବାଆସି ଦାରା ଖାକିଟି ହଡୁନେସି, ଏଞ୍ଜାସି ମେଣ୍ଟା ଗଡୁ । ୩ ଦାରାତା କାଃଆନାସି ଏଞ୍ଜାଣାକି ଦାରା ଦେଟା ହାନେସି, ଅଡେ, ଏଞ୍ଜାସି ତାନି ମେଣ୍ଟାୟାଁ ଦରୁ ଆସାନା ହାଟିନେସି, ଏଞ୍ଜା ତାନି ହାଟିନାଣି ଖେନୁ ଅଡେ ଏଞ୍ଜାସି ଏ ମାନ୍ଦାତି ପାଙ୍ଗାତା ଜିରୁ ନକି କିହାନା ଅନେସି । ୪ ମେଣ୍ଟାୟାଁଣି ପାଙ୍ଗାତା ଅନାଟି ମେଣ୍ଟାୟାଁ ଗଡୁ ନକି ନକିତା ତାକିନେସି, ଅଡେ ମେଣ୍ଟାୟାଁ ତାନି ଜେଚ ଜେଚ ତାକିନୁ, ଇଚିହ୍ ଏଞ୍ଜାସି ଗିୟାଁ ତେଲ୍‌ହାଉ । ୫ ସାମା ଏଞ୍ଜାସି ପୁନାଆତି ଲକୁ ଜେଚ ଏଚେଲା ଜିକେଏ ତାକାଉ, ସାମା ଏଞ୍ଜାଣି ଦାରି ଦାରିଟି ହଟାତୁହନୁ, ଇଚିହ୍ ଏଞ୍ଜାସି ପୁନାଆତାରି ଗିୟାଁ ତେଲ୍‌ହିନୁ ।”

୨ ଜୀସୁ ଏଞ୍ଜାଣାଲ୍ ଇ ପୁଣ୍ଡିକିନି କାତା ଖେସାନା ଏଲେଇରେସି, ସାମା ଏଞ୍ଜାସି ଏନା ଏନାଆଁ ଖେସିମାଚେସି, ଏ ବାରେ ଏନାସି ଇଞ୍ଜାଁ ଏଞ୍ଜାରି ପୁନାଆତେରି ।

ଜୀସୁ ନେହ୍ ମେଣ୍ଟାୟାଁ ଗଡୁ

୩ ଜୀସୁ ଅଡେ ଖେଣ୍ଡେ ଏଲେଇରେସି, “ସାତା ସାତା ନାନୁ ମିଜେ ଖେସିମାଞ୍ଜାଲ୍, ନାନୁ ମେଣ୍ଟାୟାଁ ଦୁଝେରିତେଏ । ୮ ଏଚରଜାଣା ନା ନକିତା ଖାହାମାନେରି, ଏଞ୍ଜାରି ବାରେ ସରୁକା ଅଡେ ତଂଗାୟାଁ, ସାମା ମେଣ୍ଟାୟାଁ ଏଞ୍ଜାରି କାତା ଖେନାଆତୁ । ୯ ନାନୁ ଆହିମାଲ୍ ଦାରା । ଆମ୍ବାଆସି ନା ତାଣାଟି ହଡୁନେସି, ଏଞ୍ଜାସି ଗେଲ୍‌ପି ଆନେସି ଇଞ୍ଜାଁ ବିତ୍ରା ଖାହାନା ଅଡେ ପାଙ୍ଗାତା ହାଜାନା ହାରା ବେଟାଆନେସି । ୧୦ ସରୁ ଖାଉଲ୍ ସରୁ କିହାଲି, ପାୟାଲି ଅଡେ ନାସା କିହାଲି ଖାନେସି; ଏଞ୍ଜାରି ଏନିକ୍ ଜୀସୁ ବେଟାଆନେରି ଅଡେ ହାରେକା ବେଟାଆନେରି ଏଦାଆଁତାକି ନାନୁ ଖାହାମାଲ୍ ।”

୧୧ “ନାନୁ ନେହ୍ ମେଣ୍ଟାୟାଁ ଗଡୁଡେଏ; ନେହ୍ ମେଣ୍ଟାୟାଁ ଗଡୁ ଡୁମ୍‌ମେଣ୍ଟାୟାଁ ତାକି ତାନି ଜୀସୁ ହାନେସି ।

୧୨ ଆମ୍ବାଆସି ମେଣ୍ଟାୟାଁ ଗଡୁ ଆଏ, ଗତି ଦାଂଗଣେଏସି, ଜାହାରା ମେଣ୍ଟାୟାଁ ହିଲାଉ ଏଞ୍ଜାସି କ୍ଲାଃନି ଖାନାଣି ମେସାନା ମେଣ୍ଟାୟାଁ ପିସା ହଣନେସି ଅଡେ କ୍ଲାଃନି ଖାହାନା ଏ ବାରେଟି ସିନାସାତ୍ରା କିନେ, ୧୩ ଇଚିହ୍ ଏଞ୍ଜାସି ଗତି ଦାଂଗଣେଏସି, ଇଞ୍ଜାଁ ମେଣ୍ଟାୟାଁକି ଅଣ୍ଡାପୁ ହିଲେଏ, ୧୪ ନାନୁ ନେହ୍ ମେଣ୍ଟାୟାଁ ଗଡୁ । ଆବା ଏନିକ୍ ନାଜେ ପୁଞ୍ଜାମାଞ୍ଜାନେସି ଅଡେ ନାନୁ ଆବାଲ୍ ପୁଞ୍ଜାମାଲ୍, ୧୫ ଏନିକ୍ ଆବା ନାଜେ ପୁଞ୍ଜାମାଞ୍ଜାନେସି, ଅଡେ ନାନୁ ଆବାଲ୍ ପୁଞ୍ଜାମାଲ୍, ଏଲେକିହ୍ ଏ ନାନୁ ନା ମେଣ୍ଟାୟାଁଲ୍ ପୁଲ୍, ଅଡେ ନା ମେଣ୍ଟାୟାଁ ଜିକେଏ ନାଜେ ପୁଞ୍ଜାନୁ, ଅଡେ ମେଣ୍ଟାୟାଁ ତାକି ନାନୁ ନା ଜୀସୁ ହାଲ୍ । ୧୬ ଏମିନି ମେଣ୍ଟାୟାଁ ଇ ମାନ୍ଦାତାଲ ଆଏ, ନା ଇଲେଟି ମେଣ୍ଟାୟାଁ ମାନୁ, ଏଞ୍ଜାଆଁ ଜିକେଏ ନାଜେ ତାନାସି ଆନେ, ଅଡେ ଏଞ୍ଜା ନା ହାଡା ତେଲ୍‌ହିନୁ; ଏମ୍ବାଟିଏ ରଣ୍ଡିଏ ମାନ୍ଦା ଅଡେ ରଣ୍ଡିଏ ଗଡୁ ଆନେସି ।”

୧୭ “ନାନୁ ନା ଜୀସୁ ହାନାକି ଆବା ନାଜେ ଜୀସୁ ନୟାନେସି, ଅଡେ ନାନୁ ନା ଜୀସୁ ଖେଣ୍ଡେ ଅହାକତାଲି ନାନୁ ଏଦାଆଁ ହାଲ୍ । ୧୮ ନା ଜୀସୁ ଏଚକାତାରି ଆମ୍ବାଆରି ଅହାଲି ଆଡୁଅରି, ଏଦାଆଁ ନାନୁ ନା ଅଣ୍ଡାପୁ ତଲେ ହାଲ୍, ନା ଜୀସୁ ହାହାଲିତାକି ଅଡେ ଏଦାଆଁ ଖେଣ୍ଡେ ଅହାକତାଲି ତାକି ନା ଅଦିକାରା ମାନେ । ଇଦାଆଁ କିହାଲି ଆବା ମାହାପୁର ନାଜେ ହୁକୁମି ହାହାମାଞ୍ଜାନେସି ।”

* ୧୦:୧୪ ୧୦:୧୪ ମାଟି ୧୧:୨୭; ଲକୁ ୧୦:୨୨

୧୯ ଜୀସୁତି ଛ ବାରେ କାତାତାକି ଜୀହୁଦି ଲକ୍ଷ୍ମୀତାଣା ଗଡ଼ହା ହତେ । ୨୦ ଏଞ୍ଜାରି ବିଭ୍ରାଟି ଏଚରଜାଣା ଏଲେଇଚେରି, “ଏଞ୍ଜାଣାଛ ବୁତୁ ଆଲ୍‌ଗାମାନେ, ଏଞ୍ଜାସି ବାୟା ଆହାମାନେସି, ଏନାଆଁତାକି ଏଞ୍ଜାଣି କାତା ଖେଞ୍ଜିମାଞ୍ଜେରି ?”

୨୧ ଏଟ୍‌କାତାରି ଏଲେଇଚେରି, “ଛ ବାରେ କାତା ବୁତୁ ଆଲ୍‌ଗାମାନାରି କାତା ଆଏ; ବୁତୁ ଏନାଆଁ କାଣାତି କାଣକା ମେସ୍‌ସି କିହାଲି ଆଡ଼ିନେ ।”

ଜୀସୁଇଁ ଅପାଆଗାଗାୟି

୨୨ ଏଚିବେଲା ଜିରୁସାଲମତା ମାହାପୁରୁ ଇଲୁତି ମାହାପୁରୁ ଦରୁଚି ହେରୁପିନି ପାରୁଁ ଆଡେ; ଏଦି ପେନିବେଲା ମାଚେ, ୨୩ ଜୀସୁ ମାହାପୁରୁ ଇଲୁତି ସଲମନ ପିଣ୍ଡାତା ରେଜିମାଚେସି । ୨୪ ଏମ୍ବାଟିଏ ଜୀହୁଦି ଲକ୍ଷ୍ମି ସାରିଖାକି ମୁତାନା ଖେଞ୍ଜାଲି ମାଟୁହେରି, “ଏଚରଦିନା ପାଚେକା ମା ମନତା ଆନାମାନା କିୟାଦି ? ନାନୁ କ୍ରୀସ୍ତତି ଇଚିହଁ ମାଞ୍ଜେ ନେହଁ କିଁ ଖେସ୍ତାମୁ ।”

୨୫ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଞ୍ଜେ ଖେସାମାଞ୍ଜାଇଁ, ସାମା ମୀରୁ ନାମିହିଲଅଚେରି; ନା, ଆବା ଦରୁଚି ନାନୁ ଏମିନି ବାରେ କାମା କିହିମାଇଁ, ଏ ବାରେ ନା ଖାକିଟି ସାକି ହାହିମାନେ; ୨୬ ଆଡ଼ିଜିକେଏ ମୀରୁ ନାମିହିଲଅଚେରି, ଇଚିହଁ ମୀରୁ ନା ମେଣ୍ଡାୟାଚେରି ଆଏ । ୨୭ ନା ମେଣ୍ଡାୟା ନା ହାଡ଼ା ଖେନୁ ଅଡେ ନାନୁ ଏଞ୍ଜାଆଁ ପୁଇଁ, ଅଡେ ଏଞ୍ଜି ନା ଜେଚ ଜେଚ ତାକିନୁ, ୨୮ ଅଡେ ନାନୁ ଏଞ୍ଜାସିକାକି କାଲ୍‌କାଲ୍‌କାତି ଜୀସୁ ହାଇଁ, ଅଡେ ଏଞ୍ଜି ଏଚେଲା ଜିକେଏ ନାସା ଆଡ଼, ଆମ୍ବାଆସି ନା କେୟୁଟି ଏଞ୍ଜାଆଁ ମାଞ୍ଜା ଅୟଅସି । ୨୯ ନା, ଆବା ନାଞ୍ଜେ ଏନାଆଁ ହାହାମାଞ୍ଜାନେସି, ଏଦି ବାରେକିହାଁ ଦାରାଗାଟାୟି,* ଇଞ୍ଜା ଆବା ତାଣାତି ଆମ୍ବାଆସି ମାଞ୍ଜାଲି ଆଡ଼ଅସି । ୩୦ ଆବା ଅଡେ ନାନୁ ରଅଚମିଏ ।”

୩୧ ଜୀହୁଦି ଲକ୍ଷ୍ମି ଏଞ୍ଜାଣାଇଁ ଖେଚାଲି ଅଡେ ଖେଣ୍ଡେ ଖାଲ୍‌କା ତାଚିହଁ ଖାଡେରି । ୩୨ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଆବା ତାଣାଟି ହାଚେରକା ନେହଁ କାମାୟାଁ ମିଞ୍ଜେ ତସାମାଞ୍ଜାଇଁ; ଏ ବାରେ କାମାୟାଁ ବିଭ୍ରାଟି ଏମିନି କାମାତାକି ନାଞ୍ଜେ ଖାଲ୍‌କା ଖେଚି ମାଞ୍ଜାଦେରି ?”

୩୩ ଜୀହୁଦିୟାଁ ଏଞ୍ଜାଣାଇଁ ଏଲେଇଚେରି, “ନେହଁ କାମାତାକି ନିଞ୍ଜେ ଖାଲ୍‌କା ଖେଚିମାଞ୍ଜଅମି, ସାମା ମାହାପୁରୁ ନିୟା କିହିମାନାକି, ନାନୁ ମାଣ୍ଡସି ଆହାନା ମାହାପୁରୁଚେଏଁ ଇଞ୍ଜିମାନାକି ।”

୩୪ ଜୀସୁ ଏଞ୍ଜାରାଇଁ ଏଲେଇଚେସି, “ମୀ ମସା ମେରାତା ରାସ୍‌କି ଆହାହିଲେଏ, ନାନୁ ଏଲେଇଞ୍ଜାଚେଏଁ ‘ମୀରୁ ମାହାପୁରୁୟାଚେରି ।’ ୩୫ ଆମ୍ବାଆରି ତାଣା ମାହାପୁରୁଚି ବଲୁ ତଞ୍ଜାଆଡେ, ଏଞ୍ଜାରି ମାହାପୁରୁୟାଁ ଇଚିହଁ ଦାମୁଁ ସାଡେସ୍‌ସି ଉଜେଏ କିହାଲି ଆଡ଼ଅସି, ୩୬ ଆବା ମାହାପୁରୁ ନାଞ୍ଜେ ସୁରୁ କିହାନା ଦାରତିତା ପାଣ୍ଡାମାଞ୍ଜାନେସି । ଇଞ୍ଜା ନାନୁ ନାଞ୍ଜେ ମାହାପୁରୁ ମୀରୁଏଣାଚେଏଁ ଇଞ୍ଜିମାନାକି ମାହାପୁରୁ ନିୟା କିହିମାଞ୍ଜି ଇଞ୍ଜି ଏନିକିଁ ଏଲେଇଞ୍ଜି ମାଞ୍ଜାଦେରି ? ୩୭ ନାନୁ ନା ଆବାତି ବାରେ କାମା କିହା ହିଲାଆତିହଁ ନାଞ୍ଜେ ନାମାଆଡୁ; ୩୮ ସାମା ନାନୁ କିହିମାଇଁ, ଆତିହଁ ମୀରୁ ନାଞ୍ଜେ ନାମି ମାଞ୍ଜଅଚେରି, ଆଡ଼ିଜିକେଏ ଆବା ନା, ତାଣା ମାନେସି ଅଡେ ନାନୁ ଆବା ତାଣା ମାଇଁ, ଇଦାଆଁ ମୀରୁ ଏନିକିଁ ପୁଞ୍ଜେରି ଅଡେ ତେଲ୍‌ହିଦେରି, ଇଦାଆଁତାକି ବାରେ କାମାତି ନାମାଦୁ ।”

୩୯ ଏମ୍ବାଟିଏ ଏଞ୍ଜାରି ଜୀସୁଇଁ ଆସାଲି ଅଣପିଚେରି, ସାମା ଏଞ୍ଜାସି ଏଞ୍ଜାରି କେୟୁତା ହେରୁପି ଆଆନା ଏମ୍ବାଟି ହଚାହାଚେସି ।

୪୦ ଏମ୍ବାଟି ଏଞ୍ଜାସି ଅଡେ ଖେଣ୍ଡେ ଜର୍ଦନ ଆତାଲା ହାଜାନା, ତଲି ଜହନ ଏମିନି ଚାୟୁତା ବାପ୍ତ୍ରସ୍ତାଁ ହାହିମାଚେସି, ଏ ଚାୟୁତା ଖାହାନା ଡ଼ୟିଚେସି । ୪୧ ଅଡେ ହାଚେରକା ଲକ୍ଷ୍ମି ଏଞ୍ଜାଣି ତାଣା ଖାହାନା ଏଲେଇଚେରି, “ଜହନ ଏନି କାବାଆନି କାମା କିଆଚେସି, ସାମା ଛ ମାଣ୍ଡସି କାତା ଜହନ ଏନା ଏନାଆଁ ଖେସାମାଚେସି, ଏ ବାରେ ସାତା ।” ୪୨ ଏମ୍ବାଆଁ ହାଚେରକା ଲକ୍ଷ୍ମି ଏଞ୍ଜାଣି ତାଣା ନାମିଚେରି ।

୧୧

ଲାଜର ହାନ୍ଦାୟି

୧ ବେଚନିୟାଁତି ଲାଜର ଦରୁଗାଟାସି ରଅସି ନମେରି ଆହାମାଚେସି; ତାମି ତାଜିସ୍ତା ମରିୟମ ଅଡେ ମାର୍ତୀ ଏ ନାୟୁତା ଡ଼ୟିମାଚୁ । ୨ ଏମିନି ଇୟା ପ୍ରବୁଇଁ ନିୟୁଁ ଖାକିହାନା ତାନି ତାୟୁଁ ବାଣାୟାଁ ତଲେ

* ୧୦:୨୯ ୧୦:୨୯ ଆବା ନାଞ୍ଜେ ଏନାଆଁ ହାହାମାଞ୍ଜାନେସି, ଏଦି ବାରେକିହାଁ ଦାରାଗାଟାୟି, ଇଦାଣି ଅର୍ଥ ଆମିନି ଆବା ନାଞ୍ଜେ ଛ ଲକ୍ଷ୍ମି ହାହାମାଞ୍ଜାନେସି, ଏଞ୍ଜାସି ଏଞ୍ଜାରି କିହାଁ କାଜାସି । * ୧୦:୪୦ ୧୦:୪୦ ଜହ ୧:୨୮ † ୧୦:୪୦ ୧୦:୪୦ ମୁଞ୍ଜିନାୟି * ୧୧:୧ ୧୧:୧ ଲୁକ ୧୦:୩୮, ୩୯ * ୧୧:୨ ୧୧:୨ ଜହ ୧୨:୩

ଏଞ୍ଜାଣି ପାଠ୍ୟାଧ୍ୟାୟୀ ଲେଖା ମାତ୍ରେ, ଛଦି ଏ ମରିୟତା; ତାମି ତାୟି ଲାଜର ନମେରି ଆହାମାତେସି ।
୩୩ ଏଦାଆଁତାକି ଏ ତାଜିୟା ଜୀସୁ ତାଣା କାତୁ ପାଣ୍ଡିତୁ, “ପ୍ରବୁ, ନୀନୁ ଆମ୍ବାଆରାଇଁ ଜୀସୁ ନହୁଁ ମାଞ୍ଜି ଏଞ୍ଜାସି
ନମେରି ଆହାମାନେସି ।”

୪ ସାମା ଜୀସୁ ଛ କାତା ଖେଞ୍ଜାନା ଏଲେଇଚେସି, “ଛ ନମେରି ହାହାଲି ତାକି ଆଏ, ସାମା ମାହାପୁରୁତି
ଗାଞ୍ଜୁରମି ତାକି, ଏନିକ” ଏମ୍ବାଟି ମାହାପୁରୁତି ମୀର୍ଏସି ଗାଞ୍ଜୁରମି ବେଟା ଆନେସି ।”

୫ ଜୀସୁ ମାର୍ତା, ତାମି ତାଜି ମରିୟତା ଅଡେ ଲାଜରଇଁ ଜୀସୁ ନହୁଁ ମାତେସି । ୬ ଏଡେତା ଏଞ୍ଜାସି
ନମେରି ଆହାମାନେସି ଇଞ୍ଜିଁ ଖେଚେସି, ଏଡେତା ଏଞ୍ଜାସି ଏମିନିତାଣା ମାତେସି, ଏ ଟାୟୁତା ରା ଦିନା
ଡୟିତେସି । ୭ ଏବେଟିଏ ଏଞ୍ଜାସି ସାୟୁୟାଁଇଁ ଏଲେଇଚେସି, “ଜାତୁ ମୀର୍ ଖେଣ୍ଡେ ଜୀହୁଦା ରାଜିତା ହାନ ।”

୮ ସାୟୁୟାଁ ଏଞ୍ଜାଣାଇଁ ଏଲେଇଚେରି, “ଏ ଗୁରୁ ଜୀହୁଦିୟାଁ ନୀଏଁ ନିଜେ ଖାଲକାତଲେ ଖେଚାଲି ଅଣ୍ଡି
ମାଞ୍ଜାତେରି, ଅଡେ ଖେଣ୍ଡେ ନୀନୁ ଏମ୍ବାଆଁ ହାଜିମାଞ୍ଜି ?”

୯ ଜୀସୁ ଏଲେଇଚେସି, “ଦିନାତାକି ବାର ଗଟା ହିଲେଏ ? ଆମ୍ବାଆସି ମାଦେନା ତାକିସାରେ ପୁଟିକିଅସି,
ଇଚିହୁଁ ଏଞ୍ଜାସି ଦାଉଡିତି ଉଜେଡି; ୧୦ ସାମା ଲାଆଁୟାଁ ତାକିସାରେ ଏଞ୍ଜାସି ପୁଟିକିନେସି, ଇଚିହୁଁ ଏଞ୍ଜାଣି
ହିୟାଁତା ଉଜେଡି ହିଲେଏ ।” ୧୧ ଛ ବାରେ କାତା ଖେସି ଡାୟୁ ଏଞ୍ଜାରାଇଁ ଅଡେ ଏଲେଇଚେସି, “ମା ଡ଼େଣ
ଲାଜର ଇଦା କିହାମାନେସି, ସାମା ଏଞ୍ଜାଣାଇଁ ଇଦାଟି ନିକହାଲି ନୀନୁ ହାଜିମାଞ୍ଜି ।”

୧୨ ଏମ୍ବାଟିଏ ସାୟୁୟାଁ ଏଞ୍ଜାଣାଇଁ ଏଲେଇଚେସି, “ପ୍ରବୁ ଏଞ୍ଜାସି ତୁରାନା ଇଦା କିହାମାଟିହୁଁ ନେହୁଁ
ଆନେସି ।”

୧୩ ଜୀସୁ ଲାଜର ହାହାମାନାକି ଏ କାତା ଏଲେଇଚେସି, ସାମା ଏଞ୍ଜାଣି ଇଦା କିହାମାନି କାତା ଖେସାତେସି
ଇଞ୍ଜିଁ ଅଣ୍ଡିମାତେରି । ୧୪ ଏରିବେଲା ଜୀସୁ ତାରେତଲେ ଏଲେଇଚେସି, “ଲାଜର ହାହାମାନେସି;
୧୫ ଅଡେ ନୀନୁ ଏମ୍ବାଆଁ ହିଲାଆତେଏଁ, ଏଦାଆଁତାକି ମୀ ତାକି ରାହାଁ କିହିମାଞ୍ଜି, ଏନିକ” ମୀରୁ ନାମିଦେରି;
ସାମା ଜାତୁ ମୀର୍ ଏଞ୍ଜାଣି ତାଣା ହାନ ।”

୧୬ ଏମ୍ବାଟିଏ ତମା, ଆମ୍ବାଆରାଇଁ ଦିପୁର ଇଞ୍ଜିଁ ଇନେରି, ଏଞ୍ଜାସି ତାମି ଡ଼େଣ ସାୟୁୟାଁଇଁ ଏଲେଇଚେସି,
“ଜାତୁ, ମୀର୍ ଜିକେଏ ହାଜାନା ଏଞ୍ଜାଣିତଲେ ହାନ ।”

ଜୀସୁଏ ଖେଣ୍ଡେ ନିଜିନାସି ଅଡେ ଜୀସୁ

୧୭ ଜୀସୁ ବେତନିୟାଁତା ଏଜାନା ଖେଚେସି, ଏଞ୍ଜାସି ସାରି ଦିନା ଆତେସି ମାହୁଣି ମାଣ୍ଡାତା ଇଟାମାନେରି
। ୧୮ ବେତନିୟାଁ ଜିରୁସାଲମଟି ରୀ କିଲମିଟର ହେକ ମାତେ, ୧୯ ଅଡେ ଜୀହୁଦିୟାଁ ବିତ୍ରାଟି ହାରେକା ମାର୍ତା
ଇଞ୍ଜା ମରିୟତା ତାମି ତାୟିତି ଦୁକୁ ତୁକହାଲି ଏମ୍ବାଆଁ ଖାହାମାତେରି ।

୨୦ ଜୀସୁ ଖାହାମାନେସି ଇଞ୍ଜିଁ ଏଡେତା ମାର୍ତା ଖେଚେ, ଏଡେତା ମାର୍ତା ଏଞ୍ଜାଣାଇଁ ବେଟାଆୟାଲି
ହାଚେ, ସାମା ମରିୟତା ଇଜ କୁଗାନା ଡୟିତେ । ୨୧ ମାର୍ତା ଜୀସୁଇଁ ଏଲେଇଚେ, “ପ୍ରବୁ ନୀନୁ ଇମ୍ବାଆଁ
ମାଟିହୁଁ ମା, ନା ତାୟି ହାଆତେସିମା, ୨୨ ସାମା ନୀନୁ ମାହାପୁରୁଇଁ ଏନାଆଁ ରାହୁଦି, ମାହାପୁରୁ ନିଜେ
ଏଦାଆଁ ହିୟାନେସି, ଏଦାଆଁ ନୀଏଁ ଜିକେଏ ପୁଞ୍ଜାମାଞ୍ଜି ।”

୨୩ ଜୀସୁ ଏଦାନି ଏଲେଇଚେସି, “ନୀ ତାୟି ଅଡେ ଖେଣ୍ଡେ ନିଜିନେସି ।”

୨୪ “ମାର୍ତା ଜୀସୁଇଁ ଏଲେଇଚେ, ଏଞ୍ଜାସି ଡାୟୁ ଖେଣ୍ଡେ ନିଜିନି ଦିନାତା ନିଜିନେସି, ଇଦାଆଁ ନୀନୁ
ପୁଞ୍ଜାମାଞ୍ଜି ।”

୨୫ ଜୀସୁ ଏଦାନି ଏଲେଇଚେସି, “ନୀନୁ ଖେଣ୍ଡେ ନିଜିନାତେଏଁ ଅଡେ ଜୀସୁତେଏଁ; ଆମ୍ବାଆସି ନାଜେ
ନାମାନେସି, ଏଞ୍ଜାସି ହାଡି ଜିକେଏ ନୀଡିନେସି, ୨୬ ଆମ୍ବାଆସି ନୀଡିନେସି ଅଡେ ନାମିନେସି, ଏଞ୍ଜାସି
ଏବେଲା ଜିକେଏ ହାଅସି; ଛ କାତା ନାମିମାଞ୍ଜି ?”

୨୭ ମାର୍ତା ଏଲେଇଚେ, “ଏ ପ୍ରବୁ ଆମ୍ବାଆସି ଦାଉଡିତା ଖାନାୟି ମାତେ, ନୀନୁ ଏ କ୍ରୀସ ମାହାପୁରୁ
ମୀର୍ଏଣାଟି, ଛ କାତା ନାମିମାଞ୍ଜି ।”

ଜୀସୁ ଡାତେସି

୨୮ ଛ କାତା ଖେସାନା ମାର୍ତା ହାଜାନା ତାମି ତାଜି ମରିୟତା ଅଡେ ହାଟାନା ଏଲେଇଚେ, “ଗୁରୁ
ଖାଡେସିଏ ନିଜେ ପାରିମାଞ୍ଜାନେସି ।” ୨୯ ମରିୟତା ଛ କାତା ଖେଞ୍ଜାନା ଦାପେ ନିଜାନା ଏଞ୍ଜାଣି ତାଣା
ହାଚେ । ୩୦ ଏରିବେଲା ଜୀସୁ ନାୟୁଁ ବିତ୍ରା ଖାହାହିଲାଆତେସି, ସାମା ମାର୍ତା ଏଞ୍ଜାଣାଇଁ ଏମିନି ଟାୟୁତା
ବେଟାଆହାମାତେ, ଏଡେପାତେକା ଏ ଟାୟୁତେଏ ମାତେସି । ୩୧ ଏମିନି ଜୀହୁଦିୟାଁ ଏଦାନିତଲେ ଏ ଇଲୁତା

ଦୁକୁ ତୁକ୍‌ହିମାଚେରି, ଏଝାରି ମରିୟମ ଦାପେ ନିଜ୍ଞାନା ପାଙ୍ଗାତା ହାତାଣି ମେସାନା, ଏଦି ମାହୁଣି ମାଣ୍ଡାତା ତୃହାଲି ହାଜିମାନେ, ଛ କାତା ଅଣପାନା ଏଦାନି ଜେଚ ଜେଚ ହାଚେରି ।

୩୨ ଏମ୍ବାଟିଏ ଜୀସୁ ଏମିନି ଚାୟୁତା ମାଚେସି, ମରିୟମ ଏ ଚାୟୁତା ହାଜାନା ଏଝାଣାଇଁ ମେସାନା ଏଝାଣି କତାୟିଁ ତୁକ୍ ରିହାନା ଏଲେଇଚେସି, “ପ୍ରବୁ ନାନୁ ଇମ୍ବାଆଁ ମାଚିହୁଁ ମା ନା ତାୟି ହାଆତେସିମା ।”

୩୩ ଜୀସୁ ମରିୟମ ଅଡେତ ତାନିତଲେ ଝାହାମାନି ଜୀହୁଦି ଲକୁ ତାହିମାନାଣି ମେସାନା ଜୀସୁତା ହାଚେରକା ଦୁକୁ ଆହାନା ଝେଚେସି, ୩୪ “ଏଝାଣାଇଁ ଆମ୍ବିୟା ଇଟାମାଞ୍ଜେରି ?” ଏଝାରି ଏଲେଇଚେରି, “ପ୍ରବୁ, ଝାହାନା ସିନିକିମୁ ?”

୩୫ ଜୀସୁ ତାଚେସି । ୩୬ ଏଚେଟିଏ ଜୀହୁଦି ଲକୁ ଏଲେଇଶ୍ୱି ଆଚେରି, “ଏଝାସି ଏଝାଣାଇଁ ଏଚେକା ଜୀସୁ ନହୁଁ ମାଚେସି ।”

୩୭ ସାମା ଏଝାରି ବିତ୍ତାଟି ଏଚରଜାଣା ଏଲେଇଚେରି, “ଛ ମାଣସି ଏ କାଣାଇଁ ମେସପି କିହାମାଚେସି, ଏଝାସି ଇଝାଣାଇଁ ହାକିଟି ଚେଲ୍‌ପାଲି ଆଡ଼ିଚେସିମା ?”

ହାଡ଼ି ଲାଜରଇଁ ଜୀସୁ ହୀନାୟି

୩୮ ଏମ୍ବାଟିଏ ଜୀସୁ ଦୁକୁ ଆହାନା ମାହୁଣି ମାଣ୍ଡା ତାଗେ ଝାଡେସି; ଏଦି ର ପାଝୁ ମାଚେ, ଇଞ୍ଜା ପାଝୁ ଦୁଝେରିତା ର କାଜା ଝାଲି ମାଚେ । ୩୯ ଜୀସୁ ଏଲେଇଚେସି, “ଛ ଝାଲି ଗୁଟି କିଦୁ ।” ହାତାଣି ତାଙ୍ଗି ମାଟା ଏଲେଇଚେ, “ପ୍ରବୁ, ଏଝାସି ଗାନ୍ଦା ଆହାହାଚେସିଏ, ଇଚିହୁଁ ହାହାନା ସାରି ଦିନା ଆଚେସିଏ ।”

୪୦ ଜୀସୁ ଏଦାନି ଏଲେଇଚେସି, “ନାନୁ ନାମିଦି, ଆଡ଼ିହୁଁ ମାହାପୁରୁତି ଗାଝୁରମି ମେହୁଦି, ଛ କାତା ନାନୁ ନିଜେ ଝେସାମାଞ୍ଜାଆଚେସି ?” ୪୧ ଅଡେତ ଏଝାରି ଝାଲି ଗୁଟି କିଚେରି । ଅଡେତ ଜୀସୁ ଲାକଝାକି ସିନିକିହାନା ଏଲେଇଚେସି, “ଆଦା ନା ପ୍ରାତାନା ଝେଟି ଇଞ୍ଜୁଁ ନାନୁ ନିଜେ ଜହରା କିହିମାଞ୍ଜାଇଁ ।

୪୨ ନାନୁ କାଲେଏ ନା ପ୍ରାତାନା ଝେଞ୍ଜିମାଞ୍ଜି, ଛ କାତା ନାନୁ ପୁଞ୍ଜାମାଇଁ; ସାମା ଏମିନି ଲକୁ ସାରିସୁଟୁ ନିଚାମାନେରି, ନାନୁ ନାଜେ ପାଣ୍ଡାମାଞ୍ଜାଦି ଇଞ୍ଜୁଁ ଏଝାରି ଏନିକଁ ନାମିନେରି, ଏଦାଆଁତାକି ଏଝାରି ତାକି ନାନୁ ଏଲେଇଚେସି ।” ୪୩ ଏଝାସି ଏଲେଇଞ୍ଜାନା କାଜା ରିୟାତଲେ ଏଲେଇଚେସି, “ଲାଜର ପାଙ୍ଗାତା ହଚା ଝାମୁ ।” ୪୪ ଦେବୁଣିଏ ଲାଜର ପାଙ୍ଗାତା ହଚାଝାଚେସି; ତାନି କେସ୍ତା କତାଣା ମାହୁଣି ମାଣ୍ଡାତି ହିମ୍ବିରକା ତଲେ ରୁପି ଆହାମାରୁ, ଇଞ୍ଜା ତାନି ମୁସ୍ତୁତା ଇଚାୟି ପାସକି ପିଡ଼ିଟିଝି ଆହାମାଚେ । ଜୀସୁ ଏଝାଚାଇଁ ଏଲେଇଚେସି, “ହିମ୍ବିରକା ହୁକ୍‌ଦୁ ଏଝାସି ତାକାପେସି ।”

ଜୀସୁଇଁ ପାୟାଲି ପାରୁ ପାରିନାୟି

(ମାତି ୨୭:୧-୫; ମାର୍କ ୧୪:୧,୨; ଲୁକ ୨୨:୧,୨)

୫୫ ହାଚେରକା ଜୀହୁଦି ଲକୁ, ଇଚିହୁଁ ଆମ୍ବାଆରି ମରିୟମ ତାଣା ଝାହାମାଚେରି ଅଡେତ ଜୀସୁତି କାମା ମେସାମାଚେରି, ଏଝାରି ଏଝାଣାଇଁ ନାମିଚେରି । ୫୬ ଅଡେତ ଏଝାରି ବିତ୍ତାଟି ଆମ୍ବା ଆମ୍ବାଆରି ପାରୁସିୟାଁ ତାଣା ହାଜାନା ଜୀସୁ ଏନା ଏନାଆଁ କିହାମାଚେସି ଏ ବାରେ ଏଝାଚାଇଁ ଝେସୁେରି । ୫୭ ଛ କାତା ଝେଞ୍ଜାନା ପାରୁସିୟାଁ ଅଡେତ କାଜା ପୂଜେରାଙ୍ଗ କାଜା ବେରଣିମାଣ୍ଡାତା ଏଲେଇଚେରି, “ମାରୁ ଏନି କିନାୟି ଛ ମାଣସି ହାଚେରକା କାବାଆନି କାମାୟାଁ କିହିମାନେସି । ୫୮ ମାରୁ ଏଝାଣାଇଁ ଏଲେକିହୁଁ ପିସୁସିଁ ବାରେ ଲକୁ ଏଝାଣି ତାଣା ନାମିନେରି, ଅଡେତ ରମିୟ ଲକୁ ଝାହାନା ଛ ଚାୟୁ କୁଡା ବାରେଟି ନାସା କିନେରି ।”

୫୯ ସାମା ଏଝାରି ବିତ୍ତାଟି ର କାଜା ପୂଜେରା, ଇଚିହୁଁ କୟାପା ଏ ବାସୀତି କାଜା ପୂଜେରା ଏଝାଚାଇଁ ଏଲେଇଚେସି, “ମାରୁ ଏନାଆଁ ପୁଞ୍ଜାହିଲଅଚେରି ? ୬୦ ବାରେ କୁଡାତାରି ନାସା ଆନି କିହାଁ ବାରେ ଲକୁ ତାକି ରଅସି ହାନାୟି ମିଜେ ତାକି ନେହେଁ, ଛଦାଆଁ ମାରୁ ଅଣ୍ଡିପି ହିଲଅଚେରି ।” ୬୧ ଏଝାସି ତାନିତାଣାଟି ଏଲେଇଞ୍ଜା ହିଲଆଚେସି, ସାମା ଏଝାସି ଏ ବାସୀତି କାଜା ପୂଜେରା ମାଚାକି ଛ ତାୟୁ ଆନି କାତା ତାନି ଗୁଟିଟି ହଚାମାଚେ, ଜୀସୁ ଏ କୁଡାତି ଲକୁ ତାକି, ୬୨ ଅଡେତ ଝାଚଇ ଏ କୁଡା ତାକି ଆଏ, ସାମା ମାହାପୁରୁତି ଇତାଲା ଆତାଲା ଆହାମାନି ମୀରକାଣି ଜିକେଏ କୁଡ଼ି କିହାନା ରଣିଏ କିହାଲିତାକି ହାହାଲି ହାଜିମାନେସି, ଛଦାଆଁତାକି ଛ କାତା ଝେକ୍‌ହେସି ।

୬୩ ଇଞ୍ଜା ଏ ଦିନାଟିଏ ଏଝାଣାଇଁ ପାୟାଲି ତାକି ପାରୁ ପାରିଚେରି । ୬୪ ଏଦାଆଁତାକି ଜୀସୁ ଜୀହୁଦି ଲକୁ ବିତ୍ତା ପାଙ୍ଗାଝେଜେ ରେଆଚେସି, ସାମା ଏଝାସି ଏ ଚାୟୁଟି ହଚା ହାଜାନା ଲକୁ ହିଲଆ ଚାୟୁ ଦାରି ମାନି ଏପ୍ରିୟମ ଦରୁଗାଟି ର ଗାଡାତା ହାଚେସି, ଅଡେତ ସାୟୁୟାଁ ତଲେ ଏମ୍ବାଆଁ ତୁୟିଚେସି ।

୫୫ ଏତିବେଲା ଜୀହୁଦି ଲକ୍ଷ୍ମି ପିସ୍‌ପିଆନି ପାର୍ବୁ ତାଗେ ମାରେ, ଅଡ଼େ ନାସ୍କାଚି ହାରେକା ଲକ୍ଷ୍ମି ଜାହାରାଇଁ ଅବହା କତାଲି ପିସ୍‌ପିଆନି ପାର୍ବୁ ନକେଏ ଜିରୁସାଲମତା ହାରେରି । ୫୬ ଏମ୍ବାଟିଏ ଏଞ୍ଜାରି ଜୀହୁଇଁ ପାରି ପାରିହଁ ମାହାପୁରୁ ଇଲୁତା ନିତାମାଚାଟି ତାମ୍ବୁ ତାମ୍ବୁ ଏଲେଇଶମ୍ବି ଆଡେରି, “ମୀରୁ ଏନାଆଁ ଅଣ୍ଡିପିମାଞ୍ଜେରି ? ଏଞ୍ଜାସି କି ପାର୍ବୁତା ଖାଅସି ?” ୫୭ କାଜା ପୂଜେରାଜା ଅଡ଼େ ପାରୁସିୟାଁ ଏଞ୍ଜାଣାଇଁ ଆସାଲି ତାକି, ଏଞ୍ଜାସି ଏମ୍ବିୟା ମାନେସି, ଇ କାତା ଆମ୍ବାଆସି ପୁଞ୍ଜାମାନେସି, ଏ କାତା ଖେସାଲି ତାକି ହୁକୁମି ହାହାମାରେରି ।

୧୨

ଜୀହୁଇଁ ନିୟୁଁ ରୁବିନାୟି

(ମାତି ୨୭:୭-୧୩; ମାର୍କ ୧୪:୩-୯)

୧ ଏମ୍ବାଟିଏ ଜୀହୁ ପିସ୍‌ପିଆନି ପାର୍ବୁତି ସ ଦିନା ନକେଏ ବେତନିୟାଁତା ଖାଡେସି; ଏମିନି ଲାଜରଇଁ ହାଡାରି ତାଣାଟି ନିକହା ମାରେସି, ଏଞ୍ଜାସି ଏ ଗାୟତା ମାରେସି । ୨ ଏଦାଆଁତାକି ଏଞ୍ଜାରି ଏଞ୍ଜାଣାକି ଏ ଗାୟତା ଲାଆଁୟାଁ ର ବକ୍ତି କିଡେରି; ମାର୍ତା ବାଟି କିହିମାଡେ, ଅଡ଼େ ଆମିନି ଗାଟାରି ଏଞ୍ଜାଣିତଲେ ତିଞ୍ଜାଲି କୁଗାମାରେରି, ଲାଜର ଏଞ୍ଜାରି ବିତ୍ରାଟି ରଅସି ମାରେସି ।

୩ ଏତିବେଲା ମରିୟମ ଆଦା ଗାଜୁ ଗାୟା ନିୟୁଁ ତାଗାନା ଜୀହୁ କତାଣା ରୁବାନା ତାନି ତାୟୁଁ ବାଣାୟାଁ ତଲେ ତାନି କର୍ତାଣି କେଡେ, ଅଡ଼େ ବାରେ ଇଲୁତା ନିୟୁଁ ଗାୟା ଆଡେ । ୪ ସାମା ତାନି ସାସୁୟାଁ ବିତ୍ରାଟି ଇସ୍‌ପାରିୟତ ଜୀହୁଦା ଆମିନି ସାସୁ ଜୀହୁଇଁ ସାତୁୟାଁ କେୟୁତା ହେବୁପାଲି ହାଜିମାରେସି, ଏଞ୍ଜାସି ଏଲେଇରେସି, ୫ “ଇ ନିୟୁଁ ତାନି ଖାଞ୍ଜା ଟାକାୟାଁ ତାକି ପାର୍ବୁପି ଆହାନା ଏନାଆଁତାକି କାକୁଲି ଗାଟାରାକି ହାପକି ଆଆଡେ ?” ୬ ଏଞ୍ଜାସି କାକୁଲି ଗାଟାରାଇଁ ଅଣ୍ଡିପିମାରେସି ଇଞ୍ଜୁଁ ଏଲେଇରେସି, ଏଡି ଆଏ, ସାମା ଏଞ୍ଜାସି ର ସରୁ ଅଡ଼େ ଏଞ୍ଜାଣି ତାଣା ଟାକାୟାଁ ମଣା ମାଚାକି, ଏମ୍ବାଆଁ ଏନା ଏନାଆଁ ଇବ୍‌କି ଆହିମାଡେ, ଏଦାଆଁ ସରୁ କିହିମାରେସି ।

୭ ସାମା ଜୀହୁ ଏଲେଇରେସି, “ଇଦାଆଁ ପିହ୍‌ଦୁ, ଏନିକଁ ନା ମାଡ଼ହା ମୁହ୍‌ନି ଦିନାତାକି ଏଡି ଏଦାଆଁ ଇଟାଲି ଆଡିନେ । ୮ କାକୁଲି ଗାଟାରି ବାରେଦିନା ମୀ ତାଣା ମାନେରି, ସାମା ନାଦୁ ବାରେବେଲା ମୀ ତଲେ ମାନଅଁ ।”

ଲାଜର କପାଟି ପାରୁ ପାରିନାୟି

୯ ଏରେଟିଏ ହାରେକା ଜୀହୁଦି ଲକ୍ଷ୍ମି ଏଞ୍ଜାସି ଏମ୍ବାଆଁ ମାନେସି ଇଞ୍ଜୁଁ ପୁଞ୍ଜାନା ଖାରୁଇ ଜୀହୁ ତାକି ଆଏ, ସାମା ଏମିନି ଲାଜରଇଁ ଏଞ୍ଜାସି ହାକିଟି ନିକହା ମାରେସି, ଏଞ୍ଜାଣାଇଁ ମେସାଲି ଖାଡେରି । ୧୦ ସାମା ଲାଜରଇଁ ଜିକେଏ ପାୟାଲି କାଜା ପୂଜେରାଜା ପାରୁ ପାରିଡେରି, ୧୧ ଇତିହଁ ଏଞ୍ଜାଣି ତାକି ଜୀହୁଦିୟାଁ ବିତ୍ରାଟି ହାରେକା ହାଜାନା ଜୀହୁ ତାଣା ନାମି ମାରେରି ।

ଜୀହୁ ଜିରୁସାଲମତା ରାହୁଁଟି ହଡ଼ନାୟି

(ମାତି ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତାନି ଅର ଦିନା ପାର୍ବୁତା ଖାହାମାନି ହାରେକା ଲକ୍ଷ୍ମି ଜୀହୁ ଜିରୁସାଲମତା ଖାହାମାନେସି ଇଞ୍ଜୁଁ ଖେରେରି ୧୩ ଇଞ୍ଜା କାକୁରି ମାଟାୟାଁ ଆସାନା ଜୀହୁଇଁ ବେଟାଆହାଲି ଖାଡେରି ଅଡ଼େ କାଜା ଗିୟାତଲେ ଏଲେଇରେରି, “ହସାନା । ପ୍ରବୁତି ଦରୁତଲେ ଆମ୍ବାଆସି ଖାହିମାନେସି, ଏଞ୍ଜାସି ନେହେଁ, ଇସ୍‌ପାୟେଲତି ରାଜାଇଁ ମାହାପୁରୁ ବରୁ ହାପାସି ।”

୧୪ ଜୀହୁ ର ଗାଡ଼ଦେ ତାଲୁ ଲାକ କୁଗାନା ଖାହିମାରେସି, ଏନିକଁ ରାସ୍‌କି ଆହାମାନେ, ୧୫ “ଆକେ ସିୟନତି ମାସ୍କା, ଆଜାଆଦୁ ମେହ୍‌ଦୁ ମୀ ରାଜା ଖାହିମାନେସି, ଏଞ୍ଜାସି ଗାଡ଼ଦେ ତାଲୁ ଲାକ କୁଗାନା ଖାହିମାନେସି ।”

୧୬ ଏତିବେଲା ସାସୁୟାଁ ଏଦାନି କାତା ପୁଞ୍ଜାଲି ଆଡାଆଡେରି, ସାମା ଜୀହୁ ଗାଧୁରମିଟି ଖେଣ୍ଡେ ନିଜାଲିଏ ଏଞ୍ଜାରି ଅଣ୍ଡିପୁତା ଖାଡେ, ଇ ବାରେ କାତା ସାସ୍‌ପୁରିତା ରାସ୍‌କି ଆହାମାନେ, ଇତିହଁ ଏଲେକିହଁ ଏ ଏଞ୍ଜାରି କାମା କିହାମାରେରି ।

* ୧୨:୩ ୧୨:୩ ଲୁକ ୭:୩୭,୩୮

୧୭ ଜୀସୁ ହାଡ଼ି ଲାଜରଙ୍କ ମାହଣି ମାଣ୍ଡାଟି ହାଟ୍ତାନା ନିକହାମାଟି ବେଲାତା ଏମିନିଗାଗାରି ଏଞ୍ଜାଣିତଲେ ମାଚେରି, ଏଞ୍ଜାରି ଛ ବାରେ କାତା ସାରିଞ୍ଜାକି ଝେକହା ମାଚେରି । ୧୮ ଛଦାଆଁତାକି ଲକୁ ବାରେ ଏଞ୍ଜାଣାଇଁ ବେଗାଆହାଲି ହାଜାମାଚେରି, ଅଡ଼େ ଏଞ୍ଜାସି ଛ କାବାଆନ୍ତି କାମା କିହାମାଚେସି ଇଞ୍ଜୁଁ ଝେଞ୍ଜାମାଚେରି । ୧୯ ଛଦାଆଁ ମେସାନା ପାରୁସିୟାଁ ତାମି ବିତ୍ତା କାତା ଆଡ଼େରି, “ମେସିମାଞ୍ଜେରି ମାରୁ ଏନାଆଁ କିହାଲି ଆଡ଼ିହଲାଆୟି; ଦାରୁଡ଼ିତି ବାରେ ଲକୁ ଏଞ୍ଜାଣି ଜେତ ହାଜିମାନେରି ।”

ଏଚେକା ଗ୍ରିକ୍ ଲକୁ ଜୀସୁଇଁ ପାରିନାୟି

୨୦ ପାରୁଁ ବେଲାତା ପ୍ରାତାନା କିହାଲି ଜିରୁସାଲମତା ଖାହାମାନି ଲକୁ ବିତ୍ତା ଏଚେକା ଗ୍ରିକ୍ ଲକୁ ମାଚେରି । ୨୧ ଏଞ୍ଜାରି ଗାଲିଲିତି ବେଡ଼ସାୟିଦାତି ପିଲିପ ତାଣା ଖାହାନା ବାତିମାଲିହଁ ଏଲେଇଚେରି, “ବାବୁ, ମାମୁଁ ଜୀସୁଇଁ ମେସାଲି ଅଣ୍ଡାପିମାନମି ।”

୨୨ ପିଲିପ ହାଜାନା ଆନ୍ତୁୟଇଁ କାରୁ ହାଚେସି ଅଡ଼େ ରିଆରି ହାଜାନା ଜୀସୁଇଁ ଝେସ୍ତେରି । ୨୩ ଜୀସୁ ଏଞ୍ଜାରାଇଁ ଏଲେଇଚେସି, “ମାଣ୍ଡସି ମୀରୁଏସି ଗାଞ୍ଜୁରମି ଆନ୍ତି ବେଲା ଖାହାମାନେ । ୨୪ ନାନୁ ମିଜେ ସାତା ଝେସିମାଞ୍ଜାଇଁ ଗହଁ ପାଡ଼େୟି ବୁମିତା ରିହାନା ହାନ୍ତି ପାତେକା ଏଡ଼ି ଗଣ୍ଡିଏ ପାଡ଼େୟି ଆହାନା ଡ଼ୟିନେ, ସାମା ଏଡ଼ି ହାଡ଼ିସାରେ ଏମ୍ବାଟି ହାଚେରକା ପାଡ଼େୟିକା ଆନୁ । ୨୫ *ଆମ୍ବାଆସି ଜାହାରା ଜୀସୁତି ଜୀସୁ ନନେସି, ଏଞ୍ଜାସି ଏଦାଆଁ ହାଚ୍ଚି କିନେସି, ଆମ୍ବାଆସି ଜାହାରା ଜୀସୁତି ଛ ଦାରୁଡ଼ିତା ଅପସି, ଏଞ୍ଜାସି ଏଦାଆଁ କାଲାକାଲା ତାକି ଗେଲୁପିନେସି । ୨୬ ଆମ୍ବାଆସି ନା ସେବା କାମାକିନାସି ଆନେସି, ଆତିହଁ ଏଞ୍ଜାସି ନା ଜେତ ଖାଚେସି; ଅଡ଼େ ନାନୁ ଆମ୍ବିୟା ଡ଼ୟିଇଁ, ନା ସେବା କାମାକିନାସି ଜିକେଏ ଏମ୍ବାଆଁ ଡ଼ୟିନେସି; ଆମ୍ବାଆସି ନା ସେବା କିନେସି, ଆତିହଁ ଆବା ଏଞ୍ଜାଣାଇଁ ମାନି କିନେସି ।

ଜୀସୁ ତାନି ହାକିତି କାତା ଏଲେଇନାୟି

୨୭ ନୀଏଁ ନା ଜୀସୁ କିଲିବିଲି ଆହିମାନେ, ଇଞ୍ଜାଁ ନାନୁ ଏନାଆଁ ଇଞ୍ଜାଈଁ ? ଆବା ଛ ଲାଗେଏ ତାଣାଟି ଗେଲୁପାମୁ, ସାମା ଏଦାଆଁତାକି ନାନୁ ଛ ଗାୟୁତା ଖାହାମାଇଁ ।

୨୮ ଆବା ନୀ ଦରୁ ଗାଞ୍ଜୁରମି ଆଚେ ।”

ଏତିବେଲାତା ହାବୁ ଲାକଟି ଛ ହାଡ଼ା ଆଡ଼େ ନାନୁ ଏଞ୍ଜାଣାଇଁ ଗାଞ୍ଜୁରମି କିହାମାଇଁ ଅଡ଼େ ଗାଞ୍ଜୁରମି କିଇଁ ।

୨୯ ଇଞ୍ଜାଁ ଏମ୍ବାଆଁ ଦାରି ନିଗାମାଟି ଲକୁ ବାରେ ଛ ହାଡ଼ା ଝେଞ୍ଜାନା ଏଲେଇଚେରି, “ଛଦି ହାବୁ ଗୁଣ୍ଡିହାମାନେ ।” ଅଡ଼େ ଏଚକାତାରି ଏଲେଇଚେରି, “ଲାକପୁରୁତି ଦୁରୁ ଏଞ୍ଜାଣିତଲେ କାତା ଆହିମାନେ ।”

୩୦ ଜୀସୁ ଏଲେଇଚେସି, “ଛ ହାଡ଼ା ନାଜେତାକି ଆହା ହିଲେଏ, ସାମା ଛ ହାଡ଼ା ମିଜେତାକି ଆହାମାନେ । ୩୧ ନୀଏଁ ଛ ଦାରୁଡ଼ି ବିଚାରା କିନି ଦିନା; ନୀଏଁ ଛ ଦାରୁଡ଼ିତି ସାଲୁଞ୍ଜି କିନାଇ ଡ଼କ ମେଡ଼ପିଆନୁ । ୩୨ ନାନୁ ଏତିବେଲା ଦାରୁଡ଼ିତି ଲାକପୁରୁ ଅଞ୍ଜିଆଇଁ, ଏତିବେଲା ବାରେଡ଼ି ନା ତାଣା ରେଜା ଅଇଁ ।” ୩୩ ଏଞ୍ଜାସି ଏନିକଁ ହାହାଲି ହାଜିମାନେସି, ଏଞ୍ଜାସି ଛ କାତାତା ଏଲେଇଚେସି ।

୩୪ ଲକୁ ଏଞ୍ଜାଣାଇଁ ଏଲେଇଚେରି, “ମସିହା କାଗେଏ ଡ଼ୟିନେସି ଇଞ୍ଜୁଁ ମାମୁଁ ମସାତି ମେରାତା ଝେଞ୍ଜାମାନମି, ଆତିହଁ ମାଣ୍ଡସି ମୀରୁଏସି ଲାକ ପେରୁଞ୍ଜି ଆନେସି ଇଞ୍ଜୁଁ ନାନୁ ଏନିକଁ ଏଲେ ଇଞ୍ଜିମାଞ୍ଜି ? ଏ ମାଣ୍ଡସି ମୀରୁଏସି ଆମ୍ବାଆସି ?”

୩୫ ଜୀସୁ ଏଞ୍ଜାରାଇଁ ଏଲେଇଚେସି, “ଅଡ଼େ ଗାଡ଼କା ତାକି ଉଜେଡ଼ି ମୀ ତାଣା ମାନେ । ଆନ୍ଦେରି ମିଜେ ଏନିକଁ ଗୁସ୍ତେଏ, ଏଦାଆଁତାକି ମୀ ତାଣା ଉଜେଡ଼ି ମାଞ୍ଜା ମାଞ୍ଜାନା ତାକାଦୁ; ଆମ୍ବାଆସି ଆନ୍ଦେରିତା ତାକିନେସି, ଏଞ୍ଜାସି ଆମ୍ବିୟା ହାଜିମାନେସି ପୁଞ୍ଜାଲି ଆଡ଼ଅସି । ୩୬ ମୀରୁ ଏନିକଁ ଉଜେଡ଼ିତି ମୀରୁକା ମାସ୍କା ଆନ୍ଦେରି, ଏଦାଆଁତାକି ଉଜେଡ଼ି ମୀ ତାଣା ମାଞ୍ଜା ମାଞ୍ଜାନା ଉଜେଡ଼ିତା ନାମାଦୁ ।” ଜୀସୁ ଛ ବାରେ କାତା ଝେସାନା ହାଚେସି ଇଞ୍ଜାଁ ଏଞ୍ଜାରି ତାଣାଟି ଡ଼ଗୁନା ଡ଼ୟିଚେସି ।

ଲକୁ ନାମାଆ ଗାଟାୟି

୩୭ ଏଞ୍ଜାରି ନକିତା ଏଚେକା କାବାଆନ୍ତି କାମାୟାଁ କିହାମାଚେସି, ଆଡ଼ିଜିକେଏ ଏଞ୍ଜାରି ଏଞ୍ଜାଣି ତାଣା ନାମା ହିଲାଆଚେରି, ୩୮ ଏନିକଁ ମାହାପୁରୁ ଅଣ୍ଡାପୁତି ବଲୁ ଝେହ୍ନି କିସାୟ ତାଣାଟି ରାଟାମାନି କାତା ପୁରା ଆନେ,

“ପୁରୁ ମା ହାଡ଼ା ଝେଞ୍ଜାନା ଆମ୍ବାଆସି ନାମା ମାନେସି ?

* ୧୨:୨୫ ୧୨:୨୫ ମାତି ୧୦:୩୯; ୧୨:୨୫; ମାର୍କ ୮:୩୫; ଲୁକ ୯:୨୪; ୧୭:୩୩

ଆମ୍ଭାଆରି ତାଣା ପ୍ରବୁ ତାନି ବାଡ଼ୁଲୁ ତସାମାନେସି ?”

୩୯ ଇଦାଆଁତାକି ଏଞ୍ଜାରି ନାମାଲି ଆଡ଼ିହିଲିଆତେରି, ଇଞ୍ଜା ଜିସାୟ ଏଲେଇଞ୍ଜାମାରେସି,

୪୦ ସାତେଏ ମାହାପୁରୁ ଏଞ୍ଜାରି କାଣକା କାଣା କିହାମାନେସି ।

ଏଦାଆଁତାକି ଏଞ୍ଜାରି ହିୟାତା ଏନାଆଁ ମେସାଲି ଆଡ଼ଅରି, ଇଞ୍ଜା ହିୟାତା ଏନାଆଁ ତେଲହାଲି ଆଡ଼ଅରି

ମାହାପୁରୁ ଏଲେଇଞ୍ଜି ମାନେସି,

“ନେହୁ ଆହାଲିତାକି ଏଞ୍ଜାରି ନା ତାଣା ଖେଣ୍ଡା ଖାହିହିଲଅରି ।”

୪୧ ଜିସାୟ ଜୀସୁ କ୍ରୀସ୍ତତି ଗାଞ୍ଜୁରମି ମେସେସି ଏଦାଆଁତାକି ଏଞ୍ଜାରି ଏଞ୍ଜାଣି କାତା ଖେସେସି ।

୪୨ ଆଡ଼ିଜିକେଏ ଜାହୁଦି ଲକୁତି କାଜାରି ହାରେକା ଏଞ୍ଜାଣି ତାଣା ନାମିତେରି, ସାମା ଏଚେତା ଜୀହୁଦି କୁଲମିତି ପେରହାନେରି ଇଞ୍ଜି ପାରୁସିୟା ଆଜିତାକି ବାରେଜାଣା ଏ କାତାବାର୍ତା ଆହି ହିଲିଆତେରି,

୪୩ ଇତିହୁ ଏଞ୍ଜାରି ମାହାପୁରୁ ତାଣାଟି ଗାଞ୍ଜୁରମି କିହା ମାଣସିୟା ତାଣାଟି ଗାଞ୍ଜୁରମି ଜୀସୁ ନହିମାଚେରି ।

ମାଣସିୟା ତାଣାଟି ଜୀସୁତି କାତା ବିଚାରା କିନାୟି

୪୪ ଜୀସୁ କାଜା ଗିୟାତଲେ ଏଲେଇଚେସି, “ଆମ୍ଭାଆସି ନା ତାଣା ନାମିନେସି, ଏଞ୍ଜାସି ନା ତାଣା ନାମଅସି, ସାମା ନାଜେ ପାଣ୍ଡାତାଣାଇଁ ନାମିନେସି; ୪୫ ଆମ୍ଭାଆସି ନାଜେ ମେସ୍ତାନେସି, ଏଞ୍ଜାସି ନାଜେ ପାଣ୍ଡାତାଣାଇଁ ମେହନେସି । ୪୬ ଆମ୍ଭାଆସି ନା ତାଣା ନାମିନେସି, ଏଞ୍ଜାସି ଏନିକ ଆନ୍ଦେରିତା ବାସା କିଅସି, ଏଦାଆଁତାକି ନାନୁ ଦାର୍ତତିତା ଉଜେଡି ଆହାନା ଖାହାମାଇଁ । ୪୭ ଆମ୍ଭାଆସି ନା ବଲୁ ଖେଞ୍ଜାନା ମାନୁଞ୍ଜି ଆଅସି, ଆଡ଼ିହୁ ନାନୁ ଏଞ୍ଜାଣି ବିଚାରା କିଅ; ଇତିହୁ ନାନୁ ଦାର୍ତତିତା ବିଚାରା କିହାଲି ଖାଆନା ଦାର୍ତତି ଗେଲପାଲି ଖାହାମାଇଁ । ୪୮ ଆମ୍ଭାଆସି ନାଜେ ଅପଅସି ଅଡେ ନା ବଲୁତି ଆବଅସି, ନାନୁ ଏନି ବଲୁ ଜଲମାଇଁ, ନା ଗୁତିତ ବଲୁ ତାୟୁତି ଦିନାତା ଏଞ୍ଜାଣି ବିଚାରା କିନେ; ୪୯ ଇତିହୁ ନାନୁ ନା ତାଣାଟି ଜଲ ହିଲଅ, ସାମା ନାନୁ ଏନାଆଁ ଜଲିକି ଅଡେ ଏନାଆଁ ଖେକଇଁ, ଏନାଆଁ ନାଜେ ପାଣ୍ଡାମାଞ୍ଜାନି ଆବା ହୁକୁମି ହାହାମାଞ୍ଜାନେସି ୫୦ ଇଞ୍ଜା ନାନୁ ପୁଞ୍ଜାମାଇଁ ତାନି ହୁକୁମି କାଲକାଲାକି ଜୀସୁ ହାନେ । ନା ଆବା ନାଜେ ଏନାଆଁ ଜଲାଲି ହୁକୁମି ହାହାମାଞ୍ଜାନେସି, ଖାରଇ ଏଲେକିହୁ ଏ ଖେହଇଁ ।”

୧୩

ଜୀସୁ ସୀସୁୟା କତାୟା ନରନାୟି

୧ ପିସପିଆନି ପାରୁ ନକେଏ ଜୀସୁ ଇ ଦାର୍ତତି ଆବା ତାଣା ହାନି କାରୁ ଆହାଲିଏ, ଦାର୍ତତିତା ମାନି ତାନି ଲକୁଣି ଏଞ୍ଜାସି ଜୀସୁ ନହୁ ମାଚେସି, ଏଞ୍ଜାରାଇଁ ହାରେକା ଜୀସୁ ନନାଣି ତସାମାନେସି ।

୨ ଜୀସୁ ତାନି ସୀସୁୟା ତଲେ ଲାଆୟା ତିନି ବେଲାତା ସୟତାନ ସିମନ ମୀରୁଏସି ଇସ୍ତାରିୟତ ଜୀହୁଦା ହିୟାତା ଜୀସୁଇଁ ସାଡୁ କେୟୁତା ହେରପାଲି ଅଣ୍ଡି କିହାମାଚେ । ୩ ଏରିବେଲା ଆବା ତାନି କେୟୁତା ବାରେ ହେରପା ମାନେସି ଅଡେ ଏଞ୍ଜାସି ମାହାପୁରୁ ତାଣାଟି ଖାହାମାନେସି, ଅଡେ ମାହାପୁରୁ ତାଣା ହାଜିମାନେସି,

୪ ଇଦାଆଁ ପୁଞ୍ଜାନା ରାନ୍ଦା ତିନି ତାଣାଟି ନିଜାମା, ତାନି ହିମ୍ବରି ଇତିତେସି ଇଞ୍ଜା ରୁଞ୍ଜାଲା ତାନି ଚେତେଲିତା ରୁପା କଡିତେସି । ୫ ତାୟୁ ଏଞ୍ଜାସି ମୁତାତା ଏୟୁ କଡିତେସି, ଅଡେ ସୀସୁୟାତି କତାୟା ନରହାନା ତାନି ଚେତେଲିତା ମାନି ତୁଞ୍ଜାଲା ତଲେ ଜେଜାଲି ମାଟହେସି । ୬ ଏରିବେଲା ଜୀସୁ ସିମନ ପିତର ଦାରିତା ଖାଡେସି; ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ପ୍ରବୁ ନୀନୁ ନା କତାୟା ନରୁହି ମାଞ୍ଜାଦି ?”

୭ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଏନାଆଁ କିହିମାଇଁ ନୀନୁ ନୀଏ ଏଦାଆଁ ପୁଞ୍ଜାଲି ଆଡ଼ଅତି, ତାୟୁ ପୁଞ୍ଜି ।”

୮ ପିତର ଏଲେଇଚେସି, “ଆଏ, ନା କତାୟା ଏଚେଲାଖା ନରୁହଅତି ।” ସାମା ଜୀସୁ ଏଲେଇଚେସି, “ନାନୁ ନୀ କତାୟା ନରୁହଅତିହୁ ନୀନୁ ଅଡେ ନା ସୀସୁ ଆୟାଲି ଆଡ଼ଅତି ।”

୯ ସିମନ ପିତର ଏଲେଇଚେସି, “ପ୍ରବୁ, ଆଡ଼ିହୁ କତାୟା ଏନାଆଁକି, ନା କେସ୍ତା ଅଡେ ତାୟୁ ଜିକେଏ ନରୁହାମୁ ।”

୧୦ ଜୀସୁ ଏଞ୍ଜାଣାଇଁ ଏଲେଇଚେସି, “ଆମ୍ଭାଆସି ଏୟୁ ମାହାମାନେସି, ଏଞ୍ଜାଣି କତାୟା ନରୁନି କିହା ଏନାୟି ଲଡା ହିଲେଏ, ମୀରୁ ଅବୁଞ୍ଜି ଆହାମାଞ୍ଜେରି; ସାମା ବାରେଜାଣା ଆଏ ।” ୧୧ ଇତିହୁ ଆମ୍ଭାଆସି ଏଞ୍ଜାଣାଇଁ ସାଡୁୟା କେୟୁତା ହେରପିନେସି ଜୀସୁ ତଲିଏ ଏଞ୍ଜାଣାଇଁ ପୁଞ୍ଜାମାଚେସି; ଏଦାଆଁତାକି ଏଞ୍ଜାସି ଏଲେଇଚେସି, “ମୀରୁ ବାରେଜାଣା ଅବୁଞ୍ଜି ଆହାହିଲଅରି ।”

୧୨ ଧର୍ମକୁ ଜୀବୁ ଏଝାରି କତାୟାଁ ନରହାନା ତାନି ହିମ୍ବର ପରହାନା ଝେଣ୍ଡେ ତିଞ୍ଜାଲି କୁଗିତେସି ଇଞ୍ଜାଁ ଝେରେସି, “ନାନୁ ମିଙ୍ଗେ ତାକି ଏନାଆଁ କିହାମାଲ୍ ମୀରୁ ପୁଞ୍ଜାଲି ଆଡ଼ିତେରି କି ? ୧୩ ମୀରୁ ନାଙ୍ଗେ ଗୁରୁ ଇଞ୍ଜାଁ ହାଡ଼ିମାଞ୍ଜାଦେରି, ଏଡ଼ି ସାତା; ଇଚିହଁ ନାନୁ ଏଝାତେଏଁ । ୧୪ ମୀ ଗୁରୁ ଅଡ଼େ ପ୍ରବୁତେଏଁ ନାନୁ, ନାନୁ ମୀ କତାୟାଁ ନରହାମାଞ୍ଜାଲ୍ ଆଡ଼ିହଁ ମୀରୁ ଜିକେଏ ରଅତେରି ରଅଣି କତାୟାଁ ନରନାୟି ମାନେ । ୧୫ ଇଚିହଁ ନାନୁ ମିଙ୍ଗେତାକି ଏନିକଁ କିହାମାଲ୍ ମୀରୁ ଜିକେଏ ଏଲେକିହଁ କିଦୁ, ଇଦାଆଁତାକି ଇଦାଆଁ ତସାମାଞ୍ଜାଲ୍ । ୧୬ ସାତା ସାତା ନାନୁ ମିଙ୍ଗେ ଝେସିମାଞ୍ଜାଲ୍, ହଲେଏସି ତାନି ସାଞ୍ଜୁକାରି କିହାଁ କାଜାସି ଆଏ, ଅଡ଼େ ପାଣ୍ଡୁଡ଼ି ଆଡ଼ାସି ତାନି ପାଣ୍ଡୁତାଣା କିହାଁ କାଜାସି ଆଏ । ୧୭ ମୀରୁ ଇ ବାରେ ପୁଞ୍ଜାନା ଏଲେକଁ କିଦେରି ଇଚିହଁ ମୀରୁ ନେହାଁତେରି ।”

୧୮ “ନାନୁ ମୀ କାତା ଝେସିହିଲଅଁ; ଏନିଲେହେଁତ ଲକୁଣି ନାନୁ ଆଡ଼ାମାଲ୍, ଏ କାତା ନାନୁ ପୁଞ୍ଜାମାଲ୍; ସାମା ଦାମ୍ ପତିତି ଇ ବଲୁ ଏନିକଁ ପୁରା ଆନେ, ଇଦାଆଁତାକି ଇ ବାରେ ଆହିମାନେ, ‘ଆମ୍ବାଆସି ନା, କାଦି ତିନେସି ଏଝାସି ନା କପାଟି ନିଜିତେସି ।’ ୧୯ ଏଡ଼ି ଗଟ୍ଟି ଆନାଟି ନାନୁ ଏଝାତେଏଁ ଇଞ୍ଜାଁ ମୀରୁ ନାମିଦେରି, ଏଦାଆଁତାକି ଗଟ୍ଟି ଆନି ନକେଏ ନାନୁ ମିଙ୍ଗେ ଝେସିମାଞ୍ଜାଲ୍ । ୨୦ ସାତା ସାତା ନାନୁ ମିଙ୍ଗେ ଝେସିମାଞ୍ଜାଲ୍, ଆମ୍ବାଆସି ନା ତାଣାଟି ପାଣ୍ଡୁଡ଼ି ଆଡ଼ାମାଲ୍ ଆବିନେସି, ଏଝାସି ନାଙ୍ଗେ ଆବାନେସି, ଅଡ଼େ ଆମ୍ବାଆସି ନାଙ୍ଗେ ଆବାନେସି ଏଝାସି ନାଙ୍ଗେ ପାଣ୍ଡୁତାଣାଲ୍ ଆବିନେସି ।”

ସାତୁୟାଁ କେୟୁତା ହେରୁପିନି କାତା ଝେହନାୟି
(ମାତି ୨୬:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜୀବୁ ଇ ବାରେ କାତା ଝେସି ତାୟୁ ଜୀଞ୍ଜୁତା ହାରେକା ଦୁକୁ ଆହାନା ବାରେତି ନକିତା ଝେକହେସି, “ନାନୁ ମିଙ୍ଗେ ସାତା ଝେସିମାଞ୍ଜାଲ୍ ମୀ ବିତ୍ରାଟି ରଅସି ନାଙ୍ଗେ ସାତୁୟାଁ କେୟୁତା ହେରୁପାନେସି ।”

୨୨ ଏଝାସି ଆମ୍ବାଆରି କାତା ଏଲେଇରେସି, ପୁନାଆନା କାବାଆହାନା ସୀୟୁୟାଁ ତାମ୍ ତାମ୍ ସିନିକିଡ଼ି ଆଡ଼େରି । ୨୩ ଏଝାରି ବିତ୍ରାଟି ଏନିନ ସୀୟୁୟାଁ ଜୀବୁ ହାରେକା ଜୀଞ୍ଜୁ ନହଁ ମାରେସି, ଏଝାସି ଜୀୟୁତି ଠିଝନିଝାକି କୁଗାନା ତିଞ୍ଜିମାରେସି । ୨୪ ସିମନ ପିତର ଏଝାଣାଲ୍ କେୟୁତଲେ ଏଲେଇରେସି, “ଏଝାସି ଆମ୍ବାଆରି କାତା ଏଲେଇଞ୍ଜି ମାନେସି, ଏଦାଆଁ ଝେଞ୍ଜୁ ।”

୨୫ ଏ ସୀୟୁ ଅଡ଼େ ତାଗେ ଆହାନା ଜୀୟୁୟାଁ ଝେରେସି, “ଏଝାସି ଆମ୍ବାଆସି ପ୍ରବୁ ।”

୨୬ ଜୀବୁ ଏଲେଇରେସି, “ଇ ରୁଟି ଗିନାତା କୁଟି କିହାନା ହୀଇଁ ଏଝାସି ।” ଏଲେଇଞ୍ଜାନା ଜୀୟୁ ରୁଟି ଗିନାତା କୁଟି କିହାନା ସିମନ ମୀରୁଏସି ଇସ୍ତାରିୟତ ଜୀହୁଦାକି ହୀତେସି । ୨୭ ରୁଟି ରାସାଲିଏ ସୟତାନା ଏଝାଣି ହିୟାତା ହଟେ । ଏଚେଟିଏ ଜୀବୁ ଏଲେଇରେସି, “ଏନାଆଁ କିନାୟିମାନେ ତବେ କିମ୍ ।”

୨୮ ଜୀବୁ ଏଝାଣାଲ୍ ଇ କାତା ଏନାଆଁତାକି ଏଲେଇରେସି ଏଡ଼କାତାରି ଆମ୍ବାଆରି ପୁଞ୍ଜାଲି ଆଡ଼ାଆତେରି । ୨୯ ଜୀହୁଦା କେୟୁତା ଚାକାୟାଁ ମଣା ମାତାକି, ପାର୍ବୁତାକି ଏନା ଏନାଆଁ ଲଡ଼ାମାନେ, ଏଦାଆଁ କତାଲି ଆଆଡ଼ କାକୁଲି ଗାଟାରାକି ହାହାଲିତାକି ଜୀବୁ ଏଝାଣାଲ୍ ଏଲେଇରେସି ଇଞ୍ଜାଁ ଆମ୍ବା ଆମ୍ବାଆରି ଆଣ୍ଡିପିତେରି ।

୩୦ ରୁଟି ତିଞ୍ଜାନା ଜୀହୁଦା ଏ ଦେବୁଣିଏ ପାଞ୍ଜାତା ହାଚେସି, ଏଡ଼େତା ଲାଆଁୟାଁ ଆହାମାଚେ ।

ପୁଞ୍ଜନି ମେରା

୩୧ ଜୀହୁଦା ପାଞ୍ଜାତା ହାଜାଲିଏ ଜୀବୁ ଏଲେଇରେସି, “ନୀଏଁ ମାଣସି ମୀରୁଏସି ଗାଞ୍ଜୁରମି ଆନି ବେଲା ଖାହାମାନେ; ଅଡ଼େ ତାନିତାଣାଟି ମାହାପୁରୁ ଗାଞ୍ଜୁରମି ଆନେସି । ୩୨ ମାହାପୁରୁ ମାଣସି ମୀରୁଏଣା ତାଣାଟି ଗାଞ୍ଜୁରମି ଆଡ଼ିହଁ, ମାହାପୁରୁ ତାନୁଏ ଗାଞ୍ଜୁରମିଟି ମାଣସି ମୀରୁଏଣାଲ୍ ଗାଞ୍ଜୁରମି କିନେସି । ତବେ ଏଝାଣାଲ୍ ଗାଞ୍ଜୁରମି କିହାଲି ହାଜିମାନେସି । ୩୩ କକାତେରି ନାନୁ ଅଡ଼େ ଗାତି ଦିନା ତୟଅଁ, ମୀରୁ ନାଙ୍ଗେ ପାରାଦେରି, ସାମା ନାନୁ ଆମ୍ବିୟା ହାଜିମାଲ୍ ମୀରୁ ଏମ୍ବାଆଁ ହାଜାଲି ଆଡ଼ଅତେରି, ଇ କାତା ଜୀହୁଦି ଲକୁଟି କାଜାରାଲ୍ ଏଲେଇଞ୍ଜା ମାଚେଏଁ ଏଲେକିହଁ ମିଙ୍ଗେ ଜିକେଏ ଝେସିମାଞ୍ଜାଲ୍ । ୩୪ ମୀରୁ ରଅତେରି ରଅଣାଲ୍ ଜୀଞ୍ଜୁନପୁ, ଇ ପୁଞ୍ଜନି ମେରା ମିଙ୍ଗେ ହୀହିମାଞ୍ଜାଲ୍; ନାନୁ ଏନିକଁ ମିଙ୍ଗେ ଜୀଞ୍ଜୁନହାଁମାଞ୍ଜାଲ୍, ମୀରୁ ଜିକେଏ ଏଲେକିହଁ ଏ ରଅତେରି ରଅଣାଲ୍ ଜୀଞ୍ଜୁନପୁ । ୩୫ ମୀ ତାଣା ରଅସି ରଅଣାଲ୍ ଜୀଞ୍ଜୁନନାୟି ମାନେ, ଆଡ଼ିହଁ ମୀରୁ ନା ସୀୟୁୟାଁତେରି, ଇ କାତା ବାରେଜାଣା ପୁନେସି ।”

୧୩:୧୨ ୧୩:୧୨ ଲୁକ ୨୨:୨୭ ୧୩:୧୬ ୧୩:୧୬ ମାତି ୧୦:୨୪; ଲୁକ ୬:୪୦; ଜହ ୧୫:୨୦ ୧୩:୨୦ ୧୩:୨୦ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭ ୧୩:୩୩ ୧୩:୩୩ ଜହ ୭:୩୪ ୧୩:୩୪ ୧୩:୩୪ ଜହ ୧୫:୧୨,୧୭; ୧୬ଜହ ୩:୨୩; ୨ଜହ ୧:୫

ପିତର ପୁଞ୍ଜାହିଲଅଁ ଇନି କାତା ତଲିଏ ଖେହ୍ନାୟି

(ମାତି ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୭ ସିମନ ପିତର ଏଞ୍ଜାଣାଇଁ ଖେରେସି, “ପ୍ରବୁ ନୀନୁ ଆମ୍ବିୟା ହାଜିମାଞ୍ଜି ?”

ଜୀସୁ ଏଲେଇରେସି, “ନୀନୁ ଆମ୍ବିୟା ହାଜିମାଇଁ, ନୀନୁ ନୀଏଁ ନା ଜେତ ଜେତ ହାଜାଲି ଆଡ଼ଅଡ଼ି, ସାମା ତାମୁ ହାଜି ।”

୩୮ ପିତର ଏଞ୍ଜାଣାଇଁ ଏଲେଇରେସି, “ପ୍ରବୁ ନୀଏଁ ନୀନୁ ଏନାଆଁକି ହାଜାଲି ଆଡ଼ଅଁ ? ନୀନୁ ନୀ ତାକି ନା ଜୀସୁ ଜିକେଏ ହାଜି ।”

୩୯ ଜୀସୁ ଏଲେଇରେସି, “ଏନାଆଁ ନୀନୁ ନା ତାକି ନୀ ଜୀସୁ ହାଦି ? ନୀନୁ ନିଜେ ସାତା ଖେସିମାଞ୍ଜାଇଁ, କମୁ କେଶିଆ ନକେଏ ନୀନୁ ନାଜେ ତାନିପାଲି ପୁଞ୍ଜାହିଲଅଁ ଇଞ୍ଜିଁ ଇଞ୍ଜାଦି ।”

୧୪

ଜୀସୁ ଜିରୁ, ସାତା ଅଡ଼େ ଜୀସୁ

୧ “ମୀ ହିୟାଁ ଆତାଜାକା ଆଆପେ; ମୀରୁ ମାହାପୁରୁ ତାଣା ନାମାଦୁ, ଅଡ଼େ ନା ତାଣା ଜିକେଏ ନାମାଦୁ । ୨ ନା ଆବାତି ଇଜ ହାରେକା ବାସାଗାମୁ ମାନେ; ବାସାଗାମୁ ହିଲାଆତିହିଁ ମା ନୀନୁ ମିଜେ ଖେସ୍ତାଆତେଏଁମା, ନୀନୁ ମିଜେତାକି ଚାମୁ ତିୟାରା କିହାଲି ହାଜିମାଇଁ; ୩ ଅଡ଼େ ନୀନୁ ହାଜାନା ମିଜେତାକି ଚାମୁ କେପିତି ତାମୁ, ଖେଣ୍ଡେ ଖାଲ୍, ଅଡ଼େ ନୀନୁ ଆମ୍ବିୟା ମାଇଁ, ମୀରୁ ଜିକେଏ ଏନିକିଁ ଏ ଚାମୁତା ତୁୟିଦେରି, ଏତାଆଁତାକି ମିଜେ ଏ ଚାମୁତା ଅହିଁ ହାଜାଇଁ । ୪ ନୀନୁ ଆମ୍ବିୟା ହାଜିମାଇଁ ଏ ଜିରୁ ପୁଞ୍ଜାମାଞ୍ଜେରି ।”

୫ ତମା ଏଲେଇରେସି, “ପ୍ରବୁ, ନୀନୁ ଆମ୍ବିୟା ହାଜିମାଞ୍ଜି, ମାମୁ ପୁଞ୍ଜାହିଲଅମି, ଏମ୍ବିୟା ହାଜି ଏ ଜିରୁତି ଏନିକିଁ ପୁନମି ?”

୬ ଜୀସୁ ଏଲେଇରେସି, “ନୀନୁ ଜିରୁ, ସାତା ଅଡ଼େ ଜୀସୁତେଏଁ; ନା ତାଣାଟି ତାକାଆସାରେ ଆମ୍ବାଆସି ଆବା ତାଣା ହାଜାଲି ଆଡ଼ଅସି । ୭ ମୀରୁ ନାଜେ ପୁଞ୍ଜାତିହିଁ ମା, ନା ଆବାଇଁ ଜିକେଏ ପୁରେରିମା; ନୀଏଁ ଜିକେଏ ଏଞ୍ଜାଣାଇଁ ପୁଞ୍ଜାମାଞ୍ଜେରି ଅଡ଼େ ଏଞ୍ଜାଣାଇଁ ମେସାମାଞ୍ଜେରି ।”

୮ ପିଲିପ ଏଞ୍ଜାଣାଇଁ ଏଲେଇରେସି, “ପ୍ରବୁ, ମାଜେ ଆବାଇଁ ତସ୍ତାମୁ, ଏରେକେଏ ମାଜେତାକି ସାରି ।”

୯ ଜୀସୁ ଏଲେଇରେସି, “ପିଲିପ ଇଚର ଦିନା ନୀନୁ ମୀ ତଲେ ତୁୟାମାଇଁ, ମୀରୁ ଏନାଆଁ ନାଜେ ପୁଞ୍ଜାଆତେରି ? ଆମ୍ବାଆସି ନାଜେ ମେସାମାଞ୍ଜାନେସି ଏଞ୍ଜାସି ଆବାଇଁ ମେସାମାନେସି; ମାଜେ ଆବାଇଁ ତସ୍ତାମୁ ଇଞ୍ଜିଁ ଏନିକିଁ ଏଲେ ଇଞ୍ଜିମାଞ୍ଜି ? ୧୦ ନୀନୁ ଆବା ତାଣା ଅଡ଼େ ଆବା ନା ତାଣା ମାନେସି, ଇ କାତା ଏନାଆଁ ମୀରୁ ନାମିହିଲଅତେରି ? ନୀନୁ ମିଜେ ଏମିନି କାତା ଖେସିମାଞ୍ଜାଇଁ, ଏ ବାରେ ନା ତାଣାଟି ଖେସିମାଞ୍ଜଅଁ, ସାମା ଆବା ନା ତାଣା ମାଞ୍ଜାନା ତାନି କାମା କିହିମାନେସି । ୧୧ ନୀନୁ ଆବା ତାଣା ମାଇଁ ଅଡ଼େ ଆବା ନା ତାଣା ମାନେସି ଇ କାତା ନାମାଦୁ, ଆଆତାଁ କାମାତି ମେସାନା ନାମାଦୁ । ୧୨ ନୀନୁ ମିଜେ ସାତା ଖେସିମାଞ୍ଜାଇଁ, ଆମ୍ବାଆସି ନା ତାଣା ନାମିନେସି, ନୀନୁ ଏନି ଏନି କାମା କିହିମାଇଁ, ଏଞ୍ଜାସି ଜିକେଏ ଏ ବାରେ କିନେସି, ଅଡ଼େ ଏ ବାରେକିହାଁ ହାରେକା କାଜା କାମା କିନେସି, ଇଚିହିଁ ନୀନୁ ଆବା ତାଣା ହାଜିମାଇଁ । ୧୩ ଆବା ଏନିକିଁ ମୀରୁଏଣା ତାଣା ଗାଞ୍ଜୁରିମି ଆନେସି, ଏତାଆଁତାକି ମୀରୁ ନା ଦରୁଚି ଏନାଆଁ ରାହ୍‌ଦେରି, ଏ ବାରେ ନୀନୁ ହିୟାଇଁ । ୧୪ ମୀରୁ ନା ଦରୁଚି ଏନାଆଁ ନାଜେ ରାସ୍ତାଦେରି, ନୀନୁ ମିଜେ ଏ ବାରେ ହିୟାଇଁ ।”

ସୁଦୁଜୀସୁତି ହାହାଲି ଆଞ୍ଜିନାୟି

୧୫ “ମୀରୁ ନାଜେ ଜୀସୁନହିଁ ମାଞ୍ଜାଦେରି, ଆତିହିଁ ନା ହୁକୁମି ମାନଞ୍ଜି ଆଦୁ । ୧୬ ଅଡ଼େ ନୀନୁ ନା ଆବାଇଁ ବାତିମାଲିଇଁ, ଅଡ଼େ ମୀ ତଲେ କାଲେଏ ତୁୟାଲି ତାକି ଏଞ୍ଜାସି ମିଜେ ଅଡ଼େ ର ସାୟେମି କିନାଣାଇଁ, ୧୭ ଇଚିହିଁ ଏ ସାତା ଜୀସୁତି ହିୟାନେସି । ଦାରୁତି ଏଦାଣି ଆବାଲି ଆଡ଼େଏ, ଇଚିହିଁ ଦାରୁତି ଏଦାଣି ମେସା ହିଲେଏ କି ପୁଞ୍ଜା ହିଲେଏ; ମୀରୁ ଏଦାଣି ପୁଞ୍ଜାମାଞ୍ଜେରି, ଇଚିହିଁ ଏଦି ମୀ ତଲେ ମାନେ, ଅଡ଼େ ଏଦି ମୀ ହିୟାଁତା ତୁୟିନେ ।”

୧୮ “ନୀନୁ ମିଜେ କାମା କିହା ହାଜଅଁ, ନୀନୁ ମୀ ତାଣା ଖେଣ୍ଡା ଖାଲ୍ । ୧୯ ଗାଡ଼େକା ଜେତ ଦାରୁତି ଅଡ଼େ ନାଜେ ମେସାଲି ଆଡ଼େଏ; ସାମା ମୀରୁ ନାଜେ ମେସାଦେରି, ଇଚିହିଁ ନୀନୁ ନୀତାମାଇଁ, ଅଡ଼େ ମୀରୁ

ଜିକେଏ ନୀତାନା ତୃୟିଦେରି । ୨୦ ନାନୁ ନା ଆବା ତାଣା ଅଡେ ମୀରୁ ନା ତାଣା ଅଡେ ନାନୁ ମୀ ତାଣା ତୃୟିଇଁ, ଇଦାଆଁ ଏ ଦିନା ମୀରୁ ପୁଞ୍ଜେରି ।”

୨୧ “ଆମ୍ବାଆସି ନା ହୁକୁମି ଆବାହାଁ ମାନୁଞ୍ଜି ଆନେସି, ଏଝାସି ନାଜେ ଜୀଝୁ ନୟାଁନେସି, ଅଡେ ଆମ୍ବାଆସି ନାଜେ ଜୀଝୁ ନୟାଁନେସି, ନା ଆବା ଏଝାଣାଇଁ ଜୀଝୁ ନନେସି, ଅଡେ ନାନୁ ଏଝାଣାଇଁ ଜୀଝୁ ନଇଁ ଅଡେ ଏଝାଣି ତାଣା ତସାକତଇଁ ।”

୨୨ ଜୀହୁଦା* ଏଝାଣାଇଁ ଏଲେଇଚେସି, “ଏ ପ୍ରବୁ, ଏନାଆଁ ଆଡେ, ନୀନୁ ଦାର୍ତ୍ତିତା ନିଜେ ତସା କଡାଆନା ମା ତାଣା ତସିମାଞ୍ଜାଦି ?”

୨୩ ଜୀପୁ ଏଝାଣାଇଁ ଏଲେଇଚେସି, “ଆମ୍ବାଆସି ନାଜେ ଜୀଝୁ ନୟାଁନେସି ଆତିହଁ ଏଝାସି ନା ବଲୁତି ମାନୁଞ୍ଜି ଆନେସି, ଅଡେ ନା ଆବା ଏଝାଣାଇଁ ଜୀଝୁ ନନେସି, ଅଡେ ନାନୁ ଏଝାଣି ତାଣା ଖାହାନା ଏଝାଣିତଲେ ବସା କିଇଁ । ୨୪ ଆମ୍ବାଆସି ନାଜେ ଜୀଝୁ ନୟାଁଅସି, ଏଝାସି ନା ବଲୁତି ମାନୁଞ୍ଜି ଆଅସି, ଅଡେ ମୀରୁ ଏମିନି ବଲୁ ଖେଞ୍ଜାମାଞ୍ଜେରି, ଏଦି ନାଦି ଆଏ, ସାମା ନାଜେ ପାଣ୍ଡାମାଞ୍ଜାନି ଆବା ମାହାପୁରୁଝାୟି ।”

୨୫ “ନାନୁ ମୀ ତାଣା ମାଞ୍ଜା ମାଞ୍ଜାନା ମିଜେ ଈ କାତା ଖେସ୍ତାଚେଏ । ୨୬ ସାମା ଏ ସାତ୍ତେମି କିନାୟି, ଇତିହଁ ଏମିନି ସୁଦୁଜୀଝୁ ଆବା ନା ଦରୁଡି ହିୟାନେସି, ଏଦି ମିଜେ ବାରେ ଜାପୁହାଣେ, ଅଡେ ନାନୁ ମିଜେ ଏନା ଏନାଆଁ ଖେସାମାଞ୍ଜାଇଁ, ଏ ବାରେ ମିଜେ ଅଣପି କିୟାନେ ।”

୨୭ “ନାନୁ ମିଜେ ହିଡ଼ି ହାହାନା ହାଜିମାଇଁ, ନା ହିଡ଼ି ମିଜେ ଦାନା କିହିମାଞ୍ଜାଇଁ; ଦାର୍ତ୍ତି ଏନିକଁ ଦାନା କିନେ ନାନୁ ମିଜେ ଏଲେକଁ ଦାନା କିହିହିଲଅଁ, ମୀ ହିୟାଁ କିଲିବିଲି ଅଡେ ଆଜି ଗାଟାୟି ଆଆପେ । ୨୮ ନାନୁ ହାଜିମାଇଁ ଅଡେ ମୀ ତାଣା ଖେଶ୍ତା ଝାଇଁ, ଈ ନା କାତା ଖେଞ୍ଜାମାଞ୍ଜେରି । ମୀରୁ ନାଜେ ଜୀଝୁ ନୟାତିହଁ ମା, ନାନୁ ନା ଆବା ତାଣା ହାଜିମାଇଁ ଇଞ୍ଜଁ ରାହାଁ କିଚେରିମା, ଇତିହଁ ଆବା ନା କିହାଁ କାଜାସି । ୨୯ ଏନାୟି ବାରେ ଗଟଞ୍ଜି ଆନାୟି ମାନେ, ଏ ନକେଏ ନାନୁ ମିଜେ ଖେସ୍ତାଚେଏ । ଏ ବାରେ ଗଟଞ୍ଜି ଆଡିସାରେ ମୀରୁ ନାଜେ ନାମାଦେରି । ୩୦ ନାନୁ ମୀ ତଲେ ହାଚେକା କାତା ଆୟଅଁ, ଇତିହଁ ଦାର୍ତ୍ତିତା ସାଲୁଞ୍ଜି କିନାୟି ଖାହିମାନେ; ଅଡେ ନା ତାଣା ତାନିଝାୟି ଏନାୟି ହିଲେଏ; ୩୧ ସାମା ଆବା ନାଜେ ଏନିକଁ ହୁକୁମି ହାହାମାଞ୍ଜାନେସି, ଏଲେକିହଁ ନାନୁ କାମା କିଇଁ । ଆତିହଁ ନାନୁ ଆବାଇଁ ଜୀଝୁ ନହଁ ମାଇଁ ଇଞ୍ଜଁ ଦାର୍ତ୍ତି ପୁନେ ।”

“ଝାଦୁ ମାର, ଇମ୍ବାଟି ହାନ ।”

୧୫

ଜୀସୁ ସାତା ଅଛୁରି ମାଡ଼ା

୧ “ନାନୁ ସାତା ଅଛୁରି ମାଡ଼ା, ଅଡେ ନା ଆବା କାମାକିନାସି । ୨ ନା ତାଣା ମାନି ଏମିନି କମା ପାଡେଡିୟି ଆୟେଏ, ଏଦାନି ଏଝାସି ଚୁଣାହାତୁହନେସି; ଅଡେ ଏମିନି କମା ପାଡେଡିୟି ଆୟିନେ, ଗାଡି ପାଡେଡିୟି ଆୟାଲି ତାକି ଜାଡନୁ କିନେସି । ୩ ନାନୁ ମିଜେ ଏମିନି ବଲୁ ଖେସାମାଞ୍ଜାଇଁ, ଏଦାଆଁତାକି ଜାଡନୁ ଆହାମାଞ୍ଜେରି । ୪ ନା ତାଣା ତୃୟାଦୁ ଆତିହଁ ନାନୁ ମୀ ତାଣା ତୃୟିଇଁ । କମା ଏନିକଁ ଅଛୁରି ମାଡ଼ାତା ତୃୟାଆସାରେ ତାନିତାଣାଟି ପାଡେଡିୟି ଆୟାଲି ଆଡେତଏ, ଏଲେକିହଁ ଏ ମୀରୁ ଜିକେଏ ନା ତାଣା ତୃୟାଆସାରେ ପାଡେଡିୟି ଆୟାଲି ଆଡ଼ଅଡେରି ।”

୫ “ନାନୁ ଅଛୁରି ମାଡ଼ା ମୀରୁ କମାୟାଁ, ଆମ୍ବାଆସି ନା ତାଣା ତୃୟିନେସି ଅଡେ ନାନୁ ଆମ୍ବାଆସି ତାଣା ତୃୟିଇଁ, ଏଝାସି ହାଚେକା ପାଡେଡିୟି ଆୟିନେସି; ଇତିହଁ ନା ପିସପେ ମୀରୁ ଏନାଆଁ କିହାଲି ଆଡ଼ଅଡେରି । ୬ ଆମ୍ବାଆସି ନା ତାଣା ତୃୟାଅସି, ଆତିହଁ ଏଝାସି କମା ଲେହେଁ ପାଞ୍ଜାତା ମେଡ଼ସି ଆନେସି ଅଡେ ଝାୟା ହାନେସି, ଇଞ୍ଜାଁ ଲକୁ ଏଝାଆଁ କୁଡି କିହାନା ହିରୁତା ମେଡ଼ନେରି ଅଡେ ଏଞ୍ଜି ବାରେ ଖେହାହାନୁ । ୭ ମୀରୁ ନା ତାଣା ତୃୟିଦେରି, ଅଡେ ନା ବଲୁ ମୀ ତାଣା ତୃୟିନେ, ଆତିହଁ ମୀରୁ ଏନାଆଁ ମନ କିଦେରି, ଏଦାଆଁ ରାହୁଦୁ, ଆତିହଁ ଏଦି ମିଜେତାକି କିଞ୍ଜିଆନେ । ୮ ମୀରୁ ହାଚେକା ପାଡେଡିୟି ଆୟିସାରେ ନା ଆବା ଗାଝୁରିମି ଆନେସି, ଅଡେ ମୀରୁ ନା ସାତା ସାପୁ ଆଡେରି । ୯ ଏନିକଁ ଆବା ନାଜେ ଜୀଝୁ ନୟାଁମାଞ୍ଜାନେସି, ନାନୁ ଜିକେଏ ଏଲେକିହଁ ଏ ମିଜେ ଜୀଝୁନୟାଁମାଞ୍ଜାଇଁ; ନା ଜୀଝୁ ନୟାଁତା ତାନିଆହାନା ତୃୟାଦୁ । ୧୦ ନାନୁ ଏନିକଁ ନା ଆବାଟି ହୁକୁମି ମାନୁଞ୍ଜି ଆହାନା ତାନି ଜୀଝୁ ନୟାଁତା ତାନିଆହାନା ତୃୟିମାଇଁ, ଏଲେକିହଁ ଏ ମୀରୁ ଜିକେଏ ନା କାତା ମାନୁଞ୍ଜି ଆଦେରି, ଆତିହଁ ନା ଜୀଝୁ ନୟାଁତା ତାନିଆହାନା ତୃୟିଦେରି ।”

* ୧୪:୨୨ ୧୪:୨୨ ଇସାରିୟତ ଜୀହୁଦା ଆଏ

୧୧ “ଏନିକିଁ ନା ରାହାଁ ମୀ ତାଣା ଡୟିନେ, ଅଡ଼େ ମୀ ରାହାଁ ଏନିକିଁ ପୁରାଆନେ, ଏଦାଆଁତାକି ଇ ବାରେ ମିଙ୍ଗେ ଝେସ୍ତାତେଏ । ୧୨ ନାନୁ ଏନିକିଁ ମିଙ୍ଗେ ଜୀଝୁନହାଁମାଞ୍ଜାଇ, ମୀରୁ ଜିକେଏ ଏଲେକିହୁଏ ରଅତେରି ରଅଣାଇଁ ଜୀଝୁନପୁ, ଇଦି ନା ହୁକୁମି । ୧୩ ଜାହାରା ତଡ଼େସିଙ୍ଗା ତାକି ଜୀଝୁହାନି କିହାଁ ଅଡ଼େ କାଜା ଜୀଝୁନନାୟି ହିଲେଏ । ୧୪ ନାନୁ ମିଙ୍ଗେ ଆମିନି ହୁକୁମି ହାହାମାଞ୍ଜାଇ, ଏଦାଆଁ ମୀରୁ ମାନୁଝି ଆଦେରି ଆତିହୁଁ ମୀରୁ ନା ତଡ଼େସିଙ୍ଗା । ୧୫ ନାନୁ ମିଙ୍ଗେ ଅଡ଼େ ହଲେଏସି ଇଞ୍ଜୁଁ ମାଞ୍ଜୁଅଁ, ଇତିହୁଁ ସାଝୁକାରି ଏନାଆଁ କିନେସି, ହଲେଏସି ଏଦାଆଁ ପୁନଅସି, ସାମା ନାନୁ ମିଙ୍ଗେ ତଡ଼େ ଇଞ୍ଜୁମାଞ୍ଜାଇ, ଇତିହୁଁ ନାନୁ ନା ଆବା ତାଣାଟି ଏନା ଏନାଆଁ ଝେଞ୍ଜାମାଞ୍ଜାଇ, ଏ ବାରେ ମିଙ୍ଗେ ଝେସାମାଞ୍ଜାଇ । ୧୬ ମୀରୁ ନାଙ୍ଗେ ଆଡ଼ା ମାଞ୍ଜଅତେରି, ସାମା ନାନୁ ମିଙ୍ଗେ ଆଚାମାଞ୍ଜାଇ, ଅଡ଼େ ମୀରୁ ଏନିକିଁ ପାଡ଼େୟି ଆୟାଲି ଆଡ଼ିଦେରି ଅଡ଼େ ମୀ ପାଡ଼େୟି ତାରିଆହାନା ଡୟିନେ, ଏଦାଆଁତାକି ମିଙ୍ଗେ ଆଚାମାଞ୍ଜାଇ । ଏଚେଟିଏ ମୀରୁ ନା ଦରୁତଲେ ଆବାଇଁ ଏନାଆଁ ରାହୁଦେରି ଏଝାସି ମିଙ୍ଗେ ହିୟାନେସି । ୧୭ ମୀରୁ ଏନିକିଁ ରଅତେରି ରଅଣାଇଁ ଜୀଝୁ ନଡ଼େରି, ଏଦାଆଁତାକି ନାନୁ ଇ ବାରେ ହୁକୁମି ହାହାମାଞ୍ଜାଇ ।”

ଦାରୁତି ଅପାଆଗାଟାୟି

୧୮ “ଦାରୁତି ମିଙ୍ଗେ ଅପେଏ, ଆତିହୁଁ ମିଙ୍ଗେ ଅପାଆ ନକେଏ ନାଙ୍ଗେ ଅପାମାଞ୍ଜେଏ, ଇଦାଆଁ ପୁଞ୍ଜାମାଞ୍ଜୁ । ୧୯ ମୀରୁ ଦାରୁତିତାତେରି ଆହାମାଟିହୁଁମା, ଦାରୁତି ମିଙ୍ଗେ ନା ଲକୁ ଇଞ୍ଜୁଁ ପୁଞ୍ଜାନା ଜୀଝୁ ନୟାତେମା; ମୀରୁ ଦାରୁତିଟି ଝାହା ହିଲଅତେରି, ସାମା ନାନୁ ମିଙ୍ଗେ ଦାରୁତିଟି ଆଚାମାଞ୍ଜାଇ, ଏଦାଆଁତାକି ଦାରୁତି ମିଙ୍ଗେ ଅପେଏ । ୨୦ ହଲେଏସି ସାଝୁକାରି କିହାଁ କାଜାସି ଆଏ, ନାନୁ ମିଙ୍ଗେ ଏମିନି ବଲୁ ଝେସାମାଞ୍ଜାଇ, ଏଦାଆଁ ଅଣପାଦୁ । ଏଝାରି ନାଙ୍ଗେ ସାସ୍ତି ହାହାମାଞ୍ଜାନେରି, ଆତିହୁଁ ମିଙ୍ଗେ ଜିକେଏ ସାସ୍ତି ହିୟାନେରି; ଅଡ଼େ ଏଝାରି ନା ବଲୁତି ମାନୁଝି ଆହାମାନେରି, ଆତିହୁଁ ମୀ ବଲୁ ଜିକେଏ ମାନୁଝି ଆନେରି । ୨୧ ସାମା ଏଝାରି ନାଙ୍ଗେ ପାଣ୍ଡାତାଣାଇଁ ପୁଞ୍ଜାହିଲାଆକି, ନା ଦରୁ ତାକି ମିଙ୍ଗେ ଇ ବାରେ ଆନେ । ୨୨ ନାନୁ ଝାହାନା ଏଝାରାଇଁ ଝେହୁଆତିହୁଁ, ଏଝାରି ପାପୁ ଗାଟାରି ଆଆତେରିମା; ସାମା ନାଏଁ ଇ ପାପୁ ତାକି ଏନି ମିତି କାତା ଝେସାଲି ଆଡ଼ଅରି ୨୩ ଆମ୍ବାଆସି ନାଙ୍ଗେ ଅପଅସି, ଏଝାସି ନା ଆବାଇଁ ଜିକେଏ ଅପଅସି । ୨୪ ନାନୁ ଏଝାରିତାଣା ଏନି କାବାଆନି କାମା କିହାହିଲାଆତେ, ଏଝାରି ପାପୁ ଗାଟାରି ଇଞ୍ଜୁଁ ଏଜିକିଝି ଆଆତେରିମା । ସାମା ନା ବାରେ କାମା ମେସାନା ଜିକେଏ ଏଝାରି ନାଙ୍ଗେ ଅଡ଼େ ନା ଆବାଇଁ ଅପାହିଲଅରି । ୨୫ ସାମା ଏଝାରି ନାଙ୍ଗେ ଉଜେଏ ଅପାମାଞ୍ଜଅରି, ମସା ମେରାତା ରାୟିକି ଆହାମାନାୟି ଏନିକିଁ ପୁରା ଆନେ ଇଦାଆଁତାକି ଇ ବାରେ ଆହିମାନେ ।”

୨୬ “ଆବା ତାଣାଟି ନାନୁ ମୀ ତାଣା ଏମିନି ସାଡ଼େୟି କିନାଣି ପାଣ୍ଡାଇଁ, ଆବା ତାଣାଟି ଝାନ୍ତି ଏ ସାତା ଜୀଝୁ ଝାଡ଼ିହୁଁ ନା କାତା ସାକି ହିୟାନେ; ୨୭ ମୀରୁ ଜିକେଏ ନା କାତାତାକି ସାକି ହାବେରି, ଇତିହୁଁ ମୁଲୁଟିଏ ମୀରୁ ବାରେ ନା ତଲେ ମାଚେରି ।”

୧୭

୧ “ମୀ ନାମୁତି ଏନିକିଁ ପିହୁଅତେରି, ଇଦାଆଁତାକି ଇ ବାରେ କାତା ଝେସାମାଞ୍ଜାଇ । ୨ ଏଝାରି ମିଙ୍ଗେ କୁଲମଟି ହପୁହାନେରି, ଇଲେତି ଦିନା ଝାହିମାନେ, ଏଚେତା ଆମ୍ବାଆସି ମିଙ୍ଗେ ପାୟାନେସି, ଏଝାସି ମାହାପୁରୁ ତାକି ଜହରାତି ପୂଜା କିହିମାଇଁ ଇଞ୍ଜୁଁ ଅଣପିନେସି । ୩ ଲକୁ ଇ ବାରେ କିୟାନେରି, ଇତିହୁଁ ଏଝାରି ଆବା ଆଆତେ ନାଙ୍ଗେ ପୁଞ୍ଜାମାଞ୍ଜଅରି । ୪ ଇ ବାରେ ଗଟଝି ଆଡ଼ିସାରେ, ନାନୁ ମିଙ୍ଗେ ଝେସାମାଞ୍ଜାତେଏଁ ଇ କାତା ମୀରୁ ଏନିକିଁ ଅଣପିଦେରି, ଇଦାଆଁତାକି ଇ ବାରେ କାତା ମିଙ୍ଗେ ଝେସାମାଞ୍ଜାଇ । ନାନୁ ମୀ ତଲେ ମାଚାକି ମୁଲୁଟିଏ ଇ ବାରେ କାତା ମିଙ୍ଗେ ଝେସାମାଞ୍ଜାଅଁ ।”

ସୁରୁଜୀଝୁତି କାମା

୫ “ସାମା ନାନୁ ନାଏଁ ନା ପାଣ୍ଡାତାଣା ତାଣା ହାଜିମାଇଁ, ଅଡ଼େ ମୀରୁ ଆମ୍ବିୟା ହାଜିମାଞ୍ଜି ଇଞ୍ଜୁଁ ମୀ ବିତ୍ତାଟି ଆମ୍ବାଆତେରି ନାଙ୍ଗେ ଝେଞ୍ଜି ମାଞ୍ଜଅତେରି । ୬ ସାମା ନାନୁ ଇ ବାରେ କାତା ଝେସାମାଞ୍ଜାନାକି ମୀ ହିୟାଁ ହାଡ଼େକା ଦୁକୁ ଆହିମାନେ । ୭ ସାମା ନାନୁ ମିଙ୍ଗେ ସାତା ଝେସିମାଞ୍ଜାଇ, ନାନୁ ହାନାୟି ମିଙ୍ଗେତାକି ନେହେଁ, ଇତିହୁଁ ନାନୁ ହାଲାଆସାରେ ଏ ସାଡ଼େୟି କିନାୟି ମୀ ତାଣା ଝାଏ, ସାମା ନାନୁ ହାଟିସାରେ ଏଦାଣି ମୀ ତାଣା ପାଣ୍ଡାଇଁ । ୮ ଏଡ଼ି ଝାହାନା ପାପୁ, ଦାମ୍ବୁ ଅଡ଼େ ମାହାପୁରୁତି ବିଚାରାତି କାତା ଇ ଦାରୁତିତି ଲକୁଣି

* ୧୫:୧୨ ୧୫:୧୨ ଜହ ୧୩:୩୪; ୧୫:୧୭; ୧ଜହ ୩:୨୩; ୨ଜହ ୧:୫ * ୧୫:୨୦ ୧୫:୨୦ ମାଟି ୧୦:୨୪; ଲୁକ ୭:୪୦; ଜହ ୧୩:୧୭

ଝେହ୍ନେ; ୯ ପାପୁତି କାତା, ଇତିହଂ ଏଞ୍ଜାରି ନା ତାଣା ନାମା ହିଲଅରି; ୧୦ ଦାମ୍ପତି କାତା, ଇତିହଂ ନାନୁ ଆବା ତାଣା ହାଜିମାଇଁ ମୀରୁ ଅଡ଼େ ନାଜେ ମେସୁଅଡେରି; ୧୧ ବିଚାରାତି କାତା, ଇତିହଂ ଇ ଦାର୍ତତି ସାଲୁଝି କିନାରି ବିଚାରା କିଞ୍ଚି ଆହାମାନେରି ।”

୧୨ “ମିଜେ ନାନୁ ଅଡ଼େ ହାଡ଼େକା କାତା ଝେସ୍ତାନାୟିମାନେ, ସାମା ନାଏଁ ମୀରୁ ଏ ବାରେ ଅରହାଲି ଆଡ଼ଅଡେରି ୧୩ ସାମା ସାତାତି ଜୀଞ୍ଜୁ ଖାଡ଼ିସାରେ, ଏଦି ବାରେ ସାତାତି ଡେଲହାଲି ବାଡ଼ୁଲୁ ହିୟାନେ, ଏଦି ମିଜେ ଜିରୁ ତସାନା ତାନିତାଣାଟି ଏନାଆଁ ଝେହ୍ନେ, ମାହାପୁରୁ ତାଣାଟି ଏନା ଏନାଆଁ ଝେଞ୍ଜାମାନେ ଖାଡ଼ିଲ ଏଚେକେଏ ଝେହ୍ନେ, ଅଡ଼େ ଏନାୟି ଆହାଲି ହାଜିମାନେ ଏନାଆଁ ଏଦି ଝେସ୍ତାନେ । ୧୪ ଏଞ୍ଜାସି ନାଜେ ଗାଞ୍ଜୁରମି କିୟାନେସି, ଇତିହଂ ନା ତାଣାଟି ବାରେ କାତା ପୁଞ୍ଜାନା ଏଦି ଏନାଆଁ ମୀ ତାଣା ଝେସ୍ତାନେ । ୧୫ ଏନା ଏନାୟି ଆବାଞ୍ଜାୟି, ଏ ବାରେ ନାଦି; ଇଦାଆଁତାକି ନାନୁ ଏଲେଇଞ୍ଜାଡେଏଁ, ଏଞ୍ଜାସି ନା କାତା ଅହାନା ମିଜେ ଝେସ୍ତାନେସି ।”

ଦୁକୁ ଅଡ଼େ ରାହାଁ

୧୬ “ଗାଡ଼େକା ଜେଚ ମୀରୁ ଅଡ଼େ ନାଜେ ମେସୁଅଡେରି, ସାମା ଏଚରଦିନା ଜେଚ ମେସୁାଡେରି ।”

୧୭ ଏଚେଟିଏ ତାନି ସୀସୁୟାଁ ବିତାଟି ଆମ୍ବା ଆମ୍ବାଆରି ଏଲେଇଚେରି, “ଗାଡ଼େକା ଜେଚ ନାଜେ ମେସୁଅଡେରି, ଅଡ଼େ ଏଚରଦିନା ହାଟି ତାୟୁ ନାଜେ ମେସୁାଡେରି, ନାନୁ ଆବା ତାଣା ହାଜିମାଇଁ, ଏଞ୍ଜାସି ଏମିନି କାତା ମାଜେ ଝେସ୍ତାଡେସି, ଇଦି ଏନାୟି ?” ୧୮ ଏଞ୍ଜାରି ଏଲେଇଚେରି, “ଗାଡ଼େକା ଇଞ୍ଜୁ” ଏନାଆଁ ଏଲେଇଞ୍ଜି ମାନେସି ? ଏଞ୍ଜାସି ଏନାଆଁ ଏଲେଇଞ୍ଜି ମାନେସି ମାମ୍ବୁ ଡୁଡେଲୁହାଲି ଆଡ଼ିହଲଅମି ।”

୧୯ ସୀସୁୟାଁ ତାଜ ଝେଞ୍ଜାଲି ଅଣ୍ଡିମାନେରି ଇଞ୍ଜୁ ପୁଞ୍ଜାନା ଜୀସୁ ଏଞ୍ଜାରାଇଁ ଏଲେଇଚେସି, “ଗାଡ଼େକା ଜେଚ ନାଜେ ମେସୁଅଡେରି, ଅଡ଼େ ଏଚରଦିନା ହାଟି ତାୟୁ ନାଜେ ମେସୁାଡେରି, ନାନୁ ଇ ଏମିନି କାତା ମିଜେ ଝେସ୍ତାଡେଏଁ, ଏ କାତାତାକି ଏନାଆଁତାକି ମୀରୁ ବାଦିବାଦା ଆହିମାଞ୍ଜେରି ? ୨୦ ନାନୁ ମିଜେ ସାତା ଝେସିମାଞ୍ଜାଇଁ, ମୀରୁ ଦୁକୁଆହୁଁ ଡୀଦେରି, ସାମା ଦାର୍ତତି ରାହାଁ କିନେ; ମୀରୁ ଦୁକୁ ଆଡେରି, ସାମା ମୀ ଦୁକୁ ରାହାଁତା ତିରି ମୀଣନେ । ୨୧ ଜାନ କିନି ବେଲା ଖାଡ଼ିସାରେ ଇୟା ଦୁକୁ ବେଗାଆନେ; ସାମା ଏଦି କକାଣାଇଁ ଜାନ କିତି ତାୟୁ ଦାର୍ତତିତା ର ମାଣସି ଜାର୍ନା ଆହାମାନେସି, ଇ ରାହାଁତାକି କସ୍ତୁତି ଅଣ୍ଡିପେଏଦେ । ୨୨ ଏଲେକିହଂ ଏ ମୀରୁ ନାଏଁ ଦୁକୁ ବେଗାଆହିମାଞ୍ଜେରି, ସାମା ନାନୁ ଅଡ଼େ ଝେଶ୍ରେ ମିଜେ ତଞ୍ଜା ଆୟାଇଁ, ଅଡ଼େ ମୀ ହିୟାଁ ରାହାଁ ଆନେ ଅଡ଼େ ଆମ୍ବାଆସି ମୀ ତାଣାଟି ମୀ ରାହାଁ ମୀଞ୍ଜା ଅୟଅସି ।”

୨୩ “ଏ ଦିନା ମୀରୁ ନାଜେ ଏନାଆଁ ଝେଞ୍ଜଅଡେରି । ନାନୁ ମିଜେ ସାତା ଝେସିମାଞ୍ଜାଇଁ, ମୀରୁ ଆବାଇଁ ଏନାଆଁ ରାହୁଦେରି, ଏଞ୍ଜାସି ନା ଦରୁତଲେ ମିଜେ ହିୟାନେସି । ୨୪ ନାଏଁ ପାଡେକା ନା ଦରୁତଲେ ଏନାଆଁ ରାସା ହିଲଅଡେରି; ରାହୁଦୁ, ଏନିକଂ ମୀ ରାହାଁ ଗାତି ଆନେ, ଏନାଆଁତାକି ମୀରୁ ଏନାଆଁ ବେଗାଆଡେରି ।”

ଦାର୍ତତିତା ଜୀଣା ଆନାୟି

୨୫ “ନାନୁ ମିଜେ ପୁଣ୍ଡିକିନି କାତାତଲେ ଇ ବାରେ ଝେସାମାଞ୍ଜାଇଁ; ଦିନା ଖାହିମାନେ, ଏଚିବେଲା ନାନୁ ଅଡ଼େ ପୁଣ୍ଡିକିନି କାତାତଲେ ମିଜେ ଝେସୁଅଁ, ଆବାତି କାତା ତୀରେତଲେ ଝେସୁାଇଁ । ୨୬ ଏ ଦିନା ମୀରୁ ନା, ଦରୁତଲେ ରାହୁଦେରି; ଅଡ଼େ ନାନୁ ମୀ ଖାକିତି ଆବାଇଁ ବାତିମାଲିଇଁ, ଇ କାତା ନାନୁ ମିଜେ ଝେସିମାଞ୍ଜାଅଁ; ୨୭ ଇତିହଂ ଆବା ତାନୁଏ ମିଜେ ଜୀଞ୍ଜୁ ନହାଁମାଞ୍ଜାନେସି, ମୀରୁ ନାଜେ ଜୀଞ୍ଜୁନହୁଁ ମାଞ୍ଜାଦେରି ଅଡ଼େ ନାନୁ ମାହାପୁରୁ ତାଣାଟି ଖାହାମାଇଁ, ଏନାଆଁ ମୀରୁ ନାମାମାଞ୍ଜେରି । ୨୮ ନାନୁ ଆବା ତାଣାଟି ଦାର୍ତତିତା ଖାହାମାଇଁ; ଦାର୍ତତି ପିସାନା ଝେଶ୍ରେ ଆବା ତାଣା ହାଜିମାଇଁ ।”

୨୯ ଇ ହାଡ଼ା ଝେଞ୍ଜାନା ସୀସୁୟାଁ ଏଞ୍ଜାଣାଇଁ ଏଲେଇଚେରି, “ନାଏଁ ନାନୁ ପୁଣ୍ଡିକିନି କାତା ଲେମ୍ବାଆନା ତୀରେତଲେ ଝେସିମାଞ୍ଜା । ୩୦ ନାନୁ ବାରେ କାତା ପୁଞ୍ଜାମାଞ୍ଜା, ଆମ୍ବାଆସି ମିଜେ ଝେଞ୍ଜାନାୟି ଲଡ଼ା ହିଲେଏ, ଏନାଆଁ ନାଏଁ ମାମ୍ବୁ ପୁଚିମି; ମାହାପୁରୁ ତାଣାଟି ଖାହାମାଞ୍ଜା ଇଞ୍ଜୁ ମାମ୍ବୁ ଲୁ କାତା ନାମି ମାନମି ।”

୩୧ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁ ନାଏଁ ନାମିମାଞ୍ଜେରି ? ୩୨ ମେହୁଦୁ ଦିନା ଖାହିମାନେ, ଏ ବେଲା ଖାଡ଼େୟିଏ, ଏଚିବେଲା ମୀରୁ ଇତାଲା ଆତାଲା ଆହାନା ବାରେଜାଣା ଜାହାରା ଇଜ ହାଜେରି, ଅଡ଼େ ନାଜେ ରଅଡେଏଁ କିୟାଦେରି; ଆଡ଼ିଜିକେଏ ନାନୁ ରଅଡେଏଁ ଆଏ, ଇତିହଂ ଆବା ନା ତଲେ ମାନେସି । ୩୩ ମୀରୁ ଏନିକଂ ନା ତାଣାଟି ହିଡ଼ଡ଼ି ବେଗାଆଡେରି, ଏନାଆଁତାକି ନାନୁ ମିଜେ ଇ ବାରେ କାତା ଝେସାମାଞ୍ଜାଇଁ । ଦାର୍ତତିତା ମିଜେତାକି ହାଡ଼େକା ସାସି ମାନେ, ସାମା ସାସା ଆହୁଦୁ; ଇତିହଂ ନାନୁ ଦାର୍ତତିତା ଜୀଣା ଆହାମାଇଁ ।”



ଜୀସୁ ତାନି ସାସୁୟାଁକି ପ୍ରାତାନା କିନାୟି

୧ ଜୀସୁ ଈ ବାରେ କାତା ଏଲେଇଞ୍ଜା ଲାକପୁରୁ ଝାକି ସିନିକିହାନା ଏଲେଇଚେସି, “ଆବା, ବେଲା ଆଚେୟିଏ; ନୀ ମୀରୁଏଶାଈ ଗାଝୁରମି କିମ୍ପୁ, ଏନିକି ମୀରୁଏସି ନିଜେ ଗାଝୁରମି କିୟାନେସି । ୨ ନୀନୁ ଏଝାଶାଈ ବାରେ ମାଣସି କୁଡ଼ାତି ମୁହେଁ ଅଦିକାରା ହାହାମାଞ୍ଜି । ଅଡ଼େ ଆମ୍ବାଆରାଇଁ ଏଝାଣି କେୟୁତା କାଲାକାଲାତି ଜୀସୁ ହାହାଲିତାକି ହେରୁପାମାଞ୍ଜି ଏଝାଶାକି ବାଡ଼ୁୟୁ ହାହାମାଞ୍ଜି । ୩ ଅଡ଼େ ରଣ୍ଡିଏ ସାତା ମାହାପୁରୁତି ନୀନୁ, ନିଜେ ଅଡ଼େ ନୀ ତାଣାଟି ପାଣ୍ଡୁଆହାମାନି ଜୀସୁ କ୍ରୀସୁଇଁ ପୁନାୟି ଆହିମାନେ କାଲାକାଲାତି ଜୀସୁ । ୪ ନୀନୁ ନାଜେ ଏମିନି କାମା କିହାଲି ହାହାମାଞ୍ଜାଦି, ଏଦାଆଁ ନୀନୁ ରାପୁହାନା ଦାରୁତିତା ନିଜେ ଗାଝୁରମି କିହାମାଞ୍ଜାଇଁ । ୫ ଏ ଆବା ଦାରୁତି ଗାଡ଼ି ଆଥା ନଜେଏ ନୀ ତଲେ ନା ଏମିନି ଗାଝୁରମି ମାଚେ, ଏମ୍ବାଟି ନୀନୁ ନାଜେ ନୀ ତଲେ ଗାଝୁରମି କିୟାମ୍ପୁ ।”

୬ “ନୀନୁ ନାଜେ ଦାରୁତି ବିତାତି ଏମିନି ଲକୁଣି ନାଜେ ହାହାମାଞ୍ଜାଦି, ନୀନୁ ନୀ ଦରୁ ଏଝାରି ନକିତା ତସାମାଇଁ; ଏଝାରି ନୀ ଲକୁ ମାଚେରି ଅଡ଼େ ନୀନୁ ଏଝାରାଇଁ ନାଜେ ହାହାମାଞ୍ଜାତି, ଏଝାରି ନୀ ବଲୁତି ମାନୁଝି ଆହାମାନେରି । ୭ ନୀନୁ ନାଜେ ଏନା ଏନାଆଁ ହାହାମାଞ୍ଜାଦି, ଏ ବାରେ ନୀ ତାଣାଟି ଝାହାମାନେ, ଈଦାଆଁ ନୀଏଁ ଏଝାରି ପୁଞ୍ଜାମାନେରି । ୮ ଇତିହଁ ନୀନୁ ନାଜେ ହାହାମାଞ୍ଜାନି ବଲୁ ନୀନୁ ଏଝାରାକି ହାହାମାଇଁ, ଅଡ଼େ ଏଝାରି ଆବା ମାନେରି ଇଞ୍ଜା ନୀନୁ ନୀ ତାଣାଟି ଝାହାମାଇଁ, ଏଦାଆଁ ସାତା ତଲେ ପୁଞ୍ଜାମାନେରି, ଅଡ଼େ ନୀନୁ ନାଜେ ପାଣ୍ଡୁମାଞ୍ଜାଦି ଇଞ୍ଜା ଏଝାରି ନାମାମାନେରି ।”

୯ “ନୀନୁ ଏଝାରି ତାକି ପ୍ରାତାନା କିହିମାଇଁ; ଦାରୁତି ତାକି ପ୍ରାତାନା କିହିହିଲଅଁ, ସାମା ନୀନୁ ନାଜେ ଏମିନି ଗାଟାରାଇଁ ହାହାମାଞ୍ଜାଦି, ଏଝାରି ତାକି ପ୍ରାତାନା କିହିମାଇଁ, ଇତିହଁ ଏଝାରି ନୀ ଲକୁ; ୧୦ ଏନା ଏନାୟି ନାଦି ମାନେ ଏ ବାରେ ନୀଦି, ଅଡ଼େ ଏନା ଏନାୟି ନୀଦି ମାନେ, ଏ ବାରେ ନାଦି ଅଡ଼େ ଏଝାରି ତାଣାଟି ନୀନୁ ଗାଝୁରମି ଆହିମାଇଁ । ୧୧ ନୀନୁ ଅଡ଼େ ଈ ଦାରୁତିତା ଡ଼ୟିହିଲଅଁ, ସାମା ଇଝାରି ଦାରୁତିତା ଡ଼ୟିମାନେରି, ଇଞ୍ଜା ନୀନୁ ନୀ ତାଣା ଝାହିମାଇଁ; ସୁଦୁଗାଟି ଆବା ଆମିନି ଗାଟାରାଇଁ ନୀ ଦରୁତି ବାଡ଼ୁୟୁ ତଲେ ନାଜେ ହେରୁପା ମାଞ୍ଜାଦି ଏଝାରାଇଁ ଗେଲ୍ପାମ୍ପୁ, * ନୀନୁ ଅଡ଼େ ନୀନୁ ଏନିକି ରଣ୍ଡିଏ ଆହାମାନାୟି ଏଲେକିହଁ ଏ ଏଝାରାଇଁ ଜିକେଏ ରଣ୍ଡିଏ କିହାଲି ସାଢ଼ୟମି କିମ୍ପୁ । ୧୨ ଏଝାରିତଲେ ମାଟିବେଲାତା ନୀନୁ ଏଝାରାଇଁ ନୀ ଦରୁତଲେ ଗେଲ୍ପାମାଇଁ, ଆମିନି ଦରୁ ନୀନୁ ନାଜେ ହାହାମାଞ୍ଜାଦି, ଅଡ଼େ ନୀନୁ ଏଝାରାଇଁ ଜାଗ୍ରାତା ତଲେ ଗେଲ୍ପାମାଇଁ, † ଦାମ୍ପୁ ପତି ଏନିକି ପୁରା ଆନେ, ଏଦାଆଁତାକି ଏଝାରି ନାସା ଆନାୟି ମାଟି ଜିକେଏ, ରଅସି ଜିକେଏ ନାସା ଆହାହିଲଅସି । ୧୩ ସାମା ନୀଏଁ ନୀନୁ ନୀ ତାଣା ଝାହିମାଇଁ, ଅଡ଼େ ଦାରୁତିତା ମାଞ୍ଜା ମାଞ୍ଜାନା ନା ରାହାଁତା ଏଝାରି ହିୟାଁ ଏନିକି ରାହାଁ ଆନେ, ଏଦାଆଁତାକି ନୀନୁ ଈ ବାରେ କାତା ଝେସିମାଞ୍ଜାଇଁ । ୧୪ ନୀନୁ ଏଝାରାକି ନୀ ବଲୁ ହାହାମାଇଁ, ଏଦାଆଁତାକି ଦାରୁତି ଏଝାରାଇଁ ଅପିହିଲେଏ, ନୀନୁ ଏନିକି ଦାରୁତିଟି ଝାହାହିଲଅଁ ଏଝାରି ଜିକେଏ ଈ ଦାରୁତିତାରି ଆଏ । ୧୫ ନୀନୁ ଏଝାରାଇଁ ଈ ଦାରୁତିଟି ଅହଁ ହାଲାମ୍ପୁ ଇଞ୍ଜା ବାତିମାଲି ମାଞ୍ଜାଅଁ, ସାମା ଏଝାରାଇଁ ଲାଗେଏତି ପାନ୍ଦାଟି ଗେଲ୍ପାମ୍ପୁ ଇଞ୍ଜା ବାତିମାଲିମାଞ୍ଜାଇଁ । ୧୬ ନୀନୁ ଏନିକି ଦାରୁତିଟି ଝାହାହିଲଅଁ, ଏଝାରି ଏଲେକି ଦାରୁତିଟି ଝାହାହିଲଅରି । ୧୭ ସାତା ତଲେ ଏଝାରାଇଁ ସୁଦୁ କିମ୍ପୁ, ଇତିହଁ ନୀ ବଲୁଏ ସାତା । ୧୮ ନୀନୁ ଏନିକି ନାଜେ ଦାରୁତିତା ପାଣ୍ଡୁମାଞ୍ଜାଦି, ନୀନୁ ଜିକେଏ ଏଝାରାଇଁ ଦାରୁତିତା ପାଣ୍ଡୁମାଇଁ । ୧୯ ଅଡ଼େ ଏଝାରି ଜିକେଏ ଏନିକି ସାତା ତଲେ ସୁଦୁ ଆନେରି, ଏଦାଆଁତାକି ନୀନୁ ଏଝାରି ତାକି ନାଜେ ସୁଦୁ କିହିମାଇଁ ।”

୨୦ “ନୀନୁ ଝାରୁଇ ଏଝାରି ତାକି ପ୍ରାତାନା କିହିହିଲଅଁ, ଏଝାରି ବଲୁ ଝେଞ୍ଜାନା ଆମ୍ବାଆସି ନା ତାଣା ନାମିନେସି, ଏଝାରି ତାକି ଜିକେଏ ପ୍ରାତାନା କିହିମାଇଁ । ୨୧ ଏନିକି ଏଝାରି ବାରେ ରଣ୍ଡିଏ ଆନେରି; ଏ, ଆବା ନୀନୁ ଏନିକି ନା ତାଣା ମାଞ୍ଜି ଅଡ଼େ ନୀନୁ ନୀ ତାଣା ମାଇଁ, ଏଝାରି ଜିକେଏ ଏଲେକିହଁ ଏ ମା ତାଣା ଡ଼ୟାପେରି, ଏନିକି ନୀନୁ ନାଜେ ପାଣ୍ଡୁତି ଇଞ୍ଜା ଦାରୁତି ନାମିନେ । ୨୨ ଅଡ଼େ ନୀନୁ ନାଜେ ଏମିନି ଗାଝୁରମି ହାହାମାଞ୍ଜାଦି, ନୀନୁ ଏଦାଆଁ ଏଝାରାକି ହାହାମାଇଁ, ମୀରୁ ଏନିକି ରଣ୍ଡିଏ ଏଝାରି ଏଲେକି ରଣ୍ଡିଏ ଆନେରି; ୨୩ ନୀନୁ ଏନିକି ନା ତାଣା ନୀନୁ ଏଲେକିହଁ ଏଝାରିତାଣା ଡ଼ୟିଇଁ । ଏନିକି ଏଝାରି ମାନ୍ତି ତଲେ ରଣ୍ଡିଏ ଆନେରି, ଇଞ୍ଜା ଦାରୁତି ପୁନେ କି ନୀନୁ ନାଜେ ପାଣ୍ଡୁମାଞ୍ଜାଦି, ନାଜେ ଏନିକି ଜୀସୁ ନହଁ ମାଞ୍ଜାଦି ଏଝାରାଇଁ ଜିକେଏ ଏଲେକିହଁ ଏ ଜୀସୁ ନହଁ ମାଞ୍ଜି ।”

* ୧୭:୧୧ ୧୭:୧୧ ଈ କାତା ପୁଞ୍ଜ ପତିତା ହିଲେଏ । ☆ ୧୭:୧୨ ୧୭:୧୨ ଜହ ୧୩:୧୮ † ୧୭:୧୨ ୧୭:୧୨ ଈ କାତା ପୁଞ୍ଜ ପତିତା ହିଲେଏ ।

୨୪ “ଏ ଆବା ! ନାନୁ ଏଞ୍ଜାରାଇଁ ନା କେୟୁଡା ହାହାମାଞ୍ଜାଦି । ନାନୁ ଆସିୟା ତୁୟିଇଁ, ଏଞ୍ଜାରି ଜିକେଏ ଏନିକିଁ ଏମ୍ବାଆଁ ତୁୟିନେରି ଅଡେ ଦାରୁଡି ଗାଡ଼ି ଆଆ ନକେଏ ନାନୁ ନାଜେ ଜାସୁ ନହାଁମାଞ୍ଜାନାକି ନାଜେ ଏନିନି ଗାସୁରମି ହାହାମାଞ୍ଜାଦି, ନା ଏ ଗାସୁରମି ଏନିକିଁ ଏଞ୍ଜାରି ମେସାଲି ଆଡ଼ିନେରି ଇଦି ନା ଅଣପୁ । ୨୫ ଏ ଦାମ୍ବୁଗାଡ଼ି ଆବା, ଦାରୁଡି ନିଜେ ପୁଞ୍ଜାମାଞ୍ଜେଏ, ସାମା ନାନୁ ନିଜେ ପୁଞ୍ଜାମାଞ୍ଜାଇଁ; ଅଡେ ନାନୁ ନାଜେ ପାଣ୍ଡାମାଞ୍ଜାଦି, ଏଦାଆଁ ଇଞ୍ଜାରି ପୁଞ୍ଜାମାଞ୍ଜାନେରି; ୨୬ ନାନୁ ନାଜେ ଏନିନି ଜାସୁ ନସୁଡି ଜାସୁ ନହାଁମାଞ୍ଜାଦି, ଏଡ଼ି ଏନିକିଁ ଏଞ୍ଜାରିତାଣା ତୁୟିନେ ଅଡେ ନାନୁ ଏଞ୍ଜାରିତାଣା ତୁୟିଇଁ, ଏଦାଆଁତାକି ନାନୁ ଏଞ୍ଜାରାଇଁ ଖେସାମାଇଁ ଅଡେ ଖେହୁଇଁ ।”

୧୮

ଜାସୁ ସାତୁୟିଁ କେୟୁଡା ହେରପି ଆନାୟି

(ମାଡି ୨୭:୪୭-୫୬; ମାର୍କି ୧୪:୪୩-୫୦; ଲୁକ ୨୨:୪୭-୫୩)

୧ ଜାସୁ ଇ ପ୍ରାଚୀନା ରାପୁହି ତାୟୁ ତାନି ସାସୁୟିଁ ତଲେ କିଦୁଣ କାତା ଆତାଲା ହାରେରି, ଏମ୍ବାଆଁ ର ବାଡ଼ା ମାରେ, ଇଞ୍ଜା ଏଞ୍ଜାସି ତାନି ସାସୁୟିଁ ତଲେ ଏମ୍ବାଆଁ ହରେରି । ୨ ଏନିନି ଜାହୁଦା ଏଞ୍ଜାଣାଇଁ ସାତୁୟିଁ କେୟୁଡା ହେରପିତେସି, ଏଞ୍ଜାସି ଜିକେଏ ଏ ଗାୟୁଡି ପୁଞ୍ଜାମାରେସି, ଇଡିହଁ ଜାସୁ ହାରେକା ପାଲି ସାସୁୟିଁ ତଲେ ଏ ଗାୟୁଡା ହାଜାମାରେସି । ୩ ଏଦାଆଁତାକି ଜାହୁଦା ଜାମାନାଙ୍ଗା ଇଞ୍ଜା କାଜା ପୂଜେରା ଅଡେ ପାରୁସିୟିଁ ତାଣାଟି ମାହାପୁରୁ ଇଲୁଡି ଜାମାନାଙ୍ଗା ଲକୁ ଦାଞ୍ଜି, ହିରୁ ବଦାୟିଁ ଅଡେ ଚେଙ୍ଗା ବାଲାୟିଁ ଆସାନା ଏମ୍ବାଆଁ ଖାଡେରି । ୪ ଏମ୍ବାଟିଏ ଜାସୁ ତାଙ୍ଗେତାକି ଏନା ଏନାଆଁ ଆହାଲି ହାଜିମାନେ ଏ ବାରେ ପୁଞ୍ଜାନା, ନକିତା ହାଜାନା ଏଞ୍ଜାରାଇଁ ଖେରେସି, “ମାରୁ ଆମ୍ବାଆରାଇଁ ପାରିମାଞ୍ଜେରି ?”

୫ ଏଞ୍ଜାରି ଏଲେଇରେରି, “ନାଜୁରିତଡି ଜାସୁ ।”

ଜାସୁ ଏଞ୍ଜାରାଇଁ ଏଲେଇରେସି, “ନାନୁ ଏଞ୍ଜାଡେଏଁ ?”

ଏନିନି ଜାହୁଦା ଏଞ୍ଜାଣାଇଁ ସାତୁୟିଁ କେୟୁଡା ହେରପିତେସି, ଏଞ୍ଜାସି ଜିକେଏ ଏଞ୍ଜାରିତଲେ ଏମ୍ବାଆଁ ନିଚାମାରେସି । ୬ ଜାସୁ ଏଡିବେଲା ଏଞ୍ଜାରାଇଁ ଏଲେଇରେସି, “ନାନୁ ଏଞ୍ଜାଡେଏଁ” ଏଡିବେଲା ଏଞ୍ଜାରି ତାୟୁଞ୍ଜାକି ଗୁଡା ଆହାନା ବୁନିତା ତରଗା ହାରେରି । ୭ ଜାସୁ ଖେଣ୍ଡେ ଖେରେସି, “ମାରୁ ଆମ୍ବାଆରାଇଁ ପାରିମାଞ୍ଜେରି ?” ଏଞ୍ଜାରି ଏଲେଇରେରି, “ନାଜୁରିତଡି ଜାସୁଇଁ ।”

୮ ଜାସୁ ଏଲେଇରେସି, “ନାନୁ ଖେସାମାଞ୍ଜାଇଁ, ନାନୁ ଏଞ୍ଜାଡେଏଁ । ମାରୁ ନାଜେ ପାରିମାଞ୍ଜାଦେରି ଇଡିହଁ ଇଞ୍ଜାରାଇଁ ସିହୁଦୁ । ୯ ଆମ୍ବାଆରାଇଁ ନାଜେ ହାହାମାଞ୍ଜାଦି, ଏଞ୍ଜାରି ବିଡ୍ରାଟି ରଅଣାଇଁ ଜିକେଏ ଜାକ୍‌ହା ହିଲଅଁ ।” ଏନିକିଁ ଦାମ୍ବୁ ପଡିଡି କାତା ସାତା ଆନେ ଏଦାଆଁତାକି ଏଲେ ଇରେସି ।

୧୦ ସିମନ ପିତର ତାନି ତାଣା କାଣ୍ଡା ମାତାକି ଏଞ୍ଜାସି କାଜା ପୂଜେରା ହଲେଏଣା ଚିଃନି କିୟିଁ ଦୁାଡେସି, ଏଞ୍ଜାଣି ଦରୁ ମାଲକସ୍ । ୧୧ ଏବେଟିଏ ଜାସୁ ପିତରଇଁ ଏଲେଇରେସି, “କାଣ୍ଡା, କାଣ୍ଡା ଇଟିନି ଚାୟୁଡା ଇଚାମ୍ବୁ; ନାନୁ ଏନାଆଁ ଅଣପିମାଞ୍ଜି, ଆବା ମାହାପୁରୁ ନାଜେ ହାହାମାଞ୍ଜାନି ଦୁକୁଡି ସଲାତା ଗସାଲି ଆଡ଼ଅଁ କି ?”

ହାନାନ ନକିତା ଜାସୁ

୧୨ ଏମ୍ବାଟିଏ ରମିୟ କସ୍କା, ଇଞ୍ଜା ରିଜାରି କସ୍କା ମୁହେଁ କାଜାସି, ଅଡେ ଜାହୁଡି ଲକୁଡି କସ୍କା ଜାସୁଇଁ ଆସାନା ଦସପିତେରି । ୧୩ ଏଞ୍ଜାଣାଇଁ ଦସପାନା ମୁଲୁଏ ହାନାନ ତାଣା ଅଡେରି, ଇଡିହଁ ଏଞ୍ଜାସି ଏ ବାସାଡି କାଜା ପୂଜେରା କୟାପାଡି ପଡ଼ଲେଏସି ମାରେସି । ୧୪ ଏ କୟାପା ବାରେ ଲକୁ ତାକି ରଅସି ହାନାୟି ମିଙ୍ଗେ ତାକି ନେହେଁ ଇଞ୍ଜାଁ ଜାହୁଡି ଲକୁଣି ଖେସାମାରେସି ।

ପିତର ଜାସୁଇଁ ପୁଞ୍ଜାହିଲଅଁ ଇନାୟି

(ମାଡି ୨୭:୨୯-୩୦; ମାର୍କି ୧୪:୨୭-୨୮; ଲୁକ ୨୨:୫୫-୫୯)

୧୫ ସିମନ ପିତର ଅଡେ ର ସାସୁ ଜାସୁଡି ଜେଡ ଜେଡ ହାଜିମାରେରି । ଏ ସାସୁ କାଜା ପୂଜେରା ତଲେ ପୁଣ୍ଡାସି ଆହାମାରେରି ଅଡେ ଜାସୁତଲେ କାଜା ପୂଜେରା ଆଂଗେଣିତା ହାରେସି, ୧୬ ସାମା ପିତର ପାଙ୍ଗାଡି ଦୁଞ୍ଜେରି ଦାରିତା ନିଚାନା ତୁୟିତେସି । ସାମା ଏନିନି ସାସୁ କାଜା ପୂଜେରା ତଲେ ପୁଣ୍ଡାସି ଆହାମାରେରି, ଏଞ୍ଜାସି ପାଙ୍ଗାତା ହାଜାନା ଦୁଞ୍ଜେରିତା କାଃଆନାଣାଇଁ ଏଲେଇଞ୍ଜାନା ପିତରଇଁ ବିଡ୍ରା ଅଡେସି । ୧୭ ଏମ୍ବାଟିଏ

ଦୁଃଖେରିତା କାଃଆନାଣି ହଲେଣି ପିତରଇଁ ଏଲେଇଚେ, “ନାନୁ ଜିକେଏ ଏନାଆଁ ଲଲକୁଡି ସୀୟୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନାନୁ ଏଞ୍ଜାତେଏଁ ଆଏ ।”

୧୮ ଏତିବେଲାତା ପେନି ଆହିମାଚାକି ହଲିୟାଙ୍ଗା ଅଡେ କାଃଆନାରି ହିତୁ ତାସାନା ସାରିଖାକି ନିଚାନା କେରଞ୍ଜି ମାଚେରି; ପିତର ଜିକେଏ ଏଞ୍ଜାରିତଲେ ନିଚାନା ହିତୁ କେରଞ୍ଜି ମାଚେସି ।

କାଜା ପୁଜେରା ଜୀୟୁଇଁ ଝେନାୟି

(ମାତି ୨୭:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ କାଜା ପୁଜେରା ଜୀୟୁଇଁ ତାନି ଜାପୁନାଣି ଇଞ୍ଜାଁ ସୀୟୁୟାଁତ କାତା ଝେଚେସି । ୨୦ ଜୀୟୁ ଏଲେଇଚେସି, “ନାନୁ ବାରେ ଦାରତିତି ନକିତା ତସାନା ଜାପୁହାମାଇଁ, ଆମ୍ବିୟା ବାରେ ଜୀହୁଦି ଲକୁ କୁଡ଼ା ଆନେରି, ମାହାପୁରୁ ଇଲୁତା ଅଡେ ଜୀହୁଦି ଲକୁଡି କୁଟମି ଇଲକାଣା*, ଲକୁ କୁଡ଼ା ଆହାମାନି ବେଲାତା ନାନୁ ଜାପୁହାମାଇଁ, ତୁକୁହାନା ଏନାଆଁ କିହାହିଲଅଁ । ୨୧ ନାଜେ ଏନାଆଁତାକି ଝେଞ୍ଜିମାଞ୍ଜାଦି ? ନାନୁ ଏଞ୍ଜାରାଇଁ ଏନାଆଁ ଏଲେଇଞ୍ଜାମାଇଁ, ଆମ୍ବାଆରି ଝେଞ୍ଜାମାନେରି ଏଞ୍ଜାରାଇଁ ଝେନାମ୍ବୁ; ନାନୁ ଏନା ଏନାଆଁ ଏଲେଇଞ୍ଜାମାଇଁ, ଏଞ୍ଜାରି ବାରେ ପୁଞ୍ଜାମାନେରି ।”

୨୨ ଜୀୟୁ ଏଲେ ଇଞ୍ଜିମାନାଣି ଝେଞ୍ଜାନା ଦାରିତା ନିଚାମାତି ମାହାପୁରୁ ଇଲୁ ଜାମାନାଙ୍ଗା ବିତ୍ରାଟି ରଅସି ଏଞ୍ଜାଣାଇଁ ସାପୁଡ଼ା ଝେଚାନା ଏଲେଇଚେସି, “ନିଜେ ଇଚେକା ସାସା କାଜା ପୁଜେରାଇଁ ଏଲେ ଇଞ୍ଜିମାଞ୍ଜି ?”

୨୩ ଜୀୟୁ ଏଞ୍ଜାଣାଇଁ ଏଲେଇଚେସି, “ନାନୁ ଲାଗେଏ ଜଲ୍ଲାମାଚିହିଁ, ଏ ଲାଗେଏତି ପାର୍ବମାଣା ହିୟାଦୁ; ନେହିଁ ଜଲ୍ଲାମାଇଁ ଇଚିହିଁ ଏନାଆଁତାକି ନାଜେ ଝେଚିମାଞ୍ଜାଦି ?”

୨୪ ଏମ୍ବାଟିଏ ହାନାନ ଜୀୟୁଇଁ ଏଲେକିହିଁଏ ଦସ୍ପି ଆହାମାନାଣାଇଁ କାଜା ପୁଜେରା କୟାପା ତାଣା ପାଣ୍ଡିଚେସି ।

ପିତର ଜୀୟୁଇଁ ଅଡେ ଝେଶ୍ଟେ ପୁଞ୍ଜାହିଲଅଁ ଇନାୟି

(ମାତି ୨୭:୬୧-୬୫; ମାର୍କ ୧୪:୬୯-୭୧; ଲୁକ ୨୨:୫୮-୬୨)

୨୫ ସିମନ ପିତର ହିତୁ ତାଗେ ନିଚାନା ହିତୁ କେରଞ୍ଜି ମାଚେସି, ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଝେଚେରି, “ନାନୁ ଜିକେଏ ଏଞ୍ଜାଣି ସୀୟୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନାନୁ ଆଏ ।”

୨୬ ପିତର, ଏମିନି କାଜା ପୁଜେରା ହଲିୟାଙ୍ଗା ବିତ୍ରାଟି ରଅଣି କିୟଁ ଦୁଡ଼ା ମାଚେସି, ଏଞ୍ଜାଣି କୁଟମିତାସି ଏଲେଇଚେସି, “ନାନୁ ନିଜେ ବାଡ଼ାତା ଏଞ୍ଜାଣିତଲେ ମାଚାଣି ମେସାମାଞ୍ଜାଆତେଏଁ କି ?”

୨୭ ପିତର ଅଡେ ଝେଶ୍ଟେ ଏଲେଇଚେସି, “ଆଏ ପୁଞ୍ଜାହିଲଅଁ ।” ଏତିବେଲାତା କୟୁ କେଶତେ ।

ପିଲାତ ତାଣା ଜୀୟୁ

(ମାତି ୨୭:୧,୨,୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ତାନି ଅର ନେତୁ ଲାଜ ଏଞ୍ଜାରି ଜୀୟୁଇଁ କୟାପା ଇଲୁଚି ଅହାନା ରମିୟ ରାଜି ସାଲଞ୍ଜି କିନାଣି ମେଡ଼ା ଇଲୁତା ଏଚେରି, ଜୀହୁଦି ଲକୁ ମେଡ଼ା ଇଲୁ ବିତ୍ରା ହାଲାଆତେରି, ଇଚିହିଁ ଏଦାଆଁ ତଲେ ପିସ୍ପିଆତି ପାର୍ବୁତି ବକି ତାକି ତାମଜେ ଲାଗେଏ କିହାକତାଲି ଅଣପି ହିଲାଆତେରି । ୨୯ ଏଦାଆଁତାକି ସାଲଞ୍ଜି କିନି ପିଲାତ ଏଞ୍ଜାରିତାଣା ପାଙ୍ଗାତା ଝାହାନା ଝେଚେସି, “ଇ ମାଣସି କପାଟି ମୀ ଏନିଲେହେଁତି ଦାଞ୍ଜା ମାନେ ?”

୩୦ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଇ ମାଣସି ଲାଗେଏତି କାମା କିହା ହିଲାଆତିହିଁ ମା, ମାୟୁ ଏଞ୍ଜାଣାଇଁ ନୀ ତାଣା ତାଆଚମିମା ।”

୩୧ ପିଲାତ ଏଞ୍ଜାରାଇଁ ଏଲେଇଚେସି, “ଆତିହିଁ ଇଞ୍ଜାଣାଇଁ ଅହାନା ମୀ ମେରା ତଲେ ନୀହାୟି କିଦୁ ।” ଜୀହୁଦିୟାଁ ଏଞ୍ଜାଣାଇଁ ଏଲେଇଚେରି, “ଆମ୍ବାଆରାଇଁ ହାନି ତଣ୍ଡ ହାହାଲି ମା ଅଦିକାରା ହିଲେଏ ।”

୩୨ ଜୀୟୁ ଏନିକିଁ ହାହାଲି ହାଜିମାନେସି, ଏ କାତା ଜୀୟୁ ଏନାଆଁ ଏଲେଇଞ୍ଜାମାଚେସି, ଏଦି ଏନିକିଁ ପୁରା ଆନେ, ଏଦାଆଁତାକି ଏଞ୍ଜାରି ଏଲେଇଚେରି ।

୩୩ ପିଲାତ ଝେଶ୍ଟା ମେଡ଼ା ଇଲୁ ବିତ୍ରା ହାଜାନା ଜୀୟୁଇଁ ଝେଚେସି, “ଏନାଆଁ ନାନୁ ଜୀହୁଦି ଲକୁଡି ରାଜାଟି ?”

* ୧୮:୨୦ ୧୮:୨୦ ସିନଗରୁ ☆ ୧୮:୩୨ ୧୮:୩୨ ଜହ ୩:୧୪; ୧୨:୩୨

୩୪ ଜୀସୁ ଏଲେଇରେସି, “ଇ କାତା ନୀ ମନୁଚି ଖେଞ୍ଜିମାଞ୍ଜାଦି କି ଏବୁକାତାରି ନା କାତାତି ନିଜେ ଏନାଆଁ ଏଲେଇଞ୍ଜା ମାଞ୍ଜାନେରି ?”

୩୫ ପିଲାତ ଏଲେଇରେସି, “ନୀନୁ ଏନାଆଁ ଅଣ୍ଟାପାମାଞ୍ଜି, ନାନୁ ର ଜୀହୁଦିତେବ୍ ? ନୀ କୁଡାତି ଲକୁ ଇଞ୍ଜା କାଜା ପୂଜେରାଜା ନିଜେ ତାତାନା ନା କେୟୁତା ହେରୁପା ମାଞ୍ଜାନେରି । ଖେସ୍ତାମୁ ନୀନୁ ଏନାଆଁ କିହାମାଞ୍ଜି ?”

୩୬ ଜୀସୁ ଏଲେଇରେସି, ନା ରାଜି ଇ ଦାର୍ତତିତାୟି ଆଏ; ନା ରାଜି ଦାର୍ତତିତାୟି ଆଡ଼ିହିଁମା, ନାନୁ ଜୀହୁଦି ଲକୁତାଣା ହେରୁପି ଆଥାରେରୁ ନାଜେ ସେବା କିୟାନାରି ନା ତାକି ଲୁକୁ କିତେରିମା, ସାମା ନା ରାଜି ସାତେଏ ଇ ଦାର୍ତତିତାୟି ଆଏ । ୩୭ ପିଲାତ ଏଞ୍ଜାଣାଇଁ ଖେରେସି, “ଆତିହିଁ ନୀନୁ ଜୀହୁଦି ଲକୁଚି ରାଜାତି ?”

ଜୀସୁ ଏଲେଇରେସି, “ନୀନୁ ଏଲେ ଇଞ୍ଜିମାଞ୍ଜି ନାନୁ ର ରାଜାତେବ୍ । ନାନୁ ସାତା ଖାକିଟି ସାକି ହୀହାଲି ଜାନୀ ଆହାମାଇଁ ଅଡ଼େ ଦାର୍ତତିତା ଖାହାମାଇଁ । ଆମ୍ବାଆସି ସାତାତି ମୀରୁଏସି ଏଞ୍ଜାସି ନା କାତା ଖେନେସି ।”

ଜୀସୁଇଁ ହାନି ତଣ୍ଡ ହୀନାୟି
(ମାତି ୨୭:୧୫-୩୧; ମାର୍କ ୧୫:୬-୨୦; ଲୁକ ୨୩:୧୩-୨୫)

୩୮ ପିଲାତ ଖେରେସି, “ସାତା ଏନାୟି ?”
ପିଲାତ ପାଞ୍ଜାତା ହାଜାନା ଜୀହୁଦି ଲକୁଣି ଏଲେଇରେସି, “ନାନୁ ଇଞ୍ଜାଣି ତାଣା ଏନି ଦହ ବେଟାଆହିଁ ହିଲଅଁ ।

୩୯ ସାମା ନାନୁ ପିସ୍ପିଆନି ପାରୁ ବେଲତା ମିଜେତାକି କାୟିଦିତା ମାନାରାଇଁ ରଥଣାଇଁ ପିସାଲି ତାକି ମୀ ମୋରା ମାନେ, ଏଦାଆଁତାକି ଜୀହୁଦି ଲକୁଚି ରାଜାଇଁ ମାଜେତାକି ପିସା ହିୟାପେସି ଇଞ୍ଜିଁ ମୀ ମନୁ ମାନେକି ?” ୪୦ ଏମ୍ବାଟିଏ ଏଞ୍ଜାରି କାଲୁଞ୍ଜି ଆହିଁ ଏଲେଇରେସି, “ଇଞ୍ଜାଣାଇଁ ଆଏ, ସାମା ବାରବାଇଁ ପିସାହିୟାମୁ ।”

୧୯

୧ ତାୟୁ ପିଲାତ ଜୀସୁଇଁ ଅହାନା ସାବୁଣି ମାଡ଼ା କିଞ୍ଜି କିତେସି । ୨ ଅଡ଼େ ରିଜାରି କସକା ହାପୁକା ଚଟପରି ଆଲାନା ଜୀସୁ ତାୟୁ ହୁଁ ଇଚିତେରି, ଅଡ଼େ ଏଞ୍ଜାଣାଇଁ ହେୟାଁ ଖାଣା ହିମ୍ବୁରି ହୁଚିକିତେରି; ୩ ଏଞ୍ଜାରି ଏଞ୍ଜାଣି ତାଣା ଖାହାନା ଏଲେଇରେସି, “ଏ ଜୀହୁଦିୟାଁ ରାଜା ଜହରା;” ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ସାପୁଡ଼ା ଖେରେସି ।

୪ ପିଲାତ ଖେରେସି ପାଞ୍ଜାତା ହାଜାନା ଏଲେଇରେସି, “ନାନୁ ଏଞ୍ଜାଣି ତାଣା ଏନି ଦହ ବେଟାଆହିଁ ହିଲଅଁ, ଇଦାଆଁ ଏନିକିଁ ମୀରୁ ପୁଞ୍ଜେରି, ଇଦାଆଁତାକି ନାନୁ ଏଞ୍ଜାଣାଇଁ ମୀ ତାଣା ତାଡ଼ିମାଇଁ ।” ୫ ଏମ୍ବାଟିଏ ଜୀସୁ ଏ ହାପୁକା ଚଟପରି ଅଡ଼େ ହେୟାଁ ଖାଣା ହିମ୍ବୁରି ପରହାନା ପାଞ୍ଜାତା ଖାଡ଼େସି, ପିଲାତ ଏଞ୍ଜାରାଇଁ ଏଲେଇରେସି, “ମେହୁଦୁ ଇଞ୍ଜାସି ଏ ମାଣସି ।”

୬ ଏମ୍ବାଟିଏ କାଜା ପୂଜେରାଜା ଅଡ଼େ ମାହାପୁରୁ ଇଲୁ କାଞ୍ଜିଆନି ଜାମାନାଜା ଏଞ୍ଜାଣାଇଁ ମେସାନା କାଲୁଞ୍ଜି ଆହିଁ ଏଲେଇରେସି, “ଏଞ୍ଜାଣାଇଁ ପାସି ଏକଦୁ ପାସି ଏକଦୁ ।” ପିଲାତ ଏଞ୍ଜାରାଇଁ ଏଲେଇରେସି, “ମୀରୁ ଏଞ୍ଜାଣାଇଁ ଅହାନା ପାସି ଏକଦୁ, ଇଚିହିଁ ନାନୁ ଏଞ୍ଜାଣି ତାଣା ଏନି ଦହ ବେଟାଆହିଁ ହିଲଅଁ ।”

୭ ଜୀହୁଦି ଲକୁ ଏଞ୍ଜାଣାଇଁ ଏଲେଇରେସି, “ଇଚିହିଁ ମାଜେ ରଣ୍ଡିଏ ମୋରା ମାନେ, ଏ ମୋରାଲେହେଁଏ ଏଞ୍ଜାସି ହାନି ତଣ୍ଡ ବେଟାଆନାୟି ମାନେ, ଇଚିହିଁ ଏଞ୍ଜାସି ତାଜେ ମାହାପୁରୁଚି ମୀରୁଏସି ଇଞ୍ଜିଁ ଖେସାମାନେସି ।”

୮ ଏମ୍ବାଟିଏ ପିଲାତ ଇ କାତା ଖେଞ୍ଜାନା ଗାତି ଆଜିତେସି । ୯ ଖେରେସି ମୋଡ଼ା ଇଲୁତା ହାଜାନା, ଜୀସୁଇଁ ଖେରେସି, “ନୀନୁ ଆମ୍ବୁଟି ଖାହାମାଞ୍ଜି ?” ସାମା ଜୀସୁ ସାପି ଆହାନା ତୁୟିତେସି । ୧୦ ପିଲାତ ଏଲେଇରେସି, “ନାଜେ ଜଲିମାଞ୍ଜଅତି ? ନିଜ ରୋଲିପାଲି ନା ଅଦିକାରା ମାନେ ଅଡ଼େ ପାସିତା ଏକହାଲି ନା ଅଦିକାରା ମାନେ ଇ କାତା ନୀନୁ ପୁଞ୍ଜାହିଲଅତି ?”

୧୧ ଜୀସୁ ଏଲେଇରେସି, “ମାହାପୁରୁ ତାଣାଟି ନିଜେ ଅଦିକାରା ହୀଆତିହିଁ, ନା ଲାକ ନୀ ଏନି ଅଦିକାରା ହିଲାଆତେମା; ଇଞ୍ଜାଁ ଆମ୍ବାଆସି ନାଜେ ନୀ କେୟୁତା ହେରୁପା ମାଞ୍ଜାନେସି ଏଞ୍ଜାଣି ପାପୁ ହାରେକା ।”

† ୧୮:୪୦ ୧୮:୪୦ ଇ ବାରବା ର.ତ.ରେଏସି ମାନେସି

୧୭ ଈ କାତା ଖେଞ୍ଜାନା ପିଲାତ ଜୀସୁଇଁ ପିସାଲି ତାକି ଅଣପିତେସି, ସାମା ଜୀହୁଦି ଲକ୍ଷୁ କାଲୁଞ୍ଜି ଆହୁଁ ଏଲେଇଚେରି, “ନାନୁ ଇଝାଣାଇଁ ପିହୁଦି ଆତିହୁଁ ନାନୁ କାୟିସରତି ତଟେତି ଆଏ; ଆମ୍ବାଆସି ଜାହାରାଇଁ ରାଜା ଇନେସି ଏଝାସି କାୟିସର କପାଟି କାତା ଜଲିମାନେସି ।”

୧୮ ପିଲାତ ଈ କାତା ଖେଞ୍ଜାନା ଜୀସୁଇଁ ପାଞ୍ଜାତା ଖାଲୁକାଚି ବେରଣିମାଣ୍ଡା ତାତେରି । ଏମିନାଣି ଏବୁ ହାଡାତଲେ “ଗବ୍‌ବତା” ଇଞ୍ଜୁଁ ଇନେରି, ଏ ଟାୟୁଟି ବିଚାରା କିନି ଟାୟୁତା କୁରିତେସି । ୧୯ ଏ ଦିନା ପିସ୍‌ପିଆନି ପାରୁତି ତଲିତି ଦିନା ମାଚେ, ଏତିଚେଲା ଲାଈ ସ ଗଠା ଆହାମାଚେ । ଇଞ୍ଜା ଏଝାସି ଜୀହୁଦି ଲକ୍ଷୁଣି ଏଲେଇଚେସି, “ଇଝାସି ମେହୁଦୁ ମୀ ରାଜା ।” ୧୫ ଏମ୍ବାଟିଏ ଏଝାରି ଏଲେଇଚେରି, “ଏଝାଣାଇଁ ପାୟାଦୁ, ପାୟାଦୁ, ପାସି ଏକଦୁ ।” ପିଲାତ ଏଝାରାଇଁ ଏଲେଇଚେସି, “ନାନୁ ମୀ ରାଜାଇଁ ପାସିତା ଏକଇଁ ?” କାଜା ପୁଜେରାଞ୍ଜା ଏଲେଇଚେରି, “କାୟିସର ପିସ୍‌ପେ ମା ରାଜା ଆମ୍ବାଆସି ହିଲଅସି ।”

୧୬ ଡାୟୁ ପିଲାତ ଜୀସୁଇଁ ପାସି ମୁଣ୍ଡାତା ଏକହାଲି ତାକି ଏଝାରି କେୟୁତା ହେର୍‌ପିତେସି, ଇଞ୍ଜା ଡାୟୁ ଏଝାରି ଜୀସୁଇଁ ଅହୁଁ ହାଚେରି ।

ଜୀସୁତି ପାସି ଆନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ଏଚେଟିଏ ଏଝାରି ଜୀସୁଇଁ ଅଚେରି; ଅଚେ ଜୀସୁ ଜାହାରା ପାସିମୁଣ୍ଡା ଡେକାନା “ଡାୟୁଁ ଗୁପାଁ” ଇନି ଟାୟୁତା, ଇଚିହୁଁ ଏମିନାଣି ଏବୁ ହାଡାତଲେ “ଗଲ୍‌ଗତା” ଇଞ୍ଜୁଁ ଇନେରି ଏମ୍ବାଆଁ ହାଚେସି । ୧୮ ଏମ୍ବାଆଁ ଏଝାରି ଜୀସୁଇଁ ପାସି ମୁଣ୍ଡାତା ଏକହେରି, ଏଝାଣିତଲେ ଅଚେ ରିଆରାଇଁ ପାସି ମୁଣ୍ଡାତା ଏକହେରି, ରିକଝାକି ରିଆରି ଅଚେ ମାଦିଏ ଜୀସୁ । ୧୯ ଅଚେ ପିଲାତ ର ଆକୁତା ରାଚାନା ପାସିମୁଣ୍ଡା ଲାକ ଆଟିକିଚେସି, ଏମ୍ବାଆଁ ରାସ୍‌କି ଆହାମାଚେ, “ନାଜରିତତି ଜୀସୁ ଜୀହୁଦିୟାଁ ରାଜା ।” ୨୦ ଜୀହୁଦିୟାଁ ବିତ୍ରାଟି ହାଚେରକା ଏ ଆକୁତି ପଡ଼ୁଞ୍ଜି ଆଚେରି, ଇଚିହୁଁ ଜୀସୁଇଁ ଏମିନିତାଣା ପାସି ଏପକି ଆହାମାଚେ, ଏଦି ଗାଡ଼ା ତାଗେ ମାଚେ; ଇଞ୍ଜା ଏ ଆକୁ ଏବୁ, ଲାଟିନି ଅଚେ ଗ୍ରିକ୍ ହାଡାତଲେ ରାସ୍‌କି ଆହାମାଚେ । ୨୧ ଜୀହୁଦି ଲକ୍ଷୁତି କାଜା ପୁଜେରାଞ୍ଜା ପିଲାତଇଁ ଏଲେଇଚେରି, “ଜୀହୁଦିୟାଁ ରାଜା ଇଞ୍ଜୁଁ ରାଚାଆନା, ନାନୁ ଜୀହୁଦି ଲକ୍ଷୁତି ରାଜା ଇଞ୍ଜିମାଚେସି ଇଞ୍ଜୁଁ ରାଚାମୁ ।” ୨୨ ସାମା ପିଲାତ ଏଲେଇଚେସି, “ନାନୁ ଏମ୍ବାଆଁ ରାଚାମାଇଁ ଏଲେକିହୁଁ ଏ ଡିୟିନେ ।”

୨୩ ରିଜାରି କସ୍‌କା ଜୀସୁଇଁ ପାସିତା ଏକହୁ ଡେତ ଏଝାଣି ହିମ୍ବରକା ଅହାନା ସାରି ବାଗା କିଚେରି, ର ର କହୁଁଞ୍ଜାକି ରଣ୍ଡାଲକା, ଅଚେ ଏଝାଣି ଲାମ୍ବା ସକା ଜିକେଏ ଅଚେରି । ଏ ଲାମ୍ବା ସକା ତାଚାନା ହେର୍‌କି ଟିଏ ପାଞ୍ଜାଆନା କତାୟାଁ ପାଚେକା କିଞ୍ଜି ଆହାମାଚେ । ୨୪ ଏଦାଆଁତାକି ଏଝାରି ଏଲେଇଚେରି, “ଇଦାଆଁ ଗେହୁଆପ, ସାମା ଇଦି ଆମ୍ବାଆରାଝାୟି ଆନେ, ଏଦାଆଁତାକି ପାଦି କିନ ।” ଏନିକ୍ ଦାମ୍ବୁ ପତିତି କାତା ପୁରା ଆନେ,

“ଏଝାରି ତାମି ବିତ୍ରା ନା ହିମ୍ବରକା ବାଗା କିଚେରି,

ଅଚେ ନା ଲାମ୍ବା ସକାତାକି ପାଦି କିଚେରି ।” ରିଜାରି କସ୍‌କା ସମାନା ଏଲେକିହୁଁ ଏ କିଚେରି ।

୨୫ ସାମା ଜୀସୁତି ପାସିମୁଣ୍ଡା ତାଗେ ତାମି ଇୟା, ତାମି ଇୟାନି ତାଜି, କୁପାତି ତଜ୍ଜି ମରିୟମ ଅଚେ ମଗ୍‌ଦଲିନି ମରିୟମ ନିଚାମାଚୁ । ୨୬ ଜୀସୁ ତାମି ଇୟା ଅଚେ ଏମିନି ସୀସୁଇଁ ଜୀସୁ ନହୁଁ ମାଚେସି, ଏଝାସି ତାଗେ ନିଚାମାନାଣି ମେସାନା ଏଲେଇଚେସି, “ଏ ଇୟା ମେହୁମ୍ବୁ ନୀ ମୀର୍‌ଏସି !”

୨୭ ଡାୟୁ ଜୀସୁ ଏ ସୀସୁଇଁ ଏଲେଇଚେସି, “ଇଦି ମୀ ଇୟା ।” ଏ ଦିନାଟିଏ ଏ ସୀସୁ ଜୀସୁତି ଇୟାନି ତାମି ଇଜ ଅଚେସି ।

ଜୀସୁ ହାକି

(ମାତି ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ଡାୟୁ ଜୀସୁ ଦାମ୍ବୁ ପତିତି ବଲ୍ଲୁ ଏନିକ୍ ପୁରା ଆନେ, ଏଦାଆଁତାକି ବାରେ ରାହାମାନେ ଇଞ୍ଜୁଁ ପୁଞ୍ଜାନା ଏଲେଇଚେସି, “ନାଞ୍ଜେ ଏସ୍‌କି ହଟିମାଞ୍ଜାନେ ।”

୨୯ ଏମ୍ବାଆଁ ପୁଲ୍‌ଏୟୁ ନେଞ୍ଜାମାନି ର ଡୁକା ମାଚେ; ଏଝାରି ଏମ୍ବାଆଁ ର ଡ୍ରାଞ୍ଜାଲି ମୁସାନା ବାଲ୍‌କାତି ମୁନୁତା ରୁପାନା ଜୀସୁତି ଗୁତିତା ହାଚେରି । ୩୦ ଏଚେଟିଏ ଜୀସୁ ଏ ପୁଲ୍‌ଏୟୁ ଗସାନା ଏଲେଇଚେସି, “ରାହାହାଚେ” ଏଲେଇଞ୍ଜାନା ତାୟୁଁ ଡୁଲ୍‌ସାନା ହାଚେସି ।

ଜୀସୁ ପାଡ଼କା ଚଟତା ବାଲ୍‌କା ତଲେ ଉହ୍‌ନାୟି

୩୧ ପାସି ଏପକି ଆହାମାନାରି କତାୟାଁ ତିକହାନା ଏଞ୍ଜାରି ହାଡ଼ି ମାଡ଼ହାତି ପାସି ମୁଣ୍ଡାଟି ରେପହା ତାଗାଲି ଜାହୁଦି ଲକ୍ଷ୍ମି କାଜାରି ପିଲାତଇଁ ବାଡ଼ିମାଲିତେରି, ଇତିହୁଁ ଏ ଦିନା ସୁକ୍ତି ତାନି ଅର ଦିନା ସୁଦୁ ଜମିନି ଦିନାତା ହାଡ଼ି ମାଡ଼ହା ପାସିମୁଣ୍ଡା ଲାକ ପିସାଲି ଏଞ୍ଜାରି ମନ କିହିଲିଆତେରି । ୩୨ ଇଞ୍ଜା ରିଜାରି କସ୍କା ଖାହାନା ଜାସୁତଲେ ପାସି ମୁଣ୍ଡାତା ଏକହାମାଟି ରିଆରି କତାୟାଁ ତିକହେରି । ୩୩ ସାମା ଏଞ୍ଜାରି ଜାସୁ ତାଣା ଖାହାନା ଏଞ୍ଜାରି ହାହାମାନାଣି ମେସ୍ତେରି, ଏଦାଆଁତାକି ଏଞ୍ଜାରି ଏଞ୍ଜାଣି କତାୟାଁ ତିକହାତେରି । ୩୪ ଆଡ଼ିଜିକେଏ କସ୍କା ବିତ୍ରାଟି ରଅସି ଜାସୁତି ପାଡ଼କା ଚଟତା ବାଲା ତଲେ ଗୁକହେସି ଇଞ୍ଜା ଦେବୁଣିଏ ଏମାଟି ଏୟୁ ଅଡ଼େ ନେତେରି ହଡ଼େ । ୩୫ ଆମ୍ବାଆସି ମେସାମାନେସି, ଏଞ୍ଜାସି ସାକି ହାହାମାନେସି, ଏନିକିଁ ମୀରୁ ଜିକେଏ ନାମିଦେରି; ଇଞ୍ଜା ଏଞ୍ଜାଣି ସାକି ସାତା, ଏଞ୍ଜାସି ସାତା ଖେସାମାନେସି ଇ କାତା ଏଞ୍ଜାସି ପୁଞ୍ଜାମାନେସି । ୩୬ ଇତିହୁଁ ଦାମ୍ବୁ ପତିତି କାତା ପୁରା ଆହାଲିତାକି ଇ ବାରେ ଆଡ଼େ, “ଏଞ୍ଜାଣି ର ତୁମ୍ବୁ ଜିକେଏ ତିକଅରି ।” ୩୭ ଦାମ୍ବୁ ପତିତି ଅର କାତା ଇଦି, “ଏଞ୍ଜାରି ଆମ୍ବାଆରାଇଁ ବାଲା ତଲେ ଗୁକହା ମାଗାରି ଜିକେଏ ଏଞ୍ଜାଣାଇଁ ସିନିକିନେରି ।”

ଜାସୁଇଁ ମୁହନାୟି

(ମାତି ୨୭:୫୭-୬୧; ମାର୍କି ୧୫:୪୨-୪୭; ଲୁକ ୨୩:୫୦-୫୬)

୩୮ ଇଦାଆଁ ତାୟୁ ହାରାମାତିୟାତି ଜସେପ ଇନାସି ପିଲାତ ତାଣା ହାଜନା ଜାସୁତି ଆଜା ଅହାଲି ବାଡ଼ିମାଲିତେସି । ଇ ଜସେପ ଜାସୁତି ର ସାସୁ ମାରେସି, ସାମା ଜାହୁଦି ଲକ୍ଷ୍ମି କାଜାରି ଆଜିତାକି ତୁମ୍ବାନା ମାରେସି, ପିଲାତ ଏଞ୍ଜାଣାଇଁ ହେଲ ହାହାଲିଏ ଏଞ୍ଜାସି ଜାସୁତି ଆଜା ମୁସାଲି ଅଡ଼େସି । ୩୯ ଏଞ୍ଜାଣିତଲେ ନିକଦିମ ମାରେସି । ଇ ନିକଦିମ ର ଦିନା ଲାଆଁୟାଁ ଜାସୁତଲେ କାତା ଆହାଲି ଖାହାମାରେସି, ଏ ନିକଦିମ କଡ଼େଦସ କେଜି ଗାମା ନିୟୁଁ ତାତିହୁଁ ଖାହାମାରେସି । ୪୦ ଏଞ୍ଜାରି ଜାସୁତି ଆଜା ଅହାନା ଜାହୁଦି ଲକ୍ଷ୍ମି ମୁହନି ମେରା ତଲେ ଏଦାଆଁ ଗାମା ନିୟୁଁତଲେ ପାଡ଼ାଡ଼ା ହିମ୍ବୁରି ରୁପିତେରି । ୪୧ ଜାସୁ ଏମିନି ଚାୟୁତା ପାସି ମୁଣ୍ଡାତା ଏପକି ଆହାମାରେସି ଏ ଦାରିତା ର ବାଡ଼ା ମାରେ, ଏ ବିତ୍ରା ର ପୁଞ୍ଜି ମାହଣି ମାଣ୍ଡା ମାରେ, ଏମାଆଁ ନବେଏ ଆମ୍ବାଆରାଇଁ ଇବ୍ବେ ଆହାହିଲାଆଡ଼େ । ୪୨ ଏ ଦିନା ଜାହୁଦି ଲକ୍ଷ୍ମି ଜମିନି ଦାମ୍ବୁତି ନକିତି ଦିନା ମାତାକି, ଗାତି ହେକ ହାଲାଆନା ଏଞ୍ଜାରି ଜାସୁତି ଆଜା ଅହାନା ମାହଣି ମାଣ୍ଡାତା ଇତିତେରି ।

୨୦

ଝାଉଇ ମାହଣି ମାଣ୍ଡା

(ମାତି ୨୮:୧-୮; ମାର୍କି ୧୬:୧-୮; ଲୁକ ୨୪:୧-୧୨)

୧ ଝାଉତି ମୂଲୁ ଦିନା ଲାଜ ଲାଜ ଆଦେରି ମାଞ୍ଜା ମାଞ୍ଜାନା ମଗଦଲିନି ମରିୟମ ମାହଣି ମାଣ୍ଡା ଦାରିତା ଖାହାନା ଏମାଟି ଖାଲି ଗୁତା ଆହାମାନାଣି ମେସ୍ତେ । ୨ ଇଞ୍ଜା ଏଦି ହଟି ହଟି ହାଜନା ସିମନ ପିତର ଆମ୍ବାଆରାଇଁ ଜାସୁ ଜାସୁ ନହୁଁ ମାରେସି, ଏ ସାସୁୟାଁଇଁ ଏଲେଇରେ, “ଆମ୍ବାଆରି ପ୍ରବୁଇଁ ମାହଣି ମାଣ୍ଡାଟି ଅହାମାନେରି, ଇଞ୍ଜା ଆମ୍ବିୟା ଇଗାମାନେରି ଏଦାଆଁ ମାମ୍ବୁ ପୁଞ୍ଜାହିଲଅମି ।” ୩ ଇ କାତା ଖେଞ୍ଜାନା ପିତର ଅଡ଼େ ଅର ସାସୁ ମାହଣି ମାଣ୍ଡା ଖାକି ହଚେରି । ୪ ଏଞ୍ଜାରି ରିଆରି ରହେଏ ହଚେରି, ଅର ସାସୁ ପିତରଇଁ ତାୟୁ ପିସାନା ତଲିଏ ମାହଣି ମାଣ୍ଡା ଏଡ଼େସି । ୫ ଏଞ୍ଜାସି ବଜାହାଁ ଏମିନି ପାଡ଼ାଡ଼ା ହିମ୍ବୁରି ଆଜାତା ରୁପା ମାରେରି ଏମାଆଁ ରିହାମାଗାଣି ମେସ୍ତେସି, ସାମା ବିତ୍ରା ହାଲାଆଡ଼େସି । ୬ ତାୟୁ ସିମନ ପିତର ଜିକେଏ ଖାଡ଼େସି ଇଞ୍ଜା ମାହଣି ମାଣ୍ଡା ବିତ୍ରା ହଡ଼ାନା ସିନିକିତେସି ଏମାଆଁ ପାଡ଼ାଡ଼ା ହିମ୍ବୁରିକା ମାମ୍ବୁ । ୭ ଇଞ୍ଜା ତାନି ତାୟୁଁ ତୁା ଦସାମାଟି ଏ ପାଡ଼ାଡ଼ା ହିମ୍ବୁରିକା ତଲେ ହିଲାଆଡ଼େ ଏଦି ଏଚକା ମାରେ । ୮ ଏଡ଼ିବେଲା ଏମିନି ସାସୁ ତଲିଏ ମାହଣି ମାଣ୍ଡା ତାଗେ ଖାହାମାରେସି, ଏଞ୍ଜାସି ଜିକେଏ ବିତ୍ରା ହଡ଼ାନା ମେସ୍ତେସି ଅଡ଼େ ନାମିତେସି; ୯ ଇତିହୁଁ ହାଡ଼ାରି ବିତ୍ରାଟି ଏଞ୍ଜାଣାକି ନିଜାଲି ଆନେ, ଦାମ୍ବୁ ପତିତି ଇ ବଲୁ ଏବେ ପାଡ଼େକା ତେଲହା ହିଲାଆଡ଼େରି । ୧୦ ତାୟୁ ସାସୁୟାଁ ଖେଣ୍ଡେ ଇଜ ହାଚେରି ।

ଜାସୁ ମଗଦଲିନି ମରିୟମଇଁ ତଞ୍ଜା ଆନାୟି

(ମାତି ୨୮:୯,୧୦; ମାର୍କି ୧୬:୯-୧୧)

୧୧ ସାମା ମରିୟମ ଦାହି ଦାହି ପାଜାତା ନିତା ଦୟିତେ; ଇଞ୍ଜା ଦାହି ଦାହି ବଜାହାଁ ମାହଣି ମାଣ୍ଡା ବିତ୍ରା ସିନିକିତେ, ୧୨ ଜାସୁତି ଆଜା ଏମିନି ଚାୟୁତା ଇବ୍ବିକି ଆହାମାରେ, ଏମାଆଁ ତାୟୁଁ ଖାକି ରଅସି ଅଡ଼େ

☆ ୧୯:୩୭ ୧୯:୩୭ ଖେ ବଲୁ ୧:୭ ☆ ୧୯:୩୯ ୧୯:୩୯ ଜହ ୩:୧,୨

କତାର୍ଥାଁ ଖାକି ରଥସି ଦବଲା ହିମ୍ବରକା ପରହାନା ରିଆରି ଦୁତୁୟା କୁଟାମାନାଣି ମେସ୍ତେ । ୧୩ ଏଞ୍ଜାରି ଏଦାନି ଏଲେଇଚେରି, “ଏ ଇୟା ଏନାଆଁତାକି ଡାହିମାଞ୍ଜି ?” ଏଦି ଏଞ୍ଜାରାଇଁ ଏଲେଇଚେ, “ଆମ୍ବାଆରି ନା ପ୍ରବୁଇଁ ଅହାମାନେରି, ଅଡ଼େ ଏଞ୍ଜାଣାଇଁ ଆମ୍ବିୟା ଇଟାମାନେରି ପୁଞ୍ଜାହିଲଅଁ ।”

୧୪ ଏଦି ଏଲେଇଞ୍ଜାନା ତାୟୁଞ୍ଜାକି ସିନିକିହାନା ଜୀମୁଇଁ ମେସ୍ତେ, ସାମା ଏଞ୍ଜାସି ଜୀମୁ ପୁଞ୍ଜାଲି ଆଡାଆଡେ । ୧୫ ଜୀମୁ ଏଦାନି ଏଲେଇଚେସି, “ଏ ଇୟା ଏନାଆଁତାକି ଡାହିମାଞ୍ଜି ? ଆମ୍ବାଆରାଇଁ ପାରିମାଞ୍ଜି ?”

ଏଦି ଏଞ୍ଜାଣାଇଁ ବାଡ଼ା ଗାଟାସି ଇଞ୍ଜି ଅଣ୍ଡପାନା ଏଲେଇଚେ, “ବାବୁ ନୀନୁ ଏଞ୍ଜାଣାଇଁ ଅହାମାଞ୍ଜି ଇଚିହଁ ଆମ୍ବିୟା ଇଟାମାଞ୍ଜି, ନାଜେ ଖେସ୍ତାମୁ ନାନୁ ଅଇଁ ।”

୧୬ ଜୀମୁ ଏଦାନି ଏଲେଇଚେସି, “ମରିୟମା !” ମରିୟମା ଏଞ୍ଜାଣି ଖାକି ସିନିକିହାନା ଏବି ହାଡ଼ାତଲେ ଏଲେଇଚେ, “ରାବ୍ବୁନି” ଇଚିହଁ ଏ ଗୁରୁ ।

୧୭ ଜୀମୁ ଏଦାନି ଏଲେଇଚେସି, “ନାଜେ ଆସା ଇଟାଲି ଅଣ୍ଡପାଆନି, ଇଚିହଁ ନାନୁ ନୀଏଁ ପାଚେକା ଆଡ଼ା ତାଣା ହାଜାହିଲଅଁ; ସାମା ନା ତାୟିୟାଁ ତାଣା ହାଜାନା କାବୁ ହୀମୁ, ନାନୁ ନା ଆଡ଼ା ମୀ ଆଡ଼ା ନା ମାହାପୁରୁ ମୀ ମାହାପୁରୁ ତାଣା ହାଜିମାଇଁ ।”

୧୮ ମଗବଲିନି ମରିୟମା ହାଜାନା, ନାନୁ ପ୍ରବୁଇଁ ମେସାମାଇଁ ଏଞ୍ଜାସି ନାଜେ ଇ ବାରେ କାତା ଖେସାମାଞ୍ଜାନେସି ଇଞ୍ଜି ସୀୟୁୟାଁଇଁ କାବୁ ହାଡେ ।

ଜୀମୁ ସୀୟୁୟାଁଇଁ ତଞ୍ଜା ଆନାୟି

(ମାତି ୨୮:୧୭-୨୦; ମାର୍କ ୧୭:୧୪-୧୮; ଲୁକ ୨୪:୩୭-୪୯)

୧୯ ଏ ଦିନା ଇଚିହଁ ଖାରାତି ତଲିତି ଦିନା ମିଡ଼ଅଲା ବେଲା ଏଚେତା ସୀୟୁୟାଁ ଏମିନି ଇଲୁକା ଜୀହୁଦି ଲକ୍ଷୁତି ଆଜିତାକି ଦାରାୟାଁ ସୁଣ୍ଡାମାଚେରି, ଏଚିବେଲା ଜୀମୁ ଖାହାନା ମାଦିଏ ନିଗାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ ।” ୨୦ ଏଞ୍ଜାସି ଏଲେଇଞ୍ଜାନା ତାନି କେସ୍ତା, ପାଡ଼କା ଡ଼ଇକା ତଡ଼େସି, ଏମାଟିଏ ସୀୟୁୟାଁ ପ୍ରବୁଇଁ ମେସାମା ରାହାଁ ଆଡେରି । ୨୧ ଜୀମୁ ଖେଶ୍ତେ ଏଲେଇଚେସି, “ମିଜେ ହିଡ଼ଡ଼ି ଆୟାପେ ଆଡ଼ା ଏନିକିଁ ନାଜେ ପାଣ୍ଡାମାଞ୍ଜାନେସି, ନାନୁ ଜିକେଏ ମିଜେ ଏଲେକିହଁ ଏ ପାଣ୍ଡିମାଞ୍ଜାଇଁ ।”

୨୨ ଏଲେଇଞ୍ଜାନା ଏଞ୍ଜାରି ଲାକ ନେଞ୍ଜାନା ଏଲେଇଚେସି, “ସୁଦୁଜୀଞ୍ଜୁଇଁ ଆବାକତାପୁ, ୨୩ ମୀରୁ ମାଣସିୟାଁ ପାପୁ ମ୍ବେକ୍‌ହିସାରେ, ମାହାପୁରୁ ଜିକେଏ ଏଞ୍ଜାରି ପାପୁ ମ୍ବେକ୍‌ନେସି; ଇଞ୍ଜାଁ ଆମ୍ବାଆରି ପାପୁ ମ୍ବେକ୍‌ଅଡେରି, ଇଚିହଁ ଏଞ୍ଜାଣି ପାପୁ ମେଣ୍ଡେଏ ।”

ଜୀମୁ ଅଡ଼େ ତମା

୨୪ ସାମା ଜୀମୁ ଏଚିବେଲା ଖାହାମାଚେସି, ଏଚିବେଲାତା ବାରଜାଣା ବିତ୍ରା ତମା ଆମ୍ବାଆରାଇଁ ଦିଦୁମ ଇନେରି, ଏଞ୍ଜାସି ଏଞ୍ଜାରିତଲେ ହିଲାଆଡେସି । ୨୫ ଏଚକାତି ସୀୟୁୟାଁ ଏଲେଇଚେରି, “ମାମୁ ଜୀମୁଇଁ ମେସ୍ତମି ।” ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏଞ୍ଜାଣି କେୟୁଡ଼ି କୁଚିୟାଁ ସିନା ମେହ୍‌ଆଡିହଁ ଅଡ଼େ ଏ ବାରେ ତାଣା ନା ଖାଞ୍ଜୁ ଉହ୍‌ଆନା ଇଞ୍ଜାଁ ଏଞ୍ଜାଣି ପାଡ଼କା ଡ଼ଇକା ତୀଗାଆନା ନାନୁ ଏଚେଲା ଜିକେଏ ନାମଅଁ ।”

୨୬ ଆଟାଦିନା ଜେଚ ତାନି ସୀୟୁୟାଁ ଏ ଇଲୁଚେଏ ମାଚେରି, ଅଡ଼େ ତମା ଜିକେଏ ଏଞ୍ଜାରିତଲେ ମାଚେସି, ଦାରାୟାଁ ସୁଣ୍ଡକି ଆହାମାଚୁ, ସାମା ଜୀମୁ ଖାହାନା ଏଞ୍ଜାରି ମାଦି ନିଗାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ ।” ୨୭ ତାୟୁ ଏଞ୍ଜାସି ତମାଇଁ ଏଲେଇଚେସି, “ଇମ୍ବାଆଁ ନୀ ଖାଞ୍ଜୁ ଉସାନା ସିନିକିମୁ, କେୟୁ ଦାସାନା ନା ପାଡ଼କା ଡ଼ଇକା ତୀଗାମୁ; ଆନାମାନା ଆଆନା ନାମାମୁ ।”

୨୮ ତମା ଜୀମୁଇଁ ଏଲେଇଚେସି, “ନା ପ୍ରବୁ ନା ମାହାପୁରୁ ।”

୨୯ ଜୀମୁ ଏଞ୍ଜାଣାଇଁ ଏଲେଇଚେସି, “ନୀନୁ ନାଜେ ମେସାମା ନାମିମାଞ୍ଜାଦି, ଆମ୍ବାଆରି ମେହ୍‌ଆନା ନାମିନେରି ଏଞ୍ଜାରି ନେହେଁ ।”

ଇ ପତି ଏନାଆଁତାକି ରାସ୍‌କି ଆହାମାନେ

୩୦ ଜୀମୁ ସୀୟୁୟାଁ ନକିତା ହାରେକା କାବାଆନି କାମାୟାଁ କିହାମାଚେସି, ଏଞ୍ଜି ବାରେ ଇ ପତିତା ରାସ୍‌କି ଆହାହିଲାଇ; ୩୧ ସାମା ମୀରୁ ଏନିକିଁ ନାମିଦେରି, ଜୀମୁ ମାହାପୁରୁ ମୀରୁଏସି ମସିହା,* ଇ କାତା ନାମାହାଁ ଏନିକିଁ ମୀରୁ ଏଞ୍ଜାଣି ଦରୁଚି ଜୀଞ୍ଜୁ ବେଟାଆଡ଼େରି, ଏଦାଆଁତାକି ଇ ବାରେ ରାସ୍‌କି ଆହାମାନେ ।

☆ ୨୦:୨୩ ୨୦:୨୩ ମାତି ୧୭:୧୯; ୧୮:୧୮ * ୨୦:୩୧ ୨୦:୩୧ କ୍ରାପୁ

୨୧

ସାତା ଜାଣା ସାମୁୟାଙ୍କ ଜୀବୁ ତଞ୍ଜା ଆନାୟି

୧ ଇଦାଆଁ ତାୟୁ ଜୀବୁ ତିବିରିୟା ସାମଦୁରି ଗାଟୁତା ସାମୁୟାଙ୍କ ଖେଣ୍ଡେ ତଞ୍ଜାଆଡେସି; ୨ ଏମାଆଁ ସିମନ ପିତର ତମା ଆମାଆରାଙ୍କ ଦିଦୁମ ଇନେରି, ଗାଲିଲିତି କାନା ଗାଡ଼ାତି ନିତନିୟେଲ, ଜେବଦିତି ମୀରକା ଅଡେ ତାନି ସାମୁୟା ବିଡ଼ାତି ରିଆରି କୁଡ଼ା ଆହାମାରେରି । ୩ *ସିମନ ପିତର ଏଞ୍ଜାରାଙ୍କ ଏଲେଇରେସି, “ନାନୁ ମୀଶକା ଆସାଲି ହାଜିମାଙ୍କ ।” ଏଞ୍ଜାରି ଏଞ୍ଜାଣାଙ୍କ ଏଲେଇରେରି, “ମାମୁ ଜିକେଏ ନୀ ତଲେ ଖାନମି ।” ଏଞ୍ଜାରି ହାଜାନା ତଂଗତା ହଡେରି, ଏ ଲାଆଁୟାଁ ଏଞ୍ଜାରି ଏନାଆଁ ଜିକେଏ ବେଗାଆଆଡେରି । ୪ ସାମା ଜୁଲୁପୁଲୁ ଆହାଲିଏ ଜୀବୁ ଗାଟୁତା ନିତେସି; ଆଡିଜିକେଏ ଏଞ୍ଜାସି ଜୀବୁ ଇଞ୍ଜି ସାମୁୟାଁ ପୁନାଆଡେରି । ୫ ଜୀବୁ ଏଞ୍ଜାରାଙ୍କ ଏଲେଇରେସି, “ଏ ଜକାତେରି ମୀ ତାଣା ଏନାଆଁ ମୀଶକା ମାନୁ କି ?” ଏଞ୍ଜାରି “ଆଏ” ଇଚେରି ।

୬ *ଏଞ୍ଜାସି ଏଞ୍ଜାରାଙ୍କ ଏଲେଇରେସି, “ତଂଗତି ଚିଷନିଞ୍ଜାକି ଜାଲା ମେଡ଼ଦୁ, ଆତିହୁଁ ମୀରୁ ବେଗାଆଡେରି ।” ଏମାଟିଏ ଏଞ୍ଜାରି ଜାଲା ମେଡ଼ହେରି, ଏମାଆଁ ଇଚେକା ମୀଶକା ଖାଟୁ ଏଞ୍ଜାରି ଏନାଆଁ ବେଜାଲି ଆଡ଼ାଆଡେରି ।

୭ ଏମାଟିଏ ଜୀବୁ ଏନିନି ସାମୁୟାଙ୍କ ଜୀବୁ ନହୁଁ ମାଚେସି, ଏ ପିତରଙ୍କ ଏଲେଇରେରି, “ଇଞ୍ଜାସିତ ପ୍ରୁ ।” ସିମନ ପିତର ଇ କାତା ଖେଞ୍ଜାନା ତୁମଣ୍ଡା ମାତାକି ତାନି ସକା ତୁରହାନା ସାମଦୁରିତା ଡେଞ୍ଜିତେସି; ୮ ସାମା ଏଚକାତି ସାମୁୟାଁ ନେଞ୍ଜାମାନି ମୀଶକା ଜାଲାତି ରେଜି ରେଜି ତଂଗତି ଗାଟୁତା ତାତେରି, ଇଚିହୁଁ ଏଞ୍ଜାରି ଗାଟୁଟିଏ ହାରେକା ହେକ ହାଜା ହିଲାଆଡେରି । ୯ ଏଞ୍ଜାରି ସାମଦୁରି ଗାଟୁତା ରେଚାନା, ଏମାଆଁ ରୀଜାୟାଁତି ହିତୁ ଇଞ୍ଜାଁ ହିତୁ ଲାକ ମୀଶକା ଅଡେ ରୁଟି ଇଚାମାନାଣି ମେସ୍ତେରି । ୧୦ ଜୀବୁ ଏଞ୍ଜାରାଙ୍କ ଏଲେଇରେସି, “ମୀରୁ ନୀଏଁ ଏନିନି ମୀଶକା ଆସାମାଞ୍ଜେରି ଏମାଟି ଇଚରା ତାଚିହୁଁ ଖାଦୁ ।”

୧୧ ସିମନ ପିତର ହାଜାନା ସାତାକଡ଼ି ଡେରଗଟା ମୀଶକା ମାତି ଜାଲାତି ଗାଟୁତା ରେଜା ତାତେସି; ଇଚେକା ମୀଶକା ତାକି ଜିକେଏ ଜାଲା ତାମାଆଡେ । ୧୨ ଜୀବୁ ଏଞ୍ଜାରାଙ୍କ ଏଲେଇରେସି, “ଖାଦୁ ତିଞ୍ଜୁ ।” ସାମୁୟାଁ ବିଡ଼ାତି ଆମାଆରି ଏଞ୍ଜାଣାଙ୍କ ନାନୁ ଆମାଆତି ଇଞ୍ଜି ଖେଞ୍ଜାଲି ସାସା କିଆଡେରି, ଇଚିହୁଁ ଏଞ୍ଜାସି ପ୍ରୁ ଇ କାତା ଏଞ୍ଜାରି ପୁଞ୍ଜାମାଚେରି । ୧୩ ଜୀବୁ ଖାହାନା ରୁଟି ଅହାନା ହାତେସି, ଇଞ୍ଜାଁ ମୀଶକା ଜିକେଏ ଏଲେକିହୁଁ ଏ ହାତେସି । ୧୪ ଜୀବୁ ହାକିଟି ନିଜିତି ତାୟୁ ଇଦି ତାନି ପାଲି ତାକି ସାମୁୟାଙ୍କ ତଞ୍ଜାଆଡେସି ।

ଜୀବୁ ଅଡେ ପିତର

୧୫ ଏଞ୍ଜାରି ତିଞ୍ଜାଲି ଆଡ଼ିତି ଜେତ ଜୀବୁ ସିମନ ପିତରଙ୍କ ଖେଚେସି, “ଏ ଜହନତି ମୀରଏଣା ସିମନ ଏନାଆଁ ନାନୁ ନାଜେ ଇଞ୍ଜାରି କିହା ହାରେକା ଜୀବୁ ନହୁଁ ମାଞ୍ଜାଦି ?” ଏଞ୍ଜାସି ଏଲେଇରେସି, “ଏ ପ୍ରୁ ନାନୁ ନିଜେ ଜୀବୁନହୁଁ ମାଞ୍ଜାଙ୍କ ନାନୁ ଏନାଆଁ ପୁଞ୍ଜାମାଞ୍ଜି ।” ଜୀବୁ ଏଞ୍ଜାଣାଙ୍କ ଏଲେଇରେସି, “ନା ମେଣ୍ଡା ତାଲକାଣି ତାହମୁ ।” ୧୬ ଜୀବୁ ଖେଚେ ରୀ ପାଲି ତାକି ଖେଚେସି, “ଏ ଜହନତି ମୀରଏଣା ସିମନ ଏନାଆଁ ନାନୁ ନାଜେ ଜୀବୁ ନହୁଁ ମାଞ୍ଜାଦି ?” ଏଞ୍ଜାସି ଏଲେଇରେସି, “ଏ ପ୍ରୁ ନାନୁ ନିଜେ ଜୀବୁନହୁଁ ମାଞ୍ଜାଙ୍କ ନାନୁ ଏନାଆଁ ପୁଞ୍ଜାମାଞ୍ଜି ।” ଏଞ୍ଜାସି ଏଞ୍ଜାଣାଙ୍କ ଏଲେଇରେସି, “ନା ମେଣ୍ଡାୟାଁଣି ପହିକିମୁ ।” ୧୭ ଜୀବୁ ଅଡେ ତାନି ପାଲି ତାକି ଖେଚେସି, “ଏ ଜହନତି ମୀରଏଣା ସିମନ ଏନାଆଁ ନାନୁ ନାଜେ ଜୀବୁ ନହୁଁ ମାଞ୍ଜାଦି ?” ଏଲେଇଞ୍ଜି ତାନି ପାଲି ଖେଞ୍ଜାଲିଏ ଏଞ୍ଜାସି ଦୁକୁ ଆହାନା ଏଲେଇରେସି, “ଏ ପ୍ରୁ ନାନୁ ବାରେ ପୁଞ୍ଜାମାଞ୍ଜି; ନାନୁ ନିଜେ ଜୀବୁନହୁଁ ମାଞ୍ଜାଙ୍କ, ଏନାଆଁ ନାନୁ ପୁଞ୍ଜାମାଞ୍ଜି ।” ଜୀବୁ ଏଞ୍ଜାଣାଙ୍କ ଏଲେଇରେସି, “ନା ମେଣ୍ଡାୟାଁଣି ଜାଡ଼ନୁ ଅମୁ ।”

୧୮ ନାନୁ ମିଜେ ସାତା ଖେସିମାଞ୍ଜାଙ୍କ, ନାନୁ ଦାଂଗଣା ମାନି ବେଲାତା ନୀ ଚେତେଲି ରୁପା କତାନା ଆମ୍ବିୟାଞ୍ଜାକି ନୀ ମନ ଏନିକା ରେଜିମାଚି, ସାମା ବୁଡ଼ହା ଆଡ଼ିହୁଁ ନାନୁ ନୀ କେସା ଦାହୁଦି ଇଞ୍ଜାଁ ଅର ରଅସି ନୀ ଚେତେଲିତା ଦସାନା ଆମ୍ବିୟା ନୀ ମନ ହିଲେଏ ଏନିକା ରେଜା ଅୟାନେସି । ୧୯ ପିତର ଏନିଲେହେଟି ହାକି ତଲେ ମାହାପୁରୁଙ୍କ ଗାଞ୍ଜୁରମି କିନେସି, ଏନାଆଁ ପୁଣ୍ଡି କିହାଲି ଏଲେଇଞ୍ଜାମାଚେସି । ଏଲେଇତି ତାୟୁ ଏଞ୍ଜାସି ଏଞ୍ଜାଣାଙ୍କ ଏଲେଇରେସି, “ନା ଜେତ ଖାମୁ ।”

ଜୀବୁ ତାନି ଜୀବୁତି ସାସୁ

୨୦ *ଜୀସୁ ଏମିନି ସୀସୁଇଁ ଜୀସୁ ନହୁଁ ମାରେସି, ଅଡ଼େ ଲାଆଁୟାଁ ବଜି ବେଲାତା ତାନି ବକତା ଲାବାନା ପ୍ରବୁ ନିଜେ ଆମ୍ବାଆସି ସାତୁୟାଁ କେୟୁତା ହେରପାନେସି ଇଞ୍ଜିଁ ୱେଞ୍ଜାମାରେସି, ଏ ସୀସୁ ଜେଚ ଖାହିମାନାଣି ପିତର ୱେଣ୍ଡେ ଡିରଞ୍ଜାନା ମେସ୍ତେସି । ୨୧ ପିତର ଏଞ୍ଜାଣାଇଁ ମେସାନା ଜୀସୁଇଁ ୱେରେସି, “ପ୍ରବୁ ଇଞ୍ଜାଣି କାତା ଏନାଆଁ ଇଞ୍ଜିମାଞ୍ଜି ?”

୨୨ ଜୀସୁ ଏଞ୍ଜାଣାଇଁ ଏଲେଇରେସି, “ନା ୱାନି ଦିନା ପାତେକା ଡୟାପେସି ଇଞ୍ଜିଁ ନାନୁ ମନ କିଇଁ, ଆତିହୁଁ ଏମ୍ବାଆଁ ନାଦି ଏନାୟି ମାନେ ? ନାନୁ ନା ଜେଚ ୱାମୁ ।”

୨୩ ଏମ୍ବାଟିଏ ଏ ସୀସୁ ହାଅସି, ଇ କାତା ତାୟିୟାଁ ବିତ୍ରା ୱେଙ୍ଗାହାରେ, ସାମା ଏଞ୍ଜାସି ହାଅସି ଇଞ୍ଜିଁ ଜୀସୁ ଏଞ୍ଜାଣାଇଁ ଏଲେଇଞ୍ଜା ହିଲାଆଡେସି, ସାମା ନା ୱାନି ଦିନା ପାତେକା ଏଞ୍ଜାସି ଡୟାପେସି ଇଞ୍ଜିଁ ନାନୁ ମନ କିଇଁ, ଆତିହୁଁ ଏମ୍ବାଆଁ ମୀ ଏନାୟି ମାନେ ଇଞ୍ଜିଁ ୱେସାମାରେସି ।

୨୪ ଆମ୍ବାଆସି ଇ ବାରେ ସାକି ହାହିମାନେସି, ଅଡ଼େ ଇ ବାରେ ରାତାମାନେସି, ଏଞ୍ଜାସି ଏ ସୀସୁ; ଅଡ଼େ ଏଞ୍ଜାଣି ସାକି ସାତା ଇଦାଆଁ ମାମୁ ପୁଞ୍ଜାମାନମି ।

ରାନି ହାଡ଼ା

୨୫ ଜୀସୁ ହାରେ ହାରେକା କାମାୟାଁ କିହାମାରେସି; ଏ ବାରେ ରଣ୍ଡା ରଣ୍ଡାଆଁ କିହୁଁ ରାଡିତିହୁଁ ମା, ଇରେକା ପତିୟାଁ ରାସକି ଆତୁମା, ଇତିହୁଁ ନା ଅଣପୁତା ବାରେ ଦାଡ଼ତିତା ଜିକେଏ ଏ ବାରେ ଇଟାଲି ଟାୟୁ ଆଆଡେମା ।

ପ୍ରେରିତ ମାନଙ୍କ କାର୍ଯ୍ୟ ପାଣ୍ଡୁ ଥାହାମାନାରି କାମା ମୂଲୁ ହାଡ଼ା

ପାଣ୍ଡୁ ଥାହାରି କାମାତି ପତି କୁଲମିକା ମାଟୁହି କାତା ଅଡ଼େ ଜୀସୁ ଲାକପୁରୁ ହାନି ନକେଏ ତାନି ସୀସୁୟାଣି ଖେସାମାତି ଲେହେ, ଏନିକି ଜିରୁସାଲମତିଏ ଜୀହୁଦା, ସମିରଣ, ଅଡ଼େ ସାରିଖାକି ଏତେ, ଏ କାତାତି ପୁସପନି ୧:୮ ଇ ପତି ଲୁକ ରାଡ଼ାମାରେସି, ଆମାଆସି ଲୁକ ରାଡ଼ାମାନି ନେହୁ କାବୁ ରାଡ଼ାମାରେସି । ଏଝାସି ତାକାଦର ମାରେସି ଇଞ୍ଜା ବାରେ କାତା ଜାଡ଼ନୁ ତଲେ ରାଡ଼ାମାରେସି । ଏଝାସି ତାନି ଲୁକ ନେହୁ କାବୁ ପାଣ୍ଡୁ ଥାହାମାନାରି କାମା ଇ ରା ପତିତା ଜିକେଏ ତିୟପିଲ ଇଞ୍ଜା ଖେସାମାନେସି, ଏଝାସି ଗ୍ରିକ ଲକ୍ଷ ମାରେସି, ସାମା ଗ୍ରିକ ଅଡ଼େ ଜୀହୁଦି ଲକ୍ଷଣି ଆଟୁହି କ୍ରୀସ୍ତାନା ଲକ୍ଷକି ଜିକେଏ ଇ ପତି ରାସ୍ତକି ଆହାମାରେ ୧:୧ ।

କ୍ରୀସ୍ତ ଜାର୍ନାଆଡ଼ି ତାୟୁ ୬୦-୬୪ ବାର୍ଯା ବିତ୍ତା ପାଣ୍ଡୁ ଥାହାଡ଼ି ପତି ରାସ୍ତକି ଆହାମାଣମ୍ବିନେ, ଏନାଆଁତାକି ଇତିହୁ ପାଞ୍ଜୁଲ କାୟିଦିତି ପିସପିଆଡ଼ି ନକେଏ ପତି ରାଡ଼ାଲି ରାହାମାରେ । ଲୁକ ଜିକେଏ ପାଣ୍ଡୁ ଥାହାଡ଼ି ପାଞ୍ଜୁଲ ତଲେ ରେଜିମାରେସି ଅଡ଼େ ଆନ୍ତିୟକତି ଗାଡ଼ାତା ଇ ପାଣ୍ଡୁ ଥାହାମାନାରି କାମା ପତି ରାଡ଼ାମାରେସି । ପାଣ୍ଡୁ ଥାହାରି କାମା ପତି “ଲୁକ ରାଡ଼ାମାନି ନେହୁ କାବୁ” ରାଡ଼ିତି ଜେଟ ଜେଟ ଜୀସୁ ଲାକପୁରୁ ହାଜାଲିଏ ରାଡ଼ାଲି ମାଟୁହା ମାରେସି । ଲୁକ ତାନି ନେହୁ କାବୁ ଏନାଆଁତାକି ରାଡ଼ାମାରେସି, ଏଲେକିହୁଏ ଇ ପାଣ୍ଡୁ ଥାହାମାନାରି କାମା ପତି ରାଡ଼ାମାରେସି । ଏଝାସି ତିୟପିଲ ଅଡ଼େ ଗାଡ଼ି ଜାନା ଆହିମାନି କ୍ରୀସ୍ତାନା ଲକ୍ଷକି ଏନାଆଁ ଜାପୁଡ଼ି ଆହାମାରେ, ଏମାଆଁ ତାରି ଆହାଲି ଅଣପିମାରେସି, ଏଦାଆଁତାକି ଜୀସୁତି ବାରେ କାତା ଅଡ଼େ କ୍ରୀସ୍ତାନା ଲକ୍ଷ ବାରେଖାକି ଆହିମାନି କାତା ରାଡ଼ାମାନେସି ।

ପାଣ୍ଡୁ ଥାହାମାନାରି କାମା ପତି ମୂଲୁଏ ଆଡ଼ି କୁଲମିକାତି କାତା ଅଡ଼େ ଜୀସୁ ତାଣା ନାମୁତଲେ ନୀତିନାୟି ଏନିଆହୁ ତଞ୍ଜା ଆନାୟି ଏଦାଆଁ ମାଜେ ଖେସ୍ତାନେ । ସୁଦୁଜୀଞ୍ଜୁତି ବାଡ଼ୁଡ଼ୁ ତଲେ ଏନିକିହୁ ଏଟକା ଲକ୍ଷତାଣା ନେହୁ କାବୁ ଏପନାୟି ପାଣ୍ଡୁ ଥାହାରି କାତା ଖେସ୍ତାନେ ।

ପତିତା ମାନାୟି

- ୧. ମୂଲୁଏ ସୀସୁୟାଁ ଲାକ ସୁଦୁଜୀଞ୍ଜୁ ଖାନାୟି ଅଡ଼େ କୁଲମି ପାତାଆନାୟି । ୧:୧-୮:୧
- ୨. କୁଲମି ସାସ୍ତି ବେଟାଆନାୟି ଅଡ଼େ ଜିରୁସାଲମ ସାରିଖାକି ଏନାୟି । ୮:୨-୧୨:୨୩
- ୩. ପାଞ୍ଜୁଲ ମୂଲୁଏ ତାନି ସେବା କାମାତାକି ହାନାୟି । ୧୨:୨୪-୧୪:୨୮
- ୪. ଜିରୁସାଲମତା କୁଟିନି କୁଗିନାୟି । ୧୫:୧-୩୫
- ୫. ପାଞ୍ଜୁଲ ରୀ ପାଲି ତାନି ସେବା କାମାତା ହାନାୟି । ୧୫:୩୬-୧୮:୨୨
- ୬. ପାଞ୍ଜୁଲ ତାନି ପାଲି ତାନି ସେବା କାମାତା ହାନାୟି । ୧୮:୨୩-୨୦:୩୮
- ୭. ପାଞ୍ଜୁଲ ଜିରୁସାଲମତା ଦସପି ଆନାୟି । ୨୧-୨୬
- ୮. ରମ୍ପତା ପାଞ୍ଜୁଲକି ପାଣ୍ଡିନାୟି । ୨୭-୨୮

ସୁଦୁଜୀଞ୍ଜୁ ତାକି ଆଞ୍ଜିନାୟି

୧*ଏ ଜୀଞ୍ଜୁତି ତିୟପିଲ, ନା ମୂଲୁତି ପତିତା ଇ ବାରେ କାତା ରାଡ଼ାମାକି, ଜୀସୁ ଏମିନି କାମା ମାଟୁହେସି ଅଡ଼େ ଜାପୁହେସି, ୨*ଏ ଦିନା ପାତେକା ଏଝାସି ପାଣ୍ଡୁ ଥାହାରି ଆଡ଼ାମାରେସି, ସୁଦୁଜୀଞ୍ଜୁ ତଲେ ହୁକ୍ସି ହୀହାନା ଲାକପୁରୁ ଅଡ଼ି ଆହାମାରେସି । ୩*ଏରେଟିଏ ଜୀସୁ ତାନି ଦୁକୁ ବେଟାଆଡ଼ି ତାୟୁ ହାରେକା ଦିନା ଏଝାସି ଜୀଞ୍ଜୁତଲେ ମାରେସି ଇଦାଆଁ ପାଣ୍ଡୁ ଥାହାମାନାରି ତାଣା ପାର୍ମାଣା କିତେସି, ଇଞ୍ଜା ରୀ କଡ଼ି ଦିନା ପାତେକା ହାରେକା ଦେବା ତଞ୍ଜାଆହାନା ମାହାପୁରୁ ରାଜିତି କାତା ଜାପୁହେସି । ୪*ଏ ଦିନା ଏଝାରି ରଣିଏ ତାଣା ତିଞ୍ଜାଲି କୁଡ଼ା ଆହାମାତି ବେଲତା ଜୀସୁ ଏଞ୍ଜାକି ଇ ହୁକ୍ସି ହୀହେସି; “ମୀରୁ ଜିରୁସାଲମ ପିୟାଁ ଆମ୍ବିୟା ହାଲୀଆଦୁ, ସାମା ମୀରୁ ମାହାପୁରୁ ଆଡ଼ାତି ଆଞ୍ଜାମାନାଣି ନା ତାଣାତି ଖେଞ୍ଜା ମାଞ୍ଜେରି, ଏଦାଆଁ

* ୧:୧ ୧:୧ ଲୁକ ୧:୧-୪ * ୧:୪ ୧:୪ ଲୁକ ୨୪:୪୯

ପାଣ୍ଡବ ପାତକେ କାତାନା ତୟାଦୁ: * ଇତିହଂ ଜହନ ଏୟୁତା ବାପ୍ତିସ୍ତ* ହୀତେସି ସାତା, ସାମା ମୀରୁ ଏଚରଦିନା ଜେଚ ସୁଦୁଜୀଞ୍ଜୁ ତଲେ ବାପ୍ତିସ୍ତ† ବେଟାଆଦେରି ।”

ଜୀସୁ ଲାକପୁରୁ ହାନାସି

(ମାର୍କ ୧୭:୧୯-୨୦; ଲୁକ ୨୪:୫୦-୫୩)

୨ ର ଦିନା ପାଣ୍ଡବି ଆଡ଼ାରି ରୁଣ୍ଡା ଆହାମାଟି ବେଲା ଜୀସୁଇଁ ଖେତେରି, “ପ୍ରବୁ, ନୀନୁ ଏନାଆଁ ନୀଏଁ ଇସ୍ରାୟେଲ କେୟୁତା ଅଡ଼େ ଖେଣ୍ଡେ ଇ ରାଜିତି ହେରୁପିଦି ?”

୨ ଜୀସୁ ଏଞ୍ଜାରାଇଁ ଏଲେଇଚେସି, “ଆମିନି ଦିନା ଅଡ଼େ କାଲା ନା ଆବା ତାନି ଅଦିକାରତା ଇଗାମାନେସି, ଏ ବାରେ ମିଜେ ପୁଞ୍ଜାଲି ଲତା ଆଏ । † *ସାମା ସୁଦୁଜୀଞ୍ଜୁ ମୀ ତାଣା ଖାଡ଼ିସାରେ, ମୀରୁ ବାଡ଼ୁରୁ ବେଟାଆଦେରି, ଇଞ୍ଜା ଜିରୁସାଲମ ବାରେ ଜୀହୁଦା ଦେସା ଇଞ୍ଜା ସମିରଣତା ଅଡ଼େ ବୁମି ମୁଡ଼ପେ ତାକି ନା ସାକି ଆଦେରି ।” † *ଏଞ୍ଜାସି ଇ ବାରେ କାତା ଖେସ୍ତି ତାୟୁ ଏଞ୍ଜାରି ମେସପିନିଏ ଜୀସୁ ଲାକପୁରୁ ହାଚେସି, ଅଡ଼େ ଇଗାୟି ଦୁୟା ଏଞ୍ଜାଣାଇଁ ଏଞ୍ଜାରି ତାଣାଟି ଅହଁ ହାଚେ, ଏଞ୍ଜାରି ଅଡ଼େ ଏଞ୍ଜାଣାଇଁ ମେହୁଆଚେରି ।

୧୦ ଏଞ୍ଜାସି ଲାକପୁରୁ ହାଜାଲିଏ ଜିକେଏ ଏଞ୍ଜାରି ହାଗୁଞ୍ଜାକି ମୁମ୍ବୁ କୁହାନା ସିନିକିହି ମାନେରି; ଏଚିବେଲା ଦବଲା ହିମ୍ବୁରିକା ହୁତାମାନି ରିଆରି ଦେଦୁଣିଏ ଏଞ୍ଜାରି ନକିତା ନିତେରି, ୧୧ ଇଞ୍ଜା ଏଞ୍ଜାରି ଏଲେଇଚେରି “ଏ ଗାଲିଲିତି ଲକୁତେରି, ଏନାଆଁତାକି ହାଗୁଞ୍ଜାକି ମୁମ୍ବୁ କୁହାନା ନିଚାମାଖେରି ? ଇ ଆମିନି ଜୀସୁ ମୀ ତାଣାଟି ଲାକପୁରୁ ଅଡ଼ିଆଚେସି, ଏଞ୍ଜାଣାଇଁ ଏନିକିଁ ଲାକପୁରୁ ହାଚାଣି ମୀରୁ ମେସ୍ତେରି, ଅଡ଼େ ଏଲେକିହିଁ ଏ ଖେଣ୍ଡେ ଖାନାଣି ମେହୁଦେରି ।”

ଜୀହୁଦା ଚାୟୁତା ମାତିୟୁଇଁ ଆଚିନାସି

୧୨ ଏମାଟିଏ ତାୟୁ ଏଞ୍ଜାରି ଜୀତ ଇନି ହରୁ ଲାକଟି ଜିରୁସାଲମତା ଖେଣ୍ଡାଖାଚେରି, ଏ ଜୀତ ହରୁଟିଏ ଜିରୁସାଲମ ର ଲିଲମିଚର ହେକ ମାଚେ । ୧୩ *ଇଞ୍ଜା ଏଞ୍ଜାରି ପିତର, ଜହନ, ଜାକୁବ, ଆୟିୟ, ପିଲିପ, ତମା, ବାର୍ତଲମି, ମାତିୟୁ, ଆଲେପି ମୀରୁଏସି ଜାକୁବ, ଦେସାତି ଜୀସୁ ନନି ସିମନ ଅଡ଼େ ଜାକୁବ ମୀରୁଏସି ଜୀହୁଦା, ଗାଡ଼ାତା ଏଜାନା, ଏମିନି ଲାକନି ଇଲୁତା ବାସା ଆହାମାଚେରି, ଏମାଆଁ ହାଚେରି । ୧୪ ଏଞ୍ଜାରି ବାରେଜାଣା ଇୟାସିକା ତଲେ ଇଞ୍ଜା ଜୀସୁତି ଇୟା ମରିୟମ ଅଡ଼େ ତାମି ତାୟିୟାଁ ତଲେ ରଣିଏ ଅଣପୁ ତଲେ ପ୍ରାତାନା କିହିଁ ରୁଣ୍ଡା ଆହାମାଚେରି ।

୧୫ ଏଚରଦିନା ତାୟୁ ନାମିତାରି କୁଡ଼ା ଆହାମାଚେରି, ଏମାଆଁ ସ କଡ଼ି ଜାଣା ଲକୁ କୁଡ଼ା ଆହାମାଚେରି, ପିତର ତାୟିୟାଁ ବିତ୍ରାଟି ନିଚାନା ଏଲେଇଚେସି, ୧୬ “ଜୀସୁତି ତାୟିୟାଁ ଅଡ଼େ ତାକିସା, ଆମିନି ଇୟାରିୟତ ଜୀହୁଦା ଜୀସୁଇଁ ସାଡ଼ୁୟାଁ କେୟୁତା ଆସପି କିହାଲିତାକି ଜିରୁ ତସାମାଚେସି, ଏଞ୍ଜାଣି ତାକି ସୁଦୁଜୀଞ୍ଜୁ ନଚେଏ ଦାଞ୍ଜୁଦ ଗୁଡ଼ିତି ଏନାଆଁ ଖେସାମାଚେସି, ଏ ଦାମ୍ବୁ ସାସ୍ତେରି ପୂରା ଆନାୟି ମାଚେ; ୧୭ ଇତିହିଁ ଏଞ୍ଜାସି ମା ବିତ୍ରାଟି ରଅସି ଇଞ୍ଜାଁ ଏଜିକିଞ୍ଜି ଆହୁମାଚେସି, ଅଡ଼େ ଇ ସେବା କାମାତା ପାଣା ବେଟାଆହା ମାଚେସି ।”

୧୮ *ଇ ଇୟାରିୟତ ଜୀହୁଦା ଲାଗେଏ କାମା କିତି ତାବୁୟାଁ ତଲେ ରଚାଣି ବୁମି କଡ଼ି ଆହାମାଚେ, ଅଡ଼େ ଏଞ୍ଜାସି ହାଡ଼ି ତାଣା ତାୟୁଁ ତୁଇକିହିଁ ତରଗାଲିଏ ତାନି ବାଣ୍ଡି ତାୟାହାଚେ ଇଞ୍ଜା ଖାହିୟାଁ ହଡ଼ାହାଚୁ । ୧୯ ଅଡ଼େ, ଇଦାଆଁ ଜିରୁସାଲମ ଗାଡ଼ାତା ବାସା କିହିମାନି ଲକୁ ବାରେ ପୁଞ୍ଜାଲିଏ ଏ ବୁମିତି ଏଞ୍ଜାରି ହାଡ଼ାତଲେ “ହକଲୁଦାମା” ଇଚିହିଁ “ନେତେରି ବୁମି” ଇଞ୍ଜାଁ ଖେଜିଚେ ।

୨୦ ଅଡ଼େ ପାଚୁ ପତିତା ରାସ୍ତିକି ଆହାମାନେ,

“ଏଞ୍ଜାଣି ବାସାଗାୟୁ ଖାରୁଆୟି ଆପେ;

ଏମାଆଁ ଆମ୍ବାଆରି ବାସା କିଆପେରି ।”

ଅଡ଼େ ଜିକେଏ ରାସ୍ତିକି ଆହାମାନେ;

“ଏଞ୍ଜାଣି କାମାଡ଼ି ପାଣା ଅର ରଅସି ବେଟା ଆପେସି ।”

୨୧ *ଏଦାଆଁତାକି, ପ୍ରବୁ ଜୀସୁ ଖେଣ୍ଡେ ନିଜିତି କାତା ସାକି ଆହାଲି ଅର ରଅସି ମା ତଲେ ଆଣ୍ଡାନାୟି ମାନେ । ୨୨ ଜୀସୁ ଜହନ ତାଣାଟି ବାପ୍ତିସ୍ତ‡ ଅଡ଼ି ବେଲାଟିଏ ଲାକପୁରୁ ହାନି ପାତକେମା ପ୍ରବୁ ଜୀସୁ ମା ତଲେ

* ୧:୫ ୧:୫ ମାତି ୩:୧୧; ମାର୍କ ୧:୮; ଲୁକ ୩:୧୭; ଜହ ୧:୩୩ * ୧:୫ ୧:୫ ମୁଞ୍ଜିନାୟି † ୧:୫ ୧:୫ ମୁଞ୍ଜିନାୟି * ୧:୮ ୧:୮ ମାତି ୨୮:୧୯; ମାର୍କ ୧୭:୧୫; ଲୁକ ୨୪:୪୭-୪୮ * ୧:୯ ୧:୯ ମାର୍କ ୧୭:୧୯; ଲୁକ ୨୪:୫୦, ୫୧ * ୧:୧୩ ୧:୧୩ ମାତି ୧୦:୨-୪; ମାର୍କ ୩:୧୭-୧୯; ଲୁକ ୭:୧୪-୧୭ * ୧:୧୮ ୧:୧୮ ମାତି ୨୭:୩-୮ * ୧:୨୧ ୧:୨୧ ମାତି ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧ ‡ ୧:୨୨ ୧:୨୨ ମୁଞ୍ଜିନାୟି

ନୀତାମାଟି ବେଲ୍ଲୀତା, ଆମିନି ଲକ୍ଷ୍ମୀ ମା ଗତିତା ମାରେରି, ଏଞ୍ଜାରି ତାଣ୍ଡାଟି ରଅସି ଝେଣ୍ଡେ ନିଜିନି ସାକି ଆନାୟି ମାନେ ।”

୨୩ ଏଚେଟିଏ ଏଞ୍ଜାରି ରିଆରାଇଁ ଇଚିହୁଁ ଜସେପଇଁ, ଆମ୍ବାଆରାଇଁ ବସିବା ଇନେରି ଅଡ଼େ ଆମ୍ବାଆରି ହାଡ଼ା ଦରୁ ଜୁସ୍ତ ଏଞ୍ଜାଣାଇଁ ଇଞ୍ଜା ମତିୟଇଁ ବାଟି କିହାନା, ୨୪ ଇ ପ୍ରାତାନା କିଚେରି, “ପ୍ରବୁ ନୀନୁ ବାରେଡି ହିୟାଁଟି ଅଣ୍ଡାପୁ ପୁନାଟି, ଜାହୁଦା ଏମିନି ଚାୟୁଡା ଡ଼ୟିନାୟି ମାନେ ଏଞ୍ଜାସି ହାଜାଲିଏ, ଏଞ୍ଜାଣି ଚାୟୁଡା ଇ ରିଆରି ବିଡ଼ାଟି ନୀ ତାଣ୍ଡାଟି ଆଡ଼ିତାସି ଆମ୍ବାଆସି, ୨୫ ଏ ପାଣ୍ଡାଫି ଆହାମାନାରି ସେବା କାମା କିହାଲି ଆମ୍ବାଆରାଇଁ ଜାହୁଦା ପାଣ୍ଡାତା ବାଟି କିହାମାଞ୍ଜି ତସ୍ତାମ୍ ।” ୨୬ ଅଡ଼େ ଏଞ୍ଜାରି ଏରିଆରି ତାକି ପାଦି କିହାଲିଏ ମତିୟ ଦରୁତଲେ ଆଡେ; ଅଡ଼େ ଏଞ୍ଜାସି ଏଗାର ଜାଣା ପାଣ୍ଡାଫି ଆହାମାନାରି ଗତିତା ଆଣ୍ଡିତେସି ।

୨

ସୁଦୁଜୀଞ୍ଜୁ ରେଚା ଖାନାୟି

୧ ପେଡ଼ିକସ୍ତ* ଦିନାତା କ୍ରୀସ୍ତଇଁ ନାମିତି ବାରେଜାଣା ର ଚାୟୁଡା ରୁଣ୍ଡା ଆହାମାଚେରି । ୨ ଏ ଦେବୁଣିଏ କାଜା ଗାଲି ଖାହିମାନି ଲେହେଁ ଏ ହାଡ଼ା ଲାକପୁରୁଟି ଖାହାଁ, ଆମିନି ଇଲୁଡା ଏଞ୍ଜାରି କୁଗାମାଚେରି, ଏ ଇଲୁଟି ବାରେଖାକି ଝେଜିତେ । ୩ ଇଞ୍ଜା ହିରୁ ଗୁଦଞ୍ଜା ଲେହେଁ ତଞ୍ଜାଆହାନା ଏଞ୍ଜାରି ନକିତା ରଣ୍ଡି ରଣ୍ଡି ଆହୁଁ ଏ ବାରେଜାଣାଟି ଲାକ ରେଚାଞ୍ଜାଚେ । ୪ ଏମ୍ବାଟିଏ ଏଞ୍ଜାରି ବାରେଜାଣା ସୁଦୁଜୀଞ୍ଜୁ ବେଗାଆହାନା ଏ ଜୀଞ୍ଜୁ ଏନିକିଁ ଜଲ୍ଲାଲି ବାଡ଼ୁୟୁ ହୀଚେ, ଏଲେକିଁ ଏଞ୍ଜାରି ଏଚକା ଏଚକା ହାଡ଼ାତଲେ ଜଲ୍ଲାଲି ମାଡ଼ହେରି ।

୫ ଏଚିବେଲ୍ଲୀତା ପେଡ଼ିକସ୍ତ ପାର୍ବୁତାକି ହାଗୁ ଡ଼ଇତି ଏଚକା ଏଚକା ଦେସାଟି ଖାହାମାଟି ଜାହୁଦି ଲକ୍ଷ୍ମୀ ଜିରୁସାଲମତା ଡ଼ୟା ମାଚେରି; ୬ ଅଡ଼େ, ଏ ହାଡ଼ା ଝେଞ୍ଜାଲିଏ, ହାରେଚକା ଲକ୍ଷ୍ମୀ କୁଡ଼ା ଆହାନା ବାରେଜାଣା ଜାହା ଜାହାରା ହାଡ଼ାତଲେ ଏଞ୍ଜାରି ଜଲିମାନାଣି ଝେଞ୍ଜାନା କାବା ଆହାହାଚେରି । ୭ ଇଞ୍ଜା ଏଞ୍ଜାରି ଆତାଜାକା ଅଡ଼େ କାବାଆହାନା ଏଲେଇଚେରି, “ମେହୁଦୁ ଇ ଆମିନି ଲକ୍ଷ୍ମୀ ହାଡ଼ା ଜଲିମାନେରି, ଏଞ୍ଜାରି ବାରେ ଗାଲିଲିତାରି ଆଏକି ? ୮ ଆତିହୁଁ, ମାର ଏନିକିଁ ବାରେଜାଣା ଜାହା ଜାହାରା ଜାର୍ନା ଚାୟୁଡି ହାଡ଼ାତଲେ ଜଲିମାନାଣି ଝେଞ୍ଜିମାନାୟି ? ୯ ପାଚିୟ, ମାଦିୟ, ଏଲାମିୟ, ଅଡ଼େ ମେସପଗାମିୟା, ଜାହୁଦା ଦେସା, କାପାଦକିୟା; ପତ୍ର ଅଡ଼େ ଆସିୟା, ୧୦ ପୁଗିୟା, ପଂପୁଲିୟା, ମିସର ଇଞ୍ଜା କୁରିଣି ଦାରିତା ଡ଼ଇନି ଲିବିୟା ନାସ୍ତକାଣାଁ ବାସା କିନାରି, ଇଞ୍ଜା ରମ୍ପଟି ଖାହାମାନି ଜାହୁଦି, ୧୧ ଅଡ଼େ ଏଚକା କୁଡ଼ାଟି ଲକ୍ଷ୍ମୀ ଜାହୁଦି ଦାମ୍ପୁଟି ନାମାହାଁ ଡ଼ୟାମାନାରି; ଅଡ଼େ କ୍ରିତି ଇଞ୍ଜା ଆରବିୟ ଦେସାଟି ଲକ୍ଷ୍ମୀତାୟି ମାର, ମାର ଜାହା ଜାହାରା ହାଡ଼ାତଲେ ମାହାପୁରୁଟି କାଜା କାଜା କାମାଟି କାତା ଜଲିମାନାଣି ଝେଞ୍ଜିମାନାୟି ।” ୧୨ ଅଡ଼େ ବାରେଜାଣା ଆତାଜାକା ଅଡ଼େ କାବାଆହାନା ତାମ୍ପୁଡ଼ାମ୍ପୁ ହାଡ଼ାକାତା ଆଡେରି, “ଇଦାଣି ଅର୍ତ୍ତ ଏନାୟି ?”

୧୩ ସାମା ଏଚକାତାରି ଲାଜାକିହୁଁ ଏଲେଇଚେରି, “ଇଞ୍ଜାରି ପୁଞ୍ଜି ଡ଼ାକ୍ସି ଅଲ୍ଲୁରି ରାସା ଗସାନା ହଡ଼ା ହାଜାମାନେରି ।”

ପିତର କାବୁ ଝେକନାୟି

୧୪ ସାମା ପିତର ଏଗାର ଜାଣା ସାସୁୟାଁ ତଲେ ନିନାନା କାଜା ଗିୟାଁତଲେ ଏଲେଇଚେସି, “ଜାହୁଦି ତାୟିୟାଁ ଅଡ଼େ ଜିରୁସାଲମତା ବାସା କିହିମାନାଚେରି, ମୀରୁ ନା କାତାଟି ଝେଞ୍ଜାଡୁ ଅଡ଼େ ଇଦାଆଁ ପୁଞ୍ଜୁ । ୧୫ ଇଚିହୁଁ ମୀରୁ ଏନିକିଁ ଅଣ୍ଡପିମାଞ୍ଜେରି, ଇଞ୍ଜାରି ଏଲେକିହୁଁ ଅଲ୍ଲୁରି ରାସା ଗସାହାଁ ହଡ଼ା ହିଲଅରି; ଇଦି ଆଡେ ଲାଜାଟି ନ ଚାଁ ଆହାମାନେ । ୧୬ ସାମା ମାହାପୁରୁ ଅଣ୍ଡପୁଟି ବଲ୍ଲୁ ଝେହ୍ନି ଆମିନି ଜୟେଲ ତାଣ୍ଡାଟି ରାସ୍ତାକି ଆହାମାନେ ଇଦି ଆହିମାନେ ଏଦି;

୧୭ ମାହାପୁରୁ ଝେସିମାନେସି ରାନ୍ଦି ଦିନାତା ଇ ବାରେ ଗଟଞ୍ଜି ଆନେ, ନାନୁ ବାରେ ଲକ୍ଷ୍ମୀତାକି ନା ଜାଞ୍ଜୁ ପାଣ୍ଡାଇଁ, ଏଚେଟିଏ ମୀ ମୀରୁକା ମାସ୍ତାକା ମାହାପୁରୁ ଅଣ୍ଡପୁଟି ବଲ୍ଲୁ ଝେହ୍ନେରି, ମୀ ଦାଂଗଣାୟାଁ କାବା ଆନାଣି ମେହ୍ନେରି, ଅଡ଼େ ମୀ ବୁଡ଼ହାୟାଁ ହାପାନା ହେଣ୍ଡନେରି ।

୧୮ ହାଅ, ଏ କାଲ୍ଲୀତା ନା ହଲ୍ଲିୟାଜା ଇଞ୍ଜା ହଲ୍ଲିସିକା ଲାକ, ନାନୁ ନା ଜୀଞ୍ଜୁଟି ଏଞ୍ଜାରି ଲାକ ଖାକ୍ଲାଇଁ,

* ୨:୧ ୨:୧ ପିସ୍ତାରିଆନ୍ଦି ପାର୍ବୁଟି ରୀ କଡ଼ି ଦସ ଦିନା

ଏଚେଟିଏ ଏଞ୍ଜାରି ମାହାପୁରୁ ଅଣ୍ଟାପୁତି ବଲୁ ଝେହ୍ନେନେରି ।

୧୯ ନାନୁ ହାଗୁ ଲାକ କାବାଆନି କାମା;

ଅଡ଼େ ଡ଼ଇ ଦାବ୍‌ତିତା କାବାଆନି ସିନାୟାଁ,

ଏମ୍ବାଆଁ ନେତେରି, ହିରୁ ଇଞ୍ଜାଁ ହାବେରକା ବୟଁ ତହ୍‌ଇଁ;

୨୦ ପ୍ରବୁତି କାଜା ଗାଞ୍ଜୁରମି ଦିନା ଖାନି ନଡ଼େଏ,

ଝେଡ଼ା ଆନ୍ଦେରି ଆଡ଼େ,

ଅଡ଼େ ଲେଞ୍ଜୁ ନେତେରିଲେହେଁ ଆଡ଼େ ।

୨୧ ଅଡ଼େ ଇଲେକିହଁ ଆଡ଼େ, ଆମ୍ବାଆସି ପ୍ରବୁ ଦରୁ ଆସାନା ପ୍ରାଡ଼ାନା କିନେସି, ଏଞ୍ଜାସି ଗେଲ୍‌ପି ଆନେସି
।”

୨୨ “ଇସ୍ତାୟେଲ ଲକୁଡେରି, ଇ ବାରେ କାତା ଝେଞ୍ଜୁ ! ନାନ୍ଦିରିତ ଜୀମ୍ବୁ ହାବେରକା ବାଡ଼ୁୟୁତି କାମା, କାବାଆନି କାମା ଇଞ୍ଜାଁ ସିନାୟାଁ ତଲେ ମୀ ନକିତା ମାହାପୁରୁତି ପାଣ୍ଡୁଞ୍ଜି ଆଡ଼ାସି ଇଞ୍ଜୁଁ ପାର୍‌ମାଣା ଆହାମାନେସି, ଏଞ୍ଜାଣି ତାଣାଟି ମାହାପୁରୁ ମୀ ତାଣା ଇ ବାରେ କାମା କିହାମାନେସି, ଇଦାଆଁ ମୀରୁ ପୁଞ୍ଜାମାଞ୍ଜେରି । ୨୩ *ଏ ଜୀମ୍ବୁ ମାହାପୁରୁ କିହାମାନି ଅଣ୍ଟାପୁ ଅଡ଼େ ତଲିତି କାତାତଲେ ହେବ୍‌ସି ଆହାଲିଏ, ମୀରୁ ଏଞ୍ଜାଣାଈଁ ପାପୁ ଗାଟାରି କେୟୁତି ପାସି ମୁଣ୍ଡାତା ଏକ୍‌ହାନା ପାୟାମାଚେରି । ୨୪ *ସାମା ମାହାପୁରୁ ଏଞ୍ଜାଣାଈଁ ହାକିତି ବାଡ଼ୁୟୁତି ଗେଲ୍‌ପାନା ନାବ୍‌ହା ମାଚେସି, ଇଚିହଁ ଏଞ୍ଜାସି ହାକିତା ଦସ୍‌ପି ଆହା ଡ଼ୟିନେସି ଏଡ଼ି ଆହାଲି ଆଡ଼େଏ ।” ୨୫ ଦାଞ୍ଜୁଦ ଏ କାତାତି ଝେସାମାନେସି,

“ନାନୁ ବାରେବେଲା ନା ନକିତା ପ୍ରବୁଇଁ ମେସିମାଚେସି;

ଇଚିହଁ ନାନୁ ଏନିକିଁ କିଲିବିଲି ଆର୍ଁ, ଏଦାଆଁତାକି ଏଞ୍ଜାସି ନା ଚିଠିନି ଚଟତା ମାନେସି ।

୨୬ ଏଦାଆଁତାକି ନା ହିୟାଁ ରାହାଁ

ଅଡ଼େ ନା ଝେନ୍ଦରି ରାହାଁ ଆଡ଼େ,

ଅଡ଼େ ନା ଆଞ୍ଜା ଜିକେଏ ବାସ୍ତୁ ତଲେ ବାସା କିନେ,

୨୭ ଇଚିହଁ ନାନୁ ନା ଜୀଞ୍ଜୁତି ହାକିପୁରୁତା ପିହ୍‌ଅତି;

ଅଡ଼େ ନୀ ନାମ୍ବୁ ଅଡ଼େ ସ୍ବୁ ଗାଟାଣାଈଁ ମାହାଣି ମାଣ୍ଡାତା ସୀର୍‌ହାଲି ହାଅତି ।

୨୮ ନାନୁ ନାଞ୍ଜେ ଜୀଞ୍ଜୁତି ଜିରୁ ତସାମାଞ୍ଜାଦି,

ଅଡ଼େ ନାନୁ ନାଞ୍ଜେ ନୀ ନକିତା ରାହାଁତା ନେଞ୍ଜିକିୟାଦି ।”

୨୯ “ଇସ୍ତାୟେଲତି ତାୟାଁ ଅଡ଼େ ତାଞ୍ଜିୟାତେରି, ମା ଆକୁ ଦାଞ୍ଜୁଦତି କାତା ନାନୁ ମିଞ୍ଜେ କାଜା ହାଡ଼ାତଲେ ଝେସାଲି ଆଡ଼ାଇଁ, ଇଚିହଁ ଏଞ୍ଜାସି ହାଡ଼େସି ଇଞ୍ଜାଁ ମୁସ୍‌ପି ଆଡ଼େସି, ଇଞ୍ଜାଁ ଏଞ୍ଜାଣି ମାହାଣି ମାଣ୍ଡା ନାସି ପାଡେକା ଇମ୍ବାଆଁ ମା ବିଡ଼ା ମାନେ । ୩୦ ରାଜା ଦାଞ୍ଜୁଦ ର ମାହାପୁରୁ ଅଣ୍ଟାପୁତି ବଲୁ ଝେହ୍ନେନାସି ଲେହେଁ, ତାନି ନେତେରି ତଲେ ଜାନିଁ ଆଡ଼ାଣାଈଁ ମାହାପୁରୁ ତାନି ସିଂଗାସାଣିତା କୁରିକିହାଲି ତାନି ତାଣା ଆଞ୍ଜାମାଚେସି ଇଞ୍ଜୁଁ ପୁଞ୍ଜାମାଚେସି । ୩୧ ଦାଞ୍ଜୁଦ ଇଦାଆଁ ପୁଞ୍ଜାମାଚାକି, କ୍ରୀସ୍‌ତି ଝେଣ୍ଡେ ନିଜିନି କାତା ଝେସାମାଚେସି ।”

“ଇଚିହଁ ଏଞ୍ଜାସି ହାଡ଼ାରି ତାଣା ଡ଼ୟାଆଡେସି;

ଇଞ୍ଜାଁ ଏଞ୍ଜାଣି ଆଞ୍ଜା ମାହାଣି ମାଣ୍ଡାତା ସୀର୍‌ଆଡେ ।”

୩୨ ମାହାପୁରୁ ଇ ଜୀସୁଇଁ ଅଡ଼େ ଝେଣ୍ଡେ ହାକିତି ନିକ୍‌ହାମାନେସି ଇଦାଣି ତାକି ମାମ୍ବୁ ବାରେ ସାକି ।

୩୩ ଏଦାଆଁତାକି ଆବା ମାହାପୁରୁ ଜୀସୁଇଁ କାଜାସି କିହାନା ତାନି ଚିଠିନିଞ୍ଜାକି କୁରିକିହାନା ତାନିତଲେ ସାଲ୍‌ଞ୍ଜି କିହାଲି ହାଡ଼େସି, ଇଞ୍ଜାଁ ଏଞ୍ଜାସି ମାଞ୍ଜେ ଆଞ୍ଜାମାଟି ସୁଦୁଜୀଞ୍ଜୁ ହିୟାଡେସି, ଇଦି ମୀରୁ ବାରେ ଆନିନିଗାଟାଣି ମେସିମାଞ୍ଜେରି ଇଞ୍ଜାଁ ଝେଞ୍ଜିମାଞ୍ଜେରି । ୩୪ ଇଚିହଁ ଦାଞ୍ଜୁଦ ଲାକପୁରୁ ହାଜାହିଲିଆଡେସି; ଏଞ୍ଜାସି ତାନୁଏ ଝେସାମାଚେସି,

“ପ୍ରବୁ ନା ପ୍ରବୁଇଁ ଏଲେଇଚେସି;

୩୫ ନାନୁ ନୀ ସାଡ଼ୁୟାଁଣି ନୀ କତାୟାଁ ଡ଼ଇ ଇଟାଆ ପାଡେକା,

ନାନୁ ନା ଚିଠିନିଞ୍ଜାକି କୁଗାମାନାମ୍ବୁ ।”

୩୬ “ଇଦାଆଁତାକି ବାରେ ଇସ୍ତାୟେଲତି ଲକୁ ସାଡେଏ ପୁନାପେରି, ଇଚିହଁ ଆନିନି ଜୀସୁଇଁ କୁସତା ପାୟିତେରି, ସାଡେଏ ଏଞ୍ଜାଣାଈଁ ମାହାପୁରୁ, ପ୍ରବୁ ଅଡ଼େ ମସିହା ପାଣା ହାଡେସି ।”

* ୨:୨୩ ୨:୨୩ ମାଟି ୨୭:୩୫; ମାର୍କି ୧୫:୨୪; ଲୁକ ୨୩:୩୩; ଜହ ୧୯:୧୮ * ୨:୨୪ ୨:୨୪ ମାଟି ୨୮:୫,୬; ମାର୍କି ୧୭:୬; ଲୁକ ୨୪:୫

୩୭ ଈ କାତା ଖେଞ୍ଜାନା ଲକ୍ଷ୍ମି ହିୟାଁ ତୀହାହାଚେ, ଇଞ୍ଜାଁ ଏଞ୍ଜାରି ପିତର ଅଡ଼େ ଏମ୍ବାଆଁ ମାଟି ପାଣ୍ଡୁଓ ଆଡ଼ାରାଇଁ ଏଲେଇଚେରି, “ତାୟିୟାଁ ମାମୁଁ ଏନାଆଁ କିନମି ?”

୩୮ ପିତର ଏଞ୍ଜାରାଇଁ ଏଲେଇଚେରି, “ମୀରୁ ମୀ ହିୟାଁ ଖେବୁହା କତାଦୁ, ଅଡ଼େ ଜାହାରା ପାପୁଡ଼ି ମ୍ଲେକହାଲି ବାରେଜାଣା ଜୀସୁ ଜୀସୁ ଦରୁତଲେ ବାପ୍ତିସ୍ମାଁ ଅଦୁ; ଆତିହୁଁ ଦେଁ ମୀରୁ ସୁଦୁଜୀସୁତି ଦାନା ବେଟାଆଡ଼େରି । ୩୯ ଇତିହୁଁ ମାହାପୁରୁ ଆଞ୍ଜାମାନାୟି ମିଜେତାକି, ଇଞ୍ଜାଁ ମୀ ମୀରକା ମାୟକା ତାକି, ଅଡ଼େ ହେକତି ଏଚେକା ଲକ୍ଷୁ ମା ପୁରୁ ମାହାପୁରୁ ତାନି ତାଣା ହାଟିନେସି, ଏ ବାରେ ଲକ୍ଷୁତାକି ଆନେ ।”

୪୦ ଅଡ଼େ ପିତର ଏଞ୍ଜାରାଇଁ ହାରେକା କାତାତଲେ ବାଟିମାଲିହୁଁ ଅଡ଼େ ଏଞ୍ଜାରାଇଁ ଜାପୁନି ହାଡ଼ା ଖେସିହୁଁ ସାକି ହୀଚେସି, “ଇ କୁଟୁଗାଟି କୁଡ଼ାଟି ଲକ୍ଷୁଟିଏ ମୀରୁ ଗେଲପି ଆଦୁ ।” ୪୧ ହାରେକା ଲକ୍ଷୁ ଏଞ୍ଜାଣି ହାଡ଼ା ନାମିତେରି ଇଞ୍ଜାଁ ବାପ୍ତିସ୍ମାଁ ଅଡ଼େରି, ଅଡ଼େ ଏ ଦିନା ବାରେ ତାନି ମାଣା ଲକ୍ଷୁ କୁଲମି ତଲେ ଆଣ୍ଡିତେରି । ୪୨ ଏ ଦିନାଟିଏ ଏଞ୍ଜାରି ପାଣ୍ଡୁଓ ଆଡ଼ାରି ଜାପୁନି ତାଣା, ଏଞ୍ଜାରିତଲେ ଆଣ୍ଡାନା ରୁଟି ଡ଼ିକହାଲି, ପ୍ରାତାନା କିହାଲି ଆଣ୍ଡି ଆହାଁ ଡ଼ୟିତେରି ।

ନାମୁଗାଟାରି ମାଣକି

୪୩ ପାଣ୍ଡୁଓ ଆଡ଼ାରି ତାଣାଟି ହାରେ ହାରେକା କାବାଆନି କାମା ଇଞ୍ଜାଁ ସିନାୟାଁ ତଞ୍ଜାଆହାଲି ମାଟୁହେ; ଅଡ଼େ, ଲକ୍ଷୁ ବାରେ ଆଜାଲି ମାଟୁହେରି । ୪୪ ଏସାମା ବାରେ ନାମିତାରି, ଏଞ୍ଜାରି ବାରେଜାଣା ରଣ୍ଡିଏ ତାଣା ଡ଼ୟାନା ବାରେ ଦନତି ବାରେତାୟି ଇଞ୍ଜୁଁ ଅଣ୍ଡପିତେରି, ୪୫ ଅଡ଼େ ଏଞ୍ଜାରି ଜାହାରା ଦନତି ଆସି ମାଗାଣି ପାଟୁଚାନା, ଆମ୍ବାଆରାକି ଏନାୟି ଲତାମାନେ, ଏଲେକିହୁଁ ବାରେତାକି ବାଟିକିହାଁ ହାହାଲି ମାଟୁହେରି । ୪୬ ଅଡ଼େ, ଏଞ୍ଜାରି ରଣ୍ଡିଏ ହିୟାଁ ଆହାଁ ବାରେଦିନା ପ୍ରାତାନା ଲକ୍ଷୁତା ରୁଣ୍ଡା ଆହାନା ଡ଼ୟିମାଚେରି, ଇଞ୍ଜାଁ ଇଲୁତାକି ଇଲୁ ରୁଟି ଡ଼ିକହୁଁ ରାହାଁ ଅଡ଼େ ହିଡ଼ି ହିୟାଁ ତଲେ ତିଞ୍ଜି ତଣ୍ଡିହୁଁ, ୪୭ ମାହାପୁରୁତି ଜହରା କିହିମାଚେରି ଇଞ୍ଜାଁ ବାରେ ଲକ୍ଷୁତି ଜୀସୁ ନନାରି ଆହିମାଚେରି । ଅଡ଼େ ପ୍ରୁ ତାଣା ଗେଲପି ଆହିମାନି ଲକ୍ଷୁଣି ବାରେଦିନା କୁଲମି ତଲେ କାଲହାଲି ମାଟୁହେରି ।

୩

ପିତର ସଟାଇଁ ନେହୁଁ କିନାୟି

୧ ପିତର ଅଡ଼େ ଜହନ ର ଦିନା ପ୍ରାତାନା କିନି କାରୁତା ଇତିହୁଁ ତାନି ଗଂଟା ବେଲାତା ପ୍ରାତାନା ଇଲୁତା ହାଜିମାଚେରି । ୨ ଏଟିବେଲାତା ଜାର୍ନାଟିଏ ସଟା ରଅସି ଡ଼େକି କିଓି ଆହାଁ “ଅଜିତି” ଦରୁଗାଟି ଦୁଖେରିତା ଇଡ଼ି ଆହିମାଚେସି; ଇଞ୍ଜାଁ ଏଞ୍ଜାସି ପ୍ରାତାନା ଇଲୁତା ଖାନି ଲକ୍ଷୁଣି ରାସିମାଚେସି । ୩ ଅଡ଼େ ଏଞ୍ଜାସି ପିତର ଇଞ୍ଜାଁ ଜହନଇଁ ପ୍ରାତାନା ଇଲୁ ବିତ୍ତା ହାଜିମାନାଣି ମେସାନା ଏଞ୍ଜାରାଇଁ ରାସାଲି ମାଟୁହେସି । ୪ ପିତର ଅଡ଼େ ଜହନ ଏଞ୍ଜାଣାଇଁ ଆଚେ ସିନକିତେରି, ଇଞ୍ଜାଁ ପିତର ଏଲେଇଚେସି “ମା ଖାକି ସିନକିୟାମୁ ।” ୫ ଏମ୍ବାଟିଏ ଏଞ୍ଜାସି ଏଞ୍ଜାରି ତାଣାଟି ଇଚାଣି ବେଟାଆହାଲି ଏଞ୍ଜାରି ଖାକି ସିନକିତେସି । ୬ ସାମା ପିତର ଏଲେଇଚେସି, “ନା ତାଣା ବାଂଗାରା କି ଖେଣ୍ଡି ହିଲେଏ, ସାମା ନା ତାଣା ଏନାୟି ମାନେ ଏଦାଆଁ ହାହିମାଞ୍ଜାଇଁ ନାଜିରିତ ଜୀସୁ ଜୀସୁ ଦରୁତଲେ ହୁକୁମି ହାହିମାଞ୍ଜାଇଁ ନିଜାମା ତାକାମୁ !” ୭ ଅଡ଼େ, ଏଞ୍ଜାସି ଏଞ୍ଜାଣି ଟିଠିନି କେୟୁ ଆସାନା ଏଞ୍ଜାଣାଇଁ ନିକହେସି, ଏଚେଟିଏ ଏ ଦେବୁଣିଏ ଏଞ୍ଜାଣି କତାୟାଁତି ହାୟୁଲିକା ବାଡ଼ୁୟୁ ଆଦୁ; ୮ ଏଞ୍ଜାସି ଡ଼େଓଁ ଡ଼େଓଁ ତାନି କତାତଲେ ନିତେସି, ଅଡ଼େ ତାକାଲି ମାଟୁହେସି । ଏଚେଟିଏ ଏଞ୍ଜାସି ଏଞ୍ଜାରିତଲେ ପ୍ରାତାନା ଇଲୁତା ତାକହୁଁ ଅଡ଼େ ଡ଼େଓଁ ଇଞ୍ଜାଁ ମାହାପୁରୁଇଁ ଗାଞ୍ଜୁରମି କିହୁଁ ହାଚେସି । ୯ ଏମ୍ବାଆଁ ମାନି ଲକ୍ଷୁ ବାରେ ଏଞ୍ଜାଣି ତାକିନାଣି ଅଡ଼େ ମାହାପୁରୁତି ଗାଞ୍ଜୁରମି କିହିମାନାଣି ମେସୁେରି; ୧୦ ଅଡ଼େ ଆନିନିଗାଟାସି ପ୍ରାତାନା ଇଲୁତି ଅଜିତି ଦୁଖେରିତା କୁଗାନା ରାସିମାଚେସି, ଏଞ୍ଜାସିଏ ଇଞ୍ଜାସି ଇଞ୍ଜୁଁ ପୁଚେରି, ଏଞ୍ଜାଣାକି ଏନାଆଁ କିଓି ଆହିମାଚେ ଏଦାଆଁ ମେସାନା ଆତାଜାକା ଆହାନା କାବା ଆଡ଼େରି ।

ପ୍ରାତାନା ଇଲୁତା ପିତର ଖେକନାୟି

୧୧ ଏଞ୍ଜାସି ପିତର ଇଞ୍ଜାଁ ଜହନ ତଲେ ସଲମନତି ପିଣ୍ଡାତା ମାନାଣି ମେସାନା, ବାରେ ଲକ୍ଷୁ ଆତାଜାକା ଆହାନା ଏଞ୍ଜାରି ତାଗେ ହଟାଚେରି । ୧୨ ପିତର ଏଞ୍ଜାରାଇଁ ମେସାନା ଏଲେଇଚେସି, “ଇସ୍ତାୟେଲ ଲକ୍ଷୁତେରି, ମୀରୁ ଏନାଆଁତାକି ଆତାଜାକା ଆହିମାଞ୍ଜେରି ? ମାମୁଁ ମା ବାଡ଼ୁୟୁ କି ମାହାପୁରୁ ଆଜିତଲେ ଇଞ୍ଜାଣାକି ତାକାଲି ବାଡ଼ୁୟୁ ହାହାମାନମି, ଏଦାଆଁ ଅଣ୍ଡପାନା ମାଜେ ରଣ୍ଡିଏ ଅଣ୍ଡପୁ ତଲେ ଏନାଆଁତାକି

† ୨:୩୮ ୨:୩୮ ମୁଞ୍ଜିନାୟି ‡ ୨:୪୧ ୨:୪୧ ମୁଞ୍ଜିନାୟି * ୨:୪୪ ୨:୪୪ କାମା ୪:୩୨-୩୫

ସିନିକିହିମାଞ୍ଜାଦେରି ? ୧୩ ଅଗ୍ରାହାମ, ଇସାହାକ ଅଡ଼େ ଜାକୁବତି ମାହାପୁରୁ, ମା, ଆକୁ ଆବାୟାତି ମାହାପୁରୁ, ତାନି ହରେଲଏସି ଜାସୁଇଁ ମାହାପୁରୁତି ଗାଞ୍ଜୁରମି ହୀହାମାନେସି । ସାମା ଜାସୁଇଁ ମୀରୁଏ ସାଲୁଝି କିନାରି କେୟୁତା ହେବପିତେରି, ଏତିବେଲା ପିଲାତ ଜାସୁଇଁ ପିସାଲି ଅଣପା ମାତିହୁଁ ଜିକେଏ, ଏଞ୍ଜାଣାଇଁ ମୀରୁ ପିଲାତ ନକିତା ଅପାଆତେରି । ୧୪ ଏଞ୍ଜାସି ସୁଦୁ ଅଡ଼େ ଦାମ୍ବୁଗାଗାସି ମାଚେସି, ସାମା ମୀରୁ ଏଞ୍ଜାଣାଇଁ ଅପାଆତେରି, ଅଡ଼େ ଏଞ୍ଜାଣି ଟାୟୁତା ର, ଲକୁଣି ପାୟିନାଣାଇଁ ପିସାଲି ପିଲାତଇଁ ବାତିମାଲିତେରି, ୧୫ ଆମ୍ବାଆସି ଜାସୁତି ଜିରୁ ତହୁନାସି ଏଞ୍ଜାଣାଇଁ ମୀରୁ ପାୟିତେରି; ଏଞ୍ଜାଣାଇଁ ମାହାପୁରୁ ହାଡ଼ାରି ତାଣାଟି ନିକହାମାନେସି, ମାମ୍ବୁ ଛଦାଣି ସାକି । ୧୬ ଏଞ୍ଜାଣି ଦରୁତି ବାଡ଼ୁୟୁ ଇ ସତାଇଁ ନେହୁଁ କିହାମାନେ, ମୀରୁ ଏନାଆଁ ମେସାନା ସାତା ଇଞ୍ଜୁଁ ପୁଞ୍ଜାମାଞ୍ଜେରି, ଏଞ୍ଜାଣି ଦରୁତଲେ ନାମିତାକି ଆହାମାନେ । ଜାସୁଇଁ ନାମିତାକି ଏଞ୍ଜାସି ନେହୁଁ ଆହାମାନେସି ଇଦାଆଁ ମୀରୁ ମେସାମାଞ୍ଜେରି ।”

୧୭ “ଅଡ଼େ ନୀଏଁ ଇସ୍ରାୟେଲତି ତାୟିୟାଁ ଅଡ଼େ ତାଜିସ୍ତାତେରି, ମୀ କାଜାରି ଏନିକିଁ, ମୀରୁ ଜିକେଏ ଏଲେକିଁ ବୁଦି ହିଲିଆକି ଇଦାଆଁ କିହାମାନେରି ଇଞ୍ଜୁଁ ନାନୁ ପୁଞ୍ଜିମାଇଁ । ୧୮ ତଲି କାଲାଟିଏ ମାହାପୁରୁ ଅଣପୁତି ବଲୁ ଝେହନାରି ତାଣାଟି ମାହାପୁରୁ ଝେସାମାଚେସି ମସିହାତି ଦୁକୁ ପାଣନାୟି ମାନେ; ଏ ବାରେ ଏଞ୍ଜାସି ଇଲେକିଁ ପୁରା କିହାମାନେସି । ୧୯ ଇତିହୁଁ, ଏନିକିଁ ମୀ ପାପୁ ମେଶଜାକି ମନ ଝେହନା ମାହାପୁରୁ ତାଣା ଝେଣ୍ଡା ଖାଦୁ, ୨୦ ପ୍ରୁ ତାଣାଟି ମୀରୁ ଜାସୁତି ବାଡ଼ୁୟୁ ବେଟାଆଡ଼େରି, ମାହାପୁରୁ ମିଞ୍ଜେତାକି ତଲିଏ ଆଚାମାନି ମସିହା ଜାସୁଇଁ ପାଣ୍ଡାନେସି । ୨୧ ବାରେ କାତାତି ଝେଣ୍ଡେ କିନାଣି ଆମିନି ବେଲାତି କାତା ତଲି କାଲାଟିଏ ମାହାପୁରୁ ତାନି ସୁଦୁ ମାହାପୁରୁ ଅଣପୁତି ବଲୁ ଝେହନାରି ତାଣାଟି ଝେକହା ମାଚେସି, ଏ କାଲା ଖାଆ ପାତେକା ଏଞ୍ଜାଣାକି ସାତେଏ ଲାକପୁରୁ ହାଜାଲି ଆନେ । ୨୨ ମସା ଝେସାମାଚେସି, ‘ପ୍ରୁ ମାହାପୁରୁ ମୀ ତାୟିୟାଁ ବିତ୍ରାଟି ମିଞ୍ଜେତାକି ନା ଲେହେଁକି ର ମାହାପୁରୁ ଅଣପୁତି ବଲୁ ଝେହନାଣାଇଁ ନିକନେସି; ଏନା ଏନାଆଁ ମିଞ୍ଜେ ଝେସାନେସି, ଏ ବାରେ ମୀରୁ ଏଞ୍ଜାଣି କାତା ଝେଞ୍ଜେରି । ୨୩ ଆମିନିଗାଗାସି ମାହାପୁରୁ ଅଣପୁତି ବଲୁ ଝେହନାରି କାତା ନାମଅରି ଏଞ୍ଜାରି ମାହାପୁରୁତି ଲକୁ ତାଣାଟି ଏଚକା କିଝିଆନେରି ଅଡ଼େ ନାସା କିଝିଆନେରି ।’ ୨୪ ସାମ୍ବୟେଲ ଇଞ୍ଜାଁ ତାନି ତାୟୁତି ଏଚରଜାଣା ମାହାପୁରୁ ଅଣପୁତି ବଲୁ ଝେହନାରି ଝେସାମାନେରି, ଏଞ୍ଜାରି ବାରେ ଇ କାଲାତା ଆହିମାନି କାତା ଝେସାମାନେରି । ୨୫ ମାହାପୁରୁତି ଆଞ୍ଜାମାନି ମାହାପୁରୁ ଅଣପୁତି ବଲୁ ଝେହନାରି ତାଣାଟି ମିଞ୍ଜେତାକି ନେହେଁ, ମାହାପୁରୁ ମୀ ଆକୁ ଆବାୟାଁ ତଲେ କିତି ରଜିମାନା ମୀରୁ କିହିମାଞ୍ଜେରି । ଏନିକିଁ ଏଞ୍ଜାସି ଅଗ୍ରାହାମଇଁ ଏଲେଇଚେସି, ‘ନାନୁ ମୀ କୁଡ଼ାଟି ବାରେ ଦାରୁତିତି ଲକୁକି ବର ହାଇଁ ।’ ୨୬ ମାହାପୁରୁ ତଲିଏ ତାନି ହରେଲଏଣାଇଁ ମିଞ୍ଜେତାକି ବାଟି କିହାନା ପାଣ୍ଡାତେସି, ଏନିକିଁ ଏଞ୍ଜାସି ମୀ ବାରେଜାଣା ତେରି ମିଞ୍ଜେ ଲାଗେଏ ଜିରୁତି ଝେହନା ବର ହିୟାନେସି ।”

୪

ପିତର ଅଡ଼େ ଜହନ ବେରଣିମାଣ୍ଡାତା

୧ ପିତର ଅଡ଼େ ଜହନ ଲକୁ ନକିତା ଝେସିମାଟି ବେଲାତା ପୂଜେରାଙ୍ଗା, ମାହାପୁରୁ ଇଲୁତି କାଜାରି ଇଞ୍ଜାଁ ସାଦୁକିୟାଁ ଏଞ୍ଜାରି ନକିତା ଖାଡ଼େରି । ୨ ଏଞ୍ଜାରି କପା ଆହିମାଚେରି, ଇତିହୁଁ ପାଣ୍ଡୁଝି ଆହାମାନାରି ଲକୁଣି ଜାପୁହି ମାଚେରି, ଇଞ୍ଜାଁ ଜାସୁତି କାତା ଆସାନା ହାଡ଼ାରି ବିତ୍ରାଟି ଝେଣ୍ଡେ ନିଞ୍ଜିତି କାତା ଝେକହି ମାଚେରି । ୩ ଏତିବେଲା ମିଡ଼ଅଲା ଆହିମାଚେ, ଏଦାଆଁତାକି ଏଞ୍ଜାରି ସାମ୍ବୟାଣି ଦସ୍‌ପାନା ଅର ନେହୁଁ ପାତେକା କାୟିଦି ଇଲୁତା ଇତିତେରି । ୪ ସାମା ଏଚେକା ଲକୁ ବଲୁ ଝେଗାରି ନାମିତେରି, ଇଞ୍ଜାଁ ଖାରଇ ଆବାୟାଁ ପାସାମାଣା ଆଡ଼େରି ।

୫ ତାନି ଅର ଦିନା ଜାହୁଦିଞ୍ଜାତି କାଜାରି, ଇଞ୍ଜାଁ ପ୍ରାତିନାଙ୍ଗା, ଜାପୁନାରି ଅଡ଼େ ମେରାପୁନାରି ଜିରୁସାଲମତା କୁଡ଼ା ଆଡ଼େରି । ୬ ଏମ୍ବାଆଁ କାଜା ପୂଜେରା ହାନାନ, କୟାପା, ଜହନ, ଆଲେକ୍‌ଜାଣ୍ଡାରିତି କାଜା ପୂଜେରାଙ୍ଗା କୁଡ଼ାଟି ବାରେ ଲକୁ କୁଡ଼ା ଆଡ଼େରି । ୭ ଏଞ୍ଜାରି ପାଣ୍ଡୁଝି ଆଡ଼ାରାଇଁ ମାଦିଏ ନିପହାନା ଝେଚେରି, “ଏନିକିହୁଁ କିତେରି ? ଏନି ବାଡ଼ୁୟୁ ଇଞ୍ଜାଁ ଆମ୍ବାଆରି ଦରୁତଲେ ମୀରୁ ଇ ବାରେ କାମା କିହିମାଞ୍ଜେରି ?”

୮ ଏମ୍ବାଟିଏ ପିତର ସୁଦୁଜାସୁତା ନେଞ୍ଜାନା ଏଞ୍ଜାରାଇଁ ଏଲେଇଚେସି, “ଲକୁତି କାଜାତେରି ଇଞ୍ଜାଁ ପ୍ରାତିନାଙ୍ଗାତେରି, ୯ ନୀଞ୍ଜୁ ମାମ୍ବୁ ସୁତାକି କିହାମାନି ନେହୁଁ କାମାତାକି ମୀରୁ ଝେଞ୍ଜି ମାଞ୍ଜାଦେରି, ଏଞ୍ଜାସି

* ୩:୧୪ ୩:୧୪ ମାଟି ୨୭:୧୫-୨୩; ମାର୍କି ୧୫:୬-୧୪; ଲୁକ ୨୩:୧୩-୨୩; ଜହ ୧୯:୧୨-୧୫

ଏନିକିହଂ ନେହଂ ଆଚେସି ଇଞ୍ଜଂ ପୁଞ୍ଜାଲି ଅଣ୍ଡପିମାଞ୍ଜେରି, ୧୦ ଆତିହଂ ମୀରୁ ବାରେକାଣା ତେରି ପୁନିକାତା, ଇସ୍ତାୟେଲତି ବାରେ ଲକୁ ପୁନାୟିମାନେ, ଆମିନି ନାକ୍ରିତ ଜୀସୁ କ୍ରୀସ୍ତଇଁ ମୀରୁ କ୍ରସତା ପାୟିତେରି, ଆମ୍ବାଆରାଇଁ ମାହାପୁରୁ ହାକିତି ନିକହାମାନେସି ଏ ଜୀସୁ ଦରୁତି ଇ ମାଣସି ନେହଂ ଆହାନା ମୀ ନକିତା ନିଚାମାନେସି ।” ୧୧ ଜୀସୁ ରଅସିଏ, ଦାମ୍ବୁ ସାପ୍ତେରି ଝେସିମାଞ୍ଜାନେ,

“ଲକୁ କେପିନାତେରି ମୀରୁ, ମୀ ତାଣ୍ଡାଟି ଆମିନି ଖାଲି ଲାଗେଏତାୟି ଆହାମାଚେ,

ସାମା ଆମିନାୟି କନତି କାଜା ଖାଲି ଆଚେ, ଏଞ୍ଜାସି ଏ ଖାଲି ।”

୧୨ ଏଞ୍ଜାଣି ପିସ୍ତେ ଅଚେ ଆମ୍ବାଆରି ତାଣ୍ଡା ଗେଲ୍ପିନାୟି ହିଲେଏ; ଇତିହଂ ଆମ୍ବାଆରି ତାଣ୍ଡାଟି ମାଚ୍ ଗେଲ୍ପି ଆନାୟି ଆନେ, ହାଗୁ ଡ଼ଇ ମାଣସିୟାଁ ବିଡ୍ରା ଏନି ଦରୁ ହାପ୍ତିକ ଆହା ହିଲେଏ ।

୧୩ ଏଞ୍ଜାରି ପିତର ଅଚେ ଜହନତି ସାସା ମେସାନା ଇଞ୍ଜା ଏଞ୍ଜାରି ଏନାଆଁ ପୁନାଆତାରି ଅଚେ ବୁଦି ହିଲଆ ଲକୁ. ଇଦାଆଁ ପୁଞ୍ଜାନା ଆତାଜାକା ଆହାହାଚେରି, ଇଞ୍ଜା ଏଞ୍ଜାରି ଜୀସୁତଲେ ମାଚେରି ଇଞ୍ଜଂ ପୁଚେରି,

୧୪ ସାମା ଏ ନେହଂ ଆହାମାଚାସି ଜହନ ଇଞ୍ଜା ପିତର ତଲେ ନିଚାମାଚାଣି ମେସାନା ଏଞ୍ଜାରି କପାଟି ଏନାଆଁ ଜଲ୍ଲାଲି ଆତାଆଚେରି । ୧୫ ତାୟୁ ଏଞ୍ଜାରାଇଁ ବେରଣି ମାଣ୍ଡାଟି ହଚା ହାଜାଲି ହୁକୁମି ହାହାନା ଏଞ୍ଜାରି ତାମ୍ବୁତାମ୍ବୁସୁ ଝେସ୍ତି ଆଚେରି ୧୬ “ଇ ଲକୁଣି ଏନାଆଁ କିନାୟି ?” ଏଞ୍ଜାରି ଏଲେଇଚେରି, “ଇତିହଂ ଇଞ୍ଜାରି ତାଣ୍ଡାଟି କାବାଆନି କାମା କିଞ୍ଚିଆହାମାନେ, ଇଦି ଜିରୁସାଲମତି ବାରେକାଣା ନକିତା ତଞ୍ଜା ଆହାମାନେ, ଇଞ୍ଜା ମୀରୁ ଏଦାଆଁ ଆଏ ଇଞ୍ଜାଲି ଆତାଆୟି; ୧୭ ସାମା ଇ କାତା ଲକୁତାଣା ଏନିକଂ ଗାତି ଝେଜେଏ, ଏଦାଆଁତାକି ଏଞ୍ଜାରାଇଁ ଜୀସୁ ଦରୁ ଏଚେଲା ଆମ୍ବାଆରି ନକିତା ଆସାଲି ଏଞ୍ଜାରାଇଁ କାହିକିନାୟି ମାନେ ।”

୧୮ ତାୟୁ ଏଞ୍ଜାରି ଜହନ ଅଚେ ପିତରଇଁ ହାଚାନା ଜୀସୁତି ଦରୁ ଝେହ୍‌ଆଦୁ କି ଜାପୁଆଦୁ ଇଞ୍ଜଂ ହୁକୁମି ହାଚେରି । ୧୯ ସାମା ପିତର ଅଚେ ଜହନ ଏଞ୍ଜାରାଇଁ ଏଲେଇଚେରି, “ମାହାପୁରୁ କାତା ଝେନିକିହାଁ ମୀ କାତା ଝେନାୟି ମାହାପୁରୁ ନକିତା ନେହେଁ କି ଆଏ, ଏଦାଆଁ ମୀରୁ ଅଣ୍ଡପା କତାଦୁ । ୨୦ ଇତିହଂ ମାମ୍ବୁ ଏନାଆଁ ମେସାମାନମି ଇଞ୍ଜା ଝେଞ୍ଜାମାନମି, ଏ ବାରେ ଝେହ୍‌ଆନା ଡ଼ୟାଲି ଆଡ଼ଅମି ।” ୨୧ ସାମା ଏ ବେରଣି ମାଣ୍ଡାଟାରି ଏଞ୍ଜାରାଇଁ ଅଚେ ହାଚେରକା ଆଜି କିହାନା ପିସ୍ତେରି, ଏଞ୍ଜାରାଇଁ ତଣ୍ଡୁ ହାହାଲି ଆଏ ଇଞ୍ଜଂ ଏଞ୍ଜାରି ପୁଚେରି, ଏନାଆଁତାକି ଇତିହଂ ଏ କାମାତାକି ଲକୁ ବାରେ ମାହାପୁରୁଇଁ ଜହରା କିଚେରି । ୨୨ ଇତିହଂ ଆମିନିଗାଗାଣି ତାଣ୍ଡା କାବାଆନି ନେହଂ କାମା କିଞ୍ଚି ଆହାମାଚେ, ଏଞ୍ଜାସି ରୀ କଡ଼ି ବାସାଟିଏ ଲାକ ମାଚେସି ।

ପାଣ୍ଡାଞ୍ଜି ଆହାମାନାରି ବାଡ଼ୁୟୁ ତାକି ପ୍ରାତାନା

୨୩ ପିତର ଅଚେ ଜହନ ପିସ୍ତିଆଡ଼ି ଦେବୁଣିଏ ତାମି ତଣ୍ଡେସିଙ୍ଗା ତାଣ୍ଡା ହାଚେରି ଇଞ୍ଜା କାଜା ପୁଜେରାଙ୍ଗା ଅଚେ ପ୍ରାତିନାଙ୍ଗା ଏନାଆଁ ଝେସାମାଚେରି, ଏ ବାରେ ଏଞ୍ଜାରାଇଁ ଝେସ୍ତେରି । ୨୪ ଏଞ୍ଜାରି ଏଦାଆଁ ଝେଞ୍ଜାନା ରଣ୍ଡିଏ ହିୟାଁ ତଲେ ମାହାପୁରୁ ନକିତା କାଜା ହାଡ଼ାତଲେ ପ୍ରାତାନା କିହଂ ଏଲେଇଚେରି, “ପ୍ରବୁ ନୀନୁ ହାଗୁ, ଦାରତି, ସାମ୍ବୁଦି ଇଞ୍ଜା ଏ ବାରେ ତାଣ୍ଡା ମାନାଣି ବାରେ ଗାଡ଼ି କିହାମାଞ୍ଜି ! ୨୫ ସୁଦୁଜୀଞ୍ଜୁ ତଲେ ନୀନୁ ମା ଆକୁ ଦାଞ୍ଜୁଦ ନୀ ହଲେଏଣା ଗୁଡ଼ିଟି, ଇ କାତା ଝେସାମାଚି;

‘ଜୀହୁଦିଆଆତାରି ଏନାଆଁତାକି କାରବି ଆଚେରି;

ଇଞ୍ଜା ଲକୁ ଏନାଆଁତାକି ଉଜେଏତାଣି ଅଣ୍ଡପିତେରି ?

୨୬ ପ୍ରବୁ ଅଚେ ତାନି ବରୁ ବେଗାଆହାମାନି ମସିହା କପାଟି,

ଦାରତିତି ରାଜାୟାଁ ନିଜିତେରି,

ଇଞ୍ଜା ସାଲ୍‌ଞ୍ଜି କିନାରି କୁଡ଼ା ଆଚେରି ।”

୨୭ ଇତିହଂ ନୀ ସୁଦୁଗାଟି ହଲେଏସି ଜୀସୁଇଁ ବରୁ ହାତି, ସାଚେଏ ଏଞ୍ଜାଣି କପାଟି ହେରଦ ଅଚେ ପନ୍ତ୍ରିୟ ପିଲାଚ ତ ଇ ଆରି ଜୀହୁଦିଆଆତାରି ଅଚେ ଇସ୍ତାୟେଲ ଲକୁତଲେ ଇ ଗାଡ଼ାତା ପାରୁ ପାରିତେରି, ୨୮ ମୀ ଅଣ୍ଡପୁ ତଲେ ଏନାୟି ବାରେ ଗଟଞ୍ଚି ଆନେ ଇଞ୍ଜଂ ତଲିଟିଏ କିଞ୍ଚି ଆହାମାଚେ, ଏଦାଆଁ କିହାଲି କୁଡ଼ା ଆଚେରି । ୨୯ ଅଚେ ନୀଏ, ଏ ପ୍ରବୁ, ଏଞ୍ଜାରି ମାଜେ ଆଜି କିହମାଞ୍ଜାନାଣି ସିନିକିୟାମ୍ବୁ; ଅଚେ ନୀ ହଲିୟାଙ୍ଗାଣି ହାଚେରକା ସାସାତଲେ ନୀ ବଲୁ ଝେସାଲି ବାଡ଼ୁୟୁ ହୀମ୍ବୁ, ୩୦ ଇଞ୍ଜା ଏଦାଆଁ ତଲେ ନୀ ସୁଦୁ ହଲେଏସି ଜୀସୁତି ଦରୁତଲେ ନେହଂ କିହାଲି ଅଚେ ସିନାୟାଁ ଇଞ୍ଜା କାବାଆନି କାମାୟାଁ କିହାଲିତାକି ନୀ କେୟୁ ଦାସା ଡ଼ୟାମ୍ବୁ ।

୩୧ ଏଞ୍ଜାରି ପ୍ରାତାନା ରାପ୍‌ହି ତାୟୁ, ଆମିନି ଗାୟୁତା ରୁଣ୍ଡା ଆହାମାଚେରି, ଏଦି ଖାତିଚେ । ଇଞ୍ଜା ବାରେକାଣା ସୁଦୁଜୀଞ୍ଜୁ ତଲେ ନେଞ୍ଜାନା ବାଡ଼ୁୟୁ ତଲେ ମାହାପୁରୁତି ବଲୁ ଝେକହାଲି ମାଚ୍‌ହେରି ।

ନାମୁଗାଗାରି ଦନତି ସମାନା ବାଗା ବେଗାଆଡେରି

୩୭ ନାମୁଗାଟି ଲକ୍ଷ୍ମ ରଣ୍ଡିଏ ହିୟାଁ ରଣ୍ଡିଏ ମନତଲେ ମାଚେରି; ଏଞ୍ଜାରି ବିଦ୍ରାଟି ଆମ୍ବାଆରି ଜିକେଏ ତାନି ଦନତି ମାଦି ଇଞ୍ଜି ଅଣ୍ଡପି ହିଲାଆଚେରି, ସାମା ଏଞ୍ଜାରିଞ୍ଜାୟି ବାରେ ସମାନା ଇଞ୍ଜି ଅଣ୍ଡପିମାଚେରି । ୩୮ ପାଣ୍ଡୁଞ୍ଜି ଆହାମାନାରି ଗାତି ବାଡ଼ୁୟୁ ତଲେ ପ୍ରବୁ ଜୀସୁତି ଝେଣ୍ଡେ ନିଜିତି କାତା ଝେସାଲି ମାଟୁହେରି, ଇଞ୍ଜାଁ ବାରେତି ଲାକ ମାହାପୁରୁତି ହାଡ଼େକା କାମା ମାଚେ । ୩୯ ଇତିହଁ ଏଞ୍ଜାରି ବିଦ୍ରା ଆମ୍ବାଆରାକି ଏନାୟି ଉଣା ଆହି ହିଲାଆଚେ, ଇତିହଁ ଏଚେକା ଲକ୍ଷ୍ମତି ବୁମି ଇଞ୍ଜାଁ ଇଲ୍ଲକା ମାଟୁ ପାରୁତି ମାଚେରି ୩୫ ଅଡ଼େ ପାଣ୍ଡୁଞ୍ଜି ଆଡ଼ାରି କଡ଼ା ଡ଼ଇକା ଏ ଡ଼ାବୁୟାଁ ହାହିମାଚେରି, ଅଡ଼େ ବାରେ ଲକ୍ଷ୍ମତାକି ତାନି ଲଡ଼ାମାନି ଲେହେଁ ଏ ଡ଼ାବୁୟାଁ ବାଟିକିଞ୍ଜି ଆହିମାଚେ ।

୩୬ କୁପ୍ପ ଇନି ଗାୟୁତା ଜାନା ଆହାମାଟି ଲେବି କୁଡ଼ାଟି ଜସେପ, ଆନିନାଣାଈଁ ପାଣ୍ଡୁଞ୍ଜି ଆଡ଼ାରି ବର୍ନବା ଇଞ୍ଜି ମାଚେରି, ଈ ଦରୁ ଅର୍ଥ “ବାସୁଁ ହାନାସି,” ୩୭ ଏଞ୍ଜାରିଞ୍ଜାୟି ଇଚାୟି ବୁମି ମାଚେ, ଏଞ୍ଜାୟି ଏଡ଼ାଆଁ ପାରୁଚାନା ଏମ୍ବାତି ଟାକାୟାଁ ତାଚାନା ପାଣ୍ଡୁଞ୍ଜି ଆଡ଼ାରି କଡ଼ାୟାଁ ଡ଼ଇ ଇତିତେସି ।



ହନନିୟ ଅଡ଼େ ସପିରା

୧ ହନନିୟ ଦରୁଗାଗାସି ରଅସି ମାଚେସି, ଏଞ୍ଜାୟି ତାନି ତକ୍ତି ସପିରା ତଲେ ଇଚାଣି ବୁମି ପାରୁତେସି । ୨ ହନନିୟ ତାନି ତକ୍ତି ତଲେ ଏ ଟାକାୟାଁ ବିଦ୍ରାଟି କଚେକା ଡ଼ଲୁହା ଇଚାନା କଚେକା ତାଚାନା ପାଣ୍ଡୁଞ୍ଜି ଆଡ଼ାରାକି ହାଚେସି । ୩ ପିତର ଏଞ୍ଜାଣାଈଁ ଏଲେଇଚେସି, “ହନନିୟ, ସୁଦୁନୀସୁ ନକିତା ମିତି ଜଲ୍ଲାଲି ଇଞ୍ଜାଁ ବୁମି ପାରୁଚାନା କଚେକା ଡ଼ଲୁହା ଇଚାଣି ସୟତାନ ଏନାଆଁତାକି ମୀ ହିୟାଁତି ଲକ୍ଷ୍ମହାମାନେ ? ୪ ପାରୁନି ନଚେଏ ଏଦି ନୀ ଅଦିକାରାତା ହିଲାଆଚେ କି ? ପାରୁତି ତାୟୁ ଜିକେଏ ଏମ୍ବାତି ଟାକାୟାଁ ଜିକେଏ ନୀଞ୍ଜି ଆହାହିଲାଆଡ଼ୁ କି ? ଆଡିହଁ ନୀନୁ ଏନିକଁ ନୀ ହିୟାଁତା ଈ ଅଣ୍ଡପୁ ଅଣ୍ଡପିତି ? ଏଡ଼ାଆଁ ନୀନୁ ମାଣ୍ଡସି ନକିତା ମିତି ଜଲ୍ଲିମାଞ୍ଜି ଏଦି ଆଏ, ସାମା ମାହାପୁରୁ ନକିତା ମିତି ଜଲ୍ଲିମାଞ୍ଜି ।” ୫ ହନନିୟ ଈ ହାଡ଼ା ଝେଣ୍ଡମୁନିଏ ଡ଼ଇ ତରୁଗାନା ହାହାହାଚେସି; ଏଡ଼ାଆଁ ଏଚେକା ଲକ୍ଷ୍ମ ଈ କାତା ଝେଚେରି, ଏଞ୍ଜାରି ବାରେ ହାଡ଼େକା ଆଜିତେରି । ୬ ଅଡ଼େ, ଦାଂଗଣାୟାଁ ବିଦ୍ରା ଞ୍ଜାହାନା ହିମ୍ବୁରି ପୁକ୍‌ହେରି ଇଞ୍ଜାଁ ପାଞ୍ଜାତା ଅହାନା ମାହଣି ମାଣ୍ଡାତା ମୁସ୍ତେରି ।

୭ ତାନି ଗାଂଗା ତାୟୁ ତାନି ତକ୍ତି ଝାଡ଼େ, ସାମା ଏନାଆଁ ଆହାମାନେ, ଏଡ଼ାଆଁ ଏଦି ପୁଞ୍ଜା ହିଲାଆଚେ । ୮ ପିତର ଏଦାନି ଝେଚେସି, “ନୀନୁ ଅଡ଼େ ନୀ ତକ୍ତା ଇଚେକା ଟାକାୟାଁତାକି କି ମୀ ବୁମି ପାରୁତେରି ?” ଏଦି ଏଲେଇଚେ, “ହାଅ ଏଚେକା ତାକିଏ ।”

୯ ପିତର ଏଦାନି ଏଲେଇଚେସି, “ପ୍ରବୁତି ଜୀସୁତି ତାୟିପାରି କିହାଲି ମୀରୁ ଏନାଆଁତାକି ରଣ୍ଡିଏ କାତା ଆଡେରି ? ମେହ୍‌ମୁ ଆନିନି ଗାଗାରି ନୀ ତକ୍ତାଈଁ ମୁସାମା ଞ୍ଜାହିମାନେରି, ଏଞ୍ଜାରି ଦୁଝେରିତା ଞ୍ଜାଚେରିଏ, ଇଞ୍ଜାଁ ଏଞ୍ଜାରି ନିଜେ ପାଞ୍ଜାତା ଡ଼େକା ଅୟାନେରି ।” ୧୦ ଏ କାତା ଝେଣ୍ଡମୁନିଏ ଏଦି ପିତର କଡ଼ା ଡ଼ଇ ତରୁଗାନା ହାହାହାଚେ, ଇଞ୍ଜାଁ ଦାଂଗଣାୟାଁ ବିଦ୍ରା ଞ୍ଜାହାନା ହାହାମାନାଣି ମେସ୍ତେରି ଇଞ୍ଜାଁ ପାଞ୍ଜାତା ଡ଼େକା ଅହାନା ତାନି ତକ୍ତା ଟଟତା ମୁସ୍ତେରି । ୧୧ ଏମ୍ବାଟିଏ ବାରେ କୁଲମି ଇଞ୍ଜାଁ ଏଚେକା ଲକ୍ଷ୍ମ ଈ ବାରେ କାତା ଝେଚେରି, ଏଞ୍ଜାରି ବାରେ ହାଡ଼େକା ଆଜିତେରି ।

କାବାଆନି ସିନାୟାଁ

୧୨ ପାଣ୍ଡୁଞ୍ଜି ଆଡ଼ାରି ତାଣାଟି ହାଡ଼େକା କାବାଆନି କାମାୟାଁ ଅଡ଼େ ସିନାୟାଁ ଆହାଲି ମାଟୁହେ, ଇଞ୍ଜାଁ ବାରେ ନାନିତାରି ରଣ୍ଡିଏ ଅଣ୍ଡପୁ ତଲେ ସଲମନତି ପିଣ୍ଡାତା କୁଡ଼ା ଆହିମାଚେରି, ୧୩ ସାମା ଏଚ୍‌କାଟି ଲକ୍ଷ୍ମ ଆମ୍ବାଆରି ଏଞ୍ଜାରିତଲେ କୁଡ଼ାଲି ସାସା କିହିହିଲାଆଚେରି; ଆଡ଼ିଜିକେଏ ଲକ୍ଷ୍ମ ଏଞ୍ଜାରି ଗାଞ୍ଜୁରମି କିହିମାଚେରି, ୧୪ ଇଞ୍ଜାଁ, ହାରେ ହାଡ଼େକା ଇୟସିକା ଅଡ଼େ ଆବାୟାଁ ନାମାହାଁ ପ୍ରବୁ ତାଣା କୁଡ଼ାଲି ଆଣ୍ଡିତେରି, ୧୫ ପାଣ୍ଡୁଞ୍ଜି ଆଡ଼ାରି କାମା ଦିନାତାକି ଦିନା ପାତାଆଚେ, ଇଲାଆହଁ, କି ପିତର ଞ୍ଜାନି ବେଲାତା ଏନିକଁ ତାନି ସାୟାଁ ରଗ ଗାଗାରି ଲାକ ଆଡ଼ିନେ, ଏନାଆଁତାକି ରଗ ଗାଗାଚାଈଁ ଆଂଗେଣିତା ଡ଼େକା ତାଚାନା କାଚେଲି ଇଞ୍ଜାଁ ପାୟପନିତା ଇଚିମାଚେରି । ୧୬ ଜିରୁସାଲମତି ସାରିସୁଟୁ ଗାଡ଼ାୟାଁତି ହାଡ଼େକା ଲକ୍ଷ୍ମ ରଗ ଗାଗାଚାଈଁ ଅଡ଼େ ବୁଡ଼ୁୟାଁ ଆଲ୍‌ଗିତାଚାଈଁ ତାଚିହଁ ଞ୍ଜାଚେରି, ଅଡ଼େ ଏଞ୍ଜାରି ବାରେଜାଣା ନେହଁ ଆଡେରି ।

ପାଣ୍ଡୁଞ୍ଜି ଆଡ଼ାରାଈଁ ସାସି

୫ ୪:୩୨ ୪:୩୨ କାମା ୨:୪୪,୪୫

୧୭ ଏଚେଟିଏ କାଜା ପୂଜେରାଜା ଅଡ଼େ ଏଞ୍ଜାଣି ବାରେ ତଡ଼ ଲକ୍ଷୁ, ନାୟୁଁତି ସାଦୁକିୟାଁ ଗଟିତାରି ପାଣ୍ଡୁଓ ଆଡ଼ାରାଇଁ ତାହାରା ଆହାନା ଏଞ୍ଜାରି କପାଟି ନିଜିତେରି । ୧୮ ଏଞ୍ଜାରି ପାଣ୍ଡୁଓ ଆହାମାନାରାଇଁ ଆସାନା କାୟିଦି ଇଲୁତା ଇଟିତେରି । ୧୯ ସାମା ଲାଆଁୟାଁ ବେଲାତା ପ୍ରଚୁତି ର ଦୁଡ଼ କାୟିଦି ଇଲୁତି ଦାରାୟାଁ ବାରେ ଦେତାତୁସ୍ତେ, ଇଞ୍ଜାଁ ଏଞ୍ଜାରାଇଁ ପାଜାତା ତାତାନା ଏଲେଇଚେ, ୨୦ “ହାଜୁ, ଇଞ୍ଜାଁ ମାହାପୁରୁ ଇଲୁତା ନିତାନା ଲକ୍ଷୁଣି ଈ ଜାଞ୍ଜୁତି ବାରେ କାତା ଖେହୁ ।” ୨୧ ଈ କାତା ଖେଞ୍ଜାନା ଏଞ୍ଜାରି ଲାଜଅଲି ମାହାପୁରୁ ଇଲୁତା ହଡ଼ାନା ଜାପୁହାଲି ମାଟୁହେରି ।

ଏମ୍ବାଟିଏ କାଜା ପୂଜେରାଜା ଅଡ଼େ ତାମି ତଣେସିଜା ଖାହାନା କୁଟମିତି କାଜାରାଇଁ ଅଡ଼େ ଇସ୍ତାୟେଲ ଲକ୍ଷୁତି ପ୍ରାତିନାଜାଣି ହାଟାନା କୁଡ଼ି କିଚେରି; ଇଞ୍ଜାଁ ପାଣ୍ଡୁଓ ଆଡ଼ାରାଇଁ ତାତାଲି କାୟିଦି ଇଲୁତା ଲକ୍ଷୁଣି ପାଣ୍ଡୁଓତେରି । ୨୨ ସାମା କାମାକିନାରି ହାଜାନା କାୟିଦି ଇଲୁତା ପାଣ୍ଡୁଓ ଆଡ଼ାରାଇଁ ବେଟାଆଆନା ଖେଣ୍ଡା ଖାହାନା ବେରଣି ମାଣ୍ଡାତାରାଇଁ ଖେସ୍ତେରି, ୨୩ “ମାମୁ କାୟିଦି ଇଜ ହାଜାନା ସିନିକିତମି, କାୟିଦି ଇଲୁ ଦେତା ଆଟୁଞ୍ଜା ତଲେ ସୁଣ୍ଡୁଓଆହାମାଚେ; ଇଞ୍ଜାଁ ଦୁଖେରିକାଣା କାଟାମାଟି କସ୍ତା ନିଗାମାଚେରି, ସାମା ଦାରା ଦେତାଲିଏ ବିତ୍ରା ଆମ୍ବାଆରାଇଁ ଜିକେଏ ବେଟାଆଆତମି !” ୨୪ ଈ ହାଡ଼ା ଖେଞ୍ଜାନା କାଜା ପୂଜେରାଜା ଅଡ଼େ ମାହାପୁରୁ ଇଲୁତି କସ୍ତା ମୁହେଁ କାଜାସି ପାଣ୍ଡୁଓ ଆଡ଼ାରାଇଁ ଏନାଆଁ ଆଡେ ଅଣପାନା ଏଞ୍ଜାରି କାତାତା ଆତାଜାକା ଆହାହାଚେରି । ୨୫ ଏଟିବେଲା ରଅସି ଖାହାନା ଏଞ୍ଜାରାଇଁ ଏଲେଇଚେସି, “ମେହୁଦୁ ମୀରୁ ଆମିନି ଗାଗାରାଇଁ କାୟିଦି ଇଲୁତା ଇଟାମାଚେରି, ଏଞ୍ଜାରି ମାହାପୁରୁ ଇଲୁତା ଜାପୁହିମାନେରି ।” ୨୬ ଏଚେଟିଏ କସ୍ତା ମୁହେଁ କାଜାସି, କାମାକିନାରି ତଲେ ହାଜାନା ପାଣ୍ଡୁଓ ଆଡ଼ାରାଇଁ ଖେଣ୍ଡେ ହାଟା ତାଚେରି, ସାମା ବାଡ଼ୁୟୁ ତଲେ ଆଏ, ଇଟିହୁଁ ଲକ୍ଷୁ ଖାଲକାତଲେ ଖେଟାନେରି ଜିକେଏ ଇଞ୍ଜାଁ ଆଜିମାଚେରି ।

୨୭ ଏଞ୍ଜାରି ଏଞ୍ଜାରାଇଁ ତାତାନା କୁଲମି ପାଜାତା ନିପୁହେରି, ଏମ୍ବାଟିଏ କାଜା ପୂଜେରା ଏଞ୍ଜାରାଇଁ ଖେଚେସି । ୨୮ “ଇ ମାଣସି ଦରୁତଲେ ଆମ୍ବାଆରାଇଁ ଜିକେଏ ଖେହୁଆଦୁ ଇଞ୍ଜାଁ ମାମୁ ଲାଣ୍ଡେ ହୁକୁମି ହାହାମାଞ୍ଜାତମି, ସାମା ସିନିକିଦୁ, ମୀରୁ ଏନାଆଁ କିହାମାଞ୍ଜେରି ! ଜିରୁସାଲମତି ସାରିଖାକି ମୀରୁ ଏ କାତା ଜାପୁହି ମାଞ୍ଜେରି ଇଞ୍ଜାଁ ଏଞ୍ଜାଣାଇଁ ନେଚେରିତି ଦହ ମା ମୁହେଁ ଏକହାଲି ଅଣପିମାଞ୍ଜେରି ।”

୨୯ ସାମା ପିତର ଇଞ୍ଜାଁ ଏଟକାଟି ପାଣ୍ଡୁଓ ଆହାମାନାରି ଏଲେଇଚେରି, “ମାଣସିୟାଁତି ହୁକୁମି ମାନି କିନି କିହାଁ ମାହାପୁରୁତି ହୁକୁମି ମାନି କିନାୟିମାନେ । ୩୦ ଆମିନି ଜାପୁଞ୍ଜି ମୀରୁ ପାସି ମୁଣ୍ଡାତା ଏକହାନା ପାୟାମାଚେରି, ମା ଆକୁ ଆବାୟାଁତି ମାହାପୁରୁ ଏଞ୍ଜାଣାଇଁ ଖେଣ୍ଡେ ନିକହାମାନେସି । ୩୧ ଇଞ୍ଜାଁ ଏଞ୍ଜାସି ଏନିକିଁ ଇସ୍ତାୟେଲତି ମନ ଖେଟପି କିହାଁ ପାପୁ ମେଣ୍ଡାଜି କିନେସି, ଏଡ଼ାଆଁତାକି ମାହାପୁରୁ ତାନି ଟିଃନି କେୟୁତଲେ ଏଞ୍ଜାଣାଇଁ କାଜାପାଣ୍ଡା ଇଞ୍ଜାଁ ଚେଲପିନାଣା ଲେହେଁ କାଜାସି କିହାମାନେସି । ୩୨ ଅଡ଼େ, ମାମୁ ଈ ବାରେତି ସାକି, ଇଞ୍ଜାଁ ଆମିନି ସୁଦୁଜାଞ୍ଜୁଇଁ ମାହାପୁରୁ ତାନି ହୁକୁମି ମାନିଓ ଆନାରାକି ହାହାମାଞ୍ଜାନେସି, ଏଡ଼ି ଜିକେଏ ସାକି ।”

୩୩ ଈ କାତା ଖେଞ୍ଜାନା କୁଟମିତି କାଜାରି ହାରେକା କାର୍ବି ଆହାହାଚେରି, ଇଞ୍ଜାଁ ଏଞ୍ଜାରାଇଁ ପାୟାଲି ତାକି କାତା ଆଡ଼େରି । ୩୪ ସାମା ଗମଲିୟେଲ ଦରୁଗାଟି ର ମାନିଗାଟି ପାରୁସି, ଆମିନିଗାଟାସି ମସାତି ମେରା ଜାପୁନାସି ମାଚେସି, ଏଞ୍ଜାସି ବେରଣିମାଣ୍ଡାତା ନିଗାନା ପାଣ୍ଡୁଓ ଆହାମାନାରାଇଁ ଗାଡ଼େକା ତାକି ପାଜାତା ପାଣ୍ଡୁଲି ହୁକୁମି ହାଚେସି । ୩୫ ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏଲେଇଚେସି “ଏ ଇସ୍ତାୟେଲ ଲକ୍ଷୁତେରି, ଇଞ୍ଜାରି ତାକି ମୀରୁ ଏନାଆଁ କିହାଲି ଅଣପିମାଞ୍ଜେରି, ଏ କାତାତା ଜାଗ୍ରାତା ଆହାମାଞ୍ଜୁ । ୩୬ ଇଟିହୁଁ ଈଦାଆଁ ନକେଏ ଡିଖୁଦା ଇନାସି ହଟାନା ତାନୁ ର କାଜା ମାଣସି କିହା କତିଚେସି, ଇଞ୍ଜାଁ ସାରି ଖାଞ୍ଜା ଲକ୍ଷୁ ଏଞ୍ଜାଣିତଲେ ଆଣ୍ଡିଚେରି; ଏଞ୍ଜାସି ପାୟୁଓ ଆଡ଼େସି, ଇଞ୍ଜାଁ ଏଚେକା ଲକ୍ଷୁ ଏଞ୍ଜାଣି ତାଣା ବାସୁଁ କିହାମାଚେରି, ଏଞ୍ଜାରି ବାରେ ଇତାଲା ଆତାଲା ଆହାଁ ଏନି କାମାତା ହାଆଚେରି । ୩୭ ଏ ଲକ୍ଷୁତି ଜେଟ ଲକ୍ଷୁଣି ଏଜିକିନି ବେଲାତା ଗାଲିଲିତି ଜୀହୁଦା ଇନାସି ହଟାନା ଲକ୍ଷୁଣି ତାନି ଖାକି ରେଜା ଅହାନା ତାନି ସୀସୁୟାଁ କିଚେସି; ଏଞ୍ଜାସି ଜିକେଏ ପାୟୁଓ ଆଡ଼େସି, ଇଞ୍ଜାଁ ଏଚେକା ଲକ୍ଷୁ ଏଞ୍ଜାଣି ଜେଟ ଆଣ୍ଡାମାଚେରି, ଏଞ୍ଜାରି ବାରେ ଇତାଲା ଆତାଲା ଆହାହାଚେରି । ୩୮ ଇଞ୍ଜାଁ ନୀଏଁ ନାନୁ ମିଜେ ଖେସିମାଞ୍ଜାଇଁ, ମୀରୁ ଈ ଲକ୍ଷୁଣି ଏନାଆଁ କିଆନା ଏଞ୍ଜାରାଇଁ ପିସାଡ଼ୁହୁଦୁ, ଇଟିହୁଁ ଈ କାତା କି କାମା ମାଣସି ତାଣାଟି ଆହାମାନେ, ଇଟିହୁଁ ଏଡ଼ି ଉଜେଏ ଆନେ; ୩୯ ସାମା ଏଡ଼ି ମାହାପୁରୁ ତାଣାଟି ଆହାମାନେ, ଇଟିହୁଁ ମୀରୁ ଏଞ୍ଜାରାଇଁ ଜାଣା ଆନି ସାସା ହଲେଏ, ଇଟିହୁଁ ମୀରୁ ମାହାପୁରୁ କପାଟି ଜୁଜୁ କିହମାଞ୍ଜେରି ଇଞ୍ଜାଁ ତଞ୍ଜା ଆଡ଼େରି !” ଏ ବାରେ କୁଟମି

☆ ୫:୨୮ ୫:୨୮ ମାଟି ୨୭:୨୫

ଗମଲିୟେଲ କାତାତି ଝେରେରି ।^{୪୦} ଇଞ୍ଜା ପାଣ୍ଡୁଝି ଆତାରାଇଁ ବିତ୍ରା ହାଟାନା ସାଟୁଣି ମାଡ଼ା ଝେଟାନା ଜୀସୁ ଦରୁତି କାତା ଝେହୁଆଦୁ ଇଞ୍ଜୁ ହୁକୁମି ହାହାନା ପିପ୍ରେରି ।^{୪୧} ମାହାପୁରୁ ନକିତା ଏଞ୍ଜାରି ଜୀସୁ ଦରୁ ତାକି ଲାଜା ବେଟାଆହାଲି ଜଟେ ଇଞ୍ଜୁ ଅଣ୍ଡାପାମାରେରି, ଏଦାଆଁତାକି ଏଞ୍ଜାରି ରାହାଁ କିହୁଁ କୁଟେମି ବିତ୍ରାଟି ହଟାଞ୍ଜାଟେରି;^{୪୨} ଅଡ଼େ, ଏଞ୍ଜାରି ଦିନାତାକି ଦିନା ମାହାପୁରୁ ଇଲୁତା ଇଞ୍ଜା ଇଲୁତାକି ଇଲୁ ଜାପୁହାଲି ଇଞ୍ଜା ଜୀସୁଏ ମସିହା, ଇ ନେହୁଁ କାତୁ ଝେକହାଲି ଉଣା ଆଆଡେରି ।



ସାଡ଼ା ଜାଣାତି କାମା ହେରୁପିନାୟି

^୧ ଏମ୍ବାଟିଏ ସୀସୁୟାଁ ହାରେ ହାରେକା ଜାଣା ଆହାଲି ମାଟୁହେରି, ଗ୍ରିକ୍ ଜଲିନି ଜୀହୁଦି ଲକୁ ଏବ୍ରି ଜଲିନି ନାମିତି ଲକୁଣି ଲାଜା କିହାଲି ମାଟୁହେରି, ଏନାଆଁତାକି ଇତିହୁଁ ଦିନାତାକି ଦିନା କାଦିକଣ୍ଡା ବାଟିକିନି ବେଲ୍ଲାତା ରାଟ୍ରେଣ୍ଡିସିକାକି ହାହି ହିଲ୍ଲାଆଡେରି ।^୨ ଏମ୍ବାଟିଏ ବାରଜାଣା ସୀସୁୟାଁ ବାରେ ନାମିତି ଲକୁଇଁ ର ତାଣ୍ଡା କୃତି କିହାନା ଏଲେଇଚେରି, “ମାହାପୁରୁତି ବଲୁ ଝେକହାଲି ପିସାହାଁ ବାଟି କିହାଲି ହିକିତିହୁଁ ନେହେଁ ଆଏ ।^୩ ଇଦାଆଁତାକି ଏ ତାୟିୟାଁ ଅଡ଼େ ତାଜିସ୍ତା, ମୀ ବିତ୍ରାଟି ନେହାଁରି ଇଞ୍ଜା ଝେଜିତି ସୁଦୁଜୀଝୁ ତଲେ ନେଞ୍ଜାମାନି ବୁଦିଗାଟି ସାଡ଼ା ଜାଣାଇଁ ଆଡ଼ାଦୁ, ଏଞ୍ଜାରିକି ଇ ବାଟିକିନି କାମା ହେରପାଦୁ ।^୪ ଆତିହୁଁ ମାମ୍ବୁ ପ୍ରାଡ଼ାନାତା ଇଞ୍ଜା ବଲୁ ଝେହୁନି ସେବା କାମାତା ରଣିଏ ଏଣ୍ଡପୁ ତଲେ ତୁୟିନମି ।”

^୫ ଇ କାତା ବାରେ ଲକୁତି କାନ୍ଦୁତା ନେହୁଁ ତଞ୍ଜାଆଡେ, ଇଞ୍ଜା ଏଞ୍ଜାରି ନାମ୍ବୁ ଅଡ଼େ ସୁଦୁଜୀଝୁତା ନେଞ୍ଜାମାନି ସ୍ତ୍ରୀପାନ ଦରୁ ଗାଟାଣାଇଁ ଇଞ୍ଜା ପିଲିପ, ପ୍ରକର, ନିକାନର, ତିମନ, ପାର୍ମନା, ଅଡ଼େ ଆନ୍ତ୍ରିୟକିୟାତି ତଲି ଜୀହୁଦି ଦାମ୍ବୁତା ଆଣ୍ଡାମାତି ନିକଲାୟଇଁ ଆଡ଼ିଚେରି, ^୬ ଏଞ୍ଜାରି ଏଞ୍ଜାରାଇଁ ପାଣ୍ଡୁଝି ଆଡ଼ାରି ତାଣ୍ଡା ତାଡେରି, ଇଞ୍ଜା ଏଞ୍ଜାରି ଲାକ କେସ୍ତା ଇଟାନା ପ୍ରାଡ଼ାନା କିଚେରି ।

^୭ ଏଚେଟିଏ ମାହାପୁରୁତି ବଲୁ ହାରେକା ଝେଜିଚେ, ଇଞ୍ଜା ଜିରୁସାଲମତା ସୀସୁୟାଁ ହାରେକା ପାତାଆହାଲି ମାଟୁହେରି; ଅଡ଼େ ପୁଜେରାଜା ବିତ୍ରାଟି ହାରେକା ଜାଣା କ୍ରୀସ୍ତଇଁ ନାମାଲି ମାଟୁହେରି ।

ବେରଣିମାଣ୍ଡାତା ସ୍ତ୍ରୀପାନ

^୮ ସ୍ତ୍ରୀପାନ ମାହାପୁରୁତି କାର୍ମା ଇଞ୍ଜା ବାଡ଼ୁୟୁ ବେଟାଆହାନା ଲକୁ ବିତ୍ରା କାଜା କାଜା କାବାଆନି କାମା ଅଡ଼େ ସିନାୟାଁ କିହାଲି ମାଟୁହେସି ।^୯ ସାମା ଲିବର୍ଡନ, କୁରିଣି ଅଡ଼େ ଆଲେକଜାଣ୍ଡ୍ରିୟା ଗାଡ଼ାୟାଁଣା ବାସା କିହାମାନି ଦରୁତା ଝେଜାମାନି ଜୀହୁଦି ଲକୁତି ପ୍ରାଡ଼ାନା ଇଲୁତି ଏଚେକା ଲକୁ ଅଡ଼େ କିଲିକିୟା ଇଞ୍ଜା ଆସିୟା ଦେସାତି ଏଟକା ଜୀହୁଦିକା ନିଜ୍ଜାମା ସ୍ତ୍ରୀପାନ ତଲେ ବାଦିବାଦା ଆଡେରି ।^{୧୦} ସାମା ଏଞ୍ଜାସି ଆନିନି ସୁଦୁଜୀଝୁ ଅଡ଼େ ବୁଦିତଲେ ଜଲିମାଚେସି, ଏଞ୍ଜାରି ଏ କାତାତି ଝେଣ୍ଡେ ଜଲ୍ଲାଲି ସାସା କିହିଲିଆଡେରି ।^{୧୧} ଏଚେଟିଏ ଏଞ୍ଜାରି ଏଚରଜାଣାତି ମାଡ଼ୁଝି କିହାନା ଏଲେଇଞ୍ଜୁ ଝେସାଲି ଜାପୁହେରି, “ମାମ୍ବୁ ଛୁଞ୍ଜାଣି ତାଣ୍ଡାଟି ମସା ଅଡ଼େ ମାହାପୁରୁ ନିନ୍ଦା କାତା ଜଲିମାଚାଣି ଝେଞ୍ଜାମାନମି ।”^{୧୨} ଅଡ଼େ, ଏଞ୍ଜାରି ବାରେ ଲକୁଣି, ଇଞ୍ଜା ପ୍ରାଡ଼ିନାଜାଣି ଅଡ଼େ ମେରା ପୁନାରାଇଁ କାରୁବି କିହାନା ଏଞ୍ଜାଣାଇଁ ବାଡ଼ୁୟୁ ତଲେ ଆସାନା ବେରଣିମାଣ୍ଡାତା ତାଡେରି, ^{୧୩} ଇଞ୍ଜା ମିଚି ସାକି ହାନାରାଇଁ ନିପୁହାନା; ଏଞ୍ଜାରିକି ଏଲେଇଚେରି, “ଇଞ୍ଜାସି ଇ ସୁଦୁ ପ୍ରାଡ଼ାନା ଇଲୁ ଇଞ୍ଜା ମସା ମେରାତି କପାଟି ଜଲ୍ଲାଲି ଉଣା ଆହିହିଲଅସି, ^{୧୪} ଇତିହୁଁ ନାଜୁରିତ ଜୀସୁ ମାହାପୁରୁ ଇଲୁତି ମ୍ଲେକନେସି, ଇଞ୍ଜା ମସା ମାଜେ ଆନିନି ମେରା ହାହାମାଞ୍ଜାନେସି, ଏ ବାରେ ଡିରିମ୍ବୁକନେସି ଇଞ୍ଜୁ ଝେସିମାଚାଣି ମାମ୍ବୁ ଝେଞ୍ଜାମାନମି ।”^{୧୫} ଏଚିବେଲା ବେରଣିମାଣ୍ଡାତା କୁଗାମାଟି ବାରେ ଲକୁ ସ୍ତ୍ରୀପାନଇଁ ଆଚେ ସିନିକିଚେରି, ଏଞ୍ଜାଣି ମ୍ବୁ ହୁଡୁତି ମ୍ବୁ ଫୁଲହେଁ ଉଜେଡି ତଞ୍ଜାଆଡେ ।



ସ୍ତ୍ରୀପାନ ଝେହୁନାୟି

^୧ ଏଚେଟିଏ କାଜା ପୁଜେରା ସ୍ତ୍ରୀପାନଇଁ ଝେଚେସି, “ଇ ବାରେ କାତା ସାଡ଼ା କି ?”

^୨ ସ୍ତ୍ରୀପାନ ଏଲେଇଚେସି, “ତାୟିୟାଁ ଅଡ଼େ ଆବାୟାଡେରି ଝେଞ୍ଜୁ ! ମା ଆବା ଅବାହାମ ହାରଣତା ବାସାଆନି ନକେଏ ଏଚିବେଲା ଏଞ୍ଜାସି ମେସପଟାମିୟାଁ ଦେସାତା ମାଚେସି, ଏଚିବେଲା ଗାଝୁରମିଗାଟି ମାହାପୁରୁ ଏଞ୍ଜାଣାଇଁ ତଞ୍ଜାଆଡେସି, ^୩ ଅଡ଼େ ଏଲେଇଚେସି ‘ନୀନୁ ମୀ ଇଲୁ କୁଟେମି ଇଞ୍ଜା ମୀ ଦେସାଟି ହଟା ଝାମ୍ବୁ, ଇଞ୍ଜା ନୀନୁ ଆନିନି ଦେସା ତସ୍ତାଇଁ ଏ ଦେସାତା ହାଲାମ୍ବୁ ।’^୪ ଏଚେଟିଏ ତାନି କଲ୍ଲଦିୟାୟାଁ ଦେସାଟି ହଟାଞ୍ଜାହାନା ହାରଣତା ବାସା କିଚେସି, ଇଞ୍ଜା ଅବାହାମତି ଆବା ହାଡି ତାୟୁ ଏମ୍ବାଟିଏ ମୀରୁ ନୀଏ

ଆମିନି ଦେସାତା ବାସା କିହାମାଞ୍ଜେରି, ମାହାପୁରୁ ଏ ଦେସାତା ଏଞ୍ଜାଣାଇଁ ତାରିହୁଁ ଖାତେସି, ୫ ଅଡ଼େ, ମାହାପୁରୁ ଅଗ୍ରାହାମକି ଏମ୍ବାଆଁ ଏନି ଅଦିକାରା ହାଆତେସି, ଅଡ଼େ ର ପାଞ୍ଜୁଲି ଓହ୍ନି ବୁମିଗାରି ଜିକେଏ ହାଆତେସି, ଇଞ୍ଜା ଏରିବେଲା ଏଞ୍ଜାଣାଇଁ ପଦି ପଦା ହିଲାଆତି ଜିକେଏ ଏଞ୍ଜାସି ଏଞ୍ଜାଣାଇଁ ଇଞ୍ଜା ତାନି ଖାହୁମାନି କୁଡ଼ାତାରିକି ଏଦାଆଁ ଅଦିକାରା କିହାଲିତାକି ହାଇଁ ଇଞ୍ଜୁ ଆଞ୍ଜିତେସି । ୬ ଇଞ୍ଜା ମାହାପୁରୁ ଇଲେଇଞ୍ଜୁଁ ଖେସ୍ତେସି, 'ତାନି କୁଡ଼ାତାରି ଏଡ଼କା ଦେସାତା ବାସା କିନେରି ଇଞ୍ଜା ଏ ଟାୟୁତି ଲକୁ ଏଞ୍ଜାରାଇଁ ସାରି ଖାଞ୍ଜା ବାସା ପାତେକା ହଲିୟାଞ୍ଜା କିହାଁ ଏଞ୍ଜାରାଇଁ ଖେଟି କାମା କିଓଁ କିହାନା ସାସି ହାନେରି ।' ୭ ଅଡ଼େ ମାହାପୁରୁ ଏଲେଇତେସି, ନାନୁ ଏଞ୍ଜାରାଇଁ ହଲିୟା କାମା କିଓଁ କିନାରାଇଁ ବିଚାରା କିଇଁ; ଅଡ଼େ ତାୟୁ ମା କୁଡ଼ାତାରି ଏ ଦେସାଟି ହଚା ଖାନେରି ଅଡ଼େ ଇ ଟାୟୁତା ନାଞ୍ଜେ ପ୍ରାତାନା କିୟାନେରି । ୮ ଅଡ଼େ ମାହାପୁରୁ ଅଗ୍ରାହାମକି ତଲୁ ଦାଝିନି ରାଜିମାନା ସିନାତି ହାତେସି, ଇଞ୍ଜା ଏଲେକିହୁଁ ଏ ଅଗ୍ରାହାମ ଇସାହାକଇଁ ଜାନି କିହାନା ଆଗାଦିନା ଆହାଲିଏ ଏଞ୍ଜାଣି ତଲୁ ଦାତେସି; ଇସାହାକ ଜାକୁବଇଁ, ଅଡ଼େ ଜାକୁବ ବାରଜାଣା ଖେଞ୍ଜିତି ଆକୁ ଆବାୟାଣି ଜାନି କିହାନା ତଲୁ ଦାପିକିତେସି ।"

୯ "ଜାକୁବ ମୀରୁଏସି ଜସେପଇଁ ତାନି ତାୟିୟାଁ ତାହାରା ଆହାନା ମିସର ଦେସାତା ଅଓଁଆୟାଲି ଏଞ୍ଜାଣାଇଁ ପାରୁତେରି; ସାମା ମାହାପୁରୁ ଏଞ୍ଜାଣିତଲେ ମାଚେସି, ୧୦ ଅଡ଼େ ବାରେ କସ୍ତରି ଜସେପଇଁ ଗେଲୁପାହାଁ ମିସରତି ପାର ରାଜା ନକିତା ମାହାପୁରୁ କାର୍ମା ତସାହାଁ ବୁଦି ହାତେସି; ଏମ୍ବାଟିଏ ପାର ଜସେପଇଁ ମିସର ଦେସା ଇଞ୍ଜା ତାନି ଇଲୁତି ସାଲୁଓଁ କିହାଲି ଅଦିକାରା ହାତେସି । ୧୧ ତାୟୁ ମିସର ଇଞ୍ଜା କାନିନ ଦେସାତା କାରୁଓଁ କାତାରା ଆଡ଼େ, ଲକୁ ହାରେକା କସ୍ତ ଆଡ଼େରି, ମା ଆକୁ ଆବାୟାଁ ତିଞ୍ଜାଲି କାଦିକଣ୍ଡା ବେଟାଆଆତେରି, ୧୨ ସାମା ମିସର ଦେସାତା ଆନାଁ ମାନେ ଇଞ୍ଜୁଁ ଖେଞ୍ଜାନା, ଜାକୁବ ତାନି ମୀରୁକା ଇତିହୁଁ ମା ଆକୁ ଆବାୟାଁଣି ତଲିଏ ପାଣ୍ଡିତେସି । ୧୩ ଏଞ୍ଜାରି ଅର ଦେବା ହାଜାଲିଏ ଜସେପ ତାନି ତାୟିୟାଁ ତାଣା ପୁଣ୍ଡି କିହା କତିତେସି, ଇଞ୍ଜା ମିସରତି ରାଜା ପାର ଜସେପ କୁଡ଼ାତାରି ଇଞ୍ଜୁଁ ପୁଚେସି । ୧୪ ଏମ୍ବାଟିଏ ଜସେପ ତାନି ଆବା ଜାକୁବ ଇଞ୍ଜା ତାନିକଡ଼ି ପନ୍ଦର ଜାଣା ତାନି କୁଟମିତି ହାଗାଲି ପାଣ୍ଡିତେସି, ୧୫ ଏମ୍ବାଟିଏ ଜାକୁବ ମିସର ଦେସାତା ହାଚେସି; ଇଞ୍ଜା ଏଞ୍ଜାସି ଅଡ଼େ ତାନି ମୀରୁକା ଏମ୍ବାଆଁ ହାତେରି । ୧୬ ଇଞ୍ଜା ଏଞ୍ଜାରି ମାଡ଼ହା ସିକିମତା ଅଓଁଆଡ଼େ, ଇଞ୍ଜା ଅଗ୍ରାହାମ ଏମ୍ବାଆଁ ହମର ମୀରୁକା ତାଣାଟି ଆମିନି ମାହୁଣି ମାଣ୍ଡା ଚାକାୟାଁ ହାହାଁ କତାମାଚେସି, ଏମ୍ବାଆଁ ମୁସ୍ତାପି ଆଡ଼େରି ।"

୧୭ "ସାମା, ମାହାପୁରୁ ଅଗ୍ରାହାମ ନକିତା ଆଞ୍ଜାମାତି ଲେହେଁ, ଏ ଆଞ୍ଜାମାନାୟି ପୁରା ଆନି କାଲା ଖାହାଲିଏ ମା ଲକୁ ମିସର ଦେସାତା ହାରେକା ଗାତି ପାତା ଆଡ଼େରି । ୧୮ ତାୟୁ ମିସର ଦେସାତା ଅଡ଼େ ର ରାଜା ଆଡ଼େସି, ଏଞ୍ଜାସି ଜସେପଇଁ ପୁଞ୍ଜା ହିଲାଆତେସି । ୧୯ ଏଞ୍ଜାସି ମା ଆକୁ ଆବାଣି ଖେପିକିତେସି ଅଡ଼େ ସାସି ହାତେସି, ତାନି କକାରି ହାପାରିଖା ଇଞ୍ଜୁଁ ଇଲୁତି ପାଞ୍ଜାତା କୁଡ଼ୁସାଲି ହୁକୁମି ହାତେସି । ୨୦ ଏରିବେଲାତା ମସା ଜାର୍ନା ଆତେସି, ଏଞ୍ଜାସି ମାହାପୁରୁ ନକିତା ହାରେକା ଅଜିତାସି ଇଞ୍ଜା ତାନି ଲେଞ୍ଜୁ ପାତେକା ତାନି ଆବା ଇଜ ପହିକିଓଁ ଆଡ଼େସି । ୨୧ ତାୟୁ ଏରିବେଲା ଏଞ୍ଜାସି ପାଞ୍ଜାତା ମେଡ଼ପି ଆଡ଼େସି, ଏରିବେଲା ପାର ରାଜା ମାଞ୍ଜା ଏଞ୍ଜାଣାଇଁ ଅହାନା ତାନି ମୀରୁଏଣା ଲେହେଁ ପହିକିତେ । ୨୨ ଅଡ଼େ ମସା ମିସର ଲକୁତି ବାରେ ବୁଦି ଜାପାନା କାତାତା ଅଡ଼େ କାମାତା ଖେଞ୍ଜିତେସି ।"

୨୩ "ମସାକି ରା କଡ଼ି ବାସା ଆୟାଲିଏ ତାନି ତାୟିୟାଁ ଇତିହୁଁ ଇସାୟେଲ ଲକୁତି ମାସ୍ତାକା ମୀରୁକାଣି ଏନିକିହୁଁ ଲେମ୍ବୁଓଁ ଆହିମାନେ ଇଞ୍ଜୁଁ ପୁଞ୍ଜାଲି ଅଣ୍ଡିତେସି । ୨୪ ଏଞ୍ଜାସି ରଅଣାଇଁ ମିସରତାସି ଗଡ଼ହା କିହିମାଚାଣି ମେସ୍ତେସି, ଏଞ୍ଜାଣାଇଁ ସାୟେମି କିହାଲି ହାଚେସି ଅଡ଼େ ବାଦୁଲି ଅହାନା ଏଞ୍ଜାଣାଇଁ ପାୟିତେସି । ୨୫ ଏଞ୍ଜାଣି କେୟୁଟି ମାହାପୁରୁ ତାନି ତାୟିୟାଁଣି ଗେଲୁପି ମାନେସି, ଇଦାଆଁ ଏଞ୍ଜାରି ପୁଞ୍ଜାଲି ଆଡ଼ିନେରି ଇଞ୍ଜୁଁ ଅଣ୍ଡିମାଚେସି, ସାମା ଏଞ୍ଜାରି ପୁଞ୍ଜାଲି ଆଡ଼ାଆତେରି । ୨୬ ତାନି ଅର ଦିନା ଇସାୟେଲ ଲକୁ ରିଆରି ମାଡ଼ା ଆହିମାଚାଣି ମେସ୍ତେସି, ଇଞ୍ଜା ଏଞ୍ଜାରାଇଁ ଆଣ୍ଡୁଓଁ କିହାଲି ମାଦି ଆହାଁ ଏଲେଇତେସି, 'ଆଡ଼େ, ମୀରୁତ ଇସାୟେଲ ତାୟିୟାଁତେରି: ଏନାଆଁତାକି ଇଲେଆହୁଁ ଗଡ଼ହା ଆହିମାଞ୍ଜେରି ?' ୨୭ ସାମା ଆମିନିଗାଟାସି ପାଡ଼ିତାଣାଇଁ ଲାଗେଏ କିହିମାଚେସି, ଏଞ୍ଜାସି ମସାଞ୍ଜି ମେତାନା ଏଲେଇତେସି, 'ଆମ୍ବାଆସି ନିଞ୍ଜେ ମା ଲାକ ସାଲୁଓଁ କିହାଲି ଅଡ଼େ ନାହାଁୟି କିହାଲି ହିୟାତେସି ?' ୨୮ 'ରେ୪ଏନି ଏନିକିଁ ମିସର ତାଣାଇଁ ପାୟାମାଟି, ଏଲେକିହୁଁ କି ନାନୁ ନାଞ୍ଜେ ପାୟାଲି ଅଣ୍ଡିମାଞ୍ଜାଦି ?' ୨୯ ଇ କାତା ଖେଞ୍ଜାନା ମସା ମିଦିୟନ ଦେସାତା ହାଜାନା ବାସା କିତେସି; ଇଞ୍ଜା ଏମ୍ବାଆଁ ରା ମୀରୁକା ଜାର୍ନା ଆଡ଼େରି ।"

୩୦ ତାୟୁ ରା କଡ଼ି ବାସା ଆୟାଲିଏ, ସିନୟ ହରୁ ତାଗେତି ଜାଡ଼ାତା ର ଦୁଡ଼ୁ ର ବୁଗାତା ହିଚୁ ଡ଼ୀଞ୍ଜାନା ତଞ୍ଜାଆଡ଼େସି । ୩୧ ମସା ଏଦାଆଁ ମେସାନା ଆତାଜକା ଆଡ଼େସି, ଇଞ୍ଜା ନେହୁଁକିଁ ସିନିକିହାଲି ତାଗେ

ହାଜିମାଟି ବେଲତା ପ୍ରବୃତ୍ତି ଇ ହାଡ଼ା ଖେଚେସି, ୩୭ “ନାନୁ ମୀ ଆକୁ ଆବାୟାଁ ମାହାପୁରୁ, ଅବାହାମତି, ଇସାହାକ ଅଡ଼େ ଜାକୁବତି ମାହାପୁରୁ” ଏଚେଟିଏ ମସା ଆଜିତାକି ନେହଁକଁ ସିନିକିହାଲି ସାସା କିଆଡେସି । ୩୮ ପ୍ରବୁ ଏଞ୍ଜାଣାଇଁ ଏଲେଇଚେସି, “ନୀ କଡାତି ସେପୁୟାଁ ହୁକୁମି, ଇଚିହଁ ନୀନୁ ଆମିନି ଚାୟୁତା ନିଚାମାଞ୍ଜି ଏଡି ସୁଦୁଗାଟି ଚାୟୁ । ୩୯ ମିସରତା ନା ଆମିନି ଲକୁ ମାନେରି, ନାନୁ ଏଞ୍ଜାରି କସ୍ତୁ ମେସାମାଇଁ, ଅଡ଼େ ଏଞ୍ଜାରି ଡାହିମାନାଣି ଖେଞ୍ଜାମାଇଁ, ଇଞ୍ଜାଁ ଏଞ୍ଜାରାଇଁ ଗେଲ୍ପାଲି ଚେଟା ଖାହାମାଇଁ; ଇଞ୍ଜାଁ ନାଏଁ ଖାମୁ ନାନୁ ନିଜେ ମିସର ଦେସାତା ପାଣ୍ଡାଇଁ ।”

୩୫ “ମସାଇଁ ଇସ୍ତାୟେଲତି ଲକୁ ଅପାଆଡେରି । ଏଞ୍ଜାରି ଏଞ୍ଜାଣାଇଁ ଏଲେଇଚେରି, ‘ମାଜେ ସାଲ୍‌ଖି କିହାଲି ଅଡ଼େ ନାହାଁୟି କିହାଲି ଆମ୍ବିଟି ଅଦିକାରା ବେଟାଆଡି ? ଏଞ୍ଜାଣାଇଁ ମାହାପୁରୁ ଲକୁଣି ସାଲ୍‌ଖି କିହାଲି ଅଡ଼େ ମୁକଲ୍‌ଖି କିହାଲି ଦୁତୁତି ସାୟେମି ତଲେ ହିଚୁ ଡାଞ୍ଜିମାନି ବୁଚାତା ତଞ୍ଜାଆହାନା ପାଣ୍ଡାଡେସି । ୩୬ ଏଞ୍ଜାସି ଲକୁଣି ମିସର ଦେସାଟି, ସୁପ ସାମଦୁରି, ଇଞ୍ଜାଁ ରୀ କଡ଼ି ବାସାଁ ପାଡେକା ବାଗାତା ହାଚେକା କାବାଆନି କାମା ଅଡ଼େ ସିନାୟାଁ ତସାହାଁ ଏଞ୍ଜାରାଇଁ ହପୁହା ତାଡେସି । ୩୭ ଏ ମସା ତାନୁଏ ଇସ୍ତାୟେଲ ମୀର୍କାଣି ଏଲେଇଚେସି, ମାହାପୁରୁ ମୀ ତାୟିୟାଁ ବିତ୍ରାଟି ମିଜେତାକି ନା ଲେହେଁକି ର ମାହାପୁରୁ ଅଣପୁତି ବଲୁ ଖେହନାଣାଇଁ ହିୟାନେସି । ୩୮ ଏ ମସା ବାଃଲି ବାଗାତା କୁଡା ଆହାମାନି ଇସ୍ତାୟେଲ ଲକୁତଲେ ମାଚେସି । ସିନୟ ହରୁତା ତାନିତଲେ କାତା ଆହିମାଟି ଦୁତୁ ଇଞ୍ଜାଁ ମା ଆକୁ ଆବାୟାଁ ବିତ୍ରା ମାଦିତାସି ମାଚେସି; ଏଞ୍ଜାସି ମିଜେ ହାହାଲିତାକି ମାହାପୁରୁ ତାଣାଟି ଜୀଞ୍ଜୁତି ବଲୁ ବେଟାଆଡେସି ।”

୩୯ “ସାମା ମା ଆକୁ ଆବାୟାଁ ଏଞ୍ଜାଣି କାତା ଆହୁଆନା ଏଞ୍ଜାଣାଇଁ ଅପାଆଡେରି, ଅଡ଼େ ମିସର ଦେସାତା ଖେଞ୍ଜା ହାଜାଲି ମନ କିଚେରି, ୪୦ ଏଦାଆଁତାକି ଏଞ୍ଜାରି ହାରଣାଇଁ ଏଲେଇଚେରି । ‘ମା ନକି ନକିତା ହାଜାଲି ମାଜେତାକି ପେଣକାଣି କେପାମୁ, ଇଚିହଁ ମାଜେ ମିସର ଦେସାଟି ହପୁହା ତାଡାତି ମସାକି ଏନାଆଁ ଆଡେ ମାମୁ ପୁଞ୍ଜାହିଲଅମି । ୪୧ ଅଡ଼େ, ଏଟିବେଲତା ଏଞ୍ଜାରି ର କଡ଼ି ତାଲୁତି ବମା କେପାନା ଏ ବମା ତାକି ପୂଜା ହାହାନା ତାମି କେୟୁଟି କେପିତି ଆସି ତାକି ରାହାଁ କିଚେରି । ୪୨ ସାମା ମାହାପୁରୁ ଏଞ୍ଜାରି ତାଣାଟି ଏଚକା ଆହାନା ଏଞ୍ଜାରାଇଁ ହାଗୁଲକତି ହୁକାୟାଁଣି ସେବା କିୟାଲି ପିସ୍ତେସି, ଏନିକଁ ମାହାପୁରୁ ଅଣପୁତି ବଲୁ ଖେହନାରି ପତିତା ରାସ୍‌କି ଆହାମାନେ;

ଏ ଇସ୍ତାୟେଲ କୁଡାଡେରି,

ବାଗାତା ରୀ କଡ଼ି ବାସାଁ ପାଡେକା ମୀରୁ ନାଜେତାକି କଡ଼ି ଗରି ପୂଜା କିହାହିଲାଆଡେରି ।

୪୩ ମୀରୁ ପୂଜା କିହାଲି ଆମିନି ବମାୟାଁ କେପାମାଚେରି,

ଏ ମଲକ ପେନୁତି ତୁମୁ ଅଡ଼େ ରମପାନ୍ ପେନୁତି ହୁକାତି ମୀରୁ ଆସାନା ସେବା କିଚେରି,
ଏଦାଆଁତାକି ନାନୁ ମିଜେ ବାବିଲନ ଆତାଲା ବାସା ଆୟାଲି ପାଣ୍ଡାଇଁ ।”

୪୪ “ନାନୁ ଏନିକଁ ମେସାମାଞ୍ଜି, ଏଲେକିହଁଏ ସାକି ହାନି ତୁମୁ ଇଲୁ କେପାମୁ ଇଞ୍ଜାଁ ମସାକି ଆମ୍ବାଆସି ଖେସାମାଚେସି, ଏଞ୍ଜାଣି ହୁକୁମି ତଲେ ମା ଆକୁୟାଁ ବାଗାତା ସାକି ହାନି ତୁମୁ ଇଲେ କେପାମାଚେରି । ୪୫ ତାୟୁ ମା ଆକୁ ଆବାୟାଁ ଏଦାଆଁତାମି ଆବାୟାଁ ତାଣାଟି ବେଟାଆଡେରି ଇଞ୍ଜାଁ ଜିହସୁୟ ତଲେ ତାକିମାଟିବେଲା ଏଞ୍ଜାରି ଏଦାଆଁ ଡେକା ଅଡ଼େରି, ଏମାଟିଏ ମାହାପୁରୁ ଏଞ୍ଜାରି ନକିତା ମାଟି ବାରେ କୁଡାତି ଲକୁଣି ପେରୁହା ତୁସାଲିଏ, ଇସ୍ତାୟେଲ ଲକୁ ଇଞ୍ଜାରି ଦେସା ଜାଣାଆହାନା ଇ କୁଡାଆନି ତୁମୁ ଇଲୁ ଏମାଆଁ ତାଚାନା ଇଚିଚେରି, ଇଞ୍ଜାଁ ଏଡି ଦାଞ୍ଜୁତ ରାଜା ପାଡେକା ଏମାଆଁ ତୁୟିଡେ । ୪୬ ଦାଞ୍ଜୁତ ମାହାପୁରୁ ନକିତା କାଣାଁ ବେଟାଆହାନା, ଜାକୁବତି ମାହାପୁରୁକି ର ବାସାଗାୟୁ କିହାଲି ପ୍ରାତାନା କିଚେସି । ୪୭ ସାମା ସଲମନ ମାହାପୁରୁକି ଏ ଇଲୁ କେପିଚେସି ।”

୪୮ “ସାମା ବାଡୁୟୁ ଗାଟି ମାହାପୁରୁ ମାଣସି କେୟୁତଲେ କେପିତି ଇଲୁତା ବାସା କିଅସି; ଏନିକଁ ମାହାପୁରୁ ଅଣପୁତି ବଲୁ ଖେହନାରି ଖେସାମାନେରି ।”

୪୯ ପ୍ରବୁ ଏଲେଇଞ୍ଜା ମାନେସି, “ଲାକପୁରୁ ନା ସିଂଗାସାଣି,
ଦାରୁତି ନା କଡା ଇଚିନି ଚାୟୁ,

ମୀରୁ ନା ତାକି ଏନିଲେହେଁଟି ଇଲୁ କେପିଦେରି ?
ଇଞ୍ଜାଁ ନା ଜମିନି ଚାୟୁ ଏମ୍ବିୟାମାନେ ?

୫୦ ନା କେୟୁ ଇ ବାରେ ଗାଡ଼ି କିହାହିଲେଏ କି ?”

୫୧ ସ୍ତ୍ରୀପାନ ଏଲେଇଚେସି, “ମୀରୁ ଏଚେକା ମୁଣ୍ଡି ଗାଟାଡେରି, ଇଞ୍ଜାଁ ଅଚହା କଡାଆଡି ହିୟାଁ ଗାଟାଡେରି ଅଡ଼େ ମାହାପୁରୁତି ବଲୁ ତାକି କାକାଁ ଖେନାଆ ଗାଟାଡେରି, ମୀରୁ କାଲେଏ ସୁଦୁଜୀଞ୍ଜୁତି କସ୍ତୁ

ହାହିମାଞ୍ଜେରି; ମୀ ଆକୁ ଆବାୟାଁ ଏନିକିଁ ମୀରୁ ଜିକେଏ ଏଲେତାତେରି । ୫୨ ମାହାପୁରୁ ଅଣପୁତି ବଲୁ ଝେହନାରାଇଁ ଆମ୍ବାଆରାଇଁ ଜିକେଏ ମୀ ଆକୁ ଆବାୟାଁ ନିନ୍ଦା କିହାହିଲାଆତେରି ? ଆମିନି ଗାଗାରି ଏ ଦାମ୍ବୁଗାଗାସି ଖାନ୍ତି କାତା ନଚକଏ ଝେସାମାଚେରି, ଏଞ୍ଜାରାଇଁ ଏଞ୍ଜାରି ପାୟିତେରି; ନୀଏଁ ମୀରୁ ଏଞ୍ଜାଣାଇଁ ସାତୁୟାଁ କେୟୁତା ହେରପାନା ପାୟିତେରି । ୫୩ ମୀରୁ ମାହାପୁରୁତି ଫେରା ବେଗାଆହା ମାଚେରି, ଏ ଫେରା ଦୁରୁୟାଁ ତାଣାଟି ହାପକି ଆହାମାଚେ, ଆଡ଼ିଜିକେଏ ମୀରୁ ଏଦାଆଁ ନାମାଆତେରି ।”

ଝାଲୁକାତଲେ ସ୍ତ୍ରୀପାନଇଁ ପାୟିନାୟି

୫୪ ସ୍ତ୍ରୀପାନ ବେରଣିମାଣ୍ଡାତା କୁଗାମାଟି ଲକୁଇଁ ଇ ବାରେ କାତା ଝେସେସି, ଏମ୍ବାଆଁ ମାଟି ପାରୁସି ଇଞ୍ଜା ବାରେ କୃତ୍ତା ଆହାମାଚାରି କାରୁରି ଆହାଁ ପାଲୁକା ଚୀଟି କିହାଲି ମାଟୁହେରି । ୫୫ ସାମା ସ୍ତ୍ରୀପାନ ସୁଦୁଜୀସୁ ତଲେ ନେଞ୍ଜାନା ଲାକପୁରୁ ଝାକି ସିନିକିତେସି, ଇଞ୍ଜା ମାହାପୁରୁତି ଗାଞ୍ଜୁରମି ଅଡ଼େ ଜୀସୁଇଁ ମାହାପୁରୁତି ଚିଃନିଝାକି ନିଚାମାନାଣି ମେସାନା ଏଲେଇଚେସି । ୫୬ “ମେହୁଦୁ ନାନୁ ଲାକପୁରୁ ଦେପିଆହାମାନାଣି ଅଡ଼େ ମାଣସି ମୀରୁଏସି ମାହାପୁରୁତି ଚିଃନିଝାକି ନିଚାମାନାଣି ମେସିମାଇଁ !”

୫୭ ଏ କାତା ଝେନାଆପ ଇଞ୍ଜାଁ କାଲୁଝି ଆହୁଁ ବେରଣି ମାଣ୍ଡାତାରି କାର୍କା ମୁଚାକତିତେରି । ତାୟୁ ବାରେଜାଣା ରୁଣ୍ଡା ଆହାନା ଏଞ୍ଜାଣାଇଁ ମୁଚିତେରି । ୫୮ ଅଡ଼େ ଏଞ୍ଜାରି ଏଞ୍ଜାଣାଇଁ ଗାଡ଼ାଟିଏ ପାଜାମାତା ରେଜା ଅହାନା ଏଞ୍ଜାଣାଇଁ ଝାଲୁକାତଲେ ଝେଚାଲି ମାଟୁହେରି; ଅଡ଼େ ସାକିୟାଁ ବିତ୍ରାଟି ସାଞ୍ଜୁଲ କତାୟାଁ ତୁଇ ହିମୁରିକା କାଟିମାଚେସି । ୫୯ ଏଚିବେଲା ଏଞ୍ଜାରି ସ୍ତ୍ରୀପାନଇଁ ଝାଲୁକା ଝେଟି ମାଚେରି, ଏଚିବେଲା ଏଞ୍ଜାସି ମାହାପୁରୁ ତାଣା ପ୍ରାତାନା କିହାନା ଏଲେଇଚେସି, “ପ୍ରବୁ ଜୀସୁ, ନା ଜୀସୁତି ଅହାକତାମୁ !” ୬୦ ଇଞ୍ଜା ଏଞ୍ଜାସି ମେଣ୍ଡାକୁତାନା କାଜା ଗିୟାଁତଲେ ଏଲେଇଚେସି, “ପ୍ରବୁ ! ଇ ପାପୁ ଇଝାରି ତାଣା ଲେକା କିଆନି” ଏଲେଇଞ୍ଜାହାଁ ହାଡ଼େସି ।



ସାଞ୍ଜୁଲ କ୍ରୀସ୍ତାନା କୁଲମିତି ସାସ୍ତ୍ରୀ ହାନାୟି

୧ ସ୍ତ୍ରୀପାନଇଁ ପାୟିତାୟି ନେହେଁ ଆଡ଼େ ଇଞ୍ଜାଁ ସାଞ୍ଜୁଲ ଅଣପିମାଚେସି । ଏ ଦିନାଟିଏ ଜିରୁସାଲମତା ମାନି କୁଲମିକାକି ହାରେକା ନିନ୍ଦା ସାସ୍ତ୍ରୀ ଝାଡ଼େ; ଏମ୍ବାଟିଏ ପାଣ୍ଡୁଝି ଆହାମାନାରି ପିସପେ ବାରେ ନାମିତାରି, ଜୀହୁଦା ଦେସା ଇଞ୍ଜାଁ ସମିରଣ ନାସ୍ତକା ସାରିସୁରୁ ଇତାଲା ଆତାଲା ଆଡ଼େରି । ୨ ଆଡ଼ିଜିକେଏ ଏଚେକା ନାମୁଗାଟି ଲକୁ ସ୍ତ୍ରୀପାନଇଁ ମୁସ୍ତେରି ଇଞ୍ଜାଁ ହାରେକା ଦୁକୁ ତଲେ ତୃପତେରି ।

୩ ୩ ସାମା ସାଞ୍ଜୁଲ କୁଲମିତା ହାଜିହୁଁ ଇଲୁତାକି ଇଲୁ ହଡ଼ିହୁଁ ନାମିତି ଆୟାସିକା, ଆବାଣି ରେଜା ତାଗାନା କାୟିଦି ଇଲୁତା ହେରପିହୁଁ କୁଲମିତି ନାସା କିହାଲି ମାଟୁହେସି ।

ସମିରଣତା ନେହୁଁ କାବୁ ଝେକନାୟି

୪ ଏମ୍ବାଟିଏ ଆମିନି ଗାଗାରି ଇତାଲା ଆତାଲା ଆହାମାଚେରି, ଏଞ୍ଜାରି ସାରିସୁରୁ ରେଜି ରେଜି ନେହୁଁ କାବୁ ଝେକହେରି । ୫ ଇଞ୍ଜାଁ ପିଲିପ ସମିରଣତି କାଜା ଗାଡ଼ାତା ହାଜାନା ଲକୁ ନକିତା ମସିହାଟି କାତା ଝେକହେସି । ୬ ଅଡ଼େ, ଲକୁ ବାରେ ପିଲିପ ହାଡ଼ା ଝେଚେରି ଇଞ୍ଜାଁ ଏଞ୍ଜାସି କିହାମାନି କାବାଆନ୍ତି କାମା ମେସାନା ରଣ୍ଡିଏ ହିୟାଁ ତଲେ ଏଞ୍ଜାଣି କାତାତି ଝେଞ୍ଜିମାଚେରି । ୭ ଇତିହୁଁ ଆଲଗାମାଟି ପଲୁଆ ବୁଡୁ ହାରେକା ଲକୁ ତାଣାଟି କାଜା ଗିୟାଁତଲେ କିରୁଡ଼ିହୁଁ ହ୍ରାହାହୁ, ଇଞ୍ଜାଁ ଚଟ ଝାୟିତାରି ଅଡ଼େ ସପାୟାଁ ହାରେକା ଜାଣା ନେହୁଁ ଆଡ଼େରି । ୮ ଏଦାଆଁତାକି ଏ ଗାଡ଼ାତା ହାରେକା କାଜା ବାହାଁ ଆଡ଼େ ।

୯ ସାମା ସିମନ ଦରୁଗାଗାସି ରଅସି ଇ ନଚକଏ ଏ ଗାଡ଼ାତା ଗାରୁଡ଼ି କିହୁଁ ନାନୁ କାଜାଚେର୍ଥ ଇଞ୍ଜାଁ ଝେସା କଡ଼ିହୁଁ ସମିରଣତି ଲକୁଣି କାବା କିହିମାଚେସି । ୧୦ ମାହାପୁରୁତି ଆମିନି ବାଡ଼ୁୟୁତି କାଜାୟି ଇଞ୍ଜାଁ ଇଣ୍ଡାମି ଆନ୍ନେ, ଉଣାଟିଏ କାଜାରି ପାଚେକା ବାରେଜାଣା ଇଞ୍ଜାସିଏ ଏଞ୍ଜାସି ଇଞ୍ଜାଁ ଏଞ୍ଜାଣାଇଁ ମାନ୍ତି କିହିମାଚେରି । ୧୧ ଏଞ୍ଜାରି ଏଞ୍ଜାଣାଇଁ ମାନ୍ତି କିହିମାନାୟି ଆଡ଼େ, ହାରେକା ଦିନାଟିଏ ତାନି ଗାରୁଡ଼ି କାମା ତଲେ ଏଞ୍ଜାରିଇଁ କାବା କିହିମାଚେସି । ୧୨ ସାମା ପିଲିପ ମାହାପୁରୁତି ରାଜି ଇଞ୍ଜାଁ ଜୀସୁ କ୍ରୀସ୍ତ ଦରୁଡ଼ି ନେହୁଁ କାବୁ ଝେକହାଲିଏ ଏଞ୍ଜାରି ଏଚିବେଲା ଏଞ୍ଜାଣି କାତାତା ନାମିତେରି, ଇଞ୍ଜାଁ ଆୟାସିକା ଅଡ଼େ ଆବାୟାଁ ବାପ୍ତିସ୍ତା* ଅହାଲି ମାଟୁହେରି । ୧୩ ଅଡ଼େ ସିମନ ତାନୁଏ ନାମିତେସି ଇଞ୍ଜାଁ ବାପ୍ତିସ୍ତା* ଅଡ଼େସି,

* ୮:୩ ୮:୩ କାମା ୨୨:୪,୫; ୨୬:୯-୧୧ * ୮:୧୨ ୮:୧୨ ମୁଞ୍ଜିନାୟି † ୮:୧୩ ୮:୧୩ ମୁଞ୍ଜିନାୟି

ଇଞ୍ଜା ପିଲିପ ତଲେ ଡ଼ୟିତେସି, ଅଡ଼େ ହାରେକା ସିନାୟାଁ ଇଞ୍ଜା ହାରେକା ବାଡ଼ୁୟୁତି କାବାଆନି କାମାୟାଁ ମେସାନା କାବା ଆହାହାରେସି ।

୧୪ ସମିରଣତି ଲକୁ ଜିକେଏ ମାହାପୁରୁ ବଲୁତି ନାମିମାନେରି, ଇଞ୍ଜା ଜିରୁସାଲମତା ମାନି ପାଣ୍ଡୁଝି ଆଡ଼ାରି ଝେରେରି, ଏମ୍ବାଟିଏ ଏଞ୍ଜାରି ପିତର ଅଡ଼େ ଜହନଇଁ ଏଞ୍ଜାରିତାଣା ପାଣ୍ଡୁତେରି । ୧୫ ଏଞ୍ଜାରି ଏଗାହାଜାନା, ଏଞ୍ଜାରି ଏନିକିଁ ସୁଦୁଜୀଝୁ ବେଟାଆନେରି, ଏଦାଆଁତାକି ଏଞ୍ଜାରି ତାକି ପ୍ରାଡ଼ାନା କିତେରି । ୧୬ ଇଚିହଁ ନୀଏଁ ପାତେକା ଏଞ୍ଜାରିତାଣା ଆମ୍ବାଆରି ଲାକ ସୁଦୁଜୀଝୁ ରେଟା ହିଲାଆତେ, ଇଚିହଁ ଏଞ୍ଜାରି ଝାରଇ ପ୍ରୁଜୀୟୁ ଦରୁତଲେ ବାପୁସ୍ତଃ ଅହାମାତେରି । ୧୭ ପିତର ଅଡ଼େ ଜହନ ଏଞ୍ଜାରି ଲାକ କେନ୍ଦୁ ଇଚିତେରି ଇଞ୍ଜା ଏଞ୍ଜାରି ସୁଦୁଜୀଝୁ ବେଟାଆନେସି ।

୧୮ ପାଣ୍ଡୁଝି ଆଡ଼ାରି କେନ୍ଦୁ ଇଚିସାରେ ସୁଦୁଜୀଝୁ ଝାହିମାନାଣି ମେସାନା, ସିମନ ଏଞ୍ଜାରାକି ଟାକାୟାଁ ହାହାନା ଏଲେଇଚେସି, ୧୯ “ନାଜେ ଜିକେଏ ଇ ବାଡ଼ୁୟୁ ହିୟାଦୁ, ଏନିକିଁ ନାନୁ ଆମିନିଗାଟାଣି ଲାକ କେନ୍ଦୁ ଇଚିଇଁ ଏଞ୍ଜାସି ସୁଦୁଜୀଝୁ ବେଟାଆନେସି ।”

୨୦ ସାମା ପିତର ଏଞ୍ଜାଣାଇଁ ଏଲେଇଚେସି “ନୀ ଟାକାୟାଁ ନୀ ତଲେ ନସୁ ଆପୁ, ଇଚିହଁ ନାନୁ ଟାକାୟାଁ ହାହାନା ମାହାପୁରୁତି ଦାନା କଡ଼ାଲି ଅଣ୍ଡପିତି । ୨୧ ଇ କାମାତା ନୀଦି ଏନି ବାଟା କି ଅଦିକାରା ହିଲେଏ, ଇଚିହଁ ମାହାପୁରୁ ତାଣା ନୀ ହିୟାଁ ଟିକାଣା ହିଲେଏ । ୨୨ ଇଦାଆଁତାକି ନୀ ଲାଗେଏତି ଅଣ୍ଡପୁଟି ମନ ଝେଟହାଁ ପ୍ରୁ ତାଣା ପ୍ରାଡ଼ାନା କିମ୍, ଏନିଆଡ଼ିହଁ ନୀ ହିୟାଁତା ମାନି ଲାଗେଏତି ଅଣ୍ଡପୁ ମ୍ବେକନେସି; ୨୩ ଇଚିହଁ ନାନୁ ମେସିମାଞ୍ଜାଇଁ ନୀ ହିୟାଁ ବିତ୍ରା ତାହାରା ଆନାୟି ମାନେ, ନୀନୁ ଲାଗେଏତି ପାନ୍ଦାତା ଦସ୍ପି ଆହାମାଞ୍ଜି ।”

୨୪ ଏଚେଟିଏ ସିମନ, ପିତର ଅଡ଼େ ଜହନଇଁ ଏଲେଇଚେସି, “ମୀରୁ କାର୍ମା ଅଣ୍ଡପାନା ନା ତାକି ପ୍ରୁ ତାଣା ପ୍ରାଡ଼ାନା କିପୁ, ମୀରୁ ଏନାଆଁ ଜଲିତେରି ଏ ବାରେ ଏନିକିଁ ନାଜେତାକି ଏଲେଆହଁ ଆଏ ।”

୨୫ ଇଲେକିହଁ ପିତର ଅଡ଼େ ଜହନ ସାକି ହାହଁ ପ୍ରୁତ ବଲୁ ଝେସିହଁ, ହାରେକା ସମିରଣ ନାସ୍କାଣାଁ ନେହଁ କାଡ଼ୁ ଝେସି ଝେସିହଁ ଜିରୁସାଲମତା ଝେଣ୍ଡା ହାଚେରି ।

ପିଲିପ ଅଡ଼େ ଇଚିୟପିୟାତି କାମାକିନାସି

୨୬ ତାନ୍ଦୁ ପ୍ରୁତ ର ଦୁଡୁ ପିଲିପଇଁ ଏଲେଇଚେସି, “ନିଙ୍ଗାମୁ ଇଞ୍ଜା ଚିଟନି ଝାକିତି ଆମିନି ଜିରୁ ଜିରୁସାଲମଟିଏ ଗଜା ଝାକି ମାନେ ଏ ଜିରୁତା ହାଲାମୁ ।” ଏ ଜିରୁତି ଅଡ଼େ ଲକୁ ତାକିହଲଅରି ।

୨୭ ଏମ୍ବାଟିଏ ଏଞ୍ଜାସି ନିଙ୍ଗାନା ହାଚେସି, ଇଚିୟପିୟା ଡେସାତି କାଣ୍ଡାକି ଦରୁଗାଟି ରାଣିନି ତୁଇ ର କାଜାପାଣା ବେଟାଆହାମାନି ପେଜୁ ଆମିନିଗାଟାସି ଇଚିୟପିୟା ରାଣିନି ବାରେ ଦନତି ଗୁମୁସା ମାଚେସି, ଏଞ୍ଜାସି ମାହାପୁରୁ ତାଣା ପ୍ରାଡ଼ାନା କିହାଲି ଜିରୁସାଲମତା ଝାହାମାଚେସି; ୨୮ ଏଞ୍ଜାସି ମାହାପୁରୁ ଅଣ୍ଡପୁଟି ବଲୁ ଝେହ୍ନି ଜିସାୟତି ପତି କାଜା ଗିୟାତଲେ ପଡ଼ୁଝି ଆହଁ ରାତାତା କୁଗାନା ଝେଣ୍ଡା ହାଜିମାଚେସି ।

୨୯ ଏଚିବେଲ୍ ସୁଦୁଜୀଝୁ ପିଲିପଇଁ ଏଲେଇଚେ, “ନକିତା ହାଜାନା ରାତାତା ହାଜିମାନାଣି ତାଣା ହାଲାମୁ;”

୩୦ ଏଚେଟିଏ ପିଲିପ ହଚି ହଚି ହାଜାନା ଜିସାୟତି ପତି କାଜା ଗିୟାତଲେ ମାହାପୁରୁ ଅଣ୍ଡପୁଟି ବଲୁ ପଡ଼ୁଝି ଆହିମାନାଣି ଝେଞ୍ଜାନା ଝେଚେସି, “ନୀନୁ ଆମିନିଗାଟାଣି ପଡ଼ୁଝି ଆହିମାଞ୍ଜି ଏଦାଆଁ ପୁଞ୍ଜାଲି ଆଡ଼ିମାଞ୍ଜି କି ?”

୩୧ ପେଜୁ ଏଲେଇଚେସି, “ଆମ୍ବାଆସି ନାଜେ ଝେସ୍ତାଆସାରେ ନାନୁ ଏନିକିଁ ପୁଇଁ ?” ଇଞ୍ଜା ଏଞ୍ଜାସି ପିଲିପଇଁ ରାତାତା ହଟାନା ତାନିତଲେ କୁଗାଲି ଏଲେଇଚେସି । ୩୨ ଏଞ୍ଜାସି ଦାର୍ମ୍ ପତିତା ପଡ଼ୁଝି ଆହିମାଟି କାତା ଇଦି;

“ଏଞ୍ଜାସି ପାୟିଝିଆନି ମେଣ୍ଡା ତାଲୁ ଲେହେଁ ଅଝିଆଚେସି, ଇଞ୍ଜା ମେଣ୍ଡା ତାଲୁ ବାଣାୟାଁ ଦାଟନି ବେଲ୍ଲାତା ମେଣ୍ଡା ତାଲୁ ଏନିକିଁ ତୀଆନା ପାଲେଏ ଡ଼ୟିନେ, ଏଲେକିହଁ ଏ ଏଞ୍ଜାସି ତାନି ଗୁତି ଏକ୍ ଆଚେସି ।

୩୩ ଏଞ୍ଜାଣାଇଁ ଉଣା କିହାଁ ନୀହାଁୟି କିଆଚେରି, ଏଞ୍ଜାଣି କୁଡ଼ାତି କାତା ଆମ୍ବାଆସି ଝେସାଲି ଆଡ଼ଅସି, ଇଚିହଁ ତାନି ଜୀଝୁ ଦାରତିତା ରାଡେ ।”

୩୪ ଏ ପେଜୁ ପିଲିପଇଁ ଏଲେଇଚେସି, “ନାଜେ ଝେସ୍ତାମୁ, ମାହାପୁରୁ ଅଣ୍ଡପୁଟି ବଲୁ ଝେହ୍ନିସି ଆମ୍ବାଆରି କାତା ଝେସିମାନେସି ? ତାନି କାତା କି ଅର ରଅଣି କାତା ?” ୩୫ ଏମ୍ବାଟିଏ ପିଲିପ ଗୁତି ଦେତାନା ଦାର୍ମ୍

‡ ୮:୧୨ ୮:୧୬ ମୁଞ୍ଜିନାୟି § ୮:୨୨ ଲକୁ ହିଲାଆ ଗାନ୍ଦୁ

ସାପ୍ତରୀତ୍ୟ ଯାତ୍ରାହୀନା ଏଞ୍ଜାଣି ତାଣା ଜୀୟୁତି ନେହଁ କାରୁ ଖେପ୍ପେସି । ୩୭ ଏଞ୍ଜାରି ଜିରୁତା ହାଜିମାଚାଟି ଏମୁ ମାନି ର ଚାୟୁତା ଏଗାହାଚେରି; ଏଚେଟିଏ ପେଜୁ ଏଲେଇଚେସି, ୩୮ “ଇମ୍ପାଆଁ ଏମୁ ମାନ୍, ଏନାଆଁ ନାନ୍ ବାପ୍ପିସ୍* ଅହାଲି ଆଡ଼ିଇଁ ?”

୩୯ ଇଞ୍ଜାଁ ଏଞ୍ଜାସି ରାତା ନିପହାଲି ହୁକୁମି ହୀତେସି, ଇଞ୍ଜାଁ ପିଲିପ ଅଡ଼େ ପେଜୁ ଏମୁଣାଁ ରେଚେରି, ଇଞ୍ଜାଁ ପିଲିପ ଏଞ୍ଜାଣାଇଁ ବାପ୍ପିସ୍ ‡ ହୀତେସି । ୪୦ ଏଞ୍ଜାରି ଏମୁଟି ହଟା ଖାଡ଼ି ତାୟୁ, ପ୍ରବୁତି ସୁଦୁଜାସୁ ପିଲିପଇଁ ଅହଁ ହାଚେ, ଇଞ୍ଜାଁ ପେଜୁ ଅଡ଼େ ଏଞ୍ଜାଣାଇଁ ମେହ୍‌ଆତେସି; ଆଡ଼ିଜିକେଏ ରାହାଁ କିହଁ ତାନି ଜିରୁତା ହାଚେସି । ୪୦ ସାମା ପିଲିପ ଅସଦଦ୍ ଗାଡ଼ାତା ତଞ୍ଜାଆତେସି; ଇଞ୍ଜାଁ ଏଞ୍ଜାସି ଗାଡ଼ାତାକି ଗାଡ଼ାତା ହାଜାହାଁ ନେହଁ କାରୁ ଖେପ୍ପେସି ଇଞ୍ଜାଁ କାୟିସରିୟାତା ଏଗାହାଚେସି ।



ସାଞ୍ଜୁଲ ମନ ଖେଟ୍‌ନାୟି

(କାମା ୨୨:୬-୧୭; ୨୬:୧୨-୧୮)

୧ ସାମା ସାଞ୍ଜୁଲ ନାଏଁ ପାତେକା ପ୍ରବୁତି ସାୟୁୟାଁ କପାଟି ଆଜି ତସାନା ଅଡ଼େ ଜାସୁ ନାସାକିନି କାତାୟାଁ ଜଲିହଁ କାଜା ପୁଜେରାଙ୍ଗା ତାଣା ହାଚେସି । ୨ ଅଡ଼େ ପ୍ରବୁ ଜିରୁଟି ତାକିମାନି ଆମିନି ଇୟାସିକା ଆବାୟାଁଣି ମେସିହଁ, ବାରେଜାଣାଟି ଦସପାନା ଜିରୁସାଲମତା ତାଚାଲି ଆଡ଼ିମାନେସି, ଏନାଆଁତାକି ଏଞ୍ଜାସି କାଜା ପୁଜେରାଙ୍ଗା ତାଣା ହାଜାନା ଦମେସକତା ମାନି ଜୀହୁଦି ଲକୁତି କୁଟମି ଇଲକାଣା* ହିୟାଲି ଏଞ୍ଜାରି ତାଣାଟି ଆକୁ ରାପ୍ପେସି ।

୩ ସାଞ୍ଜୁଲ ଦମେସକ ତାଗେ ଖାହିମାଚାଟି ଦେବୁଣିଏ ର ଉଜେଡ଼ି ହାଗୁଲକାଟି ତାନି ସାରିଖାକି ମିସ୍ତେ । ୪ ଏମ୍ପାଟିଏ ଏଞ୍ଜାସି ବୁମିତା ତରଗା ହାଚେସି ଇଞ୍ଜାଁ ତାଙ୍ଗେତାକି ଇ ହାଡ଼ା ଖେଚେସି, “ଏ ସାଞ୍ଜୁଲ, ଏ ସାଞ୍ଜୁଲ ! ନାନୁ ଏନାଆଁତାକି ନାଙ୍ଗେ ନିନ୍ଦା କିହିମାଞ୍ଜାଦି ?”

୫ ଏଞ୍ଜାସି ଏଲେଇଚେସି, “ପ୍ରବୁ, ନାନୁ ଆମ୍ପାଆତି ?” ଏଞ୍ଜାସି ଏଲେଇଚେସି, “ନାନୁ ଆମ୍ପାଆରାଇଁ ନିନ୍ଦା କିହିମାଞ୍ଜି ଏ ଜୀୟୁତେଏଁ ନାନୁ । ୬ ସାମା ନିଙ୍ଗାମୁ ଇଞ୍ଜାଁ ଗାଡ଼ାତା ହାଲାମୁ, ଏନାଆଁ କିହାଲି ଆନେ, ଏମ୍ପାଆଁ ନିଙ୍ଗେ ଖେସ୍‌ପି ଆୟାନେ ।”

୭ ଏଞ୍ଜାଣିତଲେ ଆମିନି ଲକୁ ହାଜିମାଚେରି, ଏଞ୍ଜାରି ଏ ହାଡ଼ା ଖେଞ୍ଜାନା ଆମ୍ପାଆରାଇଁ ମେହ୍‌ଆତେରି, ଇଞ୍ଜାଁ ଆତାଜାକା ଆହାହାଚେରି । ୮ ଅଡ଼େ ସାଞ୍ଜୁଲ ବୁମିଟି ନିଙ୍ଗାନା ତାନି କାଣକା ଦେଚେସି, ସାମା ଏଞ୍ଜାସି ଏନାଆଁ ମେସାଲି ଆଡ଼ାଆତେସି । ଇଞ୍ଜାଁ ଏଞ୍ଜାରି ତାନି କେୟୁ ଆସାନା ଦମେସକତା ଅଡ଼େରି । ୯ ଅଡ଼େ ତାନିଦିନା ପାତେକା ଏଞ୍ଜାସି ଏନାଆଁ ମେସାଲି ଆଡ଼ାଆତେସି, ଅଡ଼େ ଏନାଆଁ ତିନାଆତେସି ଏନାଆଁ ଗହ୍‌ଆତେସି ।

୧୦ ଦମେସକତା ହନନିୟ ଦରୁଗାଟାସି ର ସାୟୁ ମାଚେସି; ପ୍ରବୁ ଏଞ୍ଜାଣାଇଁ ତଞ୍ଜାଆହାଁ ଏଲେଇଚେସି, “ଏ ହନନିୟ !” ଏଞ୍ଜାସି ଏଲେଇଚେସି, “ଏ ପ୍ରବୁ ନାଙ୍ଗେ ଖେସ୍‌ସାମୁ ।”

୧୧ ଏଚେଟିଏ ପ୍ରବୁ ଏଞ୍ଜାଣାଇଁ ଏଲେଇଚେସି, “ତିୟାରା ଆହାନା ‘ସଲକ’ ଦରୁଗାଟି ଜିରୁ ଆସାଁ ଜୀହୁଦା ଇଲୁତା ତାସି ଗାଡ଼ାଟି ସାଞ୍ଜୁଲ ଇନାଣାଇଁ ପାରାମୁ; ଇତିହଁ ଏଞ୍ଜାସି ପ୍ରାଡ଼ାନା କିହିମାନେସି; ୧୨ ଅଡ଼େ, ଏଞ୍ଜାସି ସେୟାଁଣା ହାପାନା ମେସାମାନେସି, ହନନିୟ ଇନାସି ର ମାଣସି ଖାହାନା ତାନି ଲାକ କେୟୁ ଇଟିମାନେସି, ଏନିକ୍ ଏଞ୍ଜାସି ମେସାଲି ଆଡ଼ିମାନେସି ।”

୧୩ ହନନିୟ ଏଲେଇଚେସି, “ପ୍ରବୁ, ଜିରୁସାଲମତା ମାହାପୁରୁ ଲକୁଇଁ ଇଞ୍ଜାସି ଏଚେକା ନିନ୍ଦା କିହିମାନେସି ଇଞ୍ଜାଁ ନାନୁ ହାଚେରକା ଲକୁ ତାଣାଟି ଇ ଲକୁତି କାତା ଖେଞ୍ଜାମାଇଁ । ୧୪ ଅଡ଼େ ଇ ଚାୟୁତା ନୀ ଦରୁଟି ପ୍ରାଡ଼ାନା କିହିମାନାରାଇଁ ବାରେଜାଣାଟି ଦସା ଅୟାଲି ଏଞ୍ଜାସି କାଜା ପୁଜେରାଙ୍ଗା ତାଣାଟି ଅଦିକାରା ଆକୁ ବେଟାଆହାମାନେସି ।”

୧୫ ସାମା ପ୍ରବୁ ଏଞ୍ଜାଣାଇଁ ଏଲେଇଚେସି, “ହାଲାମୁ; ଇତିହଁ ଏଞ୍ଜାସି ଏଚେକା କୁଡ଼ାଟି ରାଜାୟାଁ ଅଡ଼େ ଇସ୍ତାୟେଲ ଲକୁତି ମାୟାକା ମୀରକା ନକିତା ନା ଦରୁ ଖେକ୍‌ହାଲି ନାନୁ ଏଞ୍ଜାଣାଇଁ ନା ସେବା କିନାସି କିହାନା ଆତାମାଇଁ; ୧୬ ଅଡ଼େ ନା ଦରୁ ତାକି ଏଞ୍ଜାସି ଏଚେକା ଦୁକୁ ବେଟାଆନେସି, ଏନାଆଁ ନାନୁ ଏଞ୍ଜାଣାଇଁ ଖେହ୍‌ଇଁ ।”

* ୮:୩୭ ୮:୩୭ ମୁଞ୍ଜିନାୟି † ୮:୩୭ ୮:୩୭ ପିଲିପ ଏଲେଇଚେସି, “ନାନୁ ବାରେ ହିୟାଁ ତଲେ ନାନିସାରେ ଅହାଲି ଆଡ଼ିଦି” ଏମ୍ପାଟିଏ ଏଞ୍ଜାସି ଏଲେଇଚେସି, “ଜାୟୁ ଜ୍ରାସୁ ମାହାପୁରୁଟି ମାବ୍‌ସି ଇଦାଆଁ ନାନୁ ନାନିମାଇଁ ।” ‡ ୮:୩୮ ୮:୩୮ ମୁଞ୍ଜିନାୟି * ୯:୨ ୯:୨ ସିନଗର୍

୧୭ ଏବେଟିଏ ହନନିୟ ହାଜାନା, ଏ ଲକ୍ଷ୍ମୀ ହାତରେ, ଇଞ୍ଜା ତାନି ଲାକ କେନ୍ଦୁ ଇଚାନା ଏଲେଇଚେସି, “ତାୟି ସାଞ୍ଜୁଲ, ଇମ୍ବାଆଁ ଖାନି ଜିରୁତା ଆନିନି ପ୍ରବୁ ଜୀସୁ ନିଜେ ତଞ୍ଜା ଆୟାତେସି, ଏଞ୍ଜାସି ନାଜେ ପାଣ୍ଡାମାଞ୍ଜାନେସି, ନୀନୁ ଏନିକିଁ ଖେଣ୍ଡେ ମେହ୍ନୁ ଇଞ୍ଜା ସୁଦୁଜୀଞ୍ଜୁ ବେଟାଆମୁ ।” ୧୮ ଏ ଦେବୁଣିଏ ଏଞ୍ଜାଣି କାଣକାଟି ମୀନୁ ହିପି ଲେହେଁତାୟି ତୁଲିତେ, ଇଞ୍ଜା ଏଞ୍ଜାସି ଖେଣ୍ଡେ ମେସାଲି ଆଡ଼ିତେସି, ଅଡ଼େ ନିଜାନା ବାପ୍ତିସ୍ତା ଅଡ଼େସି, ୧୯ ଅଡ଼େ ଏଞ୍ଜାସି ତିଞ୍ଜା ଉଣ୍ଡାନା ବାଡ଼ୁଲୁ ବେଟାଆଡ଼େସି, ଏବେଟିଏ ସାଞ୍ଜୁଲ ଏଚରଦିନା ସୀସୁୟାଁ ତଲେ ଦମେସକତା ଡ଼ୟିତେସି ।

ଦମେସକତା ସାଞ୍ଜୁଲ ଖେକନାୟି /

୨୦ ଅଡ଼େ, ଜୀସୁ ମାହାପୁରୁତି ମୀରୁଏସି ଇଞ୍ଜା ଆବୁଞ୍ଜା ତଲେ ଜୀହୁଦି ଲକ୍ଷ୍ମି କୁଟି ଇଲକାଣାଃ ଖେସାଲି ମାଟୁହେସି ।

୨୧ ଅଡ଼େ, ଆନିନି ଗାଟାରି ତାନି ହାଡ଼ା ଖେଚେରି, ଏଞ୍ଜାରି କାବାଆହାନା ଏଲେଇଚେରି, “ଜୀସୁ ଦରୁ ଆସାନା ପ୍ରାତାନା କିନି ଲକ୍ଷ୍ମି ଆମ୍ବାଆସି ଜିରୁସାଲମତା ପାୟି କିହିମାଚେସି, ଅଡ଼େ ଏଞ୍ଜାଋଇଁ ଦସପାହାଁ କାଜା ପୂଜେରାଜା ତାଣା ଅହାଲି ତାକି ଇମ୍ବାଆଁ ଖାହାମାଚେସି, ଏଞ୍ଜାସି କି ଇଞ୍ଜାସି ଆଏ ?”

୨୨ ସାମା, ସାଞ୍ଜୁଲତି ଖେକନାୟି ହାଚେରକା ବାଡ଼ୁଲୁ ଗାଟାୟି ମାଚେ, ଅଡ଼େ ଏଞ୍ଜାସି ପାରମାଣା କିହାଁ ଖେସୁସି ଜୀସୁ ଏ ମସିହା, ଇଦାଣି ଦମେସକତା ବାସା କିହାମାନି ଜୀହୁଦି ଲକ୍ଷ୍ମି ଖେଣ୍ଡେ ଖେସାଲି ଆଡ଼ାଆଚେରି ।

୨୩ ଏଚରଦିନା ହାଟି ତାୟି ଜୀହୁଦିୟାଁ ରୁଣ୍ଡା ଆହାନା ଏଞ୍ଜାଣାଇଁ ପାୟାଲି କାତା ଆଚେରି; ୨୪ ସାମା ଏଞ୍ଜାରି କାତା ଆହିମାଚାଣି ସାଞ୍ଜୁଲ କିୟାଁ ତୁ ହାଚେ, ଅଡ଼େ ଏଞ୍ଜାରି ଏନିକିଁ ସାଞ୍ଜୁଲଇଁ ପାୟାଲି ଆଡ଼ିନେରି, ଏଦାଆଁତାକି ଲାଆଁ ମାଦେନା ଗାଡ଼ାତି ଦୁଝେରିକାଣା କାଟିହୁଁ ଡ଼ୟିତେରି । ୨୫ ସାମା ସାଞ୍ଜୁଲତି ସୀସୁୟାଁ ଲାଆଁୟାଁ ବେଲାତା ଏଞ୍ଜାଣାଇଁ ର ଡ଼ାଲିତା ରସାହାଁ କଟା କାଟିଟି ଡ଼ଇ ରେପୁହେରି ।

ଜିରୁସାଲମତା ସାଞ୍ଜୁଲ

୨୬ ତାୟି ଏଞ୍ଜାସି ଜିରୁସାଲମତା ହାଜାନା ସୀସୁୟାଁ ତଲେ ଆଣ୍ଡାଲି ଅଣ୍ଡାପିମାଚେସି; ସାମା ଏଞ୍ଜାସି ର ସୀସୁ ଇଞ୍ଜା ଏଞ୍ଜାରି ଇଚାଣି ନାମାଆନା, ବାରେଜାଣା ଏଞ୍ଜାଣାଇଁ ଆଜିମାଚେରି । ୨୭ ସାମା ବର୍ନବା ଏଞ୍ଜାଣାଇଁ ଆସାନା ପାଣ୍ଡୁଣ୍ଡି ଆଡ଼ାରି ତାଣା ତାଚେସି, ଇଞ୍ଜା ଜିରୁତା ଏଞ୍ଜାସି ଏନିକିଁ ପ୍ରବୁଇଁ ମେସୁସି ଇଞ୍ଜା ପ୍ରବୁ ଏନାଆଁ ତାଜେ ହାଡ଼ା ଆଡ଼େସି, ଦମେସକତା ଜୀସୁ ଦରୁତି ସାସାତଲେ ସାଞ୍ଜୁଲ ଏନିକିଁ ଖେସାମାଚେସି, ଇ ବାରେ କାତା ଏଞ୍ଜାରି ନକିତା ଖେସୁସି । ୨୮ ଅଡ଼େ ସାଞ୍ଜୁଲ ଏଞ୍ଜାରିତଲେ ଡ଼ୟିତେସି ଅଡ଼େ ଜିରୁସାଲମତି ବାରେଖାକି ହାଜାନା ସାସାତଲେ ପ୍ରବୁତି ଦରୁ ଖେକହେସି । ୨୯ ଇଞ୍ଜା ଏଞ୍ଜାସି ଗ୍ରିକ ଜଳିନି ଜୀହୁଦି ଲକ୍ଷ୍ମିତଲେ ବାଦିବାଦା କିହିମାଚେସି, ସାମା ଏଞ୍ଜାରି ଏଞ୍ଜାଣାଇଁ ପାୟାଲି ପାରୁ ପାରିମାଚେରି । ୩୦ ନାମିତି ତାୟିୟାଁ ଏଦାଆଁ ପୁଞ୍ଜାଲିଏ, ସାଞ୍ଜୁଲଇଁ କାୟିସରିୟାତା ଅହାନା ଏମ୍ବାଟି ଏଞ୍ଜାଣାଇଁ ତାର୍ଯତା ପାଣ୍ଡିତେରି ।

୩୧ ଇଲେଆହୁଁ ଏ ବାରେ ଜୀହୁଦା ରାଜି, ଗାଲିଲି ଅଡ଼େ ସମିରଣତି କୁଲମି ବାସୁଁ ଆହାନା ପ୍ରବୁଇଁ ଆଜାନା ହିଡ଼ି ଜୀହୁତଲେ ମାଚେରି, ଇଞ୍ଜା ସୁଦୁଜୀଞ୍ଜୁତି ସାଢ଼ୟିନି ତଲେ ପାତାଆହାଲି ମାଟୁହେରି ।

ଲୁଦ ଅଡ଼େ ଜାପତା ପିତର

୩୨ ଏବେଟିଏ ପିତର ବାରେ ରାଜିତା ରେଜି ରେଜିହୁଁ ଲୁଦତା ଡ଼ୟିନି ମାହାପୁରୁ ଲକ୍ଷ୍ମି ଆଣ୍ଡାଲି ହାଚେସି । ୩୩ ଏମ୍ବାଆଁ ଏଞ୍ଜାସି ଏନିୟ ଦରୁଗାଟି ରଅଣାଇଁ ବେଟାଆଡ଼େସି, ଏଞ୍ଜାସି ଆଟା ବାସାଁ ପାଚେକା ଟଟ ଖାୟିତି ରଟ ଆହାନା କାଟେଲିଟି ନିଜାଲି ଆଡ଼ିହିଲାଆଡ଼େସି । ୩୪ ପିତର ଏଞ୍ଜାଣାଇଁ ଏଲେଇଚେସି, “ଏନିୟ, ଜୀସୁ କ୍ରୀସ୍ତ ନିଜେ ନେହୁଁ କିହାମାଞ୍ଜାନେସି; ନିଜାମୁ ନୀ ପାସ୍ପଦିନି ମୁଦା କିମୁ” ଏବେଟିଏ ଏଞ୍ଜାସି ଏ ଦେବୁଣିଏ ନିଜାଚେସି । ୩୫ ଏବେଟିଏ ଲୁଦ ଇଞ୍ଜା ସାରଣତା ବାସା କିହାମାନି ଲକ୍ଷ୍ମି ଏଞ୍ଜାଣାଇଁ ମେସାନା, ପ୍ରବୁ ତାଣା ହିୟାଁ ଖେଟୁହେରି ।

ଦର୍କା ଖେଣ୍ଡେ ନୀତିନାୟି

୩୬ ଜାପତା ଟାବିତା ଦରୁଗାଟି ମାହାପୁରୁଇଁ ନାମିତି ର ଇୟା ମାଚେ, ଗ୍ରିକ ତଲେ ଦର୍କା ଇଚିସାରେ ତାନି ଦରୁ “ର କୁହୁଁ ।” ଏଡ଼ି ବାରେବେଲା ନେହୁଁ କାମା କିହୁଁ, ହିଲାଆ ଗାଟାରାକି ସାଢ଼ୟିନି କିହିମାଚେ । ୩୭ ଏଚିବେଲାତା ଏଡ଼ି ନିଟମି ଆହାନା ହାହାହାଚେ, ଲକ୍ଷ୍ମି ଏଦାନି ଏରୁ ମାଡ଼ହାନା ଲାକନି ପାରୁତି ର

† ୯:୧୮ ୯:୧୮ ମୁଞ୍ଜାଲିୟି ‡ ୯:୨୦ ୯:୨୦ ସିନଗର * ୯:୨୩ ୯:୨୩ ୨କର ୧୧:୩୨,୩୩

ବାକ୍ରାତା ତ୍ରିପୁତ୍ର । ୩୮ ଇର୍ଷ୍ଣା ଲୁଦ ଜାପ ତାଗେ ମାତାକି ସାମୁୟାଁ ପିତର ଜାପତା ମାନେସି ଇର୍ଷ୍ଣା ଖେଞ୍ଜାନା, ରୀ ଲକୁଣି ଏଞ୍ଜାଣି ତାଣା ପାଣ୍ଡାନା ଇ କାତା ବାତିମାଲିତେରି, “ମା ତାଣା ଖାହାଲି ଖେଡ଼ା କିଆନି ।” ୩୯ ପିତର ନିଜ୍ଞାନା ଏଞ୍ଜାରିତଲେ ହାରେସି, ଏମ୍ବାଆଁ ଏଞ୍ଜାସି ଖାହାଲିଏ ଏଞ୍ଜାଣାଇଁ ଲାକନି ପାରୁତି ବାକ୍ରାତା ଅଡେରି, ଅଡେ ରାଘେଣିସିକା ସାରିସୁଟୁ ମୁତାନା ତ୍ୱାହି ତ୍ୱାହି ଦର୍କା ନୀତାମାତି ବେଲାତା କେପାମାତି ହିମ୍ବୁରିକା ବାରେ ଏଞ୍ଜାଣାଇଁ ତସୁ । ୪୦ ସାମା ପିତର ବାରେଜାଣାତି ପାଞ୍ଜାତା ପାଣ୍ଡାନା ମେଣ୍ଡାକୁତାନା ପ୍ରାତାନା କିତେସି; ଇର୍ଷ୍ଣା ମାଡ଼ହା ଖାକି ତିରୁଖାନା ଏଲେଇତେସି, “ତାବିତା, ନିଜ୍ଞାମୁ” ଏତେଟିଏ ଏଡ଼ି କାଣ୍ଡକା ଦେତାନା ପିତରଇଁ ମେସ୍ତେ ଇର୍ଷ୍ଣା ନିଜ୍ଞାନା କୁରିତେ । ୪୧ ଇର୍ଷ୍ଣା ପିତର କେୟୁ ଦାସାନା ଦର୍କାଲି ନିକହେସି, ଇର୍ଷ୍ଣା ମାହାପୁରୁ ଲକୁ ଅଡେ ରାଘେଣିସିକାଣି ହାତାନା ଏଦାନି ନୀତାମାନାଣି ତସେସି । ୪୨ ଇ କାତା ଜାପତି ସାରିସୁଟୁ ଖେଞ୍ଜାହାତେ ଅଡେ ହାରେକା ଲକୁ ପୁବୁଇଁ ନାମିତେରି । ୪୩ ଅଡେ, ପିତର ହାରେକା ଦିନା ପାତେକା ଜାପତି ସିମନ ଦରୁଗାତି ତଲ୍ଲକା କାମାକିନାଣି ଇଜ ତ୍ୱୟିତେସି ।

୧୦

ପିତର ଅଡେ କର୍ନଲିୟ

୧ କାୟିସରିୟା ଗାଡ଼ାତା କର୍ନଲିୟ ଦରୁଗାଟାସି ର ଲକୁ ମାତେସି, ଏଞ୍ଜାସି ଇତାଲିକ ଦରୁଗାତି ରମିୟ ରିଜାରି କସ୍ତକାତି ପାସାକଡ଼ି କସ୍ତକା ମୁହେଁ କାଜାସି ମାତେସି । ୨ ଏଞ୍ଜାସି ର ଦାମ୍ବୁ ଲକୁ ମାତେସି; ତାନି ଇଲୁ କୁଟମି ତଲେ ମାହାପୁରୁଇଁ ଆଜିମାତେସି, ଏଞ୍ଜାସି କାକୁଲି ଲକୁତାକି ଦାନା ହାହିମାତେସି, ଅଡେ ମାହାପୁରୁ ତାଣା କାଲେଏ ପ୍ରାତାନା କିହିମାତେସି । ୩ ର ଦିନା ମିଡ଼ଅଲ୍ଲା ତାନି ଗଂଗା ବେଲାତା ଏଞ୍ଜାସି ସେୟାଣା ହାପାନାତା ତୀରପୁତଲେ ମେସ୍ତେସି, ର ମାହାପୁରୁତି ଦୁତୁ ଖାହାନା ଏଞ୍ଜାଣାଇଁ ଖେସ୍ତେସି “କର୍ନଲିୟ !”

୪ ଏଞ୍ଜାସି ଆଜିତଲେ ଦୁତୁ ଖାକି ସିନିକିତେସି ଅଡେ ଖେତେସି, “ଇଦି ଏନାୟି ପୁବୁ ?” ଦୁତୁ ଏଞ୍ଜାଣାଇଁ ଏଲେଇତେ, “ନୀ ପ୍ରାତାନା ଅଡେ ଦାନା ହାନାୟି ଲାକ ମାହାପୁରୁ ନକିତା ଏଜାମାନେ । ୫ ନୀଏଁ ନୀନୁ ଜାପତା ଲକୁଣି ପାଣ୍ଡାନା ସିମନ ପିତର ଦରୁଗାତି ଲକୁଇଁ ହାତାତାମୁ, ଏଞ୍ଜାଣି ହାତା ଦରୁ ପିତର ଇନେରି; ୬ ଏଞ୍ଜାସି ସିମନ ଦରୁଗାତି ର ତଲ୍ଲକା କାମାକିନାଣି ଇଜ ଗତାଗାଟାସି ଆହାମାନେସି, ଏଞ୍ଜାଣି ଇଲୁ ସାମଦୁରି ଗାରୁତା ।” ୭ ତାନିତଲେ କାତା ଆହିମାତି ଦୁତୁ ହାଜାଲିଏ, ଏଞ୍ଜାସି ତାନି ଇଜ କାମା କିନି ରା ହଲ୍ଲିୟାଣାଣି ଇର୍ଷ୍ଣା ତାଙ୍ଗେ ସେବାକିନି ରିଜାରି କସ୍ତକା ବିତ୍ରାତି ର ଦାମ୍ବୁତି କହୁଏଁଣାଇଁ ହାରିତେସି, ୮ ଅଡେ ଏଞ୍ଜାସି ଏଞ୍ଜାରାଇଁ ଏମ୍ବାଆଁ ଆହାମାତି ବାରେ କାତା ଖେସାନା ଜାପତା ପାଣ୍ଡିତେସି ।

ପିତର ସେୟାଣା ହାପାନା ହେଶ୍ଚନାୟି

୯ ଅର ଦିନା ଏଞ୍ଜାରି ହାଜି ହାଜିହିଁ ଏ ଗାଡ଼ାତି ତାଗେ ଆଡେରି, ଏଟିବେଲା ପିତର ମାଦେନା ବାର ଗଂଗା ବେଲାତା ପ୍ରାତାନା କିହାଲି ଇଲୁ ଲାକ ହାତେସି, ୧୦ ଏଞ୍ଜାସି ହାକି ଆଡେସି ଅଡେ ଏନାଆଁ ତିଞ୍ଜାଲି ମନ୍ କିତେସି; ସାମା ଏଞ୍ଜାରି ରାନ୍ଦା ଖାଜିମାତି ବେଲାତା, ଏଞ୍ଜାସି ସେୟାଣା ହାପାନା ମେସ୍ତେସି, ୧୧ ଲାକପୁରୁ ଦେପିଆହାମାନେ, ଇର୍ଷ୍ଣା ଏନିକିଁ ର ହିମ୍ବୁରିତି ସାରି କନତା ଆସ୍ତପି ଆହାନା ଦାରୁତି ଲାକ ରେତା ଖାହିମାନେ; ୧୨ ଏମ୍ବାଆଁ ଦାରୁତିତି ବାରେ କୁଡ଼ାତି ସାରିଗଟା କତା ଗାତି ଜନ୍ତୁ ଜିଝେଡ଼ିକା, ରାସ୍ତକା ତ୍ୱରିୟାଁ ଅଡେ ହାଗୁତି ପଚାୟାଁ ମାନୁ । ୧୩ ଇର୍ଷ୍ଣା ଏଞ୍ଜାଣାକି ଇ ହାଡ଼ା ଆଡେ, “ପିତର; ନିଜ୍ଞାମୁ, ପାୟାନା ତିନାମୁ !”

୧୪ ସାମା ପିତର ଏଲେଇତେସି, “ଆଏ ପୁବୁ, ନାନୁ ଏବେଲାଖା ଏନି ଲାଗେଏ ପଲେଏତି ଦିଶ୍ୱା ତିଞ୍ଜାହିଲିଆଁ ।”

୧୫ ଅଡେ ର ପାଲି ଇ ହାଡ଼ା ଆଡେ, “ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନୀନୁ ଲାଗେଏତାୟି ଇନାଆନି ।” ୧୬ ଇଲେକିହିଁ ତାନି ପାଲି ଆଡେ, ତାୟୁ ଏ ହିମ୍ବୁରି ଲାକପୁରୁ ଅଞ୍ଜିଆଡେ ।

୧୭ ପିତର ଏନାଆଁ ସେୟାଣା ହାପାନା ହେଶ୍ଚନାୟିତେସି, ଏଡ଼ି ଏନାୟି, ଇର୍ଷ୍ଣା ଅଣ୍ଡପିହିଁ ଆତାଜାକା ଆହାମାନି ବେଲାତା, କର୍ନଲିୟ ତାଣାତି ପାଣ୍ଡି ଆହାମାନାରି ସିମନ ଇଲୁ ପାରିହିଁ ଦୁଖେରିତା ନିକା ଖାଡେରି, ୧୮ ଇର୍ଷ୍ଣା ଏଞ୍ଜାରି ଖେତେରି, “ସିମନ ଇନି ପିତର ଦରୁଗାଟାସି ରଅସି ଇମ୍ବାଆଁ ଗତେଏସି ମାନେସି କି ?”

୧୯ ପିତର ଏ ସେୟାଣା ହାପାନା ହେଶ୍ଚାଣି ଅଣ୍ଡପିମାତି ବେଲାତା ଜାସୁ ଏଞ୍ଜାଣାଇଁ ଏଲେଇତେ, “ମେହ୍ମୁ ! ତାନି ଜାଣା ଲକୁ ନିଙ୍ଗେ ପାରିମାଞ୍ଜାନେରି । ୨୦ ଏଦାଆଁତାକି ତିୟାରା ଆମୁ ଅଡେ ତୁଇ ହାଲାମୁ, ଅଡେ ଆନାମାନା ଆଆନା ଏଞ୍ଜାରିତଲେ ହାଲାମୁ, ଏନାଆଁତାକି ଇତିହିଁ ନାନୁ ଏଞ୍ଜାରାଇଁ ପାଣ୍ଡାମାଞ୍ଜାଇଁ

17 9୧ ଏବେଟିଏ ପିତର ଏ ଲକ୍ଷ୍ମୀତାଣା ରେଚାଞ୍ଚାହାନା ଏଲେଇଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି, ନାନୁ ଏଞ୍ଚାଚେସି । ମୀରୁ ଏନାଆଁତାକି ଞ୍ଚାହାମାଞ୍ଜେରି ?”

99 ଏଞ୍ଚାରି ଏଲେଇଚେରି, “କର୍ନଲିୟ ଦରୁଗାଟି ପାସାକଡ଼ି କସ୍ତକା ମୁହେଁ କାଜାସି ମାଞ୍ଜେ ପାଞ୍ଚାମାଞ୍ଜାନେସି, ଏଞ୍ଚାସି ର ସୁଦୁ, ଦାମ୍ବୁଗାଟାସି ଇଞ୍ଚା ମାହାପୁରୁଇଁ ଆଜିନାସି, ଅଡ଼େ ବାରେ ଜୀହୁଦି କୁଡ଼ାତା ଞ୍ଚେଜିତାସି, ଏଞ୍ଚାସି ନିଞ୍ଜେ ତାମି ଇଜ ହାଟାନା ନୀ ଜାପୁନାଣି ଞ୍ଚେଞ୍ଜାଲିତାକି ମାହାପୁରୁତ ଦୁଡୁ ତାଣାଟି ହୁକୁମି ବେଟା ଆହାମାନେସି ।” 9୩ ପିତର ବିତ୍ରା ହାଟା ଅହାନା ଏଞ୍ଚାରାଇଁ ସେବା କିତେସି । ଅର ନେଚୁ ନିଜାନା ତିୟାରା ଆହାନା ଏଞ୍ଚାରିତଲେ ହାଚେସି; ଜାପତି ଏଚରଜାଣା ନାମିତି ତାୟିୟାଁ ଏଞ୍ଚାରିତଲେ ହାଚେରି । 9୪ ଅର ନେଚୁ ଏଞ୍ଚାରି କାୟିସରିୟାତା ଏଚେରି, ଏମ୍ବାଆଁ କର୍ନଲିୟ ତାନି କୁଚମି ଇଞ୍ଚା ଅଡ଼େ ଜାଚୁତି ତଣେସିଜାଣି ହାଟାହାଁ କୁଡ଼ି କିହାନା ଏଞ୍ଚାରାଇଁ କାଟିମାଚେରି । 9୫ ପିତର ବିତ୍ରା ହାଜାଲିଏ କର୍ନଲିୟ ଏଞ୍ଚାଣି କତାଁ ଡ଼ଇ ମୁନୁ କୁତାନା ଜହରା କିତେସି । 9୬ ସାମା ପିତର ତାଞ୍ଜେ ନିକହାନା ଏଲେଇଚେସି, “ନିଜାମୁ, ନାନୁ ଜିକେଏ ର ମାଣସିଚେସି ।” 9୭ ଏବେଟିଏ ପିତର କର୍ନଲିୟ ତଲେ କାତା ଆହୁଁ ଆହୁଁ ଇଲୁ ବିତ୍ରା ହାଜାନା ଏମ୍ବାଆଁ ହାଚେରକା ଲକୁ ରୁଣ୍ଡା ଆହାମାନାଣି ମେସେସି । 9୮ ଅଡ଼େ ଏଞ୍ଚାସି ଏଞ୍ଚାରାଇଁ ଏଲେଇଚେସି, “ଏଚକା କୁଡ଼ାତି ଏନି ଲକୁତଲେ ଆଣ୍ଡିନାୟି କି ଏ ଲକୁ ତାଗେ ହାନାୟି ଜୀହୁଦି ଲକୁତାକି ଏନିକିହୁଁ ମେରା ହିଲେଏ, ଏଦାଆଁ ମୀରୁ ନେହୁଁ କୁଁ ପୁଞ୍ଚାମାଞ୍ଜେରି ଆଡ଼ିଜିକେଏ ଆମିନି ଲକୁଇଁ ସୁଦୁ ହିଲାଆ ଗାଟାରି କି ଲାଗେଏତାରି ଇଞ୍ଚିହୁଁ ଇନାଆନି ଇଞ୍ଚୁଁ ମାହାପୁରୁ ନାଞ୍ଜେ ତସାମାଞ୍ଜାନେସି । 9୯ ଏଦାଆଁତାକି ହାଟାନିଏ ନାନୁ ଏନାଆଁ ଏଣ୍ଡାଆନା ଞ୍ଚାଚେସି । ଇଦାଆଁତାକି ନାନୁ ଞ୍ଚେଞ୍ଜାମାଞ୍ଜାଇଁ, ଏନାଆଁ କିହାଲି ମୀରୁ ନାଞ୍ଜେ ହାଟାଚେରି ?”

୩୦ କର୍ନଲିୟ ଏଲେଇଚେସି, “ତାନିଦିନା ନଚକେଏ ଇ ବେଲାତା ମିଡ଼ୁଆଲା ତାନି ଗଟା ବେଲା ନାନୁ ନା ଇଜ ପ୍ରାତାନା କିହମାଚେସି; ମେହମୁଁ ଏମ୍ବାଆଁ ଉଜେଡ଼ିଗାଟି ଦବଲା ହିମ୍ବରିକା ତୁରହାମାନି ର ଲକୁ ନା ନକିତା ନିଚେସି, ୩୧ ଅଡ଼େ ଏଞ୍ଚାସି ଏଲେଇଞ୍ଚାଚେସି, ‘କର୍ନଲିୟ ! ମାହାପୁରୁ ନୀ ପ୍ରାତାନା ଞ୍ଚେଞ୍ଜାମାନେସି; ଇଞ୍ଚାଁ ହିଲାଆ ଗାଟାଚାକି ନୀ ଦାନା ହାନାୟି ବାରେ ମାହାପୁରୁ ନକିତା ନେହୁଁ ତଞ୍ଚା ଆହାମାନେ । ୩୨ ଇଦାଆଁତାକି ସିମନ ଦରୁଗାଟି ପିତରଇଁ ହାଟା ତାଚାଲି ଜାପତା ଲକୁଇଁ ପାଞ୍ଚାମୁଁ ଏଞ୍ଚାସି ସାମଦୁରି ଗାଟାତା ଡ଼ୟିନି ତଲ୍ଲକା କାମା କିନି ସିମନ ଇଜ ଗତାଗାଟାସି ଆହାମାନେସି ।’ ୩୩ ଏଦାଆଁତାକି ଞ୍ଚେଡ଼ାକିଆନା ନାନୁ ନୀ ତାଣା ଲକୁ ପାଞ୍ଚାଚେସି, ଅଡ଼େ ନାନୁ ଞ୍ଚାହାମାଞ୍ଜି ନେହୁଁ କିହାମାଞ୍ଜି, ଇଚିହୁଁ ପୁରୁ ନିଞ୍ଜେ ଏନାଆଁ ହୁକୁମି ହାହାମାଞ୍ଜାନେସି, ଏଦାଆଁ ଞ୍ଚେଞ୍ଜାଲିତାକି ମାମୁ ରୁାରେ ମାହାପୁରୁ ନକିତା କୁଡ଼ା ଆହାମାନମି ।”

ପିତର ଜାପୁନାୟି

୩୪ ଏବେଟିଏ ପିତର ଗୁଡ଼ି ଏକହାନା ଏଲେଇଚେସି, “ମାହାପୁରୁ ସାଚେଏ ବାରେ ଲକୁଣି ପାରୁଡ଼ା ବାଟି କିଅସି, ୩୫ ଆମିନି ଲକୁ ଏଞ୍ଚାଣାଇଁ ଆଜିନେରି ଅଡ଼େ ଏଞ୍ଚାସି ଅପିନି ଲେହେଁ ନେହୁଁ କାମା କିନେରି ଏଞ୍ଚାରି ଆମିନି କୁଡ଼ାତାରି ଇଚିହୁଁ ଜିକେଏ, ଏଞ୍ଚାସି ଆବିନେସି । ୩୬ ଏଞ୍ଚାସି ଜୀସୁ କ୍ରୀସ୍ତ ତାଣାଟି ହିଡ଼ଡ଼ିତି ନେହୁଁ କାଚୁ ଞ୍ଚେସାନା ଇସ୍ରାୟେଲ ମୀରକା ନକିତା ଇ ବଲୁ ପାଣ୍ଡିଚେସି; ଏ ଜୀସୁ କ୍ରୀସ୍ତ ବାରେଡି ପୁରୁ । ୩୭ ମୀରୁ ପୁଞ୍ଚାମାଞ୍ଜେରି ଜହନ ବାପ୍ତିସ୍ତାଁ କାତା ଞ୍ଚେକ୍‌ହି ତାଣାଟିଏ ଏ ନେହୁଁ କାଚୁ ଗାଲିଲିଟିଏ ମାଟହାନା ବାରେ ଜୀହୁଦା ରାଜିତି ଲକୁତାଣା ଞ୍ଚେଜାମାନେ, ୩୮ ଇଚିହୁଁ ନାଜରିତ ଜୀସୁତି କାତା ପୁଞ୍ଚାମାଞ୍ଜେରି, ଏନିକିଁ ମାହାପୁରୁ ଏଞ୍ଚାଣାକି ସୁଦୁଜୀସୁ ଇଞ୍ଚାଁ ବାଡ଼ୟୁ ହାହାନା ବରୁ ହାଚେସି, ଇଞ୍ଚାଁ ନେହୁଁ କାମା କିହୁଁ ଯୟତାନ ପାନ୍ଦାତା ଦସପି ଆହାମାନି ଲକୁଣି ନେହୁଁ କିହୁଁ ବାରେଞ୍ଚାକି ଚେଚେସି, ଇଚିହୁଁ ମାହାପୁରୁ ଏଞ୍ଚାଣିତଲେ ମାଚେସି । ୩୯ ଏଞ୍ଚାସି ଜୀହୁଦି ଲକୁତି ଡେସାତା ଅଡ଼େ ଜିରୁସାଲମତା ଏନା ଏନାଆଁ କିତେସି, ମାମୁ ଏ ବାରେଡି ସାକି; ଏଞ୍ଚାରି ଏଞ୍ଚାଣାଇଁ ପାସି ମୁଣ୍ଡାତା ଏକହାନା ପାୟିଚେରି । ୪୦ ସାମା ମାହାପୁରୁ ଏଞ୍ଚାଣାଇଁ ତାନି ଦିନାତା ନିକହେସି ଅଡ଼େ ତଞ୍ଚାଆଞ୍ଜି କିତେସି; ୪୧ ବାରେଜାଣା ତାକି ଆଏ, ଞ୍ଚାରଇ ମାହାପୁରୁ ଆଡ଼ିତି ସାକି, ଇଚିହୁଁ ମା ନକିତା ତଞ୍ଚାଆଚେସି । ମାହାପୁରୁ ଏଞ୍ଚାଣାଇଁ ହାକିତି ନିକହି ଜେତ ମାମୁ ଏଞ୍ଚାଣିତଲେ ତିଚମି ଉଚମି । ୪୨ ଅଡ଼େ ଲକୁ ନକିତା ଇ ନେହୁଁ କାଚୁ ଞ୍ଚେକ୍‌ହାଲି, ଇଞ୍ଚାଁ ହାଡ଼ାରି ଅଡ଼େ ଜୀସୁତା ନୀତାମାନାରି ନୀହାୟି କିନାସି ଆହାଲି ମାହାପୁରୁ ଏଞ୍ଚାଣାଇଁ ଆଟାମାନେସି ଇଞ୍ଚୁଁ ସାକି ହାହାଲି ଏଞ୍ଚାସି ମାଞ୍ଜେ ହୁକୁମି ହିୟାଚେସି । ୪୩ ଆମ୍ବାଆସି ଏଞ୍ଚାଣି ତାଣା ନାମିନେସି, ଏଞ୍ଚାସି ଏଞ୍ଚାଣି

* ୧୦:୩୭ ୧୦:୩୭ ମୁଞ୍ଜିନାୟି

ଦରୁତଲେ ପାପୁ ମ୍ଳେପକି ଆନେସି, ଇଦାଆଁ ବାରେ ମାହାପୁରୁ ଅଣପୁତି ବଲୁ ଖେହନାରି ଏଞ୍ଜାଣି କାତାତି ସାକି ହାହାମାନେରି ।”

ଜାହୁଦିଆଆତି ଲକୁ ସୁଦୁଜାଝୁ ବେଟାଆନାୟି

୪୪ ପିତର ଈ ବାରେ କାତା ଖେସିମାଟି ବେଲାତା ଆନିନି ଗାଟାରି ତାନି ବଲୁ ଖେଞ୍ଜିମାରେରି, ଏ ବାରେଜାଣାତି ମୁହେଁ ସୁଦୁଜାଝୁ ରେଟାଞ୍ଜାତେ । ୪୫ ଜାହୁଦିଆଆତି ଲକୁତାଣା ଜିକେଏ ସୁଦୁଜାଝୁ ରେଟା ଞ୍ଜାତାଣି ମେସାନା ପିତର ତଲେ ଜାପଟି ଞ୍ଜାହାମାଟି ତଲୁ ଦାପି ଆଡ଼ି ନାନିତି ଜାହୁଦିୟାଁ, ଏଞ୍ଜାରି ବାରେଜାଣା କାବା ଆଡ଼େରି । ୪୬ ଇରିହଁ ଏଞ୍ଜାରି ଏଟକା ଏଟକା ହାଡ଼ାତଲେ କାତା ଆହୁମାଟାଣି ଇଞ୍ଜାଁ ମାହାପୁରୁତି ଜହରା କିହିମାନାଣି ଖେରେରି । ଏଟିବେଲା ପିତର ଏଲେଇରେସି । ୪୭ “ଇଞ୍ଜାରି ଆନିନି ଲକୁ ମା ଲେହେଁ ସୁଦୁଜାଝୁ ବେଟାଆହାମାନେରି, ଇଞ୍ଜାରି ଏୟୁତଲେ ବାପ୍ତିସ୍ମା* ବେଟାଆହାଲି ଆମ୍ବାଆସି କାହି କିୟାଲି ଆଡ଼ିମାନେସି ?” ୪୮ ଇଞ୍ଜାଁ, ଏଞ୍ଜାସି ଏଞ୍ଜାରାଇଁ ଜାସୁ କ୍ରୀସ୍ତ ଦରୁତଲେ ବାପ୍ତିସ୍ମା* ହାହାଲି ହୁକୁମି ହାତେସି, ତାୟୁ ଏଞ୍ଜାରି ଏଟରଦିନା ଡ଼ୟାଲି ଏଞ୍ଜାଣାଇଁ ବାଟିମାଲିତେରି ।

୧୧

ପିତର କାମାତି କାତା ଜିରୁସାଲମ କୁଲମିତା ଖେହନାୟି

୧ ଜାହୁଦିଆଆତାରି ଜିକେଏ ମାହାପୁରୁତି ବଲୁ ନାନିତେରି, ଈ କାତା ପାଣ୍ଡୁଡ଼ି ଆଡ଼ାରି ଇଞ୍ଜାଁ ଜାହୁଦା ରାଜିତା ମାନି ତାୟିୟାଁ ଖେରେରି । ୨ ପିତର ଏଟିବେଲା ଜିରୁସାଲମତା ଞ୍ଜାତେସି, ଏଟିବେଲା ତଲୁ ଦାପି ଆଡ଼ି ସୀୟୁୟାଁ ପିତର ତଲେ ବାଦିବାଦା ଆଡ଼େରି, ୩ “ନାନୁ ଜାହୁଦିଆଆତି ଲକୁ ଇଲକାଣା ହାଜାନା ଏଞ୍ଜାରିତଲେ ତିଞ୍ଜାମାଞ୍ଜି !” ୪ ସାମା ପିତର ଈ ବାରେ କାତାତି ମୁଲୁଟିଏ ଖେସାଲି ମାଟୁହାନା ଏଲେଇରେସି ।

୫ “ନାନୁ ଜାପ ଗାଡ଼ାତା ପ୍ରାତାନା କିହିମାରେସି, ଇଞ୍ଜାଁ ସେୟାଁଣା ହାପାନାତା ମେସ୍ତେସି, ଏନିକଁ ର କାଜା ହିମ୍ବରିତି ସାରି କନତା ଆସାହାଁ ଲାକପୁରୁଟି ଡ଼ଇ ରେଟା ଞ୍ଜାହିମାରେ, ଅଡ଼େ ଏଦି ନା ପାତେକା ଞ୍ଜାତେ; ୬ ନାନୁ ଏମ୍ବାଆଁ ସିନିକିହାନା ଅଣପାଲି ମାଟୁହେସି, ଏମ୍ବାଆଁ ଦାରୁତିତି ସାରିଗଟା କତାୟାଁ ତଲେ ତାକିନି ନାସକାତି ଜନ୍ତ ଇଞ୍ଜାଁ ଜାଡ଼ାତି ଜନ୍ତ ତ୍ତରିୟାଁ ରାସକା ଅଡ଼େ ହାରୁତି ପଗାୟାଁ ମେସ୍ତେସି, ୭ ଅଡ଼େ ନାଜେ ଖେସାମାଞ୍ଜାନି ଈ ହାଡ଼ା ଜିକେଏ ଖେରେସି, ପିତର; ନିଜାମ୍, ପାୟାନା ତିନାମ୍ !” ୮ ସାମା ନାନୁ ଏଲେଇରେସି, ଆଏ ପ୍ରବୁ ! ତାଗାଆଗାଟି ଲାଗେଏ ପଲେଏତି କାଡ଼ି ନାନୁ ଏଟେଲାଞ୍ଜା ନା ଗୁଡ଼ିତା ଅହାହଲଅଁ । ୯ ସାମା ଅର ଦେବା ଲାକପୁରୁଟି ଈ ହାଡ଼ା ଖେସ୍ତାତେ, ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନାନୁ ଲାଗେଏତାୟି ଇନାଆନି । ୧୦ ଇଲାଆହଁ ତାନି ପାଲି ଆଡ଼େ, ଅଡ଼େ ତାୟୁ ଏ ବାରେ ଖେଣ୍ଡେ ଲାକପୁରୁ ଅଡ଼ିଆଡ଼େ । ୧୧ ଅଡ଼େ ମେହ୍ନୁ, ଦେବୁଣିଏ ତାନି ଜାଣା ଲକୁ ମାମ୍ ଆନିନି ଇଲୁତା ମାଟନି ଏମ୍ବାଆଁ ଞ୍ଜାହାନା ନିତେରି, ଏଞ୍ଜାରି କାୟିସରିୟାଟିଏ ନା ତାଣା ପାଣ୍ଡୁଡ଼ି ଆହାମାରେରି । ୧୨ ଇଞ୍ଜାଁ ଆନାମାନା ଆଆନା ଏଞ୍ଜାରିତଲେ ହାଜାଲି ଜାଝୁ ନାଜେ ଖେସ୍ତାତେ, ଅଡ଼େ ଈ ସ ଜାଣା ତାୟିୟାଁ ଜିକେଏ ନା ତଲେ ଜାପଟି କାୟିସରିୟାତା ଞ୍ଜାତେରି, ଇଞ୍ଜାଁ ମାମ୍ ଏ କର୍ନଲିୟ ଇଜ ହାଟନି । ୧୩ ଏଞ୍ଜାସି ଏନିକଁ ର ଦୁଡ଼ୁଇଁ ସେୟାଁଣା ହାପାନାତା ମେସାମାରେସି, ଏଦାଆଁ ମାଜେ ଖେସ୍ତାତେସି, ଏ ଦୁଡ଼ୁ ଏନିକଁ ଏଞ୍ଜାଣି ଇଜ ନିତାନା ଖେସ୍ତେ, ଜାପତା ଲକୁଣି ପାଣ୍ଡାନା ପିତର ଇନି ସିମନଇଁ ହାଡ଼ାତାମ୍; ୧୪ ଏଞ୍ଜାସି ମିଜେ ଖେସ୍ତାନି କାତାତଲେ ‘ମାରୁ ଅଡ଼େ ମୀ ବାରେ କୁଟନି ଗେଲପି ଆଡ଼େରି ।’ ୧୫ ତାୟୁ ନାନୁ ଜଲାଇ ମାଟୁହାଲିଏ ସୁଦୁଜାଝୁ ମା ଲାକ ଏନିକଁ ରେଟାଞ୍ଜାତେ, ଏଲେକଁ ଏଞ୍ଜାରି ଲାକ ଜିକେଏ ରେଟାଞ୍ଜାତେ । ୧୬ ଏଟିବେଲା ପ୍ରବୁ ଖେସି ଈ ହାଡ଼ା ନା ଅଣପୁତା ଞ୍ଜାତେ; ‘ଜହନ ଏୟୁତଲେ ବାପ୍ତିସ୍ମା* ହାତେସି ସାତା, ସାମା ମାରୁ ସୁଦୁଜାଝୁ ତଲେ ବାପ୍ତିସ୍ମା* ଆଡ଼େରି ।’ ୧୭ ଇରିହଁ ମାରୁ ପ୍ରବୁ ଜାସୁ କ୍ରୀସ୍ତ ତାଣା ନାନିତି ବେଲାତା ମାହାପୁରୁ ଏନିକଁ ମାଜେ ଆନିନି ଦାନା ହାହାମାଞ୍ଜାତେସି, ଏଲେକିହଁ ଏ ଏଞ୍ଜାରାକି ଜିକେଏ ସମାନା ଦାନା ହାତେସି; ନାନୁ ଆମ୍ବାଆତେସି ମାହାପୁରୁଇଁ କାହି କିହାଲି ଆଡ଼ିଇଁ !”

୧୮ ଏଞ୍ଜାରି ଈ ବାରେ କାତା ଖେଞ୍ଜାଲିଏ ଏଞ୍ଜାରି ପାଲେଏ ଆଡ଼େରି, ଇଞ୍ଜାଁ ମାହାପୁରୁଇଁ ଜହରା କିହଁ ଏଲେଇରେରି, “ଆତିହଁ ମାହାପୁରୁ ଜାହୁଦିଆଆତି ଲକୁକି ଜିକେଏ ହିୟାଁ ଖେହ୍ନାଲି ଅଡ଼େ ନୀତାଲି ପାରୁ ହାହାମାନେସି ।”

† ୧୦:୪୭ ୧୦:୪୭ ମୁଞ୍ଜିନାୟି ‡ ୧୦:୪୮ ୧୦:୪୮ ମୁଞ୍ଜିନାୟି * ୧୧:୧୭ ୧୧:୧୭ କାମା ୧:୫ * ୧୧:୧୭ ୧୧:୧୭ମୁଞ୍ଜିନାୟି † ୧୧:୧୭ ୧୧:୧୭ମୁଞ୍ଜିନାୟି

ଆନ୍ତ୍ରିୟକିୟା କୁଲମି

୧୯ ✧ଏଚେଟିଏ ସ୍ତ୍ରୀପାନ ହାଡ଼ି ତାୟୁ, ଏଚେକା ନାମୁଗାଚାରି କସ୍ତ ନିନ୍ଦା ଆଡ଼ାକି ଆଲାଭା ଆହାମାଚାରି ବିତ୍ତାଟି, ପୟନିକିୟା, କୁପ୍ର ଅଡ଼େ ଆନ୍ତ୍ରିୟକିୟା ପାଚେକା ରେଜାନା ଖାରୁକ ଜୀହୁଦି ଲକୁ ପିସ୍ତପେ ଅଡ଼େ ଆମ୍ବାଆରି ତାଣା ନେହୁଁ କାରୁ ଖେସିହିଲାଆଡ଼େରି । ୨୦ ଯାମା ଏଞ୍ଜାରି ବିତ୍ତାଟି ଏଚରଜାଣା କୁପ୍ର ଅଡ଼େ କୁରିଣିୟ ଲକୁ ଆନ୍ତ୍ରିୟକିୟା ଖାହାନା ଗ୍ରିକ୍ ଲକୁତାଣା ଜିକେଏ କାତା ଖେସିହିଁ ପ୍ରବୁ ଜୀସୁତି ନେହୁଁ କାରୁ ଖେକ୍‌ହେରି । ୨୧ ଅଡ଼େ, ଏଞ୍ଜାରିତଲେ ପ୍ରବୁତି ବାଡ଼ୁୟୁ ମାଚେ, ଅଡ଼େ ହାଡ଼େ ହାଡ଼େକା ଲକୁ ନାମାହାଁ ପ୍ରବୁ ଖାକି ଖେଣ୍ଡାଖାଡ଼େରି ।

୨୨ ଏଞ୍ଜାରି ହାଡ଼ା ଜିରୁସାଲମତି କୁଲମିତା ଏଗାହାଚେ, ଏମ୍ବାଟିଏ ଏଞ୍ଜାରି ଆନ୍ତ୍ରିୟକିୟା ପାଚେକା ବର୍ନବାଇଁ ପାଣ୍ଡାଚେରି । ୨୩ ଏଞ୍ଜାସି ଏମ୍ବାଆଁ ଏଜାନା ମାହାପୁରୁତି କାର୍ମାମେସାନା ରାହାଁ ଆଡ଼େସି, ଇଞ୍ଜା ଏଞ୍ଜାରି ଏନିକ୍ ହିୟାଁତା ରଣିଏ ରାହାଁତଲେ ପ୍ରବୁ ତାଣା ମାନାପେରି ଇଞ୍ଜୁଁ ଏଞ୍ଜାରାକି ବାସୁଁ ହୀଚେସି । ୨୪ ବର୍ନବା ର ନେହୁଁ ଲକୁ, ନାମୁତା ଇଞ୍ଜାଁ ସୁଦୁଜୀଖୁ ବେଟାଆହାମାନାସି ମାଚେସି, ଇଞ୍ଜାଁ ଇଲେଟି ବଲୁ ଖେକ୍‌ନି ତାଣା ହାଚେକା ଲକୁ ପ୍ରବୁ ତାଣା ଆଣିଚେରି ।

୨୫ ତାୟୁ ବର୍ନବା ସାଞ୍ଜୁଲାଇଁ ପାରାଲି ତାର୍ସ ଗାଡ଼ାତା ହାଚେସି, ୨୬ ଇଞ୍ଜାଁ, ଏଞ୍ଜାସି ଏଞ୍ଜାଣାଇଁ ବେଟାଆହାନା ଆନ୍ତ୍ରିୟକିୟାତା ତାଚିହିଁ ଖାଡ଼େସି, ଏଞ୍ଜାରି ର ବାର୍ସା ପାଚେକା କୁଲମି ତଲେ ମାଞ୍ଜାନା ହାଚେକା ଲକୁଣି ଜାପୁହେରି, ଅଡ଼େ ଆନ୍ତ୍ରିୟକିୟାତି ସୀସୁୟାଁ ତଲିଏ କ୍ରୀସାନା ଇଞ୍ଜୁଁ ଖେଜିଚେରି ।

୨୭ ଏଚିଚେଲାତା ଏଚରଜାଣା ମାହାପୁରୁ ଅଣପୁତି ବଲୁ ଖେହ୍‌ନାରି ଜିରୁସାଲମତି ଆନ୍ତ୍ରିୟକିୟାତା ଖାଡ଼େରି । ୨୮ ✧ଏଞ୍ଜାରି ବିତ୍ତାଟି ଆଗାବ ଦରୁଗାଟି ର ଲକୁ ନିଜାନା ବାରେ ଦାଚିତା କାଜା କାଡ଼ାରା ଆନେ ଇଞ୍ଜୁଁ ଜୀସୁତି ବାଡ଼ୁୟୁ ତଲେ ଖେସେସି; ଏଦି କ୍ଲାଞ୍ଜୁଦିୟା ସାଲକ୍ସି କିନାଣି ବେଲାତା ଆଡ଼େ । ୨୯ ଏମ୍ବାଟିଏ ସୀସୁୟାଁ ତାମୁତାନି ଆଡ଼ିନି ଲେହେଁ ଜୀହୁଦା ରାଜିତା ମାନି ନାମିତି ତାୟିୟାଁକି ସାୟେନି କିୟାଲି ତାରି କିଚେରି, ୩୦ ଅଡ଼େ, ଏଞ୍ଜାରି ଜିକେଏ ଟାକାୟାଁ କୃଡ଼ି କିହାନା ଏ କୁଲମିତି ପ୍ରାଚିନାଜାଁ କେୟୁତା ହାହାଲି ବର୍ନବା ଅଡ଼େ, ସାଞ୍ଜୁଲ କେୟୁତା ଟାକାୟାଁ ପାଣିଚେରି ।

୧୨

ହାଚେକା ସାସ୍ତ୍ରୀ ପାଣ୍ଡନାସି

୧ ଏଚିଚେଲାତା ରାଜା ହେରଦ କୁଲମିତି ଏଚର ଜାଣାଇଁ ସାସ୍ତ୍ରୀ ହାହାଲି ମାଡ଼ୁହେସି । ୨ ଏଞ୍ଜାସି ଜହନତି ତାୟି ଜାକୁବଇଁ କାଣ୍ଡାତଲେ ପାୟି କିଚେସି । ୩ ଅଡ଼େ, ଜୀହୁଦି ଲକୁ ଏଞ୍ଜାଣି ତାକି ରାହାଁ ଆହାମାନାଣି ମେସାନା ଏଞ୍ଜାସି ପିତରଇଁ ଜିକେଏ ଆସ୍ତେସି, ଏଚିଚେଲାତା ପୁଲା ଆଣ୍ଡାଆତି ରୁଟି ତିନି ପାରୁଁ ମାଚେ । ୪ ଏଚେଟିଏ ଏଞ୍ଜାସି ପିତରଇଁ ଦସ୍‌ପାନା କାୟିଦି ଇଲୁତା ଇଚିଚେସି, ଇଞ୍ଜାଁ ପିସ୍‌ପିଆନି ପାରୁଁ ରାଡ଼ି ତାୟୁ ଏଞ୍ଜାଣାଇଁ ବାରେ ଲକୁ ନକିତା ତାଚାଲି ଅଣ୍ଡପାନା ଏଞ୍ଜାଣାଇଁ କାଚାଲି ସାରି ଜାଣା ଲାକା ସାରି ଗତି କସ୍‌କା କେୟୁତା ହେଚିପିଚେସି । ୫ ପିତରଇଁ କାୟିଦିତା ସୁଣିଚେରି, ସାମା ଏଞ୍ଜାଣି ତାକି କୁଲମି ରଣିଏ ହିୟାଁ ତଲେ ମାହାପୁରୁ ତାଣା ପ୍ରାଚାନା କିହିମାଚେରି ।

ପିତର କାୟିଦି ଇଲୁଟି ଗେଲପି ଆନାସି

୬ ତାୟୁ ହେରଦ ଆମିନି ଦିନା ପିତରଇଁ ହପୁହାଲି ଅଣ୍ଡପାମାଚେସି, ଏ ନେଚୁ ଲାଆଁୟାଁ ପିତର ରୀ ହିକ୍‌ଣିୟାଁ ତଲେ ଦସ୍‌ପି ଆହାନା ରୀ କସ୍‌କା ମାଦି ତୁରାମାଚେସି, ଅଡ଼େ କାଞ୍ଜିଆନାରି କାୟିଦି ଇଲୁ ଦୁଖେରିତା କାଚାମାଚେରି । ୭ ଅଡ଼େ ମେହ୍‌ଦୁ, ଦେବୁଣିଏ ପ୍ରବୁତି ର ଦୁଡୁ ଏମ୍ବାଆଁ ତଞ୍ଜାଆଚେ, ଇଞ୍ଜାଁ ଇଲୁ ବିତ୍ତା ଉଜେଡ଼ି ଆହାହାଚେ, ଅଡ଼େ ପିତରଇଁ ବନିତା ତାଗାହାଁ ନିକ୍‌ହାନା ଏଲେଇଚେ, “ତବେ ନିଜାମୁ,” ଏମ୍ବାଟିଏ ଏଞ୍ଜାଣି କେସ୍‌ପାତି ହିକ୍‌ଣିୟାଁ ହୁଜାହାଡୁ । ୮ ଏଚେଟିଏ ଦୁଡୁ ଏଞ୍ଜାଣାଇଁ ଏଲେଇଚେ, “ଚେତେଲି ରୁପା କତାମୁ ଇଞ୍ଜାଁ ସେପୁୟାଁ ତୁଚମୁ” ଇଞ୍ଜାଁ ପିତର ଏଲେକିଚେସି, ଅଡ଼େ ଦୁଡୁ ଏଲେଇଚେ, “ନୀ ହିମ୍‌ବି ପରହାନା ନା ଜେଚ ଜେଚ ଖାମୁ ।” ୯ ପିତର ହଚାନା ଏଞ୍ଜାଣି ଜେଚ ଜେଚ ହାଚେସି; ସାମା ଦୁଡୁ ତାଣାଟି ଏନାଆଁ କିଞ୍ଜିଆଚେ, ଏଦି ସାଚେଏ ଏଦାଆଁ ପୁନାଆନା ଏଞ୍ଜାସି ହାପାନା ହେଣ୍ଡିମାଇଁ ଇଞ୍ଜୁଁ ଅଣ୍ଡପିମାଚେସି । ୧୦ ଏଚିଚେଲାତା ଏଞ୍ଜାରି ନକିତି ଅଡ଼େ ଏଦାଣି ତାୟୁ କାଚାମାଚାରାଇଁ ଗାଣ୍ଡାଚାନା ଆମିନି ଲହ୍ ଦୁଖେରି ହାହାନା ଗାଡ଼ାତା ହଡ଼ାଲି ଆନେ, ଏଦାଆଁ ଡାଗେ ଖାହାଲିଏ, ଏଚେତା ଏ ଦୁଖେରି ତାକୁ ତାମୁଏ ଏଞ୍ଜାରାକି

ଦେପି ଆହାହାରେ, ଅଡ଼େ ଏଞ୍ଜାରି ହଡ଼ା ହାଜାନା ର ଆଂଗେଣି ମୁବହାମାନି ପାତେକା ହାରେରି, ଇଞ୍ଜା ଦେବୁଣିଏ ଏ ଦୁତୁ ଏଞ୍ଜାଣାଇ ପିସା ହାରେ ।

୧୧ ଏଚେଟିଏ ପିତର ସେଡ଼ନା ଆହାନା ଏଲେଇଚେସି, “ପ୍ରବୁ ତାନି ଦୁତୁଇଁ ପାଣ୍ଡାନା ହେରଦ କେମୁଟି ଅଡ଼େ ବାରେ ଜାହୁଦି ଲକୁ ଅଣ୍ଡପିମାଟି ତାଣ୍ଡାଟି ପିସପି କିହାଁ ମାଞ୍ଜାନେସି, ଇଦାଆଁ ନୀଏଁ ନାନୁ ସାତେଏ ପୁଚେଏଁ ।”

୧୨ ଏଞ୍ଜାରି ଇ କାତା ଅଣ୍ଡପିହଁ ମାର୍କ ଦରୁଗାଟି ଜହନ ତାନି ଇୟା ମରିୟମନି ଇଜ ହାଚେସି; ଏମ୍ବାଆଁ ହାରେକା ଲକୁ ରୁଣ୍ଡା ଆହାନା ପ୍ରାଡାନା କିହିମାଚେରି । ୧୩ ପିତର ପାଙ୍ଗାଟି ଦୁଝେରିତା ଝେଟାଲିଏ, ରଦା ଦରୁଗାଟି ର ହଲେଣି ଆମ୍ବାଆଚେରି ଇଞ୍ଜାଁ ଝେଞ୍ଜାଲି ହାଚେ । ୧୪ ଏଦି ପିତରତି ହାଡ଼ା ଝେଞ୍ଜାନା ରାହାଁତାକି ଦାରା ଦେଝଆନା ବିତ୍ତା ଦାବଡ଼ି ହାଜାନା ଦାରା ତାକିତା ପିତର ନିତାମାନେସି ଇଞ୍ଜାଁ ଝେସ୍ତେ । ୧୫ ଏଞ୍ଜାରି ଏଦାନି ଏଲେଇଚେରି, “ନାନୁ ବାୟା ଆଡ଼ିକି ଇଞ୍ଜାଁ ଇଚେରି,” ସାମା ଏଦି ଏଦାଆଁ ସାତା ଇଞ୍ଜାଁ ଗାଡିକିହଁ ଝେସ୍ତେ, ଇଞ୍ଜାଁ ଏଞ୍ଜାରି ଏଲେଇଚେରି, “ଏଦି ଏଞ୍ଜାଣି ଦୁତୁ ।”

୧୬ ସାମା ପିତର ଦାରାତା ଅଲେ ଅଲେ ଝେଟିମାଚାକି, ଏଞ୍ଜାରି ଦାରା ଦେଚାନା ଏଞ୍ଜାଣାଇଁ ମେସାନା କାବା ଆଚେରି । ୧୭ ସାମା ଏଞ୍ଜାରି ଏଞ୍ଜାରାଇଁ ପାଲେଏ ମାଞ୍ଜାଲି କେମୁ ଜାଞ୍ଜିଚେସି, ଇଞ୍ଜାଁ ପ୍ରବୁ ଏଞ୍ଜାଣାଇଁ ଏନିକଁ କାୟିଦି ଇଲୁଟି ହପୁହା ତାଚେସି ଏଞ୍ଜାରାଇଁ ଝେସ୍ତେସି, ଅଡ଼େ ଏଞ୍ଜାରି ଏଲେଇଚେସି “ଇ ବାରେ କାତା କାକୁବ ଅଡ଼େ ବାରେ ନାମିତି ତାୟିୟାଇଁ ଝେହୁଦୁ,” ଇଞ୍ଜାଁ ଏଞ୍ଜାରି ତାକିହଁ ଅର ଗାୟୁତା ହାଜାତୁସ୍ତେସି ।

୧୮ ଲାଈ ଝେୟାଲିଏ ପିତର ଆମ୍ବିୟା ହାଚେସି ଇଞ୍ଜାଁ କାପୁ କାଝିଆନି କସ୍ତା କାବାଆହାନା ହାରେକା ବିଲୁକି ଆଚେରି ? ୧୯ ଅଡ଼େ, ହେରଦ ଏଞ୍ଜାଣାଇଁ ପାରି କିହାନା ପୁଝାଆଲିଏ, କାପୁ କାଝିନାରାଇଁ ଝେଟି ତାୟୁ, ଏଞ୍ଜାରାଇଁ ପାୟାଲି ହୁକୁମି ହାଚେସି । ଏଦାଆଁ ତାୟୁ ହେରଦ ଜାହୁଦା ରାକିଟି କାୟିସରିୟାତା ହାଜାନା ଏମ୍ବାଆଁ ଡ଼ୟିଚେସି ।

ହେରଦ ହାନାୟି

୨୦ ଏଚିବେଲା ହେରଦ ସର ଅଡ଼େ ସିଦନତି ଲକୁତାକି ଆଜିହପେତି କପା ଆହାମାଚେସି, ଅଡ଼େ ଏଞ୍ଜାରି ରଣ୍ଡିଏ କାତା ଆହାନା ଏଞ୍ଜାଣି ତାଣ୍ଡା ଝାଚେରି, ଇଞ୍ଜାଁ ରାଜା ଇଲୁଟି ରାସ୍ତସ ଇନି ସାଲୁଝି କିନାଣାଇଁ ତାନି ଝାକି କିହାନା, ରାଜାଇଁ ହିଡ଼ଡ଼ି ତାକି ବାଟିମାଲିଚେରି, ଇଚିହଁ ହେରଦ ରାଜା ଦେସାଟି ସର ଅଡ଼େ ସିଦନ ଦେସାତା ଆର୍ନା ହାଜିମାଚେ ।

୨୧ ଏଚେଟିଏ ହେରଦ ତାରିକିତି ଦିନାତା ରାଜା ହୁଚିନି ହିମ୍ବୁରିକା ହୁଚାନା ସିଂଗାସାଣିତା କୁଗାନା ଲକୁ ନକିତା ର କାତା ଝେସ୍ତେସି; ୨୨ ଏଚେଟିଏ ଲକୁ କାଲୁଝି ଆହଁ ଏଲେଇଚେରି, “ଇଦି ମାହାପୁରୁତି ଗିୟାଁ, ମାଣ୍ଡସିତି ଗିୟାଁ ଆଏ !” ୨୩ ଏ ଦେବୁଣିଏ ପ୍ରବୁତି ର ଦୁତୁ ହେରଦଇଁ ତାରିଚେ, ଇଚିହଁ ଏଞ୍ଜାରି ମାହାପୁରୁଇଁ ଜହରା କିଆଚେସି, ଇଞ୍ଜାଁ ଏଞ୍ଜାଣାଇଁ ପିଡ଼ୟୁଲି ତିଞ୍ଜାଲିଏ ଏଞ୍ଜାରି ହାଚେସି ।

୨୪ ସାମା ମାହାପୁରୁତି ବଲୁ ପାତାଆହାନା ହାରେକା ଝେଜିଚେ ।

୨୫ ତାୟୁ ବର୍ନବା ଅଡ଼େ ସାଞ୍ଜୁଲ ତାନି ସେବା କାମା ରାପୁହାନା ଜହନ ଇନି ମାର୍କଇଁ ତଡ଼ୁ କିହାନା ଜିରୁସାଲମଟି ଝେଣ୍ଡା ହାଚେରି ।

୧୩

ବର୍ନବା ଅଡ଼େ ସାଞ୍ଜୁଲଇଁ ଆଡାନା ପାଣ୍ଡିନାୟି

୧ ଏଚିବେଲା ଆଡ଼ିୟକିୟାତି କୁଲମିତା ବର୍ନବା, ସିମିୟନ କାଡ଼ିୟା ଇନାସି, କୁରିଣି ଦେସାଟି ଲୁକିୟ, ହେରଦ ରାଜା ତାୟିଲେହେଁ ପାତାଆଡ଼ି ମନହେମ ଅଡ଼େ ସାଞ୍ଜୁଲ, ଆଡ଼ିୟକିୟାତା ମାଟି କୁଲମିତା ମାହାପୁରୁ ଅଣ୍ଡପୁତି ବଲୁ ଝେହୁନାରି ଅଡ଼େ ଜାପୁନାରି ମାଚେରି । ୨ ଏଞ୍ଜାରି ପ୍ରବୁତି ସେବା ଅଡ଼େ ଉପାସା କିହିମାଚାଟି, ସୁଦୁଜାହୁ ଏଞ୍ଜାରାଇଁ ଏଲେଇଚେ, “ନାନୁ ଆମିନି କାମାତାକି ବର୍ନବା ଅଡ଼େ ସାଞ୍ଜୁଲଇଁ ହାଡ଼ାମାଇଁ, ଏ କାମାତାକି ଏଞ୍ଜାରାଇଁ ଏଟକା କିପୁ ।”

୩ ଏଚେଟିଏ ଏଞ୍ଜାରି ଉପାସା ଅଡ଼େ ପ୍ରାଡାନା କିତି ତାୟୁ ଏଞ୍ଜାରି ତାର୍କାଣା କେସ୍ତା ଇଚାନା ଏଞ୍ଜାରାଇଁ ହେବପାନା ପାଣ୍ଡିଚେରି ।

କୁପୁତା କାମା

୪ ଇଲେଆହୁଁ ବର୍ନବା ଅଡ଼େ ସାଞ୍ଜୁଲ ସୁଦୁଜାସୁ ତଲେ ପାଣ୍ଡୁ଼ି ଆହାନା ସେଲୁକିୟାତା ହାଚେରି; ଇଞ୍ଜାଁ ର ସାମ୍ବୁରି ଜାଜାତା ହଚାନା କୁପ୍ରତା ହାଚେରି । ୫ ଏଞ୍ଜାରି ସାଲମି ଗାଡ଼ାତା ଏଗାହାଜାଲିଏ ଜୀହୁଦି ଲକୁତି ବାରେ ଜୀହୁଦି ଲକୁତି କୁଟମି ଇଲକାଣା* ମାହାପୁରୁତି ବଲୁ ଝେକହାଲି ମାଟୁହେରି; ଅଡ଼େ, ଜହନ ମାର୍କ ଜିକେଏ ସାଝେମି କିୟାଲି ଏଞ୍ଜାରିତଲେ ମାଚେସି ।

୬ ଇଞ୍ଜାଁ ଏଞ୍ଜାରି ଏ ଦେସା ମାଦିଟି ରେଜିହୁଁ ପାପସ୍ତ ଗାଡ଼ାତା ହାଚେରି; ଏମ୍ବାଆଁ ଏଞ୍ଜାରି ବାଟ୍-ଜାସୁ, ଦରୁଗାଟି ର ଜୀହୁଦି ଗାଡ଼ି ଗାଟାଣାଇଁ ବେଟାଆଡ଼େରି, ଏଞ୍ଜାସି ମିଟି ମାହାପୁରୁ ବଲୁ ଝେହନାସି । ୭ ଏ ଦେସା ସାଲୁ଼ି କିନି ସେଗଁୟ ପାଞ୍ଜୁଲ ତଲେ ମାଚେସି, ଏ ସାଲୁ଼ି କିନାସି ର ରୁଦିଗାଟାସି, ଏଞ୍ଜାସି ସାଞ୍ଜୁଲ ଅଡ଼େ ବର୍ନବାଇଁ ହାଟି କିହାନା ମାହାପୁରୁତି କାତା ଝେଞ୍ଜାଲି ଅଣ୍ଡିମାଚେସି । ୮ ସାମା ଏ ଗାଡ଼ିଗାଟି “ଏଲିମା” ଇଦି ଗ୍ରିକ ଦରୁ ଏ ସାଲୁ଼ି କିନାଣାଇଁ ନାମୁଟି ପିସ୍ପିକିନି ଅଣ୍ଡପୁ ତଲେ ଏଞ୍ଜାରାଇଁ ବାଦା ହାଚେସି । ୯ ସାମା ସାଞ୍ଜୁଲ ଆମ୍ବାଆରାଇଁ ପାଞ୍ଜୁଲ ଜିକେଏ ଇନେରି, ସୁଦୁଜାସୁଟି ନେଞ୍ଜାନା; ଏଲିମାଇଁ ସିନିକିଚେସି, ୧୦ ଅଡ଼େ ଏଲେଇଚେସି, “ଆଡ଼େ ସୟତାନ ମୀରଏଣାଟି, ବାରେଲେହେଟି ନାଡ଼ିକିନି ଲାଗେଏଟି ଅଣ୍ଡପୁତା ନେଞ୍ଜାମାନାଟି, ଅଡ଼େ ବାରେ ନେହୁଁ କାମାଟି ସାଡୁ, ନୀନୁ ପ୍ରବୁତି ସଲକ ଜିରୁତି ଲାଗେଏ କିହାଲି ପିହଅତି କି ? ୧୧ ଅଡ଼େ ନୀଏଁ ମେହ୍ମୁ ପ୍ରବୁତି କେୟୁ ନୀ ଲାକ ମାନେ; ଇଞ୍ଜାଁ ନୀନୁ କାଣା ଆହାନା ଗାଡ଼େକା ତାକି ଝେଡ଼ାଟି ରଜେଡ଼ି ମେହଅତି ।” ଏ ଦେବୁଣିଏ ଏଲିମା କାଣକାତା ଦୁୟା ପଜିତି ଲେହେଁ ଆଡେ ଇଞ୍ଜାଁ ତାନି କେୟୁ ଆସିଁ ଜିରୁ ତସାଲି ରଅଣାଇଁ ପାରାଚେସି । ୧୨ ଇଦାଆଁ ମେସାନା ସାଲୁ଼ି କିନାସି ପ୍ରବୁତି ଜାମ୍ବୁନାଣି ଝେଞ୍ଜାନା କାବାଆହାନା ନାମିଚେସି ।

ପିସିଦିୟାତି ଆକ୍ରିୟକିୟାତା କାମା

୧୩ ତାୟୁ ପାଞ୍ଜୁଲ ଅଡ଼େ ତାନି ତଝେସିଙ୍ଗା ପାପସ୍ତବିଏ ସାମ୍ବୁରି ଜିରୁଟି ହାଜାନା ପଂପୁଲିୟା ଗାଡ଼ାତି ପଗଁତା ଞ୍ଜାଡ଼େରି; ସାମା ଜହନ ମାର୍କ ଏଞ୍ଜାରାଇଁ ପିସାନା ଜିରୁସାଲମତା ଝେଣ୍ଡାହାଚେସି । ୧୪ ଏଞ୍ଜାରି ପଗଁତା ହାଜାନା ପିସିଦିୟାତି ଆକ୍ରିୟକିୟାତା ଏଗାହାଚେରି, ଅଡ଼େ ଜମିନି ଦିନା ଜୀହୁଦି ଲକୁତି କୁଟମି ଇଲୁତାଁ ହାଜାନା କୁରିଚେରି । ୧୫ ଅଡ଼େ, ମସା ରାଟିଟି ମେରା ଇଞ୍ଜାଁ ମାହାପୁରୁ ଅଣ୍ଡପୁତି ବଲୁ ଝେହନାରି ପତି ପଡ଼ୁ଼ି ଆଡ଼ି ତାୟୁ, ପ୍ରାଡାନା ଇଲୁତି କାଜାରି ଏଞ୍ଜାରିତାଣା ଏଲେଇଞ୍ଜି ଝେସା ପାଣ୍ଡିଚେରି, “ତାୟିୟାଁ, ଲକୁତାକି ବାସୁଁ ହାନି କାତା ମାଚିହୁଁ ଝେହଦୁ ।”

୧୬ ଏଚେଟିଏ ପାଞ୍ଜୁଲ ନିଚାନା ଲକୁଣି କେୟୁ ତସିହୁଁ ଏଲେଇଚେସି; “ଇସ୍ରାୟେଲ ଲକୁତେରି ଇଞ୍ଜାଁ ଜୀହୁଦିଆଆତି ଲକୁତେରି ଅଡ଼େ ମାହାପୁରୁଇଁ ଆଜିନେରି ନା କାତା ଝେଞ୍ଜୁ ।” ୧୭ ଇ ଇସ୍ରାୟେଲ କୁଡ଼ାତି ମାହାପୁରୁ ମା ଆକୁ ଆବାୟାଣି ଆଡ଼ିଚେସି, ଅଡ଼େ ଏଞ୍ଜାରି ମିସର ଦେସାତା ବାସା କିହାନାନ୍ ରେଲାତା, ଏଞ୍ଜାରାଇଁ ପାତି କିଚେସି, ଇଞ୍ଜାଁ ବାଡୁରୁ ଗାଟି କେୟୁତଲେ ଏଞ୍ଜାରାଇଁ ହପ୍ରହା ତାଚେସି, ୧୮ ତାୟୁ ରୀ କଡ଼ି ବାସା ପାଚେକା ବାଝଲି ବାଚାତା ଏଞ୍ଜାସି ଏଞ୍ଜାରି ଲେମ୍ବିନାଣି ଅରୁହେଚେସି । ୧୯ ଏଞ୍ଜାସି କିଣାନ ଦେସାତି ସାଡ଼ାଗଟା କୁଡ଼ାତି ଲକୁଣି ନାସା କିହାନା ତାନି ଆଡ଼ାମାନି ଲକୁକି ଏ ଦେସାତି ଅଦିକାରା ହାଚେସି ।

୨୦ ସାରି ଞ୍ଜାଞ୍ଜା ରୀ କଡ଼ି ଦସ ବାସା ବିଡ୍ରା ଇ ବାରେ ଆଡେ । ଏଚେଟିଏ ମାହାପୁରୁ ଅଣ୍ଡପୁତି ବଲୁ ଝେହନି ସାମ୍ବୁୟେଲ ପାଚେକା ବିଚାରା କିନାରାଇଁ ଆଡ଼ିଚେସି । ୨୧ ଏମ୍ବାଟିଏ ଏଞ୍ଜାରି ର ରାଜାଇଁ ହିୟାମୁ ଇଞ୍ଜାଁ ରୀସାଲିଏ ମାହାପୁରୁ ରୀ କଡ଼ି ବାସା ପାଚେକା ବିନାମିନି କୁଡ଼ାତି କିଏ ମୀରଏସି ସାଞ୍ଜୁଲଇଁ ରାଜା ଆହାଲି ହାଚେସି । ୨୨ ତାୟୁ ମାହାପୁରୁ ଏଞ୍ଜାଣାଇଁ ରାଜା ପାଣା ପିସ୍ପି କିହାନା, ଏଞ୍ଜାରି ରାଜା ଆହାଲିତାକି ଦାଞ୍ଜୁଦଇଁ ଆଡ଼ିଚେସି, ମାହାପୁରୁ ଜିକେଏ ଏଞ୍ଜାଣି କାତା ସାକି ହାହାନା ଏଲେଇଚେସି; “ନାନୁ ଜିସି ମୀରଏସି ଦାଞ୍ଜୁଦଇଁ ବେଟାଆହାମାଇଁ, ଏଞ୍ଜାସି ନା ହିୟାଁତି ଅଣ୍ଡପୁ ଲେହେଟାସି, ଏଞ୍ଜାସି ବାରେ କାତାତା ନା କାତା ମାନ୍ଡ଼ି ଆନେସି ।” ୨୩ ଏଞ୍ଜାଣି କୁଡ଼ାତି ମାହାପୁରୁ ଆଞ୍ଜାମାଟି ଲେହେଁ ଇସ୍ରାୟେଲ ଲକୁତାକି ର ଗେଲ୍ପିନାଣାଇଁ ଇଚିହୁଁ ଜୀସୁଇଁ ଜାନି କିହାମାନେସି । ୨୪ ଶୁଜୀମୁ ତାନି କାମା ମାଟୁନି ନକେଏ, ଜହନ ଇସ୍ରାୟେଲତି ବାରେ ଲକୁ ନକିତା ପାପୁଟି ଝେଣ୍ଡିନି କାତା ଅଡ଼େ ବାପ୍ତିସ୍ତା; ଅନି କାତା ଝେକହା ମାଚେସି । ୨୫ ଅଡ଼େ ଜହନ ତାନି କାମା ରାପୁହିମାଟି ବେଲାତା ଲକୁଣି ଏଲେଇଚେସି, “ନାଜେ ମୀରୁ ଆମ୍ବାଆସି ଇଞ୍ଜାଁ ଅଣ୍ଡପିମାଞ୍ଜାଦେରି ନାନୁ ଏଞ୍ଜାଚେସିଁ ଆଏ, ସାମା ମେହ୍ମୁ ନା ତାୟୁ ରଅସି ଞ୍ଜାହିମାନେସି, ଏଞ୍ଜାଣି କତାତି ସେପୁୟାଁ ହୁକହାଲି ନାନୁ ଜଗେ ଆଅଁ ।”

* ୧୩:୫ ୧୩:୫ ସିନଗର † ୧୩:୧୪ ୧୩:୧୪ ସିନଗର ☆ ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩ ‡ ୧୩:୨୪ ୧୩:୨୪ ପୁଞ୍ଜିନାୟି ☆ ୧୩:୨୫ ୧୩:୨୫ ଜହ ୧:୨୦; ମାତି ୩:୧୧; ମାର୍କ ୧:୭; ଲୁକ ୩:୧୭; ଜହ ୧:୨୭

୨୬ ଏ ତାୟି ତାଜିୟା, ଅତ୍ରାହାମ କୃତାତି ମୀରକା ମାସକାତେରି, ଅଡ଼େ ମୀ ତାଣାଟି ମାହାପୁରୁଇଁ ଆଜିମାନି ଜାହୁଦିଆଆତି ଲକ୍ଷ୍ମତେରି; ମା ତାଣା ଈ ରେଲ୍‌ପିଆନି ବଲ୍ଲୁ ପାଣ୍ଡୁଓ ଆହାମାଞ୍ଜାନେ । ୨୭ ସାମା ଏଝାସି ରେଲ୍‌ପିନାସି, ଜିରୁସାଲମତା ମାନାରି ଅଡ଼େ ତାମି ବାରେ କାଜାରି ଏଦାଆଁ ପୁଞ୍ଜାହିଲାଆତେରି, ଅଡ଼େ ବାରେ ଜମିନି ଦିନା ପଡ଼ଓ ଆଜିମାନି ମାହାପୁରୁ ଅଣ୍ଟପୁତି ବଲ୍ଲୁ ଝେହନାରି କାତା ପୁଞ୍ଜାହିଲାଆତେରି, ଆତିଜିକେଏ ଜୀସୁଇଁ ଦହ କିହାନା ମାହାପୁରୁ ବଲ୍ଲୁ ଝେହନାରି କାତା ପୁରା କିତେରି । ୨୮ *ଅଡ଼େ ଏଝାଣାକି ହାନି ତଣ୍ଡୁତି ଏନି ଦହ ପୁଞ୍ଜାଆତି ଜିକେଏ ଏଝାଣାଇଁ ପାୟାଲି ପିଲାତଇଁ ବାତିମାଲିତେରି । ୨୯ *ଏଝାଣି ତାକି ଦାମ୍ବୁ ସାସ୍ତେରିତା ବାରେ କାତା ରାସ୍ତିକି ଆହାମାନେ, ଏଲେଆହୁଁ ବାରେ ଗଟ୍ଟି ଆତି ଜେତ ଏଝାରି ଏଝାଣାଇଁ ପାସି ମୁଣ୍ଡାଟି ରେପହା ତାଚାନା, ମାଡ଼ହା ଇତିନି ଟାୟାତା ଇତିତେରି । ୩୦ ସାମା ମାହାପୁରୁ ଏଝାଣାଇଁ ହାତାରି ତାଣାଟି ନିକ୍‌ହେସି, ୩୧ ଅଡ଼େ ଆମିନି ଗାଟାରି ଗାଲିଲିଟି ଜିରୁସାଲମତା ତାନିତଲେ ଝାହାମାଚେରି, ଏଝାରି ହାରେକା ଦିନା ପାତେକା ଏଝାଣାଇଁ ମେସ୍ତେରି; ଏଝାରି ଇସାୟେଲ ଲକ୍ଷ୍ମକାଣା ନାଏଁ ଏଝାରି ସାକି । ୩୨ ଅଡ଼େ ଆକୁ ଆବାୟାଁ ନକିତା ମାହାପୁରୁ ଆଞ୍ଜାମାନାଣି ମାମ୍ବୁ ମିଜେ ଈ ନେହୁଁ କାବୁ ଝେସିମାଞ୍ଜାନମି; ୩୩ ଜୀସୁଇଁ ମାହାପୁରୁ ନିକ୍‌ହାନା ଏଝାରି ମୀରକାତାୟି ମାର, ମାଜେତାକି ଏ ଆଞ୍ଜାମାନାଣି ପୁରା କିହାମାନେସି, ଏନିକିଁ ଚୀ ଲମ୍ବର ପାଡ଼ ପତିତା ରାସ୍ତିକି ଆହାମାନ, “ନୀନୁ ନା ମୀରଏଣାଟି;

ନୀଞ୍ଜୁଟିଏ ନାନୁ ନୀ ଆବାତେର୍ସି ।”

୩୪ ଏଝାସି ହାତାରି ତାଣାଟି ଝେଣ୍ଡେ ନିକ୍‌ହାମାନେସି, ଏଝାସି ସୀରନି ତାଣା ହାଲଅସି ଇଞ୍ଜୁଁ ମାହାପୁରୁ ଝେସାମାନେସି;

“ନାନୁ ଦାଝୁଦ ନକିତା ଆଞ୍ଜାମାନି ସୁଦ,

ଇଞ୍ଜାଁ ତାରି ଆନି ବର ମିଜେ ସାତେଏ ହିୟାଇଁ ।”

୩୫ ଇଞ୍ଜାଁ ଏଝାସି ଅଡ଼େ ର ପତିତା ଏଲେଇଞ୍ଜା ମାନେସି,

“ନୀନୁ ନୀ ତାରି ଗାଟାଣାଇଁ ସୀରହାଲି ହାଅତି ।”

୩୬ ଦାଝୁଦ ତାନୁ ରାକି କିହିମାଟି ବେଲାତା ଲକ୍ଷ୍ମ ବିତା ମାହାପୁରୁ ଅଣ୍ଟପୁ ତଲେ ସେବା କାମା କିତି ତାୟୁ ହାତେସି, ଇଞ୍ଜାଁ ତାମି ଆକୁ ଆବାୟାଁ ଟଟତା ମୁସ୍‌ପି ଆହାନା ସୀରହେସି । ୩୭ ସାମା ମାହାପୁରୁ ଆମ୍ବାଆରାଇଁ ହାକିଟି ନିକ୍‌ହାମାନେସି ଏଝାସି ସୀରହା ହିଲଅସି । ୩୮ ଇଦାଆଁତାକି ଏ ତାୟିୟାଁ ଇଦାଆଁ ପୁଞ୍ଜୁ, ଈ ଜୀସୁ ତାଣାଟି ମୀ ନକିତା ପାପୁତି ମ୍ଲେକନି କାତା ଝେସ୍‌ପି ଆହାମାନେ; ୩୯ ଅଡ଼େ ମସାତି ଆମିନି ମୋରାତି ବାରେ ତାଣାଟି ମୀରୁ ପିସ୍‌ପି ଆହାଁ ଦାମ୍ବୁଗାଟେରି ଆହାଲି ଆଡାଆତେରି, ଇଞ୍ଜାଁ ନାମିମାନି ବାରେ ଲକ୍ଷ୍ମ ଏଝାଣି ତାଣାଟି ଏ ବାରେ ତାଣାଟି ପିସ୍‌ପି ଆହାନା ଦାମ୍ବୁଗାଟାରି ଆନେରି । ୪୦ ଏଦାଆଁତାକି ଜାଗ୍ରାତା, ମାହାପୁରୁ ଅଣ୍ଟପୁତି ବଲ୍ଲୁ ଝେହନାରି ସାସ୍ତେରିତା ଏନାୟି ଝେସ୍‌ପି ଆହାମାନେ, ଏଦି ଏନିକିଁ ମିଜେତାକି ଆୟେଏ;

୪୧ “ମାହାପୁରୁଇଁ ଅପାଆ ଗାଟାତେରି ମୀରୁ ମେସାନା, କାବା ଆହାଁ, ନାସା ଆଦୁ;

ଇତିହୁଁ ମୀ ବେଲାତା ମାମ୍ବୁ ରୁ କାମା କିହିମାନମି,

ଅଡ଼େ ଏ କାମାତି ଆମ୍ବାଆସି ମୀ ନକିତା ଝେସ୍ତାନେସି,

ଏଦାଆଁ ମୀରୁ ଏନିଜିକେଏ ନାମଅତେରି ।”

୪୨ ପାଝୁଲ ଅଡ଼େ ବର୍ନବା ଜୀହୁଦି ଲକ୍ଷ୍ମି କୁଟମି ଇଲ୍‌ଟିଁ ହଚାହାନି ବେଲାତା ଝାନ୍ତି ଜମିନି ଦିନାତା ମାଜେ ଈ ବାରେ କାତା ଅଡ଼େ ଝେସ୍ତାଦୁ ଇଞ୍ଜୁଁ ଲକ୍ଷ୍ମ ଏଝାଣାଇଁ ବାତିମାଲିତେରି । ୪୩ ବେରଣି ରାଡ଼ି ତାୟୁ ଏଚେକା ଜୀହୁଦି ଅଡ଼େ, ଜୀହୁଦି ଦାମ୍ବୁ ନାମିତି ଏଚକା କୃତାତି ଲକ୍ଷ୍ମ ବିତାରି ହାରେକା ପାଝୁଲ ଅଡ଼େ ବର୍ନବା ଜେତ ହାଚେରି; ପାଣ୍ଡୁଓ ଆଡାରି ଏଝାରିତଲେ କାତାବାଡ଼ା ଆହୁଁ ମାହାପୁରୁ କାର୍ମାତା ତୀରପୁ ଆହୁଁ ମାଞ୍ଜାଲି ଏଝାଣାଇଁ ଝେସ୍ତେରି ।

୪୪ ଇଞ୍ଜାଁ ଅର ଜମିନି ଦିନାତା ଗାଡ଼ାତି ବାରେ ଲକ୍ଷ୍ମ ମାହାପୁରୁ ବଲ୍ଲୁ ଝେଞ୍ଜାଲି ରୁଣ୍ଡା ଆଡେରି । ୪୫ ସାମା ଜୀହୁଦିୟାଁ ଲକ୍ଷ୍ମ ମାନ୍ଦାତି ମେସାନା ତାହାରା ଆଡେରି, ଇଞ୍ଜାଁ ପାଝୁଲ କାତା କପାଟି ନିହାକିହୁଁ ବାଡ଼ିବାଡ଼ା ଆଡେରି । ୪୬ ଏଚେଟିଏ ପାଝୁଲ ଅଡ଼େ ବର୍ନବା ସାସା ଆସାନା ଝେସ୍ତେରି, “ତଲିଏ ମୀ ତାଣା ମାହାପୁରୁତି ବଲ୍ଲୁ ଝେସ୍ତାନାୟି ମାଚେ, ମୀରୁ ଏଦାଆଁ ଅପାଆନା ମୀରୁ ମୀରୁଏ କାଲେଏତି ଜୀଝୁ ବେଟାଆହାଲି ପାଡ଼ା

* ୧୩:୨୮ ୧୩:୨୮ ମାତି ୨୭:୨୨,୨୩; ମାର୍କି ୧୫:୧୩,୧୪; ଲୁକ ୨୩:୧୧-୨୩; ଜହ ୧୯:୧୫ * ୧୩:୨୯ ୧୩:୨୯ ମାତି ୨୭:୫୭-୬୧; ମାର୍କି ୧୫:୪୨-୪୭; ଲୁକ ୨୩:୫୦-୫୬; ଜହ ୧୯:୩୮-୪୨ § ୧୩:୪୨ ୧୩:୪୨ ସିନଗରୁ

ଆଥମି ଇଞ୍ଜି^{୪୭} ଅଣପି ମାନାକି ମେହୁଦୁ ମାମ୍ବୁ ମିଜେ ପିସାନା ଜୀହୁଦିଆଆତି ଲକୁତାଣା ହାଜିମାନମି ।
 ୪୭ ଇଚିହ^{୪୭} ପ୍ରବୁ ମାଜେ ଇ ହୁକୁମି ହୀହାମାଞ୍ଜାନେସି;
 'ନାନ୍ ମିଜେ ଜୀହୁଦିଆଆତି ଲକୁତାକି ଉଜେଡି ଲେହେଁ କିହାମାଞ୍ଜାଇଁ,
 ଆତିହ^{୪୭} ବାରେ ଦାବୁତି ଗେଲପିଆନେ ।' "

୪୮ ଜୀହୁଦିଆଆତାରି ଇ ହାଡ଼ା ଖେଞ୍ଜାନା ରାହାଁ ଆଡେରି; ଅଡେ ମାହାପୁରୁତି ବଲୁତି ଗାଞ୍ଜୁରିମି କିହାଲି ମାଟୁହେରି, ଅଡେ ଏଚେକା ଲକୁ କାଲମାଲମିତି ଜୀହୁତାକି ଆଡ଼ି ଆହାମାଚେରି, ଏଞ୍ଜାରି ନାମିତେରି ।

୪୯ ଇଞ୍ଜା ପ୍ରବୁତି ବଲୁ ଏ ରାଜିତା ବାରେଖାକି ଏଜାହାଚେ । ୫୦ ସାମା ଜୀହୁଦି ଲକୁ ଗାଡ଼ାତି ଆବାୟାଣି ଅଡେ ମାହାପୁରୁଇଁ ମାନି କିହିମାନି ପାଞ୍ଜାଞ୍ଜେଜେତି ଆୟାସିକାଣି ରୁଣ୍ଡି କିହାନା ପାଞ୍ଜୁଲ ଅଡେ ବର୍ନବାଇଁ ସାସ୍ତି ହାହାନା ତାମି ରାଜିତି ପେଡ଼ହାତୁସ୍ତେରି । ୫୧ ଏଚେଚିଏ ପାଣ୍ଡି ଆଡ଼ାରି ଜାହାରା କଡ଼ାୟାତି ଦୁଡ଼ି ଏଞ୍ଜାରି କପାଟି ହାଣ୍ଡାହାନା ଇକନିୟତା ହାଚେରି । ୫୨ ଅଡେ ଆନ୍ତିୟକିୟାତି ସାସ୍ତିୟାଁ ସୁଦୁଜୀହୁ ବେଗାଆହାନା ରାହାଁତଲେ ଡ଼ୟିତେରି ।

୧୪

ଇକନିୟତା ସେବା କାମା

୧ ଇକନିୟତା ଜିକେଏ ଏଲେଆହ^୧ ଏ ଆଡେ; ପାଞ୍ଜୁଲ ଅଡେ ବର୍ନବା ଜୀହୁଦି ଲକୁତି ଜୀହୁଦି ଲକୁତି କୁଚମି ଲକୁତା* ହାଜାନା ଇଲେକ^୧ ଖେସ୍ତେରି, ଇଞ୍ଜା ଜୀହୁଦି ଅଡେ ଜୀହୁଦିଆଆତି ଲକୁ ବିତ୍ରାଟି ହାଡେରକା ନାମିତେରି । ୨ ସାମା ଆମିନି ଜୀହୁଦିଜା ନାମାଆତେରି, ଜୀହୁଦିଆଆତି ଲକୁତି ମନତି କିଲିବିଲି କିହାନା, ଏଞ୍ଜାଗାଇଁ ନାମିତି ତାୟାୟାଁ କପାଟି ଲାଗେଏତି ଅଣପୁ ଅଣପି କିତେରି । ୩ ପାଞ୍ଜୁଲ ଅଡେ ବର୍ନବା ହାଡେରକା ଦିନା ପାତେକା ଏ ଡାୟୁତା ଡ଼ୟାନା ପ୍ରବୁ ତାଣା ବାସ୍ତି ଇଗାନା ସାସ୍ତିତଲେ ପ୍ରବୁତି କାତା ଖେସ୍ତେରି; ଇଞ୍ଜା ଏଞ୍ଜାରି ତାଣାଟି ହାଡେରକା ସିନାୟାଁ ଅଡେ କାବାଆନି କାମାୟାଁ କିହାନା ତାମି କାମାଟି ବଲୁ ସାତା ଇଞ୍ଜି^୪ ସାକି ହାଚେରି । ୪ ସାମା ଗାଡ଼ାତି ଲକୁ ରା ବାଗା ଆଡେରି ର ବାଗା ଜୀହୁଦି ଲକୁ ଖାକି ଅଡେ ର ବାଗା ପାଣ୍ଡି ଆହାମାନାରି ଖାକି ଆଡେରି ।

୫ ଏଚିବେଲ୍ଲା ଜୀହୁଦିଆଆତି ଲକୁ ଅଡେ ଜୀହୁଦି ଲକୁ ତାମି କାଜାରି ତଲେ ଆଣ୍ଡାନା, ପାଣ୍ଡି ଆହାମାନାରାଇଁ ଲାଗେଏ କିୟାଲି ଅଡେ ଖାଲକାତଲେ ଇଡ଼ହାଲି ଅଣପିତେରି, ୬ ଏଚିବେଲ୍ଲା ପାଞ୍ଜୁଲ ଅଡେ ବର୍ନବା ଏଦାଆଁ ପୁଞ୍ଜାନା ଲୁକାୟନିୟା ଦେସାତି ଲୁସ୍ତା ଅଡେ ଦବ^୬ ଗାଡ଼ା ଅଡେ ସାରିଖାକିତି ନାସ୍ତାକାଣାଁ ହଚେରି, ୭ ଅଡେ ଏଞ୍ଜାରି ଏମାଆଁ ନେହ^୭ କାବୁ ଖେକହାଲି ମାଟୁହେରି ।

ଲୁସ୍ତା ଅଡେ ଦବ^୭ ତା ସେବା କାମା

୮ ଲୁସ୍ତାତା ର ଲକୁ ମାଚେସି, ଏଞ୍ଜାସି ସଗା ମାଚେସି, ଏଞ୍ଜାସି ଜାର୍ନାଟିଏ ସଗା, ଏଞ୍ଜାସି ଏଚେଲ୍ଲାଖା ତାକା ହିଲାଆତେସି । ୯ ଏଞ୍ଜାସି ପାଞ୍ଜୁଲ ଖେହନି କାତା ଖେଞ୍ଜିମାଚେସି, ଏଞ୍ଜାସି ହିୟାଁତା ନାମା ମାନେସି ଇଞ୍ଜା ଏଞ୍ଜାସି ନେହ^୯ ଆହାଲି ଆଡ଼ିମାନେସି ଇଞ୍ଜି^୯ ପୁଞ୍ଜାନା ଆଚେ ସିନିକିତେସି, ୧୦ ଏଞ୍ଜାଣାଇଁ କାଜା ଗିୟାଁତଲେ ଏଲେଇଚେସି, "ନା କତାତି ବାଡ଼ୁୟୁ ହାହାନା ସଲକେ ନିମୁ" ଏଚେଚିଏ ଏଞ୍ଜାସି ଦେଡ଼ିହ^{୧୦} ତାକାଲି ମାଟୁହେସି । ୧୧ ପାଞ୍ଜୁଲ ଏଦାଆଁ କିହାମାନେସି, ଲକୁ ବାରେ ଏଦାଆଁ ମେସାନା ଲୁକାୟନିୟା କାଜା ହାଡ଼ାତଲେ ଏଲେଇଞ୍ଜାଲି ମାଟୁହେରି, "ମାହାପୁରୁୟାଁ ମା ତାଣା ରେଚା ଖାହାମାନ୍ ।" ୧୨ ଏଞ୍ଜାରି ବର୍ନବାଇଁ ବୁହସପତି ଇଞ୍ଜି^{୧୨} ଇଚେରି, ଅଡେ ପାଞ୍ଜୁଲ ଗାଡ଼ା କାତା ଖେହନାସି ମାଚାକି ଏଞ୍ଜାଣାଇଁ ବୁଦ ଇଞ୍ଜି^{୧୨} ଇଚେରି । ୧୩ ଗାଡ଼ା ତାଗେ ମାନି ବୁହସପତି ଦେଞ୍ଜୁଡ଼ିତି ପୂଜେରାଜା ଏଚେକା ଡ଼କୁ କଡ଼ିୟାଁ ଇଞ୍ଜା ପୂଜା ପେତାୟାଁ ଗାଡ଼ା ଦୁଞ୍ଜେରିତା ତାଗାହାଁ ଏଞ୍ଜାସି ବାରେ ଲକୁତଲେ ଆଣ୍ଡାନା ପାଣ୍ଡି ଆଡ଼ାରି ନକିତା ପୂଜା ହାହାଲି ଅଣପିମାଚେସି ।

୧୪ "ସାମା ପାଣ୍ଡିଆହାମାନି ବର୍ନବା ଅଡେ ପାଞ୍ଜୁଲ, ଇଦାଆଁ ଖେଞ୍ଜାନା ତାମି ହିମୁରିକା ଗେସାନା ଲକୁ ମାଦିତି ହଚି ହଚି ହାଜାନା କାଜା ଗିୟାଁତଲେ ଏଲେଇଚେରି, ୧୫ ଏ ମାନିଗାଟି ଲକୁତେରି, ଏଦାଆଁତାକି ଇ ବାରେ କିହିମାଞ୍ଜେରି, ମାମ୍ବୁ ଜିକେଏ ମା ଲେହେଁତି ମାଣ୍ଡିୟାଁତମି, ମା ତାଣା ଇ ନେହ^{୧୫} କାବୁ ଖେସିମାଞ୍ଜାନମି, ଏନିକ^{୧୫} ମାବୁ ଇ ବାରେ ଉଜେଏତି ପେଣ୍ଡାକା ବମାୟାଟି ହେକ ଆହାନା ଜୀହୁଗାଟି ମାହାପୁରୁ ତାଣା ଖେଣ୍ଡା ଖାଦେରି, ଏଞ୍ଜାସି ହାଗୁପାକା ଦାବୁତି, ସାମ୍ବୁରି ଅଡେ ଏମାଆଁ ମାନି ବାରେତି

* ୧୩:୫୧ ୧୩:୫୧ ମାତି ୧୦:୧୪; ମାର୍କି ୭:୧୧; ଲୁକ ୯:୫; ୧୦:୧୧ * ୧୪:୧ ୧୪:୧ ସିଗଲଗ

ରାତି କିହାମାନେସି; ୧୭ ମାହାପୁରୁ ତଲିଏ ବାରେ ଲକ୍ଷ୍ମଣୀ ତାନି ମନତଲେ ଡ଼ୟାଲି ପିସାମାରେସି । ୧୭ ସାମା ଏଝାସି ବାରେ ନେହଁ କାମାଟି ଏଝାସି କାଲେଏ ତାନି ଗୁଣ୍ଡୁତି ତସାମାନେସି; ଏଝାସି ହାଗୁଡି ପିୟୁ ଅଡେ ସମାନା ବେଲ୍ଲାତା ଆନା ହିୟାନାସି, କାଦି ଅଡେ ମୀ ହିୟାତା ରାହାଁ ହିୟାନାସି ।” ୧୮ ଈ ବାରେ କାତା ଝେସାନା ପାଣ୍ଡୁଝି ଆହାମାନାରି ଲକ୍ଷ୍ମ ମାନ୍ଦାତି ହାରେକା କସ୍ତତଲେ ତାମଜେ ତାକି ପୂଜା କିହାଲି କାହି କିହାଲି ଆଡ଼ତେରି ।

୧୯ ସାମା ପିସିଦିୟାତି ଆନ୍ତ୍ରିୟକିୟା ଅଡେ ଇକନିୟତି ଏଚେକା ଜାହୁଦି ଏମ୍ପାଆଁ ଝାଡେରି, ଏଝାରି ଲକ୍ଷ୍ମ ମାନ୍ଦାତି ତାନି ଝାକି କିହାନା ପାଞ୍ଜୁଲଇଁ ଝାଲ୍ଲକାତଲେ ଇରହାନା ଏଝାସି ହାହାହାରେସି ଇଞ୍ଜିଁ ଅଣ୍ଡପାନା ଗାଡ଼ାତି ପାଞ୍ଜାତା ରେଜା ଅଡେରି । ୨୦ ସାମା ନାନିତି ସୀସୁୟାଁ ସାରି ଝାକିଟି ନିତାମାତାକି ଏଝାସି ନିଜ୍ଜାନା ଗାଡ଼ା ବିଡ଼ା ହାରେସି, ଅର ନେହୁ ବର୍ନବା ତଲେ ଦବଁ ତା ହାରେସି ।

ସିରିୟାତି ଆନ୍ତ୍ରିୟକିୟାତା ଝେଣ୍ଡାଝାନାସି

୨୧ ପାଞ୍ଜୁଲ ଅଡେ ବର୍ନବା ଦବଁ ତା ନେହଁ କାରୁ ଝେସାହାଁ ହାରେକା ସୀସୁୟାଁ କିତି ତାୟୁ ଏଝାରି ଲୁସ୍ତା, ଇକନିୟ ଅଡେ ପିସିଦିୟାତି ଆନ୍ତ୍ରିୟକିୟାତା ଝେଣ୍ଡାହାରେରି । ୨୨ ଅଡେ, ଏ ଟାୟୁଡି ନାନିତି ସୀସୁୟାଁ ମନତି ସୁସ୍ତି କିହାନା ନାମୁତା ଗାଡ଼ିକିହଁ ଆଡ଼ଝା ତଲେ ଡ଼ୟାଲି ବାସୁଁ ହାହାନା ଏଲେଇଚେରି, “ମାହାପୁରୁ ରାଜିତା ହଡ଼ାଲି ତାକି ହାରେକା କସ୍ତ ପାଣ୍ଡନାସି ମାନେ ।” ୨୩ ଅଡେ, ବାରେ କୁଲମିତା ଏଝାରି ପ୍ରାତିନାଞ୍ଜାଣି ଆଡ଼ାନା ଉପାସା ତଲେ ପ୍ରାଡ଼ାନା କିଡେରି, ଅଡେ ଆମିନି ପ୍ରୁ ତାଣା ନାମା ମାଚେରି, ଏଝାଣି କେୟୁତା ଏଝାରାଇଁ ହେରୁପିଚେରି ।

୨୪ ତାୟୁ ଏଝାରି ପିସିଦିୟା ନାସ୍ତକାଟି ପଂପୁଲିୟାତା ଝାଡେରି, ୨୫ ଅଡେ ପଗଁ ତା ନେହଁ କାରୁ ଝେସାନା ଆତାଲିୟାତା ହାଚେରି । ୨୬ ଏମ୍ପାଟି ଏଝାରି ଜାଜାତା ହଡ଼ାନା ଆନ୍ତ୍ରିୟକିୟାତା ହାଚେରି; ଏଝାରି ଆମିନି କାମା କିହାମାନେସି, ଏଦାଆଁ କିହାଲି ମାହାପୁରୁଡି କାମାତା ହେରୁପି ଆହାନା ଏମ୍ପାଟି ହାଚେରି ।

୨୭ ଏଚିବେଲା ଏଝାରି ଆନ୍ତ୍ରିୟକିୟାତା ଏଗାହାଜାନା କୁଲମିତି ଲକ୍ଷ୍ମଣୀ କୃତି କିଡେରି; ଅଡେ ମାହାପୁରୁ ଏଝାରିତଲେ ମାଞ୍ଜାନା କିହାମାଟି କାମାତାକି, ଅଡେ ଜାହୁଦିଆଆତି ଲକ୍ଷ୍ମ ନାମାଲି ଦୁଝେରି ଦେତାମାତାଣି ବାରେ ଏଝାରାଇଁ ଝେସ୍ତେରି । ୨୮ ଅଡେ ଏଝାରି ନାନିତି ସୀସୁୟାଁ ତଲେ ହାରେକା ଦିନା ଡ଼ୟିଚେରି ।

୧୫

ଜିରୁସାଲମତା ନାନିତାରି ବେରଣି କିନାସି

୧ ଏମ୍ପାଟିଏ ଏଚରଜାଣା ଲକ୍ଷ୍ମ ଜାହୁଦା ରାଜିତି ଆନ୍ତ୍ରିୟକିୟାତା ଝାହାନା ନାନିତି ତାୟିୟାଣି ଈ କାତା ଝେସିହଁ ଜାପୁହେରି, “ମସାତି ମେରା ଲେହେଁ ମୀ ତଲୁ ଦାପି ଆଆତିହଁ ମୀରୁ ଗେଲ୍ପିଆୟାଲି ଆଡ଼ଅଚେରି ।” ୨ ଏମ୍ପାଟିଏ ପାଞ୍ଜୁଲ ବର୍ନବା ତଲେ ହାରେକା ଆସ୍ପି ଆହାନା ବାଦିବାଦା ଆୟାଲିଏ ପାଞ୍ଜୁଲ, ବର୍ନବା ଅଡେ ଆନ୍ତ୍ରିୟକିୟାତି ଏଚରଜାଣା ତାୟିୟାଁ ଈ କାତା ଆସାନା ଜିରୁସାଲମତା ମାନି ପାଣ୍ଡୁଝି ଆଡ଼ାରି ଇଞ୍ଜାଁ କୁଲମିତି ପ୍ରାତିନାଞ୍ଜା ତାଣା ହାଲ୍ଲବେରି ଇଞ୍ଜିଁ ତାୟିୟାଁ ତୀରି କିଡେରି ।

୩ ଏଚେଟିଏ କୁଲମି ଏଝାରାଇଁ ପାଣ୍ଡୁଲି ଜିରୁ ତସ୍ତି ଜେଚ, ଏଝାରି ପୟିନିକିୟା ଅଡେ ସମିରଣ ଝାକି ହାଜି ହାଜିହଁ ଜାହୁଦିଆଆତି ଲକ୍ଷ୍ମ ହିୟାଁ ଝେଟ୍ଟହାମାଟି କାତା ଝେସିହଁ ବାରେ ତାୟିୟାଁ ହାରେକା ରାହାଁ କିଡେରି । ୪ ତାୟୁ ଏଝାରି ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜାଁ, ପାଣ୍ଡୁଝି ଆଡ଼ାରି ଅଡେ ପ୍ରାତିନାଞ୍ଜା ଏଝାରାଇଁ ଆବିଚେରି, ଅଡେ ମାହାପୁରୁ ଏଝାରିତଲେ ମାଞ୍ଜାନା ଆମିନି କାମା କିହାମାନେସି, ଏ ବାରେ କାତା ଏଝାରାଇଁ ଝେସ୍ତେରି । ୫ ସାମା ପାରୁସିୟାଁ ଗଚିଟି ଏଚେକା ନାମୁଗାଟାରି ନିଚାନା ଏଲେଇଚେରି, “ନାମାମାନି ଜାହୁଦିଆଆତାରି ତଲୁ ଦାପି କିନାସିମାନେ, ଅଡେ ମସାତି ମେରା ମାନୁଝି ଆୟାଲି ଏଝାରାଇଁ ହୁକୁମି ହାନାସି ମାନେ ।”

୬ ତାୟୁ ଈ କାତା, କାତା ଆହାଲିତାକି ପାଣ୍ଡୁଝି ଆଡ଼ାରି ଅଡେ ପ୍ରାତିନାଞ୍ଜା ରୁଣ୍ଡା ଆଡେରି । ୭ ହାରେକା ଜଲ୍ଲକି ଆଡ଼ି ତାୟୁ ପିଚର ନିଜ୍ଜାନା ଏଝାରାଇଁ ଏଲେଇଚେସି, “ତାୟିୟାଁ ଅଡେ ତାଜିସ୍ତା ମୀରୁ ପୁଞ୍ଜାମାଞ୍ଜେରି, ନା ଗୁଡିଟି ଜାହୁଦିଆଆତାରି ନେହଁ କାରୁ ଝେଞ୍ଜାନା ନାମାପେରିଝା ଇଞ୍ଜିଁ ହାରେକା ଦିନା ନଚ୍ଚେଏ ମାହାପୁରୁ ନାଜେ ଆଡ଼ାମାଞ୍ଜାଚେସି । ୮ ବାରେ ଲକ୍ଷ୍ମଣୀ ହିୟାଁ ପୁନି ମାହାପୁରୁ ମାଜେ ଏନିକଁ ସୁଦୁଜାସୁଁ ହାହାମାଞ୍ଜାନେସି, ଜାହୁଦିଆଆତି ଲକ୍ଷ୍ମଣୀ ଜିକେଏ ଏଲେକିହଁ ହାହାନା ଏଝାରି ତାକି

✧ ୧୫:୭ ୧୫:୭ କାମା ୧୦:୧-୪୩ ✧ ୧୫:୮ ୧୫:୮ କାମା ୧୦:୪୪; ୨:୪

ସାକି ହାହାମାନେସି । ୯ ଅଡ଼େ ଏଞ୍ଜାସି, ମା ବିତ୍ତା ଅଡ଼େ ଏଞ୍ଜାରି ବିତ୍ତା ଏନ୍ ପାର୍ତ୍ତା ବାଟି କିହାମାଞ୍ଜଅସି; ଇଞ୍ଜା ନାମ୍ପତଲେ ଏଞ୍ଜାସି ଏଞ୍ଜାରି ହିୟାଁ ସ୍ତୁ କିହାମାନେସି । ୧୦ ଇଦାଆଁତାକି ଆମିନି ଜୁଞ୍ଜେଡ଼ି ମା ଆକୁ ଆବାୟାଁ ଅଡ଼େ ମାର୍ ତେକାଲି ଆଡ଼ାଆତାୟି, ଏ ଜୁଞ୍ଜେଡ଼ି ସାସୁୟାଁ ବନିତା ଏକ୍‌ହାନା ମାରୁ ଏନାଆଁତାକି ମାହାପୁରୁଇଁ ତାୟିପାରି କିହାମାଞ୍ଜେରି ? ୧୧ ଇଦି ନେହେଁ ଆଏ, ସାମା ଏଞ୍ଜାରି ଏନ୍‌କିହୁଁ ନାମାହାଁ ଗେଲ୍‌ପି ଆହାମାନେରି ମାର୍ ଜିକେଏ ଏଲେକିହୁଁଏ ନାମାହାଁ ପ୍ରବୁ ଜାସୁତି କାର୍ମାମେହୁନାଣି ତଲେ ଗେଲ୍‌ପି ଆହାମାନାୟି ।”

୧୨ ଏତେଟିଏ ଏମ୍ବାଆଁ ରୁଣ୍ଡା ଆହାମାଗାରି ବାରେ ଲକୁ ପାଲେଏ ଆଡେରି, ଇଞ୍ଜା ପାଞ୍ଜୁଲ ଅଡ଼େ ବର୍ନବା ତାଣ୍ଡାଟି ଜାହୁଦିଆଆତି ଲକୁତାଣା ମାହାପୁରୁ ତାଣ୍ଡାଟି ଆହିମାନି ସିନାୟାଁ ଅଡ଼େ କାବାଆନି କାମାୟାଁ କିହାଁ ମାରେସି ଏଞ୍ଜାଆଁ ଏଞ୍ଜାରି ତାଣ୍ଡାଟି ଖେଞ୍ଜାଲି ମାଟୁହେରି । ୧୩ ଏଞ୍ଜାରି କାତା ରାଡ଼ି ତାୟୁ ଜାକୁବ ନିଜ୍ଜାନା ଏଲେଇଚେସି; “ତାୟିୟାଁ ଅଡ଼େ ତାଜିସ୍ତା, ନା କାତା ଖେଞ୍ଜୁ, ୧୪ ମାହାପୁରୁ ତଲିଏ ତାନି ଦରୁ ତାକି ଜାହୁଦିଆଆତି ଲକୁ ବିତ୍ତାଟି ତାନି ଲକୁ କିୟାଲି ଏଞ୍ଜାରାଇଁ କାର୍ମାମେସାନା ଆଡ଼ାମାନେସି ଇଞ୍ଜୁଁ ସିମନ ଖେସାମାଞ୍ଜାନେସି । ୧୫ ଅଡ଼େ, ମାହାପୁରୁ ଅଣ୍ଡପୁତି ବକୁ ଖେହୁନାରି କାତାତଲେ ଆଣ୍ଡିମାନେ, ଏନ୍‌କିହୁଁ ଦାମ୍‌ସି ସାଡ଼େସିରତା ରାସ୍‌କି ଆହାମାନେ ।”

୧୬ ପ୍ରବୁ ଏଲେଇଞ୍ଜି ମାନେସି,

“ତାୟୁ ନାନୁ ଖେଣ୍ଡା ଖାହାନା, ଦାସ୍ତୁଦ ବାସାଟାୟୁ ଖେଣ୍ଡେ ଗେଲ୍‌ପିଇଁ,

ଇଞ୍ଜା ଏମ୍ବାତି ବିତ୍ତହାମାନି କାତିୟାଁ ବାରେ ଖେଣ୍ଡେ କେପାନା ଆଟୁଞ୍ଜା କିଇଁ,

୧୭ ଏନ୍‌କିହୁଁ ତୟାମାଟି କୃତାତି ଲକୁ ଅଡ଼େ ଏଚେକା ଜାହୁଦିଆଆତାରି ନା ଦରୁଟି କେଞ୍ଜାମାନେରି, ଏଞ୍ଜାରି ବାରେ ପ୍ରବୁଇଁ ପାରିନେରି, ବାରେ ଗାଡ଼ିକିତି ପ୍ରବୁ ଏଲେ ଇଞ୍ଜିମାନେସି ।

୧୮ ପ୍ରବୁ ଇ କାତା ଏଲେଇଞ୍ଜା ମାନେସି, ଆମ୍ବାଆସି ତଲି କାଲ୍‌ଗିଏ ଇ କାତା ତସାମାନେସି ।”

୧୯ ଜାକୁବ ଅଡ଼େ ଜିକେଏ ଏଲେଇଚେସି, “ନା ଅଣ୍ଡପୁ ଇଦି, ଜାହୁଦିଆଆତି ଲକୁ ବିତ୍ତାଟି ଆମ୍ବାଆରି ମାହାପୁରୁ ଖାକି ଖେଣ୍ଡା ଖାନେରି, ଏଞ୍ଜାରାଇଁ ମାର୍ ବକୁ ହାଆପ; ୨୦ ସାମା ଏଞ୍ଜାରାଇଁ ଇଲେକିହୁଁ ଆକୁ ରାଟାନା ଖେହୁନ, ପେଶକା ବମାୟାଁ ତାକି ପୂଜା କିହାମାନି ଲାଗେଏତାଣି ତିନାଆଦୁ; ଦାରିକାମାଟି ଏଟକା ଆଦୁ; ହେରକି ଦାଆନା ପାୟିତି ଜନ୍ତୁତି ଉଞ୍ଜା ଅଡ଼େ ନେତେରି ତିନାଆଦୁ । ୨୧ ଏନାଆଁତାକି ଇଚିହୁଁ ତଲି କାଲ୍‌ଗିଏ ବାରେ ଗାଡ଼ାଣା ମସା ମୋରାତି କାତା ଖେକ୍‌ନାରି ମାନେରି, ଇଞ୍ଜା ବାରେ ଜମିନି ଦିନାତା ଜାହୁଦି ଲକୁତି କୁଟି ଇଲ୍‌କାଣା* ଏଞ୍ଜାଣି ମୋରାତି କାତା ପଡ଼ୁଞ୍ଜି ଆହିମାନେ ।”

ଜାହୁଦିଆଆତି ନାମିତି ଲକୁତାକି ଆକୁ

୨୨ ଏଚିବେଲ୍‌ ପାଣ୍ଡୁଞ୍ଜି ଆହାମାନାରି ଅଡ଼େ ପ୍ରାଚିନାଜ୍ଜା ବାରେ କୁଲମି ତଲେ ତାନି ବିତ୍ତାଟି ଲକୁଇଁ, ଇଚିହୁଁ ତାୟିୟାଁ ବିତ୍ତାଟି ମାନିଗାଟି ବର୍ସବା, ଦରୁଗାଟି ଜାହୁଦା ଇଞ୍ଜା ସିଲାଇଁ ଆଟାନା ପାଞ୍ଜୁଲ ଅଡ଼େ ବର୍ନବା ତଲେ, ଆନ୍ତ୍ରିୟକିୟାତା ପାଣ୍ଡାଲି ତାରି କିତେରି । ୨୩ ନାମିତାରି ତାଣ୍ଡାଟି ରାସ୍‌କି ଆହାମାନି ଆକୁ ଏରିଆରି କେୟୁତା ପାଣ୍ଡିତେରି

“ମାମ୍ବୁ ପାଣ୍ଡୁଞ୍ଜି ଆଡ଼ାତମି ଅଡ଼େ ପ୍ରାଚିନାଜ୍ଜା, ମୀ ତାୟିୟାଁତମି ମା ବାରେ ଜାହୁଦିଆଆତି ତାୟିୟାଁ ଆମିନି ଗାଟାରି ଆନ୍ତ୍ରିୟକିୟା, ସିରିୟା ଅଡ଼େ କିଲିକିୟାତା ମାନେରି ଏଞ୍ଜାରାଇଁ ଜହରା । ୨୪ ମାମ୍ବୁ ଖେଞ୍ଜାମାନି, ମାମ୍ବୁ ଆମିନି ଲକୁଇଁ ଏନ୍ ହୁକୁମି ହାହାହିଲଅମି, ମା ତାଣ୍ଡାଟି ଏଲେତି ଏଚେକା ଲକୁ ମୀ ତାଣ୍ଡା ଖାହାନା ତାନି କାତାତଲେ ମୀ ମନ୍‌ତି ଏଟକା କିହାନା କିଲିବିଲି କିହାମାଞ୍ଜାନେରି; ୨୫ ଅଡ଼େ ମାମ୍ବୁ ବାରେଜାଣା ରୁଣ୍ଡା ଆହାନା ରଣ୍ଡିଏ ହିୟାଁ ତଲେ ଏଚରଜାଣାଟି ଆଟାନା ମୀ ତାଣ୍ଡା ପାଣ୍ଡାଲି ତାରି କିହାମାନି, ଏଞ୍ଜାରି ମା ଜାସୁତି ତଣେ ବର୍ନବା ଅଡ଼େ ପାଞ୍ଜୁଲ ତଲେ ହାନେରି । ୨୬ ଏଞ୍ଜାରି ଇଲେତି ମାଣସିୟାଁ ମା ପ୍ରବୁ ଜାସୁ କ୍ରୀସ୍ତ ଦରୁ ତାକି ଜାସୁ ତୁସାନା କାମା କିହାମାନେରି । ୨୭ ଏଦାଆଁତାକି ମାମ୍ବୁ ଜାହୁଦା ଅଡ଼େ ସିଲାଇଁ ମୀ ତାଣ୍ଡା ପାଣ୍ଡିମାଞ୍ଜାନି । ମାମ୍ବୁ ଏନାଆଁ ରାଟାମାନି, ଏଞ୍ଜାରି ମିଜେ ଖେସାନେରି । ୨୮ ଏଚରଗଟା ଲତାମାନି ମୋରା ପିସପେ ମୀ ଲାକ ଅଡ଼େ ଏନ୍ ବକୁ ହେରପାଲି ମାମ୍ବୁ ସୁଦୁଜାସୁତି ହୁକୁମି ବେଟାଆହାମାନି । ୨୯ ଏ ମୋରାୟାଁ ଆହିମାନୁ, ପେଶକା ବମାୟାଁକି ହେରପିଆହାମାନି ରାୟା ତିନାଆଦୁ, ନେତେରି ତିନାଆଦୁ, ହେରକି ଦାଆନା ପାୟିତି ଆହାମାନି ଜନ୍ତୁତି ଉଞ୍ଜା ତିନାଆଦୁ, ଦାରି କିଆଦୁ, ଇ ବାରେ କାମାଟି ହେକ ଆହାଲି ଜାଗ୍ରାତା ମାଟିହୁଁ ମିଜେ ନେହେଁ ଆନେ । ନେହୁଁକିଁ ମାଞ୍ଜୁ ।”

* ୧୫:୨୧ ୧୫:୨୧ ସିନଗ୍ର

୩୦ ଏଚେଟିଏ କାତୁ ଅନାରାଜ୍ ପାଣ୍ଡାଲିଏ ଆନ୍ତ୍ରିୟକିୟାତା ହାଚେରି, ଇଞ୍ଜା ବାରେ ନାମିତାରାଇଁ ରୁଣ୍ଡି କିହାନା ଏ ଆକୁ ହୀଚେରି । ୩୧ ଏ ଲକୁ ବାରେ ଏଦାଆଁ ପତୁଞ୍ଜି ଆହାନା ବାସୁଁ ବେଗାଆହାନା ରାହୁଁ ଆଚେରି । ୩୨ ଜାହୁଦା ଅଚେତ ସିଲା ତାମ୍ନୁ କ୍ରିକେଏ ମାହାପୁରୁ ଅଣପୁତି ବଲୁ ଖେହନାରି ମାଚାକି ହାଚେରକା କାତାତଲେ ତାୟିୟାଁଇଁ ବାସୁଁ ହୀହାନା ସୁସ୍ତି କିଚେରି । ୩୩ ଅଚେତ, ଏଞ୍ଜାରି ଏମ୍ନାଆଁ ଏଚରଦିନା ମାଚି ତାମ୍ନୁ ଏଞ୍ଜାରାଇଁ ପାଣ୍ଡାମାଚି ଲକୁତାଣା ଖେଣ୍ଡାହାଜାଲି ତାୟିୟାଁ ତାଣ୍ଡାଚି ହେଲ ବେଗାଆହାନା ହିଚ୍ଚି ଜୀଞ୍ଜୁତଲେ ଖେଣ୍ଡା ହାଚେରି । ୩୪ ସାମା ସିଲା ଏମ୍ନାଆଁ ତୁୟାଲି ତୀରି କିହାମାଚେସି ।

୩୫ ପାଞ୍ଜୁଲ ଅଚେତ ବର୍ନବା ଆନ୍ତ୍ରିୟକିୟାତା ମାଞ୍ଜାନା ଏଚକାଚି ଏଚେକା ଲକୁତାଣା ଜିକେଏ ପ୍ରବୁତି ନେହଁ ବଲୁ ଜାପୁହାନା ଖେକହାଲି ମାଚୁହେରି ।

ପାଞ୍ଜୁଲ ଅଚେତ ବର୍ନବା ଏଚକା ଆନାୟି

୩୬ ଏଚରଦିନା ହାଜାଲିଏ ପାଞ୍ଜୁଲ ବର୍ନବାଇଁ ଏଲେଇଚେସି, “ଞ୍ଜାମ୍ନୁ, ମାର ପ୍ରବୁତି ବଲୁ ଖେକହାମାନି ବାରେ ଗାଡ଼ାୟାଁଣା ଖେଣ୍ଡା ହାଜାନା, ତାୟିୟାଁ ନୀସଁ ଏନିଆହଁ ମାନେରି ଇଞ୍ଜୁଁ ବେଚିହାନ ।” ୩୭ ଏଚେଟିଏ ଜହନ ଇନି ମାର୍କଇଁ ଜିକେଏ ତାମିତଲେ ଅୟାଲି ବର୍ନବା ଅଣପିମାଚେସି । ୩୮ ସାମା ଏଞ୍ଜାସି ଏଞ୍ଜାରାଇଁ ପିସାନା ପଂପୁଲିୟାଚି ଖେଣ୍ଡାହାଗାସି ଅଚେତ କାମା ରାନ୍ତି ପାଚେକା ଏଞ୍ଜାରିତଲେ ମାନାଆତାକି ତାମିତଲେ ଅୟାଲି ପାଞ୍ଜୁଲ କୁଚେସି । ୩୯ ଏମ୍ନାଚିଏ ଏଞ୍ଜାରି ହାଚେରକା ବାଦିବାଦା ଆୟାଲିଏ ତାମ୍ନୁ ଏଚକା ଆଚେରି, ଇଞ୍ଜା ବର୍ନବା ଜହନ ମାର୍କଇଁ ତାନିତଲେ ଅହଁ ଜାଜାତା ହଚାନା କୁପ୍ରତା ହାଚେରି, ୪୦ ସାମା ପାଞ୍ଜୁଲ ସିଲାଇଁ ଆଚାନା ତାୟିୟାଁ ତାଣ୍ଡାଚି ପ୍ରବୁତି କାର୍ମାତଲେ ହେଚ୍ଚି ଆହାନା ହାଚେରି, ୪୧ ଅଚେତ ଏଞ୍ଜାସି ସିରିୟା ଅଚେତ କିଲିକିୟାଚି ହାଜାହାଁ ବାରେ କୁଲମିକାଣି ନାମୁତା ଆଚ୍ଚା କିଚେସି ।



ପାଞ୍ଜୁଲ ଅଚେତ ସିଲା ତଲେ ତିମତି ହାନାୟି

୧ ତାମ୍ନୁ ପାଞ୍ଜୁଲ ଦବର୍ ଅଚେତ ଲୁସ୍ତାତା ହାଚେସି, ଏମ୍ନାଆଁ ତିମତି ଦରୁଗାଟାସି ର ସାସୁ ମାଚେସି, ଏଞ୍ଜାସି ର ନାମିତି ଜୀହୁଦି କ୍ରୀସ୍ତୀୟା ଇୟାନି ମାରୁଏସି ମାଚେସି, ସାମା ତାମି ଆବା ର ଗ୍ରିକ୍ ଲକୁ । ୨ ଲୁସ୍ତା ଅଚେତ ଇକନିୟତା ମାନି ବାରେ ନାମିତି ତାୟିୟାଁ ଏଞ୍ଜାଣାଇଁ ନେହାଁସି ଇଞ୍ଜୁଁ ଏଲେଇଚେରି । ୩ ପାଞ୍ଜୁଲ ତାନିତଲେ ତିମତିଇଁ ଅହାଲି ଅଣପିଚେସି, ଅଚେତ ଏ ନାସୁକାଣାଁ ମାନି ଜୀହୁଦି ଲକୁତାକି ଏଞ୍ଜାଣି ତଲୁ ଦାପ୍ତିକିଚେସି; ଇଚିହଁ ତାମି ଆବା ଗ୍ରିକ୍ ଲକୁ ଇଞ୍ଜୁଁ ବାରେ ପୁଞ୍ଜାମାଚେରି । ୪ ଇଞ୍ଜାଁ ଏଞ୍ଜାରି ଗାଡ଼ାୟାଁଚି ହାଜି ହାଜିହଁ ଜିରୁସାଲମତି ପାଣ୍ଡାଚି ଆଡାରି ଅଚେତ ପ୍ରାଚିନାଜାମା ତାଣ୍ଡାଚି କିଞ୍ଜି ଆହାମାନି ମେରା ମାନୁଞ୍ଜି ଆହାଲି ଏଞ୍ଜାରିତାଣା ହେଚ୍ଚି ମାଚେସି । ୫ ଏଲେକିହଁ କୁଲମିକା ବାରେ ନାମୁତା ଆଚ୍ଚା ଆହାନା ଦିନାତାକି ଦିନା ପାତା ଆଚୁ ।

ତୁୟାତା ପାଞ୍ଜୁଲ ହାପାନା ହେଣନାୟି

୬ ଏଞ୍ଜାରି ଆସିୟାତା ମାହାପୁରୁ କାତା ଖେସାଲି ସୁବୁଜାଞ୍ଜୁ କାହି କିୟାଲିଏ, ଏଞ୍ଜାରି ପୁର୍ବିୟା ଅଚେତ ଗାଲାତିୟ ରାଜ୍ତି ମାଦିଚି ରେଜିହଁ ହାଚେରି । ୭ ଅଚେତ, ଏଞ୍ଜାରି ମୁସିଆ ରାଜ୍ତି ତାଗେ ଏଗାହାଜାନା ବେଚନିୟାତା ହାଜାଲିତାକି ଅଣପିଚେରି, ସାମା ଜୀସୁଚି ଜୀଞ୍ଜୁ ଏଞ୍ଜାରାଇଁ ହାଜାଲି ହେଲ ହୀଆଚେ । ୮ ଏଞ୍ଜାରି ମୁସିଆ ମାଦିଚି ହାଜାନା ତୁୟାତା ଖାଚେରି । ୯ ଅଚେତ ଲାଆଁ ବେଲାତା ପାଞ୍ଜୁଲ ର ସେୟାଁଣା ହାପାନା ହେଚେସି, ମାକିଦନିୟାତା ର ଲକୁ ନିଚାନା ଏଞ୍ଜାଣାଇଁ ବାତିମାଲିହଁ ଏଲେଇଚେସି, “ମାଜେ ସାଚ୍ଚେରି କିୟାଲି ମାକିଦନିୟାତା ଗାଣ୍ଡା ଖାମ୍ନୁ ।” ୧୦ ଏଞ୍ଜାସି ସେୟାଁଣା ହାପାନାତା ମେସାଲିଏ ମାମ୍ନୁ ଦେବୁଣିଏ ମାକିଦନିୟାତା ହାଜାଲି ତିୟାରା ଆଚମି, ଇଚିହଁ ଏଞ୍ଜାରିତାଣା ନେହଁ କାତୁ ଖେସାଲି ତାକି ମାହାପୁରୁ ମାଜେ ହାଚାମାଞ୍ଜାନେସି ଇଞ୍ଜୁଁ ମାମ୍ନୁ ପୁଚମି ।

କୁଦିୟା ମନ ଖେଚନାୟି

୧୧ ଏଚେଟିଏ ମାମ୍ନୁ ତୁୟାଚି ଜାଜାତା ହଚାନା ତିୟିଚି ଜିରୁଚି ହାଜାନା ସାମତ୍ରାକିତା ଅଚେତ ଅର ନେଚୁ ନୟାପଲିତା ଏଗାହାଚମି । ୧୨ ଏମ୍ନାଚିଏ ପିଲିପିତା ହାଚମି, ଇଦି ମାକିଦନିୟା ଜିଲାଚି ର କାଜା ଗାଡ଼ା, ଇଞ୍ଜା ରମ୍ବ ଦେସାତାରି ତୁୟିନି ଚାମ୍ନୁ ମାଚେ; ଏ ଗାଡ଼ାତା ମାମ୍ନୁ ଏଚରଦିନା ମାଚମି । ୧୩ ଜମିନି ଦିନାତା ମାମ୍ନୁ

† ୧୫:୩୪ ୧୫:୩୪ ଇ କାତା ପୁଃଇ ପତିତା ହିଲେଏ । ☆ ୧୫:୩୮ ୧୫:୩୮ କାମା ୧୩:୧୩

ଗାଡ଼ାଟି ହଟାନା କାତା ତାଗେ ହାଟନି, ଏମ୍ବାଆଁ ପ୍ରାଡ଼ାନା କିନି ଚାୟୁ ମାନେ ଇଞ୍ଜି ଅଣପାମାଟନି, ଅଡ଼େ ମାମ୍ବୁ କୁଗାନା ରୁଣ୍ଡା ଆହାମାଟି ଇୟାସିକା ତଲେ କାତା ଆଡ଼ନି । ୧୪ ଅଡ଼େ, ତୁୟାତିରା ଗାଡ଼ାଟି ହେୟାଁ ଖାଣା ହିମ୍ବରିକା ପାଟ୍ଟନି ଲୁଦିୟା ଦରୁଗାଟି ର ଇୟା ମା କାତା ଖେଞ୍ଜିମାଟେ, ଏଦି ମାହାପୁରୁ ସେବା କିନାୟି, ଏଦି ଏନିକି ପାଞ୍ଜୁଲତି କାତାଟି ମନ ହାନେ ଏଦାଆଁତାକି ପ୍ରବୁ ଏଦାନି ହିୟାଁ ଦେଟାମାଟେସି । ୧୫ ଅଡ଼େ ଏଦି ଇଞ୍ଜାଁ ତାମି କୁଟନି ବାପ୍ରିସ୍ତା* ଅଡ଼ି ତାୟୁ ମାଙ୍ଗେ ବାଟିମାଲିହୁଁ ଏଲେଇଞ୍ଜାଟେ, “ମୀରୁ ନାଙ୍ଗେ ପ୍ରବୁ ତାଣା ନାମ୍ବାଗାୟି ଇଞ୍ଜି ଅଣପିମାଟିହୁଁ, ନା ଇଜ ଖାହାନା ବାସା ଆଦୁ,” ଇଞ୍ଜି ବାଲାମାଟନି କିହାଁ ହାଟା ଅୟାଟେ ।

ପିଲିପିତି କାୟିଦି ଇଲୁତା ପାଞ୍ଜୁଲ ଅଡ଼େ ସିଲା

୧୬ ର ଦିନା ମାମ୍ବୁ ପ୍ରାଡ଼ାନା ଚାୟୁତା ହାନିବେଲାତା ର ହଟଲଣି ପଦାଈଁ ବେଟାଆଡ଼ନି ଏଦି ପଲୁଆ ପେନୁ ଆଲୁଗାନା ତାୟୁ ଆନି କାତାୟାଁ ଖେସାଲି ଆଡ଼ିମାଟେ । ତାୟୁ ଆନି କାତାୟାଁ ଖେସାନା ତାନି ସାଞ୍ଜୁକାରିକି ହାଟେରକା ତାୟୁୟାଁ କୁଡ଼ି କିହିମାଟେ । ୧୭ ଏଦି ପାଞ୍ଜୁଲ ଅଡ଼େ ମା ଜେଟ ଜେଟ ଖାହାନା କିଟ୍ଟିହୁଁ ଏଲେଇଞ୍ଜାଲି ମାଟ୍ଟହେ, “ଇ ଲକୁ ବାରେକିହାଁ କାଜା ମାହାପୁରୁଟି ହଲିୟାଈ, ଏଞ୍ଜାରି ନିଙ୍ଗେ ଗେଲପିଆନି ଜିରୁଟି ଖେକ୍‌ହି ମାଞ୍ଜନେରି ।” ୧୮ ଏଦି ହାଟେରକା ଦିନା ପାଟେକା ଏଲେକିୟାଟେ, ସାମା ପାଞ୍ଜୁଲ କପା ଆହାନା ଖେଣ୍ଡେ ସିନିକିହାନା ଏ ବୁଡୁଇଁ ଏଲେଇଟେସି, “ଏଦାନି ତାଣାଟି ହଟା ହାଜାଲି ନାନୁ ନିଙ୍ଗେ ଜୀସୁ କ୍ରୀସ୍ତ ଦରୁତଲେ ହୁକୁମି ହାହିମାଞ୍ଜାଇଁ,” ଏ ଦେବୁଣିଏ ଏଦି ହଟାହାଟେ । ୧୯ ସାମା ଏଦାନି ସାଞ୍ଜୁକାରିୟା ତାମି ଲାବା ପାଣିନି ଆସା ହାଟେ, ଇଞ୍ଜି ପୁଞ୍ଜାନା ପାଞ୍ଜୁଲ ଅଡ଼େ ସିଲାଇଁ ଦସାନା ବେରଣିମାଣ୍ଡାତା ସାଲୁଞ୍ଜି କିନାରି ତାଣା ରେଜା ଅଡ଼େରି । ୨୦ ଅଡ଼େ, ଏଞ୍ଜାରି ରମିୟ ସାଲୁଞ୍ଜି କିନାରି ତାଣା ତାଚାନା ଏଲେଇଟେରି, “ଇଞ୍ଜାରି ଜୀହୁଦି ଲକୁ ମା ଗାଡ଼ାତା ଗଡ଼ହା କିହିମାନେରି ।” ୨୧ ମାର ରମିୟ ଲକୁଟି ଘେରା ପାଣାପାଟୁ ଆବାଲି କି ମାନୁଞ୍ଜି ଆହାଲି ଘେରା ହିଲେଏ, ଏଦାଆଁ ଇଞ୍ଜାରି ଖେସିମାନେରି । ୨୨ ଏମ୍ବାଟିଏ ବାରେ ଲକୁ ପାଞ୍ଜୁଲ ଅଡ଼େ ସିଲା କପାଟି ନିଙ୍ଗିଟେରି । ଅଡ଼େ ନୀହାୟି କିନାରି ପାଞ୍ଜୁଲ ଅଡ଼େ ସିଲା ହିମ୍ବରିକା ହୁକ୍‌ହାନା ଏଞ୍ଜାରାଇଁ ବାଡ଼ତା ତଲେ ଖେଟାଲି ହୁକୁମି ହାଟେରି । ୨୩ ଏଞ୍ଜାରି ଏଞ୍ଜାରାଇଁ ହାଟେରକା ଖେଟି ତାୟୁ କାୟିଦି ଇଲୁତା ଇଟିଟେରି, ଇଞ୍ଜାଁ ଏଞ୍ଜାରାଇଁ ଜାଗ୍ରାତା କିହୁଁ କାପୁ କାଚାଲି କାୟିଦି ଇଲୁତି କାଃଆନାଣାଇଁ ହୁକୁମି ହାଟେରି । ୨୪ କାୟିଦି କାଃଆନାସି ଇଲେଟି ହୁକୁମି ବେଟାଆହାନା ଏଞ୍ଜାରାଇଁ କାୟିଦି ଇଲୁତି ବାରେକିହାଁ ବିଡ଼ାଟି ବାକ୍ରାତା ମେଟ୍‌ହାନା ଏଞ୍ଜାରି କତାଣା ବକୁଗାଟି ମାଟ୍ଟୁ କୁଡୁଲିକା ଦସା ପିସ୍ତେସି ।

୨୫ ସାମା ମାଦି ଲାଆଁୟାଁ ପାଞ୍ଜୁଲ ଅଡ଼େ ସିଲା ମାହାପୁରୁ ତାଣା ପ୍ରାଡ଼ାନା ଅଡ଼େ ଜହରା ପାରୁ ପାଟିମାଟେରି, ଇଞ୍ଜାଁ ଏଞ୍ଜାରିତଲେ କାୟିଦି ଇଲୁତା ମାଟାରି ବାରେ ଖେଞ୍ଜିମାଟେରି । ୨୬ ଏଟିବେଲାତା ଦେବୁଣିଏ ବୁନି ଖୀତିଟେ, ଇଞ୍ଜାଁ କାୟିଦି ଇଲୁତି ପୁନାଦି ଜିକେଏ ଖୀତାଲିଏ ବାରେ ଦୁଖେରିକା ଦେପି ଆହାହାରୁ, ଇଞ୍ଜାଁ ବାରେଜାଣାଟି ଦସାମାଟି ହିକ୍‌ଣିୟାଁ ହୁଙ୍ଗାହାରୁ । ୨୭ ଏଟେଟିଏ କାୟିଦି ଇଲୁ କାଃଆନାସି ଇଦାଟି ନିଜ୍ଞାନା, ଦାରାୟାଁ ଦେପିଆହାମାନାଣି ମେସାନା, କାୟିଦିତାରି ହଣପି ଆଡ଼େରି ଇଞ୍ଜି ଅଣପାନା, କାଣ୍ଡା ହପ୍‌ହାନା ଗୁକ୍‌ହା କଡ଼ିମାଟେସି । ୨୮ ସାମା ପାଞ୍ଜୁଲ କାଜା ଗିୟାଁତଲେ ହାଟାନା ଏଲେଇଟେସି, “ନୀନୁ ନିଙ୍ଗେ ନାସା କିହା କଡ଼ାଆନି, ଏନାଆଁତାକି ଇଟିହୁଁ ମାମ୍ବୁ ବୁରେଟନି ଇମ୍ବାଆଁ ମାନମି ।”

୨୯ କାୟିଦି ଇଲୁ କାଃଆନାସି ଦୀଞ୍ଜି ତାଚାଲି ଏଲେଇଟେସି, ତବେ ବିଡ଼ା ହାଟେସି ଇଞ୍ଜାଁ ତୀରୁଟି ତୀରୁଟିହୁଁ ପାଞ୍ଜୁଲ ଅଡ଼େ ସିଲା କତାୟାଁ ଡ଼ଇ ରାଟେସି । ୩୦ ଅଡ଼େ ଏଞ୍ଜାରାଇଁ ପାଞ୍ଜାତା ତାଚାନା ଏଲେଇଟେସି, “ବାବୁୟାଁ ଗେଲପିଆୟାଲି ନାନୁ ଏନାଆଁ କିଞ୍ଜି ?”

୩୧ ଏଞ୍ଜାରି ଏଲେଇଟେରି, “ପ୍ରବୁ ଜୀସୁ ତାଣା ନାମାଦୁ, ଆତିହୁଁ ନୀନୁ ଅଡ଼େ ନୀ ଇଲୁ କୁଟନି ବାରେ ଗେଲପି ଆଦେରି ।” ୩୨ ତାୟୁ ଏଞ୍ଜାରି ଏଞ୍ଜାଣାଇଁ ଅଡ଼େ ଏଞ୍ଜାଣି ଇଜ ମାଟି ବାରେ ଲକୁଣି ମାହାପୁରୁଟି ଗାଲୁ ଖେସେସି । ୩୩ ଅଡ଼େ, ଏ କାୟିଦି ଇଲୁ କାଃଆନାସି ଏଞ୍ଜାରାଇଁ ଏ ଲାଆଁୟାଁ ବେଲାତା ଅହାନା ଏଞ୍ଜାରି ବାହାଁୟାଁ ମରୁହେସି, ଇଞ୍ଜାଁ ଏଞ୍ଜାସି ଅଡ଼େ ଏଞ୍ଜାଣି ଇଲୁ କୁଟନି ବାରେ ଏ ଦେବୁଣିଏ ବାପ୍ରିସ୍ତା* ଅଡ଼େରି । ୩୪ ଏଟେଟିଏ ଏଞ୍ଜାସି ଏଞ୍ଜାରାଇଁ ତାମି ଇଜ ଅହାନା ତିଞ୍ଜାଲି ରାନ୍ଦା ବାଟିକିହାଁ ହାଟେସି, ଅଡ଼େ ବାରେ କୁଟନି ମାହାପୁରୁ ତାଣା ନାମାନା ହାଟେରକା ରାହାଁ ଆଡ଼େରି ।

୩୫ ଲାଲୁ ଖେୟାଲିଏ ରମିୟ ଲକୁଟି କାଜାରି ରିଜାରି କସ୍‌କାଣି ଇଲେଇଞ୍ଜି ଖେସା ପାଣ୍ଡିଟେରି, “ଏ ଲକୁଣି ପିସାଡୁହଦୁ ।”

* ୧୭:୧୫ ୧୭:୧୫ଗୁଞ୍ଜିନାୟି † ୧୭:୩୩ ୧୭:୩୩ଗୁଞ୍ଜିନାୟି

୩୬ ଏଚେଟିଏ କାୟିଦି ଇଲୁ କାଃଆନାସି ପାଞ୍ଜୁଲଇଁ କ କାତା ୱେସ୍ତେସି, “ନୀହାଁୟି କିନାରି ନିଜେ ଅଢେଢି ସିଲାଇଁ ପିପାଲି କାତୁ ପାଣ୍ଡା ମାଞ୍ଜାନେରି, ଇଞ୍ଜା ନୀର୍ବ ହଠାଃହାନା ହିଡ଼ଡ଼ି ତଲେ ହାକୁ ।”

୩୭ ସାମା ପାଞ୍ଜୁଲ କସକାଣି ଏଲେଇଚେସି, “ମାମୁ ରୁମିୟ ଦେସାତି ଲକୁଡ଼ମି, ମାଜେ ନୀହାଁୟି କିଆନା ୱେଡ଼ାତି ତାୟୁ କାୟିଦି ଇଲୁତା ସୁଣ୍ଡାଚେରି, ଅଢେଢି ନୀର୍ବ ତୁଲୁହାନା ପିସିମାଞ୍ଜାନେରି, ଏଦି ମିଣ୍ଟଏ, ସାମା ଏଞ୍ଜାରି ତାମୁସୁ ୱାହାନା ମାଜେ ପାଞ୍ଜାତା ଅୟାପେରି ।”

୩୮ ଏଚେଟିଏ କସକା ହାଜାନା ନୀହାଁୟି କିନାରାଇଁ ବାରେ କାତା ୱେସ୍ତେସି, ଇଞ୍ଜା ଇଞ୍ଜାରି ରମିୟ ଲକୁ ଇଞ୍ଜା ପୁଞ୍ଜାନା ଆଜିଚେରି, ୩୯ ଏମ୍ବାଟିଏ ଏଞ୍ଜାରି ୱାହାନା ମାମୁ ପୁନାଆନା ଏଲେକିଡ଼ମି ଇଞ୍ଜା ବାଡ଼ିମାଲିହ ଏଞ୍ଜାରାଇଁ ପାଞ୍ଜାତା ହପୁହା ତାଚାନା, ଗାଡ଼ା ପିସାନା ହାଜାଲି ବାଡ଼ିମାଲିଚେରି । ୪୦ ଏଚେଟିଏ ପାଞ୍ଜୁଲ ଅଢେଢି ସିଲା କାୟିଦି ଇଲୁଚି ହଠାନା ଲୁଦିୟା ଇଜ ହାଚେରି, ଅଢେଢି ତାୟିୟାଁ ତଲେ ଆଣ୍ଡାନା ଏଞ୍ଜାରାଇଁ ବାସୁଁ ହାହାନା ହାଜାତୁସ୍ତେରି ।

୧୭

ତେସଲନିକିତା କାମା

୧ ତାୟୁ ଏଞ୍ଜାରି ଆପିପଲି ଅଢେଢି ଆପଲନିୟା ହାହାନା ତେସଲନିକିତା ୱାଡ଼େରି; ଏମ୍ବାଆଁ ଜୀହୁଦି ଲକୁଡ଼ି ର ଜୀହୁଦି ଲକୁଡ଼ି କୁଟମି ଇଲୁ* ମାଚେ । ୨ ଅଢେଢି, ପାଞ୍ଜୁଲ ତାନି ମେରା ଲେହେଁ ଜୀହୁଦି ଲକୁଡ଼ି କୁଟମି ଇଲୁତାଁ ହାଚେସି, ଇଞ୍ଜା ତାନିଗଟା ଜମିନି ଦିନା ପାଚେକା ଦାମୁ ପତିତି କାତା ଆସାନା ଲକୁଡ଼ତଲେ ଜଲୁକି ଆଚେସି, ୩ ଦାମୁ ସାଢେସ୍ତେରି ତେଲୁହି କିହାନା ଏ କାତା ଇଦି ଇଞ୍ଜା ଇଚେସି, ମସିହା ସାସ୍ତି ପାଣ୍ଡନାୟି ଅଢେଢି ହାକିଟି ନିଜନାୟି ଲଡ଼ାମାନେ । ପାଞ୍ଜୁଲ ଏଲେଇଚେସି, “ଆମିନି ଜୀସୁତି କାତା ୱେସିମାଞ୍ଜାଇଁ, ଏଞ୍ଜାସି ଏ ମସିହା ।” ୪ ଏମ୍ବାଟିଏ ଏଞ୍ଜାରି ବିଡ୍ରାଟି ଏଚରଜାଣା ନାମାହାଁ ପାଞ୍ଜୁଲ ଅଢେଢି ସିଲା କାତାତା ଆଣ୍ଡିଚେରି; ଅଢେଢି, ଜୀହୁଦି ଦାମୁ ନାମାମାନି ଗ୍ରିକ୍ ଲକୁ ବିଡ୍ରାଟି ହାଢେରକା ଲକୁ ଅଢେଢି ମାନିଗାଟି ହାଢେରକା ଇୟାସିକା ବିଡ୍ରାଟି ଏଞ୍ଜାରିଚଲେ ମାହାପୁରୁ ସେବାତା ଆଣ୍ଡିତୁ ।

୫ ସାମା ଜୀହୁଦିୟାଁ ତାହାରା ଆହାନା ଏଚେକା ଲାଗେଏତାରାଇଁ ପାଢେହରିତା କୁଡ଼ି କିଚେରି, ଇଞ୍ଜା ଲକୁଣି ମାନ୍ଦା କିହାନା ଗାଡ଼ାତା ଗଡ଼ହା ହପୁହେରି, ଇଞ୍ଜା ପାଞ୍ଜୁଲ ଅଢେଢି ସିଲାଇଁ ସାଲୁଝି କିନାରି ନକିତା ହପୁହାତାଚାଲି ଏଞ୍ଜାରି ହାଜାନା ଜାସନ ଇଲୁଡ଼ି ମୃତାନା ପାରିଚେରି । ୬ ସାମା ଏଞ୍ଜାରାଇଁ ବେଗାଆଆଲିଏ ଏଞ୍ଜାରି ଜାସନ ଅଢେଢି ଏଚେକା ତାୟିୟାଁଇଁ ଗାଡ଼ାତି ସାଲୁଝି କିନାରି ନକିତା ରେଜା ତାଚାନା କାଜା ରିୟାତଲେ କାଲୁଝି ଆହୁଁ ଏଲେଇଚେରି, “ଆମିନି ଲକୁ ତାରତିତି ଇତାଲା ଆତାଲା କିହିମାନେରି, ଏଞ୍ଜାରି ଇମ୍ବାଆଁ ଜିକେଏ ୱାହାମାନେରି; ୭ ଜାସନ ଏଞ୍ଜାରାଇଁ ଆବାମାନେସି, ଜୀସୁ ଦରୁଗାଟି ଅଢେଢି ର ରାଜା ମାନେସି ଇଞ୍ଜାଁ ୱେସାନା ଇଞ୍ଜାରି ବାରେଜାଣା କାୟିସରତି ହୁକୁମିତି ମାନୁଝି କିହିଲଅରି ।” ୮ ଇ କାତା ଆସାନା ଲକୁ ଅଢେଢି ସାଲୁଝି କିନାରି ବିଡ୍ରା ହାଢେରକା କାରୁବି ଆଚେରି ଅଢେଢି ଗଡ଼ହା ଆଚେ । ୯ ତାୟୁ ସାଲୁଝି କିନାରି ଜାସନ ଅଢେଢି ଏଚକା ଲକୁଣି ତାବୁୟାଁ ରାସାନା ଜାମଲି ତଲେ ଏଞ୍ଜାରାଇଁ ପିସ୍ତେରି ।

ବେରିୟାତା କାମା

୧୦ ଅଢେଢି, ତାୟିୟାଁ ୱେଡ଼ାକିଆନା ପାଞ୍ଜୁଲ ଅଢେଢି ସିଲାଇଁ ଲାଆଁ ବେଲାତା ବେରିୟାତା ପାଣ୍ଡିଚେରି; ଏଞ୍ଜାରି ଏମ୍ବାଆଁ ଏଜାନା ଜୀହୁଦି ଲକୁଡ଼ି ଜୀହୁଦି ଲକୁଡ଼ି କୁଟମି ଇଲୁତାଁ ହାଚେରି । ୧୧ ତେସଲନିକିତା ମାନି ଜୀହୁଦି ଲକୁ କିହାଁ ଇଞ୍ଜାରି ସାତାପାଣା ଗାଗାରି ମାଚେରି, ଇଞ୍ଜାରି ହାଢେରକା ରାହାଁତଲେ ମାହାପୁରୁ କାତା ୱେଚେରି, ଅଢେଢି ପାଞ୍ଜୁଲ ୱେସ୍ତି କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମୁ ପତି ପଡ଼ୁଝି ଆହିମାଚେରି । ୧୨ ଇଦାଆଁତାକି ଏଞ୍ଜାରି ବିଡ୍ରାଟି ହାଢେରକା ଲକୁ ନାମିଚେରି ଅଢେଢି ଗ୍ରିକ୍ ଲକୁଡ଼ି କାଜାରି ବିଡ୍ରାଟି ହାଢେରକା ଇୟାସିକା ଅଢେଢି ଆବାୟାଁ ଜିକେଏ ନାମିଚେରି । ୧୩ ସାମା ଏଚିବେଲା ତେସଲନିକିତି ଜୀହୁଦିଜା ପୁଚେରି, କି ବେରିୟାତା ଜିକେଏ ପାଞ୍ଜୁଲ ତାଣ୍ଡାଟି ମାହାପୁରୁଚି ବଲୁ ୱେସ୍ପି ଆହିମାନେ, ଏଚିବେଲା ଏଞ୍ଜାରି ଏମ୍ବାଆଁ ଜିକେଏ ୱାହାନା ଲକୁ ମାନ୍ଦାତି ନିକହାନା ଗଡ଼ହା କିଝିକିଚେରି । ୧୪ ଏଚେଟିଏ ତାୟିୟାଁ ୱେଡ଼ାକିଆନା ପାଞ୍ଜୁଲଇଁ ସାମୁଦୁରି ୱାକି ହାଜାଲି ପାଣ୍ଡିଚେରି; ଇଞ୍ଜା ସିଲା ଅଢେଢି ତିମତି ବେରିୟାତା ଡ଼ୟିଚେରି । ୧୫ ସାମା ଆମ୍ବାଆରି ପାଞ୍ଜୁଲଇଁ ଇଚିହାଚାରି ଏଞ୍ଜାରି ଆତିନି ପାଚେକା ହାଚେରି, ଇଞ୍ଜା ସିଲା ଅଢେଢି ତିମତି ତବେ ନା ତାଣ୍ଡା ୱାଚେରି ଇଞ୍ଜାଁ ପାଞ୍ଜୁଲ ତାଣ୍ଡାଟି ହୁକୁମି ବେଗାଆହାନା ଏଞ୍ଜାରି ବେରିୟାତା ୱେଶ୍ଟେ ୱାଚେରି ।

* ୧୭:୧ ୧୭:୧ ସିନଗ୍ଗ † ୧୭:୨ ୧୭:୨ ସିନଗ୍ଗ ‡ ୧୭:୧୦ ୧୭:୧୦ ସିନଗ୍ଗ

ଆଦିନିତା ପାଞ୍ଚୁଲତି ସେବା କାମା

୧୭ ଆଦିନିତା ପାଞ୍ଚୁଲ, ସିଲ୍ଲା ଅଡ଼େ ତିମତିଲ୍ଲ କାଟିମାରେସି, ଏଞ୍ଜାସି ଏ ଗାଡ଼ାତା ହାରେକା ପେଣକା ବନାୟା ମାନାଣି ମେସାନା ତାନି ଜୀଫୁ ହାରେକା ଖୀତିତେ । ୧୭ ଏଦାଆଁତାକି ଏଞ୍ଜାସି ଜୀହୁଦି ଲକ୍ଷୁତି କୁଟମି ଲକ୍ଷୁତାଁ ଜୀହୁଦି ଲକ୍ଷୁତଲେ ମାହାପୁରୁଇଁ ନାମାମାନି ଜୀହୁଦିଆଆତି ଲକ୍ଷୁତଲେ ଛ କାତା ବାରେଦିନା ଝେକହେସି । ଗାଡ଼ାତି ଜିରୁ ଗାଡ଼ାତା ହାଜି ଖାହିମାନି ଲକ୍ଷୁତଲେ ଏ କାତାତି ଝେସୁସି । ୧୮ ଏତରଜାଣା ଏପିକୁରିୟା ଇଞ୍ଜା ସୁୟିକ୍ ଜାପୁନି ଗୁରକା ତଲେ ଏଞ୍ଜାରି ରୁଜୁବାଡ଼ି ଆଡେ । ଏଞ୍ଜାରି ବିତ୍ରାତି ଏତରଜାଣା ଏଲେଇଚେରି, “ଛ ବୁଦି ହିଲ୍ଲାଆ ହାଡ଼ାକାଣ୍ଡୁ ଏନାଆଁ ଝେସାଲି ଅଣ୍ଡପିମାନେସି ?” ଅଡ଼େ ଏତରଜାଣା ଏଲେଇଚେରି, “ଏଞ୍ଜାସି ପୁନାଆତି ପେଣକାତି କାତା ଝେହ୍ନିଲେହେଁ ଝେସିମାନେସି;” ଇତିହଁ ଏଞ୍ଜାସି ଜୀସୁ ଅଡ଼େ ତାନି ଝେଣ୍ଡେ ନିଜ୍ଜିତି କାତାତି ନେହଁ କାରୁ ଝେକହି ମାରେସି । ୧୯ ଏଦାଆଁତାକି ଏଞ୍ଜାରି ପାଞ୍ଚୁଲଇଁ ଆରିୟପାଗ ଗାଡ଼ାତି ବେରଣି ନକିତା ତାତେରି, “ନୀନୁ ଆମିନି ପୁଣି କାତା ଜାପୁହିମାଞ୍ଜି ଏଦି ଏନାୟି ଇଞ୍ଜାଁ ମାମ୍ବୁ ପୁଞ୍ଜାଲି ଆଡିନମି କି ? ୨୦ ଇତିହଁ ନୀନୁ ଏତେକା କାବାଆନି କାତା ମାଜେ ଝେଣ୍ଡି କିହିମାଞ୍ଜାଦି; ଛ ବାରେ କାତା ଏନାୟି ଏଦାଆଁ ମାମ୍ବୁ ପୁଞ୍ଜାଲି ଅଣ୍ଡପିମାନମି ।” ୨୧ ଆଦିନି ଗାଡ଼ାତି ଲକ୍ଷୁ ଅଡ଼େ ଏମାଆଁ ବାସାଆହାମାନି ଏବକା ଦେସାତି ଲକ୍ଷୁ ପୁଣି କାତା ଝେସାଲି ଇଞ୍ଜାଁ ଝେଞ୍ଜାଲି ରାହାଁ ଆହିମାରେସି । ଏମାଆଁ ଏଞ୍ଜାରି ଦିନା ରାପୁହି ମାରେସି ।

୨୨ ଏଚେଟିଏ ପାଞ୍ଚୁଲ ଆରିୟପାଗତି ବେରଣି ମାଦିଏ ନିତାନା ଏଲେଇଚେସି, “ଏ ଆଦିନିତି ଲକ୍ଷୁ, ମୀରୁ ବାରେ ଗାତି ଦାମ୍ବୁଗାଟାତେରି, ଇଞ୍ଜାଁ ହାରେକା ପେଣକାଣି ସେବା କିନାତେରି, ଏଦାଆଁ ନାନୁ ମେସିମାଇଁ । ୨୩ ଇତିହଁ ନାନୁ ମୀ ଗାଡ଼ାତି ହାଜିମାରେସି, ଅଡ଼େ ମୀରୁ ପୂଜା କିନି ଟାୟୁତା ସିନିକିଡେସି, ନାନୁ ପୂଜା ପିଣ୍ଡାତା ମେସୁସି ଏମାଆଁ ରାସକି ଆହାମାନେ, ‘ପୁନାଆତି ମାହାପୁରୁ ।’ ଆଦିନିଗାଗାଣି ମୀରୁ ପୂଜା କିହିମାଞ୍ଜେରି, ଏଦାଆଁ ମୀରୁ ପୁଞ୍ଜାହିଲ୍ଲାଆତିହଁ ଜିକେଏ, ଏଦେଏ ନାନୁ ମିଜେ ଝେସିମାଞ୍ଜାଇଁ । ୨୪ *ଆମିନି ମାହାପୁରୁ ଦାରତି ଅଡ଼େ ଏମାଆଁ ମାନି ବାରେ ରାଟି କିହାମାନେସି, ଏଞ୍ଜାସି ଲାକପୁରୁ ଅଡ଼େ ଦାରତିତି ପ୍ରଭୁ ଆହାମାନାକି ମାଣସି କେୟୁଟି କେପିତି ଦେଫୁଡ଼ିତା ବାସା କିଅସି । ୨୫ ଇତିହଁ ଏଞ୍ଜାଣାକି ଏନାୟି ଲଡ଼ା ମାନାୟି ହିଲ୍ଲାଆକି ମାଣସି କେୟୁଟି ସେବା ଆଅସି, ଇତିହଁ ଏଞ୍ଜାସି ତାନୁଏ ବାରେତାକି ଜୀସୁ, ନେଞ୍ଜାଲି ଇଞ୍ଜାଁ ବାରେ ଲଡ଼ାମାନାଣି ଇନେସି । ୨୬ ର ମାଣସି ତାଣାଟି ଏଞ୍ଜାସି ବାରେ ଲକ୍ଷୁ ବାକାଇଁ ରାଟି କିହାମାନେସି; ଇଞ୍ଜାଁ ଏଞ୍ଜାଣି ହୁକୁମି ତଲେ ଏଞ୍ଜାରି ଦାରତିତି ବାରେଖାକି ବାସା କିହାମାନେରି । ଆମିନି ବେଲାତା, ଆମ୍ବାଆସି ଆମିନି ତାଣା ବାସା କିନେସି, ମାହାପୁରୁ ମୂଲୁଟିଏ ଏଦାଆଁ ତୀରି କିହାମାନେସି । ୨୭ ମାହାପୁରୁତି ଅଣ୍ଡପୁ ମାରେ, ବାରେଜାଣା ଏନିକିହଁ ଏଞ୍ଜାଣାଇଁ ପାରନା ବେଟାଆନେରି । ସାମା ମାହାପୁରୁ ଆମ୍ବାଆରି ତାଣାଟି ହେକ ହିଲଅସି ।” ୨୮ ଏନିଇତିହଁ ରଅସି ଝେସାମାନେସି, “ଏଞ୍ଜାଣି ତାଣା ମାର ନୀତିନାୟି, ତାକିନାୟି ଅଡ଼େ ତୁୟିନାୟି । ଇଞ୍ଜାଁ ମୀ ବିତ୍ରାଟି ଜିକେଏ ଏତରଜାଣା ଝେସାମାନେରି, ମାର ଜିକେଏ ଏଞ୍ଜାଣି ମୀରକା ମାସକା ।”

୨୯ “ଇତିହଁ ମାର ମାହାପୁରୁତି ମୀରକା ମାସକା ଆଡାକି ଛ ମାହାପୁରୁ ଲେହେଁ ମାଣସି ବୁଦି ଅଡ଼େ ଅଣ୍ଡପୁ ତଲେ କେପିତି ବାଂଗାରା, ଝେଣ୍ଡି କି ଖାଲକାତି ବମା ଲେହେଁ ଅଣ୍ଡପିନାୟି ଆଏ । ୩୦ ଲକ୍ଷୁ ମାହାପୁରୁଇଁ ପୁଞ୍ଜା ହିଲ୍ଲାଆ ବେଲାତା ଏଞ୍ଜାସି ଦହୁ ଆସା ହିଲ୍ଲାଆତେସି, ସାମା ନୀଏ ଏଞ୍ଜାସି ବାରେଜାଣାଟି ବାରେଖାକି ତାନି ପାପୁ ଜିରୁଟି ଝେଣ୍ଡା ଖାହାଲି ଝେସିମାନେସି । ୩୧ ଇତିହଁ ଆମିନି ଦିନା ତାନୁ ଆଡ଼ିତି ମାଣସି ତାଣାଟି ଦାମ୍ବୁତଲେ ଦାରତିତି ନୀହାୟି କିନେସି, ଇଲେତି ର ଦିନା ତୀରି କିହାମାନେସି, ଇଞ୍ଜାଁ ଛ ବାରେ ସାତା ଇଞ୍ଜାଁ ତସାଲି ଏଞ୍ଜାସି ଏଞ୍ଜାଣାଇଁ ହାଡ଼ାରି ତାଣାଟି ନିକହାମାନେସି ।”

୩୨ ପାଞ୍ଚୁଲ ତାଣାଟି ହାଡ଼ାରି ଝେଣ୍ଡେ ନିଜ୍ଜିନି କାତା ଝେଞ୍ଜାନା ଏତରଜାଣା ଲାଜା କିତେରି, ଅଡ଼େ ଏତରଜାଣା ଏଲେଇଚେରି, “ମାଜେ ଅଡ଼େ ଝେଣ୍ଡେ ଝେସ୍ତାମ୍ବୁ, ନୀ ତାଣାଟି ଛ କାତା ଝେନମି ।” ୩୩ ଏଚେଟିଏ ପାଞ୍ଚୁଲ ବେରଣିଟି ହଡ଼ାହାରେସି । ୩୪ ଏରିୟପାରିୟ ଦିୟୁନୁସିୟ ଗଟିତି ଦାମାରି ଇନି ର ଇୟା ଇଞ୍ଜାଁ ଅଡ଼େ ଏଚେକା ଲକ୍ଷୁ ନାମିତେରି ଇଞ୍ଜାଁ ଏଞ୍ଜାଣିତଲେ ଆଣ୍ଡିତେରି ।

୧୮

କରନ୍ତିତା ପାଞ୍ଚୁଲତି କାମା

^୧ ଏମ୍ବାଟିଏ ପାଞ୍ଚଲ ଆତିନି ଗାଡ଼ା ପିସାନା କରନ୍ତିତା ହାଚେସି । ^୨ ଇଞ୍ଜା ଏଝାସି ଆକ୍‌ଝିଲା ଦରୁଗାଟି ର ଜାହୁଦି ଲକୁଇଁ ବେଟାଆଚେସି, ପନ୍ଥ ଏଝାଣି ଜାନ୍ନା ଟାୟୁ; ଏଚରଦିନା ନକେଏ ଏଝାସି ତାନି ଡକ୍ତି ପ୍ରିସ୍‌ଲି ତଲେ ଇଟାଲିଟି ଖାହାମାଚେସି, ଇତିହ^୩ କ୍ଲାସ୍‌ଦିୟା ବାରେ ଜାହୁଦି ଲକୁଇଁ ରମ୍ ପିସା ହାଜାଲି ହୁକୁମି ହାହାମାଚେସି, ପାଞ୍ଚଲ ଏଝାସିକାଣି ବେଟି ହାଚେସି, ^୩ ଅଡେ ଏଝାରି ଏଝାଣିଲେହେଁ ତୁମ୍ ବେବାରା କିନାରି ମାଚାକି ଏଝାରିତଲେ ଡୟିଚେସି, ଅଡେ ଏଝାରି କାମା କିହାଲି ମାଟ୍‌ହେରି, ଏନାଆଁତାକି ଇତିହ^୩ ବେବାରାତା ଏଝାରି ତୁମ୍ କିନାରି ମାଚେରି । ^୪ ଅଡେ ବାରେ ଜମିନି ଦିନାତା ଏଝାସି ଜାହୁଦି ଲକୁତି କୁଟମି ଇଲୁତା* ଜଲ୍‌କି ଆହ^୩ ଜାପ୍‌ହେସି, ଜାହୁଦି ଅଡେ ଗ୍ରିକ୍ ଲକୁଣି ନାମି କିଝିକିହାଲି ଅଣ୍‌ପିମାଚେସି ।

^୫ ଏଟିବେଲା ସିଲା ଅଡେ ତିମତି ମାକିଦନିୟାଟି ଖାଡେରି, ଏଟିବେଲା ପାଞ୍ଚଲ ନେହ^୩ ବଲୁ ଝେକ୍‌ନି କାମା ଜମାଆନା କିହମାଚେସି, ଅଡେ ଜାସୁଇଁ ମସିହା ଇଞ୍ଜ^୩ ଜାହୁଦି ଲକୁତାଣା ସାକି ହାହାମାଚେସି । ^୬ ସାମା ଏଝାରି ଅପାଆନା ନିନ୍ଦା କିହାଲିଏ ଏଝାସି ତାନି ହିମ୍‌ରି ହାଣ୍‌ହାନ୍‌ନା ଏଲେଇଚେସି, “ମୀରୁ ନାସା ଆତିହ^୩ ଏଦାଆଁତାକି ମୀରୁ ଦାୟି ଆଦେରି । ଏଦାଆଁତାକି ନାନୁ ଦାୟି ଆଏ, ନୀର୍‌ସ ନାନୁ ଜାହୁଦିଆଆତି ଲକୁତାଣା ହାଜିମାଇଁ ।” ^୭ ଏମ୍ବାଟିଏ ଏଝାସି ଏ ଟାୟୁଟି ହଡ଼ା ହାଜାନା ତିତସ ଜୁସ୍ତ ଇନି ଜାହୁଦିଆଆତି ମାହାପୁରୁ ସେବା କିନାସି ଏଝାଣି ଇଜ ହାଚେସି, ଏଝାଣି ଇଲୁ ଜାହୁଦି ଲକୁତି କୁଟମି ଇଲୁ† ତାଗେ ମାଚେ । ^୮ ସାମା ଜାହୁଦି ଲକୁତି କୁଟମି ଇଲୁତି‡ କାଜାସି କ୍ରିସ୍‌ପ ବାରେ ଇଲୁ କୁଟମି ତଲେ ପ୍ରୁ ତାଣା ନାମିଚେରି, ଅଡେ କରନ୍ତି ଗାଡ଼ାତି ଲକୁ ବିଦ୍ରାଟି ହାରେକା ପାଞ୍ଚଲତି କାତା ଝେଞ୍ଜାନା ନାମିଚେରି ଅଡେ ବାପ୍ରିସ୍‌ସ୍ ଅଡେରି ।

^୯ ଅଡେ ପ୍ରୁ ଲାଆଁୟାଁ ବେଲାତା ସେୟାଁଣା ହାପାନାତା ପାଞ୍ଚଲଇଁ ଏଲେଇଚେସି, “ଆଜାଆନି, ସାପି ଡୟାଆନା ଜଲ୍‌ମ୍, ^{୧୦} ଇତିହ^୩ ନାନୁ ନୀ ତଲେ ମାଇଁ, ଆମିନି ଲକୁ ଜିକେଏ ନୀ କପାଟି ନିଜ୍ଜାନା ନିଜେ ନାସା କିହାଲି ଆଡ଼ଅସି, ଇତିହ^୩ ଇ ଗାଡ଼ାତା ହାରେକା ନା ଲକୁ ମାନେରି ।” ^{୧୧} ଇଞ୍ଜା ପାଞ୍ଚଲ ଏଝାରିତାଣା ମାହାପୁରୁତି କାତା ଜାପ୍‌ହେଁ^୩ ର ବାସୀ ସ ଲେଞ୍ଜୁ ଡୟିଚେସି ।

^{୧୨} ସାମା ଗାଲିୟ ଆକାୟାତି ରମିୟ ସାଲ୍‌ଝି କିନାସି ମାଟିବେଲାତା, ଜାହୁଦି ଲକୁ ପାଞ୍ଚଲ କପାଟି ନିଜ୍ଜାନା ଏଝାଣାଇଁ ନାହାଁୟି କିନାରି ତାଣା ଦସା ଅହାନା ଏଲେଇଚେରି, ^{୧୩} “ଇଝାସି ମସାତି ମେରା କପାଟି ଅର ରଲେକ^୩ ମାହାପୁରୁତି ସେବା କିହାଲି ଲକୁଣି ଜାପ୍‌ହେମାନେସି ।”

^{୧୪} ସାମା ପାଞ୍ଚଲ ଗୁତି ଏକ୍‌ହାନା ଜଲ୍‌ଲି ମାଟ୍‌ହି ମାଚାଟି, ଗାଲିୟନ ଜାହୁଦି ଲକୁଣି ଏଲେଇଚେସି, “ଆଡେ ଜାହୁଦି ଲକୁଚେରି ଏନିଲେହେଁତି ଦହ କି ଲାଗେଏତି କାମା ଆଡ଼ିହ^୩ ମା ସୁସ୍ତି ତଲେ ମୀ କାତା ଝେନାୟି ନାଜେତାକି ନେହେଁ ଆଡେମା, ^{୧୫} ସାମା ଇଦି ଖାରଇ ବଲୁ ଅଡେ ଦରୁ ଅଡେ ମୀ ମେରାତି କାତା ମୀରୁଏ ଇଦାଆଁ ସୁସ୍ତି କିପ୍ । ଇଲେତି କାତାତି ନାନୁ ନାହାଁୟି କିଅଁ !” ^{୧୬} ଏଲେଇଞ୍ଜାନା ଏଝାସି ଏଝାରାଇଁ ନାହାଁୟି କିନି ତାଣାଟି ପେଡ଼ହା ତୁସ୍‌ସି । ^{୧୭} ଏଚେଟିଏ ବାରେଜାଣା ସସ୍ତାନ ଇନି ଜାହୁଦି ଲକୁତି କୁଟମି ଇଲୁତି* କାଜାଣାଇଁ ଆସାନା ନାହାଁୟି ପାଞ୍ଚାତା ଝେଡେରି; ସାମା ଗାଲିୟନ ଏ ବାରେ କାତାତା ମନ ହାଆଚେସି ।

ପାଞ୍ଚଲ ଆନ୍ତିୟକିୟାତା ଝେଣ୍ଡାଖାନାୟି

^{୧୮} ପାଞ୍ଚଲ କରନ୍ତିତା ନାମିତି ତାୟି ତାଜିସ୍‌ସା ତଲେ ହାରେକା ଦିନା ଡୟାନା ତାୟିୟାଁ ତାଣାଟି ହେଲ ବେଟାଆହାନା ଏୟୁ ଜାକାଟି ସିରିୟାତା ହାଚେସି, ପ୍ରିସ୍‌ଲି ଅଡେ ଆକ୍‌ଝିଲା ତାନିତଲେ ହାଚେରି, ତାନି ଆଞ୍ଜିତାୟି ମାଚାକି ଏଝାସି କେକେ ଯାତା ତାନି ତାୟୁ^୩ ହୁଣ୍‌ହେସି । ^{୧୯} ତାୟୁ ଏଝାରି ଏପିସିୟତା ଖାଡେରି, ଅଡେ ଏଝାସି ଏ ଟାୟୁତା ଆକ୍‌ଝିଲା ଅଡେ ପ୍ରିସ୍‌ଲାଇଁ ହେଲ ହାହାନା ପାଞ୍ଚଲ ରସିଏଏ ଜାହୁଦି ଲକୁତି କୁଟମି ଇଲୁତା† ହଡ଼ାନା ଜାହୁଦିୟାଁ ତଲେ ହାଡ଼ାକାତା ଆଡେରି । ^{୨୦} ଇଞ୍ଜା ଏଝାରି ଏଝାଣାଇଁ ହାରେକା ଦିନା ଡୟାଲି ବାଟିମାଲିତିହ^୩ ଖା ଏଝାସି ଡୟାଲି କୁଚେସି । ^{୨୧} ସାମା ଏଝାରି ତାଣାଟି ହେଲ ଅହାନା ଏଲେଇଚେସି, “ମାହାପୁରୁତି ମନ ଆତିହ^୩ ଅଡେ ର ଦେବା ମୀ ତାଣା ଝେଣ୍ଡା ଖାଇଁ,” ଇଞ୍ଜା ଏଝାସି ଏପିସିୟଟି ହାଚେସି ।

^{୨୨} କାୟିସରିୟାତା ଏଗାହାଜାନା ଏମ୍ବାଟି ଜିରୁସାଲମତା ହାଚେସି, ଅଡେ କୁଲମିତି ଜହରା କିହାନା ଏମ୍ବାଟିଏ ଆନ୍ତିୟକିୟାତା ହାଚେସି । ^{୨୩} ଏମ୍ବାଆଁ ଏଚରଦିନା ଡୟିତି ତାୟୁ, ଏଝାସି ଅଡେ ଝେଣ୍ଡେ ହାଜାନା

* er:୪ er:୪ ସିନଗର୍ † er:୭ er:୭ ସିନଗର୍ ‡ er:୮ er:୮ ସିନଗର୍ § er:୮ er:୮ ମୁଞ୍ଜିନାୟି * er:୧୭ er:୧୭ ସିନଗର୍ † er:୧୧ er:୧୧ ସିନଗର୍

ଗାଳାତିୟ ଇଞ୍ଜା ପୁରାଣ ନାସ୍ତକ ହାହାନା ହାରେସି, ଅଡ଼େ ଜିରୁତା ସୀୟୁୟାଣି ତାମି ନାମୁତା ଆଡ଼ୁଡ଼ା ତଲେ ଡ଼ୟାଲି ରାହାଁ ହାତେସି ।

ଏପିସିୟ ଅଡ଼େ କରନ୍ତିତା ଆପଲ

୨୪ ଏମ୍ବାଟିଏ ଆପଲ ଦରୁଗାଟି ର ଜୀହୁଦି ଏପିସିୟତା ଖାଡ଼େସି, ଏଝାସି ଆଲେକକାଣ୍ଡିୟାତା ଜାର୍ନା ଆହାମାରେସି, ଏଝାସି ନେହୁଁ କୁଁ ଝେସାଲି ଆଡ଼ିନାସି ଅଡ଼େ ଦାମ୍ବୁ ପତିତି କାତା ଗାଡ଼ି ପୁନାସି ମାରେସି । ୨୫ ଇଝାସି ପ୍ରବୁ ଜିରୁତି କାତା ନେହୁଁ କୁଁ ଜାପାମାରେସି, ଇଞ୍ଜା ଜୀହୁତଲେ ବାଡ଼ୁୟୁ ବେଟାଆହାନା ଜୀହୁତି କାତା ନେହୁଁ କୁଁ ଜାପୁହି ମାରେସି, ଏଝାସି ଖାରଇ ଜହନତି ବାପ୍ତିସ୍ତାଁ କାତା ପୁଞ୍ଜାମାରେସି । ୨୬ ଏଝାସି ସାସାତଲେ ଜୀହୁଦି ଲକ୍ଷୁତି କୁଟମି ଇଲୁତାଁ ଜଲ୍ଲାଲି ମାଡ଼ୁହେସି, ସାମା ଆକ୍ଝିଲା ଅଡ଼େ ପ୍ରିସ୍ତିଲା ଏଝାଣି କାତା ଝେଞ୍ଜାନା ଏଝାଣାଇଁ ତାମି ଇଜ ଅହାନା ଏମ୍ବାଆଁ ହାଡ଼େକା ନେହେଁ ମାହାପୁରୁ ଜିରୁତି କାତା ପୁଣ୍ଡିକିରୁ । ୨୭ ତାୟୁ ଆପଲ ଆକାୟା ଦେସାତା ହାଜାଲି ମନ କିହାଲିଏ ଏପିସିୟତି ନାମିତି ତାୟୁୟାଁ ଏଝାଣାଇଁ ସାଡ଼େମି କିତେରି, ଇଞ୍ଜା ଏଝାଣାଇଁ ରାହାଁତଲେ ଆବାଲି ଆକାୟାତା ମାନି ସୀୟୁୟାଁ କି ର ଆକୁ ରାଡ଼ିତେରି, ଏଝାସି ଏମ୍ବାଆଁ ଏଗାହାଜାନା ମାହାପୁରୁ କାର୍ମାଟି ନାମା ମାନାରାକି ହାଡ଼େକା ସାଡ଼େମି କିତେସି । ୨୮ ଇତିହୁଁ ଜୀୟୁଏ ମସିହା ଇଞ୍ଜୁଁ ଦାମ୍ବୁ ପତିତି ନେହୁଁ କୁଁ ତସାହାଁ ଏଝାସି ବାରେଜାଣା ନକିତା ତାନିତଲେ ଆସ୍ପି ଆହ୍ମାନି ଜୀହୁଦି ଲକ୍ଷୁଣି ହାଡ଼େ କିତେସି ।

୧୯

ଏପିସିୟତା ପାଞ୍ଜୁଲ

୧ ଆପଲ କରନ୍ତିତା ପାଟିରେଲାତା ପାଞ୍ଜୁଲ ଝେଡ଼ା ହପୁଞ୍ଜାକିତି ରାଜି ରେଜାନା ଏପିସିୟ ଗାଡ଼ାତା ଏଗାଝାଡ଼େସି । ଏମ୍ବାଆଁ ଏଚରଜାଣା ସୀୟୁୟାଣି ବେଟାଆଡ଼େସି, ୨ ଏଝାସି ଏଝାରାଇଁ ଝେଡ଼େସି, “ମୀରୁ ନାମିତି ରେଟୁଏ ସୁଦୁଜୀହୁ ବେଟାଆହା ମାରେକି କି ?” ଏଝାରି ଏଲେଇଚେରି, “ଆଏ ସୁଦୁଜୀହୁ ମାରେ ଇଞ୍ଜୁଁ ମାମ୍ବୁ ଟୁଝେଜା ଜିକେଏ ହିଲଅମି ।”

୩ ପାଞ୍ଜୁଲ ଏଝାରାଇଁ ଝେଡ଼େସି, “ଆଡ଼ିହୁଁ ମୀରୁ ଏନିଲେହେଁତି ବାପ୍ତିସ୍ତାଁ ବେଟାଆହା ମାରେକି ।” ଏଝାରି ଏଲେଇଚେରି, “ମାମ୍ବୁ ଜହନତି ବାପ୍ତିସ୍ତାଁ ଅହାମାଟମି ।”

୪ ଏମ୍ବାଟିଏ ପାଞ୍ଜୁଲ ଏଲେଇଚେସି, “ଜହନତି ବାପ୍ତିସ୍ତାଁ ହିୟାଁ ଝେଡ଼ପି କିଝିକିନି ବାପ୍ତିସ୍ତାଁ ଜହନ ଇସାୟେଲ ଲକ୍ଷୁଣି ବାପ୍ତିସ୍ତାଁ ହାହାନା ଏଲେଇଚେସି, ନା ଜେଡ଼ ଆମ୍ବାଆସି ଖାହିମାନେସି, ଏଝାଣାଇଁ ଇତିହୁଁ ଜୀୟୁଲ ନାମାଦୁ ଇଞ୍ଜୁଁ ଝେସିମାରେସି ।”

୫ ଇଦାଆଁ ଝେଞ୍ଜାନା ଏଝାରି ପ୍ରବୁ ଜୀୟୁ ଦରୁତଲେ ବାପ୍ତିସ୍ତାଁ ଅଡ଼େରି । ୬ ଅଡ଼େ ପାଞ୍ଜୁଲ ଏଝାରି ଲାକ କେସ୍ତା ଇଟାଲିଏ ସୁଦୁଜୀହୁ ଏଝାରି ଲାକ ରେଟାଝାଡ଼େ, ଇଞ୍ଜା ଏଝାରି ଏଟକା ଏଟକା ହାଡ଼ାତଲେ କାତା ଜଲ୍ଲାନା ମାହାପୁରୁତି ତାୟୁ ଆନି କାତା ଜିକେଏ ଝେକ୍ଝେରି । ୭ ଏଝାରି ବାରେ ବାରେଜାଣା ଆବାୟାଁ ମାରେକି ।

୮ ତାୟୁ ପାଞ୍ଜୁଲ ଜୀହୁଦି ଲକ୍ଷୁତି ଜୀହୁଦି ଲକ୍ଷୁତି କୁଟମି ଇଲୁତାଁ ହାଜାନା ତାନି ଲେଞ୍ଜୁ ପାତେକା ସାସାତଲେ ମାହାପୁରୁ ରାଜିତି କାତା ଝେକ୍ଝିହୁଁ ଲକ୍ଷୁତି ମନତି ନାମି କିହାଲି ଅଣପିତେସି । ୯ ସାମା ଏତିବେଲା ଏଚେକା ଲକ୍ଷୁ ଆଡ଼ୁଝା ହିୟାଁ ଅଡ଼େ ମୁଣ୍ଡି ଆହାନା ଲକ୍ଷୁ ନକିତା ପ୍ରବୁ ଜିରୁ କପାଟି ନିଞ୍ଜାନା ନିୟା କାତା ଝେପ୍ରେରି, ଏତିବେଲା ପାଞ୍ଜୁଲ ଏଝାରାଇଁ ପିସାନା ସୀୟୁୟାଁ ଏଟକା କିତେସି, ଇଞ୍ଜା ତୁରାନନ ଜନି ଜାପୁନି ଇଲୁତା ବାରେଦିନା ଜାପୁହି ମାରେସି । ୧୦ ଇଲେଆହୁଁ ରୀ ବାସାଁ ପାତେକା ଆଡ଼େ; ଏଚେଟିଏ ଆସିୟା ଦେସାତା ବାସାଆହାମାନି ହାଡ଼େକା ଜୀହୁଦି ଅଡ଼େ ଜୀହୁଦିଆଡ଼ାତି ଲକ୍ଷୁ ବାରେଜାଣା ପ୍ରବୁତି କାତା ଝେଡ଼େରି ।

ସ୍ତେବା ମାରକା

୧୧ ଅଡ଼େ, ମାହାପୁରୁ ପାଞ୍ଜୁଲ ତାଣାଟି ହାରେକା ବାଡ଼ୁୟୁତି କାମାୟାଁ କିହିମାରେସି । ୧୨ ଇଲଆହୁଁ ପାଞ୍ଜୁଲ ଲେମ୍ବିମାନି ପାଞ୍ଜାତା ତୁର୍ବନି ସକା କି ତୁଝାଲା ରଗା ଗାଗାରି ତାଣା ତାତିସାରେ ଏଝାରି ତାଣାଟି ରଗା ପିସିମାରେ ଅଡ଼େ ବୁଡୁୟାଁ ହବା ହାଜିମାଚୁ । ୧୩ ସାମା ରେଜି ରେଜିହୁଁ ବୁଡୁୟାଁ ପେରନି ଜୀହୁଦିୟାଁ

‡ ୧୮:୨୫ ୧୮:୨୫ମୁଞ୍ଜିନାୟି § ୧୮:୨୭ ୧୮:୨୭ ସିନଗର * ୧୯:୩ ୧୯:୩ମୁଞ୍ଜିନାୟି † ୧୯:୩ ୧୯:୩ମୁଞ୍ଜିନାୟି ☆ ୧୯:୪ ୧୯:୪ ମାଟି ୩:୧୧; ମାର୍କି ୧:୪,୭,୮; ଲୁକା ୩:୪,୧୭; ଜହ ୧:୨୭,୨୭ ‡ ୧୯:୪ ୧୯:୪ମୁଞ୍ଜିନାୟି § ୧୯:୪ ୧୯:୪ମୁଞ୍ଜିନାୟି * ୧୯:୪ ୧୯:୪ମୁଞ୍ଜିନାୟି † ୧୯:୫ ୧୯:୫ମୁଞ୍ଜିନାୟି ‡ ୧୯:୮ ୧୯:୮ ସିନଗର

ବିଦ୍ରାଢ଼ି ଏଚରଜାଣା ପଲ୍ଲଆ ବୃତ୍ତୟାଁ ଆସାମାନାରି ଲାକ ପ୍ରବୁ ଜୀସୁ ଦରୁ ଆସାନା ପେର୍ହୋଲି ଅଣ୍ଡପାନା ଏଲେଇଚେରି, “ପାଞ୍ଚଲ ଆମିନି ଜୀସୁଇଁ ଖେକ୍‌ହି ମାନେସି ନାନୁ ଏଞ୍ଜାଣି ଦରୁଚି ନିଜେ ହୁକୁମି ହାହିମାଞ୍ଜାଇଁ ।” ୧୪ ସ୍ତେବା ଦରୁଗାଟି ର ଜୀହୁଦି କାଜା ପୂଜେରାତି ସାଡ଼ା ଜାଣା ମୀରକା ଏଲେ କିହିମାଚେରି ।

୧୫ ସାମା ପଲ୍ଲଆ ବୃତ୍ତୟାଁ ଏଞ୍ଜାରାଇଁ ଏଲେଇଚୁ, “ନାନୁ ଜୀସୁଇଁ ପୁଞ୍ଜାମାଇଁ ଅଡ଼େ ପାଞ୍ଚଲଇଁ ପୁଞ୍ଜାମାଇଁ; ସାମା ମୀରୁ ଆମ୍ବାଆଚେରି ?”

୧୬ ଏଚେଟିଏ ଏ ପଲ୍ଲଆ ବୃତ୍ତ ଆଲ୍‌ଗା ମାତାସି ଏଞ୍ଜାରି ଲାକ ଡେଞ୍ଜାନା ଏଞ୍ଜାରାଇଁ ଇରହାଲିଏ ଏଞ୍ଜାରି ନାଗ୍‌ଡ଼ା ଉଗ୍‌ଡ଼ା ରାଣ୍ଡାରାକା ଆହାନା ଏ ଇଲ୍‌ଚି ହଚେରି । ୧୭ ଈ କାତା ଏପିସିୟତା ମାନି ଜୀହୁଦି ଅଡ଼େ ଜୀହୁଦିଆଆତି ଲକୁ ବାରେଜାଣା ପୁଚେରି, ଇଞ୍ଜାଁ ବାରେଜାଣା ଆଜିଚେରି, ଅଡ଼େ ଏମ୍ବାଆଁ ପ୍ରବୁ ଜୀସୁତି ଦରୁ ହାରେକା ଗାଞ୍ଜୁରମି କିଚେରି । ୧୮ ଅଡ଼େ ନାମୁଗାଟାରି ବିଦ୍ରାଢ଼ି ହାରେକା ଖାହାନା ତାମ୍ନୁ କ୍ରିହାମାନି ପଲ୍ଲଆ କାମାତି ଖେସ୍ତେରି । ୧୯ ଅଡ଼େ ଗାରୁଡ଼ି କାମା କିହିମାତି ହାରେକା ଜାଣା ତାମ୍ନୁ ଡ୍ରାମି ପତିୟାଁ ତାଚିହଁ ରୁଣ୍ଡା କିହାନା ବାରେଜାଣା ନକିତା ହୁଡିଚେରି; ଏଞ୍ଜାରି ଏ ବାରେଚି ଲେକା କିହାଲିଏ ରୀ କଡ଼ି ଦସ ମାଣା ଖେଣ୍ଡି ଚକାର୍ଯ୍ୟତି ପତିୟାଁ ମାତୁ । ୨୦ ଇଲେଆହଁ ପ୍ରବୁତି ବଲ୍ଲୁ ବାଡ଼ୁୟୁ ତଲେ ପାତାଆଡ଼େ ସାରିସ୍ତୁଡ଼ି ଖେଜିଚେ ।

ଏପିସିୟ ଗାଡ଼ାତା ଗଡ଼ହା

୨୧ ଈ ବାରେ କାତା ରାଡ଼ି ତାୟୁ ପାଞ୍ଚଲ ମାକିଦନିୟା ଅଡ଼େ ଆକାୟା ମାଦିଚି ଜିରୁସାଲମତା ହାଜାଲି ମନତା ତୀରି କିଚେସି । ଏଞ୍ଜାସି ଏଲେଇଚେସି, “ଏମ୍ବାଆଁ ହାଚି ତାୟୁ ନାନୁ ରମ୍‌ଡ଼ା ଜିକେଏ ହାନାୟିମାନେ ।” ୨୨ ଅଡ଼େ ଆମ୍ବାଆରି ଏଞ୍ଜାଣି ସ୍ତେବା କିହିମାଚେରି, ଏଞ୍ଜାରି ବିଦ୍ରାଢ଼ି ତିମତି ଅଡ଼େ ଏରାସ୍ତ ଈ ରିଆରାଇଁ ମାକିଦନିୟାତା ପାଣ୍ଡାନା ଏଞ୍ଜାସି ଏଚରଦିନା ପାଚେକା ଆସିୟାତା ତୁୟିଚେସି ।

୨୩ ଏଚିବେଲ୍‌ତା ପ୍ରବୁ ତସାମାନି ଜିରୁଚି କାତା ଅହାନା ଏପିସିୟତା ହାରେକା ଗଡ଼ହା ଆଡ଼େ ।

୨୪ ଦିମିତ୍ରିୟ ଦରୁଗାଟି ର ଖେଣ୍ଡି କାମାକିନାସି ଆଚେର୍ମି ପେନୁତି ର ଖେଣ୍ଡିଚି ଦେଞ୍ଜୁଡ଼ି କିହିମାଚେସି, ଇଞ୍ଜାଁ ଏଞ୍ଜାଣି ଈ ବେବାରା କାମା କିନାରାକି ହାରେକା ଲାଡ଼ା ଆହିମାଚେ । ୨୫ ଏମ୍ବାଟିଏ ଏଞ୍ଜାସି ଇଞ୍ଜାଁ ଏଞ୍ଜାରିଲେହେଁ କାମା କିନାରାଇଁ ହାଡ଼ାନା ଏଲେଇଚେସି, “ବାବୁୟାଁ ଈ କାମାଟି ମୀର ଦନ ବେଟାଆହି ମାନାୟି ଇଞ୍ଜାଁ ମୀରୁ ବାରେ ପୁଞ୍ଜାମାଞ୍ଜେରି; ୨୬ ଅଡ଼େ, କେସ୍‌ତାତଲେ କେପିଚି ପେଣକା ମାହାପୁରୁ ଆଏ ଇଞ୍ଜାଁ ଖେସାମା ପାଞ୍ଚଲ ଖାରଇ ଏପିସିୟତା ଆଏ, ସାମା ବାରେ ଆସିୟାତା ଜିକେଏ ହାରେକା ଲକୁଣି ଜାପୁହାନା ଏମ୍ବାଟି ମାଡ଼ିକିହିମାନେସି, ଈଦାଆଁ ମୀରୁ ମେସାମାଞ୍ଜେରି ଅଡ଼େ ଖେଞ୍ଜାମାଞ୍ଜେରି । ୨୭ ଈମ୍ବାଆଁ ଖାରଇ ମା ବେବାରା କାମା ଲାଗେଏ ଆନେ, ଏଦି ଆଏ, ସାମା ଆମିନି କାଜା ପେନୁ ଆଚେର୍ମିଇଁ ବାରେ ଆସିୟା ଅଡ଼େ ଦାରୁଡ଼ିଚି ଲକୁ ପୂଜା କିହିମାନେରି, ଏଦାନି ଦେଞ୍ଜୁଡ଼ିଚି ଜିକେଏ ଲକୁ ମାନି କିଅରି, ଇଞ୍ଜାଁ ଆଚେର୍ମି ପେନୁତି ଦରୁ କାଜା ଦରୁ ଇଞ୍ଜାଁ ଖେଜେଏ ।”

୨୮ ଈ କାତା ଖେଞ୍ଜାନା ବାରେଜାଣା କାରୁବି ଆହାନା କାଜା ଗିୟାଁତଲେ ଏଲେଇଚେରି, “ଏପିସିୟ ଲକୁଚି ଆଚେର୍ମିଏ କାଜା ପେନୁ ।” ୨୯ ଏଚେଟିଏ ଗାଡ଼ା ବାରେ ଗଡ଼ହା ଆଡ଼େ, ଇଞ୍ଜାଁ ଲକୁ ବାରେ କାଲ୍‌ଝି ଆହାନା ପାଞ୍ଚଲ ତଲେ ହାଜିମାଟି ମାକିଦନିୟାତି ଗାୟ ଅଡ଼େ ଆରିସ୍‌ସାର୍‌ଇଁ ଦସାନା କାହିନି ବାଟାତା ହଚେରି । ୩୦ ଏମ୍ବାଟିଏ ପାଞ୍ଚଲ ଲକୁ ମାନ୍ଦା ବିଦ୍ରା ହାଜାଲି ଅଣ୍ଡପିଚେସି, ସାମା ସୀସୁୟାଁ ଏଞ୍ଜାଣାଇଁ ହାଜାଲି ହୁଆଚେରି । ୩୧ ଅଡ଼େ ଆସିୟାତି ସାଲ୍‌ଝି କିନାରି ବିଦ୍ରାଟି ଜିକେଏ ଏଞ୍ଜାରି ତଡ଼ ଗୁାଟାରି ମାଟାକି କାହିନି ବାଟା ମାଦି ହାଲ୍‌ଆପେସି ଇଞ୍ଜାଁ ଲକୁଣି ଖେସା ପାଣ୍ଡାନା ଏଞ୍ଜାଣାଇଁ ବାଟିମାଲ୍‌ଚେରି । ୩୨ ଏଚିବେଲ୍‌ ହାରେକା ଗଡ଼ହା ଆହିମାଚେ, ଇଞ୍ଜାଁ ଲକୁ ମାନ୍ଦା ମାନ୍ଦା ଆହଁ ଏଚରଜାଣା ଈ କାତା ଅଡ଼େ ଏଚରଜାଣା ଏ କାତା ଇଞ୍ଜାଁ କାଲ୍‌ଝି ଆହିମାଚେରି, ଅଡ଼େ ଏଞ୍ଜାରି ଏମ୍ବାଆଁତାକି ରୁଣ୍ଡା ଆହାମାନେରି ହାରେକା ଲକୁ ପୁଞ୍ଜାହିଲ୍‌ଆଚେରି । ୩୩ ଲକୁ ବିଦ୍ରାଟି ଏଚରଜାଣା ଏଲେଇଚେରି, ଆଲେକ୍‌ଜାଣ୍ଡାର ଈଦାଆଁତାକି ଦାୟି, ଇଚିହଁ ଜୀହୁଦି ଲକୁ ଏଞ୍ଜାଣାଇଁ ନକିତା ନିପହା ମାଚେରି, ଆଲେକ୍‌ଜାଣ୍ଡାର କେୟୁ ପେର୍ହୋନା ଲକୁଣି ପାଲେଏ ଆହାଲି କେୟୁ ଜୀଞ୍ଜିଚେସି, ଅଡ଼େ ନାମୁଗାଟାରି ଖାକିଚି ଖେସାଲି ଅଣ୍ଡପିଚେସି । ୩୪ ସାମା ଏଞ୍ଜାସି ର ଜୀହୁଦି ଇଞ୍ଜାଁ ଏଚିବେଲ୍‌ ଏଞ୍ଜାରି ପୁଚେରି; ଏଚିବେଲ୍‌ ବାରେଜାଣା କାଜା ଗିୟାଁତଲେ ରୀ ଗଂଟା ପାଚେକା କାଲ୍‌ଝି ଆହାନା ଏଲେଇଚେରି, “ଆଚେର୍ମିଏ ଏପିସିୟ ଲକୁଚି କାଜା ପେନୁ ।”

୩୫ ତାୟୁ ଗାଡ଼ାତି କାଜାସି ଲକୁଣି ସ୍ତ୍ରୀ କିହାଲି ଖେସ୍ତେସି, “ଏ ଏପିସିୟତା ମାନି ତାୟିୟାଁଚେରି ବାରେଜାଣା ପୁଞ୍ଜାମାନେରି ଏପିସିୟ ଗାଡ଼ାତି କାଜା ପେନୁ ଆଚେର୍ମିଚି ଦେଞ୍ଜୁଡ଼ି ଇଞ୍ଜାଁ ହାଗୁଲ୍‌କଟି ରେଟା ଖାହାମାନି ସୁଦୁଚି ବମା ଗେଲ୍‌ପିକିଝି ଆହାମାନେ । ୩୬ ଆମ୍ବାଆସି ଈଦାଆଁ ଆଏ ଇଞ୍ଜାଲି ଆଡ଼ଅସି,

ଏଦାଆଁତାକି ମୀରୁ ବାରେ ସୁସ୍ତି ଆହୁ, ଏନ୍ନି ବୁଦି ହିଲ୍ଲାଆ କାମା କିଆହୁ । ୩୭ ଇଚିହିଁ ଇ ଆମିନି ଲକୁଇଁ ମୀରୁ ଦସା ତାତାମାଞ୍ଜେରି, ଇଞ୍ଜାରି ଦେଝୁଡ଼ିତି ସରୁ କିହାହିଲଅରି, ଇଞ୍ଜାଁ ମା ପେଣକା କପାଟି ଏନ୍ନି ନିନ୍ଦା କାତା ଜଲ୍ଲା ହିଲଅରି । ୩୮ ଏଦାଆଁତାକି ଦିମିତ୍ରିୟ ଅଡେ ଏଞ୍ଜାଣିତଲେ କାମାକିନାରି ଆମ୍ବାଆରି କପାଟି ଏନ୍ନି କାତା ମାଚିହିଁ, ନାହାଁୟି କିହାଲି ନାହାଁୟି ଇଲୁ ଦେପିଆହାମାନେ, ଇଞ୍ଜାଁ ନାହାଁୟି କିନାରି ମାନେରି, ଏଞ୍ଜାରି ନକତା ତାମ୍ବୁ ତୁମି ଦାଞ୍ଜା କପେରି । ୩୯ ଇଦାଣିକିହାଁ ଆଗାଡ଼ା ଅଣ୍ଡପିମାଚିହିଁ, ଲକୁ ତାଣ୍ଡାଟି ମେରା କିଞ୍ଜି ଆହାମାନି ନାହାଁୟି କିନି ତାଣା ଏଦାଆଁ ତିକନାୟି ଆନେ । ୪୦ ଇଚିହିଁ ସାତେଏ ନାଞ୍ଜୁତି ଗଡ଼ହା ତାକି ମା କପାଟି ଦାଞ୍ଜା ଆନାୟି ମାନେ; ଏନ୍ନିଇଚିହିଁ ଏ ଗଡ଼ହା ଏନାଆଁତାକି ହଡେ ଏଦାଆଁ ମୀରୁ ଏନ୍ନି କାତାତଲେ ତସାଲି ଆଡ଼ାଆୟି ।” ୪୧ ଇ ବାରେ କାତା ଖେସାନା ଲକୁଣି ସୁସ୍ତି କିହାନା ନାହାଁୟି ତୁକହେସି ।

୨୦

ମାକିଦନିୟା ଅଡେ ଆକାୟାତା ହାନାୟି

୧ ଏ ଗଡ଼ହା ତୁଞ୍ଜିତ ତାୟୁ ପାଞ୍ଜୁଲ ସାୟୁୟାଣି କୁଡ଼ି କିହାନା ଏଞ୍ଜାରାଇଁ ବାସୁତି କାତା ଖେସେସି, ଏଞ୍ଜାରି ତାଣ୍ଡାଟି ହେଲ ଅହାନା ମାକିଦନିୟାତା ହାଚେସି । ୨ ଏଞ୍ଜାସି ବାରେ ନାସ୍କାଟି ହାଜିହିଁ, ହାରେକା ସାୟୁୟାଣି ବାସୁ ହାହାନା ଗ୍ରିସ ଦେସାତା ହାଚେସି । ୩ ଏମ୍ବାଟିଏ ଏଞ୍ଜାସି ଏମ୍ବାଆଁ ତାନି ଲେଞ୍ଜୁ ତୁୟିତେସି, ଏଞ୍ଜାସି ସିରିୟାତା ହାଜାଲି ତିୟାରି ଆହିମାଟି ବେଲ୍ଲାତା, ଜାହୁଦି ଲକୁ ଏଞ୍ଜାଣାଇଁ ପାୟାଲି ତାରି କିହାମାନେରି ଇଞ୍ଜାଁ କାବୁ ପୁଞ୍ଜାନା ମାକିଦନିୟା ଖାକିଟି ଖେଣ୍ଡେ ହାଜାଲି ତାରି କିତେସି । ୪ ଅଡେ ବେରିୟା ତାସି ପୁରୁତି ମୀରୁଏସି ସପାତର, ଅଡେ ତେସଲନିକି ଗାଡ଼ାଟି ଆରିସ୍ତାକି, ସେକ୍ସନ୍, ଦବ ି ଗାୟ, ତିମତି ଅଡେ ଆସିୟାତି ଲକୁ ବିଡ଼ାଟି ତୁକିକ ଅଡେ ତ୍ରପିମ ଏଞ୍ଜାଣିତଲେ ହାଚେରି । ୫ ଏଞ୍ଜାରି ବାରେଜାଣା ନକେଏ ହାଜାନା ତ୍ରୟାତା ମାଜେ କାଡ଼ିମାଞ୍ଜାତେରି । ୬ ଅଡେ ପୁଲା ଗୁଣ୍ଡା ଆଣ୍ଡାଆତି ରୁଟି ତିନି ପାରୁ ତାୟୁ ମାମ୍ବୁ ପୁଲିପିଟି ଏୟୁ ଜାଜାଟି ହାଚେ, ଇଞ୍ଜାଁ ପାସା ଦିନା ତାୟୁ ତ୍ରୟାତା ଏଞ୍ଜାରାଇଁ ବେଟାଆହାନା; ଏମ୍ବାଆଁ ର ଖାତା ତୁୟିତପି ।

ତ୍ରୟାତା ପାଞ୍ଜୁଲ ତାୟୁ ପାଲି ହାନାୟି

୭ ଖାରାତି ମୁକୁ ଦିନାତି ମିଡ଼ଅଲ୍ଲା ରାନ୍ଦା ତିଞ୍ଜାଲି ରୁଣ୍ଡା ଆହାମାଚେ, ପାଞ୍ଜୁଲ ଅର ନେରୁ ହାନାୟି ମାଚାକି ଏଞ୍ଜାସି ଲକୁଣି ମାଦି ନେକେରି ପାତେକା ନେହିଁ କାତା ଖେସିମାଚେସି । ୮ ମାମ୍ବୁ ଛୁଡ଼ା ଆହାମାନି ଲାକନି ପାରୁତି ଇଲୁତା ଏମ୍ବାଆଁ ହାରେକା ଦୀର୍ଘୟାଁ ଡ଼ାଞ୍ଜିମାତୁ । ୯ ଅଡେ ଇଞ୍ଜୁତୁକ ଇନି ର ଦାଂଗୁଣେଏସି କିଡ଼କି ଲାକ କୁଗାମାଚେସି, ଏଞ୍ଜାଣାକି ହାରେକା ଇଦା ଖାହିମାଚେ; ଇଞ୍ଜାଁ ପାଞ୍ଜୁଲ କାତା ହାରେକା ଲାମ୍ବା କିହିଁ ଖେସିମାଚାକି ଇଞ୍ଜୁତୁକ ତାନି ପାରୁ ଗାଟି ଇଲୁ ଲାକଟି ତୁଇ ରାତେସି, ଏଟିବେଲ୍ଲା ଏଞ୍ଜାରି ଇଞ୍ଜୁତୁକଇଁ ନିକହେରି, ଏଞ୍ଜାସି ହାହାମାଚେସି । ୧୦ ସାମା ପାଞ୍ଜୁଲ ତୁଇ ରେତାଖାହାନା ଏଞ୍ଜାଣି ମୁହେଁ ମୀରୁହାନା ଏଞ୍ଜାଣାଇଁ ପମାନା ଏଲେଇଚେସି, “ଆଜାଆହୁ ଇଚିହିଁ ଇଞ୍ଜାଣି ତାଣା ଜାହୁ ମାନେ ।” ୧୧ ତାୟୁ ଲାକ ହାଜାନା ରୁଟି ବାଡ଼ିକିହାଁ ତିଚେରି, ଇଞ୍ଜାଁ ଲାକ ଖେୟିନି ପାତେକା ହାଡ଼ାକାତା ଆହାନା ପାଞ୍ଜୁଲ ହାଚେସି । ୧୨ ଅଡେ ଲକୁ ଏ ଦାଂଗଣା କକାଣାଇଁ ଜାହୁତଲେ ଇଜ ଅହିଁ ହାଚେରି ଇଞ୍ଜାଁ ଏଞ୍ଜାରି ହାରେକା ବାସୁ ବେଟାଆଚେରି ।

ତ୍ରୟାଟିଏ ମିଲିତତା ହାନାୟି

୧୩ ସାମା ମାମ୍ବୁ ନକେଏ ଜାଜାତା ହଚାନା ଆସସତା ହାଚେ, ଏମ୍ବାଟିଏ ମାମ୍ବୁ ପାଞ୍ଜୁଲଇଁ ଅହାଲି ଅଣ୍ଡପାମାଚେ, ଇଚିହିଁ ଏଞ୍ଜାସି ତାନୁଏ ତାକିହିଁ ହାଜାଲି ତାରି କିହାମାଚେସି । ୧୪ ଏଟିବେଲ୍ଲା ଏଞ୍ଜାସି ଆସସତା ମାଜେ ବେଟା ଆୟାଲିଏ, ମାମ୍ବୁ ଜାଜାତା ଏଞ୍ଜାଣାଇଁ ମିତିଲିନିତା ତାଚିହିଁ ଖାଚେ, ୧୫ ଅଡେ ଏମ୍ବାଟି ହାଜାନା ଏ ଅର ନେରୁ କିଅସତା ଏଗାହାଚେ, ଅଡେ ର ଦିନାତି ଜେଟ ସାମସତା ଏଜାହାଁ, ତାନି ଅର ନେରୁ ମିଲିତତା ଏଗାହାଚେ । ୧୬ ଇଚିହିଁ ପାଞ୍ଜୁଲ ଆସିୟା ରାଜିତା ହାରେକା ଦିନା ତ୍ରୟାଆନା, ଇଦାଆଁତାକି ଏଞ୍ଜାସି ଏପିସିୟ ପିସାନା ହାଜାଲି ତାରି କିହାମାଚେସି, ଆଡ଼ିସାରେ ପେଡ଼ିକସୁ ଦିନା ଜିରୁସାଲମତା ଏଗାହାଜାଲି ଦାଗା ଆହିମାଚେସି ।

ଏପିସିୟ କୁଲମିତି କାଜାରାଇଁ ପାଞ୍ଜୁଲ ଖେହନାୟି

୧୭ ମିଲିତଟିଏ ପାଞ୍ଜୁଲ ଏପିସିୟ କୁଲମିତି କାଜା ଲକୁଣି କାବୁ ପାଣ୍ଡାନା ହାଡ଼ିକିତେସି । ୧୮ ଏଞ୍ଜାରି ତାନି ତାଣା ଖାୟାଲିଏ, ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଆସିୟାତା ନାନୁ ଏଦାତି ଦିନାଟିଏ ମୀ

ତଳେ ଏନିକିହିଁ ମାଚେଏଁ ମୀରୁ ପୁଞ୍ଜାମାଞ୍ଜେରି, ୧୯ ପ୍ରବୃତ୍ତି ହଲେଏଣା ଆହାନା ଜାହାରାଇଁ ଉଣା କିହାଁ ଅଡ଼େ କାଣ୍ଡୁରକହାଁ ନାଙ୍ଗେ ସାସ୍ତି ଖାଡ଼ାଟି ନାନୁ ପ୍ରବୃତ୍ତି ସେବା କିତେଏଁ, ଏନାଆଁତାକି ଇଚିହିଁ ଏଚରଜାଣା ଜୀହୁଦି ଲକ୍ଷ୍ମି ପାରୁ ପାରିମାତାକି । ୨୦ ମୀରୁ ପୁଞ୍ଜାମାଞ୍ଜେରି, ନାନୁ ପାଞ୍ଜାଞ୍ଜେଙ୍ଗେ ଲକ୍ଷ୍ମିତାଣା ଶ୍ରେହ୍ନାଟି ଅଡ଼େ ମିଙ୍ଗେତାକି ଇଲୁତା ଶ୍ରେସ୍ତାନି ବେଲାତା ମୀ ନେହେଁ ଆନିଲେହେଁତି ଏନାଆଁ ଜିକେଏ ଡ଼କୁହା ହିଲାଆତେଏଁ, ୨୧ ଜୀହୁଦି ଅଡ଼େ ଜୀହୁଦିଆଆତି ଲକ୍ଷ୍ମି ନକିତା ଜାଗ୍ରାତା କିହିଁ ସାକି ହୀହାନା ଶ୍ରେସାମାଚେଏଁ, ଏଞ୍ଜାରି ପାପୁଟି ଏଚକା ଆହାନା ମାହାପୁରୁ ଖାକି ମନ ଶ୍ରେହ୍ନା କତାନା ମା ପ୍ରବୁ ଜୀସୁଇଁ ନାମିନେରି । ୨୨ ନୀଏଁ ମେହ୍ନୁ, ନାନୁ ସୁଦୁଜୀଞ୍ଜୁଇଁ ମାନୁଞ୍ଜି ଆହାନା ଜିରୁସାଲମତା ହାଜିମାଇଁ, ଏମାଆଁ ନାଙ୍ଗେତାକି ଏନାଆଁ ଆନେ ନାନୁ ପୁଞ୍ଜାହିଲଅଁ; ୨୩ ସୁଦୁଜୀଞ୍ଜୁ ନାଙ୍ଗେ ଜାଗ୍ରାତା କିହାଁ ସାକି ହାହିମାଞ୍ଜାନେ, ଗାଡ଼ାତାକି ଗାଡ଼ା କାୟିଦି ଆହାନା କସ୍ତ ବେଗାଆଇଁ । ୨୪ ସାମା ନାନୁ ଏନିକିଁ ନା ତାରିଆହାମାନି ଡାୟୁ ପାତେକା ହଟାଲି ଆଡ଼ିଇଁ, ଅଡ଼େ ମାହାପୁରୁଟି କାର୍ମାଟି ନେହିଁ କାରୁତାକି ସାକି ହୀହାଲିତାକି ଜୀସୁ ତାଣାଟିଏ ଏମିନି ସେବା କାମା ବେଗାଆହାମାଇଁ, ଏଦାଆଁ ଏନିକିଁ ରାପୁହାଲି ଆଡ଼ିଇଁ, ଏଦାଆଁତାକି ନା ଜୀଞ୍ଜୁତି କାଜାୟି ଇଞ୍ଜିଁ ଅଣ୍ଡିପ ହିଲଅଁ ।”

୨୫ “ଅଡ଼େ ନୀଏଁ ନାନୁ ପୁଞ୍ଜାମାଞ୍ଜେରି ମୀରୁ ଅଡ଼େ ନାଙ୍ଗେ ଶ୍ରେଣ୍ଡେ ମେସ୍ତଅତେରି । ନାନୁ ମୀ ବାରେ ତାଣା ମାହାପୁରୁ ରାଜିତି କାତା ରେଜିହିଁ ଶ୍ରେସାମାଞ୍ଜାଇଁ । ୨୬ ଏଦାଆଁତାକି ନାନୁ ନୀଞ୍ଜୁତି ଇ ପାରୁତାକି ଆଡ଼ିଆ ତଳେ ଶ୍ରେସାମାଇଁ, ମୀ ବିଡ଼ାଟି ଆମ୍ବାଆସି ନାସା ଆଚିହିଁ ଏମ୍ବାତି ଦାୟି ନାନୁ ଆଏ ୨୭ ଇଚିହିଁ ମାହାପୁରୁ ଅଣ୍ଡିପିନାଣି ବାରେ ମିଙ୍ଗେ ଶ୍ରେସାଲି ନାନୁ ପିସା ହିଲଅଁ । ୨୮ ମୀରୁ ମିଙ୍ଗେ ଜାହାରା କାତା ଅଡ଼େ ଆମିନି କୁଲମିତି ମାହାପୁରୁ ତାନି ନେତେରି ତଳେ କତାମାନେସି, ତାନି ଏ କୁଲମିତି ପହି ପାଡ଼ିକିହାଲିତାକି ସୁଦୁଜୀଞ୍ଜୁ ବାରେ ମାଦା ବିଡ଼ାଟି ଗୁମ୍ବୁସା କିହାଁ ମିଙ୍ଗେ ଆତାମାଞ୍ଜାନେସି, ଏଞ୍ଜାରାଇଁ ଜାଗ୍ରାତା କିଦୁ । ୨୯ ନାନୁ ହାଟି ତାୟୁ ଆଜିହ୍ନପତି ଗାଡ଼ଦେ କ୍ଲୀଠନିଁ ଖାନୁ, ଅଡ଼େ ମେଣ୍ଡାୟି ମାଦାଟି ରାଣାରାକା କିଆନା ପିହ୍ନ, ୩୦ ଦିନା ଖାଚେ, ଏଚିବେଲା ମୀ ଗଟିତି ଏଚେକା ସୀୟୁୟି ନିଜ୍ଜାନା ନାନୁ ଗାଟାରାଇଁ ମିତି କାତା ଶ୍ରେସାନା ଏଚକା ଜିରୁତା ଅନେରି, ୩୧ ଏଚିବେଲା ଜାଗ୍ରାତା ଡ଼ୟାୟୁ, ନାନୁ ଲାଆଁ ମାଦେନା କାଣ୍ଡୁ ଶ୍ରେକିହିଁ ତାନି ବାସାଁ ପାତେକା ବାରେତେରି ମିଙ୍ଗେ ଜୀପୁହା ମାଞ୍ଜାଇଁ, ଇ କାତା ଅଣ୍ଡିପୁତା ଇଗାୟୁ ।”

୩୨ ନୀଏଁ ନାନୁ ମିଙ୍ଗେ ମାହାପୁରୁ ଇଞ୍ଜାଁ ତାନି କାର୍ମାମେହ୍ନି ବଲୁ ନକିତା ହେରପିମାଞ୍ଜାଇଁ, ଇ କାର୍ମାଟି କାତା ମିଙ୍ଗେ ବାଡ଼ୁତୁ ତଳେ ପାଡ଼ିକିହାଲିତାକି ଅଡ଼େ ସୁଦୁ ଆହାମାନି ବାରେ ଲକ୍ଷ୍ମି ବିଡ଼ା ଅଦିକାରା ହୀହାଲି ଆଡ଼ାନେସି । ୩୩ ନାନୁ ଆମ୍ବାଆରି ବାଂଗାରା, ଶ୍ରେଣ୍ଡି କି ହିମ୍ବୁରିକା ଜୁପକା ଆହାହିଲାଆତେଏଁ । ୩୪ ମୀରୁ ପୁଞ୍ଜାମାଞ୍ଜେରି ଇ ନା ରୀ କେସ୍ତାତଳେ କାମା କିହାନା ନାଙ୍ଗେ ଅଡ଼େ ନା ଡ଼ଡ଼ ଲକ୍ଷ୍ମିଟି ବାରେ ଲକ୍ଷ୍ମାମାନାଣି ବେଗାଆହାମାଇଁ । ୩୫ ଇଲେକିହିଁ କସ୍ତ କିହାନା ଆଡ଼ାଆ ଗାଟାରି ସାୟେମି କିନାୟି, “ଇଚିହିଁ ରାହ୍ନି କିହାଁ ହୀନାୟି ହାରେକା ନେହାୟି” ପ୍ରବୁ ଜୀସୁ ତାୟୁଏ ଇ କାତା ଶ୍ରେସାମାଞ୍ଜାନେସି, ଇ କାତା ମୀରୁ ଅଣ୍ଡିପିନାୟି ମାନେ, ଇ ବାରେ କାତାତଳେ ମିଙ୍ଗେ ପୁଣ୍ଡି କିହିମାଞ୍ଜାଇଁ ।

୩୬ ଇ ବାରେ କାତା ଶ୍ରେସାଲି ରାପୁହି ତାୟୁ ପାଞ୍ଜୁଲ ମେଣ୍ଡାକୂତାନା ବାରେଜାଣା ତଳେ ପ୍ରାଡ଼ାନା କିତେସି । ୩୭ ଅଡ଼େ, ଏଞ୍ଜାରି ବାରେଜାଣା ଡ଼ାହି ଡ଼ାହିଁ ପାଞ୍ଜୁଲଇଁ ପମାହାଁ ନଣ୍ଡିତେରି । ୩୮ ଏଞ୍ଜାରି ଅଡ଼େ ତାନି ମୁମ୍ବୁ ଡ଼େଣ୍ଡେ ମେସାଲି ଆଡ଼ଅରି, ଏଞ୍ଜାସି ଶ୍ରେସାମାଟି କାତାତାକି ହାରେକା ଦୁକୁ କିତେରି, ତାୟୁ ଏଞ୍ଜାରି ଏଞ୍ଜାଣାଇଁ ଏୟୁ ଜାଜା ପାତେକା ଇଚି ହାଚେରି ।

୨୧

ପାଞ୍ଜୁଲ ଜିରୁସାଲମତା ହାନାୟି

୧ ଏଞ୍ଜାରି ତାଣାଟି ହେଲ ବେଗାଆହାନା ମାମ୍ବୁଏୟୁ ଜାଜାତା ହଟାହାଁ ସଲକେ ଜିରୁଟି କସ୍ତା ଖାଡ଼ମି, ତାନି ଅର ନେଚୁ ରଦାତା, ଇଞ୍ଜାଁ ଏମ୍ବାଟିଏ ପାଟାରାତା ଖାଡ଼ମି । ୨ ଏମ୍ବାଟିଏ ପୟିନିକିୟା ହାନି ଏୟୁ ଜାଜା ବେଗାଆହାନା ଏମ୍ବାଆଁ ହଟାହାଁ ହାଚମି । ୩ ତାୟୁ କୁପୁ ତଞ୍ଜା ଆହାଲିଏ ତାନି ଚେଟ୍ଟିଖାକି ପିସାନା ମାମ୍ବୁ ସିରିୟାତା ହାଜାନା ସରତା ଏଗାଟମି, ମାମ୍ବୁ ଚାୟରତା ଜାଜାଟି ରେଡମି, ଇଚିହିଁ ଏମ୍ବାଆଁ ଜାଜାଟି ଆସ୍ତି ରେପନାୟି ମାଚେ । ୪ ଏମ୍ବାଆଁ ନାମିତି ସୀୟୁୟି ପାରାନା ଏଞ୍ଜାରାଇଁ ବେଗାଆହାନା ଏମ୍ବାଆଁ ସାଡ଼ା ଦିନା ଡ଼ୟିତମି; ଇଞ୍ଜାଁ ପାଞ୍ଜୁଲ ଏନିକିଁ ଜିରୁସାଲମତା ହାଲଅସି ଏଦାଆଁତାକି ଏଞ୍ଜାରି ସୁଦୁଜୀଞ୍ଜୁ ତଳେ ବାଟିମାଲିତେରି । ୫ ମାମ୍ବୁ ସାଡ଼ା ଦିନା ଡ଼ୟିତି ତାୟୁ, ଏଞ୍ଜାରାଇଁ ପିସାନା ଜାହାରା ଜିରୁତା ହାଚମି, ଅଡ଼େ ମାଙ୍ଗେ ହେଲ ହିୟାଲି ଏଞ୍ଜାରି ବାରେଜାଣା ଇୟାସିକା କକାରି ପଦାୟି ତଳେ ଗାଡ଼ାଟି ପାଞ୍ଜାତା ମାନି

ସାମୁଦ୍ରି ଗାତୁ ପାତେକା ଇତି ଖାତେରି, ଏମାଆଁ ମେଣ୍ଡାକୁତାନା ମାମ୍ନୁ ବ୍ନାରେତମି ପ୍ରାତାନା କିତମି, ୨୭ ତାମ୍ନୁ ମାମ୍ନୁ ବ୍ନାରେକାଣାତି ହେଲ ହାହାନା; ଜାଜାତା ହତମି, ଇଞ୍ଜା ଏଞ୍ଜାରି ତାମି ଇଜ ଖେଣ୍ଡା ହାତେରି ।

୨୮ ମାମ୍ନୁ ସ୍ତର ଗାତାଟି ପତଲମାୟିତା ଏଗାହାତମି, ଇଞ୍ଜା ଏମାଆଁ ତାୟିୟାଣି ଜହରା କିହାନା ଏମାଆଁ ର ଦିନା ଏଞ୍ଜାରିତଲେ ତ୍ତୟିତମି । ୨୯ ଅତେ ଅର ନେରୁ ହାଜାନା କାୟିସରିୟାତା ଏଗାହାତମି, ଏମାଆଁ ମାମ୍ନୁ ନେହୁ ବଲୁ ଖେକ୍ନି ପିଲିପ ଇଜ ହାଜାନା ତ୍ତୟିତମି, ଜିରୁସାଲମତା ସେବା କାମା କିହାଲି ଆତାମାନି ସାତା ଜାଣା ବିତ୍ରାଟି ଏଞ୍ଜାରି ରଅସି ମାରେସି । ୩୦ ଏଞ୍ଜାଣାକି ସାରି ଜାଣା ଡାଆ ମାସ୍କା ମାତୁ, ଏଞ୍ଜି ବାରେ ମାହାପୁରୁ ଅଣପୁତି ବଲୁ ଖେହ୍ନାଇ ମାତୁ । ୩୧ ଏମାଆଁ ହାରେକା ଦିନା ତ୍ତୟିତି ତାମ୍ନୁ ଆଗାବ ଦରୁଗାଟି ର ମାହାପୁରୁ ଅଣପୁତି ବଲୁ ଖେହ୍ନାସି ଜାହୁଦା ଦେସାଟି ଖାତେସି । ୩୨ ଏଞ୍ଜାସି ମା ତାଣା ଖାହାନା ପାଞ୍ଜୁଲତି ଜାଟି ତ୍ତରି ଅହାନା ତାନି କେସ୍ତା କତାଣା ଦସା କତାନା ଏଲେଇରେସି, “ସୁଦୁଜୀଞ୍ଜୁ ଏଲେଇଞ୍ଜି ଖେସିମାଞ୍ଜାନେ, ଇଦାଆଁ ଦସା କତିନି ଜାଟି ତ୍ତରି ଗାଟାଣାଇଁ ଜିରୁସାଲମତି ଜାହୁଦି ଲକୁ ଇଲେକ” ଦସାନା ଜାହୁଦିଆଆତି ଲକୁତି କେୟୁତା ହେରପିନେରି ।”

୩୩ ଇ ବାରେ କାତା ଖେଞ୍ଜାନା ଜିରୁସାଲମତା ହାଲାଆନି ଇଞ୍ଜୁ ମାମ୍ନୁ ଅତେ ଏମାତି ଲକୁ ବାତିମାଲିତମି । ୩୪ ସାମା ପାଞ୍ଜୁଲ ଏଲେଇରେସି, “ମାରୁ ତ୍ତାହି ତ୍ତାହି” ଏନାଆଁତାକି ନା ହିୟାତି କାଡ଼ି କିହିମାଞ୍ଜେରି, ଏନିଇତିହୁଁ ନାନୁ ପ୍ରବୁ ଜାମୁ ତାକି ଜିରୁସାଲମତା ଦସପି ଆହାଲି ଆଏ ସାମା ହାହାଲି ଜିକେଏ ଅଣପିମାଇଁ, ଇଞ୍ଜୁ ଇରେସି ।”

୩୫ ଏଞ୍ଜାସି ମା କାତା ମାନଞ୍ଜି ଆଆତାକି ମାମ୍ନୁ ବ୍ନାରେ ପାଲେଏ ଆତମି, ଇଞ୍ଜା “ପ୍ରବୁତି କାତେଏ ଆପେ” ଇଞ୍ଜୁ ଇତମି ।

୩୬ ଏମାଆଁ ଏଚରଦିନା ମାଟି ତାମ୍ନୁ ମାମ୍ନୁ ମା ଆସି ଆସାନା ଜିରୁସାଲମତା ହାତମି । ୩୭ ଅତେ କୁପ୍ରତି ମନାସନ ଦରୁଗାଟି ର ନାମ୍ନୁଗାଟାସି ଅତେ କାୟିସରିୟାତି ଏଚରଜାଣା ସାସୁୟାଁ ମା ତଲେ ହାତେରି; ମନାସନ ଇଜ ମାମ୍ନୁ ତ୍ତୟିନାୟି ମାତେ ।

ଜାକୁବ ତଲେ ପାଞ୍ଜୁଲ ବେଟାଆନାୟି

୩୮ ମାମ୍ନୁ ଜିରୁସାଲମତା ଏଗାହାଜାଲିଏ ନାମିତି ତାୟିୟାଁ ମାଜେ ରାହାଁଟି ହାଟା ଅୟାତେରି । ୩୯ ଏ ଅର ନେରୁ ପାଞ୍ଜୁଲ ମା ତଲେ ଜାକୁବ ଇଜ ହାତେସି; ଅତେ ବାରେ ପ୍ରାତିନାଜ୍ଜା ଏମାଆଁ କୃତା ଆତେରି । ୪୦ ପାଞ୍ଜୁଲ ଏଞ୍ଜାରାଇଁ ଜହରା କିତି ତାମ୍ନୁ, ମାହାପୁରୁ ତାନି ସେବା କାମାତା ଜାହୁଦିଆଆତି ଲକୁତାଣା ଏନି ଏନି କାମା କିହାମାନେସି ଏ ବାରେ ଖେସ୍ତେସି । ୪୧ ଏଞ୍ଜାରି ଏଦାଆଁ ଖେଞ୍ଜାନା ମାହାପୁରୁତି ଜହରା କିତେରି, ଅତେ ଏଞ୍ଜାଣାଇଁ ଏଲେଇରେସି, “ଏ ତାୟି, ପାଞ୍ଜୁଲ ନାସି ମେସିମାଞ୍ଜି ଜାହୁଦିୟାଁ ବିତ୍ରାଟି ମାଣା ମାଣା ଲକୁ ନାମିମାନେରି, ଏଞ୍ଜାରି ବାରେଜାଣା ମେରାତି ମାନଞ୍ଜି ଆହିମାନେରି । ୪୨ ଏଞ୍ଜାରି କାତୁ ବେଟାଆହା ମାନେରି, ନାନୁ ଏଟକା କୃତାତାରି ତାଣା ବାସା ଆହାମାନି ବାରେ ଜାହୁଦି ଲକୁଣି ମସାତି ମେରା ପିସାଲି, ଏଞ୍ଜାରି କକାରି ତଲୁ ଦାତୁ, ଅତେ ଜାହୁଦି ଲକୁତି ପାଣାପାଟୁ ମାନଞ୍ଜି ଆଆତୁ ଇଞ୍ଜୁ ଜାପୁହିମାଞ୍ଜି । ୪୩ ନାନୁ ଇମାଆଁ ଖାହାମାନି କାତୁ ସାତେଏ ଏଞ୍ଜାରି ଖେନେରି, ଆତିହୁଁ ଏନି କିନାୟି ? ୪୪ ଏଦାଆଁତାକି ମାମ୍ନୁ ନିଜେ ଏନାଆଁ ଖେସିମାଞ୍ଜାନମି ଏଦାଆଁ କିମ୍ନୁ, ମା ତାଣା ସାରି ଜାଣା ମାନେରି, ଏଞ୍ଜାରି ପାରୁମାଣା କିହାମାନେରି; ୪୫ ଏଞ୍ଜାରିତଲେ ହାଲାମ୍ନୁ ଇଞ୍ଜା ଏଞ୍ଜାରିତଲେ ଆଣ୍ଡାନା ନିଜେ ଅଟହା କତାମ୍ନୁ, ଇଞ୍ଜା ଏଞ୍ଜାରି ତାର୍ଜା ହିଣି କାର୍ତୁ ହାମ୍ନୁ, ଆତିହୁଁ ବାରେ ଲକୁ ମେସାନା ଏଞ୍ଜାରି ନୀ କପାଟି ଖେସାମାନି କାତା ଏନି ସାତା ହିଲେଏ, ସାମା ନାନୁ ଜିକେଏ ମସା ମେରା ମାନଞ୍ଜି ଆହିମାଞ୍ଜି ଇଞ୍ଜୁ ପୁଞ୍ଜାମାନେରି । ୪୬ ଏସାମା ଆମିନି ଏଟକା କୃତାତାରି ନାମାମାନେରି, ଏଞ୍ଜାରି ପେଣ୍ଡାକା ବମାୟାକି ପୂଜା ହାହାମାନି ବଗ୍ନୁ ନେତେରି ଇଞ୍ଜା ହେରକି ତିଣ୍ଡାଗାନା ପାୟିତି ଜନ୍ତୁତି ଉଜ୍ଜା ତିନାଆତୁ, ଇଞ୍ଜା ଦାରିକାମାଟି ଏଟକା ଆତୁ, ଇଞ୍ଜୁ ମାମ୍ନୁ ଚାରିକିହାଁ ଏଞ୍ଜାରାକି ର ଆକୁ ରାଟାମାନମି ।”

୪୭ ଏମାଟିଏ ପାଞ୍ଜୁଲ ଅର ଦିନା ଏଞ୍ଜାରିତଲେ ହାଜାନା ଅଟହା କତିନି ମେରା ମାନଞ୍ଜି ଆତେସି, ଇଞ୍ଜା ମାହାପୁରୁ ଇଲୁତା ହାଜାନା ତାନି ଅଟହା କତିନି ଦିନାୟାଁ ଏତେଲା ରାଦେନ ଅତେ ବାରେଜାଣା ତାକି ଏନି ଏନି ପୂଜା କିନାୟିମାନେ ଏ ବାରେ ଖେସ୍ତେସି ।

ମାହାପୁରୁ ଇଲୁତା ପାଞ୍ଜୁଲ ଦସପି ଆନାୟି

୨୭ ଏ ସାତ୍ତା ଦିନା ପୁରା ଆହିମାଗାଟି ଆସିୟା ଦେସାଟି ଏଚେକା ଜୀହୁଦି ଲକ୍ଷୁ ମାହାପୁରୁ ଇଲୁତା ପାଞ୍ଚୁଲଇଁ ମେସାନା ଏଞ୍ଜାରି ଏମ୍ପାଆଁ କୁଡ଼ା ଆହାମାନି ମାନ୍ଦା ଲକ୍ଷୁଣି ମାତ୍ରଞ୍ଜି କିତେରି, ଅଡ଼େ ଏଞ୍ଜାଣାଇଁ ଆସାନା କାଲୁଞ୍ଜି ଆହିଁ ଏଲେଇଚେରି । ୨୮ “ଏ ଇସ୍ରାୟେଲତି ଲକ୍ଷୁ ସାଢ଼େମି କିୟାଦୁ: ଇଞ୍ଜାସି ସାରିଞ୍ଜାକି ହାଜାନା ଇସ୍ରାୟେଲ ଲକ୍ଷୁତି କପାଟି ଅଡ଼େ ମସା ହାତି ମେରା ଇଞ୍ଜା ଇ ମାହାପୁରୁ ଇଲୁ କପାଟି ଜାପୁହିମାନେସି । ଇଞ୍ଜା ନୀର୍ସି ଏଚରଜାଣା ଜୀହୁଦିଆପାତି ଲକ୍ଷୁଣି ମାହାପୁରୁ ଇଲୁତା ତାତାନା ସୁଦୁ ଚାୟୁତି ପଲୁଆ କିହିମାନେସି ।” ୨୯ *ଇତିହିଁ ଏଞ୍ଜାରି ଗାଡ଼ାତା ଏପିସିୟତି ତ୍ରୁପିମଇଁ ପାଞ୍ଚୁଲ ତଲେ ମେସାମାଚେରି, ଅଡ଼େ ଏଞ୍ଜାଣାଇଁ ମାହାପୁରୁ ଇଲୁତା ତାଗାମାନେସି ଇଞ୍ଜାଁ ଅଣ୍ଡିପାଚେରି ।

୩୦ ଏମ୍ପାଟିଏ ବାରେ ଗାଡ଼ା କିଲିବିଲି ଆଡ଼େ, ଇଞ୍ଜାଁ ଲକ୍ଷୁ ମାନ୍ଦା ମାନ୍ଦା ଆହିଁ ହଟାନା ପାଞ୍ଚୁଲଇଁ ଆସାନା ମାହାପୁରୁ ଇଲୁତି ରେଜା ତାଚେରି; ଇଞ୍ଜାଁ ଏ ଦେବୁଣିଏ ମାହାପୁରୁ ଇଲୁତି ଦାରାୟାଁ ସୁଣ୍ଡିଚେରି । ୩୧ ଅଡ଼େ ଏଞ୍ଜାରି ପାଞ୍ଚୁଲଇଁ ପାୟାଲି ଅଣ୍ଡିପଚେରି, ଇଞ୍ଜାଁ ଜିରୁସାଲମତା କାଜା ଗଡ଼ହା ଆହାମାନେ ଇଞ୍ଜାଁ ରିଜାରି କସକାଟି କାଜାଣି ତାଣା କାବୁ ହାଚେରି । ୩୨ ଏମ୍ପାଟିଏ ଏଞ୍ଜାସି ଦେବୁଣିଏ ରିଜାରି କସକା ଇଞ୍ଜାଁ ପାସାକଡ଼ି କସକା ମୁହେଁ କାଜାରାଇଁ ଆସାନା ଏଞ୍ଜାରିତାଣା ଦାବଡ଼ି ହାଚେସି, ଲକ୍ଷୁ ରିଜାରି କସକା ଅଡ଼େ କସକା ମୁହେଁ କାଜାରାଇଁ ମେସାନା ଏଞ୍ଜାରି ପାଞ୍ଚୁଲଇଁ ଝେଚାଲି ପିସ୍ତେରି । ୩୩ ଏମ୍ପାଟିଏ କସକା ମୁହେଁ କାଜାସି ପାଞ୍ଚୁଲ ତାଗେ ହାଜାନା ଏଞ୍ଜାଣାଇଁ ଆସାନା ରା ହିକ୍ସିୟାଁ ତଲେ ଦସାଲି ହୁକୁମି ହାଚେସି, ଅଡ଼େ “ଇଞ୍ଜାସି ଆମ୍ପାଆସି ? ଏନାଆଁ କିହାମାନେସି ଇଞ୍ଜାଁ ଝେଚେସି ?” ୩୪ ଏଚେଟିଏ ଲକ୍ଷୁ ବାରେ ଆମ୍ପାଆରି ଇ କାତା ଆମ୍ପାଆରି ଏ କାତା ଇଞ୍ଜାଁ କାଲୁଞ୍ଜି ଆଡ଼େରି, ଇଞ୍ଜାଁ ଏନାଆଁ ଆହାମାନେ ଇଞ୍ଜାଁ ତାଡ଼ପୁତି କାତା ପୁନାଆନା ପାଞ୍ଚୁଲଇଁ କଟା ଇଲୁତା ଅହାଲି କସକାଣି ହୁକୁମି ହାଚେସି । ୩୫ ଏଚିବେଲେ ଏଞ୍ଜାସି ପାଞ୍ଚୁଲ ପିଣ୍ଡାଣା ଏଗାହାଜାଲିଏ, ଲକ୍ଷୁତି ମାନ୍ଦା କାରବିଟି କାଲୁଞ୍ଜି ଆୟାଲିଏ କସକା ପାଞ୍ଚୁଲଇଁ ଇଲୁ ବିତ୍ତା ଡ଼େକା ଅଡ଼େରି । ୩୬ ଇତିହିଁ ମାନ୍ଦା ମାନ୍ଦା ଲକ୍ଷୁ ଢେଟ ଝାହିହିଁ “ଏଞ୍ଜାଣାଇଁ ପାୟାଦୁ” ଇଞ୍ଜାଁ କାଲୁଞ୍ଜି ଆହିମାଚେରି ।

ପାଞ୍ଚୁଲ ତାନ୍ତ୍ର ତାଜେତାକି ଝେହନାୟି

୩୭ ଏଞ୍ଜାରି ପାଞ୍ଚୁଲଇଁ କଟା ଇଲୁ ବିତ୍ତା ଅହିମାଗାଟି ଏଞ୍ଜାସି କସକା ମୁହେଁ କାଜାଣାଇଁ ଏଲେଇଚେସି, “ନାନୁ ନିଜେ ର କାତା ଝେସାଲି ଆଡ଼ାଇଁ କି ?” ଏମ୍ପାଟିଏ କାଜାସି ଏଲେଇଚେସି “ନାନୁ ଗ୍ରିକ ହାଡ଼ା ପୁଞ୍ଜି କି ? ୩୮ ଆତିହିଁ ଇଦାଆଁ ନଡ଼େଏ ଏମିନି ମିସରତି ଲକ୍ଷୁ ଗଡ଼ହା ହପୁହାନା ସାରି ମାଣା କାଟାଁରାଣି ଲକ୍ଷୁ ହିଲୁଆ ଚାୟୁତା ଅହାମାଗାଟି ନାନୁ ଏଞ୍ଜାଟି ଆଏ କି ?”

୩୯ ଏମ୍ପାଟିଏ ପାଞ୍ଚୁଲ ଏଲେଇଚେସି “ନାନୁତ ର ଜୀହୁଦି କିଲିକିୟା ଦେସାଟି ତାସି ଇଞ୍ଜିହିଁ ଝେଜିତି ଗାଡ଼ାତା ଜାର୍ନୀ ଆଡ଼ାଚେସି; ଇ ଲକ୍ଷୁଣି କାତା ଝେସାଲି ନାଜେ ହେଲ ହିୟାମୁ ।”

୪୦ ଏ କାଜାସି ହେଲ ହିୟାଲିଏ, ପାଞ୍ଚୁଲ ପାଞ୍ଚୁଜିକାଣା ନିନାନା ଲକ୍ଷୁଣି କେୟୁତଲେ ସାପି କିତେସି; ଇଞ୍ଜାଁ ବାରେଜାଣା ସାପି ଆହାଲିଏ ଏଞ୍ଜାସି ଏବୁ ହାଡ଼ାତଲେ ଏଞ୍ଜାଣାଇଁ ଏଲେଇଚେସି ।

୨୨

୧ “ଏ ତାୟିୟାଁ ଅଡ଼େ ତାଞ୍ଜିୟାଁଚେରି, ନାନୁ ନୀର୍ସି ମୀ ନକିତା ନା ଝାକିଟି କାତା ଝେସିମାଞ୍ଜାଇଁ, ଝେଞ୍ଜାଦୁ !” ୨ ପାଞ୍ଚୁଲ ଏଞ୍ଜାରି ନକିତା ଏବୁ ହାଡ଼ାତଲେ ଜଲିମାନାଣି ଝେଞ୍ଜାନା; ଏଞ୍ଜାରି ହାଡ଼ା ଆଆନା ପାଲେଏ ଆଡ଼େରି, ଅଡ଼େ ପାଞ୍ଚୁଲ ଜଲାଲି ମାଟୁହେସି ।

୩ ଏମ୍ପାଟିଏ ଏଞ୍ଜାସି ଏଲେଇଚେସି, “ନାନୁ ର ଜୀହୁଦି ଲକ୍ଷୁତେସି, କିଲିକିୟାଟି ତାସିତା ନା ଜାର୍ନୀ, ସାମା ନାନୁ ଇ ଜିରୁସାଲମ ଗାଡ଼ାତା ପହିପାଟି ଆହାମାଇଁ, ଗମଲିୟେଲ ତାଣା କୁଗାନା ଜାପାମାଇଁ, ମା ଆକୁ ଆବାୟାଁତି ମେରାଟି ନେହିଁ କିଁ ଜାପାମାଇଁ; ମୀରୁ ଏନିକିଁ ମାହାପୁରୁତି ସେବା କିହିମାଞ୍ଜେରି ନାନୁ ଜିକେଏ ଏଲେକିହିଁ ମାନୁଞ୍ଜି ଆନାତେସି ମାଚେସି; ୪ ନାନୁ ଇ ଜିରୁତା ତାକିମାନି ଇୟାସିକା ଆବାୟାଁଣି ହାନ୍ତି ପାଚେକା ସାସି କିହିମାଚେସି, ଅଡ଼େ ଦସପାନା କାୟିଦି ଲଲକାଣା ହେବୁପିମାଚେସି । ୫ ନା ଇ କାତା ସାତା, କାଜା ପୂଜେଚାଞ୍ଜା ଅଡ଼େ କାଜା ବେରଣି ମାଣ୍ଡାତାରି ନା ସାକି; ନାନୁ ଏଞ୍ଜାରି ତାଣାଟି ତାୟିୟାଁକି ଆକୁ ରାସାନା ଲକ୍ଷୁଣି ହିକ୍ସିୟାଁ ତଲେ ଦସପାନା ଜିରୁସାଲମତା ତାଗାଲି ତାକି ନାନୁ ଦମେସକତା ମାନି ଜୀହୁଦି ଲକ୍ଷୁତାଣା ହାଜାମାଚେସି ।”

* ୨୧:୨୯ ୨୧:୨୯ କାମା ୨୦:୪ * ୨୨:୩ ୨୨:୩ କାମା ୫:୩୪-୩୯ * ୨୨:୪ ୨୨:୪ କାମା ୮:୩; ୨୨:୯-୧୧

ପାଞ୍ଚୁଲ ତାନି ମନ ଖେଟୁହାଣି ଖେଟୁନାୟି
(କାମା ୯:୧-୧୯; ୨୭:୧୨-୧୮)

୨ “ନାନୁ ଦମେସକ ତାଗେ ଏଜିମାଗାଟି ମାଦେନା ବେଲାତା ଦେବୁଣିଏ ନା ସାରିଖାକି ହାଗୁଲାକଟି ର ଦାର୍ଢାଣା ଉଜେଡ଼ି ଡ଼ାଞ୍ଜିତେ । ୧ ଏମ୍ବାଟିଏ ନାନୁ ବୁମିତା ତରୁଗିତେଏ, ଇଞ୍ଜା ନାଜେ ତାକି ଖେସିମାଟି ଇ ହାଡ଼ା ଖେଚେଏ, ‘ସାଞ୍ଚୁଲ, ସାଞ୍ଚୁଲ ଏନାଆଁତାକି ନାଜେ ସାସ୍ତି ହାହିମାଞ୍ଜାଦି ?’ ୮ ନାନୁ ଏଲେଇଚେଏ, ‘ପ୍ରବୁ ନାନୁ ଆମ୍ବାଆତି ?’ ଏମ୍ବାଟିଏ ଏଞ୍ଜାସି ନାଜେ ଏଲେଇଞ୍ଜାତେସି, ‘ନାନୁ ଆମ୍ବାଆରାଇଁ ସାସ୍ତି ହାହିମାଞ୍ଜି ନାଜରିତତି ଜାସୁତେଏ ନାନୁ ।’ ୯ ନା ତଲେ ମାଟି ଲକୁ ଏ ଉଜେଡ଼ି ମେସ୍ତେରି ସାତା, ସାମା ନାଜେ ଖେସ୍ତାତି ହାଡ଼ା ଖେନାଆତେରି । ୧୦ ଏଚେଟିଏ ନାନୁ ଏଲେଇଚେଏ, ‘ପ୍ରବୁ ନାନୁ ଏନାଆଁ କିଇଁ ?’ ଏଚେଟିଏ ପ୍ରବୁ ନାଜେ ଖେସ୍ତାତେସି, ‘ନିଜାନା ଦମେସକତା ହାଲାମୁ, ଅଡ଼େ ନିଜେ ଏନାଆଁ କିହାଲି ଆନେ ଏନାଆଁ ଏମ୍ବାଆଁ ଖେସ୍ତାଇଁ ।’ ୧୧ ଏ ଉଜେଡ଼ି ମିଣସି ମାଗାକି ନାନୁ କାଣା ଆହାହାଚେଏ, ଇଞ୍ଜା ନା ତଲେ ଖାହିମାଗାରି ନାଜେ କେୟୁ ଆସାନା ଦମେସକତା ଅୟାତେରି ।”

୧୨ “ଏ ଗାଡ଼ାତା ହନନିୟ ଇଞ୍ଜିହଁ ର ଦାମ୍ବୁଗାଗାସି ମାଚେସି, ଏଞ୍ଜାସି ମା ମେରାତି ମାନୁଞ୍ଜି ଆନାସି, ଇଞ୍ଜା ଦମେସକତି ଜାହୁଦି ଲକୁତାଣା ମାନି ଗାଗାସି ଅଡ଼େ ଖେଜାତାସି ମାଚେସି । ୧୩ ଏଞ୍ଜାସି ନା ତାଣା ଖାହାନା ଦାରିତା ନିଗାନା ନାଜେ ଏଲେଇଞ୍ଜାତେସି, ‘ଏ ସାଞ୍ଚୁଲ ତାୟି ମେହମୁ’ ଏ ଦେବୁଣିଏ ନା କାଣାକା ଦେପିଆତୁ ଇଞ୍ଜା ନାନୁ ଏଞ୍ଜାଣାଇଁ ମେସାଲି ଆଡ଼ିଚେଏ । ୧୪ ଏଞ୍ଜାସି ଏଲେଇଞ୍ଜାତେସି, ‘ମା ଆକୁ ଆଦାୟାତି ମାହାପୁରୁ ତାନି କାତା ପୁଞ୍ଜାଲି ଅଡ଼େ ଏ ଟାରି ଗାଗାଣାଇଁ ମେସାଲି, ଅଡ଼େ ତାନି ଗୁଡ଼ିଟି ହଟିମାନି ହାଡ଼ା ଖେଞ୍ଜାଲି ଆଗାମାଞ୍ଜାତେସି । ୧୫ ଇତିହଁ ନାନୁ ଏନାଆଁ ମେସାମାଞ୍ଜି ଇଞ୍ଜା ଖେଞ୍ଜାମାଞ୍ଜି, ଏ ବାରେତାକି ବାରେ ଲକୁତାଣା ଖେସାଲି ନାନୁ ସାକି ଆଦି । ୧୬ ଅଡ଼େ ନାଏଁ ଏନାଆଁତାକି ଖେଡ଼ା କିହିମାଞ୍ଜି, ନିଜାମୁ ବାପିସ୍ତୁ* ଆହାନା ତାନି ତାଣା ପ୍ରାଡ଼ାନା କିହାନା ନା ପାପୁ ବାରେ ନରୁଞ୍ଜି କିହାକତାମୁ ।”

ପାଞ୍ଚୁଲ ଜାହୁଦିଆଆତି ଲକୁତାଣା ପାଣ୍ଡୁଞ୍ଜି ଆନାୟି

୧୭ “ଏମ୍ବାଟିଏ ନାନୁ ଜିରୁସାଲମତା ଖେଣ୍ଡା ଖାହାନା ମାହାପୁରୁ ଇଲୁତା ପ୍ରାଡ଼ାନା କିହିମାଗାଟି, ସେୟାଣା ହାପାନାତା ମେସ୍ତେଏ, ୧୮ ନାନୁ ସେୟାଣା ହାପାନାତା ପ୍ରବୁଇଁ ମେସ୍ତେଏ, ଏଞ୍ଜାସି ନାଜେ ଏଲେଇଞ୍ଜାତେସି, ‘ତବେ ଜିରୁସାଲମ ପିହମୁ, ଇତିହଁ ଇମ୍ବାଟି ଲକୁ ନା ସାକି ହାନାଟି ନୀ କାତା ଆହୁଅରି ।’ ୧୯ ଏମ୍ବାଟିଏ ନାନୁ ଏଲେଇଚେଏ ‘ପ୍ରବୁ ନାନୁ ଜାହୁଦି ଲକୁତି କୁଟମି ଇଲୁକାଣା† ହାଜାନା ନିଜେ ନାମାନାରାଇଁ ଖେଚାନା କାୟିଦି ଇଲୁତା ସୁଣ୍ଡିମାଗାଣି ଏଞ୍ଜାରି ନେହଁକଁ ପୁଞ୍ଜାମାନେରି; ୨୦ ଅଡ଼େ ଏଟିବେଲା ନୀ ସାକି ସ୍ତ୍ରୀପାନଇଁ ପାୟିତେରି, ନାନୁଏ ଏମ୍ବାଆଁ ମାଚେଏ; ଇଞ୍ଜା ବେଲେଏ ହାପେସି ଇଞ୍ଜା ଅଣ୍ଡିପିମାଚେଏ, ଅଡ଼େ ପାୟିମାଗାରି ହିମ୍ବିକା କାଟିମାଚେଏ ।’ ୨୧ ସାମା ପ୍ରବୁ ନାଜେ ଏଲେଇଞ୍ଜାତେସି, ‘ହାଲାମୁ ଇତିହଁ ନାନୁ ନିଜେ ହେକ ଦେସାତି ଜାହୁଦିଆଆତି ଲକୁତାଣା ପାଣ୍ଡାଇଁ ।”

୨୨ ପାଞ୍ଚୁଲ ଏଲେଇଞ୍ଜି ଖେହୁନି ପାଚେକା ଲକୁ ଖେଞ୍ଜିମାଚେରି, ସାମା ଏ ଦେବୁଣିଏ ଏଞ୍ଜାରି କାଜା ଗିୟାତଲେ କାଲୁଞ୍ଜି ଆହାନା ଏଲେଇଚେରି, “ଏଞ୍ଜାଣାଇଁ ପାଞ୍ଜାତା ତାଗାହାଁ ପାୟାନା ଦାବୁଡ଼ିଟି ମେକହା ତୁହୁ, ଏଞ୍ଜାସି ନୀତାଲି ପାଡ଼ାଆଅସି ।” ୨୩ ଅଡ଼େ ଏଟିବେଲା ଏଞ୍ଜାରି କିଲୁଡ଼ି କିହଁ ତାନି ହିମ୍ବିକା କୁଡ଼ିହଁ ଲାକଖାକି ଦୁଡ଼ି ଡ଼ାଞ୍ଜିତେରି, ୨୪ ଏଟିବେଲା ପାସାକଡ଼ି କସ୍କା ମୁହେଁ କାଜାସି ପାଞ୍ଚୁଲଇଁ କଟା ଇଲୁ ବିଡ଼ା ଅହାଲି ହୁକୁମି ହାଚେସି, ଅଡ଼େ ଜାହୁଦି ଲକୁ ଏନାଆଁତାକି ଏଞ୍ଜାଣି କପାଟି ଗଡ଼ହା କିହିମାନେରି, ଏନାଆଁ ପୁଞ୍ଜାଲି ପାଞ୍ଚୁଲଇଁ ସାଟୁଣି ତଲେ ଖେଚାନା ଖେଞ୍ଜୁ ଇଞ୍ଜା ହୁକୁମି ହାଚେସି । ୨୫ ସାମା ଏଞ୍ଜାରି ଏଞ୍ଜାଣାଇଁ ସାଟୁଣି ତଲେ ଖେଚାଲି ଡ଼ରିତଲେ ଦସାଲିଏ, ପାଞ୍ଚୁଲ ଦାରିତା ମାଟି ପାସାକଡ଼ି କସ୍କା ମୁହେଁ କାଜାଣାଇଁ ଏଲେଇଚେସି, “ଏମିନି ଦହୁତା ନୀହାୟି କିଞ୍ଜି ଆହାହିଲାଆ ର ରମ୍ ଦେସା ତାଣାଇଁ ସାଟୁଣି ତଲେ ଖେଚାଲି ଏନି ମୋରା ମାନେ କି ?”

୨୬ ଇଦାଆଁ ଖେଞ୍ଜାନା କହୁଏସି ପାସାକଡ଼ି କସ୍କା ମୁହେଁ କାଜାଣା ତାଣା ହାଜାନା ଏଲେଇଚେସି, “ନାନୁ ଏନାଆଁ କିହାଲି ହାଜିମାଞ୍ଜି, ଇତିହଁ ଇଞ୍ଜାସି ରମିୟ ଲକୁ ।”

୨୭ ଏମ୍ବାଟିଏ ପାସାକଡ଼ି କସ୍କା ମୁହେଁ କାଜାସି ଖାହାନା ପାଞ୍ଚୁଲଇଁ ଖେଚେସି, “ନାନୁ ନାଜେ ଖେସ୍ତାମୁ ନାନୁ ରମ୍ ଦେସାତାଟି କି ?” ପାଞ୍ଚୁଲ ଏଲେଇଚେସି “ହାଅ ।”

* ୨୨:୧୨ ୨୨:୧୨ମୁଞ୍ଜିନାୟି † ୨୨:୧୯ ୨୨:୧୯ ସିନଗରୁ ☆ ୨୨:୨୦ ୨୨:୨୦ କାମା ୭:୫୮

୨୮ ଏମାଟିଏ ପାସାକଡ଼ି କସ୍କା ମୁହେଁ କାଜାସି ଏଲେଇଚେସି, “ନାନୁ ହାରେକା ଟାକାୟାଁ ହାହାନା ରମ୍ପ ଦେସାତାତେଏଁ ଆହାମାଲ୍ ।” ସାମା ପାସ୍କୁଲ ଏଲେଇଚେସି, “ନାନୁତ ଜାନ୍ନାଟିଏ ।”

୨୯ ଏମାଟିଏ ଆମାଆରି ପାସ୍କୁଲଇଁ ଖେଞ୍ଜାଲି ତିୟାରା ଆହାମାଚେରି, ଦେବୁଣିଏ ଗୁଡା ଆହାହାଚେରି, ଇଡିହଁ ପାସ୍କୁଲ ରମ୍ପ ଦେସାତାସି ଇଞ୍ଜଁ ପୁଞ୍ଜାନା ର ମାଣା କସ୍କା ମୁହେଁ କାଜାସି ଏଞ୍ଜାଣାଇଁ ହିକ୍‌ଣିୟାଁ ତଲେ ଦସ୍‌ପି କିହାମାଚାକି ତାନୁଏ ଆଜିତେସି ।

କାଜା ବେରଣିମାଣ୍ଡା ନକିତା ପାସ୍କୁଲ

୩୦ ଜାହୁଦି ଲକୁ ପାସ୍କୁଲ କପାଟି ଏନି ଦାଞ୍ଜା କିହାମାନେରି, ଏଦାଆଁ ସାତା ତଲେ ପୁଞ୍ଜାଲିତାକି ର ମାଣା କସ୍କା ମୁହେଁ କାଜାସି ତାନି ଅର ନେରୁ ପାସ୍କୁଲତି ହିକ୍‌ଣିୟାଁ ହୁକ୍‌ହାନା କାଜା ବେରଣିମାଣ୍ଡାତି ବାରେଜାଣାତି କୁଡ଼ିକିହାଲି ପୁଜେରାଜାଣି ହୁକୁମି ହାତେସି । ତାୟୁ ପାସ୍କୁଲଇଁ ଏଞ୍ଜାରି ନକିତା ନିପହେସି ।

୨୩

୧ ପାସ୍କୁଲ ଜାହୁଦି ଲକୁତି କାଜା ବେରଣିମାଣ୍ଡାତା କୁଗାମାନି ଲକୁଣି ଆଚେ ସିନିକିହାନା ଏଲେଇଚେସି, “ଏ ଇସ୍‌ସାୟେଲ ତାୟିୟାଁତେରି ନାନୁ ନାସ୍ତୁପାତେକା ମାହାପୁରୁ ନକିତା ନେହଁ ଅଣପୁ ତଲେ ନୀତାମାଲ୍, ଏଦାଆଁତାକି ନା ହିୟାଁ ହାରେକା ଅତିତାୟି ।” ୨ ଇ କାତା ଖେଞ୍ଜାନା କାଜା ପୁଜେରା ହାନାନ ପାସ୍କୁଲ ଦାରିତା ନିଚାମାନି ଲକୁଇଁ ତାନି ଗୁଡିତା ଖେପୁ ଇଞ୍ଜଁ ହୁକୁମି ହାତେସି । ୩ *ପାସ୍କୁଲ ଏଞ୍ଜାଣାଇଁ ଏଲେଇଚେସି, “ଏ ହୁନୁ ଉସ୍‌ପିତି ଦବ୍‌ଲା କାତି ମାହାପୁରୁ ନିଜେ ଖେତାନେସି, ନାନୁ ମସାତି ମେରା ଲେହେଁ ନାଜେ ନାହାଁୟି କିହାଲି କୁଗାମାଟି ଜିକେଏ, ନାନୁ ନାଜେ ଖେଚାଲି ହୁକୁମି ହାହାନା ନାନୁଏ ମସାତି ମେରା ଉରିମାଞ୍ଜି !”

୪ ଏଚେଟିଏ ଦାରିତା ନିଚାମାଟି ଲକୁ ପାସ୍କୁଲଇଁ ଏଲେଇଚେରି, “ନାନୁ ମାହାପୁରୁତି କାଜା ପୁଜେରାଇଁ ଲାଜା କିହାମାଞ୍ଜି ।”

୫ ପାସ୍କୁଲ ଏଲେଇଚେସି, “ଏ ଇସ୍‌ସାୟେଲ ତାୟିୟାଁତେରି ଏଞ୍ଜାଣାଇଁ ନାନୁ କାଜା ପୁଜେରା ଇଞ୍ଜଁ ପୁଞ୍ଜା ହିଲ୍‌ଆତେଏଁ; ଇଡିହଁ ଦାମ୍‌ପିତିତା ରାସ୍କି ଆହାମାନେ, ମାରୁ ମୀ ସାଲ୍‌ଖି କିନାରାଇଁ ବାକା ଇଟାଆଧୁ ।”

୬ *ସାମା ପାସ୍କୁଲ ର ବାଗା ସାଦୁକିୟାଁ ଅଡେ ର ବାଗା ପାରୁସିୟାଁ ମାନେରି ଇଞ୍ଜଁ ପୁଞ୍ଜାନା, କାଜା ବେରଣିମାଣ୍ଡାତା କାଜା ଗିୟାଁତଲେ ଏଲେଇଚେସି, “ଏ ଇସ୍‌ସାୟେଲ ତାୟିୟାଁତେରି ନାନୁ ର ପାରୁସିତେଏଁ ଇଞ୍ଜାଁ ପାରୁସି ମୀରଏଣାତେଏଁ; ଇଞ୍ଜାଁ ହାଡାରି ଖେଶ୍‌ଶେ ନିଜିନେରି ଇଞ୍ଜଁ ଆସା କିହିମାନାକି ମୀରୁ ନାଜେ ନାହାଁୟି କିହିମାଞ୍ଜାଦେରି ।”

୭ ଏଞ୍ଜାସି ଇ କାତା ଏଲେଇଶମ୍‌ନିଏ ପାରୁସି ଅଡେ ସାଦୁକି ଲକୁ ବିତ୍ତା ଗଡୁହା ହଡେ, ଇଞ୍ଜାଁ କାଜା ବେରଣି ମାଣ୍ଡାତାରି ଗଟି ଗଟି ଆହାଁ ରୀ ବାଗା ଆଡେରି । ୮ *ଇଡିହଁ ସାଦୁକିୟାଁ ଖେଶ୍‌ଶେ ନିଜିନାୟି ହିଲେଏ, ଦୁତୁୟାଁ ଅଡେ ଜାସ୍‌ସୁୟାଁ ହିଲାଉ ଇନେରି, ସାମା ପାରୁସିୟାଁ ଏ ବାରେତି ନାମିନେରି । ୯ ଏମାଟିଏ କାଜା ଗଡୁହା ଆଡେ, ଅଡେ ପାରୁସିୟାଁ ବିତ୍ତାଟି ଏଚରଜାଣା ମେରାପୁନାରି ନିଜାମା ଏଲେଇଚେରି; “ମାମୁ ଛୁଞ୍ଜାଣି ତାଣାଟି ଏନି ଦହ ବେଟାଆଥାତମି, ସାତେଏ ଏଞ୍ଜାଣି ତାଣାଟି ର ଜାସ୍‌ସୁ ଆଥାତଁ ଲାକପୁରୁତି ଦୁତୁ କାତା ଖେସାମାନେ ।”

୧୦ ଇଲେଆହଁ କାଜା ଗଡୁହା ଆହାଲିଏ, ପାସ୍କୁଲଇଁ ଏଞ୍ଜାରି କାଣ୍ଡାମୁକା କିନେରି ଇଞ୍ଜଁ ଆଜିତାକି ର ମାଣା କସ୍କା ମୁହେଁ କାଜାସି ପାସ୍କୁଲଇଁ ଏଞ୍ଜାରି ତାଣାଟି ଗେଲ୍‌ପାନା ବାଲ୍‌ମିଟି କଟା ଇଲୁ ବିତ୍ତା ଅହାଲି କସ୍କାଣି ହୁକୁମି ହାତେସି ।

୧୧ ଏ ନେରୁ ଲାଆଁୟାଁ ପ୍ରୁ ପାସ୍କୁଲଇଁ ଏଲେଇଚେସି, “ଆଜାଆନି, ସାସା ଆହମୁ ଇଡିହଁ ନାନୁ ଜିରୁସାଲମତା ଏନିକଁ ନା ସାକି ହାଟି, ରମ୍ପ ଗାଡାତା ଜିକେଏ ଏଲେକିହଁ ନା ସାକି ହାନାୟି ମାନେ ।”

ପାସ୍କୁଲଇଁ ପାୟାଲି ଅଣ୍ଡିପିନାୟି

୧୨ ଅର ଦିନା ଲାକ, ଜାହୁଦିୟାଁ ଜାଟୁ ଆହାନା ପାସ୍କୁଲଇଁ ପାୟାଆ ପାତେକା ଏନି ରାୟା କି ଏୟୁ ତୀଗାଆପ ଇଞ୍ଜଁ ତାମ୍‌ତାମ୍‌ସୁ ପାରମାଣା କିହାମାଚେରି । ୧୩ ଏଲେଇଞ୍ଜି ଅଣ୍ଡି ମାଚାରି ରୀ କଡ଼ି ଜାଣାଟିଏ ଆଗାଡ଼ା ମାଚେରି । ୧୪ ଏଞ୍ଜାରି କାଜା ପୁଜେରାଜା ଅଡେ ପ୍ରାତିନାଜା ତାଣା ଖାହାଁ ଏଲେଇଚେରି, “ମାମୁ ପାସ୍କୁଲଇଁ ପାୟାଲି ଆଡାଆ ପାତେକା ଏନାଆଁ ତିନଅମି କି ତାଚଅମି ଇଞ୍ଜଁ ମାମୁ ମାଜେତାକି ପାରମାଣା କିହାମାନମି । ୧୫ ଏଦାଆଁତାକି କାଜା ବେରଣିମାଣ୍ଡାତି କାଜାରି ହାଜାନା, ର ମାଣା କସ୍କା ମୁହେଁ

* ୨୩:୩ ୨୩:୩ ମାଟି ୨୩:୨୭,୨୮ * ୨୩:୬ ୨୩:୬ କାମା ୨୬:୫; ପିଲିପି ୩:୫ * ୨୩:୮ ୨୩:୮ ମାଟି ୨୨:୨୩; ମାର୍କ ୧୨:୧୮; ଲୁକ ୨୦:୨୭

କାଜାଣାଇଁ ନାଡ଼ି କିହଁ ଏଲେଇଞ୍ଜୁ, ମାମୁ ପାଞ୍ଜୁଲ ଏନାଆଁ କିହାମାନାଣି ନେହଁ କଁ ଖେନନି ଇଞ୍ଜିହଁ ମୀ ତାଣା ହାଡ଼ିକିଦୁ, ଏଚେଟିଏ ଏଞ୍ଜାସି ମୀ ତାଣା ଏଗାଞ୍ଜାଆ ନକେଏ ପାୟାଲି ଜାଗ୍ରାତା ଅହା ଡ଼ୟନମି ।”

୧୭ ଯାମା ପାଞ୍ଜୁଲ ତାମି ବାଣଞ୍ଜା କସ୍କା ଜଲୁକି ଆହିମାଟି କାତା ଡ଼ଗୁନା ଖେଚେସି; ଇଞ୍ଜା କଟା ଇଲୁ ବିଦ୍ଵା ଖାହାନା ପାଞ୍ଜୁଲଇଁ ଈ ବାରେ କାତା ଖେସ୍ତେସି । ୧୭ ଏଚେଟିଏ ପାଞ୍ଜୁଲ ର ରମିୟ କହୁଏଣାଇଁ ହାଟାନା ଏଲେଇଚେସି, “ଇ ଦାଂଗଣେଣାଇଁ ର ମାଣା କସ୍କା ମୁହେଁ କାଜାଣି ତାଣା ଅମୁ, ଇତିହଁ ଇଞ୍ଜାସି ର କାତା ଏଞ୍ଜାଣାଇଁ ଖେହନାୟି ମାନେ ।” ୧୮ ଏଚେଟିଏ ଏଞ୍ଜାସି ର ମାଣା କସ୍କା ମୁହେଁ କାଜାଣି ତାଣା ଅହାନା ଏଲେଇଚେସି, “କାୟିଦିତା ମାନି ପାଞ୍ଜୁଲ ନାଜେ ହାଟାନା ନୀ ତାଣା ଈ ଦାଂଗଣେଣାଇଁ ତାଚାଲି ବାଡ଼ିମାଲ୍ଲାତେସି, ନିଜେ ଖେସାଲି ଇଞ୍ଜାଣାକି ର କାତା ମାନେ ।”

୧୯ ର ମାଣା କସ୍କା ମୁହେଁ କାଜାସି ଏଞ୍ଜାଣି କେୟୁ ଆସାନା ଲକୁ ହିଲ୍ଲାଆ ତାଣା ଅହାନା ଖେଚେସି, “ନାଜେ ନୀନୁ ଏନାଆଁ ଖେସ୍ତାୟିମାନେ ଖେସ୍ତାମୁ ।”

୨୦ ଏଞ୍ଜାସି ଏଲେଇଚେସି, “ପାଞ୍ଜୁଲ ଏନାଆଁ କିହାମାନେସି ଏନାଆଁ ନେହଁ କଁ ପୁଞ୍ଜାଲି ଏଞ୍ଜାଣାଇଁ ଓଏ କାଜା ବେରଣିମାଣ୍ଡାତା ମା, ତାଣା ତାମୁ ଇଞ୍ଜୁ ଜାହୁଦି ଲକୁଡ଼ି କାଜାରି ନାଡ଼ିକିହାନା ନିଜେ ବାଡ଼ିମାଲ୍ଲାନେରି, ୨୧ ଯାମା ନୀନୁ ଏଞ୍ଜାରି କାତା ମାନଓ ଆଧାନି, ଇତିହଁ ଏଞ୍ଜାଣାଇଁ ପାୟାଲି ଆଡ଼ାଆ ପାଚେକା ରାୟା ତିଚିହଁ କି ତାରିତିହଁ ମାଜେ ବାକା ଆଟାପେ ଇଞ୍ଜୁ ମାନି କିହାନା ରୀ କଡ଼ିଟିଏ ଆଗାଡ଼ା ଲକୁ ଡ଼ଗୁଆହାଁ କାଟାମାନେରି, ନୀଏଁ ଏଞ୍ଜାରି ନୀ ତାଣାଟି ହେଲ ବେଟାଆହାଲି କାଡ଼ିମାନେରି ।”

୨୨ ଏଚେଟିଏ ର ମାଣା କସ୍କା ମୁହେଁ କାଜାସି ଏଲେଇଚେସି, “ନୀନୁ ନାଜେ ଖେସ୍ତାତି କାତା ଆମ୍ବାଆରାଇଁ ଖେହଆନି” ଇଞ୍ଜୁ ଖେସାନା ଏ ଦାଂଗଣେଣାଇଁ ପାଣ୍ଡିତେସି ।

ପେଲିକସ୍ ତାଣା ପାଞ୍ଜୁଲଇଁ ପାଣ୍ଡିନାୟି

୨୩ ର ମାଣା କସ୍କା ମୁହେଁ କାଜାସି ତାନି ଡ଼ଇ କାମା କିନି ପାସାକଡ଼ି କସ୍କା ମୁହେଁ କାଜାରାଇଁ ରିଆରାଇଁ ହାଟାନା ଏଲେଇଚେସି, “ନୀଞ୍ଜୁ ଲାଆଁୟାଁ ନ ଗଂଟା ବେଲ୍ଲାତା କାୟିସରିୟାତା ହାଜାଲିତାକି ତାନିକଡ଼ି ଦସ ଜାଣା ଗଡ଼ାତା ହାନାରି ଅଡ଼େ ରୀ ଖାଞ୍ଜା ବାଲ୍ଲାଁ ଗାଟାରି ତଲେ ରୀ ଖାଞ୍ଜା କସ୍କାଣି ତିୟାରା କିଦୁ । ୨୪ ଅଡ଼େ ଏଞ୍ଜାରି ଏନିକଁ ପାଞ୍ଜୁଲଇଁ ଗଡ଼ା ଲାକ କୁରିକିହାନା ସାଲୁଓ କିନି ପେଲିକସ୍ ତାଣା ଜାଗ୍ରାତା ତଲେ ଅନେରି, ଏନାଆଁତାକି ବାରେ କିହାଲି ହୁକୁମି ହାତେସି ।” ୨୫ ର ମାଣା କସ୍କା ମୁହେଁ କାଜାସି ଇଲେଇଞ୍ଜୁଁ ର ଆକୁ ରାଡ଼ିଚେସି;

୨୬ “ଏ ମାନିଗାଟି ଦେସା ସାଲୁଓ କିନି ପେଲିକସ୍ କ୍ଲାଞ୍ଜୁଦିୟା ଲୁସିୟାତି ଜହରା । ୨୭ ଜାହୁଦିୟାଁ ଈ ଲକୁଇଁ ଆସାନା ପାୟାଲି ଅଣ୍ଡିପାଟି ବେଲ୍ଲାତା, ଏଞ୍ଜାସି ର ରମିୟ ଲକୁ ଇଞ୍ଜୁଁ ପୁଞ୍ଜାନା, ନୀନୁ କସ୍କା ତଲେ ହାଜାନା ଏଞ୍ଜାଣାଇଁ ପିସ୍ପି କିଚେସଁ । ୨୮ ଏଞ୍ଜାସି ଏଞ୍ଜାରି କପାଟି ଏନି ଦହ କିହାମାନେସି ପୁଞ୍ଜାଲି ନୀନୁ ଏଞ୍ଜାଣାଇଁ ତାମି କାଜା ବେରଣିମାଣ୍ଡାତା ଅହାମାଚେସଁ । ୨୯ ଯାମା ଏଞ୍ଜାସି ହାନି ତଣ୍ଡ କି କାୟିଦି ତଣ୍ଡ ବେଟାଆନି ଲେହେଁତି ଏନି ଦହ କିହାହିଲଅସି ଇଞ୍ଜୁଁ ନୀନୁ ପୁଚେସଁ, ତାନି କପାଟି ଖାଞ୍ଜା ତାମି ମେରାତି କାତାତାକି ଏଞ୍ଜାଣାଇଁ ଦହ ଦସାମାନେରି । ୩୦ ଏଞ୍ଜାରି ନାଡ଼ିକିହାଁ ଏଞ୍ଜାଣାଇଁ ପାୟାଲି ଅଣ୍ଡିପାମାନେରି ଇଞ୍ଜୁଁ ନାଜେ କାବୁ ହିୟାଲିଏ ନୀନୁ ଇଞ୍ଜାଣାଇଁ ଖେଡ଼ାକିଆନା ନୀ ତାଣା ପାଣ୍ଡାଚେସଁ; ଏଞ୍ଜାଣାଇଁ ଦହ ଦସାମାନାରାଇଁ ଜିକେଏ ନୀ ନକିତା ଏଞ୍ଜାଣି କପାଟି ସାକି ହାହାଲି ଖେସା ପାଣ୍ଡାଚେସଁ ।”

୩୧ ଏମାଟିଏ କସ୍କା ହୁକୁମି ବେଟାଆହାନା ପାଞ୍ଜୁଲଇଁ ଅହାନା ଲାଆଁୟାଁ ବେଲ୍ଲାତା ଏଞ୍ଜାଣାଇଁ ଆନ୍ତିପାଡ଼ିତା ତାଚେରି । ୩୨ ଅର ଦିନା ଗଡ଼ାୟାଁ ଗାଟାରାଇଁ ଏଞ୍ଜାଣିତଲେ ହାଜାଲି ପିସାନା, କସ୍କା କଟା ଇଲୁତା ଖେଣ୍ଡା ଖାଚେରି । ୩୩ ଗଡ଼ାୟାଁ ଗାଟାରି କାୟିସରିୟାତା ଖାହାନା, ସାଲୁଓ କିନି ପେଲିକସ୍ କି ଆକୁ ହାହାନା ପାଞ୍ଜୁଲଇଁ ଏଞ୍ଜାଣି ତାଣା ହେଚ୍ପିଚେରି । ୩୪ ଏଞ୍ଜାସି ଏ ଆକୁ ପଡ଼ଓ ଆଡ଼ି ତାୟୁ ନୀନୁ ଏନିନି ରାଜିତାତି ଇଞ୍ଜୁଁ ଖେଚେସି; ଅଡ଼େ ଏଞ୍ଜାସି କିଲିକିୟାତି ଲକୁ ଇଞ୍ଜୁଁ ପୁଚେସି, ୩୫ ଇଞ୍ଜାଁ ଏଞ୍ଜାସି ଏଲେଇଚେସି, “ନିଜେ ଦହ ଦସାମାଞ୍ଜାନାରି ଇମ୍ବାଆଁ ଖାଡ଼ିସାରେ ନୀନୁ ନୀ କାତା ଖେଞ୍ଜାଇଁ” ଅଡ଼େ ଏଞ୍ଜାସି ପାଞ୍ଜୁଲଇଁ ହେଚଦତି ଇଜ ଇଟାଲି ହୁକୁମି ହାତେସି ।

୨୪

ଜାହୁଦି ଲକୁ ପାଞ୍ଜୁଲ କପାଟି ଦାଞ୍ଜା କିନାୟି

୧ ପାସା ଦିନା ତାୟୁ କାଜା ପୁଜେରା ହାନାନ, ଏଚେକା ପାଟିନାଞ୍ଜା ଅଡ଼େ ତରୁଲ ଦରୁଗାଟି ଅକିଲା ତଲେ କାୟିସରିୟାତା ଖାଚେରି, ଅଡ଼େ ଏଞ୍ଜାରି ପାଞ୍ଜୁଲ କପାଟି ସାଲୁଓ କିନି ପେଲିକସ୍ ତାଣା ଦାଞ୍ଜା

କିତେରି । ୨ ପାଞ୍ଚଲଇଁ ଏମ୍ବାଆଁ ତାଗାଲିଏ, ତରତୁଲ ଏଞ୍ଜାଣି କପାଟି ଏଲେଇତେସି, “ଏ ମାନ୍ନିଗାଟି ପେଲିକସ୍ୟ ନୀ ତାଣାଟି ମାମ୍ବୁ ହାରେକା ଦିନାଟିଏ ହିଡ଼ଡ଼ି ବେଟାଆହି ମାନମି, ଇଞ୍ଜା ନାନୁ ମା ଦେସାତାକି କିହାମାନି କାମା ବାରେ ଇ କୃତା ତାରାକି ହାରେକା ନେହେଁ ଆହାମାନେ । ୩ ଇଦାଆଁ ମାମ୍ବୁ ହାରେକାଣା ତଲେ ବାରେ ତାଣା ହାରେକା ମାନ୍ନିତଲେ ପେଲିକସ୍ୟାଁ ମାନ୍ନି ଆହିମାନମି । ୪ ସାମା ନାନୁ ନିଜେ ଏନିକିଁ ହାରେକା ବିତିବିତା କିୟଅଁ, ଇଦାଆଁତାକି ନାନୁ ନାଜେ କାର୍ମାମେସାନା ମା ଏତରଗଟା କାତା ଖେଞ୍ଜାଲିତାକି ନିଜେ ବାତିମାଲିମାଞ୍ଜାଇଁ । ୫ ଇଚିହଁ ଇ ମାଣ୍ଡସି ଆଜିହସପତି ଗଡ଼ହା ଗାଗାସି, ଏଞ୍ଜାସି ଦାରତତି ବାରେଞ୍ଜାକି ମାନି ଜୀହୁଦୟାଁ ତାଣା ଗଡ଼ହା ହସ୍ତନାସି, ଅଡ଼େ ନାଜରିତ ଗତିତି ର କାଜାସି ଇଞ୍ଜାଁ ମାମ୍ବୁ ପୁଞ୍ଜାମାନମି; ୬ ଅଡ଼େ ଜିକେଏ ମାହାପୁରୁ ଇଲୁତି ଲାଗେଏ କିହାଲି ଅଣ୍ଡାପାମାରେସି, ଏଚିବେଲା ମାମ୍ବୁ ଇଞ୍ଜାଣାଇଁ ଆସୁମି, ଅଡ଼େ ମା ମୋରାତି ଲେହେଁ ଇଞ୍ଜାଣାଇଁ ନୀହାଁସି କିୟାଲି ଅଣ୍ଡାପାମାଚମି । ୭ ସାମା ର ମାଣା କସ୍ତା ମୁହେଁ କାଜାସି ଲୁସିୟା ଖାହାନା ଏଞ୍ଜାଣାଇଁ ମା ତାଣାଟି ବାଡ଼ୁମୁ ତଲେ ମୀଞ୍ଜା ଅୟାତେସି, ୮ ଅଡ଼େ ଇଞ୍ଜାଣାଇଁ ଦହ ଦସିମାନାରାଇଁ ନୀ ତାଣା ଖାହାଲି ହୁକୁମି ହୀତେସି, ଇ ବାରେ କାତାତାକି ନାନୁ ଇଞ୍ଜାଣାଇଁ ଖେଚିହଁ ମାମ୍ବୁ ଏଞ୍ଜାଣି କପାଟି ଦାଞ୍ଜା କିହାମାନାଣି ପୁଞ୍ଜାଲି ଆଡ଼ିଦି ।” ୯ କୃତା ଆହାମାଟି ଜୀହୁଦୟାଁ ଜିକେଏ ଦାଞ୍ଜା କିହାମାନାଟି ତଲେ ଆଣ୍ଡାନା ଇ ବାରେ କାତା ସାତା ଇଞ୍ଜାଁ ଇଚେରି ।

ତାନି ଖାକିଟି ପାଞ୍ଚଲ ପେଲିକସ୍ୟ ନକିତା ଖେହ୍ନାୟି

୧୦ ଏଚେଟିଏ ସାଲୁଞ୍ଜି କିନାସି ଖାଞ୍ଜୁ ହୁଟାନା ପାଞ୍ଚଲଇଁ ଜଲ୍ଲାଲି ହେଲ ହୀତେସି, ଇଞ୍ଜାଁ ପାଞ୍ଚଲ ଏଲେଇତେସି, “ନାନୁ ହାରେକା ବାର୍ଯ୍ୟା ଆଡ଼େ ଇ କୃତାତାରାଇଁ ନୀହାଁସି କିନାଟି ଆହାମାଞ୍ଜି ଇଞ୍ଜାଁ ପୁଞ୍ଜାନା, ନାନୁ ସାସାତଲେ ନା ଖାକିଟି ଖେସିମାଞ୍ଜାଇଁ । ୧୧ ବାର ଦିନାଟିଏ ଆଗାଡ଼ା ଆଏ, ନାନୁ ମାହାପୁରୁତି ସେବା କିହାଲି ଜିରୁସାଲମତା ହାଜାମାଚେସି, ଇଦାଆଁ ନାନୁ ଖେଞ୍ଜାନା ପୁଞ୍ଜାଲି ଆଡ଼ିଦି । ୧୨ ଅଡ଼େ ଇଞ୍ଜାରି ମାହାପୁରୁ ଇଲୁତାକି ଜୀହୁଦି ଲକୁଡ଼ି କୁଟମି ଇଲୁତା* କି ଗାଡ଼ାତି ଆମିନି ଟାୟୁତା ଆମ୍ବାଆରି ତଲେ ବାଡ଼ିବାଡ଼ା କିତାଣି କି ଗଡ଼ହା ହସ୍ତହାଣି ଇଞ୍ଜାଁ ଜୀହୁଦୟାଁଣି ମାଡ଼ୁଞ୍ଜି କିହାମାଗାଣି ଇଞ୍ଜାରି ମେସାମାଞ୍ଜାଅରି, ୧୩ ଇଞ୍ଜାଁ ନୀସି ନା କପାଟି ତାଗାମାନି ଦହ ତାକି, ଏଞ୍ଜାରି ନୀ ନକିତା ଏନି ପାରମାଣା ତସାଲି ଆଡ଼ିଅତି । ୧୪ ସାମା ନାନୁ ନିଜେ ଇଦାଆଁ ଖେସିମାଞ୍ଜାଇଁ; ଇଞ୍ଜାରି ଏମିନି ଜିରୁତି ମିତି ଇଞ୍ଜାମାନେରି, ଏ ଜିରୁ ତାକାନା ନାନୁ ମା ଆକୁ ଆବାୟାତି ମାହାପୁରୁଇଁ ଜହରା କିହମାଇଁ, ସାମା ନାନୁ ଜିକେଏ ମସାତି ମୋରା ଅଡ଼େ ମାହାପୁରୁ ଅଣ୍ଡାପୁତି ବଲୁ ଖେହ୍ନାରି ପତିତା ଏନାସି ରାସ୍ତକି ଆହାମାନେ ଏ ବାରେ ନାମିମାଇଁ; ୧୫ ଇଞ୍ଜାରି ଲେହେଁ ମାହାପୁରୁ ତାଣା ନା ଏ ରଣ୍ଡିଏ ଆସା ମାନେ ଦାମ୍ବୁଗାଗାରି ଅଡ଼େ ଦାମ୍ବୁ ହିଲାଆ ଗାଗାରି ବାରେ ଲକୁ ହାଡ଼ାରି ତାଣାଟି ଖେଶ୍ରେ ନିଜିନେରି ଇଞ୍ଜାଁ ନୀ ନକିତା ଖେସିମାଞ୍ଜାଇଁ । ୧୬ ଏଦାଆଁତାକି ନାନୁ ଜିକେଏ ମାହାପୁରୁ ଅଡ଼େ ଲକୁ ନକିତା ବାରେଦିନା ନେହଁ ଅଣ୍ଡାପୁ ତଲେ ତୟାଲି ଅଣ୍ଡାପାଇଁ ।”

୧୭ “ହାରେକା ବାର୍ଯ୍ୟା ଜେଟ ନାନୁ ମା ଲକୁତାଣା ଦାନା ତାଗାଲି ଅଡ଼େ ମାହାପୁରୁ ତାଣା ପୂଜା କିୟାଲି ଜିରୁସାଲମତା ଖାହାମାଚେସି । ୧୮ ଏଚିବେଲାତା ନାନୁ ମାହାପୁରୁ ଇଲୁତା ଅଡ଼ହା କତିନି ମୋରା ରାପୁହିମାଟି ବେଲାତା ଇଞ୍ଜାରି ନାଜେ ମାହାପୁରୁ ଇଲୁତା ମେସାତେରି; ଏଚିବେଲା ନା ତଲେ ମାଦା ଲକୁ ହିଲାଆଚେରି କି ଏମ୍ବାଆଁ ଏନି ଗଡ଼ହା ହିଲାଆତେ, ୧୯ ସାମା ଆସିୟାତି ଏଚରଜାଣା ଜୀହୁଦୟାଁ ଏମ୍ବାଆଁ ମାଚେରି; ନା କପାଟି ଏଞ୍ଜାରି ଏନି କାତା ମାଚିହଁ ଏଞ୍ଜାରି ନୀ ନକିତା ଖାହାନା ଦାଞ୍ଜା କିଚିହଁ ନେହେଁ ଆଡ଼େମା । ୨୦ ନାନୁ କାଜା ବେରଣିମାଣ୍ଡା ନକିତା ନିତାମାଟି ବେଲାତା ଏନି ଦହ ମେସାମାଚିହଁ ଇଦାଆଁ ମାନି ଇ ଲକୁ ନାଜେ ଖେସ୍ତାପେରି, ୨୧ ନାନୁ ରଣ୍ଡିଏ କାତା ଖେସାମାଚେସି ଏଞ୍ଜାରି ନକିତା ନିତାମାଟି ବେଲାତା ନାନୁ ଆଡ଼ିଞ୍ଜାତଲେ ଏଲେଇଞ୍ଜା ମାଚେସି, ହାଡ଼ାରି ଖେଶ୍ରେ ନିଜିନେରି ଇଞ୍ଜାଁ ନାନୁ ନାମାମାନାକି ନୀଞ୍ଜୁ ମା ତାଣାଟି ନୀହାଁସି କିଞ୍ଜି ଆହିମାଇଁ ।”

୨୨ ସାମା ପେଲିକସ୍ୟ ଏ ଜିରୁତି କାତା ପୁଞ୍ଜାମାଗାକି ନୀହାଁସି କିହାଲି ବାୟିଦା କିହାନା ଏଲେଇତେସି, “ର ମାଣା କସ୍ତା ମୁହେଁ କାଜାସି ଲୁସିୟା ଖାଡ଼ିଦେହେଁ ନାନୁ ମା ନୀହାଁସି ଡିକହାଇଁ,” ଇଞ୍ଜାଁ ଖେସା ପାଣ୍ଡିତେସି । ୨୩ ଏଞ୍ଜାସି ପାସାକଡ଼ି କସ୍ତା ମୁହେଁ କାଜାଣାଇଁ ଏଲେଇତେସି, ତାନି ଲକୁ ଅଡ଼େ ତଣେସିଙ୍ଗା ତାନି ସେବା କିହାଲି କାହି କିଆନି, ଅଡ଼େ ତାନି କାୟିଦିତା ମାନାସି ଇଞ୍ଜାଁ ଗେଲ୍ପାନା ଏଞ୍ଜାଣାଇଁ ହିଡ଼ଡ଼ି ତଲେ ଲେମ୍ବାଲି ଏଲେଇତେସି ।

ପେଲିକସ୍ୟ ଅଡ଼େ ଦୁସିଲା ନକିତା ପାଞ୍ଚଲ

* ୨୪:୧୨ ୨୪:୧୨ ସିନଗର ☆ ୨୪:୨୧ ୨୪:୨୧ କାମା ୨୩:୬

୨୪ ଏତରଦିନା ତାୟୁ ପେଲିକସ୍ ଦୁସିଲା ଦରୁଗାଟି ଜୀହୁଦି ତାନି ତକ୍ତି ତଲେ ଖାତେସି, ଏଞ୍ଜାସି ପାଞ୍ଜୁଲଇଁ ହାଟ୍ଟି କିହାନା କ୍ରୀସ୍ତ ଜୀସ୍ତ ତାଣା ନାମିନି କାତା ଏଞ୍ଜାଣି ତାଣାଟି ଖେରେସି । ୨୫ ସାମା ପାଞ୍ଜୁଲ ଦାମ୍ପତି କାତା, ତାର୍ପୁ ହିୟାଁ ଅଡେ ଖାହାନା ନାହାଁୟି ଦିନାଟି କାତା ଖେସିମାତାକି, ପେଲିକସ୍ ଆଜାନା ଏଲେଇରେସି, “ନୀର୍ବ ନୀନୁ ହାଲାମ୍ବୁ ବେଲା ସିନିକିହାନା ଅଡେ ର ଦିନା ହାଟ୍ଟି କିୟାଇଁ ।” ୨୬ ପାଞ୍ଜୁଲ ନାଜେ ଟାକାୟାଁ ହିୟାନେସି ଇଞ୍ଜୁଁ ଏଞ୍ଜାସି ଆସା କିହାମାରେସି, ଏଦାଆଁତାକି ଏଞ୍ଜାସି ଅଲେ ଅଲେ ଏଞ୍ଜାଣାଇଁ ହାଟ୍ଟି କିହାନା ଏଞ୍ଜାଣିତଲେ କାତା ଆଞ୍ଜିତେସି ।

୨୭ ଏଲେକିହଁ ରା ବାସାଁ ଆଡି ତାୟୁ ପକଁୟ ପେସ୍ତସ୍, ପେଲିକସ୍ ଟାୟୁତା ସାଲୁଞ୍ଜି କିନାସି ଆଡେସି, ଅଡେ ପେଲିକସ୍ ଜୀହୁଦିୟାଁ ନେହାଁସି ଇଞ୍ଜୁଁ ଇଞ୍ଜାପେରିଞ୍ଜା ଇଞ୍ଜୁଁ ଅଘାଦା ପାଞ୍ଜୁଲଇଁ କାୟିଦିତା ଇଚାନା ହାରେସି ।

୨୫

ସାଲୁଞ୍ଜି କିନାଣି ତାଣା ପାଞ୍ଜୁଲ ଗହାରା କିନାୟି

୧ ଏମ୍ବାଟିଏ ପେସ୍ତସ୍ ଇ ରାଜିତା ଖାହାନା ତାନିଦିନା ଆୟାଲିଏ କାୟିସରିୟାଟି ଜିରୁସାଲମତା ହାରେସି, ୨ ଅଡେ ଏମ୍ବାଆଁ କାଜା ପୁଜେରାଜା ଇଞ୍ଜାଁ ଜୀହୁଦି ଲକ୍ଷୁତି କାଜାରି ପାଞ୍ଜୁଲ କପାଟି ପେସ୍ତସ୍ ତାଣା ଖେଣ୍ଡେ ଦାଞ୍ଜା କିତେରି, ୩ ଅଡେ ଏଞ୍ଜାସି ଏନିକଁ ପାଞ୍ଜୁଲଇଁ ଜିରୁସାଲମତା ହାଟ୍ଟା ପାଣ୍ଡାନ୍ଦେସି, ଏଦାଆଁତାକି ଗହାରା କିହାନା ଏଞ୍ଜାଣି କପାଟି କାର୍ମାଆନି ଲେହେଁ ପେସ୍ତସ୍ ବାଟିମାଲିତେରି; ଇଞ୍ଜାଁ ଏଞ୍ଜାରି ଜିରୁତା ତୁଗୁଆଁ ପାୟାଲି ଅଣ୍ଡାପିମାରେରି । ୪ ପେସ୍ତସ୍ ଏଲେଇରେସି, “ପାଞ୍ଜୁଲ କାୟିସରିୟାତା କାୟିଦିତା ମାନେସି, ଇଞ୍ଜାଁ ନାନୁ ଜିକେଏ ତବେ ଏମ୍ବାଆଁ ଖେଣ୍ଡା ହାଜିମାଇଁ, ୫ ଏଞ୍ଜାସି ଏନି ଦହ କିହାମାନେସି, ଆତିହଁ ମୀ କାଜାରି ନା ତଲେ କାୟିସରତା ହାଲାପେରି ଅଡେ ଏଞ୍ଜାଣି କପାଟି ତାନି ଦାଞ୍ଜା କିପାରି ।”

୬ ପେସ୍ତସ୍ ଏମ୍ବାଆଁ ଆଟା କି ଦସ ଦିନା ଏଞ୍ଜାରିତଲେ ତୁୟାହାଁ କାୟିସରିୟାତା ଖେଣ୍ଡେ ହାରେସି, ଏ ଅର ନେରୁ ନାହାଁୟି କିନି ଟାୟୁତା କୁଗାନା ପାଞ୍ଜୁଲଇଁ ତାଚାଲି ହୁକୁମି ହାଟେସି । ୭ ପାଞ୍ଜୁଲ ଖାହାଲିଏ ଜିରୁସାଲମଟି ଖାହାନା ଜୀହୁଦିୟାଁ ତାନି ସାରିସ୍ତୁ ନିଚାନା ଏଞ୍ଜାଣି କପାଟି ହାରେକା ଦହ ଦସାଲି ମାଟ୍ଟହେରି, ସାମା ଏଞ୍ଜାରି ଏ ବାରେଡି ପାରମାଣା କିହାଲି ଆଡାଆତେରି । ୮ ଏରେଟିଏ ପାଞ୍ଜୁଲ ତାନି ଖାକିଟି ଖେସାକତାନା ଏଲେଇରେସି, “ଜୀହୁଦିୟାଁ ମୋର କପାଟି ଆଆଡ଼ିଁ ମାହାପୁରୁ ଇଲୁ କପାଟି କି କାୟିସର କପାଟି ଜିକେଏ ନାନୁ ଏନି ଦହ କିହାହିଲଅଁ ।”

୯ ସାମା ପେସ୍ତସ୍, ଜୀହୁଦି ଲକ୍ଷୁ ନକିତା ନେହାଁସି ଆୟାଲି ପାଞ୍ଜୁଲଇଁ ଖେରେସି, “ନୀନୁ ଜିରୁସାଲମତା ହାଜାନା ଏମ୍ବାଆଁ ନା ନକିତା ଇ ବାରେଡାକି ନାହାଁୟି ଆୟାଲି ମନ କିହମାଞ୍ଜି କି ?”

୧୦ ସାମା ପାଞ୍ଜୁଲ ଏଲେଇରେସି, “ନାନୁ କାୟିସର ନକିତା ନାହାଁୟି କିନି ଟାୟୁତା ନିଚାମାଇଁ, ଏମ୍ବାଆଁ ନା ନାହାଁୟି ଆନାୟି ମାନେ, ନାନୁ ଜୀହୁଦିୟାଁ କପାଟି ଏନି ଲାଗେଏ କାମା କିହାହିଲଅଁ, ଏଦାଆଁ ନୀନୁ ଜିକେଏ ନେହଁକଁ ପୁଞ୍ଜାମାଞ୍ଜି । ୧୧ ମୋର ମାନି କିଆନା ଲାଗେଏଡି କାମା କିହାମାଟିହଁ, ନାନୁ ହାହାଲି ଆଜିହିଲଅଁ; ସାମା ଇଞ୍ଜାରି ନା କପାଟି ଆମିନି ବାରେ ଦାଞ୍ଜା କିହମାନେରି, ଏ ବାରେ ବିତ୍ରାଟି ଆମିନି ର ପଦୁ ଜିକେଏ ସାତା ଆଆତିହଁ, ଆମ୍ବାଆସି ଏଞ୍ଜାରି କେୟୁତା ନାଜେ ହେର୍ପାଲି ଆଡ଼ଅସି, ନାନୁ କାୟିସର ନକିତା ନାହାଁୟି କିଞ୍ଜିଆୟାଲି ଗହାରା କିହମାଇଁ ।”

୧୨ ଏମ୍ବାଟିଏ ପେସ୍ତସ୍ ତାନି ନାହାଁୟିଡି କାଜାରି ତଲେ ଜଲୁକି ଆହାନା ଏଲେଇରେସି, “ନୀନୁ କାୟିସର ନକିତା ନାହାଁୟି କିଞ୍ଜିଆୟାଲି ରାସିମାଞ୍ଜି, ଆତିହଁ ନୀନୁ କାୟିସର ତାଣେଏ ହାଜି ।”

ଆଗ୍ରିପା ଅଡେ ବନଁକି ନକିତା ପାଞ୍ଜୁଲ

୧୩ ଏତରଦିନା ତାୟୁ ରାଜା ଆଗ୍ରିପା ଅଡେ ବନଁକି କାୟିସରିୟାତା ଖାହାନା ପେସ୍ତସ୍ ଆଣ୍ଡାଲି ହାରେରି । ୧୪ ଏଞ୍ଜାରି ଏମ୍ବାଆଁ ଏତରଦିନା ତୁୟିଡି ତାୟୁ, ପେସ୍ତସ୍ ରାଜା ନକିତା ପାଞ୍ଜୁଲ କାତା ଖେସେସି, “ପେଲିକସ୍ କାୟିଦିତା ଇଟାମାନାସି ରଅସି ଇମ୍ବାଆଁ ମାନେସି; ୧୫ ନାନୁ ଏରିବେଲା ଜିରୁସାଲମତା ହାଜାମାରେଏ ଏରିବେଲାତା ଜୀହୁଦି ଲକ୍ଷୁତି କାଜା ପୁଜେରାଜା ଅଡେ ପ୍ରାଟିନାଜା ଏଞ୍ଜାଣି କପାଟି ଖେସାନା ଏଞ୍ଜାଣାଇଁ ତଣ୍ଡ ହାହାଲି ନାଜେ ବାଟିମାଲି ମାଞ୍ଜାତେରି । ୧୬ ସାମା ନାନୁ ଏଞ୍ଜାରାଇଁ ଏଲେଇରେସି, ଦହଗାଟାସି ତାନି ଦହ ଦସାମାନାରା ନକିତା ନିଆ ପାତେକା ଇଞ୍ଜାଁ ତାଜେ ତାନି ଖାକିଟି ଜଲୁଲି ହୀଆ ପାତେକା ଏଞ୍ଜାଣାଇଁ ତଣ୍ଡ ହାହାଲି ମା, ରମ୍ପ ଲକ୍ଷୁତି ମୋରା ହିଲେଏ । ୧୭ ଏଞ୍ଜାରି ନା ତଲେ ଇମ୍ବାଆଁ ଖାୟାଲିଏ, ନାନୁ ଖେଡାକିଆନା ତାନି ଅର ନେରୁ ନାହାଁୟି କିନି ତାଣା କୁଗାନା, ଏଞ୍ଜାଣାଇଁ ତାଚାଲି ହୁକୁମି

ହୀତେର୍ଷ ।^{୧୮} ଏଞ୍ଜାଣାଇଁ ଦହ ଦସାମାନାରି ଖାହାନା ନିତେରି, ସାମା ଏଞ୍ଜାରି ଏନ୍‌ଲେହେଟ୍ ଦାଞ୍ଜା କିନେରି ଇଞ୍ଜି ନାନୁ ଅଣପିମାଚେର୍ଷ, ଏଞ୍ଜାରି ଏନ୍‌ ଦହ ଏଞ୍ଜାଣି କପାଟି ଖେସ୍ତାଆତେରି ।^{୧୯} ଏଞ୍ଜାରି ଖାଉଇ ତାମି ଦାମ୍ବୁତି କାତା ଇଞ୍ଜା ଜୀସୁ ଦରୁଗାଟି ଏମିନି ହାତାଣାଇଁ ପାଞ୍ଜୁଲ ନୀତାମାନେସି ଇଞ୍ଜି ଖେସିମାନେସି, ତାନି କାତାତାକି ଆସ୍ତି ଆତେରି ।^{୨୦} ଇ ବାରେ କାତା ନେହ୍ କି ପୁଞ୍ଜାଲିତାକି ଏନାଆଁ କିହାଲି ଆନେ, ଏନାଆଁ ତାରି କିହାଲି ଆତାଆନା ଇ ଦାଞ୍ଜା ତାକି ନାହାଁୟି ଆହାଲିତାକି ପାଞ୍ଜୁଲ ଜିରୁସାଲମତା ହାନେସି କି ଆଏ ଏଦାଆଁ ନାନୁ ଖେଚେର୍ଷ ।^{୨୧} ସାମା ପାଞ୍ଜୁଲ ସାଲୁଞ୍ଜି କିନି କାୟିସର ନକିତା ନାହାଁୟି କିଞ୍ଜିଆୟାଲି ନାନୁ ହାଇଁ ଇଞ୍ଜି ଖେସିମାତାକି, ନାନୁ ଏଞ୍ଜାଣାଇଁ କାୟିସର ତାଣା ପାଣ୍ଡିନି ପାତେକା କାୟିଦିତା ଇଟାଲି ହୁକୁମି ହୀତେର୍ଷ ।”

^{୨୨} ଆଗ୍ରିପା ପେସ୍ତସ୍‌ଇଁ ଏଲେଇଚେସି, “ନାନୁ ଜିକେଏ ଇଞ୍ଜାଣି କାତା ଖେଞ୍ଜାଲି ମନ୍ କିହିମାଇଁ । ହାଅ ଓଏ ନାନୁ ଏଞ୍ଜାଣି କାତା ଖେଞ୍ଜି” ଇଞ୍ଜି ପେସ୍ତସ୍‌ ଏଲେଇଚେସି ।

^{୨୩} ତାନି ଅର ଦିନା ଆଗ୍ରିପା ଇଞ୍ଜା ବନି କି କାଜାପାଣା ଅଡେ ଗାଞ୍ଜୁରମିଗାଟି କସ୍‌କା ଇଞ୍ଜା ଗାଡାତି କାଜାରି ତଲେ ହାଜାନା ନାହାଁୟି କିନି ଚାୟାତା ଖାତେସି, ଏମାଟିଏ ପେସ୍ତସ୍‌ ହୁକୁମି ତଲେ ପାଞ୍ଜୁଲ ଏମାଆଁ ତାପିଆଡେସି ।^{୨୪} ଏମାଟିଏ ପେସ୍ତସ୍‌ ଏଲେଇଚେସି, “ଏ ରାଜା ଆଗ୍ରିପା ଅଡେ ଇମାଆଁ ମାନି ମାନିଗାଟି କାଜାତେରି, ମୀରୁ ବାରେ ଇଞ୍ଜାଣାଇଁ ମେସିମାଞ୍ଜେରି; ଇଞ୍ଜାଣି କପାଟି ଜିରୁସାଲମ ଇଞ୍ଜା ଇମାଆଁ ମାନି ଜୀହୁଦି ଲକୁ ନା ତାଣା ଦାଞ୍ଜା କିହାମାନେରି, ଇଞ୍ଜାସି ନୀତାମାନାୟି ଲଡା ହିଲେଏ ଇଞ୍ଜି ବାରେଜାଣା କାଲୁଞ୍ଜି ଆତେରି ।^{୨୫} ସାମା ଇଞ୍ଜାସି ହାନ୍‌ଲେହେଟ୍ ଏନ୍‌ ଦହ କିହାମାନାଣି ନାନୁ ମେସାହିଲିଆଁ ଇଞ୍ଜା ଏଞ୍ଜାସି ତାନୁଏ କାୟିସର ତାଣା ନାହାଁୟି କିଞ୍ଜିଆୟାଲି ବାତିମାଲିତାକି ନାନୁ ଏଞ୍ଜାଣାଇଁ ଏମାଆଁ ପାଣ୍ଡାଲି ତାକି ତାରି କିତେର୍ଷ ।^{୨୬} ସାମା ରାଜା କାୟିସର ତାଣା ଏଞ୍ଜାଣି ତାକି ରାଡାଲି ନାଜେ ଏନ୍‌ କାତା ହିଲେଏ, ଏଦାଆଁତାକି ନାନୁ ଏଞ୍ଜାଣାଇଁ, ବାରେକିହାଁ ରାଜା ଆଗ୍ରିପା ନୀ ତାଣା ଏଞ୍ଜାଣାଇଁ ତାତାମାଇଁ, ଏନ୍‌କି ଏଞ୍ଜାଣି କାତା ଖେଞ୍ଜାନା, ପୁଟିତାୟୁ ନାନୁ ଏଞ୍ଜାଣାଇଁ ଇଚାଣି ରାଡାଲି ଆଡିଇଁ ।^{୨୭} ଇତିହ୍ ର କାୟିଦି ଗାଟାଣାଇଁ ପାଣ୍ଡିନି ବେଲତା ତାନି କପାଟି କିହାମାନି ଦାଞ୍ଜା ନେହ୍ କି ତହ୍‌ଆନା ପାଣ୍ଡାଲି ନେହେଁ ଆଏ ଇଞ୍ଜି ନାନୁ ଅଣପିମାଇଁ ।”

୨୨

ରାଜା ଆଗ୍ରିପା ନକିତା ପାଞ୍ଜୁଲ ତାଜେତାକି ଖେଞ୍ଜାନାୟି

^୧ ଆଗ୍ରିପା ପାଞ୍ଜୁଲଇଁ ଏଲେଇଚେସି, “ନିଜେ ନୀ ଖାକିଟି କାତା ଜଲ୍‌ଲାଇଁ ହେଲ ହୀପକିଆଡେ” ଏମାଟିଏ ପାଞ୍ଜୁଲ କେୟୁ ଦାସାନା ତାନି ଖାକିଟି ଏଲେଇଚେସି ।

^୨ “ରାଜା ଆଗ୍ରିପା, ଜୀହୁଦିୟାଁ ନା କପାଟି ଏନ୍‌ ଦହ ଦସାମାଞ୍ଜାନେରି, ଏଦାଆଁ ନୀଞ୍ଜୁ ନୀ ନକିତା ଖେସାଲି ନାନୁ ହେଲ ବେଟାଆହାମାନାକି ନାନୁ ନାଜେ କପଲ ଗାଟାତେର୍ଷ ଇଞ୍ଜି ଅଣପା କଡିମାଇଁ, ^୩ ଏନାଆଁତାକି ଇତିହ୍, ନାନୁ ଜୀହୁଦିୟାଁ ପାଣାପାୟୁ ଅଡେ କାତା ନେହ୍ କି ପୁଞ୍ଜାମାଞ୍ଜି; ଏଦାଆଁତାକି ନା କାତା ସାସାତଲେ ଖେଞ୍ଜାଲି ନିଜେ ବାତିମାଲିମାଞ୍ଜାଇଁ ।”

^୪ “ନା ଦାଂଗଣା ଖେଡାଟିଏ ନୀର୍ଷ ପାତେକା ନାନୁ ତଲି ମା କୁଡାତାରି ତଲେ ଅଡେ ଜିରୁସାଲମତା ଏନ୍‌ଆହ୍ ନୀତା ମାଚେର୍ଷ ଏଦାଆଁ ଜୀହୁଦିୟାଁ ବାରେ ନେହ୍ କି ପୁଞ୍ଜାମାନେରି; ^୫ ନାନୁ ମା ମାହାପୁରୁତି ମେରା ହାରେକା ନେହ୍ କି ମାନୁଞ୍ଜି ଆହ୍‌ମାନି ପାରୁସିୟାଁ ଗଟିତା ମାଚେର୍ଷ, ଏଞ୍ଜାରି ନାଜେ ତଲିଟିଏ ପୁଞ୍ଜାମାଞ୍ଜାନେରି, ଏଞ୍ଜାରି ମନ୍ କିତିହ୍ ସାକି ହାହାଲି ଆଡିନେରି । ^୬ ମାହାପୁରୁ ମା ଆକୁ ଆଦାୟାଁଣି ଏମିନି କାତା ଆଞ୍ଜାମାଚେସି, ଏ କାତା ହାହାମାନାଣି ବାସୁଁ କିହାମାନାକି ନୀଞ୍ଜୁ ନାନୁ ଇମାଆଁ ନାହାଁୟି କିଞ୍ଜିଆୟାଲି ନିଚାମାଇଁ ^୭ ମା ଲକୁଡି ବାଡ଼ କୁଡାତାରି ଲାଆଁ ମାଦେନା ମାହାପୁରୁତି ସେବା କିହାନା ଏ ରଣ୍ଡିଏ କାତା ବେଟାଆହାଲି ତାକି ଆସା କିନେରି, ଏ ରାଜା, ନା ଏ ବାସୁଁ ତାକି ଜୀହୁଦିୟାଁ ନାଜେ ଦହ କିହିମାଞ୍ଜାନେରି । ^୮ ମାହାପୁରୁ ହାଡାରାଇଁ ନିକ୍‌ନେସି, ଇଦାଆଁ ନାମାଲି ଆତାଆ ଗାଟାୟି ଇଞ୍ଜି ମୀରୁ ଏନାଆଁତାକି ଅଣପିମାଞ୍ଜେରି ?”

^୯ “ନାକ୍‌ରିତ ଜୀସୁ ଦରୁ କପାଟି ନାଜେ ହାରେକା କାମା କିନାୟିମାନେ ଇଞ୍ଜି ନାନୁ ଅଣପିମାଚେର୍ଷ । ^{୧୦} ଜିରୁସାଲମତା ନାନୁ ଏଲେଜିକେଏ କିତେର୍ଷ । କାଜା ପୁଜେରାଜା ତାଣାଟି ଅଦିକାରା ଆକୁ ବେଟାଆହାନା, ମାହାପୁରୁ ଲକୁ ତାଣାଟି ହାରେକା ଜାଣାଇଁ କାୟିଦିତା ପୁଣ୍ଡିକିହାମାଚେର୍ଷ ଇଞ୍ଜା ଏଞ୍ଜାରାଇଁ

☆ ୨୨:୫ ୨୬:୫ କାମା ୨୩:୬; ପିଲିପି ୩:୫ ☆ ୨୨:୯ ୨୬:୯ କାମା ୮:୩; ୨୨:୪,୫

ପାୟିନାଟି ନାନୁ ଜିକେଏ ଆଣ୍ଡିମାଚେର୍ଏ । ୧୧ ହାରେକା ଦେବା ଜୀହୁଦି ଲକ୍ଷୁଡି କୁଟମି ଲକ୍ଷକାଣା* ନାନୁ ଏଞ୍ଜାରାଇଁ ଲାଜାକିହିଁ ତଣ୍ଡ ହାହିମାଚେର୍ଏ ଇଞ୍ଜା ଏଞ୍ଜାରି ନାମୁଡି ଏଟକା କିହାଲି ଅଣ୍ଡାପାମାଚେର୍ଏ, ନାନୁ ଏଞ୍ଜାରି କପାଟି ହାରେକା କାରବି ଆହାମାଚେର୍ଏ, ଏଞ୍ଜାରାଇଁ ସାସ୍ତି ହାହାଲି ଏଟକା ଦେସାତା ଜିକେଏ ହାଜାମାଚେର୍ଏ ।”

ପାଞ୍ଜୁଲ ତାନି ମନୁ ଖେଟ୍‌ହି କାତା ଖେହ୍‌ନାୟି
(କାମା ୯:୧-୧୯; ୨୨:୬-୧୭)

୧୭ ଇଦାଆଁତାକି କାଜା ପୁଜେରାଜା ତାଣାଟି ଅଦିକାରା ଆକୁ ଅଡେ ହୁକୁମି ବେଗାଆହାନା ନାନୁ ଦମେସକ ହାଜାମାଚେର୍ଏ । ୧୮ ଏ ରାଜା ଆଗ୍ରିପା, ର ଦିନା ମାଦେନା ବେଲା ଜିରୁତା ହାଗୁଲାକଟି ଖେଡାକିହାଁ ହାରେକା ଉଜେଡି ମେସ୍ତେର୍ଏ, ଏ ଉଜେଡି ନାଜେ ଅଡେ ନା ତଲେ ହାଜିମାଗାରି ସାରିଝାକି ତଞ୍ଜାଆଡେ । ୧୯ ମାମୁ ନୁରୋଜାଣା ବୁମିତା ତରଗାଲିଏ, ଏହି ହାଡାତଲେ ନାଜେଡାକି ଇ ହାଡା ଖେଚେର୍ଏ, “ଆଡେ ସାଞ୍ଜୁଲ ଆଡେ ସାଞ୍ଜୁଲ ଏନାଆଁତାକି ନାଜେ ସାସ୍ତି ହାହିମାଜାଦି ? ଏନିକିଁ ତୁକୁ କଡି ହେରୁ ତୁନାଣି ହୁଡୁ ବାଡୁଗାତା ଦୟିନେ ଏଲେକିହିଁ ନାନୁ ତାୟୁଝାକି ଦୟାହାଁ ଜାହାରା କତାତା ଗାଣ୍ଡିକି ମାଞ୍ଜି ।” ୧୫ ଏମ୍ବାଟିଏ ନାନୁ ଖେଚେର୍ଏ, “ପ୍ରବୁ ନାନୁ ଆମ୍ବାଆତି ?” ଏଚେଟିଏ ପ୍ରବୁ ଏଲେଇଞ୍ଜାତେସି “ନାନୁ ଆମ୍ବାଆରାଇଁ ସାସ୍ତି ହାହିମାଞ୍ଜି ନାନୁ ଏ ଜୀସୁତେର୍ଏ । ୧୬ ସାମା ନିଜାମୁ କତାତା ବାଡୁମୁ ହାହାନା ନିମୁ, ଇତିହିଁ ନାନୁ ନିଜେ ନା ସେବା କାମା କିହାଲିତାକି ତଞ୍ଜା ଆହାମାଞ୍ଜାଇଁ, ନାଞ୍ଜୁ ନାନୁ ଏନାଆଁ ମେସାମାଞ୍ଜି ତାୟୁ ନାନୁ ନିଜେ ଏନାଆଁ ତସାଇଁ ଏ କାତା ଏଟକା ତାରାଇଁ ସାକି ହାଦି । ୧୭ ଜୀହୁଦି ଅଡେ ଜୀହୁଦିଆଆତି ଲକ୍ଷୁତାଣା ନାନୁ ନିଜେ ପାଣ୍ଡାଇଁ, ଏଞ୍ଜାରି ତାଣାଟି ନାନୁ ନିଜେ ଗେଲ୍‌ପାଇଁ । ୧୮ ନିଜେ ଏଞ୍ଜାରି କାଣ୍ଡା ଦେତାଲି ଆନେ, ଅଡେ ଏଞ୍ଜାରିଆଦେରିଟି ଉଜେଡିତା ଅଡେ ସୟତାନ ପାନ୍ଦାଟି ମାହାପୁରୁ ତାଣା ଖେଟ୍‌ହା ତାନାୟି ଆନେ, ଏନିକିଁ ନା ତାଣା ନାନିନି ତାଣାଟି ସୁଦୁ କିଞ୍ଚି ଆହାନା ଏଞ୍ଜାରି ପାପୁ ମେଣ୍ଡିଜିନେ ଅଡେ ମାହାପୁରୁ ଆଡିତି ଲକ୍ଷୁ ବିତ୍ତା ଏଞ୍ଜାରି ଚାୟୁ ବେଗାଆନେରି ।”

ପାଞ୍ଜୁଲ ତାନି କାମାଟି ଖେହ୍‌ନାୟି

୧୯ “ରାଜା ଆଗ୍ରିପା, ଏ ଲାକପୁରୁଟି ମେସାଣି ନାନୁ ଉରାଆଡେର୍ଏ, ୨୦ ତଲିଏ ଦମେସକତା ଇଞ୍ଜା ଜିରୁସାଲମତି ଲକ୍ଷୁତାଣା ତାୟୁ ଜୀହୁଦା ରାଜିତି ବାରେ ନାସ୍‌କାଣାଁ, ଅଡେ ଜୀହୁଦିଆଆତି ଲକ୍ଷୁତାଣା ଜିକେଏ ଖେକ୍‌ହେର୍ଏ, ଏନିକିଁ ଏଞ୍ଜାରି ମନୁ ଖେଟ୍‌ହାନା ମାହାପୁରୁ ତାଣା ଖାନେରି, ଇଞ୍ଜା ଏଞ୍ଜାରି ମନୁ ଖେଟ୍‌ହା କତାମାନେରି, ଏଦାଆଁ କାମାତା ତହ୍‌ନେରି । ୨୧ ଏଦାଆଁତାକି ନାନୁ ମାହାପୁରୁ ଇଲୁତା ମାଗାଟି ଜୀହୁଦିହିଁ ନାଜେ ଆସାନା ପାୟାଲି ଅଣ୍ଡିଏ ମାଞ୍ଜାତେରି । ୨୨ ସାମା ନାଞ୍ଜୁପାତେକା ମାହାପୁରୁ ନାଜେ ସାୟେନି କିହାମାଞ୍ଜାନେସି, ଏଦାଆଁତାକି ନାଞ୍ଜୁ ନାନୁ ଉଣା କାଜାରି ବାରେତି ନକିତା ସାକି ହାହାଲି ନିଗାମାଇଁ । ମାହାପୁରୁ ଅଣ୍ଡପୁଡି ବଲ୍ଲୁ ଖେହ୍‌ନାରି ଅଡେ ମସା ଏନାଆଁ ଆନେ ଇଞ୍ଜାଁ ଖେସାମାନେସି ନାନୁ ଏ କାତା ଖେସିମାଇଁ, ୨୩ ଇତିହିଁ ମସିହା ସାତେଏ ଦୁକୁ ବେଗାଆହାନା ହାଡାରି ବିତ୍ତାଟି ତଲିଏ ନିଜାମା ଜୀହୁଦି ଲକ୍ଷୁ ଇଞ୍ଜାଁ ଜୀହୁଦିଆଆତି ଲକ୍ଷୁ ନକିତା ଗେଲ୍‌ପିନି ଉଜେଡି ତହ୍‌ନେସି ।”

୨୪ ପାଞ୍ଜୁଲ ଇଲେକିହିଁ ତାନି ଝାକିଟି ଜଲ୍‌ମାଗାଟି ପେସ୍‌ସ୍ କାଜା ଗିୟାଁତଲେ ଏଲେଇଚେସି, “ପାଞ୍ଜୁଲ ନାନୁ ବାୟା ଆଡି; ଗାଡି ଜାପିତାକି ନାନୁ ବାୟା ଆହାମାଞ୍ଜି ।”

୨୫ ସାମା ପାଞ୍ଜୁଲ ଏଲେଇଚେସି, “ଏ ମାନିଗାଟି ପେସ୍‌ସ୍ ନାନୁ ବାୟା ଆହାହିଲଅଁ; ସାମା ନାନୁ ଏନାଆଁ ଜଲ୍‌ମାଇଁ ଏଡି ସାତା, ତାରି ବୁଦିତଲେ ଖେସିମାଇଁ । ୨୬ ରାଜା ଆଗ୍ରିପା ନାନୁ ଇ ବାରେ ପୁଞ୍ଜାମାନାକି, ନାନୁ ନୀ ନକିତା ସାସାତଲେ କାତା ଜଲ୍‌ମାଇଁ, ନାନୁ ସାତେଏ ନାନିମାଇଁ, ଇ ବାରେ ନାନୁ ପୁନାଆରେଡୁ ଆହା ହିଲେଏ; ଅଡେ ଇ ବାରେ କାତା ତୁଗ୍‌ନା ନେଣେଏ ଆହାହିଲେଏ । ୨୭ ଏ ରାଜା ଆଗ୍ରିପା, ନାନୁ ମାହାପୁରୁ ଅଣ୍ଡପୁଡି ବଲ୍ଲୁ ଖେହ୍‌ନାରି କାତା ନାନିମାଞ୍ଜି କି ? ହାଅ ନାନୁ ନାନିମାଞ୍ଜି ଇଞ୍ଜାଁ ନାନୁ ପୁଞ୍ଜାମାଇଁ ।”

୨୮ ଆଗ୍ରିପା ପାଞ୍ଜୁଲଇଁ ଏଲେଇଚେସି, “ନାନୁ ନାଜେ ଗାଡେକେଏ କ୍ରୀସ୍ତାନା କିଇଁ ଇଞ୍ଜାଁ ଅଣ୍ଡପିମାଞ୍ଜାଦି ?”

୨୯ ପାଞ୍ଜୁଲ ଏଲେଇଚେସି, “ଗାଡେକା ତାକି ଆପେ କି ଗାଡିତାକି ଆପେ ମାହାପୁରୁ ତାଣା ଇଚେକେଏ ନା ପ୍ରାଡାନା, ନାନୁ, ଅଡେ ଏଚରଜାଣା ନାଞ୍ଜୁ ନା କାତା ଖେଞ୍ଜିମାନେରି, ବାରେଜାଣା ନାଲେହେଁ ଆପେରି ସାମା ନାଲେହେଁ ହିକିଣିୟାଁ ତଲେ ଦସ୍‌ପି ଆପେରି ଇଞ୍ଜାଁ ନାନୁ ଖେସିମାଞ୍ଜିଅଁ ।”

* ୨୭:୧୧ ୨୭:୧୧ ସିନଗ୍ଲୁ ☆ ୨୭:୨୩ ୨୭:୨୩ ୧କର ୧୫:୨୦

^{୩୦} ଏଚେତ୍ୟ ରାଜା, ସାଲୁକି କିନାସି ଅଡ଼େ ବନି କି ଇଞ୍ଜା ଏବଂକାତାରି ବାରେ ହାଜାଲି ନିଜାଚେରି, ^{୩୧} ଏଞ୍ଜାରି ହାନିବେଲାତା ତାମ୍ନୁ ତାମ୍ନୁ ଜଲ୍ଲକି ଆଚେରି, “ଇ ମାଣସି ଇଲେତି ଏନି କାମା କିହାହିଲଅସି ଏନାଆଁତାକି ଏଞ୍ଜାସି ଦସପି ଆନେସି କି ପାୟୁଞ୍ଜି ଆନେସି ।” ^{୩୨} ଅଡ଼େ ଆଗ୍ରାପା ପେସସକ୍ ଏଲେଇଚେସି, “ଇ ମାଣସି କାୟସର ତାଣା ନୀହାୟି କିଞ୍ଜିଆୟାଲି ବାତିମାଲ୍ଲାଆତିହିଁମା ମାମ୍ନୁ ଏଞ୍ଜାଣାଇଁ ପିସାଲି ଆଡ଼ିତମା ।”

୨୨

ପାଞ୍ଜୁଲ ସାମ୍ବୁରୁଚି ରମ୍ପତା ହାନାୟି

^୧ ମାମ୍ନୁ ଲୁଗାଲି ଦେସାତା ଏୟୁ ଜାଜା ତଲେ ହାଜାଲି ତାରି କିଞ୍ଜିଆଡ଼ି ତାୟୁ ପାଞ୍ଜୁଲ ଅଡ଼େ ଏଚରଜାଣା କାୟିଦିତା ମାଚାରାଇଁ, ରାଜାତି କସକା ଜୁଲିୟସ୍ ଦରୁଗାତି ପାସାକଡ଼ି କସକା ମୁହେଁ କାଜାଣି କେୟୁତା ହେରପିଚେରି । ^୨ ଏମ୍ପାଚିଏ ମାମ୍ନୁ ଆସିୟା ଦେସାତି ଏବଂକା ଏବଂକା ଟାୟୁତା ହାନି ଏୟୁ ଜାଜା ନିନି ଟାୟୁଚି ଆତ୍ରାମୁତିୟ ଜାଜାତା ହଡ଼ମି; ଇଞ୍ଜା ମାକିଦନିୟା ଦେସାତି ଚେସଲନିକି ଗାଡ଼ାତି ଆରିସ୍ପାକ୍ ମା ତଲେ ମାଚେସି । ^୩ ତାନି ଅର ନେରୁ ମାମ୍ନୁ ସୁଦନତା ଏଗାତମି, ଅଡ଼େ ଜୁଲିୟସ୍ ପାଞ୍ଜୁଲଇଁ କାମ୍ନା ଆହାନା ତାନି ତଢେସିକ୍ମା ତାଣା ହାଜାନା ଲଡ଼ାମାନାଣି ସେବା ବେଟାଆହାଲି ହେଲ ହୀଚେସି । ^୪ ଏମ୍ପାଚି ଜାଜାତା ହରାମାଚାଚି ମା ଖାକି ଗାଲି ଖେଚାଲିଏ ମାମ୍ନୁ ଜୁପ୍ର ଦାରି ଦାରିଚି ହାଚମି, ^୫ କିଲିକିୟା ଅଡ଼େ ପଂପୁଲିୟା ନକିତା ମାନି ସାମ୍ବୁରୁଚି ଗାଣଚାନା ଲୁକିୟାତି ମୁରାତା ଖାଡ଼ମି । ^୬ ଏମ୍ପାଆଁ ପାସାକଡ଼ି କସକା ମୁହେଁ କାଜାସି, ଇଟାଲିତା ହାଜିମାନି ର ଆଲେକକାଣ୍ଡିୟା ଏୟୁ ଜାଜା ବେଟାଆହାନା ମାଜେ କୁଗି କିୟାଚେସି ।

^୭ ତାୟୁ ହାଚେରକା ଦିନାତାକି ଦୀରେ ଦୀରେ ହାଜାନା କସ୍ତଲେ କ୍ରିଦ ଗାଡ଼ା ତାଗେ ହାଚମି । ନକିତି ଗାଲି ମାଜେ ନକିତା ହାଜାଲି ହିୟାଆଲିଏ ସାଲ୍ଲମନିତି ଅରଖାକି କ୍ରିତି ଦାରି ଦାରିଚି ହାଚମି । ^୮ ଅଡ଼େ କସ୍ତଲେ ଗାଟୁ ଗାଟୁଚି ହାଜାନା “ଅଜିତି ବାନ୍ଦା” ଇନି ଟାୟୁତା ହାଚମି, ଏଡ଼ି ଲାସାୟା ଗାଡ଼ାତି ତାଗେ ମାଚେ ।

^୯ ଇଲାଆହିଁ ହାଚେରକା ଦିନା ଆହାହାଚେ, ଇଞ୍ଜା ସାମ୍ବୁରୁଚି ହାନାୟି କସ୍ତ ଆହାହାଚେ, ଇଚିହିଁ ଏଚିବେଲା ଉପାସା ପାରୁ ରାହାମାଚେ, ଏଦାଆଁତାକି ପାଞ୍ଜୁଲ ଜାଗ୍ରାତା କିହାନା ଏଲେଇଚେସି । ^{୧୦} “ବାବୁୟାଚେରି ଇ ସାମ୍ବୁରୁଚି ହାନାଚି ଜାଜାତି ଆସ୍ତି ଅଡ଼େ ଏୟୁ ଜାଜା ନସ୍ତ ଆନେ ଏଡ଼ି ଆଏ, ସାମା ଜାଜାତା ହାଜିମାନାରି ଜୀଞ୍ଜୁ ଜିକେଏ ନସ୍ତ ଆନେ ନାନୁ ପୁଞ୍ଜିମାଇଁ ।” ^{୧୧} ସାମା ପାସାକଡ଼ି କସକା ମୁହେଁ କାଜାସି, ପାଞ୍ଜୁଲତି କାତା କିହାଁ ଜାଜାତି ସାଲୁକି କିନାଣାଇଁ ଇଞ୍ଜା ସାଞ୍ଜୁକାରି କାତାତି ହାଚେରକା ନାନିଚେସି । ^{୧୨} ଇ ବାନ୍ଦାତା ପେନିଞ୍ଜେଡ଼ା ତୟାଲି ନେହେଁ ହିଲାଆଚେ, ଇଦାଆଁତାକି ଜାଜାତା ହାଜିମାଚାରି ହାଚେରକା ସାମ୍ବୁରୁଚି ହାଜାନା ପିନିକସ୍ତା ପେନିବେଲା ରାପହାଲି ଅଣପିମାଚେରି, ଏ ପିନିକସ୍ତ କ୍ରିତିଚି ର ଜାଜାୟାଁ ନିନି କାଜା ଟାୟୁ ମାଚେ, ଏଡ଼ି ଖେଡ଼ା କୁଡ଼ନି ଚିଷନିଖାକି ଅଡ଼େ, ଖେଡ଼ା କୁଡ଼ନି ଚେଡ଼ିଖାକି ମୁସ୍ କିହାମାଚେ ।

ସାମ୍ବୁରୁଚି ଗାଲି ପିୟୁ

^{୧୩} ଏଚିବେଲା ଚିଷନି ଖାକିତି ଗାଲି ଦୀରେ ଦୀରେ ଖାଡ଼େ, ହାଜିମାଚାରି ନୀଏଚି ମା ଅଣପିମାଚି ଲେହେଁ ଆଚେ ଇଞ୍ଜାଁ ଅଣପିଚେରି, ଜାଜା ନିପହାମାଚି କାଜା ଲହଡ଼ି ରେଜାନା କ୍ରିତିଚି ଗାଟୁ ଗାଟୁଚି ହାଜାଲି ମାଟୁହେରି, ^{୧୪} ସାମା ଗାଡ଼େକା ହାଜାଲିଏ ଇୟୁରକ୍ଷିଲ୍ ଇନି ଆଜିହପେତି କାଜା ଗାଲି ଖେଡ଼ା ହନି ଚେଡ଼ି ଖାକିଚି ହଚାନା ଜାଜା ମାଚିଖାକି ଖାଡ଼େ । ^{୧୫} ଗାଲି ଜାଜାତି ଖେଚାଲିଏ, ଜାଜାତି ଗାଲିଖାକି ଅୟାଲି ଆଡ଼ାଆନା ଜାଜାତି ଗାଲି ତଲେ ଅଞ୍ଜିଆୟାଲି ପିସ୍ତମି । ^{୧୬} ମାମ୍ନୁ ଲ୍ଲାଞ୍ଜୁଚାତି ସାମ୍ବୁରୁଚି ମାଦି ମାନି ତଣା ବୁପିତି ଜମିନି ଟାୟୁ ବେଟାଆଡ଼ମି । ଏମ୍ପାଚି ହାଚେରକା କସ୍ତଚି ଏୟୁ ଜାଜାତି ଉଣା ତଂଗ ତଲେ ଗେଲ୍ପି ଆଡ଼ମି । ^{୧୭} ଜାଜା ସାଲୁକି କିନାରି ଏଦାଆଁ ଜାଜା ଲାକ ଅଡ଼ି ତାୟୁ ଡ଼କା ତଲେ ଜାଜା ସାରିସ୍ତୁ ଦସପେରି, ଇଞ୍ଜା ଜାଜା ଲିବିୟାତି ସୁରତି ଇନି ବାଠଲି ତିବାତା ଗୁପିନେ ଇଞ୍ଜାଁ ଆଜିତାକି ଜାଜା ସାଲୁକି କିନାରି ଜାଜାତା ଗଞ୍ଜାମାଚି ହିମ୍ପୁରିକା ହୁକହାନା ଜାଜାତି ଗାଲି ତଲେ ସାମ୍ବୁରୁଚି ବିଡ଼ା ତୟାଲି ପିସ୍ତେରି । ^{୧୮} କାଜା ଗାଲି ପିୟୁ ତାକି ହାଚେରକା କସ୍ତ ଆହାଲିଏ ତାନି ଅର ନେରୁ ଜାଜାତି ସାଲୁକି କିନାରି ଜାଜାତା ମାଚି ଆସ୍ତିତି ସାମ୍ବୁରୁଚି ମେଡ଼ହାଲି ମାଟୁହେରି, ^{୧୯} ଅଡ଼େ ତାନିଦିନା ନେରୁ ଏଞ୍ଜାରି ତାମି ଜାଜାତି କଚେକା କାଣ୍ଡା ମୁଣ୍ଡା ଏୟୁଣାଁ ମେଡ଼ହେରି । ^{୨୦} ହାଚେରକା ଦିନା ପାଚେକା ଖେଡ଼ା କି ହୁକାୟାଁ ମେସାଲି ଆଡ଼ାଆଡ଼ମି, ଅଡ଼େ ହାଚେରକା ଗାଲି ପିୟୁ ପିହୁଆଲିଏ ମାମ୍ନୁ ଲୁମ୍ପାଚି ଗେଲ୍ପିଆନି ଆସା ପିସାତୁସ୍ତମି ।

୨୧ ବାରେଜାଣା ହାରେକା ଦିନା ପାତେକା ରାନ୍ଦା ତିନାଆନା ତୁୟିତି ତାୟୁ, ପାଞ୍ଜୁଲ ଏଞ୍ଜାରି ବିତ୍ତା ନିଚାନା ଏଲେଇଚେସି, “ବାବୁୟାଁ ନା କାତା ଆସାନା କୁତିତି ସାମଦୁରି ଜାଜା ହୁକହା ହିଲାଆତିହୁଁ ମାଦି ଏନାୟିଞ୍ଜା ନସ୍ତୁ ଆଆତେମା । ୨୨ ସାମା ନାଏଁ ନାନୁ ମିଜେ ଝେସିମାଞ୍ଜାଇ, ସାସା ଆହଦୁ, ଇତିହୁଁ ମୀ ବିତ୍ତା ଆମ୍ବାଆରି ଜୀଞ୍ଜୁ ଜିକେଏ ନାସା ଆଏ; ଝାଋଇ ଜାଜାଦେ ନସ୍ତୁ ଆନେ । ୨୩ ଇତିହୁଁ ନାନୁ ଏମିନି ମାହାପୁରୁତି ସେବା କିହିମାଇଁ, ନାଞ୍ଜୁ ଲାଆଁୟାଁ ଏଞ୍ଜାଣି ର ଲାକପୁରୁତି ଦୁତୁ ନା ତାଗେ ଝାହାନା ଏଲେଇଞ୍ଜାଚେ, ୨୪ ଏ ପାଞ୍ଜୁଲ ଆଜାଆନି; ନାନୁ ସାଲୁଞ୍ଜି କିନି କାୟିସର ନକିତା ନିନାୟି ମାନେ, ମାହାପୁରୁ ନିଜେ କାର୍ମା ଆହାମାଞ୍ଜାନାକି ନୀ ତଲେ ଝାହିମାନି ବାରେତି ଜୀଞ୍ଜୁ ଏଞ୍ଜାସି ଗେଲୁପିନେସି । ୨୫ ଏଦାଆଁତାକି ଏ ବାବୁୟାଁତେରି ସାସା ଆହଦୁ ଇତିହୁଁ ନାନୁ ମାହାପୁରୁ ତାଣା ନା ନାମୁ ମାନେ, ନାଜେ ଏନିକିଁ ଝେସ୍ପି ଆହାମାନେ, ଏଲେଆହୁଁ ଏ ଆନେ । ୨୬ ସାମା ମାଜେ ର ସାମଦୁରି ମାଦିଏ ମାନି ଦେସାତା ଏଗାହାନାୟି ମାନେ ।”

୨୭ ଇଲେକିହୁଁ ମାମୁ ଆଦିଆ ସାମଦୁରି ଇତାଲା ଆତାଲା ଆହୁଁ ରୀ ଝାଋ ଆୟାଲିଏ, ମାଦି ଲାଆଁୟାଁ ଜାଜା ସାଲୁଞ୍ଜି କିନାରି ର ତୁମି ଦାରିତା ଏଜିମାନାୟି ଇଞ୍ଜୁ ଅଣପିମାଚେରି । ୨୮ ଏମ୍ବାଟିଏ ଏଞ୍ଜାରି ଏୟୁଣି ଲାଟାଲିଏ ପନ୍ଦର ହାତା ଏୟୁ କୁଡହା ମାଟୁ । ୨୯ ମାର ହାଜାନା ଜାଜା ଝାଲକା ବୃମିତା ଗୁପିକିନାୟି ଇଞ୍ଜୁ ଅଣପାନା ଆଜିତାକି ଏଞ୍ଜାରି ଜାଜାତି ତାୟୁଞ୍ଜାକି ସାରିଗଟା ବଜୁ ଗାତି ଲହ ମୁଣ୍ଡାୟାଁ ରେପହାନା ଏଚେଲା ଝେୟିନେ ଇଞ୍ଜୁ ପ୍ରାତାନା କିହିମାଚେରି । ୩୦ ଇଞ୍ଜା ଜାଜାତି ସାଲୁଞ୍ଜି କିନାରି ଜାଜାତି ରେଚାନା ହଚାତୁସାଲି ଅଣପାନା ନାଡିକିହାଁ ଜାଜାତି ନକିଞ୍ଜାକି ଲହ ମୁଣ୍ଡାୟାଁ ରେପିନି ଲେହେଁ ଉଣା ତଂଗତି ସାମଦୁରିତା ରେପହେରି । ୩୧ ସାମା ପାଞ୍ଜୁଲ ପାସାକଡି କସ୍ତା ମୁହେଁ କାଜାଣାଇଁ ଇଞ୍ଜା କସ୍ତାଣି ଏଲେଇଚେସି, “ଜାଜା ସାଲୁଞ୍ଜି କିନାରି ଜାଜାତା ମାନାଆତିହୁଁ ମାରୁ ଗେଲୁପିଆନି ଆସା ହିଲେଏ ।” ୩୨ ଏମ୍ବାଟିଏ ଜାମାନାଞ୍ଜା ଉଣା ତଂଗତି ଡର୍କା ଦାଚାନା ସାମଦୁରିତା ପିସ୍ତେରି ।

୩୩ ଲାଲ ଜୁଲୁପୁଲୁ ଝେୟି ମାଚାଟି ପାଞ୍ଜୁଲ ଏଞ୍ଜାରାଇଁ ଏନି ରାନ୍ଦା ମାଚିହୁଁ ତିଞ୍ଜାଲି ବାସୁଁ ହାହାନା ଏଲେଇଚେସି, “ନାଞ୍ଜୁଟିଏ ରୀ ଝାଋ ଆଡେ ମାରୁ ଏନାଆଁ ତିନାଆନାହାଁ ହାକିଟିଏ ମାଞ୍ଜାମାଞ୍ଜେରି । ୩୪ ବାତିମାଲିମାଞ୍ଜାଇଁ, ନାଏଁ ଇଚାଣି ତିଞ୍ଜୁ, ମୀ ଜୀଞ୍ଜୁ ଗେଲୁପାଲିତାକି ତିନାୟିମାନେ, ଆଜାଆଦୁ, ମୀ ତାର୍କାତି ର ବାଣା ଜିକେଏ ନାସା ଆଏ ।” ୩୫ ପାଞ୍ଜୁଲ ଇ ବାରେ କାତା ଜଲାନା ରୁଟି ଆସାନା ବାରେଜାଣା ନକିତା ମାହାପୁରୁଇଁ ଜହରା କିହାନା ରୁଟି ଡିକହାନା ତିଞ୍ଜାଲି ମାଟୁହେସି । ୩୬ ଏମ୍ବାଟିଏ ଏଞ୍ଜାରି ବାରେଜାଣା ବାସୁଁ ବେଟାଆହାନା ବାରେଜାଣା କାଦି ତିଚେରି । ୩୭ ମାମୁ ଜାଜାତା ରୀ ଝାଞ୍ଜା ତାନିକଡି ସଡୁ ଜାଣାତମି ମାଚମି । ୩୮ ଏଞ୍ଜାରି ପାଞ୍ଜେ ତିତି ତାୟୁ ଜାଜାତି ବଜୁ ଉଣା ଆପେଞ୍ଜା ଇଞ୍ଜୁ ଜାଜାତି ବାରେ ଗହୁଁୟାଁ ସାମଦୁରିତା ମେଡହେରି ।

ଜାଜା ତାନାୟି

୩୯ ଅର ନେଟୁ ଲାଲ ଝେୟାଲିଏ ଏଞ୍ଜାରି ଏମିନି ଦେସାତି ଚାୟୁତା ଝାଡେରି ପୁଞ୍ଜାଲି ଆତାଆତେରି, ସାମା ଏଞ୍ଜାରି ଗାଟୁ ଦାରି ର ବାଠଲ ଚାୟୁ ମେସାନା ଏନିକିଁ ଜିକେଏ ଏମ୍ବାଆଁ ଜାଜାତି ନିପହାଲି ଅଣପିତେରି । ୪୦ ଏଦାଆଁତାକି ଏଞ୍ଜାରି ଲହ ମୁଣ୍ଡାୟାଁତି ଡର୍କା ଦାଚାନା ସାମଦୁରିତା ମୁଞ୍ଜାଲି ପିସ୍ତେରି, ଇଞ୍ଜା ଦେବୁଣିଏ ଏୟୁ ଜାଜାତି ହାଚଟା ବାଡ଼ଗାୟାଁତି ଡର୍କା ବାରେ ହୁକହାନା ଜାଜା ନକିତା ଗାଲିଞ୍ଜାକି ହିପିରିକା ଗଞ୍ଜାନା ଗାଟୁଞ୍ଜାକି ହାଜାଲି ଅଣପିତେରି । ୪୧ ସାମା ଏଞ୍ଜାରି ରୀ ସାମଦୁରିକା କାଲୁଞ୍ଜି ଆହିମାନି ଚାୟୁତା ଏଜାଲିଏ ଜାଜା ସାମଦୁରି ଗାଟୁତି ର ବାଠଲି ତିବତା ଗୁପିଚେ, ଜାଜାତି ନକି ଝାକିତାୟି ଜାଣାନା ତୁୟାହାଚେ, ସାମା ତାୟୁତାୟି ସାମଦୁରିତି ଏୟୁ ଉଣାୟାଁ ଗୁପାଲିଏ ତାହାଲି ମାଟୁହେ ।

୪୨ କାୟିଦି ଗାଟାରି ସାମଦୁରି ଗାଟୁତି ପରହୁଁ ପରହୁଁ ହଣନେରି ଇଞ୍ଜୁ ଅଣପାନା କସ୍ତା ଏଞ୍ଜାରାଇଁ ପାୟାଲି ଅଣପିତେରି । ୪୩ ସାମା ପାସାକଡି କସ୍ତା ମୁହେଁ କାଜାସି ପାଞ୍ଜୁଲଇଁ ଗେଲୁପାଲି ମନ କିହାନା, ଏଞ୍ଜାରି ଅଣପୁତି କାହି କିହାନା ଏଲେଇଞ୍ଜୁ ହୁକୁମି ହାଚେସି, ଆମ୍ବାଆସି ପରହାଲି ପୁନାସି ଏଞ୍ଜାସି ସାମଦୁରିତା ଡେଞ୍ଜାଁନା ତଲିଏ ଗାଟୁତା ହାଲାପେରି; ୪୪ ତୁୟାମାନାରି ଜାଜାତି ମାରକା ପାଟାୟାଁ ଇଞ୍ଜା ଏନି ଏନି ତୀତି ମୁକାୟାଁ ଆସାନା ହାଲାପେରି ଇଞ୍ଜାଲିଏ, ଇଲେକିହୁଁ ବାରେଜାଣା ନେହୁଁ ଆହୁଁ ଗାଟୁତା ଏତେରି ।

୨୮

ମେଲିତି ଦେସାତା ପାଞ୍ଜୁଲ

୧୧ ମାମୁ ଏମାଟି ଗେଲପିଆଡ଼ି ତାମୁ ସାମଦୁରି ମାଦି ମାନି ଗାମୁ ମେଲିତି ଇଞ୍ଜିହଁ ପୁଚମି । ୧୨ ଏମାଆଁ ବାସାଆହାମାନି ପାଙ୍ଗାତି ଲକୁ ମାଙ୍ଗେ ତଣେସିଙ୍ଗା ଲେହେଁ କାର୍ମା ଆୟାତେରି, ଇଚିହଁ ପିୟୁ ଇଞ୍ଜା ପେନି ଆହୁମାତାକି ଏଞ୍ଜାରି ମାଙ୍ଗେ ହିରୁ ତାସାନା କେରଞ୍ଜାଲି ହିୟାତେରି । ୧୩ ସାମା ପାଞ୍ଜୁଲ ର ପେଣ୍ଡା ଝେସକା ହିରୁତା କୁମ୍ବାଲିଏ, ଉସମି ତାକି ର ରାତୁ ହଚାନା ପାଞ୍ଜୁଲ କେୟୁତା କାଚାହାଁ ଆଟା ତୁୟିତେ । ୧୪ ଏମାଆଁ ବାସା ଆହାମାଟି ପାଙ୍ଗାତି ଲକୁ ପାଞ୍ଜୁଲ କେୟୁତା ଏ ରାତୁ ଲେଜା ମାନାଣି ମେସାନା ତାମୁ ତାମୁ ଝେସପି ଆଡେରି, “ଇ ମାଣସି ସାତେଏ ଲକୁଣି ପାୟିନାସି, ସାମଦୁରିଚି ଗେଲହାଲିଏ ଜିକେଏ ଦାମୁ ନୀତାଲି ହାହି ହିଲେଏ ।” ୧୫ ସାମା ପାଞ୍ଜୁଲ ଏ ରାତୁଚି ହିରୁତା ହାଣ୍ଡହାନା ମେତହା ତୁସେସି, ଇଞ୍ଜା ଏଞ୍ଜାଣାକି ଏନି ନସୁ ଆପାତେ । ୧୬ ଏଞ୍ଜାଣି ଆଙ୍ଗା ପଙ୍ଗା ହାନେ ଆଆତେଁ ଦେବୁଣିଏ ହାନେସି ଇଞ୍ଜା କାଡ଼ିମାଚେରି; ସାମା ହାରେକା ବେଲା ଆଡ଼ି ତାମୁ ଏଞ୍ଜାଣାକି ଏନି ନସୁ ଆଆତାଣି ମେସାନା ଏଞ୍ଜାରି ତାମି ହିୟାଁ ଝେଟହାନା ଏଲେଇଚେରି, “ଇଞ୍ଜାସି ର ମାହାପୁରୁ ।”

୧୭ ଏ ଗାମୁ ତାଗେ ପୁଲୁୟ ଦରୁଗାଟି ଏ ଗାମୁଚି କାଜାଣି ଇଲୁ ଅଡେଟ ବୁମି ମାଚେ; ଏଞ୍ଜାସି ମାଙ୍ଗେ ହାଟା ଅହାନା ତାନିଦିନା ପାତେକା କାର୍ମା ଆହାନା ରାହାଁଚି ସେବା କିୟାତେସି । ୧୮ ଏଚିବେଲାତା ପୁଲୁୟ ତାମି ଆବା ନମେରି ଇଞ୍ଜା ନେତେରି ବାଣ୍ଡି ତାକି ପାସପନିତା ତୁରାମାଚେସି, ଇଞ୍ଜା ପାଞ୍ଜୁଲ ତାନି ବାକ୍ରାତା ହାଜାନା ପ୍ରାତାନା କିହାନା ତାନି ଲାକ କେୟୁ ଇଗାନା ନେହଁ କିତେସି । ୧୯ ଇଦି ଆଡ଼ି ତାମୁ ଏମାଆଁ ମାନି ରଟା ଗାଟାରି ବାରେ ପାଞ୍ଜୁଲ ତାଣା ଖାହାନା ନେହଁ ଆଡେରି; ୨୦ ଏଞ୍ଜାରି ମାଙ୍ଗେ ଜିକେଏ ହାରେକା ମାନି ତଲେ ଜାସୁ ନୟାଁତେରି, ଅଡେଟ ମାମୁ ହାଜିମାଚାଟି ମା ଲତ୍ତାମାନାଣି ହାହାନା ପାଣ୍ଡାତେରି ।

ମେଲିତିଚିଏ ରମ୍ପତା ପାଞ୍ଜୁଲ ହାନାସି

୨୧ ତାନି ଲେଞ୍ଜୁ ଜେତ ମାମୁ ରୁ ଆଲେକଜାଣ୍ଡିୟାତି ଏୟୁ ଜାଜାତା ହଚାନା ହାଚମି, ଏୟୁ ଜାଜା ପେନିବେଲା ହାଲୁଝେ ଏ ଗାମୁତା ତୁୟାମାଚେ, ଏଦାନି ଦରୁ “ଜାଣ୍ଡା ପେଣ୍ଡାକା,” ଇଞ୍ଜିମାଚେରି । ୨୨ ପୁରାକୁସା ଗାଡାତା ଏଜାନା ଏମାଆଁ ମାମୁ ତାନିଦିନା ମାଚମି । ୨୩ ଅଡେଟ ଏମାଟି ଏୟୁ ଜାଜା ତଲେ ହାଜାନା ରେରିୟା ଗାଡାତା ଏତମି, ତାନି ଅର ଦିନା ଟିଝନି ଖାକିଚି ଗାଲି ଝେତାଲିଏ ଅଡେଟ ରା ଦିନା ତାମୁ ପୁଡେଅଲି ଗାଡାତା ଏତମି; ୨୪ ଏମାଆଁ ମାମୁ ଏତେକା ଜ୍ରାସ୍ତାନା ତାୟିୟାଁ ଅଡେଟ ତାଜିସାଣି ବେଟାଆଡମି, ଏଞ୍ଜାରିତଲେ ର ଖାରା ତୁୟାଲି ମାଙ୍ଗେ ବାତିମାଲାତେରି; ଇଲାଆହଁ ମାମୁ ରୁମ୍ପତା ଏଗାତମି । ୨୫ ରମ୍ପତା ମାନି ତାୟିୟାଁ ଅଡେଟ ତାଜିସା ମା କାତୁ ପୁଞ୍ଜାନା ଏମାଟିଏ ଅପିୟତି ହାଟା ଇଞ୍ଜା ତାନିଗଟା ବାଡା ଇଲୁକା ପାତେକା ମାଙ୍ଗେ ମେସାଲି ଖାଡେରି, ଇଞ୍ଜା ପାଞ୍ଜୁଲ ଏଞ୍ଜାରାଇଁ ମେସାନା ମାହାପୁରୁଇଁ ଜହରା କିହାନା ବାର୍ସୁ ବେଟାଆଡେସି ।

ରମ୍ପ ଗାଡାତା ପାଞ୍ଜୁଲ

୨୬ ମାମୁ ରମ୍ପ ଏଜାଲିଏ, ପାଞ୍ଜୁଲଇଁ କାଞ୍ଜାଆନି କସକା ତଲେ ତାନି ମନତଲେ ବାସା ଆୟାଲି ହେଲ ହାପୁକିଆଡେ ।

୨୭ ତାନିଦିନା ତାମୁ ପାଞ୍ଜୁଲ ଜାହୁଦିୟାଁତି କାଜାରାଇଁ ହାଟାନା କୁଡ଼ି କିତେସି, ଅଡେଟ ଏଞ୍ଜାରି ରୁଣ୍ଡା ଆୟାଲିଏ, ପାଞ୍ଜୁଲ ଏଞ୍ଜାରାଇଁ ଏଲେଇଚେସି, “ଏ ଇସାୟେଲ ତାୟିୟାତେରି ନାନୁ ମା ଲକୁ କପାଟି କି ମା ଆକୁ ଆବାୟାତି ପାଣାପାଟୁ କପାଟି ଏନାଆଁ କିହା ହିଲାଆତି ଜିକେଏ ଜିରୁସାଲମତା ଦସ୍ପି ଆହାନା ରମ୍ପ ଦେସାତି ଲକୁତାଣା ହେରପି ଆହାମାଇଁ । ୨୮ ଏଞ୍ଜାରି ନାଙ୍ଗେ ନାହାଁୟି କିହାନା ନା ତାଣାଟି ହାନି ତଣ୍ଡ ପାଣ୍ଡିନି ଏନି ଦହ ବେଟାଆଆଲିଏ ନାଙ୍ଗେ ପିସାଲି ଅଣପାମାଚେରି; ୨୯ ଏସାମା ଜାହୁଦିଙ୍ଗା ଏଦାଣି କପାଟି ଝେସାଲିଏ ନାନୁ କାୟିସର ନକିତା ନାହାଁୟି କିୟାତୁ ଇଞ୍ଜା ବାତିମାଲିଚେସି; ଏଲେଆଡ଼ି ଜିକେଏ ନାଙ୍ଗେ ମା ଲକୁ କପାଟି ଏନି କାତା ଝେସାଲି ହିଲାଆତେ, ଏଦି ଆଏ । ୩୦ ଏଦାଆଁତାକି ନାନୁ ମିଙ୍ଗେ ନା ତଲେ ବେଟାଆହାନା ଜଲୁକି ଆହାଲି ବାତିମାଲାତେସି, ଏନାଆଁତାକି ଇଚିହଁ ଆମ୍ବାଆରି ଲାକ ଇସାୟେଲ ଲକୁ ବାର୍ସୁ କିହାମାନେରି, ଏଞ୍ଜାରି ତାକି ନାନୁ ନୀଞ୍ଜୁ ଇ ହିକ୍‌ଶିୟାଁ ତଲେ ଦସ୍ପି ଆହାମାଇଁ ।”

୩୧ ଏଞ୍ଜାରି ଏଲେଇଚେରି, “ମାମୁ ଜାହୁଦା ଦେସାଟି ନୀ କପାଟି ଏନି ଆକୁ ବେଟାଆହା ହିଲଅମି, ଅଡେଟ ନୀ କାତୁ ଆସାନା କି ନୀ କପାଟି ଦହ ଦସାନା ଝେସାଲି ମା ତାୟିୟାଁ ବିତ୍ରାଟି ଆମ୍ବାଆରି ଇମାଆଁ

☆ ୨୮:୧୧ ୨୮:୧୯ କାମା ୨୫:୧୧

ଝାହାହିଲଅରି । ୨୨ ଯାମା ନୀ ଅଣ୍ଟାପୁ ଏନାୟି ଏଦାଆଁ ମାନ୍ନୁ ନୁୀ ତାଣାଟି ଖେଞ୍ଜାଲି ମନ୍ କିହିମାନମି, ଇଚିହିଁ
ବାରେଖକିତି ଲକୁ ଇ ଗତି କପାଟି କାତା ଖେସିମାନେରି ଇଞ୍ଜିଁ ମାନ୍ନୁ ପୁଞ୍ଜିମାନମି ।”

୨୩ ଏଚେଟିଏ ଏଞ୍ଜାରି ର ଦିନା ତୀରି କିହାନା ହାଢ଼େରକା ଲକୁ ପାଞ୍ଜୁଲ ମାଟି ଇଲୁତା ଖାଡ଼େରି, ଅଡ଼େ
ଏଞ୍ଜାସି ଲାଢ଼େଟିଏ ଲାଆଁ ପାତେକା ଏଞ୍ଜାରି ନକିତା ମାହାପୁରୁତି ରାଜିତି କାତାତାକି ସାକି ହୀତେସି, ଅଡ଼େ
ମସାତି ମେରା ଇଞ୍ଜା ମାହାପୁରୁ ଅଣ୍ଟପୁତି ବଲୁ ଖେହନାରି କାତା ଆସାନା ଏଞ୍ଜାସି ଜୀସୁଇଁ ନାମି କିଞ୍ଜି କିୟାଲି
ଅଣ୍ଟପିତେସି । ୨୪ ଏମାଟିଏ ଆମ୍ବା ଆମ୍ବାଆରି ତାନି ଖେସି କାତାଟି ନାମିତେରି ଇଞ୍ଜାଁ ଆମ୍ବା ଆମ୍ବାଆରି
ନାମାଆତେରି । ୨୫ ଏ କାତାତାକି ଏଞ୍ଜାରି ତାନି ବିତ୍ରା ରଣ୍ଡିଏ କାତା ଆଆଲିଏ ହେଲ ଅଡ଼େରି: ଏଞ୍ଜାରି ହାନି
ନଚକଏ ପାଞ୍ଜୁଲ ର କାତା ଖେସେସି, “ସୁଦୁଜୀଞ୍ଜୁ ମୀ ଆକୁ ଆବାୟାଣି ମାହାପୁରୁ ଅଣ୍ଟପୁତି ବଲୁ ଖେହନି
ଜିୟାୟ ତାଣାଟି ଖେସାମାଚେସି ।”

୨୬ ଏଞ୍ଜାସି ଏଲେଇଞ୍ଜି ମାନେସି, “ଇ ଲକୁତାଣା ହାଜାନା ଖେହମ୍ବୁ,
ମୀରୁ ଖେଞ୍ଜିଖେଞ୍ଜି ଖେଞ୍ଜେରି, ଯାମା ଏନାଆଁ ତେଲ୍‌ହଅ ତେରି,

ଇଞ୍ଜାଁ ମୀରୁ ମେସି ମେସି ମେହଦେରି, ଯାମା ଏନାଆଁ ପୁଞ୍ଜାଲି ଆଡ଼ଅତେରି,

୨୭ ଇଚିହିଁ ଇ ଲକୁ ହିୟାଁତା ଉଣା ବୁଦିଗାଗାରି,

ଏଞ୍ଜାରି ଜାହା ଜାହାରା କୀକା କାଣ୍ଡକା ମୁତା କତାମାନେରି,

ଏଲେଆହାଁ ହିଲାଆତିହିଁ ମା,

ଏଞ୍ଜାରି କାଣ୍ଡକା ଦେତାନା ମେସାଲି ଆଡ଼ିତେରିମା,

ଅଡ଼େ କୀକା ତଲେ ଖେଞ୍ଜାଲି ଆଡ଼ିତେରିମା ।

ଏଞ୍ଜାରି ହିୟାଁତା ତେଲ୍‌ହାଲି ଆଡ଼ିନି ବାଡ଼ୁଲୁ ଡ଼ୟିତେମା;

ଏଞ୍ଜାରି ମାହାପୁରୁ ଖାକି ଖେଣ୍ଡା ଖାଡ଼େରିମା,

ଅଡ଼େ ନାନୁ ଏଞ୍ଜାରାଇଁ ନେହିଁ କିତେଏଁମା ।”

୨୮ ତାମୁ ପାଞ୍ଜୁଲ ଏଲେଇଚେସି, “ଏଦାଆଁତାକି ମାହାପୁରୁତି ଇ ଗେଲ୍‌ପିନାଣି ଏଟକା କୁଡ଼ାତି ଲକୁତାଣା
ପାଣ୍ଡି ଆହାମାନେ, ଇଦାଆଁ ମୀରୁ ପୁଞ୍ଜି; ଏଞ୍ଜାରି ଜିକେଏ ଖେନେରି ।” ୨୯ ପାଞ୍ଜୁଲ ଇ ବାରେ କାତା
ଖେସାଲିଏ, ଜୀହୁଦିୟାଁ ତାମ୍ବୁ ତାନି ବିତ୍ରା ବାଦିବାଦା ଆହିଁ ହାଚେରି* ।

୩୦ ପାଞ୍ଜୁଲ ରୀ ବାର୍ଯ୍ୟା ପାତେକା ତାନି ବାଡ଼ା ଇଲୁତା ଡ଼ୟିତେସି, ଅଡ଼େ ଏଚେକା ଲକୁ ଏଞ୍ଜାଣି ତାଣା
ଖାହିମାଚେରି, ବାରେତି ଇଜ ହାଟା ଅହିମାଚେସି । ୩୧ ଇଞ୍ଜାଁ ସାସାତଲେ ନୀରାସା ଆଆନା ମାହାପୁରୁ
ରାଜିତି କାତା ଖେସିମାଚେସି, ଇଞ୍ଜାଁ ପ୍ରବୁ ଜୀସୁ କ୍ରୀସ୍ତତି କାତା ଜାପୁହି ମାଚେସି ।

* ୨୮:୨୯ ୨୮:୨୯ ଇ କାତା ପୁଞ୍ଜି ପତିତା ହିଲେଏ ।

ରମିୟ ମଣ୍ଡଳୀ ନିମନ୍ତେ ପାଠଲକ ଲିଖିତ ପତ୍ର ରମିୟ କୁଲମିକି ପାଞ୍ଚଲ ରାତ୍ନାମାନି ଆକୁ ମୂଲୁ ହାଡ଼ା

ଜୀସୁ କ୍ରୀସ୍ତ ଜାର୍ନାଆଡ଼ି ତାୟୁ ରମିୟ ପତି ୫୪ ଟିଏ ୫୮ ବାସୀ ବିତ୍ତା ପାଣ୍ଡୁଆଡ଼ି ପାଞ୍ଚଲ ରାତ୍ନାମାଚେସି ଇଞ୍ଜିଲ୍ ଇନେରି । ପାଞ୍ଚଲ ରମିୟ ହାନି ନକେଏ ଜୀହୁଦି ଅଡେ ଜୀହୁଦିଆଆଡି କ୍ରୀସ୍ତାନା ଲକ୍ଷୁଣି ଜାପୁହାଲି ଇ ଆକୁ ରାତ୍ନାମାଚେସି । ବାରେ କୁଡ଼ାତି ଲକ୍ଷୁ ଏନିକି ଜୀସୁ କ୍ରୀସ୍ତଇ ନାମିନେରି ଇଞ୍ଜା ମାନି କିନେରି ୧୭:୨୭ ଏଦାଆତାକି ପାଞ୍ଚଲ କରନ୍ତି ଗାଡ଼ାତା ମାଚାଟି ରମିୟ ମାନି କ୍ରୀସ୍ତାନା ଲକ୍ଷୁଣି ଜାପୁହାଲି ଇ ଆକୁ ରାତ୍ନାମାଚେସି ।

ବାରେ ଚାୟୁଡି ବାରେ ବେଲାତି କ୍ରୀସ୍ତାନା ଲକ୍ଷୁତାକି ରମିୟ ଉ ଲଡ଼ାମାନି ପତି, ଏନାଆତାକି ଇତିହାସ ମାର ଏନିକି ଜୀସୁ କ୍ରୀସ୍ତ ତାଣାଟି ଗେଲପି ଆହାଲି ଆଡିନାୟି, ପାଞ୍ଚଲ ଅନିକିହ ବରାଣି ପିହୁଆନାହାଁ ତେଲହି କିହାମାନେସି । ପାଞ୍ଚଲ ପୁଃଇ ମେରାତି ଜୀସୁ କ୍ରୀସ୍ତତି ନେହ ବଲୁ ତଲେ ଆଡ଼ହାମାନେସି । ଇ ପତିତି ୧-୧୭ ପଦୁତି ହାରେକା ବୁଦିଗାଟାରି ନେହ କି ଅଣପାନା ଝେସାମାନେରି, ଇ ବଲୁ ମାଦିତାୟି । ଇମାଆଁ ଝେସପି ଆହାମାନେ, “ନାନୁ ନେହ ବଲୁ ଝେକହାଲି ଲାଜା ଆଆଁ ଏନାଆତାକି ଇତିହାସ ଆମିନି ଗାଟାରି ନାମିନେରି ବାରେଜାଣା ତାକି ଇଦି ମାହାପୁରୁତି ବାଡ଼ୁୟୁ । ନକେଏ ଜୀହୁଦି ଲକ୍ଷୁକି ତାୟୁ ଜୀହୁଦିଆଆଡି ଲକ୍ଷୁତାକି ଜିକେଏ ।”

ମୂଲୁ ବାଗା ୧-୧୨ ହାରେକା ମାହାପୁରୁତି କାତା ଅଡେ ଅର ବାଗା ୧୩-୧୫ କ୍ରୀସ୍ତାନା ଜୀହୁତା ଲଡ଼ାମାନି କାତା ଜାପିନାୟି ମାନେ ।

ପତିତା ମାନାୟି

- ୧. ପାଞ୍ଚଲ ତାନି କାତା ପୁଣ୍ଡି କିହାନା, ଆମାଆରାକି ଆକୁ ରାତିମାଚେସି ଏଦାଆଁ ଝେସାନା ଆକୁ ରାତିନାୟି । ୧:୧-୧୫
- ୨. ମାଣସି କୁଡ଼ାତି ରାଜି ଅଡେ ଜୀସୁ କ୍ରୀସ୍ତ ତାଣାଟି ଗେଲପି ଆନାୟି । ୧:୧୭-୧୧:୩୭
- ୩. କ୍ରୀସ୍ତାନା ଲକ୍ଷୁ ଏନିକି ନାତିନାୟି ଏ କାତା ହାରେକା ଜାପୁହାମାନେସି । ୧୨:୧-୧୫:୧୩
- ୪. ରମିୟ ମାନି କୁଲମିକାଣି ଜହରା କିହାନା ରାପୁନାୟି । ୧୭

ପାଞ୍ଚଲତି ଜହରା ଝେହନି କାତା

୧ କ୍ରୀସ୍ତ ଜୀସୁତି ହଲେଏସି ଅଡେ ମାହାପୁରୁ ହାହାମାନି ନେହ ବଲୁ ଝେକହାଲି ପାଣ୍ଡୁ ଆହାଁ ଆଡ଼ାନା ହାଟୁକି ଆହାମାନି ସୀସୁ ପାଞ୍ଚଲତି ଆକୁ ।

୨ ଦାମ୍ବି ସାସ୍ତେରିତା ରାସ୍ତିକି ଆହାମାନି ଲେହେଁ ଇ ନେହ କାବୁତି କାତା ତଲି କାଲ୍ଲାଟିଏ ମାହାପୁରୁ ଅଣ୍ଡୁପି ବଲୁ ଝେହନାରି ତାଣାଟି ଆଞ୍ଜାମାଚେସି । ୩ ଇଦି ମାହାପୁରୁ ମୀରୁଏଣାତି କାତା, ମା ପ୍ରବୁ ଜୀସୁ କ୍ରୀସ୍ତ ମାଣସି ଆହାଁ ଏଞ୍ଜାସି ଦାଞ୍ଜୁଦ କୁଡ଼ାତା ଜାର୍ନା ଆଚେସି । ୪ ସାମା ତାନି ଲାକପୁରୁତି ସୁଦୁଜୀହୁ ତାକି, କାଜା ହାକିଟି ନିଜ୍ଜାନା ଏଞ୍ଜାସି ବାଡ଼ୁୟୁ ତଲେ ଜୀସୁ ମାହାପୁରୁତି ମୀରୁଏସି ମସିହା* ଇଞ୍ଜି ଝେଜିତେସି, ୫ କ୍ରୀସ୍ତ ତାକି, ମାହାପୁରୁ ନାଜେ ପାଣ୍ଡୁଆହାମାନି ସୀସୁ ଲେହେଁ ହାଟାନା, ବାରେ କୁଡ଼ାତି ଲକ୍ଷୁତାଣା ନେହ ବଲୁ ଝେକହାଲି ପାରୁ ହାହାମାଞ୍ଜାନେସି, ଏନିକିହ ଏଞ୍ଜାରି କ୍ରୀସ୍ତ ଜୀସୁ ତାଣା ନାମାନା ତାଜେ ମାନୁଞ୍ଜି ଆହାନା ତୁୟିନେରି । ୬ ରମ୍ ଗାଡ଼ାତା ବାସାଆହାମାନି ଲକ୍ଷୁତେରି, ମୀରୁ ଜିକେଏ ଜୀସୁ କ୍ରୀସ୍ତତି ଲକ୍ଷୁ ଆହାଲି ହାଟୁକି ଆହାମାଞ୍ଜେରି ।

୭ ରମ୍ଡି ଆମିନି ଲକ୍ଷୁଣି ମାହାପୁରୁ ଜୀହୁ ନହାମାନେସି ଇଞ୍ଜା ତାନି ଲକ୍ଷୁ ଆହାଲିତାକି ହାଟାନାମାନେସି, ଏ ବାରେ ଲକ୍ଷୁତାକି ନାନୁ ଇ ଆକୁ ରାତିମାଇ, ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସ୍ତ ତାଣାଟି ମିଜେ କାର୍ମାମେହନାୟି ଅଡେ ହିଡ଼ି ଆୟାପେ ।

ଜହରା କିନି ପ୍ରାତାନା

* ୧:୪ ୧:୪ କ୍ରୀସ୍ତ

୮ ମୂଲ୍ୟ, ମୀ ନାମୁତି ନେହଁ ହାତା ବାରେ ଦାରୁତିତା ଝେକ୍‌ମାନେ, ଏଦାଆଁତାକି ନାନୁ ମୀ ବାରେଜାଣା ତାକି ଜାସୁ କ୍ରାସୁ ତାଣାତି ନା ମାହାପୁରୁଇଁ ଜହରା କିହିମାଇଁ । ୯ ନା ବାରେ ହିୟାଁ ଜାସୁତଲେ ନାନୁ ଆମିନି ମାହାପୁରୁତି ସେବା କିହିମାଇଁ ଇଞ୍ଜା ଆମିନି ମାହାପୁରୁତି ମୀର୍-ଏଣାତି ନେହଁ କାବୁ ଝେକ୍‌ହିମାଇଁ, ଏ ମାହାପୁରୁ ନା ସାକି । ୧୦ ପ୍ରାତାନା କିନାଟି ନାନୁ କାଲେଏ ମିଜେ ଅଣ୍ଡପାଇଁ ଇଞ୍ଜା ମୀ ତାଣା ଖାହାଲି ନାଜେ ପାରୁ ହିୟାନି ମାହାପୁରୁ ତାଣା ବାତିମାଲିମାଇଁ । ୧୧ ଇତିହଁ ନାନୁ ମିଜେ ଆଣ୍ଡାଲି ହାରେକା ମନୁ କିହିମାଇଁ, ଇଞ୍ଜା ମିଜେ ର ଜାସୁତି ବରୁ ହିୟାଇଁ, ଏନିକଁ ମୀରୁ ତାରିଆହାନା ମାଜେରି । ୧୨ ଇଦାଆଁ ତଲେ ମାରୁ ରଅତଝି ରଅଣା ନାମୁତି ଆର୍ତ୍ତା କିହାଲି ଆଡିନାୟି ।

୧୩ ଏ ତାୟିୟାଁ ଅଡେ ତାଜିସ୍ତାତେରି, ମୀ ତାଣା ଖାହାଲି ତାକି ନାନୁ ହାରେକା ଦେବା ଅଣ୍ଡପାମାଇଁ, ସାମା ହାରେକା ବାଦା ବେଗାଆତାକି, ନୀଏଁ ପାତେକା ଖାହାଲି ଆତାଆତେଏଁ । ଏବୁକା କୁଡ଼ାତି ଲକୁତାଣା ଜିକେଏ ବଲୁ ଝେକ୍‌ହାନା ଏନିକିହଁ ପାଡେଡିୟି ବେଗାଆହାମାଇଁ, ମୀ ତାଣା ଜିକେଏ ଏଲେକିହାଲି ନା ଅଣ୍ଡପୁ । ୧୪ ଏନାଆଁତାକି ଇତିହଁ ବୁଦିଗାଗାରିଁ ଅଡେ ପାଜାଗାରିଁ ଜାଦିତାରି ଅଡେ ଜାପାଆତି ଲକୁ ବାରେ ଗତିତି ଲକୁତାକି ନା ଦାୟିପତି ମାନେ । ୧୫ ଏଦାଆଁତାକି ରମ୍ ଗାଡା ତାତେରି ମୀରୁ, ମୀ ତାଣା ଜିକେଏ ନେହଁ ବଲୁ ଝେକ୍‌ହାଲି ନା ଅଣ୍ଡପୁ ।

ନେହଁ କାବୁତି ବାଡ଼ୟୁ

୧୬ ଇତିହଁ ନାନୁ ନେହଁ କାବୁ ଝେକ୍‌ହାଲି ଲାଜା ଆଅଁ, ଏଡି ନାମିମାନି ବାରେ ଲକୁତାକି ଗେଲ୍‌ପି ଆହାଲିତାକି ମାହାପୁରୁତି ବାଡ଼ୟୁ, ମୂଲ୍ୟ ଜାହୁଦି ଅଡେ ତାୟୁ ଜାହୁଦିଆଆତି ନାମିତି ଲକୁତାକି । ୧୭ ମାଣସି ଏନିକିହଁ ମାହାପୁରୁ ନକିତା ଦାମ୍‌ଗାଗାସି ଇଞ୍ଜା ତଞ୍ଜାଆନେସି, ଏ ଉପେୟି ଏଦାଆଁ ତସ୍‌ପି ଆହାମାନେ । ମୂଲ୍ୟଟିଏ ରାଦି ପାତେକା ଗେଲ୍‌ପିଆନାଣି ବେଗାଆଡି ଉପେୟି ନାମୁ । ଦାମ୍ ସାସ୍‌ସ୍‌ପିରତା ରାସ୍‌କି ଆହାମାନେ, “ଦାମ୍‌ଗାଗାସି ନାମୁତଲେ ନାଡିନେସି ।” ୧୮

ପାପୁ ତାକି ମାହାପୁରୁତି କାରବି

୧୯ ଆମିନି ଲକୁ ବାରେ ଲାଗେଏ କାମାଟି ସାତାଇଁ ଆଜିମାନେରି, ଏଞ୍ଜାରି କପାଟି ଲାକପୁରୁତି ମାହାପୁରୁତି କାରବି ତଞ୍ଜା ଆହାମାନେ । ୨୦ ଏନାଆଁତାକି ଇତିହଁ ମାହାପୁରୁତି କାତା ଏନାଆଁ ପୁନାୟି ମାଟେ, ଏଦାଆଁ ଏଞ୍ଜାରି ପୁଞ୍ଜାମାନେରି, ମାହାପୁରୁ ଏଞ୍ଜାରି ନକିତା ଏଦାଆଁ ଝେସାମାନେସି । ୨୧ ମାହାପୁରୁ ଦାରୁତି ଗାଡ଼ିକିତି ତାଣାଟିଏ, ତାନି ତଞ୍ଜା ଆଆଗାଟି ଗୁଣ୍ଡୁୟାଁ, ତାନି ରାଆଗାଟି ବାଡ଼ୟୁ ଅଡେ ଲାକପୁରୁତି ଗୁଣ୍ଡୁ ନେହଁ କଁ ତଞ୍ଜା ଆହିମାନୁ; ତାନି ଗାଡ଼ିକିତାଆଁ ବାରେ ଏଞ୍ଜାଆଁ ମେସାଲି ଆଡିନାୟି । ଏଦାଆଁତାକି ଏଞ୍ଜାରି ପୁଞ୍ଜାହିଲଅମି ଇଞ୍ଜା ଇଞ୍ଜାଲି ଆଡଅରି । ୨୨ ଏଞ୍ଜାରି ମାହାପୁରୁଇଁ ପୁଞ୍ଜା ଜିକେଏ ଏଞ୍ଜାଣାଇଁ ଗାଧୁରମି କିଆତେରି କି ଏଞ୍ଜାଣାଇଁ ଜହରା କିଆତେରି । ସାମା ଏଞ୍ଜାରି ଅଣ୍ଡପୁ ବାରେ ଉଜେଏତି ଅଣ୍ଡପୁ ଅଡେ ଏଞ୍ଜାରି ତେଲ୍‌ହାଆଗାଟି ମନୁ ଆଦେରି ଆହାମାନେ । ୨୩ ଏଞ୍ଜାରି ଜାହାରାଇଁ ବୁଦିଗାଗାଟମି ଇଞ୍ଜା ଇନେରି, ସାମା ସାତା ତଲେ ଏଞ୍ଜାରି ବୁଦି ହିଲ୍‌ଆ ଗାଗାରି; ୨୪ ଅଡେ ନାସା ଆଆଗାଟି ମାହାପୁରୁତି ଗାଧୁରମିତି ନାସା ଆନି ମାଣସି, ସାରିଗଟା କତାୟାଁ ଗାଟି ଜଡ଼, କତାୟାଁ ଅଡେ ରାସ୍‌କା କୁଡ଼ାତି ବମାୟାଁ କିହାନା ଏଞ୍ଜାଆଁତି ପୂଜା କିହିମାନେରି । ୨୫

୨୬ ଏଦାଆଁତାକି ମାହାପୁରୁ ଏଞ୍ଜାରାଇଁ ହିୟାଁତି ଲାଗେଏତି ଜୁପ୍‌କାତାକି ଏଞ୍ଜାରାଇଁ ଲାଗେଏତି ତାଣା ହେରପିତେସି, ଏନିକିହଁ ଏଞ୍ଜାରି ଆଜା ରଅସି ରଅଣି ତଲେ ଲାଜାଗାଟି କାମା କିହିମାନେରି । ୨୭ ଏଞ୍ଜାରି ମାହାପୁରୁ କାତାତି ସାତା ପିସାନା ମିତିତି ବାସୁ କିହିମାନେରି । ଗାଡ଼ିକିତି ମାହାପୁରୁଇଁ ପୂଜା କିଆନା, ଗାଡ଼ିଆତି ଦିଶସୁ ପୂଜା କିହିମାନେରି; ଏ ଗାଡ଼ି କିତାଣାଇଁ କାଲ୍‌କାଲ୍‌ତାକି ଜହରା । ଆମେନୁ ।

୨୮ ଏଞ୍ଜାରି ଏଲେକିତାକି ମାହାପୁରୁ ଏଞ୍ଜାରାଇଁ ଲାଜାଗାଟି ପାପୁ କାମାତା ହେରପିତେସି, ଇତିହଁ ଏଞ୍ଜାରି ତକ୍‌ସିକା ତକ୍‌ସାୟାଁ ତଲେ କୁଡ଼ାଲି ପିସାନା ଏଡ଼ି ତାମ୍‌ତାମ୍‌ସୁ କିଆଗାଟି ଲାଜା କାମାୟାଁ କିତୁ ୨୯ ଏଲେକିହଁ ଏ ଆବାୟାଁ ଜିକେଏ ଜାହାରା ତକ୍‌ସି ତଲେ କୁଡ଼ାଆନା ଜାହା ଜାହାରା ବିତୁ ଲାଗେଏତି କାମା କିତେରି । ଆବା ଆବାୟାଁ ତଲେ ଲାଜା ଆନି କାମା କିତେରି, ଏଦାଆଁତାକି ଏଞ୍ଜାରି ଲାଗେଏ କାମାଟି ତଣ୍ଡ ବେଗା ଆହିମାନେରି ।

* ୧:୧୩ ୧:୧୩ କାମା ୧୯:୨୧ † ୧:୧୪ ୧:୧୪ ଗ୍ରିକ୍ ‡ ୧:୧୪ ୧:୧୪ ବୁଦି ହିଲ୍‌ଆ ଗାଗାରି, * ୧:୧୭ ୧:୧୭ ମାର୍କି ୮:୩୮
 * ୧:୧୭ ୧:୧୭ ଏଡ଼ି ୨:୪ * ୧:୨୧ ୧:୨୧ ଏପିସି ୪:୧୭,୧୮ * ୧:୨୧ ୧:୨୧ ଏପିସି ୪:୧୭,୧୮ * ୧:୨୩ ୧:୨୩ ଝେ ମେରା
 ୪:୧୭-୧୮

୨୮ ଅଡ଼େ ଏନିକିଏ ଏଞ୍ଜାରି ମାହାପୁରୁତି ବୁଦିତି କୁହାଲିଏ, ଏଲେକିହିଏ ଏ ମାହାପୁରୁ କିଆଗାଟି କାମା କିହାଲି ଏଞ୍ଜାରିଲି ଲାଗେଏତି ଅଣ୍ଡପୁତା ହେରୁପିତେସି । ୨୯ ଏଞ୍ଜାରି ଦାମ୍ବୁ ହିଲିଆଗାଟାୟି, ଲାଗେଏ ପଚଲଏ, କୁପକା ଅଡ଼େ ଇରୁସା, ଲକ୍ଷୁକ୍ ପାୟିନାୟି, ଗଡ଼ହା କିନାୟି, ନାଡ଼ିକିନାୟି ଅଡ଼େ ଲାଗେଏତି କାମା ନେଞ୍ଜାମାନେ; ୩୦ ଏଞ୍ଜାରି ଉଡ଼ୁପାତି, ନିନ୍ଦା କିନାରି, ମାହାପୁରୁକ୍ ଅପାଆଗାଟାୟି, ଲାଗେଏତି କାମା କିନାୟି, ଏଞ୍ଜାରି ଲାଗେଏ କାମା କିହାଲି ପାରୁ ପାରିନେରି; ଏଞ୍ଜାରି ତାଲି ତାଞ୍ଜିକ୍ ମାନି କିଆଗାଟାରି, ୩୧ ଏଞ୍ଜାରି ବୁଦି ହିଲିଆ ଗାଟାରି, ଜାହାରା ହାତିକାତା ଆହୁଅରି । ଇଞ୍ଜା ଏବ୍‌କାତାରାକି ଇଚାଣି କାମା ହିଲେଏ । ୩୨ ଏଞ୍ଜାରି ପୁଞ୍ଜାମାନେରି, ମାହାପୁରୁତି ମେରା ଲେହେଁ ଇଲେତି ଲକ୍ଷୁ ହାନି ତଣ୍ଡ ପାଣ୍ଡନାୟି ମାନେ, ଇଦାଆଁ ପୁଞ୍ଜାହାଁ ଜିକେଏ ଏଞ୍ଜାରି ଏଲେକିହିଏ ଲାଗେଏତି କାମା କିହେମାନେରି, ଅଡ଼େ ଏଲେତି କାମା କିହିମାନି ଲକ୍ଷୁତଲେ ରାହାଁତଲେ ଆଣ୍ଡିନେରି ।

୨

ମାହାପୁରୁତି ନାହାଁୟି

୧ ଏବ ତାୟି ଅଡ଼େ ତାଜି, ମୀମ୍ବୁ ଏନାଆଁ ଏବ୍‌କା ଲକ୍ଷୁଣି ନୀହାଁୟି କିହିମାଞ୍ଜେରି ? ମୀରୁ ଆମ୍ବାଆତେରି ଆଡ଼ିଜିକେଏ, ଇଲେ କିନାୟି ମିଜେ ତାକି ନେହେଁ ଆଏ, ଏବ୍‌କା ଲକ୍ଷୁଣି ଦହ ଦସାନା ମୀମ୍ବୁ ଏଲେତି କାମା କିହାନା ଏମ୍ବାଟି ମୀରୁଏ ଦହ କିହିମାଞ୍ଜେରି ।* ୨ ଆମିନି ଗାଟାରି ଇଲେତି କାମା କିନେରି, ମାହାପୁରୁ ଏଲେତି ଲକ୍ଷୁଣି ସାତା ତଲେ ନାହାଁୟି କିନେସି, ଇଦାଆଁ ମୀମ୍ବୁ ପୁଞ୍ଜାମାନମି । ୩ ଏବ ତାୟି ଅଡ଼େ ତାଜି, ଆମିନି ଗାଟାରି ଲାଗେଏତି କାମା କିନେରି, ଏଞ୍ଜାରିଲି ନୀହାଁୟି କିହାନା, ମୀମ୍ବୁ ଏଲେତି କାମା କିହିମାଞ୍ଜେରି, ମୀରୁ ମାହାପୁରୁତି ନୀହାଁୟିଟି ଜାଣା ଆନାୟି ଇଞ୍ଜା ଅଣ୍ଡପିମାଞ୍ଜେରି କି ? ୪ ଆଆଡ଼େ, ମାହାପୁରୁତି ହାଡ଼େକା କାମାମେହନାୟି ମୀ ହିୟାଁ ବାଦଲି କିନି ଖାକି ଅହାଲି ଅଣ୍ଡପିନେ, ଇଦାଆଁ ପୁନାଆନା ମୀରୁ କି ତାନି କାମାମେହନାଣି, ସାସା, ଅବହାନା ତୁୟିନି ଲେହେଁତି ଦନଇଁ ଅପିହିଲଅତେରି କି ? ୫ ସାମା ମୀରୁ ମୀ ଆବ୍‌ଖା ଅଡ଼େ ବାଦଲିକ୍ ଆଆଗାଟି ହିୟାଁ ଲେହେଁ, ଆମିନି ଦିନା ମାହାପୁରୁତି ନୀହାଁୟି ତଞ୍ଜାଆନେ, ଏ କାରବିତି ଦିନାତାକି ଜାହାରାତାକି କାରବି କୃଡ଼ି କିହିମାଞ୍ଜେରି; ୬ ଏଞ୍ଜାସି ବାରେ ଲକ୍ଷୁତାକି ତାନି କିହାମାନି କାମାଟି ପାଡ଼େୟି ହାନେସି;* ୭ ଆମିନି ଗାଟାରି ସାସାତଲେ ନେହୁଁ କାମା କିହାନା ଗାଞ୍ଜୁରମି, ମାନି ଇଞ୍ଜା ହାଆଗାଟାଣି ପାରିନେରି, ଏଞ୍ଜାରିକି କାଲ୍‌କାଲ୍‌କାଟି ଜାହୁଁ ହାନେସି, ୮ ଆମ୍ବାଆରି ଖାଉଇ ତାମଜେ ଅଣ୍ଡପିନେରି, ଇଞ୍ଜା ସାତାତି ମାନୁଞ୍ଜି ଆଆରି, ସାମା ଲାଗେଏତାଣି ମାନୁଞ୍ଜି ଆନେରି; ଏଞ୍ଜାରିକି କାରବି ଅଡ଼େ କପା ଖାନ୍, ୯ ଆମ୍ବାଆରି ଲାଗେଏତି କାମା କିହିମାନେରି ଏଞ୍ଜାରିକି କାକୁଲି ଅଡ଼େ କସୁତି ଦିନା ଖାହିମାନେ, ମୂଲୁଏ ଜାହୁଦି ଲକ୍ଷୁତାକି ଇଞ୍ଜା ତାୟୁ ଜାହୁଦିଆଆଡ଼ି ଲକ୍ଷୁତାକି ଆନେ । ୧୦ ସାମା ମୂଲୁଏ ଜାହୁଦି ଲକ୍ଷୁକି ଅଡ଼େ ଜିକେଏ ଜାହୁଦିଆଆଡ଼ି ଲକ୍ଷୁତାକି, ନେହୁଁ କାମା କିହାମାନି ବାରେଜାଣା ତାକି ଗାଞ୍ଜୁରମି, ମାନି ଇଞ୍ଜା ହିଡ଼ି ହିୟାନେସି । ୧୧ ଇତିହିଁ ମାହାପୁରୁ ତାଣା ପାରଡ଼ା ବାଟି କିନାୟି ହିଲେଏ ।*

୧୨ ଜାହୁଦିଆଆଡ଼ି ଲକ୍ଷୁକି ମସାତି ମେରା ହିଲିଆଆନା ପାପୁ କିହାମାନେରି; ଏଞ୍ଜାରି ଜିକେଏ ମସାତି ମେରା ହିଲିଆଆନା ନାସା ଆନେରି, ଅଡ଼େ ଏତେକା ଜାହୁଦି ଲକ୍ଷୁକି ମସାତି ମେରା ପୁଞ୍ଜାମାନାକି; ଏଞ୍ଜାରି ପାପୁ କିହାମାନେରି ଅଡ଼େ ଏ ମେରା ତଲେ ନୀହାଁୟି କିଞ୍ଜିଆନେରି । ୧୩ ଇତିହିଁ ମେରାତି ଖେଞ୍ଜାନା ଲକ୍ଷୁ ମାହାପୁରୁ ନକିତା ଦାମ୍ବୁଗାଟାରି ଆଆରି, ସାମା ମେରାଟି ମାନୁଞ୍ଜି ଆଡ଼ିସାରେ ଦାମ୍ବୁଗାଟାରି ଆନେରି । ୧୪ ଜାହୁଦିଆଆଡ଼ି ଲକ୍ଷୁକି ମେରା ହିଲିଆତିହିଁ ଜିକେଏ ଏଟିବେଲା ଏଞ୍ଜାରି ମେରାଟା ମାନି ଲେହେଁ କାମା କିନେରି, ଏଟିବେଲା ଏଞ୍ଜାରି ମେରା ବେଟା ଆଆଡ଼ିହିଁ ଜିକେଏ ତାମଜେ ମେରା ଲେହେଁ ଆନେ; ୧୫ ଏଞ୍ଜାରି କିହିମାନି କାମାଟି ଇଦି ନେହୁଁ ତଲେ ତଞ୍ଜା ଆହିମାନେ, ମେରାଟି ମାନି ଏଞ୍ଜାରି ହିୟାଁତା ରାସୁକି ଆହାମାନେ । ଇ କାତାତି ସାତା ଏଞ୍ଜାରି ଅଣ୍ଡପୁତା ଜିକେଏ ପାରମାଣା ସାତା ତଲେ ଅଣ୍ଡପିନାଟି ଅଣ୍ଡପିନି ଅଣ୍ଡପୁ ଏଞ୍ଜାରି କାତାତା ରାଡ଼ି ଆହିମାନେ, ସାତା ଅଣ୍ଡପୁ ଅଣ୍ଡପିନାଟି ଅଣ୍ଡପୁ ଏଞ୍ଜାରିଲି ନେହାଁରି କିନେ, ଲାଗେଏତି ଅଣ୍ଡପୁ ଅଣ୍ଡପିନାଟି ଦହ କିହିମାନେ । ୧୬ ଏମିନି ଦିନା ମାହାପୁରୁ କ୍ରୀସୁ ଜୀସୁ ତାଣାଟି ମାଣ୍ଡସିତି ତୁଗ୍ନାମାନି କାତା ବାରେ ନୀହାଁୟି କିନେସି, ଏ ଦିନା ନାନୁ ଖେକିହିମାନି ନେହୁଁ କାହୁ ଲେହେଁ ଇ ବାରେ ଆନେ ।

* ୨:୧ ୨:୧ ମାଟି ୭:୧; ଲୁକ ୬:୩୭ * ୨:୧ ୨:୧ ମାଟି ୭:୧; ଲୁକ ୬:୩୭ * ୨:୬ ୨:୬ ପାପୁ ୭୨:୧୨ * ୨:୧୧ ୨:୧୧ ଖେ ମେରା ୧୦:୧୭

ଜୀହୁଦି ଲକ୍ଷ୍ମ ଅଡ଼େ ଫେରା

୧୭ ମୀରୁ ଜାହାରାଇଁ ଜୀହୁଦିତମି ଇଞ୍ଜାକତିମାଞ୍ଜେରି; ଫେରାତି ବାସୁଁ ଇଗାମାଞ୍ଜେରି ଅଡ଼େ ମାହାପୁରୁ ତାଣା ବଡ଼ପଣ କିହିମାଞ୍ଜେରି; ୧୮ ଅଡ଼େ ମସାତି ଫେରାତି ଜାପାନା ଏଞ୍ଜାଣି ଅଣ୍ଡୁ ପୁଞ୍ଜାମାଞ୍ଜେରି, ଇଞ୍ଜା ନେହାଁଣି ଲାଗେଏତାଣି ବାତି କିହିମାଞ୍ଜେରି, ୧୯ ସାତେଏ ମୀରୁ ନେହୁଁ କିହିଁ ପୁଞ୍ଜାମାଞ୍ଜେରି, ମୀରୁ କାଣାୟାଁଣି ଜିରୁ ତହୁନାତେରି, ଆଦେରିତା ମାନି ଲକ୍ଷ୍ମତାକି ଉଜେଡ଼ି ଲେହେଁ, ୨୦ ବୁଦି ହିଲୀଆ ଲକ୍ଷ୍ମଣି ଝେହୁନାତେରି, ପୁନାଆତି ଲକ୍ଷ୍ମଣି ଜାପୁନାତେରି । ମୀ ନାମୁ, ଫେରାତି ମୀରୁ ସାତା ଅଡ଼େ ବୁଦି ଫେଡ଼ା ଆହାମାଞ୍ଜେରି । ୨୧ ମୀରୁ ଏଡ଼କାତି ଲକ୍ଷ୍ମଣି ଜାପୁହି ମାଞ୍ଜେରି, ସାମା ଜାହାରାଇଁ ଏନାଆଁତାକି ଜାପୁହି ହିଲଅତେରି ? ସରୁ କିଆଦୁ ଇଞ୍ଜୁଁ ଜାପୁହାନା ମୀରୁଏ ଏନାଆଁତାକି ସରୁ କିହିମାଞ୍ଜେରି ? ୨୨ ଦାରି କିଆଦୁ ଇଞ୍ଜୁଁ ଇଞ୍ଜାନା ମୀରୁଏ ଦାରି କିହିମାଞ୍ଜେରି ? ମୀରୁ ପେଣକା ବମାୟାଁ ପୁଜା ଅପାଆନା ଡେଫୁଡ଼ିକାତି ଦିଶସୁ ମାଣ୍ଡାଟି ହିଲଅତେରି କି ? ୨୩ ମୀରୁ ମାହାପୁରୁତି ଫେରା ବେଟା ଆହାମାନମି ଇଞ୍ଜୁଁ ବଡ଼ପଣ ଆହିମାଞ୍ଜେରି, ସାମା ଏନାଆଁ ମାନି କିଆନା ମାହାପୁରୁଇଁ ଲାଜା ପାଣ୍ଡାପି କିହିମାଞ୍ଜେରି କି ? ୨୪ ସାପ୍ତେରିତା ରାସ୍ତିକି ଆହାମାନେ, “ମିଙ୍ଗେ ତାକି ଜୀହୁଦିଆଆତି ଲକ୍ଷ୍ମତାଣା ମାହାପୁରୁ ଦରୁ ନିନ୍ଦା ବେଟା ଆହିମାନେ ।”*

୨୫ ମୀରୁ ଫେରାତି ମାନି କିହିମାଟିସାରେ, ମୀ ତଲୁ ଦାପିଆନାୟି ଲାଜା ମାନେ । ସାମା ଫେରାତି ମାନି କିଆସାରେ, ମୀ ତଲୁ ଦାପି ଆଡାୟି ତଲୁ ଦାପିଆଆତି ଲକ୍ଷ୍ମତଲେ ସମାନା । ୨୬ ର ଜୀହୁଦିଆଆତି ଲକ୍ଷ୍ମ ଫେରାତି ହୁକୁମିକା ମାନି କିତିସାରେ ମାହାପୁରୁ ଏଞ୍ଜାଣାଇଁ ତଲୁ ଦାପି ଆଡାସି ଲେହେଁ ଇନଅସି କି ? ୨୭ ଏନାଆଁତାକି ଆଜ୍ଞା ତଲେ ତଲୁ ଦାପିଆଆତି, ଆମିନି ଜୀହୁଦିଆଆତାରି ମସାତି ଫେରା ମାନି କିନେରି, ଆତିହୁଁ ମସା ରାଡ଼ିତି ଫେରା ଅଡ଼େ ତଲୁ ଦାପି ଆଡ଼ିକିକେଏ ଫେରା ମାନି କିହିହିଲଅତେରି, ଏଞ୍ଜାରି ମିଙ୍ଗେ ବିଚାରା କିୟାନେରି । ୨୮ ଝାଉଲ ଆଜ୍ଞା ତଲେ ତଲୁ ଦାପି ଆହାନା ପାଜାତା ଜୀହୁଦି ଇଞ୍ଜୁହୁଁ ତସାକତିମାନି ଲକ୍ଷ୍ମ ଜୀହୁଦି ଆଏ । ୨୯ ଆମ୍ବାଆସି ହିୟାଁ ବିଡ଼ା ଜୀହୁଦି, ଏଞ୍ଜାସି ସାତା ତଲେ ଜୀହୁଦି, ଅଜ୍ଞାରି ତଲେ ଆଏ, ଜୀହୁ ଅଡ଼େ ହିୟାଁ ତଲେ ଆମ୍ବାଆସି ତଲୁ ଦାପି ଆଡାସି, ଏଦି ସାତା ତଲୁ ଦାପି ଆନାୟି । ଏଲେତି ଲକ୍ଷ୍ମ ମାଣ୍ଡାଟି ତାଣାଟି ମାନି ବେଟାଆଅସି, ସାମା ମାହାପୁରୁ ତାଣାଟି ମାନି ବେଟା ଆନେସି ।

୩

୧ ଆତିହୁଁ ଜୀହୁଦିଆଆତି ଲକ୍ଷ୍ମ କିହାଁ ଜୀହୁଦି ଲକ୍ଷ୍ମକି ଏନାୟି ଗାତି ଲାବା ମାନେ ? ତଲୁ ଦାଞ୍ଜନାୟି ଏନି ଲଡ଼ାମାନେ ? ୨ ହାରେକାତି, ମୁଲୁଏ ମାହାପୁରୁ ତାନି ନେହୁଁ କାବୁ ଝେକହାଲି ଦାୟିପତି ଜୀହୁଦି ଲକ୍ଷ୍ମକି ହେରୁପିତେସି । ୩ ଆତିହୁଁ ଏନାୟି ? ଜୀହୁଦିଜା ତାଣାଟି ଏଚରଜାଣା ନାମାଆସାରେ, ଏଞ୍ଜାରି ମାନି କିଆଗାଟାୟି ଏନାଆଁ ମାହାପୁରୁ ନାମୁତି ଉଜେଏ କିନେ ? ୪ ଏଲେଆହୁଁ ଆଆପେ, ଲକ୍ଷ୍ମ ବାରେଜାଣା ମିତିତାରି ଆତିହୁଁ ଜିକେଏ ମାହାପୁରୁ ସାତା । ସାପ୍ତେରିତା ରାସ୍ତିକି ଆହାମାନେ;

“ନୀ ବଲୁ ତଲେ ନୀନୁ ଦାମୁଁ ଗାଟାତି ଇଞ୍ଜୁଁ ଝେଜିଦି,
ନାହାଁୟି ଆନି ବେଲାତା ନୀନୁ ଜୀଣା ଆଦି ।” *

୫ ମା ଲାଗେଏତି କାମା ମାହାପୁରୁତି ନେହୁଁ କାମାତି ପାରମାଣା କିନେ, ଆତିହୁଁ ମାରୁ ଏନାଆଁ ଇନାୟି ? ଆମିନି ମାହାପୁରୁ ଲାଗେଏତି କାମାତାକି ତଣ୍ଡ ହାନେସି, ଏଞ୍ଜାସି କି ଦାମୁଁ ହିଲଆଗାଟାସି ? ନୀନୁ ମାଣ୍ଡାସିଲେହେଁ ଝେସିମାଇଁ । ୬ ଏଲେଆହୁଁ ଆଏ । ମାହାପୁରୁ ଦାମୁଁଗାଟାସି ଆଆତିହୁଁ, ଏଞ୍ଜାସି ଏନିକିହୁଁ ଦାରତିତି ନାହାଁୟି କିନେସି ?

୭ ସାମା ନା ମିତି ତଲେ ମାହାପୁରୁତି ସାତାତାୟି ତାନି ଗାଞ୍ଜୁରିମି ତାକି ହାରେକା ଗାତି ଆଡେ, ଆତିହୁଁ ନୀନୁ ପାପୁ ଗାଟାତେଏଁ ଇଞ୍ଜୁଁ ଏନାଆଁତାକି ନାହାଁୟି କିଝି ଆଇଁ ? ୮ ମାରୁ ଏନାଆଁତାକି ଏଲେଇନାଆୟି, “ଝାଦୁ ମାରୁ ଲାଗେଏତି କାମା କିନ, ଆତିହୁଁ ମାଙ୍ଗେତାକି ନେହେଁ ଆନେ ?” ନୀନୁ ଇଲେତି କାତା ଝେସିମାନାକି ଦାଞ୍ଜା କିହାନା ଏଚେକା ଲକ୍ଷ୍ମ ନାଙ୍ଗେ ନିନ୍ଦା କିହିମାଞ୍ଜାନେରି, ଏଞ୍ଜାରି ଇଦାଆଁତାକି ଆମିନି ତଣ୍ଡ ପାଣ୍ଡନାୟି ମାନେ, ସାତାତଲେ ବେଟାଆନେରି ।

ଦାମୁଁଗାଟାସି ଆମ୍ବାଆସି ହିଲଅସି

୧ ଆତିହୁଁ ଜୀହୁଦି ଲକ୍ଷ୍ମ ଜୀହୁଦିଆଆତି ଲକ୍ଷ୍ମ କିହାଁ ହାରେକା ନେହାଁରି ମାନେରି ? ଏଚେଲାଞ୍ଜା ଆଏ, ନୀନୁ ନକେଏ ଝେସାମାଞ୍ଜାଇଁ ଜୀହୁଦି ଅଡ଼େ ଜୀହୁଦିଆଆତି ଲକ୍ଷ୍ମ ପାପୁତି ବାଡ଼ୁଡ଼ାତା ମାନେରି, ୧୦ ଦାମୁଁ ସାପ୍ତେରିତା ରାସ୍ତିକି ଆହାମାନେ;

* ୨:୨୪ ୨:୨୪ ଜିସା ୫୨:୫ * ୩:୪ ୩:୪ ପାରୁ ୫୧:୧୫

“ଦାର୍ମଗାଟାସି ଆମ୍ବାଆସି ହିଲଅସି, ରଅସି ଜିକେଏ ହିଲଅସି,✱

୧୧ ରଅସି ଜିକେଏ ବୁଦିଗାଟାସି ହିଲଅସି;

କି ମାହାପୁରୁଇଁ ପାରିନାସି ହିଲଅସି ।

୧୨ ଏଞ୍ଜାରି ବାରେଜାଣା ମାହାପୁରୁ ତାଣାଟିଏ ହେକ ହାଜାମାନେରି;

ଏଞ୍ଜାରି ବାରେଜାଣା ଲାଗେଏ ଜିରୁତା ହାଜାମାନେରି;

ଆମ୍ବାଆସି ଜିକେଏ ରଅସି ସାତାପାଣାତି କାମାକନାସି ହିଲଅସି ।

୧୩ ଏଞ୍ଜାରି ହାଡ଼ା ଦେପିଆଡ଼ି ମାଡ଼ହା ମୁହନି ଚାୟୁ,

ଏଞ୍ଜାରି ଗୁଡ଼ିଟି ମିତି କାତା ହଡ଼ିମାନେ,

ଲୁଡ଼ା ଡ଼ଲ ଅଟୁ କାଚାମାନି ରାଟୁତି ବାସାମାନେ ।✱

୧୪ ଏଞ୍ଜାରି ଗୁଡ଼ିଟି କାତା କାମ୍ବେଲି ଗାଟାୟି ଇଞ୍ଜା ବାକା ତଲେ ନେଞ୍ଜାମାନେ । ✱

୧୫ ଏଞ୍ଜାରି ଇରୁହାଲି ଅଡ଼େ ପାୟାଲି ଦେବୁଣିଏ ହଡ଼େନରି ।✱

୧୬ ଏଞ୍ଜାରି ଆମ୍ବିୟାଞ୍ଜାକି ହାନେରି, ଏମ୍ବାଆଁ ନାୟା ଇଞ୍ଜା ସାସି ବେଟାଆଡ଼େନରି ।

୧୭ ଏଞ୍ଜାରି ହିଡ଼ଡ଼ିଟି ଜିରୁ ପୁଞ୍ଜାହିଲଅରି,

୧୮ ମାହାପୁରୁଇଁ ଆଜିନାୟି ଏଞ୍ଜାରିତାଣା ହିଲେଏ ।”✱

୧୯ ମାରୁ ପୁଞ୍ଜାମାନାୟି, ଫେରା ମାନି କିହିମାନେରି, ଏମ୍ବାତି ବାରେ ହୁକୁମିଇଁ ଏଞ୍ଜାରି ମାନି କିନାୟିମାନେ । ମାହାପୁରୁ ଏତିବେଲା ବାରେ ଦାରୁଡ଼ିତି ବିଚାରା କିନେସି, ଫେରାତି ମାନି କିଆଗାଟି ଲକୁ ଜାହାରାଇଁ ଦହ ହିଲାଆ ଗାଟାତମି ଇଞ୍ଜା ଇଞ୍ଜାଲି ଆଡ଼ଅରି । ୨୦ ✱ସାମା ଫେରା ତଲେ କିନି କାମା ମାନି କିହାଁ ଆମ୍ବାଆସି ଜିକେଏ ମାହାପୁରୁ ନକିତା ଦାର୍ମଗାଟାସି ଆହାଲି ଆଡ଼ଅସି । ଇତିହଂ ଫେରାଟି ମାଣସି ୱାରୁଇ ପାପୁତି ପୁଞ୍ଜାଲି ଆଡ଼ିମାନେସି ।✱

ନାମୁତଲେ ଦାର୍ମଗାଟି ଲକୁ ଆନାୟି

୨୧ ମାହାପୁରୁ ମାଣସିଇଁ ତାନିତଲେ ନେହଂ କଂ ଆଣ୍ଡାଲି ତାକି ଫେରା ପିସପେ ଏନାଆଁ କିହାମାନେସି, ଏଡ଼ି ନାଏଁ ତଞ୍ଜା ଆହିମାନେ । ଏ କାତା ମସାତି ଫେରା ଇଞ୍ଜା ମାହାପୁରୁ ଅଣପୁତି ବଲୁ ଖେହନାରି ଜିକେଏ ସାକି ହାହାମାନେରି । ୨୨ ✱ଝାରୁଇ ଜୀସୁ କ୍ରୀସୁ ତାଣା ନାମିତାକି ଲକୁ ମାହାପୁରୁ ନକିତା ଦାର୍ମଗାଟାରି ଆନେରି । ମାହାପୁରୁ ଆମ୍ବାଆରାଇଁ ପାରଡ଼ା ବାତି କିଆନା କ୍ରୀସୁଇଁ ନାମିତି ବାରେ ଜାଣାକି ର ପାରୁ ହାନେସି । ✱ ୨୩ ବାରେଜାଣା ପାପୁ କିହାମାନେରି ଅଡ଼େ ମାହାପୁରୁଟି ଗାଞ୍ଜୁରମିଟି ହେକ ଆହାମାନେରି । ୨୪ ସାମା, ଏଞ୍ଜାରି ଉଜେଏ ମାହାପୁରୁଟି କାର୍ମାମେହନି ଦାନା ତଲେ କ୍ରୀସୁ ଜୀସୁ ତାଣା ଆମିନି ଗେଲ୍ପି ଆନାୟି ମାନେ, ଏଦାଆଁ ତଲେ ଦାର୍ମଗାଟାରି ଆନେରି । ୨୫ ମାହାପୁରୁ ଜୀସୁଇଁ ଦାନା ହାତେସି, ଏନିକଂ ଏଞ୍ଜାଣି ହାକି, ଏଞ୍ଜାଣି ତାଣା ନାମାମାନି ଲକୁତାକି ପାପୁ ମେଣ୍ଡିନି ଉପେୟି ଆନେ । ମାହାପୁରୁ ଅରୁହାନା ଲକୁ କିହାମାନି ତଲିତି ପାପୁତି ତସାହିଲଅସି । ୨୬ ସାମା ନାଏଁ ଏଞ୍ଜାସି ଜାହାରା ଦାର୍ମ ଗାଟାଣି ତସାଲି ତାକି ପାପୁ ମ୍ବେକନି ଫେରା କିହାମାନେସି । ଇଦାଆଁ ତଲେ ମାହାପୁରୁ ତସାମାନେସି, ଏଞ୍ଜାସି ତାନୁଏ ଦାର୍ମଗାଟାସି ଇଞ୍ଜା ଆମ୍ବାଆସି ଜୀସୁ ତାଣା ନାମିନେସି, ଏଞ୍ଜାସି ବାରେଜାଣାତି ଦାର୍ମ ଗାଟାରିଲେହେଁ ଆବିନେସି ।

୨୭ ଆତିହଂ ଆମିନି କାତାତା ମାରୁ ବଡ଼ପଣ ଆନାୟି ? ଆଏ, ଏଲେତି କାତା ଏନାୟି ହିଲେଏ । ବଡ଼ପଣ ଆହାଲିତାକି ମା ତାଣା ଏନାୟି ମାନେ ? ମାରୁ ବାରେ ହୁକୁମି ମାନୁଡ଼ି ଆହିମାନାୟି ଇଞ୍ଜିହଂ କି ? ଆଏ, ୱାରୁଇ ନାମୁଏ ମା ବଡ଼ପଣ ଆନେ । ୨୮ ମାରୁ ନେହଂ କଂ ତେଲୁହାଲି ଆଡ଼ିନାୟି, ରଅସି ୱାରୁଇ ତାନି ନାମୁତଲେ ମାହାପୁରୁ ନକିତା ଦାର୍ମଗାଟାସି ଇଞ୍ଜା ଝେଜିନେସି, ଫେରାତି ମାନି କିତିସାରେ ଆଏ । ୨୯ ମାହାପୁରୁ ୱାରୁଇ ଜୀହୁଦି ଲକୁତି ମାହାପୁରୁକି ? ଏଞ୍ଜାସି ଜୀହୁଦିଆଆତି ଲକୁତି ମାହାପୁରୁ ଆଏକି ? ସାତେଏ ଏଞ୍ଜାସି ବାରେ ଲକୁତି ମାହାପୁରୁ । ୩୦ ଏନାଆଁତାକି ଇତିହଂ, ମାହାପୁରୁ ରଅସିଏ, ଅଡ଼େ ଏଞ୍ଜାସି ଜୀହୁଦି ଇଞ୍ଜା ଜୀହୁଦିଆଆତି ଲକୁତି ନାମୁ ତାକି ଏଞ୍ଜାସି ଏଞ୍ଜାରାଇଁ ଦାର୍ମ ଗାଟାରିଲେହେଁ ଆବିନେସି । ✱ ୩୧ ଆତିହଂ, ମାରୁ କି ନାମୁତଲେ ମସାତି ଫେରା ମ୍ବେକହି ମାନାୟି ? ଏଡ଼ି ଏତେଲା ଜିକେଏ ଆଆପେ, ସାମା ମାରୁ ନାମୁତଲେ ମସାତି ଫେରାଇଁ ଜାଣ୍ଡେ ତାରି କିହିମାନାୟି ।

✱ ୩:୧୦ ୩:୧୦ ପାରୁ ୧୪:୧-୧; ୫୩:୧-୩ ✱ ୩:୧୩ ୩:୧୩ ପାରୁ ୫:୯; ୧୪୦:୩ ✱ ୩:୧୪ ୩:୧୪ ପାରୁ ୧୦:୭ ✱ ୩:୧୫ ୩:୧୫ ଜିସା ୫୯:୭,୮ ✱ ୩:୧୮ ୩:୧୮ ପାରୁ ୩୭:୧ ✱ ୩:୨୦ ୩:୨୦ ଗାଲା ୨:୧୭ ✱ ୩:୨୦ ୩:୨୦ ପାରୁ ୧୪୩:୨; ଗାଲା ୨:୧୭ ✱ ୩:୨୨ ୩:୨୨ ଗାଲା ୨:୧୭ ✱ ୩:୨୨ ୩:୨୨ ଗାଲା ୨:୧୭ ✱ ୩:୩୦ ୩:୩୦ ଝେ ଫେରା ୪:୪; ଗାଲା ୩:୨୦

୪

ଅବ୍ରାହାମତି ମାଣ୍ଡଳି

୧ ଅତିହିଁ ଆଜ୍ଞା ତଲେ ମା ଆକୁ ଅବ୍ରାହାମ ଏନାଆଁ ବେଟାଆହାମାନେସି ଇଞ୍ଜିହିଁ ମାରୁ ଏଲେଇନାୟି ? ୨ ଅବ୍ରାହାମ ତାନି ଜାହାରା କାମାତି ମାହାପୁରୁ ତାଣା ଦାମ୍ବୁଗାଟାସି ଆହା ମାତିହିଁ ମା, ଏଞ୍ଜାଣାକି ବତପଣ କିନି କାତା ମାତେ । ସାମା ମାହାପୁରୁ ଖାକିତି ଏଦି ଆହାହିଲଆତେ । ୩ *ଦାମ୍ବୁ ସାସ୍ତେରି ଲେହେଁ, “ଅବ୍ରାହାମ ମାହାପୁରୁଇଁ ନାମିତେସି, ଅଡ଼େ ଏ ନାମୁତାକି ମାହାପୁରୁ ଏଞ୍ଜାଣାଇଁ ଦାମ୍ବୁ ଗାଟାଣି ଲେହେଁ ଅପିତେସି ।” ୪ ଆମ୍ବାଆସି କାମା କିନେସି, ଏଞ୍ଜାଣାକି ତାନି କୁଲି ମୋଡ଼ାଆନେ, ଏଦି ଦାନା ହୀନାୟି ଆହାଲି ଆଡେଏ, ଏଦି କାମାତି ପାଡ଼େୟି ଇଞ୍ଜିଁ ଇଣ୍ଡିଆନେ । ୫ ସାମା ଆମ୍ବାଆସି ତାନି କାମାତା ଆସା କିଆନା, ଦାମ୍ବୁ ହିଲଆଗାଟାଣାଇଁ ଏମିନି ମାହାପୁରୁ ଦାମ୍ବୁଗାଟାସି ଇଞ୍ଜିଁ ଆବିନେସି, ଏଞ୍ଜାଣି ତାଣା ନାମିନେସି, ଏଞ୍ଜାଣି ନକିତା ଏଞ୍ଜାଣି ନାମୁ ଦାମ୍ବୁଗାଟାସି ଇଞ୍ଜିଁ ଝେଜିନେ । ୬ ଆମିନି ଲକୁଇଁ କାମା ଲଡ଼ାତି ସିନି କିଆନା ମାହାପୁରୁ ଏଞ୍ଜାଣାଇଁ ଦାମ୍ବୁଗାଟାସି ଇଞ୍ଜିଁ ଆବିନେସି, ଏଞ୍ଜାଣାଇଁ ନେହାଁସି ଇଞ୍ଜିଁ ଦାସୁଦ ଏଲେଇଞ୍ଜା ମାନେସି;

୭ *ଆମ୍ବାଆରି ଦହ ମେଣ୍ଡଳି କିଞ୍ଚିଆହାମାନେ, ଆମ୍ବାଆରି ପାପୁ ମେଣ୍ଡଳି କିଞ୍ଚିଆହାମାନେ, ଏଞ୍ଜାରାକି ନେହେଁ ।

୮ ପ୍ରବୁ ଆମ୍ବାଆରି ପାପୁ ଆହୁଅସି, ଏଞ୍ଜାଣାକି ନେହେଁ !”

୯ ଇମ୍ବାଆଁ ଦାସୁଦ ଆମ୍ବାଆରାଇଁ ନେହେଁ ଇଞ୍ଜିଁ ଝେସାମାନେସି, ଏଞ୍ଜାରି କି ଖାରୁଇ ତଲୁ ଦାପି ଆଡ଼ି ଲକୁ ମାତେରି ? କି, ତଲୁ ଦାପିଆଡ଼ି ଲକୁ ଜିକେଏ ନେହାଁରି ଆହାଲି ଆଡ଼ିନେରି । ମାରୁ ଏଲେ ଇଞ୍ଜିମାନାୟି, “ଅବ୍ରାହାମ ନାମୁତଲେ ଦାମ୍ବୁଗାଟାସି ଇଞ୍ଜିଁ ଝେଜିତେସି ।” ୧୦ ଅତିହିଁ ଏଦି ଏତେଲ ଆହାମାତେ ? ଅବ୍ରାହାମ ତଲୁ ଦାପି ଆଡ଼ି ତାୟୁ କି, ତାନି ନକେଏ ? ତଲୁ ଦାପି ଆଆନକେଏ, ତାୟୁ ଆଏ । ୧୧ ତଲୁ ଦାପି ଆଡ଼ି ନକେଏ ଅବ୍ରାହାମ ନାମୁ ତାକି ମାହାପୁରୁ ଏଞ୍ଜାଣାଇଁ ଦାମ୍ବୁ ଗାଟାଣା ଲେହେଁ ଆବା ମାତେସି । ଇଦାଆଁ ପୁଣ୍ଡି କିହାଲିତାକି ର ସିନାଲେହେଁ ଅବ୍ରାହାମ ଇ ତଲୁ ଦାପିଆଡ଼ି ମୋରା ବେଟାଆହା ମାତେସି, ଇତିହିଁ, ଆମିନି ଗାଟାରି ତଲୁ ଦାପି ଆଆନା ଜିକେଏ ମାହାପୁରୁ ତାଣାତି ଦାମ୍ବୁଗାଟାସି ଇଞ୍ଜିହିଁ ଆବିତାସି, ସୁଦୁ ମାଣ୍ଡଳିକି ଅବ୍ରାହାମ ଏଞ୍ଜାରି ତାଞ୍ଜି । ୧୨ ଆବା ଅବ୍ରାହାମ ତଲୁ ଦାପି ଆଡ଼ି ନକେଏଟିଏ ଆମିନି ନାମୁତି କାତା ତସାମାତେସି, ତଲୁ ଦାପିଆଡ଼ି ଲକୁ ଜାହାରା ଜାସୁତା ଏଲେତି ନାମୁ ତସାଲି ଆଡ଼ିସାରେ, ଅବ୍ରାହାମ ଏଞ୍ଜାରାକି ଜିକେଏ ତାଞ୍ଜି ଆନେସି ।

ମାହାପୁରୁତି ଆଞ୍ଜାମାନାଣି ନାମୁତଲେ ବେଟାଆନାୟି

୧୩ *ଅବ୍ରାହାମ ମୋରାତି ମାନି କିହାମାନାକି ଆଏ । ଖାରୁଇ ତାନି ନାମୁ ତାକି ମାହାପୁରୁ ତାଣାତି ଦାମ୍ବୁଗାଟାସି ଇଞ୍ଜିଁ ଝେଜାମାତେସି ଇଞ୍ଜିଁ ଏଦାଆଁତାକି ତାନି ମୀରୁକା ମାସୁକା ଦାରୁତି ଅଦିକାରା ବେଟାଆନେରି ଇଞ୍ଜିଁ ମାହାପୁରୁ ଆଞ୍ଜାମାତେସି । ୧୪ *ଆମ୍ବାଆରି ମୋରାତି ମାନି କିନାରି, ଖାରୁଇ ଏଞ୍ଜାରି ମାହାପୁରୁତି ଦାମ୍ବା ବେଟାଆନେରି ଇତିସାରେ, ମାଣ୍ଡଳିକି ନାମୁ ଭଜେଏ, ମାହାପୁରୁ ଆଞ୍ଜାମାନାୟି ଜିକେଏ ଭଜେଏତାୟି ଆନେ । ୧୫ ଇତିହିଁ ମସାତି ମୋରା ଭରିନି ତାଣାତି ମାହାପୁରୁତି କାରୁବି ଗାଟାସି ଆନେସି, ସାମା ଆମ୍ବିୟା ମୋରା ହିଲେଏ, ଏମ୍ବାଆଁ ମୋରା ଭରିନି କାତା ହିଲେଏ ।

୧୬ *ଏଦାଆଁତାକି ମାହାପୁରୁତି ଆଞ୍ଜାମାନାୟି ନାମୁ ଅଡ଼େ କାମାତି ଲାକ ଇଚୁକି ଆହାମାନେ । ଆମିନି ଗାଟାରି ମୋରାତି ମାନି କିନେରି, ଖାରୁଇ ଏଞ୍ଜାରାକିଦେହେଁ ମାହାପୁରୁତି ଆଞ୍ଜାମାନାୟି ଆଏ । ଅବ୍ରାହାମ ଲେହେଁ ନାମିମାନି ବାରେ ଲକୁତାକି ଜିକେଏ ଆନେ, ଏନାଆଁତାକି ଇତିହିଁ ଅବ୍ରାହାମ ଏଞ୍ଜାରି ସୁଦୁ ମାଣ୍ଡଳିକି ତାଞ୍ଜି; ୧୭ ଆମିନି ମାହାପୁରୁଇଁ ଅବ୍ରାହାମ ନାମିମାତେସି, ଆମ୍ବାଆସି ହାତାରାଇଁ ଝେଣ୍ଡେ ଜାସୁ କିନେସି, ଅଡ଼େ ହିଲଆଗାଟି ଦିଶସୁତି ମାନି ଲେହେଁ ହାଡ଼ିନେସି, ଏ ମାହାପୁରୁ ନକିତା ଏଞ୍ଜାସି ମା ତାଞ୍ଜି ଆହାମାନେସି, ଇ କାତା ଦାମ୍ବୁ ସାସ୍ତେରିତା ରାସୁକି ଆହାମାନେ, “ନିଜେ ହାରେକା କୁଡ଼ାତି ଲକୁତି ତାଞ୍ଜି କିହାମାଞ୍ଜାନମି ।” ୧୮ ଆସା କିନାୟି ଏନାୟି ହିଲଆତି ଜିକେଏ ଅବ୍ରାହାମ ନାମିତେସି ଇଞ୍ଜିଁ ଆସା ଇତିତେସି, ଏଦାଆଁତାକି “ହାରେକା କୁଡ଼ାତି ତାଞ୍ଜି” ଆଡ଼େସି । ଦାମ୍ବୁ ସାସ୍ତେରିତା ରାସୁକି ଆହାମାନେ, “ନୀ

* ୪:୩ ୪:୩ ମୂଲ୍ୟ ୧୫:୬; ଗାଲା ୩:୬ * ୪:୭ ୪:୭ ପାରୁ ୩୨:୧,୨ * ୪:୧୧ ୪:୧୧ ମୂଲ୍ୟ ୧୭:୧୦ * ୪:୧୩ ୪:୧୩ ଗାଲା ୩:୨୯ * ୪:୧୩ ୪:୧୩ ମୂଲ୍ୟ ୧୭:୪-୬; ୨୨:୧୦,୧୮; ଗାଲା ୩:୨୯ * ୪:୧୪ ୪:୧୪ ଗାଲା ୩:୧୮ * ୪:୧୪ ୪:୧୪ ଗାଲା ୩:୧୮ * ୪:୧୭ ୪:୧୭ ଗାଲା ୩:୬ * ୪:୧୭ ୪:୧୭ ଗାଲା ୩:୬ * ୪:୧୭ ୪:୧୭ ମୂଲ୍ୟ ୧୭:୫

କୁଡ଼ା ହୁକାୟାଁ ଲେହେଁ ଏପାଆନେରି ।^{୧୮} * ୧୯ ଏଞ୍ଜାଣାକି ଏରିବେଲା ପାସାକଡ଼ି ବାସା ଆହାମାତାକି ଏଞ୍ଜାସି ତାନି ଆଜାମି ହାଡ଼ାୟି ଇଞ୍ଜା ସାରା ଅଡ଼େ କକାରି ପଦାଁ ଆନି ଗାରା ଜିକେଏ ହାଡ଼ାୟି ଇଞ୍ଜା ଅଣପିତି ଜିକେଏ ନାମୁତା ଉଣା ଆଆଡେସି । * ୨୦ ଏଞ୍ଜାସି ତାନି ନାମୁ ପିହଆଡେସି, କି ମାହାପୁରୁ ଆଞ୍ଜାମାନାଣି ଆନାମାନା ଆଆଡେସି । ଏଞ୍ଜାସି ନାମୁତା ବାଡ଼ୁରୁ ଆଡେସି ଇଞ୍ଜା ମାହାପୁରୁଇଁ ଜହରା କିଡେସି ।^{୨୧} ମାହାପୁରୁ ଏନାଆଁ ଆଞ୍ଜାମାରେସି, ଏଞ୍ଜାସି ଏଦାଆଁ ମାନି କିନେସି ଇଞ୍ଜା ଏଞ୍ଜାଣାକି ଜାଣ୍ଡେ ନାମୁ ମାଡେ ।^{୨୨} ଏଦାଆଁତାକି ତାନି ନାମୁତଲେ ଅବାହାମ, “ମାହାପୁରୁ ତାଣ୍ଡାଟି ବାମୁଗାଟାସି ଆହାମାଡେସି ।”^{୨୩} “ଅବାହାମ ବାମୁଗାଟାସି ଇଞ୍ଜା ଝେଙ୍ଗାମାଟି” କାତା ଖାଉଇ ଏଞ୍ଜାଣି ତାକିଏଦେଁ ରାସ୍‌କି ଆହାସିଲେଏ ।^{୨୪} ସାମା ଇ କାତା ମାଙ୍ଗେତାକି ଜିକେଏ ରାସ୍‌କି ଆହାମାନେ; ଇତିହଁ ଆମ୍ବାଆସି ମା ପ୍ରବୁ ଜୀସୁଇଁ ହାଡ଼ାରି ତାଣ୍ଡାଟି ନିକହାମାନେସି, ଏଞ୍ଜାଣି ତାଣ୍ଡା ମାର ନାମିମାନାୟି, ମାଙ୍ଗେତାକି ଜିକେଏ ଏଦି ଆନେ ।^{୨୫} ଏ ପ୍ରବୁ ଜୀସୁ ମା ପାପୁତି ବାଡୁଲି ହାହାଲି ହେରପିଆହା ମାରେସି ଇଞ୍ଜା ମାହାପୁରୁ ନକିତା ମାଙ୍ଗେ ବାମୁ ଗାଟାତାୟି କିହାଲି ଝେଣ୍ଡେ ନିଜିଡେସି ।*

୫

ମାହାପୁରୁ ନକିତା ନେହଁ ତଞ୍ଜା ଆନାୟି

^୧ ନୀର୍ବ ନାମୁତଲେ ମାର ମାହାପୁରୁ ନକିତା ବାମୁ ଗାଟାତାୟି ଆହାମାନାୟି ଇଞ୍ଜା ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି ମାହାପୁରୁ ତଲେ ମାର ହିଡ଼ି ତଲେ ମାନାୟି; ^୨ ଏମିନି କାର୍ମାତା ମାର ମାଞ୍ଜାମାନାୟି, ଏମ୍ବାଟି ଏଞ୍ଜାଣି ତାଣ୍ଡାଟି ନାମୁତା ଜିକେଏ ମାନାୟି; ଇଞ୍ଜା ମାର ମାହାପୁରୁଟି ଗାଞ୍ଜୁରମିତି ବାସୁତା ବଡପଣ କିହିମାନାୟି ।^୩ ଖାଉଇ ଏଦି ଆଏ, ବାରେ ଦୁକୁ କସ୍ତା ଜିକେଏ ମାର ରାହାଁ କିହିମାନାୟି, ଇତିହଁ କସ୍ତି ସାସା ଖାନେ, ^୪ ସାସାଟି ବାଡ଼ୁରୁ ମାଣକି ଖାନେ ଇଞ୍ଜା ବାଡ଼ୁରୁ ମାଣକିଟି ବାସୁ ଖାନେ ।^୫ ବାସୁ ମାଙ୍ଗେ ହାଣି ଆହାଲି ହିୟେଏ, ଏନାଆଁତାକି ଇତିହଁ ମାହାପୁରୁ ମାଙ୍ଗେ ସୁଦୁଜୀସୁ ହାହାନା ମା ହିୟାତା ତାନି ଜୀସୁ ନନାଣି ହାହାମାଞ୍ଜାନେସି ।

^୬ ଏରିବେଲାତା ମାର ଏନି ଉପେୟି ହିଲାଆଗାଟାତାୟି ମାଟାୟି, ଏରିବେଲା ମାହାପୁରୁ ତାନି କିହାମାଟି ବେଲାତା କ୍ରୀସ୍ତ ପାପୁ ଲକୁତାକି ହାଡେସି । ^୭ ବାମୁତି ଲକୁତାକି ଆମ୍ବାଆସି ଜିକେଏ ହାସି, ନେହଁ ଲକୁତାକି ଆମ୍ବାଆସି ଜୀସୁ ହାହାଲି ଅଣପିନେସି ।^୮ ସାମା ମାର ପାପୁଗାଟି ଲକୁ ମାଟାଟି ଜିକେଏ କ୍ରୀସ୍ତ ମା, ତାକି ତାନି ଜୀସୁ ହାଡେସି, ଇଦାଆଁ ତଲେ ମାହାପୁରୁ ମାଙ୍ଗେ ଏତେକା ଜୀସୁନହଁ ମାଞ୍ଜାନେସି, ଏଦାଆଁ ତସାମାଞ୍ଜାନେସି ।^୯ ଏଦାଆଁତାକି ଇ କାତା ସାତା, ମାର ନୀର୍ବ ଏଞ୍ଜାଣି ନେଡେରି ତଲେ ବାମୁ ଗାଟାତଞ୍ଜି ଆହାମାନାକି ଏଞ୍ଜାଣି ତାଣ୍ଡାଟି ମାହାପୁରୁଟି କପାଟି ଗେଲ୍‌ପି ଆହାଲି ଆଡିନାୟି ।^{୧୦} ମାର ମାହାପୁରୁଟି ସାଡୁୟାଁ ମାଟାୟି, ସାମା ମାର ତାନି ମୀରଏଣା ହାକିଟି ତାନିତଲେ ଆଣ୍ଡିତାୟି, ନୀର୍ବ ମାର ମାହାପୁରୁ ତଲେ ଆଣ୍ଡାନା କ୍ରୀସ୍ତଟି ଜୀସୁତଲେ ଗେଲ୍‌ପି ଆନାୟି ।^{୧୧} ଖାଉଇ ଏତେକା ଆଏ, ସାମା ପ୍ରବୁ ଜୀସୁ କ୍ରୀସ୍ତଟି ତାକି ମାର ନୀର୍ବ ମାହାପୁରୁ ତଲେ ଆଣ୍ଡାମାନାୟି; ଏଞ୍ଜାଣି ତାଣ୍ଡାଟି ମାର ମାହାପୁରୁ ତାଣ୍ଡା ବଡପଣ ଜିକେଏ ଆହିମାନାୟି ।

ଆଦମ ଅଡ଼େ କ୍ରୀସ୍ତ

^{୧୨} ରଅଣି ତାଣ୍ଡାଟି ପାପୁ ଦାରତିତା ଖାଡେ ଅଡ଼େ ପାପୁ ତଲେ ହାକି ଖାଡେ, ବାରେଜାଣା ପାପୁ କିତାକି ହାକି ବାରେ ମାଣସିତାକି ଖାଡେ, ଇଞ୍ଜା ବାରେଜାଣା ପାପୁ କିଡେରି ।^{୧୩} ମୋରା ହାପ୍‌କି ଆଡି ନକେଏ ଦାରତିତା ପାପୁ ମାଡେ; ସାମା ମୋରା ହିଲାଆଟି ପାପୁତି ଏଜିକିଞ୍ଜି ଆହି ହିଲାଆଡେ ।^{୧୪} ଆଦମ ତାଣ୍ଡାଟିଏ ମସା ପାଡେକା ଆମ୍ବାଆସି ଜିକେଏ ଆଦମ ଲେହେଁ ହୁକୁମି ମାନି କିଆନା ପାପୁ କିହାହିଲାଆଡେ ଜିକେଏ ବାରେଜାଣା ହାକିଟି ତୁଇ ମାଡେରି; ଆମିନିଗାଟାସି ଖାନାୟି ମାଡେ, ଆଦମ ଏଞ୍ଜାଣି ର ଖାଣା ।

^{୧୫} ସାମା ଦହ ଏନିକଁ, ମାହାପୁରୁଟି କାର୍ମା ଜିକେଏ ଏଲେକଁ, ଏଦି ଆଏ, ଇତିହଁ ରଅଣି ଦହ ତାକି ହାଡେକା ଲକୁତି ହାକି ଆଡେ, ଆଡିହଁ ମାହାପୁରୁଟି କାର୍ମା ଅଡ଼େ ର ମାଣସି ଇତିହଁ ଜୀସୁ କ୍ରୀସ୍ତ ହାଡି କାର୍ମାଟି ଦାନା ହାଡେକା ଲକୁତାକି ହାଡେକା ଗାଡି ଆଡେ ।^{୧୬} ର ମାଣସି ପାପୁ କିତାକି ଏନିକଁ ପାଡ଼େୟି ଆଡେ, ଇ ଦାନାଟି ପାଡ଼େୟି ଏଲେକଁ ଆଏ, ଇତିହଁ ରଅଣି ତାକି ଏମିନି ନାହାୟି, ଏମ୍ବାଟି ପାଡ଼େୟି ତଣ୍ଡା ଆଡେ, ସାମା ହାଡେକା ଲକୁତି ଦହ ତାକି ଏମିନି କାର୍ମାଟି ଦାନା, ଏମ୍ବାଟି ପାଡ଼େୟି ଦହ

* ୪:୧୮ ୪:୧୮ ମୂଲ୍ ୧୫:୫ * ୪:୧୯ ୪:୧୯ ମୂଲ୍ ୧୭:୧୭ * ୪:୨୨ ୪:୨୨ ମୂଲ୍ ୧୫:୬ * ୪:୨୫ ୪:୨୫ ଜିସା ୫୩:୪,୫
 * ୫:୧୨ ୫:୧୨ ମୂଲ୍ ୩:୬

ହିଲୁଆଗାଗାୟି ଆଡେ । ୧୭ ର ମାଣସିତି ପାପୁ ତାକି, ହାକି ସାଲୁଖି କିତେ; ସାମା ଅର ରଅସି ଇତିହ^୯ ଜାସୁ କ୍ରାସୁ ଏନାଆଁ କିହାମାନେସି, ଏଦି ଏଚେକା କାଜାୟି । ଆମିନି ବାରେଜାଣା ମାହାପୁରୁତି ହାରେକା କାର୍ମାମେହନାୟି ଉଜେଏ ମେଡ଼ା ଆନାଣି ତଲେ ମାହାପୁରୁତି ନକିତା ଦାମ୍ବୁଗାଗାରି ଇଞ୍ଜ^{୧୦} ଝେଜିନେରି, ଏଞ୍ଜାରି କ୍ରାସୁ ତଲେ ଜାଣାଆହାନା ନାତିନେରି ।

୧୮ ରଅଣି ପାପୁ ଏନିକିହ^{୧୧} ବାରେ ମାଣସି କୁଡ଼ାଇଁ ତଣ୍ଡ ବେଟା ଆଝିକିତେ, ଏଲେକିହ^{୧୨} ରଅଣି ଦାମ୍ବୁତି କାମା ବାରେ ମାଣସି କୁଡ଼ା ତାକି ଗେଲୁପି ଆନାଣି ଇଞ୍ଜା ରାଆଗାଟି ଜାସୁ ତାଗାହାତେ । ୧୯ ରଅସି ମାନ୍ତି କିଆତାକି ଏନିକିହ^{୧୩} ହାରେକା ଲକୁ ପାପୁ ଗାଗାରି ଆଡେରି, ଏଲେକିହ^{୧୪} ରଅଣି ମାନ୍ତି କିନାଣି ତଲେ ବାରେଜାଣା ମାହାପୁରୁ ନକିତା ଦାମ୍ବୁଗାଗାରି ଆଡେରି ।

୨୦ ଇଦାଆଁ ପିସପେ ମେରା ଜିକେଏ ଖାଡେ, ଏନିକିହ^{୧୫} ଦହ ହାରେକା ଗାତିଆଡେ; ସାମା ଆମ୍ବିୟା ପାପୁ ପାତାଆଡେ, ଏନାଆଁ ମାହାପୁରୁତି କାର୍ମାମେହନାୟି ଜିକେଏ ହାରେକା ପାତାଆଡେ । ୨୧ ଏନିକିହ^{୧୬} ପାପୁ ହାକି ତଲେ ସାଲୁଖି କିତେ, ଏଲେକିହ^{୧୭} ମାହାପୁରୁତି କାର୍ମାମେହନାୟି ଜାସୁ କ୍ରାସୁ ତାଣାଟି ମାଜେ ଦାମ୍ବୁ ଗାଗାଗାୟି କିହାଁ ରାଆଗାଟି ଜାସୁ ହିୟାଡେ ।



ପାପୁତି ହାକି କ୍ରାସୁ ତାଣାଟି ଜାସୁ

୧ ଆତିହ^{୧୮} ମାର ଏନାଆଁ ଇନାୟି ? ମାହାପୁରୁତି କାର୍ମାମେହନାୟି ଏନିକିହ^{୧୯} ହାରେକା ଆଡେ, ଏଦାଆଁତାକି କି ପାପୁତେଏ ମାଞ୍ଜେମାନାୟି ? ୨ ଏଦି ଏଚେଲା ଜିକେଏ ଆଥାପେ । ପାପୁ ତାକି ମାର ହାହାମାନାୟି, ଏନିକିହ^{୨୦} ଏନାଆଁ ଅଡେ ମାର ନାତିନାୟି ? ୩ ମାର ଏଚେକା ଲକୁତାୟି କ୍ରାସୁ ଜାସୁ ତାଣା ବାପ୍ତିସ୍ତା* ଅହାମାନାୟି, ବାରେ ଜାଣାତାୟି ତାନି ହାକିତା ବାପ୍ତିସ୍ତା† ଅହାମାନାୟି, ଇଦାଆଁ କି ମାରୁ ପୁଞ୍ଜାହିଲଅତେରି ? ୪ †ଏଦାଆଁତାକି ମାର ବାପ୍ତିସ୍ତା‡ ଅହାନା ହାକିତା ତାନିତଲେ ମୁସପି ଆହାମାନାୟି, କ୍ରାସୁ ଏନିକିହ^୫ ଆବାତି ଗାସ୍ତରମି ତଲେ ହାଡ଼ାରି ତାଣାଟି ଝେଣ୍ଡେ ନିଜିତେସି, ମାର ଜିକେଏ ଏଲେକିହ^୬ ପୁଞ୍ଜିନି ଜାସୁତି ମାଣକି ତଲେ ନାତିନି ।*

୭ ଏନାଆଁତାକି ଇତିହ^୭ ମାର ଏଞ୍ଜାଣି ହାକିତା ଆଣ୍ଡାନା ଏଞ୍ଜାଣିତଲେ ରଣ୍ଡିଏ ଆହାମାନାୟି, ଆତିହ^୮ ସାତେଏ ଏଞ୍ଜାସି ଝେଣ୍ଡେ ନିଜିତି ଲେହେଁ ମାର ଜିକେଏ ନିଜ୍ଜାନା ଏଞ୍ଜାଣିତଲେ ରଣ୍ଡିଏ ଆନାୟି । ୯ ମାର ପୁଞ୍ଜାମାନାୟି, ପାପୁତି ହଲିୟାଜା ଆଥାପ, ଇଦାଆଁତାକି ପାପୁତି ଆଜ୍ଜା ନାସା କିହାଲିତାକି ମା ପୁଞ୍ଜଇ ମାଣକି ତାନିତଲେ ପାସି ମୁଣ୍ଡାତା ହାହାମାନେ । ୧୦ ଏନାଆଁତାକି ଇତିହ^{୧୧} ମାଣସି ହାଡ଼ିସାରେ, ପାପୁତି ବାଡ଼ୁୟୁତି ଗେଲୁପି ଆନେସି । † ସାମା ମାର କ୍ରାସୁ ତଲେ ହାଡ଼ାକି, ତାନିତଲେ ମାର ଜିକେଏ ନାତିନାୟି ଇଞ୍ଜ^{୧୨} ନାମାମାନାୟି । ୧୩ ମାର ପୁଞ୍ଜାମାନାୟି, କ୍ରାସୁ ହାକିତି ନିଜ୍ଜାମାନାକି, ଏଞ୍ଜାସି ଅଡେ ଝେଣ୍ଡେ ହାଅସିଦେଁ, ଏଞ୍ଜାଣାଇଁ ଅଡେ ହାକି ସାଲୁଖି କିହାଲି ଆଡେଏ । ୧୪ ଏଞ୍ଜାସି ଆମିନି ହାକିତା ହାଡେସି, ଏଦାଆଁ ତଲେ ପାପୁତି ବାଡ଼ୁୟୁତି ରଣ୍ଡିଏ ଦେବେଏ ଜାଣା ଆଡେସି । ଅଡେ ନାଏଁ ଆମିନି ଜାସୁତଲେ ନାତାମାନେସି, ଏଦି ମାହାପୁରୁ ତଲେ ଆଣ୍ଡିତି ଜାସୁ । ୧୫ ଏଲେକିହ^{୧୬} ମାରୁ ଜିକେଏ ପାପୁତା ହାହାମାଞ୍ଜେରି ଇଞ୍ଜ^{୧୭} ଅଣ୍ଡପାପୁ । ସାମା କ୍ରାସୁ ଜାସୁ ତାଣାଟି ଆଣ୍ଡାନା ମାହାପୁରୁ ତାକି ଜାସୁ ଗାଗାତମି ଇଞ୍ଜ ।

୧୮ ମା ହାକି ଆଜ୍ଜାତା ପାପୁ ସାଲୁଖି କିୟାଆପେ; ମାରୁ ଅଡେ ଆଜ୍ଜାତି ଲାଗେଏତି ଅଣ୍ଡପୁ ତଲେ ତାକାଆଦୁ । ୧୯ ମା ଆଜ୍ଜା ଉଡେଲିତି ଲାଗେଏ କାମାତି ଜୁତି ଲେହେଁ ପାପୁ କାମାତା ହେରପାଆଦୁ, ସାମା ହାଡ଼ାରି ତାଣାଟି ନାତାମାନି ଲେହେଁ ଜାହା ଜାହାରାଇଁ ମାହାପୁରୁ ନକିତା ହେରପା କତାପୁ, ଇଞ୍ଜା ଜାହା ଜାହାରା ଆଜ୍ଜା ଉଡେଲିତି ଦାମ୍ବୁତି ଜୁତି ଲେହେଁ ମାହାପୁରୁ ନକିତା ହେରପାଦୁ । ୨୦ ପାପୁ ମିଜେ ସାଲୁଖି କିୟାଆପେ, ମାରୁ ଅଡେ ମସାତି ମେରା ତୁଇ ହିଲଅତେରି, ସାମା ମାହାପୁରୁତି କାର୍ମାତି ତୁଇ ମାଞ୍ଜେରି ।

ଦାମ୍ବୁତି ହଲିୟାଜା

୧୧ ଆତିହ^{୨୧} ଏନାଆଁ ? ମାର ମସାତି ମେରା ତୁଇ ହିଲଆୟି, ସାମା ମାହାପୁରୁତି କାର୍ମାମେହନି ତୁଇ ମାନାୟି, ଇଦାଆଁତାକି କି ପାପୁ କିନାୟି ? ଏଲେଆହ^{୨୨} ଏଚେଲା ଜିକେଏ ଆଥାପେ । ୧୨ ମାରୁ ସାତେଏ ପୁଞ୍ଜାମାଞ୍ଜେରି, ମାରୁ ରଅଣି ହଲିୟାଜା ଆହାନା ଏଞ୍ଜାଣି କାତା ମାନ୍ତି ଆଡ଼ିସାରେ, ଆତିହ^{୨୩} ମାରୁ

* ୨:୩ ୬:୩ମୁଞ୍ଜିନାୟି † ୨:୩ ୬:୩ମୁଞ୍ଜିନାୟି ‡ ୨:୪ ୬:୪ କଲପି ୨:୧୨ † ୨:୪ ୬:୪ମୁଞ୍ଜିନାୟି ‡ ୨:୪ ୬:୪ କଲପି ୨:୧୨

ଏଝାଣି ହଲିୟାଙ୍ଗାତେରି, ପାପୁତି ହଲିୟାଙ୍ଗା ଆଡ଼ିସାରେ, ପାପୁ ମାଣକିତି ହାକି ଖାନେ; ଦାମ୍ପତି ଜେଟ ହାଡ଼ିସାରେ, ଜୀଝୁ ବେଟାଆଦେରି । ୧୭ ଯାମା ମାହାପୁରୁଇଁ ଜହରା କିହିମାଇଁ, ମୀରୁ ର ଦିନା ପାପୁତି ହଲିୟାଙ୍ଗାତେରି ମାଚେରି, ମୀରୁ ନୀର୍ବନେହିଁ ବଲୁତି ଜାପୁନି ତାଣା ହେରପିଆହା ମାଞ୍ଜେରି, ଅଡ଼େ ହିୟା ତଲେ ଏମ୍ବାତି ମାନି କିହିମାଞ୍ଜେରି । ୧୮ ପାପୁତି ପିସପି ଆହାନା ଦାମ୍ପତି ହଲିୟାଙ୍ଗା ଆହାମାଞ୍ଜେରି । ୧୯ ମୀ ଆଙ୍ଗାତି ବାଡ଼ୁୟୁ ହିଲୀଆକି ମାଣସିତି ହାଡ଼ାତଲେ ଖେସିମାଞ୍ଜାଇଁ, ମୀରୁ ଏନିକିହିଁ ଲାଗେଏତି କାମାତାକି ଜାହାରା ଆଙ୍ଗା ଉଡ଼େଲିତି ପଲେଏତି ଇଞ୍ଜାଁ । ଦାମ୍ପୁ ହିଲୀଆତାଣା ହଲିୟାଙ୍ଗା ଲେହେଁ ହେରପାମାଚେରି, ଏଲେକିହିଁ ଏ ନୀର୍ବ ଜାହାରା ଆଙ୍ଗା ଉଡ଼େଲିତି ସୁଦୁଜୀଝୁ ତାକି ଦାମ୍ପତି ନକିତା ହଲିୟାଙ୍ଗା ଲେହେଁ ହେରପାଦୁ ।

୨୦ ମୀରୁ ପାପୁତି ହଲିୟାଙ୍ଗା ମାଚାଟି, ଦାମ୍ପତିକି ମୋଲା ପିସପି ଆହାମାଚେରି । ୨୧ ଆତିହିଁ ନୀର୍ବ ମିଙ୍ଗେ ଆମିନି କାମା କିହାଲିତାକି ଲାଜା ହଡ଼ିମାଞ୍ଜାନେ, ଏତିବେଲା ବାରେ କିହିମାଚେରି, ଏଡ଼ି ଏମ୍ବାତି ଏନାଆଁ ଲାବ୍ବା ବେଟାଆଡ଼େରି ? ଏ ବାରେ କାମାତି ପାଡ଼େଡ଼ି ହାକି । ୨୨ ଯାମା ନୀର୍ବ ମୀରୁ ପାପୁତି ପିସପି ଆହାନା ମାହାପୁରୁତି ହଲିୟାଙ୍ଗା ଆହାମାଞ୍ଜେରି । ଇଦାଆତି ଲାବ୍ବା ଆହିମାନେ, ମାହାପୁରୁ ତାଣା ସୁଦୁଜୀଝୁ ତଲେ ହେରପି ଆନାୟି ଇଞ୍ଜାଁ ରାଆଗାଟି ଜୀଝୁ ବେଟାଆନାୟି । ୨୩ ଏନାଆଁତାକି ଇତିହିଁ ପାପୁତି କୁଲି ହାକି, ଯାମା ମାହାପୁରୁତି କାର୍ମାମେହନି ଦାନା ମା ପ୍ରବୁ ଜୀସୁ କ୍ରୀସୁ ତଲେ ଆଣ୍ଡିନି ତାଣା ରାଆଗାଟି ଜୀଝୁ ମାନେ ।



ବୀହା ଆଡ଼ି କାତା

୧ ତାୟି ତାଙ୍ଗିସ୍ତାତେରି, ନୀର୍ବ ଏନାଆଁ ଖେସାଲି ଅଣ୍ଡିମାଇଁ, ଏଦାଆଁ ମୀରୁ ତେଲୁହିଦେରି, ଏନାଆଁତାକି ଇତିହିଁ ମୀରୁ ପୁଞ୍ଜାମାଞ୍ଜେରି, “ମୋରା” ଏନାୟି । ମାଣସି ଖାବୁଇ ତାନି ନୀତାମାନି ପାତେକା ମୋରାତି ତୁଇ ତୁୟିନେସି । ୨ ତକ୍ରା ନୀତାମାନି ପାତେକା ତାନି ତକ୍ତି ଏଝାଣିତଲେ ବୀହା ମୋରା ତଲେ ଦସପି ଆହାନା ତୁୟିନେ । ଯାମା ତକ୍ରା ହାଡ଼ିସାରେ, ଏଝାଣି ତକ୍ତି ଇ ମୋରାତି ପିସପି ଆଡ଼େନ । ୩ ତକ୍ରା ନୀତା ମାନାଟିଏ, ତକ୍ତି ଅର ରଅଣାକି ବୀହା ଆଡ଼ିସାରେ, ଏଦାନି ଦାରେଣି ଇଞ୍ଜାଁ ଇନେରି; ଯାମା ତକ୍ରା ହାଡ଼ି ତାୟୁ ମୋରାଟି ପିସପି ଆଡ଼େନ, ଅଡ଼େ ଏଡ଼ି ଅର ରଅଣାକି ବୀହା ଆଡ଼ିସାରେ, ଏଡ଼ି ଦାରେଣି ଆଏ । ୪ ଇଦାଆଁତାକି ତାୟି ତାଙ୍ଗିସ୍ତାତେରି, କ୍ରୀସୁତି ଆଙ୍ଗା ତଲେ ମୀରୁ ଜିକେଏ ମୋରାତାକି ହାହାମାଞ୍ଜେରି, ଏନିକିହିଁ ମୀରୁ ଏବ୍ବାକାଚାରି ତଲେ ଆଣ୍ଡିଦେରି, ଇତିହିଁ ମା ମାହାପୁରୁ ତାକି ପାଡ଼େଡ଼ି ଆୟାଲି ଆମ୍ବାଆସି ହାଡ଼ାରି ତାଣାଟି ନୀତାମାନେସି, ଏଝାଣିତଲେ ଆଣ୍ଡାଦୁ । ୫ ଏଚରଦିନା ପାତେକା ମାର ଆଙ୍ଗାତି ମାଣକି ତଲେ ମାଚାୟି, ଏଚରଦିନା ପାତେକା ମସା ମୋରାଟି ପାପୁତି ଜୁପକା ମା ଆଙ୍ଗା ବିଡ଼ା ଜୀଝୁତି ହାଡ଼ି କିହାଲି କାମା କିହିମାଚେ । ୬ ଯାମା ଏନାଆଁତଲେ ଦସପି ଆହାମାଚାୟି, ଏମ୍ବାଟି ହାହାନା ନୀର୍ବ ମାର ମୋରାତି ଅଦିକାରାଟି ମୁକ୍ଲୁଞ୍ଜି ଆହାମାନାୟି; ମାର ଅଡ଼େ ତଲିତିଲେହେଁ ରାସୁକି ଆହାମାନି ମୋରାତି ସେବା କିହି ହିଲୀଆୟି, ସୁଦୁଜୀଝୁ ତସାମାଞ୍ଜାନି ପୁଠନି ଜିରୁତା ନୀର୍ବ ତାକି ମାନାୟି ।

ମୋରା ଅଡ଼େ ପାପୁ

୭ ଆତିହିଁ ଏନାଆଁ ଇନାୟି, ମୋରା ପାପୁ ଗାଚାୟି ? ଏଡ଼ି ଏଚେଲାଝା ଆଏ । ଯାମା ପାପୁ ଏନାୟି, ଏଦାଆଁ ମୋରା ନାଙ୍ଗେ ଖେସା ମାଞ୍ଜାନେ, “ଏବ୍ବାକା ଲକ୍ଷୁତି ଦିଶ୍ସୁ ଜୁପକା ଆଆଦୁ,” ଇ ହୁକୁମି ମୋରା ଖେସା ମାଞ୍ଜାଆତିହିଁ ମା, ଜୁପକା ଏନାୟି, ନାନୁ ପୁନାଆଡେଏଁମା । ୮ ଯାମା ପାପୁ ପାରୁ ବେଟାଆହାନା ହୁକୁମି ତଲେ ନା ତାଣା ବାରେଲେହେଁତି ଜୁପକା କିନାଣି ହିୟାତେ, ମୋରା ପିସପେ ପାପୁ ହାଡ଼ାୟି । ୯ ର ଦିନା ନାନୁ ମୋରା ପୁନାଆନା ନୀତିମାଚେଏଁ, ଯାମା ହୁକୁମି ଖାହାଲିଏ ପାପୁ ନୀତିତେ, ଇଞ୍ଜାଁ ନାନୁ ହାଡେଏଁ; ୧୦ ଆମିନି ମୋରା ଜୀଝୁ ହାହାଲିତାକି ଟିକାଣା ତାୟି ମାଚେ, ଏଡ଼ି ନା ଜୀଝୁତି ହାକି ଖାତେ । ୧୧ ଇତିହିଁ ପାପୁ ପାରୁ ବେଟାଆହାନା ହୁକୁମିଟି ନାଙ୍ଗେ ନାଡ଼ି କିୟାତେ ଇଞ୍ଜାଁ ଏମ୍ବାଟି ନାଙ୍ଗେ ପାୟାତେ । ୧୨

୧୩ ମୋରା ସୁଦୁଗାଚାୟି, ଏଦାଣି ହୁକୁମିକା ବାରେ ସୁଦୁ ଗାଚାଜ, ଦାମ୍ପତିଗାଚାୟି ଇଞ୍ଜାଁ ନେହାୟି । ୧୪ ଆତିହିଁ, ଏନାୟି ନେହାୟି, ଏଡ଼ି କି ନାଙ୍ଗେ ହାଡ଼ି କିୟାନେ ? ଏଡ଼ି ଏଚେଲାଝା ଆଆପେ, ପାପୁଏ ଏଦାଆଁ କିତେ, ନେହିଁ ମୋରାତି ଲୋମାନା ପାପୁ ନାଙ୍ଗେ ହାଡ଼ି କିୟାତେ, ଏଦାଆଁ ତଲେ ପାପୁତି ସାତା ଖାଣା ତଞ୍ଜାଆଡ଼େ, ଏଦାଆଁତାକି ମୋରା ତଲେ ପାପୁ ହାଡ଼େକା ଆଜିହପେତାୟି ପୁଣ୍ଡିଆଡ଼େ ।

☆ ୨:୭ ୭:୭ ହାନାୟି ୨୦:୧୭; ଖେ ମୋରା ୫:୨୧ ☆ ୭:୧୧ ୭:୧୧ ମୂଲୁ ୩:୧୩

ମାଣସି ଆଜ୍ଞାତା ମାନି ଗଡ଼ହା

୧୪ ମସାତି ମେରା ସୁଦୁଜୀଘୁ ଗାଗାୟି, ଇଦାଆଁ ମାର ପୁଞ୍ଜାମାନାୟି; ସାମା ନାନୁ ପାପୁତି ଆଜ୍ଞାତା କଡ଼ଝିଆଡ଼ି ହଲେଏଶାତେଏ । ୧୫ *ନାନୁ ଏନାଆଁ କିହମାଇ, ଏଦାଆଁ ନାନୁ ପୁଞ୍ଜିହଲଅଁ; ଏନାଆଁ କିହାଲି ନା ଅଣ୍ପୁ, ଏଦାଆଁ ନାନୁ କିଅଁ; ସାମା ଏନାଆଁ ଅପଅଁ, ଏଦାଆଁ କିଇଁ । ୧୬ ସାମା ଏନାଆଁ ନାନୁ ଅଣପଅଁ, ଏଦାଆଁ କିତିସାରେ, ଆତିହଁ ମସାତି ମେରା ନେହାୟି ଏଦାଆଁ ନାନୁ ଜଲିମାଇଁ । ୧୭ ଏଦାଆଁତାକି ଏ କାମା ସାତେଏ ନାନୁ କିଆନା ନା ବିତ୍ରାମାନି ପାପୁଏ ଏଦାଆଁ କିହମାନେ । ୧୮ ନାନୁ ପୁଞ୍ଜାମାଇଁ, ନା ବିତ୍ରା ଇତିହଁ ମାଣସି ମାଣକିତା ନେହାୟି ଏନାୟି ଜିକେଏ ହିଲେଏ, ଇତିହଁ ନେହଁ କାମା କିହାଲି ନାଜେ ଅଣ୍ପୁ ମାଟିହଁ ଜିକେଏ ଏଦାଆଁ କିହାଲି ଆଡ଼ଅଁ । ୧୯ ଇତିହଁ ଏମିନି ନେହଁ କାମା କିହାଲି ନାନୁ ମନ କିଇଁ, ଏଦାଆଁ କିଅଁ, ସାମା ଏମିନି ଲାଗେଏତି କାମା କିହାଲି ନାନୁ ମନ କିଅଁ, ଏଦାଆଁ କିଇଁ । ୨୦ ନାନୁ ଏନାଆଁ ଅଣ୍ପି ହିଲଅଁ, ଏଦାଆଁ କିହମାଇଁ, ଆତିହଁ ଏଦାଆଁ ନାନୁ ଅଡ଼େ କିଅଁ, ସାମା ନା ତାଣା ବାସା କିହାମାନି ପାପୁ ଏଦାଆଁ କିନେ ।

୨୧ ଏଦାଆଁତାକି ନାନୁ ନେହଁ କାମା କିହାଲି ମନ କିହମାଇଁ, ଏତିକେଲା ନା ତାଣା ଖାନ୍ଦଇ ଲାଗେଏତାୟି ତଞ୍ଜା ଆହିମାନେ, ଇଦାଆଁ ମେରାତା ମେସିମାଇଁ । ୨୨ ଇତିହଁ ହିୟାତା ଅଣ୍ପିନି ମାଣସିଲେହେଁ, ମାହାପୁରୁତି ମେରା ମାନି କିହାଲି ନାଜେ ରାହାଁ, ୨୩ ସାମା ନାନୁ ନା ଆଜ୍ଞାତା ଅଡ଼ ରଡ଼ଲତି ମେରା ତଞ୍ଜା ଆହିମାନେ, ଏଡ଼ି ନା ମନତି ମେରା କପାଟି ଜୁଜୁ କିହମାନେ, ଅଡ଼େ ନା ଆଜ୍ଞାତା ଏମିନି ପାପୁତି ମେରା ମାନେ, ନାଜେ ଏଦାଆଁ ଦସପାନା । ୨୪ ଆୟଡ଼ା, କାର୍ମା କପଲ ହିଲାଆଗାଟି ମାଣସିତେଏଁ ନାନୁ ! ଇ ହାଝିକିନି ଆଜ୍ଞାଟି ନାଜେ ଆଦାଆସି ଗେଲୁପାନେସି ? ୨୫ ମା ପ୍ରପୁ ଜୀସୁ କ୍ରୀସ୍ତ ତାଣାଟି ଗେଲୁପି ଆହାମାନାକି ମାହାପୁରୁଇଁ ଜହରା ଆପେ । ଏନାଆଁତାକି ଇତିହଁ ନାନୁଏ ନା ମନତଲେ ମାହାପୁରୁତି ମେରାତି ହଲେଏଶାତେଏଁ, ସାମା ଆଜ୍ଞା ତଲେ ପାପୁ ମେରାତି ହଲିୟା ଆହାମାନେ ।



ସୁଦୁଗାଟି ଜୀଘୁ

୧ ଆମିନି ଗାଗାରି କ୍ରୀସ୍ତ ଜୀସୁତଲେ ଆଣ୍ଡାନା ନୀତିମାନେରି, ଏଞ୍ଜାରାକି ନୀଏଁ ଏନି ତଣ୍ଡ ହିଲେଏ । ୨ ଇତିହଁ ଜୀଘୁ ହିୟାନି ଜୀଘୁତି ମେରା କ୍ରୀସ୍ତ ଜୀସୁ ତାଣା ଆଣ୍ଡାନା ମିଜେ ପାପୁ ଅଡ଼େ ହାଝିକିନି ମେରାଟି ମୁକଲଝି କିହାମାଜ୍ଞାନେ । ୩ ମାଣସିତି ଆଜ୍ଞାତା ବାଡ଼ୁୟୁ ହିଲାଆକି ମସା ହାହାମାନି ମେରା ଏନାଆଁ କିହାଲି ଆଡ଼ାଆଡ଼େ, ମାହାପୁରୁ ଏଦାଆଁ ତାନି ମାରଏଶାଇଁ ପାପୁଗାଟି ମାଣସିଲେହେଁ ପାପୁଇଁ ନାସା କିହାଲି ପାଣ୍ଡାନା ଆଜ୍ଞାତି ପାପୁତି ତଣ୍ଡ ହାହାଲି କିତେସି । ୪ ଏଦାଆଁତାକି ମାର ମାଣସିତି ମାଣକିତା ମାନଆନା ସୁଦୁଜୀଘୁତି ମାଣକିତା ମାଜ୍ଞାନା ଇଞ୍ଜା ଇଦାଆଁ ତଲେ ମାର ମେରାତି ପାଣ୍ଡାପାବୁ ମାନି କିହମାନାୟି । ୫ ଆମିନି ଗାଗାରି ଆଜ୍ଞାତି ମାଣକି ତଲେ ନୀତିନାରି ଏଞ୍ଜାରି ଆଜ୍ଞାତି ମାଣକିତି କାତାତା ମନ ହୀନେରି, ସାମା ଆମିନି ଗାଗାରି ସୁଦୁଜୀଘୁତି ମାଣକି ତଲେ ନୀତିନେରି, ଏଞ୍ଜାରି ହିୟାଁ ସୁଦୁଜୀଘୁତି କାତାତା ମନ ହୀନେରି । ୬ ଇତିହଁ ଆଜ୍ଞାତି ମାଣକିତି ମନ ହାଝିକିନେ; ସାମା ସୁଦୁଜୀଘୁତି ମାଣକିତି ମନ ଜୀଘୁ ଇଞ୍ଜା ହିଡ଼ଡ଼ି ହିୟାନେ । ୭ ଇତିହଁ ଆଜ୍ଞାତି ମନତଲେ ନୀତିନାସି ମାହାପୁରୁ କପାଟି ସାଡୁ ଆନେସି; ଇତିହଁ ଏଞ୍ଜାସି ମାହାପୁରୁ ମେରାତି ମାନି କିଅସି; ଇଞ୍ଜା ଏଞ୍ଜାସି ମାନଝି ଆହାଲି ଆଡ଼ଅସି । ୮ ଆମିନି ଗାଗାରି ଆଜ୍ଞାତି ମାଣକି ତଲେ କାମା କିନେରି, ଏଞ୍ଜାରି ମାହାପୁରୁଇଁ ରାହାଁ କିହାଲି ଆଡ଼ଅରି ।

୯ ମାହାପୁରୁତି ସୁଦୁଜୀଘୁ ସାତା ତଲେ ମୀ ତାଣା ମାଟିସାରେ, ମୀରୁ ଅଡ଼େ ଆଜ୍ଞାତି ମାଣକି ଲେହେଁ ନୀତଅଡ଼େରି, ସାମା ସୁଦୁଜୀଘୁତି ହୁକୁମି ମାନି କିହମାଜ୍ଞେରି । କ୍ରୀସ୍ତତି ଜୀଘୁ ଆଦାଆରି ତାଣା ହିଲେଏ, ଏଞ୍ଜାସି ଏତେଲା ଜିକେଏ ଏଞ୍ଜାଣି ଲକୁ ଆହାଲି ଆଡ଼ଅସି । ୧୦ ସାମା କ୍ରୀସ୍ତ ମୀ ତାଣା ମାଟିସାରେ, ମୀ ଆଜ୍ଞା ପାପୁ ତାକି ନାସା ଆହାଲି ହାଜିମାଟିହଁ ଜିକେଏ, ସୁଦୁଜୀଘୁ ମିଜେ ଜୀଘୁ ହାୟାନେ, ଏନାଆଁତାକି ଇତିହଁ ମାହାପୁରୁ ନକିତା ମୀରୁ ଦାମ୍ଭାଗାଗାତେରି ଆହାମାଜ୍ଞେରି । ୧୧ *ଆଦାଆସି ହାଡ଼ାରି ତାଣାଟି ଜୀସୁଇଁ ନିକହେସି, ଏଞ୍ଜାଣି ଜୀଘୁ ମୀ ତାଣା ମାଟିସାରେ, ଆତିହଁ ଆଦାଆସି ହାଡ଼ାରି ତାଣାଟି କ୍ରୀସ୍ତ ଜୀସୁଇଁ ନିକହେସି, ଏଞ୍ଜାସି ମୀ ତାଣା ମାନି ତାନି ଜୀଘୁତଲେ ମୀ ହାଡ଼ି ଆଜ୍ଞାତି ଜିକେଏ ନୀଟନେସି ।

୧୨ ଏଦାଆଁତାକି, ତାୟି ତାଜିସ୍ତାତେରି, ମାର ରୀଣାଗାଗାତାୟି, ସାମା ଆଜ୍ଞାତି ମାଣକି ତଲେ ନୀତାଲି ଆଏ । ୧୩ ଇତିହଁ ଆଜ୍ଞାତି ମାଣକି ତଲେ ମୀରୁ ନୀତିଦେରି, ଆତିହଁ ସାତେଏ ହାଡ଼େରି, ସାମା

* ୭:୧୫ ୭:୧୫ ଗାଲା ୫:୧୭ * ୭:୧୫ ୭:୧୫ ମୁଲୁ ୫:୧୭ * ୮:୧୧ ୮:୧୧ କେର ୩:୧୭

ସୁଦୁଜୀଞ୍ଜୁତି ସାୟେମି ତଲେ ଆଙ୍ଗାତି କାମା ବାରେ ନାସା କିଦେରି, ଆତିହଁ ନାତିଦେରି । ୧୪ ଆମିନି ଗାଟାରି ମାହାପୁରୁତି ସୁଦୁଜୀଞ୍ଜୁ ତଲେ ତାକିନେରି, ଏଞ୍ଜାରି ମାହାପୁରୁତି ମୀରକା ।

୧୫ **ଈତିହଁ ମୀରୁ ଖେଣ୍ଡେ ଆଜାଲି ହଲିୟାଙ୍ଗାତି ଜୀଞ୍ଜୁ ବେଟାଆହା ହିଲଅତେରି, ସାମା ମୀରୁଏଣାତି ଜୀଞ୍ଜୁ ବେଟାଆହାମାଣ୍ଡେରି; ଏମାତି ମାରୁ “ଆବା ତାଞ୍ଜି” ଇଞ୍ଜିଁ ହାଡ଼ିମାନାୟି । ୧୬ ମାରୁ ମାହାପୁରୁତି ମୀରକା ମାସ୍କା ଇଞ୍ଜିଁ ଏ ଜୀଞ୍ଜୁଏ ମା ଜୀଞ୍ଜୁତଲେ ଆଣ୍ଡାମା ସାକି ହାହିମାନେ । ୧୭ ଏନାଆଁତାକି ଈତିହଁ ମାରୁ ମାହାପୁରୁତି ମୀରକା ମାସ୍କାତାୟି, ତାନି ଲକ୍ଷୁତାକି ଲଡ଼ାମାନି ବରତି ବାଟା ପାଣ୍ଡନାୟି, ଇଞ୍ଜିଁ କ୍ରାସ୍ତ ତଲେ ଗାଞ୍ଜୁରମି ବେଟାଆହାଲି ମାରୁ ଜିକେଏ ଏଞ୍ଜାଣିତଲେ ଦୁକୁ କସ୍ତ ପାଣ୍ଡନାୟି ମାନେ, ଆତିହଁ ମାହାପୁରୁତି ବରତି ବାଟା ଅଡ଼େ କ୍ରାସ୍ତ ତଲେ ବାଟାତା ଆଣ୍ଡାଲି ଆଡ଼ିନାୟି ।

ଞ୍ଜାହିମାନି ଗାଞ୍ଜୁରମି

୧୮ ଅଣ୍ଡପାଦୁ, ଆମିନି ଗାଞ୍ଜୁରମିତା ଞ୍ଜାହିମାନି ଦିନାତା ମାରୁ ଏଗାହାନାୟି, ଏଦାଆଁ କିହଁ ନୀଏଁତି ଦୁକୁ କାକୁଲି ଇତାୟି ଜିକେଏ ଆଏ, ଏତିବେଲାତା ମାହାପୁରୁ ତାନି ମୀରକା ମାସ୍କାଣି ତହ୍ନେସି । ୧୯ ମାହାପୁରୁ ତାନି ମୀରକା ମାସ୍କାଣି ତଞ୍ଜାଆନାଣି ମେସାଲି ବାରେ ଗାଡ଼ି ଆଡ଼ାୟି କାପୁ କାଟାମାନେ । ୨୦ ଏନାଆଁତାକି ଈତିହଁ ଗାଡ଼ିଆଡ଼ାୟି ମାହାପୁରୁ ତାଣ୍ଡାତି ବାକା ବେଟାଆହାନା ତାନି ଏଗାହାନି ଗାୟୁ ବାଣା ଆହାମାନେ । ଆଡ଼ିଜିକେଏ ତାନି ଆସା ମାନେ, ୨୧ ଅଡ଼େ ଏଡ଼ି ବାସୁଁ ବେଟାଆତେ, ଇଞ୍ଜିଁ ଗାଡ଼ି ଆଡ଼ାୟି ତାନୁଏ ଜିକେଏ ମାହାପୁରୁତି ମୀରକା ଗାଞ୍ଜୁରମି ତାକି ପିସ୍ତପି ଆହାଲିତାକି ନାସା ଆନି ହଲିୟାତି ପିସ୍ତପି ଆନେ ୨୨ ସାମା ନୀଏଁ ପାତେକା ବାରେ ଦାରତି ଜାନାଁ କିନି ବୀସା ତଲେ କସ୍ତ ପାଣ୍ଡିନି ଲେହେଁ କସ୍ତ ତାକି ଡ଼ାହିମାନେ । ୨୩ *ସାମା ମାରୁ ମୁଲୁତି ପାଡ଼େୟି ଲେହେଁ ସୁଦୁଜୀଞ୍ଜୁତି ବେଟାଆହାମାନାୟି, ଆତିହଁ ଜିକେଏ ମାରୁ ମାହାପୁରୁତି ମୀରକା ଈତିହଁ ଜାହା ଜାହାରା ଆଙ୍ଗାତି ବାରେଜାଣା ଗେଲ୍ପି ଆୟାଲିତାକି କାପୁ କାଟାନା ମା ହିୟାତା ଡ଼ାହି ମାନାୟି । ୨୪ ଏନାଆଁତାକି ଈତିହଁ ବାସୁଁତି ମାରୁ ଗେଲ୍ପି ଆହାମାନାୟି; ସାମା ଏନାୟି ତଞ୍ଜା ଆନାୟି, ଏଦାଆଁତାକି ବାସୁଁ ଇତିନାୟି ଏଡ଼ି ସାତାତି ବାସୁଁ ଆଏ, ଈତିହଁ ଏନାଆଁ ମେସିମାନାୟି ଏଦାଆଁତାକି ଏନାଆଁତାକି ବାସୁଁ ଇତିନାୟି ? ୨୫ ସାମା ମାରୁ ଏନାଆଁ ମେସି ହିଲାଆୟି ଏଦାଆଁତାକି ବାସୁଁ ଇତିନାୟି, ଆତିହଁ ମାଜେ ସାସାତଲେ କାପୁ କାଞ୍ଜୁଆନାୟି ମାନେ ।

୨୬ ମାରୁ ବାଡ଼ୟୁ ହିଲାଆଗାଟାୟି, ସାମା ସୁଦୁଜୀଞ୍ଜୁ ମାଙ୍ଗ ସାୟେମି କିୟାନେ; ଏନିକିହଁ ପ୍ରାଡ଼ାନା କିନାୟି, ଏଦାଆଁ ମାରୁ ପୁଞ୍ଜାହିଲାଆୟି, ଏଦାଆଁତାକି ସୁଦୁଜୀଞ୍ଜୁ ଜଲିନି ହାଡ଼ାତଲେ ମା ତାକି ମାହାପୁରୁଇଁ ଗହାରା କିନେ; ୨୭ ଆମ୍ବାଆସି ମା ହିୟାଁ ବିଡ଼ା ମାନାଣି ପୁନାସି, ଏଞ୍ଜାସି ସୁଦୁଜୀଞ୍ଜୁତି ଅଣ୍ଡପୁ ଏନାୟି ଏଦାଆଁ ପୁନେସି, ଈତିହଁ ଏଞ୍ଜାସି ମାହାପୁରୁତି ଅଣ୍ଡପୁ ତଲେ ମାହାପୁରୁ ଲକ୍ଷୁତାକି ଗହାରା କିନେସି । ୨୮ ମାରୁ ପୁଞ୍ଜାମାନାୟି, ଆମିନି ଗାଟାରି ମାହାପୁରୁଇଁ ଜୀଞ୍ଜୁ ନନେରି ଇଞ୍ଜିଁ ମାହାପୁରୁତି ଲଡ଼ା ତାକି ବାତି କିଞ୍ଜି ଆହାମାନେରି, ଏଞ୍ଜାରାକି ବାରେ ନେହାୟି ଆନେ । ୨୯ ଆମ୍ବାଆରାଇଁ ମାହାପୁରୁ ହାଟାମାନେସି, ଏଞ୍ଜାରାକି ତାନି ମୀରୁଏଣା ଞ୍ଜାଣା ଲେହେଁ ଆହାଲି ତଲିଟିଏ ତାରି କିହାମାନେସି, ଆତିହଁ ମାହାପୁରୁତି ମୀରୁଏସି, ଏନିକିହଁ ଏଞ୍ଜାସି ହାଡ଼େକା ତାୟି ତାଙ୍ଗିସ୍ତା କିହଁ ମୁଲୁ ଜାନାଁ ଆଡ଼ାସି ଆନେସି । ୩୦ ଆମ୍ବାଆରାଇଁ ନନେକଏ ଆଟାମାନେସି, ଏଞ୍ଜାରାଇଁ ଏଞ୍ଜାସି ହାଡ଼ିତେସି, ଏଞ୍ଜାରି ମାହାପୁରୁ ନକିତା ଦାମ୍ବାଗାଟାରି ଇଞ୍ଜିଁ ତଞ୍ଜି କିତେସି, ଅଡ଼େ ଆମିନି ଗାଟାରିଇଁ ଦାମ୍ବାଗାଟାରି ଇଞ୍ଜିଁ ତଞ୍ଜି କିତେସି ଏଞ୍ଜାରାଇଁ ଜିକେଏ ଏଞ୍ଜାସି ଗାଞ୍ଜୁରମି କିତେସି ।

ମାହାପୁରୁତି ଜୀଞ୍ଜୁନନାୟି

୩୧ ଆତିହଁ ଇ ବାରେତି ମେସାନା ମାରୁ ଏନାଆଁ ଇନାୟି ? ମାହାପୁରୁ ମା ଞ୍ଜାକି ମାଟିସାରେ, ଆମ୍ବାଆସି ମା କପାତଲେ ନିଜିନେସି ? ୩୨ ଆମ୍ବାଆସି ତାନି ମୀରୁଏଣାଇଁ ଜିକେଏ ଗେଲ୍ପାଆତେସି, ସାମା ମା ବାରେତାକି ଏଞ୍ଜାଣାଇଁ ହେଡ଼ପିତେସି, ଏଞ୍ଜାସି ଏନିକିଁ ଏଞ୍ଜାଣିତଲେ ମାଜେ ଜିକେଏ ବାରେ କାମାତି ଦାନା ହିୟଅସିକି ? ୩୩ ମାହାପୁରୁ ହାଟାମାନି ଲକ୍ଷୁ କପାତଲେ ଆମ୍ବାଆସି ଦହ୍ ଦସାଲି ଆଡ଼ିନେସି ? ଏଞ୍ଜାରି ଦହ୍ ହିଲାଆ ଗାଟାରି ଇଞ୍ଜିଁ ମାହାପୁରୁ ତାନୁଏ ଖେକହା ମାନେସି । ୩୪ ଆମ୍ବାଆସି ତଣ୍ଡ ହାନେସି ? କ୍ରାସ୍ତ ଜୀସ୍ତ ହାଟାରି ତାଣ୍ଡାତି ଖେଣ୍ଡେ ନିଜାମା ମାହାପୁରୁତି ତିଃନି ଚଟତା ମାଞ୍ଜାନା ମାଜେତାକି ଗହାରା କିହାମାନେସି । ୩୫ ଆତିହଁ ଆମ୍ବାଆସି ମାଜେ କ୍ରାସ୍ତତି ଜୀଞ୍ଜୁ ନନି ତାଣ୍ଡାତି ଏଡ଼କା କିୟାନେସି ? ଦୁକୁ,

* ୮:୧୫ ୮:୧୫ ଗାଲା ୪:୫-୭ * ୮:୧୫ ୮:୧୫ ମାର୍କି ୧୪:୩୭; ଗାଲା ୪:୭ * ୮:୨୩ ୮:୨୩ ୧କର ୫:୨-୪

କସ୍ତ, କାକୁଲି କି କାଡ଼ାରା, ହାକି, ଏସ୍କି, ସନି କି କାଣ୍ଡା, ଏନାୟି ଜିକେଏ ଏଦାଆଁ କିହାଲି ଆଡେଏ । ୩୭ ସାଡ଼େସ୍ତରିତା ରାସ୍କି ଆହାମାନେ;

“ମିଙ୍ଗେ ତାକି ମାମ୍ବୁ ବାରେଦିନା ହାକିତି ନକିତା,

ହାହାଲି ହାଜିମାନି ମେଣ୍ଡା ଲେହେଁ ମାମ୍ବୁ ତୁଞ୍ଜା ଆହିମାନମି ।”

୩୮ ଆଡ଼ିଜିକେଏ ଆମ୍ବାଆସି ମାଙ୍ଗେ ଜୀଝୁ ନୟିତେସି, ଏଞ୍ଜାଣି ସାୟେମି ତଲେ ମାର ଇ ବାରେତି ଲାକ ଜାଣା ଆହାମାନୟି । ୩୯ ନାନୁ ସାତେଏ ନେହଁ କି ପୁଞ୍ଜାମାଲ୍ ତାନି ଜୀଝୁ ନନି ତାଣାଟି ମାର ଏଚେଲା ଜିକେଏ ଏଚକା ଆଆସି, ହାକି କି ଜୀଝୁ ଲାକପୁରୁତି ଦୂତୁୟିଁ କି ସାଲୁଝି କିହିମାନାଇ କି ବାଡ଼ୁୟି ଗାଟାଇ, ନାଏଁ କି ଖାନ୍ତି ଦିନା କି ଏନି ବାଡ଼ୁୟି, ୩୯ ଲାକପୁରୁତି କାତା କି ତୁଇପୁରୁତି କାତା ଏନାୟି ଜିକେଏ; ବାରେ ଗାଡ଼ିଆଡ଼ି ଦିଶସୁ ପ୍ରବୁ ଜୀଝୁ ତାଣାଟି ତଞ୍ଜାଆହାମାନି ମାହାପୁରୁତି ଜୀଝୁ ନନି ତାଣାଟି ମାଙ୍ଗେ ଏଚକା କିୟାନେ ।



ମାହାପୁରୁ ଅଡେ ତାନି ଲକୁ

୧ ନାନୁ ଜୀଝୁତି ଲକୁ ଆହାମାନାକି ସାତା ଝେସିମାଲ୍, ମିତି ଝେସିହିଲଅଁ । ସୁଦୁଜୀଝୁତି ସେଡନା ହାନାଣି ତଲେ ନା ଅଣପୁ ଇଦାଣିତି ସାକି । ୨ ନାନୁ ଏଚେକା ଦୁକୁ ଅଡେ କସ୍ତତଲେ ନା ହିୟିତା ଏଚେକା ବକୁ ଆହାମାନେ, ଇଦାଆଁ ନାଡ଼ିକିହଁ ଝେସିହିଲଅଁ । ୩ ନା ଜାହାରା କୁଡାତି ତାୟିୟିକି ନାନୁ ଜୀଝୁ ତାଣାଟି ଏଚକା ଆହାନା ମାହାପୁରୁ ତାଣାଟି ବାକା ବେଟାଆହାଲି ନା ଅଣପୁ ଇତିହଁ ଏଞ୍ଜାରି ମାହାପୁରୁତି ଲକୁ । ୪ ଏନାଆଁତାକି ଇତିହଁ ଏଞ୍ଜାରି ଇସ୍ତାୟେଲ ଲକୁ; ତାନି ମୀରକା ଲେହେଁ ଆବାନା ଏଞ୍ଜାରି ନକିତା ତାନି ଗାଝୁରମି ତସାମାଚେସି; ଏଞ୍ଜାରିତଲେ ରାଜିମାନା ଆହାନା ଏଞ୍ଜାରାକି ମେରା ହାହାମାଚେସି, ଏଞ୍ଜାରି ସାତା ତଲେ ସେବା କିନାରି; ଏଞ୍ଜାରି ମାହାପୁରୁ ତାଣାଟି ଆଞ୍ଜାମାନାଣି ବେଟାଆହାମାନେରି; ୫ ଏଞ୍ଜାରି ବାରେଜାଣା ଝେଙ୍ଗାମାନି ଆକୁ ଆଦାୟିତି ମୀରକା ଇଞ୍ଜା ମାଣସି ଖାଣାଟି ଜୀଝୁ ଏଞ୍ଜାରି ତାଣାଟି ଜାନାଁ ଆହାମାଚେସି; ବାରେ ଅଦିକାରାଗାଟି ମାହାପୁରୁକି କାଳାକାଳାତାକି ଜହରା ଆପେ । ଆମେନ୍ ।

୬ ମାହାପୁରୁତି ବକୁ ଉଦେଏ ଆହାମାନେ ଇଞ୍ଜା ନାନୁ ଝେସିହିଲଅଁ, ଇତିହଁ ଇସ୍ତାୟେଲ କୁଡାତି ବାରେ ଲକୁ ମାହାପୁରୁତି ଲକୁ ଆଏ, ୭ ଅଗ୍ରାହାମ କୁଡାତି ବାରେ ଲକୁ ମାହାପୁରୁ ମୀରକା ମାସ୍କା ଏଦି ଆଏ; ମାହାପୁରୁ ଅଗ୍ରାହାମଲ୍ ଝେସାମାଚେସି, “ଇସାହାକ ତାଣାଟି ନୀ କୁଡା ଝେଙ୍ଗିନେରି ।” ଈଦାଣି କାତା ଇଦି, ମାଣସି ମୀରକା ମାସ୍କା ମାହାପୁରୁ ମୀରକା ମାସ୍କା ଆହାଲି ଆଡ଼ଅରି, ମାହାପୁରୁତି ଆଞ୍ଜାମାନି ଲେହେଁ ଜାନାଁ ଆହାମାନି ମୀରକା ମାସ୍କା ମାହାପୁରୁ ନକିତା ସାତା ମୀରକା ମାସ୍କା ଲେହେଁ ଆନେରି । ୯ ମାହାପୁରୁ ଇଦାଆଁ ଆଞ୍ଜାମାଚେସି, “ଇ କାଲମିତା ମାମ୍ବୁ ଝେଣ୍ଡେ ଖାନ୍ତି, ଏତିବେଲାତା ସାରା ର ମୀରଏଣାଇ ଜାନାଁ କିହାମାଣମିନେ ।” ୧୦ ଅଡେ ଖାରୁଇ ଏଚେକା ଆଏ, ରିବିକାନି ତାଣା ଜିକେଏ ଜାଣ୍ଡା ମୀରକା ର ତାଞ୍ଜି ଇସାହାକ ତାଣାଟି ଜାନାଁ ଆହାମାଚେରି, ୧୧ ଏଞ୍ଜାରି ଜାନାଁ ଆନି ନକେଏ, ଅଡେ ଏଞ୍ଜାରି ନେହାଣି ଲାଗେଏତାଣି କିନି ନକେଏ, ଇଞ୍ଜାରି ବିଡ୍ରାତି ରଅସି ମାହାପୁରୁ ଲଡ଼ା ତାକି ବାଟି କିଞ୍ଜିଆଡେସି, ୧୨ ରିବିକାଲ୍ ମାହାପୁରୁ ଏଲେଇଞ୍ଜାମାଚେସି, “କାଜା ତାୟି ଉଜା ତାୟିତି ସେବା କିନେସି ।” ମାହାପୁରୁ ଏଦାଆଁ ଝେସାମାଚେସି ଏଞ୍ଜାରି କାମା କିତି ତାଣାଟି ଆଏ, ଖାରୁଇ ମାହାପୁରୁ ଆଡ଼ିତାକି ଏଞ୍ଜାରି ହାଚକି ଆଡେତି । ୧୩ ସାଡ଼େସ୍ତରିତା ରାସ୍କି ଆହାମାନେ, “ନାନୁ ଜାକୁବଲ୍ ଜୀଝୁ ନଡେଏ, ସାମା ଏସାଝୁଇ ଅପାଆଚେସି ।”

୧୪ ଆଡିହଁ ଏନାଆଁ ଇନାୟି, ମାହାପୁରୁ ଲାଗେଏତି କାମାକିନାସି କି ? ଏଦି ଏଚେଲା ଜିକେଏ ଆଆପେ । ୧୫ ଏଦାଆଁତାକି ମସାଇଁ ଏଲେଇଚେସି, “ଆମ୍ବାଆରାଇଁ ନା କାର୍ମା ଆନାୟି ମାନେ ଏଞ୍ଜାଣାଇଁ କାର୍ମା ଆଇଁ, ଆମ୍ବାଆରାଇଁ ସାୟେମି କିନାୟିମାନେ ଏଞ୍ଜାଣାଇଁ ନାନୁ ସାୟେମି କିଇଁ ।” ୧୬ ଏଦାଆଁତାକି ଆମ୍ବାଆସି ମନ କିନେସି, ଆଆଡ଼ି ଆମ୍ବାଆସି ପାରିନାସି କି କିନାସି, ଏଞ୍ଜାଣି ତାଣାଟି ଏନାୟି ଆହାଲି ଆଡେଏ, ସାମା କାର୍ମାମେହନି ମାହାପୁରୁ ତାଣାଟି ଆନେ । ୧୭ ଦାମ୍ବୁ ସାଡ଼େସ୍ତରିତା ରାସ୍କି ଆହାମାନି ଲେହେଁ, ମାହାପୁରୁ ମିସରତି ରାଜା ପାରୁଇଁ ଏଲେଇଚେସି, “ନୀ ତାଣାଟି ନା ବାଡ଼ୁୟି ତସାଲି ଇଞ୍ଜା ବାରେ ଦାଡ଼ିତା ନା ଗାଝୁରମି ତସାଲି ତାକି ନାନୁ ନିଙ୍ଗେ ରାଜା କିହାମାଞ୍ଜାଇଁ ।” ୧୮ ଏଦାଆଁତାକି ମାହାପୁରୁତି ଅଣପୁ ଲେହେଁ ଆମ୍ବାଆରାଇଁ କାର୍ମା ମେହନେସି ଇଞ୍ଜା ଆମ୍ବାଆରାଇଁ ଆଚ୍ଞା ହିୟିଁ କିନେସି ।

ମାହାପୁରୁତି କାର୍ବି ଇଞ୍ଜା କାର୍ମାମେହନାୟି

୧୯ ଏମାଟିଏ ନାନୁ ନାଜେ ଏଲେଇଜାବି, “ମାହାପୁରୁ ଏନାଆଁତାକି ଦହୁ ଆହନେସି ? ଆମ୍ବାଆସି ମାହାପୁରୁତି କପାତଲେ ଏନାଆଁ କିହାଲି ଆଡ଼ିମାନେସି ?” ୨୦ ସାମା ଏ ସୁୟି, ନାନୁ ଆମ୍ବାଆତି, ମାହାପୁରୁଇଁ ଖେଣ୍ଡେ ଖେସାଲି ନିଜେ ସାସା ମାନେକ, ଗାଡ଼ି ଆଡ଼ି ଆସି ଗାଡ଼ି କିତାଣାଇଁ “ନାଜେ ଏନାଆଁତାକି ଇଲେକ” ଗାଡ଼ି କିୟାତି ଇଞ୍ଜି ଏଲେଇଜାଲି ଆଡ଼ିନେ କି ?” ୨୧ ର ଇରୁଆ ଡେପୁଲାର୍ ଡାହାରା ଇଟା ତଲେ ଡକା କେପାଲି କୁମ୍ପେ ଏଣାକି ବାରେ ଅଦିକାରା ମାନେ, ରଣୁଆଁ ବାରେ କାମାତି ଦିନାତା ଲେମ୍ବାଲି ଅଡ଼େ ରଣୁଆଁ ଉଜେଏ ଦିନାତା ଲେମ୍ବାଲି ତାକି ।

୨୨ ମାହାପୁରୁ ଜିକେଏ ଏଲେକ କିହାମାନେସି, ତାନି କାର୍ବି ତସାଲି ଇଞ୍ଜା ବାଡ଼ୁୟୁତି ପୁଣ୍ଡି କିହାଲି ଅଣ୍ଡିମାନେସି, ସାମା ଆମିନି ଗାଗାରି ଏଞ୍ଜାଣି କପାତଲେ ନାସା ଆନାୟି ମାନେ, ଏଞ୍ଜାରି ତାକି ମାହାପୁରୁ ହାରେକା କାର୍ମା ଆହାନା ଅରୁହା ମାନେସି । ୨୩ ଅଡ଼େ ଗାଞ୍ଜୁରମି ତାକି ତାନିତାଣାଟି ନକେଏ ଆହାମାନି ସାୟେମିତି ଲକୁ ମାରୁ ଇତିହ, ମା ତାଣା ତାନି ଗାଞ୍ଜୁରମିତି ଦନ ତସାଲି କିହାମାନେସି, ଆତିହ ନାନୁ ଏନାଆଁ ଇଞ୍ଜି ? ୨୪ ଏନାଆଁତାକି ଏଞ୍ଜାସି ଖାରୁଇ ଜୀହୁଦି ଲକୁ ତାଣାଟି ମାଜେ ହାଟା ମାଞ୍ଜୁଅସି, ସାମା ଜୀହୁଦିଆଆତି ଲକୁ ତାଣାଟି ଜିକେଏ ମାଜେ ହାଟାମାଞ୍ଜୁନେସି, ୨୫ ଇ କାତାତି ହସେୟ ପତିତା ମାହାପୁରୁ ଖେସାମାନେସି;

“ଆମ୍ବାଆରି ମା ଲକୁ ହିଲାଆତେରି, ଏଞ୍ଜାରାଇଁ ‘ମା ଲକୁ’ ଲେହେଁ ହାଟା କଡ଼ିତମି; ଆମିନି କୁଡ଼ାତାରାଇଁ ଜୀହୁ ନହୁଁ ହିଲାଆତମି ଏଞ୍ଜାରାଇଁ ମା ଜୀହୁତି ଲକୁ ଇଡ଼ମି,

୨୬ ଆମିନି ଗାୟତା ଏଞ୍ଜାରାଇଁ ଖେସାମାତମି, ‘ମୀରୁ ମା ଲକୁ ଆଏ’ ଏମ୍ବାଆଁ ଏଞ୍ଜାରି ଜୀହୁଗାଟି ମାହାପୁରୁତି ମୀରୁକା ଇଞ୍ଜି ଖେଜିନେରି ।”

୨୭ ଇଞ୍ଜା ଇସ୍ତାୟେଲ ଲକୁତି କାତା ଜିସାୟ କାଜା ଗିୟାତଲେ ଖେସାମାନେସି, “ଇସ୍ତାୟେଲତି ଲକୁ ସାମୁରୁତି ଏଜିକିହାଲି ଆଡ଼ାଆଗାଟି ବାଃଲି ଲେହେଁ ଆତିହ” ଜିକେଏ, ଏଞ୍ଜାରି ବିତ୍ରାଟି ଏତର ଜାଣାଦେଁ ଗେଲ୍ପି ଆନେରି; ୨୮ ଏନାଆଁତାକି ଇତିହ ପ୍ରବୁ ତବେ ଦାରୁଡ଼ିତା ବାରେ ନାହାୟି ବିଚାରା କିନେସି ।” ୨୯ ଏନିକିହ” ଜିସାୟ ତଲିଏ ଅଡ଼େ ଖେସାମାନେସି, “ବାରେ ବାଡ଼ୁୟୁ ଗାଟି ପ୍ରବୁ ଏତେକା ମା କୁଡ଼ାତି ଲକୁଣି ଗେଲ୍ପିଆତିମାଁ, ସଦମ ଅଡ଼େ ଗମରାତି ଲକୁଲେହେଁ ମାଜେ ଜିକେଏ ଆୟାତେମା ।”

ପାଞ୍ଜୁଲ ଇସ୍ତାୟେଲ ତାକି ପ୍ରାଡ଼ାନ

୩୦ ଏନାଆଁତାକି ଜୀହୁଦିଆଆତି ଲକୁତି କାତାତା ଇଲେ ଇଞ୍ଜାଲି ଆଡ଼ିନାୟି, ଏଞ୍ଜାରି ଦାର୍ମୁଗାଗାରି ଆହାଲି ଅଣ୍ଡି ହିଲାଆତେରି, ସାମା ଏଞ୍ଜାରି ନାନୁ ତାକି ଦାର୍ମୁଗାଗାରି ଆଡ଼େରି । ୩୧ ସାମା ଇସ୍ତାୟେଲ ଲକୁ ଦାର୍ମୁଗାଗାରି ଆହାଲି ଅଣ୍ଡିମାନେ ମେରା ତଲେ ଦାର୍ମୁଗାଗାରି ଆହାଲି ଆଡ଼ାଆତେରି । ୩୨ ଏନାଆଁତାକି ? ଇତିହ ଏଞ୍ଜାରି ନାନୁତଲେ ଏନାଆଁ ପାରାଆନା, କାମା ତଲେ ପାରିମାନେରି । ଏନାଆଁତାକି ଏଞ୍ଜାରି ଆଜ୍ଜିମାନି ଖାଲିତା ପୁଟି କିହାନା ତରୁଗିତେରି । ୩୩ ସାସ୍ତ୍ରପିତା ରାୟ୍ କି ଆହାମାନେ;

“ସିନିକିଦୁ, ମାମ୍ବୁ ସୁୟନତା ର ପୁଟିକିନି କଟା ଖାଲି

ଇଞ୍ଜା ଆଜ୍ଜିନି ପାକା ଖାଲି କେପାମାନମି,

ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଲାଜା ବେଟାଆଅସି ।”

୧୦

୧ ଏ ତାୟି ତାଜିସ୍ତାତେରି, ମା ଲକୁ ଏନିକିହ” ଗେଲ୍ପି ଆନେରି, ଏଡ଼ି ନା ହିୟାତି ଅଣ୍ଡିପୁ, ଇଞ୍ଜା ଏଞ୍ଜାରି ତାକି ମାହାପୁରୁ ତାଣା ରଣୁଏ ଅଣ୍ଡିପୁ ତଲେ ନା ପ୍ରାଡ଼ାନା । ୨ ଇତିହ” ମାହାପୁରୁ ସେବା କିହାଲି ଏଞ୍ଜାରାକି ହାରେକା ମନ ଅଡ଼େ ରାହାଁ ମାନେ, ଇଦାଆଁ ନାନୁ ଏଞ୍ଜାରି ଖାକିଟି ଖେସିମାଇଁ, ସାମା ଏ ମନ ଅଡ଼େ ରାହାଁ ବୁଦିଗାଗାୟି ଆଏ । ୩ ମାହାପୁରୁ ହାତି ଦାର୍ମୁତି ଜିରୁ ପୁନାଆନା ଜାହାରା ତୀରି କିହାମାନି ଦାର୍ମୁତି ଜିରୁତି ତାକାନା ମାହାପୁରୁ ହାତି ଦାର୍ମୁତି ଜିରୁତି ଆସିହିଲଅରି । ୪ କ୍ରୀସ୍ତ ମେରାତି ରାପ୍ତନାସି, ଖାରୁଇ ଏଞ୍ଜାଣି ତାଣା ନାମିସାରେ ମାଣ୍ଡି ମାହାପୁରୁ ନକିତା ଦାର୍ମୁଗାଗାସି ଆନେସି ।

ବାରେ ଜାଣାକି ଗେଲ୍ପି ଆନାୟି

୫ ମସା ରାଟାମାନେସି, “ଆମିନି ମାଣ୍ଡିସି ମେରା ମାନି କିହାନା ଦାର୍ମୁଗାଗାସି ଆନେସି, ଏଞ୍ଜାସି ଏମାଟି ନାତିନେସି ।” ୬ ସାମା ନାନୁତଲେ ଦାର୍ମୁ ଗାଗାତାୟି ଆନାୟି ଇଞ୍ଜି ସାସ୍ତ୍ରପିତା ରାୟ୍ କି ଆହାମାନେ, “କ୍ରୀସ୍ତଇଁ ରେପହା ତାଗାଲି ତାକି ଆମ୍ବାଆସି ଲାକପୁରୁ ହାଜାଲି ଆଡ଼ିନେସି ?” ମୀରୁ ଇ କାତା ଏଲେଇନାଆଦୁ । ୭ ଇଞ୍ଜା “କ୍ରୀସ୍ତଇଁ ହାଡ଼ାଟି ତାଣାଟି ନିକହା ତାଗାଲି, ଆମ୍ବାଆସି ତାଡ଼େପୁରୁ ହାନେସି

? ଈ କାତା ଜିକେଏ ମୀରୁ ଏଲେଇନାଆପୁ ।” ୮ ଏନାଆଁତାକି ଇଚିହୁଁ ସାପ୍ତେରିତା ରାସ୍‌କି ଆହାମାନି ଲେହେଁ, “ମାହାପୁରୁତି ବଲୁ ମୀ ତାଣା ମାନେ, ଅଡେ ମୀ ଗୁତି ଇଞ୍ଜା ହିୟାଁତା ମାନେ, ଆମିନି ନାମୁତି ବଲୁ ମାମୁ ଝେକହିଁ ମାନମି, ଏ ବଲୁ ।” ୯ ମୀରୁ ଜୀସୁଇଁ ଗୁତି ତଲେ ପ୍ରବୁ ଇଞ୍ଜା ଜଲିଦେରି, ଇଞ୍ଜା ମାହାପୁରୁ ଏଞ୍ଜାଣାଇଁ ହାଡାରି ତାଣାଟି ନିକହାମାନେସି ଇଞ୍ଜା ହିୟାଁ ତଲେ ନାମିସାରେ, ଆତିହୁଁ ମୀରୁ ଗେଲ୍‌ପି ଆଦେରି; ୧୦ ଇଚିହୁଁ ଦାମ୍‌ଗାଟି ଲକୁ ଆହାଲି ମାଣସି ହିୟାଁ ତଲେ ନାମିନେସି, ଇଞ୍ଜା ଗେଲ୍‌ପି ଆହାଲି ଗୁତି ତଲେ ଜଲିନେସି । ୧୧ ଦାମ୍‌ ସାପ୍ତେରିତା ରାସ୍‌କି ଆହାମାନେ, “ଆମ୍ବାଆସି ଜିକେଏ ତାନି ତାଣା ନାମିନେସି, ଏଞ୍ଜାସି ଲାଜା ବେଟାଆଅସି ।” ୧୨ ଜୀହୁଦି ଇଞ୍ଜା ଜୀହୁଦିଆଆତାରି ବିତ୍ତା ପାରୁଡା ବାଟି କିନାୟି ହିଲେଏ; ବାରେଜାଣା ତାକି ରଣ୍ଡିଏ ପ୍ରବୁ, ଏତେକା ଲକୁ ଏଞ୍ଜାଣି ତାଣା ପ୍ରାତାନା କିନେରି, ବାରେ ଜାଣାକି ଏ କାର୍ମାମେହ୍‌ନାୟି ଆନେ । ୧୩ “ଆମ୍ବାଆସି ପ୍ରବୁ ଦରୁ ଆସାନା ପ୍ରାତାନା କିନେସି, ଏଞ୍ଜାସି ଗେଲ୍‌ପି ଆନେସି ।”

୧୪ ସାମା ଆମ୍ବାଆରାଇଁ ନାମା ହିଲଅରି ଏନିକିହୁଁ ଏଞ୍ଜାରି ଏଞ୍ଜାଣି ତାଣା ପ୍ରାତାନା କିନେରି ? ଇଞ୍ଜା ଏଞ୍ଜାଣି ନେହୁଁ ବଲୁ ଝେନାଆନା ଏଞ୍ଜାରି ଏନିକିହୁଁ ନାମିନେରି ? ଝେକନାରି ଝେକଆସାରେ ଏ ବଲୁ ଏଞ୍ଜାରି ଏନିକିହୁଁ ଝେନେରି ? ୧୫ ଅଡେ ବଲୁ ଝେକହାଲି ତାକି ପାଣ୍ଡୁଝି ଆଆସାରେ ରଅସି ଏନିକିହୁଁ ବଲୁ ଝେକନେସି ? ଈ କାତା ସାପ୍ତେରିତା ରାସ୍‌କି ଆହାମାନେ, “ଆମିନି ଗାଟାରି ନେହୁଁ ବଲୁ ଆବା ହିଲଅରି, ଏଦାଆଁତାକି ଜିସାୟ ଏଲେଇଞ୍ଜା ମାନେସି, “ପ୍ରବୁ ମା ହାଡା ଝେଞ୍ଜାନା ଆମ୍ବାଆସି ନାମା ମାନେସି ?” ୧୬ ଏନିକିହୁଁ ନାମୁ ଝେନି ତାଣାଟି ଝାନେ, ଅଡେ ଝେନାୟି କ୍ରୀସ୍ତତି ନେହୁଁ ବଲୁଟି ।

୧୮ ସାମା ନାମୁ ଏଲେଇଞ୍ଜା, ଏଞ୍ଜାରି ଏନାଆଁ ଏ ବଲୁ ଝେଞ୍ଜାହିଲଅରି କି ? ଝେଞ୍ଜାମାନେରି, ଏନାଆଁତାକି ଇଚିହୁଁ ସାପ୍ତେରିତା ରାସ୍‌କି ଆହାମାନେ;
 “ଏଞ୍ଜାରି ହାଡା ବାରେ ଦାରୁତିତା ଝେଞ୍ଜାମାନେ,

ଏଞ୍ଜାରି କାତା ବାରେ ଦାରୁତି ମୁଟ୍‌ପୁଲି ପାତେକା ଝେଞ୍ଜାମାନେ ।”

୧୯ ଅଡେ ର ଦେବା ନାମୁ ଝେଞ୍ଜାଲି ଅଣ୍‌ପିମାଇଁ, ଇସ୍ରାୟେଲ ଲକୁ ଏଦାଆଁ ତେଲ୍‌ହାଲି ଆଡାଆତେରି କି ? ହାରେକା ବାର୍ଯା ନକେଏ ମସା ଈ କାତା ଝେସାମାନେସି,
 “ମା ଲକୁଣି କାରୁବି କିହାଲିତାକି ର ଊଣା କୁଡାତି ଲେମ୍‌ମିନମି,

ଏଲେକିହୁଁ ଏ ବୁଦି ହିଲାଆଗାଟି କୁଡା ତଲେ ଏଞ୍ଜାରେଇଁ କାରୁବି କିଝି କିନମି ।”

୨୦ ଅଡେ ଜିସାୟ ସାସାତଲେ ଝେସାମାନେସି,

“ଆମିନି ଗାଟାରି ମାଞେ ପାରିମାଞ୍ଜାଆତେରି, ଏ ଲକୁ ମାଞେ ବେଟାଆୟାତେରି;

ଆମିନି ଗାଟାରି ମା କାତା ଝେଞ୍ଜାମାଞ୍ଜାଆତେରି, ଏଞ୍ଜାରି ନକିତା ମାମୁ ତୁଞ୍ଜାଆଡମି ।”

୨୧ ସାମା ଏଞ୍ଜାସି ଇସ୍ରାୟେଲ ଲକୁଟି କାତା ଝେସାମାନେସି, “ର ମାନି କିଆନା ନା କପାଟି ନିଜିନି କୁଡାତି ନାମୁ ଝେଡା ତୁମ୍ବେ କେୟୁ ଦାସା ମାଇଁ ।”

୧୧

ଇସ୍ରାୟେଲ ଲକୁଣି ମାହାପୁରୁତି କାର୍ମା

୧ ଅଡେ ନାମୁ ଝେଞ୍ଜାଲି ଆଡିଞ୍ଜା, ଆତିହୁଁ ମାହାପୁରୁ ତାନି ଲକୁଣି ପିସାମାନେସି କି ? ଏଲେଆହୁଁ ଏତେଲ୍‌ ଜିକେଏ ଆଆପେ, ଏନାଆଁତାକି ଇଚିହୁଁ ନାମୁ ଜିକେଏ ଅଗ୍ରାହାମତି କୁଡାତା ଜାନାଆଡି ବିନସାମିନି ଗଟିତି ଇସ୍ରାୟେଲ ଲକୁଡେଏ । ୨ ମାହାପୁରୁ ତଲିଟିଏ ବାଟି କିହାଁ ହାଟାମାନି ତାନି ଲକୁଣି ଏତେଲ୍‌ ଜିକେଏ ପିସାହିଲଅସି, ମୀରୁ ଦାମ୍‌ ସାପ୍ତେରିତା ପଡୁଝି ଆହାହିଲଅତେରି ? ଏନିକିହୁଁ ଏଲିୟ ମାହାପୁରୁ ନକିତା ଇସ୍ରାୟେଲ ଲକୁ କପାତଲେ କାତା ଜଲ୍‌ମାମାଚେସି, ୩ “ପ୍ରବୁ ଏଞ୍ଜାରି ମାହାପୁରୁ ଅଣ୍‌ପୁତି ବଲୁ ଝେହ୍‌ନାରାଇଁ ଏନିକିହୁଁ ପାୟାମାନେରି ଇଞ୍ଜା ପୂଜା ପିଣ୍ଡାଣି ଡିକହାନା ନାସଝି କିହାମାନେରି, ଝାରଇ ନାମୁ ରଅତେଏଁ ଗେଲ୍‌ପି ଆହାମାଇଁ; ଏଞ୍ଜାରି ନା ଜୀଝୁ ଜିକେଏ ଅହାଲି ଅଣ୍‌ପିମାଞ୍ଜାନେରି ।” ୪ ଏଲିୟଇଁ ମାହାପୁରୁ ଝେଣ୍ଡେ ଏନାଆଁ ଏଲେଇଚେସି, “ନାଡିକିନି ବାଲ୍‌ ପେନୁ, ପୂଡଲା ନକିତା ମେଣ୍ଡା କୁଡା ହିଲଅରି ଇଲେଟି ସାତା ମାଣା ଲକୁଣି ମାଞେତାକି ଇଟାମାନମି ।” ୫ ଏଲେକିହୁଁ ଏ ନୀଏଁ ଜିକେଏ କାର୍ମାମେସାନା ଆଡାମାଚେସି, ଏଞ୍ଜାରି ବିତ୍ତାଟି ଏତର ଜାଣାଦେଁ ମାନେରି । ୬ ସାମା ତାନି କାର୍ମାମେହ୍‌ନି ତାଣାଟି ଆତିହୁଁ,

* ୧୧:୧ ୧୧:୧ ପିଲିପି ୩:୫

ଏହି କାମାଳତା ତାକି ଆହାଲି ଆଡେଏ; ଇଞ୍ଜି ତାନି କାର୍ମାମେହନାୟି ସାତା ତଲେ କାର୍ମାମେହନାୟି ଆଏ ।

୭ ଆତିହ୍ ଏନାଆଁ ଆଡେ ? ଇସ୍ତାୟେଲତି ଲକୁ ଏନାଆଁ ପାରିମାଡେରି, ଏଦାଆଁ ବେଟାଆଆଡେରି; ୱାରୁଇ ମାହାପୁରୁ ଆଡାମାନି ଏଚରଇଜାଣା ଲକୁ ଏଦାଆଁ ବେଟାଆଡେରି, ଏଚକାତାରି ଆମ୍ବାଆରି ଜିକେଏ ମାହାପୁରୁ ହାଡାମାନାଣି ମନ ହାଆଡେରି । ୮ ସାସ୍ତେରିତା ରାସ୍ତିକି ଆହାମାନେ, “ମାହାପୁରୁ ନୀଷ୍ଟପାଡେକା ଏଞ୍ଜାରାକି ଆଡ଼ଞ୍ଜା ଜାସ୍ତୁ ହାହାମାନେସି, ଅଡେ ଇଲେତି କାଣ୍ଡା ହାହାମାନେସି, ଏନିକ୍ ଏଞ୍ଜାରି ମେସାଲି ଆଡ଼ି ହିଲଅରି, ଅଡେ ଇଲେତି କାର୍ମା ହାହାମାନେସି ଏଞ୍ଜାରି ୱେଞ୍ଜାଲି ଆଡ଼ିହିଲଅରି ।” ୯ ଏଞ୍ଜାରି କାତା ଦାସ୍ତୁଦ ରାଡାମାନେସି,

“ଏଞ୍ଜାରି ପାର୍ବୁତି ରାନ୍ଦା ତିନା ଉନାତି ପାନ୍ଦାତା ରିପାରି,
ଏଞ୍ଜାରି ତର୍ଗାନା ତଣ୍ଡୁ ବେଟାଆଡେରି ।

୧୦ ଏଞ୍ଜାରି ଏନିକ୍ ମେସାଲି ଆଡ଼ଅରି, ଏଦାଆଁତାକି ଏଞ୍ଜାରି କାଣ୍ଡାୟାଁ ଆଡେରି,
କାଲେଏ ଦୁକୁ କସ୍ତୁ ବେଟାଆହାନା ଏଞ୍ଜାରି ଟେଡେଲି ରୁଡ଼ଞ୍ଜା ଆଡେ ।”

୧୧ ନାନୁ ଏଲେ ଇଞ୍ଜିମାଲ୍, ଏଞ୍ଜାରି ନାସସ୍ତି ଆହାଲି ପୁଟି କିହା ମାନେରି କି ? ଆଏ ଏଚେଲା ଜିକେଏ ଆଆପେ, ସାମା ଏଞ୍ଜାରି ପାପୁ କିତାକି, ଏଞ୍ଜାରାଲ୍ କାରୁବି କିହାଲିତାକି ଜାହୁଦିଆଆଡାରି ନକିତା ଗେଲ୍ପିଆନି ଅଦିକାରା ମୋଡାଆଡେ । ୧୨ ଜାହୁଦି ଲକୁତି ପାପୁ ଦାରୁତିବି ବାରେ ଲକୁତାକି ହାରେକା ବାଡକୁ ଲେହେଁ ଆହାମାନେ, ଜାହୁଦି ଲକୁ ରିତାକି ଜାହୁଦିଆଆତି ଲକୁତାକି ବର ହାରେଏ ଗାତି ଲାବା କିହାମାନେରି, ଇଞ୍ଜା ବାରେ ଜାହୁଦି କୁଡା ଗେଲ୍ପି ଆଡ଼ିହ୍ ମା ଏମ୍ବାଟି ଏଚେକା ଗାତି ବର ବେଟାଆଅରି !

ଜାହୁଦିଆଆଡାରି ଗେଲ୍ପି ଆନାୟି

୧୩ ଜାହୁଦିଆଆତି ଲକୁଣି ନାନୁ ଏଲେ ଇଞ୍ଜିମାଲ୍, ନାନୁ ଜାହୁଦିଆଆତି ଲକୁତାକି ପାଣ୍ଡି ଆହାମାନାକି ନା ସେବା କାମାତି ପାଣ୍ଡା ତାକି ନାନୁ ବଡପଣ ଆହିମାଲ୍ । ୧୪ ଏନିକିହ୍ ଆପେ ଜାହାରା କୁଡାତି ଲକୁଣି ରାହାଁ କିଞ୍ଜିକିହାନା ଏଞ୍ଜାରି ତାଣ୍ଡାତି ଏଚର ଜାଣାଲ୍ ଗେଲ୍ପାଲି ଆଡ଼ିଲ୍ । ୧୫ ଏନାଆଁତାକି ଇତିହ୍ ଏଞ୍ଜାରି ପିସ୍ପିଆଡାକି ଦାରୁତି ତଣ୍ଡେ ଆଡେ । ଆତିହ୍, ମାହାପୁରୁ ବାରେ ଜାହୁଦି କୁଡାତି ଆବିସାରେ, ଏଦାଆଁତି ପାଡେୟି ଏନାଆଁ ଆନେ ? ଏଦି ହାଡ଼ି ମାଣସି ଜାସ୍ତୁ ବେଟାଆଡ଼ି ଲେହେଁ ।

୧୬ ରଗାଣି ରୁଟି ମାହାପୁରୁ ଦରୁତଲେ ହେରୁପି ଆହାମାଟିହ୍, ବାରେ ରୁଟି ଜିକେଏ ହେରୁପି ଆହାମାନେ ଇଞ୍ଜି ଇନାୟି; ର ମାରୁନୁତି ହାରୁ ହେରୁପି ଆହାମାଟିହ୍, ଏଦାଣି କମା କାୟି ଜିକେଏ ହେରୁପି ଆହାମାନୁ ଇଞ୍ଜି ଅଣ୍ଡିପାନାୟି । ୧୭ ସାମା ଏଚେକା କମାୟାଁ ରାଡ଼ପି ଆତୁ ଅଡେ ମାରୁ ଜାଡାତି ଜାତ ମାରୁନୁତି କମାୟାଁ ଆଡ଼ିଜିକେଏ ଏ ଚିଡା ଦୁସ୍ପିଆଡେରି, ଅଡେ ଏଞ୍ଜାରିତଲେ ଜାତ ମାରୁନୁତି ତାକିତି ରାସାତା ଆଣ୍ଡିଚେରି । ୧୮ ଆତିହ୍ ଏ କମାୟାଁ କପାତଲେ ବଡପଣ ଆଆଦୁ; ସାମା ମାରୁ ବଡପଣ କିଦେରି, ମାରୁ ମାରୁନୁତି ତାକିତି ଆସା ହିଲଅଡେରି, ସାମା ତାକି ମିଜେ ଆସାମାଞ୍ଜାନେ, ଇଦାଆଁ ମାରୁ ପୁଞ୍ଜା ଡୟାଦୁ ।

୧୯ ଆତିହ୍ ମାରୁ ଏଲେଇଞ୍ଜାଲି ଆଡ଼ିଦେରି, “ନାଜେ ଚାୟୁ ହାହାନା ଦୁରସାଲି ତାକି ଏ କମାଣି ରାଡ଼ପି ଆହାମାରୁ ।” ୨୦ ଏଦି ସାତା, ଏଞ୍ଜାରି ନାମାଆଲିଏ ରାଡ଼ପି ଆଡେରି, ମାରୁ ୱାରୁଇ ନାମାଲିଏ ଏ ଚାୟୁ ଅଦିକାରା କିହାମାଞ୍ଜେରି, ସାମା ବଡପଣ ଆଆନା ଆଜାଦୁ; ୨୧ ମାରୁନୁତା ଗାଲ୍ଲହାନା କମାୟାଁ ଲେହେଁ ଜାହୁଦି ଲକୁଣି ମାହାପୁରୁ ତଣ୍ଡୁ ହାଆନା ପିସାହିଲଅସି ଇତିସାରେ, ଏଞ୍ଜାସି ମିଜେ ଜିକେଏ ପିସ୍ପିଅସି । ୨୨ ଇମ୍ବାଆଁ ସିନିକିନି କାତା, ମାହାପୁରୁ ଏନିକିହ୍ କାର୍ମା ମେହନାସି ଇଞ୍ଜା କାରୁବି ଆନାସି; ଆମ୍ବାଆରି ପାପୁତା ତର୍ଗା ମାନେରି, ଏଞ୍ଜାରାଲ୍ ଏଞ୍ଜାସି କାରୁବି ଆନେସି; ସାମା ଏଚରଦିନା ପାଡେକା ତାନି କାର୍ମାମେହନି ତାଣା ଡୟିଦେରି, ଏଚରଦିନା ମିଜେତାକି କାର୍ମା ମେସ୍ତାନାସି, ତାନି କାର୍ମାମେହନାଣି ଜାକୁହିସାରେ; ମାରୁ ଜିକେଏ ରାଡ଼ପି ଆଡେରି । ୨୩ ଜାହୁଦି ଲକୁ ଏଞ୍ଜାରି ନାମୁତି ପିହଅରି, ଆତିହ୍ ଏଞ୍ଜାରି ତଲିମାତି ଚାୟୁତା ୱେଣ୍ଡେ ତାରି ଆନେରି । ମାହାପୁରୁ ଇଦାଆଁ କିହାଲି ଆଡ଼ିମାନେସି । ୨୪ ଜାହୁଦିଆଆତି ଲକୁ ଜାଡାତି ଜାତ ମାରୁନୁତି ଗମାୟାଁ ଲେହେଁ । ଏଡ଼ି ରାଡ଼ପି ଆହାନା ଏମ୍ବାତାଲ ଆଆତି ଜିକେଏ ବାଡାତା ପାତିକିହାମାନି ଜାତ ମାରୁନୁ ତଲେ ଦୁସ୍ପି ଆହାମାନୁ । ଜାହୁଦି କୁଡାତି ଲକୁ ବାଡାତା ପାତିକିହାମାନି ଜାତ ମାରୁନୁ ଲେହେଁ । ଇ ମାରୁନୁତି ରାଡ଼ପି ଆହାମାନି ଗମାଣି ୱେଣ୍ଡେ ମାରୁନୁ ତଲେ ଦୁରସାଲି ମାହାପୁରୁ ଆଡ଼ିନେସି ।

ବାରେ ଜାଣାକି ମାହାପୁରୁତି କାର୍ମାମେହନାୟି

୨୫ ଏ ତାୟି ତାଜିସ୍ମାତେରି, ମୀରୁ ଏନିକି ମିଙ୍ଗେତାକି ମୀରୁଏ ବୁଦିଗାଟାତମି ଇଞ୍ଜି ଅଣପଅତେରି, ଈଦାଆଁତାକି ମୀରୁ ଈ ତୁଗ୍ମାମାନି କାତାତି ପୁନାଆନା ମାଣ୍ଡେରି ଇଞ୍ଜି ନା ମନ ହିଲେଏ, ଇତିହି ଜାହୁଦିଆଆତି ଲକୁ ବାରେ ହତୁଆ ପାତେକା ଇସ୍ତାୟେଲତି ଏତେକା ଲକୁ ନାମାଆନା ତୁୟିନେରି; ୨୬ ଇଲେଆହି ବାରେ ଇସ୍ତାୟେଲ ଲକୁ ଗେଲ୍ପି ଆନ୍ନେରି, ଏନିକି ରାସ୍ତକି ଆହାମାନେ, "ଗେଲ୍ପି କନସି ସିୟନତି ଖାନ୍ନେସି,

ଜାକୁବ କୃତାତା ମାନି ବାରେ ଲାଗେଏତାଣି ହେକ କିନେସି ।

୨୭ ଏତିବେଲା ନାନୁ ଏଞ୍ଜାରି ପାପୁ ବାରେ ହେକ କିଇଁ, ଏତିବେଲା ଏଞ୍ଜାରିତଲେ ଈ ରାଜିମାନା କିନମି ।"

୨୮ ନେହି କାବୁତି ଆହୁଆ ଜାହୁଦି ଲକୁ ମିଙ୍ଗେତାକି ମାହାପୁରୁକି ସାତୁୟି ଆହାମାନେରି, ସାମା ମାହାପୁରୁ ଆତାମାନି ଆକୁ ଆବାୟି ତାକି ଏଞ୍ଜାରି ମାହାପୁରୁକି ଜୀଞ୍ଜୁ ନନାରି ଆହାମାନେରି । ୨୯ ଇତିହି ମାହାପୁରୁ ଆତାମାନାୟି ଅଡେ ତାନି କାର୍ମାତି ଦାନା ଏତେଲାଞ୍ଜା ଉଜେଏ ଆଏ । ୩୦ ଜାହୁଦିଆଆତି ଲକୁତେରି ତଲି ମୀରୁ ମାହାପୁରୁଇଁ ମାନି କିହାହିଲଆତେରି; ସାମା ନୀଏଁ ଜାହୁଦି ଲକୁ ମାନି କିଆତାକି ମାହାପୁରୁତି କାର୍ମାମେହନାୟି ବେଟାଆଡେରି, ୩୧ ଏଲେଆହି ଏଞ୍ଜାରି ଜିକେଏ ନୀଏଁ ମାନି କିହାହିଲଅରି, ଏନିକିହି ମିଙ୍ଗେତାକି ତଞ୍ଜାଆହାମାନି କାର୍ମାମେହନାୟି ତଲେ ଏଞ୍ଜାରି ଜିକେଏ ନୀଏଁ କାର୍ମାମେହନାୟି ବେଟାଆନ୍ନେରି । ୩୨ ଏନିକିହି ମାହାପୁରୁ ବାରେ ଜାଣାଇଁ କାର୍ମା ମେସାଲି ତାକି ମାହାପୁରୁ ବାରେଜାଣାତି ମାନି କିଆରେଟୁ ହେବପା ମାନେସି ।

ମାହାପୁରୁକି ଗାଧୁରମି

୩୩ ଅହତା ! ମାହାପୁରୁତି ବୁଦି ଇଞ୍ଜା ପୁନି ବାଡୁୟୁ ଏତେକା କାଜାୟି ! ତାନି ଅଣପୁତି ଆମ୍ବାଆସି ତେଲ୍ପି କିୟାନେସି ? ଇଞ୍ଜା ତାନି ଜିରୁତି ଆମ୍ବାଆସି ପୁଞ୍ଜାଲି ଆଡ଼ିମାନେସି ? ୩୪ ସାବୁରିତା ରାସ୍ତକି ଆହାମାନେ; "ଆମ୍ବାଆସି ମାହାପୁରୁତି ଅଣପୁତା ମାନାଣି ତେଲ୍ପିନେସି ?

ଆମ୍ବାଆସି ଏଞ୍ଜାଣାଇଁ ଖେସାଲି ଆଡ଼ିନେସି ?

୩୫ ମାହାପୁରୁକି ଆମ୍ବାଆସି ଏତେଲା ଏନାଆଁ ହାହାମାନେସି,

ଏଦାଆଁତାକି ଏଞ୍ଜାଣାକି ଏଞ୍ଜାସି ଖେଶ୍ଟେ ହାନାୟି ମାନେ ?"

୩୬ ବାରେ ଗାଡ଼ି ଆଡ଼ାୟି ତାନିତାଣାତି, ତାନି କେୟୁତଲେ, ଅଡେ ତାଙ୍ଗେତାକି ଆହାମାନେ; କାଲାକାଲା ତାକି ଏଞ୍ଜାଣାକି ଗାଧୁରମି ଆପେ ! ଆମ୍ବେନ ।



କ୍ରୀସ୍ତ ତାଣା ପୁଞ୍ଜି ଜୀଞ୍ଜୁ

୧ ଈଦାଆଁତାକି ତାୟି ତାଜିସ୍ମାତେରି, ମାଙ୍ଗେତାକି ମାହାପୁରୁତି ହାବେକା କାର୍ମାମେହନାୟି ତାକି ମିଙ୍ଗେ ନାନୁ ବାତିମାଲିମାଞ୍ଜାଇଁ, ମୀରୁ ମୀ ଆଞ୍ଜାତି ଜୀଞ୍ଜୁ, ସୁଦୁ ତଲେ ଇଞ୍ଜା ମାହାପୁରୁ ଅପିନି ଲେହେତି ପୂଜା ହୀଦୁ, ଈଦିଏ ମାହାପୁରୁତି ସାତା ସେବା । ୨ ମୀରୁ ଈ ଜୁଗୁତି ମାଣ୍ଡିତା ମାନାଆଦୁ, ସାମା ଏନିକିହି ମାହାପୁରୁତି ଅଣପୁ ଏନାୟି, ଇତିହି ନେହାୟି, ଅପିନାୟି ଇଞ୍ଜା ଚିକଣାତାୟି ଏନାୟି, ଈଦାଆଁ ତାୟିପାରି କିହାନା ପୁଞ୍ଜାଲି ଆଡ଼ିଦେରି, ଈଦାଆଁତାକି ମୀ ହିୟିତି ପୁଞ୍ଜି କିହାନା ବାଦଲି କିଦୁ ।

୩ ମାହାପୁରୁ ନାଙ୍ଗେ କାର୍ମାମେହନାୟି ହାହାମାଞ୍ଜାନାକି ବାରେଜାଣା ତେରି ମିଙ୍ଗେ ନାନୁ ଖେସିମାଞ୍ଜାଇଁ, ଆମ୍ବାଆତେରି ଜିକେଏ ମୀ ତାକି ମୀରୁ ଏନିକି ଅଣପିନାୟି ମାନେ ଏଦାଆଁ କିହାଁ କାଜାତମି ଇଞ୍ଜି ଅଣପାଆଦୁ; ସାମା ମାହାପୁରୁ ଆମ୍ବାଆରାକି ଏତେକା ନାମୁ ହାହାମାନେସି, ଏଲେକିହି ଏ ବାରେଜାଣା ପୁଞ୍ଜାକତିନି ଲେହେ ମୀ ତାକି ମୀରୁ ଅଣପା କତାଦୁ । ୪ ଇତିହି ଏନିକିହି ମା ଆଞ୍ଜାତା ହାବେକା ଆଞ୍ଜା ଅଡେଲିକା ମାନୁ, ସାମା ବାରେ ଆଞ୍ଜା ଉଡେଲିକାତି କାମା ରଲେଏତାୟି ଆଏ । ୫ ଏଲେଆହି ଏ, ମାରୁ ହାବେକା ଜାଣାତାୟି, ସାମା ବାରେଜାଣା କ୍ରୀସ୍ତ ତଲେ ଆଣ୍ଡାମାନାକି, ମାରୁ ରଣିଏ ଆଞ୍ଜା ଇଞ୍ଜା ଆଞ୍ଜାତି ଆଞ୍ଜା ଉଡେଲିକା ଲେହେ ମାରୁ ରଅସି ରଅଣା ତଲେ ଆଣ୍ଡାମାନାୟି । ୬ ଏଦାଆଁତାକି ମାଙ୍ଗେ ମାହାପୁରୁ ହାହାମାଞ୍ଜାନି କାର୍ମାତଲେ ହାବେକା ଦାନା ବେଟା ଆହାମାନାୟି, ମାରୁ ମାହାପୁରୁତି ବଲୁ ଖେକହାଲି ତାକି

ବାଡ଼ୁଛୁ ବେଗା ଆହାମାନାୟି, ମାର ଆଡ଼଼ା ନାମୁତଲେ ଏ କାମା କିନାୟିମାନେ: ୭ ଏଦାଆଁ ସେବା କାମା କିହାଲି ବାଡ଼ୁଛୁ ବେଗାଆହାମାନାୟି, ଆତିହୁଁ ମାର ସେବା କାମା କିନାୟିମାନେ: ଜାପୁହାଲି ବାଡ଼ୁଛୁ ବେଗାଆହାମାନାୟି, ଆତିହୁଁ ଜାପୁନାୟି ମାନେ: ୮ ବାସୁତି କାତା ଖେସାଲି ବାଡ଼ୁଛୁ ବେଗାଆହାମାତିହୁଁ, ବାସୁତି କାତା ଖେସପାସି; ଦାନା କିହାଲି ବାଡ଼ୁଛୁ ବେଗାଆହାମାନି ମାଣସି ରାହାଁତଲେ ଦାନା ହାପେସି । ଏବକା ଲକ୍ଷୁତି କାମାତି ସିନିକିହାଲି ଅଦିକାରା ବେଗାଆହାମାତିହୁଁ ଖାଡୁତଲେ କାମା କିନାୟିମାନେ: ଆମ୍ବାଆସି କାମା ମେହନାସି, ରାହାଁ ମନତଲେ ସାୟେମି କପାସି ।

୯ ଜାସୁନନାୟି କୁଟୁ ହିଲିଆଗାଗାୟି ଆପେ; ଏନାୟି ଲାଗେଏତାୟି ଏଦାଆଁ ଅପାଆଦୁ; ଏନାୟି ନେହାୟି ଏଦାଆଁ ଆହୁଦୁ; ୧୦ କ୍ରାସୁ ନାମୁତି ତାୟି ତାଜି ଲେହେଁ ରଅତେରି ରଅଣାଇଁ ଜୀସୁ ନଦୁ; ଇଞ୍ଜା ରଅତେରି ରଅଣାଇଁ ମାନି କିହାଲି ରାହାଁ ଆଦୁ; ୧୧ ରାହାଁତା ଉଣା ଆଆଦୁ; ସୁଦୁଜାସୁତା ପାରସାଡା ଆହାଁ ଡୟାଦୁ; ହିୟାଁ ଜୀସୁ ହାହାନା ପ୍ରବୁଇଁ ସେବା କିଦୁ । ୧୨ ବାସୁ ଇଟାନା ରାହାଁ କିଦୁ; ଦୁକୁ କସ ବେଲାତା ସାସା ଆହୁଦୁ; ଜମାଆନା ପ୍ରାଡାନା କିଦୁ; ୧୩ ମାହାପୁରୁ ଲକ୍ଷୁତି ଲଡ଼ାମାନାଣି ସାୟେମି କିଦୁ; ଇଜ ଖାନି ଗତାୟାଁଣି ସେବା କିଦୁ ।

୧୪ *ଆମ୍ବାଆରି ମିଙ୍ଗେ ସାସି ହିୟାନେରି, ଏଞ୍ଜାରି ନେହେଁତାକି ମାହାପୁରୁ ତାଣା ପ୍ରାଡାନା କିଦୁ; ଏଞ୍ଜାରାକି ବର ହାଦୁ; ବାକା ଇଟାଆଦୁ । ୧୫ ଆମିନି ଗାଗାରି ରାହାଁ କିନେରି ଏଞ୍ଜାରିତଲେ ରାହାଁ କିଦୁ; ଆମ୍ବାଆରି ଡୀନେରି ଏଞ୍ଜାରିତଲେ ଡୀଦୁ । ୧୬ ବାରେଜାଣା ରଣିଏ ଅଣପୁ ଅଣପାଦୁ, ଖାରଇ କାଜାରି ତଲେ ତଣେ ଦହୁଆନା ଇଟାରି ତଲେ ଜିକେଏ ଆଣୁଞ୍ଜି ଆହାନା ମାଞ୍ଜୁ । ମୀରୁ ମୀ ବୁଦିତଲେ ବୁଦିଗାଟାମି ଇଞ୍ଜା କତାଆଦୁ । ୧୭ ଆମ୍ବାଆସି ମିଙ୍ଗେ ଲାଗେଏ କିୟାତିହୁଁ, ଏଞ୍ଜାଣାଇଁ ଲାଗେଏ କିଆଦୁ; ବାରେ ଲକ୍ଷୁ ନକିଡା ଏନାୟି ନେହାୟି, ଏଦାଆଁ କିଦୁ । ୧୮ ଆଡିତିହୁଁ ବାରେଜାଣା ତଲେ ହିଡଡି ତଲେ ନୀଡାବାଡକାଲି ତାକି ଏନି କିନାୟିମାନେ ଏଲେକିଦୁ । ୧୯ ଏ ଜୀସୁତି ତଣେସିଙ୍ଗା, ମୀରୁ ଆମ୍ବାଆରି କପାତି ବାଦୁଲି ଆଆଦୁ । ମାହାପୁରୁତି କପାତି ଲକ୍ଷୁ ଆହାଲି ପିସାଡୁହୁଦୁ । ଏନାଆଁତାକି ଇତିହୁଁ ସାସ୍ତେରିତା ରାସକି ଆହାମାନେ, ପ୍ରବୁ ଏଲେଇଞ୍ଜି ମାନେସି, “ବାଦୁଲି ଅନାୟି ନା ଅଦିକାରା, ନାନୁ ତାମି କାମାତି ପାଡେୟି ହାଇଁ ।” ୨୦ ଅଡେ ଜିକେଏ, “ମୀ ସାଡୁ ହାକି ଆହାମାତିସାରେ, ଏଞ୍ଜାଣାକି ତିଞ୍ଜାଲି ହାଦୁ; ଏଞ୍ଜାସି ଏସକି ଆହାମାତିସାରେ ଗସାଲି ହାଦୁ; ଇଲେ କିତିସାରେ ଏଞ୍ଜାଣିଲକ ଡାଞ୍ଜିମାନି ହିଡୁତି ରାଙ୍ଗାୟାଁ ଏକହି ମାଞ୍ଜେରି ।” ୨୧ ଲାଗେଏତି କାମା ତଲେ ଜୀଣା ଆଆନା, ନେହୁଁ କାମା ତଲେ ଲାଗେଏତି କାମାତି ଜୀଣା ଆଦୁ ।

୧୩

ସାଲୁଞ୍ଜି କିନାରାଇଁ ମାନି କିନାୟି

୧ ବାରେଜାଣା ସାଲୁଞ୍ଜି କିନାରାଇଁ ମାନି କିନାୟିମାନେ, ଏନାଆଁତାକି ଇତିହୁଁ ମାହାପୁରୁତି ହେଲ ଆଆତିହୁଁ ଆମ୍ବାଆସି ଜିକେଏ ସାଲୁଞ୍ଜି କିନି ପାଣା ବେଗାଆସି, ପାଣାତା ମାନି, ସାଲୁଞ୍ଜି କିନାରି ମାନେରି; ଏଞ୍ଜାରି ମାହାପୁରୁ ତାଣାଟି ଆଡ଼଼ି ଆହାମାନେରି । ୨ ଏଦାଆଁତାକି ଆମ୍ବାଆସି ପାଣାତା ମାନି ସାଲୁଞ୍ଜି କିନାରି କପାତଲେ ନିଜିନେସି, ଏଞ୍ଜାସି ମାହାପୁରୁ ମେରାତି କପାତଲେ ନିଜିନେସି; ଆମ୍ବାଆରି ଏଲେକିନେରି ଏଞ୍ଜାରି ତାମ୍ବୁ ଡାମଙ୍ଗେ ତଣ୍ଡ ବେଗାଆହାଲି ତାକି କିନେରି । ୩ ଇତିହୁଁ ସାଲୁଞ୍ଜି କିନାରି ନେହୁଁ କାମାତାକି ଆଜିଗାଗାରି ଆଏ, ସାମା ଲାଗେଏତି କାମାତାକି ଆଜିଗାଗାରି ଆନେରି । ସାଲୁଞ୍ଜି କିନାରାଇଁ ଆଜାଆନା ଡୟାଲି ମନ ମାନେକି ? ଆତିହୁଁ ନେହୁଁ କାମା କିଦୁ, ଆତିହୁଁ ଏଞ୍ଜାରି ତାଣାଟି ନେହୁଁ ବେଗାଆଡେରି, ୪ ମୀ ନେହୁଁ ତାକି ଏଞ୍ଜାସି ମାହାପୁରୁତି ସେବା କାମା କିନାସି ଆହାମାନେସି । ସାମା ମୀରୁ ଲାଗେଏତି କାମା କିଦେରି, ଆତିହୁଁ ସାଲୁଞ୍ଜି କିନାଣାଇଁ ଆଜାଦୁ, ଏନାଆଁତାକି ଇତିହୁଁ ଏଞ୍ଜାସି ଉଜେଏ କାଣ୍ଡା ଆହୁସି, ଏନିଇତିହୁଁ ଏଞ୍ଜାସି ମାହାପୁରୁତି ସେବା କିନାସି, ଇତିହୁଁ ଏଞ୍ଜାସି ତାନି କପାତଲେ ଲାଗେଏତି କାମା କିନାରାକି ତଣ୍ଡ ହାନାସି । ୫ ଏନିଇତିହୁଁ, ଖାରଇ କାରବିତି ଆଜିତାକି ଆଏ, ସାମା ମା ହିୟାଁତା ମାନି ଅଣପୁ ପୁଞ୍ଜାହାଁ ସାଲୁଞ୍ଜି କିନାରି କାତା ମାନି କିନାୟିମାନେ ।

୬ *ଇଦାଆଁତାକି ମୀରୁ ସିସୁ ଜିକେଏ ହାହିମାଞ୍ଜେରି, ଏନାଆଁତାକି ଇତିହୁଁ ମାହାପୁରୁତି ସେବା କିନେରି ଲେହେଁ ଆହାନା ସାଲୁଞ୍ଜି କିନି କାମା ଜିକେଏ କିନେରି । ୭ ଏଦାଆଁତାକି ଏଞ୍ଜାରି ଏନାଆଁ ବେଗାଆନାୟି ମାନେ, ଏଦାଆଁ ହାଦୁ; ଆମ୍ବାଆରାକି ସିସୁ ହାନାୟି ମାନେ ଏଞ୍ଜାଣାକି ସିସୁ ହାଦୁ; ଆମ୍ବାଆରାକି ଆସ୍ତଲି

* ୧୨:୧୪ ୧୨:୧୪ ମାତି ୫:୪୪; ଲୁକ ୬:୮ * ୧୩:୬ ୧୩:୬ ମାତି ୨୨:୨୧; ମାର୍କ ୧୨:୧୭; ଲୁକ ୨୦:୨୫

ହାନାୟି ମାନେ ଏଞ୍ଜାଣାକି ଆସ୍ଲି ହୀଦୁ; ଆମ୍ବାଆରାକ୍ ଆଜିନାୟି ମାନେ ଏଞ୍ଜାଣାକ୍ ଆଜାଦୁ; ଆମ୍ବାଆରାକ୍ ମାନି କିନାୟିମାନେ ଏଞ୍ଜାଣାକ୍ ମାନି କିଦୁ ।

ରଥସି ରଥଶାକ୍ ଜୀଞ୍ଜୁନନାୟି

୮ ରଥତେରି ରଥଶାକ୍ ଜୀଞ୍ଜୁ ନଞ୍ଜିଆନି ପିସ୍ତେ ଅଡ୍ଡେ ଏନଞ୍ଜା ଆମ୍ବାଆରି ତାଣା ଜିକେଏ ରୀଶା ଆଆଦୁ; ଏନାଆଁତାକି ଇଚିହ୍ ଆମ୍ବାଆସି ଏଟକାତାଶାକ୍ ଜୀଞ୍ଜୁ ନନେସି, ଏଞ୍ଜାସି ମସାତି ଫୋରା ମାନଞ୍ଜି ଆହିମାନେସି । ୯ “ଦାରି କିଆଦୁ, ଲକ୍ଷୁଣି ପାୟାଆଦୁ, ସରୁ କିଆଦୁ, ଏଟକା ଲକ୍ଷୁଣି ଦିଶ୍ପୁତି ଜୁପକା ଆଆଦୁ,” ଇ ବାରେ ହୁକୁମି ର ହୁକୁମିତା ମାନେ, “ପାଡ୍ଡିତି ଲକ୍ଷୁଣି ମୀ ଜୀଞ୍ଜୁତି ଜୀଞ୍ଜୁ ନହାଁ କଡିନି ଲେହେଁ ଜୀଞ୍ଜୁନଦୁ ।” ୧୦ ଜୀଞ୍ଜୁନନାୟି ପାଡ୍ଡିତି ଲକ୍ଷୁଣି ଲାଗେଏ କିଏ; ଏନିଇଚିହ୍ ଜୀଞ୍ଜୁନନାୟି ମସାତି ଫୋରା ପୁରା କିନେ ।

୧୧ ଇଚିହ୍ ଇଦାଟି ତେ୪ଏଲିନି ବେଲା ଏଦାତେୟିଏ, ଇଦାଆଁ ପୁଞ୍ଜା ନୀଏଁ ମୀରୁ ଇ ବାରେ କିଦୁ; ଇଚିହ୍ ମାର ନାମିତି ଦିନାଟିଏ ଗେଲ୍ପିଆନାୟି ତଲିତି କହାଁ ହାରେକା ତାଗେ ଖାଡ୍ଡେୟିଏ । ୧୨ ଆନେରି ହାଜିମାନେ, ଲାକ୍ ଖେୟିମାନେ । ଏଦାଆଁତାକି ଖାଦୁ ମାରୁ ଆନେରିତି କାମା ବାରେ ପିସାନା ଉଜେଡ୍ଡିତା ଜୁଜୁ କିହାଲି ଟିକାଶାତି ସାଦୁ ତୁରନ । ୧୩ କାଡ୍ ଗ୍ରାସାହାଁ ମନକିତି ରାହାଁ, କାଡ୍ ଗ୍ରାସାହାଁ ହଚିନାୟି, ମାନି ହିଲାଆଗାଟାୟି, ଲାଗେଏତି ମାଣକି, ତାହାରା, ଗଡ୍ଡହା କିନିତାଣା କାମାତା ଆଣ୍ଡାଆନା ଖାଦୁ, ଉଜେଡ୍ଡିତି କାମାତା ମାନି ଲକ୍ଷୁ ଲେହେଁ ନେହ୍ ମାଣକି ତଲେ ମାନ । ୧୪ ପ୍ରବୁ ଜୀସୁ କ୍ରୀସ୍ତଇଁ ମୀରୁ ହିମ୍ବିରିଲେହେଁ ପରଦୁ, ପାପୁ ଇଞ୍ଜା ଆଜାଟି ଲାଗେଏତି ଅଣ୍ଡପୁ ତଲେ ରାହାଁ କିହାଲିତାକି ହିୟାତା ଅଣ୍ଡପାଆଦୁ ।

୧୪

ଏଟକା ଲକ୍ଷୁଣି ଦହ ଦହଆଦୁ

୧ *ନାମୁତା ଆଟ୍ଠା ହିଲାଆଗାଟାରାକ୍ ଆବାଦୁ, ସାମା ତାନି କାତାତି ଅଣ୍ଡପୁ ତାକି ତାନିତଲେ ବାଦ୍‌ହାରା କିଆଦୁ । ୨ ବାରେ ତିଞ୍ଜାଲି ତାକି ରଥଶାକି ନାମୁ ମାନେ, ସାମା ଆମ୍ବାଆସି ନାମୁତା ଉଶା ମାନେସି ଏଞ୍ଜାସି ଖାଡ୍‌ଇ ଜାୟୁ କୁଚା ତିନାପେସି । ୩ ଆମ୍ବାଆସି ବାରେ ତିନେସି, ଏଞ୍ଜାସି ତିନାଆଗାଟାଶାକ୍ ହୀଣି କିଆପେସି; ଇଞ୍ଜା ତିନାଆଗାଟାସି ତିନାଶାକ୍ ନାହାଁୟି କିଆପେସି, ଏନିଇଚିହ୍ ମାହାପୁରୁ ଏଞ୍ଜାଶାକ୍ ଆବା ମାନେସି । ୪ ନାମୁ ଆମ୍ବାଆତି ଅର ରଥଶି ହଲେଏଶାକ୍ ନାହାଁୟି କିହିମାଞ୍ଜି ? ଏଞ୍ଜାସି ତାନି ସାଞ୍ଜୁକାରି ତାଣା ତୀରି ଆନେସି କି ତୀରି ଆଥସି; ଏଞ୍ଜାଶାକ୍ ତୀରିକିହାଁ ଇଗାଲି ପ୍ରବୁ କେୟୁତା ବାଡ୍‌ୟୁ ମାନେ ।

୫ ରଥସି ର ଦିନାତି କିହାଁ ଅର ଦିନାତି ହାରେକା ମାନି କିନେସି, ଅଡ୍ଡେ ରଥସି ବାରେ ଦିନାତି ରଲେଏତାକ ଇଞ୍ଜି ଅଣ୍ଡପିନେସି, ବାରେଜାଣା ତାନି ମନତା ତୀରି କିହାନା ମାନଞ୍ଜି ଆଡ୍‌ପରି । ୬ ଆମ୍ବାଆସି ର ଦିନାତି ହାରେକା ନେହାୟି ଇଞ୍ଜି ଅଣ୍ଡପିମାନେସି, ମାହାପୁରୁ ଗାଞ୍ଜୁରମି ତାକି ଏଲେଇଞ୍ଜି ଅଣ୍ଡପାପେସି । ଆମ୍ବାଆସି ବାରେ ତିନେସି, ମାହାପୁରୁ ଦରୁତଲେ ତିନେସି ଇଞ୍ଜା ମାହାପୁରୁକ୍ ଜହରା କିନେସି; ଆମ୍ବାଆସି ତିଞ୍ଜାଲି କୁନେସି, ଏଞ୍ଜାସି ମାହାପୁରୁ ଦରୁତଲେ କୁନେସି ଇଞ୍ଜା ମାହାପୁରୁକ୍ ଜହରା କିନେସି । ୭ ଆମ୍ବାଆସି ତାଜେତାକି ନୀତଥସି, କି ଆମ୍ବାଆସି ତାଜେତାକି ହାଅସି । ୮ ମାରୁ ନୀତାମାନାୟି ଇଚିସାରେ, ପ୍ରବୁ ତାକି ନୀତାମାନାୟି ଇଞ୍ଜା ହାଡ୍‌ସାରେ ପ୍ରବୁ ତାକି ହାନାୟି । ଏଦାଆଁତାକି ନୀତିନାୟି କି ହାନାୟି ମାରୁ ପ୍ରବୁତି ଲକ୍ଷୁ । ୯ ଏନାଆଁତାକି ଇଚିହ୍ କ୍ରୀସ୍ତ ହାହାନା ଖେଣ୍ଡେ ନିଜାମାନି ତାଣାଟି ନୀତାମାନାରି ଇଞ୍ଜା ହାଡ୍‌ସାରେ ବାରେଜାଣାତି ପ୍ରବୁ ଆହାମାନେସି । ୧୦ *ନାମୁ ଏଦାଆଁତାକି ମୀ ତାୟିକ୍ ବେରଣି କିହିମାଞ୍ଜି ? ଏନାଆଁତାକି ମୀ ତାୟିକ୍ ହୀଣି କିହିମାଞ୍ଜି ? ମାରୁ ବାରେଜାଣା ବେରଣି ଆହାଲି ମାହାପୁରୁ ନକିତା ନିନାୟି । ୧୧ ଏନାଆଁତାକି ଇଚିହ୍ ସାପ୍‌ସୁରିତା ରାକ୍‌କି ଆହାମାନେ;

“ପ୍ରବୁ ଖେସିମାନେସି, ଇଚିହ୍ ନାମୁ ଜୀଞ୍ଜୁଗାଟି ମାହାପୁରୁ,
ବାରେଜାଣା ନା ନକିତା ମେଣ୍ଡା କୁତିନେରି,
ବାରେଜାଣା ନାଜେ ମାହାପୁରୁ ଇଞ୍ଜି ଜଲିନେରି ।”

୧୨ ମାରୁ ବାରେଜାଣା ମାହାପୁରୁ ନକିତା ମାରୁ କିତି କାମାତି ଲେକା ହାନାୟି ।

ତାୟିକ୍ ପାପୁ କିଞ୍ଜି କିଆଦୁ

୧୩ ଏଦାଆଁତାକି ରଥତେରି ରଥଶାକ୍ ବିଚାରା କିଆଦୁ; ଇଲେକିହ୍ ଏନାଆଁ ଜିକେଏ କିଆଦୁ, ଏନିକ୍ ମୀ ତାୟି ପୁଟି କିହାନା ପାପୁତି ପାନ୍ଦାତା ରିଅସି । ୧୪ ପ୍ରବୁ ଜୀସୁ ତାଣାଟି ପୁଞ୍ଜାନା ସାତା ତଲେ ଖେସିମାଞ୍ଜାକ୍,

ଏହି କାନ୍ଦି ତାନ୍ତ୍ରୀ ଲାଗେଏତାୟି ଆଏ । ସାମା ଆମ୍ବାଆସି ଏନି କାନ୍ଦିତି ଲାଗେଏତାୟି ଇଞ୍ଜି ଅଣ୍ଡପିନେସି, ଏଞ୍ଜାଣାକି ଏନି ଲାଗେଏତାୟି ଆନ୍ତେନ । ୧୫ ମୀରୁ ଏନି କାନ୍ଦି ତିନି ତାଣାଟି ର ତାୟି ଅଣ୍ଡପୁତା କସ୍ତ ହାହିମାଞ୍ଜେରି, ଆତିହ୍ ଏଞ୍ଜାଣାକି ମୀରୁ ଜୀଞ୍ଜୁନସ୍ତୁତା ତାକି ହିଲଅତେରି, ଆମିନି ତାୟି ତାକି କ୍ରୀସ୍ତ ହାଡେତସି, ଏ କାନ୍ଦି ତାକି ଏଞ୍ଜାଣାକି ଲାଗେଏ କିଆଦୁ । ୧୬ ମୀରୁ ଏନାଆଁ ନେହାୟି ଇଞ୍ଜି ଅଣ୍ଡପିମାଞ୍ଜେରି, ଏଦାଆଁତାକି ମୀରୁ ଲାଗେଏତାତେରି ଆଆଦୁ; ୧୭ ମାହାପୁରୁତି ରାକି ତିନାୟି ଉନାୟି ଆଏ । ସାମା ଏନି ଦାମ୍ନୁ, ହିଡଡି ଇଞ୍ଜି ସୁଦୁଜୀସ୍ତୁ ହାତି ରାହାଁଗାଟାୟି । ୧୮ ଆମ୍ବାଆସି ଇଲେକିହ୍ କ୍ରୀସ୍ତତି ସେବା କିନେସି; ଏଞ୍ଜାସି ମାହାପୁରୁ ନକିତା ନେହାଁସି ଇଞ୍ଜି ମାଣ୍ଡସିୟାଁ ନକିତି ତାୟିପାରିତା ଜାଣା ଆଡାସି ତଞ୍ଜାଆନ୍ତେନସି । ୧୯ ଏଦାଆଁତାକି ଖାଦୁ, ଏନା ଏନାୟି ହିଡଡି ଗାଟାୟି, ଅଡେ ଏନା ଏନାଆଁତଲେ ରଅସି ରଅଣାକି ବାସ୍ତୁ ହୀନେସି, ଏ ବାରେତି ମୀରୁ ଅଣ୍ଡପିନ ୨୦ ଏ ଉଜେଏତି କାନ୍ଦି ତାକି ମାହାପୁରୁତି କାମାକି ନାସ୍ତି କିଆଦୁ, ବାରେଏ ସୁଦୁ କିଞ୍ଜିଆହାମାନେ, ସାମା ଏନି କାନ୍ଦି ତିନି ତାଣାଟି ମୀରୁ ଏବ୍ବକା ଲକ୍ଷୁଣି କସ୍ତ ହାହିମାଞ୍ଜେରି, ଆତିହ୍ ଏ କାନ୍ଦି ତିନାଆଦୁ । ୨୧ ମୀରୁ ଉଜ୍ଜା ତିନାୟି, ଅଜ୍ଜୁରି ରାସା ଗହନି ତାଣାଟି ମୀ ତାୟିକି କସ୍ତ ଆହିମାଟିସାରେ ତିନି ଉନି ତାଣାଟି ହେକ ଆନାୟି ନେହେଁ । ୨୨ ମୀ ଏମିନି ନାମ୍ନୁ ମାନେ, ଏଦାଆଁ ମୀରୁ ମୀ ହିୟାତା ମାହାପୁରୁକି ନକିତା ଇଗାଦୁ, ଆମ୍ବାଆସି ଏନାଆଁ ନେହାୟି ଇଞ୍ଜି ଅଣ୍ଡପିନେସି, ଏଞ୍ଜାସି ଏମ୍ବାଆଁ ତାଜେ ଦହଗାଟାସି କିଅସି, ଆତିହ୍ ଏଞ୍ଜାସି ନେହାଁସି । ୨୩ ସାମା ଆମ୍ବାଆସି ଆନାମାନା ଆହାନା ରାନ୍ଦା ତିନେସି, ଏଞ୍ଜାସି ମାହାପୁରୁ ନକିତା ଦହଗାଟାସି ଆନ୍ତେନସି, ଇତିହ୍ ଏଞ୍ଜାସି ନାମ୍ନୁତଲେ ତିଞ୍ଜା ହିଲଅସି; ଅଡେ ଏନାୟି ନାମ୍ନୁତଲେ ଆଏ, ଏନି ପାପୁ ।

୧୫

ଏବ୍ବକା ଲକ୍ଷୁଣି ରାହାଁ କିଦୁ

୧ ମୀରୁ ନାମ୍ନୁତା ଆବ୍ବଞ୍ଜା ଗାଟାତାୟି, ବାଡୁୟୁ ହିଲାଆଗାଟି ଲକ୍ଷୁଣି ମୀରୁ ସାସା ହୀନାୟି ମାନେ, ଆମ୍ବାଆସି ଜିକେଏ ଜାହାରାକି ରାହାଁ କିହାଲି ଅଣ୍ଡପାଆପେସି । ୨ ସାମା ଏବ୍ବକା ଲକ୍ଷୁଣି ନେହେଁତାକି ଇଞ୍ଜି ଏଞ୍ଜାରି ନାମ୍ନୁତି ଆବ୍ବଞ୍ଜା କିହାଲିତାକି ଏଞ୍ଜାରିକି ରାହାଁତଲେ ଇତିନାୟି ମା କାମା । ୩ କ୍ରୀସ୍ତ ଜିକେଏ ତାନି ସୁକୁ ତାକି ଏନାଆଁ କିହି ହିଲାଆତେସି; ସାମା ସାସ୍ତେରିତା ରାସ୍ତକି ଆହାମାନି ଲେହେଁ, “ମିଜେ ନିନ୍ଦା କିୟାତାରା ନିନ୍ଦା ନା ମୁହେଁ ଖାଡେ ।” ୪ ସାସ୍ତେରିତି ଜାପ୍ନାଲ ବାରେ ମା ନେହେଁତାକି ଲଡା ଆଦୁ । ବାସ୍ତୁ ତଲେ ତାରିଆହାଁ ଡୟାଲି ତାକି ସାସ୍ତେରି ମାଜେ ସାସା ଇଞ୍ଜି ରାହାଁ ହାହିମାଞ୍ଜାନେ । ୫ ଆବ୍ବଞ୍ଜା ଅଡେ ଦୁକୁ ତୁକ୍ତହାନି ମାହାପୁରୁ ମିଜେ କ୍ରୀସ୍ତ ଜୀସ୍ତୁତି ମାଣକି ତଲେ ବାରେତେରି ମିଜେ ରଣ୍ଡିଏ ମନ୍ନ ଆହାଲି ହିୟାପେସି, ୬ ବାରେଜାଣା ଆଣ୍ଡି ଆହାନା ରଣ୍ଡିଏ ହିୟାଁ ରଣ୍ଡିଏ ଗୁଡି ତଲେ ପ୍ରବୁ ଜୀସ୍ତୁ କ୍ରୀସ୍ତ ଆବା ମାହାପୁରୁତି ଜହରା କିତେରି ।

ଜୀହୁଦି ଇଞ୍ଜି ଜୀହୁଦିଆଆତି ଲକ୍ଷୁଣିକି ନେହ୍ କାବୁ

୭ ମାହାପୁରୁତି ଗାଞ୍ଜୁରି ତାକି କ୍ରୀସ୍ତ ଏନିକିହ୍ ମିଜେ ଆବା ମାଞ୍ଜାନେସି, ମୀରୁ ଜିକେଏ ଏଲେକିହ୍ ରଅତେରି ରଅଣାକି ଆବାଦୁ । ୮ ଇତିହ୍ ନାଦୁ ଏଲେ ଇଞ୍ଜିମାକି, କ୍ରୀସ୍ତ ମାହାପୁରୁତି ସାତା ତାକି ତଲୁ ଦାପି ଆଡି ଲକ୍ଷୁଣି ସେବା କିନାସି କିଞ୍ଜିଆହା ମାଚେସି, ଏନିକି ଏଞ୍ଜାସି ଆକୁ ଆବାୟାକି ଆଞ୍ଜାନା ହାହାମାନାଣି ତୀରି କିନେସି, ୯ ଅଡେ ମାହାପୁରୁତି କାର୍ମାମେହନାଣି ତାକି ଜୀହୁଦିଆଆତି ଲକ୍ଷୁ ଜିକେଏ ଏଞ୍ଜାଣି ଗାଞ୍ଜୁରିମି କିନେରି; ଇ କାତା ସାସ୍ତେରିତା ରାସ୍ତକି ଆହାମାନେ; “ଇଦାଆଁତାକି ଜୀହୁଦିଆଆତି ଲକ୍ଷୁତାଣା ନୀ ଜହରା କିଇଁ, ବାରେଦିନା ନୀ ପାବୁ ପାଡିଇଁ ।”

୧୦ ଅଡେ ଜିକେଏ ଏଲେଈଞ୍ଜି ମାନେସି,
 “ଜୀହୁଦିଆଆତି ଲକ୍ଷୁ ମାହାପୁରୁତି ଲକ୍ଷୁତଲେ ରାହାଁ କିଦୁ !”

୧୧ ଅଡେ ଜିକେଏ,
 “ଜୀହୁଦିଆଆତି ଲକ୍ଷୁ ବାରେ ପ୍ରବୁକି ଜହରା କିଦୁ,
 ଅଡେ ବାରେ ଲକ୍ଷୁ ଏଞ୍ଜାଣି ପାବୁ ପାଡାପେରି !”

୧୨ ଅଡେ ଖେଣ୍ଡେ ଜିସାୟ ଖେସାମାନେସି,
 “ଜିସି କୁଡାଟି ରଅସି ତଞ୍ଜାଆନ୍ତେନସି,
 ଏଞ୍ଜାସି ଜୀହୁଦିଆଆତି ଲକ୍ଷୁଣି ସାଲ୍ଡି କିନେସି

ଇଞ୍ଜା ଜୀହୁଦିଆଆତାରି ଏଞ୍ଜାଣି ତାଣା ବାସୁଁ ଇଚିନେରି ।”

୧୩ ବାରେ ବାସୁଁଗାଟି, ମାହାପୁରୁ ମୀ ନାମୁ ତାକି ମିଙ୍ଗେ ରାହାଁ ଇଞ୍ଜା ହିଡ଼ଡ଼ି ହିୟାପେସି । ଏନିକିଁ ସୁଦୁଜୀଞ୍ଜୁତି ବାଡ଼ୁତୁ ତଲେ ମୀ ବାସୁଁ ପାତାଆନେ ।

ଜୀହୁଦିଆଆତି ଲକୁତାଣା ପାଞ୍ଜୁଲତି ସେବା

୧୪ ତାୟି ତାଜିସ୍ତାତେରି, ମୀରୁ ବାରେ ନେହଁ ଗୁଣୁ, ଏନିକିହଁ ବାରେ ବୁଦିତଲେ ଇଞ୍ଜା ରଅତେରି ରଅଣାଈ ଜାପୁହାଲି ତାକି ଆଡ଼ିଦେରି ନା ନାମୁ ମାନେ । ୧୫ ଆଡ଼ିଜିକେଏ ମାହାପୁରୁ ହାହାମାଞ୍ଜାନି କାର୍ମାତି ବାଡ଼ୁତୁଟି ନାମୁ ମିଙ୍ଗେ ଅଣ୍ଡାପି କିହାଲି ହାରେକା ସାସାତଲେ ମୀ ତାଣା ଈ ଆକୁ ରାଡ଼ିମାଞ୍ଜାଈ । ୧୬ ଏନାଆଁତାକି ଇଚିହଁ କ୍ରୀସ୍ତ ଜୀସୁତି ହରେଲଏଣା ଲେହେଁ ଜୀହୁଦିଆଆତି ଲକୁତାକି କାମା କିହାଲି ମାହାପୁରୁ ନାଙ୍ଗେ ପାରୁ ହାହାମାଞ୍ଜାନେସି । ମାହାପୁରୁତି ନେହଁ କାରୁ ଝେକହାଲି ତାକି ନାମୁ ର ପୁଜେରାତି କାମା କିହିମାଈ । ଜୀହୁଦିଆଆତି ଲକୁ ସୁଦୁଜୀଞ୍ଜୁ ତଲେ ହେବପିଆଡ଼ି ଲେହେଁ ମାହାପୁରୁ ତାଣା ଆବିନାରି ଆଡ଼େରି, ଇଦି ନା ଅଣ୍ଡାପୁ । ୧୭ କ୍ରୀସ୍ତ ଜୀସୁତଲେ ଆଣ୍ଡାନା ମାହାପୁରୁ ତାକି ଈ ସେବା କାମା କିହାମାନାକି ନାମୁ ବତପଣ ଆହିମାଈ । ୧୮ ଇଚିହଁ ଜୀହୁଦିଆଆତି ମାହାପୁରୁ ତାଣା ତାଗାଲି କ୍ରୀସ୍ତ ନା ତାଣାଟି ବଲୁତା ଅଡ଼େ କାମାତା ଇଚିହଁ ହାରେକା ସିନାୟାଁ କାବାଆନି କାମାୟାଁ ତଲେ, ସୁଦୁଜୀଞ୍ଜୁତି ବାଡ଼ୁତୁଟି ଏନା ଏନାଆଁ କିହାହିଲଅସି, ଇଲେଚି ଏନି କାମା କିହାଲି ସାସା କିହାହିଲଅଁ । ୧୯ ସିନା ଅଡ଼େ କାବାଆନି କାମାତି ବାଡ଼ୁତୁଟି ଅଡ଼େ ମାହାପୁରୁ ସୁଦୁଜୀଞ୍ଜୁତି ବାଡ଼ୁତୁଟି ନା ତାଣାଟି କିହାମାନେସି । ଏନିକିଁ ନାମୁ ଜିରୁସାଲମ ଟଟ ସାରିଝାକି ଇଞ୍ଜା ଇଲୁରିକମ ପାତେକା କ୍ରୀସ୍ତତି ନେହଁ କାରୁ ଝେକହାମାଈ । ୨୦ ଆମ୍ବିୟା ଲକୁ କ୍ରୀସ୍ତତି କାତା ଖେଞ୍ଜାହିଲଅରି, ଏମ୍ବାଆଁ ଏଞ୍ଜାଣି ବଲୁ ଝେକହାଲି ନା ଅଣ୍ଡାପୁ, ଏନାଆଁତାକି ଇଚିହଁ ଏଟକାତି ଲକୁ କିହାମାନି ପୁନାଦି ଲାକ ଇଲୁ କିହାଲି ନାମୁ ଅଣ୍ଡାପି ହିଲଅଁ । ୨୧ ସାବ୍ସେରିତା ଏନିକିହଁ ରାସ୍ତକି ଆହାମାନେ;

“ଆମିନି ଗାଗାରି ଏଞ୍ଜାଣି ବଲୁ ବେଟାଆହା ହିଲଅରି,

ଏଞ୍ଜାରି ମେହ୍ନେନେରି; ଆମ୍ବାଆରି ଖେଞ୍ଜାହିଲଅରି, ଏଞ୍ଜାରି ତେଲୁହିନେରି ।”

ରମ୍ବତା ହାଜାଲି ପାଞ୍ଜୁଲତି ଅଣ୍ଡପୁ

୨୨ ହାରେକା ଦେବା ମୀ ତାଣା ଝାହାଲି ତାକି ନା ଅଣ୍ଡପୁ ରଜେଏତାୟି ଆଡେ । ୨୩ ସାମା ଈ ରାଜିତା ନା ସେବା କାମା ରାହାମାନେ ଅଡ଼େ ନା ଆସା, ମିଙ୍ଗେ ମେସାଲି ତାକି ନା ହାରେକା ବାସାତି ଅଣ୍ଡପୁ ନାଏଁ ପୁରା ଆନେ । ୨୪ ନାମୁ ସ୍ତେନ୍ ଦେସା ହାନିବେଲତା ମୀ ତାଣା ଝାଈ: ଇଚିହଁ ଜିରୁତା ମୀ ତଲେ ତଲିଏ ଆଣ୍ଡାନା କାତା ଆହାଁ ଏଚରଦିନା ତୁୟିତି ତାୟୁ ଏ ଟାୟୁତା ହାଜାଲି ଜିରୁତା ଇଚିଝାୟାଦେରି ଇଞ୍ଜାଁ ଆସା କିହିମାଈ । ୨୫ ନାଏଁ ମାହାପୁରୁ ଲକୁତି ସେବା କିହାଲି ନାମୁ ଜିରୁସାଲମତା ହାଜିମାଈ । ୨୬ ଜିରୁସାଲମତା ମାହାପୁରୁ ଲକୁ, ଆମ୍ବାଆରି ହିଲଆ ଗାଗାରି ମାନେରି, ଏଞ୍ଜାରି ତାକି ମାକିଦନିୟା ଅଡ଼େ ଆକାୟାତି କୁଲମିକା ଆଣ୍ଡାଲି ତାରୁୟାଁ କୁଡ଼ିକିହାଲି ତାରି କିହାମାନେରି । ୨୭ ହାଅ ଏଞ୍ଜାରି ଏଦାଆଁ ନେହେଁ ଅଣ୍ଡାପା ମାନେରି ସାତା, ଆଡିହଁ ଏଞ୍ଜାରି ଏଞ୍ଜାରିତାଣା ରାଣା ଜିକେଏ ଆହାମାନେରି; ଜୀହୁଦିଆଆତାରି ଏଞ୍ଜାରି ଦାମୁତି ଜୀଞ୍ଜୁତା ଆଣ୍ଡାମାନେରି ଇଚିହଁ, ଏଞ୍ଜାରି ଦାରୁଡିତି କାମାତା ଜିକେଏ ସେବା କିହାଲି ରାଣା ଆହାମାନେରି । ୨୮ ଜିରୁସାଲମତା ଏ ତାରୁୟାଁ ଲକୁକି ହାହାନା ନା କାମା ରାପୁହି ତାୟୁ, ନାମୁ ସ୍ତେନ୍ ଦେସାତା ହାନାଟି ଏ ଜିରୁଟିଏ ମିଙ୍ଗେ ବେଟି ଝାଈ । ୨୯ ନାମୁ ପୁଞ୍ଜାମାଈ, କ୍ରୀସ୍ତ ତାଣାଟି ହାରେପୁରେ ବର ବେଟାଆହାନା ନାମୁ ମୀ ତାଣା ଝାଈ ।

୩୦ ଜୀଞ୍ଜୁତି ତାୟି ତାଜି, ନାମୁ ମା ପ୍ରବୁ ଜୀସୁ କ୍ରୀସ୍ତ ଦରୁତଲେ ଇଞ୍ଜାଁ ସୁଦୁଜୀଞ୍ଜୁ ହାହାମାଞ୍ଜାନି ଜୀଞ୍ଜୁ ନନାଣି ତାକି ମିଙ୍ଗେ ବାଡ଼ିମାଲିମାଞ୍ଜାଈ, ନାଙ୍ଗେ ତାକି ମାହାପୁରୁ ତାଣା ରଣିଏ ଅଣ୍ଡାପୁ ତଲେ ପ୍ରାତାନା କିଦୁ । ୩୧ ନାମୁ ଜୀହୁଦା ଦେସାତି ନାମାଆତି ଲକୁ ତାଣାଟି ଏନିକିହଁ ଗେଲପି ଆଈଁ ଇଞ୍ଜାଁ ଜିରୁସାଲମତା ନା ଏମିନି ସେବା କାମା, ଏଦିଏମ୍ବାଆଁ ମାହାପୁରୁ ଲକୁ ଅପିନେରି, ଏଦାଆଁତାକି ପ୍ରାତାନା କିହେମାଞ୍ଜୁ । ୩୨ ମାହାପୁରୁ ଅଣ୍ଡାପୁ ତଲେ, ନାମୁ ମୀ ତାଣା ହାରେକା ରାହାଁତଲେ ଝାଈଁ ଇଞ୍ଜାଁ ମୀ ତଲେ ଏଚରଦିନା ପାତେକା ତୁୟାନା ନା ହିୟାଁତା ରାହାଁ ବେଟାଆଈଁ । ୩୩ ବାରେ ହିଡ଼ଡ଼ି ହିୟାନି ମାହାପୁରୁ ମୀ ତଲେ ମାଣ୍ଡମ୍ବେସି । ଆମେନ ।



ପାଞ୍ଜୁଲତି ଜହରା

୧ କେଲେ ଯା କୁଲମିତା ସେବା କାମା କିହିମାନି ମା ତାଜି ପୟିବିଇଁ ମୀ ତାଣା ପାଣ୍ଡିମାଞ୍ଜାଇଁ, ୨ ପ୍ରବୁତି ଦରୁତଲେ ଏଦାନି ଆବାଦୁ, ମାହାପୁରୁ ଲକୁ ଲେହେଁ ଲେମ୍ବାଦୁ । ତାନି ଲଡ଼ାମାନି ଲେହେଁ ସାଢ଼େମି କିଦୁ । ଏଦି ନାଜେତାକି ଅଡ଼େ ହାରେକା ଲକୁତି ସାଢ଼େମି ତଡ଼ୁ ।

୩ *କ୍ରାସ୍ତ ଜାସୁତି ସେବା କାମାତା ନା ତଲେ କାମା କିହିମାନି ପ୍ରିୟିଲା ଇଞ୍ଜି ଆକ୍ଫିଲାଇଁ ନା ଜହରା ଷେହ୍ନୁ । ୪ ଏ ଲକୁ ନା ତାକି ତାନି ଜାସୁତା କସ୍ତୁ ଆହାମାନେ । ଖାଉଇ ନାନୁ ଆଏ, ବାରେ ଜାହୁଦିଆଆତି କୁଲମି ତାନି ତାଣା ଜହରା । ୫ ଏ ଲକୁତି ଇଜ ରୁଣ୍ଡା ଅହିମାନି କୁଲମିତି ଲକୁଣି ଜିକେଏ ନା ଜହରା ଷେସିମାଇଁ । ନା ଜାସୁତି ତଡ଼ୁ ଏପାୟିନେତଇଁ ନା ଜହରା ଷେହ୍ନୁ । ଆସିୟା ଦେସାତି ଏଞ୍ଜାରି ରଅସି ମୂଲୁଏ କ୍ରାସ୍ତଇଁ ନାନିତାସି । ୬ ମା ନେହେତାକି ଜମାଆନା କାମା କିହିମାନି ମରିୟମଇଁ ନା ଜହରା । ୭ ଆହୁନିକ ଇଞ୍ଜି ଜୁନିୟାଇଁ ନା ଜହରା । ଇ ରିଆରି ଜାହୁଦିୟାଁ ନା ତଲେ କାୟିଦି ଲକୁତା ମାତେରି । ନା ନକେଏ କ୍ରାସ୍ତଇଁ ନାମା ମାତେରି ଇଞ୍ଜି ପାଣ୍ଡିଆଡ଼ି ସାସୁ ତାଣାଟି ଏଞ୍ଜାରି ପୁଣ୍ଡାସି ଆଡ଼ାରି ।

୮ ପ୍ରବୁ ତାଣା ନା ଜାସୁତି ତଡ଼ୁ ଆୟିଲାତଇଁ ଜହରା । ୯ କ୍ରାସ୍ତତି ସେବା କାମାତା ନାଜେ ସାଢ଼େମି କିହିମାଞ୍ଜାନି ଉର୍ବାନ ଇଞ୍ଜି ଜାସୁତି ତଡ଼ୁ ସ୍ତାକିୟଇଁ ଜିକେଏ ନା ଜହରା । ୧୦ କ୍ରାସ୍ତତି ମାନି ତଲେ କାମା କିନି ଆପେଲା ଇଞ୍ଜି ଆରିସ୍ତୁଲ କୁଟମିତି ବାରେ ଜାଣାଇଁ ନା ଜହରା ଷେହ୍ନୁ । ୧୧ ନା କୁଡ଼ାତି ହେରଦିୟନ ଇଞ୍ଜି ନାକିଏ କୁଟମିତି କ୍ରାସ୍ତତି ତାୟିୟାଣି ଜିକେଏ ନା ଜହରା ।

୧୨ ପ୍ରବୁତି ସେବା କାମାତା ମାନି ତ୍ରିପେନା ଇଞ୍ଜି ତ୍ରିପସାଇଁ ଇଞ୍ଜି ପ୍ରବୁ ତାକି ହାରେକା କାମା କିହିମାନି ଜାସୁତି ପସିସଇଁ ନା ଜହରା । ୧୩ *ପ୍ରବୁ ଆଡ଼ାମାନି ରୁପସ ଇଞ୍ଜି ନା ତାଲି ଲେହେଁତି ତାନି ଇୟାନି ଜିକେଏ ନା ଜହରା । ୧୪ ଅସୁକ୍ତିତ, ଘୈଗନ, ହମିସ, ପାତ୍ରବା, ହମିସ ଇଞ୍ଜି ଏଞ୍ଜାରିତଲେ ମାନି ବାରେ କ୍ରାସ୍ତଇଁ ନାନିମାନି ତାୟି ତାଲିଇଁ ଜହରା ଷେହ୍ନୁ । ୧୫ ପିଲଲଗ ଇଞ୍ଜି ଜୁଲିୟା, ନିରୁସ୍ ଇଞ୍ଜି ତାନି ତାଜି ଅଡ଼େ ଅଲୁମୀ ଅଡ଼େ ଏଞ୍ଜାରିତଲେ ମାନି ବାରେ ମାହାପୁରୁ ଲକୁଣି ନା ଜହରା ଷେହ୍ନୁ ।

୧୬ ସୁବୁ ହିୟାଁ ତଲେ ନଶ୍ଵି ଆହାନା ଜହରା ଷେହ୍ନୁ । କ୍ରାସ୍ତତି ବାରେ କୁଲମିକା ମିଜେ ଜହରା କିହିମାଞ୍ଜାନୁ ।

ପାଞ୍ଜୁଲତି ରାନି ବେଲାତି ବଲୁ

୧୭ ତାୟି ତାଜିସାତେରି, ମୀରୁ ଆମିନି କାତା ଜାପାମାଞ୍ଜେରି, ଏ କାତାତି ପିସାନା ଗତି ଗତି କିନାସି ଅଡ଼େ ଲାଗେଏ କିୟାନେସି ଏଞ୍ଜାରିଇଁ ପୁଞ୍ଜା ତୟାଦୁ, ଏଞ୍ଜାରି ତାଣାଟି ଏଟକା ଆୟାଲି ନାନୁ ବାଡ଼ିମାଲିମାଞ୍ଜାଇଁ । ୧୮ ଇତିହଁ ଇଲେତି ଲକୁ ମା ପ୍ରବୁ କ୍ରାସ୍ତତି ହଲିୟାଙ୍ଗା ଆଏ, ସାମା ତାନି ବାଣ୍ଡିତି ହଲିୟାଙ୍ଗା ଆହାମାନେରି, ଅଡ଼େ ସୁଞ୍ଜାଲା ହାଡ଼ାତଲେ ଲକୁ ମନତି ନାଡ଼ି କିନେରି । ୧୯ ନେହଁ ବଲୁ ତାକି ମୀ ତୀରୁପୁ କାମା ବାରେ ଲକୁ ଷେଞ୍ଜାମାନେରି, ଇଦାଆତାକି ନାନୁ ହାରେକା ରାହାଁ । ନାନୁ ଅଣପିମାଇଁ, ମୀରୁ ସାତା କାତାତା ବୁଦି ଗାଟାତେରି ଆଦୁ ଇଞ୍ଜି ଉଜେଏତି କାତାତା ଆଣ୍ଡାଆଦୁ । ୨୦ ଆତିହଁ ହିଡ଼ଡ଼ି ହିୟାନି ମାହାପୁରୁ ତବେ ସୟତାନଇଁ ମୀ କଡ଼ାଁ ତୁଇ କିନେସି । ମା ପ୍ରବୁ ଜାସୁତି କାର୍ମାମେହ୍ନାୟି ମୀ ତଲେ ମାଣ୍ଡେଁ ।

୨୧ *ନା ତଲେ କାମା କିହିମାନି ତିମତି ଇଞ୍ଜି ମା ଜାହୁଦି ତାୟିୟାଁ ଲୁକିୟ, ଜାସନ ଇଞ୍ଜି ସସିପାତ୍ର ମିଜେ ଜହରା କିହିମାଞ୍ଜାନେରି ।

୨୨ ଇ ଆକୁ ରାଡ଼ାମାନି ତତୟ, ପ୍ରବୁତି ଦରୁତଲେ ମିଜେ ଜହରା କିହିମାଞ୍ଜାଇଁ ।

୨୩ *ନାଜେ ଅଡ଼େ କୁଲମିତି ସେବା କିନି ଗାୟସ ମିଜେ ଜହରା କିହିମାଞ୍ଜାନେସି, ଅଡ଼େ ଇ ଗାଡ଼ାତି ଗୁମୁସ୍ତା ଏରାସ୍ତ ଇଞ୍ଜି ତାୟି କ୍ଫାଡ଼ି ଜିକେଏ ମିଜେ ଜହରା କିହିମାଞ୍ଜାନେରି ।

୨୪ ପ୍ରବୁ ଜାସୁତି କାର୍ମାମେହ୍ନାୟି ମୀ ବାରେ ଜାଣାକି ଆପେ ।

ପ୍ରାତାନା ଇଞ୍ଜି ଜହରା ତଲେ ଆକୁ ରାପୁନାୟି

୨୫ ଖାଦୁ, ମାର ମାହାପୁରୁତି ଗାଧୁରମି କିନ । ନାନୁ ଷେକ୍ଫାମାନି ଜାସୁ କ୍ରାସ୍ତତି ନେହଁ ବଲୁ ଇଞ୍ଜି ତଲି କାଲାରିଏ ତ୍ଵଗ୍ଫାମାନି ସାତା ଲେହେଁ ମୀ ନାନୁ ତୀରିକିହାଁ ଇଗାଲି ମାହାପୁରୁ ଆଡ଼ିନେସି । ୨୬ ଏ ଡ଼ଗ୍ଫାମାନି

* ୧୭:୩ ୧୭:୩ କାମା ୧୮:୨ * ୧୭:୧୩ ୧୭:୧୩ ମାର୍କି ୧୫:୨୧ * ୧୭:୨୧ ୧୭:୨୧ କାମା ୧୭:୧ * ୧୭:୨୩ ୧୭:୨୩ କାମା ୧୯:୨୯; ୧କର ୧:୧୪; ୨ତିମ ୪:୨୦

ସାତା ମାହାପୁରୁ ଅଣପୁତ୍ର ବଲୁ ଝେହ୍ନାରି ସାତ୍ତ୍ୱରିତା ରାୟକି ଆହାମାନେ ଅତ୍ତେ ଏହି ନୀର୍ବ୍ୟ କାଲ୍ଲକାଲ୍ଲାତି ପ୍ରୁ ମାହାପୁରୁ ତାଣାଟି ବାରେ କୁଡ଼ା ବିତ୍ତା ଝେପକି ଆହିମାନେ । ଛଦାଆଁ ତଲେ ବାରେଜାଣା ନାମାନା ମାହାପୁରୁଇଁ ମାନି କିହାଲି ଆଡ଼ିନେରି ।

^{୨୭} ବାରେ କାତା ପୁନି ମାହାପୁରୁ ପ୍ରୁ ଜୀସୁ ତାଣା କାଲ୍ଲକାଲ୍ଲା ତାକି ଗାଝୁରମି ବେଟାଆଡ଼ପସି । ଆଡ଼େନ୍

|

କରନ୍ତି ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପ୍ରଥମ ପତ୍ର କରନ୍ତି କୁଲମିତାକି ପାଞ୍ଚଲ ରାଫାମାନି ର ଲମ୍ବର ଆକୁ ମୂଳୁ ହାଡ଼ା

କରନ୍ତି କୁଲମିତି ର ଲମ୍ବର ଆକୁ ପାଣ୍ଡୁଆହାମାନି ପାଞ୍ଚଲ ତାଣାଟି ଜୀସୁ କ୍ରୀସ୍ତତି ଜାର୍ନାତି ୫୫ ବାର୍ଯା ଜେତ ରାସ୍ତି ଆହାମାତେ ୧:୧ । ପାଞ୍ଚଲ ତାଣାଟି ରାସ୍ତି ଆହାମାନି ଜଡେକା ଆକା ବିତ୍ରାଟି ଛଦି ଆହିମାନେ ର ଲମ୍ବର ଆକୁ । ଏଞ୍ଝାସି ଏପିସିୟତା ମାଟିବେଲତା ଛ ଆକୁ ରାଫା ମାଣ୍ଡିତେସି ୧୬:୫-୯ । ମାକିଦନିୟାଟି କରନ୍ତିତା ହାଜାଲି ମନ କିନି ନକେଏ ଛ ଆକୁ ରାଫାମାତେସି ।

ପାଞ୍ଚଲ ଛ ଆକୁତା କୁଲମି ଗତି ଗତି ଆନାୟି ଲାଗେଏତି କାମାଟି ଜୁପ୍ତକା ତଲେ ହାରେକା ପାପୁ କାମା ଆହିମାନାଣି କୁଲମିତି ଲକୁ ତାଣାଟି ଝେଞ୍ଜାନା ଝେଣ୍ଠେ ଝେସାଲି ମନ ହାହିମାନେସି । କରନ୍ତି ଗାଡ଼ା ଲାଗେଏ ପଲେଏ ପାପୁ କାମାୟା କିହିମାନାୟି ଝେଙ୍ଗାମାତେ । ଇଞ୍ଜା ଗାଡ଼ାତା ମାଟି କୁଲମି ହାରେକା କାଙ୍ଗାଲା ଆହିମାତେରି । ଏଦାଆଁ ଅଣପାନା ଏଞ୍ଝାରକି ତିନା ଉନାଣି, ବୀହା ଆନାଣି ଅଡେ କିନାଣି, ହାକି ଅଡେ ଝେଣ୍ଠେ ନିଜିନାଣି, ସାତା ଜୀଞ୍ଜନନାୟି ଏନାୟି ଛ ବାରେ କାତା ଆକୁତା ରାଫାନା ତସାମାନେସି ୧୩ ।

ପତିତା ମାନାୟି

- ୧. ଜହରା କିହାନା ପୁଣ୍ଡିକିନାୟି । ୧:୧-୯
- ୨. କୁଲମିକା ଗତି ଆନି କାତା ଜାପ୍ତନାୟି । ୧:୧୦-୪:୨୧
- ୩. ଲାଗେଏତି ପାପୁ କାମା ଅଡେ ଦାଞ୍ଜାକିନି କାତା । ୫:୧-୬:୨୦
- ୪. ବୀହା, ପେଣକା ବମାୟାଟି ବଗୁ, ଜାରୁ ଆହାନା ପ୍ରାତାନା, ସୁଦୁଜୀଞ୍ଜୁତି ଦାନା, ଇଞ୍ଜା ଝେଣ୍ଠେ ନିଜିନି କାତା । ୭:୧-୧୫:୫୮
- ୫. ଲେମ୍ବିନି କାତା, ଜାହାରା ଅଣପୁ ଇଞ୍ଜା ରାପ୍ତନାୟି । ୧୬

୧ ନାନୁ ପାଞ୍ଚଲ, ମାହାପୁରୁତି ମନତଲେ କ୍ରୀସ୍ତ ଜୀସୁ ତାଣାଟି ଆଚାନା ପାଣ୍ଡୁ ଆହାମାନାତେସି, ଅଡେ ମା ତାୟି ସସିନା ତଲେ, ୨ *କରନ୍ତି ଗାଡ଼ାତା ମାନି ମାହାପୁରୁ କୁଲମିତାକି ଛ ଆକୁ ରାଫିମାନେରି; ଆମିନି ବାରେଜାଣା ଏଞ୍ଝାରିତାଣା, ପ୍ରବୁ ଜୀସୁ କ୍ରୀସ୍ତ ଦରୁତଲେ ପ୍ରାତାନା କିହିମାନେରି, ଏଞ୍ଝାରିତଲେ କ୍ରୀସ୍ତ ଜୀସୁ ତାଣା ସୁଦୁ ଆହାନା ହାଟ୍ଟକି ଆହାମାନି ମାହାପୁରୁ ଲକୁତେରି ମୀରୁ ।

୩ ନିଜେତାକି ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡେ ହିଡ଼ି ଆପେ ।

କ୍ରୀସ୍ତ ତାଣାଟି ବର

୪ କ୍ରୀସ୍ତ ଜୀସୁ ତାଣାଟି ମିଜେ ହୀହାମାଞ୍ଜାନି ମାହାପୁରୁତି ଆମିନି କାର୍ମାମେହନାୟି, ଏଦାଆଁତାକି ନାନୁ କାଲେଏ ମିଜେତାକି ମାହାପୁରୁଇଁ ଜହରା କିହିମାଇଁ, ୫ ଏନାଆଁତାକି ଇତିହିଁ ଏଞ୍ଝାଣି ତାଣା ବାରେ କାତାତା, ହାରେକା କିହିଁ ବାରେଲେହେତି ଜାପ୍ତନି ତାଣା ଅଡେ ବାରେଲେହେତି ବୁଦିତା ମୀରୁ ଗାତି ବାଟକା ମାଞ୍ଜେରି; ୬ ଇଲେଆହିଁ କ୍ରୀସ୍ତତି ସାକି ମୀ ତାଣା ତାରି ଆହାମାନେ । ୭ ଇଦାଆଁତାକି ମୀରୁ ମା ପ୍ରବୁ ଜୀସୁ କ୍ରୀସ୍ତତି ତଞ୍ଜା ଆହାଲିତାକି କାପୁ କାଚାନା ଏନି କାର୍ମାଟି ଦାନାତା ଉଣା ଆହାହିଲଅଡେରି; ୮ ମା ପ୍ରବୁ ଜୀସୁ କ୍ରୀସ୍ତତି ଦିନାତା ଏନିକିଁ ମୀରୁ ଦହ ହିଲଆଗାଗାତେରି ଆଡେରି, ଇଦାଆଁତାକି ଏଞ୍ଝାସି ମିଜେ ରାନ୍ଦି ଦିନା ପାତେକା ତାରିକିହା ଇଟାନେସି । ୯ ମାହାପୁରୁ ନାମୁଗାଟାସି, ଆମ୍ବାଆରି ତାଣାଟି ମୀରୁ ତାନି ନାନ୍ଦିଏସି ଜୀସୁ କ୍ରୀସ୍ତ, ମା ପ୍ରବୁ ତାଣା ଆଣ୍ଡିନାଣାକି ହାଟ୍ଟକି ଆହାମାଞ୍ଜେରି ।

ନାନିତି କୁଲମି ବିତ୍ରା ଗତି ଆନାୟି

୧୦ ଏ ତାୟିୟାଁ ଅଡେ ତାଙ୍ଗିସ୍ତାତେରି, ମା ପ୍ରବୁ ଜୀସୁ କ୍ରୀସ୍ତ ଦରୁତଲେ ନାନୁ ମିଜେ ବାତିମାଲିମାଞ୍ଜାଇଁ, ଏନିକିଁ ମୀରୁ ବାରେଜାଣା ତେରି ରଣ୍ଡିଏ କାତା ଜଲିଦେରି, ଅଡେ ମୀ ବିତ୍ରା ଗତି ଆଅଡେରି, ସାମା ମୀରୁ ରଣ୍ଡିଏ ମନ ରଣ୍ଡିଏ ଅଣପୁ ତଲେ କାଲ୍ଡି ଆଦୁ । ୧୧ ଇତିହିଁ, ଏ ନା ତାୟିୟାଁ ଅଡେ ତାଙ୍ଗିସ୍ତାତେରି, କୁଲିତି କୁଟମିତି ମୀ କାତା ନା ତାଣା ଛଦି ତଞ୍ଜା ଆହାମାନେ, ମୀ ବିତ୍ରା ଗଡ଼ହା ମାନେ । ୧୨ *ନାନୁ ଝେସ୍ତାନି କାତା

ଇଦି, ମୀ ବିଭାତି ଆମ୍ବା ଆମ୍ବାଆରି ଏଲେଇନେରି, ନାନୁ ପାଞ୍ଜୁଲ ଖାକି ତାତେଏ, ଇଞ୍ଜା ଆମ୍ବାଆରି ନାନୁ ଆପଲ ଖାକି ତାତେଏ, ନାନୁ କେପା ଖାକି ତାତେଏ ଅଡ଼େ ଏରରଜାଣା ନାନୁ କ୍ରୀସ୍ତ ଖାକି ତାତେଏ ଇଞ୍ଜା ମାନେରି । ୧୩ କ୍ରୀସ୍ତ ବାଗା ଆହାମାନେସି କି ? ମିଙ୍ଗେତାକି ପାଞ୍ଜୁଲ କି ପାସି ମୁଣ୍ଡାତା ହାହାମାନେସି ? ଆଆତ ମୀରୁ କି ପାଞ୍ଜୁଲ ଦରୁତଲେ ବାପ୍ତିସ୍ମ* ଅହାମାଞ୍ଜେରି ?

୧୪ ✨ ଇଦାଆଁତାକି କ୍ରିସ୍ତ ଅଡ଼େ ଗାୟ ପିସ୍ତପେ ମୀ ବିଭା ଆମ୍ବାଆରାଇଁ ଜିକେଏ ବାପ୍ତିସ୍ମ† ହାହାହିଲଅଁ ଇଞ୍ଜା ନାନୁ ମାହାପୁରୁଇଁ ଜହରା କିହିମାଇଁ, ୧୫ ଏଡ଼େତା ମୀରୁ ନୀ ଦରୁତଲେ ବାପ୍ତିସ୍ମ‡ ଅହାମାଇଁ ଇଞ୍ଜା ଆମ୍ବାଆରି ଏଲେଇଞ୍ଜଅରି । ୧୬ ✨ ଅଡ଼େ ସ୍ତ୍ରୀପାନତି କୁଟମିଇଁ ଜିକେଏ ବାପ୍ତିସ୍ମ§ ହାହାମାଇଁ; ଇଞ୍ଜାରି ପିସ୍ତପେ ନାନୁ ଅଡ଼େ ଆମ୍ବାଆରାଇଁ ବାପ୍ତିସ୍ମ* ହାହାମାଇଁ ଇଞ୍ଜା ନା ଅଣପୁତା ହିଲେଏ । ୧୭ ଇତିହଁ କ୍ରୀସ୍ତ ନାଙ୍ଗେ ବାପ୍ତିସ୍ମ† ହାହାଲିତାକି ପାଣ୍ଡାମାଞ୍ଜଅସି, ସାମା ନେହଁ କାବୁ ଝେସାଲି ପାଣ୍ଡାମାଞ୍ଜାନେସି; ଏଦି ଜିକେଏ ବଲୁତି ରାହାଁ କିନି ତାଣା ଆଏ, ଏଡ଼େତା ପାଟେ କ୍ରୀସ୍ତତି ପାସିମୁଣ୍ଡା ଉଜେଏ ଆନେ ।

କ୍ରୀସ୍ତ ମାହାପୁରୁତି ବାଡ଼ୁୟୁ ଅଡ଼େ ବୁଦି

୧୮ ଇତିହଁ ନାସା ଆହିମାନି ଲକ୍ଷ୍ମତାକି ପାସି ମୁଣ୍ଡାତି କାତା ଉଜେଏତାୟି, ସାମା ଗେଲ୍ପି ଆହିମାନି ମା, ବାରେଜାଣା ତାକି ଏଦି ମାହାପୁରୁତି ବାଡ଼ୁୟୁ । ୧୯ ଇଦାଆଁତାକି ରାସ୍ତକି ଆହାମାନେ,

“ନାନୁ ବୁଦିଗାଟାରି ବୁଦି ନାସଞ୍ଜି କିଇଁ,
ଅଡ଼େ ବୁଦିଗାଟାରି ବୁଦି ଅପଅଁ ।”

୨୦ ବୁଦିଗାଟାରି ଆମ୍ବିୟା ? ମେରା ଜାପୁନାରି ଆମ୍ବିୟା ? ଈ କୁଗୁତି କାତା କାଟଞ୍ଜିକିହାଁ ଝେହ୍ନନାରି ଆମ୍ବିୟା ? ମାହାପୁରୁ କି ଦାନ୍ତତି ବୁଦିଇଁ ଉଜେଏତାୟି ଇଞ୍ଜା ଝେସାହିଲଅସି ?

୨୧ ଇତିହଁ ମାହାପୁରୁତି ବୁଦି ତଞ୍ଜାଆହାମାତି ଜିକେଏ ଦାରୁତି ଜାହାରା ବୁଦିତଲେ ମାହାପୁରୁଇଁ ପୁନାଆତାକି ମାମୁ ଝେକହାମାନି କାତା ଉଜେଏତାୟି, ଆଡିଜିକେଏ ନାମୁ ଗାଟାରାଇଁ ଗେଲ୍ପାଲିତାକି ମାହାପୁରୁ ଅଣପିତେସି । ୨୨ ଇତିହଁ ଜାହୁଦିକା ସିନା ପାରିନେରି, ସାମା ଗ୍ରିକ ଲକ୍ଷ୍ମ ବୁଦିତି ପାରିନେରି । ୨୩ ସାମା ମାମୁ ପାସି ମୁଣ୍ଡାତା ହାଡି କ୍ରୀସ୍ତତି କାତା ଝେକହି ମାନମି, ଏଞ୍ଜାସି ଜାହୁଦି ଲକ୍ଷ୍ମତାକି ସାତୁ ଲେହେଁତାସି ଅଡ଼େ ଜାହୁଦିଆଆତି ଲକ୍ଷ୍ମତାକି ବୁଦି ହିଲାଆଲେହେଁ । ୨୪ ସାମା ଜାହୁଦି ଆପାରି କି ଜାହୁଦିଆଆତାରି ଆପାରି, ଆମ୍ବାଆରି ହାଟୁକି ଆତାରି, ଏଞ୍ଜାସି କ୍ରୀସ୍ତ ମାହାପୁରୁତି ବାଡ଼ୁୟୁ ଅଡ଼େ ମାହାପୁରୁତି ବୁଦି ଲେହେଁ । ୨୫ ଇତିହଁ ମାହାପୁରୁତି ବୁଦି ହିଲାଆଗାଟାୟି ମାଣସିୟାଁତି ବୁଦି କିହାଁ ହାଡ଼େରକା ବୁଦି, ଅଡ଼େ ମାହାପୁରୁତି ଆଡାଆ ଗାଟାୟି ମାଣସିୟାଁତି ବାଡ଼ୁୟୁ କିହାଁ ହାଡ଼େରକା ବାଡ଼ୁୟୁ ଗାଟାୟି ।

୨୬ ଏ ତାୟିୟାଁ ଅଡ଼େ ତାଜିୟା ମିଙ୍ଗେ ହାଟାମାନି କାତା ଅଣପାପୁ, ଦାନ୍ତତି ଲକ୍ଷ୍ମତି ଅଣପୁ ଲେହେଁ ହାଡ଼େରକା ବୁଦିଗାଟାରି, ହାଡ଼େରକା ବାଡ଼ୁୟୁ ଗାଟାରି, କି କାଜା କୁଡା ଗାଟାରି ହାଟୁକି ଆହାହିଲଅରି; ୨୭ ଏଦାଆଁତାକି ମାହାପୁରୁ ବୁଦି ଗାଟାରାଇଁ ଲାଜା କିହାଲିତାକି ଦାନ୍ତତି ବୁଦି ହିଲାଆଗାଟାୟି ଆଡିତେସି, ଅଡ଼େ ବାଡ଼ୁୟୁ ଗାଟାଣି ଲାଜା କିହାଲିତାକି ମାହାପୁରୁ ଦାନ୍ତତି ବାଡ଼ୁୟୁ ହିଲାଆଗାଟାରାଇଁ ଆଡିତେସି । ୨୮ ଅଡ଼େ ଏନାୟି ଦାନ୍ତତି ନକିତା ମାନି ଗାଟାୟି, ଏ ବାରେ ଉଜେଏ କିହାଲି, ମାହାପୁରୁ ଦାନ୍ତତି ହାଣି, ଇଞ୍ଜା ଅପାଆଗାଟାଣି, ହାଅ, ମାନି ହିଲାଆଗାଟାଣି ଆଡିତେସି । ୨୯ ଅଡ଼େ ଏନାୟି ଦାନ୍ତତି ନକିତା ମାନି ଗାଟାୟି, ଏ ବାରେତି ଉଜେଏ କିହାଲିତାକି ମାହାପୁରୁ ଦାନ୍ତତି ଉଣା ଅଡ଼େ ଅପାଆଗାଟାଣି ହାଅ ଉଜେଏତାଣି ଆଡିତେସି । ୩୦ ସାମା ଏଞ୍ଜାଣି ତାକି ମୀରୁ କ୍ରୀସ୍ତ ଜୀସୁ ତାଣା ମାଞ୍ଜେରି, ଏଞ୍ଜାସି ମାହାପୁରୁ ତାଣାଟି ମାଙ୍ଗେତାକି ବୁଦି, ଇତିହଁ ଦାମ୍ବୁଗାଟାସି, ସୁଦୁଗାଟାସି ଅଡ଼େ ଗେଲ୍ପିନି ଲେହେଁ ଆହାମାନେସି । ୩୧ ଇଦାଆଁତାକି, ଦାମ୍ବୁପିତାତା ରାସ୍ତକି ଆହାମାନେ, “ଆମ୍ବାଆସି ବତପଣ ଆନେସି, ଏଞ୍ଜାସି ମାହାପୁରୁ ତାଣା ବତପଣ ଆପାସି ।”

୨

ପାସି ମୁଣ୍ଡାତା କ୍ରୀସ୍ତ ହାଡି କାବୁ

* ୧:୩୩ ୧:୩୩ମୁଞ୍ଜିନାୟି ✨ ୧:୧୪ ୧:୧୪ କାମା ୧:୮; କାମା ୧:୨୯; ରମି ୧୬:୨୩ † ୧:୧୪ ୧:୧୪ମୁଞ୍ଜିନାୟି ‡ ୧:୧୫ ୧:୧୫ମୁଞ୍ଜିନାୟି ✨ ୧:୧୭ ୧:୧୭ ୧କର ୧୭:୧୫ § ୧:୧୭ ୧:୧୭ମୁଞ୍ଜିନାୟି * ୧:୧୭ ୧:୧୭ମୁଞ୍ଜିନାୟି † ୧:୧୭ ୧:୧୭ମୁଞ୍ଜିନାୟି

୧ ଏଦାଆଁତାକି ଏ ତାୟିୟାଁ ଅଡ଼େ ତାଜିୟାତେରି, ଏଚେତା ନାନୁ ମୀ ତାଣା ହାଜାମାଚେଏଁ, ଏଚିବେଲା ମାହାପୁରୁତି ତୁଗାମାନି ସାତା କାତାତି ଗାଡ଼ି ବୁଦି ଗାଗାରିଲେହେଁ ମୀ ତାଣା ଝେକହାମାଚେଏଁ ଏଲେକ ଆଏ । ୨ ଇଚିହଁ ଜୀସୁ କ୍ରୀସ୍ତ, ଇଚିହଁ ପାସି ମୁଣ୍ଡାତା ହାଡ଼ି ଜୀସୁ କ୍ରୀସ୍ତ ପିସପେ ମୀ ତାଣା ଅଡ଼େ ଏନାଆଁ ଜିକେଏ ପୁଞ୍ଜାଲି ଅଣପାଆଚେଏଁ । ୩ *ଅଡ଼େ, ନାନୁ ବାଡ଼ୁୟୁ ହିଲାଆନା, ଆଜି ଅଡ଼େ ତୀରୁଚି ତୀରୁଗିହଁ ମୀ ତାଣା ମାଚେଏଁ; ୪ ଇଦାଆଁତାକି ନା ଜାପୁନାୟି ଅଡ଼େ ଝେକନାୟି ମାଣସି ବୁଦିତି ନେହଁ ହାଡ଼ାଲେହେଁ ଆଆନା ମାହାପୁରୁତି ସୁଦୁଜୀଝୁତି ବାଡ଼ୁୟୁ ତସ୍ପି ଆହାମାନେ । ୫ ମୀ ନାନୁ ଏନିକଁ ମାଣସିୟାଁତି ବୁଦିତା ତୀରି ଆଆନା ମାହାପୁରୁତି ବାଡ଼ୁୟୁତା ତୀରି ଆନ୍ଦେ ।

ମାହାପୁରୁତି ବୁଦି

୬ ଆଡ଼ିଜିକେଏ ମାମୁ ସୁଦୁଜୀଝୁତା ପାତାଆନି ବୁଦିଗାଟି ଲକ୍ଷ୍ମତାଣା ବୁଦିତିକାତା ଝେହନମି, ସାମା ଏଡ଼ି ଇ ଜୁଗୁତି ବୁଦି ଆଏ, ଅଡ଼େ ଇ ଜୁଗୁତି ଗାଡ଼େକା ତାକି ନାସା ଆନି ସାଲଝି କିନାରି ବାଡ଼ୁୟୁତି ହାରଝି କିନାରି ବୁଦି ଆଏ । ୭ ସାମା ନାନୁ ତୁଗାମାନି ଲେହେଁତି ମାହାପୁରୁତି ବୁଦିତିକାତା ଝେସିମାଲ୍; ଏ ଡ଼ଗୁମାନି ମାହାପୁରୁ ବୁଦି ମା ଗାଝୁରମି ତାକି ଦାରୁତିତି ଗାଡ଼ି ଆଆ ନକେଏ ଆଚାନା ଇଚିକି ଆହାମାଚେ । ୮ ଇ ଜୁଗୁତି ସାଲଝି କିନାରି ଜିକେଏ ଆମ୍ବାଆରି ଏଦାଆଁ ପୁଞ୍ଜାହିଲଅରି, ଏନାଆଁତାକି ଇଚିହଁ ଏଝାରି ଏଦାଆଁ ପୁଞ୍ଜାମାଚିହଁ ମା ଗାଝୁରମିଗାଟି ପ୍ରବୁଇଁ କୁସତା ପାୟାଆଚେରିମା । ୯ ସାମା ଏନିକିହଁ ଦାମ୍ପୁପିତିତା ରାସ୍ତିକି ଆହାମାନେ,

“କାନୁ ଏମିନାଣି ମେସା ହିଲେଏ, କିୟଁ ଏମିନାଣି ଝେଞ୍ଜା ହିଲେଏ,
ଅଡ଼େ ମାଣସିୟାଁ ହିୟାଁତା ଏମିନାଣି ଅଣପା ହିଲଅରି,

ଏ ବାରେତି ମାହାପୁରୁ ତାଙ୍ଗେ ଜୀଝୁ ନନାରାକି କିହାମାନେସି ।”

୧୦ ସାମା ମାହାପୁରୁ ମାଙ୍ଗେତାକି ସୁଦୁଜୀଝୁ ତଲେ ବାରେ ତସାମାଞ୍ଜାନେସି; ଏନିକଁ ଏ ସୁଦୁଜୀଝୁ ବାରେ କାତା, ହାଅ, ମାହାପୁରୁତି ଡ଼ଗୁମାନି କାତା ଜିକେଏ ପାରିନେସି । ୧୧ ମାଣସିତି କାତା ବାରେ ମାଣସି ତାଣା ମାନି ଜୀଝୁ ପିସପେ ଅଡ଼େ ଆମ୍ବାଆସି ପୁନେସି ? ଏଲେକିହଁ ଏ ମାହାପୁରୁ କାତା ବାରେ ମାହାପୁରୁ ଜୀଝୁ ପିସପେ ଆମ୍ବାଆସି ପୁନଅସି । ୧୨ ଏନିକଁ ମାହାପୁରୁ ତାଣାଟି ମାଙ୍ଗେ କାର୍ମାମେହନି ତାଣାଟି ହାପକି ଆହାମାନି କାତା ବାରେ ମାର ପୁଞ୍ଜାଲି ଆଡ଼ିନାୟି, ଏଦାଆଁତାକି ମାର ଦାରୁତିତି ଜୀଝୁ ପୁଞ୍ଜାଆନା ମାହାପୁରୁତି ଜୀଝୁ ବେଟା ଆହାମାନାୟି ।

୧୩ ଏ ବାରେ କାତା ଜିକେଏ ମାର ମାଣସିତି ବୁଦିତି ଜାପାମାନି ବଲୁ ତଲେ ଝେସିହିଲାଆୟି, ସାମା ସୁଦୁଜୀଝୁତି କାତା ବାରେ ସୁଦୁଜୀଝୁତି କାତାତଲେ ତେଲ୍‌ହି କିହାନା ସୁଦୁଜୀଝୁ ତଲେ ଜାପାମାନି ବଲୁ ତଲେ ଝେସିମାନାୟି । ୧୪ ସାମା ଦାରୁତିତି ମାଣସି ମାହାପୁରୁତି ସୁଦୁଜୀଝୁତି କାତା ବାରେ ଅପଅସି, ଏନାଆଁତାକି ଇଚିହଁ ଏ ବାରେ ତାନି ନକିତା ଉଜେଏତାୟି, ଅଡ଼େ ଏଝାସି ଏ ବାରେତି ତେଲ୍‌ହାଲି ଆଡ଼ଅସି, ଇଚିହଁ ଏ ବାରେ ସୁଦୁଜୀଝୁ ତଲେ ନୀହାୟି କିଝିଆନ୍ଦେ । ୧୫ ସାମା ଆମ୍ବାଆରାକି ସୁଦୁଜୀଝୁ ମାନେ, ଏଝାସି ବାରେ କାତା ନେହଁ କଁ ଅଣପିନେସି, ଆଡ଼ିଜିକେଏ ଆମ୍ବାଆସି ଏଝାଣାଇଁ ଅଣପଅସି । ୧୬ ଏନାଆଁତାକି ଇଚିହଁ,

“ଆମ୍ବାଆସି ମାହାପୁରୁତି ଅଣପୁ ପୁଞ୍ଜାମାନେସି,

ଇଞ୍ଜା ଏଝାସି ଏଝାଣାଇଁ ଜାପୁହାଲି ଆଡ଼ିନେସି ?”

ସାମା ମାମୁ କ୍ରୀସ୍ତତି ମନ ବେଟା ଆହାମାନମି ।

୩

କୁଲମିତା ଗଡ଼ହା

୧ ଏ ନା ତାୟିୟାଁ ଅଡ଼େ ତାଜିୟାତେରି ନାନୁ ସୁଦୁଜୀଝୁ ବେଟାଆହାମାନି ଲକ୍ଷ୍ମଣି ଝେହନିଲେହେଁ ମିଙ୍ଗେ ଝେସାଲି ଆଡ଼ାଆଚେଏଁ, ସାମା ଆଜ୍ଞା ତଲେ ମାନି ଲକ୍ଷ୍ମ ଅଡ଼େ କ୍ରୀସ୍ତ ତାଣା ନାମ୍ପୁତି କକାରି ପଦାଁଣି ଝେହନିଲେହେଁ ମିଙ୍ଗେ ଝେସାଚେଏଁ । ୨ *ନାନୁ ମିଙ୍ଗେ ପାଲୁ ଉଚ୍ଚହାନା ଆବୁଝା ରାନ୍ଦା ହିୟାଆଚେଏଁ, ଏନାଆଁତାକି ଇଚିହଁ ଏଲେତି ରାନ୍ଦା ତିଞ୍ଜାଲି ଆଡ଼ିହିଲାଆଚେରି, ଅଡ଼େ ନୀଏଁ ଜିକେଏ ଆଡ଼ଅଚେରି, ୩ ନୀଏଁ ପାଚେକା ମୀରୁ ଦାରୁତିତି ନାମାଆତି ଲକ୍ଷ୍ମ ମାଣକି ତଲେ ମାଞ୍ଜେରି, ଏନାଆଁତାକି ଇଚିହଁ ମୀ ବିତ୍ରା ତାହାରା ଅଡ଼େ ଗଡ଼ହା କିନାୟିମାନେ, ଏଦାଆଁତାକି ମୀରୁ ଦାରୁତିତି ନାମାଆତି ଲକ୍ଷ୍ମତେରି ଆଏକି

ଇଞ୍ଜାଁ ମାଣସି ନୀତିନି ଲେହେଁ ନୀତି ହିଲଅତେରି ? ୪ *ଏତେତା ରଅସି ଏଲେଇନେସି, “ନାନୁ ପାଞ୍ଜୁଲ ତାଣା ତାତେର୍” ଅଡ଼େ ରଅସି ଏଲେଇନେସି “ନାନୁ ଆପଲ ତାଣା ତାତେର୍” ଏଚେଟିଏ ମୀରୁ ଦାଋତିତି ନାମାଆତି ଲକୁତେରି ଆଏକି ?

୫ ଆପଲ ଆମ୍ବାଆସି ? ପାଞ୍ଜୁଲ ଆମ୍ବାଆସି ? ଏଞ୍ଜାରି ଝାରଇ ସେବା କିନାରି, ଆମ୍ବାଆରି ତାଣାଟି ବାରେତାକି ପ୍ରବୁ ଏନିକି~ ହୀହାମାନେସି ଏଲେକି~ ମୀରୁ ନାମାମାଞ୍ଜେରି । ୬ *ନାନୁ ଉହାମାଲ୍, ଆପଲ ଏୟୁ ହୀହାମାନେସି, ସାମା ମାହାପୁରୁ ପାତି କିହାମାନେସି । ୭ ଇତିହ~ ଆମ୍ବାଆସି ଉହିନେସି ଇଞ୍ଜାଁ ଆମ୍ବାଆସି ଏୟୁ ହୀନେସି ଏଞ୍ଜାସି ଏନାସି ଆଏ, ସାମା ଆମ୍ବାଆସି ପାତି କିନି ମାହାପୁରୁ ଏଞ୍ଜାସି କାଜାସି । ୮ ଆମ୍ବାଆସି ଉହିନେସି ଅଡ଼େ ଆମ୍ବାଆସି ଏୟୁ ହୀନେସି ଏଞ୍ଜାରି ରିଆରି ରଲେଏତାରି, ସାମା ବାରେଜାଣା ତାନି କସ୍ତତି ଲେକାତଲେ କୁଲି ବେଟାଆନେରି । ୯ ଇତିହ~ ମାମ୍ବୁ ମାହାପୁରୁ ତଲେ ଆଣ୍ଡାନା କାମା କିନାତମି, ମୀରୁ ମାହାପୁରୁତି ତାସା ବୁମି ଅଡ଼େ ମାହାପୁରୁତି ଇଲୁ ।

୧୦ ନାଜେ ହାପକି ଆହାମାଞ୍ଜାନି ମାହାପୁରୁତି କାର୍ମାତଲେ ନାନୁ ର ବୁଦିଗାଟି ଇଲୁ ଦହନି ଲକୁ ଲେହେଁ ପୁନାଦି କିହାମାଲ୍, ଅରୁ ରଅସି ଏଦାଣି ଲାକ ଇଲୁ ଦସି ମାନେସି, ସାମା ବାରେଜାଣା ତାନି ଲାକ ଏନିକି~ ଦସି ମାନେରି ଏଦାଆଁତାକି ଜାଗ୍ରାତା ଆଡ଼େରି । ୧୧ ଇତିହ~ ଆମିନି ପୁନାଦି କିଞ୍ଜିଆହାମାନେ, ଏଦାଣି ପିସ୍ତେ ଏଡ଼କାତି ପୁନାଦି ଆମ୍ବାଆସି କିହାଲି ଆଡ଼ଅସି, ଏ ପୁନାଦି ଜୀସୁ କ୍ରୀସ୍ତ । ୧୨ ସାମା ଆମ୍ବାଆସି ଏ ପୁନାଦି ଲାକ ବାଂଗାରା, ଝେଣ୍ଡି, ଗାତି ଦାରାଗାଟି ଝାଲକା, ମାରୁକା, ଜାଡ଼ା, ଅଡ଼େ ଝିକା ତଲେ କିନେସି, ୧୩ ଆତିହ~ ଆମ୍ବାଆରି କାମା ଏନିଲେହେଁତାୟି ଏଦି ତଞ୍ଜାଆନେ, ଇତିହ~ ଏ ନେରୁ ଏଦି ତହନେ, ଏ ନେରୁ ହିରୁତଲେ ତଞ୍ଜାଆନେ, ଇଞ୍ଜାଁ ବାରେଜାଣାଟି କାମା ଏନିଲେହେଁତାୟି ଏ ହିରୁ ତାୟିପାରି କିନେ । ୧୪ ଆମ୍ବାଆସି ଏନିକି~ ଇଲୁ ଦସା ମାନେସି ଏଞ୍ଜାଣି କାମା ଏଲେକି~ ତୁୟିତିହ~ ଏଞ୍ଜାସି ଏ ଦାନା ବେଟା ଆନେସି । ୧୫ ଇଞ୍ଜାଁ ଆମ୍ବାଆରି କାମା ଝେହାହାନେ, ଏଞ୍ଜାଣିଞ୍ଜାୟି ନାସିଞ୍ଜି ଆନେ, ଆଡ଼ିଜିକେଏ ଏଞ୍ଜାସି ଗେଲ୍ପି ଆନେସି, ସାମା ଏଦି ହିରୁ ବିତ୍ରାଟି ହଡ଼ା ହାତି ସମାନା ଆଡ଼ନ ।

୧୬ *ମୀରୁ ପୁଞ୍ଜାହିଲଅତେରି କି ମୀରୁ ମାହାପୁରୁତି ଇଲୁତେରି, ଅଡ଼େ ମାହାପୁରୁତି ସୁଦୁଜୀସୁ ମୀ ହିୟାଁତା ବାସା କିନେ । ୧୭ ଆମ୍ବାଆସି ମାହାପୁରୁ ଲକୁଲ୍ ନାସା କିନେସି, ମାହାପୁରୁ ଏଞ୍ଜାଣାଲ୍ ନାସା କିନେସି, ଇତିହ~ ମାହାପୁରୁତି ଇଲୁ ଅଡ଼ହାୟି ଇଞ୍ଜାଁ ମୀରୁଏ ଏଞ୍ଜାଣି ଇଲୁ ।

୧୮ ଆମ୍ବାଆସି ତାନୁଏ ତାଜେ ନାଡ଼ିକିହା କତାଆପେସି, ଆମିନି ଲକୁ ଇ ଦାଋତିତା ବୁଦି ଗାଟାତେର୍ଏ ଇଞ୍ଜାଁ ଅଣ୍ଡପିନେସି, ଆତିହ~ ଏଞ୍ଜାସି ଏନିକି~ ବୁଦିଗାଟାସି ଆନେସି ଏଦାଆଁତାକି ଦାଋତିତି ଲକୁତାଣା ବୁଦି ହିଲ୍ଲାଆଗାଟି ଲକୁ ଲେହେଁ ଆଡ଼େସି । ୧୯ ଇତିହ~ ଇ ଦାଋତିତି ବୁଦି ମାହାପୁରୁ ନକିତା ବୁଦି ହିଲ୍ଲାଆଗାଟାୟି, ଏଦାଆଁତାକି ରାସ୍ତକି ଆହାମାନେ, “ମାହାପୁରୁ ବୁଦି ଗାଟାଗାଲ୍ ତାନି ସୁତ୍ରମି ତଲେ ପାନ୍ଦାତା ଆହନେସି;” ୨୦ ଅଡ଼େ ରାସ୍ତକି ଆହାମାନେ “ବୁଦିଗାଟାରି ଅଣ୍ଡପୁ ବାରେ ଉଜେଏତାୟି ଇଞ୍ଜାଁ ପ୍ରବୁ ପୁଞ୍ଜାମାନେସି ।” ୨୧ ମାଣସି ତାଣା ଆମ୍ବାଆସି ବଡ଼ପଣ ଆଆପେସି, ଇତିହ~ ବାରେ ମୀଦିଏ । ୨୨ ପାଞ୍ଜୁଲ, ଇଞ୍ଜାଁ କି ଆପଲ, ଇଞ୍ଜାଁ କେପା*, ଇଞ୍ଜାଁ ଅଡ଼େ ଦାଋତି ଇଞ୍ଜାଁ କି ଜୀସୁ ଇଞ୍ଜାଁ, କି ହାନାୟି ଆଡ଼େ, ନୀର୍ଏ ତାୟି ଆଡ଼େ, କି ତାୟିତାୟି ଆଡ଼େ, ଏ ବାରେଏ ମୀଦି । ୨୩ ସାମା ମୀରୁ କ୍ରୀସ୍ତତି ଲକୁତେରି ଅଡ଼େ କ୍ରୀସ୍ତ ମାହାପୁରୁ ତାଣାତାସି ।

୪

ଜୀସୁ ତାଣାଟି ପାଣ୍ଡି ଆହାମାନାରି

୧ ଲକୁ ମାଜେ କ୍ରୀସ୍ତତି ସେବା କିନାରି, ଅଡ଼େ ମାହାପୁରୁତି ତୁଗୁମାନି ଇଲୁତି ଗୁମୁସା ଇଞ୍ଜାଁ ଅଣ୍ଡପାପେରି । ୨ ଇଲେଆହ~ ଗୁମୁସା ବେଟାଆହାମାନି ମାଣସି ଜାହାରା ପ୍ରବୁ ତାଣା ମାନ୍ତି ଗାଟାସି ତଞ୍ଜା ଆପାସି । ୩ ସାମା ମୀ ତାଣାଟି ଆପେ କି ଆମିନି ନାହାଁୟି କିନି ତାଣା ନାହାଁୟି କିଞ୍ଜି ଆନାୟି ନା ତାକି ଏଦି କାଜା କାତା ଆଏ, ଇଲେକି~ ନାନୁ ଜାହାରାଲ୍ ନାହାଁୟି କିହା କତଅଁ । ୪ ଇତିହ~ ନାନୁ ନା କପାଟି ଏନାଆଁ ପୁଞ୍ଜାହିଲଅଁ, ଆଡ଼ିଜିକେଏ ନାନୁ ଇମ୍ବାଆଁ ଦହ ହିଲ୍ଲାଆ ଗାଟାତେର୍ଏ ଇଞ୍ଜାଁ ତଞ୍ଜା ଆହାହିଲଅଁ, ସାମା ଆମ୍ବାଆସି ନା ନାହାଁୟି କିୟାନେସି, ଏଞ୍ଜାସି ପ୍ରବୁ । ୫ ଏଦାଆଁତାକି, ତାରିକିତି ଦିନା ଝାଆ ନକେଏ ଇତିହ~ ପ୍ରବୁ ଝାଆ ନକେଏ ମୀରୁ ଆମ୍ବାଆରାଲ୍ ନାହାଁୟି କିଆବୁ, ଏଞ୍ଜାସି ଆନ୍ଦେରିତା ତୁଗୁମାନି ବାରେ ଉଜେଡ଼ିତା

* ୩:୪ ୩:୪ ୧କର ୧:୧୨ * ୩:୭ ୩:୭ କାମା ୧୮:୪-୧୧; କାମା ୧୮:୨୪-୨୮ * ୩:୧୨ ୩:୧୭ ୧କର ୭:୧୯; ୨କର ୭:୧୭ * ୩:୨୨ ୩:୨୨ ପିତର

ତହୁନେସି, ଅଡ଼େ ହିୟାଁତି ଅଣ୍ଡପୁ ବାରେ ଏଝାସି ଝେହ୍ନେସି, ଏଚିରେଲା ବାରେଜାଣା ମାହାପୁରୁ ତାଣାଟି ଗାଝୁରମି ବେଟାଆଡ଼େରି ।

୭ ଏ ତାୟିୟାଁ ଅଡ଼େ ତାଜିୟାତେରି, ନାନୁ ମୀରୁ ଜାପାଲି ତାକି ଈ ବାରେ କାତା ନାନୁ ନାଜେ ଅଡ଼େ ଆପଲଇଁ ତୟାଁ ଝେସିମାଞ୍ଜାଇ, “ଇଚିହଁ ଏନାୟି ରାସ୍ତିକି ଆହାମାନେ ଏ କାତାତି ଗାଣୁଆଦୁ,” ଇଦାଆଁ ମୀରୁ ମା ତାଣାଟି ଜାପାଦୁ, ଅଡ଼େ ଏନିକଁ ମୀ ବିତ୍ରାଟି ଆମ୍ବାଆସି ରଅଣି ଝାକିଟି ଅଡ଼େ ରଅଣାଇଁ ଅପାଆନା ବତପଣ ଆଆଦୁ । ୭ ମିଜେ ଆମ୍ବାଆସି କାଜାସି କିହାଁ ମାଞ୍ଜାନେସି ? ଅଡ଼େ ମୀରୁ ଏନାଆଁ ଦାନା ଲେହେଁ ବେଟାଆହା ହିଲଅଡ଼େରି, ଇଲେକଁ ମାଦି ଏନାୟି ମାନେ ? ସାମା ମୀରୁ ଏଦାଆଁ ଦାନା ଲେହେଁ ବେଟାଆହାମାଞ୍ଜେରି, ଆତିହଁ ମୀରୁ ଦାନା ଆଏ ଇନି ଲେହେଁ ଏନାଆଁତାକି ବତପଣ ଆହିମାଞ୍ଜେରି ?

୮ ମୀ ବାରେ ଲଡ଼ାମାନାଣି ବେଟାଆଡ଼େରିଏ କି ? ଇଚେକାଟିଏ ମୀରୁ ବାଡ଼କା ହାଚେରିଏ କି ? ମା ପିସପେ ମୀରୁ ରାଜା ଆହାମାଞ୍ଜେରି ? ହାଅ, ମୀରୁ ରାଜା ଆହାମାଚିହଁ ନେହଁ ଆଡ଼େମା, ଏନିକଁ ମୀମ୍ବୁ ଜିକେଏ ମୀ ତଲେ ସାଲୁଝି କିହାଲି ଆଡ଼ିତମିମା । ୯ ଏନାଆଁତାକି ଇଚିହଁ ନା ଅଣ୍ଡପୁତା ମାରୁ ପାଣ୍ଡୁଝି ଆହାମାନାତାୟି, ମାରୁ ମାହାପୁରୁତି ତଣ୍ଡତା ହେରୁପି ଆହାମାନି ତାୟୁତି ଲକୁ ସମାନା ତସାମାଞ୍ଜାନେସି, ଇଚିହଁ ମୀମ୍ବୁ ଦୁରତିତା, ମାହାପୁରୁତି ଦୁତୁୟାଁ ଇଞ୍ଜାଁ ମାଣ୍ଡିୟାଁ ନକିତା ଲାଜାକିଝି ଆନାତମି ଲେହେଁ ଆହାମାନି । ୧୦ ମୀମ୍ବୁ କ୍ଳାସ୍ତ ତାକି ବୁଦି ହିଲାଆ ଗାଟାତମି, ସାମା ମୀରୁ କ୍ଳାସ୍ତ ତାକି ବୁଦି ଗାଟାତେରି; ମୀମ୍ବୁ ବାଡ଼ୁୟୁ ହିଲାଆ ଗାଟାତମି, ସାମା ମୀରୁ ବାଡ଼ୁୟୁ ଗାଟାତେରି; ମୀରୁ ଗାଝୁରମି ବେଟା ଆନାତେରି, ସାମା ମୀମ୍ବୁ ବେଟା ଆଆଗାଟାତମି । ୧୧ ନୀର୍ବି ପାତେକା ମୀମ୍ବୁ ହାକି, ଅଡ଼େ ଏସ୍ତି ଗାଟାତମି, ଗେଞ୍ଜିତି ହିମ୍ବୁରି ହୁଟାମାନି, ଅଡ଼େ ମାଡ଼ା ବେଟାଆହି ମାନି, ଇଞ୍ଜାଁ ବାସାଟାୟୁ ହିଲାଆନା ରେଜିମାନି । ୧୨ ମା କେୟୁଟି ଝାହୁତି କାମା କିହିମାନି, ଆମ୍ବାଆସି ବାକା ଇଟାସାରେ, ମୀମ୍ବୁ ଏଝାମାଇଁ ବରୁ ହୀହିମାନି, ସାସ୍ତି ହିୟାତିହଁ ଜିକେଏ ଅରୁହିମାନି । ୧୩ ମାଜେ ଲାଜା କିୟାତିହଁ ଜିକେଏ ମୀମ୍ବୁ ଆଣ୍ଡୁଆନି କାତା ଝେସିମାନି; ନୀର୍ବି ପାତେକା ମୀମ୍ବୁ ଦୁରତିତି ତୁକଁ ଜାଣୁ ଅଡ଼େ କିଟସି ରୁଡିତି ଲେହେଁ ଆହାମାନି ।

୧୪ ନାନୁ ମିଜେ ଲାଜା ହୀହାଲି ଇ ବାରେ କାତା ରାଡ଼ିମାଞ୍ଜଅଁ, ସାମା ନା ଜୀଝୁତି ମୀରୁକା ଇଞ୍ଜଁ ଅଣ୍ଡପାନା ମିଜେ ସେଡ଼ନା ହୀହାଲିତାକି ଇ ବାରେ କାତା ରାଡ଼ିମାଞ୍ଜାଇଁ । ୧୫ ଇଚିହଁ କ୍ଳାସ୍ତ କାତା ମିଜେ ଜାପୁନାରି ଦସ ମାଣା ଲକୁ ତୁୟିନେରି, ଆଡ଼ିଜିକେଏ ହାଡ଼େକା ତାଞ୍ଜିୟାଁ ହିଲଅରି; ଇଚିହଁ କ୍ଳାସ୍ତ ଜୀସୁ ତାଣା ନାନୁ ମିଜେ ନେହଁ କାବୁତଲେ ମୀ ତାଞ୍ଜି ଲେହେଁ ଆହାମାଇଁ । ୧୬ ଏଦାଆଁତାକି ନାନୁ ମିଜେ ବାଟିମାଲିମାଞ୍ଜାଇଁ ନାନୁ କିହିମାନି ଲେହେଁ କିଦୁ । ୧୭ ଏଦାଆଁତାକି ନାନୁ ତିମତିଇଁ ମୀ ତାଣା ପାଣ୍ଡୁମାଞ୍ଜାଇଁ, ଏଝାସି ମାହାପୁରୁ ତାଣା ନା ଜୀଝୁତି ନାମୁତି ମୀରୁଏସି; ଏନିକଁ ନାନୁ ବାରେଝାକି ବାରେ କୁଲମିକାଣା ଜାପୁହି ମାଇଁ, ଏଲେକଁ ଏଝାସି ମିଜେ ନା କ୍ଳାସ୍ତ ଲେମ୍ବିନାଣି ଅଣ୍ଡପି କିୟାନେସି ।

୧୮ ନାନୁ ମୀ ତାଣା ଝାହି ହିଲଅଁ ଇଞ୍ଜଁ ଅଣ୍ଡପାନା ଏଚରଜାଣା ବତପଣ ଆହିମାଞ୍ଜେରି । ୧୯ ସାମା ମାହାପୁରୁ ମନୁ କିଚିହଁ, ନାନୁ ମୀ ତାଣା ତବେ ଝାକ୍; ଅଡ଼େ ଆମ୍ବାଆସି ବତପଣ ଆହିମାନେରି, ଏଝାସି କାତାତଲେ ଆଏ, ସାମା ବାଡ଼ୁୟୁତି ସିନିକିଇଁ । ୨୦ ଇଚିହଁ ମାହାପୁରୁତି ରାଜି ଝାଡ଼ଇ ଜଲିନି କାତାତଲେ ଆଏ, ସାମା ବାଡ଼ୁୟୁ ତଲେ ତଞ୍ଜାଆନେ । ୨୧ ମୀ ଅଣ୍ଡପୁ ଏନାୟି ? ନାନୁ ବାଡ଼ୁଗା ଆସାଁ ମୀ ତାଣା ଝାକ୍ କି ଜୀଝୁ ନନାଣି ଆସାନା ଇଞ୍ଜାଁ ସୁଦୁ ସୁଝାଲା ଗାଟି ଜୀଝୁ ଆସାଁ ଝାକ୍ ?



କୁଲମି ବିତ୍ରାମାନି ଲାଗେଏତାୟି

୧ ସାତେଏ ଝେଜାମାନେ କି ମୀ ବିତ୍ରା ବାରିକାମା ମାନେ, ଅଡ଼େ ମୀ ତାଣା ଇଲେତି ଦାରିକାମା ମାନେ, ଅଡ଼େ ଇଲେତାୟି ଜୀହୁଦିଆଆତାରି ତାଣା ଜିକେଏ ଆଏ, ଇଲେକଁ ରଅସି ତାମି ଆବା ଡ଼କ୍ରିନି କିଟାମାନେସି । ୨ ଅଡ଼େ, ଆମ୍ବାଆସି ଇଲେତି କାମା କିହିମାନେସି, ଏଝାସି ଏନିକଁ ମୀ ତାଣାଟି ହେକ କିଝିଆନେସି, ଏଦାଆଁତାକି ଦୁକୁଆହଁ ତାଆନା ବତପଣ ଆହିମାଞ୍ଜେରି ? ୩ ସାମା ନାନୁ ଆଜ୍ଞା ତଲେ ହିଲାଆତି ଜିକେଏ ଏମ୍ବାଆଁ ମାନିଲେହେଁ ମାଇଁ, ଆମ୍ବାଆସି ଇଲେତି କାମା କିହିମାନେସି, ନାନୁ ମାନି ଲେହେଁ ପ୍ରବୁ ଜୀସୁ ଦରୁତଲେ ଏଝାଣି ବିଚରା କିହାଁ ରାହାମାଇଁ, ୪ ଇଚିହଁ ମୀରୁ ଅଡ଼େ ନା ପ୍ରବୁ ଜୀସୁ ବାଡ଼ୁୟୁ ତଲେ କୃତା ଆନାଟି ନା ଜୀଝୁ ଜିକେଏ ଏମ୍ବାଆଁ ତୁୟିନେ ଇଞ୍ଜଁ ପୁଞ୍ଜାମାଇଁ, ୫ ଇଞ୍ଜାଁ ଇଲେତି ଲକୁଇଁ

* ୪:୧୨ ୪:୧୨ କାମା ୧୮:୩ * ୪:୧୨ ୪:୧୨ ୧କର ୧୧:୧; ପିଲିପି ୩:୧୭

ଆଜ୍ଞା ତଳେ ନାସା ଆହାଲି ସୟତାନ କେୟୁତା ହେରପିନାୟି ମାନେ, ଏନିକ୍ ପ୍ରବୁ ଜୀୟୁତି ଦିନାତା ଏଞ୍ଜାଣି ଜୀୟୁ ଗେଲ୍ପି ଆହାଲି ଆଡ଼ିନେ ।

୭ *ମୀରୁ ଇଲେଆହ୍ ବତପଣ ଆନାୟି ନେହେଁ ଆଏ । ମୀରୁ ପୁଞ୍ଜାହିଲଅତେରି, “ଇଚରା ପୁଲ୍ଲାଏୟୁ ବିତିତା ମାନି ଗୁଣ୍ଡାତି ପୁଲ୍ଲା କିନେ ।” ୭ ମୀରୁ ପୁଲ୍ଲା ତିନାଆ ଲକ୍ଷ୍ମତେରି, ଏଦାଆଁତାକି ଏନିକ୍ ମୀରୁ ପୁଞ୍ଜନି ତ୍ତକା ଆହାଲି ଆଡ଼ିଦେରି, ଏଦାଆଁତାକି ପୁଞ୍ଜଇ ପୁଲ୍ଲା ଏୟୁତି ହପ୍ପହା ତୁହ୍ପୁ; ଏଦାଆଁତାକି ଇତିହ୍ ମା ପିସ୍ପିଆନି ପାର୍ବୁତି ମେଣ୍ଡା ତାଲ୍ଲୁ, ଇତିହ୍ କ୍ରୀସ୍ତ, ଜିକେଏ ପୂଜା କିଞ୍ଚିଆହାମାନେସି । ୮ ଏଦାଆଁତାକି ଖୀଦୁ, ମୀରୁ ପାପୁ ଅଡ଼େ ଲାଗେଏତି ପୁଞ୍ଜଇ କାମାତି ରୁତି ପଞ୍ଜିକିନି ଗୁଣ୍ଡା ତଳେ ପାର୍ବୁ କିଆନା ତାରି ଅଡ଼େ ସାତା ତଳେ ପୁଲ୍ଲାଏୟୁ ହିଲ୍ଲାଆ ରୁତିତି ପାର୍ବୁ କିନ ।

୯ ଦାରି କାମାକିନାରି ତଳେ ଆଣ୍ଡାଆଦୁ ଇଞ୍ଜି ନାନୁ ନା ଆକୁତା ରାତାମାତେଏ; ୧୦ ଇ ଦାରୁତିତି ଦାରିକାମା କି ଦନ ଜୁପକା, ଏଟକାତାରି ଦିଶ୍ପୁ ସରୁ ଆନାରି, ପେଣ୍ଡକା ବମାୟାଁ ପୂଜା କିନାରି ତଳେ ଆମ୍ବାଆସି ଏଚେଲା ଆଣ୍ଡାସି, ଏଦି ଆଏ, ଏଲେଆଡ଼ିହ୍ ଦାରୁତିତି ହଚ୍ଚା ହାନାୟିମାନେ; ୧୧ ଇତିହ୍ ନା ରାରିନି ଅଣ୍ଡାପୁ ଇଦି ମାତେ, ଇତିହ୍ ଆମିନି ଲକ୍ଷ୍ମତି ତାୟି ଇଞ୍ଜି ଝେଙ୍ଗାନା, ଦାରିକାମା, ଦନ ଜୁପକା, ପେଣ୍ଡକା ବମାୟାଁ ପୂଜା, ନିନ୍ଦା ଗାଗାରି, କାଡ଼ ହୁଡୁ, ଏଟକାତାରି ଦିଶ୍ପୁତି ସରୁ ଆନେରି, ଆତିହ୍ ଏଲେତାରି ତଳେ କୁଡାଆଦୁ, ଅଡ଼େ ଏଞ୍ଜାରିତଳେ ରାନ୍ଦା ଜିକେଏ ତିନାଆଦୁ ।

୧୨ ପାଞ୍ଜାତି ଲକ୍ଷ୍ମତି ନାହାୟି କିହାଲି ନାନୁ ନାମ୍ବାଆତେଏ ? ସାମା କୁଲମି ବିତ୍ତା ଆମ୍ବାଆରି ମାନେରି ଏଞ୍ଜାରି ବିଚାରା ମୀରୁ କଅତେରି କି ? ୧୩ ସାମା ଆମ୍ବାଆରି ପାଞ୍ଜାତା ମାନେରି ମାହାପୁରୁ ଏଞ୍ଜାରି ବିଚାରା କିନେସି । ଦାମ୍ବୁ ସାତ୍ସେରିତା ରାସ୍ତିକି ଆହାମାନେ, “ମୀ ତାଣ୍ଡାଟି ଲାଗେଏତି ଲକ୍ଷ୍ମଣି ଏଟକା କିଦୁ ।”



କ୍ରୀସ୍ତାନା ତାୟିୟାଣି ଦାଞ୍ଜାକିନି ମେର

୧ ମୀ ବିତ୍ତାଟି ଆମ୍ବାଆରି କପାଟି କାତା ମାତିସାରେ ଏଞ୍ଜାସି ନାହାୟି କିହାଲି ମାହାପୁରୁ ଲକ୍ଷ୍ମତାଣା ହାଲାଆନା ଦାମ୍ବୁ ହିଲ୍ଲାଆଗାଟି ନାହାୟି କିନାଣି ତାଣା ଅହାଲି ଏନିକ୍ ସାସା ମାନେ ? ୨ ମାହାପୁରୁ ଲକ୍ଷ୍ମ ଇ ଦାରୁତିତି ନାହାୟି କିନେରି, ଇ କାତା କି ମୀରୁ ପୁଞ୍ଜାହିଲଅତେରି ? ଇଞ୍ଜା ଦାରୁତି ମୀ ତାଣା ନାହାୟି କିଞ୍ଚିଆନେ, ଆତିହ୍ ଇ ଇତି ଇତି କାତାତି ନାହାୟି କିୟାଲି ଆଡ଼ଅତେରି କି ? ୩ ମୀରୁ ଲାକପୁରୁତି ଦୁତୁୟାଁଇ ଜିକେଏ ବିଚାରା କିନାୟି ଇ କାତା ମୀରୁ ପୁଞ୍ଜାହିଲଅତେରି କି ? ଆତିହ୍ ଦାରୁତିତି ଜାମଲିତି ଜିକେଏ ନାହାୟି କିନାୟି ମାଜେତାକି ଉସାସା ଆୟେଏ କି ? ୪ ମୀ ଜୀୟୁତି କାତା ଏନାୟି, ସାମା ନାହାୟି କିୟାଲି ଏନି ଦାରୁତିତି କାତା ମାତିହ୍, ଏଦାଆଁ ନାହାୟି କିୟାଲି କୁଲମିତି ପୁନାଆ ଗାଗାରାଇଁ ନାହାୟି କିୟାଲି ହାଡ଼ିଦେରି କି ? ୫ ନାନୁ ମିଜେ ଲାଜା ହାହାଲିତାକି ଇଦାଆଁ ଝେସିମାଞ୍ଜାଇଁ । କ୍ରୀସ୍ତଇଁ ନାମାମାନି ତାୟିୟାଁ ବିତ୍ତା ଆହିମାନି ଗଡ଼ହାତି ତୁକ୍ହାଲି, ଇଲେତି ର ବୁଦିଗାଟାସି ଜିକେଏ କୁଲମିତା ଆମ୍ବାଆସି ହିଲ୍ଲଅସି କି ? ୬ ସାମା ନାମ୍ବୁଗାଟି ତାୟି ଅର ତାୟି କପାଟି ନାହାୟି ଇଲ୍ଲୁତା ଦାଞ୍ଜା କିନେସି, ଏଦି ଜିକେଏ ନାମାଆଗାଟାରି ତାଣା !

୭ ସାମା ମୀ ମୀ ବିତ୍ତାଟି କାତାତାକି କର୍ଚ୍ଚତା ଦାଞ୍ଜା କିହିମାଞ୍ଜେରି, ଏଦାଆଁ ସାତେଏ ଦହ ଗାଟାତେରି, ଏଦାଆଁତାକି ଲାଗେଏତାଣି ଅରୁହି ହିଲ୍ଲଅତେରି ? ଏଦାଆଁତାକି ନାସଞ୍ଚି ଆନାଣି ଅପିହିଲଅତେରି ? ୮ ସାମା ମୀରୁ ମୀରୁଏ ଲାଗେଏ ଅଡ଼େ ନାସା କିହିମାଞ୍ଜେରି, ଅଡ଼େ ଏଦାଆଁ ତାୟିୟାଣି କିହିମାଞ୍ଜେରି । ୯ ଅଡ଼େ ଦାମ୍ବୁ ହିଲ୍ଲାଆ ଗାଗାରି ମାହାପୁରୁ ରାଜିତି ଅଦିକାରା ଆଅରି, ଇଦାଆଁ କି ମୀରୁ ପୁଞ୍ଜାହିଲଅତେରି ? ନାଡ଼ିକିଞ୍ଚି ଆଆଦୁ, ଦାରିକାମା, କି ପେଣ୍ଡକା ବମାୟାଁ ପୂଜା କିନାରି, ଲାଗେଏତି କାମାକିନାରି, ଆବା ଆବାୟାଁ ଦହ କିଞ୍ଚିଆନାରି, ୧୦ ସରୁ କିନାରି, ଦନ ଜୁପକା, କାଡ଼ ହୁଡୁ, ଲକ୍ଷ୍ମଣି ନିନ୍ଦା କିନାରି, ଏଟକାତାରି ଦିଶ୍ପୁ ମାଞ୍ଜିନାରି, ଇଞ୍ଜାରି ମାହାପୁରୁ ରାଜିତା ଅଦିକାରା କିହାଲି ଆଡ଼ଅରି । ୧୧ ଅଡ଼େ, ମୀ ବିତ୍ତା ଆମ୍ବା ଆମ୍ବାଆରି ଇଲେକ୍ ମାତେରି; ସାମା ପ୍ରବୁ ଜୀୟୁ କ୍ରୀସ୍ତ ଦରୁତଳେ ଇଞ୍ଜା ମାହାପୁରୁତି ସୁଦୁଜୀୟୁ ତଳେ ମୀରୁ ନରୁଞ୍ଚି ଆହାମାଞ୍ଜେରି, ଇଞ୍ଜା ସୁଦୁଗାଟାତେରି ଆହାମା ତାରିଗାଟାତେରି ଇଞ୍ଜି ଝେଙ୍ଗା ମାଞ୍ଜେରି ।

ମାହାପୁରୁତି ଗାଞ୍ଜୁରମି ତାକି ଆଞ୍ଜାତି ଲେମ୍ବିନାୟି

୧୨ *ଆମ୍ବାଆସି ଏଲେଇନେସି “ନାଜେ ବାରେ କାମା କିହାଲି ଅଦିକାରା ହୀପ୍ତି ଆହାମାଞ୍ଜାନେ,” ସାତା କାତା, ସାମା ବାରେ କାମା ନିଜେତାକି ନେହାୟି ଆଏ, ନାଜେ ବାରେ କାମା କିହାଲି ହେଲ ମାନେ ସାମା

☆ ୫:୭ ୫:୭ ଗାଲା ୫:୯ ☆ ୭:୧୨ ୭:୧୨ ୧କର ୧୦:୨୩

ନାଜେ ଲକ୍ଷ୍ମୀ ଆମ୍ବାଆରକି ଏଚେଲା ପାରୁ ହାଅଁ । ୧୩ ଏଚରଜାଣା ଏଲେଇନେରି “ରାନ୍ଦା ବାଣ୍ଡି ତାକି ଇଞ୍ଜା ବାଣ୍ଡି ରାନ୍ଦା ତାକି ।” ଯାମା ମାହାପୁରୁ ଛ ରିଣ୍ଡାଆତି ଜିକେଏ ମ୍ବେକନେସି । ଆଜ୍ଞା ଦାରି କାମାତାକି ଆଏ, ଯାମା ପ୍ରବୁଡ଼ି ସେବାତାକି, ଅଡ଼େ ପ୍ରବୁ ଆଜ୍ଞା ତାକି । ୧୪ ମାହାପୁରୁ ପ୍ରବୁ ଜାସୁଇଁ ହାକିଚି ନିକହେସି, ଇଞ୍ଜା ତାନି ବାଡ଼ୁୟୁ ତଲେ ମାଜେ ଜିକେଏ ନିକହାନେସି ।

୧୫ ମୀ ଆଜ୍ଞା କ୍ରୀସ୍ତ ଆଜ୍ଞା ଲେହେଁ, ଇଦାଆଁ ପୁଞ୍ଜାହିଲଅତେରି କି ? ଆତିହଁ ନାନୁ କ୍ରୀସ୍ତ ର ଆଜ୍ଞା ଅହାନା ଦାରେଣି ଆଜ୍ଞା କିଇଁ ? ଏଦି ଏଚେଲା ଜିକେଏ ଆଆପେ । ୧୬ ଅଡ଼େ ଆମ୍ବାଆସି ଦାରେଣି ତଲେ ଆଣ୍ଡିନେସି ଏଝାସି ଏଦାନିତଲେ ରଣ୍ଡିଏ ଆଜ୍ଞା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ? ଏଦାଆଁତାକି ଦାମ୍ବୁପତିତା ରାସ୍ତାକି ଆହାମାନେ “ଏ ତକ୍ତି ତକ୍ତା ରଣ୍ଡିଏ ଆଜ୍ଞା ଆନୁ ।” ୧୭ ଯାମା ଆମ୍ବାଆସି ପ୍ରବୁ ତଲେ ଆଣ୍ଡିନେସି, ଏଝାସି ଏଝାଣିତଲେ ରଣ୍ଡିଏ ଜାସୁ ଆନେସି ।

୧୮ ଦାରିକାମାଟି ହେକ ଆପୁ, ମାଣସି ଏନି ପାପୁ କିନେସି, ଏଦି ଆଜ୍ଞାଟି ଲାଗେଏ କିନେସି, ଯାମା ଆମ୍ବାଆସି ଦାରିକାମା କିନେସି, ଏଝାସି ତାନି ଆଜ୍ଞା କପାଟି ପାପୁ କିହିମାନେସି । ୧୯ *ମୀ ଆଜ୍ଞା ମାହାପୁରୁ ତାଣ୍ଡାଟି ବେଟାଆହାମାନି ମୀ ହିୟାଁ ବିତ୍ତା ସୁଦୁଜାସୁ ବସାଆନି ଦେସୁଡ଼ି, ଇଦାଆଁ ମୀରୁ ପୁଞ୍ଜାହିଲଅତେରି କି ? ଅଡ଼େ ମୀରୁ ମୀରୁଏ ମିଆତେରି ଆଏ; ଯାମା ମାହାପୁରୁଟି ଲକୁତେରି । ୨୦ ଇତିହଁ ମୀରୁ ଗାତି ଦାରାତଲେ କଡ଼ଝି ଆହାମାଜେରି; ଏଦାଆଁତାକି ମୀ ଆଜ୍ଞା ତଲେ ମାହାପୁରୁଟି ଗାସୁରମି କିଦୁ ।



ବୀହା ଆନି ମେରା

୧ ମୀରୁ ମୀ ଆକୃତା ଆମିନି କାତା ରାଟା ମାଜେରି, ଏ ବାରେତାକି ନାନୁ ଝେସ୍ତାନାୟି ଇଦି, “ଇୟାନି ତୀଗାଆ ଗାଟାୟି ଆବାକି ନେହେଁ;” ୨ ଯାମା ଦାରି କାମାଟି ଆଜିତାକି ବାରେ ଆବାୟାକି ଜାହାରା ତକ୍ତି ମାଣ୍ଡେ, ଅଡ଼େ ଇୟାସିକାକି ଜାହାରା ତକ୍ତା ମାଣ୍ଡେସି । ୩ ତକ୍ତା, ତକ୍ତିନାକି ଏନାୟି ଲଡ଼ା ଏଦାଆଁ ହୀପାସି, ଇଞ୍ଜା ଏଲେକିହଁଏ ତକ୍ତି ତକ୍ତାକି ତାନି ଲଡ଼ାମାନାଣି ହୀପେ, ଅଡ଼େ ତାମଜେ ଏନାୟି ଲଡ଼ାମାନାଣି ପୁରା କିନାୟିମାନେ । ୪ ତକ୍ତି ତାନି ଆଜ୍ଞାଟି ମୁହେଁ ଅଦିକାରା ହିଲେଏ, ଯାମା ତକ୍ତାକି ମାନେ । ଏଲେକିହଁଏ ତକ୍ତାକି ତାନି ଆଜ୍ଞାଟି ମୁହେଁ ଅଦିକାରା ହିଲେଏ, ଯାମା ତକ୍ତିନାକି ମାନେ । ୫ ତାମ୍ବୁ ତାମି ତାଣ୍ଡାଟି ଏଟକା ଆହାନା ତୁୟାଆପୁ; ଯାମା ପ୍ରାତାନା କିହାଲି ଏଚରଦିନା ପାତେକା ରିଆତେରି ରଣ୍ଡିଏ ମନ ଆହାନା ଏଟକା ତୁୟାଲି ଆଡ଼ିଦେରି; ଅଡ଼େ ମୀ ଆଜ୍ଞାଟି କୁପକାତାକି ତୁୟାଲି ଆଡ଼ାଆକି ସୟତାନ ଏନିକଁ ମିଜେ ତାୟିପାରି କିୟେଏ, ଏଦାଆଁତାକି ଝେଣ୍ଡେ ଆଣ୍ଡିଆନୁ ।

୬ ଯାମା ନାନୁ ହୁକୁମି ହାନି ଲେହେଁ ଝେହ୍ନାନାହାଁ ଜାପୁନି ଲେହେଁ ଝେସିମାଇଁ । ୭ ଆତିହଁ ଜିକେଏ ଏନିକଁ ବାରେ ଲକୁ ନାଲେହେଁକଁ ଆନେରି, ଇଦି ନା ଅଣ୍ଡପୁ । ଯାମା ଆମ୍ବାଆରି ଇଲେତି ଦାନା, ଅଡ଼େ ଆମ୍ବାଆରି ଏଲେତି ଦାନା ମାହାପୁରୁ ତାଣ୍ଡାଟି ବେଟାଆହାମାନେରି ।

୮ ଯାମା ନାନୁ ବୀହା ଆଆତି ଲକୁଇଁ ଇଞ୍ଜା ରାଣ୍ଡେଣିସିକାଣି ଝେସିମାଇଁ, ଏଝି ନାଲେହେଁକଁ ତୁୟିତିହଁ ଏଝାସିକାକି ନେହେଁ । ୯ ଯାମା ଏଝି ଆଜ୍ଞାଟି ଲକହାଲି ଆଡ଼ିହିଲାଇ ଇତିହଁ ଏଝି ବୀହା ଆପୁ; ଇତିହଁ ଆଜ୍ଞା ଲାଗେଏତି କାମାତା ଝେନିକିହାଁ, ବୀହା ଆନାୟି ନେହେଁ ।

୧୦ *ଯାମା ବୀହା ଆଡ଼ି ଲକୁଇଁ ନାନୁ ହୁକୁମି ହାହିମାଇଁ, ନାନୁ ଆଏ ଯାମା ପ୍ରବୁ ହୁକୁମି ହାହିମାନେସି, ତକ୍ତି ତାନି ତକ୍ତା ତାଣ୍ଡାଟି ଏଟକା ଆଆପେ । ୧୧ ଯାମା ଏଦି ରଣ୍ଡିଏ ଏଟକା ଆନେ, ଆତିହଁ ଏଦି ବୀହା ଆଆପେ, ଇଞ୍ଜା ତାନି ତକ୍ତାତଲେ ଅଡ଼େ ଆଣ୍ଡାପେ; ଅଡ଼େ ତକ୍ତା ତାନି ତକ୍ତିନି ହେଲ ହୀଆପେସି ।

୧୨ ଏଟକା ତାରାଇଁ ନାନୁ ଝେସିମାଇଁ, ମା ବିତ୍ତା ଆମ୍ବାଆରି ତକ୍ତି କ୍ରୀସ୍ତଇଁ ନାମାହିଲଆତି ଜିକେଏ ତକ୍ତାତଲେ ତୁୟାଲି ମନ କିତିସାରେ, ଆତିହଁ ଏ ତାୟି ଏ ତାଜ୍ଞାନି ହେଲ ହୀଆପେସି । ୧୩ ଏଲେକିହଁ ଆମିନି ତକ୍ତି ମାହାପୁରୁଇଁ ନାମାଆତି ତକ୍ତାକି ବୀହା ଆହାମାନେ, ଇଞ୍ଜା ଏଦି ଏଝାଣିତଲେ ତୁୟାଲି ମନ କିନେ, ଏଦି ତାନି ତକ୍ତାଇଁ ଦିହ୍ଆପେ । ୧୪ ଇତିହଁ ନାମାଆତି ତକ୍ତା ନାମିତି ତକ୍ତି ତାକି ମାହାପୁରୁ ତାଣ୍ଡାଟି ସୁଦୁ ଆହାମାନେସି, ଅଡ଼େ ନାମାଆତି ତକ୍ତି ନାମିତି ତକ୍ତା ତାକି ମାହାପୁରୁ ତାଣ୍ଡାଟି ସୁଦୁ ଆହାମାନେ; ଆଆତିହଁ ମୀ ମୀରୁକା ମାସ୍ତା ଲାଗେଏ ଆଡେରିମା, ଯାମା ନୀଏଁ ଏଝାରି ସୁଦୁଗାଟାରି । ୧୫ ଯାମା ନାମାଆ ଗାଟାସି କି ନାମାଆ ଗାଟାୟି ଏଟକା ଆହାଲି ମନ କିତିହଁ ତାମି ମନଲେହେଁ ଏଟକା ଆପାରି; ଇଲେତି ତାଣ୍ଡା ତାୟି କି ତାଜ୍ଞି ଦସ୍ତପି ଆହାହିଲାଇ; ମାହାପୁରୁ ମିଜେ ହିଡ଼ଡ଼ି ତଲେ ମାଞ୍ଜାଲି

* ୭:୧୯ ୭:୧୯ ୧କରା ୩:୨୭; ୨କର ୭:୧୨ * ୭:୧୦ ୭:୧୦ ମାତି ୫:୩୨; ୧୯:୯; ମାର୍କି ୧୦:୧୧, ୧୨; ଲୁକ ୧୭:୧୮

ଆତ୍ମାମାଞ୍ଜାନେସି । ୧୭ ନାନୁ ନାମିତି ତକ୍ତୁ ଆହ୍ନାନା ନୀ ତକ୍ତୁକି ଗେଲ୍‌ପିନାତି ଆଦି, ଇଦାଆଁ ପୁଞ୍ଜାହିଲଅତିକି ? ଇଞ୍ଜାଁ ନାନୁ ନାମିତି ତକ୍ତୁ ଆହ୍ନାନା ନୀ ତକ୍ତୁନାକି ଗେଲ୍‌ପିନାତି ଆଦି, ଇଦାଆଁ ପୁଞ୍ଜାହିଲଅତିକି ?

ମାହାପୁରୁ ଆତ୍ମାମାନି ମାଣ୍ଡକି ଲେହେଁ ନୀତିନାୟି

୧୭ ଇତିହାସ ପୁରୁ ଆତ୍ମାଆରାକି ଏନିକିଁ ଦାନା ହୀହାମାନେସି, ମାହାପୁରୁ ଆତ୍ମାଆରାକିଁ ଏନିକିଁ ହାତ୍ମାମାନେସି, ଏଞ୍ଜାସି ଏଲେକିଁ ତାକାପେସି, ନାନୁ ବାରେ କୁଲମିତି ଏଲେକିହାଁ ଏ ହୁକୁମି ହାହିମାକି । ୧୮ ଆତ୍ମାଆସି ତଲୁ ଦାପିଆହାଁ ହାଟ୍‌କି ଆହ୍ନାନେସି ? ଏଞ୍ଜାସି ତଲୁ ଦାପି ଆଡି ସିନାତି ତଲୁଆପେସି; ଆତ୍ମାଆସି ତଲୁ ଦାପି ଆଆନା ହାଟ୍‌କି ଆହ୍ନାନେସି ? ଏଞ୍ଜାସି ତଲୁ ଦାପି ଆଡି ସିନାତି ତଲୁଆପେସି । ୧୯ ତଲୁ ଦାପି ଆନାୟି କି ଆଆଗାଗାୟି କାଜା କାତା ଆଏ, ସାମା ମାହାପୁରୁ ହୁକୁମି ମାନୁଞ୍ଜି ଆନାୟି କାଜା କାତା । ୨୦ ବାରେ ଜାଣାଇଁ ଏନିକିଁ ମାହାପୁରୁ ହାଟ୍‌ମାନେସି ଏଲେକିଁ ମାଣ୍ଡମେସି । ୨୧ ମାରୁ ହଲିୟାଜା ଆହ୍ନାନାଗାଟି ହାଟ୍‌କି ଆହ୍ନାନାଞ୍ଜେରି ? ଅଣପାଆଦୁ; ସାମା ଗେଲ୍‌ପିଆୟାଲି ଆଡିଦେରି ଆତିହାଁ ଗେଲ୍‌ପି ଆୟାଲି ପାରୁ ପାରାଦୁ । ୨୨ ଆତ୍ମାଆସି ହଲେଏସି ଆହାଁ ପୁରୁ ତାଣା ହାଟ୍‌କି ଆହ୍ନାନେସି, ଏଞ୍ଜାସି ପୁରୁତି ଗେଲ୍‌ପି ଆଡାସି; ଏଲେକିହାଁ ଏ ଆତ୍ମାଆସି ଗେଲ୍‌ପିଆହାଁ ହାଟ୍‌କି ଆହ୍ନାନେସି ଏଞ୍ଜାସି କ୍ରୀସ୍ତୁତି ହଲେଏସି । ୨୩ ମାରୁ ହାଟ୍‌ରେକା ଦାରାତଲେ କଡ଼ଞ୍ଜି ଆହ୍ନାନାଞ୍ଜେରି; ମାଣ୍ଡସିୟାତି ହଲିୟାଜାତେରି ଆଆଦୁ । ୨୪ ତାୟିୟା ଅଡେ ତାଞ୍ଜିୟାତେରି, ମାହାପୁରୁ ମିଜେ ହାଟ୍‌ଗାଟି ମାରୁ ଏନିକିଁ ମାତେରି ଏଲେଆହାଁ ଏ ମାହାପୁରୁ ତଲେ ତୟିନାୟି ମାନେ ।

ବାହା ଆଆତି ଲକୁ ଇଞ୍ଜାଁ ରାଞ୍ଜେଣ୍ଡସିକା କାତା

୨୫ ତାଆସିକା କାତା, ନାନୁ ପୁରୁ ତାଣାଟି ଏନି ହୁକୁମି ବେଟା ଆହାହିଲଅଁ; ସାମା ପୁରୁତି କାର୍ମାଟି ନାନୁଗାଟାସି ଆହ୍ନାନା ନା ଅଣ୍ଡପୁତା ଝେସିମାଞ୍ଜାଇଁ ।

୨୬ ନାନୁ ଅଣ୍ଡପିମାକି, ମାଣ୍ଡସି ଏନିକିଁ ମାନେସି, ନୀଏଁତି କସ୍ତ ବାଦା ତାକି ଏଲେକିହାଁ ଏ ମାନାୟି ନେହେଁ । ୨୭ ନାନୁ ତକ୍ତୁ ତଲେ ଦସ୍‌ପି ଆହ୍ନାନାଞ୍ଜି ? ଆତିହାଁ ପିସ୍‌ପି ଆହାଲି ଅଣ୍ଡପାଆନି, ଇଞ୍ଜାଁ ନାନୁ ତକ୍ତୁ ତାଣାଟି ପିସ୍‌ପି ଆହ୍ନାନାଞ୍ଜି ? ଆତିହାଁ ତକ୍ତୁନି ଇଗାଲି ଅଣ୍ଡପାଆନି । ୨୮ ସାମା ନାନୁ ବାହା ଆହ୍ନାନାଞ୍ଜି, ଆଡିଜିକେଏ ପାପୁ କିହାହିଲଅତି; ଅଡେ ତାଆପଦା ବାହା ଆହ୍ନାନେ, ଆଡିଜିକେଏ ଏଡି ପାପୁ କିହାହିଲେଏ, ଆଡିଜିକେଏ ଇଲେତି ଲକୁ ଆଜାତା ହାଟ୍‌ରେକା କସ୍ତ ବେଟାଆନୁ, ଅଡେ ମାରୁ ଏମ୍‌ପାଟି ଏନିକିଁ ଗେଲ୍‌ପି ଆଡେରି ଇଦି ନା ଅଣ୍ଡପୁ ।

୨୯ ସାମା ଏ ତାୟିୟା ଅଡେ ତାଞ୍ଜିୟାତେରି ନା ଅଣ୍ଡପୁ ଇଦି, ଦିନା ତାଗେ ଏଦାତେୟିଏ, ଏଦାଆଁତାକି ଆତ୍ମାଆରାକି ତକ୍ତୁ ମାନେ, ଏଞ୍ଜାସି ତକ୍ତୁ ହିଲାଆଲେହେଁ ମାଣ୍ଡମେସି । ୩୦ ଅଡେ ଆତ୍ମାଆରି ତାହି ମାନେରି, ଏଞ୍ଜାରି ତାହି ହିଲାଆ ଲକୁ ଲେହେଁ ଆଡେରି; ଅଡେ ଆତ୍ମାଆରି ରାହାଁ କିହମାନେରି, ଏଞ୍ଜାରି ରାହାଁ କିହ ହିଲାଆ ଲକୁ ଲେହେଁ ଆଡେରି; ଇଞ୍ଜାଁ ଆତ୍ମାଆରି କତିନେରି ଏଞ୍ଜାରି ଅଦିକାରା ବେଟାଆଆତି ଲେହେଁ ଆଡେରି; ୩୧ ଅଡେ ଆତ୍ମାଆରି ଦାର୍‌ଡିତି ଦିଶ୍‌ସୁ ଲେସିମାନେରି ଏଞ୍ଜାରି ଲେସାଆଗାଟି ଲକୁ ଲେହେଁ ଆଡେରି; ଏଦାଆଁତାକି ଇତିହାଁ ଇ ଦାର୍‌ଡିତି ଖାଣା ତିରିମୁହି ମାନେ ।

୩୨ ସାମା ମାରୁ ଏନିକିଁ ଅଣ୍ଡପଅତେରି ଏଡି ନା ଅଣ୍ଡପୁ, ଆତ୍ମାଆସି ବାହା ଆଆତାସି ଏଞ୍ଜାସି ଏନିକିଁ ପୁରୁକିଁ ରାହାଁ କିଞ୍ଜିକିହାଲି ଖାରୁକ ପୁରୁତି କାମା ଅଣ୍ଡପିନେସି; ୩୩ ସାମା ଆତ୍ମାଆସି ବାହା ଆହ୍ନାନେସି ଏଞ୍ଜାସି ଏନିକିଁ ତାନି ତକ୍ତୁନି ରାହାଁ ଗାଟାସି ଆନେସି, ଏଦାଆଁତାକି ଦାର୍‌ଡିତି କାତା ଅଣ୍ଡପିନେସି ଇଞ୍ଜାଁ ତାନି ମନ ବାଟା ଆନେ । ୩୪ ବାହା ଆଆତି ଇୟାସିକା ଅଡେ ତାଆସିକା ଆଜା ଇଞ୍ଜାଁ ଜୀଞ୍ଜୁତା ସୁଦୁ ଆହାଲି ପୁରୁତି କାତା ଆସାନା ଅଣ୍ଡପିନୁ; ସାମା ଆତ୍ମାଆୟି ବାହା ଆହ୍ନାନେ ଏଡି ଏନିକିଁ ଜାହାରା ତକ୍ତାଇଁ ରାହାଁ କିୟାଲି ଆଡିନେ, ଏଦାଆଁତାକି ଦାର୍‌ଡିତି କାତା ଅଣ୍ଡପିନେ ।

୩୫ ଇ କାତା ନାନୁ ମା ନେହେଁତାକି ଝେସିମାଞ୍ଜାଇଁ, ମିଜେ କସ୍ତ ହାନି ମେରା ତଲେ ଦସ୍‌ପି ଆହାଲି ଝେସିମାଞ୍ଜଅଁ, ସାମା ମାରୁ ଏନିକିଁ ମାନି କିହାଁ ରଣ୍ଡିଏ ମନତଲେ ପୁରୁ ତାଣା ତୟିଦେରି, ଏଦାଆଁତାକି ଝେସିମାଞ୍ଜାଇଁ ।

୩୬ ସାମା, ଆତ୍ମାଆସି ତାଜେତାକି ରାସ୍‌ପଆଡି ମାଜାନି ତାଆବେଲା ରାଡେୟିଏ ଇଞ୍ଜାଁ ଅଣ୍ଡପିନେସି, ଅଡେ ଏଞ୍ଜାସି ମୁସାନା ମାଞ୍ଜାଲି ଆତ୍ମାଆସାରେ ଅଡେ ତାଜେ ଲଡାଆନେ ଆତିହାଁ ତାନି ମନତା ଏନାୟି ମାନେ ଏଲେଆହାଁ ବାହା ଆନାୟି ମାନେ, ଏମ୍‌ପାଆଁ ପାପୁ ହିଲେଏ, ଏଦାଆଁତାକି ଏଞ୍ଜି ବାହା ଆପୁ । ୩୭ ସାମା ଆତ୍ମାଆସି ହିୟାତା ତାରି ମାନେସି, ଅଡେ ବାହା ଆହାଲି ମନ କିଅସି ଇଞ୍ଜାଁ ଆତ୍ମାଆସି ତାନି

ମନଡି ଲକହାଲି ଆଡିନେସି ଅଡ଼େ ଏଝାସି ତାନି ମନତା ଏନାଆଁ କିହାଲି ଅଣପାମାନେସି ଆତିହୁଁ ଏଝାସି ତାଙ୍ଗେ ରୀସାମାନି ତାଆ ପଦାଈ ବୀହା ଆଆତ ନେହେଁ । ୩୮ ଏଦାଆଁତାକି ଆମ୍ବାଆସି ତାଙ୍ଗେ ରୀସାମାନି ତାଆ ମାଙ୍ଗାନି ବୀହା କିନେସି ଏଝାସି ନେହୁଁ କିନେସି, ଅଡ଼େ ଆମ୍ବାଆସି ବୀହା ଆଆସି ଏଝାସି ଏଦାଆଁ କିହାଁ ହାଡ଼େକା ନେହୁଁ କିନେସି ।

୩୯ ବୀହା ଆଡି ତକ୍ତି ତାନି ତକ୍ତା ଜାସୁ ମାନି ପାତେକା ଦସ୍ପି ଆହା ଡ଼ୟିନେ; ସାମା ତକ୍ତା ହାଡ଼ିସାରେ ଏ ତକ୍ତି କ୍ରୀସୁ ତାଣା ନାମାମାନି ଆମ୍ବାଆରାଈ ମନ ଏଝାଣାକି ବୀହା ଆୟାଲି ଆଡିନେ । ୪୦ ସାମା ନା ଅଣପୁତା, ଏଡି ଏନିକି ମାନେ ଏଲେକିହୁଁ ଏ ଡ଼ୟିତିହୁଁ ହାଡ଼େକା ରାହାଁତଲେ ଡ଼ୟିନେ, ଇଦି ମାହାପୁରୁ ଜାସୁତି ହେଲ ଇଞ୍ଜୁଁ ନାନୁ ଅଣପିମାଈ ।



ପେଣକା ବମାୟିକି ଡାକାମାନି ରାହାତି କାତା

୧ ପେଣକା ବମାୟିକି ଡାକାମାନି ବଗୁତି କାତା ନାନୁ ଝେହନାୟି ଇଦି, “ବାରେତାକି ବୁଦି ମାନେ” ଇଞ୍ଜୁଁ ମାରୁ ଝେସିମାଞ୍ଜେରି, ଏଦାଆଁ ମାମୁ ପୁଞ୍ଜାମାନମି । ବୁଦି ତାହାରା କିଞ୍ଜିକିୟାନେ, ସାମା ଜୀସୁନନାୟି କାଲୁଞ୍ଜି କିୟାନେ । ୨ ଆମ୍ବାଆସି ଏନି କାତାତା ଜିକେଏ ନାନୁ ପୁଞ୍ଜାମାଈ ଇଞ୍ଜୁଁ ଅଣପିନେସି, ଆତିହୁଁ ଏଝାଣାକି ଏନିକି ପୁନାୟିମାନେ, ଏଝାସି ନୀର୍ଏ ପାତେକା ଏଲେକି ପୁଞ୍ଜାହିଲଅସି । ୩ ସାମା ଆମ୍ବାଆସି ମାହାପୁରୁ ଜାସୁ ନନେସି, ଏଝାଣାଈ ମାହାପୁରୁ ପୁଞ୍ଜାମାନେସି ।

୪ ଏଦାଆଁତାକି ପେଣକା ବମାୟିକି ଡାକାମାନି ବଗୁତି ତିନି କାତା ମାରୁ ପୁଞ୍ଜାମାନାୟି, ଦାରତିତା ପେଣକା ଇଞ୍ଜୁଁ ଏନାଈ ହିଲାର, ଅଡ଼େ ରଣିଏ ମାହାପୁରୁ ପିସପେ ଅଡ଼େ ରଅସି ହିଲଅସି । ୫ ଇତିହୁଁ ଲାକପୁରୁ ଆପେ କି ଦାରତିତା ଆପେ, ଆମ୍ବାଆରାଈ ମାହାପୁରୁ ଇନେରି, ପେଣକା ମାତିହୁଁ ଜିକେଏ ସାତେଏ ହାଡ଼େକା “ପେଣକା” ଅଡ଼େ ହାଡ଼େକା “ପୁରୁୟାଁ” ମାନୁ, ୬ ଆଡିଜିକେଏ ମାଙ୍ଗେତାକି ରଣିଏ ମାହାପୁରୁ ଇତିହୁଁ ଏ ଆଡ଼ା ତାଣାଟି ବାରେ ଗାଡ଼ି ଆହାମାନେ, ଇଞ୍ଜାଁ ମାରୁ ଏଝାଣି ତାକି ନୀତାମାନାୟି; ଇଞ୍ଜାଁ ରଣିଏ ପ୍ରବୁ ଇତିହୁଁ ଜାସୁ କ୍ରୀସୁ, ଏଝାଣି ତାଣାଟି ବାରେ ଗାଡ଼ି ଆହାମାନେ, ଅଡ଼େ ମାରୁ ଏଝାଣି ତାଣାଟି ନୀତାମାନାୟି ।

୭ ଆଡିଜିକେଏ ବାରେତାକି ଇ ବୁଦି ହିଲେଏ; ସାମା ଏଚେକା ଲକୁ ନୀର୍ଏ ପାତେକା ପେଣକା ମାନୁ ଇଞ୍ଜୁଁ ଅଣପାମା ପେଣକା ବମାୟିକି ଡାକାମାନି ବଗୁ ତିନେରି, ଇଞ୍ଜାଁ ଏଝାରି ଅଣପୁତି ବାଡ଼ୁୟୁ ଉଣା ମାନାକି ଦହୁଗାଗାରି ଆନେରି । ୮ ସାମା ତାନି ରାହା ମାଙ୍ଗେ ମାହାପୁରୁ ନକିତା ନେହୁଁ କି ଲାଗେଏ କିୟେଏ; ତିନାଆତିହୁଁ ମା ଏନାୟି ନସୁ ଆଏ ଅଡ଼େ ତିତି ସାରେ ମାଙ୍ଗେ ଏନି ଲାତା ଆଏ ।

୯ ସାମା ଜାଗ୍ରାତା, ନଲେ ମୀ ତାଣା ମାନି ଅଦିକାରା ନାମୁତା ବାଡ଼ୁୟୁ ହିଲାଆ ଗାଟାରାକି କସୁ ବାଦା ହୀନାୟି ଆନେ । ୧୦ ବୁଦି ଗାଟାତେରି ମାରୁ, ମିଙ୍ଗେ ଆମ୍ବାଆସି ପେନୁତି ଦେଝୁଡ଼ି ବକ୍ତିତା କୁଗାମାନାଣି ମେସୁତିହୁଁ, ଏଝାସି ନାମୁତା ଉଣା ମାତିହୁଁ, ତାନି ଅଣପୁତି ବାଡ଼ୁୟୁ ଉଣା ମାନାକି ପେଣକା ବମାୟିକି ଡାକାମାନି ବଗୁ ତିଞ୍ଜାଲି ସାସା ଆଆସି କି ? ୧୧ ଇଞ୍ଜାଁ ଆମିନି ବାଡ଼ୁୟୁ ହିଲାଆ ନାମିତି ତାୟି କି ତାଙ୍ଗି ତାକି କ୍ରୀସୁ ହାଡ଼େସି, ଏଝାସି ନୀ ଏ “ବୁଦି” ତଲେ ନାସା ଆହିମାନେସି । ୧୨ ଇଲେକିହୁଁ ମୀ ତାଣା ମାନି ନାମିତି ତାୟିୟାଁ କପାଟି ପାପୁ କିହାଁ ଇଞ୍ଜାଁ ଏଝାରି ବାଡ଼ୁୟୁ ହିଲାଆ ଅଣପୁତି କସୁ ହାହାନା ମୀ କ୍ରୀସୁତି କପାଟି ପାପୁ କିହିମାଞ୍ଜେରି । ୧୩ ଇଦାଆଁତାକି ତିନି କାଦି ନା ତାୟିକି କସୁ ହନେ, ଆତିହୁଁ ନା ତାୟି ଏନିକି ନା ତାଣାଟି କସୁ ଆଆସି, ଏଦାଆଁତାକି ନାନୁ ଏଚେଲା ଉଞ୍ଜା ତିନଆଁ ।



ପାଣ୍ଡୁଞ୍ଜି ଆଡ଼ାରି ଅଦିକାରା ଅଡ଼େ ଦାୟିପତି

୧ ନାନୁ ନା ମନତଲେ ମାଞ୍ଜାଲି ଆଡ଼ଆଁ ? ନାନୁ ର ପାଣ୍ଡୁଞ୍ଜି ଆଡ଼ାତେଏଁ ଆଏ ? ନାନୁ ଏନାଆଁ ମା ପ୍ରବୁ ଜୀସୁଈ ମେସାହିଲଆଁ ? ମାରୁ କି ମାହାପୁରୁ ତାଣା ନା କିତି କାମାତି ପାଡ଼େୟି ଆଏ ? ୨ ନାନୁ ଏଚକାତାରି ତାଣା ପାଣ୍ଡୁଞ୍ଜି ଆହାହିଲାଆତି ଜିକେଏ, ମିଙ୍ଗେତାକି ନାନୁ ସାତେଏ ପାଣ୍ଡୁଞ୍ଜି ଆହାମାନାତେଏ, ଇତିହୁଁ ପ୍ରବୁ ତାଣା ମାରୁ ନା ପାଣ୍ଡୁଞ୍ଜି ଆହାମାନି ପାଣାତା ଝେଚାମାନି ବୁଟୁ ମୁଦା ଲେହେଁ ଆହାମାଞ୍ଜେରି ।

୩ ନାଙ୍ଗେ ନାହିୟି କିୟାନାରିକି ନାନୁ ଝେଣ୍ଡେ ଝେସ୍ତାନି କାତା ଇଦି । ୪ ନା କାମାତାକି ତିଞ୍ଜା ଉଣ୍ଡାଲି ମାଙ୍ଗେ ଅଦିକାରା ହିଲେଏ ? ୫ ଅର ପାଣ୍ଡୁଞ୍ଜି ଆହାମାନାରି ପ୍ରବୁତି ତାୟିୟାଁ ଅଡ଼େ କେପା* ଲେହେଁ କ୍ରୀସ୍ତାନି

* ୯:୫ ୯:୫ ପିତର

ତାଜିନି ବାହା ଆହୁଁ ଏ ଇୟାନି ତଲେ ରେଜାଲି ମାଜୋ ଅଦିକାରା ହିଲେଏ କି ? ୬ ଅଡେ ଜାସୁତା ନୀତାଲିତାକି କାମାତି ପିସାଲି ନାଜୋ ଅଡେ ବର୍ନବାତି ଅଦିକାରା ହିଲେଏ କି ? ୭ ର ହୁକୁ କିନାସି ହୁକୁତା ମାନି ବେଲା ତାନୁଏ ତାଜୋତାକି କାରୁଁ କିନେସିକି ? ଇଞ୍ଜା ଆମ୍ବାଆସି ଅଜୁରି ବାଡ଼ା କିହଁ ଏମାତି ପାଡେୟି ତିନଅସି କି ? ଇଞ୍ଜା ର ଗଡ଼ ତାନି ମାନ୍ଦାତି ପାଲୁ ଗହଅସି କି ?

୮ ନାନୁ ମାଣସି ଆହୁଁ ଈ ବାରେ କାତା ଝେସିମାଞ୍ଜାଇଁ ? ଇଞ୍ଜା ସାପ୍ତେରି ଜିକେଏ ଈ ବାରେ କାତା ଝେସିମାଞ୍ଜେଏ କି ? ୯ *ଇତିହଁ ମସାତି ମୋରାତା ଇଲେଇଞ୍ଜୁଁ ରାସୁକି ଆହାମାନେ, “ନପଁ ମାନି କଡ଼ିତି ଗୁଡିତା କତ୍ତା ଦହଆଦୁ,” ମାହାପୁରୁ ଖାରଇ ଏ କଡ଼ିତି ଅଣ୍ଡପିମାନେସି କି ? ୧୦ ଏଝାସି ଇଦାଆଁ ମାଜୋତାକି ଝେସା ମାଞ୍ଜଅସି ? ହାଅ, ମାଜୋତାକି ଇଦି ରାସୁକି ଆହାମାନେ, ଏନାଆଁତାକି ଇତିହଁ ଆମ୍ବାଆସି ତାସା କିନେସି ଆସା ତଲେ ତାସା କିନାୟିମାନେ, ଅଡେ ନପଁ ନାସି ଗାଡି ବାଗା ବେଟାଆହାଲି କତ୍ତା ଦହନେସି । ୧୧ ମାନୁ ମିଜୋତାକି ନେହଁ ଜାସୁତି ବିଗା ମାଗା ମାଗାମାନମି, ଅଡେ ମୀ ତାଣାତି ଈ ଦାରତିତି ତାସା ଦାଡିହଁ ଏଦି ଏନି କାଜା କାତା ଆଏକି ? ୧୨ ଏଟକା ଲକୁ ମୀ ତାଣାତି ବାଗା ବେଟାଆହାଲି ଅଦିକାରା ମାଡିହଁ, ଏଦାଆଁ କିହଁ ଆଗାଡ଼ା ବେଟାଆହାଲି ମା ଅଦିକାରା ହିଲେଏ କି ? ଆଡିଜିକେଏ ମାନୁ ଏ ଅଦିକାରା ଲେମ୍ବା ହିଲଅମି । ସାମା ଏନିକଁ ମାନୁ କ୍ରୀସୁତି ନେହଁ କାରୁ ଝେକ୍ କିନି କାମାତା ଏନି ବାଡ଼ା ଖାଆପେ ଇଞ୍ଜୁଁ ବାରେ ଅରହିମାନମି ୧୩ ଆମ୍ବାଆସି ଦେସୁଡିତା ପୂଜା କିନାରି ଏଝାରି ଦେସୁଡିତି ରାନ୍ଦା ବେଟାଆନେରି, ଇଞ୍ଜୁଁ ମାରୁ ପୁଞ୍ଜାହିଲଅଡେରି କି ? ୧୪*ଏଲେକିହଁ ଏ ଆମ୍ବାଆସି ନେହଁ କାରୁଡି ଝେକିହି ମାନେରି, ଏଝାରି ନେହଁ କାରୁ ଝେକିନି ତାଣାଟିଏ ନୀଡିନେରି, ଈ କାତା ପ୍ରବୁ ହୁକୁମି ହାହାମାନେସି ।

୧୫ ସାମା ନାନୁ ଈ ବାରେ ଏନାଆଁଖା ଲେମ୍ବାହିଲଅଁ, ଅଡେ ନାଜୋତାକି ଏଲେ କିଝିଆଡେ, ଏଦାଆଁତାକି ରାଡିମାଞ୍ଜଅଁ; ଇତିହଁ ଆମ୍ବାଆସି ନା ନେହଁ ବଡପଣତି ଉଜେଏ କିନି କିହଁ ନାନୁ ହାହାହାନାୟି ନେହେଁ । ୧୬ ଇତିହଁ ନାନୁ ନେହଁ କାରୁ ଝେକଇଁ, ଏମାଆଁ ନା ବଡପଣ ଆନାୟି ହିଲେଏ, ଏନାଆଁତାକି ଇତିହଁ ଏଦାଆଁକିହାଲି ହୁକୁମି ବେଟାଆହାମାଇଁ, ଇଞ୍ଜା ନାନୁ ନେହଁ କାରୁ ଝେକଆଡେଏଁ ଇତିହଁ ନାନୁ ଏଡେକା ତଣ୍ଡ ବେଟାଆନାଡେଏଁ । ୧୭ ଇତିହଁ ନାନୁ ଜାହାରା ମନଡଲେ ଈ କାମା କିଇଁ, ଆଡିହଁ ନାଜୋତାକି ଦାନା ମାନେ; ସାମା ନାନୁ ନା ମନଡଲେ କାମା କିଆଡିହଁ ଜିକେଏ ମାହାପୁରୁ ନାଜୋ ସେବାକିନି କାମାତି ବକୁ ହେବପା ମାଞ୍ଜନେସି । ୧୮ ଆଡିହଁ ନା ଦାନା ଏନାୟି ? ଏଦି ଇଦି ନାନୁ ନା ନେହଁ କାରୁତା ମାନି ଅଦିକାରା ଲେମ୍ବାଆନା ନେହଁ କାରୁ ଝେସି ଝେସି ଏ ନେହଁ କାରୁଡି ଉଜେଏ ଝେକଇଁ ।

୧୯ ନାନୁ ଆମ୍ବାଆସି ହଲେଏଣା ଆଆଡି ଜିକେଏ, ଏନିକଁ ନାନୁ ହାରେକା ଗାଡି ଲକୁଣି ବେଟାଆହାଲି ଆଡିଇଁ, ଏଦାଆଁତାକି ନାନୁ ଜାହାରାଇଁ ବାରେତି ହଲେଏସି କିଡେଏ । ୨୦ ଏନିକଁ ନାନୁ ଜୀହୁଦିୟାଣି କ୍ରୀସୁ ତାକି ଜାଣା ଆହାଲି ଆଡିଇଁ, ଏଦାଆଁତାକି ଜୀହୁଦି ଲକୁ ନକିତା ନାନୁ ଜୀହୁଦି ଲେହେଁ ଆହିମାଇଁ; ଏନିକଁ ମସାତି ମୋରାତା ଦସପି ଆହାମାନାରାଇଁ ଜାଣା ଆହାଲି ଆଡିଇଁ, ଏଦାଆଁତାକି ନାନୁ ମୋରାତା ଦସପି ଆଆଡି ଜିକେଏ ମୋରାତା ଦସପି ଆଡି ଲକୁଲେହେଁ ଆଡେଏଁ । ୨୧ ଏନିକଁ ନାନୁ ମସାତି ମୋରା ପୁନାଆଡି ଏଟକା କୁଡାଡି ଲକୁଣି ବେଟାଆହାଲି ଆଡିଇଁ, ଇଦାଆଁତାକି ନାନୁ ମାହାପୁରୁତି ମୋରାତା ହିଲାଆ ଲକୁ ଆଆନା କ୍ରୀସୁତି ମୋରା ମାନୁଡି ଆଡିଜିକେଏ ମସାତି ମୋରାତା ହିଲାଆ ଲକୁ ନକିତା ମସାତି ମୋରାତା ହିଲାଆ ଲକୁଲେହେଁ ଆଡେଏଁ । ୨୨ ଏନିକଁ ନାନୁ ବାଡ଼ୁୟି ହିଲାଆଗାଟାରାଇଁ ଜାଣା ଆହାଲି ଆଡିଇଁ, ଏଦାଆଁତାକି ବାଡ଼ୁୟି ହିଲାଆ ଗାଟାରି ନକିତା ବାଡ଼ୁୟି ହିଲାଆଲେହେଁ ଆଡେଏଁ; ଏନିକିହଁ ଜିକେଏ ନାନୁ ଏଡେ ଜାଣାଇଁ ଗେଲପାଲି ଆଡିଇଁ, ଇଦାଆଁତାକି ବାରେ ଲକୁ ଏନିଲେହେଁତାରି ନାନୁ ଏଝାରିଲେହେଁ ଆଡେଏଁ ।

୨୩ ନାନୁ ଏନିକଁ ନେହଁ କାରୁଡି ବରତା ଆଣ୍ଡାଲି ଆଡିଇଁ, ଏଦାଆଁତାକି ନାନୁ ନେହଁ କାରୁଡାକି ବାରେ କିଇଁ । ୨୪ ଆମ୍ବାଆସି କାହିନି ତାଣା ହଣନେରି ଏଝାରି ବାରେଜାଣା ହଣନେରି ସାତା, ସାମା ରଅସିଏ ଜାଣା ଆହୁଁ ଦାନା ବେଟା ଆନେସି, ଇଦାଆଁ ମାରୁ ପୁଞ୍ଜାହିଲଅଡେରି ? ମାରୁ ଏନିକଁ ଦାନା ବେଟାଆନେରି ଏଦାଆଁତାକି ଏଲେକଁ ହଣପୁ । ୨୫ ଆମ୍ବାଆସି ବାଡ଼ହାରା ତଲେ କାହିନି ତାଣା ଆଣ୍ଡିନେସି ଏଝାସି ବାରେ ନେହଁ କଁ ଜାପିନେସି; ଏଝାରି ଗାଡ଼କେଏ ନାସଡି ଆନି ଟପେରି ବେଟାଆହାଲି କାହିମାନେରି; ସାମା ମାରୁ ଏଡେଲାଝା ନାସା ଆଆଗାଡି ଟପେରି ବେଟାଆହାଲି ଏଲେ କିନ

* ୯:୯ ୯:୯ ୧ଡିନ ୫:୮୮ * ୯:୧୪ ୯:୧୪ ମାଡି ୧୦:୧୦; ଲୁକ ୧୦:୭

। ୨୭ ଏଦାଆଁତାକି ନାନୁ ହଚିମାଈ, ସାମା ଗୁରି ହିଲାଆ ତାଣା ଆଏ, ନାନୁ ମୁଚିତଲେ କୁଡ଼କି ଆନି କୁକୁ କିହିମାଈ, ସାମା ଖାଉଇ ଗାଲିତି ଖେନି ଲକୁଲେହେଁ ଆଏ । ୨୮ ଏଚକା ଲକୁତାଣା ନେହଁ କାତୁ ଖେସିହଁ ନାନୁ ଏନିକଁ ଅପାଆ ଗାଟାତେଏଁ ଆଅଁ ଏଦାଆଁତାକି ନା ଆଜାତି କସ୍ତ ବାଦା ହାହାନା ଲକହିମାଈ ।

୧୦

ପେଣକା ବମାୟାଁ ସେବାଟି ଜାଗ୍ରାତା କିନାୟି

୧ ଇଚିହଁ ଏ ତାୟିୟାଁ ଅଡ଼େ ତାଜିସ୍ତାତେରି ମା ଆକୁ ଆବାୟାଁ ବାରେ ଦୁନ୍ଦା ଡ଼ଇକା ମାଚେରି । ୨ ଅଡ଼େ ବାରେଜାଣା ସାମାଦୁରି ବିତ୍ରାଟି ହାଚେରି, ଇଞ୍ଜା ବାରେଜାଣା ଦୁନ୍ଦା ଅଡ଼େ ସାମାଦୁରିତା ମସା ତାଣାଟି ବାପୁସ୍ତୁ* ଅଚେରି । ୩ ଅଡ଼େ ଏଞ୍ଜାରି ବାରେଜାଣା ରଣ୍ଡିଏ ଜୀଞ୍ଜୁତି ରାନ୍ଦା ତିଚେରି । ୪ ଅଡ଼େ ବାରେଜାଣା ରଣ୍ଡିଏ ମାହାପୁରୁ ହାତି ଜୀଞ୍ଜୁତି ଏୟୁ ଗସ୍ତେରି, ଇଚିହଁ ଏଞ୍ଜାରିତଲେ ହାଜିମାଟି ମାହାପୁରୁ ହାତି ଜୀଞ୍ଜୁତି ପାକା ଖାଲିତି ଏୟୁ ଗସ୍ତେରି ଏ ପାକା ଖାଲି ଜ୍ରୀସ୍ତ, ୫ ଆଡ଼ିଜିକେଏ ଏଞ୍ଜାରି ବିତ୍ରାଟି ହାଚେରିକା ଲକୁତାଣା ମାହାପୁରୁତି ରାହାଁ ହିଲାଆତେ, ଇଞ୍ଜା ଏଞ୍ଜାରି ଲକୁ ହିଲାଆ ଚାୟୁତା ହାହାହାଚେରି, ଇ ବାରେ କାତା ମୀରୁ ପୁନାଆନା ମାଞ୍ଜୁ ଇଞ୍ଜୁଁ ନା ମନ ହିଲେଏ ।

୬ ଏଞ୍ଜାରି ଏନିକଁ ଲାଗେଏ ପଲେଏତାଣି ତାକି ଜୁପକା ଆହାମାଚେରି, ଏଲେକଁ ମାରୁ ଏଲେତି ଜୁପକା ଆଆୟି, ଏଦାଣିତାକି ଇ ବାରେ କାତା ମାଜେତାକି ପୁଣ୍ଡିକିନାୟି ଆହାମାନେ । ୭ ଏନିକଁ ଏଞ୍ଜାରି ବିତ୍ରାଟି ଏଚରଜାଣା ପେଣକା ପୂଜା କିନାରି ଆଚେରି, ଏଲେକଁ ମୀରୁ ପେଣକା ପୂଜା କିନାଚେରି ଆଆଦୁ; ଏନିକଁ ରାସ୍ତକି ଆହାମାନେ, "ଲକୁ ତିଞ୍ଜା ଉଣ୍ଡାଲି କୁଗିତେରି, ଅଡ଼େ ଏନିହଁ ରାହାଁ କିହାଲି ନିଜିତେରି ।" ୮ ଏନିକଁ ଏଞ୍ଜାରିତାଣା ଏଚରଜାଣା ଦାରିକାମା କିହାନା ରଣ୍ଡିଏ ନେଚୁ କଡ଼େ ତାନି ମାଣା ଲକୁ ହାଚେରି, ଏଲେକଁ ମାରୁ ଦାରିକାମା କିଆପ । ୯ ଏନିକଁ ଏଞ୍ଜାରି ବିତ୍ରାଟି ଏଚରଜାଣା ପ୍ରବୁଇଁ ତାୟିପାରି କିହାଁ ରାଚୁ ତଲେ ହାଚେରି, ଏଲେକଁ ମାରୁ ପ୍ରବୁଇଁ ତାୟିପାରି କିଆପ । ୧୦ ଏନିକଁ ଏଞ୍ଜାରି ବିତ୍ରାଟି ଏଚରଜାଣା ବାଟା କିହାଲିଏ ନାସାକିନି ଦୁଚୁ କେୟୁଟି ହାଚେରି, ଏଲେକଁ ମୀରୁ ବାଟା କିଆଦୁ ।

୧୧ ଇ ବାରେ ପୁଣ୍ଡିକିନିଲେହେଁ ଏଞ୍ଜାରାକି ଆଡ଼େ, ଅଡ଼େ ଆମ୍ବାଆରି ବେଲମତା ଜୁଗୁରାନି ଦିନା ଏଜିମାଞ୍ଜାନେ, ଏଲେକିହଁ ମାରୁ ମା ସେତୁନା ତାକି ଏ ବାରେ ରାସ୍ତକି ଆହାମାନେ । ୧୨ ଏଦାଆଁତାକି ଆମ୍ବାଆସି ନାନୁ ଚାରି ଗାଟାତେଏଁ ଇଞ୍ଜିହଁ ଅଣ୍ଡାପି ମାନାସି, ଏଞ୍ଜାସି ଏନିକଁ ତରଗଅସି, ଏଦାଆଁତାକି ଏଞ୍ଜାସି ଜାଗ୍ରାତା ଆପାସି । ୧୩ ମାଣସିତାକି ଏନିଲେହେଁତ ତାୟିପାରି କିନାୟି କସ୍ତଗାଟାୟି ଆଏ, ଏଦାଆଁ ପିସ୍ତପେ ମିଜେତାକି ଏଚକାତି ତାୟିପାରି କିନାୟି ଆହା ହିଲେଏ, ସାମା ମାହାପୁରୁ ଟିକାଣାତାସି, ଏଞ୍ଜାସି ମିଜେ ଏନି ଆଡ଼ାଆଗାଟି ତାୟିପାରି କିହାଲି ହିୟଅସି, ସାମା ମୀରୁ ଏନିକଁ ଅଚହାଲି ଆଡ଼ିଦେରି, ଏଦାଆଁତାକି ତାୟିପାରି କିଞ୍ଜିଏ ଏଞ୍ଜାସି ଗେଲପିନି ଜିରୁ ଜିକେଏ କେପିନେସି ।

୧୪ ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ତାତେରି ପେଣକା ବମାୟାଁ ପୂଜା କିନି ତାଣାଟି ଏଚକା ଆଦୁ । ୧୫ ନାନୁ ବୁଦିଗାଟି ଲକୁଣି ଖେହନିଲେହେଁ ଖେସିମାଞ୍ଜାଇଁ, ନାନୁ ଏଦାଆଁ ଖେସିମାଞ୍ଜାଇଁ ଏଦାଆଁ ମୀରୁ ମୀରୁଏ ଅଣ୍ଡାପାଦୁ । ୧୬ ଆମିନି ପ୍ରବୁତି ବଜି ସଲ୍ଲା ତାକି ଜହରା କିନାୟି, ଏଡ଼ି ଜ୍ରୀସ୍ତତି ନେଚେରିତା ଆଣ୍ଡିହଲେଏ ? ଆମିନି ରୁଟି ମାରୁ ଡିକିହଁ ମାନାୟି ଏଡ଼ି କି ଜ୍ରୀସ୍ତତି ଆଜାତା ଆଣ୍ଡିହଲେଏ ? ୧୭ ଇଚିହଁ ରୁଟି ରଣ୍ଡିଏ ଆଡ଼ାକି ମାରୁ ହାଚେରିକା ଆଡ଼ିଜିକେଏ ରଣ୍ଡିଏ ଆଜା ଲେହେଁ, ଏଦାଆଁତାକି ମାରୁ ବାରେଜାଣା ରଣ୍ଡିଏ ରୁଟିତି ବାଗା ।

୧୮ ଆଜାତି ଜାନାଁ ତଲେ ଆମ୍ବାଆରି ଇସାୟେଲ ଲକୁ, ଏଞ୍ଜାରାଇଁ ସିନିକିଦୁ ଆମ୍ବାଆରି ପୂଜା କିତି ଉଜା ତିନେରି, ଏଞ୍ଜାରି ପୂଜା ପିଣ୍ଡାତି ପୂଜାତା ଆଣ୍ଡିହଲଅରି ? ୧୯ ଆତିହଁ ପେଣକା ବମାୟାଁ ବଗୁ ଇଞ୍ଜିହଁ ଏନାୟି ମାନେ, ଅଡ଼େ ପେଣକା ବମାୟାଁ ଇଞ୍ଜୁଁ ଏନାଈ ମାନୁ, ଏଦାଆଁ କି ନାନୁ ଖେସିମାଞ୍ଜାଇଁ ? ୨୦ ଆଏ, ସାମା ନାନୁ ଖେସିମାଞ୍ଜାଇଁ, ଏନାଆଁ ଜୀହୁଦିଆଆତାରି ପୂଜା କିନେରି ଏ ବାରେ ଏଞ୍ଜାରି ମାହାପୁରୁ ତାକି ପୂଜା କିଆନା ବୁଡ଼ୁୟାଁକି କିନେରି, ଅଡ଼େ ମୀରୁ ବୁଡ଼ୁୟାଁ ତଲେ ଆଣ୍ଡାଦୁ, ଇଦି ନା ମନ ଅଣ୍ଡୁତି ଆଏ । ୨୧ ମୀରୁ ପ୍ରବୁ ବଜିତା ରାସା ଗହନିତାଣା ଅଡ଼େ ବୁଡ଼ୁୟାଁ ଗହନିତାଣା ଗସାଲି ଆଡ଼ଅତେରି; ମୀରୁ ପ୍ରବୁତି ବଜି ଅଡ଼େ ବୁଡ଼ୁ ବଜିତା ଆଣ୍ଡାଲି ଆଡ଼ଅତେରି । ୨୨ ମାରୁ ଏନାଆଁ ପ୍ରବୁଇଁ କାରୁବି କିନାୟି ? ମାରୁ କି ଏଞ୍ଜାଣି କିହାଁ ଗାତି ବାଡ଼ୁୟୁ ଗାଟାତାୟି ?

* ୧୦:୨ ୧୦:୨ମୁଞ୍ଜିନାୟି ☆ ୧୦:୧୭ ୧୦:୧୭ ମାଟି ୨୭:୨୭-୨୮; ମାର୍କି ୧୪:୨୨-୨୪; ଲୁକ ୨୨:୧୯,୨୦

୨୩ ବାରେ କିହାଲି ମାର ଆଡ଼ିନାୟି, ସାମା ବାରେ ମା ତାକି ନେହାୟି ଆଏ, ବାରେ କିହାଲି ଆଡ଼ିନାୟି, ସାମା ବାରେ ମା ତାକି ଲାବାଗାଗାୟି ଆଏ । ୨୪ ଆମ୍ବାଆସି ଜାହାରାତାକି ଅଣପାଆପେସି, ସାମା ବାରେଜାଣା ତାକି ନେହାଁଣି ଅଣପାପେସି । ୨୫ ମନୁତି ନେହୁଁକିଁ ଇଟାଲି ହାଡ଼ା ବାଜାରାତା ପାରୁପି ଆହିମାନି ଉଜ୍ଜା, ଆମ୍ବାଆରାଇଁ ଝେନାଆନା ଅଡ଼େ ଇଟାଣି ଅଣପାଆନା ତିଷ୍ଟୁ । ୨୬ ଦାମ୍ବୁପତିତା ରାସ୍ତକି ଆହାମାନେ; “ଇତିହୁଁ ଦାରୁତି ଅଡ଼େ ଏମ୍ବାଆଁ ମାନାୟି ବାରେ ମାହାପୁରୁଖାୟି ।”

୨୭ ନାମାଆତାରି ମିଜେ ତିଞ୍ଜାଲି ହାଟାତିହୁଁ, ଇଞ୍ଜା ମୀରୁ ହାଜାଲି ମନୁ କିତିସାରେ, ଅଡ଼େ ଏମ୍ବାଆଁ ଏନାଆଁ ତିଞ୍ଜାଲି ହାପକିଆନେ, ମୀ ଅଣପୁ ତାକି ଇଟାଣି ଝେନାଆନା ତିଷ୍ଟୁ । ୨୮ ସାମା ଆମ୍ବାଆସି ମିଜେ ଏଲେଇଞ୍ଜାନେସି, ଇଦି ପେଣକା ବମାୟାକି ତାକି କିଞ୍ଚିଆହାମାନେ, ଆତିହୁଁ ଏଞ୍ଜାଣି ତାକି ଇଞ୍ଜା ମୀ ଅଣପୁ ତାକି ତିନାଆଦୁ; ୨୯ ମୀ ଅଣପୁ ତାକି ଇଞ୍ଜାଁ ଝେସିମାଞ୍ଜାଅଁ, ସାମା ଏଞ୍ଜାଣି ଅଣପୁ ତାକି । ଏନାଆଁତାକି ନା ମନୁତଲେ ମାନାୟି ଏଟକା ଲକ୍ଷୁତି ନେହାଁଣି ଲାଗେଏତାଣି ପୁନାଣି ତଲେ ବିଚାରା ଆନେ ?

୩୦ “ନାନୁ ମାହାପୁରୁଇଁ ଜହରା କିହାନା ଆମିନି ରାନ୍ଦା ତିଞ୍ଜାମାଇଁ, ଏ ରାନ୍ଦା ତାକି ନାଜେ ଏନାଆଁତାକି ରଥସି ଲାଜାକିହୁଁ ଜଲାନେସି ?”

୩୧ ଏଦାଆଁତାକି ମୀରୁ ତିଷ୍ଟୁ ଉଣୁଁ ଏନାଆଁକିଦୁ, ଏଦାଆଁ ମାହାପୁରୁତି ଗାଞ୍ଜୁରମି ତାକି କିଦୁ । ୩୨ ଜୀହୁଦି ଆପେ, ଜୀହୁଦିଆଆତାରି, ଇଞ୍ଜା ମାହାପୁରୁତି କୁଲମିତି ଲକ୍ଷୁ ଆପାରି, ଆମ୍ବାଆରାକି କସ୍ତ ହୀନାତେରି ଆଆଦୁ । ୩୩ ଏନିକିଁ ନାନୁ ଜିକେଏ ଜାହାରାତାକି ଅଣପାଆନା ହାରେକା ଲକ୍ଷୁତି ଗେଲୁପି ଆୟାଲିତାକି ଏଞ୍ଜାରି ନେହାଁଣି ଅଣପିମାଇଁ, ଅଡ଼େ ବାରେ କାତାତା ବାରେ ଜାଣାଇଁ ରାହାଁ କିୟାଲି ଅଣପିମାଇଁ ।

୧୧

୧ ନାନୁ ଏନିକିଁ କ୍ରୀସ୍ତ କିତିଲେହେଁ କାମା କିହିମାଇଁ, ମୀରୁ ଜିକେଏ ନାନୁ କିହିମାନି ଲେହେଁ କିଦୁ ।

ପ୍ରାତାନା କିନାଟି ତାୟଁ ପୁକ୍ନାୟି

୨ ନାନୁ ମିଜେ ଗାଞ୍ଜୁରମି କିହିମାଞ୍ଜାଇଁ ଏନାଆଁତାକି ଇତିହୁଁ ମୀରୁ ନାଜେ ବାରେବେଲା ଅଣପିମାଞ୍ଜାଦେରି ଅଡ଼େ ନାନୁ ଆମିନି ମେରା ହାହାମାଞ୍ଜାଇଁ, ଏଦାଆଁ ବାରେ ମାନୁଞ୍ଚି ଆହିମାଞ୍ଜେରି ।

୩ ସାମା କ୍ରୀସ୍ତ ବାରେ ଆବାୟାଁ ତାୟଁ ଫୁଲହେଁ ଅଡ଼େ ଆବା ଇୟାନି ତାୟଁ ଫୁଲହେଁ ଇଞ୍ଜା ମାହାପୁରୁ କ୍ରୀସ୍ତତି ତାୟଁ ଫୁଲହେଁ, ଇଦାଆଁ ମୀରୁ ପୁଞ୍ଜୁ ଇଞ୍ଜାଁ ନା ଅଣପୁ । ୪ ଆମିନି ଆବା ତାନି ତାୟଁ ପୁକ୍ନାୟି ପ୍ରାତାନା କିନେସି, ତାୟଁ ଆନି କାତା ଝେହ୍ନେସି, ଏଞ୍ଜାସି ତାନି ତାୟଁ ତୁଁ ହାଣି ପାଣପି କିନେସି । ୫ ସାମା ଆମିନି ଆୟାଟି ତାନି ତାୟଁ ପୁଗାଆନା ପ୍ରାତାନା କିନେ ଅଡ଼େ ମାହାପୁରୁ ଅଣପୁତି ବଲୁ ଝେକ୍ନେ ଏଦି ତାନି ତାୟଁ ତୁଁ ଲାଜା ପାଣପି କିନେ ଇତିହୁଁ ତାନି ତାୟଁ ହୁଣପି ଆଡ଼ି ଇୟା ସମାନା । ୬ ଇତିହୁଁ ତାୟଁ ପୁଗାଆଗାଟି ଆୟାଟି ତାନି ତାୟଁ ବାଣାୟାଁ ରାଡ଼ହା କତାପେ; ଇତିହୁଁ ଇୟାନାକି ତାୟଁ ରାଡ଼ନାୟି କି ହିଣ୍ଡାୟି ଲାଜାତି କାତା ଆତିହୁଁ ଏଦି ତାୟଁ ପୁଗାପେ । ୭ ଆବା ମାହାପୁରୁତି ଖାଣା ଇଞ୍ଜା ଗାଞ୍ଜୁରମି ଲେହେଁ ଆଡ଼ାକି ତାନି ତାୟଁ ତୁଁ ପୁକ୍ନାୟି ଲଡ଼ା ହିଲେଏ, ସାମା ଇୟା ଆବାତି ଗାଞ୍ଜୁରମି ଲେହେଁ । ୮ ଇତିହୁଁ ଆବା ଇୟାନି ତାଣାଟି ଗାଡ଼ି ଆହାହିଲଅସି ସାମା ଇୟା ଆବା ତାଣାଟି ଗାଡ଼ି ଆହାମାନେ । ୯ ଅଡ଼େ ଇୟା କି ଆବା ଗାଡ଼ି ଆହାହିଲଅସି ସାମା ଆବାକି ଇୟା ଗାଡ଼ି ଆହାମାନେ । ୧୦ ଏଦାଆଁତାକି ଦୁତୁୟାଁ ତାକି ତକ୍ତି ତାନି ତକ୍ତି ଅଦିକାରାତି ସିନାଲେହେଁ ତାୟଁ ତୁଁ ପୁକ୍ନାୟି କତାପେ । ୧୧ ଆଡ଼ିଜିକେଏ ପ୍ରବୁ ତାଣା ଆବା ତାଣାଟି ଆୟାଟି କାଜାୟି ଆଏ, ସାମା ଇୟା ତାଣାଟି ଆବା କାଜାସି ଆଏ, ୧୨ ଇତିହୁଁ ଆୟାଟି ଏନିକିଁ ଆବା ତାଣାଟି ଗାଡ଼ି ଆହାମାନେ । ଏଲେକିହୁଁ ଏ ଆବା ଜିକେଏ ଇୟା ତାଣାଟି ଗାଡ଼ି ଆହାମାନେସି, ସାମା ବାରେ ମାହାପୁରୁ ତାଣାଟି ଗାଡ଼ି ଆହାମାନେ ।

୩୩ ମୀରୁ ମୀରୁଏ ବିଚାରା କିହାଁ କତାପୁ, ତାୟଁ ପୁଗାଆନା ମାହାପୁରୁ ନକିତା ପ୍ରାତାନା କିନାୟି ଇୟାନାକି ନେହେଁ କି ? ୧୪ ମାଣକି ମାଜେ ଝେସିମାଞ୍ଜାନେ ଆବା ଲାମ୍ବା ତାୟଁ ବାଣାଁ ପିହ୍ନାୟି ତାଜେତାକି ଲାଜାତି କାତା । ୧୫ ସାମା ଆୟାଟି ଲାମ୍ବା ତାୟଁ ବାଣାୟାଁ ପିସ୍ତି ସାରେ ତାଜେତାକି ଗାଞ୍ଜୁରମି ସମାନା, ଇତିହୁଁ ତାୟଁ ପୁପକି ଆୟାଲି ଇୟାନାକି ଲାମ୍ବା ତାୟଁ ବାଣାୟାଁ ହାପକି ଆହାମାନେ । ୧୬ ସାମା ଆମ୍ବାଆସି ଏ କାତାତାକି ବାଦିବାଦା କିହାଲି ଅଣପିତିହୁଁ ଏଞ୍ଜାସି ପୁନାପେସି, ମାଜେ ଇଲେତି ମେରା ହିଲେଏ, ଇଞ୍ଜା ମାହାପୁରୁ କୁଲମିତା ଜିକେଏ ହିଲେଏ ।

* ୧୧:୧ ୧୧:୧ ୧କର ୪:୧୨; ପିଲିପି ୩:୧୭

ପ୍ରବୃତ୍ତି ବଢ଼ି

^{୧୭} ସାମା ମା ଆଶୁଓ ଆନାୟି ନେହାୟି ଆଆନା ସାମା ଲାଗେଏ ପଲେଏତାୟି ଆହିମାନେ, ଏଦାଆଁତାକି ମିଙ୍ଗେ ନେହାଁତେରି ଇଞ୍ଜାଲି ଆଡ଼ାଆନା ଇ ହୁକୁମି ହାହାମାଞ୍ଜାଇ । ^{୧୮} ଏଦାଆଁତାକି ଇଚିହଁ ନାନୁ ତଲିଏ ଖେଞ୍ଜିମାଇ, କୁଲମି ଲେହେଁ ରୁଣ୍ଡା ଆନାଟି, ମା ବିତ୍ରା ଗଟି ଗଟି ଆହିମାଞ୍ଜେରି, ଇଞ୍ଜା ଇ କାତା ବିତ୍ରା ଏଚେକା ସାତା ଇଞ୍ଜା ନାନୁ ନାମିମାଇ । ^{୧୯} ଏନିକଁ ମା ବିତ୍ରାଟି ଆମ୍ବାଆରି ସାତା ତାୟିପାରିତା ଜାଣା ଆଡ଼ାରି ଏ ତଞ୍ଜାଆନେରି, ଏଦାଣିତାକି ମା ବିତ୍ରା ଗଟି ଗଟି ଆନାୟି ପିଟି ଆଏ । ^{୨୦} ଏଚେତା ମୀରୁ କୁଲମିତା ରୁଣ୍ଡା ଆଦେରି, “ଏଦି ପ୍ରବୃତ୍ତି ବଢ଼ି ଆଏ,” ^{୨୧} ଏଦାଆଁତାକି ଇଚିହଁ ବଢ଼ି ତିନାଟି, ରଥସି ଅଡେ ରଥଶାଲ୍ କାଆନା ତାମି ରାନ୍ଦା ତିନେରି, ଏଦାଆଁତାକି ରଥସି ହାକିଟି ମାନାଟି ଅଡେ ରଥସି ହଚାହାଁ ତୁୟିମାନେସି । ^{୨୨} ଏଦାଆଁ ମିଙ୍ଗେ ତିଞ୍ଜା ଉଣ୍ଡାଲି ଇଲ୍ଲକା ହିଲାର ? ମୀରୁ ଏଦାଆଁ ମାହାପୁରୁ କୁଲମିତି ମାନୁଓ ଆହି ହିଲତେଚେରି, ଅଡେ ଆମ୍ବାଆରାକି ହିଲାର ଏଞ୍ଜାରାଇଁ ଲାଜା କିହିମାଞ୍ଜେରି, ନାନୁ ମିଙ୍ଗେ ଏଦାଆଁ ଖେସ୍ତାଇ ? ମିଙ୍ଗେ ଏନିକଁ ଗାଧୁରମି କିୟାଇ ? ଇଦାଆଁତାକି ମିଙ୍ଗେ ଗାଧୁରମି କିହିମାଞ୍ଜେ ।

^{୨୩} ଇଚିହଁ ନାନୁ ପ୍ରବୁ ତାଣାଟି ବେଟାଆହାମାନି ଜାପୁନାଣି ମିଙ୍ଗେ ଜାପୁହି ମାଞ୍ଜାଇ, ଏଦି ଇଦି ପ୍ରବୁ ଜୀସୁ ସାତୁୟାଁ କେୟୁତା ହେବପିଆତି ଲାଆୟାଁ ରୁଟି ଅହାନା, ମାହାପୁରୁଇଁ ଜହରା କିହାନା, ଏଦାଆଁ ତିକହାନା ଏଲେଇଚେସି, ^{୨୪} ଇଦି ମିଙ୍ଗେତାକି ନା ଆଜା; ନାଜେ ଅଣପାଲିତାକି ଇଦାଆଁ କିଦୁ । ^{୨୫} ଏଲେକିହଁ ଏ ତିଟି ତାୟୁ ଗହନି ସଲ୍ଲା ଅହାନା ଏଲେଇଚେସି, ଇ ସଲ୍ଲା ନା ନେତେରିତା ତାରିକିତି ପୁଞ୍ଜି ରାଜିମାନା; ମୀରୁ ଇ ସଲ୍ଲାଟି ଏଚର ଦେବା ଗହଦେରି ଏଚର ଦେବା ନାଜେ ଅଣପାଲିତାକି କିଦୁ । ^{୨୬} ଇଚିହଁ ଏଚର ଦେବା ମୀରୁ ଇ ରୁଟି ତିଞ୍ଜେରି ଅଡେ ଇ ସଲ୍ଲାଟି ଗହଦେରି, ଏଚର ଦେବା ମୀରୁ ପ୍ରବୃତ୍ତି ଖାନ୍ତି ଦିନା ପାତେକା ତାନି ହାକିତି କାକୁ ଖେକଦେରି ।

^{୨୭} ଇଚିହଁ ଆମ୍ବାଆସି ଜଗେ ଆଆନା ପ୍ରବୁ ବଢ଼ିତି ରୁଟି ତିନେସି ଅଡେ ଇ ସଲ୍ଲାଟି ଗହନେସି, ଏଞ୍ଜାସି ପ୍ରବୃତ୍ତି ଆଜା ଅଡେ ନେତେରିତି ଦାୟି ଆନେସି । ^{୨୮} ଏଦାଆଁତାକି ମାଣ୍ଡସି ତଲିଏ ତାନୁଏ ତାଙ୍ଗେ ତାୟିପାରି କିହାଁ କତାହାଁ ଇ ରୁଟି ତିଣ୍ଡେସି ଅଡେ ଇ ଗହନି ସଲ୍ଲାଟି ଗସପେସି । ^{୨୯} ଇଚିହଁ ଆମ୍ବାଆସି ପ୍ରବୃତ୍ତି ଆଜାଟି ଏନାୟି ଇଞ୍ଜା ଅଣପାଆନା ତିନେସି ଅଡେ ଗହନେସି ଏଞ୍ଜାସି ତାନି ମୁହେଁ ତଣ୍ଡ ବେଟାଆହାଲି ତିନେସି ଅଡେ ଗହନେସି । ^{୩୦} ଏଦାଆଁତାକି ମା ବିତ୍ରାଟି ହାରେକା ଲକୁ ବାଡୁୟୁ ହିଲାଆଗାତେଚେରି ଇଞ୍ଜା ହାରେକା ଲକୁ ନମେରି ଗାଟାରି ଅଡେ ହାରେକା ଜାଣା ହାହା ହାଜାମାନେରି । ^{୩୧} ସାମା ମୀରୁ ତଲିଏ ଜାହା ଜାହାରାଇଁ ତାୟିପାରି କିଚିହଁ ମା ମାହାପୁରୁ ମାଙ୍ଗେ ବିଚାରା କିୟାଆତେସିମା । ^{୩୨} ଅଡେ ଦାରୁତି ତଲେ ଏନିକଁ ମୀରୁ ତଣ୍ଡ ପୁଞ୍ଜାୟି, ଏଦାଆଁତାକି ପ୍ରବୃତ୍ତି ତାଣା ବିଚାରା କିଓ ଆହାଁ ସାସ୍ତି ବେଟାଆହି ମାନାୟି । ^{୩୩} ଏଦାଆଁତାକି ନା ତାୟିୟାଁ, ମୀରୁ ପ୍ରବୃତ୍ତି ବଢ଼ି ତିଞ୍ଜାଲି ତାକି ରୁଣ୍ଡା ଆନାଟି ମୀରୁ ରଥତେଚେରି ରଥଶାଲ୍ କାଦୁ । ^{୩୪} ମୀରୁ ରୁଣ୍ଡା ଆନାୟି ଏନିକଁ ମାହାପୁରୁତି ତଣ୍ଡ ବେଟାଆହାଲି ଆଏ, ଏଦାଆଁତାକି ଆମ୍ବାଆସି ହାକି ଆହାମାନେସି ଏଞ୍ଜାସି ତାନି ଇଜ ତିନାପେସି, ଅଡେ ଆଗାଡ଼ା ଖେସ୍ତାନି କାତା ନାନୁ ଖାଡ଼ିସାରେ ତେଲ୍ଲିହି କିୟାଇ ।

୧୨

ସୁଦୁଜୀଓଡ଼ି ଦାନା

^୧ ତାୟିୟାଁ ଅଡେ ତାଙ୍ଗିସ୍ତାତେଚି ସୁଦୁଜୀଓ ଦାନାଟି କାତା ମୀରୁ ନେହଁକଁ ପୁଞ୍ଜା ଇଞ୍ଜା ନାନୁ ଅଣପିମାଇ । ^୨ ମୀରୁ ପୁଞ୍ଜାମାଞ୍ଜେରି, ଏଚିବେଲା ମୀରୁ ଜୀହୁଦିଆଆତାତେଚି ମାଚେରି, ଏଚେତା ଏନିକଁ ସାଲ୍ଲଓ ଆହିମାଚେରି, ଏଲେକିହଁ ଏ ନାଡ଼ିକିଓ ଆହାନା ଜୀଓ ହିଲାଆଗାଟି ପେଣ୍ଡକା ବମାୟାଁତି ଜେଚ ହାଜିମାଚେରି । ^୩ ଏଦାଆଁତାକି ନାନୁ ମିଙ୍ଗେ ଖେସିମାଞ୍ଜାଇ, ମାହାପୁରୁତି ସୁଦୁଜୀଓ ତଲେ ସାଲ୍ଲଓ ଆହାନା ଆମ୍ବାଆସି ଜିକେଏ ଜୀସୁଇଁ ବକା ଇଗାଲି ଆଡ଼ଅସି, ଅଡେ ଆମ୍ବାଆସି ସୁଦୁଜୀଓ ପୁଞ୍ଜାଆତାସି ଜୀସୁଇଁ ପ୍ରବୁ ଇଞ୍ଜା ଖେସାଲି ଆଡ଼ଅସି ।

^୪ ସୁଦୁଜୀଓ ହାନି ଦାନା ଏଚକା ଏଚକାତାୟି ସାମା ଏ ରଣ୍ଡିଏ ସୁଦୁଜୀଓ । ^୫ ସେବା ଏଚକା ଏଚକାତାୟି ସାମା ପ୍ରବୁ ରଥସିଏ । ^୬ କାମା କିନି ବାଡୁୟୁ ଏଚକା ଏଚକାତାୟି ସାମା ମାହାପୁରୁ ରଥସିଏ, ଏଞ୍ଜାସି ବାରେ ତାଣା ବାରେ କାମା କିନେସି । ^୭ ସାମା ବାରେ ଜାଣାତାତି ସୁଦୁଜୀଓଡ଼ି ଗଣ୍ଡୁ ତହୁନି ଦାନା ବାରେ ଲକୁତି ନେହେଁତାକି ହାପୁକିଆନେ । ^୮ ରଥଶାକି ସୁଦୁଜୀଓ ତଲେ ବୁଦିତି କାକୁ ଖେସାଲି ହାନେ, ଅଡେ ରଥଶାକି ଏ ସୁଦୁଜୀଓ ତଲେ ବୁଦିତିକାତା ଜାପୁହାଲି ହାନେ, ^୯ ଅଡେ ରଥଶାକି ଏ ସୁଦୁଜୀଓ ତଲେ ନାମାଲି, ଅଡେ

୧୨:୪ ୧୨:୪ ରମି ୧୨:୨-୮

ରଥଶାଳି ଏ ରଣିଏ ଜୀବୁତି ଦାନା ତଲେ ରଗତି ନେହଁ କିୟାଲି ବାଡ଼ୁୟୁ ହାନେ, ୧୦ ରଥଶାଳି କାବାଆନି ବାଡ଼ୁୟୁତି କାମାୟାଁ କିୟାଲି, ଅଡ଼େ ରଥଶାଳି ମାହାପୁରୁ ଅଣ୍ଡପୁତି କାତା ଝେକହାଲି, ଅଡ଼େ ରଥଶାଳି ଏଟକା ଏଟକାତି ଜୀବୁୟାଁଇଁ ପୁଞ୍ଜାଲି ଆଡ଼ିନି ବାଡ଼ୁୟୁ, ଅଡ଼େ ରଥଶାଳି ପୁନାଆତି ପୁଞ୍ଜନି ହାଡ଼ା ଜଲ୍ଲାଲି, ଅଡ଼େ ଏଟକାତାରାକି ପୁନାଆତି ହାଡ଼ାତି ଅର୍ତ୍ତ ପୁଣ୍ଡିକିନି ବାଡ଼ୁୟୁତି ଦାନା ହାପୁକିଆନେ । ୧୧ ସାମା ଏ ରଣିଏ ଜୀବୁ ତାନି ମନ କିତିଲେହେଁ ବାରେଜାଣାତି ଏଟକା ଏଟକାତି ଦାନା ହାହାନା ଛ ବାରେ କାମା କିହିମାନେ ।

ରଣିଏ ଆଜ୍ଞାତି ଆଜ୍ଞା ଉଡ଼େଲି

୧୨ ଇତିହଁ ଏନିକଁ ଆଜ୍ଞା ରଣିଏ, ଅଡ଼େ ଆଜ୍ଞାତି ଏଟକା ଏଟକା ବାଗାୟାଁ ମାନୁ, ସାମା ଆଜ୍ଞାତି ବାଗାୟାଁ ହାଡ଼େକା ଆଡ଼ିଜିକେଏ ରଣିଏ ଆଜ୍ଞା ଆନେ, ଏଲେକିହଁଏ କ୍ରୀସୁ ।

୧୩ ଇତିହଁ ମାରୁ ଜୀହୁଦି କି ଜୀହୁଦିଆଆତି ଜିକେଏ, ହଲେଏସି ଆପେସି ହଲେଏସି ଆଆପେସି, ବାରେତାୟି ରଣିଏ ଜୀବୁତଲେ ରଣିଏ ଆଜ୍ଞା ଆହାଲି ବାପୁସ୍ତୁଁ ଆହାମାନାୟି; ଅଡ଼େ ବାରେତାୟି ରଣିଏ ଜୀବୁତଲେ ଗସି ମାନାୟି ।

୧୪ ଏଦାଆଁତାକି ଆଜ୍ଞା ରଣିଏ ବାଗା ଆଏ, ସାମା ଆଜ୍ଞାତି ଏଟକା ଏଟକା ବାଗାୟାଁ ଆଣ୍ଡାନା ର ଆଜ୍ଞା ଆହାମାନେ । ୧୫ କତା ଏଲେଜନେ ନାନୁ କେୟୁଡେଏଁ ଆଏ, ଏଡ଼ି ଆଜ୍ଞାତି ବାଗା ଆଏ, ଏଦାଆଁତାକି ଏଡ଼ି ଆଜ୍ଞାତି ବାଗା ଆଏ ଏଲେକଁ ଆଏ । ୧୬ ଅଡ଼େ କିୟୁଁ ଏଲେଜନେ ନାନୁ କାନୁ ଆଏ, ଏଡ଼ି ଆଜ୍ଞାତି ବାଗା ଆଏ, ଏଦାଆଁତାକି ଏଡ଼ି ଆଜ୍ଞାତି ବାଗା ଆଏ ଏଲେକଁ ଆଏ । ୧୭ ବାରେ ଆଜ୍ଞା କାଣକ ଆନୁ, ଆତିହଁ ଏନିକଁ ଝେନାୟି ? ବାରେ ଆଜ୍ଞା କୀକାଁ ଆନୁ ଆତିହଁ ଆଗିତି ମୁଞ୍ଜିନାୟି ? ୧୮ ସାମା ମାହାପୁରୁ ଆଜ୍ଞା ଉଡ଼େଲିଇଁ ରଣ୍ଡା ରଣ୍ଡାଆଁ କିହଁ ତାନି ମନତଲେ ଆଜ୍ଞାତା ଆଟହାମାନେସି । ୧୯ ଅଡ଼େ ଏ ବାରେ ଆଜ୍ଞାତି ରଣିଏ ବାଗା ଆଡ଼ିହଁ ମା ଆତିହଁ ଆଜ୍ଞା ଆଦିୟା ? ୨୦ ସାମା ସାତେଏ ଆଜ୍ଞାତି ବାଗାୟାଁ ହାଡ଼େକା, ସାମା ଆଜ୍ଞା ରଣିଏ ।

୨୧ ନୀ ତାଣା ନାଜେ ଲଡ଼ା ହିଲେଏ ଇଞ୍ଜଁ କାନୁ କେୟୁତି ଏଲେଇଞ୍ଜାଲି ଆଡ଼େଏ, ଇଞ୍ଜାଁ ନୀ ତାଣା ନା ଲଡ଼ା ହିଲେଏ ଇଞ୍ଜଁ ତାୟୁଁ କୁଡାତି ଏଲେଇଞ୍ଜାଲି ଆଡ଼େଏ । ୨୨ ଅରଞ୍ଜାକି ଆଜ୍ଞାତି ଆମିନି ଆଜ୍ଞା ଉଡ଼େଲି ବାଡ଼ୁୟୁ ହିଲାଆଗାଟାଇ ଇଞ୍ଜଁ ପୁତିହଁ ଜିକେଏ ଏଢ଼ି ବାରେ ଲଡ଼ାତା ମାନୁ; ୨୩ ଅଡ଼େ ଆଜ୍ଞାତି ଆମିନି ଆଜ୍ଞା ଉଡ଼େଲି ଲଡ଼ାହିଲାଆ ଗାଟାଇ ଇଞ୍ଜଁ ଅଣ୍ଡପିନାୟି, ଏ ବାରେ ଆଜ୍ଞାତି ଆଜ୍ଞା ଉଡ଼େଲିକାୟି ମାରୁ ହାଡ଼େକା ଜାଡ଼ୁ କିନାୟି; ଅଡ଼େ ମା ଲଡ଼ାହିଲାଆ ଆଜ୍ଞା ଉଡ଼େଲି ହାଡ଼େକା ନେହଁ ତଞ୍ଜିକିୟାନୁ, ୨୪ ସାମା ମା ଅଡ଼ିତି ଆଜ୍ଞା ଉଡ଼େଲି ନେହଁ କଁ ତଞ୍ଜା ଆନାୟି ଲଡ଼ା ଆଏ, ୨୫ ସାମା ଏନିକଁ ଆଜ୍ଞାତି ବିଡ଼ା ଗଡ଼ହା ଆଏ, ଇଞ୍ଜାଁ ଆଜ୍ଞାତି ବାଗାୟାଁ ସମାନା ତଲେ ବାରେଜାଣାତି ନେହାଁଣି ଅଣ୍ଡପିନୁ । ଏଦାଆଁତାକି ଲଡ଼ାହିଲାଆ ଆଜ୍ଞାତି ହାଡ଼େକା ଅଡ଼ି କିହାନା ମାହାପୁରୁ ଜାରୁ କିହାମାନେସି । ୨୬ ଏଦାଆଁତାକି ର ଆଜ୍ଞା କସୁ ବେଟାଆଡ଼ିସାରେ ବାରେ ଆଜ୍ଞା ତାନିତଲେ ଦୁକୁ କିନୁ, ସାମା ର ଆଜ୍ଞା ଗାଧୁରନି ବେଟାଆଡ଼ିସାରେ ବାରେ ଆଜ୍ଞା ତାନିତଲେ ରାହାଁ କିନୁ ।

୨୭ ଏଲେକିହଁ ଏ ମାରୁ କ୍ରୀସୁତି ଆଜ୍ଞାତି ବାଗାୟାଁତେରି, ଅଡ଼େ ର ର ଲକୁ ର ର ଆଜ୍ଞାତି ବାଗାୟାଁ ଲେହେଁ । ୨୮ ଅଡ଼େ ମାହାପୁରୁ କୁଲିନିତା ତଲିଏ ପାଣ୍ଡୁଢ଼ି ଆଡ଼ାରାଇଁ, ଇଞ୍ଜାଁ ତାୟୁ ମାହାପୁରୁ ଅଣ୍ଡପୁତି ବଲୁ ଝେହନାରାଇଁ, ତାୟୁ ଜାପୁନାରାଇଁ, ଏଲେକିହଁ ହାଡ଼େକା ଲକୁଣି ନିପୁହାମାନେସି; ଅଡ଼େ କାବାଆନି କାମା କିନାରାଇଁ, ତାୟୁ ରଗତି ନେହଁ କିନାରାଇଁ, ଇଞ୍ଜାଁ ଲକୁଇଁ ସାୟେମି କିନାୟି, ସାଲୁଢ଼ି କିନାରି ବାଡ଼ୁୟୁ ଅଡ଼େ ଏଟକାତି ପୁନାଆତି ହାଡ଼ା ଜଲ୍ଲିନି ଦାନା ହାହାମାନେସି । ୨୯ ବାରେଜାଣା କି ପାଣ୍ଡୁଢ଼ି ଆହାମାନାରି ? ବାରେଜାଣା କି ମାହାପୁରୁ ଅଣ୍ଡପୁତି ବଲୁ ଝେହନାରି ? ବାରେଜାଣା କି ଜାପୁନାରି ? ବାରେଜାଣା କି କାବାଆନି କାମାକିନାରି ? ୩୦ ବାରେଜାଣା କି ନେହଁ କିନି ବାଡ଼ୁୟୁତି ଦାନା ବେଟା ଆହାମାନାରି ? ବାରେ ଜାଣାକି ଏଟକା ହାଡ଼ାତଲେ ଜଲ୍ଲିନେରି ? ବାରେଜାଣା କି ଏଟକା ହାଡ଼ାତି ଅର୍ତ୍ତ ଝେହନେରି ? ୩୧ ସାମା ବାରେତେରି ନେହଁ ଦାନା ବେଟାଆହାଲି ଅଣ୍ଡପାଦୁ, ସାମା ଏ ବାରେକିହାଁ ଅଡ଼େ ହାଡ଼େକା ଆଗାଡ଼ା ମାନି ର ନେହଁ ଜିରୁ ତସିମାଞ୍ଜାଇଁ ।

୧୩

ଜୀବୁନନାୟି

☆ ୧୨:୧୨ ୧୨:୧୨ ରିନି ୧୨:୪.୫ * ୧୨:୧୩ ୧୨:୧୩ମୁଞ୍ଜିନାୟି ☆ ୧୨:୨୮ ୧୨:୨୮ ଏପିସି ୪:୧୧

୧ ଇତିହଂ ନାନୁ ମାଣସିୟାଁ ଅଡ଼େ ଦୁରୁୟାଁ ହାଡ଼ାତଲେ ଜଲିଇଁ, ଯାମା ନା ଜୀଝୁନନାୟି ହିଲେଏ, ଆତିହଂ ନାନୁ ଚିଣି ଚିଣି ଆନି ଜିଣଜୀମ ଅଡ଼େ ଟାପୁଡ଼ି ଝେନି ହାଡ଼ାଲେହେଁ ତାତେଏ । ୨ *ଇତିହଂ ନାନୁ ମାହାପୁରୁ ଅଣପୁତି ବଲୁ ଝେକହଲି ବାଡ଼ୁଲୁ ମାନେ, ଅଡ଼େ ବାରେ ତୁଗ୍ନାମାନାଣି ଇଞ୍ଜା ବୁଦିତିକାତା ପୁନାତେଏ, ଅଡ଼େ ହରୁଇଁ ଏଟକା ଗୁତି କିହାଲି ନାଜେ ହାରେକା ନାମୁ ମାତି ଜିକେଏ, ଯାମା ନା ତାଣା ଜୀଝୁନନାୟି ହିଲେଏ, ଆତିହଂ ନାନୁ ଏନାତେଏ ଆଏ । ୩ ଇତିହଂ ନାନୁ ହିଲାଆଗାଟି ଲକୁଡାକି ତିଞ୍ଜାଲି ବାରେ ଦନୁ ହାଇଁ, ଅଡ଼େ ନାନୁ ନା ଆଙ୍ଗାଟି ଝେହାଲି ତାକି ହେରପିଇଁ, ଯାମା ନା ତାଣା ଜୀଝୁନନାୟି ହିଲେଏ ଇତିହଂ ନାଦି ଏନି ଲାବା ଆଏ ।

୪ ଜୀଝୁନନାୟି ଅରୁହିନାୟି, ଜୀଝୁନନାୟି ନେହାଁଣି ଅଣପିନାୟି, ତାହାରା କିଆଗାଟାୟି, ବଡପଣ ଆଆଗାଟାୟି, ଆକାରା କିଆଗାଟାୟି । ୫ ଲାଗେଏ କିହଂ ଲେମ୍ବେଏ, ଜାହାରା ତାକି ଅଣପେଏ, ବିରିବିରା ଆଏ, ଲାଗେଏ କିହାଲି ଅଣପୁତା ଇଟେଏ । ୬ ଲାଗେଏତି କାମାତାକି ରାହାଁ ଆଆଗାଟାୟି, ଯାମା ସାତାତା ରାହାଁ କିନାୟି; ୭ ଜୀଝୁ ନନିତାଣା ବାରେ ଅରୁହିନାୟି, ବାରେ ତାଣା ନାମିନାୟି, ବାରେ ତାଣା ବାସୁଁ ହାନାୟି, ବାରେ କାତାତା ସାସା ଆହନାୟି ।

୮ ଜୀଝୁନନାୟି ଏତେଲା ରାଏ; ଯାମା ମାହାପୁରୁ ଅଣପୁତି ବଲୁ ଝେକହା ମାନାୟି, ଦିନା ଝାଡ଼ିସାରେ ମିତି ଜିକେଏ ଆନେ; ଏଟକା ଏଟକା ଜଲିନି ହାଡ଼ା ମାତି ଜିକେଏ ଏଦି ର ଦିନା ସାପି ଆନେ; ବୁଦିତିକାତା ମାତି ଜିକେଏ ଏଦି ମେଣଜୀମହାନେ । ୯ ଇତିହଂ ମାର ରଚାଣିଏ ପୁନାୟି ଅଡ଼େ ମାହାପୁରୁ ଅଣପୁତି ବଲୁ ଇଚେକେଏ ଝେକହାଲି ଆଡ଼ିନାୟି । ୧୦ ଯାମା ପୁରା ଆନାୟି ଝାଡ଼ିହଂ ଉଜେଏତାୟି ମେଣଜୀମହାନେ ।

୧୧ ନାନୁ ଉଣା ମାତିବେଲା ଉଣା କକାରି ଲେହେଁ ଜଲି ମାଟେଏ, ଉଣା କକାରି ଲେହେଁ ଅଣପିମାଟେଏ, ଉଣା କକାରି ଲେହେଁ ପୁଞ୍ଜମାଟେଏ; ନାନୁ ପାତାଆଡ଼ି ମାଣସି ଆୟାଲିଏ ନାନୁ ଉଣା କକାରି କାତା ପିସାଡୁସ୍ତେଏ । ୧୨ ଇତିହଂ ନୀଏଁ ମାର ତୁଗ୍ନାମାନି କାତା ଲେହେଁତି ଦାପେଁଣିତା ମେସିମାନାୟି, ଯାମା ଏଚିବେଲା ମୁମୁ ମୁମୁତୁା ମେସପି ଆନାୟି; ନୀଏଁ ନାନୁ ଏନିକଂ ପୁଞ୍ଜାମାଈଁ, ଯାମା ଏଚିବେଲା ନାଜେ ଏନିକଂ ପୁଞ୍ଜାମାଞ୍ଜାନେସି, ନାନୁ ଜିକେଏ ଏଲେକଂ ତାୟୁ ପୁଇଁ ।

୧୩ ଏଦାଆଁତାକି ନାମିନାୟି, ଆସା କିନାୟି, ଜୀଝୁନନାୟି, ଈ ତାନିଗଟା କାଲେଏତାଇ, ଯାମା ଈ ବିତ୍ରାଟି ଜୀଝୁନନାୟି ବାରେକିହାଁ କାଜାୟି ।

୧୪

ମାହାପୁରୁ ଜୀଝୁତି କାତା ପୁନାୟି

୧ ଜୀଝୁ ନନାଣି ପାରାଦୁ, ଅଡ଼େ ସୁଦୁଜୀଝୁତି ଦାନା ବେଟାଆହାଲି ବାରେତି କିହାଁ ଏନିକଂ ମାହାପୁରୁ ଅଣପୁତି ବଲୁ ଝେକହାଲି ଆଡ଼ିଦେରି, ଈଦାଆଁତାକି ହାରେକା ଅଣପାଦୁ । ୨ ଇତିହଂ ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି, ଏଝାସି ମାଣସିୟାଁଇଁ ଜଲଅସି, ଯାମା ମାହାପୁରୁଇଁ ଜଲିନେସି, ଆମ୍ବାଆସି ଏଦାଆଁ ତେଲହଅସି, ଯାମା ଏଝାସି ସୁଦୁଜୀଝୁ ବାଡ଼ୁଲୁଚି ତୁଗ୍ନାମାନାଣି ଝେକହନେସି । ୩ ଯାମା ଆମ୍ବାଆସି ମାହାପୁରୁ ଅଣପୁତି ବଲୁ ଝେକହନେସି, ଏଝାସି ଲକୁଇଁ ସାୟେନି କିହାନା, ସାସା ଅଡ଼େ ବାସୁଁତି କାତା ଝେକହନେସି । ୪ ଆମ୍ବାଆସି ଏଟକାତି ହାଡ଼ାତଲେ ଜଲିନେସି ଏଝାସି ଜାହାରା ନାମୁତା ପାତିକିହାଁ କଡିନେସି, ଯାମା ଆମ୍ବାଆସି ମାହାପୁରୁ ଅଣପୁତି ବଲୁ ଝେକହନେସି ଏଝାସି କୁଲମିଇଁ ନାମୁତା ପାତିକିନେସି ।

୫ ମାରୁ ବାରେତେରି ଏଟକା ହାଡ଼ାତଲେ ଜଲାଦୁ ଇଞ୍ଜା ନା ଅଣପୁ, ଯାମା ମାରୁ ମାହାପୁରୁ ଅଣପୁତି ବଲୁ ଝେକହୁ ଈଦି ହାରେକା ନା ଅଣପୁ; ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି ଏଝାସି କୁଲମିତି ପାତିକିହାଲି ଏ କାତାତି ଅର୍ତ ଝେକହଅସି ଇତିହଂ ଏଦାଣିକିହାଁ ଆମ୍ବାଆସି ମାହାପୁରୁ ଅଣପୁତି ବଲୁ ଝେକହନେସି ଏଝାସି କାଜାୟି । ୬ ଏଦାଆଁତାକି ତାୟିୟାଁତେରି ନାନୁ ମୀ ତାଣା ଝାଞ୍ଜାନା ମାହାପୁରୁଚି ଝେକହି ବଲୁ, ବୁଦିତିକାତା, ମାହାପୁରୁ ଅଣପୁତି କାତା ଝେକହନାଣି କି ଜାପୁନି କାତା ଝେକହାନା, ଏଟକା ଏଟକାତି ହାଡ଼ାତଲେ ଜଲିଇଁ, ଆତିହଂ ଏମ୍ବାଆଁ ନାନୁ ମୀ ଏନି ଲାବା କିତେଏ ।

୭ ପାରୁଡ଼ି ଅଡ଼େ ସେରୁଜି ଲେହେଁତି ଜୀଝୁ ହିଲାଆଗାଟି ବାଜାୟାଁ ଉକିତିହଂ ଜିକେଏ ଏମ୍ବାଆଁ ତାନି ତିସା ହଏ ଇତିହଂ ପାରୁଡ଼ି ଏନିକଂ ଦାହିମାନେ ସେରୁଜି ଏନିକଂ ଦାହିମାନେ ଏଦାନି ତିସା ଏନିକଂ ପୁନେରି ? ୮ ଇଞ୍ଜା ତୀଡ଼ି ଉକିନାସି ନେହଂକଂ ଉକଅସି ଆତିହଂ ଆମ୍ବାଆସି ଜୁଜୁ ତାକି ତିୟାରା ଆନେସି । ୯ ଏଲେକିହଂଏ ମାରୁ ଜିକେଏ ଏଟକା ହାଡ଼ାତଲେ ନେହଂ ତାନିତଲେ ଜଲଅଡ଼େରି,

* ୧୩:୨ ମାତି ୧୭:୨୦; ୨୧:୨୧; ମାକି ୧୧:୨୩

ମୀରୁ ଏନାଆଁ ଜଲିତେରି ଏନିକ୍ ପୁନେରି, ଇତିହ୍ ମୀରୁ ଜଲିନାୟି ଗାଲିତି ଜଲିନିଲେହେଁ ଆନେ ।
 ୧୦ ଦାରୁତିତା ହାରେକା ତିସା ମାନେ, ଅଡ଼େ ଆମିନି ତିସାତି ଅର୍ତ୍ତ ହିଲିଆଗାଟାଇ ଅଏ । ୧୧ ସାମା ନାନୁ ଏ
 ଜଲିନି ହାଡ଼ା ତେଲହଅଁ ଆତିହ୍ ଆମ୍ବାଆସି ଜଲିନେସି ନାନୁ ଏଞ୍ଜାଣାକି ପୁନାଆତାତେଏଁ ଲେହେଁ ଆଲ୍ଲ,
 ଅଡ଼େ ଏଞ୍ଜାସି ନା ତାଣାଟି ପୁନାଆତାସି ଲେହେଁ ଆନେସି । ୧୨ ଏଲେକିହ୍ ଏ ମୀରୁ ଜିକେଏ ଜୀଞ୍ଜୁତି ଦାନା
 ବେଟାଆହାଲି ଅଣସି ମାନାକି କୁଲମିତି ପାତିକିହାଲି ଗାତି ବେଟାଆହାଲି ଅଣସାପୁ ।

୧୩ ଆମ୍ବାଆସି ଏଟକାତି ହାଡ଼ାତଲେ ଜଲିନେସି, ଏଞ୍ଜାସି ଏନିକ୍ ଏମ୍ବାତି ଅର୍ତ୍ତ ଝେସାଲି ଆଡ଼ିନେସି,
 ଏଦାଆଁତାକି ପ୍ରାଡ଼ାନା କିପେସି । ୧୪ ଇତିହ୍ ନାନୁ ଏଟକା ହାଡ଼ାତଲେ ପ୍ରାଡ଼ାନା କିଇଁ, ଇତିହ୍ ନା ଜୀଞ୍ଜୁ
 ପ୍ରାଡ଼ାନା କିନେ, ସାମା ନା ଅଣପୁ ଏମ୍ବାତି ଏନି ଲାଡ଼ା ହିଲେଏ । ୧୫ ଆତିହ୍ ନାନୁ ଏନାଆଁ କିନାୟିମାନେ,
 ନାନୁ ସୁଦୁଜୀଞ୍ଜୁ ତଲେ ପ୍ରାଡ଼ାନା କିଇଁ; ଇଞ୍ଜା ବୁଦିତଲେ ଜିକେଏ ପ୍ରାଡ଼ାନା କିଇଁ; ସୁଦୁଜୀଞ୍ଜୁ ତଲେ ଜହରା
 ପାରୁ ପାଡ଼ିଇଁ, ଅଡ଼େ ବୁଦିତଲେ ଜିକେଏ ଜହରା ପାରୁ ପାଡ଼ିଇଁ । ୧୬ ନାନୁ ଖାରୁଇ ସୁଦୁଜୀଞ୍ଜୁ ତଲେ
 ମାହାପୁରୁଇଁ ଜହରା କିଦି, ଏମ୍ବାଆଁ କୁଗାମାନାସି ପୁନାଆନା ଏନିକ୍ ନୀ ପ୍ରାଡ଼ାନାତା ତାୟୁ ଆନେନ
 ଇନେସି । ୧୭ ଇତିହ୍ ନାନୁ ନେହ୍ କିଁ ମାହାପୁରୁଇଁ ଜହରା କିହିମାଞ୍ଜି ସାତା, ସାମା ଏଟକାତାସି
 ପାତାଆଅସି ।

୧୮ ନାନୁ ମୀ ବାରେକିହାଁ ହାରେକା ଗାତି ଏଟକାତି ହାଡ଼ାତଲେ ଜଲିଇଁ ଇଞ୍ଜା ନାନୁ ମାହାପୁରୁଇଁ ଜହରା
 କିହିମାଇଁ; ୧୯ ଆଡ଼ିଜିକେଏ ନାନୁ ଏନିକ୍ ଏଟକାତାରାଇଁ ଜାପୁହାଲି ଆଡ଼ିଇଁ, ଏଦାଆଁତାକି କୁଲମିତା ଦସ
 ମାଣା ଏଟକାତି କାତାୟାଁ ଜଲିନି କିହାଁ ବୁଦିତଲେ ପାସାଗଟା କାତା ଝେହନାୟି ନେହେଁ ।

୨୦ ଏ ତାୟିୟାଁତେରି ବୁଦିତା ଉଣା କକାରି ଲେହେଁ ଆଆଦୁ, ସାମା ଲାଗେଏ ପଲେଏ କାତାତାକି ଉଣା
 କକାରି ଲେହେଁ ଆଦୁ, ସାମା ବୁଦିତା ଅଡ଼େ ଅଣପୁତା ପାତାଆଡ଼ି ଲକୁଲେହେଁ ଆଦୁ । ୨୧ ମସା ମୋରାତା
 ରାସକି ଆହାମାନେ,

“ପ୍ରବୁ ଏଲେ ଇଞ୍ଜିମାନେସି, ଏଟକା ଦେସାତି ଜଲିମାନି ହାଡ଼ାତଲେ, ଏଟକା ଲକୁତି ଗୁଡ଼ି ତଲେ
 ନାନୁ ଇ ଲକୁଣି ଜଲିଇଁ,

ଆଡ଼ିଜିକେଏ ଏଞ୍ଜାରି ନା କାତା ଝେନଅରି ।”

୨୨ ଏଦାଆଁତାକି ଏଟକା ହାଡ଼ାତଲେ ଜଲିନାୟି ନାନୁ ଗାଟାରାକି ର ସିନାଲେହେଁ ଆଏ, ସାମା ନାମାଆ
 ଗାଟାରାକି ସିନା ସମାନା; ଅଡ଼େ ଅରଞ୍ଜାକି ମାହାପୁରୁ ଅଣପୁତି ବଲୁ ଝେକ୍ନାୟି ନାମାଆ ଗାଟାରାକି
 ସିନାଲେହେଁ ଆଏ, ସାମା ନାମାନାରାକି ସିନା ସମାନା ।

୨୩ ଅଡ଼େ ଜିକେଏ ବାରେ କୁଲମିତି ଲକୁ ରୁଣ୍ଡା ଆତିହ୍, ଇଞ୍ଜା ବାରେଜାଣା ଏଟକା ଏଟକା ହାଡ଼ାତଲେ
 ଜଲିନେରି, ଅଡ଼େ ପୁନାଆତାରି କି ନାମାଆତାରି ଏମ୍ବାଆଁ ଝାନେରି, ଆତିହ୍ ମିଜେ ବାୟା ଆଡ଼ାରି ଇଞ୍ଜା
 ଇନଅରି କି ? ୨୪ ସାମା ବାରେଜାଣା ମାହାପୁରୁ ଅଣପୁତି ବଲୁ ଝେକ୍ନେରି, ରଅସି ପୁନାଆତାସି କି
 ନାମାଆତାସି ଝାନେସି, ଆତିହ୍ ଏଞ୍ଜାସି ନାନୁ ପାପୁ ଗାଟାତେଏଁ ଇଞ୍ଜା ପୁଞ୍ଜା କତିନେସି ଅଡ଼େ ଏଞ୍ଜାସି
 ବାରେ ଲକୁତାଣା ଦହଗାଟାସି ଇଞ୍ଜା ବିଚାରା ଆନେସି । ୨୫ ଅଡ଼େ ତାନି ହିୟାଁତା ଡ଼ଗୁମାନି ପାପୁତି ଅଣପୁ
 ବାରେ ତଞ୍ଜାଆନେ; ଇଞ୍ଜା ଏଞ୍ଜାସି ମୁନୁ କୁତାହାଁ ମାହାପୁରୁଇଁ ଜହରା କିନେସି, ଇଞ୍ଜା “ସାତେଏ ମାହାପୁରୁ
 ମୀ ତାଣା ମାନେସି ଇଞ୍ଜା ଇନେସି ।”

କୁଲମିତି ମେରା

୨୬ ଏଦାଆଁତାକି ଏ ତାୟିୟାଁ ଅଡ଼େ ତାଜିସ୍ତାତେରି, ଏନାଆଁ କିନାୟିମାନେ ? ମୀରୁ ରୁଣ୍ଡା ଆନାଟି
 ଆମ୍ବାଆରି ର ପାରୁ, ଆମ୍ବାଆରି ର କାତା ଜାପୁନାୟି, ଆମ୍ବାଆରି ମାହାପୁରୁ ତସାମାନି ବଲୁ ଝେକ୍ନାୟି,
 ଆମ୍ବାଆରି ଏଟକା ଏଟକାତି ହାଡ଼ା ଜଲିନାୟି, ଆମ୍ବାଆରି ହାଡ଼ାତି ଅର୍ତ୍ତ ପୁଣ୍ଡାକିନାୟି, ଇଲେକ୍
 ବାରେତାକି ଏନାୟି ଆଆତଁ ଏନାୟି ମାନେ, ଇ ବାରେ କୁଲମିତି ପାତିକିହାଲି କିଞ୍ଜାପେ । ୨୭ ଆମ୍ବାଆରି
 ଏଟକା ହାଡ଼ାତଲେ ଜଲିନେରି ଇତିହ୍ ରିଆରି ଆଆତଁ ତାନିଜାଣା ପାଲି କିହ୍ ଜଲ୍ଲାପେରି ଅଡ଼େ
 ରଅସି ତାନି ଅର୍ତ୍ତ ଝେସପାସି । ୨୮ ସାମା ଆମ୍ବାଆସି ଅର୍ତ୍ତ ତେଲହ କିନାସି ହିଲଅସି ଇତିହ୍ ଏଞ୍ଜାସି
 କୁଲମିତା ପାଲେଏ ମାଣମେସି, ଇଞ୍ଜା ତାନୁ ତାନି ହିୟାଁତା ମାହାପୁରୁଇଁ ଝେସପାସି । ୨୯ ଅଡ଼େ ରିଆରି
 କି ତାନି ଜାଣା ମାହାପୁରୁ ଅଣପୁତି ବଲୁ ଝେସପେରି, ଅଡ଼େ ଏଟକାତାରି ଝେସିମାନାଣି ନେହ୍ କି
 ଝେଣ୍ଡାରି । ୩୦ ସାମା ଏମ୍ବାଆଁ କୁଗାମାନାରି ବିତ୍ତା ଆମ୍ବାଆରାକି ମାହାପୁରୁତି ଏନି ବଲୁ ଝାଡ଼ିସାରେ ନକେଏ
 ଝେସିମାନାସି ପାଲେଏ ମାଣମେସି । ୩୧ ଇତିହ୍ ଏନିକ୍ ବାରେଜାଣା ଜାପିନେରି, ଇଞ୍ଜା ବାରେଜାଣା
 ସେଡ଼ନା ଆନେରି, ଏଦାଆଁତାକି ରଅ ରଅତେରି ମାହାପୁରୁ ଅଣପୁତି ବଲୁ ଝେସାଲି ଆଡ଼ିଦେରି । ୩୨ ସାମା

ମାହାପୁରୁଷ ବଲୁ ଝେହୁନି ବାଡ଼ୁମ୍ଭୁ ଝେହୁନାଣି ତାଣାଟି ଲପକି ଆନାୟି ମାନେ । ୩୩ ଏନାଆଁତାକି ଇଚିହିଁ ମାହାପୁରୁ ଗଡ଼ହା କିନି ମାହାପୁରୁ ଆଏ, ସାମା ହିଡ଼ଡ଼ିତି ମାହାପୁରୁ । ଏନିକିଁ ମାହାପୁରୁ ସୁଦୁ ଲକ୍ଷୁତି କୁଲମିତା ଆନେ ।

୩୪ ଏଲେକିଁ ଇୟାସିକା କୁଲମିତା ପାଲେଏ ମାଣମ୍ଭୁ ଇଚିହିଁ କାତା ଜଲ୍ଲାଲି ଏଞ୍ଜି ହେଲ ବେଟା ଆହାହିଲ୍ଲଭ, ମସା ମେରାତା ରାସ୍ତକି ଆହାମାନି ଲେହେଁ ଏଞ୍ଜି ମାନି ତଲେ ମାନାପୁ । ୩୫ ସାମା ଇୟାସିକା ଏନାଆଁ ପୁଞ୍ଜାଲି ଅଣ୍ଡପିଚିହିଁ, ତାନି ଇଜ ତାନି ତକ୍ରାୟାଣି ଝେଣ୍ଡମ୍ଭୁ ଇଚିହିଁ କୁଲମିତା କାତା ଜଲ୍ଲାନାୟି ଇୟାନାକି ଲାଜାତି କାତା ।

୩୬ ମାହାପୁରୁଷ ବଲୁ ମୀ ତାଣାଟି ହଟାମାନେ କି ? ଇଞ୍ଜା ଖାରୁଇ ମିଙ୍ଗେତାକି ଖାହାମାନେ କି ? ୩୭ ଆମ୍ବାଆସି ନାନୁ ମାହାପୁରୁ ଅଣ୍ଡପୁତି ବଲୁ ଝେହୁନାତେଏଁ, ଇଞ୍ଜା ନେହିଁ ଜାସ୍ତୁତି ଦାନା ବେଟାଆହାମାଲ୍ଲ ଇଞ୍ଜାଁ ଅଣ୍ଡିନେସି, ଆତିହିଁ ନାନୁ ମିଙ୍ଗ ଏନା ଏନାଆଁ ରାଟିମାଞ୍ଜାଲ୍ଲ, ଏଡ଼ି ବାରେ ମାହାପୁରୁଷ ହୁକୁମି ଏଦାଆଁ ଏଞ୍ଜାସି ପୁନାପେସି । ୩୮ ସାମା ଆମ୍ବାଆସି ତେଲ୍ଲହଅସି ଆତିହିଁ ଏଞ୍ଜାସି ଏନାଆଁ ତେଲ୍ଲହଆନା ମାନାପେସି ।

୩୯ ଏଦାଆଁତାକି ତାୟିୟାଁ, ମାହାପୁରୁ ଅଣ୍ଡପୁତି ବଲୁ ଝେକହାଲି ଅଣ୍ଡପେମାଞ୍ଜୁ; ଇଞ୍ଜା ଏଟକାତି ହାଡ଼ା ଜଲ୍ଲାଲି କାହିକିଆଡୁ । ୪୦ ସାମା ବାରେ କାମା ନେହିଁ ତଲେ ସୁସ୍ତି ତଲେ କିନାୟିମାନେ ।

୧୫

କ୍ରୀସ୍ତ ହାକିଚି ନିଜ୍ଜିନାୟି

୧ ନା ତାୟିୟାଁ ଅଡ଼େ ତାଜିସ୍ତାତେରି, ନାନୁ ମୀ ତାଣା ଆମିନି ନେହିଁ କାରୁ ଝେକହାମାଚେଏଁ, ଆମିନି କାରୁ ମୀରୁ ତୀରିତଲେ ଆସାମାଚେରି ଆମିନି ତାଣା ତୀରିତଲେ ମାଞ୍ଜାମାଞ୍ଜେରି, ନାନୁ ଏନିକିଁ ମୀ ତାଣା ଝେକହାମାଚେଏଁ, ଏଦାଆଁ ମିଙ୍ଗେ ଅଣ୍ଡପି କିହିମାଞ୍ଜାଲ୍ଲ । ୨ ମିଙ୍ଗେ ଝେକହା ମାଞ୍ଜାନି ନେହିଁ କାରୁ ମୀରୁ ଜାଣ୍ଡେ ଆସା ମାଚିହିଁ, ଇ ନେହିଁ ବଲୁ ତାକି ମୀରୁ ଗେଲ୍ପି ଆହାମାଞ୍ଜେରି, ଆଆତେଁ ମୀରୁ ଉଜେଏ ନାମ୍ବୁ ଗାଟାଚେରି ଆହାମାଚେରି ।

୩ ଇଚିହିଁ ନାନୁ ଆମିନି ଜାପୁନାଣି ବେଟା ଆହାମାଚେଏଁ, ଏ ବିତ୍ରାଟି ଇ କାଜା କାତା ମିଙ୍ଗେ ହାହାମାଞ୍ଜାଚେଏଁ, ଇଚିହିଁ କ୍ରୀସ୍ତ ଦାମ୍ବୁ ପତିତା ରାସ୍ତକି ଆହାମାନି ଲେହେଁ ମା ପାପୁ ତାକି ହାଡ଼େସି । ୪ ମୁସ୍ତସି ଆଡ଼େସି, ଇଞ୍ଜା ଦାମ୍ବୁ ପତିତା ରାସ୍ତକି ଆହାମାନି ଲେହେଁ; ତାନିଦିନା ତାୟି ହାକିଚି ଝେଣ୍ଡେ ନିଜ୍ଜିଚେସି । ୫ ଏଞ୍ଜାସି କେପା* ଅଡ଼େ ବାରଜାଣା ସୀସୁୟାଣି ତଞ୍ଜାଆଡ଼େସି । ୬ ତାୟି ରଣ୍ଡିଏ ଦେବା ପାସା ଖାଞ୍ଜାଟିଏ ଆଗାଡ଼ା ତାନି ଜେଟ ହାନି ତାୟିୟାଁଲ୍ଲ ତଞ୍ଜାଆଡ଼େସି; ଏଞ୍ଜାସି ବିତ୍ରାଟି ହାରେକା ଲକୁ ନୀଞ୍ଜୁପାଚେକା ନୀତାମାନେରି, ସାମା ଏଚେକା ଲକୁ ହାହାମାନେରି । ୭ ଏଚେଟିଏ ଏଞ୍ଜାସି ଜାକୁବଲ୍ଲ ଇଞ୍ଜା ତାୟି ବାରେ ପାଣ୍ଡି ଆଡ଼ାରାଲ୍ଲ ତଞ୍ଜାଆଡ଼େସି ।

୮* ବାରେଡ଼ି ତାୟି ଲେଞ୍ଜୁ ପୁରାଆନା ଜାନୀଆଡ଼ି ଲେହେଁ ତାଚେଏଁ ନାଜେ ଜିକେଏ ତଞ୍ଜା ଆୟାଚେସି । ୯* ଇଚିହିଁ ମାହାପୁରୁଷ କୁଲମିତି ଲକୁଲ୍ଲ ସାସ୍ତି ହାହିମାତାକି ପାଣ୍ଡି ଆହାମାନାରି ତାଣା ବାରେକିହାଁ ନାନୁ ଉଣାଚେଏଁ, ଇଞ୍ଜା ପାଣ୍ଡିଆହାମାନି ଦରୁ ବେଟାଆହାଲି ପାଡ଼ା ଆଆଗାଟାଚେଏଁ । ୧୦ ସାମା ନାନୁ ଏନି ଆହାମାଲ୍ଲ, ଏଡ଼ି ମାହାପୁରୁ କାର୍ମାମେହୁନି ତାଣାଟି ଆହାମାନେ, ଇଞ୍ଜା ନା ତାକି ତାନି କାର୍ମାମେହୁନାୟି ଉଜେଏ ଆହା ହିଲେଏ, ସାମା ନାନୁ ଏ ବାରେଜାଣା କିହାଁ ହାରେକା କାମା କିହାମାଲ୍ଲ, ଆଡ଼ିଜିକେଏ ନାନୁ ଆଏ, ସାମା ମାହାପୁରୁଷ କାର୍ମାମେହୁନାୟି ଏଦାଆଁ କିହାମାନେ । ୧୧ ଏଦାଆଁତାକି ନାନୁ ଆପେ କି ଏଞ୍ଜାସି ଆଡ଼ପରି ଏଲେକିହିଁ ମାମ୍ବୁ ଡ଼ୁଞ୍ଜିସିମାନମି ଅଡ଼େ ମୀରୁ ଜିକେଏ ଏଲେକିହିଁ ନାମାମାଞ୍ଜେରି ।

ମୀରୁ ହାକିଚି ନିଜ୍ଜିନାୟି

୧୨ କ୍ରୀସ୍ତ ହାକିଚି ନିଜ୍ଜାମାନେସି ଇଞ୍ଜାଁ ଇ କାରୁ ଝେସ୍ତପି ଆହିମାନେ, ଆତିହିଁ ହାଡ଼ାରି ଝେଣ୍ଡେ ନିଜ୍ଜିନାୟି ହିଲେଏ ଇଞ୍ଜାଁ ଏନିକିଁ ମୀ ବିତ୍ରାଟି ଏଚରଜାଣା ଏଲେ ଇଞ୍ଜାମାନେରି ? ୧୩ ହାଡ଼ାରି ଝେଣ୍ଡେ ନିଜ୍ଜିନାୟି ହିଲେଏ, ଇଚିହିଁ କ୍ରୀସ୍ତ ଜିକେଏ ଝେଣ୍ଡେ ନିଜ୍ଜା ହିଲଅସି । ୧୪ ଇଞ୍ଜା କ୍ରୀସ୍ତ ହାକିଚି ଝେଣ୍ଡେ ନିଜ୍ଜା ହିଲଅସି, ମାମ୍ବୁ ଡ଼ୁଞ୍ଜିକିହିମାନାୟି ବାରେ ଉଜେଏତାୟି, ଅଡ଼େ ମୀ ନାମ୍ବୁ ଜିକେଏ ଉଜେଏତାୟି । ୧୫ ଅଡ଼େ ମାମ୍ବୁ ମାହାପୁରୁଷି ମିତି ଝେହୁନିଲେହେଁ ତଞ୍ଜାଆନେ, ଏନାଆଁତାକି ଇଚିହିଁ ମାମ୍ବୁ ମାହାପୁରୁ

* ୧୫:୪ ୧୫:୪ ମାଚି ୧୨:୪୦; କାମା ୨:୨୪-୩୨ * ୧୫:୫ ୧୫:୫ ଲୁକ ୨୪:୩୪; ମାଚି ୨୮:୧୨,୧୭; ମାର୍କ ୧୫:୧୪; ଲୁକ ୨୪:୩୬; ଜହ ୨୦:୧୯ * ୧୫:୫ ୧୫:୫ ପିଚର * ୧୫:୮ ୧୫:୮ କାମା ୯:୩-୬ * ୧୫:୯ ୧୫:୯ କାମା ୮:୩

କପାଟି ଛ କାତା ସାକି ହୀତମିମା କି କ୍ରୀସୁଇଁ ନିକହାମାନେସି, ସାମା ହାତାରି ନିଜଅରି, ଆତିହ୍ ଏଝାସି କ୍ରୀସୁଇଁ ଜିକେଏ ନିକହା ହିଲଅସି । ୧୭ ଏଲେଆହ୍ ହାତାରି ନିଜାହିଲଅରି, ଆତିହ୍ କ୍ରୀସୁ ଜିକେଏ ନିଜା ହିଲଅସି । ୧୮ ଇଞ୍ଜା କ୍ରୀସୁ ନିଜା ହିଲଅସି ଇତିହ୍ ମୀ ନାମୁ ଜିକେଏ ଉଜେଏତାୟି ଆନେ, ଇଞ୍ଜା ମୀରୁ ନାଏଁ ପାତେକା ମୀ ପାପୁ ତଲେ ମାଞ୍ଜାମାଞ୍ଜେରି । ୧୯ ଆତିହ୍ ଆମ୍ବାଆରି କ୍ରୀସୁ ତାଣା ନାମାମାଞ୍ଜାନା ହାହାମାନେରି, ଏଝାରି ଜିକେଏ ନାସା ଆହାମାନେରି । ୧୯ ମାରୁ ଖାଉଇ ଛ ଜୀସୁତାକି କ୍ରୀସୁଇଁ ଆସା କିହିମାନାୟି, ଆତିହ୍ ମାରୁ ବାରେ ମାଣସିୟାଁ କିହାଁ କାର୍ମା ହିଲଆଗାଟାତାୟି ।

୨୦ ସାମା ସାତାତଲେ କ୍ରୀସୁ ହାଡ଼ି ଲକ୍ଷୁତି ମୂଲୁତି ପାଡ଼େୟି ଲେହେଁ ହାତାରି ବିତ୍ତାରି ଖେଣ୍ଡେ ନିଜାମାନେସି । ୨୧ ଇତିହ୍ ମାଣସି ତାଣାଟି ହାନାୟି ଖାହାମାନାକି ଅଡ଼େ ମାଣସି ତାଣାଟିଏ ହାତାରି ବିତ୍ତାରି ଖେଣ୍ଡେ ନିଜାମାୟି ଜିକେଏ ଖାହାମାନେ । ୨୨ ଇତିହ୍ ଆଦମ ତାଣାଟି ବାରେ ମାଣସିକି ହାକି ଖାଡ଼େ, ଏଲେକିହ୍ ଏ କ୍ରୀସୁ ତାଣାଟି ବାରେଜାଣା ଜୀସୁ ବେଟାଆନେରି । ୨୩ ସାମା ବାରେଜାଣା ତାମି ପାଲି ଏତିସାରେ ତଲିତି ପାଡ଼େୟି କ୍ରୀସୁ, ତାମୁ କ୍ରୀସୁତି ଖାନିଦିନାତି କାଟାମାନାରି ଖେଣ୍ଡେ ନିଜାନେରି । ୨୪ ଏବେଟିଏ ଜୁଗୁ ରାନି ଦିନା ଖାଡ଼େ, ଏତିବେଲାତା କ୍ରୀସୁ ବାରେ କାଳପାଣା, ବାରେ ଅଦିକାରା, ବାଡ଼ୁଲୁ ମେକ୍‌ହି ତାମୁ ଆବା ମାହାପୁରୁକି ସାଲୁଝି କିନି ପାଣା ହେରପିନେସି । ୨୫ ମାହାପୁରୁ ବାରେ ସାତୁୟାଁଇଁ ହାଡ଼ି କିହାଁ କ୍ରୀସୁତି କତାୟାଁ ତୁଇ ଇଟାସା ପାତେକା ଏଝାସି ସାଲୁଝି କିନାୟିମାନେ । ୨୬ ତାମୁତି ସାତୁ ସମାନା ହାକିତି ଜିକେଏ ମେକ୍‌ନାୟି ମାନେ; ୨୭ ଏନାଆଁତାକି ଇତିହ୍ ଦାମ୍‌ପୁତିତା ରାସ୍‌କି ଆହାମାନେ, “ମାହାପୁରୁ ବାରେତି ତାନି କଟାଁ ତୁଇ ଲକ୍‌ନେସି,” ଇଞ୍ଜା ଏବେତା ଏଝାସି ଏଲେଇନେସି, “ବାରେ ଲକ୍‌ହାମାନେସି,” ଏଡ଼ି ସାତା କ୍ରୀସୁ ବାରେ ତାମୁ ଲକ୍‌ହେସି, ଏ ବାରେ ତାଣା ତାମୁ ଆଣ୍ଡା ହାଲଅସି । ୨୮ ଅଡ଼େ ବାରେତି କ୍ରୀସୁ କତାୟାଁ ତୁଇ ଲକ୍‌ହି ଜେଡ, ଆମ୍ବାଆସି ବାରେତି ତାନି ତାଣା ଲକ୍‌ହେସି, ମୀରୁଏସି ଜିକେଏ ତାନି ଆବା ମାହାପୁରୁ ତୁଇ ତୁୟିନେସି; ଅଡ଼େ ମାହାପୁରୁ ବାରେତି ଲାକ ସାଲୁଝି କିନେସି ।

୨୯ ହାତାରି ନିଜାଆସାରେ, ଆମ୍ବାଆରି ହାତାରି ତାକି ବାପ୍ତିସ୍ମା ଅନେରି, ଏଝାରି ଏନାଆଁ କିନେରି ? ଆତିହ୍ ହାତାରି ନିଜାଆସାରେ, ଏଝାରି ତାକି ଏନାଆଁତାକି ବାପ୍ତିସ୍ମା ଅନେରି । ୩୦ ଅଡ଼େ ମାରୁ ଜିକେଏ ଏନାଆଁତାକି ବାରେବେଲା ତଣ୍ଡ ତଲେ ନାସା ଆନି ତାଣା ହାନାୟି ? ୩୧ ତାୟିୟାଁ ଅଡ଼େ ତାଲିସ୍ମାତେରି, ମା ପ୍ରବୁ କ୍ରୀସୁ ତାଣା ମିଜେତାକି ନାମୁ ଆମିନି ବତପଣା ଆହିମାଇଁ, ଏମ୍ବାତି ମାନି କିହାଁ ଏଲେ ଇଞ୍ଜିମାଇଁ, ନାମୁ ବାରେଦିନା ହାନିଲେହେଁତି କସୁ ବେଟାଆହିମାଇଁ । ୩୨ ଇତିହ୍ ମାଣସିକି ଅଣ୍ଡପିନି ଲେହେଁ ଏପିସିୟ ଗାଡ଼ାତା ନାମୁ ଖାଉଇ “ଜାଡ଼ା ଜନ୍ତୁୟାଁ” ତଲେ ଜୁଜୁ କିହାମାଇଁ, ଆତିହ୍ ଏମ୍ବାଆଁ ନାଜେ “ଏନି ଲାବା ?” ସାମା ହାତାରି ନିଜଅରି, “ଆତିହ୍ ଖାଦୁ ମାରୁ ତିନି ଉନ ଇତିହ୍ ଓଏ ମାରୁ ହାନାୟି ।”

୩୩ ମୀରୁ ନାଡ଼ି ଆସାଦୁ, “ଇତିହ୍ ପଲୁଆ ଗାଟାରି ତତୁ ଚୁନହ୍ ଲକ୍ଷୁତି ଗୁଣ୍ଡ ନସୁ କିନେ ।” ୩୪ ମୀରୁ ନେହ୍ କି ଜାଗ୍ରାତା ଆଦୁ, ପାପୁ କିଆଦୁ, ଇତିହ୍ ଆମ୍ବା ଆମ୍ବାଆରାକି ମାହାପୁରୁଇଁ ପୁନି ବୁଦି ହିଲେଏ; ନାମୁ ମୀ ଲାଜା ତାକି ଛ କାତା ଖେସିମାଞ୍ଜାଇଁ ।

ହାକିତି ଖେଣ୍ଡେ ନିଜାରି ଆଜା

୩୫ ସାମା ଆମ୍ବାଆରି ଏଲେଇନେରି, “ହାତାରି ଏନିକି ନିଜାନେରି ? ଏନିଲେହେଁତି ଆଜା ତଲେ ଏଝାରି ଖାଡ଼େରି ?” ୩୬ ବୁଦି ହିଲଆ ଗାଟାତେରି, ମୀରୁ ଏନାଆଁ ମାଟିମାଞ୍ଜେରି ଏଡ଼ି ହାଆସାରେ ଖେଣ୍ଡେ ଜୀସୁଆହାଁ ଗଜା ଆଏ । ୩୭ ଅଡ଼େ ଏନିନି ଆଜା ଆନେ ଏନାଆଁ ମୀରୁ ମାଟିହିଲଅତେରି, ସାମା ଗହ୍‌ୟାଁ ଆପୁ କି ଏନି ଆନା ଆପେ, ଏଡ଼ି ପାଡ଼େୟି ଲେହେଁ । ୩୮ ସାମା ମାହାପୁରୁ ତାନି ଅଣ୍ଡପୁ ଲେହେଁ ଏଝାରାକି ଆଜା ହୀନେସି, ଅଡ଼େ ବାରେ ପାଡ଼େୟି ତାକି ତାନି ଆଜା ହୀନେସି ।

୩୯ ବାରେ ଆଜା ରଣ୍ଡିଏ ରଲେଏତି ଆଜା ଆଏ, ସାମା ମାଣସିୟାଁକି ରଲେତି ଆଜା, ଜନ୍ତୁୟାଁକି ରଲେତି ଆଜା, ଅଡ଼େ ପଗାୟାଁକି ଅର ରଲେତି ଆଜା, ଅଡ଼େ ମୀଣ୍ଡାକି ତାକି ଅର ରଲେତି ଆଜା ।

୪୦ ଲାକପୁରୁକି ଆଜା ମାନେ, ଅଡ଼େ ଦାର୍‌ତିକି ଆଜା ଜିକେଏ ମାନେ, ଲାକପୁରୁତି ଆଜା ରଲେତି ଅଜୁ, ଅଡ଼େ ଦାର୍‌ତିକି ଆଜାତି ଅଜୁ ଅର ରଲେତାୟି । ୪୧ ଖେଡ଼ାତି ଉଜେଡ଼ି ରଲେତାୟି, ଅଡ଼େ ଲେଞ୍ଜୁତି ଉଜେଡ଼ି ଅର ରଲେତାୟି, ଅଡ଼େ ହୁକାୟାଁତି ଉଜେଡ଼ି ରଲେତାୟି, ଇଞ୍ଜା ର ହୁକା ଟିଏ ଅର ହୁକାତି ଉଜେଡ଼ି ଅର ରଲେତାୟି ।

୪୨ ହାତାରି ନିଜାନାୟି ଜିକେଏ ଏଲେତାୟିଏ, ନାସା ଆନିଲେହେଁ ମାଟ୍‌କି ଆନେ, ସାମା ନାସା ଆଆଗାଟାୟି ଲେହେଁ ନିଜାନେ; ୪୩ ଲଡ଼ାହିଲାଆ ଗାଟାୟି ଲେହେଁ ମାଟ୍‌କି ଆନେ ଏଡ଼ି ଗାଞ୍ଜୁରମି ତଲେ

ନିଜ୍ଜନେ; ବାଡ଼ୁୟୁ ହିଲାଆଗାଟାୟି ଲେହେଁ ମାଟ୍ଟକି ଆନେ, ବାଡ଼ୁୟୁ ଗାଟାୟି ଆହାଁ ନିଜ୍ଜନେ ।^{୪୪} ଇର୍ଆତି ଆଜ୍ଜା ତଲେ ମୁସପିଆନେ ଜାଝୁତି ଆଜ୍ଜା ତଲେ ନିଜ୍ଜନେ; ସାମା ଇର୍ଆତି ଆଜ୍ଜା ମାନେ ଇତିହଁ ଜାଝୁତି ଆଜ୍ଜା ଜିକେଏ ମାନେ ।^{୪୫} ଦାମ୍ପୁପତିତା ରାସ୍ତି ଆହାମାନେ, ତଲିତି ମାଣସି ଆଦମ ଜାଝୁତି ମାଣସି କିହଁ ଗାଡ଼ି ଆଡେତସି; ସାମା ତାୟୁତି ଆଦମ ପୁଣ୍ଡା ହାନି ଜାଝୁ ଆଡେତସି ।^{୪୬} ସାମା ଜାଝୁ ଗାଟାସି ନକେଏ ଆଏ, ଆଜ୍ଜା ତଲେତାସି ନକେଏ, ଅଡେତ ତାୟୁ ଜାଝୁ ଗାଟାସି ଆଡେତସି ।^{୪୭} ନକେଏତି ମାଣସି ଆଦମ ଦାର୍ତତି ମାନି ଇର୍ଆ ତଲେ ଗାଡ଼ି ଆହାମାନେ, ଅଡେତ ତାୟୁତି ମାଣସି ଲାକପୁରୁତି ଖାହାମାନେ ।^{୪୮} ଆଦାଆରି ଇର୍ଆ ତଲେ ଗାଡ଼ି ଆହାମାନେ, ଏଞ୍ଜାରି ଇର୍ଆତି ଗାଡ଼ି ଆଡି ଏ ମାଣସିଲେହେଁ, ଇଞ୍ଜା ଆଦାଆରି ଲାକପୁରୁତାରି ଏଞ୍ଜାରି ଲାକପୁରୁତି ଖାହାମାନି ଏ ମାଣସି ଲେହେଁତାରି ।^{୪୯} ଅଡେତ ମାରୁ ଇର୍ଆତି ଗାଡ଼ି ଆହାମାନି ଏ ମାଣସିତି ଖାଣା ଆସାମାନାୟି, ଏଲେକିହଁ ଏ ଏ ଲାକପୁରୁତି ମାଣସିତି ଖାଣା ଜିକେଏ ଆହୁନାୟି ।

^{୫୦} ତାୟିୟାଁ ଅଡେତ ତାଜିସ୍ତାତେରି ନାନୁ ଖେସିମାଞ୍ଜାଇଁ, ନେତେରି ଅଡେତ ଉଜ୍ଜା ମାହାପୁରୁତି ରାଜିତି ଅଦିକାରା କିହାଲି ଆଡେଏ, ସାମା ହାନାୟି ହାଆଗାଟାଣି ଅଦିକାରା କିହାଲି ଆଡେଏ ।

^{୫୧} *ମେହଦୁ ନାନୁ ମିଜେ ର ତୁଗାମାନି କାତା ଖେସିମାଞ୍ଜାଇଁ, ମାରୁ ବାରେ ଜାଣାତାୟି ହାଆୟି, ସାମା ମାରୁ ବାଦଲଖି ଆନାୟି, ^{୫୨} ଦେବୁଣିଏ, କାନୁ ମିତି କିନିଲେହେଁ, ତାୟୁତି ତାଡ଼ି ମହୁରି କାଜା ହାଡ଼ା ଖେଟିସାରେ ମାରୁ ବାରେତାୟି ଅରୁ ଖାଣା ଆନାୟି; ଇତିହଁ କମ୍ପୁ ତାନେ ଅଡେତ ହାଡ଼ାରି ନାସା ଆଆନା ନିଜ୍ଜନେ, ଅଡେତ ମାରୁ ବାଦଲଖି ଆନାୟି ।^{୫୩} ଇତିହଁ ଇ ମେଣ୍ଡଜିନି ଆଜ୍ଜାତି ମେଣ୍ଡଜାଆଗାଟି ହିମ୍ପୁରି ପରୁନାୟି ମାନେ, ଅଡେତ ଇ ହାନି ଆଜ୍ଜାତି ହାଆଗାଟି ହିମ୍ପୁରି ପରୁନାୟି ମାନେ ।^{୫୪} ସାମା ଇ ମେଣ୍ଡଜିନି ଆଜ୍ଜାତି ମେଣ୍ଡଜାଆଗାଟି ହିମ୍ପୁରି ଅଡେତ ହାନି ଆଜ୍ଜାତି ହାଆଗାଟି ହିମ୍ପୁରି ହୁତିତି ଜେଡ, ଇ ରାଡ଼ାମାନି ବଲୁ ସାତା ଆନେ: “ହାକି ନାସା ଆହାମାନେ: ଜାଣା ଆନାୟି ଆହାମାନେ ।”

^{୫୫} “ଏ ହାକି ନୀ ଜାଣା ଆନାୟି ଆସ୍ତିୟା ?
ଏ ହାକି ନୀ ନାସାକିନି ବାଡ଼ୁୟୁ ଆସ୍ତିୟା ?”

^{୫୬} ହାକିତି ସାତୁ ପାପୁ, ଅଡେତ ପାପୁତି ବାଡ଼ୁୟୁ ମସାତି ମେରା; ^{୫୭} ସାମା ଏମିନି ମାହାପୁରୁ ମା ପ୍ରବୁ ଜାସୁ କ୍ରାସୁତି ତାକି ମାଜେ ଜାଣି କିୟାନେସି ଏଞ୍ଜାଣାକି ଜହରା ଆପେ ।

^{୫୮} ଏଦାଆଁତାକି ଏ ନା ଜାଝୁତି ତାୟିୟାଁ ଅଡେତ ତାଜିସ୍ତାତେରି, ପ୍ରବୁତି ସେବାତା ମୀ କସୁତଲେ କାମା କିନାୟି ଉଜେଏ ଆଏ, ଇଦାଆଁ ପୁଞ୍ଜାନା ପ୍ରବୁତି କାମାତା ତାରିଆହାଁ ବାଡ଼ୁୟୁ ତଲେ ସେବାତା ହାରେ ହାରେକା ଜାଡ଼ୁନୁ ଆଦୁ ।

୧୭

ମାହାପୁରୁତି ଲକ୍ଷ୍ମୀତାକି ଦାନ

^୧ *ମାହାପୁରୁ ଲକ୍ଷ୍ମୀ ତାକି ତାୟୁୟାଁ କୁଡ଼ିକିନି କାତା ନାନୁ ଏନିକିଁ ଗାଲତାୟା କ୍ରାସାନା କୁଲମିତା ଖେସାମାଚେସି, ମାରୁ ଜିକେଏ ଏଲେକିଁ କିଦୁ ।^୨ ମାରୁ ବେଦାଆହୁମାନି ଲେହେଁ ବାରେ ଖାରାତି ମୁଲୁ ଦିନା ମାରୁ ବାରେତେରି ମୀ ଆଡ଼ିନି ଲେହେଁ ମୀ ବିତ୍ତା ଏତେକା ତାୟୁୟାଁ କୁଡ଼ିକିହାଁ ଇଟାଦୁ, ଆଡିହଁ ନାନୁ ଖାଡ଼ିସାରେ ମିଜେ ଅଡେତ ତାୟୁୟାଁ ରାସାଲି ଲଡ଼ା ଆଏ ।^୩ ଅଡେତ ନାନୁ ଖାଡ଼ିଜେଡ, ମାରୁ ଆଦାଆରାଇଁ ଜେଗ ଇଞ୍ଜା ଆଡ଼ାମାଞ୍ଜେରି ନାନୁ ଏଞ୍ଜାରିକି ଆକୁ ରାଡ଼ାହାଁ ଜିରୁସାଲମତା ମୀ ଦାନା ଅହାଲି ପାଣ୍ଡିଲ୍; ^୪ ସାମା ନାଜେ ଜିକେଏ ହାଜାଲି ଲଡ଼ାଆନେ ଇତିହଁ ଏଞ୍ଜାରି ନା ତଲେ ଖାଡ଼ପେରି ।

କାମାତାକି ପାଞ୍ଜୁଲତି ଅଣ୍ଡପୁ

^୫ *ସାମା ନାନୁ ମାକିଦନିୟା ହାତି ତାୟୁ ମୀ ତାଣା ଖାଇଁ, ଏନାଆଁତାକି ଇତିହଁ ନାଜେ ମାକିଦନିୟାତି ହାନାୟି ମାନେ ।^୬ ଆଆତଁ ନାନୁ ଖାଡ଼ିସାରେ ଏତରଦିନା ମୀ ତାଣା ଡ଼ୟିଲ୍, ଇତିହଁ ପେନିବେଲା ହାଲ୍ଡେ ମାଞ୍ଜାଲି ଅଣ୍ଡପିମାଇଁ, ଏଡେତା ନାନୁ ଆମିନି ଟାୟୁତା ହାଲ୍ଡ, ଏନାଆଁ ହାନାଟି ମାରୁ ନାଜେ ଇଡିଞ୍ଜାୟଦେରି ।^୭ ଇତିହଁ ନୀଏଁ ନାନୁ ହାନାଟି ମୀ ତାଣା ଗାଡ଼େକା ତାକି ତଞ୍ଜାଆହାଲି ଅଣ୍ଡପି ହିଲଅଁ, ଇତିହଁ ପ୍ରବୁ ନାଜେ ହେଲ ହିୟାତିହଁ, ନାନୁ ମୀ ତଲେ ଏତରଦିନା ମାଞ୍ଜାଲି ଆସା କିହିମାଇଁ ।

^୮ *ସାମା ନାନୁ ପେନିକସୁ ଦିନା ପାତେକା ଏପିସିୟ ଗାଡ଼ାତା ଡ଼ୟିଲ୍; ^୯ ଇତିହଁ ପ୍ରବୁତି କାମା କିହାଲି ଅସାରା ଦାରା ଦେପିଆହାମାନେ, ଆଆତଁ ଜିକେଏ ନାଜେ ଅପାଆଗାଟାରି ହାରେକା ମାନେରି ।

* ୧୫:୫୧ ୧୫:୫୧ ୧୧ତସ ୪:୧୫-୧୭ * ୧୭:୧ ୧୭:୧ ରମି ୧୫:୨୫,୨୭ * ୧୭:୫ ୧୭:୫ କାମା ୧୯:୨୧ * ୧୭:୮ ୧୭:୮ କାମା ୧୯:୮-୧୦

୧୦ *ତିମତି ମୀ ତାଣା ଖାଡ଼ିସାରେ ଏଝାସି ଏନ୍ନିକି ଆଜାଆନା ମୀ ତାଣା ତୁୟିନେସି, ଏଦାଆଁତାକି ମୀରୁ ଅଣ୍ଡାପାବୁ, ଇଚିହୁଁ ନାନୁ ଏନ୍ନିକି ଏଝାସି ଜିକେଏ ଏଲେକିହୁଁ ଏ ପ୍ରବୁତି କାମାକିନାସି । ୧୧ ଏଦାଆଁତାକି ଆମ୍ବାଆତେରି ଏଝାଣାଇଁ ହୀଣି କିଆବୁ, ସାମା ଏଝାସି ଏନ୍ନିକି ନା ତାଣା ଖାହାଲି ଆଡ଼ିମାନେସି, ଏଦାଆଁତାକି ଏଝାଣାଇଁ ହିଡ଼ି ଜୀଝୁତଲେ ଜିରୁ ତସା ପାଣ୍ଡାବୁ; ଏନାଆଁତାକି ଇଚିହୁଁ ଏଝାସି ତାୟିୟାଁ ତଲେ ଖାନ୍ନେସି ଇଞ୍ଜି ନାନୁ କାଡ଼ିମାଇଁ ।

୧୨ ସାମା ତାୟି ଆପଲ ତାକି ଖେସିମାଞ୍ଜାଇଁ, ନାନୁ ଏଟକାତି ତାୟିୟାଁ ତଲେ ମୀ ତାଣା ହାଜାଲି ଏଚେକା ବାତିମାଲିଡେସି, ସାମା ନାସି ଖାହାଲି ମନ କିଆତେସି, ସାମା ପାରୁ ସିନିକିହାନା ଏଝାସି ଖାନ୍ନେସି ।

ଆକୁତି ରାନ୍ନି କାତା

୧୩ ମୀରୁ ଜାଗ୍ରାତା ଆହୁଁ ନାମୁତା ତାରିତଲେ ମାଞ୍ଜୁ, ଅଡେ ସାସା ଗାଗାତେରି ଆହାନା ବାଡ଼ୁୟୁ ଆହୁଁ ।

୧୪ ମୀ ବାରେ କାମା ଜୀଝୁ ନନାଣି ତଲେ ଆପେ ।

୧୫ *ଏ ତାୟିୟାଁ ଅଡେ ତାଜିସ୍ତାତେରି ସ୍ତ୍ରୀପାନ ଇଲୁ କୁଚମି ଆକାୟାତି ମୂଲୁଏ ନାମିତାରି; ଅଡେ ମାହାପୁରୁ ଲକୁଣି ସେବା କିନି କାମାତାକି ହେରପା କତାମାନେରି ଏଦାଆଁ ମୀରୁ ପୁଞ୍ଜାମାଞ୍ଜେରି । ୧୬ ମୀରୁ ଏଲେତି ଲକୁତି ଅଡେ ତାମିତଲେ ଆଣ୍ଡାନା ଖାହୁତଲେ କାମା କିହିମାନାରାଇଁ ମାନି କିଦୁ, ଏଦାଆଁତାକି ନାନୁ ମିଙ୍ଗ ବାତିମାଲିମାଞ୍ଜାଇଁ ।

୧୭ ସ୍ତ୍ରୀପାନ, ପର୍ତୁନାତ, ଅଡେ ଆକାୟିକ ଖାଡ଼ାକି ନାନୁ ହାରେକା ରାହୁଁ ଆହିମାଇଁ, ଇଚିହୁଁ ମୀରୁ ହିଲାଆତାକି ନାଙ୍ଗେ ଏନାୟି ଲଡ଼ା ମାଚେ, ଏଝାରି ଏଦାଆଁ ହୀହାମାଞ୍ଜାନେରି । ୧୮ ଇଚିହୁଁ ଏଝାରି ମୀ ଜୀଝୁତି ଅଡେ ନା ଜୀଝୁତି ରାହୁଁ କିହାଁ ମାଞ୍ଜାନେରି; ଏଲେତି ଲକୁଇଁ ଜଗେ ଇଞ୍ଜି ପୁଞ୍ଜାନା ମାନି କିଦୁ ।

୧୯ *ଆସିୟା ଦେସାତା ମାନି କୁଲମିକା ମିଙ୍ଗେ ଜହରା କିହିମାଞ୍ଜାନେରି, ଆକ୍ଝିଲା ଅଡେ ପ୍ରିସ୍ତିଲା ତାନି ଇଜ ରୁଣ୍ଡା ଆନି କୁଲମି ତଲେ ପ୍ରବୁ ତାଣା ମିଙ୍ଗେ ହାରେକା ଜହରା କିହିମାଞ୍ଜାନେରି । ୨୦ ଇମ୍ବାଆଁ ମାନି ବାରେ ତାୟିୟାଁ ଅଡେ ତାଜିସ୍ତା ମିଙ୍ଗେ ଜହରା କିହିମାଞ୍ଜାନେରି । ମୀରୁ ରଅତେରି ରଅଣାଇଁ ତାୟି ତାୟିୟାଁ ଲେହେଁ କ୍ରୀସ୍ତିତି ଜୀଝୁନହୁଁ ସୁଦୁ ତଲେ ନଶ୍ଝି ଆହାନା ଜହରା କିଝିଆଦୁ ।

୨୧ ନାନୁ ପାଝୁଲଡେସି ନା କେୟୁଟି ରାଚାହୁଁ ରାହୁଁ ତଲେ ଜହରା କିହିମାଞ୍ଜାଇଁ ।

୨୨ ଆମ୍ବାଆସି ମାହାପୁରୁଇଁ ଜୀଝୁ ନଅସି ଏଝାସି ବାକା ବେଗଆପେସି ! ମାରାନାତା ମା ପ୍ରବୁ ତବେ ଖାମ୍ବୁ !

୨୩ ପ୍ରବୁ ଜୀଝୁତି କାର୍ମାମେହନାୟି ମିଙ୍ଗେତାକି ଆୟାପେ; ୨୪ କ୍ରୀସ୍ତ ଜୀଝୁ ତାଣାଟି ନା ଜୀଝୁନନାୟି ମୀ ବାରେଜାଣା ତାକି ଆୟାପେ । ଆମ୍ବେନ ।

* ୧୭:୧୦ ୧୭:୧୦ ୧କର ୪:୧୭ * ୧୭:୧୫ ୧୭:୧୫ ୧କର ୧:୧୭ * ୧୭:୧୯ ୧୭:୧୯ କାମା ୧୮:୨

କରକ୍ତି ମଣ୍ଡଳୀ ନିମନ୍ତେ ପାଉଳଙ୍କ ଲିଖିତ ଦ୍ଵୀତୀୟ ପତ୍ର କରକ୍ତି କୁଲମିତାକି ପାଞ୍ଚୁଲ ରାଡ଼ାମାନି ରୀ ଲମ୍ବର ଆକୁ ମୁକୁ ହାଡ଼ା

କରକ୍ତି କୁଲମିତା ରୀ ଲମ୍ବର ଆକୁ ପାଣ୍ଡୁଓଆହାମାନି ପାଞ୍ଚୁଲ ତାଣ୍ଡାଟି ଜୀସୁ କ୍ରୀସୁ ଜାର୍ନାତି ୫୫-୫୬ ବାସୀ ତାହୁ ରାସ୍ତାକି ଆହାମାତେ ୧:୧ । ମା ତାଣ୍ଡା ମାନି କରକ୍ତି କୁଲମିକ ରାଡ଼ାମାନି ଆକୁ ବିତ୍ରାଟି ଛଦି ଆହିମାନେ ପାଞ୍ଚୁଲତି ରୀ ଲମ୍ବର ଆକୁ । ମେରାପୁନାରି ନାମିମାନେରି ଛଦାଆଁ ନକେଏ ପାଞ୍ଚୁଲ କରକ୍ତି କୁଲମିତି ଦାକା ହାହାନା ରାଡ଼ାମାତେସି ୨:୩-୪ ପଦୁତା ଏଞ୍ଜାସି ଝେସିମାନେସି ।

ପାଞ୍ଚୁଲ ମାକିଦନିୟାତା ମାନି ବେଲାତା କରକ୍ତିତି ରୀ ଲମ୍ବର ଆକୁ ରାଡ଼ାମାନେସି ୨:୧୩ । କରକ୍ତିତା ମାନି କୁଲମିତି କାତା ତିତସ ତାଣ୍ଡାଟି ନେହୁଁ କାକୁ ବେଗାଆହାନା ରାହୁଁ ଆହିମାନେସି । ଛ ଆକୁତା ପୁଃନି ମେରା ଅଣ୍ଡପୁଟି ଦାନା ହାନି କାତା ଜାପିନାୟି । ଛ ଆକୁତା ଜିରୁସାଲମତା ମାନି କ୍ରୀସୁଛୁଁ ନାମାମାନି ଲକୁଛୁଁ ସାୟେମି କିହାଲି ଟାକାୟାଁ କୁଡ଼ିକିହାଲି ଝେସିମାନେସି ୮-୯ । ଅଡେ ଜିକେଏ କୁଲମି ପାଜାଟି କରେକା ମିତି ପାଣ୍ଡୁଓଆହାମାନାରି ଜାହାରାଛୁଁ କାଜାରି କିହାକତାଲି ପାଞ୍ଚୁଲ କପାଟି କୁଲମିତି ଏଚରଜାଣା କାଜାରାଛୁଁ ନିନ୍ଦା କାତା ଝେସିମାନେରି । ଏଞ୍ଜାରି ପାଞ୍ଚୁଲତି ଅଦିକାରାତି ଆନାମାନା ଆହିମାନେରି । ଏମିନିଗାଟାଣି ରୀ ଲମ୍ବର କରକ୍ତି ଆକୁତି ରାନିଞ୍ଜାକି ଏଞ୍ଜାସି ର କ୍ରୀସୁତି ଅଦିକାରା ତଲେ ପାଣ୍ଡୁଓ ଆଡ଼ାସି ଛଞ୍ଜୁଁ ଜାଣ୍ଡେତଲେ ଝେସିମାନେସି ।

ପତିତା ମାନାୟି

- ୧. ପାଞ୍ଚୁଲ ଜହରା କିହାନା ଆକୁ ରାଡ଼ିନାୟି । ୧:୧-୭
- ୨. ପାଞ୍ଚୁଲ ତାନି ହାନି ଜିରୁତି ବାଦଲି କିନାୟି ଛଞ୍ଜାଁ ଏଞ୍ଜାରି ତାଣ୍ଡାଟି ବେଗାଆହାମାନି କାତାତାକି ଝେଣ୍ଡେ ଝେହ୍ନାୟି । ୧:୮-୭:୧୬
- ୩. ଜିରୁସାଲମତି ନାମୁଗାଟି ତାୟିୟାଁକି ଦାନା କୁଡ଼ିକିହାଲି ଝେହ୍ନାୟି । ୮:୧-୯:୧୫
- ୪. ପାଞ୍ଚୁଲ ତାନି ପାଣ୍ଡୁଓଆହାମାନି ପାଣ୍ଡାଟି ଜାଣ୍ଡେ ଝେହ୍ନାୟି । ୧୦:୧-୧୩:୧୦
- ୫. ଆକୁତି ରାପ୍ନି କାତା । ୧୩:୧୧-୧୪

୧ ପାଞ୍ଚୁଲ ମାହାପୁରୁତି ଅଣ୍ଡପୁ ତଲେ କ୍ରୀସୁ ଜୀସୁ ତାଣ୍ଡାଟି ପାଣ୍ଡୁଓଆହାମାନାତେଏଁ ଛଞ୍ଜାଁ ମା ତାୟି ତିମତି କରକ୍ତି ଗାଡ଼ାତା ମାନି ମାହାପୁରୁତି କୁଲମି ଅଡେ ଆକାୟା ଦେସାତା ମାନି ବାରେ ମାହାପୁରୁ ଲକୁତାକି ଆକୁ ରାଡ଼ିମାନମି ।

୨ ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସୁ ତାଣ୍ଡାଟି କାର୍ମାମେହ୍ନାୟି ଛଞ୍ଜାଁ ହିଡ଼ି ନିଜେତାକି ଆୟାପେ ।

ପାଞ୍ଚୁଲ ମାହାପୁରୁଛୁଁ ଜହରା କିନାୟି

୩ ମା ପ୍ରବୁ ଜୀସୁ କ୍ରୀସୁତି ଆବା ମାହାପୁରୁକି ଜହରା, ଏଞ୍ଜାସି କାର୍ମାମେହ୍ନି ଆବା ଅଡେ ଦୁକୁ ଡକୁନି ମାହାପୁରୁ । ୪ ମାହାପୁରୁ ତାଣ୍ଡାଟି ଆମିନି ଦୁକୁ ଡକ୍ନି ତାଣ୍ଡା ମାର ଦୁକୁ ଡପକି ଆହିମାନାୟି, ଏ ଦୁକୁ ଡକ୍ନାଣି ତଲେ ଏନିକିହୁଁ ବାରେ ଲେହେତି ଦୁକୁ ବେଗାଆହିମାନି ଲକୁଣି ଦୁକୁ ଡକ୍ନାୟି ଆଡ଼ିନାୟି, ଛଦାଆଁତାକି ଏଞ୍ଜାସି ବାରେ ଦୁକୁତା ମାଜେ ଦୁକୁ ଡକ୍ନାଣି ହାହାମାଞ୍ଜାନେସି ୫ ଛଡିହୁଁ କ୍ରୀସୁତି ତାକି ମାର ଏନିକିହୁଁ ହାରେକା ଦୁକୁ କସ୍ତ ହାରେକା ବେଗାଆନାୟି, ଏଲେକିହୁଁ ଏ କ୍ରୀସୁ ତାଣ୍ଡାଟି ମାହାପୁରୁତି ଦୁକୁ ଡକ୍ନାୟି ହାରେକା । ୬ ସାମା ମାମ୍ନୁ ଦୁକୁ କସ୍ତ ବେଗାଆଡ଼ିସାରେ ଏଡି ମୀ ତାକି ଦୁକୁ ଡକ୍ନାୟି, ଅଡେ ଗେଲ୍ପି ଆହାଲିତାକି; ଛଞ୍ଜାଁ ମାମ୍ନୁ ଦୁକୁ ଡପକି ଆଡିହୁଁ, ଏଡି ମୀ ଦୁକୁ ଡକ୍ନାୟି ତାକି; ମାମ୍ନୁ ଏନିଲେହେତି ଦୁକୁ କସ୍ତ ବେଗାଆନମି ମାରୁ ଏନିକିହୁଁ ସାମା ଅଡେ କସ୍ତତଲେ ଦୁକୁ ବେଗାଆହି ମାଞ୍ଜେରି ମାମ୍ନୁ ଜିକେଏ ଏଲେକିହୁଁ ଏ ଦୁକୁ ଡକ୍ନି କାମା କିହିମାନମି । ୭ ଅଡେ ମୀ ତାଣ୍ଡା ମା ବାସୁଁ ହାରେକା ମାନେ । ମାରୁ ମା ଦୁକୁ କସ୍ତ ପାଣ୍ଡିନିତାଣା ଏନିକିହୁଁ ଆଣ୍ଡାମାଞ୍ଜେରି, ଏଲେକିହୁଁ ଏ ମାମ୍ନୁ ଦୁକୁ ଡକ୍ନି ତାଣ୍ଡା ଆଣ୍ଡିଦେରି, ଛଞ୍ଜୁଁ ମାମ୍ନୁ ପୁଞ୍ଜାମାନମି ।

୮ *ଇତିହାସ ଏ ଚାରିୟା ଅଡ଼େ ତାଜିୟାତେରି, ଆସିୟା ରାଜିତା ମାଜେତାକି ଆହାମାନି ସାସ୍ତି ମୀରୁ ପୁନାଆନା ମାଞ୍ଜୁ ଇଞ୍ଜିହାସ ମାମ୍ବୁ ଅଣ୍ଡିପି ହିଲଅମି; ମାମ୍ବୁ ମା ବାଡ଼ୁୟୁଟି ବେଟାଆହାମାନି ସାସ୍ତି ସହସ୍ତି ଆହାଲି ଆଡ଼ାଆରେଟୁ ଆହାମାତମି, ଇଞ୍ଜା ମାମ୍ବୁ ନୀତାମାଞ୍ଜାଲି ଜିକେଏ ଆସା ପିସାମାତମି; ୯ ହାଅ, ମାଜେ ପାୟାଲି ହୁକୁମି ହାପକି ଆହାମାନେ ଇଞ୍ଜା ଅଣ୍ଡିପିମାତମି, ଏନିକି ମାମ୍ବୁ ମା ମୁହେଁ ବାସୁଁ କିହାକତାଆନା ଏମିନି ମାହାପୁରୁ ହାକିଟି ନିକନେସି ଏଝାଣି ତାଣା ବାସୁଁ କିନମି; ୧୦ ଏଝାସି ଆଜିହସପତି ହାକିଟି ମାଜେ ଗେଲ୍‌ପାତେସି ଅଡ଼େ ଗେଲ୍‌ପାନେସି, ଅଡ଼େ ତାୟୁ ଜିକେଏ ଗେଲ୍‌ପାନେସି ଇଞ୍ଜା ତାନିତାଣା ମା ଆସା ମାନେ; ୧୧ ମୀରୁ ଜିକେଏ ମା ତାକି ପ୍ରାତାନା କିହା ମାଜେ ସାୟେମି କିହାମାଞ୍ଜାଦେରି, ଏନିକି ମାଜେ ଏମିନି କାର୍ମାତି ଦାନା ହାପକି ଆହାମାଞ୍ଜାନେ, ଏଦାଆଁତାକି ହାରେକା ଲକ୍ଷୁଟି ଗୁଟିଟି ମା ତାକି ହାରେକା ଜହରା କିଞ୍ଚିଆହିମାନେ ।

ପାଞ୍ଚୁଲ ତାନି ଅଣ୍ଡିପି ବାଦଲି କିନାୟି

୧୨ ବାରେକିହାଁ ଦାର୍ତତା ମୀ ତାକି ମାମ୍ବୁ ମାଣସିତି ବୁଦିତଲେ ତାକାଆନା ମାହାପୁରୁଟି କାର୍ମାତି ତାନି ସୁଦୁ ଅଡ଼େ ନାମୁତଲେ ତାକିମାତମି ଇଞ୍ଜା ମା ଅଣ୍ଡିପି ସାକି ହାହିମାଞ୍ଜାନେ, ଇଦି ମା ବଡ଼ପଣତି କାତା । ୧୩ ଖାଉଇ ମୀରୁ ଏନାଆଁ ପଡ଼ୁଞ୍ଚି ଆହାନା ତେଲ୍‌ହିଦେରି, ଏ ବାରେ ପିସପେ ମାମ୍ବୁ ମିଜେ ଅଡ଼େ ଏନାଆଁ ରାଡ଼ିମାଞ୍ଚିଆମି, ୧୪ ଅଡ଼େ ମା ପ୍ରୁରୁ ଜାସୁ କ୍ରାସୁତି ଦିନାତା ମାମ୍ବୁ ମା ତାକି ବଡ଼ପଣ ତସାଲି ଆଡ଼ିନମି, ଅଡ଼େ ମୀରୁ ଜିକେଏ ମା ତାକି ବଡ଼ପଣ ତସାଲି ଆଡ଼ିଦେରି, ମୀରୁ ନୀଏଁ ଇରେକା ପୁଞ୍ଜାନା ବାରେ ପୁନାଆତି ଜିକେଏ ର ଦିନା ମୀରୁ ବାରେ ତାୟୁ ପାତେକା ପୁଞ୍ଜେରି ଇଞ୍ଜା ନା ଆସା ।

୧୫ ଇ କାତା ନେହ କି ପୁଞ୍ଜାମାନାକି ମୁଲ୍‌ଏ ମୀ ତାଣା ଖାହାଲି ତାକି ନାଜେ ଅଣ୍ଡିପି ମାରେ, ଆତିହାସ ମୀରୁ ରୀ ଦେବା ରାହାଁ ବେଟାଆଡ଼େରିମା ୧୬ *ମୀ ତାଣାଟି ମାକିଦନିୟାତା ହାଜାନା ଅଡ଼େ ଝେଣ୍ଡେ ମାକିଦନିୟାଟି ମୀ ତାଣା ଖାହାନା ମୀ ସାୟେମି ତଲେ ଜାହୁଦା ଦେସାତା ହାଜାଲି ଆଡ଼ିଇଁ, ଏଦାଆଁତାକି ଏ ନାମୁଟି ତଲିଏ ମୀ ତାଣା ହାଜାଲି ମନ୍ କିହାମାରେଏଁ । ୧୭ ଆତିହାସ ଇଲେଟି ଅଣ୍ଡିପି ଅଣ୍ଡିପିନାୟି ନାନୁ ଏନାଆଁ ଆନାମାନା ଆହାନା କିହାମାରେଏଁ ? ଇଞ୍ଜା ନାନୁ ଏନାଆଁ ତାରିକିହା ଡ଼ୟିଇଁ, ଏଦି ଏନାଆଁ ଦାର୍ତତି ଅଣ୍ଡିପି ତଲେ କିହିମାଇଁ, ଇଞ୍ଜା ନା କାତା “ହାଅ କି ଆଏ” ଇ ରୀ କାତା ରଣ୍ଡିଏ ଦେବା ହପୁଇଁ କି ? ୧୮ ମାହାପୁରୁ ଟିକାଣାତାସି, ଏଦାଆଁତାକି ନା କାତା ମିଜେତାକି “ହାଅ କି ଆଏ” ଇନି ରୀ କାତା ଆଏ । ୧୯ *ଇତିହାସ କ୍ରାସୁ ଜାସୁ ମାହାପୁରୁ ମୀରୁଏସି, ଆମ୍ବାଆସି ମା ତାଣାଟି ଇତିହାସି ସିଲା, ତିମତି ଅଡ଼େ ନାନୁ ମୀ ତାଣା ଝେକହା ମାତମି, ଏଝାସି “ହାଅ” ଅଡ଼େ “ଆଏ” ଇନାସି ଆହାହିଲଅସି, ଇତିହାସି ଏଝାଣି ତାଣା ହାଅ ଆହାମାନେ । ୨୦ ଏନାଆଁତାକି ଇତିହାସି ମାହାପୁରୁଟି ବାରେ ଆଞ୍ଜାମାନାୟି ଏଝାଣି ତାଣା “ହାଅ” ମାନେ; ଇଦାଆଁତାକି ଜାସୁ କ୍ରାସୁ ତାଣାଟି ମାହାପୁରୁଇଁ ଗାଞ୍ଜୁରମି କିହାଲି ମାର “ଆଦେନ; ଏଲେଆହା ଆଦେ” ଇନାୟି । ୨୧ ତାନୁଏ ମାଜେ ଅଡ଼େ ମିଜେ କ୍ରାସୁ ତାଣା ତାରି କିହାମାଞ୍ଜାନେସି, ଇଞ୍ଜା ମାଜେ ବର ହାହାମାଞ୍ଜାନେସି, ଏଝାସି ମାହାପୁରୁ; ୨୨ ଏଝାସି ତାନି ବୁରୁ ମୁଦା ମାଜେ ଝେଟା ମାଞ୍ଜାନେସି, ଇଞ୍ଜା ଏଝାସି ମା ହିୟାଁ ବିଡ଼ା ସୁଦୁଜାସୁ ସିନାଲେହେଁ ହାହାମାଞ୍ଜାନେସି ।

୨୩ ସାମା ନାନୁ ମାହାପୁରୁଇଁ ସାକି କିହାନା ନା ଜାସୁଟି ମାନି କିହିମାଇଁ, ନାନୁ ମିଜେ କାର୍ମା ଆହାନା କରନ୍ତିତା ଝେଣ୍ଡେ ହାଜାହିଲଅଁ । ୨୪ ମୀ ନାମୁଟି ମୁହେଁ ମା ଅଦିକାରା ମାନେ, ଏଲେକି ଆଏ, ସାମା ମୀ ରାହାଁତାକି ମୀ ସାୟେମି କିନାତମି ଆହାମାନମି, ଏଦାଆଁତାକି ନାମୁତା ତାରିଆହାନା ମାଞ୍ଜୁ ।

୨

୧ ନାନୁ ମୀ ତାଣା ହାନାୟି ମିଜେତାକି ଅଡ଼େ ଝେଣ୍ଡେ କସୁ ଆୟେଏ, ଇଦାଆଁ ମନ୍‌ତା ତାରି କିତେଏଁ । ୨ ନାନୁ ମିଜେ ଦୁକୁ ହିୟାଇଁ, ଆତିହାସି ନାନୁ ଆମ୍ବାଆରାଇଁ ଦୁକୁ ହାଈଁ, ଏଝାଣି ପିସପେ ନାଜେ ଆମ୍ବାଆସି ରାହାଁ ହିୟାନେସି ? ୩ ଇଞ୍ଜା ନାନୁ ଆମ୍ବାଆରି ତାଣାଟି ରାହାଁ ପାଣାନାୟି ମାନେ, ଏଝାରିତାଣା ନାନୁ ଖାହାନା ଏନିକି ଦୁକୁ ବେଟାଆଅଁ, ଏଦାଆଁତାକି ନାନୁ ଇ କାତା ରାଡ଼ାମାରେଏଁ, ଏନାଆଁତାକି ଇତିହାସି ନା ରାହାଁତା ମୀ ରାହାଁ ଆଦେ, ଏଦି ମୀ ବାରେତାକି ନା ଅଣ୍ଡିପି । ୪ ଇତିହାସି ହାରେକା କସୁ ଅଡ଼େ ହିୟାଁ କାଡ଼ାତାକି ହାରେକା ଦୁକୁ ତଲେ କାଣ୍ଡୁ ଡୁକିହିହାଁ ମିଜେ ରାଡ଼ାମାଞ୍ଜାତେଏଁ; ଏନିକି ମୀରୁ ଦୁକୁ ଆଦେରି, ଏଲେକି ଆଏ, ସାମା ମିଜେତାକି ନା ଜାସୁନନାୟି ହାରେକା ମାନେ, ଇ କାତା ମୀରୁ ଏନିକି ପୁଞ୍ଜେରି ।

* ୧:୮ ୧:୮ ୧କର ୧୫:୩୨ * ୧:୧୨ ୧:୧୭ କାମା ୧୯:୨୧ * ୧:୧୯ ୧:୧୯ କାମା ୧୮:୫

ମାଣସିଚି ଦହ ମ୍ଳେକ୍ନାୟି

୫ ଯାମା ଆମ୍ବାଆସି ଦୁକୁ ହାହାମାନେସି, ଏଞ୍ଜାସି ନାଙ୍ଗେ ଦୁକୁ ହାହାମାଞ୍ଜଅସି, ଯାମା ବାରେତେରି ମିଙ୍ଗେ ଦୁକୁ ହାହାମାଞ୍ଜାନେସି ନାନୁ ହାରେକା ଗାଡିକିହଁ ୱେହଅଁ । ୬ ମୀ ବିତ୍ରାତି ହାରେକା ଲକୁ ତାଣାଟି ଏଞ୍ଜାସି ଏନ୍ତି ତଣ୍ଡ ବେଟା ଆହାମାନେସି ଏଞ୍ଜାଣାକି ଏଚେକେଏ ସାରି । ୭ ଏଦାଣିତାକି ଏଲେତି ଲକୁ ଏଚେଟା ହାରେକା ଦୁକୁତା ମେଦା ହାନେସି, ଏଦାଆଁତାକି ମୀରୁ ନୀର୍ସି ଏଞ୍ଜାଣାକି ପାପୁ ମ୍ଳେକ୍ନହାନା ବାର୍ସୁ ହୀଦୁ । ୮ ଇଚିହଁ ଏଞ୍ଜାଣାକି ଜୀଝୁ ନନାଣି ତହୁଦୁ ଇଞ୍ଜଁ ବାତିମାଲିମାଞ୍ଜାଲି । ୯ ଇଚିହଁ ମୀରୁ ବାରେ କାତାତି ମାନଝି ଆହିମାଞ୍ଜେରି, ଇଞ୍ଜଁ ମିଙ୍ଗେତାକି ଏମ୍ବାତି ପାରମାଣା ଏନିକିଁ ନାନୁ ବେଟାଆଲି, ଈ ବାରେତାକି ରାଟାମାଚେର୍ସି । ୧୦ ଇଞ୍ଜାଁ ମୀରୁ ଆମ୍ବାଆରି ଦହ ପିହ୍‌ଦେରି, ନାନୁ ଜିକେଏ ଏଞ୍ଜାଣି ଦହ ପିହ୍‌ଇଁ: ଇଚିହଁ ନାନୁ ଏନାଆଁ ଦହ ପିସାମାଲି, ଇଞ୍ଜାଁ ଏମିନି ଦହ ପିସାମାଲି, ଏଦାଆଁ କ୍ରୀସ୍ତତି ନକିତା ମୀ ତାକି ପିସାମାଲି । ୧୧ ଏନିକିଁ ସୟତାନ ମାଙ୍ଗେ ଲାଗେଏ କିହାଲି ପାରୁ ବେଟାଆଏ, ଇଚିହଁ ମୀରୁ ବାରେ ତାନି ଅଣ୍‌ପୁତି ପୁଞ୍ଜାମାନାୟି ।

ତ୍ରୟାତା ପାଝୁଲ ମନତା କସ୍ତ ପାଣାନାୟି

୧୨ ଅଚେତ କ୍ରୀସ୍ତତି ନେହଁ କାରୁ ଝେକହାଲି ତାକି ନାନୁ ତ୍ରୟାତା ଝାଡି ତାୟୁ ପ୍ରବୁତି କାମା କିହାଲି ଦାରା ଦେପି ଆହାମାଟି ଜିକେଏ, ୧୩ ନାନୁ ନା ତାୟି ତିତସଇଁ ଏମ୍ବାଆଁ ମେହଆଲିଏ ନା ଜୀଝୁ ହିଡ଼ଡି ଆଆତାକି ଏଞ୍ଜାରି ତାଣାଟି ହେଲ ବେଟାଆହାନା ମାକିଦନିୟାତା ହାଚେର୍ସି ।

କ୍ରୀସ୍ତ ତାଣାଟି ଜୀଣା ଆନାୟି

୧୪ ଯାମା ମାହାପୁରୁକିଁ ଜହରା ଆପେ, ଏଞ୍ଜାସି ବାରେବେଲା ମାଙ୍ଗେ ଅହାନା କ୍ରୀସ୍ତ ତାଣା ଜୀଣାଆଡି ଲେହେଁ ହାଜାମାନେସି, ଇଞ୍ଜାଁ ବାରେ ଟାୟୁତା ତାନି ବୁଦି ଲେହେଁତି ଗାନ୍ଦା ମା ତାଣାଟି ଝେକ୍‌ହିମାନେସି । ୧୫ ଇଚିହଁ ଗେଲପି ଆହିମାନି ଲକୁତାଣା ଇଞ୍ଜାଁ ନାସା ଆହିମାନି ଲକୁତାଣା ମୀରୁ ମାହାପୁରୁ ନକିତା କ୍ରୀସ୍ତତି ହାରେକା ନେହଁ ଗାନ୍ଦା ଲେହେଁ ଆହାମାନାୟି । ୧୬ ରକଝାକି ଲକୁତାକି ହାକି ହାନାୟି ଅଚେତ ରକଝାକି ଲକୁତାକି ଜୀଝୁହାନି ଲେହେଁତି ନେହଁ ଗାନ୍ଦା ଲେହେଁ । ଯାମା ଈ ବାରେ କାମା କିହାଲି ଆମ୍ବାଆସି ଆଡିନେସି ? ୧୭ ହାରେକା ଲକୁ ବାଡ଼କାଲି ତାକି ମାହାପୁରୁତି କାରୁ ଝେକ୍‌ହି ମାନେରି, ମାମ୍ବୁ ଏଞ୍ଜାରିଲେହେଁ କିହିହଲଅମି, ଯାମା ତାରପୁତଲେ ମାହାପୁରୁତି ହୁକୁମି ତଲେ ତାନି ନକିତା ମାମ୍ବୁ କ୍ରୀସ୍ତ ତାଣା ମାଞ୍ଜାନା କାତା ଜଲିମାନମି ।

୩

ପୁଃନି ମେରାତି ହଲିୟା

୧ ମୀରୁ କି ଜାହାରାଇଁ ବତପଣ କିହାଲି ମୀରୁହା ମାନାୟି ? ଆମ୍ବା ଆମ୍ବାଆରି ଲେହେଁ ଏନାଆଁ ମୀ ତାଣା ଆଆତି ମୀ ତାଣାଟି ମା ତସ୍‌ପି ଆନାୟି ଲଡ଼ାମାନେ ? ୨ ମୀରୁତ ମା ହିୟାତା ରାସ୍‌କି ଆହାମାନାତେରି ଇଞ୍ଜାଁ ବାରେଜାଣା ପୁଞ୍ଜାମାନାୟି ଅଚେତ ପଡ଼ଝି ଆହାମାନି ମା ଆକୁ ଲେହେଁ: ୩ ଅଚେତ, ମୀରୁ ମା ସେବା କାମାତା ରାସ୍‌କି ଆହାମାନି କ୍ରୀସ୍ତତି ଆକୁ ଲେହେଁ, ଇଦି ତଞ୍ଜା ଆହିମାନେ: ଏଦି ସୀରା ତଲେ ରାସ୍‌କି ଆହାହିଲେଏ, ହାମା ଜୀଝୁତି ମାହାପୁରୁତି ସ୍ତୁଦୁଜୀଝୁ ତଲେ ରାସ୍‌କି ଆହାମାନେ, ଝାଲି ପାଟାତା ଆଏ, ଯାମା ଉୟୁଗାଟି ହିୟା ପାଟାତା ।

୪ କ୍ରୀସ୍ତ ତାଣାଟି, ମାହାପୁରୁ ନକିତା ବାର୍ସୁ ଇଟାନା ମାଦି ଇଲେତି ଆଟଝା ନାମ୍ବୁ ମାନେ । ୫ ମୀରୁ ମା ତାଣାଟି ଏନାଆଁ କିହାଲି ଆଡାଆୟି, ଏଲେକିଁ ଆଏ, ଯାମା ମାହାପୁରୁ ତାଣାଟି ଆଡିନି ବାଡ଼ୟୁ ମାନେ: ୬ ଏଞ୍ଜାସି ମାଙ୍ଗେ ରାସ୍‌କି ଆହାମାନି ମେରାତି ସେବା କିନାରି କିହାମାଞ୍ଜଅସି, ଯାମା ନେହଁ ଜୀଝୁଟି ଇଚିହଁ ପୁଃନି ମେରାତି ସେବା କାମା କିହାଲି ବାଡ଼ୟୁ ହାହାମାଞ୍ଜାନେସି; ଇଚିହଁ ରାସ୍‌କି ଆହାମାନି ରାଜିମାନା ହାଝିକିନେ ଯାମା ନେହଁ ଜୀଝୁ ନୀତିକିନାୟି ।

୭ ଅଚେତ ତୀସ୍‌ତି ଝାଲି ପାଟାତା ରାସ୍‌କି ଆହାମାନି ହାଝି କିନି ମସା ମେରାତି ସେବା କାମା ଇଲେତି ଗାଝୁରମି ତଞ୍ଜାଆହାମାଚେ, ଇଚିହଁ ଇସାୟେଲ ଲକୁ ମସା ମ୍‌ମ୍‌ବୁ ନାସା ଆନି ଉଜେଡି ତାକି ଏଞ୍ଜାଣି ମ୍‌ମ୍‌ ଫେସାଲି ଆଡାଆଚେରି, ୮ ଆତିହଁ ନେହଁ ଜୀଝୁତି ସେବା କାମା ଏଚେକା ଗାଡି ଗାଝୁରମି ଆଏକି ? ୯ ତଣ୍ଡ ଆଝିକିନି ସେବା କାମା ଗାଝୁରମି ଗାଟାୟି, ଆଡିଁ ଦାମ୍‌ତି ସେବା କାମା ଏଦାଆଁ କିହାଁ ଆଗାଡା ଗାଝୁରମି ଗାଟାୟି ଆଚେ । ୧୦ ଇଚିହଁ ଆମିନି ଗାଟାୟି ଗାଝୁରମି ଗାଟାୟି ମାଚେ, ଏଦି ଏଦାନି କିହାଁ

☆ ୨:୧୨ ୨:୧୨ କାମା ୨୦:୧

ଆଗାଡ଼ା ଗାଝୁରମି ଆନ୍ନି କିହ୍ନାଁ ଗାଝୁରମି ହିଲ୍ଲାଆଗାଗାୟି ଆଡେ । ୧୧ ଗାଡେଡକା ତାକି ନାସା ଆନାୟି ଗାଝୁରମି ବେଟାଆହୁଁ, କାଲ୍ଲାକାଲ୍ଲା ତାକି ମାନାୟି ଏଚେକା ଆଗାଡ଼ା ଗାଝୁରମି ତଞ୍ଜାଆନେ ।

୧୨ ଇଚିହଁ ମାଜେ ଏଲେଚି ବାସୁଁ ମାନାକି ହାରେକା ସାସା ଆହାମାନମି । ୧୩ ଅଡେ ଇସ୍ତାୟେଲ ଲକୁ ଏନିକଁ ଗାଡେଡକା ତାକି ନାସାଆନ୍ନି ଗାଝୁରମିତି ସିନିକିଅରି, ଏଦାଆଁତାକି ମସା ଏନିକଁ ତାନି ମୁମୁଡୁ ହିମ୍ବୁରି ପୁକ୍ତହା କଡିମାଚେସି, ମାମ୍ବୁ ଏଲେକଁ କିହିହିଲଅମି । ୧୪ ସାମା ଏଝାରି ବୁଦିତି କାଣକା ପଜୁଝି ଆହାମାନୁ, ଇଚିହଁ ନୀଞ୍ଜୁପାତେକା ପୁଞ୍ଜ ଉକ୍ତିମାନା ପତି ପଡ଼ଝି ଆନାଟି ଏ ହିମ୍ବୁରି ପିଡ଼ଗିନାୟି ନୀଏଁ ପାତେକା ତୁୟାମାନେ, ଇଞ୍ଜାଁ କ୍ରୀସ୍ତ ତାଣାଟି ଏ ହିମ୍ବୁରି ଗୁଡା ଆହାମାନେ, ଏଡି ତଞ୍ଜା ଆହିହିଲେଏ । ୧୫ ସାମା ନୀଏଁ ପାତେକା ମସାତି ମେରା ପଡ଼ଝି ଆନାଟି ଏଝାରି ହିୟାଁ ହିମ୍ବୁରି ପୁପକ ଆହାଁ ତୁୟିନେ । ୧୬ “ସାମା ଆମ୍ବାଆସି ଆପେସି ପ୍ରବୁ ଖାକି ଖେଣ୍ଡାଖାଡ଼ିହଁ ଏଝାଣି ପୁପକ ଆହାମାନି ହିମ୍ବୁରି ଗୁଡାଆନେ ।” ୧୭ “ପ୍ରବୁ” ଏ ଜୀଝୁ, ଇଞ୍ଜାଁ ଏମିୟା “ପ୍ରବୁତି ଜୀଝୁ” ମାନେ ଏମ୍ବାଆଁ ବାରେ ମେଲ୍ଲା ଆନାୟି ମାନେ । ୧୮ ସାମା ମାର ବାରେତାୟି ମୁମୁ ପୁକ୍ତିଆନା ଦାପେଣିତା ମେହୁନି ଲେହେଁ ପ୍ରବୁତି ଗାଝୁରମି ମେସି ମେସିହଁ ଗାଝୁରମିତି ହାରେକା ଗାଝୁରମି ଆହାନା ତାନି ଏ ଖାଣା ତଲେ ବାଦଲି ଆହିମାନାୟି; ଇଞ୍ଜାଁ ପ୍ରବୁ ଆମ୍ବାଆସିକି ଜୀଝୁ ଏଝାଣି ତାଣାଟି ଇ ବାରେ ଆହିମାନେ ।

୪

ଇରଥା ତୁକା ବିତ୍ତା ନେହଁ ଜୀଝୁତି ଦନ

୧ ମାର ମାହାପୁରୁତି କାର୍ମା ବେଟାଆହାନା ଇ ସେବାକିନି ପାଣା ବେଟାଆହାମାନାକି ସାସା ହିଲ୍ଲାଆ ଲକୁଲେହେଁ ଆହାହିଲ୍ଲାଆୟି, ୨ ସାମା ମାମ୍ବୁ ଲାଜା ଗାଟି ତଞ୍ଜା ଆଆଗାଟି ଲାଗେଏତି କାମା ପିସାମାନମି; ଇଞ୍ଜାଁ ମାମ୍ବୁ ନାଡ଼ି କିଅମି ଅଡେ ମାହାପୁରୁ କାତାତି ମିତି କାଲ୍ଲହାନା ଖେସିହିଲଅମି, ମାହାପୁରୁ କାନୁତା ନେହଁ କାବୁତି ସାତା କିହଁ ଖେକ୍ତହାନା ବାରେଜାଣାଟି ନେହଁ ଅଣ୍ଡପୁ ତାକି ନେହଁତମି ତଞ୍ଜା ଆହିମାନମି । ୩ ଏନାଆଁତାକି ଇଚିହଁ ମାର ଖେକ୍ତହାମାନି ନେହଁ କାବୁ ତୁରୁ ମାଟିହଁ, ଏଡି ଖାରୁଇ ଜାଜା ମାନାରାକି ତୁରୁମାନେ । ୪ ମାହାପୁରୁ ଖାଣା ଲେହେଁତି କ୍ରୀସ୍ତ ତାନି ଗାଝୁରମିଗାଟି ନେହଁ କାବୁତି ଉଜେଡି ଏନିକଁ ଇଲେଚି ଲକୁକି ତଞ୍ଜା ଆଏ, ଏଦାଆଁତାକି ନାମାଆଗାଗାରି ବୁଦି ଦାରୁଡିତି ପଲ୍ଲାଆ ପେନୁ କାଣାୟାଁ କିହାମାନେ । ୫ ମାମ୍ବୁ ମାଜେତାକି ଖେସାକଡିହିଲଅମି, ସାମା କ୍ରୀସ୍ତୁ ପ୍ରବୁ ଇଞ୍ଜାଁ ଅଡେ ଜୀସୁ କ୍ରୀସ୍ତ ତାକି ଜାହାରାଇଁ ମୀ ହଲ୍ଲିୟାଜାତମି ଇଞ୍ଜାଁ ଖେକ୍ତହି ମାନମି, ୬ ଏଦାଆଁତାକି ଇଚିହଁ ଆମିନି ମାହାପୁରୁ ଏଲେଇଞ୍ଜାମାଚେସି, “ଆନେରିଟି ଉଜେଡି ତଞ୍ଜା ଆପେ,” ଏଝାସି କ୍ରୀସ୍ତତି ମୁମୁତୁ ତଞ୍ଜା ଆହିମାନି ମାହାପୁରୁତି ଗାଝୁରମିଗାଟି ବୁଦିତି ଉଜେଡି ତସାଲି ତାକି ମା ହିୟାଁତି ଉଜେଡି କିହାମାନେସି ।

୭ ସାମା ମାର ଖାରୁଇ ଇରଥା ତୁକାତା ଇ ଲାକପୁରୁତି ଦନ ବେଟାଆହାମାନାୟି । ଇମ୍ବାଆଁ ପୁଣ୍ଡି ଆହିମାନେ ଇଲେଚି ଲାକପୁରୁତି ବାଡ଼ୁମ୍ବୁ ମାଡି ଆଏ ସାମା ମାହାପୁରୁଖାୟି । ୮ ମାମ୍ବୁ ବାରେଲେହେଁତି ବୁକୁ କସ୍ତ ବେଟାଆହାମାନମି, ସାମା ମାମ୍ବୁ ସୁଣ୍ଡି ଆହି ହିଲଅମି । ଏଚେ ଏଚେଲ୍ଲା ଆତାଜାକା ଆଡି ଜିକେଏ ନୀରାସା ଆହାହିଲଅମି । ୯ ମାମ୍ବୁ ସ୍ତାସ୍ତି ବେଟା ଆହିମାନମି ସାମା ମାହାପୁରୁ ମାଜେ ଏଚେଲ୍ଲା ପିସାମାଞ୍ଜସିସି । ଏଚେ ଏଚେକା ମାଡ଼ା ବେଟାଆହି ମାନମି ସାମା ନାସା ଆହାହିଲଅମି । ୧୦ ଜୀସୁତି ଜୀଝୁ ଏନିକଁ ମା ତାଣା ତଞ୍ଜାଆନେ, ଏଦାଆଁତାକି ମାର ବାରେ ଚେଲ୍ଲା ମା ଆଜାତା ଜୀସୁତି ହାକି ଡେକା ମାନାୟି । ୧୧ ଇଚିହଁ ଜୀସୁତି ଜୀଝୁ ଏନିକଁ ମା ହାନ୍ତି ଆଜାତା ତଞ୍ଜାଆନେ, ଏଦାଆଁତାକି ମାର ନୀତାମାଟି ଜିକେଏ ବାରେବେଲ୍ଲା ଜୀସୁତି କସ୍ତମି ହାକିତା ହେରୁପି ଆହିମାନାୟି । ୧୨ ଇଲ୍ଲାଆହଁ ମା ତାଣା ହାକି, ଅଡେ ମୀ ତାଣା ଜୀଝୁ କାମା କିହିମାନେ ।

୧୩ ରାସ୍ତିକି ଆହାମାନେ, “ନାନୁ ନାମିତାକି ଜଲ୍ଲିତେଏଁ ।” ମାର ଏ ନାମୁତି ଜୀଝୁ ବେଟାଆହାମାନାୟି, ଇଞ୍ଜାଁ ମାର ନାମାମାନାୟି ଏଦାଆଁତାକି ଖେକ୍ତହି ଜିକେଏ ମାନାୟି । ୧୪ ମାମ୍ବୁ ପୁଞ୍ଜାମାନମି, ମାହାପୁରୁ ପ୍ରବୁ ଜୀସୁଇଁ ହାକିତି ଖେଣ୍ଡେ ନିକ୍ତହାମାନେସି । ଏ ମାହାପୁରୁ, ଜୀସୁତଲେ ମାଜେ ଜିକେଏ ନିକ୍ତହାନେସି ଅଡେ ମୀ ତଲେ ମାଜେ ତାନି ତାଗେ ଅୟାନେସି । ୧୫ ମୀ ନେହେଁତାକି ଇ ବାରେ ଆହିମାନେ । ମାହାପୁରୁତି କାର୍ମାମେହନାୟି ଅଡେ ହାରେ ଗାଟି ପାତାଆହାନା ଲକୁଣି ତାଗିଚେ, ଅଡେ ହାରେକା ଲକୁ ରାହାଁ ଅଣ୍ଡପୁ ତଲେ ମାହାପୁରୁଇଁ ଗାଝୁରମି କିନେରି ।

ନାମୁତି ଜୀଝୁ

୧୬ ଏଦାଆଁତାକି ମାମ୍ମୁ ଖାହା ହିଲଅମି, ସାମା ମା ଦାର୍ତତି ଆଜ୍ଞା ମେଣ୍ଡଳିତ ଜିକେଏ ମା ହିୟାଁ ବିଭାତି ଜାସ୍ତୁ ପୁଝନାୟି ଆହିମାନେ । ୧୭ ଇଚିହିଁ ଇ ଗାଡ଼େକାତି କସ୍ତ ହାରେକା ଗାତି ମାଜେ ତାକି କାଲାକାଲା ରାଆଗାଟି ଗାସ୍ତୁରମି ତାନେ; ୧୮ ମାର ତଞ୍ଜା ଆହିମାନାଣି ଗୁରି କିଆନା ତଞ୍ଜା ଆଆଗାଗାଣି ଗୁରି କିହିମାନାୟି; ଇଚିହିଁ ତଞ୍ଜା ଆହିମାନାୟି ଗାଡ଼େକା ତାକି, ସାମା ତଞ୍ଜା ଆଆଗାଗାୟି କାଲାକାଲାତାୟି ।

୫

୧ ମାର ପୁଞ୍ଜାମାନାୟି, ଆମିନି ଦାର୍ତତି ତୁମ୍ଭୁ ଲେହେଁତି ଇଲୁତା ନୀର୍ବ ମାର ବାସା କିହାମାନାୟି, ଏଦି ନସ୍ତୁ ଆଡ଼ିସାରେ ମାହାପୁରୁ ମାଜେ ଲାକପୁରୁ ର କାଲାକାଲାତି ଇଲୁ ମେଡ଼ି କିୟାନେସି । ଏଦି ମାଣସି କେୟୁତି କେପିତାୟି ଆଏ, ମାହାପୁରୁ ତାନୁଏ ଏଦାନି ଗାଡ଼ିକିତାସି । ୨ ଇ ଦାର୍ତତି ଇଲୁତା ମାଞ୍ଜାନା ମାର ଲାକପୁରୁ ଇଲୁତି ହିମ୍ବୁରି ହୁତାଲି ମନ କିହାନା ତାହି ମାନାୟି । ୩ ସାମା ଲାକପୁରୁତି ବାସା ଚାୟୁତା ହଚିସାରେ ମାର ଆଜ୍ଞା ହିଲାଆଗାଗାତାୟି ଆଆନା ନାଗୁଡ଼ା ତଞ୍ଜା ଆଆୟି । ୪ ଇଚିହିଁ ମାର ଇ ଦାର୍ତତି ତୁମ୍ଭୁତା ବାସା ଆହାନା ବଲୁଗାଟି ହିୟାଁ ତଲେ ତାହି ମାନାୟି; ଇଚିହିଁ ମାର ଦାର୍ତତି ଆଜ୍ଞା ପିସାଲି ଅଣପିମାନାୟି ଏଦି ଆଏ, ସାମା ଜାସ୍ତୁ ଏନିକିଁ ଦାର୍ତତି ନାସାକିନେ, ଇଦାଆଁତାକି ଇ ହାନ୍ତି ଆଜ୍ଞାତି ମୁହେଁ ଲାକପୁରୁତି ହିମ୍ବୁରି ହୁତାଲି ମାର ମନ କିହିମାନାୟି । ୫ ମାହାପୁରୁ ମାଜେ ଇ ବାଦଲୁଝି ଆନାଣି ତାକି ତିୟାରା କିହାଁ ମାଞ୍ଜାନେସି । ଅଡ଼େ ଇଦାଣି ତାରପୁକିନାଣି ଲେହେଁ ତାନି ସୁଦୁଜାସ୍ତୁ ଏଝାସି ମାଜେ ହାହାମାଞ୍ଜାନେସି ।

୬ ଏଦାଆଁତାକି ମାମ୍ମୁ ରାରେରେଲା ସାସା ଆସାମାନମି । ମାମ୍ମୁ ପୁଞ୍ଜାମାନମି, ଏଚରଦିନା ପାତେକା ଇ ଆଜ୍ଞାତା ବାସା କିହାମାନମି, ଏଚରଦିନା ପାତେକା ପ୍ରବୁତି ଇଲୁତି ହେକ ମାଞ୍ଜାନା ନୀତା ବାଡ଼କିମାନମି, ୭ ଏନାଆଁତାକି ଇଚିହିଁ ମାର ତଞ୍ଜାଆହିମାନି ଦିଶସୁ ଲାକ ଆଏ ସାମା ନାମୁ ଲାକ ନୀତା ବାଡ଼କି ମାନାୟି । ୮ ଏନାଆଁତାକି ଇଚିହିଁ ମାମ୍ମୁ ସାସା ଗାଗାତମି, ଇଞ୍ଜା ଇ ଆଜ୍ଞା ପିସାନା ପ୍ରବୁ ତଲେ ବାସା କିହାଲି ମାମ୍ମୁ ହାରେକା ରାହାଁ । ୯ ଏଦାଆଁତାକି ଇଦାଆଁ ଜାହାରା ଇଲୁତା ମାଚିହିଁ କି ହେକ ରାକି ମାଚିହିଁ ଜିକେଏ, ମାହାପୁରୁଇଁ ରାହାଁ କିନାୟି ଏ ମା.ର ଶୁସି ଅଣପୁ । ୧୦ ଇଚିହିଁ ନେହେଁ ଆପେ କି ଲାଗେଏ ଆପେ, ବାରେଜାଣା ଜାହାରା ଆଜ୍ଞା ତଲେ କିତି କାମାତି ଲେକାତଲେ ପାଡ଼େୟି ବେଗାଆହାଲି ତାକି କ୍ରାସ୍ତତି ନୀହାୟି କିନି ଚାୟୁ ନକିତା ବାରେତାୟି ମାଜେ ନିକା ହାଜାଲି ଆଡ଼େ ।

କ୍ରାସ୍ତ ତାଣାଟି ମାହାପୁରୁତି ତଣେସିଜା ଆନାୟି

୧୧ ପ୍ରବୁଇଁ ଆଜିନାଣି ପୁଞ୍ଜାମାନାକି ମାମ୍ମୁ ମାଣସିୟାଁଇଁ ମାଡ଼କିହିଁ ମାନମି, ସାମା ମାମ୍ମୁ ମାହାପୁରୁ ନକିତା ତଞ୍ଜା ଆହାମାନମି ଇଞ୍ଜା ମୀ ଅଣପୁତା ଜିକେଏ ତଞ୍ଜା ଆହାମାନମି, ଇ କାତା ନାମୁ ଆସା କିହିମାଇଁ । ୧୨ ମାମ୍ମୁ ମୀ ତାଣା ଅଡ଼େ ବତପଣ ତସାଲି କିହିହିଲଅମି, ସାମା ଲକ୍ଷୁତି ନେହିଁ ଅଣପୁ ତାକି ବତପଣ ତହୁଆନା ଝାରେ ଝାରି ଆଜ୍ଞାତି ରାହାଁତାକି ବତପଣ ତହୁନାରାଇଁ ମୀରୁ ଝେଣ୍ଡେ ଝେସାଲି ଆଡ଼ିଦେରି, ଏଦାଆଁତାକି ମୀରୁ ମା ତାକି ବତପଣ ତସାଲି ଆଡ଼ିଦେରି ଇଞ୍ଜାଁ ଝେସିମାଞ୍ଜାନମି । ୧୩ ମାମ୍ମୁ କି ବୁଦି ହିଲାଆ ଗାଗାତମି ? ଏଦି ମାହାପୁରୁ ତାକି ଆହାମାନେ ମାମ୍ମୁ କି ବୁଦିଗାଗାତମି ଆହାମାନମି ? ମା ନେହେଁ ମାଚିସାରେ, ମୀ ତାକି ଏଲେଆହିଁ ମାନମି । ୧୪ ଇଚିହିଁ କ୍ରାସ୍ତତି ଜାସ୍ତୁ ନଦି ତାଣାଟି ସାଲୁଝି ଆହିମାନାୟି, ଏଦାଆଁତାକି ମାର ଇ କାତା ଅଣପିମାନାୟି, ରଅସି ବାରେଜାଣା ତାକି ହାହାମାନାକି ବାରେଜାଣା ଏ ହାକିତା ଆଣ୍ଡାମାନେରି । ୧୫ ଏଝାସି ବାରେଜାଣା ତାକି ହାହାମାନାକି ଆମିନି ଗାଗାଟି ନୀତାମାନେରି, ଏଝାରି ଅଡ଼େ ଜାହାରାତାକି ନୀତାଆନା ଏଝାଣି ତାକି ନୀତିନେରି, ଏନାଆଁତାକି ଇଚିହିଁ ଏଝାରି ତାକି ଏଝାସି ହାହାନା ଝେଣ୍ଡେ ନୀତାମାନେସି ।

୧୬ ଇଦାଆଁତାକି ମାମ୍ମୁ ଆମ୍ମାଆରାଇଁ ମାଣସି ଅଣପୁ ତଲେ ବିଚାରା କିହିଲଅମି । ଦିନା ମାଚେ ଏଚିରେଲା ମାମ୍ମୁ କ୍ରାସ୍ତଇଁ ଜିକେଏ ମାଣସି ଅଣପୁ ତଲେ ଅଣପିମାଚମି, ସାମା ନୀର୍ବ ମାମ୍ମୁ ଅୁଡ଼େ ଏଲେ କିହିହିଲଅମି । ୧୭ ଇଦାଆଁତାକି ଆମ୍ମାଆସି କ୍ରାସ୍ତ ତାଣା ମାଚିସାରେ ଆଚିହିଁ ଏଝାସି ପୁଝନାସି ଆଡ଼େସି । ପାଣ୍ଡାଆୟି ବାରେ ମେଣ୍ଡଳାମାନେ, ମେହ୍ତୁ ପୁଝନାୟି ଆହା ଆଡ଼େ । ୧୮ ଇ ବାରେ ମାହାପୁରୁ ତାଣାଟି ଆହାମାନେ, ଏଝାସି କ୍ରାସ୍ତ ତାଣାଟି ମାଜେ ତାନିତଲେ ଅଡ଼େ ଆବହା ମାଞ୍ଜାନେସି ଇଞ୍ଜାଁ ତାନିତଲେ ସେବାକିନି ପାଣା ଆବହାଲି ଏଝାସି ମାଜେ ଦାୟିପତି ହାହାମାଞ୍ଜାନେସି । ୧୯ ଏ ଆଣ୍ଡିନି ବଲୁ ଇଦି, ମାହାପୁରୁ କ୍ରାସ୍ତ ତାଣା ଦାର୍ତତି ତାନିତଲେ ଆବହାମାଚେସି; ଏଝାସି ଦାର୍ତତି ଲକ୍ଷୁତି ଦହୁ ଆହୁଆନା ଏ ଆଣ୍ଡିନି ବଲୁତି ମା ତାଣା ହେରପା ମାଞ୍ଜାନେସି ।

୨୦ ଏଦାଆଁତାକି ମାହାପୁରୁ ମା ଝାକିତି ହାଡ଼ିମାଞ୍ଜାନାକି ମାରୁ କ୍ରୀସ୍ତତି ଝାକିତି ରାଜାତି କାବୁ ଝେହ୍ନାତାୟି ଆହାମାନାୟି; କ୍ରୀସ୍ତ ତଲେ ମାରୁ ବାଡ଼ିମାଲି ମାଞ୍ଜାନମି, ମାହାପୁରୁ ତଲେ ଅଡ଼େ ଆଣ୍ଡାଦୁ । ୨୧ ଇତିହ୍ କ୍ରୀସ୍ତକି ଇଗାୟି ପାପୁ ହିଲାଆତି ଜିକେଏ, ମାହାପୁରୁ ତାଙ୍ଗେ ମା ତାକି ପାପୁ ଗାଟାଣିଲେହେଁ କିତେସି, ମାରୁ ଏନିକ୍ ତାନିତଲେ ଆଣ୍ଡାନା ମାହାପୁରୁତି ଦାମ୍ବୁତା ଆଣ୍ଡାଲି ଆଡ଼ିନାୟି ।



୧ ମାହାପୁରୁ ତଲେ ଆଣ୍ଡୁଝି ଆହାନା କାମା କିହିମାନାକି ମାମ୍ବୁ ମୁଙ୍ଗେ ବାଡ଼ିମାଲି ମାଞ୍ଜାନମି, ମୀ ଜୀସ୍ତତା ମାହାପୁରୁତି କାର୍ମାମେହ୍ନାଣି ଉଜେଏ କିଆଦୁ । ୨ ମାହାପୁରୁ ଏଲେଇଞ୍ଜି ମାନେସି, “ମିଙ୍ଗେତାକି କାର୍ମା ମେସ୍ତାନି ଦିନା ଝାହାଲିଏ ନାନୁ ମୀ ଗହାରା ଝେତେଏ, ଗେଲ୍ପିଦିନି ଦିନା ନାନୁ ମୀ ସାଢ଼େମି ଆୟାତେଏ”

ମେହ୍ଦୁ ! ଇଦି ଆହିମାନେ ମାହାପୁରୁତି କାର୍ମାମେହ୍ନାଣି ବେଟାଆଡ଼ି ବେଲା । ନୀଞ୍ଜୁ ଆହିମାନେ ଗେଲ୍ପିଆଡ଼ି ଦିନା ।

୩ ଏନିକ୍ ମା ସେବା କାମା ନିନ୍ଦା ଆଏ, ଏଦାଆଁତାକି ମାମ୍ବୁ ଆମ୍ବାଆରି କାମାତା ବାଦା ହାଆଏ ଇଞ୍ଜି ଅଣ୍ଡପିମାନମି । ୪ ଏଦାଆଁତାକି ମାମ୍ବୁ ବୁରେବେଲା ମାହାପୁରୁତି ସେବା କିନାରା ଲେହେଁ ତସାକତିମାନମି, ସାମା ଆର୍ତ୍ତ୍ତ ଡାକି ବାରେଲେହେଁତି ବାଦାତା, ହିଲାଆ ବେଲାତା କସ୍ତ ଅର୍ହମାନମି, ୫ ମାମ୍ବୁ ମୁାତା ବେଟାଆହାନା, କାୟିଦିତା, ଲକୁ ନକିତା ନିନ୍ଦା ବେଟାଆହାନା, ଇଞ୍ଜି ଝାହୁ କାମାତା, ଇଦା କିଆନା, ରାନ୍ଦା ତିନାଆନା ମାତମି, ୬ ସୁଦୁତି, ବୁଦିତି, ଅର୍ହନି ତାଣ୍ଡାତି, କାର୍ମାମେହ୍ନି ତାଣ୍ଡାତି, ସୁଦୁଜୀସ୍ତତା, କୁଟୁ ହିଲାଆନା ଜୀସ୍ତନନାୟି, ୭ ଅଡ଼େ ସାତା ନେହ୍ ବଲୁତା, ମାହାପୁରୁତି ବାଡ଼ୁ ତଲେ, ଚିଃନି ଚେକ୍ତି କେୟିତି ଦାମ୍ବୁତି ସାକୁ ତଲେ, ୮ ଗାସ୍ତରମି ଅଡ଼େ ଅପାଆ ତାଣ୍ଡା, ମାମ୍ବୁ ମୁାନ୍ତି ବେଟାଆହି ମାନମି ଇଞ୍ଜି ଲାଜା ବେଟାଆହି ମାନମି; ଇଞ୍ଜି ନାଡ଼ିକିଝି ଆହିମାନମି, ଆଡ଼ିଜିକେଏ ସାତା ଗାଟାତମି । ୯ ପୁଣ୍ଡିଆଆତି ଲକୁ ଲେହେଁ, ଆଡ଼ି ଜିକେଏ ନେହ୍ ପୁଣ୍ଡିଆଡ଼ି ଲକୁ, ହାଡ଼ାରି ଲେହେଁ ଆଡ଼ି ଜିକେଏ ମେହ୍ଦୁ ମାମ୍ବୁ ନୀତାମାନମି, ମାମ୍ବୁ ଡ୍ରାଣ୍ଡ ବେଟାଆହାମାନମି ସାମା ହାହା ହିଲଅମି, ୧୦ ମାମ୍ବୁ ଦୁକୁ ତଲେ ମାତିହ୍ ଜିକେଏ ବାରେବେଲା ରାହାଁ ତଲେ ମାନମି, ମାମ୍ବୁ କ୍ରୀକୂଲି ଗାଟାତମି ଲେହେଁ, ସାମା ହାରେକା ଲକୁତାକି ବାଡ଼କା ମାନମି, ମାଙ୍ଗେ ଏନାୟି ହିଲାଆଲେହେଁ ସାମା ମାମ୍ବୁ ସାତାତଲେ ବାରେତି ଅଦିକାରା ଗାଟାତମି; ଇ ବାରେତାଣ୍ଡା ମାମ୍ବୁ ମାହାପୁରୁତି ସେବା କିନାତମି ଲେହେଁ ଜାହାରାଈ ଜଡ଼େ ଗାଟାତମି ଇଞ୍ଜି ତସାକତି ମାନମି ।

୧୧ କରନ୍ତିତା ମାନି ଜୀସ୍ତତି ତାୟିୟାଁ ଅଡ଼େ ତାଙ୍ଗିସ୍ତାତେରି, କୁଟୁ ହିଲାଆଲେହେଁ ମିଙ୍ଗେ ବାରେ ଝେସା ମାଞ୍ଜାନମି । ମୀ ତାଣ୍ଡା ମା ହିୟାଁ ଦେଟାମାନମି । ୧୨ ମିଙ୍ଗେତାକି ମା ଜୀସ୍ତନନାୟି ଉଣା ଆହା ହିଲେଏ ସାମା ମା ତାକି ମୀ ଜୀସ୍ତନନାୟି ଉଣା ଆହାମାନେ । ୧୩ ମିଙ୍ଗେ ନା ମୀରୁକା ମାସ୍ତକା ଇଞ୍ଜି ଅଣ୍ଡପାନା ଇ ବାରେ ଝେସିମାଞ୍ଜାଇଁ, ମାମ୍ବୁ ଜୀସ୍ତନହ୍ ମାଞ୍ଜାନାକି ମୀ ହିୟାଁ ଦେପି ଆପେ ।

ଲାଗେଏ ତାଣ୍ଡାତି ଜାଗ୍ରାତା କିନାୟି

୧୪ ମୀରୁ ନାମାଆଗାଟାରି ତଲେ ରଲେଏତାତେରି ଆଡ଼ି ଲେହେଁ କାମା କିଆଦୁ, ଦାମ୍ବୁ କାମାତା ଲାଗେଏତି କାମା ଏନିକ୍ ଆଣ୍ଡିନେ ? ଅଡ଼େ ଆନ୍ଦେରି ତଲେ ଉଜେଡ଼ି ଏନିକ୍ ଆଣ୍ଡିନେ ? ୧୫ କ୍ରୀସ୍ତ ଇଞ୍ଜି ବିଲିୟାର୍ ଏନିକ୍ ଜାରୁ ଆନ୍ଦେରି ? ନାମିତାରି ଇଞ୍ଜି ନାମାଆତାରି ଆମିନି କାତାତା ରଣ୍ଡିଏ ଆନ୍ଦେରି ? ୧୬ ମାହାପୁରୁତି ଇଲୁତା, ଏନିକ୍ ପ୍ରେଶକାତି ପୂଜା ଆନ୍ଦେ ? ସାମା ମାରୁ ନୀତାମାନି ମାହାପୁରୁତି ଇଲୁତାୟି, ଇତିହ୍ ମାହାପୁରୁ ତାନୁଏ ଏଲେଇଞ୍ଜି ମାନେସି,

“ନା ଲକୁତଲେ ନାନୁ ବାସା କିଞ୍, ଅଡ଼େ ଏଞ୍ଜାରିତଲେ ମାଞ୍, ନାନୁ ଏଞ୍ଜାରି ମାହାପୁରୁ ଆଞ୍, ଅଡ଼େ ଏଞ୍ଜାରି ନା ଲକୁ ଆନ୍ଦେରି ।”

୧୭ ଏଦାଆଁତାକି ପ୍ରବୁ ଏଲେଇଞ୍ଜି ମାନେସି, “ମୀରୁ ଏଞ୍ଜାରି ତାଣ୍ଡାତି ହଡ଼ା ଝାଦୁ, ଏଞ୍ଜାରି ତାଣ୍ଡାତି ଏଡ଼କା ଆଦୁ,

☆ ୬:୫ ୬:୫ କାମା ୧୨:୩ ☆ ୬:୧୬ ୬:୧୬ ୧କର ୩:୧୬; ୬:୧୯

ଏହି ଲାଗେଏତି ଦିଶସୁ ତୀଗାଆନୁ,
 ଆତିହ୍ମ ନାନୁ ମିଙ୍ଗେ ଆବାଇଁ,
 ୧୮ ନାନୁ ମୀ ଆବା ଆଇଁ,
 ଅଡ଼େ ମୀରୁ ନା ମୀରକା ମାୟକାତେରି ଆଡ଼େରି,
 ବାରେକିହ୍ନୀ ବାଡ଼ୁୟଗାଟି ପ୍ରବୁ ଇଦାଆଁ ଝେସିମାଞ୍ଜାନେସି ।”



୧୯ ଇତିହ୍ମ, ଏ ତାୟିୟାଁ ଅଡ଼େ ତାଜିୟାତେରି, ଇ ବାରେ ଆଞ୍ଜାମାଚାଣି ମୋଡ଼ା ଆହାମାନାକି ଖାଦୁ, ମାରୁ ମା ଆଙ୍ଗା ଅଡ଼େ ଜୀଞ୍ଜୁତି ଲାଗେଏ ତାଣାଟି ଆଡ଼ହା କଡ଼ିନ, ଇଞ୍ଜା ମାହାପୁରୁଇଁ ଆଜାନା ସୁଦୁ ମାଣକିତା ନେହ୍ମ ଆନ ।

ପାଞ୍ଜୁଲତି ରାହ୍ନାଁ

୨୦ ମୀ ହିୟାଁତା ମାଙ୍ଗେ ଚାୟୁ ହିୟାଦୁ, ମାମ୍ବୁ ଆମ୍ବାଆରାଇଁ ଲାଗେଏ କିହାହିଲଅମି, ଆମ୍ବାଆରାଇଁ ନାୟା କିହାହିଲଅମି କି ଆମ୍ବାଆରାଇଁ ବୁଡ଼ି କିହାହିଲଅମି । ୨୧ ନାନୁ ମିଙ୍ଗେ ଦହ୍ ଦସାଲି ଇଦାଆଁ ଝେସିମାଞ୍ଜାଅଁ; ଇତିହ୍ମ ନାନୁ ତଲିଏ ଝେସାମାଞ୍ଜାଇଁ, ମୀରୁ ମା ହିୟାଁତା ଏତେକା ଚାୟୁ ବେଟାଆହାମାନାକି ମାରୁ ହାଡ଼ିହ୍ମ ରଣ୍ଡିଏ ତାଣା ହାନ, ନୀଡ଼ିତିହ୍ମ ରଣ୍ଡିଏ ତାଣା ନୀଡ଼ିନ । ୨୨ ମୀ ତାଣା ନାଙ୍ଗେ ହାରେକା ନାମ୍ବୁ ମାନେ, ମିଙ୍ଗେତାକି ନାଙ୍ଗେ ହାରେକା ବଡ଼ପଣ ହଡ଼ି ମାଞ୍ଜାନେ; ନାନୁ ଦୁକୁ ଟୁକହା ମାଇଁ, ମା ବାରେ କସ୍ତତା ନାନୁ ସାସା ଆହାମାଇଁ, ଅଡ଼େ ନା ହିୟାଁତା ରାହ୍ନାଁ ହଡ଼ିମାଞ୍ଜାନେ ।

୨୩ *ମାକିଦନିୟାତା ଏଜାଲିଏ ଜିକେଏ ପାଙ୍ଗାତା ଗଡ଼ହା ବିଡ଼ା ଆଜି, ଇଲେତି କସ୍ତ ବେଟାଆହାଲିଏ ମା ଆଙ୍ଗା ଜିକେଏ ଜମାଲି ପୁଃଆତେ । ୨୪ ସାମା ହେଲା ଗାଗରାଇଁ ସାସା ହାନି ତିତସଇଁ ମାହାପୁରୁ ପାଣ୍ଡାନା ମାଙ୍ଗେ ସାସା ହିୟାତେସି । ୨୫ ଖାଉଇ ତାନି ଖାଡ଼ାକି ରାହ୍ନାଁ ଆଏ, ସାମା ଏଝାସି ମୀ ତାଣା ହାଜାନା ଏମିନି ସାସା ବେଟାଆହାମାନେସି । ଏମ୍ବାଟି ମାଙ୍ଗେ ସାସା ହିୟାତେସି, ଏତେକା ନାଙ୍ଗେ ମେସାଲି ମୀରୁ ଅଣସିମାଞ୍ଜେରି, ଏତେକା ମୀରୁ ଦୁକୁ କିହିମାଞ୍ଜେରି, ମୀରୁ ନା ତାଣା ବାସୁ ଇଗାଲି ଏତେକା ତିୟାରା ଆହାମାଞ୍ଜେରି, ଏଦାଆଁତାକି ନାନୁ ନୀଏଁ ହାରେକା ରାହ୍ନାଁ ଆହିମାଇଁ ।

୨୬ ନାନୁ ନା ତଲିତି ଆକୁତା ମିଙ୍ଗେ ଦୁକୁ ହାହାମାଞ୍ଜାତିହ୍ମ ଜିକେଏ ଏଦାଆଁତାକି ଦୁକୁ ଆଏ; ଏ ଆକୁ ଗାଡ଼େକା ତାକି ମିଙ୍ଗେ ଦୁକୁ ହାହା ମାଞ୍ଜାନାଣି ମେସାନା ନାନୁ ଦୁକୁ ଆଡ଼ିଜିକେଏ ୨୭ ନୀଏଁ ରାହ୍ନାଁ ଆହିମାଇଁ, ମୀରୁ ନୀଏଁ ଦୁକୁ ଆଡ଼େରି ଏଦାଆଁତାକି ଆଏ, ସାମା ମୀ ଦୁକୁ ମିଙ୍ଗେ ମନ ଝେଟ୍ପି କିତାକି ରାହ୍ନାଁ ଆହାମାଇଁ; ଇତିହ୍ମ ମା ତାଣାଟି ମୀଦି ଏନାୟିଞ୍ଜା ବୁଡ଼ିଆଆପେ, ଏଦାଆଁତାକି ମୀରୁ ମାହାପୁରୁ ତାଣାଟି ଦୁକୁ ବେଟା ଆହାମାଞ୍ଜେରି । ୨୮ ମାହାପୁରୁ ତାଣାଟି ଖାନି ଦୁକୁ ଗେଲପାଲିତାକି ମନ ଝେଟ୍ପି କିଞ୍ଜିକେନେ, ଏଦାଆଁତାକି ଅଣସିନାୟି ଲଡ଼ା ହିଲେଏ; ସାମା ଇ ଦାବଡ଼ିତି ଦୁକୁ ହାଞ୍ଜିକେନେ । ୨୯ ମେହ୍ଦୁ ମାହାପୁରୁତି ମନତଲେ ଆମିନି ଦୁକୁ ବେଟାଆଡ଼େରି, ଏଦି ମୀ ତାଣା ଏତେକା ରାହ୍ନାଁଗାଟାୟି, ହାଅ, ମୀ ଦହ୍ ହିଲଆଗାଟାଣି ତସାମାନେ, ହାଅ ଏତେକା ଅଣପୁ, ଏତେକା ଆଜି, ଏତେକା ମନ, ଏତେକା ସେବା, ଲାଗେଏତାଣି ତଣ୍ଡ ହାହାଲି ଏତେକା ଅଣପୁ, ଏ ବାରେ ତାଣାଟି ମୀରୁ ଅବହାତେରି ଇଞ୍ଜୁଁ ତଞ୍ଜା ଆହିମାଞ୍ଜେରି ।

୩୦ ଇଦାଆଁତାକି ନାନୁ ମୀ ତାଣା ଏ ଆକୁ ରାଡ଼ିତେଏଁ, ଆତିହ୍ମ ଜିକେଏ ଆମ୍ବାଆସି ଲାଗେଏ କିହାମାନେସି, କି ଆମ୍ବାଆସି ଲାଗେଏତାଣି ଅବହା ମାନେସି, ଏଞ୍ଜାଣାକି ରାଡ଼ିତେଏଁ, ଏଦି ଆଏ, ସାମା ମାଙ୍ଗେ ତାକି ମୀ ରାହ୍ନାଁ ଏନିକ୍ମ ମାହାପୁରୁ ନକିତା ମୀ ତାଣା ସାତେଏ ଇଞ୍ଜୁଁ ତଞ୍ଜାଆନେ, ଏଦାଆଁତାକି ରାଡ଼ିତେଏଁ । ଇତିହ୍ମ, ମାମ୍ବୁ ସାସା ବେଟାଆହାମାନମି । ୩୧ ଅଡ଼େ ମା ବାସୁତା ମାମ୍ବୁ ତିତସ ରାହ୍ନାଁତାକି ହାରେକା ରାହ୍ନାଁ ଆଡ଼ମି, ଇତିହ୍ମ ଏଝାଣି ଜୀଞ୍ଜୁ ମୀ ବାରେ ଜାଣା ତାଣାଟି ରାହ୍ନାଁ କିହାମାଞ୍ଜେରି । ୩୨ ଆତିହ୍ମ ଏନି କାତା ତିତସ ତାଣା ମୀ ତାକି ନାନୁ ବଡ଼ପଣ କିହାମାଇଁ, ଆତ୍ ଲାଜା ଆହାହିଲଅଁ, ସାମା ଏନିକ୍ମ ମୀରୁ ବାରେ କାତାତା ମିଙ୍ଗେ ସାତା ଝେସାମାଞ୍ଜାତମି, ଏଲେକିହ୍ମ ତିତସ ନକିତା ମା ବଡ଼ପଣ ଆନାୟି ଜିକେଏ ସାତା ଇଞ୍ଜୁଁ ପୁଣ୍ଡିଆହାମାନେ । ୩୩ ଇଞ୍ଜା ମୀରୁ ଏନିକ୍ମ ଆଜି ଅଡ଼େ ତୀରୁଗିହ୍ମ ଏଞ୍ଜାଣାଇଁ ଆବାହାଁ ଏଞ୍ଜାଣି ତାଣା ବାରେକାଣା ତେରି ମାନୁଡ଼ି ଆଡ଼େରି, ଏ ବାରେ ଅଣସାନା ମିଙ୍ଗେତାକି ତାନି ହିୟାଁତା ଜୀଞ୍ଜୁନନାୟି ହାରେକା ପାତା ଆଡ଼େ । ୩୪ ନାନୁ ବାରେ ତାଣାଟି ମିଙ୍ଗେ ହାରେକା ନାମାଲି ଆଡ଼ାଇଁ ଏଦାଆଁତାକି ନାଙ୍ଗେ ହାରେକା ରାହ୍ନାଁ ହଡ଼ିମାଞ୍ଜାନେ ।

* ୨:୫ ୭:୫ ୨କର ୨:୧୩



କ୍ରୀସ୍ତାନା ଲକ୍ଷ୍ମୀ ଦାନା ହାନାୟି

୧ ଏ ମା ତାୟିୟା ଅଡ଼େ ତାଲିସ୍ତାତେରି, ମାକିଦନିୟା କୁଲମିକାଣା ମାହାପୁରୁ ହାହାମାନି କାର୍ମାମେହନାଣି ବେଟାଆହାମାନେ, ଏଦାଆଁ ମାମ୍ବୁ ମିଙ୍ଗେ ଝେସିମାଞ୍ଜାନମି; ୨ ଏଞ୍ଜାରି ବେଟାଆହାମାନି ହାରେକା କସ୍ତତଲେ ତାୟିପାରି କିଞ୍ଚି ଆହାମାନେରି; ଏଞ୍ଜାରି ହାରେକା ହାକି କାକୁଲି ଗାଟାରି ଇଚିହିଁ ଜିକେଏ; ଜାହାରା ଅଣପୁ ତଲେ ତାନି ଦାନା ହାନି ତାଣା ଏଞ୍ଜାରି ରାହାଁ ହାରେକା ମାଟେ । ୩ ଏନାଆଁତାକି ଇଚିହିଁ ନାନୁ ସାକି ହାହିମାଲ୍, ଏଞ୍ଜାରି ଆଡ଼ିନି ପାତେକା, ସାମା ଏଞ୍ଜାରି ଆଡ଼ିନି ବାଡ଼ୁ କିହାଁ ଜିକେଏ ହାରେକା ଗାତି ଦାନା ହାହାମାନେରି । ୪ ଜାହୁଦାତା ମାନି ମାହାପୁରୁ ଲକ୍ଷ୍ମୀତ ସେବା କାମାତା ଆଣ୍ଡିଆନି କାର୍ମାମେହନାଣି ମେଡ଼ା ଆହାଲିତାକି ଏଞ୍ଜାରି ଜାହାରା ଅଣପୁ ତଲେ ବାତିମାଲିହିଁ ମାଙ୍ଗେ ହେଲ ରାସ୍ତାତେରି; ୫ ଏଞ୍ଜାରି ଖାରୁଇ ମା ଆସା କିହାମାନିଲେହେଁ କିହାହିଲାଆତେରି, ସାମା ମାହାପୁରୁ ମନତଲେ ସାଲ୍ଡି ଆହାନା ତଲିଏ ଜାହା ଜାହାରାଇଁ ପ୍ରବୁ ତାଣା ଇଞ୍ଜାଁ ମା ତାଣା ହେରପାତେରି । ୬ ତିତସ ମୀ ତାଣା ଏ କାର୍ମାମେହନି କାମା ଏନିକ୍ ମାଟୁହା ମାଟେସି, ଏଲେକିହିଁ ଏ ଏଦାଆଁ ରାପୁହାଲି ଏଞ୍ଜାଣାଇଁ ସାସା ହାତମି । ୭ ମୀରୁ ବାରେ ତାଣାଟି ନକିତା ଆହାମାଞ୍ଜେରି, ଇଚିହିଁ ନାମ୍ବୁ କହୁଗାଟାରି, ବୁଦି ଇଞ୍ଜାଁ ବାରେଲେହେଁତ ରାହାଁ, ମିଙ୍ଗେତାକି ମା ଜାହୁନନାୟି, ଏଲେକିହିଁ ବାରେ କାତା ଏନିକ୍ ମୀ ତାଣା ହାରେକା ତଞ୍ଜା ଆହିମାନେ, ଏଲେକିହିଁ ଏ ଇ କାର୍ମାମେହନି କାମା ଜିକେଏ ମୀ ତାଣା ହାରେକା ତଞ୍ଜାଆପେ ।

୮ ନାନୁ ହୁକୁମି ହାନି ଲେହେଁ ଝେସିମାଞ୍ଜାଅଁ, ସାମା ଅର ଲକ୍ଷ୍ମୀତ ରାହାଁ ଆହାଲି ତସାନା ମୀ ଜାହୁନନାୟି ସାତା କି ଆଏ ତାୟିପାରି କିହାଲି ଝେସିମାଞ୍ଜାଲ୍ । ୯ ଇଚିହିଁ ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାଣି ମୀରୁ ପୁଞ୍ଜାମାଞ୍ଜେରି, ମୀରୁ ଏନିକ୍ ଏଞ୍ଜାଣି ହିଲାଆଗାଟି ତାଣାଟି ଦନ ଗାଟାତେରି ଆଡ଼େରି, ଏଦାଆଁତାକି ଏଞ୍ଜାସି ଦନଗାଟାସି ଆଡ଼ିକିକେଏ ମୀ ତାକି ହିଲାଆଗାଟାସି ଆଡ଼େସି ।

୧୦ ଏଦାଆଁତାକି ନା ଅଣପୁ ଇଦି, ଏ ବାରେ ମିଙ୍ଗେତାକି ନେହେଁ, ଏନିକିହିଁ ଡାଣ୍ଡିସି ମୀରୁ ମୁଲୁଏ କାମା ମାଟୁହେରି, ଏଦି ଆଏ, ସାମା ଏ କାମା କିୟାଲି ନକେଏ ଜିକେଏ ଅଣପାମାଟେରି । ୧୧ ନୀଏ ଏ କାମା ଜିକେଏ ରାପୁ, ମୀରୁ ଏ କାମା କିହାଲି ଏନିକ୍ ଅଣପାମାଟେରି, ଏଲେକିହିଁ ରାହାଁତି ଅଣପୁ ତଲେ ଏ କାମା ରାଢେନ । ୧୨ ଇଚିହିଁ ହାହାଲିତାକି ରାହାଁ ମାଟିହିଁ ମାଣସି ତାନି ଆଡ଼ିନିଲେହେଁ ଏନାଆଁ ହାନେସି, ମାହାପୁରୁ ନକିତା ନେହାୟି ଆଢେନ ।

୧୩ ଇଚିହିଁ ଏଟକାଟାରି ଏନିକ୍ ସୁକୁ ବେଟାଆଢେନି, ଇଞ୍ଜାଁ ମୀରୁ କସ୍ତ ବେଟାଆଦୁ, ଏଦାଆଁତାକି ନାନୁ ଇଦାଆଁ ଝେସିମାଞ୍ଜାଅଁ; ୧୪ ସାମା ସମାନା ଆହାଲିତାକି ନୀଏ ମୀ ବାଡ଼କୁ ତଲେ ଏଞ୍ଜାରି ଲଡ଼ା ମାନାଣି କିଞ୍ଚି ଆହିମାନେ, ଏନିକିହିଁ ଏଞ୍ଜାରି ବାଡ଼କୁ ତଲେ ମୀ ହିଲାଆଗାଟାଣି ପୂରା କିଞ୍ଚିଆନେ, ଇଞ୍ଜାଁ ଇଲେଆହୁଁ ସମାନା ତଞ୍ଜାଆନେ; ୧୫ ଦାମ୍ବୁପତିତା ଏନିକିହିଁ ରାସ୍ତକି ଆହାମାନେ, “ଆମ୍ବାଆସି ହାରେକା କୁଡ଼ି କିତେସି, ଏଞ୍ଜାଣିଖାୟି ହାଟାଆତେ, ଇଞ୍ଜାଁ ଆମ୍ବାଆସି ଉଣା କୁଡ଼ି କିତେସି, ଏଞ୍ଜାଣାକି ଉଣା ଆଆତେ ।

ତିତସ ଅଡ଼େ ତାନି ଆଟୁହିତାରି

୧୬ ମାହାପୁରୁକି ଜହରା ଆପେ, ଏଞ୍ଜାସି ମିଙ୍ଗେତାକି ତିତସ ହିୟାଁତା ରାହାଁ କିହାଲି ସମାନା ଅଣପିନି ମନ ହାଟେସି । ୧୭ ଇଚିହିଁ ଏଞ୍ଜାସି ଖାରୁଇ ମା ବାତିମାଲିତାଣି ଅପିତେସି, ଏଦି ଆଏ, ସାମା ଏଞ୍ଜାସି ତାନୁଏ ହାରେକା ରାହାଁ ଆହାଁ ମୀ ତାଣା ଖାହାଲି ଏଞ୍ଜାସି ମନ କିହିମାନେସି । ୧୮ ଏଞ୍ଜାଣିତଲେ ମାମ୍ବୁ ଅର ତାୟିଇଁ ପାଣ୍ଡିମାଞ୍ଜାନମି; ଏଞ୍ଜାସି ନେହଁ କାବୁ ଝେକ୍ନି କାମାତାକି ତାନି ଗାହୁରମି ବାରେ କ୍ରୀସ୍ତାନା କୁଲମିତା ଝେଙ୍ଗାମାନେ, ୧୯ ଖାରୁଇ ଏଦି ଆଏ, ସାମା ଏଞ୍ଜାସି ଜିକେଏ ମା ସେବା ତଲେ ଆହିମାନି ଇ କାର୍ମାମେହନି କାମା ତଲେ ପ୍ରବୁତି ଗାହୁରମି ଇଞ୍ଜାଁ ରାହାଁ ଅଣପୁ ତାକି ମା ତଲେ ତାକିନାସି ଆହାଲିତାକି କୁଲମିକା ତଲେ ଆଟୁଞ୍ଚି ଆହାମାନେସି ।

୨୦ ମା ତଲେ କିହିମାନି ଇ ସେବା କାମା ଲେହେଁ ହାରେକା ଦାନାତି କାତାତା ଆମ୍ବାଆସି ଏନିକିହିଁ ମାଙ୍ଗେ ଦହ ଦସ୍ତାଆପେସି, ଏଦାଆଁତାକି ଜାଗ୍ରାତା ଆହିମାନମି; ୨୧ ଇଚିହିଁ ଖାରୁଇ ପ୍ରବୁ କାନୁତାକି ଆଏ, ସାମା ଲକ୍ଷ୍ମୀ କାନୁତାକି ଜିକେଏ ଏନାୟି ନେହାୟି, ଏଦାଆଁ ବାରେ କିହାଲି ଅଣପିମାନମି ।

୨୨ ଅଡ଼େ, ମାମ୍ବୁ ମା ଅର ତାୟିଇଁ ଜିକେଏ ଏଞ୍ଜାରିତଲେ ପାଣ୍ଡିମାଞ୍ଜାନମି, ଏଞ୍ଜାଣାଇଁ ମାମ୍ବୁ ହାରେକା କାତାତା ହାରେକା ଦେବା ତାୟିପାରି କିହାଁ ରାହାଁତଲେ କାମାକିନାସି ଇଞ୍ଜାଁ ନେହିଁକ୍ ପୁଞ୍ଜାମାନମି,

ଇଞ୍ଜିଂ ମୀ ତାଣା ଆବୁଝା ନାମୁ କିହ୍ନା ମାନାକି ଏଝାସି ନୀଏଁ ହାରେକା ରାହ୍ନା ଆହାମାନେସି । ୨୩ ତିତସ କାତା ଆମ୍ବାଆସି ଝେଞ୍ଜାତିହ୍, ଏଝାସି ନା ଆବୁହିତାସି ଇଞ୍ଜିଂ ମୀ ତାକି ନା ତଲେ କାମାକିନାସି; ଇଞ୍ଜିଂ ମୀ ତାୟିୟା କାତା ଝେଞ୍ଜାତିହ୍, ଏଝାରି କୁଲମିକା ତାଣାଟି ପାଣ୍ଡୁଝି ଆହାମାନାରି, ଅଡେ କ୍ରାସୁତି ଗାଝୁରମି ଝେଞ୍ଜି କିହି ମାନାରି । ୨୪ ଇତିହ୍ ମୀ ଜୀଝୁନନାୟି ଇଞ୍ଜିଂ ମୀ କାତାତା ମା ବତପଣତି ପାରମାଣା କୁଲମିକା ନକ୍ତିତା ଏଝାରାକି ତହ୍ନୁ ।



ହାକିଗାତି କ୍ରୀସ୍ତାନା ଲକୁଣି ସାୟେମି

୧ ଜାହୁଦାତା ମାନି ମାହାପୁରୁ ଲକୁଇଁ ସାୟେମି କିନି କାତା ଅଡେ ମିଙ୍ଗେ ରାଡାଲି ଲଡା ଆଏ; ୨ ନାମୁ ପୁଞ୍ଜାମାଲ ମୀରୁ ବାରେବେଲା ସାୟେମି କିହାଲି ତିୟାରା ଆହାମାଞ୍ଜେରି ଇଞ୍ଜିଂ ମାକିଦନିୟାତି ଲକୁ ତାଣା ମୀ ତାକି ନାମୁ ବତପଣ ଆହିମାଲ । ନାମୁ ଝେସାମାଚେଏଁ, “ଆକାୟାତି ତାୟିୟା ସାୟେମି କିହାଲି ହାତି ବାସୀଟିଏ ତିୟାରା ଆହାମାନେରି ।” ମୀରୁ ଏଲେକ୍ ସାୟେମି କିନାୟି ଏଝାରି ବିତ୍ରାଟି ହାରେକା ଲକୁଣି ଜାଗ୍ରାତା କିହାମାନେ । ୩ ଆଡିଜିକେଏ ନାମୁ ତାୟିୟାଲି ପାଣ୍ଡିମାଞ୍ଜାଲ, ମୀ ତାକି ବତପଣ ତହ୍ନନାୟି ଏନିକ୍ ରଜେଏ ଆଏ, ସାମା ନା କାତାଲେହେଁ ହାହାଲିତାକି ଜାଗ୍ରାତା ଆଦୁ, ୪ ଏଡେତା ଆଡେ ନା ତଲେ ଆମିନି ଲକୁ ପାଟେ ମାକିଦନିୟାଟି ଝାହ୍ନା ମୀ ଦାନା କୁଡି କିହା ହିଲାଆ ଗାଗାଣି ମେସ୍ତିହ୍ ମୀରୁ ପାଣ୍ଡିନି ଲାଜା ପିସାନା ମାମୁ ଛ ଆବୁଝା ନାମୁତି କାତାତାକି ଲାଜା ବେଟାଆନି ୫ ମୀରୁ ତଲିଏ ଆଞ୍ଜାମାଟି ଦାନା ଏନିକ୍ ଗୁଡୁମୁରୁ ଆହ୍ ହାନାୟି ଆଆନା ଜାହାରା ଅଣପୁ ତଲେ ଆନେ, ଏଦାଆଁତାକି ତଲିଏ ଏ ଦାନା କୁଡିକିହାଲି ତିୟାରା କିହାଲି ନକେଏ ମୀ ତାଣା ହାଜାଲିତାକି ନାମୁ ଏ ତାୟିୟାଣି ବାଡିମାଲୁଲି ଅଣପାମାଚେଏଁ ।

୬ ସାମା ଛ କାତା ସାତା, ଆମ୍ବାଆସି ରଚାଣି ବିଚା ମାଟିନେସି, ଏଝାସି ଇଚାଣି ତାସା ବେଟା ଆନେସି; ଅଡେ ଆମ୍ବାଆସି ଗାତି ବିଚା ମାଟିନେସି, ଏଝାସି ଗାତି ତାସା ବେଟାଆନେସି । ୭ ବାରେଜାଣା ଜାହାରା ହିୟା ଏନିକ୍ ଅଣପା ମାନେ, ଏଲେକ୍ କିପେରି, ମୁସ୍ତି କି ବାଲାମାତମି ତଲେ ଆଏ; ଏନାଆଁତାକି ଇତିହ୍ ମାହାପୁରୁ ଜାହାରା ଅଣପୁ ତଲେ ଦାନାହାନି ଲକୁଣି ଜାଝୁ ନନେସି । ୮ ଅଡେ, ବାରେ ଦିଶପୁ ବାରେବେଲା ହାରେପୁରେ ବେଟାଆହ୍ ମୀରୁ ଏନିକ୍ ବାରେ ନେହ୍ କାମାତାକି ହାରେକା ଇଞ୍ଜିଂ ହାରେକା ଦାନା କିହାଲି ଆଡିଦେରି, ଏଦାଆଁତାକି ମାହାପୁରୁ ମିଙ୍ଗେ ବାରେଲେହେଁଟି କାର୍ମା ହାରେପୁରେ ହାହାଲି ଆଡାନେସି । ୯ ଦାର୍ମପତିତା ରାସ୍ତିକି ଆହାମାନେ,
“ଏଝାସି କେୟୁ ଦେଚାନା ଦାନା ହାହାମାନେସି,

ଏଝାସି ହିଲାଆ ଗାଗାଟାକି ହାରେପୁରେ ହାହାମାନେସି; ଏଝାଣି ଦାର୍ମ ଏରେଲାଝା ରାଏ ।”

୧୦ ମାହାପୁରୁ ମାଟିନାଣାକି ବିଚା ଅଡେ ତିଞ୍ଜାଲି ରାନ୍ଦା ହାନେସି, ଏଝାସି ମାଗାଲିତାକି ମିଙ୍ଗେ ବିଚା ହିୟାନେସି ଇଞ୍ଜିଂ ଏଦାଆଁ ପାଡିକିନେସି, ଅଡେ ମୀ ଦାର୍ମୁତି ପାଡେଡି ଗାତି କିନେସି । ୧୧ ଏଲେକ୍ ମୀରୁ ବାରେ ଦିଶପୁତା ବାଡକାନା ଜାହାରା ଅଣପୁ ତଲେ ଦାନା କିହାଲି ଆଡିଦେରି, ଇଞ୍ଜିଂ ଏଡି ମା ଜାଣାଟି ମାହାପୁରୁଜି ଜହରା କିନାୟି ଆନେ । ୧୨ ଇତିହ୍ ଛ ଦାନା ହାନି ସେବା କାମା ମାହାପୁରୁ ଲକୁତି ଲଡାମାନାଣି ପୁରା କିହାମାନେ, ଏଡି ଆଏ, ସାମା ଏଦାଆଁ ତଲେ ଜିକେଏ ମାହାପୁରୁଟି କାମାତା ହାରେକା ଲକୁ ରାହ୍ନାତଲେ ଜହରା କିହିମାନେରି । ୧୩ ଇତିହ୍ ଛ ସେବା କାମାଟି ପାରମାଣା ତାକି ଲକୁ ମିଙ୍ଗେ ଆବିମାଞ୍ଜାନି କ୍ରୀସୁତି ନେହ୍ କାହୁତି ନାମୁ ଇଞ୍ଜିଂ ମାହାପୁରୁତି ଲକୁ ଅଡେ ବାରେତାକି ମୀ ଆଣ୍ଡିନାୟି ତୀରପୁ ତାକି ମାହାପୁରୁଟି ଗାଝୁରମି କିହିମାନେରି । ୧୪ ମିଙ୍ଗେ ମାହାପୁରୁଟି ହାରେପୁରେ କାର୍ମାମେହ୍ନାଣି ତାକି ଏଝାରି ଜିକେଏ ହାରେକା ରାହ୍ନାତଲେ ପ୍ରାଡାନାତା ମିଙ୍ଗେ ଅଣପିମାଞ୍ଜାନେରି । ୧୫ ମାହାପୁରୁଟି ହାରେପୁରେ ଦାନା ତାକି ତାଙ୍ଗେ ଜହରା ଆପେ ।



ପାଝୁଲ ତାନି ସେବା କାମାତାକି ଝେଣ୍ଡେଝେହ୍ନାୟି

୧ ନାମୁ ପାଝୁଲତେଏଁ ମୀ ନକ୍ତିତା ସାପି ଆହା ମାନାତେଏଁ ସାମା ହେକ ମାନାଟି ବାଡୁରୁ ତହ୍ନନାତେଏଁ, ନାମୁଏ କ୍ରୀସୁତି ସୁଦୁଗାଟି ଅଣପୁ ତଲେ ମିଙ୍ଗେ ବାଡିମାଲିହ୍ ରାସିମାଞ୍ଜାଲ, ୨ ହାଏ ନାମୁ ପ୍ରାଡାନା କିହିମାଲ, ମାର ମାଣ୍ଡିତି ଅଣପୁ ତଲେ ତାକିମାନାୟି ଇଞ୍ଜିଂ ଅଣପିମାନାରି କପାଟି ବାଡୁରୁ ତସାଲି

ଅଣପାମାଙ୍କ, ଇଞ୍ଜା ନାନୁ ଖାଡ଼ିସାରେ ଏଲେତି ବାଡ଼ୁୟୁ ତସାଲି ଆଏ; ୩^୩ ମାରୁ ଈ ଦାରୁତିତା ଆଙ୍ଗା ତଲେ ନାତାମାନାୟି ସାତା, ସାମା ମାରୁ ଦାରୁତିତି ଅଣପୁ ତଲେ ଜୁକୁ କିହି ହିଲ୍ଲାଆୟି, ୪^୪ ଇତିହିଁ ମା ଜୁକୁତି ସାକୁ ଆଙ୍ଗାତି କୁତି ତଲେ ଆଏ, ସାମା କାଜା କଟା ଇଲୁ ମ୍ଲେକ୍‌ହାଲି ମାହାପୁରୁ ନକିତା ଏ ବାରେ ବାଡ଼ୁୟୁ ଆନେ; ୫^୫ ମାମୁ ମୁଚି ଅଣପୁ କାତା ବାରେ ଅଡ଼େ ମାହାପୁରୁତି ବୁଦି କପାଟି ନିଜ୍ଜିନି ବତପଣ ତହୁନି କାଜା କାତାତି ବାରେ ମ୍ଲେକ୍‌ନମି; ଅଡ଼େ ବାରେଲେହେତି ଅଣପିନାଣି ଆସାନା କ୍ରୀସୁତି ମାନି ଆୟାଲି ଦସ୍‌ପି କିହିମାନମି । ୬^୬ ଏତିବେଲା ମାରୁ ବାରେ ଖାକିତି ମାନୁଡ଼ି ଆଡ଼େରି, ଏତିବେଲା ମାମୁ ମାନୁଡ଼ି ଆଥାଗାଗାଣି ବାରେ ତଣ୍ଡ ହାନମି ।

୭^୭ ମାରୁ ସାରିସୁରୁ ପାଙ୍ଗାତା ତଞ୍ଜା ଆହିମାନାଣି ମେସିମାଞ୍ଜେରି । ଆମ୍ବାଆସି ଜାହାରାଈଁ କ୍ରୀସୁତି ଲକୁଡେଏଁ ଇଞ୍ଜା ନାନିନେସି, ଆତିହିଁ ଏଝାସି ଏନିକିଁ କ୍ରୀସୁତି ଲକୁ, ମାମୁ ଜିକେଏ ଏଲେକିଁ କ୍ରୀସୁତି ଲକୁ, ଇଦାଆଁ ତାନୁଏ ଅଣପାପେସି । ୮^୮ ଇତିହିଁ ମା ଅଦିକାରା ତାକି ନାନୁ ଅଲପ ଗାଡ଼ି ବତପଣ ତସ୍ପି ଜିକେଏ ଲାଜା ଆଅଁ; ମିଙ୍ଗେ ନାସଡ଼ି କିହାଲି ପ୍ରବୁ ମାଙ୍ଗେ ଅଦିକାରା ହାଆନା ମିଙ୍ଗେ ତିୟାରା କିହାଲି ହାହାମାଞ୍ଜନେସି । ୯^୯ ନା ରାଡ଼ିତି ଆକୁୟାଁ ତଲେ ନାନୁ ମିଙ୍ଗେ ଆଜିକିହି ମାଞ୍ଜନେସି ଇଞ୍ଜାଁ ଅଣପାଆଦୁ । ୧୦^{୧୦} “ଏତରଜାଣା ଏଲେଇନେରି, ପାଞ୍ଜୁଲ ତାନି ଆକୁ ରାଡ଼ିନାତି ଅଦିକାରା ଅଡ଼େ କାଜା ବାଡ଼ୁୟୁ ଗାଗାଈ, ସାମା ମା ତଲେ ଆଙ୍ଗାତା ମାନାତି ଏଝାସି ବାଡ଼ୁୟୁ ହିଲ୍ଲାଆଗାଗାସି ଅଡ଼େ ତାନି କାତା ବାରେ ଉଜେଏତାୟି ।” ୧୧^{୧୧} ମାମୁ ହେକ ମାଞ୍ଜାନା ଆକୁତା ରାଡ଼ିନି କାତା ଏନିଲେହେତାୟି, ମୀ ତଲେ ମାଞ୍ଜାନା କିନି କାମା ଜିକେଏ ଏଲେତାୟିଏ ଇଞ୍ଜାଁ ଲକୁ ଅଣପାପେରି ।

୧୨^{୧୨} ଇତିହିଁ ଆମ୍ବାଆରି ଜାହାରାଈଁ ବତପଣ ତସା କତିନେରି, ଏଝାରି ତଲେ ମାଙ୍ଗେ ଲେକା କିହାଲି ଜିକେଏ ମା ସାସା ହିଲେଏ; ସାମା ଏଝାରି ତାମୁ ତାନି ତାଣାତି ଜାହାରାଈଁ ଲେକା କିହାନା ବୁଦି ହିଲ୍ଲାଆଗାଗାରି ତଞ୍ଜା ଆନେରି । ୧୩^{୧୩} ସାମା ମାମୁ ହାନ୍ଦି ଗାଣ୍ଡା ହାଜାନା ବତପଣ ତହୁଅନି; ମାରୁ ଜିକେଏ ମାହାପୁରୁ ମାଙ୍ଗେ ହେରପା ମାଞ୍ଜାନି କାମାତି ହାନ୍ଦି ବିତ୍ରା ତାତେରି, ଏ ଲେକା ତଲେ ବତପଣ କିଦେରି । ୧୪^{୧୪} ଇତିହିଁ ମାରୁ ମା ହାନ୍ଦି ବିତ୍ରା ହିଲ୍ଲାଆତି ଲେହେଁ ମାମୁ ହାନ୍ଦି ଗାଣ୍ଡା ମାନମି, ଏଦି ଆଏ; ଏନିଇତିହିଁ କ୍ରୀସୁତି ନେହିଁ କାରୁ ଝେକ୍‌ହିହିଁ ମାମୁ ମୀ ତାଣା ଜିକେଏ ତଲିଏ ଝାହାମାତମି; ୧୫^{୧୫} ମାହାପୁରୁ କିହାମାନି ମା କାମାତି ପାଙ୍ଗାତା ଏଟକା ଲକୁତି କାମାତା ବତପଣ କିହିହିଲଅନି, ସାମା ମାମୁ ଆସା କିହିମାନମି ମାରୁ ନାମୁତା ପାତା ଆନାଣିତଲେ ମୀ ତାଣାତି ମା କାମା ଅଡ଼େ ହାରେକା ପାତା ଆନେ । ୧୬^{୧୬} ମାମୁ ଅର ରଅଣି ହାନ୍ଦି ବିତ୍ରା ଏଝାସି ତଲିଏ କିହାମାନି କାମାତାକି ବତପଣ ତହୁଆନା, ମାମୁ ମୀ ତାଣାତି ଅର ଦେସାତା ହାଜାନା ନେହିଁ କାରୁ ଝେକ୍‌ହାଲି ଆଡ଼ନମି ଇଞ୍ଜାଁ ଆସା କିହିମାନମି ।

୧୭^{୧୭} ସାମା ଦାମୁପତିତା ରାସ୍‌କି ଆହାମାନେ, “ବତପଣ ତହୁନାସି ପ୍ରବୁ କିତି କାମାତାକି ବତପଣ ତସ୍‌ପେସି ।” ୧୮^{୧୮} ଜାହାରାଈଁ ନେହାଁତେଏଁ ଇଞ୍ଜାଁ ଅଣପିନାସି ଏଝାସି ତାୟିପାରିତା ଜାଣା ଆଡାସି ଆଏ, ସାମା ପ୍ରବୁ ଆମ୍ବାଆରାଈଁ ସାତା ନେହାଁସି ଇଞ୍ଜାଁ ଇନେସି ଏଝାସି ତାୟିପାରିତା ଜାଣା ଆଡାସି ।

୧୧

ପାଞ୍ଜୁଲ ଅଡ଼େ ମିତି ଜାମ୍‌ନାରି

୧^୧ ନାନୁ ବୁଦି ହିଲ୍ଲାଆ ଗାଗାତେଏଁ ଲେହେଁ ଇଚେକା ଝେସାଲି ନାଙ୍ଗେ ହେଲ ହିୟାତିହିଁ ନେହେଁ ଇଞ୍ଜାଁ ଅଣପିମାଙ୍କ, ମାରୁ ନାଙ୍ଗେ ହେଲ ହିୟାଦେରି । ୨^୨ ମାହାପୁରୁ ତାକି ହାରେକା ରାହାଁତା ନାନୁ ମିଙ୍ଗେତାକି ହାରେକା ରାହାଁ, ଇତିହିଁ ନାନୁ ମିଙ୍ଗେ ସୁଦୁ ତାଆ ମାଙ୍ଗାଲେହେଁ ର ତ୍ରକ୍ତା ତାଣା ଇତିହିଁ କ୍ରୀସୁଜ୍‌ ବାହା ଆୟାଲି କାତା ହାହାମାଈଁ । ୩^୩ ସାମା ରାରୁ ତାନି ସୁତ୍ରମି ତଲେ ହବାଈଁ ନାଡ଼ି କିଡେ, ଏଲେକିହିଁ ଏଚେତା ଆପେ ମୀ ମନ କ୍ରୀସୁ ତାଣା ମାନି ତୀରପୁତାୟି ଇଞ୍ଜାଁ ସୁଦୁତା ମାନାୟି ନାସା ଆନେ, ଇଦାଆଁ ନାଙ୍ଗେ ଆଜି ହଡ଼ିମାଞ୍ଜାନେ । ୪^୪ ଇତିହିଁ ଆମିନି ଜୀସୁଜ୍‌ ମାମୁ ଝେକ୍‌ଆତମି, ଇଲେକିହିଁ ଏଟକା ଜୀସୁଜ୍‌ ଆମ୍ବାଆସି ଆପେ ଝାହାଁ ଝେକ୍‌ନେସି, କି ଆମିନି ସୁଦୁଜୀଞ୍ଜୁ ମାରୁ ବେଗାଆଆତେରି, ଇଲେକିଁ ଏଟକାତି ର ସୁଦୁଜୀଞ୍ଜୁ ବେଗାଆଦେରି, କି ଆମିନି ନେହିଁ ବଲୁ ମାରୁ ଆବାଆତେରି, ଇଲେକିଁ ଏଟକାତି ର ନେହିଁ ବଲୁ ବେଗାଆଦେରି, ଏଲେଆଡ଼ିହିଁ ମାରୁ ଗାଡ଼ି ଅରୁହିନାତେରି ।

୫^୫ ଇତିହିଁ ଏ କାଜାପାଣା ଗାଡ଼ି “ପାଣ୍ଡୁଡ଼ି ଆଡାରି” ତାଣାତି ନାନୁ ଏନିକିହିଁ ଜିକେଏ ଉଣା ତାତେଏଁ ଆଏ ଇଞ୍ଜାଁ ଅଣପିମାଙ୍କ । ୬^୬ ସାମା ନାନୁ କାତା ଜଲ୍ଲାଲି ପୁନାଆତି ଜିକେଏ ବୁଦିତା ଉଣାତେଏଁ ଆଏ; ସାତାତଲେ ମାମୁ ବାରେଲେହେତି ବାରେ କାତାତା ମିଙ୍ଗେତାକି ଇଦାଆଁ ଝେସାତମି ।

୭ ମୀରୁ ଏନ୍ଦିକ କାଜାତେରି ଆଦେରି, ଏଦାଆଁତାକି ନାନୁ ଜାହାରାଇଁ ଉଣା କିହାକତାନା ମୀ ତାଣା ଉଜେଏନେଏ ମାହାପୁରୁତି ନେହ କାବୁ ଝେକହାତେଏ; ଏଲେକିୟାଲିଏ ନାନୁ ଏନ୍ଦି ପାପୁ କିତେଏ । ୮ ମୀ ତାଣା କାମା କିହ ମିଜେ ସେବା କିୟାଲି ଏଟ୍ଟା କୁଲମିତି ବର୍ତନ ବେଟାଆହାଁ ଏଞ୍ଜାରି ତାଣାଟି ମୀଞ୍ଜା ଅହିମାଚେଏ । ୯ ମୀ ତାଣା ମାଟିବେଲା ନାଜେ ଏନାଆଁ ହିଲାଆତି ଜିକେଏ ଆମ୍ବାଆରାକି ବାଦା ହାହାହିଲଅଁ; ମାକିଦନିୟାଟି ଖାଡ଼ି ତାୟିୟାଁ ନାଜେ ଲଡ଼ା ଆନାଣି ବାରେ ହିୟାତେରି, ମିଜେ ବଜୁ ହାଆରେଟୁ ନାନୁ ଜାଗ୍ରାତା ଆହାମାଚେଏ, ଅଡ଼େ ଜାଗ୍ରାତା ଆହାଁ ତୁୟିଇଁ । ୧୦ ନା ତାଣା ମାନି କ୍ରାସ୍ତତି ସାତାଇଁ ସାକି ଇଟାନା ଝେସିମାଇଁ, ଆକାୟା ଗାଡ଼ାୟିତି ନା ଇ ବଡ଼ପଣତି ଆମ୍ବାଆସି ଜିକେଏ ସାପି କିହାଲି ଆଡ଼ଅରି ଏନାଆଁକି ? ୧୧ ନାନୁ ମିଜେ ଜାଝୁନହ ମାଞ୍ଜାଆକି କି ? ମାହାପୁରୁ ପୁଞ୍ଜାମାନେସି ନାନୁ ମିଜେ ଜାଝୁ ନହ ମାଞ୍ଜାଇଁ !

୧୨ ସାମା ବଡ଼ପଣ ଆନିତାଣା ମା ଲେହେଁ ତଞ୍ଜାଆହାଲି ଆମିନି “ଉଜେଏତି ପାଣ୍ଡୁଆଡ଼ାରି” ପାରୁ ପାରିମାନେରି ନାନୁ ଏନ୍ଦିକ ଏଞ୍ଜାରାକି ପାରୁ ହାଅଁ, ଇଦାଆଁତାକି ନାନୁ ଏନାଆଁ କିହିମାଇଁ, ଏଦାଆଁ କିହେମାଇଁ । ୧୩ ଇତିହ ଏଲେତି ଲକୁ ନାଡ଼ିକିନି ପାଣ୍ଡୁ ଥାଡ଼ାରି, ଇଞ୍ଜା ଖାଣା ବାଦଲଞ୍ଜିକିହାଁ କାମାକିନାରି, ଏଞ୍ଜାରି କ୍ରାସ୍ତତି ପାଣ୍ଡୁ ଥାଡ଼ାରି ଖାଣା ଆହନେରି । ୧୪ ଇତିହ ଏଦି କାବାଆନି କାତା ଥାଏ, ଇତିହ ସୟତାନ ତାନୁଏ ଉଜେଡ଼ିତି ଦୁଡ଼ୁତି ଖାଣା ଆହନେ ! ୧୫ ଏତେଟିଏ ତାନି ହଲିୟାଙ୍ଗା ଜିକେଏ ଦାମ୍ବୁଗାଗାରି ଖାଣା ଆହନେରି, ଆତିହ ଏଦି କାଜା କାତା ଥାଏ; ରାନ୍ଦି ଦିନାତା ଏଞ୍ଜାରି ତାନି କିତି କାମା ତଲେ ତଣ୍ଡ ବେଟାଆନେରି ।

ପାଣ୍ଡୁଆଡ଼ି ପାଣା ତାକି ପାଝୁଲ କସ୍ତ ବେଟାଆନାୟି

୧୬ ନାନୁ ଅଡ଼େ ଝେସିମାଞ୍ଜାଇଁ, ଆମ୍ବାଆସି ନାଜେ ବୁଦି ହିଲାଆଗାଗାସି ଇଞ୍ଜୁ ଅଣପାଆପେସି; ସାମା ମୀରୁ ଏଲେକି ଅଣପିଦେରି, ଆଡ଼ିଜିକେଏ ବୁଦିହିଲାଆଗାଗାସି ଲେହେଁ ନାଜେ ଆବାଦୁ, ଏନ୍ଦିଇତିହ ନାନୁ ଜିକେଏ ଅଲପ ବଡ଼ପଣ ତସାଲି ଆଡ଼ିଇଁ । ୧୭ ନୀଏଁ ନାନୁ ଏନାଆଁ ଝେସିମାଇଁ ପ୍ରବୁତି ଅଣପୁ ତଲେ ଝେସିମାଞ୍ଜାଅଁ, ସାମା ବୁଦି ହିଲାଆ ଗାଟାତେଏଁ ଲେହେଁ ହାରେକା ସାସାତଲେ ବଡ଼ପଣ ତସାନା ଝେସିମାଞ୍ଜାଅଁ । ୧୮ ହାରେକା ଲକୁ ଦାବୁଡ଼ିତି ଲେହେଁ ବଡ଼ପଣ ଆହିମାନାକି ନାନୁ ଜିକେଏ ବଡ଼ପଣ ତହୁଇଁ । ୧୯ ଇତିହ ମୀରୁ ହାରେକା ବୁଦି ଗାଟାତେରି ଇଞ୍ଜୁହ, ରାହାଁ ତଲେ ବୁଦି ହିଲାଆଗାଗାଗାଆଁ ଅର୍ହୁ ମାଞ୍ଜେରି । ୨୦ ଆମ୍ବାଆସି ମିଜେ ହଲିୟାଙ୍ଗା କିହାନା ଇଟାନେସି, ମୀ ଦନ ମୀଞ୍ଜା ଅୟାନେସି; ମିଜେ ପାନ୍ଦାତା ମେଡ଼ୁହାଁ ଆସ୍ତାନେସି, ତାହାରା ଆୟାନେସି କି ମୀ ଗେଏଲାତା ସାପଡ଼ା ଝେଟାନେସି ଏ ବାରେ ଅର୍ହୁ ମାଞ୍ଜେରି । ୨୧ ନାନୁ ଲାଜାତଲେ ଝେସିମାଞ୍ଜାଇଁ, ମାର ବାଡ଼ୁୟୁ ହିଲାଆ ଗାଟାତାୟି ଆହାମାନାୟି । ଆଡ଼ି ଜିକେଏ ଏନ୍ଦି କାତାତା ଆମ୍ବାଆସି ସାସା ଗାଗାସି, (ନାନୁ ବୁଦି ହିଲାଆନା ଝେସିମାଇଁ) ନାନୁ ଜିକେଏ ସାସା ଗାଟାତେଏଁ । ୨୨ ଏଞ୍ଜାରି କି ଏନ୍ଦି ଲକୁ ? ଇତିହ ନାନୁ ଜିକେଏ ଏନ୍ଦି ଲକୁତେଏଁ । ଏଞ୍ଜାରି ଇସ୍ତାୟେଲ ଲକୁ ? ଇତିହ ନାନୁ ଜିକେଏ ଇସ୍ତାୟେଲ ଲକୁତେଏଁ । ଏଞ୍ଜାରି ଅଗ୍ରାହାମତି କୁଡ଼ାତାରି ? ଇତିହ ନାନୁ ଜିକେଏ ଅଗ୍ରାହାମ କୁଡ଼ାତାତେଏଁ । ୨୩ ଏଞ୍ଜାରି କି କ୍ରାସ୍ତତି ସେବା କିନାରି ? ଇତିହ ; (ନାନୁ ବାୟା ଆଡ଼ିଲେହେଁ ଏଲେଇଞ୍ଜିମାଇଁ), ନାନୁ ଏଞ୍ଜାରି କିହାଁ ଆଗାଡ଼ା ନେହେଁ ସେବା କିନାତେଏଁ, ନାନୁ ଏଞ୍ଜାରି କିହାଁ ଗାତି ଖାଜୁ କାମା କିହାମାଇଁ, ହାରେକା କାୟିଦି ଇଲୁଡା ମାଚେଏଁ, ହାରେକା ଇରୁନି ପାଞ୍ଚା ବେଟାଆହା ମାଚେଏ, ଅଲେ ଅଲେ ହାକିତା ହେରୁଝା ମାଚେଏ । ୨୪ ନାନୁ ଜାହୁଦି ଲକୁ ତାଣାଟି ତାନି ପାଲି ସାବୁଣି ତୁରିତଲେ ନାଜେ ଇରୁହାତେରି, ର ପାଲି ନାଜେ ଖାଲକାତଲେ ଇରୁହାତେରି, ତାନି ପାଲି ଜାଜା ତୀତି ତାଣାଟି ଗେଲୁହା ମାଇଁ, ର ଲାଆଁ ର ମାଦେନା ସାମଦୁରିତି ଏୟୁଡା ମୁଞ୍ଜା ମାଚେଏ, ୨୫ ନାନୁ ହାରେକା ଦେବା ଜିରୁ ତାକିନାଟି, କାତା ଆକିନିତାଣା, ସରକା ତାଣାଟି, ନା କୁଡ଼ାତି ଜାହୁଦି ଲକୁ ତାଣାଟି, ଏଟ୍ଟା କୁଡ଼ାତି ଲକୁ ତାଣାଟି, କାଜା ନାୟକାତି ଆଜିଟି, ଲକୁ ହିଲାଆ ଜାଡ଼ାଟି, କାଜା ସାମଦୁରି ଆଜିଟି, ଅଡ଼େ ନାଡ଼ିକିନି ତୁଣ୍ଡେସିଙ୍ଗା ଆଜିଟି । ୨୬ ନାନୁ ହାରେକା କାମା କିହାନା କସ୍ତ ବେଟାଆହାମାଇଁ, ଏତର ପାଲି ଲାଆଁୟାଁ ଇଦା କିଆନା ହାକି ଅଡ଼େ ଏୟକିଟି ମାଚେଏ, ଏତର ପାଲି ଉପାସା ତଲେ, ପେନି ଇଞ୍ଜା ନାଗୁଡ଼ାଟି ମାଚେଏ । ୨୭ ଏଲେତି ବାରେ ବାଦା ପିସ୍ତେପ ନାଜେ ଅଡ଼େ ର କାଜା ବଜୁମାନେ, ଇତିହ ବାରେଦିନା କୁଲମିକା ତାକି ନାନୁ ଅଣପିମାଇଁ । ୨୮ ଆମ୍ବାଆସି ବାଡ଼ୁୟୁ ହିଲାଆଗାଗାସି ଆଡ଼ିସାରେ ନାନୁ ଜିକେଏ ବାଡ଼ୁୟୁ ହିଲାଆ ଗାଟାତେଏଁ ଅଏକି ? ଆମ୍ବାଆସି ପାପୁ କିତିହ ନାନୁ ହିୟାତା ବୁକୁ ଆଆଁ କି ?

୫ ୧୧:୨୩ ୧୧:୨୩ କାମା ୧୭:୨୩ ୫ ୧୧:୨୭ ୧୧:୨୭ କାମା ୯:୨୩; କାମା ୧୪:୫

୩୦ ନା ବତପଣ ତସାଲି ଲଡ଼ା ଆତିହୁଁ, ନାନୁ ନା ଆଡ଼ାଆଗାଟାଣି ତାକି ବତପଣ ତହୁଇଁ । ୩୧ ନାନୁ ମିତି ଜଲି ହିଲଅଁ, ଏଦାଆଁ ପୁରୁ ଜୀସୁ କ୍ରୀସ୍ତତି ମାହାପୁରୁ ଅଡ଼େ ଆବା ପୁଞ୍ଜାମାନେସି; ଏଝାସି କାଲାକାଲା ତାକି ଜହରା । ୩୨ ଏଦେସକତା ହାରେତା ରାଜାତି ସାଲୁଖି କିନାସି ନାଜେ ଆସାଲି ଏ ଗାଡ଼ାତି ତାନି କାପୁ କାଝିନି କସକାଣି ପାଣ୍ଡା ନା କାପି କିହିମାତେସି । ୩୩ ଇଞ୍ଜା ର ଡାଲିତା କିଡ଼କିତି କାତି ଲାକଟି ନାଜେ ରେପୁହାଲିଏ ନାନୁ ଏଝାଣି କେୟୁତି ଗେଲପିଆଡ଼େସି ।

୧୨

ପାଞ୍ଜୁଲ ତଞ୍ଜାଆନାଣି ମେହନାୟି

୧ ବତପଣ କିନାୟି ନେହାୟି ଆଆତି ଜିକେଏ ନାଜେ ବତପଣ କିନାୟିମାନେ, ନାନୁ ପ୍ରବୁତି ମେହନାୟି ଅଡ଼େ ତଞ୍ଜାଆନାଣି ମିଜେ ଖେପାୟି । ୨ ନାନୁ ର କ୍ରୀସ୍ତାନା ଲକୁଇଁ ପୁଞ୍ଜାମାଇଁ, ଏଝାସି ସଦ ବାସୀ ନକେଏ ଲାକପୁରୁତି ତାନି ପୁରୁ ପାତେକା ଅଢ଼ିଆଡ଼େସି ଏଝାସି ଆଜା ତଲେ ମାତେସି କି ଆଜା ହିଲଆନା ମାତେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି । ୩ ହାଅ ନାନୁ ଏଲେତି ର ଲକୁଇଁ ପୁଞ୍ଜାମାଇଁ, ଏଝାସି ପାରାଦିସତା ଅଢ଼ିଆଡ଼େସି ଏଝାସି ଆଜା ତଲେ ମାନେସି କି ଆଜା ହିଲଆନା ମାତେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି । ୪ ଏଝାସି ଲାକପୁରୁ ଅଢ଼ିଆଡ଼େସି, ଅଡ଼େ ଇଲେତି ହାଡ଼ା ଖେତେସି, ଏଦାଆଁ ମାଣସି ଜଲାଇ ଆଡ଼ାଆଗାଟାୟି ଅଡ଼େ ଗୁଡିତା ଅହାଲି ଆଡ଼ାଆଗାଟାୟି । ୫ ଇଲେତି ର ଲକୁତାକି ନାନୁ ବତପଣ କିଇଁ, ସାମା ନା ତାକି ନାନୁ ନା ବାଡ଼ୁୟୁ ହିଲଆଗାଟାଣି ପିସପେ ଅଡ଼େ ଏନାଆଁତାକିଝା ବତପଣ କିଅଁ । ୬ ବତପଣ ତସାଲି ଅଣପିତିହୁଁ ଜିକେଏ, ନାନୁ ବୁଦି ହିଲଆ ଗାଟାତେସି ଆଅଁ, ଇତିହୁଁ ନାନୁ ସାତା କାତା ଖେହୁଇଁ, ସାମା ଲକୁ ନାଜେ ଏନିକି ମେସ୍ତାନେରି ଇଞ୍ଜା ନା ଡାଣାଟି ଏନିକି କାତା ଖେନେରି, ନାଜେ ତଞ୍ଜା ଆହାମାନି କାତାତା ହାରେକା କାଜାୟି ଆହାମାନାକି ଏନିକି ନା କାତାତା ହାରେକା ଅଣପଅସି ଇଞ୍ଜୁଁ, ଇଦାଆଁତାକି ନାନୁ ସାପି ଆହାମାଇଁ ।

୭ ନାନୁ ଏନିକି ଗାତି ବତପଣ କିଅଁ, ଇଦାଆଁତାକି ନା ଆଜାତା ର ସାସ୍ତି ହୀପୁକି ଆୟାତେ, ନାଜେ ସାସ୍ତି ହାହାଲି ସୟତାନତି ଦୁଡୁଇଁ ପାଣ୍ଡୁଆଡ଼େ, ଏନିକି ନାନୁ ଗାତି ବତପଣ ଆଅଁ । ୮ ଏକସୁ ନା ଡାଣାଟି ହେକ ଆୟାଲି ତାନି ପାଲି ପ୍ରବୁଇଁ ବାତିମାଲିହୁଁ ରାସ୍ତେସି । ୯ ଅଡ଼େ ଏଝାସି ନାଜେ ଏଲେଇଞ୍ଜାନେସି, “ନା କାମାନେହନାୟି ନିଜେତାକି ହାରେପୁରେ,” ଇତିହୁଁ ନୀ ବାଡ଼ୁୟୁ ହିଲଆତାଣା ନା ବାଡ଼ୁୟୁ ହାରେ ଗାଡ଼ିଆହୁଁ ତଞ୍ଜାଆନେ, ଇତିହୁଁ ଏନିକି କ୍ରୀସ୍ତତି ବାଡ଼ୁୟୁ ନା ଡାଣା ଡ଼ୟିନେ, ଏଦାଆଁତାକି ନା ବାଡ଼ୁୟୁ ହିଲଆ ବେଲାତା ହାରେକା ରାହାଁ ତଲେ ବତପଣ ତହୁଇଁ । ୧୦ ଏଦାଆଁତାକି କ୍ରୀସ୍ତତି ତାକି ବାଡ଼ୁୟୁ ହିଲଆତି, ଲାଜା ପାଣ୍ଡନାଟି, ହାକି ବେଲାତା, ସାସ୍ତି ଝାନି ବେଲା, କସ୍ତା ନାନୁ ରାହାଁଆଇଁ, ଇତିହୁଁ ଏତିବେଲା ବାଡ଼ୁୟୁ ହିଲଆ ଗାଟାତେସି ଏତିବେଲା ବାଡ଼ୁୟୁ ଗାଟାତେସି ।

କରିନ୍ତ ତାରାକି ପାଞ୍ଜୁଲ ଅଣପିନାୟି

୧୧ ନାନୁ ବୁଦି ହିଲଆ ଆ ଗାଟାତେସି ଲେହେଁ ଆହାମାଇଁ, ମୀରୁ ନାଜେ ଏଲେକିଝି କିୟାତେରି, ମୀରୁ ନାଜେ ନେହାସି ଇଞ୍ଜାନାୟି ମାତେ; ନାନୁ ଏନାତେସି ଆଏ, ଆଡ଼ି ଜିକେଏ ଏ “କାଜା ପାଣ୍ଡୁ ଆହାମାନାରି” କିହାଁ ଉଣାତେସି ଆଏ । ୧୨ ଆମ୍ବାଆସି ହାରେକା ସିନାୟି, କାବାଆନି କାମା, ଅଡ଼େ ବାଡ଼ୁୟୁତି କାମା ପାଣ୍ଡୁ ଆହାମାନାରି ସିନାୟିଲେହେଁ, ଏ ବାରେ ସାତେଏ ମୀ ଡାଣା ସାସାତଲେ କିଝିଆହାମାନେ । ୧୩ ଇତିହୁଁ ନାନୁ ମୀ ବଜୁ ଲେହେଁ ଆହାହିଲଅଁ, ଇ ରଣ୍ଡିଏ କାତା ପିସପେ ଅର କୁଲମିତି ଲକୁ କିହାଁ ମିଜେ ଅଡ଼େ ଏନିକି ଉଣା ମେସାମାଞ୍ଜାଇଁ, ଏ ନା ଦହ ଆସ୍ତାଆନୁ ।

୧୪ ମେହୁଦୁ ମୀ ଡାଣା ଖାହାଲି ନୀସି ତଲେ ତାନି ପାଲି ତିୟାରା ଆହିମାଇଁ, ଅଡ଼େ ନାନୁ ମିଜେ ଏନି ବଜୁ ହିୟଅଁ, ଇତିହୁଁ ନାନୁ ମୀ ଦନ ପାରାଆନା ମିଜେ ପାରିମାଞ୍ଜାଇଁ, ମୀରୁକା ମାସକା ତାନି ଇୟା ଆବାକି କୁଡ଼ିକିତ ସାମା ଇୟା ଆବା ଦେଁ ତାନି ମୀରୁକା ମାସକାକି କୁଡ଼ିକିନାୟି ମାନେ । ୧୫ ନାନୁ ମୀ ଜୀଞ୍ଜୁତାକି ହାରେକା ରାହାଁତଲେ ହାଇଁ, ହାଅ ନା ଜୀଞ୍ଜୁ ଜିକେଏ ହାଇଁ, ନାନୁ ମିଜେ ହାରେକା ଜୀଞ୍ଜୁନହୁଁ ମାଞ୍ଜାତିହୁଁ ଏନାଆଁ ମୀରୁ ନାଜେ ଉଣା ଜୀଞ୍ଜୁନହୁଁ ମାଞ୍ଜାଦେରି ?

୧୬ ସାମା ନାନୁ ଜାହାରାଇଁ ମିଜେ ବଜୁ କିୟାତେସି, ସାମା ମୀ ବିତ୍ରାତି ଆମ୍ବାଆରି ଏଲେଇଞ୍ଜାନେରି ନା ସୁତରି ମାନାକି ମିଜେ ମିତି ତଲେ ଆସ୍ତାତେସି । ୧୭ ନାନୁ ମୀ ଡାଣା ଆମ୍ବାଆରାଇଁ ପାଣ୍ଡାମାଞ୍ଜାଇଁ, ଏଝାସି ବିତ୍ରାତି ରଅଣି ତଲେ ମୀ ଡାଣାଟି ଏନି ଲାବା ବେଟାଆଡ଼େସି କି ? ୧୮ ନାନୁ ତିତସଇଁ ହାଜାଲି ବାତିମାଲି

ମାତେଏ, ଇଞ୍ଜି ଏଞ୍ଜାଣିତଲେ ଅର ତାୟିଇଁ ମୀ ତାଣା ପାଣ୍ଡାତେଏ । ତିତସ ମୀ ତାଣାଟି ଏନାଆଁ ଲାବୁ କିତେସି ? ମାମ୍ବୁ କି ରଣ୍ଡିଏ ଜୀଞ୍ଜୁତଲେ ତାକିହିଲଅମି ? ମାମ୍ବୁ ଏନାଆଁ ରଣ୍ଡିଏ ପାଞ୍ଜୁଲିତା ତାକିହିଲଅମି ?

୧୯ ନୀର୍ଏ ପାତେକା ମୀରୁ ଅଣ୍ଡିପିମାଞ୍ଜେରି, ମାମ୍ବୁ ମୀ ନକିତା ଜାହାରାଇଁ ନେହଁ କିହିମାନମି ? ମାହାପୁରୁ ନକିତା କ୍ରୀସ୍ତତି ସେବା କିନାତମି ଲେହେଁ ମାମ୍ବୁ କାତା ଜଲିମାନମି, ଇଞ୍ଜି ଏ ଜୀଞ୍ଜୁତି ତାୟିୟାଁ ବାରେ କାତା ମୀ ନେହେଁତାକି ଖେସିମାନମି । ୨୦ ଇତିହଁ ଏଚେତା ନାନୁ ମୀ ତାଣା ଖାଡ଼ିସାରେ, ମିଙ୍ଗେ ଏନିକଁ ମେସାଲି ମନ କିହିମାଇଁ ଏଲେକିହଁ ମିଙ୍ଗେ ମେସାଆସାରେ, ଅଡେ ମୀରୁ ନାଙ୍ଗେ ଏନିକଁ ମେସାଲି ମନ କିହାଁ ହିଲଅତେରି ଏଲେକିହଁ ମେସାଦେରି, ଏଦାଆଁତାକି ନାନୁ ଆଜିମାଇଁ; ଇତିହଁ ମା ବିତ୍ରା ବାଡ଼ିବାଦା, ତାହାରା, କପା ଅଡେ ଗତି ଗତି ଆନାୟି, ରଅସି ରଆଣାଇଁ ନିନ୍ଦା କିନାୟି, ସାକ୍ତି କାତା ଜଲିନାୟି, ବଡପଣ ତସ୍ତିପ ଆହାଁ ଗଡ଼ହା ଆନେ; ୨୧ ଇଞ୍ଜି ନାନୁ ଅଡେ ଖେଣ୍ଡେ ଖାଡ଼ିସାରେ ନା ମାହାପୁରୁ ମୀ ତାକି ନାଙ୍ଗେ ଅଡେ ଲାଜା କିଞ୍ଜିକିୟାନେସି, ଇଞ୍ଜି ମୀ ବିତ୍ରା ତଲିଏ ପାପୁ କିହାମାନାରି ତାମି ଲାଗେଏତି କାମା, ଦାରିକାମା ଅଡେ ଦାରି କାମାତାକି ଜୁପକା ଆନାଣି ତାକି ନୀର୍ଏ ପାତେକା ମନ ଖେଟ୍ଟହା ହିଲଅରି ଏଞ୍ଜାରି ତାକି ନାନୁ ଦୁକୁଆହଁ ତାହାଲିଆନେ ।

୧୩

ଜାଗ୍ରତା କିହାଁ ଜହରା ତଲେ ଆକୃତି ରାପ୍ତନାୟି

୧ ନୀର୍ଏ ତଲେ ତାନି ପାଲି ନାନୁ ମୀ ତାଣା ଖାହିମାଇଁ, ଦାର୍ମପତିତା ରାସ୍ତିକି ଆହାମାନେ, “ଆମିନି ଦହ୍ତି କାତା ନୀହାୟି କିନାୟି ରିଆରି କି ତାନି ଜାଣା ସାକ୍ତିୟାଁ ତଲେ ତାରି କିଞ୍ଜିଆନେ” ୨ ଆମ୍ବାଆରି ନକେଏ ପାପୁ କିହାମାତେରି ଏଞ୍ଜାରିଇଁ ଇଞ୍ଜି ବାରେତି ଏନିକଁ ତଲି ରୀ ପାଲି ଖେସାମାଞ୍ଜାତେଏ, ନୀର୍ଏ ହେକ ମାଞ୍ଜାନା ଏଲେକିହଁ ଏ ନକେଏ ଖେସିମାଞ୍ଜାଇଁ, ନାନୁ ଅଡେ ଖାଡ଼ିହଁ ଏଞ୍ଜାରିଇଁ ତଣ୍ଡ ହୁଆନା ପିହ୍ଅଁ । ୩ ଏନିକଁ କ୍ରୀସ୍ତ ନା ତାଣା ଜଲିମାଞ୍ଜାନେସି ମୀରୁ ଏଞ୍ଜାଣି ପାର୍ମମାଣା ପାରିମାଞ୍ଜେରି; ଏଞ୍ଜାସି ମିଙ୍ଗେତାକି ବାଡ଼ୁୟୁ ହିଲଆଗାଗାସି ଆଏ, ସାମା ମୀ ତାଣା ବାଡ଼ୁୟୁ ଗାଗାସି ଆନେସି, ୪ ଏଞ୍ଜାସି ବାଡ଼ୁୟୁ ହିଲଆତାକି ପାସି ମୁଣ୍ଡାତା ଏପକି ଆଡେସି, ଆଡ଼ିଜିକେଏ ମାହାପୁରୁ ବାଡ଼ୁୟୁଟି ଏଞ୍ଜାସି ନାତାମାନେସି । ମାମ୍ବୁ ଜିକେଏ ଏଲେକିହଁ ତାନି ତାଣା ବାଡ଼ୁୟୁ ହିଲଆ ଗାଗାତମି, ସାମା ମାହାପୁରୁଟି ବାଡ଼ୁୟୁ ତାକି ମାମ୍ବୁ ମୀ ତାଣା ଏଞ୍ଜାଣିତଲେ ନୀତାମାନମି ।

୫ ମୀରୁ ନାମୁତଲେ ମାଞ୍ଜେରିକି ଆଏ, ଏ କାତାତା ଜାହା ଜାହାରାଇଁ ତାୟିପାରି କିହାକତାଦୁ ଇଞ୍ଜି ଅଣ୍ଡାପାଦୁ, କି ଜୀପୁ କ୍ରୀସ୍ତ ମୀ ତାଣା ମାନେସି, ଇଦାଆଁ କି ମୀରୁ ଜାହା ଜାହାରା କାତାତା ପୁଞ୍ଜାହିଲଅତେରି ? ଏଲେଆହଁ ଆତିହଁ ମୀରୁ ତାୟିପାରି କିନି ତାଣା ଜୀଣା ଆହା ହିଲଅତେରି । ୬ ସାମା ନାନୁ ବାସ୍ତୁ ଇଟାମାଇଁ, ମୀରୁ ତାୟିପାରି କିଞ୍ଜିଆହା ଜୀଣା ଆହାମାନାୟି, ଇଦାଆଁ ମୀରୁ ପୁଞ୍ଜେରି । ୭ ମୀରୁ ଏନିକଁ ଏନି ଲାଗେଏତି କାମା କିଅତେରି, ଇଦାଆଁତାକି ମାହାପୁରୁ ତାଣା ମାମ୍ବୁ ପ୍ରାତାନା କିହିମାନମି; ମାମ୍ବୁ ଏନିକଁ ତାୟିପାରି କିଞ୍ଜି ଆହାଁ ଜୀଣା ଆହାମାନି ଲେହେଁ ତଞ୍ଜାଆନମି, ଇଦାଆଁତାକି ପ୍ରାତାନା କିହିଲଅମି, ସାମା ମାମ୍ବୁ ତାୟିପାରି କିଞ୍ଜି ଆହାଁ ଜୀଣା ଆଆତିଲେହେଁ ତଞ୍ଜା ଆଆଡ଼ି ଜିକେଏ ଏନିକଁ ମୀରୁ ନେହଁ କାମା କିଦେରି, ଇଦାଆଁତାକି ପ୍ରାତାନା କିହିମାନମି । ୮ ଇତିହଁ ମାମ୍ବୁ ସାତା କପାଟି ଏନାଆଁ କିହାଲି ଆଡ଼ିହିଲଅମି, ସାମା ସାତା ଖାକିଟି ଦେହେଁ ବାରେ କିହାଲି ଆଡ଼ିନମି । ୯ ଏଚିବେଲା ମାମ୍ବୁ ବାଡ଼ୁୟୁ ହିଲଆ ଗାଗାତମି ଆନମି ସାମା ମୀରୁ ବାଡ଼ୁୟୁ ଗାଗାତେରି ଆଦେରି, ଏଚେତା ମାଙ୍ଗେ ରାହାଁ ହଡାନେ; ମୀରୁ ଏନିକଁ ବାରେ ଖାକିଟି ନେହାଁତେରି ଆଦେରି ଏଦାଆଁତାକି ଜିକେଏ ପ୍ରାତାନା କିହେମାନମି । ୧୦ ଏଦାଆଁତାକି ମୀ ତାଣାଟି ହେକ ମାଞ୍ଜାନା ନାନୁ ଇ ବାରେ ରାଡ଼ିମାଞ୍ଜାଇଁ, ଏନିକଁ ମୀ ତାଣା ଖାଞ୍ଜାନା ପ୍ରବୁ ନାଙ୍ଗେ ମୈକହାଲି ହୁଆନା, ପାତିକିହାଲି ହୁହାମାଞ୍ଜାନେସି, ଏ ଅଦିକାରା ଲେହେଁ ମୀ କପାଟି ନିଜ୍ଜାନା ବାଡ଼ୁୟୁ ତସାଲି ମିଙ୍ଗେ ଲଡ଼ା ଆଏ ।

୧୧ ତାୟିୟାଁ ଅଡେ ତାଜିସ୍ତାତେରି, ରାହାଁ କିଦୁ, ନେହାଁତେରି ଆଦୁ, ରଅତେରି ରଅଣାଇଁ ବାସ୍ତୁ ହାଞ୍ଜିଆଦୁ, ରଣ୍ଡିଏ ମନ ଆଦୁ, ହିଡ଼ି ତଲେ ବାସା ଆଦୁ, ଅଡେ ହିଡ଼ି ଇଞ୍ଜି ଜୀଞ୍ଜୁ ନନି ମାହାପୁରୁ ମୀ ତଲେ ତୟିନେସି ।

୧୨ କ୍ରୀସ୍ତାନା ତାୟିୟାଁ ଲେହେଁ ସୁଦୁଜୀଞ୍ଜୁ ନଞ୍ଜୁ ତଲେ ଜୀଞ୍ଜୁ ନଞ୍ଜିଆହାନା ମୀରୁ ମୀରୁଏ ରଅତେରି ରଅଣାଇଁ ନଞ୍ଜାନା ଜହରା କିଞ୍ଜିଆଦୁ । ୧୩ ଇମ୍ବାଆଁ ମାନି ମାହାପୁରୁ ଲକୁ ମିଙ୍ଗେ ଜହରା ଖେସିମାଞ୍ଜାନେରି । ୧୪ ପ୍ରବୁ ଜୀପୁ କ୍ରୀସ୍ତ କାର୍ମାମେହନାୟି ମାହାପୁରୁଟି ଜୀଞ୍ଜୁନନାୟି ଅଡେ ସୁଦୁଜୀଞ୍ଜୁ ତଲେ ଆଣ୍ଡିନାୟି ମୀ ବାରେତାକି ଆୟାପେ ।

ଗାଳାତିୟ ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପତ୍ର ଗାଳାତିୟ କୁଲମିତାକି ପାଞ୍ଚୁଲ ରାଚାମାନି ଆକୁ ମୁକୁ ହାଡ଼ା

ଗାଳାତିୟ ଆକୁ ପାଣ୍ଡୁଓଆହାମାନି ପାଞ୍ଚୁଲ ତାଣ୍ଡାଟି ରାସ୍ତିକି ଆହାମାନେ ୧:୧ । ଇ ଆକୁ ଜୀସୁ କ୍ରୀସ୍ତ ଜାନୀତି ତାମୁ ୪୮ ଟିଏ ୫୭ ବାସୀ ବିତ୍ରା ଗାଳାତିୟ କୁଲମିତି ନାମିତି ତାୟିୟାକି ରାସ୍ତିକି ଆହାମାତେ । ଗାଳାତିୟ ଲକୁ ରମିୟ ଦେସାତି ଗାଳାତିୟ ଇନି ଚାୟୁତା ବାସା କିହା ମାଣ୍ଡିନେରି । ପାଞ୍ଚୁଲ ଇ ଆକୁ ରାଚିତି ବେଲା ଆମ୍ବିୟା ମାଚେସି ଇଦାଆଁ ବୁଦିଗାଚାରି ଜିକେଏ ପୁଞ୍ଜାହଲଅରି । ସାମା ଏପିସିୟ ଆଆତ କରନ୍ତି ଇ ରା ଚାୟୁତା ମାଞ୍ଜା ତୁୟିନେସି ଇଞ୍ଜିଁ ଇନେରି ।

ପାଞ୍ଚୁଲ ଗାଳାତିୟ କୁଲମିତି ଜୀହୁଦି ଅଡେ ଜୀହୁଦିଆଆତି କ୍ରୀସ୍ତାନା ଲକୁଣି ଚାୟୁ ପୁଣ୍ଡି କିହାନା ଆକୁ ରାଚିମାନେସି । ଏଞ୍ଜାସି ମିତି ଜାପୁନାରି ତାଣ୍ଡାଟି ହେକ ଆହାଲି ରାଚାମାନେସି, କ୍ରୀସ୍ତାନା ଲକୁଣି ପୁଞ୍ଜା ଫେରାତି ଜୀହୁଦି ହୁକୁମିତି ମାନୁଓ ଆହାଲି ଅଡେ ବାରେକିହାଁ ତଲୁ ଦାପିଆନି ଫେରା ଷ୍ଟେସିମାନେସି, କ୍ରୀସ୍ତାନା ଲକୁ ବିତ୍ରା ଏଚେକା ମାଚେରି ଏମିନିଗାଚାରି ଜୀହୁଦି ଦାମୁତି ଆବିତାରି । ଏଞ୍ଜାରି ଜିକେଏ ପାଞ୍ଚୁଲତି ପାଣ୍ଡୁଓଆହାମାନି ଅଦିକାରାତି ଷ୍ଟେଞ୍ଜିମାଚେରି । ପାଞ୍ଚୁଲ ଏଚେକା ପୁସ୍ତପନିକା ତଲେ ତାନି ପାଣ୍ଡୁଓଆହାମାନି କାତା ଷ୍ଟେସାନା ଏଞ୍ଜାରାଇଁ ମୁଦା କିହାମାଚେସି ୧:୧୧; ୨:୧୪ ଅଡେ ଜୀସୁ କ୍ରୀସ୍ତାଇଁ ନାମିସାରେ ଗେଲ୍ପି ଆନାୟି ଇ କାତା ଷ୍ଟେସାନା ନେହଁ କାଚୁତି ଗେଲ୍ପି ମାନେସି ୨:୧୨ । ମାଣ୍ଡିସି ଏନାଆଁ କିନେସି ଏମ୍ବାଟି ଆଏ ସାମା ମାହାପୁରୁତି କାର୍ମାଟି ଆନେ ।

ପତିତା ମାନାୟି

- ୧. ପାଞ୍ଚୁଲତି ଜହରା । ୧:୧-୫
- ୨. ପାଞ୍ଚୁଲତି ତଲିତି ଜୀହୁ ଅଡେ ଜାପୁନି ଅଦିକାରା କାମା କିନାୟି । ୧:୬-୨:୨୧
- ୩. ଫେରାତି କାମା ଅଡେ ମାହାପୁରୁ କାର୍ମାଟି ଗେଲ୍ପି ଆନାୟି । ୩:୧-୪:୩୧
- ୪. ନେହଁ କ୍ରୀସ୍ତାନା ଆହାନା ନୀତାଲି ଷ୍ଟେହନାୟି । ୫:୧-୬:୧୦
- ୫. ପାଞ୍ଚୁଲ ଜହରା କିହାନା ଆକୁତି ରାପୁନାୟି । ୭:୧୧-୧୮

ପାଞ୍ଚୁଲତି ଜହରା

୧ ନାନୁ, ପାଣ୍ଡୁଓଆତି ସୀସୁ ପାଞ୍ଚୁଲଚେଏଁ, ପାଣ୍ଡୁଓ ଆହାଲିତାକି ନାନୁ ମାଣ୍ଡିସି ତାଣ୍ଡାଟି ଆଏ, ସାମା ଜୀସୁ କ୍ରୀସ୍ତ ତାଣ୍ଡାଟି ଇଞ୍ଜା ଆମିନି ଆବା ମାହାପୁରୁ ଏଞ୍ଜାଣାଇଁ ହାଡ଼ାରି ତାଣ୍ଡାଟି ନିକହାମାନେସି ଏଞ୍ଜାଣି ତାଣ୍ଡାଟି ବେଟାଆହାମାଇଁ, ୨ ନା ତଲେ ମାନି ନାମୁତି ବାରେ ତାୟି ତାଜିସ୍ତା ଗାଳାତିୟା କୁଲମିତି ଜହରା କିହିମାଞ୍ଜାନେରି ।

୩ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ କାର୍ମାମେହନାଣି ଅଡେ ହିଡ଼ି ଜୀହୁ ମିଜେ ହାୟାପେସି ।

୪ ନୀଏତି ଇ ପାପୁତି ଦାବ୍ତିତା ମାଜେ ଗେଲ୍ପାଲିତାକି, ମା ଆବା ମାହାପୁରୁତି ଅଣ୍ଡପୁତି ମାନି କିହାନା, କ୍ରୀସ୍ତ ମା ପାପୁ ତାକି ଜାହାରାଇଁ ହେର୍ପାକତିତେସି; ୫ କାଲ୍ଲାକାଲ୍ଲାତାକି ମାହାପୁରୁଇଁ ଗାଞ୍ଜୁରମି ଆପେ । ଆଫେନ୍ ।

ରଣ୍ଡିଏ ନେହଁ କାଚୁ

୬ କ୍ରୀସ୍ତିତି କାର୍ମାତଲେ ଆଦାଆସି ମିଜେ ହାଚା ମାଞ୍ଜାଚେସି, ଏଞ୍ଜାଣାଇଁ ମୀରୁ ଗାଡ଼େକେଏ ପିସାନା ଏଚକାତି ନେହଁ କାଚୁତି ଆସାମାଞ୍ଜେରି, ଏଦାଣିତାକି ନାନୁ କାବା ଆହିମାଇଁ । ୭ ସାତାତଲେ, “ଏଚକାତି ନେହଁ କାଚୁ” ଆଏ, ସାମା ଏଚରଜାଣା ମିଜେ ତାରି ମାଞ୍ଜାଲି ହାଆନା, କ୍ରୀସ୍ତିତି ନେହଁ କାଚୁତି କିଲିବିଲି କିହାଲି ଅଣ୍ଡପିମାନେରି । ୮ ସାମା ଆମିନି ନେହଁ କାଚୁ ମାମୁ ମୀ ତାଣ୍ଡା ଷ୍ଟେକହା ମାଚମି, ଇଞ୍ଜା ମାମୁ କ୍ରି ଲାକପୁରୁତି ଦୁତୁୟାଁ ଜିକେଏ ଏଦାଣି ପିସପେ ଏଚକାତି ନେହଁ କାଚୁ ଷ୍ଟେକନେସି, ଆତିହଁ ଏଞ୍ଜାସି ବାକା ବେଟାଆପେସି । ୯ ଏନିକି ମାମୁ ତୁଲିଏ ଷ୍ଟେସାମାନମି, ନୀଏଁ ଜିକେଏ ନାନୁ ଏଲେକିହଁ ଏ ଅଡେ ଷ୍ଟେଣ୍ଡେ ଷ୍ଟେସିମାଞ୍ଜାଇଁ, ଆମିନି ନେହଁ କାଚୁଇଁ ମୀରୁ ଆସାମାଚେରି, ଏଦାଣି ପିସପେ ଆମିନି ଲକୁ ଏଚକାତି ନେହଁ କାଚୁ ମୀ ତାଣ୍ଡା ଷ୍ଟେକହାନେସି ଏଞ୍ଜାସି ବାକା ବେଟାଆପେସି ।

୧୦ ନୀର୍ଯ୍ୟାନୁ ମାଣସିୟାଁ ନକିତା କି ମାହାପୁରୁ ନକିତା ନେହଁ ତଞ୍ଜାଆୟାଲି ଅଣପିମାଲ୍, ଏଦି ଏଚେଲ୍ଲା ଜିକେଏ ଆଏ । ଇତିହଁ ମାଣସିୟାଁଲ୍ ରାହଁ କିହାଲି ଅଣପିମାଲ୍, ନାନୁ ନୀର୍ଯ୍ୟା ପାତେକା ମାଣସିୟାଁଲ୍ ରାହଁ କିଞ୍ଜିକିହାଲି ଅଣପି ମାତିହଁ ମା ନାନୁ କ୍ରୀସ୍ତତି ହଚ୍ଚେଲ୍ୟଣାତେର୍ଏ ଆଆତେର୍ଏମା ।

ପାଞ୍ଜୁଲ ଏନିକଁ ଆଡ଼ଞ୍ଜି ଆନାୟି

୧୧ ତାୟି ତାଜିସ୍ତାତେରି ଆମିନି ନେହଁ କାରୁ ନା ତାଣାତି ଖେସ୍ପି ଆହାମାନେ, ଏଦାଣି ମିଜେ ନାନୁ ଖେସିମାଞ୍ଜାଲ୍ ଏଦି ମାଣସିୟାଁ ତାଣାତି ଆଏ; ୧୨ ନାନୁ ଏଦାଆଁ ମାଣସି ତାଣାତି ବେଟାଆହା ହିଲର୍ଏ କି ଜାପାହିଲର୍ଏ, ସାମା ଜୀସୁ କ୍ରୀସ୍ତ ତସାମାଞ୍ଜାନି ତାଣାତି ବେଟାଆହାମାଲ୍ ।

୧୩ *ନାନୁ ତଲି ଜୀହୁଦି ଦାମ୍ପୂତା ମାତିଚେଲ୍ଲା ଏନି ମାଣକିତା ମାଚେର୍ଏ ମୀରୁ ଖେଞ୍ଜାମାଞ୍ଜେରି, ନାନୁ ମାହାପୁରୁତି କୁଲମିତି ହାରେକା ସାସ୍ତି ହାହିମାଚେର୍ଏ, ଅଡେ ଏଦାଆଁ ମ୍ପେକ୍ତହାଲି ଅଣପିମାଚେର୍ଏ ।

୧୪ *ଅଡେ ମା ଆକୁ ଆଦାୟାଁ ପାଣାପାଚୁ ମେରା ତାକି ରାହଁଟି ମାନି କିହଁ ନା ତଲେତି ହାରେକା ଲକୁ ବିତ୍ରାତି ଜୀହୁଦି ଦାମ୍ପୂତି ହାରେକା ମାନି କିହିମାଚେର୍ଏ ।

୧୫ *ସାମା ମାହାପୁରୁ ନାନୁ ଜାର୍ନା ଆଆ ନକେଏ ତାନି କାର୍ମାମେହନାଣି ତଲେ ଆଚାନା ତାନି ସେବା କିହାଲି ହାଟାତେସି, ୧୬ ଅଡେ ଜୀହୁଦିଆଆତି ଲକୁତାଣା ନେହଁ କାରୁ ଖେକ୍ତହାଲି ତାକି ଏତିଚେଲ୍ଲା ନାଜେ ଏଞ୍ଜାସି ତାନି ମୀରୁଏଣାଲ୍ ତସ୍ତାତେସି, ଏ କାତା ପୁଞ୍ଜାଲିତାକି ନାନୁ ଏଚ୍ଚକା ମାଣସି ତାଣା ହାଜା ହିଲାଆତେର୍ଏ । ୧୭ ଇଲେକିହଁ ନା ନକେଏ ଆମିନି ଗାଟାରି ପାଣ୍ଡୁଆଡ଼ି ସୀସୁ ଆହାମାଚେରି, ଏଞ୍ଜାରାଲ୍ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲାଆତେର୍ଏ । ସାମା ନାନୁ ଦେବୁଣିଏ ଆରବ ଦେସାତା ହାଜାମାଚେର୍ଏ; ଅଡେ ତାୟି ଦମେସକତା ଖେଣ୍ଡା ଖାଚେର୍ଏ । ୧୮ *ତାନି ବାର୍ଯା ହାତି ତାୟି ନାନୁ ପିତରଲ୍ ଆଣ୍ଡାଲି ତାକି ଜିରୁସାଲମତା ହାଚେର୍ଏ, ଇଞ୍ଜା ଏଞ୍ଜାଣିତଲେ ପନ୍ଦର ଦିନା ଏମ୍ପାଆଁ ମାଚେର୍ଏ । ୧୯ ସାମା ପ୍ରବୁତି ତାୟି ଜାକୁବ ପିସ୍ପେ ପାଣ୍ଡୁ ଆହାମାନାରି ବିତ୍ରା ଆମ୍ପାଆରାଲ୍ ମେହଁଆତେର୍ଏ ।

୨୦ ନାନୁ ମିଜେ ଏନାଆଁ ରାଡ଼ିମାଞ୍ଜାଲ୍, ମାହାପୁରୁ ନକିତା ସାତା ଖେସିମାଞ୍ଜାଲ୍, ମିତି ଖେସିମାଞ୍ଜାଲ୍ ।

୨୧ ତାୟି ନାନୁ ସିରିୟା ଅଡେ କିଲିକିୟାତି ହାରେକା ଟାମ୍ପାଣା ହାଚେର୍ଏ । ୨୨ ଜୀହୁଦା ରାଜିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଜେ ନେହଁ କଁ ପୁଞ୍ଜାମାଞ୍ଜାଆତେରି । ୨୩ ଏଞ୍ଜାରି ଏଚ୍ଚକା ଲକୁ ତାଣାତି ଖେଞ୍ଜାମାଚେରି, “ଆମିନି ମାଣସି ତଲି ମାଜେ ସାସ୍ତି ହାହି ମାଞ୍ଜାତେସି, ଇଞ୍ଜା ମା ନାମୁତି ମ୍ପେକ୍ତହାଲି ଅଣପିମାଚେସି, ଏଞ୍ଜାସି ନୀର୍ଯ୍ୟା ନାମୁତି କାତା ଖେକ୍ତହି ମାନେସି ।” ୨୪ ଇଞ୍ଜା ଏଞ୍ଜାରି ନା ତାକି ମାହାପୁରୁଲ୍ ଗାଞ୍ଜୁରି କିହିମାଚେରି ।

୨

ପାଞ୍ଜୁଲ ଅଡେ ପାଣ୍ଡୁ ଆଡ଼ି ସୀସୁୟାଁ

୧ *ସଦ ବାର୍ଯା ତାୟି ନାନୁ ବର୍ନବା ତଲେ ଜିରୁସାଲମତା ଅଡେ ଖେଣ୍ଡେ ହାଚେର୍ଏ, ଇଞ୍ଜା ତିତସଲ୍ ଜିକେଏ ନା ତଲେ ଅହାମାଚେର୍ଏ । ୨ ନାନୁ ଏମ୍ପାଆଁ ହାନାୟିମାନେ ଇଞ୍ଜା ମାହାପୁରୁ ତାଣାତି ହୁକୁନି ବେଟାଆହାନା ହାଚେର୍ଏ; ଅଡେ ନାନୁ ଏଚ୍ଚକା କୁଡାତି ଲକୁତାଣା ଆମିନି ନେହଁ କାରୁ ଖେକ୍ତହାଲି, ଏଦାଆଁ ଏଞ୍ଜାରାଲ୍ ଖେସ୍ତେର୍ଏ, ସାମା ନା ତଲିତି ଅଡେ ନୀର୍ଯ୍ୟତି କାମା ଉଜେଏ ଆଏ, ଏଦାଆଁତାକି ଆମିନି ଗାଟାରି ମାନି ବେଟାଆହାଲି ଜଚେ ନାନୁ ଏଞ୍ଜାରାଲ୍ ଏଚ୍ଚକା କିହାନା ଖେସ୍ତେର୍ଏ । ୩ ସାମା ନା ତଡ଼ିତସ ଗ୍ରିକ୍ ଲକୁ ମାତି ଜିକେଏ ଏଞ୍ଜାଣାଲ୍ ତଲୁ ଦାପି କିହାଲି ବାଲାମାତମି କିଞ୍ଜିଆହା ହିଲାଆତେ, ୪ ଆତିହଁ ଜିକେଏ ଏଚରଜାଣା ଲକୁ ଏଞ୍ଜାଣାଲ୍ ତଲୁ ଦାପି କିହାଲି ଅଣପିମାଚେରି । ଏଞ୍ଜାରି ନାମିତି ତାୟିୟାଁ ଇଞ୍ଜା ତସା କତାନା ମେଣେଏ ପାରୁ ପାରିନି ଲେହେଁ ଜାରୁତା ଆଣ୍ଡାମାଚେରି । କ୍ରୀସ୍ତ ଜୀସୁତାଣା ଆଣ୍ଡିତାକି ମାର୍ ଆମିନି ମେଲା ବେଟାଆହାମାନାୟି, ଏଦାଆଁ ପୁଞ୍ଜାଲିତାକି ଏଞ୍ଜାରି ଅଣପୁ ମାଚେ, ମାଜେ ଏଞ୍ଜାରି ଅଡେ ଖେଣ୍ଡେ ମେରାତି ହଲିୟାଜା କିହାଲି ଅଣପିମାଚେରି । ୫ ସାମା ନେହଁ କାରୁତି ସାତା ଏନିକଁ ମା ତାଣା ତାରିଆହାନା ତୁୟିନେ, ଏଦାଆଁତାକି ମାୟି ଗ୍ରାଡେକା ତାକି ଜିକେଏ ଏଞ୍ଜାରାକି ପାରୁ ହାହାହିଲ୍ଲାଆତମି ।

୬ ଆମ୍ପାଆରି ମାନିଗାଟାରି ଇଞ୍ଜା ଖେଜା ମାଚେରି, ଏଞ୍ଜାରି ଏନିଲେହେଁଟି ଲକୁ ମାଚେରି, ଏମ୍ପାଆଁ ନାମି ଏନାୟି ହିଲେଏ; ମାହାପୁରୁ ଆମ୍ପାଆରି ପାରଡ଼ା ବାତି କିଅସି, ଏ ମାନିଗାଟାରି ନାଜେ ଏନି ପୁଣି ବଲୁ

* ୧:୧୩ ୧:୧୩ କାମା ୮:୩; ୨୨:୪,୫; ୨୬:୯-୧୧ * ୧:୧୪ ୧:୧୪ କାମା ୨୨:୩ * ୧:୧୫ ୧:୧୫ କାମା ୯:୩-୬; ୨୨:୬-୧୦; ୨୬:୧୩-୧୮
* ୧:୧୮ ୧:୧୮ କାମା ୯:୨୬-୩୦ * ୨:୧ ୨:୧ କାମା ୧୧:୩୦; ୧୫:୨

ଝେସାମାଞ୍ଜିଅରି । ୭ ଏବଂକା ଖାକି ଏଝାରି ପୁଞ୍ଜାଲି ଆଡ଼ିତେରି, ପିତରଇଁ ଏନିକିଁ ଜୀହୁଦି ଲକ୍ଷୁତାଣା ନେହୁଁ କାତୁ ଝେକ୍ନି କାମା ହେବପିତେସି ଏଲେକିହୁଁ ଏ ନାଙ୍ଗେ ଜିକେଏ ଜୀହୁଦିଆଆତି ଲକ୍ଷୁତାଣା ନେହୁଁ କାତୁ ଝେକ୍ନି ବଜୁ ହେବପା ମାଞ୍ଜାନେସି । ୮ ଏନାଆଁତାକି ଇତିହୁଁ ଜୀହୁଦି ଲକ୍ଷୁତାଣା ପାଣ୍ଡୁଝି ଆହାମାନାରି କାମା କିହାଲି ଏନିକିହୁଁ ପିତରକି ମାହାପୁରୁ ବାଡ଼ୁୟୁ ହାହାମାନେସି, ଏଲେକିହୁଁ ଏ ଜୀହୁଦିଆଆତି ଲକ୍ଷୁତାଣା ଏ କାମା କିହାଲି ନାଙ୍ଗେ ମାହାପୁରୁ ବାଡ଼ୁୟୁ ହାହାମାଞ୍ଜାନେସି । ୯ ଅଡ଼େ ଏଚିବେଲାତା ଏଝାରି ମାହାପୁରୁ ନାଙ୍ଗେ ହାହାମାଞ୍ଜାନି କାର୍ମାତି କାତା ପୁଚେରି, ଏଚିବେଲା କୁଲମିତି ମୁଣ୍ଡା ଲେହେତି କାଜାରି ଇଞ୍ଜୁଁ ଝେଙ୍ଗାମାନେରି, ଜାକୁବ, ପିତର, ଅଡ଼େ ଜହନ ନାଙ୍ଗେ ଇଞ୍ଜା ବର୍ନବାଇଁ କାମାତା ଆଣ୍ଡାତମି ଇଞ୍ଜୁଁ ଚିଝନି କେୟୁ ଆସାନା ଆବାତେରି, ଏନିକିହୁଁ ନାନୁ ଅଡ଼େ ବର୍ନବା ଜୀହୁଦିଆଆତି ଲକ୍ଷୁତାଣା କାମା କିନମି ଅଡ଼େ ଏଝାରି ଜୀହୁଦି ଲକ୍ଷୁତାଣା କାମା କିନେରି । ୧୦ ଏଝାରି ଝାରଇ ଇଚେକା ବାତିମାଲା ମାଞ୍ଜାତେରି ମାୟୁ ଏଝାରି ଜାତୁତା ମାନ୍ ହିଲାଆଗାଟାରାଇଁ ଅଣ୍ଡପିନମି; ଏ କାତାତା ନାନୁ ରାହାଁ ଆହାମାଚେସି ।

ପାଞ୍ଜୁଲ ପିତରଇଁ ଲାଗିନାୟି

୧୧ ସାମା କେପା* ଏଚିବେଲା ଆଡ଼ିୟକିୟାତା ଝାହାମାଚେସି, ନାନୁ ଏଝାଣାଇଁ ବାରେ ଲକ୍ଷୁ ନକିତା ଲାଗିତେସି, ଇତିହୁଁ ଏଝାସି ଦହ କିହମାଚେସି । ୧୨ ଜାକୁବ ତାଣ୍ଡାଟି ଏଚରଜାଣା ଝାଆ ନକେଏ ପିତର ଜୀହୁଦିଆଆତି ତାୟି ତାଙ୍ଗିସ୍ତା ତଲେ ତିଞ୍ଜିମାଚେସି, ସାମା ଏଝାରି ଝାହାଲିଏ, ଏଝାସି ଏ ତାୟି ତାଙ୍ଗିସ୍ତାଇଁ ଆଜାନା ଜୀହୁଦିଆଆତି ତାୟି ତାଙ୍ଗିସ୍ତାଇଁ ପିସାନା ଏଚକା ଆଚେସି । ୧୩ ଇଞ୍ଜା ଏଚରଜାଣା ଜୀହୁଦି ତାୟିୟାଁ ଜିକେଏ ପିତର ତଲେ ଆଣ୍ଡାନା ପୁଞ୍ଜି ପୁଞ୍ଜିହୁଁ ପୁନାଆତାରି ଲେହେଁ ନାଡ଼ିକିଝି ଆଚେରି, ଏଲେଆହୁଁ ବର୍ନବା ଜିକେଏ ଏଝାରି କାତା ଆସେସି । ୧୪ ଏଚିବେଲା ନାନୁ ମେସ୍ତେସି, ଏଝାରି ନେହୁଁ କାତୁତି ସାତା ତଲେ ତାକିହିଲଅରି, ଏଚିବେଲାତା ନାନୁ ବାରେ ଲକ୍ଷୁ ନକିତା କେପାଇଁ ଏଲେଇଚେସି, “ନାନୁ ଜୀହୁଦି ଆହାନା ଜୀହୁଦି ଲକ୍ଷୁ ଲେହେଁ ଲେମ୍ବାଆନାହାଁ ଜୀହୁଦିଆଆତି ଲକ୍ଷୁଲେହେଁ ନାଡ଼ିମାଞ୍ଜି, ଆତିହୁଁ ନାନୁ ଏନିକିହୁଁ ଜୀହୁଦିଆଆତି ଲକ୍ଷୁଣି ଜୀହୁଦି ଲକ୍ଷୁଲେହେଁ ଲେମ୍ବାଲି ବାଲାମାତମି କିହିମାଞ୍ଜି ।”

ନାମୁତଲେ ଗେଲ୍ପି ଆନାୟି

୧୫ ସାତେଏ ମାୟୁ ଜାନାରିଏ ଜୀହୁଦି ଲକ୍ଷୁତମି, “ଜୀହୁଦିଆଆତି ଲକ୍ଷୁ ଲେହେଁ ପାପୁ ଗାଟାତମି ଆଏ ।” ୧୬ ଆଡ଼ିଜିକେଏ ମେରାତି କାମା ତଲେ ମାଣ୍ଡିସି ତାରିଗାଟାସି ଆଆନା, ଜୀସୁ କ୍ରୀସ୍ତ ତାଣା ନାମାନା ତାରିଗାଟାସି ଆନେସି, ଇଦାଆଁ ପୁଞ୍ଜାନା ମାୟୁ କ୍ରୀସୁ କ୍ରୀସୁ ତାଣା ନାମା ମାନମି, ଏନିକିଁ ମେରାତି କାମା ତଲେ ତାରିଗାଟାତମି ଆଆନା କ୍ରୀସୁ ତାଣା ନାମାନା ତାରିଗାଟାତମି ଆନମି; ଇତିହୁଁ ମସାତି ମେରାତି କାମା ତଲେ ଆନିନି ମାଣ୍ଡିସି ତାରିଗାଟାସି ଆଅସି । ୧୭ ସାମା କ୍ରୀସୁ ତାଣ୍ଡାଟି ତାରି ଗାଟାତାୟି ଆୟାଲି ଅଣ୍ଡପାନା ମାୟୁ ଜିକେଏ ପାପୁ ଗାଟାତମି ଇଞ୍ଜିହୁଁ ତଞ୍ଜା ଆଡ଼ମି, କ୍ରୀସୁ ପାପୁତି ସେବା କିନାସି କି ? ଏଦି ଏଚେଲାଝା ଆଆପେ । ୧୮ ଇତିହୁଁ ନାନୁ ଏନି ମେରାତି ମ୍ଲେକହାମାଇଁ ଏ ବାରେତି ଅଡ଼େ ଝେଣ୍ଡେ ଗାଡ଼ି କିଇଁ, ଆତିହୁଁ ନାନୁଏ ଜାହାରାଇଁ ଦହ ଗାଟାତେସି ଇଞ୍ଜୁଁ ତସାକତିମାଇଁ । ୧୯ ମାହାପୁରୁ ତାକି ନାତାଲି ନାନୁ ମେରାତି ମେରାତାକି ପାସି ମୁଣ୍ଡାତା ହାହାମାଇଁ, ୨୦ ନାନୁ କ୍ରୀସୁ ତଲେ ପାସି ମୁଣ୍ଡାତା ହାହାମାଇଁ; ନାନୁ ଅଡ଼େ ନାତା ହିଲଅଁ, ସାମା କ୍ରୀସୁ ନା ତାଣା ନାତାମାନେସି; ଅଡ଼େ ନାନୁ ନାଏଁ ଏନିନି ଆଙ୍ଗା ତଲେ ନାତାମାଇଁ, ଏଦି ନାମୁତଲେ, ଇତିହୁଁ ମାହାପୁରୁତି ଏନିନି ମାର୍ଏସି ନାଙ୍ଗେ ଜୀହୁନହାଁନା ନା ତାକି ତାନି ଜୀହୁ ହାହାମାନେସି; ଏଝାଣି ତାଣା ନାମାନା ନାତାମାଇଁ । ୨୧ ନାନୁ ମାହାପୁରୁ କାର୍ମାମେହନାଣି ଉଜେଏ କିହିହିଲଅଁ; ଇତିହୁଁ ମେରା ତଲେ ମାଣ୍ଡିସି ମାହାପୁରୁ ନକିତା ତାରିଗାଟାସି ଆନେସି, ଆତିହୁଁ କ୍ରୀସୁ ହାଡ଼ାୟି ଉଜେଏତାୟି ।



ମେରା ଆଆତେଁ ନାମୁ

୧ ଏ ବୁଦି ହିଲାଆଗାଟି ଗାଳାତିୟତି ଲକ୍ଷୁତେରି ! ଆମ୍ବାଆସି ମିଙ୍ଗେ ମାତୁଝି କିହାମାଞ୍ଜାନେସି ? ମୀ କାଣକା ନକିତା ଜୀସୁ କ୍ରୀସୁ ପାସି ମୁଣ୍ଡାତା ହାଡ଼ି କାତା ନେହୁଁ କିଁ ତଞ୍ଜାଆହିମାଞ୍ଜାତେ । ୨ ନାନୁ ମୀ ତାଣ୍ଡାଟି ଇଚେକା ପୁଞ୍ଜାଲି ଅଣ୍ଡପିମାଇଁ; ମୀରୁ ମସା ମେରା ତଲେ କାମା କିତାକି କି ନେହୁଁ କାତୁ

* ୨:୧୧ ୨:୧୧ ପିତର † ୨:୧୪ ୨:୧୪ ପିତର ✨ ୨:୧୭ ୨:୧୭ ରମି ୩:୨୦; ରମି ୩:୨୨

ଝେଞ୍ଜାନା ନାନିତାକି ସୁଦୁଜୀଝୁ ବେଟାଆହାମାତେରି ? ୩ ମୀରୁ ଏନିଲେହେଁତ ବୁଦି ହିଲୁଆଗାଟାତେରି ? ମାହାପୁରୁତି ଜୀଝୁତଲେ ମାଟୁହାନା; ଆଜାତି ବାଡୁରୁ ତଲେ ରାପୁହାଲି ଅଣପିମାଞ୍ଜେରି ? ୪ ମୀରୁ କି ଉଜେଏ ଇଚେକା କସୁ ବେଟାଆହାମାଞ୍ଜେରି ? ଏଦି ଏନାଆଁ ଉଜେଏତାୟି ? ୫ ଇଚିହୁଁ ଆମ୍ବାଆସି ମିଙ୍ଗେ ଜୀଝୁ ହୀହାମାଞ୍ଜାନେସି, ଅଡେ ମୀ ତାଣା କାବାଆନ୍ତି କାମା କିନେସି, ଏଝାସି ମେରାତାକି କିନେସି କି ନାମୁତାକି ଝେଞ୍ଜାହାଁ କିନେସି ?

୬ ଅଗ୍ରାହାମ କାତା ଅଣପାଦୁ, ସାସ୍ତେରିତା ରାସ୍ତିକି ଆହାମାନେ, “ଏଝାସି ମାହାପୁରୁ ତାଣା ନାନିତେସି, ଇଞ୍ଜାଁ ନାମାଲିଏ ତାରିଗାଟାସି ଆଡେସି ।” ୭ ଇଦାଆଁତାକି ଆମ୍ବାଆରି ନାନିନେରି ଏଝାରିଦେଁ ଅଗ୍ରାହାମତି ମୀରୁକା ମାସ୍ତକା, ଇଦାଆଁ ମୀରୁ ପୁନାୟିମାନେ । ୮ ଅଡେ ମାହାପୁରୁ ଜୀହୁଦିଆଆତାରାଇଁ ନାମୁତି ତାରିଗାଟାରି କିନେସି, ଏଦାଆଁ ଦାମ୍ବୁ ପତିତା ନଚେଏ ମେସାନା ଅଗ୍ରାହାମ ତାଣା ନେହୁଁ କାରୁ ଝେସାନା ଏଲେଇଚେସି; “ନୀ ତାଣାଟି ଦାରୁତିତି ବାରେ କୁଲୁତି ଲକୁ ବର ବେଟାଆନେରି ।” ୯ ଅଗ୍ରାହାମ ନାନିତେସି ଇଞ୍ଜାଁ ବର ବେଟାଆଡେସି, ଏଲେକିହୁଁ ଏ ଆମ୍ବାଆରି ନାନିନାରି ବାରେଜାଣା ଏଝାଣିଲେହେଁ ବର ବେଟାଆନେରି ।

୧୦ ଇଚିହୁଁ ଏଚେକା ଲକୁ ମସାତି ମେରା ଆସାନା କାମା କିନେରି, ଏଝାରି ବାକା ବେଟାଆନେରି, ଦାମ୍ବୁପତିତା ରାସ୍ତିକି ଆହାମାନେ, “ଆମ୍ବାଆସି ମେରା ପତିତା ରାସ୍ତିକି ଆହାମାନି ବାରେ କାତାତି ମାନୁଝି ଆଅସି ଏଝାସି ମାହାପୁରୁ ତାଣାଟି ବାକା ବେଟା ଆନେସି ।” ୧୧ ମେରା ମାନୁଝି ଆହାନା ଆମ୍ବାଆସି ମାହାପୁରୁ ନକିତା ତାରିଗାଟାସି ଆଅସି, ନେହୁଁ କୁଁ ପୁଞ୍ଜାମାନାୟି, ରାସ୍ତିକି ଆହାମାନେ, “ଇଚିହୁଁ ତାରିଗାଟାସି ନାମୁତି ନୀତିନେସି ।” ୧୨ ଅଡେ ନାମୁ ମେରାତି ମୁଲୁ କାତା ଆଏ; ମେରାତି ମୁଲୁ ଆହାମାନେ “ଆମ୍ବାଆସି ବାରେ ହୁକୁମି ମାନୁଝି ଆନେସି, ଏମ୍ବାଟି ଏଝାସି ନୀତିନେସି ।”

୧୩ କ୍ରୀସ୍ତ ମା ତାକି ବାକା ବେଟାଆହାନା ମେରାଟି ମାଙ୍ଗେ ଝାନ୍ତି ବାକାଟି ପିସ୍ପି କିହାମାଞ୍ଜାନେସି; ଇଚିହୁଁ ରାସ୍ତିକି ଆହାମାନେ, “ଆମ୍ବାଆସି ପାସି ମୁଣ୍ଡାତା ଏପକି ଆନେସି ଏଝାସି ବାକା ଗାଟାସି ।” ୧୪ ମାହାପୁରୁ ଅଗ୍ରାହାମଇଁ ଆମିନି ବର ହୀହାଲିତାକି ଆଞ୍ଜାମାଚେସି, ଜୀହୁଦିଆଆତି ଲକୁ ଜିକେଏ ଏନିକି ଏଦାଆଁ ବେଟାଆହାଲି ଆଡିନେରି, ଏଦାଆଁତାକି କ୍ରୀସ୍ତ ଇ କାମା କିହାମାନେସି, ଏଦାଆଁତାକି ମାଟୁ ଜିକେଏ ମାହାପୁରୁ ଝେସାମାନି ଲେହେଁ ନାମୁତଲେ ସୁଦୁଜୀଝୁ ବେଟାଆହାଲି ଆଡିନାୟି ।

ମେରା ଅଡେ ଆଞ୍ଜାନାୟି

୧୫ ଏ ତାୟି ତାଙ୍ଗିସ୍ତା, ନାନୁ ମାଣସିୟାଁ ଲେହେଁ ଝେସିମାଞ୍ଜାଇଁ; ରାଜିମାନା ମାଣସି ତାଣାଟି କିତି ଜିକେଏ, ରିଆରି ସପ୍ତକି କିହାନା ଏଦାଆଁ ତାରି କିନେରି, ଏଡେତା ଏଦାନି ଆମ୍ବାଆସି ଏଟକା କିହାଲି ଆଡୁଅସି କି ଏମ୍ବାଆଁ ଏଦାଆଁ କାଲହାଲି ଆଡୁଅସି । ୧୬ ମାହାପୁରୁ ଆଞ୍ଜାମାନାୟି ଅଗ୍ରାହାମ ଇଞ୍ଜାଁ ତାନି କୃତା ତାକି ହୀପକି ଆହାମାଚେ; ଏଝାସି ଏଲେଇଞ୍ଜା ହିଲୁଅସି, “କୃତା ତାରାକି” ଏନିକି ହାରେକା ଲକୁତାକି ସାସ୍ତେରିତା ଝେସିଲେହେଁ ଆଏ, ଇଚିହୁଁ ଏନିକି ରଅଣି କାତା ଝେସିସି, ନୀ “କୃତା ତାକି” ଏଝାସି କ୍ରୀସ୍ତ ଜୀସ୍ତ । ୧୭ ନା ଅଣପୁ ଇଦି, ମାହାପୁରୁ ଅଗ୍ରାହାମ ତଲେ ର ରାଜିମାନା କିହାମାଚେସି, ଅଡେ ଏଦାଆଁ ତାରିକିହାଁ ଇଗାଲି ଆଞ୍ଜାମାଚେସି, ଆମିନି ମେରା ସାରି ଝାଞ୍ଜା କଡେଦସ ବାସାଁ ତାୟୁ ହୀପକିଆଡେ, ଏଦି ଏ ରାଜିମାନାତି ମାନି କିଆନା ମାହାପୁରୁତି ଆଞ୍ଜାମାନାଣି ଆକାମାଲି ଆଡେଏ । ୧୮ ମାହାପୁରୁତି ଆଞ୍ଜାମାନି ବର. ମେରା ମାନିକିନି ତାଣା ବାସୁଁ କିନେ, ଆତିହୁଁ ଏଦି ଅଡେ ଆଞ୍ଜାମାନାୟି ଆଏ; ସାମା ମାହାପୁରୁ ଆଞ୍ଜାନା ଅଗ୍ରାହାମକି ଏଦାଆଁ ହୀହାମାନେସି ।

୧୯ ଆତିହୁଁ ମେରା ଏନାଆଁତାକି ହୀପକିଆଡେ ? ମାଣସିତି ଲାରେଏତି କାମା ତସାଲି ତାକି ହୀପକିଆଡେ, ଇଞ୍ଜାଁ ଅଗ୍ରାହାମକି ଏନିନି କୃତାତି ମେସାନା ମାହାପୁରୁ ଆଞ୍ଜାମାଚେସି, ଏଝାସି ଝାନ୍ତି ପାଡେକା ମେରା ଲଡ଼ା ମାଚେ, ର ମାଣସିତି ମାଦି ତଲେ ଲାକପୁରୁତି ବୁଡୁୟାଁ ସାୟେମିତି ମେରା ହୀପକି ଆହାମାଚେ । ୨୦ ସାମା ନୀଏଁ ମାଦିତି ମାଣସି ରଅସିଏ; ଅର ରଅସି ଆଏ, ସାମା ମାହାପୁରୁ ରଅସିଏ ।

ମେରାତି କାତା

୨୧ ଇଚିହୁଁ ମେରା ମାହାପୁରୁ ଆଞ୍ଜାମାନାଣି କପାଟି କାତା ଝେକନେ ? ଏଦି ଏଚେଲାଝା ଆଆପେ; ଇଚିହୁଁ ଲକୁତାକି ଜୀଝୁ ହୀହାଲି ଆଡିନି ଇଲେତି ମେରା ହୀପକି ଆହାମାଚିହୁଁ ମା, ଆତିହୁଁ ମେରା ସାଡେଏ ତାରି ଗାଟାୟି ଆଡେମା । ୨୨ ସାମା ଦାମ୍ବୁ ସାସ୍ତେରିତା ରାସ୍ତିକି ଆହାମାନେ, “ବାରେ ମାଣସି କୃତା

☆ ୩:୭ ୩:୭ ରିନି ୪:୩ ☆ ୩:୭ ୩:୭ ରିନି ୪:୧୭ ☆ ୩:୧୮ ୩:୧୮ ରିନି ୪:୧୪

ପାପୁଡ଼ି ବାଡ଼ୁଛୁତା ମାନେରି, ଏଦାଆଁତାକି ଏନିକିଁ ଜୀସୁ କ୍ରୀସ୍ତ ତାଣା ନାମିତି ପାଡ଼େୟି ଲେହେଁ ଆଞ୍ଜାମାନି ବର କ୍ରୀସ୍ତଇଁ ନାମିତି ଲକୁ ବେଟାଆନେରି ।”

୨୩ ଯାମା ଏ ନାମୁ ଖାନ୍ତି ନକେଏ, ତଞ୍ଜାଆହାଲି ହାଜିମାନି ଏ ନାମୁତି ମେଡ଼ା ଆହାଲି, ମାର ମସା ମେରାତା ଦସ୍ତି ଆହିମାତାୟି । ୨୪ ଇଲେତି ନାମୁ ତାକି ମାର ଦାମ୍ବୁ ଗାଟାତାୟି ଆହାଲିତାକି କ୍ରୀସ୍ତ ଖାନ୍ତି ଦିନା ପାଡେକା ମେରା ମାଜେ ଜାପୁହାନାୟି ଲେହେଁ ମାଟେ । ୨୫ ଯାମା ନୀର୍ବି ଏ ନାମୁ ଖାହାଲିଏ, ମାର ଅଡ଼େ ମେରାତି ବାଡ଼ୁଛୁତା ହିଲାଆୟି ।

୨୬ ଇତିହଁ ମୀରୁ ବାରେକାଣା ଜୀସୁ କ୍ରୀସ୍ତଇଁ ନାମିନି ତାଣାଟି ମାହାପୁରୁତି ମୀରକା ମାସ୍କା ଆହାମାଜେରି । ୨୭ ଇଞ୍ଜା ମୀରୁ ଏଚେକା ଲକୁ କ୍ରୀସ୍ତ ଦରୁତି ବାପ୍ତିସ୍ତାଁ ବେଟାଆହାମାଜେରି, ନୀର୍ବି ମୀରୁ ବାରେତେରି କ୍ରୀସ୍ତଇଁ ହିମ୍ବୁରିଲେହେଁ ପର୍ହାମାଜେରି । ୨୮ ଜୀହୁଦି ଆପେସି କି ଜୀହୁଦିଆଆତି ଲକୁ ଆଡ଼େସି, ହରଲଏସି ଆପେସି କି ହରଲଏସି ଆଆତାସି ଆପେସି, ଆବା ଆପେସି କି ଇୟା ଆପେ: ମୀ ବିକ୍ତା ଏନି ପାରଡ଼ା ହିଲେଏ, ମୀରୁ ବାରେ କ୍ରୀସ୍ତ ଜୀସୁ ତାଣା ଆଣ୍ଡାନା ରଣ୍ଡିଏ ଆହାମାଜେରି । ୨୯* ଅଡ଼େ ମୀରୁ କ୍ରୀସ୍ତତି ଲକୁ, ଆତିହଁ ମୀରୁ ଅବ୍ରାହାମାତି କୃତାତେରି, ଆଞ୍ଜାମାନି ଲେହେଁ ଅଦିକାରା ଗାଟାତେରି ଆହାମାଜେରି ।

୪

୧ ନାନୁ ଖେସିମାଞ୍ଜାଇଁ, ମୀରୁଏସି ଆବାତି ବାରେ ଦନତି ଅଦିକାରା ଗାଟାସି, ଯାମା ବାରେତି ଅଦିକାରା ଗାଟାସି ଆଡ଼ିଜିକେଏ, ପାତାଆନ୍ତି ପାଡେକା ହରଲଏସି ଲେହେଁ ଆନେସି । ୨ ଯାମା ଆବାତି ତାରି କିହାମାନି ଦିନା ପାଡେକା ଏଝାସି ତାଲି ତାଞ୍ଜି ଅଡ଼େ ଗୁମୁସ୍ତାତି କାତାତା ଡ଼ୟିନେସି । ୩ ଏଲେକିହଁ ଏ ମାର ଜିକେଏ ଏତିବେଲା ଦାମ୍ବୁତା ପାଡ଼ାଆହା ହିଲାଆତାୟି, ଏତିବେଲା ଦାରତିତି ବାରେ ସାଲୁଝି କିନି ବାଡ଼ୁଛୁତା ହଲିୟା ମାତାୟି । ୪ ଯାମା ଦିନା ପୂରା ଆୟାଲିଏ, ମାହାପୁରୁ ତାନି ତାଣାଟିଏ ତାନି ମୀରୁଏଣାଁ ପାଣ୍ଡାତେସି; ଏଝାସି ଇୟାନି ବାଣ୍ଡିତି ଜାର୍ନା ଆହାନା ଜୀହୁଦିୟାଁ ମେରା ତଲେ ନାତିତେସି, ୫* ଏନିକିହଁ ଏଝାସି ମେରାତା ମାନି ଲକୁଣି ମୂଲୁ ହାହାନା ପିସ୍ତି କିନେସି, ଅଡ଼େ ମାର ମାହାପୁରୁତି ମୀରକା ମାସ୍କାତି ଅଦିକାରା ବେଟାଆନାୟି ।

୬ ଇଞ୍ଜା ମୀରୁ ମୀରକା ମାସ୍କାତେରି, ଅଡ଼େ ମାହାପୁରୁ ମୀ ହିୟାତା ଡ଼ୟାଲି ତାକି ତାନି ମୀରୁଏଣାତି ସୁଦୁଜୀସୁ ପାଣ୍ଡାତେସି, ଏ ଜୀସୁ ମୀ ତାଣା ମାଞ୍ଜାନା କାଜା ଗିୟାତଲେ “ଆବା ତାଞ୍ଜି ଇଞ୍ଜାଁ” ହାଡ଼ିମାନେ । ୭ ଏଦାଆଁତାକି ମୀରୁ ଅଡ଼େ ହଲିୟାଜା ଆଏ, ଯାମା ମୀରକା ମାସ୍କାତେରି, ମୀରୁ ତାନି ମୀରକା ମାସ୍କାତେରି ଆହାମାନାକି ମାହାପୁରୁ ତାନି ମୀରକା ମାସ୍କାକି ଏନାଆଁ ଇଟାମାନେସି ଏ ବାରେ ମିଜେ ହିୟାନେସି ।

ଗାଳତୀୟ ଲକୁତାକି ପାସ୍କଲ ଅଣ୍ଡିପିନାୟି

୮ ଯାମା ମୀରୁ ନକେଏ ମାହାପୁରୁଇଁ ପୁଞ୍ଜାହିଲାଆତେରି, ଅଡ଼େ ଏମିନି ଗାଟାଇ ସାତା ମାହାପୁରୁ ଆଏ, ଏଝାଆତି ହଲିୟାଜା ମାଟେରି । ୯ ଯାମା ମୀରୁ ନୀର୍ବି ମାହାପୁରୁଇଁ ପୁଚେରି; ଇଞ୍ଜା ମାହାପୁରୁ ମିଜେ ପୁଞ୍ଜାତେସି, ଆତିହଁ ମୀରୁ ଏନିକିଁ ଏ ବାଡ଼ୁଛୁ ହିଲାଆଗାଟାଇ ଅଡ଼େ ଏନାଆଁ ହିୟାଲି ଆତାଆଗାଟି ଦାରତି ଖାକି ଖେଣ୍ଡେ ହାଜାଲି ଅଣ୍ଡିପିମାଜେରି, ମୀରୁ ଏନାଆଁତାକି ଖେଣ୍ଡେ ଏ ବାରେତି ହଲିୟାଜା ଆୟାଲି ଅଣ୍ଡିପିମାଜେରି । ୧୦ ଦୁକୁତି କାତା, ମୀରୁ ତାରି କିହାମାନି ଦିନା, ଲେଞ୍ଜୁ, ପାର୍ବୁ ଅଡ଼େ ବାର୍ଯା ମାନୁଡ଼ି ଆହିମାଜେରି । ୧୧ ମିଜେତାକି ନାନୁ କିହାମାନି କାମା ଏଚେତା ଉଜେଏ ଆନେ, ମୀ ତାକି ନାଜେ ହାରେକା ଆଜି ହଡ଼ିମାଞ୍ଜାନେ ।

୧୨ ଏ ଚାୟି ତାଞ୍ଜିସ୍ତାତେରି, ନାନୁ ମିଜା ବାତିମାଲିମାଞ୍ଜାଇଁ, ମୀରୁ ନାଚେଲେହେଁ ଆପୁ, ଇତିହଁ ନାନୁ ଜିକେଏ ମୀ ଲେହେଁ ଆହାମାଇଁ, ମୀରୁ ନାଜେତାକି ଏନାଆଁ ଲାଗେଏ ପଚେଲଏ କିହାମାଞ୍ଜାଅତେରି । ୧୩ ନାନୁ ତଲିଏ ମୀ ତାଣା ନେହଁ କାରୁ ଖେକହାମାଚେର୍ବି ମୀରୁ ପୁଞ୍ଜାମାଜେରି ଏଚେତା ନା ଆଜାତି ବାଦା ମାଞ୍ଜାନା ଖେକହାମାଚେର୍ବି; ୧୪ ଅଡ଼େ ନା ଆଜାତି ବାଦା ମିଜେତାକି କସ୍ତଗାଟାୟି ଆହିମାଟିହଁ ଜିକେଏ ମୀରୁ ନାଜେ ହାଣି ତଲେ ଅପୁଅମି ଇଞ୍ଜା ମାଞ୍ଜାଅତେରି, ଯାମା ମୀରୁ ମାହାପୁରୁତି ର ଦୁଡ଼ୁ ଲେହେଁ ଇତିହଁ କ୍ରୀସ୍ତ ଜୀସୁଇଁ ଆଦିନି ଲେହେଁ ନାଜେ ଆବାତେରି । ୧୫ ମୀରୁ ଏଚେକା ରାହାଁ ମାଟେରି, ମୀ ଏ ରାହାଁ ଆମ୍ବିୟା ହାଚେ ? ଇତିହଁ ନାନୁ ମୀ କାତା ଆବ୍ରାହା ତଲେ ଖେସାଲି ଆଡ଼ିଇଁ, ଏ ବେଲାତା ମୀରୁ ଜାହାରା କାନୁ

* ୩:୨୨ ୩:୨୭ ପୁଞ୍ଜିନାୟି ✨ ୩:୨୯ ୩:୨୯ ରମି ୪:୧୩ ✨ ୪:୫ ୪:୫ ରମି ୮:୧୫-୧୭

ପିତୃହାନା ନାଙ୍ଗେ ହିୟାତେରିମା । ୧୭ ଯାମା ନୀର୍ବ ନାନୁ ମିଙ୍ଗେ ଯାତା ୱେୟାଲିଏ, ମୀ ସାତୁ ଆହାମାଜ୍ କି ?

୧୭ ଏଞ୍ଜାରି ମୀ ନେହେଁ ତାକି ହାରେକା ରାହୁଁ ଗାଟାରି ଇଞ୍ଜୁଁ ତଞ୍ଜାଆହାଲି ଅଣ୍ଡାପିମାନେରି, ଯାମା ତାମି ସାତା ଅଣ୍ଡାପୁ ତଲେ ଆଏ, ଏଞ୍ଜାରି ରଣ୍ଡିଏ ଅଣ୍ଡାପୁ, ଏନିକ୍ ମୀରୁ ନା ତାଣାଟି ଏଟକା ଆହାନା ଏଞ୍ଜାରି ୱାକି ରାହୁଁ ଆଡେରି । ୧୮ ଇତିହୁଁ ନାନୁ ମୀ ତାଣା ମାନି ବେଲାତା ଆଏ, ଯାମା ବାରେ ବେଲାତା ନେହୁଁ କାମାତାକି ଅଣ୍ଡାପିନାୟି ନେହେଁ । ୧୯ ଏ ନା ଜୀଝୁତି ମୀରକା ମାୟକାତେରି, ଏଚେ ପାତେକା କ୍ରୀସ୍ତ ଲେହେଁ ଆଅତେରି, ଏଚେ ପାତେକା ନାନୁ ମୀ ତାକି ଜାନି କିନାଟି ଲୁଞ୍ଜିନି ବୀସା ଲେହେଁତି କସ୍ତ ବେଟାଆହାମାଜ୍ । ୨୦ ନାନୁ ଏନିକ୍ ନୀର୍ବ ମୀ ତାଣା ୱାହାନା ଅର ରଚ୍ଚେତି ହାଡ଼ା ୱେୟାଲି ଆଡିତେର୍ବମା, ଇଦି ନା ଅଣ୍ଡାପୁ ମାତେ; ଏନାଆଁତାକି ଇତିହୁଁ ନାନୁ ମୀ ତାକି ହାରେଏ ଅଣ୍ଡାପିମାଜ୍ ।

ହାଗାରୁ ଅଡେ ଯାରାନ ପୁଣ୍ଡିକିନାୟି

୨୧ ମସାତି ମେରାତା ମାଞ୍ଜାଲି ମନୁ କିହିମାଞ୍ଜେରି ମୀରୁ, ନାଙ୍ଗେ ୱେସ୍ତାପୁ, ମେରାତା ଏନାଆଁ ରାୟକି ଆହାମାନେ, ଏଦାଆଁ ମୀରୁ ୱେଞ୍ଜା ହିଲଅତେରି ? ୨୨ ଇତିହୁଁ ରାୟକି ଆହାମାନେ, ଅବ୍ରାହାମତି ରୀ ମୀରକା ମାଚେରି ରଅସି ହଚ୍ଚେଲଣି ତାଣାଟି ଅଡେ ରଅସି ତାନି ତକ୍ତ୍ରିନି ତାଣାଟି ଜାର୍ନା ଆହାମାଚେସି, ୨୩ ହଚ୍ଚେଲଣି ମୀରୁଏସି ଆଜ୍ଞାତି ଗୁଣ୍ଡୁତଲେ ଜାର୍ନା ଆଡେସି, ଯାମା ଆମିନିଗାଟାସି ତାନି ତକ୍ତ୍ରିନି ମୀରୁଏସି ମାହାପୁରୁ ଆଞ୍ଜାମାଟି ବାଡୁୟୁତି ଜାର୍ନା ଆଡେସି । ୨୪ ଇଦାଆଁ ର ପୁଣ୍ଡିକିନି କାତାଲେହେଁ ୱେସିମାନେ, ଇ ରୀ ଇୟାସିକା ରୀ ରାଜିମାନା ଲେହେଁତାଲ: ଆମିନି ଗାଟାନି ମୀରକା ହଲିୟାଜ୍ଞା ଆୟାଲି ଜାର୍ନା ଆଡେରି, ଏ ହାଗାରୁ ସିନୟ ହରୁଟି ୱାହାମାନି ରାଜିମାନା ଲେହେଁ । ୨୫ ହାଗାରୁ ଆରବ ଦେସାତା ମାନି ସିନୟ ହରୁ ଲେହେଁ, ଏଦି ନୀର୍ବତି ଜିରୁସାଲମ ଗାଡ଼ା ଲେହେଁ । ହାଗାରୁ ଲେହେଁ ଜିରୁସାଲମ ଅଡେ ଏଦାନି ସାଲ୍ଫି କିନାରି ନୀର୍ବ ହଲିୟାଜ୍ଞା ଆହାମାନେରି । ୨୬ ଯାମା ଲାକପୁରୁ ମାନି ଜିରୁସାଲମ ହଚ୍ଚେଲଣି ଆଆଗାଟାୟି, ଏଦି ମା ତାଲି ୨୭ ଏନାଆଁତାକି ଇତିହୁଁ ସାସ୍ତେରିତା ରାୟକି ଆହାମାନେ, “ଆକେ ବାଞ୍ଜେଣି, ଏଚେଲା ପଦି ପଦା ଜାର୍ନା କିଆଗାଟି ଇୟା, ରାହୁଁ କିମ୍ପୁ,

ଜାର୍ନା କିନି ବେଲାତି ଲୁଞ୍ଜିନି ବୀସା ଏଚେଲା ପୁଞ୍ଜା ହିଲାଆତି ଜିକେଏ ନୀନୁ କାଜା ଗିୟାତଲେ ରାହୁଁ କିମ୍ପୁ;

ଇତିହୁଁ ତକ୍ତା ତଲେ ବାସା କିହିମାନି ଇୟାନି କିହୁଁ

ର ପିସ୍ତି ଇୟାନି କକାରି ପଦାୟାଁ ହାରେକା ଜାଣି ଆନେରି ଆନୁ ।”

୨୮ “ଏ ନା ତାୟି ତାଜିସ୍ତାତେରି, ମୀରୁ ଇୟାହାକ ଲେହେଁ ଆଞ୍ଜାମାନି ମାହାପୁରୁତି ମୀରକା ମାୟକାତେରି । ୨୯ ଯାମା ଆମ୍ବାଆସି ଆଜ୍ଞାତି ଗୁଣ୍ଡୁ ତଲେ ଜାର୍ନା ଆଡେସି, ଏଞ୍ଜାସି ଏନିକ୍ ଏଚିବେଲାତା ମାହାପୁରୁତି ସୁଦୁଜୀଝୁତି ଆଞ୍ଜାମାନି ତାଣାଟି ଆମ୍ବାଆସି ଜାର୍ନା ଆହାମାନେସି, ଏଞ୍ଜାଣାଜ୍ ସାସ୍ତି ହାହାମାଚେସି ଏଲେକିହୁଁ ଏ ନୀର୍ବ ଜିକେଏ ଆହାମାନେ । ୩୦ ଦାମ୍ବୁ ପତି ଏନାଆଁ ୱେସିମାନେ ? ହଚ୍ଚେଲଣି ଇୟା ଅଡେ ଏଦାଣି ମୀରୁଏଶାଜ୍ ପିହୁମ୍ପୁ: ଇତିହୁଁ ହଚ୍ଚେଲଣି ମୀରୁଏସି ତାନି ବୀହା ତକ୍ତ୍ରିନି ମୀରୁଏଶା ତଲେ ଅଦିକାରା ଗାଟାସି ଆୟାଲି ଆଡୁଅସି ।” ୩୧ ଏନାଆଁତାକି ଏ ନା ତାୟି ତାଜିସ୍ତାତେରି, ମାର ହଚ୍ଚେଲଣି ମୀରକା ମାୟକା ଆଏ, ଯାମା ବୀହା ତକ୍ତ୍ରିନି ମୀରକା ମାୟକାତାୟି ।



କ୍ରୀସ୍ତ ତାଣା ମେଲା ଆନାୟି

୧ ମାର ମେଲା ଆହାମାନାୟି, କ୍ରୀସ୍ତ ମାଙ୍ଗେ ମେଲା କିହାମାଞ୍ଜାନେସି । ଇଦାଆଁତାକି ମୀରୁ ମେଲା ଆଡିତାଣା ତାରିଆହୁଁ ମାଞ୍ଜୁ । ଅଡେ ୱେଣ୍ଡେ ହଲିୟାଜ୍ଞା କୁଞ୍ଜେଡିତା ମୀରୁ ଜାହାରାଜ୍ ହେର୍ପାକତାଆନୁ ।

୨ ନାନୁ ପାଞ୍ଜୁଲ ମିଙ୍ଗେ ୱେସିମାଞ୍ଜାଜ୍, ମୀରୁ ମୀ ତଲୁ ଦାପିଆନାଣି ମାନି କିତିସାରେ, କ୍ରୀସ୍ତ ତାଣାଟି ମୀଦି ଏନି ଲାଡ଼ା ହିଲେଏ । ୩ ନାନୁ ତଲୁ ଦାପି ଆହିମାନି ବାରେ ଜାଣାଜ୍ ୱେଣ୍ଡେ ୱେସିମାଜ୍, ଇତିହୁଁ ଏଞ୍ଜାସି ବାରେ ମସାତି ମେରା ମାନୁଞ୍ଜି ଆନାୟି ମାନେ । ୪ ମୀରୁ ଏଚେକା ଲକ୍ତୁ ମେରାଟି ମାହାପୁରୁ କାନୁତା ତାରିଗାଟାତେରି ଆୟାଲି ଅଣ୍ଡାପିମାଞ୍ଜେରି, ମୀରୁ କ୍ରୀସ୍ତ ତାଣାଟି ଏଟକା ଆହାମାଞ୍ଜେରି, ଇଞ୍ଜା ମାହାପୁରୁ କାର୍ମାମେହ୍ନି ତାଣାଟି ଗୁଟା ଆହାମାଞ୍ଜେରି । ୫ ଇତିହୁଁ ମାର ମାହାପୁରୁତି ଜୀଝୁତଲେ ନାନୁ ତାକି ଦାମ୍ବୁଗାଟି ଲକ୍ତୁ ଆନି ଆସାଜ୍ କାଡ଼ିମାନାୟି । ୬ ଇଦାଆଁତାକି ଜୀସୁ କ୍ରୀସ୍ତ ତାଣା ଆଣ୍ଡାନା ନାତାମାଟିସାରେ

ତଲୁ ଦାପି ଆନାୟି କି ଦାପି ଆଆଗାଗାୟି ଏନାୟି ହିଲେଏ, ସାମା ନାମୁତା ଅଜ୍ଜିକିହିଁ ମାଞ୍ଜାନା ଜୀଝୁ ନନାଣି ତଲେ କାମା କିନାୟି ।

୭ ମୀରୁତ ନେହଁ କି ନକିତା ହାଜିମାଚେରି; ଆମ୍ବାଆସି, ମିଙ୍ଗେ ସାତାତି ମାନୁଝି ଆଆଦୁ ଇଞ୍ଜି ଆଙ୍ଗାତେସି ? ମିଙ୍ଗେ ହାଟାମାଞ୍ଜାନି ମାହାପୁରୁ ତାଣାଟି ଇଦି ଆହା ହିଲେଏ । ୮ କାତାତା ମାନେ, ଇଚାୟି ପୁଲା ତୁକାତି ଗୁଣ୍ଡା ବାରେ ପୁଲା କିନେ । ୯ ମୀରୁ ଏଟକାତି ଅଣ୍ପୁ ଅଣ୍ପଅତେରି, ଇଦାଆଁ ନାନୁ ମିଙ୍ଗେ ତାକି ପୁତୁ ତାଣା ହାରେକା ନାମିମାଈ; ସାମା ମିଙ୍ଗେ ଆମ୍ବାଆସି ନାଡ଼ି କିହାମାଞ୍ଜାନାସି ଏଞ୍ଜାସି ଆମ୍ବାଆସି ଆପେସି ମାହାପୁରୁ ଏଞ୍ଜାଣାକି ତଣ୍ଡ ହାନେସି ।

୧୦ ନା ତାୟି ତାଜିସ୍ତାଚେରି, ନାନୁ ନାଏଁ ପାତେକା ତଲୁ ଦାଝିନି ମେରା ଝେକ୍‌ହିମାଈ, ଆତିହଁ ଏନାଆଁତାକି ନାଏଁ ପାତେକା ସାସ୍ତି ବେଟାଆହିମାଈ ? ନାନୁ ସାତେଏ ଏଲେକିହିଁ ଝେକ୍‌ହିହଁ, କୁସତା ହାଡ଼ି କ୍ରାସ୍ତି କାତା ଝେକ୍‌ନି ତାଣାଟି ନାଙ୍ଗେ ଏନି ବାଦା ଆଆତେମା । ୧୧ ନାନୁ ଅଣ୍ପିମାଈ, ତଲୁ ଦାନାଣି ଏମିନିଗାଟିରି ମିଙ୍ଗେ ଏଲେକିହିଁ କିଲିବିଲି କିହିମାଞ୍ଜାନେରି ଏଞ୍ଜାରି ପେଢୁୟାଁ ଲେହେଁ ଆଡ଼ିହଁ ନେହଁ ଆଡେମା ।

୧୨ ଏ ତାୟି ତାଜିସ୍ତା, ମୀରୁ ମେଲା ଆହାଲିତାକି ହାଟ୍‌କି ଆହାମାଞ୍ଜେରି; ସାମା ଜାଗ୍ରାତା, ଆଙ୍ଗାତି ଜୁପକା କାମା କିହାଲି ମୀ ଆଙ୍ଗାତି ପାରୁ ବେଟାଆଡ଼ିସାରେ ଏ ମେଲାତି ଲେମ୍ବାଆଦୁ, ସାମା ରଅତେରି ରଅଣାଈ ଜୀଝୁ ନଝିଆହାନା ସେବା କିଦୁ । ୧୩ ଇତିହଁ ବାରେ ମେରା ଇ ରଣ୍ଡିଏ ହୁକୁମିତା ତୀରି ଆନେ, “ନାନୁ ନୀ ଆଟ୍‌ହିତାଣାଈ ନୀ ଜୀଝୁତି ଜୀଝୁନନି ଲେହେଁ ଜୀଝୁନଦୁ ।” ୧୪ ମୀରୁ ରଅତେରି ରଅଣାଈ ବାଦା ହାହାନା ନସ୍ତି କିଝି ଆହିମାଞ୍ଜେରି, ଆତିହଁ ଜାଗ୍ରାତା ଆଦୁ, ଏନିକିହିଁ ମୀରୁ ରଅତେରି ରଅଣି ତାଣାଟି ନାସା ଆଅତେରି ।

ସୁଦୁଜୀଝୁ ଅଡ଼େ ମାଣସିତି ଗୁଣ୍ଡୁ

୧୫ ନା ଅଣ୍ପୁ ଇଦି, ମୀରୁ ସୁଦୁଜୀଝୁ ତଲେ ତାକାଦୁ, ଆତିହଁ ମୀରୁ ଆଙ୍ଗାତି ଜୁପକା ତଲେ କାମା କିଅତେରି । ୧୬ ମାଣସିତି ମାଣକି ସୁଦୁଜୀଝୁ ଅପେଏ । ଏଲେକିହିଁ ଏ ସୁଦୁଜୀଝୁ ମାଣସିତି ମାଣକିତି ଅପେଏ । ଏଝି ରିଣ୍ଡି ସାତୁ ଲେହେଁ । ଇତିହଁ ମୀରୁ ଏନାଆଁ କିୟାଲି ଅଣ୍ପିପେଦେରି ଏନାଆଁ କିୟାଲି ଆଡ଼ଅତେରି । ୧୭ ସୁଦୁଜୀଝୁ ମିଙ୍ଗେ ସାଲଝି କିୟାନେ, ଆତିହଁ ମୀରୁ ଅଡ଼େ ମସାତି ମେରା ତୁଲ ହିଲଅତେରି ।

୧୮ ଆଙ୍ଗାତି ଅଣ୍ପୁ ତଲେ କିନି କାମା ବାରେ ନେହଁ କି ପୁଞ୍ଜାମାଞ୍ଜେରି, ଏଝି ଦାରିକାମା, ଲାଗେଏ ପଲେଏ କାମା । ୧୯ ଅଡ଼େ ଅପାଆଗାଟି କାମା, ପେଣକା ପୁଜା, ଲକୁଣି ପାୟିନାୟି, ଗୁଣି ଗାରୁଡ଼ି, ସାତୁ ଆନାୟି, ଗଡ଼ହା କିନାୟି, ଆଙ୍ଗାରା ଆନାୟି, କାରୁବି ଆନାୟି, ଜାହାରାତାକି ଅଣ୍ପିପିନାୟି, ଗତି ଆହଁ ବାଗା ଆନାୟି, ନାଡ଼ିକିହାଁ ବାଗା କିନାୟି, ତାହାରା ଆନାୟି, ୨୦ କାତୁ ଗହନାରି ତଲେ ଆଣ୍ଡାମା ରାହାଁ କିନାୟି ଇଲେତି ବାରେ କାମା କିନାୟି; ନାନୁ ତଲି ମିଙ୍ଗେ ଏନିକିହିଁ ଝେସାମାଞ୍ଜାତେଏଁ, ଏଲେକିହିଁ ନକେଏ ଜାଗ୍ରାତା କିହାଁ ଝେସିମାଞ୍ଜାଈ, ଆମ୍ବାଆରି ଇଲେତି କାମା କିନେରି, ଏଞ୍ଜାରାକି ମାହାପୁରୁ ରାଜିତା ଅଦିକାରା ହିଲେଏ ।

୨୧ ସାମା ସୁଦୁଜୀଝୁତି ପାଡ଼େୟି, ଜୀଝୁନନାୟି, ରାହାଁ ଆନାୟି, ହିଡ଼ି ଜୀଝୁତଲେ ମାନାୟି, ଅରୁହିନାୟି, ଲକୁଈଁ ସାୟେମି କିନାୟି, ସାତା ଗୁଣ୍ଡା, ମାନ୍‌ଗାଟି ଲକୁ, ନାମୁତଲେ ମାନାୟି, ୨୨ ଅଡ଼େ ଜାହାରାଈ ଲକ୍‌ନାୟି, ଇ ବାରେ ନକିତା ମସାତି ଏନି ମେରା ହିଲେଏ । ୨୩ ଆମ୍ବାଆରି ଜୀଝୁ କ୍ରାସ୍ତି ତାଣା ମାନେରି, ଏଞ୍ଜାରି ତାମି ଆଙ୍ଗାତି ଅଣ୍ପୁ ଅଡ଼େ ଜୁପକା ବାରେ ମାଣସି ମାଣକିତି ପାସ୍ତି ମୁଣ୍ଡାତା ଏକ୍‌ହାନା ହାଝି କିହାମାନେରି । ୨୪ ମୀରୁ ସୁଦୁଜୀଝୁ ତଲେ ଜୀଝୁ ବେଟାଆହାମାନାୟି, ଆତିହଁ ସୁଦୁଜୀଝୁ ତଲେ ନୀତିନ । ୨୫ ମୀରୁ ବେପପଣ ଆହାନା ରଅତଝି ରଅଣାଈ ବିତିବିତା କିଆପ ଅଡ଼େ ମୀରୁ ରଅତାୟି ରଅଣାଈ ତାହାରା ଆଆପ ।



ରଅସି ରଅଣି ବକୁ ଡେକିନାୟି

୧ ଏ ତାୟି ତାଜିସ୍ତା, ଆମ୍ବାଆସି ଏନି ଦହ୍ କିହାମାନାଣି ପୁତିହଁ, ସୁଦୁଜୀଝୁ ବେଟାଆହାମାଞ୍ଜେରି ମୀରୁ, ମୀରୁ ଟିକାଣା ତଲେ ଏଲେତି ଲକୁଣି ଏଲେତି କାମା ପିସାଲି ଜାପୁଦୁ, ଏଡ଼େତା ମୀରୁ ଜିକେଏ ପାନ୍ଦାତା ହେଡ଼ିଦେରି, ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ । ୨ ରଅତେରି ରଅଣି ବକୁ ଡେକାଲି

✧ ୫:୯ ୫:୧୧ କର ୫:୭ ✧ ୫:୧୭ ୫:୧୭ ରମି ୭:୧୫-୨୩

ସାୟେମି କିଞ୍ଚିଆଦୁ: ଏଲେକିତିହୁଁ ମୀରୁ କ୍ରୀସ୍ତତି ମେରା ମାନୁଞ୍ଚି ଆଦେରି ।^୩ ଆମ୍ବାଆସି ଲାଗେଏ ଆହାନା ଜାହାରାଇଁ ନାନୁ କାଜାତେଏଁ ଇଞ୍ଚୁଁ ଅଣପା କତିନେସି ଏଞ୍ଚାସି ତାନୁଏ ତାଙ୍ଗେ ନାଡ଼ି କିହାକତିମାନେସି ।
^୪ ସାମା ବାରେଜାଣା ଜାହାରା କିତି କାମାତି ତାୟିପାରି କିପାସି, ଆତିହୁଁ ଏଞ୍ଚାସି ଅର ଲକୁ କିତି କାମାତାକି ଆଏ ସାମା ତାନୁଏ କିହାମାନାଣି ତାକି ବତପଣ କିଆପେସି ।^୫ ଏନିଇତିହୁଁ ବାରେଜାଣା ଜାହାରା ବକୁ ଜାହାରାଏ ଡେକିନାୟି ମାନେ ।

^୬ ସାମା ଆମ୍ବାଆସି ମାହାପୁରୁତି ବକୁ ଜାପିନେସି, ଏଞ୍ଚାସି ତାଙ୍ଗେ ଜାପୁନାଣାକି ତାନି ତାଣା ମାନି ବାରେକିହୁଁ ନେହୁଁ ବାଗା ହାପେସି ।

^୭ ମୀରୁ ମିଙ୍ଗେ ନାଡ଼ିକିହା କତାଆଦୁ: ଆମ୍ବାଆସି ମାହାପୁରୁଇଁ ନାଡ଼ି କିହାଲି ଆଡ଼ଅସି, ଇତିହୁଁ ମାଣସି ଏନାଆଁ ମାଟିନେସି ଏଦାଆଁ ଦାଃଆନେସି ।^୮ ଆମ୍ବାଆସି ଆଙ୍ଗାତି ଅଣପୁ ତାକି ମାଟିନେସି, ଏଞ୍ଚାସି ଆଙ୍ଗାତି ହାଞ୍ଜିକିନି ପାଡ଼େୟି ଦାଃଆନେସି; ସାମା ଆମ୍ବାଆସି ଜୀଞ୍ଜୁତାକି ମାଟିନେସି ଜୀଞ୍ଜୁତି ଗାଡ଼ିଆଡ଼ି କାଲାକାଲାତି ଜୀଞ୍ଜୁହାନି ପାଡ଼େୟି ଦାଃଆନେସି ।^୯ ମାରୁ ନେହୁଁ କାମା କିହାଲି ଖାହାଆପ; ଇତିହୁଁ ଖାହୁ ଆଆନା କାମା କିତିହୁଁ ସମାନା ବେଲାତା ତାପା ଦାଃନାୟି ।^{୧୦} ଏନିଇତିହୁଁ ମୀରୁ ପାରୁ ସିନିକିହାନା ବାରେତାକି ଇତିହୁଁ ବାରେକିହୁଁ ରଣ୍ଡିଏ କୁଟମିତା ଆଣ୍ଡାମାନି ନାମୁ ଗାଗାରାଇଁ ନେହୁଁ କିନାୟିମାନେ ।

ଜାଗ୍ରାତା କିହୁଁ ଜହରା ତଲେ ଆକୁତି ରାପୁନାୟି

^{୧୧} ମେହୁପୁ, ନାନୁ ଏନିକିଁ କାଜା କାଜା ଅଙ୍କରି ତଲେ ନା କେୟୁତଲେ ମୀ ତାଣା ରାତାମାଞ୍ଜାଇଁ ।
^{୧୨} ଆମ୍ବାଆରି ଆଙ୍ଗାତି କାମା ତଲେ ଝେଙ୍ଗାଲି ମନ କିନେରି, ଏଞ୍ଚାରି ମିଙ୍ଗେ ତଲୁ ଦାଃଆନାୟିମାନେ ଇଞ୍ଚୁଁ ବାଲାମାତମି କିୟାନେରି, କ୍ରୀସ୍ତତି ପାସିମୁଣ୍ଡା ତାକି ଏନିକିଁ ନିନ୍ଦା ବେଟାଆଅରି ଖାରଇ ଏଦାଣିତାକି ଏଲେକିନେରି ।^{୧୩} ଇତିହୁଁ ଆମ୍ବାଆରି ତଲୁ ଦାଃନି ମେରା ତଲେ ମାନେରି, ଏଞ୍ଚାରି ତାମୁ ଜିକେଏ ମସାତି ମେରା ମାନୁଞ୍ଚି ଆଅରି, ଇଞ୍ଚୁଁ ଏଞ୍ଚାରି ଏନିକିଁ ମୀ ଆଙ୍ଗା ତାକି ବତପଣ କିହାଲି ଆଡ଼ିନେରି, ଏଦାଆଁତାକି ଏଞ୍ଚାରି ମିଙ୍ଗେ ତଲୁ ଦାପି କିଞ୍ଚିକିହାଲି ଅଣପିନେରି ।^{୧୪} ସାମା ନାନୁ ଖାରଇ ମା, ଜୀସୁ କ୍ରୀସ୍ତତି କୁସ ତାକି ବତପଣ ଆହୁମାଇଁ; ଇତିହୁଁ ଏଞ୍ଚାଣି କୁସ ତାକି ଦାରୁତି ନାଙ୍ଗେତାକି ହାହାମାନେ ଇଞ୍ଚୁଁ ନାନୁ ଦାରୁତି ତାକି ହାହାମାଇଁ ।^{୧୫} ତଲୁ ଦାପି ଆନାୟି କି ଦାପି ଆଆଗାଗାୟି ଏନାୟି ହିଲେଏ, ସାମା ପୁଃନି ଗାଡ଼ି ଆନାୟି ଏଦି ବାରେ କିହୁଁ ମୁଲୁତାୟି ।^{୧୬} ଏଚେକା ଲକୁ ଇ ମେରା ତଲେ ତାକିନେରି, ଏଞ୍ଚାରି ଲାକ ଅଡ଼େ ମାହାପୁରୁତି ଇସାୟେଲ ଲକୁ ଲାକ ହିଡ଼ି ଅଡ଼େ କାର୍ମା ଆପେ ।

^{୧୭} ନୀଞ୍ଜୁଟିଏ ଆମ୍ବାଆସି ନାଙ୍ଗେ କସ ହିୟାଆପେସି, ଇତିହୁଁ କ୍ରୀସ୍ତ ତାକି ବେଟାଆହାମାନି ଗାହୁଁ ଗାରିୟାଁ ନା ଆଙ୍ଗାତା ମାନୁ ।

^{୧୮} ଏ ତାୟି ତାଙ୍ଗିୟା, ମା ପ୍ରଭୁ ଜୀସୁ କ୍ରୀସ୍ତତି କାର୍ମାମେହନାୟି ମୀ ଜୀଞ୍ଜୁତା ତୁୟାପେ । ଆମେନ୍ ।

ଏପିସୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର ଏପିସୀୟ କୁଲମିତାକି ପାଞ୍ଚୁଲ ରାଫାମାନି ଆକୁ ମୂକୁ ହାଡ଼ା

ଏପିସୀୟ କୁଲମିତି ଆକୁ ପାଞ୍ଚୁଲ ରାଫାମାନେସି, ଜୀସୁ କ୍ରୀସ୍ତ ଜର୍ନାଆଡ଼ି ୭୦ ବାର୍ଷୀ ତାୟୁ କଲସିୟ କୁଲମିତାକି ରାଚିତି ବେଲା ରାସ୍ତକି ଆହାମାଚେ । ରାଫିନାସି ତାନୁଏ ପାଣ୍ଡୁଆହାମାନି ପାଞ୍ଚୁଲ ଇଞ୍ଜିମାନେସି ୧:୧ । କଲସିୟ ଆକୁତା ତାନି ଜହରା ହିଲାଆତି ଜିକେଏ ବୁଦିଗାଗାରି ଏପିସିୟ ଆକୁ ପାଞ୍ଚୁଲ ରାଫାମାନେସି ଇଞ୍ଜି ଇନେରି । ଅଡ଼େ ବାରେ କୁଲମିକା ତାକି ଆକୁ ହାସାଲି ରାସ୍ତକି ଆହାଡ଼ୟିନେ । ପାଞ୍ଚୁଲ ଇଦାଆଁ ଜିକେଏ ଖେସାମାନେସି ଇ ଆକୁ ରାଫିନି ବେଲାତା ଏଞ୍ଜାସି କାୟିଦିତା ମାଚେସି ୩:୧-୪:୧ ଅଡ଼େ ୬:୨୦ । ପାଞ୍ଚୁଲ ତୁକକଇଁ ଏପିସିୟ କୁଲମିତା ପାଣ୍ଡାମା ଏଞ୍ଜାଣି କେୟୁତା ଇ ଆକୁ ହାହାମାଚେସି ୭:୨୧-୨୨ ।

ଏପିସିୟ ଏସିୟା ରାଜିତି ର କାଜା ଗାଡ଼ା ମାଚେ । ଏପିସିୟ ଗାଡ଼ାତି ଗ୍ରିକ ପେନୁ ଆର୍ଚେନି ଅଡ଼େ ଏଦାନି ଦେଖୁଡ଼ି ଖେଜିତାୟି ମାଚେ, କାମା ୯:୨୩-୩୧ । ଏପିସିୟ କୁଲମି ନଟକଏ ବାଡ଼ୁୟୁ ଗାଗାୟି ମାଚେ ତାୟୁ ରିହାଲି ମାଟ୍‌ହେ ଖେ ବଲୁ ୨:୧-୭ ।

ପାଞ୍ଚୁଲ ତାନି ଆଦା ଆକୁତା ମାହାପୁରୁ ଏନିକି ତାନି ଲକୁଣି ଆଚିତେସି, ଅଡ଼େ ଏନିକି ଜୀସୁ ତାଣ୍ଡାଟି ପାପୁଚି ଗେଲପିତେସି ଏଦାଆଁ ଖେସିମାନେସି । ପାଞ୍ଚୁଲ କୁଲମିତି ଆଜ୍ଞା ତଲେ ତୁକହାନା କ୍ରୀସ୍ତ ଏଦାନି ତାୟୁ ଅଡ଼େ କନତି ମୂଲୁ ଖାଲି, କୁଲମି ର ତକ୍ତି ଲେହେଁ କ୍ରୀସ୍ତଏ ତକ୍ତା । ଆକୁତି ତାୟୁ ବାଗାତା ପାଞ୍ଚୁଲ ପତ୍ରଓ ଆନାରାଇଁ କ୍ରୀସ୍ତ ତାଣ୍ଡା ରଣ୍ଡିଏ ଆହାଁ ଆଣ୍ଡାମାନି ଲକୁ ଲେହେଁ ନୀଡାଲି ବାଦିମାଲି ମାନେସି ।

ପଠିତା ମାନାୟି

- ୧. ପାଞ୍ଚୁଲ ଜହରା କିହାନା ପୁଣ୍ଡାୟି କିହା କଡିନାୟି । ୧:୧-୨
- ୨. କ୍ରୀସ୍ତ ତଲେ କୁଲମିତି ତୁକନାୟି । ୧:୩-୩:୨୧
- ୩. କ୍ରୀସ୍ତ ତାଣ୍ଡା ଏନିକି ନୀଡିନାୟି । ୪:୧-୬:୨୦
- ୪. ଜହରା କିହାନା ଆକୁତି ରାଫନାୟି । ୭:୨୧-୨୪

୧ *ପାଞ୍ଚୁଲ, ମାହାପୁରୁତି ଅଣ୍ଡୁ ତଲେ କ୍ରୀସ୍ତ ଜୀସୁତି ପାଣ୍ଡୁଓ ଆହାମାନାଚେସି, ଏପିସିୟତା ମାନି ମାହାପୁରୁ ଲକୁ ଇଞ୍ଜାଁ କ୍ରୀସ୍ତ ଜୀସୁ ତାଣ୍ଡା ନାମୁତା ମାନି ଲକୁତାକି ଇ ଆକୁ ରାଫିମାଇଁ ।

୨ ମା ଆବା ମାହାପୁରୁ ଇଞ୍ଜାଁ ପ୍ରଭୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହନାୟି ଅଡ଼େ ହିଡ଼ି ଜୀସୁ ମିଙ୍ଗେତାକି ଆୟାପେ ।

ସୁଦୁଜୀସୁତି ବର ପାଣ୍ଡନାୟି

୩ ମା ପ୍ରଭୁ ଜୀସୁ କ୍ରୀସ୍ତ ମାହାପୁରୁ ଅଡ଼େ ଆବାଇଁ ଜହରା ଆପେ । ଏଞ୍ଜାସି କ୍ରୀସ୍ତ ତାଣ୍ଡା ମାଙ୍ଗେ ବାରେ ଜୀସୁତି ବର ତଲେ ଲାକପୁରୁ ବର ହାହାମାଞ୍ଜାନେସି । ୪ ମାରୁ ଏନିକି ମାହାପୁରୁ ନକିତା ସୁଦୁ ଅଡ଼େ ଦହ ହିଲାଆଗାଗାତାୟି ଆନାୟି ଏଦାଆଁତାକି ଏଞ୍ଜାସି ଦାର୍‌ତି ଗାଡ଼ି ଆଆ ନକେଏ ତାନି ତାଣ୍ଡା ମାଙ୍ଗେ ଆରାମାଞ୍ଜାଚେସି । ୫ ଅଡ଼େ ଏଞ୍ଜାସି ମାଙ୍ଗେ କ୍ରୀସ୍ତ ଜୀସୁ ତାଣ୍ଡାଟି ତାଙ୍ଗେତାକି ମୀରୁକା ମାସ୍ତକା କିୟାଲି ତାନୁଏ ତଲିଏ ତାରି କିତେସି: ଇଦି ଏଞ୍ଜାଣି ରାହାଁ ଅଡ଼େ ଅଣ୍ଡୁ । ୬ ମାହାପୁରୁତି କାର୍ମାମେହନାଣି ତାକି ଇଞ୍ଜାଁ ତାନି ମୀରୁଏଣାଇଁ ଉଜେଏ ବେଟାଆନି ଦାନା ଲେହେଁ ବେଟାଆହାମାନାକି, ମାରୁ ମାହାପୁରୁଇଁ ଜହରା କିହିମାନାୟି । ୭ *କ୍ରୀସ୍ତ ହାଡ଼ି ତାଣ୍ଡାଟି ମାରୁ ଗେଲପି ଆହାମାନାୟି, ଇତିହଁ ମା ବାରେ ପାପୁ ମେଣ୍ଡଙ୍ଗାମାନେ, ମାହାପୁରୁତି କାର୍ମା ଏଚେକା କାଜାୟି ।

୮ ଏଞ୍ଜାସି ଏ କାର୍ମାମେହନାଣି ବାରେ ବୁଦି ଅଡ଼େ ଅଣ୍ଡୁ ମାଙ୍ଗେ ହାରେକା ହାହାମାଞ୍ଜାନେସି । ୯ ନଟକଏ ଅଣ୍ଡାମାନି ତାନି କାର୍ମାତଲେ ଏଞ୍ଜାସି ମାଙ୍ଗେ ତାନି ଅଣ୍ଡୁ ତଲେ ତୁଗ୍ନାମାନି ଅଣ୍ଡୁତି ତସାମାଞ୍ଜାନେସି । ୧୦ ଏନିକି କାଲାତି ତାନି ଅଣ୍ଡୁ ତଲେ ଲାକପୁରୁ କି ଦାର୍‌ତିତା ମାନାଣି ବାରେ ଏଞ୍ଜାସି ତାଙ୍ଗେତାକି କ୍ରୀସ୍ତ ତାଣ୍ଡା ରଣ୍ଡିଏ କିନେସି ।

* ୧:୧ ୧:୧ କାମା ୧୮:୧୯-୨୧; ୧୯:୧ * ୧:୭ ୧:୭ କଲସି ୧:୧୪

୧୧ ମାରୁ ଜିକେଏ ଏଝାଣି ତାଣା ଅଦିକାରା ଲେହେଁ ଆହାମାନାୟି, ଇଚିହଁ ଏମିନି ମାହାପୁରୁ ତାନି ମନଡି ଅଣ୍ଟାପୁ ତଲେ ବାରେ କାତା ତୀରି କିନେସି, ଇଞ୍ଜା ଏଝାସି ତଲିଟିଏ ମନଡା ତୀରି କିହାମାଟିଲେହେଁ ମାରୁ ନକେଏ ଆର୍ଡ଼ି ଆଡାୟି ୧୨ ମାରୁ ଏନିକଁ କ୍ରୀସ୍ତ ତାଣା ନକେଏ ବାର୍ସୁ କିହା ମାତାୟି, ମାରୁ ବାରେତାୟି ମାହାପୁରୁ ଗାଝୁରମିତି ଜହରା କିନାତାୟି ଆନ ।

୧୩ ଏଝାଣି ତାଣାଟି ମାରୁ ଜିକେଏ ସାତା ବଲୁ ଇଚିହଁ ମିଜେ ଗେଲୁପାନି ନେହଁ କାବୁ ଝେଞ୍ଜାନା ନାମାହାଁ ଆଞ୍ଜାମାନି ସୁଦୁଜୀଝୁ ତଲେ ବୁରୁ ମୁଦ୍ରା ଆହାମାଞ୍ଜେରି; ୧୪ ମାହାପୁରୁ ତାନି ଲକୁତାକି ଏନାଆଁ ହାହାଲି ଆଞ୍ଜାମାନେସି ଏ ବାରେ ମାରୁ ବେଟାଆନାୟି ସୁଦୁଜୀଝୁ ତାନି ବାୟିଦା ଲେହେଁ । ମାହାପୁରୁ ତାନି ଲକୁତାକି ଗେଲୁପି ଆନାଣି ହାନେସି ଇ ବାରେତାକି ମାହାପୁରୁତି ଗାଝୁରମି କିନ ।

ପାଝୁଲତି ପ୍ରାତାନା

୧୫ ଇଦାଆଁତାକି, ପ୍ରବୁ ଜୀସୁ ତାଣା ମୀ ନାମୁ ଇଞ୍ଜା ବାରେ ମାହାପୁରୁ ଲକୁତାକି ଜୀଝୁନନାୟି ମାନେ, ୧୬ ଏ କାତା ଝେଞ୍ଜାନା ମିଜେତାକି ନା ପ୍ରାତାନାତା ମାହାପୁରୁଇଁ ଜହରା କିହିମାଲ୍ । ୧୭ ମା ପ୍ରବୁ ଜୀସୁ କ୍ରୀସ୍ତ ମାହାପୁରୁ, ଗାଝୁରମିଗାଟି ଆବା, ଏଝାସି ମିଜେ ସୁଦୁଜୀଝୁତି ହିୟାନେସି ଏ ଜୀଝୁ ମିଜେ ବୁଦି ହିୟାନେ, ଅଡେ ମାହାପୁରୁଇଁ ମୀ ତାଣା ତଞ୍ଜି କିୟାନେ, ଆତିହଁ ମୀରୁ ଏଝାଣାଇଁ ପୁଞ୍ଜେରି । ୧୮ ଏମ୍ବାରିଏ ମୀ ହିୟାଁତି କାଣକା ଦେପି ଆଡିସାରେ, ତାନୁ ହାଟାମାଞ୍ଜାନି ବାର୍ସୁ ଏନାୟି, ମାହାପୁରୁ ଲକୁତାଣା ତାନି ଅଦିକାରାଟି ଗାଝୁରମିଗାଟି ଦନ ଏନାୟି, ୧୯ ତାନି ଲକୁତାକି ତାନି ଆଞ୍ଜାମାନାୟି ହାରେକା କାଜା ବରୁ ଅଡେ ନାମିମାନାତାୟି ମାରୁ, ତାନି ବାଡୁୟୁତି କାମା କିନାତାୟି, ଇଞ୍ଜା ମାଜେତାକି ତାନି ବାଡୁୟୁ ଏଚେକା କାଜାୟି ଇ ବାରେ ପୁଞ୍ଜାଲି ଆଡିଦେରି; ୨୦ ଏ ବାଡୁୟୁ କ୍ରୀସ୍ତ ତାଣା ତସାନା ଏଝାଣାଇଁ ହାଡାରି ତାଣାଟି ନିକହାନା ଲାକପୁରୁ ତାନି ଚିଃନି ଚଟତା କୁରି କିହାମାନେସି । ୨୧ କ୍ରୀସ୍ତ ଲାକପୁରୁ ବାରେ ସାଲୁଝି କିନାସି, କାଜାପାଣା, ବାଡୁୟୁ, ମୁସ୍ତାଦାରିୟାଁ ଲାକ ସାଲୁଝି କିନାସି, ଇ ଜୁଗୁତା ଅଡେ ଏ ଜୁଗୁତା ଏଚେକା ଦରୁକା ଝେଞ୍ଜା ମାନୁ, ଏ ବାରେତି ମୁହେଁ ଏଝାଣି ପାଣା କାଜାୟି । ୨୨ ମାହାପୁରୁ ବାରେ କ୍ରୀସ୍ତ କିତାୟାଁ ତୁଇ ଇଚିତେସି, ଇଞ୍ଜା ଏଝାଣାଇଁ ବାରେତି କିହାଁ କାଜାୟି କିହାନା କ୍ରୀସ୍ତାନା କୁଲମିକା ହେରପା ମାନେସି । ୨୩ ଏ କୁଲମିକା କ୍ରୀସ୍ତ ଆଜା ଲେହେଁ, ଇଚିହଁ ଆମ୍ବାଆସି ବାରେ କାମାଟି ବାରେ ତାଣା ପୂରା କିନେସି ।

୨

ହାକିଟି ଜୀଝୁ ପାଣନାୟି

୧ ମୀ ଦହ ଅଡେ ପାପୁ ତାକି ତଲି ଜୀଝୁତା ହାହାମାଚେରି, ୨ ଇଚିହଁ ଏମିନି ଜୀଝୁ ନୀୟଁ ଜିକେଏ କାତା ମାନଡି ଆଆଗାଟି ମୀରୁକା ତାଣା ଅଦିକାରା କିହାମାନେ, ଏ ଦାରତିତି ମନତଲେ ମୀରୁ ଜିକେଏ ତଲିକାଲ୍ ଏ ଜିରୁତା ତାକିହଁ ଦହ କିହାନା ପାପୁତାକି ହାହାମାଚେରି । ୩ ଏ କାତା ମାନଡି ଆଆଗାଟି ମୀରୁକା ତଲେ ମାରୁ ବାରେ ଏ ବେଲତା ମା ଆଜାଟି ମାଣକି ତଲେ ନୀତାନା ଆଜା ଅଡେ ମନଡି କାମା କିହିମାତାୟି, ଇଞ୍ଜା ଏବକାତାରି ଲେହେଁ ମାରୁ ଜିକେଏ ମାହାପୁରୁ କପାଟି ଲକୁ ମାତାୟି ।

୪ ସାମା ମାହାପୁରୁ ହାରେକା କାର୍ମା ମେହନାସି; ଏଝାସି ମାଜେ ହାରେକା ଜୀଝୁ ନଝୁତା ଜୀଝୁ ନୟାଁତେସି, ୫ ଏଚେତା ମାରୁ ପାପୁ ତାକି ହାହା ମାତାୟି, ଇଞ୍ଜା ମାଜେ କ୍ରୀସ୍ତ ଜୀସୁ ତଲେ ନିକହାତେସି, ଅଡେ ମାହାପୁରୁତି କାର୍ମାଟି ମୀରୁ ଗେଲୁପି ଆହାମାଞ୍ଜେରି । ୬ ଇଞ୍ଜା ତାନି ତଲେ ମାଜେ ହାକିଟି ନିକହାନା କ୍ରୀସ୍ତ ଜୀସୁ ତାଣା ଲାକପୁରୁ କୁରି କିହାମାଞ୍ଜାନେସି । ୭ କ୍ରୀସ୍ତ ଜୀସୁ ତାଣା ମାଜେତାକି ଜୀଝୁନହାନା ଝାହିମାନି ଜୁଗୁତା ତାନି କାର୍ମାଟି ହାରେକା ଦନ ତସାଲି ମାହାପୁରୁ ଇଦାଆଁ କିତେସି । ୮ ଏନାଆଁତାକି ଇଚିହଁ ମୀରୁ ନାମିତାକି ମାହାପୁରୁତି କାର୍ମାଟି ଗେଲୁପି ଆହାମାଞ୍ଜେରି; ଏଡି ମୀ ତାଣାଟି ଆହା ହିଲେଏ, ଏଡି ମାହାପୁରୁତି ଦାନା, ୯ ଏଡି ମୀରୁ କାମା କିତାକି ଆଏ, ଏଡାଆଁତାକି ଆମ୍ବାଆସି ବଡପଣ କିଆପେସି । ୧୦ ଇଚିହଁ ମାରୁ ତାନି ତାଣାଟି ଗାଡ଼ି ଆହାମାନାୟି; ଆମିନି ନେହଁ କାମା କିଇଁ ଇଞ୍ଜା ମାହାପୁରୁ ତଲିଏ କିହାଲି ତାକି ତିୟାରା କିହାମାଚେସି ଏ ବାରେ ମାନଡି ଆହାଲି କ୍ରୀସ୍ତ ଜୀସୁ ତାଣାଟି ଗାଡ଼ି ଆହାମାନେ ।

କ୍ରୀସ୍ତ ତାଣା ରଣିଏ ଆନାୟି

୧୧ ମୀରୁ ଏଚିବେଲା ତଲି ଆଜା ତଲେ ଜୀହୁଦିଆଆନା ମାଚେରି ଅଡେ ଆଜାଟି ଅଣପୁତା କେୟୁତଲେ ତଲୁ ଦାଡି ଆଡି ଲକୁ ତାଣାଟି ତଲୁ ଦାଡି ଆଆତାରି ଇଞ୍ଜା ଝେଞ୍ଜମାଚେରି । ୧୨ ଏଚିବେଲା ମୀରୁ

* ୧:୨୨ ୧:୨୨ କଲସି ୧:୧୮

କ୍ରୀସ୍ତ ତାଣ୍ଡାଟି ହେକ ମାଚେରି, ମୀରୁ ଏଟକା ଦେସାତାଚେରି ମାଚେରି, ଅଡ଼େ ମାହାପୁରୁତି ଆଡ଼ିତି ଇସାୟେଲ କୃତାତା ଆଶ୍ୱାହିଲାଆଚେରି, ମାହାପୁରୁ ତାନି ଲକ୍ଷ୍ମତାକି କିହାମାନି ରାଜିମାନାତା ମୀ ଏନି ବାଟା ହିଲାଆଚେ, ମାହାପୁରୁ ଅଡ଼େ ବାସ୍ତୁ ହିଲାଆ ଲକ୍ଷ୍ମ ଲେହେଁ ଦାର୍ତତିତା ବାସା କିହାମାଚେରି । ୧୩ ନଟକଏ ମୀରୁ ହେକ ମାଚେରି, ସାମା ନୀର୍ଏ ମୀରୁ କ୍ରୀସ୍ତ ଜୀସୁ ତାଣ୍ଡାଟି ତାନି ନେତେରି ତଲେ ତାଗେ ଆହାମାଞ୍ଜେରି । ୧୪ ଏନାଆଁତାକି ଇଚିହଁ ଏଝାସି ମା ହିଡ଼ଡ଼ି, ଏଝାସି ସାତୁ ଲେହେଁ ପାଡ଼ି କାତିନି କାତିତି ଡିକ୍‌ହାନା ବାରେତି କାଲ୍‌ହା ମାଚେରି, ୧୫ *ଜୀହୁଦି ଲକ୍ଷ୍ମତି ପାଣ୍ଡାପାଟୁ ହୁକୁମିତି ମେରାତି ତାନି ଆଜ୍ଞାଟି ହେକ କିହାମାଚେରି, ଏନିକଁ ଏଝାସି ହିଡ଼ଡ଼ି ହାହାନା ଜୀହୁଦି ଅଡ଼େ ଜୀହୁଦିଆଆତି କୃତାତାରାଇଁ ତାନି ତାଣ୍ଡା ର ପୁଣି ଲକ୍ଷ୍ମଲେହେଁ ଗାଡ଼ି କିନେସି । ୧୬ *ଅଡ଼େ କ୍ରସ୍ତା ହାହାନା ଜୀହୁଦି ଅଡ଼େ ଜୀହୁଦିଆଆତି ସାତୁତି ନାସା କିହାନା ଏଦାଣି ତଲେ ରିଆରାଇଁ ରଣିଏ ଆଜ୍ଞା ଲେହେଁ ଗାଡ଼ିକିହାନା ମାହାପୁରୁ ତଲେ ଆଣ୍ଡିକିୟାନେସି । ୧୭ ଅଡ଼େ ହେକ ମାଟି ଜୀହୁଦିଆଆତି ଲକ୍ଷ୍ମଣି ଅଡ଼େ ତାନି ତାଗେ ମାନି ଜୀହୁଦି ଲକ୍ଷ୍ମ ଇ ରିଆରି ତାଣ୍ଡା ଏଝାସି ଝାହାନା ହିଡ଼ଡ଼ିତି ନେହଁ କାବୁ ଝେକ୍‌ହେସି; ୧୮ ଏନାଆଁତାକି ଇଚିହଁ କ୍ରୀସ୍ତତି ତାକି ବାରେ ଜୀହୁଦିୟାଁ ଅଡ଼େ ଜୀହୁଦିଆଆତି ଲକ୍ଷ୍ମ ରଣିଏ ସୁଦୁଜୀଞ୍ଜୁତି ଲାକପୁରୁ ଆବା ତାଣ୍ଡା ହାଜାଲି ଜିରୁ ବେଟାଆହାମାନାୟି ।

୧୯ ଏଦାଆଁତାକି ମୀରୁ ଏଟକା ଦେସାତାଚେରି ଇ ଦେସାତାଚେରି ଆଏ, ସାମା ମାହାପୁରୁ ଲକ୍ଷ୍ମତଲେ ଆଶ୍ୱାନ ଏଝାରି ଦେସାତି ଲକ୍ଷ୍ମ ଅଡ଼େ ମାହାପୁରୁ ଇଲୁ କୁଟମିଚେରି । ୨୦ ମୀରୁ ପାଣ୍ଡୁଟି ଆହାମାନାରି ଅଡ଼େ ମାହାପୁରୁ ଅଣ୍ଡୁତି ବଲୁ ଝେହ୍‌ନାରି ଇଟାମାନି ପୁନାଦି ମୁହେଁ ଇଟକି ଆହାମାଞ୍ଜେରି, କ୍ରୀସ୍ତ ଜୀସୁ ତାନୁଏ, ଏ କନତି ମୂଲୁ ଝାଲି । ୨୧ ଏଝାଣି ତାଣ୍ଡା ବାରେ ଇଲୁତି ବାରେ କାତିୟାଁ ଦୂସୀନା ପ୍ରବୁ ତାଣ୍ଡା ର ସୁଦୁ ଆଞ୍ଜାମାନି ମାହାପୁରୁ ଇଲୁ ଲେହେଁ ପାତାଆହିମାନେ । ୨୨ ଏଝାଣି ତାଣ୍ଡା ମୀରୁ ଜିକେଏ ମା ତଲେ ଆଶ୍ୱାନ ସୁଦୁଜୀଞ୍ଜୁତି ମାହାପୁରୁ ବାସାଆନି ଇଲୁ ଲେହେଁ ଦସ୍‌ପି ଆହାମାଞ୍ଜେରି ।

୩

ଏଟକା ଲକ୍ଷ୍ମତାଣ୍ଡା ପାଞ୍ଜୁଲତି କାମା

୧ ଇଦାଆଁତାକି ମୀ ଲେହେଁତି ଜୀହୁଦିଆଆତି ଲକ୍ଷ୍ମତାକି କ୍ରୀସ୍ତ ଜୀସୁ ତାକି ଦସ୍‌ପି ଆହାମାନି ପାଞ୍ଜୁଲତେଏ । ୨ ମିଙ୍ଗେତାକି ନାଙ୍ଗେ ହାହାମାଞ୍ଜାନି ମାହାପୁରୁତି କାର୍ମାଟି ସେବକିନି କାମାତି କାତା ମୀରୁ ଝେଞ୍ଜାମାଞ୍ଜେରି, ୩ ଅଡ଼େ ତୁଗ୍ଲାମାନି କାତା ମାହାପୁରୁ ତାନୁଏ ତସାନା ପୁଣ୍ଡି କିୟାତେସି, ଏନିକଁ ନାନୁ ତଲି ଏ ବାରେ କାତା ଇଚାଣି ରାଟାମାଇଁ; ୪ *ମୀରୁ ଏଦାଆଁ ପଡ଼ୁଞ୍ଜି ଆହାନା କ୍ରୀସ୍ତତି ତୁଗ୍ଲାମାନି କାତା ନାନୁ ଏନାଆଁ ତେଲ୍‌ହାମାଇଁ ଏଦାଆଁ ମୀରୁ ତେଲ୍‌ହାଲି ଆଡ଼ିଦେରି, ୫ ତଲି କାଲ୍‌ତା ମାଣ୍ଡିୟାଁ ତାଣ୍ଡା ତଞ୍ଜା ଆହାହିଲାଆଚେ, ଏ ତୁଗ୍ଲାମାନାୟି ନୀର୍ଏ ସୁଦୁଜୀଞ୍ଜୁତି ତାନି ସୁଦୁତି ପାଣ୍ଡୁଟି ଆହାମାନାରି ଅଡ଼େ ମାହାପୁରୁ ଅଣ୍ଡୁତି ବଲୁ ଝେହ୍‌ନାରି ତାଣ୍ଡା ଏନିକଁ ତଞ୍ଜା ଆହାମାନେ, ୬ ଏ ତୁଗ୍ଲାମାନି କାତା ଇଦି ନେହଁ କାବୁ ତାଣ୍ଡାଟି ଜୀହୁଦିୟାଁ ମାହାପୁରୁତି ବର ବେଟାଆନି ଲେହେଁ, ଏଟକା କୃତାତାରି ଜିକେଏ ବାରେଜାଣା ଆଶ୍ୱାନା ର ଆଜ୍ଞା ଲେହେଁ ଆହାନା କ୍ରୀସ୍ତ ଜୀସୁ ତାଣ୍ଡାଟି ମାହାପୁରୁ ଆଞ୍ଜାମାନାଣି ବାରେ ବେଟାଆନେରି ।

୭ ମାହାପୁରୁତି କାମା କିନି ବାଡ଼ୁୟୁ ତଲେ ନାଙ୍ଗେ ଏମିନି କାର୍ମାଟି ଦାନା ହାହାମାଞ୍ଜାନେସି ଏଦାଆଁତାକି ଏ ନେହଁ କାବୁତି ଝେକ୍‌ନାତେଏଁ ଆହାମାଇଁ । ୮ ମାହାପୁରୁ ଲକ୍ଷ୍ମ ବିତ୍ରାଟି ନାନୁ ବାରେତି କିହାଁ ଉଣାତେଏଁ ମାଟି ଜିକେଏ ଏଟକା କୃତାତି ଲକ୍ଷ୍ମତାଣ୍ଡା ଏଜିକିହାଲି ଆଡ଼ାଆଗାଟି କ୍ରୀସ୍ତତି କାର୍ମାଟି ନେହଁ କାବୁ ଝେକ୍‌ହାଲି ମାହାପୁରୁ ପାରୁ ହାହାମାଞ୍ଜାନେସି, ୯ ଅଡ଼େ ବାରେ ଗାଡ଼ିକିତି ମାହାପୁରୁ ତାଣ୍ଡା ତଲି କାଲ୍‌ଗାଟିଏ ତୁଗ୍ଲାମାନି କାତାତାକି ଏଝାଣି ଅଣ୍ଡୁ ଏନାୟି ଏଦାଆଁ ଉଜେଡ଼ିତା ତସାଲି ତାକି ମାହାପୁରୁତି କାର୍ମା ମୋଡ଼ା ଆହାମାଞ୍ଜାନେ, ୧୦ ଏନିକିହଁ ନୀର୍ଏ କ୍ରୀସ୍ତାନା କୁଲମିତି କାର୍ମାଟି ଲାକପୁରୁତି ସାଲ୍‌ଞ୍ଜି କିନାରି ବାଡ଼ୁୟୁ ଗାଟି ମାହାପୁରୁତି ବୁଦି ନେହଁ କଁ ପୁଞ୍ଜାଲି ଆଡ଼ିନେରି, ୧୧ ମାହାପୁରୁ ତାନି କାଲ୍‌କାଲ୍‌ଗାଟି ଅଣ୍ଡୁ ଲେହେଁ ମା ପ୍ରବୁ କ୍ରୀସ୍ତ ଜୀସୁ ତାଣ୍ଡାଟି ବାରେ କିହାମାନେସି । ୧୨ ଏ ପ୍ରବୁ ତାଣ୍ଡା ନାମାମାନାକି ମାରୁ ଏଝାଣି ତାଣ୍ଡା ସାସାଟି ଆଜାଆନା ମାହାପୁରୁ ତାଣ୍ଡା ହାଜାଲି ସାସା ବେଟାଆହାମାନାୟି । ୧୩ ଏଦାଆଁତାକି ନାନୁ ମିଙ୍ଗେ ବାଡ଼ିମାଲ୍‌ମାଞ୍ଜାଇଁ, ମିଙ୍ଗେତାକି ନାନୁ ବେଟାଆହିମାନି ଦୁକୁ କସ୍‌ପ ତାକି ସାସା ପିହ୍‌ଆଦୁ, ସାତେଏ ଏଡ଼ି ମୀ ଗାଞ୍ଜୁରମି ତାକି ଆହାମାନେ ।

* ୨:୧୫ ୨:୧୫ କଲସି ୨:୧୪ ☆ ୨:୧୭ ୨:୧୭ କଲସି ୧:୨୦ ☆ ୩:୪ ୩:୪ କଲସି ୧:୨୨,୨୭

କ୍ରୀସ୍ତ ତି ଜୀବୁନନାୟି

୧୪ ଏଦାଆଁତାକି ଆମିନି ଆବା ତାଣାଟି ଲାକପୁରୁ ଅଡ଼େ ଦାବ୍‌ତିତି ବାରେ କୁଟମି, ତାନି କୁଡ଼ାତି ଦରୁ ବେଟାଆହାମାନେ, ୧୫ ଏ ମାହାପୁରୁ ଆବା ନକିତା ମେଣ୍ଡାକୁତାନା ପ୍ରାଡ଼ାନା କିହିମାଜ୍ । ୧୬ ଏନିକି ଏଝାସି ତାନି ଗାବୁରମିଗାଟି ଦନ୍ ତାନି ସୁଦୁଜୀବୁ ତଲେ ମିଜେ ମୀ ଅଣପୁତା ତାରି ମାଣସି ଆହାଲି ବାଡ଼ୁରୁ ହିୟାନେସି, ୧୭ ମୀ ନାମୁତଲେ କ୍ରୀସ୍ତ ମୀ ହିୟାତା ବାସା କିନେସି, ଏନିକି ମୀ ଜୀବୁ ନପୁତା ପୁନାଦି ଅଡ଼େ ଆଟ୍‌ଝା ତଲେ ତୀରିଆହାନା ଏଜିକିହାଲି ଆଡ଼ାଆଗାଟି କ୍ରୀସ୍ତ ତି ଜୀବୁ ନପୁ, ୧୮ ଏଦାଆଁ ପୁଞ୍ଜୁ ଇଞ୍ଜା ବାରେ ମାହାପୁରୁ ଲକୁତଲେ ଏମ୍‌ଗାତି ଅସାରା ଅଡ଼େ ଲାମ୍‌ଗା ପାଡ଼ଣି ଅଡ଼େ ଗାଡ଼ୁରୁତି ପୁଞ୍ଜାଲି ବାଡ଼ୁରୁ ବେଟାଆଦି । ୧୯ ହାଅ ମୀରୁ ଏନିକି କ୍ରୀସ୍ତ ତି ଜୀବୁ ନନାଣି ପୁଞ୍ଜେରି ଆତିହ୍ ଜିକେଏ ଏଦାଆଁ ନେହ୍ କି ପୁଞ୍ଜାଲି ଆଏ, ଅଡ଼େ ଏଲେକିହ୍ ମାହାପୁରୁତି ଗୁଣ୍ଡୁତଲେ ପାଡ଼ାଆଦୁ ।

୨୦ ଆମିନି ମାହାପୁରୁ ମା ହିୟାତା କାମା କିହିମାନି ତାନି ବାଡ଼ୁରୁ ତଲେ ମୀରୁ ରାହନାଣି ଅଡ଼େ ଅଣପିନାଣି କିହ୍ ହାରେକା ଆଗାଡ଼ା ହିୟାଲି ଆଡ଼ାନେସି, ୨୧ କୁଲମିତି ଅଡ଼େ କ୍ରୀସ୍ତ ଜୀବୁ ତାଣାଟି ଏ ମାହାପୁରୁତି ଗାବୁରମି କାଲାକାଲାତାକି ମାଣମ୍‌ମେ । ଆମେନ ।

୪

ରଣ୍ଡିଏ ଆଜାମ

୧ ପ୍ରବୁତି ସେବାତାକି ନାନୁ କାୟିଦିତା ମାଜ୍, ମିଜେ ବାତିମାଲିମାଞ୍ଜାଜ୍, ଏନିକି ନୀତାବାଡ଼କାଲି ତାକି ମାହାପୁରୁ ମିଜେ ହାଟାମାଞ୍ଜାନେସି, ଏଲେତି ମାଣକି ତଲେ ମାଞ୍ଜୁ । ୨ ଇତିହ୍ ବାରେଲେହେତି ଉଣା ଗାଟାତେରି, ସୁଦୁ ସୁଞ୍ଜାଲ, ହାରେକା ଅରୁହିନାତେରି ଅଡ଼େ ଜୀବୁନହ୍‌ନା ରଅତେରି ରଅଣାଜ୍ ଅରୁହିନାତେରି ଆଦୁ; ୩ ମୀରୁ ବାରେଜାଣା ତେରି ହିଡ଼ିତି ଡ଼ରିତଲେ ଦସ୍‌ପି ଆହାନା ସୁଦୁଜୀବୁ ବାଡ଼ୁରୁତି ରଣ୍ଡିଏ ଲେହେ ଆହାଲିତାକି ଜାଡ଼ୁ ଆଦୁ । ୪ ଆଜାମ ରଣ୍ଡିଏ, ସୁଦୁଜୀବୁ ଜିକେଏ ରଣ୍ଡିଏ, ଏନିକି ମୀରୁ ମୀ ହାଟାମାନି ରଣ୍ଡିଏ ବାସ୍‌ ତଲେ ହାଟ୍‌କି ଆହାମାଞ୍ଜେରି; ୫ ପ୍ରବୁ ରଅସିଏ, ନାମୁ ରଣ୍ଡିଏ ଅଡ଼େ ବାପୁସ୍‌ ଜିକେଏ ରଣ୍ଡିଏ, ୬ ବାରେ ମାଣସିୟାତି ରଣ୍ଡିଏ ମାହାପୁରୁ ଅଡ଼େ ତାଞ୍ଜି; ଏଝାସି ବାରେତି ମୁହେ, ବାରେତି ବିତ୍ତା ଇଞ୍ଜା ବାରେତି ହିୟାତା ମାନେସି ।

୭ ସାମା କ୍ରୀସ୍ତ ତି ଦାନ୍‌ ଏଚେକା ବେଟାଆନାୟି ମାନେ ଏଚେକା ମାଜେ ବାରେଜାଣା ତାକି ମାହାପୁରୁତି କାର୍‌ମାମେହନାୟି ହାପ୍‌କି ଆହାମାଞ୍ଜାନେ । ୮ ଦାମ୍‌ ସାଡ଼େସ୍‌ରିତା ରାସ୍‌କି ଆହାମାନେ,

“ଏଝାସି ଲାକ ହାଜାନା, ହାରେକା ଦସ୍‌ପି ଆହାମାନାରାଜ୍ ତାନିତଲେ ଅଡ଼େସି; ଅଡ଼େ ମାଣସିୟାକି ଏଟ୍‌କା ଏଟ୍‌କାଟି ବର ହାତେସି ।”

୯ “ଏଝାସି ଲାକ ହାଚେସି” ଇତିସାରେ ଏନାୟି ? ଏଲେଇତିସାରେ ମୁଲୁଏ ଏଝାସି ଦାବ୍‌ତିତି ଡ଼ଲ ପାଡ଼େକା ରେଟା ଝାହାମାଚେସି । ୧୦ ଆମ୍‌ଆସି ଡ଼ଲପୁରୁ ଝାହାମାଚେସି, ବାରେ ଦାବ୍‌ତିଜ୍ ତାନୁ ମାଞ୍ଜାନା ବାରେ ପୁରା କିହାଲିତାକି ଏଝାସି ଅଡ଼େ ଝେଣ୍ଡେ ଲାକପୁରୁ ହାଚେସି, ୧୧ ଏଝାସି ଲକୁତାକି ହାରେକା ଦାନ୍‌ ହାଚେସି; ଆମ୍‌ଆରାଜ୍ ପାଣ୍ଡୁ ଆଡ଼ାରି ଆହାଲି, ଆମ୍‌ଆରାଜ୍ ମାହାପୁରୁ ଅଣପୁତି ବଲୁ ଝେକ୍‌ନାରି ଆହାଲି; ଆମ୍‌ଆରାଜ୍ ନେହ୍ କାବୁ ଝେକ୍‌ନାରି ଆହାଲି, ଅଡ଼େ ଏଚେ ଜାଣାଜ୍ କୁଲମି ଜାଡ଼ୁ କିନାରି ଅଡ଼େ ଜାପ୍‌ନାରି ଆହାଲି ଦାନ୍‌ ହାହାମାନେସି, ୧୨ ଏନିକି ମାହାପୁରୁ ଲକୁତି ସେବା କାମାତାକି ତାରି ଆହାଲି ଆଡ଼ିନେ ଇଞ୍ଜା କ୍ରୀସ୍ତ ତି ଆଜାମ ପାଡ଼ାଆହାଲି ଆଡ଼ିନେ ୧୩ ଏନିକି ମୀରୁ ବାରେଜାଣା ନାମୁତା ଅଡ଼େ ମାହାପୁରୁତି ମୀରୁଏଣା କାତାତି ବୁଦିତା ରଣ୍ଡିଏ ଆହାଲି ଆଡ଼ିନାୟି, ଇତିହ୍ କ୍ରୀସ୍ତ ଲେହେ ଆହାନା ପାଡ଼ାଆଡ଼ି ଲକୁ ଲେହେ ଆନାୟି, ୧୪ ଗାଲି ଝାନ୍‌ାଟି ଅଡ଼େ ଏରୁ ଉଣ୍ଡାତା ଦାକ୍‌ମାନି କକାରି ପଡ଼ାୟି ଲେହେ ମୀର ଇତାଲା ଆତାଲା ଆଆପ । ଏଟ୍‌କା ଲକୁଣି ଜିରୁ ବାଣି କିହିମାନି ନାଡ଼ିକିନି ଅଣପୁତି ଜାପ୍‌ନି ତାଣା ମୀର ତରୁଗାଆପ । ୧୫ ସାମା ସାତାତି ଆସାନା ତାୟ୍ ଫୁଲେହେତି କ୍ରୀସ୍ତ ଏଝାଣି ତାକି ବାରେ ଜୀବୁ ନପୁତା ପାଡ଼ାଆନ । ୧୬ ଏଝାଣି ତାଣାଟି ବାରେ ଆଜାମ ବାରେ ହାନ୍‌ଲିକା ସାଡ଼େମି ତଲେ ଅଡ଼େ ବାରେ ଆଜାମି କାମା କିନି ବାଡ଼ୁରୁ ତଲେ ଦୂରଞ୍ଜି ଆହାନା ଜୀବୁ ନପୁତା ତାନି ନେହେତାକି ଜାହାରାଜ୍ ପାତି କିହିମାନୁ ।

କ୍ରୀସ୍ତ ତାଣା ପୁଞ୍ଜି ଜୀବୁ

☆ ୪:୭ ୪:୭ କଲସି ୩:୧୭, ୧୩ * ୪:୫ ୪:୫ପୁଞ୍ଜନାୟି ☆ ୪:୧୭ ୪:୧୭ କଲସି ୨:୧୯

^{୧୭} ପୁତ୍ର ଦରୁତଲେ, ନାନୁ ମିଙ୍ଗେ ଜାଗ୍ରାତା କିହାଁ ଝେସିମାଞ୍ଜାଇଁ, ନାମାଆତାରି ଏନିକି ତାନି ମନତା ଉଜେଏତି ଅଣ୍ଟାପୁ ତଲେ ନୀତିନେରି ମୀରୁ ଏଲେକି ନୀତାଆଦୁ. ^{୧୮} ଏଞ୍ଜାରି ତାମି ତାଣା ମାନି ମୁକ୍ତି ତାକି ଜାହା ଜାହାରା ମନ ଆଟ୍ଠା ମାନାକି ଏଞ୍ଜାରି ମାହାପୁରୁ ହାହାମାନି ଜୀଞ୍ଜୁତି ବୁଦି ଆନ୍ଦେରି ଆହାମାନେ, ଅଡ଼େ ମାହାପୁରୁ ତାଣାଟି ଏଟ୍ଟା ଆହାମାନେରି; ^{୧୯} ଏଞ୍ଜାରି ଆଟ୍ଠା ଆହାନା ଦନ ଜୁପକା ଆହାନା ବାରେ ଲାଗେଏତି କାମା କିହାଲି ଜାହାରାଇଁ ହେରପା କତାମାନେରି । ^{୨୦} ସାମା ମୀରୁ କ୍ରୀସୁଇଁ ଏଲେକିହିଁ ଜାପାହିଲଅତେରି । ^{୨୧} ମୀରୁ ତାନି କାତା ସାତାତଲେ ଝେଞ୍ଜାମାଞ୍ଜେରି, ଅଡ଼େ ଜୀସୁ ତାଣା ମାନି ସାତାତି ତାନିତଲେ ମାଞ୍ଜାନା ଜାପାମାଞ୍ଜେରି, ^{୨୨} ଇଚିହିଁ, ମୀରୁ ମୀ ନକେଏତି ମାଣକିତା ନାଡ଼ିକିନି ରାହାଁତା ହାରେ ହାରେକା ଲାଗେଏ ଆହିମାତେ । ^{୨୩} ମୀ ମନତା ପୁଃନି ଗୁଣ୍ଡ ଆହାନା । ^{୨୪} ଏମିନି ପୁଃନି ଗୁଣ୍ଡ ମାହାପୁରୁତି ଖାଣା ତଲେ ଦାମ୍ବୁ ଅଡ଼େ ସାତାତି ସୁଦୁତା ଗାଡ଼ି ଆହାମାଞ୍ଜେରି, ଏଦାଆଁ ପରହାଲି ଜାପାମାଞ୍ଜେରି । ^{୨୫} ଇଦାଆଁତାକି ମିଚିତି ପିସାନା ମୀରୁ ବାରେଜାଣା ତେରି ନାମିତି ତାୟିୟାଁ ତଲେ ସାତା କାତା ଝେସପି ଆଦୁ, ଇଚିହିଁ ମାରୁ ରଣ୍ଡିଏ ଆଜ୍ଞାତାୟି । ^{୨୬} କାରବି ଆଦୁ, ସାମା ପାପୁ କିଆଦୁ; ଝେଡ଼ା ହାଲାଆ ନକେଏ କାରବି ପିହୁଦୁ; ^{୨୭} ଅଡ଼େ ସୟତାନକି ଚାୟୁ ହାଆଦୁ । ^{୨୮} ସରୁ ଅଡ଼େ ସରୁ କିଆପେସି, ଇଚିହିଁ ହିଲାଆ ଗାଗରାକି ହାହାଲିତାକି ଏନିକିହିଁ ତାନି ତାଣା ଏନାୟି ଡ଼ୟିନେ, ଇଦାଆଁତାକି ତାନି କେୟୁତଲେ ନେହିଁ କାମା କିହାନା କସ୍ତ କିପେସି । ^{୨୯} ମୀ ଗୁଡ଼ିତି ଏନି ଲାଗେଏତି କାତା ହଆପେ, ମୀ ଲଡ଼ାମାନି ଲେହେଁ ନେହିଁ କାତା ହପେ ଏନିକିହିଁ ଏନି ଝେନାରାକି ନେହାୟି ଆନେ । ^{୩୦} ମାହାପୁରୁତି ସୁଦୁଜୀସୁ ତଲେ ମିଙ୍ଗେ ଗେଲପିନି ଦିନାତାକି ବୁରୁ ମୁଦା କିଞ୍ଜି ଆହାମାଞ୍ଜେରି ଏଦାଣି ଦୁକୁ ହାଆଦୁ । ^{୩୧} ବାରେଲେହେଁତି କୁଟୁ ଅଣ୍ଟା, କାରବି, କପା, ଗଡ଼ହା ଅଡ଼େ ନିନ୍ଦା, ଇଞ୍ଜା ବାରେଲେହେଁତି ଅପାଆଗାଗାୟି ମୀ ତାଣାଟି ହେକ ଆପେ । ^{୩୨} ଅଡ଼େ, ରଅତେରି ରଅଣାଇଁ କାମା ଅଣ୍ଟାପୁ, ହିଡ଼ଡ଼ି ହିୟାଁ, ଅଡ଼େ ମାହାପୁରୁ କ୍ରୀସୁ ତାଣା ମିଙ୍ଗେ ଏନିକିହିଁ ଦହ ପିସାନ୍ଦେସି, ଏଲେକିହିଁ ରଅତେରି ରଅଣି ଦହ ପିହୁଦୁ ।

୫

ଉଜେଡ଼ିତା ନୀତିନାୟି

^୧ ମୀରୁ ମାହାପୁରୁତି ଜୀଞ୍ଜୁତି ମୀରୁକା ମାସ୍ତକାତେରି ଆହାମାନାକି, ମାହାପୁରୁ ଲେହେଁ ଆଦୁ; ^୨ କ୍ରୀସୁ ଏନିକି ମିଙ୍ଗେ ଜୀଞ୍ଜୁ ନୟାତେସି, ଅଡ଼େ ମା ତାକି ମାହାପୁରୁ ତାକି ଗାନ୍ଦାଗାଟି ନେହିଁ ପୂଜାଲେହେଁ ଜାହାରାଇଁ ହେରପାକତିତେସି, ମୀ ଜୀଞ୍ଜୁତା ଜିକେଏ ଏଲେକିହିଁ ଜୀଞ୍ଜୁ ନଞ୍ଜିଆହାନା ନୀତାଦୁ ।

^୩ ସାମା ଦାରିକାମା, ବାରେଲେହେଁତି ଲାଗେଏତି କାମା କି ଜୁପକା, ଇ ବାରେ ମୀ ତାଣା ଚାୟୁ ବେଟା ଆଆପେ; ଏନି ମାହାପୁରୁ ଲକୁତାଣା ନେହାୟି ଆଏ; ^୪ ଅଡ଼େ ଏନାୟି ଆଆଗାଗାୟି, ଅଜାଆତି କାତା, ଲାଗେଏତି କାତା, ଲକୁଣି ଲାଜା କିହାଁ କାକନାୟି ମୀ ବିଡ଼ା ତଞ୍ଜା ଆଆପେ, ସାମା ବାରେ କାତାତାକି ମାହାପୁରୁଇଁ ଜହରା କିଦୁ । ^୫ ଇଚିହିଁ ମୀରୁ ସାତେଏ ପୁଞ୍ଜାମାଞ୍ଜେରି, ଏମିନି ଦାରି କାମାକିନାସି କି ଲାଗେଏତି କାମାକିନାସି କି ହାରେକା ଜୁପକା ଆନାସି ଏଞ୍ଜାସି ପେଣକା ବମାୟାଁତି ପୂଜା କିନାସି, ଏଲେତି ଲକୁକି କ୍ରୀସୁ ଅଡ଼େ ମାହାପୁରୁତି ରାଜିତା ଅଦିକାରା ହିଲେଏ ।

^୬ ଆମ୍ବାଆସି ମିଙ୍ଗେ ଉଜେଏତି କାତା ଝେସାନା ନାଡ଼ି କିୟାଆପେସି, ଏନାଆଁତାକି ଇଚିହିଁ ଇ ବାରେ ଲାଗେଏତି କାମାତାକି କାତା ମାନୁଞ୍ଜି ଆଆଗାଟି ମୀରୁକା ମୁହେଁ ମାହାପୁରୁତି କାରବି ଖାନ୍ଦେ । ^୭ ଇଦାଆଁତାକି, ମୀରୁ ଏଞ୍ଜାରିତଲେ ଏଞ୍ଜାରିଲେହେଁ ଆଆଦୁ; ^୮ ଏନାଆଁତାକି ଇଚିହିଁ ମୀରୁ ତଲି ଆନ୍ଦେରି ଲେହେଁ ମାଚେରି, ସାମା ନୀଏଁ ପୁରୁତି ଲକୁ ଆଡ଼ାକି ଉଜେଡ଼ି ଲେହେଁ ଆହାମାଞ୍ଜେରି; ଉଜେଡ଼ିତି ମୀରୁକା ଲେହେଁ ତାକାଦୁ, ^୯ ଇଚିହିଁ ବାରେଲେହେଁତି ନେହାୟି, ଦାମ୍ବୁଗାଗାୟି ଅଡ଼େ ସାତା ଉଜେଡ଼ିତି ପାଡ଼େୟି ଲେହେଁ, ^{୧୦} ପୁରୁକି ଏନାୟି ନେହେଁ, ଏଲେତି କାମା କିହାଲି ଜାପାଦୁ; ^{୧୧} ଲକୁ ଆନ୍ଦେରିତା ଆମିନି ବାରେ ଲାଗେଏତି କାମା କିହିମାନେରି, ଏ ବାରେ କାମାତା ଆଣ୍ଡାଆଦୁ, ଇଞ୍ଜା ଏଞ୍ଜାରି ବାରେ କାମାତି ଦହ ତହୁଦୁ । ^{୧୨} ଏନାଆଁତାକି ଇଚିହିଁ ଏଞ୍ଜାରି ଏନାଆଁ ଡ଼ଗୁାନା କିନେରି, ଏ ବାରେ କାତା ଝେହୁନାୟି ଜିକେଏ ଲାଜାତି କାତା, ^{୧୩} ସାମା ବାରେ ଲାଗେଏତି କାମା ଉଜେଡ଼ି ତଲେ ତସ୍ପିଆନେ, ଏନାୟି ବାରେ ତଞ୍ଜାଆନେ ଏନି ବାରେ ଉଜେଡ଼ି । ^{୧୪} ଏଦାଆଁତାକି ରାସ୍ତକି ଆହାମାନେ, “ଇଦା କିହାମାନାତେରି, ନିଜାଦୁ,

☆ ୪:୨୨ ୪:୨୨ କଲସି ୩:୯ ☆ ୪:୨୪ ୪:୨୪ କଲସି ୩:୧୦ ☆ ୪:୩୨ ୪:୩୨ କଲସି ୩:୧୩

ହାଡ଼ାରି ତାଣାଟି ନିଜାପୁ,
ଅଡ଼େ କ୍ରୀସ୍ତ ମିଜେ ଉଜେଡ଼ି ହିୟାନେସି ।”

୧୫ ଇଚିହଁ ବୁଦି ହିଲାଆ ଗାଟାରିଲେହେଁ ଆଆନା ବୁଦି ମାନାରି ଲେହେଁ ମୀ ନୀତିନାଣି ତାକି ଜାଗ୍ରାତା ଆପୁ, ବୁଦି ହିଲାଆଗାଟାତେରି ଲେହେଁ ଆଆନା ବୁଦି ଗାଟାତେରି ଲେହେଁ ଆପୁ । ୧୬ * ପାଗାତି ନେହଁକଁ ଲେୟାଦୁ, ଏନାଆଁତାକି ଇଚିହଁ କାଲା ଲାଗେଏତାୟି । ୧୭ ଏଦାଆଁତାକି, ବୁଦି ହିଲାଆ ଗାଟାରିଲେହେଁ ଆଆନା ପ୍ରବୁତି ଅଣ୍ଟପୁ ଏନାୟି ଏଦାଆଁ ତେଲହାଦୁ ।

୧୮ ଅଡ଼େ କାଡ଼ ରାସାନା ହଡ଼ାଆଦୁ, ଏନାଆଁତାକି ଇଚିହଁ ଏଫି ମିଜେ ନାସା କିୟାନୁ; ସାମା ପାଡୁ, ସୁଦୁଜୀଝୁଟି ଜହରା କିହଁ ରଅତେରି ରଅଣାଇଁ ବାସୁଁ ହାଦୁ, ୧୯ *ଅଡ଼େ ମୀ ହିୟାଁ ମାହାପୁରୁ ତାକି ସୁଦୁଜୀଝୁ ତଲେ ଜହରା ପାଡୁ ପାଡ଼ାଦୁ । ୨୦ ବାରେବେଲା ବାରେ କାତାତାକି ପ୍ରବୁ ଜୀସ୍ତ କ୍ରୀସ୍ତତି ଦରୁତଲେ ଆବା ମାହାପୁରୁଇଁ ଜହରା କିଦୁ ।

ତକ୍ତି ଅଡ଼େ ତକ୍ତା

୨୧ ଅଡ଼େ କ୍ରୀସ୍ତଇଁ ଆଜାନା ରଅତେରି ରଅଣାଇଁ ମାନି କିଦୁ ।

୨୨ *ଏ ଆୟାସିକା ମୀରୁ ଏନିକଁ କ୍ରୀସ୍ତଇଁ ମାନି କିହିମାନି ଲେହେଁ ମୀରୁ ମୀ ତକ୍ତାୟାଣି ମାନି କିଦୁ, ୨୩ ଇଚିହଁ କ୍ରୀସ୍ତ ଏନିକଁ କୁଲମିତି ତାୟଁ ୁଲେହେଁ, ତକ୍ତା ଜିକେଏ ଏଲେକଁ ତକ୍ତିନି ତାୟଁ ଲେହେଁତାସି, ଇଞ୍ଜାଁ କ୍ରୀସ୍ତ ତାନି ଆଜା ଲେହେଁତି କୁଲମିତି ଗେଲପିନେସି । ୨୪ ହାଅ, କୁଲମି ଏନିକିହଁ କ୍ରୀସ୍ତଇଁ ମାନି କିନେ, ଏଲେକିହଁ ତକ୍ତିସିକା ଜିକେଏ ବାରେ କାତାତା ତାମି ତକ୍ତାୟାଣି ମାନି କିଦୁ ।

୨୫ *ଏ, ତକ୍ତାୟାଁତେରି, କ୍ରୀସ୍ତ ଏନିକଁ କୁଲମିତି ଜୀଝୁ ନଡ଼େସି, ମୀରୁ ଜିକେଏ ଏଲେକିହଁ ମୀ ତକ୍ତିସିକାଣି ଜୀଝୁନଦୁ; ଇଚିହଁ ଏଝାସି ଏଦାନାକି ତାନି ଜୀଝୁ ହୀତେସି, ୨୬ ଏଝାସି କୁଲମିତି ବଲୁ ଅଡ଼େ ଏୟୁତଲେ ନରହାନା ମାହାପୁରୁ ତାକି ସୁଦୁ କିହାନା ହେବପିତେସି, ୨୭ ଏନିକଁ କୁଲମି ଗାହାଁଗାରି, ଅଡ଼େ ଦହ ହିଲାଆଗାଟାୟି ଆହାନା ସୁଦୁ ଗାଟାୟି ଆନେ, ଅଡ଼େ ଏଲେକିହଁ ଏ ଗାଝୁରି ତଲେ ମାହାପୁରୁ ତାନି ତାଣା ଅନେସି । ୨୮ ଏଲେକିହଁ ତକ୍ତାୟାଁ ଜିକେଏ ତାନି ତକ୍ତିସିକାଣି ଜାହାରା ଆଜା ଲେହେଁ ଜୀଝୁନନାୟି ମାନେ, ଆୟାଆସି ଜାହାରା ତକ୍ତିନି ଜୀଝୁ ନଡ଼େସି, ଏଝାସି ଜାହାରାଇଁ ଜୀଝୁ ନଡ଼େସି; ୨୯ ଆୟାଆସି ଜିକେଏ ଜାହାରା ଆଜାତି ନାଦୁ ଅପଅଁ ଇଞ୍ଜାଁ ଇନଅସି, ସାମା ତାନି ଆଜା ତାକି ତିନେସି ଉନେସି ଅଡ଼େ ଜାଡ଼ନୁ ଇଚିନେସି, କ୍ରୀସ୍ତ ଜିକେଏ କୁଲମିତାକି ଏଲେକିହଁ କିନେସି, ୩୦ ଏନାଆଁତାକି ଇଚିହଁ ମୀରୁ ତାନି ଆଜାତି ଆଜା ଉଡ଼େଲି ତାୟି । ୩୧ ଦାମ୍ବୁପତିତା ରାସ୍ତିକି ଆହାମାନେ, “ଇଦାଣି ତାକି ଆବାଟି ତାଲି ତାଞ୍ଜିଇଁ ପିସାନା ଜାହାରା ତକ୍ତି ତାଣା ଆଣ୍ଡିନେସି, ଅଡ଼େ ଏରିଆରି ରଣ୍ଡିଏ ଆଜା ଆନେରି ।” ୩୨ ଇ ଦାମ୍ବୁ ସାସ୍ତେରିତା ରାସ୍ତିକି ଆହାମାନି ତାଣା ହାରେକା ତୁହାମାନି କାତା ମାନେ, ସାମା ନାଦୁ କ୍ରୀସ୍ତ ଅଡ଼େ କୁଲମିତି କାତା ଝେସିମାଞ୍ଜଇଁ । ୩୩ ଏନାୟି ଆପେ, ମୀରୁ ବାରେଜାଣା ଜାହାରା ତକ୍ତିଇଁ ଜାହାରା ଜୀଝୁ ଲେହେଁ ଜୀଝୁନଦୁ, ଇଞ୍ଜାଁ ତକ୍ତି ଜିକେଏ ଜାହାରା ତକ୍ତାଇଁ ମାନି କିନାୟିମାନେ ।



ତାଲି ତାଞ୍ଜି ଅଡ଼େ କକାରି ପଦାଁ

୧୧ କକାରି ପଦାୟାଁତେରି, ପ୍ରବୁତି ତାକି ମୀ ତାଲି ତାଞ୍ଜି କାତା ମାନୁଁ ଆପୁ; ଇଚିହଁ ଏଡ଼ି ମିଜେ ତାକି ନେହାୟି । ୨ “ମୀ ତାଲି ତାଞ୍ଜିଇଁ ମାନି କିଦୁ, ଇଦି ମାହାପୁରୁ ଆଞ୍ଜାମାନି ର କାଜା ହୁକୁମି, ୩ ଏନିକିହଁ ମିଜେ ନେହଁ ଆନେ, ଇଞ୍ଜାଁ ମୀରୁ ଦାବୁତିତା ହାରେକା ଦିନା ନୀତିଦେରି ।”

୪ *ତାଲି ତାଞ୍ଜି ତେରି, ମୀ କକାରି ପଦାଁଣି କପା କିଆଦୁ, ସାମା ଏଝାରାଇଁ ପ୍ରବୁତି କାତା ଜାପୁଡୁ ଅଡ଼େ ସେଡ଼ନା ତଲେ ପହୁକିଦୁ ।

ହଲିୟା ଅଡ଼େ ସାଝୁକାରି

୫ *ଏ ହଲିୟାଜାତେରି, ମୀରୁ ଏନିକଁ କ୍ରୀସ୍ତଇଁ ମାନୁଁ ଆହିମାଞ୍ଜେରି, ଏଲେକିହଁ ଆଜି ଅଡ଼େ ତାରୁଗିହଁ ତାରି ହିୟାଁ ତଲେ ମୀ ଦାବୁତିତି ସାଝୁକାରିୟାଁ କାତା ଆହୁଦୁ; ୬ ମାଣସିଇଁ ରାହାଁ କିନିଲେହେଁ ତାନି ନକିତା ଏଦାଆଁ କିଆଦୁ, ସାମା କ୍ରୀସ୍ତତି ହଲିୟା ଲେହେଁ ହିୟାଁ ତଲେ ମାହାପୁରୁତି ଅଣ୍ଟପୁ ତାରିକିଦୁ

* ୫:୧୬ ୫:୧୭ କଲସି ୪:୫ * ୫:୧୯ ୫:୧୯ କଲସି ୩:୧୭,୧୭ * ୫:୨୨ ୫:୨୨ କଲସି ୩:୧୮; ୧ପିତ ୩:୧ * ୫:୨୫ ୫:୨୫ କଲସି ୩:୧୯; ୧ପିତ ୩:୭ * ୬:୧ ୬:୧ କଲସି ୩:୨୦ * ୬:୪ ୬:୪ କଲସି ୩:୨୧ * ୬:୫ ୬:୫ କଲସି ୩:୨୨-୨୫

। ୭ ଖାରଜ ମାଣସିୟାତି ସେବା କିହିମାନମି ଇଞ୍ଜି ଅଣ୍ଡପାନା ପ୍ରବୃତି ସେବା କିନିଲେହେଁ ରାହାତଲେ ଏଦାଆଁ କିଦୁ, ୮ ଇଦାଆଁ ପୁଞ୍ଜାନା, ଏଝାସି କଡ଼ିତି ହଲେଏସି ଆଡ଼ପସି କି ହଲେଏସି ଆଆପେସି ପ୍ରବୁ ବାରେ ଲକ୍ଷୁକି ଏଝାରି ନେହଁ କାମାତାକି ଏଝାରି ଏନାଆଁ ବେଟାଆନାୟି ମାନେ ଏଦାଆଁ ହାନେସି ।

୯ *ଏ ସାଧୁକାରିୟାତେରି, ହଲିୟାଙ୍ଗାଣି ଲାଗେଏ ତଲେ ଲେମ୍ବାଆଦୁ କି ଏଝାରାଇଁ ଆଜିକିଆଦୁ; ମୀରୁ ଅଡ଼େ ମୀ ହଲିୟାଙ୍ଗା ବାରେଜାଣା ତେରି ଲାକପୁରୁତି ପ୍ରବୃତି ହଲିୟାଙ୍ଗାତେରି; ଏଝାସି ବାରେଜାଣାତି ପାରଡ଼ା ବାତି କିଆନା ବିଚାରା କିନେସି ।

ମାହାପୁରୁତି ଜୁଜୁକିନି ଜୁତି

୧୦ ତାୟୁତି କାତା ଇଦି, ପ୍ରବୁ ତାଣାଟି ବାଡ଼ୁୟୁ ବେଟାଆହାନା ଏଝାଣି ବାଡ଼ୁୟୁତି ବାଡ଼ୁୟୁ ଗାଟାତେରି ଆଦୁ । ୧୧ ମୀରୁ ଏନିକଁ ସୟତାନତି ବାରେ ପଲ୍ଲଆ କାମାଟି ଜୀଣା ଆୟାଲି ଆଡ଼ିଦେରି, ଏଦାଆଁତାକି ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତି ବାରେ ତୁରଦୁ । ୧୨ ଇତିହଁ ମା ଜୁଜୁ ବାରତିତାରି କପାଟି ଆଏ, ସାମା ଲାକପୁରୁତି କାଜାପାଣା କପାଟି, ସାଲୁଝି କିନାରି କପାଟି ଇ ଆନ୍ଦେରିତି ପାଣାଗାଟାରି କପାଟି ଅଡ଼େ ହାଗୁ ପାକାତି ପଲ୍ଲଆ ଜୀଝୁୟାଁ କପାଟି ଜୁଜୁ କିହିମାନାୟି । ୧୩ ଏଦାଆଁତାକି ନାଏଁ ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତିତି ତୁରଦୁ, ଆତିହଁ ଲାଗେଏତି ବେଲାତା ମୀରୁ ସାତୁ ନକିତା ନିଚାଲି ଆଡ଼ିଦେରି ଇଞ୍ଜି ରାନି ପାତେକା ଜୁଜୁକିହଁ ତାରିଆହାଁ ଡ଼ୟାଲି ଆଡ଼ିଦେରି ।

୧୪ ଇତିହଁ, ସାତାତି ଜାତି ଟେଟେଲିତା ରୁପାକତାହାଁ, ଦାମ୍ପୁତି ବକ ପାଟା ଲେହେଁ ତୁରଦୁ, ୧୫ ହିଡ଼ଡ଼ି ହାନି ନେହଁ କାବୁତାକି ଅଜିକିଝି ଆହାମାନି ସେପୁୟାଁ କତାଣା ତୁରହାନା ତାଟା ଆହାମାଞ୍ଜୁ; ୧୬ ବାରେବେଲା ନାମୁତି ଆତୁ ପାଟା ଆସାମାଞ୍ଜୁ, ଏଦାଣି ତଲେ ମୀରୁ ସୟତାନତି ବାରେ ଡ଼ାଞ୍ଜିମାନି ଆପକାତି ହିରୁ ବାରେ ତୁପହାଲି ଆଡ଼ିଦେରି । ୧୭ ଅଡ଼େ, ଗେଲ୍ପିନି ଟେପରି ତାୟୁଁ ତୁା ତୁରଦୁ ଅଡ଼େ ସୁଦୁଜୀଝୁତି ହିୟାତି ମାହାପୁରୁତି ବଲୁଡ଼ି କାଣ୍ଡା ଆହଦୁ; ୧୮ ବାରେଲେହେତି ପ୍ରାତାନା ଅଡ଼େ ବାତିମାଲିନି ତାଣା ବାରେବେଲା ସୁଦୁଜୀଝୁ ସାୟେମି ତଲେ ପ୍ରାତାନା କିଦୁ, ଇଞ୍ଜି ବାରେ ମାହାପୁରୁ ଲକ୍ଷୁତାକି କାପୁ କାଟାନା ପ୍ରାତାନା କିହେମାଞ୍ଜୁ । ୧୯ ଅଡ଼େ, ନାଜେତାକି ଜିକେଏ ପ୍ରାତାନା କିଦୁ, ଏନିକଁ ନେହଁ କାବୁତାକି ଦୁତୁ ସମାନା ନାନ୍, ନାଜେ ଏ ଡ଼ଗୁମାନାଣି ପୁଣିକି ହାଲି ସାସାତଲେ ବଲୁ ଝେସାଲି ମାହାପୁରୁ ନା ଗୁତିତା ନେହଁ କାବୁ ହିୟାନେସି । ୨୦ ଅଡ଼େ ନାନ୍ ଏନିକଁ ଏମ୍ବାତି ସାତା କାତା ସାସାତଲେ ଝେସାଲି ଆଡ଼ିଇଁ ।

ଜହରା ଝେସାହାଁ ଆକୁତି ରାମ୍ପାନାୟି

୨୧ *ନା କାତା, ଇତିହଁ ନାନ୍ ଏନିକଁ ମାଇଁ, ଇଦାଆଁ ମୀରୁ ଜିକେଏ ଏନିକଁ ପୁଞ୍ଜାଲି ଆଡ଼ିଦେରି, ଇଦାଣି ତାକି ନା ଜୀଝୁତି ତାୟି ଅଡ଼େ ଜ୍ରାସୁତି କାମାତା ନାମୁତି ହଲେଏସି ତୁକିକ, ନା ବାରେ କାତା ଏଝାସି ଝେସାନେସି; ୨୨ ଏ ବାରେ କାତା ଝେସାଲି ନାନ୍ ଏଝାଣାଇଁ ମୀ ତାଣା ପାଣାତେଏଁ, ଏନିକଁ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି ଅଡ଼େ ମୀ ହିୟାଁ ଏଝାଣି ତାଣାଟି ରାହାଁ ଆନେ ।

୨୩ ଆବା ମାହାପୁରୁ ଅଡ଼େ ପ୍ରବୁ ଜୀସୁ ଜ୍ରାସୁଇଁ ନାମିତି ତାୟି ତାଜିସ୍ବାକି ହିଡ଼ଡ଼ି, ଜୀଝୁନନାୟି ଅଡ଼େ ନାମୁ ହିୟାପେସି । ୨୪ ଏଚେକା ଲକ୍ଷୁ ମା ପ୍ରବୁ ଜୀସୁ ଜ୍ରାସୁଇଁ କାଲେଏ ଜୀଝୁ ନନେରି, ମାହାପୁରୁତି କାର୍ମାମେହନାୟି ଏ ବାରେତାକି ଆପେ ।

* ୭:୯ ୭:୯ କଲସି ୪:୧; କଲସି ୩:୨୫ * ୭:୧୧ ୭:୧୧ କାମା ୨୦:୪; ୨ତିମ ୪:୧୨ * ୭:୨୧ ୭:୨୧ କଲସି ୪:୭,୮

ଫିଲିପୀୟ ମଣ୍ଡଳୀ ନିକଟକୁ ପାତଳକ ପତ୍ର ପିଲିପି କୁଲମିତାକି ପାସ୍କୁଲ ରାଡ଼ାମାନି ଆକୁ ମୂଳୁ ହାଡ଼ା

ପିଲିପି ଜୀସୁ କ୍ରୀସ୍ତ ଜାର୍ନାଆଡ଼ି ୬୧ ବାର୍ଷୀ ତାୟୁ ପାସ୍କୁଲ ପିଲିପି କୁଲମିତି ନାମିତି ତାୟିୟାଁ ତାଣା ଆକୁ ରାଡ଼ିମାନେସି । ପାସ୍କୁଲ ରମ୍ପତି କାୟିଦିତା ମାତାଟି ଈ ଆକୁ ରାଡ଼ା ତୁୟିନେସି୧:୧୩ । ପିଲିପି ଗାଡ଼ା ବିତ୍ତୁ ଆହାମାନି କୁଲମିତାକି ଈ ଆକୁ ରାୟକି ଆହାମାଟେ । ମାରୁ ପାଣ୍ଡୁଆହାମାନି ପତିତା ଜିକେଏ ପିଲିପି ଆକୁତି କାତା ଇଚାଣି ପୁଞ୍ଜାଲି ଆଡ଼ିନାୟି । ପିଲିପି ମାକିଦନିୟାତି ରାକ୍ତିତ କାଜା ଗାଡ଼ା ମାଟେ । ଇଦି ମାକିଦନିୟାତା ଆଡ଼ି ମୂଳୁ କୁଲମି ମାଟେ । ପାସ୍କୁଲ ଅଡ଼େ ସିଲ୍ଲ ଆଣ୍ଡ଼ି ଆହାମାନି ଇ କୁଲମି ମାଟୁହା ମାଟେରି । ଅଡ଼େ ଏମାଆଁ ମାତାଟି ର ଲାଆଁୟାଁ ତାକି କାୟିଦିତା ଇଟକି ଆହାମାଟେରି କାମା ୧୬ ।

ପାସ୍କୁଲ ଈ ଆକୁ ରାଡ଼ାଲି ହାଟେରକା କାତା ତୁୟିନେ । ଏଞ୍ଜାସି କାୟିଦିତା ମାନି କାତା ଖେଞ୍ଜାନା ଲକୁ ଦାନୁ କୁଡ଼ି କିହାନା ପାଣ୍ଡାମାତାକି କୁଲମିତି ଜହରା କିହାଲିତାକି ଆକୁ ରାଡ଼ିମାନେସି ୪:୧୦-୧୯ । ଏଞ୍ଜାସି ତାନି କାୟିଦିତା ମାନି କାତା ଖେସାନା କୁଲମିତା ତିମତି ଅଡ଼େ ଏପାପ୍ରଦିତାଈଁ ହେଟୁପି ମାନେସି, ନାମିତି ତାୟିୟାଁ ଏନିକିଁ ଏଞ୍ଜାରାଇଁ ମାନି ତଲେ ଆବିନେରି ଅଡ଼େ ଏଞ୍ଜାରି ନକିକିହା ଅନାଣି କାତା ମାନି କିନେରି୨:୧୯-୩୦ ।

ପତିତା ମାନାୟି

- ୧. ପିଲିପି କୁଲମିତି ପାସ୍କୁଲତି ଜହରା । ୧:୧-୨
- ୨. ପାସ୍କୁଲତି ମାଣକି ଅଡ଼େ ଏଞ୍ଜାଣି ଅଣ୍ଡୁ । ୧:୩-୨:୩୦
- ୩. ନାମିତି ତାୟିୟାଁ କ୍ରୀସ୍ତ ତାଣା ମାଞ୍ଜା ନୀତାଲି ଖେହ୍ନାୟି । ୩:୧-୪:୯
- ୪. ପାସ୍କୁଲ ଦାନା ତାକି ପିଲିପି କୁଲମିତା ଜହରା ଖେହ୍ନାୟି । ୪:୧୦-୨୩

ପାସ୍କୁଲତି ଜହରା ଅଡ଼େ ପ୍ରାତାନା

୧ *ପାସ୍କୁଲ ଅଡ଼େ ତିମତି, କ୍ରୀସ୍ତ ଜୀସୁତି ରୀ ହଲିୟାଜ୍ଜା, ପିଲିପି ଗାଡ଼ାତା ମାନି କ୍ରୀସ୍ତ ଜୀସୁ ତାଣା ତୁୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜାଁ କୁଲମିତି ସେବା କିନାରାକି ଈ ଆକୁ ରାୟକି ଆହାମାନେ ।

୨ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍ନାୟି ଇଞ୍ଜାଁ ହିଡ଼ି ଜୀସୁ ମିଜ୍ଜେତାକି ଆୟାପେ ।

ପାସ୍କୁଲତି ପ୍ରାତାନା

୩ ନାନୁ ମିଜ୍ଜେ ଏତର ଦେବା ଅଣ୍ଡିପି ମାଞ୍ଜାଇଁ, ଏତର ଦେବା ନା ମାହାପୁରୁଈଁ ଜହରା କିହିମାଇଁ । ୪ ନାନୁ ବାରେଦିନା ମିଜ୍ଜେତାକି ପ୍ରାତାନା କିନାଟି ନାନୁ ହାଟେରକା ରାହାଁତଲେ ପ୍ରାତାନା କିହିମାଇଁ, ୫ ଏନାଆଁତାକି ଇତିହଁ ମୀ ମୂଳୁ ଦିନାଟିଏ ନାଏଁ ପାଡେକା ନେହଁ କାବୁ ଖେକ୍‌ହାଲି ମୀରୁ ନାଜ୍ଜେ ସାଟେନି କିହିମାଞ୍ଜାଦେରି, ୬ ଏଦାଆଁତାକି ନାନୁ ଈ କାତାତି ସାତା ଇଞ୍ଜାଁ ଅଣ୍ଡିପିମାଇଁ, ଆମିନି ପ୍ରବୁ ମୀ ତାଣା ଈ ନେହଁ କାମା ମାଟୁହାମାନେସି, କ୍ରୀସ୍ତ ଜୀସୁତି ଖେଣ୍ଡାଞ୍ଜାନ୍ତି ଦିନା ରାନ୍ତି ପାଡେକା ଏଞ୍ଜାସି ଏଦାଆଁ କିନେସି । ୭ ଅଡ଼େ ମୀ ବାରେତାକି ନା ଇଲେତି ଅଣ୍ଡିପିନାୟି ମାନେ, ମୀରୁ ବାରେ ଏନିକିଁ ନା ତଲେ ନେହଁ କାବୁ ଖେକ୍‌କି କାୟିଦିତା ଆଣ୍ଡିମାଞ୍ଜାଦେରି, ଅଡ଼େ ଏମାତି ସାତା ପାର୍‌ମାଣା ତସାଲି ନା ତଲେ ଆଣ୍ଡିମାଞ୍ଜାଦେରି, ଏଦାଆଁତାକି ନାନୁ ନା ହିୟାଁତା ମିଜ୍ଜେ ଆବାମାଞ୍ଜାଇଁ । ୮ ମୀ ବାରେଜାଣା ତାକି ହାଟେରକା ଜୀସୁ ନନାଣି କ୍ରୀସ୍ତ ଜୀସୁ ତାଣାଟି ବେତାଆହାମାଇଁ ଇଞ୍ଜାଁ ଏତିବେଲାତା ନାନୁ ଖେହ୍‌ଇଁ, ଏଦି ସାତା, ଏଦାଆଁତାକି ମାହାପୁରୁ ନା ସାକି ।

୯ ଅଡ଼େ, ନା ପ୍ରାତାନା କିନାୟି ଇଦି, ମୀ ଜୀସୁନନାୟି, ନେହଁ ବୁଦି ପୁନାୟି, ଅଡ଼େ ବାରେ ନେହଁ ଅଣ୍ଡିପୁ ହାଟେ ହାଟେରକା ପାତା ଆପେ, ୧୦ ଏନିକିହଁ ମୀରୁ ଏନାୟି ନେହାୟି ଏଦାଆଁ ଆଡ଼ାଲି ଆଡ଼ିଦେରି, ଆଡ଼ିହଁ ମୀରୁ କ୍ରୀସ୍ତତି ଖାନ୍ତି ଦିନାତା ସୁବୁ ଗାଟାଟେରି ଆଡ଼ିଦେ, ଅଡ଼େ ନିନ୍ଦା ଗାଟାଟେରି ଆଡ଼ିଦେରି,

* ୧:୧ ୧:୧ କାମା ୧୭:୧୨

୧୧ ମାହାପୁରୁଷ ଗାଧୁରମି ଇଞ୍ଜା ନେହୁଁ ଝେହ୍ନାଣି ତାକି ମୀ ଜୀଝୁ ଜୀସୁ କ୍ରୀସୁ ହାହାମାନି ବାରେ ନେହୁଁ ଗୁଣୁ ବେଟାଆନେ ।

କ୍ରୀସୁ ତାଣା ନୀତିନାୟି

୧୨ ତାୟି ତାଜିୟାତେରି, ନାଜେତାକି ଏନା ଏନାୟି ଆହାମାଞ୍ଜାନେ, ଏ ବାରେ ନେହୁଁ କାବୁ ପାତାଆହାଲି ତାକି ଆହାମାନେ, ଇଦାଆଁ ନାନୁ ମିଜେ ପୁଣ୍ଡି କିହାଲି ଅଣପିମାଲ୍; ୧୩ ଇତିହୁଁ ନାନୁ କାୟିଦିତା ମାଗାୟି କ୍ରୀସୁ ତାକି, ଏଦି ରାଜା ଇଲୁତା କାଃଆନି ବାରେ କସ୍ତା ଇଞ୍ଜା ଏଟକାତି ବାରେଜାଣା ନକିତା ତଞ୍ଜାଆଡେ; ୧୪ ଅଡେ ଜିକେଏ ହାରେକା ତାୟି ତାଜିୟା ନାନୁ କାୟିଦିତା ମାନାକି, ମାହାପୁରୁ ତାଣା ବାସୁ ଇଗାନା ଆଜାଆନା ମାହାପୁରୁଷ କାବୁ ଝେକହାଲି ହାରେକା ସାସା ଗାଟାରି ଆହାମାନେରି ।

୧୫ ଆମ୍ବା ଆମ୍ବାଆରି ତାହାରା ଅଡେ ଗଡ଼ହା ତାକି କ୍ରୀସୁତି କାତା ଝେକହି ମାନେରି ସାତା, ସାମା ଆମ୍ବା ଆମ୍ବାଆରି ସାତା ତଲେ କିହିମାନେରି; ୧୬ ନାଜେ ନେହୁଁ କାବୁତି ସାକି ଆହାଲିତାକି ମାହାପୁରୁ ଆଡାମାଞ୍ଜାତେସି, ଏଦାଆଁ ପୁଞ୍ଜାନା ସାତା ଜୀଝୁ ନନାଣି ତାକି ଏଦାଆଁ କିନେରି, ୧୭ ଏଟକାତାରି ମାନି ତଲେ କ୍ରୀସୁତି ବଲୁ ଝେହ୍ନାଆନା ଜାହାରା ଲାବା ତାକି କିହିମାନେରି । ନାନୁ କାୟିଦିତା ମାନାଟି ନା ହିୟାତା ହାରେକା କସ୍ତ ହାହାଲି ଏଝାରି ଏଦାଆଁ କିହିମାନେରି ।

୧୮ ବାଦା ହିଲେଏ ? ତାହାରା ତଲେ ଆପେ କି ନେହେଁ ତଲେ ଆପେ କ୍ରୀସୁ ସାତେଏ ଝେଜିମାନେସି, ଏଦାଆଁତାକି ନାନୁ ରାହାଁ କିହିମାଲ୍, ଅଡେ ଜିକେଏ ରାହାଁ କିହିମାଲ୍ ।

୧୯ ଇତିହୁଁ ନାନୁ ପୁଞ୍ଜାମାଲ୍, ମୀ ପ୍ରାତାନା ଇଞ୍ଜା ଜୀସୁ କ୍ରୀସୁତି ସୁଦୁଜୀଝୁତି ସାଢେମି ତଲେ ନା ରେଲପିନାୟି ଆନେ, ୨୦ ଏଦାଆଁତାକି ନା ରଣିଏ ଆସା ଅଡେ ବାସୁ ମାନେ, ନାନୁ ଏନି କାତାତା ଜିକେଏ ଲାଜା ଆଅଁ, ସାମା କାଲେଏ ଏନିକି ଆହିମାତେସି, ନୀସି ଜିକେଏ ଏଲେକି ହାରେକା ବାଡ଼ୁଲୁ ତଲେ ହାଡ଼ିହୁଁ କି ଜୀଝୁ ମାଟିହୁଁ, କ୍ରୀସୁଲ୍ ନା ଆଜା ତଲେ ଗାଧୁରମି କିଲ୍ । ୨୧ ଇତିହୁଁ ନା ନୀତାମାନାୟି ଝାଡ଼ଇ କ୍ରୀସୁ, ଏଦାଆଁତାକି ନାନୁ ହାନାୟି ନାଜେତାକି ଲାବା । ୨୨ ସାମା ନାନୁ ଆଜା ତଲେ ନୀତା ମାଞ୍ଜାନା ହାରେକା ପାଡ଼େୟି ଆୟାଲି ଆଡ଼ିଲ୍, ଆତିହୁଁ ନୀତାମାନାଣି କି ହାନାଣି ବାଟି କିଲ୍ ନାନୁ ପୁଞ୍ଜାଲି ଆଡ଼ିହିଲଅଁ । ୨୩ ନାନୁ ରୀ ଝାକି ରେସକି ଆହିମାଲ୍; ଇ ଜୀଝୁତି ପିସାନା କ୍ରୀସୁ ତଲେ ମାଞ୍ଜାଲି ଅଣପିମାଲ୍, ଏଦି ହାରେକା ନେହାୟି; ୨୪ ସାମା ନାନୁ ଆଜା ତଲେ ମାନାୟି ମିଜେତାକି ହାରେକା ଲଡ଼ାମାନେ । ୨୫ ନାନୁ ନେହୁଁକି ପୁଞ୍ଜାମାଲ୍, ନାନୁ ଡ଼ୟିଲ୍, ହାଅ ମୀ ନାମ୍ବା ଅଡେ ରାହାଁତି ପାତିକିହାଲି ମୀ ବାରେ ତଲେ ଡ଼ୟିଲ୍, ୨୬ ଏନିକି ମୀ ବିତ୍ରା ନା ଝେଣ୍ଡା ଝାଡ଼ାକି ନା ତାଣାଟି କ୍ରୀସୁ ଜୀସୁ ତାଣା ମୀ ବତପଣ ଗତିଆନେ ।

୨୭ ନା ଅଣପୁ ଇଦି, କ୍ରୀସୁତି ନେହୁଁ କାବୁତି ଜରୋତି ଲକୁ ଲେହେଁ ନୀତାଦୁ, ଏନିକି ନାନୁ ମୀ ତାଣା ଝାହାନା କି ହେକ ମାଞ୍ଜାନା ମୀ କାତା ଝେଞ୍ଜାହାଁ ପୁଞ୍ଜାଲି ଆଡ଼ିଲ୍, ମୀରୁ ବାରେତେରି ରଣିଏ ଜୀଝୁ ରଣିଏ ଅଣପୁ ତଲେ ତାରିଆହାନା ନେହୁଁ କାବୁତି ନାମ୍ବା ତାକି ଜୁଜୁ କିହିମାଞ୍ଜେରି, ୨୮ ଇଞ୍ଜା ମିଜେ କସ୍ତ ନିନା ହାହିମାଞ୍ଜାନି ସାବୁୟାଲ୍ ଏତେଲାଝା ଆଜାଆଦୁ; ଏଦି ଏଝାରି ନାସା ଆନାୟି, ସାମା ମିଜେତାକି ଗେଲପିନାୟି ମାହାପୁରୁ ହାହାମାନି ର ସିନା; ୨୯ ଇତିହୁଁ କ୍ରୀସୁ ତାଣା ଝାଡ଼ଇ ନାମାଲି ତାକି ମୀରୁ ପାରୁ ମେଡ଼ା ଆହାମାଞ୍ଜେରି, ଏଦି ଆଏ, ସାମା ଏଝାଣି ତାକି ଦୁକୁ ବେଟାଆହାଲି ଜିକେଏ କାର୍ମା ମେଡ଼ା ଆହାମାଞ୍ଜାନେ; ୩୦ ଅଡ଼େ ନାନୁ ଏନିକି ଜୁଜୁ କିହିମାତାଣି ମେସାମାଞ୍ଜାତେରି, ଇଞ୍ଜା ନୀସି ଜିକେଏ କିହିମାନେସି ଇଞ୍ଜୁ ଝେଞ୍ଜିମାଞ୍ଜେରି, ଏଲେକିହୁଁ ମୀରୁ ଜିକେଏ ଜୁଜୁ କିଦୁ ।

୨

କ୍ରୀସୁତି ମାଣକି ଅଡ଼େ କାଜାପାଣା

୧ କ୍ରୀସୁ ତଲେ ମାନାକି ମୀରୁ ଜୀଝୁତା ବାସୁ ବେଟାଆହାମାଞ୍ଜେରି, ଅଡ଼େ ତାନି ଜୀଝୁନନାୟି ମିଜେ ସାସା ହାହିମାଞ୍ଜାନେ । ମୀରୁ ସୁଦୁଜୀଝୁତା ଆଣିମାଞ୍ଜେରି ପୁଞ୍ଜିମାଞ୍ଜେରି ଅଡ଼େ ରଅତେରି ରଅଣାକି ମୀ ଜୀଝୁନନାୟି ଅଡ଼େ କାର୍ମାମେହ୍ନାୟି ମାନେ, ୨ ନାନୁ ମିଜେ ବାଟିମାଲିମାଞ୍ଜାଲ୍ ମୀରୁ ରଣିଏ ଅଣପୁ ତଲେ, ରଣିଏ ଜୀଝୁନନାଣି ତଲେ, ରଣିଏ ହିୟାଁ, ରଣିଏ ଅଣପୁ ଆହାନା ନାଜେ ରାହାଁ କିୟାଦୁ, ୩ ମୀରୁ ମିଜେତାକି ନେହାଁଣି ଜୁପକା ଇଞ୍ଜା ହାରେକା ବତପଣ ତସାଲି ଏନାଆଁ କିଆଦୁ, ସାମା ସୁଦୁ ହିୟାଁ ଗାଟାତେରି ଆହାନା ଏଟକା ଲକୁଲ୍ ନା କିହାଁ କାଜାସି ଇଞ୍ଜୁ ଅଣପାଦୁ; ୪ ମୀରୁ ବାରେତେରି ଝାଡ଼ଇ ମିଜେତାକି ନେହୁଁ

* ୧:୧୩ ୧:୧୩ କାମା ୨୮:୩୦ * ୧:୩୦ ୧:୩୦ କାମା ୧୭:୧୯-୪୦

ଆନାଣି ଅଣ୍ଡାପାଆନା ଏବଂକା ଲକ୍ଷ୍ମୀ ନେହାଁଣି ଜିକେଏ ଅଣ୍ଡାପାଦୁ । ୫ କ୍ରୀସ୍ତ ଜୀସୁତି ଏନ୍‌ଲେହେତି ଅଣ୍ଡାପୁ
ମାତେ ମୀ ଅଣ୍ଡାପୁ ଜିକେଏ ଏଲେତାୟିଏ ଆଡେ;

୬ ଏଞ୍ଜାସି ମାହାପୁରୁ ଆଡ଼ିହୁଁ ଜିକେଏ,

ମାହାପୁରୁ ତଲେ ସମାନା ଆହୁଁ ମାଞ୍ଜାଲି ଅଣ୍ଡାପାଆନା ତାନି ଏ ଅଦିକାରା ପିସ୍ତେସି,

୭ ସାମା ଏଞ୍ଜାସି ମାଣ୍ଡସି ଖାଣା ଆହାନା ହରଲଏସି ଲେହେ ଆଡେସି ।

ମାଣ୍ଡସିଲେହେ ଆହାନା ମାଣ୍ଡସି ଖାଣା ତଲେ ତଞ୍ଜାଆଡେସି;

୮ ଏଞ୍ଜାସି ମାଣ୍ଡସିଲେହେ ତଞ୍ଜାଆହାନା ହାନ୍ତି ପାଡେକା, ହାଅ, ପାସି ମୁଣ୍ଡାତା ଲେପିଆହୁଁ ହାନ୍ତି ପାଡେକା
ହୁକୁମି ମାନ୍‌ଡ଼ି ଆଡେସି ଇଞ୍ଜା ତାନୁଏ ତାଜେ ଉଣା କିହା କଡିଡେସି ।

୯ ଏଦାଆଁତାକି ମାହାପୁରୁ ଏଞ୍ଜାଣାଇଁ ବାରେକିହାଁ କାଜାସି କିହାମାନେସି,
ଇଞ୍ଜା ବାରେ ଦରକା କିହାଁ କାଜା ଦରୁ ଏଞ୍ଜାଣାକି ହାହାମାନେସି,

୧୦ ଏନ୍‌କିଲ୍‌ଲାକପୁରୁ ଅଡେ ଦାର୍‌ଡିତା ଅଡେ ଦାର୍‌ଡିତି ତ୍ତଳ ମାନାଇଁ;
ଏ ବାରେ ଜୀସୁ ଦରୁତା ମେଣ୍ଡାକୁତାନା ଜହରା କିନୁ,

୧୧ ଅଡେ ଆବା ମାହାପୁରୁତି ଗାଞ୍ଜୁରମି ତାକି ବାରେଜାଣା ତାନି ଗୁତି ତଲେ ଜୀସୁ କ୍ରୀସ୍ତ ପ୍ରବୁ ଇଞ୍ଜୁଁ
ଜଲିନେରି ।

ଦାର୍‌ଡିତା ଉଜେଡ଼ି ଲେହେଁ ତଞ୍ଜାକୁ

୧୨ ନା ଜୀସୁତି ତଡ଼େସିକା, ମୀରୁ ବାରେବେଲା ନାଜେ ମାନ୍‌ଡ଼ି ଆହିମାଞ୍ଜାଦେରି, ଇଡିହୁଁ ନା ନକ୍ତିତା
କିନିଲେହେଁ ଆଏ, ସାମା ନୀର୍‌ନା ହିଲାଆ ବେଲାତା ହାରେକା ଆଜିତଲେ ତୀରୁଗିହୁଁ ମୀରୁ ଗେଲ୍‌ପି
ଆହାଲି ତାଲି କାମା କିଦୁ ୧୩ ଇଡିହୁଁ ମିଜେ ତାନି କାମା କିହାଲିତାକି ଇତା ଅଡେ ବାଡ଼ୁ କିହାଲିତାକି
ମାହାପୁରୁ ତାନୁଏ ମୀ ତାଣା କାଲେଏ କାମା କିହିମାନେସି ।

୧୪ ମୁରୁ ମୁରୁ ଅଡେ ବାଦିବାଦା ଆଆନା ମୀ ବାରେ କାମା କିଦୁ, ୧୫ ଏଲେକିଡିହୁଁ ମୀରୁ ଦହ
ହିଲାଆଗାଟାଡେରି ଅଡେ ସୁଦୁ ଗାଟାଡେରି ଆହାନା, ଇ ଲାଗେଏତାଣି ତଲେ ନାଡ଼ିକିନି ଲକ୍ଷ୍ମୀ ବିତ୍ତା
ମାହାପୁରୁତି ଦହ ହିଲାଆଗାଟି ମୀରକା ମାସ୍‌କାଡେରି ଆଡେରି; ଏଞ୍ଜାରିତାଣା ମୀରୁ ଜୀସୁତି ବଲ୍ଲୁ ଆସାନା
ଦାର୍‌ଡିତି ଉଜେଡ଼ି ଲେହେଁ ମୀରୁ ତଞ୍ଜା ଆହିମାଞ୍ଜେରି; ୧୬ ଏମାଟି ନାନୁ ଉଜେଏ ହତି ହିଲଅଁ କି ଉଜେଏ
କାମା କିହିଲଅଁ, ଏ ବାରେତାକି କ୍ରୀସ୍ତତି ଦିନାତା ବଡପଣ କିହାଲି ଆଡ଼ିଲ୍ ।

୧୭ ନା ନେଡେରି ମୀ ନାମୁ ତାକି ସେବାତା ଗସାଲି ପୂଜା ହାନି ନେଡେରିଲେହେଁ ତଞ୍ଜାଲି ଆହିମାନେ,
ଆଡିହୁଁ ନାନୁ ରାହାଁ ଆହିମାଇଁ, ଅଡେ ମୀ ତଲେ ଆଣ୍ଡାନା ରାହାଁ କିହିମାଇଁ, ୧୮ ଅଡେ ଏଲେକିହୁଁ ମୀରୁ
ରାହାଁ କିଦୁ ଇଞ୍ଜା ନା ତଲେ ରାହାଁ କିଦୁ ।

ତିମତି ଅଡେ ଏପାପୁଦିତ

୧୯ ସାମା ନାନୁ ତିମତିଲ୍ ତବେ ପାଣ୍ଡାଇଁ ଇଞ୍ଜୁଁ ପ୍ରବୁ ଜୀସୁ ତାଣା ଆସା କିହିମାଇଁ, ଏନ୍‌କିଲ୍‌ ମୀ
କାତା ଷେଞ୍ଜାନା ନାନୁ ଜିକେଏ ରାହାଁ ଆଲ୍ । ୨୦ ଏଞ୍ଜାସି ରଅସିଏ ନା ଲେହେତି ଅଣ୍ଡାପୁ ଗାଟାସି ଇଞ୍ଜା
ଏଞ୍ଜାସି ସାଡେଏ ମିଜେତାକି ଅଣ୍ଡାପି ମାଞ୍ଜାନେସି । ୨୧ ଇଡିହୁଁ ବାରେଜାଣା ଜୀସୁ କ୍ରୀସ୍ତତି ସେବା କିହାଲି
ଅଣ୍ଡାପାଆନା, ଖାଉଇ ତାନି ନେହାଁଣି ପାରାଲି ଅଣ୍ଡାପିନେରି । ୨୨ ତିମତି ତାୟିପାରି କିନିତାଣା ଜୀଣା
ଆହାମାନାସି ଏଦାଆଁ ମୀରୁ ପୁଞ୍ଜାମାଞ୍ଜେରି; ମୀରୁଏସି ଆବାତି ସେବା କିନିଲେହେଁ, ଏଞ୍ଜାସି ନେହୁଁ କାବୁ
ଝେକ୍‌କିନି କାମାତା ନା ତଲେ ସେବା କିହାମାନେସି । ୨୩ ଇଡିହୁଁ ନାଜେତାକି ଏନାୟି ଆନେ, ଏଦାଆଁ
ପୁଟିସାରେ ଏଞ୍ଜାଣାଇଁ ମୀ ତାଣା ପାଣ୍ଡାଇଁ ଇଞ୍ଜୁଁ ଆସା କିହିମାଇଁ; ୨୪ ପ୍ରବୁ ତାଣା ବାସୁଁ କିହିମାଇଁ ନାନୁ
ଜିକେଏ ମୀ ତାଣା ତବେ ଖାଉଁ ।

୨୫ ସାମା ନାନୁ ନା ତାୟି, ନା ତଲେ କାମାକିନାସି, ନା ଖାକିତି ଜୁକୁ କିନାସି, ଇଞ୍ଜା ନା ଲଡ଼ାମାନାଣି
ସାୟିନି କିହାଲି ମୀ ତାଣାଟି ପାଣ୍ଡେଆହାମାନି ସେବାକିନି ଏପାପୁଦିତାଇଁ ମୀ ତାଣା ପାଣ୍ଡାଇଁ ଅଣ୍ଡାପିମାଇଁ;
୨୬ ଇଡିହୁଁ ଏଞ୍ଜାସି ବାରେଡେରି ମିଜେ ମେସାଲି ହାରେକା ଅଣ୍ଡାପିମାନେସି, ଅଡେ ଏଞ୍ଜାସି ଆଡ଼ିହିଲଅସି
ଇଞ୍ଜୁଁ ଷେଡାକି ହାରେକା କିଲିବିଲି ଆହିମାନେସି; ୨୭ ହାଅ, ଏଞ୍ଜାସି ହାନ୍ତିଲେହେଁ ଆହାମାନେସି, ସାମା
ମାହାପୁରୁ ଏଞ୍ଜାଣାଇଁ କାର୍‌ମା ମେସ୍ତେସି, ଏଞ୍ଜାଣାଇଁଦେହେଁ ଆଏ ସାମା ଏନ୍‌କିଲ୍‌ ନାଜେ ଦୁକୁ ଲାକ ଦୁକୁ
ଝାଏ ଏଦାଆଁତାକି ନାଜେ ଜିକେଏ କାର୍‌ମା ଆୟାଡେସି । ୨୮ ଏଦାଆଁତାକି ମୀରୁ ଏଞ୍ଜାଣାଇଁ ଷେଣ୍ଡେ ମେସାନା
ରାହାଁ ଆଡେରି ଇଞ୍ଜା ନା ଦୁକୁ ଏନ୍‌କିଲ୍‌ ଉଣା ଆନେ, ଏଦାଆଁତାକି ନାନୁ ଏଞ୍ଜାଣାଇଁ ପାଣ୍ଡାଇଁ ହାରେକା
ଜାଡୁନୁ ଆଡେସି । ୨୯ ଏଦାଆଁତାକି ମୀରୁ ଏଞ୍ଜାଣାଇଁ ପ୍ରବୁତି ଦରୁତଲେ ହାରେକା ରାହାଁତଲେ ଆବାଦୁ,

ଇଞ୍ଜାଁ ଇଲେଟି ଗୁଣ୍ଡଗାଟି ଲକ୍ଷ୍ମଣି ମାନି କିଦୁ; ୩୦ ଏନାଆଁତାକି ଇଚିହଁ ମୀରୁ ନାଜେ ଏମିନି ସାୟେମି କିହାଲି ଆଡ଼ାଆତାଣି, ଏଦାଆଁ କିହାଲି ଏଝାସି କ୍ରୀସ୍ତତି କାମାତା ତାନି ଜାହୁତି ବାଦା ହୀହାନା ହାନିଲେହେଁ ଆହାମାଚେସି ।

୩

ସାତା ତୀରିଗାଟାୟି

୧ ନା ତାୟି ଅଡ଼େଡ଼ ତାଙ୍ଗିସ୍ମାତେରି, ବାରେଡି ତାୟୁ ପ୍ରବୁ ତାଣା ରାହାଁ କିଦୁ, ରଲେଏତି କାତା ଅଲେ ଅଲେ ରାଚାଲି ନାଜେତାକି ଝାହୁ ହଟିମାଞ୍ଜେଏ, ସାମା ଏ ବାରେ ମୀ ନେହେତାକି ଲଡ଼ାମାନେ । ୨ ଲାଗେଏ ପଲେଏ କାମାକିନାରି ତାଣାଟି, ନେସକାଟି ଜାଗ୍ରାତା, ଏ ତଲୁ ଦାଝଆନାରି ତାଣାଟି ଜାଗ୍ରାତା; ୩ ଏନାଆଁତାକି ଇଚିହଁ ମୀରୁ ସାଚେଏ ତଲୁ ଦାପି ଆହାମାନାତାୟି, ଇଚିହଁ ମୀରୁ ସୁଦୁଜାହୁତି ସାୟେମି ବେଟାଆହାନା ମାହାପୁରୁଇଁ ସେବା କିହିମାନାୟି, ଇଞ୍ଜାଁ ଆଜାତି ଲଡ଼ା ଆନି ମେରା ବାସୁ କିଆନା କ୍ରୀସ୍ତ ଜାସୁ ତାଣା ବଡ଼ପଣ ଆନେ । ୪ ନାନୁ ଆଜାତି ପାଣାପାଚୁଡ଼ା ଜିକେଏ ବାସୁ ଇଚାଲି ଆଡ଼ିତେଏମା; ଅଡ଼େ ଆମ୍ବାଆସି ଆଜାତି ମେରାତା ବାସୁ ଇଚାଲି ଆଡ଼ିତେଏମା ଇଞ୍ଜାଁ ଅଣ୍ଡପିନେସି, ଆତିହଁ ନାନୁ ଏଝାଣି ଆଗାଡ଼ା ଆଡ଼ିଇଁ; ୫ ନାନୁ ଜାନା ଆହାଁ ଆଚାଦିନା ଆହାଲିଏ ତଲୁ ଦାପି ଆଡ଼ାତେଏଁ, ଇଞ୍ଜାଁ ଇସାୟେଲ ଲକ୍ଷ୍ମଣି ବିନାମାନି କୁଡ଼ାତା ଜାନା ଆଡ଼ାତେଏଁ, ମା ଆକୁ ଆବାୟାଁ ର ଏବୁୟ ଲକ୍ଷ୍ମଣି ମାଚେରି, ମେରା ମାନଞ୍ଜି ଆନି ତାଣାଟି ନାନୁ ର ପାରୁସି ଲକ୍ଷ୍ମଣିତେଏଁ, ୬ ହାଚେକା ରାହାଁତଲେ ନାନୁ କ୍ରୀସ୍ତାନା କୁଲମିତି ସାସି ହୀନାଚେଏ, ଇଞ୍ଜାଁ ମସାତି ମେରାତି ଦାମ୍ବୁତା ନାନୁ ଦହ ହିଲାଆଗାଟତେଏଁ ତଞ୍ଜା ଆହିମାଚେଏଁ । ୭ ସାମା ଏନାୟି ନାଜେତାକି ଲାବା ମାଚେ, ଏ ବାରେଡି ନାନୁ କ୍ରୀସ୍ତତି କସମି ଉଜେଏତାୟି ଇଞ୍ଜାଁ ଅଣ୍ଡପାମାଇଁ । ୮ ନାନୁ ନା ପ୍ରବୁ ଜୀସୁ କ୍ରୀସ୍ତତି ବୁଦି ହାଚେକା ଦାରାଗାଟାୟି ଇଞ୍ଜାଁ ପୁଞ୍ଜାନା ଏଟକାତାଣି ଉଜେଏତାୟି ଇଞ୍ଜାଁ ପିସାଡୁସ୍ତେଏଁ; ଏଝାଣି କସମି ବାରେ ହିଲାଆଗାଟାଣି ଅଡ଼ିହେତେଏଁ ଅଡ଼େ ଏ ବାରେ ତୁକ୍ ଗମ୍ବୁଲେହେଁ ଆଚେଏଁ, ଏନିକ୍ ନାନୁ କ୍ରୀସ୍ତଇଁ ମେଡ଼ାଆଇଁ, ଇଞ୍ଜାଁ ତାନି ଲକ୍ଷ୍ମଣି ତଞ୍ଜା ଆଇଁ । ୯ ଅଡ଼େ ମସାତି ମେରା ମାନଞ୍ଜି ଆହାଁ ତୀରିଗାଟାଣି ମେଡ଼ା ଆଆନା, ଏନିକ୍ ନାନୁ କ୍ରୀସ୍ତ ତାଣା ନାନିନି ତାଣାଟି ମାହାପୁରୁ ହୀହାମାଞ୍ଜାନି ନାନୁତି ତୀରିଗାଟାଣି ମେଡ଼ାଆଇଁ, ୧୦ ଏନିକ୍ ନାନୁ ଏଝାଣାଇଁ ତାନି ଝେଣ୍ଡେ ନିଜାତି ବାଡ଼ୁୟୁ ଇଞ୍ଜାଁ ଏଝାଣି ହାକିତା ଏଝାଣିଲେହେଁ ଦୁକୁ କସତା ଆଣ୍ଡିନାଣି ପୁଞ୍ଜାଲି ଆଡ଼ିଇଁ, ୧୧ ଏଦାଣିତାକି ହାଡ଼ାରି ତାଣାଟି ନାଜେ ନିକ୍ହାଚେସି ଇଞ୍ଜାଁ ଆସା କିହିମାଇଁ ।

ଗୁରି ଇଟାମାନି ଟାୟୁତା ହଣାନାୟି

୧୨ ନାନୁ ନୀଏଁ ଏ ବାରେ ବେଟାଆହାମାଇଁ ଇଞ୍ଜାଁ ନେହାଁତେଏଁ ଆହାମାଇଁ, ଏଦି ଆଏ, ସାମା କ୍ରୀସ୍ତ ଜୀସୁ ତାଣାଟି ଆଡ଼ିଆହାମାନାକି ଏଦାଆଁ ଆସାଲି ହଟିମାଇଁ । ୧୩ ନା ତାୟି ଅଡ଼େ ତାଙ୍ଗିସ୍ମା ନାନୁ ନୀଏଁ ପାଚେକା ଆସାମାଇଁ ଇଞ୍ଜାଁ ଅଣ୍ଡପି ହିଲଅଁ, ସାମା ନାନୁ ର କାମା କିହିମାଇଁ, ଇଚିହଁ ତାୟୁ ମାନି ବାରେ କାତା ହେକ କିହାନା ନକିତା ମାନାଣି ମେସାନା ହଟିମାଇଁ, ୧୪ କ୍ରୀସ୍ତ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ ନାଜେ ହାଟାମାଞ୍ଜାନେସି ଏ ଦାନା ବେଟାଆହାଲି ତାକି ଗୁରି କିହାମାନି ଟାୟୁ ଝାକି ଜୀସୁ ତୁସାନା ହଟିମାଇଁ ।

୧୫ ଏଦାଆଁତାକି ଝାଦୁ, ମୀରୁ ଏଚେକା ଲକ୍ଷ୍ମଣି ଟିକାଣା ଗାଟାତାୟି, ଇଲେଟି ମନତଲେ ଅଣ୍ଡପିନ, ସାମା ଏ ବାରେ କାତାତାକି ମୀ ଏଟକାତି ଅଣ୍ଡପୁ ମାଚିହଁ, ଆତିହଁ ଇଦାଆଁ ଜିକେଏ ମାହାପୁରୁ ମୀ ନକିତା ପୁଣ୍ଡମି କିୟାନେସି; ୧୬ ନାଞ୍ଜୁପାଚେକା ମୀରୁ ଏମିନି ମେରା ମାନଞ୍ଜି ଆହାନା ଝାହାମାନାୟି, ଏଲେକିହଁ ଏ ନକିତା ହାଜାଅନ ।

୧୭ ନାତାୟି ତାଙ୍ଗିସ୍ମା ମୀରୁ ବାରେ ଆଣ୍ଡିଆହାନା ନା ଲେହେଁକି ତାକାଦୁ, ଇଞ୍ଜାଁ ମା ତାଣା ଏମିନି ତୀରିଗାଟାଣି ମେସିମାଞ୍ଜେରି ଇଞ୍ଜାଁ ଆମିନି ଗାଟାରି ଏଲେକିହଁ ତାକିନେରି ଏଝାଣାଇଁ ସିନିକିଦୁ । ୧୮ ଇଚିହଁ ହାଚେକା ଇଲେକି ମାନେରି, ଆମ୍ବାଆରି ମାଣକିତି କାତା ଅଲେ ଅଲେ ମିଜେ ଝେସାମାଞ୍ଜାଇଁ, ଇଞ୍ଜାଁ ନୀଏଁ ଜିକେଏ ମିଜେ ଡ଼ାହି ଡ଼ାହିଁ ଝେସିମାଞ୍ଜାଇଁ, ଏଝାରି ବାରେ କ୍ରୀସ୍ତତି ପାସି ମୁଣ୍ଡାତି ସାଡୁ ଆହାମାନେରି; ୧୯ ଏଝାରି ବାରେ ନକିତା ନାସା ଆନାରି, ଆଜାତି ଅଣ୍ଡପୁ ଏଝାରି ମାହାପୁରୁ, ଏନାୟି ଲାଜାଗାଟାୟି ଏଦାଆଁତାକି ଏଝାରି ବଡ଼ପଣ କିନେରି, ଇଞ୍ଜାଁ ଦାଡ଼ିତା ଡ଼ାଣି ବାରେ ଅଣ୍ଡପେ ମାନେରି

* ୩:୫ ୩:୫ ରମି ୧୧:୧; କାମା ୨୩:୨; ୨:୫ * ୩:୬ ୩:୬ କାମା ୮:୩; ୨୨:୪; ୨୨:୯-୧୧ * ୩:୧୭ ୩:୧୭ ୧କର ୪:୧୭; ୧୧:୧

। ୨୦ ମାରୁ ବାରେ ଲାକପୁରୁତି ଲକ୍ଷ୍ମୀ, ଇଞ୍ଜା ଏମ୍ବାଟି ଜିକେଏ ମାଙ୍ଗେ ଗେଲ୍‌ପାନି ପ୍ରବୁ ଜୀସୁ କ୍ରୀସ୍ତତି ଝେଣ୍ଡେ ଖ୍ରୀନାଣି କାଟିମାନନି; ୨୧ ଏଝାସି ତାନି ଏମିନି କାମା କିନି ବାଡ଼ୁୟୁଟି ବାରେତି ତାନି ତାଣା ଇଟାଲି ଆଡ଼ିମାନେସି, ଏମ୍ବାଟି ମା ବାଡ଼ୁୟୁ ହିଲାଆଗାଟି ଆଙ୍ଗାଟି ତାରି ମ୍ଲୁପ୍‌ହାନା ତାନି ଗାଝୁରମିଗାଟି ଆଙ୍ଗା ଲେହେଁ କିୟାନେସି ।

୪

ହୁକୁମି ହୀନାୟି

୧ ଏଦାଆଁତାକି ଏ ନା ଜୀଝୁତି ତାୟି ତାଙ୍ଗିସ୍ତା । ମିଙ୍ଗେତାକି ନାଙ୍ଗେ ଏତେକା ରାହାଁତି ଚଢ଼େରି ଲେହେଁ । ନାନୁ ଜାପ୍‌ହାତି ଲେହେଁ ପ୍ରବୁ ତାଣା ତାରିଆହାଁ ନୀତାବାଡ଼କାଦୁ ।

୨ ପ୍ରବୁ ତାଣା ରଣ୍ଡିଏ ଅଣପୁ ତଲେ ମାଞ୍ଜାଲି ଇୟଦିୟା ଅଡେ ସୁନ୍ଦୁକୁ ରିଣ୍ଡାସିକାଣି ବାତିମାଲିମାଲ୍ । ୩ ନା କାମାତା ଆଣ୍ଡାନା ମାନି ତଲେ କାମା କିନାତି, ନିଙ୍ଗେ ଜିକେଏ ବାତିମାଲିମାଞ୍ଜାଲ୍ ଇ ରୀ ତାଙ୍ଗିସ୍ତାଣି ସାୟେମି କିମ୍, ଏନାଆଁତାକି ଇଚିହଁ କ୍ଲେମେନ୍‌ସ୍ ଅଡେ ନା ତଲେ କାମାକିନାରି ତଲେ ନେହଁ କାବୁ ଝେକ୍‌ହାଲି ନା ତଲେ କାମା କିହାମାନୁ; ଇଞ୍ଜା ନା ତଲେ କାମା କିହାମାନାରି ଦର୍‌କା ଜୀଝୁତି ପତିତା ରାସ୍‌କି ଆହାମାନୁ ।

୪ ପ୍ରବୁ ତାଣା ଆଣ୍ଡାନା କାଲେଏ ରାହାଁ କିଦୁ, ଅଡେ ଝେଣ୍ଡେ ଝେସିମାଞ୍ଜାଲ୍ ରାହାଁ କିଦୁ ।

୫ ବାରେ ଲକ୍ଷୁ ନକିତା ମୀ ସୁଦୁ ସୁଞ୍ଜାଲା ଅଣପୁ ତଞ୍ଜା ଆଢେ । ପ୍ରବୁ ଖ୍ରୀନାୟି ତାଗେ ଝାଡେୟିଏ । ୬ ଏନାଆଁତାକି ଜିକେଏ ଅଣପାଆଦୁ, ସାମା ବାରେତାକି ପ୍ରାତାନା ଇଞ୍ଜା ଜହରା ତଲେ ମୀ ଲଡ଼ାମାନାଣି ମାହାପୁରୁ ନକିତା ଝେହ୍‌ଦୁ । ୭ ଏତେରିଏ ତେଲ୍‌ହାଲି ଆଡ଼ାଆଗାଟି ମାହାପୁରୁତି ହିଡ଼ତି ମୀ ହିୟାଁ ଅଡେ ଅଣପୁତା କ୍ରୀସ୍ତ ଜୀସୁ ସାୟେମି ତଲେ ଗେଲ୍‌ପାନା ଇଟାଲେସି ।

୮ ଏ ତାୟି ତାଙ୍ଗିସ୍ତା, ଏନାୟି ନେହାୟି, ଏନାୟି ସାତା, ଏନାୟି ଲଡ଼ା ମାନାୟି, ଏନାୟି ଟିକାଣାତାୟି, ଏନା ଏନାୟି ଅତିତାୟି, ଏନାୟି ଜୀଝୁନନାୟି, ଏନାୟି ମନ କିତି ରାନ୍ଦା, ଏନାୟି ଜୀଝୁତା ନେହାୟି, ଏନାୟି ସାତା ଗୁଣ୍ଡୁ ମାନେ ଏ ବାରେ କାତା ଅଣପେମାଞ୍ଜୁ । ୯ ମାରୁ ନା ତାଣାଟି ଏନାଆଁ ଜାପାମାଞ୍ଜେରି, ଝେଞ୍ଜାମାଞ୍ଜେରି, ଇଞ୍ଜା ନା ତାଣାଟି ମେସାମାଞ୍ଜେରି ଏ ବାରେ କିଦୁ; ଏମ୍ବାଆଁ ହିଡ଼ତି ହିୟାନି ମାହାପୁରୁ ମୀ ତଲେ ସାୟେମି ଆୟାନେସି ।

ଦାନା ତାକି ଜହରା

୧୦ ବାରେତି ତାୟୁ ନା ତାକି ମୀ ଅଣପୁ ତଞ୍ଜା ଆହାମାନେ, ଏଦାଆଁତାକି ପ୍ରବୁ ତାଣା ରାହାଁ କିହିମାଲ୍; ସାତେଏ ନା ତାକି ମୀ ଅଣପୁ ମାଟେ, ସାମା ପାରୁ ମୋଡ଼ା ଆହି ହିଲାଆତେରି । ୧୧ ନାଙ୍ଗେ ଏନାୟି ଉଣା ମାନାକି ଝେସିମାଞ୍ଜୁଆଁ, ଏନାଆଁତାକି ଇଚିହଁ ନାନୁ ଏନିଆହଁ ମାଟିହଁ ଜିକେଏ ରାହାଁତଲେ ମାଞ୍ଜାଲି ଜାପାମାଲ୍ । ୧୨ ନାନୁ ହିଲାଆ ବେଲାତା ବାଡ଼କାଲି ଇଞ୍ଜା ହାଡେରୁରେ ମାନି ବେଲାତା ଜିକେଏ ବାଡ଼କାଲି ପୁଞ୍ଜାମାଲ୍, ବାରେବେଲା ବାରେଝାକି ରାହାଁତଲେ ମାଞ୍ଜାଲି, ବାଣ୍ଡି ପାଞ୍ଜେ ଡିଞ୍ଜାନା ଅଡେ ହାକିତି ଜିକେଏ ମାଞ୍ଜାଲି, ଇଞ୍ଜା ହାଡେରା ବେଟାଆହାମାନାଣି ଲେମ୍‌ଗାଲି ଇଞ୍ଜା ହିଲାଆ ବେଲାତା ନୀତାଲି ଜିକେଏ ଜାପାମାଲ୍ । ୧୩ ନାଙ୍ଗେ ବାଡ଼ୁୟୁ ହିୟାନି କ୍ରୀସ୍ତ ତାଣାଟି ବାରେ କିହାଲି ଆଡ଼ିଲ୍ ।

୧୪ ଆଡ଼ିଜିକେଏ ମାରୁ ନା ଜସ୍ତତା ଆଣ୍ଡାମାନାକି ନେହଁ କାମା କିହାମାଞ୍ଜେରି । ୧୫ ପିଲିପିୟି ଲକ୍ଷୁତେରି, ମୀରୁ ଜିକେଏ ପୁଞ୍ଜାମାଞ୍ଜେରି, ନେହଁ କାବୁ ଝେକ୍‌ହାଲି ମାବୁହି ବେଲାତା ଏଡେତା ନାନୁ ମାକିଦନିୟାଟି ହାତାଟି ଏଡିବେଲା ମୀ ପିସପେ ଏମିନି କୁଲମି ନା ତଲେ ଆଣ୍ଡାନା ନା ତାଣାଟି ହୀନାଣି ଅନାଣି ଲେକା ଇଟାହିଲାଆତେରି । ୧୬ ଇଚିହଁ ନାନୁ ତେସଲନିକିତା ମାଟିବେଲାତା ଜିକେଏ ମୀରୁ ନା ଲଡ଼ା ମାଗାଣି ମେସାନା ହାରେକା ଦେବା ଦାନା ପାଣ୍ଡାତେରି । ୧୭ ନାନୁ ମୀ ତାଣାଟି ଦାନା ଅହାଲି ଅଣପି ହିଲଅଁ, ସାମା ଏମିନି ପାଡ଼େୟିଟି ମୀ ଲେକା ହାଡେ ହାରେକା ପାତାଆହିମାନେ, ଏଦାଆଁତି ନାନୁ ମେସାଲି ଅଣପିମାଲ୍ । ୧୮ ନାନୁ ବାରେ ବେଟାଆହାମାଲ୍, ଇଞ୍ଜା ନାଙ୍ଗେ ହାଡେରୁରେ ମାନେ; ମୀ ତାଣାଟି ପାଣ୍ଡାମାଞ୍ଜାନାଣି ବାରେ ଏପାପୁଡିତ ତାଣାଟି ବେଟାଆହାମାଲ୍, ଏ ବାରେ ନାଙ୍ଗେତାକି ସାରି; ଏ ବାରେ ମାହାପୁରୁ ନକିତା ହେରପାନା ହୁଡ଼ିମାନି ଗାନ୍ଦାଗାଟି ଦୁପ୍‌ଣି ଲେହେଁତାୟି । ୧୯ ଅଡେ ନା ମାହାପୁରୁ କ୍ରୀସ୍ତ ଜୀସୁ ତାଣା ତାନି ଗାଝୁରମି ଦନୁଟି ମୀ ଲଡ଼ାମାନାଣି ହିୟାନେସି । ୨୦ ମା ଆବା ମାହାପୁରୁକି କାଲ୍‌କାଲ୍‌ତାକି ଗାଝୁରମି ଆଢେ । ଆଢେମ୍ ।

ଜହରା କିହାନା ଆକୃତି ରାପ୍‌ନାୟି

^{୨୧} କ୍ରୀଷ୍ଟ ଜୀସୁ ଦରୁତଲେ ବାରେ ମାହାପୁରୁ ଲକ୍ଷ୍ମି ଜହରା ଖେତୁ, ନା ତଲେ ଇ ଚାୟୁତା ମାନି ତାୟି ତାଜିୟା ମିଜେ ଜହରା ପାଣ୍ଡିମାଞ୍ଜାନେରି । ^{୨୨} ବାରେ ମାହାପୁରୁ ଲକ୍ଷ୍ମି ଇତିହ ବାରେକିହାଁ କାୟିସର ଇଲୁତା ମାନାରି ଏଞ୍ଜାରି ମିଜେ ଜହରା ପାଣ୍ଡିମାଞ୍ଜାନେରି ।

^{୨୩} ପ୍ରବୁ ଜୀସୁ କ୍ରୀଷ୍ଟି କାର୍ମାମେହନାୟି ମୀ ବାରେ ଜୀସୁତା ମାଣ୍ଡେ ।

କଲସିୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର କଲସିୟ କୁଲମିତାକି ପାଞ୍ଚୁଲ ରାଡ଼ାମାନି ଆକୁ ମୂକୁ ହାଡ଼ା

କଲସିୟ ଆକୁ ଆହିମାନେ ପାଞ୍ଚୁଲ ତାଣାଟି ରାଡ଼ିତି ଆକୁ ୧:୧ । ପାଞ୍ଚୁଲ ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ଷୀ ତାୟୁ ଏଞ୍ଜାସି ରମ୍ ଗାଡ଼ାତି କାୟିଦିତା ମାଗାଟି ଇ ଆକୁ ରାଡ଼ାମାନେସି । କଲସିୟ ଆକୁ ତଲେ ଏପିସିୟ ଅଡ଼େ ପିଲିପିୟ ଆକୁତି କାୟିଦିତି ଆକୁ ଜନେରି । ଇଚିହିଁ ପାଞ୍ଚୁଲ କାୟିଦିତା ମାଗାଟି ଇ ଆକୁ ରାଡ଼ାମାନେସି । ଏଞ୍ଜାସି କଲସିୟ ଗାଡ଼ାତା ମାନି କୁଲମିତାକି ଇ ଆକୁ ରାଡ଼ାମାନେସି । ପାଞ୍ଚୁଲ ଇ କୁଲମିତି ମାଡ଼ହା ହିଲାଆଡେସି ୨:୧ ସାମା ଝେସିମାନେ, ହାଡ଼େକା ଏମ୍ବାତି ଦାୟିପତି ମାନି କାତା ଏଞ୍ଜାସି ଝେସିମାନେସି । ଏପାପ୍ରସ୍ ଇ କୁଲମି କିହାମାନେସି ଇଚିହିଁ ଏଞ୍ଜାସି କଲସିୟତାସି ମାନେସି ।

ପାଞ୍ଚୁଲ କଲସିୟ କୁଲମିତି ଏଡେକା ମିତି ଜାପ୍ନାରି କାତାତାକି ଅଣପିମାନେସି । ଏଞ୍ଜାସି ଇ କାତାତାକି ହାରେକା ଗାତିକିହିଁ ରାଡ଼ାମାନେସି । ଇମ୍ବାଆଁ ର ଗତି ଜାହୁଦି କ୍ରୀସ୍ତାନା ଆମିନି ଗାଗାରି ଜାହୁଦିଆଆଡ଼ି କ୍ରୀସ୍ତାନା ଲକୁଇଁ ପୁଅଃଜ ମେରାତି ଜାହୁଦି ପାଣାପାଟୁ, ଇଚିହିଁ ତଲୁ ଦାପିଆନି ମେରା ମାନୁଝି ଆହାଲି ବାଲାମାତମି କିହାଲି ଅଣପିମାନେରି । ପାଞ୍ଚୁଲ ବାରେକିହିଁ ଲଡ଼ାହିଲାଆ କ୍ରୀସ୍ତାନା ଲକୁତି କାତା ରାଡ଼ିମାନେସି, ରଅସି ଆମ୍ବାଆସି ଜିକେଏ ଆଡେପସି କ୍ରୀସ୍ତତି ପସସେ ମାହାପୁରୁ ତାଣା ନେହିଁସି ଆହାଲି ଆଡ଼ଅସି ୧:୧୫-୨୦ ଅଡ଼େ ମାଣସି ବାଦିବାଦା ତଲେ ଜାପ୍ନି କାତା ଉଜେଏତାୟି ୨:୮ ।

ପତିତା ମାନାୟି

- ୧. ଜହରା କିହାନା ଆକୁତି ମାଡ଼ନାୟି । ୧:୧-୨
- ୨. କ୍ରୀସ୍ତତି କାଜାପାଣା ଅଡ଼େ ମିତି ଜାପ୍ନାରି ଝେଣ୍ଡେ ଜଲିନାୟି । ୧:୩-୩:୪
- ୩. ନେହିଁ କ୍ରୀସ୍ତାନା ଲକୁ ଆହାନା ନୀତାଲି ଝେହ୍ନାୟି । ୩:୫-୪:୬
- ୪. ଆକୁତି ଏଡ଼କା କୁଲମିତା ପଡ଼ଝି ଆହାଲି ଇଞ୍ଜା ଜହରା ତଲେ ଆକୁତି ରାପ୍ନାୟି । ୪:୭-୧୮

୧ ପାଞ୍ଚୁଲ, ମାହାପୁରୁତି ଅଣପୁ ତଲେ କ୍ରୀସ୍ତ ଜୀସୁତି ପାଣ୍ଡୁଆହାମାନି ସୀସୁ ଅଡ଼େ ମା ତାୟି ତିମତି ।

୨ କଲସିୟତା ମାନି ମାହାପୁରୁତି ଲକୁ ଇଞ୍ଜା କ୍ରୀସ୍ତ ତାଣା ନାମାମାନି ତାୟି ତାଜିସ୍ତାକି ଆକୁ ରାଡ଼ିମାନମି; ମା ଆବା ମାହାପୁରୁ ତାଣାଟି କାର୍ମାମେହ୍ନାୟି ଅଡ଼େ ହିଡ଼ି ତାଞ୍ଜୁ ମିଜେତାକି ଆୟାପେ ।

ଜହରା ପ୍ରାଡ଼ାନା

୩ ମାମ୍ ମୁଜେ ତାକି ପ୍ରାଡ଼ାନା କିହାନା ମା ପ୍ରବୁ ଜୀସୁ କ୍ରୀସ୍ତତି ଆବା ମାହାପୁରୁଇଁ କାଟ୍ଲେଏ ଜହରା କିହିମାନମି; ୪ ଏନାଆଁତାକି ଇଚିହିଁ ମାମ୍ କ୍ରୀସ୍ତ ଜୀସୁ ତାଣା ମୀ ନାମ୍ ଅଡ଼େ ମାହାପୁରୁ ଲକୁଣି ଜୀସୁନହିଁ ମାନାଣି ଝେଞ୍ଜାମାନମି । ୫ ଏଚିଡେଲ ନେହିଁ କାହୁତି ସାତା ବଲୁ ମୀ ତାଣା ମୂଲୁଏ ଝାଡେ, ମୀରୁ ଏଦାନି ତାଣାଟି ହାପ୍ତିଆଡ଼ି ବାସ୍ତିତି କାତା ଝେଚେରି । ମୀରୁ ଏନାଆଁ ବାସ୍ତି କିଦେରି, ଏନାୟି ମୀ ତାକି ଲାକପୁରୁ ଇଡ଼ି ଆହାମାନେ, ଏମ୍ବାଆଁ ମୀ ନାମ୍ ଅଡ଼େ ଜୀସୁନନାୟି ତୁୟାମାନେ । ୬ ଏ ନେହିଁ କାବୁ ମୀ ତାଣା ଝାହାମାନେ, ଇଞ୍ଜା, ଏଡ଼ି ଏନିକିଁ ବାରେ ଦାଡ଼ିତା ପାଡ଼େୟି କାମ୍ବାନା ଅଡ଼େ ପାତାଆହିମାନେ, ମୀରୁ ଆମିନି ଦିନା ଏଦାଆଁ ଝେଞ୍ଜାନା ସାତା ତଲେ ମାହାପୁରୁତି କାର୍ମା ମେଡ଼ାଆଡ଼େରି, ଏ ଦିନାଟିଏ ମୀ ତାଣା ଜିକେଏ ଏଲେ ଆହିମାନେ । ୭ *ମା ତଲେ କାମା କିନି ଜୀସୁତି ତାୟି ଏପାପ୍ରା ତାଣାଟି ମାହାପୁରୁତି କାର୍ମାମେହ୍ନି କାତା ଜାପାମାଞ୍ଜେରି; ଏଞ୍ଜାସି ମିଜେ ତାକି କ୍ରୀସ୍ତତି ର ମାନ୍ତି ତଲେ ସେବା କାମାକିନାସି; ୮ ଏଞ୍ଜାସି ସୁଦୁଜୀସୁ ତଲେ ମିଜେ ହାହାମାଞ୍ଜାନି ଜୀସୁ ନଞ୍ଜିଆନି କାତା ମାଜେ ଝେସାମାଞ୍ଜାନେସି ।

୯ ଇଦାଆଁତାକି ମୀ କାତା ଝେତି ଦିନାଟିଏ ମାମ୍ କାଟ୍ଲେଏ ମୀ ତାକି ପ୍ରାଡ଼ାନା କିହିମାନମି । ମୀରୁ ବାରେ ସୁଦୁଜୀସୁତି ବୁଦି ଅଡ଼େ ତେଲହିନି ବାଡ଼ୟୁ ତଲେ ମାହାପୁରୁତି ବାରେ ଅଣପୁ ଏନିକିହିଁ ମୀରୁ ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ତାକି ପ୍ରାଡ଼ାନା କିହିମାନମି । ୧୦ ବାରେ ଜୀସୁତି ବୁଦିତା ପ୍ରବୁଇଁ ବାରେ ତାଣା ରାହିଁ କିୟାଲି ତାନି ଜଗେତି ମାଣିକି ତଲେ ତାକାଦୁ, ଇଚିହିଁ ମାହାପୁରୁତି ବୁଦିତା ପାତାଆହାନା ନେହିଁ କାମାତି ପାଡ଼େୟି ଆୟାଦୁ । ୧୧ ଇଞ୍ଜା ବାରେ କାମାତା ସାସାତତଲେ ଅହାଲି ତାକି ତାନି ଗାଞ୍ଜୁରମି

* ୧:୨ ୧:୭ କଲସି ୪:୧୨; ପିଲିମ ୧:୨୩

ଇଞ୍ଜି କାଜାପାଣା ତଲେ ବାରେ ବାଡ଼ୁରୁତି ବାଡ଼ୁରୁ ଗାଟାତେରି ଆନୁ, ୧୨ ଇଞ୍ଜି ଆମିନି ଆବା ମାହାପୁରୁ ଲକ୍ଷ୍ମଣି ରଜେଡ଼ି ରାଜିତା ଆଣ୍ଡାଲି ତାକି ଜଟେନ କିହାନା ଅଦିକାରା ହାହାମାଞ୍ଜାନେସି, ଏଦାଆଁତାକି ଏଞ୍ଜାଣାଲି ରାହାଁତଲେ ଜହରା କିନୁ । ୧୩ ଏଞ୍ଜାସି ମାଜେ ଆନ୍ଦେରିତି ବାଡ଼ୁରୁତି ପିସ୍ପି କିୟାତେସି ଅଡ଼େ ତାନି ଜାସ୍ତୁତି ମୀରୁଏଣାତି ରାଜିତା ମାଜେ ତାତାତେସି । ୧୪ ଏ ମୀରୁଏଣି ତାଣାଟି ମାର୍ ଗେଲ୍ପି ଆହାମାନାୟି ଇତିହୁଁ ମା ପାପୁ ବାରେ ମ୍ପେପ୍ପକି ଆହାମାନେ ।

କ୍ରୀସ୍ତ ଅଡ଼େ ତାନି କାମା

୧୫ କ୍ରୀସ୍ତ ତଞ୍ଜା ଆଆଗାଟି ମାହାପୁରୁତି ତଞ୍ଜାଆନି ଖାଣା ଗାଟାସି, ଏଞ୍ଜାସି ନକେଏ ଜାର୍ନାଆଡ଼ି ମୀରୁଏସି, ଇଞ୍ଜି ବାରେ ଗାଡ଼ି ଆଡ଼ି କିହାଁ କାଜାସି, ୧୬ ତଞ୍ଜା ଆନାୟି ଅଡ଼େ ତଞ୍ଜା ଆଆଗାଟାୟି ଲାକପୁରୁ ଅଡ଼େ ଦାରୁତିତା ବାରେ ଏଞ୍ଜାଣି ତାଣାଟି ଗାଡ଼ି ଆହାମାନେ, ସିଂଗାସାଣି କି କାଜାପାଣା କି ଅଦିକାରା କି ସାଲ୍ଲୁଡ଼ି କିନାୟି ବାରେ ଏଞ୍ଜାଣି ତାଣାଟି ଇଞ୍ଜି ଏଞ୍ଜାଣି ତାକି ଗାଡ଼ି ଆହାମାନେ; ୧୭ ବାରେ ଗାଡ଼ି ଆଡ଼ି ନକେଏ କ୍ରୀସ୍ତ ମାଟେସି, ଇଞ୍ଜି ଏଞ୍ଜାଣି ତାଣା ଆଣ୍ଡାମାନାକି ବାରେ ଗାଡ଼ିଆଡ଼ାକ ତାମ୍ନୁ ମାନି ଗାୟୁତା ମାନୁ । ୧୮ ଏକ୍ରୀସ୍ତ କୁଲମି ଲେହେଁତି ଆଜ୍ଞାତି ତାୟୁଁ ଲେହେଁତାସି, ଏ ଆଜ୍ଞାତି ଜୀସ୍ତୁ ବାଡ଼ୁରୁ । ବାରେ ତାଣା ନକିତା ଆହାଲି ତାକି ଏଞ୍ଜାସି ହାଡ଼ାରି ତାଣାଟି ନକେଏ ନିଜାମାନେସି । ୧୯ ଏନାଆଁତାକି ଇତିହୁଁ ମାହାପୁରୁତି ଅଣ୍ଡପୁ ଲେହେଁ ମୀରୁଏସି ତାନୁଏ ମାହାପୁରୁତି ବାରେ ମାଣ୍ଡକି ଆସା କତାମାନେସି, ୨୦ ଅଡ଼େ ତାନି ମୀରୁଏଣା କ୍ରସ୍ତତି ନେତେରି* ତଲେ ଏଞ୍ଜାସି ହିଡ଼ଡ଼ି ତୀରି କିହାନା ଏଞ୍ଜାଣି ତାଣାଟି ତାନିତଲେ ବାରେ ଲକ୍ଷ୍ମଣି କାଲ୍ଲନେସି, ହାଅ ଏଞ୍ଜାଣି ତାଣାଟି ଦାରୁତିତା ଅଡ଼େ ଲାକପୁରୁ ମାନାଣି ବାରେ କାଲ୍ଲୁଡ଼ି କିନେସି ।

୨୧ ଅଡ଼େ ନକେଏ ର ବେଲାତା ମନତା ଲାଗେଏତି କାମା କିହାନା ମୀରୁ ମାହାପୁରୁ ତାଣାଟି ଏଟକା ଅଡ଼େ ହେକ ମାଟେରି ଇଞ୍ଜି ମନତା ତାନି ସାଡୁ ମାଟେରି, ୨୨ ସାମା ନୀଏଁ ମାହାପୁରୁ ମିଜେ ଜିକେଏ ତାନି ନକିତା ସୁବୁ ଗାଟାତେରି, ନିନ୍ଦା ଅଡ଼େ ଦହୁ ହିଲ୍ଲାଆଗାଟାତେରି କିହାଲି ତାନି ମୀରୁଏଣା ଆଜ୍ଞାତି ହାକି ତଲେ ମିଜ୍ଠା ତାନିତଲେ କାଲ୍ଲହା ମାଞ୍ଜାନେସି; ୨୩ ମୀରୁ ର ତୀରୁପୁ ଆଡ଼ୁଞ୍ଜା ପୁନାଦି ଲାକ ତୁୟାପୁ ଅଡ଼େ ନେହୁଁ କାବୁ ଖେନି ବେଲାତା ଏମିନି ବାସ୍ତୁ ଇଗାମାଟେରି ଏମ୍ପାଟି ଇତାଲା ଆତାଲା ଆଆବୁ, ଆତିହୁଁ ସାତେଏ ଏମ୍ପାଟି ପାଡ଼େୟି ବେଗାଆଦେରି; ଏ ନେହୁଁ କାବୁ ମୀରୁତ ଖେଞ୍ଜାମାଞ୍ଜେରି; ଏଦି ହାପୁପାକା ତୁଲ ମାନି ବାରେ ଗାଡ଼ି ଆଡ଼ିତାଣା ଏ ନେହୁଁ କାବୁ ଖେଞ୍ଜାମାନେ ଅଡ଼େ ନାନୁ ପାଞ୍ଜୁଲ ଏମ୍ପାଟି ନାମୁତି ହଲେଏଣାତେଏଁ ।

କୁଲମିତା ପାଞ୍ଜୁଲତି କାମା

୨୪ ନାନୁ ମିଜେତାକି ଆମିନି ଦୁକୁ କସ୍ତ ବେଗାଆହି ମାଜ୍, ଏମ୍ପାଆଁ ନାନୁ ନୀଏଁ ରାହାଁ କିହିମାଜ୍, ଇଞ୍ଜି କ୍ରୀସ୍ତତି ଦୁକୁ କସ୍ତ ଏନାୟି ତୁୟାମାନେ ଏଦାଆଁ ନାନୁ କୁଲମିତାକି ଆଜ୍ଞା ତଲେ ଦୁକୁ କସ୍ତ ଅରହାନା ରାପୁହାଲି ସାୟେମି କିହିମାଜ୍ । ୨୫ ମାହାପୁରୁ ନାଜେ ସେବାକିନି କାମା ହେରପା ମାଞ୍ଜାନେସି, ଏଲେଆହିଁ ଏ ଏ କୁଲମିତି ନାନୁ ର ସେବା କିନାତେଏଁ ଆହାମାଜ୍, ଏନିକଁ ନାନୁ ମାହାପୁରୁତି ବଲ୍ଲୁ ତାରିତଲେ ଖେକଲ୍, ୨୬ ଏ ନେହୁଁ କାବୁ ର ତୁଗୁମାନି କାତା ତଲି କାଲା ଅଡ଼େ ଆକୁ ଆବାୟାଁ ତାଣାଟି ତୁଗୁମାଟେ, ସାମା ନୀଏଁ ତାନି ଲକ୍ଷ୍ମଣାଣା ତସାମାନେସି । ୨୭ ଜୀହୁଦିଆଆତି ଲକ୍ଷ୍ମଣାଣା ଏ ତୁଗୁମାନି ଗାଞ୍ଜୁରମିଗାଟି ଦନ ଏନାୟି ଏଦାଆଁ ମାହାପୁରୁ ତାନି ଲକ୍ଷ୍ମଣାଣା ତସାଲି ଅଣ୍ଡପିତେସି; ଏ ତୁଗୁମାନାୟି ଇଦି, ମୀ ତାଣା କ୍ରୀସ୍ତ ଏଞ୍ଜାସି ଗାଞ୍ଜୁରମି ଅଡ଼େ ବାସ୍ତୁ ଲେହେଁତାସି; ୨୮ ମାମ୍ନୁ ଏ କ୍ରୀସ୍ତଲ୍ଲୁ ଖେକହି ମାନମି, ଇଞ୍ଜି ବାରେଜାଣାତି ସେଡ଼ନ ଇଞ୍ଜି ବାରେ ବୁଦିତଲେ ଜାପୁହି ମାନମି, ମାମ୍ନୁ ଏନିକଁ ମାହାପୁରୁ ନକିତା ତୀରୁପୁତି ଲକ୍ଷ୍ମଣ ଲେହେଁ ତାଗାଲି ଆଡ଼ିନମି; ୨୯ ଏଦାଆଁ କିହାଲିତାକି ନା ତାଣା କାମା କିହିମାନି କ୍ରୀସ୍ତ ହାହିମାଞ୍ଜାନି କାଜା ବାଡ଼ୁରୁତି ଲେମ୍ପାନା ନାନୁ ଜୀସ୍ତୁ ତୁସାନା କାମା କିହିମାଜ୍ ।

୨

୧ ମୀ ତାକି ଲାଞ୍ଜୁଦିକିୟାତି ଲକ୍ଷ୍ମଣ ଅଡ଼େ ନାଜେ ସାତେଏ ପୁଞ୍ଜାମାଞ୍ଜଅରି, ଏ ବାରେଜାଣା ତାକି ନାନୁ ଏତେକା ଜୀସ୍ତୁ ତୁସାନା କାମା କିହାମାଜ୍, ଇ ବାରେ ମୀରୁ ପୁଞ୍ଜୁ ଇଞ୍ଜିଁ ନାନୁ ଅଣ୍ଡପିମାଜ୍; ୨ ନା ଅଣ୍ଡପୁ ଇଦି, ଏନିକଁ ଏଞ୍ଜାରି ହିୟାଁ ରାହାଁ ଆନେ, ଇଞ୍ଜି ଏଞ୍ଜାରି ସାତା ବୁଦିତି ବାରେ ଦନ ବେଗାଆହାଲି ତାକି, ଇତିହୁଁ

* ୧:୧୪ ୧:୧୪ ଏପିସି ୧:୭ * ୧:୧୮ ୧:୧୮ ଏପିସି ୧:୨୨,୨୩ * ୧:୨୦ ୧:୨୦ ଏପିସି ୨:୧୨ * ୧:୨୦ ୧:୨୦ ନେତେରି ଇତିହୁଁ ମୀରୁଏଣା ହାକି

ମାହାପୁରୁଷ ଡ୍ରଗ୍ମାମାନାୟି କ୍ରୀସ୍ତ, ଏଞ୍ଜେଲ୍ ପୁଞ୍ଜାଲିତାକି ରଅସି ରଅଣି ତଲେ ଜୀଝୁ ନଝି ଆନେରି । ୩ ଜୀସୁ କ୍ରୀସ୍ତ କୁଟିକାଡ଼ି ଏନାୟି ମାହାପୁରୁଷ ବୁଦି ଅଡ଼େ ପୁନାଣି ଡ୍ରଗ୍ମାମାନି ବାରେ ଦନ ଦେନେସି ।

୪ ମିଙ୍ଗେ ଆମ୍ବାଆସି ନାଡ଼ିକିନି ଲେହେଟି ମିତି କାତା ଝେସାନା ନାଡ଼ି କିୟାଆପେସି, ଏଦାଆଁତାକି ନାନୁ ଇଦାଆଁ ଝେସିମାଞ୍ଜାଇ । ୫ ଇଚିହୁଁ ନାନୁ ଆଙ୍ଗା ତଲେ ହିଲାଆତି ଜିକେଏ ନା ଜୀଝୁତଲେ ମୀ ତାଣା ମାଞ୍ଜାମାଇ, ଇଞ୍ଜା ମୀ ନେହୁଁ କୁଁ ଜାଟୁ ଆନାଣି ଅଡ଼େ କ୍ରୀସ୍ତ ତାଣା ତାବୁପୁତଲେ ନାମାମାନାଣି ମେସାନା ରାହୁଁ ଆହିମାଇ ।

କ୍ରୀସ୍ତ ତାଣା ଜୀଝୁ

୬ ଇଚିହୁଁ ମୀରୁ କ୍ରୀସ୍ତ ଜୀସୁଇଁ ପ୍ରବୁ ଇଞ୍ଜୁଁ ଏନିକୁଁ ନାମାମାଞ୍ଜେରି, ଏଲେକିହୁଁ ଏ ଏଞ୍ଜାଣି ତାଣା ମାଞ୍ଜାନା ନୀତାଦୁ; ୭ ଏଞ୍ଜାଣି ତାଣା ଜାଣ୍ଡେ ଡ୍ରୟାଦୁ, ମୀ ଜୀଝୁତି ତୀରିକିଦୁ ଇଞ୍ଜା ମୀରୁ ଜାପାମାନି ନାମୁତା ଏଞ୍ଜାଣି ତାଣା ବାଡ଼ୁୟୁ ବେଟାଆଦୁ । ମୀ ହିୟାଁ ଜହରା କିନାୟି ଆପେ ।

୮ ସିନିକିଦୁ, ଏଡେତା ଆମ୍ବାଆସି କ୍ରୀସ୍ତତି ଜାପୁନାୟି ଲାଗେଏତି ମାଣସିତି ପାଣାପାଟୁ ଅଡ଼େ ଦାରୁତିତି ମୁଲୁ ଜାପୁନି ପାଞ୍ଜି ସିନି କିନାୟି ଅଡ଼େ ଉଜେଏତି ନାଡ଼ିକିନି ତାଣାଟି ମିଙ୍ଗେ କାୟିଦି କିହା ଅୟାନେ; ୯ ଇଚିହୁଁ କ୍ରୀସ୍ତ ତାଣା ମାହାପୁରୁଷ ଗୁଣ୍ଡି ମାଣସି ଝାଣା ଆହାନା ବାସା ଆନେ । ୧୦ ଏଞ୍ଜାସି ବାରେ ସାଲୁଝି କିନାରି ଇଞ୍ଜା ଅଦିକାରା ବେଟାଆଡ଼ାରି ତାୟୁଁ ଲେହେଁ, ଇଞ୍ଜା ଏଞ୍ଜାଣି ତାଣା ମାଞ୍ଜାନା ମୀରୁ ବାଡ଼ୁୟୁ ବେଟାଆହା ମାଞ୍ଜେରି ।

୧୧ କ୍ରୀସ୍ତ ତଲେ ଆଣ୍ଡିତି ଜୀଝୁଏ ମୀ ତଲୁ ଦାପି ଆଡ଼ି ଲେହେଁତାୟି । ଏ ତଲୁ ଦାପି ଆଡ଼ାୟି ମାଣସି କିତାୟି ଆଏ, ଏଡ଼ି କ୍ରୀସ୍ତ ତାଣାଟି ଆହାମାନେ । ଏଡ଼ି ମାଣସିଇଁ ପାପୁ ଆଙ୍ଗାଟି ଗେଲୁପି କିନେ ।

୧୨ *ମୀରୁ ଏଡିବେଲା ବାପିସ୍ତୁ* ବେଟାଆଡ଼େରି ଏଡିବେଲା ମୀରୁ କ୍ରୀସ୍ତ ତଲେ ମୁସିପିଆଡ଼େରି, ଇଞ୍ଜା ଆମିନି ମାହାପୁରୁ କ୍ରୀସ୍ତଇଁ ହାଡ଼ାରି ତାଣାଟି ନିକହେସି, ଏଞ୍ଜାଣି କାମା କିନି ବାଡ଼ୁୟୁତି ନାମାଲିଏ ଏ ବେଲାତା ଏଞ୍ଜାସି ମିଙ୍ଗେ କ୍ରୀସ୍ତ ତଲେ ନିକହାଡେସି । ୧୩ *ମୀରୁ ଆଙ୍ଗାତା ପାପୁ ଗାଟାତେରି ଜୀହୁଦି ଆଆମାଗାଟି ହାହାମାଚେରି, ମିଙ୍ଗେ ଜିକେଏ ମାହାପୁରୁ ତାନିତଲେ ମିଙ୍ଗେ ଜୀଝୁ କିହାଁ ମାଞ୍ଜାନେସି, ମାହାପୁରୁ ମା ବାରେତି ପାପୁ ମେଲୁହା ମାଞ୍ଜାନେସି; ୧୪ *ଏଞ୍ଜାସି ମେରାତା ମା କପାଟି ଆମିନି ଦହ ଦହନି ଆକୁ ମାଚେ, ଏଦାଆଁ ଏଞ୍ଜାସି ମେଲୁହାନା ପାସି ମୁଣ୍ଡାତା କୁଟିୟାଁ ଝେଟାନା ମା ତାଣାଟି ହେକ କିହାମାନେସି; ୧୫ ଅଡ଼େ ଏ ପାସିମୁଣ୍ଡା ଲାକ କ୍ରୀସ୍ତ ବାରେଲେହେଁତି ବାଡ଼ୁୟୁ ଇଞ୍ଜା ସାଲୁଝି କିନାଆଁ ତାଣାଟି ଜାହାରାଇଁ ପିସପି କିହାକତାମାନେସି ଇଞ୍ଜା ଏଞ୍ଜାଆଁତି ଦସପାନା ତାନୁ ଜାଣାଆହାନା ହାନିବେଲାତା ବାରେ ଲକୁ ନକିତା ଏଞ୍ଜାଆଁତି ଲାଜା ବେଟାଆଝି କିହାମାନେସି ।

୧୬ *ଏଦାଆଁତାକି ମୀ ତିନାୟି, ଉନାୟି, ପାର୍ବୁତାକି କୁରି ଲେଞ୍ଜୁ ପାର୍ବୁ କି ଜମିନି ଦିନାତି ଆମ୍ବାଆସି ମିଙ୍ଗେ ବିଚାରା କିୟାଆପେସି । ୧୭ ଏ ବାରେ ଝାହିମାନି ଦିନାତା ଆହାଲି ହାଜିମାନି ସାୟୁଁ ଲେହେଁ; ସାମା ଏମ୍ବାତି ସାତା କାତା କ୍ରୀସ୍ତ । ୧୮ ଇଞ୍ଜା ଆମ୍ବାଆସି ଜାହାରା ଉଣା ଆହାନା ଦୁଡୁୟାଁ ସେବାତା ରାହୁଁ ଆହାନା ସେୟାଣା ହାପାନା ମେସାମାନାଆଁ ପାରାନା ଅଡ଼େ ଦାରୁତିତି ଅଣ୍ଡୁ ତଲେ ଉଜେଏ ବଡପଣ ଆହାନା ଆମ୍ବାଆସି ତାୟୁଁ ଲେହେଁତି କ୍ରୀସ୍ତ, ଏଞ୍ଜାଣାଇଁ ଆହୁଆନା ମାହାପୁରୁ ବରତି ଏଟକା କିୟାଆପେସି । ୧୯ *ଏଞ୍ଜାଣି ତାଣାଟି ବାରେ ଆଙ୍ଗା ହାନ୍ତୁଲିକା ଅଡ଼େ ଇଣାୟିଟି ନେହୁଁ ଆହାନା ରଣ୍ଡି ରଣ୍ଡାଣି ତଲେ କାଲୁଝି ଆହାନା ମାହାପୁରୁ ହାତି ପାଡ଼ିଣିତା ପାତାଆହିମାନୁ ।

କ୍ରୀସ୍ତ ତଲେ ହାନାୟି ଅଡ଼େ ନୀତିନାୟି

୨୦ କ୍ରୀସ୍ତ ତଲେ ହାହାମାଞ୍ଜେରି ଅଡ଼େ ଇ ଦାରୁତିତା ସାଲୁଝି କିହିମାନି ବାଡ଼ୁୟୁଟି ଗେଲୁପି ଆହାମାଞ୍ଜେରି । ଆତିହୁଁ ମୀରୁ ଏନାଆଁତାକି ଦାରୁତିତି ଲକୁ ଅଣ୍ଡୁ ତଲେ ନୀତିମାଞ୍ଜେରି ? ଏନାଆଁତାକି ମୀରୁ ଇଲେତି ମେରା ବାରେ ମାନି କିହିମାଞ୍ଜେରି, ୨୧ ଆତିହୁଁ “ମାଣସି ଜାପୁହିମାନି ମେରା ଆହୁଆଦୁ, ଏଦାଆଁ ତିନାଆଦୁ, ଏଦାଆଁ ତୀଗାଆଦୁ ଦାରୁତିତି ଲକୁ ଲେହେଁ ଇଲେତି ପାଣାପାଟୁ ଏନାଆଁତାକି ମାନୁଝି ଆହିମାଞ୍ଜେରି ?” ୨୨ ଏ ବାରେ ଆସି ଗାଡ଼େକା ତାଇ । ଇଝି ଲେମ୍ବିସାରେ ଉଜେଏତାଇ ଆନୁ । ୨୩ ଏଲେତି ଜାପୁନାୟି ଜାହାରା ଅଣ୍ଡୁପୁଟି ସେବା କିନାୟି, ଜାହାରାଇଁ ଉଣା କିନାୟି ଇଞ୍ଜା ଆଙ୍ଗାଟି ହାରେକା କସ୍ତ ହାହାନା ବୁଦିତି ଦରୁ ବେଟାଆହାମାଇଁ ସାମା ଏଡ଼ି ଉଜେଏତାୟି ଏଦାଆଁ ତଲେ ଆଙ୍ଗାଟି ଅଣ୍ଡୁ ରାହୁଁ ଆନେ ।

* ୨:୧୨ ୨:୧୨ ରନି ୬:୪ * ୨:୧୨ ୨:୧୨ମୁଞ୍ଜାନାୟି * ୨:୧୩ ୨:୧୩ ଏପିସି ୨:୧-୫ * ୨:୧୪ ୨:୧୪ ଏପିସି ୨:୧୫ * ୨:୧୬ ୨:୧୬ ରନି ୧୪:୧-୬ * ୨:୧୯ ୨:୧୯ ଏପିସି ୪:୧୬

୩

୧ ମୀରୁ କ୍ରୀସ୍ତ ତଲେ ହାକିତି ନିଜା ମାଞ୍ଜେରି, ଆତିହ୍ ମାହାପୁରୁତି ଚିଶନି ଚଟତା କୁଗାମାନି କ୍ରୀସ୍ତତି ଆମିନି ବାସାଟାୟୁ, ଏ ଲାକପୁରୁ ମାନାଣି ପାରାଦୁ । ୨ ଦାର୍ତତା ମାନି ବାରେ କାତାତି ଅଣପାଆନା, ଲାକପୁରୁ ମାନାଣି ବାରେ ଅଣପାଦୁ । ୩ ଏନାଆଁତାକି ଇଚିହ୍ ମୀରୁ ହାହାମାଞ୍ଜେରି, ଅଡେ ମୀ ଜୀସୁ ମାହାପୁରୁ ତାଣା କ୍ରୀସ୍ତ ତଲେ ଡୁଗ୍ଲାମାନେ । ୪ ମା, ଜୀସୁ ଲେହେତାସି କ୍ରୀସ୍ତ, ଏଚିବେଲା ଏଝାସି ତଞ୍ଜାଆନେସି, ଏଚିବେଲା ମୀରୁ ଜିକେଏ ଗାଝୁରମିତି ଏଝାଣିତଲେ ଆଣ୍ଡାନା ତଞ୍ଜା ଆଦେରି ।

ପୁଃଇ ଜୀସୁ ଅଡେ ପୁଃନି ଜୀସୁ

୫ ଏନାଆଁତାକି ମୀ ଦାର୍ତତି ଲାଗେଏ ପଲେଏ ତାଣାଚି ଇଚିହ୍ ଦାରିକାମା, ସୁଦୁ ଆଆତି କାମା, ଲାଗେଏତି ଜୁପକା, ପେଣକା ପୂଜା କିନାୟି, ଜୁପକା ଆନାୟି, ଈ ବାରେତାକି ହାଝି କିହାଁ କତାଦୁ: ୬ ଈ ବାରେ କାମାତା ଆଣ୍ଡା ମାଞ୍ଜାନା ଆମ୍ବାଆରି ମାହାପୁରୁଇଁ ମାନି କିଅରି, ଏଝାରାକି ମାହାପୁରୁତି କପା ଖାନେ; ୭ ତଲି ମୀରୁ ଜିକେଏ ଇଲେତି ପାପୁ କାମାତା ମାଞ୍ଜାନା ଏଲେକିହ୍ ନୀତିମାଚେରି ।

୮ ସାମା ନୀର୍ଏ ମୀରୁ ଜିକେଏ ଈ ବାରେ କାତା ଇଚିହ୍, କପା, କାର୍ବି, ଇରସା ଇଞ୍ଜା ମୀ ଗୁତିଚି ନିନ୍ଦା କାତା ଅଡେ ଅପାଆଗାଚି ହାଡା ଜଲାଆଦୁ । ୯ ମୀ ବିତ୍ରା ମିତି କାତା ଝେସପି ଆଆଦୁ; ଏନାଆଁତାକି ଇଚିହ୍ ମୀରୁ ବାରେ ପୁଃଇ ଗୁଣୁ ମାଣ୍ଡକି ପିସାମାଞ୍ଜେରି, ୧୦ ଅଡେ ଏଲେତି ବାରେ କାମା ପିସାମା ପୁଃନି ଗୁଣୁ ପର୍ହାମାଞ୍ଜେରି; ଏ ପୁଃନି ଗୁଣୁ ମାଞ୍ଜେ ଗାଡ଼ିକିତାଣି ଖାଣା ତଲେ ବାରେ ବୁଦି ବେଟାଆହାଲି ତାକି ପୁଃନି ଗାଡ଼ି ଆହାମାଞ୍ଜେରି । ୧୧ ଏଚେଟିଏ ଜୀହୁଦି ଲକୁ ଅଡେ ଜୀହୁଦିଆଆତି ଲକୁ, ତଲୁ ଦାପିଆଡାରି କି ଦାପି ଆଆଡାରି, ଏଟକା ରାକିଡାରି, ସୁଡ଼ିୟାତାରି, ହଲେଏସି ଆଆଡାସି, ଈ ବାରେତି ବିତ୍ରା ଏନି ପାରଡା ହିଲେଏ, ସାମା କ୍ରୀସ୍ତ ବାରେତାକି ମାନେସି, ଇଞ୍ଜା ଏଝାସି ବାରେ ତାଣା ବାସା କିନେସି ।

୧୨ ମୀରୁ ମାହାପୁରୁତି ଲକୁଚେରି; ଏଝାସି ମିଙ୍ଗେ ଜୀସୁନହାଁନା ତାଙ୍ଗେତାକି ଆଟାମାଞ୍ଜାନେସି । ଏନାଆଁତାକି ମୀରୁ ହିଡଡ଼ି ହିୟାଁ, କାର୍ମାମେହନାଣି, ଉଣା ଆନାୟି, ସୁଦୁ ସୁଝାଲା ମାଣ୍ଡକି ଅଡେ ଅରୁହିନାଣି ପରଦୁ । ୧୩ ମୀ ବିତ୍ରା କସ୍ତ ଅରୁହି ଆଦୁ, ରଅସି ରଅଣି କପାଚି ଏନି କାତା ଜଲିନାୟି ମାଚିସାରେ ମୀରୁ ରଅଚେରି ରଅଣି ଦହ୍ ମ୍ଲେକଦୁ; ପ୍ରବୁ ଏନିକ୍ ମୀ ଦହ୍ ମ୍ଲେକହା ମାଞ୍ଜାନେସି, ମୀରୁ ଜିକେଏ ଏଲେକିହ୍ ଏ କିଦୁ । ୧୪ ଅଡେ ଈ ବାରେ ଗୁଣୁତଲେ ଜୀସୁନହାଁନା ମୀ ବିତ୍ରା ମାଣ୍ଡମ୍, ଇଚିହ୍ ଜୀସୁନହାଁନା ବାରେ ଗୁଣୁତି ରୁଣୁ କିନେ । ୧୫ କ୍ରୀସ୍ତ ହିୟାତି ହିଡଡ଼ି ମୀ ହିୟାତି ସାଲୁଝି କିପେ । ଇଚିହ୍ ଈ ହିଡଡ଼ି ତାକି ମାହାପୁରୁ ମିଙ୍ଗେ ରହେଏ ରଣିଏ ଆଜା ଆହାଲି ହାଟାମାଞ୍ଜାନେସି ଅଡେ ବାରେବେଲା ମୀରୁ ମାହାପୁରୁଇଁ ଜହରା କିଦୁ ୧୬ ମକ୍ରୀସ୍ତତି ବଲୁ ହାଡେକା ମୀ ହିୟାତା ଡ଼ୟାପେ; ବୁଦିତଲେ ମୀରୁ ରଅଚେରି ରଅଣାଇଁ ହାରେପୁରେ ଜାପହାନା ସେଡନା ହାପକିଆଦୁ, ଇଞ୍ଜା ମୀ ସୁଦୁଜୀସୁ ତଲେ ମାହାପୁରୁଇଁ ଜହରା କିହ୍ ହିୟାଁ ତଲେ ପାରୁ ପାଟାଦୁ । ୧୭ ଅଡେ ମୀରୁ କାତାତାକି କାମାତା ଏନାଆଁ କିଦେରି, ଇଚିହ୍ ଏ ବାରେ ପ୍ରବୁ ଜୀସୁ ଦରୁତଲେ କିହାନା ଏଝାଣି ଦରୁତଲେ ଆବା ମାହାପୁରୁଇଁ ଜହରା କିଦୁ ।

ପୁଃନି ଜୀସୁତା ଆଣ୍ଡିନାୟି

୧୮ ଏ ତକ୍ତିସିକାଚେରି, ମୀରୁ ମୀ ତକ୍ରାୟାଣି ମାନି କିଦୁ, ଏନାଆଁତାକି ଇଚିହ୍ ମୀରୁ ପ୍ରବୁ ତାଣା ଆଣ୍ଡାମାନାକି ଏଲେ କିନାୟିମାନେ ।

୧୯ ଏ ତକ୍ରାୟାଚେରି, ମୀରୁ ମୀ ତକ୍ତିସିକାଣି ଜୀସୁନଦୁ, ଏଝାସିକାଣି ହଲେଣିସିକା ଲେହେଁ ଲେମ୍ବାନା ଦୁକୁ ହାଆଦୁ ।

୨୦ ଅଡେ କକାରି ପଦାୟାଚେରି, ବାରେ କାତାତା ତାଲି ତାଞ୍ଜିତି କାତା ମାନୁଝି ଆଦୁ, ଏନାଆଁତାକି ଇଚିହ୍ ଈଦି ମାହାପୁରୁ ନକିତା ରାହାଁତି ଲେମ୍ବିନାୟି ।

୨୧ ଏ ତାଲି ତାଞ୍ଜି ଚେରି, ମୀ କକାରି ପଦାୟା କାର୍ବି କିଆଦୁ, ଏନିକ୍ ଏଝାରି ନୀରାସା ଆଅରି ।

୨୨ ଏ ହଲିୟାଙ୍ଗାଚେରି, ମାଣ୍ଡସିଇଁ ରାହାଁ କିନିଲେହେଁ ଦାର୍ତତି ସାଝୁକାରିୟାଁ ନକିତା ଏ କାମା କିଆଦୁ, ସାମା ମାହାପୁରୁଇଁ ଆଜାନା ହିୟାତି ସୁଦୁ ମାଣ୍ଡକି ତଲେ ବାରେ କାମାତା ଏଝାରାଇଁ ମାନୁଝି ଆଦୁ । ୨୩ ମୀରୁ ଏନି କାମା କିତି ଜିକେଏ ପ୍ରବୁକି କିନିଲେହେଁ ହିୟାଁ ତଲେ କିଦୁ, ମାଣ୍ଡସିୟାଁ ତାକି କିନିଲେହେଁ କିଆଦୁ; ୨୪ ପ୍ରବୁ ତାନି ଲକୁତାକି ଇଟାମାନି ଦାନା ମିଙ୍ଗେ ହିୟାନେସି ଇଞ୍ଜା ପୁଞ୍ଜାମାଞ୍ଜୁ, ଏନାଆଁତାକି ଇଚିହ୍

୬ ୩:୧ ୩:୯ ଏପିସି ୪:୨୨ ୭ ୩:୧୦ ୩:୧୦ ଏପିସି ୪:୨୪ ୮ ୩:୧୨ ୩:୧୨ ଏପିସି ୪:୨ ୯ ୩:୧୩ ୩:୧୩ ଏପିସି ୪:୩୨ ୧୦ ୩:୧୭ ଏପିସି ୫:୧୯,୨୦ ୧୧ ୩:୧୮ ୩:୧୮ ଏପିସି ୫:୨୨; ପିତି ୩:୧ ୧୨ ୩:୧୯ ୩:୧୯ ଏପିସି ୫:୨୫; ପିତି ୩:୭ ୧୩ ୩:୨୧ ୩:୨୧ ଏପିସି ୬:୪ ୧୪ ୩:୨୨ ୩:୨୨ ଏପିସି ୬:୫-୮

କ୍ରୀସ୍ତସ୍ୟ ମୀ ସାତା ପ୍ରବୁ ଆମ୍ବାଆରି ସେବା କିହିମାଞ୍ଜେରି । ୨୫ ଇତିହି ଆମ୍ବାଆସି ଲାଗେଏ କାମା କିନେସି ଏଝାସି ଲାଗେଏ କାମାତି ପାଡ଼େୟି ବେଗାଆନେସି, ଇତିହି ମାହାପୁରୁ ଲକ୍ଷୁତି ପାରଡ଼ା ବାତି କିଆନା ନାହାୟି କିନେସି ।

୪

୧ ଏସ୍ ସାସ୍ତ୍ରକାରିୟାତେରି ଲାକପୁରୁ ମୀ ସାସ୍ତ୍ରକାରି ମାନେସି ଇଞ୍ଜି ପୁଞ୍ଜାନା ମୀ ହଲିୟାଙ୍ଗାଲ୍ ଜୀସ୍ତୁନହାଁନା ନେହି କିଲ୍ଲେମ୍ବାଦୁ ।

ଜାପୁନାୟି

୨ କାଲେଏ ପ୍ରାତାନାତା ରଣ୍ଡିଏ ଅଣପୁ ତଲେ ମାଞ୍ଜୁ ଅଡ଼େ ମାହାପୁରୁଇଁ ଜହରା କିହି ଏମ୍ବାଆଁ ଜାଗ୍ରାତା ମାଞ୍ଜୁ; ୩ ମାଙ୍ଗୋତାକି ଜିକେଏ ପ୍ରାତାନା କିଦୁ, ଏନିକି ନେହି କାବୁତି କାତା ଝେକହାଲି ମାହାପୁରୁ ମାଙ୍ଗୋତାକି ଦାଗା ଦେତାନେସି । କ୍ରୀସ୍ତତି ଆମିନି ତୁଗ୍ମାମାନି କାତାତାକି ନାନୁ ନୀର୍ଏ କାୟିଦି ଇଲୁତା ମାଲ୍ । ୪ ନାନୁ ଝେକନାତି ନେହି କିଲ୍ଲେମ୍ବାଦୁ ପୁଣ୍ଡିକିନିଲେହେଁ ଝେକହାଲି ଆଡ଼ିଇଁ ଇଞ୍ଜି ନାଙ୍ଗୋତାକି ପ୍ରାତାନା କିଦୁ ।

୫ ପାଗାତି ନେହି କିଲ୍ଲେମ୍ବାଦୁ ନାମାଆତି ଲକୁ ତାଣା ବୁଦିତି ମାଣକି ତଲେ ଲେମ୍ବାଦୁ । ୬ ମୀ ବଲୁ କାଲେଏ ନେହାୟି, ଅଡ଼େ, ଅଣପିନାୟି, ଅଡ଼େ ହାରୁ ଲେହେଁ ମୀରୁ ଏନିକି ବାରେଜାଣାତି ସାତା କାତା ଝେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ ।

ରାନି ଜହରା

୭ ପ୍ରବୁତି କାମାତା ନା ତଲେ ନାମୁତି ସେବା କାମା କିନି ଜାସ୍ତୁତି ତାୟି ତୁକିକ, ନା ବାରେ କାତା ମିଙ୍ଗେ ଝେସ୍ତାନେସି; ୮ ଏଦାଆଁତାକି ନାନୁ ଏଞ୍ଜାଣାଇଁ ମୀ ତାଣା ପାଣ୍ଡାତେଏଁ, ଏନିକି ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି, ଇଞ୍ଜା ମୀ ବାରେତି ହିୟାଁ ଏଞ୍ଜାଣି ତାଣାତି ରାହାଁ ବେଗାଆନେ । ୯ ଏଞ୍ଜାଣିତଲେ ନାନୁ ନାମୁତା ଜାସ୍ତୁତି ତାୟି ଅନିସିମଇଁ ପାଣ୍ଡାତେଏଁ, ଏଞ୍ଜାସି ମୀ ବିତ୍ରାତି ରଅସି, ଏଞ୍ଜାରି ଇମ୍ବାଆଁ ଆହିମାନି ବାରେ କାତା ମିଙ୍ଗେ ଝେସ୍ତାନେରି ।

୧୦ ନା, ତଲେ କାୟିଦିତା ମାନି ଆରିସ୍ତାର୍କ ଅଡ଼େ ବର୍ନବା କୁଟମିତି ତାୟି ମାର୍କ ଏଞ୍ଜାରି କାତା ମୀରୁ ହୁକୁମି ବେଗାଆହାମାଞ୍ଜେରି; ମାର୍କ ମୀ ତାଣା ଝାଡ଼ିସାରେ, ଏଞ୍ଜାଣାଇଁ ଆବାଦୁ, ଏଞ୍ଜାରି ମିଙ୍ଗେ ଜହରା ଝେସି ମାଞ୍ଜାନେରି, ୧୧ ଅଡ଼େ କ୍ରସ୍ତ ଦରୁତି ଝେଙ୍ଗିତି ଜୀସ୍ତୁ ମିଙ୍ଗେ ଜହରା ଝେସିମାଞ୍ଜାନେସି, କ୍ରୀସ୍ତ ଦାମୁତି ଆବାମାନି ଇ ତାନିଜାଣା ଜାହୁଦି ବିତ୍ରାତି ମାହାପୁରୁ ରାଜିତାକି ନା ତଲେ କାମାକିନାରି, ଏଞ୍ଜାରି ନାଙ୍ଗେ ହାରେକା ସାରେମି କିହାମାଞ୍ଜାନେରି ।

୧୨ ଏପାପୁ ମୀ ବିତ୍ରାତି ରଅସି, ଏଞ୍ଜାସି ମିଙ୍ଗେ ଜହରା କିହିମାଞ୍ଜାନେସି, ଏଞ୍ଜାସି କ୍ରୀସ୍ତ ଜୀସ୍ତୁତି ର ହଲେଏସି ଇଞ୍ଜା ତାନୁ ପ୍ରାତାନା କିନାତି ବାରେବେଲା ମିଙ୍ଗେ ତାକି ପ୍ରାତାନା କିହିମାନେସି, ଏନିକି ମୀରୁ ନାମୁତା ନେହାଁତେରି ଆହାନା ମାହାପୁରୁତି ବୁଦି ଅଡ଼େ ଅଣପୁତି ତୀରେ ପୁଞ୍ଜାନା ଝାତାଆନା ମାଞ୍ଜେରି ।

୧୩ ଇତିହି ଏଞ୍ଜାସି ମିଙ୍ଗୋତାକି ଇଞ୍ଜା, ଲାସ୍ତୁଦିକିୟା ଅଡ଼େ ହିଏରାପଲିତା ମାନାରି ତାକି ହାରେକା କସ୍ତ ବେଗାଆହିଁ କାମା କିହାମାନେସି, ଏଞ୍ଜାଣି ତାକି ନାନୁ ଇ ସାକି ହାହିମାଞ୍ଜାଇଁ । ୧୪ ନା ଜୀସ୍ତୁତି ତାଙ୍ଗାଦର ଲୁକ ଅଡ଼େ ଦିମା, ମିଙ୍ଗେ ଜହରା ଝେସିମାଞ୍ଜାନେରି ।

୧୫ ଲାସ୍ତୁଦିକିୟାତା ମାନି ତାୟି ତାଙ୍ଗିସ୍ତା, ତାଙ୍ଗି ନୁମ୍ପା ଅଡ଼େ ତାମି ଇଲୁତା ମାନି କୁଲମିତି ମା ଜହରା ଝେହ୍ଦୁ । ୧୬ ଅଡ଼େ ମୀ ତାଣା ଇ ଆକୁ ପଡ଼ୁଞ୍ଜି ଆଡ଼ି ତାୟି ଲାସ୍ତୁଦିକିୟା କୁଲମିତା ଜିକେଏ ଏନିକି ପଡ଼ୁଞ୍ଜି ଆନେରି, ଇଞ୍ଜା ଲାସ୍ତୁଦିକିୟାତି ଆମିନି ଆକୁ ଝାନ୍ଦେ ଏଦାଆଁ ମୀରୁ ଜିକେଏ ପଡ଼ୁଞ୍ଜି ଆଡ଼େରି ଏଦାଆଁତାକି ଜାଗ୍ରାତା ଆଦୁ । ୧୭ ଆକି ପପଇଁ ଝେହ୍ଦୁ, “ନାନୁ ଆମିନି ପ୍ରବୁତି ସେବା କିନି ପାଣା ବେଗାଆହାମାଞ୍ଜି ଏଦାଆଁ ରାପୁହାଲି ଜାଗ୍ରାତା ମାନାମୁ ।”

୧୮ ନାନୁ ପାସ୍ତୁଲ, ନା କେୟୁତଲେ ଇ ଜହରା ରାଡ଼ିମାଇଁ, ନା କାୟିଦିତା ମାନାଣି ଅଣପାଦୁ ! ମାହାପୁରୁତି କାର୍ମାମେହ୍ନାୟି ମୀ ବାରେତାକି ଆୟାପେ ।

୧ ୩:୨୫ ୩:୨୫ ଏପିସି ୬:୯ ୪:୧ ୪:୧ ଏପିସି ୬:୯ ୪:୫ ୪:୫ ଏପିସି ୫:୧୭ ୪:୬ ୪:୬ କାମା ୨୦:୪; ୨ତିମ ୪:୧୨ ୪:୬ ୪:୬ ଏପିସି ୬:୨୧,୨୨ ୪:୯ ୪:୯ ପିଲିମ ୧:୧୦-୧୨ ୪:୧୦ ୪:୧୦ କାମା ୧୯:୨୯; ୨୭:୨; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯ ୪:୧୨ ୪:୧୨ କଲସି ୧:୭; ପିଲିମ ୧:୨୩ ୪:୧୫ ୪:୧୫ ୨ତିମ ୪:୧୧; ପିଲିମ ୧:୨୪; ୨ତିମ ୪:୧୦; ପିଲିମ ୧:୨୪ ୪:୧୭ ୪:୧୭ ପିଲିମ ୧:୨

କୁଳମିତ୍ର ପାଞ୍ଚଲ ରାଜାମାନି ରୀ ଲମ୍ବର ଆକୁ ତେସଲନିକି କୁଳମିତ୍ରାକି ପାଞ୍ଚଲ ରାଜାମାନି ରୀ ଲମ୍ବର ଆକୁ ମୁକୁ ହାଡ଼ା

ତେସଲନିକି ରୀ ଲମ୍ବର ଆକୁ ପାଞ୍ଚଲ ତାଣ୍ଡାଟି ରାସ୍ତିକି ଆହାମାନେ ୧:୧ । ତେସଲନିକି ମୁକୁ ଆକୁ ରାଟିତି ଏତରଦିନା ତାମ୍ଭୁ ଇତିହ କ୍ରୀସ୍ତ ଜାର୍ନାଆଡ଼ି ୫୧ ବାର୍ଷା ତାମ୍ଭୁ ଇ ଆକୁ ରାସ୍ତିକି ଆହାମାନେ । ଏତିବେଳାତା ପାଞ୍ଚଲ କରନ୍ତି କୁଳମିତ୍ରା ମାତେସି କାମା ୧୭:୧-୧୦ ।

ତେସଲନିକିତା ମାନି କ୍ରୀସ୍ତାନା ଲକ୍ଷ୍ମ କ୍ରୀସ୍ତ ଖେଣ୍ଡେ ଖାନି କାତାତି ନେହ କ ପୁନାଆନା ତାନି ଅଣପୁତା କିଲିବିଲି ଆହିମାତେରି । ଏଝାରି ତାମ୍ଭୁ କିଞ୍ଚିତ କାମା ପିସାନା ନିସ୍ତା ଆଡେରି ଇଞ୍ଜା ଅର କ୍ରୀସ୍ତାନା ଲକ୍ଷ୍ମ ଏଝାରାଇଁ ସାଢ଼େମି କିହିମାତେରି ।

ଏତରଜାଣା କ୍ରୀସ୍ତ ଖେଣ୍ଡା ଖାନାଣି ଆଜିମାତେରି, ଇ କାତା ପୁଞ୍ଜାନା ପାଞ୍ଚଲ ଇ ରୀ ଲମ୍ବର ଆକୁ ରାଟିମାନେସି, ଇତିହ କ୍ରୀସ୍ତ ଏଝା ନକେଏ ହାଡେରକା ଲାଗେଏ ପଲେଏ ଆହିମାତେ, ଇଞ୍ଜା ଏଝାରାଇଁ ବାଡ଼ିମାଲିହ ରାଟିମାନେସି । ମୀରୁ ନାମୁତା ପାତାଆହାନା ମାଞ୍ଜେମାଞ୍ଜୁ, ଦୁକୁ କସ୍ତ ବେଟାଆହାଲି ଅରହାଦୁ, ନା ଆଡ଼ିତାରି ଖାହୁ ତଲେ କାମା କିତିଲେହେଁ ମୀରୁ ଜିକେଏ ନାମୁତି କାମା କିଦୁ ଇଞ୍ଜୁ ଏଝାରାଇଁ ବାଡ଼ିମାଲିହ ରାଟିମାନେସି ।

ପତିତା ମାନାୟି

- ୧. ପାଞ୍ଚଲ ତାଙ୍ଗେ ଅଡେତ ତାନି ଆଡ଼ିହତାରାଇଁ ପୁଣ୍ଡିକିନାୟି । ୧:୧-୨
- ୨. ତେସଲନିକି କୁଳମିତ୍ରାକି ଜହରା ଅଡେତ ପ୍ରାଡାନା । ୧:୩-୧୨
- ୩. ରାନ୍ତି ଦିନାତି କାତା । ୨:୧-୧୭
- ୪. ଏଝାରି ନିସ୍ତା କପାଟି ଅଡେତ କାମା କିହାଲି ଖେହ୍ନାୟି । ୩:୧-୧୫
- ୫. କୁଳମିତ୍ର ଜହରା କିହାନା ଆକୁତି ରାପୁନାୟି । ୩:୧୬-୧୮

୧*ପାଞ୍ଚଲ, ସିଲା ଅଡେତ ତିମତି ମା ଆବା ମାହାପୁରୁ ଅଡେତ ପ୍ରବୁ ଜୀସୁ କ୍ରୀସ୍ତ ତାଣ୍ଡା ମାନି ତେସଲନିକିତି କୁଳମିତ୍ର ଆକୁ ରାଟିମାନି ।

୨ ଆବା ମାହାପୁରୁ ଅଡେତ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହ୍ନାୟି ଅଡେତ ହିଡ଼ିତି ଜୀସୁ ମିଙ୍ଗେତାକି ଆୟାପେ ।

ଜୀସୁ ଖେଣ୍ଡେ ଖାନାୟି ଅଡେତ ନୀହାୟି କିନାୟି

୩ ଏ ମା ତାୟିୟାଁ ଅଡେତ ତାଙ୍ଗିସ୍ତାତେରି ମୀ ତାକି ମାମ୍ଭୁ ବାରେଦିନା ମାହାପୁରୁଇଁ ଜହରା କିନାୟି ଲଡ଼ାମାନେ, ଏଲେଆନାୟି ନେହେଁ, ମୀ ନାମ୍ଭୁ ଅଡେତ ରଅତେରି ରଅଣାଇଁ ଜୀସୁନନାୟି ଦିନମି ତାକି ଦିନମି ପାତାଆହିମାନେ । ୪ ଏତେବିଏ ମୀରୁ ଆମିନି ବାରେ ସାସ୍ତି ଇଞ୍ଜା କସ୍ତ ବେଟା ଆହାମାଞ୍ଜେରି, ଏମାଟି ମୀରୁ ଅରହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମ୍ଭୁ ମାହାପୁରୁ କୁଳମିତ୍ରାଣା ମିଙ୍ଗେ ତାକି ବତପଣ ଆହିମାନି ।

୫ ମାହାପୁରୁତି ଆମିନି ରାଜିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏମାଆଁ ଜଟେ ଇଞ୍ଜୁ ତଞ୍ଜାଆହାଲି ଇଦିଏ ମାହାପୁରୁତି ନେହ କ୍ରୀସ୍ତ ନୀହାୟିତି ପାରମାଣା । ୬ ଏତିବେଳା ମିଙ୍ଗେ କସ୍ତ ହାହିମାଞ୍ଜାତି ଲକ୍ଷ୍ମକି ବାଦୁଲି ଲେହେଁ କସ୍ତ ହାନାୟି ଇଞ୍ଜା କସ୍ତ ବେଟାଆହି ମାଞ୍ଜେରି ମୀରୁ, ମିଙ୍ଗେ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହ କାତା: ୭ ଇତିହ ପ୍ରବୁ ଜୀସୁ ଏତିବେଳା ଜାହାରା ବାଡ଼ୁୟୁ ଗାଟି ପୁଡ଼ୁୟାଁ ତଲେ ତଞ୍ଜା ମାନି ହିରୁ ଗୁଦଝା ତଲେ ଲାକପୁରୁତି ତଞ୍ଜାଆନେସି । ୮ ଆମ୍ଭାଆରି ମାହାପୁରୁଇଁ ପୁଞ୍ଜାହିଲଅରି, ଅଡେତ ମା ପ୍ରବୁ ଜୀସୁ କ୍ରୀସ୍ତତି ନେହ କାତୁ ମାନଞ୍ଜି ଆଅରି, ଏଝାରାଇଁ ଏଝାସି ଏତିବେଳା ତଣ୍ଡ ହାନେସି ।

୯ ଇତିହ, ଆମିନି ଦିନା ଏଝାସି ଜାହାରା ଦାମ୍ଭୁଗାଗାରି ତଲେ ଗାଞ୍ଜୁରମି ବେଟାଆହାଲି ଇଞ୍ଜା ନାମାମାନି ମାହାପୁରୁ ଲକ୍ଷ୍ମ ତାଣ୍ଡାଟି କାବାଆନି ସିନାଲେହେଁ ଆହାଲି ଖାନେସି । ଇତିହ ମୀରୁ ମାମ୍ଭୁ ହାହାମାଞ୍ଜାନି ସାକିତି ନାମାମାଞ୍ଜେରି । ୧୦ ଏ ଦିନା ଏଝାରି ତଣ୍ଡ ବେଟାଆନେରି, ଇତିହ ପ୍ରବୁତି ତାଗେଟି ଇଞ୍ଜା ତାନି ବାଡ଼ୁୟୁଗାଟି ଗାଞ୍ଜୁରମିଟି ହେକ ହାଜାନା କାଲାକାଲା ତାକି ନାସା ଆନେରି ।

* ୧:୧ ୧:୧ କାମା ୧୭:୧

୧୧ ଏଦାଆଁତାକି ମା ମାହାପୁରୁ ଏନିକି ମିଙ୍ଗେ ହାଟାମାଞ୍ଜାନି ଜଗେ ଇଞ୍ଜାନେସି, ଏଦାଆଁତାକି ମାମୁ ଜିକେଏ ବାରେବେଲା ମିଙ୍ଗେତାକି ପ୍ରାତାନା କିହିମାନମି; ଏନିକି ନାମୁତି ବାରେ କାମା ନେହିଁ କିହିଲି ଆଡ଼ିଦେରି । ୧୨ ଏଲେଆଡ଼ିହିଁ ମା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାଣି ଲେହେଁ ପ୍ରବୁ ଜୀସ୍ତତି ଦରୁ ମୀ ତାଣା ଗାଞ୍ଜୁରମି ଆନେ, ଅଡ଼େ ମୀରୁ ତାନିତାଣାଟି ଗାଞ୍ଜୁରମି ବେଟାଆଡ଼େରି ।

୨

ଲାଗେଏତି ମାଣସି

୧୨ ତାୟିୟାଁ ଅଡ଼େ ତାଙ୍ଗିସ୍ତାତେରି, ପ୍ରବୁ ଜୀସୁ କ୍ରୀସ୍ତ ଖେଣ୍ଡେ ଖାନାଣି ଅଡ଼େ ମୀରୁ ତାନିତଲେ କୁଡ଼ା ଆନାଣି ତାକି ମିଙ୍ଗେ ବାତିମାଲି ମାଞ୍ଜାନମି । ୨ ପ୍ରବୁତି ଦିନା ଏଗାଝାଡ଼େୟିଏ ଇଞ୍ଜିହିଁ ମୀ ଏନି ଜୀସୁ କି ବଲୁ କି ମା ତାଣାଟି ରାସ୍ତିକି ଆହାମାନେ ଇଞ୍ଜି ଅଣ୍ଟାପାନା ଆମିନି ଆକୁ ତଲେ ଗାଡ଼େକେଏ ଗୁଟା ଆଆଦୁ କି କିଲିବିଲି ଆଆଦୁ । ୩ ଆମାଆସି ଏନିକିହିଁ ଜିକେଏ ମିଙ୍ଗେ ନାଡ଼ି କିୟାଆପେସି, ଏନାଆଁତାକି ଇତିହିଁ ମୁଲୁଏ ଦାମ୍ବୁ ବିତ୍ତା ଗଡ଼ହା ଆନେ, ଅଡ଼େ ନାସାକିନି ଦାମ୍ବୁ ହିଲ୍ଲାଆ ମାଣସି ତଞ୍ଜା ଆନାୟି ମାନେ, ଆଆତ ପ୍ରବୁତି ଦିନା ଖାଏ । ୪ ଇଝାସି ଏ ଦାମ୍ବୁ ହିଲ୍ଲାଆଗାଟି ମାଣସି ପୂଜା ବେଟାଆହିମାନି ପେଣ୍ଡକା କି ମାହାପୁରୁ କପାଟି ନିଙ୍ଗିନେସି ଅଡ଼େ ବାରେତି କିହିଁ ଜାହାରାଇଁ ହାରେକା ଗାଞ୍ଜୁରମି କିହାକତିନେସି, ଇଲେକିହିଁ ମାହାପୁରୁତି ଇଲୁତା ଜିକେଏ କୁଗାନା ଏଝାସି ନାନୁ ମାହାପୁରୁତେଏଁ ଇନେସି ।

୫ ମୀରୁ ଏଦାଆଁ ଅଣ୍ଟାସି ହିଲଅତେରି କି ? ନାନୁ ମୀ ତଲେ ମାଟିବେଲା ମିଙ୍ଗେ ଇ ବାରେ କାତା ଝେସାମାଞ୍ଜାତେଏଁ । ୬ ତାରିକିହା ମାନି ଦିନା ଏଝାସି ତଞ୍ଜାଆନେସି, ଆଡ଼ିଜିକେଏ ତାନୁ ଖାନାଣି ଏନାୟି ଆଙ୍ଗିମାନେ ଏଦାଆଁ ମୀରୁ ପୁଞ୍ଜାମାଞ୍ଜେରି । ୭ ଏ ପାପୁତା ତରୁମାନି ବାଡ଼ୁମୁ ନୀଏଁ ଜିକେଏ କାମା କିହିମାନେ, ସାମା ଏନାୟି ଆନାୟି ମାନେ ଏ ଆଙ୍ଗା ମାନାସି ଗୁଟା ଆଆପାତେକା ଖାଏ ।

୮ ଏତିବେଲା ଲାଗେଏତି ମାଞ୍ଜୁଗାଟି ମାଣସି ତଞ୍ଜାଆନେସି, ଏଝାଣାଇଁ ପ୍ରବୁ ଜୀସୁ ଗୁଟିତି ହନି ଉକଅଡ଼ି ତଲେ ପାୟିନେସି ଇଞ୍ଜା ତାନୁ ଖେଣ୍ଡେ ଖାନାଟି ତଞ୍ଜାଆନି ଉଜେଡ଼ି ତଲେ ନାସା କିନେସି । ୯ ସୟତାନତି ବାଡ଼ୁମୁ ହୀପକି ଆହାମାନି ଲେହେଁ ବାରେଲେହେଁତି ମିତିତି ବାଡ଼ୁମୁ, ସିନା ଇଞ୍ଜା କାବାଆନି କାମା, ଅଡ଼େ ନାସା ଆହିମାନି ଲକୁତାଣା ବାରେଲେହେଁତି ଦାମ୍ବୁ ନାଡ଼ି କିନାଆଁ ତଲେ ଲାଗେଏତି ମାଣସି ଖାନେସି, ୧୦ ଇଞ୍ଜା ନାସା ଆନାରାଇଁ ବାରେଲେହେଁତି ଲାଗେଏ ଗାଟି ନାଡ଼ିକିନି କାମା କିନେସି, ଏନାଆଁତାକି ଇତିହିଁ ଗେଲ୍ଲପିଆୟାଲି ସାତାତି ଜୀସୁ ନଆନା ଅପାଆଗାଗାରି ନାସା ଆନେରି । ୧୧ ଇଦାଆଁତାକି ଏଝାରି ଏନିକି ମିତିତାଣି ନାମିନେରି, ଏଦାଆଁତାକି ମାହାପୁରୁ ଏଝାରିତାଣା ନାଡ଼ିକିନି ବାଡ଼ୁମୁ ପାଣ୍ଡାମାଞ୍ଜାନେସି । ୧୨ ଏନିକିହିଁ ଆପାଆରି ସାତାତି ନାମାଆନା ଦାମ୍ବୁ ହିଲ୍ଲାଆଗାଟି ତାଣା ରାହିଁ ଆହାମାନେରି, ଏଝାରି ବାରେଜାଣା ତଣ୍ଡ ବେଟାଆନେରି ।

ଗେଲ୍ଲପିଆୟାଲି ହାଟୁକି ଆହାମାଞ୍ଜେରି

୧୩ ମା ପ୍ରବୁତି ଜୀସୁତି ତାୟିୟାଁ ଅଡ଼େ ତାଙ୍ଗିସ୍ତାତେରି, ମିଙ୍ଗେତାକି ବାରେଦିନା ମାହାପୁରୁଇଁ ଜହରା କିନାୟି ମା କାମା, ଏନାଆଁତାକି ଇତିହିଁ ମାହାପୁରୁ ଜୀସୁତି ସୁଦୁ ଇଞ୍ଜା ସାତାତି ନାମୁତଲେ ଗେଲ୍ଲପି ଆହାଲି ମିଙ୍ଗେ ମୁଲୁତି ପାଡ଼େୟିଲେଁ ବାଟି କିହାମାଞ୍ଜାନେସି । ୧୪ ଏଦାଆଁତାକି ଜିକେଏ ଏଝାସି, ମାମୁ ଝେକହାମାନି ନେହିଁ କାରୁତଲେ ମା ପ୍ରବୁ ଜୀସୁ କ୍ରୀସ୍ତତି ଗାଞ୍ଜୁରମି ବେଟାଆହାଲି ମିଙ୍ଗେ ହାଟାମାଞ୍ଜାନେସି । ୧୫ ଏଲେଆହିଁ ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି ତାରିଆହିଁ ମାଞ୍ଜୁ, ଅଡ଼େ ମାମୁ ଝେସ୍ତାତି ବଲୁ କି ଆକୁ ତଲେ ମୀରୁ ଏନାଆଁ ଜାପାମାଞ୍ଜେରି, ଏଦାଆଁ ଜାଣ୍ଡେ ଆସାଁ ମାଞ୍ଜୁ ।

୧୬ ମା ପ୍ରବୁ ଜୀସୁ କ୍ରୀସ୍ତ ତାନୁଏ ଅଡ଼େ ମା ଆବା ମାହାପୁରୁ ଅଡ଼େ ମାଙ୍ଗେ ଜୀସୁନହାଁନା ତାନି କାର୍ମାଟି କାଲାକାଲାତି ସାସା ଅଡ଼େ ନେହିଁ ବାସ୍ତୁ ହୀହାମାଞ୍ଜାନେସି । ୧୭ ଏଝାସି ତାନୁଏ ମୀ ହିୟାଁ ସୁସି ହୀହାଁ ମିଙ୍ଗେ ବାରେଲେହେଁତି ନେହିଁ କାମା ଇଞ୍ଜା ବଲୁତା ତାରିକିୟାପେସି ।

୩

ମା ତାକି ପ୍ରାତାନା କିଦୁ

୧ ବାରେତି ତାୟୁ, ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି ମାଙ୍ଗେ ତାକି ପ୍ରାତାନା କିଦୁ, ଏନିକି ପ୍ରବୁତି ନେହିଁ ବଲୁ ମୀ ତାଣା ଆଡ଼ି ଲେହେଁ ବାରେଝାକି ଝେଙ୍ଗା ହାଜାନା ଗାଞ୍ଜୁରମି ପାଣ୍ଡନେ, ୨ ଅଡ଼େ ଏନିକି

୨:୧ ୨:୧ ୧୧ତେସ ୪:୧୫-୧୭

ମାମ୍ନୁ ହୁଏ ହିଲିଆ ଗାଗାରି ଅଡ଼େ ଦହଗାଗାରି ତାଣାଟି ଗେଲ୍‌ପି ଆନୁମି, ଏନାଆଁତାକି ଇତିହ ବାରେ ତାଣା ନେହ ବଲ୍ଲୁ ନାମା ହିଲଅରି ।

୩ ଯାମା ପ୍ରବୁ ଟିକାଣାତାସି, ଏଞ୍ଜାସି ମିଙ୍ଗେ ତୀରି କିହାନା ଲାଗେଏ ପଲେଏ ତାଣାଟି ଗେଲ୍‌ପାନେସି ।

୪ ମାମ୍ନୁ ମିଙ୍ଗେ ଏନିକ ହୁକୁମି ହାହିମାଞ୍ଜାନମି, ଏ ବାରେ ମାରୁ କିହିମାଞ୍ଜେରି, ଅଡ଼େ କିଦେରି, ଇଦି ମୀ ତାକି ପ୍ରବୁ ତାଣା ମା ଆଟ୍‌ଞ୍ଜା ନାମୁ ମାନେ ।

୫ ଅଡ଼େ ପ୍ରବୁ ମୀ ହିୟାଁତି ମାହାପୁରୁତି ଜୀଞ୍ଜୁ ନନାଣି ଇଞ୍ଜା କ୍ରୀସ୍ତତି ସାସା ବେଟାଆହାଲି ସାଢ଼େମି କିୟାପେସି ।

ବାରେଜାଣା କାମା କିନାୟିମାନେ

୬ ଏ ମା ତାୟିୟାଁ ଅଡ଼େ ତାଜିସ୍ମାତେରି, ମାମ୍ନୁ ପ୍ରବୁ ଜୀସୁ କ୍ରୀସ୍ତତି ଦରୁତଲେ ମାମ୍ନୁ ମିଙ୍ଗେ ଇ ହୁକୁମି ହାହିମାଞ୍ଜାନମି, ଆମିନି ତାୟି ମା ତାଣାଟି ଜାପାମାନିଲେହେଁ ମାଣ୍ଡକିତା ମାନାଆନା ନିସ୍ତା ତଲେ ନୀତିନେସି, ଏଞ୍ଜାଣି ତାଣାଟି ଜାହା ଜାହାରାଇଁ ଏଟ୍‌କା କିଦୁ । ୭ ଇତିହ ମାମ୍ନୁ ଏନିକ କିହି ମାଟମି ଏଲେକ ମାରୁଞ୍ଜା କିନାୟିମାନେ, ଏଦାଆଁ ମାରୁ ମାରୁଏ ନେହ କି ପୁଞ୍ଜାମାଞ୍ଜେରି, ଏନିକ ମାମ୍ନୁ ମୀ ତାଣା ନିସ୍ତା ତଲେ ନୀତି ହିଲଆତମି । ୮ ମାମ୍ନୁ ରୁଜେଏ ଆମ୍ବାଆରି ରାନ୍ଦା ତିଞ୍ଜି ହିଲଆତମି, ସାମା ମିଙ୍ଗେ ବଲ୍ଲୁ ଆଆପେଞ୍ଜା ଇଞ୍ଜା ଲାଆଁ ମାଦେନା ଖାହୁରାତା ଅଡ଼େ କସ୍ତଲେ କାମା କିହି ମାଟମି; ୯ ମୀ ତାଣାଟି ଏନାଆଁ ବେଟାଆହାଲି ମା ଅଦିକାରା ହିଲେଏ, ଏଦି ଆଏ, ସାମା ଏନିକ ମାରୁ, ମାମ୍ନୁ କିହିମାଟିଲେହେଁ କିଦେରି: ଇଦାଆଁତାକି ମାମ୍ନୁ ମୀ ନକିତା ଜାହାରାଇଁ ନେହ ମାଣ୍ଡକି ତସାଲି ତାକି ଏଲେକିତମି । ୧୦ ଇତିହ ମୀ ତଲେ ମାମ୍ନୁ ମୁାଗାଟି ମିଙ୍ଗେ ଇ ହୁକୁମି ହିୟାତମି, “ଆମ୍ବାଆସି କାମା କିହାଲି ମନ କିଅସି, ଏଞ୍ଜାସି ରାନ୍ଦା ଜିକେଏ ତିନାଆପେସି ।”

୧୧ ଇତିହ ମୀ ତାଣା ଏଚେକା ଲକୁ ନିସ୍ତା ତଲେ ନୀତିମାଞ୍ଜେରି ଇଞ୍ଜା ଏଞ୍ଜାରି ଏନି କାମା କିଆନା ଉଜେ ଉଜେଏ ଏଟ୍‌କା ଲକୁତି କାତା ଅଣ୍ଡିମାନେରି, ଇଞ୍ଜା ମାମ୍ନୁ ଚୁଞ୍ଜାମାନମି । ୧୨ ଇଲେତାରାଇଁ ନେହ ଆହଁ ନୀତାଲି ଅଡ଼େ ତାମି ରାନ୍ଦା ତାମ୍ନୁ ନେହ ଅଣ୍ଡିପୁ ତଲେ କାମା କିହାଲି, ମାମ୍ନୁ ଜୀସୁ କ୍ରୀସ୍ତ ଦରୁତଲେ ସେଡନା ଅଡ଼େ ହୁକୁମି ହାହିମାଞ୍ଜାନମି ।

୧୩ ସାମା ଏ ମା ତାୟିୟାଁ ଅଡ଼େ ତାଜିସ୍ମାତେରି ମାରୁ ନେହ କାମା କିୟାଲି ଏଚେଲାଞ୍ଜା ଖାହାଆଦୁ । ୧୪ ଇ ଆକୁତା ମାମ୍ନୁ ରାଗାମାନାଣି ଆମ୍ବାଆସି ମାନୁଞ୍ଜି ଆଅସି, ଏଞ୍ଜାଣାଇଁ ଗୁରି କିଦୁ, ଅଡ଼େ ଏଞ୍ଜାସି ଏନିକ ଲାଜା ବେଟା ଆନେସି, ଏଦାଣିତାକି ଏଞ୍ଜାଣିତଲେ ଆଣ୍ଡାଆଦୁ; ୧୫ ଆଡିଜିକେଏ ଏଞ୍ଜାଣାଇଁ ସାହୁ ଲେହେଁ ମେହଆଦୁ, ସାମା ଏଞ୍ଜାଣାଇଁ ତାୟିଲେହେଁ ମେସାନା ସେଡନା ହୀଦୁ ।

ଆକୁତି ରାଦ୍‌ନି କାତା

୧୬ ହିଡ଼ଡି ଜୀଞ୍ଜୁହୀନି ପ୍ରବୁ ତାମ୍ନୁଏ, ବାରେବେଲା ଅଡ଼େ ବାରେ ଖାକିଟି ମିଙ୍ଗେ ହିଡ଼ଡି ହିୟାପେସି । ପ୍ରବୁ ମୀ ବାରେଜାଣା ତଲେ ମାନାପେସି । ୧୭ ନାନୁ ପାଞ୍ଜୁଲଡେଏଁ, ନା କେୟୁତଲେ ରାଗାନା ଜୀଞ୍ଜୁତି ଜହରା କିହିମାଞ୍ଜାଇଁ; ନା ବାରେ ଆକୁତା ନା ସିନା ହୀନି ଲେହେଁ ରାଡିମାଞ୍ଜାଇଁ, ନା ରାଡିନାୟି ଏଲେତାୟି ।

୧୮ ମା ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍‌ନାୟି ବାରେତେରି ମିଙ୍ଗେ ଆୟାପେ ।

ତୀମଥୁକ ନିକଟକୁ ପାଉଲକ ପ୍ରଥମ ପତ୍ର ତିନିତ ତାଣା ପାଞ୍ଚୁଲ ରାଟାମାନି ର ଲମ୍ବର ଆକୁ ମୂଲୁ ହାଡ଼ା

ମୂଲୁ ପତି ତିନିତ ର ଲମ୍ବର ଆକୁ, ପାଣ୍ଡୁଆଡ଼ି ପାଞ୍ଚୁଲ ତାଣାଟି ତାନି ସୀସୁ ତିନିତକି ରାସ୍ତି ଆହାମାନେ । ଜୀସୁ କ୍ରୀସ୍ତ ଜାର୍ନାଆଡ଼ି ୬୧-୬୪ ବାର୍ଯା ତାୟୁ ର ଲମ୍ବର ତିନିତ ରାସ୍ତି ଆହାମାଣ୍ଡିନେ । ଇଦି ପାଞ୍ଚୁଲତି ଜୀସୁ ରାନି ବେଲାତା ରାସ୍ତି ଆହାମାଣ୍ଡିନେ । ପାଞ୍ଚୁଲ ତିନିତ ତଲେ ହାରେକା ଜାତୁ ମାଚେସି, ଏଞ୍ଜାସି ହାରେକା ଦେବା ତିନିତଇଁ ମୀରୁଏସି ଇଞ୍ଜୁ ଇଞ୍ଜା ମାନେସି ପିଲିପ ୨:୨୨; ୧ତିମ ୧:୨, ୧:୧୮ ।

ଇଦି ପାଞ୍ଚୁଲ ରାଟାମାନି ସାରିଗଟା ଆକୁ ବିତ୍ତାଟି କୁଲମିତି ପିସାନା ର ମାଣସିଇଁ ଖେସିମାନେ । ଅଡ଼େ ତାନିଗଟା ଆକୁ ତିନିତ ରା ଲମ୍ବର ଆକୁ, ତିତସ, ଅଡ଼େ ପିଲିମାନ । ର ଲମ୍ବର ତିନିତତା କୁଲମିତି ହାରେକା ପ୍ରାତାନା କିନି ମୋରାତି କାତା ୨:୧-୧୫, କୁଲମିତି କାଜା ଲକ୍ଷୁତି ଜଗେତି କାତା ୩:୧-୧୩ଅଡ଼େ ମିତି ଜାପୁନାରି କାତାତା ଜାଗ୍ରାତା କିନି କାତା ରାସ୍ତି ଆହାମାନେ ୧:୩-୧୧; ୪:୧-୫; ୬:୨-୫ । ପାଞ୍ଚୁଲ ତିନିତଇଁ ଏନିକିହୁଁ କୁଲମିତି ନେହୁଁ ସାଲୁଖି କିନାସି ଆହାଲି ଜାପୁହି ମାଚେସି ଏ କାତା ରାସ୍ତି ଆହାମାନେ ।

ତିନିତ ର ଲମ୍ବର ଆକୁତା ହାରେକା ପାଣା ପାଚୁୟାଁ ମାମୁ, ଏଞ୍ଜି କୁଲମିତି ସାଲୁଖି କିନାରାଇଁ ନୀଞ୍ଜୁ ଓଏତି କୁଲମିକାଣି ନେହୁଁ କୁଁ ଜାଡ଼ନୁ କିହାଲି ସାୟେମି କିନୁ ।

ପତିତା ମାନାୟି

- ୧. ପାଞ୍ଚୁଲ ତିନିତଇଁ ଜହରା କିହାଁ ମାଟୁନାୟି । ୧:୧-୨
- ୨. ପାଞ୍ଚୁଲ ତିନିତଇଁ ମିତି ଜାପୁନାରି କାତାତା ଜାଗ୍ରାତା କିନାୟି । ୧:୩-୧୧
- ୩. ପାଞ୍ଚୁଲ କ୍ରୀସ୍ତ ତାକି ଏଚେକା ନେହୁଁ ତସାମାନେସି ଏଦାଆଁ ଖେସାମାନା ଆକୁତି ରାଟିନାୟି । ୧:୧୨-୧୯
- ୪. ପାଞ୍ଚୁଲ ତିନିତଇଁ ପ୍ରାତାନାତି ପାଣାପାଚୁ ଅଡ଼େ ସାଲୁଖି କିନାରି କାତା ଜାପୁହାମାନେସି । ୨-୩
- ୫. ପାଞ୍ଚୁଲ ତିନିତକି ଏଚେକା ତାୟୁତି କାତା ଖେସାମାନା ଆକୁ ରାଟିନାଣି ରାପୁନାୟି । ୪-୬

୧ ନାନୁ ପାଞ୍ଚୁଲ, ମା ଗେଲ୍‌ପାନି ମାହାପୁରୁ ଅଡ଼େ ବାର୍ସି ହାନି କ୍ରୀସ୍ତ ଜୀସୁ ହୁକୁମି ତଲେ ପାଣ୍ଡୁ ଆହାମାନାଚେସି ।

୨ *ନାମୁତା ନା ଦାମୁତି ଜୀସୁତି ମୀରୁଏଣାଟି ତିନିତ; ଆବା ମାହାପୁରୁ ମା ପ୍ରବୁ ଜୀସୁ କ୍ରୀସ୍ତ ତାଣାଟି ଜାଞ୍ଜୁନାୟି କାର୍ମାନେହୁନାୟି ଅଡ଼େ ହିଡ଼ି ନିଜେତାକି ଆୟାପେ ।

ମିତି ଜାପୁନାରି ତାଣାଟି ଜାଗ୍ରାତା

୩ ନାନୁ ମାକିଦନିୟାତା ହାଜିମାଗାଟି ମିଜେ ଖେସାମାଞ୍ଜାତି ଲେହେଁ, ନୀନୁ ଏପିସିୟ ଗାଡ଼ାତା ତୁୟାମୁ ଏମ୍ବାଆଁ ଏଚରଜାଣା ଲାଗେଏତି କାତା ଜାପୁହିମାନେରି ଏମ୍ବାଟି ଏଞ୍ଜାରାଇଁ କାହିଁ କିମୁ, ୪ କହୁୟାଁ ଇଞ୍ଜା ରାଆଗାଟି ଆକୁ ଆବାୟାଁ ଦରକାଣି ଆହାପେଦେରି ଇଞ୍ଜୁ ଏଞ୍ଜାରାଇଁ ଖେହୁମୁ, ଏ ବାରେ ନାନୁ ତାକି ମାହାପୁରୁତି କାମାତାକି ଆଆନା ସାମା ବାଡ଼ିବାଦା କିଞ୍ଜିକିନେ । ୫ ସୁଦୁ ହିୟାଁ, ନେହୁଁ ଅଣପୁ ଅଡ଼େ କୁଟୁ ହିଲାଆ ନାମୁତି ହଡ଼ିମାନି ଜୀସୁ ନନାଣି ଜାଗ୍ରାତା କିହାଲିତାକି ନାନୁ ଇ ହୁକୁମି ହାହିମାଞ୍ଜାଇଁ । ୬ ଏଚରଜାଣା ଇ ବାରେ କାତାଟି ବାଣା ଆହାନା ଉଜେଏତି କାତା ଆସାନା ଏଟ୍‌କା ଜିନୁ ହାଜିମାନେରି; ୭ ଏଞ୍ଜାରି ମୋରା ଜାପୁନାତମି ଇଞ୍ଜୁ ଅଣପିନେରି, ସାମା ଏଞ୍ଜାରି ଏନାଆଁ ଖେହୁନେରି, ଅଡ଼େ ଏନାଆଁ ଜାଣ୍ଡେନାଞ୍ଜା ଜାପୁନେରି, ଏଦାଆଁ ତାମୁସୁ ତେଲୁହଅରି ।

୮ ମାମୁ ପୁଞ୍ଜାମାନି; ମୋରାତି ନେହୁଁ କୁଁ ଲେମ୍ବିସାରେ, ଏଦି ନେହେଁ । ୯ ସାମା ମୋରା ଦାମୁଗାଟି ଲକ୍ଷୁତାକି କିଞ୍ଜିଆଆନା, ଜାହାରା ମନ, ଅଡ଼େ ମାନୁଞ୍ଜି ଆଆଗାଗାରି, ଦାମୁ ହିଲାଆ ଗାଗାରି, ଅଡ଼େ ପାପୁ ଗାଗାରି, ଲାଗେଏତାରି, ଦାମୁତି ନାମାଆଗାଗାରି, ତାଲି ତାଞ୍ଜିଇଁ ପାୟିନାରି, ଲକ୍ଷୁଣି ପାୟିନାରି, ୧୦ ଦାରି କିନାରି, ଆବା ଆବାୟାଁ ଦହୁ କିଞ୍ଜିଆନାରି, ଲକ୍ଷୁଣି ପାଟୁନାରି, ମିତି ସାକି ହାନାରି, ଅଡ଼େ ମିତି କାତାତାକି ପାରମାଣା କିନାରାକି, ଅଡ଼େ ଆମ୍ବାଆରି ନେହୁଁ ଜାପୁନାଣି, ତାକି ନିଜିନେରି, ଏଦାଆଁତାକି ମୋରା

* ୧:୨ ୧:୨ କାମା ୧୬:୧

ମାନଙ୍କି ଆଆଗାଗାରକି ହୀପୁକି ଆହାମାନେ, ୧୧ ଛଦି ନା ତାଣା ହେରୁପି ଆହାମାନାୟି ହାରେକା ନେହେଁ ମାହାପୁରୁତି ଗାଧୁରମିଗାଟି ନେହଁ କାବୁତି ଜାପୁନି ଲେହେଁ ଆନେ ।

ମାହାପୁରୁତି କାର୍ମା ତାକି ଜହରା

୧୨ ନାଙ୍ଗେ କାମାତା ବାଡ଼ନ୍ତୁ ହୀହାମାଞ୍ଜାନି ମା ପ୍ରବୁ କ୍ରୀସ୍ତ ଜୀସୁଇଁ ଜହରା କିହିମାଇଁ, ଏନାଆଁତାକି ଛତିହଁ ନାଙ୍ଗେ ଏଞ୍ଜାସି ମାନିଗାଗାଟି ଇଞ୍ଜିଁ ଅଣ୍ଡାପାନା ସେବା କାମା ହେରୁପା ମାଞ୍ଜାନେସି । ୧୩ *ଆଡ଼ିଜିକେଏ ତଲି ନାନୁ ଜୀସୁଇଁ ନିଦା କିନାତେଏଁ, ତଣ୍ଡ ହୀନାତେଏଁ, ଅଡ଼େ ଲାଗେଏ କିନାତେଏଁ ମାତେଏଁ; ସାମା ନାନୁ ନାମା ହିଲୀଆତାକି ବୁଦି ହିଲୀଆଲେହେଁ ଏଦାଆଁ କିହିମାତେଏଁ ଇଞ୍ଜିଁ କାର୍ମା ବେଟାଆତେଏଁ; ୧୪ ଅଡ଼େ ମା ପ୍ରବୁତି କାର୍ମା କ୍ରୀସ୍ତ ଜୀସୁ ତାଣାଟି ନାମୁ ଅଡ଼େ ଜୀସୁ ନନ୍ଦି ତାଣାଟି ନାଙ୍ଗେତାକି ହାରେକା ଆୟାତେ । ୧୫ ପାପୁ ଗାଗାରାଇଁ ଗେଲ୍‌ପାଲିତାକି କ୍ରୀସ୍ତ ଜୀସୁ ଦାରୁତିତା ଖାଡ଼େସି, ଛ ବଲ୍ଲୁ ସାତା ଅଡ଼େ ବାରେଖାକି ଆବିନାୟି ଅଡ଼େ ନାମିନାୟି; ଏ ପାପୁ ଗାଗାଟି ବିତ୍ରାଟି ନାନୁ ବାରେକିହାଁ କାଜା ପାପୁ ଗାଗାତେଏଁ ୧୬ ଆଡ଼ିଜିକେଏ ଆମିନି ଗାଗାଟି ଖାହିମାନି ଦିନାତା କାଲ୍‌କାଲ୍‌କାଟି ଜୀସୁ ବେଟାଆହାଲି ଜୀସୁ କ୍ରୀସ୍ତ ତାଣା ନାମିନେରି, ଏଞ୍ଜାରି ନକିତା ତସ୍‌ପି ଆହାଲି ନାନୁ ର କାଜା ପାପୁ ଗାଗାତେଏଁ, ନା ତାଣା ଏଞ୍ଜାସି ଏନିକଁ ତାନି କାରେଏତି ଅରୁହିନାଣି ତହୁନେସି ଏଦାଆଁତାକି ନାନୁ କାର୍ମା ବେଟା ଆତେଏଁ । ୧୭ ଏତେଲାଖା ନାସା ଆଆଗାଗାୟି ଇଞ୍ଜାଁ ତଞ୍ଜାଆଗାଟି ରଣ୍ଡିଏ ମାହାପୁରୁ ଆଦ୍ୱାଆସି କାଲ୍‌କାଲ୍‌କାଟି ରାଜା ଏଞ୍ଜାଣାକି ମାନି ଅଡ଼େ ଗାଧୁରମି କାଲ୍‌କାଲ୍‌କା ତାକି ଆପେ । ଆଡ଼େନ ।

୧୮ ତମତି, ନା ମାରୁଏଣାତି, ନିଙ୍ଗେତାକି ତଲି ଝେସିମାଞ୍ଜାତି ଲେହେଁ ନାନୁ ନିଙ୍ଗେ ଛ ହୁକୁମି ହାହିମାଞ୍ଜାଇଁ, ଏନିକଁ ନାନୁ ଛ ବାରେ କାତାତଲେ ନେହଁ ଜୁଜୁ କିହାଲି ଆଡ଼ିଦି । ୧୯ ଦାମୁ ଅଡ଼େ ନାନୁ ନେହଁ ଅଣ୍ଡାପୁ ଆହମୁ; ଏଦାଆଁ ପିସା ମାନାକି ଏତରଜାଣାଟି ନାନୁ ଲେହେଁତି ଜାଜା ତୀହା ହାଜାମାନେ, ୨୦ ଏଞ୍ଜାରି ବିତ୍ରାଟି ହୁମନାୟ, ଅଡ଼େ ଆଲେକଜାଣ୍ଡାର ମାନେରି, ଏଦାଆଁତାକି ନାନୁ ଏଞ୍ଜାଲାଇଁ ସୟତାନ କେହୁତା ହେରୁପିତେଏଁ, ଏନିକଁ ଛ ରିଆରି ପାଣା ବେଟାଆହାନା ମାହାପୁରୁଇଁ ନିଦା କିଅରି ।

୨

କୁଲମିତା ପାଣାପାପୁ

୧ ଛଦାଆଁତାକି ନା ବାତିମାଲିନାୟି ମାହାପୁରୁଇଁ ଜହରା କିନି ବେଲାତା, ଦେସାତି ପାଣାଗାଗାଟି, ୨ ଏଦାଆଁତାକି ବାରେ ଲକୁତାକି ରାଜାୟାଁ ସାଲ୍‌ଝି କିନାରି, ବାରେତାକି ପ୍ରାତାନା, ଗହୀରା ଅଡ଼େ ଜହରା କିଦୁ, ମାର ଏନିକଁ ମାହାପୁରୁ ଆଜିତଲେ କିଲିବିଲି ଆଆନା ତୁୟିନାୟି ଅଡ଼େ ଏଟକା ଲକୁ ତାଣା ନେହଁ ମାଣକି ମାଞ୍ଜାନା ସୁକୁ ଅଡ଼େ ହିଡ଼ି ତଲେ ନୀତାଲି ଆଡ଼ିନାୟି । ୩ ଇଲେତି ପ୍ରାତାନା ମା ଗେଲ୍‌ପାନି ମାହାପୁରୁ ନକିତା ଲଡ଼ା ଆନାୟି ଅଡ଼େ ଅପିନାୟି ଆନେ । ୪ ବାରେଜାଣା ଏନିକଁ ଗେଲ୍‌ପିଆନାଣି ଅଡ଼େ ସାତାତି ବୁଦି ବେଟାଆନେରି ଇଞ୍ଜିଁ ଏଞ୍ଜାସି ଅଣ୍ଡାପି ମାନେସି । ୫ ଛତିହଁ ରଣ୍ଡିଏ ମାହାପୁରୁ ମାନେସି, ଅଡ଼େ ମାହାପୁରୁ ଇଞ୍ଜାଁ ମାଣ୍ଡିୟାଁ, ମାଦିତି ମାଣ୍ଡି ରଅସିଏ ମାନେସି, ଏଞ୍ଜାସି ଜୀସୁ କ୍ରୀସ୍ତ, ର ମାଣ୍ଡିସି । ୬ ଏଞ୍ଜାସି ମାଣ୍ଡିସି ଗେଲ୍‌ପାଲିତାକି ତାନୁଏ ହେରୁପି ଆଡ଼େସି, ଛଦାଆଁତାକି ସମାନା ବେଲାତା ତଞ୍ଜାଆହାନା, ମାହାପୁରୁ ବାରେ ମାଣ୍ଡିୟାଁଇଁ ଗେଲ୍‌ପାଲି ଅଣ୍ଡାପି ମାନେସି ଛଦାଆଁ ସାକି ହାହାମାନେସି । ୭ ଏଦାଆଁତାକି ନାନୁ ର ନେହଁ କାବୁ ଝେକନାତେଏଁ, ପାଣ୍ଡି ଆହାମାନାତେଏଁ, ଇଞ୍ଜାଁ ନାନୁ ଅଡ଼େ ସାତାତା ଏଟକା କୃତାତି ଲକୁ ତାଣା ଜାପୁନାତେଏଁ ଆୟାଲି ମାହାପୁରୁ ନାଙ୍ଗେ ଆଡ଼ାମାଞ୍ଜାତେସି, ନାନୁ ସାତା ଝେସିମାଞ୍ଜାଇଁ ନାନୁ ମିତି ଝେସିମାଞ୍ଜାଆଁ ।

୮ ଏଦାଆଁତାକି ନା ଅଣ୍ଡାପୁ ବାରେଜାଣା ଆବାୟାଁ କୃତା ଆନାଟି, ସୁଦୁ ଅଣ୍ଡାପୁ ତଲେ କେସ୍‌ସା ପେରୁହାନା, କପା ଇଞ୍ଜାଁ ତାହାରା ଆଆନା, ପ୍ରାତାନା କିପାରି । ୯ ଏଲେକିହଁ ଏ ଇୟାସିକା ଜିକେଏ ତାୟିଁ ଅକ୍ତି କିହାନା, ଅଡ଼େ ବାଂଗାରା ସାକୁ ତୁରୁଆନା, କି ଦାରାଗାଟି ହିମ୍ପୁରିକା ତଲେ ତାମ୍ପୁ ତାମ୍ପଙ୍ଗେ ଅକ୍ତି କିହାକତାଆନା, ମାନି ଅଡ଼େ ନେହଁ ବୁଦିତଲେ ଉଣା ଦାରାତି ହିମ୍ପୁରିକା ହୁତାନା, ୧୦ ଦାମୁଗାଟି ଇୟାସିକା ରାହାଁ ଅଣ୍ଡାପୁଟି ନେହଁ କାମାତି ଅକ୍ତିତା ତାମ୍ପୁ ତାମ୍ପଙ୍ଗେ ଅକ୍ତି କିହା କତାପୁ । ୧୧ ଇୟାସିକା ପାଲେଏ ମାଞ୍ଜାନା ସୁଦୁଗାଟି ଅଣ୍ଡାପୁ ତଲେ ଜାପାପୁ । ୧୨ ନାନୁ ଇୟାସିକାଣି ଜାପୁହାଲି କି ଆବାୟାଁ ମୁହେଁ ସାଲ୍‌ଝି କିହାଲି ହେଲ ହାହି ହିଲଅଁ, ସାମା ଏଞ୍ଜା ପାଲେଏ ମାନାପୁ । ୧୩ ଏନିକିତହଁ ମାହାପୁରୁ ନକେଏ ଆଦମଇଁ

ଗାଢ଼ିକିତେସି ଅତେ ତାୟ ହବାଇଁ ୧୪ ଅତେ ଆଦମ ନାଡ଼ିକିଡ଼ି ଆହା ହିଲାଆତେସି, ସାମା ଇୟା ନାଡ଼ିକିଡ଼ି ଆହାନା ମାହାପୁରୁତି ମେରାଟି ଦହ ଗାଗାୟି ଆତେ; ୧୫ ସାମା ଇୟାସିକା ତାମଙ୍ଗେ ଉଣା କିହାଁ କତାନା ନାମୁତଲେ ଜୀଝୁ ନଡ଼ିଆହାନା, ସୁଦୁଜୀଝୁ ତଲେ ମାଞ୍ଜାନା କକାରି ପଦାଁ ଜାନ କିହାନା ଗେଲ୍ପି ଆନୁ ।

୩

କୁଲମିତି କାଜାରି

୧ ଈ କାତା ସାତା, ଆମ୍ବାଆସି କ୍ରାସ୍ତାନା କୁଲମିତା ଜାଡ଼ନୁ କିନି ପାଣା ବେଟାଆହାଲି ଅଣପିମାତିସାରେ, ଏଝାସି ନେହଁ କାମା କିଇଁ ଇଞ୍ଜିଁ ଅଣପିନେସି । ୨ ଈଦାଆଁତାକି କୁଲମିତି କାଜାସି ଦହ ହିଲାଆଗାଗାସି ଆନାୟି ମାନେ, ରଣ୍ଡିଏ ତକ୍ତିନି ତକ୍ତା, ଚିକାଣାତାସି, ନେହଁ ଅଣପୁ ଗାଗାସି, ପୁନାଆତି ଗତାୟିଣି ସେବା କିନାସି, ଅତେ ନେହଁ କିଁ ଜାପୁନାସି ଆନାୟି ମାନେ । ୩ ଅତେ କାତ ଗୁଗହନାସି କି ଗଡ଼ହା କିନାସି ଆଆନା, ସୁଦୁ ସୁଝାଲା, କପା ଇଟାଆଗାଗାସି, ଅତେ ଦନ ଜୁପକା ଗାଗାସି ଆଆୟି ମାନେ, ୪ ଏଝାସି ତାନି ଇଲୁ କୁଟମିତି ନେହଁ କିଁ ସାଲୁଝି କିନାସି, ଅତେ କକାରି ପଦାଁଣି ତୀରପୁତଲେ ଜାଡ଼ନୁ କିନାୟିମାନେ । ୫ ଆମ୍ବାଆସି ତାନି ଇଲୁ କୁଟମିତି ନେହଁ କିଁ ଜାଡ଼ନୁ କିହାଲି ଆଡ଼ଅସି, ଏଝାସି ଏନିକିଁ ମାହାପୁରୁ କୁଲମିତି ଜାଡ଼ନୁ କିନେସି ? ୬ ଏଝାସି ପୁଝନି ନାମିତାସି ଆଆୟି ମାନେ, ଇଚିହଁ ଏଡ଼େତା ପାଟେ ନାନୁ କାଜାତେଏଁ ଇଞ୍ଜିଁ ବତପଣ ଆହାନା, ସୟତାନ ତଣ୍ଡ ପାଣ୍ଡିଲେହେଁ ତଣ୍ଡ ବେଟା ଆନେସି । ୭ ଅତେ ଏଝାସି ନାମାଆଗାଗାରି ତାଣ୍ଡାଟି ଜିକେଏ ମାନ୍ଦି ବେଟାଆନାୟି ମାନେ, ଆଆତେଁ ଲାଜା ବେଟାଆହାନା ସୟତାନ ପାନ୍ଦାତା ହେରନେସି ।

କୁଲମିତି ସାୟେମି କିନାରି

୮ ଏଲେକିହଁ ଏ କୁଲମିତି ସେବା କିନାରି ନେହଁ ଅଣପୁ ତଲେ ନାମୁତା ତୁଗ୍ଗାମାନାଣି ଆସାନା ତୀରିତଲେ ମାଞ୍ଜାନା ନାଡ଼ି କିନାସି ଆଆପେସି, ୯ କାଡ଼ ଗାସିହଁ ତୁୟିନାସି, ଉଜେଏତି ଦନତି ଜୁପକା ଆଆୟି ମାନେ ୧୦ ଏଝାରି ସେବା ପାଣା ପୁଝଆ ନକେଏ ଏଝାରି ତାୟିପାରି କିଡ଼ିଆପାରି, ଅତେ ଏଝାରିତାଣା ଏନି ଦହ ତଞ୍ଜା ଆଆତିହଁ, କୁଲମିତି ସାୟେମି କିନାରି ଆପେରି । ୧୧ ଏଲେକିହଁ ଏ ଏଝାରି ତକ୍ତିସିକା ଜିକେଏ ନେହଁ ଗୁଣୁ ଗାଗାଇଁ ଆହାନା ସାକ୍ତି ହିଲାଆଗାଗାଇଁ ଆହାନା ତୀରପୁ, ପାଲେଏ ମାଞ୍ଜାନା ବାରେ କାମା ଚିକାଣା ତଲେ କିପୁ । ୧୨ ସେବା କିନାରି ରଣ୍ଡିଏ ତକ୍ତିତା ତକ୍ତା ଆପେରି, ଅତେ ଏଝାସି ତାନି କକାରି ପଦାୟିଣି ଅତେ ତାନି ଇଲୁ କୁଟମିତି ନେହଁ କିଁ ସାଲୁଝି କିପେରି । ୧୩ ଇଚିହଁ ଆମିନି ଗାଗାରି ନେହଁ କିଁ ସେବା କାମା କିହାମାନେରି, ଏଝାରି କୁଲମିତା ମାନ୍ଦିଗାଗାରି ଇଞ୍ଜିଁ ଝେଙ୍ଗିନେରି ଅତେ କ୍ରାସ୍ତ ଜୀସୁ ତାଣା ନାମୁତା ହାରେକା ସାସା ବେଟାଆନେରି ।

ତୁଗ୍ଗାମାନି କାଜା କାତା

୧୪ ଈ ଆକୁ ରାଡ଼ିନି ବେଲାତା, ନାନୁ ନୀ ତାଣା ତବେ ଝାହାଲି ଆସା କିହିମାଇଁ; ୧୫ ସାମା ନା ଝାନ୍ଦାୟି ଝେଡ଼ା ଆତିହଁ, ମାହାପୁରୁ ଇଲୁ କୁଟମିତା ଇଚିହଁ ସାତାତି ମୁଣ୍ଡା ଅତେ ପୁନାଦି ଲେହେଁ ଜୀଝୁତି ମାହାପୁରୁ କୁଲମିତା, ଏନି ମାଣ୍ଡକିତା ମାନାୟି ମାନେ, ଏଦାଆଁ ନାନୁ ଏନିକିଁ ପୁଞ୍ଜାଲି ଆଡ଼ିଦି, ଈଦାଆଁତାକି ଈ ବାରେ କାତା ନାନୁ ରାଡ଼ିମାଞ୍ଜାଇଁ । ୧୬ ମାହାପୁରୁତି ଦାମୁତି ବାରେ କାତା ହାରେକା କାଜାୟି, ଈଦାଆଁ ବାରେ ଲକୁ ଝେକ୍ନେରି । ଏଦି ଈଦି, କ୍ରୀସ୍ତ ମାଣ୍ଡସି ଝାଣା ଆହାନା ତଞ୍ଜାଆତେସି, ସୁଦୁଜୀଝୁତା ଦାମୁଗାଗାସି ଇଞ୍ଜିଁ ଝେଙ୍ଗିତେସି, ଦୁଡୁୟାଁ ତଲେ ତଞ୍ଜାଆତେସି, ଏଟକା ଲକୁତାଣା ଝେଙ୍ଗିତେସି, ଦାରୁତିତା ନାମୁଗାଗାସି ଆତେସି, ଈଞ୍ଜାଁ ମାହାପୁରୁ ଗାଝୁରମି ତଲେ ଲାକପୁରୁ ଅଝିଆତେସି ।

୪

ମିତି ଜାପୁନାରି

* ୩:୧୧ ୩:୧୧ ଇୟାସିକା ସେବା କିନାଲ † ୩:୧୨ ୩:୧୨ ରଣ୍ଡିଏ ବାହା ତକ୍ତି

୧ ସୁଦୁଜୀବୁ ତାରିତଲେ ଝେସିମାଞ୍ଜାନେ, ଜୁଗୁ ରାନ୍ତି ବେଲ୍ଲତା ଏଚେକା ଲକୁ ଲାଗେଏତି ନାଡ଼ିକିନି ଜାପୁନି ତାଣ୍ଡାତି କୁଲମିତି ନାମୁତି ହେକ ଆନେରି, ୨ ଏଞ୍ଜାରି ଏଚେଜାଣା ନାଡ଼ିକିନାରି, ଏଞ୍ଜାରି ଅଣ୍ଡୁ ହାଡ଼ାୟି, ୩ ଏଞ୍ଜାରି ବାହା କିନାୟି ଅଡ଼େ ଏନି ଏନି କାଦି ତିନାୟି ଇଞ୍ଜୁ ନେହେଁ ଆଏ ଇଞ୍ଜିମାନେରି । ସାମା ଆମିନି କ୍ରାସୁଇଁ ନାମିତି ଲକୁ ସାତାତି ପୁଞ୍ଜାମାନେରି, ଏଞ୍ଜାରି ମାହାପୁରୁ ଗାଡ଼ିକିତି ବାରେ କାଦି ତାକି ଏଞ୍ଜାଣାଇଁ ଜହରା କିହାନା ଏନି ନେହାୟି ଇଞ୍ଜୁ ତିଞ୍ଜାଲି ଆଡ଼ିନେରି । ୪ ଇଚିହଁ ମାହାପୁରୁ ଗାଡ଼ିକିତି ଆସ୍ତି ବାରେ ନେହାୟି, ଇଞ୍ଜା ମାହାପୁରୁଇଁ ଜହରା କିତିସାରେ ଏନାୟି ଜିକେଏ ତିନିଆଗାଟାୟି ଆଏ । ୫ ଏନାଆଁତାକି ଇଚିହଁ ମାହାପୁରୁତି ବଲୁ ଅଡ଼େ ପ୍ରାଡ଼ାନା ତଲେ ଏଦାଆଁ ସୁଦୁ କିଞ୍ଜିଆନେ ।

ଜାସୁ କ୍ରାସୁତି ନେହଁ ସେବା କିନାସି

୬ ଇ ବାରେ କାତା ମୀରୁ ତାୟି ତାଜିଇଁ ଜାପୁସିସାରେ କ୍ରାସୁ ଜାସୁତି ର ନେହଁ ସେବା କିନାସି ଆଡ଼େରି, ଇଞ୍ଜା ମୀରୁ ଆମିନି ନାମୁ ଅଡ଼େ ନେହଁ କାତା ଆସାମାଞ୍ଜେରି, ଏଲେତି ବଲୁ ତଲେ ପାତା ଆଡ଼େରି; ୭ ସାମା ଉଜେଏ ଝେହୁନି କାତାୟି ଝେନାଆନି, ମାହାପୁରୁଇଁ ଆଜାନା ନୀତାମାଞ୍ଜାଲି ଜାପାମୁ, ୮ ଇଚିହଁ ଆଜାପି ପାତି କିନାୟି ଗାଡ଼େକା ତାକି ଲାବା ଆନେ, ସାମା ମାହାପୁରୁଇଁ ଆଜିନାୟି ଇ କାଲ୍ଲତା ଅଡ଼େ ଝାହିମାନି କାଲ୍ଲତି ଜାସୁତାକି ମାହାପୁରୁ ଆଞ୍ଜାମାନି ଲାବାଗାଟାୟି ଆନେ । ୯ ଇ କାତା ନାମିନାୟି ଅଡ଼େ ବାରେ ଲକୁ ଅପିନାୟି । ୧୦ ଇଦାଆଁ ତାକି ମାର ମନ ହାହାନା ଝାହୁ ତଲେ ଜାସୁ ତୁସାନା କାମା କିହିମାନାୟି, ଏନାଆଁତାକି ଇଚିହଁ ଆମିନି ଜାସୁଗାଟି ମାହାପୁରୁ ବାରେ ମାଣସିଇଁ ଇଚିହଁ ନାମିନାୟି ଗେଲ୍ଲପିନାସି, ତାନି ତାଣା ମା ବାସୁ ମାନେ ।

୧୧ ନୀନୁ ଇ ବାରେ କାତା ହୁକୁମି ହାହାନା ଜାପୁମୁ । ୧୨ ନୀ ଦାଂଗଣା ବେଲ୍ଲତି ଆମ୍ବାଆସି ହାଣି କିୟାଆପେସି, ସାମା ନୀ କାତାତା, ନୀ ଲେମ୍ବିନି ତାଣା, ନୀ ଜାସୁ ନନ୍ତି ତାଣା, ନୀ ନାମୁତା, ଇଞ୍ଜା ନୀ ସୁଦୁତା, ନାମିନାୟି ନୀନୁ ନେହଁ ତହୁନାତି ଆମୁ । ୧୩ ନୀନୁ ନୀ ତାଣା ଝାଆ ପାତେକା ନୀନୁ ବାମୁ ପତିଇଁ ପଡ଼ୁଝି ଆହାନା, ମାହାପୁରୁ କାତା ଝେକମୁ, ଇଞ୍ଜା ଜାପୁନି ତାଣା ମନ ହାହାନା ମାନାମୁ । ୧୪ ମାହାପୁରୁ ବଲୁ ଝେକହା ମାଞ୍ଜାନି କୁଲମିତି କାଜାରି ନୀ ତାୟି ତୁା କେସ୍ତା ଇଚାନା ନିଞ୍ଜେ କାମାତି ବାନା ହାହାମାଞ୍ଜାନେରି, ଏଦାଆଁ ହେଲ୍ଲ କିଆନି । ୧୫ ନୀ ପାତା ଆହିମାନାୟି ଏନିକିଁ ବାରେ ଲକୁ ନକିତା ତଞ୍ଜାଆନେ, ଏଦାଆଁତାକି ଇ ବାରେ କାତାତା ମନ ହାହାନା ଏ ବାରେ କିହେମାନାମୁ । ୧୬ ନିଞ୍ଜା ତାକି ଅଡ଼େ ନୀ ଜାପୁନାୟି ତାକି ଜାଗ୍ରାତା ଆମୁ, ଇ ବାରେ କାମା କିହଁ ମାନାମୁ, ଇଚିହଁ ଏଦାଆଁ କିତିସାରେ ନୀନୁ ନୀ ଗେଲ୍ଲପିନାସି ଅଡ଼େ ନୀ କାତା ଝେଞ୍ଜି ମାନାୟି ଇକେଏ ଗେଲ୍ଲପିଦି ।



ନାମିନି ଲକୁତି ଦାୟିପତି

୧ ବୁଡ଼ହା ଲକୁଣି ଲାଗାଆନି, ସାମା ଏଞ୍ଜାଣାଇଁ ଆବା ଇଞ୍ଜୁ ଅଣ୍ଡପାନା ଲେମ୍ବାମୁ; ଅଡ଼େ ଦାଂଗଣା କକାରାଇଁ ତାୟିଲେହେଁ ମେହମୁ, ୨ ବୁଡ଼ହି ଇୟାସିକାଣି ତାଲି ଇଞ୍ଜିହଁ ଅଡ଼େ ତାଆସିକାଣି ସୁଦୁ ମନତଲେ ତାଜିସ୍ତା ଇଞ୍ଜିହଁ ଅଣ୍ଡପାନା ଏଲେକଁ ସିନିକିମୁ ।

୩ ଏନାଆଁ ହିଲ୍ଲଆଗାଟି ରାଡ଼େଣି ଇୟାସିକାଣି ମାନି କିମୁ । ୪ ସାମା ଆମିନି ରାଡ଼େଣି ଇୟା କି ମୀରୁକା ମାସ୍ତାକି ତାଜା ମୀରୁକା ମାସ୍ତାକା ମାଚିହଁ, ଏଞ୍ଜି ନକେଏ ତାମି ଇଲୁ କୁଟମି ତାରାଇଁ ମାନି କିହାଲି ଲକ୍ନାୟି ମାନେ, ତାଲି ତାଞ୍ଜାଇଁ ନେହଁ କିହାଲି ଜାପାପୁ; ଏନିଚିତହଁ ଇଦି ମାହାପୁରୁ ନକିତା ନେହାୟି । ୫ ଆମିନି ରାଡ଼େଣି ଇୟା ରଣ୍ଡିଏ ମାନେ ଅଡ଼େ ଆମ୍ବାଆରି ଜାଡ଼ନୁ ଅନାରି ହିଲ୍ଲଅରି ଏଞ୍ଜି ମାହାପୁରୁ ତାଣା ବାସୁ ଇଚାନା ଲାଆଁ ମାଦେନା ବାତିମାଲିହଁ କାଲେଏ ପ୍ରାଡ଼ାନା କିପୁ; ୬ ସାମା ଆମ୍ବାଆୟି ଆଜାପି ରାହାଁତା ମୁଞ୍ଜାନା ତୁୟିନି ରାଡ଼େଣିସିକା ଏଞ୍ଜି ଜାସୁତଲେ ମାଚିହଁ ଜିକେଏ ହାଡ଼ି ଲେହେଁତାଇ । ୭ ଏଞ୍ଜି ଏନିକିଁ ଦହୁ ହିଲ୍ଲଆଗାଟାଇ ଆମୁ, ଇଦାଆଁତାକି ଇ ବାରେ କାତା ଜିକେଏ ଜାପୁମୁ । ୮ ସାମା ଆମ୍ବାଆସି ତାନି ପାଡ଼ିତି ଲକୁ ଅଡ଼େ ତାମି ଇଲୁ କୁଟମିତି ଲକୁଣି କେରୁଅସି, ଏଞ୍ଜାସି ନାମୁତି କାତାଇଁ ଆବାହିଲଅସି, ଇଞ୍ଜା ଏଞ୍ଜାସି ନାମାଆଗାଟାଣି କିହାଁ ହାଡ଼େକା ଲାଗେଏ ଆନେସି ।

୯ ଆମିନି ରାଡ଼େଣି ତାନିକଡ଼ି ବାସାଟିଏ ଉଣା ଆଏ, ଅଡ଼େ ରଣ୍ଡିଏ ତଜାଇଁ ବାହା ଆହାମାନେ, ଏଞ୍ଜାସିକା ଦରୁ ରାଡ଼ାମୁ, ୧୦ ଅଡ଼େ ନେହଁ କାମାତାକି ଝେଜାମାନେ, ଅଡ଼େ ଏଦି ମୀରୁକା ମାସ୍ତାକାଣି ପହିପାଡ଼ି କିହାନା, ପାଡ଼ିତି ଗତାୟିଣି ସେବା କିହିମାନେ, ମାହାପୁରୁ ଲକୁତି କତାୟି ନରହା ମାନେ, ଦୁକୁ ଗାଟାରାଇଁ

ଦୁକୁ ତୁକହିମାନେ, ଅଡ଼େ ବାରେ ନେହଁ କାମା କିହାଲି ରାହଁ ଆହିମାନେ, ଆତିହଁ ଏଦାନି ଦରୁ ରାଣ୍ଠେଣିସିକା ଆକୁତା ରାସ୍‌କି ଆପେ ।

୧୧ ସାମା ତାଆ ରାଣ୍ଠେଣିସିକା ଦରୁ ରାଟାଆନି, ଇତିହଁ ଏଝି ଆଜ୍ଞାତି ରାହଁତା କୁପକା ଆହାନା କ୍ରାସ୍ତ ତାଣ୍ଡାଟି ଏଟକା ଆହାନା ବାହା ଆୟାଲି ମନ କିନୁ; ୧୨ ଏଝି ତାନି ତଲିତି ଆଜ୍ଞାମାଗାଣି ମାନି କିହାହିଲାଆକି, ତଣ୍ଡ ଗାଟାଇ ଆନୁ, ୧୩ ଅଡ଼େ ଜିକେଏ ଏଝି ଇଲୁତାକି ଇଲୁ ରେଜିହଁ ନିସ୍ତା ଆହାଲି ଜାପୁନୁ, ଅଡ଼େ ଖାଉଇ ନିସ୍ତା ଆଏ, ସାମା ଲାଗେଏ ପଲେଏତି ପୁସ୍‌ପନିକା, ଅଡ଼େ ସାକ୍ତି ଜଲାଇ ଜାପାନା ଉଜେ ଉଜେଏତି ଲଡ଼ାହିଲାଆ କାତାୟଁ ବାସଁ ଆନୁ । ୧୪ ଇଦାଆଁତାକି ନା ଅଣ୍ଡୁ ତାଆ ରାଣ୍ଠେଣିସିକା ବାହା ଆପୁ, କକାରି ପଦଁ ଆପୁ, ଇଲୁ କୁଟମିତି ଲେମ୍ବାପୁ, ଇଞ୍ଜା ନିନ୍ଦା କିହାଲି ସାତୁୟଁକି ଏଦି ପାରୁ ହାଆପୁ; ୧୫ ଇତିହଁ ନାଏଁ ଜିକେଏ ଆମ୍ବା ଆମ୍ବାଆୟି କ୍ରାସ୍ତ ତାଣ୍ଡାଟି ହେକ ଆହାନା ସୟତାନତି ଜେଟ ହାଜାମାନୁ । ୧୬ ଅଡ଼େ ଆମିନି ନାମାମାନି ଇୟାସିକା ଇଜ ରାଣ୍ଠେଣିସିକା ମାତିହଁ, ଆତିହଁ ଏଝି ଏଝାସିକା ଜାତୁନୁ ଅପୁ, ଅଡ଼େ କୁଲମିତାକି ବକୁ କିଆପୁ, ଏନିକଁ କୁଲମି ଏନାଆଁ ହିଲାଆଗାଟି ରାଣ୍ଠେଣିସିକାଣି ଜାତୁନୁ ଅନେ ।

୧୭ ଆମିନି ପ୍ରାଟିନାଜ୍ଞା କୁଲମିତି ନେହଁ କଁ ଜାତୁନୁ କିନେରି, ବାରେକିହଁ ଆମିନି ଗାଟାରି ବଲୁ ଝେକହାଲି, ଅଡ଼େ ଜାପୁହାଲି ଖାହୁ ତଲେ କାମା କିନେରି, ଏଝାରି ରୀ ଗୁଣୁ ମାନି ବେଟାଆନି ଜଟେ । ୧୮ *ଦାମ୍ବୁ ପତିତା ରାସ୍‌କି ଆହାମାନେ, "ନପଁ ନି କଡ଼ି ମୁତିତା କତ୍ରା ଦହଁଆନି" ଅଡ଼େ "କାମାକିନାସି ତାନି କାମାତି ପାଡ଼େୟି ବେଟାଆନାୟି ମାନେ ।" ୧୯ ରିଆରି କି ତାନି ଜାଣା ସାକ୍ତିୟଁ ହିଲାଆନା ଆମିନି ପ୍ରାଟିନା କପାତି ଏଦି କାତା ଝେସ୍ତାତିହଁ ଆହଁଆନି । ୨୦ ଆମିନି ଗାଟାରି ଦହଁ କିନେରି, ଏଝାରିଇଁ ବାରେ ଲକୁ ନକିତା ଲାଗାମୁ, ଏନିକଁ ଏଦାଆଁ ମେସାନା ଏଟକାତି ଲକୁ ଆଜିନେରି ।

୨୧ ନାନୁ ମାହାପୁରୁ, ନକିତା ଅଡ଼େ କ୍ରାସ୍ତ ଜୀସୁ ନକିତା ଅଡ଼େ ମାହାପୁରୁ ଆଟିତି ଦୁଡୁୟଁ ନକିତା ଜାଣ୍ଠେ ହୁକୁମି ହାହିମାଞ୍ଜାଇଁ ନାନୁ ତଲିତିଲେହେଁ ଆଆନା ଇ ବାରେ ମାନୁଝି ଆମୁ, ଅଡ଼େ ଆମ୍ବାଆରାଇଁ ପାରୁଡ଼ା କିଆନା ଇ ବାରେ କାମା କିମୁ । ୨୨ ଦାଗା ଆହାନା କେୟୁ ଇଟାହଁ ମାହାପୁରୁତି ସେବା କାମାତାକି ଆମ୍ବାଆରାଇଁ ଜିକେଏ ଆଟ୍‌ଆନି । ଏଟକା ଲକୁତି ପାପୁତା ଜାହାରାଇଁ ଆଟ୍‌ଆନି । ନାନୁ ଜାହାରାଇଁ ସୁଦୁ କିହାକତାମୁ ।

୨୩ ନୀ ବାଣ୍ଡି ଆଗଁ ହିଲାଆକି ଅଡ଼େ ନୀ ଆଜ୍ଞାତା ଅଲେ ଅଲେ ରଟା ଆହିମାନାକି ଖାଉଇ ଏୟୁ ଗହଁଆନି ଅଜୁରି ରାସା ଇଚରା ଲାକା ଗହଁମୁ ।

୨୪ ଏଚରଜାଣାତି ପାପୁ ନୀହାଁୟି କିଆ ନକେଏ, ତଞ୍ଜାଆନେ, ଅଡ଼େ ଏଚରଜାଣାତି ପାପୁ ତାୟୁ ତଞ୍ଜାଆନେ । ୨୫ ଏଲେକିହଁ ଏ ସାତା କାମା ତଲିଏ ତଞ୍ଜାଆନେ, ଅଡ଼େ ଏନା ଏନାୟି ତଞ୍ଜା ଆଏ, ଏଦି ତୁଗୁନା ତୁୟାଲି ଆଡ଼େଏ ।



୧ ଏମିନି ଲକୁ ହଲିୟାଜ୍ଞା ଜୁଝେଡ଼ିତା ହେରୁଝାମାନେରି, ଏଝାରି ତାନି ସାସ୍ତ୍ରକାରିୟାଁଇଁ ନେହଁ କଁ ମାନି ବେଟାଆନାରି ଇଞ୍ଜଁ ଅଣ୍ଡପାପେରି, ଏନିକଁ ମାହାପୁରୁ ଦରୁ ଅଡ଼େ ଜାପୁନି ତାଣ୍ଡାଟି ନିନ୍ଦା ଆଏ । ୨ ଅଡ଼େ ଆମିନି ଗାଟାରି ସାସ୍ତ୍ରକାରିୟାଁ କ୍ରାସ୍ତାମା ଆହାମାନେରି, ଏଝାରି ଏଝାରିଇଁ ମା ତାୟି ଇଞ୍ଜଁ ଅଣ୍ଡପାନା ହାଣି କିଆପେରି, ସାମା ହାରେକା ଜାତୁନୁ ତଲେ ଏଝାରି ସେବା କିପାରି, ଇତିହଁ ଆମିନି ଗାଟାରି କାମା ତଲେ ଲାଡ଼ା ବେଟାଆନେରି, ଏଝାରି ନାମିନାରି ଅଡ଼େ ମା ଜାସ୍ତୁ ନନାରି, ଇ ବାରେ କାତା ଜାପୁହାନା ଝେହ୍‌ମୁ ।

ମିତି ଜାପୁନାୟି ଅଡ଼େ ସାତା ଦନ

୩ ଆମ୍ବାଆସି ଅର ରଲେତି କାତା ଜାପୁହାନା ମା ପୁରୁ ଜୀସୁ କ୍ରୀସ୍ତତି ନେହଁ ବଲୁ ଅଡ଼େ ମାହାପୁରୁ ଆଜିନି କାତାତି ଜାପୁନାଣି ଆହଁଆସି, ୪ ଆତିହଁ ଏଝାସି ଲାଗେଏତି ବଡ଼ପଣ ଗାଟାସି, ବୁଦି ହିଲାଆଗାଟାସି, ବାଦିବାଦା, ଅଡ଼େ ଗଡ଼ହା କିନିତାଣା ମୁଞ୍ଜାମାନେସି; ଏମ୍ବାଟିଏ ତାହାରି, ଗଡ଼ହା, ଚଅଣାଇଁ ଉଜେଏ ନିନ୍ଦା କିନାୟି, ଲାଗେଏ ଆନାମାନା ଆନାୟି ହଟେ, ୫ ଇଞ୍ଜା ବୁଦି ହିଲାଆ ଗାଟାରି ଅଡ଼େ ସାତାତି ପିସା ମାନାରି ବିତ୍ରା କାଲେଏ ବାଦିବାଦା ହଟେ, ଇତିହଁ ମାହାପୁରୁଇଁ ଆଜିନାୟି ଏଦି ଲାଡ଼ା ବେଟାଆନି ଜିରୁ ଇଞ୍ଜଁ ଏଝାରି ଅଣ୍ଡପନେରି ।

* ୫:୧୮ ୫:୧୮ ମାତି ୧୦:୧୦; ଲୁକ ୧୦:୭

୬ ମାହାପୁରୁଙ୍କ ଆଜ୍ଞାନା, ନୀତିନାୟି ନେହେଁ ଆଡ଼ିସାରେ ସାତେଏ ଏଦି ଲାଗାଗାଗାୟି; ୭ ଏନାଆଁତାକି ଇଚିହଁ ମାର ଦାଋତିତା ଏନାଆଁ ତାତା ହିଲ୍ଲାଆୟି, ଅଡ଼େ ଈ ଦାଋତିଚି ଏନାଆଁ ଅହାଲି ଆଡ଼ାଆୟି; ୮ ଈଦାଆଁତାକି ବାଣ୍ଡିତି କାଦି ଆଜ୍ଞା ତାକି ହିମ୍ବୁରିକା ମାଚିହଁ ଇଚେକେଏ ସାରି । ୯ ସାମା ଆମ୍ବାଆରି ଗାତି ବାଡ଼କାଲି ଅଣ୍ଡପିନେରି, ଏଞ୍ଜାରି ତାୟିପାରି କିନି ତାଣା ଅଡ଼େ ପାନ୍ଦାତା ହେରଞ୍ଜାନା, ଅଡ଼େ ବୁଦି ହିଲ୍ଲାଆଗାଚି ନାସାକିନି ଅଣ୍ଡପୁତି ପାନ୍ଦାତା ହେରନେରି, ଈ ବାରେ ମାଣସିଇଁ ବୁଡ଼ି ଆନିଞ୍ଜାକି ଅଡ଼େ ନାସା ଆନିଞ୍ଜାକି ଅନେ । ୧୦ ଏନାଆଁତାକି ଇଚିହଁ ଦନ୍ତି ଜୁପକା ବାରେ ଲାଗେଏତି ମୂଲୁ; ଆମ୍ବା ଆମ୍ବାଆରି ଏନାଆଁ ଜୁପକା ଆହାନା ଦାମ୍ବୁତି ନାମ୍ବୁ ପିସାନା ଜିରୁ ବାଣା ଆହାମାନେରି, ଇଞ୍ଜା ହାରେକା ଦୁକୁ ତଲେ ତାମି ହିୟାତା ଦୁକୁ କିହାମାନେରି ।

ପାଞ୍ଚୁଲତି ରାପୁନି କାତା

୧୧ ସାମା ଏ ତିମତି ନୀନୁ ର ମାହାପୁରୁ ଲକୃତି, ନୀନୁ ଈ ବାରେ ତାଣାଚି ହେକ ଆହାନା ଦାମ୍ବୁ ଗାଗାଚି, ମାହାପୁରୁଙ୍କ ଆଜିନାୟି, ନାମିନାୟି, ଜୀଞ୍ଜୁନନାୟି, ସାସା, ଅରୁହିନାୟି, ଈ ବାରେ ନେହଁ ଗୁଣୁତା ତାକାମ୍ବୁ । ୧୨ ନାମ୍ବୁତି ନେହଁ ଜୁଜୁତା ଜୀଞ୍ଜୁ ତୁସାନା ଜୁଜୁ କିମ୍ବୁ, କାଲ୍ଲାକାଲ୍ଲାତି ଜୀଞ୍ଜୁ ଆସାନା ଇଗାମ୍ବୁ; ଏଦାଆଁତାକି ନୀନୁ ହାଡ଼କି ଆହାମାଞ୍ଜି ଅଡ଼େ ହାରେକା ସାକିୟା ନକିତା ନେହଁ ସାକି ହାହାମାଞ୍ଜି । ୧୩ ବାରେତି ଜୀଞ୍ଜୁହାନି ମାହାପୁରୁ ନକିତା, ଅଡ଼େ ପନ୍ଦିୟ ପିଲ୍ଲାତ ନକିତା ନେହଁ ସାକି ହାନି ଜୀସୁ ଜୀସୁ ନକିତା ନୀନୁ ନିଜେ ହୁକୁମି ହାହିମାଞ୍ଜାଇଁ, ୧୪ ନୀନୁ ମା ପ୍ରବୁ ଜୀସୁ ଜୀସୁତି ଝାନ୍ତି ଦିନା ପାତେକା ଦାମ୍ବୁତି ମେରା ମାନଞ୍ଜି ଆହାନା ଏନି ପାପୁ ଅଡ଼େ ନିନ୍ଦା ହିଲ୍ଲାଆଗାଗାଚି ଆହାଁ ତୁୟାମ୍ବୁ । ୧୫ ଏଞ୍ଜାସି ହାରେକା ନେହାଁସି, ରଅସିଏ ବାରେକିହାଁ କାଜା ସାଲ୍ଲଞ୍ଜି କିନାସି, ଏଞ୍ଜାସିଏ ରାଜା କିହାଁ ରାଜା ଅଡ଼େ ପ୍ରବୁ କିହାଁ ପ୍ରବୁ, ୧୬ ଏଞ୍ଜାସିଏ ରଅସି ହାଆଗାଗାସି ଅଡ଼େ ମେସାଲି ଆଡ଼ାଆଗାଚି ଉଜେଡ଼ିତା ମାନେସି, ଏଚେଲ୍ଲାଞ୍ଜା ଏଞ୍ଜାଣାଇଁ ଆମ୍ବାଆସି ମେସାହିଲଅସି କି ମେସାଲି ଆଡ଼ଅସି, ଏଞ୍ଜାସି ତାରିକିତି ଦିନାତା ଏଦାଆଁ ତହୁନେସି; କାଲ୍ଲାକାଲ୍ଲାତାକି ତାମି ସାମ୍ବୁନି ଅଡ଼େ କାଜାପାଣା ତଞ୍ଜା ଆଡ଼େ । ଆମେନ୍ । ୧୭ ଆମିନି ଗାଗାଚି ଈ ଜୁଗୁତା ବାଡ଼କିତାରି, ଏଞ୍ଜାରି ଏନିକଁ ଆକ୍ଷରା ଆଅରି ଅଡ଼େ କାଲେଏ ତୁୟାଆ ଦନ ଲାକ ବାସୁଁ ଇଚଅରି, ସାମା ଆମିନି ମାହାପୁରୁ ଏ ବାରେ ଲେମ୍ବାଲି ତାକି ମାଜେ ଲଡ଼ାମାନାଣି ହିୟାନେସି, ଏଞ୍ଜାଣି ତାଣା ବାସୁଁ ଇଚିନେରି, ୧୮ ଅଡ଼େ ଏଡ଼କା ଲକୃତି ସାୟେମି କିହାନା ନେହଁ କାମା ତଲେ ବାଡ଼କୁ ଗାଗାଚି ଆନେରି ଅଡ଼େ କେୟୁ ଦେତାନା ଅଡ଼େ ରାହାଚି ଦାନା ହୀହାଲି ଅଣ୍ଡପିନେରି, ଏଦାଆଁତାକି ଏଞ୍ଜାରାଇଁ ହୁକୁମି ହୀମ୍ବୁ; ୧୯ ଇଲେ କିତିସାରେ ଏଞ୍ଜାରି ତାମି ଝାହିମାନି ଜୀଞ୍ଜୁତାକି ନେହଁ ପୁନାଦି କିହାମାନେରି, ଏନିକଁ ଏଞ୍ଜାରି ସାତା ଜୀଞ୍ଜୁ ବେଗାଆନେରି । ୨୦ ଏ ତିମତି, ନିଜେ ଏନା ଏନାୟି ହୀପକି ଆହାମାଞ୍ଜାନେ, ଏଦାଆଁ ଜାଡ଼ୁ କିହାଁ ଇଗାମ୍ବୁ; ଉଜେଏତି କାତାୟାଁ ଅଡ଼େ ସାତା କାତାଚି ବୁଦିତାଣି ବାସୁଁ ଆନାରି ତାଣାଚି ହେକ ଆମ୍ବୁ; ୨୧ ଆମ୍ବା ଆମ୍ବାଆରି ଏଦାଆଁ ପୁଞ୍ଜାନା ମାନଞ୍ଜି ଆଆନା ନାମ୍ବୁତି ଜିରୁ ବାଣା ଆହାମାନେରି । କାମାମେହନାୟି ନୀ ତଲେ ମାଣ୍ଡେ ।

☆ ୬:୧୩ ୬:୧୩ ଇହ ୧୮:୩୭

ତୀର୍ଥାଟ୍ଟଙ୍କ ନିକଟକୁ ପାଉଲଙ୍କ ଦ୍ରୁତିୟ ପତ୍ର ତିମତି ତାଣା ପାଞ୍ଜୁଲ ରାଢ଼ାମାନି ରୀ ଲମ୍ବର ଆକୁ ମୂଲୁ ହାଡ଼ା

୨ତମ ଆକୁ ପାଞ୍ଜୁଲ ତାଣାଟି ତାନି ସୀସୁ ତିମତି ତାଣା ରାଢ଼ାମାନି ଆକୁ । ତିମତି ରୀ ଲମ୍ବର ଆକୁ ପାଞ୍ଜୁଲତି ବାରେତି କିହାଁ ତାମୁ ରାଡ଼ିତି ଆକୁ । ଛଦି ପାଞ୍ଜୁଲତି ଜୀଞ୍ଜୁ ରାନି ବେଲାତା ରାସ୍ତିକି ଆହାମାଣସିନେ । ଏତିବେଲାତା ଏଞ୍ଜାସି ରମ୍ ଗାଡ଼ାତି କାୟିଦି ଇଲୁତା ମାଚେସି ୧:୧୬ ପାଞ୍ଜୁଲ ତିମତି ତଲେ ହାରେକା ଜାଟୁ ମାଚେ, ଅଡ଼େ ବାରେବେଲା ଏଞ୍ଜାଣାଇଁ ମୀରଏଣା ଲେହେଁ ରାଡ଼ିମାନେସି ପିଲିପି ୨:୨୨; ୧ତିମ ୧:୨; ୧:୧୮ ।

ଛଦି ପାଞ୍ଜୁଲ ରାଢ଼ାମାନି ସାରିଗଟା ଆକୁ ବିଦ୍ରାତି କୁଲମିତି ପିସାନା ର ମାଣସିକି ରାଡ଼ିମାନେସି । ଅଡ଼େ ଏଡ଼କାତି ତାନିଗଟା ଆକୁ ତିମତି ମୂଲୁ ଆକୁ, ତିତସ, ଅଡ଼େ ପିଲିମନ । ତିମତି ରୀ ଲମ୍ବର ଆକୁ ରାଡ଼ିତି ବେଲାତା ରମ୍ ଗାଡ଼ାତା ସାଲୁଖି କିନାରି ହାରେକା ସାସ୍ତି ହାହିମାଚେରି । ଇଲେତି ସାସ୍ତି ଆହିମାଚାକି ପାଞ୍ଜୁଲ କାୟିଦିତା ତୁୟାମାଚେସି । ମୂଲୁତି ଆକୁ ଲେହେଁ ପାଞ୍ଜୁଲ ତିମତିକିମିତି ଜାପୁନାରି ତାଣାଟି ଜାଗ୍ରାତା ଆହାଲି ଝେସିମାନେସି । ୧ତିମ ୧:୧୬-୧୮ ପାଞ୍ଜୁଲ ତିମତିକି ଏଲେଇଞ୍ଜି ମାନେସି ତାମୁ ହାରେକା କସ୍ତିତି ଦିନା ମାନେ ୩:୧ ।

ପତିତା ମାନାସି

- ୧. ପାଞ୍ଜୁଲ ତିମତିକି ଜହରା କିହାନା ମାଟୁନାୟି ଅଡ଼େ ଏଞ୍ଜାଣାଇଁ ସାସା ହୀନାୟି । ୧:୧-୧୮
- ୨. ପାଞ୍ଜୁଲ ତିମତିକି କସ୍ତି ଅଟୁହାଲି ସାସା ହାହିମାନେସି । ୨:୧-୧୩
- ୩. ତିମତିକି ଏଚେକା କାତା ଝେହନାୟି । ୨:୧୪-୨୬
- ୪. ରାନି ଦିନାତା ଗଟୁ ଆନାଆଁ ଅଡ଼େ ସାତା ଜିରୁ ବାତି କିହାଲି ଜାଗ୍ରାତା କିନାୟି । ୩:୧-୪:୮
- ୫. ପାଞ୍ଜୁଲ ତିମତିକି ଏଚେକା ଅଣପୁତି କାତା ଝେସାନା ଆକୁତି ରାପୁନାୟି । ୪:୯-୨୨

୧ ନାନୁ ପାଞ୍ଜୁଲ, କ୍ରୀସ୍ତ ଜୀସୁ ତାଣା ମାନି ଜୀଞ୍ଜୁତି ଆଞ୍ଜାମାନି ଲେହେଁ, ମାହାପୁରୁ ଅଣପୁ ତଲେ କ୍ରୀସ୍ତ ଜୀସୁତି ର ପାଣ୍ଡୁ ଆହାମାନାଚେର୍ସ ।

୨*ତିମତି, ନା ଜୀଞ୍ଜୁତି ମୀରଏଣାତି ଆବା ମାହାପୁରୁ କ୍ରୀସ୍ତ ଜୀସୁ ତାଣାଟି କାର୍ମାମେହନାୟି ଅଡ଼େ ହିଡ଼ତି ଜୀଞ୍ଜୁ ନିଜେତାକି ଆୟାପେ ।

ମାହାପୁରୁକି ଜହରା ଅଡ଼େ ବାର୍ସୁ ହୀନାୟି

୩ ମା ତଲିତି ଆକୁ ଆବାୟାଁ ଲେହେଁ ନାନୁ ସୁତୁ ଅଣପୁ ତଲେ ମାହାପୁରୁକି ସେବା କିହିମାଇଁ, ନାନୁ ଏ ମାହାପୁରୁ ତାଣା ଲାଆଁ ମାଦେନା ପ୍ରାଚୀନାତା ନୀ ଦରୁ ରାଚାହାଁ ମାହାପୁରୁକି ଜହରା କିହିମାଇଁ; ୪ ଏନିକି ନା ରାହାଁ ଗାଡ଼ିଆନେ, ଇଦାଆଁତାକି ନୀ କାଣ୍ଡୁ ଅଣପାନା ନିଜେ ମେସାଲି ତାକି ହାରେକା ମନ କିହିମାଇଁ; ୫ ଇତିହେଁ ଆମିନି କୁରୁ ହିଲାଆଗାଟି ନାମ୍, ମୀ ବାୟି ଲୟି ଅଡ଼େ ମୀ ଇୟା ଇଞ୍ଜୁନିକି ତାଣା ମାଚେ, ଅଡ଼େ ନୀ ତାଣା ଜିକେଏ ମାନେ ଇଞ୍ଜିହେଁ ନା ହାରେକା ନାମ୍, ନୀ କୁରୁ ହିଲାଆ ନାମୁତି କାତା ନାନୁ କାଟୁ ବେଗାଆହାମାଇଁ । ୬ ନାନୁ ନୀ ଲାକ କେୟୁ ଇଗାତି ବେଲାତା ନାନୁ ମାହାପୁରୁ ତାଣାଟି ଆମିନି ବରୁ ବେଗାଆଡ଼ି ଏଦାଆଁ ଜାଡ଼ୁ କିହାଁ ଇଗାଲି ନାନୁ ନିଜେ ଅଣପି କିହିମାଞ୍ଜାଇଁ । ୭ ଇତିହେଁ ମାହାପୁରୁ ମାଜେ ଆଜିନି ଜୀଞ୍ଜୁ ହାହାମାଞ୍ଜାଅସି, ସାମା ବାଡ଼ୁୟୁ, ଜୀଞ୍ଜୁ ନନାଣି, ଅଡ଼େ ନେହେଁ ଅଣପି କିନି ଜୀଞ୍ଜୁ ହାହାମାଞ୍ଜାନେସି ।

୮ ଏଦାଆଁତାକି ମୀର ପୁରୁ କାତାତା ସାକି ହାହାଲି ଅଡ଼େ ନାନୁ ପୁରୁତି ତାକି କାୟିଦି ଇଲୁତା ଦସ୍ତି ଆହାମାଇଁ ନା ତାକି ଲାଜା ଆଆନି, ସାମା ମାହାପୁରୁ ହାହାମାଞ୍ଜାନି ବାଡ଼ୁୟୁ ତଲେ ନେହେଁ କାଟୁ ଝେକହାଲି ବେଗାଆହାମାନି କସ୍ତିତି ସହୁଡ଼ି ଆମ୍ । ୯ ଏଞ୍ଜାସି ମାଜେ ଗେଲ୍ପା ମାଞ୍ଜାନେସି, ଅଡ଼େ ନା ନେହେଁ ଲକୁତେରି ଇଞ୍ଜିହେଁ ହାଚାମାଞ୍ଜାନେସି; ଅଡ଼େ ମା କିହାମାନି କାମା ଲେହେଁ କିହାଁ ମାଞ୍ଜାଅସି, ସାମା ତାନି ଅଣପୁ ତଲେ ତାନୁ କାର୍ମା ମେସାମି ଲେହେଁ କିହାଁ ମାଞ୍ଜାନେସି; ଏ କାର୍ମାଁ ତଲି କାଲ୍ମା ନକେଏ କ୍ରୀସ୍ତ ଜୀସୁ ତାଣାଟି ମାଜେ ହାଡ଼ିଆହାମାଚେ, ୧୦ ସାମା ନୀର୍ସାମା ଗେଲ୍ପାମି କ୍ରୀସ୍ତ ଜୀସୁ ଦାଡ଼ିତା ଝାହାମାନାକି

* ୧:୨ ୧:୨ କାମା ୧୬:୧ * ୧:୫ ୧:୫ କାମା ୧୬:୧

ମାଙ୍ଗେ ତସାମାଞ୍ଜାନେସି; ଏଝାସି ହାକିତି ମ୍ଲୋକ୍‌ହା ମାନେସି; ଅଡ଼େ ତାନି ନେହଁ କାରୁତଲେ ଜୀସୁ ଅଡ଼େ ହାଆଗାଟାଣି ଉଜ୍ଜେଡ଼ିତା ତସାମାନେସି ।

୧୧ ଈ ନେହଁ କାରୁ ଖେକ୍‌ହାନା ତେଲ୍‌ହିକିହାଲି ମାହାପୁରୁ ନାଙ୍ଗେ ର ପାଣ୍ଡୁଆଡ଼ି ସୀସୁ ଇଞ୍ଜା ଜାପୁନାସି ଲେହେଁ ହେରୁପା ମାଞ୍ଜାନେସି । ୧୨ ଏଦାଆଁତାକି ନାନୁ ଈ ବାରେ ବୁକୁ ବେଟା ଆହିମାଈ; ଆଡ଼ିଜିକେଏ ନାନୁ ଆଜା ହିଲଅଁ, ଇତିହଁ ନାନୁ ଆମ୍ବାଆରି ତାଣା ନାମାମାଈ, ଏଝାଣାଇଁ ପୁଞ୍ଜାମାଈ, ଅଡ଼େ ନାନୁ ତାନି କେୟୁତା ଏନାଆଁ ହେରୁପାମାଈ, ବିତାରା ଦିନା ଖାନି ପାତେକା ଏଦାଆଁ ଏଝାସି ଜାଡ଼ୁ ତଲେ ଇଟାଲି ଆଡ଼ିମାନେସି, ଈଦାଆଁ ନାନୁ ତୀରପୁତଲେ ନାମିମାଈ । ୧୩ ନା ତାଣାଟି ଆମିନି ନେହଁ ବଲ୍ଲୁ ଖେଞ୍ଜାମାଞ୍ଜି, କ୍ରୀସୁ ଜୀସୁ ତାଣାଟି ନାନୁ ଇଞ୍ଜା ଜୀସୁ ନନାଣି ଏଦାଆଁ ନେହଁ କଁ ଆସା ମାନାମୁ । ୧୪ ଆମିନି ନେହଁ କାତାତି ଦାୟିପତି ମିଙ୍ଗେ ହାପକି ଆହାମାଞ୍ଜାନେ, ମା ତାଣା ବାସା କିହିମାନି ସୁଦୁଜୀସୁତି ବାଡ଼ୁୟୁ ତଲେ ଏ ବାରେତି ଜାଡ଼ୁ କିହା ଇଟାମୁ ।

୧୫ ନାନୁ ପୁଞ୍ଜାମାଞ୍ଜି; ପୁଗେଲ ଅଡ଼େ ହର୍ମଗେନା ତଲେ ଆସିୟାତି ବାରେ ଲକୁ ନାଙ୍ଗେ ପିସା ମାଞ୍ଜାନେରି । ୧୬ ଅନିସିପର କୁଟମିତି ପ୍ରବୁ କାର୍ମା ମେସପେସି, ଏନାଆଁତାକି ଇତିହଁ ଏଝାରି ଅଲେ ଅଲେ ଖାହାନା ନା ବୁକୁ ହୁକହାତେରି, ଇତିହଁ ନାନୁ କାୟିଦି ଇଲୁତା ମାଟିହଁ ଜିକେଏ ଲାଜା ଆହାହିଲଅରି, ୧୭ ରମ୍ ଗାଡ଼ାତା ଏଜାଲିଏ ଏଝାସି ନାଙ୍ଗେ ପାରାନା ନା ତାଣା ଖାଡେତସି, ୧୮ ରାନି ଦିନାତା ଏନିକଁ ମାହାପୁରୁ ତାଣାଟି କାର୍ମା ବେଟାଆନେସି, ଏଲେକଁ ମାହାପୁରୁ ଏଝାଣାକି କାର୍ମା ଆପେସି, ଅଡ଼େ ଏଝାସି ଏପିସିୟ ଗାଡ଼ାତା ନାଙ୍ଗେ ଏନିକଁ ସେବା କିହାମାଞ୍ଜାନେସି, ଏଦାଆଁ ନାନୁ ନେହଁ କଁ ପୁଞ୍ଜାମାଞ୍ଜି ।

୨

କ୍ରୀସୁ ଜୀସୁତି ନେହଁ ଜୁଜୁ କିନାସି

୧ ଏଦାଆଁତାକି ଏ ନା ଜୀସୁତି ମୀରୁଏଣାଟି, କ୍ରୀସୁ ଜୀସୁତଲେ ଆଣ୍ଡିତାକି ତାନି କାର୍ମାମେହନି ତାଣାଟି ଆମିନି ବାଡ଼ୁୟୁ ମେଡା ଆନେ ଏମାଆଁ ମୀରୁ ବାଡ଼ୁୟୁ ଗାଟାତେରି ଆଦୁ, ୨ ଅଡ଼େ ହାରେକା ସାକିୟାଁ ନକିତା ଆମିନି ବାରେ କାତା ନା ତାଣାଟି ନାନୁ ଖେଞ୍ଜାମାଞ୍ଜି, ଅଡ଼େ ଏମିନିଗାଟାରି ଏଟକା ଲକୁଣି ଜିକେଏ ଜାପୁହାଲି ଆଡ଼ିନାରି, ଏଲେତି ନାମୁଗାଟି ଲକୁ ନକିତା ଈ ବାରେ ହେରୁପାମୁ ।

୩ ନାନୁ କ୍ରୀସୁ ଜୀସୁତି ର ନେହଁ ଜୁଜୁ କିନାସି ଲେହେଁ ଏଝାଣି ତାକି କସୁ ଅରୁହାମୁ । ୪ ଆମ୍ବାଆସି ଜୁଜୁକିନି କାମାତା ମାଞ୍ଜାନା, ଦାରିତିତି ଏଟକା କାମାତା ହେରୁପି ଆଅସି, ଏନିକଁ ଏଝାସି ତାନି ମୁହେଁତି କାଜାଣାଇଁ ରାହାଁ କିନେସି । ୫ ଅଡ଼େ ଆମ୍ବାଆସି କାହୁ ତାକି ବାଡ଼ୁହାରା ଆନେସି, ଏଝାସି ମେରା ତଲେ କାହାଆସାରେ ଜାଣା ଆଅସି । ୬ ଆମିନି ତାସା କାମାକିନାସି ଖାହୁ ତଲେ କିନାସି, ଏଝାସି କାମାତି ମୁଲୁତି ବାଗା ବେଟାଆନାୟି ମାନେ । ୭ ନାନୁ ଏନାଆଁ ଖେସିମାଞ୍ଜାଇଁ, ଏଦାଆଁ ଅଣପାମୁ; ଇତିହଁ ପ୍ରବୁ ନିଙ୍ଗେ ବାରେ ପୁଞ୍ଜାଲି ବୁଦି ହିୟାନେସି ।

୮ ନା, ତାଣାଟି ଖେସିପିଆହାମାନି ନେହଁ କାରୁ ଲେହେଁ ହାଡ଼ାରି ତାଣାଟି ନିଜ୍ଜିତାଣି ଅଡ଼େ ଦାସୁଦ କୁଡ଼ାତା ଜାନି ଆହାମାନି ଜୀସୁ କ୍ରୀସୁଅଁ ଅଣପାମୁ । ୯ ଈ ନେହଁ କାରୁତାକି ନାନୁ ଦହଗାଟି ଲକୁ ଲେହେଁ କାୟିଦି ଇଲୁତା ଦସିପିଆନି ପାତେକା କସୁ ବେଟା ଆହିମାଈ; ସାମା ମାହାପୁରୁତି ବଲ୍ଲୁ ଦସିପି ଆହା ହିଲେଏ । ୧୦ ଈଦାଆଁତାକି ମାହାପୁରୁ ଆଦାମାନି ଲକୁ ଜିକେଏ ଏନିକଁ କାଲାକାଲାତି ଗାସୁରମି ତଲେ କ୍ରୀସୁ ଜୀସୁ ହାହାମାନି ଗେଲି ଆନାଣି ବେଟାଆନେରି, ଏଦାଆଁତାକି ନାନୁ ଏଝାରି ତାକି ଈ ବାରେ ସାସାତଲେ କସୁ ଅରୁହିମାଈ । ୧୧ ଈ କାତା ସାତା

“ମାର କ୍ରୀସୁ ତଲେ ହାହାମାନାୟି,
ଅଡ଼େ ଏଝାଣିତଲେ ଜିକେଏ ନୀତିନାୟି;
୧୨ ଅଡ଼େ ମାର ସାସାଆସି କସୁ ଅରୁହିନାୟି,
ଆତିହଁ ଏଝାଣିତଲେ ଜିକେଏ ସାଲ୍‌ଝି କିନାୟି;
ମାର ଏଝାଣାଇଁ ପୁଞ୍ଜାହିଲଅମି ଇନାୟି,
ଆତିହଁ ଏଝାସି ଜିକେଏ ମାଙ୍ଗେ ପୁଞ୍ଜାହିଲଅଁ ଇଞ୍ଜାନେସି;
୧୩ ଏଚେତା ମାର ନାମାଆ ଗାଟାତାୟି ଆନାୟି,
ଆଡ଼ିଜିକେଏ ଏଝାସି ବାରେବେଲା ଟିକାଣାତାସି,

☆ ୧:୧୧ ୧:୧୧ ୧ତମ ଚିତ୍ର ୨:୭

ଇତିହାସ ଏହାସି ଜାହାରାଇଁ ଆଏ ଇଞ୍ଜାଲି ଆଡ଼ଅସି ।”

ନାମୁତି କାମାକିନାସି

୧୪ ନାନୁ ବାରେ ନାମୁ ଗାଗାରାଇଁ ଛ ବାରେ କାତା ମାହାପୁରୁ ଅଣ୍ଟାପି କିମ୍ପୁ, ସାହେପିତି କାତା ଉଜେଏ ବାଦିବାଦା ଆନି ତାଣାଟି ଜାଗ୍ରାତା କିମ୍ପୁ, ଇଲେତି ବାଦିବାଦା ଆମ୍ବାଆରାଇଁ ନେହଁ କିଏ, ସାମା ଆମ୍ବାଆରି ଏମ୍ବାଆଁ ମନ ହାନେରି ଏହାରି ନାସା ଆନେରି । ୧୫ ସାତା ବଲୁ ଟିକାଣା ତଲେ ଲେମ୍ବାନା, ଆମିନି କାମାକିନାସି କାମାତା ଏନିକିଁ ଲାଜା ଆଅସି, ଏହାଣିଲେହେଁ ମାହାପୁରୁ ନକିତା ଜାହାରାଇଁ ତାୟିପାରିତା ଜୀଣା ଆହାମାନି ଲେହେଁ ତସାଲି ଜାଡ଼ୁ କିମ୍ପୁ । ୧୬ ସାମା ଲାଗେଏତି ଉଜେଏତି କାତାୟି ବାସଁ ଆନି ତାଣାଟି ହେକ ଡ଼ୟାଡ଼ୁ; ଇତିହାସଁ ଆମ୍ବାଆରି ଏଲେତି କାମା କିନେରି, ଏହାରି ଲାଗେଏତି କାମାତା ହାରେକା ପାତା ଆନେରି, ୧୭ ଅଡ଼େ ଏହାରି କାତା ସୀରୁନି ଗାହଁ ଲେହେଁତାୟି; ଏହାରି ବିଦ୍ରାଟି ହୁମନାୟ, ଅଡ଼େ ପିଲିତ, ଛ ରିଆରି ମାନେରି । ୧୮ ଏହାରି ହାହାନା ଖେଣ୍ଡେ ନିଜିତାୟିଏ ଇଞ୍ଜିଁ ସାତାତି ପିସାମାନେରି, ଅଡ଼େ ଏତରଜାଣାଟି ତାମି ନାମୁତି ତୀରି ମୁଠୁହି ମାନେରି । ୧୯ ଆଡ଼ିକିକେଏ, ମାହାପୁରୁ କେପିତି ପୁନାଦି ଆବୁଝା ଆହାନା ତୁୟାମାନେ, ଅଡ଼େ ଏ ହାଲିତା ଛ ବୁଟୁ ମୁଦା ଆହାମାନେ, “ପୁରୁ ତାନି ଲକୁଣି ପୁଞ୍ଜାମାନେସି” ଅଡ଼େ, “ଆମ୍ବାଆସି ପ୍ରବୁତି ଦରୁ ଆହନାସି, ଏହାସି ଲାଗେଏ ତାଣାଟି ହେକ ମାଣ୍ଡେସି ।”

୨୦ ର କାଜା ଇଜ ଖାରୁଇ ବାଂଗାରା ଖେଣ୍ଡିତି ତୁକା ମାଣ୍ଡି ମାନୁ, ଏଚେକା ଆଏ, ଅଡ଼େ ମାରୁକା ଇଞ୍ଜିଁ ଇଡ଼ିଆତି ତୁକା ମାଣ୍ଡି ଜିକେଏ ମାନୁ; କଚେକା ତୁକା ମାଣ୍ଡି କାଜା କାଜା କାମାତାକି ମାନୁ, ଅଡ଼େ କଚେକା ଉଜେଏ ଦିନା ଲେମ୍ବାଲି ତାକି ମାନୁ । ୨୧ ଇଦାଆଁତାକି ଆମ୍ବାଆସି ଏ ବାରେ ତାଣାଟି ଜାହାରାଇଁ ଅଡ଼ହା କତିନେସି, ଏହାସି ହେରୁପି ଆହାନା, ସାଞ୍ଜୁକାରି କାମାତା ପାଡ଼ାଆନେସି, ଏହାସି ବାରେ ନେହଁ କାମାତାକି ଆତା ଇଟାମାନି ମାନିଗାଟି ତୁକା ମାଣ୍ଡି ଲେହେଁ ଆନେସି । ୨୨ ସାମା ନାନୁ ଦାଂଗଣା ବେଲା ଲାଗେଏତି ଜୁପକାଟି ହେକ ଆମ୍ପୁ, ଆମ୍ବାଆରି ସୁଦୁ ହିୟି ତଲେ ପ୍ରବୁ ତାଣା ପ୍ରାତାନା କିନେରି, ଏହାରିତଲେ ଦାମ୍ପୁ, ନାମୁ, ଜୀଞ୍ଜୁ ନନାଣି, ଅଡ଼େ ହିଡ଼ଡ଼ି ଜୀଞ୍ଜୁ ଜେଚ ହାଲାମୁ । ୨୩ ବୁଦି ହିଲାଆ ମୁକୁଁ ଗାଗାରି ବାଦିବାଦା ଗଡ଼ହା କିନେ, ଇଦାଆଁ ପୁଞ୍ଜାମା ଏ ବାରେ ତାଣାଟି ହେକ ଆମ୍ପୁ । ୨୪ ମାହାପୁରୁତି ହଲେଏସି ଗଡ଼ହା କିନାୟି ନେହେଁ ଆଏ, ସାମା ବାରେଜାଣାଟି ହିଡ଼ଡ଼ି ହାଡ଼ା ଜାପୁନାସି, ଅଡ଼େ ଅରୁହିନାସି ଇଞ୍ଜିଁ ମା କପାଟି ନିଜିନି ଲକୁଣି ହିଡ଼ଡ଼ି ହାଡ଼ାତଲେ ଜାପୁନାସି ଆନାୟି ମାନେ, ୨୫ ଅଡ଼େ ଗଡ଼ହା ଗାଗାରାଇଁ ସୁଦୁ ସୁଖାଲା ତଲେ ଲେମ୍ବାନାସି ଆନାୟି ମାନେ, ଆତିହାସଁ ଏହାରି ସାତାତି ବୁଦି ପୁଞ୍ଜାଲି, ମାହାପୁରୁ ଏହାରାଇଁ ମନ ଖେଟ୍ଟିନି ଅଣ୍ଟାପୁ ହାନେସି, ୨୬ ଅଡ଼େ, ଆମିନି ସୟତାନ ଏହାରାଇଁ ତାନି ଅଣ୍ଟାପୁ ତଲେ କିହାଲି ଦସାପାନେ, ଏମ୍ବାଟି ଏହାରି ସେଡ଼ନା ଆହାନା ଏ ପାନ୍ଦାଟି ଗେଲ୍ପି ଆନେରି ।

୩

ରାନି ଦିନାତି କାତା

୧ ସାମା ଇଦାଆଁ ପୁଞ୍ଜାମାଞ୍ଜୁ, ରାନି ଦିନାତା ନାସା ଆନି ଦିନା ଖାନେ; ୨ ଇତିହାସଁ ଲକୁ ତାମୁ ଜାହାରାଇଁ ଅଣ୍ଟାପା କତିନେରି, ଦନ ଜୁପକା, ଜୀଞ୍ଜୁତା ବଡ଼ପଣ, ଆଜ୍ଜାରା, ନିନ୍ଦା କିନେରି, ତାଲି ତାଞ୍ଜି କାତା ଆହାଅରି, ୩ ରାହଁ ଆଆଗାଗାରି, ଦାମ୍ପୁ ହିଲାଆ ଗାଗାରି, ଜୀଞ୍ଜୁ ନଆଗାଗାରି, ଆଣ୍ଡି ଆନାୟି ହିଲାଆ ଗାଗାରି, ଲାଗେଏ କାତା ଖେସାନା ଲକୁଣି ନାଡ଼ିକିନାରି, ଦେବୁଣିଏ କପା ଆନାରି, ବାଡ଼ୁଡ଼ୁ ତସାନା ଆଜି କିନାରି, ନେହଁ କାତାଟି ଅପାଆଗାଗାରି ଆନେରି; ୪ ଅଡ଼େ ଏହାରି ହୀରୁ ଦାଃଆନାରି, ତାୟୁ ଏଏକି ଅଣ୍ଟାପାଆ ଗାଗାରି, ବଡ଼ପଣ ଗାଗାରି ଆନେରି, ଅଡ଼େ ମାହାପୁରୁ ଜୀଞ୍ଜୁ ନନାରି ଆଆନା ଦାବୁତିତି ରାହଁତି ଜୀଞ୍ଜୁ ନନାରି ଆନେରି; ୫ ଏହାରି ମାହାପୁରୁତି ଆଜିନି ମୋରା ଆହନେରି ସାମା ଏମ୍ବାଟି ବାଡ଼ୁଡ଼ୁତି ଆସାଲି କୁନେରି; ଇଲେତି ଲକୁ ତାଣାଟି ହେକ ମାନାମୁ । ୬ ଇତିହାସଁ ଇହାରି ତାଣା ଇଲେତି ଲକୁ ମାନେରି, ଏମିନିଗାଗାରି ଇଲୁକା ତାକି ଇଲୁକା ହଡ଼ିହାଁ ପାପୁତି ବଜୁତା ଅଡ଼େ ତାମି ମନୁତି ଜୁପକା ଗାଟି ଅଣ୍ଟାପୁ ତଲେ ତାକିନି ବୁଦି ହିଲାଆଗାଟି ଇୟାସିକାଣି ତାମି ତାଣା ଇତିନେରି; ୭ ଛ ଇୟାସିକା ବାଟେଏ ଜାପିମାଟି ଜିକେଏ, ଏଚେଲା ସାତାତି ପୁଞ୍ଜାଲି ଆଡ଼ାଉ । ୮ ଏନିକିଁ ଜନସି ଅଡ଼େ ଜାମ୍ପି ସ୍ୱ ମସା କପାଟି ନିଜାମାଚେରି, ଏଲେକିହାଁ ଏହାରି ଜିକେଏ ସାତାତି ଆଜିନେରି, ଏହାରି ତାୟୁଁ ଲାଗେଏ ଆହାମାନେ ଅଡ଼େ ଏହାରି ଦାମ୍ପୁତି ନାମୁ ଉଜେଏ ଆହାମାନେ । ୯ ସାମା ଏହାରି ଅଡ଼େ ହାରେକା ଆଗାଡ଼ା ହାଲଅରି;

ଇଚିହଂ ଏ ରିଆରି ଏଞ୍ଜାରି ବୁଦି ହିଲ୍ଲାଆଗାଟାରି ଇଞ୍ଜିଂ ର ଦିନା ବାରେଜାଣା ପୁନେରି, ଜନିସି ଅଡ଼େ ଜାମ୍ବି_ସ ଜାସ୍ତୁତା ଏନାୟି ଗଟଞ୍ଜି ଆହାମାଟେ, ଏଞ୍ଜାରି ଜାସ୍ତୁତା ଏଦିଏ ଆନେ ।

ରାଜିବେଲ୍ଲାତି କାତା

୧୦ ସାମା ନାନୁ ନା ଜାପୁନାଣି, ମାଣ୍ଡକି, ନା ଅଣପୁ, ନା ନାନୁ, କସ୍ତୁ ଅରୁହିନାଣି, ଜାସ୍ତୁ ନନାଣି, ଅରୁହିନାୟି, ୧୧ *ସାସ୍ତ୍ରୀ ବେଟା ଆଡ଼ାଣି, ଦୁକୁ କସ୍ତୁ ବେଟା ଆଡ଼ାଣି, ଇ ବାରେ ଆସାମାଞ୍ଜି; ଆନ୍ତ୍ରିୟକିୟା, ଇକନିୟ, ଅଡ଼େ ଲୁସ୍ତାତା, ନା ତାକି ଏଲେକିହଂ ଏ ନିନ୍ଦା କସ୍ତୁ ଆହାମାଟେ; ଏଦାଆଁ ନାନୁ ଅରୁହା ମାଟେର୍ସ, ଅଡ଼େ ପ୍ରବୁ ନାଜେ ଏ ବାରେଟି ଗେଲ୍ପା ମାଞ୍ଜାତେସି । ୧୨ ସାତେଏ ଆମିନି ଗାଟାରି କ୍ରାସ୍ତୁ ଜାସ୍ତୁ ତାଣାଟି ଦାମ୍ବୁ ଜାସ୍ତୁ ନାତାଲି ଅଣପିନେରି, ଏଞ୍ଜାରି ନିନ୍ଦା ବେଟାଆନେରି । ୧୩ ସାମା ଲାଗେଏତି କାମାକିନାରି ଅଡ଼େ ନାଡ଼ିକିନାରି ନାଡ଼ି ଆହାନା ହାରେକା ଲାଗେଏତି କାମା କିନେରି । ୧୪ ସାମା ନାନୁ ଏନା ଏନାଆଁ ଜାପାମାଞ୍ଜି, ଅଡ଼େ ଆମିନି କାତା ବାରେ ସାତେଏ ନାମାମାଞ୍ଜି, ଏ ବାରେ ତାଣା ତାରିତଲେ ମାନାମ୍, ଇଚିହଂ ନାନୁ ପୁଞ୍ଜାମାଞ୍ଜି, ଆମିନି ଗାଟାରି ତାଣାଟି ଏ ବାରେ ଜାପାମାଞ୍ଜି; ୧୫ ଅଡ଼େ ଆମିନି ଦାମ୍ବୁ ସାସ୍ତ୍ରୀ କ୍ରାସ୍ତୁ ଜାସ୍ତୁ ତାଣା ନାମ୍ବୁଟି ନିଜେ ଗେଲ୍ପିକିନି ବୁଦି ହିୟାଲି ଆଡ଼ାନେ, ଏଦାଆଁ ନାନୁ ଉଣା ଝେଡ଼ାଟିଏ ପୁଞ୍ଜାମାଞ୍ଜି । ୧୬ ବାରେ ଦାମ୍ବୁ ସାସ୍ତ୍ରୀରତା ରାସ୍ତୁକି ଆହାମାନି ବାରେ ବଲୁ ମାହାପୁରୁ ଜଲିତାୟି, ଅଡ଼େ ଜାପୁନାୟି, ଲାଗିନାୟି, ତାରିକିନାୟି, ଅଡ଼େ ଦାମ୍ବୁତା ନାତାଲି ସାୟେମି କିନାୟି, ୧୭ ଏନିକଂ ମାହାପୁରୁତି ଲକୁ ତାରପୁ ଆହାନା ବାରେ ନେହଂ କାମାତା ଜଟେ ଗାଟାରି ଆନେରି ।

୪

୧ ନାନୁ ମାହାପୁରୁ ନକିତା, ଅଡ଼େ ଆମିନି କ୍ରାସ୍ତୁ ହାଡ଼ାରାଇଁ ଇଞ୍ଜା ନାତାମାନାରାଇଁ ନୀହାୟି କିହାଲି ହାଜିମାନେସି, ତାନି ଝେଣ୍ଡେ ଖାନାଣି ଅଡ଼େ ରାଜିତି ମାନି କିହାନା ହୁକୁମି ହାହିମାଞ୍ଜାଇଁ, ୨ ମାହାପୁରୁ ବଲୁ ଝେକମ୍ବୁ ନେହଂ ବେଲ୍ଲାତା କି ଲାଗେଏତି ବେଲ୍ଲାତା ବଲୁ ଝେକହାଲି ତିୟାରେ ଆହା ମାନାମ୍, ନାନୁ ବାରେ କସ୍ତୁ ଅରୁହାନା ଜାପୁହିହଂ ଲାଗାମ୍, ଅଡ଼େ ଦାକା ହାହାନା ସାସ୍ତ୍ରୀ ବାସ୍ତୁ ହାମ୍ । ୩ ଇଚିହଂ ଦିନା ଖଟେନ, ଏତିବେଲ୍ଲା ଲକୁ ନେହଂ ଜାପୁନାଣି ଝେଞ୍ଜାଲି ଅପଅରି, ସାମା ତାନି କାକା ତାକି ସୁଦୁ ସୁଞ୍ଜାଲ୍ଲା ହାଡ଼ା ଝେଞ୍ଜାଲି ମନ୍ ହାନେରି ଇଞ୍ଜା କାତା ଜୁପକାତାକି ଲାଗେଏତାଣି ଜାପୁନାରାଇଁ କୁଡ଼ି କିନେରି । ୪ ଅଡ଼େ ସାତା କାତାଟି ଝେଞ୍ଜାଲି କୁହାନା ଅଣପାନା ଝେହ୍ନି ପୁସ୍ପନିକାଣି ମନ୍ ହାନେରି । ୫ ସାମା ନାନୁ ବାରେ ତାଣା ସେଡନା ଆମ୍, କସ୍ତୁତି ଅରୁହାମ୍, ମାହାପୁରୁତି ନେହଂ କାତୁ ଝେକମ୍ବୁ କାମା ପୁରା କିମ୍ ଅଡ଼େ ନୀ ସେବା କାମା ରାପମ୍ ।

୬ ଇଚିହଂ ନୀର୍ସ ଜିକେଏ ନା ଜାସ୍ତୁ ଗସାଲି ତାକି ଖାକ୍‌ହିମାନି ଲେହେଁ ହେରୁପି ଆହିମାନେ, ନା ହାନି ଦିନା ଏଗାଞ୍ଜାଟେୟିଏ । ୭ ନାନୁ ନେହଂ ଜୁଜୁତା ଜାସ୍ତୁ ତୁସାନା ଜୁଜୁ କିହିମାଇଁ, ନାଜେତାକି କେପାମାନି ପାହେରି ରାଝେତାକି ହଟାମାଇଁ, ନାନୁ ନାମ୍ବୁଟି ଜାଣ୍ଡେ ଆସାମାଇଁ; ୮ ନାଜେତାକି ଦାମ୍ବୁଟି ଟପେରି ଇଟକି ଆହାମାନେ, ଏଦାଆଁ ଏ କାଜା ନୀହାୟି ଦିନାତା ନୀହାୟି କିନି ପ୍ରବୁ ନାଜେ ହିୟାନେସି, ଖାଉଇ ନାଜେ ଆଏ, ତାନି ଝେଣ୍ଡା ଖାନାଣି ନେହଂ ମନ୍ତଲେ କାଟାମାନି ବାରେଜାଣା ତାକି ଜାସ୍ତୁନହାଁନା ହାନେସି ।

ତାନି କାତା ଝେହ୍ନାୟି

୯ ତବେ ନା ତାଣା ଖାହାଲି ଜାଗ୍ରାତା ଆମ୍; ୧୦ *ଇଚିହଂ ଦିମା ନାଜେ ପିସାହାଁ ନୀର୍ସତି ଦାରୁତିତି ଜାସ୍ତୁନହାଁନା ତେସଲନିକିତା ହାଜାମାନେସି, କ୍ରେସକେନସ୍ ଗାଲ୍ଲାତିୟାତା ଅଡ଼େ ତିତସ ଦଲମତିୟାତା ହାଜାମାନେରି । ୧୧ *ଅଡ଼େ ଲୁକ ରଅସିଏ ନା ତଲେ ମାନେସି । ମାକିଇଁ ନୀ ତଲେ ତାଚିହଂ ଖାମ୍, ଇଚିହଂ ନା ସେବା କାମାତା ସାୟେମି କିୟାନେସି । ୧୨ *ନାନୁ ତୁକିକଇଁ ଏପିସିୟତା ପାଣ୍ଡା ମାଇଁ । ୧୩ *ତୁୟାତା କାର୍ପ ତାଣା ଆମିନି ରସିମି ସକା ପିସା ଖାହାମାଇଁ, ନାନୁ ଖାନାଟି ସକା ଅଡ଼େ ପତିୟାଁ ବାରେକିହାଁ ତଲୁ ପତିୟାଁ ତାଚିହଂ ଖାମ୍ ।

* ୩:୧୧ ୩:୧୧ କାମା ୧୩:୧୪-୫୨; କାମା ୧୪:୧-୭; କାମା ୧୪:୮-୨୦ * ୪:୧୦ ୪:୧୦ କଲସି ୪:୧୪; ପିଲିମ ୧:୨୪; ୨କର୍ ୮:୨୩; ଗାଲ ୨:୩; ତିତସ ୧:୪ * ୪:୧୧ ୪:୧୧ କଲସି ୪:୧୪; ପିଲିମ ୧:୨୪; କାମା ୧୨:୧୨,୨୫; ୧୫:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪ * ୪:୧୨ ୪:୧୨ କାମା ୨୦:୪; ଏପିସି ୭:୧୧,୨୨; କଲସି ୪:୭,୮ * ୪:୧୩ ୪:୧୩ କାମା ୨୦:୬

^{୧୪} ଯିତାହା ବେବାରାଗାଟି ଆଲେକ୍‌ଜାଣ୍ଡାର ନାଙ୍ଗେ ହାତରକା କସ୍ତ୍ର ହାହାମାଞ୍ଜାନେସି; ପ୍ରଭୁ ଏଞ୍ଜାଣାକ୍ ତାକୁ କିତି କାମା ଲେହେଁ ପାଡ଼େଇଁ ହାନେସି; ^{୧୫} ନୀନୁ ଜିକେଏ ଏଞ୍ଜାଣି ତାହାଟି ଜାଗ୍ରାତା ଆହା ମାନାମୁ, ଇତିହାସି ଏଞ୍ଜାସି ମାରୁ ଝେକ୍‌ନି କାତା କପାଟି ନିଙ୍ଗାନା କାହି କିହିମାଞ୍ଜାତେସି ।

^{୧୬} ତଲି ମୁଲୁ ନାଙ୍ଗେ ନୀହାୟି କିୟାତାଟି ଆମ୍ବାଆରି ନା ଝାକିଟି ଆଆତେରି, ସାମା ବାରେଜାଣା ନାଙ୍ଗେ ପିସ୍ତାତେରି, ଏଦାଆଁ ମାହାପୁରୁ ଏଞ୍ଜାରି କପାଟି ଦହ କିଆପେସି । ^{୧୭} ସାମା ପ୍ରଭୁ ନା ତଲେ ମାଞ୍ଜାନା ନାଙ୍ଗେ ବାଡ଼ୁଇଁ କିୟାତେସି, ଅଡ଼େ ନାନୁ ସିହ୍‌କ୍ଷାଠନି ଗୁଡିଟି ଗେଲ୍‌ପିଆଡେସି, ଏନିକି ନା ତାହାଟି ନେହଁ କାରୁ ବାରେ ତାଣା ଝେଙ୍ଗିନେ ଅଡ଼େ ଜୀହୁଦିଆଆତି ଲକୁ ବାରେଜାଣା ଏଦାଆଁ ଝେଞ୍ଜାଲି ଆଡିନେରି; ^{୧୮} ପ୍ରଭୁ ନାଙ୍ଗେ ବାରେ ଲାଗେଏ କାମାଟି ଗେଲ୍‌ପାନେସି, ଅଡ଼େ ନାଙ୍ଗେ ଗେଲ୍‌ପାନା ତାନି ଲାକପୁରୁ ରାଜିତା ଅୟାନେସି; ଏଞ୍ଜାଣି ଗାଞ୍ଜୁରମି କାଲାକାଲା ତାକି ଆପେ ! ଆମେନ୍ ।

ରାନିବେଲାତି ଜହରା

^{୧୯} ଯିସ୍ତୁଲିଲି ଅଡ଼େ ଆକ୍‌ଝିଲି ଇଞ୍ଜା ଅନିସିପର ଇଲୁ କୁଟମିକି ନା ଜହରା ଝେହ୍‌ମୁ । ^{୨୦} ଏରାସ୍ତୁ କରନ୍ତି ଗାଡ଼ାତା ତୟା ମାନେସି, ସାମା ତ୍ରପିମ ଆଡିହିଲିଆକି ନାନୁ ଏଞ୍ଜାଣାକ୍ ମିଲିତତା ପିସା ଝାଡେସି । ^{୨୧} ନାନୁ ପେନିବେଲା ଝାଆ ନକେଏ ଝାଡିହଁ ନେହଁ ଆଡେମା । ଇୟୁରୁଲ, ପୁବେନସ, ଲିନ, କ୍ଲୁଝୁଦିୟା, ଅଡ଼େ ବାରେ କ୍ରୀସ୍ତାନା ତାୟିୟା ନିଙ୍ଗେ ଜହରା ଝେସିମାଞ୍ଜାନେରି । ^{୨୨} ପ୍ରଭୁ ନୀ ଜାଞ୍ଜୁତା ମାଣ୍‌ସେସି, ମାହାପୁରୁତି କାର୍ନାମେହ୍‌ନାୟି ମୀ ବାରେତାକି ଆୟାପେ ।

☆ ୪:୧୪ ୪:୧୪ ୧ତମ ୧:୨୦; ରମି ୨:୬ ☆ ୪:୧୯ ୪:୧୯ କାମା ୧୮:୨; ୨ତମ ୧:୧୬, ୧୭ ☆ ୪:୨୦ ୪:୨୦ କାମା ୧୯:୨୨; ରମି ୧୬:୨୩; କାମା ୨୦:୪; ୨୧:୨୯

ତୀତସକ ନିକଟକୁ ପାଉଲକ ପତ୍ର ତିତସ ତାଣ୍ଡା ପାଖୁଲ ରାଡ଼ାମାନି ଆକୁ ମୁଲୁ ହାଡ଼ା

ପାଖୁଲତି ସାରିଗଟା ଆକୁ ବିତ୍ରା ତିତସ ଆକୁ କୁଲମି ପିସପେ ର ମାଣସିତି ଖେସିମାନେ, ଏଟକାତି ତାନିଗଟା ଆହୁମାନୁ, ତିମତି ମୁଲୁ ଆକୁ, ତିମତି ରା ଲମ୍ବର ଆକୁ ଅଡେ ପିଲିମନ । ଇ ଆକୁ କ୍ରୀସ୍ତ ଜାର୍ନାଆତି ୬୩ ଟିଏ ୬୫ ବିତ୍ରା ରାସକି ଆହାମାନେ ।

ତିତସ ଏଟକା କୁଡ଼ାତାସି ଆହାନା କ୍ରୀସ୍ତାନା ଆହାମାତି ର ଦାଂଗଣେଏସି ମାତେସି, ଏଝାସି ମାହାପୁରୁ କାତା ଖେହନି ପାଖୁଲ ତଲେତାସି । କ୍ରିତିତା ମାନି ମାହାପୁରୁ କୁଲମି ସାଲୁଖି କିହାଲି ପାଖୁଲ ଏଝାଣାଇଁ ଏମ୍ବାଆଁ ପିସାନା ଇ ଆକୁ ପାଣ୍ଡାମା ତାନିଗଟା ନେହୁଁକ ଅଣ୍ପାଲି ରାଡ଼ିମାନେସି । ର କାତା ଇଦି କ୍ରିତିତା ମାନାରି ବିତ୍ରାଟି ହାରେକା ଲକୁ ଲାଗେଏ ପଲେଏ ଅଣ୍ପୁ ଗାଟାରି ମାଟାକି ଏନିଲେହେତି ଅଣ୍ପୁ ଗାଟାରେଇଁ କୁଲମିତି କାଜାରି କିହାନା ଇତିନାୟି ମାନେ । ଅର କାତା ଇଦି ବୁଡ଼ହାୟିଇଁ, ବୁଡ଼ହସିକାଣି, ଡ଼ାଆସିକାଣି, ଦାଂଗଣାୟିଣି, ହଲିୟାକାଣି ଏନିକ ଗତି ଗତି କିହାନା ଜାପୁହାଲି ଆନେ । ତାୟୁତି କାତା ଇଦି କ୍ରୀସ୍ତାନା ଆହାମାନାରି ଏନିକ ନୀତିନାୟି ମାନେ । ଏଝାରି ଜୀସୁ ନନାରି ଅଡେ ସୁଦୁଗାଟାରି ଆପେରି, ଲାଗେଏତି କାତାୟି ପିସପେରି, ଗଡ଼ହା କିଝି କିହାନା କୁଲମିତି ଗତି ଗତି କିଆପେରି ।

ପତିତା ମାନାୟି

- ୧. କୁଲମିତା ଦାମୁଗାଟାରେଇଁ ଆଡ଼ାଲି ଖେହନାୟି । ୧:୧-୧୬
- ୨. ଦାମୁ ଜୀସୁତଲେ ନୀତାଲି ଅଡେ ଜାପୁହାଲି ଖେହନାୟି । ୨:୧-୩:୧୧
- ୩. ତାୟୁତି କାତା ଅଡେ ଜହରା ତଲେ ଆକୁତି ରାପୁନାୟି । ୩:୧୨-୧୫

୧ ପାଖୁଲ, ମାହାପୁରୁତି ହଲେଏଣାତେଏଁ ଇଞ୍ଜା ଜୀସୁ କ୍ରୀସ୍ତ ତାଣ୍ଡାଟି ପାଣ୍ଡୁଝି ଆହାମାନାତେଏଁ ।

ମାହାପୁରୁ ଆଡ଼ାମାନି ଲକୁତି ନାମୁ ପାତିକିହାଲି ଅଡେ କାଲାକାଲାତି ଜୀସୁ ମୋଡ଼ାଆନି ଆସାତି ଦାମୁତି ନାମୁତା ସାତାତି ଜାଗ୍ରାତା କିହାଲିତାକି ନାମୁ ପାଣ୍ଡୁଝି ଆହାମାଇଁ । ୨ କାଲାକାଲାତି ଜୀସୁତି ଆସା ହାହାଲିତାକି, ଏମିନି ମାହାପୁରୁ ଆଞ୍ଜାମାତେସି, ଏଝାସି ଏତେଲା ମିତି ଜଲାଆଗାଟାସି । ୩ ଏ କାଲାକାଲାତି ଜୀସୁ ସାତା ମାହାପୁରୁ, ହାରେକା କାଲା ନଟେଏ ଆଞ୍ଜାନା ସମାନା ବେଲାତା ତାନି ବଲୁ ଝେକ୍‌କିନି ତାଣ୍ଡାଟି ତସାମାନେସି; ଏ ବଲୁ ଝେକ୍‌କିନି ବଲୁ ମା ଗେଲ୍‌ପାନି ମାହାପୁରୁ ହୁକୁମି ତଲେ ନା ତାଣ୍ଡା ହେରୁପି ଆହାମାଞ୍ଜାନେ ।

୪ ନା ସମାନା ନାମିତାସି ଅଡେ ନାମୁତା ନା ଜୀସୁତି ମାଟ୍‌ସସି ତିତସ ତାଣ୍ଡା ଇ ଆକୁ ରାଡ଼ିମାଇଁ । ଆଡ଼ା ମାହାପୁରୁ ଅଡେ ମାଜେ ଗେଲ୍‌ପାନି କ୍ରୀସ୍ତ ଜୀସୁ ମିଜେ କାର୍ମା ଅଡେ ହିଡ଼ଡ଼ି ହିୟାପେସି ।

କ୍ରିତିତା ତିତସ କାମା କିନାୟି

୫ ନାମୁ ଖେସ୍ତାତିଲେହେଁ ରାଆତି କାମାଟି ରାପୁହାଲି ତାକି, ଅଡେ ବାରେ ଗାଡ଼ାତା ପ୍ରାଚିନାକାଣି କାମା ହେରୁପାଲି ତାକି ନାମୁ କ୍ରିତିତା ନିଜେ ପିସା ଝାୟାତେଏଁ; ୬ ଆମ୍ବାଆସି ଦହ ହିଲାଆଗାଟାସି, ରଣ୍ଡିଏ ତକ୍‌କିନି* ତକ୍‌କା, ଆମ୍ବାଆରି ମୀରୁକା ମାସକା ନାମିତାରି, ଅଡେ ଲାଗେଏ ପଲେଏତି କାମା କିଅରିକି ମାନୁଝି ଆଆଗାଟି କାମା କିଅରି ଏଝାରେଇଁ ଆଡ଼ାହାଁ ପ୍ରାଚିନା କିମୁ । ୭ ଇତିହୁଁ କାଜାସି, ମାହାପୁରୁତି ଗୁମୁସା ଆହାଁ ଦହ ହିଲାଆଗାଟାସି ଆନାୟି ମାନେ; ଏଝାସି ଜାହାରା ମନତଲେ କିନାସି କି ଦେବୁଣିଏ କାରବି ନାନାସି କି କାଡ଼ ଗୁହନାସି କି ଗଡ଼ହା କିନାସି କି ଦନ ଜୁପକା ଗାଟାସି ଆଆନା, ୮ ଏଝାସି ଗଡ଼ାୟିଣି ଆକ୍ରା କିନାସି, ଏନାୟି ନେହାୟି ଏଡ଼ାଆଁ ଜୀସୁ ନନାସି, ଜାହାରେଇଁ ଲକ୍‌ନାସି, ଦାମୁଗାଟାସି, ସୁଦୁଗାଟାସି, ଇଞ୍ଜା ମୋରା ମାନୁଝି ଆନାସି ଆପେସି । ୯ ଅଡେ ଏନିକ ଏଝାସି ଲକୁତାକି ନେହାଁଣି ଜାପୁହାନା ରାହାଁ ହାହାଲି ଇଞ୍ଜା ମାହାପୁରୁ କାତା କପାଟି ଖେହନାରେଇଁ ଲାଗାଲି ଆଡ଼ିନେସି, ଇଦାଆଁତାକି ଜାପାମାନି ନାମିନି ବଲୁ ଜାଣେ ଆସାଁ ମାଞ୍ଜୁ ।

* ୧:୫ ୧:୪ ୧କର ୮:୨୩; ଗାଲା ୨:୩; ୨ତିମ ୪:୧୦ * ୧:୬ ୧:୬ ୧ତିମ ୩:୨-୬ * ୧:୬ ୧:୬ ରଣ୍ଡିଏ ବାହା ତକ୍‌କି

୧୦ ଇତିହାସ ହାରେକା ନାମାଆଗାତି ଲକ୍ଷ୍ମୀ, ଉଦ୍ଦେଶ୍ୟତ କାତାତଲେ ନାଡ଼ିକିନାରି ମାନେରି, ହାରେକା ଜୀହୁଦି କ୍ରୀଷ୍ଟୀନା ଲକ୍ଷ୍ମୀ ବିଦ୍ରାତି ମାନେରି । ୧୧ ଲାଗେଏତି କାତାତି ଏଞ୍ଜାରି ଗୁଡ଼ି ମୁଦା କିନାୟିମାନେ, ଏନାଆଁତାକି ଇତିହାସ ଏଞ୍ଜାରି ଦନ ଜୁପକାତାକି ଲାଗେଏତି କାତା ଜାପୁହିହାସ ର.ର.ଇଲୁ କୁଟମିତି ମାହାପୁରୁ ଜିରୁ ବାଣି କିନେରି । ୧୨ ଏଞ୍ଜାରି ବିଦ୍ରାତି ରଥସି ଏଞ୍ଜାରି ମାହାପୁରୁ ଅଣ୍ଟପୁଡ଼ି ବଲୁ ଖେହନାସି ଏଲେ ଇଞ୍ଜାମାନେସି, କ୍ରିତିତା ବାସା ଆହାମାନାରି ବାରେବେଲା ମିତି ଖେହନାରି, ଜନ୍ମ ସମାନା ଅଡ଼େ ନିସ୍ତା ଇଞ୍ଜା ଚିଶ୍ଟିକାଞ୍ଜୁୟା । ୧୩ ଇ କାତା ସାତା । ଏଦାଆଁତାକି ଏଞ୍ଜାରାଇଁ ଗାତି ଦାକା ହାହାଁ ଲାଗାମୁ, ଏନିକ୍ ଏଞ୍ଜାରି ନାମୁତା ପାତା ଆନେରି । ୧୪ ସାତାତି ପିସାମାନି ଲକ୍ଷ୍ମୀତି ମେରା, ଜୀହୁଦି ଲକ୍ଷ୍ମୀତି କହୁୟା, ମନ ହାଅରି ଏଦାଆଁତାକି ଏଞ୍ଜାରାଇଁ ଜାପୁମୁ । ୧୫ ଅବୁହି ଆତି ଲକ୍ଷ୍ମୀତାକି ବାରେଏ ଅତିନେ, ସାମା ପଲୁଆ ଗାଟାରାକି, ମାହାପୁରୁଇଁ ନାମାଆ ଗାଟାରାକି ଏନାୟି ଜିକେଏ ଅଡେଏ, ଇତିହାସ ଏଞ୍ଜାରି ମନ ଅଡ଼େ ଅଣ୍ଟପୁ ବାରେ ପଲୁଆଗାଟାୟି । ୧୬ ଏଞ୍ଜାରି ମାହାପୁରୁଇଁ ପୁଞ୍ଜାମାନମି ଇଞ୍ଜା ଜଲିନେରି, ସାମା ଏଞ୍ଜାରି କାମା ତଲେ ମାହାପୁରୁଇଁ ପୁନାଆତି ଲେହେଁ ଆନେରି, ଏଞ୍ଜାରି ଅପାଆଗାଟାରି, ଅଡ଼େ କାତା ଆହାଆଗାଟାରି ବାରେ ନେହ କାମାତା ପାତାଆଅରି ।

୨

ନେହ କାମୁ ଜାପୁନାୟି

୧ ମା. ଦାମୁତି କାତାୟା ନେହ କାମୁ ଜାପୁମୁ । ୨ ବୁଡ଼ହା ଆବାୟାଁଇଁ ତଣେ ଆୟାଲି, ନେହ ଅଣ୍ଟପୁ ନେହ ବୁଦି, ଅଡ଼େ ନାମୁ, ଜୀହୁନନାୟି, ଇଞ୍ଜା ଅରୁହିନି ତାଣା ବାଡ଼ୁୟା ଆୟାଲି; ୩ ଅଡ଼େ ବୁଡ଼ହା ଇୟାସିକାଣି ଜିକେଏ ଏଲେକିହ ଏ ସାକ୍ତି ଗାଟାଇ ଇଞ୍ଜା କାତୁ ଗୁହନାଇ ଆଆନା ସୁଦୁଜୀଞ୍ଜୁ ତଲେ ନୀତାନା ନେହ କାତା ଜାପୁହାଲି ବାତିମାଲିହା ଖେହମୁ; ୪ ଏଦାଆଁତାକି ତାଆ ଆୟାସିକା ତାମି ତକ୍ରାୟାଣି, ମୀରକା ମାୟୁକାଣି ଜୀହୁ ନହାଁ, ୫ ଜାହାରାଇଁ ସାପି ଆୟାଲି, ଅବୁହା କତାନା, ଇଲୁଡି ନେହ କାମୁ ଲେୟାଲି, ନେହ ଗୁଣ୍ଡୁ, ଇଞ୍ଜା ଜାହାରା ତକ୍ରାୟାଁ କାତା ମାନୁଡ଼ି ଆୟାଲି, ଜାପୁମୁ, ଏନିକ୍ ମାହାପୁରୁତି ବଲୁ ନିନ୍ଦାଆଏ ।

୬ ଏଲେକିହ ଏ ଦାଗଣାୟାଣି ବାରେ କାତାତା ନେହ ବୁଦି ଆହାଲି ରାହାଁ କିଞ୍ଜି କିମୁ; ୭ ନୀ ବାରେ ମାଣ୍ଡକିତା ସାତା କାମାତି ନେହ ଗୁଣ୍ଡୁ ତହୁମୁ, ଜାପୁନି ତାଣା ଆବୁଞ୍ଜା ଅଡ଼େ ମାନିଗାଟି ମାଣ୍ଡସି ଆହାନା ନେହ ହାତା ତଲେ ଖେହମୁ । ୮ ଏନିକ୍ ମିଜେ ଲାଗେଏ କିହାଲି ଅଣ୍ଟପିମାନି ଲକ୍ଷ୍ମୀ ମିଜେ ଖେଣ୍ଡେ ଖେୟାଲି ଆତାଆନା ଲାଜା ବେଟାଆନେରି ।

୯ ହଲିୟାଜା ତାମି ସାଞ୍ଜୁକାରି କାତା ମାନୁଡ଼ି ଆହା ତୟାପେରି, ଅଡ଼େ ବାରେ କାମାତା ସାଞ୍ଜୁକାରିଇଁ ରାହାଁ କିନାରି ଆପେରି, ଏଞ୍ଜାରି ଖେଣ୍ଡେ ଜଲ୍ଲାଆପେରି, ୧୦ ଏନାଆଁ ସରୁ କିଆନା ନେହ ନାମୁତଲେ ଚିକାଣା କାମା ତସ୍ପାରି, ଆତିହାସ ମାଜେ ଗେଲ୍ପାମି ମାହାପୁରୁତି ଦାମୁ ଜାପୁନାଣି ନେହାୟି ଇଞ୍ଜା ଖେଜି କିନେରି ।

୧୧ ଇତିହାସ ବାରେ ମାଣ୍ଡସି କୁଡ଼ାଇଁ ଗେଲ୍ପାଲି ମାହାପୁରୁତି କାର୍ମାମେହନାଣି ତସାମାନେସି, ୧୨ ଅଡ଼େ ମାର ଏନିକ୍ ଲାଗେଏତି ଦାମୁ, ଦାରୁତିତ ଜୁପକା ପିସାମା ଇ ନୀଏତି ଜୁଗୁତା ନେହ ବୁଦି, ଦାମୁ ଅଡ଼େ ମାହାପୁରୁତି ଆଜିତଲେ ନୀତିନ, ୧୩ ଅଡ଼େ ଏ ରାହାଁତି ବାସୁ ମା କାଜା ମାହାପୁରୁ ଗେଲ୍ପାମି କ୍ରୀସ୍ତ ଜୀସୁତି ଗାଞ୍ଜୁରମି ତଞ୍ଜାଆନାଣି କାଡ଼ିହା ତୟିନ, ଇଦାଆଁତାକି ମାଜେ ଜାପୁହି ମାଞ୍ଜାନେ । ୧୪ ଏ କ୍ରୀସ୍ତ ଜୀସୁ ମା ବାରେ ଲାଗେଏ ପଲେଏ ତାଣାଟି ଗେଲ୍ପା କିୟାଲି ଅଡ଼େ ତାଜେତାକି ସାତା କାମାତାକି ରାହାଁତି ତାନି ଲକ୍ଷ୍ମୀ ଲେହେଁ ଅବୁହାଲି ତାନୁଏ ମା ତାକି ହେରୁପି ଆଡେସି ।

୧୫ ଇ ବାରେ କାତା ଜଲିହାସ ବାରେ ଅଦିକାରା ତଲେ ସାସା ହୀମୁ, ଅଡ଼େ ଦାକା ହୀମୁ । ଏନିକ୍ ଆଦାଆରି ନିଜେ ହୀଣି କିୟାଆପେରି ।

୩

କ୍ରୀଷ୍ଟୀନା ଲକ୍ଷ୍ମୀ କାମା ଇଞ୍ଜା ଗୁଣ୍ଡୁ

୧ ଦେସାତି ସାଲ୍ଡି କିନାରି ଅଦିକାରା ବେଟାଆହା ମାନାରି ତୁଇ ମାଞ୍ଜାନା, ଏଞ୍ଜାରାଇଁ ମାନି କିହାନା, ଅଡ଼େ ବାରେ ନେହ କାମା କିହାଲି ଜାଗ୍ରାତା ଆଦୁ, ୨ ଆଦାଆରାଇଁ ନିନ୍ଦା କିଆନା, ଆଦାଆରି କପାଟି କାମା କିଆନା, ବାରେ ଲକ୍ଷ୍ମୀ ନକିତା ଉଣା ଆହାଲି, ସୁଦୁ ସୁଞ୍ଜାଲା ତସାଲି ବାରେ ଲକ୍ଷ୍ମୀ ନକିତା ଅଣ୍ଟପି

* ୨:୧୪ ୨:୧୪ ୧ପିତ ୨:୯

କିମ୍ପୁ । ^୩ ଇତିହାସଂ ମାରୁ ଜିକେଏ ନକେଏ ବୁଦିହିଲିଆ ଗାଗାତାୟି, କାତା ଆହୁଆ ଗାଗାତାୟି, ଲାଗେଏତି ଜିରୁଟି ହାଜିମାତାୟି, ଏନି ଏନି ଜୁପକା ଅଡେତ୍ ସୁକୁ ବୁକୁତି ହଲିୟା ମାଗାୟି, ତାହାରା ଅଡେତ୍ ତାହାରା ତଲେ ମାଗାୟି ଇଞ୍ଜା ଅପୁଞ୍ଜି ଆଆଗାଟି ଲକୁ ଆହା ଅପୁଞ୍ଜି ଆହି ହିଲିଆତାୟି । ^୪ ସାମା ଏତିବେଲା ମାଙ୍ଗେ ଗେଲପାନି ମାହାପୁରୁତି କାର୍ମା ଅଡେତ୍ ମାଣସି ଜାଡି ତାକି ତାନି ଜୀଞ୍ଜନନ୍ଦାୟି ତଞ୍ଜାଆଡେତ୍, ^୫ ଏତିବେଲା ଏଞ୍ଜାସି ମା କିତି ଦାମ୍ବୁ କାମାତାକି ଆଏ, ସାମା ତାନି କାର୍ମାତଲେ ପୁଞ୍ଜି ଜୀନୀତି ଏମୁତଲେ ନରହାନା, ତାନି ସୁଦୁଜୀଞ୍ଜୁ ତଲେ ପୁଞ୍ଜି ଗାଡିକିହାଁ ଗେଲପାମାଞ୍ଜାନେସି, ^୬ ଏ ନେହାଁ ଜୀଞ୍ଜୁତି ମାଙ୍ଗେ ଗେଲପାନି ଜୀସୁ କ୍ରୀସ୍ତ ତାଣାଟି ହାଡେରପୁରେ ମା ଲାକ ହାୟାତେସି, ^୭ ଏନିକି ମାରୁ ତାନି କାର୍ମାମେହନାଣି ତଲେ ଦାମ୍ବୁ ଗାଗାତାୟି ଆହାନା ବାସୁଁ ତଲେ କାଲିକାଲିତି ଜୀଞ୍ଜୁତି ଅଦିକାରା ଆନାୟି । ^୮ ଇ କାତା ସାତା ଆନେ । ଅଡେତ୍ ଏନିକି ମାହାପୁରୁଇଁ ନାମିନାରି ବାରେ ନେହାଁ କାମାତି ଅଣ୍ଡପିହାଁ କିନେରି, ଏଦାଆଁତାକି ଇ ବାରେ ଜାଣେତଲେ ଜାପୁମୁ ଇଞ୍ଜା ନା ଅଣ୍ଡପୁ, ଇ ବାରେ ଲକୁତାକି ନେହାୟି ଇଞ୍ଜା ଅଜିତାୟି । ^୯ ସାମା ଲେନିପନିଏ ବାଦିବାଦା କାତା ଜଲିନି ତାଣାଟି, ଆକୁ ଆବାୟାଁ ଦରୁକା ତାକି, ଗଡହା ଅଡେତ୍ ମେରାତାକି ଗଡହାଟି ହେକ ମାନାମୁ, ଇତିହାସଂ ଏ ବାରେ ଲାବା ହିଲିଆ ଉଜେଏତାଲ । ^{୧୦} ଜିରୁ ବାଣି କିନି ଲକୁଇଁ, ର ଦେବା ରା ଦେବା ଦାକା ହାହାଁ ଜାଗ୍ରାତା କିପୁ, ଅଡେତ୍ ତାମୁ ଏଞ୍ଜାଣି ତାଣାଟି ହେକ ଆଦୁ; ^{୧୧} ଇଲେତି ଲକୁ ତାନି ଜିରୁ ବାଣାଆହା ମାନେରି, ଇଞ୍ଜା ପାପୁ କିହାଁ ଜାହାରାତି ଦହ କିନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି ।

ରାଜି ବେଲାତା ଜାପୁନାୟି

^{୧୨} ଏତିବେଲା ନାନୁ ମୀ ତାଣା ଆତମା କି ତୁକିକଇଁ ପାଣ୍ଡାଇଁ, ଏତିବେଲା ନିକପଲିତା ନା ତାଣା ଖାହାଲି ଜାଡନୁ ଆମୁ, ଇତିହାସଂ ପେନିଞ୍ଜେଡା ରାଞ୍ଜେ ଏମାଆଁ ମାଞ୍ଜାଲି ଅଣ୍ଡପାମାଇଁ । ^{୧୩} ଅକିଲି ଜିନା, ଅଡେତ୍ ଆପଲକି ଏନାୟି ଲଡ଼ାମାନେ ଏଦାଆଁ ହାହାନା ଜିରୁ ତହମୁ, ଏନିକି ଏଞ୍ଜାରି ଜିରୁତା ଏଞ୍ଜାରାକି ଏନାୟି ଲଡ଼ା ଆଆପେ । ^{୧୪} ମା ଲକୁ ଜିକେଏ ଲଡ଼ାମାନି ତାରପୁ କାମାତା ଲେମ୍ବୁଞ୍ଜି ଆହାଲି ଜାପିନାୟି ମାନେ, ଏନିକି ଏଞ୍ଜାରି ପାଡେତ୍ ହିଲିଆ ଗାଗାରିଲେହେଁ ଆଅରି ।

^{୧୫} ନା ତଲେ ମାନି ବାରେଜାଣା ନିଙ୍ଗ ଜହରା କିହିମାଞ୍ଜାନେରି । ନାମୁତା ଆମାଆରି ମାଙ୍ଗେ ଜୀଞ୍ଜୁ ନହିମାଞ୍ଜାନେରି ଏଞ୍ଜାରାଇଁ ଜହରା କିପୁ, ଅଡେତ୍ ମାହାପୁରୁତି କାର୍ମାମେହନାୟି ମୀ ବାରେତାକି ଆପେ ।

* ୩:୧୨ ୩:୧୨ କାମା ୨୦:୪; ଏପିସି ୬:୨୧,୨୨; କଲସି ୪:୭,୮; ୨ତିମ ୪:୧୨

ଫିଲମନଙ୍କ ନିକଟକୁ ପାଉଲଙ୍କ ପତ୍ର ପିଲିମନ ତାଣ୍ଡା ପାଖୁଲ ରାଫାମାନି ଆକୁ ମୁକୁ ହାଡ଼ା

ପିଲିମନ ଆକୁ ପାଖୁଲ ତାଣ୍ଡାଟି ରାଫୁକି ଆହାମାନେ ୧:୧ । ପାଖୁଲ ରମ୍ ଗାଡ଼ାତ କାୟିଦି ଇଲୁତା ମାଗାଟି ଇ ଆକୁ ରାଫାମାନେସି । ଏଝାସି ରମ୍ ଗାଡ଼ାତା ମାଚେସି କ୍ରୀସ୍ତ ଜାର୍ନାଆଡ଼ି ୬୧ ବାର୍ଯା ତାୟୁ ଇ ଆକୁ ରାଫା ଡ଼ୟିନେସି । ଏଚିବେଲାତା କଲସିୟ କୁଲମିତାକି ରାଫା ଡ଼ୟିନେସି । ଏଝାସି ଇ ଆକୁ ପିଲିମନ ଇନି ର ମାଣସିକ ରାଫିମାନେସି । ପିଲିମନ କୁଲମିତ କାଜାସି ଅଡ଼େ ହଲିୟାଜାତି ସାଝୁକାରି ମାଚେସି । ଏଝାରି ବିତ୍ରାଟି ଅନସିମ ଇନି ର ହଲେସସି ମାଚେସି ଏଝାସି ପିଲିମନ ତାଣ୍ଡାଟି ହଟାଡ଼ୁସା ମାଚେସି ଏଝାସି ପାଖୁଲ ତାଣ୍ଡାଟି କ୍ରୀସ୍ତାନା ଆହାମାଚେସି । ରମିୟ ଲକ୍ଷୁତି ମେରା ତଲେ ଅନସିମଇଁ ହାନି ତଣ୍ଡ ହାନାୟି ମାଚେ ।

ଅନସିମଇଁ କାର୍ମାମେସାନା ଏଝାଣାଇଁ ହଲେସସି ଲେହେଁ ଆଏ ସାମା କ୍ରୀସ୍ତାନା ତାୟିଲେହେଁ ଝେଣ୍ଡେ ଆବାମୁ ଇଞ୍ଜି ପିଲିମନଇଁ ବାତିମାଲିହଁ ଇ ଆକୁ ରାଫିମାନେସି ୧:୧୩-୧୪ ।

ପତିତା ମାନାୟି

- ୧. ପିଲିମନଇଁ ଜହରା ଝେହ୍ନାୟି । ୧:୧-୩
- ୨. ଅନସିମଇଁ କ୍ରୀସ୍ତାନା ତାୟିଲେହେଁ ଆବାଲି ଏଲେଇନାୟି । ୧:୪-୨୧
- ୩. ଆକ୍ଷୁତି ରାପୁନି କାତା । ୧:୨୨-୨୫

୧ ନାନୁ ପାଖୁଲ, ଜୀସୁ କ୍ରୀସ୍ତ ତାକି ଦସ୍ପି ଆହାମାନାଚେସି, ତାୟି ତିମତି, ମା ତଲେ କାମା କିହିମାନି ଜୀଝୁତି ପିଲିମନ, ୨ ଅଡ଼େ ତାଜି ଅପପିୟା ଇଞ୍ଜା ମା ତଲେ ଜୁଜୁକିନି ଆକି ପପ ଇଞ୍ଜା ମୀ ଇଜ ମାନି କୁଲମିତାକି ଆକୁ ରାଫାମାଇଁ; ୩ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହ୍ନାୟି ଅଡ଼େ ହଡ଼ଡ଼ି ମିଜେତାକି ଆୟାପେ ।

ପିଲିମନ ଜୀଝୁନନାୟି ଅଡ଼େ ନାମିନାୟି

୪ ନାନୁ ନା ପ୍ରାତାନାତା ମୀ ଦରୁ ଆସାନା କାଲେଏ ନା ମାହାପୁରୁଇଁ ଜହରା କିହିମାଇଁ, ୫ ପ୍ରବୁ ଜୀସୁ କ୍ରୀସ୍ତ ଇଞ୍ଜା ବାରେ ମାହାପୁରୁ ଲକ୍ଷୁତାକି ମୀ ଜୀଝୁନନାୟି ଅଡ଼େ ନାମୁତି କାତା ଝେଞ୍ଜାନା ୬ ଏଲେକିହଁ ଏ ମୀ ନାମୁତଲେ ଆଣ୍ଡ଼ି ଆନାୟି, ମାଜେ ହୀପକିଆଡ଼ି ବାରେ ନେହଁ କାତାଟି ପୁନାଣି ତଲେ କ୍ରୀସ୍ତ ତାଣ୍ଡା କାମା ଆନେ । ୭ ଏନାଆଁତାକି ଇଚିହଁ, ଏ ନା ତାୟି, ମାହାପୁରୁ ଲକ୍ଷୁତି ହିୟା ମୀ ତାଣ୍ଡା ସୁସି ମେଡ଼ା ଆହାମାନାକି ନାନୁ ମୀ ଜୀଝୁ ନନି ତାଣ୍ଡା ରାହାଁ ଅଡ଼େ ସାସା ବେଟା ଆହିମାଇଁ ।

ଅନସିମ ତାକି ବାତିମାଲିନାୟି

୮ ଆତିହଁ ଏନାୟି ନେହାୟି, ଏ କାବୁତାକି ନିଜେ ହୁକୁମି ହାହାଲି କ୍ରୀସ୍ତତି ହଲେଏଣା ଲେହେଁ ଆଡ଼ିଜିକେଏ ନାଜେ ହାଡ଼େ ପୁରେ ସାସା ମାନେ, ୯ ଆଡ଼ିଜିକେଏ ନାନୁ ବୁଡ଼ହା ପାଖୁଲ ଜୀଝୁ ନନାଣି ତାକି ମିଜେ ବାତିମାଲିମାଞ୍ଜାଇଁ, କ୍ରୀସ୍ତ ଜୀସୁ ତାକି ନୀସି ନାନୁ ଦସ୍ପି ଆହାମାଇଁ, ୧୦ ନାନୁ ଇଲେକି ଦସ୍ପି ଆହାମାନାଟି ନା ମୀରସସି ଅନସିମ ତାକି ନିଜେ ବାତିମାଲିମାଞ୍ଜାଇଁ; ୧୧ ଏଝାସି ନକେଏ ନିଜେ ଅଡ଼େ ନାଜେତାକି ଲଡ଼ା ହୀଆଗାଟାସି ମାଚେସି, ସାମା ନୀସି ନିଜେତାକି ଅଡ଼େ ନାଜେତାକି ଜିକେଏ ଲଡ଼ା ଗାଟାସି ଆହାମାନେସି ।

୧୨ ନାନୁ ଏଝାଣାଇଁ ନୀ ତାଣ୍ଡା ଝେଣ୍ଡେ ପାଣ୍ଡିମାଞ୍ଜାଇଁ, ଏଝାସି ନା ହିୟାଁ ମାନେ । ୧୩ ନେହଁ କାବୁତାକି ନାନୁ କାୟିଦିତା ମାଞ୍ଜାନା ଏଝାଣାଇଁ ନୀ କିନି ଜାଡ଼ୁନୁ ନାଜେ କିହାଲି ତାକି ତାଗେ ଇଟାଲି ଅଣ୍ଡ଼ିମାଚେସି, ୧୪ ସାମା ନାନୁ ରାକି ଆଆପାତେକା ନାନୁ ଏନାଆଁ କିହାଲି ଅଣ୍ଡ଼ିମାଚେସି, ଏନିକିଁ ନୀ ନେହଁ କାମା ନୀ ମନତଲେ କିନିଲେହେଁ ଆଆନା ନେହଁ ଅଣ୍ଡ଼ିମା ତଲେ ଆନେ ।

୧୫ ଆତିହଁ ଇଦି ଆହାଲି ଆଡ଼ିନେ, ଏନିକିଁ ନାନୁ ଏଝାଣାଇଁ ହଲେଏଣା ଲେହେଁ ମେହ୍ନାଆ ସାମା ହଲେଏଣା କିହାଁ କାଜାସି ଲେହେଁ, ଇଚିହଁ ଜୀଝୁତି ତାୟିଲେହେଁ କାଲେଏତାକି ବେଟାଆଡ଼ି, ଏନାଆଁତାକି

☆ ୧:୨ ୧:୨ କଲସି ୪:୧୭ ☆ ୧:୧୦ ୧:୧୦ କଲସି ୪:୯

ଏଞ୍ଜାସି ଏଚରଦିନା ତାକି ଏଚକା ଆହାମାଚେସି; ୧୭ ସାମା ଏଞ୍ଜାସି ୱାଉରୁଇ ହଲେଏସି ଆଏ, ନୀଏଁ ଏଞ୍ଜାସି ଜାସୁତି ତାୟି, ଇଚିହଁ ଆଜା ତଲେ ଅଡେତ ମାହାପୁରୁ ତାଣା ନିଜେତାକି ଏଚେକା ଜାସୁ ନନାସି ଆଅସି ।

୧୭ ଏଦାଆଁତାକି, ନୀନୁ ନାଜେ ନା ତଡୁତୁସି ଇଞ୍ଜି ଅଣ୍ଡି ମାଞ୍ଜାସାରେ, ଆତିହଁ ନାଜେ ଆବାତି ଲେହେଁ ଏଞ୍ଜାଣାଇଁ ଆବାମୁ । ୧୮ ଇଚିହଁ ନିଜେତାକି ଏନି ଲାଗେଏ କିହାମାଞ୍ଜାତ କି ନୀ ତାଣା ରାଣା ଆହା ମାଞ୍ଜାତିହଁ, ଏଦାଆଁ ନା ଦରୁତା ରାଚାମୁ । ୧୯ ନାନୁ ପାସୁଲତେଏଁ, ନା କେୟୁତଲେ ଇଦାଆଁ ରାଚିମାଇଁ, ନାନୁ ଏଦାଆଁ ୱେଟହାଇଁ । ନୀନୁଏ ନା ତାଣା ରାଣା ମାଞ୍ଜି, ଇ କାତା ଅଡେତ ନାନୁ ୱେସାଲି ଅଣ୍ଡି ହିଲଅଁ । ୨୦ ହାଅ, ତାୟି, ପୁରୁ ତାଣା ଆଣ୍ଡିତଁ ନୀ ତାଣାଚି ନା ଲାବା ଆୟାନେ, କ୍ରୀସୁତି ତାଣା ନା ଜାସୁତା ବାସୁଁ ହିୟାମୁ ।

୨୧ ନୀନୁ ନା ୱେସୁତିଲେହେଁ କିଦି ଇଞ୍ଜି ନାମୁ ମାନାକି ନାନୁ ଇ ଆକୁ ରାଚିମାଇଁ; ସାତେଏ ନାନୁ ପୁଞ୍ଜାମାଇଁ, ନାନୁ ଏଚେକା ୱେସିମାଞ୍ଜାଇଁ, ନୀନୁ ଏଦାଣିକିହଁ ଆଗାଡା ଜିକେଏ କିଦି । ୨୨ ଇଦାଆଁ ତଲେ ନା ତୟିନି ଇଲୁ ଜିକେଏ କିହାନା ଇଚାମୁ, ଇଚିହଁ ମୀ ପ୍ରାତାନା ତଲେ ମୀରୁ ନାଜେ ୱେଣ୍ଡେ ବେଚା ଆୟାଦେରି, ଇଦାଆଁ ନାନୁ ଆସା କିହିମାଇଁ ।

ରାନିବେଲାତି ଜହରା

୨୩ *କ୍ରୀସୁ ଜୀସୁ ତାକି ନା ତଲେ କାୟିଦି ଇଲୁତା ମାନି ଏପାପ୍ରା ୨୪ *ଇଞ୍ଜା ନା ତଲେ କାମା କିହିମାନି ମାର୍କ, ଆରିସ୍ତାର୍କ, ଦିମା ଅଡେତ ଲୁକ ନିଜେ ଜହରା କିହିମାଞ୍ଜାନେରି । ୨୫ ମା ପୁରୁ ଜୀସୁ କ୍ରୀସୁତି କାର୍ମାମେହନାୟି ନେହଁ ଜୀସୁ ମୀ ତଲେ ମାଣ୍ଡେ ।

* ୧:୨୩ ୧:୨୩ କଲସି ୧:୭; ୪:୧୨ * ୧:୨୪ ୧:୨୪ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; କାମା ୧୯:୨୯; ୨୭:୨; କଲସି ୪:୧୦; କଲସି ୪:୧୪; ୨ଟିମ ୪:୧୦; କଲସି ୪:୧୪; ୨ଟିମ ୪:୧୧

ହିବୁମାନଙ୍କୁ ଲିଖିତ ପତ୍ର ଏବି ଲକ୍ଷ୍ମଣାକି ରାଡ଼ିତି ଆକୁ ମୂଳୁ ହାଡ଼ା

ଏବି ପତି ର ରାହାଁ ହାନି ପତି । ପୁଃଈ ଫେରାତି ହାରେକା ମାହାପୁରୁ ଅଣପୁତି ବଲୁୟାଁ ପୁଃଠାଆଇ ଆହାମାନି କାତା ଇମ୍ପାଆଁ ମେସାଲି ଆଡ଼ିମାନାୟି । ଇ ପତି ର ନେହଁ କାତାତି ଝେହ୍ନି ପତି । ଇମ୍ପାଆଁ ତାନିକଡ଼ିଟିଏ ହାରେକା ପୁଃଈ ଫେରାତି କାତାୟାଁ ରାସ୍ତି ଆହାମାନୁ । ଜୀସୁ କ୍ରୀସୁ ଏନିକଁ ମାହାପୁରୁ ଅଣପୁତି ବଲୁ ଅଡ଼େ ଜୀହୁଦି ପୂଜେରାଜା କାମା ପୁରା କିତେସି ଇମ୍ପାଆଁ ମାର ମେସାଲି ଆଡ଼ିମାନାୟି ।

ଇଦାଆଁତାକି ଇ ପତି ଜୀହୁଦି କ୍ରୀସ୍ତାନା ଲକ୍ଷ୍ମଣି ସାସା ଅଡ଼େ ବାସୁଁ ହାନି ପତି । ଏବି ପତି ଝେସିମାନେ, ଜୀସୁ ଏନିକଁ ଫେରାତି ପୁରା କିତେସି, ଏନିକଁ ପୂଜେରାଜା ଅଡ଼େ ଝେଣ୍ଡେ ପୂଜା ହାହାଲି ଲଡ଼ା ହିଲେଏ । ଜୀସୁ କ୍ରୀସୁ ବାରେ କାଲେଏତାକି ରଣିଏ ଦେବା ପାପୁତି ପୂଜା ହାତେସି । ନୀର୍ସତି ଜୁଗୁତି କ୍ରୀସ୍ତାନା ଲକ୍ଷ୍ମଣି ଏବି ପତି ସାସା ଅଡ଼େ ବାସୁଁ ତସିମାନେ । କ୍ରୀସୁ ମାଜେ ମାହାପୁରୁ ତାଣା ବାସୁଁ କିଝିକିହାଲି ଆଡ଼ାମାଞ୍ଜନେସି । ଅଡ଼େ ଏଞ୍ଜାଣି ତାଣା ବାସୁଁ ଇଟାନା ତାକିନ ୧୨:୨ ।

ଏବି ପତି ଆମ୍ପାଆସି ରାଡ଼ାମାନେସି ପୁଣ୍ଡି ଆହା ହିଲେଏ, ସାମା ବୁଦିଗାଗାରି ଏଲେ ଇଞ୍ଜିମାନେରି ପାଣ୍ଡିଆହାମାନି ପାଞ୍ଜୁଲ, ଲୁକ, ଆଆତଁ ବର୍ନବା ଆହାଡ଼ୟିନେରି । ଇଦାନି ରାଡ଼ିତି କାଲିନି ଜିକେଏ ପୁନାଆତାୟି, ସାମା ହାରେକା ଲକ୍ଷ୍ମଣି ଏଲେଇନେରି ଇଦି ଜୀସୁ କ୍ରୀସୁ ଜାର୍ନାଆତି ୭୦ ବାସାଁ ତାୟୁ ରାସ୍ତି ଆହାମାନେ । ଇତିହଁ ଜିରୁସାଲମା ଲକ୍ଷ୍ମଣି କ୍ରୀସୁ ଜାର୍ନାଆତି ୭୦ ବାସାଁ ତାୟୁ ନାସା ଆଡେ ସାମା ଇ ଆକୁତି ରାଡ଼ିନାସି ଇଦି ନାସା ଆଆତିଲେହେଁ ରାଡ଼ିମାନେସି । ଏବି ପତି ରମ୍ ଗାଡ଼ାତା ରାସ୍ତି ଆହାମାଚେ ୧୩:୨୪ ଅଡ଼େ ହାରେକା କୁଲମିକାଣା ବାଟିକିଞ୍ଜି ଆହାମାଚେ ।

ପତିବା ମାନାୟି

- ୧. ଜୀସୁ କ୍ରୀସୁ ମାହାପୁରୁ ଅଣପୁତି ବଲୁ ଝେହ୍ନାସି ଅଡ଼େ ଦୁତୁୟାଁ କିହାଁ ଜିକେଏ କାଜାସି । ୧:୧-୪:୧୩
- ୨. ଜିରୁସାଲମାତା ସେବା କିହମାନି ପୂଜେରାଜା କିହାଁ ଜିକେଏ ଜୀସୁ କାଜାସି । ୪:୧୪-୭:୨୮
- ୩. ମାହାପୁରୁ ମସାକି ଫେରା ହାହାନା ତାନି ଲକ୍ଷ୍ମଣିଲେ କିହାମାତି ରାଡ଼ିମାନା କିହାଁ ଜୀସୁତି ସେବା କାମା କାଜାୟି । ୮:୧-୧୦:୩୧
- ୪. ଜୀସୁଇ ବାରେ ତାଣା କାଜାସି କିହାନା ଝେସାମାନେସି । ୧୦:୩୨-୧୩:୧୭
- ୫. ସାସା ଅଡ଼େ ବାସୁଁତି କାତା ଝେସାନା ଜହରା ତଲେ ଆକୁତି ରାପୁନାୟି । ୧୩:୧୮-୨୫

ମୀର୍ସଣା ତାଣାଟି ମାହାପୁରୁତି ବଲୁ

୧ ମାହାପୁରୁ ତଲି କାଲ୍ଲାତା ଏଟକା ଏଟକା ଚାୟୁତା ଅଡ଼େ ଏଟକା ଏଟକାତି ମାହାପୁରୁ ଅଣପୁତି ବଲୁ ଝେହ୍ନନାରି ତାଣାଟି ମା ଆକୁ ଆବାୟାଁଣି କାତା ଝେସାମାଚେସି, ୨ ସାମା ଇ ରାନ୍ତି ବେଲ୍ଲାତା ମୀର୍ସଣା ତାଣାଟି ମାଜେ କାତା ଝେସାମାଞ୍ଜନେସି । ଏଞ୍ଜାଣାଇଁ ଏଞ୍ଜାସି ବାରେତି ମୁହେଁ କାଜାସି କିହାଁ ଆଡ଼ାମାନେସି, ଏଞ୍ଜାଣି ତାଣାଟି ହାପୁପାକା ଦାଡ଼ତି ବାରେ ଗାଡ଼ିକିତେସି; ୩ ଏ ମୀର୍ସସି ତାନି ଡ଼ାଞ୍ଜିମାନି ଗାଞ୍ଜୁମିତି ଉଜେଡ଼ି ଅଡ଼େ ଏଞ୍ଜାଣି ଖାଣା ମାନେ, ଏଞ୍ଜାସି ତାନି ବାଡ଼ୁୟୁ ଗାଟି ବଲୁ ତଲେ ବାରେ ଦାଡ଼ତିତି ସାଲ୍ଲି କିନେସି, ଇଞ୍ଜାଁ ମା ପାପୁ ବାରେ ମ୍ଲେକ୍ସି ତାୟୁ ଲାକପୁରୁତି ବାଡ଼ୁୟୁ ଗାଟି ମାହାପୁରୁତି ଚିଃନି ଟଟତା କୁଗାମାନେସି ।

ମାହାପୁରୁ ମୀର୍ସସି ବାରେକିହାଁ କାଜାସି

୪ ମୀର୍ସସି ଏନିକଁ ଲାକପୁରୁତି ଦୁତୁୟାଁ କିହାଁ ହାରେକା କାଜା ଦରୁତି ଅଦିକାରା ବେଟାଆହା ମାନେସି, ଏଲେକିହଁ ଏ ଏଞ୍ଜାସି ଏଞ୍ଜାସିକା କିହାଁ ହାରେକା କାଜାସି ଆହାମାନେସି । ୫ ଇତିହଁ ମାହାପୁରୁ ଦୁତୁୟାଁ ବିଡ଼ାଟି ଆମ୍ପାଆରାଇଁ ଏଚେଲା ଏଲେଇଞ୍ଜା ହିଲଅସି, “ନୀନୁ ନା ମୀର୍ସଣାଟି, ନୀଞ୍ଜୁଟିଏ ନାନୁ ନୀ ତାଞ୍ଜିଚେଏଁ” ଅଡ଼େ ଜିକେଏ ମାହାପୁରୁ ଏଲେଇଚେସି,

“ନାନୁ ମୀ ଆବାତେଏଁ ଆହାମାଇଁ,

ଅଡ଼େ ନୀନୁ ନା ମୀରୁଏଣାତି ଆଦି ।”

୭ ଅଡ଼େ ମାହାପୁରୁ ତାନି ପାଣ୍ଡା ମୀରୁଏଣାଇଁ ଅଡ଼େ ଖେଣ୍ଡେ ଦାର୍ତ୍ତିତା ପାଣ୍ଡାତେସି, ଏ ବେଲ୍ଲତି ସିନିକିହାନା ଏଲେଇନେସି, “ମାହାପୁରୁତି ବାରେ ଦୁତୁୟାଁ ଏଞ୍ଜାଣାଇଁ ଜହରା କିପେରି ।”

୮ ର ଖାକିଟି ମାହାପୁରୁ ଦୁତୁୟାଁ କାତା ଏଲେଇଞ୍ଜି ମାନେସି,

“ମାହାପୁରୁ ତାନି ଦୁତୁୟାଁଇଁ ଗାଲି ଲେହେଁତି ଜୀଝୁ ହୀନେସି,

ଅଡ଼େ ତାନି ସେବା କିନାରାଇଁ ହିତୁ ଗୁଦ୍‌ଝା ଲେହେଁ କିନେସି ।”

୯ ଅରଞ୍ଜକି ମାହାପୁରୁ ତାନି ମୀରୁଏଣା ତାକି ଏଲେଇଞ୍ଜି ମାନେସି,

“ଏ ମାହାପୁରୁ ନୀ ସିଂଗାସାଣି କାଲ୍ଲକାଲ୍ଲା ତାକି ତୁୟିନେ,

ଅଡ଼େ ନୀନୁ ସାଲ୍‌ଝି କିନାୟି ନୀହାୟି ତଲେ ଆନେ ।

୧୦ ନୀନୁ ଦାମ୍‌ ଗାଟାଣାଇଁ ଜୀଝୁ ନହୁଁ ମାଞ୍ଜି

ଅଡ଼େ ଦାମ୍‌ ହିଲ୍ଲୀଆଗାଟାରାଇଁ ଅପାହିଲଅତି,

ଏଦାଆଁତାକି ମାହାପୁରୁ ନୀ ମାହାପୁରୁ ନିଜେ ଆଟାନେସି,

ମୀ ତଡ଼େସିଞ୍ଜା କିହାଁ ନିଜେ ହାଟେରକା ରାହାଁତି ନିହୁଁ ଖାକ୍‌ହାନା ନିଜେ ଆଟାନେସି ।”

୧୧ ଏଞ୍ଜାସି ଅଡ଼େ ଖେସିମାନେସି,

“ଏ ପ୍ରବୁ, ନୀନୁ ମୁଲୁଏ ଦାର୍ତ୍ତିତି ପୁନାଦି ଗାଡ଼ିକିତି,

ଅଡ଼େ ହାଗୁପାକା ବାରେ ନୀ କେୟୁତଲେ କେପିତି ।”

୧୨ “ଏ ବାରେ ର ଦିନା ମେଣ୍ଡାହାନେ, ସାମା ନୀନୁ କାଲେଏ ତୁୟିଦି;

ଅଡ଼େ ଏ ବାରେ ପୁଞ୍ଜଇ ହିମ୍‌ରିକା ଲେହେଁ ଗେଞ୍ଜା ହାନୁ

୧୩ ଅଡ଼େ, ନୀନୁ ହିମ୍‌ରି ଲେହେଁ, ହାଅ, ହିମ୍‌ରି ଲେହେଁ ମୁଦାକିଦି

ଅଡ଼େ ଏଞ୍ଜି ବାରେ ହିମ୍‌ରିକା ଲେହେଁ ବାଦ୍‌ଲି ଆନୁ;

ସାମା ନୀନୁ ବାରେବେଲା ଏଞ୍ଜାତିଏ,

ଅଡ଼େ ନୀ ଜୀଝୁ ଏତେଲାଞ୍ଜା ରାଏ ।”

୧୪ ମାହାପୁରୁ ତାନି ଦୁତୁୟାଁଇଁ ଏତେଲାଞ୍ଜା ଏଲେଇଞ୍ଜା ହିଲଅସି,

“ନାନୁ ନୀ ସାତୁୟାଁଣି ନୀ କତାୟାଁ ତୁଇ ଇଟାଆ ପାତେକା

ନୀନୁ ନୀ ଚିଞ୍ଜିନି ଚଟତା କୁଗାମାନାମ୍‌ ।”

୧୫ ଆତିହୁଁ ଲାକପୁରୁତି ଦୁତୁୟାଁ ଆମ୍‌ଆରି ? ଏଞ୍ଜାରି ଆହିମାନେରି ମାହାପୁରୁତି ସେବା କିନାରି ମାଣ୍ଡସିୟାଁଇଁ ସାଝେନି କିହାନା ଗେଲ୍‌ପାଲିତାକି ମାହାପୁରୁ ତାଣାଟି ପାଣ୍ଡାଆତି ଜୀଝୁୟାଁ ।

୨

ଗେଲ୍‌ପିନାୟି

୧ ଏଦାଆଁତାକି, ମାରୁ ଖେଞ୍ଜାମାନି କାତାତି ହାଟେରକା ଖେଞ୍ଜାଲି ମନ ହୀନାୟି ମାନେ, ଆଆତୁଁ ମାରୁ ଏତେତା ଜିରୁ ବାଣ୍ଡି ଆଆୟି । ୨ ଇତିହୁଁ ନଚେଏ ଲାକପୁରୁତି ଦୁତୁୟାଁ ତାଣାଟି ଏଲେଇଞ୍ଜା ମାନେସି, ଏଦି ସାତା ଇଞ୍ଜୁଁ ତାରିଆହାଁ ମାନେ, ଅଡ଼େ ଆମ୍‌ଆରି କାତା ଆହୁଆନା ମାନୁଞ୍ଜି ଆହୁହିଲଅରି, ଏଞ୍ଜାରି ତାମ୍‌ ଚୁବଟାଆନି ତଣ୍ଡ ବେଟାଆହାମାନେରି । ୩ ଆତିହୁଁ ଇଲେତି ଗେଲ୍‌ପିନାଣିଇଁ ହେଲା କିତିହୁଁ ମାରୁ ଏନିକିଁ ଗେଲ୍‌ହିନାୟି ? ଏଦି ନଚେଏ ପ୍ରବୁ ତାଣାଟି ଖେସିପି ଆହାଁ ଖେଞ୍ଜାମାନି ଲକୁ ତାଣାଟି ମା ତାଣା ଖେସିପିଆହାମାନାୟି ସାତା ଆହାମାନେ; ୪ ଏଦାଆଁତାକି ମାହାପୁରୁ ଜିକେଏ ତାନି ମନତଲେ ହାଟେରକା ସିନାୟାଁ ଅଡ଼େ କାବାଆନି କାମାୟାଁ ଇଞ୍ଜା, ବାଡ଼ୁଗାଟି କାମାୟାଁ ଅଡ଼େ ସୁଦୁଜୀଝୁତି ଏଟକା ଏଟକାତି ଦାନା ହୀହାନା ସାକି ହୀହାମାନେସି ।

ଜାମ୍‌ ମାଣ୍ଡସି ଖାଣା ଆତେସି

୫ ମାହାପୁରୁ ଆମିନି ପୁଞ୍ଜିନି ଦାର୍ତ୍ତିତି ଗାଡ଼ି କିନେସି, ଅଡ଼େ ଆମିନି ଦାର୍ତ୍ତିତି କାତା ମାମ୍‌ ଚୁସିସିମାଞ୍ଜାନମି, ଏଦାନି ଅଦିକାରା କିହାଲି ଏଞ୍ଜାସି ଲାକପୁରୁତି ଦୁତୁୟାଁ କେୟୁତା ହେରପା ହିଲଅସି । ୬ ସାମା ରଅସି ର, ଗାୟୁତା ସାକି ହୀହାମାନେସି; “ଏ ମାହାପୁରୁ, ମାଣ୍ଡସି ଆମ୍‌ଆସି, ନୀନୁ ଏଞ୍ଜାଣାଇଁ ଅଣ୍ଡିପାଞ୍ଜି ?

ମାଣସି ମୀରୁଏସି ଆମ୍ବାଆସି ନାନୁ ଏଞ୍ଜାଣି ଜାତ୍‌ନୁ ଅହିମାଞ୍ଜି ?

୭ ନାନୁ ଏଞ୍ଜାଣାଇଁ ଲାକପୁରୁତି ଦୁତୁୟାଁ କିହାଁ ରଚାଣି ଉଣା କିହାମାଞ୍ଜି;

ନାନୁ ଏଞ୍ଜାଣାଇଁ ଗାଞ୍ଜୁରମି ଅଡ଼େ ମାନିତି ଚଢ଼େରି ତୁରଞ୍ଜି କିହାମାଞ୍ଜି,

୮ ନାନୁ ବାରେ ଏଞ୍ଜାଣି କତାୟାଁ ତୁଲ ଇଟାମାଞ୍ଜି ।”

ସାତେଏ ମାହାପୁରୁ “ବାରେତି” ଇତିହାସ ଏନାଆଁଞ୍ଜା ପିହୁଆନା ବାରେତି ତାନି କତାଁ ତୁଲ ଇଟାମାନେସି; ଆଡ଼ିଜିକେଏ ମାର ନାଏଁ ପାତେକା ବାରେ ତାନି ତୁଲ ଆହାମାନାଣି ମେସି ହିଲାଆୟି ସାତା । ୯ ମାରୁ ମେସିମାନାୟି ଲାକପୁରୁତି ଦୁତୁୟାଁ କିହାଁ “ଇଚାନି ଉଣା” କିଞ୍ଜିଆହା ମାଚେସି, ଏଞ୍ଜାଣାଇଁ ଇତିହାସ ଜୀସୁଇଁ ହାକିତି ଦୁକୁ ବେଟା ଆହାମାନାକି ଗାଞ୍ଜୁରମି ଅଡ଼େ ମାନିତି ଚଢ଼େରି ତୁରଞ୍ଜା ମାନାଣି ମେସିମାନାୟି, ଏନିକିହାଁ ମାହାପୁରୁତି କାର୍ମାଟି ବାରେ ମାଣସିୟାଁ ତାକି ଏଞ୍ଜାସି ହାକିତି ଖାଣ୍ଡା ମାନେସି । ୧୦ ଇତିହାସ ଆମ୍ବାଆରି ତାକି ଇଞ୍ଜାଁ ଆମିନି ଗାଟାଣା ତାଣାଟି ବାରେ ଗାଡ଼ି ଆହାମାନେ, ହାରେକା ମୀରୁକାଣି ଜୀସୁତି ଗାଞ୍ଜୁରମି ପାଣ୍ଡିସି କିହାଲି, ଜୀସୁ ଦୁକୁ କସ୍ତ ବେଟାଆହାନା ଏଞ୍ଜାଋଇଁ ଗେଲୁପିନି ଜିରୁତା ଅନେସି ।

୧୧ ଆମ୍ବାଆସି ପାପୁତି ସୁଦୁ କିନେସି ଅଡ଼େ ଆମ୍ବାଆରି ସୁଦୁ ଅନେରି, ଏଞ୍ଜାରି ବାରେ ରଣ୍ଡିଏ ତାଞ୍ଜିତି ମୀରୁକା; ଏଦାଆଁତାକି ଏଞ୍ଜାଋଇଁ ଜୀସୁ ତାୟି ତାଞ୍ଜି ଇଞ୍ଜାଲି ଲାଜା ଆଅସି, ୧୨ ଏଞ୍ଜାସି ମାହାପୁରୁଇଁ ଏଲେଇଞ୍ଜି ମାନେସି,

“ନାନୁ ନା ତାୟି ତାଞ୍ଜିସ୍ତା ନକିତା ନୀ ବାରେ କାମା ଖେକଇଁ,

ବାରେ କୁଲମି ନକିତା ନୀ ଜହରା ପାରୁ ପାଡ଼ିଇଁ ।”

୧୩ ଅଡ଼େ ଖେଣ୍ଡେ ଏଲେଇଞ୍ଜି ମାନେସି, “ନାନୁ ଏଞ୍ଜାଣି ତାଣା ନା ନାନୁ ତୀରି କିଇଁ ।” ଅଡ଼େ ସିନକିଦୁ “ମାହାପୁରୁ ନାଜେ ହାହାମାଞ୍ଜାନି ମୀରୁକା ମାସ୍‌କା ନା ତଲେ ମାନେରି ।”

୧୪ ଏନାଆଁତାକି ଇତିହାସ ମୀରୁକା ଉଜ୍ଜା ଅଡ଼େ ନେତେରିତି ଆଜ୍ଞାତା ଆଣ୍ଡାମାନାକି କ୍ରୀସୁ ଜିକେଏ ଏଲେକିହାସ ଏମାଣସି ଖାଣ୍ଡା ଆଡ଼େସି, ଏନିକିହାଁ ତାନି ହାକିତି ସୟତାନଇଁ ନାସା କିନେସି; ଇତିହାସ ହାକି ସୟତାନତି ଅଦିକାରତା ମାଚେ । ୧୫ ଇଞ୍ଜାଁ ହାକିତି ଆଜିତଲେ ଆମ୍ବାଆରି କାଲେଏତାକି ହଲିୟାଜ୍ଞା ଆହାନା ଦସପି ଆହାମାଚେରି, ଏଞ୍ଜାସି ଏଞ୍ଜାଋଇଁ ଗେଲୁପିନେସି । ୧୬ ଇତିହାସ ଏଞ୍ଜାସି ସାତେଏ ଲାକପୁରୁତି ଦୁତୁୟାଁସି ସାଢ଼େମି କିଆନା ଅବ୍ରାହାମତି ମୀରୁକାଣି ସାଢ଼େମି କିହାମାନେସି । ୧୭ ଏଦାଆଁତାକି ଏଞ୍ଜାସି ବାରେ ଖାକିତି ତାନି ତାୟିୟାଁ ଲେହେଁ ଆନାୟି ମାଚେ, ଏନିକିହାଁ ଏଞ୍ଜାସି ବାରେ ଲକୁତି ପାପୁତି ବାଦୁଲି ପୂଜା ହାହାଲିତାକି ମାହାପୁରୁତି ସେବା କାମାତା ର କାର୍ମାମେହନି ଅଡ଼େ ନାମୁତି କାଜା ପୂଜେରା ଆନେସି । ୧୮ ଇତିହାସ ଏଞ୍ଜାସି ତାନୁ ତାୟିପାରି କିଞ୍ଜି ଆହାଁ ଦୁକୁ ବେଟାଆହା ମାନାକି ତାୟିପାରି କିଞ୍ଜି ଆହିମାନି ଲକୁଣି ସାଢ଼େମି ଆହାଲି ଆଡ଼ିମାନେସି ।

୩

ଜୀସୁ ମସା କିହାଁ କାଜାସି

୯ ଏଦାଆଁତାକି ଏ ନା ସୁଦୁଗାଟି ତାୟିୟାଁ ଅଡ଼େ ତାଞ୍ଜିସ୍ତା ମୀରୁ ଆମିନି ମାହାପୁରୁତି ହାଟୁକି ଆହାମାନି ତାଣା ଆଣ୍ଡାମାନାଚେରି ମା ନାମୁତଲେ ପାଣ୍ଡିଆହାମାନି କାଜା ପୂଜେରା ଜୀସୁତି କାତା ଅଣ୍ଡାପାଦୁ; ୨ ମସା ଏନିକିହାଁ ମାହାପୁରୁ ଇଲୁତା ମାନିତଲେ କାମା କିହାମାଚେସି, ଜୀସୁ ଜିକେଏ ଏଲେକିହାସ ତାଜେ ଆଡ଼ାମାନି ମାହାପୁରୁ ନକିତା ମାନି ଗାଟାସି ଆଡ଼େସି । ୩ ଇଲୁ କିହାଁ ଇଲୁ କେପିତାସି ଏନିକିହାଁ ମାନି ବେଟା ଆନେସି, ଏଲେକିହାସ ଏମସା କିହାଁ ଜୀସୁ ହାରେକା ଗାଞ୍ଜୁରମିତି ଜଢ଼େ ଆହାମାନେସି । ୪ ଇତିହାସ ବାରେ ଇଲୁକା ଆମ୍ବାଆରି ଆଆତ ଏଆମ୍ବାଆରି ତାଣାଟି କେପଡ଼ି ଆନୁ, ସାମା ମାହାପୁରୁ ବାରେତି ଗାଡ଼ି କିନାସି । ୫ ମସା ମାହାପୁରୁ ଇଲୁତା ହଲେଏସି ଲେହେଁ ନାମୁତଲେ ସେବା କାମା କିହାମାଚେସି, ଇଞ୍ଜାଁ ଏମିନି କାତା ମାହାପୁରୁ ତାୟି ଖେସାଲି ମନ କିହାମାଚେସି ଏ କାତେଏ ଇଦି । ୬ ସାମା ଜୀସୁ କ୍ରୀସୁ ତାନି ଆଡ଼ା ଇଲୁତି ମୁହେଁ ମୀରୁଏଣା ଲେହେଁ ମାନି ଗାଟାସି; ଇଞ୍ଜାଁ ମାରୁ ମା ସାସାତଲେ ଆଞ୍ଜାମାନାଣି ବେଟାଆନାୟି ଇଞ୍ଜାଁ ମା ବାସୁତି ତାୟି ପାତେକା ଜାଣେ ଆସା ତୁୟିନ, ଆତିହାସ ମାରୁ ଜିକେଏ ଏଞ୍ଜାଣି ଇଲୁ ଲେହେଁ ଆନାୟି ।

ମାହାପୁରୁ ଲକୁତାକି ଜମିନାୟି

୭ ଏଦାଆଁତାକି ସୁଦୁଜୀସୁ ଖେସିମାନିଲେହେଁ,
“ନୀଞ୍ଜୁ ମୀରୁ ଏଞ୍ଜାଣି ହାଡ଼ା ଖେଞ୍ଜେରି,

୮ ଆତିହଂ ମୀ ଆକୁ ଆବାୟାଁ ଲେହେଁ ମୀ ହିୟାଁତି ଆବୁଝା କିଆଦୁ, ଲକୁ ହିଲାଆ ବାଗାତା ଏ ଦିନା ଏଞ୍ଜାରି ମାହାପୁରୁଇଁ ତାୟିପାରି କିହାନା

ଏଞ୍ଜାଣି କପାଟି ନିଜାମାତେରି,

୯ ଏ ବାଗାତା ମୀ ଆକୁ ଆବାୟାଁ ନାଜେ ତାୟିପାରି କିହାଁ ନାଜେ ମେସ୍ତାତେରି,

ଅଡେ ରୀ କଡ଼ି ବାସାଁ ପାତେକା ମା ଜାମା ସିନକିତେରି ।

୧୦ ଇଦାଆଁତାକି ନାନୁ ଇ କୁଡ଼ାତି ଲକୁଇଁ କାରୁବି ଆହାନା ଏଲେଇଚେସଁ,

ଏଞ୍ଜାରି ବାରେବେଲା ହିୟାଁତା ମାନି ହିଲାଆ ଗାଟାରି,

ଏଞ୍ଜାରି ନା ଜିରୁ ପୁଞ୍ଜାହିଲଅରି ।

୧୧ ଇଦାଆଁତାକି ନାନୁ ନା କପାଟି ପାର୍ମାଣା କିଚେସଁ,

ନାନୁ ଆମିନି ଦେସାତା ଏଞ୍ଜାରାଇଁ ଜମାଲି ହୀତେସଁମା ଏ ଦେସାତା ଏଞ୍ଜାରି ଏଚେଲାଞ୍ଜା ହଡ଼ାଲି ଆଡ଼ଅରି ।

୧୨ ଏ ତାୟି ତାଜିସ୍ତା, ଜାଗ୍ରାତା, ପାପୁ ଅଡେ ନାମାଆଗାଟି ହିୟାଁ ମୀ ଆମ୍ବାଆରି ତାଣା ହିଲେଏ, ଏନିକଂ ମୀରୁ ଜାଞ୍ଜାଗାଟି ମାହାପୁରୁ ତାଣାଟି ହେକ ଆଅତେରି । ୧୩ ସାମା ଏଚେତା ପାପୁ ତଲେ ନାଡ଼ିକିଞ୍ଜି ଆହାନା ମୀ ବିଡ଼ାଟି ଆମ୍ବାଆରି ହିୟାଁ ଆବୁଝା ଆଏ, ଇଦାଆଁତାକି ନାଞ୍ଜୁ ଦିନା ମାନାଟିଏ ବାରେଦିନା ରଅତେରି ରଅଣାଇଁ ବାସୁତି କାତା ଜଲାନା ସାୟେମି କିଦୁ: ୧୪ ଇତିହଂ ନଚେଏ ମା ଆମିନି ନାମୁ ମାଚେ, ଏଦାଆଁ ତାୟୁ ପାତେକା ଜାଣେ ଆସା ତୟିନାୟି ଆତିହଂ କ୍ରୀସୁ ତାଣା ଆଣ୍ଡାନା ତୟିନାୟି ।

୧୫ ଦାର୍ମୁ ସାସ୍ତେରିତା ରାସ୍ତିକି ଆହାମାନେ,

“ନାଞ୍ଜୁ ମାହାପୁରୁତି ହାଡ଼ା ଖେଟିସାରେ,

ଏନିକଂ କାରୁବି କିଞ୍ଜିକିନି ଚାୟୁତା ଆହାମାଚେ,

ଏଲେକିହଂ ମୀ ଆକୁ ଆବାୟାଁ ଲେହେଁ ହିୟାଁତି ଆବୁଝା କିଆଦୁ !”

୧୬ ଆତିହଂ ଆମ୍ବାଆରି ମାହାପୁରୁତି ହାଡ଼ା ଖେଞ୍ଜାନା ଏଞ୍ଜାଣାଇଁ କାକ୍ତି କିହାମାଚେରି, ମସା ତାଣାଟି ଆମିନି ଗାଟାରି ମିସର ଦେସାଟି ହଡ଼ା ଖାହାମାଚେରି, ଏଞ୍ଜାରି ବାରେ ଆଏକି ? ୧୭ ଅଡେ ଆମ୍ବାଆରି ମୁହେଁ ରୀ କଡ଼ି ବାସାଁ ପାତେକା ଏଞ୍ଜାସି କାରୁବି ଆହାମାଚେରି, ଆମ୍ବାଆରି ପାପୁ କିହାମାଚେରି, ଆମ୍ବାଆରି ମଡ଼ା ଲକୁ ତୟାଆ ବାଗାତା ରିହାମାଚେ, ଏଞ୍ଜାରି ଆଏକି ? ୧୮ ମାହାପୁରୁ ଏଚିବେଲା ପାର୍ମାଣା କିହାନା ଏଲେଇଞ୍ଜାମାଚେସି, ଏଞ୍ଜାରି ଏଚେଲାଞ୍ଜା ମାହାପୁରୁତି ଜମିନି ତାଣା ହଡ଼ଅରି, ଏଚିବେଲା ଏଞ୍ଜାସି ଆମ୍ବାଆରି କାତା ଏଲେଇଞ୍ଜାମାଚେସି ? ଆମ୍ବାଆରି କାତା ମାନୁଞ୍ଜି ଆହା ହିଲାଆତେରି, ଏଞ୍ଜାରି ତାକି ଏ କାତା ଏଲେଇଞ୍ଜାମାଚେସି । ୧୯ ଇଲେକିହଂ ନାନୁ ମେସିମାଇଁ, ଏଞ୍ଜାରି ନାମାଆତାକି ଏ ଆଞ୍ଜାମାନି କିଶାନ ଦେସାତା ହଡ଼ାଲି ଆଡ଼ାଆତେରି ।

୪

୧ ଏଦାଆଁତାକି ଖାଦୁ ମାରୁ ଜାଗ୍ରାତା ଆନୁ, ଏଚେତା ତାନି ଜମିନି ତାଣା ହଡ଼ାଲି ଆଞ୍ଜାମାଟି ଜିକେଏ ମୀ ତାଣାଟି ଆମ୍ବା ଆମ୍ବାଆରି ଏମ୍ବାଟି ଏଚକା ଆନିଲେହେଁ ତଞ୍ଜା ଆହିମାନେରି । ୨ ଇତିହଂ ଏଞ୍ଜାରି ନକିତା ଏନିକଂ, ମା ନକିତା ଜିକେଏ ଏଲେକିହଂ ଏ ନେହଂ କାବୁ ଖେପୁକି ଆହାମାଚେ, ସାମା ଖେନାରି ନାମୁଟି ଖେଞ୍ଜାମାନି କାତା ଆହୁଆଲିଏ, ଏଦି ଏଞ୍ଜାରି ତାକି ଲାଡ଼ା ଆଆତେ । ୩ ଅଡେ ମା ବିଡ଼ାଟି ଆମ୍ବାଆରି ନାମିନେରି, ଖାରୁଇ ଏଞ୍ଜାରି ମାହାପୁରୁ ଆଞ୍ଜାମାନି ଜମିନି ଦେସାତା ହାଜାଲି ଆଡ଼ିନେରି, ଏନିକଂ ଏଞ୍ଜାସି ଖେସାମାନେସି,

“ଏଦାଆଁତାକି ନାନୁ ନା କପା ତାକି ପାର୍ମାଣା କିଚେସଁ,

ଏଞ୍ଜାରି ମା ଜମିନି ଖାଡ଼ାତା ହଡ଼ଅରି ।”

ଦାରୁତି ଗାଡ଼ିକିତି ବେଲାଟିଏ ବାରେ କାମା ରାହାମାଚେ । ୪ ଇତିହଂ ଜମିନି ଦିନାଟି କାତାଟି ଏଞ୍ଜାସି ର ଚାୟୁତା ଇଲେକିହଂ ଖେସାମାନେସି; “ମାହାପୁରୁ ସାଡ଼ା ଦିନାତା ତାନି ବାରେ କାମା ରାପୁହାନା ଜମିତେସି:” ୫ ଅଡେ ଇ ବାରେ କାତା ମାହାପୁରୁ ଖେଣ୍ଡେ ଏଲେଇଞ୍ଜା ମାନେସି, “ଏଞ୍ଜାରି ମା ଜମିନି ତାଣା ହଡ଼ାଲି ଆଡ଼ଅରି ।” ୬ ଆମିନି ଗାଟାରି ମୁଲୁଏ ନେହଂ କାବୁ ଖେଞ୍ଜାମାଚେରି, ଏଞ୍ଜାରି ମାହାପୁରୁ କାତା ମାନୁଞ୍ଜି ଆଆତାକି ଏ ଜମିନି* ତାଣା ହାଜାଲି ଆଡ଼ାଆତେରି, ନୀସଁ ଏ ଜମିନାଣି† ଏଚକାତାରି

* ୪:୭ ୪:୭ ଆଞ୍ଜାମାନି ଦେସା କିଶାନ † ୪:୭ ୪:୭ ଆଞ୍ଜାମାନି ଦେସା କିଶାନ

ବେଗାଆହାମାନେରି । ୭ ଅଡ଼େ ର ଦିନା, ଇଚିହଁ “ନୀଞ୍ଜୁ ଦିନା” ଆଚାନା, ଇଚେକା କାଲା ତାୟୁ ଦାଞ୍ଜୁଦତି ସାଡ଼େରିତା ଏଲେଇଞ୍ଜି ମାନେସି, ଏନିକଁ ନଚେଏ ଝେସ୍‌ସି ଆହାମାନେ,

“ନୀଞ୍ଜୁ ମୀରୁ ଏଞ୍ଜାଣି ହାଡ଼ା ଝେଞ୍ଜେରି,

ଜାହାରା ହିୟା ଆଡ଼ଞ୍ଜା କିଆଡୁ ।”

୮ ଇଚିହଁ ଜିହସ୍‌ୟ ଏଞ୍ଜାରାକି ଜମାଲି ହୀତିହଁ ମା, ଆତିହଁ ମାହାପୁରୁ ଅର ଜମିନି ଦିନାତି କାତା ଜଲ୍ଲାଆଡେସିମା । ୯ ଏଲେକିହଁ ଈ କାତା ସାତା ମାହାପୁରୁ ତାନି ବାରେ କାମାଟି ଜମିତି ଲେହେଁ ତାନି ଲକୁଡାକି ଜମିନି ଦିନା ତୀରି କିଞ୍ଜିଆହାମାନେ । ୧୦ ଈଦାଆଁତାକି ମାହାପୁରୁ ତାନି କାମାଟି ଏନିକଁ ଜମିତେସି, ଆମ୍ବାଆସି ମାହାପୁରୁତି ଜମିନି ଦେସାତା ହଡ଼ା ମାନେସି, ଏଲେକିହଁ ଏ ଏଞ୍ଜାସି ଜିକେଏ ତାନି କାମାଟି ଜମିନାଣି ମେଡ଼ା ଆହାମାନେସି । ୧୧ ଈଦାଆଁତାକି ମା ବିଡ଼ାଟି ଆମ୍ବାଆସି ଏନିକଁ ନାମାଆତାକି ଏ ଲକୁଡି ଲେହେଁ ଏ ଜମିନି ତାଣା ହଡ଼ାନା ତୁୟଅସି, ଈଦାଆଁତାକି ଆଡ଼ିନି ପାତେକା ଜାଡ଼ନୁ ଆନ ।

୧୨ ଇଚିହଁ ମାହାପୁରୁତି ବଲ୍ଲୁ ଜୀଞ୍ଜୁଗାଗାୟି ଅଡ଼େ କାମା କିନାୟି ଇଞ୍ଜା ରିକଞ୍ଜାକି ଦାରାଗାଟି ଝାହୁନି କାଣ୍ଡା କିହାଁ ହାରେକା ଝାସ୍‌ୟାୟି, ଅଡ଼େ ହିୟାଁ ଅଡ଼େ ଜୀଞ୍ଜୁ ଇଞ୍ଜା ହାୟୁଲି ଅଡ଼େ ତୁମକାତି ନିଜେଡ଼ି ପାତେକା ହଡ଼ାଲି ଆଡ଼ିନେ । ଏ ବଲ୍ଲୁ ମାଣସିତି ତୁଗ୍‌ମାନି ଅଣପୁତି ବାରେ ନୀହାଁୟି କିନାୟି । ୧୩ ମାହାପୁରୁ ନକିତା ଏନାୟିଞ୍ଜା ତଞ୍ଜା ଆଆଗାଗାୟି ଆଏ, ସାମା ଗାଡ଼ି କିହାମାନି ମାହାପୁରୁ ନକିତା ମାଙ୍ଗେ ଲେକା ହୀନାୟି ମାନେ, ଏଞ୍ଜାଣି ନକିତା ବାରେ ଦେପି ଆଡ଼ାୟି ଅଡ଼େ ପୁକିଆତାୟି ।

ଜୀସୁ କାଜା ପୂଜେରା

୧୪ ଏଦାଆଁତାକି ଲାକପୁରୁଟି ହାଜାମାନେସି, ଆମ୍ବାଆସି ମାହାପୁରୁ ମୀରୁଏସି ଜୀସୁ ଏଞ୍ଜାସି ମା କାଜା ପୂଜେରା ଆହାମାନାକି, ଝାଡୁ ମାର ମା ନାମୁତି ଜାଣେତଲେ ଆହୁନ । ୧୫ ଆମ୍ବାଆସି ମା ଦହ ପୁଞ୍ଜାଲି ଆଡ଼ିନେସି, ଏଲେତି କାଜା ପୂଜେରା ଏଞ୍ଜାସି ଆଏ । ସାମା ମା କାଜା ପୂଜେରା, ମା ଲେହେଁ ବାରେଞ୍ଜାକି ତାୟିପାରି ଆହାମାନେସି, ଆଡ଼ିଜିକେଏ ଏଞ୍ଜାସି ପାପୁ କିହାହିଲଆଡେସି ୧୬ ଏଦାଆଁତାକି ଝାପୁ, କାର୍ମା ମେଡ଼ା ଆହାଲିତାକି ଅଡ଼େ, ଏ ବେଲାଡେଏ ସାୟେମି କିନାଣି କାର୍ମାମେହୁନାଣି ବେଗାଆହାଲି ତାକି ମାଡ଼ ସାସାତଲେ କାର୍ମାମେହୁନି ସିଂଗାସାଣି ନକିତା ହାନ ।



୧ ଇଚିହଁ ବାରେ କାଜା ପୂଜେରାଙ୍ଗା ଜାହାରା ଲକୁ ତାଣାଟି ଆଡ଼ଞ୍ଜି ଆନେରି, ଏଞ୍ଜାସି ଏଞ୍ଜାରି ଝାକିଟି ପାପୁ ମ୍ବେକହାଲି ପୂଜା ଅଡ଼େ ଦାନା ହେରପାନା ମାହାପୁରୁତି ସେବା କିନେସି । ୨ ଏଞ୍ଜାସି ବୁଦି ହିଲାଆ ଗାଗାରି ଅଡ଼େ ନାଡ଼ିକିଞ୍ଜି ଆହିମାନି ଲକୁଣି ଅରୁହିନାଣି ତସାଲି ଆଡ଼ିନାସି, ଇଚିହଁ ଏଞ୍ଜାସି ତାନୁଏ ଜିକେଏ ବାଡ଼ୁୟୁ ହିଲାଆଗାଗାସି; ୩ ଅଡ଼େ ଝାରୁଇ ଏଟକା ଲକୁଡି ପାପୁ ତାକି ଏଞ୍ଜାସି ପୂଜା କିହାଲି ଆନେ ଏଡ଼ି ଆଏ ସାମା ତାନି ପାପୁ ତାକି ଜିକେଏ ତାନୁ ପୂଜା କିହାଲି ଆନେ । ୪ ଅଡ଼େ ଆମ୍ବାଆସି ଈ କାଜା ପୂଜେରା ପାଣାଟି ତାନୁଏ ଅହାକତାଲି ଆଡ଼ଅରି, ସାମା ହାରଣ ଏନିକଁ ଆଡ଼ଞ୍ଜି ଆହାମାନେସି, ଏଲେକିହଁ ଏ ମାହାପୁରୁ ତାଣାଟି ଏଞ୍ଜାସି ଆଡ଼ଞ୍ଜି ଆନାୟି ମାନେ ।

୫ ଏଲେକିହଁ ଏ କ୍ରୀସ୍‌ ଜିକେଏ କାଜା ପୂଜେରା ପାଣାଟି ଗାଞ୍ଜୁରମି ତାନୁଏ ପାରା ହିଲାଆଡେସି, ସାମା ମାହାପୁରୁ ଏଞ୍ଜାଣାକି ଏ ଗାଞ୍ଜୁରମି ପାଣା ହାହାମାନେସି, ଇଚିହଁ ଏଞ୍ଜାସି ଏଞ୍ଜାଣାଲ୍ ଏଲେଇଞ୍ଜାମାନେସି, “ନୀନୁ ନା ମୀରୁଏଣାଟି;

ନୀଞ୍ଜୁ ନୀନୁ ନୀ ତାଞ୍ଜି ଆହାମାଲ୍ ।”

୬ ଏଲେକିହଁ ଏ ଅଡ଼େ ର ତାଣା ଜିକେଏ ଏଲେଇଞ୍ଜି ମାନେସି,

“ନୀନୁ ମଲ୍‌କିସେଦକ ଲେହେଁ କାଲେଏତି ପୂଜେରା ଆଡ଼ି ।”

୭ ଆମ୍ବାଆସି ଏଞ୍ଜାଣାଲ୍ ହାକିଟି ନୀଟହାଲି ଆଡ଼ିମାନେସି, ଏଞ୍ଜାସି ତାନି ଆଙ୍ଗା ତଲେ ନୀତା ମାତାଟି, ମାହାପୁରୁ ନକିତା ହାରେକା ଡ଼ାହି ଡ଼ାହଁ ଅଡ଼େ କାଣ୍ଡୁ ତୁଲେ ପ୍ରାଡ଼ାନା ଅଡ଼େ ବାତିମାଲିହଁ ହେରପା ମାରେସି, ଇଞ୍ଜା ତାନୁଏ ଜାହାରାଲ୍ ଡ଼ାଣା କିହାକତିନାସି ଅଡ଼େ ତୀରିତାସି ମାତାକି ମାହାପୁରୁ ଏଞ୍ଜାଣି ରାସ୍‌ୟାଣି ଝେଡେସି, ୮ ଏଞ୍ଜାସି ମାହାପୁରୁ ମୀରୁଏସି ଆଡ଼ିଜିକେଏ ଦୁକୁଡି ଅରୁହାନା ମାନୁଞ୍ଜି ଆହାଲି ଜାପିତେସି । ୯ ଇଲେଆହଁ ତୀରିଆହାନା ତାନି ହୁକୁମି ମାନୁଞ୍ଜି ଆନାରାକି କାଲେଏ ଗେଲ୍‌ପିନାସି

* ୫:୭ ୫:୭ ମାଟି ୨୬:୩୬-୪୨; ମାର୍କ ୧୪:୩୨-୪୨; ଲୁକ ୨୨:୩୯-୪୨

ଆନେସି; ୧୦ ଏଦାଆଁତାକି ଏଞ୍ଜାସି ମାହାପୁରୁ ତାଣାଟି ମଲ୍ଲକିସେଦକତି ମୋରାଲେହେଁ କାଜା ପୂଜେରା ଇଞ୍ଜି ଅଦିକାରା ବେଗା ଆଡେସି ।

ନାମୁ ଉଣାଆନି କାତା

୧୧ ଜାମୁ କ୍ରୀସ୍ତତି କାତା ମାଜେ ହାରେକା ଖେହ୍ନାୟି ମାନେ, ସାମା ମିଜେ ତେଲୁହି କିୟାଲି ହାରେକା କସ୍ତ, ଇଚିହଁ ମୀ ଜାସ୍ତତା ଖେନାୟି ହାରେ ଉଣା ବାଡୁମୁ ମାନେ । ୧୨ ଇଚିହଁ ଇଚର ଦିନା ବିତ୍ତା ମୀରୁ ଜାପୁନାତେରି ଆନାୟି ମାରେ, ଆଡ଼ିଜିକେଏ ମାହାପୁରୁତି ବଲୁ ଏଟକା ଲକୁ ଜାପୁହାଲି ତାକି ମିଜେ ଲଡ଼ା ଆହିମାଞ୍ଜାନେ; ଖାଜିତି ରାନ୍ଦା ଲଡ଼ା କିଆନା ପାଲୁ ମିଜେତାକି ଲଡ଼ା ଆହିମାଞ୍ଜାନେ । ୧୩ ଆମ୍ବାଆସି ପାଲୁ ଗହ୍ନାସି ଏଞ୍ଜାସି ନେହାଁଣି ଲାଗେଏତି କାତା ପୁଞ୍ଜାଲି ଆଡ଼ଅସି, ଇଚିହଁ ଏଞ୍ଜାସି ଉଣା କକାସି । ୧୪ ସାମା ପାତାଆଡ଼ି ଲକୁ, ଇଚିହଁ ଆମ୍ବାଆରି ବୁଦିତଲେ ନେହାଁଣି ଲାଗେଏତାଣି ଆଡ଼ାଲି ଆଡ଼ିନେରି, ଏଞ୍ଜାରାକି ଖାଜିତି ରାନ୍ଦା ଲଡ଼ାମାନେ ।



୧୧ ଏଦାଆଁତାକି ଖାପୁ ମାର କ୍ରୀସ୍ତତି ମୂଲୁଏ ଜାପିତି କାତା ପିସାନା, ତୀରିତଲେ ପାତାଆହାନା, ହାହାମାନି କାମାଟି ମନ ଖେହ୍ନାନା, ମାହାପୁରୁ ତାଣା ନାମିନ, ୨ ବାପୁସ୍ତତି* କାତା ଜାପୁନାୟି, ତାୟଁ ତୁା କେୟୁ ଇଚିନାଣି, ହାଡ଼ାରି ଖେଣ୍ଡେ ନିଜ୍ଜନାୟି, କାଲେଏତି ତଣ୍ଡତି ପୁନାଦି ଖେଣ୍ଡେ କିନାୟିମାନେ । ୩ ନୀଏଁ ମାରୁ ନକିତା ହାନାୟିମାନେ, ହାଅ, ମାହାପୁରୁତି ହେଲ ଆଡ଼ିସାରେ ମାରୁ ଇଦାଆଁ କିନ ।

୪ ଆମିନି ଗାଗାରି ନାମୁତି ଉଣା କିହାମାନେରି, ଏଞ୍ଜାରି ଅଣପାନା ଖେଣ୍ଡା ଖାହାଲି ଆଡ଼ିନେରିକି ? ଏଞ୍ଜାରି ମାହାପୁରୁ ଉଜେଡ଼ିତା ବାସା କିହିମାରେରି, ଲାକପୁରୁତି ଦାନାତି ଖାଣ୍ଡାନା, ସୁଦୁଜାସ୍ତତା ଆଣ୍ଡାମାରେରି, ୫ ମାହାପୁରୁତି ନେହଁ ବଲୁ ଇଞ୍ଜା ଖାହିମାନି ଜୁଗୁତି ବାଡୁମୁତି ଡାକନାଣି ଏଞ୍ଜାରି ଖାଣ୍ଡା ମାନେରି, ୬ ଏଞ୍ଜାରି ସାତାତି ପିସାନା ଲାଗେଏ ଆନେରି, ଆଡ଼ିହଁ ମନତି ବାଦଲି କିଞ୍ଜିକିହାଲି ଅଡ଼େ ଖେଣ୍ଡେ ଏଞ୍ଜାରାଇଁ ପୁଞ୍ଜି କିଞ୍ଜିକିହାଲି ଆଡ଼ାଆୟି, ଏଦାଆଁତାକି ଏଞ୍ଜାରି ତାମି ନାସା ଆହାଲିତାକି ମାହାପୁରୁ ମୀରୁଏଣାଇଁ ପାସି ମୁଣ୍ଡାତା ଏକ୍ହାନା ଲକୁ ନକିତା ଏଞ୍ଜାଣାଇଁ ଲାଜା କିହିମାନେରି ।

୭ ଇଚିହଁ ଆମିନି ବୁମି ପିୟୁ ରିନି ଏୟୁ ଗହ୍ନେ ଇଞ୍ଜା ଆମିନି ତାସା କିନାରାକି ଲଡ଼ା ଆନି ଆନା କାମୁ କିନେ, ଏ ବୁମିତି ମାହାପୁରୁ ବର ହାନେସି । ୮ ସାମା ଏମ୍ବାଆଁ ହାପୁକା ଅଡ଼େ ଜାଡ଼ା ନେୟଁନେ, ଆଡ଼ିହଁ ଏଡ଼ି ଏନି ଲାଗା ଆଏ, ଏଡ଼ି ମାହାପୁରୁତି ବାକା ବେଗାଆନେ, ଅଡ଼େ ତାୟୁ ହିଚୁତା ଡାଞ୍ଜାହାନେ ।

୯ ସାମା ଏ ଜାସ୍ତତି ତାୟିୟାଁ, ମାମୁ ଇଲେକଁ କାତା ଖେସ୍ତି ଜିକେଏ ମୀ ତାଣା ମା ହାରେକା ନାମୁ ମାନେ; ମୀରୁ ଗେଲ୍ପିଆହାଲି ମାହାପୁରୁତି ବର ବେଗାଆହାମାଞ୍ଜେରି । ୧୦ ଇଚିହଁ ମାହାପୁରୁ ମୀ କାମା, ଅଡ଼େ ମାହାପୁରୁ ଲକୁଣି ସେବା କିହିମାନାଣି ଅଡ଼େ ନୀଏଁ ଜିକେଏ କିହିମାନାଣି ଅଡ଼େ ତାନି ଦରୁ ତାକି ମୀରୁ ଆମିନି ଜାସ୍ତନହଁ ମାଞ୍ଜେରି, ଏଦାଆଁ ମାହାପୁରୁ ବାଣସି ଆନେସି ଇଲେତି ଦାମୁଁ ହିଲ୍ପାଆଗାଟାସି ଏଞ୍ଜାସି ଆଏ । ୧୧ ସାମା ମାଦି ରଣ୍ଡିଏ ଅଣପୁ, ମୀରୁ ତାୟୁ ପାତେକା ମାଜେତାକି ମୀ ଜାସ୍ତନନାୟି କାଲେଏ ଡ଼ୟାପେ ଆଡ଼ିହଁ ମୀ ବାରେ ଆସା ପୁରା ଆନେ । ୧୨ ଏନିକଁ ମୀରୁ ନିସ୍ତା ଆଆନା ଆମ୍ବାଆରି ନାମୁ ଅଡ଼େ ସାସାତଲେ ଆଞ୍ଜାମାନାଣି ଅଦିକାରା କିହିମାନେରି ଏଞ୍ଜାରିଲେହେଁ ଆଦୁ ।

ମାହାପୁରୁତି ଆଞ୍ଜିନାୟି ସାତା ଆନେ

୧୩ ଇଚିହଁ ମାହାପୁରୁ ଏରିବେଲ୍ ଅବ୍ରାହାମାଇଁ ଆଞ୍ଜାମାରେସି, ଏରିବେଲ୍ ଏଞ୍ଜାସି ତାନି ଆଞ୍ଜାମାନାଣି ମାନୁଞ୍ଜି ଆହାଲି ପାରମାଣା କିହାମାରେସି, ଏଞ୍ଜାଣି କିହାଁ ଆମ୍ବାଆସି କାଜାସି ହିଲ୍ପାଆକି ଏଞ୍ଜାସି ତାନି ଦରୁତଲେ ପାରମାଣା କିହାଁ ଏଲେଇଞ୍ଜାମାରେସି, ୧୪ ଏଞ୍ଜାସି ଏଲେଇଚେସି, “ନାନୁ ନିଜେ ସାତେଏ ବର ହିୟାଇଁ ଅଡ଼େ ନୀ କୁଡ଼ାତି ହାରେକା ପାତିକିଇଁ ।” ୧୫ ଅଡ଼େ ଇଲାଆହଁ ହାରେକା ଅରୁହାନା ଅବ୍ରାହାମ ଆଞ୍ଜାମାନାଣି କାଟାମାଟାକି ଏଦାଆଁ ମୋଡ଼ା ଆହାମାରେସି । ୧୬ ମାଣ୍ଡିୟାଁ ଏଞ୍ଜାରି କିହାଁ କାଜା ଦରୁତଲେ ପାରମାଣା କିନେରି, ଅଡ଼େ କାତା ତୀରି କିହାଲି ଏଞ୍ଜାରି ବାରେ ଗଡ଼ହା ପାରମାଣା ତଲେ ତୀରି ଆନେ । ୧୭ ମାହାପୁରୁ ଆମ୍ବାଆରାଇଁ ଇ ବାରେ ହାଇଁ ଇଞ୍ଜା ଆଞ୍ଜାମାରେସି, ଏ ଆଞ୍ଜାମାନାଣି ମାନୁଞ୍ଜି ଆହାଲି ତାନି ଆଞ୍ଜାମାନାଣି ତାକି ପାରମାଣା କିହାମାରେସି । ୧୮ ଏନିକଁ ଆମିନି ରୀ ବାଦଲି ଆଆଗାଟି କାତାତି ମାହାପୁରୁ ମିଚି ଖେସାଲି ଆଡ଼ଅସି, ଏଦାଣି ତଲେ ନକିତି ବାସ୍ତିତି ଆସାଲି ତାକି ବାସା ଟାୟୁତା ମାରୁ ହତି ମାନାୟି, ଇଞ୍ଜା ମାରୁ ବାଡୁମୁତି ରାହାଁ ବେଗାଆନାୟି । ୧୯ ଏୟୁ ଜାଜା ଦହନି ଲହ୍ ମୁଣ୍ଡାଲେହେଁ, ଏ ବାସ୍ତି

* ୨:୨ ୬:୨୭ଞ୍ଜିନାୟି

ମା ଜୀବୁତି ଗେଲୁପି କିନାୟି ଅଡ଼େ ଆଜ୍ଞାନାୟି, ଏଦି ମାହାପୁରୁ ଇଲୁତି ଏଟକା କିନି ହିମ୍ବୁରି ଲେତାମାନି ଚାୟୁତା ହଡ଼ାନା ଆଟ୍ଠା ଅଡ଼େ ତାରି ଆହାମାନେ, ୨୦ ଅଡ଼େ, ଜୀମୁ ଏ ଚାୟୁତା ମଲ୍ଲକସେଦକ ଲେହେଁ କାଲ୍ଲକାଲ୍ଲାତି କାଜା ପୁଜେରା ଆହାନା ମା ନକିତା ତାକିନି ଲେହେଁ ହଡ଼ାମାନେସି ।



ମଲ୍ଲକସେଦକତି ପୁଜେରା ପାଣା

୧୧ ଇ ମଲ୍ଲକସେଦକ ସାଲେମ ଦେସତି ରାଜା ଅଡ଼େ ବାରେକିହାଁ କାଜା ମାହାପୁରୁତି ପୁଜେରା ମାଚେସି । ଅବ୍ରାହାମ ଅଡ଼େ ତାନି ତଡ଼ତୁରା, ସାରି ଜାଣା ରାଜାୟାଁ ତଲେ ଜୁଜୁତା ଜାଣା ଆହାଁ ଝେଣେ ଝାହିମାରି ବେଲାତା ମଲ୍ଲକସେଦକ ଅବ୍ରାହାମଇଁ ବେଟାଆହାନା ବର ହାତେସି; ୨ ଅବ୍ରାହାମ ଜିକେଏ ଏଞ୍ଜାଣାକି ଜୁଜୁତା ଜାଣାଆହାମାରି ଆସ୍ତିତି ଦସ ବାଗାତି ର ବାଗା ହାହାମାଚେସି । ମଲ୍ଲକସେଦକ, ଇତିହଁ “ଦାମ୍ବୁତି ରାଜା” ଅଡ଼େ ସାଲେମତି ରାଜା, ଇତିହଁ “ହିଡ଼ଡ଼ିତି ରାଜା ।” ୩ ଏଞ୍ଜାଣି ତାଲି ତାଞ୍ଜି ଆକୁ ଆବାୟାଁ ଦରକା କି ଏଞ୍ଜାଣି ଜାର୍ନା ଦିନା କି ଜୀବୁତି ରାଡ଼ି ଦିନା ଆମ୍ବିୟାଞ୍ଜା ରାୟୁକି ଆହାହିଲେଏ; ଏଞ୍ଜାସି ମାହାପୁରୁ ମୀରୁଏସି ଲେହେଁ କାଲ୍ଲା କାଲ୍ଲକି ପୁଜେରା ଆହାମାଚେସି ।

୪ ଅଣପାରି କିପୁ, ମଲ୍ଲକସେଦକ ଏଚେକା କାଜାସି ମାଚେସି, ଆକୁ ଅବ୍ରାହାମ ଜୁଜୁତା ଜାଣାଆହାନା ତାରାମାରି ଆସ୍ତିତି ହାରେକା ନେହଁ ଆସ୍ତିତି ଦସ ବାଗାତି ର ବାଗା ଏଞ୍ଜାଣାକି ହାହାମାଚେସି । ୫ ଲେବି କୁଡ଼ାତି ମୀରୁକା ବିତ୍ରାଟି ଆମିନି ଗାଟାରି ପୁଜେରା ପାଣା ବେଟାଆନେରି, ଏଞ୍ଜାରି ମସାତି ମେରାଲେହେଁ ଇସ୍ତାୟେଲ ଲକୁ ତାଣାଟି ଇତିହଁ ତାମି ତାୟିୟାଁ ତାଣାଟି ଦସ ବାଗାଟି ର ବାଗା ବେଟାଆହାଲି ହେଲ ବେଟା ଆହାମାନେରି, ଏଞ୍ଜାରି ଅବ୍ରାହାମ ଆଜ୍ଞାଟି ଜାର୍ନା ଆଡ଼ିଜିକେଏ ତାମି ଲକୁ ତାଣାଟି ଦସ ବାଗାଟି ର ବାଗା ଅନେରି; ୬ ମଲ୍ଲକସେଦକ ଲେବି କୁଡ଼ାତାସି ଆଏ, ଆଆତି ଜିକେଏ ଏଞ୍ଜାସି ଅବ୍ରାହାମ ତାଣାଟି ଦସ ବାଗାଟି ର ବାଗା ଅଡ଼େସି, ଇଞ୍ଜାଁ ମାହାପୁରୁ ଆଞ୍ଜାମାନାଣି ବେଟାଆନାକି ବର ହାତେସି । ୭ ବର ହାନାସି ବର ବେଟାଆନାଣି କିହାଁ କାଜାସି, ବାରେଜାଣା ଇଦାଆଁ ପୁଞ୍ଜାମାଞ୍ଜେରି । ୮ ଇଲେକିହଁ ହାନ୍ଦି ମାଣସିୟାଁ ଦସ ବାଗାଟି ର ବାଗା ଅହିମାନେରି ଏଞ୍ଜାରି ଜିକେଏ ର ଦିନା ହାନେରି, ସାମା ଏରିବେଲାତା ଆମ୍ବାଆସି ଅବ୍ରାହାମତି ଦସ ବାଗାଟି ର ବାଗା ଅହାମାଚେସି ଏଞ୍ଜାଣି କାତା ସାକି ହାପକି ଆହିମାନେ, ଏଞ୍ଜାସି ହାହା ହିଲଅସି । ୯ ମାର ଏଲେଇଞ୍ଜାଲି ଆଡ଼ିନାୟି, ଦସ ବାଗାଟି ର ବାଗା ଅହିମାନି ଲେବି ତାକୁ ଜିକେଏ ଅବ୍ରାହାମ ତାଣାଟି ଦସ ବାଗାଟି ର ବାଗା ହାହାମାନେସି । ୧୦ ଏନାଆଁତାକି ଇତିହଁ ଅବ୍ରାହାମଇଁ ମଲ୍ଲକସେଦକ ଆଣ୍ଡିତାଟି ଲେବି ଏରିବେଲାତା ଜାର୍ନା ଆହା ହିଲଆତେସି ସାମା ଲେବି ଏଞ୍ଜାଣି ଆଜ୍ଞା ବିତ୍ରା ମାଚେସି ।

୧୧ ଇ ଲେବିୟ ଲକୁତି ପୁଜେରା ପାଣା ତଲେ ଇସ୍ତାୟେଲ କୁଡ଼ାତି ଲକୁ ତାକି ମସାତି ମେରା ହାପକି ଆହାମାଚେ । ଅଡ଼େ ଲେବି ଲକୁତି କାମା ନେହଁ କିହାଲି ଆଡ଼ିତିହଁମା, ହାରେଣାଟି ଅଦିକାରାଗାଟି ଇ ଲେବି ପୁଜେରାଜା ପିସାନା ମଲ୍ଲକସେଦକ ଅଦିକାରା ଲେହେଁ ଅର କୁଡ଼ାତି ପୁଜେରା ଲଡ଼ା ହିଲଆତେ । ୧୨ ଇତିହଁ ପୁଜେରା ପାଣା ବାଦଲି ଆନେ, ଆତିହଁ ମସା ମେରା ଜିକେଏ ବାଦଲି ଆନାୟି ମାନେ । ୧୩ ଇତିହଁ ଆମ୍ବାଆରି ତାକି ଇ ବାରେ ଝେସପି ଆହାମାନେ, ଏଞ୍ଜାସି ଅର କୁଡ଼ାତି ଲକୁ ମାଚେସି, ଆମିନି କୁଡ଼ାତାରି ଆମ୍ବାଆସି ଏଚେଲାଞ୍ଜା ପୁଜା ପିଣ୍ଡାତି ସେବା କାମା କିହାଲି ଆଣ୍ଡାହିଲଅସି । ୧୪ ଇତିହଁ ଇଦି ସାତା ମା ପ୍ରବୁ ଜୀହୁଦା କୁଡ଼ାଟି ଜାର୍ନା ଆହାମାନେସି ଇଞ୍ଜାଁ ମସା ଇ କୁଡ଼ାତି ପୁଜେରା ପାଣା ତାକି ଏନାଆଁ ଝେସାହିଲଅସି ।

ମଲ୍ଲକସେଦକ ଲେହେଁ ଅଡ଼େ ର ପୁଜେରା

୧୫ ଅଡ଼େ ଇଦି ଇମ୍ବାଟି ଜିକେଏ ନେହଁ କଁ ପୁନାୟି, ମଲ୍ଲକସେଦକ ଲେହେଁ ଅଡ଼େ ର ପୁଜେରା ହଡ଼ାମାନେସି । ୧୬ ଏଞ୍ଜାସି ଆଜ୍ଞା ତଲେତି ମସା ମେରାଟି ପୁଜେରା ଆହାହିଲଅସି ସାମା ରାଆଗାଟି ଜୀବୁତି ବାଡ଼ୁୟୁତି ପୁଜେରା ପାଣା ମେଡ଼ା ଆହାମାନେସି । ୧୭ ଇତିହଁ ଦାମ୍ବୁପତିତା ଏଞ୍ଜାଣି ତାକି ଇଲେକି ଦାମ୍ବୁ ସାଡ଼ୁୟୁତିତା ସାକି ହାପକି ଆହାମାନେ; “ନୀନୁ ମଲ୍ଲକସେଦକ ଲେହେଁ କାଲ୍ଲକାଲ୍ଲାତି ପୁଜେରା ଆଦି ।” ୧୮ ଇମ୍ବାଆଁ ତଲିତି ହୁକୁମି ବାଡ଼ୁୟୁ ହିଲଆଗାଟାୟି, ଉଜେଏତାୟି ଲାକା ଏଦି ମେଣ୍ଡାଜା ହାଜାମାନେ । ୧୯ ଏନାଆଁତାକି ଇତିହଁ ମସାତି ମେରା ଏନାଆଁତା ତାରି କିହାଲି ଆଡ଼ାଆତେ । ଅରଞ୍ଜାକି ବାରେକିହାଁ ହାରେକା ନେହଁ ବାସ୍ତି ହଡ଼ାମାନେ, ଏ ବାସ୍ତି ମାର ମାହାପୁରୁ ତାଗେ ହାଜାଲି ଆଡ଼ିନାୟି ।

୨୦ ମା ଡାକି ମାହାପୁରୁତି ପାର୍ବମାଣା ହାରେକା ମାନେ । ହାରଣ କୁଡ଼ାତି ପୂଜେରା ପାଣାତା ଆର୍ତ୍ତେ ଆଡ଼ାତି ଇଲେତି ଏନି ପାର୍ବମାଣା ହୀପୁକି ଆହାହିଲିଆତେ । ୨୧ ସାମା କ୍ରୀସୁ ପୂଜେରା ଆନି ବେଲାତା ମାହାପୁରୁ ପାର୍ବମାଣା କିହାନା ଏଞ୍ଜାଣାଇଁ ଏଲେଇଞ୍ଜାମାଚେସି,

“ପ୍ରବୁ ର ପାର୍ବମାଣା କିହାମାନେସି,
ଏଞ୍ଜାସି ତାନି ଅଣ୍ଟପୁତି ବାଦଲି କିଅସି,
ନାନୁ କାଲିକାଲିତି ପୂଜେରା ଆଡ଼ି ।”

୨୨ ପ୍ରବୁ ଇଲେକି ପାର୍ବମାଣା କିହାମାନାକି ଜୀସୁ ଅଡ଼େ ର ହାରେକା ନେହଁ ରାଜିମାନା କିନାସି ଆହାମାନେସି ।

୨୩ ପ୍ଲାଞ୍ଜ ତାଣା ଜିକେଏ ଏଟକା ପୂଜେରାଜା ହାନାରି ଆହାମାନାକି ଏଞ୍ଜାରି ହାଡ଼ି ତାୟୁ ଏଟକାତାରି ପୂଜେରା ପାଣା ବେଟାଆନେରି ଏଡ଼ାଆତାକି ଏଞ୍ଜାରି ହାରେକା । ୨୪ ସାମା ଜୀସୁ କାଲିକାଲି ନୀତାମାନାକି, ଏଚେଲାଞ୍ଜା ବାଦଲି ଆଆ ପୂଜେରା ପାଣା ବେଟାଆହାମାନେସି । ୨୫ ଏଡ଼ାଆତାକି ଏଞ୍ଜାଣି ତାଣାତି ଆନିନି ଗାଟାରି ମାହାପୁରୁ ତାଣେ ହାନେରି, ଏଞ୍ଜାରାକି ଏଞ୍ଜାସି ହାରେପୁରେ ନୀଏଁ ଅଡ଼େ କାଲେଏ ଗେଲ୍ପାଲି ଆଡ଼ିମାନେସି, ଏଡ଼ାଆତାକି ଇତିହଁ ଏଞ୍ଜାରି ତାକି ମାହାପୁରୁ ତାଣା ଗହାରା କିହାଲି ଏଞ୍ଜାସି କାଲେଏ ନୀତାମାନେସି ।

୨୬ ଏଡ଼ାଆତାକି ଇତିହଁ ଇଲେତି କାଜା ପୂଜେରା ମା ଡାକି ନେହଁସି, ଆମ୍ବାଆସି ସୁଦୁଗାଟାସି, ଦହୁ ହିଲାଆଗାଟାସି, ଲାଗେଏତି ସିନା ହିଲାଆଗାଟାସି ପାପୁ ଗାଟାରି ତାଣାତି ଏଟକା ଆହାମାନାସି, ଲାକପୁରୁ ଅଡ଼ିଆତେସି । ୨୭ ଏ କାଜା ପୂଜେରା ଲେହେଁ ବାରେଦିନା ନକେଏ ତାନି ପାପୁ ତାକି ଅଡ଼େ ତାୟୁ ଲକୂତାକି ବାରେଦିନା ପୂଜା ହାହାଲି ଲଡ଼ା ହିଲେଏ, ଇତିହଁ ତାଜେ ପୂଜା ହାତାକି ଏଞ୍ଜାସି ରଣିଏ ପାଲି ଛଦାଆଁ କିହାମାନେସି । ୨୮ ଏଡ଼ାଆତାକି ଇତିହଁ ମସାତି ମେରା ବାଡ଼ୁୟୁ ହିଲାଆଗାଟି ମାଣସିଇଁ କାଜା ପୂଜେରା ପାଣାତା ଆଡ଼ିନେ, ସାମା ଆନିନି ପାର୍ବମାଣାତି ବଲୁ ମସାତି ମେରା ଜେତ ଆହାମାଚେ, ଏଡ଼ି କାଲିକାଲି ତାକି ତାରିଗାଟି ମୀରଏଣାଇଁ ଆଡ଼ିମାନେ ।



ଜୀସୁ ମା କାଜା ପୂଜେରା

୧ ମାମ୍ବୁ ଏଡ଼ାଆଁ ଖେସିମାଞ୍ଜାନମି ଏମ୍ବାତି କାଜା କାତା ଇଦି, ମାଜେତାକି ଇଲେତି ର କାଜା ପୂଜେରା ମାନେସି, ଏଞ୍ଜାସି ଲାକପୁରୁ କାଜା ଗାଧୁରମିଗାଟି ମାହାପୁରୁ ସିଂଗାସାଣିତି ଚିଃନି ଚଟତା କୁଗାମାନେସି । ୨ ଏଞ୍ଜାସି ବାରେତି କିହାଁ ସୁଦୁ ଟାୟୁତା ଇଞ୍ଜା ଆନିନି ସାତା ତୁମ୍ବୁ ଇଲୁ ମାଣସି କେୟୁତି କେପି ଆଆନା ପ୍ରବୁ ତାଣାଟି ତାରି ଆହାମାନେ ଏମ୍ବାତି ସେବା କାମା କିନେସି ।

୩ ଇତିହଁ ବାରେ କାଜା ପୂଜେରାଜା ଦାନା ଅଡ଼େ ଜଡ଼ୁତି ଡ଼ାକାହଁ ପୂଜା କିହାଲି ଆର୍ତ୍ତେ ଆହାମାନେରି, ଛଦାଆଁତାକି ଇ କାଜା ପୂଜେରାକି ଜିକେଏ ପୂଜା ହେରପାଲି ତାକି ଲଡ଼ାମାନେ । ୪ ଜୀସୁ କ୍ରୀସୁ ଦାର୍ତତିତା ମାଟିହଁ ମା, ପୂଜେରା ଜିକେଏ ଆୟାଲି ଆଡ଼ାଆତେସିମା, ଏଡ଼ାଆତାକି ଇତିହଁ ଜୀହୁଦି ଲକୂତି ମେରା ଲେହେଁ ଦାନା ହେରପିନେରି ଇଲେତି ପୂଜେରାଜା ଏଡ଼ାଆଁ ମାନେରି; ୫ ପୂଜେରାଜା ଆମ୍ବାଆରି ସେବା କିନେରି, ଏଡ଼ି ଲାକପୁରୁତି କାତା ପୁଣ୍ଡିକିନିଲେହେଁ ସାୟଁ ସମାନା, ମସା ଏଚିବେଲା ପୂଜା କିହାଲିତାକି ର ତୁମ୍ବୁ କେପିନି ବେଲାତା ଏଞ୍ଜାଣାଇଁ ମାହାପୁରୁ ଏଲେଇଞ୍ଜାମାଚେସି, “ଜାଗ୍ରାତା, ହରୁତା ନିଜେ ଆନିନି ହୁକୁମି ତସ୍ପି ଆହାମାଞ୍ଜାତେ, ଏଲେକିହଁ ଏ ବାରେ କେପାମ୍ବୁ ।” ୬ ସାମା ନୀଏଁ ଜୀସୁକି ଆନିନି ପୂଜେରା କାମା ହୀପୁକି ଆହାମାନେ, ଏଡ଼ି ଏଟକାତି ପୂଜେରାଜା କାମା କିହାଁ କାଜାୟି । ଏଲେକିହଁ ଏ ମାହାପୁରୁ ଅଡ଼େ ମାଣସିୟାଁ ମାତି ଏଞ୍ଜାସି ଆନିନି ରାଜିମାନା କିହାମାନେସି ଏଡ଼ି କାଜାୟି, ଇତିହଁ ଇ ମେରାତା ହାରେକା କାଜା କାତା ହାହାଲି ଆଞ୍ଜାମାନାୟି ମାନେ ।

୭ ଇତିହଁ ତଲିତି ରାଜିମାନା ଏନି ଦହୁ ହିଲାଆତିହଁ ମା, ତାୟୁ ଅଡ଼େ ଅର ରାଜିମାନା ଲଡ଼ା ଆଆତେମା । ୮ ସାମା ମାହାପୁରୁ ତାନି ଲକୂଇଁ ଦହୁ ଦସାନା ଏଞ୍ଜାରାଇଁ ଏଲେଇଞ୍ଜା ମାନେସି, “ପ୍ରବୁ ଏଲେଇଞ୍ଜା ମାନେସି, ମେହଦୁ ର ଦିନା ଖାହିମାନେ,

ଏଚିବେଲା ନାନୁ ଇସ୍ପାୟେଲ କୁଡ଼ା ଅଡ଼େ ଜୀହୁଦା କୁଡ଼ା ତଲେ ର ପୁଞ୍ଜି ରାଜିମାନା ତାରି କିଇଁ;

୯ ଆନିନି କାଲିକାତା ନାନୁ ଏଞ୍ଜାରି ଆକୁୟାଣି କେସ୍ତା ଆସାନା ମିସର ଦେସାତି ହପୁହା ତାତାମାଚେଏଁ, ଏ ବେଲାତା ଏଞ୍ଜାରିତଲେ ନାନୁ ଆନିନି ରାଜିମାନା କିହାମାଚେଏଁ, ଇ ରାଜିମାନା ଏଲେକିହଁ ଆଏ; ଇଞ୍ଜା ଏଞ୍ଜାରି ନା ରାଜିମାନାତା ତାରି ଆହଁ ମାନାଆତେରି,

ଇଞ୍ଜା ନାନୁ ଏଝାରାଇଁ ମନ ହୀଆଡେଏଁ, ପ୍ରବୁ ଈ କାତା ଏଲେ ଇଞ୍ଜିମାନେସି ।

୧୦ ପ୍ରବୁ ଏଲେଇଞ୍ଜି ମାନେସି,

ଡାୟୁ ନାନୁ ଇସ୍ରାୟେଲ କୁଡ଼ା ତଲେ ଈ ରାଜିମାନା କିଇଁ, ଏଦି ଇଦି,

ନାନୁ ଏଝାରି ମନତା ନା ମେରା ହୀଇଁ,

ଏଝାରି ହିୟାତା ଏ ବାରେ ରାଜିଇଁ,

ଅଡେ ଏଝାରି ମାହାପୁରୁ ନାନୁ ଆଇଁ,

ଅଡେ ଏଝାରି ନା ଲକୁ ଆନେରି ।

୧୧ ମାହାପୁରୁଇଁ ପୁଞ୍ଜୁ ଇଞ୍ଜି ଏଝାରି ବିତ୍ରାଟି ରଅସିଝା ତାମି କୁଡ଼ାତି ଗାଡ଼ାତାରାଇଁ ଝେହଅସି,

ଇଞ୍ଜା ତାମି ତାୟିୟାଁଇଁ କି ପାଡ଼ିତାରାଇଁ ଜାପୁଅରି,

ଏନାଆଁତାକି ଇଚିହଁ ଉଣାଟିଏ କାଜାରି ପାଡେତକା ଏଝାରି ବାରେଜାଣା ନାଜେ ପୁଞ୍ଜାମାନେରି ।

୧୨ ନାନୁ କାର୍ମାମେସାନା ଏଝାରି ବାରେ ପାପୁ ମ୍ଲେକଇଁ,

ଅଡେ ଏଝାରି ଲାଗେଏ କିନାଣି ଏଚେଲାଝା ଅଣପଅଁ ।”

୧୩ ମାହାପୁରୁ ର ପୁଞ୍ଜି ରାଜିମାନା କିତାକି ତଲିତି ରାଜିମାନାଇଁ ପୁଞ୍ଜଇ ରାଜିମାନା କିହାମାନେସି; ଇଞ୍ଜା

ଅଡେ ଆମିନି ପୁଞ୍ଜଆୟି ଲଡ଼ା ହୀଆଗାଟାୟି ଆହାମାନେ, ଏଦି ଗାଡ଼େକେଏ ମେଣ୍ଡିନେ ।



ଦାରୁତି ଅଡେ ଲାକପୁରୁତି ପ୍ରାତାନା

୧ ଯାଡେଏ ଏ ତଲିତି ରାଜିମାନା ଜିକେଏ ପ୍ରାତାନା କିନି ମେରା ଅଡେ ର ଦାରୁତିତି ସୁଦୁ ଟାୟୁ କିଞ୍ଜି ଆହାମାଚେ । ୨ ଏଦି ର ତୁମୁ ତଲେ କେପିତି ଇଲୁ ଆହାମାଚେ, ଏମ୍ବାତି ତଲିତି ବାକ୍ତା ଇଞ୍ଜି ଇନେରି ଏମ୍ବାଆଁ ର ଦାଞ୍ଝି ସଡ଼ା, ୩ ଏଦି ପିଣ୍ଡା ଅଡେ ମାହାପୁରୁକି ହେରପାମାନି ରୁତି ମାଚେ, ଏଦାନି ସୁଦୁ ଟାୟୁ ଇନେରି । ୪ ଏମ୍ବାଆଁ ଲେଟାମାଟି ଚାଟିନି ରୀ ହିମ୍ବରିକା ଡାୟୁଝାକି ଆମିନି ତୁମୁ ମାଚେ, ଏଦାଆଁ ହାରେକା ସୁଦୁ ବାକ୍ତା ଇଞ୍ଜି ଇନେରି; ୫ ଏମ୍ବାଆଁ ବାଂଗାରା ତଲେ ଝାରି କିହାମାଟି ଆମିନି ତୁମୁଠି ହୁତିନି ର ପିଣ୍ଡା ଅଡେ ବାଂଗାରା ତଲେ ଝାରି କିହାମାଟି ରାଜିମାନା ପେଡ଼ା ମାଚେ । ଏ ରାଜିମାନା ପେଡ଼ାତା ମାନା ଇଚିକି ଆହାମାଟି ର ବାଂଗାରା ମୁଡ଼ା ଅଡେ ହାରେଝାୟି ଆକୁ ଗାଲୁହାମାଟି ବାଡ଼ଗା ଇଞ୍ଜା ରାଜିମାନା ରାୟିକି ଆହାମାଟି ରିଣ୍ଡି ଝାଲି ପାଟାୟାଁ ମାଚୁ, ୬ ରାଜିମାନା ପେଡ଼ା ଲାକ ମାହାପୁରୁ ନକିତା ନିଚାମାନି ଲେହେଁ ଗାଝୁରମିଗାଟି ଜଡେକା କିରୁବ ଦୁଡୁୟାତି ବମା ମାଚୁ, ଏଞ୍ଜି ପାପୁ ମେଣ୍ଡି କିନି ଟାୟୁତି ପୁକ୍ତହାମାଚୁ; ଏଞ୍ଜି ପାପୁ ମ୍ଲେକନି ଟାୟୁ ଲାକ ମାଟାୟାଁ ପୁକ୍ତହାମାଚୁ, ଏ ବାରେତି କାତା ନୀଏଁ ନେହଁ କଁ ଝେସାଲି ଲଡ଼ା ହିଲେଏ ।

୭ ଏମ୍ବାଆଁ ଇଲେତି ମେରା ମାନେ; ପୂଜେରାଞ୍ଜା ଦିନାତାକି ଦିନା ତୁମୁତି ତଲିତି ବାକ୍ତା ବିତ୍ରା ତାମି ସେବା କାମା କିନେରି, ୮ ସାମା ଡାୟୁତି ବିତ୍ରା ବାକ୍ତାତା ଝାଉଇ କାଜା ପୂଜେରା ବାସୀ ତାକି ରଣ୍ଡିଏ ଦେବା ହଡ଼ନେସି, ତାନି ପାପୁ ଇଞ୍ଜା ଲକୁତି ପୁନାଆତି ପାପୁ ତାକି ମାହାପୁରୁକି ପୂଜା ହେରପାଲି ଏଝାସି ନେଡେରି ଅହାନା ହାରେକା ସୁଦୁ ଟାୟୁତା ହଡ଼ନେସି । ୯ ଇଦାଆଁତାକି ସୁଦୁଜାଝୁ ମାଜେ ଜାପୁହି ମାଞ୍ଜାନେ, ନକିତି ସୁଦୁ ତୁମୁ ମାନି ପାଡେକା ହାରେକା ସୁଦୁ ଟାୟୁତା ହଡ଼ାଲି ଜିରୁ ତଞ୍ଜାଆହାଁ ହିଲେଏ । ୧୦ ଈ ତଲିତି ବାକ୍ତା ନୀଏଁ କାଲା ତାକି ପୁଣ୍ଡି କିଞ୍ଜିକିନି ସିନା, ଅଡେ ଏଲେକିହଁ ଏ ଦାନା ଅଡେ ପୂଜା ଈ ବାରେ ହୀପ୍ତିଆନେ, ସାମା ଈ ବାରେ ସେବା କିନାରାଇଁ ନେହଁ ଅଣପୁତି ଦାନା ହୀହାଲି ଆଡେଏ; ୧୧ ଇଚିହଁ ଏ ବାରେ ଝାଉଇ ତିନାଣି ଉନାଣି ଅଡେ ଅବହାଲି ତାକି ଆଜା ତାକି କିନି କାମାୟାଁ ସାମା ମାହାପୁରୁତି ପୁଞ୍ଜି ମେରା ଆନି ପାଡେକା ଇଦି ବାରେ ଲଡ଼ାଗାଟାୟି ଆହାମାଚେ ।

୧୨ ସାମା କ୍ରୀସ୍ତ ନୀଏଁ ନେହଁ କାମାଟି କାଜା ପୂଜେରା ସମାନା ଆହାନା ଝାହାମାନେସି, ଇଞ୍ଜା ଏମିନି ତୁମୁ ଇଲୁତା ଏଝାସି ତାନି ସେବା କାମା କିହାମାନେସି, ଈ ଇଲୁ ଦାରୁତିତା ମାନି ତୁମୁ ଇଲୁ କିହାଁ ହାରେକା କାଜାୟି ଅଡେ ନେହାୟି, ଏଦି ମାଣସି କେୟୁତଲେ କେପାଆତି ତୁମୁ ଇଲୁ, ଏଦି ତଞ୍ଜାଆହାମାନି ଦାରୁତି ବିତ୍ରା ହିଲାଆଡେ । ୧୩ କ୍ରୀସ୍ତ ଗରି କି ବାଚା କଡ଼ିତି ନେଡେରି ତଲେ ଆଏ, ସାମା ଜାହାରା ନେଡେରି ତଲେ ରଣ୍ଡିଏ ଦେବା ସୁଦୁ ଟାୟୁତା ହଡ଼ାନା କାଲାକାଲାତାକି ଗେଲପି ଆନାଣି କିହାମାନେସି । ୧୪ ଆମ୍ବାଆରି ପାଣାପାଟୁ ମାନଞ୍ଜି ଆଆନା ପାପୁ କିନେରି, ଏଝାରି ପଲୁଆ ଗାଟାରି ଲାକ ଗରି ଅଡେ ବାଚା କଡ଼ିତି ନେଡେରି ତଞ୍ଜାଆ ହୁଡ଼ିତି ଦାରୁତୁଲେ ଏଝାରି ଆଜାତି ବାରେ ପାପୁ ସୁଦୁ କିହାମାଚେରି, ୧୫ ଇଦି ସାତା ଆହାମାନେ, ଇଚିହଁ କ୍ରୀସ୍ତତି ନେଡେରି ସାତା ଆଏ, କି କାଚେଲଏତି ଜାଝୁତି ସାୟେମି ତଲେ ଏଝାସି ଜାହାରାଇଁ

ମାହାପୁରୁ ନକିତା ର ଦହ ହିଲାଆ ପୂଜାଲେହେଁ ହେଉପିତେସି, ତାନି ନେତେରି ଏତେକା ଗାଡ଼ି ନୀତାମାନି ମାହାପୁରୁଇଁ ସେବା କିହାଲି, ହାଡ଼ି କିନି କାମାଟି ମା ଜାପୁତି ଅଣ୍ଟପୁତି ସୁଦୁ କିନେ !

୧୫ ଇଦାଆଁତାକି କ୍ରୀସ୍ତସ ପୁଣି ରାଜିମାନାତି ମାଦିତାସି ଆହାମାନେସି, ଏନିକି ମୁଲୁତି ରାଜିମାନାତି ପାପୁ ମ୍ଲେକହାଲି ତାକି ହାହାମାନାକି ମାହାପୁରୁ ହାଟାମାନି ଲକ୍ଷୁ କାଲ୍ଲକାଲ୍ଲାତି ଅଦିକାରା ଆହାଲି ଆଞ୍ଜାମାନି ଗେଲ୍ପି ଆନାଣି ବେଟାଆନେରି ।

୧୬ ଇତିହିଁ ରାଜିମାନା କିଞ୍ଚି ଆହାମାଟି ରାଜିମାନା ଆହାମାନି ମାଣ୍ଡସିତି ହାନି ପାରୁମାଣା ଲଡ଼ାମାନେ । ୧୭ ଇଞ୍ଜା ହାଡ଼ିସାରେ ରାଜିମାନା କିହାମାନାସି ବାଡ଼ୁରୁ ଆନେ, ଇତିହିଁ ରାଜିମାନା କିହାମାନାସି ନୀତାମାନି ପାତେକା ଏଦି ଏଚେଲା ଜିକେଏ କାମାତା ଖାଏ । ୧୮ ଏଦାଆଁତାକି ତଲିତି ରାଜିମାନା ଜିକେଏ ନେତେରି ହିଲାଆନା ତୀରି ଆହାହିଲାଆତେ । ୧୯ ତଲିଏ ମସା ମେରାତି ହୁକୁମି ଲକ୍ଷୁତାଣା ଅଡ଼େକହେସି, ତାୟୁ ଏଞ୍ଜାସି କଡ଼ି ଅଡ଼େ ଗରିତି ନେତେରି ଏମୁତଲେ ଆଟହାନା ଏସବ ଜାଡ଼ାତି ଆକା ଖେଡ଼ ନେତେରି ଖାଣାଗାଟି ମେଣ୍ଡା ବାଣାୟା ତଲେ ମେରା ପତି ଅଡ଼େ ବାରେ ଲକ୍ଷୁ ଲାକ ଡ଼ାଞ୍ଜିତେସି । ୨୦ ଏଞ୍ଜାସି ଏଲେଇଚେସି, “ଏମିନି ରାଜିମାନା ମାନୁଞ୍ଚି ଆହାଲି ମାହାପୁରୁ ମିଜେ ହୁକୁମି ହାହାମାଞ୍ଜାନେସି, ଇ ନେତେରି ଏ ରାଜିମାନାତି ତସିମାନେ ।” ୨୧ ଅଡ଼େ ଜିକେଏ ଏଲେକିହିଁ ଏଞ୍ଜାସି ତୁମ୍ଭ ଇଲୁ ଅଡ଼େ ମାହାପୁରୁ ସେବାତାକି ବାରେ ଲଡ଼ାମାନି ଦିଶ୍ଟୁ ଲାକ ଜିକେଏ ନେତେରି ଡ଼ାଞ୍ଜିତେସି । ୨୨ ସାତେଏ ମସାତି ମେରା ତଲେ ବାରେ ନେତେରି ତଲେ ଅଟ୍ଟି କିଞ୍ଚିଆନେ, ଅଡ଼େ ନେତେରି ଖାକହାନା ପାପୁ ମେଣ୍ଡାକେଏ ।

କ୍ରୀସ୍ତତି ହାକିତି ପାପୁ ମେଣ୍ଡାକିନେ

୨୩ ଏଦାଆଁତାକି ଲାକପୁରୁ କେପିତି ବାରେ ଦିଶ୍ଟୁ ପୁଣ୍ଡିକିନିଲେହେଁ ପୂଜା ତଲେ ଅଟ୍ଟି ଆନାୟି ମାତେ; ସାମା ଲାକପୁରୁ କେପିତି ବାରେ ଦିଶ୍ଟୁ ଇ କାଜା ପୂଜା ତଲେ ଅଟ୍ଟନାୟି ମାନେ । ୨୪ ଏନାୟି ମାଣ୍ଡସିୟାଁ କେୟୁତି କେପାଆତାୟି ଇଲେତି ସୁଦୁ ଚାୟୁତା କ୍ରୀସ୍ତ ହାଜାମାନେସି, ଇଦି ସାତା କାତା, ଏଞ୍ଜାସି ଲାକପୁରୁ ହାଜାମାନେସି, ଏମାଆଁ ଏଞ୍ଜାସି ମା ଖାକିତି ନୀଏଁ ମାହାପୁରୁ ନକିତା ମାନେସି । ୨୫ ଜାହୁଦିୟାଁ କାଜା ପୂଜେରାଜା ଏନିକିଁ ବାର୍ଯା ତାକି ବାର୍ଯା ଏଟକା ଲକ୍ଷୁ ତାକି ପୂଜା ହାନି ନେତେରି ଅହାନା ସୁଦୁ ଚାୟୁତା ହଡ଼ନେରି, ଏଲେକିହିଁ ଏ କ୍ରୀସ୍ତ ଅଲେ ଅଲେ ତାଜେ ପୂଜା କିହାଲି ଏଦି ଏମାଆଁ ହାଜାହିଲଅସି । ୨୬ ଆଡ଼ିହିଁ ଦାରୁତି ଗାଡ଼ିଆଡ଼ି ବେଲାଟିଏ ଅଲେ ଅଲେ ତାଜେ ହାହାଲି ଆଡ଼େମା; ସାମା ନୀଏଁ ଏଞ୍ଜାସି ଜୁସୁ ରାନି ବେଲାତା ତାନୁଏ ପୂଜାଲେହେଁ ହେଉପାକତାମାନାକି ପାପୁ ହେକ କିୟାଲି ତଞ୍ଜା ଆହାମାନେସି । ୨୭ ବାରେ ଲକ୍ଷୁତାକି ଏନିକିଁ ରଣ୍ଡିଏ ଦେବା ହାନାୟି, ଅଡ଼େ ଏଦାନି ତାୟୁ ନୀହାୟି ମାନେ । ୨୮ ଏଲେକିହିଁ ଏ କ୍ରୀସ୍ତ ଜିକେଏ ହାରେକା ଲକ୍ଷୁତି ପାପୁ ଡେକା ଅହାଲି ରଣ୍ଡିଏ ଦେବା ପୂଜା ଆହାଲି ହେଉପାକତିତେସି, ଅଡ଼େ ଖେଣ୍ଡେ ପାପୁତି ତାକି ଆଏ, ସାମା ଆମିନି ଗାଟାରି ଏଞ୍ଜାଣାଈଁ କାତାମାନେରି, ଏଞ୍ଜାରାଈଁ ଗେଲ୍ପାଲିତାକି ତଞ୍ଜାଆନେସି ।

୧୦

୧ ଇତିହିଁ ମସାତି ମେରା ଖାହିମାନି ଦିନାତି ନେହିଁ ସାୟୁଁ ଲେହେଁ ଆହାନା ଏ ବାରେତି ଖାଣା ଆଆତାକି ପୂଜେରାଜା ବାର୍ଯା ତାକି ବାର୍ଯା ଏ ରଣ୍ଡିଏ ରଲେତି ପୂଜା କିହିମାନାକି ପ୍ରାତାନା କିନାରାଈଁ ଏଚେଲାଖା ତୀରି କିହାଲି ଆଡ଼ଅରି । ୨ ଏଲେକିହିଁ ମାହାପୁରୁତି ସେବା କିନାରି ସାତେଏ ପାପୁତି ନଟ୍ଟି ଆଡ଼ିହିଁ ମା, ଆଡ଼ିହିଁ ଏଞ୍ଜାରି ଅଡ଼େ ଜାହାରା ପାପୁ ଗାଟାଟମି ଇଞ୍ଜୁଁ ଅଣ୍ଟପାଆଡେରିମା, ଅଡ଼େ ବାରେ ପୂଜା କିନାୟି ତୁଞ୍ଜିତେମା । ୩ ସାମା ଏଲେକିଁ ଆଆନା ବାର୍ଯା ତାକି ବାର୍ଯା ପୂଜା କିହିମାନାକି ମାଣ୍ଡସିଈଁ ତାନି ପାପୁତି ଅଣ୍ଟି କିଞ୍ଚିଆହିମାନେ । ୪ ଇତିହିଁ ବାଟା କଡ଼ିତି ନେତେରି ଆପେ କି ଗରିତି ନେତେରି ଆପେ ଏଦି ଏଚେଲାଖା ମା ପାପୁ ମ୍ଲେକହାଲି ଆଡେଏ ।

୫ କ୍ରୀସ୍ତ ଦାରୁତିତା ଖାହାନା ଏଲେଇଞ୍ଜାମାଚେସି,
“ନାନୁ ପୂଜା ଅଡ଼େ ଦାନା ହାନାଣି ରାହାଁ ଆଆଡ଼ି,
ସାମା ନାନୁ ନାଜେତାକି ର ଆଜା କେପିତି;
୬ ପାପୁତି ମ୍ଲେକହାଲି ନାନୁ ହିଡ଼ତା ହୁଡ଼ିନି ପୂଜା ଅଡ଼େ ଜନ୍ତୁ ଡାକିନାଣି ରାହାଁ ଆଆଡ଼ି ।
୭ ଏତିବେଲା ନାନୁ ଏଲେଇଚେଏଁ, ମାହାପୁରୁ, ନାନୁ ଇମାଆଁ ମାଈଁ,
ନୀ ଅଣ୍ଟପୁତି କାମା କିହାଲି,
ଏନିକିହିଁ ସାସ୍ତେରିତା ନା କାତା ରାସ୍ତି ଆହାମାନେ ।”

ଠି ଏଝାସି ତଲିଏ ଖେସେସି, “ନାନୁ ମାଣସିତି ପାପୁ ମ୍ଲେକହାଲି ପୂଜା କିନାଣି, ଦାନା ଇଞ୍ଜା ଜନ୍ତୁତି ହିରୁତା ହୁତିନାଣି ଅପିହିଲଅତି; ଏ ବାରେ ନିଜେ ରାହାଁ କିୟାଲି ଆଡେଏ ।” ଇ ବାରେ ପୂଜା ମେରାଲେହେ କିଞ୍ଚି ଆହାମାତି ଜିକେଏ, ଏ ଅଡେ ଜିକେଏ ଏଝାସି ଏଲେଇତେସି, “ମାହାପୁରୁ ମେହମ୍, ନାନୁ ନୀ ମନଲେହେ କାମା କିହାଲି ଖାହାମାଲି” ଏଦାଆଁତାକି ମାହାପୁରୁ ଇ ବାରେ ପୂଜା ଅପାଆନା, ଏଦାଣି ପିସାନା କ୍ରାସ୍ତତି ପୂଜା ଅପିତେସି । ୧୦ ଜୀସୁ କ୍ରୀସ୍ତ ରଣ୍ଡିଏ ଦେବା କାଲାକାଲାତାକି ତାନି ଆଙ୍ଗାତି ହେରପାନା ମାହାପୁରୁତି ମନତଲେ କାମା କିହାଲିଏ, ତାନି ଏ ପୂଜାଟି, ମାର ବାରେ ଜାଣାତାୟି ପାପୁଟି ଗେଲ୍ପି ଆହାନା ସୁଦୁ ଗାଟାତାୟି ଆହାମାନାୟି ।

୧୧ ଅଡେ ଜିକେଏ ବାରେ ଜୀହୁଦି ପୂଜେରାଙ୍ଗା ବାରେଦିନା ସେବା କାମା କିହାଲି ଅଲେ ଅଲେ ରଲେଏତି ପୂଜା ହୀହାଲି ନିନେରି; ଇ ବାରେ ଏତେଲା ପାପୁ ମ୍ଲେକହାଲି ଆଡେଏ । ୧୨ ସାମା କ୍ରୀସ୍ତ ପାପୁ ତାକି ରଣ୍ଡିଏ ଦେବା ତାଙ୍ଗେ ପୂଜା ଅହାଲି ହେରପାକତିତି ତାୟି କାଲେଏତାକି ମାହାପୁରୁ ଚିଝିନି ଚଟତା କୁରିତେସି; ୧୩ ମାହାପୁରୁ ତାନି ସାତୁୟାଁଇଁ ଏଝାଣି କତାୟାଁ ତୁଇ ଇଟାଆ ପାତେକା ଏଝାସି ଏମ୍ବାଆଁ କାଟିମାନେସି । ୧୪ ଇତିହଁ ଖାରଇ ରଣ୍ଡିଏ ପୂଜା ହୀତି ତାଣାଟି ଏଝାସି ପାପୁଟି ସୁଦୁ ଆହାମାନି ଲକୁଇଁ କାଲେଏ ତାକି ତାନି କିହାମାନେସି ।

୧୫ ସୁଦୁଜୀସୁ ଜିକେଏ ମାଙ୍ଗେ ସାକି ହୀହାନା ଖେସିମାଞ୍ଜାନେ ।

୧୬ ଇତିହଁ ପ୍ରବୁ ଇ କାତା ଏଲେଇଞ୍ଜି ମାନେସି,

“ଏ ଖାନି ଦିନା ନାନୁ ଏଞ୍ଜାରିତଲେ ଆମିନି ପୁଝିନି ରାଜିମାନା କିଇଁ,

ଏଦି ଇଦି, ନାନୁ ଏଞ୍ଜାରି ହିୟାତା ମସାତି ମେରା ହୀଇଁ,

ଇଞ୍ଜା ଏଞ୍ଜାରି ମନତା ଏ ବାରେ ରାଜିଇଁ ।”

୧୭ ଅଡେ ଏଝାସି ଏଲେଇଞ୍ଜି ମାନେସି, “ନାନୁ ଏଞ୍ଜାରି ପାପୁ ଅଡେ ଲାଗେଏତି କାମାୟାଁ ଏତେଲାଞ୍ଜା ଖେଣ୍ଡେ ଅଣ୍ଡପିଁ ।” ୧୮ ଇଦାଆଁତାକି ବାରେ ପାପୁ ଦହ ମେଣ୍ଡିକିସାରେ ଅଡେ ଏତେଲାଞ୍ଜା ପୂଜା ହୀହାଲି ଲଡ଼ା ଆଏ ।

ମାହାପୁରୁ ତାଗେ ହାନାୟି

୧୯ ଏଦାଆଁତାକି ଏ ତାୟିୟାଁ ଅଡେ ତାଙ୍ଗିସା, ଜୀସୁତି ହାହାମାନାକି ମାର ସୁଦୁ ଗାୟିତା ହଡ଼ାଲି କାଜା ଅଦିକାରା ବେଟା ଆହାମାନାୟି, ୨୦ ଏଝାସି ଲେଟାମାନି ତାନି ଆଙ୍ଗା ଲେହେତି ଚାଟିନି ହିମ୍ବିରି ତଲେ ମାଙ୍ଗେତାକି ର ପୁଝିନି ଇଞ୍ଜା ନୀତିନି ଜିରୁ ଦେଟାମାନେସି । ୨୧ ମାହାପୁରୁ ଇଲୁ ନୀଏଁ ମା କାଜା ପୂଜେରା ତାଣା ମାନେ, ୨୨ ଏଦାଆଁତାକି ଖାଦୁ, ମାର ସୁଦୁ ହିୟାଁ ଅଡେ ଆଡ଼ଞ୍ଜା ନାମୁଟି ମାହାପୁରୁ ନକିତା ହାନ; ଇତିହଁ ମାର ନୀଏଁ ପାପୁ ଅଣ୍ଡପୁଟି ଅଡ଼ଞ୍ଚି ଆହାମାନାୟି ଅଡେ ମା ଆଙ୍ଗା କ୍ରୀସ୍ତତି ନେତେରି ତଲେ ନରଞ୍ଚି ଆହାମାନେ । ୨୩ ମାର ଖେକହାମାନି ଆସା ବାସୁତି ବାଡ଼ୁୟି ତଲେ ଆହନ, ଏନାଆଁତାକି ଇତିହଁ ମାହାପୁରୁ ଆଞ୍ଜାମାନେସି, ଏଝାସି ଟିକାଣାତାସି; ୨୪ ଅଡେ ଜୀସୁ ନଞ୍ଚି ଆହାଲି ଇଞ୍ଜା ନେହଁ କାମା କିଞ୍ଚି କିହାଲିତାକି ରଅତାୟି ରଅଣାଇଁ ସାୟେନି କିହାଲି ମନ ହୀନ, ୨୫ ଅଡେ ଆମ୍ବା ଆମ୍ବାଆରି ମାହାପୁରୁ କୁଲମି ପ୍ରାତାନାତା ରୁଣ୍ଡା ଆହାଲି ହେଲା ଆନେରି, ମାର ଏଲେକଁ କିଆପ; ସାମା ରଅତାୟି ରଅଣାଇଁ ବାସୁ ହୀଞ୍ଚିଆନ, ଏନାଆଁତାକି ଇତିହଁ ପ୍ରବୁ ଖାନି ଦିନା ତାଗେ ଖାହିମାନେ ଇଞ୍ଜାଁ ମେସିମାନାୟି ।

୨୬ ମା ନକିତା ସାତା ତଞ୍ଜା ଆତି ଜେତ ମାର ପୁଞ୍ଚି ପୁଞ୍ଚିହଁ ପାପୁ କିହିମାନାୟି, ଆତିହଁ ଏନି ପୂଜା ପାପୁଟି ଗେଲ୍ପାଲି ଆଡେଏ, ୨୭ ଆତିହଁ ମାର ଖାହିମାନି କାଜା ନୀହାୟି ନକିତା ମାହାପୁରୁଇଁ ଅପାଆଗାତି ଲକୁ ତାକି ମାନି ହିରୁତା ନାସା ଆନାଣି ଆଜାନା ତୁୟିନି ପିସପେ ମାଦି ଅଡେ ଏଡ଼କା ଏନି ତଣ୍ଡି ହିଲେଏ । ୨୮ ଆମ୍ବାଆସି ମସା ମେରାତି ମାନଞ୍ଚି ଆଆସାରେ, ଏଝାସି କାର୍ମା ମେସ୍ପି ଆଆନା ରିଆରି କି ତାନି ଜାଣା ସାକି ତଲେ ଦହଗାଗାସି ଇଞ୍ଜାଁ ପୁଞ୍ଜାନା, ଏଞ୍ଜାଣାଇଁ କାର୍ମା ମେହଆନା ହାନି ତଣ୍ଡି ହୀଞ୍ଚିଆନେ ।

୨୯ ଇଞ୍ଜା ଅଣ୍ଡପାଦୁ ଆମ୍ବାଆସି ମାହାପୁରୁ ମୀରଏଣାଇଁ କଡ଼ା ତୁଇ ଝିସାମାନେସି, ପୁଝିନି ରାଜିମାନାତି ଆମିନି ନେତେରି ତଲେ ଏଝାସି ସୁଦୁ ଆହାମାନେସି, ଏଞ୍ଜାଣାଇଁ ଉଣା ଇଞ୍ଜାଁ ଅଣ୍ଡପାମାନେସି ଅଡେ କାର୍ମା ହାନି ଜୀସୁତି ଅପାହିଲଅସି, ଏଝାସି ଏତେକା ହାରେଏ ତଣ୍ଡି ବେଟାଆସିସି ! ୩୦ ଇତିହଁ ମାର ପୁଞ୍ଜାମାନାୟି, “ବାଦୁଲି ଅନାୟି ନା ଅଦିକାରା, ନାନୁ ତାନି କାମାତି ପାଡେୟି ହୀଇଁ” ଆମ୍ବାଆସି ଇ କାତା ଏଲେଇଞ୍ଜା ମାନେସି, ଏଞ୍ଜାଣାଇଁ ନାନୁ ପୁଞ୍ଜାମାଲି, ଅଡେ ଜିକେଏ “ପ୍ରବୁ ତାନି ଲକୁଇଁ ନୀହାୟି କିନେସି ।” ୩୧ ନୀତାମାନି ମାହାପୁରୁ କେୟୁତା ହେରଞ୍ଚିନାୟି ଏଦି ହାରେକା ଆଜିହପେତାୟି ।

୩୨ ଯାମା ଉଜେଡ଼ି ମେସି ତାୟୁ ଏତିବେଲାତା ମୀରୁ ହାରେକା ଦୁକୁ କସ୍ତୁ ବେଗାଆହାନା ହାରୁଓଁ ଆହାହିଲଅତେରି, ମୀରୁ ଏ ତଲି କାଲାତି ଅଣ୍ଡପାଦୁ; ଯାମା ମୀରୁ ଏରେଲାଖା ହାରୁଓଁ ଆହା ହୀଲଅତେରି । ୩୩ ରକଖାକି ଅପାଆ ଗାଗାତେରି ଅଡ଼େ କସ୍ତୁତା ଲାଜା କିଓଁଆହୁମାରେରି, ଅରୁଖାକି ଏଲେକିହିଁ ଏ ମାହାପୁରୁ ଲେମ୍ବିମାନି ଲକୁତଲେ ଆଣ୍ଡିମାରେରି । ୩୪ ଇତିହିଁ ମୀରୁ କାୟିଦି ଗାଗାରି ତଲେ ଆଣ୍ଡାନା ଦୁକୁ ବେଗା ଆହାମାରେରି, ଅଡ଼େ ମିଜେ ମୀ ହାରେକା ନେହିଁ କାଲେଏତି ବାଡ଼କୁ ମାନେ, ଇଦାଆଁ ପୁଞ୍ଜାନା ରାହୁଁତଲେ ମୀ ଦନ ମାଣ୍ଡାତା ଅନାଣି ମୀରୁ ଅରୁହିମାରେରି । ୩୫ ଇଦାଆଁତାକି ମୀରୁ, ମୀ ଯାସା ପିହିଆଦୁ ଇତିହିଁ ଏମାଟି ହାରେକା ଦାନା ମାନେ । ୩୬ ମାହାପୁରୁତି ଅଣ୍ଡପୁ ପୁରା କିହାନା ଏଞ୍ଜାସି ଆଞ୍ଜାମାନାଣି ବେଗାଆହାଲି ଆଡ଼ିଦେରି, ଏଦାଆଁତାକି ମୀରୁ ଯାସା ଆସାନା ଡ଼ୟାଦୁ । ୩୭ ଇତିହିଁ ଦାମ୍ବୁପତିତା ରାସ୍ତକି ଆହାମାନେ,

“ଇତିହିଁ ହାରେକା ଉଣା ବେଲା ମାନେ,
ଆମ୍ବାଆସି ଖାନାୟି ମାନେ, ଏଞ୍ଜାସି ଖାନେସି;
ଅଡ଼େ ଏଞ୍ଜାସି ଖେଡ଼ା କିଅସି ।

୩୮ ନା ଦାମ୍ବୁତି ମାଣସି ନାମୁତଲେ ନୀତିନାସି,
ଯାମା ଆମ୍ବାଆସି ନା ତାଣାଟି ଗୁଟା ଆନେସି,
ଆତିହିଁ ଏଞ୍ଜାଣି ତାଣା ନା ଜାଞ୍ଜୁ ରାହାଁ ଆଏ ।”

୩୯ ଯାମା ଆମ୍ବାଆରି ନାସା ଆହାଲି ଖେଣ୍ଡେ ଗୁଟା ଆନେରି, ମାମୁ ଧୁଞ୍ଜାରି ଗିତିତି ଲକୁ ଆଏ, ଯାମା ଆମ୍ବାଆରି ଜାଞ୍ଜୁତି ଗେଲ୍ପି ଆହାଲି ନାମିନେରି, ମାମୁ ଧୁଞ୍ଜାରି ଗିତିତି ଲକୁତମି ।

୧୧

ନାମୁ

୧ ନାମୁ ଇତିହିଁ ଆସା କିହିମାନାଣି ବାରେ ସାତେଏ ବେଗାଆନାୟି, ଇଞ୍ଜା ତଞ୍ଜାଆଆଗାଗାୟି ସାତେଏ ମାନେ ଇଞ୍ଜା ପୁନାୟିଏ ନାମୁ । ୨ ତଲିତି ମା ଆକୁୟାଁ ମାହାପୁରୁଇଁ ନାମାଲିଏ ମାହାପୁରୁ ତାଣା ଖେଜିତେରି ।

୩ ମୀରୁ ନାମୁଟି ପୁନାୟି, ବାରେ ଦାରୁତି ମାହାପୁରୁତି ବଲୁ ତଲେ ଗାଡ଼ି ଆଡ଼େ, ଅଡ଼େ ଏନାୟିଖା ତଞ୍ଜା ଆଆଗାଟି ତାଣାଟି ତଞ୍ଜା ଆନାୟି ଗାଡ଼ି ଆହା ହିଲେଏ ।

୪ ନାମୁଟି ହେବଲ ମାହାପୁରୁ ନକିତା କୟିନ କିହାଁ ନେହିଁ ପୁଜା ହେରପିତେସି ଇଞ୍ଜା ଏଦାଣି ତଲେ ଏଞ୍ଜାସି ଦାମ୍ବୁଗାଗାସି ଆଡ଼େସି; ମାହାପୁରୁ ତାନୁଏ ତାନି ଦାନାତାକି ସାକି ହାତେସି, ଅଡ଼େ ଏଞ୍ଜାସି ହାଡ଼ି ଜିକେଏ ନୀଞ୍ଜୁପାତେକା ନାମୁଟି କାତା ଆହିମାନେସି ।

୫ ନାମୁଟି ହନକ ହାଆନା ମାହାପୁରୁ ତାଣା ଅଓଁଆଡ଼େସି ଇଞ୍ଜା ମେଣ୍ଡଜିତେସି; ଅଡ଼େ ଏଞ୍ଜାସି ତଞ୍ଜା ଆଆଡେସି, ଇତିହିଁ ମାହାପୁରୁ ଏଞ୍ଜାଣାଇଁ ଅହାନା ମେଣ୍ଡଜିକିତେସି, ଏଞ୍ଜାସି ମାହାପୁରୁତି ରାହାଁ ଗାଗାସି, ମେଣ୍ଡଜିନି ନଚକଏ ଏଞ୍ଜାସି ଏ କାତା ଖେଞ୍ଜାମାରେସି; ୬ ଅଡ଼େ ନାମୁ ହିଲାଆନା ଆମ୍ବାଆସି ମାହାପୁରୁଇଁ ରାହାଁ କିହାଲି ଆଡ଼ସି, ଇତିହିଁ ମାହାପୁରୁ ସାତେଏ ମାନେସି ଇଞ୍ଜା, ଅଡ଼େ ଏଞ୍ଜାସି ତାଜେ ପାରିନାରାଇଁ ତାନି କିତି କାମାତି ପାଡ଼େୟି ହାନେସି, ଇଦାଆଁ ଏଞ୍ଜାଣି ତାଣା ଖାନି ଲକୁ ନାମିନାୟିମାନେ ।

୭ ନାମୁଟି ନହ ଏ ବେଲା ପାତେକା ତଞ୍ଜା ଆଆଗାଟି କାତାତାକି ହୁକୁମି ବେଗାଆହାନା ଆଜିତଲେ ତାନି କୁଟମି ଗେଲ୍ପାଲିତାକି ର ଲାଜା କେପିତେସି, ଇଞ୍ଜା ଏ ନାମୁତଲେ ଏଞ୍ଜାସି ଦାରୁତିତି ଦହ କିହାନା ନାମୁତଲେ ମାହାପୁରୁ ନକିତା ଦାମ୍ବୁଗାଗାସି ଆଡ଼େସି ।

୮ ନାମୁଟି ଅବ୍ରାହାମ ମାହାପୁରୁ ତାଣାଟି ହାଟୁକି ଆହାଲିଏ, ଆମିନି ଦେସା ଏଞ୍ଜାସି ବେଗାଆହାଲି ହାଜିମାରେସି, କାତା ମାନଓଁ ଆହାନା ଏମ୍ବାଆଁ ହାଜାଲି ହତେସି, ଏଞ୍ଜାସି ଏମ୍ବୟା ହାଜିମାନେସି, ଏଦାଆଁ ଏଞ୍ଜାସି ପୁନାଆନା ଜିକେଏ ହବାହାରେସି । ୯ ନାମୁଟି ଏଞ୍ଜାସି ଏଟୁକା ଦେସାତାରିଲେହେଁ ଆଞ୍ଜାମାନି ଦେସାତା ବାସା କିତେସି, ଏଞ୍ଜାସି ତୁମୁତା ବାସା କିତେସି ଅଡ଼େ ଏଞ୍ଜାଣିଲେହେଁ ମାହାପୁରୁ ଆଞ୍ଜାଲିଏ ଇସାହାକ ଅଡ଼େ ଜାକୁବ ଜିକେଏ ତୁମୁ ଇଲୁତା ବାସା କିତେରି । ୧୦ ଇତିହିଁ ଆମିନି ଗାଡ଼ା କାଲେଏ ତାକି ପୁନାଦି ଲେହେଁ ଅଡ଼େ ମାହାପୁରୁ ତାନୁଏ କେପାମାନେସି, ଅବ୍ରାହାମ ଏ ଗାଡ଼ା ବେଗାଆହାଲି କାଗାମାରେସି ।

୧୧ ନାମୁତଲେ ସାରା ବାଞ୍ଜେଣି ଆହାଁ ତାନୁଏ ଜିକେଏ ଆଞ୍ଜାମାନାଣାଇଁ ଦୁତି ବୁଡ଼ହ ଆହାମାଟି ଜିକେଏ ପୁରାମାସା ଆହାଲି ବାଡ଼ୁୟୁ ବେଗାଆଡ଼େ; ୧୨ ଅବ୍ରାହାମ ଦୁତି ବୁଡ଼ହ ଆହାମାଟି ଜିକେଏ ଏଞ୍ଜାଣି ତାଣାଟି

☆ ୧୧:୩ ୧୧:୩ ଇହ ୧:୩

ହାଗୁଡ଼ି ହୁକାୟାଁ ଅଡ଼େ ସାମ୍ବୁରୁରିତି ବାଠଲି ଲେହେଁ ଏଜିକିହାଲି ଆଡ଼ାଆଗାଟି ର ହାରେକା କୁଡ଼ା ଜାର୍ନୀ ଆଡ଼େରି ।

୧୩ ଏ ବାରେଜାଣା ମାହାପୁରୁଇଁ ନାମାହାଁ ହାଡ଼େରି; ଏଞ୍ଜାରି ମାହାପୁରୁ ଆଞ୍ଜାମାଟାଣି ପୁଞ୍ଜାଆତି ଜିକେଏ ହେକଟି ଏ ବାରେ ମେସାନା ରାହାଁ ଆଡ଼େରି ଇଞ୍ଜା ଦାବୁଡିତା ମାମୁରୁଦେସା ଅଡ଼େ ବାସା କିହାମାନମି ଇଞ୍ଜୁ ଜଲିଡେରି । ୧୪ ଇଚିହୁଁ ଆମିନି ଗାଟାରି ଇଲେକତି କାତା ଜଲିନେରି, ଏଞ୍ଜାରି ତାମି ଅଡ଼େ ର ଦେସା ପାରିମାନେରି ଇଞ୍ଜୁ ଖେସିମାନେରି । ୧୫ ଏଞ୍ଜାରି ଆମିନି ଦେସା ପିସା ଖାହାମାରେରି, ଏ ଦେସାତି ଅଡ଼େ ଅଣପି ହିଲାଆଡେରି । ଏଞ୍ଜାରି ଅଣପିତିହୁଁ ମା ଏ ଦେସାତା ଖେଣ୍ଡେ ହାଜାଲି ଆଡ଼ିଡେରିମା । ୧୬ ସାମା ଏଞ୍ଜାରି ର ହାରେକା ନେହାଁଣି ଇଚିହୁଁ ଲାକପୁରୁ ଦେସାତି ଅଣପିମାନେରି; ଏଦାଆଁତାକି ମାହାପୁରୁଇଁ ଏଞ୍ଜାରି ମା ମାହାପୁରୁ ଇଞ୍ଜୁ ଖେଜି କିହାଲି ଲାଜା ଆହା ହିଲାଆଡେରି, ଇଚିହୁଁ ଏଞ୍ଜାରି ଏଞ୍ଜାରି ତାକି ର ଗାଡ଼ା ତାରି କିହାମାନେସି ।

୧୭ ନାମୁତଲେ ଅଗ୍ରାହାମ ତାୟିପାରି କିଞ୍ଜିଆହାଁ ଇସାହାକଇଁ ପୁଜା କିହାଲି ହେବୁପିଡେସି, ଆମିନି ମାଣସି ଆଞ୍ଜାମାଟାଣି ମେଡ଼ା ଆହାମାରେସି, ଆମ୍ବାଆରାଇଁ ଏଲେଇଞ୍ଜାମାରେସି, ୧୮ “ଇସାହାକ ତାଣାଟି ନୀ କୁଡ଼ା ଖେଜିନେରି, ଏ ମାଣସି ତାନି ରଣ୍ଡିଏ ମୀରୁଏଣାଇଁ ତାକିନି ପୁଜା ହାହାଲି ହାଜିମାରେସି ।” ୧୯ ଇସାହାକଇଁ ମାହାପୁରୁ ହାଡ଼ାରି ତାଣାଟି ଜିକେଏ ନିକହାଲି ଆଡ଼ିମାନେସି ଇଞ୍ଜୁ ଅଣପାମାରେସି, ଇଞ୍ଜା ଅଗ୍ରାହାମ ସାଡେଏ ଇସାହାକଇଁ ହାକିଟି ଖେଣ୍ଡେ ବେଟାଆଡେସି ।

୨୦ ନାମୁତଲେ ଇସାହାକ ଖାହିନି ଦିନାତା ନେହୁଁ ଆପେ ଇଞ୍ଜୁ ଅଣପାନା ଜାକୁବ ଅଡ଼େ ଏସାଞ୍ଜୁଇଁ ବର ହାଡେସି ।

୨୧ ନାମୁତଲେ ଜାକୁବ ହାନ୍ତି ବେଲାତା ଜସେପତି ରୀ ମୀରକାଣି ବର ହାଡେସି, ଇଞ୍ଜା ତାନି କୁଡ଼ା ବାଡ଼ଗାତା ଗେଣ୍ଡାନା ମାହାପୁରୁଇଁ ଜହରା କିଡେସି ।

୨୨ ଜସେପ ହାନ୍ତି ବେଲାତା ନାମୁତଲେ ଇସାୟେଲ ଲକୁ ମିସର ଦେସାଟି ହଡ଼ାହାନି କାତା ଖେସେସି । ଇଞ୍ଜା ତାନି ପେଡ଼କା ତୁମକା ତାକି ହୁକୁମି ହାଡେସି ।

୨୩ ନାମୁତଲେ ମସାତି ତାଲି ତାଞ୍ଜି ଏଞ୍ଜାଣି ଜାର୍ନୀଆଡ଼ି ଦିନାଟିଏ ଏଞ୍ଜାଣାଇଁ ର ଅଜିତି କକାସି ଇଞ୍ଜୁ ମେସାନା ରାଜା ହୁକୁମି ଆଜାଆନା ତାନି ଲେଞ୍ଜୁ ପାଡେକା ଏଞ୍ଜାଣାଇଁ ତୁକୁହାନା ଇଟାମାତୁ ।

୨୪ ମସା ନାମୁତଲେ ପାତାଆଡ଼ି ତାୟୁ ପାର ରାଜା ମାଜାଟି ମୀରୁଏସି ଇଞ୍ଜୁ ଖେଜାଲି କୁଡେସି ।

୨୫ ଗାଡ଼େକା ତାକି ପାପୁ ତଲେ ରାହାଁ ବେଟାଆନାଣି କିହାଁ ମାହାପୁରୁ ଲକୁତଲେ ଦୁକୁ କସୁ ଅରୁହନାୟି ନେହାୟି ଇଞ୍ଜୁ ଅପିଡେସି । ୨୬ ମିସର ବାରେ ଦେସାତି ଦନ କିହାଁ କ୍ରୀସୁତି ନିନ୍ଦା ବେଟାଆନାୟି ବାରେକିହାଁ କାଜା ଦନ ଇଞ୍ଜୁ ଅଣପିଡେସି, ଇଚିହୁଁ ଏଞ୍ଜାସି ଖାନ୍ତି ଦିନାଣା ବେଟାଆନ୍ତି ଦନତି ସିନିକିଡେସି ।

୨୭ ମସା ନାମୁତଲେ ରାଜା କପାତି ଆଜାଆନା ମିସର ଦେସା ପିସାହାରେସି, ଇଞ୍ଜା ଆମ୍ବାଆସି ମେହୁଆଗାଟି ମାହାପୁରୁଇଁ ମେସିଲେହେଁ ଅରୁହାନା ଡ଼ୟିଡେସି । ୨୮ ନାମୁତଲେ ଏଞ୍ଜାସି ପିସପିଆନ୍ତି ପାରୁଡି ଅଡ଼େ ନେଡେରି ଡ଼ାଞ୍ଜିନି ମେରା ମାନଡ଼ି ଆଡ଼େସି, ଏନିକି ପାଣ୍ଡାଞ୍ଜା ମୀରକାଣି ପାୟିନାସି ଇସାୟେଲ ମୀରକାଣି ତାରେଏ ।

୨୯ ଇସାୟେଲ ଲକୁ ନାମୁତଲେ ଖାୟିତି ବୁମିତା ତାକିନି ଲେହେଁ ସୁପ ସାମ୍ବୁରୁରି ଗାଣ୍ଡେଡେରି, ସାମା ମିସର ଦେସାତାରି ଏଲେକିଁ ଗାଣ୍ଡଗାଲି ଅଣପାନା ସାମ୍ବୁରୁରିତା ମୁଞ୍ଜାନା ହାଡ଼େରି ।

୩୦ ଇସାୟେଲ ଲକୁ ନାମୁତଲେ ସାତା ଦିନା ପାଡେକା ଜିରିହ ଗାଡ଼ାତି କଡ଼ା ସାରିସୁଡ଼ୁ ରେଡିତାୟୁ ବିଡ଼ହାହାରେ । ୩୧ ନାମୁତଲେ ରାହାବ ଦାରେଣି ଦେସା ସିନିକିହାଲି ମେଣେଏ ଖାହାମାଟାଗାଇଁ ଟାୟୁ ହାତାକି ମାହାପୁରୁଇଁ ମାନଡ଼ି ଆଆଗାଟାରି ତଲେ ନାସା ଆଆନା ହିଡ଼ି ବେଟାଆଡ଼େ ।

୩୨ ଅଡ଼େ ଆଗାଡ଼ା ଏନାଆଁ ଖେସୁଇଁ, ରିଦିୟନ, ବାରକ, ସାମସନ, ଜିପ୍ରହ, ଦାଞ୍ଜୁଦ, ସାମୁୟେଲ ଅଡ଼େ ମାହାପୁରୁ ଅଣପୁଡ଼ି ବଲୁ ଖେହନାରି କାତା ମିଜେ ଖେସାଲି ବେଲା ହାଲେଏ । ୩୩ ନାମୁତଲେ ଏଞ୍ଜାରି ହାରେକା ରାଜିୟାଣି ଜୁଜୁ କିହାନା ଜୀଣା ଆଡେରି, ଦାମ୍ବୁକାମା କିଡେରି, ମାହାପୁରୁ ଆଞ୍ଜାମାନାଣି ବେଟାଆଡେରି, ସିହୁ କୁଞ୍ଜନିୟାଁ ଗୁଡ଼ି ମୁଦା କିଡେରି । ୩୪ ଏଞ୍ଜାରି ଆଜିହପେଡି ଡ଼ାଞ୍ଜିନି ହିକୁ ତୁପହେରି, ଟୁଣିନି ତାଣାଟି ପିସପିଆଡ଼େରି, ଏଞ୍ଜାରି ବାଡ଼ୁୟୁ ହିଲାଆ ବେଲାତା ବାଡ଼ୁୟୁ ବେଟାଆଡ଼େରି, ଜୁଜୁତା ଜୀଣା ଆଡେରି, ଅଡ଼େ ମାହାପୁରୁଇଁ ନାମାଆତାରି ଜୁଜୁକିନି କସକାଣି ଜୀଣାଆହାନା ପେରହାଡ଼ୁସେରି । ୩୫ ନାମୁଡ଼ି ଆୟାସିକା ତାମି ଲକୁ ବିଡ଼ାଟି ହାଡ଼ାଗାଇଁ ନିପକି ଆହାନା ଖେଣ୍ଡେ ବେଟାଆଡ଼ୁ; ଏତରଜାଣା ଖେଣ୍ଡେ ନିଜିନାଣି ମେଡ଼ା ଆହାଲିତାକି ଗେଲ୍ପି ଆହାଲି ମନ କିଆନା ଆଜିହପେଡି କସୁ ବେଟାଆଡ଼େରି ।

୩୭ ଏଚର ଜାଣାଇଁ ନିନ୍ଦା କିହାନା କାକହେରି, ଏଚର ଜାଣାଇଁ ସାବୁଣି ତୁରି ତଲେ ଖେତେରି, ଏଚର ଜାଣାଇଁ ହିକ୍‌ଣିୟାଁ ତଲେ ଦସାନା କାୟିଦି ଇଲୁ ତାଣାଟି ତାୟିପାରି କିଞ୍ଚି ଆଡେଚରି । ୩୮ ଆମ୍ବାଆରି ଖାଲକାତଲେ ପାୟୁଞ୍ଚି ଆଡେଚରି, ଆମ୍ବାଆରି କରୁତ ତଲେ ରୀ ଗାଣ୍ଡା । କିହଁ ରାଡ଼ପିଆଡେଚରି, ଇଞ୍ଜାଁ କାଣ୍ଡାତଲେ ପାୟୁଞ୍ଚି ଆଡେଚରି, ଆମ୍ବା ଆମ୍ବାଆରି ମେଣ୍ଡା ଅଡେ ଗରି ତଲୁକା, ହୁତାନା ରାନ୍ଦାକୁତା ବେଟାଆଆନା କସ୍ତ, ଲାଗି ବେଟାଆହଁ ଇତାଲା ଆତାଲା ରେତେରି । ୩୯ ଏଞ୍ଜାରି ଦେସାଟି ଲକୁ ହିଲାଆ ତାଣା, ହରୁକାଣା, ପାଞ୍ଜୁୟାଣା ଅଡେ ଗାଣ୍ଡାଣା ବାସା କିତେରି; ଦାରୁତିତି ଏଞ୍ଜାରାକି ନୀତାଲି ଜଗେ ହିଲାଆତେ ।

୩୯ ଏଞ୍ଜାରି ନାମୁତଲେ ଈ ବାରେ ନେହଁ ଖେଙ୍ଗାମାଟି ଜିକେଏ ଆଞ୍ଜାମାଚାଣି ବେଟାଆଆତେରି, ୪୦ ଇଚିହଁ ମାହାପୁରୁ ମାଜେତାକି ହାରେକା ନେହଁଣି କିହଁ ଇଟାମାନେସି, ଏନିକଁ ଏଞ୍ଜାରି ମା ତଲେ ଏନିକଁ ତାରି ଆନେରି ଇଞ୍ଜାଁ ମାହାପୁରୁତି ଅଣପୁ ମାଚେ ।

୧୨

ମାହାପୁରୁ ମା ଆବା

୧ ଇଦାଆଁତାକି ଇଚେକା କାଜା ହାଗୁଲେହେଁ ସାକି ହାହାମାନାରି ମା ସାରିସୁରୁ ମାନାକି, ଖାଦୁ ମାର ବାରେତି ବକୁ ଅଡେ ଆଙ୍ଗାମାଞ୍ଜାନି ପାପୁ ପିସାନା ନାମୁତା ନକିନାସି ଅଡେ ତାରିକିନି ଜାସୁଇଁ ସିନକିହାନା ସାସାତଲେ ମା ନକିତା ତାରିଆହାମାନି ଚାୟୁତା ହଣ୍ଡନ । ୨ ମା ନାମୁ ତାକି ନକିନାସି ଅଡେ ନାମୁତା ବାସୁକିନି ଜାସୁଇଁ ମାର ସିନକିନ । ଏଞ୍ଜାସି ନକିତା ମାନି ରାହଁ ବେଟାଆହାଲି ପାସି ମୁଣ୍ଡାତା ଲାଜା ବେଟାଆହାନା ହାଦି ପାତେକା ଅରୁହିତେସି ଇଞ୍ଜାଁ ଏଞ୍ଜାସି ନାସି ମାହାପୁରୁ ସିଂଗାସାଣି ଚିଠି ଚଟତା କୁଗାମାନେସି ।

୩ ମୀରୁ ଏନିକଁ ମୀ ମନତା ଖାହୁ ଖାହୁଅତେରି; ଇଦାଆଁତାକି ପାପୁ ଗାଟାରି ତାଣାଟି ତାନି କପାଟି ଏଚେକା କସ୍ତ ଅରୁହିତେସି, ଏଞ୍ଜାଣି କାତା ମୀରୁ ଅଣପାଦୁ । ୪ ମୀରୁ ପାପୁ କପାଟି ଜୁକୁ କିହାନା ନାସି ପାତେକା ମୀ ନେତେରି ହୀନି ପାତେକା ଆଙ୍ଗା ହିଲଅତେରି । ୫ ମାହାପୁରୁ ମିଜେ ମୀରକାତେରି ଲେହେଁ ଖେସାମାଞ୍ଜାନି, ସାସାହାନି କାତା ବାଣାଆଡେଚରି କି ?

“ଏ ନା ମୀରଏଣାଟି, ପ୍ରବୁ ସାଲୁଞ୍ଚି କିୟାନାଣି ଉଜେଏତାୟି ଇଞ୍ଜାଁ ଇନାଆନି,

ଆଆତଁ ଏଞ୍ଜାଣି ତାଣାଟି ଦାକା ବେଟାଆଡ଼ିସାରେ ସାସା ପିହଆନି;

୬ ଏନାଆଁତାକି ଇଚିହଁ ପ୍ରବୁ ଆମ୍ବାଆରାଇଁ ଜାସୁ ନନେସି,

ଏଞ୍ଜାଣାଇଁ ଜାଗ୍ରାତା କିହଁ ଜାପୁନେସି ଅଡେ ଆନିନି ମୀରଏଣାଇଁ ଆବିନେସି, ଏଞ୍ଜାଣାଇଁ ସାସି ହୀନେସି

୭ ନେହଁତେରି ଆହାଲି କସ୍ତ ଅରୁହି ମାଖେରି, ମାହାପୁରୁ ମିଜେ ମୀରକା ଲେହେଁ ଲେମ୍ବିମାଞ୍ଜାନେସି, ଇଚିହଁ ଆବା ଆମ୍ବାଆରାଇଁ ତଣ୍ଡ ହୀଅସି ଇଲେତି ମୀରଏସି ଆମ୍ବାଆସି ମାନେସି ? ୮ ସାମା ଆନିନି ତଣ୍ଡତା ବାରେ ଆଣ୍ଡିନେରି, ଇଞ୍ଜାଁ ମୀରୁ ଏମ୍ବାଆଁ ଆଣ୍ଡାଆତାତେରି, ଆଡିହଁ ମୀରୁ ମୀରକା ଆଆନା ଦାରେଣି ମୀରକା ଆଡେଚି । ୯ ଅଡେ ଜିକେଏ, ମା ଦାରୁତିତି ତାଞ୍ଜିୟାଁ ମାଜେ ସାସି ହାୟାତି ଜିକେଏ ଏଞ୍ଜାରାଇଁ ମାର ମାନି କିତାୟି, ଆଡିହଁ ମା ଲାକପୁରୁତି ଆବାଇଁ ଏତେ ହାରେକା ମାନଞ୍ଚି ଆହାନା ଜାସୁ ବେଟା ଆଆୟି ? ୧୦ ମା ଦାରୁତିତି ତାଞ୍ଜିୟାଁ ତାନି ଅଣପୁତା ନେହଁ ଆନିଲେହେଁ ମାଜେ ଗାଡେକା ଦିନାତାକି ସାସି ହିୟାତେରି; ସାମା ମାର ଏନିକଁ ମାହାପୁରୁତି ସୁଦୁତା ଆଣ୍ଡାଲି ଆଡିନାୟି, ଇଦାଆଁତାକି ମାହାପୁରୁ ମା ନେହଁ ତାକି ମାଜେ ତଣ୍ଡ ହିୟାନେସି । ୧୧ ମାରୁ ସାସି ବେଟାଆନ୍ଦାୟି ରାହଁଗାଟାୟି ଆଆନା ଦୁକୁ ଗାଟାୟି ଆନେ, ଆଡିଜିକେଏ ଆନିନି ଗାଟାରି ଏମ୍ବାଟି ଜାପାମାନେରି, ତାୟୁ ଏଞ୍ଜାରାକି ହିଡ଼ଡ଼ିତି ପାଡେୟି ଲେହେଁ ଦାମୁତି ପାଡେୟି ବେଟାଆନେରି ।

ଖେହ୍‌ନାୟି ଇଞ୍ଜାଁ ଜାଗ୍ରାତା କିନାୟି

୧୨ ଇଦାଆଁତାକି ମୀରୁ ବାଡ଼ୁୟୁ ହିଲାଆ କେସା ପେର୍ଡୁ ଅଡେ ବାଡ଼ୁୟୁ ହିଲାଆ ମେଣ୍ଡାୟାଁ ବାଡ଼ୁୟୁ କିଦୁ ।

୧୩ ସଲକେ ଜିରୁତା ତାକାଦୁ; ଆଡିହଁ, ମୀ ସଟା ଆଡ଼ି କତା ଆଡାଆଗାଟାୟି ଆଆନା ନେହଁ ଆନେ ।

୧୪ ବାରେଜାଣା ତଲେ ହିଡ଼ଡ଼ି ତଲେ ମାଞ୍ଜାଲି ଅଣପାଦୁ, ଅଡେ ସୁଦୁଗାଟାସି ଆଆନା ଆମ୍ବାଆସି ପ୍ରବୁଇଁ ମେସାଲି ଆଡ଼ଅସି, ଏମ୍ବାଆଁ ତୀରେତଲେ ସିନକିଦୁ । ୧୫ ଏଡେତା ଆମ୍ବାଆସି ମାହାପୁରୁତି କାର୍ମାମେହ୍‌ନି ତାଣାଟି ନସ୍ତ ଆନେସି ଇଞ୍ଜାଁ ଏନି କାମେଲି ତାକି ନେୟାଁନା ପାତା ଆହଁ ମିଜେ ନସ୍ତ କିୟାନେ ଅଡେ ଏମ୍ବାଟି ହାରେକା ପଲ୍ଲଆ ଗାଟାରି ଆନେରି; ୧୬ ଏସାସୁ ଲେହେଁ ଆମ୍ବାଆସି ବାରିଗାଟାସି କି ଦାମୁଁ ହିଲାଆଗାଟାଣି

ଲେହେଁ ଆଆପେସି; ଏଝାସି ର ଅଲିତି ରାନ୍ଦା ତାକି ତାନି କାଜା ମୀରୁଏଣି ପାଣା ପାରୁଟା ମାଚେସି । ୧୭ ମୀରୁ ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଝାସି ଆବା ତାଣାଟି ବର ବେଟାଆହାଲି ଅଣପିତିହୁଁ ଜିକେଏ ବେଟାଆହାଲି ଆଡାଆଡେସି, ଅଡେ ମନ ଖେଟହାଲି ତାକି କାଣ୍ଡୁ ବକହିହୁଁ ପାରାଲି ଅଣପିତିହେସି ଆଡ଼ିଜିକେଏ ଏଦାଆଁ କିହାଲି ପାରୁ ବେଟାଆଆଡେସି ।

୧୮ ଇସ୍ତାୟେଲତି ଲକ୍ଷୁ ଲେହେଁ ମୀରୁ ସିୟନ ହରୁତା ଡ଼ାଞ୍ଜିମାଟି ହିରୁ, କିଟିକିଟି ଆନ୍ଦେରି, ରୁଝାଗାଲି, ୧୯ ତାଡ଼ି ଉକିନି ହାଡ଼ା ଇଞ୍ଜା କାତା ଖେହନି ହାଡ଼ା ତାଗେ ଖାଆଡେ, ଖେନାରି ଏ ହାଡ଼ା ଖେଞ୍ଜାନା ଏନିକି ଏଝାରାକି ଅଡେ ଏନି କାତା ଖେସପି ଆଏ, ଇଦାଆଁ ବାତିମାଲ୍ଲା ମାଚେରି; ୨୦ “ଇତିହୁଁ ଏନି ଜଡ଼ ଜିକେଏ ଏ ହରୁତି ଡ଼ାଗିନେ, ଆତିହୁଁ ଏଦାନି ଖାଲକାତଲେ ଇରହାନା ପାୟିଝିଆନେ ।” ଇ ଆମିନି ହୁକୁମି ହାପକି ଆହାମାଚେ, ଏଦାଆଁ ଏଝାରି ଅରହାଲି ଆଡାଆଡେରି; ୨୧ ଏଡ଼ି ଆଜିହପେ ତଞ୍ଜା ଆହିମାଚାକି ମସା ଜିକେଏ ଏଲେଇଚେସି, “ନାନୁ ଜିକେଏ ଆଜିତାକି ତୀରୁଗିମାଲ୍ ।”

୨୨ ସାମା ମୀରୁ ସିୟନ ହରୁ ଅଡେ ନୀତାମାନି ମାହାପୁରୁତି ଗାଡ଼ା, ଇତିହୁଁ ଲାକପୁରୁତି ଜିରୁସାଲମତା, ହାରେକା ଦୁଡୁୟାଁ ଖାହାମାଚେରି ଏମ୍ବାଆଁ ଖାହାମାଞ୍ଜେରି । ୨୩ ଅଡେ ଏ ପାଣ୍ଡା ମୀରୁକାତି କୁଲମି ଆମ୍ବାଆରି ଦରୁ ଲାକପୁରୁ ରାସ୍ତିକି ଆହାମାନେ ଅଡେ ବାରେତି ନୀହାଁୟି କିନି ମାହାପୁରୁ ନକିତା ତୀରିକିଝି ଆହାମାନି ଦାମୁତି ଜାଞ୍ଜୁୟାଁ । ୨୪ ପୁଞ୍ଜି ରାଜିମାନା ମାଦିତି ଜାସୁ, ଇଞ୍ଜା ଆମିନି ତାଞ୍ଜାମାନି ତାନି ନେଡେରି, ହେବଲ ନେଡେରି କିହାଁ ହାରେକା ନେହୁଁ, ଏ ନେଡେରି ତାଗେ ଖାହାମାଞ୍ଜେରି ।

୨୫ ହେଶୁ ଆମ୍ବାଆସି କାତା ଖେସିମାଞ୍ଜାନେସି ଏଦାଆଁ ଖେନଅମି ଇନାଆଦୁ, ଇତିହୁଁ ଆମ୍ବାଆସି ଦାରୁଡିତା ହୁକୁମି ହାଚେସି, ଏଝାଣାଇଁ ତାକି ଗେଲପି ଆଆଡେରି, ଆତିହୁଁ ଆମ୍ବାଆସି ଲାକପୁରୁତି ହୁକୁମି ହାହିମାଞ୍ଜାନେସି, ଏଝାଣି ତାଣାଟି ଏଟକା ହାଟିସାରେ ମାର ଗେଲପିଆଆସି, ଇଦି ଏଚେକା ସାତା ଆଏ ?

୨୬ ଏତିବେଲା ଏଝାଣି ହାଡ଼ା ଦାରୁତିଇଁ ଖୀଟହେ, ସାମା ନୀଏଁ ଏଝାସି ପାରୁମାଣା କିହାଁ ଖେସାମାଞ୍ଜାନେସି, “ନାନୁ ଅଡେ ଖେଶେ ଖୀରଇ ଦାରୁତିଇଁ ଖୀଟଇଁ, ଏଡ଼ି ଆଏ ସାମା ହାଗୁ ପାକାଇଁ ଜିକେଏ ଖୀଟଇଁ ।”

୨୭ ଅଡେ ଖେଶେ ଇଞ୍ଜୁଁ ଇନି ତାଣାଟି ଇଦାଆଁ ପୁଞ୍ଜିମାନାୟି, ଆଟଝା ଗାଟାୟି ଡ଼ୟାଲି ତାକି ଖାତିନାୟି, ଇତିହୁଁ ଗାଡ଼ି ଆହାମାନାୟି ବାରେ ତିରି ମାଣନେ ।

୨୮ ଇଦାଆଁତାକି ଖାଦୁ ଖାତାଆଗାଟି ରାଜିତି ବେଟାଆହାଲି ମାର ଏ କାର୍ମାଟି ପିହୁଆପ ଇଞ୍ଜା ରାହାଁତଲେ ଆଜି ଅଡେ ମାନିତି ମାହାପୁରୁ ରାହାଁ ଆନିଲେହେଁ ଜହରା କିନି । ୨୯ ଏନାଆଁତାକି ଇତିହୁଁ ମା ମାହାପୁରୁ ନାସାକିନି ହିରୁ ଲେହେଁତାସି ।

୧୩

ମାହାପୁରୁଇଁ ରାହାଁ କିନାୟି

୧ କ୍ରୀସ୍ତାନା ତାୟିୟାଁ ଅଡେ ତାଜିମ୍ବା ରଅଡେରି ରଅଣାଇଁ ଜୀଝୁ ନଝୁ । ୨ ପୁନାଆତି ଗତାୟାଁଣି ସେବା କିହାଲି ବାଣା ଆଆଦୁ, ଇତିହୁଁ ଏଲେକିତାକି ଏଚରଜାଣା ପୁନାଆନା ଲାକପୁରୁତି ଦୁଡୁୟାଁଣି ସେବା କିହାମାନେରି । ୩ କାୟିଦିତା ମାନାରାଇଁ ମୀରୁ ଏଝାରିତଲେ କାୟିଦିତା ମାନି ଲେହେଁ ଅଣପାଦୁ ଇଞ୍ଜା ଆଞ୍ଜା ତଲେ ମାନାକି ଦୁକୁ କସ୍ତ ବେଟାଆହିମାନାରି ତଲେ ସମାନା ଦୁକୁ କସ୍ତ ବେଟାଆହାଲି ଅଣପାଦୁ ।

୪ ବାହା ବାରେ ଲକ୍ଷୁ ନକିତା ନେହାୟି ଆପେ, ଇଞ୍ଜା ତକ୍ତି ଅଡେ ତକ୍ତା ମାନି ତଲେ ଡ଼ୟାପୁ, ଏନାଆଁତାକି ଇତିହୁଁ ମାହାପୁରୁ ଲାଗେଏତି କାମା ଅଡେ ଦାରିକାମା କିନାରାଇଁ ନୀହାଁୟି କିନେସି ।

୫ ତାକିନି ତାକୁତା ଦନ ଜୁପକା ଆଆଦୁ, ମିଙ୍ଗେ ଏନାୟି ମାନ୍ଦେ, ଏମ୍ବାଆଁ ରାହାଁତଲେ ମାଞ୍ଜୁ, ଇତିହୁଁ ମାହାପୁରୁ ଏଲେଇଞ୍ଜା ମାନେସି, “ନାନୁ ନିଙ୍ଗେ ଏଚେଲାଝା ପିସ୍ତାୟି, ନାନୁ ନିଙ୍ଗେ ଏଚେଲାଝା ବାଣାଆୟିଆଁ ।” ୬ ଇଦାଆଁତାକି ମାର ସାସାତଲେ ଏଲେଇଞ୍ଜାଲି ଆଡ଼ିନାୟି,

“ପୁରୁ ନା ସାୟେମି ଆନାସି,
ନାନୁ ଇଚାଣି ଆଜଅଁ,

ମାଣସି ନାଙ୍ଗେ ଏନାଆଁ କିହାଲି ଆଡାନେସି ?”

୭ ଆମିନି ଗାଟାରି ମିଙ୍ଗେ ମାହାପୁରୁତି ବଲ୍ଲୁ ଖେସାମାଞ୍ଜାତେରି, ମୀରୁ ଏଲେତି କାଜାରାଇଁ ମାନି କିପୁ; ଏଝାରି ଏନିକି ନୀତାମାଚେରି ଇଞ୍ଜା ହାଡେରି, ଏଦାଆଁ ଅଣପାନା ଏଝାରି ନାମିତି ଲେହେଁ ମୀରୁ ଜିକେଏ ନାମାଦୁ । ୮ ଜାସୁ କ୍ରୀସ୍ତ ରେଝଏନି, ନୀଞ୍ଜୁ ଅଡେ କାଲେଏ ତାକି ସମାନା ଡ଼ୟିନେସି । ୯ ଏଟକା ଅଡେ ଅରୁ ରଲେତି ଜାପୁନି ତାଣା କିଲିବିଲି ଆଆଦୁ, ଇତିହୁଁ ତିନି ରାନ୍ଦାତା ଆଏ, ସାମା ମାହାପୁରୁ କାର୍ମାଟି ହିୟାଁ

ଗାରି ଆନାୟି ନେହେଁ; ଆମିନି ଗାଗାରି ତିନି ରାନ୍ଦାତି ମେରା ମାନୁଞ୍ଜି ଆନେରି, ଏଞ୍ଜାରାକି ଏନି ଲାବା ଆଏ ।

୧୦ ମା, ଇଲେତି ର ପୁଜାପିଣ୍ଡା ମାନେ, ଆମିନି ପୁଜା ପିଣ୍ଡାତି ଦିଶସୁଇଁ ତୁମ୍ଭ ଇଲୁତା ସେବାକିନି ପୁଜେରାଜା ତିଞ୍ଜାଲି ଅଦିକାରା ହିଲେଏ । ୧୧ ଇତିହେଁ ଜାହୁଦିୟାତି କାଜା ପୁଜେରା ପାପୁ ତାକି ହେରପାମାନି ଜନ୍ତୁତି ନେତେରି ସୁଦୁ ଗାୟୁତା ଅନେସି; ସାମା ଏ ଜନ୍ତୁତି ଆଜା ବାରେ ସାମାଣ୍ଡା ପାଜାତା ତାଗାହାଁ ହୁଡ଼ଞ୍ଜିଆନେ । ୧୨ ଇଦାଆଁତାକି ଜାସୁ ଜିକେଏ ତାନି ନେତେରି ତଲେ ଏନିକେଁ ଲକୁଣି ସୁଦୁ କିନେସି, ଇଦାଆଁତାକି ଗାଡ଼ା ପାଜାତା ହାଡ଼େସି । ୧୩ ଇଦାଆଁତାକି ଖାଦୁ, ମାରୁ ଜିକେଏ ଏଞ୍ଜାଣିଲେହେଁ ନିନ୍ଦା ଅରହାନା ଗାଡ଼ା ପାଜାତା ଏଞ୍ଜାଣି ତାଣା ହାନ । ୧୪ ଏନାଆଁତାକି ଇତିହେଁ ଇମ୍ପାଆଁ ବାରେ ଦିନାତାକି ମାଜେ ତୁୟିନି ଗାଡ଼ା ହିଲେଏ, ସାମା ମାରୁ ତାୟୁ ଖାହିମାନି ଗାଡ଼ାତି ବେଗାଆହାଲି ପାରିମାନାୟି । ୧୫ ଇଦାଆଁତାକି ଖାଦୁ, ମାରୁ ଜାସୁ ତାଣାତି ମାହାପୁରୁଇଁ ଜହରାତି ପୁଜା କିନ, ଇତିହେଁ ତାନି ଦରୁ ଜଲିମାନି ଗୁତିତି ବାରେଦିନା ହେରପିନ । ୧୬ ଏବକା ତାରାଇଁ ସାୟେମି କିହାଲି ବାଣା ଆଆଦୁ, ଇତିହେଁ ଇଲେତି ପୁଜା କାମାତା ମାହାପୁରୁ ରାହାଁ ଆନେସି ।

୧୭ ମା କାଜାରାଇଁ ମାନୁଞ୍ଜି ଆହାନା ଏଞ୍ଜାରାଇଁ ମାନି କିଦୁ, ଇତିହେଁ ଆମିନି ଗାଗାରି ମାହାପୁରୁକି ଲେକା ହାନାୟି ମାନେ, ଏଞ୍ଜାରିଲେହେଁ ଏଞ୍ଜାରି ମୀ ଜାସୁତି କାଡ଼ିମାନେରି, ଏନିକେଁ ଏଞ୍ଜାରି ଏଦାଆଁ ଦୁକୁ ତଲେ କିଆନା ରାହାଁତଲେ କିହାଲି ଆଡ଼ିନେରି; ଦୁକୁ ତଲେ କିତିସାରେ ମିଜେ ଏନି ଲାବା ହିଲେଏ ।

୧୮ ମାଜେତାକି ପ୍ରାତାନା କିଦୁ, ଇତିହେଁ ମା ନାମୁ ମାନେ, ମା ଅଣପୁ ନେହାୟି ଆପେ, ଅଡ଼େ ବାରେ କାମାତା ନେହେଁ ମାଣକି ଆହାଲି ମାମୁ ଅଣପିମାନମି । ୧୯ ଅଡ଼େ ନାନୁ ମୀ ତାଣା ଏନିକେଁ ତବେ ଖାୟାଲି ଆଡ଼ିଇଁ, ଏଦାଆଁତାକି ମାହାପୁରୁ ତାଣା ପ୍ରାତାନା କିହାଲି ନାନୁ ମିଜେ ହାରେକା ବାଡ଼ିମାଲିମାଞ୍ଜାଇଁ ।

ରାନ୍ତି ପ୍ରାତାନା

୨୦ ଆମିନି ହିଡ଼ଡ଼ି ହିୟାନି ମାହାପୁରୁ କାଲାକାଲା ତୁୟିନି ରାଜିମାନାତି ନେତେରି ତାକି, କାଜା ମେଣ୍ଡା ଗଡ଼ୁ ଇତିହେଁ ମା ପ୍ରବୁ ଜାସୁଇଁ ହାଡ଼ାରି ତାଣାତି ନୀବହା ମାନେସି; ୨୧ ଏଞ୍ଜାଣି ନକିତା ଏନାୟି ନେହାୟି, ଏଦାଆଁ ଏଞ୍ଜାସି ମା ହିୟାତା ଜାସୁ କ୍ରୀସ୍ତ ତାଣାତି ରାପୁହାନା ତାନି ମନଲେହେଁ କିହାଲି ମିଜେ ବାରେ ନେହେଁ କାମା କିୟାପେସି । ଏଞ୍ଜାଣାକି କାଲାକାଲାତି ଗାଧୁରମି ଆପେ ! ଆମେନ୍ ।

ଆକୃତି ରାନ୍ତି କାତା

୨୨ ଏ ତାୟି ତାଜିସ୍ତା, ନାନୁ ମିଜେ ବାଡ଼ିମାଲିମାଞ୍ଜାଇଁ, ଇ ଜାଗ୍ରାତା କିଞ୍ଜିକିନି କାତା ସାସା ଇଟାନା ମନ ହାଦୁ, ଇଞ୍ଜା ନାନୁ ରାହାଁ କିହାଲି ଇ ଉଣା ଆକୁ ମିଜେ ରାଟାମାଇଁ । ୨୩ ମା, ତାୟି ତିମତି କାୟିଦିତି ତବେ ପିସପି ଆହାମାନେସି ଇଞ୍ଜେଁ ପୁଞ୍ଜେରି, ଏଞ୍ଜାସି ତବେ ଖାଡ଼ିସାରେ ଏଞ୍ଜାଣିତଲେ ନାନୁ ମୀ ତାଣା ବେଟିଖାହାଲି ଖାଇଁ ।

୨୪ ମା ବାରେ କାଜାରାଇଁ ଅଡ଼େ ମାହାପୁରୁ ଲକୁଇଁ ଜହରା ଖେହୁଦୁ । ଏମିନି ତାୟିୟାଁ ଇଟାଲି ଦେସାତି ଖାହାମାନେରି, ଏଞ୍ଜାରି ମିଜେ ଜହରା ଖେସିମାଞ୍ଜାନେରି ।

୨୫ ମାହାପୁରୁତି କାର୍ମାମେହନାୟି ବାରେତେରି ମିଜେତାକି ଆୟାପେ ।

ଯାକୁବଙ୍କ ପତ୍ନୀ ଜାକୁବ ରାଜାମାନି ଆକୁ ମୂଲୁ ହାଡ଼ା

ଇ ଜାକୁବ ପତିତ ଜାକୁବ ଇନାସି ରାଜାମାନେସି । ଏଝାସି ଜୀସୁ କ୍ରୀସ୍ତ ତାୟି ଆହାମାଣ୍ମିନେସି, ଏମ୍ବାଆସିକି କୁଲମିତି ସାଲୁଝି କିନାସି ଅଡ଼େ ଜିରୁସାଲମତା ବେରଣି କିନାସି ମାଚେସି କାମା ୧୫:୧୩ । ପାଞ୍ଜୁଲ ଗାଲା ୨:୯ ଜାକୁବଇଁ କୁଲମିତି “ତୁଡ଼ିୟା ମୁଣ୍ଡା” ଇଞ୍ଜାମାନେସି । ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ବାସୀ ତାୟୁ ଇ ଜାକୁବ ପତି ରାସ୍ତକି ଆହାମାଚେ ଇଞ୍ଜି ବୁଦିଗାଟାରି ଏଲେ ଇଞ୍ଜିମାନେରି । ଜାକୁବ ଜିରୁସାଲମତି କୁଲମି ସାଲୁଝି କିନାସି ମାଚିବେଲାତା ଇ ପତିଇ ରାଜାମାନେସି ।

ଜାକୁବ ତାନି ପତିତା “ଇତାଲା ଆତାଲା ଦେସାଣା ରାଞ୍ଜାଣା ବିଚାଣା ଆହାମାନି ବାର ଗଟା କୁଲୁ ଲକୁ” କାତା ରାଜାମାନେସି ୧:୧ । ଜାକୁବ ଝେହ୍ନି କାତା ବାରେ କ୍ରୀସ୍ତାନା ଲକୁକି ଲଡ଼ାମାନେ ସାମା “ବାର ଗଟା କୁଲୁ ଲକୁ” ଇତିସାରେ ଜୀହୁଦି କ୍ରୀସ୍ତାନା ଲକୁ । ଏନାଆଁତାକି ଇଚିହ୍ନି ଇ ପତି ପଡ଼ଝିଆନି ବାରେ ଲକୁତାକି ହାରେକା କାତା ଏପହାଲି ତାକି ରାସ୍ତକି ଆହାମାନେ । ଜାକୁବ ନାମୁ ଅଡ଼େ କାମାତି କାତା ଝେସାମାନେସି । କାମାତା ସାତା ନାମୁ ତଞ୍ଜାଆନେ ୨:୧୭ । ଏଝାସି ବାଡ଼କୁ ଗାଟି ଲକୁତି ପାରଡ଼ା ବାଟି କିନାଣି ୨:୧-୪ ଅଡ଼େ ମାର ଏନାଆଁ ଡ଼ଲିନାୟି ଜାଡ଼ନୁ ତଲେ ଜଲଲି ଝେସାମାନେସି ୩:୧-୧୨

ପତିତା ମାନାୟି

- ୧. ଜାକୁବ ତାନି ପତି ପଡ଼ଝି ଆନାରାଇଁ ଜହରା କିନାୟି । ୧:୧
- ୨. କ୍ରୀସ୍ତାନା ଲକୁଣି କସ୍ତ ବେଲାତା ସୁସ୍ତି ତଲେ ମାଞ୍ଜାଲି ଝେହ୍ନାୟି । ୧:୨-୨୭
- ୩. କାମା ତଲେ ନାମୁତି ତହ୍ନାୟି ମାନେ । ୨:୧-୨୭
- ୪. ଜଲିନି ବଲୁୟାତି ବାଡ଼ୟୁ । ୩:୧-୧୨
- ୫. ମାହାପୁରୁତି ବୁଦି ବାରତତି ବୁଦି କିହାଁ ହାରେକା ପାରଡ଼ା ମାନେ । ୩:୧୩-୪:୧୦
- ୬. ବଡ଼ପଣ ଆନି କାତା । ୪:୧୧-୫:୬
- ୭. ଜାକୁବ ରାନି ବେଲାତା ନେହେତାକି ଜାପିନି କାତା ରାଚିନାୟି । ୫:୭-୨୦

୧ *ନାମୁ ଜାକୁବ, ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତତି ହଲେଏସି, ଦାର୍ତତିତା ଇତାଲା ଆତାଲା ଆହାମାନି ମାହାପୁରୁ ଲକୁଇଁ ଜହରା ।

ନାମୁତି ତାୟିପାରି କିନାୟି

୨ ଏ ନା ତାୟିୟାଁ ଅଡ଼େ ତାଜିସ୍ତା, ମୀରୁ ଏଚିବେଲା ତାୟିପାରି କିନି ତାଣା ତାୟିପାରି କିଞ୍ଜିଆଦେରି, ଏଚିବେଲା ଏଦି ହାରେକା ରାହାଁତି କାତା ଇଞ୍ଜି ଅଣ୍ଡାପାଦୁ; ୩ ତାୟିପାରି କିନାଣି ଜୀଣା ଆନି ନାମୁ ଏଦି ଅରୁହାଲି ହାୟାନେ, ଇଦାଆଁ ପୁଞ୍ଜାମାଞ୍ଜେରି । ୪ ଅଡ଼େ, ମୀରୁ ଏନିକିଁ ଏନି ଗୁଣୁତା ଉଣା ଆଆନା ନେହ୍ନି ତାରି ଅଡ଼େ ସୁଦୁ ଗାଟାଚେରି ଆପୁ, ଏଦାଆଁତାକି ଅରୁହିନାୟି ହାରେପୁରେ କାମା କିନେ ।

୫ ସାମା ମୀ ବିତ୍ତା ଆମ୍ବାଆରାକି ବୁଦି ଉଣା ମାଚିସାରି, ଆମିନି ମାହାପୁରୁ ଦହ ଆହୁଆନା ବାରେତାକି ହାରେପୁରେ କେୟୁ ଦେଚାନା ଦାନା କିନେସି, ଏଞ୍ଜାଣି ତାଣା ପ୍ରାତାନା କିପାସି, ଏମ୍ବାଟିଏ ଏଞ୍ଜାଣାକି ହାପୁକିଆନେ । ୬ ସାମା ଏଞ୍ଜାସି ଇଚାଣି ଆନାମାନା ଆଆନା ନାମୁତଲେ ପ୍ରାତାନା କିପାସି, ଇଚିହ୍ନି ଆମ୍ବାଆସି ଆନାମାଆ ଆନେସି, ଏଞ୍ଜାସି ଗାଲି ତଲେ ଇତାଲା ଆତାଲା ଆହିମାନି ସାମ୍ବୁରିତି ତାରି ଆଆଗାଟି ଏୟୁ ଉଣା ଲେହେତାସି । ୭ ଏଲେତି ଲକୁ ପ୍ରବୁ ତାଣାଟି ଏନାଆଁ ବେଟାଆଇଁ ଇଞ୍ଜି ଆସା କିଆପେସି; ୮ ଏଞ୍ଜାସି ରୀ ମଡ଼ ଗାଟାସି, ଇଞ୍ଜା ତାନି ବାରେ କାମାତା ତାରି ଆଆଗାଟାସି ।

ବାଡ଼କୁ ଗାଟାସି ଅଡ଼େ ବାଡ଼କୁ ହିଲାଆଗାଟାସି

୯ ବାଡ଼କୁ ହିଲାଆଗାଟି ତାୟି ତାନି କାଜାପାଣା ତାକି ରାହାଁ କିପାସି, ୧୦ ବାଡ଼କୁ ଗାଟାସି ତାନି ଉଣା ଆହିମାନାଣି ତାକି ବଡ଼ପଣ କିପେସି, ଏନାଆଁତାକି ଇଚିହ୍ନି ବାଡ଼କୁ ଗାଟାସି ଜାଡ଼ାତି ପୁୟୁବଣ୍ଡା ଲେହେଁ ତୁଲା ହାନେସି । ୧୧ ଏନିକିଁ ଝେଡ଼ା ଲାଈ ହତାସାରେ ଜାଡ଼ା ଏନିକିଁ ଝାୟାହାନେ ଅଡ଼େ ଏଦାନି ପୂଞ୍ଜା

* ୧:୧ ୧:୧ ମାତି ୧୩:୫୫; ମାର୍କି ୭:୩; କାମା ୧୫:୧୩; ଗାଲା ୧:୧୯

ହୁଲିନ୍ନ ଇଞ୍ଜା ତାନି ଅଜୁତି ଖାଣା ମେଣ୍ଟାହାନେ, ଏଲେକିହି ଏ ବାଦକୁ ଗାଗାସି ଜିକେଏ ତାନି ବାରେ କାମାତା ଖାଡ଼ିନେସି ।

ତାୟିପାରି ଅଡ଼େ ଜୁପକା ତହୁନାୟି

^{୧୭} ଆମିନି ଗାଗାସି ତାୟିପାରି କିନାଣି ଅରୁହନେସି ଏଞ୍ଜାଣାକି ନେହେଁ, ଇଚିହିଁ ମାହାପୁରୁ ତାନୁ ଜୀଞ୍ଜୁ ନନି ଲକ୍ଷ୍ମୀ ଆମିନି ଜୀଞ୍ଜୁଗାଟି ଚପେରି ହାହାଲି ଆଞ୍ଜାମାନେସି, ତାୟିପାରି କିତାଣି ଜୀଣାଆଡ଼ି ଜେଚ ଏ ଲକ୍ଷ୍ମୀ ଏ ଆଞ୍ଜାମାନି ଚପେରି ବେଟା ଆନେସି । ^{୧୮} ଆମ୍ବାଆସି ତାୟିପାରି କିଞ୍ଜି ଆଡ଼ିସାରେ, “ନା ଇ ତାୟିପାରି କିଞ୍ଜି ଆନାୟି ମାହାପୁରୁ ତାଣାଟି ଆହିମାନେ” ଇଞ୍ଜିହିଁ ଇନାଆପେସି, ଇଚିହିଁ ମାହାପୁରୁ ଲାଗେଏତି ପାନ୍ଦାଟି ତାୟିପାରି କିଞ୍ଜି ଆଅସି, ଅଡ଼େ ଏଞ୍ଜାସି ତାନୁଏ ଆମ୍ବାଆରାଇଁ ତାୟିପାରି କିଅସି । ^{୧୯} ସାମା ମାଣସି ତାନି ଲାଗେଏତି କାମା ତଲେ ଜୁପକା ଅଡ଼େ ନାଡ଼ିକିଞ୍ଜି ଆହାନା ତାୟିପାରି କିଞ୍ଜିଆନେସି; ^{୨୦} ଅଡ଼େ ତାୟି ଲାଗେଏତି କାମା ପୁରାମାସା ଆହାନା ପାପୁତି ଜାନ କିନେ, ଇଞ୍ଜା ପାପୁ ଗାଡ଼ି ପାତାଆହାନା ହାକିତି ଜାନ କିନେ ।

^{୨୧} ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ତା, ମୀରୁ ନାଡ଼ି ଆଆଦୁ । ^{୨୨} ବାରେ ନେହିଁ ଦାନା ଅଡ଼େ ବାରେ ତାରିତି ବର ଲାକଟି; ଇଚିହିଁ ଉଜେଡ଼ି ଗାଡ଼ିକିତି ଆବା ତାଣାଟି ଖାନେ, ଆମ୍ବାଆରି ତାଣା ଏନି ବାଦଲି ଆନାୟି କି ଇଗାୟି ଖାୟି କିହାନା ଆନେରି ଆନାୟି ହିଲେଏ । ^{୨୩} ମୀରୁ ଏନିକିଁ ତାନି ଗାଡ଼ି ଆଡ଼ି ତାଣାଟି ରଲେଏତି ର ମୁଲୁତି ପାଡ଼େୟି ଲେହେଁ ଆନାୟି, ଏଦାଆଁତାକି ଏଞ୍ଜାସି ତାନି ଅଣ୍ଡୁ ତଲେ ସାତା ବଲୁ ତଲେ ମାଜେ ଗାଡ଼ି କିୟାଡେସି ।

ଝେନାୟି ଅଡ଼େ କାମା କିନାୟି

^{୨୪} ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ତା, ମୀରୁ ଇଦାଆଁ ପୁଞ୍ଜାମାଞ୍ଜେରି, ମୀରୁ ବାରେତେରି ଝେଞ୍ଜାଲି ଜାଗାତା ଆଦୁ, ଇଞ୍ଜା ଝେସାଲି ଦାଗା ଆଆଦୁ ଅଡ଼େ ଦେବୁଣିଏ କପା ଆଆଦୁ, ^{୨୫} ଇଚିହିଁ ମାଣସିତି କପା ମାହାପୁରୁତି ନକିତା ଦାମୁଁ କିହାଲି ଆଡେଏ । ^{୨୬} ଏଦାଆଁତାକି, ମୀରୁ ବାରେ ପଲୁଆ ଗାଗାଣି ଅଡ଼େ ବାରେ ଲାଗେଏତି ପିସାଡୁହଦୁ, ଆମିନି ମାହାପୁରୁ ହିୟାତି ବଲୁ, ମୀ ଜୀଞ୍ଜୁତି ଗେଲ୍‌ପାଲିତାକି ଆଡ଼ିନେ, ଏଦାଆଁ ସୁଦୁଗାଟି ଅଣ୍ଡୁ ତଲେ ଆହୁଦୁ ।

^{୨୭} ସାମା ମୀରୁ ଏଞ୍ଜାଣି ବଲୁ ଝେନାତେରି ଆହାଁ ଜାହାରାଇଁ ନାଡ଼ି କିହାକତାଆନା, ବଲୁତି କାମା କିନାତେରି ଆଦୁ । ^{୨୮} ଇଚିହିଁ ଆମିନିଗାଗାସି ବଲୁତି କାମା କିନି ଲକ୍ଷ୍ମୀ ଆଆନା ଖାରୁଇ ଝେନି ଲକ୍ଷ୍ମୀ ଆନେସି, ଆଡିହିଁ ଏଞ୍ଜାସି ଦାପେଣିତା ତାନୁଏ ତାନି ମୁମୁଁସିନିକିହା କଡ଼ିମାନି ମାଣସି ଲେହେଁତାସି, ^{୨୯} ଏଡ଼େତା ଏଞ୍ଜାସି ତାଜେ ସିନିକିତି ଜେଚ ହାଜାନା, ଏଞ୍ଜାସି ଏମ୍ବାଟି ହଡ଼ା ହାଟି ତାୟି ଏନିଲେହେଁତି ମାଣସି ଦେବୁଣିଏ ବାଣାଆନେସି । ^{୩୦} ସାମା ଆମ୍ବାଆସି ତୀରୁପୁ ଇଚିହିଁ ଗେଲ୍‌ପାଲି ଆଡ଼ିନି ନେହିଁ ମେରାତି ସିନିକିହାନା ମେରାତି କାମା କିନେସି, ଅଡ଼େ ଆଜିତାକି ଝେନି ଲକ୍ଷ୍ମୀ ଆଆନା କାମାକିନାସି ଆନେସି, ଏଞ୍ଜାସି ତାନି କାମାତା ନେହାଁସି ।

^{୩୧} ଇଚିହିଁ ଆମ୍ବାଆସି ଜାହାରାଇଁ ତୀରି ଗାଗାତେଏଁ ଇଞ୍ଜାଁ ଅଣ୍ଡାପା କଡ଼ିନେସି, ଇଞ୍ଜାଁ ତାନି ଝେନାରିତି ଲକ୍ଷ୍ମୀଆନା ତାନୁ ତାନି ହିୟାଁତି ନାଡ଼ି କିନେସି, ଇଚିହିଁ ତାନି ଦାମୁଁକାମା କିନାୟି ଉଜେଏତାୟି । ^{୩୨} ତାଲି ତାଞ୍ଜି ହିଲାଆ କକାରି ପଦାଁଣି ଅଡ଼େ ରାଗେଣି ଇୟାସିକାଣି ତାନି ଦୁକୁ କାକୁଲି ବେଲାତା ସାୟେନି କିନାୟି ଅଡ଼େ ଦାରୁତିତା ମାନି ବାରେ ଲାଗେଏତି କାମାଟି ଗେଲ୍‌ପା କଡ଼ିନାୟି, ଇଦି ମା ମାହାପୁରୁ ଅଡ଼େ ଆବା ନକିତା ନେହାୟି ଅଡ଼େ ସୁଦୁ ଦାମୁଁତି କାମା ।

୨

ପାରଡ଼ା ବାଟି କିନାୟି

^୧ ଏ ନା ତାୟିୟାଁ ଅଡ଼େ ତାଜିସ୍ତା, ମା ଗାଞ୍ଜୁରମିଗାଟି ପ୍ରବୁ ଜୀସୁ କ୍ରୀସ୍ତ ତାଣା ନାମା ମାନାତେରି ମାଣସିୟାଁତି ମୁମୁଁପସାନା ଲେମ୍ବାଆଦୁ । ^୨ ଇଚିହିଁ ରଅସି ବାଗାଗା ମୁଦି ଅଡ଼େ ଦାରାଗାଟି ନେହିଁ ଅଜିତି ହିମ୍ବୁରି ହୁଚାନା କୁଚମି କୁଡ଼ା ଆହାମାନି ତାଣା ଖାନେସି, ଅଡ଼େ ର ହିଲାଆଗାଗାସି ଗେଞ୍ଜାମାନି ମାହିଁତି ହିମ୍ବୁରି ହୁଚାନା ଖାନେସି, ^୩ ଅଡ଼େ, ମୀରୁ ଦାରାଗାଟି ଅଜିତି ହିମ୍ବୁରି ହୁଚିତି ଲକ୍ଷ୍ମୀ ମାନି କିହାଁ ଏଲେଇଞ୍ଜେରି, “ଇମ୍ବାଆଁ ନେହିଁ ଟାୟୁତା କୁଗାମୁ,” ଅଡ଼େ ହିଲାଆଗାଗାଣାଇଁ ଏଲେଇଞ୍ଜେରି “ଏମ୍ବାଆଁ ନିତାମାନାମୁ, ଆଆଡ଼େଁ ନା କତାୟାଁ ତୁଇକା କୁଗାମୁ,” ^୪ ଆଆଡ଼େଁ ମୀରୁ ମୀ ବିତ୍ତା କାଜା ଲକ୍ଷ୍ମୀ ଉଣା ଲକ୍ଷ୍ମୀ ପାରଡ଼ା ବାଟି କିଞ୍ଜି ଆହାଁ ଏଡ଼କା ଏଡ଼କା କିହାଁ ଲାଗେଏତି ନିହାଁୟି କିହମାଞ୍ଜେରି ।

୫ ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ତା, ୱେଷ୍ଟୁ, ମାହାପୁରୁ ଈ ଦାବ୍‌ତିତା ବାଡ଼କୁ ହିଲାଆଗାଟାରାଇଁ ତାମି ନାମୁତା ଦନ ଗାଟାରି ଆହାଲି, ଅଡ଼େ ତାନି ଜୀଞ୍ଜୁନହୁଁ ମାନାରାଇଁ ଆମିନି ରାଜି ହାହାଲି ଆଖ୍ଟାମାନେସି, ଏମ୍ବାତି ଅଦିକାରା କିହାଲି ଆଡ଼ା ହିଲଅସି ? ୬ ସାମା ମୀରୁ କାକୁଲି ଗାଟାରାଇଁ ଅପିହିଲଅଡେରି । ବାଡ଼କୁ ଗାଟାରି ମୀ ମୁହେଁ ରାଜି କିୟଅରି କି ? ଅଡ଼େ ମିଜେ ନାହାଁୟି ପାଖାମା ରେଜା ଅୟଅରି କି ? ୭ ଆମିନି କାଜା ଦରୁତଲେ ୱେଜ୍ଟା ମାଞ୍ଜେରି, ଏନାଆଁ ଏଞ୍ଜାରି ଏ ଦରୁତି ନିନ୍ଦା କିଅରି ।

୮ ମୀରୁ ମୀ ପାଡ଼ିତି ଲକୁଣି ମୀ ଜୀଞ୍ଜୁତି ଜୀଞ୍ଜୁ ନନ୍ତି ଲେହେଁ ଜୀଞ୍ଜୁନଦୁ, ସାଫ୍ଟେରିତା ରାସ୍ତିକି ଆହାମାନି ମାହାପୁରୁ ରାଜିତି ଫେରା ସାଡେଏ ମାନଞ୍ଜି ଆଡେରି, ଆତିହୁଁ ମୀରୁ ନେହୁଁ କିହିମାଞ୍ଜେରି, ୯ ସାମା ଲକୁ ମୁମୁଡ଼ି ମେସାନା ଲେମ୍ବିମାଞ୍ଜେରି, ଆତିହୁଁ ମୀରୁ ପାପୁ କିହିମାଞ୍ଜେରି, ଅଡ଼େ ଏ ଫେରା ତଲେ ଦହ ଗାଟାଡେରି ଇଞ୍ଜୁଁ ତଞ୍ଜା ଆହିମାଞ୍ଜେରି । ୧୦ ଆମ୍ବାଆସି ବାରେ ମସାତି ଫେରା ମାନଞ୍ଜି ଆହାଁ ରଣ୍ଡିଏ ଫେରାତି ଉରିନେସି, ଇତିହୁଁ ଏଞ୍ଜାସି ବାରେ ଫେରାତି ଦହ ତଲେ ତଣ୍ଡ ବେଟା ଆନେସି । ୧୧ ଆମିନି ମାହାପୁରୁ ଦାରିକାମା କିଆଦୁ ଇଞ୍ଜୁଁ ୱେସା ମାଟାସି, ଏଞ୍ଜାସି ଲକୁଣି ପାୟାଆଦୁ ଇଞ୍ଜୁଁ ଜିକେଏ ୱେସାଲପେସି, ମୀରୁ ଦାରିକାମା କିଆନା ଲକୁଣି ପାୟିଦେରି ଇତିହୁଁ ଫେରାତି ଉରିନାଡେରି ଆଡେରି । ୧୨ ଗେଲପିଆଡ଼ି ମସାତି ଫେରାତି ମୀରୁ ନାହାଁୟି କିଞ୍ଜିଆଡେରି, ଇଦାଆଁ ପୁଞ୍ଜାନା ଏଲେତି କାତା ଜଲ୍ଲୀଦୁ ଇଞ୍ଜାଁ କାମା କିଦୁ । ୧୩ ଇତିହୁଁ ଆମ୍ବାଆସି କାର୍ମା ମେହଅସି ମାହାପୁରୁ ଏଞ୍ଜାଣାଇଁ କାର୍ମା ମେହଆନା ନାହାଁୟି କିନେସି, ସାମା କାର୍ମାମେହନାୟି ନାହାଁୟିତା ଜାଣା ଆନେସି ।

ନାମୁ ଅଡ଼େ କାମା

୧୪ ଏ ନା ତାୟିୟାଁ ଅଡ଼େ ତାଜିସ୍ତା, ଆମ୍ବାଆସି ନାଜେ ନାମୁ ମାନେ ଇଞ୍ଜୁଁ ଇନେସି, ସାମା ଏଞ୍ଜାଣି କାମା ହିଲେଏ, ଆତ ଏଡି ଏଡି ଲାବା ? ଇଲେତି ନାମୁ ଆମ୍ବାଆରାଇଁ ଗେଲ୍‌ପାଲି ଆଡିନେ କି ? ୧୫ ଏତିବେଲ୍ଲାର ଡାୟି କି ତାଜିନାକି ହୁଗାଲି ହିମ୍ବୁରି କି ତଞ୍ଜାଲି ରାନ୍ଦା ହିଲାଆତିହୁଁ, ୧୬ ଇଞ୍ଜାଁ ମୀ ବିଭ୍ରାତି ଆମ୍ବାଆଡେରି ତାନି ଆଜାତି ଲଡ଼ାମାନାଣି ହାଆନା, “ମାହାପୁରୁ ନିଜେ ବର ହିୟାପେସି, ବାଣ୍ଡି ପାଞ୍ଜାହାଁ ହିଡ଼ିତି ନେହୁଁ କି ହାଲାମୁ” ଇଞ୍ଜୁଁ ଇତିହୁଁ ଏଡି ଏଡି ଲାବା ? ୧୭ ଏଲେକିହୁଁଏ, କାମା ହିଲାଆସାରେ ନାମୁ ହାଡାୟି ।

୧୮ ସାମା ଆମ୍ବାଆସି ଏଲେଇନେସି, “ରଅଣି ନାମୁ ମାନେ ଅଡ଼େ ରଅଣି କାମା ମାନେ;” କାମା ହିଲାଆନା ନୀ ନାମୁ ତସ୍ତାମୁ, ଅଡ଼େ ନାମୁ କାମା ତଲେ ନା ନାମୁତି ତସ୍ତାଇଁ । ୧୯ ମାହାପୁରୁ ରଅସିଏ, ଇଦାଆଁ ମୀରୁ ନାମିମାଞ୍ଜେରି; ଏଡି ନେହୁଁ କାତା, ବୁଡୁୟାଁ ଜିକେଏ ନାମାହାଁ ଆଜିତାକି ତୀରୁଗିମାନ୍ତୁ । ୨୦ ସାମା ଏ ବୁଡି ହିଲାଆଗାଟାଡେରି, କାମା ହିଲାଆନା ନାମୁ ଉଜେଏତାୟି, ଇଦାଆଁ ପୁଞ୍ଜି ହିଲଅଡେରି ? ୨୧ ମା ଆକୁ ଅବ୍ରାହାମ, ପୂଜାପିଣ୍ଡା ଲାକ ତାନି ମୀରୁଏଣା ଇସାହାକଇଁ ପୂଜା କିହିମାଟାଟି କାମା ତଲେ ଦାର୍ମୁଗାଟାସି ଇଞ୍ଜୁଁ ୱେଜ୍ଟା ହିଲାଆଡେସି ? ୨୨ ମୀରୁ ମେସିମାଞ୍ଜେରି, ଅବ୍ରାହାମତି ନାମୁ ତାନି କାମାତା ତଞ୍ଜାଆଡେ, ଅଡ଼େ କାମା ତଲେ ନାମୁ ପୁରାଆଡେ; ୨୩ ଏଡେଟିଏ ସାଫ୍ଟେରିତି ଈ ବଲ୍ଲୁ ସାତା ଆଡେ, ଅବ୍ରାହାମ ମାହାପୁରୁ ତାଣା ନାମିଡେସି, ଅଡ଼େ ତାଜେତାକି ଏଡି ଦାର୍ମୁଗାଟାସି ଇଞ୍ଜୁଁ ୱେଜ୍ଟିଡେସି, ଇଞ୍ଜାଁ ଏଞ୍ଜାସି ମାହାପୁରୁତି ତଣ୍ଡେସି ଇଞ୍ଜୁଁ ୱେଜ୍ଟିଡେସି । ୨୪ ଇତିହୁଁ ମାଣ୍ଡିସି ୱାବୁଇ ନାମୁତି ଆଏ, ସାମା ତାନି କାମାଟି ଦାର୍ମୁଗାଟାସି ଆନେସି ଇଞ୍ଜୁଁ ମୀରୁ ପୁଞ୍ଜିମାଞ୍ଜେରି ।

୨୫ ଏଲେକିହୁଁଏ ଦାରେଣି ରାହାଏ ଦାର୍ମୁଗାଟାୟି ଇଞ୍ଜୁଁ ୱେଜ୍ଟାମାଡେ, ଏଡି ପୀରୁ ପାରାଲି ଫେଣେଏ ୱାହାମାରାଇଁ ତାନି ଇଜ ଅହାନା ଇତିଡେ ଇଞ୍ଜାଁ ଏଡକା ଜିରୁଟି ପାଣ୍ଡାଲି ସାୟେମି କିହାମାଡେ ।

୨୬ ଇତିହୁଁ ଜୀଞ୍ଜୁ ହିଲାଆସାରେ ଆଜା ହାଡି ମାଡ଼ହା, ଏଲେକିହୁଁଏ କାମା ହିଲାଆସାରେ ନାମୁ ଜିକେଏ ହାଡାୟି ।

୩

ଞ୍ଜେନ୍‌ରିତି ଲକ୍‌ନାୟି

୧ ଏ ନା ତାୟିୟାଁ ଅଡ଼େ ତାଜିସ୍ତା, ମୀରୁ ହାରେକା ଜାପୁନାଡେରି ଆଆଦୁ; ଜାପୁନାତାୟି ମୀର, ମୀରୁ ଅର ଲକୁ କିହାଁ ହାରେକା ତଣ୍ଡ ପାଣ୍ଡନାୟି ଇଦାଆଁ ପୁଞ୍ଜାମାଞ୍ଜୁ । ୨ ଇତିହୁଁ ମୀର ଏଡି ଏଡି କାମାତା ପୁଟି କିହିମାନାୟି, ସାମା ଆମ୍ବାଆସି ମାହାପୁରୁ ବଲ୍ଲୁତା ପିଟଞ୍ଜି ଆଅସି, ଆତିହୁଁ ଏଞ୍ଜାସି ନେହୁଁ ମାଣ୍ଡିସି, ଅଡ଼େ ଏଞ୍ଜାସି ତାନି ବାରେ ଆଜାତି ତାନୁଏ ଲକ୍‌ହାଲି ଆଡ଼ିମାନେସି । ୩ ମୀର ଗଡ଼ାୟାଁଣି ଲକ୍‌ହାଲି ତାକି ତାମି ଗୁଡିତା ବାକେରି କାଟିକିହିମାନାୟି, ଅଡ଼େ ଏଦାନିତଲେ ମୀର ତାମି ବାରେ ଆଜାତି ୱେଡ଼ହ ମାନାୟି । ୪ ଏୟୁ ଜାଜାତି କାତା ଜିକେଏ ଅଣ୍ଡାପାଦୁ, ଏଡି ଏଡେକା କାଜାୟି ଅଡ଼େ କାଜା ଗାଲି ତଲେ ତାକିତୁଁ

ଜିକେଏ, ଜାଜାତି ତାମୁଖାକି ମାନି ର ଉଣା ମାରା ତଲେ ତାକିନେ, ଏ ମାରା ଆହୁନାସି ଆମ୍ବିୟାଖାକି ମନ କିନେସି ଏନିକା ହାନେ । ୫ ଏଲେକିହୁଏ ଏ ଖେନ୍ଦରି ଜିକେଏ ଆଜାତି ର ଉଣା ବାଗା ଆତିହୁ ଜିକେଏ, ଏଡି କାଜା ବଡପଣତି କାତା ଜଲ୍ଲାଲି ଆଡିନେ । ମେହୁଦୁ ର ଉଣା ହିଚୁ ପୁୟା ତଲେ ଏତେ କାଜା ଜାଡା ଖେହାହାନେ । ୬ ଖେନ୍ଦରି ଜିକେଏ ହିଚୁ ଲେହେତାୟି; ଏଡି ମା ଆଜା ବିତ୍ତା ବାରେ ଲାଗେଏ ପଲେଏ ତାଣାଟି ସାଲ୍ଲୁଖି ଆହିମାନେ, ଏଡି ବାରେ ଆଜାତି ଲାଗେଏ କିନେ, ଅଡେ ତାନୁ ନକଟି ହଡିମାନି ହିଚୁତଲେ ଡାଞ୍ଜାନା ଗାଡି ଆହାମାନି ଦାର୍ତତି ହୁଡିନେ । ୭ ଇଞ୍ଜା ବାରେ ଲେହେତି ଜଡୁ ଜିଖେଡି, ପଟା କାଡି, ବାଣିତଲେ ତାକିନାଜ, ଅଡେ ଏୟୁତି ଜଡୁ, ମାଣସି ଏ ବାରେ ଜଡୁୟାଣି ଲକହାଲି ଆଡିମାନେସି । ୮ ସାମା ଖେନ୍ଦରିତି ଆମ୍ବାଆସି ଲକହାନା ସାପି କିହାଲି ଆଡଅସି, ଏଡି ପଲ୍ଲୁଆ ଗାଗାୟି ଇଞ୍ଜା ଲଜାଆ ଗାଗାୟି, ଅଡେ ଏଡିଏମ୍ବାଆଁ ହାନିମାନି ବୀସା ମାନେ । ୯ ଖେନ୍ଦରି ତଲେ ପ୍ରୁ ଆବାଇଁ ଜହରା କିହିମାନାୟି, ଇଞ୍ଜା ଏ ଖେନ୍ଦରି ତଲେ ମାହାପୁରୁ ଲେହେଁ ଗାଡି ଆଡି ମାଣସିଇଁ ବାକା ଇଡି ମାନାୟି; ୧୦ ଏ ରଣ୍ଡି ଗୁଡିତି ଜହରା କିନାୟି ଅଡେ ବାକା ହାନି କାତା ହଡିମାନେ ଏ ନା ତାୟିୟାଁ ଅଡେ ତାଜିୟାଁ ଏଲେଆନାୟି ନେହେଁ ଆଏ । ୧୧ ର ଜାରଣାଟି ଡାକନି ଅଡେ କାମେଲି ଏୟୁ ହନୁ କି ? ୧୨ ଏ ନା ତାୟିୟାଁ ଅଡେ ତାଜିୟାଁ, ତୟା ମାରୁନୁତା ଜାତ ପାଡେଡି ଅଡେ ଅଜୁରି ମାଡାତା ତୟା ପାଡେଡି ଆୟାଲି ଆଡିନେ କି ? ଏଲେକିହୁଏ ଏ ହାରୁ ତାରଣା ଡାକନି ଏୟୁହାହାଲି ଆଡେଏ ।

ମାହାପୁରୁ ତାଣାଟି ଖାନି ବୁଦି

୧୩ ମୀ ବିତ୍ତା ବୁଦିଗାଗାସି ଅଡେ ତେଲ୍ଲହନାସି ଆମ୍ବାଆସି ମାନେସି ? ଏଝାସି ବୁଦିଗାଗାସି ଲେହେଁ ଉଣା ଆହାନା ଇଞ୍ଜା ସୁଦୁଗାଗାସି ଆହାନା ତାନି ନେହୁଁ ମାଣକି ତଲେ କାମା ତସୁପେସି । ୧୪ ସାମା ମୀ ହିୟାତା ଗାଡି ତାହାରା, କପା ଅଡେ ଖାରଇ ଜାହାରାତାକି ଅଣ୍ଡିନାୟି ମାନେ, ଆତିହୁଁ ସାତାତି କପାଟି ବଡପଣ ଆଆଦୁ ଅଡେ ମିତି ଜଲ୍ଲାଆଦୁ । ୧୫ ଇଲେତି ବୁଦି ମାହାପୁରୁ ତାଣାଟି ଖାଏ, ଏଡି ଇ ଦାର୍ତତିତାୟି, ମାଣସିତି ଅଣ୍ଡପୁ ଗାଗାୟି ଅଡେ ଲାଗେଏ ପଲେଏତି ବୁଡୁୟାଁ ଖାୟି । ୧୬ ଇତିହୁଁ ଆମିନି ତାଣା ତାହାରା ଅଡେ ଜାହାରାତାକି ଅଣ୍ଡିନାୟି ମାନେ, ଏ ଟାୟୁତା ବାରେଲେହେତି ଲାଗେଏତି କାମା ମାନେ । ୧୭ ସାମା ଲାକଟି ଖାନି ବୁଦି, ତଲିଏ ସୁଦୁଗାଗାୟି, ତାୟୁ ହିଡଡି ଜାଝୁଗାଗାୟି ଅଡେ ସୁଦୁ ସୁଞ୍ଜାଲା, ମାନୁଖି ଆନାୟି, କାର୍ମାମେହନାୟି ଅଡେ ନେହୁଁ ପାଡେଡିକା ତଲେ ନେଞ୍ଜାମାନାୟି, ଆନାମାନା ଆଆଗାଗାୟି ଅଡେ କୁଟୁ ହିଲ୍ଲାଆଗାଗାୟି । ୧୮ ଅଡେ ହିଡଡି ହାନି ଲକୁ ତାଣାଟି ହିଡଡିତି ବିଚା ମାବୁଝିଆନେ, ଦାର୍ମୁଗାଟି ପାଡେଡିୟି ଦାପି ଆନେ ।

୪

ଦାର୍ତତି ତଲେ ତଣେ ଦହନାୟି

୧ ମୀ ତାଣା ମାତାଗଡି ଅଡେ ଗଡହା ଆମ୍ବିତି ଖାହିମାନେ ? ଏଝି ମୀ ତାଣା ମାନି ସୁକ୍ଷୁତି ଅଣ୍ଡପୁଟି ଖାହିମାନୁ ଏଝି ବାରେବେଲା ବାରେ ବେଲା ଗଡହା କିଝିକିହିମାନୁ । ୨ ମୀରୁ ଏନାଆଁ ବେଟାଆହାଲି ଅଣ୍ଡପା ମାଞ୍ଜେରି, ଏନାଆଁ ବେଟା ଆଆସାରେ ଲକୁଣି ପାୟାଲି ଅଣ୍ଡପା ମାଞ୍ଜେରି, ଏନାଆଁ ବେଟାଆହାଲି ହାରେକା ଜୁପକା ଆନେ ଏନାଆଁ ବେଟା ଆଆସାରେ ଗଡହା ଅଡେ ମାତାଗଡି କିହିମାଞ୍ଜେରି, ଏନାଆଁତାକି ଇଡିହୁଁ ମୀରୁ ମାହାପୁରୁଇଁ ରାସି ହିଲଅତେରି; ୩ ମୀରୁ ରାସିମାଞ୍ଜେରି ସାମା ବେଟାଆହି ହିଲଅତେରି, ଏନାଆଁତାକି ଇଡିହୁଁ ମୀରୁ ମୀ ଆଜାତି ଜୁପକାଟି ଲେୟାଲି ତାକି ପାୟୁ କାମା କିହାଲି ରାସିମାଞ୍ଜେରି । ୪ ଏ ଦାରେଣିସିକାତେରି, ମୀରୁ ପୁଞ୍ଜାହିଲଅତେରି ? ଦାର୍ତତି ତଣେ ଆନାସି ଏଝାସି ମାହାପୁରୁତି ସାଡୁ, ଇଡିହୁଁ ଆମ୍ବାଆସି ଇ ଦାର୍ତତି ତଣେ ଆହାଲି ଅଣ୍ଡିନେସି; ଏଝାସି ତାଙ୍ଗେ ମାହାପୁରୁତି ସାଡୁ । ୫ ମୀରୁ ଏନାଆଁ ଦାର୍ମୁ ପତିତା ରାସୁକି ଆହାମାନି ବଲୁ ଉଜେଏ ଇଞ୍ଜୁଁ ଅଣ୍ଡିମାଞ୍ଜେରି କି, “ମାହାପୁରୁ ଆମିନି ଜାଝୁତି ମା ତାଣା ବାସା ଆହାଲି ହାହାମାଞ୍ଜାନେସି, ଏଝାସି ମାଙ୍ଗେ ବାରେ ଖାକିଟି ସାଲ୍ଲୁଖି କିହାଲି ଅଣ୍ଡିମାନେସି ।” ୬ ସାମା ମାହାପୁରୁ ହାରେକା କାର୍ମାମେହନାଣି ହିୟାନେସି; ଏନାଆଁତାକି ସାପେରିତା ରାସୁକି ଆହାମାନେ, “ମାହାପୁରୁ ଆଜାରା ଆନାରି କପାଟି ନିଜିନେସି, ସାମା ଜାହାରାଇଁ ଉଣା କିହା କତାମାନାରାଇଁ କାର୍ମା ମେହନେସି, ମାହାପୁରୁତି କାର୍ମା ହାରେକା ବାଡୁୟୁ ଗାଗାୟି ।”

୭ ଏନାଆଁତାକି ମୀରୁ ମାହାପୁରୁ ତାଣା ହେରଦୁ କତାଦୁ; ଅଡେ ସୟତାନଇଁ ଆବାଆଦୁ, ଆତିହୁଁ ଏଡି ମୀ ତାଣାଟି ହେକ ହାନେ । ୮ ମାହାପୁରୁ ତାଗେ ଖାଦୁ ଆତିହୁଁ ଏଝାସି ମୀ ତାଗେ ଖାନେସି, ଏ ପାୟୁ ଗାଗାତେରି, ମୀ କେୟାଣି ନେହୁଁକି ନରଦୁ, ଅଡେ ରୀ ଅଣ୍ଡପୁ ଗାଗାତେରି, ମୀ ହିୟାତି ଅଡହା କତାଦୁ

। ୯ ହିୟାଁ କାଡ଼ି କିହାଁ ଦୁକୁ ତଲେ ଡ଼ାଦୁ; ମୀ କାକନାୟି ଡ଼ାକିତା ଅଡ଼େ ମୀ ରାହାଁ ଦୁକୁତା ତୀରି ମୁଁପେ । ୧୦ ପ୍ରବୁ ନକିତା ମୀରୁ ମିଙ୍ଗେ ଉଣା କିହାକତାଦୁ, ଏତେଟିଏ ଏଝାସି ମିଙ୍ଗେ କାଜା ଲକୁ କିୟାନେସି ।

ଏଡ଼କା ଲକୁଣି ନାହାଁୟି କିଆଦୁ

୧୧ ଏ ତାୟି ତାଜିମ୍ପା, ମୀରୁ ରଅତେରି ରଅଣା କପାଟି ନିନ୍ଦା କାତା ଜଲ୍ଲାଆଦୁ; ଆମ୍ବାଆସି ତାୟି କପାଟି ନିନ୍ଦା କାତା ଜଲ୍ଲିନେସି କି ନାହାଁୟି କିନେସି, ଏଝାସି ମସା ମେରା କପାଟି ଜଲ୍ଲିମାନେସି, ଇଞ୍ଜା ଏମ୍ବାଡ଼ି ନାହାଁୟି କିହିମାନେସି । ସାମା ମୀରୁ ମସା ମେରାତି ନାହାଁୟି କିଦେରି, ଇତିହଁ ମୀରୁ ମସା ମେରାତି ମାନୁଝି ଆନାତେରି ଆଆନା ଏମ୍ବାଡ଼ି ନାହାଁୟି କିନାତେରି । ୧୨ ମାହାପୁରୁ ରଅସିସି ମେରା ହୀନାସି ଅଡ଼େ ନାହାଁୟି କିନାସି, ଏଝାସି ଗେଲ୍ପାଲି ଅଡ଼େ ନାସା କିହାଲି ଆଡ଼ିମାନେସି; ସାମା ନୀନୁ ଆମ୍ବାଆତି, ନୀ ଆଡ଼ିତାଣାଲ୍ ନାହାଁୟି କିହିମାଞ୍ଜି ?

ବତପଣ କିଆଦୁ

୧୩ ନୀର୍ବ ମେହ୍ଦୁ, ଆମ୍ବାଆତେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଝିଏ ମାମ୍ବୁ ଶାଡ଼ାତା ହାନମି ଇଞ୍ଜା ଏମ୍ବାଆଁ ର ବାସା ପାତେକା ତୁୟନା ବେବାରା କିହାଁ ଗାତି ଲାବା କିନମି;” ୧୪ ସାମା ଝିଏ ଏନାୟି ଆନେ, ଏଦାଆଁ ମୀରୁ ପୁଞ୍ଜାହିଲଅତେରି, ମୀ ଜୀଞ୍ଜୁ ଏନିକଁ ଗାଡ଼େକା ତଞ୍ଜାଆହାନା ଗାଡ଼େକା ମେଣଜାହାନି ଉକଅଡ଼ି, ମୀରୁ ଏଲେତାଅତେରି । ୧୫ ଇଦାଆଁତାକି ମୀରୁ ଏଲେଇନାୟି ମାନେ, “ପ୍ରବୁତି ଅଣ୍ଡୁ ଆଡ଼ିସାରେ ମୀରୁ ଜୀଞ୍ଜୁତଲେ ନୀତା ମାଞ୍ଜାନା ଇଦାଆଁ କିନ ଆଆତଁ ଏଦାଆଁ କିନ ।” ୧୬ ସାମା ମୀରୁ ନୀର୍ବ ମୀ ବତପଣ ତସାକଡ଼ିମାଞ୍ଜେରି; ଇଲେତି ବତପଣ ଲାଗେଏତାୟି ।

୧୭ ହିୟାଁତା ଇଗାଦୁ ଏନାଆଁତାକି ଇତିହଁ, ଆମ୍ବାଆସି ନେହଁ କାମା କିହାଲି ପୁଞ୍ଜାନା କିଅସି ଏଝାସି ପାପୁ କିନେସି ।



ବାଡ଼କୁ ଗାଗାରାଲ୍ ଜାଗ୍ରାତା କିନାୟି

୧ ଏ ବାଡ଼କୁ ଗାଗାତେରି ନା କାତା ଝେଞ୍ଜୁ, କସୁତି ଦିନା ଝାହିମାନେ ଏଦାଆଁତାକି ଦୁକୁଆହଁ ଡ଼ାଦୁ ଇଞ୍ଜା କାନିକାର୍ମା ଆଦୁ । ୨ ଏମୀ ବାରେ ଦନ ସୀରୁହା ହାଚେୟିଏ, ଅଡ଼େ ମୀ ହିମ୍ବିକାଲ୍ ଲୀମ୍ବୁ ତିଚେୟିଏ, ୩ ଅଡ଼େ ମୀ ବାଂଗାରା ଇଞ୍ଜା ଝେଣ୍ଡି କିରୁଞ୍ଜୁ ଆଡ଼େୟିଏ; ଏତେଟିଏ ଏ କିରୁଞ୍ଜୁ ମୀ କପାଟି ସାକି ହୀହାନା ହିରୁ ଲେହେଁ ମୀ ଆଜା ଜିକେଏ ନାସା କିୟାନେ, ଇ ରାନ୍ଦି ବେଲାତା ମିଙ୍ଗେତାକି ଦନ କୁଡ଼ି କିହାମାଞ୍ଜେରି । ୪ ହେଣ୍ଡୁ ! ମୀ ଗୁଡ଼ିୟାତି ତାସା ଦାଝଆନାରାକି ନାଡ଼ିକିହାନା ଆମିନି କୁଲି ହୀହା ହିଲଅତେରି, ଏଡ଼ି ଗାତି କାଲୁଝି ଆହିମାନେ, ଅଡ଼େ ତାସାତି ଦାଝଆନାରି ଡ଼ାନାୟି ବାରେ ବାଡ଼ୁରୁଡ଼ି ପ୍ରବୁତି କିୟଁ ତୁ। ଏଗା ହାଚେୟିଏ । ୫ ମୀରୁ ଦା଼ଡ଼ିତି ସୁକୁ ଅଡ଼େ ରାହାଁତା ନୀତାମାଞ୍ଜେରି, ମୀରୁ ହାକିତି ଦିନାତାକି ଜାହାରାଲ୍ ଆଜା କିହାମାଞ୍ଜେରି । ୬ ମୀରୁ ଦହ ହିଲାଆଗାଟାରାଲ୍ ଦହ କିହାନା ପାୟିମାଞ୍ଜେରି; ଏଝାସି ମିଙ୍ଗେ ଝେଣ୍ଡେ ଏନାଆଁ କିୟଅସି ।

ସାସାତଲେ ପ୍ରାତାନା କିନାୟି

୭ ଏଦାଆଁତାକି ଏ ତାୟି ତାଜିମ୍ପା, ପ୍ରବୁତି ଝାନି ଦିନା ପାତେକା ସାସାତଲେ କାଟାନା ମାଞ୍ଜୁ, ର ତାସା କିନାସି ଏନିକଁ ତାନି ବୁମିତି ପାଡ଼େୟି ବେଟାଆହାଲି ତାକି ମୁଲୁତି ପିୟୁ ଅଡ଼େ ତାୟୁତି ପିୟୁ ରିନି ଦିନା ପାତେକା ସାସାତଲେ କାପୁ କାଟାନା ତୁୟିନେସି । ୮ ମୀରୁ ଜିକେଏ ଏଲେକଁ ସାସାତଲେ ମାଞ୍ଜାନା ମୀ ହିୟାଁତି ସୁସି କିପୁ, ଇତିହଁ ପ୍ରବୁତି ଝାନି ଦିନା ତାଗେ ଝାଡ଼େୟିଏ ।

୯ ଏ ତାୟି ତାଜିମ୍ପା, ମୀରୁ ଏନିକଁ ନାହାଁୟି କିଝି ଆଅତେରି, ଏଦାଆଁତାକି ରଅତେରି ରଅଣା କପାଟି ଏନି କାତା ଜଲ୍ଲାଆଦୁ, ସିନିକିଦୁ, ନାହାଁୟି କିନାସି ଦୁଝେରିତା ନିଗାମାନେସି । ୧୦ ଏ ତାୟି ତାଜିମ୍ପା, ଆମିନି ମାହାପୁରୁ ଅଣ୍ଡୁତି ବଲୁ ଝେହ୍ନାରି ପ୍ରବୁ ଦରୁଡ଼ି କାତା ଝେସାମାତେରି, ଏଝାରାଲ୍ ମୀରୁ ଅଣ୍ଡପାଦୁ, ଦୁକୁ କସୁ ବେଟାଆନାଡ଼ି ସାସା ଅଡ଼େ ଅରୁହାଲି ଜିରୁ ତସାମାଞ୍ଜାନେରି । ୧୧ ମେହ୍ଦୁ ଆମ୍ବାଆରି କସୁ ଅରୁହା ମାତେରି, ମାମ୍ବୁ ଏଝାରାଲ୍ ନେହାଁରି ଇଞ୍ଜା ଇନମି, ମୀରୁ ଆୟୁବତି ଅରୁହାନାଣି ଝେଞ୍ଜାମାଞ୍ଜେରି, ଅଡ଼େ ପ୍ରବୁ ତାୟୁତି କାମା ମେସାମା ପୁଞ୍ଜାମାଞ୍ଜେରି, ଏଝାସି କାର୍ମା ମେହ୍ନାସି ଅଡ଼େ ଜୀଞ୍ଜୁ ନନାସି ।

* ୫:9 ୫:9 ମାଡ଼ି ୭:୧୯

୧୨ *ଏ ନା ତାହି ତାଜିମ୍ମାତେରି, ମୀରୁ ପାର୍ମାଣା କିଧୁଏ କିଆଦୁ, ଲାକପୁରୁତି ଦରୁତଲେ ପାର୍ମାଣା କି ଦାରୁତି ଦରୁତି ପାର୍ମାଣା କି ଏବ୍‌କାତି ଏନ୍ନି ଦରୁ ଆସାନା ପାର୍ମାଣା କିଆଦୁ, ସାମା ମାଦି ହାଅ ଇନି କାତା ହାଅ ଆଫେ ଇଞ୍ଜା ଆଏ ଇନି କାତା ଆଏ ଆଫେ, ଏନ୍ନିକି ମୀରୁ ନୀହାୟି ଦିନାତା ତଣ୍ଡ ଗାଟାତେରି ଆଅତେରି ।

୧୩ ମୀ ବିତ୍ତାଟି ଆମ୍ବାଆସି ଦୁକୁ କିହିମାନେସି ? ଆତିହି ଏଝାସି ପ୍ରାତାନା କିପାସି, ଆମ୍ବାଆସି ରାହାଟି ମାନେସି ? ଇତିହି ଏଝାସି ଜହରା ପାରୁ ପାଟାପେସି । ୧୪ *ଆମ୍ବାଆସି ମୀ ବିତ୍ତାଟି ଆତାଆ ଗାଟାସି ମାଟିହି ଏଝାସି କୁଲମିତି ପ୍ରାତିନାଙ୍ଗାଣି ହାଟାପେସି; ଇଞ୍ଜା ଏଝାରି ପ୍ରବୁତି ଦରୁତଲେ ନିହୁଁ ଖାକ୍‌ହାନା ଏଝାଣି ତାକି ପ୍ରାତାନା କିପାରି । ୧୫ ଏ ନାମୁଗାଟି ପ୍ରାତାନା ରଟା ଗାଟାଣାଇଁ ନେହି କିନେ, ଇଞ୍ଜା ପ୍ରବୁ ଏଝାଣାଇଁ ନିକ୍‌ନେସି, ଇଞ୍ଜା ଏଝାସି ପାପୁ କିହାମାଟିହି, ଆତିହି ଏଝାଣି ପାପୁ ମେଣ୍‌ଜି କିଝିଆନେ । ୧୬ ଏଦାଆଁତାକି ମୀରୁ ରଅତେରି ରଅଣା ନକିତା ମୀ ପାପୁ ଝେକ୍‌ଦୁ, ଅଡେ ନେହି ଆହାଲିତାକି ରଅତେରି ରଅଣି ତାକି ପ୍ରାତାନା କିଦୁ, ଆତିହି ମୀରୁ ନେହି ଆଫେଦରି, ଏନାଆଁତାକି ଇତିହି ଦାମ୍ବୁ ଗାଟାଣି ପ୍ରାତାନା ହାରେକା କାଜା କାମା କିହାଲି ଆଡିନେ । ୧୭ ଏଲିୟ ଜିକେଏ ମା ଲେହେତି ଦୁକୁ ସୁକୁ ଗାଟି ମାଣସି; ଏଝାସି ପିୟୁ ଆଆପେ ଇଞ୍ଜା ରଣ୍ଡିଏ ମନ୍‌ତଲେ ପ୍ରାତାନା କିତେସି, ଅଡେ ତାନି ବାସା ସ ଲେଞ୍ଜୁ ପାତେକା ଏ ବୁମିତା ପିୟୁ ଆଆପେ । ୧୮ ଇଞ୍ଜା ଏଝାସି ଅଡେ ଝେଣ୍ଡେ ପ୍ରାତାନା କିହାଲିଏ ହାଗୁଟି ପିୟୁ ରାତେ, ଅଡେ ବୁମିତା ଆନା କାମିତେ ।

୧୯ ଏ ନା ତାହିୟା ଅଡେ ତାଜିମ୍ମା, ମୀ ବିତ୍ତାଟି ଆମ୍ବାଆସି ସାତା ଜିରୁତି ବାଣା ଆତିହି ଅଡେ ଆମ୍ବାଆସି ଏଝାଣାଇଁ ଝେଣ୍ଡେ ଝେବ୍‌ହା ତାନେସି, ୨୦ *ଆତିହି ଆମ୍ବାଆସି ପାପୁ ଗାଟାଣାଇଁ ତାନି ପଲ୍‌ଆ ଜିରୁତି ଝେବ୍‌ହା ତାନେସି, ଏଝାସି ଏଝାଣି ଜାଧୁତି ହାକିଟି ଗେଲ୍‌ପିନେସି, ଇଞ୍ଜା ହାରେକା ପାପୁତି ମ୍ପେପ୍‌କି କିନେସି, ଇଦାଆଁ ମୀରୁ ପୁଞ୍ଜୁ ।

ପିତରଙ୍କ ପ୍ରଥମ ପତ୍ର ପିତର ରାଡ଼ାଫାନି ର ଲମ୍ବର ଆକୃତି ମୂଲ୍ୟ ହାତୀ

ପିତର ର ଲମ୍ବର ଆକୃତି ପାଣ୍ଡୁଲିଆଡ଼ି ପିତର ରାଡ଼ାଫାନେସି । ପିତର ଏହାସି ଆମ୍ଭାଆସି ଅଡ଼େ ଆମ୍ଭାଆରାକି ତାନି ଆକୃତି ରାଡ଼ିଫାନେସି ଏ କାତା ଖେସାନା ତାନି ଆକୃତି ରାଡ଼ାଲି ମାଟ୍‌ହେସି । ଏହାସି ଆମ୍ଭାଆରାକି ପୁଣି ମେସପି ଆଆତି ଲକ୍ଷ ଇତେସି ଏ ବାରେ କ୍ରୀସ୍ତୁ ନାନିତି ଲକ୍ଷଣି ଆକୃତି ଖେକ୍‌ହେସି ୧:୧; ୧:୧୭; ୨:୧୧ । ଏହାସି ତାନି ଆକୃତି ପତ୍ରୁ ଆନାରାକି ଏଲେକିହିଁ ଖେସେସି ଏନାଆଁତାକି ଇତିହିଁ ଏହାରି ହାରେକା ଦେବା ଇତାଲି ଆତାଲି ଦେସାଣା ହଣପି ଆହାମାନେରି । ଇତିହିଁ ଇ ଆକୃତି ଏତର ବାଡ଼ା ପାଞ୍ଜୁଲ ଏପିସିୟ କୁଲମିକି ରାଡ଼ାଫାନି ଆକୃତି ଲେହେତାୟି, ହାରେକା ଲକ୍ଷ ନାନିମାନେରି ଏପିସିୟତ ତାମ୍ଭୁ ର ଲମ୍ବର ପିତର ପତି ଜୀସୁ କ୍ରୀସ୍ତୁ ଜାର୍ନାଆଡ଼ି ୬୫ ବାର୍ଷା ତାମ୍ଭୁ ରାସ୍ତକି ଆହାମାନେ । ପିତର ଇ ଆକୃତି ରମ୍ପି ରାଡ଼ିତେସି, ଆମିନିଗାଟାଣି ଏହାସି ବାବିଲନ ଇତେସି ୫:୧୩ ।

ମିଜେ ରାହାଁ କିହିଁ ଅଡ଼େ ସାକି ହାହିଁ ଇଦି ଏ ମାହାପୁରୁତି ସାତା କାର୍ନାମେହ୍‌ନାୟି ଇଞ୍ଜି ପିତର ଖେସାନା ଇ ଆକୃତି ରାଡ଼ିତେସି ୫:୧୨; ୧ପିତ ୨:୧୧-୩:୭; ଏପିସି ୫:୧୮-୬:୯ ଅଡ଼େ କଲସିୟ ୩:୧୮-୪:୬ ହାଡ଼େକା ରଲେଏତି କାତା ରାସ୍ତକି ଆହାମାନେ । ଇ ବାରେ ତାନିଗଟା ଆକୃତି ଇଲୁ କୁଟମିତା ଆଣ୍ଡି ଆହାମାନା ତୁୟିନାୟି ଅଡ଼େ କାଜା ଲକ୍ଷଣି ମାନୁଡ଼ି ଆହାମାନା ତୁୟିଲି ଜାପୁଡ଼ି ଆହାମାନେ । ଏତିବେଲାତା ସାସ୍ତି ଖାନେ ତାନିଆହାମାନା ମାଞ୍ଜାଲି ଏହାସି କ୍ରୀସ୍ତୁ ନାନିତି ଲକ୍ଷଣି ସାସା ହାହିମାନେସି ଏନାଆଁତାକି ଇତିହିଁ କୁଗୁ ରାମି ଦିନା ତାଗେ ଖାଡ଼େୟିଏ ୪:୧ ।

ପିତା ମାନାୟି

- ୧. ପିତର ତାଜେ ଖେକ୍‌ହା କତିନାୟି ଅଡ଼େ ତାନି ଆକୃତି ପତ୍ରୁ ଆନାରାକି ଖେହ୍‌ନାୟି । ୧:୧-୨
- ୨. ଗେଲ୍‌ପି ଆନାୟି ବାରେ ଲକ୍ଷଣା ଏଜାମାନାକି ଅଡ଼େ ତାନି ଜାପୁ ଏନାୟି ଇଞ୍ଜି ପୁଞ୍ଜାମାନାକି ଏହାସି ମାହାପୁରୁକି ଜହରା କିନାୟି । ୧:୩-୨:୧୦
- ୩. କ୍ରୀସ୍ତୁ ନାନିତି ଲକ୍ଷ ଏନିକିହିଁ ଇ ବାରୁତିତା ନାଡ଼ିନାୟି ଅଡ଼େ ଏନିକିହିଁ କି ତକ୍ତା ଅଡ଼େ ତକ୍ତା ଇଞ୍ଜି ସାପୁକାରି ଅଡ଼େ ହଲେଏସି ନେହିଁ କି ତୁୟିନେରି ଏ କାତା ଏହାସି ଜାପୁନାୟି । ୨:୧୧-୪:୧୧
- ୪. ପିତର ଏହାପାକି ସାସ୍ତି ଖାଡ଼ିସାରେ ତାନିଆହାମାନା ତୁୟିଲି ସାସା ହାନ୍‌ନାୟି । ୪:୧୨-୫:୧୧
- ୫. ପିତର ତାନି ଆକୃତି ରାପୁନାୟି । ୫:୧୨-୧୪

୧ ନାମ୍ଭୁ, ପିତର, କ୍ରୀସ୍ତୁ ଜୀସୁ ତାଣାଟି ପାଣ୍ଡୁଆହାମାନି ସାସୁ, ପତ୍ର, ଗାଲାତିୟା, କାପାଦକିୟା, ଆସିୟା ଅଡ଼େ ବେତନିୟା ରାଜିତା ଇତାଲି ଆତାଲି ବାସାଆହାମାନି ମାହାପୁରୁ ଆଡ଼ାଫାନି ଲକ୍ଷଣାକି ଆକୃତି ରାଡ଼ିଫାଇ, ୨ ଆବା ମାହାପୁରୁତି ତଲିତି ବୁଦିତଲେ ସୁଦୁଜୀସୁ ତଲେ ସୁଦୁ ଆହା ମାନି ଗାଟାତେରି ଅଡ଼େ ଜୀସୁ କ୍ରୀସ୍ତୁତି ନେତେରି ତାଞ୍ଜି କିହାକତାଲି ଆଡ଼ି ଆହାମାନେରି । ମିଜେତାକି ମାହାପୁରୁତି କାର୍ନାମେହ୍‌ନାୟି ଇଞ୍ଜି ହିଡ଼ି ଆପେ ।

ଜାପୁତି ବାସ୍ତି

୩ ମାପୁରୁ ଜୀସୁ କ୍ରୀସ୍ତୁତି ଆବା ଅଡ଼େ ମାହାପୁରୁକି ଜହରା; ଇତିହିଁ ଏହାସି ତାନି କାର୍ନାଟି ଜୀସୁ କ୍ରୀସ୍ତୁକି ହାକିତି ନିକ୍‌ହାନା ମାଜେ ପୁଣି ଜୀସୁ ହାହାମାଞ୍ଜାନେସି, ଏଦି ମାଜେତାକି ନାଡ଼ିନି ବାସ୍ତି ହାହାମାଞ୍ଜାନେ, ୪ ଏନାଆଁତାକି ମାହାପୁରୁ ତାନି ଲକ୍ଷଣାକି ଆମିନି ଦାରାଗାଟି ବର ଇଟାମାନେସି, ଏନାଆଁ ବେଟାଆହାଲି ମାର କାପୁ କାଟାମାନାୟି, ଏହାସି ଲାକପୁରୁ ମିଜେତାକି ଏନାଆଁ ଜାଡ଼ୁ ତଲେ ଇଟାମାନେସି, ଏନାଆଁ ଏଦି ନସ୍ତୁ ଆଏ କି ଖାଡ଼େଏ । ୫ ଆମିନି ଗେଲ୍‌ପିନାୟି ରାମି ଦିନାତା ତଞ୍ଜାଆହାଲି କିଞ୍ଜିଆହାମାନେ, ଏନାଆଁ ବେଟାଆହାଲି ତାକି ମାରୁ ମାହାପୁରୁତି ବାଡ଼ୁୟିତା ନାମୁତଲେ ଜାଗ୍ରାତା କିଞ୍ଜି ଆହାମାଞ୍ଜେରି ।

୬ ଏନାଆଁତାକି ମାରୁ ରାହାଁ କିଦୁ, ଆଡ଼ିକିକେଏ ନୀର୍ବ ଖାଡ଼େକା ତାକି ହାରେକା ତାୟିପାରି କିନି ତାଣାଟି ଦୁକୁ କସ୍ତ ବେଟାଆହାଲି ମିଜେତାକି ଲଡ଼ାଆନେ, ୭ ଏନିକିହିଁ ଗାଡ଼େକା ନସ୍ତୁ ଆନି ବାଟାଗା ହିଡ଼ୁତା ହିଡ଼ିନି କିହାଁ ହାରେକା ଦାରା ମା ତାୟିପାରି କିଞ୍ଜିଆଡ଼ି ନାମ୍ଭୁ, ଏଦି ଜୀସୁ କ୍ରୀସ୍ତୁ ତଞ୍ଜାଆନି ବେଲାତା ମାନି

ତଳେ ଜହରାତି, ଗାଝୁରମି ଅଡ଼େ ମାନି ବେଟାଆନାୟି । ୮ ନୀର୍ବ୍ୟ ମୀରୁ ଏଞ୍ଜାଣାକ୍ ମେସା ହିଲାଆତି ଜିକେଏ ଜାଝୁନହୁଁ ମାଞ୍ଜେରି, ଇଞ୍ଜା ନୀର୍ବ୍ୟ ମେହୁଆତୁଁ ଜିକେଏ ତାନି ତାଣା ନାମାହାଁ ଝେସାଲି ଆଡ଼ାଆରେଟୁ ଗାଝୁରମିତି ରାହାଁତା ୯ ରାହାଁ ଆହାନା ଏ ନାମୁତି ପାଡ଼େୟି ଲେହେଁ ମୀ ଜାଝୁତି ଗେଲ୍ପିନାଣି ବେଟାଆହାମାଞ୍ଜେରି ।

୧୦ ଇ ଗେଲ୍ପିନି କାତା ମାହାପୁରୁ ଅଣ୍ଟପୁତି ବଲ୍ଲୁ ଝେହୁନାରି ମନ ହାହାନା ପାରିହୁଁ ସିନିକିତେରି, ଆମ୍ବାଆରି ଏମିନି କାର୍ମାମେହୁନାୟି ମିଙ୍ଗେ ଆନାୟି ମାତେ, ଏ ଡାୟୁତି କାତା ଝେସାହାଁ ତସାମାତେରି, ୧୧ କ୍ରୀସ୍ତତି ଦୁକୁ ବେଟାଆନାଣି ଇଞ୍ଜା ଅଡ଼େ ଡାୟୁତି ଗାଝୁରମି ବେଟାଆନାଣି ନକେଏ ପାରୁମାଣା ହାନାସି ଇଞ୍ଜା ଏଞ୍ଜାରିତାଣା ମାନି କ୍ରୀସ୍ତତି ଜାଝୁ ଏ ବାରେ ଏତିବେଲା ଖାନେ ଅଡ଼େ ଏନିକିଁ ଖାନେ ଏଞ୍ଜାରି ପୁଞ୍ଜାଲି ନକେଏ ଅଣ୍ଟପାମାତେରି । ୧୨ ଏଞ୍ଜାରି ଏ ବାରେ କାତା ତାନି ତାକି ସେବା କିଆନା ମୀ ଲାକା ତାକି ସେବା କିହିମାତେରି, ଇଦି ଏଞ୍ଜାରିତାଣା ତଞ୍ଜା ଆହାମାତେ, ଇଞ୍ଜା ଏ ବାରେ କାତା ଲାକପୁରୁତି ପାଣ୍ଡ଼ିଆହାମାନି ସୁଦୁଜାଝୁତି ବାଡ଼ୁୟୁ ତଳେ ମୀ ନକିତା ନେହୁଁ କାରୁ ଝେହୁନାରି ତାଣାଟି ନୀର୍ବ୍ୟ ମିଙ୍ଗେ ଝେସ୍ପି ଆହିମାଞ୍ଜାନେ; ଏ ବାରେ କାତା ଦୁହୁୟାଁ ଜିକେଏ ପୁଞ୍ଜାଲି ଅଣ୍ଟପି ମାନେରି ।

ସୁଦୁଜାଝୁ ତଳେ ମାଞ୍ଜାଲି ହାଟୁକି ଆନାୟି

୧୩ ନେହୁଁ କାମା କିହାଲି ତିୟାରା ଆଦୁ । କାପୁ କାଚାନା ଜୀସୁ କ୍ରୀସ୍ତ ତଞ୍ଜା ଆନି ବେଲାତା ଆମିନି ବର ମିଙ୍ଗେ ହାପକି ଆୟାନେ, ଏଦାଆଁତାକି ତୀରେତଳେ ବାର୍ସୁ ଇଟାଦୁ । ୧୪ ମାହାପୁରୁକ୍ ମାନି କିଦୁ, ମୀରୁ ତଲି ପୁଞ୍ଜାହିଲାଆତି ବେଲାତା ଆମିନି ଲାଗେଏ ପଲେଏତି ଜୁପକା ତଳେ ମାତେରି ନୀର୍ବ୍ୟ ଏଲେଆଆଦୁ । ୧୫ ସାମା ମିଙ୍ଗେ ହାଟାମାଞ୍ଜାନି ମାହାପୁରୁ ଏନିକିଁ ସୁଦୁଗାଟାସି ମୀରୁ ଜିକେଏ ଏଲେକିଁ ମୀ ବାରେ ମାଣକିତା ସୁଦୁ ଗାଟାତେରି ଆଦୁ । ୧୬ ଦାମ୍ପୁପିତା ରାସ୍ତକି ଆହାମାନେ, “ମୀରୁ ସୁଦୁ ଗାଟାତେରି ଆଦୁ, ଏନାଆଁତାକି ଇତିହୁଁ ନାନୁ ସୁଦୁ ଗାଟାତେର୍ଏ ।”

୧୭ ଅଡ଼େ ଆମ୍ବାଆରି ମୁମ୍ପୁ ମେହୁଆନା ବାରେ ଲକ୍ଷୁତି ଏଞ୍ଜାରି କାମା କିହାମାନିଲେହେଁ ନୀହାଁୟି କିନେସି, ଏଞ୍ଜାଣି ତାଣା ପ୍ରାଚାନା କିନାଟି ଆବା ଇଞ୍ଜା ହାଟିତିହୁଁ, ମୀରୁ ଇ ଦାରୁତିତା ବାସାଆହାମାନି ପାତେକା ମାନି ତଳେ ଏଞ୍ଜାଣାକ୍ ଆଜାନା ମାଞ୍ଜୁ; ୧୮ ଇତିହୁଁ ମୀରୁ ପୁଞ୍ଜାମାଞ୍ଜେରି ମୀ ଆକୁ ଆବାୟାଁ ତାଣାଟି ବେଟାଆହାମାନି ଭଜେଏତି ମାଣକି ତଳେ ନୀତିନି ତାଣାଟି ମୀରୁ ଝେଣ୍ଡି କି ବାଂଗାରା ଲେହେଁତି ନାସା ଆନି ଆସ୍ତି ତଳେ ପିସ୍ପି ଆହାହିଲଅତେରି, ୧୯ ସାମା ଏନି ସିନା ଅଡ଼େ ଦହୁ ହିଲାଆଗାଟି ମେଣ୍ଡା ଡାଲୁ ଲେହେଁତି କ୍ରୀସ୍ତତି ଗାତି ଦାରାଗାଟି ନେତେରି ତଳେ ପିସ୍ପି ଆହାମାଞ୍ଜେରି । ୨୦ ଦାରୁତି ଗାଡ଼ିଆଡ଼ି ନକେଏ ମାହାପୁରୁ ଏଞ୍ଜାଣାକ୍ ଆଡ଼ିତେସି ଇଞ୍ଜା ଇ ରାନି ଜୁଗୁତା ଏଞ୍ଜାସି ମିଙ୍ଗେତାକି ତଞ୍ଜା ଆହାମାଞ୍ଜାନେସି; ୨୧ ଆମିନି ମାହାପୁରୁ ଏଞ୍ଜାଣାକ୍ ହାକିଟି ନିକହାନା ଗାଝୁରମି ହାହାମାନେସି, ଏଞ୍ଜାଣି ତାଣାଟି ମୀରୁ ଏ ମାହାପୁରୁକ୍ ନାନିମାଞ୍ଜେରି, ଇଦାଆଁତାକି ମୀ ବାରେ ନାମୁ ଅଡ଼େ ବାର୍ସୁ ମାହାପୁରୁ ତାଣା ଆଟୁଞ୍ଜା ଆହାମାନେ ।

୨୨ ନୀର୍ବ୍ୟ ମୀରୁ ସାତାତି ମାନୁଞ୍ଜି ଆହାନା କୁଟୁ ହିଲାଆ ତାୟିକ୍ ଜୀଝୁ ନହାଲି ତାକି ମୀ ହିୟାଁତି ଅଟୁହା କତାମାନାକି ମୀ ବାରେ ହିୟାଁ ତଳେ ମୀରୁ ରଣ୍ଡିଏ ମନତଳେ ରଅତେରି ରଅଣାକ୍ ଜୀଝୁନଦୁ । ୨୩ ଇତିହୁଁ ମୀରୁ ନାସା ଆନି ପାଡ଼େୟିତି ଆଏ, ସାମା ଏତେଲା ନାସା ଆଆଗାଟି ପାଡ଼େୟିତି, ଇତିହୁଁ ମାହାପୁରୁତି ଜାଝୁ ଅଡ଼େ ବାରେବେଲା ତୁୟିନି ବଲ୍ଲୁ ତଳେ ଝେଣ୍ଡେ ଜାର୍ନା ଆହାମାଞ୍ଜେରି । ୨୪ ଦାମ୍ପୁ ସାସ୍ପେରିତା ରାସ୍ତକି ଆହାମାନେ,

“ଇତିହୁଁ ଦାରୁତିତି ବାରେ ଲକ୍ଷୁ ଗାକିଁ ଜାଡ଼ା ଲେହେଁଡାରି,

ଏଞ୍ଜାରି ଅଜୁ ବାରେ ଜାଡ଼ାତି ପୂଙ୍ଗା ଲେହେଁତାୟି ।

ଗାକିଁ ଜାଡ଼ା ଖାୟାହାନେ ଇଞ୍ଜା ପୂଙ୍ଗା ବାରେ ତୁଲାହାନୁ ।

୨୫ ସାମା ମାହାପୁରୁତି ବଲ୍ଲୁ କାଲାକାଲାତାକି ତୁୟିନେ ।” ଇଦି ଏ ନେହୁଁ କାକ୍ଷୁତି ବଲ୍ଲୁ, ଆମିନି ଗାଟାୟି ମୀ ତାଣା ଝେଏକି ଆହାମାତେ ।

୨

ଜୀଝୁତି ଖାଲି ଅଡ଼େ ସୁଦୁଗାଟି କୃଡ଼ା

୧ ଇତିହୁଁ ପ୍ରୁ କାର୍ମା ମେହୁନାସି ଇଞ୍ଜା ମୀରୁ ନୀର୍ବ୍ୟ ପୁଞ୍ଜିମାନାକି, ଇଞ୍ଜା ବାରେ ଲାଗେଏ ପଲେଏତାଣି, ନାଡ଼ି କିନାଣି, କୁଟୁ, ଲକ୍ଷୁଣି ତାହାରା ଇଞ୍ଜା ଲକ୍ଷୁଣି ନିନ୍ଦା କାତା ଜଲିନାଣି ପିହୁଦୁ, ୨ ପୁଞ୍ଜି ଜାର୍ନାଆଡ଼ି କ୍ଷୁରି କକାରି ପଡ଼ାଲେହେଁ ଏନାଆଁ ଆଣ୍ଡାଆତି ପାଲୁ ଗସାଲି ଅଣ୍ଟପିବେରି, ଆତିହୁଁ ମୀରୁ ପାତାଆହାନା

ଗେଲପି ଆବେରି । ୩ ଦାମ୍ଭୂପତିତା ରାସ୍ତକି ଆହାମାନେ, “ମାହାପୁରୁ ଏଚେକା କାର୍ମା ମେହ୍ନାସି, ଏଦାଆଁ ମୀରୁ ପୁଞ୍ଜାମାଞ୍ଜେରି ।”

୪ ଜାଞ୍ଜୁଗାଟି ଖାଲି ଲେହେଁତି ପ୍ରବୁ, ଏଞ୍ଜାଣାଇଁ ମାଣସିୟାଁ ତାଣାଟି ଅପାଆତେରି ସାତା, ସାମା ମାହାପୁରୁ ତାଣା ଆର୍ତ୍ତ୍ତ ଆହାନା ଗାତି ଦାରାଗାଟାସି ଆତେସି । ୫ ତାନି ତାଣା ଖାହାନା ମୀରୁ ଜିକେଏ ଜାସୁ କ୍ରୀସୁ ତାଣାଟି ମାହାପୁରୁ ନକିତା ନେହ୍ନି ଜାଞ୍ଜୁତି ପୂଜା ହୀହାଲିତାକି ସୁଦୁଗାଟି ପୂଜେରାଜା ଲେହେଁ ଆହାଲିତାକି ଜାଞ୍ଜୁତି ଖାଲି ଲେହେଁ ଆହାନା ର ପ୍ରାତାନା ଇଲୁ ଲେହେଁ ଆଦୁ । ୬ ଇତିହ୍ନି ଦାମ୍ଭୂ ପତିତା ରାସ୍ତକି ଆହାମାନେ;

“ନାନୁ ସିୟନତା ର ଆର୍ତ୍ତ୍ତ ଆହାମାନି

ଅଡେତ ଦାରାଗାଟି କନତି ମୂଲୁ ଖାଲି କିହାମାଇଁ

ଇଞ୍ଜା ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଏଚେଲାଖା ଲାଜା ବେଗାଆସିସି ।”

୭ ମୀରୁ ପ୍ରବୁଇଁ ନାମିମାଞ୍ଜେରି, ମୀରୁ ଏ ଦାରାଗାଟି ତାଣା ଆଣ୍ଡାମାଞ୍ଜେରି, ସାମା ଆମ୍ବାଆରି ନାମଅରି,

“ଇଲୁ କେପିନାରି ଆମିନି ଖାଲିତି ଅପାଆତେରି,

ଏଦି ଏଞ୍ଜାରାକି ଇଲୁ କନତି ମୂଲୁ ଖାଲି ଆଡେ ।”

୮ ଅଡେ ଦାମ୍ଭୂପତିତା ରାସ୍ତକି ଆହାମାନେ,

“ଏ ଖାଲିତା ହାଡେକା ଲକୁ ପୁଟି କିନେରି,

ଏ ପାକା ଖାଲି ଏଞ୍ଜାରାଇଁ ତୁଲ ତରରି କିନାସି ଆନେ;”

ମାହାପୁରୁ ବଲୁ ଆହାଆତାକି ଏଞ୍ଜାରି ଏମ୍ବାଆଁ ବାଦା ବେଗାଆନେରି ଇଞ୍ଜା ଏଦାଆଁତାକି ଏଞ୍ଜାରି ମାହାପୁରୁ ତାଣାଟି ଆର୍ତ୍ତ୍ତ ଆହାମାତେରି ।

୯ ସାମା ଆମ୍ବାଆସି ମିଜେ ଆନେରିତି ତାନି କାବାଆନି ଉଜେଡିତା ହାଟାମାଞ୍ଜାନେସି, ମୀରୁ ଏନିକିଁ ଏଞ୍ଜାଣି ଗୁଣୁ ପାଡିଦେରି, ଏଦାଆଁତାକି ମୀରୁ ମାହାପୁରୁ ଆଚାମାଞ୍ଜାନି କୁଡାତେରି, ରାଜାତି ସେବାକିନି ପୂଜେରାଜା, ମାହାପୁରୁ ସେବାତାକି ଏବ୍ବକା ଆହାମାନି ସୁଦୁ କୁଡାତେରି, ଇଞ୍ଜା ମାହାପୁରୁତି ଲକୁତେରି ଆହାମାଞ୍ଜେରି । ୧୦ “ତଲି ମୀରୁ ମାହାପୁରୁତି ଲକୁ ଆହା ହିଲାଆତେରି, ସାମା ନୀର୍ବି ମୀରୁ ମାହାପୁରୁତି ଲକୁ ଆହାମାଞ୍ଜେରି, ତଲି ମୀରୁ ମାହାପୁରୁତି କାର୍ମା ବେଗାଆହା ହିଲାଆତେରି, ସାମା ନୀର୍ବି ତାନି କାର୍ମାଆନାଣି ବେଗାଆହାମାଞ୍ଜେରି ।”

ମାହାପୁରୁତି ହଲିୟାଜା

୧୧ ଏ ଜାଞ୍ଜୁତି ତାସି ତାଜିସ୍ତା, ନାନୁ ମିଜେ ଇ ଦାରୁତିତା ଏବ୍ବକା ଦେସାତାତେରି ଇଞ୍ଜା ହେକ ଦେସାଟି ଖାହାମାନାତେରି ଇଞ୍ଜା ଅଣ୍ଡାପାନା ବାତିମାଲିମାଞ୍ଜାଇଁ, ମୀରୁ ମୀ ଆଜାତି ଜୁପକାଟି ହେକ ଆଦୁ, ଏଞ୍ଜି ମୀ ଜାଞ୍ଜୁ କପାଟି ଜୁକୁ କିହେମାନୁ । ୧୨ ମୀରୁ ଜାହୁଦିଆଆତି ଲକୁତାଣା ମୀ ମାଣକି ଦହ୍ ହିଲାଆଗାଟାସି ଆପେ, ଏନିକିଁ ଏଞ୍ଜାରି ନୀର୍ବି ମିଜେ ପାପୁ ଦହ୍ ଗାଟାତେରି ଇଞ୍ଜା ନିନ୍ଦା କିୟାନେରି, ତାୟୁ କ୍ରୀସୁ ଖାନି ଦିନାତା ମୀ ନେହ୍ନି କାମା ମେସାନା ମାହାପୁରୁଇଁ ଜହରା କିନେରି ।

୧୩ ପ୍ରବୁତି ତାକି ବାତିମାଲିମାଞ୍ଜାଇଁ, ମୀ ମୁହେଁ ସାଲୁଞ୍ଜି କିନାରାଇଁ ମାନୁଞ୍ଜି ଆଦୁ । ୧୪ ବାରେତି କିହାଁ କାଜା ରାଜା ଆଡେସି, ଲାଗେଏ ପଚେଏତାରାଇଁ ତଣ୍ଡ ହାହାଲି ଅଡେ ନେହ୍ନି କାମା କିନାରାଇଁ ରାହାଁ କିହାଲିତାକି ତାନିତାଣାଟି ପାଣ୍ଡିଆହାମାନି ସାଲୁଞ୍ଜି କିନାସି ଆଡେସି, ଏଞ୍ଜାରାଇଁ ମାନି କିଦୁ । ୧୫ ଇତିହ୍ନି ମୀରୁ ନେହ୍ନି କାମା କିହାଁ ବୁଦି ହିଲାଆ ଉଜେଏତି କାତା ଖେହ୍ନାରାଇଁ ସାପି କିଦୁ, ଏଦି ମାହାପୁରୁତି ଅଣ୍ଡାପୁ । ୧୬ ମୀରୁ ମେଲା ମାନାତେରି ଆଡିଜିକେଏ ଏ ମେଲା ଆହାମାନି ତାଣାଟି ଲାଗେଏ ପଚେଏ ଲେମ୍ବାଆଦୁ, ସାମା ମାହାପୁରୁତି ହଲିୟା ଆହାନା ନେହ୍ନି କାମା କିଦୁ । ୧୭ ବାରେ ଲକୁଇଁ ଆବାଦୁ, କ୍ରୀସ୍ତାନା ତାସି ତାଜିଇଁ ଜାଞ୍ଜୁନଦୁ, ମାହାପୁରୁଇଁ ଆଜାଦୁ, ରାଜାଇଁ ମାନି କିଦୁ ।

କ୍ରୀସୁ କସ୍ତି ଜାପିନାସି

୧୮ ହଲିୟାଜାତେରି ମୀରୁ ଆଜିତଲେ ମୀ ସାଞ୍ଜୁକାରିୟାଁଇଁ ମାନୁଞ୍ଜି ଆଦୁ, ଖାରୁଇଁ ନେହାଁରାଇଁ ଅଡେ କାର୍ମା ମେହ୍ନାରାଇଁ ଆଏ, ସାମା ଲାଗେଏତି ସାଞ୍ଜୁକାରିୟାଁଇଁ ଜିକେଏ ଏଲେକିଁ ମାନୁଞ୍ଜିଆଦୁ । ୧୯ ଇତିହ୍ନି ଆମ୍ବାଆସି ମାହାପୁରୁଇଁ ନାମିତାକି ଲାଗେଏତାଣି ତାକି ଦୁକୁ କସ୍ତ ବେଗାଆହାନା ଅରୁହିନେସି, ଆତିହ୍ନି ଏଦି ରାହାଁତି କାତା । ୨୦ ମୀରୁ ମୀ ଦହ୍ ତାକି ତଣ୍ଡ ବେଗାଆଡେରି, ଏମ୍ବାଆଁ ଏନି ଲାବା ? ସାମା ନେହ୍ନି କାମାତାକି କସ୍ତ ଅରୁହିତିହ୍ନି, ମାହାପୁରୁ ମିଜେ ବର ହିୟାନେସି ।

୨୧ ମାହାପୁରୁ ତାଣା ବାରେତାକି ହାବୁକିଆହା ମାଞ୍ଜେରି, ଇଚିହଁ ମୀରୁ ଏନିକଁ କ୍ରୀସ୍ତତି ପାଞ୍ଜୁଲି ତଲେ ତାକିଦେରି ଏଦାଆଁତାକି ଏଞ୍ଜାସି ଜିକେଏ ମିଙ୍ଗେତାକି ଦୁକ୍ତ କସ୍ତ ଅରୁହାନା, ମିଙ୍ଗେତାକି ଏଲେଆହାଲି ତସାମାଞ୍ଜାନେସି; ୨୨ ଏଞ୍ଜାସି ଏନି ପାପୁ ଦହ୍ କିହାହିଲାଆତେସି କି ଏଞ୍ଜାଣି ଗୁଡିଟି ମିତି କାତା ଏରେଲାଞ୍ଜା ହଡାହିଲାଆତେ । ୨୩ ଏଞ୍ଜାସି ନିନ୍ଦା ବେଟାଆହି ମାତାଟି ଝେଣ୍ଡେ ନିନ୍ଦା କିଆତେସି; ଦୁକ୍ତ କସ୍ତ ବେଟାଆହି ମାତାଟି ଝେଣ୍ଡେ କସ୍ତ ହିୟାହି ଇଞ୍ଜଁ ଆଜି ତସାନା ଝେହ୍‌ଆତେସି, ସାମା ସାତା ନାହାନ୍ତି କିନି ମାହାପୁରୁ ତାଣା ତାନି ବାରେତି ହେରପିତେସି । ୨୪ ମୀରୁ ଏନିକଁ ପାପୁ ତାକି ହାହାନା, ଦାମ୍‌ତାକି ଜୀଞ୍ଜୁତଲେ ନାତିନାୟି, ଏଦାଆଁତାକି ଏଞ୍ଜାସି ପାସି ମୁଣ୍ଡା ଲାକ ତାନି ଆଜ୍ଞା ତଲେ ମା ବାରେ ପାପୁ ଡେକା ଅଡେସି, ଏଞ୍ଜାଣି ରାହାଁଟି ମୀରୁ ନେହଁ ଆହାମାଞ୍ଜେରି । ୨୫ ଇଚିହଁ ମୀରୁ ଜିରୁ ବାଣାଆହାମାନି ମେଣ୍ଡାୟାଁ ଲେହେଁ ଆହାମାତେରି, ସାମା ନୀର୍ବ୍ୟ ମୀରୁ ଜୀଞ୍ଜୁତି ଗଡ଼ ଜୁଲମିତି କାଜାଣା ଢେଡ଼ ଢେଡ଼ ତାକାଲି ମୀରୁ ଝେଣ୍ଡା ଝାହାମାଞ୍ଜେରି ।

୩

ତକ୍ତି ତକ୍ରାତି କାତା

୧ ଏଲେକିହଁ ଏ ତକ୍ତିସିକାତେରି, ମୀରୁ ମୀ ତକ୍ରାୟାଁଇଁ ମାନୁଞ୍ଜିଆଦୁ, ଏନିକିହଁ ଏଞ୍ଜାରି ବିତ୍ରାତି ଆମ୍ବା ଆମ୍ବାଆରି ମାହାପୁରୁ କାତା ନାମାଆତି ଜିକେଏ ମୀ ନେହଁ ମାଣ୍ଡକି ମେସାନା, ମୀରୁ ଝେହ୍‌ଆନା ଜିକେଏ ମାହାପୁରୁ ତାଣା ନାମାଲି ଆଡିନେରି । ୨ ଏନିକଁ ଏଞ୍ଜାରି ବିତ୍ରାତି ଆମ୍ବା ଆମ୍ବାଆରି ବଲୁଡି ମାନୁଞ୍ଜି ଆଆତି ଜିକେଏ ମୀ ମାହାପୁରୁତି ଆଜି ଅଡେ ମାଣ୍ଡକି ମେସାନା କାତା ଝେନାଆନା ଜାହାରା ତକ୍ତିନି ସୁଦୁଗାଟି ମାଣ୍ଡକି ମେସାନା ନାମିନେରି । ୩ ଏଦାୟାଁ ବାଣାୟାଁ ହାରେକା ଅଜ୍ଜିକିହଁ କିଶହା କତାନା, ବାଂଗାରା ତୁରହାନା, ଅଜ୍ଜିତି ହିମ୍ବୁରିକା ହୁରିନାୟି, ଝାରୁଇ ଇ ବାରେ ତଲେ ମୀ ଆଜ୍ଞାତି ଅଜ୍ଜି କିହାକତାଆଦୁ, ୪ ମୀ ହିୟାଁତା ଏମିନି ହିଡ଼ଡ଼ି ଜୀଞ୍ଜୁତି ଗୁଣ୍ଡା ମାହାପୁରୁ ନକିତା ହାରେକା ଦାରାଗାଟାୟି, ଏଦିଏ ମୀ ନାସା ଆଆଗାଟି ଅଜ୍ଜୁ ଆପେ ୫ ଏନାଆଁତାକି ଇଚିହଁ ତଲି କାଲାତି ସୁଦୁଗାଟି ଇୟାସିକା ଜିକେଏ ମାହାପୁରୁ ତାଣା ବାସୁଁ ଇଟାନା ତାନି ତକ୍ରାୟାଁଇଁ ମାନିକିହାଁ ଜାହାରାଇଁ ଅଜ୍ଜିକିହା କଡିମୀରୁ । ୬ ଏଲେକିହଁ ଏ ସାରା ଜିକେଏ ଅବୁହାମଇଁ ମାନୁଞ୍ଜି ଆହାଁ ଏଞ୍ଜାଣାଇଁ ନା ପ୍ରବୁ ଇଞ୍ଜିମାତେ; ମୀରୁ ଜିକେଏ ନୀର୍ବ୍ୟ ଏନାଆଁ ଆଜାଆନା ନେହଁ କାମା କିଚିହଁ ଏଦାଣି ମାସ୍‌କାତେରି ଆଦେରି ।

୭ ଏତକ୍ରାୟାଁତେରି, ଏଲେକିହଁ ଏ ମୀ ତକ୍ତିସିକାଣି ମୀ କିହାଁ ବାଡ଼ୁୟାତା ଉଣାଗାଟାଇଁ ଇଞ୍ଜଁ ପୁଞ୍ଜାନା ଏଞ୍ଜାସିକାଇଁ ମାନି କିଦୁ, ଇଞ୍ଜାଁ ଏଞ୍ଜାସିକା ତଲେ ଆଣ୍ଡାନା ବୁଦିତଲେ ଡ଼ୟାଦୁ, ଏଞ୍ଜି ଜିକେଏ ମୀ ତଲେ ମାହାପୁରୁ ତାଣା କାଲାକାଲା ଜୀଞ୍ଜୁତି କାର୍ମାତି ଦାନା ବେଟାଆଦୁ, ଏନିକଁ ମୀ ପ୍ରାଡାନା କିନିତାଣା ବାଡ଼ା ଞ୍ଜାଏ ।

ନେହଁ କାମାତାକି କସ୍ତ ପାଣ୍ଡନାୟି

୮ ତାୟୁତି କାତା ଇଡି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଡପୁ ତଲେ ବାରେତି ସୁକ୍ତ ଦୁକ୍ତତା ଆଣ୍ଡୁଞ୍ଜି ଆନାୟି, ତାୟି ତାଜିଇଁ ଜୀଞ୍ଜୁନନାୟି, ନେହଁ ହିୟାଁ ଅଡେ ଜାହାରାଇଁ ଉଣା କିହାକତାଦୁ । ୯ ଲକ୍ତୁ ମିଙ୍ଗେ ଲାଗେଏ କିୟାତିହଁ ଜିକେଏ ଏଞ୍ଜାରାଇଁ ଝେଣ୍ଡେ ଲାଗେଏ କିଆଦୁ, ନିନ୍ଦା କିୟାତିହଁ ଝେଣ୍ଡେ ନିନ୍ଦା କିଆଦୁ, ସାମା ଏଞ୍ଜାରାଇଁ ବର ହାଦୁ, ଏନାଆଁତାକି ଇଚିହଁ ଏଲେକିହାଲି ମାହାପୁରୁ ମିଙ୍ଗେ ଆଡାନା ହାଡ଼ାମାଞ୍ଜାନେସି । ୧୦ ଦାମ୍‌ ସାସ୍ତେରିତା ରାସ୍‌କି ଆହାମାନି ଲେହେଁ

“ଆମ୍ବାଆସି ଜୀଞ୍ଜୁତା ସୁକ୍ତ ତଲେ ଡ଼ୟାଲି ଇଞ୍ଜାଁ ରାହାଁତି ଦିନାୟାଁ ମେସାଲି ଅଣ୍ଡପିନେସି, ଏଞ୍ଜାସି ଲାଗେଏ ପଲେଏ କାତାୟାଁ ତାନି ଝେନ୍‌ରିଟି ଜଲ୍ଲାଆପେସି, ଅଡେ ମିତି କାତାୟାଁ ତାନି ଗୁଡିଟି ଏରେଲାଞ୍ଜା ହଆପୁ ।

୧୧ ଏଞ୍ଜାସି ଲାଗେଏ ପଲେଏ ତାଣାଟି ହେକ ଆହାନା ନେହଁ କାମା କିପେସି, ଇଞ୍ଜାଁ ତାନି ବାରେ ହିୟାଁ ତଲେ ହିଡ଼ଡ଼ି ଜୀଞ୍ଜୁ ପାରାନା ଏ ଜିରୁଟି ତାକାପେସି ।

୧୨ ଏନାଆଁତାକି ଇଚିହଁ ଦାମ୍‌ ଗାଗାରାକି ପ୍ରବୁତି କାନୁ ମାନେ, ଇଞ୍ଜାଁ ଏଞ୍ଜାରି ପ୍ରାଡାନାତି କାର୍ମା ଅଡାହାଁ ଝେନେସି, ସାମା ପାପୁ ଗାଗାରି କପାଟି ପ୍ରବୁ ନିଜିନେସି ।”

✧ ୩:୧ ୩:୧ ଏପିସି ୫:୨୨; କଲସି ୩:୧୮ ✧ ୩:୩ ୩:୩ ୧ପିମ ୨:୯ ✧ ୩:୭ ୩:୭ ଏପିସି ୫:୨୫; କଲସି ୩:୧୯

୧୩ ମୀରୁ ନେହଁ କାମାତାକି ରାହଁ ଗାଟାତେରି ଆଦେରି, ଆତିହଁ ଆମ୍ବାଆସି ମିଙ୍ଗେ ଲାଗେଏ କିୟାଲି ଆଡାନେସି ? ୧୪ *ସାମା ନେହଁ କାମା କିହାନା କସ୍ ବେଟାଆଡ଼ି ଜିକେଏ, ଏଡ଼ି ମୀ ତାକି ନେହେଁ, ଆମ୍ବାଆସି ମିଙ୍ଗେ ଆଜି କିୟାତିହଁ ଆଜିତାକି ଆତାଜାକା ଆଆଦୁ; ୧୫ ସାମା କ୍ରୀସ୍ତୁଇଁ ପ୍ରବୁ ଇଞ୍ଜିଁ ମୀ ହିୟାତା ସୁଦୁ ତଲେ ମାନି କିଦୁ, ଆମ୍ବାଆସି ଏରେଲାଝା ମୀ ତାଣା ମାନି ବାସୁତି କାତା ପୁଞ୍ଜାଲି ଖେଞ୍ଜାତିହଁ, ଏଝାଣାଇଁ ଖେଣ୍ଡେ ଖେସାଲି ମୀ ଅଣ୍ଡୁ ତଲେ ତିୟାରା ଆହାମାଞ୍ଜୁ; ୧୬ ସାମା ଖେହ୍ନାଟି ସୁଦୁ ଅଡ଼େ ମାନିଗାଟି ଅଣ୍ଡୁ ତଲେ ଆଜାଆନା ନେହଁ ବୁଦିଟି ଖେହ୍ନୁ, ମୀରୁ କ୍ରୀସ୍ତୁ ତାଣା ଆଣ୍ଡାନା ନେହଁ ମାଣ୍ଡକି ମାନାକି ମିଙ୍ଗେ ନିନ୍ଦା କିହାନା ଦହ୍ ଦହ୍ନାନାରି ଏମ୍ପେଏ ଲାଜା ପାଣ୍ଡପେରି ଇଞ୍ଜିଁ ମୀରୁ ତାରିତି ଅଣ୍ଡୁ ତଲେ ମାଞ୍ଜୁ । ୧୭ ଏନାଆଁତାକି ଇତିହଁ ଲାଗେଏ ପଲେଏ କାମାତାକି ଦୁକୁ ବେଟାଆନି କିହଁ ମାହାପୁରୁ ଇତା ଆତିହଁ, ନେହଁ କାମାତାକି ଦୁକୁ ବେଟାଆନାୟି ନେହେଁ । ୧୮ କ୍ରୀସ୍ତୁ ମିଙ୍ଗେ ମାହାପୁରୁ ତାଣା ତାଗାଲି ତାକି ଏଝାସି ଦାମ୍ବୁଗାଟାସି ଆହାନା ଦାମ୍ବୁ ହିଲାଆ ଗାଟାରି ତାକି ପାପୁ ତାକି ରଣ୍ଡିଏ ଦେବା ହାଡେସି, ଏଝାସି ଆଜା ତଲେ ହାଡେସି ସାତା, ସାମା ଜୀଝୁତଲେ ନୀତିଡେସି, ୧୯ ଏମ୍ପାଟିଏ ଏଝାସି ସୁଦୁଜୀଝୁ ତଲେ ମାଞ୍ଜାନା ଦସ୍ପି ଆହାମାଟି ଜୀଝୁୟାଁ ତାଣା ହାଜାନା ମାହାପୁରୁ ବଲୁ ଖେକହେସି; ୨୦ ତଲି କାଲାତା ନହ୍ ଜାଜା କେପିତି ବେଲା, ମାହାପୁରୁ ସାସାତଲେ କାଟିମାଟେସି, ଆଡ଼ିଜିକେଏ ଏଝାଣାଇଁ ମାନିଝି ଆଆଡେରି, ଏ ଜାଜାତା ହାଡେକା ଲକୁ ଆଏ, ଆଟା ଜାଣା ହଡାନା ଏମୁଟି ଗେଲୁପି ଆଡେରି; ୨୧ ଏ ଏମୁ ଇ କାଲାତି ବାପ୍ପିସ୍ତୁ* ଇତିହଁ ଏଡ଼ି ମା ଆଜାଟି ମାଟି ନନ୍ନାୟି ଆଏ, ସାମା ମାହାପୁରୁ ତାଣା ନେହଁ ଅଣ୍ଡୁ ବେଟାଆହାଲି ପ୍ରାତାନା କିନାୟି, ଇଞ୍ଜିଁ ଜୀସ୍ତୁ କ୍ରୀସ୍ତୁ ହାକିଟି ନିଙ୍ଗିତାକି ଗେଲୁପି ଆନାୟି । ୨୨ ଏ ଜୀସ୍ତୁ କ୍ରୀସ୍ତୁ ଲାକପୁରୁ ହାଜାନା ମାହାପୁରୁଟି ଟିଠିନି ଟଟତା କୁଗାମାନେସି, ଏମ୍ପାଆଁ ଦୁଡୁୟାଁ, ପାଣା ବେଟାଆତାରି ଅଡ଼େ ବାଡୁୟୁ ଗାଟାରି, ଏଝାଣାଇଁ ମାନିଝି ଆହାନା ତାନି ଡ଼ଇ ମାନେରି ।

୪

ମାହାପୁରୁ ତାକି ନୀତିନାୟି

୧ କ୍ରୀସ୍ତୁ ଆଜା ତଲେ ଦୁକୁ କସ୍ ବେଟାଆହା ମାନାକି ମୀରୁ ଜିକେଏ ଏଲେକିହଁ ଏ ଏଝାଣି ଲେହେଁତି ଅଣ୍ଡୁ ତଲେ ଜାହାରାଇଁ ତିୟାରା କିହାକତାଦୁ, ଏନାଆଁତାକି ଇତିହଁ ଆମ୍ବାଆସି କ୍ରୀସ୍ତୁଟି ତାକି ଆଜାତା ଦୁକୁ କସ୍ ବେଟା ଆହାମାନେସି, ଏଝାସି ପାପୁଟି ହେକ ଆହାମାନେସି, ୨ ଏନିକଁ ମୀରୁ ଦାବୁତିତା ନୀତାମାନି ପାତେକା ପାପୁଗାଟି ମାଣ୍ଡସିତି ଲାଗେଏ ଜୁପକାତି ଅଣ୍ଡୁ ତଲେ ନୀତାଆନା ମାହାପୁରୁଟି ଅଣ୍ଡୁ ଲେହେଁ ନୀତାଦୁ । ୩ ହାରେକା ଦିନା ମୀରୁ ନାମାଆଗାଟାରି ଇତା ତଲେ କାମା କିହଁ ମୀରୁ ଏତେ କାଲା ଲାଗେଏ ପଲେଏ କାମାତା, ଲାଗେଏତି ଜୁପକା, କାଡ଼ୁ ହୁଡୁ ଅନାୟି, କାଡ଼ୁ ଗୁସାନା ରାହଁ କିନାୟି, କାଡ଼ୁ ଗସାନା ହଡ଼ିନାୟି, ଇଞ୍ଜିଁ ଅପାଆଗାଟି ପେଣ୍ଡାକା ବମାୟାଣି ପୂଜା କିହମାଟେରି, ୪ ମୀରୁ ନାଏଁ ଏଝାରିତଲେ ଏ ବାରେ ଲାଗେଏ ପଲେଏ କାମାତା ରାହଁତଲେ ଆଣ୍ଡିହଲଅତେରି, ଏନାଆଁତାକି ଏଝାରି ଆତାଜାକା ଆହାନା ମିଙ୍ଗେ ହାରେକା ନିନ୍ଦା କିୟାନେରି । ୫ ସାମା ଆମିନି ମାହାପୁରୁ ନୀତାମାନାରାଇଁ ଅଡ଼େ ହାଡ଼ାରାଇଁ ନାହଁୟି କିହାଲି ହାଜିମାନେସି, ଏ ମାହାପୁରୁ ନକିତା ଏଝାରି ତାମି ବାରେ କିତି କାମାଟି ଲେକା ହାନାୟି ମାନେ । ୬ ଏନାଆଁତାକି ହାଡ଼ାରି ତାଣା ଜିକେଏ ମାହାପୁରୁଟି ନେହଁ କାବୁ ଖେସିଆଡ଼େ, ଏନିକଁ ଏଝାରି ମାଣ୍ଡସିୟାଁ ଲେହେଁ ଆଜା ତଲେ ନାହଁୟି କିଝି ଆତିହଁ ଜିକେଏ ମାହାପୁରୁ ଲେହେଁ ଜୀଝୁତଲେ ନୀତିନେରି ।

ମାହାପୁରୁଟି ଦାନା ଅଡ଼େ ନେହଁ ଗୁମୁସା

୭ ଏ ବାରେତି ରାନ୍ଦି ଦିନା ତାଗେ ଝାଡେୟିଏ, ଏନାଆଁତାକି ମୀରୁ ନେହଁ ବୁଦି ଗାଟାତେରି ଆଦୁ, ଇଞ୍ଜିଁ ମାହାପୁରୁ ତାଣା ପ୍ରାତାନା କିୟାଲି ତାକି ଜାଗ୍ରାତା ଆହାନା ମାଞ୍ଜୁ । ୮ ବାରେତି କିହଁ ମୀରୁ ରଅତେରି ରଅଣାଇଁ ହାରେକା ଜୀଝୁନଦୁ, ଏନାଆଁତାକି ଇତିହଁ ଏଲେତି ଜୀଝୁନନାୟି ହାରେକା ପାପୁଟି ପିକନେ । ୯ ଗୁମୁମୁରୁ ଆଆନା ରଅତେରି ରଅଣାଇଁ ଗତାୟାଁ ଲେହେଁକି ସେବା କିଦୁ । ୧୦ ବାରେଜାଣା ତେରି ଏନିକଁ ମାହାପୁରୁ କାମାଟି ଦାନା ବେଟାଆହାମାଞ୍ଜେରି, ଏଲେକିହଁ ଏ ମୀରୁ ମାହାପୁରୁ ମେରାତି ନେହଁ ଗୁମୁସାୟାଁ ଲେହେଁ ଆହାନା ଏ ବାରେ ଦାନା ତଲେ ରଅତେରି ରଅଣାଇଁ ସେବା କିଝିଆଦୁ । ୧୧ ଆମ୍ବାଆସି ଖେକନେସି ମାହାପୁରୁଟି ନେହଁ କାବୁ ଖେକନାସି ଲେହେଁ ଖେକପେସି; ଇଞ୍ଜିଁ ଆମ୍ବାଆସି ସେବା କିନେସି ମାହାପୁରୁ ତାଣାଟି ବାଡୁୟୁ ବେଟାଆହାମାନି ଲେହେଁ ସେବା କିପାସି । ଏନିକଁ ଜୀସ୍ତୁ

* ୩:୧୪ ୩:୧୪ ମାଟି ୫:୧୦ * ୩:୨୧ ୩:୨୧ମୁଞ୍ଜନାୟି

କ୍ରୀସ୍ତ ତାଣ୍ଡାଟି ମାହାପୁରୁ ଗାଝୁରମି ବେଟା ଆନେସି; ଇଞ୍ଜା କାଲାକାଲାତି ଗାଝୁରମି ଅଡ଼େ କାଜାପାଣା ଏଞ୍ଜାଣିଞ୍ଜାୟି । ଆନେନ ।

କ୍ରୀସ୍ତାନା ଲକ୍ଷ୍ମି ଦୁକୁ କସ୍ତ

୧୨ ଏ ନା ଜୀସ୍ତୁତି ତଢେସିଙ୍ଗାତେରି, ନୀଏଁ ମିଙ୍ଗେ ହିରୁତା ତାୟିପାରି କିନି ଲେହେଁ ହାରେକା ଦୁକୁ କସ୍ତ ଖାହାମାନେ, ଏଦି ମାଙ୍ଗେ ଖାନାୟି ହିଲାଆତେ ଇଞ୍ଜି ଅଣପାଆଦୁ । ୧୩ ସାମା କ୍ରୀସ୍ତୁତି ଦୁକୁ କସ୍ତତା ମୀରୁ ଏଚେକା ଆଣ୍ଡାମାଞ୍ଜେରି ଏଚେକେଏ ରାହାଁ ଆଦୁ, ଏନିକି ଏଞ୍ଜାଣି ଗାଝୁରମି ତଞ୍ଜାଆନି ବେଲାତା ଜିକେଏ ମୀରୁ କାଜା ରାହାଁତା ରାହାଁ ଆଦେରି । ୧୪ ସାମା ମୀରୁ କ୍ରୀସ୍ତୁତି ଦରୁ ତାକି ନିନ୍ଦା ବେଟାଆଦେରି ଆତିହିଁ ମୀରୁ ନେହାଁତେରି, ଇଚିହିଁ ଗାଝୁରମିଗାଟି ଜୀସ୍ତୁ, ଇଚିହିଁ ମାହାପୁରୁତି ଜୀସ୍ତୁ ମୀ ତାଣା ତୁୟାମାନେ । ୧୫ ଏଦାଆଁତାକି ମୀ ବିତ୍ରାଟି ଲକ୍ଷ୍ମି ପାୟିନାରି, ସରୁ କିନାରି, ଦହ କାମା କିହାନା, ଲକ୍ଷ୍ମି ସାକ୍ତି କାତା ଜଲିନାରି ଆହାନା ସାସ୍ତି ବେଟାଆଦେରି । ୧୬ ସାମା ଆମ୍ବାଆସି କ୍ରୀସ୍ତାନା ଲକ୍ଷ୍ମି ଆହାମାନାକି ସାସ୍ତି ବେଟା ଆନେସି, ଆତିହିଁ ଏଞ୍ଜାସି ଲାଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁଇଁ ଜହରା କିପେସି ।

୧୭ ଇଚିହିଁ ମାହାପୁରୁ ଇଲୁଟିଏ ନୀହାଁୟି କିଞ୍ଚି ଆହାଁ ବିଚାରା କିନି ଦିନା ଖାନେ; ଇଚିହିଁ ମାହାପୁରୁ ନକେଏ ମାଙ୍ଗେ ନୀହାଁୟି କିୟାତିହିଁ, ଆତିହିଁ ତାମି ନେହିଁ କାକୁ ମାନୁଞ୍ଚି ଆହାହିଲଅରି ଏଞ୍ଜାରି ତାୟିତି ତଣ୍ଡି ଏଚେକା ଆଜିହପେତାୟି ଆଏ ! ୧୮ ସାସ୍ତେରିତା ରାସ୍ତିକି ଆହାମାନେ,

“ଦାମ୍ବୁଗାଟାସି କସ୍ତତଲେ ଗେଲୁପି ଆନେସି,

ଆତିହିଁ ଦାମ୍ବୁ ହିଲାଆ ଗାଟାରି ଅଡ଼େ ପାପୁଗାଟି ଲକ୍ଷ୍ମି ଏନିକି ମ୍ବୁ ହୁହନେରି ?”

୧୯ ଇଚିହିଁ ଆମ୍ବାଆରି ମାହାପୁରୁତି ଅଣପୁ ଲେହେଁ ଦୁକୁ କସ୍ତ ବେଟାଆନେରି, ଏଞ୍ଜାରି ନେହିଁ କାମା କିହାନା ଏଞ୍ଜାଣି ତାଣା ହାରେପୁରେ ବାସ୍ତି କିପାରି, ଆତିହିଁ ଏଞ୍ଜାରାଇଁ ଗାଟିକିତି ମାହାପୁରୁ ବାରେବେଲା ତାନି ଆଞ୍ଜାମାନି କାମା ଲେହେଁ କିନେସି ।



ମାହାପୁରୁତି ମେଣ୍ଡାୟି

୧ ଇଚିହିଁ ନାନୁ ମୀ ତଲେତି ର ଲୁଲମିତି ପ୍ରାଚିନାତେଏଁ, ଅଡ଼େ କ୍ରୀସ୍ତୁତି ଦୁକୁ ବେଟାଆହାମାନି ତାଣ୍ଡାଟି ସାକି ଇଞ୍ଜା ଖାହିମାନି ଗାଝୁରମିତା ଆଣ୍ଡିନାତେଏଁ ନାନୁ, ମୀ ତାଣା ମାନି ପ୍ରାଚିନାଙ୍ଗାଣି ବାତିମାଲିମାଇଁ, ୨ *ମୀ ତାଣା ମାନି ମେଣ୍ଡାୟିଜା ତାଡ଼ୁ କିଦୁ ମାହାପୁରୁ ମିଙ୍ଗେ ହେରପାମାଞ୍ଜାନି ମାନ୍ଦାତି ପହିକିଦୁ, ଗୁତାଗୁତା କିନାକି ଆଏ, ସାମା ରାହାଁ ଅଣପୁ ତଲେ ମାହାପୁରୁ ଅଣପୁତି ଲେହେଁ ତାଡ଼ୁ କିଦୁ, ଖାଉଇ ତାବୁୟା ବେଟାଆନି ଆସା ତାକି ଆଏ, ସାମା ସାତା ସେବାକିନି ଅଣପୁ ତଲେ କାମା କିଦୁ । ୩ ଅଡ଼େ ଆମ୍ବାଆରି ଦାୟିପତି ମୀ କେୟୁତା ହାପକି ଆହାମାଞ୍ଜାନେ, ଏଞ୍ଜାରି ମୁହେଁ ସାଲୁଞ୍ଚି କିନାତେରି ଆଆନା ଏ ମାନ୍ଦାତି ମାନି ଗାଟାତେରି ଆହାନା କିଦୁ । ୪ ଏଚେଟିଏ “କାଜା ଗଡ଼ୁ” ତଞ୍ଜାଆନି ଦିନାତା ମୀରୁ ଗାଝୁରମିତି ଏଚେଲା ଖାଡ଼ାଆଗାଟି ଟପେରି ବେଟାଆଦେରି । ତାନି ଉଜେଡ଼ି ଏଚେଲା ଖାଡ଼େଏ ।

୫ ଏ ଦାମ୍ବୁଗାଟାୟିତେରି, ଏଲେକିହିଁ ଏ ମୀରୁ ଜିକେଏ ମୀ ପ୍ରାଚିନାଙ୍ଗାଣି ମାନୁଞ୍ଚି ଆଦୁ, ମୀରୁ ବାରେଜାଣା ତେରି ରଅତେରି ରଅଣି ନକିତା ସୁଦୁଗାଟି ଅଣପୁତି ହିମ୍ବୁରି ଲେହେଁ ପରୁଦୁ, ଦାମ୍ବୁ ସାସ୍ତେରିତା ରାସ୍ତିକି ଆହାମାନେ, “ଇଚିହିଁ ମାହାପୁରୁ ତାହାରା ଗାଟାରି କପାଟି ନିଙ୍ଗାନା ସୁଦୁ ଗାଟାରାଇଁ କାର୍ମା ମେହନେସି ।” ୬ *ମାହାପୁରୁତି ବାଡ଼ୁଗାଟି କେୟୁ ତୁଇ ମୀରୁ ମିଙ୍ଗେ ଉଣା କିହାକତାଦୁ, ଏନିକିହିଁ ଏଞ୍ଜାସି ତାୟି ସାମା ଦିନାତା ମିଙ୍ଗେ କାଜାତେରି କିୟାନେସି; ୭ ମୀ ଅଣପୁତି ବକୁ ବାରେ ମାହାପୁରୁ ତାଣା ହେରପାଦୁ ଇଚିହିଁ ଏଞ୍ଜାସି ମିଙ୍ଗେତାକି ଅଣପିନେସି ।

୮ ସେଡ଼ନା ଆହାନା ଜାଗ୍ରାତା ମାଞ୍ଜୁ, ଏଦାଆଁତାକି ଇଚିହିଁ ଆମ୍ବାଆରାଇଁ ଗୁହୁଇଁ ଇଞ୍ଜି ମୀ ସାଦୁ ସୟତାନ ତୁକିମାନି ସିହୁକ୍ତାଞ୍ଚି ଲେହେଁ ପାରିହିଁ ରେଜିମାନେସି । ୯ ମୀରୁ ନାମୁତା ତୀରି ମାଞ୍ଜାନା ସୟତାନଇଁ ପେରୁଦୁ, ଏନାଆଁତାକି ଇଚିହିଁ ଇ ଦାଡ଼ିତା ମାନି ମୀ ନାମିତି ତାୟିୟାକି ଇଲେତି ଦୁକୁ କସ୍ତ ଆହିମାନେ । ୧୦ କ୍ରୀସ୍ତ ତଲେ ଆଣ୍ଡାମା ତାନି କାଲାକାଲାତି ଗାଝୁରମିତା ଆଣ୍ଡାଲି କାର୍ମାମେହନି ମାହାପୁରୁ ମିଙ୍ଗେ ହାଟାମାଞ୍ଜାନେସି, ମୀ ଗାଡ଼େକାତି ଦୁକୁ କସ୍ତ ବେଟାଆତି ତାୟି ଏଞ୍ଜାସି ତାୟିଏ ମିଙ୍ଗେ ତୀରି ଆଡ଼ଞ୍ଜା,

* ୫:୨ ୫:୨ ଜହ ୨:୧୫-୧୭ * ୫:୨ ୫:୨ ମାତି ୨୩:୧୨; ଲୁକ ୧୪:୧୧; ୧୮:୧୪

ବାଡ଼ୁଛୁ, ଅଡ଼େ ଏଚେଲା ଗୁଡ଼ା ଆଆଗାତି ବାର୍ଷୁ ମିଙ୍ଗେ ହିୟାନେସି । ^{୧୧} ବାରେ ବାଡ଼ୁଛୁ ଜୁଗୁ ଜୁଗୁତାକି ଏଞ୍ଜାଣିଞ୍ଜାୟି । ଆଢ଼ମନ୍ ।

ରାନ୍ତିବେଲାତି ଜହରା

^{୧୨} *ସିଲାଇଁ ନାମୁତି ତାୟିଲେହେଁ ନାନୁ ଜୀଞ୍ଜୁନହୁଁନା ତାନିତାଣାଟି ନାନୁ ଈ ଉଣା ଆକୁ ରାଚାମାଇଁ । ମାହାପୁରୁତି ସାତା କାର୍ମାତି ସାକି ହାହାନା ମିଙ୍ଗେ ରାହୁଁ କିୟାନାୟି ନା କାମା । ଏ କାର୍ମା ମେହ୍ନିତାଣା ଆଟ୍ଠାତିଲେ ମାଞ୍ଜୁ ।

^{୧୩} *ମାହାପୁରୁ ତାକି ଆଟ୍ଠି ଆହାମାନି ବାବିଲନତା ମାନି କୁଲମି ଅଡ଼େ ନା ଦାମୁତି ମୀରଏସି ମାର୍କ ଜିକେଏ ମିଙ୍ଗେ ଜହରା କିହିମାଞ୍ଜାନେରି । ^{୧୪} କ୍ରୀସ୍ତାନା ଲକୁ ଲେହେଁ ଜୀଞ୍ଜୁନହୁଁନା ଜହରା କିଦୁ । କ୍ରୀସ୍ତ ତାଣା ମାନି ଲକୁକି ହିଡ଼ଡ଼ି ଆଢ଼େ ।

ପିତର ଲିଖିତ ଦ୍ଵୀତିୟ ପତ୍ର ପିତର ରାଡ଼ାମାନି ରୀ ଲମ୍ବର ଆକ୍ର ମୁକ୍ତ ହାଡ଼ା

ପିତର ରୀ ଲମ୍ବର ଆକ୍ର ପାଣ୍ଡୁଆଡ଼ି ପିତର ରାଡ଼ାମାନେସି, ସାମା ହାରେକା ବୁଦ୍ଧିଗାଗାରି ନୀଏଁ ଓଏ ଛଦି ସାତା ଇଞ୍ଜି ନାମିହିଲଅରି । ଛଦାଆଁ ପିତର ତାଣାଟି ଆମ୍ବାଆସି ଆପେ ରାଡ଼ାମାଣ୍ଡିନେସି । ରାଡ଼ାମାନାସି ଏଲେଇଞ୍ଜି ମାନେସି, ଏଞ୍ଜାସି ଜୀସୁ ଛ ଦାରୁତିତା ନୀତାମାଗାଣି ଅଡ଼େ ମୁମ୍ବୁବାଦଲି ଆହାମାଗାଣି ତାନୁସି ମେସାମାଚେସି ୧:୧୭-୧୮ । ଛ ଆକ୍ର ପିତର ରାଡ଼ାମାଟିସାଚେ ଏଞ୍ଜାସି ରମ୍ବତା ମାଞ୍ଜାନା ତାନୁ ହାଡ଼ି ନଚେଏ ଜୀସୁ କ୍ରୀସୁ ଜାର୍ନାଆଡ଼ି ୬୫-୬୯ ବାସା ତାୟୁ ରାଡ଼ାମାଚେସି । ପିତର ରୀ ଲମ୍ବର ଆକ୍ର ତାୟୁ ପିତର ରାଡ଼ିତି କାଲମି ଖେସାନା ଏଲେଇଚେସି ଛଦି ରୀ ପାଲିତି ଆକ୍ର ୩:୧ । ଏଞ୍ଜାସି ଛ ଆକ୍ର ବାରେ କ୍ରୀସ୍ତାନା ଲକ୍ରୁତି ଦରୁ ଖେକହେସି ।

କ୍ରୀସ୍ତଇଁ ନାମିତି ଲକ୍ରୁ ନେହଁ କଁ ନୀତାବାଡ଼କାଲି ସାସା ହାହାଲି ଅଡ଼େ ମିତିତାଣି ଜାପ୍ନାରି ତାଣାଟି ଜାଗ୍ରାତା କିହାଲି ଛ ଆକ୍ର ପିତର ରାଡ଼ାମାନେସି ୨ ପାରୁଁ । ପିତର ଏଞ୍ଜାରାଇଁ ଜୀସୁ ତବେ ଖାହାହିଲଅସି ଇଞ୍ଜିମାନି ଲକ୍ରୁ କାତା ଆହଆଡୁ ଇଞ୍ଜିଁ ସାସା ହାଚେସି । ଏଞ୍ଜାସି ତସାନା ଖେସେସି ମାହାପୁରୁ ନିସ୍ତା ଆହଁ କାମାକିନାସି ଆଏ ସାମା ଏଞ୍ଜାସି ବାରେଜାଣାଟି ଗେଲ୍ପି ଆହାଲି ଅଣ୍ଡିପିମାନେସି ୨ପିତ ୩:୮-୯ । ଏଦାଆଁତାକି ନେହଁ ମାଣ୍ଡିକିତି ଜୀଞ୍ଜୁତଲେ ନୀତିନାୟି ମାନେ ୩:୧୪ ।

ପତିତା ମାନାୟି

- ୧. ପିତର ତାଙ୍ଗେ ଖେକହା କଡିନାୟି ଅଡ଼େ ତାନି ଆକ୍ରୁତି ପଡ଼ୁଞ୍ଜି ଆନାରାଇଁ ଖେହ୍ନାୟି । ୧:୧-୨
- ୨. ଏଞ୍ଜାସି ଏଞ୍ଜାରାଇଁ ନେହଁ କଁ ନୀତାବାଡ଼କାଲି ଅଣ୍ଡି କିହିମାନେସି ଏନାଆଁତାକି ଇତିହଁ ମାହାପୁରୁ ମାଙ୍ଗେ ବାଡ଼ୁୟୁ ହାହାମାଞ୍ଜାନେସି । ୧:୩-୨୧
- ୩. ଏଞ୍ଜାସି ମିତି ଜାପ୍ନାରି ତାଣାଟି ଜାଗ୍ରାତା ଆହାଲି ଖେସାମାନେସି ଅଡ଼େ ଜୁଗୁ ରାନ୍ଦି ଦିନାତା ଏଞ୍ଜାରାକି ଏନାଆଁତାଚେ ଇଞ୍ଜିଁ ଖେସାମାନେସି । ୨:୧-୨୨
- ୪. କ୍ରୀସ୍ତଇଁ ନାମିତି ଲକ୍ରୁଣି ଜୀସୁ ଖେଣ୍ଡେ ଖାନ୍ଦି ଦିନା ପାତେକା ନେହଁ ଜୀଞ୍ଜୁତଲେ ତିୟାରା ଆହା ମାଞ୍ଜାଲି ସାସା ହାହାନା, ପିତର ତାନି ଆକ୍ର ରାପ୍ନାୟି । ୩:୧-୧୭

୧ ସିମନ ପିତର, ର ହଲେଏସି ଅଡ଼େ ପାଣ୍ଡୁଞ୍ଜି ଆହାମାନାସି, ମା ମାହାପୁରୁ ଅଡ଼େ ଗେଲ୍ପାନି ଜୀସୁ କ୍ରୀସ୍ତ ଦାମ୍ବୁତାକି ଆମିନି ଗାଗାରି ମା ଲେହେଁ ହାରେକା ଦାରାଗାଟି ନାମୁ ବେଟା ଆହାମାନେରି, ଏଞ୍ଜାରିତାଣା ଆକ୍ର ରାଡ଼ିମାଇଁ । ୨ ମାହାପୁରୁ ଅଡ଼େ ମା ପ୍ରବୁ ଜୀସୁତ ବୁଦ୍ଧିତଲେ ମିଙ୍ଗେତାକି କାର୍ମାମେହ୍ନାୟି ଅଡ଼େ ହିଡ଼ି ଜୀସୁ ହାରେକା ଗାତି ଆୟାପେ ।

ମାହାପୁରୁ ହାଡ଼ିନାୟି ଅଡ଼େ ଆଡ଼ିନାୟି

୩ ଆମ୍ବାଆସି ତାନି ଗାପ୍ତୁରମି ଅଡ଼େ ନେହଁ ଗୁଣ୍ଡୁତଲେ ମାଙ୍ଗେ ହାଡ଼ାମାଞ୍ଜାନେସି, ମାହାପୁରୁ ତାନି ବୁଦ୍ଧିତଲେ ଲାକପୁରୁତି ବାଡ଼ୁୟୁତି ମାଙ୍ଗେ ଜୀଞ୍ଜୁ ଅଡ଼େ ଦାମ୍ବୁତି ଜିରୁ ତାକି ବାରେ ଲଡ଼ାମାନାଣି ହାହାମାଞ୍ଜାନେସି । ୪ ଏଦାଆଁ ତଲେ ଏଞ୍ଜାସି ମାଙ୍ଗେ ଗାତି ଦାରା ଅଡ଼େ ହାରେକା ଲଡ଼ାଗାଟି ଆଞ୍ଜାମାନି ଦାନା ହାହାମାଞ୍ଜାନେସି, ଏନିକଁ ଏ ବାରେ ତଲେ ମୀରୁ ଲାଗେଏତି ଅଣ୍ଡିପୁତା ଆହିମାନି ଆମିନି ନାସା ଆନି ଦାରୁତିତା ମାଞ୍ଜେରି, ଏମ୍ବାଟି ଗେଲ୍ପି ଆହାନା ଲାକପୁରୁତି ଗୁଣ୍ଡୁତଲେ ଆଣ୍ଡାଦୁ । ୫ ଛଦାଆଁତାକି ମୀରୁ ହାରେକା ଜାଡ଼ୁତି ନାମ୍ବୁତଲେ ନେହଁ ଗୁଣ୍ଡୁ, ଅଡ଼େ ସାତା ଗୁଣ୍ଡୁତଲେ ବୁଦ୍ଧି, ୬ ବୁଦ୍ଧିତଲେ ଆଙ୍ଗାଟି ଲକ୍ନାୟି, ଆଙ୍ଗାଟି ଲକ୍ନାଣି ତଲେ ସାସା, ସାସାତଲେ ଦାମ୍ବୁତି କାମା କିନାୟି, ୭ ଦାମ୍ବୁତି କାମାକିନାଣି ତଲେ ତାୟିୟାଁଇଁ ଜୀଞ୍ଜୁନନାୟି, ତାୟିୟାଁଇଁ ଜୀଞ୍ଜୁ ନନାଣି ତଲେ ବାରେ ଲକ୍ରୁଇଁ ଜୀଞ୍ଜୁ ନନାଣି ଆଡ଼ଦୁ । ୮ ଛ ନେହଁ ଗୁଣ୍ଡୁୟାଁ ମିଙ୍ଗେ ଲଡ଼ାମାନେ; ଛ ବାରେ ମୀରୁ ବେଟାଆହାମାନି ପ୍ରବୁ ଜୀସୁ କ୍ରୀସ୍ତ ବୁଦ୍ଧି ମିଙ୍ଗେ ପାର୍ସାଡ଼ା ଅଡ଼େ ବାରେ ମେଡ଼ି କିହାମାଞ୍ଜାନେ । ୯ ସାମା ଛ ବାରେ ଗୁଣ୍ଡୁ ଆମ୍ବାଆରି ତାଣା ହିଲେଏ, ଏଞ୍ଜାସି ହେକ ମେସାଲି ଆଡ଼ାଆ କାଣା ଆହାମାନେସି, ଅଡ଼େ ତାନି ନଚେଏ କିତି ବାରେ ପାପୁତି ନଚ୍ଞି ଆଡ଼ାଣି ଏଞ୍ଜାସି ବାଣ୍ଡି ଆହାମାନେସି ।

୧୦ ଇଦାଆଁତାକି, ଏ ତାୟି ତାଜିସ୍ନା, ମାହାପୁରୁ ମିଙ୍ଗେ ଆତାନା ହାତାମାଞ୍ଜାନାଣି ଅଡ଼େ ମନଡ଼ି ଅଣପୁ ତୀରି କିହାଲି ହାତରକା ଜାତୁନୁ ଗାଟାତେରି ଆଦୁ; ଇଲେ କିତିସାରେ ମୀରୁ ଏତେଲା ଜିକେଏ ମୀ ନାମୁତା ଉଣା ଆଅତେରି । ୧୧ ଇଞ୍ଜା ଇଲେକିହ ଏ ମା ପ୍ରବୁ ଅଡ଼େ ଗେଲ୍‌ପାନି ଜୀସୁ କ୍ରୀସ୍ତତି କାଲାକାଲାତି ରାକ୍ତିତା ରାହାତଲେ ହାଜାଲି ମିଙ୍ଗେ ହୀପ୍‌କି ଆୟାନେ ।

୧୨ ଇଦାଆଁତାକି ମୀରୁ ଇ ବାରେ କାତା ପୁଞ୍ଜାମାଞ୍ଜେରି ଅଡ଼େ ମୀରୁ ବେଟାଆହାମାନି ସାତାତା ନେହ କି ତୀରି ଆହାମାଞ୍ଜେରି, ଆଡ଼ିଜିକେଏ ନାନୁ ଇ ବାରେ କାତା କାଲେଏ ମିଙ୍ଗେ ଅଣପି କିଞ୍ଜିକିହାଲି ଜାଗ୍ରାତା ଡ଼ୟିଇଁ । ୧୩ ନାନୁ ନୀତାମାନି ପାତେକା ଇ ବାରେ କାତା ତାକି ମିଙ୍ଗେ ସେତନା କିହାଲି ନାନୁ କିନାୟି ମାନେ ଇଞ୍ଜି ଅଣପିମାଇଁ । ୧୪ ମା ପ୍ରବୁ ଜୀସୁ କ୍ରୀସ୍ତ ନାଙ୍ଗେ ଏନିକି ଖେସାମାଞ୍ଜାନେସି, ଏଲେକିହ ନାଙ୍ଗେ ଦାପେ ଇ ନା ଆଙ୍ଗା ଲେହେତି ତୁମ୍ଭ ପିସାଲି ଆନେ, ୧୫ ଅଡ଼େ ନା ହାଡ଼ି ତାୟି ଜିକେଏ ମୀରୁ ଏନିକି ଇ ବାରେ କାତା କାଲେଏ ଅଣପୁତା ଇତିଦେରି, ଇଦାଆଁତାକି ନାନୁ ଅଣପିମାଇଁ ।

କ୍ରୀସ୍ତତି ଗାଞ୍ଜୁରମି ମେସ୍ତାରି ସାକି

୧୬ ଇତିହ ମାମ୍ଭୁ ଏରିବେଲା ମା ପ୍ରବୁ ଜୀସୁ କ୍ରୀସ୍ତତି ବାଡ଼ୁଡ଼ୁ ଅଡ଼େ ଖାହିମାନି କାତା ମିଙ୍ଗେ ପୁଣ୍ଡି କିୟାତମି, ଏରିବେଲା ଏନି ସୁତ୍ରମି ତଲେ କେପିତି ପୁସ୍‌ପନିକା ଆସା ହିଲାଆତମି, ସାମା ତାନି ଗାଞ୍ଜୁରମିତି କାଣ୍‌କା ତଲେ ମେସ୍ତା ସାକିୟା ଆହାମାତମି । ୧୭ ଏରିବେଲା କାଜା ଗାଞ୍ଜୁରମିତି ଏଞ୍ଜାଣାକି ଇ ହାଡ଼ା ଖାଡ଼େ, ଏରିବେଲା ମାମ୍ଭୁ ଏମ୍ଭାଆଁ ମାତମି, “ଇଞ୍ଜାସି ନା ଜାଞ୍ଜୁତି ମୀରୁଏସି ଇଞ୍ଜାଣି ତାଣେଏ ନା ହାରେକା ରାହାଁ ମାନେ !” ଏରିବେଲା ଏଞ୍ଜାସି ଆବା ମାହାପୁରୁ ତାଣାଟି ସାମ୍ଭୁ ମି ଅଡ଼େ ଗାଞ୍ଜୁରମି ବେଟାଆତେସି; ୧୮ ମାମ୍ଭୁ ତାନିତଲେ ଏ ସୁଦୁ ହରୁ ଲାକ ମାଟିବେଲାତା ମାମ୍ଭୁସୁ ହାମ୍ଭୁ ଲାକଟି ଖେଜିତି ଇ ହାଡ଼ା ଖେଞ୍ଜାମାନମି ।

୧୯ ଏମ୍ଭାଆଁ ମାହାପୁରୁ ଅଣପୁତି ବଲୁ ଖେକନାରି ଖେକହାମାଟି ମାହାପୁରୁ ଅଣପୁତି ବଲୁ ମାଙ୍ଗେତାକି ହାରେକା ଆଡ଼ାଞ୍ଜା ଆତେ; ମୀରୁ ଏଦାଆଁ ଆନ୍ଦେରିତା ଡ଼ାଞ୍ଜାମାନି ଦାଞ୍ଜି ଲେହେଁ ଅଣପାନା ଲାଆଁ ଖେୟାଆ ପାତେକା ମୀ ହିୟାତା ଖେୟାଜାରା ହୁକା ହଥା ପାତେକା ଏଦାଣି ମନ ହାଡ଼ିହ ନେହେଁ ଆନେ । ୨୦ ମୀରୁ ବାରେତି କିହାଁ ତଲିଏ ଇଦାଆଁ ପୁଞ୍ଜୁ, ଦାମ୍ଭୁ ପତିତା ରାସ୍‌କି ଆହାମାନି ମାହାପୁରୁ ବଲୁତି ଜାହାରା ବୁଦିତଲେ ତେଲୁହାଲି ଆଡ଼ାଆୟି । ୨୧ ଇତିହ ଆମିନି ମାହାପୁରୁ ଅଣପୁତି ବଲୁ ଖେହନାରି ଖାବୁଇ ତାମ୍ଭୁ ମାଣସି ଅଣପୁତି ଆମ୍ଭାଆସି ଜିକେଏ ଖେକହା ହିଲଅରି, ସାମା ମାହାପୁରୁ ପାଣ୍ଡିତି ମାଣସିୟାଁ ସୁଦୁଜାଞ୍ଜୁତି ସାଲୁଞ୍ଜି ଆହାନା ଏଞ୍ଜାରି ଅଣପୁତି ବଲୁ ଖେସାମାତେରି ।

୨

ମିତି ଜାପୁନାରି

୧ ସାମା ଲକୁ ତାଣାଟି ମିତି ମାହାପୁରୁ ବଲୁ ଖେହନାରି ହଡ଼େରି; ଏଲେକିହ ଏ ମୀ ବିଡ଼ାତି ମିତି ଜାପୁନାରି ହନେରି; ଏଞ୍ଜାରି ନାସା ଆନିଲେହେତି ନାଡ଼ିକିନି ଅଣପୁ, ଡ଼ୁଗ୍‌ନା ଖେକହାନା ଏଞ୍ଜାରାଇଁ କତାମାନି ପ୍ରବୁଇଁ ଜିକେଏ ପୁଞ୍ଜାହିଲଅମି ଇନେରି, ଅଡ଼େ ଜାହାରାଇଁ ଦେବୁଣିଏ ନାସା କିୟାନେରି । ୨ ଅଡ଼େ ହାରେକା ଲକୁ ଏଞ୍ଜାରି ଲାଗେଏ କାମାତି ଜେଟ ହାନେରି, ଇଞ୍ଜା ଇଞ୍ଜାରି ତାକି ସାତାତି ଜିରୁ ନିନ୍ଦା ବେଟାଆନେ । ୩ ଏଞ୍ଜାରି ଦନ ଜୁପକାତାକି ମିତି ଜାପୁହାନା ମୀ ତାଣାଟି ତାବୁୟାଁ ଲାବା ବେଟାଆହାଲି ଅଣପିନେରି, ଏଞ୍ଜାରି ତଣ୍ଡ ତଲି କାଲାଟିଏ ଆହିମାନେ ଅଡ଼େ ହାରେକା ଦିନାଟିଏ ମାହାପୁରୁ ଏଞ୍ଜାରାଇଁ ବିଚାରା କିହାମାନେସି, ଏଞ୍ଜାରି ନାସା ଆନାୟି ଖାଡ଼େୟିଏ ।

୪ ଇତିହ ମାହାପୁରୁ ପାପୁ କିତି ଦୁଡ଼ୁୟାଁଇଁ ପିହଆନା ହିରୁ ଗାଡ଼ୁଡ଼ୁତା ମେଡ଼ହା ମାନେସି, ଏମ୍ଭାଆଁ ଏଞ୍ଜାସିକା ନାହାୟି ଆନି ଦିନା ପାତେକା ଆନ୍ଦେରି ଗାଡ଼ୁଡ଼ୁତା ଇଟାମାନେସି । ୫ ମାହାପୁରୁ ପୁଞ୍ଜଇଁ ଦାରୁତିତି ଜିକେଏ ପିସାହିଲଅସି, ସାମା ଦାମ୍ଭୁ କାତା ଖେହନି ନହ ଇଞ୍ଜା ତାନିତଲେ ସାଡ଼ା ଜାଣାଇଁ ଗେଲ୍‌ପାନା ପାପୁତି ଦାରୁତିତି ଏୟୁତଲେ ବାଡ଼ଞ୍ଜି କିତେସି; ୬ ଏଞ୍ଜାସି ସଦମ ଅଡ଼େ ଗମରା ଗାଡ଼ାତି ଦାବୁମ୍ଭୁ ମ୍ଭୁପହାନା ନାସା କିହାଲି ତଣ୍ଡି ହୁକୁମି ହାଡ଼େସି ଅଡ଼େ ଏଞ୍ଜାରାଇଁ ତାୟୁ କାଲାଟି ଦାମ୍ଭୁ ହିଲାଆଗାଟାରି ପୁଣ୍ଡିକିନିଲେହେଁ କିତେସି । ୭ ଅଡ଼େ ପାପୁ ଦହଗାଟି ଲକୁତି ଲାଗେଏ ପଲେଏ କାମାଟି ହେକ ଆହାମାନି ଦାମ୍ଭୁଗାଟି ଲଟଇଁ ମାହାପୁରୁ ଗେଲ୍‌ପିତେସି, ୮ ଏ ଦାମ୍ଭୁଗାଟାସି ଏଞ୍ଜାରିତଲେ ବାସା କିହାଁ ଏଞ୍ଜାରି ଲାଗେଏତି କାମା ମେସା ଅଡ଼େ ଖେଞ୍ଜାନା ଦିନମି ତାକି ଦିନମି ଦାମ୍ଭୁଗାଟାସି ଆହାନା ହାରେକା

* ୧:୧୭ ୧:୧୭ ମାଟି ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫

ପ୍ରକୃ ବେଟାଆହିମାରେସି । ୯ ଲଲେକିହି ଏ ପ୍ରକୃ ଦାମ୍ଭିଗାଟାରାଇଁ ତାୟିପାରି କିନି ତାଣାଟି ଗେଲୁପାଲି ଇଚିହି ଦାମ୍ଭି ହିଲ୍ଲୀଆଟାଟାରାଇଁ, ଆମ୍ବାଆରି ଆଜ୍ଞାତି ଲାଗେଏତି କାମାତା ସାଲୁଓ ଆହାନା ପ୍ରକୃଇଁ ମାନ୍ନି କିଅରି, ଏଞ୍ଜାରାଇଁ ବିଚାରା ଦିନାତି ତଣ୍ଡ ତାକି ଇଟାଲି ପୁଞ୍ଜାମାନେସି । ୧୦ ଇଚିହି ଆମ୍ବାଆରି ମାହାପୁରୁତି ଅଦିକାରାତି ହୀଣି କିହାନା ଜାହାରା ଆଜ୍ଞାତି ଜୁପକାତା ତୁୟିମାନେରି, ଏଞ୍ଜାରି ଏ କାଜା ନାହାଁୟି ଦିନା ପାତେକା ଏନିକ ତଣ୍ଡ ହୀହାନା ଇଟାଲି ଆନ୍ନେ । ଏ ମିତି ଜାପୁନାରି ଆଜାଆ ଗାଟାରି, ଏଞ୍ଜାରି ଲାକପୁରୁ ଗାଞ୍ଜୁରମି ଗାଟାରାଇଁ ମାନ୍ନି କିଆନା ଏଞ୍ଜାରାଇଁ ଲାଜା କିହିମାଞ୍ଜେରି । ୧୧ ଆଡ଼ିଜିକେଏ ହାଡ଼େକା ବାଡ଼ୁଲୁ ଅଡ଼େ କାଜାପାଣା ବେଟାଆହାମାନି ଦୃତୁୟି ପ୍ରକୃ ନକିତା ଏଞ୍ଜାରି କପାଟି ନିଜ୍ଞାମା ନିନ୍ଦାକିହି ବିଚାରା କିଅରି । ୧୨ ସାମା ଇଞ୍ଜାରି ବୁଦି ହିଲ୍ଲୀଆ ଜନ୍ତୁ ଲେହେଁତାରି, ଏଞ୍ଜାରିଲେହେଁ ଇ ମିତି ଜାପୁନାରି ଜିକେଏ, ଏନାଆଁ ଏଞ୍ଜାରି ପୁଞ୍ଜାଲି ଆଡ଼ଅରି ଏଦାଆଁ ଏଞ୍ଜାରି ନିନ୍ଦା କିନେରି, ସାମା ଏଞ୍ଜାରି ଜାଡ଼ାତି ଜନ୍ତୁ ଲେହେଁ ନାସା ଆନେରି, ୧୩ ଏଞ୍ଜାରି ଲାଗେଏତି କାମା କିହାମାଟିସାରେ ଲାଗେଏ କମାଟି ପାଡ଼େୟି ବେଟାଆନେରି । ଏନାୟି ଏଞ୍ଜାରି ଆଜ୍ଞା ତାକି ନେହେଁ ହନେ, ଏଦାଆଁ ଏଞ୍ଜାରି ମାଦେନା କିହାନା ରାହାଁ ବେଟାଆନେରି । ଏଞ୍ଜାରି ଜାହାରା ନାଡ଼ି କିଞ୍ଜିଆନି କାମାତା ରାହାଁ କିହି ମୀ ତଲେ ତିଞ୍ଜାଲି କୁଡ଼ା ଆନେରି । ୧୪ ଏଞ୍ଜାରି କାଣକା ଦାରି କାମାତା ନେଞ୍ଜା ତୁୟିନେ, ପାପୁ ପିସାଲି ମନ କିଅରି, ଏଞ୍ଜାରି ତିକିତାକାଗାଟି ହାଡ଼େକା ଲକୂଇଁ ଜୁପକା ତହ୍ନେରି, ଏଞ୍ଜାରି ହିୟି ଦନତି ଜୁପକାତା ତୁୟିନେ, ଏଞ୍ଜାରି ବାରେ ବାକା ବେଟାଆନାରି । ୧୫ ଆମ୍ବାଆସି ଲାଗେଏତି ବାଡ଼ୁ ଜୁପକାତି ଜୀଞ୍ଜୁ ନନ୍ନି ବିୟରା ମୀରୁଏସି ବିଲିୟମତି ଜେଟ ଜେଟ ହାଚେରି ଅଡ଼େ ସାତା ଜିରୁ ପିସାନା ଲାଗେଏ ଜିରୁ ହାଚେରି । ୧୬ ସାମା ଏଞ୍ଜାସି ତାନି କିତି ଦହ୍ତାକି ଲାଗି ବେଟାଆଡ଼େସି, ଇଞ୍ଜା ର ଜଲ୍ଲାଲି ଆଆଗାଟି ଗାଡ଼ଦେ ମାଣସି ହାଡ଼ାତଲେ ଜଲ୍ଲାହାଁ ମାହାପୁରୁ ଅଣପୁତି ବଲୁ ଖେହ୍ନି ତାଣାଟିଏ ସାପି କିତେ ।

୧୭ ଇ ମିତି ଜାପୁନାରି ଏୟୁ ଖାୟିତି ଜାରଣା ଲେହେଁତାରି ଅଡ଼େ କାଜା ଗାଲିତା ଉୟିନି ହାଗୁ ଲେହେଁତାରି, ମାହାପୁରୁ ଏଞ୍ଜାରାକି ହାଚେଏ ଆଦେରିଗାଟି ଟାୟୁ ଇଟାମାନେସି । ୧୮ ଇଚିହି ଏଞ୍ଜାରି ଉଜେଏତି ବତପଣତି ତାହାରା କାତାୟି ଖେହ୍ନେରି ଇଞ୍ଜା ନାଡ଼ିକିନି ମାଣକିଗାଟି ଲକୂ ତାଣାଟି ଗେଲୁପି ଆହାମାନି ଲକୂଣି, ତାମି ଆଜ୍ଞାତି ଜୁପକାଟି କାମା କିହାନା ପାଦାତା ମେଡ଼ନେରି; ୧୯ ଏଞ୍ଜାରି ଏଞ୍ଜାରାଇଁ ମେଲ୍ଲା ଆହାନା ମାଞ୍ଜାଲି ଆଡ଼ିଦେରି ଇଞ୍ଜା ଆଞ୍ଜିନେରି, ସାମା ଏଞ୍ଜାରି ତାମ୍ବୁ ନାସା କିଞ୍ଜିକିନି କାମାଟି ହଲିୟଜା ଆନେରି; ଏନାଆଁତାକି ଇଚିହି ଆମ୍ବାଆସି ଆମ୍ବାଆରି ତାଣା ହାରୁଓ ଆନେସି ଏଞ୍ଜାସି ଏମ୍ବାତି ହଡ଼ଲଏସି ଆନେସି । ୨୦ ଇଚିହି ଏଞ୍ଜାରି ପ୍ରକୃ ଅଡ଼େ ଗେଲୁପିନି ଜୀସୁ ଜୀସୁତି ବୁଦିତଲେ ଦାରୁତି ଲାଗେଏତି ତାଣାଟି ଗେଲୁପି ଆହାନା ଖେଣ୍ଡେ ଏମ୍ବାତି ପାଦାତା ଦସ୍ପି ଆହାନା ହାରୁଓ ଆନେରି, ଆତିହି ଏଞ୍ଜାରାକି ତଲିତି ତଣ୍ଡ କିହାଁ ତାୟୁତି ତଣ୍ଡ ହାଡ଼େକା କସ୍ତାଗାୟି ଆନେ । ୨୧ ଇଚିହି ଦାମ୍ଭିତି ଜିରୁ ପୁଞ୍ଜାନା ଏଞ୍ଜାରାକି ହେରପି ଆହାମାନି ସୁଦୁ ହୁକୁମି ପିହି ଏଦାଆଁ ଏଚେଲାଞ୍ଜା ପୁଞ୍ଜାହିଲାଆତିହି ନେହି ଆଡେମା । ୨୨ “ନେହ୍ନି ତାନ୍ କାକ୍ଞାନା ଖେଣ୍ଡେ ତିଞ୍ଜାଲି ଇଞ୍ଜା ନରୁଓ ଆହାମାନି ପାଜି ଅଡ଼େ ଖେଣ୍ଡେ ଲାଦିତା ଡେରମାଲି ହାନେ” ଏଞ୍ଜାରାକି ଏ ଖେକ୍ଞାମାନି ସାତା କାତା ଏଞ୍ଜାରାକି ଆହାମାନେ ।

୩

ପ୍ରକୃ ଖେଣ୍ଡେ ଖାନ୍ନି ଦିନା

୧ ଏ ଜୀଞ୍ଜୁତି ତାୟି ତାଜିସା, ନାନୁ ନୀଏଁ ମୀ ତାଣା ଇ ରୀ ଲମ୍ବର ଆକୁ ରାଡ଼ିମାଇଁ, ଇଦାଆଁତାକି ଇ ରୀ ଆକୁତା ନାନୁ ମିଜେ ଏ ବାରେ ଅଣପି କିହାନା ମୀ ସୁଦୁ ମନତି ପାତିକିହାଲି ଅଣପିମାଇଁ । ୨ ମୀରୁ ଏନିକ ସୁଦୁଗାଟି ମାହାପୁରୁ ଅଣପୁତି ବଲୁ ଖେହ୍ନାରି ତାଣାଟି ତଲି କାଲାତା ଖେସାମାନି ବାରେ ବଲୁ ଇଞ୍ଜା ପାଣ୍ଡି ଆହାମାନାରି ତାଣାଟି ଖେସପିଆହାମାନି ପ୍ରକୃ ଇଞ୍ଜା ଗେଲୁପାନାଣା ହୁକୁମି ଅଣପୁତା ଇଟାଦୁ । ୩ ଡ଼ଲିଏ ମୀରୁ ଇ କାତା ପୁଞ୍ଜୁ, ଇ ରାନ୍ନି ଦେଲ୍ଲାତା ଏଚରଜାଣା ତାମି ଲାଗେଏ ପଲେଏ କାମା ତଲେ ତାକିନେରି; ଏଞ୍ଜାରି ମିଜେ ଲାଜା କିୟାନେରି । ୪ ଏ ଲାଜା କିୟାନାରି ଖାହାନା ଏଞ୍ଜାରି ମିଜେ ଲାଜାକିହି ଏଲେଇଞ୍ଜାନେରି “ଜୀସୁ ଖେଣ୍ଡେ ଖାଜ୍ଞ ଇଞ୍ଜା ଖେସାମାଞ୍ଜାତେସି ଆତିହି ଏଞ୍ଜାସି ଏଚେଲା ଖାନ୍ନେସି ? ଇଚିହି ମା ଆକୁ ଆଦାୟି ହାଡ଼ି ଦିନାଟିଏ ନୀଏଁ ପାତେକା ବାରେ ଦାରୁତି ଗାଡ଼ି ଆଡ଼ି ଦିନାଟିଏ ଏନିକ ମାଚେ, ଏଲେକିହି ଏ ନୀଏଁ ଜିକେଏ ତୁୟାମାନେ !” ୫ ଏଞ୍ଜାରି ପୁଞ୍ଜା ପୁଞ୍ଜାନା ବାଣ୍ଡି ଆନେରି, ତଲି କାଲାତା ମାହାପୁରୁ ହୁକୁମି ହୀଚେସି ଅଡ଼େ ହାଗୁପାକା ଅଡ଼େ ଦାରୁତି ଗାଡ଼ି ଆଡ଼େ ଅଡ଼େ ଦାରୁତି ଏୟୁ

* ୩:୩ ୩:୩ ଜୀହୁଦା ୧:୧୮

ତାଣାଟି ଏମ୍ଭ ଗୁରୁତାନା ଗାଢ଼ି ଆଡେ । ୭ ଅଡେ, ଏଝାଣି ତାଣାଟି ଏ ତଲି କାଲାତି ଦାରୁତି ଏମ୍ଭତଲେ ନାସା ଆଡେ; ୮ ସାମା ନୀର୍ଷତି ହାଗୁପାକା ଅଡେ ଦାରୁତି ଏ ମାହାପୁରୁତି ବଲ୍ଲୁ ତଲେ ଲାଗେଏ ପଡେଏତି ଲକ୍ଷୁତି ନୀର୍ହାୟି ଅଡେ ନାସାତି ଦିନା ପାଡେକା କୁଡ଼ି ଆହାନା ହିତୁତା ହୁତାଲି ଇଟକି ଆହାମାନେ ।

୯ ସାମା ଏ ଜୀଝୁତି ତାୟି ତାଜିସ୍ତା, ମାହାପୁରୁ ନକିତା ର ଦିନା ର ମାଣା ବାସୀ ସମାନା ଅଡେ ର ମାଣା ବାସୀ ର ଦିନା ସମାନା; ଈ କାତାତି ଏତେଲା ବାଣା ଆଆଦୁ । ୧୦ ହାରେକା ଲକ୍ଷୁ ପ୍ରୁ ଝେଣ୍ଡେ ଝାନ୍ତି ଦିନା ମାନେୟିଏ ଇଞ୍ଜୁ ଅଣପିନେରି, ସାମା ପ୍ରୁ ତାନୁ ଏଲେଇଞ୍ଜା ମାନାଣି ଏତେଲାଝା ଝେଡ଼ା କିଅସି; ଏନିକି ଆଗ୍ନାଆରି ନାସା ଆଅରି, ସାମା ବାରେଜାଣା ମନ୍ ଝେଟ୍‌ହା କଡିନେରି; ଇଦାଆଁ ଅଣପାନା ଏଝାସି ମୀ ତାକି କାର୍ମା ମେସି ମାଞ୍ଜାନେସି ।

୧୧ ମାହାପୁରୁ ଝାନ୍ତି ଦିନା ର ସରୁ ଝାନ୍ତି ଲେହେଁ ଝାନ୍ତେ, ଏ ଦିନା ହାଗୁପାକା କାଜା ହାଡ଼ାତଲେ ମେଣ୍ଡାଙ୍ଗହାନେ, ଅଡେ ଦାରୁତିତା ମାନି ବାରେ ଦିଶସୁ ଗାଡ଼ି ଝେସାନା ରୁୟାହାନୁ, ଇଞ୍ଜା ଦାରୁତି ଅଡେ ଏମ୍ଭାଆଁ ମାନି ଆସି ବାରେ ହିତୁତା ଡ଼ାଞ୍ଜାହାନେ । ୧୨ ଈ ବାରେ ଇଲେଆହୁଁ ମେଣ୍ଡାଙ୍ଗହାନାକି, ମାହାପୁରୁତି ବିଚାରା ଦିନାତା ହାଗୁପାକା ଡ଼ାଞ୍ଜାହାଁ ମେଣ୍ଡାଙ୍ଗହାନେ ଅଡେ ଦାରୁତିତି ବାରେ ଦିଶସୁ ହାରେକା ଝେସାନା ରୁୟାହାନେ, ୧୩ ପ୍ରୁ ଝାନ୍ତି ଦିନା କାପୁ କାଡ଼ାଡ଼ୟିନି ଲକ୍ଷୁ, ଏଦି ଏନିକି ତବେ ଝାନ୍ତେ, ଇଦାଆଁତାକି ମୀରୁ ଜାଗ୍ରାତା ଆଦୁ, ଏ ଦିନା ହାଗୁଲାକ ମାନି ଝେଡ଼ା ଲେଞ୍ଜୁ ହୁକାୟାଁ ଝେସାହାନାକି ଝିରଲାହାନୁ । ୧୪ ମୀରୁ ମାହାପୁରୁ ଆଞ୍ଜାମାନି ଲେହେଁ ର ପୁଝନି ହାଗୁପାକା ଅଡେ ପୁଝନି ଦାରୁତିଇଁ କାଡ଼ାମାନାୟି, ଆମିନି ଗାଟାୟି ଦାମ୍ଭୁତଲେ ବାସାଆନ୍ତି ଗାୟୁ ଆନ୍ତେ ।

୧୫ ଇଦାଆଁତାକି ଏ ଜୀଝୁତି ତାୟି ତାଜିସ୍ତା, ମୀରୁ ଈ ବାରେ କାଡ଼ିମାନିକି ମାହାପୁରୁ ନକିତା ଏନିକି ପାପୁ ହିଲାଆଗାଟାତେରି ଅଡେ ଦହ ହିଲାଆଗାଟାତେରି ଆହୁଁ ହିଡ଼ି ତଲେ ମାନାତେରି ଆହୁଁ ତଞ୍ଜା ଆନ୍ତେରି, ଏଦାଆଁତାକି ଜାଡ଼ନୁ ତଲେ ମାଞ୍ଜୁ; ୧୬ ଅଡେ, ମା ପ୍ରୁତ ହାରେକା ଅରୁହିନାୟି ଗେଲପାନାୟି ଇଞ୍ଜୁ ଅଣପାଦୁ, ମା ଜୀଝୁତି ତାୟି ପାଝୁଲ ଜିକେଏ ମାହାପୁରୁ ହାହାମାନି ବୁଦିତଲେ ମିଙ୍ଗେତାକି ଏଲେକି ରାଡ଼ା ମାଞ୍ଜାନେସି । ୧୭ ଏଝାସି ତାନି ରାଡ଼ାମାନି ବାରେ ଆକୁତା ଈ ବାରେ କାତା ରାଡ଼ାନା ଏଲେକି ଝେସାମାନେସି; ଏ ବାରେ ଆକୁତା ଏତେକା କାତା ମାନେ, ଏମିନିଗାଟାଣି ତେଲହାଲି ଆଡ଼ାଆୟି, ଇଞ୍ଜା ପୁନାଆଗାଟି ଇତାଲା ଆତାଲା ଅଣପୁଗାଟି ଲକ୍ଷୁ, ତାମ୍ଭୁ ନାସା ଆୟାଲି ଏଟକାତି ସାଝେସିରିତା ଏନିକି ରାସ୍‌କି ଆହାମାନେ, ଏ ବାରେ ତାଣା ଜିକେଏ ଏଲେକି ଉଜେଏତି କାତା ଝେହ୍‌ନେରି ।

୧୮ ସାମା ଜୀଝୁତି ତାୟି ତାଜିସ୍ତାତେରି, ମୀରୁ ଇଦାଆଁ ବାରେ ତଲିଟିଏ ପୁଞ୍ଜାମାଞ୍ଜେରି, ଏଦାଆଁତାକି ଜାଗ୍ରାତା, ଏନିକି କିଲିବିଲି କିନି ଲକ୍ଷୁ ତାଣାଟି ନାଡ଼ି କିଝି ଆଆନା ମୀରୁ ଆଟ୍‌ଝା ନାମୁତା ଡ଼ଣା ଆଅଡେରି । ୧୯ ସାମା ମା ପ୍ରୁ ଅଡେ ଗେଲପାନି ଜୀଝୁ କ୍ରାସ୍‌ତି କାର୍ମା ଅଡେ ବୁଦିତା ପାତାଆଦୁ । ଏଝାଣାକି ନୀର୍ଷ ଅଡେ କାଲାକାଲାତାକି ଗାଝୁରମି ଆପେ । ଆର୍ପେନ ।

☆ ୩:୧୦ ୩:୧୦ ମାଡ଼ି ୨୪:୪୩; ଲୁକ ୧୨:୩୯; ୧ତେସ ୫:୨; ଝେ ବଲ୍ଲୁ ୧୨:୧୫ ☆ ୩:୧୩ ୩:୧୩ ଝେ ବଲ୍ଲୁ ୨୧:୧

ଯୋହନଙ୍କ ପ୍ରଥମ ପତ୍ର ଜହନ ରାଡ଼ାମାନି ର ଲମ୍ବର ଆକୃତି ମୂଲ୍ୟ ହାତୀ

ଜହନ ରାଡ଼ିତି ର ଲମ୍ବର ଆକୃତି ଜୀମୁ କ୍ରୀସ୍ତ ଜର୍ନାଆଡ଼ି ୫୦ ଟିଏ ୧୦୦ ବାସୀ ଡାୟା ପାଣ୍ଡିଆହାମାନି ଜହନ ରାଡ଼ାମାନେସି । ଜହନ ଜାହାରାଇଁ ଈ ଆକୃତି ରାଡ଼ାମାଇଁ ଇଞ୍ଜି ସେସି ହିଲଅସି, ସାମା ଜହନ ତଲିତି ଆକୃତା ଏଞ୍ଜିସି ଜୀମୁ କ୍ରୀସ୍ତତି ନୀତାମାଗାଣି ଅଡ଼େ ହାହାନା ସେଣ୍ଡେ ନିଜିତାଣି କାନୁ ତଲେ ମେସାମାନନି ଇଞ୍ଜି ସାକି ହାସିମାନେସି ୧:୧-୩ । ଜହନତି ର ଲମ୍ବର ପତି ଅଡ଼େ ଜହନ ରାଡ଼ିତି ନେହଁ କାବୁତି କାତା ରଣ୍ଡିସି ସମାନା ଲେହେଁ ଆହିମାନେ । ଏତିବେଲାତା ଏଞ୍ଜିସି ଏପିସିୟ ଗାଡ଼ାତା ମାତେସି ଏମ୍ବାଆଁ ଏଞ୍ଜିସି ଜହନ ରାଡ଼ିତି ନେହଁ କାବୁ ଅଡ଼େ ଜହନ ର ଲମ୍ବର ଆକୃତି, ଜହନ ରା ଲମ୍ବର ଆକୃତି, ତାନି ଲମ୍ବର ଆକୃତି ରାଡ଼ାମାତେସି ଇଞ୍ଜି ନାନିମାନେରି ।

ବୁଦିଗାଟାତନି ଇଞ୍ଜାକଡ଼ିମାନି ର ଗତିତି ଲକ୍ଷ୍ମ ତାଣ୍ଡାଟି କୁଲମି କସ୍ତ ବେଟାଆହି ମାଗାଟି ଜହନ କ୍ରୀସ୍ତାନା ଲକ୍ଷ୍ମି ଈ ଆକୃତି ରାଡ଼ିମାତେସି । ଏଞ୍ଜାରି ନାମୁ ଜୀମୁ ସାତେସ ମାହାପୁରୁ ମାତେସି ସାମା ଦାରୁତିତା ମାଟିବେଲାତା ଏଞ୍ଜିସି ଉଚ୍ଚା ଅଡ଼େ ନେତେରିତି ମାଣ୍ଡିସି ହିଲାଆତେସି । ଜହନ ଜୀମୁ କ୍ରୀସ୍ତଇଁ କାନୁ ତଲେ ମେସାମାନି ସାକି ଅଡ଼େ ତାନି କେୟୁ ଏଞ୍ଜାଣାଇଁ ତାଗାମାନାକି ଏଞ୍ଜିସି ଇଦାଆଁ ରାଡ଼ାମାନେସି, ୧:୧-୩ । ଜହନ ଈ ଆକୃତି ରାଡ଼ିନି କାତା ଆହିମାନେ ତାନି ରାହଁତି ହାରେପୁରେ କିନାସି ୧୯୫ ୧:୪ ଅଡ଼େ ନାମୁ ଗାଟାରାଇଁ ପାପୁ ପିସାଲି ତାକି ୧୯୫ ୨:୧ ଅଡ଼େ ମିତି ଜାପୁନାରି ତାଣ୍ଡାଟି ନାମୁ ଗାଟାରାଇଁ ଗେଲପାଲି ୧୯୫ ୨:୨୬ ନାମୁ ଗାଟାରାଇଁ ଗେଲପି ଆହାମାଞ୍ଜେରି ଇଞ୍ଜାଲି ୫:୧୩ ।

ପତିତା ମାନାସି

- ୧. ଆକୃତି ପୁଣ୍ଡିକିନାସି ଅଡ଼େ ରାଡ଼ିମାନି କାତା ସେହନାସି । ୧:୧-୪
- ୨. ମାହାପୁରୁ ଏନିକଁ ଉଜେଡ଼ି ଅଡ଼େ ଜୀମୁ ଲେହେଁ ନୀତାଲି ସେସାମାନେସି । ୧:୫-୩:୧୦
- ୩. ରଅସି ରଅଣାଇଁ ଜୀମୁ ନନାଣି ସେଣ୍ଡେ ଅଣ୍ଡିପି କିନାସି । ୩:୧୧-୫:୧୨
- ୪. ଆକୃତି ରାପୁନାସି । ୫:୧୩-୨୧

ଜୀମୁତି ବଲୁ

୧ ଜୀମୁଆସି ଆମ୍ବାଆସି ମାତେସି, ମାମୁ ଏଞ୍ଜାଣି ବଲୁ ସେଞ୍ଜାମାନନି, ଆମ୍ବାଆରାଇଁ ମା କାନୁ ତଲେ ମେସାମାନନି, ଆମ୍ବାଆରାଇଁ ନେହିକଁ ସିନିକିହା ମାନନି ଅଡ଼େ ମା କେସ୍ତାତଲେ ତାଗାମାନନି, ଏ ଜୀମୁଲେହେତି ବଲୁତି କାତା ସେସିମାଞ୍ଜାନନି । ୨ ଜୀମୁ ତଞ୍ଜାଆଡ଼େ, ଇଞ୍ଜା ମାମୁ ମେସ୍ତନି ଅଡ଼େ ସାକି ହାସିମାଞ୍ଜାନନି; ଆନିନି କାଲକାଲାଇଁ ସୁଦୁଜୀମୁ ଆବା ତଲେ ମାତେ, ଅଡ଼େ ମା ତାଣ୍ଡା ତଞ୍ଜାଆଡ଼େସି ଏଞ୍ଜାଣି କାତା ମିଜେ ସେସିମାଞ୍ଜାନନି । ୩ ମାମୁ ଏନାଆଁ ମେସାମାନନି ଅଡ଼େ ସେଞ୍ଜାମାନନି, ଏଦାଆଁ ମିଜେ ଜିକେଏ ସେସିମାଞ୍ଜାନନି, ଏନିକଁ ମୀରୁ ଜିକେଏ ମା ତଲେ ଆଣ୍ଡାଲି ଆଡ଼ାଦେରି; ଅଡ଼େ ମା ଆଣ୍ଡାମାନାସି ଆବା ଅଡ଼େ ତାନି ମୀରୁଏଣା ଜୀମୁ କ୍ରୀସ୍ତ ତଲେ ମାନେ । ୪ ମା ରାହଁ ଏନିକଁ ହାରେ ପୁରେ ଆନେ ଇଦାଣିତାକି ଈ ବାରେ ମାମୁ ରାଡ଼ିମାଞ୍ଜାନନି ।

ମାହାପୁରୁ ଉଜେଡ଼ି

୫ ମାମୁ ଏଞ୍ଜାଣି ତାଣ୍ଡାଟି ଆନିନି କାବୁ ସେଞ୍ଜାମାନନି, ଅଡ଼େ ସେସିମାଞ୍ଜାନନି, ଏ କାବୁ ଇଦି, ମାହାପୁରୁ ଉଜେଡ଼ି, ତାନି ତାଣ୍ଡା ଆନେରି ହିଲୁସ୍ତୁଏ ହିଲେଏ । ୬ ମାମୁ ଆନେରିତା ମାଞ୍ଜାନା ମାହାପୁରୁ ତଲେ ଆଣ୍ଡିଆହା ମାନାସି ଇଞ୍ଜି ସେସ୍ତୁହଁ, ମୀରୁ ମିତି ସେହନାତାସି, ଅଡ଼େ ମୀରୁ ସାତା ତଲେ ତାକିହିଲଆସି । ୭ ସାମା ଏଞ୍ଜାସି ଏନିକଁ ଉଜେଡ଼ିତା ବାସା ଆହାମାନେସି, ମୀରୁ ଜିକେଏ ଏଲେକିହଁ ଏ ଉଜେଡ଼ିତା ତାକିନାସି, ଆତିହଁ ମୀରୁ ରଅସି ରଅଣି ତଲେ ଆଣ୍ଡିଆନାସି ମାନେ, ଅଡ଼େ ତାନି ମୀରୁଏଣା ଜୀମୁ ନେତେରି ମା ବାରେ ପାପୁତି ନରୁହାନେ ।

୮ ମା ତାଣ୍ଡା ପାପୁ ହିଲେଏ ଇଞ୍ଜି ସେହନାସି, ଆତିହଁ ମୀରୁ ମାଜେଏ ନାଡ଼ି କିହାକଡ଼ିମାନାସି, ଅଡ଼େ ମା ତାଣ୍ଡା ସାତା ହିଲେଏ । ୯ ସାମା ମାମୁ ପାପୁ କିହାମାନନି ଇଞ୍ଜି ମାହାପୁରୁ ନକିତା ସେହନାସି,

୫ ୧:୧ ୧:୧ ଜହ ୧:୧ ୬ ୧:୨ ୧:୨ ଜହ ୧:୧୪

ଆଡିହୁଁ ଏଝାସି ମା ପାପୁ ବାରେ ମ୍ଲେକହାଲି ଅଡେ ବାରେ ଲାଗେଏ ପଲେଏ ତାଣାଟି ଅଡହାଲି ନାମୁ ଅଡେ ତାରିଗାଗାସି । ୧୦ ମାର ପାପୁ କିହା ହିଲାଆୟି ଇଞ୍ଜୁଁ ଇନାୟି, ଆଡିହୁଁ ମାର ମାହାପୁରୁଇଁ ମିତି ଗାଗାସି କିହମାନାୟି, ଅଡେ ତାନି ବଲୁ ମା ତାଣା ହିଲେଏ ।

୨

କ୍ରୀସ୍ତ ଗେଲପାନାସି

୧ ଏ ନା ମୀରକା ମାସକାଡେରି ମୀରୁ ଏନିକିଁ ପାପୁ କିଅଡେରି, ଇଦାଆଁତାକି ଇ ବାରେ ମୀ ତାଣା ରାଡିମାଞ୍ଜାଇଁ । ସାମା ଆମ୍ବାଆସି ପାପୁ କିନେସି, ଆଡିହୁଁ ମା ଝାକି ଆହାନା ଆବା ତାଣା ବାଡିମାଲିନାସି ରଅସି ମାନେସି, ଏଝାସି ଦାମ୍ବୁଗାଟି ଜୀସୁ କ୍ରୀସ୍ତ । ୨ କ୍ରୀସ୍ତ ମା ପାପୁ ତାକି, ଝାବଲ ମା ପାପୁ ତାକି ଆଏ, ସାମା ଦାରଡିଡି ବାରେ ଲକୁଡି ପାପୁ ତାକି ଡାକିଡି ପୂଜାଲେହେଁ ଆଡେସି ।

୩ ମାର ମାହାପୁରୁତି ହୁକୁମି ମାନୁଝି ଆନାୟି, ଆଡିହୁଁ ଏମ୍ବାଟି ପୁଞ୍ଜାଲି ଆଡିନାୟି, ଏଝାଣାଇଁ ସାତାତଲେ ପୁଞ୍ଜାମାନାୟି । ୪ ତାନି ହୁକୁମି ମାନୁଝି ଆଆନା ଆମ୍ବାଆସି ନାନୁ ଏଝାଣାଇଁ ପୁଞ୍ଜାମାଇଁ ଇଞ୍ଜୁଁ ଜଲିନେସି, ଏଝାସି ମିତି ଗାଗାସି ଏଝାଣି ତାଣା ସାତା ହିଲେଏ । ୫ ସାମା ଆମ୍ବାଆସି ତାନି ହୁକୁମି ମାନୁଝି ଆନେସି, ଏଝାଣି ତାଣା ମାହାପୁରୁତି ସାତା ଜୀସୁନନାୟି ପୁରା ଆହାମାନେ, ଏମ୍ବାଟିଏ ମାର ପୁଞ୍ଜାଲି ଆଡିନାୟି ମାର ମାହାପୁରୁ ତାଣା ମାନାୟି । ୬ ଆମ୍ବାଆସି ନାନୁ ମାହାପୁରୁ ତଲେ ଡୟିଇଁ ଇଞ୍ଜୁଁ ଇନେସି, ଏଝାସି ଜୀସୁ କ୍ରୀସ୍ତ ନୀତା ମାଟିଲେହେଁ ନୀଡିନାୟି ମାନେ ।

ପୁଝନି ହୁକୁମି

୭ ଏ ନା ଜୀସୁଡି ତଡେସିଙ୍ଗାଡେରି ନାନୁ ମୀ ତାଣା ଏନି ପୁଝନି ହୁକୁମି ରାଡିମାଞ୍ଜାଅଁ, ସାମା ତଲିଟିଏ ଆମିନି ପୁଝଇ ହୁକୁମି ବେତା ଆହାମାଞ୍ଜେରି, ଏଦାଆଁ ରାଡିମାଞ୍ଜାଇଁ; ମୀରୁ ଆମିନି ବଲୁ ଝେଞ୍ଜାମାଞ୍ଜେରି, ଏଡିଏ ପୁଝଇ ହୁକୁମି । ୮ ଅଡେ ନାନୁ ନୀଏଁ ମିଙ୍ଗେ ପୁଝନି ହୁକୁମି ଲେହେଁ ରାଡିମାଞ୍ଜାଇଁ, ଇଡିହୁଁ ଏଡି କ୍ରୀସ୍ତ ତାଣା ଅଡେ ମୀ ତାଣା ଜିକେଏ ସାତା ଇଞ୍ଜୁଁ ତଞ୍ଜାଆଡେନ, ଇଡିହୁଁ ଆନ୍ଦେରି ଗୁତା ଆହାମାନେ ଅଡେ ସାତା ଉଜେଡି ତଞ୍ଜାଆଡେସି ।

୯ ଆମ୍ବାଆସି ତାନି ତାୟି ତାଜିଇଁ ଅପାଆନା ନାନୁ ଉଜେଡିତା ମାଇଁ ଇଞ୍ଜୁଁ ଇନେସି ଏଝାସି ନୀଏଁ ପାଡେକା ଆନ୍ଦେରିତା ମାଞ୍ଜାମାନେସି । ୧୦ ଆମ୍ବାଆସି ତାନି ତାୟି ତାଜିଇଁ ଜୀସୁ ନନେସି ଏଝାସି ଉଜେଡିତା ମାଞ୍ଜାମାନେସି, ଇଞ୍ଜା ଏଝାଣି ତାଣା ପୁଡି କିନାୟି ଏନାୟି ହିଲେଏ । ୧୧ ସାମା ଆମ୍ବାଆସି ତାନି ତାୟିଇଁ ଅପିହଲଅସି ଏଝାସି ଆନ୍ଦେରିତା ମାନେସି, ଅଡେ ଆନ୍ଦେରିତା ତାକି ତାକିହୁଁ ଆମ୍ବିୟାଝାକି ହାଜିମାନେସି, ଏଦାଆଁ ପୁନଅସି, ଇଡିହୁଁ ଆନ୍ଦେରି ତାନି କାଣକାଣି କାଣା କିହାମାନେ ।

୧୨ ଜୀସୁଡି କକାରି ପଦାଁଡେରି ନାନୁ ମିଙ୍ଗେ ରାଡିମାଞ୍ଜାଇଁ, ଏନାଆଁତାକି ଇଡିହୁଁ କ୍ରୀସ୍ତ ଦରୁଡଲେ ମୀ ପାପୁ ବାରେ ମେଣଙ୍ଗାମାନେ । ୧୩ ତାଞ୍ଜୁଁ ଡେରି ନାନୁ ମିଙ୍ଗେ ରାଡିମାଞ୍ଜାଇଁ, ଏନାଆଁତାକି ଇଡିହୁଁ ଆମ୍ବାଆସି ମୁଲୁଟିଏ ମାନେସି, ଏଝାଣାଇଁ ମୀରୁ ପୁଞ୍ଜାମାଞ୍ଜେରି, ଏ ଡାଆ ଦାଂଗଣାୟାଁଡେରି ନାନୁ ମିଙ୍ଗେ ରାଡିମାଞ୍ଜାଇଁ, ଇଡିହୁଁ ମୀରୁ ବାରେ ଲାଗେଏ ପଲେଏ ତାଣାଟି ଜୀଣା ଆହାମାଞ୍ଜେରି ।

୧୪ କକାରି ପଦାଁଡେରି ନାନୁ ମିଙ୍ଗେ ରାଡିମାଞ୍ଜାଇଁ ଏନାଆଁତାକି ଇଡିହୁଁ ମୀରୁ ଆବା ମାହାପୁରୁଇଁ ପୁଞ୍ଜାମାଞ୍ଜେରି, ଏ ଆବାୟାଁଡେରି ନାନୁ ମିଙ୍ଗେ ରାଡିମାଞ୍ଜାଇଁ ଏନାଆଁତାକି ଇଡିହୁଁ ଆମ୍ବାଆସି ମୁଲୁଟିଏ ମାନେସି ଏ କ୍ରୀସ୍ତଇଁ ପୁଞ୍ଜାମାଞ୍ଜେରି, ଏ ଡାଆ ଦାଂଗଣାୟାଁଡେରି ନାନୁ ମିଙ୍ଗେ ରାଡିମାଞ୍ଜାଇଁ ଏନାଆଁତାକି ଇଡିହୁଁ ମୀରୁ ବାଡ଼ୁ ଗାଗାଡେରି, ଅଡେ ମାହାପୁରୁତି ବଲୁ ମୀ ତାଣା ମାନେ ଅଡେ ମୀରୁ ଲାଗେଏ ପଲେଏତାଣି ଜୀଣା ଆହାମାଞ୍ଜେରି ।

ଦାରଡିଡି ଜୀସୁ ନଆପୁ

୧୫ ଦାରଡିଡି ଅଡେ ଏମ୍ବାଆଁ ମାନାଣି ବାରେଡି ଜୀସୁ ନଆପୁ, ଆମ୍ବାଆସି ଦାରଡିଡି ଜୀସୁ ନନେସି, ଏଝାଣି ତାଣା ମାହାପୁରୁ ଆବାଡି ଜୀସୁନନାୟି ହିଲେଏ । ୧୬ ଇଡିହୁଁ ଆଙ୍ଗାଡି ଜୁପକା, କାନୁଡି ଜୁପକା, ଅଡେ ଦନଡି ବଡପଣ, ଦାରଡିଡି ମାନାୟି ଇ ବାରେ ମାହାପୁରୁ ଆବା ତାଣାଟି ଝାହାହିଲେଏ ସାମା ଦାରଡିଡି ଗାଡ଼ି ଆହାମାନେ । ୧୭ ଦାରଡି ଅଡେ ଏମ୍ବାଆଁ ମାନି ଜୁପକା କାଡଲେଏ ତାକି ଆଏ, ସାମା ଆମ୍ବାଆସି ମାହାପୁରୁତି ଇଗାଟି ମାନୁଝି ଆନେସି ଏଝାସି କାଡଲେଏ ତାକି ତାରି ଆନେସି ।

କ୍ରୀସ୍ତୀ ଯାତ୍ରା

୧୮ ଜୀବୁତି କକାରି ପଦାଁତେରି ରାନ୍ନି କାଲା ଏଗାଞ୍ଜାତେୟିଏ, ନାଡ଼ିକିନି କ୍ରୀସ୍ତୁ ଖାନେସି ଇଞ୍ଜିଁ ମୀରୁ ଏନିକିଁ ଖେଞ୍ଜାମାତେରି, ଏଲେକିହଁ ଏ ନୀର୍ବି ଜିକେଏ ହାରେକା ନାଡ଼ିକିନି କ୍ରୀସ୍ତୁୟା ନିଜିତେରିଏ; ଇଦାଆଁତାକି ମାରୁ ପୁଞ୍ଜାମାନାୟି ଜୁଗୁ ରାନ୍ନି କାଲା ଏଦାତେୟିଏ । ୧୯ ଏଞ୍ଜାରି ମା ବିତ୍ତାଟି ହଡ଼ତେରି, ସାମା ମା ଗଚିତି ଲକ୍ଷୁ ହିଲ୍ଲାଆତେରି; ଏଞ୍ଜାରି ମା ଗଚିତି ଲକ୍ଷୁ ଆଡ଼ିହଁ ମା, ଏଞ୍ଜାରି ମା ତଲେ ତୁୟିତେରିମା; ସାମା ବାରେ ମା ଗଚିତି ଲକ୍ଷୁ ଆଏ, ଇଦି ଏନିକିଁ ତଞ୍ଜାଆନେ, ଇଦାଆଁତାକି ଏଞ୍ଜାରି ହଡ଼ାହାତେରି ।

୨୦ ସାମା ମୀରୁ ଏ ସୁଦୁ ଗାଗାଣା ତାଣାଟି ବର ବେଟାଆହାମାନାକି ମୀରୁ ବାରେତେରି ବୁଦି ବେଟାଆହାମାଞ୍ଜେରି । ୨୧ ମୀରୁ ସାତାତି ପୁଞ୍ଜାହିଲ୍ଲାଆକି ନାନ୍ତୁ ମିଙ୍ଗେ ରାଡ଼ିମାଞ୍ଜାଇଁ ଏଦି ଆଏ, ସାମା ମୀରୁ ସାତାତି ପୁଞ୍ଜାମାନାକି ଅଡ଼େ ସାତାତି ଏରେଲ୍ଲାଞ୍ଜା ମିତି ହଏ ଇଞ୍ଜିଁ ମୀରୁ ପୁଞ୍ଜାମାନାକି ନାନ୍ତୁ ମିଙ୍ଗେ ରାଡ଼ିମାଞ୍ଜାଇଁ ।

୨୨ ଜୀସୁଇଁ କ୍ରୀସ୍ତୁ ଆଏ ଇଞ୍ଜିଁ ଆମ୍ବାଆସି ଖେହ୍ନେସି, ଏଞ୍ଜାଣି ତାଣାଟିଏ ମିତି ଖେହ୍ନେସି ଆମ୍ବାଆସି ? ଅଡ଼େ ଆମ୍ବାଆସି ଆବା ଅଡ଼େ ମୀରୁଏଣାଇଁ ଇ ରିଆରାଇଁ ଜିକେଏ ଅପଅସି ଏଞ୍ଜାସିଏ ନାଡ଼ିକିନି କ୍ରୀସ୍ତୁ । ୨୩ ଆମ୍ବାଆସି ମୀରୁଏଣାଇଁ ଅପଅସି ଏଞ୍ଜାସି ଆବାଇଁ ବେଟାଆହାହିଲଅସି, ଆମ୍ବାଆସି ମୀରୁଏଣାଇଁ ଆବିନେସି, ଏଞ୍ଜାସି ଆବାଇଁ ଜିକେଏ ବେଟାଆହାମାନେସି ।

୨୪ ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମା ତାଣା ତୁୟାପେ, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମା ତାଣା ତୁୟିତିହଁ, ଆଡ଼ିହଁ ମୀରୁ ଜିକେଏ କାଲେଏ ଆବା ଅଡ଼େ ମୀରୁଏଣା ଜୀସୁ ତାଣା ତୁୟିଦେରି । ୨୫ ଅଡ଼େ କ୍ରୀସ୍ତୁ ମାଙ୍ଗେ ଏନାଆଁ ଆଞ୍ଜାମାଞ୍ଜାନେସି ଏଦି କାଲାକାଲାତି ଜୀସୁ ।

୨୬ ଆମ୍ବାଆରି ମିଙ୍ଗେ ନାଡ଼ି କିୟାଲି ଅଣ୍ଡପାନେରି, ଏଞ୍ଜାରି ତାଣାଟି ଜାଗ୍ରାତା ଆହାଲି ନାନ୍ତୁ ମୀ ତାଣା ଇ ବାରେ ରାଡ଼ିମାଞ୍ଜାଇଁ । ୨୭ ସାମା ମୀରୁ ଏଞ୍ଜାଣି ତାଣାଟି ଆମିନି ସୁଦୁଜୀବୁତି ବର ବେଟାଆହାମାଞ୍ଜେରି, ଏଦି ମୀ ତାଣା ତୁୟାମାନେ, ଇଞ୍ଜିଁ ଆମ୍ବାଆସି ମିଙ୍ଗେ ଜୀସୁହାନେସି, ଏଦି ମିଙ୍ଗେତାକି ଲଡ଼ା ହିଲେଏ, ସାମା ଏଞ୍ଜାଣି ତାଣାଟି ଆମିନି ବର ବେଟାଆହାମାଞ୍ଜେରି ଏଦି ମିଙ୍ଗେ ଆମିନି କାତା ଜୀସୁହାନେ, ଏଦି ସାତା, ମିତି ଆଏ; ଇଦାଆଁତାକି ଏ ଜୀସୁନାଣି ତଲେ ଏଞ୍ଜାଣି ତାଣା ତୁୟାଦୁ ।

୨୮ ନା ଜୀବୁତି ମୀରୁକା ମାସ୍କାତେରି, କ୍ରୀସ୍ତୁ ତଲେ ଆଣ୍ଡାନା ତୁୟାଦୁ, ଏନିକିଁ ଏଞ୍ଜାସି ଏଚିବେଲା ତଞ୍ଜାଆନେସି, ଏଚିବେଲା ତାନ୍ତୁ ଖାନାଟି ତାନି ନକିତା ମାରୁ ଲାଜା ଆଆନା ସାସା ମେଡ଼ାଆନାୟି । ୨୯ କ୍ରୀସ୍ତୁ ଦାମ୍ବୁଗାଟାସି, ଇଦାଆଁ ପୁନାୟିମାନେ, ଆଡ଼ିହଁ ଆମ୍ବାଆସି ଦାମ୍ବୁକାମା କିନେସି, ଏଞ୍ଜାସି ଏଞ୍ଜାଣି ତାଣାଟି ଜାନା ଆହାମାନେସି, ଇଦାଆଁ ଜିକେଏ ପୁଞ୍ଜୁ ।

୩

ମାହାପୁରୁତି ମୀରୁକା ମାସ୍କା

୧ *ମେହ୍ନୁ ଆବା ମାଙ୍ଗେ ଏନିକିଁ ଜୀସୁ ନନାଣି ହାହାମାଞ୍ଜାନେସି, ମାରୁ ମାହାପୁରୁତି ମୀରୁକା ମାସ୍କା ଇଞ୍ଜିଁ ଖେଞ୍ଜାନାୟି, ଅଡ଼େ ମାରୁ ଏଲେକିହଁ ଏ ଆହାମାନାୟି । ଇଦାଆଁତାକି ଦାରୁତି ମାଙ୍ଗେ ପୁଞ୍ଜାମାଞ୍ଜେଏ, ଇଡ଼ିହଁ ଏଦି ଏଞ୍ଜାଣାଇଁ ଜିକେଏ ପୁଞ୍ଜା ହିଲ୍ଲାଆତେ । ୨ ଏ ନା ଜୀବୁତି ତଡ଼େସିଙ୍ଗା, ନୀର୍ବି ମାରୁ ମାହାପୁରୁତି ମୀରୁକା ମାସ୍କାତାୟି, ଅଡ଼େ ତାୟୁ ଏନି ଆନାୟି, ଏଦି ନୀର୍ବି ପାତେକା ତଞ୍ଜା ଆହା ହିଲେଏ, ମାରୁ ପୁଞ୍ଜାମାନାୟି, କ୍ରୀସ୍ତୁ ଏଚିବେଲା ତଞ୍ଜାଆନେସି, ଏଚିବେଲା ମାରୁ ଜିକେଏ ଏଲେକିହଁ ଏ ଆନାୟି, ଇଡ଼ିହଁ ଏଞ୍ଜାସି ଏନିଲେହେଁକି ମାରୁ ଏଲେକିହଁ ଏ ଏଞ୍ଜାଣାଇଁ ମେହ୍ନାୟି । ୩ ଅଡ଼େ ଆମ୍ବାଆସି ଜିକେଏ କ୍ରୀସ୍ତୁ ଜୀସୁ ତାଣା ଇ ବାର୍ସୁ ଇଟାମାନାସି, ଏଞ୍ଜାସି ଏନିକିଁ ସୁଦୁଗାଟାସି, ଏଞ୍ଜାସି ଏଲେକିହଁ ଏ ତାଙ୍ଗେ ଅବହା କଡ଼ିନେସି ।

୪ ଆମ୍ବାଆସି ପାପୁ କିନେସି, ଏଞ୍ଜାସି ମାହାପୁରୁତି ହୁକୁମି ଉରିନାସି, ଏନିଇଡ଼ିହଁ ହୁକୁମି ଉରିନାୟିଏ ପାପୁ । ୫ *ମାରୁ ପୁଞ୍ଜାମାନାୟି, କ୍ରୀସ୍ତୁ ପାପୁ ତେକା ଅହାଲି ଖାଡ଼େସି, ଇଞ୍ଜିଁ ଏଞ୍ଜାଣି ତାଣା ପାପୁ ହିଲେଏ । ୬ ଆମ୍ବାଆସି କ୍ରୀସ୍ତୁ ତାଣା ତୁୟିନେସି, ଏଞ୍ଜାସି ପାପୁ କିଅସି; ସାମା ଆମ୍ବାଆସି ପାପୁ କିନେସି, ଏଞ୍ଜାସି କ୍ରୀସ୍ତୁଇଁ ମେସାହିଲଅସି କି ଏଞ୍ଜାଣାଇଁ ପୁଞ୍ଜାହିଲଅସି ।

୭ ନା ଜୀବୁତି କକାରି ପଦାଁତେରି ଆମ୍ବାଆରି ମିଙ୍ଗେ ନାଡ଼ି କିୟାଆପେରି; ଆମ୍ବାଆସି ଦାମ୍ବୁକାମା କିନେସି, କ୍ରୀସ୍ତୁ ଏନିକିଁ ଦାମ୍ବୁଗାଟାସି, ଏଞ୍ଜାସି ଜିକେଏ ଏଲେକିଁ ଦାମ୍ବୁଗାଟାସି ଆନେସି; ୮ ଆମ୍ବାଆସି ପାପୁ

* ୩:୧ ୩:୧ ଜହ ୧:୧୭ * ୩:୫ ୩:୫ ଜହ ୧:୨୯

କିନେସି, ଏଝାସି ସୟତାନଟି ଜାର୍ନା ଆତାସି, ଇଚିହୁଁ ସୟତାନ ତଲିଟିଏ ପାପୁ କିହୁଁ ଝାହିମାନେ, ସୟତାନଟି କାମା ନାସା କିୟାଲି ମାହାପୁରୁ ମାରୁଏସି ଝାଡେସି ।

୯ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଝାସି ପାପୁ ଅଡେ ଝେଣେ କିଅସି, ଇଚିହୁଁ ମାହାପୁରୁଟି ଗୁଣ୍ଡ ଏଝାଣି ତାଣା ମାନେ, ଅଡେ ଏଝାସି ମାହାପୁରୁ ତାଣାଟି ଜାର୍ନା ଆହାମାନାକି ପାପୁ କିହାଲି ଆଡଅସି । ୧୦ ଆମ୍ବାଆରି ମାହାପୁରୁଟି ମାରୁକା ମାୟକା ଅଡେ ଆମ୍ବାଆରି ସୟତାନଟି ମାରୁକା ମାୟକା, ଏଡି ତଞ୍ଜାଆନେ; ଆମ୍ବାଆସି ଦାମ୍ବୁକାମା କିଅସି, ଇଞ୍ଜା ତାୟି ତାଜିଇଁ ଜୀଝୁ ନଅସି, ଏଝାସି ମାହାପୁରୁ ତାଣାଟି ଜାର୍ନା ଆହାହିଲଅସି ।

ରଅସି ରଅଣାଇଁ ଜୀଝୁନନାୟି

୧୧ *ଇଚିହୁଁ ରଅସି ରଅଣାଇଁ ଜୀଝୁନନାୟି ମାନେ ଇ ହାଡା ମୁଲୁଟିଏ ଝେଞ୍ଜା ମାଞ୍ଜେରି; ୧୨ ପାପୁଟି ମାରୁଏସି କୟିନ, ଏଝାଣିଲେହେଁ ଆଆପୁ, ଏଝାସି ତାନି ତାୟି ହେବଲଇଁ ପାୟିଡେସି; କୟିନ ଏଝାଣାଇଁ ଏନାଆଁତାକି ପାୟିଡେସି ? ଇଚିହୁଁ ତାନି କାମା ପାପୁ ଗାଟାୟି, ଅଡେ ହେବଲଟି କାମା ଦାମ୍ବୁଗାଟାୟି ମାଡେ ।

୧୩ ନା ତାୟି ତାଜିସ୍ତାଡେରି ଦାରୁଡିଟି ଲକୁ ମିଙ୍ଗେ ଅପାଆତୁଁ ଜିକେଏ ମାରୁ କାବା ଆଆପୁ । ୧୪ *ମାରୁ ପୁଞ୍ଜାମାନାୟି, ମାରୁ ହାକିତି ଜୀଣାଆହାନା ଜୀଝୁ ବେଟାଆହାମାନାୟି, ଇଚିହୁଁ ମାରୁ ତାୟି ତାଜିସ୍ତାଣି ଜୀଝୁନହୁଁ ମାନାୟି, ଆମ୍ବାଆସି ଜୀଝୁ ନଅସି, ଏଝାସି ହାହାଲି ମାନେସି । ୧୫ ଆମ୍ବାଆସି ଜାହାରା କ୍ରୀସ୍ତାନା ତାୟି ତାଜିଇଁ ଅପଅସି, ଏଝାସି ଲକୁଣି ପାୟିନାସି; ଅଡେ ଲକୁଣି ପାୟିନାରି ତାଣା କାଳାକାଳାଟି ଜୀଝୁ ଡୟେଏ, ଇଦାଆଁ ମାରୁ ପୁଞ୍ଜାମାଞ୍ଜେରି । ୧୬ ଜୀଝୁ କ୍ରୀସ୍ତ ମା ତାକି ଜୀଝୁ ହାତକି ମାରୁ ଜୀଝୁନନାୟି ଏନାୟି ଇଞ୍ଜୁଁ ପୁଞ୍ଜାମାନାୟି; ଅଡେ ତାୟି ତାଜି ତାକି ମା ଜୀଝୁ ଜିକେଏ ହୀନାୟି ମାନେ । ୧୭ ସାମା ଆମ୍ବାଆସି ଦାରୁଡିତା ଦନ ଗାଟାସି ଆହାନା ତାନି ତାୟିଟି ଲଡାମାନାଣି ମେସାନା ଜିକେଏ ଏଝାଣାଇଁ କାର୍ମା ମେହଅସି ଇଚିସାରେ, ତାନି ହିୟାଁତା ମାହାପୁରୁଟି ଜୀଝୁନନାୟି ମାନେ ଇଞ୍ଜୁଁ ଏନିକିଁ ଏଲେଇନାୟି ? ୧୮ ନା ମାରୁକା ମାୟକା ଝାପୁ, ମାରୁ ଜଲ୍ଲା ଜକଡି ତଲେ ଜୀଝୁ ନଆନା କାମା ଅଡେ ସାତା ତଲେ ଜୀଝୁ ନନାଣି ତହୁନାୟି ମାନେ ।

୧୯ ଏଲେ କିତିସାରେ ମାରୁ ସାତାଟି ମାରୁକା ମାୟକାତାୟି ଇଦାଆଁ ପୁଞ୍ଜାମାନାୟି, ଅଡେ ଏନି କାତା ମା ହିୟାଁ ମାଙ୍ଗେ ଦହ କିୟାନେ, ଏ କାତାତା ଏଝାଣି ନକିତା ମା ହିୟାଁ ସୁପି କିୟାଲି ଆଡିନାୟି; ୨୦ ଏନିନି କାମାତା ମା ହିୟାଁ ମାଙ୍ଗେ ଦହ ଦସ୍ତାନେ, ଏମ୍ବାଟି ଏଝାଣି ନକିତା ଏ କାତାତାକି ମା ହିୟାଁଟି ସୁପି କିହାଲି ଆଡିନାୟି; ଇଚିହୁଁ ମାହାପୁରୁ ମା ହିୟାଁଟିଏ କାଜାସି, ଏଝାସି ବାରେ ପୁନେସି । ୨୧ ନା ଜୀଝୁଟି ତଣେସିଙ୍ଗା ମା ହିୟାଁ ମାଙ୍ଗେ ଦହ ଦସ୍ତାଆଡିହୁଁ, ଆଡିହୁଁ ମାରୁ ମାହାପୁରୁ ନକିତା ସାସାତଲେ ନିଚାଲି ଆଡିନାୟି । ୨୨ ଅଡେ ମାରୁ ଏନାଆଁ ରାହନାୟି, ଏ ବାରେ ଏଝାଣି ତାଣାଟି ବେଟାଆହି ମାନାୟି, ଇଚିହୁଁ ମାରୁ ତାନି ହୁକୁମି ମାନୁଝି ଆହିମାନାୟି, ଅଡେ ତାନି ନକିତା ଏନାୟି ନେହାୟି ଏଦାଆଁ କିହିମାନାୟି । ୨୩ *ତାନି ହୁକୁମି ହୀହାମାନିଲେହେଁ, ମାରୁ ତାନି ମାରୁଏସି ଜୀଝୁ କ୍ରୀସ୍ତ ଦରୁତଲେ ନାମିନାୟି ଅଡେ ତାନି ହାଟି ହୁକୁମି ତଲେ ରଅତାୟି ରଅଣାଇଁ ଜୀଝୁନନାୟି । ୨୪ ଆମ୍ବାଆସି ମାହାପୁରୁଟି ହୁକୁମି ମାନୁଝି ଆନେସି, ଏଝାସି ମାହାପୁରୁ ତଲେ ଡୟିନେସି, ଅଡେ ମାହାପୁରୁ ଏଝାଣି ତାଣା ଡୟିନେସି; ଇଞ୍ଜା ମାହାପୁରୁ ମା ତାଣା ଡୟିନେସି, ଇଦାଆଁ ମାରୁ ତାନି ହୀହାମାଞ୍ଜାନି ଜୀଝୁତଲେ ପୁଞ୍ଜାମାନାୟି ।

୪

ସାତା ମାହାପୁରୁଟି ଜୀଝୁ ଅଡେ ମିତି ଜୀଝୁ

୧ ନା ଜୀଝୁଟି ତାୟି ତାଜିସ୍ତା, ବାରେ ଜୀଝୁୟାଁଇଁ ନାମାଆପୁ, ସାମା ଏଝାରି ବେଟାଆହାମାନି ଜୀଝୁୟାଁ ମାହାପୁରୁ ତାଣାଟି ଝାହାମାନୁ କି ଆଏ ଇଦାଆଁ ନେହୁଁ କୁଁ ତାୟିପାରି କିଦୁ, ଏନାଆଁତାକି ଇଚିହୁଁ ଦାରୁଡିତା ହାରେକା ମିତି ମାହାପୁରୁ ବଲୁ ଝେହନାରି ହଡାମାନେରି । ୨ ଇଲେ କିତିହୁଁ ମାରୁ ମାହାପୁରୁଟି ଜୀଝୁଟି ପୁଞ୍ଜାଲି ଆଡିଦେରି, କ୍ରୀସ୍ତ ଜୀଝୁ ମାଣସି ଆଙ୍ଗା ଝାଣା ତଲେ ଝାହାମାନେସି, ଇଦାଆଁ ଆମିନି ଜୀଝୁ ଜଲିନେ, ଏଡି ମାହାପୁରୁ ତାଣାଟି ଝାହାମାନେ । ୩ ଅଡେ ଆମିନି ଜୀଝୁ ଜୀଝୁଇଁ ନାନୁ ପୁଞ୍ଜାହିଲଅଁ ଇଞ୍ଜୁଁ ଜଲିନେ, ଏଡି ମାହାପୁରୁ ତାଣାଟି ଝାହାହିଲେଏ; ସାମା ଏଡି ନାଡିକିନି କ୍ରୀସ୍ତଟି ଜୀଝୁ, ଆମିନି ଜୀଝୁଟି ଝାନି କାତା ମାରୁ ଝେଞ୍ଜାମାଞ୍ଜେରି, ଇଞ୍ଜା ଏଡି ନାଏଁ ଜିକେଏ ଦାରୁଡିତା ଝାଡେସିଏ ।

* ୩:୧୧ ୩:୧୧ ଜହ ୧୩:୩୪ * ୩:୧୪ ୩:୧୪ ଜହ ୫:୨୪ * ୩:୨୩ ୩:୨୩ ଜହ ୧୩:୩୪; ୧୫:୧୨, ୧୭

୪ ଜୀଞ୍ଜୁତି କକାରି ପଦାତେରି, ମୀରୁ ମାହାପୁରୁ ତାଣାଟି ଜାର୍ନା ଆତାତେରି, ଅତେ ମୀରୁ ନାଡ଼ିକିନି ବଲୁ
 ଖେହ୍ନାରାଇଁ ଜୀଣା ଆହାମାଞ୍ଜେରି, ଇତିହୁଁ ମୀ ତାଣା ଆମ୍ବାଆସି ମାନେସି, ଏଞ୍ଜାସି, ଦାରୁତିତା ଆମ୍ବାଆସି
 ମାନେସି ଏଞ୍ଜାଣି କିହାଁ କାଜାସି । ୫ ନାଡ଼ିକିନାରି ଦାରୁତିତା ଖାହାମାନେରି, ଈଦାଆଁତାକି ଏଞ୍ଜାରି ଦାରୁତିତ
 କାତା ଖେହ୍ନେରି, ଅତେ ଦାରୁତିତାରି ଏଞ୍ଜାରି କାତା ଖେନେରି । ୬ ସାମା ମାରୁ ମାହାପୁରୁ ତାଣାଟି ଜାର୍ନା
 ଆହାମାନାୟି; ଆମ୍ବାଆସି ମାହାପୁରୁଇଁ ପୁନେସି, ଏଞ୍ଜାସି ମା କାତା ଖେନେସି; ଆମ୍ବାଆସି ମାହାପୁରୁ ତାଣାଟି
 ଜାର୍ନା ଆହାହଲଅସି, ଏଞ୍ଜାସି ମା କାତା ଖେନଅସି, ଏମ୍ବାଟି ସାତାତି ଜୀଞ୍ଜୁ ଅତେ ନାଡ଼ିକିନି ଜୀଞ୍ଜୁ ପୁଞ୍ଜାଲି
 ଆଡ଼ିନାୟି ।

ଜୀଞ୍ଜୁ ନଞ୍ଜିଆନାୟି

୭ ନା ଜୀଞ୍ଜୁତି ତଢ଼ଣସିଜା, ରଅତେରି ରଅଣାଇଁ ଜୀଞ୍ଜୁନଦୁ, ଇତିହୁଁ ଜୀଞ୍ଜୁନନାୟି ମାହାପୁରୁ ତାଣାଟି
 ଖାନେ, ଆମ୍ବାଆସି ଜୀଞ୍ଜୁ ନନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି, ଇଞ୍ଜା ଏଞ୍ଜାସି
 ମାହାପୁରୁଇଁ ପୁଞ୍ଜାମାନେସି । ୮ ଆମ୍ବାଆସି ଜୀଞ୍ଜୁ ନଅସି, ଏଞ୍ଜାସି ମାହାପୁରୁଇଁ ପୁନଅସି, ଏନାଆଁତାକି
 ଇତିହୁଁ ମାହାପୁରୁ ଜୀଞ୍ଜୁ ନନାୟି । ୯ ଇମ୍ବାଆଁ ମାହାପୁରୁତି ଜୀଞ୍ଜୁନନାୟି ତଞ୍ଜା ଆହାମାନେ, ଏଞ୍ଜାସି
 ତାନି ରଣ୍ଡିସି ମୀରୁଏଣାଇଁ ଦାରୁତିତା ପାଣ୍ଡାତେସି, ଏନିକିଁ ମୀରୁ ଏଞ୍ଜାଣି ତାଣାଟି କାଳାକାଳାତି ଜୀଞ୍ଜୁ
 ବେଟାଆନାୟି । ୧୦ ମୀରୁ, ମାହାପୁରୁଇଁ ଜୀଞ୍ଜୁ ନତାୟି, ଏଦି ଏଆ, ସାମା ଏଞ୍ଜାସି ମାଜେ ଜୀଞ୍ଜୁ ନୟଁତେସି,
 ଇଞ୍ଜା ତାନି ମୀରୁଏଣାଇଁ ମା ପାପୁ ତାକି ପୂଜା ଆହାଲି ପାଣ୍ଡାତେସି; ଏଦି ଏମ୍ବାଟିଏ ଜୀଞ୍ଜୁନନାୟି ତଞ୍ଜା ଆହି
 ମାନେ ।

୧୧ ନା ଜୀଞ୍ଜୁତି ତଢ଼ଣସିଜା, ମାହାପୁରୁ ମାଜେ ଏନିକିଁ ଜୀଞ୍ଜୁ ନହାଁ ମାଞ୍ଜାନେସି, ମୀରୁ ଜିକେଏ ରଅତାୟି
 ରଅଣାଇଁ ଜୀଞ୍ଜୁ ନଞ୍ଜିଆନାୟି ମାନେ । ୧୨ ଆମ୍ବାଆସି ଏବେଲାଖା ମାହାପୁରୁଇଁ ମେସାହିଲଅସି; ସାମା ମୀରୁ
 ରଅତାୟି ରଅଣାଇଁ ଜୀଞ୍ଜୁନଞ୍ଜିଆନ, ଆତିହୁଁ ମାହାପୁରୁ ମା ତାଣା ମାନେସି, ଅତେ ତାନି ଜୀଞ୍ଜୁନନାୟି ।
 ତାଣା ମାନେ ।

୧୩ ମୀରୁ ମାହାପୁରୁ ତାଣା ମାନାୟି ଅତେ ଏଞ୍ଜାସି ମା ତାଣା ମାନେସି, ଇଦାଆଁ ମୀରୁ ପୁଞ୍ଜାମାନାୟି,
 ଇତିହୁଁ ଏଞ୍ଜାସି ମାଜେ ତାନି ଜୀଞ୍ଜୁ ହାହାମାଞ୍ଜାନେସି । ୧୪ ମାହାପୁରୁ ଆବା ତାନି ମୀରୁଏଣାଇଁ ଦାରୁତିତ
 ଲକୁଣି ଗେଲପିନାସି ଆହାଲିତାକି ପାଣ୍ଡାତେସି, ଇଦାଆଁ ମୀରୁ ମେସାମାନାୟି ଅତେ ସାକି ହାହି ମାନାୟି ।
 ୧୫ ଆମ୍ବାଆସି ଜୀଞ୍ଜୁଇଁ ମାହାପୁରୁତି ମୀରୁଏସି ଇଞ୍ଜାଁ ଖେକନେସି, ମାହାପୁରୁ ଏଞ୍ଜାଣି ତାଣା ମାନେସି, ଅତେ
 ଏଞ୍ଜାସି ମାହାପୁରୁ ତାଣା ମାନେସି । ୧୬ ଅତେ ମାଜେତାକି ମାହାପୁରୁତି ଆମିନି ଜୀଞ୍ଜୁନନାୟି ମାନେ, ଏଦାଆଁ
 ମୀରୁ ପୁଞ୍ଜାମାନାୟି ଅତେ ନାମାମାନାୟି । ମାହାପୁରୁ ଜୀଞ୍ଜୁ ନନାୟି; ଆମ୍ବାଆସି ଜୀଞ୍ଜୁ ନହୁଁ ମାନେସି ଏଞ୍ଜାସି
 ମାହାପୁରୁ ତାଣା ମାନେସି ଅତେ ମାହାପୁରୁ ଏଞ୍ଜାଣି ତାଣା ତୟିନେସି । ୧୭ ଦାମ୍ପୁତି ଜୀଞ୍ଜୁତା ନୀତାମାନାକି
 ମାହାପୁରୁତି ଜୀଞ୍ଜୁନନାୟି ମା ତାଣା ତୀରି ଆହାମାନେ, ମୀରୁ ନାହାଁୟି ଦିନାତା ସାସା ବେଟାଆନାୟି,
 ଇତିହୁଁ କ୍ରୀସ୍ତ ଏନିକିଁ ମାନେସି, ମୀରୁ ଜିକେଏ ଈ ଦାରୁତିତା ଏଲେକିହୁଁଏ ମାନାୟି । ୧୮ ଜୀଞ୍ଜୁ ନନି
 ତାଣା ଆଜି ତୟେଏ, ସାମା ସାତା ଜୀଞ୍ଜୁନନାୟି ଆଜିତି ହେକ କିନେ, ଇତିହୁଁ ଆଜି ତଣ୍ଡ ବେଟାଆନାଣି
 ତଲେ ଆଣ୍ଡାମାନେ, ଇଞ୍ଜା ଆମ୍ବାଆସି ଆଜିନେସି ଏଞ୍ଜାସି ଜୀଞ୍ଜୁ ନନି ତାଣା ତାରିତାସି ଏଆ ।

୧୯ ମାହାପୁରୁ ତଲିଏ ମାଜେ ଜୀଞ୍ଜୁ ନୟଁତାକି ମୀରୁ ଜୀଞ୍ଜୁ ନହୁଁମାନାୟି । ୨୦ ଆମ୍ବାଆସି ନାନୁ ମାହାପୁରୁଇଁ
 ଜୀଞ୍ଜୁ ନହୁଁମାଈଁ ଇଞ୍ଜାନା, ଏଞ୍ଜାସି ତାନି ନାମିତି ତାୟି ତାଜିଇଁ ଅପଅସି, ଆତିହୁଁ ଏଞ୍ଜାସି ମିତି ଖେହ୍ନାସି,
 ଇତିହୁଁ ଆମିନି ତାୟିଇଁ ମେସାମାନେସି, ଏଞ୍ଜାଣାଇଁ ଜୀଞ୍ଜୁ ନଅସି, ଇତିହୁଁ ଆମିନି ମାହାପୁରୁଇଁ
 ମେସାହିଲଅସି, ଏଞ୍ଜାଣାଇଁ ଜୀଞ୍ଜୁ ନହାଲି ଆଡ଼ଅସି । ୨୧ ଆମ୍ବାଆସି ମାହାପୁରୁଇଁ ଜୀଞ୍ଜୁ ନନେସି, ଏଞ୍ଜାସି
 ତାନି ତାୟିଇଁ ଜିକେଏ ଜୀଞ୍ଜୁ ନପେସି, ଈ ହୁକୁମି ମୀରୁ କ୍ରୀସ୍ତ ତାଣାଟି ବେଟା ଆହାମାନମି ।



ଦାରୁତିତା ଜୀଣା ଆନାୟି

୧ ଆମ୍ବାଆସି ଜୀଞ୍ଜୁଇଁ କ୍ରୀସ୍ତ ଇଞ୍ଜାଁ ନାମିନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି;
 ଆମ୍ବାଆସି ଜାର୍ନାକିତି ଆବାଇଁ ଜୀଞ୍ଜୁ ନନେସି, ଏଞ୍ଜାସି ତାନିତାଣାଟି ଜାର୍ନା ଆହାମାନି ଲକୁଣି ଜିକେଏ ଜୀଞ୍ଜୁ
 ନନେସି । ୨ ମୀରୁ ଏତିବେଲା ମାହାପୁରୁଇଁ ଜୀଞ୍ଜୁନନାୟି ଅତେ ତାନି ହୁକୁମି ମୀରୁଞ୍ଜି ଆନାୟି, ଏତିବେଲା
 ଏଦାଆଁ ତଲେ ମୀରୁ ମାହାପୁରୁତି ମୀରୁକା ମାସକାଇଁ ଜୀଞ୍ଜୁ ନହୁଁମାନାୟି ଇଞ୍ଜାଁ ପୁଞ୍ଜାଲି ଆଡ଼ିନାୟି ।

୩ *ମାହାପୁରୁଷଙ୍କ ଜୀବନନାୟି ମା ତାଣା ମାନେ, ଇତିହାସ ମାରୁ ଏଞ୍ଜାଣି ହୁକୁମି ମାନୁଡ଼ି ଆନୁ, ଏଞ୍ଜାଣି ହୁକୁମି ମାନୁଡ଼ି ଆନାୟି ହାରେକା କସୁ ଆଏ *ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜାସି ଦାରୁତିତି ଜୀଣାଆନେସି, ଅଡ଼େ ଏନାଆଁ ଦାରୁତିତି ଜୀଣା ଆହାମାନେସି, ଏଦି ମା ନାମୁ । *ଜୀସୁ ମାହାପୁରୁ ମାରୁଏସି, ଇଦାଆଁ ଆମ୍ବାଆସି ନାମିନେସି, ଏଞ୍ଜାଣି ପିସପେ ଆମ୍ବାଆସି ଦାରୁତିତି ଜୀଣା ଆନେସି ?

ଜୀସୁ କ୍ରୀସ୍ତ ତାକି ସାକ୍ତି

୨ ଜୀସୁ କ୍ରୀସ୍ତ ଏମୁ ଅଡ଼େ ନେତେରିଟି ଖାହାମାରେସି, ଖାରୁଇ ଏମୁତଲେ ଆଏ, ସାମା ଏମୁ ଅଡ଼େ ନେତେରି ଇ ରୀ କୁଡ଼ା ତଲେ ଖାହାମାରେସି; ଅଡ଼େ ସୁବୁଜୀସୁ ଜିକେଏ ଏମ୍ବାତି ସାକ୍ତି ହାହିମାନେ, ଇତିହାସ ଜୀସୁଏ ସାତା । ୨ ଇ ତାନି ଜାଣା ସାକ୍ତି ମାନୁ । ୩ ସୁବୁଜୀସୁ, ଏମୁ ଅଡ଼େ ନେତେରି ଏଞ୍ଜି ରଣିଏ ସାକ୍ତି ହାହିମାନୁ । ୪ ମାରୁ ଲକୁ ହାତି ସାକ୍ତି ନାମିନାୟି, ଆତିହାସ ମାହାପୁରୁ ହାତି ସାକ୍ତି ଏଦାଣିକିହାଁ ହାରେକା କାଜାୟି, ଅଡ଼େ ମାହାପୁରୁତି ସାକ୍ତି ଇଦି, ଏଞ୍ଜାସି ତାନି ମାରୁଏଣା ଖାକିଟି ସାକ୍ତି ହାହାମାନେସି । ୫ ଆମ୍ବାଆସି ମାହାପୁରୁ ମାରୁଏଣା ତାଣା ନାମିନେସି, ଏଞ୍ଜାସି ତାନି ହିୟାଁତା ଇ ସାକ୍ତି ବେଟାଆହାମାନେସି; ଅଡ଼େ ଆମ୍ବାଆସି ମାହାପୁରୁତି ସାକ୍ତି ନାମଅସି, ଏଞ୍ଜାସି ମାହାପୁରୁଙ୍କ ମିଟି ଗାଟାସି କିହାମାନେସି, ଇତିହାସ ମାହାପୁରୁ ତାନି ମାରୁଏଣା ଖାକିଟି ଆମିନି ସାକ୍ତି ହାହାମାନେସି, ଏମ୍ବାଆଁ ଏଞ୍ଜାସି ନାମାହିଲଅସି । ୬ *ଏ ସାକ୍ତି ଇଦି, ମାହାପୁରୁ ମାଜେ ରାଆଗାଟି ଜୀସୁ ହାହାମାଜାନେସି, ଅଡ଼େ, ଏ ଜୀସୁ ତାନି ମାରୁଏଣା ତାଣା ମାନେ । ୭ ଆମ୍ବାଆସି ମାହାପୁରୁ ମାରୁଏଣାଙ୍କ ବେଟାଆହାମାନେସି, ଏଞ୍ଜାସି ଜୀସୁ ବେଟାଆହାମାନେସି; ଆମ୍ବାଆସି ମାହାପୁରୁ ମାରୁଏଣାଙ୍କ ବେଟାଆହାହିଲଅସି, ଏଞ୍ଜାସି ଜୀସୁ ଜିକେଏ ବେଟାଆହାହିଲଅସି ।

ରାଆଗାଟି ଜୀସୁ

୮ ମାରୁ ମାହାପୁରୁ ମାରୁଏଣା ଦରୁ ନାମାମାଜେରି, ମାରୁ ଏନିକି ପୁଞ୍ଜାମାଜେରି, ରାଆଗାଟି ଜୀସୁ ବେଟା ଆହାମାଜେରି, ଇଦାଆଁତାକି ନାନୁ ମିଜେ ଇ ବାରେ ରାଟାମାଜାଙ୍କ । ୯ ଇଞ୍ଜା ମାରୁ ମାହାପୁରୁ ଅଣପୁତି ଲେହେଁ ପ୍ରାତାନା କିନାୟି, ଆତିହାସ ଏଞ୍ଜାସି ମା ପ୍ରାତାନା ଖେଜାନେସି, ଇଞ୍ଜା ମାହାପୁରୁ ତାଣା ମା ବାର୍ସୁ ମାନେ । ୧୦ ଅଡ଼େ ମାରୁ ଏଞ୍ଜାଣି ତାଣା ଏନାଆଁ ପ୍ରାତାନା କିନାୟି, ଏଦାଆଁ ଏଞ୍ଜାସି ଖେଜାନେସି ଇଞ୍ଜା ମାରୁ ପୁଞ୍ଜାମାନାୟି, ଆତିହାସ ଏଞ୍ଜାଣି ତାଣା ମାରୁ ଏନାଆଁ ପ୍ରାତାନା କିହିମାନାୟି, ଏ ବାରେ ବେଟାଆହାମାନାୟି, ଇଦାଆଁ ଜିକେଏ ପୁଞ୍ଜାମାନାୟି ।

୧୧ ମୀ ନାମିତି ତାୟି କି ତାଜିଙ୍କି ପାପୁ କିହିମାନାଣି ମେହଦେରି ଇତିସାରେ, ଅଡ଼େ ଏ ପାପୁ ହାଞ୍ଜି କିନାୟି ଆଏ, ଏ ତାୟି ତାଜି ତାକି ମାହାପୁରୁ ତାଣା ପ୍ରାତାନା କିଦୁ, ଅଡ଼େ ମାହାପୁରୁ ଏନିକି ହାନିହଟେତି ପାପୁ କିହିହିଲଆ ଲକୁଣି ଜୀସୁ ହାନେସି, ଏଲେକିହାସ ଏ ଏଞ୍ଜାରାକି ଜିକେଏ ଜୀସୁ ହାନେସି, ହାନିହଟେତି ପାପୁ ମାନେ ଇଞ୍ଜା ଏଞ୍ଜାରି ତାକି ପ୍ରାତାନା କିହିଲି ଖେସିହିଲଅ । ୧୨ ବାରେ ଲାଗେଏତି କାମା ପାପୁ, ସାମା ବାରେ ପାପୁ ହାଞ୍ଜି କିଏ ।

୧୩ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନାସି, ଏଞ୍ଜାସି ପାପୁ କିଅସି, ଏନାଆଁତାକି ଇତିହାସ ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାଁ ଜାହାରାଇଁ ଗେଲପା କଡିନେସି, ଅଡ଼େ ପାପୁତି ଜୀସୁ ଏଞ୍ଜାଣାଙ୍କ ତୀଗେଏ, ଇଦାଆଁ ମାରୁ ପୁଞ୍ଜାମାନାୟି ।

୧୪ ମାରୁ ମାହାପୁରୁ ତାଣାଟି ଜାର୍ନା ଆହାମାନାତାୟି ଇଞ୍ଜା ବାରେ ଦାରୁତିଙ୍କି ସୟତାନ ଲକହାମାନେ, ଇଦାଆଁ ମାରୁ ପୁଞ୍ଜାମାନାୟି ।

୧୫ ମାରୁ ପୁଞ୍ଜାମାନାୟି, ମାହାପୁରୁ ମାରୁଏସି ଖାହାମାନେସି, ଇଞ୍ଜା ଏଞ୍ଜାସି ମାଜେ ସାତାତାଣାଙ୍କ ପୁଞ୍ଜାଲି ବୁଦି ହାହାମାଜାନେସି; ଅଡ଼େ ମାରୁ ଏ ସାତାଗାଟାଣି ତାଣା, ଇତିହାସ ତାନି ମାରୁଏସି ଜୀସୁ କ୍ରୀସ୍ତ ତାଣା ନୀତାମାନାୟି, ଏଞ୍ଜାସି ସାତା ମାହାପୁରୁ ଅଡ଼େ ରାଆଗାଟି ଜୀସୁ ଗାଟାସି ।

୧୬ ନା ଜୀସୁତି ମାରୁକା ମାସକାତେରି ପେଣକା ବମାୟାଁ ତାଣାଟି ମାରୁ ହେକ ଆହାନା ମାଞ୍ଜୁ ।

ଯୋହନଙ୍କ ଦ୍ୱାରିତ୍ୱ ପତ୍ର ଜହନ ରାଜାମାନି ରୀ ଲମ୍ବର ଆକୃ ମୂଲ୍ୟ ହାତୀ

ରୀ ଲମ୍ବର ଜହନ ଆକୃତି ଜୀମୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷୀ ତାମ୍ଭୁ ପାଣ୍ଡୁଓଆହାମାନି ଜହନ ତାଣ୍ଡାଟି ରାସ୍ତକି ଆହାମାନେ । ଜହନ ଜାହାରାଇଁ ଆକୃ ରାଡ଼ିତାସି ଇଞ୍ଜିଁ ଝେହ୍‌ଆନା କୁଲମିତି ପ୍ରାଚିନାତେର୍ଷ ଇଞ୍ଜିଁ ଝେସିମାନେସି । ଜହନ ରୀ ଲମ୍ବର ଆକୃତି ଜହନ ରାଡ଼ିତି ନେହଁଁ କାବୁତଲେ ସମାନା ମାନେ । ଇ ପତିତା ଜୀସୁ ଏନିକଁଁ ରଅସି ରଅଣାଇଁ ଜୀସୁ ନନି କାତା ଝେସାମାତେସି, ଜୀସୁତି ହୁକୁମିତି ହାରେକା ମାନି କିହିମାନେସି । ଏଲେକିହଁଁଏ ଜୀସୁତି ହୁକୁମି ମାନୁଓ ଆନାସି ଆହିମାନେ ଏଞ୍ଜାଣାଇଁ ଜୀସୁନନାସି ଜହ ୧:୫-୬; ଜହ ୧୫:୯-୧୦ ।

ଏଡିବେଲତା ଏଞ୍ଜାସି ଏପିସିୟ ଗାଡ଼ାତା ମାତେସି ଏମ୍ବାଆଁ ଏଞ୍ଜାସି ଜହନ ରାଡ଼ିତି ନେହଁଁ କାବୁ ଅଡେ ଜହନ ମୂଲ୍ୟ ଆକୃ, ଜହନତି ରୀ ଲମ୍ବର, ଅଡେ ଜହନ ତାନି ଲମ୍ବର ଆକୃ ରାଜାମାତେସି ଇଞ୍ଜିଁ ଲକୁ ନାମିମାନେରି । ଜହନ ଇ ଆକୃତା ଆଚାମାନି ଇୟା ଅଡେ ତାନି ମୀର୍କା ମାସ୍କା ଇଞ୍ଜିଁ କୁଲମିତି ରାଡ଼ିମାନେସି । ଜହନ ଇ ଆକୃ ରାଡ଼ିନି କାତା ଆହିମାନେ ନାମୁତା ମାନି ଲକୁଣି ସାସା ହୀନାସି ଅଡେ ମିତି କାତା ଝେହ୍‌ନାରି ତାଣ୍ଡାଟି ଜାଗ୍ରାତା କିହାଲି ରାଜାମାନେସି ।

ପତିତା ମାନାସି

- ୧. ଜହନ ଆକୃ ପଡ଼ଓ ଆନାରାଇଁ ଜହରା କିନାସି । ୧:୧-୩
- ୨. କୁଲମିତି ସାସା ହୀହାନା ମାହାପୁରୁତି କାଜା ହୁକୁମିତି ଅଣ୍ଡି କିନାସି । ୧:୪-୬
- ୩. ମିତି ଜାପୁନାରି ତାଣ୍ଡାଟି ଜାଗ୍ରାତା କିନାସି । ୧:୬-୧୧
- ୪. କୁଲମିତି ନାମୁଗାଟି ଲକୁଣି ଜହରା କିହାନା ଆକୃତି ରାପୁନାସି । ୧:୧୨-୧୩

୧ ନାନୁ, କୁଲମିତି ପ୍ରାଚିନାତେର୍ଷ, ମାହାପୁରୁ ଆଚାମାନି ଇୟା ଅଡେ ତାନି ମୀର୍କା ମାସ୍କାକି ଇ ଆକୃ ରାଡ଼ିମାଇଁ, ନାନୁ ଏଞ୍ଜାଣାଇଁ ସାତା ଜୀସୁ ନହଁଁ ମାଇଁ, ଅଡେ ଝାରୁଇ ନାନୁ ଆଏ, ସାମା ସାତାତି ପୁଞ୍ଜାମାନି ବାରେଜାଣା ଜୀସୁନହଁଁ ମାଞ୍ଜାନେରି । ୨ ଆମିନି ସାତା ମା ହିୟାତା ତୁୟାମାନେ ଅଡେ କାଲ୍ଲକାଲ୍ଲତାକି ମା ତାଣ୍ଡା ତୁୟିନେ ।

୩ ଆବା ମାହାପୁରୁ ଅଡେ ତାନି ମୀର୍କଏଣା ଜୀସୁ କ୍ରୀସ୍ତ ତାଣ୍ଡାଟି କାର୍ନାମେହ୍‌ନାସି, ହିଡ଼ି ଜୀସୁ ହୀହାନା, ସାତା ଅଡେ ଜୀସୁ ନଓଆହାନା ତୁୟିଦେରି ।

ସାତା ଅଡେ ଜୀସୁନନାସି

୪ ନୀ ମୀର୍କା ମାସ୍କା ବିଡ୍ରାଟି ଏବରଜାଣା ଆବା ତାଣ୍ଡାଟି ମାଜେ ହୀହାମାଞ୍ଜାନି ହୁକୁମି ଲେହେଁଁ ସାତାତି ତାକିନି ତାକୁ ମେସାନା ନାନୁ ହାରେକା ରାହାଁ ଆହିମାଇଁ । ୫ ଏଏ ଜୀସୁତି ଇୟା ନାନୁ ନୀର୍ଷ ନିଜେ ର ପୁଞ୍ଜାନି ହୁକୁମି ରାଡ଼ିମାଞ୍ଜାଇଁ ଏଡି ଆଏ, ସାମା ତଲିଟିଏ ବେଟାଆହାମାନି ହୁକୁମି ରାଚାନା ବାତିମାଲିମାଞ୍ଜାଇଁ, ମୀରୁ ରଅତାସି ରଅଣାଇଁ ଜୀସୁନନାସି ମାନେ । ୬ ମୀରୁ ତାନି ହୁକୁମି ମାନୁଓ ଆହାନା ମାଞ୍ଜେ ମାନାସି, ଇଦିଏ ଜୀସୁ ନନି କାତା, ମୀରୁ ତଲିଟିଏ ଏନାଆଁ ଝେଞ୍ଜାମାଞ୍ଜେରି, ଏଲେଆହଁଁଏ ମାଞ୍ଜୁ, ଇଦି ଏ ହୁକୁମି ।

୭ ନାନୁ ଝେସିମାଇଁ, ଇତିହଁଁ ଆମିନି ଗାଟାରି ଜୀସୁ କ୍ରୀସ୍ତ ମାଣସି ଝାଣା ତଲେ ଝାହାହିଲଅସି ଇଞ୍ଜିଁ ଇନେରି, ଇଲେତି ହାରେକା ନାଡ଼ିକନାରି ଦାରତିତା ହଡ଼ା ଝାହାମାନେରି, ଇଲେତି ଲକୁ ନାଡ଼ିକନାରି ଅଡେ ନାଡ଼ିକିନି କ୍ରୀସ୍ତ । ୮ ସାମା ମୀ ତାକି ମାମୁ କିହାମାନି କାମାତି ପାଡ଼େୟି ବାରେ ଜାକ୍‌ଆନା ଏନିକଁଁ ଏମ୍ବାଟି ହାରେ ପୁରେ ବର ବେଟାଆଦେରି ଏଦାଆଁତାକି ଜାଗ୍ରାତା ଆବୁ ।

୯ ଆମ୍ବାଆସି କ୍ରୀସ୍ତ ଜାପୁହା ମାନାଣି କିହାଁ ଆଗାଡ଼ା ଗାଣ୍ଡନେସି, ଏଞ୍ଜାସି ମାହାପୁରୁଇଁ ବେଟାଆହାହିଲଅସି; ଆମ୍ବାଆସି କ୍ରୀସ୍ତ ଜାପୁହା ମାନାଣି ତଲେ ତୁୟିନେସି, ଏଞ୍ଜାସି ଆବା ଅଡେ ମୀର୍କଏସି ଇ ରିଆରାଇଁ ଜିକେଏ ବେଟାଆହାମାନେସି । ୧୦ ଆମ୍ବାଆସି ଇଲେକିଁଁ ଜାପୁନାଣି ଆସାନା ମୀ ତାଣ୍ଡା ଝାଆସି, ଏଞ୍ଜାଣାଇଁ ମୀ ଇଜ ହାଟାଆଦୁ, ଇଞ୍ଜା ନେହଁଁ ମାଞ୍ଜି କି ଜିକେଏ ଇନାଆଦୁ; ୧୧ ଏନାଆଁତାକି ଇତିହଁଁ ଆମ୍ବାଆସି ଏଞ୍ଜାଣାଇଁ ନେହଁଁ ମାଞ୍ଜି କି ଇନେସି, ଏଞ୍ଜାସି ତାନି ଲାଗେଏତି କାମାତା ଆଣ୍ଡିନାସି ଆନେସି ।

୫ ୧:୫ ୧:୫ ଜହ ୧୩:୩୪; ୧୫:୧୨,୧୭

ଆକୃତି ରାଜି କାତା

^{୧୨} ନାନୁ ମିଙ୍ଗେ ହାଟ୍‌ରେକା କାତା ରାଜିନାୟି ମାନେ, ସାମା ଆକୃତା ଇଞ୍ଜା ସୀରା ତଲେ ରାତ୍‌ଲି ଅଣପି ହିଲଅ; ମୀ ତାଣା ଖାହାନା ମୁମ୍ ଫୁମସପି ଆହାନା ରୂତି ତଲେ ଜଲ୍‌କି ଆୟାଲି ଆସା କିହିମାଜ୍, ଏନିକ୍ ମା ରାହାଁ ହାଟ୍‌ରେକା ଆନେ ।

^{୧୩} ମାହାପୁରୁ ଆଡ଼ାମାନି ନୀ ତାଜିନି ମୀରକା ମାସ୍କା ମିଙ୍ଗେ ଜହରା କିହିମାଞ୍ଜାନେରି । ଆନେନ୍ ।

ଯୋହନଙ୍କ ତୃତୀୟ ପତ୍ର ଜହନ ରାତ୍ନାମାନି ତାନି ଲମ୍ବର ଆକୁ ମୂକୁ ହାତା

ଜହନତି ତାନି ଲମ୍ବର ଆକୁ ଜାସୁ କ୍ରୀସ୍ତ ଜାନୀଆଡ଼ି ୫୦ ଟିଏ ୧୦୦ ବାସୀ ତାୟୁ ପାଣ୍ଡୁଞ୍ଚିଆହାମାନି ଜହନ ତାଣାଟି ରାସୁକି ଆହାମାନେ । ଜହନ ଜାହାରାଇଁ ଆକୁ ରାଡ଼ିତାସି ଇଞ୍ଜିଁ ୱେହ୍‌ଆନା କୁଲମିତି ପ୍ରାଟିନାତେଏଁ ଇଞ୍ଜିଁ ୱେସିମାନେସି ୧:୧; ୨:୧୫ ୧:୧ । ଇମ୍ବାଆଁ ପୁଞ୍ଜାଲି ଆହିମାନେ ଏଞ୍ଜାସି ଏସିସିୟ ଗାଡ଼ାତା ମାଟିବେଲ୍ଲାତା ଜହନ ରାଡ଼ିତି ନେହଁଁ କାତୁତଲେ ତାନିଗଟା ଆକୁ ଜିକେଏ ରାତ୍ନାମାନେସି ଇ ନାମ୍ବୁ, ଇଟିହଁଁ ଜହନତି ତଲିତି ଆକୁ, ରୀ ଲମ୍ବର ଜହନ, ଅଡ଼େ ତାନି ଲମ୍ବର ଜହନ । ଜହନ ଗାୟସ ଦରୁ ଇନି ର ନାମ୍ବୁଗାଟି ତାୟିକି ଇ ଆକୁ ରାତ୍ନାମାନେସି ।

ଏଞ୍ଜାସି ଗାୟସଇଁ ର ତଟେଏସି ଇଞ୍ଜାନା ଏ ରାଜିତା ରେଜିମାନି କ୍ରୀସ୍ତାନା ତାୟିୟାଁଇଁ ଜାସୁ ନହାଲି ହୁକୁମି ହାହିମାନେସି ।

ପତିତା ମାନାୟି

- ୧. ଜହନ ଜାହାରାଇଁ ୱେସାକଡ଼ିନାୟି । ୧:୧
- ୨. ଗାୟସଇଁ ସାସା ହାହାନା ରେଜିମାନି କ୍ରୀସ୍ତାନା ତାୟିୟାଁଇଁ ଆବାନା ଜାସୁ ନହାଲି ୱେହ୍‌ନାୟି । ୧:୨-୮
- ୩. ତାୟତ୍ରେପିସ୍ ଅଡ଼େ ଡିମିଟ୍ରିଅସ୍ କାତା ୱେହ୍‌ନାୟି । ୧:୯-୧୨
- ୪. ଆକୁତି ରାପ୍‌ନାୟି । ୧:୧୩-୧୪

୧ *ନାନ୍, କୁଲମିତି ପ୍ରାଟିନା ଜହନତେଏଁ, ନାନ୍ ସାତା ତଲେ ଜାସୁ ନହଁଁମାନି ନା ଜାସୁତି ଗାୟସଇଁ ଜହରା ପାଣ୍ଡାନା ଇ ଆକୁ ରାଡ଼ିମାଇଁ ।

୨ ଏ ନା ଜାସୁତି ତଟେ ନାନ୍ ଜାସୁତା ଏନିକଁଁ ନେହଁଁ ଆହଁଁମାଞ୍ଜି ଏଲେକିହଁଁ ନାନ୍ ବାରେ ଝାକିଟି ନୀ ନେହ୍‌ହେଁ ଆପେ ଅଡ଼େ ନୀ ଆଞ୍ଜା ଜିକେଏ ନେହଁଁ ମାଣ୍ଡେ ଇଞ୍ଜିଁଁ ନାନ୍ ପ୍ରାତ୍ନା ନାହିମାଇଁ ।
 ୩ ନାନ୍ ବାରେଦିନା ସାତା ତଲେ ତୁୟିମାଞ୍ଜି, ଏଲେକିହଁଁ ଏ ଏତରଜାଣା ନାମିତି ତାୟିୟାଁ, ଝାହାନା, ନାନ୍ ତାରିତଲେ ସାତାତା ନୀତାମାନାଣି ସାକି ହିୟାଲିଏ ନାନ୍ ହାଡ଼େକା ରାହଁଁ ଆଡେଏଁ ।
 ୪ ନା ମୀରକା ମାସ୍କା ସାତା ଅଡ଼େ ସାତା ତଲେ ନୀତାମାନାଣି ୱେଞ୍ଜାନା, ଏତେକା ରାହଁଁ ଆହିମାଇଁ, ଏଦାଣିକିହଁଁ ଆଗାଡ଼ା ନାଜେ ଅଡ଼େ ଏନି ରାହଁଁ ହିଲେଏ ।

ଗାୟସ କିତି କାମାତାକି ଜହରା

୫ ଏ ନା ଜାସୁତି ତଟେ ନାନ୍ କ୍ରୀସ୍ତାନା ତାୟିୟାଁ ତାକି ଅଡ଼େ ଏଟକା ଦେସାତି କ୍ରୀସ୍ତାନା ତାୟିୟାଁ ତାକି ନାମ୍ବୁ ଅଡ଼େ ଟିକାଣା ତଲେ ସେବା କାମା କିହିମାଞ୍ଜି ।
 ୬ ଏଞ୍ଜାରି ଇମ୍ବାଆଁ ମା କୁଲମିତା ନୀ ଜାସୁ ନତି କାତା ୱେସିମାନେରି; ନାନ୍ ଏଞ୍ଜାରାଇଁ ମାହାପୁରୁତି ରାହଁଁ ଆନିଲେହେଁ ତାନି ଜିରୁ ତାକି ଲତ୍ନାମାନାଣି ହାହାନା ସାୟେନି କିମ୍ବୁ ।
 ୭ ଏନାଆଁତାକି ଇଟିହଁଁ ଏଞ୍ଜାରି ନାମାଆଗାଟାରି ତାଣାଟି ଏନାଆଁ ରାହ୍‌ଆନା କ୍ରୀସ୍ତତି ସେବା କାମାତାକି ହଟାମାନେରି ।
 ୮ ଏଦାଆଁତାକି ମାର୍ ଏନିକଁଁ ଏଞ୍ଜାରାଇଁ ସାୟେନି କିହାନା ସାତାତି ତସାଲି ଏଞ୍ଜାରି ସେବା କାମାତା ଆଣ୍ଡିନାୟି ମା କାମା ।

ଦିୟତ୍ରପା ଅଡ଼େ ଦିମିତ୍ରିୟ

୯ ନାନ୍ କୁଲମିତାକି ର ଇଟାଣି ଆକୁ ରାଡ଼ିତେଏଁ, ସାମା ଦିୟତ୍ରପା କୁଲମିତି କାଜାସି ଆହାଲି ଅଣ୍ଡପାନା, ନା କାତା ୱେଞ୍ଜାହିଲଅସି ।
 ୧୦ ନାନ୍ ଝାଡ଼ିସାରେ ଏଞ୍ଜାସି କିହାମାନି ବାରେ ଲାଗେଏତି କାମା ୱେହ୍‌ଇଁ, ଏଞ୍ଜାସି ଏନିକଁଁ ମା କପାଟି ଲାଗେଏତି କାତା ୱେସାନା ମାଜେ ନିଦାକିହଁଁ ମିତି କାତା ୱେସିମାନେସି, ଝାଡ଼ଇ ଏତେକେଏ ଆଏ, ସାମା କ୍ରୀସ୍ତାନା ତାୟିୟାଁ ଝାଡ଼ିହଁଁ ଅପିହିଲଅସି କି ଆମ୍ବାଆରାଇଁ ଅପାଲି ହାହି ହିଲଅସି, ଅଡ଼େ ଆମ୍ବାଆରି ଆବିନାରି ଏଞ୍ଜାରାଇଁ କୁଲମିତି ହପୁହାଲି ଅଣ୍ଡପିମାନେସି ।

୧୧ ଏ ନା ଜାସୁତି ତଟେଟି, ନାନ୍ ଲାଗେଏ ପଟେଏତାଣି ଆହ୍‌ଆନା, ସାମା ନେହଁଁ କାମାତି ଆହ୍‌ମ୍ବୁ, ଆମ୍ବାଆସି ନେହଁଁ କାମା କିନେସି ଏଞ୍ଜାସି ମାହାପୁରୁ ତାଣାଟି ଜାନୀ ଆହାମାନେସି; ଆମ୍ବାଆସି ଲାଗେଏ ପଟେଏ କାମା କିନେସି ଏଞ୍ଜାସି ମାହାପୁରୁଇଁ ପୁଞ୍ଜାହିଲଅସି ।

* ୧:୧ ୧:୧ କାମା ୧୯:୨୯; ରିନି ୧୨:୨୩; ୧କର ୧:୧୪

୧୨ ବାରେଜାଣା ଦିମିତ୍ରିୟଙ୍କ ନେହାଁସି ଇନେରି, ଏହାସି କିହାମାନି ସାତା ନେହୁଁ କାମା ଜିକେଏ ଏଦାଆଁ ତସିମାନେ, ମାମ୍ଲୁଜିକେଏ ଏଦାଆଁ ସାକି ହାହିମାନମି, ଇଜ୍ଜା ମାମ୍ଲୁଜେହ୍ନି କାତା ସାତା ଇଜ୍ଜୁଁ ନୀନୁ ପୁଞ୍ଜାମାଞ୍ଜି ।

ଜହରା ତଲେ ଆକୁ ରାମ୍ଲୁନାୟି

୧୩ ନୀନୁ ନିଜେ ହାରେକା କାତା ଖେସ୍ତାନାୟିମାନେ ସାମା ଏଦାଆଁ ଆକୁତା ସୀରା କାଡ଼ିତଲେ ରାଗାଲି ଅଣ୍ଡାପି ହିଲଅଁ । ୧୪ ମାରୁ ମୁମ୍ଲୁ ଚୁମସ୍ପି ଆହାନା ଜଲ୍ଲକି ଆୟାଲି ଆଡ଼ିନାୟି ଇଜ୍ଜୁଁ ଆସା କିହିମାଞ୍ଜି ।

୧୫ ମିଜେତାକି ହିଡ଼ଡ଼ି ଆୟାପେ, ତରେସିଜା ମିଜେତାକି ଜହରା ପାଣ୍ଡିମାଞ୍ଜାନେରି, ବାରେଜାଣାତି ଦରୁ ଆସାନା ଜହରା ଖେହ୍ମୁ ।

ଯିହୁଦାଙ୍କ ପତ୍ନୀ ଜାହୁଦା ରାଜାମାନି ଆକୁ ମୃତ୍ୟୁ ହାତୀ

ରାଜାମାନି ଜାହୁଦା ଦରୁତଲେ ଇ ପତିଙ୍କ ଜାହୁଦା ଆକୁ ଇନେରି । ଜାହୁଦା ଜାହାରାଇଁ ଜାକୁବ ତାୟି ଇଞ୍ଜି ଖେସାମାନେସି, ଜାକୁବ ଜାସୁକି ତାୟି ମାରେସି, ଏଦାଆଁତାକି ଜାହୁଦା ଜିକେଏ ଜାସୁକି ତାୟି ଆନେସି ୧ । ଇ ଆକୁ ଆମିନି କୁଲମିତାକି ରାସୁକି ଆହାମାରେ ଇଞ୍ଜି ମାର ନେହୁଁକ ପୁଞ୍ଜାହଲ୍ଲାଆୟି ଅଡେ ଇମାଆଁ ହାରେକା ପୁଞ୍ଜାହଲ୍ଲା ମୋରାତି କାତା ମାନୁ, ଜାହୁଦା ଆକୁତି ଜାହୁଦି ଲକୁ ପଡ଼଼ି ଆନାରି ମାରେରି । ଆତିହୁଁ ଜିକେଏ, ଏଞ୍ଜାସି ମାହାପୁରୁ ଆବା “ହାଟାମାନି ଲକୁ, ଜାହୁନହାମାନି ଲକୁ, ଅଡେ ଜାସୁ କ୍ରାସୁକି ତାରି କିହାମାନି ଲକୁତି” କାତା ଖେସାମାନେସି ୧ । ଇ ଆକୁ ଜାସୁ କ୍ରାସୁ ଜାନୀଆଡ଼ି ୬୦ ବାସୀ ତାୟି ରାସୁକି ଆହାମାରେ ।

ମିତି ଜାପୁନାରି ତାଣାଟି ହେକ ମାଞ୍ଜାଲି ବାରେ ଇ ପତି ରାଜାମାରେସି ଜାହୁଦା ୪ । ଏଞ୍ଜାସି ପୁଞ୍ଜାହଲ୍ଲା ମୋରାତା ଗଟ଼ି ଆତି କାତା ଆବହାମାନେସି ଅଡେ ତାନି ରୁଜୁବାଡ଼ିତି ଆଟ଼ାଞ୍ଜା କିହାମାନେସି । ଇ ଆକୁତା ପିତରତି ରୀ ଲମ୍ବର ଆକୁତା ମାନି ନାଡ଼ି କିନାଣି ଜାପୁନାରି କାତା ଜାହୁଦା ୪; ୨ପିତ ୨:୧ ଅଡେ ଜିକେଏ ଦୁତୁୟାଁ, ସଦମ ଅଡେ ଗମରାତି କାତା ରାଜାମାନେସି ।

ପତିତା ମାନାୟି

- ୧. ଜାହୁଦା ତାନି ପତି ପଡ଼଼ି ଆନାରାଇଁ ଜହରା କିନାୟି । ୧-୨
- ୨. ଏଞ୍ଜାସି ମିତି ଜାପୁନାରି କାତା ଖେହନାୟି । ୩-୪
- ୩. ପୁଞ୍ଜାହଲ୍ଲା ମୋରାତି କାତା ଅଡେ ଲକୁତି କାତା ଖେହନାୟି । ୫-୧୬
- ୪. ଏଞ୍ଜାସି ଏଞ୍ଜାରାଇଁ ଏନାଆଁ କିନାୟିମାନେ ଇଞ୍ଜି ଖେହନାୟି । ୧୭-୨୩
- ୫. ମାହାପୁରୁଙ୍କ ଜହରା କିହାନା ଆକୁ ରାପୁନାୟି । ୨୪-୨୫

୧ ନାନୁ ଜାହୁଦାତେସି, କ୍ରାସୁ ଜାସୁତି ହଲ୍ଲେଏସି ଅଡେ ଜାକୁବତି ତାୟି, ଆବା ମାହାପୁରୁ ଆବା ମାନାରେରି ଅଡେ ତାନି ଜାହୁ ନନାତେରି ଇଞ୍ଜା ଜାସୁ କ୍ରାସୁ ତାକି ଆଡ଼଼ି ଆହାମାନାତେରି ମିଜେତାକି ଇ ଆକୁ ରାଜିମାଞ୍ଜାଇଁ ।

୨ ମିଜେତାକି ମାହାପୁରୁତି କାର୍ମାମେହନାୟି ଅଡେ ହିଡ଼ି ଜାହୁ ଇଞ୍ଜା ଜାହୁନନାୟି ହାରେପୁରେ ଆୟାପେ ।

ମିତି ଜାପୁନାରି

୩ ଏ ନା ଜାହୁତି ତଡ଼େସିଜାମା ମାର ବାରେ ଜାଣାତାୟି ଏମିନି ଗେଲପି ଆନି ତାଣା ଆଣ୍ଡାମାନାୟି, ଏ କାତା ମିଜେ ତାକି ରାଗାଲି ଅଣପିମାରେସି । ସାମା ମାହାପୁରୁ ତାନି ଲକୁଣି କାଲ୍ଲାକାଲ୍ଲାତାକି ହାହାମାନି ନାମୁ ଝାକିତି ଜୁଜୁ କିହାଲି ମିଜେ ରାହାଁ କିଞ୍ଜି କିୟାଲି ଲଡ଼ାମାନେ ଇଞ୍ଜି ଅଣପିତେସି । ୪ ଏନାଆଁତାକି ଇତିହୁଁ ଏତରଜାଣା ମାହାପୁରୁଙ୍କ ମାନୁଞ୍ଜି ଆଆଗାଟାରି ମୋଶେଏ ମୀ ବିତ୍ତା ଝାହାମାନେରି, ଏଞ୍ଜାରି ମାହାପୁରୁ କାର୍ମାମେହନି କାତା ତିରିମ୍ବୁହାନା ତାମ୍ବୁ ତୁମ୍ବୁ ଅଣପିତି ଲେହେଁ ଲାଗେଏ ପଲେଏତି କାମା କିହିମାନେରି, ଅଡେ ଜାସୁ କ୍ରାସୁ ରଅସିଏ କାଜାସି ଅଡେ ପ୍ରୁ, ଏଞ୍ଜାରି ଏଞ୍ଜାଣାଇଁ ଅପଅରି, ଏଞ୍ଜାରି ବେଟାଆନି ତଣ୍ଡୁତି କାତା ତଲି କାଲ୍ଲାଟିଏ ଦାମୁପତିତା ରାସୁକି ଆହାମାରେ ।

୫ ପ୍ରୁ ତଲିଏ ଏତରଜାଣା ତାନି ଲକୁଣି ମିସର ଦେସାଟି ପିସପି କିତେସି, ସାମା ଏଞ୍ଜାରି ବିତ୍ତାଟି ନାମାଆଗାଟାରାଇଁ ନାସା କିତେସି, ଇତିହୁଁ ବାରେ କାତା ପୁଞ୍ଜାମାଟି ଜିକେଏ ମିଜେ ଅଡେ ଖେଣେ ଅଣପି କିଞ୍ଜି କିୟାଲି ଅଣପିମାଇଁ । ୬ ଅଡେ ଏମିନି ଦୁତୁୟାଁ ମାହାପୁରୁ ହାହାମାଟି ପାଣା ପିସାନା ତାନି ବାସାଆନି ଚାୟି ପିସୁ ମାହାପୁରୁ ଏ ଦୁତୁୟାଁଙ୍କ ନାହାଁୟି କିନି ଦିନା ପାତେକା ଆଦେରି ଚାୟିତା କାଲ୍ଲାକାଲ୍ଲା ତାକି ହିକିଣାୟି ତଲେ ଦସା ଇଟାମାନେସି । ୭ ଏଲେକିହୁଁଏ ସଦମ ଅଡେ ଗମରା ଅଡେ ତାନି ସାରିସୁଟୁ ମାଟି ଗାଡ଼ାୟାତାରି, ଦାରିକାମା ଅଡେ ତାନି ବିତ୍ତା ଲାଗେଏ ଅଡେ ଅପାଆଗାଟି ଲାଜା ଆନି କାମା କିତେରି, ଏଦାଆଁତାକି କାଲ୍ଲାକାଲ୍ଲା ତାକି ଡ଼ାଞ୍ଜାମାନି ହିଚୁତା ସାସି ବେଟାଆଡ଼େରି, ମା ବାରେଜାଣା ତାକି ଜାଗ୍ରାତା କିଞ୍ଜିକିନି କାତା ଲେହେଁତାୟି ଇଞ୍ଜି ମାରୁ ଅଣପାଦୁ ।

ଠିକ୍‌ରେ କିଛି ହେଉଥିବ ବୋଲି କେବଳ ଆଶା କରାଯାଉଛି । ଯଦି କିଛି ହେଉନାହିଁ ତେବେ ତାହା ଆଜ୍ଞାପି ଲାଗେବ କିହିମାନେରି, ଅତ୍ତେ ମାହାପୁରୁତି ଅଦିକାରତି ଅପାଆନା ଲାକପୁରୁତି ଦୁତୁୟାଈ ନିନ୍ଦା କିହିମାନେରି । ୯୫ ଯାମା ବାରେକିହାଁ କାଜା ଦୁତୁ ମିକାୟେଲ ମସାତି ମାତୁହା ତାକି ସୟତାନ ତଲେ ବାଦିବାଦା ଆଡାତି ନିନ୍ଦା କିହାନା ଏଦାନି ବିଚାରା କିହାଲି ସାସା କିଆନା, ଖାରଇ ଏଚେକା ଏଲେଇଚେ, “ପୁରୁ ନିଜେ ଦାକା ହିୟାପେସି ।” ୯୬ ଯାମା ଈ ଲକ୍ଷ୍ମୀ ତାମ୍ ପୁନାଆଗାଗାଣି ବାରେ ନିନ୍ଦା କିନେରି, ଇଞ୍ଜା ବୁଦି ହିଲାଆଗାଟି ଜନ୍ତୁ ଲେହେଁ ତାମ୍‌ସୁ ତାନି ଆଜ୍ଞାପି ଅଣ୍ଡପୁ ତଲେ ପୁଞ୍ଜାମାନି ତାଣାଟି ନାସା ଆନେରି । ୯୭ ଆୟଡା, ଏଞ୍ଜାରି ତଣ୍ଡ ବେଟାଆନାରି, ଇତିହାସ ଏଞ୍ଜାରି କୟିନ ଜିରୁତା ହାଜାମାନେରି, ତାତୁୟାଁ ଜୁପକାତାକି ଏଞ୍ଜାରି ବିଲିୟମ ଦହ କିତିଲେହେଁ ଦହ କିହିମାନେରି, ଏଞ୍ଜାରି କରହ ଲେହେଁ ହଆଗାଟି ଗଡୁହା କିହାନା ଏଞ୍ଜାରିଲେହେଁ ନାସା ଆନେରି । ୯୮ ଏଞ୍ଜାରି ଲାଜା ଆଆନା ମୀ ତଲେ ତିଞ୍ଜା ଉଣ୍ଡାନା ମୀ ରାହାଁତି ବକ୍ତିତା ଆଣ୍ଡାନା ମାହୁଁତି ଗାରି ଲେହେଁତାରି, ଏଞ୍ଜାରି ଖାରଇ ଜାହାରା ତାକି ଅଣ୍ଡପିନେରି, ଏଞ୍ଜାରି ଗାଲି ଖେନି ପିୟୁ ରାଆଗାଟି ଦୁହା ଲେହେଁତାରି, ଏଞ୍ଜାରି ତାକି ମେଗାନା ପେନିବେଲ୍ଲା ପାଡେଡି ଆୟାଆଗାଟି ଖାୟିତି ମାରୁକୁ ଲେହେଁତାରି । ୯୯ ଏଞ୍ଜାରି ସାମ୍‌ଦୁରି ଖାତିସାରି ହନି ମାଡିଗାଟି ପମ୍‌ଲି ଲେହେଁ ଏଞ୍ଜାରି ଲାଜାଗାଟି କାମାୟାଁ ତଞ୍ଜାଆନେ, ଏଞ୍ଜାରି ତାନି ଚାୟୁ ପିସାନା ଇତାଲା ଆତାଲା ରେନି ହୁକାୟାଁ ଲେହେଁତାରି, ଏଞ୍ଜାରିକି ମାହାପୁରୁ କାଲେଏତାକି ଆୟେରିଗାଟି ଚାୟୁ ତିୟାରା କିହାଁ ଇଟାମାନେସି ।

୧୦୦ ଆଦମ ଚିଏ ସାତା ଲକ୍ଷ୍ମୀ ମାଣସି ହନକ, ଜିକେଏ ତାୟୁ ଆନି କାତା ଏଞ୍ଜାରି ତାକି ଖେକ୍‌ହା ମାଚେସି, “ମେହ୍‌ମୁ ପୁରୁ ତାନି ମାଣା ମାଣା ସୁତୁଗାଟି ଦୁତୁୟାଁ ତଲେ ଖାନେସି ।” ୧୦୧ ମେହ୍‌ମୁ ପୁରୁ ନାହାଁୟି କିୟାଲି ଖାନେସି, ଏଞ୍ଜାସି ଦାମ୍ ହିଲାଆଗାଗାଣି ତାନି ପଲ୍‌ଆ କାମାତାକି ଅତ୍ତେ ଏଞ୍ଜାରି ମାହାପୁରୁଇଁ ମାନୁଡି ଆଆନା ଏଞ୍ଜାଣି କପାଟି ଖେସୁ ଅପାଆଗାଟି କାତାତାକି ଏଞ୍ଜାରିଇଁ ଦହଗାଗାଟି କିହାନା ତଣ୍ଡ ହାନେସି ।

୧୦୨ ଈ ଲକ୍ଷ୍ମୀ ବାରେବେଲ୍ଲା ତାମ୍ ତ୍ରାମ୍‌ସୁ ଏଚେକା ବେଟାଆଡି ଜିକେଏ ରାହାଁ ଆଅରି । ଏଞ୍ଜାରି ଖାରଇ ତାନି ଲାଗେଏ ପଲେଏତି ଅଣ୍ଡପୁ ତଲେ ସାଲ୍‌ଡି ଆନେରି; ଏଞ୍ଜାରି ବଡପଣ ତସାନା କାଜା କାତା ଖେହ୍‌ନେରି, ଅତ୍ତେ ଲାବା ବେଟାଆହାଲି ଜୁପକା ତସାନା ଲକ୍ଷ୍ମୀ ନକିତା ଅଡିତି କାତା ଖେହ୍‌ନେରି ।

ଜାଗ୍ରତା ଅତ୍ତେ ଜାପୁନି କାତା

୧୦୩ ଯାମା ଏ ନା ଜାପୁତି ତଣ୍ଡସିଜ୍ଞା ମା ପୁରୁ ଜୀସୁ କ୍ରୀସ୍ତତି ପାଣ୍ଡି ଆହାମାନାରି ତଲିଟିଏ ଏମିନି ବାରେ କାତା ଖେସାମାନାଣି ବାରେ ଅଣ୍ଡପାଦୁ । ୧୦୪ ଏଞ୍ଜାରି ଏନିକ୍ ମିଜେ ଖେସାମାଞ୍ଜାତେରି ରାନ୍ତି ବେଲ୍ଲା ମାହାପୁରୁଇଁ ମାନୁଡି ଆହାମାନା ତାନି ଅଣ୍ଡପୁ ତଲେ ମାଞ୍ଜାନା ନିନ୍ଦା କାତା ଖେହ୍‌ନାରି ହନେରି ଇଞ୍ଜା ଲାଜା କିହାନା ଏଲେଇଞ୍ଜାନେରି । ୧୦୫ ଏଞ୍ଜାରି ଗଡୁହା କିଡି କିହାଁ ଜାତୁ ତିକ୍‌ନେରି, ଅତ୍ତେ ଆଜ୍ଞାପି ଅଣ୍ଡପୁଟି ସାଲ୍‌ଡି ଆହାମାନା, ମାହାପୁରୁତି ନେହ୍ ଜାପୁ ବେଟାଆଆତାରି । ୧୦୬ ଯାମା ଏ ତଣ୍ଡସିଜ୍ଞା ମାରୁ ମୀ ତାରିଗାଟି ନାମୁଗାଟି ଦାମ୍‌ଡି ଇଲ୍ଲ ପାଡିକିହାଁ କତାଦୁ, ଅତ୍ତେ ସୁଦୁଜୀପୁ ତଲେ ପ୍ରାତାନା କିଦୁ । ୧୦୭ ମା ପୁରୁ ଜୀସୁ କ୍ରୀସ୍ତତି କାର୍ମାଟି କାଲ୍‌କାଲ୍‌କାଟି ଜୀପୁ ହିୟାନେସି, ମାରୁ ଏଦାଆଁ ବେଟାଆହାଲି କାଡାନା ମାହାପୁରୁ ଜୀପୁନହ୍ ମାଞ୍ଜାନି ତାଣା ମାଞ୍ଜେମାଞ୍ଜୁ ।

୧୦୮ ଆନାମାନା ଆନି ଲକ୍ଷ୍ମୀ କାର୍ମାମେସାନା ନାମୁତା ପାଡିକିଦୁ । ୧୦୯ ଏଚକା ତାରାଇଁ ହିରୁଟି ଡେଡିତି ଲେହେଁ ଗେଲ୍‌ପାଦୁ, ଆଜ୍ଞାପି ପାପୁ କାମାତା ମାହାମାନି ହିମ୍‌ରିକା ଅପାଆଦୁ, ଏଚର ଲକ୍ଷ୍ମୀ କାର୍ମା ମେସ୍‌ମି ଜିକେଏ ଏଞ୍ଜାରିଇଁ ଆଜିନାୟି ମାନେ ।

ଜହରାତି ପାତୁ

୧୧୦ ଆମ୍‌ଆସି ମିଜେ ପୁଟିକିନି ତାଣାଟି ଗେଲ୍‌ପାଲି ଆଡାନେସି, ଅତ୍ତେ ତାନି ଗାଞ୍ଜୁରମିତି ହାରେକା ରାହାଁତଲେ ନକିତା ତାଚାଲି, ମାଜେ ଦହ ହିଲାଆଗାଟି ଲକ୍ଷ୍ମୀ ଲେହେଁ କିହାଲି ଆଡାନେସି । ୧୧୧ ଏ ମା ପୁରୁ ଜୀସୁ କ୍ରୀସ୍ତ ତାକି ମା ଗେଲ୍‌ପାଲି ମାହାପୁରୁ ରଅସିଏ, ଗାଞ୍ଜୁରମି, କାଜାପାଣା, ବାଡୁୟୁ ଅତ୍ତେ ସାଲ୍‌ଡି କିନାୟି କାଲେଏତାୟି, ନୀଏଁ, ଅତ୍ତେ ଜୁଗୁ ଜୁଗୁତାକି ଏଞ୍ଜାଣିଖାୟି । ଆମେନ ।

* ୧:୯ ୧:୯ ଖେ ବଲ୍ଲ ୧୨-୭

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନଇଁ ତସାହାଁ ଝେକ୍‌ହି ବଲୁ ମୂଲୁ ହାଡ଼ା

ଝେକ୍‌ହି ବଲୁ ପୁଃନି ମେରାତି ରାଡ଼ି ପତି । ଇଦି ଜିକେଏ ଜହନ ତାଣାଟି ଜୀସୁ କ୍ରୀସୁ ଜାର୍ନାଆଡ଼ି ୯୫ ବାର୍ଯା ତାୟୁ ରାୟୁକି ଆହାମାଟେ ୧:୧ । ଏଝାସି ଜହନତି ନେହଁ କାବୁତଲେ ତାନିଗଟା ଆକୁ ପତିୟାଁ ରାଡ଼ାମାଟେସି ଏଝି ୧ଜହ, ୨ଜହ ଅଡ଼େ ୩ଜହ । ଜହନ ଆମିନି ଗାଟାଣାଇଁ ଜୀସୁ ହାଟେରକା ଜୀସୁ ନହଁ ମାଟେସି । ଜହନ ଏୟୁ ମାଦିମାନି ବୁମିତି ପାଡ଼ମସୁ ଟାୟୁତା ମାନି ବେଲାତା ଇ ଝେକ୍‌ହି ବଲୁ ରାଡ଼ାମାଟେସି, ଇତିହଁ ଜୀସୁ କ୍ରୀସୁତି ନେହଁ କାବୁତାକି ଏଝାଣାଇଁ ଏମ୍ବାଆଁ ଅଝିଆହାମାଟେ ଜହ ୧୩:୨୩ ।

ଜୀସୁ ଝେଣ୍ଡା ଖାନ୍ତି ଦିନା ତାଗେ ଖାନ୍ତି ମାନାକି ଜୀସୁ କ୍ରୀସୁ ତାଣା ନାମୁତଲେ ମାଞ୍ଜାଲି ପଡ଼ଝି ଆନାରାକି ସାସା ଅଡ଼େ ଆସା ହାହାଲିତାକି ଇ ଝେକ୍‌ହି ବଲୁ ରାଡ଼ିତେସି ୧:୩; ୨୨:୭ । ଏଝାସି ବାରେ ନାମିତି ଲକୁ ଅଡ଼େ ବାରେକିହାଁ ସାଡ଼ାଗଟା କୁଲମିତାକି ରାଡ଼ିମାନେସି ୨-୩ । ଜହନ ତାନି ରାଡ଼ିନି ତାଣା ମାହାପୁରୁ ଅଣ୍ଡପୁତି ବଲୁ୧:୩ ଅଡ଼େ ତାନି ମେସାମାନି ହାଟେରକା ସିନାୟାଁତି କାତା ରାଡ଼ିମାନେସି । ଇ ପତିତି ଏଟେକା ତାଣା ପୁଃଈ ପତି ତଲେ ସମାନା ମାନାଣି, ଜିକ ୬:୧-୮ ମେସାଲି ଆଡ଼ିନାୟି । ସାଡ଼ାଗଟା ତାଡ଼ି ଅଡ଼େ ସାଡ଼ାଗଟା ଗିନାୟାଁ ଏମିନି ଗାଟାଲ ମାହାପୁରୁ ମିସରତି ଲକୁଣି ତଣ୍ଡ ହାହାଲିତାକି କସୁୟାଁ ପାଣ୍ଡାନେସି ହାନାୟି ୭-୯ ।

ଝେକ୍‌ହି ବଲୁ ରାନ୍ତି ବେଲାତି କାତା ଝେସିମାନେ, ଜୀସୁ ତାୟୁ ଜୀଣା ଆନେସି ଅଡ଼େ ଆମିନି ଗାଟାରି ଏଝାଣି ତାଣା ବାର୍ଯୁ ଇତିନେରି ଏଝାରି ବାରେବେଲା ଏଝାଣିତଲେ ଦୁୟିନେରି । ଇ ପତି ନିଜେ ଜାଗ୍ରାତା କିୟାପେ ଅଡ଼େ ଆସା ହିୟାପେ, ଇତିହଁ ଜୀସୁ ତବେ ଝେଣ୍ଡା ଖାନ୍ତିମାନେସି ।

ପତିତା ମାନାୟି

- ୧. ଜହନ ତାଜେ ପୁଣ୍ଡିକିନାୟି ଅଡ଼େ ତାୟୁତି କାତା ମେହନାୟି । ୧:୧-୨୦
- ୨. ସାଡ଼ାଗଟା କୁଲମିତାକି ଜୀସୁ କ୍ରୀସୁ ତାଣାଟି ଜହନତି କାବୁ । ୨:୧-୩:୨୨
- ୩. ସାଡ଼ାଗଟା ବୁଟୁ ମୁଦ୍ରା ଅଡ଼େ ସାଡ଼ାଗଟା ତାଡ଼ି । ୪:୧-୧୧:୧୯
- ୪. ମାରକା ଅଡ଼େ ସାଡ଼ାଗଟା ତାର୍କାଗାଟି ରାବୁ ତଲେ ଜୁଜୁ । ୧୨:୧-୧୪:୨୦
- ୫. ସାଡ଼ାଗଟା କପାଗାଟି ଗିନାୟାଁ । ୧୫:୧-୧୬:୧୮
- ୬. ମାହାପୁରୁ ଲାକପୁରୁ ତାନି ସାଡ଼ୁଇଁ ଜୀଣା ଆନାୟି । ୧୭:୧-୨୦:୧୫
- ୭. ପୁଃନି ଲାକପୁରୁ ଅଡ଼େ ପୁଃନି ଦାରୁତି । ୨୧:୧-୨୨:୨୧

୧ ଜୀସୁ କ୍ରୀସୁତି ଝେକ୍‌ହି ବଲୁ; ଝେଡ଼ା ଆଆନା ଏନାୟି ଗଟଝି ଆନେ ଏଦାଆଁ ବାରେ ଏଝାସି ଏନିକଁ ତାନି ହଲିୟାଙ୍ଗାଣି ଝେହ୍‌ନେସି, ଏଦାଆଁତାକି ମାହାପୁରୁ ଇଦାଆଁ ଜୀସୁ ନକିତା ହେଡ଼ପିତେସି, ଅଡ଼େ ଏଝାସି ତାନି ଦୁଟୁଇଁ ପାଣ୍ଡାନା ତାନି ହଲିୟା ଜହନଇଁ ଏଦାଆଁ ଝେସେସି । ୨ ଏ ଜହନ ମାହାପୁରୁତି ବଲୁ ଅଡ଼େ ଜୀସୁ କ୍ରୀସୁତି ସାକି କାତା ଇତିହଁ ଏଝାସି ଏଦାଆଁ ମେସେସି ଏ ବାରେ କାତାତି ସାକି ହାହିମାନେସି । ୩ ଆମ୍ବାଆସି ଇ ପତି ପଡ଼ଝି ଆନେସି ଇଞ୍ଜା ମାହାପୁରୁତି ବଲୁ ଝେଞ୍ଜାନା, ଇ ପତିତା ରାୟୁକି ଆହାମାନାଣି ବାରେ ମାନଝି ଆନାରି ନେହାଁରି, ଏଦାଆଁତାକି ଇତିହଁ ଇ ବାରେ ଗଟଝି ଆନ୍ତି କାଲମି ତାଗେ ଝାଟେୟିଏ ।

ସାଡ଼ାଗଟା କୁଲମିତି ଜହରା କିନାୟି

୪ *ନାନୁ ଜହନତେସଁ, ଆସିୟାତା ମାନି ସାଡ଼ାଗଟା କୁଲମିତାଣି ଜହରା ଝେସାନା ରାଡ଼ିମାଞ୍ଜାଇଁ, ମାହାପୁରୁତି କାର୍ମାମେହନାୟି ଅଡ଼େ ହିଡ଼ି ଜୀସୁ ମିଜେ ଆୟାପେ, ନାସଁ ଆମ୍ବାଆସି ମାନେସି ତଲି ମାଟାସି ଅଡ଼େ ଜିକେଏ ତାୟୁ ଦିନା ଖାନେସି, ଅଡ଼େ ତାନି ରାକିତି ସିଂଗାସାଣି ନକିତା ନିଗାମାନି ସାଡ଼ାଗଟା ଜୀସୁୟାଁ ତାଣାଟି, *ଜୀସୁ କ୍ରୀସୁ ନାମୁତି ସାଡ଼ା ସାକି ହାନାସି, ହାଡ଼ାରି ବିତ୍ରାତି ତଲିଏ ନିଜିତାସି, ଜାର୍ନା ଆଡ଼ାସି, ଅଡ଼େ ଦାରୁତିତି ରାଜାୟାଣି ସାଲଝି କିନାସି । ଏଝାସି ମାଜେ ଜୀସୁ ନହାଁମାଞ୍ଜାନେସି, ଅଡ଼େ ତାନି ନେତେରିତି

* ୧:୪ ୧:୪ ଝେ ବଲୁ ୪:୫

ମାଙ୍ଗେ ପାପୁଡ଼ି ଗେଲୁପାତେସି । ୬* ଅତେ ମାଙ୍ଗେ ର ରାଜାତି କୁଲ୍ଲୁଲେହେଁ କିହାନା ଆବା ମାହାପୁରୁ ନକିତା ପୁଜେରା ଲେହେଁ ଆବାମାଞ୍ଜାନେସି, ତାନି ଗାଞ୍ଜୁରମି କାଜାପାଣା କାଳାକାଳା ତାକି ଆଠେ । ଆଠେମନ ।

୭* ମେହଦୁ ଏଝାସି ଦୁନ୍ଦା ତଲେ ଝାହିମାନେସି, ଏଚେଟିଏ ବାରେ କାଣକା ଏଝାଣାଇଁ ମେହନୁ, ଅତେ ଏଝାଣାଇଁ ଗୁକ୍ତା ମାଗାରି ଜିକେଏ ମେହନେରି, ଦାରୁତିତାରି ବାରେ କୁଡ଼ା ଏଝାସି ଝାହିମାନାକି ତାନେରି ଏଦି ସାତା ଆନେ । ଆଠେମନ ।

୮ ବାରେ ବାଡ଼ୁଲୁ ଗାଟି ପ୍ରବୁ ମାହାପୁରୁ ଝେସିମାନେସି, ନାନୁ ମାଟୁନାତେଏଁ ଅତେ ରାପୁନାତେଏଁ, ଆମ୍ବାଆସି ନାଏଁ ମାନେସି ତଲିଏ ମାଚେସି ଅତେ ତାୟୁ ଦିନା ଝାନାସି ନାନୁ ଏଝାତେଏଁ ।

କ୍ରୀସ୍ତାଇଁ ମେହନାସି

୯ ନାନୁ ଜହନତେଏଁ, ମୀ ତାୟିତେଏଁ, ଜୀସୁତି ସୀସୁ ଆହୁଁ ତାନି ରାକି ଲକୃତାକି ଝାହିମାନି କସ୍ତ ଅରହାଲି ନାନୁ ମୀ ତଲେତି ର ମାଣସିତେଏଁ । ଜୀସୁ ତସାମାନି ସାତା ଇଞ୍ଜା ମାହାପୁରୁତି ବଲ୍ଲୁ ଝେସିମାତାକି ନାଙ୍ଗେ ପାଡ଼ମସ୍ତ ସାମଦୁରି ମାଦି ମାନି ଚାୟୁତା ପାଣ୍ଡାମାଞ୍ଜାତେରି । ୧୦ ପ୍ରବୁଡ଼ି ଦିନାତା ସୁଦୁଜୀସୁ ନା ଲାକ ରେଚାଝାଡ଼େ, ଅତେ ନାନୁ ତାୟୁ ଝାକିଟି ତାତ୍ରି ମହୁରି ଲେହେଁତି କାଜା ଗିୟାତଲେ ଏଲେ ଇଞ୍ଜିମାଟି ର ହାଡ଼ା ଝେଚେଏଁ । ୧୧ ନାନୁ ମେସିମାନାଣି ରାଟାମୁ ଅତେ ଈ ପତିତି ଈ ସାଡ଼ାଗାଟା କ୍ରୀସ୍ତାନା କୁଲମି ଇତିହ ଏପିସି, ସ୍ପର୍ନା, ପର୍ଗମ, ତୁୟାତିରା, ସାଦ, ପିଲାଦେଲପିୟା ଅତେ ଲାସୁଦିକିୟାତି କୁଲମିତା ପାଣ୍ଡାମୁ ।

୧୨ ଆମ୍ବାଆସି ନା ତଲେ କାତା ଆହିମାନେସି, ଇଦାଆଁ ମେସାଲି ଝେଣ୍ଡେ ସିନିକିତେଏଁ, ଇଞ୍ଜା ସାଡ଼ାଗଟା ବାଂଗାରା ଦୀଝିୟା, ୧୩ ଇଞ୍ଜା ଏ ଦୀଝିୟା ମାଦିଏ ମାଣସି ମାଟୁଏଣା ଲେହେଁ ର ମାଣସି; ଏଝାଣି ପାଞ୍ଚଆନାୟାଁ ପାତେକା ହିମ୍ବୁରି ପୁକ୍ତା ମାଚେ ଅତେ ବକତା ବାଂଗାରା ପାଟାତି ତୁରି ରୁପାମାଚେ; ୧୪ ଏଝାଣି ତାୟୁ ବାଣାୟାଁ ଅପହି ଲୁଲୁ ଅତେ ପେଣ୍ଡି ମାଟୁ ଲେହେଁ ଦବଲା, ଅତେ ଏଝାଣି କାଣକା ହିଚୁ ଲେହେଁ ତାଞ୍ଜି ମାଟୁ । ୧୫ ତାନି ପାଞ୍ଚଆନାୟାଁ ହଲୁତା ହୁଡ଼ିତି ପିତାଡ଼ା ମୁସିମାନି ଲେହେଁ ମିଣସି ମାଟୁ, ଅତେ ତାନି ଗିୟାଁ ଲଦ ଲଦ ଇଞ୍ଜା ରିହିମାନି ଏୟୁତି ହାଡ଼ା ଲେହେଁତାୟି । ୧୬ ତାନି ଚିଠିନି କେୟୁତା ସାଡ଼ାଗଟା ହୁକାୟାଁ ମାଟୁ, ତାନି ଗୁଡ଼ିତି ରିକଝାକି ଦାରାଗାଟି କାଣ୍ଡା ହଚେ, ତାନି ମୁମ୍ବୁ ମାଦେନା ବେଲା ତାଞ୍ଜିମାନି କାରା ଲେହେଁ ଉଜେଡ଼ି ଗାଟାୟି । ୧୭ ନାନୁ ଏଝାଣାଇଁ ମେସପିନିଏ ହାଡ଼ିଲେହେଁ ତାନି କତାୟାଁ ତୁଇ ରାତେଏଁ, ଏମାଟିଏ ଏଝାସି ନା ଲାକ ତାନି ଚିଠିନି କେୟୁ ଇଟାନା ଇଲେ ଇଞ୍ଜାତେସି, ଆଜାଆନି ନାନୁ ମାଟୁନାତେଏଁ ଅତେ ରାପୁନାତେଏଁ । ୧୮ ଆଜାଆତୁ ନାନୁ ନୀତା ମାନାତେଏଁ ହାଡ଼ାତେଏଁ, ନାନୁ କାଲା କାଲେକତାକି ନୀତାମାଇଁ, ହାଡ଼ାୟି ଅତେ ହାଡ଼ାରି ରାକିତି କୁଡ଼ିକାଡ଼ି ନା କେୟୁତା ମାନେ । ୧୯ ଇତିହ ନାନୁ ଏନାଆଁ ମେସାମାଞ୍ଜି, ଅତେ ଏନାୟି ନାଏଁ ଆହିମାନେ ଇଞ୍ଜା ଇଦାଣି ଜେତ ଏନାୟି ଆନେ ଈ ବାରେ ରାଟା ଇଟାମୁ । ୨୦ ନା ଚିଠିନି କେୟୁତା ମେସାମାନି ସାଡ଼ାଗଟା ହୁକାୟାଁ ଅତେ ସାଡ଼ାଗଟା ବାଂଗାରା ଦୀଝି ସଡ଼ାୟାଁତି ତୁଗୁମାନି କାତା ଇଦି, ସାଡ଼ାଗଟା ହୁକାୟାଁ ସାଡ଼ାଗଟା କୁଲମିତି ଦୁତୁୟାଁ, ଅତେ ସାଡ଼ାଗଟା ବାଂଗାରା ଦୀଝି ସଡ଼ାୟାଁ ସାଡ଼ାଗଟା କୁଲମିକା ।

9

ଏପିସି କୁଲମିତାକି କାଟୁ

୧ ଏପିସି କୁଲମିତି ଦୁତୁ ତାଣା ରାଟାମୁ, ଆମ୍ବାଆସି ଚିଠିନି କେୟୁତା ସାଡ଼ାଗଟା ହୁକାୟାଁ ଆସାମାନେସି ଅତେ ସାଡ଼ାଗଟା ବାଂଗାରା ଦୀଝି ସଡ଼ାୟାଁ ମାଦି ରେଜିମାନେସି, ୨ ଏଝାସି ଏଲେଇଞ୍ଜି ମାନେସି, ନାନୁ କିହାନାନି କାମା ନାନୁ ପୁଞ୍ଜାମାଇଁ, ନାନୁ ଏନିକ ଏଝାହୁତଲେ କାମା କିହିମାଞ୍ଜି, ଅତେ ଏଚେକା ଅରୁହିମାଞ୍ଜି ଏଦାଆଁ ପୁଞ୍ଜାମାଇଁ, ନାନୁ ଲାଗେଏ ପଲେଏ କାମା କିନାରାଇଁ ଅପିହିଲଅତି, ଅତେ ପାଣ୍ଡୁଝି ଆଆନା ମାମୁ ପାଣ୍ଡୁଝି ଆହାମାନମି ଇଞ୍ଜା ଝେସା କତିନେରି, ନାନୁ ତାୟିପାରି କିହାଁ ଏଝାରି ମିତି କାତା ଝେହନାରି ଇଞ୍ଜା ପୁଞ୍ଜିମାଞ୍ଜି । ୩ ନା ଦରୁ ତାକି ଦୁକୁ କସ୍ତ ଅରୁହିମାଞ୍ଜି ଇଞ୍ଜା ଝାହାହିଲଅତି ଇଦାଆଁ ଜିକେଏ ନାନୁ ପୁଞ୍ଜାମାଇଁ । ୪ ଆତିହ ଜିକେଏ ନା କପାଟି ନା ଇ କାତା ମାନେ, ତଲି ଜୀସୁନହୁଁ ମାଞ୍ଜାତିଲେହେଁ ନାଏଁ ଜୀସୁନହୁଁ ମାଞ୍ଜଅତି । ୫ ଅତେ ନାନୁ ଏନିକ ତୁଇ ତରୁଗା ମାଞ୍ଜି ଏଦାଆଁ ଅଣପାନା ନା ପାପୁ ପିସାହାଁ ମନ ଝେଟ୍ଟୁ ଅତେ ତଲିତିଲେହେଁ ସାତା କାମା କିମ୍, ଆଆତ ଏଚେତା ନାନୁ ହିୟାଁ ଝେଟ୍ଟଅତି, ନାନୁ ନୀ ତାଣା ତବେ

* ୧:୬ ୧:୬ ଝେଙ୍କହି ବଲ୍ଲୁ ୫:୧୦ * ୧:୭ ୧:୭ ମାଟି ୨୪:୩୦; ମାର୍କି ୧୩:୨୬; ଲୁକ ୨୧:୨୭; ୧ତେସ ୪:୧୭; ଜହ ୧୯:୩୪,୩୭; ମାଟି ୨୪:୩୦ * ୧:୧୭ ୧:୧୭ ଝେଙ୍କହି ବଲ୍ଲୁ ୨:୮; ୨୨:୧୩

ଝାହାନା ନୀ ଦୀର୍ଘ ନୀ ତାଣାଟି ଏବଂକା ଗୁଚିକିୟାଈ । ୬ ଆଡ଼ିଜିକେଏ ନୀ ତାଣା ର ନେହଁ ଗୁଣୁ ମାନେ ନାନୁ ଏନିକି ନିକଲାଇତାରି ବାରେ କାମା ଅପିହିଲଅଁ ଏଲେକି ନୀନୁଝା ଅପିହିଲଅତି ।”

୭* କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରି କୀର୍କା ମାନୁ ଏଦାଆଁ ଝେଣମାସି । ଆମ୍ବାଆସି ଜାଣା ଆନେସି, ଏଝାଣାଈ ନାନୁ ମାହାପୁରୁ ରାଜିତା ମାନି ଜୀଝୁଗାଟି ମାରୁନୁତି ପାଟୁତୟି ତିଝାଲି ହୀଈ ।”

ସ୍ପୁର୍ନା କୁଲମିତାକି କାତୁ

୮* ସ୍ପୁର୍ନା କୁଲମିତି ଦୁତୁ ତାଣା ରାଚାମ୍ବୁ, ଆମ୍ବାଆସି ତଲିତାସି ଅଡେ ତାୟୁତାସି, ଆମ୍ବାଆସି ହାହାମାତେସି ଅଡେ ଝେଣେ ନୀତିତେସି, ଏଝାସି ଏଲେଇଞ୍ଜି ମାନେସି । ୯ ନାନୁ ନୀ ବାରେ କସୁ ଅଡେ ହାକି କାକୁଲି ପୁଞ୍ଜାମାଈ, ସାମା ନୀନୁ ବାଡକୁ ଗାଟାତି ଅଡେ ଆମ୍ବାଆରି ଜାହୁଦି ଲକୁ ଆଆନା ମାମ୍ବୁ ଜୀହୁଦି ଲକୁତମି ଇଞ୍ଜି ଇନେରି, ଏଝାରି ସୟତାନ ଗତିତାରି ଏଝାରି ନିନ୍ଦା ଜିକେଏ ନାନୁ ପୁଞ୍ଜାମାଈ । ୧୦ ମୀରୁ ଏନିନି ଦୁକୁ ବେଟାଆହାଲି ହାଜି ମାଞ୍ଜେରି, ଏ ବାରେ ଆଜାଆଦୁ; ମେହୁଦୁ ମିଙ୍ଗେ ତାୟିପାରି କିହାଲି ସୟତାନ ମୀ ବିତ୍ତାଟି ଆମ୍ବା ଆମ୍ବାଆରାଈ କାୟିଦିତା ଇତିନେ, ଅଡେ ମୀରୁ ଦସ ଦିନା କସୁ ବେଟାଆଡେରି । ମୀରୁ ହାନି ପାତେକା ନାମୁତଲେ ମାଞ୍ଜୁ, ଆତିହଁ ନାନୁ ମିଙ୍ଗେ ଜୀଝୁତି ଟପେରି ହିୟାଈ ।”

୧୧* କୁଲମିତି ସୁଦୁଜୀଝୁ ଏନାଆଁ ଝେସିମାନେ, ଝେଞ୍ଜାଲି କୀର୍କା ମାଟିସାରେ ଝେଣମାସି, ଆମ୍ବାଆସି ଜାଣା ଆନେସି ଏଝାଣାଈ ଅର ଦେବାତି ହାକି ତଲେ ନସୁ କିହାଲି ଆଡେଏ ।”

ପର୍ଗମ କୁଲମିତାକି କାତୁ

୧୨ “ପର୍ଗମ କୁଲମିତି ଦୁତୁ ତାଣା ରାଚାମ୍ବୁ, ଆମିନି ଗାଟାଣି ତାଣା ରିକଝାକି ଦାରା ଗାଟି କାଣ୍ଡା ମାନେ ଏଝାସି ଏଲେଇଞ୍ଜି ମାନେସି । ୧୩ ଆମିନି ତାଣା ସୟତାନତି ସିଂଗାସାଣି, ଏମ୍ବାଆଁ ନୀନୁ ବାସା କିହିମାଞ୍ଜି, ଇଦାଆଁ ନାନୁ ପୁଞ୍ଜାମାଈ, ଆତିହଁ ଜିକେଏ ନୀନୁ ନା, ଦରୁତି ଆବୁଝା ତଲେ ଆସାମାଞ୍ଜି, ଅଡେ ନା ସାକି ଆଡିପା ଏତିବେଲ୍ଲା ମୀ ତାଣା ସୟତାନତି ବାସା ଗାୟୁତା ପାୟୁଝି ଆହାମାତେସି, ମୀରୁ ନା ତାଣା ନାମାମାନାକି ଏତିବେଲ୍ଲା ଜିକେଏ ନାଙ୍ଗେ ପୁଞ୍ଜାହିଲଅଁ ଇଞ୍ଜାଆତି । ୧୪ ଆଡ଼ିଜିକେଏ ନୀ କପାଟି ର କାତା ମାନେ, ଇତିହଁ ଆମିନି ବିଲିୟମ ପେଣ୍ଡକା ବମାୟିକି ତାକାମାନି ବଗୁ ତିନି ତାଣାଟି ପାପୁ ଅଡେ ଦାରିକାମା କିଝିକିନି ପାନ୍ଦା ମେଡହାଲି ଇସାୟେଲ ମୀରୁକା ବାଲାଇକି ଜାପୁହା ମାତେସି, ଏଲେତି କାମା କିନି ଲକୁ ମୀ ବିତ୍ତାଟି ଏତରଜାଣା ତାକିନାରି ମାନେରି । ୧୫ ଏଲେକିହଁ ଏ ନିକଲାଇ ଜାପୁନାଣି ଆସାମାନି ଲକୁ ମୀ ବିତ୍ତା ମାନେରି । ୧୬ ଏଦାଆଁତାକି ମୀ ପାପୁ ପିସାନା ହିୟାଁ ଝେଟୁରୁ ଆଆଡ଼ି ନାନୁ ମୀ ତାଣା ତବେ ଝାହାନା ନା ଗୁଚିଟି ହନି କାଣ୍ଡାତଲେ ଏଝାରି କପାଟି ଜୁକୁ କିଈ ।”

୧୭* କୁଲମିକାଣି ସୁଦୁଜୀଝୁ ଏନାଆଁ ଝେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଝେଣମାସି । ଆମ୍ବାଆସି ଜାଣା ଆନେସି ଏଝାଣାକି ତୁମ୍ବାମାନି ମାନା ତିଝାଲି ହୀଈ ଅଡେ ଏଝାରି ବିତ୍ତାଟି ବାରେଜାଣାଟି ପୁଝିନି ଦରୁ ରାସକି ଆହାମାନି ର ଦବଲ୍ଲା ଝାଲି ହୀଈ, ଏ ପୁଝିନି ଦରୁ ଏନାୟି ଝାଲି ଆନାଣି ପିସପେ ଆମ୍ବାଆସି ପୁନଅସି ।”

ତୁୟାତିରା କୁଲମିତାକି କାତୁ

୧୮ “ତୁୟାତିରା କୁଲମିତି ଦୁତୁ ତାଣା ଇଲେଇଞ୍ଜି ରାଚାମ୍ବୁ, ମାହାପୁରୁ ଆମିନି ମୀରୁଏଣା କାଣ୍ଡକା ତାଞ୍ଜିମାନି ହିତୁ ଲେହେଁ ଇଞ୍ଜା ପାଞ୍ଚଆନା କତାୟାଁ ମୁସିମାନି ପିତାତା ଲେହେଁ ଏଝାସି ଏଦାଆଁ ଏଲେଇଞ୍ଜି ମାନେସି । ୧୯ ନାନୁ ନୀ କାମା, ଜୀଝୁ ନନାଣି, ନାମୁତଲେ ସେବା କିନାଣି, ଅରୁହିନାଣି ପୁଞ୍ଜାମାଈ, ଅଡେ ନୀ ତଲିତି କାମା କିହାଁ ନୀଏଁ ହାଡେରକା ଗାତି କାମା କିହିମାଞ୍ଜି, ଇଦାଆଁ ଜିକେଏ ପୁଞ୍ଜାମାଈ । ୨୦ ଆଡ଼ିଜିକେଏ ନୀ କପାଟି ର ଇତି କାତା ମାନେ, ଜିଜେବଲ୍ ଦରୁଗାଟି ଆମିନି ଇୟା ଜାହାରାଈ ମାହାପୁରୁ ଅଣ୍ଡୁତି ବଲ୍ଲ ଝେକନାତେଏଁ ଇଞ୍ଜିଁ ଝେସାକତାନା, ନା ସେବା କିନାରାଈ ଦାରିକାମା ଅଡେ ପେଣ୍ଡକା ବମାୟିକି ତାକାମାନି ବଗୁ ତିଝାଲି ଜାପୁହାନା ଲାଗେଏ କିଝି କିହାମାନେ, ମୀରୁ ଏଦାଣି ଅରୁହି ମାଞ୍ଜେରି । ୨୧ ନାନୁ ଏଦାନାକି ତାନି ପାପୁ କାମା ପିସାନା ମନ ଝେଟୁହାଲି ହୀତି ଜିକେଏ, ତାନି ଦାରିକାମା ପିସାଲି ମନ କିଆଡେ । ୨୨ ଇଦାଆଁତାକି ନାନୁ ଏଦାନି ମାଡୁ ଝୁଞ୍ଜିକିଈ, ଅଡେ ଆମିନି ଗାଟାରି ଏଦାନିତଲେ ଦାରିକାମା କିନେରି, ଏଝାରି ତାନି ପାପୁ କାମାଟି ହିୟାଁ ଝେଟୁଆଡ଼ି ନାନୁ ଏଝାରାଈ ଆଜିହପେତି ସାସି ହୀଈ । ୨୩ ଅଡେ ନାନୁ ତାନି ମୀରୁକା ମାସକାଈ ହାକି ତଲେ ନାସାକିଈ, ଏବେଟିଏ ନାନୁ ବାରେ ଲକୁତି ହିୟାଁ ଅଡେ ମନତି

* ୨:୭ ୨:୭ ଝେ ବଲ୍ଲ ୨:୨ ୨:୮ ୨:୮ ଝେ ବଲ୍ଲ ୧:୧୭, ୨:୨୩ * ୨:୧୧ ୨:୧୧ ଝେ ବଲ୍ଲ ୨:୧୪, ୨:୧୮ * ୨:୧୭ ୨:୧୭ କହ ୬:୪୮-୫୦

ଅଣପୁତ୍ରି ପୁନାତେଏଁ, ଅଡ଼େ ବାରେଜାଣାକି ତାନି କାମାତି ପାଡ଼େୟି ହାନାତେଏଁ ଇଞ୍ଜିଁ ବାରେ କୁଲମିକା ପୁଞ୍ଜାନୁ ।”

୨୪ “ସାମା ମୀରୁ ତୁୟାତିରାତି ଏଚରଜାଣା ମାନାତେରି ଏ ଲାଗେଏତି ଜାପୁନାଣି ଆସା ହିଲଅତେରି, ଇଞ୍ଜିଁ ଏଚକାତାରି ଏଦାଆଁ ସୟତାନତି ତୁଗୁମାନି କାତା ଇଞ୍ଜିଁ ଇନେରି, ଏଦାଆଁ ମୀରୁ ଜାପାହିଲଅତେରି, ନାନୁ ଏଞ୍ଜାରି ଲାକ ଏନି ପୁଞ୍ଜି ବଲ୍ଲୁ ହାଆଁ । ୨୫ ଇତିହଁ ମୀ ତାଣା ଏନାୟି ମାନେ ଏଦାଆଁ ନା ଝାନ୍ତି ଦିନା ପାତେକା ତୀରିତଲେ ଆସାମାଞ୍ଜୁ ।”

୨୬ ଆମ୍ବାଆସି ଜୀଣା ଆନେସି, ଅଡ଼େ ତାୟୁ ପାତେକା ନା କାମା କିନେସି, ନାନୁ ଏନିକିହଁ ନା ଆବା ତାଣାତି ଅଦିକାରା ବେଟାଆହାମାଲ୍, ଏଲେକିହଁ ଏ ଏଞ୍ଜାଣାକି ଏ ଦେସାତି ଅଦିକାରା ହାଲ୍ । ୨୭ ଏଞ୍ଜାସି ବାରେ କୁଡ଼ାତି ଲକୁଣି ଲହ ବାଡ଼ଗା ତଲେ ସାଲୁଞ୍ଜି କିନେସି ଅଡ଼େ ଇରୁଆ ତୁକାୟାଁ ଲେହେଁ କୁଟୁକୁଟା କିନେସି । ୨୮ ଅଡ଼େ ନାନୁ ଏଞ୍ଜାରିକି ଝେୟାଜାରା ହୁକା ଜିକେଏ ହାଲ୍ ।

୨୯ “କୁଲମିକାଣି ସୁଦୁଜାଞ୍ଜୁ ଏଦାଆଁ ଝେସିମାନେ ଆମ୍ବାଆରିକି କୀର୍କା ମାନୁ ଏଦାଆଁ ଝେଣ୍‌ମ୍ବାସି ।”

୩

ସାଦର୍ କୁଲମିକି କାବୁ

୧ “ସାଦର୍ କୁଲମିତି ଦୁତୁ ତାଣା ରାଡ଼ାମୁ, ଆମ୍ବାଆସି ମାହାପୁରୁତି ସାଡ଼ାଗଟା ଜୀଞ୍ଜୁୟାଁ ଅଡ଼େ ସାଡ଼ାଗଟା ହୁକାୟାଁ ଆସାମାନେସି ଏଞ୍ଜାସି ଏଲେଇଞ୍ଜି ମାନେସି, ନାନୁ ମୀ କାମା ବାରେ ପୁଞ୍ଜାମାଲ୍ ମୀରୁ ଦରୁ ତାକି ଜୀଞ୍ଜୁ ଗାଟାତେରି, ସାମା ସାତା ତଲେ ହାଡ଼ାତେରି । ୨ ଜାଗ୍ରାତା ଆଦୁ ଅଡ଼େ ମୀ ତାଣା ଏନାୟି ମାନେ ଏ ବାରେ ତୁନିନି ନକେଏ ଏଞ୍ଜାଆଁ ବାଡ଼ୁୟୁ କିଦୁ, ଇତିହଁ ନାନୁ ମୀ ବାରେ କାମା ନା ମାହାପୁରୁ ନକିତା ଦହ ହିଲାଆଗାଟାୟି ତଞ୍ଜା ଆହା ହିଲେଏ । ୩ ଏଦାଆଁତାକି ମୀରୁ ଏନିକିଁ ଜାପାମାଞ୍ଜେରି ଅଡ଼େ ଝେଞ୍ଜାମାଞ୍ଜି ଏଦାଣି ଅଣପାମା ମାନୁଞ୍ଜି ଆଦୁ ଇଞ୍ଜିଁ ପାପୁତି ହିୟାଁ ଝେବ୍‌ଦୁ; ମୀରୁ ଜାଗ୍ରାତା ଆଆତିହଁ ନାନୁ ସରୁଲେହେଁ ମୀ ତାଣା ଝାଞ୍ଜି, ଏଦାଣି ଏନିଜିକେଏ ମୀରୁ ପୁଞ୍ଜାଲି ଆଡ଼ଅତେରି । ୪ ସାମା ସାଦର୍ ତା ମୀ ବିଡ଼ା ଏଚରଜାଣା ମାନେରି, ଏଞ୍ଜାରି ତାନି ହିମ୍ବୁରିକା ମାହଁ କିହାଁ ହିଲଅରି, ଏଞ୍ଜାରି ଅପନି ହିମ୍ବୁରିକା ହୁଗାନା ନା ତଲେ ତାକିନେରି, ଏଦାଆଁତାକି ଇତିହଁ ଏଞ୍ଜାରି ପାଡ଼ା ଆଡ଼ାରି । ୫ ଆମ୍ବାଆରି ଜୀଣା ଆନେରି ଏଞ୍ଜାରି ଏଲେତି ଅପନି ହିମ୍ବୁରିକା ହୁତିନେରି, ଅଡ଼େ ନାନୁ ଏଞ୍ଜାରି ଦରୁ ଜୀଞ୍ଜୁଗାତି ପତିତି ଏଚେଲାଞ୍ଜା ମ୍ବେକ୍‌ଅଁ, ଇଞ୍ଜିଁ ନାନୁ ନା ଆବା ଅଡ଼େ ତାନି ଦୁଡ଼ୁୟାଁ ନକିତା ନା ତଲେତାରି ଇଞ୍ଜିହଁ ଏଞ୍ଜାରି ଦରୁ ଝେକ୍‌ଲ୍ ।”

୨ “କୁଲମିକାଣି ସୁଦୁଜାଞ୍ଜୁ ଏଦାଆଁ ଝେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଝେଣ୍‌ମ୍ବାସି ।”

ପିଲାଦେଲ୍‌ପିୟା କୁଲମିତାକି କାବୁ

୩ “ପିଲାଦେଲ୍‌ପିୟା କୁଲମିତି ଦୁତୁ ତାଣା ରାଡ଼ାମୁ, ଆମ୍ବାଆସି ସୁଦୁଗାଟାସି ଅଡ଼େ ସାତାତାସି ଆନିନିଗାଟାଣି କେୟୁତା ଦାଞ୍ଜୁଦତି କୁଟିକାଡ଼ି ମାନେ, ଏଞ୍ଜାସି ଦାରା ଦେତିସାରେ ଆମ୍ବାଆସି ସୁଣ୍ଡାଲି ଆଡ଼ଅସି, ଅଡ଼େ ଦାରା ସୁଣ୍ଡିସାରେ ଆମ୍ବାଆସି ଦେଚାଲି ଆଡ଼ଅସି, ୮ ଏଞ୍ଜାସି ଏଲେଇଞ୍ଜି ମାନେସି ନାନୁ ମୀ କାମା ପୁଞ୍ଜାମାଲ୍, ସିନିକିଦୁ ନାନୁ ମୀ ନକିତା ର ଦାରା ଦେଚାମାଲ୍, ଏଦାଆଁ ଆମ୍ବାଆସି ସୁଣ୍ଡାଲି ଆଡ଼ଅସି, ଇତିହଁ ମୀ ବାଡ଼ୁୟୁ ଉଣା ମାତି ଜିକେଏ ନା ଜାପୁନାଣି ମୀରୁ ମାନୁଞ୍ଜି ଆହାମାଞ୍ଜେରି, ଇଞ୍ଜିଁ ନା ଦରୁ ଏଚେଲା ପୁଞ୍ଜାହିଲଅନି ଇଞ୍ଜିଁ ଇଞ୍ଜାହିଲଅତେରି । ୯ ମେହ୍‌ଦୁ ଆମ୍ବାଆରି ଜୀହୁଦି ଲକୁ ଆଏ, ସାମା ମିତି ତଲେ ଜୀହୁଦି ଲକୁତମି ଇଞ୍ଜିଁ ଇଞ୍ଜିମାନେରି ଇଲେତି ସୟତାନ ଗତିତି ଲକୁଣି ନାନୁ ମୀ କତାଣା ଜହରା କିଞ୍ଜି କିୟାଲ୍, ଇଞ୍ଜିଁ ନାନୁ ମିଙ୍ଗେ ଜୀଞ୍ଜୁନହଁ ମାଞ୍ଜାଲ୍ ଇଞ୍ଜିଁ ଏଞ୍ଜାରି ପୁଞ୍ଜାଲି ଆଡ଼ିନେରି । ୧୦ ନା ହୁକୁମି ଲେହେଁ ସାସା ଆସାନା ମାଞ୍ଜେରି, ଇଦାଆଁତାକି ଦାରୁତି ଲକୁଣି ତାୟିପାରି କିହାଲି ବାରେ ଦାରୁତିତା ଆନିନି ତାୟିପାରି କିନି ଦିନା ଝାନ୍ତେ, ଏମ୍ବାତି ନାନୁ ଜିକେଏ ମିଙ୍ଗେ ଗେଲ୍‌ପାଲ୍ । ୧୧ ନାନୁ ତବେ ଝାହ୍‌ମାଲ୍ ମୀ ଜୀଣାଆଡ଼ି ଚପେରି ଏନିକିଁ ଆମ୍ବାଆସି ମାଞ୍ଜା ଅୟଅସି ଏଦାଆଁତାକି ମୀ ତାଣା ଏନାୟି ମାନେ ଏଦାଆଁ ତାଁଟା ତଲେ ଆସାଁ ତୁୟାଦୁ । ୧୨ ଆମ୍ବାଆସି ଜୀଣା ଆନେସି ନାନୁ ଏଞ୍ଜାଣାଲ୍ ନା ମାହାପୁରୁ ଇଲୁତି ମୁଣ୍ଡାଲେହେଁ କିଲ୍, ଏଞ୍ଜାସି ଏମ୍ବାତି ପାଞ୍ଜାତା ହାଲଅସି, ନାନୁ ନା ମାହାପୁରୁତି ଦରୁ ଅଡ଼େ ଲାକପୁରୁତି ଝାହ୍‌ମାନି ପୁଞ୍ଜି ଜିରୁସାଲମ ମା ମାହାପୁରୁତି ଗାଡ଼ାତି ଦରୁ ଇଞ୍ଜିଁ ନା ପୁଞ୍ଜି ଦରୁ ତାନି ଲାକ ରାଡ଼ିଲ୍ ।”

୧୩ “କୁଲମିକାଣି ସୁଦୁଜାଞ୍ଜୁ ଏଦାଆଁ ଝେସିମାନେସି, ଆମ୍ବାଆରି କୀର୍କା ମାନୁ ଏଦାଆଁ ଝେଣ୍‌ମ୍ବାସି ।”

☆ ୩:୩ ୩:୩ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୧୭:୧୫ ☆ ୩:୫ ୩:୫ ଝେ ବଲ୍ଲୁ ୨୦:୧୨; ମାତି ୧୦:୩୨; ଲୁକ ୧୨:୮ ☆ ୩:୧୨ ୩:୧୨ ଝେ ବଲ୍ଲୁ ୨:୧

ଲାଝୁଦିକିୟା କୁଲମିକି କାତୁ

^{୧୪} “ଲାଝୁଦିକିୟା କୁଲମିତି ଦୁତୁ ତାଣା ରାତାମ୍, ଆମ୍ବାଆସି ସାତା ଇଞ୍ଜା ନାମ୍ବାଗାସାସି ଅଡେ ସାତା ସାକି ହାନେସି, ଅଡେ ଆମ୍ବାଆସି ମାହାପୁରୁ ଗାଡ଼ିକିତାଣି ମୂଲୁଏ ଗାଡ଼ିକିତାସି ଏଝାସି ଏଲେଇଞ୍ଜା ମାନେସି । ^{୧୫} ନାନୁ ମୀ କାମା ପୁଞ୍ଜାମାଈ, ମୀରୁ ହିଡ଼ି ଆଏ କି ଉସମି ଜିକେଏ ଆଏ, ମୀରୁ ହିଡ଼ି କି ଉସମି ଆହାମାଟି ନେହୁ ଆଡେମା । ^{୧୬} ସାମା ମୀରୁ ହିଡ଼ି କି ଉସମି ଆଆନା କାଞ୍ଜିନି ଆହାମାନାକି ନାନୁ ମିଙ୍ଗେ ନା ଗୁଟିଟି ହୁପାଲି ହାଜିମାଈ । ^{୧୭} ନାନୁ ଏଲେ ଇଞ୍ଜାମାଞ୍ଜି, ‘ନାନୁ ବାଡ଼କୁ ଗାଟାତେଏ ନାଙ୍ଗେ ହାଡେରକା ଦନ ମାନେ; ନାଙ୍ଗେ ଏନାୟି ଲତା ହିଲେଏ ।’ ସାମା ନାନୁ କାମା କାକୁଲି ଗାଟାଟି ଅଡେ ସାୟେମି ହିଲ୍ୟାଆଗାଟାଟି, ହାକି ଗାଟାଟି, କାଣା ଅଡେ ନାଗଡ଼ା ଗାଟାଟି, ଇଦାଆଁ ପୁଞ୍ଜାହିଲଅତି; ^{୧୮} ଇଦାଆଁତାକି ନାନୁ ନିଙ୍ଗେ ଈ କାତା ଝେସିମାଞ୍ଜାଈ ନାନୁ ବାଡ଼କୁ ଗାଟାଟି ଆହାଲିତାକି ହିଚୁତା ହୁଡିତି ବାଂଗାରା ଅଡେ ନୀ ନାଗଡ଼ାଟି ଲାଜା ଏନିକିହୁଁ ତଞ୍ଜା ଆଏ ଇଦାଆଁତାକି ହୁଚାଲି ଦବଲା ହିମ୍ବୁରି ଇଞ୍ଜା କାଣକା ମେସାଲି ତାକି କାଣକାଣାଁ ରୁବାକଡିନାଣି ନା ତାଣାଟି କତାମ୍ । ^{୧୯} ନାନୁ ଏଚେକା ଲକୁଣି ଜାଝୁ ନଲ୍ଲ ଏଝାରାଇଁ ଦାକା ଅଡେ ତଣ୍ଡ ହାଈ ଏଦାଣିତାକି ରାହାଁ ଆହାଁ ମନ ଝେବହା କତାମ୍ । ^{୨୦} ମେହମ୍ବୁ ନାନୁ ଦୁଝେରି ତାକିତା ନିଗାନା ଦାରା ଝେଡିମାଈ ଆମ୍ବାଆସି ନା ଗିୟାଁ ଝେଞ୍ଜାନା ଦାରା ଦେନେସି ଆଡେଁ ନାନୁ ବିତ୍ରା ହଡ଼ାନା ତାନି ତାଣା ହାଈ ଅଡେ ନାନୁ ଏଝାଣିତଲେ ରାନ୍ଦା ତିଲ୍ ଅଡେ ଏଝାସି ନା, ତଲେ ରାନ୍ଦା ତିନେସି । ^{୨୧} ନାନୁ ଏନିକିହୁଁ ଜାଣାଆହାନା ନା ଆଡା ତଲେ ସିଂଗାସାଣିତା କୁଗାମାଈ ଏଲେକିହୁଁ ଏ ଆମ୍ବାଆସି ଜାଣା ଆନେସି ନାନୁ ଏଝାଈଲ୍ ନା ତଲେ ନା ସିଂଗାସାଣିତା କୁଗାଲି ହାଈ ।”

^{୨୨} “ସୁଦୁଜାଝୁ କୁଲମିକାଣି ଏନାଆଁ ଝେସିମାନେ, ଆମ୍ବାଆରି କାକା ମାନୁ ଏଦାଆଁ ଝେଣ୍ଡାସି ।”

୪

ଲାକପୁରୁ ପ୍ରାଡାନା

^୧ ଏଚେଟିଏ ନାନୁ ମେସ୍ତେୟଁ, ମେହଦୁ ଲାକପୁରୁଟି ର ଦାରା ଦେପିଆହାମାନେ; ଅଡେ ତୀତ୍ରି ମହୁରି ହାଡାଲେହେଁ ନା ତଲେ ନକେଏ ଜଲିମାଟାଣି ଝେଞ୍ଜା ମାଚେଏଁ, ଏନି ଏଲେଇଞ୍ଜାତେ “ଇଦାଆଁ ନିଙ୍ଗା ଝାମ୍, ଏନାୟି ଇଦାଆଁ ତାୟୁ ଗଟଝି ଆନେ ଏ ବାରେ ନିଙ୍ଗେ ନାନୁ ତପ୍ପାଇଁ ।” ^୨ ଏ ଦେବୁଣିଏ ସୁଦୁଜାଝୁ ନାଙ୍ଗେ ଲକହାଚେ, ମେହଦୁ ଲାକପୁରୁ ର ସିଂଗାସାଣି ମାଚେ, ଇଞ୍ଜା ସିଂଗାସାଣି ଲାକ ରଅସି କୁଗାମାନେସି । ^୩ କୁଗାମାନାଣି ଝାଣା ହୀରା ଅଡେ ମାଣିକ୍ୟ ଇନି ଦାରାଗାଟି ଝାଲି ଲେହେଁ, ଅଡେ ସିଂଗାସାଣିଟି ମରକତ ଇନି ଦାରା ଗାଟି ଝାଲକା ଲେହେଁ ସାରିସୁରୁ ର ଦାଋଣକି ଗୁରାମାଚେ । ^୪ ଅଡେ ସିଂଗାସାଣି ସାରିସୁରୁ କଡେ ସାରିଗଟା ସିଂଗାସାଣି ମାନୁ, ଅଡେ ସିଂଗାସାଣିୟାଁ ଲାକ କଡେ ସାରି ଜାଣା ପ୍ରାଟିନାଙ୍ଗା କୁଗାମାନେରି, ଏଝାରି ଦବଲା ହିମ୍ବୁରିକା ହୁଚାମାନେରି ଇଞ୍ଜା ଏଝାରି ତାୟୁଁ ତୁ ବାଂଗାରା ଚଢେପି । ^୫ ସିଂଗାସାଣିଟି ବିଲିବାଲା ମୁହନାୟି ଅଡେ ହାଗୁ ଗୁଣିନି ହାଡା ହଡେ, ଅଡେ ସିଂଗାସାଣି ନକିତା ହିଚୁଗାଟି ସାଡାଗଟା ଦୀଝିୟାଁ ତାଞ୍ଜାମାଚୁ, ଈ ସାଡାଗଟା ହିଚୁ ବନ୍ଦାୟାଁ ମାହାପୁରୁଟି ସୁଦୁଜାଝୁୟାଁ ^୬ ସିଂଗାସାଣି ନକିତା ଦାଠେଣିଲେହେଁ ର ନେହୁଁ ସାମଦୁରି ତଞ୍ଜାଆହିମାଚେ, ସିଂଗାସାଣି ସାରିସୁରୁଟି ମାଦିଏ ସାରିଗଟା ଜନ୍ତୁ ଜିଝେଡ଼ିକା, ଏଝାସିକା ନକିତା ଅଡେ ତାୟୁତା କାଣକା ମାଚୁ । ^୭ ନକିତି ଜନ୍ତୁ ସିହଁ କାଞ୍ଜାନି ଲେହେଁ, ଅଡେ ରୀ ଲମ୍ବର ଜନ୍ତୁ ବାଟା କଡ଼ି ଲେହେଁ, ତାନି ଲମ୍ବର ଜନ୍ତୁଟି ମ୍ବମ୍ବୁ ମାଣସିତି ମ୍ବମ୍ବୁ ଚୁଲହେଁ, ଅଡେ ସାରି ଲମ୍ବର ଜନ୍ତୁ ଲାକ ଉସିମାନି ଲେଡ଼ ଚୁଲହେଁ ତଞ୍ଜାଆହିମାଚେ । ^୮ ବାରେ ଜନ୍ତୁୟାଁକି ସ ଗଟା ମାରାୟାଁ ଏ ମାରାୟାଁ ବିତ୍ରା ଅଡେ ପାଞ୍ଜାତା କାଣକା ମାନୁ ଏଝି ଲାଆଁ ମାଦେନା ଜମାଆନା ଏଲେଇଞ୍ଜା ମାନୁ ।

“ସୁଦୁ, ସୁଦୁ, ସୁଦୁ, ବାରେ ବାଡ଼ୟୁଗାଟି ମାହାପୁରୁ,

ଆମ୍ବାଆସି ତଲିଏ ମାଚେସି ନୀଏଁ ମାନେସି ଅଡେ କାଲେଏ ମାନେସି, ଏ ପ୍ରବୁ ।”

^୯ ଜନ୍ତୁୟାଁ ଏଟିବେଲା ଏ ସିଂଗାସାଣିତା କୁଗାମାନି କାଲାକାଲାଟି ଜାଝୁଗାଟି ମାଣସିଲ୍ ବାଝୁରମି ସାମ୍ବୁନି ଅଡେ ଜହରା କିନେରି । ^{୧୦} ଏଟିବେଲା କଡେ ସାରି ଜାଣା ପ୍ରାଟିନାଙ୍ଗା ସିଂଗାସାଣିତା କୁଗାମାନି ମାଣସିଲ୍ ମେଣ୍ଡାକୁତାନା କାଲେଏ ନୀତାମାନି ମାଣସିଲ୍ ଜହରା କିତେରି, ଇଞ୍ଜା ସିଂଗାସାଣି ନକିତା ତାନି ଚଢେପିକା ଇଗାନା ଏଲେଇଚେରି ।

^{୧୧} ମା ପ୍ରବୁ ଅଡେ ମାହାପୁରୁ ।

ନାନୁ ବାଝୁରମି ସାମ୍ବୁନି ଅଡେ ବାଡ଼ୟୁ ବେଟାଆହାଲି ଜଠେଗ ଗାଟାଟି ।

* ୩:୧୯ ୩:୧୯ ଏଡ଼ି ୧୨:୭ ✱ ୪:୫ ୪:୫ ଝେ ବଲ୍ଲ ୮:୫; ୧୧:୧୯; ୧୭:୧୮; ଝେ ବଲ୍ଲ ୧:୪

ଏନାଆଁତାକି ଇଚିହଁ ନାନୁ ବାରେ ଗାଡ଼ିକିହା ମାଞ୍ଜି ।
ଅଡ଼େ ନୀ ଅଣ୍ଡୁ ତଲେ ବାରେ ଗାଡ଼ି ଆହାମାନୁ, ଅଡ଼େ ଜୀଝୁତଲେ ନୀତାମାନୁ ।

୫

ରୁପିନି ପତି ଅଡ଼େ ଫେଣ୍ଡା ଡାଲୁ

୧ ନାନୁ ସିଂଗାସାଣିତା କୁଗାମାନାଣି ଚିଃନି କେୟୁତା ର ପ୍ଲାଃଇ ପତି ମେସ୍ତେସ୍, ଏଡ଼ି ରିକଞ୍ଜାକି ରାସ୍ତକି ଆହାମାରେ ଇଞ୍ଜାଁ ସାଡ଼ାଗଟା ସାଲି ଝେପି ଆହାମାରେ । ୨ ଅଡ଼େ ନାନୁ ବାଡ଼ୁୟୁ ଗାଟି ର ଲାକପୁରୁତି ଦୂତୁଇଁ ମେସ୍ତେସ୍, ଏଞ୍ଜାସି କାଜା ଗିୟାଁତଲେ ଏଲେଇଚେସି, ଆମ୍ବାଆସି ଇ ସାଲି ହୁକ୍‌ହାନା ପତିତି ଦେଗାଲି ପାଡ଼ାଆନେସି । ୩ ସାମା ପତିତି ଦେଗାଲି, ଏମ୍ବାଆଁ ଏନାୟି ରାସ୍ତକି ଆହାମାନେ, ସିନିକିହାଲି ଲାକପୁରୁ, ଦାର୍‌ତିତା ଅଡ଼େ ତାଡ଼େପୁରୁତା ଆମ୍ବାଆସି ସାସା କିଆଡେସି । ୪ ଏ ପତିତି ଦେଗାଲି କି ଏନାଆଁ ସିନିକିହାଲି ଆମ୍ବାଆସି ସାସା କିଆଲିଏ ନାନୁ ହାରେକା ଡ଼ାଡେସ୍ । ୫ ଏମ୍ବାଟିଏ ପ୍ରାଚିନାଙ୍ଗା ବିଭ୍ରାଟି ରଅସି ନାଙ୍ଗେ ସାସା ହାହାନା ଏଲେଇଞ୍ଜାଚେସି, “ଡ଼ାଆନି, ସିନିକିମୁ ଜୀହୁଦା ଗଟିତି ଦାଝୁଦ କୁଡ଼ାତି ସିହଁ ଜାଣା ଆହାମାନେସି; ଏଞ୍ଜାସି ଇ ପତିତି ସାଡ଼ାଗଟା ସାଲି ଦେଗାଲି ଅଡ଼େ ଏ ରୁପିତି ପତି ଏକହାଲି ପାଡ଼ା ଆହାମାନେସି ।”

୬ ଏଚେଟିଏ ନାନୁ ସିନିକିଚେସ୍ ସିଂଗାସାଣି, ଅଡ଼େ ପ୍ରାଚିନାଙ୍ଗା ମାଦିଏ ସାରିଗଟା ଜନ୍ତୁ ତଲେ ଚ ମେଣ୍ଡା ଡାଲୁ ନିଗାମାନାଣି ମେସ୍ତେସ୍, ଏ ଫେଣ୍ଡା ଡାଲୁ ପାୟୁଝି ଆଡ଼ି ଲେହେଁ ତଞ୍ଜାଆହମାରେ, ଏଦାନାକି ସାଡ଼ାଗଟା କମକା ଅଡ଼େ ସାଡ଼ାଗଟା କାଣକା ମାଡୁ, ଏ କାଣକା ଦାର୍‌ତିତି ବାରେଞ୍ଜାକି ପାୟୁଝି ଆହାମାଟି ମାହାପୁରୁତି ସାଡ଼ାଗଟା ସୁଦୁଜୀଝୁୟାଁ । ୭ ଫେଣ୍ଡା ଡାଲୁ ସିଂଗାସାଣିତା କୁଗାମାନାଣି ତାଗେ ହାଜାନା ଏଞ୍ଜାଣି ଚିଃନି କେୟୁତି ଏ ରୁପିତି ପତି ଅଡ଼େସି । ୮ ଏ ପତି ଅହାଲିଏ ସାରିଗଟା ଜନ୍ତୁ ଅଡ଼େ କଡ଼େ ସାରି ଜାଣା ପ୍ରାଚିନାଙ୍ଗା ଏ ଫେଣ୍ଡା ଡାଲୁ ନକିଡ଼ା ମୁନୁ କୁଡ଼ାହାଁ ଜହରା କିଚେରି, ଏ ବାରେଜାଣା ତାକି ର ର ସେର୍‌ଙ୍ଗି ଅଡ଼େ ମାହାପୁରୁ ଲକୁ ପ୍ରାଡ଼ାନାତି ଦୁପା ଦୁପଣି ନେଞ୍ଜାମାନି ର ବାଂଗାରା ଗିନା ମାରେ । ୯ ଏଞ୍ଜାରି ର ପୁଃନି ପାଡୁ ପାଡ଼ିମାଟେରି; “ନାନୁ ଏ ରୁପିତି ପତି ଅହାଲି ଅଡ଼େ ଏମ୍ବାଟି ସାଲି ଦେଗାଲି ପାଡ଼ା ଆନାତି,

ନାନୁ ପାୟୁଝିଆହାମାଟି, ନୀ ନେଚେରିଟି ବାରେ ଗଟି, ବାରେ ହାଡ଼ା, ଦେସା,

ଅଡ଼େ ବାରେ କୁଡ଼ାତି ଲକୁଇଁ ମାହାପୁରୁ ତାକି କଡ଼ାମାଞ୍ଜି,

୧୦ ନାନୁ ଏଞ୍ଜାରାଇଁ ରାଜାୟାଁ କୁଡ଼ା ଅଡ଼େ ମାହାପୁରୁ ସେବା କିୟାଲି ପୂଜେରାଙ୍ଗା କିହାମାଞ୍ଜି ।

ଏଞ୍ଜାରି ଦାର୍‌ତିତି ସାଲୁଝି କିନେରି ।”

୧୧ ଏମ୍ବାଟିଏ ନାନୁ ସିନିକିଚେସ୍, ସିଂଗାସାଣି, ଜନ୍ତୁୟାଁ ଅଡ଼େ ପ୍ରାଚିନାଙ୍ଗା ସାରିସୁଟୁ ହାରେକା ଦୁଡୁୟାଁତି ହାଡ଼ା ଝେଚେସ୍, ଏଝି ମାଣା ମାଣା ଅଡ଼େ ଲାକେ ଲାକେ ଜାଣା ନିଗାମାଡୁ । ୧୨ ଏଝି କାଜା ଗିୟାଁତଲେ ପାଡ଼ିମାଡୁ;

“ପାୟୁଝି ଆହାମାନି ଫେଣ୍ଡା ଡାଲୁଦେଁ, କାଜାପାଣା, ଦନ, ବୁଦି, ବପୁ, ସାମ୍‌ମି, ଗାଝୁରମି,

ଜହରା ବେଟାଆହାଲି ପାଡ଼ାଆନେସି ।”

୧୩ ଅଡ଼େ ନାନୁ ଲାକପୁରୁ, ଦାର୍‌ତି, ତାଡ଼େପୁରୁ ଅଡ଼େ ସାମ୍‌ଦୁରିତା ମାନି ବାରେ ଜୀଝୁ ଗାଟାଇ ଇଞ୍ଜାଁ ଦାର୍‌ତିତା ମାନି ବାରେ ଜୀଝୁ ଗାଟାଇ ପାଡୁ ପାଡ଼ିମାନାଣି ଝେଚେସ୍ । ଏଝି ପାଡ଼ିମାଡୁ;

“ସିଂଗାସାଣିତା କୁଗାମାନି ମାଣସିଇଁ ଇଞ୍ଜାଁ ତାନି ଫେଣ୍ଡା ଡାଲୁଇଁ ଜହରା କିଡୁ;

ତାନି ସାମ୍‌ମି, ଗାଝୁରମି ଅଡ଼େ ବାଡ଼ୁୟୁ କାଲାକାଲାତାୟି ।”

୧୪ ଏଚେଟିଏ ସାରିଗଟା ଜନ୍ତୁ ପାଲି ଆସାନା ଏଲେଇଚୁ, “ଆମେନ୍” ଅଡ଼େ ପ୍ରାଚିନାଙ୍ଗା ମୁନୁ କୁଡ଼ାହାଁ ଜହରା କିଚେରି ।

୬

ସାଡ଼ା ଗଟା ସାଲିୟାଁ

୧ ଅଡ଼େ ନାନୁ ଫେଣ୍ଡା ଡାଲୁଇଁ ସାଡ଼ାଗଟା ସାଲିୟାଁ ବିଭ୍ରାଟି ର ଲମ୍‌ର ସାଲି ଦେଗାଣି ମେସ୍ତେସ୍, ଅଡ଼େ ସାରିଗଟା ଜନ୍ତୁ ବିଭ୍ରାଟି ର ଜନ୍ତୁ ହାଗୁ ଗୁଣିନି ହାଡ଼ାତଲେ ହାଡ଼ିମାଗାଣି ଝେଚେସ୍ “ଞ୍ଜାମ୍‌ !” ୨ ଏମ୍ବାଟିଏ ନାନୁ ସିନିକିଚେସ୍ ଅଡ଼େ ର ଦବ୍‌ଲା ଗଡ଼ା ଇଞ୍ଜାଁ ତାନି ଲାକ ହଡ଼ାମାଗାଣି କେୟୁତା ର ଆମ୍‌ ସ୍ତ୍ରୀଆମାଚେସି, ଅଡ଼େ ଏଞ୍ଜାଣାକି ର ଟଡ଼ପେରି ହାପ୍‌କିଆଡ଼େ, ଅଡ଼େ ଏଞ୍ଜାସି ଜାଣା ଆହାଁ ଜାଣା ଆୟାଲି ହଡ଼ାହାଚେସି ।

* ୫:୧୦ ୫:୧୦ ଝେ ବଲ୍ଲୁ ୧:୭

୩ ଫେଣ୍ଡା ତାଲୁ ଏତିବେଲା ରୀ ଲମ୍ବର ସୀଲି ଦେତେସି, ଏତିବେଲା ଅଡ଼େ ରୀ ଲମ୍ବର ଜନ୍ତ ଏଲେଇଚାଣି ଝେଚେଏଁ “ଝାମ୍ବୁ” ୪ ଏମ୍ବାଟିଏ ଅଡ଼େ ର ଗଡ଼ା ହଡ଼ା ଝାଡ଼େ, ଏଦି ନେତେରି ଝାଣାଗାଗାୟି; ଲକ୍ଷ୍ମ ଏନିକିଁ ତାମ୍ବୁ ତାମ୍ବୁ ପାୟି ଝାନ୍ତେରି, ଏଦାଆଁତାକି ଦାନ୍ତତି ହିଡ଼ଡ଼ି ହେକ କିହାଲି ତାନି ଲାକ ହଡ଼ାମାନାଣାକି ବାଡ଼ୁୟୁ ହାପକିଆଡ଼େ ଅଡ଼େ ଏଝାଣାକି କାଜା କାଣ୍ଡା ହାପକିଆଡ଼େ ।

୫ ଫେଣ୍ଡା ତାଲୁ ଏତିବେଲା ତାନି ଲମ୍ବର ସୀଲି ଦେତେସି, ଏତିବେଲା ତାନି ଲମ୍ବର ଜନ୍ତ ଏଲେଇଞ୍ଜିମାନାଣି ଝେଚେଏଁ, “ଝାଣ୍ଡା ସିନିକିମ୍ବୁ” ଏମ୍ବାଟିଏ ନାନୁ ସିନିକିତେଏଁ, ମେହଦୁ ର କାଡ଼ିନି ଗଡ଼ା; ଅଡ଼େ ଏଦାଆଁ ହଡ଼ାମାନାଣି କେୟୁତା ର କେଜି ତୁକନାୟି ମାଚେ । ୬ ଅଡ଼େ ନାନୁ, ସାରିଗଟା ଜନ୍ତତି ଗୁଡ଼ିତି ହଡ଼ି ଲେହେଡ଼ି ର ହଡ଼ା ଝେଚେଏଁ; “ର ଟାକା ତାକି ର କେଜି ଗହଁ ଅଡ଼େ ତାନି କେଜି କାଝିଆ ଜନାୟି ମେଡ଼ା ଆନୁ ସାମା ମୀରୁ ଜାତ ମାରୁଡ଼ି ନିୟୁଁ ଅଡ଼େ ଅଲ୍ଲୁରି ରାସା ନସ୍ତ କିଆଦୁ ।”

୭ ଫେଣ୍ଡା ତାଲୁ ଏତିବେଲା ସାରି ଲମ୍ବର ସୀଲି ଦେତେସି, ଇଞ୍ଜାଁ ନାନୁ ସାରି ଲମ୍ବର ଜନ୍ତ ଏଲେ ଇଞ୍ଜିମାଚାଣି ଝେଚେଏଁ, “ଝାମ୍ବୁ !” ୮ ଏମ୍ବାଟିଏ ନାନୁ ସିନିକିତେଏଁ ଦାନ୍ତୁ ଝାଣାଗାଟି ଗଡ଼ା, ତାନି ଲାକ ହଡ଼ାମାନାଣି ଦରୁ ହାକି, ଏଝାଣି ଜେଚ ଜେଚ ଦାନ୍ତ ହାଜିମାଚେ, ଏଝାରାକି ଦାନ୍ତତି ସାରି ବାଟା ବିଡ଼ା ର ବାଟା ମୁହେଁ କାଣ୍ଡା, ହାକି, ରଦା ଅଡ଼େ ଜାଡ଼ାତି ଜନ୍ତ ଜିଝେଡ଼ିକା ତଲେ ପାୟାଲି ବାଡ଼ୁୟୁ ହାପକିଆଡ଼େ ।

୮ ଫେଣ୍ଡା ତାଲୁ ଏତିବେଲା ପାମ୍ବୁ ଲମ୍ବର ସୀଲି ଦେତେସି, ଏତିବେଲା ଆନି ଲକ୍ଷ୍ମ ମାହାପୁରୁତି ବଲ୍ଲୁ ତାକି ଅଡ଼େ ଏଝାରାକି ହାପକି ଆହାମାନି ସାକି ତାକି ହାହାମାଚେରି, ଏଝାରି ଜୀଝୁୟିଁ ନାନୁ ପୂଜାପିଣ୍ଡା ତୁଇ ମେସ୍ତେଏଁ । ୧୦ ଏଝାରି କାଜା ଗିୟିତଲେ ହାଡ଼ିହଁ ଏଲେ ଇଞ୍ଜିମାଚେରି, “ସୁଦୁ ଅଡ଼େ ସାତା ପୁରୁ, ନାନୁ ଏଚରଦିନା ପାତେକା ଦାନ୍ତତି ଲକ୍ଷ୍ମ ନାହାୟି କିଆନା ମାଞ୍ଜେ ପାୟାଲି ତାକି ଏଝାରାକି ତଣ୍ଡ ହାଆନା ପିହଦି ?” ୧୧ ଏଚେଟିଏ ଏ ବାରେଜାଣା ତାକି ଦବଲା ହିମ୍ବରକା ହାପକିଆଡ଼େ, ଇଞ୍ଜାଁ ଏଝାରି ତଲେତି ତାୟିୟି ସେବା କିନାରି ଏଚରଜାଣା ପାୟି ଆନି କାତା ପାୟି ଆପାପାତେକା ଏଝାରାକି ଅଡ଼େ ଏଚରଦିନା ଜମାଲି ଝେସ୍ତପିଆଡ଼େ ।

୧୨ ଫେଣ୍ଡା ତାଲୁ ସ ଲମ୍ବର ସୀଲି ଦେତିମାଚାଟି ନାନୁ ମେସ୍ତେଏଁ; ଦେବୁଣିଏ ଆଜିହଡ଼େପତି ବୁନି ଝାଡ଼ିତେ । ଝେଡ଼ା କାଡ଼ିନି ଝାଣା ହିମ୍ବର ଲେହେଁ ଆଡ଼େ, ଅଡ଼େ ଲେଞ୍ଜୁ ନେତେରି ଝାଣା ଆଡ଼େ । ୧୩ କାଜା ଗାଲି ଏନିକିଁ ମାରୁନୁଇଁ ଝାଡ଼ିହସାରେ ହିଇଲି ତୟା ପାଡ଼େୟିକା ତରଗିନି ଲେହେଁ ହାଗୁଲାକତି ହୁକାୟି ଦାନ୍ତତିତା ତରଗା ହାଚୁ । ୧୪ ହାଗୁପାକା ତଲୁ ପତି ରୁପି ଆଡ଼ି ଲେହେଁ ରୁପିଆହାଁ ମେଜାଜାହାଚେ । ଅଡ଼େ ହରକା ଇଞ୍ଜାଁ ସାମ୍ବୁରି ବିଡ଼ାମାନି ଇତି ଇତି ଦେସାୟି ତାନି ଟାୟିଟି ଗୁଟା ଆହାହାଚୁ । ୧୫ ଅଡ଼େ ଦାନ୍ତତି ରାଜାୟି, ସାଲୁଟି କିନାରି, ଜୁକୁକିନି କାଜାରି, ଦନ ଗାଗାରି, ବାଡ଼ୁୟୁ ଗାଗାରି, ହଲିୟାଜା ଅଡ଼େ ହଲିୟାଜା ଆଆତାରି ଏଝାରି ବାରେଜାଣା ପାଝୁତା ଇଞ୍ଜାଁ ହରକାତି କାଜା ଝାଲକା ପାଡ଼ା ତୁଇ ହାଜାନା ତୁରୁତେରି । ୧୬ ଅଡ଼େ ଏଝାରି ହରକା ଇଞ୍ଜାଁ ଝାଲକାଣି ହାଡ଼ିହଁ ଏଲେଇଚେରି, “ମା ମୁହେଁ ତରଗାନା ସିଂଗାସାଣିତା କୁଗାମାନାଣି ତାଣାଟି ଅଡ଼େ ଫେଣ୍ଡା ତାଲୁ କପାଟି ! ମାଞ୍ଜେ ତୁକୁହାମ୍ବୁ । ୧୭ ଇତିହଁ ଏଝାରାକି ଆଜିହଡ଼େପତି କପାଟି ଦିନା ଏଦାତେୟିଏ, ଇଞ୍ଜାଁ ଏମ୍ବାଆଁ ଆମ୍ବାଆସି ନିଚାଲି ଆଡ଼ିନେସି ?”



ଇସ୍ତାୟେଲତି ୧୪୪,୦୦୦ ଲକ୍ଷ

୧ ଏଚେଟିଏ ନାନୁ ଦାନ୍ତତି ସାରି କନତା ସାରିଗଟା ଦୁତୁୟିଁ ନିଚାମାନାଣି ମେସ୍ତେଏଁ, ଅଡ଼େ ଦାନ୍ତତି ସାରିଝାକିଟି ଗାଲି ଆଜ୍ଞାମାନେରି, ଏଚେଟିଏ ଦାନ୍ତ ସାମ୍ବୁରି ଅଡ଼େ ଆନିନି ମାରୁନୁ ମୁହେଁ ଗାଲି ଝାଆପେଝା ଇଞ୍ଜୁଁ ଗାଲିତି ଆଜ୍ଞାମାନେରି । ୨ ଅଡ଼େ ନାନୁ ର ଦୁତୁଇଁ ଝେଡ଼ା ହପୁଝାକିଟି ହଡ଼ାଝାଟାଣି ମେସ୍ତେଏଁ, ଏଦାନି କେୟୁତା ଜୀଝୁତି ମାହାପୁରୁତି ବୁଡ଼ୁ ମୁଦ୍ରା ମାଚେ, ଏ ଦୁତୁ ଦାନ୍ତ ଅଡ଼େ ସାମ୍ବୁରି ନସ୍ତ କିହାଲିତାକି ସାରିଗଟା ଦୁତୁକି ଅଦିକାରା ହାହାମାଚେ, ଏଦି କାଜା ଗିୟିତଲେ ହାଡ଼ାମାନା ଏଲେଇଚେ, ୩ “ମାମ୍ବୁ ମାହାପୁରୁତି ସେବା କିନାରି ମୁଞ୍ଜୁତା ବୁଡ଼ୁ ମୁଦ୍ରା ନାବଗାଆ ପାତେକା ମୀରୁ ଦାନ୍ତତି, ସାମ୍ବୁରି, କି ମାରୁକାଣି ନସ୍ତ କିଆଦୁ ।” ୪ ଏଚେଟିଏ ମୁଞ୍ଜୁତା ବୁଡ଼ୁ ମୁଦ୍ରା ନାବଗାନା କଡ଼ିତାରି ୧୪୪,୦୦୦ ଲକ୍ଷ ମାଚେରି ଇଞ୍ଜୁଁ ନାନୁ ଝେଚେଏଁ ଏଝାରି ଇସ୍ତାୟେଲତି ବାର କୁଡ଼ାତି ଲକ୍ଷ୍ମ ମାଚେରି । ୫ ଜୀହୁଦା କୁଡ଼ାଟି ବାର ମାଣା ଲକ୍ଷ୍ମ ବୁଡ଼ୁ ମୁଦ୍ରା କିହାମାନେସି, ରୁବେନ କୁଡ଼ାଟି ବାର ମାଣା, ଗାଦ କୁଡ଼ାଟି ବାର ମାଣା, ୬ ଆସେର କୁଡ଼ାଟି ବାର ମାଣା, ନସ୍ତାଲି କୁଡ଼ାଟି ବାର ମାଣା, ମନସି କୁଡ଼ାଟି ବାର ମାଣା, ୭ ସିନିୟନ କୁଡ଼ାଟି ବାର ମାଣା, ଲେବି

କୁଡ଼ାଟି ବାର ମାଣା, ଇସାକାର କୁଡ଼ାଟି ବାର ମାଣା, ଯୁବୁଲୁନ୍ କୁଡ଼ାଟି ବାର ମାଣା, ଜସେପ କୁଡ଼ାଟି ବାର ମାଣା, ବିନ୍ୟାମିନ୍ କୁଡ଼ାଟି ବାର ମାଣା ଲକ୍ଷ୍ମଙ୍କୁ ବୁଝୁ ମୁଦ୍ରା କିହାମାନେସି ।

ଗାତ୍ରି ମାନ୍ଦା ଲକ୍ଷ୍ମ

୯ ଏତେଟିଏ ନାନୁ ସିନିକିତେଏଁ ଫେହଦୁ ବାରେ ଜାଡ଼ି, ବାରେ କୁଡ଼ା, ବାରେ ଦେସା, ବାରେ ହାଡ଼ା, ଏଜିକିହାଲି ଆଡ଼ାଆଗାଟି ର ମାନ୍ଦା ଲକ୍ଷ୍ମ ଅଜିତି ଦବଲ୍ଲା ହିମ୍ବରକା ହୁରାନା କାଜୁରି ମାଟାୟାଁ କେୟୁଡା ଆସାନା ସିଂଗାସାଣି ଅଡ଼େ ଫେଣ୍ଡା ତାଲୁ ନକିତା ନିଚାମାନେରି । ୧୦ ଏଝାରି କାଜା ଗିୟାତଲେ ଏଲେଇଚେରି, “ଝାରୁଇ ସିଂଗାସାଣିତା କୁଗାମାନି ମାହାପୁରୁ ଅଡ଼େ ଫେଣ୍ଡା ତାଲୁ ମାଜେ ଗେଲ୍ଲପାନାସି ।” ୧୧ ସିଂଗାସାଣି, ପ୍ରାଚିନାଜାମ ଅଡ଼େ ବାରେ ସାରିଗଟା ଜନ୍ତ ସାରିସୁରୁ ଲାକପୁରୁତି ଦୁତୁୟାଁ ନିଚାମାନେରି, ଅଡ଼େ ସିଂଗାସାଣି ନକିତା ମୁନୁ କୁତାନା ମାହାପୁରୁଇଁ ଜହରା କିହାନା, ୧୨ ଏଲେଇଚେରି, “ଆମେନ୍ ନେହାୟି, ଗାଧୁରମି, ବୁଦି, ଜହରା, ସାମୁ_ମି, ଅଦିକାରା ଅଡ଼େ ବାଡ଼ୁୟୁ, କାଲାକାଲା ତାକି ମା ମାହାପୁରୁଝାୟି ! ଆମେନ୍ ।”

୧୩ ଅଡ଼େ ପ୍ରାଚିନାଜାମ ବିଡ଼ାଟି ରଅସି ନାଜେ ଝେଞ୍ଜାତେସି, “ଦବଲ୍ଲା ହିମ୍ବରକା ହୁରାମାନି ଇ ଲକ୍ଷ୍ମ ଆମ୍ବାଆରି ? ଅଡ଼େ ଏଝାରି ଏମ୍ବିଟି ଝାହାମାନେରି ?” ୧୪ ନାନୁ ଏଝାଣାଇଁ ଏଲେଇଚେଏଁ, “ଏ ନା ପ୍ରବୁ ନାନୁଏ ଏଦାଆଁ ପୁଞ୍ଜାମାଞ୍ଜି” ଏମ୍ବାଟିଏ ଏଝାସି ଏଲେଇଞ୍ଜାତେସି, “ଇଝାରି ଆଜିହପେତି ସାସ୍ତି ଅରହାନା ହଡ଼ା ଝାହାମାନେରି, ଇଞ୍ଜାଁ ଫେଣ୍ଡା ତାଲୁତି ନେତେରି ତଲେ ଏଝାରି ତାମି ହିମ୍ବରକା ରାଚାନା ଦବଲ୍ଲା କିହାମାନେରି । ୧୫ ଏଦାଆଁତାକି ଏଝାରି ମାହାପୁରୁ ଲକ୍ଷ୍ମତି ସିଂଗାସାଣି ନକିତା ନିଚାମା ଲାଆଁ ମାଦେନା ଏଝାଣି ଜହରା କିନେରି, ଇଞ୍ଜାଁ ସିଂଗାସାଣିତା କୁଗାମାନାସି ଏଝାରାକି ବାସାଟାୟୁ ହାନେସି । ୧୬ ଏଝାରାକି ଏତେଲାଝା ହାକି କି ଏସ୍ତକି ଆସ୍; ଇଞ୍ଜାଁ କାରା କି ଏନି ଝେନ୍ଦାୟି ତୀଗାଲି ଆଡ଼େଏ । ୧୭ ଇତିହଁ ସିଂଗାସାଣି ମାଦିତି ଫେଣ୍ଡା ତାଲୁ ଏଝାରି ଫେଣ୍ଡା ଗଡ଼ୁ ଆନେସି । ଅଡ଼େ କାଧୁହାନି ଏୟୁ ହଡ଼ିମାନି ତାଣା ଏଝାରାଇଁ ତାକିକିହା ଅନେସି, ଅଡ଼େ ମାହାପୁରୁ ଏଝାରି କାନୁତି ବାରେ କାଣ୍ଡୁ_ଚୁଜକାତୁହନେସି ।”



ସାଡ଼ା ଲମ୍ବର ସାଲି

୯ ଫେଣ୍ଡା ତାଲୁ ଏଚିବେଲ୍ଲା ସାଡ଼ା ଲମ୍ବର ସାଲି ଦେତି ଦେବୁଣିଏ ଲାକପୁରୁ ଆଦା ଗଂଟା ପାତେକା ସାପିଆଡେ । ୨ ଏମ୍ବାଟିଏ ନାନୁ ମାହାପୁରୁ ନକିତା ନିଚାମାନି ସାଡ଼ା ଜାଣା ଦୁତୁୟାଁଇଁ ମେସ୍ତେଏଁ, ଏଝାରାକି ସାଡ଼ାଗଟା ତାଡ଼ି ମହୁରି ହାପକି ଆଡୁ ।

୩ ଏମ୍ବାଟିଏ ଅଡ଼େ ର ଦୁତୁ ଝାଣାଁ ପିଣ୍ଡା ନକିତା ନିଚେ, ଏଦାନି କେୟୁଡା ବାଂଗାରା ଦୁପଣି ସାଡ଼ାଝା ମାଚେ, ଅଡ଼େ ସିଂଗାସାଣି ନକିତି ବାଂଗାରା ପୂଜାପିଣ୍ଡା ଲାକ ବାରେ ମାହାପୁରୁ ଦୁତୁ କେୟୁଡା ଲକ୍ଷ୍ମତି ପ୍ରାଚାନା ତଲେ ହେରପାଲି ତାକି ହାରେକା ଦୁପଣି ହାପକିଆଡ଼େ । ୪ ଏମ୍ବାଟିଏ ଲାକପୁରୁ ଦୁତୁ କେୟୁଡା ଦୁପଣି ବୟଁ ମାହାପୁରୁ ଲକ୍ଷ୍ମତି ପ୍ରାଚାନା ତଲେ ଆଣ୍ଡାନା ମାହାପୁରୁ ନକିତା ଏଗାତେ । ୫ ତାୟୁ ଏ ଦୁତୁ ଦୁପଣି ସାଡ଼ାଝାତା ପୂଜା ପିଣ୍ଡାତି ହିତୁତଲେ ନେଞ୍ଜିକିହାନା ଦାରୁତି ଲାକ ତାଞ୍ଜିତେ, ଏମ୍ବାଟି ହାଗୁ ଗୁଣ୍ଡତେ ବିଜା ରିନି ହାଡ଼ା ଝେଜିତେ ଇଞ୍ଜାଁ ବୁମି ଝାଡିତେ ।

ତାଡ଼ି ଉକିନାୟି

୨ ଏଚିବେଲ୍ଲା ସାଡ଼ା ଜାଣା ତାଡ଼ି ଆସାମାନି ଦୁତୁୟାଁ ସାଡ଼ା ଜାଣା ତାଡ଼ି ଉକାଲି ତିୟାରା ଆଡେଚି ।

୩ ର ଲମ୍ବର ଦୁତୁ ତାନି ତାଡ଼ି ଉକିତେ ଏତେଟିଏ ନେତେରି ତଲେ ଆଜିୟାଁ ଅଡ଼େ ହିରୁ ଆଣ୍ଡି ଆହାଁ ଦାରୁତି ଲାକ ରିଡୁ, ଇଞ୍ଜାଁ ବାରେ ମାରୁନୁ ମାଡ଼ା, ହିଇଲି ଜାଡ଼ା ତଲେ ଦାରୁତିତି ତାନି ବାଗାଟି ର ବାଗା ବାରେ ଝେହା ହାଟେ ।

୪ ଏତେଟିଏ ରା ଲମ୍ବର ଦୁତୁ ତାନି ତାଡ଼ି ଉକିନି ଦେବୁଣିଏ ଡ଼ାଞ୍ଜିମାନି ର କାଜା ହରୁ ଲେହେଁତାୟି ସାମ୍ବୁରିତା ଲାକ ରାତେ ଇଞ୍ଜାଁ ସାମ୍ବୁରିତା ଏୟୁ ତାନି ବାଗାଟି ର ବାଗା ନେତେରି ଆହାହାରୁ । ୫ ସାମ୍ବୁରିତା ମାନି ତାନି ବାଗାଟି ର ବାଗା ଜୀଝୁ ଗାଗାଇ ହାହାହାରୁ, ଅଡ଼େ ସାମ୍ବୁରିତା ମାନି ଜାକାୟାଁ ତାନି ବାଗାଟି ର ବାଗା ଜାକାୟାଁ ବିଡ଼ହାହାରୁ ।

୬ ତାନି ଲମ୍ବର ଦୁତୁ ତାଡ଼ି ଉକିତେସି, ଇଞ୍ଜାଁ ଦେବୁଣିଏ ହିରୁ ବନ୍ଦାଲେହେଁ ଡ଼ାଞ୍ଜିମାନି ର କାଜା ହୁକା ହାଗୁଟି ତାନି ବାଗା କାତା ଅଡ଼େ ଉସାଣାଁ ରାତେ । ୧୧ ଏ ହୁକାତି ଦରୁ “କାମେଲି” ଏତେଟିଏ ତାନି ବାଗାଟିଏ

ର ବାଗା ଏମ୍ଭ କାମ୍ବେଲି ଆତୁ, ଇଞ୍ଜା ହାବରକା ଲକୁ ଏମ୍ଭ ଗସାନା ହାବେରି, ଇଚିହି ଏଫ୍ରି କାମ୍ବେଲି କିଫ୍ରି ଆହାମାତୁ ।

୧୨ ସାରି ଲମ୍ବର ଦୂତୁ ତୀତ୍ରି ଉକିତେସି ଇଞ୍ଜା ଝେଡ଼ା, ଲେଞ୍ଜୁ, ହୁକାୟିତି ବାରେ ତାନି ବାଗାଟି ର ବାଗା ନସ୍ତୁ ଆତୁ, ଇଞ୍ଜା ତାନି ବାଗାଟି ର ବାଗା ଉଜେଡ଼ି ଉଣା ଆଡେ, ଇଞ୍ଜା ଲାଆଁୟି ମାଦେନା ତାନି ବାଗାଟି ର ବାଗା ଉଜେଡ଼ି ଉଣା ଆଡେ ।

୧୩ ତାମ୍ଭ ନାନୁ ମେସ୍ତେସ୍, ହାଗୁତି ମାଦି ଉମ୍ବିମାନି ର ଲେଡ଼ କାଜା ହାଡ଼ାତଲେ ଏଲେଇଞ୍ଜିମାଚାଣି ଝେଚେସ୍, ଆହା ! ଦାବ୍ତିତା ବାସା ଆହାମାନି ଲକୁ ଆଜିହସପତି ତଣ୍ଡ ବେଟାଆନାରି, ଇଚିହି ଅଡେ ତାନି ଜାଣା ଦୂତୁୟି ତୀତ୍ରି ଉକାଲି ହାଜିମାନେରି ।

C

୧ ଏଚେଟିଏ ପାସା ଲମ୍ବର ଦୂତୁ ତୀତ୍ରି ଉକିତେସି ନାନୁ ର ହୁକା ହାଗୁତି ଦାବ୍ତିତା ରିତାଣି ମେସ୍ତେସ୍, ଏଞ୍ଜାଣାକି ତାଡେପୁରୁତି କୁଚିକାଡ଼ି ହାପକି ଆହାମାଚେ । ୨ ଏଞ୍ଜାସି ଏ ତାଡେପୁରୁ ଗାଡ଼ୁୟି ଦେବାଲିଏ ଏମ୍ବାଟି କାଜା ହଲୁତା ହନିଲେହେ ବୟ୍ ହଟାଞ୍ଜାଚେ, ଇଞ୍ଜା ଏ ହିତୁ ଗାଡ଼ୁୟି ବୟ୍ ତାକି ଝେଡ଼ା ଇଞ୍ଜା ହାଗୁ ଆଦେରି ଆଡେ । ୩ ଏ ବୟ୍ ଗପ୍‌ଏରିକା ହଟାନା ଦାବ୍ତିତା ଖାତୁ, ଏଞ୍ଜାସିକାକି ଦାବ୍ତିତି କାଚାକୁପିତା ମାନି ବାସାତି ବାଡ଼ୁୟି ହାପକିଆଡେ । ୪ ଏଫ୍ରି ଦାବ୍ତିତି ମାର୍‌କା ଗଚା ଜାଡ଼ାତି ନସ୍ତୁ କିଆନା, ଆମ୍ବାଆରି ମୁଞ୍ଜୁତା ମାହାପୁରୁତି ବୁଡୁ ମୁଦ୍ରା ହିଲାଆଚେ ଏଞ୍ଜାଚାଈ କସ୍ତ ହାହାଲି ଏଲେଇଞ୍ଜାସି ଆଡେ । ୫ ଏଞ୍ଜାଚାଈ ପାୟାଆନା ପାସା ଲେଞ୍ଜୁ ତାକି କସ୍ତ ହାହାଲି ଗପ୍‌ଏରିକାକି ଅଦିକାରା ହାପକିଆଡେ, କାଚାକୁପି କାଚିତେ ଇଚିସାରେ ଏନିକ୍ ବାସା ଆନେ ଏ କସ୍ତ ଏଲେତାୟି । ୬ ଏଚିବେଲେ ଲକୁ ହାହାଲି ଅଣ୍ଡିପିନେରି ସାମା ହାଅରି, ଏଞ୍ଜାରି ହାହାଲି ଅଣ୍ଡିପିନେରି, ସାମା ହାକି ଏଞ୍ଜାରି ତାଣାଟି ହଟାଡ଼ୁହନେ ।

୭ ଏ ଗପ୍‌ଏରିକା ଜୁଜୁତା ହାଜାଲି ତିୟାରା ଆହାମାନି ଗଡ଼ାୟି ଲେହେ ତଞ୍ଜାଆହିମାତୁ, ଏଞ୍ଜାସିକା ତାକାଣା ବାଂଗାରା ଚପେରି ଲେହେ ପିଡ଼ିରି ଆହାମାଚେ, ଏଞ୍ଜାସିକା ମୁମ୍ବୁ ମାଣସି ମୁମ୍ବୁ ଫୁଲହେ ମାଚେ । ୮ ଇୟାସିକା ତାୟି ରୁଣାୟି ଲେହେ ଏଞ୍ଜାସିକା ବାଣାୟି, ସିହି କ୍ଷାନ୍ତିତି ପାଲୁକା ଲେହେତି ତାନି ପାଲୁକା ମାତୁ । ୯ ତାନି ବକତା ଲହ ପାଟା ଲେହେତି ପାଟା, ତାନି ମାରାୟି ଖାତିମାନି ହାଡ଼ା ଜୁକୁ ତାକି ଗଡ଼ାୟି ରାତାୟିଣି ରେଜା ଅହିମାନି ଲେହେତି ହାଡ଼ା । ୧୦ କାଚାକୁପିତି ଲେଂଗୁଣି ଇଞ୍ଜା ବାସା ସୁଜା ଲେହେ ଏଞ୍ଜାସିକାକି ଲେଂଗୁଣି ଅଡେ ବାସା ସୁଜା ମାଚେ, ପାସା ଲେଞ୍ଜୁ ତାକି ମାଣସିୟାଈ ସାସି ହିୟାଲି ଏଞ୍ଜାସିକା ଲେଂଗୁଣିକାଣା ବାଡ଼ୁୟି ବେଟାଆହାମାତୁ । ୧୧ ଏଞ୍ଜାସିକା ମୁହେ ର ରାଜା ସାଲୁଫି କିହିମାନେସି, ଏଞ୍ଜାସି ତାଡେପୁରୁ ଗାଡ଼ୁୟି ଦୂତୁ, ଏଦାନି ଦରୁ ଏଡ଼ି ହାଡ଼ାତଲେ ଆବାଦନ୍ ଅଡେ ଗ୍ରିକ୍ ହାଡ଼ାତଲେ ଅପ୍ଲିୟନ୍ ଇଚିସାରେ “ନାସା କିନାଇ ।”

୧୨ ତଲିତି ଆଜିହସପତି ତଣ୍ଡ ଉଣା ଆଡେ ଅଡେ ଜଡେକା ଆଜିହସପତି ତଣ୍ଡୟି ଖାହିମାତୁ ।

୧୩ ସ ଲମ୍ବର ଦୂତୁ ତୀତ୍ରି ଉକିତେସି, ଇଞ୍ଜା ନାନୁ ମାହାପୁରୁ ନକିତି ବାଂଗାରା ପୂଜା ପିଣ୍ଡାତି ସାରିଗଟା କମ୍‌କା ବିତ୍ରାଟି ର ହାଡ଼ା ଝେଚେସ୍ । ୧୪ ଏଡ଼ି ତୀତ୍ରି ଆସାମାନି ସ ଲମ୍ବର ଦୂତୁଈ ଏଲେଇଚେ, “ପରାଡ଼ କାଜା କାତାତା ଦସ୍ତି ଆହାମାନି ସାରି ଜାଣା ଦୂତୁୟିଈ ପିସ୍ତି କିମ୍ ।” ୧୫ ଏମ୍ବାଟିଏ ମାଣସିୟାଈ ତାନି ବାଗାଟି ର ବାଗା ଲକୁଈ ପାୟାଲି ତାକି ତିୟାରା ଆହାମାନି ଆମିନି ସାରି ଜାଣା ଦୂତୁୟିଈ ଏ ଦିନା, ଲେଞ୍ଜୁ, ଅଡେ ବାସା କିଫ୍ରି ଆହାମାଚେ ଏଞ୍ଜାଚାଈ ପିସ୍ତି କିଫ୍ରିଆଡେ । ୧୬ ଗଡ଼ାୟି ଲାକ କୁଗାନା ଜୁକୁ କିନାରି ରା କିଟି ମାଚେରି ନାନୁ ଝେଚେସ୍ । ୧୭ ଅଡେ ନାନୁ ଗଡ଼ା ଇଞ୍ଜା ଏମ୍ବାଆଁ ହଟାମାନାରାଇ ମେସ୍ତେସ୍, ଏଞ୍ଜାରି ବକ ପାଟା ହିତୁ ଅଡେ ନାଲି, ହାଜେରି ଖାଣା; ଗଡ଼ାୟିତି ତାକା ସିହିକ୍ଷାନ୍ତି ତାକା ଲେହେ, ଇଞ୍ଜା ଏଞ୍ଜାସିକା ଗୁଚିଟି ହିତୁ, ବୟ୍, ଅଡେ ଗାନ୍‌ଗୁଣ୍ଡା ହଟିମାଚେ । ୧୮ ଏଞ୍ଜାସିକା ଗୁଚିଟି ହିତୁ, ବୟ୍, ଅଡେ ଗାନ୍‌ଗୁଣ୍ଡା ଲେହେ ଈ ତାନିଗଟା ତଣ୍ଡୟି ହଡ଼ୁ, ଈ ତଣ୍ଡୟିଟି ମାଣସିୟା ତାନି ବାଗାଟି ର ବାଗା ପାୟାଫ୍ରି ଆଡେରି । ୧୯ ଏନାଆଁତାକି ଇଚିହି ଗଡ଼ାୟିତି ବାଡ଼ୁୟି ତାନି ଗୁଚି ଅଡେ ଲେଂଗୁଣିତା ମାଚେ, ଇଚିହି ଏଞ୍ଜାସିକା ଲେଂଗୁଣିକା ତାୟି ଗୁାଟି ରାତୁ ଲେହେ ମାତାକି ତାନି ଲେଂଗୁଣିକା ତଲେ ଲକୁଣି ନସ୍ତୁ କିହିମାତୁ ।

୨୦ ଆମିନି ଲକୁ ଈ କସ୍ତତଲେ ପାୟାଫ୍ରି ଆହା ହିଲାଆଚେରି, ଏଞ୍ଜାରି ତାନି କେୟୁତଲେ କିତି କାମାତାକି ମନ୍ ଝେଟ୍‌ପି କିଆଚେରି, ଇଚିହି ବୁତୁୟିଣି ପୂଜା, ଅଡେ ମେସାଲି, ଝେଞ୍ଜାଲି, ତାକାଲି ଆଡ଼ାଆଗାଟି ବାଂଗାରା, ଝେଣ୍ଡି, ପିତାଡ଼ା, ଖାଲୁକା ଅଡେ ମାର୍‌କା ତଲେ କେପିତି ପେଣକା ବମାୟିଣି ପୂଜା କିହାଲି ପିହିଆଚେରି । ୨୧ ଅଡେ ଏଞ୍ଜାରି ଲକୁଣି ପାୟନାୟି, ଗୁଣି ଗାବ୍ଡି, ଦାରିକାମା, ଅଡେ ସରୁ କାମା କିନିତାଣାଟି ମନ୍ ଝେଟ୍‌ଆଚେରି ।

୧୦

ଲୀକପୁରୁତି ଦୂତୁ ଅଡେତ ରୂପିତି ଉଣା ପତି

^୧ ଏଚେଟିଏ ନାନୁ ର ବାଡ଼ୁୟାଗାଟି ଦୂତୁଲ୍ ଲୀକପୁରୁତି ରେତା ଖାହିମାଚାଣି ମେସ୍ତେଏ, ଏଦାନି ସାରିସ୍ତୁ ଦୁହା ଇଞ୍ଜା ତାନି ତାୟ୍ ଲୀକ ଦାରଣାକି ଅଡେତ ତାନି ମ୍ମୁ ଝେଡ଼ା ଲେହେଁ ଅଡେତ ତାନି କତାୟାଁ ହିତୁ ମ୍ମୁଣ୍ଡାଲେହେଁ ତଞ୍ଜାଆହିମାତୁ; ^୨ ତାନି କେୟୁତା ଦେପି ଆହାମାନି ର ଉଣା ତଲ୍ଲୁ ପତି. ଏଦି ତାନି ଚିଠିନି କତା ସାମ୍ମୁରୁତିତା ଅଡେତ ଚେଟ୍ଟି କତା ଦାରୁତିତା ଇଟାମାଚେ; ^୩ ସିହ୍‌କ୍ଳାଠିନି ଗାଜ୍ ନିଲେହେଁ କାଜା ହାଡ଼ାତଲେ ହାଡ଼ିତେ, ଏଦି ହାଡ଼ାଲିଏ ଏଲେକିହ୍ ଏ ସାଡ଼ାଗଟା ହାଗୁ ଗୁଣନାଲ ତାନି ହାଡ଼ା ଝେଜ୍ କିତୁ । ^୪ ଏ ସାଡ଼ାଗଟା ହାଗୁ ଗୁଣନାଲ ଝେସାଲିଏ ନାନୁ ରାଡ଼ିଲ୍ ଇଞ୍ଜା ତିୟାରା ଆଡେତଏ, ଏଚେଟିଏ ନା ତାକି ହାଗୁଟି ଇ ହାଡ଼ା ଝେଚେଏ, ଏ ସାଡ଼ାଗଟା ହାଗୁ ଗୁଣନିତାଣାଟି ଏନାଆଁ ଝେଞ୍ଜାମାଞ୍ଜି ଏଦାଆଁ ରାଡ଼ାଆନା ତୁକୁହା ଇଟାମ୍ମୁ ।”

^୫ ଏଚେଟିଏ ଆମିନି ଦୂତୁଲ୍ ସାମ୍ମୁରୁତି ଅଡେତ ଦାରୁତି ଲୀକ ନିଚାମାଚାଣି ନାନୁ ମେସାମାଚେଏ, ଏଝାସି ତାନି ଚିଠିନି କେୟୁ ଲୀକପୁରୁ ଝାକି ଦାସାନା ^୬ ଆମ୍ମାଆସି ଲୀକପୁରୁ, ଦାରୁତି, ସାମ୍ମୁରୁତି, ଅଡେତ ଏମ୍ମାଆଁ ମାନାଣି ବାରେ ଗାଡ଼ି କିହାମାନେସି, ଏ କାଟଲେଏ ତାକି ନୀତାମାନାଣି ଦରୁଚି ପାର୍ମାଣା କିହାନା ଏଲେଇଚେସି, “ଅଡେତ ଝେଡ଼ା ଆଏଦେ” ^୭ ଏଚିବେଲାତା ସାଡ଼ା ଲମ୍ବୁର ଦୂତୁ ତୀଡ଼ି ଉକିନେ, ମାହାପୁରୁ ଅଣପୁତି ବଲ୍ଲ ଝେକ୍‌ନାରି ଅଡେତ ତାନି ସେବା କିନାରାଲ୍ ନେହ୍ କାତୁ ଝେସାମାଚେସି, ଏଚିବେଲା ମାହାପୁରୁ ତାନି ତୁଗ୍ମାମାନି ଅଣପୁ ପୂରା କିନେସି ।

^୮ ଇଞ୍ଜା ନାନୁ ଲୀକପୁରୁଟି ଆମିନି ହାଡ଼ା ଝେଞ୍ଜା ମାଚେଏ, ଅଡେତ ଝେଶ୍ଟେ ନା ତାକି ଏଲେଇଞ୍ଜି ଝେଜ୍‌ଚେ, “ହାଲାମ୍ମୁ, ସାମ୍ମୁରୁତି ଅଡେତ ଦାରୁତି ଲୀକ ନିଚାମାନି ଦୂତୁ କେୟୁତା ଆମିନି ତଲ୍ଲୁ ପତି ଦେପିଆହାମାନେ ଏଦାଆଁ ଅମ୍ମୁ ।” ^୯ ଏଚେଟିଏ ନାନୁ ଏ ଦୂତୁ ତାଗେ ହାଜାହାଁ ଏ ଉଣା ତଲ୍ଲୁ ପତିତି ରାସ୍ତେଏ, ଏଝାସି ନାଜେ ଏଲେଇଞ୍ଜାଚେସି, “ଇଦାଆଁ ଅହାଁ ତିନାମ୍ମୁ: ଇଦି ନୀ ବାଣ୍ଡିତି କାମ୍ମେଲି କିୟାନେ ସାମା ନୀ ଗୁତି ତାକି କିରୁୟାଁ ଲେହେଁ ଆଡେନ ।” ^{୧୦} ଏଚେଟିଏ ନାନୁ ଦୂତୁ କେୟୁଟି ଏ ଉଣା ତଲ୍ଲୁ ପତି ଅହାଁ ତିଚେଏ, ଏଦି ନା ଗୁତି ତାକି କିରୁୟାଁ ଲେହେଁ ଆଡେ, ସାମା ଏଦାଆଁ ତିତି ତାୟୁ ନା ବାଣ୍ଡି କାମ୍ମେଲି ଆହାହାଚେ ।

^{୧୧} ଏଚେଟିଏ ନାଜେ ଏଲେଇଞ୍ଜି ଝେସ୍ତାଚେସି ହାଚେରକା ଗତି, କୁଡ଼ା, ହାଡ଼ା ଗାଟାରି ଅଡେତ ରାଜାୟାଁ କପାତି ତାୟୁ ଏନାୟି ଗଟଞ୍ଜି ଆଡେନ ଏଦାଆଁ ନାନୁ ଅଡେତ ଝେଶ୍ଟେ ଝେହ୍‌ନାୟି ମାନେ ।

୧୧

ରିଆରି ସାକି ହାନାରି

^୧ ଏଚେଟିଏ ନାଜେ ଲାଡ଼ିନି ଲେହେଁତି ର ବାଡ଼ୁଗା ହୀପ୍‌କିଆଡେ, ରଅସି ନାଜେ ଏଲେଇଞ୍ଜାଚେସି, “ହାଲାମ୍ମୁ, ମାହାପୁରୁ ଦେଝୁଡ଼ି, ପୂଜାପିଣ୍ଡା ଲାଡ଼ାମ୍ମୁ ଅଡେତ ଆମ୍ମାଆରି ଏମ୍ମାଆଁ ପ୍ରାଡ଼ାନା କିନେରି ଏଝାରାଲ୍ ଏଜିକିମ୍ମୁ । ^୨ *ସାମା ଦେଝୁଡ଼ି ପାଜାଟି ଆ*ଗେଣିତି ପିହ୍‌ମ୍ମୁ ଏଦାଆଁ ଲାଡ଼ାଆନି, ଇଚିହ୍ ଏଦି ଜୀହୁଦିଆଆତାରାକି ହୀପ୍‌କି ଆହାମାନେ, ଏଝାରି ରୀ କଡ଼ି ରୀ ଲେଞ୍ଜୁ ପାଚେକା ମାହାପୁରୁ ସୁଦୁ ଗାଡ଼ାତି କତାତଲେ ଝିସାନା ଦୁଡ଼ି କିନେରି । ^୩ ଅଡେତ ନାନୁ ନା ରୀ ସାକିୟାଁଲ୍ ପାଣ୍ଡିଲ୍ ଏଝାରି ବାସ୍ତାୟାଁ ପରହାନା ୧.୨୬୦ ଦିନା ପାଚେକା ମାହାପୁରୁ ଅଣପୁତି ବଲ୍ଲ ଝେକ୍‌ନେରି ।”

^୪ ଏଝାରି ଦାରୁତିତି ପ୍ରତୁତି ନକିତା ନିଚାମାନି ରୀ ଜୀତ ମାରୁକା ଅଡେତ ରୀ ଦୀଞ୍ଜି ସଡ଼ାୟାଁ ଲେହେଁତାରି । ^୫ ଆମ୍ମାଆସି ଏଝାରାଲ୍ ନସ୍ତୁ କିହାଲି ଅଣପିନେସି, ଆଚିହ୍ ଏଝାରି ଗୁତିଚି ହିତୁ ହଡ଼ାହାଁ ଏଝାରି ସାଡ଼ୁୟାଁଲ୍ ନାସାକିନେ, ଆମ୍ମାଆସି ଏଝାରାଲ୍ ନସ୍ତୁ କିହାଲି ଅଣପିତିହ୍, ଏଝାସି ନାସା ଆଡେନସି । ^୬ ଏଝାରି ମାହାପୁରୁ ବଲ୍ଲ ଝେକ୍‌ନାରି ଏନିକି ପିୟୁ ଆଏ ଏଦାଆଁତାକି ହାଗୁଚି ସୁଣ୍ଡାଲି ଅଦିକାରା ହୀପ୍‌କି ଆହାମାନେ, ଏଚର ଦେବା ଏଝାରି ମନ୍ ଆନେ ଏଚର ଦେବା ଏଝାରି ଏୟୁଣି ନେତେରି ମିୟୁହାଲି ଅଡେତ ଦାରୁତିତି ଏଦି ଇଚି ଏଲେତି ମରୁଡ଼ି ତଲେ ତଣ୍ଡ ହାହାଲି ଏଝାରାକି ଅଦିକାରା ମାନେ ।

^୭ ଏଝାରି ସାକି ହାହାଲି ରାଡ଼ି ତାୟୁ ତାଡେତପୁରୁ ଗାଡ଼ୁୟାଁ ର ଜନ୍ତ ହଡ଼ାଝାହାନା, ଏଝାରିତଲେ ଜୁଜୁ କିନେ । ^୮ ଏମ୍ମାତି ଏମିନି କାଜା ଗାଡ଼ା ସୁଦୁଜୀଞ୍ଜୁ ତଲେ ସଦମ ଅଡେତ ମିସର ଇଞ୍ଜା ଇନେରି, ଏମିନିତାଣା ତାନି ପ୍ରତୁ ଜିକେଏ ପାସିତା ହାହାମାଚେସି, ଏ କାଜା ଗାଡ଼ାତି ଆ*ଗେଣିତା ଏଝାରି ମାଡ଼ୁହାୟାଁ ତୟିନୁ । ^୯ ଅଡେତ ବାରେ ଦେସା ଗତି, ହାଡ଼ା, ଇଞ୍ଜା କୁଲୁତି ଲକୁ ତାନିଦିନା ଆଦା ପାଚେକା ଏଝାରି

* ୧୧:୨ ୧୧:୨ ଲୁକ ୨୧:୨୪ * ୧୧:୨ ୧୧:୭ ଝେ ବଲ୍ଲ ୧୩:୫-୭; ୧୭:୮

ମାଡ଼ହାୟାଁଇଁ ମେହନେରି ଅଡ଼େ ଏ ମାଡ଼ହାୟାଁଇଁ ମୁସାଲି ହେଲ ହାଅରି । ୧୦ ଏଚେଟିଏ ଦାଡ଼ତିତା ବାସା ଆହାମାନାରି ଏଝାରି ହାଡ଼ି କାଡ଼ୁ ଝେଞ୍ଜାନା ତିଞ୍ଜି ଉଣ୍ଣିହଁ ରାହଁ କିନେରି, ଅଡ଼େ ରଅସି ରଅଣାକି ରାହଁତଲେ ବେଟୁ ହାପୁକି ଆନେରି, ଇଚିହଁ ଈ ରୀ ମାହାପୁରୁ ଅଣପୁତି ବଲ୍ଲୁ ଝେହନାରି ଦାଡ଼ତିତି ଲକ୍ଷୁଣି କସ୍ତ ହାହିମାଚେରି । ୧୧ ତାନିଦିନା ଆଦା ତାୟୁ ମାହାପୁରୁ ତାଣାଟି ଜୀଝୁତି ଗାଲି ଝାହଁ ଏଝାରି ଆଜ୍ଞାତା ହଚେ, ଏଚେଟିଏ ଏଝାରି କର୍ତ୍ତାଣି ବାଡ଼ୁୟୁ କିହାନା ନିଚେରି, ଅଡ଼େ ଆମ୍ବାଆରି ଈ କାମାତି ମେସ୍ତେରି ଏଝାରି ଆଜ୍ଞାହାଚେରି । ୧୨ ଏଚେଟିଏ ଏଝାରି ଲାକପୁରୁଟି ର କାଜା ହାଡ଼ାତଲେ ଏ ରିଆରାକି ଏଲେ ଇଞ୍ଜିମାଚାଣି ଝେଚେରି, “ଇମ୍ବାଆଁ ଝାଡ଼ୁ” ଏଚେଟିଏ ଏଝାରି ତାନି ସାଡ଼ୁୟାଁ ଏଝାରାଇଁ ମେସ୍‌ପନିଏ ଦୁହାଁ ତଲେ ଲାକପୁରୁ ହାଚେରି । ୧୩ ଏ ଦେବୁଣିଏ ବୁମି ହାଚେରକା ଝାଡ଼ିତେ ଅଡ଼େ ଗାଡ଼ାତି ଦସ ବାଗାଟି ର ବାଗା ନାସା ଆଡ଼େ, ଅଡ଼େ ୭,୦୦୦ ଲକ୍ଷୁ ହାଡ଼େରି, ଇଞ୍ଜାଁ ଏଚେକା ଲକ୍ଷୁ ନୀତାମାଚେରି ଆଜିତାକି ଲାକପୁରୁଟି ମାହାପୁରୁଇଁ ଗାଝୁରମି କିଚେରି ।

୧୪ ରୀ ଲମ୍ବର ଆଜିହଚପତି ତଣ୍ଡ ରାଚେ, ସାମା ତାନି ଲମ୍ବର ଆଜିହଚପତି ତଣ୍ଡ ତବେ ଝାହିମାନେ ।

ସାତା ଲମ୍ବର ତାଡ଼ି ମହୁରି

୧୫ ତାୟୁ ସାତା ଲମ୍ବର ଦୁଡ଼ୁ ତାଡ଼ି ଉକିଚେସି ଇଞ୍ଜାଁ ଲାକପୁରୁ କାଜା ହାଡ଼ାତଲେ ଈ ହାଡ଼ା ଝେଜିଚେ, “ମା ପୁରୁ ଅଡ଼େ ଏଝାଣି ମସିହା ଦାଡ଼ତିତି ସାଲୁଝି କିନି ଅଦିକାରା ନୀଏଁ ତାନି କେୟୁତା ଅହାମାନେସି, ଏଝାସି କାଲେଏ ତାକି ରାଜି କିନେସି ।” ୧୬ ଏଚେଟିଏ ମାହାପୁରୁ ନକିତା ଜାହା ଜାହାରା ସିଂଗାସାଣିତା କୁଗାମାନି କଡ଼େ ସାରି ଜାଣା ପ୍ରାଚିନାଜା ମୁରୁ କୁତାହାଁ ମାହାପୁରୁଇଁ ଜହରା କିହାଁ, ୧୭ ଏଲେଇଚେରି, “ପୁରୁ, ବାରେକିହାଁ ବାଡ଼ୁୟୁଗାଟି ମାହାପୁରୁ, ନୀନୁ ନୀଏଁ ଅଡ଼େ ତଲିତାତି, ମାମ୍ବୁ ନିଜେ ଜହରା କିହିମାଞ୍ଜାନମି; ଏନାଆଁତାକି ଇଚିହଁ ନୀନୁ ନୀ କାଜା ବାଡ଼ୁୟୁ ତଲେ ସାଲୁଝି କିୟାଲି ଅଦିକାରା ନୀଞ୍ଜୁଟିଏ ଅହାମାଞ୍ଜି

୧୮ ଜୀହୁଦିଆଆଡ଼ାରି କାରବି ଆହାମାଚେରି, ସାମା ନୀଏଁ ନୀ କପା ଆନି ଦିନା ଝାଚେ, ଇଞ୍ଜାଁ ହାଡ଼ାରି ନୀଏଁ ନୀହାୟି କିଝିଆନେରି, ଇଞ୍ଜାଁ ନୀ ହଲିୟାଜା ମାହାପୁରୁ ଅଣପୁତି ବଲ୍ଲୁ ଝେହନାରି, ମାହାପୁରୁ ଲକ୍ଷୁ, ଅଡ଼େ ନୀ ଦରୁତି ଆଜିନି କାଜାରି ଇଚାରି ବାରେ ଲକ୍ଷୁ ଦାନ୍ତା ବେଟାଆନେରି, ଅଡ଼େ ଆମ୍ବାଆରି ଦାଡ଼ତିତି ନାସା କିନେରି ଏଝାରି ଜିକେଏ ନାସା ଆନେରି ।”

୧୯ ଏଚେଟିଏ ଲାକପୁରୁ ମାନି ମାହାପୁରୁଟି ଇଲୁତି ଦାରା ଦେପିଆଡ଼େ, ଅଡ଼େ ତାନି ଇଲୁତା ମାନି ରାଜିମାନାତି ପେଡ଼ା ତଞ୍ଜାଆଡ଼େ, ଅଡ଼େ ବିଲିବାଲା ମୁହନାୟି, ହାଚେରକା ଗିୟାଁ, ହାଗୁ ଗୁଣ୍ଡିନି ହାଡ଼ା, ଇଞ୍ଜାଁ ବୁମି ଝାଡ଼ିତେ ଅଡ଼େ ହାଚେରକା ଆଜିୟାଁ ରିଡ଼ୁ ।

୧୨

ଆୟାଟି ଅଡ଼େ ରାଡ଼ୁ

୧ ତାୟୁ କାବାଆନି ଲେହେଁତି ସିନା ହାଗୁତା ତଞ୍ଜାଆଡ଼େ, ର ଆୟାଟି ଲେଞ୍ଜୁ ଲାକ ନିତାମାଚେ ଅଡ଼େ ଝେଡ଼ାତି ଉଜେଡ଼ି ପବହାମାଚେ । ଏଦାଣି ତାୟୁଁ ତୁ ବାଚଗଟା ହୁକାୟାଁଗାଟି ଟପେରି ମାଚେ । ୨ ଏଦି ପୁରା ମାସା ଆହାନା ଜାନି କିନି ବେଲାତା ଲୁଞ୍ଜିନି ବାସା ତାକି କସ୍ତ ବେଟାଆହିମାଚେ ।

୩ ଏଚିବେଲା ହାଗୁ ଲାକ କାବାଆନି ର ସିନା ତଞ୍ଜାଆଡ଼େ, ଏମ୍ବାଆଁ ପାଡ଼ୁ ଝାଣାଗାଟି କାଜା ରାଡ଼ୁ ଏ ରାଡ଼ୁକି ସାଡ଼ାଗଟା ତାକାଁ, ଇଞ୍ଜାଁ ଦସଗଟା କମକା, ଅଡ଼େ ତାକାଁ ଲାକ ସାଡ଼ାଗଟା ଟପେରିକା ମାଡ଼ୁ । ୪ ତାନି ଲେଂଗୁଣି ତଲେ ହାଗୁତି ତାନି ବାଗା ହୁକାୟାଁଣି ଦାଡ଼ତି ଲାକ ମେଡ଼ହେ, ଇଞ୍ଜାଁ ଏ ରାଡ଼ୁ, ଜାନି କିନି ଦେବୁଣିଏ ଇୟାନି ତାଲୁତି ଗୁସାଲି ଏଦାନି ନକିତା ନିଚେ । ୫ ଆମ୍ବାଆସି ବାରେ କୁଡ଼ାତି ଲକ୍ଷୁଣି ଲହୁ ବାଡ଼ୁଗା ତଲେ ସାଲୁଝି କିନେସି ଇଲେଚି ର କକାଣି ତାଲୁଇଁ ଏ ଇୟା ଜାନି କିଚେ, ଅଡ଼େ କକାଣି ତାଲୁଇଁ ମାହାପୁରୁ ଇଞ୍ଜାଁ ତାନି ସିଂଗାସାଣି ନକିତା ପେରହା ଅଝିଆଡ଼େ । ୬ ଅଡ଼େ ଏ ଇୟା ଲକ୍ଷୁ ହିଲାଆ ବାଗାତା ହଚେ, ଏମ୍ବାଆଁ ୧,୨୭୦ ଦିନା ପାତେକା ପହିକିଝି ଆୟାଲି ମାହାପୁରୁ ତାଣାଟି ଏମ୍ବାଆଁ ଏଦାନାକି ର ଚାୟୁ କେପି ଆହାମାଚେ ।

☆ ୧୧:୧୩ ୧୧:୧୩ ଝେ ବଲ୍ଲୁ ୭:୧୨; ୧୭:୧୮ ☆ ୧୧:୧୯ ୧୧:୧୯ ଝେ ବଲ୍ଲୁ ୮:୫; ୧୭:୧୮; ଝେ ବଲ୍ଲୁ ୧୭:୨୧

୭ ଏମ୍ବାଟିଏ ଲାକପୁରୁ ଜୁଜୁ ଆଡେ, ମିକାୟେଲ ଅଡେ ତାନି ଦୁତୁୟାଁ ଏ ରାତୁ ତଲେ ଜୁଜୁ କିତୁ, ଏଚେଟିଏ ଏ ରାତୁ ଅଡେ ତାନି ଦୁତୁୟାଁ ଜିକେଏ ଜୁଜୁ କିତୁ । ୮ ସାମା ରାତୁ ଇଞ୍ଜାଁ ତାନି ଦୁତୁୟାଁ ଜୀଣା ଆହାଲି ଆଡାଆତୁ, ଇଞ୍ଜାଁ ଲାକପୁରୁ ଏଫି ଚାୟୁ ବେଟାଆଆତୁ । ୯ ଏଟିବେଲା ଦାରୁତି ନାଡିକିନି ପଲ୍ଲୁଆ ପେନୁ ଇଞ୍ଜାଁ ଯୟତାନ ଦରୁଟି ଝେଙ୍ଗିତି କାଜା ରାତୁ ଏ ପ୍ଲାଃଇ ନାଗା, ଏଡି ତାନି ଦୁତୁୟାଁ ତଲେ ଦାରୁତିତା ମେଡ଼ପି ଆଡେ ।

୧୦ ଏଚେଟିଏ ଲାକପୁରୁଟି ଏଲେଇଞ୍ଜି ର କାଜା ହାଡା ଝେଡେଏଁ, ନୀଏଁ ମାହାପୁରୁ ତାଣାଟି ଗେଲ୍‌ପିନାୟି ଏଗାଞ୍ଜାଡେ, ତାନି ରାଡି ଅଡେ ବାଡୁୟୁ ଇଞ୍ଜାଁ କ୍ରାସ୍ତତି ଅଦିକାରା ଝାହାମାନେ, ଇଚିହଁ ଆମିନି ସାତୁ ମା ତାୟି ତାଙ୍ଗିୟା କପାଟି ନିଙ୍ଗାନା ଲାଆଁ ମାଦେନା ମାହାପୁରୁ ନକିତା ଦାଞ୍ଜା କିହିମାଚେ, ଏଡି ଲାକପୁରୁଟି ଦାରୁତିତା ମେଡ଼ପି ଆହାମାନେ । ୧୧ ଏଞ୍ଜାରି ମୋଣ୍ଡା ତାଲୁତି ନେତେରି ତଲେ ଅଡେ ଝେକହାମାନି ସାତା କାତାତଲେ ଜୀଣା ଆହାମାନେରି ଇଞ୍ଜାଁ ଏଞ୍ଜାରି ହାହାଲିତାକି ଜିକେଏ ତାନି ଜୀଞ୍ଜୁଇଁ ଜୀଞ୍ଜୁ ନହାଁ ହିଲାଆଡେରି । ୧୨ ଏଦାଆଁତାକି ଏ ଲାକପୁରୁ ଅଡେ ଏମ୍ବାଆଁ ବାସା ଆହାମାନାଡେରି ରାହାଁ ଆଦୁ, ସାମା ଦାରୁତି ଅଡେ ସାମପୁରି ମୀରୁ ତଣ୍ଡ ବେଟା ଆନାଡେରି ଏନାଆଁତାକି ଇଚିହଁ ତାନି ବେଲା ହାଡେକା ଡଣା ମାନେ ଇଞ୍ଜାଁ ପୁଞ୍ଜାନା ପଲ୍ଲୁଆ ପେନୁ ଯୟତାନ ହାଡେକା କପାତଲେ ମୀ ତାଣା ରେଟା ଝାହାମାନେ ।

୧୩ ରାତୁ ଜାହାରାଇଁ ଦାରୁତିତା ମେଡ଼ପି ଆହାମାନାଣି ମେସାନା ଏ କକାଣି ତାଲୁଇଁ ଜାନିଁ କିତି ଇୟାନି ଜେଡ ଜେଡ ପେଡହା ଅଡେ । ୧୪ ଏଚେଟିଏ ଏ ଇୟା ରାତୁ ଗୁଡିଟି ଏନିକଁ ଗେଲ୍‌ପିଆହାଁ ତାନି ବାସା ସ ଲେଞ୍ଜୁ ପାତେକା ପହିକିଞ୍ଜି ଆନେ, ଏଦାଆଁତାକି ଲକୁ ହିଲାଆ ବାଟାଟି ତାନି ଚାୟୁତା ଉମ୍ବାହାଜାଲି ଲେଡ଼ତୁ ରୀ ମାରାୟାଁ ହାପକି ଆତୁ । ୧୫ ଏଚେଟିଏ ଏ ଇୟାନି ଅଫି କିୟାଲି ରାତୁ ତାନି ଗୁଡିଟି ର କାଜା କାତା ଏୟୁ ହପୁହେ । ୧୬ ସାମା ଏ ଇୟାନି ସାୟେନି କିହାଲି ଦାରୁତି ତାନି ଗୁଡିଟି ଦେଚାନା ରାତୁ ଗୁଡିଟି ହଡି କାତା ଏୟୁଣି ଗୁସ୍ତେ । ୧୭ ଏଚେଟିଏ ରାତୁ ଏ ଇୟାନି ହାଡେକା କପା ଆହାଁ ତାନି କୁଡାତାରି ଏଚେକା ଲକୁ ମାହାପୁରୁଟି ହୁକୁମି ମାନଞ୍ଜି ଆହାଁ ଜୀସୁତି କାତା ଝେସିମାନେରି, ଏଞ୍ଜାରିତଲେ ଜୁଜୁ କିହାଲି ହାଚେ । ୧୮ ଇଞ୍ଜାଁ ରାତୁ ସାମପୁରି ଗାରୁତି ବାଃଲିତା ନିଡେ ।

୧୩

ରୀ ଜନ୍ତୁୟାଁ

୧ ଏଚେଟିଏ ନାନୁ ସାମପୁରି ମାଦିତି ହଡାଞ୍ଜାହିମାନି ର ଜନ୍ତୁ ମେସ୍ତେଏଁ, ଏଦାନାକି ଦସଗଟା କମ୍‌କା ଅଡେ ସାଡାଗଟା ତାକାଁ, ତାନି କମ୍‌କାଣା ଦସଗଟା ଚଡ଼ପେରିକା ଇଞ୍ଜାଁ ତାକାଁ ଲାକ ମାହାପୁରୁ ନିନ୍ଦାକିନି ର ର ଦରୁକା ମାରୁ । ୨ ଏ ଜନ୍ତୁ ତାରିରେଇଞ୍ଜାଁ ଛାଃନି ଲେହେଁ ତଞ୍ଜାଆହିମାଚେ, ତାନି କଡାୟାଁ ଅଃଅଡି କଡାୟାଁ ଲେହେଁ ଇଞ୍ଜାଁ ଗୁଡି ସିହଁକ୍ବାଃନି ଗୁଡି ଲେହେଁ ଏ କାଜା ରାତୁ ଜନ୍ତୁକି ତାନି ବାଡୁୟୁ, ସିଂଗାସାଣି, ଅଡେ ବାରେ ଅଦିକାରା ହାଡେ । ୩ ଏ ଜନ୍ତୁଟି ତାୟୁଁ ତୁ ଆମିନି ହାନିଲେହେଁଟି ଗାହାଁ ତଞ୍ଜାଆହିମାଚେ, ସାମା ଏ ଗାହାଁ ନେହଁ ଆଡେ, ଅଡେ ଦାରୁତିତା ମାନାରି ବାରେ କାବା ଆହାଁ ତାନି ଜେଡ ହାଚେରି । ୪ ଅଡେ କାଜା ରାତୁ ଜନ୍ତୁକି ତାନି ଅଦିକାରା ହାଡାକି ଏଞ୍ଜାରି ରାତୁଇଁ ଜହରା କିଚେରି, ଏଞ୍ଜାରି ଏ ଜନ୍ତୁଇଁ ଜିକେଏ ଜହରା କିହାଁ ଏଲେଇଚେରି, “ଆମ୍ବାଆସି ଇ ଜନ୍ତୁ ଲେହେଁ ଆନେସି ଅଡେ ଆମ୍ବାଆସି ଏଦାଣି ତଲେ ଜୁଜୁ କିହାଁ ଜୀଣା ଆନେସି ।”

୫ ଏଦାନାକି ଆଙ୍କାରା ଅଡେ ମାହାପୁରୁ ନିନ୍ଦାତି କାତା ଝେସାଲି ଗୁଡି ହାଞ୍ଜିଆଡେ, ଅଡେ ରୀ କଡି ରୀ ଲେଞ୍ଜୁ ପାତେକା ସାଲୁଞ୍ଜି କିୟାଲି ଅଦିକାରା ହାପକିଆଡେ । ୬ ଏମ୍ବାଟିଏ ଏଡି ତାନି ଗୁଡି ଏକ୍‌ହାନା ମାହାପୁରୁ ନିନ୍ଦା କାତା ଜଲାନା, ମାହାପୁରୁ ଦରୁ, ମାହାପୁରୁ ବାସାଆନି ଚାୟୁ, ଅଡେ ଲାକପୁରୁ ବାସା ଆହାମାନାରାଇଁ, ବାରେଟି ନିନ୍ଦା କିଚେ । ୭ ବାରେ ମାହାପୁରୁ ଲକୁଇଁ ଜୁଜୁ କିହାଁ ଜୀଣା ଆହାଲି ଅଦିକାରା ହାଞ୍ଜିଆହାମାଚେ, ଅଡେ ବାରେ ଗଟି, କୁଡା, ହାଡା, ଦେସା, ଲାକ ଅଦିକାରା ହାଞ୍ଜିଆହାମାଚେ । ୮ ଆମ୍ବାଆସି ଦରୁ ଦାରୁତିଟି ଗାଡି ଆଆ ନକେଏ ପୂଜା ମୋଣ୍ଡା ତାଲୁତି ଜୀଞ୍ଜୁଗାଟି ପତିତା ରାସକି ଆହାହିଲେଏ, ଦାରୁତିତା ବାସା କିହାମାନି ଏ ବାରେ ଲକୁ ଏ ଜନ୍ତୁଇଁ ଜହରା କିନେରି ।

୯ “ଆମ୍ବାଆରାକି କାକାଁ ମାନୁ ଏଞ୍ଜାସି ଝେଣ୍‌ମାସି ! ୧୦ ଆମ୍ବାଆସି ଦସାହାଁ ଅନେସି, ଏଞ୍ଜାସି ଏଲେକିହଁ ଏ ଦସପି ଆନେସି, ଆମ୍ବାଆସି କାଣ୍ଡାତଲେ ପାୟିନେସି, ଆତିହଁ ଏଞ୍ଜାସି ଏଲେଆହଁ ଏ କାଣ୍ଡାତଲେ ପାୟିଞ୍ଜି ଆନେସି, ଏଟିବେଲାତା ମାହାପୁରୁ ଲକୁତାକି ନାମୁ ଅଡେ ଅଡ଼ିହାନାୟି ଲଡାମାନେ ।”

୧୧ ଏତେଟିଏ ନାନୁ ର ଜନ୍ମକୁ ବୁଝି ବିଦ୍ରାଢ଼ି ହଟାଝାଡ଼ାଣି ମେସ୍ତେସ୍, ମେଣ୍ଡା ତାଲୁ ଲେହେଁ ଜଡ଼େକା କମକା, ଅଡ଼େ ଏଦି ରାତୁ ଲେହେଁ କାତା ଆହିମାତେ । ୧୨ ଏ ଜନ୍ମ ନକେଏତି ଜନ୍ମ ନକିତା ତାନି ବାଡ଼ୁୟୁ ତସାନା ଏମିନି ନକେଏତି ଜନ୍ମକି ହାନିଲେହେଁତି ଗାହ୍ନା ମାଡ଼ାମାତେ, ଏଦାନି ଜହରା କିହାଲି ଦାରୁତି ଅଡ଼େ ଏମ୍ବାଆଁ ବାସା ଆହ୍ମାମାନାରାଇଁ ବାଲାମାତମି କିନେ । ୧୩ ଏ ଜନ୍ମ କାବାଆନି କାମାୟାଁ କିନେ, ଏଦି ବାରେ ଲକୁ ନକିତା ହାଗୁରି ଦାରୁତିତା ହିତୁ ରିଝିକିନେ । ୧୪ ଇଞ୍ଜାଁ ଏ ତଲିତି ଜନ୍ମ ନକିତା ଆମିନି କାବାଆନି କାମା କିହାଲି ଅଦିକାରା ବେଟାଆହ୍ମାମାତେ, ଏମ୍ବାଟି ଦାରୁତିତା ବାସାଆହ୍ମାମାନି ଲକୁଣି ନାଡ଼ିକିହାଁ, ଆମିନି ଜନ୍ମ କାଣ୍ଡାତଲେ ଗାହ୍ନା ଆହ୍ମାମାଟି ଜିକେଏ ନୀଡ଼ିତେ, ଏଦାନି ର ବମା କିହାଲି ଏଝାରାଇଁ ଏଲେଇନେ । ୧୫ ଏ ଜନ୍ମତି ବମା ଏନିକିଁ ଜଲଲି ଆଡ଼ିନେ ଅଡ଼େ ଏଚେକା ଲକୁ ଜନ୍ମତି ବମାଟି ଜହରା କିଅରି, ଏଝାରି ଏନିକିଁ ପାୟୁଝି ଆନେରି, ଏଦାଆଁତାକି ତାୟୁତି ଜନ୍ମକି ତଲିତି ଜନ୍ମତି ବମାକି ଜୀଝୁ ହାହାଲି ଅଦିକାରା ହାପିକିଆଡ଼େ । ୧୬ ଅଡ଼େ ଏ ଜନ୍ମ ଉଣା, କାଜାରି, ବାଡ଼କୁ ଗାଟାରାଇଁ, ହାକି ଗାଟାରାଇଁ, ହଲିୟାଙ୍ଗା, ହଲିୟାଙ୍ଗା ଆଆତାରାଇଁ, ବାରେଜାଣାତି ତାମି ଚିଝିନି କେୟୁତା ଆଆତୁ ମୁଞ୍ଜୁତା ର ସିନା ଇଟା କତାଲି ବାଲାମାତମି କିନେ । ୧୭ ଅଡ଼େ ଏ ସିନା ଇତିହଁ ଜନ୍ମତି ଦରୁ ଆଆତୁଁ ତାନି ଦରୁତି ଲମ୍ବର ଇଟା କତାଆତି ଲକୁଣି ଏନାଆଁ କତାଲି କି ପାଟରାଲି ହୀଏ ।

୧୮ ଏ ବାରେତାକି ବୁଦି ଲଡ଼ାମାନେ, ଆମ୍ବାଆରାକି ବୁଦି ମାନେ ଏଝାସି ଏ ଜନ୍ମତି ଲମ୍ବର ଏଜିକିପାସି, ଏନାଆଁତାକି ଇତିହଁ ଏଦି ର ମାଣସିତି ଲମ୍ବର ଅଡ଼େ ଏ ଲମ୍ବର ଆହିମାନେ ସ ଝାଞ୍ଜା ତାନିକଡ଼ି ସ ।

୧୪

ମେଣ୍ଡା ତାଲୁ ଅଡ଼େ ତାନି ଲକୁ

୧୯ ଏତେଟିଏ ନାନୁ ସିନିକିହାଁ ମେସ୍ତେସ୍, ଅଡ଼େ ମେଣ୍ଡା ତାଲୁ ସିୟନ ହରୁତା ନିଚାମାନେ, ଅଡ଼େ ଆମ୍ବାଆରି ମୁଞ୍ଜୁତା ମେଣ୍ଡା ତାଲୁ ଇଞ୍ଜାଁ ତାନି ଆବାତି ଦରୁ ରାୟକି ଆହ୍ମାମାତେ ଇଲେତି ଲକୁ ସାଡ଼ାକଡ଼ି ସାରି ମାଣା ଲକୁ ତାନିତଲେ ନିଚାମାଟାଣି ମେସ୍ତେସ୍ । ୨ ଅଡ଼େ ଲାକପୁରୁତି ଲଦ ଲଦ ଆହି ରିନି ଏୟୁ ଇଞ୍ଜାଁ ହାଗୁ ଗୁଣିନିଲେହେଁତି ର କାଜା ହାଡ଼ା ଝେଚେସ୍, ଆମିନି ହାଡ଼ା ନାନୁ ଝେଚେସ୍ ଏଦି ସେରଜି ଡ଼ିଡ଼ିହମାନାରି ହାଡ଼ାଲେହେଁ ଝେଜିମାତେ । ୩ ସିଂଗାସାଣି ସାରିଗଟା ଜନ୍ମ ଅଡ଼େ ପାଟିନାଙ୍ଗା ନକିତା ର ପୁଝିନି ପାଟୁ ପାଟିମାଚେରି, ଅଡ଼େ ଦାରୁତିତି କଡ଼ଝି ଆହ୍ମାମାନି ସାଡ଼ାକଡ଼ି ସାରି ମାଣା ଲକୁ ପିସ୍ତେପି ଆମ୍ବାଆରି ଏ ପାଟୁ ପାଟାଲି ଆଡ଼ାଆଡ଼େରି । ବାରେ ମାଣସି କୁଡ଼ା ବିଦ୍ରାଢ଼ି ଝାରଇ ଏଝାରିବେଁ ଗେଲ୍ପି ଆହ୍ମାମାଚେରି । ୪ ଏଝାରି ଇୟାସିକା ତଲେ କାଲହାନା ତାମ୍ବୁ ଜାହାରାଇଁ ଦହ କିହାଁ କତା ହିଲାଆଡ଼େରି, ଇତିହଁ ଏଝାରି ଅବହାରି, ମେଣ୍ଡା ତାଲୁ ଆୟିୟାଝାକି ହାନେ ଏଝାରି ତାନି ଜେଟ ହାନେରି, ଏଝାରି ମାହାପୁରୁତି ମେଣ୍ଡା ତାଲୁତି ତଲିତି ପାଡ଼େୟି ସମାନା ମାଣସିୟାଁ ବିଦ୍ରାଢ଼ି ଗେଲ୍ପି ଆହ୍ମାନା ମେଣ୍ଡା ତାଲୁ ନକିତା ହେରପିଆହ୍ମାମାନେରି । ୫ ଏଝାରି ଗୁତିତା ଏନି ମିତି ଜଲିନାୟି ହିଲେଏ, ଏଝାରି ଦହ ହିଲାଆ ଗାଟାରି ।

ତାନି ଜାଣା ଦୁତୁ

୬ ଏତେଟିଏ ନାନୁ ହାଗୁତି ମାଦି ଉୟମାନି ର ଦୁତୁଇଁ ମେସ୍ତେସ୍, ଏଦି ଦାରୁତିତା ବାସାଆହ୍ମାମାନି ବାରେ ଗଟି, କୁଡ଼ା, ହାଡ଼ା ଅଡ଼େ ଦେସାତି ଲକୁତାଣା ଝେକହାଲି କାଲାକାଲା ତାକି ତୟିନି ନେହଁ କାକୁ ଝେକହି ମାନେସି । ୭ ଏଦି କାଜା ଗିୟାଁତଲେ ଏଲେଇଚେ “ମାହାପୁରୁଇଁ ଆଜାଦୁ ଅଡ଼େ ଏଝାଣାଇଁ ଗାଝୁରମି ହାଦୁ, ଇତିହଁ ମାଣସିତି ନୀହାଁୟି କିନି ଦିନା ଏଗାଞ୍ଜାତେ, ଅଡ଼େ ଆମ୍ବାଆସି ହାଗୁ, ଦାରୁତି, ସାମଦୁରି ଇଞ୍ଜାଁ ଜାରଣା ଏୟୁତି ଗାଡ଼ିକିହା ମାନେସି, ଏଝାଣାଇଁ ଜହରା କିଦୁ ।”

୮ ତାନି ତାୟୁ ଅଡ଼େ ର ଦୁତୁ ଇତିହଁ ରୀ ଲମ୍ବର ଦୁତୁ ଝାହାନା ଏଲେଇଚେ, “ଆମିନି କାଜା ଗାଡ଼ା ବାବିଲନ ବାରେ କୁଡ଼ାତି ଲକୁଇଁ ତାନି ଦାରିକାମା କିଝିକିନି କାଡ଼ ଉଡ଼ହାନା ହଟିକିହାମାତେ, ଏଦି ରିହା ହାଜାମାନେ ।”

୯ ଏଦାଣି ତାୟୁ ଅଡ଼େ ର ଦୁତୁ ଇତିହଁ ତାନି ଲମ୍ବର ଦୁତୁ ଝାହାନା କାଜା ଗିୟାଁତଲେ ଏଲେଇଚେ, “ଆମ୍ବାଆସି ଏ ଜନ୍ମ ଅଡ଼େ ତାନି କିହାମାନି ବମାତି ଜହରା କିନେସି ଅଡ଼େ ମୁଞ୍ଜୁତା କି କେୟୁତା ତାନି ସିନା ଇଟା କଡ଼ିନେସି, ୧୦ ଏଝାସି ମାହାପୁରୁତି କପାଗାଟି ସଲାଟା ଝାଜୁହାମାନି ହାଡ଼େକା କାରୁବିତି କାଡ଼ ଗହନେସି, ଆମ୍ବାଆରି ଇ କାମା କିନେରି ଏଝାରି ବାରେ ମେଣ୍ଡା ତାଲୁ ଅଡ଼େ ସୁଦୁ ଲାକପୁରୁତି ଦୁତୁୟାଁ ନକିତା ହିତୁ ଅଡ଼େ ଗାମାଗାଟି ଗୁଣ୍ଡା ତଲେ କସ୍ତ ବେଟା ଆନେସି । ୧୧ ଇଲେତି ଲକୁଣି କସ୍ତ ହାନି ହିତୁ

☆ ୧୪:୧ ୧୪:୧ ଝେ ବଲ୍ଲ ୭:୩ ☆ ୧୪:୮ ୧୪:୮ ଝେ ବଲ୍ଲ ୧୮:୨

ବୟଁ କାଲ୍ଲାକାଲ୍ଲା ତାକି ହଚେମାନେ, ଆମିନି ଗାଗାରି ଜନ୍ମ ଅଡ଼େ ବମାତି ଜହରା କିନେରି ଅଡ଼େ ତାନି ଦରୁ ଇଞ୍ଜାଁ ସିନା ବେଟା ଆହାମାନେରି, ଏଞ୍ଜାରି ଲାଆଁ ମାଦେନା ଜମାଲି ବେଟାଆଅରି ।”

୧୨ ଇମ୍ବାଆଁ ମାହାପୁରୁ ଲକ୍ଷ୍ମି ଇଚିହଁ ମାହାପୁରୁତି ହୁକୁମି ମାନୁଞ୍ଜିଆନେରି, ଇଞ୍ଜାଁ ଜୀସୁଇଁ ନାମିନେରି, ଏଞ୍ଜାରାକି ଅରୁହନାୟି ଲଡ଼ାମାନେ ।

୧୩ ଇଞ୍ଜାଁ ଲାକପୁରୁତି ଈ ହାଡ଼ା ଝେଚେଏଁ, ଇ କାତା ରାଚାମୁ, “ନୀଏଁ ଆମ୍ବାଆରି ମାହାପୁରୁ ତାଣା ମାଞ୍ଜାନା ହାନେରି, ଏଞ୍ଜାରି ନେହେଁ ।” ଅଡ଼େ ନାନୁ ଝେଚେଏଁ ସୁଦୁଜୀଞ୍ଜୁ ଝେସିମାଞ୍ଜାନେ, “ଏଞ୍ଜାରି ତାନି କାମାତି ଖାହୁଡ଼ି ଜମିନେରି, ଇଚିହଁ ଏଞ୍ଜାରି କାମାତି ପାଡ଼େୟି ଏଞ୍ଜାରିତଲେ ଡ଼ୟିନେ ।”

ତାସା ଦାନାୟି

୧୪ ଅଡ଼େ ନାନୁ ମେସ୍ତେଏଁ, ଇଚାୟି ଦବଲ୍ଲା ହାଗୁ ଇଞ୍ଜାଁ ଏଦାଣି ଲାକ କୁଗାମାନେସି ର ମାଣସି ମୀରୁଏସି ଲେହେଁତାସି; ତାନି ତାୟଁଁ ତୁ ବାଂଗାରା ଚପେରି, ଇଞ୍ଜାଁ କେୟୁତା ର ଝାହୁନି କଚାତଖେଲି । ୧୫ ଏମ୍ବାଟିଏ ମାହାପୁରୁତି ଇଲୁଚି ର ଦୁଡୁ ଝାହାନା ହାଗୁତା କୁଗାମାନାଣାଇଁ କାଜା ଗିୟଁତଲେ ଏଲେଇଚେ, “ନୀ କଚାତଖେଲି ଆସାନା ତାସା ଦାମୁ । ଦାରୁତିତି ତାସା ଦାଃନି କାରୁ ଏଗାଞ୍ଜାଚେୟିଏ ।” ୧୬ ଇଦାଆଁ ଝେଞ୍ଜାନା ହାଗୁତା କୁଗାମାନି ମାଣସି ତାନି କଚାତଖେଲି ଅଗିଚେସି ଇଞ୍ଜାଁ ଦାରୁତିତି ତାସା ବାରେ କୁଡ଼ିକିଞ୍ଜିଆଡ଼େ ।

୧୭ ଏଦାଆଁ ତାୟଁଁ ଲାକପୁରୁତି ମାହାପୁରୁ ଇଲୁଚି ଅଡ଼େ ର ଦୁଡୁ ହଚାଞ୍ଜାଚେସି, ଏ ଦୁଡୁକି କେୟୁତା ଜିକେଏ ଝାହୁନି କଚାତଖେଲି ମାଚେ ।

୧୮ ଅଡ଼େ ପୂଜା ପିଣ୍ଡାତି ହିରୁ ଅଦିକାରତା ମାନି ର ଦୁଡୁ କଚାତଖେଲି ଆସାମାନି ଅର ଦୁଡୁଇଁ କାଜା ଗିୟଁତଲେ ଏଲେଇଚେ, “କଚାତଖେଲି ଅଗାନା ଦାରୁତିତି ଅଲୁରି ବାଡ଼ାଟି ଅଲୁରିକା ବାରେ ଡ଼ଡ଼ହା ଡ଼ହମ୍ବୁ: ଏଞ୍ଜି ବାରେ କାମ୍ବାମାନୁ ।” ୧୯ ଏମ୍ବାଟିଏ ଦୁଡୁ ଦାରୁତିତା ତାନି କଚାତଖେଲି ଅଗାନା ଅଲୁରି ମାଡ଼ାୟଁତି ଅଲୁରି ଡ଼ଡ଼ହେ ଇଞ୍ଜାଁ ଏଞ୍ଜି ମାହାପୁରୁ କାରୁବିତି ଅଲୁରି ପୀଡ଼ିକିନି ଦନିତା ମେଡ଼ହେ ।

୨୦ *ଗାଡ଼ାତି ପାଞ୍ଜାତା ମାନି ଏ ଦନିତା ଅଲୁରି ପୀଡ଼ିକିଞ୍ଜିଆଡ଼େ ଇଞ୍ଜାଁ ଏମ୍ବାଟି ଗଡ଼ାୟଁ ବାକେରି ପାଚେକା ନିଜାମା ତାନି ଝାଞ୍ଜା କିଲମିଟର ହେକ ପାଚେକା ଇଞ୍ଜାଁ ରୀ ମିଟର ଲାକ ପାଚେକା ନେଚେରି ଝାଞ୍ଜିଚେ ।

୧୫

ସାତାଗଟା ରଚା କିନି ସାତାଗଟା ଦୁଡୁୟଁ

୧ ଏମ୍ବାଟିଏ ନାନୁ ହାଗୁତା ଅଡ଼େ ର କାବାଆନି ଲେହେଁତି ସିନା ମେସ୍ତେଏଁ, ସାତାଗଟା ଦୁଡୁୟଁ ସାତାଗଟା ରଚାୟଁ ତାନି କେୟୁତା ଆସାନା ତଞ୍ଜାଆଡୁ, ଏ ରଚାୟଁ ମାହାପୁରୁତି କପା ତହୁନାୟି ରାନାୟି ମାଚେ ।

୨ ଅଡ଼େ ନାନୁ ମେସ୍ତେଏଁ, ହିରୁ କାଲ୍ଲହୁଡ଼ି ଦାପେଣି ଲେହେଁତି ସାମ୍ବୁରି, ଆମ୍ବାଆରି ଜନ୍ମ, ଏଦାନି ବମା ଇଞ୍ଜାଁ ଏଦାନି ଦରୁତି ଲମ୍ବରଟି ଜାଣା ଆଡ଼ାରି, ଏଞ୍ଜାରି ମାହାପୁରୁ ହାହାମାନି ସେଚେଲ୍ଲି ଆସାନା ଗାଲୁ ଲେହେଁତି ସାମ୍ବୁରି ଗିରୁତା ନିଚାମାଚେରି । ୩ ଏଞ୍ଜାରି ମାହାପୁରୁ ହାତି ରାମଗଂଗା ଝେଚିହଁ ମାହାପୁରୁତି ସେବାକିନି ମସାତି ପାରୁ ଇଞ୍ଜାଁ ମେଣ୍ଡା ତାଲୁତି ପାରୁ ପାଡ଼ିହଁ ଏଲେ ଇଞ୍ଜାଁ ମାନେରି, “ବାରେତି କିହାଁ ବାଡ଼ୁୟୁ ଗାଟି ପ୍ରବୁ ମାହାପୁରୁତି,

ନୀ କାମା ଏଚେକା କାଜାୟି ଅଡ଼େ କାବା ଆନାୟି,
ବାରେ ଲକ୍ଷ୍ମି ରାଜାଟି,

ନୀ କାମାତି ଜିରୁ ବାରେ ନୀହାଁୟି ଗାଗାୟି ଇଞ୍ଜାଁ ସାତାତାୟି ।

୪ ପ୍ରବୁ ! ନିଜେ ଆମ୍ବାଆସି ଆଜାଆ ଗାଗାସି ମାନେସି ?

ଆମ୍ବାଆସି ନୀ ଗାଞ୍ଜୁରମି ଝେଙ୍କଆଗାଟାସି ମାନେସି ?

ଇଚିହଁ ନାନୁ ରଅତିଏ ସୁଦୁ ଗାଗାଟି;

ବାରେ କୁଡ଼ାତି ଲକ୍ଷ୍ମି ଝାହାନା ନୀ ପୂଜା କିନେରି,

ଏନାଆଁତାକି ଇଚିହଁ ନୀ ଦାମ୍ବୁଗାଟି ନୀହାଁୟିତି କାମାୟଁ ବାରେଜାଣା ମେସାମାନେରି ।”

୫ ଏମ୍ବାଟିଏ ନାନୁ ମେସ୍ତେଏଁ, ଲାକପୁରୁତି ସାକି ହାନି ତୁମ୍ବୁ ଦେଞ୍ଜୁଡ଼ିତି ଦାରା ଦେପିଆଡ଼େ ୬ ସାତାଗଟା କସ୍ତୟଁ ଆସାମାନି ସାତାଗଟା ଦୁଡୁୟଁ ଲାକପୁରୁତି ଦେଞ୍ଜୁଡ଼ିତି ହଚାଞ୍ଜାଡୁ; ଏଞ୍ଜି ଅପହି ମୁହୁନି ହିମ୍ବୁରିକା ହୁଚାମାରୁ ଇଞ୍ଜାଁ ଏଞ୍ଜାସିକା ବକ ସାରିସୁରୁ ବାଂଗାରା ପାଟା ଦସାମାରୁ । ୭ ସାରିଗଟା ଜନ୍ମୟଁ ବିତ୍ରାଟି ର ଜନ୍ମ କାଲ୍ଲଏତାକି ନୀତାମାନି ମାହାପୁରୁ କପାତଲେ ନେଞ୍ଜାମାନି ସାତାଗଟା ବାଂଗାରା ଗିନାୟଁ ଏ

* ୧୪:୨୦ ୧୪:୨୦ ଝେ ବଲ୍ଲୁ ୧୯:୧୫

ସାତାଗଟା ଦୁତୁୟାକି ହାତେ । ୮ ମାହାପୁରୁତି ଗାଞ୍ଜୁରମି ଅଡ଼େ ତାନି ବାଡ଼ୁୟୁତି ହବିମାନି ବୟ୍ ଦେଞ୍ଜୁଡ଼ିତା ନେଞ୍ଜାହାରେ; ସାତାଗଟା ଦୁତୁୟା ତାତାମାନି ସାତାଗଟା ରଗୟା ରାଆ ପାତେକା ଏ ଦେଞ୍ଜୁଡ଼ି ବିତ୍ରା ଆମ୍ବାଆସି ହଡ଼ାଲି ଆଡ଼ାଆତେସି ।

୧୭

ମାହାପୁରୁ କପାତି ସାତାଗଟା ଗିନାୟା

୯ ଏରେଟିଏ ନାନୁ ଝେରେଏ, ଦେଞ୍ଜୁଡ଼ିଟି ରଅସି କାଜା ଗିୟାତଲେ ଏ ସାତାଗଟା ଦୁତୁୟାକି ଝେସିମାତେସି, “ହାନ୍ତୁ, ସାତାଗଟା ଗିନାୟାଣା ନେଞ୍ଜାମାନି ମାହାପୁରୁତି କପାତି ଦାରୁତି ଲାକ ଖାକ୍‌ଦୁ !”

୧୦ ଏରେଟିଏ ମୁଲୁତି ଦୁତୁ ହାଜାନା ତାନି ଗିନାତା ଏନାୟି ମାରେ, ଦାରୁତି ଲାକ ଖାକ୍‌ହେ; ଦେନ୍ତୁଣିଏ ଆମ୍ବାଆରି ତାଣା ଜନ୍ତୁତି ସିନା ମାରେ, ଇଞ୍ଜା ତାନି ବମାତି ପୂଜା କିହାମାରେରି, ଏଞ୍ଜାରି ଆଜାତା ହାରେକା କସ୍ତାଗାଟି ବାସା ପଟ୍ଟକା ହତୁ । ୧୧ ଏରେଟିଏ ରୀ ଲମ୍ବର ଦୁତୁ ତାନି ଗିନାତାଣି ସାମ୍ବଦୁରି ଲାକ ଖାକ୍‌ହେ; ଇଞ୍ଜା ସାମ୍ବଦୁରିତି ଏୟୁ ହାଡ଼ି ଲକ୍ଷୁତି ନେତେରିଲେହେ ଆତୁ, ଇଞ୍ଜା ସାମ୍ବଦୁରିତା ମାଡ଼ି ବାରେ ଜନ୍ତୁୟା ହାହାହାତୁ ।

୧୨ ତାନି ଲମ୍ବର ଦୁତୁ ତାନି ଗିନାତା ଏନାୟି ମାରେ, କାତା ଇଞ୍ଜା ଉସା ଏୟୁ ଲାକ ଖାକ୍‌ହେ; ଇଞ୍ଜା ଏ ଏୟୁ ବାରେ ନେତେରି ମିଣ୍ଡା ହାତୁ । ୧୩ ଏରିବେଲାତା ନାନୁ ଝେରେଏ, ଏୟୁ ଲାକ ଅଦିକାରା ବେଟାଆହାମାନି ଦୁତୁ ଏଲେଇଞ୍ଜିମାରେ, “ନାନୁ ସୁଦୁ ଗାଗାତି, ନୀଏ ମାନାତି ଅଡ଼େ ତଲିଏ ମାଗାତି; ନାନୁ ତାରୁପୁତଲେ ନୀହାୟି କିହାମାଞ୍ଜି । ୧୪ ଏଞ୍ଜାରି ମାହାପୁରୁ ଲକ୍ଷୁକି ଇଞ୍ଜା ମାହାପୁରୁ ଅଣ୍ଡୁପୁତି ବଲ୍ଲୁ ଝେହନାରି ଆମିନି ନେତେରି ବକ୍‌ହାମାରେରି, ଏଦାଆଁ ମାରୁ ଏଞ୍ଜାରାଇ ଉବ୍‌ହାମାଞ୍ଜି । ଏଞ୍ଜାରି ଏନାଆଁ ବେଟାଆନାଣି ବେଟାଆହାମାନେରି ।” ୧୫ ଏରେଟିଏ ପୂଜା ପିଣ୍ଡାଟି ର ହାଡ଼ା ଝେରେଏ, ବାରେତି କିହାଁ ବାଡ଼ୁୟୁଗାଟି ମାହାପୁରୁ ପୁରୁ ! ନୀ ନୀହାୟି ବାରେ ସାତା ଅଡ଼େ ଟିକାଣାତାୟି ।

୧୬ ସାବି ଲମ୍ବର ଦୁତୁ ତାନି ଗିନାତା ମାଗାଣି ଝେଡ଼ା ଲାକ ଖାକ୍‌ହେ, ଏଦାଆଁତାକି ଝେଡ଼ା ହାରେକା ଡ଼ାଞ୍ଜାନା ଲକ୍ଷୁଣି ହୁଡ଼ିତେ । ୧୭ ଏରିବେଲା ଲକ୍ଷୁ କଣ୍ଡା ହାଡ଼ି କାରାତା ଝେହାହାରେରି, ଅଡ଼େ ଇ ସାସ୍ତି ଲାକ ଅଦିକାରା ମାନି ମାହାପୁରୁ ଦରୁତି ନିନାକିତେରି । ସାମା ହିୟାଁ ବାଦଲି କିହାଁ ଏଞ୍ଜାଣି ଗାଞ୍ଜୁରମି କିଆତେରି ।

୧୮ ପାସା ଲମ୍ବର ଦୁତୁ ତାନି ଗିନାତା ମାଗାଣି ଜନ୍ତୁତି ସିଂଗାସାଣି ଲାକ ଖାକ୍‌ହେ । ଜନ୍ତୁତି ରାଜିତା ଆନ୍ଦେରି ଆହାହାରେ, ଇଞ୍ଜା ଲକ୍ଷୁ କସ୍ତତଲେ ତାନି ଝେନ୍ଦରିକା କାଡ଼ା କଡ଼ିତେରି । ୧୯ ଅଡ଼େ ଏଞ୍ଜାରି ଆଜାତି ରାଣାରେକା ତାକି ଇଞ୍ଜା ପକାୟାଁ ବାସା ତାକି ଲାକପୁରୁତି ମାହାପୁରୁକି ବାକା ଇରିତେରି । ସାମା ତାନି ଲାଗେଏତି କାମାଟି ମନ ଝେଡ଼ାଆତେରି ।

୨୦ ସ ଲମ୍ବର ଦୁତୁ ତାନି ଗିନାତା ମାଗାଣି ପରାଡ଼ କାଜା କାତା ଲାକ ଖାକ୍‌ହେ, ଏ କାତାତି ଏୟୁ ଖାୟାହାତୁ, ଝେଡ଼ା ହପୁ ଖାକିଟି ଖାହିମାନି ରାଜାୟାକି ଜିରୁ ପାରୁଲିଆତେ । ୨୧ ଏରେଟିଏ ନାନୁ ମେସ୍ତେଏ, ପାନାୟାଲେହେ ତଞ୍ଜାଆହିମାନି ତାନିଗଟା ଲାଗେଏତି ଜାଞ୍ଜୁୟା । ଏଞ୍ଜି ରାତୁ ଗୁଡ଼ିଟି, ଜନ୍ତୁତି ଗୁଡ଼ିଟି, ମିତି ବଲ୍ଲୁ ଝେହନାରି ଗୁଡ଼ିଟି ହରାଞ୍ଜାହିମାତୁ । ୨୨ ଏ ଲାଗେଏତି ଜାଞ୍ଜୁଗାଟି ଦୁତୁୟା କାବାଆନି କାମା କିହାଲି ଆଡ଼ିନୁ, ଏଞ୍ଜି ବାଡ଼ୁୟୁ ଗାଟି ମାହାପୁରୁତି ଦିନାତା ଜୁଜୁ କିହାଲିତାକି ଦାରୁତିତି ରାଜାୟାଣି କୁଡ଼ିକିହାଲି ହାଡ଼ାହାତୁ ।

୨୩ ଝେଞ୍ଜୁ ! ନାନୁ ସରୁଲେହେଁ ଖାକ୍, ଆମ୍ବାଆସି ଜାଗାତା ଆହାଁ ସରୁ ତାଣାଟି ଜାହାରା ହିମ୍ବରିକା ଡ଼କୁହାଲି ଆଡ଼ିମାନେସି, ଏଞ୍ଜାସି ନେହେଁ । ଏଞ୍ଜାସି ନାଡ଼ା ଆହାଁ ଚେଅସି, ଅଡ଼େ ଏଞ୍ଜାସି ଲାଜା ବେଟାଆଅସି ।”

୨୪ ପଲ୍ଲୁଆ ଜାଞ୍ଜୁୟାଁ ଏ ବେଲାତା ଦାରୁତିତି ରାଜାୟାଣି ଆମିନି ଚାୟୁତା କୁଡ଼ିକିତୁ ଏବି ହାଡ଼ାତଲେ ଏଦାନି ଦରୁ ଆର୍ମାଗାତେନ ।

୨୫ ସାତା ଲମ୍ବର ଦୁତୁ ତାନି ଗିନାତା ମାଗାଣି ଗାଲି ଲାକ ଖାକ୍‌ହେ, ଏରେଟିଏ ଦେଞ୍ଜୁଡ଼ିତି ସିଂଗାସାଣିଟି ର କାଜା ହାଡ଼ା ଝେଜିତେ, “ଇଦାଆଁ କିଞ୍ଜିଆଡ଼େ !” ୨୬ ଦେନ୍ତୁଣିଏ ବିଲିବାଲା ଆହୁଁ ମୁସ୍ତେ ଇଞ୍ଜା ହାଗୁ ଗୁଣିନି ହାଡ଼ା ଆଡ଼େ, ଇଞ୍ଜା ହାରେକା ବୁମି ଖାଡ଼ିତେ, ଇଡ଼ି ଦାରୁତିତା ମାଣ୍ଡିୟାଁ ଗାଡ଼ିଆଡ଼ି ଦିନାଟିଏ ଏରେଲାଞ୍ଜା ଇଲେତି ବୁମି ଖାଡ଼ାହିଲାଆତେ, ଇଦି ବାରେକିହାଁ ଆଜିହପେତି ବୁମି ଖାଡ଼ିନାୟି ମାରେ । ୨୭ ଏମ୍ବାଟିଏ ଏ କାଜା ଗାଡ଼ା ତାନି ବାଗା ତଲେ ବାଗା ଆଡ଼େ ଅଡ଼େ ଦାରୁତିତି ବାରେ ଗାଡ଼ାୟାଁ ବିଡ଼ହାହାତୁ,

* ୧୬:୧୫ ୧୬:୧୫ ମାଡ଼ି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୩:୩ * ୧୬:୧୮ ୧୬:୧୮ ଝେ ବଲ୍ଲୁ ୮:୫; ୧୧:୧୩,୧୯

ଅଡ଼େ କାଜା ଗାଡ଼ା ବାବିଲନତି ମାହାପୁରୁ ବାଣୀ ଆହା ହିଲ୍ଲାଆଡେସି, ଏଝାସି ତାନି ଗହ୍‌ନି ସଲ୍ଲାଟି ତାନି ହାରେକା କପାଗାଟି କାଡ଼ୁ ଧୁଝାଣାଇଁ ଉଡ଼ହେସି । ୧୦*ସାମଦୁରି ମାଦି ମାନି ଦେସାୟାଁ ମେଣ୍‌ଜମାହାତୁ ଇଞ୍ଜା ହରକା ବାରେ ଡ଼ଗ୍‌ଗା ହାତୁ । ୧୧*ରୀ କଡ଼ି ଦସ କେଜି ବଲ୍ଲୁଗାଟି ଆଜ୍‌ଜିୟାଁ ହାଗୁ ଲାକଟି ମାଣସିୟାଁ ଲାକ ରିତୁ, ଲକ୍‌ଜି ଇ ମରଡ଼ି ତାକି ମାହାପୁରୁଇଁ ନିନ୍ଦାକିତେରି ।

୧୭

ଝେକ୍‌ଜି ଦାରେଣି

୧ ଏମ୍‌ଗାଟିଏ ସାଡ଼ାଗଟା ଗିନାୟାଁ ଆସାମାନି ଦୁତୁ ବିତ୍ତାଟି ରଣ୍ଡି ନା ଡାଗେ ଝାହାନା ଏଲେଇଞ୍ଜାଡେ, “ଇମ୍‌ଗାଆଁ ଝାମୁ ହାରେକା କାତା ଦାରି ଗାଡ଼ି ଆହାମାନି ଦାରେଣି ଲେହେଁତି କାଜା ଗାଡ଼ା ଏନି ସାସ୍ତି ବେଟାଆନେ ଏଦାଆଁ ତସାଇଁ । ୨ ଦାରେଡ଼ିତ ରାଜାୟାଁ ଏ ଦାରେଣି ତଲେ ଦାରିକାମା କିହାମାନେରି, ଇଞ୍ଜା ଦାରେଡ଼ିତା ବାସା ଆହାମାନାରି ବାରେ ଦାରି କାମାଲେହେଁତି କାଡ଼ୁ ଗୁସାହାଁ ହଡ଼ାମାନେରି ।”

୩*ଏବିବେଲ୍‌ଲତା ସୁଦୁଜୀଝୁ ନା ଡାଣା ଝାଡେ ଇଞ୍ଜା ଏ ଦୁତୁ ନାଜେ ବାଠଲି ବୁମିତା ଅୟାଡେ । ଏମ୍‌ଗାଆଁ ନାନୁ ମେସ୍‌ସେସ୍, ର ପାତୁ ଝାଣାଗାଟି ଜନ୍ତ ଲାକ ର ଇୟା କୁଗାମାରେ । ଏ ଜନ୍ତୁଟି ଆଜ୍‌ଜାତା ମାହାପୁରୁ ନିନ୍ଦାକିନି ଦରକା ରାସ୍‌କି ଆହାମାନୁ, ଅଡ଼େ ଏଦାନାକି ସାଡ଼ାଗଟା ତାକାଁ ଇଞ୍ଜା ଦସଗଟା କମ୍‌କା ମାତୁ ।

୪ ଏ ଇୟା ହେୟାଁ ଲେହେଁତି ଝାଣା ଅଡ଼େ ପାତୁ ଝାଣାଗାଟି ହିମ୍‌ସି ହୁଡ଼ାମାରେ, ଇଞ୍ଜା ଏଦି ବାଂଗାରା ଅଡ଼େ ଗାଡ଼ି ଦାରାଗାଟି ମଣି, ମୁକ୍ତା ତଲେ ସାଜୁ ଆହାମାରେ, ତାନି ନାଡ଼ିକିନି ପାଡ଼େୟିକା ଲେହେଁ ଅପାଆଗାଟି ଦିଶସୁ ଇଞ୍ଜା ଦାରିକାମା କିନି ଲାଗେଏତି କାମା ତଲେ ନେଞ୍ଜାମାନି ର ବାଂଗାରା ଗିନା ଏଦି ଆସାମାରେ ।

୫ ଏଦାନି ମୁଞ୍ଜୁଡା ଡ଼ଗ୍‌ଗାମାନି ର ଦରୁ ରାସ୍‌କି ଆହାମାରେ, “କାଜା ଗାଡ଼ା ବାବିଲନ ଦାରେଡ଼ିତ ବାରେ ଦାରି ଇଞ୍ଜା ଅପାଆଗାଟି କାମାଟି ତାଲି ।” ୬ ନାନୁ ଅଡ଼େ ମେସ୍‌ସେସ୍, ଏ ଆୟାଟି ମାହାପୁରୁ ଲକ୍‌ଜି ଇଞ୍ଜା ଜୀସୁ ଡାଣା ମାନି ତଲେ ମାଞ୍ଜା ସାକି ହାହାନା ହାହାମାନି ଲକ୍‌ଜୁଟି ନେତେରି ଗସାନା ହଡ଼ାମାରେ । ନାନୁ ଏଦାନି ମେସାନା ହାରେକା କାବା ଆଡେସ୍ ।

୭ ଅଡ଼େ ଦୁତୁ ନାଜେ ଏଲେଇଞ୍ଜାଡେ, “ଏନାଆଁତାକି କାବା ଆହିମାଞ୍ଜି ? ନାନୁ ଏ ଆୟାଟି ଅଡ଼େ ସାଡ଼ା ଗଟା ତାକାଁ ଇଞ୍ଜା ଦସଗଟା କମ୍‌କା ଗାଟି ଏଦାଣି ଡେକାମାନି ଜନ୍ତୁଟି ଡ଼ଗ୍‌ଗାମାନି କାତା ନାନୁ ନିଜେ ଝେସିମାଞ୍ଜାଇଁ, ଝେନାମୁ । ୮*ଜନ୍ତୁ ର ଦିନା ନାତାମାରେ: ନୀଏଁ ଅଡ଼େ ନୀତାହିଲେଏ, ସାମା ତବେ ଡାଡ଼େପୁରୁଟି ନିଜା ଝାଡେ ଇଞ୍ଜା ଅର ଦେବା ନାସା ଆନେ । ଦାରେଡ଼ି ଗାଡ଼ି ଆଡ଼ି ନଡେଏ ଆମ୍‌ଗାଆରି ଦରୁ ଜୀଝୁଟି ପତିତା ରାସ୍‌କି ଆହାହିଲେଏ, ଦାରେଡ଼ିତା ବାସାଆହାମାନି ବାରେ ଲକ୍‌ଜି ଜନ୍ତୁଇଁ ମେସାଁ କାବାଆନେରି । ଏଦି ର ଦିନା ନାତାମାରେ, ନୀଏଁ ଅଡ଼େ ହିଲେଏ, ସାମା ଅଡ଼େ ର ଦେବା ତଞ୍ଜାଆନେ ।”

୯ “ଇ ବାରେ କାତା ତେଲ୍‌ହାଲି ତାକି ବୁଦି ଲଡ଼ାମାନେ । ଜନ୍ତୁଟି ସାଡ଼ାଗଟା ତାକାଁ ସାଡେଏ ସାଡ଼ାଗଟା ହରକା, ଆମିନି ଲାକ ଆୟାଟି କୁଗାମାନେ । ଏଝି ଜିକେଏ ସାଡ଼ା ଜାଣା ରାଜାୟାଁ ଲେହେଁ । ୧୦ ଏଝାରି ବିତ୍ତାଟି ପାସାଜାଣା ମେଣ୍‌ଜମା ହାଜାମାନେରି, ନୀଏଁ ରଅସି ମାନେସି, ଅଡ଼େ ରଅସି ନୀଏଁ ପାଡେକା ଝାହାହିଲଅସି, ଏଝାସି ଝାଡ଼ିସାରେ ଗାଡ଼େକା ତାକିଏ ସାଲ୍‌ଝି କିନେସି । ୧୧ ଅଡ଼େ ଆମିନି ଜନ୍ତୁ ର ଦିନା ନାତାମାରେ, ଏଦି ଆଡ଼ା ଲମ୍‌ସର ରାଜା, ଏ ବାରେ ରାଜାୟାଁ ବିତ୍ତାଟି ରଅସି ଇଞ୍ଜା ଏଝାସି ଜିକେଏ ତବେ ନାସା ଆନେସି ।”

୧୨ “ମୀରୁ ମେସାମାନି ଦସଗଟା କମ୍‌କା, ଦସ ଜାଣା ରାଜାୟାଁ ଲେହେଁ, ଏଝାରି ନୀଏଁ ପାଡେକା ସାଲ୍‌ଝି କିହାହିଲଅସି । ସାମା ଜନ୍ତୁ ତଲେ ସାଲ୍‌ଝି କିହାଲିତାକି ର ଗଂଟା ତାକି ଏଝାରାକି ବାଡ଼ୁୟୁ ହୀପ୍‌କିଆନେ । ୧୩ ଏଝାରି ରଣ୍ଡିଏ ଅଣ୍‌ପୁ ତଲେ ମାଞ୍ଜାମା ତାନି ବାଡ଼ୁୟୁ ଅଡ଼େ ଅଦିକାରା ଏ ଜନ୍ତୁକି ହୀନେରି । ୧୪ ଏଝାରି ମେଣ୍‌ଜା ତାଲୁ ତଲେ ଜୁଜୁ କିନେରି, ଅଡ଼େ ମେଣ୍‌ଜା ତାଲୁ ଏଝାରାଇଁ ଜାଣା ଆନେ, ଇତିହଁ ଏଝାସି ପ୍ରବୁ କିହାଁ ପ୍ରବୁ ଅଡ଼େ ରାଜା କିହାଁ ରାଜା, ଅଡ଼େ ଆମିନି ଗାଗାରି ଏଝାଣିତଲେ ମାନେରି ଏ ହାଡ଼ାମାନାରି, ଆଡ଼ାମାନାରି ଅଡ଼େ ନାମୁଗାଗାରି ଜିକେଏ ଜାଣା ଆନେରି ।”

୧୫ ଦୁତୁ ନାଜେ ଅଡ଼େ ଏଲେଇଞ୍ଜାଡେ, “ନାନୁ ଆମିନି ଏୟୁଣି ମେସ୍‌ସି, ଆମିନି ଲାକ ଏ ଦାରେଣି କୁଗାମାନେ, ଏଦି ଆହିମାନେ ଏଟକା ଏଟକାଟି ଦେସା, କୁଡ଼ା, ଗିଟି ଇଞ୍ଜା ହାଡ଼ାଗାଟି କୁଲମି । ୧୬ ନାନୁ ମେସାମାନି ଦସଗଟା କମ୍‌କା ଇଞ୍ଜା ଏ ଜନ୍ତୁ, ଦାରେଣିନି ଅପାତ; ଏଝି ଏଦାନି ତାଣାଟି ବାରେ ପିସ୍‌ପିକିହା ଅହାନା ନାଗୁଡ଼ା କିହାନା ପିହୁ । ଏଝି ଏଦାନି ଉଜ୍‌ଜା ତଞ୍ଜାନା ହିଡ଼ୁଡ଼ା ହୃତାନା ନାସା କିନୁ । ୧୭ ଏନାଆଁତାକି

* ୧୭:୨୦ ୧୭:୨୦ ଝେ ବଲ୍ଲୁ ୬:୧୪ * ୧୭:୨୧ ୧୭:୨୧ ଝେ ବଲ୍ଲୁ ୧୧:୧୯ * ୧୭:୩ ୧୭:୩ ଝେ ବଲ୍ଲୁ ୧୩:୧ * ୧୭:୮ ୧୭:୮ ଝେ ବଲ୍ଲୁ ୧୧:୭

ଇଚିହଁ, ମାହାପୁରୁ ତାକୁ ଅଣପାମାନାଣି କିହାଲିତାକି ଏଝାଆଁତାକି ଇ ଅଣପୁ ହାହାମାନେସି । ଏଝି ରଣ୍ଡିଏ ମନ ଆହାନା କାମା କିନୁ ଇଞ୍ଜା ମାହାପୁରୁତି ବଲ୍ଲୁ ସାତାତଲେ ଆଆପାତେକା ରାଜିତି ସାଲୁଝି କିନି ବଲ୍ଲୁ ଏ ଜନ୍ତ କେୟୁତା ପିସାହାନେସି ।”

୧୮ “ଇଞ୍ଜା ଆମିନି ଆୟାତି ମେସ୍ତି, ଏଦି ଆହିମାନେ, ଦାରୁତି ରାଜାୟାଣି ସାଲୁଝି କିହିମାନି ଏ କାଜା ଗାଡ଼ା ।”

୧୮

ବାବିଲନ ନାସା ଆନାୟି

୧ ଏଚେଚିଏ ନାନୁ ଅଡ଼େ ର ଦୁରୁଇଁ ଲାକପୁରୁଚି ରେଟା ଝାହିମାଚାଣି ମେସ୍ତେଏଁ; ଏଝି କାଜା ଅଦିକାରା ଗାଟାୟି, ତାନି ଗାଝୁରମି ତାକି ଦାରୁତି ବାରେ ଉଜେଡ଼ି ଆହାହାଚେ । ୨ *ଏଦି କାଜା ହାଡ଼ାତଲେ କାଲୁଝି ଆହଁ ଏଲେଇଚେ, “କାଜା ଗାଡ଼ା ବାବିଲନ ମେଶ୍ଟାଜିତେ ! ଏଦି ବାରେ ମେଶ୍ଟାଜିତେ ! ଏଦି ବୁରୁୟା ବାସାଟାୟୁ ଅଡ଼େ ପଲୁଆ ଜାଝୁୟା ଅଡ଼େ ପଲୁଆ କାମାୟା, ଇଞ୍ଜା ଅପାଆଗାଟି ପଟାୟାତି ବାସାଟାୟୁ ଆହାମାନେ । ୩ ଇଚିହଁ ବାରେ ଜାଡ଼ିତାରି ତାନି ଦାରି କାମାଲେହେତି କାଡ଼ ଗୁସାମାନେରି, ଦାରୁତି ରାଜାୟା ତାନିତଲେ ଦାରିକାମା କିହାମାନେରି, ଅଡ଼େ ଦାରୁତିତି ବେବାରା ଗାଟାରି ତାନି ଜୁପକାଟି ବାଡ଼କୁ ଗାଟାରି ଆହାମାନେରି ।”

୪ ଏଚେଚିଏ ନାନୁ ଲାକପୁରୁଚି ଅଡ଼େ ର ହାଡ଼ା ଏଲେ ଇଞ୍ଜାମାନାଣି ଝେଚେଏଁ, “ଏ ମା ଲକୁତେରି ! ଏଦାଆଁତାକି ଏଦାନି ତାଣାଟି ହଟା ଝାଡ଼ୁ !

ମୀରୁ ଏନିକଁ ଏଦାନି ପାପୁତା ଆଣୁଅଚେରି;
ଇଞ୍ଜା ତାନି ତଣ୍ଡୁତି ବାଟା ବେଟାଆଅଚେରି;

୫ ଏନାଆଁତାକି ଇଚିହଁ ଏଦାନି ପାପୁ ବାରେ ଲାକପୁରୁ ପାତେକା ଏଜାମାନେ,
ଅଡ଼େ ଏଦି କିହାମାନି ଲାଗେଏତି କାମା ମାହାପୁରୁ ମନତା ଅଣପାମାନେସି ।

୬ ଏଦି ମିଜେ ଏନି କିହାମାଞ୍ଜାନେ ଏଲେକଁ ମୀରୁ ଏଦାନାକି କିଦୁ;
ତାନି କିହାମାନାଣି କିହାଁ ରୀ ଗୁଣୁ ଝେବୁଦୁ,

ଏଦି ଆମିନି ସଲ୍ଲାତା କାଡ଼ ଆବହାମାନେ,
ଏମ୍ପାଆଁ ରୀ ଗୁଣୁ କାଡ଼ ତୁନି ସଲ୍ଲାତା ଆବଦୁ ।

୭ ଏଦି ଏଚେକା ତାନି ଗାଝୁରମି କିହାମାନେ ଅଡ଼େ ବତପଣ ତଲେ ମାଞ୍ଜାମାନେ,
ଏଲେକଁ ଏଦାନାକି ଦୁକୁ କସୁ ହୀଦୁ;

ଏନାଆଁତାକି ଇଚିହଁ ଏଦି ଜାହାରାଇଁ ମନତା ଝେସା କତିମାନେ,
‘ନାନୁ ରାଣି ଆହାଁ କୁଗାମାଇଁ,
ନାନୁ ରାଣ୍ଡେଣିଚେଏଁ ଆଏ,
ନାଜେ ଏଚେଲାଝା ଦୁକୁ କିହାଲି ଆଏ ।’

୮ ଇଦାଣିତାକି ର ଦିନା ବିତ୍ତା ତଣ୍ଡୁ ପାଣନେ,
ଇଚିହଁ ହାକି, ଡ଼ାକି, ଅଡ଼େ କାରୁଧୁ ଆନେ,

ଅଡ଼େ ଏଦି ହିଚୁତା ଝେହାହାଚେ,
ଇଚିହଁ ଏଦାନି ନାହାଁୟି କିନାସି ପ୍ରପୁ ମାହାପୁରୁ ବାରେ ବାଡ଼ୁଲୁ ଗାଟାସି !”

୯ ଦାରୁତିତି ବାରେ ରାଜାୟା ତାନିତଲେ ଦାରିକାମା କିହାନା ରାହାଁଟି ନୀତାମାନେରି, ଏଝାରି ଏଦାନି ହୁଡ଼ିମାନି ହିଚୁ ବୟଁ ମେହନେରି, ଇଞ୍ଜା ଏଦାନି ତାକି ଦୁକୁ ଆହାଁ ଡ଼ାନେରି, ୧୦ ଏଝାରି ଏଦାନି କାକୁଲିଚି ଆଜିତାକି ହେକ ନିତାନା ଏଲେଇନେରି, “ଆୟଡ଼ା, ଆୟଡ଼ା, କାଜା ଗାଡ଼ା, ବାଡ଼ୁଲୁ ଗାଟି ଗାଡ଼ା ବାବିଲନ ନାନୁ ବାକା ପଣନାତି, ଇଚିହଁ ରଣ୍ଡିଏ ଗଟା ବିତ୍ତା ନୀ ତଣ୍ଡୁ ଝାଡ଼େ !”

୧୧ ଅଡ଼େ ଦାରୁତିତି ବେବାରା ଗାଟାରି ଏଦାନି ତାକି ଦୁକୁ ଆହାଁ ଡ଼ାନେରି, ଏନାଆଁତାକି ଇଚିହଁ ଆମ୍ପାଆରି ଏଝାରି ପାରୁନି ଦିଶସୁ କଡ଼ଅରି, ୧୨ ଇଚିହଁ ବାଂଗାରା, ଝେଣ୍ଡି, ଦାରା ଗାଟି ମଣି ଅଡ଼େ ମୁଲ୍ଲାୟା, ସିଲୁକୁ ହିମ୍ପରିକା, ହେୟାଁ ଝାଣାଗାଟି ହିମ୍ପରିକା, ପାରୁ ହିମ୍ପରିକା, ଏବକା ଏବକାଟି ଅଜିତି ହିମ୍ପରିକା, ଚନ୍ଦନ ଇଞ୍ଜା ଏଦାନି ଲେହେତି ଗାନ୍ଦା ଗାଟି ମାରୁକା, ହାତି ପାଲୁକା, ଦାରା ଗାଟି ଝେସକା, ପିତାଡ଼ା, ଲହ, ଅଜିତି ଡ଼ପୁପା ଝାଲୁକାତଲେ କେପିତି ବାରେ ଆସି । ୧୩ ଡ଼ାକ୍ନି ସାଲି, ଗାନ୍ଦାଗାଟି ଆସି, ଦୁପଣି, ଗାନ୍ଦାଗାଟି

* ୧୮:୨ ୧୮:୨ ଝେ ବଲ୍ଲ ୧୪:୮

ରୁବିନି ନିହୁଁ, ଗାନ୍ଧାଗାଟି ଦୁପଣି, କାଡୁ ନିହୁଁ, ଗୁଣ୍ଡା, ଗହଁ, କଡ଼ିୟାଁ, ମେଣ୍ଡାୟାଁ, ଗଡ଼ାୟାଁ, ରାତାୟାଁ, କଡ଼ାମାନି ହଲ୍ଲିୟାଙ୍ଗା, ଅଡ଼େ ମାଣସିୟାଁତି ଜାସୁ ।^{୧୪} “ନୀ ଜୀସୁତି ଜୁପକା ଗାଟି ଅଣପୁତି ପାଡ଼େୟିକା ନୀ ତାଣାଟି ମେଣ୍ଡାଙ୍ଗା ହାଡୁ, ଅଡ଼େ ବାରେ ଡ଼ାକନାୟି, ରାହୁଁତି ବାରେ ନୀ ତାଣାଟି ଏଟକା କିଞ୍ଚି ଆହୁଁ ନାସା ଆହାମାନେ, ଅଡ଼େ ଏଚେଲାଝା ଏ ବାରେ ମେଡ଼ା ଆୟେଏ !”^{୧୫} ଇ ବାରେ ଦିଶସୁତି ବେବାରା କିନାରି ଏ କାଜା ଗାଡ଼ା ତଲେ ବାଡ଼କୁ ଗାଟାରି ଆହାମାଚେରି, ଏଞ୍ଜାରି ଏଦାନି କସୁତି ଆଜିତାକି ହେକ ନିଚାନା ଦୁକୁ ତଲେ ଡ଼ାହ ଏଲେଇଚେରି ।^{୧୬} “ଆୟଡ଼ା ! କାଜା ଗାଡ଼ାତି ! ନିଜେଟାକି ଏଚେକା ଆଜିହପେତି କସୁ ଝାଡେ, ନୀନୁ ଅଜିତି ହିମ୍ବରିକା, ହେୟାଁ ଝାଣାଗାଟି ହିମ୍ବରିକା, ପାରୁ ହିମ୍ବରିକା ହୁଟାମାଟି, ଅଡ଼େ ବାଂଗାରା, ଦାରାଗାଟି ମଣି ଇଞ୍ଜା ମୁଞ୍ଜାୟାଁ ତଲେ ମିଶସି ମାଟି ସାଜୁୟାଁ ତୁରହାମାଟି !^{୧୭} ଇଚିହଁ ରଣ୍ଡିଏ ଗଂଟା ବିଡ଼ା ଏ ବାରେ ଦନ ମେଣ୍ଡାଙ୍ଗାହାଚେ ।

ଏୟୁ ଜାଜାୟାଁ ସାଲୁଞ୍ଚି କିନାରି ଏଦାଆଁ କୁଗାମାନାରି ଡ଼ଂଗାଁୟାଁ ସାଲୁଞ୍ଚି କିନାରି ଇଞ୍ଜା ସାମ୍ବୁରିତା ଇତାଲା ଆତାଲା ରେଜିହଁ ବେବାରା କିନାରି ହେକ ନିଚାନା,^{୧୮} ଏ ଗାଡ଼ାତି ହୁତିମାନି ହିବୁ ବୟଁ ମେସାନା କାଜା ଗିୟାଁତଲେ ଏଲେଇଚେରି, ଇ କାଜା ଗାଡ଼ା ଲେହେଁ ଆମିନି ଗାଡ଼ାମାନେ ।^{୧୯} ଏଞ୍ଜାରି ତାମି ତାକାଁ ଲାକ ଦୁଡ଼ି ଡ଼ାଞ୍ଜା କଡ଼ାନା ଦୁକୁ ତଲେ ଡ଼ାହି ଡ଼ାହଁ ଏଲେଇଚେରି, ଆୟଡ଼ା ଏ କାଜା ଗାଡ଼ାତି, ନିଜେ ଏଚେକା ଆଜିହପେତି ତଣ୍ଡ ଆଡେ, ନୀ ବାଡ଼କୁ ତଲେ ସାମ୍ବୁରିତି ଜାଜାଣା ରେଜିହଁ ବାଡ଼କା ମାଚେରି, ନୀଏଁ ରଣ୍ଡିଏ ଗଂଟା ବିଡ଼ା ଏ ବାରେ ମେଣ୍ଡାଙ୍ଗାହାଚେ !”

^{୨୦} ଲାକପୁରୁ, ମାହାପୁରୁ ଲକୁ, ପାଣ୍ଡୁଞ୍ଚି ଆହାମାନାଚେରି, ମାହାପୁରୁ ଅଣପୁତି ବଲ୍ଲ ଝେହନାଚେରି ! ମୀରୁ ଏଦାନି ନାସା ଆନାଣି ତାକି ରାହୁଁ ଆଦୁ, ଏନାଆଁତାକି ଇଚିହଁ ମାହାପୁରୁ ମିଜେ କିହା ମାଞ୍ଜାନାଣି ତାକି ବାଦୁଲି ଆହାମାନେସି ।

^{୨୧} ଏଚେଟିଏ ଡ଼ାୟୁ ର କାଜା ଦୁଡୁ, ର ଜେତାଝାଲି ଲେହେଁତି ର ଝାଲି ସାମ୍ବୁରି ଲାକ ମେଡ଼ହାନା ଏଲେଇଚେ, “ଇଲେକଁ କାଜା ଗାଡ଼ା ବାବିଲନ ମେଡ଼ପି ଆନେ, ଅଡ଼େ ଏଦି ଏଚେଲାଝା ତଞ୍ଜା ଆଏ ।^{୨୨} ସେଡ଼ଜିୟାଁ ଅଡ଼େ ପାଟିନାରି ହାଡ଼ା, ପୀରୁଡ଼ି ଉକିନାରି, ତାଡ଼ି ଉକିନାରି ହାଡ଼ା ଏଚେଲାଝା ଏଦାନି ତାଣା ଝେଜେଏ, ନେହଁ ନେହଁ ସାଜୁ ଇଞ୍ଜା ଏଟକାତି ଆସୁ କ୍ରେପିନାରି ନୀ ତାଣା ତଞ୍ଜା ଆଅରି, ଅଡ଼େ ଜେତାଝାଲକା ତଲେ ନୁୟଁ ନାୟି ଏଚେଲାଝା ହାଡ଼ା ଝେଜେଏ ।^{୨୩} ଦୀଞ୍ଜିୟାଁତି ଉଜେଡ଼ି ନୀ ତାଣା ଏଚେଲାଝା ଡ଼ାଞ୍ଜେଏ, ବାହା ଆନି ମାସକା ଅଡ଼େ ବାହା ଆନି କକାରି ହାଡ଼ା ନୀ ତାଣା ଏଚେଲାଝା ଝେଜେଏ, ଏନାଆଁତାକି ଇଚିହଁ ନୀ ତାଣା ବେବାରା କିନାରି ଦାର୍ତତିତା କାଜାରି ମାଚେରି, ଅଡ଼େ ନୀ ମାୟାମାଚିରତା ବାରେ କୁଡ଼ାତି ଲକୁ ମୁଞ୍ଜା ହାଜାମାଚେରି !”

^{୨୪} ଗାଡ଼ାତା ମାହାପୁରୁ ଅଣପୁତି ବଲ୍ଲ ଝେହନାରି, ମାହାପୁରୁ ଲକୁ, ଇଞ୍ଜା ଦାର୍ତତିତା ପାୟଞ୍ଚିଆହାମାନି ଲକୁତି ନେଚେରି ଏଦାନି ତାଣା ତଞ୍ଜାଆହାମାଚେ ।

୧୯

^୧ ଏଚେଟିଏ ଲାକପୁରୁ ର କାଜା ମାୟା ଲକୁତି ହାଡ଼ାଲେହେଁତି ର କାଜା ହାଡ଼ା ଏଲେଇଞ୍ଜିମାଚାଣି ଝେଚେଏଁ, “ହାଲେଲୁୟା ! ଗେଲପିନି, ଗାସୁରମି ଅଡ଼େ କାଜାପାଣା ମା ମାହାପୁରୁଝାୟି ।^୨ ଇଚିହଁ ଏଞ୍ଜାଣି ନୀହାୟି ସାତା ଅଡ଼େ ନେହାୟି, ଆମିନି କାଜା ଦାରେଣି ତାନି ଦାରିକାମା ତଲେ ଦାର୍ତତିତି ଲକୁଣି ପଲ୍ଲଆ କିହାମାଚେ, ମାହାପୁରୁ ଏଦାନି ତଣ୍ଡ ହାହାନା ତାନି ହଲ୍ଲିୟାଙ୍ଗାଣି ପାୟିତି ନେଚେରିତି ବାଦୁଲି ଅଡ଼େସି ।”^୩ ଅଡ଼େ ଏଞ୍ଜାରି ରା ପାଲି ଏଲେଇଚେରି “ହାଲେଲୁୟା ! ଏ ଗାଡ଼ା ଝେହିମାନି ବୟଁ କାଲାକାଲାତାକି ହଚେମାନେ ।”^୪ ଏଚେଟିଏ କଡ଼େ ସାରି ଜାଣା ପ୍ରାଚିନାଙ୍ଗା ଅଡ଼େ ସାରିଗଟା ଜନ୍ତୟାଁ ମୁନୁ କୁତାନା ସିଂଗାସାଣିତା କୁଗାମାନି ମାହାପୁରୁଇଁ ଜହରା କିହାନା ଏଲେଇଚୁ, “ଆମେନ ହାଲେଲୁୟା !”

ମେଣ୍ଡା ତାଲୁତି ବାହା ବଜି

^୫ ଏଚିବେଲା ସିଂଗାସାଣିତି ର ହାଡ଼ା ହଚାନା ଝେଜିଡେ, “ଏ ମାହାପୁରୁତି ହଲ୍ଲିୟାଙ୍ଗାଚେରି, ଏଞ୍ଜାଣାଇଁ ଆଜିନି କାଜାରି ଇଚାରି ବାରେଜାଣା ତେରି ମୀରୁ ମାହାପୁରୁଇଁ ଜହରା କିଦୁ ।”^୬ ଅଡ଼େ ନୀନୁ କାଜା ମାୟା ଲକୁ ଲେହେଁତି ହାଡ଼ା, ଲଦ ଲଦ ରିହିମାନି ଏୟୁ ଲେହେଁତି ହାଡ଼ା, ଅଡ଼େ ହାସୁ ଗୁଣ୍ଡିହିମାନି କାଜା ହାଡ଼ାଲେହେଁ ଏଲେଇଞ୍ଜି ଝେସିମାନାଣି ଝେଚେଏଁ, “ହାଲେଲୁୟା ! ଇଚିହଁ ପୁରୁ ମା ବାଡ଼ୁଗାଟି ମାହାପୁରୁ ରାଜା ଆହାନା ପାଣା ବେଟା ଆହାମାନେସି ।^୭ ଝାଦୁ ମାର ରାହୁଁ ଆନ, ଇଞ୍ଜା ଏଞ୍ଜାଣି ଗାସୁରମି ତାକି ଏଞ୍ଜାଣାଇଁ ଜହରା କିନ, ଏନାଆଁତାକି ଇଚିହଁ ମେଣ୍ଡା ତାଲୁତି ବାହା ଆନି ଦିନା ଏଦାଚେୟିଏ, ଇଞ୍ଜା

ଏଝାସି ବାହା ଆନି ମାଙ୍ଗା ତିୟାରା ଆହାମାନେ । ୮ ଏଦାନାକି ମୁହ୍ନି ଅଡେ ଅପ୍ନି ହିମ୍ବର ହୁଚାଲି ହାପକି ଆତୁ;” ଏ ଦବଲା ହିମ୍ବର ଇଚିହୁ ମାହାପୁରୁ ଲକ୍ଷ୍ମି ଦାମ୍ବି କାମାୟା ।

୯ ଏଚିବେଲା ଦୁତୁ ନାଙ୍ଗେ ଏଲେଇଞ୍ଜାତେ, “ରାଚାମୁ, ଆମିନି ଗାଗାରି ମେଣ୍ଡା ତାକୁଚି ବାହା ବକ୍ତିତା ହାଟ୍ଟକି ଆହାମାନେରି, ଏଝାରାକି ନେହେଁ ।” ଅଡେ ଏଦି ନାଙ୍ଗେ ଏଲେଇଞ୍ଜାତେ, “ଇ ବାରେ ମାହାପୁରୁଚି ସାତା ବଲ୍ଲ ।” ୧୦ ଏଚେଟିଏ ନାନୁ ଏଦାନି ଜହରା କିହାଲି ତାନି କତାୟା ଡ଼ଇ ରାତେଏ, ଏଚେଟିଏ ଏଦି ନାଙ୍ଗେ ଏଲେଇଞ୍ଜାତେ, ଜାଗ୍ରାତା, ଇଲେ କିଆନି, ନାନୁ ଜାସୁ ଅଡେ ମୀ ସାକି ଇଞ୍ଜା ମୀ ତାୟାୟା ତଲେ ର ହଲେଏଣା ଲେହେଁ; ନାନୁ ମାହାପୁରୁଇଁ ଜହରା କିମୁ, ଜାସୁଚି ସାକି ଏଦି ସାତା, ମାହାପୁରୁ ବଲ୍ଲ ଝେହ୍ନାରି ଜାସୁ ।

ଦବଲା ଗଡ଼ା ମୁହେଁ କୁଗାମାନାସି

୧୧ ଏଚେଟିଏ ନାନୁ ଲାକପୁରୁଚି ଦେପିଆହାମାନାଣି ମେସ୍ତେଏ, ଏମାଆଁ ର ଦବଲା ଖାଣାଗାଟି ଗଡ଼ା ମାଚେ, ଏମାଆଁ ହଡ଼ାମାନାଣି ଦରୁ ନାମାତାୟି ଅଡେ ସାତାତାୟି; ଏଝାସି ନେହୁଁ କି ନାହାଁୟି କିନେସି, ଅଡେ ଜୁଜୁ କିନେସି । ୧୨ ଏଝାଣି କାଣକା ହିତୁ ଗୁଦଝା ଲେହେଁତାଲ, ତାନି ତାୟାଁ ତୁା ହାଚେକା ଟପେରିକା, ଅଡେ ଏଝାଣି ର ଦରୁ ରାସ୍ତକି ଆହାମାନେ, ଏ ଦରୁ ଏଝାଣି ପିସ୍ତେପ ଆମ୍ବାଆରି ପୁନଅରି । ୧୩ ଏଝାସି ନେତେରିତା ଉଡ଼ହା ମାନି ର ହିମ୍ବର ହୁଚାମାନେସି, ଇଞ୍ଜା ଏଝାଣି ଦରୁ “ମାହାପୁରୁଚି ବଲ୍ଲ ।” ୧୪ ଲାକପୁରୁଚି ଜୁଜୁ କିନାରି ଅପ୍ନି ଦବଲା ହିମ୍ବରକା ହୁଚାନା ଦବଲା ଖାଣା ଗଡ଼ାୟାଁ ଲାକ କୁଗାନା ତାନି ଜେତ ହାଚେ । ୧୫ ଏଝାଣି ଗୁଚିଟି ଖାସ୍ତି କାଣ୍ଡା ହନେ, ଏ କାଣ୍ଡାତଲେ ବାରେ ଦେସାତି ଲକ୍ଷ୍ମି ଟୁଣନେସି; ଏଝାସି ଏଝାରାଇଁ ଲହ ବାଡ଼଼ା ତଲେ ସାଲୁଝି କିନେସି, ଅଡେ ଏଝାସି ତାନୁଏ ବାରେ ବାଡ଼଼ାଗାଟି ମାହାପୁରୁ କାଜା କପା ଲେହେଁ ଅଙ୍ଗୁରି ପାଡ଼େୟିକା ପାଟିନି ଗାଡ଼଼ୟିତା ମାନି ପାଡ଼େୟିକା ଝିହନେସି । ୧୬ ଏଝାଣି ହିମ୍ବରତା ଅଡେ ଏଝାଣି କୁଦଗୁତା ଇ ଦରୁ ରାସ୍ତକି ଆହାମାନେ, “ରାଜା କିହାଁ ରାଜା ଅଡେ ପ୍ରବୁ କିହାଁ ପ୍ରବୁ ।”

୧୭ ଏଚେଟିଏ ନାନୁ ର ଦୁତୁଇଁ ଝେଡ଼ା ଲାକ ନିଚାମାନାଣି ମେସ୍ତେଏ; ଏଦି ହାଗୁଚି ମାଦି ଉମ୍ବିମାନି ବାରେ ପଚାୟାଁଣି କାଜା ହାଡ଼ାତଲେ ହାଚାନା ଏଲେଇଚେ, “ଝାମୁ ମାହାପୁରୁଚି କାଜା ବକ୍ତିତା କୁଡ଼ା ଆବୁ ! ୧୮ ଏନିକି ମୀରୁ ରାଜାୟାଁ, ଜୁଜୁ ତାକି କାଜାରି, ବାଡ଼଼ା ଗାଗାରି, ଗଡ଼ାୟାଁ ଅଡେ ଗଡ଼ା ଲାକ କୁଗାମାନାରି, କତାମାନି ହଲିୟାଙ୍ଗା, ହଲିୟାଙ୍ଗା ଆଆତାରି, କାଜାରି ଅଡେ ଇଚାରି ବାରେଚି ଉଙ୍ଗା ତିଞ୍ଜେରି !”

୧୯ ତାୟା ନାନୁ ଜନ୍ତ ଅଡେ ଦାରତତି ରାଜାୟାଁଣି ଅଡେ ଏଝାରି ଜୁଜୁ କିନାରି, ଏଝାରି ଗଡ଼ାୟାଁ ଲାକ କୁଗାମାନାରି ଇଞ୍ଜା ଏଝାରି ଜୁଜୁ କିନାରି କପାଟି ଜୁଜୁ କିହାଲି କୁଡ଼ା ଆହାମାନାଣି ମେସ୍ତେଏ । ୨୦ ଏ ଜୁଜୁତା ଜନ୍ତ ଅଡେ ଏଦାନି ନକିତା କାବାଆନି କାମା କିହିମାନି ଏ ନାଡ଼ିକିନି କ୍ରୀସ୍ତଇଁ ଆସାନା ଦସ୍ତପିଆଡେ । ଆମିନି ଲକ୍ଷ୍ମିତାଣା ଏ ଜନ୍ତ ଯିନା ମାଚେ ଇଞ୍ଜା ଆମ୍ବାଆରି ଏଦାନି ବମାତି ପୁଜା କିହିମାଚେରି, ଜନ୍ତ ତାନି କାବାଆନି କାମା ତଲେ ଏଝାରାଇଁ ନାଡ଼ି କିହାମାଚେ । ଜନ୍ତ ଇଞ୍ଜା ନାଡ଼ିକିନି କ୍ରୀସ୍ତଇଁ ଡ଼ାଞ୍ଜିମାନି ହିତୁତା ଜୀସୁତଲେ ମେଡ଼ପିଆଡେ । ୨୧ ଅଡେ ଏଚେକା ଡ଼ୟିତି ଲକ୍ଷ୍ମି ଗଡ଼ା ଲାକ କୁଗାମାନାଣି ଗୁଚିଟି ହଡ଼ିମାନି କାଣ୍ଡାତଲେ ପାୟାଝିଆଡେରି; ଏଚେଟିଏ ବାରେ ପଚାୟାଁ ଏଝାରି ଉଙ୍ଗା ତିଞ୍ଜାନା ବାଣ୍ଡି ପାଞ୍ଜୁ ।

୨୦

ର ମାଣା ବାସୀତି ରାଜି କିନାୟି

୧ ଏଚେଟିଏ ନାନୁ ର ଦୁତୁଇଁ ଲାକପୁରୁଚି ରେଚା ଖାହିମାଚାଣି ମେସ୍ତେଏ, ଏଦାନି କେୟୁତା ତାଡ଼େପୁରୁ ଗାଡ଼଼ୟିଚି କୁଚିକାଡ଼ି ଅଡେ ର କାଜା ହିକଣି ମାତୁ । ୨ ଏଦି କାଜା ରାଚୁଚି, ଏ ପୁଞ୍ଜଇ ନାଗା, ଇଚିହୁ ଦିୟାବଲ ଅଡେ ସୟତାନତି ଆସାନା ର ମାଣା ବାସୀ ପାତେକା ଦସ୍ତପା ଇଚିଚେ । ୩ ଅଡେ ଏଦାନି ତାଡ଼େପୁରୁ ଗାଡ଼଼ୟିତା ମେଡ଼ହାନା ଗାଡ଼଼ୟିଚି ଦୁଝେରି ସୁଣ୍ଠାନା ଏଦାନି ଲାକ ହାକିତି ସାଲି ଝେତେ, ଇଞ୍ଜା ଏନିକି ଏଦି ର ମାଣା ବାସୀ ରାଥା ପାତେକା ଦେସାତି ଲକ୍ଷ୍ମି ନାଡ଼ି କିହାଲି ଆଡେଏ; ଅଡେ ତାୟା ଗାଡ଼େକା ତାକି ପିସ୍ତକି ଦିୟାଲି ଆନେ ।

୪ ଏଚେଟିଏ ନାନୁ ଏଚରଗଟା ସିଂଗାସାଣିୟାଁ ମେସ୍ତେଏ, ଏ ବାରେ ଲାକ ଏଚରଜାଣା କୁଗିଚେରି, ଏଝାରାକି ନାହାଁୟି କିହାଲି ଅଦିକାରା ହାପକିଆଡେ, ଅଡେ ଜାସୁଚି କାତା ଇଞ୍ଜା ମାହାପୁରୁଚି ବଲ୍ଲ ତାକି ଆମ୍ବାଆରି ତାକାଁ ଦାଦି ଆହାମାତୁ, ଇଞ୍ଜା ଆମ୍ବାଆରି ଏ ଜନ୍ତ ଅଡେ ତାନି ବମାତି ଜହରା କିହାଁ ହିଲାଆଡେରି

☆ ୧୯:୯ ୧୯:୯ ମାତି ୨୨:୩ ☆ ୧୯:୧୫ ୧୯:୧୫ ଝେ ବଲ୍ଲ ୧୪:୨୦

ଅଡ଼େ ତାନି ସିନାତି ମୁଞ୍ଚିତା କି କେୟୁତା ବେଟାଆହା ହିଲାଆତେରି, ଏଝାରି ଜୀଝୁୟାଁ ମେସ୍ତେସ୍; ଏଝାରି ଝେଣ୍ଡେ ନୀତାନା କ୍ରୀସ୍ତ ତଲେ ର ମାଣା ବାର୍ଯା ପାତେକା ସାଲୁଝି କିତେରି । ^୫ ଅଡ଼େ ଏଚେକା ହାଡ଼ି ଲକୁ ଏ ର ମାଣା ବାର୍ଯା ରାଆ ପାତେକା ନୀତାଆତେରି, ଇଦିଏ ତଲିତି ହାକିଟି ନିଜିନାୟି । ^୬ ଆମ୍ବାଆରି ମୁଲ୍ଲୁ ଝେଣ୍ଡେ ନିଜିନି ତାଣା ଆଣ୍ଡିନେରି ଏଝାରି ନେହେଁ, ଅଡ଼େ ଏଝାରି ସୁତୁଗାଗାରି; ଅଡ଼େ ଏଝାରି ମୁହେଁ ତାୟୁତି ହାକିତି ଏନି ଅଦିକାରା ହିଲେଏ, ସାମା ଏଝାରି ମାହାପୁରୁ ଅଡ଼େ କ୍ରୀସ୍ତି ପୁଜେରାଜା ଆହାନା ଏଝାଣିତଲେ ର ମାଣା ବାର୍ଯା ପାତେକା ସାଲୁଝି କିନେରି ।

ସୟତାନତି ହାରୁଝି ଆନାୟି

^୭ ଏ ର ମାଣା ବାର୍ଯା ରାଡ଼ିସାରେ ସୟତାନ ଦସ୍ପି ଆହାମାତି ଇଲୁଟି ପିସ୍ପି ଆନେ । ^୮ ଏଚେଟିଏ ସୟତାନ ଦାରୁତି ସାରିସୁଗୁ ମାନି ଦେସାତାରାଇଁ ଇଚିହଁ ସାମଦୁରିତି ବାଞ୍ଚି ସମାନା ହାଚେରକା ଗରୁ ଅଡ଼େ ମେଗରୁ ଏଝାରାଇଁ ନାଡ଼ିକିହାନା ଜୁକୁ ତାକି କୁଡ଼ିକିହାଲି ହଚାହାନେ । ଏଝାରି ଦାରୁତି ସାରିସୁଗୁ ହାଜାନା ମାହାପୁରୁ ଲକୁ ବାସାଆନି ତାଣା ଅଡ଼େ ମାହାପୁରୁ ଜୀଝୁ ନହାଁମାନି କାଜା ଗାଡ଼ାତା ମୁଚିତେରି, ଏଚିବେଲା ଲାକପୁରୁଟି ହିରୁ ରିହାନା ଏଝାରାଇଁ ନାସା କିତେ । ^{୧୦} ଆମିନି ସୟତାନ ଏଝାରାଇଁ ନାଡ଼ି କିହାମାଚେ, ଏଦାନି ହିରୁ ଅଡ଼େ ଗାନ୍ଦାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ୟୁତା ମେଡ଼ପିଆଡ଼େ, ଏମ୍ବାଆଁ ଏ ଜନ୍ତ ଇଞ୍ଜାଁ ମାହାପୁରୁ ବଲ୍ଲ ମିତି ଝେହ୍ନାସି ଜିକେଏ ମାନେସି; ଅଡ଼େ ଏଝାରି ଏମ୍ବାଆଁ ଲାଆଁ ମାନେନା କାଲାକାଲା ତାକି ଡ଼ଣ୍ଡ ବେଟାଆନେରି ।

ରାନ୍ଦି କାଲାତି ନୀହାୟି

^{୧୧} ଏଚେଟିଏ ନାନୁ ର କାଜା ଦବ୍ଲା ସିଂଗାସାଣି ଇଞ୍ଜାଁ ଏମ୍ବାଆଁ ରଅସି କୁଗାମାନାଣି ମେସ୍ତେସ୍; ଏଝାଣି ନକିଟି ଦାରୁତି ଅଡ଼େ ହାଗୁପାକା ହଚାଡ଼ୁସୁ ଏଝାସିକାକି ଅଡ଼େ ଚାୟୁ ମେଡ଼ା ଆଆତେ । ^{୧୨} ଅଡ଼େ ନାନୁ ଇଚାରି କାଜାରି ବାରେ ହାଡ଼ାରାଇଁ ସିଂଗାସାଣି ନକିତା ନିଗାମାନାଣି ମେସ୍ତେସ୍, ଅଡ଼େ ପତିୟାଁ ବାରେ ଦେପିଆଡ଼େ; ତାୟୁ ଜୀଝୁପତି ଇଞ୍ଜାଁ ଅଡ଼େ ର ପତି ଦେପିଆଡ଼େ; ଏ ପତିଣାଁ ରାସ୍ତକି ଆହାମାନି ଲେହେଁ ହାଡ଼ାରି ତାମି କିତି କାମା ଲେହେଁ ନୀହାୟି କିଝି ଆଡ଼େରି । ^{୧୩} ସାମଦୁରି ତାନିତାଣାଟି ହାଡ଼ାରାଇଁ ହେଚ୍ପିତେ, ଇଞ୍ଜାଁ ହାକି ଅଡ଼େ ତାଡ଼େପୁରୁ ତାନି ତାଣା ହାଡ଼ାରାଇଁ ହେଚ୍ପିତୁ; ଇଞ୍ଜାଁ ଏଝାରି ବାରେ ତାମି କିତି କାମା ଲେହେଁ ନୀହାୟି କିଝି ଆଡ଼େରି । ^{୧୪} ଏଚେଟିଏ ହାକି ଅଡ଼େ ତାଡ଼େପୁରୁଟି* ହିରୁତଲେ ଡ଼ାଞ୍ଜିମାନି ଗାଡ଼ୟୁତା ମେଡ଼ପିଆଡ଼େ, ଇ ତାୟୁତି ହାକି ଇଚିହଁ ହିରୁ ଗାଡ଼ୟୁ । ^{୧୫} ଆମ୍ବାଆରି ଦରୁ ଜୀଝୁତି ପତିତା ରାସ୍ତକି ଆହା ହିଲାଆତେ ଏଝାରାଇଁ ଡ଼ାଞ୍ଜିମାନି ହିରୁ ଗାଡ଼ୟୁତା ମେଡ଼ପିଆଡ଼େ ।

୨୧

ପୁଃନି ହାଗୁପାକା ଅଡ଼େ ପୁଃନି ଦାରୁତି

^୧ ଏମ୍ବାଟିଏ ନାନୁ ର ପୁଃନି ହାଗୁପାକା ଅଡ଼େ ପୁଃନି ଦାରୁତି ମେସ୍ତେସ୍, ଇଚିହଁ ତଲିତି ହାଗୁପାକା ଅଡ଼େ ତଲିତି ଦାରୁତି ମେଣ୍ଡାଜା ହାଜାମାଚେ, ଇଞ୍ଜାଁ ସାମଦୁରି ଅଡ଼େ ହିଲାଆତେ । ^୨ ଅଡ଼େ ନାନୁ ସୁତୁ ଗାଡ଼ା ଇଚିହଁ ପୁଃନି ଜିରୁସାଲମତା ତାନି ବୀହା ଆନି ଡ଼କ୍ରାଇଁ ବେଟାଆୟାଲି ତିୟାରା ଆହାମାନି ଡ଼ାଆ ମାଜାଲେହେଁ ଲାକପୁରୁଟି ମାହାପୁରୁ ତାଣାଟି ରେଟାଝାହି ମାଗାଣି ମେସ୍ତେସ୍ । ^୩ ଅଡ଼େ ନାନୁ ସିଂଗାସାଣିଟି ର କାଜା ହାଡ଼ା ଏଲେ ଇଞ୍ଜିମାଗାଣି ଝେଚେସ୍, “ମେହ୍ଦୁ ମାଣସିୟାଁ ତାଣା ମାହାପୁରୁଟି ବାସାତାୟୁ ମାନେ, ଏଝାସି ଏଝାରିତଲେ ବାସା ଆନେସି, ଇଞ୍ଜାଁ ଏଝାରି ଏଝାଣି ଲକୁ ଆନେରି, ^୪ ଅଡ଼େ ମାହାପୁରୁ ତାନ୍ତୁଏ ଏଝାରିତଲେ ଡ଼ୟିନେସି, ଇଞ୍ଜାଁ ଏଝାରି କାନୁତି ବାରେ କାଣ୍ଡୁ ଚୁଜଜାଡ଼ୁହନେସି; ଏମ୍ବାଆଁ ହାକି ଅଡ଼େ ଝାଏ; ଦୁକୁ, ଡ଼ାକି, ଇଞ୍ଜାଁ ବାସା ଅଡ଼େ ଡ଼ୟେଏ; ଇଚିହଁ ପୁଃଆୟି ବାରେ ମେଣ୍ଡାଜା ହାଜାମାନେ ।” ^୫ ଏଚେଟିଏ ସିଂଗାସାଣିତା କୁଗାମାନାସି ଏଲେଇଚେସି, “ମେହ୍ଦୁ ନାନୁ ବାରେ ପୁଃନି କିହିମାଇଁ !” ଅଡ଼େ ଏଝାସି ଏଲେଇଞ୍ଜାତେସି, “ରାଡ଼ାମ୍, ଏନାଆଁତାକି ଇଚିହଁ ଇ ବାରେ କାତା ସାତାତାୟି ଅଡ଼େ ନାମୁଗାଗାୟି ।” ^୬ ଏଝାସି ନାଜେ ଅଡ଼େ ଏଲେଇଞ୍ଜାତେସି, “ବାରେ ରାଡ଼େୟିଏ, ନାନୁ ଆଲୁପା ଅଡ଼େ ଅମେଗା, ମାଡ଼ନାତେସ୍ ଅଡ଼େ ରାମ୍ପନାତେସ୍, ଆମ୍ବାଆସି ଏସ୍ତକି ଗାଗାସି ଏଝାଣାକି ଜୀଝୁହାନି ଜାରଣାଟି ତାବୁୟାଁ ହାଆନା ଏୟୁ ଗସାଲି ହାଈ ।” ^୭ ଆମ୍ବାଆସି ଜାଣା ଆନେସି, ଏଝାସି ଇ ବାରେଟି ଅଦିକାରା ଆନେସି; ନାନୁ ଏଝାଣି ମାହାପୁରୁ ଆଈ, ଇଞ୍ଜାଁ ଏଝାସି ନା ମୀରଏସି ଆନେସି । ^୮ ସାମା ଆମ୍ବାଆରି ଆଜିନାରି,

* ୨୦:୧୪ ୨୦:୧୪ ହାଡ଼ାରି ମାନି ଦେସାତି ☆ ୨୧:୧ ୨୧:୧ ୨ପିତ ୩:୧୩ ☆ ୨୧:୨ ୨୧:୨ ଝେଦ୍ଦି ବଲ୍ଲ ୩:୧୨

ନାମ୍ନ ହିଲ୍ଲଆ ଗାଗାରି, ଅପାଆଗାଟି କାମାକିନାରି, ଲକୁଣି ପାୟିନାରି, ଦାରି କିନାରି, ଗୁଣି ଗାଡ଼ି କିନାରି, ପେଣକା ବନାୟା ପୂଜା କିନାରି, ଏଞ୍ଜାରି ଅଡ଼େ ବାରେ ମିଟି କାତା ଝେଙ୍କନାରି, ହିରୁ ଅଡ଼େ ଗାନ୍ଧାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ମୁତା ଚାନ୍ଦୁ ବେଗାଆନେରି, ଏଦି ତାୟୁତି ହାକି ।”

ପୁଃନି ଜିରୁସାଲମ

୯ ଏରେଟିଏ ସାଡ଼ାଗଟା ଦୁରୁୟା ତାୟୁତି ସାଡ଼ାଗଟା ଡ଼ଣ୍ଡାୟାଙ୍କ ଆସାମାନି ସାଡ଼ାଗଟା ଗିନାୟାଣା ସାଡ଼ାଗଟା ଦୁରୁୟା ବିଡ଼ାଟି ର ଦୁରୁ ନା ତାଣା ଝାହାନା ଏଲେଇଞ୍ଜାତେ, “ଇମ୍ପାଆଁ ଝାମ୍ପୁ ବାହା ଆହିମାନି ଡ଼ାଆମାଙ୍ଗା ଇଚିହଁ ମେଣ୍ଡା ତାଲୁତି ତକ୍ତିନି ନିଙ୍ଗ ତସ୍ତାୟା ।” ୧୦ ଏରେଟିଏ ଏ ଦୁରୁ ନାଙ୍ଗେ ସୁଦୁଜୀଝୁ ବାଡ଼ମୁଟି ର କାଜାୟି ଅଡ଼େ ପାତାଆଡ଼ି ହରୁତା ଅହାନା ଏ ସୁଦୁ ଗାଡ଼ା ଜିରୁସାଲମତି ତସ୍ତାତେ, ଏଦି ଲାକପୁରୁତି ଇଚିହଁ ମାହାପୁରୁ ତାଣାଟି ରେଟା ଝାହିମାରେ, ୧୧ ଅଡ଼େ ଏଦି ମାହାପୁରୁତି ଗାଝୁରମି ତଲେ ମ୍ପିସିମାରେ, ଏଦାନି ଉଜେଡ଼ି ହାରେକା ଦାରାଗାଟି ମଣି ଅଡ଼େ ଝେଡ଼ାଡ଼ି ଅପ୍ତନି ଦାପେଣିଲେହେଁ । ୧୨ ଏଦାନି ସାରିସୁରୁ ର କାଜାୟି ଅଡ଼େ ପାତାଆଡ଼ି କଟା ମାନେ, ଏମ୍ପାଆଁ ବାରଗଟା ଦୁଝେରିକା, ଏ ଦୁଝେରିକାଣା ବାରଜାଣା ଦୁରୁୟା ଇଞ୍ଜା ଦୁଝେରିକା ଲାକ ଇସ୍ତାୟେଲ ମୀରକାତି ବାର କୁଡ଼ାତି ଦରକା ରାସ୍ତକି ଆହାମାନେ । ୧୩ ଝେଡ଼ା ହପୁଝାକି ତାନିଗଟା ଦୁଝେରିକା, ଚିଃନିଝାକି ତାନିଗଟା ଦୁଝେରିକା, ଚେରୁଝାକି ତାନିଗଟା ଦୁଝେରିକା, ଅଡ଼େ ଝେଡ଼ା କୁଡ଼ନି ଝାକି ତାନିଗଟା ଦୁଝେରିକା । ୧୪ ଏ ଗାଡ଼ାତି କଟା ବାରଗଟା ପୁନାଦିକା ଇଚ୍ଚକି ଆହାମାନୁ, ଏ ଝାଲ୍ଲକା ଲାକ ମେଣ୍ଡା ତାଲୁ ତାଣାଟି ବାରଜାଣା ପାଣ୍ଡୁଝି ଆହାମାନାରି ବାରଗଟା ଦରକା ରାସ୍ତକି ଆହାମାନୁ ୧୫ ନା ତଲେ କାତା ଆହିମାଟି ଦୁଡ଼ୁତି କେୟୁତା ଗାଡ଼ାତି, ଇଞ୍ଜା ଏମ୍ପାତି ଦୁଝେରିକା ଅଡ଼େ ସାରିସୁରୁତି କଟା ଲାଟାଲି ର ବାଂଗାରା ବାଡ଼ଗା ମାତେ । ୧୬ ଏ ଗାଡ଼ା ସାରି କନ, ତାନି ଲାମ୍ପା ଅଡ଼େ ଅସାରା ରଣ୍ଡିଏ ସମାନା; ଏଞ୍ଜାସି ଏ ଗାଡ଼ାତି ଏ ବାଡ଼ଗା ତଲେ ଲାଟାଲିଏ ବାର ମାଣା ବାଡ଼ଗା ଆଡ଼େ; ଏମ୍ପାତି ଲାମ୍ପା ଅସାରା ଅଡ଼େ ପାଡ଼ଣି ଜିକେଏ ସମାନା ଆଡ଼େ । ୧୭ ଅଡ଼େ ତାୟୁ ଏଦି ଗାଡ଼ାତି ସାରିସୁରୁ କଟା ଲାଟାଲିଏ ଏଦି ମାଣସିତି ଲେକାତଲେ ସାଡ଼ାକଡ଼ି ସାରି ହାଡ଼ା ଆଡ଼େ, ଦୁରୁ ଏ ଲେକାତଲେ ଲାଟି ମାତେ । ୧୮ ଏ ସାରିସୁରୁତି କଟା ଝେଡ଼ାଡ଼ି ଅପ୍ତନି ଦାପେଣି ଲେହେଁତି ମଣି ତଲେ କେପି ଆହାମାନେ, ଅଡ଼େ ଗାଡ଼ା ଅପ୍ତନି ଦାପେଣି ଲେହେଁତି ସୁଦୁ ବାଂଗାରା ତଲେ କେପି ଆହାମାନେ । ୧୯ ଗାଡ଼ାତି ସାରିସୁରୁ କଟାତି ପୁନାଦି ଏଚ୍ଚକା ଏଚ୍ଚକାତି ହାରେ ଦାରାଗାଟି ମଣି ଝାଲ୍ଲକାତଲେ ଅଜ୍ଜିକିଝି ଆହାମାନେ, ତଲିତି ପୁନାଦି ଜାସପର, ରୀ ଲମ୍ପର ପୁନାଦି ନିଲକାଞ୍ଜମଣି, ତାନି ଲମ୍ପର ପୁନାଦି ବଦୁଜ୍ୟମଣି, ସାରି ଲମ୍ପର ପୁନାଦି ମରକତମଣି, ୨୦ ପାସା ଲମ୍ପର ପୁନାଦି ପଲକମଣି, ସ ଲମ୍ପର ପୁନାଦି ମାଣିକ୍ୟ ମଣି, ସାଡ଼ା ଲମ୍ପର ପୁନାଦି ପୁସପରାଗମଣି, ଆଟା ଲମ୍ପର ପୁନାଦି ପିରଜମଣି, ନ ଲମ୍ପର ପୁନାଦି ଗମେସଦକ ମଣି, ଦସ ଲମ୍ପର ପୁନାଦି ଇସୁନିୟମଣି, ଏଗାର ଲମ୍ପର ପୁନାଦି ଦାରୁଣକି ଝାଣାଗାଟି ମଣି, ବାର ଲମ୍ପର ପୁନାଦି ନେହଁ ଗାନ୍ଧାଗାଟି ମଣି ମାତେ । ୨୧ ବାର ଗଟା ଦୁଝେରିକାଣା ବାରଗଟା ମୁନ୍ତାୟା, ର ଦୁଝେରିତି ର ମୁନ୍ତା ତଲେ କେପି ଆହାମାନୁ; ଅଡ଼େ ଗାଡ଼ାତି ଆଂଗେଣିକା ନେହଁ ଦାପେଣି ଲେହେଁତି ସୁଦୁ ବାଂଗାରା ତଲେ ଆହାମାନୁ ।

୨୨ ନାମ୍ନ ଏ ଗାଡ଼ାତା ଏଦି ଦେଝୁଡ଼ି ଜିକେଏ ମେହଆତେଏଁ, ଇଚିହଁ ପ୍ରବୁ ବାରେ ବାଡ଼ମୁ ଗାଟି ମାହାପୁରୁ ଅଡ଼େ ମେଣ୍ଡା ତାଲୁଏ ଏମ୍ପାତି ଦେଝୁଡ଼ି ସମାନା । ୨୩ ଉଜେଡ଼ି ତାକି ଏମ୍ପାଆଁ ଝେଡ଼ା କି ଲେଞ୍ଜୁତି ଲଡ଼ା ଆଏ, ଇଚିହଁ ମାହାପୁରୁତି ଗାଝୁରମିଏ ଏମ୍ପାଆଁ ଉଜେଡ଼ି କିନେ, ଅଡ଼େ ମେଣ୍ଡା ତାଲୁ ଏମ୍ପାତି ଦୀଝି ସମାନା । ୨୪ ଏମ୍ପାତି ଉଜେଡ଼ି ତଲେ ବାରେ ଦାରୁତିତି ଲକୁ ଡ଼ାକିନେରି, ଅଡ଼େ ଦାରୁତିତି ରାଜାୟା ତାନି ହାରେକା ଦନ ଏ ଗାଡ଼ା ବିଡ଼ା ତାନେରି । ୨୫ ଏମ୍ପାତି ଦୁଝେରିକା ମାଦେନା ବେଲା ଦେପି ଆହାଁ ଡ଼ୟିନୁ; ଏଝି ଏରେଲ୍ଲା ଜିକେଏ ସୁଣ୍ଡକି ଆର, ଇଚିହଁ ଏ ଚାୟୁତା ଲାଆଁୟା ଇନାୟି ହିଲେଏ । ୨୬ ବାରେ କୁଡ଼ାତି ଲକୁ ତାନି ଗାଝୁରମି ଅଡ଼େ ହାରେକା ଦନ ଏ ଗାଡ଼ାତା ତାନେରି । ୨୭ ଏଦି ପଲ୍ଲୁଆ ଗାଗାରି କି ଅପାଆଗାଟି କାମାକିନାରି, ମିଟି ଜଲ୍ଲିନାରି ଆମ୍ପାଆରି ଏମ୍ପାଆଁ ହଡ଼ାଲି ଆଡ଼ଅରି; ସାମା ଆମ୍ପାଆରି ଦରୁ ମେଣ୍ଡା ତାଲୁତି ଜାଝୁଡ଼ି ପତିତା ରାସ୍ତକି ଆହାମାନେ, ଏଞ୍ଜାରି ହଡ଼ାଲି ଆଡ଼ିନେରି ।

୨୨

୯ ତାୟୁ ଦୁରୁ ନାଙ୍ଗେ ଜୀଝୁହାନି ଏୟୁତି ର କାତା ତସ୍ତାତେସି, ଏଦି ଅପ୍ତନି ଦାପେଣିଲେହେଁ ଉଜେଡ଼ି, ଅଡ଼େ ମାହାପୁରୁ ଇଞ୍ଜା ମେଣ୍ଡା ତାଲୁତି ସିଂଗାସାଣିଟି ହଚାନା ଗାଡ଼ାତି ଜିରୁ ମାଦିଟି ହାକିମାନେ । ୨ ଏ କାତାତି

ରିକ୍‌ଝାକି ବାର ଦେବା ପାଡ଼େୟି ଆୟିନି ଜୀଝୁତି ମାରୁନୁ ମାନେ, ଏମ୍‌ଆଁ ଲେଝୁ ତାକି ଲେଝୁ ପାଡ଼େୟି ଆୟିନେ, ଇଞ୍ଜା ଏ ମାରୁନୁତି ଆକା ବାରେ କୁଡ଼ାତାରାଇଁ ରଗଟି ନେହଁ କିନାଇ ।

୩ ଏମ୍‌ଆଁ ଏନି ବାକା ତ୍‌ୟେଏ, ମାହାପୁରୁ ଅଡ଼େ ମେଣ୍ଡା ତାଲୁତି ସିଂଗାସାଣି ଗାଡ଼ା ମାଦିଏ ତ୍‌ୟିନେ, ଇଞ୍ଜା ଏଝାଣି ହଲ୍ଲିୟାଙ୍ଗା ଏଝାଣି ସେବା କିନେରି । ୪ ଏଝାରି ତାନି ମୁମ୍ ଫେହ୍‌ନେରି, ଇଞ୍ଜା ତାନି ଦରୁ ଏଝାରି ମୁଞ୍ଜୁତା ରାଟିନେସି । ୫ ଏମ୍‌ଆଁ ଲାୟିୟା ଆଏ, ଏଝାରାକି ଦାଝି କି ଝେଡ଼ାତି ଉଜେଡ଼ି ଲଡ଼ା ଆଏ, ଇତିହଁ ପ୍ରୁ ମାହାପୁରୁ ଏଝାରି ମୁହେଁ ଉଜେଡ଼ି ଲେହେଁ ଆନେସି, ଇଞ୍ଜା ଏଝାରି କାଲ୍‌କାକାଲ୍‌ ତାକି ରାଡ଼ି କିନେରି ।

ଜୀସୁ ଝେଣ୍ଡା ଝାନାୟି

୬ ଏତେଟିଏ ଦୂତୁ ନାଜେ ଏଲେଇଚେସି, “ଇ ବଲ୍ଲୁ ସାତା ଇଞ୍ଜା ନାମୁଗାଟାୟି; ଏନାୟି ଗାଡ଼େକେଏ ଗଟାଝି ଆନେ, ଏ ବାରେ ତାନି ସେବା କିନାରାଇଁ ତସାଲି ତାକି, ପ୍ରୁ, ମାହାପୁରୁ ଅଣ୍‌ପୁତି ବଲ୍ଲୁ ଝେହନାରି ଜୀଝୁୟାଁତି ମାହାପୁରୁ, ତାନି ଦୂତୁଇଁ ପାଣ୍ଡାମାଞ୍ଜାନେସି ।”

୭ “ମେହ୍‌ମୁ ନାନୁ ତବେ ଝାହିମାଇଁ; ଆମ୍‌ଆସି ଇ ପତିତି ବଲ୍ଲୁତି ମାନୁଝି ଆନେସି ଏଝାସି ନେହେଁ ।”

୮ ନାନୁ ଜହନତେଏ, ଇ ବାରେ ଝେଟି ଅଡ଼େ ମେସି ତାୟୁ ଆମିନି ଦୂତୁ ନାଜେ ଏ ବାରେ ତସାତେ, ନାନୁ ଏଦାନି ଜହରା କିହାଲି ତାନି ପାଠଆନା କତାଣା ରାତେଏ । ୯ ସାମା ଏଦି ନାଜେ ଏଲେଇଞ୍ଜାତେ, “ଜାଗ୍ରାତା ଏଲେକିଆନି, ନାନୁ ଜିକେଏ ନୀ ତଲେ ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନି ନୀ ତାୟିୟା ତଲେ, ଅଡ଼େ ଇ ପତିତା ରାସ୍‌କି ଆହାମାନି ବଲ୍ଲୁତି ବାରେ ମାନୁଝି ଆନାରି ତଲେ ର ହଲେଏଣା ଲେହେଁ; ମାହାପୁରୁଇଁ ଜହରା କିମୁ ।” ୧୦ ଅଡ଼େ ଏଦି ନାଜେ ଏଲେଇଞ୍ଜାତେ, “ନାନୁ ଇ ପତିତି ତାୟୁ ଗଟାଝି ଆନି ବଲ୍ଲୁତି ସାଲି କିଆନି, ଏନାଆଁତାକି ଇତିହଁ କାଲ୍‌ମି ଏଦାତେୟିଏ । ୧୧ ଆମ୍‌ଆସି ଦାମ୍‌ ହିଲ୍‌ଆଗାଟାସି, ଏଝାସି ଅଡ଼େ ଦାମ୍‌ ହିଲ୍‌ଆ କାମା କିପାସି, ଆମ୍‌ଆସି ଲାଗେଏ କାମା କିନେସି, ଏଝାସି ଅଡ଼େ ଲାଗେଏ କାମା କିପାସି, ଆମ୍‌ଆସି ଦାମ୍‌ଗାଟାସି, ଏଝାସି ଅଡ଼େ ଦାମ୍‌ଗାଟାସି ଆପେସି, ଆମ୍‌ଆସି ସୁଦୁଗାଟାସି, ଏଝାସି ଅଡ଼େ ସୁଦୁ ଆପେସି ।”

୧୨ “ମେହ୍‌ମୁ, ନାନୁ ତବେ ଝାହିମାଇଁ, ବାରେଜାଣା ତାକି ତାନି କାମାତି ଲେକାତଲେ ପାଡ଼େୟି ହୀହାଲି ନା ଦାନା ନା ତାଣା ମାନେ । ୧୩ ନାନୁ ଆଲ୍‌ପା ଅଡ଼େ ଅମେଗାତେଏ, ନକିତାତେଏ ଇଞ୍ଜା ତାୟୁତାତେଏ, ମୁଲୁତାତେଏ ଅଡ଼େ ରାପ୍‌ନାତେଏ ।”

୧୪ ଜୀଝୁତି ମାରୁନୁତି ଅଦିକାରା ଆୟାଲି ଅଡ଼େ ଦୁଝେରିଟି ଗାଡ଼ାତା ହଡ଼ାଲି ତାକି ଆମ୍‌ଆରି ତାନି ହିମ୍‌ରିକା ରାଟାମାନେରି ଏଝାରି ନେହେଁ । ୧୫ ସାମା ରେଜିମାନି ନେସକା ଲେହେଁତାରି, ଗୁଣି ଗାଡ଼ି କିନାରି, ଦାରିକାମା କିନାରି, ଲକୁଣି ପାୟିନାରି, ପେଣ୍‌କା ବମାୟିଣି ପୂଜା କିନାରି, ମିଟିକାତାତି ଜୀଝୁ ନନାରି, ମିତି କାମାତି କିହାଲି ରାହାଁ ଆନାରି ବାରେ ପାଙ୍ଗାତା ତ୍‌ୟିନେରି ।

୧୬ “ନାନୁ ଜୀସୁତେଏ, ମାହାପୁରୁ କୁଲମିକା ତାକି ମିଜେ ଇ କାତା ଝେସାଲି ନା ଦୂତୁଇଁ ପାଣ୍ଡାମାଞ୍ଜାଇଁ, ନାନୁଏ ଦାଝୁଦତି ମୁଲୁ ଅଡ଼େ କୁଡ଼ାତାତେଏ; ଏ ଉଜେଡ଼ିତି ଝେୟାଜାରା ହୁକାତେଏ ।”

୧୭ ସୁଦୁଜୀଝୁ ଅଡ଼େ ବାହା ଆନି ତାଆ ମାଙ୍ଗା ଏଲେଇନେ, “ଝାମୁ !”

ଆମ୍‌ଆସି ଝେନେସି ଏଝାସି ଏଲେଇଣ୍‌ସାସି, “ଝାମୁ !”

ଏସ୍‌କି ଗାଟାସି, ଝାପାସି, ଆମ୍‌ଆସି ମନ କିନେସି; ଏଝାସି ଜୀଝୁହାନି ଏୟୁ ଉଜେଏ ଗସ୍‌ପେସି ।

ରାନି କାତା

୧୮ ଆମ୍‌ଆସି ଇ ପତିତା ମାନି ତାୟୁ ଗଟାଝି ଆନି କାତାତି ଝେନେରି, ନାନୁ ଏଝାରାଇଁ ଜାଗ୍ରାତା କିହଁ ଝେସିମାଇଁ, ଆମ୍‌ଆସି ଇ ପତିତା ଏନାଆଁ ଆଟ୍‌ନେସି, ଆତିହଁ ମାହାପୁରୁ ଇ ପତିତା ରାସ୍‌କି ଆହାମାନି ତ୍‌ୟଣ୍‌ୟା ଏଝାଣାକି ହାନେସି; ୧୯ ଅଡ଼େ ଆମ୍‌ଆସି ଇ ପତିତି ବଲ୍ଲୁତି ମ୍‌କେନେସି, ଆତିହଁ ମାହାପୁରୁ ଇ ପତିତା ରାସ୍‌କି ଆହାମାନି ଜୀଝୁତି ମାରୁନୁ, ଅଡ଼େ ସୁଦୁ ଗାଡ଼ାତି ତାନି ବାଗା ମ୍‌କେନେସି ।

୨୦ ଆମ୍‌ଆସି ଇ ବାରେତାକି ସାକି ହୀହିମାନେସି, ଏଝାସି ଏଲେଇଞ୍ଜା ମାନେସି, ସାତା, “ନାନୁ ତବେ ଝାହିମାଇଁ ।” ଆମ୍‌ମେନ । ପ୍ରୁ ଜୀସୁ ଝାମୁ !

୨୧ ପ୍ରୁ ଜୀସୁତି କାର୍‌ମେହ୍‌ନାୟି ବାରେତାୟି ମାଜେ ଆୟାପେ । ଆମ୍‌ମେନ ।